

বিচিত্রা

সচিত্র মাসিক পত্র

দ্বিতীয় বর্ষ, দ্বিতীয় খণ্ড
শেষ
অগ্রহায়ণ ১৩৩৫—আষাঢ় ১৩৩৬

সম্পাদক

শ্রী উপেন্দ্রনাথ গঙ্গোপাধ্যায়

কলিকাতা,
৪৮, পটলডাঙ্গা ষ্ট্রীট্

বার্ষিক মূল্য—৬।০ টাকা

২৪৫

বিষয়-সূচী

তসৌ মামী (গল্প)—শ্রীমাণিক বন্দ্যোপাধ্যায় ...	২৫	গান—শ্রীবিজয় চন্দ্র মজুমদার ...	৭৭৯
স্মরণাথের পথে (ভ্রমণ)—শ্রীঅধিনীকুমার দাশ ...	৭৫০	গীতাঞ্জলি (প্রবন্ধ)—শ্রীনবেন্দু বসু ...	১২২
স্মরণা (গল্প)—শ্রীঅচিন্ত্যকুমার সেন গুপ্ত ...	৫৫৯	গুজরাট ও বাঙ্গলা সাহিত্য (প্রবন্ধ)— শ্রীননীগোপাল চৌধুরী ...	১০৫
স্মরণাগ (উপন্যাস)—শ্রীউপেন্দ্রনাথ গঙ্গোপাধ্যায় ৩১০, ৪৭৯, ৫০৬, ৮০৯,		গৃহলক্ষ্মী (গল্প)—শ্রীবাসুদেব বন্দ্যোপাধ্যায় ...	৭১৪
স্মরণাকঙ্কা—শ্রীরবীন্দ্রনাথ ঠাকুর ...	৮১৬	গোধূলি (কবিতা)—শ্রীমাধনমতী দেবী ...	১০৪
স্মরণাধুনিক আফগান—জরীন কলম ও শিরীন কলম ...	৭০৯	চস্মা (নাটিকা)—শ্রীসতীশচন্দ্র ঘটক ...	৫১৮
স্মরণাধুনিক ফরাসী সাহিত্যের ধারা—শ্রীসুশীল চন্দ্র মিত্র ২৮১, ৪৬১, ৯৫৯		চীনে হিন্দু সাহিত্য (প্রবন্ধ)—শ্রীপ্রভাতকুমার মুখোপাধ্যায় ও শ্রীসুধাময়ী দেবী ...	২৫০, ৩৩৮
স্মরণালোচনা (কবিতা)—শ্রীমৈত্রেয়ী দেবী ...	৫২	ছবির কথা (গল্প)—এস্ ওয়াজেদ আলি ...	৪৪২
স্মরণালোচনা—শ্রীমায়া দেবী ...	১৩৬	জলধর সেন—শ্রীঅবনীনাথ রায় ...	৯০৮
স্মরণালোচনা—শ্রীসরযুবালা ঘোষ ...	৯১৮	জীবন ও আর্ট (প্রবন্ধ)—শ্রীঅনিলবরণ রায় ...	৬৭৯
স্মরণালোচনা—শ্রীসুরেশচন্দ্র বন্দ্যোপাধ্যায় ...	৯২১	ঝরাপাতার গান (কবিতা)—শ্রীহেমচন্দ্র বাগচী ...	৭৩২
স্মরণাশ্রীমামী প্রেম কাব্য (প্রবন্ধ)—শ্রীবিমল সেন ...	৬০	তথৈব (গল্প)—শ্রীবুদ্ধদেব বসু ...	৩৬১
স্মরণাছিয়ে ছুঁয়েচি আজি (কবিতা)—শ্রীপ্রমথনাথ বিশী ...	৩৬০	তফাৎ (গল্প)—শ্রীপ্রণব রায় ...	৪৩৩
স্মরণাশুকুশ বহর (গল্প)—শ্রীচারুচন্দ্র চক্রবর্তী ...	৩৪৩	তরুণ কিশোর (কবিতা)—শ্রীজসীম উদ্দীন ...	৮৫
স্মরণাশ্রীলাট-পালোট (নাটিকা)—শ্রীঅসমঞ্জ মুখোপাধ্যায় — শ্রীরবীন্দ্রনাথ ঠাকুর ...	২০৩ ৬৫৫	তাজমহল (গল্প)—শ্রীপৃথীশচন্দ্র ভট্টাচার্য্য ...	৭৮০
স্মরণাশ্রীপুরাতনী (প্রবন্ধ)—শ্রীভূতনাথ ভট্টাচার্য্য ...	৩৯	তুর্ক সাধারণ তন্ত্রে নারীর মুক্তি (প্রবন্ধ)— শ্রীমনোমোহন ঘোষ ...	৭৭২
স্মরণাশ্রীপ্রিয়া (কবিতা)—শ্রীপ্রভাতকিরণ বসু ...	৩৮	তোমারেই ভালবাসি (কবিতা)— শ্রীসরল কুমার অধিকারী ...	৫৭৪
স্মরণাশ্রীসবর দেবেন্দ্রনাথ সেন—শ্রীকৃষ্ণবিহারী গুপ্ত ...	৮৩১	ত্রয়ী (গল্প)—শ্রীহুমায়ূন কবির ...	৯৩
স্মরণাশ্রীসার (কবিতা)—শ্রীকান্তিচন্দ্র ঘোষ ...	৬৯৭	দর্শনের দৃষ্টি (প্রবন্ধ)—শ্রীসুরেন্দ্রনাথ দাশগুপ্ত ...	৬১৫
স্মরণাশ্রীসাগ (প্রবন্ধ)—শ্রীরবীন্দ্রনাথ ঠাকুর ...	১৫১	দূরের কথা (কবিতা)—শ্রীনলিনীমোহন চট্টোপাধ্যায় ...	২৮৪
স্মরণাশ্রীসাকাতা কংগ্রেস ও প্রদর্শনী—শ্রীঅনাথনাথ ঘোষ ...	১৪৮	দেহাতীত (কবিতা)—শ্রীরামেন্দু দত্ত ...	৩১৪
স্মরণাশ্রীসাস—সম্পাদক ...	১৪৬	নয়নামতীর চর (কবিতা)—বন্দে আলী মিয়া ...	১৩৫
স্মরণাশ্রীসর লোক (কবিতা)—শ্রীনিকুঞ্জমোহন সামন্ত ...	৪০	নানাকথা— ১৫০, ৩১৬, ৪৮৬, ৬৫৩, ৮১৩	
স্মরণাশ্রীসর (কবিতা)—শ্রীঅরীন্দ্রজিৎ মুখোপাধ্যায় ...	২৩২	নামের পরিচয় (কবিতা)—শ্রীঅমিয়চন্দ্র চক্রবর্তী ...	৫১০
স্মরণাশ্রীসর ও জাপানে হিন্দু সাহিত্য— শ্রীপ্রভাতকুমার মুখোপাধ্যায় ও শ্রীসুধাময়ী দেবী ...	৯০৭	নারী (প্রবন্ধ)—শ্রীজ্যোতির্নয় দাশগুপ্ত ...	৪০১
স্মরণাশ্রীসরনের প্রেসা—শ্রীমনীন্দ্রলাল বসু ...	৮৫৬	নারী-জাগরণ—শ্রীসুনীতি বসু চৌধুরাণী ...	৯২৬
স্মরণাশ্রীসরী গৈঁয়োবালা (কবিতা)—শ্রীনীলিমা রায় ...	৯০৭	নারীর মূল্য (প্রবন্ধ)—শ্রীইলাদেবী ...	২২১

বাণ্যাসিক সৃষ্টি

নারীর মূলা (প্রবন্ধ)—শ্রীভবানী ভট্টাচার্য্য	...	৭০৩	বিবিধ সংগ্রহ—	
পঁচিশে বৈশাখ (কবিতা)—শ্রীনিশিকান্ত রায় চৌধুরী	...	৯৩৮	অস্ত্রচিকিৎসা সম্বন্ধীয় প্রাচীনতম লিপি	
পঞ্চদীপ (গল্প)—শ্রীশচীন্দ্রনাথ চট্টোপাধ্যায়	...	৪১২	শ্রীহিমাংশুকুমার বসু	...
পথেপ্রবাসে (প্রবন্ধ)—শ্রীঅন্নদাশঙ্কর রায়	১০, ৩২৬, ৫০৩		আউড্‌শূর্ণ—শ্রীরামেন্দু দত্ত	...
পথের পাঁচালী (উপন্যাস)—শ্রীবিভূতিভূষণ বন্দ্যোপাধ্যায়	১০৮, ২৪০, ৪২৫, ৫৭৪, ৬৯৮, ৮২৫		কার্ডিনেল্‌ গ্রাণভেলার উদ্ভান—শ্রীরামেন্দু দত্ত	...
পর্দা-প্রণা (প্রবন্ধ)—শ্রীমতী অনুরূপা দেবী	...	১৫৮	চলচ্চিত্র ক্রাইষ্ট্—শ্রীঅনাথনাথ ঘোষ	...
পরিচয় (গল্প)—শ্রীসুবোধ বসু	...	৯২৭	তিব্বতীয় লামাদের আনুষ্ঠানিক নাচ—	
পাতিয়ালা রাজধানী (প্রবন্ধ)—শ্রীহরিহর শেঠ	...	৪০৫	শ্রীহিমাংশুকুমার বসু	...
পুস্তক সমালোচনা	১৪৭, ৪৮৫, ৬৫০, ৮২৫, ৯৬৭		টলষ্টয় ও তাঁহার স্ত্রী আঁদ্রিত্‌না—	
প্রতীক্ষা (গল্প)—শ্রীসমীরেন্দ্র মুখোপাধ্যায়	...	৮৮৮	শ্রীঅচিন্ত্যকুমার সেনগুপ্ত	...
প্রথম পর্ব (নক্সা)—শ্রীজ্ঞানেন্দ্রনাথ রায়	...	৯১১	দক্ষিণ বারাণসী—শ্রীধীরেন্দ্রনাথ চৌধুরী	...
প্রসঙ্গ-কথা—	...	১৪৪	প্রাচীন ভারতের সমাধি স্তূপ—শ্রীহিমাংশুকুমার বসু	...
প্রেমের খেলা (নাটিকা)—শ্রীমণীন্দ্রলাল বসু	৩৭৫, ৫৮৫		৩০৪	
ফরাসী-ইংরেজ (প্রবন্ধ)—শ্রীভবানী ভট্টাচার্য্য	...	৫১১	প্রশান্ত সাগরের কয়েকটি মরুদ্বীপ—	
বঙ্গভাষার উপর মুসলমানের প্রভাব (প্রবন্ধ)—			শ্রীবিভূতিভূষণ বন্দ্যোপাধ্যায়	...
শ্রীদীনেশচন্দ্র সেন	...	১৮৩	কুজিহাসা-শিখরে—শ্রীধীরেন্দ্রনাথ চৌধুরী	...
বর্ণিকা-ভঙ্গম (প্রবন্ধ)—শ্রীঅবনীন্দ্রনাথ ঠাকুর	...	২০	ব্রহ্মদেশে প্রাকৃতিক সৌন্দর্য্য—শ্রীহিমাংশুকুমার বসু	...
বন-ভোজন (গল্প)—শ্রীঅক্ষয়কুমার সরকার	২৮৫, ৪৫৫, ৬৭৫, ৭৩৯, ৮৬৮		লরেন্স্‌ স্ম্যাট্‌কিন্সন—শ্রীবিষ্ণু দে	...
বল্‌ সখি (কবিতা)—শ্রীশৈলেন্দ্রনাথ রায়	...	৬৮৫	সাকারা মেম্‌ফিস্‌ নগরীর সমাধি—শ্রীসত্যেন্দ্রনাথ সেন	...
বসন্তবিদায় (কবিতা)—শ্রীমোহিতলাল মজুমদার	...	৪৯৬	১৪	
বসন্ত শেষে (কবিতা)—শ্রীসুধীরচন্দ্র কর	...	৭৩৮	সেন্টজর্জ্‌ গির্জায় কাঠের কাজ—শ্রীরামেন্দু দত্ত	...
বসন্তে বিদ্যাপতি (প্রবন্ধ)—শ্রীআশুতোষ ভট্টাচার্য্য	...	৬০৯	বিবাহ বিচ্ছেদ (প্রবন্ধ)—শ্রীমতী অনুরূপা দেবী	...
বসন্তের জন্মলীলা (কবিতা)—শ্রীমৈত্রেয়ী দেবী	...	৫৮৩	বিলম্বিতা (কবিতা)—শ্রীঅন্নদাশঙ্কর রায়	...
বরষা (কবিতা)—শ্রীমৈত্রেয়ী দেবী	...	৯২৫	বিলাস পরিচয় (কবিতা)—শ্রীরমেশচন্দ্র দাস	...
বালির কথা—শ্রীসুরেন্দ্রনাথ কর	...	৩৫৩	বিসর্জন (গল্প)—শ্রীসুরেন্দ্রনাথ দাশগুপ্ত	...
বাংলা গল্পের ভাষা (প্রবন্ধ)—শ্রীসতীশচন্দ্র ঘটক	...	১৭৫	বীজধর্ম (প্রবন্ধ)—শ্রীরবীন্দ্রনাথ ঠাকুর	...
বাংলার পল্লীগানে বৌদ্ধসাধনা ও ইসলাম—আবদুল কাদের	...	৫৪১	বুড়াপেট—শ্রীমণীন্দ্রলাল বসু	...
বাংলা সাহিত্যের পথঘাট (প্রবন্ধ)—শ্রীসতীশচন্দ্র ঘটক	...	৪৭৪	বোঝাপড়া (গল্প)—শ্রীঅরবিন্দ দত্ত	...
বাসন্তী (কবিতা)—শ্রীরমেশচন্দ্র দাস	...	২৩৯	ভ্রমণ-স্মৃতি (প্রবন্ধ)—শ্রীদেবেশচন্দ্র দাস	...
বিজ্ঞানসম্বার (প্রবন্ধ)—শ্রীরবীন্দ্রনাথ ঠাকুর	...	৩১৯	ভ্রাম্যমাণের উড়ো-চিঠি—শ্রীদিলীপকুমার রায়	...
বিনায়ক (গল্প)—শ্রীসমীরেন্দ্র মুখোপাধ্যায়	...	৫৩	মরণ (কবিতা)—শ্রীগীতাদেবী	...
			মরণে (কবিতা)—সোহানী-মোহাম্মদ রেয়াজ উদ্দিন	...
			চৌধুরী	...

মহর্ষি দেবেন্দ্রনাথ (প্রবন্ধ)—শ্রীসুরেশচন্দ্র সেনগুপ্ত	৩৫১	সঙ্কলন	২২৩, ৪৪৫, ৪৪৭, ৪৪৯, ৮০০, ৮৩০
মহর্ষি দেবেন্দ্রনাথ ঠাকুর (প্রবন্ধ)—		সন্দ্বীতে হারমোনিয়মের স্থান—শ্রীমণিলাল সেন	... ৮২১
শ্রীনরেন্দ্রনাথ ভট্টাচার্য্য	.. ৩৪৯	সতীর্থ (কবিতা)—শ্রীঅমিয়চন্দ্র চক্রবর্তী	... ৪১১
মাসৌর দেওর বি (গল্প)—শ্রীউমা দেবী	.. ৬৮৬	সনেট পঞ্চাশৎ—শ্রীধীরেন্দ্রনারায়ণ চক্রবর্তী	... ৭৩৪
মিলনের সৃষ্টি (প্রবন্ধ)—শ্রীরবীন্দ্রনাথ ঠাকুর	.. ৪৮৭	সর্বহারা (কবিতা)—শ্রীকল্পনা দেবী	... ৬৭৭
লিন্দপেছে নাগসেন—শ্রীভূপেন্দ্রচন্দ্র চক্রবর্তী	.. ৬৭৪	স্বপ্নলীলা (কবিতা)—শ্রীপার্বীমোহন সেনগুপ্ত	... ২২০
মুখেমুখে (নাটিকা)—শ্রীসতীশচন্দ্র ঘটক	.. ৮৩২	স্বরলিপি—শ্রীনির্মলচন্দ্র বড়াল	... ২৭৮
মোনভঙ্গ (কবিতা)—শ্রীনবেন্দু বসু	.. ৭২১	—শ্রীভূপেন্দ্রনাথ গঙ্গোপাধ্যায়	... ৬০৭
যাযাবর (কবিতা)—শ্রীজ্ঞানাজ্ঞান চট্টোপাধ্যায়	.. ৮৩৮	স্ত্রী-শিক্ষা—শ্রীরবীন্দ্রনাথ ঠাকুর	... ৮১৫
যোগাযোগ (উপন্যাস)—শ্রীরবীন্দ্রনাথ ঠাকুর	.. ৩, ১৫৪, ৪২০	স্মরণে (কবিতা)—শ্রীশ্যামরতন চট্টোপাধ্যায়	... ৬৭৭
য়ুরোপ—শ্রীঅষ্টাবক্র	... ৬৬৯	সাকারা মেমফিস্ নগরীর সমাধি (বিবিধ সংগ্রহ)—	
রজনী-গন্ধা (কবিতা)—শ্রীশরাদিন্দু বন্দ্যোপাধ্যায়	... ২২৯	শ্রীসত্যেন্দ্রনাথ সেনগুপ্ত	... ১৪১
রসের নিতাতা (প্রবন্ধ)—শ্রীপ্রমোদরঞ্জন দাশগুপ্ত	... ৬২২	সালতামামৌ (প্রবন্ধ)—শ্রীসুরেশ চন্দ্র রায়	... ৪৩৫
রিক্ত ও মুক্ত (কবিতা)—শ্রীমৈত্রেয়ী দেবী	... ৪২১	সার্বজনীন নারীশিক্ষা (প্রবন্ধ)—শ্রীমতী অনুরূপা দেবী	... ৩৩৫
রুম-কবি লারমন্টফ্ (প্রবন্ধ)—শ্রীসত্যেন্দ্র দাস	... ৮৭৬	সারাটা দিন অশথ তলে (কবিতা)—শ্রীউমা দেবী	... ২২২
লগ্নশেষ (কবিতা)—শ্রীরাধাচরণ চক্রবর্তী	... ৪৪৪	স্বরফল্ (প্রবন্ধ)—শ্রীরবীন্দ্রনাথ ঠাকুর	... ৬৫৬
লাইব্রেরী আন্দোলন (প্রবন্ধ)—শ্রীসুশীলকুমার ঘোষ	... ১১৭	সোশ্যালিজম্—শ্রীশচীন সেন	... ৭৭৫
শান্তিনিকেতনে রবীন্দ্র-জন্মোৎসব—শ্রীসুধীরচন্দ্র কর	... ২৩৫	হরিশের দুর্গাপূজা (গল্প)—শ্রীশ্যামাপদ সেন	... ২৩০
শিমুলফুলের বাথা (কবিতা)—শ্রীকৃষ্ণধন দে	... ৫৫৮	হাতবাক্সে-বেতারযন্ত্র—শ্রীবীরেন্দ্রনাথ রায়	... ৪২২
লঙে দুর্গোৎসব—শ্রীভূপেন্দ্রচন্দ্র লাহিড়ী	... ৬২৪	হান্না-হানা (কবিতা)—শ্রীলীলা দেবী	... ২৬৭

লেখক-সূচী

শ্রীঅক্ষয়কুমার সরকার		শ্রীঅনিলবরণ রায়	
বন-ভোজন (গল্প)	২৮৫, ৪৫৫, ৬৪৫, ৭৩৯, ৮৬৮	জীবন ও আর্ট (প্রবন্ধ)	... ২০৩
শ্রীঅচিন্ত্যকুমার সেনগুপ্ত		শ্রীমতী অনুরূপা দেবী	
অরণ্য (গল্প)	... ৫৫৯	পর্দাপ্রথা	... ১৫৮
টলষ্টয় ও তাঁহার স্ত্রী আঁকিভ্না		বিবাহ বিচ্ছেদ	... ৬৬৫
(বিবিধ সংগ্রহ)	... ৪৬১	সার্বজনীন নারীশিক্ষা	... ৩৩৫
শ্রীঅনাথনাথ ঘোষ		শ্রীঅন্নদাশঙ্কর রায়	
কলিকাতা কংগ্রেস ও প্রদর্শনী (প্রবন্ধ)	১৪৮	পথে প্রবাসে (প্রবন্ধ)	... ১০, ৩২৬, ৫০৩,
চলচ্চিত্রে ক্রাইষ্ট (বিবিধ সংগ্রহ)	... ১৩৭	বিলম্বিতা (কবিতা)	... ১৬৭

বিচিত্রা
বাৎসরিক সৃষ্টি

[২য় বর্ষ]

শ্রীঅবনীনাথ রায় জলধর সেন	...	২০৮	শ্রীকল্পনা দেবী সর্বস্বারা (কবিতা)	৬৭
শ্রীঅবনৌল্লনাথ ঠাকুর বর্গিকা ভঙ্গম্ (প্রবন্ধ)	...	২০	শ্রীকাস্তিচন্দ্র ঘোষ কবীর (কবিতা)	৬৯
শ্রীঅমিয়চন্দ্র চক্রবর্তী নামের পরিচয় (কবিতা) সতীর্থ (কবিতা)	...	৫১০ ৪১১	শ্রীকৃষ্ণধন দে শিমুল কুলের বাথা (কবিতা)	৫৫
শ্রীঅরবিন্দ দত্ত বোঝা পড়া (গল্প)	...	২৫৬	শ্রীকৃষ্ণবিহারী গুপ্ত কবিবর দেবেন্দ্রনাথ সেন (প্রবন্ধ)	৮৭
শ্রীঅরীন্দ্রজিৎ মুখোপাধ্যায় কাল (কবিতা) পাহাড়-পথে (কবিতা)	...	২৩২ ৮২২	শ্রীগীতা দেবী মরণ (কবিতা)	৮৭
শ্রীঅশ্বিনীকুমার দাশ অমরনাথের পথে (ভ্রমণ)	...	৭৫০	শ্রীজ্ঞানাজ্ঞান চট্টোপাধ্যায় যাযাবর (কবিতা)	৮৭
শ্রীঅষ্টাবক্র যুরোপ	...	৬৬৯	শ্রীজ্ঞানেন্দ্রনাথ রায় প্রথম পর্ব (নক্সা)	
শ্রীঅসমঞ্জ মুখোপাধ্যায় ওলোট-পালোট (নাটিকা)	...	২০৩	শ্রীচারুচন্দ্র চক্রবর্তী একুশ বছর (গল্প)	
আবদুল কাদের বাঙলার পল্লীগানে বৌদ্ধ সাধনা ও ইসলাম	...	৫৪১	জরীন কলম ও শিরীন কলম আধুনিক আফগান	
শ্রীআশুতোষ ভট্টাচার্য্য বসন্তে বিদ্যাপতি (প্রবন্ধ)	...	৬০৯	শ্রীজসীম উদ্দীন তরুণ কিশোর (কবিতা)	
শ্রীইলা দেবী নারীর মূল্য (প্রবন্ধ)	...	২২১	শ্রীজ্যোতির্ময় দাসগুপ্ত নারী (প্রবন্ধ)	
শ্রীউপেন্দ্রনাথ গঙ্গোপাধ্যায় অস্তুরাগ (উপন্যাস) স্বরলিপি	৩১০, ৪৭৯, ৫০৬, ৮০৯, ৯৬৩ ...	৬০৭	শ্রীদিলীপকুমার রায় ভ্রাম্যমাণের উড়ো চিঠি	
শ্রীউমা দেবী মাসীর দেওর-ঝি (গল্প) সারাটা দিন অশথ তলে (কবিতা)	...	৬৮৬ ২০২	শ্রীদীনেশচন্দ্র সেন বঙ্গভাষার উপর মুসলমানের প্রভাব (প্রবন্ধ)	
এস ওয়াজেদ আলি ছবির কথা (গল্প)	...	৪৪২	শ্রীদেবেশচন্দ্র দাস ভ্রমণ-স্মৃতি (প্রবন্ধ)	৮৮৭
			শ্রীধীরেন্দ্রনাথ চৌধুরী দক্ষিণ বারাগসী (বিবিধ সংগ্রহ) ফুজিহাসা-শিখরে (বিবিধ সংগ্রহ)	

শ্রীধীরেন্দ্রনারায়ণ চক্রবর্তী			শ্রীপ্রমোদরঞ্জন দাসগুপ্ত		
সনেট-পঞ্চাশৎ	৭৩৪	রসের নিত্যতা (প্রবন্ধ)	...
শ্রীননীগোপাল চৌধুরী				বন্দে আলী মিয়া	...
গুজরাট ও বাঙ্গলা সাহিত্য (প্রবন্ধ)	১০৫	নয়নামতীর চর (কবিতা)	১৫
শ্রীনবেন্দু বসু				শ্রীবাসুদেব বন্দ্যোপাধ্যায়	
গীতাঞ্জলি (প্রবন্ধ)	১২২	গৃহলক্ষ্মী (গল্প)	...
মোনভঙ্গ (কবিতা)	৭২১	শ্রীবিজয়চন্দ্র মজুমদার	...
শ্রীনরেন্দ্রনাথ ভট্টাচার্য্য				গান	...
মহর্ষি দেবেন্দ্রনাথ (প্রবন্ধ)	৩৪২	শ্রীবিভূতিভূষণ বন্দ্যোপাধ্যায়	
শ্রীনলিনীমোহন চট্টোপাধ্যায়				পথের পাঁচালী (উপন্যাস)	১০৮, ২৪০, ৪২৫, ৫৭
দূরের কথা (কবিতা)	২৮৪		৬৯৮, ৮২
শ্রীনিকুঞ্জমোহন সামন্ত				শ্রীবিমল সেন	
কাজের লোক (কবিতা)	৪০	ইসলামী প্রেমকাব্য (প্রবন্ধ)	...
শ্রীনির্মলচন্দ্র বড়াল				শ্রীবিষ্ণু দে	
স্বরলিপি	২৭৮	লরেন্স্‌ স্যাটকিন্সন (বিবিধ সংগ্রহ)	...
শ্রীনিশিকান্ত রায় চৌধুরী				বীরেন্দ্রনাথ রায়	
পঁচিশে বৈশাখ (কবিতা)	৯৩৮	হাত বাঁকে বেতার যন্ত্র	...
শ্রীনীলিমা রায়				শ্রীবুদ্ধদেব বসু	
গরবিলী গেয়ো বালা (কবিতা)	৯০৭	তথৈব (গল্প)	...
শ্রীপ্যারীমোহন সেনগুপ্ত				শ্রীভবানী ভট্টাচার্য্য	
স্বপ্নলক্ষা (কবিতা)	২২০	নারীর মূলা (প্রবন্ধ)	...
শ্রীপৃথ্বীশচন্দ্র ভট্টাচার্য্য				ফরাসী ইংরেজ (প্রবন্ধ)	...
তাজমহল (গল্প)	৭৮০	শ্রীভূতনাথ ভট্টাচার্য্য	
শ্রীপ্রণব রায়				কথা পুরাতনী (প্রবন্ধ)	...
তফাৎ (গল্প)	৪৩৩	শ্রীভূপেন্দ্রচন্দ্র চক্রবর্তী	
শ্রীপ্রভাতকিরণ বসু				মিলিন্দপছে নাগসেন	...
কবি প্রিয়া (কবিতা)	৩৮	শ্রীভূপেন্দ্রচন্দ্র লাহিড়ী	
শ্রীপ্রভাতকুমার মুখোপাধ্যায় ও				শিলঙে হুর্গোৎসব	...
শ্রীসুধাময়ী দেবী				শ্রীমণিলাল সেন	
কোরিয়া ও জাপানে হিন্দুসাহিত্য	৭৬৫	সঙ্গীতে হারমোনিয়মের স্থান	...
চীনে হিন্দু সাহিত্য (প্রবন্ধ)	২৫০, ৩৩৮	শ্রীমণীন্দ্রলাল বসু	
শ্রীপ্রমথনাথ বিশী				বুড়াপেট	...
এই যে ছুঁয়েছি আজি (কবিতা)	৩৬০		২

বাৎসরিক সূচী

প্রেমের খেলা (নাটিকা) ...	৩৭৫, ৫৮৫	দেহাতীত (কবিতা) ৩১৪
কোলনের প্রেসা ৮৫৬	সেন্টজর্জ গির্জায় কাঠের কাজ (বিবিধ সংগ্রহ)	
শ্রীমনোমোহন ঘোষ			৪৬৮
তুর্ক সাধারণ তন্ত্রে নারীর মুক্তি ...	৭২২	শ্রীলীলা দেবী	
শ্রীমাখনমতী দেবী		হান্নাহানা (কবিতা) ২৬৭
গোধূলী (কবিতা) ১০৪	শ্রীশচীন সেন	
শ্রীমানিক বন্দ্যোপাধ্যায়		সোশ্যালিজম্ (প্রবন্ধ) ৭৭৫
অতঙ্গী মামী (গল্প) ২৫	শ্রীশচীন্দ্রনাথ চট্টোপাধ্যায়	
শ্রীমায়া দেবী		পঞ্চদ্বীপ (গল্প) ৪১২
আলোচনা ১৩৬	শ্রীশরদিন্দু বন্দ্যোপাধ্যায়	
শ্রীমৈত্রেয়ী দেবী		রজনীগন্ধা (কবিতা) ২২৯
আলো (কবিতা) ৫২	শ্রীশ্যামরতন চট্টোপাধ্যায়	
বসন্তের জন্মলীলা (কবিতা) ৫৮৩	স্মরণে (কবিতা) ৬৭৭
বয়স (কবিতা) ২২৫	শ্রীশ্যামাপদ সেন	
রিক্ত ও মুক্ত (কবিতা) ৪২১	হরিশের দুর্গাপূজা (গল্প) ২৩০
শ্রীমোহিতলাল মজুমদার		শ্রীশৈলেন্দ্রনাথ রায়	
বসন্তবিদায় (কবিতা) ৪২৬	বল্ সখি (কবিতা) ৬৮৫
শ্রীরবীন্দ্রনাথ ঠাকুর		শ্রীসতীশচন্দ্র ঘটক	
আকাঙ্ক্ষা ৮১৬	চন্মা (নাটিকা) ৫১৮
ওঁ ৬৬৫	বাংলা গল্পের ভাষা (প্রবন্ধ) ১৭৫
কল্যাণ (প্রবন্ধ) ১৫১	বাংলা সাহিত্যের পথ ঘাট (প্রবন্ধ) ৪৭৪
বিভ্রাসমবায় (প্রবন্ধ) ৩১৯	শ্রীসত্যেন্দ্র দাস	
বীজধর্ম (প্রবন্ধ) ১	রুঘ কবি লার্মন্টফ্ ৮৭৬
মিলনের সৃষ্টি (প্রবন্ধ) ৪৮৭	শ্রীসত্যেন্দ্রনাথ সেনগুপ্ত	
যোগাযোগ (উপন্যাস)	৩, ১৫৩, ৩২২, ৪৯০,	সাকারা মেমফিস্ নগরীর সমাধি	
সুরফল ৬৫৬	(বিবিধ সংগ্রহ) ১৪১
শ্রীরমেশচন্দ্র দাস		শ্রীসমীরেন্দ্র মুখোপাধ্যায়	
বাসন্তী (কবিতা) ২৩৯	প্রতীক্ষা (গল্প) ৮৮৮
বিলাস. পরিচয় (কবিতা) ৯৩৩	বিনায়ক (গল্প) ৫৩
শ্রীরাধাচরণ চক্রবর্তী		শ্রীসরযুবালা ঘোষ	
লগ্নশেষ (কবিতা) ৪৪৪	আলোচনা ২১৮
শ্রীরামেন্দু দত্ত			
আউড্ শূর্ণ (বিবিধ সংগ্রহ) ৭৯৫		
কাভিনেল গ্রান্ডেলার উদ্ভাৱন (বিবিধ সংগ্রহ)	৬:৭		

ষাণ্মাসিক সৃষ্টি

শ্রীসরলকুমার অধিকারী		শ্রীসুশীলকুমার ঘোষ	
তোমারেই ভালবাসি (কবিতা)	... ৩৭৪	লাইব্রেরী আন্দোলন (প্রবন্ধ)	... ১১৭
শ্রীসুধীরচন্দ্র কর		শ্রীসুশীলচন্দ্র মিত্র	
শাস্তি নিকেতন রবীন্দ্র জন্মোৎসব	... ৯৩৫	আধুনিক ফরাসী সাহিত্যের ধারা	
বসন্ত শেষে (কবিতা)	... ৭৩৮	(সহযোগী সাহিত্য)	২৮১, ৪৬১, ৯৩৯
শ্রীসুনীতি বসু চৌধুরাণী		সোহানী মোহাম্মদ রেয়াজউদ্দিন চৌধুরী	
নারী-জাগরণ	... ৯২৩	মরণে (কবিতা)	... ৪০৪
শ্রীসুবোধ বসু		শ্রীহিমাংশুকুমার বসু	
পরিচয় (গল্প)	... ৯২৬	অস্ট্রাচিকৎসা সম্বন্ধীয় প্রাচীনতম লিপি	
শ্রীসুরেন্দ্রনাথ কর		(বিবিধ সংগ্রহ)	৬৪১
বালির কথা	... ৩৫৩	তিব্বতীয় লামাদের আনুষ্ঠানিক নাচ	৯৫৮
শ্রীসুরেন্দ্রনাথ দাসগুপ্ত		(বিবিধ সংগ্রহ)	
দর্শনের দৃষ্টি (প্রবন্ধ)	... ৬১৫	প্রাচীন ভারতের সমাধি স্তূপ (বিবিধ সংগ্রহ)	৩০৪
বিসর্জন (গল্প)	... ৭৬৭	ব্রাহ্মদেশে প্রাকৃতিক সৌন্দর্য (বিবিধ সংগ্রহ)	৯৫৬
শ্রীসুরেশচন্দ্র বন্দ্যোপাধ্যায়		হুমায়ূন কবির	
আলোচনা	... ৯২১	ত্রয়ী (গল্প)	... ৯৩
শ্রীসুরেশচন্দ্র রায়		শ্রীহেমচন্দ্র বাগচী	
সালতামামী (প্রবন্ধ)	... ৪৩৫	ঝরাপাতার গান (কবিতা)	... ৭৩২
শ্রীসুরেশচন্দ্র সেনগুপ্ত		শ্রীতরিকর শেঠ	
মহর্ষি দেবেন্দ্রনাথ (প্রবন্ধ)	... ৩৫১	পাতিয়ালা রাজধানী	... ৪০৫

চিত্র-সূচী

(কেবল পূর্ণপৃষ্ঠা)

অক্ষবালিকা—মিলে	৯২৭	পসারিণী—শ্রীমনীষী দে	... ১
আশ্রয়—শ্রীপ্রভাতমোহন বন্দ্যোপাধ্যায়	... ৬৪	পাহাড়ী ছাগল—শ্রীমণি প্রধান	... ৮৮৭
ঐ আসে ঐ—প্রাচীন চিত্র	... ২৬২	প্রিয়প্রতীক্ষায়—জাপানী চিত্র	... ২০৬
কলিকাতার গঙ্গা—শ্রীমনীষী দে	... ৭৬৬	বনফুল—শ্রীঅণুকণা দাশগুপ্তা	... ৮১৫
খেয়াঘাট—ডি, দত্ত	... ১০৪	বৎসহারা—শ্রীপ্রভাতমোহন বন্দ্যোপাধ্যায়	... ৭০২
চিরাকাঙ্ক্ষা—শ্রীসিন্ধু মিত্র	... ১৫১	মেঘলা দিন—ডি, দত্ত	... ৪৮৭
ঝরাফুল—শ্রীউপেন্দ্র ঘোষ দস্তিদার	... ৫৩৫	মৈত্রী—শ্রীপ্রভাতমোহন বন্দ্যোপাধ্যায়	... ৩১৯
দিন ত গেল—শ্রীপাঁচকড়ি চট্টোপাধ্যায়	... ৩৭৫	রবীন্দ্রনাথ—শ্রীজয় চক্রবর্তী	... ৬৫৫
দি ভার্জিন্ অন্ দি রক্‌স্—দা ভার্জিন্	... ৪১৪	সাস্বনা—ফ্র্যাঙ্ক ব্রাম্‌লে	... ৫৮




পসারিণী

শিল্পী—শ্রীমতী দে



পৃষ্ঠা ১৩৫



284

বিচিত্রা

দ্বিতীয় বর্ষ, ২য় খণ্ড

পৌষ, ১৩৩৫

প্রথম সংখ্যা

বীজ-ধর্ম

শ্রীরবীন্দ্রনাথ ঠাকুর

কাল রাত্রে যখন জানালা খুলে বাইরের দিকে চেয়ে ছিলুম তখন আমার মনে হ'ল, নিজের অন্ধকারের মধ্যে নিহিত প্রচ্ছন্ন সম্পদটিকে উপলব্ধি করবার জন্তে তপস্বিনী রাত্রি ধানে বসেচে। নিজেকে যখন বিলুপ্ত ক'রে দেবে, অন্ধকার আবরণ যখন খ'সে যাবে, তখন সে আপনার অন্তরের জগৎটিকে প্রকাশ করতে পারবে।

মানুষের মধ্যেও তেমনি একটি পরম শক্তি গোপন রয়েছে। কত বড় যে সেই শক্তি তা দেখাই যাচ্ছে না। তার প্রভাত তার রাত্রির আবরণে ঢাকা আছে। এমন সম্পদ তার অগোচরে রয়েছে ব'লে সে নিজেকে জন্মদরিদ্র ব'লেই জান্চে; সেই জন্তেই সংসারের কাছে তার ভিক্ষার অন্ত নেই; এবং তার ভিক্ষার ঝুলি থেকে একটি কণা খসলেই আক্ষেপের সীমা থাকে না।

বীজ যতক্ষণ বীজ ততক্ষণ সে রূপণ। তখন তার সকল দরজা অঁটা। কিন্তু তারই ভিতরে একটি চিরপ্রবাহিত মহারণোর ধারা অদৃশ্য হ'য়ে রয়েছে। ঐ অতি ক্ষুদ্রের ভিতরে অতি বৃহৎ যে কেমন ক'রে ধরল, তা ভেবেই পাওয়া যায় না। কিন্তু এই বাজ যতক্ষণ বস্তার মধ্যে রইল ততক্ষণ সেই বিরাট চাপা রইল, ততক্ষণ ছোটোরই জয়। এমন

ক'রে হাজার বছর কেটে যেতে পারে। কিন্তু উপযুক্ত মাটির ভিতর যখন সে প্রবেশ করলে, যখন এক দিকে রস আর এক দিকে তাপ তার অন্তরের শক্তিকে চঞ্চল ক'রে তুললে—তখন সেই শক্তি নিজের আবরণ বিদীর্ণ ক'রে বীজের সত্যকে প্রকাশ করতে লাগল।

মানুষেরও আত্মার সত্য তার অহং-আবরণের মধ্যে আবদ্ধ হ'য়েই থাকে যতক্ষণ না তার প্রকাশশক্তি জাগ্রত হয়। মানুষের সকল ধর্মশাস্ত্রেই এই প্রকাশশক্তিকে বাধামুক্ত করবার উপদেশ আছে। প্রবৃত্তির একান্ত প্রবলতাষ্ট হচ্ছে সেই বাধা। কেন বাধা, সেটা ভেবে দেখা যাক।

মানুষের একটি ধর্ম হচ্ছে পশুধর্ম। তাকে খেতে শুতে হবে, শীত গ্রীষ্ম বর্ষার আক্রমণ থেকে নিজেকে বাঁচাতে হবে, সন্তানকে জন্ম দিতে এবং পালন করতে হবে। এই ধর্ম-পালনের জন্তে আমাদের প্রবৃত্তিগুলি সত্য। অর্থাৎ আমাদের প্রবৃত্তি না থাকলে দৈহিক জীবনরক্ষার ও বংশ-রক্ষার জন্তে আমাদের চেষ্টাই থাকত না।

এই পশুধর্মই যদি মানুষের পক্ষে একমাত্র এবং চরম হ'ত তা' হ'লে প্রবৃত্তিকে সংযত করবার কথা কেউ তাকে



বলতই না। কারণ সেই একমাত্র ধর্মপালনের শক্তিকে খন্দ করতে বলা আত্মহত্যা করতে বলা। মূলধনের চেয়ে বড় ধন যদি কোথাও কিছু না থাকে, তা' হ'লে সেটাকে নষ্ট করা বিষম ক্ষতি। কিন্তু লাভের ধন মূলধনের চেয়েও বড় ব'লেই বণিককে সহজেই বলা যায় লোহার সিন্দূকের ভিতরে যে-টাকাটা আছে সেইটেই লোকসান। সেটাকে খরচ ক'রে খাটালেই লাভ।

পশুধর্মের উপরে একটা মানবধর্ম আছে। অর্থাৎ দৈহিক জীবনের চেয়েও বড় জীবন হচ্ছে মানুষের। দৈহিক জীবনের প্রবৃত্তি দৈহিক জীবনের শক্তি; এই জন্তে সে শক্তি একান্ত হ'য়ে বড় জীবনকে যখন বাধা দেয় তখন আমাদের মানবধর্ম বলে, “আধ্যাত্মিক শক্তির দ্বারা ঐ শক্তিটাকে কাটিয়ে ওঠ।” মানুষকে উপলব্ধি করতে হবে যে তার আত্মার জীবনটাই তার পক্ষে সকলের চেয়ে বড় সত্য—অতএব সেই জীবনটাকেই যদি না পাই, না বাঁচাই, তা' হ'লে সেইটেই হবে মানুষের পক্ষে যথার্থ আত্মহত্যা, মহতী বিনষ্টি। এই জন্তেই মানুষ আপন পশুধর্মের মধ্যে আবৃত হ'য়ে থাকাকেই বন্ধন বলে। এরই থেকে আত্মার জীবনে মুক্তি পাবার জন্তে প্রবৃত্তির নার্দ-বন্ধন সে ছিন্ন করতে চায়। তাই আধ্যাত্মিক জীবনের গোড়ার উপদেশ—প্রবৃত্তিকে শাসন কর, মনকে নিয়ন্ত্রণ কর।


এইগুলি হ'ল নীতি-কথা, এবং নীতি-কথা শুষ্ক। কিন্তু নীতি ত নিজের মধ্যে নিজে সমাপ্ত নয়—নীতির মানেই হচ্ছে যাতে ক'রে আমাদের নিয়ে যায়। নীতি যদি বলে আমাতেই শেষ, আমার উর্কে আর কিছু নেই, তা' হ'লে মানুষের বলবার অধিকার আছে আমি নীতি মানব

না। কাউকে যদি বলি পথই পথের লক্ষ্য, পথ কোথাও পৌঁছে দেয় না, তাহলে সে লোক পথ চলা বন্ধ করলে তাকে দোষ দেওয়া যায় না। নীতি-উপদেশটা সেই ভাবেই কথা বলেন ব'লে নীতি-উপদেশ শুষ্কতার চরমে গিয়ে পৌঁছয়; এবং মানুষ যদি বলে স্বার্থত্যাগের ক্ষতিকে এবং প্রবৃত্তিদমনের শুষ্কতাকে গ্রহণ করব কেন, তার উত্তর পাওয়া যায় না।

কিন্তু বীজকে এই জন্তেই বলা যেতে পারে, “তুমি নিজেকে বিদীর্ণ কর বিলুপ্ত কর” যেহেতু সেই বিলোপ তার ক্ষয় নয়, তাতেই তার আত্মোপলব্ধি। মানুষ আপনার ক্ষুদ্র জীবনের শক্তিকে অতিক্রম করবে আপনারই বড় জীবনের শক্তি লাভ করবার জন্তে। সেই অতিক্রম করার পথই হচ্ছে নীতির পথ, বুদ্ধদেব যাকে শীল বলেছেন সেই শীলের পথ। বীজের ভিতরকার গাছের মত মানুষকে এক জীবন থেকে আরেক জীবনে যেতে হবে ব'লেই মাঝখানে এত তার দ্বন্দ্ব, এত তার দুঃখ। কিন্তু বড় জীবনকে যে মানুষ সুনিশ্চিত সত্য ব'লে জেনেচে এই দুঃখের মূল্য দিতে সে চিন্তা মাত্রও করে না। এই জন্তেই মানুষকে এত ক'রে বলতে হয় আত্মাকে জান। আত্মাকে সত্য ব'লে জানলে সেই আত্মাকে প্রকাশ করবার পরম শক্তি নিজের মধ্যে সহজেই আবিষ্কার করি। কিন্তু আত্মাকে সত্য ব'লে জানতে গেলেও তার আবরণ দূর করতে হবে। সেই আবরণকে দূর করবার জন্তেই প্রবৃত্তিকে দমন করা, স্বার্থকে ত্যাগ করা। বাধার ভিতর দিয়েও আত্মাকে যতক্ষণ না সত্য ব'লে নিশ্চিত জানব ততক্ষণ এই কাজ বড়ই কঠিন, যখন সত্য ব'লে জানব তখন এই কাজ আনন্দময়।



২৪৫



—উপন্যাস—

—শ্রীরবীন্দ্রনাথ ঠাকুর

৫১

শোবার ঘরে কুমু মোতির মাকে নিয়ে বসল। কথা কইতে কইতে অন্ধকার হ'য়ে এল, বেহারা এলো আলো জ্বালতে, কুমু নিষেধ ক'রে দিলে।

কুমু সব কথাই শুনে ; চুপ ক'রে রইল।

মোতির মা বললে, “বাড়িকে ভূতে পেয়েচে বোরানী। ওখানে টিঁকে থাক দায়, তুমি কি যাবে না?”

“আমার কি ডাক পড়েচে?”

“না, ডাকবার কথা বোধ হয় মনেও নেই। কিন্তু তুমি না গেলে তো চলবেই না।”

“আমার কি করবার আছে? আমি তো তাঁকে তৃপ্ত করতে পারব না। ভেবে দেখতে গেলে আমার জন্তেই সমস্ত কিছু হয়েছে, অথচ কোনো উপায় ছিল না। আমি যা দিতে পারতুম সে তিনি নিতে পারলেন না। আজ আমি শূন্য হাতে গিয়ে কি করব?”

“বলো কি বোরানী, সংসার যে তোমারই, সে তো তোমার হাতছাড়া হ'লে চলবে না।”

“সংসার বলতে কি বোঝো ভাই? ঘর ছয়োর, জিনিষ পত্র, লোকজন? লজ্জা করে এ কথা বলতে যে, তাতে আমার অধিকার আছে। মহলে অধিকার খুইয়েচি, এখন কি ঐ সব বাইরের জিনিষ নিয়ে লোভ করা চলে?”

“কি বলচ ভাই, বোরানী? ঘরে কি তুমি একেবারেই ফিরবে না?”

“সব কথা ভালো ক'রে বুঝতে পারচিনে। আর কিছুদিন আগে হ'লে ঠাকুরের কাছে সঙ্কত চাইতুম, দৈবজ্ঞের কাছে শুধোতে যেতুম। কিন্তু আমার সে সব ভরসা ধুয়ে মুছে গেছে। আরস্তে সব লক্ষণই তো ভালো ছিল। শেষে কোনোটাই তো একটুও খাটল না। আজ কতবার ব'সে ব'সে ভেবেচি দেবতার চেয়ে দাদার বিচারের উপর ভর করলে এত বিপদ ঘটত না। তবুও মনের মধ্যে যে দেবতাকে নিয়ে দ্বিধা উঠেচে, হৃদয়ের মধ্যে তাঁকে এড়াতে পারিনে। ফিরে ফিরে সেইখানে এসে লুটিয়ে পড়ি।”

“তোমার কথা শুনে যে ভয় লাগে। ঘরে কি যাবেই না?”

“কোনো কালেই যাব না সে কথা ভাবা শক্ত, যাবই সে কথাও সহজ নয়।”

“আচ্ছা, তোমার দাদার কাছে একবার কথা ব'লে দেখব। দেখি তিনি কি বলেন। তাঁর দর্শন পাওয়া যাবে তো?”

“চলনা, এখনি নিয়ে যাচ্ছি।”

বিপ্রদাসের ঘরে ঢুকেই তার চেহারা দেখে মোতির মা থমকে দাঁড়ালো, মনে হোলো যেন ভূমিকম্পের পরেকার আলো-নেবা চূড়ো ভাঙা মন্দির। ভিতরে একটা অন্ধকার আর নিস্তব্ধতা। প্রণাম ক'রে পায়ের ধূলো নিয়ে মেজের উপর বসল।

বিপ্রদাস ব্যস্ত হ'য়ে বললে, “এই যে চৌকি আছে :”



মোতির মা মাথা নেড়ে বললে, “না, এখানে বেশ আছি।”

ঘোমটার ভিতর থেকে তার চোখ ছলছল করতে লাগল। বুঝতে পারলে দাদার এই অবস্থায় কুমুকে ব্যথাই বাজছে।

কুমু প্রসঙ্গটা সহজ ক’রে দেবার জন্তে বললে, “দাদা, ইনি বিশেষ ক’রে এসেছেন তোমার মত জিজ্ঞাসা করতে।”

মোতির মা বললে, “না, না, মত জিজ্ঞাসা পরের কথা, আমি এসেছি ওঁর চরণ দর্শন করতে।”

কুমু বললে, “উনি জানতে চান, ওঁদের বাড়িতে আমাকে যেতে হবে কিনা।”

বিপ্রদাস উঠে বসল; বললে, “সে তো পরের বাড়ি, সেখানে কুমু গিয়ে থাকবে কি ক’রে?” যদি ক্রোধের সুরে বলত তা’হলে কথাটার ভিতরকার আগুন এমন ক’রে জ্বলে উঠত না। শান্ত কণ্ঠধর, মুখের মধ্যে উত্তেজনার লক্ষণ নেই।

মোতির মা ফিস ফিস ক’রে কি বললে। তার অভি-প্রায় ছিল পাশে ব’সে কুমু তার কথাগুলো বিপ্রদাসের কানে পৌঁছিয়ে দেবে। কুমু সম্মত হোলো না, বললে, “তুমিই গলা ছেড়ে বলো।”

মোতির মা স্বর আর একটু স্পষ্ট ক’রে বললে, “যা ওঁর আপনানি, কেউ তাকে পরের ক’রে দিতে পারে না, তা সে যেই হোক না।”

“সে কথা ঠিক নয়। উনি আশ্রিত মাত্র। ওঁর নিজের অধিকারের জোর নেই। ওঁকে ঘরছাড়া করলে হয়তো নিন্দা করবে, বাধা দেবে না। যত শাস্তি সমস্তই কেবল ওঁর জন্তে। তবু অনুগ্রহের আশ্রয়ও সহ করা যেত যদি তা মহদাশ্রয় হোত।”

এমন কথার কি জবাব দেবে মোতির মা ভেবে পেলো না। স্বামীর আশ্রয়ে বিঘ্ন ঘটলে মেয়ের পক্ষের লোকেরাই তো পায়ে ধরাধরি করে, এ যে উল্টো কাণ্ড।

কিছুক্ষণ চুপ ক’রে থেকে বললে, “কিন্তু আপন সংসার না থাকলে মেয়েরা যে বাঁচে না, পুরুষেরা ভেসে বেড়াতে পারে, মেয়েদের কোথাও স্থিতি চাইতো।”

“স্থিতি কোথায়? অসম্মানের মধ্যে? আমি তোমাকে ব’লে দাঁচি কুমুকে যিনি গড়েছেন তিনি আগাগোড়া পরম শ্রদ্ধা ক’রে গড়েছেন। কুমুকে অবজ্ঞা করে এমন যোগ্যতা কারো নেই, চক্রবর্তী সম্রাটেরও না।”

কুমুকে মোতির মা খুবই ভালো বাসে, ভক্তি করে, কিন্তু তবু কোনো মেয়ের এত মূল্য থাকতে পারে যে তার গৌরব স্বামীকে ছাপিয়ে যাবে এ কথা মোতির মার কানে ঠিক লাগল না। সংসারে স্বামীর সঙ্গে ঝগড়া ঝাঁটি চলুক, স্ত্রীর ভাগো অনাদর অপমানও না হয় যথেষ্ট ঘটল, এমন কি তার থেকে নিষ্কৃতি পাবার জন্তে স্ত্রী আফিম খেয়ে গলায় দড়ি দিয়ে মরে সেও বোঝা যায়, কিন্তু তাই ব’লে স্বামীকে একেবারে বাদ দিয়ে স্ত্রী নিজের জোরে থাকবে এটাকে মোতির মা স্পর্ধা ব’লেই মনে করে। মেয়ে জাতের এত গুমর কেন! মধুসূদন যত অযোগ্য হোক, যত অত্যাচার করুক, তবু সে তো পুরুষ মানুষ; এক জায়গায় সে তার স্ত্রীর চেয়ে আপনিই বড়ো, সেখানে কোনো বিচার খাটে না। বিধাতার সঙ্গে মামলা ক’রে জিতবে কে?

মোতির মা বললে, “একদিন ওখানে যেতে তো হবেই, আর তো রাস্তা নেই।”

“যেতে হবেই এ কথা ক্রান্তদাস ছাড়া কোন মানুষের পক্ষে খাটে না।”

“মন্ত্র প’ড়ে স্ত্রী যে কেনা হ’য়েই গেছে। সাত পাক যেদিন ঘোরা হ’ল সেদিন সে যে দেহে মনে বাধা পড়ল, তার তো আর পালাবার জো রইল না। এ বাধন যে মরণের বাড়ি। মেয়ে হ’য়ে যখন জন্মেছি তখন এ জন্মের মতো মেয়ের ভাগ্য তো আর কিছুতে উজিয়ে ফেরানো যায় না।”

বিপ্রদাস বুঝতে পারলে মেয়ের সম্মান মেয়েদের কাছেই সব চেয়ে কম। তারা জানেও না যে, এই জন্তে মেয়েদের ভাগ্যে ঘরে ঘরে অপমানিত হওয়া এত সহজ। তারা আপনার আলো আপনি নিবিয়ে ব’সে আছে। তার পরে কেবলি মর্চে ভয়ে, কেবলি মর্চে ভাবনায়, অযোগ্য লোকের হাতে কেবলি খাচ্ছে মার, আর মনে করচে সেইটে নীরবে সহ্য করতেই স্ত্রী-জন্মের সর্বোচ্চ চরিতার্থতা।

না,—মানুষের এত লাঞ্ছনাকে প্রশ্রয় দেওয়া চলবে না। সমাজ যাকে এতদূর নামিয়ে দিলে সমাজকেই সে প্রতিদিন নামিয়ে দিচ্ছে।

বিপ্রদাসের খাটের পাশেই মেজের উপর কুমু মুখ নীচু ক'রে ব'সে ছিল। বিপ্রদাস মোতির মাকে কিছু না ব'লে কুমুর মাথায় হাত দিয়ে বললে, “একটা কথা তোকে বলি, কুমু, বোঝবার চেষ্টা করিস্। ক্ষমতা জিনিষটা যেখানে প'ড়ে পাওয়া জিনিষ, যার কোন যাচাই নেই, অধিকার বজায় রাখবার জন্তে যাকে যোগ্যতার কোন প্রমাণ দিতে হয় না, সেখানে সংসারে সে কেবলি হীনতার সৃষ্টি করে। এ কথা তোকে অনেকবার বলেছি, তোর সংসার তুই কাটাতে পারিস নি, কষ্ট পেয়েছিস্। তুই যখন বিশেষ ক'রে ব্রাহ্মণভোজন করাতিস্ কোন দিন বাধা দিত নি, কেবল বার বার বোঝাতে চেষ্টা করেছি, অবিচারে কোনো মানুষের শ্রেষ্ঠতা স্বীকার ক'রে নেওয়ার দ্বারা শুধু সে তারই অনিষ্ট তা নয়, তাতে ক'রে সামাজ্যের শ্রেষ্ঠতার আদর্শকেই খাটো করে। এ রকম অন্ধ শ্রদ্ধার দ্বারা নিজেরই মনুষ্যত্বকে অশ্রদ্ধা করি এ কথা কেউ ভাবে না কেন? তুই তো ইংরেজি সাহিত্য কিছু কিছু পড়েচিস্, বুঝতে পারচিস্ নে, এই রকম যত দল-গড়া শাস্ত্রগড়া নির্বিকার ক্ষমতার বিরুদ্ধে সমস্ত জগতে আজ লড়াইয়ের হাওয়া উঠেছে। যত সব ইচ্ছাকৃত অন্ধ দাসত্বকে বড়ো নাম দিয়ে মানুষ দীর্ঘকাল পোষণ করেছে, তারি বাসা ভাঙবার দিন এলো।”

কুমু মাথা নীচু ক'রেই বললে, “দাদা, তুমি কি বলো স্ত্রী স্বামীকে অতিক্রম করবে?”

“অগ্রায় অতিক্রম কর' মাত্রকেই দোষ দিচ্ছি স্বামীও স্ত্রীকে অতিক্রম করবে না—এই আমার মত।”

“যদি করে, স্ত্রী কি তাই ব'লে—”

কুমুর কথা শেষ না হ'তেই বিপ্রদাস বললে, “স্ত্রী যদি সেই অগ্রায় মেনে নেয় তবে সকল স্ত্রীলোকের প্রতিই তাতে ক'রে অগ্রায় করা হবে। এমনি ক'রে প্রত্যেকের দ্বারাই সকলের হুঃখ জ'মে উঠেছে। অত্যাচারের পথ পাকা হয়েছে।”

মোতির মা একটু অধৈর্যের স্বরেই বললে, “আমাদের বউরাণী সতীলক্ষ্মী, অপমান করলে সে অপমান ওঁকে স্পর্শ করতেও পারে না।”

বিপ্রদাসের কণ্ঠ এইবার উত্তেজিত হ'য়ে উঠল, “তোমরা সতীলক্ষ্মীর কথাই ভাবচ। আর যে কাপুরুষ তাকে অবাধে অপমান করবার অধিকার পেয়ে সেটাকে প্রতিদিন খাটাচ্ছে তার দুর্গাতর কথা ভাবচ না কেন?”

কুমু তখন উঠে দাঁড়িয়ে বিপ্রদাসের চুলের মধ্যে আঙুল বুলোতে বুলোতে বললে, “দাদা, তুমি আর কথা কোয়না। তুমি যাকে মুক্তি বুলো, যা জ্ঞানের দ্বারা হয়, আমাদের রক্তের মধ্যে তার বাধা। আমরা মানুষকেও জড়িয়ে থাকি, বিশ্বাসকেও; কিছুতেই তার জট ছাড়াতে পারিনে। যতই যা খাই ঘুরে ফিরে আটকা পড়ি। তোমরা অনেক জানো তাতেই তোমাদের মন ছাড়া যায়, আমরা অনেক মানি তাতেই আমাদের জীবনের শৃঙ্খল ভরে। তুমি যখন বুঝিয়ে দাও তখন বুঝতে পারি হয়তো আমার ভুল আছে। কিন্তু ভুল বুঝতে পারা, আর ভুল ছাড়াতে পারা কি একই? লতার আঁকড়ির মতো আমাদের মমত্ব সব কিছুকেই জড়িয়ে জড়িয়ে ধরে, সেটা ভালই হোক আর মন্দই হোক, তার পরে আর তাকে ছাড়াতে পারিনে।”

বিপ্রদাস বললে, “সেই জন্তেই তো সংসারে কাপুরুষের পূজার পূজারিণীর অভাব হয় না। তারা জানবার বেলা অপবিত্রকে অপবিত্র ব'লেই জানে, কিন্তু মানবার বেলায় তাকে পবিত্রের মতো ক'রেই মানে।”

কুমু বললে, “কি করবো দাদা, সংসারকে দুই হাতে জড়িয়ে নিতে হবে ব'লেই আমাদের সৃষ্টি। তাই আমরা গাছকেও আঁকড়ে ধরি, শুকনো কুটোকেও। গুরুকেও মানতে আমাদের যতক্ষণ লাগে—ভগ্নকে মানতেও ততক্ষণ; জাল যে আমাদের নিজের ভিতরেই। হুঃখ থেকে আমাদেরকে বাঁচাবে কে? সেই জন্তেই ভাবি হুঃখ যদি পেতেই হয়, তাকে মেনে নিয়েও তাকে ছাড়িয়ে ওঠবার উপায় করতে হবে। তাইতো মেয়েরা এতো ক'রে ধর্মকে আশ্রয় ক'রে থাকে।”



বিপ্রদাস কিছুই বললে না, চুপ ক'রে ব'সে রইল।

সেই ওর চুপ ক'রে ব'সে থাকাকাটাও কুমুকে কষ্ট দিলে।
কুমু জানে কথা বলার চেয়েও এর ভার অনেক বেশি।

ঘর থেকে বেরিয়ে এসে মোতির মা কুমুকে জিজ্ঞাসা করলে, “কি ঠিক করলে বৌরাণী?”

কুমু বললে, “যেতে পারব না। তা ছাড়া, আমাকে তো ফিরে যাবার অনুমতি দেন নি।”

মোতির মা মনে মনে কিছু বিরক্তই হোলো। শ্বশুর বাড়ীর প্রতি ওর শ্রদ্ধা যে বেশী তা নয়, তবু শ্বশুর বাড়ী সম্বন্ধে দার্বিকালের মমত্ব-বোধ ওর হৃদয়কে অধিকার ক'রে আছে। সেখানকার কোনো বউ যে তাকে লজ্বন করবে এটা তার কিছুতেই ভালো লাগলো না। কুমুকে যা বললে তার ভাবটা এই, পুরুষ মানুষের প্রকৃতিতে দরদ কম আর তার অসংযম বেশি, গোড়া থেকেই এটা তো ধরা কথা। সৃষ্টি তো আমাদের হাতে নেই, যা পেয়েছি তাকে নিয়েই ব্যবহার করতে হবে। “ওরা ঐ রকমই” ব'লে মনটাকে তৈরি ক'রে নিয়ে যেমন ক'রে হোক সংসারটাকে চালানোই চাই। কেন না—সংসারটাই মেয়েদের। স্বামী ভালোই হোক মন্দই হোক সংসারটাকে স্বীকার ক'রে নিতেই হবে। তা যদি একেবারে অসম্ভব হয় তা হ'লে মরণ ছাড়া আর গতিই নেই।

কুমু হেসে বললে, “না হয় তাই হোলো। মরণের অপরাধ কি?”

মোতির মা উদ্ভিগ্ন হ'য়ে ব'লে উঠল, “অমন কথা বোলো না।”

কুমু জানে না, অল্পদিন হোলো ওদেরই পাড়াতে একটি সতেরো বছরের বউ কার্বলিক এসিড খেয়ে আত্মহত্যা করেছিল। তার এম এ পাশ করা স্বামী --গবর্মেন্ট আপিসে বড় চাকরী করে। স্ত্রী খোঁপায় গৌজবার একটা রূপোর চিরুনি হারিয়ে ফেলেচে, মার কাছ থেকে এই নালিশ শুনে লোকটা তাকে লাথি মেরেছিল। মোতির মার সেই কথা মনে প'ড়ে গায়ে কাঁটা দিলে।

এমন সময় নব্বনের প্রবেশ। কুমু খুসি হ'য়ে উঠল। বললে, “জানতুম ঠাকুরপোর আসতে বেশি দেরি হবে না।”

নব্বীন হেসে বললে, “আয় শাস্ত্রে বৌরাণীর দখল আছে। আগে দেখেছেন শ্রীমতী ধোঁরাকে, তার থেকে শ্রীমান আঙুনের আবির্ভাব হিসেব করতে শক্ত ঠেকেনি।”

মোতির মা বললে, “বৌরাণী, তুমিই ওকে নাই দিয়ে বাড়িয়ে তুলেচ। ও বুঝে নিয়েচে ওকে দেখলে তুমি খুসি হও, সেই দেমাকে—”

“আমাকে দেখলেও খুসি হ'তে পারেন যিনি, তাঁর কি কম ক্ষমতা? যিনি আমাকে সৃষ্টি করেচেন তিনিও নিজেই হাতের কাজ দেখে অনুতাপ করেন, আর যিনি আমার পাপগ্রহণ করেচেন তাঁর মনের ভাব দেবা ন জানন্তি কুতো মনুষ্যাঃ।”

“ঠাকুরপো, তোমরা দুজনে মিলে কথা কাটাকাটি করো, তৃতীয় ব্যক্তি ছন্দোভঙ্গ করতে চায় না, আমি এখন চল্লুম।”

মোতির মা বললে, “শে কি কথা ভাই! এখানে তৃতীয় ব্যক্তিটা কে? তুমি না আমি? গাড়ি ভাড়া ক'রে ও কি আমাকে দেখতে এসেচে ভেবেচ?”

“না, ওঁর জন্তে খাবার ব'লে দিই গো।” ব'লে কুমু চ'লে গেল।

৫২

মোতির মা জিজ্ঞাসা করলে, “কিছু খবর আছে বুঝি?”

“আছে। দেরি করতে পারলুম না, তোমার সঙ্গে পরামর্শ করতে এলুম। তুমি তো চ'লে এলে, তার পরে দাদা হঠাৎ আমার ঘরে এসে উপস্থিত। মেজাজটা খুবই খারাপ। সামান্য দামের একটা গির্লট করা চুরোটের ছাইদান টেবিল থেকে অদৃশ্য হয়েছে। সম্প্রতি যার অধিকারে সেটা এসেচে তিনি নিশ্চয়ই সেটাকে সোনা ব'লেই ঠাউরেচেন, নইলে পরকাল খোওয়াতে যাবেন কোন্ সাধে। জানো তো তুচ্ছ একটা জিনিষ ন'ড়ে গেলে দাদার বিপুল সম্পত্তির ভিত্তিতে যেন নাড়া লাগে, সে তিনি সহিতে পারেন না। আজ সকালে আপিসে যাবার সময় আমাকে ব'লে গেলেন ঞামাকে দেশে পাঠাতে। আমি খুব উৎসাহের সঙ্গেই সেই পবিত্র কাজে লেগেছিলুম। ঠিক করেছিলুম তিনি আপিস থেকে ফেরবার আগেই কাজ সেরে রাখব। এমন

সময়ে বেলা দেড়টার সময় হঠাৎ দাদা একদমে আমার ঘরে এসে ঢুকে পড়লেন। বললেন, এখনকার মতো থাক। যেই ঘর থেকে বেরতে যাচ্ছেন, আমার ডেস্কের উপর বৌরাণীর সেই ছবিটি চোখে পড়ল। থমকে গেলেন। বুঝলুম আড় চাহনিটাকে সিধে ক'রে নিয়ে ছবিটিকে দেখতে দাদার লজ্জা বোধ হচ্ছে। বললুম, দাদা একটু বোসো, একটা ঢাকাই কাপড় তোমাকে দেখাতে চাই। মোতির মার ছোট ভাজের সাধ, তাই তাকে দিতে হবে। কিন্তু গণেশরাম দামে আমাকে ঠকাচ্ছে ব'লে বোধ হচ্ছে। তোমাকে দিয়ে সেটা একবার দেখিয়ে নিতে চাই। আমার যতটা আন্দাজ তাতে মনে হয় না তো তেরো টাকা তার দাম হ'তে পারে। খুব বেশি হয় তো ন টাকা সাড়ে ন টাকার মধ্যেই হওয়া উচিত।”

মোতির মা অবাক হ'য়ে বললে, “ও আবার তোমার মাথায় কোথা থেকে এল? আমার ছোট ভাজের সাধ হবার কোনো উপায়ই নেই। তার কোলের ছেলেটির বয়স তো সবে দেড় মাস। বানিয়ে বলতে তোমার আজকাল দেখছি কিছুই বাধে না। এই তোমার নতুন বিড়ে পেলো কোথায়?”

“যেখান থেকে কালিদাস তাঁর কবিত্ব পেয়েছেন, বাণী বীণাপাণির কাছ থেকে।”

“বীণাপাণি তোমাকে যতক্ষণ না ছাড়েন ততক্ষণ তোমাকে নিয়ে ঘর করা যে দায় হবে।”

“পণ করেচি, স্বর্গারোহণকালে নরকদর্শন ক'রে যাব, বৌরাণীর চরণে এই আমার দান

“কিন্তু সাড়ে ন টাকা দামের ঢাকাই কাপড় তখনি তখনি তোমার জুটল কোথায়?”

“কোথাও না। কুড়ি মিনিট পরে ফিরে এসে বললুম, গণেশরাম সে কাপড় আমাকে না ব'লেই ফিরিয়ে নিয়ে গেছে। দাদার মুখ দেখে বুঝলুম, ইতিমধ্যে ছবিটা তাঁর মগজের মধ্যে ঢুকে স্বপ্নের রূপ ধরেছে। কি জানি কেন, পৃথিবীতে আমারি কাছে দাদার একটু আছে চকুলজ্জা, আর কারো হ'লে ছবিটা ধাঁ ক'রে তুলে নিতে তাঁর বাধত না।”

“তুমিও তো লোভী কম নও। দাদাকে না হয় সেটা দিতেই।”

“তা দিয়েচি, কিন্তু সহজ মনে দিইনি। বললুম, দাদা, এই ছবিটা থেকে একটা অয়েল পেন্টিঙ করিয়ে নিয়ে তোমার শোবার ঘরে রেখে দিলে হয় না? দাদা যেন উদাসীন ভাবে বললে, ‘আচ্ছা দেখা যাবে।’ ব'লেই ছবিটা নিয়ে উপরের ঘরে চ'লে গেল। তার পরে কি হোলো ঠিক জানিনে। বোধ করি আপিসে যাওয়া হয়নি, আর ঐ ছবিটাও ফিরে পাবার আশা রাখিনে।”

“তোমার বৌরাণীর জন্তে স্বর্গটাই খোওয়াতে যখন রাজি আছ, তখন না হয় একখানা ছাবই বা খোওয়ালে।”

“স্বর্গটা সম্বন্ধে সন্দেহ আছে, ছবিটা সম্বন্ধে একটুও সন্দেহ ছিল না। এমন ছবি দৈবাৎ হয়। যে তুল'ভ লয়ে ওঁর মুখটিতে লক্ষ্মীর প্রসাদ সম্পূর্ণ নেমেছিল, ঠিক সেই শুভ যোগটি ঐ ছবিতে ধরা প'ড়ে গেছে। এক একদিন রাত্তিরে ঘুম থেকে উঠে আলো জ্বালিয়ে ঐ ছবিটি দেখেছি। প্রদীপের আলোয় ওর ভিতরকার রূপটি যেন আরো বেশি ক'রে দেখা যায়।”

“দেখ, আমার কাছে অত বাড়াবাড়ি করতে তোমার একটুও ভয় নেই?”

“ভয় যদি থাকত তা হ'লেই তোমার ভাবনার কথাও থাকত। ওঁকে দেখে আমার আশ্চর্য্য কিছুতে ভাঙে না। মনে করি আমাদের ভাগ্যে এটা সম্ভব হ'ল কি ক'রে? আমি যে ওঁকে বৌরাণী বলতে পারিচি এ ভাবে গায়ে কাঁটা দেয়। আর উনি যে দামাত্ত নবীনের মতো মানুষকেও হাসি মুখে কাছে বসিয়ে খাওয়াতে পারেন, বিশ্বব্রহ্মাণ্ডে এও এত সহজ হোলো কি ক'রে? আমাদের পরিবারের মধ্যে সব চেয়ে হতভাগা আমার দাদা। যাকে সহজে পেলেন তাকে কঠিন ক'রে বাধতে গিয়েই হারালেন।”

“বাস্বে, বৌরাণীর কথায় তোমার মুখ যখন খুলে যায় তখন থামতে চায় না।”

“মেজ বৌ, জানি তোমার মনে একটুখানি বাজে



“না, কথখনো না।”

“হাঁ অল্প একটু! কিন্তু এই উপলক্ষ্যে একটা কথা মনে করিয়ে দেওয়া ভালো। নূরনগরে স্টেশনে প্রথম বৌরাণীর দাদাকে দেখে যে সব কথা বলেছিলে চলতি ভাষায় তাকেও বাড়াবাড়ি বলা চলে।”

“আচ্ছা, আচ্ছা, ওসব তর্ক থাক, এখন কি বলতে চাচ্ছিলে বলো।”

“আমার বিশ্বাস আজকালের মধ্যেই দাদা বৌরাণীকে ডেকে পাঠাবেন। বৌরাণী যে এত আগ্রহে বাপের বাড়ি চ’লে এলেন, আর তার পর থেকে এতদিন ফেরবার নাম নেই, এতে দাদার প্রচণ্ড অভিমান হয়েছে তা জানি। দাদা কিছুতেই বুঝতে পারেন না সোনার খাঁচাতে পাখীর কেন লোভ নেই। নির্কোষ পাখী, অকৃতজ্ঞ পাখী।”

“তা ভালোই তো, বড়োঠাকুর ডেকেই পাঠান না। সেই কথাই তো ছিল।”

“আমার মনে হয়, ডাকবার আগেই বৌরাণী যদি যান ভালো হয়, দাদার ঐটুকু অভিমানের না হয় জিৎ রইল। তা ছাড়া বিপ্রদাস বাবু তো চান বৌরাণী তাঁর সংসারে ফিরে যান, আমিই নিষেধ করেছিলুম।”

বিপ্রদাসের সঙ্গে এই নিয়ে আজ কি কথা হয়েছে মোতির মা তার কোনো আভাস দিলে না। বললে, “বিপ্রদাস বাবুর কাছে গিয়ে বলই না।”

“তাই যাই, তিনি শুনলে খুসি হবেন।”

এমন সময় কুমু দরজার বাইরে থেকে বললে, “ঘরে ঢুকব কি?”

মোতির মা বললে, “তোমার ঠাকুরপো পথ চেয়ে আছেন।”

“জন্ম জন্ম পথ চেয়ে ছিলুম, এইবার দর্শন পেলুম।”

“আঃ ঠাকুরপো, এত কথা তুমি বানিয়ে বলতে পারো কি ক’রে?”

“নিজেই আশ্চর্য্য হ’য়ে যাই, বুঝতে পারিন।”

“আচ্ছা, চল এখন খেতে যাবে।”

“খাবার আগে একবার তোমার দাদার সঙ্গে কিছু কথাবার্তা ক’য়ে আসিগে।”

“না, সে হবে না।”

“কেন?”

“আজ দাদা অনেক কথা বলেছেন, আজ আর নয়।”

“ভালো খবর আছে।”

“তা’ হোক, কাল এসো বরঞ্চ। আজ কোনো কথা নয়।”

“কাল হয়তো ছুটি পাব না, হয়তো বাধা ঘটবে। দোহাই তোমার, আজ একবার কেবল পাঁচ মিনিটের জন্তে। তোমার দাদা খুসি হবেন, কোনো ক্ষতি হবে না তাঁর।”

“আচ্ছা আগে তুমি খেয়ে নাও, তার পরে হবে।”

খাওয়া হয়ে গেলে পর কুমু নবীনকে বিপ্রদাসের ঘরে নিয়ে এল। দেখলে দাদা তখনো ঘুমোয়নি। ঘর প্রায় অন্ধকার, আলোর শিখা ম্লান। খোলা জানালা দিয়ে তারা দেখা যায়; থেকে থেকে ছছ ক’রে বইচে দক্ষিণের হাওয়া; ঘরের পর্দা, বিছানার ঝালর, আলনার ঝোলানো বিপ্রদাসের কাপড় নানারকম ছায়া বিস্তার ক’রে কেঁপে কেঁপে উঠছে, মেজের উপর খবরের কাগজের একটা পাতা যখন তখন এলোমেলো উড়ে বেড়াচ্ছে। আধ-শোওয়া অবস্থায় বিপ্রদাস স্থির হ’য়ে ব’সে। এগোতে নব্বইয়ের পা সরে না। প্রদোষের ছায়া আর রোগের শীর্ণতা বিপ্রদাসকে একটা আবরণ দিয়েছে, মনে হচ্ছে ও যেন সংসার থেকে অনেক দূর, যেন অণু লোকে। মনে হোলো ওর মত এমনতরো একলা মানুষ আর জগতে নেই!

নবীন এসে বিপ্রদাসের পায়ের ধূলা নিয়ে বললে, “বিশ্রামে ব্যাঘাত করতে চাইনে। একটা কথা ব’লে যাব। সময় হয়েছে, এইবার বৌরাণী ঘরে ফিরে আসবেন ব’লে আমরা চেয়ে আছি।”

বিপ্রদাস কোনো উত্তর করলে না, স্থির হ’য়ে ব’সে রইল।

খানিক পরে নবীন বললে, “আপনার অনুমতি পেলেই ওঁকে নিয়ে যাবার বন্দোবস্ত করি।”

ইতিমধ্যে কুমু ধীরে ধীরে দাদার পায়ের কাছে এসে বসেছে। বিপ্রদাস তার মুখের উপর দৃষ্টি রেখে বললে,

শ্রীরবীন্দ্রনাথ ঠাকুর

“মনে যদি করিস তোর যাবার সময় হয়েছে তা হ'লে যা, কুমু।”

কুমু বললে, “না, দাদা, যাব না।” ব'লে বিপ্রদাসের হাটুর উপর উপুড় হ'য়ে পড়ল।

ঘর স্তব্ধ, কেবল থেকে থেকে দমকা বাতাসে একটা শিথিল জানালা খড় খড় করচে, আর বাইরে বাগানে গাছের পাতাগুলো মন্মরিয়ে উঠ'চে।

কুমু একটু পরে বিছানা থেকে উঠেই নবীনকে বললে, “চলো আর দেরি নয়। দাদা, তুমি যুমোও।”

মোতির মা বাড়িতে ফিরে এসে বললে, “এতটা কিঙ্ক ভালো না।”

“অর্থাৎ চোখে খোঁচা দেওয়াটা যেমনি হোক না, চোপটা রাঙা হ'য়ে ওঠা একেবারেই ভালো নয়।”

“না গো, না, ওটা ওদের দেমাক। সংসারে ওঁদের যোগা কিছুই মেলে না, ওঁরা সবার উপরে।”

“মেজ বো, এতবড়ো দেমাক সবাইকে সাজে না, কিন্তু ওঁদের কথা আলাদা।”


“তাই ব'লে কি আত্মীয়স্বজনের সঙ্গে ছাড়াছাড়ি করতে হবে?”


“আত্মীয়স্বজন বললেই আত্মীয়স্বজন হ'ক না। ওঁরা আমাদের থেকে সম্পূর্ণ আর এক শ্রেণীর মানুষ। সম্পর্ক স্থাপনের ওঁদের সঙ্গে ব্যবহার করতে আমার সঙ্কোচ হয়।”

“যিনি যত বড়ো লোকই হোন না কেন, তবু সম্পর্কের জোর আছে এটা মনে রেখো।”

নবীন বুঝতে পারলে এই আলোচনার মধ্যে কুমুর পরে মোতির মার একটুখানি ঈর্ষার কাঁজও আছে। তা ছাড়া এটাও সত্যি, পারিবারিক বাধনটার দাম মেয়েদের কাছে খুবই বেশি। তাই নবীন এ নিয়ে বৃথা তর্ক না ক'রে বললে, “আর কিছুদিন দেখাই থাক না। দাদার আগ্রহটাও একটু বেড়ে উঠুক, তাতে ক্ষতি হবে না।”

(ক্রমশঃ)





—শ্রীঅন্নদাশঙ্কর রায়

১৫

যতগুলো রাজপ্রাসাদ দেখলুম তাদের কোনোটাই মনে ধরল না, কেননা কোনোটাই যথেষ্ট আড়ম্বরপূর্ণ নয়। পোষাকে—প্রাসাদে—যানে—বাহনে—বেগমে—গোলামে আমাদের রাজ রাজড়ারাই ছনিয়ার সেরা। আগ্রা দিল্লি লক্ষ্ণৌ বেনারসের সঙ্গে ভার্সেলস্ ভিয়েনা মিউনিক বুডাপেষ্টের এইখানেই হার যে রাজ্যতে প্রজাতে ভারতবর্ষে যেমন আস্মান জমীন্ ফরক্, সম্ভবত এক রাশিয়া ছাড়া ইউরোপের আর কোথাও তেমন ছিল না। আমরা ধাতে একস্ট্রীমিষ্ট। আমরা রাজ বাদশা ও ভিখারী ফকির ছাড়া কারকে সম্মান করিনে। তাই আমাদের দেশে ভোগের নামে লোকে মুচ্ছা যায়, ভাবে না জানি কোন রাজা-রাজড়ার মতো ভোগ করতে গিয়ে ভিখারীতে সমাজ ভরিয়ে দেবে! আর তাগের নাম করলে ধড়ে প্রাণ আসে,—হাঁ, সমাজের পাঁচজনের উপরে লোকটার দরদ আছে বটে। দেখ্ছো না, আমাদের জন্তে উনি কোপীন ধরলেন! “অধমতারণ পতিতপাবন জয় আমাদের—”ইত্যাদি।

ভোগের আড়ম্বর ও তাগের আড়ম্বর বোধহয় কেবল ভারতবর্ষের নয়, প্রধর সূর্যালোকিত দেশগুলির দুর্ভাগ্য। ঈজিপ্ট ও গ্রীসে সমাজের একটা ভাগ দাসত্ব করেছে, অপর ভাগ সেই দাসত্বের উপরে পিরামিড্ খাড়া করেছে। অতটা একস্ট্রীমিষ্ট প্রকৃতির সহ হয় না—ঈজিপ্ট্ ও

গ্রীস্ ট'লে পড়েছে। দাসও মরেছে, দাসের রাজ্যও। ভারতবর্ষেও কোনো একটা রাজবংশ ছ'চার পুরুষের বেশী টেঁকেনি, যত বিজেতা এসেছে সবাই ছ'চার পুরুষ পরে বিজিত হয়েছে। ইংরেজের বেলা এর ব্যতিক্রম হ'লো, কেননা ইংরেজ ভারতবর্ষের জল-হাওয়া কিম্বা ধাত কোনোটাকেই স্বীকার করেনি, ইংরেজ দূর থেকে শাসন করে এবং ঘরের প্রভাববশত মনে প্রাণে নাতিশীতোষ্ণ থাকে। ইংরেজের temper গরমও নয়, নরমও নয়; অসহিষ্ণুও নয়, সহিষ্ণুও নয়। ইংরেজ আশ্চর্যা রকম মধ্যপন্থী। তবে এও ঠিক যে ইংরেজ অত্যন্ত বেশী মাঝারি। এই মাঝারিত্বকে লোকে গালাগাল দিয়ে বলে conservatism; আসলে কিম্ব ইংরেজের conservatism স্থাগুহ নয়, ধীরে সুষ্টে চলা, slow but sure—কচ্ছপ-গতি। সূর্যের আলোর মদে মাতাল ফরাসীরা কতকটা আমাদের মতো একস্ট্রীমিষ্ট, তাই তারা সূদীর্ঘ কাল মহাশয়ের মতো যাই সওয়াবে তাই নয়, অবশেষে একদিন এটনা আগ্নেয়গিরির মতো ‘অগ্নিবৃষ্টি ক’রে আবার চুপচাপ ব’সে মদে চুমুক দেয়। তার ফলে খরগোসকে ছাড়িয়ে কচ্ছপ এগিয়ে যায়।

তবে ফরাসী বলা জার্মান বলা ইংরেজ বলা—কেউ আমাদের মতো ছোটতে বড়তে আস্মান জমীন্ বাবধান ঘটতে দেয় না, সময় থাকতে প্রতীকার করে। এই যে

সোশ্যালিষ্ট্, মুভ্‌মেন্ট্, এটার মতো মুভ্‌মেন্ট্, প্রতি শতাব্দীতে ইউরোপের প্রতি দেশে দেখা দিয়েছে। আজ যদি এ মুভ্‌মেন্ট্, অতি বৃহৎ হ'য়ে থাকে তবে যার বিরুদ্ধে এ মুভ্‌মেন্ট্, সেও আজ অতি বৃহৎ হ'য়ে উঠেছে। সমাজের একটা পা আজ বিপর্যায় লাফ দিয়ে এগিয়ে গেছে ব'লেই অপর পাটা বিপর্যায় লাফ দিয়ে সঙ্গ রাখতে বাগ্ন। ইউরোপের ধনীরা আজকের এই উন্মুক্ত পৃথিবী থেকে যে প্রচুর ধন আহরণ ক'রে ঘরে আনছে, ইউরোপের শ্রমিকরা সেই প্রচুর ধনেরই একটা সমানানুপাত বণ্টন চায়।

ইংরেজ নিজে পাঁউরুটিটা মাছটা খেয়ে আমাদের ছিব্‌ডেটা কাঁটাটা ফেলে দেয় ব'লে আমাদের একটা মস্ত অভিমান আছে। এ অভিমানটা যে এক হাজার বছর আগেও ছিল এর প্রমাণ তখনকার দিনেও আমাদের দেশে বৈরাগ্যাভিমানী ছিল বিস্তর, এরা সমাজের সেই ভাগটা যে ভাগ বৃহৎ ব্যবধান সহিতে না পেরে স্তো-ছেঁড়া ঘুঁড়ির মতো আকাশে নিরুদ্ধেশ হ'য়ে যায়। এরা ধনীলোকের ধনভার লাঘব ক'রে দরিদ্রের দারিদ্রতার লাঘব করেনি, কেননা সেজন্তে অনেক ছুঃখ ভুগতে হয় এবং কোনোদিন সে ভোগের শেষ নেই। প্রকৃতির অনাঘস্ত এই যে সাধনা এই তার সামোর সাধনায় প্রকৃতির সঙ্গে সন্ন্যাসী যোগ দেয় না, সে চিরকালের মতো সিদ্ধি চায়। যে জগতে প্রতিদিন বড় বড় গ্রহ নক্ষত্র ভাঙছে, মহাশক্তির গর্ভে বড় বড় নৌকাডুবি ঘটছে, প্রতিদিন ছোট ছোট অল্পপরমাণু থেকে নব নব গ্রহ নক্ষত্র গ'ড়ে উঠছে, ছোট ছোট প্রবালকীট মিলে অপূর্ণ প্রবালদ্বীপ গেঁথে তুলছে—এই প্রতিদিনের খেলাঘরে সন্ন্যাসীকে কেউ পাবে না। সে তার কাঁথা-কম্বল ছাল-বকুল আঁকড়ে ধ'রে বিরাগী হয়ে গেছে। এদিকে মহারাজের অন্তঃপুরে রাণী মক্ষিকার সংখ্যা বাড়ছে এবং দাসমক্ষিকাদের ক্রন্দনগুঞ্জে সংসারচক্র মুখর হ'লো। প্রাসাদে আর কুটীরে ভারতবর্ষের মাটি আর মর্ত্তা নয়, একাধারে স্বর্গ—পাতাল। আল্পস পর্বত ও ভূমধ্য সাগর সহ হয়, কেননা উঁচু নীচু হ'লেও তাদের ব্যবধান ছরতিক্রম নয়, কিন্তু হিমালয় পর্বত

ও ভারতসাগর সহ হয় না। উপরে ত্রিশ হাজার ফিট ও নীচে বিশ হাজার ফিট—পঞ্চাশ হাজার ফিটের ব্যবধান ছরতিক্রম। ভারতবর্ষের রাজা মহারাজারা যে চালে থাকেন ইউরোপের সম্রাটদের পক্ষেও তা স্বপ্ন এবং ভারতবর্ষের চাষা মজুররা যে চালে থাকে ইউরোপের ভিখারীদের পক্ষেও তা দুঃস্বপ্ন। এবং এই ব্যাপার খুব সম্ভব হাজার হাজার বছর থেকে চ'লে আসছে কেননা আমরা চিরকাল In-temperate Zone এর লোক। আর আমাদের দেশটাও চিরকাল এত বেশী উঁচু নীচু যে আমাদের চোখে জীবনের বিস্তীর্ণকম উঁচু নীচুও একটা সহজ উপমার মতো স্বাভাবিক ঠেকে।

রাজ প্রাসাদগুলি পরিদর্শন করবার সময় লক্ষ্য করেছি সেগুলি কেবল রাজপ্রাসাদ নয়, সেগুলির প্রত্যেকটি একটি পুরুষ ও একটি নারীর ছুঃখ সুখের নীড়—এক একটি “home”। ইংরেজী “home” কথাটির ভারতীয় প্রতিশব্দ নেই, কেননা “home” কেবল গৃহ নয়, একটি নারীর ও একটি পুরুষের কাঠ-পাথরে রূপান্তরিত প্রেম। ইংরেজ যুবক যখন বিবাহ করে তখন তার স্ত্রী তার কাছে এমন একটি গুহা প্রত্যাশা করে যেখানে সে সিংহীর মতো স্বাধীন, যেখানে তার স্বামী পর্যাস্ত তার অতিথি, খাণ্ডী খণ্ডর জা দেবর তার পক্ষে ততখানি দূর, খাণ্ডী খণ্ডর শ্রালক শ্রালিকা তার স্বামীর পক্ষে যতখানি। গুহার বাইরে তার স্বামীর এলাকা, গুহার ভিতরে তার নিজের; কেউ কারুর এলাকায় অনধিকার প্রবেশ করতে পারে না। বাড়ীতে একটা চাকর বাহাল করবার অধিকারও স্বামীর নেই, কিম্বা চাকরকে জবাব দেবার। বাজার করাটাও স্ত্রীর এলাকা, কেবল দাম দেবার বেলা স্বামীকে ডাক পড়ে। এক আফিসে এবং ক্লাবে ছাড়া স্বামীকে কেউ চেনে না, আস্বাবের দোকানে গহনার দোকানে পোষাকের দোকানে ধোপার বাড়ীতে ছেলে মেয়েদের ইস্কুলে বাড়ীওয়ালার কাছে নিমন্ত্রণে আমন্ত্রণে পাটিতে নাচে সর্বত্র স্ত্রীর বৈজয়ন্তী। এ সমস্তই “home” এর এলাকায় পড়ে। অতএব “home” কে আপনারা কেউ চারখানা দেয়াল ও একখানা সীলিং ঠাওরাবেন না। ছেলের দোলনা থেকে ছেলের বাপের



খাবারটেবিল পর্যন্ত যার রানীত্ব তিনি সুগৃহিণী নন, সমাজে তাঁর নিন্দা, তিনি কুণো। গির্জায়, চারিটি bazaarএ, সমাজসেবার সব আয়োজনে যার হাত (বা হস্তক্ষেপ) তিনিই সুগৃহিণী !

এত যদি স্ত্রীর অধিকার তবে feminismএর ঝড় উঠলো কেন? কারণ industrial revolutionএর ফলে সমাজে একটা ভূমিকম্প ঘটে গেছে, ছেলেরা সারা-জীবন দেশ দেশান্তরে ঘুরছে, মেয়েরা “home” করবে কাকে নিয়ে? “Home”এর মধ্যে একটা স্থায়িত্বের ভাব আছে, স্থানিক স্থায়িত্ব না হ’ক, সাময়িক স্থায়িত্ব। প্রেম স্থায়ী না হ’লে “home” হয় না। স্বামী স্ত্রী ঠাই-ঠাই হ’লেও ভাবনা ছিল না, দুজনের হৃদয়ও যে ঠাই-ঠাই হ’তে আরম্ভ করেছে। আমরা হ’লে বলতুম, দুয়ো-সুয়ো চলুক না? অন্ততঃ সদর মফঃস্বল? মুন্সিল এই যে, এতটা পতিব্রতা হ’তে এদেশের মেয়েরা এখনো শিখলো না। সুয়োকো কোথায় বোন ব’লে আপনার ক’রে নেবে ও স্বামীর শযায় পাঠিয়ে দেবীর পাট্ ণে করবে—তা নয়, আরে ছি ছি, রাম রাম, স্বামীদেবতাকে বিগ্যামীর অপরাধে পুলিশে দেয়! আর মফঃস্বলের খবর পেলে, একেবারে ডাইভোর্স কোর্ট—থিক! এরি নাম নাকি সভ্যতা!

ইংরেজ—জার্মান—স্বাণ্ডেনেভিয়ান মেয়েরা নিজের পাওনা গণ্ডাটি চিরকাল বুঝে নিয়েছে। অতীতকালে এরা স্বামীকে বলেছে, তোমাকেই আমি চিনি, তোমার মা-বাবাকে না। তাই এদের স্বামীর পিতৃ-পিতামহের সনাতন ট্রাইব্ ছেড়ে স্ত্রী পুত্রকে নিয়ে ফ্যামিলী সৃষ্টি করেছে—ফ্যামিলী ও পরিবার এক কথা নয়, যেমন “home” ও গৃহ এক কথা নয়। এই মজাগত পাওনা-গণ্ডা বুঝে নেবার স্বভাব থেকেই বর্তমানকালে feminismএর উৎপত্তি। এর মূল সুরটি এই যে, “home”এর দায়িত্ব যখন তোমরা স্বীকার করছো না তখন আমরাও স্বীকার করবো না, তোমরা মুক্ত হও তো আমরাও মুক্ত হই।” আপনারা বলবেন, সহিসুতাই নারীর ধর্ম, মা বসুমতী কত সহিছেন! কিন্তু শ্লেচ্ছ মেয়েরা এত বড় তত্ত্বকথাটা বোঝে না, তাই তাদের স্বামীদের পদভারে মা বসুমতী টলমল, এবং তাদের পদভারে তাদের স্বামীর শিবের মতো চীৎপাত।

ভিয়েনার রাজপ্রাসাদগুলিতে মেরিয়া থেরেসার ব্যক্তিত্বের ছাপ সুস্পষ্ট। অপরাপর রাজ প্রাসাদে রানীর ব্যক্তিত্বের চেয়ে বাড়ীর রানীত্বই লক্ষ্য করবার বিষয়। রানী বলতে অসপত্ন রানী বুঝতে হবে—এবং জা-শ্বাণ্ডী-হীন। এবং সামাজিক প্রাণী। দিল্লি—আগ্রা—ফতেপুর সিক্রীতে বেগমের ব্যক্তিত্বের চিহ্ন-বিশেষ যদি বা দেখা যায় তবু ও সব রাজপ্রাসাদকে “home” মনে করতে পারিনে। এবং সামাজিক প্রাণী হিসাবে বেগমদের আস্তিত্ব ছিল না। সমাজের পাঁচজন পুরুষ তাঁদের চোখে দেখেননি, তাঁদের আতিথা পাননি; রাজশ্রেণীর পাঁচজন পুরুষ তাঁদের সঙ্গে ছ’দণ্ড আলাপ করতে পারেননি, ছ’দণ্ড নাচবার আস্পর্শ্য রাখেন নি। বাদী ও বান্দায় ভরা বিশাল বেগমমহলে বাদশা মাসে একবার পূর্ণচন্দ্রের মতো উদয় হন, পুত্রকণ্ঠারা মা-বাবার সঙ্গে ছ’বেলা আহার করবার সৌভাগ্য না পেয়ে দাস দাসীর প্রভাবে বাড়েন। এমন গৃহকে গৃহিণীর সৃষ্টি বলতে প্রবৃত্তি হয় না। তাই প্রাচ্য রাজ-প্রাসাদ আড়ম্বরে অপরূপার মতো হ’য়েও দুঃখে সুখে নীড়ের মতো নয়। এখানে ব’লে রাখা ভালো যে, লুই-রাজার বা নেপোলিয়নেরও মফঃস্বল ছিল, কিন্তু সেটা নিপাতন ও সমাজের স্বীকৃতি পায়নি। বস্তুত প্রাচ্যে ও প্রতীচ্যে রাজার সঙ্গে সমাজের সম্বন্ধ এক নয়। আমাদের রাজারা সমাজের আইন-কানূনের উপরে, তাঁরা সমাজহীন। এদের রাজারা সামাজিক মানুষ, কিছুদিন আগে পরগাস্ত পোপের নির্দেশ অনুসারে রাজা ও প্রজা উভয়েই চালিত হতো। ইংলণ্ডের রাজা চার্লস অব্ ইংলণ্ড ও পার্লামেন্টের কাছে এতটা দায়ী যে যে তাঁর বিবাহ বা বিবাহচ্ছেদ পর্যন্ত সমাজের এই ছুটি হাতে। রাশিয়ার অত বড় স্বেচ্ছাচারী জারও স্ত্রী বিঘ্নমানে পুনর্বীর বিবাহ করতে পারতেন না কিম্বা সুয়োরানীর ছেলেকে রাজ্যাধিকার দিয়ে যেতে পারতেন না। সে-ক্ষেত্রে তিনি গ্রীক্ চার্চের নির্দেশসাপেক্ষ। তবে এও অস্বীকার করছি যে পোপ বা প্যাট্রিয়ার্করা মাঝে মাঝে ঘুষ খেয়ে ছাড়পত্র লিখে দিতেন না। কিন্তু সেটা নিপাতন ও তার বিরুদ্ধে সমাজের বিবেক চিরদিন বিদ্রোহ করেছে। প্রোটেষ্ট্যান্টিজ্ন্ তো এই জাতীয় একটা বিদ্রোহ!

ওটাও আধুনিক সোশ্যালিষ্ট মুভ্‌মেন্ট বা এর আগের গণতান্ত্রিক আন্দোলনেরই মতো মানুষে মানুষে দুর্ভিতক্রম বাধধানের বিরুদ্ধে প্রতিবাদ।

আস্বাব-শিল্পের জন্যে ভিয়েনার খ্যাতি আছে। এই মুহূর্তে ইউরোপের সর্বত্র আস্বাব-শিল্পের বিপ্লব চলেছে। কোলোনে মিউনিকে ও ভিয়েনায় নতুন ধরণের ঘর ও নতুন ধরণের আস্বাবের কত রকম নমুনা দেখা গেল। গত মহাবুদ্ধের পর ইউরোপের অধিকাংশ দেশেই এখন দরিদ্র ও মধ্যবিত্তদের মাঝখান থেকে আর্থিক বাধধান ঘুচে গেছে। চাষা-মজুরদের অবস্থার যতটা উন্নতি হয়েছে মধ্যবিত্তদের অবস্থার ততটা উন্নতি হয়নি। কাজেই দুই শ্রেণীর জন্যে অল্প দামের মধ্যে মজবুত অথচ বৈশিষ্ট্যসূচক বাড়ী ও আস্বাব দরকার হয়েছে লাখে লাখে। যার যে নমুনা পছন্দ হয় সে অবিলম্বে জনিষটি পায়। Large scale production এর নীতি অনুসারে খরচ বেশী পড়ে না, হাঙ্গামাও নেই, পছন্দ করবার পক্ষে নমুনাও যথেষ্ট। হাজার দেড় হাজার টাকায় ছোট একটি কাঠের বাড়ী, তিন চারটে ঘর, যথোপযুক্ত সজ্জা। মনে রাখতে হবে যে ঘরের সাইজ ও রঙ ইত্যাদি অনুসারে আস্বাবের সাইজ, রঙ, রেখা ও গড়ন। দুই


দিকেই বিপ্লব ঘটেছে—বাড়ী ও আস্বাব দুই দিকের দুই বিপ্লব পরস্পরের সঙ্গে সামঞ্জস্য রেখেছে। দুই-ই সরল, লঘুভার, নাতিবৃহৎ, বাতালোকপূর্ণ, বিরল-বসতি, নিরলঙ্কার। মানুষের রুচি এখন সভ্যতার অতি-বুদ্ধিকে ছেড়ে প্রকৃতির উদার উন্মুক্ত বলকারক সত্যগুলির দ্বারস্থ হয়েছে। সেই জন্তে নতুন ধরণের চেয়ার, টেবিল, খাট বা দেরাজের উপরে পাগ্লামীর ছাপ যদি বা দেখতে পাওয়া যায় চালাকীর মারপ্যাঁচ বা বড়মানুষীর চোখে-আঙুল-দেওয়া ভাব এক রকম অদৃশ্য। এর একটা কারণ, আগে যে-শ্রেণী class এ থাকতো তাদেরও চাহিদা অনুসারে এ সবেল জোগান। এবং তাদের রুচি অতি সূক্ষ্ম বা অতি খুঁৎখুঁতে নয় বলে তাদের সঙ্গে তাদের নামমাত্র উপরিতন মধ্যবিত্ত শ্রেণীকেও রুচি মেলাতে হচ্ছে। Mass production এর মজা এই যে চাষা মজুরের সিকিটা ছয়ানিটার জন্তে যে সিনেমার ফিল্ম—তার রুচির সঙ্গে কলেজের ছাত্রের রুচি না মেলে তো কলেজের ছাত্র নাচার। সিকি ছয়ানির দিক থেকে কলেজের ছাত্র ও চাষা মজুর দু'পক্ষই সমস্কন্ধ, অগত্যা রুচির দিক থেকেও দু'পক্ষকে সামাবাদী হতে হবে।



বিচিত্রা-



বোট্যানিক্যাল গার্ডেনের দৃশ্য



ইষ্ট ইণ্ডিয়া কোম্পানীর ফোর্ট উইলিয়াম

চিত্রশালা

পুরাতন কলিকাতা



চৌরঙ্গি



চাঁদপাল ঘাটের একটি দৃশ্য



চৌরঙ্গি—বিশপ্ ভবন



টাউন হল—এস্পানেড্ রো




চৌরঙ্গি



১৭৫৬ খৃষ্টাব্দে কলিকাতা




কাশীটোলা রোড, এম্প্লানেড রো, ধর্মতলা রোড,
তেলিবাজার—চৌরঙ্গি



তেলিবাজার ষ্ট্রট



কলিকাতা—১৭৫৬ খৃঃাব্দে



চৌরঙ্গি রোড্

এই চিত্র গুলি হইতে তদানীন্তন কলিকাতার অনেকগুলি সৌধের
বিচয়ের সহিত, পথ ঘাট জাহাজ নৌকা অথবা গোয়ান পান্ডি
পাহি প্রভৃতিরও একটা ধারণা করা যায়। পথে লোক জনের

চলাচলও যে খুবই কম ছিল তাহা বেশ লক্ষ্য করিতে পারা যায়।
ক্ষিদিরপুর ও আলিপুরের সেতু দুইটি হইতে তখনকার সাদাসিদা
সেতু সকলেরও একটা ধারণা করা যায়।

শ্রীহরিহর শেঠ।

এই ছবিগুলি চন্দ্রনগর নিবাসী শ্রীযুত হরিচরণ বস্কিতের নিকট হইতে পাইয়াছি। এই সুযোগে তাহাকে আমার ধন্যবাদ
নাইতেছি।

বর্ণিকাভঙ্গম্

শ্রীঅবনীন্দ্রনাথ ঠাকুর

রঙে আর রূপে অচ্ছেদ্য সম্বন্ধ। রূপ যেখানে রঙ সেখানে, রঙ যেখানে রূপ সেখানে, এই হ'ল স্বভাবের নিয়ম।

এক রঙা রূপ, পাঁচ রঙা রূপ এ রয়েছে, বদ-রঙ রূপ তাও আছে; কিন্তু রঙ ছাড়া রূপ তা কোথায়? রূপ ছাড়া রঙ তাও নেই! কচি পান্ পাকা পান্ শুকনো পান তিন অবস্থাতেই রূপ ও রঙ নিয়ে বর্ত্তে আছে। নতুন পাতার অরুণিমা সবুজ থেকে ক্রমে শুকনো পাতার গেরুয়াতে গিয়ে পৌঁছয়! পাতার রূপেরও অদল বদল হ'য়ে চলেছে কালে কালে। রূপে রঙের কোথাও বিচ্ছেদ নেই।

বিশ্বজগতে রচনার কাজ এই নিয়মেই চলেছে দোপ, মানুষের শিল্প রচনাতেও এই নিয়ম বলাবৎ। খাতার সাদা পাতা সেটা খানিক সাদা রঙ মাত্র নয়, চতুর্দশ একটা রূপও আছে তার। কাগজের উপরে কালো পেন্সিলে ছবি দাগলেম—সাদা রঙ কালো রঙ, দুই রঙের মিশনে তবে রূপটি ফুটলো। এমনি কালো সেলেটে সাদা রূপ, নানা বর্ণের কাগজে নান বর্ণ দিয়ে দাগা রূপ, এই হল ছবির পত্তন। লালে নালে কালোয় সাদায় হলুদে মিলিয়ে নিছক রঙের কাজ করলেম রূপ না। ফুটিয়ে, এমনিটি ধবার জো নেই একেবারেই। পাঁচ রঙের হিজিবিজি সেও পাঁচ বঙা একটা রূপ। আকাশ আর সমুদ্রের নীল রঙ কতকটা রূপ ছাড়া রঙের আভাস দিলেও ভাবরূপ দিয়ে পুরোপুরি ভর্তি, মরুভূমি—সেখানে রূপ রঙ ছাড়াছাড়ি ভাবে নেই। আকাশের নীল রূপের ভাবনা দিয়ে ভরা, সমুদ্রের জলে ও শুঁ বালুচরেরও এই রূপভর্তি রঙ। একটা চিত্র করি যদি মরুভূমির, তবে মরুভূমির রূপ এবং রঙ দুটোকেই টানতে হয়। মরুভূমির পারে আকাশের নীল এইটুকু দুই বর্ণের বিভিন্নতা দিয়ে ছবিতে বোঝাতে চলেম,—আকাশ থাকে উপরে মাটি থাকে নীচে, অতএব কাগজের উপরটা রঙালেম নীল আর নীচেটা করলেম বেলে রঙ। শুধু এইটুকু কাজ ক'রে দিয়ে

ছবিটাকে মরুপারের নীলমরীচিকাত্তে পরিণত করা চলোনা, রঙের সঙ্গে রূপকে এনে মেলাতে হল তবে ধরলো কাগজের একটা অংশ মরুরূপ অত্র ভাগ আকাশরূপ, এবং দুয়ে মিলে দৃশ্যটি পরিপাটি রূপে বর্ণিত হ'ল।

সুতরাং ছবির কোন্‌খানে কি রঙ দেবো সেটা যেমন ভাববার কথা, কোন রঙ কি কি ভাবে ফলাবো তাও জানা দরকার। আকাশ সমুদ্র ভাব রূপ দিয়ে ফলানো রঙ, ভাব রূপ চোখে দেখা যায় না কিন্তু রঙের রূপক দিয়ে ধরা থাকে জলে স্থলে আকাশে; চিত্র করার কৌশলই হচ্ছে এই ভাব রূপে গোলা রঙ সমস্তকে আয়ত্ত করা। নীল লাল ইত্যাদি রঙ এমনি লাগালেই হ'ল না—জলের বেলায় পানসে-নীল, আকাশের বেলায় হাওয়াই-নীল, বালির জায়গায় বেলে রঙ, সন্ধ্যার আকাশে আকাশী-পাটল না দিলে রঙের কাজে ভুল র'য়ে যায়, কাজেই চিত্র বড়ঙ্গের গোড়া যেমন আরম্ভ হ'ল রূপের ভেদ ও ভাবভঙ্গী নিয়ে, তেমন বড়ঙ্গের শেষ রইলো শুদ্ধ বর্ণ মিশ্র বর্ণ সমস্ত নানা ভেদ ও ভঙ্গ নিয়ে।

সচরাচর আমরা আকাশটি নীল ব'লে থাকি, কিন্তু এইটুকু জ্ঞান নিয়ে বর্ণিকের কাজ চলে না। আকাশ পলকে পলকে রঙ ফিরিয়ে চলেছে, গেরুয়া ধূসর সাদা সবুজ হলুদ কালো কতকটা। রাতের আকাশ দিনের আকাশ একটাও যে অবিমিশ্র নীল নয় তা ছবি আঁকতে গেলেই ধরা পড়ে। ইউনিয়ান জেক্ পতাকা কি স্বদেশী-পতাকা তার রঙ অবিমিশ্র নীল সবুজ সাদা লাল ইত্যাদি দিয়ে বাঁধা; রঙের বাক্সর রঙও কতকটা অবিমিশ্র ভাবে সাজানো থাকে, কিন্তু ছবির পটে এসে মেলামেশা শুরু হয়—রঙে রঙে রূপে রঙে, বিশ্ব রচনাতে এই নিয়ম, মানুষের রচনাতেও এই নিয়মের বাঁধাবাধি—অমিশ্র রঙ কচিৎ, মিশ্র রঙই প্রচুর প্রয়োগ হচ্ছে।

রূপের বিভিন্নতার কথা পূর্বে ব'লে চুকেছি, এখন রঙের বিভেদগুলো একটু পরিষ্কার ক'রে ধরার চেষ্টা

শ্রী অবনীন্দ্রনাথ ঠাকুর

করি। প্রথমত দেখি অমিশ্র ও মিশ্র এই দুই ভেদ, তারপর চিকণ ও রুক্ষ এই দুই ভেদ; মোটামুটি এই চার বিভাগে সব রঙকেই রাখা চলো। অমিশ্র রঙ সে বাঁধা রঙ, মিশ্রণের দ্বারায় তার মুক্তি। খড়ির বাঁধা সাদা তার সঙ্গে মিশলো একটুখানি পীত একটু লাল একটু নীল, তবে হ'ল দস্তধবল বা দাঁতি-সাদা; এমনি অগ্ৰাণ্য রঙের মিশ্রণে খল্লিসাদা হল-পাথুরে, পান্‌সে, আবোর, ফেণি এবং কত কী সাদা তার ঠিকঠিকানা নেই। শিউলী সাদা আর শঙ্খ সাদা একই সাদা নয়। মিশিকালো মোষেকালো নিকষকালো চিকণকালো খালাদা আলাদা রঙ আলাদা আলাদা রূপ।

মিশ্রণের দ্বারায় এক বর্ণের বহুল বিস্তার ও বৈচিত্র্য সম্পাদন করাই হ'ল নিয়ম। দপ্তরীর টানা কালো রেখার একটা রূপ আছে বটে, কিন্তু ছবিতে শ্রামল রঙ দিয়ে যে দিগন্ত রেখাটি টানা গেল তার সঙ্গে খাতার টানা রেখার অনেক প্রভেদ। অলঙ্কারশিল্প—সেখানে নানা বর্ণের মণিমুক্তা সোনা রূপার একত্রীকরণ দিয়ে একটা রূপ গড়া হয়; ফুলের মালাতেও এই কৌশল; আল্লনা ও কাশ্মেরী শাল সেখানেও এবং ইউরোপে মেজেইক চিত্রেও এই প্রথার প্রচলন দেখি। কাজেই ধ'রে নিতে পারি যে অলঙ্কারকলায় অমিশ্র বর্ণ সমস্তকে ভিন্নতা এবং অভিন্নতা দেওয়াই হ'ল কৌশল, বহুরঙের বহুরূপ। প্রজাপতির ডানা নানা অমিশ্র রঙের আল্লনা দিয়ে সাজানো, অপরাধিতার পাপড়িতে নীল আর সাদা দুই রঙ পাশাপাশি, আবার আকাশের ইন্দ্রধনু—সেখানে এক রঙ আর এক রঙে ঢ'লে প'ড়ে চমৎকার ভাবে মিলতে চলো!

দিনের আলো পাতার সবুজে ষটালে বিকার—মাঠের ঘাস, রাস্তা-দেখানো সোনালি গাছের পাতা আলো অন্ধকারে নিজের রঙ হারিয়ে পেলে অপরূপ শ্রামবর্ণ বা অঁকতে গিয়ে কত-বার হারতে হ'ল কত আটপটকে! রাতের অন্ধকার যে বর্ণ-বিকার ষটালে তা আরো সুস্পষ্ট—সবুজ হ'ল কালো, হিমাচলে দিনের কুয়াসা সে সাদার পৌঁচ দিয়ে কালো ক'রে দিলে গাছের সবুজ রঙ! প্রথম দর্শনে দূরের পাহাড়কে মেঘ ব'লে কে না ভুল করেছে?—কবি কালিদাস অনেকবার মেঘকে গিরিচূড়া ক'রে দেখেছেন, আর আমার জানত একটা

বুড়ি সে প্রথম সমুদ্র দেখে সেটাকে জগন্নাথের মন্দিরের প্রাচীর ব'লে ভুল ক'রে বসেছিল!

কাজেই রঙের একটা কাজ হ'ল ভ্রান্তি জাগানো এও বলতে পারি। আবার এও বলতে পারি যে সঠিক রূপকে সম্পূর্ণ ক'রে দেখানো সেও রঙের কাজ। ধর পটে একটা ষটের রূপটুকু মাত্র দাগা গেল পেন্সিলে, কিন্তু রঙটুকু রইলো বাদ—বস্তুটা পাথরের কি মাটির কি সোনা-রূপোর পিতল-কাঁসার কিছুই বোঝা গেল না, চিকণ কর্কশ ইত্যাদি রঙ দিতে হ'ল তবে ধাতে এল রূপটা। আকাশের মেঘমণ্ডল জলভরা না জলঝরা শুধু মেঘের রূপটা লিখে কিছুতেই বোঝানো চলো না, প্রতিকৃতি-চিত্রণে গায়ের চোগা চাপকান সব ঠিক ঠাক পেন্সিলে দেগে চিত্রটা সম্পূর্ণ হ'ল বলতে পারলেম না—সুতোর কাপড়, না সিল্কের কাপড়, না মখমল, এসব রঙ দিয়ে দেখিয়ে তবে নক্সা সম্পূর্ণ করতে হ'ল।

সূর্যরশ্মি নানা ধাতের নানা বস্তুর রঙ কালো আর সাদায় বিভক্ত ক'রে ফটোগ্রাফের কাগজের উপরে এমন চমৎকার ক'রে ধ'রে দেয় যে সেখানে কালো সাদার ছন্দেই পাটের কাপড় সুতোর কাপড় বনাত মখমল চামড়া এ সবের তার-তম্য সহজে ব্যক্ত হ'য়ে পড়ে। একখানা ভাল ড্রয়িং তাতেও রামধনুকের সাত রঙ কালো সাদার ভাষায় তর্জমা হ'য়ে আসে, জল মেঘ পর্বত সবই সেখানে নানা নানা ছাঁদের কালো সাদা অর্থাৎ রঙ্গান কালো সাদা। আটপটের হাতের পেন্‌ কি পেন্সিল এই ভাবে কালো সাদার ভাষায় রঙের নানা সুরের আভাসগুলি লেখাতে রেখে যায় তবেই না করি ড্রয়িংয়ের আদর!

কবিতার বই কালো সাদায় ছাপা হ'য়ে হ'য়ে বাজারে এল। সাদা কাগজে ছাপা অক্ষর ও বর্ণমালা নিছক সাদা আর কালো লাইনবন্দি ক'রে সাজানো; এরি ফাঁকে ফাঁকে কবি বর্ণনার মধ্যে দিয়ে রঙকে পেয়ে গেলেন। শরতের নীল, কাশ ফুলের সাদা, মেঘের শ্রাম, রোদ্দের পাটল কিছুই বাদ গেল না, কেননা কবি রঙ দিয়ে কথা ব'লে গেলেন, শুধু খবরওয়ালার মতো খবরটার বিজ্ঞাপন সাদায় কালোয় দিয়ে চলেন না।

কবিতা লিখেই কিছু বলি, আর ছবি দিয়েই বা কিছু জানাতে চলি বর্ণন ছাড়া গতি নেই; নিছক রূপ নিয়ে



রচক মানুষ কোপায় কারবার করলে তার উদাহরণ হ'ল—
বিজ্ঞানের বই এবং তার পাতায় পাতায় নানা নক্সাগুলো, অক্ষ
শাস্ত্রের পাতার নকড়া ছকড়া টানগুলো। কিন্তু মানুষ
সেখানে রস দিয়ে কিছু বলতে গেল সেই খানেই রূপের সঙ্গে
রঙও এসে পড়লো।

নানা বর্ণ দিয়ে একটা রূপ ফোটাতে নিপুণ
ছিলেন মহাকবি বাণভট্ট। রঙের প্রচুর ব্যবহার
'কাদম্বরী কপায়' যেমন দেখা যায় এমন আর কোথাও
নেই। মহাশেতার রূপ বর্ণন করলেন কবি, মহাশেতা নাম-
টাও যথেষ্ট বর্ণনা ত'তে পারতো কিন্তু কবি স্ননিপুণ ভাবে
হাজারো রকমের সাদা রঙের অবতারণা ক'রে বসলেন এক
মহাশেতাকে দেখাতে—সাদা রঙের ঝাঁক উড়লো যেন শ্বেত
পদ্মের চারিদিকে, শ্বেত অলঙ্কারের ব্যঙ্গারে বাঁধা শুদ্ধতার
প্রতিমূর্তি ত'য়ে উঠলো মহাশেতা। এমনি সন্ধ্যারাগটুকু
পাতার পর পাতা রঙের ভিসেবে বাঁধলেন কবি দেগতে
পাই—“অস্তম্বপগতে ভগবতি সহস্রদাধিতি, অপরাণবতটা-
ভঙ্গসস্তা বি-মলতেব পাটলা সন্ধ্যা সমদৃশ্যতঃ” (কাদম্বরী)।
এমনি সকালোবণ্ড রাগবর্ণন শুরু হল দেখি—“একদা তু
প্রভাতসন্ধ্যারাগলোহিতে গগনতলে কমলিনীমধুরক্ত
পঙ্কসম্পূটে বৃদ্ধহংসে হব, মন্দাকিনীপুলিনাদপরজলানিধি-
তলমবহরতি চন্দ্রমসি।” ইত্যাদি ইত্যাদি কত রঙ, কত
রঙের রকম, তার ঠিকানা নেই।

সূচীভেদে অক্ষকার, এ বসে শক্ত রঙটা স্পষ্ট হ'ল, কোমল
শ্রামল অক্ষকার এ অল্প কালোর কথা ব'লে চলো। এমনি নানা
ধাতে রঙ কালো সাদা ইত্যাদি দিয়ে রচনা সম্পূর্ণ হ'তে চলে।

রাজনাতি উপদেশ করলেন বিষ্ণুশর্মা,—এখনকার টেক্টি
বুকের মতো বেরঙা সাদা কালোয় লিখলে না উপদেশ—‘চিত্রবর্ণ’
পক্ষিরাঙ্ক ‘মেঘবর্ণ’ দূত পাখী এরা সব এসে গেল ঝাঁকে ঝাঁকে।
গোলটিকাল সায়াহ্ন রঙীন হ'য়ে এল রাজপুত্রদের সামনে।

একটা কথাই রয়েছে রঙ্গ-রস, রঙ হ'ল তো রস হ'ল
জানলেম। সরস সুরঙ্গ রূপ রূপকারের কাছ থেকে পাই ;
রূপ রঙ একত্রে মিলিয়ে পাই সমস্ত রূপরচনাতে ; বিচ্ছিন্ন
ভাবে রূপ বিচ্ছিন্ন ভাবে রঙ আটের কাজে আসে না।
হ' একটা নমুনা দেওয়া ছাড়া কথাটা পরিষ্কার হবে না।

এটা জানা কথা যে ভক্ত মাত্রেই নামরূপ জপ ক'রে
রস পেয়ে থাকেন। এখানে রূপটাই হ'ল যথেষ্ট, রঙ না হলেও
চলো। সুন্দর সংস্কৃত্যে কহা সকল শিরোমণি নাম,
তাকোঁ নিশিদিন স্মরিয়ে...” রাম নামটা হ'লেই যথেষ্ট
হ'ল ভক্তের পক্ষে, রামের নবদুর্বাদল শ্রামবর্ণ দরকারই নেই
নাম রসের উপভোক্তার কাছে। “সুন্দর ভজিয়ে রামকো,
ভজিয়ে মায়া মোহ”। রাম একটা নাম মাত্র, রূপও নেই
রঙও নেই। অবর্ণ অরূপ রামকে নিয়ে নামজপ্ চলে, ছবি
লেখা চলে না কোনো কালেই।

—সুন্দর মছরী নীর মৌ বিচরত আপনে খাল।

বগুলা লেত উঠাইকে তোহি প্রলয়োঁ কাল ॥

উপদেশ হ'লেও এর মধ্যে ছবি রয়েছে মাছ জল বক ; বেশির
ভাগ এখানে পাচ্ছি রূপ, এবং সঙ্গে সঙ্গে একটু একটু রঙও
পেয়ে যাচ্ছি। বিষ্ণুশর্মার হিতোপদেশ—সেখানেও কাক বক
নিয়ে কথা, কিন্তু একেবারে বেরঙা কথা নয়, বেরঙা কাক
বকও নয়। ‘কপূরদ্বীপে পদ্মকাল নামে এক সরোবর
সেখানে থাকে হিরণ্যগর্ভ নামে এক রাজহংস’—এখানে
রূপরঙ একত্রে মিলে গেল। খানিক পরেই আবার নাম
রূপের দেখা পাই, যেমন—‘একদিন সেই রাজহংস সুবিস্তৃত
পদ্মময় পর্দাঙ্কে সুখে বসিয়া আছেন এমন সময় দীর্ঘমুখ
নামে এক বক কোন এক দেশ হইতে তথায় উপস্থিত
হইল।’ এখন বকের নাম দীর্ঘমুখই রাখি বা দীর্ঘচঞ্চুই রাখি
যেমনি বল্লম কথায় ‘বক’ অমনি বকের রঙটাও এসে জোড়া
লাগলো শ্রোতার মনে। ধর যদি বলতেম—শঙ্খধবল বক,
তো রঙের সঙ্গে বকের রূপটা এসে জোড়া লাগুতা—সরু পা
লম্বা চোঁচ কিছুই বাদ যেতো না বক রূপটির। কিন্তু শুধু
শঙ্খধবল বলে কিযে বোঝায় বা কিযে না বোঝায় তা বলা
মুশ্কিল—সাপ বেঙ সবই হতে পারে!

রূপে রঙে মিলিয়ে দেখা হ'ল সহজ ও স্বাভাবিক দেখা।
তবে সময়ে সময়ে এমনো হ'য়ে থাকে যে রঙের আকর্ষণ
রূপের চেয়ে কি রূপের আকর্ষণ রঙের চেয়ে কম বেশ কাজ
করলে। দুই দল মেয়েতে কথা হচ্ছে রথের সময়। প্রথম
দল বলে,—‘ওপারেতে ময়রা বুড়ো রথ দিয়েছে তেরো চূড়ো,

শ্রীঅবনীন্দ্রনাথ ঠাকুর

বানরে ধরেচে ধবজা, দিদি গো দেখতে মজা’—শুধু এখানে রূপের কথা হল। দ্বিতীয় দল এর জবাব দিলে—‘তোদের হলুদ মাখা গা, তোরা রথ দেখতে যা, আমরা হলুদ কোথায় পাবো উল্টো রথে যাবো’। রূপ-দেখার দল আর রঙ-দেখার দল—একদল রঙ্গিনী উল্টো রথের সওয়ারী, আর একদল রূপসী সোজা রথের যাত্রী!

যখন দূরে থেকে হিমগিরি দেখি তখন রূপরঙ সমভাবে মনের উপরে কাজ করে। রঙের সঙ্গে মিলিয়ে না দেখলে রূপ দেখা সম্পূর্ণ হয় না এবং সে দেখায় রসও পাওয়া যায় না—নিরর্থক দৃষ্টি বদল হয় মাত্র বস্তুর সঙ্গে। যেমন,—তাজমহলটা গিয়ে দেখলেম না কিন্তু চাঁক ইঞ্জিনিয়ারের নক্সার সাহায্যে দেখলেম, ভাল ফটোগ্রাফ আর একটু বিস্তার ক’রে আলো ছায়া ফেলে দেখালে, কিন্তু তাতেও দেখা সম্পূর্ণ হলনা, ই আই রেলওয়ের টাইমটেবলের মলাট খানা তাজমহলটি বদরঙ দিয়ে দেখালে তাতে ক’রে ভুল ধারণা জন্মালো বস্তুটির, পাকা শিল্পী রূপ রঙ মিলিয়ে লিখলে তাজমহলের ছবি কি কবিতা, সত্য তাজমহলের দেখা পেয়ে গেলেম তখনই!

রূপের চেয়ে রঙ যেখানে জোর করছে মনে, তার ছ’একটা উদাহরণ দেখা যাক।

যেমন—“নিরুপম হেম জ্যোতি জিনি বরণ.

সঙ্গীতে রঞ্জিত রঞ্জিত চরণ,

নাচত গৌরচন্দ্র গুণগণিয়া—”

এখানে কেবলি রঙ আর রঙ চোখে পড়ছে! আবার—

“নাথবান কনক কষিত কলেবর

মোহন স্মেরু জিনিয়া স্ঠাম—”

এখানে রঙের ছাঁদ রূপের ছাঁদ পরে পরে আসা যাওয়া করলে।

কিন্তু—“নমো নিরঞ্জন নিরাকার অবিগত পুরুষ অলেখ

জিন সন্তনকে হিত ধরো যুগ যুগ নানা ভেথ”!

এখানে রঙছাড়া রূপ ছাড়া ধ্যানটাই পাচ্ছি পরমপুরুষের।

ঠিক এই কথাই উপনিষদে—‘য একো অবর্ণ বহুধাশক্তি যোগাৎ বর্ণন্থ অনেকান্ নিহিতার্থো দধীতি’! জল এবং আকাশ অবর্ণের কাছাকাছি, কিন্তু জল আকাশ দুয়েরই

রঙের অন্ত নাই। বায়ুস্তরের রূপও নেই রঙও নেই, কিন্তু রঙ ধরবার শক্তি ওতে আছে। বাতাসে ডোবা দূরের গাছ পর্কত ঘর বাড়ি রঙ ফেরায়, এটা জানতে সায়াস পড়তে হয় না, চোখ থাকলেই দেখা যায়। প্রকৃতির নিয়মে কোনো কিছুর রঙ অবিমিশ্র ভাবে বর্তে থাকতে পায় না, বিকার ঘ’টে যায়, আলো পড়ে ছায়া পড়ে,—তৃণভূমি, সে গাছের তলাটায় নীলাভ রঙ, গাছের ছায়া যেখানে পড়লে না সেখানে পীতাত সবুজ রঙ ধরলে! স্ববর্ণে বর্তে আছে এমন কোনো কিছু নেই বল্লেও চলে; জগতে এ ওর রঙে রাঙিয়ে উঠছে দিনরাত!

এই যে রঙের মিশ্রণ ও আদান-প্রদান এ যেমন দেখছি বিগছবিত্তে, তেমনি আবার পাশাপাশি দুই বস্তুর রঙে রঙে কঠিন বাবধান তাও দেখছি। কালোর পাশে আলো, একই জাতের দুই গাছ একটির পাশে আর একটি রূপ ও রঙের তারতম্য নিয়ে সুন্দর ফুটলো, সবুজের কোলে রঙীন ফুল, অন্ধকারের বুকে তারাকুলের বাহার, ঘন মেঘের গায়ে সাদা বকের সারি, আলোর গায়ে কালো কাকের দল,—রঙের এসব হিসাব শিথতে আটস্কুলে যেতে হয় না। কত বার দেখেছি রঙে রঙ মিশিয়ে পাখির ছানা কুকুর বেরাল বাঘ মানুষ দিবি গা ঢাকা দিলে, তেলাকুচো ফল বর্ণচোরা আম রঙ দিয়ে রসের অপদার্থতা লুকিয়ে চল্লো!

ফুলের রঙটাইপৌছে দেয় মধুর সংবাদ মোমাছিকে, এটা জানা কথা। উৎসবের রঙ শোকের রঙ এসবই ধার ক’রে নিয়েছে মানুষ প্রকৃতির কাছে কোন্ আদিকালে তার ঠিক ঠিকানা নেই।

সরল রূপ বাঁকা রূপ এমনি নানা রূপ-রেখা যেমন ভাবের প্রতীক হিসেবে ব্যবহার হচ্ছে, তেমনি রঙও প্রতীক হিসেবে ব্যবহার হচ্ছে। আমাদের শাস্ত্রকার বলেন—“শ্যামোভবতি শৃঙ্গারঃ, সিতোহাস্ত্র প্রকীর্তিত, কপোতো করুণশ্চব, রক্তোরোদ্র প্রকীর্তিত, গৌরোবীরস্ত বিজ্ঞেয়, কৃষ্ণশ্চব ভয়ানকঃ নীলবর্ণস্ত বীভৎস পীতশ্চবাস্ত ত স্মৃতঃ ॥”

ঠিক এই ভাবে আমেরিকার রেড ইণ্ডিয়ানদের মধ্যে রঙের নানা প্রতীক ও হিসেব দেখতে পাই, যেমন—

কালো রঙ হল—শোকের নিরাশার, মেটে এবং ধূসর রঙ বোঝায়—শুষ্কতা মৃত্যু ইত্যাদি, পীত নীল রঙ—



পরিণতি শক্তি ক্রমগা ইত্যাদি, সবুজ রঙ তারুণ্য আশা ইত্যাদি, শুভবর্ণ বোঝায়—শান্ত সুন্দর ভাবটুকু, উষার নিশ্চলতা শুচিতা ইত্যাদি। আদিম যুগের মানুষ হ'লেও এই সব জাতি রূপ ও রঙের অচ্ছেদ্য মিলন বিষয়ে অজ্ঞ রইলোনা।

বাদলের দিনে হঠাৎ সূর্যালোক তাদেরও মনে রস জাগিয়ে দিলে এবং আদিম আর্টিষ্ট কালো রঙের উপরে লাল রঙে ডোরা দিয়ে সেকালের বর্ষামঙ্গলের উৎসবমণ্ডপ সাজাবাব নিয়ম ক'রে গেল। বাদলের সন্ধ্যায় তাদের মেয়েরা পীতডোরা কালো কসির আলনা দিয়ে বসুধারা ব্রত ক'রে গেল। কামেই দেখা যাচ্ছে, কি আদিম যুগে, কি আজকের যুগে, রঙ আর রূপ অচ্ছেদ্য বন্ধনে বাঁধাই রইলো—এ থেকে এক স্বতন্ত্র করার সামর্থ্য নেই কোনো আর্টিষ্টের।

দলবার বেলায় রূপ রঙ ভাব ইত্যাদিকে পৃথক ক'রে দেখি, কিন্তু ছবিবচনার বেলায় এদের আর আলাদা ক'রে রাখা চলে না, এ ওর সঙ্গে মিলে দেয় পরিপূর্ণ-রূপটির ছন্দ। এই যে বিচিত্র সব রূপে রঙে মিলিয়ে মায়াঞ্জাল বিস্তৃত হয়েছে বিশ্বে, তাবি রহস্যভেদ হ'ল বর্ণিকাভঙ্গের শিক্ষার লক্ষ্য।

রাগ আর রঙ এক ক'রে দেখেছেন পণ্ডিতেরা,—নানা রঙের অনুরাগ তারি লক্ষণ দিচ্ছেন, যেমন—নীলিরাগ অর্থাৎ নীল অনুরাগ, যে ভালবাসার রঙ বদলায় না তাকেই বলা হয় নীলিরাগ; এমনি বাইরে বাইরে কপট ভালবাসা একটুতে উপে যায় রঙ, এমন ভালবাসার নাম দিগেন কবিরী কুম্ভভাগ; মঞ্জিষ্ঠারাগ হল পাকা রঙের ভালবাসা বা অনুরক্তি যাই বল। সবল, দুর্বল, কাঁচা, পাকা নানা রঙের নানা হিসেব শাস্ত্রে দেখি এবং চারিদিকে চোখেও পড়ে।

রঙীন রূপ নিয়ে রঙ্গী মানুষের হ'ল কারবার, রঙীন ছবি দিয়েই পাঠশালের বর্ণ পরিচয় শুরু ক'রে দিয়েছে অমৃতের পুত্র মানুষ, অথচ আশ্চর্যের বিষয় এই যে আমাদের টেক্‌স্ট-বুক কমিটি রঙছুট বর্ণপরিচয় দিয়ে আমাদের ছেলেদের শিক্ষা শুরু করতে বলছে! আনা কতকের বর্ণপরিচয় বিদ্যেসাগরের আমলেও যে-বেরঙা আজকের আমলেও তাই। কাক লিখে তার পাশে কালো ছবি, বক লিখে কালো ছবি, আম লিখে কালো ছবি, জাম লিখে কালো ছবি, কিন্তু

সবকটাই বেরঙা কালো। এই পর্য্যন্ত এগিয়েছে আমাদের নতুন বাংলার বর্ণপরিচয়। কিন্তু এটাকে অগ্রসর হওয়া বলা ভুল কেননা দেখতেই পাচ্ছি, রূপ রঙ ওখানে মিলেই না, রসও পেলে না ছেলেগুলো; কিন্তু অর্থ পেলেন যথেষ্ট একালে সেকালে অনেকেই। ঐ লাল কালিতে ছাপা টুকটুকে বইয়ের যা কিছু রঙ ঐ খানেই শেষ। বিলাতি বর্ণপরিচয় ঠিক আমাদের উন্টে রাস্তা এবং স্বাভাবিক শিক্ষার পথ ধরলে; রূপে রঙে মিলিয়ে বর্ণপরিচয় আরম্ভ হল সেখানে। কাজেই ওরা এগিয়ে গেল, আর আমরা বেরঙা বর্ণপরিচয় প'ড়ে প'ড়ে হয়রণ হ'তে থাকলেম। কলেজ স্কোয়ারে ছেলে ভোলাবার বাংলা বই ভালরকম একখানা আছে ব'লে তো মনে হয় না। বইয়ের দোকান যথেষ্ট, দামও বেশ চড়া, কিন্তু যত রঙ মলাটেই, অনেকটা মাকাল ফলের অনুরূপ। বইগুলো চোখ ভোলায় কিন্তু ছেলের কাজে আসে না। বিলাতি দোকানে যাই, শিশু-শিক্ষাকে দেখি তারা রঙের ছক পাজা খেলার মতো আনন্দদায়ক ক'রে তুলেছে।

রঙের উৎসবে ছেলে মেয়েদের ডাক দেওয়া যে দরকার, না হ'লে জীবনটাই যে তাদের বিক্রী হ'য়ে যায় এটা জানতে কারু বাকি নেই, কিন্তু তবু আজও বাজারে বেরঙ ছাড়া সুরঙ বাংলা হিন্দি বর্ণপরিচয় পাওয়াই যায় না। এর কারণ এখনো রস ধরেনি বর্ণপরিচয় লিখিয়েদের মনে, কাজেই রঙও ধরছে না বর্ণমালায় আমাদের।

মহাদেব যখন পার্শ্বতীকে বর্ণমালার পাঠ দিয়েছিলেন তখন রূপের সঙ্গে রঙেরও আমদানি করেছিলেন তিনি। যথা, অ হ'ল—শরচ্ছন্দ প্রতীকাশং আ হ'ল—শজ্যোতিমর্শ্বরম্, ই হ'ল—পরমানন্দসুগন্ধকুসুমচ্ছবিম্ উ হল—পীতচম্পকসঙ্কাশং, ঋ হল—রক্তবিদ্যাল্লহাকারম্, ঞ হল—চঞ্চলাপাদী কুণ্ডলী পীতবিদ্যাল্লতা। এমনি সত্যিকার ফুল বিদ্যাৎ কুণ্ডল এই সব দিয়ে পার্শ্বতীর বর্ণপরিচয় আরম্ভ করে দিয়েছিলেন শিব, রূপে রঙে মিলিয়ে শিক্ষা।

রূপ ও রঙ বাক্য এবং অর্থের মতো মিলে আছে এটা পুরোনো কথা, কিন্তু নতুন যুগেও আর্টিষ্টদের একথাটা বুঝে না চ'লে যে বিপদ আছে সেটা বলাই বাহুল্য।

অতসী মামী

—গল্প—

—শ্রীমাণিক বন্দ্যোপাধ্যায়—

—এক—

যে শোনে সেই বলে, হ্যাঁ, শোনবার মত বটে!

বিশেষ করে আমার মেজ মামী। তাঁর মুখে কোন জিনিষের এমন উচ্ছ্বসিত প্রশংসা খুব কম শুনেছি।

শুনে শুনে ভারি কোতুহল হ'ল। কি এমন বাঁশী বাজায় লোকটা যে সবাই এমন ভাবে প্রশংসা করে! একদিন শুনেতে গেলাম। মামার কাছ থেকে একটা পরিচয় পত্র সঙ্গে নিলাম।

আমি থাকি বালিগঞ্জ, আর ষাঁড় বাঁশী বাজানর ওস্তাদীর কথা বললাম তিনি থাকেন ভবানীপুর অঞ্চলে। মামার কাছে নাম শুনেছিলাম, যতীন। উপাধিটা শোনা হয়নি। আজ পরিচয় পত্রের উপরে পুরো নাম দেখলাম, যতীন্দ্রনাথ রায়।

বাড়ীটা খুঁজে বার করে আমার তো চক্কুস্থির! মামার কাছে যতীন বাবুর এবং তাঁর বাঁশী বাজানর যে রকম উচ্ছ্বসিত প্রশংসা শুনেছিলাম তাতে মনে হ'য়েছিল লোকটা নিশ্চয় একজন কেঁপেবিষ্ট গোছের কেউ হবেন। আর কেঁপেবিষ্ট গোছের একজন লোক যে বৈকুণ্ঠ বা মথুরার রাজ-প্রাসাদ না হোক, অন্তত বেশ বড় আর ডিসেন্ট লুকিং একটা বাড়ীতে বাস করেন এও তো স্বতঃসিদ্ধ কথা। কিন্তু বাড়ীটা যে গলিতে সেটার কথা না হয় ছেড়েই দিলাম, এঘে ইঁট বার করা তিনকালের বুড়োর মত নড়বড়ে একটা ইঁটের খাঁচা! সামনেটার চেহারাই যদি এরকম, ভেতরটা না জানি আবার কি রকম!

উইয়ে ধরা দরজার কড়া নাড়লাম।

একটু পরেই দরজা খুলে যে লোকটি সামনে এসে দাঁড়ালেন তাঁকে দেখে মনে হ'ল ছাইগাদা নাড়তেই যেন একটা টকটকে আগুন বার হ'য়ে পড়ল।

খুব রোগা আর গায়ের রঙও অনেকটা ফ্যাকাসে হ'য়ে গেছে। একদিন চেহারাখানা কি রকম ছিল অনুমান করা শক্ত নয়। এখনও যা আছে, অপূর্ণ!

বছর ত্রিশেক বয়স, কি কিছু কম। মলিন হ'য়ে আগা গায়ের রঙ অপূর্ণ, শরীরের গড়ন অপূর্ণ, মুখের চেহারা অপূর্ণ! আর সব মিলিয়ে যে রূপ তাও অপূর্ণ! সব চেয়ে অপূর্ণ চোখ দুটি। চোখে চোখে চাইলে যেন নেশা লেগে যায়।

পুরুষেরও তা' হ'লে সৌন্দর্য্য থাকে! ইঁট বার করা নোনা ধরা দেওয়াল আর উইয়ে ধরা দরজা, তার মাঝখানে লোকটিকে দেখে আমার মনে হ'ল ভারি সুন্দর একটা ছবিকে কে যেন অতি বিস্তী একটা ফ্রেমে বাঁধিয়েছে!

বলেন, আমি ছাড়া ত বাড়ীতে কেউ নেই, স্ত্রীরাং আমাকেই চান। কিন্তু কি চান?

আমার মুগ্ধ চিত্তে কে যেন একটা ঘা দিল। কি বিস্তী গলার স্বর! কর্কশ! কথাগুলি মোলায়েম কিন্তু লোকটির গলার স্বর শুনে মনে হ'ল যেন আমায় গালাগালি দিচ্ছেন! ভাবলাম, নির্দোষ সৃষ্টি বিধাতার কুষ্টিতে লেখে না। এমন চেহারায় ঐ গলা! সৃষ্টিকর্তা যত বড় কারিগর হোন, কোথায় কি মানায় সে জ্ঞানটা তাঁর একদম নেই।

বললাম, আপনার নাম তো যতীন্দ্রনাথ রায়? আমি হরেন বাবুর ভাগ্নে।

পরিচয় পত্রখানা বাড়িয়ে দিলাম।

এক নিঃশ্বাসে প'ড়ে বললেন, ইস! আবার পরিচয় পত্র কেন হে? হরেন যদি তোমার মামী, আমিও তোমার মামী। হরেন আমায় দাদা ব'লে ডাকে কিনা! এসো, এসো, ভেতরে এস।

আমি ভেতরে ঢুকতে তিনি দরজা বন্ধ করলেন।



সদর দরজা থেকে দুধারের দেয়ালে গা ঠেকিয়ে হাত পাঁচেক এসে একটা হাত তিনেক চওড়া বারান্দায় প'ড়ে ডান দিকে নাকতে হ'ল। বা দিকে নাকবার যো নেই, কারণ দেখা গেল সেদিকটা প্রাচীর দিয়ে বন্ধ করা।

ছোট একটু উঠান, বেশ পরিষ্কার। প্রত্যেক উঠানের চারটে ক'রে পাশ থাকে, এটারও তাই আছে দেখলাম। উপাশে দুখানা ঘর, এ বাড়ীরই অঙ্গ। একটা পাশ প্রাচীর দিয়ে বন্ধ করা, অন্য পাশটায় অন্য এক বাড়ীর একটা ঘরের পেছন দিক, জানালা দরজার চিহ্ন মাত্র নেই, প্রাচীরেরই সামিল।

আমার নবলক্ক মামা ডাকলেন, অতসী, আমার এক ভাগ্নে এসেছে, এ ঘরে একটা মাদুর বিছিয়ে দিয়ে যাও। ও ঘরটা বড় অন্ধকার।

এঘর মানে আমরা যে ঘরের সামনে দাঁড়িয়েছিলাম। ওঘর মানে ওদিককার ঘরটা। সেই ঘরটা থেকে বেরিয়ে এলেন এক তরুণী, মস্ত ঘোমটার মুখ ঢেকে।

যতীন মামা বললেন, একি! ঘোমটা কেন? আরে, এ যে ভাগ্নে!

মামার ঘোমটা ঘূচাবার লক্ষণ নেই দেখে আবার বললেন, ছি ছি, মামী হ'য়ে ভাগ্নের কাছে ঘোমটা টেনে কলা বোঁ সাজবে?

এবার মামার ঘোমটা উঠল। দেখলাম, আমার নূতন পাওয়া মামীটি মামারই উপযুক্ত স্ত্রী বটে! মনে মনে বললাম, মামার গলায় বিশ্রী স্মরটা দিয়ে যে ভুলটা করেছে ভগবান, মামীকে দিয়ে সেটুকু শুধরে নিয়েছ বটে! তোমার কসুর মাপ করা গেল।

মামী এঘরের মেঝেতে মাদুর বিছিয়ে দিলেন। ঘরে তরুপোস, টেবিল, চেয়ার ইত্যাদির বালাই নেই। এক পাশে একটা রঙ-চটা ট্রাঙ্ক আর একটা কাঠের বাক্স। দেওয়ালে এক কোণ থেকে আর এক কোণ পর্যন্ত একটা দড়ি টাঙ্গানো, তাতে একটু মাত্র ধূতি ঝুলছে। একটা পেরেকে একটা আধ ময়লা খদ্দেরের পাজাবী লটকান, যতীন মামার সম্পত্তি। গোটা দুই চার-পাঁচ বছর আগে-কার কালেঞ্জারের ছবি। একটাতে এখনও চৈত্রমাসের

তারিখ লেখা কাগজটা লাগান রয়েছে, ছিঁড়ে ফেলতে বোধ হয় কারো খেয়াল হয়নি।

যতীন মামা বললেন, একটু স্মজিটুজি থাকে তো ভাগ্নেকে ক'রে দাও। না থাকে এক কাপ চাই খাবে'খন।

বললাম, কিচ্ছু দরকার নেই যতীন মামা। আপনার বাঁশী শুনতে এসেছি, বাঁশীর সুরেই খিদে মিটবে এখন। যদিও খিদে পায়নি মোটেই, বাড়ী থেকে খেয়ে এসেছি।

যতীন মামা বললেন, বাঁশী? বাঁশী তো এখন আমি বাজাই না।

বললাম, সে হবে না, আপনাকে শোনাতেই হবে।

বললেন, তা' হ'লে বোস, রাত্রি হোক। সন্ধ্যার পর ছাড়া আমি বাঁশী ছুঁই না।

বললাম, কেন?

যতীন মামা মাথা নেড়ে বললেন, কেন জানি না ভাগ্নে, দিনের বেলা বাঁশী বাজাতে পারি না। আজ পর্গাস্ত কোন দিন বাজাইনি। হাঁ গা অতসী, বাজিয়েছি?

অতসী মামী মুছ হেসে বলল, না।

যেন প্রকাণ্ড একটা সমস্যার সমাধান হ'য়ে গেল এমন ভাবে যতীন মামা বললেন, তবে?

বললাম, মোটে পাঁচটা বেজেছে, সন্ধ্যা হবে সাতটায়। এতক্ষণ ব'সে থেকে কেন আপনাদের অসুবিধা করব, যুরেটুরে সন্ধ্যার পর আসব এখন।

যতীন মামা ইংরাজীতে বললেন, Tut! Tut! তারপর বাংলায় যোগ দিলেন, কি যে বল ভাগ্নে! অসুবিধাটা কি হে, এঁা? পাড়ার লোকে তো বয়কট করেছে। বলে, অতসী আমার স্ত্রী নয়! তুমি থাকলে তবু কণা ক'য়ে বাঁচবো।

এ আবার কি কথা! অতসী আমার স্ত্রী নয়, একথাও মানে?

যতীন মামা আবার বললেন, জমিদারীর ভায় বছরে পাঁচশো, তাই দিয়ে আমি একটি স্ত্রীলোক পুষছি! কি বুদ্ধি লোকের! তিন আইনে রেজিস্ট্রী করা বিয়ে, রীতিমত দলিল আছে, কেউ কি তা দেখতে চাইবে? যতো সব—

ত্রস্তভাবে অতসী মামী বলল, কি যা-তা বলছো?

শ্রীমাদিক বন্দ্যোপাধ্যায়

যতীন মামা বললেন, ঠিক ঠিক, ভাগে নতুন লোক, তাকে এসব কথা ঠিক হচ্ছে না বটে। ভারি রাগ হয় কিনা! ব'লে হাসলেন। হঠাৎ বললেন, তোমরা যে কেউ কারু সঙ্গে কথা বলছ না গো!

মামী মূহু হেসে বললেন, কি কথা বলব?

যতীন মামা বললেন, এই নাও! কি কথা বলবে তাও কি আমায় ব'লে দিতে হবে নাকি? যা হোক কিছু ব'লে শুরু কর, গড় গড় ক'রে কথা আপনি এসে যাবে।

মামী বললে, তোমার নামটি কি ভাগে?

যতীন মামা সশব্দে হেসে উঠলেন। হাসি খামিয়ে বললেন, এইবার ভাগে, পাঁচটা প্রশ্ন কর, আজ কি রাঁধবে মামী? বাস্, খাসা আলাপ জ'মে যাবে। তোমার আরম্ভটি কিন্তু বেশ অতসী।

মামীর মুখ লাল হ'য়ে উঠল।

আমি বললাম, অমন বিস্তী প্রশ্ন আমি কথখনো করব না মামী, আপনি নিশ্চিত থাকুন। আমার নাম সুরেশ!

যতীন মামা বললেন, সুরেশ কিনা সুরের রাজা, তাই সুর শুনতে এত আগ্রহ। নয় ভাগে?

হঠাৎ উঠে দাঁড়িয়ে বললেন, ইস্! ভুবন বাবু যে টাকা দুটো ফেরত দেবে বলেছিল আজ! নিয়ে আসি, দুদিন বাজার হয়নি। বসো ভাগে, মামীর সঙ্গে গল্প কর, দশ মিনিটের ভেতর আসছি।

ঘরের বাইরে গিয়ে বললেন, দোরটা দিয়ে যাও অতসী। ভাগে ছেলে মানুষ, কেউ তোমার লোভে ঘরে ঢুকলে ঠেকাতে পারবে না।

মামীর মুখ আরক্ত হ'য়ে উঠল এবং সেইটা গোপন করতে চট ক'রে উঠে গেল। বাইরে তার চাপা গলা শুনলাম, কি যে রসিকতা কর, ছি! মামা কি জবাব দিলেন শোনা গেল না।

মামী ঘরে ঢুকে বলে, ঐ রকম স্বভাব গুঁর। বাক্সে গুটি মোটে টাকা, তাই নিয়ে সেদিন বাজার গেলেন। বললাম, একটা থাক্। জবাব দিলেন কেন? রাস্তায় ভুবন বাবু চাইতে টাকা দুটি তাকে দিয়ে খালি হাতে ঘরে ঢুকলেন।

আমি বললাম, বেশ লোক তো যতীন মামা! মামী বলে, ঐ রকমই। আর ঠাখো তাই— বললাম, তাই নয়, ভাগে।

মামী বলে, তাও তো বটে! আগে থাকতেই যে সম্বন্ধটা পাতিয়ে ব'সে আছ! গুঁর ভাগে না হ'য়ে আমার ভাই হলেই বেশ হ'ত কিন্তু। সম্পর্কটা নতুন করে পাত না? এখনো এক ঘণ্টাও হয়নি, জমাট বাধেনি।

আমি বললাম, কেন? মামী ভাগে বেশ তো সম্পর্ক! মামী বলে, আচ্ছা তবে তাই। কিন্তু আগার একটা কথা তোমায় রাখতে হবে ভাগে। তুমি গুঁর বাঁশী শুনতে চেয়ে না।

বললাম, তার মানে? বাঁশী শুনতেই তো এলাম!

মামীর মুখ গম্ভীর হ'ল, বলে, কেন এলে? আমি ডেকেছিলাম? তোমাদের জালায় আমি কি গলায় দড়ি দেবো?

আমি অবাক হ'য়ে মামীর মুখের দিকে চেয়ে রইলাম। কথা যোগায় না।

মামী বলে, তোমাদের একটু সখ মেটাবার জন্তু উনি আত্মহত্যা করছেন দেখতে পাওনা? রোজ তোমরা একজন না একজন এসে বাঁশী শুনতে চাইবে। রোজ গলা দিয়ে রক্ত পড়লে মানুষ কদিন বাঁচে?

রক্ত! রক্ত নয়? দেখবে? ব'লে মামী চ'লে গেল। ফিরে এল একটা গামলা হাতে ক'রে। গামলার ভেতরে জমাট বাধা খানিকটা রক্ত।

মামী বলে, কাল উঠেছিল, ফেলতে মায়া হচ্ছিল তাই রেখে দিয়েছি। রেখে কোন লাভ নেই জানি, তবু—

আমি অমুতপ্ত হয়ে বললাম, জানতাম না মামী। জানলে কথখনো শুনতে চাইতাম না। ইস্, এই জন্তুই মামার শরীর এত খারাপ?

মামী বলে, কিছু মনে কোরো না ভাগে। অজ্ঞ কারো সঙ্গে তো কথা কইনা তাই তোমাকেই গায়ের ঝাল মিটিয়ে ব'লে নিলাম। তোমার আর কি দোষ, আমার!

আমি বললাম, এত রক্ত পড়ে তবু মামা বাঁশী বাজান?



মামী দীর্ঘ নিশ্বাস ফেলে বলেন, হ্যাঁ, পৃথিবীর কোন বাধাই ঠুর বাঁশী বাজান বন্ধ করতে পারবে না। কত বলেছি, কত কেঁদেছি, শোনেন না। আমি চুপ করে রইলাম।

মামী ব'লে চল, কতদিন ভেবেছি বাঁশী ভেঙ্গে ফেলি, কিন্তু সাতস হয়নি। হয়ত বাঁশীর বদলে মদ খেয়েই নিজেকে শেষ ক'রে ফেলবেন, নয়ত যেখানে যা আছে সব বিক্রি করে বাঁশী কিনে না খেয়ে মরবেন।

মামার শেষ কথাগুলি যেন গুমরে গুমরে কেঁদে ঘরের চারিদিকে ঘুরে বেড়াতে লাগল। আমি কি বলতে গেলাম, কিন্তু কথা ফুটল না।

মামী একটা দীর্ঘ নিশ্বাস ফেলে বলেন, অথচ ঐ একটা ছাড়া আমার কোন কথাই ফেলেন না। আগে আকর্ষ মদ খেতেন, বিয়ের পর যেদিন মিনতি ক'রে মদ ছাড়তে বললাম সেইদিন থেকে ওজনিষ ছোঁয়াই ছেড়ে দিলেন। কিন্তু বাঁশীর বিষয়ে কোন কথাই শোনেন না।

আমি বলতে গেলাম, মামী—

মামী বোধ হয় শুনতেই পেল না, বলে চল, একবার বাঁশী লুকিয়ে রেখেছিলাম, সে কি ছট ফট করতে লাগলেন। যেন ঠুর সর্বস্ব হারিয়ে গেছে।

বাইরে কড়া নাড়ার শব্দ হল। মামী দরজা খুলতে উঠে গেল।

যতীন মামা ঘরে ঢুকতে ঢুকতে বলেন, দিলে না টাকা অতসী, বলে পরশু যেতে।

পিছন থেকে মামী বলে, সে আমি আগেই জানি।

যতীন মামা বলেন, দোকানদারটাই বা কি পাজী, একপো সূজি চাইলাম দিল না। মামার বাড়ী এসে ভাগ্নেকে দেখছি খালি পেটে ফিরতে হবে।

মামী ম্লান মুখে বলে, সূজি দেয়নি ভালই করেছে। শুধু জল দিয়ে তো আর সূজি হয় না!

যি নেই?

কবে আবার যি আনলে তুমি?

তাওতো বটে! ব'লে যতীন মামা আমার দিকে চেয়ে হাসলেন। দিবা সপ্রতিভ হাসি।

আমি বললাম, কেন ব্যস্ত হচ্ছেন মামা, খাবারের কিছু দরকার নেই। ভাগ্নের সঙ্গে অত ভদ্রতা করতে নেই!

মামী বলে, বোস তোমরা, আমি আসছি। ব'লে ঘর থেকে বেরিয়ে গেল।

মামা বলেন, কোথায় গো?

বারান্দা থেকে জবাব এল, আসছি।

মিনিট পনের পরে মামী ফিরল। হুহাতে হুথানা রেকাবিতে গোটা চারেক ক'রে রসগোল্লা আর গোটা দুই সন্দেশ।

যতীন মামা বলেন কোথেকে যোগাড় করলে গো? ব'লে, একটা রেকাবি টেনে নিয়ে একটা রসগোল্লা মুখে তুলেন।

অন্য রেকাবিটা আমার সামনে রাখতে রাখতে মামী বলে, তা দিয়ে তোমার দরকার কি?

যতীন মামা দিবা নিশ্চিতভাবে বলেন, কিছু না! যা খিদেটা পেয়েছে, ডাকাতি ক'রেও যদি এনে থাক কিছু দোষ হয় নি। স্বামীর প্রাণ বাঁচাতে সাধ্বী অনেক কিছুই করে!

আমি কুণ্ঠিত হয়ে বলতে গেলাম, কেন মিথো—

বাধা দিয়ে মামী বলে, আবার যদি ঐ সব শুরু কর ভাগ্নে, আমি কেঁদে ফেলব।

আমি নিঃশব্দে খেতে আরম্ভ করলাম।

মামী ওষর থেকে ছোটো এনামেলের গ্লাসে জল এনে দিলেন।

প্রথম রসগোল্লাটা গিলেই মামা বলেন, ওয়াক্! কি বিক্রী রসগোল্লা! রইলো পড়ে থেয়ে তুমি, নমস্তাফেলে দিও। দেখি সন্দেশটা কেমন!

সন্দেশ মুখে দিয়ে বলেন, হ্যাঁ এ জিনিষটা ভাল, এটা খারাপ। ব'লে, সন্দেশ ছোটো তুলে নিয়ে রেকাবিটা ঠেলে দিয়ে বলেন, যাও তোমার সূজির টিপি ফেলে দিও'খন নর্দামায়।

অতসী মামীর চোখ ছল ছল ক'রে এল! মামার ছল-টুকু আমাদের কারুর কাছেই গোপন রইলনা। কেন যে এমন খাসা রসগোল্লাও মামার কাছে সূজির টিপি হয়ে গেল বুঝে আমার চোখে প্রায় জল আসবার উপক্রম হল।

শ্রীমাণিক বান্দ্যাপাধ্যায়

মাথা নীচু করে রেকাবিটা শেষ করলাম। মাঝখানে একবার চোখ তুলতেই নজরে পড়ল মামী মামার রেকবিটা কপালে ছুঁইয়ে দরজার ওপরের তাকে তুলে রাখছে।

সন্ধ্যার অন্ধকার ঘনিষে এলে মামী ঘরে ঘরে প্রদীপ দেখাল, ধুনো দিল। আমাদের ঘরে একটা প্রদীপ জালিয়ে দিয়ে মামী চুপ ক'রে দাঁড়িয়ে কি যেন ভাবতে লাগল।

যতীন মামা হেসে বল্লেন, আরে লজ্জা কিসের! নিত্যকার অভ্যাস, বাদ পড়লে রাতে ঘুম হবেনা। ভাগ্নের কাছে লজ্জা করতে নেই।

আমি বললাম, আমি না হয়—

মামী বল্লেন, বোস, উঠতে হবেনা অত লজ্জা নেই আমার। ব'লে, গলায় আঁচল দিয়ে মামার পায়ে কাছ মাটিতে মাথা ঠেকিয়ে প্রণাম করল।

লজ্জায় স্নেহে তৃপ্তিতে আরক্ত মুখখানি নিয়ে অতসী মামী যখন উঠে দাঁড়াল, আমি বললাম দাঁড়াও মামী, একটা প্রণাম করেনি।

মামী বল্লেন, না না ছি ছি—

বললাম, ছিছি নয় মামী। আমার নিত্যকার অভ্যাস না হ'তে পারে, কিন্তু তোমায় প্রণাম না ক'রে যদি আজ বাড়ী ফিরি রাতে আমার ঘুম হবে না ঠিক। ব'লে মামীর পায়ে হাত দিয়ে প্রণাম করলাম।

যতীন মামা হো হো করে হেসে উঠল।

মামী বল্লেন, ঠাখোতো ভাগ্নের কাণ্ড!

যতীন মামা বল্লেন, ভক্তি হয়েছে গো! কলিযুগের সীতাদেবীকে দেখে।

মেয়েটির মত সলজ্জ 'ধোৎ' বলে মামী পলায়ন করল।

বারান্দা থেকে ব'লে গেল, আমি রান্না করতে গেলাম।

যতীন মামা বল্লেন, এইবার বাঁশী শোন।

আমি বললাম, থাকগে, কাজ নেই মামা। শেষকালে রক্ত পড়তে আরম্ভ করবে আবার

যতীন মামা বল্লেন, তুমিও শেষে ঘ্যান ঘ্যান প্যান প্যান আরম্ভ করলে ভাগ্নে? রক্ত পড়বে তো হয়েছে কি? তুমি শুনলেও আমি বাজাব, না শুনলেও বাজাব। খুঁসী হয় রান্না ঘরে মামীর কাছে ব'সে কানে আঙ্গুল দিয়ে থাকগে।

কাঠের বাক্সটা খুলে বাঁশীর কাঠের কেসটা বার করলেন। বল্লেন বারান্দায় চল, ঘরে বড় শব্দ হয়।

নিজেই বারান্দায় মাহুরটা তুলে এনে বিছিয়ে দিলেন দেওয়ালে ঠেস দিয়ে ব'সে বাঁশীটা স্নেহে তুললেন।

হঠাৎ আমার মনে হল আমার ভেতরে যেন একটা উন্মাদ একটা ক্ষাপা উদাসীন ঘুমিয়ে ছিল আজ বাঁশীর সুরের নাড়া পেয়ে জেগে উঠল। বাঁশীর সুর এসে লাগে কানে কিন্তু আমার মনে হল বৃকের তলেও যেন সাড়া পৌঁছেচে। অতি তীব্র বেদনার মধুরতম আত্মপ্রকাশ কেবল বৃকের মাঝে গিয়ে পৌঁছয়নি, বাইরের এই ঘর দোরকেও যেন স্বর্শ দিয়ে জীবন্ত ক'রে তুলেছে, আর আকাশকে বাতাসকে মৃদু ভাবে স্পর্শ করতে করতে যেন দূরে বহুদূরে যেখানে গোটা কয়েক তারা ফুটে উঠেছে দেখতে পাচ্ছি, সেইখানে স্বপ্নের মায়ায় মাঝে লয় পাচ্ছে। অন্তরে বাণী বোধ ক'রে আনন্দ পাবার যতগুলি অনুভূতি আছে বাঁশীর সুর যেন তাদের সঙ্গে কোলাকুলি আরম্ভ করেছে।

বাঁশী শুনছি ঢের। বিশ্বাস হয়নি এই বাঁশী বাজিয়ে একজন একদিন এক কিশোরীর কুল মান লজ্জা ভয় সব ভুলিয়ে দিয়েছিল, যমুনাকে উজান বইয়েছিল। আজ মনে হল, আমার যতীন মামার বাঁশীতে সমগ্র প্রাণ যদি আচমকা জেগে উঠে নিরর্থক এমন বাকুল হয়ে ওঠে তবে সেই বিশ্ব বাঁশীর বাদকের পক্ষে ঐ দুটি কাজ আর এমন কি কঠিন!

দোখি, মামী কখন এসে নিঃশব্দ ওদিকের বারান্দায় ব'সে পড়েছে। খুব সম্ভব ঐ ঘরটাই রান্না ঘর, কিম্বা রান্না ঘরে যাবার পথ ঐ ঘরের ভেতর দিয়ে।

যতীন মামার দিকে চেয়ে দেখলাম, খুব সম্ভব সংজ্ঞা নেই। এ যেন সুরের আত্ম ভোল! সাধক সমাধি পেয়ে গেছে।

কতক্ষণ বাঁশী চলেছিল ঠিক মনে নেই, বোধ হয় ষষ্ঠী দেড়েক হবে। হঠাৎ এক সময়ে বাঁশী থামিয়ে যতীন মামা ভয়ানক কাসতে আরম্ভ করলেন। বারান্দার ক্ষীণ আলোতেও বুঝতে পারলাম, মামার মুখ চোখ অস্বাভাবিক রকম লাল হয়ে উঠেছে।



অতসী মামী বোধ হয় প্রস্তুত ছিল, জল আর পাখা নিয়ে ছুটে এল। খানিকটা রক্ত তুলে মামীর গুত্রায় যতীন মামা অনেকটা সুস্থ হলেন। মাদুরের ওপর একটা বালিশ পেতে মামী তাকে গুইয়ে দিল।

উঠে দাঁড়িয়ে বললাম, আজ আসি যতীন মামা।

মামা কিছু বলবার আগেই মামী বলে, তুমি এখন কথা কয়ো না। ভাগ্নের বাড়ীতে ভাববে, ; আজ থাক, আর একদিন এসে খেয়ে যাবে এখন। চল আমি দরজা দিয়ে আসছি।

দরজা খুলে বাইরে যাব, মামী আমার একটা হাত চেপে ধ'রে বলে, একটু দাঁড়াও ভাগ্নে, সামলে নি।

প্রদীপের আলোতে দেখলাম, মামীর সমস্ত শরীর থর থর ক'রে কাঁপছে! একটু সুস্থ হয়ে বলে, ও'র রক্ত পড়া দেখলেই আমার এরকম হয়। বাঁশী শুনেও হ'তে পারে। আচ্ছা এবার এসো ভাগ্নে, শীগগির আর একদিন আসবে কিন্তু।

বললাম, মামার বাঁশী ছাড়াতে পারি কিনা একবার চেষ্টা ক'রে দেখব মামী?

মামী ব্যগ্ধ কণ্ঠে বলে, পারবে? পারবে তুমি? যদি পার ভাগ্নে, শুধু তোমার যতীন মামাকে নয়, আমাকেও প্রাণ দেবে।

অতসী মামী ঝর ঝর ক'রে কেঁদে ফেললে।

রাস্তায় নেমে বললাম, খিলটা লাগিয়ে দাও মামী।

—তুই—

কেবলই মনে হয়, নেশাকে মানুষ এত বড় দাম দেয় কেন। লাভ কি? এই যে যতীন মামা পলে পলে জীবন উৎসর্গ ক'রে সুরের জাল বুনবার নেশায় মেতে যান, মানি তাতে আনন্দ আছে। যে সৃষ্টি করে তারও, যে শোনে তারও। কিন্তু এত চড়া মূল্য দিয়ে কি সেই আনন্দ কিনতে হবে? এই যে স্বপ্ন সৃষ্টি এ তো কৃণিকের! যতক্ষণ সৃষ্টি করা যায় শুধু ততক্ষণ এর স্থিতি। তারপর বাস্তবের কঠোরতার মাঝে এ স্বপ্নের চিহ্নও তো খুঁজে পাওয়া যায় না। এ নিরর্থক মায়া সৃষ্টি ক'রে নিজেকে ভোলাবার প্রয়াস কেন? মানুষের মন কি বিচিত্র! আমারও ইচ্ছে করে যতীন মামার

মত সুরের আলোয় ভুবন ছেয়ে ফেলে, সুরের আশ্রয় গগনে বেয়ে তুলে পলে পলে নিজেকে শেষ করে আনি! লাভ নেই? নাই বা রইল।

এতদিন জানতাম, আমিও বাঁশী বাজাতে জানি। বন্ধুরা শুনে প্রশংসাও করে এসেছে। বাঁশী বাজিয়ে আনন্দও যে না পাই তা নয়। কিন্তু যতীন মামার বাঁশী শুনে এসে মনে হল, বাঁশী বাজান আমার জঁত্রে নয়। এক একটা কাজ করতে এক একজন লোক জন্মায়, আমি বাঁশী বাজাতে জন্মাইনি। যতীন মামা ছাড়া বাঁশী বাজাবার অধিকার কারো নেই।

থাকতে পারে কারো, অধিকার। কারো কারো বাঁশী শ্রুত যতীন মামার বাঁশীর চেয়েও মনকে উতলা ক'রে তোলে, আমি তাদের চিনি না।

একদিন বললাম, বাঁশী শিখিয়ে দেবে মামা?

যতীন মামা হেসে বলে, বাঁশী কি শেখাবার জিনিস ভাগ্নে? ও শিখতে হয়।

তা ঠিক। আর শিখতেও হয় মন দিয়ে, প্রাণ দিয়ে, সমগ্র সত্তা দিয়ে। নইলে আমার বাঁশী শেখার মতই সে শিক্ষা বার্থ হয়ে যায়।

অতসী মামীকে সেদিন বিদায় নেবার সময় যে কথা বলেছিলাম সে কথা ভুলি নি। কিন্তু কি ক'রে যে যতীন মামার বাঁশী ছাড়াবো ভেবে পেলুম না। অথচ দিনের পর দিন যতীন মামা যে এই সর্কানাশা নেশায় পলে পলে মরণের দিকে এগিয়ে যাবে একথা ভাবতেও কষ্ট হল। কিন্তু করা যায় কি? মামীর প্রতি যতীন মামার যে ভালবাসা তার বোধ হয় তল নেই, মামার কান্নাই-বখন ঠেলেছেন তখন আমার সাধা কি তাকে ঠেকিয়ে রাখি!

একদিন বললাম, মামা আর বাঁশী বাজাবেন না।

যতীন মামা চোখ বড় বড় করে বলেন, বাঁশী বাজাব না? বল কি ভাগ্নে? তাহলে বাঁচবো কি ক'রে?

বললাম, কান্না দিয়ে রক্ত উঠছে, মামী কত কাঁদে।

তা আমি কি করব? একটু আধটু কাঁদা ভাল। ব'লে হাঁকলেন, অতসী! অতসী!

মামী এল।

শ্রীমাণিক বন্দোপাধ্যায়

মামা বল্লেন, কান্না কি জন্তে শুনি ? বাঁশী ছেড়ে দিয়ে আমার মরতে বলো নাকি ? তাতে কান্না বাড়বে, কমবেনা । মামী ম্লানমুখে চুপ ক'রে দাঁড়িয়ে রইল ।

মামা বল্লেন, জান ভাগ্নে, এই অতসীর জালায় আমার বেঁচে থাকা ভার হয়ে উঠেছে । কোথেকে উড়ে এসে জুড়ে বসলেন, নড়বার নাম নেই । ওর ভার ষাড়ে না থাকলে বাঁশী বগলে মনের আনন্দে দেশ বিদেশে ঘুরে বেড়াতাম । বেড়ানো টেরানো সব মাণায় উঠেছে ।

মামী বল্লেন, যাওনা বেড়াতে, আমি ধ'রে রেখেছি ?

রাখোনি ? ব'লে মামা এমনি ভাবে চাইলেন যেন নিজের চোখে তিনি অতসী মামীকে খুন করতে দেখেছেন আর মামী এখন তাঁর সমুখেই সে কথা অস্বীকার করছে ।

মামার চোখে জল এল । অশ্রু জড়িত কণ্ঠে বল্লেন, অমন করতো আমি একদিন—

মামা একেবারে জল হয়ে গেলেন । আমার সামনেই মামীর হাত ধ'রে কাঁচার কাপড় দিয়ে চোখ মুছিয়ে দিয়ে বল্লেন, ঠাট্টা করছিলাম, সত্যি বলছি অতসী,—

চট ক'রে হাত ছাড়িয়ে মামী চ'লে গেল ।

আমি বললাম, কেন মিথো চটালেন মামাকে ?

যতীন মামা বল্লেন, চটেনি । লজ্জায় পালালো ।

কিন্তু একদিন যতীন মামাকে বাঁশী ছাড়তে হল । মামীই ছাড়াল ।

মামার একদিন হটাৎ টাইফয়েড জ্বর হল ।

সেদিন বুঝি জ্বরের সতর দিন । সকাল নটা বাজে । মামী ঘুমুচ্ছে, আমি তার মাথায় আইস ব্যাগটা চেপে ধ'রে আছি । যতীন মামা একটা টুলে ব'সে ম্লানমুখে চেয়ে আছেন । রাত্রি জেগে তাঁর শরীর আরও শীর্ণ হয়ে গেছে, চোখ দুটি লাল হয়ে উঠেছে । মুখে খোঁচা খোঁচা দাড়ি, চুল উস্কা খুস্কা ।

হটাৎ টুল ছেড়ে উঠে মামা ট্রাকটা খুলে বাঁশীটা বার করলেন । আজ সতর দিন এটা বাস্কেই বন্ধ ছিল ।

সবিস্ময়ে বললাম, বাঁশী কি হবে মামা ?

ছেঁড়া পাম্পসুতে পা ঢুকোতে ঢুকোতে মামা বল্লেন, বেঁচে দিয়ে আসব

তার মানে ?

যতীন মামা ম্লান হাসি হেসে বল্লেন, তার মানে ডাক্তার রাগকে আর একটা কল দিতে হবে ।

বললাম, বাঁশী থাক, আমার কাছে টাকা আছে ।

প্রত্যুত্তরে শুধু একটু হেসে যতীন মামা পেরেকে টাঙ্গান জামাটা টেনে নিলেন ।

যদি দরকার পড়ে ভেবে পকেটে কিছু টাকা এনেছিলাম । মিথ্যা চেষ্টা । আমার মেজ মামা কতবার কত বিপদে যতীন মামাকে টাকা দিয়ে সাহায্য করতে চেয়েছেন, যতীন মামা একটা পয়সা নেননি । বললাম, কোথাও যেতে হবেনা মামা, আমি কিনবো বাঁশী ।

মামা ফিরে দাড়ালেন । বল্লেন, তুমি কিনবে ভাগ্নে ? বেশতো !

বললাম, কতদাম ?

বল্লেন, একশ পঁয়ত্রিশে কিনেছি, একশো টাকায় দেবো । বাঁশী ঠিক আছে, কেবল সেকেণ্ড হ্যাণ্ড এই যা

বললাম, আপনি না সেদিন বলছিলেন মামা, এরকম বাঁশী খুঁজে পাওয়া দায়, অনেক বেছে আপনি কিনেছেন ? আমি একশো পঁয়ত্রিশ দিয়েই ওটা কিনবো ।

যতীন মামা বল্লেন, তাকি হয় ! পুরোনো জিনিষ—

বললাম, আমাকে কি জোচ্চোর পেলেন মামা ? আপনাকে ঠকিয়ে কমদামে বাঁশী কিনবো ?

পকেটে দশটাকার তিনটে নোট ছিল বার ক'রে মামার হাতে দিয়ে বললাম, ত্রিশ টাকা আগাম নিন্, বাকী টাকাটা বিকেলে নিয়ে আসবো ।

যতীন মামা কিছুক্ষণ স্তব্ধভাবে নোটকটার দিকে তাকিয়ে রইলেন, তারপর বল্লেন, আচ্ছা !

আমি অগ্নি দিকে মুখ ফিরিয়ে নিলাম । যতীন মামার মুখের ভাবটা দেখবার সাধা হল না ।

যতীন মামা ডাকলেন, ভাগ্নে—

ফিরে তাকালাম ।

যতীন মামা হাসবার চেষ্টা ক'রে বল্লেন, খুব বেশী কষ্ট হচ্ছে ভেবোনা, বুঝলে ভাগ্নে ?

আমার চোখে জল এল তাড়াতাড়ি মুখ ফিরিয়ে মামীর শিয়রে গিয়ে বসলাম ।



মামীর ঘুম ভাঙেনি, জানতেও পারল না যে রক্তপিপাসু বাঁশীটা কলকে কলকে মামার রক্ত পান করছে, আমি আজ সেই বাঁশীটা কিনে নিলুম।

মনে মনে বললাম মিথো আশা। এয়ে বালির বাঁধ! একটা বাঁশী গেল, আর একটা কিনতে কতক্ষণ? লাভের মধ্যে যতীন মামা একান্ত প্রিয়বস্তু হাতছাড়া হয়ে যাবার বেদনাটাই পেলেন।

বিকালে বাকী টাকা এনে দিতেই যতীন মামা বল্লেন, বাড়ী যাবার সময় বাঁশীটা নিয়ে যেও।

আমি ঘরে ঢুকতে ঢুকতে বললাম, থাকনা এখন কদিন, এত তাড়াতাড়ি কিসের?

যতীন মামা বল্লেন, না। পরের জিনিষ আমি বাড়ীতে রাখি না। বললাম, পরের হাতে চলে যাওয়া বাঁশীটা চোখের ওপরে থাকা তাঁর সহ্য হবে না।

বললাম বেশ মামা, তাই নিয়ে যাব এখন।

মামা ঘাড় নেড়ে বল্লেন, হ্যাঁ, নিয়েই যেও। তোমার জিনিষ এখানে কেন ফেলে রাখবে। বুঝলে না?

উনিশ দিনের দিন মামীর অবস্থা সঙ্কটজনক হয়ে উঠল।

যতীন মামা টুলটা বিছানার কাছে টেনে এনে মামীর একটা হাত মুঠো ক'রে ধ'রে নীরবে তার রোগশীর্ণ ঝরা ফুলের মত শ্লান মুখের দিকে চেয়ে রইলেন।

হটাৎ অতসী মামী বল্ল, ওগো আমি বোধ হয় আর বাঁচবো না।

যতীন মামা বল্লেন, তাকি হয় অতসী, তোমায় বাঁচতে হবেই। তুমি না বাঁচলে আমিও যে বাঁচবো না।

মামী বল্ল, বালাই, বাঁচবে বৈকি। ছাখো, আমি যদি নাই বাঁচি, আমার একটা কথা রাখবে?

যতীন মামা নত হয়ে বল্লেন, রাখবো। বল।

বাঁশী বাজান ছেড়ে দিও। তিল তিল ক'রে তোমার শরীর ক্ষয় হচ্ছে দেখে ওপারে গিয়েও আমার শাস্তি থাকবে না। রাখবে আমার কথা?

মামা বল্লেন, তাই হবে অতসী। তুমি ভাল হয়ে ওঠো, আমি আর বাঁশী ছোঁব না।

মামীর শীর্ণ ঠোঁটে সুখের হাসি ফুটে উঠল। মামার একটা হাত বুকের ওপর টেনে শ্রান্তভাবে মামী চোখ বুজল।

আমি বললাম যতীন মামা আজ তাঁর রোগশয্যা গতা অতসীর জন্তু কতবড় একটা তাগ করলেন। অতি মৃদুস্বরে উচ্চারিত ঐ কটি কথা, তুমি ভাল হয়ে ওঠো, আমি আর বাঁশী ছোঁব না, অথো না বরুক আমি ত যতীন মামাকে চিনি, আমি জানি, অতসী মামীও জানে, ঐ কথাকটির পেছনে কতখানি জোর আছে! বাঁশী বাজাবার জন্তু মন উন্মাদ হয়ে উঠলেও যতীন মামা আর বাঁশী ছোঁবেন না।

শেষ পর্যন্ত মামী ভাল হয়ে উঠল। যতীন মামার মুখে হাসি ফুটল। মামী সেদিন পথা পেল সেদিন হেসে মামা বল্লেন, কি গো, বাঁচবে না বটে? অমনি মুখের কথা কি না! চাঁড়াল খুরোর কাছ থেকেই তোমায় ছিনিয়ে এনেছি, যম বাটা তো ভাল মাহুষ।

আমি বললাম, চাঁড়াল খুড়ো আবার কি মামা?

মামা বল্লেন, তুমি জান না বৃষি? সে এক দ্বিতীয় মহাভারত।

মামী বল্ল, গুরুনিন্দা কোর না।

মামা বল্লেন, গুরুনিন্দা কি? গুরুতর নিন্দা করব। ভাথেকে দেখাওনা অতসী, তোমার পিঠের দাগটা।

মামীর বাধা দেওয়া সত্ত্বেও মামা ইতিহাসটা শুনিয়ে দিলেন। নিজের খুড়ো নয়, বাপের পিসতুতো ভাই। মা বাবাকে হারিয়ে সতর বছর বয়স পর্যন্ত ঐ খুড়োর কাছেই অতসী মামী ছিল। অত বড় মেয়ে তাকে কিল চড় লাগাতে খুড়োটির বাধত না, আনুষঙ্গিক অল্প সব জো ছিলই। খুড়োর মেজাজের একটি অক্ষয় চিহ্ন আজ পর্যন্ত মামীর পিঠে আছে। পাশের বাড়ীতেই যতীন মামা বাঁশী বাজাতেন আর আকর্ষণ মদ খেতেন। প্রায়ই খুড়োর গর্জন আর অনেক রাতে মামীর চাপা কান্নার শব্দে তাঁর নেশা ছুটে যেত। নিতান্ত চ'টে একদিন মেয়েটাকে নিয়ে পলায়ন করলেন এবং বিয়ে ক'রে ফেল্লেন।

মামার ইতিহাস বলা শেষ হলে অতসী মামী ক্ষীণ হাসি হেসে বল্ল, তখন কি জানি মদখায়! তাহলে কথ'খনো আসতুম না।

শ্রীমানিক বন্দ্যোপাধ্যায়

মামা বল্লেন, তখন কি জানি তুমি মাথার রতন হয়ে মাঠার মত লেপেট থাকবে! তাহলে কখখনো উদ্ধার করতাম না। আর মদ না খেলে কি এক ভদ্রলোকের বাড়ী থেকে মেয়ে চুরি করার মত বিক্রী কাজটা করতে পারতাম গো! আমি ভেবেছিলাম, বছর খানেক—

মামী বল্লেন, যাও, চুপ কর। ভাগ্নের সামনে যা ত বল্বে না।

মামা হেসে চুপ করলেন।

মামা দুই পরের কথা।

কলেজ থেকে সটান যতীনমামার ওখানে হাজির হলাম। দেখি, জিনিষ পত্র যা ছিল বাঁধা ছাঁদা হয়ে পড়ে আছে।

অবাক হয়ে প্রশ্ন করলাম, এসব কি মামা?

যতীন মামা সংক্ষেপে বল্লেন, দেশে যাচ্ছি।

দেশে? দেশ আবার আপনার কোথায়?

যতীনমামা বল্লেন, আমার কি একটা দেশও নেই ভাগ্নে? পাঁচশো টাকা আয়ের জমিদারী আছে দেশে, পবর রাখো?

অতসীমামী বল্লেন, হয়ত জন্মের মতই তোমাদের ছেড়ে চললাম ভাগ্নে। আমার অসুখের জন্তুই এটা হল।

বললাম, তোমার অসুখের জন্তু? তার মানে?

মামা বল্লেন, তার মানে বাড়ীটা বিক্রি করে দিয়েছি। যিনি কিনেছেন পাশের বাড়ীতেই থাকেন, মাঝখানের প্রাচীরটা ভেঙে দুটো বাড়ী এক করে নিতে বাস্তু হয়ে পড়েছেন।

আমি ক্ষুব্ধ কণ্ঠে বললাম, এত কাণ্ড করলে মামা, মামাকে একবার জানালে না পর্যাস্ত! কবে যাওয়া উচিত হ'ল?

বাঁধা বিছানা আর তালাবন্ধ বাস্তুর দিকে আঙুল দাঁড়িয়ে মামা বল্লেন, আজ। রাত্রে টাকা মেলে রওনা হ'ল। আমরা বাস্তাল হে ভাগ্নে, জান না বুঝি? বলে মামা হাসলেন। অবাক মানুষ! এমন অবস্থায় গিয়ে আসে!

গম্ভীর ভাবে উঠে দাঁড়িয়ে বললাম, আচ্ছা, আসি যতীনমামা, আসি মামী। ব'লে দরজার দিকে অগ্রসর হ'লাম।

অতসীমামী উঠে এসে আমার হাতটা চেপে ধ'রে বল্লেন, লক্ষ্মী ভাগনে, রাগ কোর না। আগে থাকতে তোমায় খবর দিয়ে লাভ তো কিছু ছিল না, কেবল মনে বাণা পেতে। যে ভাগ্নে তুমি, কত কি হান্দামা বাড়িয়ে তুলতে ঠিক আছে কিছু?

আমি ফিরে গিয়ে বাঁধা বিছানাটার ওপর ব'সে বললাম, আজ যদি না আসতাম, একটা খবর ও তো পেতাম না। কাল এসে দেখতাম, বাড়ী ঘর খাঁ খাঁ করছে।

যতীন মামা বল্লেন, আরে রামঃ! তোমায় না ব'লে কি যেতে পারি? ছপুর্ বেলা সেনের ডাক্তারখানা থেকে ফোন ক'রে দিয়েছিলাম তোমাদের বাড়ীতে। কলেজ থেকে বাড়ী ফিরলেই খবর পেতে।

বাড়ী আর গেলাম না। শিয়ালদ' স্টেশনে মামামামীকে উঠিয়ে দিতে গেলাম। গাড়ী ছাড়ার আগে কতক্ষণ সময় যে কি ক'রেই কাটল! কারো মুখেই কথা নেই। যতীন মামা কেবল মাঝে মাঝে দু'একটা হাসির কথা বলছিলেন এবং হাসাচ্ছিলেনও। কিন্তু তাঁর বুকের ভেতর যে কি করছিল সে খবর আমার অজ্ঞাত থাকেনি।

গাড়ী ছাড়বার ঘণ্টা বাজলে যতীন মামা আর অতসী মামীকে প্রণাম ক'রে গাড়ী থেকে নামলাম। এইবার যতীন মামা অত্ৰদিকে মুখ ফিরিয়ে নিলেন। আর বোধ হয় মুখে হাসি ফুটিয়ে রাখা তাঁর পক্ষে সম্ভব হল না।

জানালা দিয়ে মুখ বার ক'রে মামী ডাকল, শোনো। কাছে গেলাম। মামী বল্লেন, তোমাকে ভাগ্নে বলি আর যাই বলি, মনে মনে জানি তুমি আমার ছোট ভাই। পারত একবার বেড়াতে গিয়ে দেখা দিয়ে এসো। আমাদের হয়ত আর কলকাতা আসা হবেনা, জমির ভারি ক্ষতি হয়ে গেছে। যেও, কেমন ভাগ্নে?

মামীর চোখ দিয়ে টপ্ টপ্ ক'রে জল ঝরে পড়ল। ঘাড় নেড়ে জানালাম, যাব।



বাঁশী বাজিয়ে গাড়ী ছাড়ল। যতক্ষণ গাড়ী দেখা গেল অপলক দৃষ্টিতে চেয়ে রইলাম। দূরের লাল সবুজ আলোক বিন্দুর ওপারে যখন একটি চলন্ত লাল বিন্দু অদৃশ্য হয়ে গেল তখন ফিরলাম। চোখের জলে দৃষ্টি তখন ঝাপসা হয়ে গেছে।

—তিন—

মানুষের স্বভাবই এই যখন যে ছুঃখটা পায় তখন সেই ছুঃখটাকেই সবার বড় ক'রে দেখে। নইলে কে ভেবেছিল, যে যতীন মামা আর অতসী মামীর বিচ্ছেদে একুশ বছর বয়সে আমার ছুঃখ জলে ভ'রে গিয়েছিল সেই যতীন মামা আর অতসী মামী একদিন আমার মনের এক কোণে সংসারের সহস্র আবর্জনার তলে চাপা প'ড়ে যাবেন।

জীবনে অনেকগুলি ওলোট পালট হ'য়ে গেল। বি, এ পাশ ক'রে বার হ'তে না হ'তে ভাগা আমার ঘাড় ধ'রে যৌবনের কল্পনার সুখস্বর্ণ থেকে বাস্তবের কঠোর পৃথিবীতে নামিয়ে দিল। বাবসা ফেল পড়ল। বাবা মনের ছুঃখে ইহলোক ত্যাগ করলেন। বালিগঞ্জের বাড়ীটা পর্য্যন্ত বিক্রি ক'রে পিতৃঋণ শোধ দিয়ে আশি টাকা মাইনের একটি চাকরি নিয়ে শ্রাম বাজার অঞ্চলে ছোট একটা বাড়ী ভাড়া ক'রে উঠে গেলাম। মার কাঁদা কাটার গ'লে একটি বিয়েও ক'রে ফেললাম।

প্রথমটা সমস্ত পৃথিবীটাই যেন তেতো লাগতে লাগল, জীবনটা বিশ্বাস হ'য়ে গেল, আশা আনন্দের এতটুকু আলোড়নও ভেতরে খুঁজে পেলাম না।

তারপর ধীরে ধীরে সব ঠিক হ'য়ে গেল। নূতন জীবনে রসের খোঁজ পেলাম। জীবনের জুগাখেলায় হারজিতের কথা কদিন আর মানুষ বুকে পুরে রাখতে পারে?

জীবনে যখন এই সব বড় বড় ঘটনা ঘটেছে তখন নিজেকে নিয়ে আমি এমনি ব্যাপৃত হ'য়ে পড়লাম যে কবে এক যতীন মামা আর অতসী মামীর স্নেহ পরম সম্পদ ব'লে গ্রহণ করেছিলাম সে কথা মনে স্মীণ হ'তে স্মীণতর হ'য়ে গেল। সাত বছর পরে আজ কচিং কখনো হয়ত একটা অস্পষ্ট স্মৃতির মত তাদের কথা মনে পড়ে।

মাঝে একবার মনে পড়েছিল, যতীন মামাদের দেশে চ'লে যাওয়ার বছর তিনেক পরে। সেইবার টাকা মেলে কলিসন হয়। মৃতদের নামের মাঝে যতীন্দ্রনাথ রায় নামটা দেখে যে খুব একটা ঘা লেগেছিল সে কথা আজও মনে আছে। ভেবেছিলাম একবার গিয়ে দেখে আসব, কিন্তু হয়নি। সেইদিন আপিস থেকে ফিরে দেখি আমার স্ত্রীর কঠিন অসুখ। মনে পড়ে যতীন মামার দেশের ঠিকানায় একটা পত্র লিখে দিয়ে এই ভেবে মনকে সান্ত্বনা দিয়েছিলাম, ও নিশ্চয় আমার যতীন মামা নয়। পৃথিবীতে যতীন্দ্রনাথ রায়ের অভাব নেই তো। সে চিঠির কোন জবাব আসেনি। স্ত্রীর অসুখের হিড়িকে কথাটাও আমার মন থেকে মুছে গিয়েছিল।

তারপর গড়িয়ে গড়িয়ে আরও চারটে বছর কেটে গেছে।

আমার ছোট বোন বীণার বিয়ে হয়েছিল ঢাকায়। বীণার স্বামী তারক সেখানে কলেজের প্রফেসর।

পূজোর সময় বীণাকে তারা পাঠাল না। অগ্রহায়ণ মাসে বীণাকে আনতে ঢাকা গেলাম। কিন্তু আনা হ'ল না। গিয়েই দেখি বীণার স্বামীর খুব অসুখ। আমি যাবার আগের দিন ছ ছ ক'রে জ্বর এসেছে। ডাক্তার আশঙ্কা করছেন নিউমোনিয়া।

ছুটি ছিল না, ক্ষুণ্ণ হ'য়ে একাই ফিরলাম। তারক বলে, মা ভাল হ'লেই আমি নিজে গিয়ে রেখে আসব, সুরেশ বাবু।

গোয়ালন্দে ষ্টিমার থেকে নেমে ট্রেনের একটা ইন্টারে ভিড় কম দেখে উঠে পড়লাম। ছুটি মাত্র ভদ্রলোক, এক কোণে রূপার মুড়ি দেওয়া একটি স্ত্রীলোক, খুব সম্ভব এঁদের একজনের স্ত্রী, জিনিষ পত্রের একান্ত অভাব। খুঁসি হ'য়ে একটা বেঞ্চিতে কবলের ওপর চাঁদর বিছিয়ে বিছানা করলাম। বালিশ ঠেসান দিয়ে আরাম ক'রে ব'সে, পা দুটো রাগ দিয়ে ঢেকে একটি ইংরাজী মাসিক পত্র বার ক'রে ওপেনহেমের ডিটেকটিভ গল্পে মনঃসংযোগ করলাম।

যথাসময়ে গাড়ী ছাড়ল এবং পরের ষ্টেশনে থামল। আবার চলল। ওটা টাকা মেল বটে, কিন্তু পোড়াদ' পর্য্যন্ত

শ্রীমাণিক বন্দ্যোপাধ্যায়

প্রত্যেক ষ্টেশনে থেমে থেমে প্যাসেঞ্জার হিসেবেই চলে।
পাড়াদ'র পর ছোটখাটো ষ্টেশনগুলি বাদ দেয় এবং
অতিও কিছু বাড়ায়।

গোয়ালন্দ'র পর গোটা তিনেক ষ্টেশন পরে একটা
ষ্টেশনে গাড়ী দাঁড়াতে ভদ্রলোক দুটি জিনিষপত্র নিয়ে নেমে
গেলেন। স্ত্রীলোকটি কিন্তু তেমনি ভাবে ব'সে রইলেন।

বাপার কি? একে ফেলেই দেখছি সব নেমে গেলেন।
এমন অন্তমনস্কও তো কখন দেখিনি! ছোটখাট জিনিষই
মানুষের ভুল হয়, একটা আস্ত মানুষ, তাও আবার এক-
জন'র অর্দ্ধাঙ্গ, তাকে আবার কেউ ভুল ক'রে ফেলে
যায়!

জানালা দিয়ে তাকিয়ে দেখলুম পিছনে দৃকপাত মাত্র
না ক'রে তাঁরা ষ্টেশনের গেট পার হচ্ছেন।

হয়ত ভেবেছেন, চিরদিনের মত আজও স্ত্রীটি তার পিছু
পিছু চলেছে।

চৌচিয়ে ডাকলুম, ও মশায়— মশায় শুনছেন?

গেটের ওপারে ভদ্রলোক দুটি অদৃশ্য হ'য়ে গেলেন।
বাঁশী বাজিয়ে গাড়ীও ছাড়ল।

অগত্যা নিজের জায়গায় ব'সে প'ড়ে ভাবলাম, তবে কি
হ'ল একাই এসেছেন নাকি? বাঙালীর মেয়ে নিশ্চয়ই, বাপার
দিয়ে নিজেকে ঢাকবার কায়দা দেখেই সেটা বোঝা যায়।
বাঙালীর মেয়ে, এই রাত্রি বেলা নিঃসঙ্গ যাচ্ছে, তাও আবার
পুরুষদের গাড়ীতে—

আরে! এটা পুরুষদেরগাড়ী ঠিক ত?

চট ক'রে ছুদিকের জানালা দিয়ে মুখ বাড়িয়ে তাঁদের
আলোতে ভাল ক'রে বাইরেটা দেখে নিলাম। মেয়ে-গাড়ীর
কান চিহ্নই তো লটকান নেই!

একটু ভেবে বললাম, দেখুন, শুনছেন?

সাদা নেই।

বললাম, আপনার সঙ্গীরা সব নেমে গেছে, শুনছেন?

কথাগুলি যে আলোয়ান ভেদ করে ভেতরে গেল তার
কোন চিহ্নই দেখা গেল না।

কি মুস্কিল! অপরিচিতা মেয়েদের সন্ধান করবার
কোন শব্দই তো বাঙলা ভাষায় নেই! মা বলা যায়, কিন্তু

সেটা কেমন কেমন ঠেকে। শেষকালে এক সঙ্গী-
পরিত্যক্ত নারীর কুঁকি ঘাড়ে পড়বে নাকি?

বেঞ্চের কাছে স'রে গিয়ে বললাম, দেখুন, আপনার স্বামী
আগের ষ্টেশনে নেমে গেছেন।

এইবার আলোয়ানের পোটলা নড়ল, এবং আলোয়ান
ও ঘোমটা স'রে গিয়ে যে মুখখানা বার হ'ল দেখেই আমি
চমকে উঠলাম।

কিছু নেই, সে মুখের কিছুই এতে নেই। আমার অতসী
মামীর মুখের সঙ্গে এ মুখের অনেক তফাত। কিন্তু আমার
মনে হ'ল, এ আমার অতসী মামীই!

মুহু হেসে বলে, গলা শুনেই মনে হয়েছিল এ আমার
ভাণ্ডের গলা। কিন্তু অতটা আশা করতে পারিনি। মুখ
বার করতে ভয় হ'চ্ছিল, পাছে আশা ভেঙে যায়।

আমি সবিস্ময়ে ব'লে উঠলাম, অতসী মামী!

মামী বলল, খুব বদলে গেছি না?

মামীর সিঁথিতে সিঁহর নেই, কাপড়ে পাড়ের চিহ্নও
খুঁজে পেলাম না।

চার বছর আগে ঢাকামেল কলিশনে মৃতদের নামের
তালিকায় একটা অতি পরিচিত নামের কথা মনে পড়ল।
বতীন মামা তবে সত্যিই নেই!

আস্তে আস্তে বললাম, খবরের কাগজে মামার নাম
দেখেছিলাম মামী, বিশ্বাস হয়নি সে আমার বতীন মামা।
একটা চিঠি লিখেছিলাম, পাওনি?

মামী বলে, না। তারপরেই আমি ওখান থেকে দুতিন
মাসের জন্ত চ'লে যাই।

বললাম, কোথায়?

আমার এক দিদির কাছে, দূর সম্পর্কের অবশ্য।

আমায় কেন একটা খবর দিলেনা মামী?

মামী চুপ ক'রে রইল।

ভাণ্ডের কথা বুঝ মনে ছিল না?

মামী বলে, তা নয়, কিন্তু খবর দিয়ে আর কি হ'ত!
যা হবার তা তো হয়েই গেল। বাঁশীকে ঠেকিয়ে রাখলাম,
কিন্তু নিয়তিকে তো ঠেকাতে পারলাম না! তোমার
মেজ মামার কাছে তোমার কথাও সব শুনলাম, আমার



তুর্ভাগা নিয়ে তোমায় আর বিরক্ত করতে ইচ্ছে হ'ল না। জানিত, একটা খবর দিলেই তুমি ছুটে আসবে।

চুপ ক'বে রইলাম। বলবার কি আছে? কি নিয়েই বা অভিমান করব? খবরের কাগজে যতীন মামার নাম প'ড়ে একটা চিঠি লিখেই তো তামার কর্তব্য শেষ করে-ছিলাম।

মামা বলে, কি করছ এখন ভাগ্নে?

চাকরী। এখন তুমি যাচ্ছ কোথায়?

মামা বলে, একটু পরেই বুঝবে। ছেলে পিলে ক'টি?

আশ্চর্য! জগতে এত প্রশ্ন থাকতে এই প্রশ্নটাই সকলের আগে মামার মনে জেগে উঠল।

বললাম, একটি ছেলে।

ভারি ইচ্ছে করছে আমার ভাগ্নের খোকাকে দেখে আসতে। দেখাবে একবার? কার মত হয়েছে? তোমার মত, না তার মার মত? কত বড় হয়েছে?

বললাম, তিন বছর চলছে। চলন আমাদের বাড়ী মামা, বাকী প্রশ্নগুলির জবাব নিজের চোখেই দেখে আসবে?

মামা হেসে বলে, গিয়ে যদি আর না নড়ি?

বললাম, তেমন ভাগ্য কি হবে! কিন্তু সত্যি কোথায় চলেছ মামা? এখন থাক কোথায়?

মামা বলে, থাকি দেশেই। কোথায় যাচ্ছি, একটু পরে বুঝবে। ভাল কথা, সেই বাঁশীটা কি হ'ল ভাগ্নে?

এইখানে আছে।

এইখানে? এই গাড়ীতে?

বললাম, হ'ঁ। আমার ছোট বোন বাঁশীকে আনতে গিয়েছিলাম, সে লিখেছিল বাঁশীটা নিয়ে যেতে। সবাই নাকি শুনতে চেয়েছিল।

মামা বলে, তুমি বাজাতে জান নাকি? বার করনা লক্ষ্মী বাঁশীটা—

ওপুর থেকে বাঁশীর কেসটা পাড়লাম। বাঁশীটা বার করতেই মামা বাগ্ন হস্তে টেনে নিয়ে এক দৃষ্টিতে মেটার দিকে চেয়ে রইল। একটা দীর্ঘনিঃশ্বাস ফেলে বলে, বিয়ের পর এটাকে বন্ধ ব'লে গ্রহণ করেছিলাম,

মাঝখানে এর চেয়ে বড় শত্রু আমার ছিল না, আজ আবার এটাকে পরম বন্ধু ব'লে মনে হচ্ছে। কি ভালই বাসতেন এটাকে! শেষ তিনটা বছর বাঁশীটার জন্তু ছটফট ক'রে কাটিয়েছিলেন। আজ মনে হচ্ছে বাঁশী বাজান ছাড়তে না বললেই হয়ত ভাল হ'ত। বাঁশীর ভেতর দিয়ে মরণকে বরণ করলে তবু শাস্তিতে যেতে পারতেন। শেষ কটা বছর এত মনকষ্ট ভোগ করতে হ'ত না।

বাঁশীর অংশগুলি লাগিয়ে মামা মুখে তুলল। পরক্ষণে ট্রেনের কমকমানি ছাপিয়ে চমৎকার বাঁশী বেজে উঠল। পাকা গুণীর হাতের স্পর্শ পেয়ে বাঁশী যেন প্রাণ পেয়ে অপূর্ণ বেদনাময় সুরের জাল বুনে চলল।

আমার বিশ্বয়ের সীমা রইল না। এ তো অল্প সাধনার কাজ নয়। যার তার হাতে বাঁশীতো এমন অপূর্ণ কান্না কান্দে না! মামার চক্ষু ধীরে ধীরে নিমীলিত হ'য়ে গেল। তার দিকে চেয়ে ভবানীপুরের একটা অতি ক্ষুদ্র বাড়ীর প্রদীপের স্বল্পালোকে আলোকিত বারান্দার দেয়ালে ঠেস দেয়া এক সুর-সাধকের সমাধিমগ্ন মূর্তির ছবি আমার মনে জেগে উঠল।

মাঝে সাতটা বছর কেটে গেছে। যতীন মামার যে অপূর্ণ বাঁশীর সুর একদিন শুনছিলাম, সে সুর মনের তলে কোথায় হারিয়ে গেছে। আজ অতসী মামার বাঁশী শুনে মনে হ'তে লাগল সেই হারিয়ে যাওয়া সুরগুলি যেন ফিরে এসে আমার প্রাণে মৃদুগুঞ্জন সুরু ক'রে দিয়েছে।

এক সময়ে বাঁশী থেমে গেল। মামার একটা দীর্ঘ-নিঃশ্বাস ক'রে পড়ল। আমারও।

কতক্ষণ স্তব্ধ হ'য়ে থেকে বললাম, মামা, এ কথাটাও তো গোপন রেখেছিলে!

মামা বলে, বিয়ের পর শিখিয়েছিলেন। বাঁশী শিখবার কি আগ্রহই তখন আমার ছিল! তারপর যেদিন বুঝলাম বাঁশী আমার শত্রু সেইদিন থেকে আর ছুঁইনি। আজ কতকাল পরে বাজালাম। মনে হয়েছিল, বুঝি ভুলে গেছি!

ট্রেন এসে একটা ষ্টেশনে দাঁড়াল। মামা জানালা দিয়ে মুখ বার ক'রে আলোর গায়ে লেখা ষ্টেশনের নামটা প'ড়ে ভেতরে মুখ ঢুকিয়ে বলল, পরের ষ্টেশনে আমি নেমে যাব ভাগ্নে।

শ্রীমাণিক বন্দোপাধ্যায়

পরের ষ্টেশনে ! কেন ?

মামী বলে, আজ কত তারিখ, জান ?

বললাম, সতরই অঘ্রাণ ।

মামী বলে, চার বছর আগে আজকের দিনে—বুঝতে পারছ না তুমি ?

মুহূর্তে সব দিনের আলোর মত স্বচ্ছ হ'য়ে গেল । ঠিক ! চার বছর আগে এই সতরই অঘ্রাণ ঢাকা মেলে কলিণন হয়েছিল । সেদিনও এমনি সময়ে এই ঢাকা মেলেটির মত সেই গাড়ীটা শত শত নিশ্চিত্ত আরোহীকে পলে পলে মৃত্যুর দিকে টেনে নিয়ে যাচ্ছিল !

ব'লে উঠলাম, মামী !

মামী স্থির দৃষ্টিতে আমার মুখের দিকে চেয়ে থেকে বলে, সামনেরই ষ্টেশনের অল্প গুদিকে লাইনের ধারে কঠিন মাটির ওপর তিনি মৃত্যুযন্ত্রণায় ছটফট করেছিলেন । প্রত্যেক বছর আজকের দিনটিতে আমি ঐ তীর্থ দর্শন করতে যাই । আমার কাছে আর কোন তীর্থের এতটুকু মূল্য নেই !

ঠাং জানালার কাছে স'রে গিয়ে বাইরের দিকে আঙুল বাড়িয়ে মামী ব'লে উঠল, ঐ ঐ ঐখানে ! দেখতে পাচ্ছ না ? আমি তো স্পষ্ট দেখতে পাচ্ছি তিনি যন্ত্রণায় ছটফট করতে করতে একটু স্নেহশীতল স্পর্শের জগ্ন বাগ্ন হ'য়ে রয়েছেন । একটু জল, একটু জলের জন্গেই হয়ত !—উঃ মাগো, আমি তখন কোথায় !

দুহাতে মুখ ঢেকে মামী ভেতরে এসে ব'সে পড়ল ।

ধীরে ধীরে গাড়ীখানা ষ্টেশনের ভেতর ঢুকল ।

বিছানাটা গুটিয়ে আমি বললাম, চল মামী, আমি তোমার সঙ্গে যাব ।

মামী বলে, না ।

বললাম, এই রাত্রে তোমাকে একলা যেতে দিতে পারব না মামী ।

মামীর চোখ জ'লে উঠল, ছিঃ ! তোমার তো বুদ্ধির অভাব নেই ভাগ্নে । আমি কি সঙ্গী নিয়ে সেখানে যেতে পারি ? সেই নির্জ্জন মাঠে সমস্ত রাত আমি তাঁর সঙ্গ অনুভব করি, সেখানে কি কাউকে নিয়ে যাওয়া যায় ! ঐখানের বাতাসে যে তার শেষ নিশ্বাস রয়েছে ! অবুঝ হয়ে না—

গাড়ী দাঁড়াল ।

বাশীটা তুলে নিয়ে মামী বলল, এটা নিয়ে গেলাম ভাগ্নে ! এটার ওপর তোমার চেয়ে আমার দাবী বেশী ।

দরজা খুলে অতসী মামী নেমে গেলেন । আমি নির্ঝাক হ'য়ে চেয়ে রইলাম ।

আবার বাশী বাজিয়ে গাড়ী ছাড়ল । খোলা দরজাটা একটা করুণ শব্দ ক'রে আছড়ে বন্ধ হ'য়ে গেল ।



কবি-প্রিয়া

শ্রীপ্রভাতকিরণ বসু

কবিদের প্রিয়তমা কেমন ধারা.
দেখেনি যারা কভু, শুধায় তারা—
আকাশের আলোর মতন, রবির মতন ?
বাতাসের গতির মতন লক্ষ্যহারা ?
তারা কি ফুলের মতন হাওয়ায় দোলে ?
তারা কি ক্ষণপ্রভা— মেঘের কোলে ?
কোকিলের মাতাল গলায় 'কুত'র মতন
ফাগুনের আগুনবাণী যায় কি ব'লে ?
বাদলের ধারা তারা বরষার ?
বনের দ্বিপ্রহরের মরমর ?
সাঁঝের আধা আলো অন্ধকারে
জলের কাঁপন কি গো থরথর ?
যে নারী দেখিচি সদা চোখের পরে.
বিরাজে এ সংসারের সকল ঘরে,
যে নারী হাসে-কাঁদে সুখে-ভুখে,
নিজেরি স্বার্থ নিয়ে বাঁচে মরে ;—
কবিদের প্রিয়ারা কি তেমনি হবে ?
চলে সব গড়লি কার প্রলয়-রবে ?

তারা কি দেহ মনে এমনি ধারাই ? —
কবিদের নেশা কি সে জাগায় তবে ?
কবিরা গানে যে গো বণ্ডা আনে !
প্রেমে হয় উচ্ছ্বসিত মনে-প্রাণে !
ভুবনে দেখে সব প্রিয়া-ভরা !—
তবে কি প্রিয়া তাদের যাছ জানে ?
কবিরা মাতাল হ'ল প্রেমে যারি,
কি জানি কেমন ধারা সেই সে নারী !
যেখানে যত রূপের আভা আছে,
গেল কি একটি মুখের প্রভায় হারি' ?
হবে কি কবি-প্রিয়া যেমন তেমন ?
ভালো সে ? ভালো ? তবু কেমন-কেমন ?
স্বারে বাঁধতে পারে মায়ার ডোরে,
তারি সেই চলায় বলায় আছেই এমন ?
তবু তার রূপের আলো, গুণের আলো,
শুধু এক কবির চোখেই লাগুক ভালো !
প্রিয়া মুখ সুধাপানে ছন্দে-গানে
কবিরা, দিকে দিকে শাস্তি ঢালো !

কথা-পুরাতনী

শ্রীভূতনাথ ভট্টাচার্য্য

মরণের দ্বারা নিমজ্জিত অতিথি এই দীন লেখকের অন্তর আজি শৈশব-স্মৃতির যে পবিত্র পুলকস্পর্শে স্মধাময় হইতেছে, সজদয় পাঠক-মহোদয়দিগকে তাহার যৎসামান্য আভাস-প্রদর্শন এই ক্ষুদ্র প্রবন্ধের মুখা উদ্দেশ্য।

বেদোদিত সনাতন ধর্ম ভারতীয় হিন্দু নর-নারীগণের অঙ্গি-মজ্জাগত। “অহং ব্রহ্মস্মি” “তত্ত্বমসি” প্রভৃতি মহাবাক্য স্বতঃসিদ্ধ সত্য।

অতি প্রাচীন সময় হইতে সর্ববর্ণের হিন্দু-সাধারণ ঐ সকল অশ্রান্ত অধ্যাত্ম তত্ত্ব কতদূর আস্থাবান হইয়া রহিয়াছে, নিম্নলিখিত ব্যাপারটি তাহার প্রতিক্রম-প্রদর্শক।

অনান অর্দ্ধশতাব্দী পূর্বে আমরা যখন অল্পবয়স্ক বালক ছিলাম, তখন আমাদের গ্রামে এক শ্রেণীর যাড়কর দল মধো মধো আসিত ও বিবিধ ঐন্দ্রজালিক কৌতুক দেখাইয়া অর্গোপাজ্জন করিত। ক্রীড়ারম্ভের প্রাক্কালে তাহারা “আত্মারাম সরকারের ভাদর বৌ” এই কথাগুলি বারংবার উচ্চৈঃস্বরে আবৃত্তি করিত। উত্তরকালে আমার জনৈক বন্ধ বলিয়াছিলেন যে, কথাগুলি নিরর্থক শব্দসমষ্টি মাত্র নহে, ঐ গুলি একটি মন্ত্র; ঐ মন্ত্রের উচ্চারণ দ্বারা যাড়কর “আত্মসার” অর্থাৎ শক্তিসঞ্চয় করিয়া থাকে।

এখন এই অস্তিম বয়সে উক্ত “আত্মসার” শব্দের যে অর্থ উপলব্ধি করিয়াছি, পাঠকগণকে তাহা বলিবার চেষ্টা করিব।

আত্মারাম সরকার স্বয়ং জীবাত্মা আর তাঁহার প্রাতৃবধূ (ভাদর বৌ) দেহেন্দ্রিয়-সংঘাত। দেহেন্দ্রিয়-সংঘাতে আত্ম-প্রত্যয়, মায়া; এই মায়া নিরাকৃত হইলে আত্মচৈতন্যের অবরোধ জন্মে। আত্মা বা দ্রষ্টব্যঃ শ্রোতব্যো মন্তব্যো নিদিধ্যাসিতব্যঃ মৈত্রৈযাঅনি খব্বরে দৃষ্টে শ্রুতে মতে বিজ্ঞাতে ইদং সর্বং বিদিতং।

যোগী যাজ্ঞবল্ক্য।

আত্মাই দ্রষ্টব্য, শ্রোতব্য, মন্তব্য, ধাতব্য, হে মৈত্রৈয়ি!

আত্মা দৃষ্ট, শ্রুত, জ্ঞাত হইলে নিপিল-তত্ত্ব অবগত হওয়া যায়।

দেহের সহিত আত্মার সম্বন্ধ সম্পূর্ণরূপে বিচ্ছিন্ন করিয়া কলা-কুশল কৌতুক-প্রদর্শক যেন ব্রহ্মভাবে বিভাবিত হইয়ন এবং বিষয়-বিভ্রান্ত দর্শকগণকে মায়ামুক্ত করেন। এই অবস্থায় নিপুণ যাড়কর মায়া-রচিত যে সকল কৌতুক প্রদর্শন করেন, সমবেত জনগণ সে-সমস্ত সত্য বলিরা বিশ্বাস করিতে বাধ্য হয়।

যদি দেহং পৃথক্ কৃত্বা চিত্তি বিশ্রমা তিষ্ঠসি।

অধুনৈব সূখীঃ শান্তো বন্ধ-মুক্তো ভবিষ্যসি ॥

যোগ-বাশিষ্ঠা—১-৩

আপনাকে দেহেন্দ্রিয়ের অতীত সত্ত্বা অনুভব করিয়া চিন্ত্যরূপে অবস্থান করিবামাত্র সাধক সূখী, শান্ত ও মায়া-মুক্ত হইয়া থাকেন।

গীতায় উপদিষ্ট দেহ ও দেহী, ক্ষেত্র ও ক্ষেত্রজ্ঞ বা প্রকৃতি পুরুষের পার্থক্যজ্ঞান আর্ধ্যাস্তানদিগের স্বভাবজাত সংস্কার।

আত্মার সহিত দেহের ভাঙুর ভ্রাতৃবধু সম্বন্ধ, এই সম্বন্ধের প্রত্যক্ষ অনুভূতিই বস্তুতঃ ক্ষেত্র-ক্ষেত্রজ্ঞ-বিবেক।

ক্ষেত্র-ক্ষেত্রজ্ঞয়োরেব মন্তরং জ্ঞানচক্ষুষা।

ভূত-প্রকৃতি-মোক্ক্ষং যে বিদুর্গাস্তি তে পরং ॥

গীতা—১৩-৩৫

বাজীকরেরা সাধারণতঃ ইতর শ্রেণীর লোক ও নিতান্ত নিম্নস্তরের হিন্দু, তাহাদের হৃদয়ে বেদান্ত প্রতিপাত্ত “জীব ব্রহ্মৈব নাপরঃ”, শ্রুত্বাং “সোহং” প্রভৃতি গভীর দার্শনিক তত্ত্ব কি প্রকারে সমুদিত হইল, তাহা ভাবিলে বিস্মিত হইতে হয়।

যতশ্চো যোগিনৈশ্চনং পশুন্ত্যাত্মবহিতং।

যতশ্চোপাকৃতাত্মানো নৈনংপশুন্ত্যচেতসং ॥

গীতা ১৫-১১



যোগগণ যত্নপূর্বক শরীরত আত্মাকে দর্শন করিয়া
পাকেন, কল্পিত-চরিত্র মুচেরা চেপ্তা করিয়াও তাঁহাকে দেখিতে
পায় না ।

জীবের স্তম্ভ স্থম্ভ ভোকুহুই সংসারিত্ত । মানব আপনার
স্বখ চঃখের অতীত অ'নন্দময় সত্তা উপলব্ধি করিতে পারিলে
সংসারের অর্থাৎ বিশ্বমায়ার তন্তু হইতে চিরতরে পরিদ্রাণ
লাভ করে ।

স্বপ্নং পদানিমমু ভাস্করং চরঃ ।

স্বপ্নাত্মানাবিশতে দেব একঃ ॥

তত্ত্বাভিধানাং যোজনাং তত্বভাবাং ।

ভূয়শ্চাস্তে বিশ্বমায়া'নবৃত্তিঃ ॥

শ্বেতাশ্বতরোপনিষৎ ১-১০

ভোজবাজী তইতে আমরা এই এক পরম উপাদেয় শিক্ষা
লাভ করি যে, দেহাদিতে সমস্ত-বুদ্ধি পরিহারপূর্বক আমরা
মুক্তিলাভ করিতে ও অমরত্বের অধিকারী হইতে পারি ।

তমেব বিদিত্বা অতি মৃত্বা মেতি ।

নাশঃ পশ্বা বিত্ততে অয়নায় ॥

শ্বেতাশ্বতরোপনিষৎ ৩-৮ ।

কাজের লোক

শ্রীমুকুঞ্জগোহন সাগন্ড

পাখী গান গেয়ে বলে, “শুন মোর স্বর ।”

কাজের মানুষ বলে, “নেই অবসর ।”

কল বলে, “চেয়ে দেখ ফুটেছি কমন ।”

কাজের মানুষ বলে, “রাখ প্রলোভন ।”

নদী বলে, “তীরে বসে শোন গাই”

কাজের মানুষ বলে, “অবসর নাই ।”

পূর্ণিমার চাঁদ বলে, “প্রদীপ নিভাও ।”

কাজের মানুষ বলে, “কাজ আছে, যাও ।”

প্রেম বলে, “এসো দৌহে বসি পাশাপাশি ।”

কাজের মানুষ বলে, “দূর সন্ধানশী ।”

মৃত্তা এলো অবশেষে দ্বার তার ঠেলে,

চলিল কাজের লোক কাজকর্ম ফেলে ।

“এ বিশ্ব জগতে এলি রথা !” কবি কয়,

“হায়, হায়, বিনা কাজে কাটালি সময়” ॥

ভ্রাম্যমাণের উড়ে চিঠি

শ্রীদিলীপকুমার রায়

নন্দী পাহাড়,
মহীশূর
২৪-৭-২৮

শুভাষ,

হঠাৎ আমার কাছ থেকে বহুদিন বাদে একটা বড় চিঠি পেয়ে হইত তুমি আশ্চর্য্য হইবে। কিন্তু যেহেতু আজ বড়-চিঠি-লিখিব বড়-চিঠি-লিখিব গোছের মনটা করছে, সেহেতু আমি লিখবই, তা তোমার বড় চিঠি পড়ার সময় থাক্ বা না থাক্। বড় চিঠি লেখার এ দুর্দমনীয় ইচ্ছে কেন যে আমার মনের মধ্যে ঠিক আজই দেখা দিল জানি না। হইত অনেকদিন ধরে একাদিক্রমে উড়ু-উড়ু বা ভ্রাম্যমাণ হ'লে মনটা চিঠির নিগড়ে ধরা দিতে একটু বাগ হ'য়েই ওঠে, কিন্তু সে কারণ নিয়ে গবেষণা এখন থাকুক। আমি ভেবেছিলাম যে আবাবহারে ও অকেজো অভ্যাসটিতে আমার মরচে ধ'বে গেছে, তোমার যেমন গেছে। কিন্তু আজ এ শৈলশিখরে স্তম্ভাসীন হ'য়ে হঠাৎ আবিষ্কার করা গেল যে স্বভাব না যায় ম'লে। তুমি হইত জিজ্ঞাসা করবে যে বড় চিঠি লেখার সম্ভাবটা তোমার তা হ'লে বেঁচে থাকতে থাকতেই বা গেল ক'রে? তার উত্তর—তোমাকে যে দেশোদ্ধার করতে হ'ছে—আমার মতন উড়ে ভ্রমণের মধ্যে থেকে সময়কে কোনো মতে বধ করতে ত হ'ছে না। কিন্তু তবু জেল থেকে তুমি বড় চিঠি লেখার অভ্যাসটা অত্রের অলক্ষিতে আবার একটু একটু মক্ক ক'রে নিচ্ছিলে—এমন সময়ে কর্তৃপক্ষগণ ঠিক করলেন যে এ অকেজো কাজটিতে তোমাকে ব্যাপৃত না রেখে আবার দেশোদ্ধার-রূপ ঘরের খয়ে-বনের-মোষ-তাড়ানো কাজে জুড়ে দেওয়াই ঠিক। তুমিও চিঠি পত্র লেখা ছেড়ে দিয়ে দেশোদ্ধারের দেশোদ্ধারে লগে গেলে—শরৎবাবুর কথা ভুলে “শুভাষ, দেশোদ্ধার করতে যেয়ো না, কেন অনর্থক জেলে যাবে?”

—বিশেষত যখন দেশ উদ্ধার হ'তে চায় না, ও দেশের মধ্যে বিভিন্ন দল কাজের চেয়ে কলহেতেই বেশি রস পায়। তুমি একা কি করবে বল?—তবু বোধ হয় সব চেয়ে বড় গরজ এই রকম আব'ষ্টাকট কিছু একটারই গরজ! আমার সে গরজ নেই। তাই তুমি প্রাণপণে মীটিং ও বক্তৃতা ও নানা গঠনমূলক কাজে বাগ, আর আমি ভ্রমণ-সুখালশ্রে স্তিমিতনয়ন হ'য়ে দীর্ঘ চিঠি লেখা-রূপ অকেজো কাজে রত। কেব্বিজের আমাদের “ত্রয়ী”—বন্ধুর মধ্যে একা আমিই অকেজো র'য়ে গেলাম, তুমি ও ক্ষিতীশ দিলে কর্মে গা ঢেলে।

কিন্তু এই সুখনিলায় হরিৎ-সমৃদ্ধ শৈলশিখরের পাছাবাসে ব'সে মনের মধ্যে আজ নানা রকম ভাবাবেশ আলশ্রের আলোড়নে মনের তলানি ভেদ ক'রে উঠে লেখনীর মুখে ধরা দিতে চাচ্ছে—মানার্থীর চরণাঘাতে পুষ্করিণীর তলদেশ-উখিত বুদ্ধদের মতনই। তাই মনে করলাম কলম ধ'রে একবার দেখাই যাক্ না—বিশেষত যখন বাইরে মেঘের মেহুরচ্ছায় মনটার অবস্থাও ঘোরালো হ'য়ে এসেছে ও গাছের পাতার মধ্যে দিয়ে বাতাসের মর্ম্বরধ্বনি মনটাকে আরো সঙীন গোছের নেশার মধ্যে ফেলে দিয়েছে। তাই বিজ্ঞ মনটি বল্ছে যে এ সময়ে চিঠি লেখার মাধ্যাকর্ষণে উড্ডনোন্মুখ প্রাণটাকে একটু ধরাধামের দিকে দাবিয়ে ধরা'র চেষ্টার মধ্যে আনন্দ আছে; যেহেতু এ-প্রয়াসের মধ্যে আছে দুটো প্রবণতার টাগ-অফ-ওয়ার—একটা মস্তুর গতিতে গা এলিয়ে দিয়ে ভেসে চলা; আর একটা এ-ভেসে-চলার মধ্যে থেকে থেকে মাথা তুলে আশপাশের তীরের একটু খবর নেওয়ার বাসনা; এবং সব প্রয়াসের মধ্যেই একটা-না-একটা সার্থকতা আছে।

তুমি হইত বলবে—যদি তুমি না-ও বল জহরলাল নেহরু নিশ্চয়ই বলবেন—এরকম দিবাস্বপ্ন দেখলে চলবে না, জাগ,

জাগ সবে ভারত সন্তান, নইলে—ইত্যাদি। ভ্রাম্যমাণ
তুয়াটা একটা মস্ত বিলাস সন্দেহ নেই—কাজেই ওটা
হাচ্ছ সময়ের নিছক অপব্যয়, একেবারে “বুর্জোয়া” প্রবণতা।
এ সম্বন্ধে ছাড়াটে কথা ক’দিন ধ’রে মনের মধ্যে ভারি গজ্



উটকামাণ্ডের রেস-কোস

গজ্ ক’রে বেড়াচ্ছে। সেগুলো খুলে না বললে
বোধ হয় তাদের অশরীরী প্রেতাচার স্বস্তায়ন হবে
না। তাই তোমার সময়ের ওপর একটু অত্যাচার করা
যাক।

তুমি জান যে সাউথ ইণ্ডিয়ান রেলওয়েতে ভারি একটা
গোলমাল চলেছে ও দু তিনটে ট্রেন ধর্মঘটীরা ধ্বংস করেছে।
লিলুয়ার মতনই ষ্ট্রাইক করেছে এদের রেলের শ্রমিকগণ ;
এবং কতদিন যে ধর্মঘট চলবে বলা যাচ্ছে না। ফলে
উটকামাণ্ড থেকে ট্রেনে আসা হ’ল না—মোটরবাসে ক’রে
মহীশূর হ’য়ে বাঙ্গালোর আসতে হোল। আসতে না আসতে
দু তিনটে গাড়ী জখম—মেলগুদ। কতলোক যে মারা
গেছে কেউ জানে না এখনো। মনটা তাই একটু উদ্ভিগ্ন
আছে।

দেশময় শ্রমিকদের চাঞ্চল্য। উটকামাণ্ডে একটা
বাঙালী মহিলার সঙ্গে আলাপ হ’ল। তিনি একজন
মান্দাজী জমিদারকে বিবাহ করেছেন। তিনি বলছিলেন
ধর্মঘটকারীদের চেষ্ঠায় একবার একটা ট্রেন উল্টে যায় ও
হবি ত’ হ’ সেই ট্রেনেই তিনি ও তাঁর স্বামী ছিলেন।
তারপর থেকে তিনি ষ্ট্রাইক-রূপ সিঁদূর মেঘের ছায়াপাত
হ’লেও ডরিয়ে ওঠেন।

বেলুড়ের দুর্ঘটনার কথাও কাগজে পড়লাম।
তারপরই এখানে একটা নয়, দুটো নয়, তিন তিনটে
দুর্ঘটনা। এতে ভ্রাম্যমাণেরও ভাবনা আসে।

আমি এখানে, অর্থাৎ বাঙ্গালোরে, আমার একটা
ইংরাজ বন্ধুর অতিথি। তিনি সেদিন কথায় কথায়
বলছিলেন যে শুধু এভাবে লোকজনের প্রাণহরণ ক’রে যে
সমাজের কোনো স্থায়ী হিত সাধিত হবে একথায় আস্থা
স্থাপন করা কঠিন ; ইংলণ্ডে অনেকেই আজকাল তাই
বলেন যে তাঁরা শ্রমিকগণের আদর্শ পছন্দ করেন, কিন্তু
শ্রমিকদলকে করেন না।

সেদিন পড়ছিলাম একজন চিন্তাশীল লেখকের লেখা।
তিনি বলছেন যে যেহেতু বর্তমান সমাজে মানুষী শক্তির
বিপুল অপচয় হচ্ছে সেহেতু সকলেই স্বীকার করছেন
আজকাল যে সমাজব্যবস্থার একটা গভীর পরিবর্তন সাধিত
হওয়া আবশ্যিক হ’য়ে পড়েছে। কিন্তু একটা কথা ঠিক,

শ্রীদিলীপকুমার রায়

যে শুধু বেপরোয়া, নিরপেক্ষ ভাঙার মধ্যে দিয়েই একটা কিছু গ'ড়ে উঠবে না। সমাজে কোনো শুভ পরিবর্তন সাধিত করতে হ'লে সব আগে চাই সজাগ পরীক্ষা, আন্তরিক চেষ্টা ও অল্পসংখ্যক বুদ্ধিমান লোকেরই প্রতিভার নেতৃত্ব। তিনি dictatorship of the proletariat এ বিশ্বাস করতে পারছেন না। বলছেন রুশদেশে সর্বজ্ঞ প্রলেটারিয়েটদের কর্তৃত্ব শুধু বাজে ফোঁশ ফোঁশ—সেখানে সত্য যা কিছু হচ্ছে সে হচ্ছে চিরকালকার মতনই—ঐ জনকয়েক মাত্র বুদ্ধিমান গঠন-মনীষীর প্রচেষ্টায়। তিনি বলছেন, একটা কথা বুঝবার আজ সময় এসেছে ও সেটা এই যে একগুঁয়েমি ও চিন্তালেশহীন আবেগ দিয়ে বড় কিছু গ'ড়ে তোলা যায় না, ও অন্ধ প্রলেটারিয়েটরা শুধু গালি দেওয়া ও ধ্বংস করা ছাড়া আর কিছুই করতে পারে না। জগতে সৃষ্টি যা কিছু হয়েছে তা সবই অল্পসংখ্যক মানুষের বুদ্ধি ও প্রাণপাত পরিশ্রমে হয়েছে। অন্তত আজ অবধি ইতিহাস এই কথাই বলে।

কথাটার মধ্যে সবটুকু সত্য না হোক অনেকটা সত্য আছে মনে হয়।

ব্যক্তিগত দিক দিয়ে কয়েকটা কথা কাল সন্ধ্যাবেলা মনে হচ্ছিল। মনে হচ্ছিল বুর্জোয়া ব'লে আজকাল যে একটা কথা উঠেছে, সে কথাটা বড় বিপজ্জনক। কেননা কথা জিনিষটা যখন একটা লেবেল হ'য়ে দাঁড়ায় তখন তার মোহ বড় প্রবল হ'য়ে ওঠে ও সে মোহের ফলে মানুষ বড় বেশি সহজে সব-কিছুরই সম্বন্ধে একটা রায় দিতে বাগ্র হ'য়ে ওঠে, ভাবতে চায় না। কেন না ভাবা শক্ত, রায় দেওয়া সহজ।

আজকালকার শ্রমিকতন্ত্রীরা তাই অত্যন্ত অগ্নানবদনে যা-কিছু বুর্জোয়া তাকেই হেয় ব'লে উড়িয়ে দিতে চাচ্ছেন। রুশদেশে আজকাল প্রলেটারিয়েট কবিরা বলছেন শেক্সপীয়র, গটে, দাস্তে, রবীন্দ্রনাথ—সব হচ্ছেন তৃতীয় শ্রেণীর কবি—কেনেতু তাঁদের সৃষ্টির ওপর নাকি বুর্জোয়া ছাপটি অত্যন্ত পড়ি। আজকাল সেখানকার কবিরা সত্যিই কাবো কথছেন, “বুর্জোয়াদের মাথার খুলি ভাঙো, তাদের মস্তিষ্কে গুলির তালে পরিণত কর, সবাইকে গুলি কর—”

ইত্যাদি*। শুধু তাই নয় তাঁদের আইডিয়া এই যে এই রকম কাবাই হচ্ছে আসলে বড় কাবা; তবে আমরা যে আজও শেক্সপীয়র প্রভৃতিকে পছন্দ করি সে কেবল আমাদের ছুরারোগ্য বুর্জোয়া মনোভাবের দরুণ। কাল এই নিয়ে নানা কথাই মনে তোলপাড় করছিল। মনে হচ্ছিল, হয়ত আমরা নিজেরা বুর্জোয়া ব'লেই নিজেদের সৃষ্টি-প্রতিভাকে একটু বেশি বড় ক'রে দেখে থাকি। হয়ত প্রলেটারিয়েট সৃষ্টির মধ্যেও এমন সত্যিকার বড় কিছু দেখা দিতে পারে যা নূতন ও জীবন্তের প্রেরণা-উদ্ভূত। এ সব সম্ভাবনার সায় দিতে আপত্তি নেই,—কিন্তু তাই ব'লে শুধু বুর্জোয়া হওয়ার দরুণই শেক্সপীয়র প্রভৃতি যে অবজ্ঞেয় একথায় সায় দেওয়া কঠিন—শুধু এইটুকুই আমার বক্তব্য।

মনে প্রশ্ন জাগছিল বুর্জোয়া সভ্যতা কি মানুষের কাছে একটা মস্ত সত্যের আভাষ বহন ক'রে এনে দেয়নি—যেটা ফুট হ'য়ে না উঠলে শ্রমিকেরা কখনো জাগতে পারত না?


নিজেকে জিজ্ঞাসা করলাম—কি সে সত্য? উত্তর এল—সে সত্যটি হচ্ছে এই যে মানুষের গৌরব ও মনুষ্যত্ব শুধু বাঁচায় নয়—সৃষ্টিতে, ও সে সৃষ্টি বিকশিত হ'তে পারে কেবল অবসরের সুনিয়োগে। এখন, একথা যদি মনে নেওয়া যায় তাহলে মানতেই হবে যে এ অবসর অধিকাংশ মানুষকে না হোক অনেক মানুষকে দিয়েছে—এই বুর্জোয়া সভ্যতা। সুতরাং আজ যে সকলেই এই অবসর পেতে চাচ্ছে ও পেয়ে সত্য মনুষ্যত্বে গরীয়ান হ'বার আকাঙ্ক্ষা বোধ করেছে সেটার মূল কারণ বলা যেতে পারে—বুর্জোয়াদের এই অবজ্ঞাত সৃষ্টিরই দৃষ্টান্ত। মেটারলিন্স্ক কোথায় বলেছেন যে আমাদের—অর্থাৎ বুর্জোয়াদের—একটা মস্ত দায়িত্ব হচ্ছে এই যে আমাদেরই সত্য সভ্যতা ও বৈদগ্ধ্যের পতাকাবাহী হ'তে হবে, কাজেই যদি আমরা সব ছেড়ে ছুড়ে দিয়ে টলষ্টয়ের মতন শ্রমিকদের দারিদ্র্যকেই বরণ করি তাহলে মানুষ কখনো উঠবে না।

* Rene Fulop Miller প্রণীত 'The mind and Face of Bolshevism' ব'লে বইখানিতে এসব কবিদের কাবোর নমুনা উদ্ভব। বইখানি যুরোপে Eucken, Wells, Thomas Mann, Russel, Rolland প্রভৃতি সকলের দ্বারাই প্রসংগিত হ'য়েছে।



কথাটার মধ্যে সার আছে মনে হয়। শ্রমিকরাও মানুষ এ সত্যও যেমন আমাদের স্বীকার করবার সময় এসেছে তেমনি এ সত্যসম্বন্ধেও তাদের সচেতন হবার সময় এসেছে যে বুর্জোয়ারা সমাজের “বিষধর সাপ” (viper) মাত্র নয়। তাদের বোঝবার সময় এসেছে যে বুর্জোয়ারা দৃষ্টান্ত স্বরূপ হয়েছিল ব’লেই তারা আজ অবসর ও স্বাচ্ছন্দ্যের দাবী করতে পারছে, এবং বুর্জোয়ারাদের উত্তর না হ’লে এত বেশি সংখ্যক লোক কখনোই এত

সেদিন লিখেছেন যে আমেরিকায় (যেখানে শ্রমিকরা সব চেয়ে ভাল থাকে, সেখানে) তারা অবসরের নিয়োগ করে শুধু নেচে ও বাজে সিনেমা দেখে। কিন্তু তাই ব’লে কি সত্যিই বলতে হবে, “ওদের অবসর দিয়ে কি হবে— যখন অবসরের সন্ধানহীন তারা জানে না?” হাক্সলি মহোদয়ের মনে এ প্রশ্নটি জেগেছে ব’লেই এ কথা উল্লেখ করলাম। মানুষের মধ্যে সর্বদেশে ও সর্বকালেই যে ভক্তির চাইতে কীর্তন বেশি হ’য়ে এসেছে তার আর



উটমাকান্ডের দৃশ্য

শীঘ্র এ সত্যটি শিখত না যে man does not live by bread alone.

মানি যে বুর্জোয়ারাদের মধ্যেও অধিকাংশই তাদের দায়িত্বের প্রতি সচেতন হয় নি। কিন্তু তার মধ্যে দায়ী শুধু কি তাদের বুর্জোয়াত্ব? তাহ’লে ত’ বলতে হয় যে যুরোপে আজকাল শ্রমিকদের মধ্যে যে ঈর্ষা দ্বেষ, কুটিলতা ও নীচতা দেখা দিচ্ছে তার জন্তে দায়ী তাদের “শ্রমিকত্ব”? আসল কথা মানুষের মধ্যে অধিকাংশই সুখপ্রিয়, অলস ও দায়িত্বজ্ঞানহীন। কি করা যাবে? আলডুস হাক্সলি

কি করা যাবে! সে দোষ ভক্তিরও নয় কীর্তনেরও নয়— সে দোষ মানুষের মধ্যে অধিকাংশের অসারতার।

কাল মানুষের অসারতার এ নিদান মনে হওয়ার সঙ্গে সঙ্গে মনে হচ্ছিল অনেক কথা। মনে হচ্ছিল যে আমাদের দেশের শ্রমিকরা যুরোপের দেখাদেখি যতই কেননা বাহবাশ্ফোট করুক, সুযোগ পেলেই যে তাদের মধ্যে আঁকে বাঁকে সুভাষচন্দ্র, জহরলাল, শরৎচন্দ্র জন্মাবে এ আশা ছুরাশা। বুর্জোয়ারাদের মধ্যেও যেমন মাত্র অল্প সংখ্যক মানুষ আজ তাদের সত্য দায়িত্বের প্রতি সচেতন,

শ্রীদিলীপকুমার রায়

শ্রমিকদের মধ্যেও ভবিষ্যতে ঠিক তাই হবে। কাজেই কবল এইটুকুর বেশি জোর ক'রে বলা চলে না যে তাদের মধ্যে সুযোগ পেলে যারা সত্যিকার মানুষ হ'তে পারত, শুধু তাদের খাতিরেই সকলকে মানুষ হবার সুযোগ দেওয়া কর্তব্য। কিন্তু এ সুযোগ দেবার সময় যদি আমরা এ আশা পোষণ করি যে তা পেলেই তারা জীবনের নিগূঢ় উপলক্ষির জন্তে দলে দলে বাগ্ৰ হ'য়ে উঠবে তা হ'লে সে আশা প্রকৃতির পরিহাসে ছুদিনে ধুলোয় লুটোবেই লুটোবে। অন্তত “অদূর ভবিষ্যতে” অধিকাংশ মানুষ যে সত্যিকার সভ্যতা সম্বন্ধে সজাগ হ'য়ে উঠবে না এটা ঠিক—“অদূর ভবিষ্যতে” যাই হোক না কেন।

তোমায় এত বড় চিঠি লিখব ভাবিনি। ভেবেছিলাম আমার ভ্রমণ সম্বন্ধে এ চিঠিতে ছাচরটে কথা জানাব। কিন্তু মানুষ ভাবে এক হয় আর।

কেন এত কথা লিখলাম জানো? আমার ব্যাথাটা শোন তা হ'লে। কদিন থেকে নানা রকম প্রাকৃতিক দৃশ্যশোভার মধ্যে ছাড়া পেয়ে মনটা বেশ বিকশিত হয়ে উঠেছে ও মনে হচ্ছে যে আমাদের সমাজ অনেকেই আমার মতন একটু আধটু ভ্রাম্যমাণ হওয়ার সুযোগ দিলে কাজটা নেহাৎ মন্দ করত না। অথচ এ ভাব-বিলাসিতার জন্তে ক্ষোভও জাগে এবং মানুষ শুধু ক্ষোভ নিয়ে ঘর করতে পারে না, খানিকটা আটপৌরে আত্ম-সম্মানও তার পক্ষে একান্ত আবশ্যিক। তাই নিজের *raison d'être* অপিচ আত্মসমর্থন খুঁজতে বাধ্য হ'লাম। মানুষ এমনি ক'রেই সাফাই গায় ও নানা রকম জীবনের ফিলসফি গ'ড়ে তোলে বোধহয়।

কিন্তু এ ফিলসফির মধ্যে আত্মপ্রবঞ্চনার উপাদান খানিকটা থাকলেও খানিকটা সত্যও যে আছে একথা আশা করি তুমি অস্বীকার করবে না। সেদিন একজন বড় লেখকের লেখায় একজায়গায় পড়ছিলাম:—*Success, power, wealth—those aims of profiteers and premiers, pedagogues and pandemoniaes, of all, in fact who could not see*

God in a dew-drop, hear him in distant goat-bells, and scent him in a pepper tree—had always appeared to me as akin to dry-rot. (গলস্‌ওয়ার্দি)

কাল সন্ধ্যায় ধূসর সূর্যাস্তের রঞ্জিত মেঘালোকে মনে হচ্ছিল যে প্রতি সভ্যতায় এ রকম সূক্ষ্ম উপলক্ষি যদি এক আধজনের মধ্যেও ফুটে ওঠে তবে তাতে ক'রে তার অনেক অসারতারও মস্ত ক্ষতিপূরণ মেলে। মানবহৃদয়ের নানান সুকুমার অনুভূতি, নানান ললিতরাগের রক্তরাগ, নানান আধছায়া আধআলো আবেগের সমষ্টি, নানান ধরা-ছোঁয়া-যায়-না-এমন আশানিরাশার ইন্দ্রজাল, জীবনের রুঢ় অভিঘাতে নানান স্বপ্নভঙ্গ—এসবের মধ্যেই কোথায় একটা গুপ্ত সার্থকতার রেশ নিহিত। যে-মুহূর্তে মানুষ এমন একটা অনুভূতির পরশ পায় যে “নাভিনন্দেত মরণং নাভিনন্দেত জীবিতম্। কালমেব প্রতীক্ষেত নির্দেশম্ ভৃত্যকৌ যথা।” (মরণকেও অভিনন্দন করবে না, জীবনকেও না; শুধু অপেক্ষা ক'রে থাকবে ডাকের জন্তে—যেমন ভৃত্য থাকে) সে-মুহূর্তে সে তার আশে-পাশের মানুষকে একটা অপরূপ সুষমাদীপ্ত ভাবরাজ্যের সন্ধান বহন ক'রে এনে দেয় ও মানুষ তার জীবন ছেড়ে খানিক পরিমাণে দেবত্বের কোঠায় ওঠে। শরৎচন্দ্রকে আজ যে সমগ্র বাংলাদেশ অভিনন্দন দিচ্ছে তার ভিতরকার কথাটাও ত এই যে আমরা বলতে চাচ্ছি—“হে শিল্পী, তুমি যে আমাদের জীবনের শত গ্লানির গ্লানিমার মালিগ্নের মাঝেও সুন্দরের অনুভূতি, সমবেদনার তৃপ্তি, সূক্ষ্ম কারুকার্যের সাস্ত্যনা বহন ক'রে এনে দিয়েছ আমরা মুক্তকণ্ঠে স্বীকার করছি যে তার ফলে আমাদের অনুভবজগত সমৃদ্ধতর হয়েছে।” নয় কি? কাজেই (এখন নিজের সাফাইয়ে ফিরে আসি) আমি যদি সঙ্গীত ও ভাববিলাসিতার চর্চায় একটু গুন্ফদেশে চাড়া দিয়ে আমার আলমশের সমর্থন একটু খুঁজতেই যাই তাতে তোমরা একটু করুণার হাসি হাসো ত হেসো কিন্তু দোহাই, মুখ ফিরিও না, বা আমি যে এ যাত্রা মান্দাজ, তাজোর, ত্রিচিনপল্লী, মাদুরা, পণ্ডপম্, সেতুবন্ধ, উটাকামণ্ড বাঙ্গালোর, নন্দীপাহাড়, মহীশূর, হায়দ্রাবাদ, মসলিপট্রম



প্রভৃতি স্থলে চরকীর মতন ভ্রাম্যমাণ হ'য়ে বেড়াচ্ছি তার জন্তে আক্ষেপ কোর না। অপিচ—তোমরা দেশোদ্ধারে নিরন্তর আছ ভেবে সময়ে সময়ে আমারও যে বিবেক দংশন হয় একথা অবিশ্বাস কোর না।

কিন্তু এবার বাজে বকা রেখে একটু ভ্রমণবৃত্তান্ত নিয়ে উঠে পড়ে লাগি।

প্রাকৃতিক দৃশ্যের দিক দিয়ে সব চেয়ে ভাল লাগল উটাকামণ্ড। এমন সবুজের আশ্রয় সেখানে এখন লেগেই আছে যে আমার কেবল মনে হ'ত তোমায় জোর ক'রে ধ'রে নিয়ে আসতে পারলে কাজটা হ'ত চমৎকার। কিন্তু বিলেতে তোমাকে তোমার দেশোদ্ধার-স্বপ্ন-মগ্নমনটাকে যদি বা প্রাকৃতিক সৌন্দর্যোপভোগের নিন্দনীয় আলম্পরায়ণতার দিকে সময়ে সময়ে ফেরাতে পারতাম—এখানে তা হ'য়ে উঠেছে—শ্রদ্ধ অসম্ভব, যদিও আমি চেষ্টার ক্রটি করিনি। ক্ষিতীশ সেদিন ঠিকই বলছিল যে তোমার পক্ষে কোনো কিছু উপভোগ করা মুশ্কিল—তোমার কেবল মনস্তাপ হ'তে থাকবে—এ-সময়টা যে পরিমাণে মৌটিং করা যেত দেশোদ্ধারের দিনটা সেই পরিমাণেই এগিয়ে আসত তবু বিলেতে তোমাকে ডাকিঁশায়ার, লক্ষাশায়ার প্রভৃতি স্থানে টেন নিয়ে যাওয়া গিয়েছিল। কিন্তু এখানে?—হায়, তুমি হেসে বলতে চাও “তে হি নো দিবসা গতাঃ।”

কিন্তু আমার “তে দিবসাঃ” এখনো “গতাঃ” নয়, যিধাতাকে বহুবাদ। “গতাঃ” হ'তে হয়ত সে চাইত। কিন্তু বিবেক-প্রভৃটিকে একটু আধটু আমল দেওয়া চললেও বেশি আমল দেওয়াটা যে কিছু নয় এ বিশ্বাস আমার আজকের নয় তুমি জানো।—এমন কি দেশোদ্ধারের খাতিরেও নয়—তা তুমি যতই রাগ কর না কেন একথা শুনে। তাই শোনো একটু উটাকামণ্ডের ও নন্দীশৈলের কথা। প্রবন্ধ লিখলে ত পড়বে না—কিন্তু চিঠিটা অন্তত পড়তেই হবে—সুযোগ পাওয়া গেছে মন্দ নয়।

তুমি যদি কখনো দেশোদ্ধার কাজের মধ্যে একটু ফুরসৎ পাও ত যেয়ো উটাকামণ্ডে একবার।

সেখানে আমার সবুজের শোভা দেখে প্রায়ই মনে হ'ত শেলির সেই লাইনটি :—“The emerald green of leaf-enchanted beams।”

কী স্ফটিকের মতন ঝকঝকে সবুজ! বোধ হয় বর্ষার সময় ব'লেই এত সবুজ হয়েছে! এমন সবুজের মেলা দেখতে পাওয়াটা একটা সৌভাগ্য সত্যি! নিছক সবুজ রঙের বাহার যে আমাদের মনকে কতটা উতলা করতে পারে তার পরিচয় পেতে হ'লে একবার উটাকামণ্ডে যাওয়া ভাল। সাধ কি “কিরণমালা পত্রমুগ্ধা” হ'ল?

তার ওপর কী দীর্ঘাকৃতি গাছের শোভা! কী সুপারি, দেবদারু পাইন প্রভৃতির ঘন নিকুঞ্জের মনোহারিত্ব! আর কী সে ঋজুতার তৃপ্তি।

বস্তুত উটির বৈশিষ্ট্যই বোধ হয় এইখানে। এত অপরিপাক ঋজু ও লম্বা গাছ বোধ হয় আর কোথাও দেখিনি। আর সে সব গাছের মধ্যে কত শাখাই যে “স্তবকাবনম্ভা” সে কি বলব! বিলেতের weeping willow গাছ মনে পড়ে? এখানে সে রকম সবুজ অশ্রুভারে-লম্বিত গাছ অজস্র।

কেবল এ সময়ে উটির আকাশ খুব সদয় নন—এই যা ছঃখ। সারাদিনই মেঘে ঢাকা। কালিদাসের “বপ্রক্রাঁড়া-পরিণত গজের” বাহার সমতলভূমিতে লাগে ভাল—কিন্তু শৈলশিখর এই নন্দীপাহাড়ের মতন মেঘমুক্ত হ'লেই বেশি মনোমদ হয়। হয়ত তুমি বলবে তা হ'লে শাপেনাস্তংগমিত মহিমা যক্ষের কাছে রামগিরির মেঘমালা কেমন ক'রে এত প্রিয় হ'য়ে উঠেছিল? উত্তর—তার যে, সে “কামরূপ মঘবানের” কাছে নিজের “যাক্কা” জ্ঞাপন করবার স্বার্থ ছিল! তবু আমার মনে উটাকামণ্ডে নিরন্তর সংশয় জাগত যে বিষম শীকরসম্পৃক্ত শৈত্যের মাঝখানে সে-যক্ষের মনে দয়িতার কথাই বেশি জাগত না দৈহের ক্লিষ্টভাবের দিকেই বেশি দৃষ্টি পড়ত! সে যাই হোক—যেহেতু আমি যক্ষ নই সেহেতু আমি যে উটাকামণ্ডের মেঘের বিরতিহীন আলিঙ্গনের মধ্যে খুব আনন্দ পেতাম না এটা ধ্রুব।

কিন্তু তবু সেখানকার নিসর্গশোভার প্রতি অমনোযোগী হওয়া ছিল—অসম্ভব।

শ্রীদিলীপকুমার রায়

বিশেষ ক'রে ভাল লেগেছিল সেখানকার বটানিকাল গার্ডেনটি। আধটাকা ঘোমটায় বাগানটি মাঝে মাঝে এমন একটা অপক্লপ শোভায় দীপ্ত হ'য়ে উঠত যে সে “মেঘালোকে” একটু “অগ্ৰথাবৃত্তিচেতঃ” না হ'য়েই আমার উপায় ছিল না। এমন সুন্দর বাগান আমি আর কখনো দেখেছি ব'লে মনে হয় না। রাস্কিনের কথা কেবল মনে হ'ত যে মতলভূমির মোহ নিতান্তই স্বচ্ছ— প্রকৃতি রহস্যের ঘোমটা পরেন কেবল তখন—যখন মাটি উচ্চনীচতার চেউ-খেলানোর মধো দিয়ে নিজেকে এলিয়ে দিতে চায়।

হর্ষ্যাপূর্ণ সহর গ'ড়ে তোলে—রাস্তাঘাট ত রাস্তা নয়—যেন ক্ষীর-সরোবর পেতে রাখে—ও দর্কোপরি আমাদের দিয়ে খাটিয়ে নিরেই ওরা রাজার হালে শোভমান থাকবার গুহ তহুটি সম্বন্ধে স্বয়ং বিশ্বকর্ম্মার কাছ থেকে তালিম নিতে জানে।

যাক্, এবার উটকামাণ্ডে ছেড়ে মহীশূর-ভ্রমণের কথা ব'লে প্রবন্ধটি শেষ করি ; কি বল ? নইলে উদ্বাস্ত হ'য়ে উঠবে যে !

কদিন থেকে বাঙ্গালোরে আমি অতিথি হ'য়ে আছি আমার একটি ইংরেজ বন্ধুর। আরও দুটি যুরোপীয় মহিলা তাঁর অতিথি।



উটকামাণ্ডের দৃশ্য

আর প্রশংসা করতে হ'ত ওদের রাস্তাঘাট রাখার ক্ষমতাকে। তুমি চীফ এক্সিকিউটিভ অফিসার হ'লেও সম্ভবত সেখানকার রাস্তাঘাটের সৌন্দর্য্য আর বেশি বাড়াতে পারতে না। কী সাধনক্ষমতা ও কর্ম্মনিষ্ঠতা ওদের ! এমন একটা সহর শুধু করা নয়—রেখেছে কি সুন্দর ক'রে ! সাত ধমুদ্র তের নদী পার হ'য়ে এসে মাকড়সার জালের মতন ওরা রেলপথ বিস্তার করার শক্তি ধরে—শৈল দেখলেই ওরা শুধু চ'ড়ে ক্ষান্ত হয় না—হুদিনে সেখানে সুরমা

এদের সঙ্গে মিলেমিশে থাকতে যতই ভাল লাগছিল ততই মনে হচ্ছিল যে আমরা ক্রমশ যুরোপীয় মনের কি রকম কাছে গিয়ে পড়ছি ! শুধু তাই নয়—আমার মনে হচ্ছিল যে রাষ্ট্রীয় ও নাগরিক গুণের অনেকগুলিই আমরা এদের কাছ থেকে নিত্য নিয়ত কি দ্রুত রেটে শিখছি ও শেখবার সঙ্গে সঙ্গে দেশবাসীদের মন থেকে কী দ্রুতবেগে দূরে স'রে যাচ্ছি ! কথাটা পরিষ্কার ক'রে বলি।



আমার মনে হচ্ছিল যে আমাদের দেশবাসীদের মধ্যে যারা তাঁদের আচারগত ভারতীয় বৈশিষ্ট্যট বজায় রেখেছেন তাঁরা ক্রমেই আমাদের মনের রাজ্যে কি রকম অজ্ঞাতসারে অনাক্ষীয় হ'য়ে পড়ছেন ও সঙ্গে সঙ্গে আমরা অজ্ঞাতে চরিত্রগত অনেকগুলি নতুন গুণ কি রকম স্থায়ীভাবে ওদের কাছ থেকে গ্রহণ ক'রে হজম করছি! দৃষ্টান্ত চাও? তোমার নিজেরই নেও না কেন। তোমার নিষ্ঠা, তোমার কর্মশীলতা, তোমার ত্যাগ, তোমার নিয়মানুগতা— ভেবে দেখ দেখি এসব কী পরিমাণে যুরোপের দ্বারা প্রভাবিত! এসবের মধ্যে ভারতীয়ত্ব কতটুকু? অবশ্য

আমার এই যে হয়ত পুরাকালে আমাদের মধ্যেও এ ধারণাটা ছিল—(তার কোনো পুঙ্কানুপুঙ্ক ইতিহাস ত নেই)—কিন্তু সম্প্রতি আমরা যে আমাদের গার্হস্থ্য জীবনে ক্রমেই বেশি আত্মকেন্দ্র হ'য়ে পড়ছিলাম এটা অস্বীকার করা যায় না। Civic life যাকে বলে সে জীবনের যে-সব দাবী-দাওয়া আছে সে-সব দাবী-দাওয়ার মর্যাদা রাখাটা যে আচারের দাবী-দাওয়ার মর্যাদা রাখার চেয়ে বেশি দরকার এ সত্যটির প্রতি আমরা উদাসীন হ'য়ে পড়ছিলাম। যুরোপের একটা বড় উপলক্ষি মানুষকে জানা ও মানুষের নিকটে আসা। আমরা ক্রমশই হ'য়ে পড়েছিলাম গৃহবদ্ধ,



উটকামাণ্ড থেকে মহীশূর 'বাসে' ক'রে আসতে পথের দৃশ্য

ভারতে ত্যাগ ছিলনা একথা বলতে চাই মনে কোরো না যেন। কারণ কে না জানে যে ব্রাহ্মণদের মধ্যে জ্ঞানচর্চার জন্তে বিলাসবর্জনের আইডিয়া ছিল, ক্ষত্রিয়দের মধ্যে প্রজামুরঞ্জনের জন্তে নিজের বিশ্বাসত্যাগের আইডিয়া ছিল— ইত্যাদি। কিন্তু রাষ্ট্রীয় জীবনের জন্তে যে প্রতি নাগরিকের দৈনন্দিন জীবনের অনেকখানি স্বার্থ ছাড়তে হবে এ সত্যটি আমরা যুরোপের কাছেই নতুন ক'রে শিখেছি এই আমার বলবার কথা। নতুন ক'রে শিখেছি কণাটা বলার সদর্প

আচারবদ্ধ, ছুৎমার্গপন্থী। দক্ষিণ ভারতের সত্যকার ভারতীয় ব্রাহ্মণদের সঙ্গে সংস্পর্শে এলে এটা আরও উজ্জ্বল ভাবে উপলক্ষি করা যায়। কী বিরাট টিকি এদের! কী দগ্‌দগে তিলক! আর—সর্বোপরি কী অবজ্ঞা নিম্নবর্ণের লোকদের প্রতি!—যেন ব্রাহ্মণেতর সব জাতিই বিধাতার অভিশপ্ত সন্তান! একথা এখানে আমার একটি যুরোপীয় বান্ধবী কাল ব'লে আক্ষেপ করছিলেন। তাই ভেবে দেখ দেখি, তুমি-আমি যে আজ যুরোপীয়দের সঙ্গে এত সহজে

শ্রীদিলীপকুমার রায়

শুভে পারি তার কারণ কি এই নয় যে আমরা আর খাটি ভারতীয় নেই? বস্তুত তুমি-আমি যে-পরিমাণে দেশের প্রতি বেদনা বোধ করি ঠিক সেই পরিমাণেই আমরা যুরোপীয় বাপন্ন নয় কি? তাই এক কথায় বলা চলে যে দশাব্দবোধ জিনিষটা যুরোপায়—ভারতীয় নয়, অন্তত গত কয়েক শতাব্দীর মধ্যে যে এটা দেশের লোকের মন থেকে উদ্ভূত হয়ে গিয়েছিল এটা খুবই বেশি সম্ভব মনে হয়।

এটা কথার কথা নয়। আমার সত্যিই মনে হয় তুমি-আমি আজ খাটি ভারতীয়ের মনের কাছে অনাত্মীয়। আমার একটি উদারহৃদয় ভারতীয় বন্ধু তাঁর দেশে নিমন্ত্রণ পান না—তিনি নিষিদ্ধ মাংস ভক্ষণ করেছিলেন বলে। এটা আমাদের কাছে আজ যে অসম্মত মনে হয় তাইতেই প্রমাণ হয় যে আমরা সে খাটি ভারতীয় নেই; যদি ভারতীয় হ'তাম তাহ'লে বলতাম বেশ হয়েছে—নিষিদ্ধ মাংসভক্ষণ! উঃ, কাঁ মহাপাপী! ওর সঙ্গে একত্রে বসতে আছে

গত কয়দিন আমার যুরোপীয় বন্ধু বান্ধবী ক'জনের সঙ্গে একত্রে হাসি গল্প, খেলাধুলো প্রভৃতি করার সঙ্গে সঙ্গে একথা আমার বড় বেশি ক'রেই মনে হচ্ছিল। আর সঙ্গে সঙ্গে মনে প্রশ্ন উঠছিল—মাদ্রাজে কয়টি সত্যকার ভারতীয়ের পরে আমি এত সহজে প্রবেশাধিকার পেতে পারতাম বা পেলেও এত সহজ সৃষ্ণতার সঙ্গে মিশতে পারতাম? একথাটা এখানকার একটা ছোট অভিজ্ঞতা দিয়ে আর একটু স্কট ক'রে তুলব।

য়ুরোপ আমাদের যে কতটা অ-ভারতীয় ক'রে তুলছে ও তার প্রভাব যে ধীরে ধীরে কী ব্যাপক হয়ে উঠছে সেটার যেন নতুন ক'রে পরিচয় পেলাম সেদিন এখানে একটি দক্ষিণী তরুণীর সঙ্গে একটু আলাপ করতে করতে। মেয়েটির বয়স হবে বছর বাইশ তেইশ; তার মাতৃভাষা লিথুয়ানিয়ান ভাষামাত্র—কোঙ্কনী—তার কালচার বিশেষ ক'রে খাটি ও সে এম্ এ পাশ করেছে হায়দ্রাবাদ থেকে। কাজেই দেখা যাচ্ছে তার বিশেষ ক'রে ভারতীয় হবারই আশঙ্কা ছিল। কিন্তু সে হয়ে পড়েছে ঠিক উলটো একটি ব্যাপক, অর্থাৎ একটি পূর্ণবিকশিত যুরোপীয় মেয়ে; বেশভূষায় ও ক'রেই মনে। বুদ্ধিদীপ্ত মুখ; আমার সঙ্গে এক

ঘণ্টার মধ্যে ভাব ক'রে নিল ঠিক যুরোপীয় মেয়েরই মতন। চাল চলন গতি ভঙ্গী, হাসি গল্প সবের মধ্যেই যুরোপীয় ছাপ। এমন কি পুরুষ যে তাকে দেখলেই একটু আকৃষ্ট বোধ করে সে সত্যটির প্রতিও সে যেমন সহজেই সচেতন, এজ্ঞে তেমনি কুণ্ঠালেশহীন। তার ব্যক্তিত্বের মধ্যে যেটা সব চেয়ে প্রত্যক্ষ সেটা হচ্ছে তার অকুতোভয় ভাব। সে আদর্শ হিন্দুরমণীর মতন লজ্জাবনতা, সঙ্কোচবিজড়িতা কথায় কথায় বেপথুমানা ও আলো-হাওয়া-বিরাগিনী নয়। শুধু তাই নয়—তার জীবনের ফিলসফি সম্বন্ধেও সে সচরাচর এমন অসঙ্কোচে কথা বলে যে, ভালও যেমন লাগে আশ্চর্য্যও তেমনি বোধ হয়।

কিন্তু মনে কর কি যে, এরকম মেয়ে এখানকার গড়পড়তা ব্রাহ্মণের হাতে পড়লে সুখী হবে? অথচ যদি সে যুরোপীয় সভ্যতা ও আইডিয়া'র সংস্পর্শে না আসত তা হ'লে যে সে অতি অবলীলাক্রমেই যে-কোন অন্ধমুক্তিত, কচ্ছাইন তিলকধারীকে বিবাহ করত এটা ত অবধারিত? কি বদলেই আমরা যাচ্ছি ভিতরে ভিতরে—যদিও বাইরে একথা স্বীকার করতে কুণ্ঠা বোধ করি!

না—সত্যি ভারতের ভারতীয় বৈশিষ্ট্য যদি কিছু স্থায়ী হয় তবে সেটা হয়ত হ'তে পারে দর্শনের রাজ্যে; কিম্বা ললিতকলার রাজ্যেও হয়ত হ'তে পারে। কিন্তু দৈনন্দিন জীবনে, আলো হাওয়ার এলাকায়, নৈতিক আচরণে ও নাগরিক কর্তব্যজগতে আমরা আর ভারতীয় থাকছি না—এবং মোটের ওপর আমাদের মানসিক স্বাস্থ্যের পক্ষে এটা অতি শুভ চিহ্ন। মানুষ একবার এগিয়ে এলে ফিরে যেতে আর পারে না—যতই কেননা তার কানে কানে বলা হোক যে মুক্তি আছে কেবল পশ্চাদগমনে।

অথচ তবু মনোরাজ্যে, ভাবজগতেও জীবনটাকে দেখার ভঙ্গীতে কোথায় যেন আমরা একটা মস্ত সম্পদের উত্তরাধিকারী—একথাও আমার মনে হয়। হয়ত তুমি বলবে আমার এ দুটি উক্তি পরস্পরবিরোধী; ও সেই সঙ্গে হয়ত একথাও বলবে যে “নৈতিক আচরণ, ব্যবহারিক জীবন প্রভৃতিতেও আমাদের ভারতীয় বৈশিষ্ট্য বজায় রাখা দরকার—নইলে এ-সব বিষয়ে যুরোপীয় প্রভাব শেষটার আমাদের জীবনের ফিলসফির ওপরেও ছাপ ফেলবে।”



এটা অসম্ভবও নয়। কিন্তু তবু মনে হয় যে আমাদের জীবনে যুরোপীয় প্রভাব ক্রমশ বড়ই হয়ে উঠবে; ছোট আর হবে না। সে প্রভাবকে আমরা আত্মসাৎ করে একটা নতুন ধরনের ভারতীয় অবদান জগতকে দিতে পারব কিনা জানি না। হয়ত পারলেও পারতে পারি। তবে এ বিষয়ে আমার নিজের কাছে নিজের ধারণা বড় অস্পষ্ট, তাই এখানেই আজ স্তম্ভিত হয়ে গেলাম।

না—স্তম্ভিত হ'লে চলবে না। মহীশূর থেকে উটাকামণ্ডের পার্বত্য রাস্তা সম্বন্ধে কিছু লিখতেই হবে যে।—কিন্তু না—বেশি লেখা বৃথা। এটা দেখাই ভাল। তাই যদি কখনো উটাকামণ্ড অঞ্চলে যাও ত সেখান থেকে মহীশূর অবধি যে মোটর বাস যায় তাতে একবার চ'ড়ে—ভুলো না। এমন চমৎকার পার্বত্য রাস্তা ও দৃশ্যবৈচিত্র্যে এরকম পথ এক নয়ওয়ে ছাড়া কোথাও দেখেছি ব'লে ত মনে হয় না। জায়গায় জায়গায় প্রকৃতি ঠিক যেন যুরোপের মতন, জায়গায় জায়গায় উষ্ণপ্রদেশসম্ভব, আবার জায়গায় জায়গায় স্রোতস্রিনী, ঝরণা প্রভৃতিতে সমৃদ্ধ। এক কথায় সমস্ত পথটি অত্যন্ত উপভোগ্য। মেঘ ও রোদ, ঘন গাছ ও বৃহৎ বিরলতা, চেউয়ের পর চেউ পাহাড় আবার সমতল ভূমির শোভা—যা চাও সবই পাবে। সত্যি এ পথটুকু অপূর্ণ—নিছক বৈচিত্র্যের দিক দিয়ে।

তরল দিন বাঙ্গালোরে এসেছি উটাকামণ্ড থেকে। পরলু দিন বাঙ্গালোরে ছুটি মেয়ের গান শুনলাম। এদের নাম তঙ্গমা ও নঙ্গমা। বড়টি বেশ বীণা বাজায়। ছোটটি বেশ গায়। বাঙালী মেয়েদের মতন গলা এদের নেই—কিন্তু নৈপুণ্যে এরা কারুর চেয়ে হীন নয়। কেবল এদের দক্ষিণী সঙ্গীতের মধ্যে হিন্দুস্থানী সঙ্গীতের প্রাণের পরশটি মেলে না। সেই কোকনী মেয়েটি সেদিন তার সহজ সাবলীল ভঙ্গীতে জোরের সঙ্গেই বলল আমাকে, “মাল্লাজীরা দক্ষিণী গায়কদের মধ্যে কে প্রথম শ্রেণীর, কে দ্বিতীয় শ্রেণীর, কে তৃতীয় শ্রেণীর এ নিয়ে নানা রকম আলোচনা করে—কিন্তু আমার কাছে মনে হয় দক্ষিণী গায়ক বা বাদক সবই তৃতীয় শ্রেণীর।” আমি হেসে জিজ্ঞাসা করলাম হায়দ্রাবাদে তিনি খুব ভাল হিন্দুস্থানী গান শুনে একথা বলছেন কিনা।

মেয়েটি নির্ভয়ে উত্তর দিল—“হায়দ্রাবাদে রাস্তায় ঘাটে গাড়োয়ানে যে-গান গায় এদের শ্রেষ্ঠ গায়কের গানও তার কাছে দাঁড়াতে পারে না।”

কিন্তু গান বাজনা সম্বন্ধে বেশী আলোচনা করব না—তুমি মহা বিব্রত হয়ে পড়বে বোধহয়। তোমার উপর আবার বেশি উপদ্রব করাও কিছু নয়।

পরলু বাঙ্গালোর থেকে বাসে চ'ড়ে আসা গেল এই নন্দী পাহাড়ের পাদমূলে—মাইল পঁয়ত্রিশ। তারপর সেখান থেকে এখানে—অর্থাৎ নন্দীপাহাড়ের শিখরস্থিত পান্থ্যবাসে—হেঁটে এলাম আমরা চার জন। আমি, আমার এক মাল্লাজী সঙ্গীতানুরাগী বন্ধু, আমার এক চিত্রকরী বান্ধবী—সুইস—ও একটি আমেরিকার মহিলা—দার্শনিক।

বাঙ্গালোরের উচ্চতা হাজার তিনেক ফিট; এ পাহাড়ের উচ্চতা হাজার দুই। কাজেই বৃষ্টি নন্দী পাহাড়ের উচ্চতা কামিরাত্তের চেয়ে কম নয়।

ফল—শৈত্য—কিন্তু মনোরম শৈত্য—দুঃসহ শৈত্য নয়। শুধু তাই নয়, এখানে সূর্যদেব নির্দয় নন। বরুণদেবও সদয় নন। কাজেই কাল সমস্ত দিন রূপালি তপন-কিরণে খুব দৃষ্ট হওয়া গিয়েছিল ও রাত্রে অর্ধ চন্দ্রের আলোকে চারিদিকের শোভা উপভোগ করা হয়েছিল।

অতি চমৎকার স্থান এ। অবশ্য হেঁটে দু হাজার ফিট উঠতে আমাকে একটু কষ্ট পেতে হ'লেও, ওঠবার পর শ্রম সার্থক হয়েছিল পুরোপুরি। বিশেষত যখন এখানে টিপুসুলতান প্রায়ই আসতেন। ঐতিহাসিক নরপুঞ্জবদের পীঠস্থানে আসতে রোমাঞ্চ হবে না এমন টুরিষ্ট কে আছে?

যুরোপীয় বান্ধবীস্বরূপ মহাসুখী। এঁরা সত্যি নিসর্গ শোভা ভালবাসেন, নইলে অত কষ্ট করে উঠতে পারতেন না এ পাহাড়ে। তবে এঁদের শরীরও ভাল—আমাদের আধুনিক-শিক্ষিতা বাঙালী মেয়ের মতন ফুলের ঘায়ে মুচ্ছা যান না। জীবনী শক্তিতে এরা এমন ভরপুর যে এখানে এসে হুজনে মিলে নেচেই অস্থির। আমাকে বললেন নাচতে হবে। অনেক কষ্টে এঁদের বুঝিয়ে নিরস্ত করা

শ্রীদিলীপকুমার রায়

যে ভারতীয় শিল্পীর আদর্শ—গতি নয় স্থিতি—যেহেতু
তে শিল্পী হচ্ছে দার্শনিকেরই ভায়রা ভাই। ভাগ্যে
ভারতীয় দার্শনিকের ওপর এঁদের প্রগাঢ় শ্রদ্ধা! নইলে
আমাকেও এ-বয়সে ঘূর্ণমান হ'তে হ'ত হয়ত! যুরোপের
ভাবে বড় জোর ভ্রাম্যমাণ হওয়া গেছে—কিন্তু তাই ব'লে
কমান হ'তে বললে চলবে কেন? শরৎবাবু সেই গল্প মনে
ড়ে; “আরে, মদ খেতে প্রেজুডিস থাকবে না ব'লে কি
গাল হ'তেও প্রেজুডিস থাকবে না?”

দেখা যায়। আর দেখা যায় অজস্র ডোবা। বেশ লাগে।
অনেকটা চেরাপুঞ্জী থেকে সিলেটের দৃশ্যের মতন। আমার
মাদ্রাজী বন্ধু এখানে পল রিশারের সঙ্গে এসে অনেক দিন
ছিলেন। কাল বলছিলেন যে এক দিন চন্দ্রালোকে অজস্র
ডোবায় তাঁদের প্রতিবিশ্ব দেখে পল রিশার বলেছিলেন;
“প্রতি ডোবাই চন্দ্রদেবের প্রতিবিশ্ব বুকে ধ'রে মনে করে
শশী বুঝি তারই জন্তে কিরণ দিচ্ছেন। মানুষ ঠিক তেমনি
তার নিজের ধর্ম সঙ্কটে মনে করে যে ভগবান কেবল তার



উটকামাণ্ডের দৃশ্য

কালরাত্রি এই পান্থবাসেই কাটল। কী চন্দ্রালোক!
দৃশ্য! আর কী মধুর বাতাস! তার ওপর প্রচণ্ড
কীলাপও হ'ল ও শেষটায় গানের চর্চাও হোল।
সকলেই সঙ্গীতপ্রিয়; কাজেই কালকে কাটল ভাল।
নদী পাহাড়টা উঠেছে একেবারে খাড়া। কাজেই ওপর
ক চারদিকেই সমতলভূমি ক্ষেত্র, হর্ম্মা, তরুরাজি প্রভৃতি

ধম্মেই প্রকাশ।”

ফ্রান্সে গত বছর পল রিশার এ রকম সুন্দর সুন্দর কথা
প্রায়ই আমাকে বলতেন তাই এ উপমাটি তোমায় না ব'লে
থাকতে পারলাম না। একদিনের জন্তে এখানে আসা
গিয়েছিল, কিন্তু এসে এত ভাল লাগছে যে আজও থেকে
যাওয়া গেল। কাল বাঙ্গালোরে ফিরব।

আলো

শ্রীমৈত্রেয়ী দেবী

ওরে আলো, তোরে যদি ভালবেসে থাকি,
চির রাত্রি চির দিন যদি তোর গীতে
ভ'রে থাকে মোর চিত্ত অপূৰ্ণ অমৃতে,
প্রভাতে সুদূর হ'তে এসে তোর বাণী
নূতন পাতার সাথে করে কানাকানি,
রাতের শিশির-মাথা নব শম্পদল
তোমার চরণ লেগে হইত বিহ্বল—
দেখে তাই পূর্ণ হ'ত, দৈন্ত মোর
না রহিত বাকি ;

ওরে আলো, তোরে যদি ভালবেসে থাকি !

শারদ প্রভাতে সেই শুভ্র খণ্ড মেঘে
তোমার চমক যবে উঠিত গো জেগে,
নগ্নশূট করবীর মঞ্জরীর তলে
তোমার চমক যেত নেচে পলে পলে,
সুপ্তি তার কেড়ে নিয়ে তারে প্রাণ দিত
মোর প্রাণে তার সাদা জাগায়ে তুলিত,
তজ্জ্বা যেত যুচে জীবনের হ'ত ভোর
সে আলোয় ঢাকি' ;

ওরে আলো, তোরে যদি ভালবেসে থাকি

তবে যবে দিব্যশেষে রাতের ছায়ায়
আমারে লুকাবে এসে বিপুল মায়ায়,
দূরে ঝঙ্কা দেখা যাবে, পুষ্প যাবে ঝ'রে,
বায়ু কেঁদে কেঁদে যাবে নব পত্র পরে,
গভীর অঁধার এসে আপনা হারায়ে
আমারে কাড়িতে চাবে ছ'হাত বাড়িয়ে,
বিছাত বিষম লাজে লুকায়ে হাসিবে
মেঘ যাবে ডাকি' ;

ওরে আলো, তোরে যদি ভালবেসে থাকি !

তবে আজ ব'লে যা রে হেন কোন বাণী,
দিয়ে যা রে কোন দান তারে লব মানি' ।
সে-বাণীর গুঞ্জরণে দানের মহিমা
মুগ্ধ প্রাণে ছড়াইবে নাহি রবে সীমা,
দেহ মনে একটি সে লীলা হবে সুরু
তোমার কাছে দীক্ষা মাগি, তোরে বলি গুরু,
সে তোমার একটি কথা তার ধ্বনি স্মরি'
কেটে যাবে ঝঙ্কাময়ী মত্ত বিভাবরী,
সে-অঁধারে তোমার বাণী টেনে নেবে মোরে
তোমার কাছে ডাকি' ;

ওরে আলো, তোরে যদি গুরু ব'লে থাকি ।



বিনায়ক

-গল্প-

-শ্রীসমীরেন্দ্র মুখোপাধ্যায়

গৌরুকাল। বেলা প্রায় দুইটা। ক'দিন হইতে অসহ্য গরম পড়িয়াছে। মাথার উপর বন্ বন্ করিয়া বৈজ্ঞানিক পাখা ঘুরিতেছে। ঘাড় গুঁজিয়া কাজ করিয়া যাইতেছি। ফাইলের পর ফাইল আসিতেছে, চিঠির পর চিঠি সহি হইতেছে। এমন সময় টেবিলস্থিত টেলিফোনটা রিম বিম্ করিয়া বাজিয়া উঠিল—রিসিভারটা তুলিয়া লইলে নিম্নলিখিত কথোপকথন চলিল—

“হ্যালো।”

“আপনি মিঃ জ্যোতিষ্ময় দাস?”

“হ্যাঁ, আপনি কে?”

“আমাকে চিন্তে পারবেন কিনা জানি না; অনেক দিনের কথা কিনা।”

“তবু, কে বলুন না, দেখি যদি চিনতে পারি।”

“কি ক'রেই বা পারবেন, আপনি এখন মস্ত লোক, আমার সঙ্গে যখন আলাপ তখন ত কে কি হবে তা কল্পনার বস্তুই ছিল। যা হ'ক, চুঁচুড়া ফ্রি চার্জ স্কুলের কথা মনে পড়ে?”

“পড়ে।”

“সেখানে বিনায়ক বোস ব'লে কারকে চিন্তেন? মনে আছে?”

“বি-না-য়-ক বোস?”

“হ্যাঁ, তার সঙ্গে পড়তেন, এক পাড়ায় থাকতেন, এমন দিন যেত না যে তার সঙ্গে না দেখা করতেন।”

“ও হ্যাঁ তুমিই বিনায়ক? বাঃ, ১৭।১৮ বছর পরে কোথা থেকে কথা বলছ? কি করছ এখন?”

“করব আর কি, এক ইলেক্ট্রিক কোম্পানীতে সামান্য বেতনের কেরানীগিরি করি—সেদিন ফ্রিচার্জের অতুল মাষ্টারের কাছে শুনলুম তুমি বিলেত থেকে খুব বড় চাকরি

নিয়ে কলকাতায় এসেছ। আমার কিন্তু তোমার সঙ্গে দেখা করতে ভয় করে।”

“ভয় কি? এক দিন বাড়ীতে দেখা করো।”

“বড় ভয় করে। তুমি মস্ত সাহেব। আচ্ছা জ্যোতি, গঙ্গার ধারে আমাদের সেই শপথ মনে পড়ে?”

“কি শপথ?”

“মনে পড়ছে না?”

“ও, হ্যাঁ পড়েছে বটে।”

“কিন্তু দেখ, তুমি সে কথা ভুলেছ, আমি কিন্তু ভুলিনি। আর ভুলবই বা কি ক'রে। সূর্য্য কত লোকের দিকে চেয়ে দেখে, কিন্তু সূর্য্যমুখী এক সূর্য্যের দিকেই চেয়ে থাকে।”

“ও তুমি ত দেখছি মস্ত কবি হ'য়ে পড়েছো, যা হ'ক এক দিন নিশ্চয় এসো। আচ্ছা! গুড্‌বাই।”

“গুড্‌বাই।”

টেলিফোনটা রাখিয়া দিলাম।

বহুদিনের কথা, শৈশব ছাড়াইয়া কৈশোরের প্রথম ধাপে সবে পা দিয়াছি। চুঁচুড়ার ইংরাজী স্কুলে ভর্তি হইলাম। তখন বোধহয় সাত আট বৎসর বয়স। আজ ২৮শের কোঠায় পা দিয়া ঠিক মনে করিতে পারি না তাহার সহিত প্রথম আলাপ কি করিয়া হইল। তবে সেদিনের কথাটা বেশ মনে পড়ে—অতুল মাষ্টার একটা কঠিন রকম অঙ্ক বোর্ডে লিখিয়া দিয়া বাহিরে গেলেন। অতুলবাবু বড়ই প্রহার-প্রিয় ছিলেন এবং অঙ্ক-শাস্ত্রটার প্রতি আমার শ্রদ্ধা বড়ই কম ছিল। কাজেই কোমল পিঠের উপর কত ঘা বেত পড়িবে ইহারই একটা পরিকল্পনা প্রায় সজল-নয়নে করিতে বসিয়াছিলাম এমন সময় কোথা হইতে বিনায়ক আসিয়া আমার পাশে ঘেঁসিয়া বসিয়া অঙ্কটা জলের মত বুঝাইয়া দিয়া কসাইয়া দিল। অতুল বাবুর ক্লাসে বাঁচিয়া গেলাম। কিন্তু ইতিহাসটাও ভাল মুখস্থ ছিল না। ইতিহাসের



ঘণ্টা আসিলে বিনায়ক বলিল, “পেছনের গ্যালারীতে চল।” তার পর সেখানে পাশ হইতে এমন বেমালুম prompt করিয়া দিল যে, মাষ্টার মশায় পড়ার রীতিমত তারিফ করিলেন। শুধু তাই নয় ইহার পর কত বিষয়েই যে ঐটুকু ছেলেটি আমায় সাহায্য করিত তা ভাবিয়া শেষ করিয়া উঠিতে পারি না। আমার এতটুকু সাহায্য করিতে পারিলে সে যেন ধন্য হইত। আমার বেশ মনে আছে হেডমাষ্টার মহাশয়ের ক্লাশে তাড়াতাড়ি প্রবেশ করিবার সময় আমার ধাক্কা লাগিয়া হেডমাষ্টার মহাশয়ের টেবিলের উপর দোয়াত উল্টাইয়া হাজিরা-খাতার উপর কালি পড়িয়া যায়। হৃদাস্ত হেডমাষ্টার বেত উঁচাইয়া আসিয়া জিজ্ঞাসা করিলেন, “কে কালি ফেলেছে?”—কেহ কথা বলিবার আগেই বিনায়ক দাঁড়াইয়া কহিল “সার, আমি।” অমনি পটাপট করিয়া পাঁচ ঘা বেত তাহার হাতের উপর পড়িল। সে অগ্নান বদনে সহ্য করিয়া নিজের জায়গায় বসিল। সেদিন স্কুল ছুটি হইলে আমি কাঁদিয়া ফেলিয়া বলিয়াছিলাম, “কেন তুই অমন মিছে নিজের ঘাড়ে দোষ নিয়ে আমার হ’য়ে মার খেলি?” সেদিন সে আবেগে আমার অশ্রুসজল চোখ দুটি মুছাইয়া দিয়া কি গভীর দরদের সহিত উত্তর দিয়াছিল, “জ্যোতি, আমরা গরীব, আমাদের কত মার ধর খাওয়া অভ্যাস আছে; তোরা বড়লোক, সুখী, ওই গুণ্ডার মার খেলে হয়ত ম’রে যাবি, ছি ভাই, কাঁদিস নে।” ইহার পর জীবনবিধাতার হাতে কতবারই না বেত খাইয়াছি, কতই না কাঁদিয়াছি—কিন্তু সেই যে ‘ফুটনোমুখ কৈশোরের প্রাকালে এক বন্ধুর সাক্ষাৎ পাইয়াছিলাম সেই এক আমার হইয়া বুক পাতিয়া মার খাইয়াছিল আর ত কাহাকেও পাই নাই।

সে ছিল গরীব। বাস্তবিকই বড় গরীব। কিন্তু কি অসাধারণ মেধাবী, ও বুদ্ধিমান। তাহার যে কত অভাব কত দিক দিয়া ফুটিয়া উঠিত তাহা প্রাণে প্রাণে বুঝিতাম কিন্তু কোন দিন তা সাহস করিয়া দূর করিতে চেষ্টা করি নাই। সেই অতটুকু বয়সেও বেশ বুঝিয়াছিলাম যে যদি একবার সাহায্য করিবার বা সহায়ুভূতি দেখাইবার এতটুকু চেষ্টা করি তাহা হইলে এই আত্মসম্মতপূর্ণ বালকটি হয়ত এক

নিমেষে তাহার সমস্ত বন্ধুত্ব একেবারে ধুইয়া মুছিয়া ফেলিবে। সে ছিল আমার অতি প্রিয়, অতি আবশ্যকের বন্ধু, আমার সে কৈশোরের স্বপ্নময় দিনে সে যেন আমার চারিদিকে এক অদ্ভুত মায়াজাল সৃষ্টি করিয়া আমাকে আচ্ছন্ন করিয়া রাখিয়াছিল।

তাহার সহিত চার বৎসর একত্র পড়িবার পর বাবা চুঁচুড়া হইতে বদলি হইলেন, আমার স্কুল ছাড়িতে হইল। সে দিনের কথাটা আজও ভুলিব না। সে দিন সমস্ত বিকালটা হুজনে কি কান্নাটাই না কাঁদিয়াছি। অতি ক্ষুদ্র বালক তখন আমরা, জগতটা কি চিনিতাম? তবে নিজেদের যে জগতটা নিজেরা গড়িয়া তুলিয়াছিলাম সে জগৎটায় ছিল জ্যোতি আর বিনায়ক, বিনায়ক আর জ্যোতির সে প্রেমের মূল্য কি আজও বুঝি নাই। জাবনে তাহার কোনও সার্থকতা আছে কিনা সে প্রশ্নেরও সমাধান করিতে পারি নাই, তবে এইটুকু বলিতে পারি যে, সেই কৈশোরে বন্ধুবিচ্ছেদটা যত প্রগাঢ় ভাবে হৃদয় দিয়া অনুভব করিয়াছিলাম তাহা বুঝি আর কখনও করি নাই। তখন বুঝি নাই যে পরস্পরকে ছাড়িতে হইবে, তাহা হইলে হয়ত অত নিবিড় ভাবে পরস্পরকে ভাল বাসিতাম না।

অনেকক্ষণ কান্নার পর বিনায়ক জিজ্ঞাসা করিয়াছিল—
“আচ্ছা জ্যোতি, তুই কি আমায় চিরকাল মনে রাখবি?”
—“নিশ্চয়; তুই কি অল্প রকম ভাবতে পারিস বিনায়ক?”

তখন বিনায়ক আমায় হাত ধরিয়া গঙ্গার তীরে এক হাঁটু জলে টানিয়া লইয়া গিয়া বলিল—“এইখানে দাঁড়ায়ে আয় আজ হুজনে শপথ করি—জীবনে কেউ কাউকে ভুলব না। এবং যদি একজন বড়লোক হয় ত, আর একজন বিপদে পড়লে—সে তাকে প্রাণ দিয়েও সাহায্য করবে।” তারপর ১৪।১৫ বৎসর তাহার কোন খবর পাই নাই। প্রথম ছ’এক মাস পত্র চলিয়াছিল তাহার পর ধীরে ধীরে সব স্মৃতি মুছিয়া গেল। তাহার পর কত বন্ধু পাইলাম, কত হারাইলাম। আবার পাইলাম। কিন্তু জীবনযাত্রার আরম্ভসময়ে বিনায়ক বলিয়া এক স্নহদের নিকট যে কত বড় শপথ করিয়াছিলাম তাহা ত ভুলিয়াই ছিলাম—এমন

শ্রীসমীক্সে মুখোপাধ্যায়

কি বিনায়ক বলিয়া যে কাহাকেও চিনিতাম তাহাও এই টেলিফোনে কথা বলিবার আগে হয়ত সহস্রবার চেষ্টা করিয়া মনে আনিত হইত। সে শপথের হয়ত কোন মূল্য নাই, হয়ত সে বালকোচিত খেলা—কিন্তু মনে হয়, মাথার উপর অনন্ত নীলাকাশ, অসংখ্য তারা, পরিপূর্ণ চন্দ্র, পদতলে তরঙ্গচঞ্চলা লীলাময়ী ভাগীরথী, আর আশেপাশে স্বচ্ছ জলরাশি যেন সে শপথের চিরন্তন সাক্ষীস্বরূপ আজও বর্তমান রহিয়াছে।

সে দিনও দুইটার সময় টেলিফোন বাজিয়া উঠিল।

“হ্যালো।”

“আপনি কি জ্যোতিষ্ময় বোস?”

“হ্যাঁ, কে, বিনায়ক?”

“হ্যাঁ, গঙ্গাতীরে সেই শপথের কথাটা মনে আছে ত জ্যোতি?”

“হ্যাঁ হ্যাঁ আছে, আচ্ছা—এ কি পাগলামি হচ্ছে বলতো, টেলিফোন ক’রে। একদিন এসে দেখা কর না কেন?”

“বড় ভয় করে ভাই, বড় ভয় করে। আচ্ছা যাব এক দিন, যাব। আজ চল্লম।”

“আচ্ছা।”

আশ্চর্য্য লোকটি ত।

তাহার পর দিন কি বার ছিল জানি না। কিন্তু আফিসে প্রচণ্ড কাজ পড়িয়াছিল। ঠিক দুইটার সময় আবার টেলিফোনটা বাজিয়া উঠিল—এবার বিরক্ত হইয়া উঠিয়াছিলাম। টেলিফোনটা তুলিয়া লইয়া কহিলাম—“কে, বিনায়ক?”

“হ্যাঁ।”

“গঙ্গাগর্ভে শপথের কথাটা বেশ মনে আছে আমার। তোমায় রোজ মনে করাতে হবে না বৃদ্ধে।” চোঙটা রাখিয়া দিলাম। একটু রাগিয়াছিলাম। এ শপথ বার বার স্মরণ করানোর উদ্দেশ্য কি!

এই ঘটনার প্রায় আট দিনের পরের কথা বলিতেছি। বেলা প্রায় বারটা। পুরানমে আফিস চলিতেছে এমন সময় চাপরাশি আসিয়া খবর দিল, যে একজন পুলিশের

দারোগা ও দুজন কনেষ্টবল একটি চোরকে ধরিয়া লইয়া আসিয়াছে—আমার সাক্ষাৎ চায়। আফিসের মধ্যে একি কাণ্ড; তাড়াতাড়ি বাহিরে আসিলাম। দেখিলাম হলের ভিতর একজন সার্জেন্ট ও দুইটি পুলিশ একটি যুবকের হাতে হাতকড়ি লাগাইয়া, কোমরে দড়ি বাঁধিয়া, দড়িটা ধরিয়া দাঁড়াইয়া আছে। যুবকটি ছিপ্‌ছিপে লম্বা ধরনের, অতিশয় কৃশ। চোখে মুখে অত্যাচারের একটা নিষ্ঠুর ছাপ লাগিয়া আছে। চুলগুলো উক্ক খুক্ক, চোখের জ্যোতি অস্বাভাবিক রকমের উজ্জল। আমাকে দেখিয়াই সন্মিত মুখে কহিল—“জ্যোতি, আমি বিনায়ক।”

তাহার কথার উত্তর না দিয়া ইংরাজিতে দারোগাকে জিজ্ঞাসা করিলাম—“আপনারা কি চান?”

দারোগা যাহা বলিল তাহা সংক্ষেপে এই—এই ব্যক্তি বিনায়ক বোস, পটলী নাম্নী কোন কুচরিত্রা স্ত্রীলোকের গহনা চুরির অপরাধে ধৃত হইয়াছে এবং জামিন হইবার জন্ত আমার নাম বলিতেছে, পুলিশ জানিতে চায় আমি উহাকে চিনি কি না এবং উহার জামিন হইতে ইচ্ছুক কি না। বিষম ক্রুদ্ধ হইলাম। আশেপাশে অধীনস্থ কর্মচারীদের কোতুহলী দৃষ্টি, চাপরাশিদের বাস্ততা সমস্ত ব্যাপারটাকে যেন রঙ্গমঞ্চের অভিনয়ের আকার দিয়া দিল। জ্যাকসন্ কোম্পানীর কলিকাতা আফিসের ম্যানেজার মিঃ জে দাসকে জামিন হইতে বলিতেছে একটা চোর, যে বেস্তার গহনা চুরি করিয়াছে! মাথার উপর যেন অগ্নিবৃষ্টি হইয়া গেল। ক্রুদ্ধ দৃষ্টিতে একবার লোকটার দিকে চাহিলাম। সে সঙ্কুচিত ভাবে মাটির দিকে চাহিয়া দাঁড়াইয়া আছে। তাহার পর দারোগাকে কহিলাম—“আপনি কি মনে করেন যে এই লম্পট চোরটার সঙ্গে আমার বন্ধুত্ব বা আলাপ থাকা সম্ভব? আমি অস্বরোধ করি একরূপ ভাবে আমার সময় নষ্ট করার আগে আমায় টেলিফোন ক’রে জানাবেন।” দ্রুতবেগে ঘরের ভিতর প্রস্থান করিলাম। শুধু যেন মুহূর্তের জন্ত একটা ক্ষীণ আওয়াজ কানে আসিল—“জ্যোতি!”

আজও ভাবিতে পারি না কেন তাহাকে অত নিষ্ঠুর ভাবে কুকুরের মত তাড়াইয়া দিয়াছিলাম। তাহার যে মূর্তি



দেখিলাম তাহা যেন দেখিবার জ্ঞান প্রস্তুত ছিলাম না। মনে হইল এ যেন কোন নরকঙ্কাল বিনায়কের নাম লইয়া বিশ্বপৃষ্ঠে ঘুরিয়া বেড়াইতেছে! ওর যত শীঘ্র হয় চলিয়া যাওয়া উচিত। বহুদিন চলিয়া গিয়াছে তবুও বেশ মনে করিতে পারি বিনায়ক বড় হইলে কেমন দেখিতে হইত। তাহার মত সুন্দর ক্র, উন্নত নাসিকা, আয়ত চক্ষু আজও ত চক্ষে পড়িল না; তবে ও কাহাকে দেখিলাম, লম্পট, স্বেচ্ছাচারী কঙ্কালসার! এই কি বিনায়ক! ভাবিতেও কষ্ট হয়।

তবু মনে হইল ইহাকেই একদিন প্রাণ দিয়া রক্ষা করিবার কথা হইয়াছিল। সময়ের ঘূর্ণাবর্ত্তে ঘুরিতে ঘুরিতে এত দিন কে কোথায় ছিল জানি না, যখন প্রবল স্রোতের টানে পরস্পরে এক স্থানে আসিয়া মিলিল, তখন একজন শশুশ্যামল চন্দ্রকরোজ্জ্বল দ্বীপাবলির মধ্যে আশ্রয় গড়িয়া তুলিয়াছে আর একজন সেই দ্বীপের এক কোণে এতটুকু আশ্রয় পাইবার জ্ঞান বাত্যাঙ্কুর সাগর হইতে চাঁৎকার করিতেছে।

উহাকে আশ্রয় দিতে হইবে, রক্ষা করিতে হইবে। নহিলে যে জ্ঞানের প্রথম উন্মেষ-দিনের এক মহা-সত্য হইতে ভ্রষ্ট হইতে হয়। তবুও কি করিব ঠিক করিতে পারিলাম না। জামিন হইতে প্রবৃত্তি হইল না, বন্ধু বলিয়া পরিচয় দিতে লজ্জা হইল। এ যে কত বড় মিথ্যার মোহে কত বড় নিশ্চয় সত্যকে প্রত্যাখ্যান করিয়াছিলাম আজ তাহাই বসিয়া বসিয়া ভাবি। যেদিন খরস্রোতা গঙ্গার জলে দাঁড়াইয়া দুইটি বালক পরস্পরকে বন্ধুত্বের অটুট বন্ধনে বাঁধিতে প্রয়াস পাইয়াছিল সেদিন কি তাহারা একবারও ভাবিয়াছিল—যে প্রায় ষোল বৎসর পরে, বিধাতার নিকট সেই সত্য-পালনের কঠোর পরীক্ষা দিতে হইবে। সেদিন তাহা হইলে হয়ত তাহারা অত বড় প্রতিজ্ঞা করিত না। আর করিলেই বা কি, তখনও কেহ ভাবে নাই সমাজে প্রতিষ্ঠা লাভের সঙ্গে সঙ্গে যা কিছু অ-প্রিয়, অ-সমকক্ষ তাহাদের ঘৃণা করিবার মত মনের গতি হইয়া যায়। মিথ্যার জ্ঞান সত্যকে গলা টিপিয়া মারিয়া ফেলে।

আমার ছোট-বোনের খণ্ডর সত্যব্রতবাবু পুলিশ কোর্টের বেশ বড় উকিল। তাঁহাকে গিয়া বলিলাম, ঐ লোকটিকে

বাঁচাইতে হইবে। পরে শুনিয়াছিলাম সত্যব্রতবাবু বিনায়কের জ্ঞান অনেক বাক্যবুদ্ধি করিয়াছিলেন কিন্তু বিশেষ ফল হয় নাই, শুধু অনেক চেষ্টার পর তাহার শাস্তির পরিমাণ কমিয়া গিয়া ছয়মাস সশ্রম কারাবাসের আদেশ হইল। সেই দিনের পর হইতে তাহার সহিত আর সাক্ষাৎ করি নাই, কেমন যেন একটা অপরিমীম লজ্জায় মনটা সঙ্কুচিত হইয়া উঠিয়াছিল।

ইহার পর আটমাস পরের কথা বলিতেছি। অফিস হইতে ফিরিয়া সন্ধ্যার সময় বালিগঞ্জে আমার বাসার পশ্চিম দিকের বারান্দায় আরাম-কেদারার উপর পড়িয়া আছি। সন্ধ্যার স্নান আবছায়া অন্ধকারে সমুখের সমস্ত মাঠটি ভরিয়া গেছে। এমন সময় একটা লোক ধীরে ধীরে সামনে আসিয়া দাঁড়াইল। সন্ধ্যার অন্ধকারে তাহার মুখ ভাল রকম দেখা যাইতেছিল না, ভাবিলাম বোধ হয় অফিসের কর্মচারী, তাই জিজ্ঞাসা করিলাম—“কে আপনি, কি চান?”

লোকটি সংক্ষেপে উত্তর করিল—“জ্যোতি, আমি বিনায়ক।”

আবার সেই কথা। তাড়াতাড়ি উঠিয়া আলো জালিলাম। তাঁর বিছাতালোকে দেখিলাম সেই মূর্ত্তি, আরও কৃশ, চোখ দুটি আরও অস্বাভাবিক রকমের উজ্জ্বল, মাথা মুণ্ডিত। হঠাৎ দেখিলে মনে হয় একটা চর্ম্মাবৃত কঙ্কাল। ইচ্ছা করিলে আজও তাড়াইয়া দিতে পারিতাম। কিন্তু পারিলাম না, কেমন যেন একটা ব্যথায় মনটা টন্ টন্ করিয়া উঠিল। বলিলাম—“বিনায়ক, বোস।” বিনায়ক বসিলে বলিলাম—“বিনায়ক, আমার সেদিনের ব্যাপারের জ্ঞান তুমি আমায় ক্ষমা কর।”

বিনায়ক সে কথার উত্তর দিল না। কহিল—“চুরি আমি কোনদিন করিনি জ্যোতি, আর বোধহয় করতুমও না; কিন্তু কত বড় দুঃখে যে ও কাজ করেছি সেই কথাটাই তোমায় ব’লে যেতে চাই। এ ভালই হয়েছে জীবনযাত্রার

শ্রীসমীরেন্দ্র মুখোপাধ্যায়

স্বপ্নময় তোমায় প্রাণ দিয়ে ভালবেসেছিলুম আজ
সবার দিনে তেমনি একবুক ঘৃণা নিয়ে চ'লে যাচ্ছি, কিন্তু
সবার আগে সব কথা তোমায় পরিস্কার ক'রে ব'লে যেতে
চাই।”

বিনায়কের তিরস্কারটা মাথা পাতিয়া লইলাম
সাহেবি-আনার সমস্ত মোহ, বিলাত-ফেরতের সমস্ত গর্ক
ছাপাইয়া মনটা ঠিক আট বছরের বালকের মনের মত
জ্বল, অসহায় হইয়া পড়িয়াছিল। আজ জোর করিয়াও
রাগিতে পারিলাম না। মনে হইল এই ক্লেশ, মরণাপন্ন,
মাতালটাই একদিন আমার জীবনে কি পূজনীয়ই না ছিল,
সেদিন ওর প্রতিভা, ক্লাসে সমস্ত বিষয়ে ওর প্রথম হওয়া
দেখিয়া কি অবাক বিষয়েই না ওর চরণে নীরব শ্রদ্ধাঞ্জলি
দিয়াছি। তাই তাহার হাতছাড়া চাপিয়া ধরিয়া বলিলাম—
“রাগ করিস না বিনায়ক, কি বলবি সমস্ত খুলে বল।”

কি বলব সেইটেই ত ভেবে পাই না জ্যোতি, কোন
খান থেকে বলব। গত জীবনটার দিকে চোখ ফেরালেই
দেখতে পাই সেখানে সংঘাতের পর সংঘাত। কিন্তু আমার
সকলনাশ কে করলে জান? ঐ পটলী। কি কুক্ষণেই না
ওর সঙ্গে আমার দেখা হয়েছিল! মাইনে যা পেতুম সমস্ত
ওর পায়ে ঢেলে দিতুম। ঘরে বউ, ছয় বছরের মেয়ে তাদের
দিকে ফিরেও দেখতুম না। মেয়েটা কিসে মরল, জান?
এত রকম রোগও জগতে আছে!” বলিয়া বিনায়ক হাসিল;
সে হাসির কি অর্থ বুঝিলাম না।

“—ডাক্তারে বললে, মেয়েটা ছয় বছর ধ'রে আধ-পেটা,
সিকি-পেটা খেয়ে, মেরুদণ্ড বেঁকে ম'রে গেল।”

শিহরিয়া উঠিলাম। মনে হইল যেন চোখের সম্মুখে
বিধের দারিদ্র্য এক ছয় বৎসরের মেরুদণ্ডহীন শিশুর আকৃতি
পাইয়া কঁকাইয়া কাঁদিয়া উঠিতেছে।

“এততেও আমার সুন্দরীর শাস্তি হ'ল না। এক দিন
বললে—অত যে ভালবাস, ভালবাস বল, কই দাও দিকিনি
উয়ের গহনা গুলো এনে।” তখন মদের নেশায় চুর
য়ে আছি—বললাম, “পারিনা?” সে বললে—“কখনো না,
আমার সব মুখে।” ব'লে পটলী হাসলে—পটলীকে তুমি
খনি, তাই সে যে কত বড় ডাইনী তা আমি তোমায় আজ

ব'লে বোঝাতে পারি না। তার সে হাসি আমায় পাগল ক'রে
দিলে, ছুটে বাড়া গেলুম। আমার বউ অনেক সহ্য করত।
মাতালের বউরা সাধারণত যা সহ্য করে তার চেয়ে একটু
বেশীই; কেন না, তুমি ত জান, আমার মার-
হাতটা ছেলে বেলা থেকেই একটু বেশী। কিন্তু
যখন তার বাপের দেওয়া ছুচারখানা ভারী গহনা ভরা
বাক্সটায় হাত দিলুম তখন সে বাঘিনীর মত আমার উপর
ঝাঁপিয়ে পড়লে—এক খাপ্পড়ে আর দুই লাথিতে তাকে
অজ্ঞান ক'রে ফেলে তার বাক্সটা নিয়ে বেরিয়ে গেলুম। যখন
ফিরে এলুম তখন ভোর চারটে, এসে—এসে—”তার গলার
স্বর যেন সহসা বন্ধ হইয়া গেল, সে যেন দারুণ আতঙ্কে
একেবারে কাঠ হইয়া বসিয়া রহিল—আমি ভীত হইয়া
বলিলাম, “বিনায়ক, জল খাবে?”

সে বলিল—“কই দাও।” তাহার পর জল খাইয়া
কতকটা প্রকৃতিস্থ হইয়া কহিল—“এসে দেখলুম আমার
চির-অনাদৃত বউ গলায় দড়ি দিয়ে কাঠ হ'য়ে ঝুলছে।”

স্তব্ধ হইয়া রহিলাম। মনে হইল যেন সহসা সান্ধা
বাতাস বন্ধ হইয়া গিয়া আমার দম বন্ধ করিয়া দিতেছে।

“নমস্ত দিন রাস্তায় রাস্তায় ঘুরলুম। সন্ধ্যার সময় ঠিক
করলুম—যে গহনার জন্তে একটা নারীহত্যা ক'রে ফেললুম সে
গহনার বাক্স পটলীর হাত থেকে উদ্ধার ক'রে গঙ্গার জলে
বিসর্জন দেব। সেইদিন রাত্রে পটলীর বাড়ী থেকে গহনার
বাক্স চুরি ক'রে পালাই। যখন ধরা পড়তে আর দেবী নেই
তখন তোমার কথা শুন্তে পেয়ে তোমাকে টেলিফোন
করি। কিন্তু আর পারি না। এখন মনে হয় এ জ্বালার হাত
থেকে যত শীঘ্র নিষ্কৃতি পাই ততই ভাল।”

সমস্ত শুনিয়া কহিলাম—“যাক্, সমস্তই ত হ'ল, এখন
কি করবে ঠিক করেছ।”

“কি আর করব, একরকম ভিক্ষে ক'রেই কটা দিন
চালাচ্ছি আর ধীরে ধীরে ওপারের দিকে এগিয়ে চলেছি।
এই রকম ক'রেই কাটাও।”

“তার মানে?”

“মানে আর কি। অনবরত মদ খেয়ে শরীরে আর কিছু
আছে রে ভাই।”



ঘরের ভিতর উঠিয়া গিয়া একথানা পাঁচশত টাকার চেক লিখিয়া বিনায়কের হাতে দিয়া কহিলাম—
“আমার এ অল্পরোধটা রাখতেই হবে বিহু, চিকিৎসা করা, বাচ্। যখন আমার সঙ্গে দেখা করেছি তখন এমন বেঘোরে তোকে মারা যেতে দেব না।”

বিনায়ক চেকটা হাতে লইয়া ধীরে ধীরে কহিল—
“আমি জানতুম জ্যোতি—আমার ধারণা ভুল হয় না—
তোমার ভিতর যে কত বড় মহৎ প্রাণ লুকিয়ে আছে তা জানতুম বলেই সেদিন টেলিফোন করতে সাহস করেছিলুম।
ওরে জ্যোতি, আমার জীবনের যে কত কী নষ্ট হ’য়ে গেছে সে সব ভুলে গিয়ে আজ কি নিয়ে বাচব রে। আজ কি মনে হয় জানিস, মনে হয় যদি শীঘ্র না মরি তা হ’লে কোনদিন হয়ত ঐ পটলীকে খুন ক’রে ফাঁসি যেতে হবে।”

অর্ধকণ্ঠে কহিলাম—“না না তোকে বাঁচতেই হবে বিহু, এমন ক’রে নিজের মূল্যবান প্রাণটাকে নষ্ট করিস না। যা গেছে তা গেছে, এখন আবার নতুন ক’রে জীবনটা গড়।”

বিনায়ক হাসিয়া আমার পিঠের উপর হাতটা রাখিয়া কহিল—“বেশ ত বলে গেলি যা গেছে তা গেছে, কিন্তু কত যে গেছে তা ত তোকে আজ বোঝাতে পারি না। তবে যখন বলছি তখন চেষ্টা করব। তবে কি জানিস, চিরদিন বার্থ হ’য়ে হ’য়ে নিজের উপর বিশ্বাস হারিয়েছি—এখন মনে হয় বুঝি বার্থতাই জীবন, আর সেইটেই তার চরম সার্থকতা।” বলিয়া সে চলিয়া গেল।

তাহার যাবার পর পত্নী সরমা আসিয়া বলিল—“একটা মাতালের সঙ্গে কি বকবক করছিলে বল ত, প্রায় আধঘণ্টা হল ডিনারের বেল দিয়েছে।” কোন কথা বলিলাম না। কিন্তু ইচ্ছা হইয়াছিল বলি যে, যেদিন তোমার স্বপ্নেও কল্পনা করিবার শক্তি হয় নাই, সেদিন সেই জীবনের প্রথম প্রভাতে হৃদয়ের সমস্ত সঞ্চিত প্রীতিসন্তার নিঃশেষ করিয়া ঐ মাতালটির হাতেই সঁপিয়া দিয়াছিলাম।

8

ইহার পর অনেক দিন তাহার আর কোন খবর পাই নাই। আমার জীবনাকাশে সে ধূমকেতুর মত সহসা উদ্ভিত

হইয়া আবার যে কোথায় মিলাইয়া গেল তাহা বুঝিতে পারিলাম না।

একদিন বিকালে পোলোক ষ্ট্রীটে কয়েকজন পাটের দালালের সহিত দেখা করিয়া গ্রামবাজারের দিকে যাইতেছি এমন সময় টেরিটবাজারের মোড়ে মোটরের গতি থামিয়া গেল; ব্যাপার কি জানিবার জন্ত মুখ বাড়াইতে দেখিলাম ফুটপাথের ধারে বেশ একটু জনতা হইয়াছে। মোটরচালক জিজ্ঞাসা করিয়া জানিল একটি মাতাল চলিতে চলিতে ফুটপাথের উপর পড়িয়া গিয়া অজ্ঞানের মত হইয়া আছে, এবং তাহারই আশে-পাশে এই জনতার সৃষ্টি।

অল্প সময় হইলে হয়ত মোটর চালককে গাড়ী ঘুরাইয়া অল্প রাস্তা দিয়া চলিতে বলিতাম। কিন্তু বিনায়কের কাহিনী শোনার পর হইতে সমস্ত দরিদ্র অসহায় জাতির উপর নিজের অলঙ্কিতে কখন যে একটা আকর্ষণ ধীরে ধীরে বাড়িয়া উঠিয়াছিল তাহা বুঝিতে পারি নাই। মনে হইত ভারতের প্রত্যেক দরিদ্রটির ভিতর একটা করুণ ইতিহাস লুকাইয়া আছে; একটু চেষ্টা করিলেই তাহা জানা যাইবে, আর তাহাদের সমবেত ইতিহাস হয়ত একদিন দেশের অন্তরকে নাড়া দিয়া যাইবে।

গাড়ী হইতে নামিয়া মাতালের নিকট গিয়া দেখিলাম সে বিনায়ক। বিস্মিত হইলাম না। মোটর চালকের সাহায্যে তাহাকে মোটরে তুলিয়া লইয়া বাড়ীর দিকে লইয়া চলিলাম। একেবারে বেহুঁস মাতাল। নগ্নপদ, গায়ে জামা নাই। পরনের কাপড় অসংযত। সমস্ত মাথায় লম্বা লম্বা চুল—তাহাতে কাদা ও ধূলা। সমস্ত গায়ে কাদা। মাঝে মাঝে ভুল বকিতেছে। মদের উগ্র গন্ধে আমার প্রাণ যেন অতিষ্ঠ হইয়া উঠিতেছিল।

ডাক্তার আসিয়া বলিল ডিলিরিয়াম ট্রিমেন্স; জ্ঞান নাও হইতে পারে। বড় আশা করিয়া মমন্ত রাত্রি শিয়রে বসিয়া রহিলাম, যদি একবার জ্ঞান হয় তাহা হইলে এইবার পারের যাত্রীর নিকট করজোড়ে ক্ষমা চাহিয়া লইব। যেদিন বড় আশায় বুক বাধিয়া আমার আশ্রয়ে আসিয়াছিল, সেদিন কেন বিন্দুমাত্র সাহায্য করিয়া তাহাকে এই ধ্বংসের হাত হইতে রক্ষা করি নাই!

শ্রীসমীরেন্দ্র মুখোপাধ্যায়

কিন্তু জ্ঞান তাহার হইল না। কোথায় মরিতেছে, তাহার কাছে মরিতেছে কিছুই বুঝিতে পারিল না।

রক্তনেত্র ললাটে তুলিয়া সারারাত্রি ভুল বকিতে লাগিল। কি যে বলিল অনেক কথাই মনে নাই, তবে এইটুকু মনে আছে, একবার বলিয়াছিল—“তুমি আমায় বাঁচতে বলছ জ্যোতি, কিন্তু কি ক’রে বাঁচি বল ত। মদ না খেলেই দেখি বউ গলায় দড়ি দিয়ে ঝুলছে, মেয়েটা অনাহারে শুকিয়ে মরছে, একটা ডাইনৌ অনবরত টাকা আর গহনা চাইছে, এর পর মদ না খেয়ে কি ক’রে থাকি।” আবার নিস্তেজ হইয়া পড়িল। কত ডাকিলাম, কত ঔষধ দিলাম। রাত্রি সাড়ে তিনটার সময় তাহার যেন পরিষ্কার জ্ঞান হইল। আমার দিকে চাহিয়া হাসিয়া বলিল—“বড় সুখেই মরছি, তোর বাড়ীতে, তোর কাছে। তুই ছাড়া আজ যে আমার কেউ নেই।” বলিয়া সহসা হাউ হাউ করিয়া কাঁদিয়া উঠিল।

সেদিন আর আত্মসংবরণ করিতে পারি নাই, মুহূর্তের জগ্ন নিজের কপট গাঙ্গীর্ধ্য ভুলিয়া, সমস্ত চাকর বেয়ারাদের সামনে একবারে বালকের মত হুহু করিয়া কাঁদিয়া ফেলিলাম।

বৈকালে যখন তাহার সংকার করিয়া বাড়ী আসিলাম তখন অন্তগামী সূর্যের লেলিহান রক্তশিখা সমস্ত পশ্চিমাকাশকে চাটিয়া চাটিয়া খাইতেছে। সেই দিগন্ত-বিতত ধ্বংসলীলার পানে চাহিয়া বসিয়া বসিয়া ভাবিতে লাগিলাম কেমন করিয়া জীবনের প্রারম্ভে এক মহাপ্রাণের সাক্ষাৎ পাইয়াছিলাম। কেমন করিয়া তাহাকে হারাইলাম। তবুও মনে হয়, একটা অত বড় জীবন হয়ত পুড়িয়া ছারখার হইয়া যাইত না, যদি জগতের কাছে সে এতটুকু সাহায্য, এতটুকু দয়া, এতটুকু সহানুভূতি পাইত। বিধাতার কালচক্র যদি ঠিক নিয়মমত ঘুরিত।



ইসলামি প্রেম কাব্য

শ্রীবিমল সেন

১

পল্লীগ্রামে তারা 'গাজির গান' ইত্যাদি লোকপ্রিয় অভিনয়ের ছড়া বাধেন, তাঁদের অধিকাংশই মুসলমান। মুসলমান-প্রধান পল্লীর অধিবাসী বলিয়া বালা হইতেই আমার এই ছড়াগানের দিকে বিশেষ ঝাঁক ছিল। গানগুলির ভিতর দোষ একটু-আধটু থাকিলেও কৃত্রিমতা মোটেই ছিল না। অশিক্ষিত পল্লী-কবিদের প্রাণে যে সহজ কবিত্বের স্রোত প্রবাহিত, এ যেন তার লীলায়িত উচ্ছ্বাস। যথারীতি হয়তো তা বহিয়া চলিতে জানে না, কিন্তু শৈলগাত্রোৎকৃষ্টা নির্ধারণে যেমন আঁকিয়া-বাকিয়া উচ্ছ্বাল আনন্দে, উদ্দাম ছন্দে নাচিয়া চলে, এ গানগুলিও তেমনি রীতিকে লঙ্ঘন করিয়াও সুন্দর ভাবে নাচিয়া চলিয়াছে।

এ সুন্দর কবিত্বের ডালি আজও পল্লীগ্রামের নিভৃতচ্ছায়ে আরও ছুঁচারখানি মাত্র মাঝে-মাঝে সাহিত্য-রসপিপাসুগণের দৃষ্টিলাভে সমর্থ হয়। আমাদের বেশীর ভাগ লোকই এদের কোন সংবাদ রাখেন না। অবশ্য তার অনেক কারণও আছে

প্রথমত, পল্লী-কবিরা অশিক্ষিত বলিয়া তাদের বর্ণবিভাগ প্রায়ই অশুদ্ধ। সর্বদা প্রচলিত অনেক শব্দের বানানও এমন ভাবে করা হয় যে বোঝে কার সাধ্য! 'রূপসীরা' শব্দটা পড়িয়া প্রথমেই একটু ধাঁধা লাগে—কিন্তু পরে বোঝা যায় ইহা আমাদের চির-পরিচিত 'রূপসীরা' শব্দ। বর্ণাঙ্কিতদোষ প্রায় প্রত্যেক শব্দেই আছে—এর উপর আবার উর্দু ফার্সী শব্দের অকারণ প্রয়োগ।

দ্বিতীয়ত—পল্লী-কবিদের শোচনীয় দারিদ্র্য। প্রায়ই তাহাদের বই ছাপিবার মত অর্থ-সামর্থ্য থাকেনা। যে ছ-একজন বা বই ছাপান, তাহারাও বিক্রী মেটে কাগজে সাধারণ হরফে বই ছাপান। সকল রকমের ছন্দ গণ্ডের ছাঁচে ঢালা—কাজেই তর্-তর্ করিয়া পড়িয়া যাওয়ার পক্ষে

বিশেষ অসুবিধা। আধুনিক সাহিত্যসেবকদের দৃষ্টি আকৃষ্ট করিবার মত সৌষ্ঠব বা চাক্চিকোর ইহাতে একান্তই অভাব। ইসলামীয় পুস্তকবিক্রেতাদের দোকানে ইহা অনাদরে পড়িয়া থাকে।

এই প্রেমকাব্যের কবিগণ প্রায়ই মৈমনসিংহ, ঢাকা, চট্টগ্রাম ইত্যাদি স্থানের অধিবাসী। ইহাদের শত করা একজনও হয়ত বই ছাপান না। উৎসবাদি উপলক্ষে নিজেদের মন হইতে ছড়া-গান বিবৃত করিয়া পল্লী-শ্রোতৃবৃন্দকে তুষ্ট করিয়া থাকেন। সহর পর্য্যন্ত তাঁদের কণ্ঠ আসিয়া পৌঁছায় না। পল্লী-কবিরা ভীত, সন্ত্রস্ত। পল্লীগ্রামের সীমার বাহিরে যে তাঁদের রচনা সমাদর লাভ করিবার যোগা, একথা তাঁহারা স্বপ্নেও বোধহয় কল্পনা করেন না।

কিন্তু একটি ভালো বর্ণা দেখিলে যেমন পিপাসুগণকে ডাকিয়া দেখাইতে ইচ্ছা করে, আমারও তেমনি ইচ্ছা করে এই পল্লী-কবিগণ সুধীবৃন্দের অগোচরে পল্লীর নিভৃতকুঞ্জে যে মধুচক্রের রচনা করিয়াছেন, তাহার ক্ষরিত মধুপাত্র সাহিত্য-রসিকদের সম্মুখে তুলিয়া ধরি। তাই আমার এই ক্ষুদ্র উদ্যম। কয়েক শত ইসলামি কাব্য পড়িয়া আমার যে কয়খানি সব চেয়ে ভালো লাগিয়াছে তারই কিছু কিছু পরিচয় দিতে চেষ্টা করিব।

হিন্দু ধর্ম ও সাহিত্যের প্রভাব

এই প্রেমকাব্যগুলি পড়িয়া প্রথম লক্ষ্য হয়, তাহাদের কবিদের উপর হিন্দু ধর্ম ও সাহিত্যের প্রভাব। প্রেমকাব্যের ছন্দে ছন্দে হিন্দু ভাব, গল্প, উপমা, এবং ধর্ম ইসলামি ভাবে ঢালাই হইয়া এক অপূর্ব শ্রী ধারণ করিয়াছে। ইন্দ্র চন্দ্র বায়ু বরুণ অশ্রু কল্পর—সকলেই আছেন; অবশ্য সকলের উপরে আছেন আল্লা-হ-তাল্লা। হিন্দু দেব-

শ্রীবিমল সেন

দেবীগণ মুসলমানী ধর্মের বিরোধী, কিন্তু মুসলমানদের সঙ্গে তাহাদের নানারকম সম্পর্ক হইতে পারিত। ইজ্জের সভায় প্রেমকাব্যের অনেক নাট্যকাই নাচগান করিতেন। প্রেমকাব্যে পাই—

গঙ্গা দুর্গা শিব জায়া, তাহাকে করিত দয়া,

মাসী তারা গাজির হইত।

(গাজী কালু ও চম্পাবতী)

নাগোপরি আরোহিয়া, গেল পদ্মা গাজির কাছেতে।

হাসিয়া সেলাম করে,

ভগ্নী ভগ্নী বলি করে

ধরি গাজি লইল কোলেতে।

(গাজি কালু ও চম্পাবতী)

গঙ্গা, দুর্গা, কালী, মনসা, ইন্দ্র, চন্দ্র প্রভৃতি কোন দেবতাই কবিদের কাছে মিথ্যা নয়। কিন্তু মজা এই, হিন্দু দেবদেবীতে সম্পূর্ণ আস্থাবান এই কবিগণ হিন্দুদের মুসলমানী ধর্মে দীক্ষিত করিবার চেষ্টা করিতে কসুর করিতেন না। কি যে তাঁহাদের যুক্তি, তাহা স্পষ্ট করিয়া কোথাও বলেন নাই। তবে—হিন্দুধর্ম সত্য নয়, মুসলমানী ধর্ম একমাত্র সত্য, অতএব গ্রহণ কর—এমন যুক্তি তাঁহারা কোথাও প্রয়োগ করেন নাই। মুসলমানের দল ভারি করাই বোধ হয় ইহাদের একমাত্র উদ্দেশ্য ছিল। তাই জনৈক কবি তাঁর নাটকের মুখ দিয়া বাহির করিতেছেন—

করাইতে পারি যদি গঙ্গার দর্শন,

হৈবা কিনা মুসলমান করহ স্বীকার।

গঙ্গায় বিশ্বাসী যাহারা, তাহারা গঙ্গাদর্শন করিয়াই আপনাদের সিদ্ধ মনে করেন। তারপর তাহারা কেন মুসলমান হইবেন, একথা কবি ভাবিয়া দেখেন নাই। আসল কথা, পল্লীবাসী মুসলমান কবিদের ধর্ম খাঁটি ইসলাম ধর্ম নয়—উহা হিন্দু ও মুসলমান ধর্মের সংমিশ্রণ।

পল্লীবাসিগণ এ কথার মর্ম উপলব্ধি করিতে পারিবেন। আজকাল একটু অবস্থার পরিবর্তন ঘটিলেও সেদিনও দেখিয়াছি মুসলমানগণ হিন্দু পূজায় রীতিমত উৎসব করিয়া থাকেন। দুর্গা প্রতিমা নদীতে ডুবাইত মুসলমান,—বিজয়া দশমীর প্রণাম জানাইয়া মুসলমান সন্দেশ আদায় করিত। হিন্দুদের জায় তাহারাও কালী শীতলা প্রভৃতি উগ্রচণ্ড

দেবতার খোলায় কলেরা বসন্তের প্রকোপশাস্তির জন্ত মানৎ করিয়া থাকে। অতএব তাহাদের উপর হিন্দু ধর্মের কতখানি প্রভাব, তাহা সহজেই অনুমেয়।

শুধু ধর্ম সম্বন্ধে নয়, সাহিত্য সম্বন্ধে কবিরাও হিন্দুদের প্রভাবে প্রভাবান্বিত। গ্রামে রামায়ণ গান, চণ্ডী কীর্তন, রয়ানি (মনসামঙ্গল গান), যাত্রা, কথকতা প্রভৃতি হিন্দু অনুষ্ঠান আবহমান কাল ধরিয়া এত বেশী প্রচলিত যে, মুসলমান হ'ক, খ্রীষ্টান হ'ক, কোন সম্প্রদায়ের পক্ষেই তাহার প্রভাব অতিক্রম করা সহজ ছিল না। এই মুসলমান কবিগণও জানিয়া এবং না-জানিয়া হিন্দুর পুরাণাদি অবলম্বনে কাব্য রচনা করিয়াছেন। উদাহরণস্বরূপ কয়েকটি বলা যাইতে পারে।

ভেলোয়া সুন্দরী বনাম সীতা-দময়ন্তী-চিন্তা

আমির সাধুর বণিতা ভেলোয়া সুন্দরী আদর্শ সতী। একবার তিনি নদীতে জল নিতে যান। ভোলা সাধু তখন ডিঙি সাজাইয়া সেইখান দিয়া যাইতেছিলেন। ভেলোয়ার অসামান্য রূপলাবণ্য দেখিয়া মুগ্ধ ভোলা ভেলোয়াকে বলপূর্বক নৌকায় তুলিয়া স্বদেশে লইয়া গেলেন। তারপর তাহাকে বিবাহ করিবার ইচ্ছা প্রকাশ করিলেন।

সুচতুরা ভেলোয়া বলিলেন, এ ছ'মাস আমার একটা ব্রত আছে, এ ছ'মাস না গেলে পুনর্বিবাহ করিতে পারিব না।

আমির সাধু নিরস্ত হইলেন, কিন্তু ভেলোয়া সুন্দরী নিরস্ত হইলেন না। তিনি নিজের কাহিনী বিবৃত করিয়া একটি গান রচনা করিলেন, এবং দেশে দেশে দূতী পাঠাইয়া সেই গান গাওয়াইলেন। কেউ সে গানের জবাব দিতে পারিল না—পারিলেন শুধু ভেলোয়ার স্বামী আমির সাধু। আমির সাধু তখন ভেলোয়ার সন্ধান পাইয়া তাহাকে উদ্ধার করিয়া নিয়া গেলেন। কিন্তু দেশে গিয়া এক বিভ্রাট উপস্থিত হইল। এতদিন ভেলোয়া সুন্দরী পরবাসে বন্দিনী ছিলেন, তাঁর চরিত্র যে অটুট আছে, তার প্রমাণ কি? প্রবাসিনী ভেলোয়ার অগ্নিপরীক্ষা হইল। ভেলোয়া সুন্দরী অগ্নিতে দগ্ধ হইলেন না বটে, তবে অভিমানে এ মর্ত্য ছাড়িয়া



অন্তলোকে চলিয়া গেলেন। এই কাহিনীরচয়িতার উপর যে চিন্তা, দময়ন্তী এবং সীতার কাহিনীর প্রভাব আছে, তা পুঁথিখানি পড়িলেই অনায়াসে বোঝা যায়।

বদিউজ্জামাল বনাম বিছাসুন্দর

বদিউজ্জামাল বলিয়া যে একখানি বই আছে, তাহা ছবছ বিছাসুন্দরের নকল বলিলেও অত্যাঙ্ক হয় না। পড়িতে পড়িতে মনে হয় যেন ভিন্ন দেশকাল পাত্রের অবতারণা করিয়া কবি সেই পুরাতন বিছাসুন্দরের কাহিনীই আমাদের শুনাইতেছেন। ইহার গল্পাংশ, বর্ণনা, এবং রচনাপ্রণালী সবই বিছাসুন্দরের গ্রায়, তবে যে অসামান্য কবিত্বপ্রভাব রায়গুণাকর বিছাসুন্দরের ভাষা রসাল করিয়াছে, বদিউজ্জামালের কবির তাহা অণুমাত্র নাই। তাই তাহার ভাষা রহিয়া রহিয়া অসংযত এবং অপাঠ্য হইয়া পড়িয়াছে। গল্পটা হইল—বাদশাজাদা ছয়ফলমুলুক পরমাসুন্দরী কন্যা লালমতির চিত্র দেখিয়া উন্মাদ হইলেন, এবং নায়িকালাতের আশায় বিদেশ যাত্রা করিলেন। বহু পর্যটনের পর তিনি সেই দেশে আসিয়া পৌঁছিলেন, যেখানে লালমতি থাকেন। কিন্তু লালমতি রাজকন্যা অন্তঃপুরচারিণী। তাহাকে কি করিয়া পাওয়া যায়? তখন শৌশলী ছয়ফলমুলুক রাজবাটীর মালিনীর শরণাপন্ন হইলেন এবং এক দিন মালিনীর পুত্রবধু সাজিয়া রাজকন্যার অন্তরে প্রবেশলাভ করিলেন। তারপর বিছাসুন্দরের মত প্রেমের অভিনয় চলিল। সেই শৃঙ্গার, সেই প্রেমাভিনয়, সেই বর্ণনা, সেই বিচারের পালা। পড়িতে পড়িতে মনে হয় এ যেন দ্বিতীয় বিছাসুন্দর পড়িতেছি।

কাব্যরচনার প্রণালী

এই সব কাহিনী ব্যতীত কাব্যরচনার সাধারণ প্রণালীও হিন্দু কবিগণেরই অনুরূপ। ইহাতে বারমাসী বর্ণনা আছে, বিরহিনীর কোকিল বা ভ্রমরের উপর ক্লক-করুণ কটাক্ষ আছে, মদনের ফুলশর, পদপল্লব ধরিয়া মানভঞ্জন পলা আছে। শৃঙ্গারাদির বর্ণনা নায়ক নায়িকাদের দেহে সম্ভোগ-চিহ্নের বর্ণনা, নায়ক-নায়িকাদের রূপবর্ণনা প্রভৃতি

সবই হিন্দু কবিদের গ্রায়। এই কবিরা বর্ণনা করিতে করিতে সময় সময় ভুলিয়া যাইতেন, তাঁহারা মুসলমান। প্রায় কবিই মুসলমানী নায়িকার দেহে সম্ভোগ-চিহ্নের বর্ণনা করিতে গিয়া বলিয়াছেন, নায়িকার এয়োতি-চিহ্ন কপালের সিঁদুর বিপর্যাস্ত হইয়াছে। মুসলমান রমণীরা যে সিঁদুর পরেন না, বর্ণনাকালে একথা বোধ হয় কবিদের মনে ছিল না। হিন্দুপ্রভাবের ইহা একটি স্পষ্ট নিদর্শন।

কাব্যের পরিকল্পনা

এই প্রেমকাব্যকে নিছক কাব্য বলা চলে না। লোক-মতনিরপেক্ষ হইয়া আত্মানন্দে বিভোর কবি যে কাব্যরচনা করেন, ইহা তাহা নয়। এই প্রেমকাব্য সাধারণত পল্লীতে পল্লীতে গীত অথবা অভিনীত হয়। অতএব ইহার নাম দেওয়া যায় লোকসাহিত্য। লোকপ্রিয় করার জন্ত কবির ইহাকে ঘটনাবৈচিত্র্যবহুল করিতে হয়। কবি বিশেষ বিশেষ অবস্থার অবতারণা করিয়া পল্লীশ্রোতৃবৃন্দকে চমকিত, আগ্রহান্বিত, এবং উৎফুল্ল করিয়া তোলেন। এক কথায় বলিতে গেলে—কবি কাব্যে ঘটনাবৈচিত্র্য পরিস্ফুট করিতে গিয়া এক-একটা সংঘর্ষের অবতারণা করিয়াছেন।

বস্তুত, সংঘর্ষ না থাকিলে পল্লীসাহিত্য জমে না। পল্লী-শ্রোতার সাধারণ জীবনযাত্রার দার্শনিক ব্যাখ্যা শুনিতে উৎসুক নয়। জনৈক মুসলমান এক মুসলমান রমণীকে বিবাহ করিলেন, এবং তাহার সঙ্গে দিনের পর দিন সুখে অতিবাহিত করিতে লাগিলেন—এতে পল্লীবাসীর তৃপ্তি হইবে না। কবিকে বাধা হইয়া সংঘর্ষমূলক কাব্যের পরিবেশন করিতে হয়। ইহাই লোকসাহিত্যের জন্মকথা। ইহার উপর এই প্রেমকাব্যের পরিকল্পনা প্রতিষ্ঠিত।

এই কাব্যের বিষয় হইতেছে নায়ক-নায়িকার মিলন। মিলন বাহাতে আকাজক্ষায় আগ্রহে সুন্দর হইয়া উঠে, তজ্জন্ত এই মিলনের পথে কবি বিষম অন্তরায় উপস্থিত করিয়া থাকেন। ইসলামি প্রেমকাব্যে নায়কগণ সকল ক্ষেত্রেই মুসলমান। এখন নায়িকারা নায়কদের সহজলভ্য হইবেন না, হইলে আসর জমিবে না, কাজেই নায়িকাগণ প্রায়ই হিন্দুকন্যা বা হিন্দুবধু। যে ক্ষেত্রে নায়িকা

শ্রীবিমল সেন

মুসলমানী, সেখানে হয় নায়িকা নায়কের শত্রুকণ্ঠা, অথবা পরস্পরী, অথবা নায়কের গুরুজন এ মিলনে বাদী। নায়কের পিতার দিক হইতে যদি বা বাধা না আসিল, নায়িকার দিক হইতে এই বাধা আসিবে। এই বাধা অতিক্রম করিয়া নায়ক-নায়িকা মিলিত হইবেন।

কিন্তু দুর্ভাগাক্রমে যে নায়ক-নায়িকারা প্রেমের প্রতাপ বৃষ্টিবার আগেই বালাবিবাহে বন্ধ হইয়াছেন, তাহাদের জগৎ স্বতন্ত্র ব্যবস্থার প্রয়োজন। তাহাদের মিলনে বিচ্ছেদ ঘটানো চাই। এর জগৎ শাণ্ডী-নন্দী আছেন অথবা অভাবিত আকস্মিক কোন বিপদ আছে। মোট কথা নায়কনায়িকা পরস্পর হইতে বিচ্ছিন্ন হইবেন। নায়ক শতসহস্র বিপদ বাধা অতিক্রম করিয়া নায়িকার সহিত মিলিত হইবেন। এই পুনর্মিলনের বর্ণনাস্থলে প্রেমকাব্য বেশ জমিয়া উঠে।

অনেক সময় নায়িকা স্বয়ং এ বাধা জন্মান। বুদ্ধিমতী হইলে এমন দুঃস্থ প্রেমের উত্থাপন করেন যে নায়করা তাহার জবাব দিতে গলদঘর্ষ হইয়া উঠেন। পাণিপ্রার্থীরা নায়িকার সমস্তাপুরণে অসমর্থ হইয়া প্রায়ই রাজকণ্ঠার বন্দী অথবা ক্রীতদাস হইয়া থাকেন। নায়ক শুধু সে সমস্তাপুরণে সমর্থ হ'ন। অনেক সময় সমস্তাপুরণের পরিবর্তে পাশাখেলার অবতারণা করা হয়। নায়ককে নানান ফিকির-ফন্দি করিয়া এই পাশায় জয়লাভ করিতে হয়।

কিন্তু পূর্বকথিত কোনো দিক হইতেই যদি বাধা না আসে তো, নায়িকাকে পরীরাজ্যের কণ্ঠা বলিয়া দুর্ভাগ্য করিয়া তোলা হইবে। মোট কথা, নায়িকাকে অসহজলভ্য করা চাই। কবির ধারণা,

‘বিনাশ্রমে পেলো রত্ন, কে করে তাহার যত্ন?’

নায়ককে দিয়া তাই তিনি অনেক মানুষের অসাধ্য কাজ করাইয়াছেন। মস্ত বড় বিখ্যাত বাদশার একমাত্র ছেলে হইয়া নায়ক ফকির সাজিলেন, তারপর রাজকণ্ঠার সন্ধানে একাকী নিরুদ্দেশ যাত্রা করিলেন। পথে কত রাক্ষস বধ করিলেন, কত শত যুদ্ধ জয় করিলেন ইত্যাদি সম্ভব অসম্ভব অনেক বর্ণনায় কাব্য পরিপূর্ণ। যেখানে কোন কার্য মানুষের পক্ষে একান্তই অসম্ভব, সেখানে দৈবশক্তি বা দৈব সাহায্যের অবতারণা করা হইয়াছে। বাঘ, কুমীর

মাছ সকলে নায়কের পক্ষ হইয়া লড়িয়াছেন। নায়কের ক্রোধপূর্ণ দৃষ্টি পড়িল আর শত্রু-পুরী দাউ-দাউ করিয়া জলিয়া উঠিল।

এই ধরণের কল্পনার চাতুর্য্য সকল সাহিত্যেই আছে। হিন্দুর রামায়ণ মহাভারত পুরাণাদিতে এ কল্পনা অতিরিক্ত পরিমাণেই আছে। কাব্য জনপ্রিয় করিতে হইলে যে সংঘর্ষের প্রয়োজন, তাহার জগৎ প্রায়ই ইহা অপরিহার্য্য।

রূপবর্ণনা

কাব্যের দুই প্রধান শাখা—রূপবর্ণনা এবং প্রেমবর্ণনা। রূপ এবং প্রেমের মধ্যে কোন অঙ্গাঙ্গীসম্বন্ধ আছে কিনা জানি না, তবে সকল দেশের ক্লাসিক সাহিত্যেই কবিদের প্রেমসৃষ্টির প্রধান ছোটক হইয়াছে রূপ। নায়ক-নায়িকার রূপবর্ণনা-চ্ছলে সকল কবিই তার মানসী স্তির সৌন্দর্য্য বর্ণনা করিয়াছেন। নায়ক-নায়িকার চরিত্র নিখুঁত রূপও নিখুঁত। প্রত্যেক কবিই সৌন্দর্য্য বর্ণনাচ্ছলে তাঁর কবিত্বের ভাণ্ডার উজাড় করিয়াছেন। এক বিষয়ে সকল কবিদের মধ্যে একটা আশ্চর্য্য মিল আছে। নায়ক-নায়িকা সাধারণত এমন সুশ্রী হইবেন যে যে-কেউ তাঁহাদের চোখ তুলিয়া দেখিবেন, তিনিই মুচ্ছিত হইয়া পড়িবেন। নর নারী পরস্পরের সৌন্দর্য্যে দগ্ধ হইয়া মুচ্ছা যায়, এ বরং কল্পনা করিতে পারি, কিন্তু আমাদের আশ্চর্য্য লাগে তখনই যখন দেখি নরের রূপদর্শনে নর মুচ্ছিত হন, নারীর সৌন্দর্য্যে নারী মুচ্ছিত হন। কথাটা কতদূর সত্য, মনস্তত্ত্ববিদ্রাই তাহা বলিতে পারেন।

এই দর্শন-মোহের বর্ণনাচ্ছলে জনৈক কবি বলিতেছেন—

দেলের আখেতে তার আছু ব'য়ে যায়,

ফুকরি কাঁদিতে নারে, করে হায় হায়!

ছুরতের ফাঁদে মোরে কৈল গ্রেপ্তার,

কেমনে বাঁচিব আর বিহনে তাহার।

(বড় নিজামপাগলার কেছা)

‘প্রাণের মাঝে যে চকু, তাহাতে আমার অশ্রু বহিয়া ষাইতেছে। ফুকরিয়া কাঁদিতে পারি না, শুধু হায় হায় করিতেছি। রূপের ফাঁদে আমার গ্রেপ্তার করিয়াছে। তাহাকে বাতীত আমি কেমনে বাঁচিব?’



এর পরেই মুচ্ছা ।

এই জায়গাতেই কবিগণ থামেন নাই । সুন্দর নায়কগণের দর্শনে মদনবাণীতে ফুক চঞ্চল নারীগণের খেদোক্তিও ভূরি ভূরি প্রয়োগ করিয়াছেন ।

‘আর জন কহে বুঝা পাই যদি এরে ।
গাঁধিয়া গলাতে আমি রাখি হার ক’রে ॥
কেউ বলে ওগো বুঝা মোর কথা শোন ।
যৌবন সাঁপিয়া ওরে জুড়াই জীবন ॥
আর জন বলে যদি হেন রূপ পাই ।
সদা লয়ে বৃকে আমি রজন্য পোহাই ॥
কেউ বলে যদি আমি পাই এ নাগরে ।
পোপাপরে রাগি স্বর্গের ডেরা ক’রে ॥

(গোলেনুর ও নূরহোসেন)

এখানে একথা বলা দরকার যে কবিগণ শুধু রূপ বলিতে বাহ্য সৌন্দর্যই বোঝেন নাই । কবির সুন্দর কল্পনা-মাধুর্যমণ্ডিত হইয়া রূপের আর এক ছাতি পরিস্ফুট হইয়া উঠিয়াছে—তাহা পবিত্র এবং প্রকৃত ভালোবাসা ! রূপকে প্রশংসা করিয়াই মানুষ তৃপ্ত হয় না,—তাহাকে পূজা করিবার একটা বৃত্তি অন্তরে অন্তরে জাগিয়া উঠে । কবির ভাষায় তাহাই প্রেম । এই প্রেমে বিহ্বল আত্মহারা নায়ক বলেন,—

‘আমি বলি যাই-যাই, মন কিছু মানে নাই,
যদি বা বুঝাই মনে, না বোঝে নয়ন,
যদি যাই করে জোর, প্রাণ নাহি যাবে মোর,
খালি ধড় নিয়ে মোর কিবা প্রয়োজন ।’

(গুল বকাওলী)

এ প্রেম যেন চুষকের মত নিবস্তুর আকর্ষণ করে । সুনীতির দোহাই দিয়া মনকে যদি বা কতকটা সামাল করিতে পারি, চক্ষু কোন মানা মানে না,—কোন অজ্ঞাত মুহূর্ত্তে যেন বাহিরের রূপজাল ভেদ করিয়া প্রাণও নায়িকার প্রাণের সহিত মিলিত হইয়াছে । তাই কবির আক্ষেপ—

‘খালি ধড় নিয়ে মোর কিবা প্রয়োজন ।’

নয়ন-মন-প্রাণের এই দ্বন্দ্বই বিশ্বের চিরন্তন প্রেমলীলার উপাদান । দ্বন্দ্ব প্রাণ জয়ী হয় । সুন্দরী নারী যেন

শ্রামলা পুষ্পশোভিতা একখানি উঠান । তার সৌন্দর্যে যে আকৃষ্ট হয়, সে শুধু বাহিরেই দাঁড়াইয়া থাকে না । কম্পিত সাহসে দৃঢ়পদে সে তার অন্তরে আসিয়া আসন গ্রহণ করে ।

এ প্রেমকাব্যাবলিতেও রূপের সেই অর্থটিই ফুটানো হইয়াছে । পাঠকবর্গের অবগতির জন্য আমি তার সামান্য কয়েকটি উদ্ধৃত করিয়া দিলাম ।

হেন রূপ না পাইছে দেবতা কিম্বর ।
মুখের লাবণ্য জিনি কোটি শশধর ॥
আর যে বক্রিশ দাঁতে মিশি লাগাইছে ।
লক্ষকোটি তারা যেন উজ্বল করিছে ॥
জবা ফুল জিনি জিহ্বা, তাতে খায় পান ।
না খাটে উপমা কিবা করিব বাখান ॥
মুগের নয়ন তুলা শোভিত লোচন ।
জিনিয়া চন্দ্রের ছটা তাহার কিরণ ॥
চক্ষু মেলি সেই ধনা যার পানে চায় ।
প্রাণহারা হইয়া সেই করে হায় হায় ॥
ভ্রমরের বর্ণ জিনি লয়া কেশ মাথে ।
দাঁড়াইলে পড়ে কেশ পায়ের তলাতে ॥
জেলখার কটিতুলা কটি তার সর ।
তাদৃশ নিতম্ব আর পেট-পিঠ-উরু ॥
শুগঠন হস্তপদ, কি কহিব মরি ।
তাহার উপমা নাহি ত্রিভুবন জুড়ি ॥
আকাশের দিকে যদি চম্পাবতী চায় ।
প্রাণহারা হইয়া সেই করে হায় হায় ॥

(গাজি কালু ও চম্পাবতী)

আকাশও প্রাণহারা হইয়া হায়-হায় করে যাকে দেখিয়া,
না জানি সে কত সুন্দরী !

২

কণ্ঠার ছুরতের খুঁবি কি কব জানে ।
ফজরেতে ভানু যেন উঠেছে অশ্মানে ॥
বৃকেতে নূতন কুচ, কি কব বাহার ।
কুন্দে বানাইছে যেন চেপুয়া সোনার ॥
আঁধির জোড়া ভুরু যেন দুই কামানি ।
মুখের বচন যেমছা কোকিলার বাণী ॥



আশ্রয়

শিল্পী—শ্রী প্রভাত মোহন বন্দ্যোপাধ্যায়



শ্রীবিমল সেন

দিঘল মাথার কেশ যেন মেঘকালি ।
 হাসিতে চনকে যেয়ছা মেঘের বিজলী ।।
 মুখের ছুরত রঙ্ জিনি জবা ফুল ।
 মুখ দেখে চেহে-চেহে করেন বুল-বুল ॥
 (ছয়ফলমুলুক)

৩

‘কণ্ঠার ছুরতের খুবি’ এখনই শেষ হয় নাই । কবি
 তাহার বিশদ বর্ণনা করিতেছেন—

মুখ চেহারা আপ্তার মেক্ !
 দন্ত আনারের দানা
 যেয়ছা বেলোয়ারী আয়না !
 হাসি মুখের বিজলী চটক্ ॥
 ঠোট দুই জিনি জবাফুল । ...
 নাসিকার ছন্দ যেন বাণী ! ...
 তাহাতে বোলাক্ বোলে ।
 মতির ঝালর ঝোলে ! ...
 নিন্মকের মত দুই কান !
 তাহাতে সোণার সূম্কা,
 জাল বাধি মতি লটকান্ ॥
 অঁপি দুই করে টল্ টল্ ।
 দলা কালি বিচে পুতি,
 টল্ টল্ তারার জ্যোতি !
 দ্বিতীয়ার চল্লেকা ।
 কালো কাজলের রেপা ॥
 কপালে সূবর্ণটিকার ফুল ।
 কাকট করিয়া মাথার চুল,
 বাঁধিছে লোটন খোঁপা ;
 সূবর্ণ-মতির ছাপা,
 কত রঙ্গ মাণিকের ফুল ॥
 বিউনির আগায় বাঁধিছে রতন ।
 ছাতি দোন ডালিষ আকার ।
 যেন নয় পদ্মকলি,
 যেমন ঢালের চুলি ॥
 চিকণমাজা, পাত্ লিকোমরা!
 হাতে পায়ে বিশে আঙুল,
 যেন কুলকারি তুল ।
 চল্ল হৈতে নাগুন্ সন্দর ॥

বদিউজ্জামাল

কিবা দুটি ভুরুছাঁদ, যেন পাতিয়াছে ফাঁদ ।
 রসিকের মনপাখী করিতে বন্ধন ।
 উর্দু, নাসা দীর্ঘকেশী, চক্রে কাজল দাঁতে মিশি,
 কুচস্তম্ভ, দেখে ধৈর্য নাহি করে প্রাণ ॥

(গুলে বকাগুলী)

এই রূপবর্ণনার অল্পম সৌন্দর্য্য ও সংঘম পরিষ্ফুট ।
 অল্প কথায় ইহার চেয়ে সুন্দরতর বর্ণনা খুব বেশী
 মেলে না ।

কণ্ঠার জামাল লাল যেমন মাকাল ফল,
 দাগ তার কোন অঙ্গে নাই ॥
 বেলুন সমান হাত, দেখে লাগে বজ্রাঘাত,
 সরমাঞ্জা ভ্রমর সমান ।
 কমল বরণ ধনী, দেখে রূপ ভোলে মুনি,
 রূপ দেখি হয়ত অজ্ঞান ॥
 মুখে দন্ত মুক্তা-মতি, মনচোরা সে যুবতী
 দুটি ঠোঁট পুপের সমান ।
 চাহনি মদন বাণ, দেখিলে হারায় প্রাণ,
 ভুরু দুটি যেমন কামান ॥
 গোল বদন, চিকন সিঁতা, তোতা মুখে কহে কথা,
 শুনে কাঁদে মালুখীর প্রাণ ।
 কালনাগ যেন কেশ, হরপরী হইতে বেশ,
 মুখশোভা চাঁদের সমান ॥
 অঁপি দেখে হরিণ ভাগে, সরম অন্তরে জাগে,
 চলন দেখে রাজহংস পালায় ।
 রূপ যেন কাঁচা সোনা, ভ্রমর করে আনাগোনা,
 গেল বিঁধে মালুর হৃদয় ॥
 (মালুখী ও রসনেছা কস্তা)

৬

আকাশের চল্ল যেন ভেলোয়া সন্দরী ।
 দূরে থাকি লাগে যেন ইল্লকুলের পরী ॥
 কাছে গেলে যায় রে দেখা সোনার প্রতিমা ।
 আর ভালো লাগে ভেলোয়ার চক্রে ভঁজিয়া ॥
 অঁখির উপর কণ্ঠার অতি মনোহর ।
 পদ্ম ফুলের মাঝারে যেমন রসিক ভ্রমর ॥



ভাল পুষ্প পাঠিয়া রে ভ্রমর মধু করে পান ।
 তে কারণে, সুন্দর লাগায় বঁকা ভ্রনয়ান ॥
 চন্দ্রশ্যামা জিনিয়ারে ভেলোয়ার উজ্জ্বল বদন ।
 কন্দের কলিকা জিনি হস্তপদের গমন ॥
 মারি মারি দন্তগুলি মুকুতা বাহার ।
 হানিতে বিজলা ছট্‌করে অতি চমৎকার ॥
 শিনার উপরে দুটি কনককোটরা ।
 মধু লোভে মত্ত হইয়া গুল্মরে ভ্রমরা ॥
 (ভেলোয়া সুন্দর)

* * * * *

মধু ধপু ছলে যেন আনারের বিচে ।
 নতুন যৌবন তাহে বাহার দিয়াছে ॥
 কি কব মাপার কেশ, কাল নাগ হেন ।
 ঘঞ্জরি চুলেতে খোন্দা আতর যেমন ॥
 আসিয়া পড়িছে কেশ নীচেতে জাম্বর ।
 পেশানি উপরে যেন চমকিছে নূর ॥
 কি কহিব ছুটি আঁপি বয়ান করিয়া ।
 যেন চক্ষেতে পানি চলেছে বহিয়া ॥
 আহা কি চক্ষের পরে ভুরুছটি জোড়া ।
 সেকারাতে কামানেতে দিইয়াছে চড়া ॥
 নাসিকার কথা আর কি কব সাবাসি ।
 রাধিকার মনলোভা শ্রীকৃষ্ণের বাঁশী ॥
 কি দিব তুলনা আমি সে ছুটি টোঁটের ।
 যেন আলতা গোলা আছে উপরে মুগের ॥
 আর সে বহিষ দাঁত কি কহিব আর ।
 আনারের দানা হেন আয়না চমৎকার ॥
 কি কব গলার কথা নাহি যায় লেপা ।
 পান খেলে লালি তার সব যায় দেখা ॥
 আর তার ছুটি হাত বেলুন সমান ।
 কন্দকার কন্দের কাট রাপিল যেমন ॥
 আর কোমর তার এমন ব্যারিক ।
 ধরিলে পাঞ্জায় তায় ধরা যায় ঠিক ॥

এই বর্ণনা পাঠ করিলে কবিগণের সুন্দরীর আদর্শের
 একটা আচ পাওয়া যায় । এই কবিগণের মতে সুন্দরী
 হইলেন তিনি—যার রূপ দেবী পরী কিনারা বিগাধরী সকলের

রূপকে পরাজিত করিয়াছে—যেন প্রভাতাকাশে নবোদিত
 সূর্য্য অথবা অন্ধ নিশীথিনী বুকে দীপ্তোজ্জ্বল চন্দ্রমা ।

—যুনিজনমনোহর তমুলতা পদ্মবর্ণ, মাকাল ফলের
 ঞ্চায় লাল. অথবা কাঁচা সোনার মত শোভন ।

—যার কেশপাশ দীর্ঘ, আজানু বা আগুলফলম্বিত,
 ভ্রমর মেঘ অথবা কালনাগের মত কৃষ্ণবর্ণ । সুন্দর চিকণ
 সিঁথি—কেশের স্বাভাবিক গন্ধ আতরের ঞ্চায় ।

—যার ভুরুছটি কামান তুলা অথবা রসিকের মনপার্থী
 বন্ধন করিবার ফাঁদস্বরূপ ।

—যার নয়ন মৃগোপম, বক্রকটাক্ষসকুল অক্ষিপত্র
 কালো কাজলের রেখা । অক্ষিতারকা যেন পদ্মের
 পাপড়িতে আসীন ভ্রমর । দৃষ্টি হইতে তরল জ্যোৎস্না
 ক্ষরিয়া পড়িতেছে । চাহনিতে মদনবাণাহত হইয়া সকলে
 নিঃসংজ্ঞ হইয়া পড়ে, এমন কি আকাশ পর্য্যন্ত হাহাকার
 করিয়া উঠে । হাসি দেখিয়া বিজলী চমকের কথা মনে
 হয় ।

—যার নাসিকা উর্দ্ধ-সুন্দর, রাধিকার মনলোভা
 শ্রীকৃষ্ণের বাঁশীর মত ।

—যার কান ঝিল্লুর মত ।

—যার বদন কোটি শশধর লাবণ্যে মণ্ডিত,
 গোল, জবা ফুল তুলা রক্তিম । পুষ্পভ্রমে ভ্রমর উড়িয়া
 আসিয়া পড়িতেছে ।

—যার দাঁত আনারের দানা, মুক্তা, অথবা আয়নার
 মত শুভ্র স্বচ্ছ, অথবা মিশিরঞ্জিত ।

—যার জবা ফুলের মত লাল জিহ্বা পানের ছোপে
 আরো সুন্দর হইয়াছে ।

—যার বচন কোকিল কুহরণের ঞ্চায় সুললিত, তোতার
 বুলির ঞ্চায় আধ-আধ, আদরমাথানো ।

—যার ঠোঁট জবা ফুলের অথবা আলতার মত
 লাল ।

—যার গলা এত স্বচ্ছ ও পাতলা যে পান খাইলে তার
 লালিমা দেখা যায় ।

—যার কুচদ্বয় দেখিলে মনে হয় যেন একজোড়া
 ডালিম, অথবা নয় পদ্মকলি—তার চারিপাশে মনভ্রমর

শ্রীবিমল সেন

গুঞ্জরণ করিতেছে, অথবা কোন কুন্দকার যেন সোনায়
কুন্দিয়া বানাইয়াছে।

—যার কটিদেশ ভ্রমরসমান চিক্ণ ও সরু, অথবা এত
পাতলা যে মুঠোয় করিয়া ধরা যায়।

—যার উরু রামরস্তা বৃক্ষসম।

—যার হস্ত-পদ বেলুনের মত গোল, কুন্দকলিকার মত
পেলব। কবিগণ কোন কারণে তাঁদের সৌন্দর্য্যের আদর্শ
মান হইতে দেন নাই।

প্রেমোদ্ভব

সকল দেশের সকল যুগে প্রেমোদ্ভবের একটা বিশিষ্ট
ধারা আছে। মানুষের চিত্ত শুধু পারিপার্শ্বিক অবস্থা লইয়া
তৃপ্ত নয়, মানুষের প্রেমও এমনি পারিপার্শ্বিক অবস্থায়
অসম্পূর্ণ। যাহা হাতের বাহিরে, শক্তির বাহিরে, দৃষ্টির
বাহিরে তাহাকে আয়ত্ত করিবার একটা ছরস্ত লোভ
বরাবরই মানুষের আছে। এই ইসলামি প্রেম কাব্যের
নায়ক-নায়িকারাও এই ছলভকে আয়ত্ত করিবার সাধনা
করিয়াছেন। কাহারও মুখে শুনিয়া হউক বা কোন
পুস্তক পাঠ অথবা চিত্র দর্শন করিয়া হউক, নায়ক যখন
জানিলেন এক দেশে এক সুন্দরী কন্যা আছে, অমনি নায়ক
সেই অদৃষ্টপূর্বা ও অশ্রুতপূর্বা কন্যার প্রেমে 'দেওয়ানা'
অর্থাৎ উদাসীন হইলেন। ঘর-সংসার ছাড়িয়া সেই কন্যার
উদ্দেশে নিরুদ্দেশ যাত্রা করিলেন। এই যাত্রা সফল হইবে
কি না, নায়ক তা ভাবিলেন না—নির্ঝরিণী যেমন পর্বত-
গাত্র বাহিয়া বাহিয়া নিজের কক্ষ, নিজের পথ খুঁজিয়া লয়,
নায়কও তেমনি এই ভরসায় যাত্রা করিলেন যে এই যাত্রার
শেষে তাঁর ঈপ্সিতা প্রিয়ার সঙ্গে মিলন হইবে। প্রেম
চিরকালই অন্ধ বটে, কিন্তু চিরকালই সে সাহসী। বাহিরের
রূপকে সে দেখিবে না বলিয়া সে অন্ধ। বাহিরের বাধা
মানিবে না বলিয়াই সে সাহসী। ইসলামি কাব্যেও প্রেমের
এই দ্বৈত রূপ।

বাদশার ছেলে ছয়ফলমুলুক পিতৃদত্ত একখানা কার্পেটে
বিবর্ণিত একখানি চিত্র দেখিলেন।

'বদিউজ্জামালের ছবি দেখিয়া নমুনা।

ছ'স্হারা সাহজাদা হইল দেওয়ানা ॥

থর থর কাপে অঙ্গ, রতি নাহি স্থির।

কলিজায় বিধিল তার পেলোদের তাঁর ॥

ক্ষণে ছবির গলে ধরে, ক্ষণে ধরে পায়।

ক্ষণে মুখে চুমে, ক্ষণে করে হায় হায় ॥

ডাইনে বায়ে চাহে ক্ষণে, কখন আশ্মানে।

আছাড়ে-পাছাড়ে কখন লোটার জমিনে ॥

হাত মারে কপালেতে মুখে হায়, হায়।

লোটন পায়রার মত জমিনে লোটার ॥'

(ছয়ফলমুলুক)

ছয়ফলের চিত্র এইরূপে একখানি চিত্রের সঙ্গে প্রেমে
পড়িল। কে সে চিত্রিতা নারী, বিবাহিতা কি অবিবাহিতা,
হিন্দু কি মুসলমান, ছর্ কি পরী, বৃদ্ধা কি তরুণী, মৃত্যু
কি জীবিতা—এ সব কোন সন্ধান লওয়ার অপেক্ষা না
রাখিয়া ছয়ফল প্রেমে পড়িলেন। এই প্রেমাভিভূত অবস্থার
উপরই কাব্যখানি জমিয়া উঠিয়াছে। বাদশাহের ছেলে,
কত শত পরমাসুন্দরী নারী তার পায়ে-পায়ে ঘুরিতেছে, কিন্তু
তাহাদের দিকে তিনি চোখ তুলিয়াও চাহেন না। তাহাদের
শত প্রলোভনে তাঁর হৃদয় টলে না। চাতক যেমন নিম্নের
নীলনির্মল জল উপেক্ষা করিয়া ফটিক জলের তৃষ্ণায় উক্কে
ছুটিয়া যায়, ছয়ফলও তেমনি সেই অজ্ঞাত অখাত চিত্র-
নায়িকার আশায় সুদূরের পথে যাত্রা করিলেন। তাঁর চিত্ত
নায়িকার চরণে সমর্পিত। তাঁর হৃদয় অস্থির, চঞ্চল।
রহিয়া রহিয়া শুধু মনে হয়,—

কি করিহু, কি করিহু, প্রাণ কেমন করে!

হেন চিত্রদর্শন, হৈল মন উচাটন,

আর কি পাব সে রতন,

কে আনিয়া দিবে মোরে ॥

এ হেন নব কমল, দেখে মন টলটল,

ভুলিব কেমনে বল,

ধৈর্য নাহি মানেরে ॥

দেখে চিত্র ক্ষুভঙ্গ, ডগমগ করে অঙ্গ,

উথলিল প্রেম তরঙ্গ,

রসেরি ভরে ॥

(বড় নিজামপাগলার কেঁছা)



প্রেমের এই আবেগে নায়কের অবস্থা দাঁড়ায় অনেকটা রোগীর মত—নায়িকার সঙ্গে মিলন এই প্রেমরোগের একমাত্র মহোষধ। অতী কোন রকমেই এ রোগ প্রশমিত হয় না।

ওগা সগি, প্রেমরোগ, নিষেধে কি যায়।
দিকি দিকি জ্বলে ওঠে, যত বল তায় ॥
রোগের ঔষধি পেলে, তবে রোগ যায় চলে।
অমিলনে অঙ্গ ফলে, করে হায়, হায় ॥
(গোলেনূর)

ইসলামি কাবোর প্রাণ এই প্রথম দর্শনে প্রেমসঞ্চার। সে দর্শন চিত্রে হউক, দূতীর মুখে হউক অথবা স্বপ্নে হউক, সে দর্শন জলন্ত আঙুনের মতই নায়ককে দগ্ধ করিবে।

অভিসার

প্রেমের এই দাহ হইতেই অভিসারের জন্ম। নদী যেমন সিন্ধুমিলন বাসনায় দুর্গম পার্বত্য পথ অগ্রাহ্য করিয়া হৃদমনীয় বেগে ছুটিয়া চলে, নায়কও তেমনি সংসারের শত সহস্র বাধা উপেক্ষা করিয়া নায়িকা-মিলনে ছুটিয়া চলেন। নায়িকার উদ্দেশে দেশে-বিদেশে পরিভ্রমণ করেন। নদ-নদী, পাহাড়-পর্বত, বন-জঙ্গল তাহাকে বাধা দিতে পারে না। আকাশেও হয়ত তাহার গতি অপ্রতিহত। দৈবশক্তি-সম্পন্ন কোন কার্পেট বা আসনে চড়িয়া সহস্র সহস্র মাইল পথ অতিক্রম করিয়া নায়ক আসিয়া নায়িকার নগরে উপস্থিত হ'ন। কিন্তু নায়িকালভের অন্তরায় হইয়া দাঁড়ায় অন্দরমহলের দৃঢ় পাষণপ্রাচীর—পুরুষের সে মহলে প্রবেশ নিষেধ। অথচ মন মানে না। যে নায়কের সাহস খুব বেশী নয়, তিনি হয়ত নায়িকা যে ঘাটে স্নান করিতে আসেন সেই ঘাটের কাছটিতে বসিয়া নায়িকা-শিকারের জন্ত প্রেমের ফাঁদ পাতেন। এ কাজ খুব সহজসাধা নয়, এবং সহজসাধা নয় বলিয়াই এর বর্ণনা অত্যন্ত চিত্তাকর্ষক। কোন নায়ক হয়ত নিজামপাগলার মত আপনাকে ভৃত্য বলিয়া পরিচয় দিয়া নায়িকার গৃহে ভৃত্যভাবে প্রবেশ

করিলেন, এবং নায়িকার মন হরণ করিয়া বাহির হইয়া আসিলেন।

কিন্তু যে নায়ক সাহসী, তিনি হয়ত তিলে-তিলে একটু-একটু করিয়া নায়িকার চিত্তজয় করার অপেক্ষা না রাখিয়া মালিনীর পুত্রবধু সাজিয়া রাজকন্ঠার মহলে ঢুকিয়া পড়িলেন, অথবা কোন পরী বা দৈবশক্তির সাহায্যে প্রহরীদের চোখ এড়াইয়া একেবারে রাজকন্ঠার শয়নগৃহে আসিয়া উপস্থিত হইলেন। কবিগণের বর্ণনা পড়িয়া মনে হয়, রাজকন্ঠার যেন 'পেটে ক্ষুধা, মুখে লাজ' যাহাকে বলে, সেই অবস্থা। একজন সুন্দর নায়ক যে তাহারই রূপাবিষ্ট হইয়া দূর দূরান্তর হইতে মৃত্যুকে তুচ্ছ করিয়া তাহাকে বরণ করিবার জন্ত উপস্থিত হইয়াছেন এ কথা ভাবিয়া নায়িকা অন্তরে অন্তরে খুবই আনন্দিত হ'ন, এবং প্রথমদর্শনেই 'মন প্রাণ যা ছিল তা' নায়কের পদে সমর্পণ করিয়া বসেন। কিন্তু সংস্কারের বশেই হউক বা নায়কের প্রেমকে আরও উদ্দীপিত করার বাসনায়ই হউক, প্রথমটা তিনি কোপ এবং বিতৃষ্ণা প্রদর্শন করিতে চেষ্টা করেন। কিন্তু উদ্দাম প্রেমপ্রবাহের মুখে সে বাধা ভূগের মত ভাসিয়া যায়।

চম্পা বলে—আরে চোর নাহি তোর ভয়।
রজনী প্রভাত হ'লে যাবি যামলয় ॥
গাজি বলে প্রাণ মোর তোমার কাছেতে।
কাহার ক্ষমতা আছে, আমাকে মারিতে ॥
তুমি যদি মার তবে মরণ আমার।
পিরীতে ডুবিয়া প্রাণ করে হাহাকার ॥
(গাজি কালু ও চম্পাবতী)

নায়িকা নায়ককে নিজ প্রাসাদে গোপনে সমাগত দেখিয়া ভয় দেখাইলেন, কিন্তু ছ' একটি চাটুবােক্যে নায়ক তাহাকে জল করিয়া দিলেন। নায়ক-নায়িকার প্রেমলীলা আরম্ভ হইল—গোপন প্রেমের বিপদও ওৎ পাতিয়া রহিল, কখন তাদের গোপনতার জাল ছিন্ন করিয়া দিবে। কিন্তু প্রেমের দেবতা—ইসলামি কবিদের আসক্ যিনি—তিনি অন্ধ। অভিসারের পথ যে বিপদ-বাধা মৃত্যুভয়ের মধ্য দিয়া পাতা, এ কথা জানিয়াই তিনি অভিসারে বাহির হইয়াছেন।

শ্রীবিমল সেন

মরণের ভয় যদি রহিত আসকেরে ।
তবে কি কাঁপ দিতে পারে এশ্বের সাগরে ॥
যে জন আসক হয়,

মরণের ভয় তার কি রয় ।
কেবল মাণ্ডকের কথা জাগে তার অন্তরে ॥
(গুলে বকাওলী)

অভিসার শুধু নায়কেরই একচেটিয়া নয় । নায়িকা
যেখানে মিলনের উৎকর্ষায় একান্ত অধীরা, সেইখানেই তাহার
অভিসারিকার বেশ । অভিসারিকার অন্তরে একটা আকাঙ্ক্ষা
ঘুরিয়া-ফিরিয়া বাজে ।

যদি বিধি মিলায় আমার সেই পুরুষরতন ।
যতনে রাখিব সদাই, দিয়া প্রাণ মন ॥
হৃদপালকে বসাইব, মধুপান করাইব ।
প্রেমের দক্ষিণা দিব এ নব যৌবন ॥
(গুলে বকাওলী)

এই বাণী গুঞ্জরণ করিয়া নায়িকা অভিসারে বাহির
হইলেন । কবি পয়ারের পর পয়ার বাঁধিয়া প্রেমকাব্য বর্ণনা
করিয়াছেন, কিন্তু যেখানেই অন্তরের আবেগ পুঞ্জীভূত হইয়া
চরমে পৌঁছিয়াছে, সেখানেই তিনি গানের মুচ্ছনা তুলিয়া-
ছেন । চিত্রকর যেমন চিত্রকে জীবন্তসদৃশ করার উদ্দেশে
কোনখানে রঙ গাঢ়, কোনখানে রঙ পাতলা করিয়া দেন,
কবির ভাষাও তেমনি কখনও গানে, কখনও পয়ারে বা অত্র
কোন ছন্দে লীলায়িত হইয়া উঠিয়া নায়ক-নায়িকার অন্তরের
সংঘাতকে মূর্তিমন্তু করিয়া তোলে । মনের কোণের একটু-
খানি ব্যথাও কবির চোখ এড়ায় নাই । নায়িকাকেও কবি
প্রেমাবেগে সাহসিকা করিয়া তুলিয়াছেন । অভিসারিকা
নায়িকা বলিতেছেন—

কোথা গেলে মনচোরা আমারই মন চুরি করে ।
তব অশ্বেষণে ফিরি দেখে দেখে ঘরে ঘরে ॥
যদি দেখা পাই তোমারে, ধরিয়া আপন জোরে ।
রাখিব আটক করে, পালাতে কি দিব তোরে ॥
রেখে তোরে ভূজপাশে, বাহুদ্বারা বাঁধিব কসে ।
মনোমত্ত সাজা দিব, যখন ইচ্ছা হয়ত মোরে ॥

মনবেড়ী দিয়ে পায়, যৌবন হাতকড়া দিয়ে ।
প্রেমগারদে রাখব কয়েদু যাবজ্জীবনের তরে ॥
[গুলে বকাওলী]

‘দেখে দেখে ঘরে ঘরে’ ফিরিয়া নায়িকা হস্ত
নায়কের গাফাৎ পাইলেন । শিকারে যে বাহির হয়,
ফাঁদও সে পাতে । নায়িকা অভিসারে বাহির হইয়াছেন,
কাজেই নায়ককে বন্দী করিবার জন্ত প্রেমের জাল
তাঁকেই বিস্তার করিতে হয় । কবিদের মত নায়িকারা
চিরকালই এ কার্যে বিশেষদক্ষ ।

নারীর আঠারো কলা বুঝে গুণি ভার ।
কে বুঝিতে পারে ছলা, সাধা আছে কার ॥
এমনি নারীর গুণ, পাকা বাঁশে লাগায় বৃণ ।
পুরুষে করে খুন, প্রাণেতে করে সংহার ॥
নারী এমনি সর্বনাশী, ভুলায় কত যোগী ঋষি ।
কহে মহম্মদ মুন্সী, নারীর রাঙা পায়ে নমস্কার ॥

[বড় নিজামপাগলার কেছা]

প্রেমকাব্য যখন বিশেষ রূপে জমাইয়া তুলিতে ইচ্ছা
হয়, তখনই কবি নায়কের বদলে নায়িকাকে অভিসারে
বাহির করেন—নায়িকাকে সাহসিকা করেন । নায়িকা
প্রায়ক্ষেত্রেই এক বাণেই শিকার বিদ্ধ করেন । যেখানে
নায়ক একান্তই বিমুখ, সেখানেই তিনি শরসন্ধান
করিতে ছাড়েন না ।

শুনের রসের ভ্রমর, চাও মোর পানে ।
রসরসে রসখেলা খেলি দুইজনে ॥
নারীর যৌবন মোর রসে টলনল ।
ভোমর হইয়া লোট রসের কমল ॥
নূতন কমলকলি রয়েছে বিকশি ।
থাওরে ফুলের মধু ফুলমধো বসি ॥

[ছয়ফল মুলুক]

তিলে তিলে নায়িকা নায়কের চিত্ত জয় করিয়া
লয়েন । কবিগণের মতে এইখানেই নারীর নারীত্ব ।



যৌবন ও প্রেম

প্রেমের শ্রেষ্ঠকাল বসন্ত, শ্রেষ্ঠ কাল যৌবন। বসন্ত অবসান হইলে যেমন কোকিলের কণ্ঠ বাজেনা, যৌবন অতিক্রান্ত হইলে প্রেমও তেমনি জমাট বাঁধে না। যৌবন যেন একটা পূর্ণপ্রসূতিত পদ্ম, প্রেম তার সুরভিসম্ভার। এক একদিন যায় তার সুরভিবাহী একএকটি পাপড়ি করিয়া পড়ে। তাই বাংলার সাধক কবি চণ্ডীদাস গাহিয়াছিলেন,

জীবন থাকিলে বঁধুরে পাঠিব।

যৌবন মিলান ভার।

প্রেমকাবোর ছত্রে ছত্রে যৌবনের এই প্রেমময়তা, প্রেমের এই যৌবনকে অবলম্বন করিয়া বিকাশ ও পরিণতি। নায়িকার সঙ্গে সঙ্গে যৌবনের প্লাবন আসিয়াছে, আর তার সঙ্গে আসিয়াছে চুরস্তু প্রেমাকাঙ্ক্ষা। কিন্তু কোথায় সেই পরমকাঙ্ক্ষিত নায়ক, যার স্পর্শে এত প্রেম পল্লবিত হইয়া উঠিবে? নায়িকা হয়ত আজিও অনুচ। বিবাহিতা হইলেও হয়ত তার স্বামী তার প্রতি বিতৃষ্ণ। কাজেই নিরাশায় প্রেম যেন দ্বিগুণিত বেগে ঈপ্সিতকে আশ্রয় করিতে চায়।

'গোলেনূর' হাজার দৃষ্টান্তস্বল। গোলেনূর যখন বালিকা মাত্র তখন তাহার বিবাহ হয়। কিন্তু বিবাহের পর হইতে তিনি স্বামীসঙ্গ বঞ্চিতা, স্বামী তাঁহার কোন সংবাদ নেন না। প্রথমটা গোলেনূর হাসিয়া খেলিয়া দিন কাটাইলেন। কিন্তু ক্ষুদ্র বালিকার দেহে একদিন যৌবনের জোয়ার আসিল, তৃপ্তির নিঃশ্বাসের পরিবর্তে একদিন দারুণ অতৃপ্তির ঝড় বহিল। গোলেনূর যৌবনের চাকলাকে প্রশমিত করিতে না পারিয়া বলিলেন,

এ নব যৌবন কালে, পতি মোর না আইলে,
কিসে মন রাখি বুঝাইয়া।

চির বিরহিনী নায়িকার এই যৌবনজ্বালা অন্তরকে বিশেষ করিয়া স্পর্শ করে। তার মুখে হাসি নাই,

চক্ষু নিদ্রা নাই, সারা রাত্রি বাতি জ্বালাইয়া প্রিয়তমের প্রতীক্ষায় উৎকণ্ঠিত থাকেন। কিন্তু যামিনী পোহায়, প্রিয়তম ত কই আসেন না।

আমার অমিলনে অঙ্গ জলে করি কি উপায়।
সারা রাত্রি জ্বালাই বাতি নিশি যে পোহায় ॥
এ নব যৌবনজ্বালা কত সয় আর।
সহেনা সহেনা ছুখে মদনজ্বালায় ॥

নারীর নব যৌবন যেন জীবন সমুদ্রে ক্ষুদ্র তরলীর ঞ্চায়। নায়ক তার একমাত্র কর্ণধার। নারীর যৌবন যেন বিকশিত মধুকমল, একমাত্র নায়ক তার মধুপানে অধিকারী। কিন্তু

পুরুষ নিদয়,	না দেখি কোথায়,
এমন সময়,	ফিরে না চায়।
যার তরে মরি,	সে করে চা ছুরি।
কি করি, কি করি,	না দেখি উপায় ॥
আমি এ অবলা,	যৌবনের জ্বালা,
কত সব জ্বালা,	মদনের দায়।
কাণ্ডারী বিহনে,	এ নৌকা তুফানে,
রাখিব কেমনে,	অকূল দরিয়ায় ॥
এ নব যৌবন,	গেল অকারণ,
পতির বিহনে,	রাখা নাহি যায়।

নায়িকা যদি স্বাধীনা হইতেন তবে হয়ত এ যৌবনজ্বালা প্রশমন করা সহজ হইত। কিন্তু প্রায় ক্ষেত্রেই তিনি কুলবতী কুলবধু। ইচ্ছা না থাকিলেও লজ্জা-ভয়ে তাঁহাকে বেদনাময় গণ্ডীর মধ্যে থাকিয়া যৌবনের জ্বালা পোহাইতে হয়।

আমি নারী কুলবালা, কত সব প্রেমজ্বালা,
কর্তে পাইনা প্রেমের খেলা, বঁধু আমার বাম হৈল।
থাকতে কাছে ভোমরা বঁধু, শুকায় গেল পদ্মের মধু,
অলি বিনে যায়রে যাহ, কপালেতে এই কি ছিল ॥

এ নবযৌবন কি করিয়া রাখা যায়, ইহাই হইল যুবতী নায়িকার প্রধান সমস্যা।

ত্রিবিমল সেন

প্রিয় বিনা নারীর যৌবন অকারণ ।
 কাহারে সঁপিব আমি একাল যৌবন ॥
 পাওয়ানের জ্বা নহে, কাটিয়া খাইব ।
 বেচিবার চিজ্ নহে, বাজারে বেচিব ॥
 বাটিবার চিজ্ নহে, দিব ঘরে ঘরে ।
 প্রিয় বিনা এ যৌবন সঁপিব কাহারে ॥
 যৌবন অমূল্য ধন নবীন বয়সে ।
 ফুরাইয়া গেলে আর না পাইব শেষে ॥

ফুল শুকাইয়া গেলে যেমন পূজা করিয়া তৃপ্তি হয় না,
 যৌবন অতীত হইলে তেমনি প্রেম-নিবেদনেও তৃপ্তি হয় না ।
 তাই নাগিকার এ আক্ষেপ, এ করুণ মর্শ্ববেদনা । ধরণীর
 কক্ষে কক্ষে নরনারী প্রেমের লীলায় বিভোর । নারী তার
 বাঞ্ছিতের জন্ত নিজকে সুন্দর করিয়া সাজাইয়া তাহার প্রতীক্ষা
 করে, ফুলের মালা গাঁথিয়া বসিয়া থাকে, কখন তিনি
 আসিবেন, কখন তাঁর গলায় মালা পরাইবে । এই চির-
 বিরহিনী নারী ফুলের মালা গাঁথিয়া উন্মনা হইয়া বসিয়া
 থাকে ।

‘গাঁথিয়া ফুলের মালা দিব কার গলে ?’

দিন আসে দিন যায় । পলে পলে বর্ষচক্র নবান ঋতু-
 লীলার ছন্দে আবর্তিত হইতে থাকে, কিন্তু বিরহিনীর বুকে
 বোঝার পর বোঝা চাপিতে থাকে । ঋতুলীলার বিচিত্র
 ছন্দ তাহার সহ হয় না । তাহার শুধু মনে হয়,

যার প্রিয় ঘরে আছে আনন্দিত মন ।
 আমি অভাগীর চিত্তে তুণের আগুন ॥
 একেলা যৌবন রাখি নাহি মোর ফল ।
 তেজিব পরাণ আমি থাইয়া গরল ॥
 নতুবা পরিয়া মালা হব বৈরাগিনী ।
 দেশে দেশে বিচরাইব (=পূজিব) প্রিয় গুণমণি ॥

এই গেল পতিবিচ্ছিন্না নারীর অবস্থা । পতিগৃহবাসিনী
 কিন্তু পতি কর্তৃক অনাদৃত নারীর ভাগ্য আরও বেদনাময় ।
 এ যেন পেয় জল সাম্নে থাকিতে তৃষ্ণার জ্বালা সচিত্তে
 হইতেছে ।

থাক্তে পতি গুলে কাছে উপবাসে যাই ।
 এমন কপালে কেন পড়ে নাকো ছাই ॥

এই খেদোক্তির মধ্যে শুধু যৌবনের জ্বালাই নয়, অসীম
 মানি এবং আত্মাধিকারও আছে । যুবতী হইয়া যদি পুরুষকে
 জয় করিতে না পারে তবে নারী নিজেদের জীবনকে বার্থ
 মনে করে । নারী পরাজয়ের মানিতে ক্ষুব্ধ ও লজ্জিত হইয়া
 পড়ে । রবীন্দ্রনাথ ‘চিত্রাঙ্গদা’র নারী-চরিত্রের এই দিকটা
 সুন্দর করিয়া ফুটাইয়াছেন । ইসলাম কবিগণও এ দিকটা
 ফুটাইতে চেষ্টার কসুর করেন নাই ।

অনাদৃত নারী কেমন ?

যেমন

‘মণিহারী ফণী, জল বিনে মীন,
 জাবন বিনে তনু ক্ষীণ ॥’

কারণ স্বামীই নারীর শ্রেষ্ঠ ভূষণ ।

যেমন

জাহাজের শোভা জালি বোট । কোমরের শোভা গোটে ॥

দাঁতের শোভা মিশি । ছেলের শোভা হাসি ॥
 বুড়োর শোভা কাশি । রাজার শোভা মুঙ্গী ॥
 মুল্লুকের শোভা বাদুশা । জমির শোভা চাষা ।
 হাতির শোভা সরা । আয়নার শোভা পারা ॥
 মোল্লার শোভা দাড়ি । হাতের শোভা ছড়ি ॥
 পাখোয়াজের শোভা খোল । বাগ্গের শোভা ঢোল ॥
 গলার শোভা হাঁদুলি । পায়ের শোভা পীসালি ॥
 হাতের শোভা চুড়ি । ছোড়ার শোভা ছুড়ি ॥

(গোলেনুর)

এমন যে স্বামী, তাহার বিহনে নারীর জীবন বার্থ হইয়া
 যাইবে না তো কি ! তার বর্তমান হাহাকারে ভরিয়া যায়,
 তার ভবিষ্যৎ উদ্বেগ আশঙ্কায় কালো হইয়া উঠে । বাথিত
 বক্ষপঞ্জর হইতে যে দীর্ঘনিঃশ্বাস উঠে, তাহাতে একটা অভি-
 যোগ ধ্বনিত হয় ।

যে জানে পিরীতের মর্শ্ব, সে অধর্শ্ব করে না ॥

রক্ত বলি যত্ন করে ।



মনস্কালায় আমি মরি, সে কেন করে চাতুরি,
বল না কি উপায় করি, সে ত ফিরে চাহেনা ॥

(গোলেনুর)

প্রণয়র এই অনাদর সময় সময় নারীর মনে প্রতিক্রিয়ার সূত্রপাত করে। নারী ভাবেন, হায়রে! 'এত সাধের প্রেম ক'রে অদৃষ্টে আর সুখ হ'ল না',—'সাধেতে বিষাদ' উপস্থিত হইল। এই প্রতিক্রিয়া শুধু হাহাকারেই পর্যাবসিত হয় না। পতি প্রবাসে থাকিলে নারীর সাস্থনা থাকে, কিন্তু পতি বিমুখ হইলে নারী অশান্ত হইয়া ওঠে। শৈলসমাহিত নদীস্রোত যেমন যেখানে পথ পায় সেইখানে ছুটিয়া চলে, নারীর যৌবনও তেমনি যেখানে আদর পায় সেইখানে লুপ্ত হইয়া পড়ে। কুলের বাধন খসিয়া পড়ে। সতীত্বের বাধন শ্লথ হয়।

ইসলাম কবিরা অনাদৃত্য নারীর ছবি অঁকিয়াই থামেন নাই। পুরুষজীবনের সার্থকতাও যে নারীকে পাওয়া, একথা বুঝাইতেও চেষ্টা পাইয়াছেন। নায়িকার রূপ গুণ বর্ণনা গুনিয়া নায়ক আক্ষেপ করিতেছেন,

... ..এমন বেকুফ্ নাহি দেখি তোর মত ॥
না দেখিলি তোতা মুখ নয়ন ভারিয়া,
না দেখিলি রঙ-রূপ সেখানেতে গিয়া ॥
না দেখিলি সে গঠন, মরি হায়, হায় ।
খাইলি চক্ষের মাথা হইয়া নিদয় ॥
কানে বলে, ওরে কান, কালা তুই হলি ।
সে তোতার মুখে কথা গিয়া না গুনিলি ॥
নাকে বলি, ওরে নাক, আছ কি জ্ঞেতে ।
সে গুলের পোনু তুই নারিলি শুকিতে ॥
মুখে বলে, আরে মুখ, কি কর এখন ।
সে চাঁদ-মুখেতে নাহি করিলি চুখন ॥
কোন কথা নাহি কৈলে মাণ্ডকের সাথে ।
আপ শোব্ রৈল তেরা জেনেগী থাকিতে ॥
হাতে বলে, ওরে হাত, বল কি আক্কেলে ।
লাজুক বদনে হাত কেন না ফেরালে ।

(নিজাম পাগলা)

যৌবনজ্বালার পালা গাহিয়া সকল কবিই মিলনের
পালা ধরিয়াছেন ।

মিলন

নায়কনায়িকার চির-ঈষ্পিত মিলন-মাজলিক গাহিতে
গিয়া কবি বলিতেছেন,

হুজনায় তার পরে, নজরে নজরে গেরে,
গলিতে লাগিল প্রেমের ফাঁস ॥
চার চক্ষু মেলে যদি, উথলিল প্রেমনদী,
প্রেমবদন দিইল সঁতার ।
কেহ কিছু কার তরে, কহিতে নাহিক পারে,
বহে দৌছে মুরত আকার ॥

(নিজাম পাগলার কেছা)

প্রথমে চোখে চোখে মিলিল। তারপর প্রেমের নদী উথলিয়া উঠিল। নায়ক নায়িকার চক্ষে সমস্ত বহির্জগৎ লুপ্ত হইয়া গিয়াছে। একমাত্র জাগিয়া আছে সেই উদ্বেলিত নদীতে একখানি প্রেমাপ্লুত মুখ। কথা নাই, সাড়া নাই, নিষ্পলক পাষণমূর্তির মত একে আর এককে দেখিতেছেন! আনন্দাতিশয়ের এই বিহ্বলতা ক্রমে কাটিয়া আসে। নায়ক নায়িকার তখন মনে জাগরিত হয়, যার জন্ত তার বুকে এত তৃষ্ণা ছিল, এই সে।

বহুকালের পিয়াশা, সাম্নে মিঠাপানি ।

নিষেধ না মানে চিত্ত ধরাবে কেমনি ॥

(ছয়ফলমলুক)

নায়ক নায়িকা পরস্পরকে স্তম্ভ আলিঙ্গনে বন্দী
করিয়া লইলেন। তাহাদের মুখে ফুটিয়া উঠিল পুষ্পের মত
লাবণ্য, চোখে আনন্দের আপ্লুত ধারা—

সাহাজাদি নিজামেরে যখনই দেখিল ।

বাগে গোলেস্তার মত ফুটিয়া উঠিল ॥

কি বলিতে কিবা বলে, ঠিকানা না মেলে ।

নরনার কাঁদে স্বরে নিজামের গলে ॥

(নিজাম পাগলা)

শ্রীবিমল সেন

এ মধুর মিলন দেখিয়া মনে হয় যেন, 'সোঁদা গাছে পত্র
মলে বসন্ত পানে।' 'কাঙাল' যেন পরশমানিক পাইয়া
হইয়াছে।

শুকনা পাছেতে যেন ধরিলেক ফল ।
শুকনা তালাব যেন সরোবরজল ॥
সারাদিন রোজা থাকি যেন রোজাদার ।
সাম্নে পাইলখানা রোজার ইস্তার ॥

(গোলেনুর)

প্রেমিক প্রেমিকার মিলনের বাসনা অফুরন্ত । যুগ
যুগ মিলনেও এ বাসনার তৃপ্তি হয় না । তাই বৈষ্ণব কবি
বিদ্যাপতি গাহিয়াছিলেন,

লাপো লাপো যুগ, হিয়া হিয়ে রাপনু.
তবু হিয়া জুড়ন না গেল ।

ইসলাম কবিরাও এই অন্তহীনমিলনের ভাবটিকে
কুটাইতে চেষ্টা করিয়াছেন ।

শোন ওহে প্রাণধন !
ইচ্ছা হয় তোমারে রাগি হৃদয়ে আপন ॥
এ বাসনা হয় মনে, রাগি তোমায় সর্বক্ষণে,
হারের সহিত গলে করিয়া যতন ।

(গুলে বকাওলা)

নায়িকার পূর্ণ যৌবন, অপরিমিত প্রেম উপেক্ষা করিয়া
নায়ক দূরে চলিয়া যাইবে, এ চিন্তাও তাহার পক্ষে অসম্ভব ।
নায়িকা এই আসন্ন বিপদাশঙ্কায় ব্যাকুল হইয়া বলিতেছেন,

কেমনে তেজিয়ে প্রিয় মোরে ছেড়ে যাবে ।
দিনে দিনে অলি বিনে কমলকলি শুকাইবে ॥
দেহের জীবন তুমি, কেমনে ছাড়িব আমি ।
সময়ে কে ছাড়ে স্বামী ? অসময়ে কিবা হবে ॥
ছিনু বড় আশা করি, প্রিয় হবে প্রেমকাণ্ডারী
বাহিবে প্রেমের ভরী । কিরূপে প্রাণ বাঁচিবে ॥

(মানুখী ও রসনেছা কঙ্কার পুথি)

নায়ক উত্তর দিলেন,

ওরে প্রাণ প্রেমসি গো! চাঁদবদনি! চাঁদের কথা ।
না দেখে তোমার তরে আর ত প্রাণ বাঁচে না ॥
তুমি প্রাণ থাক হেথা, আমি যাই পেয়ে বাখা ।
দিবানিশি তেরা কথা, ও প্রেমসি! ভুলবনা ॥
যাই যাই দেশে যাই, তুমি বই প্রিয়া নাই ।
পথে যাই, ফিরে চাই, মন বলে, পাও চলে না ॥ (৩)

পা না চলিলেও নায়ককে জোর করিয়া পা চালাইতে
হয় । প্রেমকাব্যের প্রাণ যে সংঘর্ষ, তারই আঘাতে নায়ক
নায়িকা বিচ্ছিন্ন হইয়া পড়েন । এ আঘাতের বিরুদ্ধে যুদ্ধ
করিয়া জয়লাভ করা অত্যন্ত কঠিন । ভেলোয়াসুন্দরীর
পুঁথিতে এ চিত্র সুন্দর ভাবে ফুটিয়াছে ।

আমির ভেলোয়াকে প্রাণের অধিক ভালবাসিতেন—
এক মুহূর্ত চক্ষের আড় করিতে চাহিতেন না । কিন্তু

শাওড়া নন্দা জান রে যার ঘরে আছে ।
কোন মতে সুখ নাইরে, সে বধুর কাছে ॥

ভেলোয়ার কপালেও এত সুখ টিকিল না । ভেলোয়া
সুন্দরী, ভেলোয়া স্বামীসোহাগিনী, আদরিণী, তার নন্দা
বিরলা তার সুখ দেখিয়া ঈর্ষান্বিতা হইয়া উঠিল ।

এই মত দেখিয়া বিরলার বাড়িল বিদ্বেষ ।
আপনি ছিঁড়িয়া ফেলে রে আপনার কেশ ॥

শুধু কেশ ছিঁড়িয়াই বিরলা ক্ষান্ত হইল না । স্থির
করিল, যেমন করিয়া হ'ক, ভেলোয়ার এ সুখের স্বপ্ন ভাঙিতে
হইবে । আমির এবং ভেলোয়ার এ মিলনকে বিচ্ছিন্ন
করিতে হইবে । বিরলা মাকে আশনদলে টানিয়া লইল ।
মায়ে-ঝিয়ে চক্রান্ত করিয়া আমিরকে ঘরছাড়া করিবার
চেষ্টায় লাগিয়া গেল । বলিল, 'ঘরে বসিয়া থাকিলে রাজার
ভাণ্ডারও ফুরায় । ঘরে বসিয়া না থাইয়া আমির বাণিজ্যে
যাউক ।'

মা-বোনের পীড়াপীড়িতে আমির রোজই বলিত, কাল
বাণিজ্যযাত্রা করিব, কিন্তু কাল আর ফুরাইত না । বিরলা



গোঞ্জই উঠিয়া দেখিত আমি-ভেলোয়ার মুখে সেই
মিলনানন্দ, সেই হাসি, সেই প্রেম। অবশেষে বিরলা
ভর্সনার বোমার মত ভাইয়ের পরে ফাটিয়া পড়িল।
আমির বুঝিলেন, না যাইয়া উপায় নাই। আমি
ভেলোয়াকে বুঝাইল, 'পুরুষ মানুষ আমি, আয় না করিলে
চলিবে কেন।' ভেলোয়া এ যুক্তি মানিল না। সামান্য
অর্থের জন্ত এ মিলন-নাটকে অসময়ে যবনিকাপাত হইবে।
না না, এ যে সে করনাও করিতে পারে না।

না যাইও, না যাইও সাধু,
বললাম তোমারে।
হাতের বাজু বেচিয়ারে সাধু
খাবামু তোমারে ॥
না যাইও, না যাইও সাধু,
কছি বার বার।
তোমারে খাবামু বেচি
সপ্তনড়ির হার ॥
না যাইও, না যাইও সাধু,
আমি করি মানা।
তোমারে বেচিয়ারে খাবামু
গলার সোনার দানা ॥
না যাইও, না যাইও সাধু
মোর প্রাণ ধন।
তোমারে বেচিয়ারে খাবামু
হস্তের কঙ্কণ ॥
না যাইও, না যাইও আমার
আসকের পাগল।
তোমারে খাবামুরে বেচি
কানের শিকল ॥
না যাইও, না যাইও সাধু,
মোর জীবনের ভর।
তোমারে খাবামুরে বেচি
সোনালি চাদর ॥
না যাইও, না যাইও সাধু,
তোমার পায়ে ধরি।
তোমারে খাবামুরে বেচি
পিঙ্গনের শাড়ী ॥

না যাইও, না যাইও সাধু
আমি তোমায় বলি।
তোমারে খাবামুরে বেচি,
গলার হাঙ্গলি ॥
না যাইও, না যাইও সাধু
আমারে ফেলিয়া।
ঘরে ঘরে নাগি পাইমু
তোমারে লইয়া ॥

স্বামী যে নারীজীবনের কতখানি জুড়িয়া থাকেন, এ
বিলাপ হইতে তাহা স্পষ্ট বোঝা যায়।

কিন্তু নাগিকার এ আকুল আর্তনাদ সংসারচক্রকে
খামাইয়া রাখিতে পারিল না। বিচ্ছেদ তাহার বেদনাবিপুল
কালিমা লইয়া ঘনাইয়া আসিল। আমি-ভেলোয়ার নিকট
হইতে বিদায় নিলেন, এবং যাইবার সময় বলিয়া গেলেন,
আদরিণী ভেলোয়াকে দিয়া যেন কোন শক্ত কাজ করানো
না হয়। গোবর ফেলিলে কণ্ডার গায়ে দাগ লাগিবে, উঠান
কুড়াইলে ধূলা লাগিবে, মরিচ বাটিলে হাত জ্বালা করিবে,
পানি আনিলে কাঁকাল ব্যথা করিবে—অতএব ভেলোয়াকে
যেন এর একটা কাজও না করিতে হয়। পরিবার
পরিজনকে সামলাইয়া আমার বাণিজ্যযাত্রা করিলেন।

ভেলোয়ার বিবাহের প্রথম সপ্তাহ কোন মতে কাটিয়া
গেল। এক সপ্তাহ পরে এক পরীর অনুগ্রহে এক রাত্রির
জন্ত আমি-সুদূর হইতে শূন্যমার্গে উড়িয়া ভেলোয়ার কাছে
আসিলেন। সে রাত্রি দুইজনের অপরিমিত আনন্দে
কাটিল। শেবরাত্রে আমি-যেমন নিঃশব্দে আসিয়াছিলেন,
তেমনি নিঃশব্দে অন্তর্হিত হইলেন। ভেলোয়াসুন্দরী বিহ্বল
অসংযতবেশে ঘুমের কোলে ঢলিয়া পড়িলেন।

প্রভাতে উঠিয়া নন্দী বিরলা ভেলোয়ার বিহ্বল অবস্থা
দেখিয়া পাড়া-পড়নী ডাকিয়া আনিল। তারপর সকলের
সামনে ভেলোয়াকে অভিযুক্ত করিল—

বাণিজ্যেতে গেলে ভাই সাত দিন হইল।
সুন্দরী সতী ভেলোয়ারে কোন রসিকে পাইল ॥
সারারাত্রি মজা করে রসিকবন্ধু পাই।
তে কারণে ভেলোয়ার হোস ফোস নাই ॥

শ্রীবিমল সেন

ভেলোয়া প্রাণপণে আত্মসমর্পণ করিলেন, কিন্তু তাঁহার কাহিনী অলীক বলিয়া উড়াইয়া দেওয়া হইল। স্থির হইল ভেলোয়া অসত্য। তাহার তীব্র শাস্তিবিধান করিতে হইবে পাড়া পড়শীরা নানানরকম শাস্তির বিধান দিতে লাগিল। কুটীলা বিরলা এইবার ভেলোয়ার উপর তীব্র প্রতিহিংসা গ্রহণ করিল। সে বলিল, ওকে আমার ক্রীতদাসী করিয়া রাখি না কেন, তাহা হইলে ওর উচিত শাস্তি হইবে। সকলে অনুমোদন করিলে ভেলোয়াকে জোর করিয়া বিরলার বাদীত্বে নিযুক্ত করা হইল। বিরলার সেবা করিয়া, গোবর ফেলিয়া, উঠান কুড়াইয়া, মরিচ বাটিয়া, ভেলোয়ার দিন কাটিল।

অকান্দনে কান্দে ভেলোয়া মরিচ দেখিয়া।

সাড়ে তিন সের মরিচ বাটেরে ভেলোয়া চক্ষের জল দিয়া ॥

বিচ্ছেদের এই করুণ চিত্র দেখাইয়া কবি আবার নায়ক নায়িকার মিলন ঘটাইলেন।

বিরহ

আলোক যে মানুষের কত বড় বন্ধু, অন্ধকারে বসিয়া তা উপলব্ধি করিতে পারি। প্রেমরাজ্যের আলোক—মিলন; অন্ধকার—বিরহ। মিলনে প্রেমের পূর্ণ বিকাশ হয় না, হয় বিরহে। যুগ যুগ ধরিয়া কবিকুল প্রেমের গভীরতা দেখাইতে বিরহের অবতারণা করিয়াছেন। ইসলামি প্রেম-কাব্যে শ্রেষ্ঠ আসন এই বিরহের। রাধাকৃষ্ণের যে চিরন্তন বিরহ-লীলা বাংলার পল্লীতে পল্লীতে কীর্তন হয়, কবি যেন তাহারই ভাবে ভাবিত হইয়া বিরহচিত্র অঙ্কিত করিয়াছেন। যখন পড়া যায়, নায়িকা বলিতেছেন—

বিরহ-বেদনা বিবম যন্ত্রণা সহিতে না পারি বালা।

দছে মোর চিত, সদা সস্তাপিত, মথুরানগরে কালা ॥

জীব হৈল দায়, প্রাণ না বাঁচার, ভাবিয়া বিবম জালা।

(ভেলোয়া হুমরী)

তখন মনে হয় চণ্ডীদাস-বিষ্ণুপতির বীণা আজও এ কবারে নীরব হইয়া যায় নাই। বাঙালী পল্লীকবি আজও

‘মথুরা নগরে কালা’ গাহিয়া প্রেমের সে অভিনব কল্পলোক সৃষ্ণনে বাস্তব। এ কল্পলোকের ভিত্তি বিরহ। কবির বিরহিনী নায়িকা আজিও বলেন,

ভেবে ভেবে তনুকীর্ণ, রাতকে করিছ দিন,

এই হুথ বলিব কাহারে।

(গোলেন্দুর)

এই রাতকে-দিন-করা বিরহসস্তাপে সন্তপ্তা নায়িকার মনে একটা অভিমানের মেঘ সঞ্চিত হইয়া উঠে। দিন-ছয়েকের কড়ারে সে দূরে গিয়াছে, কিন্তু আর ত সে আসিল না।

মেরা সাথে দুদিনের করিয়া কড়ার।

আসিবে বলিয়া গেছে, আসিল না আর ॥

(নিজাম পাগলা)

দিনের পর দিন এই বিলাপ করুণ হইতে করুণতর হইতে থাকে।

আহা মোর প্রাণনাথ, কঠিন রে হিয়া।

অবলা দাসীরে গেলে সাগরে ফেলিয়া ॥

বিরহ সাগর হেন—কুল নাহি যার।

পার কর প্রাণনাথ না জানি সঁতার ॥

একবার দেখা দিয়া শান্ত কর মন।

নহে ত তোমার শোকে তাজিব জীবন ॥

‘পর’ যদি দিত বিধি জানায় আমার।

উড়িয়া উদ্দেশ আমি করিতো তোমার ॥

চক্ষু প্রাণ তুমি মোর গেছ রে লইয়া।

খালি তমু রহিয়াছে জীতে মরা হইয়া ॥

তোমার পালক আর অঙ্গুরী তোমার।

দেখিতেই জলে যেন অগ্নির আকার ॥

মরণের রোগ এই পালক অঙ্গুরী।

দেখিতে দেখিতে জানি কোন সময়ে মরি ॥

(গাজিকালু ও চম্পাবতী)

আত্মধিকারে বিরহের ঘনীভূত অবস্থা বিরহিনীর চিত্ত তাই বিলাপ করিতে করিতে বলে,



আমি অভাগিনী, কঠিন পরাণী
 অখিল গর্জ্জ হানে ।
 হেন প্রাণনিধি, হ'রে নিল বিধি,
 অভাগী বাঁচিলু কেনে ॥
 নবীন বয়সে, প্রেমের আবেশে,
 পীরিত্তি করিলু বাটা ।
 মোর কণ্ঠফলে, হৃদয়কমলে,
 ফুটিল বিচ্ছেদ কাটা ॥
 (ছয়ফল-মলুক)

মিলনে যে প্রেম থাকে তরল, চপল,—বিরহের উত্তাপে
 তাড়া হয় গাঢ়, ঘনীভূত । নয়নের বহির্ভূত প্রিয়তম লক্ষরূপে
 বিরহিনীর অস্তরে ফিরিয়া আসেন । বৃক্ষের মর্শ্বরধ্বনিতে
 চমকিতা বিরহিনী ভাবেন, ঐ বৃক্ষ প্রিয়তম আসিতেছেন ।
 নদীর বুকে চাঁদের প্রতিবিম্ব দেখিয়া বিরহিনী মনে করেন,
 ঐ বৃক্ষ প্রিয়তমের হস্তরঞ্জিত মুখখানি নদীর বুকে ভাসিয়া
 উঠিয়াছে ।

চাঁদের দেখিয়া রূপ পানির মাঝার ।
 সাহাজাদি বৃক্ষলেন মনে আপনার ॥
 প্রাণকান্ত বৃক্ষ মোরে চুম্বিতে আইল ।
 দেখা না পাইয়া তাই পানিতে ডুবিল ॥
 এমন সময় চাঁদে আবরে আসিয়া ।
 একেবারে চাঁদে তবে দিল যে চাকিয়া ॥
 আর সেই ছাড়া বিবি দেখিতে না পায় ।
 দেখে ভাবে নাথ বৃক্ষ পলাইয়া যায় ॥
 'প্রাণনাথ মোর তরে গুঁজে না পাইয়া ।
 তাই বৃক্ষ পানি-বিচে গেলেন ডুবিয়া ॥'
 এতেক বলিয়া বিবি কোমর বাঁধিয়া ।
 কুঁদিয়া পানির পরে কাঁপ দিল গিয়া ॥
 (বড় নিজামপাগলার কেছা)

নদীবক্ষে প্রতিবিম্ব চাঁদ দেখিয়া অনেক বিরহিনীরই
 হৃদয়চাঁদের কথা মনে পড়ে, কিন্তু এত বিহ্বল-বাকুল
 কল্পজনে হন যে নদীতে কাঁপ দিয়া থাকেন? বিরহিনী
 বিহ্বলা, দুঃখম্বনা ।

যত উৎসবের বাঁশী, তার হুঃখ উথলিয়া উঠে । সে যে
 কত নিঃশ্বা, উৎসব যেন তারই পরিচয় দিতে আসে ।
 এই নরনারীর শাশ্বতী প্রকৃতি । যাহা শোভন, যাহা
 মনোরম, তাহা একাকিনী উপভোগ করিয়া তৃপ্তি নাই ।
 উপভোগের বা আনন্দের ক্ষণে বিরহিনী যার অভাব
 মর্শ্ব মর্শ্ব অনুভব করেন, যে আসিলে তাঁর আনন্দযজ্ঞে
 পূর্ণাহুতি হয় সে তাঁর প্রবাসী স্বামী । তাহাকে ফিরিয়া
 পাইবার জন্ত নারীহৃদয়ে সে কী আকুলতা, সে কী আর্তনাদ !
 বর্ষার সঘন ধারায় যখন দিগ্বাণুল কালো হইয়া আসে,
 যখন বাহিরের সব কিছু লুপ্ত হইয়া অস্তরের অব্যক্ত
 জাগ্রত হইতে থাকে, তখন বিরহিনীর বাথা সেই বর্ষারই
 মত ঝরিয়া পড়ে । বসন্তের মলয় সমীরণ, কোকিলের
 মধু গুঞ্জরণ—সকল মধুরতাই তার বিরহব্যথা কে উদ্দীপিত
 করিয়া তোলে ।

আর ডাকিন্ না ওরে কোকিল, সহেনা মদনের জ্বালা ।
 দ্বিগুণ দ্বিগুণ ওঠে জ্বলে, মদনেতে মন উত্বালা ॥
 একে তোর রূপ কালো, আর তুমি নহ ভালো ।
 সৌরভেতে প্রাণাকুল, মজাইল কুলবালা ॥
 এই নিবেদন তোমায় করি, মের না বিচ্ছেদের ছুরি ।
 অলিকূলে জন্ম তোমার, কলঙ্কের নিয়ে এ ডালা ॥
 (গোলেনুর)

বাঁশীর তানে বিরহের যমুনা আরও উজান যায় ।
 বাঁশীর তানে কী যেন একটা মাদকতা মাখানো আছে !
 তাই নন্দ-নন্দনের বাঁশীর তানে একদিন ব্রজনারীবৃন্দ
 উন্মাদিনী হইয়াছিলেন । বিরহিনীর কর্ণে যখন বাঁশীর
 তান আসিয়া বাজে, তখন তিনিও আত্মহারা হইয়া
 ভাবেন ঐ বংশীতানের লহরে লহরে তাহারই কাঙ্ক্ষিত
 প্রিয়ের আহ্বান আসিতেছে ।

একরোজ শুয়েছি য়েতে আমার ।
 পতির বিহনে ছি য়ে বড় বেকারার ॥
 চেতন হইল মোর আওয়াজে বাঁশীর ।
 বিরহ-আগুনে ফের হইলু অস্থির ॥
 টিকিতে না পারি দিল গেল বিগড়িয়া ।

শ্রীবিমল সেন

দেখিছু বহু রাত আনুমান চাহিয়া ॥
সেই অঙ্কে নেকালিছু মাকান হইতে ।
বাশীর আওয়াজ ধরি যাই সে দিনেতে ॥
একেলা রাতকালে নেকালিয়া গেহু ।
ভয়ডর কিছু আমি সে সময় না পেহু ॥
আজিম দরিয়া এক সামনে মিলিল
দরিয়ার পাশে বাশী বাজিতে লাগিল ॥

বিরহিণীর সমস্ত অন্তরাআঁও যেন তখন এই আশ্বাসে
সঞ্জীবিত হইয়া উঠে ।

তব আমার আশে, থাকি চেয়ে দিবারাতে,
কতদিন প্রাণনাথ আসিবে হেথায় ॥
কই কোথা এলে তুমি, তোমার লাগিয়ে আমি,
দিবানিশি ঘুরে মরি বিরহজালায় ॥
(ছহীপুলে বকাওলা)

বিরহিণী নায়িকা কাষ্ঠভ্রমে মড়ার ভেলায় সে দরিয়া
পার হইলেন । তারপরই গতিরোধ করিল এক দেয়াল ।
তিনি তাহাও অতিক্রম করিলেন দড়িভ্রমে সাপের লেজ
ধরিয়া । এই সর্পতে রজ্জুভ্রম বিরহের প্রগাঢ় অবস্থা ।
বিশ্বমঙ্গল ঠাকুরের কাহিনীর ছায়া এইখানে আসিয়া
পড়িয়াছে । বিরহিণীর এই আত্মহারা অবস্থা অতি
স্বাভাবিক । যাহা মানুষের প্রাণের চেয়ে প্রিয়, তাহা
সে হারাইয়াও হারাইতে চায় না । মনে ভাবে, যে গিয়াছে
সে চিরদিনের মত যায় নাই । আবার সে আসিবে,
আবার তার অনাবিল ভালবাসার সুধাধারায় আমার এ
বিরহবাথিত চিত্ত শীতল করিবে । যাহাকে হারাইয়াছি,
তাহাকে চিরদিনের মত হারাইয়াছি, এ চিন্তা পর্য্যন্ত তাহার
পক্ষে অসম্ভব ।

ইসলামি কবিদের বর্ণনায় নায়িকা মালঙ্কর মত ।
বসন্তের অবসানের সঙ্গে সঙ্গে বৃক্ষ হইতে পুষ্পসমূহ
ঝরিয়া পড়িয়াছে । পড়ুক না । আবার বসন্ত আসিবে,
আবার ফুল ফুটিবে ।

শোনহে মালঙ্ক তুমি খেদচিন্তা কর না ।
আসিবে বসন্ত ফিরে, তাকি তুমি জাননা ॥
পর্ণপুষ্প বিকশিবে, বুলবুলা আসিয়া তবে,
মত্ত হইয়া প্রেমভাবে পুরাইবে বাসনা ॥
(ভেলোয়া হুন্দরী)

অথবা বিরহিণী নায়িকা যেন রৌদ্রগ্নান প্রদীপ ।

না কাদ প্রদীপ বেশী, যদি গত হইল নিশি,
পুনঃ ফের আসিবে নিশি, সেই সমন্ধে ভেবনা ॥

বিরহ-বারমাসী

এই বিরহজালা বৃকে লইয়া বিরহী-বিরহিণীর মাসের
পর মাস কাটাইতে হয় । প্রত্যেক মাসেরই এক একটা
বৈশিষ্ট্য আছে, তাই প্রত্যেক মাসেই বিরহবেদনা
বিশেষ করিয়া অনুভূত হয় । কবি তাহারই বর্ণনা করিবার
উদ্দেশ্যে বারমাসীর আমদানি করিয়াছেন । বাংলা
প্রাচীন সাহিত্যে অসংখ্য বারমাসীর বর্ণনা আছে ।
ইসলামি কবিরা তাহারই অনুকরণ করিয়াছেন ।

বৈশাখ

প্রবেশ বৈশাখ, সময় নিদাঘ,
রাগতাপ খরতর ।
আদিতাকিরণ, না যায় সহন,
শান্তি নাহি মনে মোর ॥
যাহার কারণ, রাখিলাম যৌবন,
সেই কেন নাহি পায় ।
যৌবনরমণী, জোয়ারের পানি,
ভাটি লক্ষ্যে চ'লে যায় ॥

বৈশাখে প্রবেশ করিয়াই বিরহিণী অনুভব করেন তাঁর
যৌবনযমুনার ভাটি লাগিয়াছে । বৈশাখের দাবদাহ
বিরহজালাকে প্রখরতর করিয়া তোলে । শুধু তাই নয় ।

বৈশাখ মাসেতে ফোটে ফুল নানা রসি ।
ভোমরায় মধু খায় ফুলমধো বসি ।
ভোমরার গুণগুণে দগধে পরাণ ।
আমার ফুলের মধু কে করিবে পান ॥



ফোটা গন্ধভরা ফুল দেখিয়া মনে হয়, সে-ও তো একটি ফুলের মত সংসারবৃক্ষে ফুটিয়া আছে, কিন্তু যাহার জন্ম ফুটিয়া আছে, কোথায় সে ভ্রমর? তাহার মধু যে বিফলে বিরহ-মরুর বাতাসে বিলীন হইয়া গেল।

আর বিরহীর মনের অবস্থাও এইরূপ।

এহিত বৈশাখ মাস, নানা পুষ্পের বাহার।
যাহার প্রিয়া কাছে, গলে দেয় পুষ্পহার হে।
মোর প্রিয় নাহি কাছে কারে দিব হার।
এ ফুলের বাহার আমার অগ্নি-অবতার হে ॥

জ্যৈষ্ঠ

প্রবেশ জ্যৈষ্ঠল, হৃদয় কমল,
ভাঙিয়া আমার পড়ে।
মোর কর্মফলে, কাস্ত নাই কোলে,
এ দুঃখ কহিনু কারে ॥

এ বিলাপের ছন্দে-ছন্দে বিরহিণীর বৃকের রক্ত যেন টস্-টস্ করিয়া ঝরিতেছে। কাহারে এ দুঃখ সে কহিবে। আমার বনে আম পাکیয়াছে। সকল নারী নিজের হাতে অতি যত্নে আম কাটিয়া তাদের প্রিয়তমদের খাওয়াইয়া ধরা হইতেছে। কিন্তু সে কি অভাগিনী।

‘পতি বিনে কারে আমি চিপড়িয়া দিব?’

বিরহীও দূরে বসিয়া ভাবে, হয়, আজ সে যদি কাছে থাকিত, তবে এই আম পাকা সার্থক হইত। সে আমাকে খাওয়াইত, আমি তাকে খাওয়াইতাম।

এ হিত জ্যৈষ্ঠ মাস আম পাকে গাছে ॥
হাসিমুখে খায় খাওয়ায়, যার প্রিয়া কাছে হে ॥
মোর প্রিয়া নাহি কাছে, কে খাওয়াবে মোরে।
তাহাতে বঞ্চিত আমি পরাণ বিদরে হে ॥

আষাঢ়

আষাঢ়-আকাশে বম্-বম্ করিয়া বর্ষার ধারা বয়। বিরহ আকাশেও তখন অশ্রু বর্ষার ঘন ধারা। বাহিরের বর্ষা দেখিয়া মনে হয় সমস্ত প্রকৃতি যেন বিরহী বিরহিণীদের

দুঃখে সমবেদনার অশ্রু ঢালিতেছে। বিরহিণী বিভোর অশ্রুসিক্ত হইয়া গলিত মেঘরাজ্যের দিকে চাহিয়া আছেন। হঠাৎ নীলোজ্জ্বল বিজলী-প্রভায় কৃষ্ণাভ ধরণী মুহূর্তের জন্ম আলোকিত হইয়া উঠিল, তারপরই ভীষণ গর্জন!

আইল আষাঢ়, বৃষ্টি অনিবার,
চমকে সঘনে দামিনী।
মেঘের গর্জন, শুনি ভয়মন,
লাগে অতি একাকিনী ॥

একাকিনী নারী বজ্রধ্বনিতে শিহরিয়া উঠিয়া একাকিনীই শযাতলে নুষ্ঠিত হইয়া পড়েন। আর এই ভাবিয়া আকুল হন যে, আজ যদি সে কাছে থাকিত, তাহা হইলে এই মুহূর্তে বজ্রধ্বনি-কম্পিতা বিহগীকে সে তার বক্ষের কুলায়ে আশ্রয় দিয়া বাঁচাইত—নারী সে, তাকে এমন একাকিনী শযাতলে ভয়ে কাঁপিতে হইত না।

আষাঢ় মাসেতে হয় ঘন বরিষণ।
ঘোর অন্ধকার হয় বিজলী গর্জন ॥
প্রাণ করে পর পর, বিজলী গড় গড়ে।
পতি যার কাছে আছে জড়াইয়া ধরে ॥

ভয়ের মুহূর্তে ভালোবাসার জনকে জড়াইয়া ধরায় যে কী শান্তি, তাহা যাহার ভালোবাসার জন কাছে নাই সেই জানে। বিরহীও দূরে বসিয়া ভাবে, এ বর্ষাবাকুলা ধরণীর তারে তারে যে করুণ সুর ধনিয়া যাইতেছে, এ যেন তাহারই অব্যক্ত বেদনার অভিব্যক্তি। এক একবার বজ্রধ্বনি হয়, আর সে চক্ষু মুদ্রিত করিয়া ভাবে, এই এমন সময়ে একখানি তমুলতা ভয়ে-ভয়ে তাহারই বৃকে আসিয়া আশ্রয় নিত। আজ সে বৃক শূন্য, আজ প্রিয়া দূরে, আজ এ বৃক জড়াইয়া ধরিবার জন কাছে নাই।

এহিত আষাঢ় মাস, মেঘের গর্জন।
প্রিয়া নাহি কাছে মোর মেঘনাদ শুনি হে ॥
ভয়েতে হইয়া বাস্তু ধরে সাপটিয়া।
মোর প্রিয়া নাহি কাছে, কে ধরে আসিয়া হে ॥

শ্রীবিমল সেন

শ্রাবণ

শ্রাবণ মাসেতে পানি উথলে সাগরে ।
খাল-নালা-চলাচল জোয়ারের তোড়ে ॥
অভাগীর যৌবন জোয়ার হইল কেমন ।
পতি বিনে সে জোয়ার না হবে বারণ ॥

ভাদ্র

ভাদ্রল প্রবেশ, বরিবার শেষ,
বন্ধু মোর না আসিল ।'

বন্ধু বিদেশে গিয়াছেন । আষাঢ়-শ্রাবণের বর্ষণের অত্যাচারে
তিনি ফিরিতে পারেন নাই । আজ ভাদ্রের গাঙে
তিনি তরী ভাসাইয়া আসিবেন !

কী সুন্দর ! কী আনন্দচঞ্চল এই ভাদ্রের নদী !
ভাদ্রে আদরিণী সাজিয়া নদী আজ সমুদ্রমিলনে চলিয়াছে—
আজ জলরাণীর স্বয়ম্বর, আজ নদীর লহরে মিলনগীতি ।
সে মিলনগীতির মুচ্ছনা প্রেমিক-প্রেমিকার হৃদয়েও মিলন-
বাসনা জাগ্রত করিয়া তুলিয়াছে । প্রেমিক প্রেমিকাকে
লইয়া তরী ভাসাইয়াছেন । তরী চেউয়ের দোলায়
নাচিতেছে, আর প্রেমিকা ভয়কম্পিত কলেবরে প্রিয়ের
বুক সবলে জড়াইয়া ধরিতেছেন । আজ বিরহী একাকী ।

এহিত ভাদ্র মাস জলের অতি বেগ ।
'কোষ' আরোহণে বেড়ায় আসক্-মাণ্ডক্ হে ॥
মোর প্রিয়া নাহি বেড়াইব কাকে নিয়া ।
প্রিয়া বিনা দিবানিশি জলে মোর হিয়া ॥

আর বিরহিণী ? তাহার মনের অবস্থা আরও ব্যথাতুর ।
তাহার চোখে শুধু বাহিরের ভরা গাঙই ছল-ছল করে না,
তাহার নিজের অন্তরের মধ্যেও যে একটা প্রেমের গাঙ
উচ্ছলিত, তার দেহের অণুতে অণুতে আজ যে একটা
যৌবনের গাঙ উচ্ছলিত, তাই তাহার চোখে বেশী করিয়া
জাগে । সে হাহাকার করিয়া বলে,

ভাদ্র মাসেতে হয় পানির স্বয়ম্বর ।
আনন্দে চালার রথী সাউদ সদাগর ॥

আমার যৌবনদী কেবা দিবে পাড়ি ।
পতি বিনে কে হইবে যৌবনের বাপারি ॥

আশ্বিন

আগমনী সুরে নাচিতে নাচিতে শিউলি-ফুলের মুক্তা
ছড়াইয়া শরৎ আসিয়াছে । প্রবাসী আজ দূর দেশান্তর
হইতে বরে ফিরিয়াছে । অভাগিনী বিরহিণীর পতি শুধু
আজও ফিরে নাই ।

আশ্বিনের শেষ, না আইলা দেশ,
মোর অতি দুখভার ।

এই দুঃখভারজর্জরিতা বিরহিণীর চোখে শরতের সকল
শোভা ব্যর্থ হইয়া যায় । বিরহিণী দেখে শুধু আকাশজোড়া
দুঃখ । ঐ যে শরতের উত্তানে ফুল ধরিয়াছে, উহাতে অলি
বসিতেছে না । উহা অনাদরে ঝরিয়া পড়িতেছে । হায়,
আশ্বিন কি ভাগ্যহীন ! যাহার জন্ত সে ফুলের পসরা
সাজাইয়া আছে, সে অলি ত কই আসিল
না ।

হেব আশ্বিন অভাগিনী আশ্বিন মতন ।
ফুল না বসিল অলি থাকিতে যৌবন ॥

কার্তিক

কার্তিকে ধানের ক্ষেত শস্তভারে অবনত । তাই ঘরে
ঘরে আনন্দ । বিরহিণী শুধু দীর্ঘনিঃশ্বাস ফেলিয়া ভাবেন,
আমার ক্ষেত আজও শূণ্য,—ফসল কাটার সময় আসিল—
আমি কি কাটিব ?

রাত্রে টুপ্-টুপ্ করিয়া শিশির পড়ে । বিরহিণী
ভাবেন, আকাশ যেন তাঁহারই মত বিরহব্যথায় গলিয়া
পড়িতেছে ।

'শিশির শিশির, অঙ্গ নহে হির
কোথা যাব বিরহিণী ॥'



অগ্রহায়ণ

কুটারের সামনে উদ্ভানে তিলের চাষ করা হইয়াছিল।
আজ সেই তিলে ফুল ধরিয়াছে। তাহাদের ঘিরিয়া মধুপদল
আজ গুঞ্জনরত। আজ আবার আনন্দের বাঁশী বাজিয়াছে।
কিন্তু

‘আমি অভাগীর অঙ্গ অনলে দাহন।’

বিরহিনী সে। তার তো প্রিয় বিনা কোন সুখই মনে
জাগে না।

পৌষ

পৌষ হইল বৈরা, আমি একেশ্বরী,
হেমশ্চের বাণ অতি।
উত্তর নারী, অকায় শরীর,
অভাগীর কিবা গতি ॥
হেমশ্চের বাণ, মধু পান্ পান্,
অঙ্গ কাপে ধর ধর।
আহা প্রাণপতি, নিষ্ঠুর প্রকৃতি।
না লইলা মর্ত্য মোর ॥

গৃহে বসিয়া বিরহিনী বিলাপ করেন। প্রবাসে বিলাপ
করেন বিরহী।

এহিত পৌষ মাস নানা খাত্তের বাহার।
সকলে খাবে সুখে, কে খাওয়াবে মোরে হে ॥

প্রিয়ার হাতের পেলব স্পর্শ না থাকিলে কোন খাবারই
যে সুমিষ্ট হয় না, বিরহী প্রবাসে বসিয়া মর্মে মর্মে তা
উপলব্ধি করেন।

মাঘ

বিরহিনী—মাঘের জারে বাঘের অঙ্গ কাপে ধর ধর।
পতির বৃকে যেই নারী শোয় একান্তর ॥
শীত জার নাহি কিছু সেই নারীর অঙ্গে।
অভাগিনী মরি জারে, পতি নাহি সঙ্গে ॥

প্রবেশ মঞ্জিল, যুবতী সকল,
হিম ভয় মনে গুণি।
স্বামী সঙ্গে মিলি, করে কোলাকুলি
অভাগিনী একাকিনী ॥
হিমতে দহিয়া, মম অঙ্গ হিয়া,
হইল আমার কালা।
হেন শীতকালে, কান্ত নাহি কোলে,
কত সহে প্রাণে জালা।

বিরহী—এহিত মাঘ মাস, শীতের অতি বেগ।
লেপ গাত্রে নারী পুরুষ থাকে এক সাথ ॥
মোর প্রাণ-প্রিয়া নাই, কে রহিবে কাছে।
বিরহ-অনলে প্রাণ দাহন হইছে ॥

ফাল্গুন

কোকিল বসন্তের আগমনী গাহিয়া বিরহীর দুয়ারে
আসিয়া বা দিয়াছে। বিরহী ভাবিতেছেন—

এহিত ফাল্গুন মাস, বসন্তের বাহার।
কোকিল করিছে গান, কুহু কুহু স্বর ॥
বিরহবিচ্ছেদে পোড়া অন্তর যাহার।
কোকিলের স্বরে প্রাণ বাঁচা তার ভার ॥

বিরহিনীর কাছেও ফাল্গুন আগুনের অবতার।

ফাল্গুনে বসন্তবায়ে কুহরে কোকিলে।
নারীর শরীর দহে বিচ্ছেদ-অনলে ॥
যার পতি ঘরে আছে নিভায় অনল।
অভাগীর পতি নাই কে ঢালিবে জল ॥

কোকিলের কুহরণে প্রাণে আগুন জলিয়া উঠে।
প্রিয়তমের আদর সে আগুন নিভাইবার একমাত্র জল।
কিন্তু তিনি তো কাছে কাছে নাই। এ অগ্নিকুণ্ডে সে
জল ঢালিবে কে ?

এই আগুনে এমন করিয়া দগ্ধ হইতে হইবে, এ জানিলে
কে এ প্রেম করিত। এ যে সাধ করিয়া কাটারি
গিলিয়াছি; গিলিতেও পারি না, ফেলিতেও পারি
না।

শ্রীবিমল সেন

মদনের বাণ, অঙ্গ খান্ খান্
নিজ কাণ্ডে মনে স্মরি।
সহিতে না পারি, খাইসু কাটারি,
যৌবন হইল বৈরী ॥

চৈত্র

এমনি বাথায় বাথায় বর্ষ শেষ হইয়া চৈত্র আসিল
গ্রাস্ত তাহার অনলনীলা লইয়া আকাশের কোণে দেখা
দিল। লুহ করিয়া উতলা বাতাস বয়, আর তপ্ত ধূলিজাল
বাতায়ন পথ বাহিয়া উদাসিনী বিরহিনীর পায়ে তপ্ত
লৌহশলাকার মত বিদ্ধ হয়। বিরহিনী অশ্রুপূর্ণ নয়নে ভাবেন,

চৈত্র মাসেতে বড় ধুলের তাড়ন।
ছট্ ফট্ করে অঙ্গ জ্বালায় দাহন ॥
যার পতি ঘরে আছে, শীতল সে নারী।
পতি বিনে অভাগিনী জ্বলে পুড়ে মরি ॥

শুধু কি ধুলির তাড়ন? বসন্ত-চারী কোকিল আজিও
কুহরণক্ষান্ত হয় নাই।

বাতায়নপার্শ্বে উঠান—উঠানে ফুলে ফুলে উন্মুখ
ভ্রমরের গুঞ্জন। যেন নবযৌবনা পরীর দল পাখা
ছড়াইয়া ভ্রমর বধুকে হৃদি-সঞ্চিত মধুপানে আহ্বান
করিতেছে, আর মধুকরবন্দ সে আহ্বানের প্রতিধ্বনি
তুলিতেছে!

চৈত্রেতে তপন, অঙ্গির পবন,
সদা হানে প্রেমবাণ।
শুনি পিকনাদ, ঘটায় প্রমাদ,
বিকল সদাই প্রাণ ॥
আহা প্রাণেশ্বর, দহে কলেবর,
হইল অলি প্রাণ বৈরী।
সদাই গুঞ্জরে, বসি পুষ্পপরে,
মধু খায় মোরে হেরি ॥

বিরহের বার মাস এইরূপ এক অবিচ্ছিন্ন দুঃখের দীর্ঘ
সংগ্রহ। প্রাণ দিয়া অশ্রুভব না করিলে এ বারমাসীর
সার্থকতা বোঝা যায় না।

পীরিতি

প্রেমতত্ত্বের আলোচনা বা উদাহরণ প্রসঙ্গে ইসলামি
প্রেমকাব্যসমূহে প্রেমের যে স্বরূপ বর্ণিত হইয়াছে তাহা
বাস্তবিকই অপূর্ণ। প্রেম বা পীরিতি কবির চক্ষে শুধু যুবক-
যুবতীর আসক্তি বা বহিমিলন নয়। ইহা হইল পবিত্র
আন্তরিক একাত্মতা। এই পীরিতির উপর ভগবানের
অজস্র আশীর্বাদ। ভগবদ্-অনুগ্রহ ব্যতিরেকে কেহ এই
পীরিতির মন্ত্র অনুধাবন করিতে পারে না। প্রেম আমাদের
দেহের অণু-পরমাণুতে পরিব্যাপ্ত; কিন্তু তাহা আমরা
উপলব্ধি করিতে পারি না, যদি না ভগবানের রূপায়
আমাদের দিবা নেত্র উন্মীলিত হয়।

‘কেরামন কাত বিনে, তমু জ্ঞান চক্ষু কানে,
নাহি জানে থাকিয়া অজ্ঞেতে।’

আমার দেহ, চক্ষু, কান, আমার বিজ্ঞা, বুদ্ধি, জ্ঞান কেহ
তাহার সন্ধান দিতে পারে না ভগবানের রূপা চাই।
কারণ, এই প্রেম স্বয়ং ভগবানের সৃষ্টি। এমন এক দিন
ছিল, যখন ভগবান ছিলেন একা, আদি, অব্যক্ত। তখন
বিশ্বরক্ষাও ছিল না, গ্রহ উপগ্রহ ছিল না, বিচিত্র
জীবজগৎ ছিল না। সে একাকীত্ব বুদ্ধি ভগবানের ভালো
লাগিল না। তাহার ইচ্ছা হইল তিনি প্রেমের লীলা করেন
তাই বিশ্বভুবন সৃষ্ট হইল, জীবজগৎ সৃষ্ট হইল। আর
বিশ্বের অণুপরমাণু ব্যাপ্ত করিয়া রহিল প্রেম। এ প্রেম
আস্বাদ করিবার জন্ত ভগবান মহম্মদরূপে অবতীর্ণ
হইলেন।

পূর্বে প্রভু নিরাকারী, প্রেমধন সৃষ্টি করি,
সেই প্রেমে মজিয়া নিজতে।
আপনার তেজ দিয়া, আঞ্জা কৈল, গেলা হইয়া
সাকার মহম্মদ নামেতে ॥

তাই প্রেমময় ভগবান তাহার সৃষ্ট নরনারীর কাছে ভয়
চাহেন না, ভক্তিও চাহেন না। চাহেন হৃদয়ভরা বিরাট
ব্যাকুল প্রেম। কিন্তু প্রেম হইতে পারে, নিরাকার যিনি,



কেমন করিয়া তাঁহাকে ভালবাসিব? কবিগণ এর উত্তর দিয়াছেন। মানুষকে ভালবাসিলেই ভগবানকে ভালবাসা হয়।

সাকারে কি নিরাকারে, যাহাতেই প্রেম করে,
লভা তাহে প্রেমতে নজিলে।

ইসলামি শাস্ত্রের কথা জানি না, কিন্তু ইসলামি এই প্রেমকাবোর কথা বলিতে পারি, কবিগণ মানুষকে পরমেশ্বরের সাকার বিগ্রহ বলিয়া মনে করিয়া থাকেন। আমি গাজি-কালুর তর্ক হইতে কিছু কিছু উদ্ধৃত করিয়া দেখাইব, এ ধারণা তাঁদের মনে কতদূরভিৎগাড়িয়া বসিয়াছে।

কালু বলে, নাহি আছে খোদার আকার।
গাজি বলে যত মূর্তি সকলই তাঁহার ॥

তাই মানুষকে ভালবাসিলে সে ভালবাসা ভগবানের চরণেই পৌঁছে। প্রেমিক-প্রেমিকার শুদ্ধ প্রেম উভয়ের হৃদয়কে শুদ্ধ নির্মল উজ্জ্বল করিতে থাকে। তারপর এক শুভ মুহূর্তে দুই প্রাণ এক হইয়া যায়। দুই দেহ, এক প্রাণ। প্রেমময় ভগবান সেই একাত্ম প্রেমিক-প্রেমিকার হৃদয়ে আসন পাতেন।

প্রেমিক গাজী ও প্রেমিকা চম্পাবতী শুদ্ধ প্রেমে এমনই একাত্ম হইয়া গিয়াছিলেন। কালু গাজী দুই ভাই ধানে বসিয়াছেন। কালু ভগবানের ধ্যান করিতেছেন, কিন্তু গাজির ধ্যানস্তিমিত নেত্রের সম্মুখে চম্পাবতীর মূর্তি ভাসমান।

কালু বলে, এই ধানে খোদাকে হারাবে।
গাজি বলে, এই ধানে খোদা লভা হবে ॥
'চম্পাকে পাইবে কবে' কালু সাহা বলে।
গাজি বলে দুই মন এক হইয়া গেলে ॥

দুই মন যখন এক হইয়া যায়, তখন লালসা বা কামের কথার উদয় হয় না। অন্তরে তখন অনন্ত রূপের সমুদ্র ঢেউ খেলিয়া যায়। তাহার তলে পরমমাণিক্য। প্রেমিক সে-প্রেমসাগরে ডুব দিয়া সে-মাণিক্যের সন্ধান করেন।

কালু বলে কি করিবে পাইলে তাহারে।
গাজি বলে মিশে যাব সে রূপসাগরে।

রূপ! রূপ! রূপ! সর্বত্র প্রিয়তমার রূপের সমুদ্র
লীলা। যেদিকে চাই, সেইদিকে সে।

কালু বলে, চম্পাবতী কোথায় এখন।
গাজি বলে, চাহি দেখ মেলিয়া নয়ন ॥
কালু বলে, এইভাবে কতদিন হবে।
গাজি বলে ছাড়াছাড়ি আর নাহি হবে ॥

অল্পপরিসরের মধ্যে যাহারা প্রিয়তমার সঙ্গে মিলন চায়, তাহাদের বিরহের ভয় আছে, কিন্তু মিলনের ক্ষেত্র যাহাদের বিরাট তাহাদের বিরহ কোথায়? এই জড়দেহ দিয়া পাওয়াকেই তাহারা চরম পাওয়া মনে করে না। তাহারা মিলন উপভোগ করে অন্তর দিয়া। প্রিয়ার কথা ভাবিতে ভাবিতে বিশ্ব তাহাদের প্রিয়াময় হইয়া যায়। গাজি সেই মিলনের সাধক।

গাজির যোগা সহধর্মিনী চম্পাবতী এই মিলনানন্দে বিভোর। গাজি কাছে নাই, তাই বলিয়া চম্পাবতী তাঁহাকে হারান নাই।

বিরলে বসিয়া ধ্যান করে চম্পাবতী।
ভাবিতে ভাবিতে চম্পা হইল এমন।
যেদিকে যখন চায় মেলিয়া নয়ন ॥
দেখেন গাজির রূপ করে ঝিকিমিকি।
নয়ন ভরিয়া রূপ দেখে চল্লমুখী ॥
আকাশ পাতাল আর চতুর্দিকেতে।
গাজি বিনে আর কিছু না দেখে চক্ষেতে ॥
ভাবিতে ভাবিতে সেই রূপ মনোহর।
পার হইয়া গেল চম্পা রূপের সাগর ॥
আপনার কায়া-ছায়া সব পাশুরিয়া।
একেবারে চম্পাবতী গেল গাজি হইয়া ॥
গাজী হইয়া চম্পাবতী ভাবে আপনায়।
কেবা ছিল চম্পাবতী গু জিয়া না পায় ॥

চম্পা সাধনার শেষ অবস্থায় চির-মিলনের রাজ্যে আসিয়া পৌঁছিয়াছে। ইহার পরেই খোদা তাঁহাকে উদ্ধার করিবেন।

শ্রীবিমল সেন

কী সুন্দর প্রেমের এই পরিকল্পনা। পড়িতে পড়িতে মনে হয়, এক নূতন রাজ্যের অর্গল ধীরে ধীরে খুলিয়া যাইতেছে। সেখানে ভালবাসার মধ্যে দাঁড়াইয়া ভগবানের নাগাল পাওয়া যায়। সেখানে কবির বীণা বজ্রের তুলিয়া বলে,

ভাবিতে ভাবিতে সেই রূপ মনোহর।
পার হইয়া গেল চম্পা রূপের সাগর ॥

প্রেমিকের উপমা

প্রেম বিরাট। মানুষের ভাষা তাহার বিরাটরূপ বাস্তব করিতে পারে না। কিন্তু ছরস্তু অবুঝ শিশু যেমন চাঁদ ধরিবার আশায় হাত বাড়াইয়া থাকে, কবিকুলও তেমনি এই অসাধাসাধনে তাহাদের সমস্ত উপমা প্রয়োগ করিয়াছেন।

প্রেমিকার কাছে প্রেমিক কি? না—

প্রাণনাথ, প্রেমরসের চাঁদ, মুখের হাসি, অমূল্য রতন, ধড়ের জীবন, জেন্দেগীর বাস, রক্তের উল্লাস, ভূখের ভক্ষণ, গ্রীষ্মের পবন, নিশিকালের রঙ্গ, কানের কর্ণফুলী, চক্কের পুতুলী, মধুর ভাণ্ডার, অগ্নির শীতল, আনন্দমঙ্গল, জ্বোটের খেলোয়ার, রক্তের পোষাক, ফানুসের চেরাগ, ছামনের আয়না, রক্তের ছামান, নিশিরাত্নের সাথী, আঁধারের বাতি, নয়নের জ্যোতি, হার গজমতি, ফুলের ভোমর, যৌবনের চোর, কমলের অলি, রূপের মুরলী, জসনের জসিক, রসের রসিক, ধূপকালের ছায়, নয়াবাগের মেওয়া, কস্তুরী কাফুর, সিঁথির সিঁদুর, নয়নের কাজল ইত্যাদি ইত্যাদি।

প্রেমিক ও প্রেমিকাকে অনুরূপ বিশেষণে বিশেষিত করিয়াছেন।

রসিক

ইসলামি কবিদের ভাষায়, যার প্রেম একনিষ্ঠ, তিনি রসিক। রসিক যাহাকে একবার ভালবাসেন তাহাকে ঠিকদিনই ভালবাসেন। শত হৃৎ কণ্ঠের মধ্যেও তার প্রেম অব্যাহত।

প্রেম এমনি বিবর।
জলে, পোড়ে, তবু নাহি
ভোলেতো প্রিয়ায় ॥

(গুলে বকাওলি)

রসিকের কাছে প্রেম পরশমণিসদৃশ। রূপনদীতে স্নেহের তরঙ্গ উঠিতেছে, তাহারই তীরে বসিয়া রসিক প্রেমের সাধনা করিতেছেন।

পীরিতির রীতি ভাই, শুন্তে চাও যদি।
পীরিতি পরশ তুলা, রূপনু মেলে যদি ॥
নয়নে নয়ন মিশায় থাকে নিরবধি।
স্নেহের তরঙ্গে রঙ্গে বয়ে যায় নদী ॥

(গোলেনূর)

অরসিক ভ্রমরের মত মধু-পিয়াসী। যতদিন যৌবন-মধু থাকে, ততদিন তার আনাগোনা। শুকদল ফুলের সজ্জা ত্যাগ করিয়া সে নতুন ফুল খুঁজিয়া লয়। নারী হয়ত তাহাকে পীরিতি-মাথা প্রাণখানি উপহার দেয়,—সে পীরিতির মর্শ না জানিয়া তাহাকে অবহেলা করিয়া তাহার যৌবনকেই আকাজকা করে। তাই যৌবনের সঙ্গে সঙ্গে অরসিকের প্রেমও অস্তহিত হয়।

অরসিকের কাছে রস যদিই থাকে।
যেমন, পাকা আমে কঁকি দিয়ে খেয়ে যায় দাঁড়কাকে ॥
দেখ, পদ্মের নাগর ভোমরা বেটা, কোমর ভেঙে গেছে।
তবু, স্বভাবদোষে মরতে যায় অশ্রু ফুলের কাছে ॥
অরসিকের প্রেম তেমনি ঠিক থাকে না আর।
বিরহানল জ্বলে দিয়ে নেভায়নাক আর ॥
পোড়াকপাল পুড়িয়ে মারে, আর বলব কি।
এমন পোড়া পীরিতের মুখে আগুন দি ॥
এমন, কঠোর সঙ্গে করলে পীরিত মজে নাকো মন।
পথিকে কি যত জানে রত্ন সে কেমন ॥

মানভঞ্জন

প্রণয়ে অবিখ্যাস হইতে মানের জন্ম। মেঘ যেমন মাঝে-মাঝে সূর্যকে ঢাকে, মানও তেমনি মিলনকে বিচ্ছেদের



কালিমায় অন্তর্হিত করে। রাধা কৃষ্ণের মানলীলাই গীতি-কাব্যে মানের আদর্শ। ইসলামি কবিরাজ ইহার অনুকরণ করিয়াছেন। এ বিষয়ে তাঁদের মৌলিকত্ব কিছুই নাই।

নায়ক খণ্ডিতা নায়িকার সন্মুখে উপস্থিত হইয়া স্তুতি করিতেছেন—

কেন মান করে বসেছ ও বিধুমুখা !
হেসে হেসে ফিরে বসে কথা কওনা দেখি।
(গোলে নুর)

নায়িকা মুখ কাঁকাইয়া সমানে জবাব দিলেন,—

যে দাগা দিয়েছ প্রাণে, তুলিতে কি পারি আর !
যাও যাও শাহজাদা, তোমার পীরিতে নমস্কার ॥
খাগে নাহি বুঝে মনে, মজিলাম নিষ্ঠুরের মনে !
কল গেল, কলঙ্ক হ'ল, (এখন) প্রাণে বাঁচা ভার ॥
আলায় জলেছি বত, তোর গুণের গুণ কব কত !
এই হ'তে হ'লেম গেষ্ট, পীরিত না করব আর ॥
(গোলে বকাওলা)

নায়ক তখন খোসামুদির সুর আর এক পর্দা চড়াইয়া দিলেন . .

ফিরে বসে কথা কও, তুলে আজি শির ॥
মান লাজ ছেড়ে দাও, মোর পানে চাও :
বিধুমুখে মধু কথা আমারে শুনাও ॥ (গোলে নুর)

নায়িকা নিরুত্তর। নায়ক অগত্যা বলিলেন,

শোন প্রাণেশ্বরী, রূপসী হুম্মরী,
চন্দ্রমুখী মম প্রাণ ।
আমি তো তোমার, তুমি তো আমার,
নাহি করি অশু জ্ঞান ॥
বটে সাহা হই, তব ছাড়া নই,
দাস তব চরণেতে ।
গোস্ত-পেস্ত মোর, সকলি যে তোর,
প্রাণ মম তব হাতে ॥
এ দাস তোমার শুকুম-বরদার,
যাহা বল তাহা করি ।

আগুন-বিচেতে, কিম্বা যে কুয়াতে,
কহ, বাঁপ দিয়ে পড়ি ॥

(গোলে বকাওলা)

নায়িকা তবু নিরুত্তর। 'চরণের দাস' 'শুকুমবরদার' নায়ক তখন বলিলেন, পায়ে ধরি, ভিক্ষা করি, কথা কও ।

নায়িকা এত সহজে কথা কহিবেন না। নায়ককে দিয়া সত্য সত্যই পা ধরিয়া মান ভাঙ্গাইতে হইবে,—নায়ককে নিজের পায়ের তলায় লোটাইয়া তাহার গোমর ভাঙ্গাইতে হইবে। তাই নায়িকা মুখ ফিরাইয়া শ্লেষ করিয়া কহিলেন,

সখা, পায় ধরিতে কেন চাও হে
তুমি যারে ভালোবাসে, তার কাছে যাও হে ॥

(নিজাম পাগলা)

নায়ক তখন—

একথা শুনিয়া নিরাশ হইয়া
কাদে সাহা জারে জারে ।
কাদিয়া কাদিয়া, অস্থির হইয়া,
গিরিল পায়ের পরে ॥
গেরে যবে পায়, বিবি দেখে তায়,
কাদিয়া উঠাল ধরে ।
পায়ে লাগাইয়া, কাছে বসাইয়া,

ইত্যাদি রূপে পুনর্নির্লন হইল ।

শেষ কথা

শৃঙ্গারবর্ণনা ইসলামি প্রেমকাব্যে অত্যন্ত অশ্লীল এবং অপাঠ্য। কবিরাজ সকল কথাই খোলাখুলিভাবে লিখিয়াছেন। শুধু একজন কবি সংযত লেখনী চালাইয়াছেন বলিয়া শৃঙ্গার লীলা সম্বন্ধে প্রাথমিক দু-এক কথা বলিয়া বলিয়াছেন,

যে জন রসিক হবে, বুঝ ইয়ারায় ।
খোলসা করিয়া লেখা উচিত না হয় ॥

(নিজাম পাগলা)

ইসলামি কাব্যে একনিষ্ঠ প্রেমের নিদর্শন খুব কম। নায়ক প্রায় ক্ষেত্রেই বহু নারীতে আসক্ত। এক কবি এই বহু-প্রেমকে কটাক করিয়া গিয়াছেন। তাঁহার কথা তুলি। দিয়া এ প্রবন্ধের উপসংহার করিলাম।

তরুণ কিশোর

জসীমউদ্দীন

তরুণ কিশোর, তোমার জীবনে সবে এ ভোরের বেলা,
ভোরের বাতাস ভোরের কুসুম জুড়েছে রঙের খেলা।

রাতের কুহেলি-তলে,

তোমার জীবন উষার আকাশে শিশু রবিসম জলে।
এখনো পাখীরা উঠেনি জাগিয়া, শিশির রয়েছে ঘুমে,
কলঙ্কী চাঁদ পশ্চিমে হেলি' কৌমুদীলতা চুমে।

বধুর কোলেতে বধুরা ঘুমায় খোলেনি বাহুর বাধ,
দিবীর জলেতে নাহিয়া নাহিয়া মেটেনি তারার সাধ।

এখনো আসেনি অলি,

মধুর লোভেতে কোমল কুসুম ছুপায়েতে দলি' দলি'।
এখনো গোপন আঁধারের তলে আলোকের শতদল
মেঘে মেঘ লেগে বরণে বরণে করিতেছে টলমল।
এখনো বসিয়া সঁউতীর মালা গাঁথিছে ভোরের তারা,
ভোরের রঙীন শাড়ীখানি তার বুনান হয়নি সারা।

হায়রে তরুণ হায়,

এখনি যে সবে জাগিয়া উঠিবে প্রভাতের কিনারায়।
এখন হইবে লোক জানাজানি, মুখ চেনাচেনি আর,
হিসাব নিকাশ হইবে এখন কতটুকু আছে কার।
বিহগ ছাড়িয়া ভোরের ভজন, আহারের সন্ধানে
বাতাসে বাঁধিয়া পাখা-সেতু-বাঁধ ছুটিবে স্মদুর-পানে।
শূণ্ণ হাওয়ার শূণ্ণ ভরিতে বুকখানি করি শূন্যে
ফুলের দেউল হবে না উজাড় আজিকে প্রভাতে পুন।

তরুণ কিশোর ছেলে,

আমরা আজিকে ভাবিয়া না পাই তুমি হেথা কেন এলে ?
তুমি ভাই সেই ব্রজের রাখাল, পাতার মুকুট পরি'
তোমাদের রাজা আজো নাকি খেলে গঁেয়ো মাঠখানি ভরি'।
আজো নাকি সেই বাণীর রাজাটি তমাললতার কাঁদে
রণ জড়িয়ে নুপুর হারারে পথের ধূলায় কাঁদে।

কেন এলে তবে ভাই,

সোনার গোকুল আঁধার করিয়া এই মথুরার ঠাই।
হেথা যৌবন মেলিয়া ধরিয়া জমা-খরচের খাতা
লাভ লোকসান নিতেছে বুঝিয়া খুলিয়া পাতায় পাতা।
ওপারে গোকুল এপারে মথুরা মাঝে যমুনার জল,
পাপ মথুরার কাল বিষ ল'য়ে চলিছে সে অবিরল।
ওপারে কিশোর এপারে যুবক, রাজার দেউল বাড়ী—
পাষণের দেশে কেন এলে ভাই রাখালের দেশ ছাড়ি ?
তুমি যে কিশোর তোমার দেশেতে হিসাব নিকাশ নাই,
যে আসে নিকটে তাহারেই লও আপন বলিয়া তাই।
আজিও নিজেরে বিকাইতে পার ফুলের মালার দামে,
রূপকথা শুনি তোমাদের দেশে রূপকথা দেয়া নামে।
আজো কানে গৌর শিরীষ কুসুম, কিংগুক-মঞ্জরী,
অলকে বাঁধিয়া পাটল ফুলেতে ভ'রে লও উত্তরী।
আজিও চেননি সোনার আদর, চেননি মুক্তাহার,
হাসি মুখে তাই সোনা ঝ'রে পড়ে তোমাদের যার তার।
সখালা পাতাও সখাদের সাথে বিনা মূলে দাও প্রাণ,
এপারে মোদের মথুরার মত নাই দান প্রতিদান।
হেথা যৌবন যত কিছু এর খাতায় লিখিয়া লয়,
পাণ হ'তে এর চূণ খসে নাক—এমনি হিসাবময়।
হাসিটি হেথায় বাজারে বিক্রয়, গানের বেসাত করি'
হেথাকার লোক সুরের পরাণ ধনে মানে লয় ভরি।

হায়রে কিশোর হায় !

ফুলের পরাণ বিকাতে এসেছ এই পাপ-মথুরায়।
কালিন্দী-লতা গলায় জড়িয়ে সোণার গোকুল কাঁদে,
ব্রজের জুলাল বাঁধা নাহি পড়ে যেন মথুরার কাঁদে।
মাধবীলতার দোলনা বাঁধিয়া কদম্ব-শাখে-শাখে
কিশোর, তোমার কিশোর সখারা তোমারে যে ওই ডাকে।



ডাকে কেয়াবনে ফুলমঞ্জরী ঘন-দেয়া-সম্পাতে
মাটির বুকতে তমাল তাহার ফুল-বাছখানি পাতে
ঘরে ফিরে যাও সোনার কিশোর, এ পাপ-মথুরাপুরী
তোমার সোনার অঙ্গেতে দেবে বিষবাণ ছুঁড়ি ছুঁড়ি ।
তোমার গোকুল আজো শেখে নাই ভালবাসা বলে কারে,
ভালবেসে তাই বৃকে বেঁধে লগ্ন আদরিয়া যারে তারে ।
সেথায় তোমার কিশোরী বধুটি মাটির প্রদীপ ধরি'
তুলসীর মূলে প্রণাম যে অঁকে হয়ত তোমারে স্মরি' ।
হয়ত তাহাও জানেনা সে মেয়ে, জানেনা কুসুমহার,
এত যে আদরে গাঁথিছে সে তাহা গলায় দোলাবে কার ?
তুমিও হয়ত জান না কিশোর, সেই কিশোরীর লাগি'
মনে মনে কত দেউল গেঁথেছ কত না রজনী জাগি' ।
হয়ত তাহারি অলকে বাঁধিতে মাঠের কুসুম ফুল
কত দূর পথ ঘুরিয়া মরিছ কত পথ করি' ভুল ।
কারে ভালবাস কারে যে বাস না তোমরা শেখানি তাহা
আমোদের মত কামনার ফাঁদে চেননি উছ ও আহা !
মোদের মথুরা টলমল করে পাপ-লালসার ভারে,
ভোগের সমিধ জালিয়া আমরা পুড়িতেছি ভারে ভারে ।
তোমাদের প্রেম 'নিকষিত হেম কামনা নাহিক তার',
কিশোরভজন শিখিয়াছে কবি তাই ও ব্রজের গাঁয় ।
তোমাদের সেই ব্রজের ধূলায় প্রেমের বেসাত হয়,
সেখা কেউ তার মূলা জানে না এই বড় বিষয় ।
সেই ব্রজধূলি আজো ত মুছেন তোমার সোনার গায়,
কেন তবে ভাই, চরণ বাড়ালে যৌবন-মথুরায় ।

হারেরে প্রলাপী কবি !

কেউ কত পারে মুছিয়া লইতে ললাটের লেখা সবি ।
মথুরার রাজা টানিছে যে ভাই কালের রজু ধরে
তরুণ কিশোর, কেউ পারিবে না ধরিয়া রাখিতে তোরে ।
ওপারে গোকুল এপারে মথুরা মাঝে যমুনার জল,
নীল নগ্ননেতে তোমার বাধা বুঝি বয়ে যায় অবিরল !
তবু যে তোমারে যেতে হবে ভাই, সে পাষণ মথুরায়,
ফুলের বসতি ভাঙিয়া এখন ঘাইবি ফলের গায় ।

এমনি করিয়া ভাঙা বরষায় ফুলের ভূষণ খুলি'
কদম্ব-বঁধু শিহরিয়া উঠে শরৎ হাওয়ার ছলি ।'
এমনি করিয়া ভোরের শিশির শুকায় ভোরের ঘাসে,
মাধবী হারায় বৃকের সুরভি নিদাঘের নিখাসে ।

তোরে যেতে হবে চ'লে

এই গোকুলের ফুলের বাধন ছুপায়েতে দলে' দ'লে ।
তবু ফিরে চাও সোনার কিশোর, বিদায়-পথের ধার
কি ভূষণ তুমি ফেলে গেলে ব্রজে দেখে লই একবার ।
ওই সোনা মুখে আজো লেগে আছে জননার শত চুমো
দুটি কালো অঁখি আজো হ'তে পারে ঘুম গানে ঘুমঘুমো ।
ওই রাঙা ঠোটে গড়াইয়া গেছে কত না ভোরের ফুল,
বরণ তাদের আর পেলবতা লিখে গেছে নিভুল ।
কচি শিশু ল'য়ে ধরার মায়েরা যে আদর করিয়াছে,
সোনা ভাইদের সোনা মুখে বোন যত চুমা রাখিয়াছে,
সে সব আজিকে তোর ওই দেহে করিতেছে টলমল ;
নিখিল নারীর স্নেহের সলিলে তুই শিশু শতদল ।

রে কিশোর, এই মথুরার পণে সহসা দেখিয়া তোরে
মনে হয় যেন ও মণি কাহারে দেখেছিল এক ভোরে,
সে আমার এই কৈশোরহিয়া জীবনের এক তীরে
কোথা হ'তে যেন সোনার পাখীটি উড়ে এসেছিল ধীরে ।
পাখায় তাহার বেঁধে এনেছিল দূর গগনের লেখা
আর এনেছিল রঙীন উষার একটু সিঁদুর-রেখা ।
সে পাখী কখন উড়িয়া গিয়াছে মোর বাসুচর ছাড়ি,
আজিও তাহারে ডাকিয়া ডাকিয়া শূন্যে ছহাত নাড়ি ।

সোনার কিশোর ভাই,

তোমার মুখ হেরি মনে হয় যেন কোথায় ভাসিয়া যাই ।
এত কাছে তুই তবু মনে হয় আমাদের গেঁয়ো নদী
তার ওই পারে সাদা বালুচর শুকায় মিঠেল 'রোদি' ।
সেইখানে তুই ছটি রাঙা পারে অঁকিয়া পারের রেখা
চলেছিল একা বালুকার বৃকে পড়িয়া চেউএর লেখা ।

সে চরে এখনো মাঠের কৃষাণ বাঁধে নাই ছোট ঘর,
কৃষাণের বউ জাঙলা বাঁধেনি তাহার বুকের পর।
লাঙল সেথায় মাটিয়ে ফুঁড়িয়া গাহেনি ধানের গান,
জলের উপর ভাসিতেছে যেন মাটির এ মেটো খান।
বর্ষার নদী এঁকেছিল বৃকে ঢেউ দিয়ে আলপনা,
বর্ষা গিয়াছে ওই বালুচর আজো তাহা মুছিল না।
সেইখান দিয়ে চলেছ উধাও, চখা-চখি উড়ে আগে,
কোমল পাথার বাতাস তোমার কমল মুখেতে লাগে।
এপারে মোদের ভরের 'গেরাম', আমরা দোকানদার,
বাটখারা ল'য়ে মাপিতে শিখেছি কতটা ওজন কার।
তবু রে কিশোর, ওইপারে যবে ফিরাই নয়নখানি
এই কালো চোখে আজো এঁকে যায় অমরার হাতছানি।

ওপারেতে চর এপারেতে ভর মাঝে বহে গৈয়ো নদী
কিশোর কুমার, দেখিতাম তোরে ফিরিয়া দাঁড়াতি যদি
তোর সোনা মুখে উড়িতেছে আজো নতুন চরের বালি,
রাঙা ছুটি পাও চলিয়া চলিয়া রাঙা ছবি আঁকে খালি।
তুই আমাদের নদীটির মত ছপারে ছুটি তট
তুই মেয়ে যেন ছুইধারে টানে বড়ায়ে কাঁথের ঘট।
ওপারে ডাকিছে নয়া বালুচর কিশোর কালের সাথী,
এপারেতে ভর, ভরা যৌবন কামনা-বাথায় বাথী।
তুই হেথা ভাই ঘুমাইয়া থাক্ গৈয়ো নদীটির মত,
এপার ওপার ছুটি পাও ধ'রে কাঁচক বাসনা যত।



ভ্রমণ-স্মৃতি

শ্রীদেবেশচন্দ্র দাশ

আমরা তিনটি বন্ধু রেলগাড়ির একটি কামরা দখল করিয়া বসিয়া আছি। স্কফলা শশ্রুগ্রামলা বঙ্গপল্লীর মধ্য দিয়া আমরা চলিয়াছি। স্পেশাল গাড়ী কোন ষ্টেশনে অপ্রয়োজনে থামিবে না; কাজেই খুব দ্রুতবেগে চলিতে লাগিল। ক্রমে সন্ধ্যা ঘনাইয়া আসিল। কোন খান দিয়া রাত্রি দশটা বাজিয়া গেল, বুঝিতে পারিলাম না, রেস্টুরেন্ট-কারে আহারের ডাক পড়িল। সেখানে আমরা সকলেই সমবয়স্ক; কোন জাতি-ভেদ নাই, কাজেই আনন্দমতকারে আহার চলিল। মানুষ আপনার মধ্যে কর্তৃত্ব উচ্চ নীচ প্রভেদের গণ্ডী টানিয়া দিয়াছে—দিয়া আপনি বঞ্চিত হইয়াছে।

আহারশেষে আমরা নিজেদের কামরায় ফিরিয়া আসিলাম। ক্রমে বন্ধু দুইজন ঘুমাইয়া পড়িল, কিন্তু আমার ঘুম হইল না। আমি জানালা খুলিয়া বাহিরে তাকাইয়া রহিলাম। তখন গভীর রাত্রি। সূচীভেদে অন্ধকারের মধ্যে বড় কিছু দেখা যায় না। আকাশে তারা দুই একটি মাত্র মিটিমিটি জ্বলিতেছে। তিমিরাব-গুষ্ঠিত রজনীতে অভিসারিকার শাড়ীতে খচিত হীরকমালা যুগ্ম দীপ্তি বিকাশ করিতেছে। দূরে কয়েকটা পাহাড় দেখা যায়। তরঙ্গায়িত উপত্যকারাজির মাঝে মাঝে কুটারগুলি দেখিলে মনে হয় যেন সেগুলি শত্রু সৈন্যের দৃষ্টির অন্তরালে অবস্থিত শিবিরশ্রেণী। অন্ধকারে তরুরাজি নিস্তব্ধ হইয়া পরস্পর মাথাগুলি স্পর্শ করিয়া কোন গোপন বাণী প্রকাশ করিতে চেষ্টা করিতেছে কিন্তু ভাষায় বঞ্চিত বলিয়া মুক বেদনা প্রকাশ করিয়া নিবৃত্ত হইয়াছে। সে গুলি কি গাছ জানি না, তবু 'তমাল-তালীবনরাজিনীলা'র কথা মনে পড়ে। বাতাসের আসা যাওয়ার মধ্যে কত কিছুর আভাস পাওয়া যায়। তিমির-রাত্রির এই শব্দবিহীন শ্রোতে হৃদয়ে কি মন্ত্র পড়িয়া দেয়।

নৃত্যদোলায় রাত্রি কাটিয়া যায়। কখন ঘুমাইয়া পড়িলাম জানি না।

ঘুম ভাঙ্গিয়া গিয়াছে। আমরা তিনজন পাশাপাশি চুপ করিয়া বাহিরে তাকাইয়া আছি। চারিদিকে জীবনের সাড়া পাওয়া যাইতেছে। রাখাল গরুগুলিকে লইয়া বাহির হইয়াছে। আমার মনও ওই জাগরণোন্মুখ জীবনরাগিনীতে যোগ দিবার জগু উল্লসিত হইয়া উঠিয়াছে। দূরে পথের উপর পলাশ বকুল আশ্রুদানের জগু বাকুল হইয়া বসিয়া পড়িয়াছে। নীল আকাশ-পটে তরুণ অরুণের দীপ্তি প্রকাশ হইয়াছে। গ্রাম-ছাড়া ওই রাজ্যমাটির পথ আমাকে কোন অজানার অভিসারে ভুলাইয়াছে। ও পথ জানি না কোথায় শেষ হইয়াছে, ভাবিয়া কুল পাই না। দূরের ছুপ্রাপ্যের জগু এই আকাঙ্ক্ষা, এই বাকুলতা এ যে মানবমনের পক্ষে চিরন্তন। দূরের নেশা, গ্রাম-ছাড়া পথের নেশা মৃগচঞ্চলা আশারই মত মানবকে এই জীবনমরুতে ঘুরাইয়া বেড়ায়। তাহার শেষ কোথায় কেহ জানে না—জানে না বলিয়াই তাহা এত আকর্ষণ করে।

পথে মোগলসরাই ষ্টেশনে আমাদের চা-পান পর্ব শেষ হইল। তারপর আমরা কানী কান্টনমেন্ট ষ্টেশনে আসিয়া পৌঁছিলাম। তখন বড় তাড়াহুড়ার পালা লাগিয়া গেল। আমরা ব্যাগের মধ্যে স্নানের কাপড় লইয়া মোটরবাসে উঠিয়া বসিলাম। আমাদের প্রথম দ্রষ্টব্য ছিল সারনাথ। সারনাথ সেখানে হইতে সাত মাইল দূরে। সেখানে বৌদ্ধ যুগের অনেক নিদর্শন পাওয়া গিয়াছে। গবর্ণমেন্ট অনেক অর্থ ব্যয় করিয়া এই ধ্বংসাবশেষগুলিকে সাজাইয়া রাখিয়াছেন। পাথরের উপর সুন্দর কারুকার্যময় নানা প্রকার মূর্তি আমাদের বড় ভাল লাগিয়াছিল। চারিদিকে কত ধ্বংসস্থূপ

শ্রীদেবেশচন্দ্র দাশ


হইয়াছে। অতীতের এক গৌরবময় যুগের এই মুকুটগুলি যদি কোনরকমে ভাষা পাইত তাহা হইলে কত কথাই শুনিত পাইতাম। এইখানে মাত্র একদিন থাকিবার কথা, কাজেই আমাদের বাস ক্ষুদ্রবেগে সেন্ট্রাল কলেজ, রামকৃষ্ণ মিশন প্রভৃতি ঘুরিয়া হিন্দু বিশ্ববিদ্যালয়ে আসিল। বিশ্ববিদ্যালয় দেখিবার বস্তু বটে। এমন বিস্তীর্ণ মাঠের মধ্যে চারিদিকে বিকীর্ণ কারুকার্যময় মনোহর অট্টালিকা গুলি দেখিলে কোন রাজার আবাস বলিয়া মনে হয়। ইহার পাশে কলিকাতা বিশ্ববিদ্যালয়কে দাঁড় করাইলে পাখীর খাঁচা বলিয়াই মনে হইবে।

অতঃপর আমরা রাণী ভবানীর দুর্গাবাড়ীতে আসিলাম। মন্দিরটি বড় সুন্দর; তাহা ছাড়া বিদেশে বাঙ্গালীর মন্দির বলিয়া আমার চক্ষুতে আরও সুন্দর। এই মন্দির কাশীর মত দেবতাও মন্দিরবহুল স্থানেও অতি প্রসিদ্ধ।

পরদিন প্রতুবে আমরা লক্ষ্মোয়ে পৌঁছিলাম। দূর হইতেই সহর দেখিয়া মনে হইল “হ্যাঁ, এ অযোধার নবাবদের রাজধানী বটে। পঞ্চাশখানি টোঙ্কায় যখন আমরা রাজপথ দিয়া যাইতেছিলাম তখন

তই ধারের বাড়ী হইতে সাহেব মেমগণ উৎসুকনয়নে এই শোভাযাত্রা দেখিতেছিলেন। কয়েকজন বাঙ্গালী আসিয়া আমাদের সকল বৃত্তান্ত জানিয়া লইলেন। কাউন্সিল হাউস, উইলস্ফিল্ড পার্ক, রেসিডেন্সি প্রভৃতি ঘুরিয়া বেড়াইলাম। যদিকে তাকাই খালি প্রাসাদশ্রেণী। আজ অযোধার সে নবাব নাই; লক্ষ্মোয়ের সে ঐশ্বর্যও নাই। এক সময় লক্ষ্মী ভোগবিলাসের জন্ত প্রসিদ্ধ ছিল। এখনও ছত্রমঞ্জিল, মতি-মহল, সিকান্দার বাগ, কৈশরবাগ রহিয়াছে। এখনও আসেনাবাদ প্রাসাদে সিংহাসন রহিয়াছে; দ্বিতলে নবাব হুসামত বেগমদের কাছে যাইতেন, কিন্তু গোলকর্ধাধার

সিঁড়ি দিয়া তাঁহার নীচে আসিতে পারিতেন না। সে সিঁড়ি আজ রুদ্ধ। দিলখুসা প্রাসাদ এখন ভগ্নাবশেষ মাত্র। এই সকল প্রাসাদ আর নৃত্যগীতে মুখরিত হয় না; আর বিলাসের অবাধ স্রোত তাহাদের মধ্যে বহে না। কালস্রোতে সবই লুপ্ত হইয়া গিয়াছে। তবুও মুসলমানী শিল্পকণার নিদর্শন-গুলি আজও বর্তমান। কলিকাতার বড় বড় প্রাসাদে নানা প্রকার শিল্পধারা মিশিয়া খিচুড়ীর সৃষ্টি হইয়াছে; কিন্তু লক্ষ্মী একটা বিশেষ শিল্প-প্রণালীকে অল্পবিস্তর কৃতকার্যতার সহিত অনুসরণ করিয়াছে। শাহনজফে গাজীউদ্দিন ও তাঁহার বেগমদ্বয়ের কবর আছে। এই নবাবের কবরে



মাচ্ছি ভবন—লক্ষ্মী

আসিয়া আমরা একটা নূতন অনুভূতি পাইলাম। অবশ্য শাহজাহান তাজমহলে একটা সৌন্দর্য্য সৃষ্টি করিয়াছেন তাহার সহিত শাহনজফের তুলনা হয় না, তবু মনে রাখিতে হইবে যে সকলের অদৃষ্টে মঠ বা কবর প্রতিষ্ঠা করা ঘটে না; তাই বলিয়া অর্থ বা খ্যাতির মানদণ্ডে প্রেমের তুলনা করা চলে না।

লক্ষ্মী ত্যাগ করিয়া আমরা হরীকেশে আসিলাম। তখন প্রথম উবার আগমনী গাথার সঙ্গে সঙ্গে চতুর্দিক আনন্দময় মূর্তি ধারণ করিয়াছে। নিশাশেষের আকাশ সুনীল। সেই নীলিমা সর্বত্র ব্যাপ্ত হইয়া মাঠের উপরে, পর্বতের তলে,



নিজেকে বিস্তার করিয়াছে। দূর বনাস্তুর বৃক্ষলতার উপর মৃচ্ছিত হইয়া রহিয়াছে। ধীরে ধীরে বার্চ পাইনের অন্তরাল হইতে বালার্ক দেখা দিতে লাগিল। উষার পিছনে পিছনে সূর্যের এই অনন্তকাল ধরিয়া অনুসরণের শেষ নাই, সমাপ্তি নাই। সূর্যের স্নিগ্ধ কিরণমালা আমার মুখের উপর আসিয়া পড়িল। এ কার স্নেহস্পর্শ! মন নিবিড় আনন্দে ভরিয়া গেল। অরণ্যানীর তলে ছায়ারৌদ্রের খেলা যেন আমাদের সুখদুঃখময় জীবনের ছবি। আমাদের জীবনে এমনি সূর্যোদয় হয় কিন্তু তাহার মধ্যে মেঘেরও ছায়া পড়ে; পূর্ণ আলোক কোথাও তা পাই না। এ অনন্ত শোভাময় স্থানে কবে কোন সময়ে জীবনের বনে যৌবনবসন্ত প্রথম মলয়ময় নিঃশ্বাস ফেলিয়াছিল, সে সময় যে চিরনবীন আনন্দ-পুষ্পদল ফুটিয়াছিল, আজও তাহার শুকাইয়া যাইবার লক্ষণ দেখা যায় নাই, এখানে আছে কেবল স্বচ্ছ নীলাশ্বরের মধ্যে একটা প্রসন্ন কল্যাণ দৃষ্টি; প্রভাত শিশিরে ঝোঁত স্থির হাসি যেন স্বর্ণবীণার তন্ত্রী হইতে কোন সুরবালিকার চম্পক-অঞ্জুরি আঘাতে রণিয়া রণিয়া কাঁপে। সেই অনাহত ধ্বনি কি সকলের কর্ণে প্রবেশ করে? তরঙ্গের গতির মত, পুষ্পের সুগন্ধের মত, শিশিরসিক্ত তৃণদলের মুক্তালাবণের মত তাহা শুধু কারো মনে গোপন চরণ ফেলিয়া একটা নিভৃত স্থান অধিকার করে। এ সৌন্দর্যাসাগরের অক্ষুট কল্লোলধ্বনি মৃদু মৃদু আঘাতে হৃদয়বীণাতে যে তান জাগাইয়া তুলে তাহা আমাদের মনে বিদ্রাতের মত ক্ষণিক শিহরণ তুলিয়া কোথায় যেন চলিয়া যায়। সে সৌন্দর্য্য বুঝি আজ বিখ্যময় ব্যাপ্ত হইয়া গিয়াছে। সে যে সকলকে অব্যক্ত ভাষায় ডাকে।

আমরা পর্ব্বতের উপর উঠিবার পূর্বে হৃষীকেশের মন্দির দেখিতে গেলাম। নিকটেই খরস্রোতা গঙ্গা; নদীতে এত স্রোত যে হাত ডুবাইতেও ভয় হয়। মাছগুলি নির্ঝিল্লি খেলা করিতেছে। এখানে কেহ মাছ খায় না; মাছ নাম পর্য্যন্ত উচ্চারণ করিতে নাই। শুনিলাম বাঙ্গালীরা মাছ খায় বলিয়া সকলে তাহাদের ঘৃণা করে। আমরা চারিদিকে ঘোরাঘুরি করিয়া অবশেষে পাছাড়ে উঠিতে লাগিলাম। আমাদের গন্তব্যস্থল লছমন কোলা এখান হইতে প্রায় পাঁচ মাইল দূরে। অবিরত চড়াই ও উৎরাই ভাঙ্গিয়া যাইতে

হইবে। দূরে গাঢ়োয়ালের রাজপ্রসাদ দেখা যাইতেছে। অতি উৎসাহে আমি দ্রুতবেগে চলিতে লাগিলাম। সকলে বারণ করিল কিন্তু ইহা বারণ শুনিবার বয়স নহে। জানি চিরদিন এ উৎসাহ থাকিবে না। জানি জীবনের অবসাদময় অপরাহ্নে যখন প্রাণের রস শুকাইয়া আসিবে, যখন চক্ষুতে সবই নিরানন্দ লাগিবে তখনও এই চিন্তার একটা ক্লিষ্ট ক্লান্ত সুর মনে বাজিবে।

প্রাচীন কালের তপোবন আজ আকার ধরিয়া আমার সম্মুখে প্রতিভাত হইল। চারিদিকে শৈলমালা, নিম্নে প্রধর-বাহিনী, কলনাদিনী জঙ্কু কণ্ঠা। চারিদিকে অরণ্যের খেলা, উচ্চ পর্ব্বতচূড়া দৃষ্টি অবরোধ করে; অনন্ত আকাশের কেবল একটা খণ্ডের অখণ্ড রূপ দেখা যায়। দূরে তেমনই বিটপীবেষ্টিত প্রান্তর, তেমনই স্নিগ্ধশীকরসিক্ত পর্ব্বতপথ, তেমনই বিহঙ্গকাকলী। ইন্দ্রিয় অতীন্দ্রিয়ের সহিত এক হইয়া গিয়াছে। ইতস্তত-বিক্ষিপ্ত উপত্যকাগুলির মধ্যে গঙ্গা বালিকা-কণ্ঠার গায় খেলা করিতেছে; ধানগন্তীর ভূধরের সেদিকে ক্রক্ষেপ নাই। আপন মনে হিমালয় যোগ সাধনা করিতেছেন। চারিদিকে বৃদ্ধ তপস্বীর গভীর অথচ মধুর, ভয়ানক অথচ আনন্দদায়ক মূর্তি, চারিদিকে সাধকগণের মুখে দেবত্বের ছায়া। ঘন তরুরাজির অভিনব সবুজের নয়ন-মনোহর আবেদন, ক্ষণে ক্ষণে সিক্ত বায়ুর মধুর শিহরণ উপভোগ করিতে করিতে আমরা চলিয়াছি। ক্ষণে ক্ষণে মেঘ পর্ব্বতচূড়াকে ঢাকিয়া দিতেছে। এখানে বুঝি অসুখ বলিয়া কিছু নাই, অশাস্তি বলিয়া কিছু নাই, আছে কেবল অফুরন্ত জীবননদের অফুরন্ত অমৃতধারা। এখানে সন্ন্যাসিগণ আমাদের সভাতাক্লিষ্ট জীবনের সকল কৃত্রিম আবরণ ফেলিয়া দিয়া এই অনাবিল আনন্দস্রোতে ভাসিয়া যাইতেছে।

আমরা ক্লান্ত না হইয়াই লছমনকোলায় পৌঁছিলাম। এখানে গঙ্গার উপরে একটি দড়ির সেতু ছিল। পরে গভর্ণমেন্ট একটি লোহার সেতু করিয়া দেন। তাহাও তিন বৎসর হইল জলের স্রোতে ভাঙ্গিয়া গিয়াছে। আমরা অতি কষ্টে নৌকায় গঙ্গা পার হইয়া স্নান করিতে প্রস্তুত হইলাম। এই তুহিনীতল স্রোতে অবগাহন বড় সুবিধাজনক নহে। তবুও আমরা দল বাঁধিয়া একটি বড় পাথরের পাণে

শ্রীদেবেশচন্দ্র দাশ

জলে নামিয়া কোনরকমে স্নান করিলাম সেখানে শীতল জলে স্নান করিয়া গঙ্গার ওপারেই কিছু দূর চলিলাম। অকস্মাৎ পর্বতচূড়াগুলির উপরে ঘননীল মেঘসঞ্চারণ হইল। তাহার পরেই গুরুগর্জনে নীল অরণো শিহরণ জাগাইয়া প্রবল দৃষ্টি হইতে লাগিল। আমরা সেখানে একটি মন্দিরে আশ্রয় লইলাম। এদিকে বাহিরে বর্ষার অবিশ্রান্ত মৃদঙ্গধ্বনি হইতেছে।

সেদিন অপরাহ্নে আমরা হরিদ্বারে। কনথলের দক্ষ মন্দির দেখিয়া ফিরিয়া আসিয়া হরকী পিয়ারী (হরপ্রিয়া)-তে দাঁড়াইয়া আছি। এখনকার সে সৌন্দর্য্য তাহা একেবারে অতুলনীয়। মধ্যখানে একটি ইষ্টকবেদী। চারিদিকে শ্রোতস্বিনী আপন মনে ছুটিয়াছে। সম্মুখে হিমালয়ের

মস্তমুগ্ধ করিয়া ফেলিতেছে। সাক্ষাৎ গগনের তরল রক্তহৃদয় বাহিয়া যেখানে সীমা অসীমের নিবিড় সঙ্গ চায়, যেখানে রূপ ও কল্পনা এক হইয়া যায়, সেখানে আকাশ ও ধরণী নিভৃত মিলনে আলিঙ্গনবদ্ধ হইয়া পরস্পরের সকল সৌন্দর্য্য প্রকাশ করিয়া দিয়াছে। নিখিল বিশ্ব আত্মহারা হইয়া সেই সৌন্দর্য্যের মোহে স্তব্ধ; কোন সাড়া শব্দ নাই। বহু দিবসের সুখ দিয়া আঁকা, বহুযুগের সঙ্গীতে মাথা ধরাতলে সংসারধূলিজালে কত ক্লান্তি, কত বার্থতা রহিয়াছে, তাই আঁকো দুঃখে দৈন্তে আঁধারে মরণে অমর জ্যোতির শিখা, এসগো আলোকলিখা।”

ধরণীর তলে গগনের ছায়াতে, পর্বতের গায়ে ও অরণো যে রঙ্গীন আভা অনন্ত নব বসন্তের মায়ী বিস্তার করিয়াছে সে-আলো চিরদিন অগ্নান উজ্জ্বল হইয়া নন্দনবনমধুর স্বাদ বিতরণ করে না; মাত্র ক্ষণিকের জগ্ন স্বর্ণচ্ছায় ও পারের আলোকশিখাকে মরীচিকার মত প্রকাশ করে, সুখ শান্তির একটু আভাস দিয়া আবার লুকাইয়া যায়। চারিদিকে শৈলমালা; মধ্যে নিরলায় স্বচ্ছ নির্মলগঙ্গাপ্রবাহ। গিরিশ্রেণীর উপর যত দূর দৃষ্টি চলে কেবল একটা তরঙ্গায়িত রেখা দেখা যায়। সূর্য্যের আলো ক্রমেই সন্ধ্যাচ্ছায়ার মিলাইয়া আসে; দূরের অপরূপ জ্যোতিষ্কটা



গঙ্গাবক্ষে—হরিদ্বার।

চূড়ার পর চূড়ার অনন্ত শ্রেণী। মুগ্ধচিত্তে দেখিলাম অসীম তরঙ্গায়িত মেঘপুষ্পসদৃশ ঘনায়মান পর্বতশ্রেণী। দূরে বহুদূরে সর্বশেষ স্তরে অন্তগামী সূর্য্যের স্বর্ণ-কিরণে রচিত শাড়ীখানির মত দূরপ্রসারী দৃষ্টির তলায় ক্ষণে ক্ষণে পরিবর্তন-শীল অপরূপ দৃশ্য উদ্ভাসিত। শত শত সুরবালিকা দেবতাস্বা-গাধিরাজের সুদূর প্রান্তে বৃষি বিচরণ করে। তাহাদের স্বর্ণস্বত্রখচিত অম্বরের ঝিকিমিকি আলো, স্বর্ণভূষণের মজল হীরকছাতি এই অপরাহ্নের অন্তরাগে আমাকে

একটা মিশ্র আলোকের মধ্যে পড়িয়া স্নানায়মান হইয়া যায়। মৃগতৃষ্ণিকার মত সেই অলকাপুরী ধীরে ধীরে মিলাইয়া যায়। নিকটবর্তী পর্বতের গায়ে 'বার্চ' ও 'চিডের' শ্রামলতা সন্ধ্যা তখনও অধিকার করিয়া লইতে পারে নাই; দূরের দেবদারু ও ঝাউবন তাহাদের ঘন শ্রামলিমার উপর অনন্ত নীলিমার আবরণ টানিয়া দিয়া সেই অসীম বর্ণসমুদ্রে আত্মবিলাপ করিতেছে। ইচ্ছা হয়, ওই যেখানে সন্ধ্যার কূলে আকুল-প্রাণ অকুল পর্বতমালার উপর দিনের চিতা জলিতেছে,



যেখানে দিগ্ধু অশ্রুজলে ছলছল আঁগি, ওইখানে ওই কনক-
লাবণাসায়রে তরণী ভাসাইয়া দিই ; সুখ দুঃখের ছায়ারৌদ্র-
করে মাথা উর্নিম্বথর সাগর পশ্চাতে পড়িয়া থাক ; কেবল
ওপারের সুদূরতা ও অস্পষ্টতাময় মধুর রহস্যলোকে নির্ভাবনায়
চলিয়া যাই ।

সূর্য ধীরে ধীরে ডুবিব । দ্রবীভূত গাঢ়রক্তিম পরপারের
চিত্রার্চিত পর্বতমালার উপরে বৃক্ষাবলীর উজ্জল শাখাপল্লবের
মধ্য দিয়া নামিয়া গেল । সম্মুখে সূর্যাস্ত ; পশ্চাতে
চন্দ্রোদয় । অপর দিগন্তের দূর আকাশপটে মুদ্রিত ছায়াবৎ
তরুরাজির প্রচ্ছন্ন নিবিড়তার অন্তরাল হইতে চন্দ্রমা ক্লাস্ত
রবির পানে তাকাইয়া আছে । পশ্চিমাকাশের বিচিত্র
বর্ণগৌরবের উপর দিয়া গেরুয়াবসনা সন্ধ্যা ধূসর আচ্ছাদন
টানিয়া দিয়াছে । পত্রের মর্ম্মরে কত বাকুলতা ! চঞ্চল
শ্রোতের জলে অশ্রুবৃষ্টি ভরা কোন্ মেঘের একখানি অচঞ্চল
ছায়া পড়িয়াছে । পূর্বসীমায় মাধুরীমখিত স্নিগ্ধোজ্জল
লাবণোর মধ্য দিয়া অর্ধপরিষ্কৃত চন্দ্রমা উঠিতেছে—আরও
ধীরে ধীরে আরও নীরবে ।

গঙ্গার হৃদয় যেন চন্দ্রোদয়ে আরও চঞ্চল । মৃদু সান্ধ্য
পবনে আন্দোলিত হইয়া দূর বৃক্ষান্তরাল হইতে দুই একটি

শুভ্র নগ্ন রশ্মি তাহার প্রবহমান হৃদয় স্পর্শ করিয়া কি এক
মধুময় বারতা প্রকাশ করিয়া গেল । এক দিকে লীনপ্রায়
অবসান ঘনীভূত ছায়ার মধ্যে আলোক ধীরে ধীরে মিলাইয়া
যায় ; অপর দিকে ছায়াময় নিবিড়তা ভেদ করিয়া অল্পে অল্পে
প্রশান্ত স্নিগ্ধালোক ফুটিয়া উঠে । দূরস্থিত ক্ষীণ তটভূমিতে
সে সন্ধ্যার ছায়া আর থাকে না । চতুর্দিকে শ্রামলা
বসুন্ধরার উচ্ছ্বসিত মূর্তি । দূরে দিগন্তবেলায় আকাশ
ধরণীকে স্পর্শ করিয়াছে । আর দেয়ী নাই ; এখনই
যাইতে হইবে । শুক্লাপঙ্কমীর বিবর্ণ পাণ্ডুর চন্দ্রমা পশ্চিম
গগনপ্রান্তে চলিয়া পড়িবে । হে ধ্যানমগ্ন গিরি !
সুখমৌন আকাশ ! হে ছায়াচ্ছন্ন অরণ্যানী ! অগ্নি স্বপ্নমুগ্ধে
নদী ! তোমাদের সকলের কাছে পরিপূর্ণ হৃদয়ে বিদায়
চাহিতেছি । আমার দিবার মত কিছুই ছিল না, তাই
কিছুই দিই নাই ; কিন্তু অনেক লইয়া গেলাম । বড়
সৌন্দর্যাময় ছবি দেখিয়াছি, আজ ইহাদিগকে অশ্রুজলের
স্ফটিক দিয়া বাধাইয়া স্মৃতির মর্ম্মরমন্দিরে প্রতিষ্ঠা করিব ।

(ক্রমশঃ)



ত্রয়ী

—গল্প—

—হুমায়ুন কবির

মানুষ কোনদিনই মানুষের মনের সন্ধান পাবে না ? যার সঙ্গে আমার যোগ রয়েছে ভাবি, যাকে সমস্ত অন্তর দিয়ে ভালবাসি, শ্রদ্ধা করি, হঠাৎ বিশ্বয়ের সঙ্গে দেখি আমি যাকে ভালবেসেছি এতো সে নয়, একে তো আমি চিনি না জানি না। অথচ সেই তার মুখ সেই তার হাসি, সেই তার রূপ। দিগন্তের চক্রবালরেখা যেমন চিরদিন এমন ক'রে দূরেই থাকবে চিরদিন এমনি ক'রে আমাদের অভিজ্ঞতার সীমানার পরপার থেকে আমাদের টানবে তেমনি মানুষের মনও বুঝি চিরদিন সুদূর রহস্যময় বিশ্বয়ের পূর্ণপাত্র হ'য়ে থাকবে ! যতই কাছে আসতে চাই যতই ব্যাকুল বাহু বাড়িয়ে তাকে ধরতে চাই, ততই যেন সে দূরে স'রে যায়, সকল মায়া সকল প্রলোভন এড়িয়ে কেবলি পালিয়ে বেড়ায়। নিয়ত প্রেমের উচ্ছ্বসিত লীলাভঙ্গে জীবন তরঙ্গিত হ'য়ে ওঠে, চক্রকিরণের জোয়ারে মানুষের মন দখিন বাতাসের মত সৌরভে মদির হ'য়ে ওঠে, কিন্তু প্রেমের পরিতৃপ্তি কোথায় ? বড় বেশী ক'রে যাকে পেতে চাই, তাকেই আমরা হারাই। সমস্ত অন্তর সমস্ত ইচ্ছিয় দিয়ে যাকে আকাজকা করি, তারই হৃদয় বারে বারে ভুল করি, মিছামিছি তার ওপর রাগ করি, আপনাকে ধিক্কার দিই। একটু হাসি একটু চোখের চাওয়া একটু করুণ দৃষ্টিতে মন কৃতজ্ঞতায় ভ'রে যায়, একটু প্রীতির ছোঁয়া পেলেই ভাবে যে এই বুঝি পেলাম, এই বুঝি আমার সন্ধান সফল হ'ল। কিন্তু হায়, তার পরে দেখি হাসিতে যে চোখের জল মেশানো ছিল সে তো দেখতে পাইনি, ফুলের তলার কাঁটা ছিল, সুধাপাত্রের কানায় যে বিষ ছিল সে তো জানিনি। হৃদয়ের একটি কোণ মাত্র দেখেছিলাম, মহাসাগরের তরঙ্গলীলা একবার মাত্র চকিতে আভাসে দেখা দিয়েছিল, কিন্তু অজানা জীবনসাগর তো অজানাই র'য়ে গেল ; তার তরঙ্গভঙ্গের যে কোন দিগন্তে অবসান, সে সন্ধান তো মিলল না।

তখন হৃদয় কাঁদে, অভিমান করে, ব্যাথায় জর্জর হ'য়ে ওঠে। ভাবে যাকে এত বিশ্বাস করেছিলাম, সেই এমন ক'রে আমার আঘাত দিল ! হায়, বারে বারে ভুলে যাই এ আঘাত সে তো ইচ্ছা ক'রে দেয়নি, হয়ত জেনেও দেয়নি, এ শুধু তারই হৃদয়সিকুর আর একটি তরঙ্গ।

সে দিন একথা ভাবিনি। তাই নিজেও কেঁদেছিলাম, তাদের দুজনাকেও কাঁদিয়েছি। আজ শুধু ভাবি যে জীবন আবার প্রথম থেকে শুরু করা যেতো ! হয়তো সে ভুল আবার করতাম না, হয়তো তেমনি ক'রে আবার বারে বারে ভুল বুঝে ব্যথা পেতাম ব্যথা দিতাম। হয়তো জীবনের গতি আবার সে দিনেরই মতন হোত, সেই আশঙ্কা সেই আনন্দ সেই সন্দেহে হৃদয় সেই দিনের মতনই ছলত।

তাদের দুজনাকেই আমি ভালবাসতাম। তাদের নাম আজো আমাকে উতলা ক'রে তোলে—তাদের নাম আমি বলতে পারব না। কাকে যে বেশী ভালবাসতাম সে বিচার আজ করতে বসব না—তবে বোধ হয় তাদের দুজনাকে আমি ছ'রকমে ভালবেসেছিলাম। দীপ্তির সঙ্গে যে আমার প্রথম কেমন ক'রে কোথায় পরিচয় হ'ল সে কথা আজ মনে নাই, কিন্তু সেই প্রথম পরিচয়েই আমার মনে পড়ে যে তার চেহারায় এমন একটা তেজ একটা দীপ্তি দেখেছিলাম যে তার স্মৃতি আমাকে আজো মুগ্ধ করে। বাঙলা দেশের লোকের চোখে হয়তো তাকে সুন্দর লাগবে না কারণ তার রঙ ছিল শামলা কিন্তু তার মুখে চোখে কথায় ভাবে ইন্দ্রিতে এমন একটা আভা ফুটে বেরোত যে তাকে দেখলে মনে হ'ত এখানে প্রাণ যেন মূর্তিমতী হ'য়ে এসে দাঁড়িয়েছে। কোথাও যেন তার কোন দৌর্ভাগ্য নেই, কোন দ্বিধা নেই, কোন সঙ্কোচ নেই। তীরের মতন কোনদিকে অক্ষিপ না ক'রে সে আপনার মনে চ'লে যেত, চারিদিকের কথা তার



গায়ে লেগে খেন ঠিকরে পড়ত, তাকে স্পর্শও করতে পারত না।

আমি তাঁকে প্রথম দৃষ্টিতেই ভালবেসেছিলাম। আমার হৃদয়ের যৌবন বোধ হয় প্রেমের জন্য বুভুক্ষু হ'য়ে ছিল, সে আসতেই বিনা বিধায় বিনা প্রশ্নে তাকে বরণ ক'রে নিল। সেও বোধ হয় আমাকে প্রথম থেকেই ভালবেসেছিল কিন্তু তাঁর বিষয়ে জোর ক'রে আমি কিছু বলতে পারি নে, আজ পর্যন্ত সে আমার কাছে রহসাই র'য়ে গেছে। আমার মনে আছে আমি তাকে প্রথম যেদিন বললাম, দীপ্তি আমি তোমাকে ভালবাসি, সে বেশ অসঙ্কোচে তাঁকনয়ন দুটি আমার দিকে তুলে উত্তর দিল, সে তো আমি অনেক দিন জানি।

আমি উদ্বেগাকুল হৃদয়ে আগ্রহের সঙ্গে জিজ্ঞাসা করলাম—আর তুমি? তুমি কি আমার হবে?

চাপাহাসিতে চোখমুখ ভ'রে বিক্রপের তরল সুরে সে বলল, হ্যাঁ একটু বাসি বই কি? ফুল ভালবাসি, বই ভালবাসি আকাশ বাতাস মানুষ পশু পাখী সব কিছু ভালবাসি। তুমি কি অপরাধ করেছ যে কেবল তোমাকে ভালবাসব না?

আমি তার হাত টেনে নিয়ে কাতরভাবে বললাম, দেখ দীপ্তি, সব জিনিষ নিয়ে তুমি এমন বিক্রপ ক'রো না। আমার অন্তরের ভালবাসাকে যদি তুমি এমন ক'রে অবহেলা কর সে আমি সহিতে পারব না।

সে হাত না ছাড়িয়ে নিয়ে বেশ সহজ সুরেই বলল, তা আমি কি করব বল ত? আমি যদি তোমার মত গম্ভীর না হ'তে পারি, বা নাটকের নায়িকার মত প্রেম-বিগলিত স্বরে তোমায় প্রাণনাথ ব'লে জড়িয়ে ধরতে না পারি, তবে সে কি আমার বড় বেশী দোষ?

আমি তার হাত ছেড়ে দিলাম। বললাম, আমারই অপরাধ হয়েছে, ক্ষমা কর, আমি চললাম। তোমায় যদি কখনো অসন্তুষ্ট ক'রে থাকি তবে ক্ষমা কোরো, আর আজকার কথা ভুলে যেও।

আমি কিরতেই দীপ্তি বাধা দিয়ে বলল, এত সহজেই চ'লে যাচ্ছ—এই তোমায় ভালবাসা? আর ভোলা কি

এতই সহজ কথা? আমি কিন্তু এত সহজেই চ'লে যেতাম না।

আমি বাগ্ৰভাবে তার হাত বুকে চেপে ধ'রে জিজ্ঞাসা করলাম, তবে তুমি আমাকে ভালবাস? এত ক্ষণ ছল করছিলে?

দীপ্তি হেসে উঠল, বল, এই দেখ আবার তুমি আমায় এমন তাড়া দিতে শুরু করলে যে তোমাকে আর আমি শেষে সামলাতে পারব না! এত অশান্ত কেন হও?

আমি বললাম, মনে শান্তি নেই ব'লেই অশান্তি—আমার প্রশ্নের তবে উত্তর দেবে না?

আজ নয়, আর একদিন, ব'লেই আমাকে কোন কথার অবসর না দিয়ে সে চ'লে গেল—বহুক্ষণও যখন ফিরে এল না, তখন আমি অবশেষে চ'লে এলাম।

২

দীপ্তিকে সঙ্গে ক'রে বটানিক্‌সে বেড়াতে গিয়েছিলাম। আগের দিন সন্ধ্যা বেলা তাকে বলতেই সে যখন রাজি হ'ল তখন একটু আশ্চর্য হ'য়ে গেলাম। সে যে বিনা-প্রশ্নে এমন ক'রে যেতে স্বীকার করবে সে আমি ঠিক আশা করতে পারিনি। সকাল বেলা দুজনে এসে চাঁদপালে ষ্টীমারে উঠতেই দীপ্তি হঠাৎ ব'লে উঠল, শোন, আজ নাই বা গেলে। আমার একটু কাজ আছে।

আমি আশ্চর্য হ'য়ে বললাম তুমি তো বেশ! কাল রাজি হ'লে, আজ চাঁদপালে এলে, এতক্ষণ কোন কিছু বলনি, আর এখন জাহাজে উঠে মনে প'ড়ে গেল যে দরকারি কাজ প'ড়ে রয়েছে, আজ যাওয়া হবে না। তার চেয়ে সোজাসুজি বল না কেন যে একা আমার সঙ্গে যেতে ভয় পাচ্ছ?

দীপ্তি চুল ছুলিয়ে মাথা নাড়া দিয়ে বলল, ঈস, ভয়? তুমি বাধ না ভালুক যে তোমাকে দেখে ভয় পাব? আমার কাজ ছিল, বললাম আজ থাক, তা তুমি যখন গুনলে না তখন চলো।

আমি বললাম, না, সত্যি যদি ~~কাজ~~ কাজ থাকে, তবে আজ না হয় নাই বা গেলাম।

হুমায়ূন কবির

দীপ্তি আবদারের সুরে বল, বেশ তার চেয়ে বল না
কেন যে আমাকে নিয়ে যেতে তোমার ইচ্ছে নেই, সেই
একটা ওজর পেয়েছ অমনি পালাবার জন্ত বাস্তব হ'য়ে
উঠেছ! তা তুমি থাকবে তো থাক—আমি ত চললাম।
না হয় একাই যাব।

আমি কিছু না বলে তার মুখের দিকে তাকিয়ে
রইলাম, সে পরম নির্বিকার ভাবে বহুদূরে যে ছয়েকটি
সাদা গাঙচিল ভাসছিল তাদের গতি লক্ষ্য করতে
লাগল। জাহাজ ছেড়ে দিল। জলের শব্দ শুনে সে
চকিত হ'য়ে আমার মুখের দিকে তাকিয়ে দেখল যে
আমি তখনো তার মুখে তাকিয়ে আছি। জানি না
আমার মুখে কি দেখে যেন একটু ভয়ই পেল, হঠাৎ ত্রস্ত
কণ্ঠে বলে উঠল, তবে থাক, আজ যাব না। চল
ফিরে যাই।

তখন স্ত্রীমার অনেকটা চ'লে এসেছে। আমি বললাম,
আর তো ফেরা যায় না, দীপ্তি। আর আমার ফেরবার
বিশেষ ইচ্ছাও নাই। সেই কবিতাটি মনে আছে—It
is too late to say farewell ?

সে কিছু না বলে মুখ ফিরিয়ে চুপ ক'রে ব'সে রইল।
আমি ব'সে ব'সে তাকে দেখতে লাগলাম। হাতখানি
শিথিল ভাবে কোলের উপর প'ড়ে রয়েছে, ছয়েকটি চুল
ঘোমটার পাশ দিয়ে বাতাসে উড়ছে, সমস্ত দেহ শিথিল
ঢকল, কিন্তু কতখানি প্রাণশক্তি ওরই মধ্যে। হুহাতে
ধরে ওকে তো মাটির মত নোয়াতে পারি, কিন্তু ওই
বিদ্রোহের মতন দীপ্তি মনকে কি কোনদিন বশ মানাতে
পারবে? সাপের মত নিষ্ঠুর আর সুন্দর লাগছিল ওকে
—কিন্তু সত্যি সত্যি ওর হৃদয় করুণায় ভরা সে কথা
ভুলব কেমন ক'রে?

হঠাৎ আমার দিকে তীক্ষ্ণ চোখে তাকিয়ে বল,
তুমি কি আমার কোন অন্তত জানোয়ার পেয়েছ যে হাঁ
ক'রে আমার দিকে তাকিয়ে আছে? জাহাজের সবাই যে
তোমাকে দেখে হাসছে।

আমি লজ্জা পেয়ে চোখ নামিয়ে নিলাম। সারা দুপুর
বেলা ছুজনে বাগানের চারিদিকে ঘুরে দেখলাম। আমি

তো প্রায়ই ওখানে বেড়াতে যেতাম—দীপ্তি আগে কখনো
আসেনি—তাকে আমার যত প্রিয় পরিচিত জায়গা-
গুলি খুঁজে খুঁজে দেখাতে লাগলাম। যেখানে বাগানের
শেষে নদীটা হঠাৎ বেঁকে গেছে সেখানটা ভারী সুন্দর
দেখায়, সূর্যাস্তের সময় তার অপূর্ণ শোভার কথা ওকে
বললাম। সকাল বেলা ছুজনের মধ্যে কেমন একটা
সঙ্কোচ, একটা লজ্জার ছায়া এসে পড়েছিল, তাও ক্রমে
কেটে গেল। ওকে সন্ধ্যা পর্যন্ত থাকতে বলায়
তখনি রাজি হ'ল।

বিকেল যতই ঘনিয়ে আসতে লাগল ততই আমার
মনও যেন চঞ্চল হ'য়ে উঠতে লাগল। দেখলাম দীপ্তিও
যেন কেমন বিবর্ণ অথচ চঞ্চল হ'য়ে উঠেছে। তার যে
এত হাসি এত গান এত কথা সব যেন বন্ধ হ'য়ে
গেল। কথায় কথায় তার বিজ্ঞপ শানিত তরবারির মত
ঝিকমিক ক'রে উঠেছে, এখন তার মুখে যেন আর
কথা আসছে না। আমিও কিছু বলতে পারছিলাম না,
ছুজনে নীরবে পাশাপাশি চলেছি, একএকবার আমাদের
দেহ স্পর্শ করছে, আর ছুজনেই শিউরে উঠছি।

তখন ফাল্গুনের সূর্য্য তপ্ত আলোকে পৃথিবী পূর্ণ ক'রে
পশ্চিমে ঢ'লে পড়েছে। সারাদিন কোথায় ছায়ায় ব'সে
একটা কোকিল ডাকছিল, এতক্ষণ আমরা নিজেদের কথায়
মগ্ন ছিলাম, বাইরের পৃথিবীর কোন কিছু যেন আমাদের
স্পর্শ করে নি। কিন্তু এখন সে নীরবতার মধ্যে কোকিল
যেন বড় বেশী আকুল স্বরে গাইতে লাগল—তার সুর যেন
আরো মদির, আরো মোহময় হ'য়ে উঠল। দক্ষিণের
বাতাস সারাদিন ভ'রেই বয়েছে, এখন ফুল ঝরিয়ে পাতা
ছড়িয়ে আমাদের হৃদয়েও এসে যেন মাতামাতি করতে
লাগল।

সে নীরবতা অবশেষে আমার অসহ্য হ'য়ে উঠল। আমি
বললাম, ঐ একটা কোকিল ডাকছে, শুনছ না?

দীপ্তি মাটির থেকে মুখ না তুলেই বলল, হ্যাঁ।

আমার কথাও আবার ফুরিয়ে গেল। ছুজনে চলেছি,
সরুপথ, তার দেহসৌরভ আমাকে উন্মন ক'রে তুলছে,
এক একবার আমি তার দিকে তাকিয়ে দেখছি, চোখে চোখ



পড়তেই ছুজনে তাড়াতাড়ি চোখ ফিরিয়ে নিচ্ছি। আমার বুক চুরুচুরু করে কাঁপছে, বুঝতে পারছি যে দীপ্তিরও বুক কাঁপছে। হৃদস্পন্দনের শব্দ আর মাঝে মাঝে শুকনো পাতায় পা পড়লে মরমর করে উঠছে। তরুশাখায় দক্ষিণ বাতাসের অশ্রাস্ত কল্লোল।

আমি হঠাৎ ব'লে উঠলাম, এস, এখানে বসা যাক।

দীপ্তি যেন চমকে উঠল, বল, না চল।

পরক্ষণেই কি ভেবে বল, আচ্ছা, চল, বসি।

ছুজনে একটা গাছের তলায় ঘাসে বসলাম। আবার পানিকক্ষণ কারো মুখে কোন কথা নেই। দীপ্তি তার পায়ের তলায় ঘাস ছিঁড়ছিল, আর থেকে থেকে দাঁতে কাটাছিল। আমি একবার তার দিকে একবার দূরে গাছ-গুলির গায়ে সবুজ পাতা লক্ষ্যহীন চোখে দেখছিলাম।

অবশেষে আমি বললাম, দীপ্তি তুমি তো জানই যে আমি তোমাকে ভালবাসি। তুমি কিন্তু কোনদিন আমায় বলনি যে আমাকে তোমার ভাল লেগেছে কিনা। আজি আমি তোমার উত্তর চাই। এমন করে দোটানার মধ্যে আমি আর টিকতে পারছি না।

আমি কথা বলতে আরম্ভ করতেই দীপ্তি আমার দিকে তাকাল। পরক্ষণেই দৃষ্টি নামিয়ে নিয়ে দূরে একটা গাছের গুঁড়ির দিকে অপলক নেত্রে চেয়ে রইল। আমি কিন্তু দেখছিলাম যে ঘাস ছিঁড়তে ছিঁড়তে তার আঙুলগুলো একটু কাঁপছে।

আমার কথা শেষ হ'তেই সে উত্তর দিল, তাই বুঝি আজ আমাকে তোমার কবলের মধ্যে পেয়ে জোর করে আমার কাছ থেকে উত্তর আদায় করতে চাও। এই জন্মেই বুঝি আমাকে বেড়াবার ছল করে বটানিক্সে নিয়ে এসেছ?

আজ তার এ খোঁচায় আমি চটললাম না। লক্ষ্য করলাম যে তার মুখে হাসি এল না কেবল ঠোঁট দুখানি একটু কাঁপছে। চোখে বাকুল চঞ্চল দৃষ্টি, সর্কাজে ভয়ের চিহ্ন।

আমি উত্তর দিলাম, বিক্রম করে আমায় অনেকদিন ঠেকিয়ে রেখেছে, দীপ্তি—আজ আর পারবে না। আজ

আমি তোমার মন জানবই—এ সন্দেহ আর আমি সহিতে পারছি না। আমার পরে তুমি এত নিষ্ঠুর কেন, দীপ্তি?

দীপ্তি লাফিয়ে দাঁড়িয়ে বল, আমি চললাম, তুমি আসবে তো এসো। আমার কাজ আছে আগেই তো বলেছি। এখন তাড়াতাড়ি না গেলে এ জাহাজ আর পাবো না—বড্ড দেবী হ'য়ে যাবে তা' হ'লে।

আমি তার হাত ধ'রে তাকে বসিয়ে বললাম, ঈমার আসবার এখনো অনেক দেবী। তোমাকে আমি জানি বাপু, এরকম করে তুমি আমার কাছ থেকে পালাতে পারবে না। আজ যদি সারারাত্তির এখানে থাকতে হয়, তবু আমি আমার কথার উত্তর না দিলে তোমাকে যেতে দেবো না।

দীপ্তি ভয়বাকুল কণ্ঠে বল, কি আমাকে সারা রাত্তির তুমি আটকে রাখবে, আমি উত্তর না দিলে?

আমি বললাম, হ্যাঁ।

দীপ্তির মুখ নিমেষে কঠিন হ'য়ে উঠল, বল, এই আমি চললাম, যদি পারো তো আমাকে আটকাও।

ব'লেই সে দাঁড়িয়ে চলতে লাগল। আমি উঠে তার হাত জোরে চেপে ধ'রে বললাম, দেখ এ ছেলেখেলা নয়। তোমাকে গায়ের জোরে আটকে রাখবার অধিকার আমার নেই সে আমি জানি। কিন্তু তুমিও জেনে রেখো যে আমি আর বেশীদিন আমাকে নিয়ে এ রকম খেলা সহিব না। হয় আমি জোর করে তোমাকে নেবই, নইলে তোমার সঙ্গে আমার সমস্ত সঙ্কল্পের শেষ হবে।

দীপ্তি কিছু না ব'লে চলতে শুরু করল। আমিও সঙ্গে সঙ্গে চললাম। বললাম, তুমি কি মানুষ, না পাষণ?

সে কোন উত্তর দিল না।

ঈমার এল। একটা কথাও না ব'লে ছুজনে পাশাপাশি বসলাম। সারা পথ কেউ কোন কথা বলিনি। তাকে বাড়ী পৌঁছে দিয়ে চ'লে আসছি, এমন সময় হঠাৎ সে বল, কাল আসবে না? এসো কিন্তু।

আমি গম্ভীর মুখে 'আচ্ছা' ব'লে চ'লে এলাম।

পরদিন দীপ্তির বাসায় গিয়ে যখন শুনলাম সে কোথায় বেড়াতে বেরিয়ে গেছে, তখন কেবল নিজের ওপর রাগ

হুমায়ূন কবির

হাতে লাগল। আমার মনে হ'তে লাগল যে সে
এ রকম ক'রে বিক্রপ করতেই আমাকে ডেকেছিল।
তবু কেন যে তার কথায় বিশ্বাস ক'রে এসেছিলাম তা ভেবে
নিজেরই আশ্চর্য লাগতে লাগল। একটু দুঃখও পেলাম
কিন্তু তার চেয়ে বেশী হচ্ছিল রাগ। বাড়ী ফিরেই তাকে
একটা চিঠি লিখলাম—তোমার ব্যবহারে আশ্চর্য আমি
মোটাই হইনি; তবে নিজের দৌরলভা ও নিরুদ্ভিতায়
নিজেকে ধিক্কার দিতে ইচ্ছা করছে। থাক, সে কথা
নিয়ে তোমাকে কোন অনুযোগ আজ করতে চাই না।
আমি দুয়েকদিনের মধ্যেই কলকাতা ছেড়ে চ'লে যাচ্ছি, বোধ
হয় শিগ্গির ফেরবার কোন সম্ভাবনা নাই। কারণ হয়তো
তুমি বুঝতে পারবে। তোমায় যদি কখনো বিরক্ত ক'রে
থাকি তবে আমার এ অজ্ঞানরূত অপরাধ ক্ষমা কোরো।
তোমার সঙ্গে হয়তো এ জীবনে আর দেখা হবে না—অন্তত
আমি তো সেই চেষ্টা করব।

মনটা ভারী খারাপ হ'য়ে গেল। সেদিন বা তার পরদিন
কোথাও বাইরে গেলাম না। জিনিষপত্র গুছিয়ে বহুদিনের
পুরাতন চিঠিপত্র সাজিয়ে ঘরে কি কাজ করছিলাম, এমন
সময় দীপ্তির একটা চিঠি পেলাম, তোমার সঙ্গে
ভয়ানক দরকারি কথা আছে, আজ বিকেলে
অবশ্য অবশ্য এসো। আমি তোমার জন্ত অপেক্ষা
করব।

কোন রকমে অশান্ত মনকে বশে এনেছিলাম—সে
আবার উতলা হ'য়ে উঠল আবার আকাশকুসুম রচনা করতে
স্বর ক'রে দিল।—হায়রে মানুষের মন, এত সহজেই আনন্দে
নেচে ওঠে, আবার একটু আঘাতেই চোখে পৃথিবীর আলো
মান হ'য়ে যায়। মনের অবস্থা যে কি রকম হ'ল ঠিক ক'রে
বলতে পারব না। "আবেগ, আশা, আশঙ্কায় পৃথিবী যেন
লিচ্ছিল, আমার দেহমন ভ'রে যেন পাগল হাওয়ার
সাতামাতি।

দীপ্তি বলল, তুমি বাড়ী যাবে শুনলাম, তোমার সঙ্গে তো
ভ্রুদিন দেখা হবে না তাই ডেকেছিলাম।

আমি প্রায় হতাশ হ'য়ে বললাম—এই তোমার দরকারি
কথা ?

দীপ্তি আমার কথা গ্রাহ্য না ক'রে বলল, এমন সময় হঠাৎ
বাড়ী যাওয়া কেন? তোমার কি না গেলেই নয়?

আমি বললাম, সে কথা শুনে আজ আর কি হবে, দীপ্তি?
সে বলল, তুমি যেও না, এখন থাক।

আমি বললাম, না সে আর হয় না, দীপ্তি। এ সন্দেহ
সংশয়ের মধ্যে আমি আর থাকতে পারব না—আমি
তোমার কাছে থেকে দূরে চ'লে যেতে চাই—

মাটির দিকে মুখ নামিয়ে অত্যন্ত ধীরে ধীরে প্রায় জড়িত
কণ্ঠে দীপ্তি বলল, আমি যদি বলি, তবু থাকবে না?

আমি তার মুখে তাকিয়ে উত্তর দিলাম, তুমি
যদি বল, তবে থাকব। কিন্তু তার অর্থ কি সে তো
জান।

আমি তার মুখের দিকে চেয়ে রইলাম। সে চোখ তুলে
একবার আমার চোখে চাইল। চোখে চোখ পড়তেই চকিতে
মুখ নামিয়ে নত হ'য়ে নিস্তব্ধ হ'য়ে রইল। দেখলাম তার মুখ
বিবর্ণ, ললাটে শ্বেদবিন্দু, সমস্ত শরীর অবসন্ন, অসহায়।

দীর্ঘ মুহূর্তগুলি যেন কাটে না। দুজনের হৃদয়ের
স্পন্দন আর বাইরে বহু দূরের একটা অস্পষ্ট অফুট
অবিশ্রান্ত গুঞ্জন ভিন্ন কোথাও কোন শব্দ নেই। বহুকণ
পরে সেই নিবিড় নিস্তব্ধতা ভেদ ক'রে দীপ্তি একটা দীর্ঘশ্বাস
ফেলল, বলল, না তবে থাক। বাড়ী থেকে ফিরবে কবে?

কোন রকমে উত্তর দিলাম, জানিনে।

আবার নীরব মুহূর্তগুলি মধুর পদক্ষেপে চলতে লাগল।
আমার সামনে নত মস্তকে নীরব বাকাহীনা দীপ্তিকে দেখে
মনে হচ্ছিল যেন মূর্তিমতী প্রাণধারা এখানে এসে
নিস্তব্ধ হ'য়ে গেছে। আমার হৃদয় করণায় ভ'রে গেলো,
আমি বললাম, দীপ্তি, কেন তুমি আমাকে কষ্ট দিচ্ছ,
নিজেও কষ্ট পাচ্ছ। তুমি যে আমাকে ভালবাস সে কথা
আর লুকোতে পারবে না—আর আমার কথা তো জানই।
তুমি এসে আমার ভার না নিলে আমার সমস্ত জীবন
ছারখার হ'য়ে যাবে। দুটো জীবনকে এমন ক'রে ব্যর্থ
করবে কেন দীপ্তি? বল, আমি থাকব?

দীপ্তি মাটির থেকে মুখ না তুলেই বলতে শুরু করল—
ওর মুখে আমি কখনো এত আস্তে কথা শুনিনি, প্রত্যেকটি



কথা যেন অন্তরের অন্তর থেকে বেরিয়ে আসছে—অত্যন্ত ধীরে ধীরে বল, তোমাকে ভালবাসি সে কথা অস্বীকার করব না। তুমিও আমাকে যে ভালবাস সে কথা জানি। কিন্তু এখন যেমন আছি চিরদিন তেমনি থাকতে পারব না কেন? তুমি কেন আমাকে আরো কাছে চাও? না, না, না, সে আমি পারব না, তুমি আমার কাছে যা চাও, সে আমি দিতে পারব না।

আমার মন কঠিন হ'য়ে উঠল, বললাম, তোমার ভালবাসার অর্থ আমি বুঝি না। ভালবাসার ধর্মই আরো নিবিড় ক'রে চাওয়া, তুমি যদি আমাকে ভালবাস তবে অসঙ্কোচে আমার কাছে ধরা দিতে পারবে না কেন?

দীপ্তি হতাশ কণ্ঠে বল, না, সে তুমি বুঝবে না।

আমি বললাম, তবে যাই দীপ্তি। আশা করি এ জীবনে যেন আমাদের আর দেখা না হয়। দূরে থেকে তুমি সুখী হয়েছো শুনলেই আমি খুসী হ'বো।

দীপ্তি আর্ত কণ্ঠে বল, আমায় ক্ষমা কর—যাবার সময় আমার সমস্ত অপরাধ ক্ষমা করেছ বলে যাও। আমি তোমার যোগ্য নই—কেন তুমি আমাকে ভালবাসলে?

এত ছুখেও আমার হাসি এলো। বললাম, তুমি ত আমার সকল অপরাধ ক্ষমা কোরো। অনেকদিন তোমাকে অনেক আঘাত দিয়েছি, সেগুলো ভুলে যেও।

দীপ্তি আরও গভীর বিষণ্ণ নয়নে আমার দিকে চেয়ে রইল।

৪

বছ জায়গা ঘুরে অবশেষে দার্জিলিংয়ে গিয়ে আড্ডা গাড়লাম। জীবনে যেন সব বিশ্বাস হ'য়ে গেছে—কোন কিছুই কোন অর্থ নেই যেন। সবার সঙ্গে কথা বলি, গল্প করি, গান গাই, ঘুরে বেড়াই, সবাই ভাবে লোকটা কী সুখে আছে। অথচ অন্তর যে আগ্নেয়গিরির মতন দিনরাত্রি জ্বলছেই, তার খোঁজ কে রাখে?

সেদিন ভিক্টোরিয়া পার্কে বেড়াতে গিয়ে দেখি, একটা কুটম্ব ডালিয়া গাছের পাশে প্রীতি দাঁড়িয়ে।

আমাকে দেখে সে আশ্চর্য হ'য়ে গেল—আমিও চমকে বললাম, আরে প্রীতি, তুই এখানে? অনেকটা বড় হয়েছিল তো!

প্রীতি সলজ্জ হাসির সঙ্গে মুখ নত করল। তার মুখের দিকে তাকিয়ে আমি আশ্চর্য হ'য়ে গেলাম, বললাম, তুই এত সুন্দর হ'লি কবে থেকে?

লজ্জায় সে ঘেমে লাল হ'য়ে উঠল। সত্যি, ডালিয়া গাছের পাশে দাঁড়িয়ে তাকে একটা ডালিয়া ফুলের মতনই দেখাচ্ছিল। পরনের নীল সাড়ি উজ্জল গৌরবর্ণকে আরো উজ্জল ক'রে তুলেছে। শিশুর মত সরল মুখখানিকে ঘিরে দুয়েকটি কৌকড়া চুল বাতাসে উড়ছে। প্রভাতের সকল হাসি এসে যেন তাকে ঘিরে দাঁড়িয়েছে, আর তারই মধ্যে প্রভাতের প্রাণের মত সে দাঁড়িয়েছিল। তাকে এমন সবুজ, এমন সরস, এমন নবীন দেখাচ্ছিল যে হঠাৎ নিজের কথা মনে প'ড়ে গেল। বিছাতের দীপ্তিতে সেখানে সব জ'লে গেছে—ধূসর বিদগ্ধ মরুভূমি। অজ্ঞাতসারে বুক থেকে একটা নিশ্বাস পড়ল।

প্রীতিকে আমি ছেলে বেলা থেকেই জানি। যখন ও এক বছরের শিশু তখন থেকেই আমার সঙ্গে ওর ভাব—তারপরে যখন একটু বড় হ'ল তখন তো সে আমার মস্ত ভক্ত। ওর বিশ্বাস ছিল যে আমি জানি না, আমি করতে পারি না এমন কিছু ছনিয়ায় নেই। আমার মা ওর মা'র ছেলেবেলার সুই—মা মারা যাবার পর থেকে আর ওদের কোন খবর পাইনি। তার পরে আজ পাঁচ ছয় বছর পরে এই দার্জিলিংয়ে দেখা।

প্রীতির মা আমাকে দেখে খুব খুসী হলেন। কয়েকদিন বেশ আনন্দেই কাটল। দেখলাম প্রীতি সেই ছেলেবেলার মত নেহাৎ ছেলেমানুষই রয়েছে। তাকে যা বলি তাই বিশ্বাস করে, কোন সন্দেহ, কোন দ্বিধা কোন সংশয় তার শৈশবের স্বর্গপুরীতে প্রবেশ করেনি। প্রায় যৌবনের সীমানায় এসে দাঁড়ালেও সে আজো মনে বালিকার র'য়ে গেছে। বালিকার চাঞ্চল্য বালিকার উল্লাসে তার দেখা মন এখনো উজ্জল।

হুমায়ূন কবির

আমার মনের অন্তর্দাহ ধীরে ধীরে নিভে এল। কিন্তু প্রতি প্রতি আমার যে মনের ভাব সে সশব্দে আমার কোনদিনই ভুল হয়নি। তাকে আমি ভালবাসতাম, কিন্তু সে ভালবাসার কোন দাহ ছিল না কোন উত্তাপ ছিল না। মনে হ'ত সে বুঝি অসহায় শিশু—সংসারের আঘাত থেকে তাকে না বাঁচালে সে বুঝি বাঁচবে না। সর্বদা ভয় ভয় এই বুঝি ওকে বাঁচা দিলাম।

সেও আমায় ভালবেসেছিল। কিন্তু সেদিন আমি তা জানতাম না। ভাবতাম যে আমি তাকে বোনের মত স্নেহ করি, সেও বুঝি তেমনি আমাকে ভাইয়ের মত ভালবাসে, শ্রদ্ধা করে। সে বোধ হয় নিজেও তখন জানত না যে সে আমাকে ভালবাসে—তা হ'লে অমন অসঙ্কোচে সে আমার সকল বিষয়েই কথা কইতে পারত না।

আমার মনে আছে আমি তাকে নিয়ে একদিন জলা-পাহাড়ে বেড়াতে গিয়েছিলাম। অত উঁচুতে উঠতে পরিশ্রমে সে হাঁপাচ্ছিল। আমি তাকে বললাম, তুই আমার কাঁধে ভর দিয়ে ধীরে ধীরে ওঠ। সে অসঙ্কোচে আমার দেহে ভর রেখে আমার সঙ্গে উঠতে লাগল।

সেদিন ফেরবার পথে একটা পাথরের ওপর ব'সে বিশ্রাম করছি, হঠাৎ প্রীতি জিজ্ঞেস ক'রে বসল, তুমি আজো বিয়ে করনি কেন?

আমি হঠাৎ এ রকম প্রশ্নে অপ্রস্তুত হ'য়ে গেলাম। পরক্ষণেই সামলে তার দিকে তাকাতেই দেখলাম তার গভীর স্বচ্ছ বিশ্বাসভরা চোখ দুটি আমার দিকে মেলে ও চেয়ে রয়েছে। সেখানে কোন ছল নেই, কোন সন্দেহ নেই। ও যেন স্বর্গচাতুর পূর্বের ঈডেন-বনের দেবশিশু। এই শিশুর মত সরল আয়ত চোখ আমাকে নিরুপায় ক'রে ফেলে—ওর কাছে কিছু লুকোতে লজ্জা করে।

বললাম, সে যে অনেক কথা, প্রীতি।

প্রীতি বলে, হোক অনেক কথা। আমি আজ গুনবই। তুমি এ রকম গভীর হ'য়ে রইলে কেন? আমাকে বলবে না?

তার কালে চোখের তারায় জল জ'মে এল। আমি বস্তু হ'য়ে বললাম, বলছি, বলছি, তোকে কাঁদতে হবে না।

যতদূর সংক্ষেপে এবং বহু কথা বাদ দিয়ে তাকে দীপ্তির কথা বললাম। সে শুধু একবার বলে, দীপ্তিদি?

আমি বললাম, হ্যাঁ, চিনিস নাকি?

সে কোন উত্তর না দিয়ে দাঁড়িয়ে বলে, চল, বাড়ী ফিরে যাই।

৫

তার পরে কয়েকদিন প্রীতিদের বাড়ী যাইনি। সেদিন তাকে দীপ্তির কথা বলার পর থেকেই দীপ্তির ছবি এসে আমার হৃদয় থেকে আর সব মুছে ফেলেছে—দিনরাত একদিন শুধু দীপ্তির কথাই ভেবেছি। কি প্রাণময়, কি সতেজ অথচ কি কঠিন। আমার মনে হ'তে লাগল সে যেন পাষাণ-গড়া মূর্তি। শিল্পী যত্নে পাথর কুঁদে তাকে তৈরি করেছে; সেখানে একটু বাহুল্য নেই, একটু জঞ্জাল নেই। পা থেকে মাথা পর্যন্ত সমান কঠিন, সমান মন্থণ, সমান উজ্জল।

হঠাৎ দীপ্তির চিঠি পেলাম সে দার্জিলিং আসচে। তার সঙ্গে বিচ্ছেদের পরে এই প্রথম তার খবর পেলাম। তারি আশ্চর্য লাগল—কিন্তু মন তবু খুসী হ'য়ে উঠল। সেদিন সন্ধ্যায় প্রীতিকে বললাম, প্রীতি, দীপ্তি এখানে আসচে।

প্রীতি দ্বির অবিচল দৃষ্টি মেলে বলে, সে আমি জানি।

আমি অবাক হ'য়ে চেয়ে রইলাম, প্রীতি মাটির দিকে চেয়ে ধীরে ধীরে বলে, আমি দীপ্তিদিকে আসতে লিখেছিলাম।

কতকটা বিস্ময়, কতকটা কোতূহলের সঙ্গে জিজ্ঞাসা করলাম, তুমি তাকে কি লিখলে?

এই বোধ হয় জীবনে আমি তাকে প্রথম তুমি সন্ধান করলাম। আমি সেটা লক্ষ্য করিনি কিন্তু প্রীতি লক্ষ্য করেছিল। আমার কথার উত্তর না দিয়ে সে চুপ ক'রে দাঁড়িয়ে রইল।

বিশেষ কিছু বুঝতে পারলাম না। অথচ মন না বুঝে অকারণেই আনন্দে ভ'রে উঠল। আমার কেবলি মনে হতে লাগল, দীপ্তি আসছে—সে আসছে। এবার কি আমাদের দুজনের স্বন্দ ঘুচবে? ভালবাসার টানে সে কি আমার কাছে আশ্রয়ান করবে; ভাল সে আমাকে নিশ্চয়ই করবে, তা নইলে কেন এখন হঠাৎ দার্জিলিং



আসবে? আর প্রীতি? তার প্রতি গভীর স্নিগ্ধ ভালবাসায় আমার হৃদয় পূর্ণ হয়ে উঠল। ছোট বোনটির মত সে আমার বেদনার তপ্তজ্বালার পর শীতল কোমল মঙ্গল হাত বুলায়ে দিল—মঙ্গল হোক তার মঙ্গল হোক।

আজ কিম্ব বুঝতে পেরেছি যে প্রীতির প্রতি আমার ভালবাসা কেবলমাত্র ভাইয়েরই ভালবাসাই নয়। হয় তো সে ভালবাসায় কোন উত্তাপ ছিল না, কোন দাহ ছিল না, কিম্ব উত্তেজনা না থাকলেই কি ভালবাসা গভীর হ'তে পারে না? তার প্রতি আমার ভালবাসায় ছিল গভীর প্রশান্তি আর সান্ত্বনা। দীপ্তির জন্ত আমার আকাঙ্ক্ষা ছিল উগ্র মদের মত জ্বালাময়, তাঁর অথচ মদির, মধুর। তার ভালবাসা আমাকে সচেতন ক'রে রাখত—সমকক্ষের ওপর অধিকারের দাবী ছিল তার মধ্যে। আর প্রীতির প্রতি আমার ভালবাসা ছিল স্বপ্নের মত, ধীরে ধীরে সকল দেহমন ছেয়ে আসে, মনে হয় আপনকে ভুলে যাই। তবু জীবনে চিরদিন দীপ্তিই চেয়েছি, দীপ্তিকে চেয়েই মরব।

দীপ্তি এল। ষ্টেশনে তাকে নামাতে গিয়েছিলাম। মনে হ'ল আমাকে দেখে তার চোখের তারা নিমেষের জন্ত উজ্জ্বল হয়ে উঠল, পরক্ষণেই জিজ্ঞাসা করল, কেমন আছ?

আমি জিজ্ঞাসা করলাম, তুমি কেমন ছিলে এদিন? সে কোন উত্তর না দিয়ে চলতে লাগল। দেখলাম যেন আগের চেয়ে একটু কৃশাঙ্গী হ'য়ে গেছে গলার হাড়টা যেন একটু বেশী স্পষ্ট হ'য়ে উঠেছে। হঠাৎ ঘাড় বাঁকিয়ে আমাকে জিজ্ঞাসা করল, তুমি না বলেছিলে এ জীবনে আর আমার সঙ্গে দেখা করবে না, কই তোমার কথা তো রইল না?

আমি বললাম, তোমার ইচ্ছার কাছে আমার কথা কবেই রয়েছে?

দীপ্তি সে কথার উত্তর না দিয়ে বলল, চ'লে যেতে বল; তবে আজই ফিরে যাচ্ছি, এখনো ফেরবার সময় আছে।

আমি কোন উত্তর না দিয়ে তার দিকে চাইলাম।

আমার দৃষ্টির সামনে সে মুখ নত করল। খানিকক্ষণ পরে আবার জিজ্ঞেস করল, প্রীতি তোমার ছোট বোন নয়?

আমি বললাম, না, কেন বল ত?

সে বলল, ও আমার বোন হয়। তোমারো যদি বোন হত তবে তোমার আমার একটা সম্বন্ধ হ'তে পারত। সেখানে আমাদের কোন সঙ্কোচ থাকত না।

আমি বললাম, তোমার আমার সম্বন্ধ শুধু একটাই হ'তে পারে সে তুমিও জানো আমিও জানি। তা ছাড়া আর কোন সম্বন্ধ হ'তে পারে না আমিও চাই না।

দীপ্তি ধীরে একটা দীর্ঘশ্বাস ফেলে বলল, তুমি বড় নিষ্ঠুর। আমি তার মুখে চেয়ে শুধু একটু হাসলাম।

আবার দুজনে নীরবে পথ চলোঁছি। দীপ্তি হঠাৎ জিজ্ঞাসা করল, প্রীতি তোমাকে খুব ভালবাসে, না?

আমি একটু বিরক্ত ভাবেই বললাম, তা কেমন ক'রে জানব?

দীপ্তি বলল, আর তুমি?

আমি রাগ ক'রে বললাম, কেন মিছামিছি এ-সব কথা জিজ্ঞেস করছ? আমি কাকে ভালবাসি সে তুমি জানো। তবে নিরর্থক এ প্রশ্ন কেন? সে আমার ছোট বোনের মত, সেও আমাকে ছেলেবেলা থেকে দাদা ব'লে জানে।

প্রীতির মা দীপ্তিকে পেয়ে মেতে উঠলেন। বহুদিনের অসাক্ষাতের অনেক কথা জ'মে উঠেছিল, প্রশ্ন জিজ্ঞেস করতে আর উত্তর দিতে সঙ্কো হ'য়ে এলো। বললেন, তোমরা এখন বেড়াতে যাও।

প্রীতি বলল, তার মাথা ধরেছে সে যেতে পারবে না। তাই শুনে দীপ্তিও যেতে চাইল না, তাকে বলল, কাল একসাথে বেড়াতে যাওয়া যাবে, আজ না হয় থাক।

প্রীতি কিছুতেই শুনল না—প্রায় জোর ক'রে দীপ্তিকে আমার সঙ্গে বেড়াতে পাঠিয়ে দিল। দীপ্তির যেতে ইচ্ছা ছিল না বুঝতে পারছিলাম, কিন্তু তবু সে এল। তাকে যে তার ইচ্ছার বিরুদ্ধে কেউ কিছু করতে পারে সে-কথা কোনদিন ভাবি নি। চিরদিন দেখেছি সকলে দীপ্তিরই ইচ্ছা মেনে এসেছে এবং সে নিজেও খেয়ালের হাওয়ায় ভেসে চলেছে, কিন্তু আজ দীপ্তিকেই অগ্নির খেয়ালে চলতে হ'ল। তখনই ভেবেছিলাম প্রীতি এত জোর কোথায় পেল? আজ বুঝি, তার নিজের কোন দাবী ছিল না ব'লে তার দাবী কেউ ঠেলতে পারত না। আমাকে সে

ছমায়ুন কবির

ভালবেসেছিল এবং সে-ভালবাসার মধ্যে তার কোন কামনা ছিল না—সেই নিছক ভালবাসার জোরেই সে দীপ্তিকে একদিনের মধ্যে বশ ক'রে ফেলল।

দীপ্তির সঙ্গে পথে বেরোলাম। তখন সন্ধ্যা হ'য়ে এসেছে। উত্তরে চারিদিকের ছায়াস্নিগ্ধতার মধ্যে তখনও কাঞ্চনজঙ্ঘার স্বর্ণকীরিট কিরণ-দীপ্ত—একটা কুয়াসার পদ্ম ধীরে ধীরে ওপরের দিকে উঠে আসছে। পথে আলোর মালায় সহর যে কি সুন্দর দেখাচ্ছিল বলা যায় না। গাছপালার ফাঁক দিয়ে ওপরে নীচে যেখানে সেখানে আলোর দীপ্তি—আলোর মালা গলায় প'রে রাস্তাগুলি কোথায় নীচে নেমে গেছে কোথাও বা ওপরে উঠছে—দূরে দূরে ছয়েকটি পাহাড়ের গায় বাংলাতে বাতি জ্বলে উঠেছে।

দীপ্তির হাতটা টেনে আমার মুঠায় ভ'রে দুজনে পথ চলতে লাগলাম। বললাম, দীপ্তি এত দিন তোমার অভাবে যে আমার জীবন কি ছন্নছাড়া হ'য়ে গেছে সে যদি তুমি জানতে তবে তোমার দয়া হোত। মনে আছে সব কথা?

দীপ্তি কোন উত্তর দিল না। খানিকক্ষণ নীরবে আবার দুজনে চলেছি। রাস্তার ওপরে এক এক জায়গায় শাল গাছের ঘন ছায়া—কোথাও বা ঝোপমত হ'য়ে খানিকটা অন্ধকার ক'রে রয়েছে। চলতে চলতে একটা ইউকেলিপটাস গাছের ছায়ায় একটা শূন্য বেঞ্চ দেখে দুজনে গিয়ে সেখানে বসলাম—দীপ্তির হাতটা আমার কোলেই রইল।

আমি আন্তে আন্তে তার হাতে চাপ দিয়ে বললাম, দীপ্তি আমার কথার উত্তর দেবে না? দার্জিলিং থেকে কি দুজনে একসাথে ফিরব?

দীপ্তি একটা দীর্ঘশ্বাস ফেলে বলল, সে আর হয় না।

আমি বললাম, কেন হবে না, দীপ্তি? তুমি আমার চোখে তাকিয়ে বল যে তুমি আমার, দেখো পৃথিবীর কোন শক্তি তোমাকে আমার কাছ থেকে ছিনিয়ে নিতে পারবে না। বল তুমি একান্ত আমারই।

আমার বাহু যে কখন তার কটিতট বেঁধেন ক'রে তাকে আমার বুকে টেনে নিয়েছে টের পাইনি। হঠাৎ দেখলাম আমার মুখের ঠিক নীচেই তার মুখ, তার বক্ষ আমার

বক্ষস্পন্দনে ধ্বনিত হচ্ছে, তার সমস্ত দেহের কোমলতা ও উত্তাপ আমার দেহকে বিহ্বল ক'রে ফেলছিল। কালো চোখ দুটি অন্ধকারে তারার মতন জ্বলছে—কী উন্মন দৃষ্টি তার গভীর গহ্বরে। আমি আত্মহারা আবেগে তার সরস রক্তাধরে প্রগাঢ় চুম্বন করলাম—বেশ বুঝতে পারলাম যে বিছাতপ্রবাহে দুজনের দেহই যেন ট'লে উঠল। পাগলের মতন তাকে বারে বারে চুম্বন ক'রে কঠিন বাহুবন্ধনে তাকে আমার দেহে নিষ্পেষণ ক'রে তার মুখের উপর মুখ রেখে বললাম, তুমি আমার একান্ত আমার। বিশ্বসংসারে কেউ তোমাকে আমার কাছ থেকে ছিনিয়ে নিতে পারবে না। শুধু একবার বল তুমি আমার।

দীপ্তি আরক্তমুখে প্রায় নিরুদ্ধকণ্ঠে বলল, ছেড়ে দাও।

আমি তাকে মুক্ত ক'রে বললাম, ক্ষমা কর, আমার খেয়াল ছিল না যে তোমাকে ব্যথা দিচ্ছি। আমার কথার উত্তর দাও না ব'লেই তো আমি আত্মহারা হ'য়ে পড়ি তখন তোমাকেই আঘাত ক'রে বসি।

দীপ্তি দাঁড়িয়ে উঠে আনত নয়নে ত্রস্ত কণ্ঠে বলল, আমায় ক্ষমা কর। বাড়ী ফেরবার যে বড্ড দেবী হ'য়ে গেল। আমি এখন চলে যাই।

ব'লেই ফিরে না তাকিয়ে সে দ্রুতপদক্ষেপে চ'লে গেল—আমি যে উঠে তার সঙ্গে যাব সে শক্তিও আমার ছিল না।

৬

পরদিন যখন দীপ্তির সঙ্গে দেখা হ'ল তখন সে সবে স্নান ক'রে উঠেছে। মোটা লালপেড়ে আল্পাকার সাড়ীতে খোলা চুলে তাকে যে কি সুন্দর দেখাচ্ছিল সে কথা আমার আজো স্পষ্ট মনে আছে। আমাকে দেখেই এক বলক রক্তে তার সমস্ত মুখ রাঙা হ'য়ে উঠল—চোখ দুটি নিজে থেকেই নত হ'য়ে এল। পরক্ষণেই চোখ তুলে আমার চোখে তাকিয়ে জিজ্ঞেস করল, কাল কখন বাড়ী ফিরলে? তখন তার চোখে সঙ্কোচের লেশ ছায়া নেই।

বিস্ময়ে শ্রদ্ধায় প্রেমে আমার সমস্ত হৃদয় পূর্ণ হ'য়ে উঠল। বললাম, অনেকটা রাত্তিরে। কিন্তু তুমি অমন ক'রে আমার কথার উত্তর না দিয়ে চ'লে এলে কেন? ভয় পেয়েছিলে বুঝি?



দীপ্তি স্থির দৃষ্টিতে আমার চোখে তাকিয়ে বল, কালকের কথা যদি আবার আমাকে বল তবে তোমার সঙ্গে আর কোন সঙ্গ আমার রইবে না। কোনদিন যদি আবার তোমার সঙ্গে কথা বলি তবে আমার নাম বদলে রেখো।

আমি আহত দৃষ্টিতে তার দিকে তাকিয়ে বললাম, আমার জীবনে যার মূল্য অনেক, তাকে তুচ্ছ করবার মত শক্তি আমার কোথায়? তুমি আমায় তো কেবল ঠকাতে চেয়েছ—যদি বা অমুগ্রহ ক'রে কিছু ভিক্ষা দিয়েছিলে তাও আবার এখন ফিরিয়ে নেবে?

দীপ্তির চোখে হাসি ঠিকরে পড়ল—আমি তোমায় দিয়েছি না আমায় অসহায় পেয়ে অতর্কিতে আমার কাছ থেকে কেড়ে নিয়েছে? দস্যুর সঙ্গে আমার বন্ধুত্ব নেই সে কথা স্পষ্ট ব'লে দিচ্ছি।

পরক্ষণেই কণ্ঠস্বর কোমল ক'রে বল, দেখ তোমায় দোষ দিচ্ছি না বা কোন কথা ভুলতেও বলছি না। তবে ও-সব কথা ভবিষ্যতে কখনো আমায় বলতে পারবে না। আর তোমার আচরণটা যে আদর্শ হয়নি সেটা কি অস্বীকার করবে?

স্নিগ্ধ হাসিতে তার মুখ ভ'রে গেল। আমি বেদনাতুর কণ্ঠে বললাম, দীপ্তি তোমাকে বোঝা অসম্ভব। সত্যি কি আমার হবে না কোনদিন?

দীপ্তি বল, না।

জিজ্ঞাসা করলাম, এই কি তোমার শেষ কথা?

সে স্থির অবচলিত কণ্ঠে উত্তর দিল, হ্যাঁ। উত্তরের অপেক্ষা না ক'রেই রাণীর মত অটুট মহিমায় সে চ'লে গেল। আমি মুগ্ধ বিস্মিত বাণিত চোখে তার দিকে চেয়ে রইলাম।

৭

প্রায় এক মাস পরের কথা। দীপ্তি আমাকে এড়িয়ে চলেনি বটে কিন্তু তাকে আর কখনো একা পাইনি। হাসি বিক্রপ তার ঠিক আগের মতনই ঝলসে উঠেছে, ঠিক তেমনি করেই সে আমাদের সকলের সকল অহুরোধ অহুনয় অহুযোগ পাশ কাটিয়ে আপনার খেয়ালে চলেছে, কিন্তু একটু সাবধানতা তার সব সময়েই ছিল। তাই সে-দিন সন্ধ্যাবেলা সে যখন নিজে এসে আমাকে বল, প্রীতির কোথায় গেছে

যেন, চল বেড়াতে যাই। তখন একটু বিস্মিতই হয়েছিলাম। একবার তার মুখে তাকালাম, কিছু বুঝতে পারলাম না।

পথে বেরিয়েই দীপ্তি বল, দেখ সেদিনের মত যেন করতে চেষ্টা কোয়োনা। তুমি ব'লে সেদিন তোমাকে কিছু বলিনি আজ করলে আর কিছু কমা করব না।

আমি হাসলাম। বললাম, দীপ্তি, তোমার কমা দিয়ে আমার কি হবে? আর সেদিন অপরাধ করেছি মনে হয় না। তুমি নিজে এসে আমার বাহুবন্ধনে ধরা যে কোনদিন দেবে সে ভরসা তো আর নেই।

দীপ্তি দীপ্তনয়নে আমার দিকে তাকাল। হঠাৎ ব'লে উঠল, আমার একটা কথা রাখবে? যদি রাখ তবে বলি।

আমি বললাম, কবে তোমার কথা রাখিনি দীপ্তি? অবশ্য যদি আকাশের চাঁদ এখন এনে দিতে হবে বল তবে হয়ত পারব না—কিন্তু তাও বোধ হয় তোমার আদেশ পেলে একবার চেষ্টা ক'রে দেখতে পারি।

দীপ্তি বল, প্রীতি তোমাকে ভালবাসে, তুমি তাকে বিয়ে কর। তোমরা দুজনেই সুখী হবে।

আমি কোন কথা না ব'লে ভীতদৃষ্টিতে তার মুখে তাকালাম—আমার দৃষ্টির সামনে সে চোখে নত করল।

ধীরে ধীরে সে বলতে লাগল, আমাকে পেয়ে তুমি কোনদিন সুখী হতে পারবে না। আমার মধ্যে যে দাহ আছে সে তো তুমি জান। তুমি নিজেও অগ্নিফুলিঙ্গ, তুমি আমায় সহিতে পারবে না। প্রীতির স্নিগ্ধ স্নেহই তোমার পক্ষে মঙ্গল। তোমাকে যে ভালবাসি সে কথা কি আজ নতুন ক'রে বলতে হবে? তবু দেখেছ তো যে যখনি আমার কাছে এসেছে তখনি পরস্পরকে বাধা দিয়েছি।

আমি তার চোখে চোখ রেখে বললাম, আমাদের মধ্যে যে সংঘাতের কথা বলছ সেটার কারণ তো জান। ভালবাসায় আমরা পরস্পরকে আত্মদান করতে পারি নি—কেবলি আত্মরক্ষা ক'রে এসেছি। তুমি আমার হও, আমিও তোমারই হব যখন, তখন এ বন্দ আর থাকবে না। এ বিরোধের একমাত্র কারণ আমাদের পরস্পরের প্রতি আকাঙ্ক্ষা এবং তার বিরুদ্ধে আমাদের বিদ্রোহ।

হুমায়ূন কবির

দীপ্তি হাসল, বলল, তোমার কথা সত্য বলে মানি। তোমাকে পেলে আমার জীবন ধন হ'য়ে যাবে সে-কথা জানি। নিবিড় ক'রে তোমাকে পাওয়ার পরে জীবন যদি আমার মরুভূমি হ'য়ে যায় তবু আমার খেদ থাকবে না। কিন্তু সে তো আর হয় না, বন্ধু। অদৃষ্টের স্তুতোয় পাক খেয়ে গেছে। এখন সে গ্রহি আর খোলা যাবে না। সদয়তন্ত্রী ছিঁড়ে ফেলে আজ মুক্তি পেতে হবে। আমাকে তুমি ক্ষমা করো।

আমি অবাধ নয়নে তার দিকে চেয়ে রইলাম। ধূপছায়া সাদী তার তেজোময় মুখখানিতে অপূর্ণ আভা এনে দিয়েছিল—স্নিগ্ধ নয়ন প্রেমের কিরণে পরিপূর্ণ ক'রে সে আমার দিকে চেয়ে বলল, আমার কথা ঠিক বুঝতে পারছ না?

আমি তার হাত দুটি বুকে টেনে নিলাম। বললাম, আমরা দুজনে দুজনকে ভালবাসি। আমাদের মিলনে কেউ বাধা দেবে না—দিতে চাইলেও পারত না। তবে কেন তুমি এমন ক'রে নিষ্ঠুর প্রাণে আমায় ছেড়ে চলে যেতে চাও?

সে সঙ্কোচে আমার বুকের একান্ত কাছে এসে লাড়াল। আমি বাছ দিয়ে তাকে ঘিরে তার মুখের দিকে তাকিয়ে রইলাম। সে বলতে লাগল, তোমার বিনহে কি আমি বেদনা পাইনি? তুমি কলকাতা থেকে চলে এলে, আমার সমস্ত জীবন যেন মরুভূমি হ'য়ে গেল। দার্জিলিংয়ে যখন এসেছিলাম তখন প্রথম ভেবেছিলাম যে তোমার কাছে এবার ধরা দেব। এমন ক'রে তোমাকে আঘাত দিয়ে নিজেকেও কাঁদব না। কিন্তু এখন তো সে আর হবে না। প্রীতি তোমাকে ভালবেসে ফেলেছে। আমি যদি তোমাকে তার কাছ থেকে তিনিয়ে নিই তবে সে আঘাত সে সহিতে পারবে না। পথে সে কিছুই বলবে না জানি, খুসী হ'তে সে চাইবে, কিন্তু বুকের মধ্যে যখন আগুন জলে তখন হাসি দিয়ে তাকে আর চেপে রাখা যায়? তুমি ওকে বিয়ে কর, আমরা সুখী হবে। আমি তো তখন তোমার গুরুজন হ'ব, তোমায় আশীর্বাদ করব, ভাগ্যমস্ত হও!

শেষের দিকে চাপা হাসিতে তার কণ্ঠস্বর তরল হ'য়ে উঠল। আমি আমার বাহুবন্ধন আরো একটু শিবিড় ক'রে বললাম, এখনই কেন আশীর্বাদ কর না আমাকে? যে আশীর্বাদ আমি চাই সে তো তুমি জান, আর তুমিই কেবল দিতে পারো। ছিনিয়ে নেবার অভ্যাস তোমার আছে কি না জানি না। কিন্তু আমি তো কারো সম্পত্তি নই যে আমাকে না জিজ্ঞেস ক'রেই এমন ক'রে আমাকে প্রীতির অধিকারী সাব্যস্ত করলে। তুমি ভুল বুঝেছ। প্রীতি আমাকে বোনের মত ভালবাসে। সে তোমার কথা জানে আর জেনেই তো সে তোমাকে আসতে চিঠি লিখেছিল।

দীপ্তি বিষণ্ণ ভাবে মাথা নাড়ল, বলল, তুমি প্রীতিকে বোঝনি, অথবা বুঝেও না বোঝার ভাগ করচ। আমি এত বড় স্বার্থপর হ'তে পারব না। আমাকে তুমি ক্ষমা করো। আমার জীবন বোধহয় আমি বার্থ ক'রে দিলাম, কিন্তু এ কথা জেনো যে তুমিই আমার প্রিয়তম—চিরদিন তুমিই আমার প্রিয়তম থাকবে।

আমি হতাশ কণ্ঠে বললাম, দীপ্তি, তাই কি হবে?

কান্নায় আমার বুক ভ'রে এলো। দেখলাম তার চোখের কানায় কানায় জল। বলল, বন্ধু, এ আমাদের অদৃষ্টের পরিহাস। আমাকে তুমি ক্ষমা কর।

আমি নীরবে তাকে আরো কাছে টেনে নিলাম। তার মুখের ওপর মুখ রেখে কতক্ষণ ছিলাম জানি না, হঠাৎ সে চমকে উঠে বলল, এবার ছেড়ে দাও। ফিরে যেতে হবে, কিন্তু ফেরার পথ যে বড় কঠিন।

তার দিকে চেয়ে করুণায় বুক ভ'রে গেল। বললাম, যাদের প্রতি ভগবানের করুণা, তাদের পথ কোন দিন সহজ হয় না। তোমার কঠিন পথে তুমি চলতে পারবে, কিন্তু আমার বোঝা কি আমি সহিতে পারব?

সে উচ্ছ্বসিত কণ্ঠে বলল, সহিতে পারবে, খুব সহিতে পারবে। তুমি না সহিলে বেদনার ভার কে সহবে? তোমার পথ সহজ হোক বলব না—কঠিন পথে চলবার কঠোর গোরব তোমার হোক।

আমি আবার তাকে বুকে টেনে নিলাম। এক মুহূর্ত স্থির থেকে সে বলল, এবার তবে বিদায়। আমার পথে



তুমি আর এসো না—কাছে এলে আমরা দুজনেই এ বাবধান সইতে পারব না। যদি আমার কোন দিন দরকার হয় তোমাকে ডাকব, তুমিও যখন তোমার দরকার হবে অসঙ্কোচে আমাকে ডেকো। আমি যেখানে থাকি আসবই।

সে চ'লে গেল। সন্ধ্যা-আকাশের রক্ত-রেখার দিকে তাকিয়ে আমি একা ব'সে রইলাম। পশ্চিমের অস্তরাগ কখন যে মুছে গেল, নিশীথিনীর মৌন যবনিকায় আকাশ বাতাস ঢাকা পড়ল জানিনে।


সহসা চম্কে দেখলাম, কৃষ্ণা পঞ্চমীর ক্ষীণ বঙ্কিম চাঁদ পাণ্ডুর লোহিত আভায় আকাশকোণে দেখা দিয়েছে। জনহীন পথ, নিদ্রিত পুরী। হতাশা গৌরবগরবদীপ্ত হৃদয়ে কেমন ক'রে যে বাড়ী ফিরে এলাম বলতে পারব না।

তারপরে আর কোন দিন প্রীতি বা দীপ্তি কার সঙ্গ দেখা হয়নি। তবু ভরসা ক'রে ব'সে আছি যে দীপ্তি একদিন আমাকে ডাকবেই—সেদিনের প্রতিফায় আমার সমস্ত জীবন উন্মুখ।

গোধূলি

শ্রীমাখনমতা দেবী

কে তোমারে পরিয়ে দিল
সন্ধ্যা তারার টিপটি মরি,
আদর ক'রে ললাটপটে
খণ্ড শশীর দীপটি ধরি।
সন্ধ্যা মেঘের রঙিন নায়
কে তুই এলি মৃদল বায়
উড়িয়ে দিয়ে মহা বোমে
মাথার চাকু নীলাম্বরী ?
উড়িয়ে পায় পথের ধূলি
গৃহপানে আসছে ধেনু ;
রাখালবালক উৎসাহেতে
ফিৎসে ঘরে বাজিয়ে বেণু।
অরুণিমা ধূপ গোধূলি
বেণুরবে দিক উজলি'
অতীতের এক কোনও কালে
এই রূপেতে ফিরত হরি ॥



খেয়া-ঘাট, তিপকাই নদী, আসাম

শিল্পী—ডি, দত্ত



পৌষ, ১৩৩৫

গুজরাটি ও বাঙ্গলা সাহিত্য

শ্রীননীগোপাল চৌধুরী

প্রাচীন যুগ

পূর্বে ভারতের বাঙ্গলা সাহিত্য ও পশ্চিম ভারতের গুজরাটি সাহিত্যের মধ্যে যে সাদৃশ্য দেখা যায়, বিশেষত প্রাচীন যুগে, তাহা প্রাধান্যযোগ্য, সাদৃশ্য কেবল ভাবে ও রীতিতে নহে, এমন কি উৎপত্তি এবং ক্রমবিকাশেও পরিলক্ষিত হয়। উভয় ভাষার প্রাচীন যুগ বলিতে তাহাদের উৎপত্তি হইতে আরম্ভ করিয়া চতুর্দশ শতাব্দী পর্যন্ত বুঝায় এবং আমাদের আলোচ্য বিষয় এই সীমাবদ্ধতার মধ্যে বন্ধ থাকিবে।

ভারতীয় ভাষার মধ্যে কেবল গুজরাটি ভাষার গৌরব করিবার একটি বিষয় এই যে ভাষাটির উৎপত্তির ইতিহাসে কোথাও কঁাক নাই কিংবা কোন একটা স্তর অস্পষ্ট নহে। নদীর মত এই ভাষাটি ভারতীয় সংস্কৃত ভাষাসমূহের উৎস সংস্কৃত হইতে উৎপন্ন হইয়া প্রাকৃত ও অপভ্রংশ ভাষার বিস্তীর্ণ ক্ষেত্রের মধ্য দিয়া প্রবাহিত হইয়া বর্তমান অবস্থায় উপনীত। নদীসৈকতে স্বর্ণরেণুর স্তায় অনেক বৈদিক শব্দ ও ভাষার স্রোতে প্রবাহিত হইয়া প্রাকৃত ও অপভ্রংশ যুগে রূপান্তরিত হইয়া গুজরাটি ভাষায় স্থান পাইয়াছে। বাঙ্গলা ভাষার উৎপত্তির ইতিহাসে স্রোত কোথাও প্রবলা, কোথাও ক্লীণকায়ী আবার কোথাও পুষ্প হইয়া পুনর্বার বহুদূরে দেখা দেয়। এই বাঙ্গলা ভাষার অপভ্রংশ যুগের চিহ্ন খুবই কম পাওয়া যায়, সুতরাং অনেক সংস্কৃত শব্দ প্রাকৃতে রূপান্তরিত হইয়া হঠাৎ বাঙ্গলা ভাষায় দেখা দেয় কিন্তু অপভ্রংশ যুগে ঐ শব্দটি কি আকার ধারণ করিয়াছিল তাহার কোন চিহ্ন পাওয়া যায় না।

মুখ্যত অপভ্রংশ ভাষা হইতে ভারতীয় ভাষাসমূহের উৎপত্তি। সৌরসেনী অপভ্রংশ কখন যে ধীরে ধীরে লোক-চন্দ্র অন্তরালে গুজরাটি ভাষায় পরিণত হইল তাহা অসুসরণ

করা হুঙ্কর। প্রায় দশম শতাব্দীতে চারণগণ গুজরাটের রাজপুত্র রাজবর্গের স্তুতিগান অপভ্রংশ ভাষায় রচনা করিতে আরম্ভ করে এবং জৈন সাধুগণ জনসাধারণের নৈতিক ও আধ্যাত্মিক উন্নতির জন্ত উক্ত ভাষায় 'রাস' রচনা করেন। প্রচারের জন্ত এই 'রাস' রচিত হইত বলিয়া জনসাধারণের বোধগম্য করিবার জন্ত তাহাদের ভাষাতে সে সময়ে প্রচলিত দেশীয় শব্দের অনেক প্রয়োগ হইত। এই অপভ্রংশ ভাষার মধ্যে ভাবী গুজরাটি ও মাড়ওয়াড়ি প্রভৃতি ভাষার আগমন ঘোষিত হয়। মহামহোপাধ্যায় হরপ্রসাদ শাস্ত্রী কর্তৃক সম্পাদিত সমসাময়িক "বৌদ্ধ গান ও দৌহা"র ভাষা সম্বন্ধে যেমন বাঙ্গলার পণ্ডিতমণ্ডলের মধ্যে মতবৈধ দেখা যায় সে রকম এই 'রাসের' ভাষা সম্বন্ধেও গুজরাটি পণ্ডিতসমাজে মতবৈধতা দৃষ্ট হয়। কাহারও মতে এই 'রাসের' ভাষা খাঁটি গুজরাটি, আবার কাহারও মতে গুজরাটি নহে তবে গুজরাটি ভাষার উন্মেষকালীন চিহ্ন ইহাতে বর্তমান অর্থাৎ ইহা গঠন যুগের ভাষা। ভাব ও ভাষার অস্পষ্টতানিবন্ধন অনেকে "বৌদ্ধগান ও দৌহার" ভাষাকে সাক্ষ্যভাষা নামে অভিহিত করিয়াছেন। 'রাস' সাহিত্যের ভাষাও সে সাক্ষ্য যুগের ভাষা। 'রাস' সাহিত্যের নমুনা হিসাব নিয়ে দুইটি পদ উদ্ধৃত হইল।

"কাতী করবত কাপতী বহিলউ আব্ই ছহ।

নারী বিখ্যা টলবলহ, জাজীব্হ তা দহ ॥"

ছুরিকা কিংবা করাত দিয়া কাটিলে শীঘ্রই মৃত্যু হয়। নারী যারা যে বিদ্ধ হইয়াছে সে যাবজ্জীবন মগ্ন হয়। "কাপতী" শব্দটি গুজরাটি "কাপবু" (কর্তন করা) ক্রিয়ায় বর্তমান রুদন্ত এবং "আব্ই ছহ" হইতে গুজরাটি ক্রিয়া "আবে ছে"র (আসিতেছে অর্থাৎ মৃত্যু আসিতেছে) উৎপত্তি হইয়াছে।

এই 'রাস' সাহিত্যের ভাষার কৃষ্ণিতে গুজরাটি ভাষা



গভর্নমেন্ট শায়িত ছিল এবং মধ্যে মধ্যে তাহার স্পন্দন দেখা যাইতেছিল। ১৩৯৪ খৃষ্টাব্দে জনৈক গুজরাটি জৈন “মুখাব্বোধ মোক্ষিক” নামে একটি সংস্কৃত ব্যাকরণ দেশীয় ভাষায় প্রণয়ন করেন। মাতা এবং সন্তানের মধ্যে অবয়বের যে সাদৃশ্য থাকে, এই উভয় ভাষার মধ্যে সে সাদৃশ্য দৃষ্ট হয়। এই ব্যাকরণের ভাষা অপভ্রংশও নহে, আধুনিক গুজরাটিও নহে। এই ব্যাকরণের ভাষাটি ‘রাস’ সাহিত্যের অপভ্রংশ ও নরসিংহ মেহেতার সময়কালীন গুজরাটি ভাষার সংযোজক। এ যাবৎ বৈষ্ণব যুগের আদি কবি নরসিংহ মেহেতা গুজরাটি সাহিত্যের জনক বলিয়া অভিহিত হইত কিন্তু এই ‘রাস’ সাহিত্যের আবিষ্কারের ফলে নরসিংহ মেহেতাকে সে পদবী হইতে বঞ্চিত করা হইয়াছে।

বৈষ্ণব যুগের পূর্বে গুজরাটি সাহিত্যের একটি বিশেষ প্রয়োজনীয় অথচ এ যাবৎ উপেক্ষিত অংশের আলোচনা করা কর্তব্য। সে অংশটি হইতেছে কাথিওয়াড়ের লৌকিক সাহিত্য—গীতিকা (Ballads) ও “ভডলী বাক্য”। “ভডলী বাক্য” ও গীতিকাগুলির এ পর্য্যন্ত সন তারিখ নির্দিষ্ট হয় নাই। আমার মনে হয় ইহাদের অনেকগুলি বৈষ্ণব যুগের পূর্বে রচিত হইয়াছিল।

বাঙ্গলা দেশের “খনা”র বচনের স্থায় গুজরাট প্রদেশে-ও “ভডলী বাক্য”র বহুল প্রচলন আছে। খনা ও ভডলী উভয়েই স্ত্রীলোক। বাঙ্গলা দেশের খনার বচনের রচয়িত্রী যেমন খনা নহে, এই গুজরাট প্রদেশের (কাথিওয়াড়) “ভডলী বাক্য”র রচয়িত্রীও ভডলী নহে। এই সব বাক্য ও বচন কৃষকদের বহুযুগের সঞ্চিত কৃষিবিচার অভিজ্ঞতার ফল। প্রকৃতির অবস্থাভেদে শস্তের ও সমস্ত বৎসরের কলাফল ছই একটি পদে ব্যক্ত হইয়াছে এবং কার্যকালেও এই সব বাক্যের সত্য উপলব্ধ হইয়াছে। বাঙ্গলা দেশের খনার বচনে রায়বাহাদুর শ্রীযুক্ত দীনেশচন্দ্র সেন বৌদ্ধ যুগের প্রভাব দেখিতে পাইয়াছেন এবং তাহার মতে সেগুলির রচনাকাল ৮০০—১২০০ শতাব্দীর মধ্যে। এই সব “ভডলী বাক্য” বৌদ্ধ কিংবা কোন জৈন প্রভাব দৃষ্ট হয় না এবং কতকগুলি শব্দ যে ছরুহ তাহা প্রাচীন বলিয়া নহে, প্রাদেশিক এবং রূপান্তরিত বলিয়া! কৃষি যে-দিন দেশের লোকের দৃষ্টি

আকর্ষণ করিয়াছিল সে-দিন হইতে এই সব বাক্য ও বচন রচিত হইতেছিল এবং লোকমুখে অধিক প্রচলনহেতু ভাষার পরিবর্তন হইতে থাকে। উদাহরণস্বরূপ একটি “ভডলী বাক্য” নিম্নে উদ্ধৃত হইল।

“শ্রাব্ণ পহেলা পাঁচদিন, মেহ ন মাঁড়ে আল।

পিয়ু পধারৌ মালবে, হমে ডাণ্ড মোসালে ॥”

শ্রাবণের পাঁচদিন পূর্বে যদি বৃষ্টি আরম্ভ না হয়, প্রিয়! তুমি মালবে যাইও, আমি বাপের বাড়ী যাইব (অর্থাৎ বৃষ্টি হইবে না সে জন্ত শস্যাদির অভাবে দুর্ভিক্ষ হইবে।)

কাথিওয়াড়ের লৌকিক সাহিত্যের অগ্র অংশ হইতেছে “গাথা” সাহিত্য (Ballads)। ভারতের প্রত্যেক প্রদেশেই নগর হইতে বহুদূরে পল্লীগ্রামে একপ্রকার লৌকিক গীতিকার প্রচলন দেখিতে পাওয়া যায়। বাঙ্গলার বিভিন্ন জেলার অনেকগুলি “গীতিকা” কলিকাতা বিশ্ববিদ্যালয়ের সৌজন্তে প্রকাশিত হইয়াছে। কিন্তু কাথিওয়াড় প্রদেশে এইপ্রকার অনেক “গীতিকা” বহু কুসুমের স্থায় সমস্ত প্রদেশে ছড়াইয়া আছে—কেহই তাহাদিগকে ভারতীর চরণ-যুগলে অঞ্জলি দিবার উপযুক্ত মনে করে নাই। নগরের দূষিত বায়ু হইতে বহুদূরে পল্লীগ্রামে অজানা কৃষক-কবিদের হৃদয়-রস আহরণ করিয়া তাহারা পরিপুষ্ট, কবে কোন অজাত দিবসে কোন অজানা কৃষক-কবির দ্বারা রচিত হইয়াছিল ইতিহাস তাহার খবর রাখে না। কৃষকদের সুখের দুঃখের গীতি, রাজপুতকুলতিলকদের শৌর্য-গাথা, প্রেমিক প্রেমিকার বিচ্ছেদের মেঘদূত, এই সব গীতিকা আমাদের হৃদয়ের সুপ্ত ভাবরাশিকে আলোড়িত করে। প্রাচীন কাথিওয়াড়ের সামাজিক ও রাজনৈতিক ইতিহাসের উপাদান এই সব গাথার মধ্যে এত প্রচুর পরিমাণে রহিয়াছে যে কাথিওয়াড়ের ইতিহাস প্রণয়নকালে তাহাদের দান অমূল্য বলিয়া বিবেচিত হইবে। যদিও অনেকগুলি গাথার সময় নির্দেশ করা ছকর, তথাপি ছই একটির রচনার সময় সহজে ধরা যায়। অনহিলওয়াড় পাটনের রাজা সিন্ধরাজ জয়সিংহ কর্তৃক রাণকদেবীর হরণবৃত্তান্ত নিম্না যে গীতিকাটি রচিত হইয়াছে তাহা দ্বাদশ কিংবা ত্রয়োদশ শতাব্দীর মধ্যে রচিত হইয়াছে বলিয়া মনে হয়। সিন্ধরাজ জয়সিংহ


শ্রীননীগোপাল চৌধুরী

স্বতন্ত্রকালে একাদশ শতাব্দীতে এই ঘটনা ঘটিয়াছিল। স্মৃতরাং দ্বাদশ কিংবা ত্রয়োদশ শতাব্দীর মধ্যে রচিত হওয়া সম্ভব। এইপ্রকার একাদশ দ্বাদশ শতাব্দী হইতে আরম্ভ করিয়া চতুর্দশ এবং পঞ্চদশ শতাব্দীর মধ্যে অনেক গীতিকা রচিত হইয়াছিল, এখনও কাথিওরাড়ের ঘাটে, মাঠে কৃষকেরা দল বাঁধিয়া এই সব অতীতের গীতিকা গাহিয়া থাকে।

এই আলো আঁধারের যুগে গুজরাট তন্দ্রাভিত্ত। নরসিং মেহেতা ও মীরাবাজীর বন্দনাগানে গুজরাটের হৃদয়ে দ্রুত স্পন্দন হইতে লাগিল—জাগিয়া উঠিয়া দেখিল নরসিং মেহেতা ও মীরাবাজী প্রমুখ গুজরাটবাসী কৃষ্ণকীর্তনে মত্ত, কী যেন নব জীবনের সাড়া পাইয়া আনন্দে মাতোয়ারা। পুরাতনকে বিদায় দিয়া নরসিং মেহেতা ও মীরাবাজী উদীয়মান সূর্যের দিকে মুখ করিয়া গুজরাটের নব উদ্বোধনগীতি আরম্ভ করিল। ঠিক সে সময়েই বাঙ্গলা দেশেও চণ্ডীদাস এবং বিদ্যাপতি * পুরাতনকে বিদায় দিয়া

* বিদ্যাপতি কবি হইলেও তাঁহার মৈথিলি ভাষায় রচিত গানগুলি বঙ্গদেশে লোকমুখে মিথিলার বঙ্গভাষায় অনূদিত হইয়া গিয়াছে। সে জন্ত তাঁহাকে বাঙ্গলার কবি বলিলাম।

নব বাঙ্গলার উদ্বোধনগীতি গাহিয়াছিল—ভক্তিদ্বারা বঙ্গদেশকে প্রাবিত করিয়াছিল। প্রাচীন গুজরাটি ও প্রাচীন বাঙ্গলা সাহিত্যে এই কবি চতুষ্টয়ের একই স্থান। বাঙ্গলার চণ্ডীদাস খাঁটি বাঙ্গালী, গুজরাটের মেহেতা খাঁটি বাঙ্গলায় বিদ্যাপতি ও গুজরাটে মীরাবাজী উভয়েই বিদেশী। মিথিলার কবি বিদ্যাপতিকে বাঙ্গালীরাও যেমন দাবী করিতে পারে, সে রকম মেবারের মীরাবাজীকে গুজরাটবাসীরাও দাবী করিতে পারে। নরসিং মেহেতা ও মীরাবাজী পঞ্চদশ শতাব্দীর কবি, স্মৃতরাং আমাদের আলোচ্য সময়ের বহিভূত। সে জন্ত বিস্তারিত ভাবে তাহাদের আলোচনা করা এই প্রবন্ধের উদ্দেশ্য নহে। তবে প্রাচীন এবং নবীনের সন্ধিস্থলে দাঁড়াইয়া একের বিদায় এবং অপরের আহ্বানগীতি গাহিয়াছিল বলিয়া তাহাদের উল্লেখ করা হইল। ভবিষ্যতে গুজরাটি ও বাঙ্গলা সাহিত্যের বৈষ্ণব যুগের তুলনামূলক সমালোচনায় তাহাদের সম্বন্ধে বিস্তারিত ভাবে আলোচনা করিতে পারিব বলিয়া আশা করি।





বেলা হইয়া যাওয়াতে ব্যস্ত অবস্থায় সর্বজয়া তাড়াতাড়ি অন্তমনস্ক ভাবে সদর দরজা দিয়া ঢুকিয়া উঠানে পা দিতেই কি যেন একটা সরু দড়ির মত বৃকে আটকাইল ও সঙ্গে সঙ্গে কি একটা পটাং করিয়া ছিঁড়িয়া যাইবার শব্দ হইল ও চুনিব হইতে ছুটা কি, উঠানে ঢিলা হইয়া পড়িয়া গেল। সমস্ত কার্যটি চক্ষুর নিমেষে হইয়া গেল, কিছু ভাল করিয়া দেখিবার কি বৃষ্টির পূর্বেই।

কিন্তু তাহার দেখিবার অবকাশও ছিল না—একবার চাহিয়া দেখিয়া ভাবিল—আঁখো দিকি যত উদ্ভূটি কাণ্ড ঐ ছেলেটার—পথের মাঝখানে আবার কি একটা টাঙিয়ে রেখেছে—

অল্প খানিক পরেই অপূ বাড়ী আসিল। দরজা পার হইয়া উঠানে পা দিতেই সে থমকিয়া দাঁড়াইয়া গেল—নিজের চক্ষুকে বিশ্বাস করিতে পারিল না—এ কি! বারে? আমার টেলিগিরাপের তার ছিঁড়লে কে?

ক্ষতির আকস্মিকতায় ও বিপুলতার প্রথমটা সে কিছু ঠাহর করিতে পারিল না। পরে একটু সামলাইয়া লইয়া চাহিয়া দেখিল উঠানের মাটিতে ভিজা পায়ের দাগ এখনও মিলায় নাই তাহার মনের ভিতর হইতে কে ডাকিয়া বলিল—মা ছাড়া আর কেউ নয়। কখনো কেউ নয় ঠিক মা।

ডী ঢুকিয়া সে দেখিল মা বসিয়া বসিয়া বেশ নিশ্চিন্তমনে

কাঁটাল-বীচি ধুইতেছে। সে হঠাৎ দাঁড়াইয়া পড়িল এবং যাত্রাদলের অভিমুখ্য মত ভঙ্গিতে সামনের দিকে বুঁকিয়া বাণীর সপ্তমের মত রিন্‌রিনে তীব্র মিষ্ট সুরে কহিল—আচ্ছা মা, আমি কষ্ট ক'রে ছোট্ট গুলো বৃষ্টি বন বাগান ঘেঁটে নিয়ে আসিনি? সর্বজয়া পিছনে চাহিয়া বিস্মিতভাবে বলিল—কি নিয়ে এসেচিস? কি হয়েছে—

—আমার বৃষ্টি কষ্ট হয় না? কাঁটায় আমার হাত পা ছ'ড়ে যায় নি বৃষ্টি?—

—কি বলে পাগলের মত? হয়েছে কি?

—কি হয়েছে? আমি এত কষ্ট ক'রে টেলিগিরাপের তার টাঙালাম, আর ছিঁড়ে দেওয়া হয়েছে, না?

—তুমি যত উদ্ভূটি কাণ্ড ছাড়া তো একদণ্ড থাকো না বাপু?—পথের মাঝখানে কি টাঙানো রয়েছে—কি জানি টেলিগিরাপ কি কি গিরাপ—আস্টি তাড়াতাড়ি ছিঁড়ে গেল—তা এখন কি করবো বলো—

পরে সে পুনরায় নিজ কাজে মন দিল।

উঃ কি ভীষণ হৃদয়হীনতা! আগে আগে সে ভাবিত বটে যে তাহার মা তাকে ভাল বাসে অল্প যদিও তাহার সে ব্রাহ্ম ধারণা অনেক দিন যুঁচিয়া গিয়াছে—তবুও মাঝে এতটা নিষ্ঠুর, পাষণীরূপে কখনো স্বপ্নেও কল্পনা করে নাই। কাল সারাদিন কোথায় নীলমণি জেঠার ভিটা, কোথায় পালিতদের বড় আমবাগান, কোথায় রাজুগুরু

শ্রীবিভূতিভূষণ বন্দ্যোপাধ্যায়

শায়ের বাঁশবন—ভয়ানক ভয়ানক জললে একা ঘুরিয়া বহু
কষ্টে উঁচু জল হইতে দোলানো গুলক লতা কত কষ্টে
যোগাড় করিয়া সে আনিল...এখুঁমি রেল রেল খেলা হইবে
সব ঠিক ঠাক আর কি না...

হঠাৎ সে মাকে একটা খুব কড়া, খুব রুচ, খুব একটা
প্রাণ-বিধানের মত কথা বলিতে চাহিল—এবং খানিকটা
দাড়াইয়া বোধ হয় অল্প কিছু ভাবিয়া না পাইয়া আগের
চেয়েও তীব্র নিখাদে বলিল—আমি আজ ভাত খাবো না
যাও—কথুখনো খাবো না—

তাহার মা বলিল—না খাবি না খাবি যা—ভাত খেয়ে
একেবারে রাজা ক'রে দেবেন কিনা? এদিকে তো রান্না
নামাতে ভস সয় না—না খাবি যা দেখবো খিদে পেলে
কে খেতে ছায়?

বাস্! চক্কর পলকে—সব আছে, আমি আছি, তুমি
আছ—সেই তাহার মা কাঁটাল বীচি ধুইতেছে—কিন্তু অপু
কোথায়? সে যেন কর্পূরের মত উবিয়া গেল! কেবল
ঠিক সেই সময়ে হুর্গা বাড়ী চুকিতে দরজার কাছে কাহাকে
পাশ কাটাইয়া বড়ের বেগে বাহির হইয়া যাইতে দেখিয়া
বিস্মিত সুরে ডাকিয়া বলিল—ও অপু, কোথায় যাচ্ছিস্
অমন ক'রে—কি হয়েছে ও অপু শোন—

তাহার মা বলিল—জানিনে আমি ষত সব
কাণ্ড বাপু তোমাদের, হাড় মাস কালি হ'য়ে গেল—কি এক
পথের মাঝখানে টাঙিয়ে রেখেচে, আস্টি, ছিঁড়ে গেল—
তা এখন কি হবে? আমি কি ইচ্ছে ক'রে ছিঁড়িচি?
তাই ছেলের রাগ আমি ভাত খাবো না—না খাস্ যা ভাত
খেয়ে সব একেবারে স্বগুণে ঘণ্টা দেবে কিনা তোমরা?

মাতা পুত্রের এরূপ অভিমানের পালায় হুর্গাকেই মধ্যস্থ
হইতে হয়—সে অনেক ডাকাডাকির পরে বেলা দুইটার
সময় তাইকে খুঁজিয়া বাহির করিল। সে শুষ্ক মুখে উদাস
নয়নে ওপাড়ার পথে রাস্তার বাগানে পড়ন্ত আম গাছের
ওড়ির উপর বসিয়াছিল।

বৈকালে যদি কেহ অপুদের বাড়ী আসিয়া তাহাকে
দেখিত, তবে সে কখনই মনে করিতে পারিত না যে এ সেই
অপু—বে আজ সকালে মায়ের উপর অভিমান করিয়া দেশ

ত্যাগী হইয়াছিল। উঠানের এ প্রান্ত হইতে ও প্রান্ত পর্যন্ত
তার টাঙানো হইয়া গিয়াছে। অপু বিস্ময়ের সহিত চাহিয়া
চাহিয়া দেখিতেছিল কিছুই বাকী নাই, ঠিক যেন একেবারে
সত্যিকার রেলরাস্তার তার। বনের দিকটার তার
খাটানোর সময় কেবলই মনে হইয়াছে যদি বেশী ছোট
পাওয়া যায়, তবে সে এগাছে ওগাছে বাধিয়া বাধিয়া তাহার
তারকে পাঠাইয়া দিত দূর হইতে বহু দূরে, একেবারে ওই
বাঁশবনের ভিতর দিয়া কোথায়। বনের নিবিড় গাছ-
পালাকে জয় করিয়া তাহার খেলাঘরের রেল-লাইনের
তারটা সত্যিকারের টেলিগিরাপের মত নিরুদ্ধেশবাত্রা
করিত এই বাঁশবন, কাঁটাঝোপ, শিশিরসিক্ত, অজানা সবুজ
বনের ভিতর দিয়া দিয়া। সে সতুদের বাড়ী গিয়া বলিল—
সতুদা, আমি টেলিগিরাপের তার টাঙিয়ে রেখেচি আমাদের
বাড়ীর উঠানে, চল রেল রেল খেলা করি—আস্বে?

—তার কে টাঙিয়ে দিলে রে?

—আমি নিজে টাঙালাম। দিদিছোটো এনে দিয়েছিল—

সতু বলিল—তুই খেলুগে যা আমি এখন যেতে
পারবো না—

অপু মনে মনে বুঝিল বড় ছেলের ডাকিয়া দল বাধিয়া
খেলার যোগাড় করা তাহার কৰ্ম নয়। কে তাহার কথা
শুনবে? তাহাদের বাড়ীটা গ্রামের এক প্রান্তে, নির্জন
বাঁশবনের মধ্যে, কেই বা সেখানে খেলিতে আসিবে? তবুও
আর একবার সে সতুর কাছে গেল। নিরাশ মুখে রোয়াকের
কোণটা ধরিয়া নিরুৎসাহভাবে বলিল—চল না সতুদা, যাবে?
তুমি আমি আর দিদি খেলবো এখন? পরে সে প্রলোভন-
জনক ভাবে বলিল—আমি টিকিটের জন্মে এতগুলো বাতাবী
নেবুর পাতা তুলে এনে রেখেচি। সে হাত কাঁক করিয়া
পরিমাণ দেখাইল।—যাবে?

সতু আসিতে চাহিল না। অপু বাহিরে বড় মুখ-চোরা, সে
আর কিছু না বলিয়া বাড়ী ফিরিয়া গেল। হুঃখে তার
চোখে প্রায় জল আসিয়াছিল—এত করিয়া বলিয়াও সতু-দা
শুনিল না।

পরদিন সকালে সে ও তাহার দিদি দুজনে মিলিয়া ইট
দিয়া একটা বড় দোকানঘর বাধিয়া জিনিষপত্রের যোগাড়ে



বাঁচির হইল। দুর্গা বনজঙ্গলে উৎপন্ন দ্রব্যের সন্ধান বেশী রাখে—দুর্গনে মিলিয়া নোনাপাতার পান, মোটে আলুর ফলের আলু, রাধালতা ফুলের মাছ, তেলাকুচার পটল, চিচ্চিড়ের বরবটি, মাটির ঢেলার সৈন্ধব লবণ—আরও কত কি সংগ্রহ করিয়া আসিয়া দোকান সাজাইতে বড় বেলা করিয়া ফেলিল। অপু বলিল—চিনি কিসের করবি রে দিদি ?

দুর্গা বলিল—বাঁশতলার পথে সেই চিবিটার ভাল বালি আছে—মা চাল ভাজা ভাজবার জন্তু আনে ?...সেই বালি চল্ আনি গে—সাদা চক্ চক্ কচ্ছে—ঠিক একেবারে চিনি—

বাঁশবনে চিনি খুঁজিতে খুঁজিতে তাহারা পথের ধারের বনের মধ্যে ঢুকিল। খুব উঁচু একটা বন চটকা গাছের আগুড়ালে একটা বড় লতা উঠিয়া সারা মাথাটা যেন চক্ চকে সবুজ পাতার থোকা করিয়া ফেলিয়াছে—তাহারই ঘন সবুজ আড়ালে টুকটুকে রান্ধা, বড় বড় সুগোল কি ফল ছলিতেছে ! অপু ও দুর্গা দুজনেই দেখিয়া অবাক হইয়া গেল। এ রকম ফল তাহারা জীবনে কখনো দেখে নাই তো ! অনেক চেষ্টায় গোটা কয়েক ফল নীচের দিকে লতায় খানিকটা অংশ ছিঁড়িয়া তলার পড়িল। মহা আনন্দে দুজনে একসঙ্গে ছুটিয়া গিয়া ফলগুলি মাটি হইতে তাহারা তুলিয়া লইল। খাসা তেল চুক্চুকে, তুমি হাত দাও, তোমার সারা দেহ যেন স্পর্শ মসৃণতায় শিহরিয়া উঠবে ! কি সুন্দর ফলগুলো ?...

পাকা ফল মোটে তিনটি। প্রধানত বিপণি-সজ্জা উদ্দেশ্যেই তাহা দোকানে একরূপ ভাবে রক্ষিত হইল যে খরিদদার আসিলে প্রথমেই যেন নজরে পড়ে। পুরাদমে বেচাকেনা আরম্ভ হইয়া গেল। দুর্গা নিজেই পান কিনিয়া দোকানের পান প্রায় ফুরাইয়া ফেলিল। খেলা খানিকটা অগ্রসর হইয়াছে এমন সময় দরজা দিয়া সতুকে ঢুকতে দেখিয়া অপু মহা আনন্দে তাহাকে আগাইয়া আনিতে দৌড়িয়া গেল—ও সতুদা, আখোনা কি রকম দোকান হয়েছে কেমন ফল এই আখো—আমি আর দিদি পেড়ে আনলাম—কি ফল বলো দিকি ? জানো ?...

সতু বলিল—ও মাকাল ফল—আমাদের বাগানে কত ছিল।...

সতু আসাতে অপু যেন কৃতার্থ হইয়া গেল। সতু-দা তাহাদের বাড়ীতে তো বড় একটা আসে না—তা ছাড়া সতু-দা বড় ছেলেদের দলের চাই। সে আসাতে খেলায় ছেলেমানুষিটুকু যেন ঘুচিয়া গেল।

অনেকক্ষণ পুরা মরসুমে খেলা চলিবার পর দুর্গা বলিল—ভাই আমাকে হুমণ চাল দাও, খুব সফল, আমার কাল পুতুলের বিয়ের পাকাদেখা, অনেক লোক থাকবে—

অপু বলিল—আমাদের বুঝি নেমস্তম্ভ না ?

দুর্গা মাথা ছুলাইয়া বলিল—না বৈ কি ? তোমরা তো হোলে কনে-যাত্রী—কাল সকালে এসে নকুতো ক'রে নিয়ে যাবো—সতুদা রান্ধুকে বলবে আজ রাত্তিরে একটু চন্দন বেটে রাখে ?—সত্যিকারের চন্দন কিন্তু—সেই যেমন পুনিপুকুরের দিন ক'রে রেখেছিল—কাল সকালে নিয়ে আসবো—

অপু বলিল—এক কাজ করবি দিদি—কাল তোর পুতুলের বিয়েতে সন্দেশ তৈরী কর না কেন ? নেড়াকে ডেকে নিয়ে এসে—নেড়া দেখিয়ে দেবে এখন—

দুর্গা বলিল—নেড়া না দেখিয়ে দিলে বুঝি আমি আর গড়তে পারব না—কাল সকালে দেখিস্ এখন—মাটি বেশ ক'রে জল দিয়ে মেখে আমি কত কি গ'ড়ে দেবো—মেঠাই, নারকোলের সন্দেশ, পাঠাইল—পণোর মধ্য হইতে দোকানের রক্ষিত বিক্রয়ার্থ দুর্গার কথা ভাল করিয়া শেষ হয় নাই এমন সময় সতু কি একটা তুলিয়া লইয়া হঠাৎ দৌড় দিয়া দরজার দিকে ছুটিল—সঙ্গে সঙ্গে অপুও ওরে দিদিরে—নিয়ে গেল রে—বলিয়া তাহার রিন্‌রিনে তীব্র মিষ্ট গলায় চীৎকার করিতে তাহার পিছনে পিছনে ছুটিল !

বিস্মিত দুর্গা ভাল করিয়া ব্যাপারটা কি বুঝিবার আগেই সতু ও অপু দৌড়াইয়া দরজার বাহির হইয়া চলিয়া গেল ! সঙ্গে সঙ্গে খেলা-ঘরের দিকে চোখ পড়িতেই দুর্গা দেখিল সেই পাকা মাকাল ফল তিনটির একটিও নাই।...

দুর্গা একছুটে দরজার কাছে আসিয়া দেখিল সতু গা-ভলার পথে আগে আগে ও অপু তাহা হইতে অল্প নিকটে পিছু পিছু ছুটিতেছে। সতুর বয়স অপূর চেয়ে ৩৪ বৎসরের বেশী, তাহা ছাড়া সে অপূর মত ও রকম ছিপ্‌ছিপে মেয়োল

বন্দ্যোপাধ্যায়

ডনের ছেলে নয়—বেশ জোরালো হাত-পা-ওয়ারা ও শক্ত
—তাহার সহিত ছুটিয়া অপূর পারিবার কথা নহে—তবুও যে
সে ধরি-ধরি করিয়া তুলিয়াছে, তাহার একমাত্র কারণ এই
যে সতু ছুটিতেছে পরের দ্রব্য আত্মসাৎ করিয়া এবং অপূ
ছুটিতেছে প্রাণের দারে।

হঠাৎ দুর্গা দেখিল যে সতু ছুটিতে ছুটিতে পথে একবারটি
যেন নীচু হইয়া পিছন ফিরিয়া চাহিল—সঙ্গে সঙ্গে অপূও হঠাৎ
দাঁড়াইয়া পড়িল—সতু ততক্ষণ ছুটিয়া দৃষ্টির বাহির হইয়া
চালতেতলার পথে গিয়া পড়িল।

দুর্গা ততক্ষণে দৌড়িয়া গিয়া অপূর কাছে পৌছিল। অপূ
একদম চোখ বুজাইয়া একটু সামনের দিকে নীচু হইয়া
ঝুঁকিয়া দুই হাতে চোখ রগড়াইতেছে—দুর্গা বলিল—কি
হয়েচে রে অপূ ?

অপূ ভাল করিয়া চোখ না চাহিয়াই যন্ত্রণার সুরে হ'হাত
দিয়া চোখ রগড়াইতে রগড়াইতে বলিল—সতুদা চোখে ধুলো
ছুঁড়ে মেরেচে দিদি—চোখে কিছু দেখতে পাচ্ছি নে রে—

দুর্গা তাকাতাড়ি অপূর হাত নামাইয়া বলিল—সর, সর
দেখি—ওরকম ক'রে চোখ রগড়াস নে—দেখি ?—

অপূ তখনি দুহাত আবার চোখে উঠাইয়া আকুল সুরে
বলিল—উছ ও দিদি—চোখের মধ্যে কেমন কচ্ছ—আমার
চোখ কানা হ'য়ে গিয়েচে দিদি—

—দেখি দেখি ওরকম ক'রে চোখে হাত দিসনে—সর—
পরে সে কাপড়ে হুঁ পাড়িয়া চোখে ভাপ দিতে লাগিল। কিছু
পরে অপূ একটু একটু চোখ মেলিয়া চাহিতে লাগিল—দুর্গা
তাহার দুই চোখের পাতা তুলিয়া অনেকবার হুঁ দিয়া
বলিল—এখন বেশ দেখতে পাচ্ছিস ?—আচ্ছা তুই বাড়ী
বা—আমি ওদের বাড়ী গিয়ে ওর মাকে আর ঠাকুমাকে সব
বলে দিয়ে আসছি—রাহুকেও বলবো—আচ্ছা হুঁ, ছেলে
তো—তুই যা—আমি আসছি এখুনি—

রাহুদের খিড়কি দরজা পর্যন্ত অগ্রসর হইয়া দুর্গা কিন্তু
আর যাইতে সাহস করিল না। সেজঠাকুমাকে সে ভয়
করে—খানিকক্ষণ খিড়কির কাছে দাঁড়াইয়া ইতস্তত
করিয়া সে বাড়ী ফিরিল। সদর দরজা দিয়া ঢুকিয়া সে
দেখিল অপূ দরজার সাম ধারের কবাটখানি একটুখানি

সামনে ঠেলিয়া দিয়া তাহারই আড়ালে দাঁড়াইয়া নিঃশব্দে
কাঁদিতেছে। সে ছিঁচ্কাঁড়নে ছেলে নয়, বড় কিছুতেই সে
কখনো কাঁদে না—রাগ করে, অভিমান করে, বটে, কিন্তু
কাঁদে না। দুর্গা বুঝিল আজ তাহার অত্যন্ত দুঃখ হইয়াছে,
অত সাধের ফলগুলি গেল...তাহা ছাড়া আবার চোখে ধুলো
দিয়া একরূপ অপমান করিল! অপূর কারা সে সহ্য করিতে
পারে না—তাহার বুকের মধ্যে কেমন যেন করে।

সে গিয়া ভাইয়ের হাত ধরিল—সাম্বনার সুরে বলিল—কাঁদিস
নে অপূ—আর তোকে আমার সেই কড়িগুলো সব দিচ্ছি—
আর—চোখে কি আর ব্যথা বাড়্চে ?...দেখি কাপড়খানা
বুঝি ছিঁড়ে ফেলেচিস ?

১৯

খাওয়া দাওয়ার পর দুপুর বেলা অপূ কোথাও বাহির
না হইয়া ঘরেই থাকে। অনেক দিনের জীর্ণ পুরাতন কোটা
বাড়ীর পুরাতন ঘর। জিনিষপত্র, কাঠের সেকালের সিন্দুক,
কটা রংএর সেকালের বেতের পেটরা, কড়ির আলনা, কল
চৌকিতে ঘর ভরানো। এমন সব বাক্স আছে যাহা অপূ
কখনো খুলিতে দেখে নাই,তাকে রক্ষিত এমন সব
হাঁড়ী কলসী আছে, যাহার অভ্যন্তরস্থ দ্রব্য সম্বন্ধে সে
সম্পূর্ণ অজ্ঞ।

সব শুদ্ধ মিলিয়া ঘরটিতে পুরানো জিনিষের কেমন
একটা পুরানো পুরানো গন্ধ বাহির হয়—সেটা কিদের গন্ধ
তাহা সে জানে না, কিন্তু সেটা যেন বহু অতীত কালের কথা
মনে আনিয়া দেয়। সে অতীত দিনে সে ছিল না, কিন্তু
এই কড়ির আলনা ছিল, ঐ ঠাকুর দাদার বেতের কাঁপিটা
ছিল, ঐ বড় কাঠের সিন্দুকটা ছিল, ওই যে সোঁদালি পাছের
মাথা বনের মধ্য হইতে বাহির হইয়া আছে, ওই পোড়ো
অঙ্গলে ভরা জারগাটাতে কাঁহাদের বড় চণ্ডীমণ্ডপ ছিল,
আরও কত নামের কত ছেলে মেরে একদিন এই ভিটাতে
খেলিয়া বেড়াইত, কোথায় তাঁরা ছায়া হইয়া মিলাইয়া গিয়াছে
কতকাল আগে!

যখন সে একা ঘরে থাকে, মা ঘাটে যার—তখন তাহার
অত্যন্ত লোভ হয় ওই বাক্সটা, বেতের কাঁপিটা খুলিয়া দিনের
আলোর বাহির করিয়া পরীক্ষা করিয়া দেখে কি অদ্ভুত রহস্য



উভাদের মধ্যে গুপ্ত আছে। কাঠের সিন্দুকটার উপর তাহাদের বড় ধামাটা উপুড় করিয়া তাহার উপর দাঁড়াইয়া ঘরের আড়ার সন্মুখ তাকে কাঠের বড় বারকোসে যে তালপাতার পুঁপির স্তূপ ও খাতাপত্র আছে বাবাকে জিজ্ঞাসা করিয়া জানিতে পারিয়াছিল সেগুলি তাহার ঠাকুরদাদা রামচাঁদ তর্কালঙ্কারের—তাহার বড় ইচ্ছা ওইগুলি যদিহাতের নাগালে ধরা দেয়, তবে সে একবার নীচে নামাইয়া নাড়িয়া চাড়িয়া দেখে। এক একদিন বনের ধারের জানালাটার বসিয়া ছুপুর বেলা সে সেই ছেঁড়া কাশীদাসের মহাভারত খানা লইয়া পড়ে, সে নিজেই খুব ভাল পড়িতে শিখিয়াছে, আগেকার মত আর মার মুখে শুনিতে হয় না, নিজেই জলের মত পড়িয়া যায় ও বুঝিতে পারে। পড়াশুনায় তাহার বুদ্ধি খুব তীক্ষ্ণ, তাহার বাবা মাঝে মাঝে তাহাকে গাঙ্গুলি বাড়ীর চণ্ডীমণ্ডপে বৃদ্ধদের মজলিসে লইয়া যায়, রামায়ণ কি পাঁচালী পড়িতে দিয়া বলে, পড়ো তো বাবা, এঁদের একবার শুনিয়ে দাও তো? বৃদ্ধেরা খুব তারিফ করেন, দীক্ষু চাটুষো বলেন—আর আমার নাতিটা, এই তোমার খোকারই বয়স হবে, ছুখানা বর্ণ পরিচয় ছিঁড়লে বাপু, শুন্লে বিখেস করবে না, এখনো ভাল ক'রে অঙ্ক চিন্লে না—বাপের ধারা পেয়ে ব'সে আছে—ঐ যে ক'দিন আমি আছি রে বাপু, চক্ষু বুজলেই লাঙলের মুঠো ধরতে হবে। পুত্রগর্বে হরিহরের বুক ফুলিয়া ওঠে। মনে মনে ভাবে—ওকি তোমাদের হবে? কর্লে তো চিরকাল স্ত্রদের কারবার!—হোলামই বা গরীব, হাজার হোক পণ্ডিতবংশ তো বটে, বাবা মিথোই তালপাতা ভরিয়া ফেলেন নি, পুঁথি লিখে বংশে একটা ধারা দিয়ে গিয়েচেন, সেটা যাবে কোথায়?

তরুপোষের পাশেই জলচৌকিতে মায়ের টিনের পেটরাটা। চিনে মাটির একরাশ পুতুল তার মধ্যে আবদ্ধ ছটা বড় বড় মেম পুতুল, একটা হাতী, একটা হরিণ, মায়ের বাক্স খুলিবার সময় সে দেখিয়াছে। চিনেমাটির পুতুলে তাহার মন তেমন টানে না কিন্তু তাহার দিদি সেগুলার ভক্ত একেবারে পাগল! কতদিন ছুপুরে সকালে, সন্ধ্যায় বাড়ীতে যখন মা না থাকে, দিদি প্রলুব্ধ মনে মায়ের পেটরার আশে-পাশে ঘুরিয়া বেড়ায়, একবার ছুজনে বড়বয়

করিয়াছিল যুমন্ত অবস্থায় মায়ের আঁচল হইতে চাবির স্টিংটা খুলিয়া লুকাইয়া রাখিবে এবং—কিছু কার্যো কিছুই হয় নাই। অপু দিদিকে বুঝাইয়াছে যে বিবাহের পর সে যখন যশুর বাড়ী যাইবে, সব চীনে মাটির পুতুলগুলো বাহির করিয়া মা তাহার পেটরা সাজাইয়া দিবে, পাছে সে ভাঙিয়া ফেলে এজন্য এখন দেয় না।

তাহাদের ঘরের জানালায় কয়েক হাত দূরেই বাড়ীর পাঁচিল এবং পাঁচিলের ওপাশ হইতেই পাঁচিলের গা ঘেঁসিয়া কি বিশাল আগাছার জঙ্গল আরম্ভ হইয়াছে। জানালায় বসিয়া শুধু চোখে পড়ে সবুজ সমুদ্রের ঢেউয়ের মত ভাঁট-শেওড়া গাছের মাথাগুলো, এগাছে ওগাছে দোহলামান কত রকমের লতা, প্রাচীন বাঁশবনের শীর্ষ বয়সের ভারে যেখানে সোঁদালি, বন-চালতা :গাছের উপর ঝুঁকিয়া পড়িয়াছে, তাহার নীচেকার কালো মাটির বৃকে ধজন পাখীর নাচ। বড় গাছপালার তলার হলুদ, বনকচু, কটুওলের ঘন সবুজ জঙ্গল ঠেলাঠেলি করিয়া সূর্যের আলোর দিকে মুখ ফিরাইতে প্রাণপণ করিতেছে, এই জীবনের যুদ্ধে যে গাছটা অপারগ হইয়া গর্কদৃষ্ট প্রতিবেশীর আঙত্য চাপা পড়িয়া গিয়াছে, তাহার পাতাগুলি বিবর্ণ, মৃত্যুপাণ্ডুর, ভাঁটা গলিয়া আসিল, মরণাহত দৃষ্টির সম্মুখে শেষ-শরতের বন-ভরা পরিপূর্ণ বল্মলে রোদ্দ, পরগাছার ফুলের আকুল আর্দ্র সুগন্ধ মাখানো গৃথিবীটা তাহার সকল সৌন্দর্য্য, রহস্ত, বিপুলতা লইয়া ধীরে ধীরে আড়ালে মিলাইয়া চলিয়াছে।

তাহাদের বাড়ীর ধার হইতে এ বনজঙ্গল একদিকে সেই কুঠীর মাঠ, অপর দিকে নদীর ধার পর্য্যন্ত একটানা চলিয়াছে। অপূর কাছে এ বন, অসীম অকুরন্ত ঠেকে, সে দিদির সঙ্গে কতদূর এ বনের মধ্যে তো বেড়াইয়াছে, বনের শেষ দেখিতে পার নাই—শুধুই এই রকম ত্রিভুজাক গাছের তলা দিয়া পথ, মোটা মোটা গুলঞ্চলতা ছলানো, খোলো বন-চালতার ফল চারিধারে। সূঁড়ি পথটা এক একটা আমবাগানে আসিয়া শেষ হয়, আবার এগাছের ওগাছের তলা দিয়া বন-কলমী, নাটা-কাঁটা, ময়না-কোপের ভিতর দিয়া চলিতে চলিতে কোথায় কোন্ দিকে লইয়া গিয়া ফেলিতেছে, শুধুই বন-ধুঁধুলের লতা কোথায় সেই ত্রিভুজ

শ্রীবিভূতিভূষণ বন্দ্যোপাধ্যায়

কালে, প্রাচীন শিরীষ গাছের শেওলা-ধরা ডালের গায়ে পরগাছার ঝাড় নজরে আসে।

এই বনের মধ্যে কোথায় একটা মজা, পুরানো পুকুর আছে, তারই পারে যে ভাঙ্গা মন্দিরটা আছে, আজকাল যেমন পঞ্চানন্দ ঠাকুর গ্রামের দেবতা, কোন্ সময়ে ঐ মন্দিরের বিশালাক্ষী দেবী সেইরকম ছিলেন। তিনি ছিলেন গ্রামের মজুমদার বংশের প্রতিষ্ঠিত দেবতা, এক সময় কি বিষয়ে সফলমনস্কাম হইয়া তাঁহারা দেবীর মন্দিরে নরবলি দেন, তাহাতেই রুগ্ন হইয়া দেবী স্বপ্নে জানাইয়া যান যে তিনি তিনি মন্দির পরিত্যাগ করিয়া চলিয়া গেলেন, আর কখনো ফিরিবেন না। অনেক কালের কথা, বিশালাক্ষীর পূজা হঠতে দেখিয়াছে একরূপ কোনো লোক আর জীবিত নাই, মন্দির ভাঙিয়া চুরিয়া গিয়াছে, মন্দিরের সম্মুখের পুকুর মজিয়া ডোবায় পরিণত হইয়াছে, চারিধার বনে ছাইয়া ফেলিয়াছে, মজুমদার বংশেও বাতি দিতে আর কেহ নাই।

কেবল—সেও অনেকদিন আগে—গ্রামের স্বরূপ চক্রবর্তী ভিন-গাঁ হঠতে নিমন্ত্রণ খাইয়া ফিরিতেছিলেন—সন্ধ্যার সময় নদীর ঘাটে নামিয়া আসিতে পথের ধারে দেখিলেন একটা সুন্দরী ষোড়শী মেয়ে দাঁড়াইয়া। স্থানটা লোকালয় হঠতে দূরে, সন্ধ্যা উত্তীর্ণ হইয়া গিয়াছিল, পথে কেহ কোথাও নাই, এ সময় নিরালা বনের ধারে একটা অল্পবয়সী সুন্দরী মেয়েকে দেখিয়া স্বরূপ চক্রবর্তী দস্তুর মত বিস্মিত হইলেন। কিন্তু তিনি কোনো কথা কহিবার পূর্বেই মেয়েটি ঈষৎ গন্ধমিশ্রিত অথচ মিষ্টস্বরে বলিল—আমি এ গ্রামের বিশালাক্ষী দেবী। গ্রামে অল্পদিনে ওলাউঠার মড়ক আরম্ভ হবে—বলে দিও চতুর্দশীর রাত্রে পঞ্চানন্দ তলায় একশ আটটা কুম্ভে বালি দিয়ে যেন কালীপূজা করে। কথা শেষ হইবার সঙ্গে সঙ্গেই স্তম্ভিত স্বরূপ চক্রবর্তীর চোখের সামনে মেয়েটি চারিধারের শীত সন্ধ্যার কুয়াসায় ধীরে ধীরে যেন মিলাইয়া গেল। এই ঘটনার দিন কয়েক পরে সত্যই দেবার গ্রামে ভয়ানক মড়ক দেখা দিয়াছিল

এ সব গল্প কতবার সে শুনিয়াছে। জানালার ধারে দাঁড়ালেই বিশালাক্ষী ঠাকুরের কথা তাহার মনে ওঠে। দেবী বিশালাক্ষীকে একটিবার দেখিতে পাওয়া যায় না ?

হঠাৎ সে বনের পথে হঠত গুলঞ্চের লতা পাড়িতেছে— সেই সময়—

খুব সুন্দর দেখিতে, রাঙা পাড় শাড়ী পরনে, হাতে গলায় মা-তুর্গার মত হার বালা।

—তুমি কে ?

—আমি অপু।

—তুমি বড় ভাল ছেলে, কি বর চাও ?

একটু পরে তাহার মনে হয় সে ঠাকুরদাদার বেতের ঝাঁপিটা—খুলিবার চেষ্টা করিবে। লেপের খোলে ছেঁড়া চেলির টুকরায় বাধা চাবির গোছা থাকে, সে টানিয়া বাহির করে। কিন্তু অগ্ৰাণ দিনের মত অনেক খুটখাট করিয়াও কিছুতেই কোনো চাবিটাই সে লাগাইতে পারে না, অগত্যা চেলির টুকরা যথাস্থানে রাখিয়া সে বিছানায় গিয়া শোয়। এক একবার ঝিঝিরে হাওয়ায় কত কি লতাপাতার তিক্ত মধুর গন্ধ ভাসিয়া আসে, ঠিক ছপুর বেলা, অনেক দূরের কোনো বড় গাছের মাথার উপর হঠতে গাঙ-চিল টানিয়া টানিয়া ডাকে, যেন এই ছোট গ্রাম খানির অতীত ও বর্তমান সমস্ত ছোটো খোটো দুঃখ সুখ শান্তি হৃদয়ের উর্দ্ধে শরৎ-মধ্যাহ্নের রৌদ্রভরা, নীল নির্জন আকাশপথে এক উদাস, গৃহ-বিবাগী পথিক-দেবতার সুকণ্ঠের অবদান দূর হঠতে দূরে মিলাইয়া চলিয়াছে।

কখন সে ঘুমাইয়া পড়ে বুঝিতে পারে না, ঘুমাইয়া উঠিয়া দেখে বেলা একেবারে নাই। জানালার বাহিরে সারা বনটার ছায়া পড়িয়া আসিয়াছে, বাশঝাড়ের আগায় রাঙা রোদ। প্রতিদিন এই সময়—ঠিক এই ছায়া-ভরা বৈকালটিতে, নির্জন বনের দিকে চাহিয়া তাহার অতি অদ্ভুত কথা সব মনে হয়। অপূর্ব খুসিতে মন ভরিয়া ওঠে, মনে হয় এ রকম লতা পাতার মধুর গন্ধভরা দিন গুলি ইহার আগে কবে একবার যেন আসিয়াছিল, সে সব দিনের অমুভূত আনন্দের অস্পষ্ট স্মৃতি আসিয়া এই দিন গুলিকে ভবিষ্যতের কোন্ অনির্দিষ্ট আনন্দের আশায় ভরিয়া তোলে মনে হয় একটা যেন কিছু ঘটবে, এ দিনগুলি বুঝি বৃথা যাইবে না—একটা বড় কোনো আনন্দ ইহাদের শেষে অপেক্ষা করিয়া আছে যেন। এই অপরাহ্নগুলির সঙ্গে



আজন্ম সাথী, সুপরিচিত এই আনন্দ-ভরা বহুরূপী বনটার সঙ্গে কত রহস্যময়, স্বপ্ন দেশের বার্তা যে জড়ানো আছে ! বাশঝাড়ের উপরকার ছায়া-ভরা আকাশটার দিকে চাহিয়া সে দেখিতে পায় এক তরুণ বীরের উদারতার সুযোগ পাইয়া—কে প্রার্থী একজন তাহার অক্ষয় কবচকুণ্ডল মাগিয়া লইতে হাত পাতিয়াছে, পিটুলি-গোলা পান করিয়া কোথাকার এক ক্ষুদ্র দরিদ্র বালক খেলুড়েদের কাছে 'দুধ খেয়েছি' 'দুধ খেয়েছি' বলিয়া উল্লাসে নৃত্য করে,—ঐ যে পোড়ো ভিটার বেলতলাটা—ওই খানেই তো শরশয্যা শাসিত প্রবীণ বীর ভীষ্মদেবের মরণাহত ওষ্ঠে তীক্ষ্ণ বাণে পৃথিবী ফুঁড়িয়া অর্জুন ভোগবতীধারা সিঞ্চন করিয়াছিলেন। প্রথম যৌবনে সরযুতটের কুসুমিত কাননে মৃগয়া করিতে গিয়া রাজা দশরথ মৃগভ্রমে যে জল-আহরণরত দরিদ্র বালককে বধ করেন—সে ঘটয়াছিল ওই রাহু দিদিদের বাগানের বড় জাম গাছটার তলায় যে ডোবা ?—তাহারই ধারে।

তাহাদের বাড়ী একখানা বই আছে, পাতাগুলো সব হলুদে, মলাটটার খানিকটা নাই, নাম লেখা আছে, 'বীরাজনা কাব্য', কিন্তু লেখকের নাম জানে না, গোড়ার দিকের পাতা গুলি ছিঁড়িয়া গিয়াছে। বইখানা বড় ভাল লাগে—তাহাতে সে পড়িয়াছে :—

অদূরে দেখিহু হৃদ ; সে হৃদের তীরে
রাজরথী একজন যান গড়াগড়ি
ভগ্নউরু !...

কুলুইচণ্ডী ত্রতের দিন মায়ের সঙ্গে গ্রামের উত্তর মাঠে যে পুরানো, মজা পুকুরের ধারে সে বন-ভোজন করিতে যায়—কেউ জানে না—চারি ধারে বনে ঘেরা সেই ছোট পুকুরটাই মহাভারতের সেই বৈশ্যময়ন হৃদ। ঐ নির্জজন মাঠের পুকুরটার মধ্যে সে ভগ্নউরু, অবমানিত বীর থাকে একা একা, কেউ দেখে না, কেউ খোঁজ করে না। উত্তর মাঠের কলা বেগুনের ক্ষেত হইতে রূপণেরা ফিরিয়া আসে কেউ থাকে না কোনো দিকে—সোনাডাঙা মাঠের পারের অনাবিকৃত বসতিশুল্ল, অজানা দেশে চক্রহীন রাত্রির ঘন অন্ধকার ধীরে ধীরে বিস্তার লাভ করে তখন হাজার হাজার বছরের পুরাতন মানব বেদনা কখনো বা দরিদ্র

পিতার প্রবঞ্চনামুগ্ধ অবোধ বালকের উল্লাসে, কখনো বা এক ভাগাহত, নিঃসঙ্গ, অসহায় রাজপুত্রের ছবিতে তাহার প্রবন্ধমান, উৎসুকমনের সহানুভূতিতে জাগ্রত সার্থক হয়। ঐ অজ্ঞাত নামা লেখকের বইখানা পড়িতে পড়িতে কতদিন যে তাহার চোখের পাতা ভিজিয়া আসিয়াছে !

তাহার বাবা বাড়ী নাই। বাড়ী থাকিলে তাহাকে এক মনে ঘরে বসিয়া দপ্তর খুলিয়া পড়িতে হয়। একেবারে বেলা শেষ হইয়া যায় তবুও ছুটি হয় না। তাহার মন ব্যাকুল হইয়া ওঠে। আর কতক্ষণ বসিয়া বসিয়া শুভঙ্করীর আর্ঘ্যা মুখস্থ করিবে ? আজ আর বুঝি সে খেলা করিবে না ? বেলা বুঝি আর আছে ? বাবার উপর ভারী রাগ হয়, অভিমান হয়। হঠাৎ অপ্রত্যাশিত ভাবে ছুটি হইয়া যায়। বই দপ্তর কোনোরকমে বুপ্ করিয়া এক জায়গায় ফেলিয়া রাখিয়া ছায়াভরা উঠানে গিয়া খুসিতে সে নাচিতে থাকে। অপূর্ব অদ্ভুত বৈকালটা... নিবিড় ছায়াভরা গাছপালার ধারে খেলাঘর... গুলঞ্চ-লতার তার টাঙানো... খেজুর ডালের বাঁশ... বনের দিক থেকে ঠাণ্ডা ঠাণ্ডা গন্ধ বাহির হয়... রাঙা রোদটুকু জেঠামশায়দের পোড়ো ভিটায় বাতাবী নেবু গাছের মাথায় চিক্ চিক্ করে... চক্চকে বাদামী রংএর ডানাওয়াল তেড়ো পাখী বনকলমী ঝোপে উড়িয়া আসিয়া বসে... তাজা মাটির গন্ধ... ছেলেমানুষের জগৎ ভরপুর আনন্দে উছলিয়া ওঠে... কাহাকে সে কি করিয়া বুঝাইবে সে কি আনন্দ !

সন্ধ্যার পর সর্বজয়া ভাত চড়াইয়াছিল। অপূ দাওয়ার মাহুর পাতিয়া বসিয়া আছে। খুব অন্ধকার, একটানা ঝিঁ ঝিঁ পোকা ডাকিতেছে।

অপূ জিজ্ঞাসা করিল—পূজোর আর কদিন আছে মা ?
চুর্গা বটি পাতিয়া তরকারী কাটিতেছিল। বলিল—
আর বাইশ দিন আছে না মা ?

সে হিসাব ঠিক করিয়াছে। তাহার বাবা বাড়ী আসিবে, অপূর, মায়ের, তাহার জন্ম পুতুল কাপড়, তাহার জন্ম আলতা।

আজকাল সে বড় হইয়াছে বলিয়া তাহার মা অল্প পাড়া গিয়া নিমন্ত্রণ খাইতে দেয় না। কতদিন যে সে কোথা

ত্রিবিভূতিভূষণ বন্দ্যোপাধ্যায়

নমস্করণ খায় নাই! লুচি খাইতে কেমন, তাহা সে প্রায় ভুলিয়া গিয়াছে। ফুটফুটে কোজাগরী পূর্ণিমার জ্যেৎমা-ভরা রাত্রে বাঁশবনের আলো-ছায়ায় জাগ-বুনানি পথ বাহিয়া সে আগে আগে পাড়ায় পাড়ায় বেড়াইয়া লক্ষ্মীপূজার খই-মুড়ি ভাজা আঁচল ভরিয়া লইয়া আসিত, বাড়ীতে বাড়ীতে শাঁক বাজে, পথে লুচি-ভাজার গন্ধ বাহির হয়, হয়তো পাড়ার কেউ পূজার শীতলের নৈবেদ্য একখানা তাহাদের বাড়ীতে পাঠাইয়া দেয়, সেও অনেক খই-মুড়ি আনিত, তাহার মা দুই দিন ধরিয়া তাহাদের জলপান খাইতে দিত, নিজেও খাইত। সেবার সেজ ঠাকরণ বলিয়াছিল—ভদ্রর লোকের মেয়ে আবার চাষা লোকের মত বাড়ী বাড়ী ঘুরে খই মুড়ি নিয়ে বেড়াবে কি? ওসব দেখতে খারাপ...ওরকম আর পাঠিও না বোমা,—সেই হইতে সে আর যায় না।

দুর্গা বলিল—মা তাস খেলবে?

—তা যা ও ঘর থেকে তাসটা নিয়ে আয়—একটু খেলি—

দুর্গা বিষমমুখে অপূর দিকে চাহিল। অপূ হাসিয়া বলিল—চল আমি দাঁড়াচ্ছি

তাহাদের মা বলিল—আহা হা, মেয়ের ভয় দেখে আর বাঁচিনে—সারাদিন বলে হেঁট মাটি ওপর ক'রে বেড়াবার বেলা ভয় লাগে না আর রাত্তিরে এঘর থেকে ওঘর যেতে একেবারে সব আড়ষ্ট!

বধূদের বাড়ী হইতে আনা অপূর সেই তাস জোড়াটা। তাস খেলায় তিনজনের কৃতিত্বই সমান। অপূ এখনও সব রং চেনে না—মাঝে মাঝে হাতের তাস বিপক্ষ দলের খেলোয়াড় মাকে দেখাইয়া বলে—এটা কি কইতন—ছাখো না মা? পরে সে বলে—তাস খেলতে খেলতে সেই গল্পটা বলো না—সেই শ্যামলঙ্কার গল্পটা? খানিকটা খেলা মগ্নসর হইতেই সে হঠাৎ সরিয়া গিয়া মায়ের কোলে মাথা রাখিয়া শুইয়া পড়ে। মায়ের গায়ে হাত বুলাইতে বুলাইতে আবদারের সুরে বলে—সেই ছড়াটা বলো না মা—সেই শ্যামলঙ্কা বাটনা বাটে মাটিতে লুটায় কে শ? দুর্গা বলে—খেলার সময় ছড়া বললে খেলা হবে কি ক'রে—

ঠা অপূ—

তাহার মা স্নেহে বার বার ছেলের দিকে চাহিয়া দেখিতেছিল—সেদিনকার সেই অপূ—আয় চাঁদ আয় চাঁদ খোকনের কপালে টী-ই-ই-ই দিয়ে যা—বলিলে বার বার কলের পুতুলের মত চাঁদের মত কপালখানি অঙ্গুলিবন্ধ হস্তের দিকে ঝুঁকাইয়া দিত—সে কি না আজ তাস খেলিতে বসিয়াছে! তাহার মায়ের কাছে দৃশ্টা অপূর্ক, বড় অভিনব ঠেকে।

দুর্গা বলে—আজ কি হয়েছে জানো না মা—বলবো অপূ? বলি?

তাহার মা জিজ্ঞাসা করে—কি হয়েছে?...

—বলবো অপূ?...এই—

—যা: তা হোলে তোর সঙ্গে যা আড়ি করবো—ব'লে ঝাখ্—

অপূ মুখে বলিল বটে কিন্তু দিদির দিকে সে আজকাল বড় ভালবাসে। সেই যে যেদিন তাহার পাকা মাকাল ফলগুলা সতু-দা লইয়া পালাইয়াছিল, সেদিন তাহার দিদি সারাদিন বন বাগান খুঁজিয়া সন্ধ্যার সময় কোথা হইতে আঁচলে বাঁধিয়া এক রাশ মাকাল ফল আনিয়া তাহার সম্মুখে খুলিয়া দেখাইয়া বলিয়াছিল—কেমন হোলো তো এখন? বড্ড যে কাঁদছিলি সকাল বেলা? সে সন্ধ্যায় কিসে সে বেশী আনন্দ পাইয়াছিল—মাকাল ফলগুলা হইতে কি দিদির মুখের বিশেষ করিয়া তাহার ডাগর চোখের মমতা-ভরা স্নিগ্ধ হাসি হইতে—তাহা সে জানে না।

—ছকার খেলা অপূ বুঝে সাজে খেলিস?—দুর্গা মহাখুসির সহিত তাস কুড়াইয়া সাজাইতে লাগিল।...

—কি ফুলের গন্ধ বেরুচ্ছে না দিদি?

তাহাদের মা বলিল তাহাদের জেঠামশায়দের ভিটার পিছনে ছাতিম গাছ আছে, সেই ফুলের গন্ধ। অপূ ও দুর্গা দুজনেই আগ্রহের সুরে জিজ্ঞাসা করিল—হ্যাঁ মা ওই ছাতিম তলায় একবার বাঘ এসেছিল—বলেছিলে না? কিন্তু তাহার মা তাড়াতাড়ি তাস ফেলিয়া উঠিয়া বলিল—ঐ যা:, ভাত পুড়ে গেল, ধরাগন্ধ বেরিয়েচে—ভাতটা নামিয়ে দাঁড়া বল্চি—



খাইতে বসিয়া দুর্গা বলিল—পাতাল কোঁড়ের তরকারীটা কি সুন্দর খেতে হয়েছে মা? সঙ্গে সঙ্গে অপুও বলিল— বাঃ। খেতে ঠিক মাংসের মত, না দিদি? পাতাল কোঁড়ে এক জায়গায় কত ফুটে আছে মা, আমি ভাবি বাঙের ছাতা, তাই তুলিনে—উভয়ের উচ্ছ্বসিত প্রশংসিত বাক্যে সকলজয়ার বুক গলে ও তৃপ্তিতে ভারসা উঠিল। তবুও কি আর উপযুক্ত উপকরণ সে পাইয়াছে? লোকের বাড়ীতে ভোজে রাখিতে ডাকে সেজ ঠাক্করণকে ডাকুক না দেখি একবার তাহাকে রান্না কাহাকে বলে সেজঠাক্করণকে সে— চাঁ। সকলজয়া বলিল—অপুর হাতে জল ঢেলে দে দুর্গা, ওকি ছেলের কাণ্ড? ঐ রাস্তার মাঝখানে মুখ ধোয়? রোজই রাত্রে তুমি ওই পথের উপর—

অপু কিন্তু আর এক পাও নড়িতে চাহেনা, সম্মুখে সেই ভাঙ্গা পাঁচিলের ফাঁক অন্ধকার বাঁশবন ঝোড় জঙ্গলের অন্ধকার ঝিঙের বিচির মত কালো। পোড়ো ভিটেবাড়ী...বাঘ...আরও অজানা কত কি বিভীষিকা! সে বুঝিতে পারেনা যেখানে প্রাণ লইয়া টানাটানিসেখানে পথের উপর আঁচানটাই কি এত বেশী?

ভাংহার পরে সকলে গিয়া ঘুমাইয়া পড়ে। রাত্রি গভীর হয়, ছাতিম ফুলের উগ্র সুবাসে হেমন্তের আঁচলাগা শিশিরার্দ্র নৈশ বায়ু ভরিয়া যায়। মধ্য রাত্রে বেণুবনশীর্ষে কুম্ভ পক্ষের চাঁদের ম্লান জ্যোৎস্না উঠিয়া শিশিরসিক্ত গাছপালায় ডালে পাতায় চিক্চিক্ করে। আলো আঁধারের অপরূপ মায়ায় বনপ্রান্তে ঘুমন্ত পরীর দেশের মত রহস্য ভরা। শন শন করিয়া হঠাৎ হয়তো এক বলক হাওয়া সোঁদালির ডাল ছলাইয়া তেলাকুচো ঝোপের মাথা কাঁপাইয়া বহিয়া যায়।

এক একদিন এই সময় অপূর ঘুম ভাঙ্গিয়া যাইত। সেই দেবী যেন আসিয়াছেন সেই গ্রামের বিস্মৃতা অধিষ্ঠাত্রী দেবী

বিশালাক্ষী। পুলিনশালিনী ইচ্ছামতীর ডালিমের রোয়ার মত স্বচ্ছ জলের ধারে, কুচা শেওলা ভরা ঠাণ্ডা কাদায়, কতদিন আগে যাহাদের চিহ্ন লুপ্ত হইয়া গিয়াছে, তীরের প্রাচীন সপ্তপর্ণ-টাও হয়তো যাদের দেখে নাই, পুরানো কালের অধিষ্ঠাত্রী দেবীর মন্দিরে তারই এক সময়ে ফুল ফল নৈবেদ্যে পূজা দিত, আজকালকার লোকেরা কে তাঁহাকে জানে? তিনি কিন্তু এ গ্রামকে এখনও ভোলেন নাই।

গ্রাম নিশ্চুতি হইয়া গেলে অনেক রাত্রে, তিনি বনে বনে ফুল ফুটাইয়া বেড়ান, বিহঙ্গশিশুদের দেখা শুনা করেন, জ্যোৎস্না রাত্রের শেষ প্রহরে ছোট ছোট মৌমাছিদের চাক গুলি বুনো-ভাঁওরা নটকান, পুঁয়ো ফুলের মিষ্ট মধুতে ভরাইয়া দেন।

তিনি জানেন কোন ঝোপের কোণে বাসক ফুলের মাথা লুকাইয়া আছে, নিভৃত বনের মধ্যে ছাতিম ফুলের দল কোথায় গাছের ছায়ায় শুইয়া, ইচ্ছামতীর কোন্ বাঁকে সবুজ শেওলার ফাঁকে ফাঁকে নীল পাপড়ি কলমী ফুলের দল ভিড় পাকাইয়া তুলিতেছে, কাঁটা গাছের ডাল পালার মধ্যে ছোট খড়ের বাসায় টুন্টুনি পাখীর ছেলেমেয়েরা কোথায় ঘুম ভাঙ্গিয়া উঠিল।

তাঁর রূপে স্নিগ্ধ আলোয় বন যেন ভরিয়া গিয়াছে। নীরবতার জ্যোৎস্নার সুগন্ধে, অস্পষ্ট আলো আঁধারের মায়ায় রাত্রির অপরূপ স্ত্রী।

দিনের আলো ফুটিবার আগেই বনলক্ষ্মী কোথায় মিলাইয়া যান, স্বরূপ চক্রবর্তীর পর আর তাহাকে কেহ কোনদিন দেখে নাই।

প্রথম খণ্ডের শেষ

(ক্রমশঃ)

লাইব্রেরী আন্দোলন

শ্রীস্বশীলকুমার ঘোষ

লাইব্রেরী আন্দোলন প্রধানত শিক্ষাবিস্তারের লইয়া থাকিলে চলিবে না। যে আদর্শ সমাজের মধ্যে আন্দোলন। যাহাতে শিক্ষার বীজ জনসাধারণের মনে ফুটাইতে চাই, তাহা পরিপুষ্টির জন্ত লোকমতের প্রয়োজন। অতি সহজে বপন করিতে পারা যায় তাহার প্রচেষ্টা লাইব্রেরী যে প্রথা দেশের মধ্যে প্রবর্তিত করিবার কামনা হৃদয়ে আন্দোলনের মূল উদ্দেশ্য। এই উদ্দেশ্যসাধনের জন্ত পোষণ করি, তাহা সুদৃঢ় ভিত্তির উপর প্রতিষ্ঠিত করিতে শিক্ষিত সমাজে নানা রূপ চেষ্টা চলিতেছে। বিভিন্ন পদ্ধতি হইলে, জনসাধারণের মধ্যে তাহার অভিব্যক্তি একান্ত অবলম্বন করিয়া যাহাতে অল্প আয়্যাসে লাইব্রেরীর সাহায্য বাঞ্ছনীয়। লাইব্রেরী আন্দোলন দেশের মধ্যে চালাইতে



লাইব্রেরী প্রদর্শনী

শিক্ষা বিস্তার করিতে পারা যায়, তাহার জন্ত সভা জাতি হইলে আমাদের সজ্জবদ্ধ হওয়া আবশ্যিক যে কোন মাত্রেই এখন বিশেষ সচেষ্টিত আদর্শ কোন এক প্রতিষ্ঠানের ভিতর দিয়া প্রচার করিতে আরম্ভ করিলে তাহা যেরূপ কার্যকরী হয়, স্বতন্ত্র চেষ্টায় সেরূপ ফল কামনা করা হুরাশা মাত্র। এই জন্ত দেখা যাইবে যে লাইব্রেরী করিয়া করাও যায়। তবে যে কার্য যার সমবেত চেষ্টায় Froebelian Movement এর

কর্তৃপক্ষগণ kindergarden পদ্ধতি দ্বারা বালক বালিকাদের মধ্যে শিক্ষাপ্রচারের চেষ্টা করিয়া ছিল। এই জন্ত Shakespeare Society একত্র সমাবেশে অমরকবি শেকসপীয়রের গ্রন্থাবলী আলোচনার জন্ত ও ইংলণ্ডের ষোড়শ শতাব্দীর গৌরবমণ্ডিত অতীতমহিমা জাগ্রত রাখিতে বিশেষ বাস্তু। আমেরিকার লাইব্রেরী এসোসিয়েশনও সম্ভবতঃ ভাবে চেষ্টা করিতেছে কিসে লাইব্রেরীর সাহায্যে অপামর জনসাধারণের জ্ঞানপিপাসা উত্তরোত্তর বর্ধিত

পাঁচ বৎসর যাবৎ দেশের মধ্যে লাইব্রেরী আন্দোলন চালাইবার চেষ্টা করিতেছে। তাহারই অন্তর্ভুক্ত হইয়া বঙ্গীয় গ্রন্থালয় পরিষদ বঙ্গলা দেশে লাইব্রেরীগুলির অবস্থার উন্নতিবিধান ও জনসাধারণের মধ্যে শিক্ষা-বিস্তারের ভার লইয়াছে। যেখানে লাইব্রেরী বা গ্রন্থালয়ের সংখ্যা অল্প সে স্থানে গ্রন্থালয় প্রতিষ্ঠা এবং যে স্থানে গ্রন্থালয় আছে, তাহার পাঠকসংখ্যা বৃদ্ধি করার চেষ্টা গ্রন্থালয় পরিষদের কর্তব্য। ইহা কার্যে পরিণত করিতে



ভারতবর্ষের বিভিন্ন স্থান ও আমেরিকা হইতে সংগৃহীত লাইব্রেরী আন্দোলন সম্বন্ধে গ্রন্থ ও চিত্রাদি

করা যায়। লাইব্রেরী আন্দোলন চালাইবার জন্ত আমাদের দেশেও গ্রন্থালয় পরিষদ (Library Association) বিশেষ প্রয়োজন।

বঙ্গলা দেশে লাইব্রেরী আন্দোলনের সূত্রপাত অল্পদিন হইলেও বরোদা, মহাশূর, মাদ্রাস প্রভৃতি দেশে ইহা বেশ প্রতিষ্ঠা লাভ করিয়াছে। “নিখিল ভারত গ্রন্থালয় পরিষদ” নাম দিয়া ভারতবর্ষের ঘাণতীয় গ্রন্থালয় গুলির অবস্থা পরিবর্তনের উদ্দেশ্যে, ঐ প্রতিষ্ঠানটি প্রায়

হইলে, প্রতি জেলায় একটি জেলা গ্রন্থালয়পরিষদ স্থাপন করা অতীব আবশ্যিক। ঐ জেলা গ্রন্থালয়ের কার্য হইবে জেলার মধ্যে কতকগুলি লাইব্রেরী বা রীডিং রুম আছে, তাহার সংবাদ সংগ্রহ করা, তাহাদের আর্থিক অবস্থা সম্বন্ধে জ্ঞাত হওয়া আর কোথায় কোথায় নূতন গ্রন্থালয় (Library) বা পাঠাগার (Reading Room) প্রতিষ্ঠা করা প্রয়োজন তাহা নির্ণয় করা। বঙ্গীয় গ্রন্থালয় পরিষদের অধীনে অধুনা চারিটি জেলা গ্রন্থালয় পরিষদ

শ্রীমুশীলকুমার ঘোষ

কার্য্য করিতেছে, একটি হুগলী জেলায়, একটি মৈমনসিংহে, একটি নোয়াখালিতে আর একটি ২৪ পরগণায়।

লাইব্রেরী আন্দোলন এই কথাই দেশবাসীকে জানাইতে চায় যে লাইব্রেরীগুলিকে শিক্ষার কেন্দ্র করিয়া তুলিতে হইবে। পড়া শুনার চর্চা, গবেষণার কার্য্য প্রভৃতি, যে কোন জ্ঞাতব্য বিষয়ের সন্ধান বলিয়া দিয়া সাধারণকে সাহায্যপ্রদান প্রভৃতি লাইব্রেরীর অন্ততম কার্য্য হওয়া উচিত। যাহাতে পাঠানুরাগ বৃদ্ধি পায়, সে জন্ত নানা

মহারাজ্যের Library Department আমেরিকার মত, প্রত্যেক লোকের বাড়ী বাড়ী পুস্তক সরবরাহ করে। বিনা আয়াসে, বিনা পয়সায়, ঘরে বসিয়া যাহারা বই পায়, তাহারা বই না পড়িয়া ছাড়ে না। এই রূপে ক্রমশ পাঠের নেশা জমিয়া গেলে, তাহারা আপনই পুস্তকপাঠের ব্যবস্থা করিবে এবং ইহার উপকারিতা উপলব্ধি করিয়া, পুত্র কন্যাদের পুস্তকপাঠে উৎসাহ দিবে।

মহীশূর রাজ্যের সাধারণ লাইব্রেরীর ব্যবস্থা আরও



বঙ্গীয় সাহিত্য পরিষদ

২৪৩/১ অপার সার্কুলার রোড, কলিকাতা

প্রকার চিত্তাকর্ষক ছবি, chart, map, motto বরোদা-রাজ্যের লাইব্রেরীগুলির দেওয়াল পরিশোভিত করিয়া থাকে। যেন তাহারা অলক্ষ্যে পাঠক পাঠিকার হৃদয় আকর্ষণ করিবার জন্ত প্রাণপণে চেষ্টা করিতেছে। সে mottoগুলি লাইব্রেরীর সভ্যদের নীরব ভাষায় বলিয়া দিতেছে—“যদি আনন্দ চাও, বই পড় আনন্দ পাইবে।” “যদি শিক্ষা চাও, বই পড় শিক্ষা পাইবে।” “যদি সুস্থ হইতে চাও, বই পড় মামুষ হইবে।” বরোদা-

চমকপ্রদ। সেখানে লাইব্রেরীগুলিকে এরূপ একটি আকর্ষণের কেন্দ্র করিয়া রাখা হইয়াছে যে, সকলেরই মন ঐদিকে আকৃষ্ট হয়। অতি সযত্নে ঐখানে পড়াশুনার ব্যবস্থা করা হইয়াছে। বাঙ্গালোরের Central Public Libraryতে যে সুন্দর সুন্দর ব্যবস্থা আছে, তাহা অনেক লাইব্রেরীর আদর্শ হইতে পারে। তথায় আমরা দেখিয়াছি, সকল প্রকার লোককে সুবিধা দিবার জন্ত লাইব্রেরীটি এই কয়টি বিভাগে বিভক্ত :—পাঠানুর বা Reading



Room; Lending Section; Childrens' Department (তরুণ বিভাগ); Ladies' Department (মহিলা বিভাগ); Reference Section; এমন কি স্নানাগার ও ভোজনালয় পর্যন্ত মহীশূরবাসীদের শিক্ষাপ্রচারস্পৃহা এত প্রবল যে তাঁহারা বিশ্ববিদ্যালয়ে মাতৃভাষা Vernacular language-এর সাহায্যে শিক্ষা প্রচার করিতে বিশেষ বাগ্র হইয়াছেন।

আমেরিকার লাইব্রেরী এসোসিয়েশন নানা প্রকার পুস্তক প্রকাশ করিয়া লাইব্রেরী পরিচালনা সম্বন্ধে জনসাধারণের

পারেন, তাঁহারা সাধারণ পাঠাগারে কার্য করিবার যোগ্যতা লাভ করেন।

প্রাচীন পুস্তক, হস্তলিখিত পুঁথি, এখনও দেশের অনেক স্থানে দেখিতে পাওয়া যায়। উচিত মত রক্ষার ব্যবস্থা না করিলে, অল্পদিনের মধ্যে অনেক মূল্যবান গ্রন্থ নষ্ট হইয়া যাইবার সম্ভাবনা। খাতনামা গ্রন্থকারদের পাণ্ডুলিপি অতি সযত্নে রক্ষিত হওয়া উচিত। ব্যক্তিবিশেষের যত্ন বা আগ্রহের উপর নির্ভর না করিয়া সাধারণ পাঠাগারগুলি যদি এ সকল সংরক্ষণের ভার লয়, তাহা হইলে অনেক অমূল্য



বঙ্গীয় গ্রন্থালয় পরিষদের লাইব্রেরী জ্ঞানবৃদ্ধির ব্যবস্থা করিয়াছে। সর্বসাধারণের সুবিধামত classification-এর পদ্ধতি এবং বিষয় অনুসারে পুস্তক-বিভাগ সম্বন্ধে নানারূপ গবেষণামূলক পুস্তক তাহারা প্রায়ই প্রকাশ করে। এতদ্বিধ প্রতি মাসে নূতন প্রকাশিত গ্রন্থাবলীর তালিকা পাঠাইয়া তাহাদের সংশ্লিষ্ট লাইব্রেরী-গুলিকে পুস্তকনির্বাচনবিষয়ে যথেষ্ট সাহায্য করিয়া থাকে। লাইব্রেরীপরিচালনা সুকৌশলে সংসাধিত করিবার জন্য, নিম্নমিতরূপে লাইব্রেরীমানদের শিক্ষার ব্যবস্থা করা হয়। সাধারণ ঐক্য শিক্ষা প্রাপ্ত হইয়া, পরীক্ষায় উত্তীর্ণ হইতে

প্রদর্শনী অস্তর্গত বরোদা-বিভাগ

গ্রন্থ কালের কবল হইতে রক্ষা পায়। কোথায় কোন গ্রামে, লোকচক্র অস্তুরালে, কি অমূল্য রত্ন নিহিত আছে, তাহার সংবাদ সংগ্রহ করা যেমন বিশেষ প্রয়োজন, সেগুলি সাধারণের গোচর করিতে পারা বা পুনরায় প্রকাশিত করিবার সুবিধা করিয়া দেওয়া ততোধিক লোকহিতকর। এই সংবাদসংগ্রহ ও প্রকাশের ফলে গবেষণাকারী বিদ্বন্মণ্ডলী প্রয়োজন মত পড়াশুনা করিয়া সেইগুলি হইতে নানা তথ্য আহরণ করিতে পারেন। সেগুলি পুনঃপ্রচারে উহাদের স্থায়িত্ব সম্বন্ধে সন্দেহ ঘুচিয়া যায়। নব জীবন লাভ

শ্রীমুশীলকুমার ঘোষ

করিয়া উহার। নানাবিধ জ্ঞান রত্নের অপূর্ণ আকরস্বরূপে জনসাধারণের অশেষ কল্যাণসাধনে নিযুক্ত হইতে পারে। এই সকল প্রাচীন গ্রন্থ, হস্তলিখিত পুঁথি, পাণ্ডুলিপি, ছাপা পুস্তক প্রভৃতি উদ্ধার করিয়া ও সম্বন্ধে সংরক্ষণ ও সুবিধামত প্রকাশ করিয়া, জ্ঞানবিস্তারকার্যে লাইব্রেরীগুলি যথেষ্ট সাহায্য করিতে পারে।

লাইব্রেরীর কাজ পড়াশুনার নেশা জাগানো। যাহার মনদিকে রুচি সেই মত পুস্তক তাহাকে দিতে পারিলে,

অধুনাতম শ্রেষ্ঠ মনীষিগণ যাহারা সম্প্রতি Behaviourist আখ্যা পাইয়াছেন, তাঁহারাও এ সিদ্ধান্তের প্রভাব এড়াইতে পারেন নাই। অতএব বৃদ্ধিতে পারা যায়, যুবকদের পাঠানুরাগ বর্দ্ধিত করিবার উদ্দেশ্যে, যে সকল পুস্তকে পূর্ব-লিখিত প্রবৃত্তির বিশদ রূপে বিকাশ দেখিতে পাওয়া যায়, সেইগুলি লাইব্রেরীতে সংগৃহীত করিতে পারিলে, যুবকের দল লাইব্রেরীর নেশা কোনও মতে কাটাইয়া উঠিতে পারিবে না। বিচক্ষণ ব্যক্তিকে যদি লাইব্রেরীয়ান



বঙ্গীয় সাহিত্য পরিষদ গৃহে বঙ্গীয় গ্রন্থালয় কর্তৃক প্রথম শিল্প-প্রদর্শনী

জনসাধারণ লাইব্রেরীর দিকে ছুটিয়া আসিবে। আশ্রয় সঙ্কটবিধান যাহার নিকট হইতে যে পরিমাণে পাওয়া যায়, মানব-মন সেই পরিমাণে তাহার প্রতি আকৃষ্ট হয়। যুবকহৃদয় কাব্যকলা, সাহিত্যিকতা, উদ্ভাদনা, ভ্রমণেচ্ছা, অমুসন্ধিৎসা প্রভৃতি মনাবৃত্তির অধিক বশবর্তী বলিয়া মনস্তত্ত্ববিৎ পণ্ডিতগণ নির্দ্বিগ্নিত করিয়াছেন। মানব-মনের প্রকৃতি নির্ণয় করিয়া

করা যায়, তাহা হইলে অমুসন্ধিৎসু আগন্তকের পাঠেচ্ছা, লাইব্রেরীতে আসিলে, ক্রমশ বাড়িয়া যাইবে। কোন্ পুস্তকে কি কি সংবাদ পাওয়া যায়, সাধারণ ভাবে তাহা লাইব্রেরীয়ানের জ্ঞান যেরূপ প্রয়োজন, কোন বিষয়ে জ্ঞানলাভ করিতে হইলে, কোন্ কোন্ পুস্তকের সাহায্য লইতে হইবে, জিজ্ঞাসা করিবামাত্র, লাইব্রেরীয়ানকে তাহারও সন্তুস্তর দেওয়া চাই। সেইখানে লাইব্রেরীয়ানের কৃতিত্ব।

গীতাঞ্জলি

শ্রীনেব্দু বসু

পরলোকগত অজিত চক্রবর্তী তাঁর সমালোচনায় গীতাঞ্জলিকে কবির সর্বশ্রেষ্ঠ কাব্যগ্রন্থ বলে গ্রহণ করতে চাননি। তিনি বইখানিকে দেখেছিলেন বিশেষ করে ধর্মকাব্য বা Sacred Poetry ভাবে। কিন্তু এই সঙ্গীতসমষ্টিতে কাব্যরসের যে বৈচিত্র্য দেখতে পাই তা থেকে মনে হয় যে গীতাঞ্জলি বুঝি কবির কল্পনাকুসুমহারের উৎকৃষ্টতম পারিজাত। সে রস শুধু বিচিত্র নয়, বড়ই গুণসমৃদ্ধ। লেখার নাম দেবার অধিকার লেখকের নিজের। পাঠক সেই নামানুযায়ী পরিচয় গ্রহণ করতে বাধা। গীতাঞ্জলি নাম কবির দেওয়া, তবে গীতাঞ্জলি তুলাপরিমাণে কাব্যকুসুমাজলিও বটে। গীতাঞ্জলির গানগুলিকে দুটি প্রধান অংশে ভাগ করা যায়; সঙ্গীতপ্রধান এবং কাব্যপ্রধান। ভাবের প্রেরণা এক হলেও গানগুলিতে কাব্যরূপগত পার্থক্য আছে। এই দুই প্রধান অংশের মধ্যে আবার ভাবের ত্রৈক্য, স্তর, আর রূপের বিভিন্নতা অনুসারে আরো সূক্ষ্মতর শ্রেণীবিভাগ আছে। রূপের বৈচিত্র্যই গীতাঞ্জলির বৈশিষ্ট্য।

এ ভাবে শ্রেণীবিভাগ করা যে কবির কল্পিত বা আদিষ্ট তা বলতে চাই না। তবে যেখানে বিশ্লেষণী সমালোচনায় রসগ্রহণের সহায়তা হয় সেখানে সেটার প্রয়োগই বাঞ্ছনীয়। বিশেষত বর্তমান ক্ষেত্রে কবির ভূমিকা এই:—“এই গ্রন্থের প্রথম কয়েকটি গান পূর্বে অথ দুই একটি পুস্তকে প্রকাশিত হইয়াছে। কিন্তু অল্প সময়ের ব্যবধানে যে সমস্ত গান পরে পরে রচিত হইয়াছে তাহাদের পরস্পরের মধ্যে একটি ভাবের ত্রৈক্য থাকা সম্ভবপর মনে করিয়া তাহাদের সকলগুলিই এই পুস্তকে একত্রে বাহির করা হইল।” ১৩১৭ সালের এই বিজ্ঞাপনই ১৩২১ সালে ইণ্ডিয়ান প্রেস থেকে প্রকাশিত চতুর্থ সংস্করণ গীতাঞ্জলিতে দেওয়া হয়েছে, এবং ঐ সংস্করণই এ প্রবন্ধে ব্যবহৃত হয়েছে।

সঙ্গীত আর কাব্যের প্রকৃতি এবং রীতিগত পার্থক্য আলোচনা করে দেখলে উপরোক্ত অংশবিভাগের সার্থকতা সহজেই বোঝা যায়। ধ্বনিরাজ্যে অবচ্ছিন্ন ভাবাবেগের নিরলস মধুর বিকাশকেই সঙ্গীত বলি। কথার সাহায্যে চিন্তারাজ্যে সে ভাবের প্রকাশ হ'ল কাব্য। গানের লেখা কথাগুলি এই দুই রাজ্যের সংযোগস্থল। তবে লিখিত ভাষার সাহায্যে প্রকাশ পেতে হয় বলে সেই রচনা নির্দিষ্ট সীমারেখা মেনে যেতে চায় না। কখন এদিকে কখন ওদিকে ঝাঁক দেয়। শ্রেণীবিভাগের এই ভিত্তি। আরো স্পষ্ট করে বলি।

ভাবপ্রকাশের দিক থেকে গান কবিতার পূর্বাধিক। অতএব সব গানের মধ্যে কবিত্ব না থাকতে পারে কিন্তু সব কাব্যের মধ্যে গানের অবস্থা নিহিত আছে। সঙ্গীতভাব কাব্যের প্রাণস্বরূপ। তাকেই পরিচ্ছদ দান করে লিখিত আর পঠিত কবিতার সৃষ্টি। কবিতার মূর্ছনা গানের সত্তার ভিন্নরূপ। কবিতার ছন্দ, মিল, গতি প্রভৃতিতে সে মূর্ছনা বা সঙ্গীতভাব পরিষ্কৃত হয়। ভাবমাত্রেরই প্রকাশকে সঙ্গীত বলি না। যে ভাবের উচ্চারণে আমাদের মনে একটা আবেগের স্পন্দন জাগে, আর হর্ষ, শোক, আশা, নিরাশা, সাহস, ভয় প্রভৃতি অনুভূতিগত রসের ক্ষরণ হয়, সেই ভাবই সঙ্গীতগ্রন্থ। আর মানুষের সৃষ্ট স্বরগ্রামে এই স্পন্দনের অনুরণনকেই সঙ্গীত বলি। আবার এই স্পন্দন বা উন্মাদনা যখন ভাষার সাহায্যে অস্ত্রের মধ্যে সঞ্চারিত করবার চেষ্টা করি তখন সেটা ভাবের কাব্যরূপ। এই কাব্যরূপ দিতে গিয়ে কবি বাইরের অনুভূতি চাঞ্চল্যের মধ্যে তলিয়ে গিয়ে অন্তর্দৃষ্টির সাহায্যে ভিতরকার সূচু সত্য রূপটি দেখতে পান। তখন উদ্বেল কল্পনা ধারণার মোহানার মধ্যে প'ড়ে মগ্ন হ'য়ে আসে। চঞ্চল কনিকা মূর্তি সংহত আকারে বিরাজ করতে থাকে। এই ভাবে সঙ্গীতের ধ্বনিবিচ্ছিন্ন অংশটি

শ্রীনবেন্দু বসু

কাব্যের মেরুদণ্ডরূপে অবস্থান করে, এবং বাক্যপরম্পরা দিয়ে সুরবেষ্টিত শব্দের স্থান পূরণ করা হয়। কথার বাধুনিতে গানের উপলব্ধিটুকু বাহিত হয়। সেই সাহায্যে আমাদের চিন্তারাজ্যে সুরবোধ আর সৌন্দর্য্যামুভূতির একটা মাড়া তোলে। বাক্যযোজনায় সামঞ্জস্য মনে একটা ধ্বনিমূলক অনুরণন জাগায় আর মর্ম্মের অন্তরতম প্রদেশে যা কিছু বিরাট, যা কিছু মহান, যা কিছু সুন্দর, সে ভাবগুলি স্বতই বিকাশ পায়। কার্লাইল বলেছেন গানময় চিন্তাই কাব্য।

অতএব দেখতে পাই যে গান আর কবিতা ভাবাবেগের দুটি বিভিন্ন প্রকাশরূপ। যখন ভাবতরঙ্গের উচ্ছল, সাবলীল আন্দোলন আর প্লাবনীয় বেগ ভাষার বাধের মধ্যে আটক হ'য়ে একটা স্থির বাহু রূপ পায়, সেই মুহূর্ত্তে গান কবিতায় রূপান্তর গ্রহণ করে। গানের রূপ ভাবের নিজস্ব অনাড়ম্বর রূপ, বা তার আকার ও গঠনপ্রকৃতি। কবিতার রূপ সামাজিক রূপ। তাতে বসন ভূষণ আছে।

সঙ্গীত আর কাব্যের এই প্রকৃতিগত প্রভেদটুকু স্বীকার ক'রে নিয়েই গানরচয়িতা গানের কথাগুলি রচনা করেন। গানের কথা সুরের অবলম্বনস্বরূপ, তার আত্মপ্রকাশের সহায়ক মাত্র। সুতরাং মূল ভাবাবেগের নথ, আত্মবর্ণনাতেও সুরের কাজ চলতে পারে। মাত্র সঙ্গীত-ভাবটুকুকে সার্থক ক'রে তুলতে গানের কথাগুলিকে কাব্য-গুণে ভারাক্রান্ত করবার তেমন প্রয়োজন নেই। প্রকৃত অনিচ্ছনীয় ভাব একটি হৃদয় থেকে উৎসারিত হ'য়ে আর একটি হৃদয়কে স্পর্শ করতে গিয়ে মধ্যপথে ভাষা ও অলঙ্কার রূপের ধাঁধার মধ্যে আত্মহারা হবার অবসর পায় না। গানেতে মূলভাব যথাসম্ভব সোড়াতেই ব্যক্ত হয় এবং শেষপর্য্যন্ত নানা আবেদনের মধ্যে এর পুনরুল্লেখ হ'তে থাকে। গানের প্রধান পরিচয় সুরের নিরলস্ব নিশ্চল রূপটিকে মূর্ত্ত ক'রে তোলাতে। কবিতায় ভাব নিজেতেই নিজে বিকশিত নয়। সে মনুষ্যের জীবনকে আশ্রয় ক'রে তাকে নানা রূপে, রসে, গন্ধে, বর্ণে সাজিয়ে দেয় এবং জীবনের অবস্থাক্রম আর ঘটনা-নির্ঘাণের মধ্যে দিয়ে আনাগোনা, ওঠানামা করতে থাকে।

অনেক গান চোখে পড়ে যেগুলিকে গান না ব'লে সুরবদ্ধ কবিতা বলাই সঙ্গত, যেমন, 'ঘন তমসাবৃত্ত অম্বর ধরণী' নামক স্বর্গীয় ডি এল রায়েজের জনপ্রিয় গানটি। এর কথাগুলি বর্ণনাপূর্ণ এবং সমগ্র গানটি বিবৃতিমূলক কবিতা। কোন অবচ্ছিন্ন আবেগের ধ্বনিত প্রকাশ এতে নেই। অতএব বলতেই হবে যে এই গানটি সঙ্গীত অপেক্ষা কাব্যসম্পদে অধিকতর সম্পন্ন, যদিও সুরসংযোগে যে গানটি গাওয়া চলে না তা নয়।

আশা করি এতক্ষণে দেখতে পেরেছি যে গীতাঞ্জলির গানগুলি মোটের ওপর ধর্ম্মভাবপ্রণোদিত হ'লেও সেগুলিকে রূপভেদে শ্রেণীবদ্ধ করা অসম্ভব নয়। সেই অনুসারে প্রথমে সঙ্গীতপ্রধান গানগুলির কথাই বলবো। এগুলি যে পরিমাণে কাব্য-অলঙ্কারপরিচ্ছিন্ন সেই পরিমাণে সঙ্গীত-ভাবপ্রবদ্ধ। এতে প্রকৃতিবর্ণনা বা কল্পনার লীলা যে একেবারে নেই তা নয়, তবে কম। গানগুলি ভাবের দিক থেকেই বড়। এই গানগুলিই গীতাঞ্জলির ভিত্তি এবং সংখ্যায় বেশী। এইখানে ব'লে রাখি যে প্রবন্ধে অমূল্যিত গানগুলি এই ধর্ম্মসঙ্গীত শ্রেণীতেই পড়ে, কেবল তার মধ্যে ১০৭, ১০৯, আর ১১০ নং গান তিনটি বিশেষভাবে স্বদেশসঙ্গীত যদিও ধর্ম্মভাবই প্রণোদিত।

গান আর কবিতার প্রভেদ অনুসারে এ গানগুলি সমস্তই সঙ্গীতপদবাচ্য। আত্মনিবেদনে যে আকুলতা থাকে, যেটা তার উদ্বেল উচ্ছ্বাসে মনকে দ্রবীভূত করে আর প্রাণে সমবেদনা জাগায়, এ গানগুলিতে সেই ভাবেই ব্যঞ্জনা। এতে আছে ব্যাকুল প্রার্থনার একটা সরল বিশ্বস্ততা যেটা ধর্ম্ম বা নীতিকাব্যের প্রধান লক্ষণ। এ গান সরাসরি মনে গিয়ে লাগে, এতে কোন যুক্তির মারপ্যাচ নেই। এর প্রথম কথা প্রেম, আর সে প্রেমের নিতাস্ত সরল অভিব্যক্তি এ শ্রেণীর গান বা কবিতার প্রধান সৌন্দর্য্য। এখানে মৌলিকতার কোন আয়াস নেই এবং এগুলি একটা বিশেষ মুহূর্ত্তের চিন্তার বিদ্যাৎচমক নয়, এগুলি কবির চব্বিশ ঘণ্টার জীবনের মনোভাবচালিত সরল নিবেদন। এ শ্রেণীর গান বা কবিতার সুর বা ছন্দও সেই কারণে



একটা ভাবগত সরলতার ওপর নির্ভর করে। সেটা গভীর এবং আত্মনিহিত, আকুল অথচ সংযত, উল্লাস আছে অথচ চপলতা নেই, সহজ কিন্তু লঘু নয়, পারিপাট্যহীন কিন্তু মনোহারী। কবি লেখেন তাঁর প্রেমে আপ্লুত মনকে চোখের জলে ধুয়ে উজ্জল, শুঁচি আর স্নিগ্ধ ক'রে তোলাবার জন্য, অস্ত্রের মনে চমক লাগবার জন্তে নয়। এই সকল কারণে এ গানগুলিতে যত কিছু কল্পনাসম্ভার, ছবি রং প্রভৃতির আয়োজন আছে সে সমস্ত মূল বাণীকে ফুটিয়ে তোলাবার জন্যেই। সে গুলি উপকরণ মাত্র, নিবেদন নয়।

গীতাঞ্জলির ধর্মসঙ্গীতগুলি এই সকল সত্যে অনুপ্রাণিত। কিন্তু মূল প্রার্থনার সুরটি কত বিচিত্র ছন্দেই বেজে ওঠে। একটা সহজ প্রকৃতিগত বিনয়ের মধ্যে দিয়ে নানাভাবে এবং মানুষের মনের নানাদিক থেকে এই চিরন্তন আবেগ-টুকু ফুটে ওঠে। প্রত্যেকবার নতুন নতুন আবেদনের মধ্যে দিয়ে বার বার মনকে চঞ্চল ক'রে তোলে। তা ছাড়া সমগ্র গানগুলির মধ্যে এমন একটা সামঞ্জস্যপূর্ণ ত্রৈক্য আছে যেটা পূর্ণ অনুভূতির মনোমত প্রকাশের একমাত্র নিদর্শন।

প্রথমে চারিদিকে চেয়ে দেখতেই কবির মনে জাগে একটা বিস্ময়ের ভাব। সে দেখে একজন পূর্ব পরিচিতের মূর্তি। এখানে এভাবে তার আনাগোনা কেমন ক'রে হ'ল? এ স্পষ্ট সজীব রূপ কোথা থেকে আবির্ভূত হ'ল? কবি জিজ্ঞাসা করেন—‘কোন্ আলোতে প্রাণের প্রদীপ জ্বালিয়ে তুমি ধরায় আস?’ (৫২)। কবি লক্ষ্য করেন যে তিনি আকাশে, বাতাসে, জলে, স্থলে, মানুষের মনে সর্বত্র বিরাজিত। ৬,৩১,৩৭,৪৩,৪৬,৭৪,১১৬,১২১ নং গানগুলি এই ভাবের। কবি শুন্ত পান তাঁর আসার পায়ের ধ্বনি। ‘নিখিল ছালোক ভুলোক’ প্লাবিত ক'রে তাঁর ‘অমল অমৃত’ ক'রে পড়ে। শুধু বাইরের প্রকৃতিতে নয়, সে আলো কবির গানে তার ভালবাসার পরশ ছুঁইয়ে দেয়, কবির গানে ‘পুলক লাগে,’ চোখে ঘোর ষনিয়ে আসে।

তাঁর এই আপনভোলা হ'য়ে নিজেকে বিলিয়ে দেওয়া, অজস্রতার এই বাহুল্য, অসীম হ'য়ে সীমার মাঝে এই সুর

বাজনোতে একটা রহস্য আছে। কবি বুঝতে পারেন এ পরে এই ছোঁয়াচ সংক্রামক হবে, এবং তখন হয়ত তাঁরও ঐ আনন্দের লীলায় যোগ দেওয়া সম্ভব হ'য়ে উঠবে; কারণ ইতিমধ্যেই যে তাঁর প্রাণেও সাড়া জেগে উঠেছে। এ ভাবটি বড় হৃদয়গ্রাহী ভাবে প্রকাশ পায় ২,৩,২২,২৯,৩৫, ৩৮,৫৩,৫৫,৬৭,৯৫, এবং ১০২ নং গানের মধ্যে। কবি খুব উৎসুক হয়ে জিজ্ঞাসা করেন—‘হে মোর দেবতা, ভরিয়া এ দেহ প্রাণ, কি অমৃত তুমি চাহ করিবারে পান’। নইলে কেনই বা ‘আপনারে তুমি দেখিছ মধুর রসে, আমার মাঝারে নিজেরে করিয়া দান?’ তা ছাড়া আয়োজন কি এক দিনের, সে যে অনেক কাল থেকে চ'লে আসছে, অনেক কাল ধ'রে এ আনন্দের রস সঞ্চার হচ্ছে। একটি গানে যেন এই সমস্ত গানগুলির সুবাস নিষ্কাশন করা হয়েছে। তাই তার সবটা উদ্ধৃত করলুম—

জানি জানি কোন্ আদিকাল হ'তে

ভাসালে আমারে জীবনের স্রোতে,

সহসা হে প্রিয় কত গৃহে পথে

রেখে গেছ প্রাণে কত হরষণ!

কতবার তুমি মেঘের আড়ালে

এমনি মধুর হাসিয়া দাঁড়ালে,

অরুণ কিরণে চরণ বাড়ালে,

ললাটে রাখিলে শুভ পরশন।

সঞ্চিত হ'য়ে আছে এই চোখে

কত কালে কালে কত লোকে লোকে,

কত নব নব আলোকে আলোকে

অরূপের কত রূপদর্শন।

কত যুগে যুগে কেহ নাহি জানে

ভরিয়া ভরিয়া উঠেছে পরাণে

কত স্থখে স্থখে কত প্রেমে গানে

অমৃতের কত রসবরণ ॥

এই সকল আভাস পেয়ে কবির মনে হয় “যেন সময় এসেছে আজ।” তাই এখন তাঁর নতুন ঝাঁক হয়েছে যে “সব বাসনা যাবে আমার খেমে, মিলে গিয়ে তোমার এক প্রেমে” আর তখন “হৃৎস্থ স্বপ্নের বিচিত্র জীবনে তুমি ছাড়া আর কিছু না র'বে।”

কিন্তু কেমন ক'রে আশা সকল হবে? কবি প্রভুকেই প্রার্থনা জানান, “আজি তোমার দক্ষিণ হাত রেখো না ঢাকি,” (৪৪)। তিনি নিজে ব্যাকুলতা সহ্য করতে না পেরে নানা উপায় পরীক্ষা করেন। তিনি মানের আসন ত্যাগ ক'রে (১২৬), বলেন—“আমার মাথা নত করে' দাও হে তোমার চরণ ধূলায় তলে” (১) কেননা “তোমার কাছে খাটে না কবির গরব করা” (১২৬)। ৮৬, ৯৮, ১২৪ নং গানগুলিও দ্রষ্টব্য। নানাভাবে নিজকৃত পাপ আর দোষ স্বীকার ক'রে কবি চিন্তাশোধন করবার প্রয়াস পান। তিনি স্বীকার করেন যে “অনেক দেবী হ'য়ে গেল, দোষী অনেক দোষে” (১৫১)। তাঁর প্রধান দোষ এই যে “ঢেকে তোমার হাতের লেখা কাটি নিজের নামের রেখা” (১৪৪)। তিনি তাঁকে জীবনের “শ্রেয়তম” জেনেও প্রাঙ্গাচোরা ঘরেতে যা পোরা আছে তা ফেলে দিতে পারেন না (১৪৫)। নানাদিক থেকে এই স্বীকারোক্তিপূর্ণ কবিতা অনেকগুলি, যেমন ৪০, ৪১, ৫৪, ৬৪, ৯৩, ১০৮, ১২৭, ১২৮, ১২৯, ১৩৭, ১৪৩ নং প্রভৃতি।

দোষ স্বীকার মাত্র ক'রেই কবি বসে' থাকেন না। তিনি দেখেন এ ছাড়া আরো অনেক বাধা রয়েছে। জগতের যত দুঃখ ঐশ্বর্য আর বন্ধন সেগুলোও ছাড়তে হবে। এখনও “ধনে জনে” জড়িয়ে আছে (৩০)। তাই তো চোখে আবরণ নামে (৩৪)। ফলে যদিও “দ্বারের সমুখ দিয়ে সে জন করে যাওয়া আসা” এদিকে কিন্তু “ঘরে হয় নি প্রদীপ জ্বালা, তারে ডাকবো কেমন ক'রে?” পথ দেখতে না পেয়ে এই ফিরে ফিরে যাওয়া দেখে কবি আজ পণ করেছেন যে মলিন অহঙ্কারের বস্ত্র ছেড়ে, স্নান ক'রে এসে প্রেমের বসন প'রে (৪২) নিভূতে থালা সাজিয়ে তিনি আজ এগিয়ে যাবেনই যাবেন—

“যেথা নিখিলের সাধনা

পূজালোক করে রচনা

সেখায় আমিও ধরিব

একটি জ্যোতির রেখা।” (৫১)।

কিন্তু এ সাধনার শক্তির প্রয়োজন। সেই বরই তিনি চান, “নয় তো যত কাল তুই শিশুর মতন রইবি বলদীন, অন্তরেরি অন্তঃপুরে থাক রে ততদিন” (১৩৭)।

শক্তিপ্রার্থনার পর তাঁর দ্বিতীয় প্রার্থনা সাহস আর বিশ্বাসের (৪, ৩৩), যাতে তিনি নিজের সকল চিন্তা সকল জীবনটাকে একাগ্রতায় বেঁধে উৎসর্গ করতে পারেন (৯৯), আর তার পর যেন সেই “অন্তরতর” কবির অন্তর বিকশিত করেন (৫)।

একাগ্র সাধনা করতে হ'লে আবার সব নৈরাশ্র্য দূর হ'য়ে গিয়ে মনের শান্তির নিতান্ত প্রয়োজন। সেটাও কবিকে খুঁজে নিতে হয়। তাই তাঁর প্রার্থনা, এবার যেন মুখর কবি নীরব হ'য়ে যায় (৬০), যেন সপ্তলোকের নীরবতা সেখানে এসে বিরাজ করে (৬৫)। তিনি যেতে চান “অশান্তির অন্তরে বেণায় শান্তি স্মমহান” (৭৫)। যেন তিনি তাঁকে তাঁর স্নিগ্ধ শীতল গভীর পবিত্র আঁধারে ডেকে নেন, (৯৬) যেন তিনি তাঁর মধ্যে “ধুয়ে মুছে” ঘুচে যান (১৩৮), যেন তিনি সকল দিয়ে তাঁর মাঝে মিশতে পারেন (১৩৯)। তিনি মনকে কাগ্নাকে ঐ চরণে গলিয়ে দিতে চান (১৪২)।

তারপর কবির শেষ প্রার্থনা সেই অরূপের আনন্দময় প্রেমাসীকাদের জন্তে (১০৩, ৯০), যাতে তিনি তাঁর “আসন-তলের মাটির পরে লুটিয়ে” প'ড়ে তাঁর “চরণ ধূলায় ধূসর” হ'য়ে যেতে পারেন (৪৭) এবং আত্মনিবেদনের সেই পরম মুহূর্তে—

“ধায় যেন মোর সকল ভালবাসা

প্রভু: তোমার পানে, তোমার পানে, তোমার পানে।” (৮০)

আজ কবি অনেক আয়াস ক'রে, ‘অনেক যত্নে নিজেকে প্রস্তুত ক'রে, দেবতার দ্বারে এনে উপস্থিত হয়েছেন। এখন প্রধান ভয় দেবতা সন্তুষ্ট হয়েছেন কিনা। তিনি তাই তাঁকে বলতে চান যে বোধ হয় এতদিনে সময় হয়েছে, বোধ হয় এইবার তিনি তাঁর মহাদানের যোগ্য হয়েছেন। হয়ত তাঁর চেষ্টা অসম্পূর্ণ হ'লেও ব্যর্থ হয়নি, কেননা তার মধ্যে তো কোথাও কপটতা বা কার্পণ্য ছিল না। সুতরাং তিনি নিশ্চয় মনে মনে ভক্তের ওপর সন্তুষ্ট হয়েছেন (১৪৭, ১৫২)। এই সকল কথা ভেবে কবির মনে সাহস হয়। তিনি জানতে চান “প্রেমের দূতকে পাঠাবে নাথ কবে?” (১৫৩) সাহস পেয়ে কবি নিজের সাধনার



পূর্ণ ইতিহাস বলতে আরম্ভ করেন। স্থান, কাল, প্রকারের একটা বিস্তৃত বিবরণ দেন (৬৬, ১২৬)—

“কবে আমি বাহির হলেম তোমারই গান গেয়ে

সে ত আজকে নয়, সে আজকে নয়!”—

শুধু দার্ঘ্য সাধনাই নয়, তাছাড়া আজকে “এ গান ছেড়েছে তার সকল অহঙ্কার”। অতএব আজকে তাঁর যা কিছু সঞ্চিত ধন, যা কিছু আয়োজন, সম্পূর্ণই হোক বা অসম্পূর্ণই হোক তাঁর পায়ের কাছে ঢেলে দিয়ে নিজেকেও গ্রহণ করতে বলেন (১১৫, ১৩০, ১৪৯, ১৫০)।

গ্রহণ করার এই অন্তরোধের মধ্যেও বৈচিত্র্য আছে। শুধু গ্রহণ করতে ব’লেই ক্ষান্ত হন না। অধীর হয়ে অপেক্ষা করেন শেষে অসহিষ্ণু ভাবে প্রশ্ন করেন—“যেথায় তুমি বস দানের আসনে, চিত্ত আমার সেথায় যাবে কেমনে” (৯৭); কবেই বা “প্রাণের রথে বাহির হতে পারব” (৮৫); “জগত জুড়ে উদার সুরে আনন্দ গান বাজে, সে গান কবে গভীর রবে বাজবে হিরা মানে” (১৬)।

এই অসহিষ্ণুতার ভাবটিও আবার কত রকমে দেখা দেয়। কখন তাতে বাজে একটা ক্রীড়াসূলভ সুর—“অমন আড়াল দিয়ে লুকিয়ে গেলে চলবে না” (২৪); কখন আবার প্রবল আত্মবিশ্বাসে বলে যে আঘাত সহিতে তিনি ভয় পান না; যেন “মৃচ্ছ সুরের খেলায় এ প্রাণ বার্গ” না হয় (৯১)। তখনকার ভাব বেশ দৃঢ়প্রতিজ্ঞ। কেউ আর তাঁকে ধ’রে রাখতে পারবে না (১১৮); তিনি আর নিজেকে নিজের শিরে বইবেন না (১০৬)। কখন ধৈর্য ধারণ করেন (৯২)। আবার মধ্যে মধ্যে মিনতিতে ভেঙ্গে প’ড়েন (১১২) নিজের অক্ষমতা স্বীকার করেন (৭৬)। কখন দেখি আত্মভংসনার ভাব আর নিজেকে সজাগ রাখবার চেষ্টা (২৫, ১১৩, ১১৪.); কখন সাদর আবাহন (৭, ৫৮, ৫৯, ৭৮, ১০৫)।

কবির ধৈর্য, অমুরাগ, আবেগ বার্থ হয় না। তাঁর প্রার্থনা সফল হয়। বোধ হয়, সেই মুহূর্তে তিনি আনন্দে ধৃত্ত ধৃত্ত করে ওঠেন (১৫)। তখন তিনি তাঁরই আদেশে গান গান, গর্কে তাঁর বুক ভ’রে ওঠে (৭৯), পরম তৃপ্তিতে বলেন—“আছে আমার হৃদয় আছে ভ’রে,

এখন তুমি যা খুদি তাই কর” (১১১)। তিনি উল্লাসে তাঁর রথ টানতে এগিয়ে যান (১১৯), তাঁর সঙ্গে কর্মযোগে যোগ দেন (১২০), এবং শেষ ধৃত্তবাদে অন্তরের কৃতজ্ঞতাটুকু জানিয়ে দেন—“যা দিয়েছ আমায় এ প্রাণ ভরি, খেদ র’বে না এখন যদি মরি” (১৪০)।

এই খানেই ধর্ম সঙ্গীতগুলির ভাবের পূর্ণ বিকাশ আর বিরাম। ভাবের আবেগের তীব্র শক্তিত প্রকাশে এগুলি কাবোর সঙ্গীত রূপ, বর্ণনার সস্তার বা কল্পনার রঙে জাজ্জল্যমান নয়। তার স্থানে আছে একটা অতীন্দ্রিয় দৃষ্টি আর ঐকান্তিক নিবেদনের প্রবল উন্মাদনা। এই পার্থিব জীবনে মানুষের মনে যত রকম আবেগের সঞ্চার হয় সে সকল এখানেও তেমনি সহজ সরল ভাবেই দেবতার কানে ভক্তের প্রার্থনাটুকু পৌঁছে দেয়। আমাদের দৈনিক জীবনের সাধারণ হাসি কান্নার সুরের সঙ্গে এই গানগুলির সুর এবং ভাবের এত যোগ আছে ব’লেই এ গানগুলি আমাদের এত বাক্তিগত ভাবে স্পর্শ করে। ভগবৎপ্রেম এখানে মানুষের প্রেমের কোঠার মধ্যেই বাক্ত হ’য়েছে। কবির পরম নিজস্ব সুদূরের আশা আকাঙ্ক্ষাগুলিকে আমাদের এই নীচেকার জগতের আশা, নিরাশা, হর্ষ, শোকের মতন চিনতে পারি ব’লেই তাঁর বাকুলতায় নিজেরা আকুল হই, তাঁর ভরসাতে নিজেরাও সাস্থনা পাই, তাঁর আবদারে নিজেদের সুর মেলাই, তাঁর আনন্দেই নিজেদের শান্ত আর তৃপ্ত করি।

এইবার ভাবরাজ্য থেকে রূপরাজ্যের দিকে যাব। এ শ্রেণীর গানগুলিতে যে ভাব মর্যাদাহীন তা নয়, তেমনি গরিমার ছটায় উজ্জল, তবে অলঙ্কৃত। তার পূর্ণ অভিব্যক্তি রূপের বিলাসের মধ্যে দিয়ে। রূপই এখানে প্রধান অবলম্বন। সেই জন্তে এই গানগুলিতে ছবি আঁকা, অলঙ্কারদান, প্রকৃতির ছদ্মবেশ পরান প্রভৃতি সহজ হ’য়েছে।

এই রূপপ্রধান গানগুলি বিশেষ ভাবে ছরকম—স্বভাব-বর্ণনা আর কল্পনাকাব্য। এর মধ্যেও সূক্ষ্মতর শ্রেণীবিভাগ আছে, স্বভাববর্ণনামূলক গানগুলিতে বহিঃপ্রকৃতির রূপ-সস্তার আর তার বিচিত্র প্রকাশলীলাই গানের প্রধান রস বা উপকরণ। দ্বিতীয় বিভাগে বিশেষ করে স্বপ্নজগতের কল্পনাসৃষ্টি।

১। প্রথম শ্রেণীর কবিতাগুলির মধ্যে কতকগুলি গান চোখে পড়ে যেগুলি প্রাকৃতিক ধর্মসঙ্গীত আর প্রকৃতিকাব্যের মাঝামাঝি। সেগুলি যেন সংযোগস্থল—যেখানে ভাব অল্পে অল্পে রূপকে প্রাধান্য দিচ্ছে। আনন্দটা প্রকাশ পায় প্রকৃতিভূত বস্তুরূপের সাহায্যে। ২৬ নং গানটি থেকে উদাহরণ দিই। প্রথম ছটি কলি এই :—

হেরি অহরহ তোমারি বিরহ
ভুবনে ভুবনে রাজে হে,
কত রূপ ধরে' কাননে ভূধরে
আকাশে সাগরে সাজে হে।
সারা নিশি ধরি তারায় তারায়
অনিমেষ চোখে নীরবে দাঁড়ায়
পল্লবদলে শ্রাবণ ধারায়
তোমারি বিরহ বাজে হে।

প্রথম কলিটিতে ভাবটুকুই ব্যক্ত হয় যে, বিরহ নানারূপ ধারণ ক'রে কাননে ভূধরে, আকাশে, সাগরে বিরাজ করছে,—কিন্তু দ্বিতীয় কলিতে সেই বিরাজিত রূপ আমাদের দৃষ্টিগোচর হয়, আমরা তাকে দেখতে পাই তারার চেয়ে-থাকাতে পাতার ওপর বর্ষার জল-পড়ার মধ্যে। ৯, ১২, ১৪, ২৭, ৫০, ৭০, ৭২, ১৪১ নং গানগুলিও এই মধ্যবর্তী শ্রেণীর। এখানে ভাবের ছায়া বহির্জগতের গায়ে লুটিয়ে প'ড়ে তার মোহন স্পর্শে প্রতি মুহূর্তেই স্পষ্টতর হ'য়ে যেন আমাদের মনের পটে স্থায়ীভাবে এঁকে যায়। কবির প্রেরণা ক্রমাগত প্রকৃতিকে আশ্রয় ক'রে বিকশিত হয়। প্রকৃতি-দৃশ্যের যে দিকটা রবীন্দ্রনাথের সর্বাপেক্ষা প্রিয় এ গানগুলির মধ্যে সেই দিকটাই উদ্ভাসিত হয়েছে—রবীন্দ্রনাথ বর্ষায় বাংলার নদীসুশোভিত পল্লীদৃশ্যের কবি।

২। স্বভাববর্ণনার মধ্যে দ্বিতীয় ধরনের গানগুলি ৮, ৭১, এবং ১০০ নং। এখানে ভাবের ব্যক্ত রূপ আরো ক্ষীণ, এবং সমস্ত রসটুকু বর্ণনার মধ্যেই পর্যাবসিত। দৃশ্যবর্ণনাও সেই স্তরে খুব উজ্জল রেখাতেই আঁকা। গানগুলি সাধারণের পরিচিত—“আজ ধানের ক্ষেতে রৌদ্রছায়ায় লুকোচুরি ফলা,” “আবার এসেছে আষাঢ়” এবং “চিত্ত আজ হারাল আমার মেঘের মাঝখানে।” এখানেও বর্ণনার উপকরণ এই একই, উদার আকাশ, বিস্তৃত মাঠ, খরবেগে প্রবাহিতা

উজ্জল নদী, শ্রামল শস্তক্ষেত্র, মেঘ, বড়, বিছাং, বজ্র—বাংলার বর্ষার সমারোহ,—বড়ই বাস্তব আর মনোজ্ঞ।

৩। কখন কখন প্রকৃতির কোন বিশিষ্ট রূপ এত প্রবলভাবে কবিকে আকর্ষণ করে যে তিনি সেই রূপের ধ্যানে একেবারে আত্মহারা হ'য়ে গিয়ে একান্তভাবে সেই রূপটিরই বন্দনা করেন, এবং সেই স্তবগানের মধ্যেই তাঁর দেবতার আবাহন হয়। রূপের সংহত মূর্তি শিল্পীর আঁকবার জিনিষ, আর রূপের গতিশীল ছবিই কবির বর্ণনার সম্পদ। এ গানগুলিও তাই। একটিতে ভরা বাদরের বর্ষা বৃষ্টি পড়ার কলরোলজনিত উল্লাস যখন—

শালের বনে থেকে থেকে
বড় দোলা দেয় হেঁকে হেঁকে,
জল ছুটে যায় এঁকে নেকে
মাঠের পরে।
যখন মেঘের জটা উড়িয়ে দিয়ে
নৃত্য কে করে! (২৮)

একটিতে পাই শরতের স্নিগ্ধ চরণসম্পাতে আবির্ভাবজনিত কবির মনের শান্ত তৃপ্তি যখন সে অতিথি হয়ে “প্রাণের দ্বারে” এসে উপস্থিত হয় (৩৯), আর কত মনোরম সে আসা—

শিউলী তলার পাশে পাশে
স্বরা ফুলের রাশে রাশে
শিশির ভেজা ঘাসে ঘাসে
অরণ রাঙা চরণ ফেলে। (১৩)

তার “আলো ছায়ার আঁচলখামি লুটিয়ে লুটিয়ে পড়ে বনে।” আবার বসন্তের আগমানে আনন্দে কবির ভ্রমর-গুঞ্জন শুনি তাঁর বন্দনায়—“আজি বসন্ত জাগ্রত দ্বারে; অতি নিবিড় বেদনা বন মাঝে, আজি পল্লবে পল্লবে বাজে রে; এই সৌরভ-বিহ্বল রজনী কার চরণে ধরনীতলে জাগিছে?” (৫৬)। বহিঃ-প্রকৃতিকে ভাবের বাহন করা, ভাব আর রূপের মিলনসাধন করা, রূপের অভিনন্দনের মধ্যে দৃষ্টিতে মূর্তি প্রতিষ্ঠা করা এই কবিতাগুলি রবীন্দ্র-কাব্যে বড়ই উজ্জল, বড়ই সজীব, বড়ই স্পষ্ট। তিনি মৃত্যুকেও রূপ দেন যখন বলেন—“ওগো আমার এই জীবনের শেষ পরিপূর্ণতা, মরণ আমার মরণ, তুমি ক'ও



আমারে কথা," (১১৭)। ৩৩ ও ১০১ নং গানে বর্ষার রূপ খুব উজ্জ্বল রঙে আঁকা। আবার একটি গানে শরতের যে বাস্তব রূপ দেখি সে-বকম উচ্চ মূল্যের objective poetry সহজে চোখে পড়ে না। শরৎ ঋতুর আবাহন—

এস গো শারদ লক্ষ্মী, তোমার

শুভ্র মেঘের রূপে,

এস নিশ্চল নীল পথে।

এস দৌত ঞ্চামল

আলো নলমল

বনগিরি পর্বতে।

এস মুকুটে পরিয়া শ্বেত শতদল

শীতল শিশির-ঢালা।

এমন সত্য স্বভাববর্ণনা, এত উজ্জ্বল রূপসাধন গীতাঞ্জলিতেও বেশী নেই।

৪। স্বভাববর্ণনার গানগুলির মধ্যে বিরহভাবের গান কয়েকটি এক বিশিষ্ট শ্রেণীর মধ্যে পড়ে। এগুলির মূল রস,—বিচ্ছেদ, বেদনা। বিরহের এই বিষাদবাথাকে মূর্ত্ত ক'রে তুলাত বাইরের প্রকৃতিদৃশ্য কবিকে যথেষ্ট সাহায্য করে। প্রকৃতির প্রশান্তি আর ঐশ্বর্যের রূপ-কল্পনায় যে গোপন বেদনার ভাব নিহিত থাকে সেটুকু কবির মনে প্রতিফলিত বাজতে থাকে। কবির ভাষাতেই বলতে গেলে—“এই নিশ্চেষ্ট নিস্তরু নিশ্চিন্ত নিরুদ্ধেশ প্রকৃতির মধ্যে এমন একটি বহুৎ সৌন্দর্য্যপূর্ণ নির্ঝিকার উদার শাস্তি দেখতে পাওয়া যায় এবং তারি তুলনায় নিজের মধ্যে এমন একটা সতত সচেষ্ট পীড়িত জর্জর ক্ষুদ্র নিত্য নৈমিত্তিক অশান্তি চোখে পড়ে যে অতিদূর নদীতীরের ছায়াময় নীল বনরেখার দিকে চেয়ে নিতান্ত উন্মনা হ'য়ে যেতে হয়।” (“জলপথে” শীর্ষক প্রবন্ধ)। অতএব বহিঃপ্রকৃতির চিন্তার মধ্যে বিরহের ভাব সহজেই ঘনিয়ে ওঠে। তাই প্রকৃতির রূপের সঙ্গে সামঞ্জস্য রেখে, তার স্বরে স্বর বেঁধে, তারই পটে ছবি এঁকে, তাতেই প্রাণ প্রতিষ্ঠা ক'রে, তার মধ্যেই সহানুভূতি খুঁজে পেয়ে, তাতেই নিষ্ঠুরতা আরোপ ক'রে, কবির অন্তরের কাণ্ডা বর্ণিয়ে ওঠে। জল, ঝড়, মেঘ, বিজ্যাৎ, অন্ধকার রাত, গহন বন, নিরালা পথ—তার মাঝখান দিয়ে কবিমনের

দিশাহারা বিরহিণী তার জীবনের শ্রেয়তমের খোঁজে বার হয়। বৈষ্ণব কাব্যের কমনীয় পরিণতি!

বিরহ কবিতাগুলিকেও ভাবের ঐক্য অনুসারে সাজাতে পারি। প্রথমে আছে বিচ্ছেদের তীব্র বেদনা আর খুঁজে পাবার ক্ষণে একটা ব্যাকুলতা যখন “গগনতল গিয়েছে মেঘে ভরি, বাদলজল পড়িছে ঝরি ঝরি” (১৮)। সেই সময়ে প্রাণ জেগে ওঠে, কিন্তু কাউকে দেখতে না পেয়ে ছরস্ব বাতাসে কেঁদে বেড়ায়, কেবল “দূরের পানে মেলে আঁধি” চেয়ে থাকে, আর ভাবে, যদি দেখা না পায় তো এমন বাদল বেলা কেমন ক'রে কাটবে (১৭)। চোখে ঘুম নেই, আকাশও তার সঙ্গে হতাশ ভাবে কাঁদে। বারে বারে সে ছুয়ার খুলে দেখে প্রিয়তম আসছে কিনা, কিন্তু—“বাহিরে কিছু দেখিতে না পাই” (২১)। শেষে আর থাকতে না পেরে, যত বন্ধন সব কাটিয়ে সে নিজেই বেরিয়ে পড়ে। বলে—“একলা আমি বাহির হলেম তোমার অভিসারে” (১০৪)।

তখন এই ঘনিয়ে-আসা আঘাট সন্ধার মধ্যে বাধনহারা বৃষ্টিধারার মধ্যে, যুথীর বনে সজল হাওয়ার শিহরে সে যেন তার মনস্কামনা পূর্ণ হবার আভাস পায় (২০)। তারপর দেখে হঠাৎ কখন নিশার মত নীরব হ'য়ে সবার দিঠি এড়িয়ে “শ্রাবণ ঘন গহন মোহে” গোপন চরণ ফেলে তার প্রাণকান্ত এসে দাঁড়িয়েছেন।

গীতাঞ্জলিতে প্রকৃতিকবিতা উপরোক্ত চার প্রকারের। আমরা আরও বুঝতে পারি যে প্রকৃতিদেবী অনেক ভাবেই করির কাব্যে আসন গ্রহণ করেন। কখন ভাবের স্থূল আধার স্বরূপ, কখন ঋতুসম্ভারে বা প্রাকৃতিক সৌন্দর্য্যের প্রকাশ-লীলায়, কখন রূপমূর্ত্তি পরিগ্রহণ ক'রে, আবার কখন বিরহভাবের মুচ্ছনা জাগিয়ে।

এই সব বর্ণনার মধ্যে কিন্তু একটি বিশেষত্ব প্রত্যেক ক্ষেত্রেই বর্তমান। কথাটা রবীন্দ্রনাথের বস্তুমূলক (objective) কবিতার মর্যাদা সম্বন্ধে মতভেদ নিয়ে। টমসন সাহেবই এই বিতণ্ডাটুকু একটু যেন স্পষ্ট ক'রে তুলতে চেয়েছেন এবং সে সম্বন্ধে ছ'একটি কথা এখানে খুব প্রাসঙ্গিক ভাবেই এসে পড়ে। যে বিশেষত্বের কথা বলছি

এই যে প্রকৃতির বর্ণনা স্থানে স্থানে সতেজ বা স্পষ্ট হলেও সর্বত্র তাতে একটা আত্মস্থ ভাবের মধুর ছায়া পড়ে। যেন কিসের টানে তাকে পিছন ফিরে দেখতে হয়। সময় সময় উদ্দাম গতিতে ছুটেও আবার পরক্ষণে দাঁড়িয়ে সংযত হয়ে পড়ে। মনে হয় বৃষ্টি বস্তুবর্ণনা করতে কবি আত্মদ্রষ্টা হ'য়ে ওঠেন। তাঁর কাব্যে জড়জগতের রূপের যত লীলার অভিব্যক্তি মানুষের মর্শ্বের আবেগের সঙ্গে একসঙ্গে জড়ানো, এক তারে বাঁধা। একটার মধ্যে অন্যটা পর্যাবসিত। একটা কাঁপলে অন্যটা কাঁপে। মনে হয় কবি মানুষের কথা কিছুতেই ভুলতে পারেন না—তাকে কেবল প্রকৃতির কোলে পাঠাতে চান জ্বালা জ্বুড়াতে, কেননা সেখানে আছে একটা সাস্বনার প্রলেপ। কবির কথায়—“সৌন্দর্য্য আত্মার সহিত জড়ের মাঝখানকার সেতু।” কাজেই সৌন্দর্য্য সৃষ্টি করতে গিয়ে আত্মা আর জড় দুটিতেই টান পড়ে। তাই বৃষ্টি কবি বর্ষার রূপ দেখে মুগ্ধ হ'লেও তিনি সেটাকে দেখেন, “মানবের মাঝে” (১০১)। আশ্রয় শুধু আকাশ ছেয়েই আসে না, সে “নয়নে এসেছে হৃদয়ে এসেছে ধয়ে।” (১০০)। “ভরা বাদরে” ঝর ঝর বাঁধি ঝরার একটা খুব শব্দিত এবং সরস বর্ণনার মধ্যেও কবির অন্তরে কলরোল ওঠে, হৃদয়-মাঝে পাগল জাগে, যার ফলে ভেতর বাঁধ এক হ'য়ে গিয়ে যেন “কে মেতেছে বাঁধের ঘরে।” প্রকৃতির বর্ণনা আছে, কিন্তু বর্ণনার মধ্যে নিজেকে ভুলে যাওয়া নেই, একটা সংবরণের বাঁধ রয়েছে। প্রকৃতি ছাড়া মানবজীবনের কোন অবস্থাক্রম কাব্যে বিকাশ করতে গেলেও কবি ঐভাবেই সে বর্ণনার সঙ্গে নিজেকে জড়িয়ে ফেলেন। বর্ণিত ছবিখানি যেন নিজেতেই ব্যপ্ত নয়, তার যা কিছু সার্থকতা যেন কবি-প্রাণের আকাঙ্ক্ষা পূরণের অবলম্বন বা প্রতীকরূপে। বস্তুবর্ণনার চেয়ে যেন সার্থকতাহীনীই বেশী মূল্যবান হ'য়ে ওঠে। কিন্তু কবি নিজে নিজের আভাসবর্ণনার মধ্যেই স্থূল দেহের সাতচর্খের সবটুকু প্রেরণ আর সাস্বনা পেয়ে তৃপ্ত হন। তাঁর কাছে সেই ছায়াই সম্পূর্ণ প্রাণবান আর স্পষ্ট। মৃত্যু তাঁর “জীবনের শেষ পরিপূর্ণতা।” তার প্রতি তাঁর কত সনির্ভর, সপ্রেম, সবেগপূর্ণ ভাব—

মিলন হবে তোমার সাথে
একটি শুভ দৃষ্টিপাতে,
জীবনবধু হবে তোমার
নিতা অনুগতা
* *
সেদিন আমার হবে না দূর
কেই বা আপন, কেই বা অপার.
বিজন রাতে পতির সাথে
মিলবে পতিত্বতা।” (১১৭)

ব্যক্তিক ভাবের এই চরম কবিতায় নিবিড় মিলনের কি উষ্ণ পরশ!

তা হ'লে কি রবীন্দ্রনাথের স্বভাবকবিতা বা Nature poetry তাঁর মানবগীতার বাহন মাত্র? স্বভাববর্ণন ব'লে এ গানগুলিকে পৃথকভাবে শ্রেণীবদ্ধ করবার কোন আবশ্যকতা ছিল না? এবং কবিতাগুলি কি তাঁর ধর্ম্মসঙ্গীতগুলিরই একটা রূপান্তরিত সংস্করণ? এ প্রশ্নের উত্তরে বলি যে উপরোক্ত আলোচনা সত্ত্বেও এই স্বভাবসঙ্গীতগুলির প্রকৃতিকবিতা হিসাবে একটা বৈশিষ্ট্য আছে।

প্রথমত সঙ্গতভাবে গীতিকল্পনা (lyric imagination) যতটা বস্তুমূলক হ'তে পারে এগুলি তাই। কাব্যমাত্রই কবির ব্যক্তিত্বের প্রকাশ, কিন্তু গীতিকবিতায় সে প্রকাশ আত্মপরিবৃত, egotistic। গীতিকবির পক্ষে শুধু বিষয়-ভাব বথেষ্ট নয়। তার সঙ্গে একটা জীবন-চঞ্চল বিশিষ্ট প্রাণের যোগ থাকে। অতএব এ কবিতায় কবির মন প্রকৃতির রূপ দেখে ছবিটি দেখার আনন্দ পেয়েই তৃপ্ত এবং ক্ষান্ত হয় না, একটা অবস্থা সংস্থানের রসমূলা মাত্র তাকে অভিভূত করে না। তার চোখে সে দৃশ্য হয়ে দাঁড়ায় তার মনোভাব রঞ্জিত বাসনা আর আবেগের একটা সঞ্চারণী প্রতীক। তাই কবির প্রেরণায় দৃষ্ট রূপটি তাকে সম্পূর্ণভাবে প্রবুদ্ধ করলেও আংশিকভাবে ব্যক্ত হয়। অথচ সে কাব্যের ছায়া ব'লে অবিচ্ছেদ্যও বটে,—বিচ্ছুরিত লাবণ্যের স্নিগ্ধ পরিমণ্ডল। চোখেদেখা রূপের অবিকল বাঞ্জনার কবিকল্পনার আনন্দ এবং তৃপ্তি আছে, আবার “কবিরহৃদয়কৃত” বেদনার স্মারক বা উত্তেজকভাবে প্রকৃতিরূপবর্ণনাও কাব্যগ্রাহ্য এবং তার নামও স্বভাবকবিতা। একজনের কাছে যেটা মাত্র রূপ,



অন্তের কাছে সেটা রূপক, একজনের উল্লাস অন্তের সৌম্য শাস্তি। তার কাছে কাবোর পূর্ণ সৌন্দর্য্য ও গরিমা বর্ণনাতেই সম্পূর্ণ নয়। তার কাছে বর্ণিত দৃশ্য বর্ণিত ভাবের পশ্চাত দৃশ্য, মাঝে থাকে স্মৃতি চাঞ্চল্যের ছায়ায় আচ্ছন্ন middle distance—মধ্যভূমি। সে ছবি কেমন? কবির অগ্নিত্র বাবঙ্গত বর্ণনার ভাষায় বলি—“পরপারে দেখি আঁকা তরুছায়া মসামাথা, গ্রামখানি মেঘে ঢাকা প্রভাতবেলা।” আলোচ্য স্বভাব কবিতাগুলির প্রথম বৈশিষ্ট্য তাই গীতি কবিতার প্রকৃতিগত বৈশিষ্ট্য।

দ্বিতীয়ত এই কারণেই সম্ভবত বর্ণনায় বর্ণিত দৃশ্যের বৈচিত্র্যও নেই, অল্প কথায় সেগুলি মোটের ওপর অনেকটা একই ভাবাপন্ন বর্ণায় বাংলার পল্লীশোভার ছবি। কবি দেখেন যে তাঁর মনোভাব সব চেয়ে বেশী অনুরণিত হয় বাংলার পল্লীর গ্রামল শাস্ত শোভায় আর সকল ঋতুর মধ্যে বর্ষার ঘন রসাল্প্রতির মধ্যে। তিনি তাইতেই আত্মগারা হয়ে যান। নিসর্গের সৌন্দর্য্যের অগ্নাত্ত অভিব্যক্তির দিকে দৃষ্টিপাত করবার অবসর হয় না। এই বৈচিত্র্যের অভাবকে কল্পনাশক্তির দৈন্ত মনে ক’রে টমসন সাহেব একটু বিচলিত হয়েছেন, কিন্তু তিনি ভুলে যান যে অনেক ক্ষেত্রে সংখ্যার চেয়ে গুণের পরিমাপটাই প্রশস্ত। “Great genial power, one would almost say, consists in not being original at all, in being altogether receptive.”—Emerson এর কথা। রস-সঞ্চারে নতুনত্ব আর সজীবতা দান করতে পারলে একের মধোই ডুবে থাকা কেন কল্পনার দৈন্ত হবে? ইচ্ছার মিতব্যয় সব সময়ে শক্তির অপব্যয় নয়। একের বহু রূপ দেখতে পাওয়াটা বিশ্বস্ততার শ্রেষ্ঠ কষ্টিপাথর, উৎকৃষ্ট বৈচিত্র্য, মহান মৌলিকতা। এই দিক থেকেই এই প্রকৃতিসঙ্গীতগুলির বৈশিষ্ট্য আছে বলে মনে করি। একে মগ্ন থাকলেও কবি বৈচিত্র্য সাধন করেন কল্পনার প্রার্থ্যা আর অনুভূতির প্রাবল্য দিয়ে। এও কাবোর একটা রীতি। আরো মনে হয় যে পুঙ্খানুপুঙ্খ বর্ণনা কবির প্রকৃতিবিরুদ্ধ। তাঁর দৃষ্টি সমগ্র সম্পূর্ণতার দিকে নিবদ্ধ। ইংরেজ কবির তুলনায় প্রকৃতির গঙ্গে আমাদের সম্পর্ক অল্প রকম। কবি স্বয়ং বলেন—

“আমরা জন্মাবধিই আত্মীয়, আমরা স্বভাবতই এক। আর ইংরাজ প্রকৃতির বাহির হইতে অন্তরে প্রবেশ করিতেছে .. আমরা আবিষ্কার করি নাই, কারণ আমরা সন্দেহও করি নাই, প্রশ্নও করি নাই”—(পঞ্চভূত)।

এই থেকে প্রতীয়মান হবে যে রবীন্দ্রনাথের প্রকৃতি-কবিতার রূপকের মধোও রূপের প্রাধান্য যথেষ্ট। গভীর আত্মগত ভাব বহিদৃষ্টির বর্ণচ্ছটায় যথেষ্ট উজ্জ্বল। Sense এর ওপর sensation এর মোহন পরশ, সংঘমের ওপর সরসতার আবেশ।

মাত্র কল্পনার তীরতার ফলে কেমন ক’রে একটা উজ্জলোর ধারা গ’লে ব’য়ে যায়, মাত্র অনুভূতির প্রাবল্যে কেমন করে’ সমবেদনার উৎস ছুটে উচ্ছ্বাসে ভাসিয়ে নিয়ে যায়, তার ড’একটি উদাহরণের প্রতি পাঠকের মনোযোগ আকর্ষণ করতে চাই। প্রথমে একটা সমতল ভূমির দৃশ্যে প্রাকৃতিক পরিবেষ্টনের মধ্যে একটা ঘটনা সংস্থানের ছবি।

প্রভাত আজি মুদেছে আঁপি

বাতাস বুখা মেতেছে হাঁকি,

নিলাজ নীল আকাশ ঢাকি

নিবিড় মেঘ কে দিল মেলে?

কৃজনহীন কাননভূমি

দুয়ার দেওয়া সকল ঘরে

একেলা কোন পথিক ভূমি

পথিকহীন পথের পরে? (১৯)

স্পষ্টতা হিসাবে এই কয় ছত্র যদি প্রকৃতিকবিতা না হয় তবে আর কোথায় পাব? খুঁটিনাটি বা details নেই, তবে কবির দেশও তো উদার আকাশ মাঠের বিস্তৃতির দেশ! কবিও উচ্চ নীচের প্রভেদ লুপ্ত করা সমতলের প্রেমিক। তাঁর দেশে তীব্রোজ্জ্বল আলো আর ঘনঘোর আঁধারের দিগন্তপ্রসারী একাকার করা স্বর্ণগৈরিক আর ধূসর গ্রামল রূপের যে উদাস বৈরাগ্য তাই তাঁর মনকে ছেয়ে থাকে। তাই সে দেশের দৃশ্যবর্ণনায় পাহাড়ের খোঁপে, বনের ঝোঁপে, বাঁকের মুখে half lights এর সরস কোমল ইন্দ্রজাল সচরাচর চোখে পড়ে না। কিন্তু এত অল্প কথায়

শ্রীনবেন্দু বসু

দৃশ্যের সম্পূর্ণতাটুকু আর কোন্ কবি কৃষ্টিয়ে তুলতে পেরেছেন? বাংলার বর্ষার ছপূরের এমন মনোজ্ঞ ছবি আর কয়টা পেয়েছি? এমন একটা দিনের অঙ্গস নিশ্চল ভাব অস্বাভাবিক চকিত নিস্তরুতা, থেকে থেকে উতল বাতাসের আন্দোলন, আকাশ আর পৃথিবীর মাঝের দূরত্বটুকু কমিয়ে এনে, গাছের মাথার ওপর দিয়ে লুটিয়ে গিয়ে, কাজল ধূসর-তার মাঝখানে সবুজের শ্রামলিমা আরো উজ্জ্বল ক'রে, মেঘের বুকে পাখীর ডানার কাঁপন আরো স্পষ্ট ক'রে তুলে, মানুষের চোখে একটা স্নিগ্ধ আবেশের অঙ্কন লাগিয়ে, প্রাণে নবীনতার সরস সঞ্জন এনে দিয়ে, মেঘের আবরণের ভেতর তার দৃষ্টিকে একটা সুদূরের বাসনায় বিভোল ক'রে, নিবিড় অর্ধাধারের আবেষ্টনের মধ্যে বিশ্বপ্রকৃতির আয়তন ছোট ক'রে এনে তার মনে পরম নির্ভর আর বিশ্বাসের ভাব জাগিয়ে দিয়ে বরষাদিনের যে পূর্ণ রূপটি আমাদের চোখের সামনে এসে দাঁড়ায় তার সম্পূর্ণ প্রকাশ, নিখুঁত চিত্রণ, কি উদ্ভূত লাইনগুলিতে পরিষ্কৃত নয়? অল্প কথায় স্বালিতচরণ পণিকের কী স্পষ্ট জীবন্ত ছবি—সমস্ত চরাচর তখন নিস্তরু. হয়ত বা পাতার ফাঁকে একটা ছুটি পাখীর করুণ স্বর আর নিঃসহায় চাহনি সেখানে একমাত্র প্রাণের পরিচয়; গাছগুলি নিঃস্বুম, কেবল দিগন্ত থেকে বর বর বৃষ্টি পড়ার শব্দ কানে আসে। চোখে পড়ে বাতাসের দোলায় ধানের শিষগুলির হিল্লোল। মনে লাগে পল্লীগৃহগুলির বন্ধ ছায়ার নিরুদ্বেগ, আর রষ্টির কাছে বুক পেতে দিয়ে খোলা মাঠের নম্র নত ধৈর্যের ভাব। তার মাঝখানে দেখি গ্রামের স্নিগ্ধ উঁচু একটিমাত্র সরু পথ দিয়ে পণিকের শিথিল চরণে চ'লে যাওয়া, তার চোখে আশ্রয়বঞ্চিতের নিঃসহায় ভাব, প্রত্যেক কুটারখানির দিকে বাগ্র চঞ্চল দৃষ্টিপাত, সামনে ঘন অন্ধকার। অনুভূতির আবেগপ্রাবলাই কাবোর প্রাণবস্ত, আর তারই উচ্ছ্বাসে সিঞ্চিত ব'লে বর্ণনা এত সরস, এত নবীন, এত হৃদয়গ্রাহী, এত মূল্যবান। তেমনি যখন কবি তাঁর চিরপরিচিতকে দেখতে পান না তখনকার অবস্থা—

বাহিরে কিছু দেখিতে নাহি পাই
তোমার পথ কোথায় ভাবি তাই।

হৃদর কোন্ নদীর পারে

গহন কোন্ বনের ধারে

গভীর কোন্ অন্ধকারে

হতেছ তুমি গার,

পরাণসখা বন্ধ হে আমার! (২১)

অকম্পিত হাতের ছুটি একটি সরল ঋজু রেখার ক্ষিপ্র টানে কেমন সারা বনানীর দৃশ্য চোখের ওপর ভেসে ওঠে। বাড়ির রাতে, বাপসা অন্ধকারে, যত অলীক কালো ছায়ার মধ্যে অনৈষী মনের সঙ্গে সঙ্গে যেন আমরাও নিজেদের হারিয়ে ফেলি। ঐ দূরত্ব আর গভীরত্বজ্ঞাপক কথাগুলি কেমন ক'রে দৃশ্যের অস্পষ্টতা আরো বাড়িয়ে তোলে, যা থেকে আমরা বুঝতে পারি কত আয়াসসাধা এই অনুসন্ধান। সুদূর নদী, গহন বন, গভীর অন্ধকার! তার মাঝখান দিয়ে যে চ'লে যায় সে নিজে আরো কত অস্পষ্ট! এই অন্ধকারে কি ক্ষিপ্র তার গতি! গানের ছন্দের লঘু হরিত গতিতে তার প্রতিধ্বনি শুনতে পাই; হয়ত ক্ষণভাবে আরো শুনতে পাই খরস্রোতা নদীর তর্ তর্ বেগ, নিস্তরু বনের মধ্যে গাছের মাথায় ফুক বাতাসের স্নান, গভীর অন্ধকারে শুকনো পাতা আর তৃণের ওপর ত্রস্ত পা পড়ার শব্দ; হয়ত কাঁটা গুল্মের মধ্যে উদ্ভিন্ন গোপনচারী পথিক চলতে চলতে কতবার থমকে দাঁড়িয়ে পড়ে। কোন্ সে বিস্তৃত নদীর ওপারে জলের ওপর রূপালি আলো আর এপারের গহন বনের অন্ধকার মিশে একটা নিবিড় রহস্যলোকের সৃষ্টি করে? তার মধ্যে উদ্বেগ-কণ্টকিত অথচ দৃঢ়চিত্ত অভিষার! সে তো এজগতের পথ চলা নয়, সে কোন কল্পলোকের পানে সুদূর-যাত্রা।

এই প্রাকৃতিক রহস্যরাজ্য থেকে বিদায় নিয়ে আমরা কল্পনার সীমানায় এসে পড়ি। এ কবিতাগুলিকে বিশেষ ক'রে কল্পনাপ্রধান বলেছি এই কারণে—এতে কোথাও দেখি বাস্তব জীবন থেকে অহুকৃত ঘটনাবলী বা চরিত্র বেছে নিয়ে তাদের একটা কাল্পনিক জগতে সংস্থান ক'রে এক বিচিত্র মায়ালোকের সৃষ্টি করা হয়েছে; কখন দেখি সামান্য একটি কথার ব্যবহারে, মাত্র তার শব্দঝঙ্কার বা



ভাবের আভাসে, সমস্ত বর্ণনা একটা অর্থাতিরিক্ত সৌন্দর্যের প্রভায় উদ্ভাসিত হ'য়ে উঠেছে, আবার কোথাও অর্বাচ্ছন্ন কল্পনার সাহায্যেই নিপুণ স্ঠাম বাস্তবতার মনোরম বিকাশ হয়েছে। যখন পড়ি—

"তোমার সোনার আলোয় সাজাব আজ
তুংগের অক্ষধার"।

কিংবা চলন্ত পায়ের কাছে
মালা হয়ে জড়িয়ে আছে। (১০)

তখন বুঝতে পারি এ মাত্র ধর্মসঙ্গীত নয়, স্বভাববর্ণনা নয়, এ কোন শিল্পীর তুলিতে আঁকা ছবির রঙ রেখার ছন্দ। এ চিত্রকাবাগুলি ৩ রকম, কোনটি নিশ্চল ছবি, কোনটি সচল। ১০, ২৩, ৪৯, ৮৪, ১৩৩, ১৩৫, ১৫৫, ১৫৬, ১৫৭ নং গানগুলি প্রথম শ্রেণীর। এতে কবির ভাবরত্ন বাহু জগতের কোন বস্তুর মধ্যে সাদৃশ্য খুঁজে পেয়ে তার প্রকাশেই নিজে প্রকাশিত হয়। তার পেছনে কোন জড়দৃশ্যের আশ্রয় নেই। জগতের সব সংযোগ থেকে বিচ্ছিন্ন হ'য়ে কেবল ভাবের অসীম শূন্যে গ্রহতারার মতন নিজের জ্যোতিতে নিজই উদ্ভাসিত হ'য়ে প্রভা বিকীরণ করতে থাকে—স্থির অথবা, নিশ্চল ভাবে। যেমন—

আনন্দ দাড়ায় আঁখি জলে
হৃৎথ বাথার রক্ত শতদলে। (১৩৫)

এখানে আনন্দের একটি আঙ্গীক মূর্তি তার নিজস্ব ভঙ্গিমায় প্রতিভাত হয়। রক্তশতদল জিনিষটি মনে না ভাবলে বা চোখে না দেখলে যেন বুঝতে পারি না হৃৎথ বাথার পার্থিব কমনীয় রূপটি কেমন। এবং এ গুলি স্থির ছবি, চলচ্চিত্র নয়। আনন্দের স্থির জ্যোতির সামনে আমরা চেয়ে থাকি স্থির নির্ঝাঁক বিষয়ে; কোন দৈহিক বা মানসিক চাঞ্চল্য প্রকাশ করি না। ভাবের এই নিঃসঙ্গ আত্মপ্রকাশের ছবিতে নানা মনোভাবের রং দেওয়া হয়—১০ নং গানটি তুংগের চিত্রিত রূপ। ২৩ নং সুরের রূপ; সুরকে দেখি আলো, হাওয়া বা ঝরণার উৎসরূপে। ৪৯ নং গানটির আকাশের গায়ে তারা বা সোনার শতদলরূপে

আনন্দের উজ্জ্বল মূর্তি। ১০৫ নং গানও আনন্দের রূপ; ৮৪ এবং ১৩৩ নং গান দুটিতে ভাব নিজে কোন বিশিষ্ট বেশ না পরিগ্রহণ ক'রে একটা বিস্তৃত জীবন দৃশ্যের মধ্যে পরিব্যাপ্ত হ'য়ে সেটাকে চালিত করে। ৮৪ নংএ কবির চিরদিনের সাথীর সঙ্গে জীবনসঙ্কায় মুক্তিসাগরে ভেসে যাওয়ার ছবি দেখতে পাই। অতীতে গান গেয়ে গেয়ে দেশে বিদেশে অনুসন্ধানের আবেগে ঘুরে বেড়াবার বাস্তবতা। বাকী তিনটি গানও ঐ রকম গীতোচ্ছাসময় আত্মবিবর্তির সজ্জিত বেশ, তবে বসন বড় সূক্ষ্ম, আভরণের স্থূল রূপটি তেমন ক'রে চোখে পড়ে না—

বসন ভূষা মলিন হ'ল ধূলায় অপমানে
শকতি যার পড়িতে চায় টুটে,
চাকিয়া দিক তাহার ক্ষত বাথা
করণা-ঘন গভীর গোপনতা। (১৫৭)

সচল শ্রেণীর কবিতাগুলিতে কবির রূপসৃষ্টি সম্বন্ধে দক্ষতা আরো স্পষ্টভাবে লক্ষিত হয়। এই দৃশ্যমূলক গানগুলিতে একটা নাটকীয় সঙ্গতি আর পূর্ণতা চোখে পড়ে। বেশ বড় পটের ওপর ছবি আঁকা হয়েছে। এ গুলি কবির বস্তুকল্পনার উজ্জ্বলতম মুহূর্তের সৃষ্টি আর ভাবের ঐকাসুত্রে গ্রথিত। ৪৫, ৪৮, ৭৭ নং গান তিনটিতে কবির অন্তরতম বাসনার প্রকাশ। ৬১, ৬২, ৬৮, ৮৭ নং গানগুলি অবহেলাজনিত অনুশোচনা ও পশ্চাত্তাপের স্বীকারোক্তি। ৫৭, ৮১, ৮২, ১৩৬, ৬৯ নং এ বিষয়প্রসূত দিব্যজ্ঞানলাভ। শেষে ১৩৪ নং প্রাপ্তিজনিত হৃৎথোচ্ছাস। এ কবিতাগুলির বিশেষত্ব ভাবের বৈচিত্র্য অনুযায়ী কল্পনার লীলা ও বিছাসের বৈচিত্র্য। সে বৈচিত্র্য এলোমেলো বা যথেষ্টাচারপ্রসূত নয়, বড় অনিবার্য। উপরোক্ত শ্রেণীতে সমশ্রেণীর গানগুলিতে ভাষা আর ভঙ্গীরও আশ্চর্য্য সাদৃশ্য আছে।

বাসনামূলক গানগুলি সবই সত্যদৃশ্য। রাজাধিরাত্তের পায়ে চরম সাধনার ফল উৎসর্গমানসে কবির বিনীত নিবেদন আর অনুমতিভিক্ষা—দেবতার পায়ে ভক্তের অর্ঘ্য। ভাবাপ্নুত বাসনার বোধ হয় সব চেয়ে সহজ ও সরল প্রকাশ। গানগুলি সুপরিচিত—

রূপ সাগরে ডুব দিয়েছি
অরূপরতন আশা করি ;
ঘাটে ঘাটে ঘুরব না আর
ভাসিয়ে আনার জীর্ণ তরী ।
সময় যেন হয়রে এবার
টেউ পাওয়া সব চুকিয়ে দেবার,
স্থায় এবার তলিয়ে গিয়ে
অমর হয়ে র'ব মরি !
যে গান কানে যায় না শোনা
সে গান যেথায় নিতা বাজে ;
প্রাণের বীণা নিয়ে যাবো
সেই অতলের সভামাঝে ।

কাব্যে কথাচাতুর্য্য (Eloquence) একটা বড় সম্পদ । সেটা ভাবের স্বতঃস্ফূর্ত ব্যঞ্জনার আর অলঙ্কারের গায়সঙ্গত এবং সুবিশুদ্ধ পরিণতির লক্ষণ । মিশ্রিত অলঙ্কারে ছোট গীতিকবিতার আঙ্গীকতা ক্ষতিগ্রস্ত হয়, আর তার ফলে রসহানি ঘটে । লেখনীর মুখে কল্পনা আর রঙীন ছবির অবিরল স্রোতকে প্রতিমূহূর্ত্তে সংযত করতে হয় । কলাজ্ঞানের এই সূত্রগুলির উদাহরণস্বরূপ এই গানটি উদ্ধৃত করলুম । কোথায় এবং কেমন সে রূপের সাগর তা কেউ জানে না, তাতে ডুব দেওয়া হয়ত কাল্পনিক জগতের ঘটনা, কিন্তু গানের শেষ লাইন পর্য্যন্ত সে ঘটনাটি চালিত হয় জাগতিক নিয়মবন্ধনের দ্বারাই, তা নইলে মরজগতের কবিপ্রাণ বিশ্বাসে উদ্ভূক্ত হয় না, তার চঞ্চল মন আশ্বাস মানে না । ডুব দেওয়ার এই ছবির ক্রম আর পরিণতি সারা কবিতাটির মধ্যে কোথাও ব্যাহত হয় না । ছবি দেখে আমাদের মনে পর পর যে আশা জাগে সে গুলি পূর্ণ হয় । রূপসাগরে ডুব দিলে সুখা ছাড়া আর কিসে তলিয়ে যেতে পারা যায় ? আর তার তলায় কি মর্ম্মর প্রাসাদ, স্ফটিকের স্তম্ভ নেই ? তার চারিদিকে কি জীবন মরণের ভীম পারাবারের গর্জন আর আক্ষালন শুনতে পাই না ? তার তোরণের সামনে মর্ম্মর সোপানে আছড়ে প'ড়ে সে কেনোচ্ছ্বাস কি শাস্ত হ'য়ে যায় না ? কলরোলের মাঝখানে সে এক স্থপতির স্বপ্নপুরী, চঞ্চল প্লাবনের মধ্যে নীরব গুল প্রশান্তি । সেই সভায় গিয়ে—

চিরদিনের স্মৃতি বেঁধে
শেষ গানে তার কান্না কেদে
নীরব যিনি তাঁহার পায়ে
নীরব বীণা দিব ধরি । (৪৮)

ভাবের এই গতি, অনাড়ম্বর এবং স্বতঃস্ফূর্ত্ত সৌষ্ঠব, এই মোহন অনিবার্য্যতা সহজে উপলব্ধি করা যায় । এ সভায় শেষের গান গেয়ে যাওয়া ছাড়া উপায় নেই (৭৭) ।

অনুশোচনা আর পশ্চাত্তাপমূলক গানগুলিও বড়ই সুন্দর । এগুলিতেও প্রকাশ ভঙ্গীর সাদৃশ্য লক্ষ্য করবার বিষয় । সব গুলিতেই প্রথমে বিষয়, বেশীর ভাগ নিদ্রাতঙ্কের পর ; এবং পরে হতাশ হওয়া । সবগুলিতেই অবহেলা এবং অনবধানতা-জনিত বিবেকের ভংসনা । সবগুলিতেই কবির বীণা কোন অলৌকিক সুরে বেজে ওঠে ; তার ঘরের বাতাস, তার রাত্রের স্বপ্ন কোন সুরভিতে ভ'রে যায় ; ধূলিকণাতেও মূচ্ছ'না লাগে, কিন্তু ঘুম ভাঙ্গে না । প্রতিবার হাতের বরণমালা হাতেই থেকে যায় । ৬৮ নং গানটিতে নাটকানুযায়ী পরিণতি আর দৃশ্যবর্ণনা রমণীয় । বর্ণনার মধ্যে দিয়ে একটা গল্প গ'ড়ে ওঠে, যার শেষের দিকের সমাধান প্রকৃতই নাটকের চমৎকৃতিপূর্ণ—

কভবার আমি ভেবেছিছু উঠি উঠি
আলস তাজিয়া পথে বাহিরাই ছুটি,
উঠিছু যখন তখন গিয়েছ চ'লে
দেখা বুঝি আর হ'ল না তোমার সাথে ।
স্বপ্নর তুমি এসেছিলে আজ প্রাতে ।

কল্পনার চাতুর্য্য এবং স্ফূর্ত্তির কি মনোহর উদাহরণ !
কোন্ রাত্রে কবির ভাগো এ আশ্চর্য্য ঘটনা ঘটেছিল ?
তখন—

নিদ্রিত পুরী, পথিক ছিল না গণে,
একা চলি' গেলে তোমার সোনার রণে,
বারেক ধামিয়া, মোর বাতায়ন পানে
চেয়েছিলে তব করুণ নয়নপাতে ।

কত নীরব পুরী সে যা'র বাইরে ঠিক ভোরের পূর্ব্বক্ষেণে
নিখর রাজপথ প্রকম্পিত ক'রে একটি রথের চকিত বনবনা
শুনতে পাওয়া গেছিলো ? কণিকের জন্তে থেমে কত আশা



নিয়ে কে সে এক বার বাগভাবে বাতায়নের পানে চেয়ে দেখলে
এবং অমন দীর্ঘনিঃশ্বাস ফেলেই বা চ'লে গেল কেন ?

যাক্, অনেক নিষ্ফলতা, অনেক জেগে থাকার পর
কোন এক কোজাগরী রাতে কবি তাঁর বাজিতের দেখা
পান। সে শুভ মুহূর্তের ইতিহাস জানা নেই, হয়ত সেটা
কবিরই অগোচর কেননা তাঁর তখন ধ্যাননিরত আপন
ভোলা অবস্থা—“একলা ব'সে আপন মনে গাইতেছিলাম
গান”, এমন সময়ে “তোমার কানে গেল সে সুর, এলে তুমি
নেমে।” দেখা পেয়ে কবি বলেন—“আমারে যদি জাগালে
আজি নাথ, কিরো না তবে কিরো না, কর করুণ
অঁখিপাত” (৮৭)। এই প্রাপ্তির মুহূর্ত গুলিকে কবি তাঁর
সুরের আলোয়, কল্পনার রঙে অতিশয় উজ্জ্বল ক'রে
রেখেছেন। নানা রূপে, নানা ভাবে তাঁর পরম প্রিয়তমাকে
বরণ করেছেন। কোথাও ভক্তকে অতর্কিত অবস্থায়
পেয়ে দেবতা খেলাচ্ছলে তাকে ছলনা করেন। কখন
কে যেন “দরিদ্র ক্ষীণ মলিন বেশে সঙ্কোচেতে একটি
কোণে” এসে লুকিয়ে থাকে, রাতে কিছু প্রবল হয়ে পশে
দেবালয়ে আর “মলিন হাতে পূজার বলি হরণ করে”
(৮১)। কখন আবার প্রাণে দেখা দিয়ে ডাক দিয়ে
যায়, তার পর কোন্‌খানে লুকিয়ে থাকে তা কেউ জানে

না, কিন্তু সেই হারিয়ে ফেলার হতাশার মধ্যে কোথা
হ'তে আবার সাড়া দেয়” (১৩৬)। কবিকে গাঠ
বিস্ময়বিহ্বল হ'য়ে স্বীকার করতে হয়—“তোমার অন্ত
নাই গো অন্ত নাই, বারে বারে নূতন লীলা তাই।”
অতএব এই জন্মের রাত্রি ভোর হবার পর নবজীবনের
আলোয় গিয়ে যখন “আবার এ হাত ধরবে কাছে এসে,
লাগবে প্রাণে নূতন ভাবের ঘোর” (১৩৪)। সে নূতন
দেখা পরম দেখা, সব চাওয়া সব পাওয়ার সমাপ্তি।
সেখানে উদ্বেগের ঝড় ঝঞ্ঝাবাত নেই, সেখানে অচে-
স্থির পরিপূর্ণ শান্তির স্নিগ্ধ উজ্জ্বল আলো আর চিরনূন
প্রেমের মলয় পরশ। সেই মহান প্রশান্ত নিস্তকৃত্য—

হঠাৎ খেলার শেষে আজ কি দেখি ছবি,
শুক আকাশ, নীরব শশী রবি,
তোমার চরণপানে নয়ন করি নত
ভুবন দাঁড়িয়ে আছে একান্ত।

কবির কল্পনার ঐশ্বর্যের এই সম্ভার শিল্পের মণিকোঠার
সামগ্রী। ভাবের সংহত গতিবেগ এক শুভ মুহূর্তে
শিল্পীর তুলির অপেক্ষা করতে থাকে। কবি আর
শিল্পীর সৃষ্টির সে এক পরম মুহূর্ত; একটা ছলিত
সামঞ্জস্যের মধ্য দিয়ে পূর্ণ তৃপ্তির সূচক।



নয়নামতীর চর

বন্দে আলা মিয়া

বরষার জল সরিয়া গিয়াছে জাগিয়া উঠেছে চর,
গাঙ শালিকেরা গর্ভ খুঁড়িয়া বাঁধিতেছে সবে ঘর ।
গহিন নদীর দুই পার দিয়ে আঁখি যায় যত দূরে
আকাশের মেঘ অতিথি যেন গো তাহার আঙিনা জুড়ে ।
মাছরাঙা পাখী এক মনে চেয়ে কঞ্চিতে আছে বসি'
বাঁধিতেছে ডানা বনুহংস—পালক যেতেছে খসি' ।
'তট হতে দূরে হাঁটু জলে নামি' এক পায়ে করি' ভর
মংসার ধানে বক দুটি চারি সাজিয়াছে ঋষিবর ।
পাখীনা মেলিয়া কচি রোদে শুয়ে উদাসী তিতির পাখী
বারে বারে দুটি ডানা ঝাপটিয়া ধূলাবালি লয় মাখি' ।
বিরহিনী চখী চখারে পাইয়া কত কী যে কথা কয়,
গাঙচিল শুধু উড়িয়া বেড়ায় সকল পদ্মাময় ।
ভুবনে না'য়ের গলুয়ের 'পরে শুয়ে শুয়ে কাঁচা রোদে
পারি কচ্ছপ শিশু জলসাপ আলসে নয়ন মোদে ।
বনো ঝাউ গাছে টি টি পাখা বেঁধেছে পাতার বাসা,
বাবুলার ডালে যুঘু-দম্পতি জানাইছে ভালোবাসা ।
প্রের না হইতে ডাছক ডাছকী করিতেছে জলকেলি ।
শেওরা ক্ষেতে খুঁজিছে শামুক পানিকো'র সারা বেলি ।
কাঁচা বালুতটে চরণচিহ্ন রেখে গেছে খঞ্জনা,
পাছ নাচায় সুঁইচোর পাখী—চা'হ্ সুধু আনমনা ।
কাঁড় খুঁজিতে শালিকের ঝাঁক করিতেছে কলরব,

লক্ষ হাজার বালিয়া হাঁসের দিন ভরা উৎসব
দুপুরের রোদে খাঁ খাঁ করে চর দূর গ্রামে মাথা কালী,
উত্তরে বায়ে শিশু মরু হতে উড়ে যায় সুধু বালি ।
অশথের তলে জলিধান লাগি' চাষীরা বেঁধেছে কুঁড়ে,
কাঁচা যবশীষ আলোর ডাকেতে এসেচে সে মাটি কুঁড়ে ।
ছায়া আর রোদে ঝিকিমিকি জলে হাজার উন্মির্দল,
কূলে কূলে তার আছাড়িয়া-পড়া দিনে রাতে কোলাহল ।
দুপুরে যেদিন নেমেছে সন্ধ্যা মেঘেতে ঢেকেছে বেলা,
গাঁয়ের মেয়েরা ঘাটে জল নিতে আসিতে না করে হেলা ।
কেহ আসে একা—দল বেঁধে কেহ—চলে তারা তাড়াতাড়ি,
পথে যেতে যেতে খুলে দিয়ে গরু তাড়াইয়া আনে বাড়ী ।
গোহালের পাশে শুকানো যে ঘুঁটে ধামায় ভরি' তা লয়'
কঞ্চির বেড়া ধরিয়া বধূরা প্রিয়-পথ চেয়ে রয় ।
দোকানীর বউ নদী পানে ধায় কোথা গেছে নেয়ে তার,
এমন বাদলে কোন্ হাতে তার বিকাইবে সস্তার !
জাল বোনা ভুলি জেলের বুবতী বিরহ দিবস গণে,
কোথা ধরে মাছ জেলে যে তাহার এমন উতলা ক্ষণে ।
কালো মেঘে ছায় পূর্ক ঈশাণ জোরে জোরে বায়ু বয়,
বলাকার সারি শকুনের ঝাঁক উড়িছে আকাশময় ।

আলোচনা

বালা বিবাহ

শ্রীমায়া দেবী

কিছুদিন হইতে দেখিতেছি শ্রীযুক্ত হরবিলাস সারদার বিধ লইয়া একটা মহা আন্দোলন চলিয়াছে ; কাহারও মতে তাহা ভাল,—কাহারও মতে মন্দ। বালা বিবাহ ভাল কি মন্দ, তাহাতে উপকার হয় কি অপকার হয়, সে সব বিষয়ে আমি কোন কথাই বলিতেছি না, আমি শুধু তাঁহাদের প্রতিবাদ করিতেছি যাঁহারা বলিতেছেন ইহাতে ধর্মের হানি হয়। তাঁহারা মন্ব হইতে শ্লোকের পর শ্লোক উদ্ধৃত করিয়া দিতেছেন, যুক্তি ও তর্কদ্বারা সপ্রমাণ করিতে চাহেন, ইহা ধর্মের হানিকর। স্বাকার করিলাম ;—আমিও তাঁহাদের কয়েকটি প্রশ্ন করিতেছি, আশা করি উত্তর পাইব।

(১) কয়জন ব্রাহ্মণ সন্ধান এখনও বালো গুরুগৃহে ব্রহ্মচর্যাবলম্বন করিয়া পাঠাভ্যাস পূর্বক যৌবনে গৃহী হন ?

(২) কয়জন ব্রাহ্মণ গৃহে যজ্ঞাগ্নি প্রজ্জ্বলিত রাখেন ?

(৩) কয়জন ব্রাহ্মণ অধ্যয়ন ও অধ্যাপনায় জীবন অতিবাহিত করেন ?

(৪) কে পঞ্চাশ বৎসর অতিক্রম করিলে বাণ-প্রস্থ গ্রহণ করেন ?

(৫) কয়জন নির্লোভ, সত্যব্রত, বিদ্বান, ব্রহ্মবিদ, ব্রাহ্মণ আছেন ?

(৬) ক্ষত্রিয় বা কায়স্থের মধ্যে কয়জন যুদ্ধ বিগ্রহাদিতে অংশ লয়েন ?

(৭) স্বাধীনতা চীনতায় কে বাচিতে চায়, দাসত্ব শৃঙ্খল বল কে পরিবে পায় ? বলিবার মত শক্তি আজও কয়জন ক্ষত্রিয়ের আছে ?

(৮) কয়জন ক্ষত্রিয় বিপন্নের রক্ষা, আর্ন্তের সাহায্য, নারীর সম্মম, এবং শিশু ও বৃদ্ধের প্রাণ রক্ষার্থে ত্যাগ করেন হন ?

(৯) কয়জন বৈশ্য আজও সর্বতোভাবে বৈশ্যবৃত্তি অবলম্বন করেন ?

(১০) কয়জন গ্রাম-বৃদ্ধ জ্ঞানাবোধে পূজিত হন ?

আশাকরি মনুর পদ্ধতি ও ইহাদের আজি কালিকার জীবন যাত্রায় অনেক প্রভেদ হইয়াছে। আমার ধারণা ইহার সহস্রর কেহই দিতে পারিবেন না।

ব্রাহ্মণ, ক্ষত্রিয়, কায়স্থ, বৈশ্য ভারতে সমাজের শীর্ষস্থানীয় ; ইহাদের ভিতর হইতে সহস্র সহস্র ব্যক্তি সাগর পাশে যাইতেছেন,—ইহাও ত এককালে ধর্মের ক্ষতি জনক ছিল, তবে তাহা চলিল কি করিয়া ?

এ দিক ছাড়িয়া বালা বিবাহ ধরা যাক। এ ক্ষেত্রে জিজ্ঞাসা—যাঁহাদের আধুনিক সভ্যতার বাতাস গায়ে লাগিয়াছে, তাঁহারা সত্যই কি গৌরী দানের পক্ষপাতী ?

মুখে যিনি যাহাই বলুন, শিরোমণি, তর্কচূড়ামণি, শাস্ত্রী বা বাচস্পতি,—কেহই আজকাল স্বীয় কন্যাকে গৌরী দান করিয়া পরমার্থ লাভের বাসনা করেন না, বরং দেখা যায় কন্যা, একটু শিক্ষিতা ও বয়স্কা হয়, এবং ১০ বা ১২ বৎসরের অধিক বয়জ্যেষ্ঠের সহিত তাহার বিবাহ না হয় ইহাই প্রত্যেক পিতামাতা ইচ্ছা করেন। তদনুরূপ পাত্রও খুঁজিয়া থাকেন। অষ্টম বর্ষীয়া কন্যাকে চতুর্বিংশ বর্ষীয় যুবকের হস্তে সম্প্রদান করিবার—কল্পনা ধর্মপাগল হিন্দুও আজকাল করেন না।

সুতরাং দেখা যাইতেছে উচ্চবর্ণের ভিতর বালা বিবাহ স্বতঃই কমিয়া আসিতেছে। বালা বিবাহ এখনও অশিক্ষিত নিম্নশ্রেণীর ভিতরেই গণ্ডিবদ্ধ। তবে কি বুঝিতে হইবে হিন্দু ধর্ম-সংরক্ষণ রূপ মহৎ কর্তব্য, কেবল মাত্র হাড়ি, ডোম, কামার, কাহারের কর্তব্য ? তাহারাই চতুর্দশী কন্যার বিবাহ দিলে হিন্দুধর্ম পতিত হইবে ?

বিবধ সংগ্রহ

চলচ্চিত্রে ক্রাইস্ট


দশ বৎসর পূর্বে চলচ্চিত্রে খৃষ্ট মূর্তি প্রদর্শন বিশেষ অপরাধের বিষয় বনিয়া পরিগণিত হইত। পাদ্রীগণের মতে চলচ্চিত্র দ্বারা ঈশ্বরতনয়ের প্রতি অসম্মান প্রদর্শন করা হয়। কিন্তু বিগত দশ বৎসরের মধ্যে আর্টের দিক হইতে চলচ্চিত্রের এত উন্নতি সাধিত হইয়াছে যে পাদ্রীগণ এখন আর ঐ মত পোষণ করিতে পারেন না। এখন গির্জায়

বেনহুর নামক ফিল্ম লণ্ডনে বিশেষ সমাদর লাভ করিয়াছিল। ইহার পূর্বে এত বেশী দিন যাবৎ কোনও ফিল্ম লণ্ডনে প্রদর্শিত হয় নাই। বেনহুরে যীশুর একখানি হাত মাত্র দেখান হইত।

কিং অব্ কিংস্ নামক ফিল্মেই সর্বপ্রথম খৃষ্টের সম্পূর্ণ মূর্তি প্রদর্শিত হয়। এই ফিল্মখানি প্রথমে গির্জায় প্রদর্শনের জগু প্রস্তুত হয় পরে যখন সর্বসাধারণে প্রদর্শিত করাইবার আয়োজন হয় তখন ইহার বিরুদ্ধে নানা দিক হইতে নানা আন্দোলনের সৃষ্টি হইয়াছিল। বিলাতের সংবাদপত্রগুলিও এই আন্দোলনের সহিত সংশ্লিষ্ট ছিলেন। বিলাতের ফিল্ম সেন্সর্ এই ফিল্ম প্রদর্শনে অনুমতি দেন নাই, লণ্ডন কাউন্টি কাউন্সিলের অনুমতি লইয়া ইহা সাধারণে প্রদর্শিত হয়। কাউন্টি কাউন্সিল অনুমতি দিবার সময়ে কতকগুলি সর্ত্ত করাইয়া লইয়াছিলেন, যথা, এই ফিল্মের সহিত অপর কোনও ফিল্ম প্রদর্শিত হইবে না, প্রদর্শনের সময়ে দর্শকগণ ধূমপান করিতে পারিবে না ইত্যাদি।

এখন মনে হয় এই প্রকারের ফিল্ম যদি যথেষ্ট শ্রদ্ধার সহিত প্রদর্শিত হয় তবে পাদ্রীগণের দিক হইতে কোনও আপত্তি উঠিবে না।

কিং অব্ কিংসের মত এত বেশী দিন আর কোনও চিত্র প্রদর্শিত হয় নাই। আমাদের দৈনন্দিন জীবনের সহিত বায়োস্কোপ এমন ভাবে আবদ্ধ হইয়া পড়িয়াছে। যে ধর্মবিষয়ক ফিল্ম যত বেশী প্রদর্শিত হয় ততই মঙ্গল চলচ্চিত্রপ্রদর্শনের দ্বারা ধর্ম ও নীতিবিষয়ক উপদেশ-দানে যথেষ্ট সাহায্য পাওয়া যাইতে পারে। আশা করা



খৃষ্টের ভূমিকায় জঁ. ডেল্ ভাল্

পাসনার সময়ে চলচ্চিত্রে খৃষ্টচরিত প্রদর্শিত হয়। দশ বৎসর পূর্বে ধর্মবিষয়ক ফিল্ম যে আদৌ ছিল না তাহা নয়, কিন্তু বাস্তবিক মনে ভক্তির উদ্রেক করিতে পারে এমন ফিল্মের প্রকৃতিই অভাব ছিল।



যায়—ইংলণ্ডের ধর্মযাজকগণ এই বিষয়ে আমেরিকার উদাহরণ গ্রহণ করিলেন। আমেরিকায় ইতিমধ্যেই নীতি ও ধর্মপ্রচারকার্যে চলচ্চিত্রের দ্বারা প্রভূত উপকার পাওয়া গিয়াছে।

রিলিজিয়াস মোশন পিকচার ফাউন্ডেশন নামক এক সমবায় পাদ্রীগণের সাহায্যের জন্ম কতকগুলি চিত্র প্রস্তুত করিয়াছিলেন। চিত্রগুলিতে বিশেষ করিয়া খৃষ্ট মূর্তি নানাভাবে প্রতিকলিত করিবার চেষ্টা করা হইয়াছিল। এই সমবায়টি তিন বৎসর পূর্বে উলিয়ম হারমান নামক

পরিগণিত হইত। অবশ্য অনেক মনে করেন ধর্ম-মন্দির কোনও প্রকার চিত্র দ্বারা পরিশোভিত হওয়া উচিত নয় কিন্তু জানালার চিত্র গির্জার শোভার জন্ম অক্ষিত হইত না পরন্তু যুরোপে মধ্যযুগে জনসাধারণের মধ্যে বাইবেলের কাহিনী ছদয়গ্রাহী করিয়া প্রচার করিবার উদ্দেশ্যেই চিত্রিত হইত। প্রাচ্য দার্শনিকগণ বলেন একখানি ভাল চিত্র দ্বারা দশ সহস্র বাক্যের কার্য্য হয়। রিলিজিয়াস মোশন পিকচার সমবায় দ্বাদশ শতাব্দীর গির্জার জানালার কাচের চিত্রের অনুকরণে খৃষ্ট চরিতের ফিল্ম-

একজন মার্কিন জনস্বহৃদ কর্তৃক প্রতিষ্ঠিত হয়। তাঁহার প্রধান উদ্দেশ্য ছিল খুব উচ্চশ্রেণীর অভিনেতা দ্বারা কতকগুলি অসাম্প্রদায়িক চিত্র প্রস্তুত করিবেন তাহাতে ধর্মমন্দিরে উপাসনার সময় এই চিত্রগুলি উপাসকবৃন্দের মনে ভক্তি আনয়ন করিতে পারে।

খৃষ্টীয় উপাসকগণ উপাসনার সাহায্যকল্পে এই চিত্রগুলিকে কি ভাবে গ্রহণ করিবেন তাহা লইয়া এক আন্দোলনের উৎপত্তি হয়। কারণ খৃষ্টীয় পাদ্রীগণের মধ্যে



শেষ ভোজ

অনেকেরই ধারণা যে চলচ্চিত্রের দ্বারা জনসমাজে নৈতিক অবনতি হইয়াছে এবং ইহা অনেক পরিবারে অনেক অশান্তি আনয়ন করিয়াছে। এখন কিন্তু তাঁহাদের আর সে মত নাই, এখন তাঁহাদের মধ্যে অনেকেই চলচ্চিত্রের সাহায্যে উপদেশ প্রদান করেন।

পুরাতন ধর্মমন্দিরের জানালার বিচিত্র কাঁচ হইতেই ধর্মবিষয়ক ফিল্ম পরিকল্পিত হয়। বহু শতাব্দী যাবৎ গির্জার চিত্রিত জানালা ধর্মমন্দিরের গৌরবের বিষয় বলিয়া

গুলি প্রস্তুত করিয়াছেন।

এই সকল চিত্রে বাইবেলের কাহিনীগুলি সঠিক ভাবে নিরূপণ করিতে তাঁহাদের অনেক বাধা বিপত্তি অতিক্রম করিতে হইয়াছে। নানা প্রকার লোকমতেরও অনুসরণ করিতে হইয়াছে। কারণ ক্রাইষ্টকে নানা লোকে নানাভাবে দেখিয়া থাকেন। রোমান ক্যাথলিকগণের মতে ক্রাইষ্ট পৃথিবীর দুঃখ, কষ্টে এত বাধিত ও মর্মান্বিত হইয়াছিলেন এবং মানবের নানা প্রকার পাপাচারে এত ক্রোধান্বিত হইয়াছিলেন যে তিনি কখনও হাসেন নাই। আর এক সম্প্রদায়




যীশু ও মেরি মেগ্‌ডেলিন্

ক্রাইষ্টকে বলিষ্ঠ, পেশাবহুল, বলবান যোদ্ধার চক্ষে দেখেন। তাঁহারা মনে করেন বিজয়ী বীরের স্থায় তিনি সকল বিপদ আপদের সম্মুখীন হইতেন। নিজের মনের দ্বিধায় তিনি সর্বদা উদাসীন থাকিতেন এবং মানবের দুঃখ দেখিয়া যেমন ব্যথিত হইতেন তেমনই তাহাদের আনন্দে তিনি আনন্দিত হইয়া উঠিতেন। এই প্রকার নানা সম্প্রদায়ের লোকের নানা প্রকারের মনোভাবের সামঞ্জস্য করিয়া ফিল্মগুলি প্রস্তুত করিতে হইয়াছে। কোনও সম্প্রদায়ের মনে যাহাতে কোনও প্রকার আঘাত না লাগিতে পারে সে বিষয়ে বিশেষ লক্ষ্য রাখা হইয়াছে।

ঐতিহাসিক তথ্যনিরূপণের জন্তও অনেক পরিশ্রম করিতে হইয়াছে। ইজ্রায়েলের জাতি ও পুরাতন যিরূশালেমের অধিবাসীবৃন্দ তাহাদের দৈনন্দিন জীবনের সম্পূর্ণ ভাবে কোনও প্রকার ইতিহাস লিপিবদ্ধ করিয়া রাখিয়া যায় নাই। মেজর ডলি ও তাঁহার সহকর্মীগণকে সকল বিষয়ে নানাভাবে অনুসন্ধান করিয়া সেই সময়ে প্রচলিত রীতি নীতি, পোষাক পরিচ্ছদ ও সাম্প্রদায়িক আচার ব্যবহারের বিষয় বহু গবেষণা করিতে হইয়াছে। চিত্রগুলিকে যতদূর সম্ভব সঠিক ভাবে প্রতিফলিত করিবার চেষ্টা হইয়াছে।

চারিখানি ফিল্ম প্রদর্শনের জন্ত প্রস্তুত হইয়াছে (১) ক্রাইষ্ট তাঁহার সমালোচকগণকে বিভ্রান্ত করিতেছেন। (২) অনাহৃত অতিথি। (৩) আনাদের ঋণ হইতে মুক্ত কর। (৪) নবা ধনী শাসক। এই ফিল্মগুলি হইতে কতকগুলি চিত্র এই সঙ্গে দেওয়া হইল। চিত্রগুলি দেখিলে বুঝিতে পারা যায় অভিনেতাগণ তাঁহাদের কার্যে কতটা সাফল্য লাভ করিয়াছেন। বাংলা সাধারণ বায়োস্কোপের চিত্রের সহিত পরিচিত তাঁহারা এই চিত্রগুলি দেখিয়া আশ্চর্যান্বিত হইবেন।



যীশু খ্রীষ্ট

সাধারণত বায়োস্কোপে পোষাক পরিচ্ছদ ও আসবাব ইত্যাদির দিকে বেশী মনোযোগ দেওয়া হয় কিন্তু



লাজারাস্-এর পুনর্জীবন

মেজর ডলি সে সব দিকে খুব বেশী মনোনিবেশ না করিয়া বাইবেলের গল্পটি যাহাতে হৃদয়গাহী করিয়া অভিনীত হয় সেই দিকেই তিনি তাঁহার সমস্ত উত্তম ও চেষ্টা নিয়োজিত করিয়াছেন।

চিত্রগুলি প্রস্তুত করিবার সময়ে তিনি বিভিন্ন সম্প্রদায়ের ধর্মযাজকগণকে নিমন্ত্রিত করিয়া চিত্রগুলি প্রদর্শন করিতেন এবং তাঁহাদের উপদেশ যত্নের সহিত পালন করিতেন। এই ভাবে চিত্রগুলিকে তিনি সন্মানসুন্দর করিয়া তুলিয়াছেন।

অভিনয়ের সময়ে যখন বায়োস্কোপের সাহায্যে ফটো তোলা হইত তখন অনেক লোক আসিয়া ভিড় করিত—

সেই ভিড়ের মধ্যে দেখা গিয়াছে—অনেকেই বিশেষ শ্রদ্ধার সহিত দাঁড়াইয়া দেখিত কেহ কেহ বা অশ্রুসম্বরণ করিতে পারিত না।

আর একটি সুবিধা হইয়াছিল অভিনেতাগণের মধ্যে তিনশত থিয়োলজিক্যাল কলেজের ছাত্র ছিলেন—তাঁহারা

তাঁহাদের সমস্ত মন দিয়াই অভিনয় করিতেন। এই সকল কারণে অভিনয়গুলি মনোজ্ঞ হইয়া উঠিতে পারিত।

এই ফিল্মগুলি আমেরিকায় প্রায় তিনশত গির্জায় উপাসনার সময়ে ব্যবহৃত হয়। অনেক রবিবাসরীয় বিদ্যালয়ে বালক-বালিকাদের নিকটও প্রদর্শিত হয়।

যদি এই ভাবে চলচ্চিত্রের উন্নতি সাধিত হয়, ত আশা করা যাইতে পারে যে এমন সময় আসিবে যখন সমস্ত ধর্ম-



“কিং অব্ কিংস্”—নাটকে যাঁশুখ্রীষ্টের-ভূমিকায় এইচ্, বি, ওয়ারনার

মন্দিরে উপাসনার সময়ে চলচ্চিত্রের সাহায্য অত্যাবশ্যকীয় বলিয়া পরিগণিত হইবে

শ্রীঅনাথনাথ ঘোষ

সাকারা মেমফিস নগরীর সমাধি

গত পাঁচ বৎসর যাবৎ মিশর গভর্নমেন্ট কার্যের সহরের
বারো মাইল দক্ষিণস্থ সাকারা সমাধির খননকার্যে নিরত
আছেন। কয়েকটা পিরামিড্ ও নানা যুগের বহু পারি-
বারিক সমাধি মিলিয়াই সাকারার সম্পদ। এই সকল
সমাধির মধ্যে দুইটি মাত্র অপেক্ষাকৃত আধুনিক। খীব্-
ভিন্ন এত বড় সমাধি মিশরে আর নাই। সাকারার সর্বশ্রেষ্ঠ


কৌতূহলপূর্ণ কয়েকটা ছোট ছোট জিনিস আবিষ্কৃত
হইয়াছিল।

মেমফিস্ যে প্রাচীন মিশরের সর্বপ্রধান নগরী ছিল—
এ বিষয়ে কোন সন্দেহ নাই। সকল দেশেই বড় নগরীর
চতুঃপার্শ্বস্থ স্থান ক্রমে ক্রমে নগরীর অন্তর্ভুক্ত হইয়া পড়ে,
ক্রমে ধনে জনে ঐশ্বর্য্যে এত সমুন্নত হয় যে, পূর্ব-নগরীর

প্রাধান্য বহুনাংশে কমিয়া আসে—এ
দৃষ্টান্ত বিরল নহে। তেমনি মিশরের রাজধানীও
মেমফিস্ হইতে সরিয়া প্রথমে ফস্টাটে
ও পরে কারোতে আসিয়াছে এবং
সঙ্গে সঙ্গে মেমফিসের পূর্বগোরব ও সমৃদ্ধির কথা
লোকের মনে হইতে যুছিয়া গিয়াছে। বর্তমান
খননের ফলে এমন বহু প্রমাণ পাওয়া গিয়াছে—
যাহাতে অনায়াসেই বুঝা যায় সাকারাতে
পূর্বের সমৃদ্ধিশালী নগরীর মত একটা কিছু ছিল। খুব
সম্ভবত “মারপেবা”—নামক প্রথম রাজবংশই

ইহার স্থাপয়িতা। খৃষ্ট-পূর্ব ২৮০০ অব্দে ইহা মিশরের
রাজধানী-রূপে পরিণত হয়। প্রায় ৫০০ বৎসর ধরিয়া মেমফিস্
তাহার এই প্রতিষ্ঠা অব্যাহত রাখিয়াছিল। পরে তাহার
অবস্থা হীন হইয়া পড়িলেও খীব্-ভিন্ন অত্র কোন নগরীই
তাহার অপেক্ষা অধিকতর উন্নত হয় নাই। শুধু যে রাষ্ট্রীয়
কারণেই মেমফিসের এত প্রতিপত্তি ছিল তাহা নহে;
আলেক্জেন্দ্রিয়ার অভ্যুদয়ের পূর্ব পর্য্যন্ত ইহা
উত্তর আফ্রিকার একমাত্র প্রধান বাণিজ্যস্থান
ছিল।

পূর্বেই উল্লিখিত হইয়াছে যে ফারাও জোসারের পিরা-
মিড্-ই (সিঁড়ি-ওয়াল পিডামিড্) সাকারার শ্রেষ্ঠ আকর্ষণ।
মিশরের প্রাচীনতম রাজগণের মস্তাবা সমাধাগুলির অপেক্ষা
বহু অংশে বৃহৎ এই প্রকার পিরামিড্-জাতীয় সমাধি
জোসারের কবরের উপরই সর্বপ্রথম নির্মিত হয়। মাত্র



ক—সিঁড়ি-ওয়াল পিরামিড্।

খ, খ—রাজপরিবারের সমাধি, ছোট পিরামিড্।

গ—উৎসব-গৃহ।

ঘ—প্রবেশ-দ্বারের স্তম্ভশ্রেণী।

ঙ—অচল-দ্বারবিশিষ্ট ছোট অট্টালিকা।


আকর্ষণ—রাজা জোসারের (Zoser) সিঁড়ি-ওয়াল
পিরামিড্ (Step-Pyramid) এবং পবিত্র ওসিরিস
(Osiris) দেবতার প্রতীক বৃষভের সমাধি (Apis Bulls)।
কয়েক বৎসরের বিপুল চেষ্টার ফলে বিগত যুদ্ধের পূর্বে
আরও কয়েকটা অট্টালিকার অস্তিত্বের আভাস, নানা
যুগের কতকগুলি স্থাপত্যের অংশ ও প্রত্নতাত্ত্বিক



ধাপে এই সমাধি মন্দির ২০০ ফিট পর্যন্ত উচ্চে উঠিয়াছে। তাহা হইতে এক একট ধাপের বিশালতা সম্বন্ধে আন্দাজ করা যায়।

সিঁড়ি-পিরামিডের উত্তর-পূর্ব কোণে আরও দুইটি ছোট ছোট পিরামিড পাওয়া গিয়াছে। এগুলি নিশ্চয়ই রাজ-পরিবারস্থ লোকদের সমাধি। এই ছোট পিরামিড দুইটির উত্তর দিকের দেয়াল ঘেসিয়া দুইটি ভজনালয়ের অস্তিত্ব আবিষ্কৃত হইয়াছে। উন্মুক্ত আগ্নিবা ও পিরামিড-ঘেঁসা দেয়ালের গায়ে একটা কুলুঙ্গি ভিন্ন এই ভজনালয়ের আর কোন সাজসজ্জা নাই। তবে এই সকলের গঠনপ্রণালীতে বেশ একটু বিশেষত্ব আছে। কেন না দেয়ালের গায়ে যে

রাজবংশের আমলে মিশরে যে সব স্তম্ভ নির্মিত হইয়াছে, সেগুলি মসৃণ। কিন্তু এই ভজনালয়ের স্তম্ভগুলি 'পল তোলা' (শির-বিশিষ্ট)। শীর্ষদেশে, আবার স্তম্ভের গা বাহিয়া দুইটি বৃক্ষপত্রাকৃতি পদার্থ নামিয়া আসিয়াছে। ইহা অত্যন্ত বিস্ময়ের বিষয়। কেন না, প্রত্নতাত্ত্বিকেরা নির্দেশ করিয়াছেন যে, এইরূপ পল-তোলা স্তম্ভ বহু বহু কাল পরে বেনিহাসান্ এবং আশুয়ান-এর সমাধিতে প্রথম নির্মিত হয়। তাহা হইলে বেনিহাসানের হাজার বৎসর পূর্বে নির্মিত সাকারার ভজনালয়ের ইহার অস্তিত্ব পরম বিস্ময়ের বস্তু নহে কি? বিশেষত এইরূপ সুদৃঢ় স্তম্ভ অত্যাধিক মিশরের আর কোথাও খুঁজিয়া পাওয়া যায় নাই।



সিঁড়িওয়াল পিরামিড

স্তম্ভ নির্মিত হইয়াছে, তেমন স্তম্ভ এই যুগে আর কোথাও দেখা যায় না। কোনওরূপ অবলম্বন ভিন্নও যে স্তম্ভ দৃঢ় নিষ্কিন্ন হইতে পারে—সেই যুগে সেই ধারণা লোকের ছিল না। কিন্তু সাকারার ভজনালয়ের এই স্তম্ভগুলি দেখিয়া মনে হয় উহার স্থপতিরা এই বিষয়ে একেবারেই অজ্ঞ ছিল না। রীতিমতভাবে স্বাবলম্বী স্তম্ভনির্মাণ (মিশরের পঞ্চম রাজবংশের রাজত্বসময়ে প্রথম প্রবর্তিত হয়) প্রবর্তিত হইবার প্রায় ২০০ বৎসর পূর্বেও মেম্ফিসে ইহার অস্তিত্বের নিদর্শন প্রত্নতত্ত্বের দিক হইতে বেশ ভাবিয়া দেখিবার বিষয়। পঞ্চম

প্রধান পিরামিডের দক্ষিণ-পূর্ব দিকে বিশাল একটা আগ্নিবা আবিষ্কৃত হইয়াছে। পিরামিডের কাছাকাছি এই আগ্নিবির একদিকে পর পর অনেকগুলি ভজনালয় সজ্জিত আছে। প্রত্যেকটি ভজনালয়ের ভিতর সমান্তরালভাবে দুইটি করিয়া প্রকোষ্ঠ। এই ভজনালয়গুলির সঠিক ইতিহাস এখনও উদ্ধার করিতে পারা যায় নাই। তবে অনেক আন্দাজ করেন যে, মিশরের অতি প্রাচীন যুগে অল্পাধিক "হেব্‌সেড" উৎসরের সঙ্গে ইহার নিশ্চয়ই কিছু সম্বন্ধ আছে। মিশরীয় রাজগণের সিংহাসন-আরোহণের ত্রিশবার্ষিক

উৎসবের নাম ছিল “হেব্‌সেড্‌ উৎসব। এই কথা মনে করিয়াই খননকারীরা এই ভজনালয়শ্রেণীর নাম দিয়াছে— “উৎসবগৃহ”। এই ভজনালয়গুলির পশ্চাতের দেয়ালেও পূর্ব-বাণতরূপ ‘পল্-তোলা’ পত্রবিশিষ্ট স্তম্ভ-সারি দেখিতে পাওয়া যায়। কিন্তু এই স্তম্ভগুলির শীর্ষস্থ পত্রের মধ্যে আবার নূতনতর কারুকার্য আছে। পত্রস্থের মধ্যস্থলে ছিদ্র করিয়া তাহার ভিতর দিয়া একটা তাম্রনির্মিত চোঙ বা নল সম্মুখে স্তম্ভশ্রেণীর পশ্চাতস্থ ছাদের সঙ্গে লাগানো হইয়াছে। সম্ভবত ছাদের জলনিষ্কাশনের জন্তই এই ব্যবস্থা হইয়াছিল। কেহ কেহ আবার বলেন ভজনালয়ে হস্তপদাদি প্রক্ষালনের জলসরবরাহের জন্তই এই নল লাগানো হয়।

এই সকলের অপেক্ষাও বেশি কৌতূহলোদ্দীপক ভজনালয়ের অভ্যন্তরস্থ অচল চিত্রস্থবির দ্বারসমূহ। এই দরজাগুলি অথও প্রস্তরনির্মিত। কিন্তু এইগুলিকে উন্মুক্ত বা বন্ধ করিবার উপায় নাই, একেবারে চিরতরে গ্রথিত। এই দ্বারের প্রস্তরগুলি এমন ভাবে কুঁদিয়া তোলা হইয়াছে যে, দেখিলে মনে হয় যেন উহা কাষ্ঠনির্মিত। প্রস্তরগাত্রে খোদিত এইরূপ কাষ্ঠ-ভ্রমোৎপাদক কারুকার্যই এই অট্টালিকাগুলির প্রধান বিশেষত্ব।

“উৎসবগৃহের” পশ্চিমে আর একটি ছোট অট্টালিকা আছে। ইহাতে প্রস্তরনির্মিত অচল দ্বার

ভিন্ন আর কোনও বৈচিত্র্য খুঁজিয়া পাওয়া যায় নাই।

সাকারায় ব্যবহৃত প্রস্তরগুলির একটা বেশ লক্ষ্য করিবার মত বিশেষত্ব আছে। এগুলি সাধারণ প্রস্তর নহে। মেম্‌ফিস্ হইতে কয়েক মাইল নিঃস্ন ‘নীল’ নদের পূর্ব তীরে টুরা নামক স্থানে “চূর্ণ প্রস্তরের” (Lime Stone) খনি আছে। মিশরের ধূম্রবিহীন আকাশের নির্মল আলোতে এই অপূর্ণ প্রস্তরভবনগুলি যে কি মনোরম দেখাইত তাহা সহজেই অনুমেয়। বিশেষত প্রস্তর কাটিয়া টুরা হইতে সাকারায় আনিতে এবং এই সুবিশাল অট্টালিকাগুলি নির্মাণ করিতে যে কি-পরিমাণ-শ্রম ও অর্থব্যয় হইয়াছে, তাহা ভাবিতে বিষ্ময়ে নিকাক হইয়া যাইতে হয়।

বিশেষজ্ঞেরা স্থির করিয়াছেন, প্রাচীন স্মেরিয়ান স্থাপত্যশিল্পের সঙ্গে মিশরের এই মন্দির-শিল্পের সম্বন্ধ আছে। এই সময়ে অট্টালিকানির্মাণে ইষ্টকের সঙ্গে কাষ্ঠ, কাঞ্চি প্রভৃতির ব্যবহার প্রচলিত ছিল। পূর্বেই উক্ত হইয়াছে সাকারায় প্রস্তরভবনগুলিতে কাষ্ঠ কারুশিল্পের অনুকরণ-চিহ্ন যথেষ্ট পরিমাণে বর্তমান। জোসারের পূর্বে আর কখনও প্রস্তর-ভবন নির্মাণের কথা শুনা যায় নাই। ইহাতে অনুমান হয় যে, প্রস্তর-ভবন-নির্মাণ-শিল্প মিশরে একেবারেই অতি উন্নত অবস্থায় উপনীত হইয়াছিল।



প্রসঙ্গ কথা

আচার্য্য জগদীশচন্দ্রের জন্মদিনোৎসব

কলিকাতা আপার মার্কার রোডে বসু-বিজ্ঞানমন্দিরে গত ১লা ডিসেম্বর আচার্য্য জগদীশচন্দ্র বসু মহাশয়ের সপ্ততম জন্মদিনোৎসব অনুষ্ঠিত হয়েছে। যে-সকল মহৎ ব্যক্তি নিজেদের জ্ঞান অথবা প্রতিভার সহায়তায় জগতের কল্যাণ-সাধন করেছেন তাঁদের জন্মকাল জগতের পক্ষে শুভ-

উপস্থিত হয় এবং আয়ুষ্কালের বৎসর-সংখ্যা একটি সংখ্যায় বাড়িয়ে দিয়ে চলে যায়। সেই শুভ-দিবসে উৎসবের অনুষ্ঠান ক'রে যারা কোনো মহৎ ব্যক্তির প্রতি শ্রদ্ধাঞ্জলি অর্পণ করেন তাঁদের কারবার সেদিন শুধু দেওয়ারই নয়, পাওয়ারও। মহত্বকে স্বীকার করতে হ'লে মহত্বের সান্নিধ্য অনিবার্য্য। গুণীর কীর্তন গুণের কীর্তন ভিন্ন আর কিছুই নয়।

অনন্যসাধারণ প্রতিভাবলে জগদীশচন্দ্র যে খ্যাতি অর্জন করেছেন তার প্রশংসা কেবল মাত্র ভারতবর্ষের চতুঃসীমার মধ্যেই আবদ্ধ নয়, সমস্ত পৃথিবীময় তার পরিব্যাপ্তি, বিদেশের ছুপ্রবেশ যশোমন্দিরে সে খ্যাতি তাঁর জ্যেষ্ঠ উচ্চাঙ্গ সংগ্রহ করতে সমর্থ হয়েছে। তাই সেদিন তাঁর জন্মোৎসব উপলক্ষে পৃথিবীর নানা প্রদেশের বিশিষ্ট ব্যক্তি এবং সমিতির পক্ষ থেকে অভিনন্দন-লিপির অভাব হয় নি।

ইংরাজি ভাষায় একটি প্রবচন আছে,—A black hen can lay a white egg। আচার্য্য জগদীশচন্দ্র তাঁর সুদীর্ঘ সাধনা এবং সুকঠোর সংগ্রামের সফলতায় এই সরল সত্যের নিগূঢ় মন্ত্রটুকু অনেককে উদ্বলিত করতে সক্ষম হয়েছেন। যে সত্য জগদীশচন্দ্র আবিষ্কার করেছেন তার নূতনত্বের এবং অপূর্বত্বের প্রভাবে অনেককে স্বীকার করতেই হয়েছে যে বিশ্ব-জ্ঞান-ভাণ্ডারে ভারতবর্ষের দান করবার কিছু থাকতে পারে।

জগদীশচন্দ্রের আবিষ্কারের অভিনবত্বের মূল কারণ তাঁর অনুশীলন প্রক্রিয়ার ধারা— যা একান্তই প্রাচ্য প্রথানুগত। চিত্তকে অনুসরণ করে; চক্ষু উন্মীলিত ক'রে তিন যা দেখেন তার চেয়ে অনেক বেশি দেখেন চক্ষু নিমীলিত

আচার্য্য শ্রীজগদীশচন্দ্র বসু

ক্ষণ, অতএব সর্বতোভাবে স্মরণীয় এবং বরণীয়। প্রতি বৎসর তারিখ অথবা তিথি হিসাবে একদিন সেই শুভদিন

করে; তাই তিনি দেখে ভাবার চেয়ে ভেবে দেখেন বেশি।

আমরা একান্তচিত্তে আচার্য্য বন্ধু মহাশয়ের সুদীর্ঘ জীবন কামনা করি। এতদুপলক্ষে শ্রীযুক্ত রবীন্দ্রনাথ ঠাকুর মহাশয় বন্ধুত্বের অবসরে সমস্ত দেশবাসীর অন্তরের যে ছন্দোবদ্ধ নিবেদন ব্যক্ত করেছেন আমরা নীচে উদ্ধৃত করে দিলাম।

বন্ধু

শ্রীরবীন্দ্রনাথ ঠাকুর

যেদিন ধরণী ছিল বাধাহীন বাণীহীন মরু
প্রাণের আনন্দ নিয়ে, শঙ্কা নিয়ে, হুঃখ নিয়ে, তরু
দেখা দিল দারুণ নিঃস্বপ্নে! কত যুগ যুগান্তরে
কান পেতে ছিল স্তব্ধ মানুষের পদশব্দতরে
নিবিড় গহনতলে। যবে এল মানব অতিথি,
দিল তারে ফুলফল, বিস্তারিয়া দিল ছায়াবীথি ॥

প্রাণের আদিম ভাষা গূঢ় ছিল তাহার অন্তরে,
সম্পূর্ণ হয়নি ব্যক্ত আন্দোলনে, ইঞ্জিতে, মর্শ্বরে!
তার দিন-রজনীর জীবযাত্রা বিশ্বধরাতলে
চলেছিল নানা পথে, শঙ্কহীন নিত্য কোলাহলে
সৌম্যহীন ভবিষ্যতে; আলোকের আঘাতে তনুতে
প্রতিদিন উঠিয়াছে চঞ্চলিত অণুতে অণুতে
স্পন্দবেগে নিঃশব্দ ঝঙ্কার-গীতি, নীরব স্তবনে
সূর্য্যের বন্দনাগান গাহিয়াছে প্রভাত পবনে ॥

প্রাণের প্রথম বাণী এই মতো জাগে চারিভিত্তিতে
তুণে তুণে বনে বনে, তবু তাহা রয়েছে নিভৃত,
কাছে থেকে গুনি নাই।

হে তপস্বী, তুমি একমনা,
নিঃশব্দে বাক্য দিলে; অরণ্যের অন্তরবেদনা
গুনেছ একান্তে বসি; মুক জীবনের যে ক্রন্দন

ধরণীর মাতৃবন্ধে নিরন্তর জাগাল স্পন্দন
অকুরে অকুরে উঠি, প্রসারিয়া শত ব্যগ্র শাখা,
পত্রে পত্রে চঞ্চলিয়া, শিকড়ে শিকড়ে অঁকাবাঁকা
জনম-মরণ-দ্বন্দ্বে, তাহার রহস্য তব কাছে
বিচিত্র অক্ষররূপে সহসা প্রকাশ লভিয়াছে ॥

প্রাণের আগ্রহবার্তা নির্ঝাঁকের অন্তঃপুর হ'তে,
অন্ধকার পার করি' আনি' দিল দৃষ্টির আলোতে,
তোমার প্রতিভা-দীপ্ত চিত্ত মাঝে কহে আজি কথা
তরুর মর্শ্বের সাথে মানবমর্শ্বের আত্মীয়তা,
প্রাচীন আদিমতম সঙ্ঘঙ্কের দেয় পরিচয়।
হে সাধকশ্রেষ্ঠ, তব হুঃসাধ্য সাধন লভে জয়;
সতর্ক দেবতা যেথা গুপ্তবাণী রেখেছেন ঢাকি'
সেথা তুমি দীপ্ত হস্তে অন্ধকারে পশিলে একাকী,
জাগ্রত করিলে তারে। দেবতা আপন পরাতবে
যেদিন প্রসন্ন হন, সেদিন উদার জয়রবে
ধ্বনিত অমরাবতী আনন্দে রচিয়া দেয় বেদী
বীর বিজয়ী তরে, যশের পতাকা অভ্রভেদী
মর্ত্যের চূড়ায় উড়ে।

মনে আছে একদা যেদিন
আসন প্রচ্ছন্ন তব, অশ্রদ্ধার অন্ধকারে লীন,
ঈর্ষা-কণ্টকিত পথে চলেছিলে বাথিত চরণে,
ক্ষুদ্র শত্রুতার সাথে প্রতিক্ষণে অকারণ রণে
হয়েছ পীড়িত, শ্রান্ত। সে হুঃখই তোমার পাথের
সে অগ্নি জ্বলেছে যাত্রাদীপ, অবজ্ঞা দিয়েছে শ্রেয়,
পেয়েছ সঞ্চল তব আপনার গভীর অন্তরে।
তোমার খ্যাতির শব্দ আজি বাজে দিকে দিগন্তরে
সমুদ্রের একূলে ওকূলে; আপন দীপ্তিতে আজি
বন্ধু, তুমি দীপ্যমান; উচ্ছসিয়া উঠিয়াছে বাজি'
বিপুল কীর্্তির মন্ত্র তোমার আপন কর্মমাঝে।
জ্যোতিষ্কসভার তলে যেথা তব আসন বিরাজে,
সহস্র-প্রদীপ জলে সেথা আজি দীপালি-উৎসবে।
আমারো একটি দীপ তারি সাথে মিলাইছ' যবে



চেয়ে দেখো তার পানে, এ দীপ বন্ধুর হাতে জ্বালা ;
তোমার তপস্বী-ক্ষেত্র ছিল যবে নিভৃত নিরালা
বাধায় বেষ্টিত রুদ্ধ, সেদিন সংশয়-সন্ধ্যাকালে
কবি-হাতে বরমালা যে বন্ধু পরায়েছিল ভালে ;

অপেক্ষা করেনি সে তো জনতার সমর্থন তরে ;
তর্দীনে জ্বলেছে দীপ রিক্ত তব অর্ঘ্যখালি পরে ।
আজি সহস্রের সাথে ঘোষিল সে, ধন্য ধন্য তুমি,
ধন্য তব বন্ধুজন, ধন্য তব পুণা জন্মভূমি ॥

কংগ্রেস

নেহেরু কমিটির মন্তব্য উপলক্ষ ক'রে এ বৎসরে কলিকাতা কংগ্রেসে একটি গুরুতর সঙ্কট উপস্থিত হয়েছে। ভারতবর্ষে যদি স্বরাজ অথবা স্বরাজের সমতুল্য কিছু স্থাপিত হয় তা হ'লে বিভিন্ন ধর্মাবলম্বী বিভিন্ন সম্প্রদায়ের, প্রধানত হিন্দু মুসলমানের, স্বার্থ এবং কল্যাণের সামঞ্জস্য সাধন ক'রে সেই রাজ্য পরিচালনার বিধি-প্রণালী কিরূপ হ'তে পারে তা নিয়ে একটা কথা ওঠে, এবং সেই রাজ্য গঠন এবং পরিচালন প্রণালীর একটা ধসড়া প্রস্তুত করবার ভার পড়ে পণ্ডিত মতিলাল নেহেরু প্রমুখ কয়েকজন রাজনীতিক নেতার উপর। তদনুযায়ী নেহেরু কমিটির রিপোর্ট প্রস্তুত এবং প্রকাশিত হয়।

* * *

নেহেরু কমিটির মন্তব্য প্রকাশিত হওয়ার পর তা নিয়ে দেশবাসী আন্দোলন উপস্থিত হয়, এবং মোটের উপর বহু ব্যক্তি এবং সমিতি কর্তৃক তা অনুমোদিত এবং প্রশংসিত হয়। এ কিছু কাল পূর্বের কথা;—বর্তমান কংগ্রেস অধিবেশনে কংগ্রেস কর্তৃক নেহেরু কমিটির মন্তব্য স্বীকৃত এবং গৃহীত হবে কি না এই নিয়ে কথাটা পুনরায় প্রবল ভাবে উঠেছে, এবং তদ্বিষয়ে নেতাদের মধ্যে বিষম মত ভেদ দেখা দিয়েছে।

* * *

নেহেরু রিপোর্টের বিরুদ্ধে প্রতিকূল নেতাদের প্রতিবাদ গুলি আলোচনা ক'রে দেখলে দেখা যায় আপত্তি প্রধানত দ্বিবিধ প্রথমত—নেহেরু রিপোর্ট সুকল্পিত এবং স্বগঠিত হ'লেও তার প্রতিষ্ঠা রাখনা ভারতবর্ষের পক্ষে মাত্র ঔপনিবেশিক অবস্থা (Dominion Status), পূর্ণ স্বাধীনতার অবস্থা নয়,—অর্থাৎ ব্রিটিশ রাজ্যের ন্যূন অষ্ট্রেলিয়ার ন্যূন সম্পর্ক তাই, জাপানের ন্যূন ঘোষন কর্তৃক তা নিয়ন্ত্রিত হ'লে তা স্বাভাবিক

কংগ্রেসে সঙ্কল্পিত পূর্ণ স্বাধীনতা নীতির (পলিসির) পরিপন্থী, সুতরাং অগ্রাহ্য। দ্বিতীয় আপত্তি—নেহেরু রিপোর্ট পূর্ণ স্বাধীনতা নীতির পরিপন্থীই শুধু নয়, বিভিন্ন সাম্প্রদায়িক অসমতার মধ্যে সাম্য বিধান ক'রে তা সর্বজনোপযোগী হ'তে পারে নি।

এই দু'রকমের আপত্তি থেকে উদ্ভূত হয়েছে ভারতবর্ষে স্বরাজনীতি সম্পর্কে একটা সমস্যা, যথা,—ভারতবর্ষে সচেষ্ট হবে ইংরাজ বর্জিত পূর্ণ স্বাধীনতার জন্তে, না, ব্রিটিশরাষ্ট্র সংশ্লিষ্ট ঔপনিবেশিক স্বায়ত্ত শাসনের জন্তে। এইটে হয়েছে প্রথম কথা, এর পরের কথা হচ্ছে নেহেরু রিপোর্ট যে ভাবে রচিত হয়েছে তা সর্বজনোপযুক্ত হয়েছে কি না;—এ কথা বিচারের জন্তে আপাতত তেমন তাগিদ নেই।

* * *

এই সম্পর্কে স্বাধীনতা জিনিষটা যে কি বস্তু তা নিয়ে অনেক সূক্ষ্ম বিশ্লেষণ হয়ে গিয়েছে। মোটের উপর দাঁড়িয়েছে ভারতবর্ষীয়ের বর্তমান অবস্থা—অধীনতা; ডোমিনিয়ন ষ্ট্যাটসের অবস্থা—অনধীনতা; এবং পূর্ণ স্বাধীনতার অবস্থা—স্বাধীনতা। নেহেরু প্রস্তাবের ঘাঁরা সমর্থক, যথা, মহাত্মা গান্ধী, পণ্ডিত মতিলাল নেহেরু, ডাঃ আনসারি, শ্রী আলি ইমাম, শ্রী বুদ্ধ যতীন্দ্র মোহন সেনগুপ্ত প্রভৃতি, তাঁরা বলেন ডোমিনিয়ন ষ্ট্যাটস পূর্ণ স্বাধীনতা না হ'লেও পূর্ণ স্বাধীনতার পরিপন্থী ত নয়ই, বরং তদভিমুখে অগ্রগতি। ভারতবর্ষের আভ্যন্তরীণ এবং পারিপার্শ্বিক অবস্থা অগ্রাহ্য না করলে ডোমিনিয়ন ষ্ট্যাটসের অবস্থা সমস্যামে পাওয়ার গৌলে তা সর্বথা গ্রহণীয়—এবং ভবিষ্যতে সেটা যদি অপরাপর ঔপনিবেশের সঙ্গে সমভাবে চলে তা হ'লে বর্জনীয়ও নয়। অপর দল, যথা, মৌলানা মহম্মদ

আলি, পণ্ডিত জহরলাল নেহেরু, শ্রীযুক্ত সুভাষ চন্দ্র বসু প্রভৃতি বলেন, ইংরাজের সহিত কোনো রকম সম্পর্কিত অবস্থাই স্বাধীনতার অবস্থা নয়, সুতরাং ঔপনিবেশিক অবস্থা গ্রহণ করলে মাদ্রাজ কংগ্রেসে যে নীতি অবলম্বন করা হয়েছিল তা থেকে স্থলন হবে।

* * *

ইংরাজী ভাষায় একটা কথা আছে—Prudence is the best part of valour। সম্প্রতি নেতাদের মধ্যে এই prudence এবং valour নিয়ে যুদ্ধ চলেছে। একদল Prudence কে কাপুরুষতা বলছেন, অপর দল Valour কে অবিবেচনা বলছেন। মহাত্মা গান্ধী ছই দলকে মিলিত করার উদ্দেশ্যে prudence এবং valour কে মিলিত ক'রে বলছেন, তোমরা এক বৎসরের জন্তে prudent হও, তা'তে যদি সুফল লাভ না কর তা হ'লে valour কে পুরো দমে চালনা কোরো—অর্থাৎ ৩১ শে ডিসেম্বর ১৯২৯ সালের মধ্যে যদি ঔপনিবেশিক অবস্থা না পাও তা হ'লে পূর্ণ-স্বাধীনতার জন্তে পুনরায় অসহযোগ নীতি অবলম্বন কোরো।

* * *

প্রকৃত অবস্থাকে চোখ খুলে না দেখে কোন পথে চললে তা কখনো সফলতার সিংহদ্বারে পৌঁছে দেবে না। নিজের ক্রটি, দুর্বলতা, অপূর্ণতাকে উপেক্ষা ক'রে সবল সক্ষমের লভ্য অবস্থার জন্তে যে অপর সমস্ত অবস্থাকে উপেক্ষা করে সে স্বপ্নদর্শী। স্বপ্ন দেখায় আনন্দ থাকতে

পারে, কিন্তু লাভ নেই, তা সে স্বপ্ন যত উজ্জলই হোক না কেন। এ কথা'র মধ্যে উন্মাদনা নেই—কিন্তু এ হচ্ছে practical politician এর কথা। এ কথা শুন্তে ভাল না হ'লেও এর ফল ভাল। মহাত্মা গান্ধী, পণ্ডিত মতিলাল নেহেরু প্রভৃতির মুখে এই ধরনের কথা শুনে আশা হয় কিছু সুফল হয়ত পাওয়া যাবে।

* * *

শক্তি চাই নিশ্চয়ই, কিন্তু শক্তি ধারণ করবার ব্যবস্থাও থাকা চাই। তরবারি যদি পেতে হয় তা হ'লে তার খাপও পেতে হবে নচেৎ তরবারি আমাদের সহায় না হ'য়ে সংহারক হবে। স্বরাজের খসড়া তৈরী হ'তেই যদি এই বিরোধ উপস্থিত হয়, তা হ'লে দৈবক্রমে অকস্মাৎ আজ যদি আমরা পূর্ণ স্বাধীনতা পেয়ে যাই এবং তার পরে যদি সেই দৈবশক্তি স'রে গিয়ে আমাদের নিজেদের শক্তির উপর নির্ভর করতে হয় তা হ'লে অবস্থাটা কি রকম দাঁড়াতে পারে তা একেবারে ভুলে থাকা উচিত নয়। সত্য অপ্রিয় হলেও তা সত্য। একথা নূতন নয় কিন্তু পুরানো কথাও প্রয়োজন কালে ভেবে দেখা ভাল।

* * *

আমরা আশা করি কংগ্রেসে উভয় দলের মধ্যে বিশদ আলোচনার ফলে সর্ব প্রকার বিরোধ এবং অনৈক্য অন্তর্হিত হবে, এবং সাহস থেকে সুবুদ্ধি বিচ্ছিন্ন না হয়ে সাহসের সঙ্গে সুবুদ্ধি যুক্ত হবে।

সম্পাদক

পুস্তক-সমালোচনা

মামুদের শিবমন্দির ৫—ডবল ক্রাউন দামী এ্যাটিক কাগজে ৩১৭ পাতার একখানি সুন্দর উপন্যাস। “হিন্দু মিশন” হইতে প্রকাশিত, গ্রন্থকারের নামোল্লেখ নাই, নাম দুই টাকা। নাম না থাকিলেও গ্রন্থকার যে একজন প্রবীণ ও মনস্বী লেখক, তাহা পুস্তকের ছত্রে ছত্রে প্রকাশিত হইয়া পড়িয়াছে। পাকা হাতের লেখা; সরল ভাষায় কতকগুলি জটিল সমস্যার সমাধানের মধ্য দিয়া লেখকের চিন্তাশীলতা স্বচ্ছন্দ ও সাবলীল গতি

প্রাপ্ত হইয়াছে। পড়িতে পড়িতে কোথাও ক্লান্তি আসেনা। নিপুণ লেখনীর মুখে প্রত্যেক চিত্রটি সজীব হইয়া যেন মূর্তি পরিগ্রহ করিয়াছে! “কমলার” বাৎসল্য, “ছোট-মা”য়ের প্রতি “তপস্বীর” ভালবাসা, মামুদের ভক্তি—মনকে এমনভাবে স্পর্শ করে যে স্থানে স্থানে অশ্রু সংবরণ করা দুঃসাধ্য হইয়া উঠে। আমরা সকলকে পুস্তকখানি পড়িয়া দেখিতে বলি। স্থানাভাববশতঃ এবার অগ্ণায় পুস্তকের সমালোচনা গেল না মাঘ মাসে যাইবে।

কলিকাতা কংগ্রেস ও প্রদর্শনী

শ্রীঅনাথনাথ ঘোষ

সমস্ত ভারতবর্ষের দৃষ্টি এখন কলিকাতার উপকণ্ঠে দেশবন্ধু
নগরে নিবদ্ধ হইয়া রহিয়াছে। আট বৎসর পরে আবার

কলিকাতার চারিদিকে সমস্ত দিন ধরিয়া একটা
চাঞ্চল্যের ভাব পরিলক্ষিত হইতেছে। প্রতিদিনের অধিবেশনে

কলিকাতায় অধিবাসীবৃন্দের নামে
জাতীয় মহাসম্মেলনকে এখানে
আহ্বান করা হইয়াছে।
এবারকার কংগ্রেসে যে সকল
প্রস্তাব গৃহীত হইবে তাহা দ্বারা
দেশের রাষ্ট্রনীতি এক নূতন পথে
অগ্রসর হইবে। সর্বপ্রধান
আন্দোলন বিষয় সভাপতি পণ্ডিত
মতিলাল নেহেরু যে উপনিবেশিক
স্বায়ত্ত শাসনের প্রস্তাব উপস্থাপিত
করিয়াছেন তাহাই গৃহীত হইবে
না পণ্ডিত জওহরলাল প্রমুখ
প্রস্তাবিত পূর্ণ স্বাধীনতার জন্ত
সমগ্র দেশ চেষ্টা করিবে। এই
প্রস্তাব দুইটি লইয়া তুমুল বাক-
বিতণ্ডা ও তর্ক বিতর্কের
সম্ভাবনা। সর্বদলসম্মেলন ও
বিষয় নিরূপণ সমিতির অধি-
বেশনে পণ্ডিত মতিলালের
প্রস্তাবই গৃহীত হইয়াছে এবং
সেই জন্ত আশা করা যায় সমগ্র
কংগ্রেসও এই প্রস্তাবই গ্রহণ
করিবে। সেই সঙ্গে মহাত্মা
গান্ধীর একটি প্রস্তাব গৃহীত
হইয়াছে, একবৎসরের মধ্যে
পণ্ডিত মতিলাল প্রস্তাবিত স্বায়ত্ত
শাসনপ্রথা যদি প্রবর্তিত না হয় তবে আগামী বৎসরের শেষ
হইতে সম্পূর্ণ অসহযোগের ব্যবস্থা করা হইবে।



পণ্ডিত মতিলাল নেহেরু

কি হয় জানিবার জন্ত সকলেই বাগ্র। দেশবন্ধু নগরের
কথা ত বর্ণনাই করা যায় না। সে স্থানের আকাশ বাতাস

শ্রীঅনাথনাথ ঘোষ

এক নব ভাবে এক নব উদ্দীপনার পূর্ণ হইয়া উঠিয়াছে। প্রচলিত কুসংস্কার ও শিক্ষার অভাবে কি সর্বনাশ ঘটিতেছে একদিকে বিরাট কংগ্রেস মণ্ডপ আর একদিকে দেশীয় তাহার দৃষ্টান্ত দেখিতে পাওয়া যায়। সেই সঙ্গে দর্শক-শিল্পসম্ভারপূর্ণ অপূর্ব প্রদর্শনী, মণ্ডপের চতুর্দিকে খন্দর দিগের সম্মুখে বিজ্ঞান-সমর্থিত নূতন আদর্শের কথা সরল পরিহিত স্বেচ্ছাসেবকগণের কার্যাতপেরতা, দূর হইতে ভাষায় বুঝাইয়া দেওয়া হয়।

প্রদর্শনীর নহবতের রাগিনী ইত্যাদি দেখিয়া শুনিয়া প্রাণে এক অপূর্ব ভাবের উদয় হয়, দেশমাতার উদ্দেশ্যে মাথা আপনই নত হইয়া যায়।

প্রদর্শনীটি নানা বিভাগে বিভক্ত। তন্মধ্যে কৃষি ও স্বাস্থ্য, গুরু খন্দর, সামাজিক অবস্থা, বাংলার পল্লী, শিক্ষাবিভাগগুলি বিশেষ ভাবে উল্লেখযোগ্য। দেশবন্ধু পল্লীসংস্কারক সমিতি বাংলার পল্লী সমূহে কি ভাবে কাজ করিতেছেন তাহার পরিচয় পাওয়া যায়। তাঁহাদের অক্লান্ত চেষ্টা বাস্তবিকই প্রশংসনীয়। কৃষি ও স্বাস্থ্য বিভাগ হইতে বৃষ্টিতে পারা যায়



কংগ্রেস প্রাঙ্গণের একটি দৃশ্য




কলিকাতা পোলটি ও ডেয়ারি মঞ্চ

জলের অভাবে বাংলার কৃষকগণকে কি বিপদের সঙ্গে প্রদর্শনীর আর একটি মঞ্চ উল্লেখযোগ্য। কলিকাতার সংগ্রাম করিতে হয় এবং পল্লীবাসিগণ জলাভাবে স্বাস্থ্যহীন সন্নিকটস্থ সোদপুরে শ্রীযুক্ত গুহ ঠাকুরতা একটি পোলটি হইয়া মৃত্যুমুখে অগ্রসর হয়। সামাজিক বিভাগে আমাদের ও ডেয়ারি মঞ্চ খুলিয়াছেন তাঁহার মতে পোলটি ও ডেয়ারির



দ্বারা আমাদের দেশে এক লাভজনক ব্যবসা চলিতে পারে। করিয়াছেন এবং যথোচিত চেষ্টা করিলেও আমাদের দেশের পাশ্চাত্য দেশে এই ব্যবসায় অনেকই সাফলা লাভ যুবকগণও যথেষ্ট লাভবান হইতে পারেন।



অস্তরীণের প্রতিক্রম



কলিকাতা কংগ্রেস প্রদর্শনী তোরণ

এই প্রবন্ধের চিত্রগুলি শ্রীঅজিত নাথ ঘোষ পৃষ্ঠিত আলোক চিত্রের প্রতিলিপি।

নানাকথা

শোক সংবাদ

সুপ্রসিদ্ধ ঐতিহাসিক ও প্রত্নতাত্ত্বিক যোগীন্দ্র নাথ সমাদার মহাশয়ের অকাল মৃত্যুতে দেশের অত্যন্ত ক্ষতি হইল। তিনি অক্লান্ত অধ্যবসায়ী ছিলেন,—আমৃত্যু, তিনি বহুতথ্যপূর্ণ নানা গ্রন্থ প্রণয়ন করিয়া গিয়াছেন। “গ্লোরিস অব মগধ” “সার আশুতোষ মেমোরিয়াল ভলুম” তাহার নিদর্শন। উত্তর কালের সাহিত্য তাঁহার নিকট চিরকাল স্থায়ী থাকিবে।

ভ্রম সংশোধন

গত অগ্রহায়ণ মাসের বিচিত্রার ২০৮ পৃষ্ঠায় শ্রীনির্মলা দেবীর নামে ‘বঙ্গ-ভাষা প্রচলন’ শীর্ষক যে প্রবন্ধ প্রকাশিত হইয়াছিল তাহার লেখক শ্রীযুক্ত সুশীলকুমার বসু।

অগ্রহায়ণ মাসের পত্রিকা প্রকাশিত হইবার কিছুকাল পরে সুশীল বাবুর নিকট সংবাদ পাইয়া আমরা এই ভুলের কথা জানিতে পারি, অবজ্ঞাবশত হইলেও আমরা এই ভুলের জন্ত দুঃখিত। পাঠকগণ অনুরোধ পূর্বক উক্ত প্রবন্ধে এবং ষাণ্মাসিক স্থচীপত্রে ভ্রম সংশোধন করিয়া লইবেন। সুশীল বাবুর নিকট হইতে সংবাদ পাওয়ার পূর্বে ষাণ্মাসিক স্থচীপত্র ছাপা হইয়া গিয়াছিল।

কেশব একাডেমি

কেশব একাডেমির কর্তৃপক্ষ ছাত্রদের জন্ত বাধ্যতামূলক জলখাবারের ব্যবস্থা করিয়া প্রতি ছাত্রের অভিভাবকের কৃতজ্ঞতাভাজন হইয়াছেন। নিয়মিত পুষ্টিকর জলখাবার। খাওয়ার ছাত্রদের শারীরিক উন্নতি পরিলক্ষিত হইতেছে।

Printed at the Susil Printing Works, 47, Pataldanga Street, Calcutta.

by Brijut Probdhi Lal Mukherjee and published by him from 51 Pataldanga Street, Calcutta.



চিরাকাঙ্ক্ষা

শিল্পী—শ্রীসিদ্ধেশ্বর মিত্র

বিচিত্রা

দ্বিতীয় বর্ষ, ২য় খণ্ড

মাঘ, ১৩৩৫

দ্বিতীয় সংখ্যা

কল্যাণ

শ্রীরবীন্দ্রনাথ ঠাকুর

এই বিশ্বে আমাদের চারদিকে নানা বস্তু নানা বিষয় পড়ে আছে। কিন্তু সেই সঙ্গে আর একটি মস্ত জিনিষ আছে, সে হচ্ছে আমি আপনি। এই যে আমার আপনি আছে তাকে জানি কি করে? সে জগতের বস্তু ও বিষয়কে আপন করে। সে যখন বলে এইটি আমাদের আপন তখন সে আপনাকে জানে। বিশ্বে কোন-কিছুই যদি কোনমতে তার আপন না হয়, তা হলে সে নেই। তাই উপনিষৎ বলেছেন, পুত্রকে পুত্র বলে জানি বলেই যে সে আমার প্রিয় তা নয়, পুত্রের মধ্যে আপনাকে জানি বলেই সে আমার প্রিয়।

যেটা আমার আপন আর যেটা আমার আপন নয় তার মধ্যে তফাৎ কত বড় সে একবার ভেবে দেখ। রাস্তা দিয়ে কত লোক চলেচে, তারা আমার কাছে ছায়া পড়লেই হয়, অর্থাৎ তাদের সত্য আমার কাছে ক্ষীণতম। কিন্তু যেই তাদেরই মধ্যে একজন আমার বন্ধু হয় অমনি কত বড় তফাৎ ঘটে যে তার পরিমাণ পাওয়া যায় না। অত্যা যখন কিছুই সঙ্গে সঙ্ঘর্ষ স্থাপন করে তখন তার

বাহ্য আকৃতি প্রকৃতি গুণের কোন প্রভেদ ঘটে না, অথচ পূর্বের থেকে এমন একটা প্রভেদ ঘটে যা অনির্কচনীয়; যা সত্য ছিল না তা সত্য হ'য়ে ওঠে। যদি দেখি স্পর্শমণি ছুঁইয়ে ঢেলাকে সোঁটা করা হ'ল তা হলে সেটাকে আমরা বলি অলৌকিক। আত্মার স্পর্শমণিতে মুহূর্তেই যে কাণ্ড ঘটে সে এর চেয়েও অপরূপ।

রাস্তা দিয়ে লোক যাচ্ছে, তার দিকে চেয়ে দেখি। কিন্তু যদি দেখি সে গাড়ি চাপা পড়ল তবে তখনই সে আমার কাছে কেন বিশিষ্টতা লাভ করে? কারণ তখন তার বেদনা আমাকে বাধিত করে। অর্থাৎ এতক্ষণ যে মানুষ আমার পক্ষে কেবল ছিল মাত্র, এখন সে আমার বেদনার সঙ্গে সংযুক্ত হবামাত্র অল্প সকল পথিকের থেকে স্বতন্ত্র হ'য়ে আমার পক্ষে বড় হ'য়ে উঠল। এই ভিড়ের মধ্যে তার চেয়ে ধনে মানে এবং অল্প নানা বিষয়ে যে মানুষ বড় এই পথিক তাদের সকলের চেয়ে আমার কাছে প্রাধান্য লাভ করল। তার একমাত্র কারণ, আমার হৃদয় আপন বাধার দ্বারা তাকে স্পর্শ করেছে।



এমনি ক'রেই দেখতে পাই প্রত্যেক মানুষ বিধাতার সৃষ্টির মাঝখানে আবার একটি আপন সৃষ্টি রচনা করে। অর্থাৎ প্রত্যেক মানুষের নিজের জানা জিনিষে এবং বেছে নেওয়া জিনিষে তৈরী একটি স্বকীয় জগৎ আছে। সেই জগতের উপকরণ প্রত্যেক মানুষের পক্ষে পৃথক। শুধু উপকরণ নয়, সেই সব উপকরণের মূল্য ও বিচারও পৃথক। আমি আমার জগতে যে জিনিষকে সামনে রাখি ও তাকে যে মূল্য দিই আর একজন হয়ত সেই জিনিষকেই পিছনে রাখে এবং তাকে অল্প মূল্য দেয়। এমনি ক'রে উপাদানের বিচিত্র সমাবেশে ও মূল্যভেদে এই স্বকীয় জগৎগুলির পার্থক্যের আর অন্ত থাকে না।

এই জগতেই দেখতে পাচ্ছি বিধাতার জগতে তারায় তারায় মিল আছে, সৌরমণ্ডলে গ্রহগুলির নৃত্যে পরস্পর তাল কাটাকাটি করচে না। কিন্তু মানুষের স্বকীয় জগতে পরস্পর সংঘাত চলেচেই। কেবল প্রতিবেশীর সঙ্গে প্রতিবেশীর বিরোধ ঘটচে তা নয়, এক পরিবারের ভাইয়ে ভাইয়েও কত বিরোধ। তার পরে রাজার সঙ্গে প্রজার, এক দেশের সঙ্গে অল্প দেশের বিরোধ। এতেই যত দুঃখ যত অমঙ্গলের উৎপত্তি হয়েছে। মানুষের সংসারে শান্তি বড় দুর্লভ, সুখ বড় অচিরস্থায়ী।

এই দুঃখ কি ক'রে গোড়া ঘেঁষে দূর করা যেতে পারে সেই আলোচনা আমাদের দেশে অনেক দিন থেকেই চলেচে। সেই দুঃখের কারণ খুঁজতে গিয়ে অবশেষে আমাদের সংসারের মাঝখানে যে আমিটা আছে তাকেই অপরাধী ব'লে গ্রেফতার করা হল। সেই যত ভেদ ঘটিয়েচে। এই ভেদ না থাকলে ত কোন বিরোধই থাকে না।

এই জগতে বিচারে তাকেই দণ্ডনীয় করা হ'ল। দণ্ডও সামান্য নয়, একেবারে প্রাণদণ্ড। কোমর বেঁধে পণ করা হ'ল এই আমিকেই একেবারে বিলুপ্ত করা হবে। তার যত রকম ইচ্ছা আছে সমস্তকেই নিড়িয়ে ফেলবার চেষ্টা চলতে লাগল। শুধু তাই নয়, অচিরেই তার কানে জপ

করা শুরু হল যে, দৃষ্টিতে শ্রবণে স্পর্শে যা কিছু অনুভব এবং মনের মধ্যে যা কিছু প্রতীতি সে সমস্তই ভেঙ্কি মাগ্ন, তার সত্য অস্তিত্ব নেই।

তর্কে এদের পরাস্ত করা শক্ত। কেননা একটা কথা অস্বীকার করবার জো নেই যে, এই জগৎটা তার বিশেষ বিশেষ রূপে রসে গন্ধে স্পর্শে তার বিশেষ বিশেষ অর্থে আমার আমি-বোধের উপর ভর ক'রেই দাঁড়িয়ে আছে। আমি-বোধ যুচলেই এই সব বোধই যুচবে। আমি-বোধের গুণের পরিবর্তন হবামাত্র এই সব বোধেরই গুণের পরিবর্তন হবে। তা ছাড়া যে ভেদ-বোধটা সকল বিরোধের মূল সেই ভেদ-বোধ যদি লুপ্ত হয় তা হ'লে কোনো বোধই থাকে না। তা হ'লেই দাঁড়াচ্ছে দুঃখলোপচেষ্টায় আমিকে লোপ করলে বিশ্ব-আকারে যা-কিছু আছে সমস্তকেই ঝাড়ে মূলে লোপ করা হয়। তবু এতেও একদল পিছলো না, তারা মহা-সর্বনাশের সাধনাকে স্বীকার করলে, নির্বাণমুক্তির সন্ধানে প্রবৃত্ত হ'ল।

কিন্তু একটা কথা মনে রাখা দরকার, শুধু ভেদই ত বড় কথা নয়, ঐক্যও আছে। এক আমার জগৎ এবং আর এক আমার জগতে যদি আকাশ পাতাল তফাৎ থাকত তাহলে আমাদের না থাকত ভাষা, না থাকত সমাজ, না থাকত সাহিত্য শিল্প ধর্ম তন্ত্র। মানুষের যা-কিছু শ্রেষ্ঠ সম্পদ, অর্থাৎ যাতে তার স্থায়ী আনন্দ, সে সমস্তেরই ভিত্তি হচ্ছে মানুষের সাধারণ ঐক্যের মধ্যে।

তা হ'লে দাঁড়াচ্ছে এই যে, মানুষ যখন এই ভেদটাকেই বড় ক'রে ঐক্যকে খর্ব করে তখন যত বিরোধ আর অমঙ্গল উপস্থিত হয়। জগতে যারা মহাত্মা তাঁরা তাঁদের আশ্রিত মধ্য সকল আমার ঐক্যটাকেই বড় ক'রে দেখেন। অতএব একথা সম্পূর্ণ সত্য নয় যে, "আমি" কেবল ভেদকেই দেখে, সেই ভেদের মধ্যে ঐক্যকেও সে দেখে। সেই দেখাই সতকে দেখা মঙ্গলকে দেখা সুন্দরকে দেখা।

তা হ'লে "আমিকে" লুপ্ত করা আমাদের লক্ষ্য হ'তে পারে না, "আমির" সার্থকতাসাধনই আমাদের লক্ষ্য।

শ্রীরবীন্দ্রনাথ ঠাকুর

সেই সার্থকতা ভেদের মধ্যে নেই, ঐক্যের মধ্যে। এই ঐক্য একাকারত্ব নয়। একটা মাত্র সোজা লাইনের ঐক্য কিছুই নয়, কিন্তু ছবির মধ্যে নানা লাইনের যে ঐক্য সেইটেই সত্যকার ঐক্য। সেখানে ঐক্য আপনার বিরুদ্ধতার ভিতর দিয়ে নিজেকে পূর্ণরূপে লাভ করেছে, সেই লাভের মধ্যে আনন্দ আছে।


“আমি” তেমনি বহু আমির মধ্যে যে ঐক্যকে উপলব্ধি করে সেই ঐক্য সত্য ঐক্য, আনন্দের ঐক্য। একে সম্পূর্ণরূপে পাবার পাশে পাশেই অনেক বিরোধ অনেক দুঃখ। তাই ব’লে সেই বিরোধকে দুঃখকেই চরম বলা যায় না। পা যেমন চলে, পা তেমনি স্থলিতও হয়, তাই ব’লে বলা যায় না যে, স্থলিত হবার জগ্গেই পায়ের সৃষ্টি। কারণ অগ্নি অনেক বেশী হ’লেও অল্প চলার মূলাও তার চেয়ে অনেক বেশী।

এই কারণেই এ সংসারে বিরোধ-জনিত যতই দুঃখ পাই না কেন, মানুষ সেইটেকেই একান্ত ব’লে গ্রহণ করচে না। শিক্ষায় দীক্ষায় সাধনায় মানুষে রনিরন্তর কঠিন চেষ্টা কল্যাণকে লাভ করা, কল্যাণকে স্থায়ী ও সফল করা। এই কল্যাণই হচ্ছে ভেদের মধ্য দিয়ে ঐক্যকে পাওয়া, বিরোধের মধ্য দিয়ে মিলনকে লাভ করা। যারা মন্দকেই বড় ক’রে

দেখে তারা বলবে এ লাভ মিলল কই? তারা এটা দেখে না প্রতিদিনই মিলে। সেই মেলার শেষ নেই। গাছের উদ্দেশ্যে ফল ফলানো, কিন্তু সমস্ত গাছটাই আগা-গোড়া ফল হয় নি ব’লে তাকে নিন্দা ক’রে লাভ নেই। গাছের মধ্যে ফলটাই পরিমাণে কম অথচ গোরবে বেশী। মানুষের মধ্যেও তেমনি কল্যাণ। মুখে যাই বলুক কিছুতে মানুষ তাকে অবিশ্বাস করতে পারে না। হাজার বিরুদ্ধতাতেও এই বিশ্বাস টলল না। কেন না এই বিশ্বাস মানুষের “আমির” অন্তরে নিহিত। এই জগ্গেই এই বিশ্বাসমত চলাকেই মানুষ ধর্ম বলে।

“আমি”র মধ্যে যে ভেদবুদ্ধি আছে তাকেই একান্ত করার ভীষণ ফল সংসারের চারদিকেই প্রভূত পরিমাণে দেখি অথচ তাকেই মানুষ আপনার স্বভাব বলচে না; যদি বলত তা হ’লে সেই স্বভাবকেই প্রবল করা ও রক্ষা করা মানুষের একমাত্র কর্তব্য হ’ত। মানুষের “আমি” নদীর ধারার মত; সে এক তটের সঙ্গে আরেক তটকে বিচ্ছিন্ন করচে, আবার মিলিত করচে—কেন না দুইয়ের মাঝখানে সে রস, সে গতি, সে গান, সে সফলতা, সে স্বাস্থ্য, সে সৌন্দর্য্য। সে এককেই বিচিত্র করেচে এবং বিচিত্রকেই এক করেচে।





-উপন্যাস-

—শ্রীরবীন্দ্রনাথ ঠাকুর

৫৩

মধুসূদনের সংসারে তার স্থানটা পাকা হয়েছে ব'লেই শ্রামাসুন্দরী প্রত্যাশা করতে পারত, কিন্তু সে কথা অনুভব করতে পারচে না। বাড়ির চাকর চাকরদের পরে ওর কর্তৃত্বের দাবী জন্মেচে ব'লে প্রথমটা ও মনে করেছিল, কিন্তু পদে পদে বুঝতে পারচে যে তারা ওকে মনে মনে প্রভুপদে বসাতে রাজি নয়। ওকে সাহস ক'র প্রকাশে অবজ্ঞা দেখাতে পারলে তারা যেন বাঁচে এমনি অবস্থা। সেই জন্মেই শ্রামা তাদেরকে যখন তখন অনাবশ্যক ভৎসনা ও অকারণে ফরমাস ক'রে কেবলি তাদের দোষ ত্রুটি ধরে। খিট খিট করে। বাপ মা তুলে গাল দেয়। কিছুদিন পূর্বে এই বাড়িতেই শ্রামা নগণা ছিল, সেই স্মৃতিটাকে সংসার থেকে মুছে ফেলবার জন্মে খুব কড়াভাবে মাজাঘষার কাজ করতে গিয়ে দেখে যে সেটা নয় না। বাড়ির একজন পুরোনো চাকর শ্রামার তর্জনি না সহিতে পেরে কাজে ইস্তফা দিলে। তাই নিয়ে শ্রামাকে মাথা হেঁট করতে হোলো। তার কারণ, নিজের ধনভাগ্য সম্বন্ধে মধুসূদনের কতকগুলো অন্ধ সংস্কার আছে। যে সব চাকর তার আর্থিক উন্নতির সমকালবর্তী, তাদের মৃত্যু বা পদত্যাগকে ও দুর্লক্ষণ মনে করে। অল্পরূপ কারণেই সেই সময়কার একটা মসী-চিহ্নিত অত্যন্ত

পুরোনো ডেস্ক অসঙ্গতভাবে আপিস ঘরে হাল আমলের দামী আসবাবের মাঝখানেই অসঙ্কোচে প্রতিষ্ঠিত আছে, তার উপরে সেই সেদিনকারই দস্তার দোয়াত, আর একটা সস্তা বিলিতি কাঠের কলম, যে-কলমে সে তার বাবসায়ের নবযুগে প্রথম বড়ো একটা দলিলে নাম মঠ করেছিল। সেই সময়কার উড়ে চাকর দধি যখন কাজে জবাব দিলে মধুসূদন সেটা গ্রাহ্যই করলে না, উল্টে সে-লোকটার ভাগো বকশিস জুটে গেল। শ্রামাসুন্দরী এই নিয়ে ঘোরতর অভিমান করতে গিয়ে দেখে হালে পানি পায় না। দধির হাসিমুখ তাকে দেখতে হোলো। শ্রামার মুষ্কিল এই মধুসূদনকে সে সত্যিই ভালোবাসে, তাই মধুসূদনের মেজাজের উপর বেশি চাপ দিতে ওর সাহস হয় না, সোহাগ কোন্ সীমায় স্পর্ধায় এসে পৌঁছবে খুব ভয়ে ভয়ে তারি আন্দাজ ক'রে চলে। মধুসূদনও নিশ্চিত জানে শ্রামার সম্বন্ধে সময় বা ভাবনা নষ্ট করবার দরকার নেই। আদর-আবদারঘটিত অপব্যয়ের পরিমাণ সঙ্কোচ করলেও দুর্ঘটনার আশঙ্কা অল্প। অথচ শ্রামাকে নিয়ে ওর একটা স্থূল রকম মোহ আছে, কিন্তু সেই মোহকে ষোল আনা ভোগে লাগিয়েও তাকে অনায়াসে সামলিয়ে চলতে পারে এই আনন্দে মধুসূদন উৎসাহ পায়—এর ব্যতিক্রম হ'লে বন্ধন ছিঁড়ে যেত। কর্ণের চেয়ে মধুসূদনের কাছে বড়ো কিছু নেই। সেই কর্ণের জন্মে ওর সব চেয়ে দরকার অবিচলিত আশ্র-

কর্তৃত্ব। তারি মীমার মধ্যে শ্রামার কর্তৃত্ব প্রবেশ করতে পারেন না, অল্প একটু পা বাড়তে গিয়ে উচোট খেয়ে ফিরে আসে। শ্রামা তাই কেবলি আপনাকে দানই করে, দাবী করতে গিয়ে ঠকে। টাকাকড়ি সাজ-সরঞ্জামে শ্রামা চিরদিন বঞ্চিত—তার পরে ওর লোভের অন্ত নেই। এতেও তাকে পরিমাণ রক্ষা ক'রে চলতে হয়। এত বড়ো ধনীরা কাছে যা অনায়াসে প্রত্যাশা করতে পারত তাও ওর পক্ষে ছরাশা। মধুসূদন মাঝে মাঝে এক একদিন খুসি হ'য়ে ওকে কাপড়চোপড় গহনা-পত্র কিছু কিছু এনে দেয়, তাতে ওর সংগ্রহের ক্ষুধা মেটে না। ছোট খাটো লোভের সামগ্রী আত্মসাৎ করবার জন্তে কেবলি হাত চঞ্চল হ'য়ে ওঠে। সেখানেও বাধা। এই রকমেই একটা সামান্য উপলক্ষ্যে কিছুদিন আগে ওর নিকরাসনের ব্যবস্থা হয়; কিন্তু শ্রামার সঙ্গ ও সেবা মধুসূদনের অভ্যাস হ'য়ে এসেছিল—পান-তামাকের অভ্যাসেরই মতো সস্তা অথচ প্রবল। সেটাতে ব্যাঘাত ঘটলে মধুসূদনের কাজেরই ব্যাঘাত ঘটবে আশঙ্কায় এবারকার মতো শ্রামার দণ্ড রদ্ হোলো। কিন্তু দণ্ডের ভয় মাথার উপর ঝুলতে লাগল।

নিজের এই রকম দুর্বল অধিকারের মধ্যে শ্রামাসুন্দরীর মনে একটা আশঙ্কা লেগেই ছিল কবে আবার কুমু আপন সিংহাসনে ফিরে আসে। এই ঈর্ষার পীড়নে তার মনে একটুও শাস্তি নেই। জানে কুমুর সঙ্গে ওর প্রতিযোগিতা চলবেই না, ওরা এক ক্ষেত্রে দাঁড়িয়ে নেই। কুমু মধুসূদনের আয়ত্তের অতীত সেই খানেই তার অসীম জোর; আর শ্রামা তার এত বেশি আয়ত্তের মধ্যে যে, তার ব্যবহার আছে নূলা নেই। এই নিয়ে শ্রামা অনেক কান্নাই কেঁদেছে, কতবার মনে করেছে আমার মরণ হ'লেই বাঁচি। কপাল চাপড়ে গেলে এত বেশি শস্তা হলুম কেন? তার পরে ভেবেচে আস্তা ব'লেই জায়গা পেলুম, যার দর বেশি তার আদর বেশি, শস্তা সে হয়তো শস্তা ব'লেই জেতে।

মধুসূদন যখন শ্রামাকে গ্রহণ করেনি, তখন শ্রামার মন অসহ্য দুঃখ ছিল না। সে আপন উপবাসী ভাগ্যকে ক'রকম ক'রে মেনে নিয়েছিল। মাঝে মাঝে সামান্য

খোরাককেই যথেষ্ট মনে হতো। আজ অধিকার পাওয়া আর না পাওয়ার মধ্যে সামঞ্জস্য কিছুতেই ঘটবে না। হারাই হারাই ভয়ে মন আতঙ্কিত। ভাগ্যের রেল লাইন এমন কাঁচা ক'রে পাতা যে, ডিরেলের ভয় সর্বত্রই এবং প্রতি মুহূর্তেই। মোতির মার কাছে মন খোলাখুলি ক'রে সাস্বনা পাবার জন্তে একবার চেষ্টা করেছিল। সে এমনি একটা কাঁচের সঙ্গে মাথা কাঁকনি দিয়ে পাশ কাটিয়ে গেছে যে তার একটা কোন সাংঘাতিক শোধ তুলতে পারলে এখনি তুলত, কিন্তু জানে সংসারব্যবস্থায় মধুসূদনের কাছে মোতির মার দাম আছে, সেখানে একটুও নাড়া সহিবে না। সেই অবধি দুজনের কথা বন্ধ, পারস্পরিক মুখ দেখাদেখি নেই। এমনি ক'রে এ বাড়িতে শ্রামার স্থান পূর্বের চেয়ে আরো সঙ্কীর্ণ হ'য়ে গেছে। কোথাও তার একটুও স্বচ্ছন্দতা নেই।

এমন সময় একদিন সন্ধ্যা বেলায় শোবার ঘরে এসে দেখে টেবিলের উপর দেয়ালে হেলানো কুমুর কটোগ্রাফ। যে বজ্র মাথায় পড়বে তারি বিছাংশিখা ওর চোখে এসে পড়ল। যে মাছকে বঁড়শি বিধেচে তারি মতো ক'রে ওর বুকের ভিতরটা ধড়ফড় ধড়ফড় করতে লাগল। ইচ্ছা করে ছবিটা থেকে চোখ ফিরিয়ে নেয়, পারে না। এক দৃষ্টে তাকিয়ে তাকিয়ে দেখতে থাকল, মুখ বিবর্ণ, দুই চোখে একটা দাহ, মুঠো দৃঢ় ক'রে বন্ধ। একটা কিছু ভাবতে, একটা কিছু ছিঁড়ে ফেলতে চায়। এ ঘরে থাকলে এখনি কিছু একটা লোকসান ক'রে ফেলবে এই ভয়ে ছুটে বেরিয়ে গেল। আপনার ঘরে গিয়ে বিছানার উপর উপুড় হ'য়ে প'ড়ে চাদরখানাকে টুকুরো টুকুরো ক'রে ছিঁড়ে ছিঁড়ে ফেললে।

রাত হ'য়ে এল। বাইরে থেকে বেহারা খবর দিলে মহারাজ শোবার ঘরে ডেকে পাঠিয়েচেন। বলবার শক্তি নেই যে যাব না। তাড়াতাড়ি উঠে মুখ ধুয়ে একটা বুটদার ঢাকাই শাড়ি প'রে গিয়ে একটু গন্ধ মেখে গেল শোবার ঘরে। ছবিটা ঘাতে চোখে না পড়ে এই তার চেষ্টা। কিন্তু ঠিক সেই ছবিটার সামনেই বাতি—সমস্ত আলো যেন কারো দীপ্ত দৃষ্টির মতো ঐ ছবিকে উদ্ভাসিত ক'রে আছে।



সমস্ত ঘরের মধ্যে ঐ ছবিটিই সব চেয়ে দৃশ্যমান। শ্যামা নিয়মমতো পানের বাটা নিয়ে মধুসূদনকে পান দিলে, তার পরে পায়ের কাছে বসে পায়ের হাত বুলিয়ে দিতে লাগল। যে কোনো কারণেই হোক আজ মধুসূদন প্রসন্ন ছিল। বিলাতী দোকানের থেকে একটা রূপোর ফটোগ্রাফের ফ্রেম কিনে এনেছিল। গন্তীরভাবে শ্যামাকে বললে,—“এই নাও।” শ্যামাকে সমাদর করবার উপলক্ষেও মধুসূদন মধুর রসের অবতারণায় যথেষ্ট কার্পণ্য করে। কেন না সে জানে ওকে অল্প একটু প্রশয় দিলেই ও আর মর্যাদা রাখতে পারে না। ব্রাউন কাগজে জিনিষটা মোড়া ছিল। আস্তে আস্তে কাগজের মোড়কটা খুলে ফেলে বললে, “কি হবে এটা?”

মধুসূদন বললে, “জানো না, এতে ফটোগ্রাফ রাখতে হয়।”

শ্যামার বুকের ভিতরটাতে কে যেন চাবুক চালিয়ে দিলে, বললে, “কার ফটোগ্রাফ রাখবে?”

“তোমার নিজের। সে দিন সেই যে ছবিটা তোলানো হয়েছে।”

“আমার এত সোহাগে কাজ নেই।” বলে সেই ফ্রেমটা ছুঁড়ে মেজের উপর ফেলে দিলে।

মধুসূদন আশ্চর্য হ’য়ে বললে, “এর মানে কি হ’ল?”

“এর মানে কিছুই নেই।” বলে মুখে হাত দিয়ে কেঁদে উঠল, তার পরে বিছানা থেকে মেজের উপর প’ড়ে মাথা ঠুকতে লাগল। মধুসূদন ভাবলো, শ্যামার কম দামের জিনিষ পছন্দ হয়নি, ওর বোধকরি ইচ্ছে ছিল একটা দামী গয়না পায়। সমস্ত দিন আফিসের কাজ সেরে এসে এই উপদ্রবটা একটুও ভাল লাগল না। এ যে প্রায় হিস্টোরিয়া। হিস্টোরিয়ার পরে ওর বিধম অবস্থা। খুব একটা ধমক দিয়ে বললে, “ওঠা বল্চি, এখনি ওঠা।”

শ্যামা উঠে ছুটে ঘর থেকে বেরিয়ে চ’লে গেল। মধুসূদন বললে, “এ কিছুতেই চলবে না।”

মধুসূদন শ্যামাকে বিশেষভাবেই জানে। নিশ্চয় ঠাওরেছিল একটু পরেই ফিরে এসে পায়ের তলায় লুটিয়ে প’ড়ে

মাপ চাইবে—সেই সময়ে খুব শক্ত ক’রে দুটো কথা শুনিতে দিতে হবে।

দশটা বাজল শ্যামা এলো না। আর একবার শ্যামার ঘরের দরজার বাইরে থেকে আওয়াজ এলো—“মহারাজ বোলায়া।”

শ্যামা বললে, “মহারাজকে বোলো আমার অসুখ করেছে।”

মধুসূদন ভাবলে, তো আস্পর্কী কম নয়, হুকুম করলে আসে না।

মনে ঠিক ক’রে রেখেছিল আরো খানিক বাদে আসবে। তাও এল না! এগারোটা বাজতে মিনিট পনেরো বাকি। বিছানা ছেড়ে মধুসূদন দ্রুতপদে শ্যামার ঘরে গিয়ে ঢুকল। দেখলে ঘরে আলো নেই। অন্ধকারে বেশ দেখা গেল—শ্যামা মেজের উপর প’ড়ে আছে। মধুসূদন ভাবলে এ সমস্ত কেবল আদর কাড়বার জন্তে।

গর্জন ক’রে বললে, “উঠে এসো বল্চি, শীঘ্র উঠে এসো। শ্যাকামি কোরো না।”

শ্যামা কিছু না বলে উঠে এলো।

৫৪

পরদিন আপিসে যাবার আগে খাবার পরে শোবার ঘরে বিশ্রাম করতে এসেই মধুসূদন দেখলে ছবিটি নেই। অল্প দিনের মতো আজ শ্যামা পান নিয়ে মধুসূদনের সেবার জন্তে আগে থাকতে প্রস্তুত ছিল না। আজ সে অল্পপস্থিতও। তাকে ডেকে পাঠানো হলো। বেশ বোঝা গেল একটু কুণ্ঠিতভাবেই সে এল। মধুসূদন জিজ্ঞাসা করলে, “টেবিলের উপর ছবি ছিল, কি হ’ল?”

শ্যামা অত্যন্ত বিস্ময়ের ভাণ ক’রে বললে, “ছবি! কার ছবি!”

ভাণের পরিমাণটা কিছু বেশি হ’য়ে পড়ল। সাধারণত পুরুষদের বুদ্ধিবৃত্তির পরে মেয়েদের অশ্রদ্ধা আছে বলেই এতটা সম্ভব হয়েছিল।

মধুসূদন ক্রুদ্ধস্বরে বললে, “ছবিটা দেখানি!”

শ্রীরবীন্দ্রনাথ ঠাকুর

শ্রামা নিতান্ত ভালোমানুষের মত মুখ ক'রে বললে,
“না, দেখিনি তো!”

মধুসূদন গর্জন ক'রে ব'লে উঠল, “মিথো কথা বলচ!”

“মিথো কথা কেন বলব, ছবি নিয়ে আমি করব কি?”

“কোথায় রেখেছ বের ক'রে নিয়ে এসো বলচি!
নইলে ভালো হবে না।”

“ওমা, কি আপদ! তোমার ছবি আমি কোথায় পাব
যে বের ক'রে আনব?”

বেহারাকে ডাক পড়ল। মধু তাকে বললে, “মেজো
বাবুকে ডেকে আন।”

নবীন এলো। মধুসূদন বললে, “বড়ো বোকে আনিয়ে নাও।”

শ্রামা মুখ বাঁকিয়ে কাঠের পুতুলের মতো চুপ ক'রে
ব'সে রইল।

নবীন খানিকখন পরে মাথা চুলকতে চুলকতে বললে, “দাদা,
এখানে একবার কি তোমার নিজে যাওয়া উচিত হবে না?
তুমি আপনি গিয়ে যদি বলো তা হ'লে বোরানী খুসি হবেন।”

মধুসূদন গম্ভীরভাবে খানিকক্ষণ গুড়গুড়ি টেনে বললে,
“আচ্ছা, কাল রবিবার আছে, কাল যাবো।”

নবীন মোতির মার কাছে এসে বললে, “একটা কাজ
ক'রে ফেলেচি।”

“আমার পরামর্শ না নিয়েই?”

“পরামর্শ নেবার সময় ছিল না।”

“তা হ'লে তো দেখচি তোমাকে পস্তাতে হবে।”

“অসম্ভব নয়। কুণ্ডিতে আমার বুদ্ধিস্থানে আর
কোনো গ্রহ নেই, আছেন নিজের স্ত্রী। এই জন্তে সর্বদা
তোমাকে হাতের কাছে রেখেই চলি। ব্যাপারটা হচ্ছে
এই—দাদা আজ হুকুম করলেন বোরানীকে আনানো
চাই। আমি ফস্ ক'রে ব'লে বসলেম তুমি নিজে গিয়ে
যদি কথাটা তোলা ভালো হয়। দাদা কি মেজাজে
ছিলেন রাজি হ'য়ে গেলেন। তারপর থেকেই ভাবচি
এর ফলটা কি হবে।”

“ভালো হবে না। বিপ্রদাস-বাবুর যে রকম
স্বাধীনতা দেখলুম কি বলতে কি বলবেন, শেষকালে

কুরুক্ষেত্রের লড়াই বেধে যাবে। এমন কাজ করলে
কেন?”

“প্রথম কারণ বুদ্ধির কোঠা ঠিক সেই সময়টাতেই
শূন্য ছিল, তুমি ছিলে অশুভ। দ্বিতীয় হচ্ছে, সেদিন
বোরানী যখন বললেন, ‘আমি যাব না’ তার ভিতরকার
মানেরটা বুঝেছিলুম। তাঁর দাদা রুগ্ন শরীর নিয়ে
কলকাতায় এলেন তবু এক দিনের জন্তে মহারাজ দেখতে
গেলেন না,—এই অনাদরটা তাঁর মনে সব চেয়ে
বেজেছিল।”

শুনেই মোতির মা একটু চমকে উঠল, কথাটা কেন
যে আগে তার মনে পড়েনি এইটেই তার আশ্চর্য লাগল।
আসলে নিজের অগোচরেও শশুর বাড়ির মাহাত্মা নিয়ে ওর
একটা অহঙ্কার আছে। অশু সাধারণ লোকের মত মহারাজ
মধুসূদনেরও কুটুস্থিতার দায়িত্ব আছে একথা তার মনে বলে না।

সেদিনকার তর্কের অনুরক্তিস্বরূপে নবীন একটুখানি টিপ্পনি
দিয়ে বললে, “নিজের বুদ্ধিতে কথাটা আমার হয়তো মনে
আসত না, তুমিই আমাকে মনে করিয়ে দিয়েছিলে।”

‘কি রকম শুনি?’

“ঐ যে সে দিন বললে, ‘কুটুস্থিতার দায়িত্ব আত্মমর্যাদার
দায়িত্বের চেয়েও বড়ো’। তাই মনে করতে সাহস হোলো
যে মহারাজার মতো অত বড়ো লোকেরও বিপ্রদাসবাবুকে
দেখতে যাওয়া উচিত।”

মোতির মা হার মানতে রাজি নয়, কথাটাকে উড়িয়ে
দিলে, “কাজের সময় এত বাজে কথাও বলতে পারো! কি
করা উচিত এখন সেই কথাটা ভাবো দেখি।”

“গোড়াতেই সকল কথার শেষ পর্য্যন্ত ভাবতে গেলে
ঠকতে হয়। আশু ভাবা উচিত প্রথম কর্তব্যটা কি। সেটা
হচ্ছে বিপ্রদাস-বাবুকে দাদার দেখতে যাওয়া। দেখতে
গিয়ে তার ফলে যা হ'তে পারে তার উপায় এখন চিন্তা
করতে বসলে তাতে চিন্তাশীলতার পরিচয় দেওয়া হবে,
কিন্তু সেটা হবে অতিচিন্তাশীলতা।”

“কি জানি আমার বোধ হচ্ছে মুন্সিল বাধবে।”

(ক্রমশঃ)

পর্দাপ্রথা

শ্রীমতী অনুরূপা দেবী

পর্দা-প্রথা ভাল কি মন্দ এ আলোচনা প্রায় সমস্ত ভারতবর্ষ জুড়িয়াই চলিতেছে, আমিও এ বিষয়ে কিছু বলিবার জন্ম অনুরুদ্ধ হইয়াছি এবং আমার যথাজ্ঞান উ'চার কথা বলিব।

আমার প্রথম বক্তব্য এই যে 'পর্দা' শব্দটিই আমাদের স্বদেশের নয়, এটি বৈদেশিক ফারসী শব্দ। এদেশে মুসলমান আগমনের পূর্বে যে 'পর্দা' প্রথার প্রচলন ছিল না তাহা শব্দাভাব দ্বারা ই প্রমাণ হয়, পর্দার মত সাধারণ-প্রচলিত অপর কোন শব্দ আমাদের শব্দকোষে লেখা নাই। যবানিকা শব্দটি সংস্কৃতের গ্রায় শুনিতে বটে, কিন্তু আসলে এটিও সংস্কৃত শব্দ নহে, যবন শব্দ হইতে উৎপন্ন বলিয়া যেন মনে হয়! যবনিকা (যাবনিক?) শব্দটি যবন অর্থাৎ গ্রীকদিগের ভারত-আগমনের পূর্বে কোন কাব্য নাটকাদিতে উল্লিখিত হইতে দেখা যায় না। আমার মনে হয় যবনিকার বা পর্দার ব্যবহার এদেশে সর্বপ্রথম গ্রীকদিগের সংস্রব হইতেই অল্পাধিক আরম্ভ হইয়াছিল, ইহার পূর্বে আমাদের দেশে পর্দা ফেলার রীতি ছিল না।

পর্দা ছিল না বটে, কিন্তু 'পর্দাপ্রথা' বলিতে যাহা বুঝায় তাহা ছিল কি না সেটা একবার বিচার করিয়া দেখিতে হইবে। আর্যদিগের মধ্যে যে বহু প্রাচীন কালে অবরোধপ্রথা ছিল না, তাহার যথেষ্ট প্রমাণ আমরা বেদ উপনিষদাদি গ্রন্থ হইতে জানিতে পারি। অবরোধপ্রথা প্রচলিত থাকিলে আর্যজাতির ধর্মশাস্ত্রে, ব্যবহারশাস্ত্রে সর্বত্রই নারীর অত দূর উচ্চাধিকার দেখা যাইত না। রাজ্যাভিষেকে রাজা পটমহাদেবীর সহিত সভামণ্ডপে সমাসীন হইয়া অভিষিক্ত হইতেন, বিবাহ-সভায় সমবেত জনগণের সমক্ষে কন্যা-সম্প্রদান শাস্ত্রবিধি, রাজকন্যারা সহস্র রাজা ও রাজপুত্রমধ্যে একমাত্র সখী বা কঞ্চুকী সমভিব্যাহারে নিজের মনোমত পতিনির্বাচন করিয়া

লইতেন। মনে করিয়া দেখুন,—অবরোধবাসিনী, পুরুষ-সংস্পর্শবিবর্জিতা অশিক্ষিতা বালিকা কখনই অতগুলি পুরুষের মধ্যে দাঁড়াইয়া নির্ভীকভাবে পতিনির্বাচন করিতে পারিত কি?

বহু প্রাচীনকালে বৈদিক কালে যে মেয়েরা অবরোধ বাসিনী এবং অশিক্ষিতা বা অল্পশিক্ষিতা হইতেন না তাহার প্রমাণস্বরূপে আমি কতগুলি আর্যমহিলার নামোল্লেখ করিলাম,—ইঁহারা সকলেই বেদমন্ত্রের রচয়িত্রী। ব্রহ্ম-বাদিনী গার্গী মৈত্রেয়ীর নামই আমরা সচরাচর শুনিতে পাই। অনেকে বলিয়া থাকেন 'ও রকম হু একজন নিয়মেব ব্যতিক্রমস্বরূপ সর্বকালেই দেখা দেন; কিন্তু সমষ্টি ধরিয়া বিচারপূর্বক দেখিলে অধিকাংশই অশিক্ষিতা বা অল্প-শিক্ষিতা ছিলেন বলা যায়।'

কিন্তু যে দেশে মেয়েদের শিক্ষা compulsory, সে দেশেই বা লক্ষ লক্ষ লেখাপড়া-শেখা মেয়েদের মধ্যে হাজার হাজার বৎসরের কালশ্রোতকে প্রতিরোধ করিয়া বাঁচিয়া থাকার যোগা রচনা কতগুলি সৃষ্টি হইয়াছে? বৈদিক-যুগের ঋষিকন্যা ও ঋষিপত্নীদের মধ্যে 'মন্ত্রদ্রষ্টা' অর্থাৎ বেদ-মন্ত্র রচনা-কারিণীর সংখ্যা সে হিসাবে নিতান্তই কম বলা চলে না। স্মরণ রাখিতে হইবে, তখন আর্য-নারীর সংখ্যাও খুব বেশী ছিল না (এ ঘটনা অনার্যমিশ্রণের পূর্ববর্তী কথা) বেদমন্ত্র-রচয়িত্রীগণের মধ্যে আমরা ইঁহাদের নাম জানিতে পারি—অগস্ত্য-পত্নী লোপামুদ্রা, যমী, বিশ্ববারা, আত্রেয়ী, শ্রুতকীর্তি, সত্যশ্রবা, ঘোষা, রিজিঙ্গা, জন্মিতা, স্তবেদা, অগস্ত্যামাতা, ভারদ্বাজী, রেবতী, নিরাবরী, সৌপায়নী, সারদা, ত্রৈশ্বরা, বাগান্ত্বনী, শার্দা, অপলা, আত্মীরসী, শাশ্বতী এই বাইশজন পূর্ণবিদ্যাপরায়া বিদ্বা নারী ব্যতীত বিশ্ব-বিশ্রুত-কীর্তি গার্গী মৈত্রেয়ীর নাম সকল শিক্ষিত নরনারীরই সুপরিচিত। ব্রহ্মবিদ্যাপরায়া,

অনুরূপা দেবী

বেদমন্ত্ররচয়িত্রী, মহীয়সী এই সকল মহিলা নিশ্চয়ই অবরোধ-
নিবাসিনী ভীকৃষ্ণভাবা অবলা ছিলেন না। যে যুগের নারী
স্বচ্ছবস্ত্রের আয় পরম পণ্ডিত মহর্ষির সহিত তর্ক-বিচারে
জয়লাভ করিতে পারেন, সে যুগের রমণী নিতান্ত অবলা বা
কামিনী ছিলেন না। তাঁহারা আৰ্য্যা এবং মাতারূপেই
গৃহ ও তপোবনে অধিষ্ঠিতা থাকিতেন তাহাতে সন্দেহ
কি!

ভারতের পুণ্য তপোবন সে-দিনে বাগ্‌বাদিনী বাণীর বীণার
স্বাক্ষরে মুখরিত হইয়া উঠিয়া অনাগত নব-যুগের উদ্বোধন-
দঙ্গত গাহিয়া বিশ্বের সাক্ষাতে নবীন আলোকরেখা
প্রতিফলিত করিতেছিল।

সেদিনের কথা স্মরণ করিয়াই এ দেশের কবি
গাহিয়াছেন,—

“প্রথম সামরব তব তপোবনে,

প্রথম প্রচারিত তব বন-ভবনে

জ্ঞান-ধর্ম কত কাবা কাহিনী।”

সভ্যতা বাড়িল, নূতন নূতন সম্পত্তি লাভ হইতে
লাগিল। ধনে জনে ভারতবর্ষ পরিপূরিত হইয়া গেল,
এক বহুধা হইল। আৰ্য্য-সভ্যতা শত শত ক্ষুদ্র ক্ষুদ্র
অনায়া-সভ্যতাকে নিজের মধ্যে গ্রাস করিয়া লইয়া এক
বিরাট বিশাল মহাজাতি এবং মহত্তর সমাজের সৃষ্টি করিল।
ইহার মধ্যে কোল, ভীল, সাঁওতাল, নাগা, মুণ্ডা, ওরাওঁ,
ক্বাক যেমন, শক, পার্থিয়ান বা পারদ, ছন, গুর্জর, তেমনই
এক একে বা একসঙ্গে মহাসমুদ্রে ক্ষুদ্রতর তরঙ্গিনীসমূহের
মতই আত্মবিলয় সাধন পূর্বক ইহাকে পূর্ণ এবং পরিণত
করিয়া তুলিল। ক্ষুদ্র বৃহৎ হইল।

সমাজ-বন্ধনের প্রয়োজন ঘটিল। নানা জাতির
সাম্মিলনে নব নব সভ্যতার উন্মেষে নূতন নূতন আচারের
অধিকৃত্য, নবীন বিধি-নিষেধেরও সবিশেষ প্রয়োজনীয়তা
দেখা দিল।

নারী পুরুষের সমান অধিকার ধর্ম হইল। তপোবন
এবং কুটীর পরিবর্তিত হইয়া গ্রাম নগর এবং গৃহ প্রাসাদের

সঙ্গে সঙ্গেই গৃহাধিষ্ঠাতাদিগের মধ্যেও কর্ম-বিভাগের অবশ্য
প্রয়োজনীয়তা দেখা দিল।

জীবন-সংগ্রাম আরম্ভ হইয়াছে, বস্তু পশু এবং ফলমূলাদি
মাত্রে আর সমগ্রের জীবনযাত্রা-নির্বাহ সম্ভব রহিল না, সঙ্গে
সঙ্গেই জীবিকার্জনের জন্ত পথ এবং পথান্তরের সৃষ্টি হইতে
লাগিল। ধর্ম, কর্ম, জ্ঞানে, বিজ্ঞানে, শিল্পে, বাণিজ্যে,
আচারে, সভ্যতায় ভারত সেদিনে জগতের শীর্ষস্থানীয় এবং
বন্দনীয় ছিল। ধনজন, বিষয়, বিভব, কৃষি, বাণিজ্য
এবং পুত্রাদি সম্পত্তি রক্ষা এবং ঐ সকলের অর্জন
একই ব্যক্তির উপর চাপ থাকি চলে না, কর্ম-বিভাগের
অবশ্যস্বাবী প্রয়োজনীয়তা দেখা দিল;—নর এবং নারীর
শারীরিক এবং মানসিক অবস্থার উপর বাবস্থা করিয়া
উভয়ের কর্তব্য নির্ধারিত হইল। একজন বাহিরের কর্ম-
কঠিন, ধূলি-লাঞ্চিত উপার্জনক্ষেত্রে, অপরে কর্ম-সরস,
শান্তি-শীতল গৃহ-সাম্রাজ্যে অধিষ্ঠিত হইলেন।

নারী সৃষ্টিনিয়মে জীব-জননীরূপেই সৃষ্টা, সেই হেতু
সম্পূর্ণরূপে বাহিরের কার্যে নিয়োজিত হওয়া তাঁর পক্ষে
সম্ভবপরই হইতে পারে না।

বৃহদারণ্যক উপনিষদে লিখিত আছে—

“সোহনুবীক্ষ্য নাহনুদাঅনোহপশুৎ। সটৈ নৈব রেমে।
তস্মাদেকাকী ন রমতে। স দ্বিতীয়মৈচ্ছেৎ। সটৈতা-
নাস যথা স্ত্রীপুমাং সৌ সম্পরিসজ্ঞৌ। সহমেবাআনং বেধাহ
পাতয়ন্ততঃ পতিশ্চ পত্নী চাহভবতাম্।”

সৃষ্টির পূর্বে পরমাআ একা ছিলেন, একা সৃষ্টি হয় না,—তাই
তিনি তাঁর দ্বিতীয় ইচ্ছা করিলেন এবং তাঁর ইচ্ছামাত্রে
তাঁর শরীর দ্বিধা বিভক্ত হইয়া উহা হইতে পুরুষ ও প্রকৃতির,
নর এবং নারীর সৃষ্টি হইল এবং উহারাই পতিপত্নীরূপে
সম্মিলিত হইয়া সৃষ্টি করিতে লাগিলেন।—জন্।

অতএব সৃষ্টি এবং পালনের মধ্যে দুজনকারই সম-
প্রয়োজনীয়তা সর্বজনস্বীকৃত এবং অবিসম্বাদী সত্য তত্ত্ব।

পরে নারীর জন্ত অস্তঃপুরের সৃষ্টি হইল। নানা কারণে
সকল দেশের সুসভ্য ও অর্ধসভ্য মানবসমাজমাত্রেই
সামাজিক নর-নারীর মধ্যে গৃহধর্ম নির্বাহার্থ বাহির এবং
অন্তরপুরীকে দুই ভাগে বিভক্ত করিয়া রাখা নিয়ম আছে।



প্রাচীন ও আধুনিক সমস্ত সভ্য জগতেই এ প্রথা বিদ্যমান। কোথাও এই অন্তঃপুর বিভাগ পাঁচিল দিয়া ঘেরা, কোথাও বা পর্দা দিয়া ঢাকা, কোথাও পাহারা দিয়া আবদ্ধ, কোথাও বিধি নিষেধ দ্বারায় নিবদ্ধ। নর বাহিরের শ্রমবহুল কার্যে নিযুক্ত রহিল, নারী গৃহিণী ও জননী রূপে অন্তঃপুরে স্থান লইলেন, গার্হস্থ্য পালন এবং সন্তান লালনের জন্ত ইহাই নিরাপদ এবং প্রশস্ত ইহাতে সন্দেহ নাই। এইরূপে কৰ্মসময় হইল।

তা হউক, এই পর্যায়ে আমরা যেটুকু দেখিতে পাইলাম ইহাতে বলিবার কোন কথা নাই; সৃষ্টিনিয়মে নারী মাতা, তিনি মানবজননী, সাধারণতঃ নারীধর্ম পবিত্রচেতা উন্নতিশীল সুসন্তান প্রজননার্থ একনিষ্ঠ সতীধর্মরক্ষা এবং সন্তানের সুপালনেই, তবে ইহার যে ব্যতিক্রম ঘটিবে না এমনও তো হয় না। সমস্ত মানবপ্রকৃতি এক নহে, কেহ সামান্য অর্থের জন্ত চুরি ডাকাতি ও ঠগীগিরি করে, কেহ বা জীর্ণ চৌরখণ্ডের মতই সমস্ত রাজ্য ধন অবলৌল্যক্রমে ফেলিয়া যায়। এই জন্তই ঋষি বলিয়াছেন—

“কর্ম বৈচিত্র্যং সৃষ্টি বৈচিত্র্যম্”—এবং “ঋজু কুটিল নানা পথজুশাম্”—সকলের কর্ম এক নয়,—সকলের পথ এক নয়।

পূর্বে যেমন তপোবননিবাসিনী ঋষিকন্যাগণ চির কোমার্যা অবলম্বন পূর্বক বেদাধ্যয়নে ও তপস্যায় জীবনান্টিপাত করিতেন, এ যুগে সে তপোবনও নাই, সে ঋষিও নাই, কিন্তু মানুষের প্রকৃতির মধ্যে বৈচিত্র্যের প্রেরণাতো আর তা বলিয়া চির-নিরুদ্ধ হইয়া যায় না!—যে সব ব্রহ্মবাদিনী মেয়েরা পূর্বে চিরকোমার্যা বৃত্ত হইয়া পুরুষের সমকক্ষতা লাভ করিতেন, এ যুগেও তাঁদের সেই মনোবৃত্তি যাদের মধ্যে কার্যাকরী হইয়া আছে তাঁরা অন্তঃপুরের গণ্ডী কাটাইয়া স্ত্রী এবং মা হইতে না চাহিয়া চাহিতেছেন—মেয়ে-পুরুষের তুল্যাধিকার।

ইহাতে আশ্চর্য্য হইবার খুব বেশি কিছু নাই। চির যুগে যুগেই এমন হইয়াছে। আজ সে তপোবন নাই, ঋষি নাই, বেদবিদ্যার সে পূর্ব গৌরব বর্তমান নাই, তাপসী বেদাধ্যায়িনী ঋষিবালা কোথা হইতে সৃষ্টি হইবে? সহস্রে ইংরাজীনিবিশ পিতার ইংরেজী-পড়া মেয়ে তার কালের যা

শিক্ষা দীক্ষা আদর্শ, তাহারই জন্ত দাবী তুলিয়াছে মাতা। যাজ্ঞাবল্ক কোথায় যে গার্গী দেখা দিবেন? যদি সেই পূর্ব-তপোবন এবং ঋষিপিতার পুনরুদ্ধার সম্ভব হয়, ব্রহ্মবিদ্যা-বিশারদা ঋষিকন্যাও অভাব ঘটিবে মনে হয় না। কিন্তু সে যতক্ষণ না ঘটিতেছে বিবর্তনের বেগ কি বন্ধ থাকিবে?

এখন অবরোধের সম্বন্ধে অনুসন্ধান করিয়া দেখা যাক, এবং এই অনুসন্ধান ফলে আমরা দেখিতে পাইতেছি যে ভারতবর্ষে অবরোধ-প্রথা যে আদৌ ছিল না তা' নয়। প্রাচীন সংস্কৃত এবং পালা সাহিত্য হইতে প্রমাণিত হয় পূর্বকালেও রাজান্তঃপুরবাসিনী কুলকন্যাগণকে ‘অসূর্য্যাম্পশ্যা’ বলিয়া বিশেষভাবে গর্ভ করা হইত। ‘অসূর্য্যাম্পশ্যা’ বলিতে এমনই বুঝায় যে তখনকার তাঁরাও আধুনিক বিহারনিবাসিনী বড় ঘরানাদিগের মতই অবরোধবাসিনী ছিলেন। এখনকার বিহারী অন্তঃপুরিকাগণের তায় তাঁদের ঘরেও দ্বার-জানালাসব বিশেষ অভাব থাকিত, পথে ঘাটে বাহির তো হইতেনই না। মহাভারত স্ত্রী-পক্ষে দেখা যায়, কুরুকুলমহিলাবৃন্দের সম্পর্কে উল্লিখিত হইয়াছে যে, “পূর্বে দেবগণও যাহাদের মুখাবলোকন করিতে পারেন নাই, এক্ষণে তাহারা অনাথা হইয়া সামান্য লোকের নৈত্রপথে পতিত হইতে লাগিল।”

রামায়ণ অযোধ্যাকাণ্ডে রামচন্দ্রের সহিত সীতাদেবীর বনগমন উপলক্ষেও এই বাধার কথা বেশ জোরের সঙ্গেই উক্তি হইয়াছিল।

এই সকল উদাহরণ হইতে আমরা দেখিতে পাইলাম যে প্রাচীনকালে অর্থাৎ বৈদিকযুগের পরেই রাজ-রাজড়া-দিগের ঘরে সাধারণতঃ স্ত্রী বা রাজবধূগণ লোকসমক্ষে বাহির হইতেন না, তাঁহারা ‘অসূর্য্যাম্পশ্যা’ই ছিলেন, কিন্তু তথাপি এই অবরোধকে আমরা এখনকার মত পর্দা সিস্টেম বলিতে পারি না। ইউরোপে বা ইংলণ্ডে স্ত্রী স্বাধীনতার দেশসকলেও স্ত্রী বা রাজ-ঘরণারা সাধারণের মত পায়ে হাঁটিয়া পথে বাহির হন না, রাজ-রাজড়াদের গতিবিধির জন্ত বিশেষ বিশেষ ব্যবস্থা সর্বদেশে এবং সমস্ত কালেই হইয়া থাকিত এবং এখনও হয়, ইহাতে পূর্বযুগে

শ্রীমতী অক্ষরূপা দেবী

অপাং পৌরাণিক কালে নারী মাএই অবরোধ-বাসিনী অসূর্য্যাম্পত্তা ছিলেন, এমন কথাই প্রমাণ করে না। নেপালেও অবরোধ-প্রথা নাই, কিন্তু রাজবাড়ীর মেয়েদের সেখানেও খোলাখুলি ভাবে পথে বাহির হওয়া রীতি-বিরুদ্ধ।

রাণীরা রাজ্যাভিষেকে, রাজকন্ঠারা সয়স্বর-সভায়, প্রয়োজন ঘটিলে যুদ্ধক্ষেত্রে স্বামীসহ ভীষণ দুর্গম বিপদসঙ্কুল বিজনারণো, সখীসহ পতি-নির্বাচন-কল্পে নগরে বা বনে যত্র তত্রই ভ্রমণাধিকার উপযুক্ত পাত্রী হইলেই পাইতেন; ইহাও ঐ সকল পুরাণ কাহিনী মধো দেখিতে পাওয়া যায়। কাজেই পর্দার বিবি তাঁদের ঠিক বলিতে পারি না।

বৌদ্ধযুগেই প্রধানতঃ আমরা রাজবাড়ীর বাহিরের সাধারণের জীবনযাত্রার সহিত কতকটা পরিচিত হইবার সুযোগ পাই, সেখানে কিন্তু গৃহস্থকন্যা ও গৃহিনীদের আমরা অবরোধবাসিনী দেখিতে পাই না অর্থাৎ অস্তঃপুরিকা হইলেই অসূর্য্যাম্পত্তা নহেন। তাঁদের মধো কেহ বৃক্ষতলে তপশ্রামণ সাধকের জন্ত আহাৰ্য্য প্রদান করিয়া আইসেন, কেহ জীবন-ভিক্ষার্থ সাধকের চরণে মৃতপুত্র লইয়া গিয়া লুটাইয়া পড়েন, তাঁদের মধো ধনসম্পদ পতিপুত্র সর্বত্যাগিনী হইয়া কত শতই প্রব্রজ্যাগ্রহণান্তর নবধর্ম ও নূতন মার্গকে আশ্রয়পূর্বক বাহিরের কাজে দূর দূরান্তরে পথে প্রান্তরে বাহির হইয়া যান। এমন কি সুদূর সিংহল দেশে পর্যাস্ত রাজাস্তঃপুরিকা ধর্মপ্রচার করিয়া আইসেন। বুদ্ধপত্নী গোপা স্বপ্নের প্রভৃতি গুরুজনদের সাক্ষাতে অবগুষ্ঠন প্রদান করিতেন না, তিনি এ সম্বন্ধে অসুস্থ হইয়া যে গাথাটি বলিয়াছিলেন সেটি এখানে উদ্ধৃত করিলে অসঙ্গত হয় না—

“শরীর যাহাদের সংযত, বাক্য যাহাদের সংযত এবং হৃদয়সমূহ যাহাদের সুরক্ষিত ও মন নির্মল, বদন আচ্ছাদন করিয়া তাঁহাদের কি হইবে? যাহাদের চিত্ত সুরক্ষিত, হৃদয়সমূহ সুসংযত থাকে, অথ পুরুষের দিকে যাহাদের চিত্তগমন করে না এবং স্ব-পতিতেই যাহারা সন্তুষ্ট থাকেন, চন্দ্র-সূর্যের ত্রায় তাঁহারা উপযুক্ত ভাবে প্রকাশ পান, যাহাদের বদন আচ্ছাদন করিবার প্রয়োজন কি?”

“জানন্তি আশয়ো মম ঋণ মহাস্বা
পরচিত্ত বুদ্ধি কুশলাস্তথ দেবসঙ্গাঃ।
যৎ মহাশীলগুণ সংবরু অপ্রমাদো
বদনাবগুষ্ঠনমতঃ প্রকরোমি কিং মে?”—ললিতবিস্তর

“ঋষিগণ ও দেবগণ পারের চিত্ত জানিতে পারেন, আমার হৃদয়ের ভাব কি তাহা তাঁহারাই জানেন, তাঁরা আরও জানেন আমার শীলগুণ, সংযম ও অপ্রমাদ কিরূপ, অতএব আমি আমার বদনে অবগুষ্ঠন করিব কেন?”

অতএব বুঝা যায় যে মুসলমান আসার পূর্ব হইতেই ধনী সম্প্রদায়ে অবরোধ এবং অবগুষ্ঠন আরও প্রাচীনকাল হইতেই ভারতবর্ষে আরম্ভ হইয়াছিল। কিন্তু মুসলমান আগমনই তো আর এ দেশে প্রথম বৈদেশিক আক্রমণ নয়। গ্রীক, শক, হুণ এ সব আক্রমণ তো সেই কবেকার পূর্বতন কাল হইতেই ভারতের উপর দিয়া ঝড়ের বেগে চলিতেছে। দুর্ভিক্ষ ও অশিক্ষিত বহিশক্রর হস্ত হইতে শারীর শক্তিতে স্বভাবতঃ দুর্বল নারীকে রক্ষা করিবার জন্তই অবরোধের সৃষ্টি হইয়া থাকা স্বাভাবিক বলিয়াই যেন মনে হয়। সে বহিশক্র এদেশে আলেকজান্ডারের সময় হইতেই বারেবারে এবং ক্রমাগতই দেখা দিতে ক্রটি করে নাই। ইহার পূর্বের কথা অবশ্য সঠিকরূপে জানা যায় না, তবে তখনও ‘অসুর’, ‘রাক্ষস’, ‘পিশাচ’ ও ‘দানব’রূপী প্রবল শত্রুপক্ষের অবস্থিতির প্রমাণ ভূরি-ভুরিরূপে পাওয়া যায়। কাজেই বাধন ক্রমে দৃঢ় হইতে দৃঢ়তর করিতে হইয়াছে।

তবে আমার মনে হয় অবগুষ্ঠন জিনিসটা নারীজনোচিত স্বাভাবিক লজ্জাশীলতা-সম্মত, এবং স্থান-কাল-পাত্র হিসাবে অবগুষ্ঠন বস্তুটিকে সর্বত্র মন্দও লাগে না। লজ্জা বস্ত্রের অন্তরালে একটি সলজ্জ মধুর সৌন্দর্য্য অবকীর্ণ রহিয়াছে, যেটি নবীনা পত্নী ও বধুর আদর্শটিকে একান্তই পরিপূর্ণ করিয়া তুলে, মধুরতর করিয়া দেয়। নূতন বউয়ের নূতন মুখের ঘোমটা খোলার জন্ত যে একটা অদম্য কোতূহল এবং উন্মাদনা থাকে, সেটি অবশ্য তার মাতৃকালের মধো নাই, সেটুকু বধুরই নিজস্ব বস্তু; সে ভাবটুকু ভারতের নিজস্ব ভাব, ইহার উচ্ছেদ আমার কাম্য নয়। অবরোধ এবং অবগুষ্ঠন ঠিক এক বস্তু নহে। অবরোধের মধো দুর্বলকে দুর্বলতর



করিয়া রাখার চর্চা আছে, দুর্বলের প্রতি প্রবলের কতকটা অত্যাচারও যে না আছে তা নয়, এবং এ প্রকার কঠোরতায় সমস্ত নারী-সমাজের শারীরিক এবং মানসিক ক্ষতি ও অপচয়ের প্রবলতম কারণও নিয়তই ঘটতেছে। কিন্তু অবগুণ্ঠনে সে সব কিছুই নাই, ইহাতে ভারত-মহিলার স্বভাবজাত নম্রতা, কম্বলতা ও শোভনশীলতার একটুখানি আভাষ মাত্র প্রকটিত হয়। আজিকালিকার অর্ধাবরিতবক্ষা ইউরোপীয়ার সঙ্গে তুলনা করিলেই ইহা সহজে অনুভব হইবে। নারীর নারীত্বকে পরিপূর্ণ করিয়া তোলার নামই নারীশিক্ষা, ইহার বাতিক্রম বাহাতে হয়, তাহা আমাদের উদ্দেশ্যসাধনের বাঘাতক, সহায়ক নহে।

আমাদের 'আধুনিক' হিন্দু সমাজে অনেক বিষয়েরই সংস্কারের প্রয়োজনীয়তা ঘটিয়াছে আমিও তাহা অস্বীকার করি না, কিন্তু সে সংস্কার প্রাচ্যের সমুদয় সংস্কার বিবর্জিত সম্পূর্ণ ইউরোপীয় প্রথানুযায়ীভাবে হওয়া কখনই বাঞ্ছনীয় বোধ করি না। আমাদের দেশের এবং অবস্থার উপযোগিতাবেই উহা হওয়া উচিত এবং ইহাই আমাদের পক্ষে প্রকৃত মঙ্গলজনক হইবে বলিয়া আমার দৃঢ়বিশ্বাস।

মানুষমাত্রেই সংস্কারের বশীভূত। শুদ্ধবুদ্ধিমুক্তাবস্থা বাতীত সম্পূর্ণরূপে সংস্কার বর্জন করিতে কেহই পারে না, যদি কেহ করিতে চাহে সে ভ্রান্ত, ভুল পথের পথিক; অথবা সে এক সংস্কার ছাড়িয়া সংস্কারান্তর গ্রহণ করিতে বাধ্য। নিজ সমাজের সকল সংস্কারকেই কুসংস্কার আখ্যা দিয়া দূরীভূত করিতে চাওয়া স্থিরবুদ্ধি প্রাজ্ঞজনোচিত নহে। প্রত্যেক সমাজেরই কতকগুলি সমাজবিধি বা সামাজিক সংস্কার থাকে এবং আছে, সেই বিধি সংস্কারগুলিই প্রতি সমাজের বিশেষত্ব। বাঙ্গালী সমাজ তাহার সমস্ত বিধি নিষেধ ও নিয়মনিষ্ঠা হারাইলেই যে ইংরাজ সমাজভুক্ত হইয়া উঠিবে তা' নয়, এমন কি এ দেশী সংস্কার (যাহা কুসংস্কার বলিয়া উল্লিখিত হইতেছে) ত্যাগপূর্বক, ইংরাজী সমাজের "কুসংস্কার" (যেহেতু ঐ সমাজেও এইরূপ সংস্কারান্তরের অভাব নাই) গ্রহণ করিলেও না। মাত্র সর্বনিয়মনিষ্ঠা ও বিশেষত্ববর্জিত এক নূতন কিছু হইতে পারে এই পর্য্যন্ত! তবে যে সব সাময়িক বিধি-নিষেধ,

কারণ বা কারণান্তরের প্রয়োজনানুরোধে সময়-বিশেষে প্রতিষ্ঠিত হইয়াছিল, দেশ কাল ও পাত্রানুসারে সে সকলের সবিশেষ পরিবর্তন বা পরিবর্জন অপ্রতিবিধেয় হওয়া সম্ভব নহে। ধর্ম সনাতন কিন্তু আচার কখনও সনাতন হইতে পারে না—যেমন পর্দাপ্রথা। দেখা যায় মুসলমান-অধুষিত প্রদেশগুলিতেই বিশেষ করিয়া এই প্রথাটি জাঁকিয়া বসিয়াছিল। * যেমন উত্তর-পশ্চিম প্রদেশ, পাঞ্জাব, বিহার, পশ্চিমবঙ্গ ইত্যাদি। কিন্তু পাঞ্জাবে অবগুণ্ঠনের প্রথা থাকিলেও অবরোধের প্রথা এক্ষণে খুব কম। বাঙ্গালার সহর ভিন্ন পল্লীগাম ইহার কবলে প্রায় পড়েই নাই। এখনও ইহার পূর্ণ প্রকোপ চলিতেছে বিহার ও যুক্ত প্রদেশের অধিবাসিনীদের উপর দিয়াই। এমন কি যে রাজপুত জাতির নারীগণ একসময় যুদ্ধক্ষেত্রে অস্ত্র ধরিয়া ছিলেন, আজ তাঁহারা পর্দার জেনানা!

বাঙ্গালার পল্লীগামে পর্দা বলিতে যা বুঝায়, যতটুকু দেখিয়াছি, তেমন কিছু দেখি নাই; বরং এখনই ইহা বাড়িতেছে। কলিকাতা মহানগরীর উপকণ্ঠেই দেখিয়াছি মেয়েরা পায়ে হাঁটিয়া নিমন্ত্রণ খাইতে যায়; ঠাকুর দেখিতে, গঙ্গাস্নান করিতে, পাড়া বেড়াইতে পায়ে হাঁটিয়াই যাতায়াত করিয়া থাকে, কোন নিন্দা নাই। বাঙ্গালী আক্রপর্দা বাঙ্গালী ছাড়িয়া বেহারে আসিয়াই শিথিয়াছে, বেহার-বাঙ্গালীর মধ্যে পর্দাটা বেশী। তাঁহারা বাংলায় ফিরিয়াও সেই অভ্যাসটা ছাড়িতে পারেন না এবং তাঁদের দৃষ্টান্তে তাঁদের পড়সীরাও পথে বাহির হইতে কুণ্ঠিত হইয়া পড়েন। আর সহরে থাকা বাঙ্গালীও অভ্যাস বদলাইতে বাধ্য হইয়া আক্রপর্দা করিতে শিথিয়াছেন। বস্তুতঃ বাঙ্গালীর মধ্যে পর্দার আঁটাআটি ক্রমশঃ কমিয়া এখন নাই বলিলেই হয়।

এখন কথা হইতেছে তবে এ পর্দার চাপাচাপি কাদের উপর? পর্দা-প্রথা উঠানর জন্ত এত হৈ চৈ পড়িয়াছেই

* অর্থাৎ এক্ষণে অনেকানেক মুসলমান-শাসিত এবং অধিবাসিত স্বাধীন রাজ্য হইতে পর্দা-প্রথা সম্পূর্ণরূপেই বহিষ্কৃত হইয়া গিয়াছে। আমাদের দেশে প্লেগ কলেরা সব কিছুই যেমন বিদেশ হইতে আনিয়া চিরস্থায়ী বন্দোবস্ত লইয়াছে, এ প্রথাও তেমনি ছাড়িতে ইচ্ছা করিতেছে।

শ্রীমতী অন্নরূপা দেবী

বা তবে কেন?—এ প্রশ্নের উত্তর এই যে পর্দার কঠোরতা বাংলায় নাই বলিলেই সব কিছুই নাই এমন কথা বলা যায় না।

বাংলায় পর্দার চাপ না থাক, বাংলার বাহিরে 'ডমিসাইল্ড' বাঙ্গালীর ঘরের মেয়েদের (সে সংখ্যা তো নিতান্ত কমও নয়) অবরোধের ভার তো একটা আছেই? আর তারই ফলে বর্তমান অবস্থায় অর্থসামর্থ্যহীন গৃহস্থ সংসারে অনেক সময় অনেক অভাব ও অসুবিধা উপভোগ করিতেও হয়। ধরুন, কাহারও পাঁচটি ছেলেমেয়ে লইয়া বৈধব্য ঘটিল। ঘরে পয়সা নাই, খাটিয়া খাইতে ও খাওয়াইতে হইবে; সেলাই বোনা করিয়া পাঁচ বাড়ীতে বিক্রয় করিয়া আসিতে পারিলে ছ পয়সা উপার্জন হয়,—গাড়ীভাড়া করিয়া ঘুরিতে পারা কি সম্ভব? গরীবের মেয়েটি কোন প্রকারে 'ফ্রি' করিয়া স্কুলে দিল, গাড়ীভাড়া দিবার পয়সা নাই, স্কুলে যায় কি করিয়া? কম মাহিনার শিক্ষয়িত্রী হইয়াও কিছু রোজগার করা যায়, সহরে ত পথে বাহির হইবার রীতি নাই! এমনই এমনই ঢের অসুবিধা নিয়তই এবং সর্বত্রই দেখিতে পাঠিতেছি।

“দুঃখ ত্রয়াভিঘাতাৎ জিজ্ঞাসা”—দর্শন-শাস্ত্রের ইহাই মূলমন্ত্র। ভারতবাসীর অন্তরে বাহিরে দুঃখত্রয়ের অভিঘাতের আত্যন্তিকতাবশতঃ এদেশে দর্শনশাস্ত্রের বিস্তার ও তাহার শাখা প্রশাখার সৃষ্টি ও প্রসার বোধ করি এত বেশি! বাস্তবিক দুঃখাভিঘাত বাতীত জিজ্ঞাসারও উদ্ভব হয় না। অভাব থাকিলেই অভাব-বোধ জাগ্রত হয়। এই যে পর্দা উঠানর জন্ম ভারতনারীর মধ্যে ঐকান্তিক আগ্রহ জাগিয়াছে, পর্দাপ্রথা যদি সকলের পক্ষে সর্বাংশে ইষ্ট-জনক ও সুখকর হইত, তবে একসঙ্গে বঙ্গে বিহারে উত্তর-পশ্চিমে, উড়িষ্যায় ভারতের পর্দাপ্রথাযুক্ত সকল প্রদেশের নারী সমাজ মধ্যে পর্দাপ্রথা পরিবর্তনের জন্ম এতখানি আগ্রহ এবং বিদ্রোহ একসঙ্গে আজ জাগিয়া উঠিত না।

অবাস্তব কাল্পনিক দুঃখ লইয়া জনকতক ভাবপ্রবণচিত্ত নর বা নারী অভিভূত হইতে পারেন, কিন্তু যেখানে জন ছাড়িয়া গণের মধ্যে ব্যক্তি ছাড়িয়া সমষ্টির মনে অভাব-বোধ সঞ্চারিত হইয়াছে দেখা যায়, সেখানে বুঝিতে হইবে সেই

প্রথার মধ্যে পরিত্যক্ত হইবার মত বিরুদ্ধ বস্তু আছে, অথবা ইহার পরিবর্তনের কাল আসিয়াছে।

আমাদের মধ্যে পর্দাপ্রথার সবচেয়ে কঠিনতা ভোগ করিতে হয় আমাদের বিহারবাসিনী ভগ্নিদিককে। এঁদের বড় ঘরের মেয়েরা প্রায় অসুখ্যাম্পশা! ঘরে জানালা থাকে না, অঙ্গন সঙ্কীর্ণতর, ভাই বাপ স্বামীপুত্র প্রায়ই চরিত্রহীন, বোন মেয়ে স্ত্রী মায়ের সঙ্গে তাদের সাক্ষাৎ সম্বন্ধে সম্পর্ক বড় কম; বার মহলে বন্ধুবান্ধব, চাকরবাকর, রাত্রে বিভিন্ন সম্প্রদায়ের ভাড়া করা স্ত্রীলোক এই সব লইয়াই তাঁদের জীবনযাত্রা প্রায়ই নির্বাহ হয়। ঘরের মেয়েরা থাকেন বধু অবস্থায় “কনিয়া” বনিয়া। অর্থাৎ বন্ধুহীন একটি কুঠুরীতে সারা ভোরবেলা গিয়া ঢোকে,—সঙ্গে থাকেন বাপের বাড়ীর দাসী, তা বড়লোকের মেয়ে হইলে এই দাসীর সংখ্যা বেশ বড় হারেই বৃদ্ধিত থাকে স্বচক্ষেই দেখিয়াছি,—সেই ঘরেই সারাদিন এবং অর্ধেক রাত্রির যাহা কিছু কার্য সম্পন্ন করিতে হয়, বহির্গমন নিষিদ্ধ। অর্ধেক রাত্রে সমস্ত বাড়ী নিশুতি হইলে বধুটি পতিগৃহে প্রবেশাধিকার লাভ করিয়া থাকেন, অর্থাৎ যদি এঁর পতিদেবতা এই মধ্যরাত্রের পত্নীসম্মিলনের জন্ম প্রতীক্ষা করিয়া ‘বাহিরের টান’ ত্যাগ করিতে সমর্থ হন তবেই,—নতুবা রাত্রের সাথীও ঐ বাপের বাড়ীর দাসীটিই। ছেলের মা হওয়ার পূর্বে খুশুরবাড়ীর কাকপক্ষীটার সহিত কথা কহিবার প্রথা নাই, তা' খাশুড়ী যদি মরিয়াও যায়, ছেলের বউ তাঁর মুখে একটু জলও দিবে না। এ পর্দা কি ভাল?

আমি জানি বিহারের এক ভূমিহার জমিদার-রাজার বাড়ীর রানী, বর্তমান রাজার খুল্লতাতপত্নী, একবার বৈশাখের এক গ্রন্থোদয় সূর্য্যগ্রহণে স্নান করিতে সমারিয়াঘাটে যাত্রা করেন। বিহারীর মধ্যে ভূমিহার ও কায়েথ এই দুই শ্রেণীই বেশীর ভাগ বড়লোক, পর্দার শাসন এঁদেরই বেশী। রানীজীর পাকী বনাতে ঘেরাটোপে মুড়িয়া open truckএর উপরে চড়ানো হইল, তারপর সাত আট ঘণ্টা ধরিয়া ট্রেন চলিল। বৈশাখের অগ্নিবর্ষী প্রচণ্ড রৌদ্রতাপে ঝলসিত হইতে হইতে সেই জরিদার মোটা ঘেরা ঢাকা পাকীর মধ্যে থাকিয়া তাঁহার যে কি অবস্থা হইল সে খবর রাখার



প্রয়োজনীয়তা বোধ করার যোগ্যবুদ্ধি নিশ্চয়ই তাঁর সান্ন্যাস-দিগের মধ্যে ছিল না। অবশেষে গঙ্গাতীরের পটাবাসের মধ্যে আনিয়া তাঁহার পাকীখানি পর্দার মধ্যে স্থাপনপূর্বক বাহকগণ চলিয়া গেলে দাইএরা আসিয়া পাকীর দরজা খুলিয়া তুলহানজীকে নামিয়া আসিতে অনুরোধ করিতে গিয়া দেখিল যে তাঁহার ওঠানামার সকল শক্তিই নিঃশেষ হইয়াছে, তিনি মরিয়া কাঠ হইয়া আছেন।

এর উপর আর বেশী কথা বলার দরকার আছে মনে করি না, তবে কথায় কথায়ই কথা বাড়ে,—সেবার রেল ষ্টেশনের একটা কাণ্ড হঠাৎ মনে পড়িয়া গেল! বিহারের এক বন্ধিষু গৃহস্থ অন্তত্বে যাইতেছেন, সঙ্গে বিস্তর মোটঘাটের সঙ্গে মোটা চাদরে আপাদমস্তকমণ্ডিতা গৃহিনীও সেই মোটের মধ্যে মোট বনিয়া পুঁটুলী পাকাইয়া বসিয়াছিলেন। ট্রেন আসিল, মুটিয়ারা মোট তুলিয়া দ্রুতহস্তে কামরার মধ্যে ফেলিয়া অল্প লগেজ আনিতে ছুটিবে, তাড়াহাড়ির চোটে সেই কাপড়ের মোটে পরিণত গিন্নীটিকে ও তাহার মোট ভাবিয়া তুলিয়া লইয়া কামরার মধ্যে ফেলিয়া দিল এবং অল্প কুলি সঙ্গে সঙ্গেই অপর একটা ভারী বোঝা ঐ মেয়েটির ঘাড়ের উপর ফেলিল! আশ্চর্য্য যে তথাপি ইজ্জৎ-হানির ভয়ে মেয়েটি চীৎকার করিয়া কাঁদিয়া উঠে নাই! যখন সর্বত্র খুঁজিয়া অবশেষে মোট-মুটরীর তলা হইতে উহাকে টানিয়া বাহির করা হইল, তখন তাহার অর্ধমূর্ছিত অবস্থা।

আচ্ছা, যে পর্দা-প্রথায় মানুষকে তার পিতা বা পতির স্থাবর সম্পত্তির মধ্যে পরিণত করিয়া ফেলে, মানুষ রাখে না, সে প্রথার কি কোন দরকার আছে?

আমাদের দেশের লোক যে তামসিকতার জড়ত্বে ডুবিয়া দিনে দিনে জড়পদার্থে পরিণত হইয়া যাইতেছে, এই সব জড়বুদ্ধি ও জড়শরীরী মায়ের গর্ভে স্থানলাভ করিয়া তার চেয়ে ভাল আর কেমন করিয়াই বা হইবে? যাদের মায়েরা “মুতগ্রাহেণাঅনো যৎ পীড়য়া ক্রিয়তে তপঃ”—তাদের সন্তানদের যে “ন সুখং ন পরাগতিম্”, “ন চ তৎ প্রেত্য নো ইহ”—রূপ দুর্দশাগ্রস্ত হইতে হইবে, সে এমন আশ্চর্য্য কি? এরকম অনিষ্টকারী পর্দাপ্রথা যে মন্দ এবং এখনকার দিনের পক্ষে একান্তই অপ্ৰয়োজনীয় তাহাতে

সন্দেহ নাই। নারীর মাতৃহই জগতে নারীকে সর্বাপেক্ষা পূজা ও বন্দিতা করিয়াছে। তাঁর সেই মাতৃহের সম্মানন রক্ষার জন্তই তাঁহাকে স্মৃতা করার জন্তই তাঁহার শিক্ষা জ্ঞান ধর্ম্মবুদ্ধির পূর্ণ বিকাশের প্রয়োজনীয়তা অবিসম্বাদীরূপে স্বীকৃত। পশু-জননী এবং নর-জননী একইরূপে কেবলমাত্র গর্ভধারিণী হওয়াই সঙ্গত নয়, সঙ্কীর্ণচিত্তা অশিক্ষিতা জননী তার সন্তানকে পূর্ণ মানবরূপে সুশিক্ষিত করিবেন কেমন করিয়া, তাই উচ্চতর ভাবে মাতা হইতে গেলে তাঁহাকে উচ্চতম শিক্ষা দীক্ষা সংসর্গ লাভ পূর্ণরূপেই করিতে হইবে। পর্দাপ্রথা ইহার বিরোধী।

বাঙ্গালা দেশে পূর্বে থাকিলেও আজকাল পর্দার কড়াকড়ি নাই, তবে পূর্বোক্তর বঙ্গের ধনী সম্প্রদায়ের ঘরে এখনও পাকীঘেরার মধ্যে গমনাগমনের রীতি কোথাও কোথাও আছে শুনিয়াছি। ও সব দিকে বড় ঘরাণাদের মধ্যে চাকর বাকরের সামনে গিয়া গৃহস্থালীর কর্ম্ম দেখা বড়ই নিন্দার কথা, যাকে বলে বাদসাহী চাল! এই সব হইতে দেখা যায়, আমরা কতকাল ধরিয়াই কত পরানুকরণ করিয়া আসিতেছি। আমাদের রাজার জাতির পর্দাপ্রথা প্রবল ছিল, তাই তাঁদের অনুকরণে ও আদর্শে আমরাও আমাদের ঘরে পর্দা খাটাইলাম! (অবশ্য সবটাই ভক্তিতে নয়, এর মধ্যে অনেকখানি ভয়ও ছিল। মেয়ে ধরার ভয় মুসলমান আমলে যে কতখানি প্রবল ছিল পদ্মিনী, দেবলা দেবী প্রভৃতির উদাহরণে সে তো কারো অজানা নয়। আর তার ছোটখাট দৃষ্টান্ত আজও পূর্বোক্তর বঙ্গে হাজারটাই ঘটিতেছে তাও সংবাদ পত্র খুলিলেই দেখা যায়)। * বাদসাহের জাতি স্বভাবতঃই আলস্য এবং আমোদপ্রিয়। আমাদের বড় ঘরের মেয়েপুরুষেও তাই তাঁদের অনুকরণে ‘কুড়ের বাদসা’ এবং ‘পটের বিবি’ বনিলেন! যাক্ সে যা হইয়া গিয়াছে তা হইয়া গিয়াছে,—গতশ্র শোচনা নাস্তি—এখন দিন আসিয়াছে সে ভুল শুধরাইবার। ‘ভ্রম মানব ধর্ম্ম’ এ বাণী সকল দেশেরই। যখন জানা গিয়াছে মেয়েদের জড়ত্ব ও অমানুষত্ব

* পূর্ব বঙ্গের কয়কটি প্রবাদ বাক্য দেখিতে পাই তুর্ক, অর্থাৎ মুসলমানের ভয়েই মেয়েদের বাধা করার প্রয়োজনীয়তা ঘোষণা হইয়াছে; একটি এইরূপ ‘বাধা না হ’লে কি, তুর্কে নিলে করায় কি?’

শ্রীমতী অন্নরূপা দেবী

আমাদের জাতীয় জীবনকে যেমন জড়তার নাগপাশে নিবদ্ধ করিয়া রাখিয়াছে, তেমন ইংরাজরাজের আইনের পাশেও রাখে নাই। অশিক্ষিতা বা কুশিক্ষিতা জননার গর্ভাশ্রয়ের সন্তান যে শিক্ষার বীজ বা বিষ রক্তের মধ্যে মিশাইয়া লইয়া জন্মায়, সে কি কেহ চিরজন্মেও আর ভুলাইয়া দিতে পারে? পুরাণে যে অতিপ্রাকৃতদোষচুষ্ট উপাখ্যান বলিয়া আমরা শুকদেবের সর্কশাস্ত্রবিদ হইয়া জন্মগ্রহণ, মাতৃগর্ভে থাকিয়া অভিমত্নুর বাহভেদ শিক্ষা প্রভৃতি কাহিনীকে উপহাস করিয়া থাকি, কিন্তু সূক্ষ্মভাবে বিচার করিয়া দেখিলে এই সকল পুরাণ কথাকে ভিত্তিহীন মনে করিবার কারণ থাকে না।

মানুষ যা কিছু শক্তির সঞ্চয় লইয়া আসে, তাহা মাতৃগর্ভে হইতেই লইয়া জন্মায়, একেবারে নূতন করিয়া কিছু সৃষ্টি করিতে পারে না। তাই জাতিকে বড় করিতে হইলে জাতির জননীকে শিক্ষায় ও স্বাস্থ্যে বড় করিতে হইবে। জেমস রাসেল সত্যই বলিয়াছেন “Earth’s noblest thing ; a woman Perfect.”

আমরা লক্ষ্য করিয়া দেখিয়াছি, বড় বড় জ্ঞানী গুণী পণ্ডিতের মূর্খ পুত্র, মস্ত বড় ধার্মিকের অধার্মিক সন্তান এই মাতৃবংশদোষে নিয়তই জন্মিতেছে। মাতৃশিক্ষার অভাবে বা প্রভাবে শত সহস্র মানব সন্তান সততই অমাত্নুষে পরিণত হইতেছে, এ কথা আজ নূতন কথা বা গোপন কথা নয়। আত্মশক্তির আত্মশক্তিই জগৎসৃষ্টির মূল, সে শক্তি যদি পরিপূর্ণ না হইত, আমরা এক অসম্পূর্ণ বিকৃতভাবাপন্ন জগৎ সৃষ্ট দেখিতাম। তেমনই যেমন সমষ্টিভাবে তেমনই বাষ্টিভাবে প্রতি জীবদেহ জগতের সৃজনকারিণী মহাশক্তিরূপিণী জননীদেবী শুধু স্থাবর সম্পত্তির মতই রক্ষণ ও পোষণ মাত্র করিয়াই পুরুষের কর্তব্য সম্পূর্ণতা লাভ করিতে পারিবে না। তাঁদের সেই উপনিষদের যুগের মতই “স ইমেবাআনং দ্বৈধাং পাতয়ন্ততঃ পতিশ্চ পত্নীচাহ ভবতাম্” এই মহাবাক্যের অন্নরূপ করিতে হইবে। আপনাকে দ্বিধা করিয়া পতি পত্নীরূপে উভয়ে মিলিয়া নূতন সৃষ্টি করিতে হইবে, ভারতে নবযুগ আনিতে হইবে। ইহার মধ্যে তুচ্ছ, ক্ষুদ্র, অবাস্তব, অপ্রয়োজনীয় লোকাচারের যাহা

সে দিনের প্রয়োজনে সমাজ-ধর্ম হইয়া দাঁড়াইয়াছিল মাত্র, যাহা সচল দেশাচার মাত্র, অচল শাস্ত্রবিধি নয়—তাহার স্থান নাই। যদি ইহার জন্ত আমাদের দেশের মেয়েদের স্বাস্থ্যহানি হইতেছে এ কথা সত্য হয়, এ বিধি উঠিয়া যাওয়া উচিত ; যদি গরীব-গৃহস্থ সংসারে সাংসারিক অসংখ্য অসুখ ও অসুবিধা হইতেছে হয়, যদি এর জন্ত বালিকাদের স্কুলের শিক্ষা পাওয়া কষ্টকর হয় এ নিয়ম শিথিল হওয়া বন্ধ বা বিহারে সর্বথা কর্তব্য।

অবশ্য আমি পর্দা-প্রথা রদ করিয়া অন্নপয়ুক্ত মেয়েদের ও পুরুষের মতই অবাধ হণ্টনের অধিকার দিতে ~~একথা~~ বলিতেছি না। কিন্তু দায়ে দরকারে অবস্থা বিশেষে মেয়েদের পথে বাহির হইতে পারার অধিকার থাকা উচিত। সবারই ঘরে পুরুষ অভিভাবক থাকে না, —বেশী থাকে না ; দাসী চাকর এ দিনে ক’জন গরীব গৃহস্থ রাখিতে পারেই বা? এ অবস্থায় পল্লীগামে বাহিরে যাওয়া খুবই রীতি আছে, কিন্তু সহরে নাই। আর লোক এখনকার বেশীর ভাগই সহরে। তারপর গাড়ীর জন্ত মেয়েস্কুল চলাই এক মহা দায়। এটায় আমি নিজে ভুক্তভোগী; ঝি-এর সঙ্গে ছোট মেয়েরা যদি হাঁটিয়া যাইতে পারে, কম টাকায় স্কুল চালান শক্ত হয় না এবং অবৈতনিক পাঠশালা খোলাও যায়। এই সব নানা কারণে পর্দাপ্রথা থাকা আর চলে না। আর সত্য কথা বলিতে গেলে বলিতে হয়, ‘আছে’ বলিয়া যতটা শোনা যায় কাজে আর ততটা নাইও, তবে সদর দরজা খোলা না থাকিলেই যাতায়াতের পথ পাঁচিলের ভাঙ্গা পথেই চলিতে থাকে। ইহাতে যাত্রী এবং পাঁচিলের অধিকারী ছপঙ্কেরই লোকসান, দর্শকের পক্ষেও দৃষ্টি শোভন হয় না। বিদেশী অন্নরূপে আমাদের কাজ কি? আমাদেরই দেশে, আমাদেরই স্বজাতি এবং স্বধর্মী মহারাষ্ট্রে এবং দাক্ষিণাত্যে মেয়েদের সম্বন্ধে যে উদারতাপূর্ণ ব্যবহার পূর্ক্যাপর হইতেই চলিয়া আসিতেছে (সেখানে অস্ত্রপুর আছে, স্বধর্মনিষ্ঠা আছে, অবরোধ নাই, কখনও ছিল না উহাই ভারতীয় আদর্শ) ভারতের বিভিন্ন প্রদেশ সকলে তাহারই অন্নরূপ হোক, এ ছাড়া আমার আর বেশী কিছু বলিবার নাই।




বেহারিভগ্নিগণের প্রতি আমার নিবেদন এই যে, আমাদের কর্তব্য এখন আমাদের উপযুক্ততা প্রমাণ করিয়াই এই বহুকাল প্রচারিত ব্যবস্থার পাশ হইতে নিজেদের বিচ্ছিন্ন করিয়া লওয়া। বেশী তাড়াতাড়ি বা বাড়াবাড়ি করিয়া ফেলিলে ধুটতা ও অসহিষ্ণুতাই প্রকাশ পাইবে, তাহাতে হয়ত স্থায়ী ফললাভ হইবে না। “ননৈঃ পন্থাঃ” এই বাক্যটির মূলা সব দেশেরই লোকে বুঝে। ঝড়ের গতি স্থায়ী হয় না, বন্যার বেগও শীঘ্র শেষ হয়।

ধীরে ধীরে দেশকালপাত্ৰোচিতভাবে এই আবরণমুক্ত জীবনকে আমাদের নিয়ন্ত্রিত করিয়া তুলিতে হইবে। স্বাধীনতা খুব বড় জিনিষ বটে, কিন্তু বাধভাঙ্গা জল, শেকল-ছেঁড়া হাতী, বাতাসে ছড়ান আগুন এদের স্বাধীনমূর্ত্তি খুবই নিরাপদ নয়। আমরা যদি সংস্কারমুক্ত হইতে চাই প্রথমে মুক্তি দিতে হইবে বহুদিনের পুঞ্জীভূত জড়তাকে।

মেয়েদের শিক্ষা-সহবতের সুব্যবস্থা না করিয়া দিয়া শুধুই অল্পমতি অশিক্ষিতা অমুপযুক্ত মেয়েদের পায়ের বাঁধন খুলিয়া দিলেই তাদের দেওয়া শেষ হইল না এই কথাটি আমাদের সর্বদাই বিশেষভাবে মনে রাখিতে হইবে। আর তাদের অপরাপর সমুদয় শিক্ষার মধ্যে এ দেশের সর্বপ্রধান শিক্ষা পাতিব্রতা ও মাতৃত্ব এইটুকুও ভুলিলে চলিবে না। ঘরকে বাহির এবং বাহিরকে ঘর করিয়া নয়, ঘরকে ঘর রাখিয়া আমাদের বাহিরকে কর্মক্ষেত্র করিয়া লইতে হইবে।

পুরুষের সহিত বিদ্রোহ করিয়া আমাদের স্বাধীনতার সমরঘোষণা করিবার প্রয়োজন নাই, যেহেতু আমাদের এ দাবী অগ্রায় নহে। বরং হৃদয়তার সহিত সখাতার সহিত তাঁদের বলিতে হইবে,—

“We mutually pledge to each other, our lives' path.”



বিলম্বিতা

শ্রীঅন্নদাশঙ্কর রায়

কত সাধনায় এলে যদি, হায়,
 কেন এলে কেন এলে !
আমার সে-মন গেছে বহু খন
 আমার এ-মন ফেলে ।
 সে-আমি কি আর সেই-আমি আছি ?
 যৌবনমুখে ভেসে চলিয়াছি ;
যে-ঘাটে তোমায় ডেকেছিলাম, হায়,
 সে-ঘাট রহিল পিছে ।
আজি এতদূরে আসি' বন্ধু রে
 কত আসা হলো মিছে !


 কেন জানিলে না রজনীর চেনা
 রজনী পোহালে বাসি !
 কণিক জীবন — প্রেম কতখণ
 বিফলে বাজাবে বাঁশী !
 উতলা চরণ ধির নাহি রহে
 অভিসারিকার সূচির বিরহে ;
আপনি কখন ফিরে চলে মন
 কুঞ্জ-বীথিকা হতে ।
 নিরাশার বাধা নিশীথের কথা
 তলায় দিনের স্রোতে ।



সারা দিন ভর কোথা অবসর
অতীতের কথা ভাবি !
নূতন রাতের সাথে আসে ফের
নূতন রাতের দাবী ।
ভাঙা বাঁশী তুলি' লয়ে আর বার
করি প্রাণপণ ; হয়তো আবার
তেমনি নিরাশা আঁখি নিদ নাশা
চুর করে দেয় হাসি !
ক্ষণিক জীবন— প্রেম কতগণ
বিফলে বাজাবে বাঁশী !

কেন করিলে না প্রণয়ের দেনা
হাতে হাতে পরিশোধ ?
কেন খেলাছিলে করিলে সবলে
হৃদয়-দুয়ার রোধ ?
আঘাত আবারি' যে-জন ফিরিল,
আঘাত পাসরি' যে-জন মরিল,
ডাকো ডাকো ডাকো সাড়া পাবে নাকো
আমি ত সে-জন নই !
আমার মাঝে কে কবে গেছে থেকে
ঠিকানা তাহার কই ?

আজি অকারণে জাগাও স্মরণে
কনেকার কত স্মৃতি !
স্মৃতি এলে ফিরে ফেরে কি সখি রে
হারানো দিনের স্মৃতি !
প্রথম দেখার সে যে বিশ্বয় !
এক-ই রূপ দেখা ত্রিভুবনময় !
মৃগনাভি বুকে মৃগসম স্নেহে
সে যে প্রেম ব'য়ে ফেরা !
এত দিন বাদ হলো তব সাধ
তারি অভিনয় হেরা !




জিন্দার্ক এ্যা দোম্‌রেমি

এইচ সাপ


চিত্রশালা

নৃত্য মিজিয়ম্



আফ্রোদিতে,

ভেন্ডিস্ দ' মিলো



মাঠের পথে

সি বৈয়োঁ



মন্দিরের ডাক

মিলে



বোনাপার্ত এন্ড আর্কোলে

এ জে গ্ৰো



তরুণ সন্ন্যাসী

বীভূত

ম্যুরি-ইমো



এস্ক্রাভ্

মিশেল অঁজ



অভিযান

মিসোনিয়ে

বাংলা গদ্যের ভাষা

শ্রীসতীশচন্দ্র ঘটক

মানুষ গল্পে কথা বলে, পড়ে নয়। কিন্তু দেখা যায় সকল দেশের সাহিত্যই জন্ম লাভ করে পড়ে। পদ্ম যেন সাহিত্যের জননী, গল্প পরিণত বয়সের সঙ্গিনী।

এক সংস্কৃত সাহিত্যই এই সত্যের জল-জীৱন্ত প্রমাণ। বেদই সংস্কৃত সাহিত্যের মূলধন—কিন্তু ঐ বেদ যে পঞ্চময় তা বেদ না পড়েও এই থেকে বোঝা যায় যে বেদের আর এক নাম ছন্দস্।

অবশ্য বেদের সংস্কৃত লৌকিক সংস্কৃত নয়, কিন্তু লৌকিক সংস্কৃতেরও আদিম গ্রন্থগুলি নিছক পড়ে লেখা। রামায়ণ হতে মেঘদূত পর্যন্ত যে একটানা পড়ের স্রোত বয়ে গিয়েছে, তার আশে পাশেও গল্পের ক্ষীণ ধারাটি দেখতে পাই না। যে সব ক্ষেত্র দিয়ে গল্পের বয়ে যাবার কথা—অর্থ্যাৎ দর্শন, জ্যোতিষ, চিকিৎসা, ইতিহাস—সেখানেও দেখি পড়ের তরঙ্গলীলা। অর্থ্যাৎ পড় কাবোর খাদে না নিবন্ধ থেকে একদিন দু-কূল ছাপিয়ে ঐ সব ক্ষেত্রেও ভাসিয়ে দিলে—যদিও তাতে ক'রে ঐ সব ক্ষেত্রের উর্ধ্বতা কত দূর বেড়েছিল তা বলা শক্ত।

পড় যখন মরিয়া হ'য়ে উঠে জ্ঞানের রাজ্যের দিগ্বিদিকে ছুটে বেড়াচ্ছিল, তখন গল্প বেচারী যে, ভয়ে আড়ষ্ট হ'য়ে দৈনন্দিন কথাবার্তার মধ্যেই গা ঢাকা দিয়ে লুকিয়ে ব'সে থাকবে তাতে আর আশ্চর্য্য কি? সে আস্তে আস্তে তখনই মাথা তুলতে সাহস করলে যখন পড় অনেকটা নিস্তেজ হ'য়ে হাঁপিয়ে পড়েচে। কাদম্বরী সেই ধরণেরই কাব্য।

বাংলা সাহিত্যের ইতিহাসও ঠিক এই। খৃষ্টীয় অষ্টম শতাব্দী হ'তেই এই সাহিত্যের আকাশে পড়ের নীলারিকার সন্ধান মেলে, কিন্তু চতুর্দশ শতাব্দীতে যখন বিজ্ঞাপতি চাঁদাসের দুই উজ্জল নকশ জ'লে উঠলো, তখন পর্যন্ত

গল্পের উত্তম বাষ্প যে একটুও জমাট বাধেনি তা ধারা দূরবীন্ কস্মতে জানেন তাঁরাই হলপ ক'রে ব'লে থাকেন। তাঁদের মতে খৃষ্টীয় ষোড়শ শতাব্দীতে রূপ গোস্বামীর 'কারিকায়' বাংলা গল্পের প্রথম অস্পষ্ট নমুনা চোখে পড়ে।

কিন্তু এর কারণ কি? জীবনে যদি গল্পই পড়ের অগ্রণী হয় তবে সাহিত্যে তার উল্টোটা দেখি কেন? এর প্রথম কারণ বোধ হয় এই যে, সাহিত্য জীবনের প্রতিচ্ছবি হ'লেও—সাহিত্যকে মানুষ এমন রূপ দিয়ে গড়তে চায় যা জীবনে নেই। সাহিত্য যে দৈনন্দিন জীবনের দাগার উপর দাগা বুলিয়ে চলবে না—সে যে তারও অতিরিক্ত কিছু হবে, এ ইচ্ছা নিতান্ত বিষয়ী মানুষেরও অস্থি মজ্জার ভিতরে নিহিত আছে। দ্বিতীয় কারণ, পড়ের চেয়ে গল্প লেখা শক্ত। একথা শুনে অনেকে হয়ত চমকে উঠবেন, কিন্তু তলিয়ে দেখলে ঐ আচমক্যর চমক এক নিমিষেই ভেঙ্গে যেতে বাধ্য। পড়ের ছন্দে একটা সহজ্যাবোধ নিয়ম আছে—তার উত্থান পতন নির্দিষ্ট কালের ওজন মেনে চলে। তার সুরও, গোলাম মোস্তাফা যা বলেচেন, সকলের কানেই অজ্ঞাতসারে ধ্বনিত হ'ছে—একটা মানুষের নাম, একটা রাস্তার নাম, একটা পাখীর ডাক—সবই যেন এক এক ছন্দের কবিতার এক একটি ছত্র।

গল্পে সুর তাল যে নেই তা নয়, কিন্তু তা যেমন সূক্ষ্ম তেমনি কটিল। তা যেন সব নিয়মকে উল্লঙ্ঘন ক'রেও নিয়ম মেনে চলে। তার ভিতরও হিসাব আছে, মাত্রা আছে, ওজন আছে, কিন্তু তা সকলের কানে বাজে না। তাই ধারা পড় লিখতে পারেন, তাঁদের পক্ষে গল্প লেখা তত সহজ নয়, যত ধারা গল্প লিখতে পারেন তাঁদের পক্ষে পড় লেখা সহজ। আর এই জগুই আমরা দেখতে পাই—বড় লেখকদের পড়ের হাতও যেমন পাকা গল্পের হাতও



ভেমনি। গণ্ডের হাত কাঁচা থেকে গেলে—পণ্ড গণ্ডে অনেক সময় তফাৎ রাখা দায় হ'য়ে ওঠে, গণ্ড কেপে উঠে প্রায়ই পদোর চালে চলে—কিন্তু সে ময়ূরপুচ্ছধারণের বিড়ম্বনা মাত্র। সে না হয় পদা না হয় গদা—বা ইংরাজীতে বলতে গেলে—prose run mad and poetry run lame.

রূপ গোস্বামীর কারিকার পর দেহ-কড়চা ও ভাষা পরিচ্ছেদ দুখানি নবাবিকৃত পুঁথির কথা উল্লেখ করা যেতে পারে। দেহ-কড়চার ভাষার নমুনা এই—তুমি কে? আমি জীব। আমি তটস্থ জীব। থাকেন কোথা? ভাঙে। ভাঙে কিরূপে হইল? তব্ব বস্তু হইতে। তব্ব বস্তু কি কি? পঞ্চ আত্মা একাদশেশ্দ্র। ছয় রিপু হচ্ছা এই সকল একযোগে ভাঙে হইল।

ভাষা পরিচ্ছেদের ভাষার নমুনা এই।

গোতম মুনিকে শিষ্য সকলে জিজ্ঞাসা করিলেন আমাদের মুক্তি কি প্রকারে হয়। তাহা রূপা করিয়া বলহ। তাহাতে গোতম উত্তর করিতেছেন। তাবৎ পদার্থ জানিলেই মুক্তি হয়। তাহাতে শিষ্যেরা সকলে জিজ্ঞাসা করিলেন পদার্থ কতো। তাহাতে গোতম কাহতেছেন পদার্থ সপ্ত প্রকার।

তারপর বৃন্দাবনলীলা ও বৃন্দাবনপরিক্রমা নামে দুখানি বৈষ্ণব গ্রন্থ। বৃন্দাবনলীলার সামান্য একটু অংশ উদ্ধৃত কর্চি—

তাহার উত্তরে এক পোয়া পণ্ড চারণ পাহাড়ির পর্কতের উপরে কৃষ্ণচন্দ্রের চরণ-চিহ্ন ধেহু-বৎসের এবং উটের এবং ছেলির এবং মহিষের এবং আর আর অনেকের পদচিহ্ন আছেন। যে দিবস ধেহু লইয়া সেই পর্কতে গিয়াছিলেন সে দিবস মুরলীর গানে যমুনা উজান বহিয়াছিলেন এবং পাষণ গলিয়াছিলেন। সেই দিবস এই সব পদচিহ্ন হইয়াছিলেন।

এর পরই পাই কালীকৃষ্ণ দাসের কামিনীকুমার। এখানি অষ্টাদশ শতাব্দীর শেষভাগে রচিত। যে ভাষায় টেকচাঁদ ঠাকুর আলালের ঘরের জুলাল রচনা করেছিলেন এ সেই ভাষারই পূর্ব প্রবর্তক। একটু নমুনা দেখুন—

“কামিনী কহিলেক ওহে চোর তুমি আমার কি কন্ম করিবে, কেবল ছাঁকার কন্মে সন্দদা নিযুক্ত থাকহ, আর এক কথা তোমাকে চোর চোর বলিয়া সন্দদা বা কাঁহাতক ডাকি—আজি হইতে আমি তোমার নাম রামবল্লভ রাখিলাম। এই প্রকার রামবল্লভ তামাক সাজ কন্মে নিযুক্ত হইলেন, পরে ক্রমে ক্রমে তামাক সাজিতে সাজিতে রামবল্লভের তামাক সাজার এমত অভ্যাস হইয়া গেল যে রামবল্লভ যদ্যপি ভোজনে কিম্বা শয়নে আছেন ও সেই সময়ে কামিনী যদি বলে ওহে রামবল্লভ কোথায় গেলে তে— রামবল্লভের উত্তর আজ্ঞা তামাক সাজিতেছি।”

১৮৯১ খৃষ্টাব্দে রাজীবলোচন দাস 'কৃষ্ণচন্দ্র চরিত' নামে একখানি গ্রন্থ রচনা করেন। এ বইখানি বেশ খাঁটি বাংলায় লেখা—এর উপর ইংরাজী গদ্যের কোনট প্রভাব নেই। দুচার লাইন উর্দ্ধৃত করলেই বুঝতে পারবেন।

“যুদ্ধ ভাল হইতেছে না দেখিয়া নবাবের চাকর মোহনদাস নামে একজন সে নবাব সাহেবকে কহিলেন— আপনি কি করেন—আপনার চাকরেরা পরামর্শ করিয়া মহাশয়কে নষ্ট করিতে বসিয়াছে। নবাব সঙ্গে প্রণয় করিয়া রণ করিতেছে না—অতএব নিবেদন আমাকে কিছু মৈত্র্য দিয়া পলাসার বাগানে পাঠান্—আমি যাইয়া যুদ্ধ করি।”

১৮০০ খ্রীষ্টাব্দে ইংরাজ সিভিলিয়ানদের বাংলা শেখাবার জন্ত কলিকাতার ফোর্ট উইলিয়াম কলেজের প্রতিষ্ঠা হয়, এবং কয়েকজন সংস্কৃতজ্ঞ পণ্ডিত বাংলা ভাষার অধ্যাপক পদে নিযুক্ত হন। মৃত্যুঞ্জয় তর্কালঙ্কার তার মধ্যে অন্যতম। ইনি ১৮১৩ খৃষ্টাব্দে 'প্রবোধ চন্দ্রিকা' নামে নবাব সাহেব-জাতের শিক্ষার জন্ত একখানি বই লিখলেন। বইখানি আভাঙ্গা সংস্কৃতই, কেবল অমুস্বার বিসর্গ বাদ। এ বাংলা লোকের মুখের বাংলা নয়, দারে প'ড়ে সংস্কৃত ভেঙ্গে গড়া। এই কৃত্রিম ভাষাই আমাদের দুর্ভাগ্যক্রমে আদর্শ সাধু বাংলা হ'য়ে দাঁড়াল, এবং আজ একশ বছরের উপর হ'ল আমরা এ কৃত্রিম ভাষার খাঁড়ার চাপে ত্রাহি ত্রাহি ডাক ছাড়ছি—কিন্তু এড়াতেও পারছি না। যদি এ ভাষার নাগপাশ কাটতে

শ্রীমতীশচন্দ্র ঘটক

কেউ বাইরে বেরোবার চেষ্টা করেন, অমনি সাধুবাদীর দল ভাষার জাত নষ্ট হ'ল ব'লে চীৎকার ক'রে ওঠেন; অমনি ঐ ভাষার মোহ আমাদের ঘাড়ে চেপে বসেচে। সেদিনও বঙ্কিম বাবু ঐ ভাষার আংশিক সমর্থনে বলেছেন—“প্রায় সকল দেশেই লিখিত ভাষা এবং কথিত ভাষায় অনেক প্রভেদ। যে সকল বাঙ্গালী ইংরেজী সাহিত্যেই পারদর্শী, তাঁহারা একজন লণ্ডনী কক্‌নীর বা একজন কৃষকের কথা সহজে বুঝিতে পারেন না এবং এতদেশে অনেকদিন বাস করিয়া বাঙ্গালীর সাহিত্য কথাবার্তা কহিতে কহিতে যে ইংরেজরা বাংলা শিখিয়াছেন তাঁহারা প্রায় একখানি বাংলা গ্রন্থ বুঝিতে পারেন না।

বাংলার লিখিত এবং কথিত ভাষায় যতটা প্রভেদ দেখা যায় অতটুকু তত নহে। বলিতে গেলে কিছুকাল পূর্বে দুইটি পৃথক ভাষা বাংলায় প্রচলিত ছিল—একটির নাম সাধুভাষা অপরটির নাম অপর ভাষা। একটি লিখিবার ভাষা, দ্বিতীয়টি কহিবার ভাষা।”

এ কথার উত্তরে এইটুকু বললেই যথেষ্ট হবে যে এদেশে কাশ্মিরকালেও কাগজ কলমের বাইরে সাধুভাষার অস্তিত্ব ছিল না। ঠিক যেমন আমাদের বড় গোরবের সংস্কৃত ভাষাও কোনদিন কথিত ভাষা ছিল না। কথিত বৈদিক ভাষা ও পরবর্তী প্রাকৃত ভাষাকে চোঁচে ছুলে ব্যাকরণবদ্ধ ক'রে তৈরি করা হয়েছিল। ঐ সাধুভাষাও অনেকটা তাই। তবে দুঃখের বিষয় এ আবার সেই সংস্কৃত ভাষার অনুকারী—অন্ধের পথ প্রদর্শক অন্ধ—মৃতের স্বপ্নে মৃতদেহ।

ইংরেজী লিখিত ভাষা কক্‌নী বা কৃষকের ভাষা না হ'লেও উচ্চশ্রেণীর ইংরাজের কথিত ভাষা। যখনই লিখিত ভাষা কথিত ভাষা হতে একটু দূরে পড়চে তখনই তাকে আবার শেযোক্ত ভাষার সঙ্গে সমন্বয়ে টেনে অ'না হচ্ছে—এইটুকুই সে ভাষা এখনো মরেনি। বারবার জীবন্ত ভাষার কষ্টপাথরে যাচাই ক'রে ছেড়ে দেওয়া হচ্ছে ব'লেই—তার খবটুকু আপনা হ'তেই বেরিয়ে যাচ্ছে এবং সে নতুন সোনা-ধর দাঁড়াচ্ছে। প্রতি বসন্তে সাপের খোলস ছাড়বার মত ভাষাও যুগে যুগে তার পার্থক্যের আবর্জনা দূর করে'

ফেলে কথিত ভাষার সঙ্গে হাত ধরাধরি ক'রে চিন্তা ও ভাবের রাজ্যে অগ্রসর হচ্ছে।

বঙ্কিমবাবু সে যুগের লোক—তাঁর কথা স্বতন্ত্র, কিন্তু শ্রীযুক্ত দীনেশচন্দ্র সেন সেদিনও তাঁর বাংলা ভাষা ও সাহিত্যে যা লিখেছেন তা কি ক'রে মানা চলে? তিনি লিখেছেন—“কথিত ভাষা কখনই লিখিত ভাষায় পরিণত হইতে পারে না। দেশের ভিন্ন ভিন্ন অংশের প্রচলিত ভাষার একীকরণ জন্ত লিখিত ভাষার স্বাতন্ত্র্য আবশ্যিক। যদি কলিকাতার কথিত 'গেলুম' লিখিত রচনায় স্থান পায় তাহা হইলে শ্রীহট্টের 'গাছলামই' বা সে অধিকারে বিস্তৃত হইবে কেন?”

কথিত প্রাদেশিক ভাষায় বিরোধ প্রকৃতিবাজার সনাতন নিয়ম অনুসারে আপনা হতেই মীমাংসিত হ'য়ে যায়। যেটি বলবত্তম সেইটিই সাহিত্যের মধ্যে টিকে থাকে—এ সত্য শুধু ইংলণ্ডে ফ্রান্সে কেন—এই বাংলা দেশেই যে প্রতিপন্ন হচ্ছে তা অপরূপতায় ব্যক্তি মাত্রেই বলবেন। শ্রীযুক্ত রবীন্দ্রনাথ নিজে তাঁর “ভাষার কথা” নামক প্রবন্ধে এই কথা মুক্তকণ্ঠে স্বীকার করেছেন—এমন কি শ্রীযুক্ত প্রমথ চৌধুরীর হালি বাংলা ভাষা যে তাঁর ভাষার চেয়েও বেশী শক্তিমান এবং অস্তিত্ব-সংগ্রামে বেশী টিকবার উপযুক্ত—তা তাঁর উদার অকপট চিত্ত ব্যক্ত করতে ভোলেনি। কিন্তু যাক সে কথা।

মৃত্যুঞ্জয় বিদ্যালঙ্কার যে ভাষার প্রবর্তন করলেন সে ভাষা কতটা অবস্থা সন্ধিবদ্ধ ও সমাসবির্ভাষিত—তা এই উদ্ধৃত অংশগুলি হতেই বুঝতে পারবেন।

অকারাদি ক্ষকারাস্তাকরমালা যত্বপি পঞ্চাশৎসংখ্যক
কিষা একপঞ্চাশৎসংখ্যক কিষা একপঞ্চাশৎ কিষা সপ্তপঞ্চাশৎ
সংখ্যা পরিমিতা হউক তথাপি এতাবন্মাত্র কতিপয় বর্ণাবলী
বিজ্ঞানবিশেষ বশতঃ বৈদিক লৌকিক সংস্কৃত প্রাকৃত পৈশাচাদি
অষ্টাদশ ভাষা ও নানাদেশীয় মনুষ্যজাতীয় ভাষা বিশেষবশতঃ
অনেক প্রকার ভাষাবৈচিত্র্য শাস্ত্রতো লোকতঃ প্রসিদ্ধ আছে।

* * *

দূরবর্তী হট্টগামী লোকেদের শ্রবণবিসমীভূত হট্টাগত ধ্বনি-
নাজাঙ্কক কেবল কোলাহল হয়। অনন্তর কতিপয় পপ গমনোত্তর



সমনস্রজবর্ণেশ্বর সন্মিকন বশতঃ পশুশঃ বর্ণমাত্র গ্রহণ হয়। তদন্তর
বসন ভূষণ কদলীমূলক ইত্যাদি পদমাত্র শ্রবণ হয়। তদনন্তর
হট্ট নিকট প্রাপ্তান্তর কয়বিকয়কারি পুরুষদের বাক্য শ্রুতি হয়।
অতএব অশ্বদাদির ভাষা চতুর্বিধরূপে প্রবর্তমান ভাষাই হেতুক
পুল্কাক্ত কন হট্টর পুরুষভাগার শ্রায় ইত্যনুমানে সকল মানুষ-
ভাগার চতুর্বিধরূপই নিশ্চয় হয়।

অত্যাগ্য দেশীয় ভাষা হইতে গোড়-দেশীয় ভাষা উত্তমা-
সান্দ্রাতমা সংস্কৃত ভাষা বাঙলা হেতুক।

অতএব হে পুত্র সবুদ্ধির স্থলস্থদোষ পরিহারার্থে শাস্ত্ররূপী
শাণে সতত অক্ষুণ্ণরূপে যত্ন করিয়া তীক্ষ্ণতা সম্পাদন কর।
তীক্ষ্ণবুদ্ধি তীক্ষ্ণ-শরীর শ্রায় বিষয়ের কিকিমাাত্র প্রদেশ স্পর্শন করত
অস্বাস্থ্য প্রবর্ত্ত হয়। স্থলবুদ্ধি প্রস্তুত প্রায়। বিষয়ের যাবৎ
প্রদেশ স্পর্শন করিয়াও বাহিরে থাকে।

রাজা বড়ো নদাতীরে নর্ত্তক বেতালের পাদাঙ্গালনযুক্ত এবং
অক্ষর ডাকিনীর ডমরুধ্বনি সহিত ও সহস্র সহস্র শিবির ঘোররাব-
সংস্কৃত এবং রাঙ্গসীর কীড়ায়ুক্ত আর বৃকপাল সহিত কৃষ্ণ চিতাঙ্গার-
করণক-বিচিত্রিত মহাভয়ানক শাশান স্থান প্রাপ্ত হইলেন।

তবে তিনি খাঁটি চলতি বাংলাতেও লিখতে পারতেন
তার নিদর্শন প্রবোধ চন্দ্রিকা গ্রন্থ হতেই দিচ্ছি।

ইহা শুনিয়া বিশ্ববন্ধক কহিল তবে কি আজি থাওয়া হবে
না? কুদায় এক মরিব? তৎপত্ত্বা কহিল—‘মরুক মানে আজি
কি পিঠা না খাইলেই নয়? দেখি দেখি ঠাডিকুড়ি খুদকুড়া
যদি কিছু থাকে। ইহা কহিয়া ঘর হইতে খুদকুড়া আনিয়া
বাটিতে বসিয়া কহিল। শীলটা ভাল বটে, লোড়াটা যা ইচ্ছা তা,
গতে কি চিকণ বাটনা হয়? মরুক যেমন হউক বাটিত। ইহা
কহিয়া খুদকুড়া বাটিয়া কহিল—বাটাতো একপ্রকার হইল। আলুনি
পিঠা খাইবা না নুন তেল আনিতে হইবে? গতিক্রিয়ার এই
কথা শুনিয়া, বিশ্ববন্ধক কহিল। ওরে বাছা ঠক! তৈল লবণ
কোথা হইতে গোছেগাছে কিছু আন। ইহা শুনিয়া ঠক নামে
তৎপুত্র কোন পড়সীর এক ছেলিয়াকে ‘আয় আমার সঙ্গে তোকে
মোয়া দিব’ এইরূপে ভুলাইয়া সঙ্গে লইয়া বাজারে গিয়া এক
মুদীর দোকানে ঐ বালককে বন্ধক রাখিয়া তৈল লবণ লইয়া ঘরে

আসিল। তৎপিতা জিজ্ঞাসিল। কিরূপে তৈল লবণ আনিয়া
ঠক কহিল—‘এক ছোড়াকে ভুলাইয়া বন্ধক দিয়া মুদী শালাকে
ঠকিয়া আনিলাম। ইহা শুনিয়া তৎপিতা কহিল—‘ঐ মোয়া
বাছা এই ত বটে—না হবে কেন—আমার পুত্র; ভাল অন্ন করিয়া
খাইতে পারিবে।’

তিনি সন্দেহাতমা সংস্কৃতভাষা বাঙলাহেতুক গোড়
দেশীয় উত্তমা ভাষায় লিখলেও অধমা দেশীয় ভাষাকে
একেবারে ভুলতে পারেন নি, যেমন বিলাসী বিদগ্ধ নাগরিক
তার নিরাতরণ্য পল্লীবধূটিকে একেবারে ভুলতে পারে না।
কেননা ঐ চলতি কথার ভাষার মধ্যে যে প্রাণ আছে, চিত্র
আছে, গতি আছে, রূপ আছে—যা তথাকথিত সাধু ভাষায়
নেই—তা অলক্ষ্যে হৃদয়কে আকৃষ্ট করে। কখনো কখনো
নগেন্দ্রনাথ যেমন ভ্রাস্ত্রিবশত সূর্যামুখীর সামনেও মাঝে
মাঝে কুন্দের নাম উচ্চারণ ক’রে ফেলতেন, তেমনি তিনিও
সাধু ভাষার অঙ্গে অসাধু ভাষাকে অজ্ঞাতসারে প্রক্ষিপ্ত ক’রে
এক অপূর্ণা খিচুড়ী তৈরী ক’রে ফেলেচেন—

ইহা শুনিয়া আর এক পক্ষী কহিল—‘সে উপায় কি
সাহাতে আমাদের হইতে এ সমুদ্রের অনিষ্ট হইবে। ঐ পক্ষী
কহিল, শুন। আমারদের সমুদায়ের মধ্যে কেহ চকুতে ও
পক্ষ্ময়েতে সাগর হইতে জল উঠাইয়া শুকনাতে ফেলাও এবং আদ
শরীরে ভূমি পৃষ্ঠন করিয়া সমুদ্রে ডুব আবার সেই গাজ-সংলগ্ন
জল ডেঙ্গাতে ঝাড়। কেহ বা চকুতে তণাদি আহরণ করিয়া
সমুদ্রে ফেলাও, আবার সমুদ্রে ডুবিয়া শুক স্থানে গা ঝাড়—এইরূপ
করিতে করিতে ক্রমে ক্রমে কালক্রমে পুয়োনিধি শুষ্ক হইবে।

মৃত্যুঞ্জয়ী ভাষা মৃত্যুকে জয় করতে পারবে না তা নিশ্চিত,
তবু যতক্ষণ বেঁচে আছে ততক্ষণ একটা বিরাট দৈত্যের মতই
হাঁসফাঁস ক’রে তার অকুশল হাত পা ছুঁড়বে এবং সাহিত্য
সরোবরের নির্মল জলকে মখিত ও পঙ্কিল ক’রে তুলবে।
মৃত্যুঞ্জয়ের পর রামগতি শ্রায়রত্ন, তারাশঙ্কর তর্করত্ন ও বিষ্ণু-
সাগর ঐ ভাষার ত্রীক্ হাতে তুলে নেন—এবং সদর্পে
ভাষার মামলা চালাতে থাকেন। বিশ্বাসাগরী ভাষা
নমুনা একটু দিচ্ছি।

শ্রীসতীশচন্দ্র ঘটক

এই সেই জনহানমধাবর্তী প্রসুধণ-গিরি। এই গিরির শিখর দেশ সততসঞ্চয়মান জলধরপটলসংযোগে নিরন্তর নিবিড় নীলিমায় অলঙ্কৃত। অধিত্যকা প্রদেশ ঘনসন্নিবিষ্ট বিবিধ বনপাদপসমূহে আচ্ছন্ন থাকতে সতত স্নিগ্ধ শীতল ও রমণীয়; পাদদেশে প্রসন্ন-সলিলা গোদাবরী তরঙ্গ বিস্তার করিয়া প্রবল বেগে গমন করিতেছে।

রামগতি স্থায়রত্নের ভাষার নমুনা এইরূপ—

যে কবি বঙ্গদেশের কবি জয়দেবের প্রণীত গীত-গোবিন্দের অমুকরণে রাধাকৃষ্ণের লীলাবিষয়ক সঙ্গীত রচনা করিয়াছিলেন, যে সকল সঙ্গীত বঙ্গদেশের ধর্ম-প্রবর্তনিতা চৈতন্যদেব পাঠ করিয়া মোহিত হইয়াছিলেন, যাহা বঙ্গদেশীয় প্রাচীন কবির প্রণীত এই বোধেই পরম ভক্তিসহকারে বঙ্গদেশীয় গায়কসকল বহুকাল হইতেই সংকীর্ণন করিয়া আনিতেছেন এবং যে সকল সঙ্গীতের অমুকরণেই বঙ্গদেশীয় বৈষ্ণবসম্প্রদায় শত শত গীত রচনা করিয়াছেন, আজি আমরা সেই কবিকে মিথিলাবাসী বলিয়া বঙ্গদেশীয় কবির আসন হইতে সরিয়া বসিতে বলিতে পারিব না। ফল কথা যিনি যাহা বলুন আমরা বিদ্যাপতিক বঙ্গদেশেরই প্রাচীন কবি মনে করিব।

নিম্নে তারশঙ্কর তর্করত্নের ভাষার একটু নমুনা দিলাম—

একদা প্রভাতকালে চন্দ্রমা অন্তর্গত হইলে পক্ষিগণের কলরবে অরণ্যানী কোলাহলময় হইলে, নবোদিত রবির আভ্রপে গগনমণ্ডল লোহিতবর্ণ হইলে গগনান্নবিষ্কিপ্ত অন্ধকাররূপ ভঙ্গরাশি দিনকরের কিরণরূপ সম্মার্জনা দ্বারা দূরীকৃত হইলে সপ্তর্ষিমণ্ডল অবগাহন মানসে মানসসরোবর তীরে অবতীর্ণ হইলে, শাল্মলীবৃক্ষাশ্রিত পক্ষিগণ আহ্বারের অন্বেষণে অভিমত প্রদেশে প্রস্থান করিল।

ক্রমে মধ্যাহ্নকাল উপস্থিত। গগনমণ্ডলের মধ্যভাগ হইতে দিনমণি অগ্নিকুলিজের স্থায় প্রচণ্ড অংশুসমূহ নিক্ষেপ করিতে লাগিলেন। রৌদ্রের উত্তাপে পথ উত্তপ্ত হইল। পথে পাদক্ষেপ করা কাহার সাধা?

বিদ্যাসাগরের সময় অক্ষয়কুমার দত্ত এবং তারপরে কালীপ্রসন্ন সিংহ ঐ ভাষার জের টানলেন। তাঁদের ভাষাও গাঢ় পণ্ডিতী ভাষা। হু একটা নমুনা দিলে বুঝতে পারেন। প্রথমে অক্ষয়কুমার দত্তের ভাষার একটু নমুনা দিই—

এখন আমাদের মানসবিহগ সৌরজগতের অবিজাত ভাগের প্রান্ত পর্য্যন্ত উভয়ইয়মান হইয়াছে। আর তাহাকে ক্ষাপ্ত রাখা যায় না। তাহার অপরিপ্রাপ্ত পক্ষসকল আর নিরন্ত হইবার

নহে। অখিল বিধের সহিত তুলনা করিয়া দেখিলে এমন অচিন্ত্য অননুভবনীয় সৌরজগৎকেও ক্ষুদ্র বস্তু বলিয়া বোধ হয়।

* * *

যখন তিনি ভূমণ্ডলের সমীপবর্তী হইয়া মনুসোর দৃষ্টি পথের অন্তর্গত হইলেন, তখন চতুর্দিকে কতকগুলি মেঘাবলি বিস্তার দ্বারা আপনার মহামহিমায়িত জ্যোতিঃপূর্ণ মূর্তি আশ্রিত করিয়া তৎ-পরিবেশ স্বরূপ আলোকঘটা নানাবর্ণভূষিত ও সর্বলোকের সুখদৃষ্টি করিয়া বিকীর্ণ করিলেন।

তারপর কালীপ্রসন্ন সিংহের ভাষার একটু নমুনা দেখুন—

অদ্বিতীয় বীর পরশুরাম ত্রেতা ও দ্বাপর যুগের সন্ধিতে পিতৃবধবার্তা শ্রবণ করতঃ ক্রোধপরায়ণ হইয়া এই পৃথিবীকে এক-বিংশতিবার নিঃক্ষত্রিয় করেন। তিনি স্ববিক্রমপ্রভাবে নিঃশেষ ক্ষত্রিয়কুল উৎসন্ন করিয়া সেই স্রমস্ত পঞ্চকে শোণিতময় পঞ্চহ্রদ প্রস্তুত করেন। শুনিয়াছি তিনি রোহণবনশ হইয়া সেই হ্রদের রুদ্রি দ্বারা পিতৃলোকের তর্পণ করিয়াছিলেন।

* * *

ষাদৃশ মোক্ষার্থীরা একমাত্র পারাত্মিক শ্রুতসংকল্পে বৈরাগ্য অবলম্বন করেন, তাদৃশ বিজ্ঞেরা মঙ্গললাভ প্রত্যাশায় এই সচিত্ত ভারতেতিহাসের আশ্রয় লইয়া থাকেন। হে ঋষিগণ এখন বেদ প্রতিপাত্ত সনাতন ধর্মে অলঙ্কৃত, অননুভূত বিষয়ের মীমাংসাকৃত হুচারুপে বিরচিত ভারতের পর্বসংগ্রহ বলিতেছি আপনারা অবধান করুন।

ঠিক ভাষার যখন এই অবস্থা তখন ইংরাজী শিক্ষিত মহলে একটা বিদ্রোহের সুর বেজে উঠলো। একদিকে কালীসিংহ ছতোম ও অপরদিকে প্যারাটাদ মিত্র বা টেক-টাদ নিষ্পাড়িত অবহেলিত চলতি বাংলার তরফে কোমর বেঁধে উঠে দাঁড়ালেন। পণ্ডিতেরা যেমন পণ করেছিলেন সংস্কৃত তৎসম শব্দ ছাড়া ব্যবহার করোনা—তঁারাও তেমনি পণ ক'রে বসলেন তৎসম ও দেশীয় শব্দ ছাড়া ব্যবহার করোনা। তঁাদের পণ ছিল, গৃহ ছাড়া ঘর লিখবোনা—এঁদের পণ হলো ঘর ছাড়া গৃহ লিখবো না। তঁারা বড় গৃহের ছেলের মত গৃহের ভাত বেশী ক'রে খাবেন তবু রণে ভঙ্গ দেবেন না—এঁরাও ঘর-ধর্ম্মে জলাঞ্জলি দিয়ে ঘর-ত্যাগী হবেন তবু বলবেন না আমরা কোন অংশে ছোট। আলি ও হুতোমি ভাষা 'ভ্রাতা'কে নির্কাসিত ক'রে 'ভাই'কে ঘরে এনে তুললে; তাতে ভাই-ভাবনা কুটে উঠলেও ভ্রাতৃগিরির বে চূড়ান্ত হ'ল



তা নলাই বাহলা । 'গণ, সমূহ' প্রভৃতি শব্দ চট্ ক'রে 'রা' 'গুলা'য় রূপান্তরিত হ'ল এবং 'আর' এর আক্রমণে 'এবং' লক্ষণ সেনের মত খিড়কীর দরজা দিয়ে কোথায় যে পালালো কে জানে ?

কালী প্রসন্ন সিংহের ভাষার নমুনা—

এদিকে গির্জার ঘড়িতে টং টাং চং করে রাত চারটে বেজে গেলো—বারফটকা বাধুরা ঘরমুখো হয়েছে। উড়ে বামুনেরা ময়দার দোকানে ময়দা পিস্তে আরম্ভ করেছে। রাস্তায় আলোয় আর তত তেজ নাই। ফুরফুরে হাওয়া উঠেছে।

গুপ্ত করে তোপ পাড়ে গাল। কাকগুলো কা কা করে বাসা ছেড়ে উড়বার উজ্জ্বল করে। দোকানীরা দোকানের বাঁপতাড়া গুলে গন্ধেশ্বরীকে প্রণাম করে দোকানে গজাজলের ছড়া দিয়ে হুকায় জল ফিরিয়ে নিচ্ছে। কমে ফরসা হয়ে এলো। মাচের ভারিরা দৌড়ে আসতে লেগেছে—মেচুনিরা ঝগড়া করতে করতে তার পেচু পেচু দৌড়েছে।

দশটা বেজে গেছে। ছেলেরা বই হাতে করে রাস্তায় হো হো করতে করতে স্কুলে চলেছে। মৌতাতা বুড়োরা তেল মেখে গামছা কাঁদে করে আফিমের দোকানগুলির আড্ডায় জমবেন। হেটো বাপারীরা বাজারে বাচা কেনা শেষ করে খালি বাজরা নিয়ে ফিরে যাচ্ছে। কলকোতা সহর বড়ই গুলজার গাড়ির হরুরা, সহিসের পরিন্ পরিন্ শব্দ, কেদো কেদো ওয়েলার ও মশ্বাণ্ডির টাপেতে রাস্তা কেপে উঠছে।

প্রতিমের ছুপাশে বকা ধাঙ্গিক ও গুজ নবাবের সং বড় চমৎকার হয়েছে। বকা ধাঙ্গিকের শরীরটি মুঁচির কুকুরের মত নুহুর নাহুর—ভুঁড়িটি বিলাতী কুমড়োর মত। মাতায় কামানো চৈতন ফক্সা খুঁটি করে বাঁধা, গলায় মালা ও ছোট চাকের মত গুটা কয়েক সোনার মাহলা—হাতে ইলি কবচ চুলে ও গোঁফে কলপ দেওয়া—কালাপেড়ে ধুতি, রামজামা ও জরির বাঁকা তাজ—গত বৎসর আশি পেরিয়েছেন—অজ ত্রিভঙ্গ—কিন্তু প্রাণ হামাগুড়ি দিচ্ছে—হরিনামের মালাটি ঘুরছেন।

গুজ নবাব দিবি দেখতে। হুধে আলতার মত রং। আলবটি ফেসানে চুল ফেরানো—চীনের শূয়োের মত শরীরটি ঘাড়ে গর্দানে, হাতে লাল রুমাল ও পিচের ষ্টিক—সিমলের ফিন্ফিনে ধুতি মালকোচা করে পরা। হটাৎ দেখলে বোধ হয় রাজারাজড়ার পৌত্রুর—কিন্তু পরিচয় বেরোবে 'হিদে জোয়ার নাতি।'

প্যারিচাঁদ মিত্রের ভাষার নমুনা—

হলধর, গদাধর ও মতিলাল গৌকুলের বাঁড়ের স্থায় বেড়ায়, বাহা মনে যায় তাই করে কাহার ও কথা শুনে না কাহাকেও

মানে না -হয় তাস, নয় পাশা, নয় ঘুড়ি, নয় পায়রা, নয় বুলবুল, একটা না একটা লইয়া সর্বদাই আমোদে আছে (খাবার অবকাশ নাই—শোবার অবকাশ নাই। বাটীর ভিতর যাইবার জন্ত চাকর ডাকিতে আসিলে অমনি বলে - 'যা বেটা যা—আমরা যাব না—' দাসী আসিয়া বলে 'আগো মা ঠাকরণ যে শুতে পান্ না' তাহাকেও 'বলে দূর হ হারামজাদি।' দাসী মধো মধো বলে আ মরি কি নিষ্ঠ কথাই শিগেছ।') কমে কমে পাড়ার যত হতভাগা লক্ষীছাড়া উনুপাজুরে বরাগুরে ছোঁড়ারা জুটিতে আরম্ভ হইল। দিবারানি ছটগোল—বৈঠকখানায় কান পাতা ভার—কেবল হো হো শব্দ—হাসির হরুরা ও তাগাক চরস গাঁজার চরুরা; বোঁয়াতে অন্ধকার হইতে লাগিল। কার সাধা সে দিক দিয়া যায় - কারই বাপের সাধা মানা করে! বেচারাম বাবু এক একবার গন্ধ পান—নাক টিপে বরেন আর বলেন 'দূ'র দূ'র।'

* * *

'শ্যামের নাগাল পেলাম গো সই ওগো মরমেতে মরে রই' টক টক পটাস পটাস—মিয়াজান গাড়োয়ান এক একবার গান করিতেছে, টিটকারি দিতেছে, ও শালার গরু চলতে পারে না বলে লেজ মুচড়াইয়া সপাৎ সপাৎ মারিতেছে। একটু একটু মেঘ হইয়াছে একটু একটু বৃষ্টি পড়িতেছে—গরু দুটা হন হন করিয়া চলিয়া একপানা ছকড়া গাড়াকে পিছে ফেলিয়া গেল। সেই ছকড়ায় প্রেমনারায়ণ মজুমদার যাইতেছিলেন—গাড়ীখানা বাতাসে দোলে—ঘোড়া দুটো বেতো ঘোড়ার বাবা পক্ষারাজের বংশ—টঙন্ টঙন্ ডঙন্ ডঙন্ করিয়া চলিতেছে, পটাপট পটাপট চাবুক পাড়িতেছে কিন্তু কোনকমেই চাল বেগড়ায় না।

সাধু বাংলার সঙ্গে চলতি বাংলার হান্তোদ্দীপক কলহ যে অনেকটা দুই সতীনের প্রথাত ঝগড়ার মত—তুই পা দিয়ে চলবি ত আমি হাত দিয়ে চলবো—তুই পাতে খাবি ত আমি ভুঁয়ে খাব—তা আর কেউ না বুবুন- বন্ধিম বাবু বুঝতে পারলেন। তিনি তাঁর বাংলা ভাষা শীর্ষক প্রবন্ধে লিখলেন—পণ্ডিতী দলের বাংলা বাংলাই নয়—কেননা যে ভাষা সাধারণ লোকে বুঝে না, পড়িতে গেলে ত্রাহি ত্রাহি ডাক ছাড়ে সে-ভাষায় জ্ঞান বিতরণ হয় না এবং সে ভাষায় গ্রন্থ লেখা শুধু নির্বুদ্ধিতার নয়, স্বার্থ-পরতার পরিচায়ক। তাঁর মতে যেখানে ভাবের অমুরূপ শব্দ বাংলা ভাষায় নেই সেখানে চিরকালে মহাজন সংস্কৃতের কাছে ধার করাই ভাল কিন্তু নিপ্রয়োজনে অর্থাৎ চলতি বাংলা শব্দ থাকতে অপ্রচলিত বা অচল সংস্কৃত শব্দকে

শ্রীসতীশচন্দ্র ঘটক

তার বিশ্রামমন্দির থেকে টেনে আনা একেবারে নিষ্কোষ ও নিষ্ঠুরের কাজ। তারপর আলালি ও হতোমি ভাষাকে লক্ষ্য করে তিনি যা বললেন তা এই—“বাংলার লিখন পঠন হতোমি ভাষায় কখনই হইতে পারে না। কারণ কথনের ও লিখনের উদ্দেশ্য ভিন্ন। কথনের উদ্দেশ্য কেবল সামান্য জ্ঞাপন—লিখনের উদ্দেশ্য শিক্ষাদান চিত্তসঞ্চালন। এই মত উদ্দেশ্য হতোমি ভাষায় কখনই সিদ্ধ হইতে পারে না। হতোমি ভাষা দরিদ্র, ইহার তত শব্দধন নাই; হতোমি ভাষা নিস্তেজ ইহার তেমন বাধন নাই; হতোমি ভাষা অসুন্দর এং যেখানে অশ্লীল নয়—সেখানে পবিত্রতা-শূন্য। হতোমি ভাষায় কখন গ্রন্থ প্রণীত হওয়া কর্তব্য নহে। টেকচাঁদি (বা আলালি) ভাষা হতোমি ভাষার এক কোঠা উপর মাত্র।”

আমরা স্বীকার করি হতোমি ভাষা অসুন্দর ও স্থানে স্থানে রুচিবিগহিত, কিন্তু তা যে নিস্তেজ তা কখনই স্বীকার করবো না। তাতে দস্তুর মত জোর নাই—তা চোখের সামনে ছবি একে দেয়—তার প্রকৃত গুণ হচ্ছে elegance বা elevation। যাই হোক, বর্ষা বাবু চেষ্টা করলেন বিভাসাগরী ভাষার সঙ্গে হতোমি ভাষার সমন্বয় বা একটা আপোষ করতে। এ আপোষ কতদূর সার্থক ও সফল হয়েছিল তা যাঁরাই তাঁর উপগ্রাস পড়েছেন তাঁরাই বলতে পারেন। তাঁর প্রতিভা ছিল, ভাব ছিল, ভাষাচাতুর্য্য ছিল, তাই উপর উপর দেখলে মনে হয় বুঝি তিনি আপোষ করতে পেরেছিলেন, কিন্তু প্রকৃতপক্ষে এতটুকুও পারেন নি। উত্তর দক্ষিণ সাদা কালো বা তেল জলের মধ্যে আপোষ অসম্ভব—তিনি অসম্ভব সম্ভব করেন কি করে? চলতি ভাষা হাজার হ’লেও সত্য ভাষা, আর সাধু ভাষা মিথ্যা ভাষা—সত্যো মিথ্যায় মেশালে উত্তম এজাহার হ’তে পারে, কিন্তু সাহিত্য হ’তে পারে না।

বঙ্কিম বাবুর প্রথম বয়সের লেখা সাধু ভাষার দিকেই বেশী ঝুঁকে পড়লো, এবং শেষ বয়সের লেখা চলতি ভাষার দিকে। পাল্লা কখনই সমান রাখতে পারলেন না, ফলে কল্পবিশেষেরপিঠে ভাগ করারমতই সাহিত্য উঠতে নাব’তে

লাগলো; কেননা কোনটা যে একেবারে বর্জনীয় তা তিনি কিছুতেই বুঝলেন না।

বঙ্কিমের প্রথম বয়সের লেখার নমুনা—

জ্যোৎস্নালোকে, শ্রেতসৈকতপুলিনমধাবাহিনী নীলসলিলা ধমনীর উপকূলে নগরীগণ-প্রধানা মহানগরী দিল্লী প্রদীপ্ত মণিখণ্ডবৎ ফলিতেছে। সহস্ সহস্ মন্দিরাদি প্রস্তরনির্মিত মিনার গুচ্ছ বৃক্ষ উর্দ্ধে উর্দ্ধিত হইয়া চন্দ্রালোকের রশ্মিরাশি প্রতিফলিত করিতেছে। অতিদূরে কুতব মিনারের বহুচুড়া ধূময় উচ্চ স্তম্ভবৎ দেখা যাইতেছিল।

* * *

হে আলবলে কঙলাকৃত ধূমরাশিসমুদ্রারিণি, হে ফণা-নিন্দিত দীর্ঘনলসংসপিণি, হে রজতকিরীট-মণ্ডিত-শিরোদেশ শশোভিনি, কিবা তোমার কিরীট-বিস্তৃত ঝালর ঝলমলায়মান। কিবা শৃঙ্খলাঙ্গুরীয়সজ্জ্বিত মুখনলের শোভা। কিবা তোমার গর্ভস্থ শীতলাগুরাশির গভীর নিনাদ! হে বিশ্বরামে—তুমি বিশ্বজন-শ্রমহারিণী, অলসজনপ্রতিপালিনী, ভাষাভৎসিতজন-চিত্তবিকারনাশিনী—প্রভুভীতজনসাহসপ্রদায়িনী। মুঢ়ে, তোমার মহিমা কি জানিবে?

বঙ্কিমের শেষ বয়সের লেখার নমুনা—

কোথাও কোন পাচিকা ভাতের ঠাড়িতে জ্বাল দিয়া প্রতিবাসিনার সঙ্গে ঠাহার ছেলের বিবাহের ঘটনার গল্প করিতেছেন। কোন পাচিকা বা কাঁচা কাঠে ফুঁ দিতে দিতে ধুঁয়ায় বিগলিতাশ্রলোচনা হইয়া বাড়ীর গোমস্তার নিন্দা করিতেছেন এবং সে যে টাকা চুরি করিবার মানসেই ভিজা কাঠ কাটাইয়াছে তদ্বিনয়ে বহুবিধ প্রমাণ প্রয়োগ করিতেছেন। কোন সুন্দরী তপ্ত তৈলে মাছ দিয়া চক্ষু মুদিয়া দশনাবলা বিকট করিয়া মুখভঙ্গা করিয়া আছেন কেন না তপ্ত তৈল ছিটকাইয়া ঠাহার গায়ে লাগিয়াছে। কেহ বা স্নানকালে বহু তৈলাক্ত অসংযমিত কেশরাশি চুড়ার আকারে সীমন্তদেশে বাধিয়া ডালে কাঠি দিতেছেন—যেন রাগাল পাঁচনী হস্তে গরু দেয়াইতেছে।

* * *

কাল ৭৬ সাল ঈশ্বরকৃপায় শেখ হইল। বাঙ্গলার চয় আনা রকম মনুসাকে, কত কোটি তা কে জানে, যনপুরে প্রেরণ করিয়া সেই দুর্কান্দর নিজে কালগ্রাসে পতিত হইল। ৭৭ সালে ঈশ্বর মুপ্রসন্ন হইলেন, সৃষ্টি হইল, পৃথিবী শশশালিনী হইল, যাহারা বাচিয়াছিল তাহারা পেট ভরিয়া খাইল; অনেকে অনাহারে বা অমাহারে রুগ্ন হইয়াছিল—পূর্ণ আহার একেবারে সহ



করিতে পারিল না—অনেকে তাহাতেই মরিল। পৃথিবী শতশালিনী
কিন্তু জনশূন্য।

* * *

বাংলায় শত জন্মে, ষাটবার লোক নাই—বিক্রেয় জন্মে
কিনবার লোক নাই, চাণায় চাষ করে টাকা পায় না, জমিদারের
পাঞ্জনা দিতে পারে না। জমিদারেরা রাজার খাজনা দিতে পারে
না। রাজা জমিদারী কাড়িয়া লওয়ায় জমিদার সম্প্রদায় সর্বস্বত
হইয়া দরিদ্র হইতে লাগিল। বহুমতী বহুপ্রসবিনী হইলেন, তবু আর
ধন জন্মে না—কাহারও ঘরে ধন নাই। যে বাহার পায় কাড়িয়া
পায়—চোর ডাকাতির মাথা তুলিল, সাধু ভীত হইয়া ঘরের
মদো লুকাইল।

তারপর বঙ্কিমের রচনার ভিতর আর একটা দোষও
প্রবেশ করলে—ইংরাজীর অলঙ্কিত প্রভাব। তাঁর অনেক
শব্দ, অনেক idiom—অনেক বাগ্‌বিচারের প্রণালী যে
ইংরাজীর অক্ষ অমুকরণ বা তর্জমা তা একটু নজর ক'রে
দেখলেই ধরা যায়। তিনি দৃষ্টিগোচর হওয়াও লিখলেন না—
নজরে আসাও লিখলেন না—লিখলেন দৃষ্টিপথের অন্তর্গত
হওয়া—*to come within the range of vision*; তিনি
*utilitarians*দের নাম দিলেন হিতবাদী, *socialist*এর
নাম দিলেন সমাজতান্ত্রিক। কখনো কখনো 'পাড়া
মাথায় করিলেন' এর পরিবর্তে 'পাড়াটি মস্তকে করিলেন'।
এ রকম ভাবে চলতি বাংলাকে শুদ্ধ বাংলার ছাঁচে ঢালাই
করিলেন।

তাঁর পদাঙ্ক অনুসরণ ক'রে কালী প্রসন্ন ঘোষ, চন্দ্রশেখর
মুখোপাধ্যায়, রমেশচন্দ্র দত্ত প্রভৃতি অনেক লেখক যশের
মন্দিরে পৌঁছেছেন বটে, কিন্তু তাঁর গলদটুকু প্রথম চোখে
পড়লো রবীন্দ্রনাথের। তিনি উঁচুদের খাঁটি বাংলাতে
প্রথম লিখতে শুরু করলেন অর্থাৎ যে বাংলা সংস্কৃত বা
ইংরাজী কোন ভাষার ব্যাকরণ দ্বারা শাসিত নয়—যে ভাষা
শিক্ষিত সম্প্রদায়ের মৌখিক ভাষা। এ খাঁটি বাংলা হ'লেও

মুদীমকালির মুখের খেলো বাংলাও নয়। শ্রীবৃদ্ধ প্রমথ চৌধুরী
মহাশয় ঠিকই বলেছেন—“যদি ভদ্র সমাজের মৌখিক ভাষা
সাধুভাষা হয় তা'হলে সাধুভাষাই সাহিত্যের একমাত্র উপযোগী
ভাষা। আর আমরা যে মৌখিক ভাষার পক্ষপাতী, তার
কারণ আমাদের বিশ্বাস আমাদের মাতৃভাষা রূপে ও ঘোবনে
তথাকথিত সাধুভাষা হ'তে অনেক শ্রেষ্ঠ।”

এই সুললিত, সুগঠিত, বলিষ্ঠ, সরল স্বচ্ছন্দ সর্জীৎ বাংলা
আরো পরিণতি পেল শ্রীবৃদ্ধ প্রমথ চৌধুরীর ভাষায়। তাঁর
মতে যে শব্দ যে বাগ্‌ভঙ্গী, যে বাক্যবিশ্বাসপ্রণালী আপনা
হ'তে বাংলায় ঢুকেচে ও চলেচে তাই বাঙালীর গ্রাহ্য এবং অগ্র
কিছুই নয়। তিনি আরবী, পারসী, হিন্দী, সংস্কৃত, ইংরাজী
কোন শব্দই বাদ দেন না যদি তা শিক্ষিত বাঙালী মহলে
চ'লে গিয়ে থাকে এবং ভাবপ্রকাশের উপযোগী হয়। ইস'লিম,
ইস্তমরারি, মাইফেল, মজকুরা শব্দও যেমন লাগান, *evolution*,
art, *experiment* তেমনি লাগান তিনি *artist* ছেড়ে
রূপদক্ষ কথাও লাগাবেন না। এরোপ্লেনের পরিবর্তে বরং
উড়ো জাহাজ কি টীলগাড়ী লাগাবেন তবু পুষ্পকরথ লাগাবেন
না। বায়োস্কোপকে তিনি বায়োস্কোপই বলেন, আলোকচিত্রও
নয়, ছায়াচিত্রও নয়, চলচিত্রও নয়। তারপর তিনি লেখেন না
'অমুক'কে পণ্ডিত মনে হয়—লেখেন 'অমুককে পণ্ডিত ব'লে
মনে হয়'—'তাতে এই হ'ল' না লিখে লেখেন 'তাতে ক'রে
এই হ'ল'—'মোট কথা এই' না লিখে লেখেন 'মোট কথা
হচ্ছে এই'—অর্থাৎ ঠিক বাঙালীর মুখের কথা কলমের ডগা
দিয়ে বের করেন। এটা ছঃসাহস কিনা জানি না, তবে
সকলে যে তাঁর প্রণালীকে আত্মসাৎ আন্তে আন্তে করেন তা
রোজই দেখতে পাচ্ছি।

এই বাংলাই আমরা অন্তরে অন্তরে চাই—এই বাংলাই
যেন দেশের লোক হাতড়ে খুঁজে বেড়াচ্ছিল—তিনি হাতে
তুলে দিলেন।

বঙ্গভাষার উপর মুসলমানের প্রভাব

শ্রীদীনেশচন্দ্র সেন

মুসলমান আগমনের পূর্বে বঙ্গভাষা কোনো কৃষক-সম্মিলিত গ্রাম দীনহীন বেশে পল্লী-কুটিরে বাস করিতেছিল। এই ভাষাকে গ্রাণ্ডরসন্, ফ্রাইন্, কেরি প্রভৃতি সাহেবেরা অতি উচ্চকণ্ঠে প্রশংসা করিয়াছেন। কেরি বলিয়াছেন, “এই ভাষার শব্দ-সম্পদ ও কথার গাঁথুনি একরূপ অপূর্ণ, যে ইহা জগতের সর্ব প্রধান ভাষাগুলির পার্শ্বে দাঁড়াইতে পারে।” যখন কেরি এই মন্তব্য প্রকাশ করেন,—তখন বঙ্গীয় গদ্য-সাহিত্যের অপোগণ্ড হুঁচকি নাই; সে আজ ১২৫ বৎসর হইল। যুরোপীয় পণ্ডিতেরা বলিয়াছেন, এমন কোন ভাব নাই, যাহা অতি সহজ, অতি সুন্দর ভঙ্গীতে বঙ্গলা ভাষায় প্রকাশ না করা যায়, এবং এই গুণে ইহা জগতের সর্ব শ্রেষ্ঠ ভাষাগুলির সমকক্ষ। ফ্রাইন্ বলিয়াছেন, “ইটালী ভাষার কোমলতা এবং জার্মান ভাষার সূক্ষ্ম ভাব প্রকাশ করিবার শক্তি, এই মধুরাক্ষর্য এবং সচ্ছন্দ-গতি বাঙ্গলা ভাষায় দৃষ্ট হয়।”

এই সকল অপূর্ণ গুণ লইয়া বাঙ্গলা ভাষা মুসলমান-প্রভাবের পূর্বে অতীব অনাদর ও উপেক্ষায় বঙ্গীয় চাষার গানে কথঞ্চিৎ আত্ম-প্রকাশ করিয়াছিল। পণ্ডিতেরা ন্যায্য হইতে নশ্ত গ্রহণ করিয়া শিখা দোলাইয়া সংস্কৃত শ্লোকের আবৃত্তি করিতেছিলেন, এবং “তৈলাধার পাত্র” কিম্বা “পাত্রাধার তৈল” এই লইয়া ঘোর বিচারে প্রবৃত্ত ছিলেন। তাঁহারা হর্ষচরিত হইতে “হারং দেহি মে হরিণি” প্রভৃতি অনুপ্রাসের দৃষ্টান্ত আবিষ্কার করিয়া আত্ম-প্রসাদ লাভ করিতেছিলেন, এবং কাদম্বরী, দশকুমারচরিত প্রভৃতি পদ্য-রসাত্মক গণ্ডের অপূর্ণ সমাস-বন্ধ পদের পোরবে আত্মহারা হইয়াছিলেন। রাজসভায় নর্তকী ও মন্দিরে দেবদাসীরা তখন হস্তের অঙ্কিত ভঙ্গী করিয়া এবং কণ্ঠে বন্ধারে অলি-গুঞ্জনের ত্রম জন্মাইয়া “প্রিয়ে, মুঞ্চ ময়ি মামনিদানং” কিম্বা “মুখরমধীরম, তাজ মঞ্জীরম্” প্রভৃতি

জয়দেবের গান গাহিয়া শ্রোতৃবর্গকে মুগ্ধ করিতেছিল। সেখানে বঙ্গ-ভাষার স্থান কোথায়? ইতরের ভাষা বলিয়া বঙ্গ-ভাষাকে পণ্ডিত-মণ্ডলী ‘দূর দূর’ করিয়া তাড়াইয়া দিতেন, হাড়ি-ডোমের স্পর্শ হইতে ব্রাহ্মণেরা যেরূপ দূরে থাকেন, বঙ্গভাষা তেমনই সুধী-সমাজের অপাংক্ত্যেয় ছিল—তেমনই যুগা, অনাদর ও উপেক্ষার পাত্র ছিল।

কিন্তু হীরা কয়লার খনির মধো থাকিয়া যেমন জহরীর আগমনের প্রতীক্ষা করে, গুক্তির ভিতর মুক্তা লুকাইয়া থাকিয়া যেরূপ ডুবুরীর অপেক্ষা করিয়া থাকে, বঙ্গভাষা তেমনই কোন শুভদিন, শুভক্ষণের জন্ত প্রতীক্ষা করিতেছিল।

মুসলমান বিজয় বাঙ্গলাভাষার সেই শুভদিন, শুভক্ষণের সুযোগ আনয়ন করিল। গৌড়দেশ মুসলমানগণের অধিকৃত হইয়া গেল,—তাঁহারা ইরান, তুরান যে দেশ হইতেই আসুন না কেন, বঙ্গদেশ বিজয় করিয়া বাঙ্গালী সাজিলেন। আজ হিন্দুর নিকট বাঙ্গলাদেশ যেমন মাতৃভূমি, সেইদিন হইতে মুসলমানের নিকট বাঙ্গলাদেশ তেমনই মাতৃভূমি হইল। তাঁহারা বাণিজ্যের অছিলায় এদেশ হইতে রত্নাহরণ করিতে আসেন নাই, তাঁহারা এদেশে আসিয়া দস্তুর মত এদেশ-বাসী হইয়া পড়িলেন। হিন্দুর নিকট বাঙ্গলাভাষা যেমন আপনার, মুসলমানের নিকট উহা তদপেক্ষা বেশী আপনার হইয়া পড়িল। বঙ্গভাষা অবশ্য বহু পূর্বে হইতে এদেশে প্রচলিত ছিল, বুদ্ধদেবের সময়ও ইহা ছিল, আমরা ললিত বিস্তরে তাহার প্রমাণ পাইতেছি। কিন্তু বঙ্গ-সাহিত্যকে একরূপ মুসলমানের সৃষ্টি বলিলামও অত্যাধিক হইবে না। তাহা আমরা পরে দেখাইব।

চারিদিকে হিন্দু প্রজা—চারিদিকে শব্দ ঘণ্টার যোল আরাতির পঞ্চ প্রদীপ, ধূপ ধূনা, অগুরুর ধোয়া—চারিদিকে রামায়ণ-মহাভারতের কথা, এবং ঐ সকল বিষয়ক গান।



প্রজাবৎসল মুসলমান সম্রাট স্বভাবতই জানিতে চাহিলেন, “এ গুলি কি?” পণ্ডিত ডাকিলেন,—তিনি তিলক পরিয়া, শিখা দোলাইয়া নামাবলী গায়ে দিয়া হুজুরে হাজির হইয়া বলিলেন, “এগুলি কি জানিতে চাহিলে আমাদের ধর্মশাস্ত্র জানা চাই। দ্বাদশ বর্ষ কাল ব্যাকরণ পাঠ করিয়া হাজার মধ্যে প্রবেশাধিকার হইতে পারে।” এই বুনো নারিকেল না ভাঙ্গিয়া ভিতরের শাঁস খাইবার উপায় নাই। বাদসাহ ক্রুদ্ধ হইলেন, “আমি ব্যাকরণ বুঝি না, রাজ-কাজ ফেলিয়া আমি ব্যাকরণ শিখিতে যাইব, তাহাও বামুন আমাকে পড়াইবে না,—ও সকল হইবে না। দেশী ভাষায় এই রামায়ণ মহাভারত ও ভাগবত রচনা কর।” গোড়েশ্বর দেশী ভাষা শিখিয়াছিলেন, না হইলে প্রজা শাসন করিবেন কিরূপে? তিনি পুরো দস্তুর বাঙ্গালী সাজিয়াছিলেন—সে কথা পুস্তক লিখিয়াছি। দেশী ভাষায় ধর্ম-গ্রন্থ রচনা করিতে হইবে, এই আদেশ শুনিয়া পণ্ডিতের মুখ শুকাইয়া গেল,—ইতরের ভাষায় পবিত্র দেব-ভাষা রচনা করিতে হইবে, চণ্ডালকে ব্রাহ্মণের সঙ্গে এক পংক্তিতে স্থান দিতে হইবে! কিন্তু শত শত কল্পক ভট্ট, রঘুনন্দন, শত শত স্মৃতি লিখিয়া শত শত বৎসরে যাহা না করিতে পারেন, সাহেনসা বাদসাহের একদিনের তুকুমে তাহা হয়—রাজশক্তি এমনই অনিবার্য। অগত্যা প্রাণের দায়ে ব্রাহ্মণকে তাহাই করিতে হইল। পরাগলী মহাভারতে উল্লিখিত আছে, “শ্রীযুত নাগক সে যে নসরত খান, রচাইল পঞ্চালী সে গুণের নিধান।” এতদ্বারা প্রমাণিত হইতেছে, হুসেন সাহের পুত্র নসরত মহাভারতের বঙ্গানুবাদ করিয়াছিলেন। পঞ্চালী (পাঁচালী) অর্থ মহাভারত। নসরতের আদেশে রচিত মহাভারতের উল্লেখ আমরা পাইয়াছি, কিন্তু সে পুস্তকখানি এখনও আবিষ্কৃত হয় নাই। এই গ্রন্থ অনুমান ১৪৯৮ খৃষ্টাব্দে রচিত হইয়াছিল। তখনও নসরত সম্রাট হন নাই—তঁাহাকে শুধু ‘নাগক’ বলিয়া উল্লেখ করা হইয়াছে। হুসেন সাহের সেনাপতি পরাগল খাঁ চট্টগ্রাম বিজয়ের জন্য পূর্বাঞ্চলে প্রেরিত হন, তঁাহার বংশধরগণ কেন্দী নদীর তীরস্থ পরাগলপুরে (নোয়াখালি জেলায়) এখনও বাস করিতেছেন,

এখনও তঁাহারা তথাকার ভূমাধিকারী। এক সময়ে পরাগল খাঁ ও তৎপুত্র ছুটি খাঁর প্রতাপ সেই প্রদেশে পরিব্যাপ্ত ছিল, ছুটি খাঁর সম্বন্ধে কবি শ্রীকরণ নন্দী লিখিয়াছেন, “ত্রিপুর নৃপতি যার ভয়ে এড় দেশ। পরত গহ্বরে গিয়া করিল প্রবেশ।” তখন ত্রিপুরার রাজা ছিলেন মহারাজা ধনুমাণিকা। তঁাহার মত এত বড় পরাক্রমশালী রাজা ত্রিপুরার ইতিহাসে আর দ্বিতীয়টি দেখা যায় না। তঁাহার প্রধান মন্ত্রী ছিলেন চাণকা তুলা রাজনীতিবিদ্যার দারুণচাণক। এহেন সম্রাটও ছুটি খাঁর ভয়ে উদয়পুরের পার্শ্বভাগে নির্ভুত কোণে আশ্রয় লইয়াছিলেন বলিয়া শ্রীকরণ নন্দী আমাদের কাছে জানাইয়াছেন।

হুসেন সাহের সেনাপতি পরাগল খাঁ কবীন্দ্র পরমেশ্বর নাম জনৈক সুপণ্ডিত কবিকে মহাভারতের অনুবাদ রচনা করিতে নিযুক্ত করেন। কবীন্দ্র পরমেশ্বর বহুস্থানে পরাগল খাঁর প্রশংসা করিয়াছেন—“শ্রীযুক্ত পরাগল খান পদ্মিনী ভাস্কর”, তিনি ‘রস-বোদ্ধা’, ‘গুণগ্রাহী’ ইত্যাদি বিশেষণ তঁাহার প্রতি সর্বদা প্রযুক্ত হইয়াছে। কবীন্দ্র পরমেশ্বর ও শ্রীকরণ নন্দী উভয়েই মহাভারত অনুবাদের একটা সংক্ষিপ্ত ইতিহাস দিয়াছেন। কবীন্দ্র লিখিয়াছেন, “নৃপতি হুসেন সাহ গোড়ের ঈশ্বর। তান হক সেনাপতি হওস্ত লঙ্কর।। লঙ্কর পরাগল খান মহামতি। পঞ্চম গোড়তে যার পরম সুখ্যাতি।। সুবর্ণ বসন পাইল অশ্ব বায়ুগতি। লঙ্করী বিষয় পাই আইবস্ত চলিয়া। চাটি-গ্রামে চলি গেল হরষিত হৈয়া। পুত্র পৌত্রে রাজ্য করে খান মহামতি। পুরাণ গুনস্ত নিত্য হরষিত মতি।।” কবীন্দ্র পরমেশ্বর সংস্কৃতে বিশেষ ব্যুৎপন্ন ছিলেন এবং তিনি মহাভারতের স্তম্ভপর্ব পর্যন্ত অনুবাদ রচনা করেন। পরাগলের বিজয়দৃশ্য স্মরণে পুত্র ছুটি খাঁ শ্রীকরণ নন্দীর দ্বারা মহাভারতের অশ্বমেধ পর্বের অনুবাদ সঙ্কলন করাইয়া ছিলেন।

শ্রীকরণ নন্দী তঁাহার গ্রন্থের ভূমিকায় ঐতিহাসিক অনেক কথাই লিখিয়াছেন। পরাগল খাঁর আদেশে বিরচিত মহাভারতের এক জায়গায় কবীন্দ্র পরাগল-তনয় ছুটি খাঁর উল্লেখ করিয়াছেন; “তনয় যে ছুটি খান পরম উজ্জ্বল।

শ্রীদীনেশচন্দ্র সেন

কবীন্দ্র পরমেশ্বর রচিতল সকল ।”

শ্রীকরণ নন্দী লিখিয়াছেন :

নসরত সাহ তাত অতি মহারাজা ।
রামবৎ নিতা পালে সব প্রজা ॥
নৃপতি হুসেন সাহ ইএ ক্ষিত্তিপতি ।
সামদান দণ্ড ভেদে পালে বহুমতী ॥
তান এক সেনাপতি লক্ষর ছুটি খান ।
ত্রিপুরার উপরে করিল সন্নিধান ॥
চাটিগ্রাম নগরের নিকট উত্তরে ।
চন্দ্রশেখর পর্বত কন্দরে ॥
চারলোল গিরি তার পৈত্রিক বসতি ।
বিধিএ নিম্নিল তাঁক কি কহিব অতি ॥
চারিবর্গে বসে লোক সেনা সন্নিহিত ।
নানা গুণে প্রজা সব বসয়ে তখাত ॥
ফণী নামে নদীএ বেষ্টিত চারিধার ।
পূর্বদিকে মহাগিরি পার নাহি তার ॥
লক্ষর পরাগল খানের তনয় ।
সমরে নির্ভএ ছুটি খান মহাশয় ॥
আজানুলক্ষিত বাহু কমললোচন ।
বিলাস হৃদয়ে মত্ত গজেন্দ্র গমন ॥
চতুঃষষ্টি কলা বসতি গুণের নিধি ।
পৃথিবী বিখ্যাত সে যে নিখাইল বিধি ॥
দাতা বলি কর্ণ সম অপার মহিমা ।
শৌঘো, বাঘো গাভ্রাঘো নাহিক উপমা ॥
তাহান যতেক গুণ শুনিয়া নৃপতি ।
সম্বাদিয়া আনিলেক কুতূহল মতি ॥
নৃপতি আগেতে তার বহুল সন্মান ।
ঘোটক প্রসাদ পাইল ছুটি খান ॥
লক্ষরী বিষয় পাইয়া মহামতি ।
সামদান দণ্ডভেদে পালে বহুমতী ॥
ত্রিপুর নৃপতি যার ভয়ে এড়ে দেশ ।
পর্বত গহ্বরে গিয়া করিল প্রবেশ ॥
গজ বাজি কর দিয়া করিল সন্মান ।
মহাবন মধো তার পুরীর নিশাগ ॥
অজ্ঞাপি ভয় না দিল খান মহামতি
তথাপি আতকে বৈসে ত্রিপুর নৃপতি ॥
আপনি নৃপতি সন্তুপিয়া বিশেষে ।

হুখে বৈসে লক্ষর আপনার দেশে ॥
দিনে দিনে বাড়ে তার রাজ সন্মান ।
যাবৎ পৃথিবী থাকে সন্তুতি তাহান ॥
পণ্ডিতে পণ্ডিতে সভাখণ্ড মহামতি ।
একদিন বসিলেক বাকব সংহতি ॥
শুনন্ত ভারত তবে অতি পুণ্য কথা ।
মহামুনি জৈমিনি কহিল সংহিতা ॥
অথমেধ কথা শুনি প্রসন্ন হৃদয় ।
সভাখণ্ডে আদেশিল খান মহাশয় ॥
দেশী ভাষায় এহি কথা রচিত পয়ার ।
সর্গোরক কাঁর্তি মম জগত সংসার ॥
তাহান আদেশ মালা মন্তকে ধরিয়া ।
শ্রীকরণ নন্দী কহে পয়ার রচিয়া ॥”

সেই স্বভাবের নিভৃত পরম সুন্দর নিকেতনে—চন্দ্রশেখর পর্বতের ক্রোড় দেশে, শ্রামল বনস্পতি ও সচল মুক্তাপংক্তির ত্রায় নির্বাহারা অধুষিত পরম রমণীয় রাজধানীতে বসিয়া প্রজারঞ্জক মহাবীর মুসলমান সেনাপতিরা হিন্দু পণ্ডিতের দ্বারা রামায়ণ ও মহাভারতের অনুবাদ করাইয়াছিলেন। তাঁহাদের কাঁর্তি জগতে সুপ্রতিষ্ঠিত হউক—এই ছিল হৃদয়ের আকাঙ্ক্ষা—সে কামনা চরিতার্থ হইয়াছে। আজ ৪৫০ বৎসর পরে তাঁহাদের মাতৃভাষার গৌরবের সঙ্গে প্রজারঞ্জক এই রাজাদের কাহিনী দেশ-বিশ্রুত হইয়াছে। পরাগল খাঁর পিতা রাস্তি খানের সমাধি এখনও পরাগলপুরে বিরাজিত। ঐ পল্লীতে বিশাল পরাগলী দাঁঘি এখনও সেই মহামনা লক্ষর খানের স্মৃতি বহন করিয়া তরঙ্গায়িত হইতেছে।

হুসেন সাহ এবং অপরাপর মুসলমান সম্রাটেরা দেশীয় ভাষার কতটা অনুরাগী ছিলেন, তাহার প্রমাণ প্রাচীন বঙ্গ-সাহিত্যের অনেক স্থানেই পাওয়া যায়। কবি বিদ্যাপতি লিখিয়াছেন—“সে যে নসিরা সাহ জানে। যারে হানিল মদন বাণে। চিরঞ্জীবী রহু গোড়েশ্বর, কবি বিদ্যাপতি ভনে ॥” অত্র “প্রভু গায়েশ উদ্দীন সুলতান।” পঞ্চদশ শতাব্দীতে যখন কবি বিজয় গুপ্ত তাঁহার মনসাদেবীর ভাসান গান রচনা করেন, তখন গোড়ের তক্তায় হুসেন সাহ সমাসীন ছিলেন। কবি অতি সশ্রদ্ধভাবে তাঁহার উল্লেখ করিয়াছেন—“সনাতন হুসেন সাহ নৃপতি-তিলক।” কবি যশোরাজ



খান হুসেন সাহ সঙ্ক্ষে লিখিয়াছেন “সাহ হুসেন, জগত-ভূষণ
সেই এই রস জানে। পঞ্চ গোড়েশ্বর। ভোগ পুরন্দর
ভনে মশোরাজ খানে ॥” কৃত্তিবাস রামায়ণের আদি অনুবাদ
সঙ্কলন কর্তা। তিনিও কোনো গোড়েশ্বরের আদেশে
রামায়ণের বঙ্গানুবাদ রচনায় হস্তক্ষেপ করেন। হুঃখের বিষয়
কবি যদিও রাজসভার একটি আলোচনা দিয়াছেন, অনেক সচিব
ও মন্ত্রীর নাম করিয়াছেন, তথাপি গোড়েশ্বরের নামটি দেন
নাই। ইহা কিছু আশ্চর্যের কথা নহে। যেহেতু এখনও
কোন সভাসমিতি বা রাজকার্য উপলক্ষে উপস্থিত রাজ-
পুরুষগণের নাম দেওয়া হয়, কিন্তু বড়লাট অথবা ছোটলাটকে
কেবল ভাইসরয় কি গবর্নর নামে উল্লেখ করিবার পদ্ধতি
দৃষ্ট হইয়া থাকে। তখন যিনি সর্বজনপরিচিত ছিলেন,
এখন তাঁহার পরিচয়ের দরকার হইয়াছে। সেই সভা মুসল-
মান প্রভাবান্বিত ছিল,—কেদার খাঁ প্রভৃতি নামের পশ্চাতে
খাঁ উপাধি দৃষ্ট তাহাই প্রমাণিত হইয়াছে। বঙ্গের ইতিহাসে
সেই যুগে একমাত্র রাজা গণেশ ক্ষণেকের বিছাৎ চমকের
দ্বারা হিন্দু-শক্তির ক্ষুরণ দেখাইয়াছিলেন এবং তৎপর
মুসলমানগণের হস্তে পুনরায় রাজদণ্ড আসিয়া পড়িয়াছিল।
গণেশের পুত্র যতু জালালাউদ্দিন নাম গ্রহণ করিয়া মুসলমান
ধর্ম অবলম্বন পূর্বক পিতৃসিংহাসনে তাঁহার দাবী রক্ষা করিয়া
ছিলেন। রাজা গণেশ স্বয়ং হিন্দু হইলেও তাহার উপর
মুসলমানী প্রভাব এত বেশী হইয়াছিল যে তিনি মুসলমান-
দিগের বিশেষ সাহায্য পাইয়া রাজতন্ত্রা অধিকার করিতে
সমর্থ হইয়াছিলেন। সন তারিখের সূক্ষ্ম আলোচনা করিলে
মনে হয় এই গণেশ রাজাই কৃত্তিবাসকে রামায়ণের অনুবাদ
সঙ্কলনের আদেশ প্রদান করিয়াছিলেন। তৎপূর্ববর্তী
গোড়ের মুসলমান সম্রাটগণ হরতঃ হিন্দু পণ্ডিত দ্বারা সংস্কৃত
পুরাণের বঙ্গানুবাদ সঙ্কলনের প্রথা প্রচলন করিয়াছিলেন,
রাজা গণেশ সেই রীতি রক্ষা করিয়াছিলেন মাত্র। তাহার
একটি প্রমাণ এই যে গোড়েশ্বর সামসুদ্দিন ইউসুফসাহ,
১৩৯৫ শকে (১৪৭৩ খৃঃ), মালাধর বসুকে “গুণরাজ খাঁ”
উপাধি দিয়া তাঁহার দ্বারা ভাগবতের দশম ও একাদশ স্কন্ধের
অনুবাদ করিয়াছিলেন। মালাধর বসু কুলীনগ্রামবাসী
বিখ্যাত বসুবংশীয় এবং কৃত্তিবাসের প্রায় সমসাময়িক কবি।

পর পর অনেকগুলি মুসলমান সম্রাটের সঙ্গে বঙ্গীয় পুরাণানুবাদ-
রচকের নাম গ্রথিত দেখা যায়, সুতরাং—আমাদের
নিঃসন্দেহ ভাবে এই ধারণা বঙ্গমূল হইয়াছে যে গোড়েশ্বরগণের
সহায়তা না পাইলে বঙ্গভাষা মুখ উঁচু করিয়া স্বধা
সমাজে দাঁড়াইতে পারিত না, মাথা হেঁট করিয়া পল্লীর এক
কোণে চির উপেক্ষিত হইয়া পড়িয়া থাকিত। এই সকল
পুস্তক যে বাঙ্গলা ভাষায় বিরচিত হইতেছিল, ব্রাহ্মণগণ
উহা কিরূপ চক্ষে দেখিতেন, তাহা তাঁহাদের রচিত কয়েকটি
সংস্কৃত শ্লোক ও বাঙ্গলা প্রবাদবাক্য হইতে পরিষ্কার ভাবে
জানা যায়। “অষ্টাদশ পুরাণানি রামশ্চ চরিতানি চ।
ভাষায়াং মানবঃ শ্রদ্ধা রোরবং নরকং ব্রজেৎ” অর্থাৎ অষ্টাদশ
পুরাণ ও রামায়ণ যাহারা বাঙ্গলা ভাষায় শ্রবণ করিবে,
তাহারা রোরব নামক নরকে গমন করিবে। ব্যক্তিগত
ভাবে কৃত্তিবাস ও কাশীদাস এই কুকার্য্য করিয়াছিলেন
বলিয়া তাঁহারা ব্রাহ্মণের ক্রোধ-বলি হইতে নিষ্কৃতি পান
নাই। আশ্চর্যের বিষয় এই যে কায়স্থকুলোদ্ভব কাশীদাস
তাঁহার মহাভারতের প্রতি পত্রে ব্রাহ্মণদের এত স্তবস্তুতি
করিয়াও তাঁহাদের অভিশাপ হইতে অব্যাহতি পান নাই
তিনি তো ভণিতায় “মস্তকে রাখিয়া ব্রাহ্মণের পদরজঃ।”
প্রতি পৃষ্ঠায় লিখিয়া তাঁহাদের মনস্তৃষ্টি করিতে চেষ্টা
পাইয়াছিলেন।

কিন্তু তথাপি ব্রাহ্মণ রচিত এই প্রবাদ বাক্য—“কৃত্তিবাসে,
কাশীদাসে আর বামুন ঘেঁষে এই তিন সর্বনেশে” (কৃত্তিবাস
আর কাশীদাস এবং বাহারা বামুনদের সঙ্গে ঘেঁষিয়া সমান
হইতে চায়—এই তিন সর্বনেশে) এখনও স্মরণীয় হইয়া
আছে। এ হেন প্রতিকূল ব্রাহ্মণ-সমাজ কি হিন্দুরাজ্য
থাকিলে বাঙ্গলাভাষাকে রাজসভার সদর দরজায় ঢুকিতে
দিতেন? সুতরাং এ কথা মুক্তকণ্ঠে বলা যাইতে পারে,
যে মুসলমান সম্রাটেরা বাঙ্গলাভাষাকে রাজদরবারে স্থান
দিয়া ইহাকে ভদ্র সাহিত্যের উপযোগী করিয়া নূতন ভাবে
সৃষ্টি করিয়াছিলেন।

আরাকান রাজের প্রধান সচিব মুসলমানধর্মী ছিলেন
কিন্তু তাঁহার নাম ছিল মাগন ঠাকুর। ১৬২৬-২৭ খৃঃ
অন্ধে মাগন ঠাকুর সৈয়দ আলওয়াল নামক কবিকে মালিক

শ্রীদীনেশচন্দ্র সেন

গান্ধদ রচিত পদ্মাবৎ নামক হিন্দী কাব্যের বাঙ্গলা তর্জমা করিতে নিযুক্ত করেন। বাঙ্গলা পদ্মাবৎ গ্রন্থের উল্লেখ আমরা পুনরায় করিব। দৌলত কাজি নামক এক কবি “লোর চন্দ্রানি” নামক কাব্য রাজাহুগ্রহে রচনা করেন।

মুসলমান রাজরাাজড়ারা যে রীতি প্রবর্তন করেন, তাহা ব্রাহ্মণগণের শত নিষেধ-বিধি ও উপেক্ষা অগ্রাহ্য করিয়া প্রচলিত হইয়াছিল; সাহেন সা বাদসাহগণ যাত্রা করিলেন, ছোট ছোট হিন্দু রাজত্ববর্গ তাহার অনুকরণ করিতে লাগিলেন। এই ভাবে বঙ্গভাষা ক্ষুদ্র বৃহৎ রাজসভায় প্রতিষ্ঠা পাইয়া বিজয়ী হইল; ব্রাহ্মণগণই স্বয়ং রৌরব নরকের ভয় অতিক্রম করিয়া শাস্ত্র গ্রন্থের বঙ্গানুবাদ পণ্যনে তৎপর হইলেন। আমরা ষোড়শ শতাব্দীর কবি ষষ্ঠীবরকে জগদানন্দ নামক মুকুবির আদেশে মহাভারতের অংশ-বিশেষের অনুবাদ করিতে দেখিতে পাই। এই ব্যক্তি সম্ভবত কোন জমিদার বা প্রসিদ্ধ ব্যক্তি ছিলেন (“অমৃত লহরী ছন্দ, পুণা ভারতের বন্ধ, কৃষ্ণের চরিত্র শেষ পর্কে। শ্রীযুত জগদানন্দে, অহর্গণি হরি বন্দে, কবি ষষ্ঠীবর কহে সর্কে ॥”) বর্ধমানের রাজা যশোমস্তের আদেশে রামেশ্বর তাঁহার শিবায়ণ রচনা করেন। (“যশোমস্ত সর্ব গণবস্ত, তস্ত পোষা রামেশ্বর, তদাশ্রয়ে করি ঘর, বিরচিল শিব সংকীর্তন।”) বিশারদ নামক কোন প্রধান ব্যক্তির আদেশে অনন্ত রাম ক্রিয়াযোগসার রচনা করেন, (“বিশারদ পদে সেই রেণু অভিপ্রায়। পদবন্ধে রচিলেক প্রথম অধ্যায়।”) লক্ষণ দিগ্বিজয় নামক কাব্য প্রণেতা ভবানী দাস, জয়চন্দ্র নামক রাজার আদেশে উক্ত কাব্য রচনায় সংক্ষেপ করেন (“কহেন ভবানী দাসে, শ্রীরামের পদ ধ্যায়। জয়চন্দ্র রাজার বচনে।”) ইহা ছাড়া দামণ্যার জগৎ বিখ্যাত কবি মুকুন্দরাম ও তাঁহার আশ্রয়দাতা রাজা গবুনাথের নাম আমরা একসঙ্গে ভণিতায় পাইয়াছি। মহারাজা কৃষ্ণচন্দ্রের আদেশে ভারতচন্দ্র ‘অন্নদামঙ্গল’ ও উক্ত মহারাজের আত্মীয় রাজকিশোর মুখোপাধ্যায়ের আদেশে বামপ্রসাদ “কালীকীর্তন” রচনা করেন। বর্ধমানের রাজা কীর্তিচন্দ্রের আদেশে ঘনরামের শ্রীধর্মমঙ্গল কাব্য রচিত হইয়াছিল।

এই ভাবে দেখা যায় বঙ্গভাষার শ্রীসাধনকরে মুসলমান সম্রাটদের উৎসাহ ও প্রেরণা কল্পতরুর গায় অমৃত ফল প্রসব করিয়াছিল।

মুসলমানগণ এই ভাবে বঙ্গদেশে বাঙ্গলাভাষাকে সুপ্রতিষ্ঠিত করিয়া আমাদের সাহিত্যে এক নূতন যুগ আনয়ন করিলেন। শুধু তাহাই নয় তাঁহাদের প্রভাব আমাদের ভাষার বন্ধে আরবী ও ফার্সীর ভণ্ডপদচিহ্ন অঙ্কিত করিয়া দিল। প্রাকৃত ভাষার উপর ঐ সকল বিদেশী ভাষার দ্রুশ্ছেত ছাপ পড়িয়া গেল। মুসলমানেরা রাজতন্ত্রায় বসিলেন, তাঁহারা ই সর্ব-বিষয়ে দেশে প্রাধান্য লাভ করিলেন। বিলাসের আসবাব, রাজদরবারে যাত্রা কিছু, শাসন সংক্রান্ত সমস্ত উচ্চ পদ তাঁহাদের অধিকৃত হইল। বাঙ্গলা ভাষার অভিধান বদলাইয়া গেল। “রাজস্ব” শব্দ “খাজনায়” পরিণত হইল, “প্রজা”রা “রায়ৎ” হইয়া গেল। “মহাপাত্র” “উজীর” হইলেন, “নিশাপতি” “কোটাল” হইল, “ধর্ম্মাধিকারী” “কাজী” হইলেন, “ভৃত্য” “নফর” হইল। “দোষী ব্যক্তি” “আসামী” হইল, অভিযোগকারী “ফেরাদা” হইলেন। “বিচারালয়” বা “রাজসভা” “আদালত” ও “দরবারে” পরিণত হইল। ‘প্রভু’ হইলেন ‘ছজুর’, দাস হইল “খেদমৎগার”। এইরূপ অসংখ্য শব্দ আলোচনা করিলে দেখা যাইবে যে জাতীয় জীবনের উচ্চস্তরের ভাষা অনেকটা পরিবর্তিত হইয়া গেল। যেখানে বিলাস,— যেখানে আমোদ-প্রমোদ, সেখানেও বিজেতাদের ভাষা প্রভাব বিস্তার করিল। যাত্রা দরজের, যাত্রা সামাজিক জীবনের অধস্তরের কথা সেই শব্দগুলি শুধু প্রাকৃত ভাষাপন্ন রহিয়া গেল। কুটির বা কুঁড়ে কথার পরিবর্তন হইল না মেটে তেলের দীপটি কুঁড়ে ঘরে ‘প্রদীপ’ বা “পদিম” হইয়া জ্বলিতে লাগিল, কিন্তু রাজপ্রাসাদে বা প্রাসাদোপম গৃহের আলো, বাঁড়, ফাহুস, দেয়ালগিরি, প্রভৃতি নাম বিদেশী কায়দা অবলম্বন করিল। শ্বেষোক্ত শব্দটির শেষাংশ ফার্সীর অপভ্রংশ। ভাত, দাইল, তেল, ঘি, ক্ষেতের শস্ত প্রভৃতি শব্দ নাম বদলাইল না। কিন্তু খাণ্ড যেখানে খুব উপায়ের ও বিলাসীর ভোগ্য, তখন তাহা ‘খানা’ হইয়া গেল। ক্ষেত যখন প্রভুদের নিদর্শন



সেখানে তাহা 'জমি'। 'ভূস্বামী' জমিদার হইয়া পাড়িলেন। দেশের বাণিজ্য ধীরে ধীরে মুসলমানের হস্তগত হইল, তখন উচার নাম হইল 'কারবার', কারবারের সঙ্গে "আমদানা" "রপ্তানি" ও বঙ্গভাষায় ঢুকিল। সৌখান লোকদের সুগন্ধি--অগুরু ও চন্দনের ছড়ার স্থলে "আতর" "খোসবো" অধিকার করিয়া লইল। আকাশের বায়ু, তারা, চাঁদ, সূর্য্য এগুলি অভিধানে রহিয়া গেল, কিন্তু যেখানে বড় মাহুষদের গৃহ কৃত্রিম আলোমালায় সুশোভিত হইল, সেখানে তাহা "রোসনাই" নাম ধারণা করিল। পূর্বে 'মাগধা', 'সূত' ও 'বন্দীরা' শ্রুতিমধুর বন্দনা-গীতি বাস্তবায়নের সঙ্গে মিল রাখিয়া প্রত্নাষে গান করিত, —সেই সংগীতের মোহিনীর গুণে রাজাদের নিদ্রাভঙ্গ হইত, কিন্তু এখন তাহার স্থলে "রসোনচৌকী" "নহবৎ" ইত্যাদি শব্দ প্রবর্তিত হইল। রাজসিংহাসন এখন 'তক্তানামায়' পরিণত হইল। তাহা ছাড়া বিচারালয়ের সমস্ত শব্দ, 'মতরজ্জম', 'নাজির', 'দলিল', 'দপ্তরখানা', 'মুসাবিদা' 'পেয়াদা' 'খাজাঞ্চি খানা' 'উকীল' 'মোক্কার' 'আইন' 'আরজী' প্রভৃতি শত শত শব্দ প্রাচীন ভাষার প্রাকৃত শব্দের স্থল কাড়িয়া লইয়া নিজেদের অধিকার বিস্তার করিল।

মুসলমানেরা যে এদেশ বিজয় করিয়া প্রভুত্ব করিয়াছিলেন, এবং জীবনের "কীর-সর-নবনীত" সমস্তই ভোগ করিতেছিলেন,—তাহা কোন ইতিহাসে লেখা না থাকিলেও শুধু বাঙ্গলা ভাষা আলোচনা করিলেই স্পষ্টভাবে বুঝা যাইতে পারে।

আমরা দেখিতে পাইলাম,—বঙ্গভাষা মুসলমান সম্রাটদের রূপায় দ্বিতীয়বার জন্মগ্রহণ করিয়া 'দ্বিজের' গ্রাম সম্মান লাভ করিল। বঙ্গভাষার উপর আরবী ও ফারসী তাহাদের সুস্পষ্ট ছাপ অঙ্কন করিয়া দিল। এইবার আমরা দেখাইব তাঁহারা শুধু বঙ্গভাষার উপর পুঙ্খানুপুঙ্খ প্রভাব বিস্তার করিয়াই নিরস্ত হন নাই, তাঁহারা বঙ্গভাষাকে অপূর্ণ কবিত্ব সম্পদে ভূষিত করিয়াছেন। তাঁহারা মুসলমানী কেতাব লিখিয়া বাঙ্গলাকে উর্দুর দিকে টানিয়া আনিয়াছেন সত্য, কিন্তু বিকৃত মুসলমানী বাঙ্গলায় আমরা বঙ্গভাষার তাঁহাদের

রচনার উৎকর্ষের বিশিষ্ট নিদর্শন পাই নাই। তাঁহাদের অনেক পদ ষোড়শ ও সপ্তদশ শতাব্দীতে বৈষ্ণব সাহিত্যকে অলঙ্কৃত করিয়াছে। সৈয়দ মর্ত্তুজা, সেক ভিকন, শাল বেগ, গরিব খাঁ, চাঁদ কাজি, আলোয়াল, অলিরাজা, নসীর মামুদ প্রভৃতি বহুসংখ্যক কবি রাধা-কৃষ্ণ বিষয়ক পদ রচনা করিয়াছেন। অষ্টাদশ শতাব্দীতে সঙ্কলিত বৈষ্ণবদাসের পদকল্পতরু গ্রন্থে একাদশ জন মুসলমান পদ কর্তার গান উদ্ধৃত হইয়াছে। স্বর্গীয় রমণীমোহন মল্লিক মহাশয় তাহা স্বতন্ত্র ভাবে প্রকাশিত করিয়াছিলেন। শালবেগের পদগুলি এত মধুর যে তাহা পুরীর জগন্নাথ মন্দিরে এখনও গীত হইয়া থাকে। চাঁদ কাজির একটি গানের নমুনা এখানে দিতেছি :—

“বাঁশা বাজান জানে না।

অসময়ে বাজাও বাঁশা মন তো মানেন না ॥

যখন আমি বৈসা থাকি গুরুজনের মাঝে।

তুমি নাম ধরি বাজাও বাঁশা আমি মরি লাজে ॥

ওপার হৈতে বাজাও বাঁশা এপার হৈতে শুনি।

অভাগীয়া নারা আমি সাঁতার নাহি জানি ॥

যে ঝাড়ের বাঁশের বাঁশা সে ঝাড়ের লাগ পাও।

জড়ে মূলে উপাড়িয়া যমুনায় ভানাত ॥

চাঁদ কাজি বলে বাঁশা শুনে বুঝে মরি।

জীমু না জামু না আমি না দেখিলে হরি ॥”

আমরা পদকল্পতরুতে উদ্ধৃত একাদশ জন মুসলমান পদ কর্তার কথা উল্লেখ করিয়াছি কিন্তু ইহা ছাড়া আরও বহু সংখ্যক এইরূপ কবির পদ সংগ্রহ করিতে পারিয়াছি। আলওয়াল কবির একটি পদ এইরূপ :—

“ননদিনী রস-বিনোদিনী ও তোর কুবোল শুনিতো নারি।

ধূয়া

ঘরের ঘরণী, জগৎ মোহিনী, প্রত্নাষে যমুনায় গেলি।

বেলা অবশেষ, নিশি পরবেশে কিসে বিলম্ব করিলি ॥

প্রত্নাষে বেহানে, কমল দেখিয়ে পুষ্প তুলিবারে গেলুম।

বেলার উদনে, কুমুদ মুদনে, ভ্রমর দংশনে মলুম ॥

কমল-কণ্টকে, বিষম সঙ্কটে করের কঙ্কণ গেল।

শ্রীদিনেশচন্দ্র সেন

কঙ্কণ হেরিতে, ডুব দিতে দিতে, দিন অবশেষ ভেল ॥
সীতার সিন্দুর, নয়নের কাজল, সব ভাসি গেল জলে ।
হের দেখ মোর অঙ্গ জরজর, দারুণ পদ্মের নামে ॥
কুলের কামিনী, ফুলের নিছনি, কুলের নাহিক সীমা ।
আরতি মাগনে, আলওয়াল ভনে জগৎ মোহিনী বামা ॥”

ভুবন বিজয়ী চিত্র ঘৃষক শাসিত ।
চৌদিকে যুবতী কল, মাঝে শুনায় রব
নৃত্যগীত অতিশয় আনন্দে যিত্তোরে ।
রোমাঞ্চিত শরীর, শ্রমিতা প্রেম ভাষে অতিরসে
রমণী লুলিত পতি উরে ॥

অনুমান ১৫৭৮ খ্রীষ্টাব্দে ফতেয়াবাদ পরগণায় সৈয়দ আলোয়ালের জন্ম হয় । ইনি বাঙ্গলা ভাষায় এতটা সংস্কৃত শব্দ আমদানী করিয়াছেন, যে স্বয়ং ভারতচন্দ্রও ততটা করিয়াছেন কিনা সন্দেহ । ইনি সংস্কৃত ভাষার ব্যাকরণ, অলঙ্কার ও গাথিতো বিশেষ ব্যুৎপন্ন ছিলেন এবং স্বীয় পদ্মাবৎ গ্রন্থে অনেক সংস্কৃত শ্লোক নিজে রচনা করিয়া জুড়িয়া দিয়াছেন । আলওয়াল ভারতচন্দ্রের অনেক পূর্বের কবি এবং ভারতচন্দ্রের সময় যে সংস্কৃতের যুগ পরিপুষ্টি লাভ করিয়াছিল, আলওয়ালই তাহার আদি বার্তাবহ । তাঁহার কাব্য এখনও টাটগায়ের মুসলমানেরা দল বাঁধিয়া গান করিয়া বেড়ায় এবং ইহা বড়ই আশ্চর্যের বিষয় যে মুসলমান শ্রোতাগণ এরূপ সংস্কৃতাক্রম একখানি কাব্যের রস আনন্দ করিয়া থাকে । টাটগায়ের মুসলমানদের রীতি অনুসারে এই বাঙ্গলা পদ্মাবৎ গ্রন্থ ফারসী অক্ষরে লিখিত হইয়া থাকে । পুস্তকের রচনা হইতে একটি নিদর্শন দিতেছি :—

“বসন্তে নাগরবর নাগরী বিলাসে ।
বরবালা দুই ইন্দু—স্নবে যেন সূধা বিন্দু
মুহু মন্দ অধরে ললিত মধুহাসে ।
প্রফুল্লিত কুমুম, মধুব্রত ঝংকৃত
ছন্দ ত পরভূত কুঞ্জ রত রাসে ।
মলয় সমোর, হুসোরভ শূশীতল,
বিলুলিত পতি অতিশয় রসভাসে ।
প্রফুল্লিত বনম্পতি, কটিল তমাল ক্রম,
মুকুলিত চূতলতা কোরক জালে ।
যুবজন হৃদয়, আনন্দে পরিপূরিত
রঙ্গ মল্লিকা মালতী মালে ॥
মধু সেনাপতি সঙ্গে, মদন মেদিনী-পতি বাহিনী
কোরক নব পল্লব পূর্ণিত ।
নবদণ্ড কেশর, চামর সৌরভ,

এই কবিতাটি পড়িতে পড়িতে—

“মদন মহিপতেকনক দণ্ডঃ
কচি কেশর কুমুম বিকাশে,
মিলিত শিলামুগ পাটাল পটল কৃত-
স্মর ভূমি বিলাসে ॥
* * *
উগাদ মদন মনোরথ পদিক,
বধুজন জনিত বিলাসে ।
অলিকল সঙ্কল, কুমুম সমূহ
নিরাকুল বকুল কলাসে ॥”

প্রভৃতি জয়দেবের কবিতাগুলি স্বতঃই মনে পড়িবে । কিন্তু আলওয়ালের ছন্দ সম্পদ-ছিল অপূর্ব, নিরক্ষর চাষাদের আরক্তিতে ও ফারসী অক্ষরের নোক্তার গোলযোগে সেই ছন্দগুলির অনেক বিভ্রাট হইয়াছে । এত বড় পণ্ডিতের রচনায় যদি ভুল পাওয়া যায়, তবে অবশ্যই স্বীকার করিতে হইবে, তাহা কখনই তাহার কৃত নহে, তাহা নিশ্চয়ই নকলের বিভ্রাটে । যিনি মগণ, রগণ, নগণ প্রভৃতি অলঙ্কার শাস্ত্রের মূল সূত্র লইয়া এতটা সূক্ষ্ম বিচার করিয়াছেন ও স্বয়ং বহু সংস্কৃত শ্লোক রচনা করিয়াছেন, তাঁহার মূল রচনায় সে সকল দোষ কখনই ছিল না । বিশেষ বিশেষ ছন্দের জ্ঞান না থাকিলে আলওয়ালের সকল কবিতা আরক্তি করা সহজ হইবে না ।

আলওয়াল জীবনে বহু কষ্ট সহ করিয়াছিলেন, যৌবনে এক জাহাজে চড়িয়া তাঁহার পিতা মজলিশ কাঞ্জির সঙ্গে বঙ্গোপসাগরে বাইতেছিলেন । পর্তুগীজ জলদস্যুরা তাঁহাদের জাহাজ আক্রমণ করে, সেই সমুদ্রবক্ষে জাহাজের উপর ছোটখাট একটি জলযুদ্ধ হয় । আলওয়ালের পিতা যুদ্ধে নিহত হন । কোন রকমে অব্যাহতি লাভ করিয়া আলওয়াল আরাকান



যাইয়া তথাকার সচিব মাগন ঠাকুরের আশ্রয় লাভ করেন। মহামনা মাগন ঠাকুর যুবকের পাণ্ডিত্য ও কবিত্ব দেখিয়া মুগ্ধ হন এবং তাঁহারই আদেশে আলওয়াল পদ্মাবৎ কাবোর অনুবাদ করিতে প্রবৃত্ত হন। এই সময় সুজা বাদশাহ আরাকানে উপস্থিত হন এবং তাঁহার সহিত আরাকান রাজ্যের মনোমালিন্য ঘটে। সুজা বাদশাহের গুপ্তচর বলিয়া আলওয়াল একটি মিথ্যাবাদী লোকের সাক্ষ্য গ্রহণ করিয়াছেন—এবং কারাগারে নিক্ষিপ্ত হইয়া সাত বৎসর কাল কারা-যন্ত্রণা ভোগ করেন। তৎপরে উদ্ধার পাইয়া তিনি “ছয়কুল মল্লিক ও বাদিউজ্জমাল” নামক একখানি বাঙ্গলা কাব্য রচনা করেন। আলওয়ালের আরও অনেক কাব্য চট্টগ্রাম অঞ্চলে এখনও সাদরে পঠিত ও গীত হইয়া থাকে। তিন শত বৎসর পরেও যে কবির কাব্য জনসাধারণ হৃদয়ে গাঁথিয়া রাখিয়াছে—তাঁহার কবিতার গুণাগুণ আর সমালোচনা-সাপেক্ষ নহে। তিন শত বৎসর যাবৎ যে কাব্য লোকের হৃদয় আনন্দ দান করিয়াছে, তাহার সমালোচনার আর বাকী কি আছে?

বাঙ্গলার একটি প্রদেশের একখানি ক্ষুদ্র ইতিহাস আছে। ইহা এত ছোট যে ইহাকে একখানি ইতিহাসিকা বলা চলে, ইহার প্রায় ৪০০০ ছত্র কবিতা আছে। সমসের গাজি নামক এক দস্যু কালক্রমে এমন প্রবল হইয়া উঠেন, যে তিনি ত্রিপুরেশ্বরকে সিংহাসনচ্যুত করিয়া তৎস্থলে নিজে অধিষ্ঠিত হন। সমসের আলীবর্দি খাঁর সমসাময়িক লোক ও প্রায় দুই শত বৎসর পূর্বে জীবিত ছিলেন! এখনও সমসের গাজির গান ত্রিপুরার গীত হইয়া থাকে—অবশ্য ত্রিপুরার রাজমালা গ্রন্থে এই দস্যুপ্রবরের বিবরণ সংক্ষেপে লিপিবদ্ধ আছে। সমসের গাজির বিবরণ সমস্তই ঐতিহাসিক। ইনি রাজ-পদ প্রাপ্ত হইয়া দেশে শিক্ষা প্রচলনের যে রীতি প্রবর্তিত করিয়াছিলেন, ধান চাউল ও অপর্যাপ্ত খাদ্যদ্রব্যের এবং সোনা-রূপার যে দর বাধিয়া দিয়াছিলেন, রাস্তাঘাট নির্মাণ করিয়া দেশের যে উন্নতি সাধন করিয়াছিলেন, তাহার একটি নিখুঁত ও খাঁটি চিত্র আমরা এই পুস্তকখানিতে পাইয়াছি। যখন সমসের দস্যু ছিলেন, তখনও রাজা হন নাই, সেই সময় তিনি সমস্ত দেশ লুণ্ঠন

করিয়া বেড়াইতেন। সেই লুণ্ঠনপ্রাপ্ত অপর্যাপ্ত ধন তিনি উদয়পুরের পার্বত্য প্রদেশে অরণ্যবহুল গিরিকন্দরে লুকাইয়া রাখিতেন। তাঁহার লোকেরা জনৈক সূত্রধরকে নিবিড় জঙ্গলে ডাকিয়া আনিত। সেই সূত্রধরকে সঙ্গে করিয়া তিনি একা শালবনে ঢুকিতেন। শাল তরু কাণ্ডে গর্ত করিয়া তিনি তন্মধ্যে বহু অর্থ লুকায়িত করিয়া রাখিতেন, তদনন্তর সূত্রধর সেই গর্তের মুখ শাল গাছের বাকল দিয়া এমন কোশলে বেমালুম ঢাকিয়া ফেলিত, যে বাহির হইতে সেই অর্থের কোন চিহ্নই পাওয়া যাইত না। তারপর সূত্রধরের পুরস্কারের পালা। সমসের মুক্ত রূপাণ দ্বারা সূত্রধরের শিরশ্ছেদ করিয়া ফেলিতেন। তাহার মুখ এই ভাবে চিরকালের জন্ত বদ্ধ হইয়া যাইত—কে আর সেই অর্থের সন্ধান বাহিরের লোক কে দিবে? শুনিয়াছি, এখনও উদয়পুরের জঙ্গলে শালরক্ষ কর্তন করিতে যাইয়া কেহ কেহ অগাধ ঐশ্বর্য পাইয়া থাকে। নানাক্রমে ঐতিহাসিক তত্ত্বে এই পুস্তকখানি পূর্ণ। যদিও গ্রন্থকারের নাম নাই, তথাপি তিনি যে মুসলমান ও সমসের গাজির অন্তরঙ্গ ভক্ত ছিলেন, বই পড়ার পর তাহাতে কোন সন্দেহই থাকিতে পারে না। কথিত আছে, ত্রিপুরেশ্বরকে যুদ্ধে আহ্বান করিয়া তিনি বিজয়-কামনায় উদয়পুরস্থিত ত্রিপুরেশ্বরের মন্দিরে পূজা পাঠাইয়া দিয়াছিলেন। এই বইখানি, রাজকুমারবাবুর কথায় বলিতে গেলে, একটি মুষ্টিভিক্ষা, কিন্তু উহা স্বর্ণ মুষ্টি, যেহেতু প্রাচীন বাঙ্গলার ঐতিহাসিক পুস্তক অতি অল্পই আছে। প্রায় ৩০০ বৎসর পূর্বে নোয়াখালির জজ আদালতের সেরেস্তাদার মোলভি লুৎফুল খবীর সাহেব এই পুস্তকখানি প্রকাশিত করিয়া আমাকে একখণ্ড উপহার পাঠাইয়াছিলেন। কিন্তু খবীর সাহেব তারপর কি ভাবে কোথায় গেলেন, এমন কি তিনি জীবিত কি মৃত, তাহা আমরা বহু সন্ধান করিয়াও জানিতে পারি নাই। তাঁহার বাড়ী ছিল ত্রিপুরা জেলায়। ছোটলাটের প্রাইভেট সেক্রেটারী গুরলে সাহেব একখণ্ড সমসের গাজির গানের বই খুঁজিয়াছিলেন, কিন্তু তিনি তাহা পান নাই। প্রসিদ্ধ ঐতিহাসিক স্বর্গীয় কৈলাসচন্দ্র সিংহ মহাশয় তাঁহার রাজমালায় সমসের গাজির বিস্তৃত বিবরণ দিয়াছেন।

শ্রীদীনেশচন্দ্র সেন

সুন্দরবনের ব্যাঘ্রের দেবতার সঙ্গে কোন গাজির যুদ্ধ প্রাপ্ত মুসলমানগণ কর্তৃক বাঙ্গলা বহু পুস্তকে লিপিবদ্ধ করা হয়েছে। সতাপীরের কথাও বিস্তৃত বাঙ্গলা পয়্যারে অনেক মুসলমান লেখক বর্ণনা করিয়াছেন। সতাপীরের একখানি কাব্য কৃষ্ণদাস নামক এক লেখক রচনা করিয়া বহুদিন পূর্বে গরাণহাটা হইতে ছাপাইয়াছিলেন। কিন্তু আশ্চর্যের বিষয় যদিও কবির নাম কৃষ্ণদাস, তথাপি তিনি খুব সম্ভব মুসলমান ছিলেন। আল্লা ও নবীর স্তোত্র দ্বারা তিনি কাব্যের মুখবন্ধ করিয়াছেন। পুস্তকখানিতে আরবী ও ফারসী শব্দ একটু বেশী পরিমাণেই আছে। বহিখানির পত্রবিন্যাসও দক্ষিণ হইতে বাম দিকে। পত্র-সংখ্যা ডিমাই আট পেজি ফর্মার ২৫০ পৃষ্ঠা। ওয়াজেদ আলি নামক অপর এক কবি সতাপীর সম্বন্ধে আর একখানি সুপ্রসং কাব্য রচনা করিয়াছিলেন, মুন্সী পিঞ্জির উদ্দিনের মানিকপীরের কথাও একখানি উল্লেখযোগ্য কাব্য। মল্লিকা রাজকন্য়ার কাহিনী-লেখকও একজন মুসলমান। এই কাব্যে বিশ্ববিশ্রুত বীর হানিফের সঙ্গে বরুণ রাজার কন্য়া মল্লিকার যুদ্ধ-কাহিনী বিবৃত হইয়াছে। রাজকুমারী খানিককে হৃদয়বন্ধে আহ্বান করিয়া পরাজিত হইয়া তাঁহার অঙ্গশায়িনী হন এবং বরুণ রাজা ইসলাম-ধর্ম অবলম্বন করিয়া অব্যাহতি পান। পুস্তকখানি অতি সহজ ও অনাড়ম্বর বাঙ্গলা পদ্যে লিখিত এবং ইহার লিপিকোশল প্রশংসনায় ও কৌতূহলপ্রদ। বস্তুত কৃষকদিগের রচিত গাজির গান নামধেয় বিশাল বাঙ্গলা সাহিত্যের মধ্যে আমরা এই পুস্তকখানি সর্বশ্রেষ্ঠ মনে করি। বহু মুসলমান কবি মনসাদেবার ভাসান গান রচনা করিয়াছেন এবং পূর্ববঙ্গে মুসলমানগণ দল বাঁধিয়া ঐ গান নানা স্থানে গুণাইয়া জীবিকা অর্জন করিয়া থাকে। কালী সম্বন্ধে মৃজা হুসেন আলির অনেক গান আমাদের নিকট সুপরিচিত। “বলে মৃজা হুসেন আলি, যা কর মা জয়কালী” প্রভৃতি গানের সঙ্গে আমরা পূর্বগীজ খুঁটান কবি এ্যাণ্টোনির “ভজন সাধন জানি না মা কহতে আমি কিরিঙ্গা” ইত্যাদির উল্লেখ করিতে পারি। এ্যাণ্টোনিও খৃষ্টধর্ম ত্যাগ করেন নাই, মৃজা হুসেন আলিও হিন্দুধর্ম পরিগ্রহ করেন নাই—উহা নিতান্তই সখের কবিতা।

আমরা ত্রিপুরা জেলার গোল মামুদের কালী সংকীর্্তনের দলের গান গুণিয়াছি। সে আজ ৪০ বৎসর পূর্বেকার কথা। গোল মামুদ স্বয়ং অনেক কালীসঙ্গীত রচনা করিয়াছিলেন। সেগুলি প্রায়ই কিংকিঁট রাগিনীতে গীত হইত। তদ্বিষয়িত “উনমস্তা ছিন্নমস্তা এ রমণী কার” আমরা তাঁহারই মুখে গুণিয়াছি। সেই সকল গান গুনিলে মনে হইত আকাশ বাতাস ছাইয়া এলো চুলে এক কাদাঘিনী কৃষ্ণা উলঙ্গিনী রমণী তাঁহার ভৈরব নৃত্য দ্বারা লোকের বিষয় ও ভীতি উৎপাদন করিতেছেন।

মুসলমান কবিদের বাঙ্গলা গ্রন্থ ও গানের পর্যালোচনা করিলে দেখা যায় যে, হিন্দুর সঙ্গে মুসলমান ভ্রাতৃত্বাবে এক পংক্তিতে বসিয়া গিয়াছেন। কেতকাদাস প্রণীত বিখ্যাত মনসামঙ্গলে লিখিত হইয়াছে যে লক্ষ্মীকরের শযাপার্শ্বে রক্ষা-কবচের সঙ্গে একখানি কোরাণ অতি শ্রদ্ধার সহিত রক্ষিত হইয়াছিল। মুসলমানদের রচিত বহু কাব্যে হিন্দুদের দেবীর বন্দনা আছে, পীর ও সন্ন্যাসী উভয়ের প্রতি সম্রদ্ব নমস্কার আছে—প্রাচীন বঙ্গ-সাহিত্য যেন হিন্দু ও মুসলমানী কথা গলাগলি ভাবে মিশিয়া আছে। প্রতিবেশী প্রতিবেশীর আমোদে প্রমোদে উৎসবে প্রাণ খুলিয়া যোগ দিতেছেন, অথচ কেহ কাহারও ধর্ম ছাড়েন নাই।

যদি মুসলমানগণ তাঁহাদের সমাজের উন্নত চরিত্রগুলি সুন্দর ও মহিমায়িত বর্ণে চিত্রিত করিয়া বাঙ্গলা সাহিত্যে উপস্থিত করেন, তবে হিন্দু মুসলমান একসঙ্গে তাঁহাদের দ্বারা প্রভাবান্বিত হইবে। উত্তর পশ্চিমে অনেক হিন্দু মহরমের মস্মন্তদ কাহিনী গুণিয়া অশ্রু বিসর্জন করে এবং উৎসবের দিনে তাজিয়া বাহির করে। নিদারুণ তৃষ্ণায় জল-বিন্দুর জন্ম কোমল কুমুম-কোরকের মত, সখিনা ও কাসেম গুকাইয়া মরিলেন—কারবালা ক্ষেত্রের সেই করুণ কাহিনী কি শুধু মুসলমানেরই জাতীয় সম্পত্তি, না সমস্ত বিশ্ববাসীর রস-সম্পদ? বঙ্গের যে পল্লীসঙ্গীত মুসলমান কৃষকের অতুলনীয় সম্পদ, যে গোরব নভঃস্পর্শী, অপূর্ব, আশ্চর্য্য, তাহার কথা আমি পরে লিখিতেছি। এখন এই সঙ্গীতের স্রোত মুসলমান সমাজে অবরুদ্ধ করিলে তাহাদের জাতীয় জীবন গুকাইয়া মরিলে—বাড়ী খানি



গঙ্গার তীরে অবস্থিত, সেই সুরনদীকে বন্ধ করিলে জাতীয় জীবনের রসপারা কে সঞ্জীবিত রাখবে? আমরা খসকু মেতারের উদ্ভাবন করিয়াছিলেন, মিঞা তানসেন সঙ্গীত নিখারূপ হিমাঙ্গির কাঞ্চনজঙ্ঘায় অধিরোহণ করিয়াছিলেন। ইহারা কি ইসলামের শত্রু ছিলেন?

এ পর্যায়স্থ আমরা অনেক মুসলমান বাঙ্গলা কবির নাম করিয়াছি, কিন্তু তাহা অতি নগণ্য অংশ। পূর্ববঙ্গের নিরক্ষর মুসলমান চাষা ও মাঝিরা মুখে মুখে যে সকল গান বাঁধিয়া থাকে, তাহা অনেক সময় অতি সুন্দর কবিত্বময়। মুসলমান বাউলদের 'মুরসিদা' গান দেহতত্ত্ব বিষয়ক, তাহার ভাব-সম্পদ আধ্যাত্মিক, অনেক স্থলে তাহা এত সুন্দর যে আমাদের আশ্চর্য্য বোধ হয়, সামান্য কবির ও বাউলেরা কি করিয়া ধর্ম্মরাজোর সেই সকল সূক্ষ্ম তত্ত্ব আয়ত্ত্ব করিয়াছে। শত শত মুরসিদা গান সেই সকল বাউল, মাঝি ও কৃষকের কণ্ঠে ধ্বনিত হইয়া বাঙ্গলার পল্লীর আকাশ বাতাস পূর্ণ করিয়া রাখিয়াছে। কোন নিবিড় জঙ্গলে যেরূপ শত শত বনফুল ফুটিয়া নীরবে সুরভি বিস্তার করিয়া লোকচক্ষুর আড়ালে বিলীন হয়, কেহ তাহাদিগকে দেখে না, কুড়ায় না, সেইরূপ এই সকল "মুরসিদা" গান ভদ্র সমাজের অগোচরে মগ্নদা ধ্বনিত হইয়া আনন্দ ও শিক্ষা দান করিয়া বিলীন হইতেছে, কে তাহাদিগের খোঁজ করে? আমাদের দেশের এখন রীতি দাঁড়াইয়াছে যে, দেশের ঠাকুর ফেলিয়া বিদেশের কুকুরকেই বেশী আদর করিয়া থাকি। এই সকল পল্লীর আধ্যাত্মিক ত্রেখর্যা গর্ক করিবার সামগ্রী, তাহা কি আমরা কখনও করিয়াছি? এই বঙ্গদেশে কত মসজিদ, কত ইষ্টক ও শিলালিপি, কত কীর্ত্তি-স্তম্ভ মুসলমানদের বিজয়ের বার্ত্তা ঘোষণা করিতেছে। বঙ্গদেশে এমন পল্লী নাই, যেখানে মুসলমানদের গৌরব ও পরাক্রান্ত অভিযানের কথা নাই, যেখানকার ধূলি পীর দরবেশদের পদধূলি কিম্বা সমাধিতে পবিত্র হয় নাই। মুসলমান ভ্রাতাদের মধ্যে কত জন তাহার খবর রাখেন?

মীর মসারেক হুসেনের "বিষাদ সিন্ধু" পড়িয়া আমরা শত শত চিন্তকে অশ্রুবর্ষণ করিতে দেখিয়াছি। আমরা বলিয়াছি মাহিত্যে হিন্দু নাই, মুসলমান নাই, উহা মানবতার

রাজা। হৃদয়ের মহৎ গুণরাশি, মানুষের উজ্জ্বল কীর্ত্তি-রাশির উহাই জীবন্ত চিত্রপট। উহা হিন্দু ও মুসলমান উভয় শ্রেণী হইতে প্রাপ্য চাহিয়া হস্ত প্রসারণ করিয়া আছে।

বঙ্গভাষা বঙ্গের পল্লীতে মুসলমানদের মধ্যে কিরূপ দৃঢ়-ভাবে বন্ধমূল হইয়াছে, তাহা পূর্ববঙ্গের শত শত ছোট মুসলমানী কবিতা গানে প্রকাশিত হইয়াছে। আমি অতি অল্প আয়াসে ১৮৮ খানি সেইরূপ মুদ্রিত ক্ষুদ্র পুস্তিকা সংগ্রহ করিয়াছি, তাহার অধিকাংশই মুসলমানের লেখা। স্থানীয় এমন কোন ঘটনা নাই, যাহাদের সম্বন্ধে কৃষক কবিগণ পালাগান রচনা না করিয়াছে। আরও শত শত পুস্তক ইচ্ছা করিলে সংগ্রহ করা যাইতে পারে। বৎসর বৎসর এই ভাবের বহুসংখ্যক পুস্তিকা রচিত হইতেছে। মুসলমান দিগের ঐতিহাসিক বুদ্ধি ও কৃচি স্বতঃসিদ্ধ। এমন কোন ক্ষুদ্র কোতূহলোদ্দীপক ঘটনা নাই, যাহা পল্লী-কৃষকের দৃষ্টি এড়াইয়াছে। তাহারা বঙ্গদেশে যখন যাহা ঘটয়াছে তখনই সে সম্বন্ধে পালা-গান রচনা করিয়া তাহা স্মরণীয় করিয়া রাখিয়াছে! বন্যা, ভূমিকম্প, অগ্নিদাহ, নৌকাডুবি, যাহা কিছু হয়, মুসলমান কৃষক তখনই তাহা লইয়া বাঙ্গলায় পালা-গান রচনা করিয়া থাকে। ঐ সকল গানে অতিরিক্ত পরিমাণে ফারসী, আরবী দৌরাআ নাই, সংস্কৃত হো তাহাদের ধারে কাছেও থাকে না। খাঁটি বাঙ্গলায় সেগুলি রচিত হইয়াছে। বন্যায় কোন এক দম্ভহীন বৃদ্ধার কাঁথাখানি এবং সঞ্চিত হলুদের গুঁড়া ভাসিয়া গেল, তখন পল্লীকবি তাহার সম্বন্ধে দুইচারি ছত্রে পরিহাসোজ্জ্বল চরণ লিখিয়াছেন। এক সময়ে একটা বাঘ নদীর পাড়ে বসিয়াছিল, তাহাকে একজন কৃষক গাভী মনে করিয়া ধরিতে গিয়া বড়ই বিপদে পড়িয়াছিল। কোন্ কোন্ গ্রাম অতিক্রম করিয়া পল্লীর জনতা বিতাড়িত হইয়া সেই বাঘ পলাইয়া গিয়াছিল, কোন্ কোন্ নদী সাঁতরাইয়া পার হইয়া শেষে সকলের দৃষ্টি অতিক্রম করিয়া কিরূপে জঙ্গলে ঢুকিয়া পড়িয়াছিল তাহার একটা উত্তেজক কবিত্বময়ী বর্ণনা আমরা এই গানটিতে পাইয়াছি। আর একটি গানে কোন মুসলমান মহিলা সাতজন ডাকাতকে একা গৃহের ছাদ হইতে গুলি করিয়া কিরূপে হত্যা করেন, তাহার বিবরণ দেওয়া আছে।

সেন

সুস্থই ঐতিহাসিক ঘটনা। বঙ্গের বাহিরেও মুসলমান চাষার দৃষ্টি আছে—এই সকল ক্ষুদ্র ক্ষুদ্র পুস্তিকায় কামাল-পাশা, বঙ্গদেশের লড়াই, খিবোর কথা ও মণিপুরের যুদ্ধ হতে সামান্য মাঝির নোকাডুবির বৃত্তান্ত পর্যন্ত সকল কথাই কবিতার ছন্দে লিখিত হইয়াছে। ঐ সকল পুস্তিকা পাড়াগাঁয়ে খবরের কাগজের কাজ করিয়া থাকে। হিন্দু চাষাদের মধ্যে পালাগান ও ঐরূপ সংবাদপূর্ণ কবিতার এতটা প্রচলন নাই। উহা দ্বারা এই কথা অতি স্পষ্টভাবে প্রমাণিত হয় যে, বাঙ্গলাভাষা পল্লীর নিরক্ষর মুসলমানদের হাতে আধুনিক সময় পর্যন্ত একটা বিশেষ ভাবে গড়িয়া উঠিতেছে—তাহাতে কিছু ফারসী কিছু আরবীর উপাদান আছে কিন্তু তাহার আতিশয়া নাই, সংস্কৃতের প্রভাব তৌ ছাদো নাই বলিলেই চলে।

এ পর্যন্ত আমরা দেখাইয়াছি বাঙ্গলা সাহিত্যের উপর মুসলমানদের কতটা প্রভাব পড়িয়াছে। কিন্তু শুধু তাহাই নহে, বাঙ্গলা সাহিত্যে মুসলমান কবি রাজসিংহাসনের দাবী করিতেছেন, বাঙ্গলা সাহিত্যে এরূপ সকল মুসলমান কবির আবির্ভাব হইয়াছে যাহারা কবিকুল চক্রবর্তী, যাহাদের কল্যাণভাতির নিকট আলাওল এমন কি ভারতচন্দ্রের খ্যাতিও পরিপূর্ণ হইয়াছে।

সম্প্রতি কলিকাতা বিশ্ববিদ্যালয় তিনখণ্ড পল্লী-গীতিকার প্রকাশিত করিয়াছেন। তাহাতে মুসলমান কবিদের যে কাব্যের নিদর্শন আছে, তাহা অতুলনীয়। দুঃখের বিষয় এই সকল পল্লীগীতি সম্বন্ধে এদেশের লোক ততটা অবহিত নহেন। এই পল্লীগীতিকার প্রথম খণ্ডে “দেওয়ানা মদিনা” নামক একটি পালাগান প্রকাশিত হইয়াছে। সংস্কন্ধে ফরাসীদেশের বিখ্যাত লেখক মহাত্মা রোম্যা রোলাঁ লিখিয়াছেন, এরূপ অদ্ভুত কাব্য তিনি গ্রাম্য কৃষকের নিকট হইতে প্রত্যাশা করেন নাই। পল্লী কৃষক-কবি কিরূপে নিপুণ শিল্পীর গায় এই আশ্চর্য্য কীর্তির মঠ রচনা করিয়াছেন, তাহা তাঁহার নিশ্চয়ের সৃষ্টি করিয়াছে।

“দেওয়ান মদিনার” প্রসিদ্ধ গায়ক ছিলেন ‘জালাল সেন’। তিনি যখন ভাটিয়াল সুরে এই গানটি গাহিতেন, তখন বেদনায় শ্রোতাদের হৃদয় ভরিয়া উঠিত ও

তাঁহারা আর্তনাদ করিয়া কাঁদিয়া উঠিতেন। উহা রয়াল আট পেজি ফর্ম্যার ৩৫ পৃষ্ঠায় সম্পূর্ণ। এত ক্ষুদ্র গল্পীর মধ্যে এরূপ করুণ রসাত্মক কাব্য আমরা আর কোন সাহিত্যে পড়িয়াছি বলিয়া মনে হয় না। রোম্যা রোলাঁ সমালোচনা রাজোর সম্রাট, তিনি নির্ভয়ে মুক্তকণ্ঠে কবিকে তাঁহার প্রাণ্য প্রশংসা দিয়াছেন। আমরা অধীন জাতি, আমরা নিজেদের কবি সম্বন্ধে একটা বড় রকমের প্রশংসা দিতে ভয় পাই। বিদেশী কবিগণের পশ্চাতে তাঁহাদের সমালোচকেরা হুন্দুভি-নিবাদ করেন ও তাঁহাদের ডকা-নিবাদে বন্দুধা কম্পিত হয় এবং লোকেরা গরুড় পক্ষীর গায় জোড়-হস্ত হইয়া কবির সেই উচ্চ প্রশংসায় দোহার গিরি করিয়া থাকে—কিন্তু আমাদের পল্লীর ক্ষেত্রে যদি অতুলনীয় হীরক-খণ্ডও থাকে তাহা মাটির ডেলার মত উপেক্ষিত হয়। (“কাঠুরে এক মাণিক পেল, পাথর ব’লে ফেলে দিল, অভিমানে কাঁদছে মাণিক, মহাজনে টের পেল না”)—আমাদের পরাধীন দেশের কাঞ্চন কাঁচ হইয়া যায়, জয়দৃশু বিদেশীদের কাঁচও কাঞ্চন-মূল্যে বিকায়িত থাকে।

তুলাল নামক কোন দেওয়ানের ছেলে (রাজপুত্র) কস্মদোষে বিমাতার ষড়যন্ত্র হইতে কোনরূপে জীবন রক্ষা করিয়া একটি কৃষক গৃহে প্রতিপালিত হয়। সেই কৃষকের কন্যা মদিনাকে সে বিবাহ করিয়া স্বশুরের সামান্য জমিজমার মালিক হইয়া গৃহস্থালী করিতে থাকে। ২০।২৫ বৎসর পরে, তাহার ভ্রাতা তাঁহাকে আবিষ্কার করেন এবং রাজতন্ত্রের অর্ধেক ভাগ গ্রহণ করিতে আমন্ত্রণ করেন। তুলাল বলিলেন, “আমার স্ত্রী মদিনা আমাকে প্রাণ দিয়া ভালবাসে। তাহার দ্বাদশ বৎসরের সুরাজ জামাল নামক এক ছেলে, ইহাদিগকে তিনি কি করিয়া পরিত্যাগ করিয়া যাইবেন?” ভ্রাতা আলাল বলিলেন, “তুমি রাজপুত্র, একটা সামান্য কৃষকের মেয়েকে বিবাহ করিয়াছ, ইহা প্রচারিত হইলে আমাদের লজ্জায় মাথা কাটা যাইবে। তুমি তালাক দিয়া যাও। তুমি তাহার সুরের পথে বাধা দিও না, তালাক দিলেই তোমার দায় ফুরাইল, শাস্ত্রের চক্ষে তুমি নির্দোষ হইবে। তাহাদের যাহা জমি জমা আছে তাহাতে তাহাদের জীবন যাত্রা স্বচ্ছন্দে চলিয়া যাইবে।”



জুলাল অনেকটা ইতস্ততঃ করিয়া রাজ্যলোভে ও রাজকন্ঠা বিবাহ করিবার ইচ্ছায় একখানি তালাক-নামা লিখিয়া দিলেন। কিন্তু এই দলিলখানি স্বয়ং মদিনার হাতে দেওয়া তাঁহার সাতসে কুলাইল না। তিনি তাহা মদিনার ভ্রাতার হাতে দিয়া গেলেন। মদিনা প্রথমতঃ সেই তালাকনামা একবারে উপহাস করিয়া উড়াইয়া দিল, তাহার মাথায় যে এত বড় বজ্র পড়বে সে তাহা স্বপ্নেও ভাবিতে পারে নাই। সে বলিল—“আমার স্বামী আমাকে প্রাণাপেক্ষা ভালবাসেন, তিনি আমাকে পরীক্ষা করিবার জন্য এই কাগজটা লিখিয়াছেন।” পরমনির্ভরপরায়ণা, স্বামীগতপ্রাণা মদিনাবিবির মুহূর্তের জন্য সন্দেহ হইল না যে তাহার স্বামী তাহাকে যথার্থই তালাক দিয়াছেন ও প্রিয়তম পুত্র সুরুজকে তাগ করিয়াছেন। স্বামীর প্রতাগমনের আশায় সে কি ভাবে উদ্গ্রীব হইয়া পথের পানে চাহিয়া প্রতীক্ষা করিয়াছে, তাহা কবি এইভাবে উল্লেখ করিয়াছেন।

আইজ আঁসে কাল আঁসে এই না ভাবিয়া ।
মদিনা সন্দেহ দিল কত রাঁসিত গোয়াইয়া ॥
আজ বানায় তালব পিঠা কাইল বানায় পৈ ।
চকাত্তে তুলিয়া রাখে গামছা বাঁধা দৈ ॥
শালি ধানের চিড়া কত যতন কারিয়া ।
গাঁড়িতে ভরিয়া রাখে চিকাত্তে তুলিয়া ॥
এই যতন কত খাওয়া মদিনা বানায় ।
হায় রে পরাণের খসম ফিরা নাহি চায় ॥
তাল ভাল মাছ আর মোরগের ছালুন ।
আইজ আনবে বলি রাখে খসমের কারণ ॥

কিন্তু তাহার খসম রাজসিংহাসনে বসিয়াছেন, রাজকন্ঠা বিবাহ করিয়াছেন, মদিনাকে একবারে ভুলিয়াছেন। অবশেষে বহু বিনীত রজনী কাটাইয়া ছয়মাস কাল প্রতীক্ষার পর মদিনা আর থাকিতে পারিল না। সে তাহার ভ্রাতার সঙ্গে সুরুজকে স্বামীর নিকট পাঠাইয়া দিল। বানিয়া-চঙ্গ সহরে বাহির বাজলার পথে দেওয়ান জুলালের সঙ্গে ইহাদের দেখা হইল। জুলাল ইহাদিগকে দেখিয়া চমকিয়া উঠিলেন এবং বলিলেন, “তোমরা এখনি এস্থান হইতে বাড়া

ফিরিয়া যাও। আমি এদেশের রাজা—কৃষক কন্ঠা আমার পত্নী এবং সুরুজ আমার পুত্র ইহা জানিতে পারিলে প্রজাদের নিকট আমার মাথা কাটা যাইবে। তোমাদের যে সম্পত্তি আছে, সামান্য কৃষকের পক্ষে তাহা কম নহে। তাহাতে তৃপ্ত থাক। এখানে এক মুহূর্ত থাকিলে রাজধানীতে আমার মাথা হেট হইয়া যাইবে, তোমরা প্রস্থান কর।

“জুলালের মুখে এই কথা না শুনিয়া ।
ছাখিত হইয়া তারা গেল যে চলিয়া ॥
তার পরে দুইজনে পশ্চিম মেলা দিল ।
কাঁদিতে কাঁদিতে সুরুজ বাড়ীতে ফিরিল ॥”

তার পর কবি যে দৃশ্য উদ্ঘাটন করিয়াছেন, তাহা দেখিলে কঠিন পাষণ্ড বৃদ্ধি বিগলিত হয়। অতি বিখণ্ড, সাধ্বী মদিনার শোক বর্ণনা করা যায় না। কৃষক ও কৃষক পত্নীর প্রেমের যে ছবি কবি দিয়াছেন, তাহা সোনার সঙ্গে মোহাগার মিলন। মদিনা বিনাইয়া বিনাইয়া আক্ষেপ করিতেছেন, একদিনও তো তুমি আমাকে ছাড়া থাকিতে পারিতে না, তুমি আমার পরাণের সাথী—আমার পরাণ লইয়া গিয়াছ, কি করিয়া এমন পাষণ্ড হইলে? অগ্রহায়ণ মাসে তাড়াতাড়ি হৈমন্তিক ধান তুমি কাটিতে; পাছে বড় জলে নষ্ট হয়, এইজন্য অতি বাস্তবতার সহিত কাজ করিতে, আমি সেই ধান বাড়ার আঙ্গিনায় বিছাইয়া দিতাম। আমি কুলায় ধান ঝাড়িতাম, খড় কুটার টুকরা বাছিয়া ফেলিয়া ধানের কতক বিক্রয় করিতাম, কতক গোলায় তুলিতাম। যখন পৌষ মাসে ধানে ক্ষেত পূর্ণ হইয়া যাইত, আমি কত কষ্টে তাহা পাহারা দিতাম। চকাত্তে জল ভরিয়া কন্ঠের আগুনে ফুঁ দিতে দিতে আমি তোমার আগমনের প্রতীক্ষায় বাহিরের পথের দিকে চাহিয়া থাকিতাম। ক্ষেতের এক স্থান হইতে চারা গাছগুলি যখন তুমি অত্র রোপন করিতে, আমি হাত বাড়াইয়া তাহা তোমাকে এগিয়া দিতাম। তুমি যখন ক্ষেতে কাজ করিতে, আমি তোমার জন্য কত যত্ন অন্ন বাঞ্ছন প্রস্তুত করিয়া পথের দিকে চাহিয়া থাকিতাম। তুমি সেই অন্ন বাঞ্ছন খাইয়া আমার রান্নার কত তাপিত করিতে, লজ্জায় আমার মুখ রান্ধা হইয়া উঠিত। মাঘ

শ্রীদীনেশচন্দ্র সেন

মাসের অতি প্রত্যাষে তুমি উঠিয়া ক্ষেতে জল ঢালিতে,
আমি মেটে হাঁড়িতে আগুন লইয়া ক্ষেতের দিকে যাইতাম,
তুমি একত্র হইয়া আগুন পোহাইতাম। দুইজনে একত্র
হইয়া শালি ধানের মধ্যের আবর্জনা বাছিয়া ফেলিতাম।
তুমি খড় কাটিতে, আমি পুকুর হইতে বারংবার জল
আনিতাম।

“সেই না স্মৃতির কথা যখন হয় মনে।
মদিনার বয় পানি অঙ্কুর নয়নে ॥”

চাষার ভাষায় ঐ সকল কথা লিখিত হইয়াছে। অনেকে
গাছা বৃক্ষিতে পারিবেন না বলিয়া আমি তাহা সাধু ভাষায়
লিখিতাম। তাহাতে ভাষার উন্নতি হইলেও ভাব মাঠে
মারা গিয়াছে, কারণ সেই চাষার ভাষায় করুণ কথাগুলি
একবারে সোজাসুজি বুক আসিয়া ছুরির মত দাগ বসাইয়া
দেয়—সাধু ভাষায় সেই করুণ রস একবারে মাটি হইয়া
গিয়াছে। মদিনা আর সহ্য করিতে পারিল না, সে পাগল
হইল, চক্ষে নিদ্রা নাই, উদরে অন্ন নাই—

“ক্ষণে হাসে ক্ষণে কাদে, ক্ষণে দেয় গালি।
ক্ষণে ক্ষণে জোকায় দেয় ক্ষণে করতালী।
খাওন বেগর আর এই না অবস্থায় ॥
সোনার অঙ্গ মলিন হৈল হাড়েতে মিশায়।
তার পর একদিন সকল চিন্তা থুইয়া।
বেহেশুর হরি গেল বেহেশ্ত চলিয়া ॥”

কিন্তু এইখানেই পালার শেষ নহে। দেওয়ান ছলালের
অন্ততাপের যে চিত্র কবি দিয়াছেন, তাহা একটা জীবন্ত
করুণার ছবি। যে এরূপ ভালবাসিয়া প্রাণ দেয়, তাহার
শরব নিবেদন কি প্রণয়ী উপেক্ষা করিতে পারে?
স্বরূপকে বিদায় দেওয়ার পর হইতেই ছলালের মন
হস্তরূপ হইয়া গেল। “এ কি করিলাম!
স্বরূপ আমার প্রাণের প্রিয়, যাহাকে
বকে রাখিয়াও আমি এক দণ্ড সোয়াস্তি পাই নাই,
তাহাকে এ কি বলিলাম!” ধন দৌলত ক্রমে ছলালের
কিটকিট বিষ বোধ হইতে লগিল। তিনি একদিন একাকী

নাধারণ কৃষকের বেশে তাঁহার স্ত্রী পুত্রকে দেখিবার আশায়
ছুটিলেন। ‘আমার মদিনা বিবিকে কি ফিরিয়া পাইব?’ মনের
ভিতর এই এক প্রশ্ন, ভয়ে আশঙ্কায় তাঁহার হৃদয় হুরু হুরু
কাঁপিতে লাগিল। তাঁহার বিরহ-মথিত অন্তঃকরণের
তাৎকালিক অবস্থাও প্রিয়াদর্শন কামনায় অভিযানের কথা
পাঠ করিলে অতি কঠিন চিত্তও করুণাদ্র হইবে।

“লোক লঙ্কর নাই—” ছলাল একাকী চলিলেন, পথে
যাইতে ডাইনে একটি গাভিন শিয়ালী ও তেলীর মুখ
দেখিলেন—আশঙ্কায় বুক কাঁপিয়া উঠিল। যখন তিনি
স্বীয় গৃহের সন্নিহিত হইলেন, তখন তিনি মদিনার বড় সাধের
গাইটিকে দেখিলেন পথে পড়িয়া আছে, “ঘাস নাই, জল নাই,
ডাকে ঘন ঘন।” প্রাণ থাকিতে তো মদিনা বিবি তাহার
বড় আদরের গাভীকে এরূপ অবস্থায় ছাড়িয়া থাকিতে
পারে নাই। ছলালের বুক আবার হুরু হুরু করিয়া
কাঁপিয়া উঠিল।

পথিকের কত কথাই মনে হইতে লাগিল, যখন
মদিনার বয়স ছয় বৎসর, সে তখন হইতে ছলালকে ছাড়া
থাকিতে পারিত না। তাহার আঙ্গুল ধরিয়া পাড়ায় পাড়ায়
বেড়াইত। একটা বুলবুলের বাচ্চা আকাশ হইতে উড়িয়া
আসিয়া তাহাদের ঘরের চালে পড়িয়া ছিল, ছলাল
পাখিটিকে ধরিয়া দিয়াছিলেন। একটা খাঁচা নিজ হাতে
তৈরী করিয়া ছলাল বুলবুলটাকে তাহার মধ্যে পুরিলেন
এবং তাঁহারা দুইজনে সেই পাখিটিকে এতকাল পালন
করিয়াছেন। আজ দেখিলেন, খাঁচাটা আঙ্গিনায় পড়িয়া
আছে, ও অতি শীর্ণ পালকহীন পাখীটা ঘরের চালের
উপর বসিয়া অতি ক্ষীণ ও করুণ স্বরে চীৎকার করিতেছে।
আবার ছলালের বুক কাঁপিয়া উঠিল। মদিনা বাঁচিয়া থাকিলে
কি এমনটি হইতে পারিত? তাহাদের পোষা বিড়ালটা
মিউ মিউ করিয়া ডাকিয়া ক্ষুধা জানাইতেছে, গোয়াল ঘরে
গরুগুলি ক্ষুধাতৃষ্ণায় কাতর—কঙ্কাল সার।

বিগত জ্যৈষ্ঠ মাসে মদিনা ও ছলাল দুইজনে খুব ভাল
একটা আমের চারা রোপন করিয়া তাহার চারদিকে বেড়া
দিয়াছিলেন, কত যত্নে উভয়ে তাহার মূলে রোজ জল
ঢালিতেন—পাতাগুলি সুন্দর সবুজ শ্রী ধারণ করিয়াছিল,



কিন্তু আজ দুলাল দেখিলেন বেড়া তাঁজিয়া গিয়াছে, গাছটি গরুতে থাইয়া ফেলিয়াছে।

ক্ষিপ্তের ঞায় দুলাল 'মদিনা'র নাম করিয়া উচ্চস্বরে ডাকিতে লাগিলেন। প্রথমতঃ কোন সাড়াই পাইলেন না। ঘরের চালের উপর একটা কাক কর্কশ কর্ণে 'কা কা' রবে আর্জনাদ করিয়া উঠিল। সেই গৃহের এক কোণে শোকে-
তঃখে প্রিয় পুত্র সুরুজ জামাল মৃতপ্রায় হইয়া পড়িয়া ছিল। সে পিতার কর্ণধ্বনি শুনিয়া বাহির হইল।

“দুলাল জিজ্ঞাসে সুরুজ মদিনা কোথায়।

চোখে হাত দিয়া সুরুজ কবর দেখায়।”

শোকে তাহার কর্ণ বন্ধ হইয়াছিল। সে এক হাতে চোখের জল মুছিতেছিল, অপর হাত দিয়া গৃহ আঙ্গিনায় মাতার কবর নির্দেশ করিয়া দিয়াছিল। এই দৃশ্যটি উৎকৃষ্ট কোন চিত্রকরের অঙ্কনযোগ্য।

জামাত উল্লা বয়াতির রচিত “মানিক তারা” বা “ডাকাতের পালা” দ্বিতীয় খণ্ডে প্রকাশিত হইয়াছে। এই পালা গানটির কাব্য-ঐশ্বর্যা অতুলনীয়। কৃষক-কবি চাষাদের জীবনের যে নিখুঁৎ ছবি আঁকিয়াছেন, বঙ্গ সাহিত্যে তাহার সমকক্ষ কবিতা কতটি আছে জানি না। ব্রহ্মপুত্র নদীর বর্ণনা হইতে আরম্ভ করিয়া একটী সরল গ্রাম্য বালক কিরূপে দুর্দান্ত ডাকাতে পরিণত হইয়াছিল, এক বন্ধ ব্রাহ্মণ ও তাঁহার স্ত্রীকে নোকায়ে হত্যা করিয়া তাঁহাদের বিপুল ধন রত্ন লুণ্ঠন করিয়াছিল—বালককে দস্যুতে পরিণত হইতে দেখিয়া তাহার ধর্মভীরু মাতা কিরূপে শয্যা গ্রহণ করিয়া অমৃতাপজ্বিত জ্বর রোগে প্রাণ ত্যাগ করিলেন, কবিরাজ মহাশয়ের প্রচেষ্টা ও অক্ষমতা, তরুণ দস্যুর বিবাহ, তাঁহার স্ত্রী মানিকতারার স্তীর্ণ বুদ্ধি এবং ধনুর্ধ্বাণে কৃতিত্ব প্রভৃতি বিষয় কবি ছবির মত আঁকিয়া গিয়াছেন। এই পালাটির কোনস্থানে নিপুণ শিল্পীর ঞায় লিপি-কুশলতা, কোথাও হাস্যরসোচ্ছল হৈমন্তিক রৌদ্রের ঞায় সুখদ-পদ-বিগ্ৰাস, কোথাও পূর্ব রাগের রমণীয়তা, ডাকাতেদের বড়-যত্ন,—এ সমস্তই এমন দক্ষতার সহিত লিখিত হইয়াছে যে জামাত উল্লাকে সারস্বত কুঞ্জের প্রথম পংক্তিতে স্থান দিতে

বোধ হয় কাহারও আপত্তি হইতে পারে না। গ্রাম্য কবির এই কাব্যখানির প্রত্যেক বাঙ্গালীর পাঠ করা উচিত। পাড়ার্গেয়ে ভাষা কোন স্থানে প্রাদেশিকতার বাহুল্যে দুর্কৌশল, কিন্তু ধূলিমাটিমলিন হীরকের জ্যোতি কি সেই সকল বাহিরের মলিনতা ফুটিয়া বাহির হয় না? মানিকতারার কবিত্ব-ভাতি গ্রাম্য ভাষার মধ্য হইতে সেইরূপ ফুটিয়া বাহির হইয়াছে। দুর্ভাগ্যের বিষয় আমরা পালাটি সম্পূর্ণভাবে পাই নাই। বিহারীলাল চক্রবর্তী নামক এক ভদ্রলোক ময়মনসিংহ সেরপুর—দশকাহনিয়া অঞ্চল হইতে উহা আবিষ্কার করিয়া লিখিয়াছিলেন, “মানিকতারার পালা তিন ভাগে বিভক্ত। প্রথম ভাগ পাঠাইলাম, অপর দুই অংশ উদ্ধার করিতে একটু দূরে বাইতে হইবে কিন্তু আশা করি শীঘ্র উহা উদ্ধার করিয়া পাঠাইতে পারিব।” কিন্তু যে চিঠিতে এই কথা ছিল, তাহা লেখার তিন দিনের মধ্যে তিনি জ্বররোগে প্রাণত্যাগ করেন। আমি বিশ্ববিদ্যালয়ের নিযুক্ত পালা সংগ্রাহকদের দ্বারা ঐ গানটি উদ্ধার করিবার বিশেষ চেষ্টা করিতেছি, কিন্তু এখনও কৃতকার্য হই নাই। দ্বিতীয় খণ্ডে নিজাম ডাকাতের পালা ইশাখার পালা, সুরুজ জামাল ও আধুয়া, ফিরোজ খা দেওয়ান প্রভৃতি কাব্যগুলি মুসলমান কবিদের রচিত। ইহাদের প্রত্যেকটিতে কোন না কোন বিশেষত্ব আছে। ফিরোজ খাঁর পালায় রাজকুমারী সখিনার যে আলেখ্য দেওয়া হইয়াছে—তাহা যিনি দেখিয়াছেন, তিনি ভুলিতে পারিবেন না। সখিনা স্বামীকে উদ্ধার করিবার জন্ত কেলাতাজপুরের মাঠে পিতার সঙ্গে যুদ্ধ করিয়াছিলেন—ইহা ঐতিহাসিক ঘটনা। তিন দিন তিন রাত্রি পুরুষের ছদ্মবেশ ধারণ করিয়া এই নিরুপমা সুন্দরী অশ্রান্তভাবে যুদ্ধ করিয়া শত্রু-পক্ষকে প্রায় হটাইয়া দিয়াছিলেন। কিন্তু তরুণ দেওয়ান ফিরোজ খাঁ এহেন স্ত্রীর প্রেমের যোগ্য-পাত্র ছিলেন না। যে সতীলক্ষ্মী তাঁহার জন্ত পিতৃশ্নেহ বিস্মৃত হইলেন—কোমলা ব্রততীর ঞায় হইয়াও যিনি অটুট বিক্রমে যুদ্ধক্ষেত্রে প্রাণ দিতে দাঁড়াইয়াছিলেন—ফিরোজ তাঁহার সঙ্গে নিতান্ত কাপুরুষের ঞায় ব্যবহার করিলেন। মোগলবাহিনী

শ্রীদীনেশচন্দ্র সেন

যখন ফিরোজ খাঁ যুদ্ধ করিতে যান, তখন স্বামীর একলাগন হইবে মনে করিয়া সখিনা তাঁহার উত্তম অশ্রু গোপন করিলেন। দাসী সুনিয়া আসিল, ফিরোজ খাঁ বন্দী হইয়াছেন, কিন্তু দাসী তাঁহাকে সে সংবাদ দিবার পূর্বে সখিনা হর্ষোজ্জ্বল চক্ষে তাহার দিকে চাহিয়া বলিলেন, “আজ আমার স্বামী বিজয়ী হইয়া ফিরিবেন। তোরা কি করতেছিস্? শীঘ্র যা, উগানের উৎকৃষ্ট ফুল কুড়াইয়া মালা প্রস্তুত কর। সেই বৈজয়ন্তী মালা আমি নিজ হস্তে তাঁহার পায় পরাইয়া দিব। উৎকৃষ্ট সরবৎ প্রস্তুত করিয়া রাখ, তিনি পরিশ্রান্ত হইয়া আসিবেন, তাঁহার জন্ত ভাল খানা, ভাল পানীয়ের প্রয়োজন হইবে। সুন্দর অলঙ্কারিত পাখা শয়ান রাখিয়া দেও, আমি নিজ হস্তে তাঁহাকে বাতাস করিব। সাজি ভরিয়া গোলাপ আর চাঁপা লইয়া আইস, আমি নিজ হস্তে তাঁর জন্ত মালা গাঁথিব। গোলাপের আতর, সোনার বাটায় পান রাখিতে ভুলিস্ না। পাঁচ পৌষের দরগা হইতে মৃত্তিকা লইয়া আইস—আমি তাঁহার কপালে ঠেকাইব। কিন্তু দরিয়া, আজ এই শুভ দিনে গোর মুখে হাসি নাই কেন?”

এই আনন্দের পুতুল সহসা ঘোর দুঃসংবাদের কথা সুনিয়া বজ্রহতা মতর ঞ্চার ক্ষণেক স্তব্ধ হইয়া রহিলেন। ফিরোজ খাঁর মাতার ক্রন্দনে রাজপুরী মুখরিত হইতে লাগিল। কিন্তু সখিনা কাঁদিলেন না, নিজের নিবিড় কুন্তল-রাশি সংবরণ করিয়া মাথায় গুচ্ছাকারে বন্ধ করিলেন। পানোরত পয়োধর বর্ষ-চর্মে ঢাকা পড়িল। তিনি বীর বাণকের বেশে নিজেকে ফিরোজ খাঁর ভ্রাতা বলিয়া পরিচয় দিয়া মোগল বাহিনীর সঙ্গে যুদ্ধ করিতে কেলা তাজপুরের ক্ষেত্রে রওনা হইলেন। আমরা পূর্বেই বলিয়াছি রমণীর অদমা সাহস ও বীরত্বের বলে শত্রুপক্ষের শক্তি টুটিয়া আসিয়াছিল, তিন দিনের পরে মোগল সৈন্য পরাজয়ের মুখে আসিয়া পড়িল। এই সময় এক অস্বাভাবিক সন্ধিব্যঞ্জক স্তম্ভ-পতাকা হস্তে লইয়া সখিনার নিকট উপস্থিত হইল। সে একখানি চিঠি সখিনার হাতে দিয়া সেলাম করিয়া গতাীক্য করিতে লাগিল। ফিরোজ খাঁ লিখিয়াছেন—“তুমি আমার পক্ষ হইয়া কে এবং কেন যুদ্ধ করিতেছ, তাহা

আমি জানি না। কিন্তু আর যুদ্ধের দরকার নাই, আমি মোগলদের সঙ্গে সন্ধি করিয়াছি। আমার স্ত্রী সখিনাকে লইয়াই যত গোলমাল, তাঁহার জন্তই এই যুদ্ধ। আমি তাঁহাকে তালাক দিয়া যুদ্ধের অবসান করিলাম। আমি বন্দী ছিলাম, মুক্ত হইলাম, সখিনাকে তালাক দেওয়াতে আমার সমস্ত বিপদ চুকিয়া গিয়াছে।”

তখন সূর্যাদেব অস্তচূড়ালস্বী—তাহার শেষ রশ্মি সখিনার শিরশ্রাণে ঝলসিত হইতেছিল। সখিনা একবার দুইবার তিনবার সেই চিঠিখানিতে স্বামীর হস্তাক্ষর ও দস্তখৎ ভাল করিয়া লক্ষ্য করিলেন, তারপরে অশ্রু হইতে চলিয়া পড়িলেন। যে বক্ষের উপর-মোগলের শেল শূল আঘাত করিয়াছে—কিন্তু কিছু করিতে পারে নাই, সেই বক্ষ বন্দ্যাবৃত ও দৃঢ় হইলেও তাহা কোমলা নারীর। স্বামীর এই আঘাত, ফুলশরের এই বিষাক্ত সন্ধান তাঁহার সহ্য হইল না। তিনি অশ্রুপূর্ণে চলিয়া পড়িলেন, তখনও পাছুকা অশ্বের সঙ্গে লগ্ন, হাতে লাগাম—কিন্তু প্রাণ চলিয়া গিয়াছে।

“ঘোড়ার পৃষ্ঠ হৈতে বিবি চলিয়া পড়িল।

শিপাই লক্ষর যত চৌদিকে ঘিরিল ॥

শিরে বাঁধা সোনার তাজ ভাঙ্গা হৈল গুড়া।

রণস্থলে তারে দেখে কাঁদে ছুলাল ঘোঁড়া ॥

শিপাই লক্ষর সব করে হায় হায়।

ঘোড়ার পৃষ্ঠ ছাড়ি বিবি জমিতে লুটায় ॥

আসমান হৈতে তারা খস্মা জমিনে পড়িল।

এতদিনে জঙ্গল বাড়ী অককার হৈল ॥

আউলিয়া পড়িল বিবির দীঘল মাথার কেশ।

পিপন হইতে খোলে কল্লার পুরুসের বেশ ॥

শিপাই লক্ষর সব দেখিয়া চিনিল।

হায় হায় করি তারা কাঁদিতে লাগিল ॥

মোগল সম্রাটের বিরুদ্ধে যে বঙ্গের বীরভূঞারা সর্বদা যড়যন্ত্র করিতেছিলেন—এবং দিল্লীর দরবারে বৎসর বৎসর রাজস্ব প্রেরণা করা তাঁহারা কিরূপ দুঃসহ মনে করিতেন, তাহা এই গানটির প্রথম দিকে অতি সুস্পষ্টরূপে বর্ণিত আছে। বঙ্গদেশ চিরকালই স্বাধীনতা-প্রিয়, তাহা এই কাব্য পাঠ করিলে বিশেষভাবে দেখা



যায়। মঞ্জুর মার পালাগানেও জঙ্গলবাড়ীর দেওয়ানেরা
কিরূপ অদমা সাহস ও বীরত্ব সহকারে যুদ্ধাদি করিতেন
তাহার মধ্যমথ আলেক্ষা আছে। এই সমস্ত পালা মুসল-
মানের লেখা এবং এই ঐতিহাসিক বৃত্তান্ত সম্বলিত
পালাগানগুলি সম্প্রদেশ শতাব্দীর শেষ ও অষ্টাদশ
শতাব্দীর প্রথমভাগে বিরচিত হইয়াছিল।

তৃতীয় খণ্ডেও অনেকগুলি পালাগান আছে, তন্মধ্যে
“মঞ্জুর মার পালা” টি উৎকৃষ্ট। যদিও কবির নাম পাওয়া
গেল না, তথাপি ঠিক যে মুসলমান কবির লেখা—সে বিষয়ে
কোন সন্দেহ থাকিতে পারে না। মণির নামক এক মুসলমান
সাপুড়ের কথা লইয়া এই কাব্য রচিত। মণির যৌবনে
স্নায়ুক-বিদেহী ছিল, সে স্ত্রীজাতিকে অবিশ্বাস করিত।
এমন কি তাহার বাড়ীর মসজিদে কোন রমণীকে চুকিতে
দিত না, পথে কোন স্ত্রীলোকের মুখ দেখিলে ‘তোবা,’
‘তোবা’ বলিয়া অযাত্রাজ্ঞানে বাড়া ফিরিয়া আসিয়া যাত্রা
এদলাইয়া লটত। কিন্তু বৃদ্ধ বয়সে শুধু দয়া-দাক্ষিণ্যের বশবর্তী
হইয়া সে এক অনুপমরূপলাবণ্যবর্তী ষোড়শী রমণীর পাণি-
গ্রহণ করিল—তাহাকে সকলে “মঞ্জুর মা” বলিয়া ডাকিত।
শিশুকালে মণির তাহাকে ঐ মোহাগের নাম দিয়া প্রতি-
পালন করিয়াছিল। এমন সুগন্ধ সুস্বাময় কুসুমটি কোন
নিষ্ঠুরপ্রকৃতি পুরুষের হাতে ছাড়িয়া দিবে, সে নিশ্চয়ভাবে
তাহার জীবন নষ্ট করিয়া ফেলিবে—এই আশঙ্কায় মণির
নিজেই তাহার পাণি গ্রহণ করিল।

কিন্তু রমণী হাসেন নামক এক যুবকের প্রেমে পড়িয়া
বিশ্বাস-ঘাতিনী হইল। একদিন মণির রোগী দেখিতে বহু
দূরে চলিয়া গিয়াছে, এই সুযোগে মঞ্জুর মা তাহার প্রণয়ী
হাসেনকে লইয়া উধাও হইল। মণির বাড়ী আসিয়া তাহাকে
না পাইয়া পাগলের মত হইল! সে জানিত মঞ্জুর মা স্বর্গের
ফুল, এতটুকু দোষ তাহাতে নাই। নিশ্চয়ই কেহ
তাহাকে মুখে কাপড় বাধিয়া বলপূর্বক লইয়া গিয়াছে
কিন্তু তাহাকে বাধে খাইয়াছে। সে যে ছুচরিত্রা
তাহা মুহূর্তের জন্ত সে ভাবিতে পারিল না। সে কেন
তাহাকে একা ফেলিয়া গিয়াছিল, এই অনুতাপে সে মতিচ্ছন্ন
হইল। সে শিশুর আয় সমস্ত প্রাণ দিয়া মঞ্জুর মা কে

বিশ্বাস করিত ও ভালবাসিত। বলিহারি তাহার এই অপূর্ণ
বিশ্বাসকে ও তাহার স্ত্রীর প্রতারণাকে! সে অবশেষে শোকে
নদীগর্ভে ঝাঁপ দিয়া সংসারের সকল জ্বালা জুড়াইল। তাহার
বিলাপ কবিত্ব পূর্ণ, একটি স্থল নিয়ে উদ্ধৃত করিতেছি:—

“মঞ্জুর মা আছিল আমার রে—
আরে দুখে—নয়নের মণি।
মঞ্জুর মা আছিল আমার রে—
আরে ভাল। নারীর শিরোমণি ॥
মঞ্জুর মা আছিল আমার রে—
আরে ভাল।—কলিজার লউ।
মঞ্জুর মা আছিল আমার রে—
আরে ভাল।—সতীকলের বউ ॥
মঞ্জুর মা আছিল আমার রে—
আরে ভাল।—নয়নের কাজল।
মঞ্জুর মা আছিল আমার রে—
আরে ভাল।—গঙ্গা নদীর জল ॥
আমার না মঞ্জুর মা রে
আরে ভাল। বৃকের কালজা।
আমার না মঞ্জুর মা রে
আরে ভাল। সাপাং দশভূজা ॥
আমার না মঞ্জুর মা রে আরে ভাল।—
তীর্থ বারানসী
আমার না মঞ্জুর মা রে আরে ভাল।—
দেবের তুলসী।
আমার না মঞ্জুর মা রে—আরে ভাল।—
আশমানের চান।
আমার না মঞ্জুর মা রে—আরে ভাল।—
বেহস্তুর নিশান।”

হিন্দুর দেব-দেবীর কথা হয়ত কোন কোন গোঁড়া-
মুসলমানের ভালো লাগিবে না। মুজা হাসেন আলি ও
গোল মামুদের কালী কীর্তন—মুসলমান কবিদের ভাসান
গান, লক্ষ্মীর পাঁচালী ও রাধাকৃষ্ণ বিষয়ক সঙ্গীত আজ
কালকার দিনে হয়ত কোন কোন মুসলমানের অপ্রিয়
হইতে পারে। এ সম্বন্ধে আমরা একবার কিছু বলিয়াছি।
এখানে পুনরায় সে প্রসঙ্গটা উত্থাপন করিব। সাহিত্যে

শ্রীদীনেশচন্দ্র সেন

কোন সাম্প্রদায়িকতা নাই। ইংরেজী সাহিত্যে গ্রীক দেবদেবীর স্তুতি ও তাঁহাদের সশ্রদ্ধ উল্লেখ সর্বত্র দেখা যায়। অথচ কবিরা সকলেই ক্রিষ্টিয়ান। চসার হইতে আরম্ভ করিয়া স্মইনবারণ অবধি প্রায় সমস্ত কবিই খ্রীষ্ট ধর্ম বিগঠিত প্রাচীন পৌত্তলিকগণের দেবদেবীর কথা লইয়া গান রচনা করিয়াছেন এবং তাহাদের স্তবস্তুতি করিয়াছেন—

তজ্জগৎ খ্রীষ্টীয় পুরোহিতেরা তাঁহাদের গির্জায় যাওয়া মানা করেন নাই। চসার খিসাবির উপাখ্যান লইয়া কাব্য লিখিয়াছেন, সেক্সপীয়র তো কথায় কথায় পৌত্তলিকদের দেবতার প্রসঙ্গ উপাধন করিয়া উপমা দিয়াছেন। এই ‘মঞ্জুর মা’ গানটিতে যে ভাবে কবি গঙ্গাজল, তুলসী ও ‘দশ-ভুজার’ উল্লেখ করিয়াছেন, ঠিক সেইভাবে সেক্সপীয়র হ্যামলেটের স্বর্গীয় পিতার সঙ্গন্ধে বলিয়াছেন—‘তাঁহার ললাট ছিল জোভ দেবতার ত্রায় প্রশস্ত, তাঁহার কুঞ্চিত কেশদাম ছিল হাইপিরিয়ান ত্রায়, তাঁহার চক্ষু মার্স দেবতার দৃষ্টির ত্রায় প্রভূত্ববাজক, এবং মারকারীর ত্রায় তাঁহার অসীম প্রতিষ্ঠা ছিল। ইহা ছাড়া আমছামার নাইটসে সেক্সপীয়র পৌত্তলিকদের পরীরাজ ওবারনের নানা প্রসঙ্গ লিপিবদ্ধ করিয়াছেন এবং তাঁহার প্রায় সমস্ত নাটকেই হারকিউলিয়াস দেবতার কথা আছে। গ্রীকের রতি ও কামদেব স্বরূপ ভেনাস-এ্যাডোনিয়াস লইয়া কবিগুরু একখানি কাব্য লিখিয়াছেন, তাহা সর্বজন-বিদিত। মিন্টনের পুস্তকে গ্রীকদের দেবীর নানারূপ সশ্রদ্ধ উল্লেখ আছে, এমন কি তিনি অনেক স্থলে গ্রীকদের কল্পনা দেবী ‘মিউজের’ স্তোত্র লিখিয়াছেন। কিট্‌স্ হাইপিরিয়ান ও এণ্ডেমাইন নামক কাব্যে এবং শেলি প্রমিথিউসের মুক্তিলাভ গীতিকায় গ্রীক দেবদেবীর প্রসঙ্গের অবতারণা করিয়াছেন। এমন কি কিট্‌স্ ‘সাইকির স্তোত্র’ নামক গানে সেই দেবতার স্তুতিগাথা রচনা করিয়াছেন। স্মইনবারণ তাঁহার ‘এ্যাটলান্টা ইন সিলিডন’ কবিতায় গ্রীক দেবতাদের বিষয় লিপিবদ্ধ করিয়াছেন। আর দৃষ্টান্ত বাড়াইবার দরকার নাই। কবি কাব্য লিখিলে তাহার ধর্ম নষ্ট হয় না, কবিরা যেখানে একটু কল্পনার লীলাখেলা দেখাইতে পারেন—সে পথ ছাড়েন না। তাঁহাদের অবাধ কল্পনার ক্ষেত্র কোন্ গণ্ডীর বাধা দিয়া কে

আটকাইয়া রাখিবে? আর আজ যদি কোন হিন্দু লয়লা মজহুর কথা লইয়া একটা কাব্য কিম্বা নাটক রচনা করেন, তবে কি তাঁহাকে ব্রাহ্মণদের নিকট একটা কৈফিয়ৎ দিতে হইবে? এ সমস্তই মৌখিক বিষয়, আনন্দের আয়োজনপত্র, উৎসব-রজনীর দাঁপালী। আরব্যোপন্যাসে কত দৈত্য ও পরীর কথা আছে—তাহা পড়িয়া সকল দেশের লোকই আনন্দ পাইতেছেন। কিন্তু তাঁহারা কি ঐ সকল গল্প বিশ্বাস করিতেছেন? আল্লার রাজ্যে যাহারা ছোঁয়াচে রোগের আশঙ্কায় সিগ্রিগেশন শিবির তুলিবেন তাঁহারা মুক্ত আকাশ ও উদার বায়ু ভোগ করিবার যোগা নহেন। আমি পুনরায় বলিতেছি, যদি পীর পয়গম্বরের কথা ও পারশ্ব ও আরবোর শ্রেষ্ঠ নায়ক-নায়িকা এবং ঐতিহাসিক বীর ও বীরঙ্গনার চরিত্র লইয়া বাঙ্গলা ভাষায় মুসলমানেরা পুস্তক রচনা করেন, তবে হিন্দুর অন্তরে পর্যাস্ত সেই পবিত্র কথার সুরভি ছড়াইয়া পড়িবে এবং আমাদের মাতৃভাষার এক উজ্জ্বল পরিচ্ছদের নূতন সৃষ্টি হইয়া ইসলামের মহিমা ঘোষণা করিবে।

আমরা ‘মঞ্জুর মা’র কবিত্বের কথা বলিতেছিলাম। এই পালায় কবি চরিত্রাঙ্কনের যথেষ্ট ক্ষমতা দেখাইয়াছেন। তিনি নিক্তির দুই দিক সমান রাখিয়া বিচার করিয়াছেন। নায়িকা ভ্রষ্টা, কিন্তু তিনি এমন করিয়া তাহাকে অঙ্কন করিয়াছেন যে, তাহাতে তাহার উপর আমাদের ক্রোধ না হয়, বরঞ্চ তাহার জগৎ প্রাণ দয়ায় বিগলিত হইয়া যায়। এদিকে বদ্ধ সাপুড়ে সেই বয়সে তরুণী বালিকাকে বিবাহ করার জগৎ কবি তাহাকে এক দণ্ডের জগৎও ক্ষমা করেন নাই, তাহাকেও যথাযথ ভাবে আঁকিয়াছেন, কিন্তু তাহার বালকের ত্রায় নির্ভর ও স্বর্গীয় বিশ্বাস কবির তুলিতে তুলারূপেই ফুটিয়া উঠিয়াছে। এরূপ স্থিরমস্তিষ্ক অবিচলিত কবি-সমালোচক সাহিত্য ক্ষেত্রে দুর্লভ। কৃষককবির মনে কোন সংস্কারাঙ্কতা বা সাম্প্রদায়িক প্রভাব ছিল না, এইজগৎ তাঁহার নির্মল চিত্ত-মুকুরে স্বভাবের প্রতিবিম্ব এমন ঠিক ভাবে পড়িয়াছিল।

তৃতীয় খণ্ডে পল্লীগীতিকায় আর কয়েকটা উৎকৃষ্ট পালা আছে, তাহার একটা মনসুর ডাকাত বা কাকেন চোরার



পালা। এই মনসুর ডাকাতের জীবনের গতি কি ভাবে
কিরিয়া গিয়াছিল—অতি ক্রমশ নাচ ও নৃশংস দম্মা-বৃত্তি
ছাড়িয়া সে কিরূপে একজন শ্রেষ্ঠ পীর ও সাধু হইয়াছিল,
সেই মনসুরের আধ্যাত্মিক চিত্র-পটখানি কবি এই পালা
গানটিতে উদ্ঘাটিত করিয়া দেখাইয়াছেন। ইহার মাঝে মাঝে
এমন সুন্দর কবিত্বপূর্ণ চরণ আছে যাহা পড়িলে কবিকে
পলা কালিদাস বলিয়া প্রশংসা করিতে ইচ্ছা হয়। একটি
নববিবাহিতা নারী পল্লিপথে প্রথম শশুর-বাজী যাত্রা
করিয়াছেন। জোৎস্না ধবধবে রাত্রি, আটজন পাকীবাহক
তাহাকে লইয়া যাইতেছে—কবি সেই রাত্রি ছুটি ছন্দে
বর্ণনা করিয়াছেন। কবি লিখিয়াছেন জোৎস্না রাত্রি, দোলা
চলিয়া যাইতেছে—কেহ যেন মুষ্টি মুষ্টি বেলফুলের কলি দুলোক
হইতে ভুলোকে ছড়াইয়া ফেলিতেছে, এমনই সুন্দর
জোৎস্না।

এই জোৎস্না রাত্রে মনসুর ডাকাত কুম্মাইখালের একটা
পাকের কাছে, কেতকা ঝাড়ের আড়ালে লুকাইয়া পাকী
খানির গতিবিধি লক্ষ্য করিতেছে, চাটগাঁয়ের ভূকোষ
ভাষাকে কতকটা সহজ করিয়া নিম্নে সেই স্থানটি উদ্ধৃত
করিলাম :

“দোলা যায়রে—যারে দোলা আট বেহারার কাছে ।
দোলার ভিতরে নববধূ গুড়ি গুড়ি কাঁদে ॥
মা বাপেরে মনে পড়ে আর ছোট ভাইএর মণ ।
স্বামি পোকের ডাক শুনি কেপে উঠে বুক ॥
আগে পাছে বরযাত্রী যায়, ওরে যায়রে ধীরে ধীরে ।
দখিনা হাওলাতে, ওরে, দোলার কাপড় উড়ে ॥
ধবধবা জোৎস্না যেন দিনের মতন রাইত ।
করা ঝাড়ের পাছে লুকাইয়া রহে রে মনসুর ডাকাত ॥
এক শ্রোতা কুম্মাইখাল ওরে হাটি হৈয়া পার ।
আস্তে আস্তে আইল দোলা ঝাড়ের কিনার ॥
বাঘে যেমন কাঁপ দিয়া রে গরুর কাঁকেতে পড়ে ।
মনসুর ডাকাত পৈল তেমনি দোলার উপরে ॥
দোলার উপরি পড়ি মারল এক ডাক ।
কেহ বলে ভালুক এল কেহ বলে বাঘ ॥
সোয়ারী ফেলিয়া বেছারা পন্ন লৈয়া যায় ।
পাকীর ছুয়ার পুলিয়া রে মনসুর আড় চক্ষে চায় ॥

নয়া বউ কাঁদি উঠল আলা তালি বুলি ।
টান মারি লইল ডাকাত গলার হাঙ্গলী ॥
কানের করম ফুল লৈল আর নাকের নথ ।
হাড়া হাড়ি মনসুর আলি লাফ দি পৈল ঝাড়ত ॥”

দোলার গতি, জোৎস্নার বর্ণনা—কবিতাগুলিকে এমন
একটা ছন্দ দিয়াছে যে, মনে হয় যেন আমরা বাহকদের
পদশব্দ শুনিতে পাইতেছি ও মনসুর ডাকাতের বাহুমূর্তি
চাক্ষুণ করিতেছি।

কিন্তু মনসুরের পরিবর্তনের কথাটি অতি অপূর্ণ।
সে প্রতিজ্ঞা করিয়াছিল, দিনে পাঁচবার নমাজ পড়িবে।
এই হৃদাস্ত দম্মা যে রমণীকে প্রকৃতই ভালবাসিয়াছে,
তাহার নিকট এই প্রতিজ্ঞা—সুতরাং তাহা হুলজ্বা। এ যেন
বাব জালে পড়িয়াছে। সে দম্মাবৃত্তি করিবে—এই
অনুমতি পাইয়াছে, কিন্তু তাহাকে পাঁচবার নমাজ পড়িতেই
হইবে। একদিন এক ধনী গৃহে তাহার লোকেরা যাইয়া
সিঁদ খুড়িয়াছে, সে সেই সিঁদের মুখে আগে পা ঢুকাইয়া দিয়া
শেষ পথ পরিষ্কার দেখিয়া মাথা ঢুকাইয়া দিয়াছে। গৃহস্থামী
ও তাঁহার স্ত্রী পালকে শুইয়া আছেন। সে তাহার চাবা
দিয়া লোহার সিন্দুক খুলিয়া বহু ধনরত্ন পাইয়াছে, —তাহা
সে গুছাইবে, এমন সময় সে অদূরবর্তী মসজিদ হইতে
আজানের করণ স্বর শুনিয়া চমকিয়া উঠিল। জানালায়
ছিদ্রপথে উষার প্রথম আলোর আভাস সে দেখিতে পাইল—
এবং প্রভাতের নিশ্চিত লক্ষণস্বরূপ “কুরগল” পাখীর
স্বর শুনিতে পাইল। অমনই সে তাহার সংগৃহীত ধনরত্নের
কথা ভুলিয়া গেল, তাহার আসন্ন বিপদ ভুলিল—সে নিজের
অজ্ঞাতমারে হুলজ্বা প্রতিশ্রুতি ও অভ্যাসের বশবর্তী হইয়া
বহুদূরগত মোল্লাদের সুরের সঙ্গে সুর মিলাইয়া চীৎকার
করিয়া হাঁকিয়া উঠিল, “লা এলাহা ইল-আল্লাহ”!

তাহার চীৎকারে গৃহস্থামী জাগিয়া উঠিলেন, দেখিলেন
এক অদ্ভুত দৃশ্য; তাঁহার লোহার সিন্দুক খোলা, তন্মধ্যস্থ
বহু মূল্যবান শাড়ী ও ধনরত্ন পায়ের নিকট লুটাইতেছে—
বীর-অবয়ব এক ব্যক্তি চক্ষু বুজিয়া প্রাণপণে চীৎকার করিয়া
ভক্তি-গদগদ কণ্ঠে নমাজ পড়িতেছে।

শ্রীদীনেশচন্দ্র সেন

হাতীখেদার গানটি একশত বৎসর পূর্বের রচনা। এমন একটা বিষয় লইয়া যে কবিতা রচিত হইতে পারে, তাহা অনেকের ধারণার অগম্য। কিন্তু গ্রাম্য মুসলমান কবি হাতে অপরিপাক কাবারস ঢালিয়া দিয়াছেন। কবিতাগুলির বিদ্রুতছন্দ যেন শিকারীদের পদশব্দের সঙ্গে তাল রাখিয়া চলিয়াছে। কবিতাগুলি একবারে স্বভাবের সঙ্গে সম্পূর্ণভাবে সঙ্গতি রাখিয়া কোন স্থানে বন্ধুকের আওয়াজ, অগ্নিদাহের চটপট শব্দ, কোথাও শিকারের দর্শকদের কোলাহল ও মশালের আলোকমালায় দীপালির শোভা— যেন পাঠককে প্রত্যক্ষ করাইয়া সেই অদ্ভুত বহু-অভিযানের একবারে কেন্দ্রস্থলে লইয়া গিয়াছে। গতিগুলির ভীষণতা, বৃষ্টিগীতা, অকারণ আশঙ্কা, দলবদ্ধ হওয়ার চেষ্টা— খেদার মধ্যে ঢুকিয়া তাহাদের আর্তনাদ ও না খাইয়া অস্থিচর্মসার হইয়া যাওয়া,—এসমস্তই হয়ত নিত্যন্ত নীরস বিষয়—কিন্তু এগুলিকে যে-কবি এরূপ রসাত্মক করিতে পারিয়াছেন—তাহার কবিত্ব ধন্যবাদার্থ—ইহা স্বীকার করিতে হইবে। ভাষা চাটগেয়ে, অনেক স্থলে বুদ্ধি উঠা কঠিন, কিন্তু নারিকেলের খোলটা ভাঙ্গিয়া ফেলিলে যেরূপ ভিতরের সকলই সুস্বাদু ও সরস, ভাষার বাধাটা অতিক্রম করিলে এই কাবতাও তেমনই উপভোগ্য ও পরম উপাদেয় বোধ হইবে।

আমরা মুসলমান বিরাচিত আরও অনেক পালাগানের উল্লেখ করিতে পারিলাম না—সেগুলিতে কবিত্বের অভাব নাই, কিন্তু আমাদের স্থান ও সময়ভাব।

মুসলমান সম্রাটগণ বর্তমান বঙ্গ-সাহিত্যের একরূপ জন্মদাতা বলিলেও অতুক্তি হয় না। তাহারা বহু বায় করিয়া শাস্ত্রগুলির অনুবাদ করাইয়াছিলেন এবং সেগুলি আগ্রহসহকারে শুনিয়া আনন্দিত হইতেন। আরবদেশ-বাসীরা সংস্কৃত অনেক গ্রন্থের অনুবাদ করাইয়াছিলেন। ইসলাম ধর্মাবলম্বীরা শুধু ধনরত্ন আহরণের চেষ্টায় ভিন্ন দেশ জয় করিতেন না, সেই সকল দেশে যদি জ্ঞানের উত্তর থাকিত, তাহাও তাহারা লুটিয়া লইতেন। আবুল ফজলের ভ্রাতা ছদ্মবেশে কাশীতে যাইয়া সংস্কৃত শিক্ষা করিয়া আসিয়া শাস্ত্রগ্রন্থ অনুবাদ করিয়া সম্রাটকে সম্বোধন করিয়াছিলেন, ইহাতে নূতন কথা কিছুই নাই। বঙ্গসাহিত্য

মুসলমানদেরই সৃষ্ট, বঙ্গভাষা বাঙ্গালী মুসলমানের মাতৃভাষা, বহু পুস্তক বাঙ্গলা ভাষায় রচনা করিয়া মুসলমান কবিগণ কৃতিত্ব দেখাইয়াছেন,— পালাগানে তাহারা যে শক্তি ও কবিত্ব দেখাইয়াছেন, তাহাতে সাহিত্যিক আমরা তাহাদের স্থান প্রথম পংক্তিতে। কয়েকজন শিক্ষিত বাঙ্গালী হিন্দু এখন বঙ্গ-সাহিত্যের কাণ্ডারী হইয়াছেন সত্য, কিন্তু গোটা বঙ্গদেশের সাহিত্য এখনও মুসলমানের হাতে—এই কথাই এক বর্ণও মিথ্যা নহে। ময়নামতীর গান হইতে আরম্ভ করিয়া গোরক্ষ-বিজয়—ভাসান গান ও পুরোক্ত শত শত পালা গান, মুরসিদা গান, বাউলের গান, এ সমস্তই মুসলমানদের হাতে। তাহারা ই অধিকাংশ স্থলে মূল গায়ন। তাহারা ই তরজার গুরু। এই বঙ্গদেশ যে সুধামধুর কবিত্বরসে অভিষিক্ত, তাহার প্লাবন আনিয়াছে মুসলমান কৃষকেরা। এক-বার ধান কাটার পর বঙ্গদেশ—বিশেষ পূর্ববঙ্গ ঘুরিয়া আসুন, দেখিবেন, মুসলমান কৃষকেরা দল বাঁধিয়া কত প্রকারে গান গাহিয়া এদেশকে আনন্দ বিতরণ করিতেছে। কত তরজা, কত বাউলের দেহতত্ত্ব বিষয়ক গান, কত মাঝির ভাটিয়াল গান, কত রূপ-কথা ও মনোহর কেচ্ছা ও গাঁজির গান তাহারা বাঙ্গলা দেশকে শুনাইয়া জন-সাধারণের মধ্যে শিক্ষা বিস্তারের সহায়তা করিতেছে। হিন্দুরা এ বিষয়ে কোন ক্রমেই মুসলমানের সমকক্ষ নহে। দুচারিজন শিক্ষিত লোক লইয়া এদেশ নহে। দুচারিজন উপগ্রাস পড়বার হাতে বঙ্গদেশটি নহে। বঙ্গদেশ বলিতে যে সপ্তকোটি লোক বুঝায় তাহার শতকরা ৯০ জনেরও বেশী আধুনিক উচ্চশিক্ষার কোন ধার ধারে না। এই সুবৃহৎ জনসাধারণের শিক্ষা মুসলমান কৃষকেরা তাহাদের ক্ষমতা অনুসারে দিতেছে, সে ক্ষমতাও বড় সাধারণ নহে। তাহারা পদ্মবতের গায় একরূপ পাণ্ডিত্যপূর্ণ কাব্য বৃত্তিতে পারে, দেহতত্ত্ব বিষয়ক অতি সুন্দর আধ্যাত্মিক তত্ত্ব আয়ত্ত করিতে পারে, তাহারা কি ‘মূর্থ’ অভিধান পাইবার যোগ্য? এই বিপুল জনসাধারণের ভাষা বাঙ্গলা, মুসলমানগণ এখনও এই ভাষার উপর পল্লিগ্রামে আধিপত্য বিস্তার করিয়া আছেন।

যাহারা বাঙ্গলা ভাষার পরিবর্তে উর্দুভাষা এদেশে প্রচলনের প্রয়াসী, তাহারা কখনই সে চেষ্টায় কৃতকার্য



হটবেন না। শত সহস্র মুসলমানের বাঙ্গলাই মাতৃভাষা, মাগের মুখে তাহারা বাঙ্গলাভাষা প্রথম শুনিয়েছে—সে ভাষা তাহাদিগকে ভুলাইয়া দেওয়ার চেষ্টা বাতুলতা। ঘরের সামগ্রী তৈরী থাকিতে একরূপ চেষ্টা করিবার প্রয়োজন তো কিছু দেখিতে পাই না। যদি বড় কিছু দিতে পার, তবে ছোট জিনিষটা ছাড়িয়া দাও। সূর্যের আলো আনিবার ব্যবস্থা করিয়া ঘরের প্রদীপটি নিৰ্ব্বাণ কর, নতুবা

যাহা আছে তাহা ছাড়িয়া দিয়া ঘর আঁধার করিবে মাত্র।

শুনিয়েছি মুসলমান কৃষকেরা যাহাতে আর পালা গান না গায়, বাঙ্গলার পল্লাতে মোল্লারা তাহার চেষ্টা করিতেছেন। এই বিশুদ্ধ নিৰ্ম্মল সঙ্গীত-রস হইতে বঞ্চিত করিলে মুসলমান কৃষক আনন্দের সন্ধানে তাড়ির দোকানে ছুটবে, তাহাকে ঠেকাইবে কে? কারণ মানুষ আনন্দ ভিন্ন বাঁচিতে পারে না।

সারাটা দিন অশথ তলে

শ্রীউমা দেবী

সারাটা দিন অশথ তলে

করেছি কত খেলা,

চলেছি এবে ঘরেতে ফিরে

কুরায় গেছে বেলা।

অশথ গায়ে দোহার নাম

খুদেছি বহু ক্রেশে,

এসেছি কবে— বসেছি কবে—

চলিয়া গেছি শেষে।

হয়তো কবে রাখাল ছেনে

ধেতু চরার আশে—

বিরাম লবে তথায় এসে

এই লিখনের পাশে।

পড়িবে সেকি? ভাবিবে সেকি?

মনে কি হবে তার?

তথায় কারা গিয়েছে লিখে

নামটি ছজন্য?

আজি যা সুখ পেয়েছি দোহে

সারাটা দিনমান,

সেদিনো বুঝি বাঁশিতে তার

বাঁজিবে সেই গান।

ওলোট-পালোট

শ্রী অসমঞ্জ মথোপাধ্যায়

পুরুষ		দীনেশ
সীতানাথ রায়	... জমাদার	বাবা, অমন কচ্ছেন কেন বাবা ? শরীরে কি যন্ত্রণা
রমেন্দ্র	... ঐ নাত্ জামাই	হচ্ছে কোন ?
দীনদয়াল ঘোষ	... ঐ আশ্রিত	শশী রায়
শশী রায়	... ঐ জ্ঞাতি	যন্ত্রণা ?—হচ্ছে না ?—যন্ত্রণাই তু হছে রে !
দীনেশ	... শশী রায়ের পুত্র	ডাক্তার
ডাক্তার	... দীনেশের বন্ধু	কি যন্ত্রণা হচ্ছে, রায় মশাই ?
নিমাই বাবু	... পুলিসের ইনস্পেক্টর	.. শশী রায়
ককার মণ্ডল	... অবস্থাপন্ন জোতদার	কি যন্ত্রণা ? তোমাকে তার কি বোলব, আর তুমিই

দীনেশের ইয়ারগণ, কালীবাড়ীর যাত্রীগণ,
জমাদার, চৌকীদার, ভিখারীগণ
গ্রামবাসীগণ.

স্ত্রী		দীনেশ
শাশী	... সীতানাথের পৌত্রী	হাওয়া ককর বাবা ? বুগলো ! পাখা ! শীগগীর !—
মাগতী	... দীনেশের রক্ষিতা	কি রকম হচ্ছে বাবা ?

গোলাপী বি, কুমারী বালিকা

প্রথম দৃশ্য
দেবীপুর

[শশী রায় বহুদিন হঠতে কঠিন বায়রামে শয্যাগত । দীনেশ
ডাক্তার ও যন্ত্রণা চাকর । শশী রায় রোগ-যন্ত্রণায় ছটফট করিতেছে]

দীনেশ		দীনেশ
কেমন দেখলে ডাক্তার ? ক'দিনের চেয়ে আজ		এই যে বাবা, জল দি ।
অনেকটা ভাল ব'লে বোধ হচ্ছে না ?		ডাক্তার
ডাক্তার		জল দেবেন না, সোডার সঙ্গে ঐ ওষুধটা আর এক
নিশ্চয়ই । এবার ত সারবার পথে ফিরে এসেছেন ।		ডোজ মিশিয়ে দিন । দেখি, দিন আমার কাছে ।
শাড়া খুবই ভাল,—তবে 'হার্ট'টা যা একটু 'উইক' আছে ।		(সোডার বোতল পুলিশ গেলাসে তাহার সহিত ওষুধ মিশাইয়া দিল)
ওষুধ দিইছি সেই জন্তে—যাতে 'হার্ট'এর 'ম্যাকসনটা		এই, জল খান রায় মশাই । আ-হা-হা-হা— উঠতে
—মোটের ওপর এ যাত্রা আর কোন ভয় নেই ।		যাবেন না—শুয়ে শুয়ে খান ।



শশী রায়

(পানাহু) আঃ ! (কণেক নীরব থাকিবার পর)
ডাক্তার ! বলতে পার, আমি বাঁচবো কি ঠিক ? বেশী
দিন নয়—একটা বছর। আর একটা বছর কোনমতে
যদি—পার ডাক্তার ; কোনমতে একটা বছর বাঁচিয়ে
রাখতে, তা'হলেও তার সর্কনাশ ক'রে যেতে পারবো।
কিন্তু যদি না বাঁচি—

ডাক্তার

রায় মশাই বেঁচে ত এবার উঠেছেন,—আর ভয়
কিসের !

শশী রায়

ভয় ? ভয় মক্কার জন্তে নয় ডাক্তার ! ওই যে বললুম,
সীতেনাথ রায়ের সর্কনাশটা তা'হলে ক'রে যেতে পারি
না। মরতে ভয় নেই ডাক্তার ? তোমরা কেউ এখনি
খবর এনে দাও—বজ্রাঘাতে সে, তার নাতনী, নাত্জামাই,
ছেলেটা সব মরেছে, আমি হাসতে হাসতে একুনি মরতে
পারবো। (উত্তেজিত হইয়া) পার কেউ এই খবরটা
এনে দিতে ! পারিস্ দীনেশ : পার ডাক্তার ? তোমাকে
দশ হাজার টাকা দোবো। আমার এই মুখের কথাটাকে
সত্যি ক'রে ফলিয়ে—আর একটু দাও, ডাক্তার—আর
একটু জল। (শাস্তিতে হাঁপাইতে লাগিল)

ডাক্তার

রায় মশাই, স্থির হোন। এখন ও-সব কথা ভাববেন না।
এই নিন্—জল। (আবার সোডার সহিত ওষুধ মিশাইয়া প্রদান)

শশী রায়

(পান করিয়া) কি বোলবো ডাক্তার, গায়ের ভেতর
জলে যাচ্ছে ! দীনেশ, দেখ, যদিই আর না বাঁচি, তা'হলে
—আর ত বাবা, আমার এই কাছে আর একবার। হাত
দেখি। (দীনেশ হাত আগাইয়া দিল, শশী রায় তাহা শক্ত করিয়া
ধরিল) আমায় ছুঁয়ে দিব্বি ক'রে বল দেখি—বল—

দীনেশ

কি বোলবো বাবা ?

শশী রায়

বল—যতদিন বেঁচে থাকবি, সীতেনাথ রায়ের সর্কনাশ
করবি ? বল—আমায় ছুঁয়ে বল।

দীনেশ

বল্চি বাবা—করবো।

শশী রায়

করবি ?

দীনেশ

করবো।

শশী রায়

করবি ?

দীনেশ

করবো।

শশী রায়

করিস, কিছুতেই ছাড়িস্ নি। তিন পুরুষের শক্রতা
এ যেন ভুলে থাকিস্ নি বাবা ! আমি জানি, আমার
চেয়ে তার ওপর তোর আক্রোশ আরও বেশী। এর
শোধ কিন্তু নেওয়া চাই, নেওয়া চাই, নেওয়া চাই। ডাক্তার,
ডাক্তার ! সব জাননা তুমি, কী শক্রতা আমাদের
সঙ্গে ওদের। উঃ উঃ উঃ (হাঁপাইতে হাঁপাইতে)
রামেশ্বর চৌধুরীর সম্পত্তি। অর্ধেকের হক্কার আমি—
অর্ধেকের ও। জাল উইল তৈরী ক'রে সেই সম্পত্তি
আমায় ! (হাঁপাইতে লাগিল) যে দিন নরসিংপুরের
মামলার রায় বেরবে, ওর নাত্-জামাই—সবে তখন বে
হয়েছে—কোটের ভেতরে দাঁড়িয়ে আমাকে কী অপমান !
—উঃ—শেলের মত গায়ে সব বিধে রয়েছে। প্রতিশোধ !
প্রতিশোধ ! দীনেশ,—প্রতিশোধ চাই-ই ! আর যদি
না পারিস ত বল আমায়, আমি নিজের হাতে প্রতিশোধ
দোবো—তারপর মরবো। একখানা ছোরা তা'হলে
আমায় দে, আর এক 'ডোজ' ডাক্তার, তোমার খুব তেজাল
ওষুধ দাও, (দাঁতে দাঁতে চাপিয়া বিশেষ উত্তেজিত হইয়া)
আমি একুনি গিয়ে তার গুটি গুঁড়ু সকলের বুকে—
(শয়নাবস্থা হইতে বিবম উত্তেজিতভাবে উঠিতে বাইয়া শয্যায় ঢলিয়া
পড়িয়া গেল)

মুখোপাধায়

দীনেশ

(জীংকার করিয়া) কি হল—কি হ'ল—ডাক্তার!
কি ? বাবা ! বাবা ! ডাক্তার এ কী হ'ল ?

ডাক্তার

তাইত, এ কী হল ! এ কি 'হাটফেল' নাকি ?
'হাটফেল'ই ত ! দীনেশ বা—

দ্বিতীয় দৃশ্য

বেলডাঙ্গা

সীতানাথ রায়ের বাটার অন্তর

আশা

(পরিচারিকাকে হাঁকিয়া ডাকিল) হাঁরে, অ গোলাপী !

[গোলাপী ঝির প্রবেশ]

গোলাপী

কি দিদিমণি ?

আশা

হাঁরে, তোর দাদাবাবু বাইরে নেই ?

গোলাপী

না, দিদিমণি । তেনাকে বোধ হয় ত্র চক্কোস্তি বাড়িতে
কার অস্থ—ডেকে নিয়ে গেছে ।

আশা

আচ্ছা, তুই যা । দাছ কোথায় রে ?

গোলাপী

তিনি, হাই, সানের ঘাটে ব'সে কাদের সঙ্গে গল্প
ক'ছেন ।

আশা

দেখ,—তোর দাদাবাবু ফিরে এলে, ভেতরে পাঠিয়ে
দিবি ; জলখাবার খেয়ে যান্ নি ক—বুঝিচিস্ ত ?—
আচ্ছা, যা । (ঝির প্রধান)—খোকনের জালায়
খাম্বোনিয়মের ঢাকাটা আর কিছুতেই দেওয়া থাকবে না ।
তবার দোবো, ততবারই ঢাকাটা খুলে খুলে রাখবে ।
কালকাতা থেকে এর একটা বাক্স না আনলে আর

চলছে না । খোলা প'ড়ে খোক থেকে আওয়াজটাও যেন
ক'মে আসছে ।

(হারমোনিয়ম্ লইয়া গীত)

আমার নয়ন-ভূষণ গ্রাম দরশন, শ্রবণ-ভূষণ গানে ।

করের ভূষণ শ্রীপদ সেবন, বদন-ভূষণ নামে ।

(গ্রামের মধুর নামে)

কঠোর ভূষণ কলঙ্কের হার, নামার ভূষণ গন্ধ,

অপর ভূষণ গ্রাম প্রেমমণি,—কিরণ-ছটা আনন্দ ।

নিরমল প্রেমানন্দ)

রমেন

(বাহির হইতে ঘরে ঢুকিতে ঢুকিতে) এন্কোর—এন্কোর !
থাম্লে হবে না ।

আশা

প্যালা দেবার বেলায় কিছু নেই, শুধু শুকনো 'এন্কোর' এ
কে গাইবে ?

রমেন

যা পুঁজিপাটা ছিল, খলি ঝেড়ে সব ত দিয়েই দিইচি,
এখন আবার নতুন ক'রে প্যালা দেবো কোথা থেকে
বল ?

আশা

সে সব আমি জানি নে, প্যালা কিন্তু দিতেই হবে, ।
(উঠিয়া দাঁড়াইল ও রেকাবীতে জল খাবার দিতে দিতে কহিতে লাগিল)
নইলে, নইলে, নইলে, নইলে,—(আসন পাতিয়া জলখাবারের
রেকাবী রাখিয়া) শীগ্গীর জল খাবারটা খেয়ে নাও ।

রমেন

প্যালা বরঞ্চ এনে দিতে পারি—ভিক্কে সিক্কে ক'রে,
কিন্তু এ-জিনিষটা আজ আর পেরে উঠ'বোনা আশা—পেট্
একেবারে দম্‌সম্—সতি বলচি ।

আশা

(হাত ধরিয়া) দেখ বাজে বোক না বলছি । খেয়েছেন
সেই বেলা দণটার সময়, আর এখন সক্ষা হ'তে চলো—
এখনো পেট্ দম্‌সম্ !

রমেন

সতি বলছি ; আঃ—আচ্ছা, আচ্ছা—খালি ত্র
ছটো দাও ।



আশা

।, তাই-ই পাও বোসো ।— জোর করিয়া হাত ধরিয়া
বসাইয়া দিল) ওকি ব'সে রঠলে যে বড় ? শুধু মিষ্টি ছোটাই
পাও ।

রমেন

সেই “কুঞ্জ-ফোটা ফুলে”র গানটা একবার গাও—তা না
গাঠলে কিছতেই পাব না ।

আশা

আচ্ছা, গা'ব অখন, তুমি খাও আগে ।

রমেন

ঠিক গাঠবে ?

আশা

ঠিক গাঠব ।

রমেন

ঠিক ?

আশা

ই্যা গো, হ্যাঁ । রমেন পাঠিতে লাগিল । পাঠিয়া জল পাঠিয়া
গেলাম রাগিয়া দিবা ঠিকিয়া পান লটল

রমেন

কই, গাও এইবার ।

আশা

কি ?

রমেন

সেই “কুঞ্জ ফোটা” ।

আশা

কাদের কুঞ্জ ?

রমেন

সেই যে গো—“কুব তারা ,”

-আশা

কুব তারা ! কোন্ আকাশের ?

রমেন

ও সব ইয়ারকী চলবে না—তিন সতি গেলচ !

আশা

তাই না কি ? তা' হ'লে ত গাইতেই হবে ।

গীত

সে আমার, নীল আকাশের ক্রব তারা, কুঞ্জ ফোটা ফুল ।
মাগরের গহন তলের রতন আমার, কোন্ স্বপনের ভুল ।
(ধারে ধারে সাতানাপ রায়ের প্রবেশ ও আশার গীত বন্ধ)

সীতানাথ

হাঁরে শালী,—হাঁরে শালা, একটুখানির জন্তে আড়াল
হয়েছি, আর অমনি ছটিতে প্রেমের বন্তে ছুটিয়েছ !

রমেন

দাদামশাই, দেখুন না কিছতেই শুনবো না, জোর
ক'রে—(বলিতে বলিতে পাশ কাটাওয়া প্রস্থান)

সীতানাথ

হাঁরে শালা !—সাধু—তপস্বি ! কিছতেই শুনবেন না
—ওঁকে জোর ক'রে—! পালাচ্ছি ক'ন ?
(আশার দিকে চাহিয়া) বলি, থামলে কেন গো কুব তারা
চলুক না । বুড়োর কাছে গাইতে বুঝি গলা বুজে আসে ?

আশা

দাছ, আপনি দিন দিন বড় ছুট্টু হছেন ।

সীতানাথ

বড় । তার কারণ, হিংসেটা দিন দিন বড় বেশী হচে
কিনা তাই । একরত্তি—রক্তের ডেলা থেকে, কত আশা
ক'রে মানুষ কল্লুম, মাষ্টার রেখে লেখাপড়া শেখালুম— গান
শেখালুম, আর এখন আমার তোমার আর ভাল লাগে
না । বলি—ওটাকেই আজ পেলি কোথেকে রে ? সে-ও
এই বুড়ো ! ওকে যখন পেলুম, তখন ও মোটে সাত বছরেরটি ।
সেই তখন থেকে মানুষ ক'রে, লেখাপড়া শিখিয়ে, তবে ত
এখন আকাশের কুব তারা—

আশা

সতি বলচি দাছ—ভাল হবে না কিছু ।

সীতানাথ

ভাল যে আমার হবে না, সে আর তুই বলবি কিরে
শালী—সেত দেখতেই পাচ্চি । নইলে রোমনটা উড়ে
এসে জুড়ে ব'সে কি আর এমনটা কতে পারে কখন ?

আশা

যান ; আপনার সঙ্গে আর কথা কব না ।



প্রিয় প্রতীক্ষায়

জাপানী চিত্র

সীতানাথ

তা কইবে কেন বল—ঝগড়া ক'রে কথা বন্ধ করার
একটা অছিলে চাইত ?

আশা

মাছা, আপনার কি আর কোন কাজ টাজ নেই ?

সীতানাথ

তা আবার নেই ? কিন্তু সব কাজ যে পণ্ড ক'রে দেয়
ঐ মুখখানি ! ঐ চলচলে মুখখানি দেখলে কেমন হ'য়ে যাই
কিনা—তাই আর কাজের কথা মনে থাকে না । তা
আমায় তাড়াবার জন্তে এত বোঁক কেন বল দেখি ? আমি
এখন যেন শত্রু পক্ষ হ'য়ে দাঁড়িয়েছি, না ?

(বাহিরে দূর হইতে দীনদয়ালের গান শোনা গেল ; পরক্ষণে গাহিতে
গাহিতে দীনদয়াল প্রবেশ করিল)

দীনদয়াল

আলো আমি চাই না মা গো—রাখিস আমায় আঁধার ঘরে ।
আলোয় যে ভুঁই থাকিস না গো—থাকিস যে মা অন্ধকারে ।

সীতানাথ

কি দাগু খবর কি ? সমস্ত দিন আজ দেখা সাক্ষাৎ
পাইনি, কোথার ঘুরে ঘুরে বেড়াচ্ছ ?

দীনদয়াল

পাগল ছাগল লোক, আমার কি কিছু ঠিকানা আছে !
লোকের কাছে ত যাবার উপায় নেই । পাগুলা বাটা
বাগে সকলেই স'রে যায় । তাই কারু কাছে ত আর যাঠ
না, এই পথে পথে মাঠে মাঠেই ঘুরে বেড়াচ্ছিলুম ।

সীতানাথ

বেড়াবার জায়গা ছিল বটে ত্রিশ বছর আগে । সে
খোঁজা আর নেই । এখন যা দেখছ—এ ত শ্মশান ।

দীনদয়াল

শ্মশানই ত দরকার গো রায় মশাই ! মা আমার যে
শ্মশানেই থাকেন । শ্মশানই যে তাঁর সব চেয়ে প্রিয় ।
জান না—তিনি শ্মশানবাসিনী ? (হ'রে)

৮

শ্মশান পেলে ভাল বাস মা তুচ্ছ কর মণিকোটা ।

আপনি যেমন, ঠাকুর তেমন, ঘুচলো না আর সিঁধি ঘেঁটা ।

হুখে রাখ, দুঃখে রাখ, করবো কি আর দিয়ে গেঁটা ।

মায়ে পোয়ে কেমন বাভার, ইহার মর্গ জানবে কেটা ।

সীতানাথ

দাগু, আগাকে তোমার মত পাগল ক'রে দিতে পার ?
(পানিক নীরব থাকিবার পর) মাছা সে হবেখন । সমস্তদিন
থাওনি—এখন এস, ছুটি খেয়ে দেয়ে নেবে চল ।

দীনদয়াল

শ্মশান পেলে ভাল বাস মা, তুচ্ছ কর মণিকোটা ।

(গাহিতে গাহিতে প্রস্থান)

তৃতীয় দৃশ্য ।

দেবাপুর—দীনেশ রায়ের বাগানের ঘর

ইয়ারগণ, দীনেশ ও মালতী

(একজন একধারে বাসে আপন মনে বিজ্ঞানন্দর হাঁকিয়া হাঁকিয়া
পাড়াতেছিল । অশ্রুদকে আর একজন বায়াতবল
সাধিতেছিল)

বা তে রে কিটি তাক,

তা তে রে কিটি তাক.

না তে রে কিটি তাক,

ধিন তে রে কিটি তাক ।

প্রথম ইয়ার

(অস্বাভিকতপরে) চলুক চলুক—ফুঁতি চলুক ।

If a body meet a body

Coming from the Ry

If the body kiss the body

Should the body cry ?

দীনেশ

আহা-হা ! মতে, তোর ও চ্যাব-ঢাবানি বন্ধ কর—
না বাবা !

প্রথম ইয়ার

মালতী সুন্দরী, নাও, আর একখানা গাও ।



দ্বিতীয় ইয়ার

না, বাবা! আর গানে কাজ নেই, কান ঝালাপালা হ'য়ে গেছে। তার চেয়ে, মালতী, তুই রিজিয়ার পাটটা ব'লে যা, আমি বক্তায়ার বলি :—

“শাহাজাদা!
এই রক্ষাশক্তি কক্ষে
এই দণ্ডে নিশ্চিন্ত অসি মম
দ্বিপণ্ডিত করে তব শির,
কি করিতে পার তুমি?”

কৈ—বল, ‘ফিলিং উণ্ড’ হ'য়ে যাচ্ছে, বল—বল—অ মালতী?

মালতী

কি বলবো বাপু জানি নে!

দ্বিতীয় ইয়ার

আঃ মরণ তোর! কি বললুম তবে তোকে? তুই নেচায় একটা যাচ্ছেতাই!

তৃতীয় ইয়ার

ওহে শোন—শোন। ‘বসুন্ধরা’ কাগজে কি লিখেছে শোন,—কৈলাসপতি মহাদেব বহুকাল ধরে পৃথিবী দর্শনাভিলাসে কৈলাস হইতে বোম্বাইয়ের কোন স্থানে আসিয়া ছদ্মবেশে গৌরীসহ পরিভ্রমণ করিতেছিলেন। গত ৭ই জুন তারিখে মধ্যরাত্রে বোম্বাইয়ের একজন পুলিশ আসিয়া জে, এস, বিলফোর্ড সন্দেহের বশে তাঁহাদের ধরিয়া ফেলেন। ফলে খুব একটা ধস্তাধস্তি হয় এবং তাহাতে পূর্জটার জটার খানিকটা অংশ ছিঁড়িয়া আসিয়া বিলফোর্ড সাহেবের হাতের মধ্যে—

দীনেশ

থাম্ থাম্ ভজা, বাজে বকিস্ নি ক! যত সব গাজাখুরী—

(ডাক্তার ও পুলিশ ইনস্পেক্টার নিমাইবাবুর প্রবেশ)

আরে এস এস, ইনস্পেক্টার সাহেব এস। পুলিশই ত সকলকে পাকড়াও করে,—ডাক্তার, তুমি যে দেখছি— পুলিশকে পাকড়াও ক'রে এনে ফেলেছে! তোমার বাহাদুরী আছে বটে! তারপর, পুলিশ সাহেব, খবর কি বল?

ইনস্পেক্টর

খবর ত তোমার কাছেই হে। জমীদার লোক! তা'তে আবার কুমার নাম যুচে—এখন স্বয়ংই মহারাজ! হা—হা—হা—হা—হা

দীনেশ

পুলিস সাহেবকে আগে একটা ‘পেগ’ দাওহে মতি।

ডাক্তার

মতি দেবে কি রকম! তোমার কথায় বড় তালের ভুল হয় দীনেশ বাবু। মালতী থাকতে মতি দেবে কি রকম?

দীনেশ

ঠিকই বলেছ হে ডাক্তার, ‘হিমালয়ান ব্লাগার’। মালতী, নতুন অতিথিদের খাতির কর।

মালতী

(সুরা হস্তে লইয়া) আসুন, ইনস্পেক্টার বাবু!

ইনস্পেক্টর

(সুরা পানান্তে) আঃ!—বেড়ে জিনিষ হে! ‘হোয়াইট হর্স’—না?

ডাক্তার

হাতের গুণবাণা—হাতের গুণ! হাতে ক'রে কে দিলে সেটা দেখতে হবে! হাতের গুণেতেই—খাঁটা ‘চন্দননগর’ ‘হোয়াইট হর্স’ হয়! আমাদের হাটের বিপনে সা’ ‘কাটলার পামার’ হ'য়ে যায়।

বিদ্যাসুন্দর-পাঠক-ইয়ার

(চেঁচাইয়া)—শুন শশুর ঠাকুর, শুন শশুর ঠাকুর,

আমার বাপের নাম বিদ্যার শশুর।

তবলাবাদক ইয়ার

তেরে কেটে—ধাগ্ ধে—তিলা—ধি নি কি টি—ধাগ্ ধে ধে রে কে টে তাক।

ইনস্পেক্টর

ওহে দীনেশ, তোমার মালতী রাণীর ছ একখানা গলি-টান চলুক। তোমার জিনিষ, তোমার হুকুম না হ'লে হ আর উ'নি—কি বল গো বিবিসাহেব?

মালতী

আপনারা পুলিশের লোক—আপনাদের হুকুমই যথেষ্ট !
তার ওপর আর কারুর হুকুম দরকার হয় না—আর তা
হুকুম দেন না।

ইনস্পেক্টর

ব্রেভো, ব্রেভো ! তা'হলে হোক একখানা। দাও
চক্রেত্তি, হাম্মোনিয়মটা বিবিসাত্তেবের কাছে—এগিয়ে
দাও।

দীনেশ

গাও—গাও—মালতী,—ভাল দেখে গাও। এঁদের
স্বপ্ন না করতে পাল্লো,—বুঝেছ ত ?

মালতী

না বলে যায় পাছে সে, অঁপি মোর নুম না জানে।
তবু যে রই আমি—আমার বাখা জাগে পরাগে।
সে পথিক পথের ভুলে, এল মোর হৃদয়কলে,
সে কি আর সেই মিনতির বাধা মানে।
এল যে, এল সে তার আগল টুটে,
পোলা দ্বার দিয়ে আবার যাবে ছুটে,
পরালের হাওয়া লেগে, যে ক্ষাপা ওঠে জেগে,
সে কি আর সেই অবলার বাধা মানে।

ডাক্তার ও ইনস্পেক্টর

ব্রেভো ! ব্রেভো !! থি চিয়ার্স ফর্ মিস মালতী
সুন্দরী।

(নীলু ভট্টাচার্যের প্রবেশ)

বাহবাং ! বাহবাং ! কেয়া ফূর্ত্তিং ! সকলেই
বাধা দিব্বিং মজা লোটাং হচ্চেং—আর আমি শালাই শুধুং
কাক ! আর একটাং হোক বিবিজানং।

১ম ইয়ার

তুমিং এতক্ষণ কোথায় ছিলেং নীলমণিং ?

দীনেশ

ভট্‌চাজ, বোস্ বোস্—বাজে গোলমাল করিস নি।
উল্লাকাপা,—হ্যাঁহে ডাক্তার, ফকীরের বাড়ীর খবর কি বল
দেখ। তার ভাই আর ভাইপোর অবস্থা কেমন ?

ডাক্তার

খবর বড় সুবিধে ব'লে বোধ হয় না। একেবারে এসিয়াটিক্
কলেরা। পৌরহাঠা তার ওখান থেকেই ত বরাবর আসছি।
রাস্তির পর্যন্ত কি হয় বলা যায় না। ওই ত আপনার
ফকীর আসছে।

(ফকীরের প্রবেশ)

দীনেশ

এসো—কি খবর ফকীর ?

ফকীর

ছোটবাবু, খবর খুবই খারাপ। এই ত ডাক্তার বাবু
দেখে এলেন। ক্রমেই অবস্থা খারাপ হচ্ছে। একটিবার
যেতে হবে ছোট বাবু। দোহাই ছোট বাবু !

দীনেশ

আমি গিয়ে আর কি করব ফকীর ? বলচ—চল—যাই
একবার। তোমার সময়টা খুবই খারাপ পড়েছে। এই
সেদিন চৈতনপুকুর নিয়ে রমেন রায়ের সঙ্গে দাঙ্গা-হাঙ্গামা—
মাথা ফাটা-ফাটি হল। আজ আবার এই বিপদ। ও
মোকর্দ্দমাটার দিন ত ৭ই—না ?

ফকীর

হ্যাঁ। তা একটিবার গা তুলুন ছোটবাবু।

দীনেশ

চল—যাই একবার। এস হে ডাক্তার। তোমরা সব
বস—আমরা ঘণ্টাখানেকের মধ্যেই ঘুরে আসছি।

(প্রস্থান)

চতুর্থ দৃশ্য

বেলডাঙ্গা—সীতানাথ রায়ের বাটা

সীতানাথ

হ্যাঁ ভাই আশা ?

আশা

কি দাছ ?

সীতানাথ

আচ্ছা, এইটেই কি তোরা উচিত হ'ল। ধর্মও ত
একটা আছে।



আশা

কি—গো ?

সীতানাথ

আমি তোকে ডাকলুম—“হাঁ ভাই, আশা ?” তার উত্তরে তোর কি বলা উচিত নয়—“কি ভাই হৃদয়বল্লভ !”—তা’ না “কি দাছ ?”—তুই কি এমনি ক’রেই আমাকে জ্বালাবি ?

আশা

দেখুন—চুপ করুন বলচি।

সীতানাথ

আচ্ছা বেশ চুপই করলুম।

আশা

দাছ !

সীতানাথ

(নীরব)

আশা

অ দাছ !

সীতানাথ

(নীরব)

আশা

শুনতে পাচ্ছেন না ?

সীতানাথ

শুনতে কেন পাবনা—কিন্তু চুপ করবার শুকুম হয়েছে যে !

আশা

আচ্ছা, দিদিমার জন্তে আপনার খুব কষ্ট হয় ? আচ্ছা দিদিমা খুব সুন্দরী ছিলেন, না ? দিদিমাকে আপনি ভালবাসতেন ?

সীতানাথ

না ; হ্যাঁ ; বোধহয়।

আশা

ও কি “না-হ্যাঁ-বোধহয়”—এ আবার কি ?

সীতানাথ

তিনটে প্রশ্নের একেবারে পাশাপাশি তিন রকম উত্তর।

আশা

আপনি কি কবির উত্তোর গাইছেন না কি দাছ ?

সীতানাথ

রামো-চন্দর ! আমি আমার প্রেমসীর সঙ্গে প্রেমানাগ কচ্চি।

আশা

সত্যি বলুন না,—দিদিমাকে খুব ভালবাসতেন না—?

সীতানাথ

বাসতুম বটে—তবে খু-উ-ব নয়। অর্থাৎ রমেন যেমন তোকে ভালবাসে—তেমন নয়।

আশা

ভাল হচ্ছে না কিন্তু ! (খানিক নীরব থাকিয়া) দাছ একটা জিনিস কিনে দেবেন ? আপনার পায়ে পড়ি দাছ ! তা’হলে যে আপনার ওপর কী—

সীতানাথ

অত ভূমিকা কেন, ফরমাসটা কি ব’লেই ফেল না।

(বাহিরে দানদয়ালের গীত শোনা গেল)

এস দীমু। হাতে ও কি ? টেলিগ্রাম ? কোথেকে এলো !

দীনদয়াল

খোলসে আঁটা, বাইরে থেকে ত কিছু বোঝবার জো নেই, খুলে দেখুন।

(টেলিগ্রামখানি খুলিল এবং পাঠান্তে সীতানাথ শুটয়া পড়িল)

দীনদয়াল -

কি হোল রায় মশাই ? অমন হোয়ে পোড়লেন্ কেন ?

আশা

দাছ, কি হোয়েছে ? কোথাকার টেলিগ্রাম ?

সীতানাথ

(কণেক নীরব থাকিবার পর উদাস ক্রীণ স্বরে) আশা.

দীমু,—আমার সব গেল—ব্যাঙ্ক ফেল হয়েছে।

দীমু ও আশা

ব্যাঙ্ক ফেল হয়েছে !

সীতানাথ

ই্যা! ব্যাক ফেল! আমার যথাসর্বস্ব! উঃ—পাখা!—
(টলিতে টলিতে উঠিয়া ঠাড়াইয়া) না—পালকী। কোলকাতায়
যাবো—পালকী—দীমু—শীগ্গীর। আচ্ছা, থাক্, আমিই
যাচ্ছি।

(প্রস্থান)

দীমু

জামাই বাবু কোথায় দিদি?

আশা

পীরহাটার সেই ফকীর মণ্ডলের বাড়ী—অসুখ, সেখানে
ডাকে গেছেন।

দীমু

তাদেরই সঙ্গে না ফোজ্দারী মামলা বেঁধেছে দিদি?

আশা

ই্যা দাদা। তা সে অনেক ক'রে কেঁদে কেটে এসে
পড়ল। মোকদ্দমা না কি তুলে নেবে। পায়ে হাতে
ধরাধরি করে ত নিয়ে গিয়েছে।

(গোলাপীর প্রবেশ)

গোলাপী

দিদিমনি, কর্তাবাবু শীগ্গীর ডাকচেন একবার।

(উভয়ের প্রস্থান)

দীমু

ভারি জ্বর খবর। একেবারে ব্যাক ফেল! ব্যাক আর
গাট থাকলেই, একদিন তা ফেল হবারও ভয় থাকে। এত
ক'রে বলি রায় মশায়কে যে দাদা—হাক্কা হও—কোন
গ্যাম থাকবে না, সে ত আর শুনবেন না। খালি বিষয়
আশয়, টাকাকড়িতে নিজেকে অসম্ভব ভারি ক'রে রেখে-
ছেন! ব্যাক ফেল সঙ্গে সঙ্গে রায় মশায়ও ফেল! কই—
করুক দেখি কেউ একবার আমাকে ফেল? সেটি বাবা
হবার যো নেই। দীনদয়াল ফেল-প্রফ হয়ে ব'সে আছে। কিন্তু
বেটা পাশও ত এখনো করাচ্ছে না। ছাড়চি না বাবা—
ছাড়চি না—পাশ করিয়ে নোবই। পাশ না করালে বেটা
তোমার ছাড়ান নেই! পাশ তোমায় করতেই হবে।

(ধীরে ধীরে প্রস্থান)

পঞ্চম দৃশ্য

পীরহাটা—ফকীর মণ্ডলের বাটা, বাহিরের একখানি গৃহ
(ফকীর ও রমেন)

রমেন

আর দেখছ কি ফকীর, হ'য়ে গেল আর কি! চেঁটার ত
কুটা কলি না; আয়ু নেই হ'জনের, তার আর তুই করি
কি? এখন আর মুষড়ে পড়িসনি, শক্ত হয়ে শেষ কাজ
শুণো সেরে ফেল। আচ্ছা আমি উঠলুম তা হলে। আমার
পালকী আনতে ব'লে দে কারকে।

ফকীর

বসুন জামাইবাবু। আর একটুখানি বসুন,—আমি
আস্টি। (প্রস্থান)

বাটার ভিতর অল্প একখানি ঘরে দীনেশ, ডাক্তার ও
ইনস্পেক্টর নিমাই বাবু)

দীনেশ

ডাক্তার, বেশ ক'রে ভেবে দেখ দেখি। এমন সুযোগ
হয় ত আর জীবনে নাও পেতে পারি। তুমি কি বল হে
নিমাইবাবু? 'গ্যারেট' তো তোমাকেই কত্তে হবে।

নিমাই

এক্ষনি ত 'চার্জ' দিয়ে 'গ্যারেট' করা যায়। কিন্তু, এ
বেটা মোড়ল তোমার রাজী হবে ত?

দীনেশ

ফকীরকে আমি যেমন ক'রে পারি রাজী করাচ্ছি।
কিন্তু কেসটা ঠিক দাঁড় করিয়ে প্রমাণ করান যাবে ত?

ডাক্তার

তা যাবে না কেন? ও বলবে "আমি 'পয়জন' দিই নি"
কিন্তু শিশি ছোটোর গারে তোমারি হাতের লেখা—"রমজানের
জন্তে"—"লতিবের জন্তে"।

নিমাই

আর শুধু তাই নয়,—প্রমাণ ভাল ক'রে হয়ে যাবে,
ফোজ্দারী মাথা ফাটাফাটি কেস পেণ্ডিং রয়েছে, সুতরাং
আক্রোস যে রীতিমত, সে সহজেই প্রমাণ হয়ে রয়েছে।
তারপর, ভুলে না হয় একজনের শিশিতে 'পয়জন' দিয়ে



ফেলতে পারে, কিন্তু তুজনের ছোটো শিশিতেই ভুলে 'পয়জন' দেওয়া? কিম্বা, হয়ত বলবে যে 'কলেরা কেস', কিন্তু "কলেরা" যে নয়, তা পাড়ার ছ'চার জনের সাক্ষীতে প্রমাণ করিয়ে নিতে হবে। মোট কথা, প্রমাণের অভাব হবে না। এ সব ছাড়া আরও 'টুং এভিডেন্স' অনেক রয়েছে। তবে, এসব ব্যাপারে পাটিকেও রীতিমত কিছু খরচ করতে হয়। সেটা পেরে উঠবে ত? অবশ্য আমাকে কিছু দিতে হবে না। কিন্তু, তা ছাড়াও ত, চাই :—বুঝলে না? লাস ওরা জালিয়ে কেলুক—সে 'রিস্ক' আমার—সে আমি কাটিয়ে নোবো। মরবার আগের মুহূর্তের বমিটাই মেডিকেল একজামিনের জন্তে পাঠিয়ে দিয়ে কাজ সারব, আর ডাক্তারের 'উইটনেস' সবচেয়ে কাজে লাগবে। এই ত ফকীর এসেচে—ওকে একবার জিজ্ঞেস কর তাহলে দানেশবাবু ভাল ক'রে।

দানেশ

ওকে সে সব আমি বলেছি। টাকা যা খরচ হয় আমি করবো। এ সুবিধে আমি ছাড়বো না নিমাইবাবু! তুমি ওকে 'স্মারেষ্ট' কর। তারপর যা হয় হবে।

নিমাই

তাহলে ফকীর, এক কাজ কর। পাড়ার ছ'চারজন সাক্ষী ঠিক ক'রে, এখানে হাজির থাকবার ব্যবস্থা কর। আর, একখানা চিঠি লিখে দিচ্ছি—কারুকে দিয়ে থানায় হেড কনস্টেবল মহিমের কাছে একুনি পাঠিয়ে দাও।

দানেশ

ফকীর, তা হলে আর দেবী কোরনা। চটপট সব বন্দোবস্ত ক'রে ফেল। আমি আর এখানে থাকবো না তা হ'লে। আমি স'রে পড়লুম। ডাক্তার, থাক সব তোমরা তা হলে। ওরে ফকীর! রমনের কাছে গিয়ে ব'সে ছ'একটা এ কথা—সে কথা ব'লে ওকে আটকে রাখবে যা। আচ্ছা, আমি চল্লুম তাহ'লে। গুড্‌বাই।

(প্রস্থান)

নিমাই

ফকীর এই চিঠি নাও। যাও, তুমিও চলে যাও। ছ'একটা কথা ক'রে ওদিকে আটকে রাখবে—আমরা তোমার পেছন পেছনেই যাচ্ছি। (ফকীরের প্রস্থান)।

(ফকীরের বাহিরের ঘর, রমন ও ফকীর উপবিষ্ট)

রমন

তা'হলে আমার পাকীখানা এইবার আনতে বলে দে,— আমি যাই।

ফকীর

হ্যাঁ, দি জামাইবাবু। আচ্ছা, জামাইবাবু, ফোজদার মকদ্দমার আসামী ত দাদাও একজন ছিল। তা, ওই যখন ম'রে গেল, তখন—

রমন

হ্যাঁ, তোকে এই ব'লে একটা 'পিটিসান' ফাইল করতে হবে যে, দাদা তোর কলেরাতে মারা যাওয়ায় —

ফকীর

কলেরাতে মারা যাওয়ায় কি গো। তুমি বিষ দিয়ে ভাই আর ভাইপোটাকে মেরে ফেলো, আর বলছ "কলেরাতে"। হায়! হায়! তোমাকে বিশ্বাস ক'রে চিকিৎসা করতে এনেছিলুম, আর তুমি বিষ খাইয়ে এমন ক'রে শত্রুতা সাধলে—

রমন

(চমকিত হইয়া) কি বলছিচ্ছিস রে ফকীর। বিষ কি বলছিচ্ছিস?

[নিমাইবাবু, ডাক্তার ও কণ্ঠ্য কয়েকজন প্রতিবেশী ও জমাদার চৌকীদার প্রভৃতির প্রবেশ]

নিমাই

জানেন না আপান—বিষ কি?—শীগগীরই জানতে পারবেন। এই ফকীর মণ্ডলের দাদা আর তার ছেলেকে ওবুধের সঙ্গে বিষ মিশিয়ে খাইয়ে হত্যা করার অপরাধে আমি আপনাকে গ্রেপ্তার করলুম। রহমৎ আলি, গণেশ-লাল,—হাতে হাতকড়ি লাগাও।

রমন

কি? আমি বিষ—

নিমাই

হ্যাঁ—হ্যাঁ—বিষ। নিজে খাইয়েছেন, এখন কিছুই বুঝতে পাচ্ছেন না? রহমৎ, বার-বাড়ীতে নিয়ে এস। ডাক্তার বাবু, আসুন আপনারা, বার-বাড়ীতে যাই চলুন।

শ্রীঅসমঙ্গ মুখোপাধ্যায়

[রমেনের হাতে হাতকড়ি পরান হইল। রমেন কাণ্ডমূর্তিবৎ ডাউয়া রহিল। তারপরে তাহাকে টানিয়া লইয়া বাহিরের দিকে দিয়া গেল। পিছন পিছন সকলে চলিল]

যষ্ঠ দৃশ্য

বেলডাঙ্গা

[সিদ্ধেশ্বরীর মন্দিরের সম্মুখবর্তী বারোয়ারীতলা। জনকয়েক গ্রামবাসী—বাধানো বকুল গাছের তলায় বসিয়া নানারূপ আলাপ আলোচনা করিতেছিল। ভট্টাচার্য মহাশয় হুঁকা হস্তে দাঁড়াইয়া নামাক খাইতেছিলেন]

ভট্টাচার্য

ব্যাপার ত তা'হলে 'গুরুচরণ' হ'য়ে উঠলো দেখছি, কি বলিস রে মোনা? [তামাক টানিতে টানিতে বাধানো বেদীর উপর উবু হইয়া বসিলেন]

হরিচরণ

আচ্ছা, শুনতে পাই, আশা চালাক মেয়ে,—কিন্তু এ কি রকম কাজটা ক'রে ফেলো! একখানা চিঠি পেলে আর অমনি একটা অজানা-অচেনা লোকের সঙ্গে টাকাকড়ি নিয়ে বেরিয়ে পড়ল?

মন্মথ

আরে যায় কি আর সাথে! কি সঙ্গীন অবস্থাটা একবার ভাব দেখি। রায় মশাই নেই বাড়ী। ব্যাঙ্ক ফেলের খবর পেয়ে তিনি পাগলের মত হয়ে চ'লে গেছেন কোলকাতায়। এ দিকে স্বামী পুলিশের হাতে গ্যারেটে গিয়েছে! কি অবস্থাটা একবার ভাব দেখি!

ভট্টাচার্য

[হুঁকায় দাঁড় একটা টান দিয়া] দেখ্ মোনা, এর ভেতর মস্ত একটা ষড়যন্ত্র রয়েছে, নইলে তোমার গিয়ে—

মন্মথ

আরে ষড়যন্ত্র ত রয়েছেই।

হাবুল

ষড়যন্ত্র ত বটেই। নইলে, যেই রায় মশাই পাগলের মত হয়ে কোলকাতা ছুটলেন, অমনি রমেনকে পুলিশ বিষণ্ণ গওয়ানর অপরাধে গ্যারেটে ক'রে ফেলো। বিষ খাওয়ালে

আবার কাকে? না—ফকীর মণ্ডলেরই ভাইকে আর ভাইপোকে! তারপর এক দিন পরেই হুগলী থেকে অমনি রাই মশাইএর চিঠি নিয়ে লোক এল, আর সেই রাত্রেই মেয়েটাকে যেন ভোজবাজার মত উড়িয়ে নিয়ে গেল। বলি এ সব কি আর বুঝতে বাকি থাকে! প্রকাণ্ড ষড়যন্ত্র! প্রকাণ্ড ষড়যন্ত্র!

বিষ্ণু পাল

আচ্ছা, চক্কোত্তি মশাই, চিঠি খানায় কি লেখা ছিল, তা কিছু শুনো?

মন্মথ

আরে, সে আমি শুনছি। লেখা আর ছাইপাঁস কি থাকবে। রায় মশাই যেন কোলকাতা থেকেই খবর পেয়ে তখন হুগলী চ'লে এসে তাঁর উকীলের বাড়ী থেকে লিখচেন যে এই লোকের সঙ্গে টাকাকড়ি নিয়ে পত্রপাঠ হুগলী চ'লে আসবে। কিছু চিন্তা কোরো না—কোন ভয় নেই। রমেনকে খালাস করাই। এই রাত্রেই ট্রেনেই চ'লে আসবে। এই লোক খুব বিশ্বাসী, এর সঙ্গে আসতে দ্বিধা কোরো না। দীর্ঘকালও সঙ্গে ক'রে এনো। রমেনের জন্তে—

ভট্টাচার্য

তা এই চিঠি পেয়েই, ভালমন্দ একটু ভেবে চিন্তে না দেখেই, টাকাকড়ি নিয়ে লোকটার সঙ্গে বেরিয়ে পড়া—বিশেষ রাত্রিকাল—তারপর ধর গিয়ে,—আমাদের ঘরের মেয়ের মত মুখা সূখা নয়—লেখাপড়া জানা মেয়ে! হাতের লেখাটাও একবার দেখলে না, যে কার হাতের লেখা! তারপর ধর গিয়ে, হুগলী থেকে বেলডাঙ্গা, এমন যে অনেক দূরের পথ—তা'ও নয়, মোট কোশ আড়াই তিন পথ ট্রেনে আসতে মিনিট পনের। রায় মশাই ত নিজেই তা'হলে বাড়ীতে এসে টাকাকড়ি নিয়ে আবার যেতে পারতেন।

মন্মথ

দেখ ভট্টাচার্য, তোমাদের মাথায় গোবর ছাড়া আর যে কিছু আছে ব'লে ত আমার মনে হয় না। তোমরা এটা মোটেই বুঝ না যে আশায় তখন রমেনের অবস্থা কি!



অতি-বড় পশুতেরও এ অবস্থায় বুদ্ধিশক্তি লোপ
পেয়ে যায়।

হরিচরণ

আরে ভাই, ওসব কিছুই নয়—কিছুই নয়। এ হচ্ছে
গাংগা। গ্রহের ফের ছাড়া আর কিছুই নয়। রায় বাড়ীর
গাগোর চাকা উন্টো ঘুরতে শুরু হল আর কি! তা'
ইলে, ভেবে দেখ দেখি, দেখতে দেখতে কি ব্যাপারটাই
'য়ে গেল। সাজান যাত্রার আসরে এ যেন আশুন লেগে
গল! কি বল হে বিষ্ণু পাল?

বিষ্ণু পাল

ঠিক—ঠিক! ভগবানের মার ছাড়া এআর কিছুই
নয়। যাই হোক অমন দেবতার মত লোকের যে
মন ধারা—

ভট্টাচার্য্য

দেখ, রায় মশাই লোক যে মহৎ তা ঠিকই, কিন্তু সকলে
। তাঁকে দেবতা দেবতা বলে গ'লে যায়, সেটাও লোকের
ড়াবাড়ি।

হরিচরণ

বাড়াবাড়ি বই কি,—খুবই বাড়াবাড়ি। আমার সঙ্গে
বছর—

ভট্টাচার্য্য

(সবিশেষ উৎসাহিত হইয়া অপেক্ষারূত উচ্চকণ্ঠে) নিশ্চয়ই
বাড়াবাড়ি। আমার খেঁদির বিয়ের সময় বড়-মুখ ক'রে
গিয়ে তোমার কাছে দাঁড়ালুম, তুমি একশোটা টাকা দিতে
পারলে না! পঞ্চাশটা টাকা দিয়ে যেন ভিকিরা বিদেয়
করলে। ছেলে নেই, পুত্র নেই, বিষয়ের আশুল নিয়ে
ব'লে রয়েছ,—তুমি কি না—

হাবুল

কলে যদি তবে বলি। আমার খিড়কীর পাদাড়ে গুঁর
সেই প্রকাণ্ড শিরীষ গাছটা গেল বছর ঝড়ে প'ড়ে গেল।
তা অপরাধের মধ্যে গোটা দুই মড়ুকে ছোট ডাল আমি
এনেছিলুম। তা তিন দিন না যেতেই তুমি অমনি খবরটা
নিয়েছ আর নগদীকে দিয়ে চেয়ে পাঠিয়েছ! এ রকম
ছোট নজর কারুর আমি দেখি নি। রোজ চারটে ক'রে

কিষণ লাগিয়ে গোটা তিনটে দিন গেল আমার সেগুলো
চেলিয়ে ফেলতে! পাঁচ ছ'টা টাকাই গেল আমার খরচ
হয়ে। তুমি সেদিকে দেখলে না, তুমি এলে কি না
সেগুলোর ওপর নজর দিতে। যাই বল, চোখের পর্দা
একেবারেই নেই।

মনমথ

ওবে ভাই, 'যতটা গর্জায় ততটা বর্ষায় না'। সত্যি
কথা বলতে গেলে অনেক কথাই বলতে হয়। আমার সেই
জমী বন্ধকের দরুণ ত্রিয়ার টাকা সুদ হয়েছিল, কত
ক'রে বল্লুম, কই, সব সুদটা ছেড়ে দিতে ত আর পারলে
না তুমি! ইচ্ছে করলে কি আর তা তুমি পারতে না?
ছাড়লে বটে, কিন্তু সুদ বলে পাঁচটি টাকা নিলে ত! বলি,
ভগবান অন্টারটা কি চিরকাল কখন সহ্য করেন?

ভট্টাচার্য্য

আরে, লোক মোটেই ভাল নয়, তা নইলে—

হরিচরণ

ছেড়ে দাও—ছেড়ে দাও। যা হয়েছে—ঠিকই
হয়েছে। দেবতার বিচার, বাবা, বড় সুন্দর বিচার!

বিষ্ণু পাল

(গলা খাট করিয়া) এখানে আর কেউ নেই—চুপি
চুপি বলি তা' হ'লে—পাষণ্ড! পাষণ্ড! মহাপাষণ্ড—
নরাধম!!

ভট্টাচার্য্য

(হ'কায় একটা টান দিয়া একমুখ ধোঁয়া ছাড়িতে ছাড়িতে
উৎসাহের সহিত কথা কহিতে গিয়া গলায় ধোঁয়া লাগিয়া বিষম খাইল
এবং সেই অবস্থায় কহিতে লাগিল) আরে বাটা মো—মো—
মো—মো—ক্ষা—ক্ষা—ক্ষা—ক্ষা—

সপ্তম দৃশ্য

কালী মন্দির—রাত্রি দশ টার পর

একজন ভক্ত

কেমন ক'রে হরের ঘরে—

ছিলি উমা বল মা তাই।

কত লোকে কত বলে

শুনে প্রাণে ম'রে যাই।

শ্রীঅসমঞ্জ মুখোপাধ্যায়

শিব না কি মা নেচে রঙ্গে,

চিতা-ভঙ্গ মাগে অঙ্গে,

তুই না কি মা তারি সঙ্গে

সোনার অঙ্গে মাপিস ছাই।

জামাই নাকি ভিক্ষা করে,

মতান নিয়ে থাকিস ঘরে,

আর যা শুনি ঘরে পরে

উচ্ছা করে বিষ পাঠি।

—মা—মা—বন্ধময়ী, তারা! [প্রস্থান]

[একটি পুরুষ ও একটি স্ত্রীলোক যাত্রীর প্রবেশ]

পুরুষ

এস—এস—আর হাঁ করে দাঁড়িয়ে কি দেখচো? দরজা
ও বন্ধ হোয়ে গেল!

স্ত্রীলোক

আজকে মায়ের মুখের ভাবটী দেখলে? যেন কত
মধুরভাষা! আহা, মাগো! ফটকের আমার একটা
কাঁজের হিলে ক'রে দাও মা—তোমায় আমি ভাল ক'রে
পূজা দিয়ে যাব মা!

পুরুষ

আরে, এস না ছাই! মেয়েমানুষ নিয়ে আসা—এক
বন্ধটি! চলতে পার না? ধূমসো গতির নিয়ে এক
জায়গাতেই যে জ'মে রইলে। চ'লে এস না!

স্ত্রীলোক

আরে বাসরে! যেন রেল ছুটে আরম্ভ কলে যে!
একটু আস্তে চল না গা!

[উভয়ের প্রস্থান]

[দুইজন যুবকের প্রবেশ]

১ম যুবক

তুই বেটা যেমন অনড়ান! বঙ্গলুম একটু সকাল
সকাল চ', তা' এখন হোল ত? আমি জানি যে রাত
দাটার পর মায়ের মন্দিরের দরজা বন্ধ হ'য়ে যায়।
ভ্রাতার! এই এতটা পথ এসে—

২য় যুবক

দেখ্ দেবা, মিছে বকিসনি। তোর জন্তেই ত দেবী
হ'ল। তোর আর সাজগোজই হয় না। আসবি—মায়ের

মন্দিরে, তা সাজগোজের অত দরকার কি ছিলরে ষ্টুপিড?

১ম যুবক

যাঃ, যাঃ, এই পাঁচ আনা পয়সা ট্রামভাড়া কিছ তোর
কাছ থেকে আদায় করবো আমি। তা জানিস।

[দুইটি কুমারী বালিকার প্রবেশ]

১ম বালিকা

বাবু, একটি পয়সা দাও বাবু!

২য় বালিকা

লাল লাল বাটা হবে তোমার, একটি পয়সা দাও বাবু!

১ম যুবক

এই, হাত ধরিসনি। পয়সা টয়সা হবে না—নেই।

১ম বালিকা

রাজাবাবু তুমি, পয়সা নেই বোল না বাবু। দোহাই বাবু,
একটা পয়সা দাও বাবু!

২য় যুবক

আরে আরে, কাপড় ছাড়! আচ্ছা, এই একটা পয়সা
তু'জনে ভাগ করে নিগে যা। [একটি পয়সা একজনের হাতে দিল]

১ম বালিকা

রাজা হও বাবু।

২য় বালিকা

রাঙা বাটার বাপ্ হও বাবু।

১ম যুবক

ওরে দেবা,—ওই একদল আসচে আবার। পা
চালিয়ে পালিয়ে আয়—পালিয়ে আয়। কি সর্বনাশ! রাত
দশটা বেজে গেছে, এত রাত্রেও এরা ঠিক হাজির আছে।

[২য় যুবকের হাত ধরিয়া টানিয়া লইয়া প্রস্থান এবং সঙ্গে সঙ্গে
একদল ভিখারীর প্রবেশ]

১ম ভিখারী

বাবু, কানাকে একটা পয়সা দিয়ে যাও বাবু।

২য় ভিখারী

খোঁড়া ল্যাংড়াকে কিছু দিও বাবা।

৩য় ভিখারী

পালিও না বাবা, পালিও না বাবা, পূর্ণিমের দিন
ব্রাহ্মণকে একটা পয়সা দিয়ে যাও বাবা—



৪র্থ ভিখারী

সুরদাসকে গোটা পয়সা দিয় বাপ্পা—ভগবান তন্তার
ভাল করিবা—

৫ম ভিখারী

[বুক চাপড়াইতে চাপড়াইতে] হেঁইবাবা, হেঁইবাবা, একটা
পয়সা—হেঁইবাবা—হেঁইবাবা একটা পয়সা ।

গোগা ভিখারী

আ—উ—অ—অউ—য়াঃ—উঃ—আ—হ্যা—উউ—
আঃ—আঃ—

৫ম ভিখারী

দিলেনা বাবু, তবে জাহান্নমে যাও !

১ম ভিখারী

দূরহ—দূরহ—আমার মত কানা হয়ে থাক্ ।

২য় ভিখারী

জ'লে পুড়ে থাক—জ'লে পুড়ে থাক—

৪র্থ ভিখারী

দূর হও, এমতি ভিক্ষা কিরি কিরি খা—

গোগা

অ—উ—আ—উই—উহ হা—আউ—হস্ত ই—

(সকলের প্রস্থান)

[মালতী ও দীনেশের প্রবেশ]

মালতী

সন্সোর আগে এসে দেখে গিইচি, এই মনসাতলাটায়
শুয়ে প'ড়ে ছিল। কারুর কাছ থেকে চারটা মায়ের
ভোগ চেয়ে চিন্তে শুয়ে শুয়ে ছেলেটাকে খাওয়ান্ছিল। ধন্ত
মেয়েমায়ুষ বাবা ! মরতে বসেচে, তবু নোন্নাতে কিছুতেই
পারা গেল না ! যাই হোক পথে বার ক'রে দেওয়াটা
ভাল হয় নি । (চারিদিকে দেখিয়া) কৈ, কোথায় গেল ?

দীনেশ

ঐ ভাঙ্গা বারান্দাটার ভেতর কে যেন শুয়ে রয়েছে না ?

ঐ যে,—ঐ কোণের বারান্দায় ?

মালতী

মায়ুষের মজই ত ব'লে বোধ হ'ছে । এস দিকি দেখি ।
(কাছে গিয়া) ঠিকই গো—এই যে ! অ আশা ! ঝ

এসেছেন । রাগ ক'রে তোকে রাস্তায় বার ক'রে দেছলেন,
তোর ওপর আর কতক্ষণ রাগ ক'রে থাকতে পারেন ? দেখ্
দিকি কী ভালবাসা ! ওরে তোর বরাত ভাল । এমন
ভালবাসা পায়ে ঠেলিস্নি । ওহ্, আয় ।

দীনেশ

আশা, এখনো বলছি কথার বাধা হ' । এখনো আয়
আমার সঙ্গে । যা বলি—শোন । এমন ক'রে ক'দিন
থাকবি ? নিজেও মরে যাবি, ছেলেটাকেও মারবি ।

মালতী

আয় লো আয় । না হলে বাবু আবার রাগ করেন ।
আচ্ছা, বলি এত দুঃখ তুই আর কার জন্তে সহিছিস্ । ভাল
ক'রে বুঝে দেখ্ দেখি । এই ক'দিনে তোর কি চেহারা
কী হ'য়ে গেছে, আর্শি ধ'রে একবার চেয়ে দেখ্ ।

আশা

আমার সন্দনাশ ক'রে আবার তোমরা কেন এসেছ
জানাতন করতে । যাও, স'রে যাও আমার সম্মুখ
থেকে ।

দীনেশ

কথা শুনবিনি তা'হলে ? এইবার জোর ক'রে তোকে
কথা শোনাব ।

মালতী

ছড়ি গাছটা ধর ত । ওকে জোর ক'রে এখান থেকে
তুলে নিয়ে যাই, দেখি ওর কোন বাবা ওকে রক্ষ করে ।
[দীনেশ স্মরণ ধরিতে যাইল]

আশা

[উত্তেজিত হইয়া] খবরদার বলছি, গায়ে হাত দিবি ত
লাথি মেরে মুখ ভেঙ্গে দেবো । জানিস পাষণ্ড, আমি
মায়ের মন্দিরে মায়ের আশ্রয়ে আছি । একবার আমায়
ছুঁয়ে দেখ্ দেখি—পাষণ্ড,—পশু—নরকের কীট !
[হাঁপাইতে লাগিল]

দীনেশ

[চাপা কর্কশ কণ্ঠে] বটে ! তাই না কি ? মায়ের
আশ্রয়ে আছিস্ ! তবে, চিরকালের জন্ত মায়ের আশ্রয়েই
থাক্ । (বুক ও পেটে লাথি মারিতে মারিতে) থাক্—থাক্—
থাক্ ! কেমন, হ'য়েছে ত ?

আশা

উঃ—মাগো ! ওয়া...ক্...ওয়া !...ক্:...

দীনেশ

মালতী, আর দেখছি কি ! রক্তবমি কর্চে। চ'লে
আয়—পালাই এইবার। ত্রৈ কে আবার গান গাইতে
গাইতে এই দিকে আসচে। পালিয়ে আয় মালতী।

[দ্রুত প্রস্থান]

[গাহিতে গাহিতে ভক্তের পুনরায় প্রবেশ]

ভক্ত

এত জবা কে দিল তোর পায়।

দে না ছুটো দয়া ক'রে রাখি গো মাথায় ॥

রাজা জবা গঙ্গাজলে,

কে তোরে দিয়ে সাজালে,

রবি শশী পদতলে—কত শোভা পায়।

[গাহিতে গাহিতে প্রস্থান]

[সীতানাথ ও দীনদয়ালের প্রবেশ]

সীতানাথ

তাই ত দীমু, আজ সাত দিন ধ'রে এত খোঁজাখুঁজি
ক'রেও দিদির আমার সন্ধান করতে পারলুম না। আচ্ছা,
কালীবাটে এসেই তোমাকে তারা তাড়িয়ে দেয় ? না সে
আর কোন জায়গা ? দেখ দেখি ঠিক ক'রে—তোমার
পুলটুল হচ্ছে না ত ?

দীনদয়াল

না রায় মশাই। ওই দোতারা বাড়ীটায় আমার
দিদিকে নিয়ে তারা ঢুকল। আর ওইখান থেকেই তারা
আমায় গলাধাক্কা দিয়ে তাড়িয়ে দেয়। কারুকে ত চিন্তে
পারলুম না রায় মশাই ?

সীতানাথ

হা ভগবান ! আমার এ কি কল্ল তুমি ? তন্ন তন্ন
ক'রে সব বাড়ীই ত খুঁজলুম দীমু, দিদিকে আমার
তা হলে আর আমি পাব না ! এই সাতদিন ধ'রে কোথাও
ত খুঁজতে আর বাকী রাখলুম না। পাব না—পাব না !—
পাবই যদি তা'হলে যাবে কেন ? আমার কি হ'ল দীমু ?
মাগো ! এ কি করলি মা ! আমার সমস্ত আলো

নিভিয়ে দিলি ? আমার মহোৎসবের মাঝখানটার
এমন ক'রে প্রলয়ের ঝঞ্জা বহিয়ে দিলি মা !

আশা

(দূরে বারাণ্ডা হইতে) ওগো—মাগো ! ওগো গেলুম !
দাছ !

সীতানাথ

ও-ই—ও-ই যে ! আমার দিদির গলা ! দীমু কই—
কই—দিদি—দিদি ?

[ছুটিয়া বারাণ্ডায় আসিয়া] এই যে ! দিদি ! দিদি !
আশা ! দিদিমণি !

আশা

দাছ ! তুমি ? কি ক'রে এলে ? কাছে এস।
ওয়া :—দাছ, আর হল না—চ'লে গেলুম দাছ ! ওয়া...ক্ !
ওয়া...ক্ । [রক্ত বমন]

সীতানাথ

এ কি হ'ল তোর দিদি ! দীমু, এ যে দিদি আমার
রক্তবমি করতে লাগলো ! দিদি—আশা—কে তোকে
এমন কল্ল একবার বলতে পারিস দিদি ? আমার বাপী
কই ?—বাপী—বাপী !

আশা

ওয়াঃ—য়াঃ—য়াঃ ।—উঃ—উঃ—দা—ছ ! দা—
[হুতা]

সীতানাথ

[চাৎকার করিয়া] দিদি চ'লে গেলি ? দীমু, আশার
যে হয়ে গেল আমার ! আশা ! দিদি ! [অনেকক্ষণ নীরব
রাহল] যাক্ সব নিশ্চিন্দ !—সব শেষ !—বেশ হ'ল !
বেশ হ'ল ! বড় আলো জ'লে উঠেছিল—বেশ হ'ল। দীমু,
—আমি চললুম—চললুম ! তাইত ! কোথায় যাই ? কোথায়
যাই ? [ছুটিয়া একদিকে চলিয়া গেল]

অষ্টম দৃশ্য

বেলডাক্সা - সীতানাথ রায়ের বাটী

দীনেশ

প্রাতশোধ—প্রাতশোধ—প্রাতশোধ ! বারবার শেষ
আদেশ এতদিনে তবে শেষ হবার মত হ'ল ! রমেন !



বড় অহঙ্কার ছিল তোর,—রড় দপ্দপানি আরম্ভ করেছিলি ! এখন কেমন হোল ? জেল থেকে ফিরে এসে দেখবি—সব ফাঁক ! সব অহঙ্কার ! তোর যাত্রার আসর ভেঙ্গে চুরে তচ্‌নচ্‌ হ'য়ে গেছে—তোর গোলাপ বাগান মাঠ হ'য়ে গিয়েছে ! কে এমন করলে জানিস্ ? দীনেশ রায় । হাঃ-হাঃ-হাঃ—হাঃ-হাঃ ! (খানিক নারব থাকিবার পর) ছেলেটা এখন ম'লেই হয় ।—ছেলেটা ত মর্কেই—যা ওমুখ ডাক্তারকে দিয়ে দেওয়া গেছে—ও আর কতক্ষণ ? আমাকে কিন্তু লাখো সাবাস ! গোড়া থেকে কি রকম বুদ্ধিটা খাটিয়ে আস্‌চি ! খালি ব্যাঙ্গ ফেলটা—ভগবান ঘটিয়ে দিলেন, তা ছাড়া আর সবই ত আমার দ্বারায় হ'ল—অথচ ধ'র্ত্তে ছুঁতে দিইনি । বরাবর আড়ালে থেকে কাজ করিচি । নাত্নি আশাটা যা জান্তে পেরেছিল—তা সে ত কাবার । সীতানাথ এখনো বুঝতেও পারেনি যে এ সবের মূল এই শর্মা ! সাম্নাসাম্নি এ সব কাজ না ক'রে : আড়াল থেকে যে করা হয়েছে, তাতে খুব সুবিধেই হয়েছে । বাবা—বুদ্ধি থাকলে কি আর শ্বশুর বাড়ীতে প'ড়ে থাকতে হয়"—শাস্ত্রেই আছে—“বুদ্ধির্ষশ্চ স জীবতি ।”—যাক্—ছেলেটা যে ম'রেও মরে না ! আজ তিন দিন টাল্‌মাটাল্‌ ক'রে কাটাচ্ছে ! তিন বছরের ছেলেটার কি রকম কড়া প্রাণের বাবা ! আজকে ডবল ভোজ দেওয়া গেছে—আজ সাবাড় হতেই হবে । ভাগিাস তল্লাটট'র মধ্যে আর কোন ডাক্তার নেই—নইলে পরে এ সুবিধেটা হয়ত ধ'টেই উঠতো না ।—এই যে ! জোঠামশাই, কি রকম আছে এখন ?

(সীতানাথ রায়ের প্রবেশ)

সীতানাথ

দীনেশ, বাবা,—সমস্ত রাত জেগে কাটিয়েচ—এখনো একটু ঘুমোওনি । ঘুমিয়ে নাও বাবা, একটু ঘুমিয়ে নাও । তোমার ধার বাবা আর শুধতে পাল্লুম না । রমেনের মোকদ্দামতেও যথেষ্ট করেচ—আশার জন্তেও চারিদিকে অনেক খোঁজ খবর করেছ । এখনো প্রাণ দিয়ে খাট্‌ছো—কিন্তু, বাবারে—কিছুই বুঝি আর হলনা—উঃ—ভগবান্—[হঠাৎ ভাবান্তর হইয়া অত্যন্ত ক্রম বলিতে লাগিল]—

দীনেশ ! দীনেশ ! কি কল্পে বাপীকে আমার বাঁচাতে পারি বলতে পারিস বাবা ? ওরে, তার যন্ত্রণা আর ব'সে ব'সে চোখে দেখতে পাল্লুম না ব'লে পালিয়ে এলুম । একটু খানি—মাংসের ডেলা—কি—যন্ত্রণাই যে ভোগ কচ্ছে দীনেশ—হো হো হো হো হো—কি করবো ?—কি করবো আমি ?—দীনেশ—বাবা, অনেক কল্পি—বাবা, তার এই যন্ত্রণাটা সারিয়ে দেবার কিছু কর্ত্তে পারিস বাবা ! আমার যথা সর্বস্ব তোকে দোবো ।—যথা সর্বস্বই আর দোবো কি ? ওহো, আর ত কিছু নেই আমার । আমার যে সবই গেছে । আছে শুধু গাঁয়ের এই জমিদারীটুকু,—ওরে যা নিয়ে তোদেরি সঙ্গে বাবা, চিরকালের মামলা মোকদ্দমা ! বাবারে, আমাকে তুই ক্ষমা করবি বাবা ! দীনেশ আমাকে তুই—

দীনেশ

জোঠামশাই ! অত উতলা হবেন না । খোকা সেরে উঠবে—আপনি কিছু ভাববেন না ।

সীতানাথ

না বাবা—তার ও রকম যন্ত্রণা আর আমি চোখে দেখতে পার্কোনো—পার্কোনো । তাই আমি পালিয়ে এলুম ওখান থেকে । যত যন্ত্রণায় ছট্‌ফট্‌ কচ্ছে, ততই মা মা ক'রে খালি তার মাকে খুঁজছে । কি করি দীনেশ, তোমরা আমায় বলতে পার ? সম্রাট বাবর যেমন ছমায়নের ব্যাধি ভগবানের কাছ থেকে চেয়ে নিজের দেহে নিয়েছিল, তেমনি তোমরা কেউ খোকায় যন্ত্রণাটা আমার শরীরে দিতে পার ? এমন কি কেউ নেই যে—এ পারে ? উঃ—আর সহ্য কত্তে পাচ্চি না । মাথা আর ঠিক রাখতে পাচ্চিনা ;—সব আমার গুলিয়ে যাচ্ছে । উঃ-হ-হ-হ । কি হ'ল আমার—কি হ'ল আমার ! [দোড়াইয়া বাইবার উপক্রম]

দীনেশ

কোথায় যাচ্ছেন জোঠামশাই ?—জোঠামশাই ?

সীতানাথ

আমি আর সহ্য কত্তে পারবোনা । [দোড়াইয়া প্রস্থান]

দীনেশ

বাই—ওপরে গিয়ে একবার ব্যাপারটা দেখে আসি । [প্রস্থান]

পট পরিবর্তন । খোকর মৃত্যু শয্যা ।

দীনেশ

কোথায় গেলেন রায় মশাই ? খোকর যে নেতিয়ে
পড়ল ।

দীনেশ

ডাক্তার, একটু ভাল ক'রে দেখ । একম হয়ে গেল
কেন । দেখ ডাক্তার, দেখ— দেখ । বাতাস ! পাখা !
[পাখা লইয়া ক্রত বাতাস করিতে লাগিল]

গোলাপী

[কাঁদিয়া]—ওগো—একি হল । বাবু গেলেন কোথায় ?
—খোকর—খোকর ?

দীনেশ

[পাখা রাখিয়া অত্যন্ত বাস্তাবে] জল—জল । দীনেশ—
বাতাস কর । জল-জল, শীগগীর জল ।

গোলাপী

[কাঁদিতে কাঁদিতে] আর জল দিয়ে কি হবে গো বাবু ।
ওগো সব যে ঠাণ্ডা হয়ে গেল গো । ওগো, বাবুকে কেউ
খবর দাও না গো !

ডাক্তার

ডেড্ ! এত চেষ্টা ক'রেও ত কিছু হোলনা । ইনি
কোথায় ? চলুন দীনেশ বাবু—এঁকে একবার দেখি ।

(প্রস্থান)

দীনেশ

মালতী, আর দেখছিস কি ? রায় মশাইকে
খবরটা দিগে যা । এই রকমই হয় আর কি ? নতুন নয়—
নতুন নয় গোলাপী ! এ আদি কালের পুরাণো
ব্যাপার । এয়ে সংসার ! সুন্দর ! সুন্দর ! অতি
চমৎকার !

নবম দৃশ্য

বেল ডাক্তার—শশান

(সীতানাথ ও দীনদয়াল)

দীনদয়াল

রায় মশাই !

সীতানাথ

চুপ্, চুপ্ !

দীনদয়াল

বলি, সমস্ত দিনই কি এই শশানে ব'সে থাকবেন ?

সীতানাথ

চুপ্, -চুপ্, কথা কোয়ো না, কথা কোয়ো না দীনেশ—
একটা গল্প শুনবে দীনেশ ! খুব ভাল গল্প !—এই-এই-এই
একটা মেয়ে ছিল—সে গেল ম'রে । আবার তার একটা
মেয়ে ছিল । সে বড় আদরের ছিল গো—বড় আদরের
ছিল ! তার নাম ছিল—আশা । সেই আশার আশাতেই
একটা বুড়ো বেচে ছিল—সেও গেল মরে ; তার আবার
ছেলে ছিল—সেও গেল মরে ! [হঠাৎ উচ্চ চীৎকারে] দীনেশ—
সেও গেল ম'রে ! সব ফুলকটা—একসঙ্গে ঝ'রে গেল ।
দীনেশ !

দীনদয়াল

রায় মশাই—ওকি হচ্ছে ? চুপ ককো না !

সীতানাথ

চুপ ককো—চুপ ককো—নিশ্চয় চুপ ককো । ভুলে
গিয়েছিলুম—আমিও চুপ—তুমিও চুপ !—সব চুপ ।
যাত্রা ভেঙ্গে গেছে—সব চুপ ! আমি একটু ছোটোছোটো
ককো । আমি একটু কাঁদবো—হাসবো—গাইব । আমি
কী ককো ! দীনেশ, [চীৎকার করিয়া] বল না, আমি কি
ককো ? না-না-না, কিছু আর কর্তে পারবো না আর কি
পারি—কত পাকো [হাত তালি] হো হো কুকুরটা ছুটছে—
কুকুরটা ছুটছে । হা-হা-হা-হা পালিয়ে গেল । ওঃ কি
ছুট্ ! দাঁড়াত—আমার সঙ্গে পারবি ? হারাম-
জাদা—বদমাস ! দীনেশ ছুটতে পারবে ? আমার ধ'র্তে
পারবে ?—এই চুরে রাং চাং সোনা দিয়ে বাঁধাবো ডাং—
মারবো ডাংয়ের বাড়ি—পাঠাবো যমের বাড়ি—চু-চু-চু—
[ছুটিয়া প্রস্থান]

যবনিকা

স্বপ্নলকা

শ্রীপ্যারীমোহন সেনগুপ্ত

হে মোর মানস লক্ষ্মী, স্মৃতির-বাঞ্ছিতা,
 রাত্রিশেষে আজি মোর স্বপ্নে তুমি
 দেখা দিলে সেই রূপান্বিতা,
 সেই শ্যামা স্নিগ্ধজ্যোতি স্বর্ণদ্যুতিময়,
 সেই দীর্ঘতরঙ্গী ধীরে চাপলা-নিলয়,
 সেই কুন্দলমুদ্রিতা সু-উন্নত নাসা,
 সু উজ্জল সু-ললাট স্বর্ণস্বপ্নে ভাসা,
 অক্ষয় অধর দুটি প্রীতি-সম্ভাষণে সদা স্ফুটন-উন্মুখ,
 নয়নে করিছে বাস শিশুহাসি আর গুপ্ত হৃৎ,
 কান্ত গণ্ডে পরিপূর্ণ স্নিগ্ধ কোমলতা,
 হেমদণ্ড দুটি হস্ত যেন দুই লতা,
 ও গ্রীবায় মরি মরি ধীরে রাখি' কর
 আঁকড়ি' মরিতে চাহি জন্ম জন্মান্তর ।

* * *

স্বপ্নে হেরিহু তোমা, পার্শ্ব মোর বসিয়া সুন্দরী,
 বাম করে দেহ মোর কোমল আঁকড়ি'
 মোর মুখপানে চেয়ে হাসিতেছ মিষ্ট-দৃষ্ট-হাসি,
 সৌভাগ্য-সন্দিগ্ধ আমি স্পর্শিতে তোমারে ভয় বাসি ।
 চাপলা-মুরতি তুমি কভু নভে চাহিছ উদাস,
 থেকে থেকে মোর মুখে ছড়াইছ হাসির

কুসুম রাশ রাশ ;

স্তম্ভ ভূপ্ত ব'সে ব'সে হেরি তব লীলা ;
 বন্ধে বাধিবারে চাই তরী তোমা শাস্ত-দৃষ্ট-লীলা ।
 তোমারে তুলিতে বন্ধে ব্যগ্র সুখে দাঁড়াইয়া উঠি,—
 একি একি লীলাময়ি, আমার চরণতলে লুটি'
 আঁকড়িয়া হু চরণ কর তুমি—“বল বল, প্রিয়,
 আমারে রাখিবে কাছে চিরদিন ? চির প্রীতি দিও ।”
 কহি আমি—“মানসী, বাঞ্ছিতা, প্রিয়া,

স্বপ্ন-জাগরণ-লকা-সখা,

তোমারে তে'মারে আমি নিশিদিন চৌদিকে নিরাধি'
 গৃহে ও অরণো পথে নভস্তলে চিত্তবলে খুঁজি'
 সম্মুখে লভিহু আজি ; নিঃস্ব ভীবনের তুমি পুঁজি ।
 তোমারে রাখিব কাছে !—একি আজ শুধাইলে নারা !
 তোমারে লভিতে বন্ধে আপনারে নিঙাড়ি' নিঙাড়ি'
 বেদনায় পরিশ্রমে জেগে কাটে জীবন-প্রহর,
 এস মোর স্বপ্ন-সাধ !—বলিয়া প্রসারি' দুই কর
 বন্ধে তুলি তারে আর চক্ষে রাখি সে স্নিগ্ধ বয়ান,
 সেই মুহূর্ত্তভরা জ্যোতির্ময় উজ্জল নয়ান ।
 বাস্তব বন্ধনে মোরে বাধিয়াছে মোর আকাঙ্ক্ষিতা,
 দুর্ভেদ্য বেষ্টনে মোর বক্ষতটে সে রহে বেষ্টিতা,
 উজ্জমুখে মোর মুখে অপলক দিঠি দিয়ে চায়,
 নত নেত্রে আমি তারে করি পান দৃষ্টির তৃষ্ণায় ।
 যুহু হেসে বলে মোরে—“জেনো তুমি মোর ।”
 আমি বলি—“চিরদিন চিরদিন আমি তো'র তো'র ।”
 চারি নেত্র দৃঢ় বাধা, চারি নেত্রে হতেছে ভাষণ ;
 বাক্যহার্য হুজনায়ে নয়নে নয়নে আলাপন ।
 বলিতে সে চাহে যাহা নয়নে তা কল্লোলিয়া জাগে ;
 আমি যা বলিতে চাই ঢেলে দিই দৃষ্টি-অনুরাগে ।
 নাহি বাক্য, নাহি গতি, হুজনে নিমগ্ন হুজনায়ে ;
 কোথায় জগৎ, হৃদয়, কোলাহল ? সূর্য্য তারা

কোথায় মিলায় ?

আমি বেঁচে আর বেঁচে রহে মোর মানসী সুন্দরী,
 এ দুটি জাগ্রত প্রাণে বন্ধ লক্ষ প্রাণ গেছে মরি ।
 জীবন্ত এ দুটি প্রাণী, আর মক মরণ-নিশ্চল ;
 আমি হেরি, প্রিয়া হেরে,—দুই প্রাণে জগৎ চঞ্চল ।
 দৌহে দৌহে নির্ণিমেষ দেখা দেখা, নাহি তার শেষ ।
 সহসা টুটিল স্বপ্ন !—কোথা প্রিয়া ? কোথা করদেশ ?

শুভ্র শব্দা 'শরে মোর বাধা-ক্লিষ্ট বিদগ্ধ পরাণ
আছড়িয়া বারম্বার মাগে মৃত্যু, ক্রত অবসান।
কোথা স্বপ্ন ? কোথা মোর প্রিয়া সে মানসী ?
নভিহু যে পারিজাত, কোথা গেল খসি' ?
প্রভাত-আকাশ পানে চাছি' বারম্বার

বৃথাই খুঁজিয়া মরি স্বপ্নলকা মানসী আমার।
দেহে কি কভু সে মোরে এ জগতে দিবে নাকো স্থাধা ?
আর স্বপ্নে হেরিব না ত্রিধ মুখরাকা ?
শুধু চিত্তে চিরদিন তারি আশা করিব পোষণ ?
অসহ এ আশাক্লেশ পলে পলে করিবে শোষণ !

নারীর মূল্য

শ্রীইলা দেবী

আখিনের “বিচিত্রা”য় “নারীর মূল্য” নামক প্রবন্ধে শ্রীভবানীচরণ ভট্টাচার্য্য মহাশয় কত মূলাহীনা এই নারী জাতিটা, সেটা উপলব্ধি করে তারই বিষদ আলোচনা করেছেন। আর ধ’রে নিয়েছেন Ludovicier যুক্তিসকল অগণ্ড প্রমাণ স্বরূপ।

লোকে যখন কোনও বিষয়ে সিদ্ধান্তে উপনীত হয়, তখন দরকার হয় অনেক চিন্তার, অনেক গবেষণার; ধরলী ‘বিপুল্য,’—এখানে যুগে যুগে বহু মনীষী বহু তথ্য গুনিয়ে গেছেন নানা বিষয়ে; নূতন কত জন এসেছেন, কত বার্তা নিয়ে। সুধী যখন কোনও বিষয়ে আলোচনা করেন, তখন সকলের মতামত দেখে শুনে স্থির মনে অগ্নুকূল প্রতিকূল সব যুক্তি মিলিয়ে দেখে, তার সঙ্গে নিজের জ্ঞান নিজের অভিজ্ঞতা মিশিয়ে যে যুক্তিপূর্ণ মতামত বক্তা করেন, সেটাই ধর্তব্য; আর যদি কোনও বিষয়ে অপ্রস্তুতপূর্ণ নূতন ধরণের একধানা বই পড়ে, তার ভাল মন্দ, সম্ভবতা অসম্ভবতা চিন্তা করবার অবকাশ না নিয়েই যেতে উঠি, তা হলে সেটা দেখায় প্রাপ্ত বয়সে অপকবুদ্ধি বিভ্রালয়ের বালকের,—বাপারটি কি অগুমাত্র না বুঝে, শুধু বাক্যের জালে বন্দী হ’য়ে বক্তাকে প্রাধপণে পরিত্যাগ দেওয়ার মত।

লেখক Ludovicier আড়াল থেকে শিখণ্ডীর আড়ালে অজ্ঞানের মত, প্রমাণ করতে চাচ্ছেন যে নারীর পক্ষে

পুরুষের সমান অধিকার পাওয়াটা একান্ত অসম্ভব। কিন্তু “সমান অধিকার” বলতে লেখকের মতে যে কি বস্তু বোঝায়, তা তিনি আমাদের বিশদভাবে জানবার স্ৰযোগ থেকে বঞ্চিত করেছেন। নারীর যে ‘স্বতন্ত্র’ অধিকার বলে একটা বস্তু আছে ও তারই জন্তে বিশ্ব-মানবীর আজ যে নিদ্রা টুটে গেছে, এ সংবাদটা বোধ হয় লেখকের মনের কোণেও স্থান পায় নি। সৃষ্টির তারস্ত হ’তে ভগবান নারী ও পুরুষের মাঝে যে কতকগুলি নির্দিষ্ট পার্থক্য রেখে দিয়েছেন, নারীর “অধিকার” বলতে নারী যে সেই সব পার্থক্যকে ঘুচিয়ে দিয়ে খোদার উপর খোদাকারী করতে চায়—এমন ধারণা লেখকের নিশ্চয়ই নেই,—আশা করি। মানবজাতি মাত্রকেই বিশ্বশ্রুতি কর্তৃক অধিকার দিয়েছেন, আনন্দ উপভোগ করবার অমুভূতি দিয়েছেন; নারী সেই কর্ম, সেই আনন্দ ভোগই চায়,—ভগবানের আশীর্বাদে, প্রকৃতির দানের স্বতন্ত্র অংশটুকু সে সম্পূর্ণভাবে পেতে চায়। এই হ’ল নারীর জন্মগত স্বতন্ত্র অধিকারের দাবী; তার জন্মমাত্র ভগবান তার ললাটে এই দাবীর জয়টীক পত্রিয়ে দিয়েছেন, কারও সাক্ষ্য নেই এই দাবীকে অক্ষুণ্ণ করে।

সম্মান ধারণে নারীর অনেক গুণশক্তি খরচ হ’য়ে যায় লেখকের এ যুক্তি খুবই সঙ্গত। কিন্তু তা সত্ত্বেও দেখা যায় নারীর জীবনশক্তি (vitality) পুরুষের চেয়ে অনেক বেশী। যে সব কারণে, যে সব ব্যাধিতে শিশু-পুত্র বাঁচল



না, সেই সব কারণ ও সেই সব বাধি স্বয়ং শিশু-কন্যা বেঁচে গেছে এমন ত কত দেখা যায়। “মেয়ে মানুষের প্রাণ বড় কঠিন”—এই প্রচলিত উক্তি খুবই সত্য। সম্ভান ধারণ কালে নারী অশক্ত হ’য়ে থাকে বটে, কিন্তু সে সময় ছাড়া যখন সে মুক্ত থাকে, তখন যে কেন সে পুরুষের সঙ্গে সমান তালে পা ফেলে চলতে অক্ষম হবে, লেখক মহাশয় তার কোনও বিশদ কারণ উল্লেখ করেন নি। আমাদের দৈনন্দিন জীবনের অভিজ্ঞতায় কি বলে? পল্লীর অবিবাহিতা বঙ্গবালা মাথার ঝাঁকড়া চুল কুথিয়ে খেলার সাথী সমবয়স্ক বালকদের সঙ্গে খেলাধুলা করে, উচ্চ গাছের ডাল থেকে ফল পেড়ে আনে, বনে জঙ্গলে পাখীর সন্ধান ঘুরে বেড়ায়, এ কথা কি লেখক মহাশয় জানেন না? পাশ্চাত্য দেশে নারী ভূধর পর্তত লঙ্ঘন করছে, আকাশের বুক চিরে পৃথিবীর প্রান্ত হতে প্রান্তান্তরে উড়ে যাচ্ছে, তরঙ্গায়মান সমুদ্রে অবলীলাক্রমে সাঁতার কেটে প্রতিযোগিতা করছে, যত রকম খেলা ধুলা আছে সব তাতেই অবাধে যোগ দিচ্ছে, পুরুষের সাথে চিন্তার কর্মে যোগদান করতে তার কোনও বাধা নেই। এই পূর্ব দেশেও ত নারী সৈন্ত-নেত্রী হ’য়ে সমরাভিজান করেছে; পরদার আবরণ ঘুচিয়ে দিলে আবার যে নারী জন-নেত্রী হবে না তা কে বলতে পারে?

এখন অবশ্য আমাদের দেশে অধিকাংশ নারীই লেখকের ভাষায় “পরম নির্ভরশীল সঞ্চারিণী লতেব”,—শৈশবে পুতুল খেলায় ও অজ্ঞান তিমিরে পরম নিশ্চিত্তে দিন কাটিয়ে, কৈশোর আসতে না আসতেই কোনও এক পাশের নাগপাশবদ্ধ তরুণের ভারাক্রান্ত পৃষ্ঠের উপর বোঝার উপর শাকের আঁটির গ্রায় বধূরূপে বন্দী হ’য়ে,—ঘোমটা, হেঁসেল হাঁড়িকুড়ি এঁঠোকাঁটা এবং তাহারই সামিল বটতলীয় নভেলের ভিতর নিমজ্জিত হ’য়ে নির্বিয়ে দিন কাটান। চোখে তাঁদের পর্দার আবরণ বাধা, গলার সুর অন্তরের ঘন প্রাচীরের মাঝে বিলীন। নিজের পায়ে দাঁড়াবার চেষ্টাকেও তাঁরা পরম লজ্জার বিষয় ভাবেন। কিন্তু আমরা আশা রাখি, যে নিখিল নারীজাতির আলোচনা করবার সময় লেখক কেবলমাত্র এই আদর্শটাকেই চোখের সামনে ধরে রাখেন নি।

Oscar Schultze প্রকৃতি প্রতিভাবান ডাক্তারদের অভিমত না নিয়েও এটা সকলেই স্বীকার করতে পারেন যে নারীর ও পুরুষের শারীরিক গঠন-পার্থক্য অনেক। শরীরের গঠন-পার্থক্য ঘূচান এবং দেহের পরিপুষ্টি সাধন যে, সম্পূর্ণ ছুইটা আলাদা জিনিষ তা সকলেই জানেন। শরীরের পুষ্টি-সাধন যে মানুষ মাত্রেই স্বাস্থ্য, পথা ও ব্যায়ামের উপর নির্ভরশীল, তা ছোট বড় সকল ডাক্তারই বলবেন। এর প্রমাণও আমরা নিত্যকার জীবনে দেখতে পাই। তারা বাই-এর মত নারী ছলভ বটে, কিন্তু গোবর, গামার মত পুরুষও যে পরম সুলভ, বিশেষতঃ আমাদের এই “তৈলরসে স্নিগ্ধ তনু” বঙ্গদেশে,—তা নয়। লেখক আবার এও বলেছেন পুরুষ মাত্রেই নারী হ’তে দু তিন ইঞ্চি অধিক লম্বা হয়। কোনও কোনও পুরুষ কোনও কোনও নারী অপেক্ষা দীর্ঘকায় হ’তে পারে, কিন্তু এটা কি সাধারণ ভাবে বলা চলতে পারে? বেশীদূর অনুসন্ধানের প্রয়োজন নেই,—ভারতবর্ষের রাজপুতানা কিম্বা পাঞ্জাব অঞ্চলে যান, —সে দেশের মেয়েরা যে শুধু দীর্ঘকায় তা নয়, ইচ্ছা করলে শ্রীমান হনুমান যেমন একদা সূর্যাদেবকে বগলে পুরেছিলেন, তারাও তেমনি দুগ্ধঘৃতে পুষ্ট ৬ তিনটি পুরুষকে স্বচ্ছন্দে কুক্ষিগত ক’রে ফেলতে পারে। আমাদের দেশেও লম্বোদরী, ক্ষেমকরী, রক্ষাকালীর দল আজিও বিলুপ্ত নয়।

লেখকের মতে, নারীর দেহের অনুরূপ চিত্রটাও অপুষ্ট থেকে যেতে বাধ্য। যখন দেখা যাচ্ছে নারী ও পুরুষের উভয়েরই দেহ অবস্থা অনুযায়ী পুষ্ট ও অপুষ্ট রাখাই প্রকৃতির বাবস্থা, তখন সর্ব অবস্থাতেই নারীর দেহ যে অপুষ্ট থাকবেই এ যুক্তিকে সঙ্গত যুক্তি বলা যায় না। চিত্র সঙ্ঘর্ষেও এ কথা সম্পূর্ণভাবে খাটে। প্রকৃতি বৈচিত্র্য ভালবাসে, তাই দেখা যায় নারীর মাঝে প্রকৃতির লীলা সব থেকে বেশী প্রকাশ হ’তে। নারী জন্ম দেয় প্রাণের, তাই স্বভাবতই তার মাঝে প্রাণের প্রাচুর্য্য ভরা থাকে। প্রাণের প্রাচুর্য্যকে স্বতন্ত্রভাবে আকার দিয়ে গঠন করবার জগ্নেই সৃজনের প্রয়োজনীয়তা। যে পদার্থের মধ্যে সৃজন কৌশল সব থেকে বেশী আছে, ভগবান তাকেই দেন সৃজনের ভার, গঠনের ভার, সম্পূর্ণ ক’রে তোলার ভার।

শ্রীহলা দেবী

এবং তার জন্মে যে সব সরঞ্জামের প্রয়োজন, সেগুলো প্রচুর ভাবেই দেন, যাতে তার নিজের ক্ষয় না হয়। দেশকে শান্ত-শ্রামলা করবার জন্মে সহস্র সরিষার প্রয়োজন, এবং যাতে সেই সরিষার ক্ষয় না হয় সে জন্মে বিধাতা অত্রভেদী গিরিশৃঙ্গে চিরন্তন তুষারাবরণ জড়িয়ে দিয়েছেন। লেখকের মতে “পুরুষ থাকে পাদমূলে অথবা সর্বোচ্চ শিখরে, আর নারীর পথ মধ্যপথ। প্রকৃতির নিয়মে কালক্রমে অযোগ্যের উচ্ছেদ হয় এবং যোগ্যতম আরও উপরে উঠতে থাকে; পুরুষ এমনি ক’রে এগিয়ে চলে, আর নারী বিকাশের অভাবে যে তিমিরে সেই তিমিরেই অবস্থান করতে থাকে।” এই কথাই কি যে অর্গ তা আমরা অনুধাবন করতে পারলাম না। যোগ্যের ক্রমোন্নতি এবং অযোগ্যের উচ্ছেদ-সাধন ত প্রকৃতির নিয়ম, সেই নিয়ম লেখকের মতে শুধু পুরুষের বেলায় খাটে আর নারীর বেলা নয়; কেন, নারী কি প্রকৃতির বহির্গত? নারীও প্রকৃতির অন্তর্গত, সুতরাং তার বেলাও এই ক্রম-বিবর্তন (evolution) নিয়ম চলবে না কেন লেখক মহাশয় তার জবাব দিতে একেবারে ভুলেছেন। আবার লেখকের উপরি-উক্ত কথা যদি সত্য হয় তা হলে পৃথিবীর পুরুষ অধিবাসীদের মধ্যে কতকগুলি হচ্ছেন মনীষার স্মৃতির রঞ্জে আলোকিত এবং অবশিষ্ট সংখ্যা হীনতার নিম্নতম গহ্বর আশ্রয়ী। নিউটন, নেপোলিও, ফ্যারাডে, রবীন্দ্রনাথ ও গান্ধার দল মুষ্টিমেয় বললেই হয়, সুতরাং লেখক মহাশয়ের বৃদ্ধি অনুসারে কতিপয় অল্পসংখ্যক মনীষী ছাড়া জগতের পুরুষ অধিবাসীর প্রায় সমগ্র ভাগ অজ্ঞানতা ও হীনতার ঘন গহ্বরে অবস্থিত। নারীকে কিন্তু লেখক মহাশয় অনুগ্রহ-পরতন্ত্র হ’য়ে মধ্য পথ দিয়েছেন। অতএব লেখকের যুক্তিতেই প্রতীয়মান হয় যে, জগতের অধিকাংশ নারীই মধ্যপথে থেকে প্রায় সমগ্র অজ্ঞানতিমির মগ্ন পুরুষ অপেক্ষা সর্ববিষয়েই শ্রেষ্ঠ। উর্নাত যেমন কখন কখন আপনার তন্তুজালে আপনিই ধরা পড়ে, লেখকও তেমনি আপনার যুক্তিতে আপনিই জড়িয়ে পড়েছেন।

লেখক বলেছেন নারী পুরুষকে বুঝতে পারে না, তার প্রমাণ পুরুষ-চরিত্র অঙ্কনে নারী-শিল্পীর অক্ষমতা। লেখকের

যদি জর্জ ইলিয়ট, সার্ভট ব্র’তে মারী করেলি হ’তে আরম্ভ ক’রে যে কোনও আধুনিক লেখিকার রচনা পড়া থাকে তবে এ ধারণা কি ক’রে স্থায়ী হয়েছে তা আমাদের জানা নেই। পুরুষ-শিল্পী যেমন নিখুঁত ভাবে চরিত্রাঙ্কন করেছেন, নারীও সমান দক্ষতায়, হয়ত আরও বেশী নিপুণতার সঙ্গে, মানুষের অন্তরটাকে বাহিরে ফুটিয়ে তুলেছেন। লেখকের অন্ততঃ এমন দু’একটা উদাহরণ দেওয়া উচিত ছিল যাতে নারী-শিল্পীর অক্ষমতা প্রতীয়মান হ’ত। এটা বোধ হয় সকলেই স্বীকার করবেন যে, নারীর অন্তর্দৃষ্টি পুরুষ অপেক্ষা বেশী। নারী শুধু পুরুষের মুখের ভাব দেখেই তার অন্তরের গূঢ় চিন্তা সহজেই বুঝে নিতে পারে। স্বামী স্ত্রী দশ বছর একত্র থাকলেও স্ত্রীর হৃদয়ের অনেকটা স্বামীর কাছে অজ্ঞাত থাকতে দেখা যায়, কিন্তু স্ত্রী কয়েকদিনের মধ্যেই স্বামীর অন্তরের সমস্তটাই সম্পূর্ণ ভাবে জেনে নিতে পারে। নারী যে পুরুষকে বুঝতে পারে না ব’লে ভয় করে—এ যুক্তি নিতান্তই অসার।

পুরুষের প্রতি নারীর যে ভয়ের বর্ণনা লেখক করেছেন সেটা প্রধানতঃ আমাদের দেশের অশিক্ষিত শ্রেণীর নারীর মধ্যেই দেখা যায়। সেখানে নারীর পুরুষের প্রতি প্রেম, প্রীতিটা অনেকটা ভয়ের রূপান্তর। সে রকম হবার কারণও পূর্বে কতকটা বিবৃত করা গেছে। পর্দার আচ্ছাদনে চোখকে অন্ধ ক’রে তারা পুরুষের উপর একান্ত ভাবে নির্ভর ক’রেই সারা জীবনটা কাটিয়ে দিচ্ছে,—মহুর বিধানে শৈশবে পিতার, যৌবনে পতির ও বার্ককো পুত্রের উপর ভর দেওয়াই তার পরমার্থ। এই সংস্কার তাদের জন্ম হ’তেই মনে গাঁথা আছে, তার মনে এ ছাড়া “নাশ্চঃ পশ্চা বিজ্ঞতে।” পুরুষ বিমুখ হ’লে তাদের পথে দাঁড়াতে হবে, সামান্য উদরানের জন্মেও তাদের কোনও সংস্থান থাকবে না,—এই চিন্তা যাদের মনে গাঁথা, তারা যে পুরুষকে ভয় করবে এতে আর আশ্চর্য্য কি? কিন্তু এই বিপুল পৃথীর মধ্যে ভারতবর্ষই একমাত্র দেশ নয়, এই সুবিশাল মানব জাতির মধ্যে মনুই একমাত্র সমাজ-নিয়ন্তা নন। যে দেশে শিক্ষা ও চিন্তা সংস্কারকে এড়িয়ে বেড়ে উঠতে সমর্থ হয়েছে সে দেশে পুরুষ ও নারীর মধ্যে দাশ্চর্য্যবন্ধন রহিত



হ'য়ে বন্ধুত্ব ও প্রীতির বন্ধন গ'ড়ে উঠেছে। সে দেশে পুরুষ ও নারী পরস্পরকে শ্রদ্ধাভক্তি করতে শিখেছে, তাতে দেশের কল্যাণই সাধিত হয়েছে। মনু-মাক্কাতা-মহাক্রমের জীর্ণ শিকড়ের তলায় ব'সে মণ্ডকের মত ভারতবাসী যে সময় আলস্য ও তন্দ্রার ঘোরে অপব্যয় করেছে, সেই সময়ের ভিতরই জগতের অনেক দেশ অনেক মানব-পরিবার উন্নতির প্রশস্ত মার্গে অনেক এগিয়ে গিয়েছে।

নারীর ভাব-ভঙ্গীর যে স্বতন্ত্র সৌন্দর্য আছে লেখক সেটাকে অন্তঃসারশূন্য “অভিনয়” আখ্যা দিয়েছেন। সৃষ্টির আদি যুগ হ'তে নারী ও পুরুষ উভয়ে উভয়কে পরস্পর আকর্ষণ ক'রে আসছে, বিধাতার সৃজন-লীলাই এইখানে। পুরুষ নারীকে দেখায় তার শৌর্য, তার শক্তি আর তার কৌশল; নারী পুরুষকে দেখায় তার কমনীয় রূপ, তার বিচিত্র মাধুর্য আর তার সৌন্দর্য। এই মুগ্ধ করবার ইচ্ছা যে কি ক'রে নিজের দৈন্ত গোপন করবার ইচ্ছা হল তাহা লেখক মহাশয়ই ভাল বুঝতে পারেন, আমরা পারি না। আর জীব-জগতে মুগ্ধ করবার ইচ্ছাটা নারীর চেয়ে পুরুষেরই বেশী তা স্বীকার করবার উপায় নেই। কেশর ফুলিয়ে সিংহ দাঁড়িয়ে সিংহীকে মুগ্ধ করে; পুংস্কোকিল গান গায়; অদম্য উৎসাহে অসভ্য মানুষ সদ্য-নিহত শক্রর মাথা এনে তার প্রণয়িনীকে উপহার দেয়; তাকে শৌর্য দেখিয়ে মুগ্ধ করবার জন্তে। এই সবের ভিতর যে romance টুকু রয়েছে সেটাকে বিকৃত ক'রে থিয়েটারী ঢং ব'লে ভাবা বিকৃত বিচারের পরিচায়ক।

লেখক নারীর যত কিছু অভাবের দোষ প্রকৃতির ঘাড়ে চাপিয়ে দিয়ে মুগ্ধ হয়েছেন, কিন্তু অভিযোগের সাথে প্রমাণেরও দরকার হয়, নইলে সে অভিযোগ বা বক্তব্য নেহাতই অন্তঃসারশূন্য হ'য়ে পড়ে। লেখক মহাশয়ের মতে নারীর অধিকারের দাবী চাওয়ার জন্তে দায়ী হচ্ছে পুরুষ-জাতির অবনতি; অর্থাৎ, পুরুষ যদি আক্র “নিম্ন” হ'য়ে না পড়ত, তবে সাধ্য কি যে নারী তার দাবীর কথা ‘টু’ শব্দটি করে। অনেক স্কুল-মাষ্টার আছেন যারা ছাত্রদের একটু কথা বলতে শুনলেই, বেত্রাঘাতের অমৃত্যুর জন্ত আক্ষেপ করেন। ইংলণ্ডে পূর্বে

প্রত্যেক স্বামীর স্ত্রীকে মারধোর ক'রে শাসন করবার অধিকার ছিল; পরে যখন statute ক'রে সে অধিকার লোপ করা হ'ল, তখন common men তাদের common lawর জন্তে আক্ষেপ ক'রে আর বাঁচে না। আশা করি, লেখক মহাশয়ের এ মনোভাব নয়। নারীর স্বতন্ত্র অধিকারের দাবীর সঙ্গে পুরুষের উন্নতি-অবনতির কোনও কার্য-কারণ-ঘটিত সম্পর্ক থাকতে পারে না,—তু'টো সম্পূর্ণ পৃথক জিনিষ। লেখকের এটা সম্ভবতঃ বোধগম্য হয় নি যে, জগতেব এই উন্নতির বিকাশ নারীরও চিত্ততটে আণোড়িত হ'য়ে তার ঘুম ভাঙাতে পারে; তাই নারীরও একদিন জেগে উঠে—তার নিজের অধিকারের দাবী করাটা স্বাভাবিক। ইতিহাসে বহু মহাদেশে বহুজাতির নিদর্শন পাওয়া যায় যারা দীর্ঘ দিন কঠিন রাজপাশে অথবা বিদেশীর শাসনদণ্ডে বন্দী হ'য়ে মৃত্যুমুখে আচ্ছন্ন ছিল। কিন্তু চিরদিনই যে এমনই একই তন্দ্রায় কাটবে না তাদের, এ তথ্য মনে মনে সকলেই জানত। এমন কি শাসকদেরও অনুমিত ছিল যে শাসিতরা একদিন জেগে উঠে—তাদের অধিকার ফিরে চাইবে। যে দিন তারা জেগে উঠেছে, সগৌরবে নিজেদের অধিকার পূর্ণ দখল ক'রে নিয়েছে,—তাদের শাসকরা অবনত বা হীনবীর্য হ'য়ে গেছিল ব'লে নয়,—শাসিতদের ঘূমের অবসর শেষ হ'য়ে গেছিল, তন্দ্রার ঘোর কেটে গেছিল ব'লে। ইয়োরোপের ১৮৪৮ সালের জাতীয় নব-জাগরণের ইতিহাস তার সাক্ষী।

নারী পুরুষের দাসী ছিল, কোন্ শাস্ত্রকারের মত এ লেখক সে কথা কিছুই জানান নি। নারী নিজের বুদ্ধি দিয়ে শক্তি দিয়ে বিশাল সাম্রাজ্য হেলায় শাসন করেছে, তার দৃষ্টান্ত পূর্বে ও পশ্চিমে অনেক পাওয়া যায়। পুরুষ তাকে যদি মাত্র ভোগের সামগ্রী আদরের খেলনা ব'লে ভাবে, তাহ'তেই প্রমাণ হয় না যে নারী শুধুই পুরুষের হাতের ক্রীড়নক। এতদিন যদি নারী আপনাকে পুরুষের ক্রীড়নক ক'রেই রেখে থাকে, তা থেকেও ত প্রমাণ হয় না যে নারীর জাগরণের কোনও ক্ষমতা নেই।

নারীর ধীশক্তির অভাবের কথা লেখক উল্লেখ করেছেন। কিন্তু সে সম্বন্ধে কোনও উদাহরণ আমরা তাঁর কাছ হ'তে

শ্রীহলা দেবী

পাই নি। উদাহরণ দেন নি, কারণ দেবার মত কোনও উদাহরণ নেই ব'লেই। পুরুষ-বৃদ্ধরা শুধু বুদ্ধিবল দেশ ও সমাজ শাসন করতেন সে কালে, কিন্তু নারী নাকি কাম্বিন কালেও দেশ ও সমাজ শাসন করেন নি। এলিজাবেথ, রিজিয়া, ভিক্টোরিয়াদের কথা নাই তুললাম,— কিন্তু জরাজীর্ণ মস্তিষ্ক দিয়ে দেশ-শাসন রূপ উৎকট ব্যাপারের যে একটা বিকট পরিণাম হওয়া আশ্চর্য্য নয়, এইটাই পমাণ হয়েছিল পরশুরামের পিতার বেলা। অগ্নিশর্মা পিতা আদেশ করলেন—‘যাও, তোমার মার মাথাটা কেটে ফেল।’ সুবোধ পুত্র তখনি যেয়ে কেটে ফেলেন। কিন্তু তারপরে তাঁকে পস্তাতে হয়েছিল হয় ত রুতকর্ষের জ্ঞান; কিন্তু এইটুকু বোধ হয় তাঁর সাস্ত্যনা ছিল যে, ধরনীকে নিঃস্বত্রিয় করবার সুযোগে নির্বৃদ্ধও ক'রে ফেলে অস্ত্যতঃ স্বত্রিয় সমাজটাকে তিনি প্রবীণ শাসনের বিভীষিকা হ'তে বাচিয়ে ফেলেছেন

Ludovicier, স্মতরাং লেখকেরও মতে মাতৃহে ও পত্নাহে নারীর কোনও আত্মতাগ নেই। নীতি-জ্ঞানও নারীর অধিক নেই। এবং তা সত্বেও যে পুরুষ নারীকে সঙ্গম করে, তার অনেকগুলি দোষের মধ্যে একটি হচ্ছে impotency মাত্র। এই কয়টি কথা একটু আলোচনা দরকার।

প্রাচীন লেখকরা বলেন বহু যাতনা সহ্য করবার পর মাতৃহে নারী যে আনন্দ পায় সেটা স্বতঃই একটা নিঃস্বার্থ আনন্দ। তাঁদের মতে নারীর ধর্ম হচ্ছে ত্যাগ-ধর্ম। কন্যা হ'য়ে পিতাকে, পত্নী হ'য়ে পতিকে এবং সব শেষে মাতা হ'য়ে সন্তানকে সে হৃদয় উজাড় ক'রে, ভক্তি প্রেম ও স্নেহ দিয়ে আজন্ম সেবা ক'রে আসে। তাগেই সে আনন্দ পায়, তাই সন্তানকে বুকের রক্ত বিলিয়ে চরম দান করে ব'লেই তার আনন্দও চরম হয়। এই আনন্দে আত্মতাগ নেই, এ কথা বলা একান্ত অসঙ্গত। লেখকের মতে বোধ হয় আত্মতাগ অর্থে নিরানন্দ আত্মতাগ। কিন্তু নিরানন্দ আত্মতাগ বস্তুটা জগতে খুবই বিরল। জেলের কয়েদীকে য চাবুকের চোটে ঘানী ঘোরাতে হয় সেটা খুবই নিরানন্দ সন্দেহ নেই এবং চাবুকের ঘায়ে সে যেটা করতে বাধ্য হয়

সেটা নিশ্চয়ই আত্মতুষ্টি নয়। কিন্তু কয়েদীর ভাঙা সর্ষপ তৈলকে জগতের খরিদদার উদরের পক্ষে উপাদেয় ব'লেই খরিদ করেন, নিঃস্বার্থ আত্মতাগের নিদর্শন ব'লে লেবেল আঁটা শিশিতে ভ'রে কোনও প্রদর্শনীতে লটকে রেখেছেন, এর সংবাদ ত আমরা আজও পাইনি। মাতৃহে ও পত্নীহে নারীর যথেষ্ট ত্যাগ স্বীকার করতে হয়, থাকুক না সে ত্যাগে তার যথেষ্ট আনন্দ।

নারীর চেয়ে পুরুষ সন্তানের ভিতর নিজের egoকে কম অনুভব করে, এই হচ্ছে লেখকের মত। আমরা কিন্তু দেখি সন্তান, হয় তার পিতার মত হয়, নয় তার মাতার মত হয়,—অধিকাংশ স্থলেই সন্তান তার পিতার মত হ'য়ে থাকে। বংশানুক্রম বলতে যা বোঝায় সেটা বোধ হয় পিতার সঙ্কেই বেশী খাটে, মাতার সঙ্কে নয়। সন্তানের মধ্যে পুরুষের সঙ্গ অধিক আছে ব'লেই মানবজাতি প্রধানতঃ patriarchal হয়েছে, matriarchal নয়।

লেখক বলেছেন মনস্তত্ত্ব মতে পুরুষের হ'তে নারীর দৈহিক আকাঙ্ক্ষা অধিক। কোন্ পণ্ডিতের মতবাদ এ, তা লেখক কিছু জানান নি। পরে দেখছি মারী ষ্টোপস্‌এর সাথেও লেখকের পরিচয় আছে। মারী ষ্টোপস্‌ বহু সংখ্যক নরনারীর চরিত্র অন্বেষণ ক'রে যে সাধারণ সিদ্ধান্তে উপনীত হয়েছেন তা সঙ্ক্ষেপে তাঁরই কথায় বলা যায়, “Man's desire is perpetual and woman's intermittent. (“Married Love”—৫৩ পৃষ্ঠা) এবং এই কথাটাই তিনি ঐ পুস্তকে graph দিয়ে বুঝিয়ে দিয়েছেন। এ সব যদি লেখক মহাশয় জানতেন তবে “পুরুষের হ'তে নারীর দৈহিক আকাঙ্ক্ষা অধিক” বলতেন না।

লেখকের মতে নারীর নীতিজ্ঞান পুরুষের অপেক্ষা অধিক হ'তে পারে না এবং “অন্ত কোনও ক্ষেত্রেও তার এমন কোনও গভীর নীতি-জ্ঞানের পরিচয় পাওয়া যায় নি যার জন্তে সে সবিশেষ প্রশংসনীয়।” Ludovici বাঙালী নন, তিনি না হয় না জানতে পারেন, কিন্তু লেখক নিজে বাঙালী হ'য়ে এ কথা কি ক'রে বলেন তা আমাদের কল্পনারও বহির্ভূত। বাঙ্গলার ঘরে ঘরে যে সব ব্রহ্মচারিণী বিধবা কঠোর কৃচ্ছ্র সাধনে আজীবন কাটিয়ে যান তাঁরা



কি লেখকের “সবিশেষ প্রশংসার” উদ্রেক করেন না? পুরুষের নীতিজ্ঞান ত খুবই “টনটনে”,—তাই পত্নী বিয়োগ না হ’তে হ’তেই নেহাৎ পিসী মাসীর উপরোধে প’ড়ে টেকী গেলার মতই দ্বিতীয় পত্নী গ্রহণ করতে তাঁদের বিন্দুমাত্র বাধে না। লেখকের কথাটা খুবই খাঁটি,—পুরুষের নীতিজ্ঞান, ব্রহ্মচর্যা স্পৃহা খুবই তীব্র, কেবল যত দোষ হচ্ছে স্থান-কাল-পাত্রের। আরব দেশে খেজুর যেমন সস্তা, আমাদের দেশে কণ্ঠা তেমনি সস্তা। কণ্ঠাদায়গ্রস্ত পিতার সজল অনুরোধ দরবিগলিত হৃদয় বিপত্নীক পুরুষের কঠোর ব্রহ্মচর্যা বজায় রাখতে দিচ্ছে কই?—নইলে অবশ্য বিপত্নীকের ব্রহ্মচর্যা একটা আদর্শের জিনিষ হ’য়ে থাকত, তাতে কি আর সন্দেহ আছে? পুরুষ পৌরুষহীন (impotent) না হ’লে নারীকে সন্ত্রম করে না, এই কথাটা লেখক আমাদের দেখিয়েছেন। কিন্তু “এই রুঢ় সত্যে লোক বিচলিত হবে” ব’লে লেখক যে উদ্ভিগ্ন হয়েছেন এটা নিস্প্রয়োজন ছিল, কেননা এই তথ্যটি রুঢ় যে, সে বিষয়ে সন্দেহ নেই কিন্তু সত্য কিনা সে বিষয়ে খুবই সন্দেহ আছে। রাস্কিন প্রভৃতি অংশতঃ impotent ছিলেন ব’লেই তাঁরা নারীর অধিকার স্থাপনের জন্তু চেষ্টিত হয়েছিলেন, Luilovici মহাশয়ের এ যুক্তি কাক-তালীয় প্রমাণ ছাড়া আর কিছুই নয়। জগতে যারা চিত্রশিল্পে খ্যাতিলাভ করেছিলেন তাঁদের অনেকেরই দেখা যায় দীর্ঘ কেশ ছিল। তাহ’লে কি বলতে হবে চিত্রকলায় যশোপার্জনের জন্তু দীর্ঘ কেশই হচ্ছে প্রধান উপকরণ? রাস্কিন প্রভৃতি impotent স্ত্রীরাং সেই জন্তু নারী-মহিমার পক্ষপাতী, এই হ’তেই কি প্রমাণ হচ্ছে যে মহাপরাক্রমশালী পুরুষেরা নারীকে দাসীরূপে দেখে এসেছেন? নারীকে যারা সম্মান করেন তাঁরা impotent হবেনই এ ধার্ষ্য করলে বলতে হবে এই যে বিখ্যাত বীর নেপোলিওরও পৌরুষের অভাব ছিল, কারণ নারীর প্রতি তাঁর প্রচুর সন্ত্রম ছিল, chivalry তাঁর খ্যাত ছিল। পশ্চিমদেশে নারীর প্রতি পুরুষের সন্ত্রম বিখ্যাত, কিন্তু তাই ব’লে পশ্চিম দেশটাকে কি impotent-দের দেশ বলতে হবে? এরকম যুক্তির মধ্যে conviction নেই, হাশ্বরস প্রচুর আছে। এই ধরুন না, আমাদের দেবাদিদেব মহাদেব,—যিনি কালীর

চরণ অনন্তকাল বক্ষে ধারণ ক’রে আছেন, সুরধুনীকে যিনি শিরোভূষণ করেছেন—নারীকে এতখানি উর্দ্ধে তুলেছেন, লেখক মহাশয়ের অখণ্ড যুক্তিতে তিনিও impotent,—তা থাকুক না তাঁর কার্তিক গণেশ আদি নানা সন্তান!

নারীর প্রেরণা ব্যতিরেকেও পুরুষ যে জগতে কৃতী হ’তে পারে তার কয়েকটা দৃষ্টান্ত লেখক দিয়েছেন। কিন্তু এই কয়টি গোণা-গুণতি দৃষ্টান্ত সাধারণ নিয়মকে প্রমাণ করে না, বরং সাধারণ নিয়মের ব্যতিক্রম ব’লেই ধর্তব্য। সাক্ষাৎ ভাবে নারী ত প্রেরণা দিয়েই থাকে, পরোক্ষ ভাবেও যে না দেয় তাও নয়। অনেক স্থলে দেখা গেছে নারীকে পার্থিব ভাবে না পেলেও, অন্তরে তাকেই অবলম্বন ক’রে পুরুষ প্রতিভায় অমর হ’য়ে গেছে। Dante তার এক প্রকৃষ্ট উদাহরণ। নারীকে সকল ক্ষেত্রেই পুরুষের প্রতিভার দীপ জ্বালাতে হয় না সত্য, কিন্তু দৈনন্দিন জীবনে এটাই দেখা যায় যে নিত্যকার কন্ঠে পুরুষকে নারী প্রাণের যোগান দিয়ে চলে,—সেই প্রেরণা পেয়েই, সেই মমতা, আশ্রয় পেয়ে পুরুষ কঠিন জীবন-সংগ্রামে সকল সঙ্কট অতিক্রম ক’রে এগিয়ে যেতে সক্ষম হয়। নারীর প্রেরণা পেলে না ব’লে জগতে কত উৎসুক উন্মুখ ভালবাসা স্তান হ’য়ে গেছে, কত জলন্ত উদ্যম নিভে গেছে, কত সাজান বাগান গুঁকিয়ে গেছে। পুরুষের তরবারি যুদ্ধক্ষেত্রে কতবার জয়লাভ করেছে ইতিহাসের পৃষ্ঠায় সোনার আঁথরে তা লেখা আছে, কিন্তু হারের পুরুষের ইতিহাস! নারীর যে কত প্রেরণা, কত ত্যাগ, কত অশ্রু, কত দরদ তার মাঝে নিহিত আছে তার সংবাদ দাও নি! নারী নীরবে তার কার্য ক’রে চলে ব’লে পুরুষ তার কার্যকে সহজেই গণ্য করতে ভুলে যায়।

লেখকের মতানুযায়ী নারীর সৃষ্টিকার্যে অক্ষমতাই বা কোথায় এবং সেই অক্ষমতা কি ক’রে নারীর সৌন্দর্য-জ্ঞানের স্বল্পতার পরিচায়ক হ’ল তা আমরা বুঝতে অক্ষম হলাম। নারী যে সৌন্দর্যের অনুরাগী, নারীহীন গৃহের শ্রীহীনতা দেখলেই তা বোঝা যায়। নারী যে স্থানে বর্তমান, তার আশে পাশে চারিদিকে সে লক্ষ্মী-শ্রী ফুটিয়ে তোলে, প্রত্যেক কাজটি করার ভঙ্গীতে—প্রতি জিনিষটি সাজাবার সৌন্দর্যে।

লেখকের মতে নারী নিজেকে সাজাতে চায় সেটা তার coquetryর লক্ষণ মাত্র। এ কথার উত্তর আংশিক ভাবে পূর্বেই দেওয়া হয়েছে। সৃষ্টির প্রারম্ভ হ'তে তার নিজের ধরণের সজ্জার কিছুমাত্র ক্রটি করতে পুরুষকেও দেখা যায় নি। বৈষ্ণব কবিতাবলীতে রাধিকার গায় শ্রীকৃষ্ণেরও প্রতিসার গমন কালে সজ্জার সহস্র বর্ণনা দৃষ্ট হয়। দেহকে সুন্দর ক'রে সাজাবার স্পৃহা জীব মাত্রকেই প্রকৃতি দিয়েছেন সামান্য পশুপক্ষীর মাঝেও এ নিয়মের ব্যতিক্রম হয় না— তারাও নিজের দেহকে লেহন ক'রে অথবা ঝেড়ে ফুলিয়ে সুন্দর রাখতে চায়।

নারীর রূপ সম্বন্ধে অধিক কথার সম্পূর্ণ নিষ্প্রয়োজন। আগে থেকেই কবিরা কতশত কাব্য রচনা ক'রে গেছেন নারীর রূপ গান ক'রে, চিত্রকরেরা সৌন্দর্য্যকে একেছেন নারীর ছবি একে। দার্শনিক ও শাস্ত্র-কাররা সৌন্দর্য্য ও প্রাচুর্য্যের মূর্তি গড়েছেন লক্ষ্মীরূপে নারীর। নারীর যেমন স্বতন্ত্র সৌন্দর্য্য আছে, পুরুষের সৌন্দর্য্যেরও তেমনি ভিন্ন ধরণ আছে। কিন্তু নারী ও পুরুষের রূপ যেহেতু বিভিন্ন ধরণের, সেহেতু তাদের মধ্যে কোন্টা বড় কোন্টা ছোট তার বিচার করা চলে না। তবে, কার রূপের কত প্রতাপ তার তুলনা করা চলে। নারীর রূপের জগৎ কত মহাদেশ ধ্বংস হ'য়ে গেছে, কত সময়ের কৃষ্ণ শ্রোতে ধরণী প্লাবিত হয়েছে—কত দেশে লক্ষ্মীর হাসি ফুটে উঠেছে। কিন্তু কেবলমাত্র রূপের জগৎই জগৎবিখ্যাত, এমন কোনও পুরুষের নাম বড় শোনা যায় না।

পুরুষ যে পূর্বের পৌরুষ হারিয়েছে—এই বিশ্বাসের উপরই লেখক বারবার জোর প্রকাশ করেছেন। কিন্তু এমন pessimistic মতবাদের কোনই সার্থকতা নেই। জগতের রক্ষা রক্ষা যে ক্রমবিকাশের পুত হোমাগ্নি প্রকৃতি জ্বলে দিয়েছেন সাগ্নিক ব্রাহ্মণের মত মানব-সমাজ সে অগ্নিকে নির্বাপিত হ'তে দেয় নি, মানবজাতির শুভ-জন্ম-গাসরে যে উন্নতির পুত হোমাগ্নি জ্বলেছে মানব-বংশের একমাত্র চিত্তভঙ্গই সে অগ্নি নির্বাপিত হবে, তার পূর্বে নয়। উন্নতির ভেতর দিয়ে যুগের ক্রমবিকাশ চ'লে

আসছে। বর্তমান বিগতের চেয়ে উন্নত,—ভবিষ্যতের ক্রম-বিকাশ আরো উন্নতির মধ্যে প্রচ্ছন্ন আছে। সৃষ্টির ধারাটি ত চিরদিন এই নিয়মেই হ'য়ে আসে। কবির প্রাণে এ সত্যের প্রতিচ্ছবি যখন পড়েছিল তখন তিনি গেয়েছিলেন—

“Yet I doubt not through the ages one
increasing purpose runs ;

The thoughts of men are widened with the
progress of the suns.”

পুরানো যা কিছু ছেড়ে দিয়ে নূতন সত্যকে গ্রহণ করাই এ যুগের যুগধর্ম্ম। মানব আজ বিদ্রোহী বীর—এবং চির-দিনই যে-যুগের যিনি অবতার তাঁকে সে যুগের গতানুগতিক মনোবৃত্তির বিরুদ্ধে বিদ্রোহ ঘোষণা করতে হয়েছে। তাতে গতানুগতিক ধর্ম্মভাবকে রোধ করা হয়েছে বটে কিন্তু এতে আক্ষেপের কি আছে? মানবের আজ ধর্ম্মভাব লোপ পেয়েছে ব'লে এই যে চীৎকার, এতে কতিপয় পরম ধার্ম্মিক পাদরী ছাড়া পৃথিবীর কোনও কাজের মানুষ যে যোগ দিতে পারেন নি, এ আমরাও যেমন জানি, লেখক মহাশয়ও তেমনি জানেন। আর এও ত একটা কথা যে, গতানুগতিক ধর্ম্মটা যে লোপ পেতে বসেছে, তার কারণই হচ্ছে আজ কালকার মানুষ সেই চিরন্তন-টিয়া পাখীটির মত তার চিরন্তন-দাঁড়ে ব'সে চিরন্তন-ধর্ম্মের ছোলা খাওয়ার প্রবৃত্তি থেকে সহসা ঘুরে দাঁড়িয়েছে।

লেখক বলেছেন, এ যুগের পুরুষ মস্তিষ্ক দিয়ে ভাবে না, হৃদয় দিয়ে ভাবে, তাই সে এত দুর্বল। এ কথাটা প'ড়ে একটু আশ্চর্য্য না হ'য়ে থাকা যায় না। আমরা ত দেখছি মানুষ আজ তার ‘খনি-খনিত্র-নথ-বিদীর্ণ’ পথে তড়িৎ, অন্ধার, উদযান, অল্পজান আর রন্টজেন্ রশ্মির বিরাট বোঝা মাথায় নিয়ে উর্দ্ধ্বাসে উন্নতির রথ চালিয়ে দিয়েছে,—বিরাট প্রকৃতির লীলাক্ষেত্রে এখন “যন্ত্ররাজ” মানব এসে প্রচুর বাণভাণ্ডসহকারে কাঁচা মাল ও পাকা মাল সরবরাহের বিপুল আয়োজন করেছে—এ সব কি তার হৃদয়ের শক্তির লক্ষণ, না মস্তিষ্কের শক্তির ফল? হৃদয় দিয়ে আবার যখন মানুষ ভাবে শিখবে তখন মানব সমাজের এই শ্রমিক ও আভিজাত্য-সংগ্রাম,



এই দারিদ্র্য ও অনশনের হাহাকার লুপ্ত হ'য়ে যাবে। তখন মায়াপুরীর রাজপুত্র এসে যন্ত্ররাজের যত্নে রচা বন্ধ-ধারাকে মুক্ত-ধারা ক'রে দেবেন, তখন 'রক্ত করবীর' রক্ত-রাগে 'রক্তন' আবার প্রাণ পেয়ে বেঁচে উঠবে, 'নন্দিনী' আবার আনন্দে নেচে বেড়াবে, মানব-হৃদয়ের বাতায়নের পাশে সেই যে সোনার ডালিম গাছটি তাতে নীলকণ্ঠ পাখী আবার এসে বাসা বাঁধবে।

লেখক মহাশয়ের মতে নারীকে জীবিকার জন্তে নাকি অতি অল্পই পরিশ্রম করতে হয়। এটাও খুব যুক্তি-সঙ্গত কথা নয়। যেখানে নারী পুরুষের সমান হ'য়ে কর্মক্ষেত্রে নেমেছে সেখানে অগ্রবর্তী পুরুষদের না সরিয়ে দিলে তার স্থান হয় কোথায়? আর সে কাজ কম পরিশ্রম-সাপেক্ষও নয়। যে সব নারী গৃহ-কাজেই রয়েছেন, তাঁদেরও উদয়ান্তের খাটুনী যে একটি সামান্য বস্তু তাও নয়, তবে তাঁরা সংবাদ-পত্রে তাঁদের অতিরিক্ত শ্রমের তালিকা দিয়ে কলহ করেন না, এবং ধর্মঘট করেন না—একথা সত্য।

এ কালের পুরুষ আনন্দ বলতে বোঝে 'সুখের শিহরণ', এবং সুখের বার্থ অন্বেষণে সে নাকি নিজেকে 'তিলে তিলে বিনাশ' করছে, লেখক বলেছেন। এ কথা এ কালের কেন সব কালের পক্ষেই সত্য। প্রদীপ যখন জলে তখন আমরা তার একটা স্থির আভা দেখতে পাই। কিন্তু আরও স্পষ্ট চোখ দিয়ে যদি দেখি ত দেখব, প্রদীপের ঐ একটি জলার মধ্যে কোটি কোটি তৈলবাষ্প-বিন্দুর বিস্ফোটন রয়েছে। আনন্দটা হচ্ছে প্রদীপের ঐ শান্ত জ্যোতিঃর মতন, আর সেটা গ'ড়ে ওঠে অসংখ্য সুখের অসংখ্য শিহরণের সমষ্টিতে। স্বচ্ছ আভা দান ক'রে প্রদীপও যেমন নিভে যায়,—আনন্দও তেমনি শেষ হ'তে বাধ্য, কারণ মানুষ ত অবিদ্যমান নয়।

আমাদের দেশে পুরুষের মিথ্যা chivalry লেখক বলেছেন ইউরোপ থেকে আমদানী হয়েছে। এবং এটা নাকি হচ্ছে 'দাস মনোভাব'। কিন্তু মজা এই যে, যে সব দেশে লেখকেরই মতামতানুযায়ী chivalry অর্থাৎ এই দাস মনোভাবটা বেশী দেখা যায়, সেই সব পাশ্চাত্য দেশ স্বাধীন, আর যে দেশে এই দাস মনোভাব নব আনীত

মাত্র সে দেশ এতকাল পরাধীন। Chivalrous লোকের নারী নাকি বিজ্ঞাপের চক্ষে দেখে। যারা নারীকে পুরুষ অগ্রাহ্য দেখায়, দেখা হ'লে গায়ের উপর দিয়ে চ'লে যাওয়া ও ঔদ্ধত্য দেখানকে আদর্শ বলে মেনে নেয়, তাদের যে প্রচণ্ড পৌরুষ আছে তাতে সন্দেহ করি না। কিন্তু যারা নারীকে সম্মম দেখাতে কুণ্ঠিত হয় না, নারীকে জায়গা দিতে পৌরুষের হানি বোধ করে না, তারাই যে সকল নারীর সম্মমের পাত্র সে বিষয়ে সন্দেহ নেই। নারীর কাছে পুরুষ কোমল হয় তখনই, যখন নারীর বাহিরে বিস্তারিত সংসারক্ষেত্রে পুরুষের কঠিন হবার প্রচুর ক্ষমতা আছে। আর নারীর কাছেও যে পুরুষ কঠোর, তার নিশ্চয়ই এই প্রকাণ্ড পৃথিবীতে আর কোথাও কঠোর হবার জায়গা মেলে নি!

লেখকের মতে পূর্বে Love institution একমাত্র পুরুষের কার্য ছিল, এখন সেটা একমাত্র নারীর কার্য হয়ে দাঁড়িয়েছে। কিন্তু যখন দেখা যায় যে, সংসারে নারী ও পুরুষ দু জনেরই পরস্পরের প্রেমের প্রয়োজন, তখন তার প্রতিষ্ঠা বাপারটাই বা এক জনের দ্বারা কি ক'রে সম্পাদিত হয়? সে রকম এক তরফা প্রেম নিয়ে মানুষ চলে কি ক'রে? শঙ্করের জন্তে গৌরীর আরাধনা, স্বামী লাভের জন্তে দ্রৌপদীর পূজা, চিরন্তন কালের মেয়েদের সেই শিবপূজা,—এ সব যে অতি আধুনিক বাপার তা ত মনে হয় না। রামচন্দ্রের ধনুর্ভঙ্গও যেমন ছিল, স্বামী-লাভের জন্তে নারীর আরাধনাও তেমনি ছিল।

মানুষ যে আজ পেছিয়ে যায় নি,—সকল বিষয়েই অগ্রে অগ্রে এগিয়ে এসে আসন নিয়েছে, এই ক্রমোন্নতিশীল জগতে এইটাই দেখা যাচ্ছে। যে দেশ যত উন্নত হয়েছে সে দেশ নারীর মর্যাদাও তত বৃদ্ধিতে পেরেছে। বিংশ শতাব্দীতে জাতির সভ্যতার ওজন নারীর অবস্থা থেকেই উপলব্ধি করা যায়। পুরুষ আজ এগিয়ে এসেছে ব'লেই, আজ তার প্রাণ উদার হতে উদারতর হয়েছে ব'লেই সে নারীর বাধা অমুভব করবার শক্তি পেয়েছে। যে দিন সে সকল হ'তে এগিয়ে যেয়ে জ্ঞানের সর্বোচ্চ শিখরে গরিমার মুকুট প'রে বসবে, সেই দিনই সে সম্পূর্ণভাবে নারীর মর্যাদা

শ্রীশরদিন্দু বন্দ্যোপাধ্যায়

দুপাতে পারবে, নিজের সিংহাসনের পাশে নারীকে নারীকে দাবিয়ে রেখে পুরুষও তেমনি বাড়তে পারে না।
 তার নির্দিষ্ট স্থান ছেড়ে দেবে। নারী আর পুরুষ ভগবানের ভারতবাসীও যেদিন সেই সত্যটা উপলব্ধি করে নারীকে
 সৃষ্টিতে একই জিনিষের দ্বিবিধ অভিব্যক্তি, একই শরীরের তার সম্পূর্ণ অধিকার ছেড়ে দেবে, ভারতও সেইদিন তার
 ছোট চোখের মত,—সেখানে কেউ কারো হ'তে ছোট বড় সারা অঙ্গটাকে জড়তা হ'তে মুক্ত পেয়ে জেগে উঠবে,—
 বা কম বেশী হ'তে পারে না। নিজের অর্ধেক অঙ্গকে বিপুল বিক্রমে ললাটের সকল কলঙ্ক সগৌরবে মুছে
 পঙ্গু রেখে যেমন কেহ দিগ্বিজয়ে বার হ'তে পারে না, ফেলে।

রজনীগন্ধা

শ্রীশরদিন্দু বন্দ্যোপাধ্যায়

জন্মান্তরে ছিলে তুমি পুষ্পবতী রাজার নন্দিনী
 জাতিস্মর ফুল ! গর্কোন্নত গ্রীবা-ভঙ্গি ভরে,
 গজদন্ত পালঙ্কের কেজ্রাসীনা, স্ফুট বিশ্বাধরে ;
 সোনার সঙ্কায় বেণী বিনাইত রূপসী বন্দিনী ।

শ্বেত চন্দনের চিহ্ন অঁকি লয়ে চাকু পয়োধরে
 আয়ত-নয়ন তটে টানিয়া কজ্জল তনু লেখা
 নিতম্বে ছুলায়ে দিয়ে মুক্তাময়ী রশনার রেখা
 দাঁড়াইতে মেঘমুক্ত চন্দ্র-করে প্রাসাদ-শিখরে ।

আজ তুমি দিবালোকে দাঁড়াও সলজ্জ অভিমানে
 সঙ্কুচিত নতমুখে মুদিয়া কাতর অঁধি দুটি ;
 সঙ্কায় মেঘের ছায়া সুরভী নিঃশ্বাস তব আনে
 মর্শ্বের নিগূঢ় কথা—আধো বাথা, আধেক ক্রকুটি ।

বর্ষার প্লাবনে তব মুছে গেছে চোখের কজ্জল,
 অভিমানে মিশে গেছে অশ্রুর কোমল পরিমল ।

হরিশের দুর্গাপূজা

—গল্প—

—শ্রীশ্যামাপদ সেন

হরিশের কাণ্ড-জ্ঞান বিন্দুমাত্র ছিল বলিয়া বোধ হইত না। তাহার কাজের প্রণালা ও চিন্তার নূতনত্ব এমন অদ্ভুত রকমের অসাধারণ ছিল যে তাহাকে সময় সময় লোকে ক্ষেপা বলিয়া ঠাহর করিত। হরিশের স্ত্রী ভামিনী তাহার এই গোবেচারী স্বামিটিকে লইয়া মাঝে মাঝে বিষম বিব্রত হইয়া পড়িতেন।

হরিশের ক্ষেপামীর দুই একটি উদাহরণ, যথা—মধ্যম পুত্র বলরামের সহিত কনিষ্ঠ নিমাইএর বিরোধ বাধিলে হরিশ হয় জ্যেষ্ঠ রামলালকে অতিরিক্ত তিরস্কার করিতেন,—নতুবা ভামিনীকে ডাকিয়া বলিতেন,—“তুমিই যত নষ্টের গোড়া।” ভামিনী কাংশুকণ্ঠে ইহার প্রতিবাদ করিতে উত্তত হইলে হরিশ গম্ভীরভাবে জবাব দিতেন, “শাসিতকে উদাহরণ দেখাইয়া শাসন করিলে ফল লাভ হয়; অর্থাৎ উপদেশ হইতে উদাহরণই শ্রেয়ঃ।” কিন্তু উপদেশ হইতে উদাহরণ যে অনেক সময় ভীষণ আকার ধারণ করে তাহার প্রকৃষ্ট প্রমাণ পাওয়া যাইত যখন দুইটি বালকের কলহ একটা প্রকাণ্ড পারিবারিক কলহে পরিণত হইত। শোনা যায়, ইহার উত্তরে হরিশ গম্ভীরতর ভাবে বলিতেন,—“কুদ্ কলহের মূলে যে বৃহৎ কলহের বীজ লুকাইয়া আছে,— তাহাকে আগাইয়াই তবে তাহার শাস্তি করিতে হয়। বৃথা চাপিয়া রাখিলে ফল অত্যন্ত খারাপ হয়।”

বলা বাহুল্য ভামিনী এই সকল দার্শনিক তত্ত্বের উপযুক্ত দাম দিতেন কণ্ঠের স্বর পঞ্চম হইতে সপ্তমে চড়াইয়া। গৃহকর্মের জন্ত রামলালকে ডাকিলে যদি অনতিবিলম্বে বলরাম আসিয়া হাজির না হইত তাহা হইলে সে দিন রামলাল এবং বলরাম উভয়েই যুগপৎ হরিশের নিকট তিরস্করণীয় বলিয়া বিবেচিত হইত। হরিশের যুক্তি এইরূপ ছিল,—আদেশ পালনের ভাবটাকেই দাম দেওয়া হইতেছে; যাহার ভিতর সেই ভাব বিশেষরূপে বর্দ্ধিত হইয়াছে সে

সুযোগের অপেক্ষায় বসিয়া থাকে না, অর্থাৎ হরিশের তবল পড়িলে রাম এবং রহিম উভয়েরই যুগপৎ সেই জন্ত হাজির হওয়া উচিত।

এই সমস্ত কারণে হরিশের পরিবারে বিন্দুমাত্র শান্তি ছিল না। হরিশের যুক্তি যে কখন কি রূপ অবলম্বন করিতে পারে পূর্ক হইতে তাহার ঠাহরও পাওয়া যাইত না। এক একদিন পারিবারিক কলহ (স্বামী-স্ত্রীর কলহ) একরূপ বৃদ্ধি পাইত যে একপক্ষে হরিশ কেবলই দার্শনিক যুক্তিসমূহের অনর্গল অবতারণা করিতেন, অত্র পক্ষে স্ত্রী ভামিনী কণ্ঠের স্বর এত অধিক মাত্রায় চড়াইয়া দিতেন যে, পাড়ার লোকে কোন আধৈদেবিক বিপদ ঘটয়াছে ভাবিয়া দৌড়াইয়া দেখিতে আসিত। কিন্তু আসিলেই দেখিতে পাইত যে একটি আধাঅধিক সংগ্রাম চলিতেছে। স্থূল-স্থূল, কারণ-কার্য্যফল, নিয়ম-ব্যতিরেকের ছড়াছড়ি! অগত্যা হাসিতে হাসিতে সকলের বাড়ী ফিরিয়া যাওয়া ব্যতীত উপায়ান্তর থাকিত না।

এ হেন হরিশ একবার ভাবিলেন যে, দুর্গোৎসব করাটা নিতান্ত উচিত। পত্নী ভামিনীকে খবরটা আগে দিলে তাহার এ বিষয়ে উৎসাহ ক্রমেই মন্দীভূত হইয়া পড়িতে পারে বিবেচনায় কথাটা নিজের মনেই গোপন রাখা স্থির এবং শুভ বিবেচনা করিলেন। কুশুকারের বাড়ীতে প্রতিমার বায়না হইতে আরম্ভ করিয়া পুরোহিত পর্য্যন্ত খবরটা সকলেই পাইল। ফলে দাঁড়াইল যে, এক স্ত্রী ভামিনী ব্যতীত সংসারের প্রায় সকলেই হরিশের মতলব জানিতে পারিল। কিন্তু ভামিনী না জানিতে পারিলেও সে কিছু আর সংসারের বাহিরে বসতি করে না। কথাটা তাঁহার কণ্ঠে পৌছাইতে বড় বেশী দিন লাগিল না। সুতরাং তিনি একদিন দুর্গার রূপ লইয়া না হউক দুর্গার ভঙ্গী লইয়া আসিয়া তাঁর কণ্ঠে স্বামীকে শুধাইলেন,—“বাপারটা কি?”

সেন

হরিশ বিষম ফাঁপরে পড়িয়া গেলেন। মাথা চুলকাইতে চুলকাইতে বলিতে লাগিলেন, “হাঁ, তা না,—হাঁ এই ধর গিয়া মনুষ্য জীবনে দেবার্চনার বিশেষ প্রয়োজন। কৃশ্চানরা মূর্তিপূজা না করিলেও যীশু ও ক্রশের পূজা করে।” ইত্যাদি ইত্যাদি। ভামিনী বলিলেন,—“কৃশ্চানরা কিসের পূজা করে তাহা আমি শুনিতে আসি নাই। তুমি কি করিবে তাহাই শুনিবার আছে।”

হরিশ সংক্ষেপে উত্তর দিলেন,—“দুর্গোৎসব।”

ভামিনী সহসা খান্ খান্ করিয়া উঠিলেন,—“ভাত পায় না তার মুড়কির জল-পান! ঘরে নাই চাল, তার দুগ্গোগোচ্ছব! এক পয়সা রোজগার নাই অথচ নবাবীর আর পার নেই।”

হরিশ বলিতে গেলেন—“নবাবেরা দুর্গোৎসব অথবা চাকরী কিছুই করিতেন বলিয়া ইতিহাসে লেখে না।” ভামিনী চিট্‌কিয়া উঠিলেন, “ইতিহাসের মুখে আগুন। বিখে জাতির কেবল নিজের ঘরে বোসে। নিয়ে এস না বিখে দেখিয়ে টাকারোজগার করে, বুঝি ক্ষমতা।” হরিশ, কহিলেন “বিখা ও শক্তি এক নহে।” ভামিনী যখন দেখিলেন একরূপ লোকের সহিত তর্কে পারিয়া উঠা দায় তখন সহসা ঘরের স্বরণ-শক্তির অতিরিক্ত অভাব দেখিয়া খেদ করিতে করিতে কাথাস্তরে চলিয়া গেলেন।

যথাসময়ে দুর্গা-পূজার দিন উপস্থিত হইল। কুস্তকার বাড়া হইতে প্রতিমা আনা হইয়াছে। ছোট প্রতিমা। ছোট মণ্ডপ। বাঘবাজনার অভাব ভামিনীর দিবারাত্রবাণী কাংশু-কণ্ঠে মিটিল। জ্যেষ্ঠপুত্র রামলাল বিষলবদনে ঘরের দাওয়ায় খুঁটি হেলান দিয়া বসিয়া রহিল। মধ্যমপুত্র বল-রাম কনিষ্ঠ নিমাইচাঁদের সহিত উলঙ্গ হইয়া বর্ষণপুষ্ট পল্লী-গ্রামের আড়ায় আড়ায় পরিধানের জাঁর্ণ বসন দ্বারা খেপ দিয়া মৎস্য-উপার্জনে বাস্ত ছিল। পূজার সময় স্ত্রীপুত্রের জন্ত কয়েকখণ্ড নূতন বসন ক্রয় করিবারও সংস্থান নাই। হরিশ শাস্ত্রমুখে প্রতিমার মণ্ডপের সম্মুখে বসিয়া আছেন। পূজাহিত বলিয়া পাঠাইয়াছেন—বেগার খাটিবার মত সময় উপায় নাই। অগত্যা হরিশকেই পুরোহিতের আসন দখল করিতে হইয়াছে। সপ্তমী, অষ্টমী, নবমী তিন দিন যাবৎ

পূজা হইল। কি যে পূজা, আর কি যে তাহার মন্ত্র, কেহই বুঝিল না। তিনদিন যাবৎ হরিশ সাগু ভিজাইয়া দৈনিক আহার সম্পন্ন করিলেন। এ কয়দিন তিনি কাঠারও সহিত বিশেষ আলাপ করিলেন না। স্ত্রী ভামিনী নবমীর দিন রাত্রে অনুরোধ করিয়া গেলেন এবার যেন দেবীর সহিত শুভ বিদায় গ্রহণ করা হয়। প্রতিমার দিকে অঙ্গুলি নির্দেশ করিয়া হরিশ সংক্ষেপে কহিলেন, “মাকে জানাও।” ভামিনী কহিলেন—“মার কি কান নাই যে বিশেষ করিয়া জানাইবার প্রয়োজন আছে?”

দশমীর রাত্রি প্রভাত হইল। সকাল হইতে টিপ্ টিপ্ করিয়া বৃষ্টি পড়িতেছে। গ্রামের জঙ্গল এত অধিক পরিমাণে বাড়িয়া গিয়াছে যে কোন এক গৃহস্থের বাড়ী দাঁড়াইয়া মনে হয় যেন মাত্র এই একখানি বাড়ীই এ গ্রামের সম্বল! একটা অস্বাস্থ্যকর বাষ্প পাল নালা ও ডোবা হইতে উঠিয়া চারিদিক ধোঁয়ার মত কুহেলীতে আচ্ছন্ন করিয়া রাখিয়াছে। মশক-সম্প্রদায় এতবেশী বাড়িয়া গিয়াছে যে মনে হয় যে আজই যদি ইহারা মানুষের বিরুদ্ধে যুদ্ধ ঘোষণা করে তবে সূর্যাস্তের পূর্বেই মশক-রাজতন্ত্র স্থাপনের পক্ষে কিঞ্চিন্মাত্র বাধা নাই।

হরিশ প্রতিমার মণ্ডপ হইতে বাহির হইয়া আসিয়া দেখিলেন প্রভাত,—দশমীর প্রভাত যেন দুইহাতে মুখ ঢাকিয়া ফোঁপাইয়া ফোঁপাইয়া কাঁদিতেছে। প্রতিমার মুখের দিকে চাহিলেন,—দেখিলেন, দেবীর আনন বিষাদ-আচ্ছন্ন। হরিশ মায়ের সম্মুখে গিয়া দাঁড়াইয়া বিক্রপের স্বরেই কহিলেন,—“আনন্দময়ী নাম গ্রহণ করিতে লজ্জা করে নাই? এত বিষাদই যদি,—এত দুর্গতিই যদি,—তবে দুর্গা নাম রাখিয়াছিল তোর কে মা?” মাতীর প্রতিমা কথা কহিল না। ঘর নিস্তর। চালের বাতায় একটা টিক্‌টিক্‌ ঠিক্‌ ঠিক্‌ করিয়া যেন সাগ্ন দিয়া উঠিল।

সমস্ত প্রভাত অঝোরে কাঁদিয়া কাটাইল। মধ্যাহ্নে আকাশের মস্তকে ক্ষণ আলো একবার রোগীর মুখের হাসির ছায় জলিয়াই কিছুক্ষণ পরে নিভিয়া গেল। গৃহে তপ্তুল নাই। ভামিনী মুখতার করিয়া ঘরের দাওয়ায়



নসিয়া আছেন। ছোট ছেলেটা ক্লুধার তাড়নার চাঁৎকার
করিয়া গৃহ মাথায় করিয়া লইয়াছে।

অপরাহ্নের দিকে হরিশ কহিলেন, “চল মা,—স্বস্থানে
গমন করিবে।” প্রতিমা কাঁধে করিয়া একা একা হরিশ
নদীর দিকে চলিলেন। তিন দিনের উপবাসে শরীর খর খর
করিয়া কাঁপিতেছে। নদীর কূলে যখন পৌঁছালেন,—
তখন মুম্বল ধারে বৃষ্টি আরম্ভ হইয়া গিয়াছে। পথ-ঘাট
জনশূন্য। ভাঙ্গনের কূলে দাঁড়াইয়া শুধু একটা তালগাছ
সন্ সন্ শব্দ করিতেছে। হরিশ যখন উন্নতের মত নদীর
কূলে প্রতিমা লইয়া দাঁড়াইয়াছেন তখন দিক্ দিগন্ত
এপার ওপার বৃষ্টির কাজল পরিয়া কালী হইয়া গিয়াছে।
“জয় মা আনন্দময়ী” বলিয়া হরিশ যেমন মাথার উপর

হইতে প্রতিমা নদীগর্ভে নিক্ষেপ করিতে যাইবেন—
—ভাঙ্গন ধ্বসিয়া অমনি সশব্দে সেই গভীর প্রদেশে
চির অন্ধকারে তলাইয়া গেলেন।

তারপর শুধু জলের গর্জন, বাতাসের ছকার আর
বৃষ্টির সাঁই সাঁই শব্দ! সৃষ্টির অনিয়ম হরিশ সৃষ্টির
অনিয়মের কোলে চির শান্তিলাভ করিলেন।

* * *

পরদিন হরিশের শব্দেহ নদীতে ভাসিতে দেখা গেল।
ভামিনীর উচ্চ ক্রন্দনে আকাশ ক্ষুব্ধ হইল। পুত্রের
কাঁদিয়া মৃত্তিকা ভাসাইতে লাগিল। কিন্তু এই সকল
ক্রন্দনের দার্শনিক বাখ্যা শুনাইবার জন্ম আজ আর কে
বর্তমান নাই।

কাল

শ্রীঅরীন্দ্রজিৎ মুখোপাধ্যায়

আজ চলেছে রাত্রির দশা, বৃহস্পতি লাগবে কাল,
আজকে মেঘা, কালকে সাঁজে উঠবে গো চাঁদ সোনার থাল।
আজকে তোমার নাইক দেখা, দিনটা বুঝি বৃথাই হয় :
কাল সকালে ডাকবে পাখী, আসবে তুমি সুনিশ্চয়।
জল্গাটা আজ জম্বল না'ক গানের গেল তাল কেটে ;
কালকে আসার জম্বে সুরে বিয় বাধার জাল কেটে।
আজকে পথে একলা চলি সঙ্গীহারা—মৌন মূক ;
কাল বিদেশী পথের সাথী আসবে তুলে কী কৌতুক
আজকে যদি খেলায় হারি—নেইক তাতে কিছুই ভয় ;
কালকে দেখো পড়তা নতুন, কালকে হবে দ্বিগুণ জয়।
আজ যা কুঁড়ি রয়েই গেল, কাল তা ফুটে উঠবে ফুল,
আজ যে মাণিক পাওনি খুঁজে, কাল তা' পাবে নাই'ক ভুল।

যাছকের ভেঙ্কীভরা কুহক ঢালা দিন ত কাল,
তা'রির লাগি কাটিয়ে দেব আজকে ছপুর সাঁজ সকাল!

ভ্রমণ-স্মৃতি

শ্রীদেবেশচন্দ্র দাস

(পূর্বাত্মবৃত্তি)

পরদিন সকালে জাগিয়া দেখি আমরা নূতন দিল্লী
দিশে পৌঁছিয়াছি। তখনই জল-যোগ সারিয়া আমরা দিল্লী
দুর্গাভিমুখে চলিলাম। পথে জুম্মা মসজিদে নামিয়াছিলাম।
সেখানে সু-উচ্চ মিনারে উঠিয়া দিল্লী শহরের একটা
দৃশ্য দেখিয়া লইলাম। মনে পড়িল—সতোক্তনাথের

“তুমি অপরূপ হে চির-জীবনা,

নূনের বড়ার চাইতে বৃড়া

ওরণীর চেয়ে সন্দরা তবু

মোহিনী তুমি লো নগরা চূড়া।”

এখানে রমজানের উপবাসের শেষ দিন খুব ভীড় হয় ;
দিল্লীর সকল মুসলমান সমবেত হইয়া নমাজ পড়েন।
উপর হইতে দিল্লী দেখিতে দেখিতে আর একদিনের
ঘটনা মনে পড়িল। সে ১৭৩৮ খৃষ্টাব্দ, যে দিন দিগ্বিজয়ী
নাদের শাহ এই মিনার হইতে দিল্লীর ধ্বংসলীলা দেখিতে-
ছিলেন। সে প্রলয় দিনে পারসিক সৈন্যগণ দিল্লীতে
রক্তস্রোত বহাইয়াছিল। তাহা ছাড়াও কত বার কত
আক্রমণ, কত অত্যাচারের ধারা ইহার বুকের উপর দিয়া
চলিয়া গিয়াছে। সতাই

“সর্গ নরক তোমারে ঘিরিয়া

রচিল রুধির অশ্রুধারা।”


এই আবার দিল্লী মোহন বেশ ধারণ করিয়াছে। নূতন
রূপে আবার সাজিয়াছে ; ভারতের ভাগ্য-বিধাতা হইয়াছে।

শাহজাহান লোহিত প্রস্তরে দিল্লী-দুর্গ প্রস্তুত
করাইয়াছিলেন ; দুর্গ ত নয় সবই প্রাসাদ-মালা। শিল্পের

এমন সুন্দর নমুনা আর কোনও দুর্গে পাওয়া যায় না।
ইহা আগ্রার দুর্গের অনুরূপে নির্মিত হইলেও শাহজাহানের
যুগের কারুকার্য আকবরের যুগের অপেক্ষা উন্নততর।
দুর্গের পূর্বের অবস্থা আর নাই ; এখন ইহা গোরা সৈন্তের
আবাসস্থল হইয়াছে। এখন আর মোগল সৈন্ত দীন দীন
রবে আকাশ বাতাস মুখরিত করিয়া সাম্রাজ্য-বিস্তারের জ্ঞ
অভিযানে বাহির হয় না ; দিল্লীর পথের ধূলি আর তুরগ-
গজভারে উড়িয়া আকাশকে ধূসর করে না ; চাঁদনী-চক
আর নৃত্যগীতে দ্বিতীয় ‘ইন্দ্র-সভার’ সৃষ্টি করে না।
মোগলের সে দিন নাই ; ভারতেরও সে দিন নাই। সে
ঐশ্বর্য, সে শৌর্ঘ্য-বীর্য, সে ভোগ-বিলাস সবই এখন রূপ-
কথায় পরিণত হইয়াছে। মতিমহল, সাম্রাম-বরজ, রঙ্গমহাল
অতীতের সেই দৃশ্যগুলির বাক্যহার্য দর্শকের ত্রায় বিবাদ-
মলিন। ময়ূর-সিংহাসন মোগল রাজলক্ষ্মীর সঙ্গে সঙ্গেই
চলিয়া গিয়াছে। দুর্গের সারভূত প্রাসাদমালার জল ভূমি-
খণ্ডের মধ্যে যত ধনরাশি, রূপরাশি ও পাপরাশি ছিল
বিশ্বজগতে বোধ হয় তাহার উপমা নাই। ইহা কুবের ও
কন্দর্পের রাজত্ব ; চন্দ্র, সূর্য্য তথায় স্বরূপে প্রবেশ করিতেন
না ; যম গোপনে ভিন্ন চরণ ফেলিতেন না। এত
নন্দনোপম উদ্যান, এত রূপলাবণাশালিনী রমণী, এত
ভোগ-বিলাস ও এত পাপাচরণ আর কোথাও ছিল না।
যে ঐশ্বর্যের নিকেতন নিত্য কত নগ্ন কোমল পদ-পল্লবের
স্পর্শ লাভ করিয়া ধন্য হইত, আজ আমরা দর্শকবৃন্দ রূঢ়
চরণে সেই অতুলনীয় কলা-কারুণ্য মন্মথের অবমাননা
করিতেছি। স্নান-হর্ষ্য উৎস-মুখ হইতে গোলাপ জল
উথিত হইত আর শীকর-শীতল নিভৃত গৃহে শিলাসনে
বসিয়া কত তরুণী দ্রাক্ষাবনের গজল গাহিত ; কত নারী-
কণ্ঠের কলকাকলী নির্ঝরের শতধারার ত্রায় সর্কৌতুকে
উচ্ছ্বসিত হইত ; প্রমোদচঞ্চল চেলাঞ্চলের মুহূর্ষীজনে কত



বসন্ত-সমীরণের নিঃশ্বাস উড়িয়া যাইত; আবার হয় ত ঈর্ষ্যাফেনিল ষড়যন্ত্রসকুল ঐশ্বর্যা-প্রবাহে ভাসমানা কোন অভাগিনী মরুভূমির পুষ্পমঞ্জরী গুপ্ত পথ দিয়া নিষ্ঠুর মৃত্যুদের তটে নিষ্কিন্তু হইত। ঐশ্বর্যা ও ভোগবিলাস কোন দিন মানুষকে পরিপূর্ণ সন্তোষ দেয় নাই; এ প্রমোদ-পিচ্ছিল পথে যে পদার্পণ করিয়াছে তাহার শান্তি মিলে নাই, শুধু সহস্র অতৃপ্তির লেলিহান শিখাময় বাসনার অনলে পুড়িয়া মরিয়াছে, আত্মার তৃপ্তি হয় নাই। এই সকল



কুতব মিনার

প্রাসাদে কত উদ্দাম কামনা, কত উন্নত সন্তোগের জ্বালাময় শিখা আলোড়িত হইয়াছে; আজও বুঝি তার ছ-একটি উষ্ণ স্পর্শ অনুভব করা যায়। সে চিত্তদাহের নিফল অভিশাপে বুঝি এ প্রমোদ-প্রাসাদের প্রতি প্রস্তর-খণ্ড কুধার্ত, তৃষ্ণার্ত হইয়া আছে। যে সভাগৃহে লেখা আছে—“যদি পৃথিবীতে স্বর্গ কোথায়ও থাকে, তাহা এখানেই, তাহা এখানেই”—সে

গৃহও আজ শোক-বিমলিন। হায় স্বর্গাস্পর্শী প্রাসাদ! তোমার নিশ্চিন্তা জানিতেন না যে, মানুষ যাহা কষ্টে নিশ্চিন্ত করে মহাকাল তাহা অনায়াসে ধ্বংস করে; মানুষের কত ইচ্ছা, কত কামনা, কত ভবিষ্যৎবাণী অবলীলার সহিত স্বপ্ন মাত্রে পর্যাবসিত হয়।

বিকালে আমরা কুতবমিনারের পথে বাহির হইলাম। নূতন দিল্লীর শোভাময় সরল প্রশস্ত রাজপথগুলি রাজধানীর উপযুক্ত। পথে ভারতের পার্লামেন্ট, সেক্রেটারিয়েট, গভর্নমেন্ট হাউস, মান-মন্দির এ সব দেখিয়া লইলাম। কাশী, দিল্লী ও জয়পুর এই তিন জায়গার মানমন্দিরই ভারতের প্রাচীন জ্যোতির্বিদ্যার পরিচয় দেয়।


তারপর বিজন পথ। চারিদিকে সমাধি ও ভগ্নাবশেষ, গৃহগুলি ইতঃস্তত বিকীর্ণ হইয়া রহিয়াছে। কেবল শফদরজঙ্গ এখনও অটুট অবস্থায় বর্তমান। এষ্ট হুম্মার দ্বিতলে উঠিয়া আমরা আর নীচে আসিবার পথ সহজে পাই নাই। অনেক ঘুরিয়া ফিরিয়া অবশেষে এই গোলক-ধাঁধার পথ পাইলাম। হুম্মায়নের পাঠাগার এখনও বর্তমান, কিন্তু পুস্তকপাঠ-রত কোন মোগল সম্রাটের সৌম্য আনন আর দেখিতে পাইব না। বুদ্ধিষ্টির নিশ্চিত পুরাতন কেলা দেখিলাম। শেরশাহ্ ইহার সংস্কার করাইয়াছিলেন। জুর্গে হিন্দুর শিল্প-কলার পরিচয় এখনও পাওয়া যায়। কুস্তীদেবীর মন্দির এখনও রহিয়াছে; কিন্তু সে ধর্মরাজ্য আর নাই। হয় ত নরোত্তমদিগের পদধূলি এখানে এখনও পড়িয়া আছে, কিন্তু গীতার ধর্ম প্রচারের গভীর বাণী আর উচ্চারিত হয় না। নিজামুদ্দীন আউলিয়ার কুপের নিকট জাহানারার মর্ম্মর সমাধির উপরে লেখা, আছে “আমি ফকীরনী, আমার কবরের উপর মাটি ও ঘাস দিও!” শাহজাদা বোধ হয় বুঝিয়াছিলেন ঐশ্বর্যা নশ্বর, স্মৃতিস্তম্ভ ক্ষণভঙ্গুর; তাই আজন্ম বিলাসে লালিতা রাজকন্যা মোগলের তিমির রজনীর পূর্বসূহুর্ভেই সাবধান হইয়াছিলেন।

সেখান হইতে আমরা কুতব-মিনারে গেলাম। আমরা সকলেই তরুণ বয়স্ক, তাই আমাদের উপরে উঠিতে কোন

কষ্টে হইল না। নীচে একটি লৌহস্তম্ভ রহিয়াছে, এই স্তম্ভ ঘোল শত বৎসর পূর্বেকার, তবুও আশ্চর্যের বিষয় এতটুকু কলঙ্ক পড়ে নাই। কুতব-মিনারের সূক্ষ্ম কারুকার্য এখনও বিনষ্ট হয় নাই; এই সুদৃশ্য মিনার হিন্দুরাজা পৃথীরায়ের কীর্তিস্তম্ভ; পরে কুতবউদ্দিন ও আলতামস উহা সংস্কার করাইয়া আরবী অক্ষরে স্তম্ভোদ্ভিত করেন। মিনারের উপরের অংশ পড়িয়া গিয়াছে। উপর হইতে দেখিলাম চারিদিকে কেবল ধ্বংসের লীলাখেলা। দিল্লী “হিন্দু সাম্রাজ্যের মহাশয়ান, মুসলমান সাম্রাজ্যের মহাসমাধি, মহাকালের বঙ্গভূমি”। সেই ইজ্জপাট, সেই পৃথীরায়ের দুর্গ, সেই তোগলকাবাদ, সেই শাহাজানাবাদ সবই ত রহিয়াছে;

আজ দিল্লীর যে দিকে তাকাই শুধু মহামেঘপ্রভা আমার আত্মবিস্মরণের ছায়াতে করাল নৃত্য দেখিতে পাই। শ্মশানাগরবাসিনীর পদতলে সপ্তদিল্লী লুপ্তিত। তাহাতে উগ্রচণ্ডার ক্রন্দন নাই। রিক্তা, অপহতা, আত্মবিস্মৃতা মাতার আজ এই মূর্তি। তাঁহার অটুহাস্ত সেই বিজন নীরবতার মধ্য হইতে চারিদিকে ধ্বনিত হইতেছে। বড় দুঃখেই একটা দীর্ঘনিশ্বাস পড়িল।

আগ্রার দুর্গ ও দিল্লীর দুর্গ প্রায় একই রকম। প্রাসাদ-গুলির শিল্পকার্য্যও একই প্রকার। আগ্রাদুর্গের মতি-মসজিদের প্রসারিত নিরা-ভরণা মূর্তি বড় সুন্দর। এমন সুন্দর অথচ এত সরল; ইহা কেবল হয়ত কল্পনাতেই সম্ভব হইত। নিকটেই নওরোজের উৎসব-ক্ষেত্র। চতুর্দিকে অত্যাচ্ছ শ্বেত প্রস্তর নির্মিত অট্টালিকার মধ্যে কৃষ্ণ প্রস্তরাচ্ছাদিত প্রাঙ্গণ। চন্দ্র-সূর্য্য যাহাদের দর্শন পাইতেন না তাঁহারা এখানে বৎসরে একদিন সমবেত হইয়া আনন্দ-উচ্ছ্বাসে ভাসিতেন।



মতিমসজিদ—আগ্রা

নাই কেবল আমাদের পূর্বেগৌরব ও স্বাধীনতা। যমুনা স্রগায় নূরে সরিয়া গিয়াছে। পথে বন-টৈতালিক পিকবর এখনও নাচে; কিন্তু তাহার নৃত্যে বৃষ্টি প্রাণ নাই। মনে পড়ে ইংরেজ কবির—

“বীরত্বের গর্ভ আর প্রভূত বিভব
সম্পদ; সংসার সব যাহা করে দান
অলজ্বা হুতুর হায়! মুখাপেক্ষী সব
সৌরবের পথ মাত্র হুতুর সোপান।”

“করচরণোরসি মণিগণ ভূষণকিরণ
বিভিন্নত মিশ্রঃ
বিপুলপুলকভূজপল্লব বলয়িত বলন্ত
যুবতী সহস্রম্ ॥”

এখানে মিলিত হইয়া নৃত্যগীত কোলাহলে মত্ত থাকিতেন। তাঁহারা নিজেরাই ক্রেতা, নিজেরাই বিক্রেতা। তিনশত বৎসর পূর্বে এক এক দিনের উৎসব আকার ধরিয়া আমার সম্মুখে ভাসিয়া আসিতে লাগিল। উপরের মন্দিরের জালির মধ্য হইতে বালারূপের যে আলোক পড়িতেছিল তাহা যেন আরবা-উপস্থাসের একাধিক




সহস্র রজনীর এক একটা রজনীর কাহিনীর মধ্যে আলোকপাত করিয়া সব প্রকাশ করিতে লাগিল। আমরা দুর্গের অন্তর্ভাগে চলিয়া আসিলাম, কিন্তু নওরোজ ক্ষেত্রের মায়ামদির আকর্ষণ আমাদের বার বার টানিতে লাগিল।

অনতিদূরে জাহাঙ্গীরের ইতিহাস-বিখ্যাত খেত-কৃষ্ণ প্রস্তরের সিংহাসনখানি এখনও 'রৌদ্র ও বৃষ্টির অত্যাচার সহিয়া তেমনি সুন্দর রহিয়াছে। পার্শ্বেই জাহাঙ্গীরী মহল। একটি ঝরোকার উপর সম্রাট ও নুরজাহান

খেলিতেন ও বাদীরা ঘুটি সাজিত। দূরে দেওয়ানী খাম : সেখান হইতে রাঠোরবীর অমরসিংহ প্রাণরক্ষার জন্য পলায়ন করিয়াছিলেন। তাঁহার শিক্ষিত প্রভুভক্ত অশ্ব একলক্ষ দুর্গের প্রাচীর লঙ্ঘন করিয়াছিল। প্রভু রক্ষা পাইলেন, কিন্তু অশ্ব আর বাঁচে নাই। তাঁহার স্মৃতি রক্ষার জন্য একটা তোরণের নাম ছিল "অমরসিংহ দরওয়াজা"।

শীষ্মহলে প্রবেশ করিতেই চারিদিকে আমার মুখে শত শত ছবি প্রতিকলিত হইতে লাগিল; তাহাতে

বিশেষ সুখী হইতে পারিলাম না। যাহাদের চেহারা সুন্দর তাহা-দিগকে প্রত্যহ শীষ্মহলে বাইতে উপদেশ দিই। আর এক দিকে মমতাজের শয়নকক্ষ। নিকটেই একটি জলাধার রহিয়াছে; তাহা কি সুন্দর! যখন জলপূর্ণ হইত তখন বোধ হইত যেন নিম্নে অঙ্কিত পদ্মটা ভাসিয়া উঠিয়াছে। দিল্লীতে আর একটি জলাধার আছে, তাহাতে জল পড়িলেই বৈজ্ঞানিক উপায়ে আপনি গরম হইয়া যাইত। নিকটেই একটি সুন্দর বসিবার স্থান। আও-



সেকেন্দা—আকবরের সমাধি

আসিয়া দাঁড়াইতেন আর দুর্গের বাহিরে যমুনার পারে দর্শনাকাঙ্ক্ষী জনতা জয়ধ্বনি করিত। নিম্নে হস্তিসুদ্ধ হইত, উপরে আসনের উপর বসিয়া সম্রাট দেখিতেন। ভরতপুরের জাঠ রাজা আগ্রা জয় করিয়া বিজয়গর্বে সেই সিংহাসনে বসিয়াছিলেন। জনশ্রুতি যে মোগলরাজলক্ষ্মী সেই অবমাননা সহ্য করিতে পারেন নাই, তাই অস্ত্রজালায় সিংহাসন বিদীর্ণ হইয়া গিয়াছিল। সেই সঙ্গে তপ্ত রক্তও বাহির হইয়াছিল। মোগলের সৌভাগ্যবির অস্তুরাগে রঞ্জিত সে শোণিত-লেখা এখনও দেখা যায়। নিকটেই চৌসের খেলিবার গৃহ; এখানে স্বয়ং বাদশাহ ও বেগমগণ

রঞ্জিত যখন পিতাকে বন্দী করিয়া রাখেন তখন শাহজাহান মমতাজের স্মৃতিবিজড়িত কক্ষটির সম্মুখে বসিয়া গালে হাত দিয়া নদীর অপর পারে তাজ-মহলের দিকে নির্গমেষ নয়নে তাকাইয়া থাকিতেন। জাহানারা পার্শ্বে বসিয়া কোরাণ পড়িয়া শুনাই-তেন আর বিরহী সম্রাট অশ্রুজলে ভাসিতেন। যখন পশ্চাতে ফিরিতেন তখনও গৃহে ঋচিত মণি-গুলিতে তাজের সম্পূর্ণ আকৃতি প্রতিকলিত হইত। এখানে আসিলে মন আপনি বিবাদে উদাস হইয়া যায়। বিরহী-চিত্তের অবাক্ত বেদনার একটা

শ্রীদেবেশচন্দ্র দাস

অংশ দর্শকের মনকেও আচ্ছন্ন করে। আমরাও এই বিশ্বজনীন প্রেমব্যাকুলতার প্রভাব অনুভব করিতে লাগিলাম।


আকবরের “বিলুপ্ত সম্পদের মরণ-স্তম্ভ” সেকেন্দ্রায় আসিলাম। প্রবেশ দ্বারের কারুকার্য কত সরল, অগচ্ছ ইহার মধ্যে এমন এমন একটা অপূর্ণ সৌন্দর্য আছে যাহা দর্শকের মনকে সচেতন না করিয়া যায়

না। চারিদিকে চারিটা তোরণ ও বিস্তীর্ণ উদ্যান; মধ্যস্থলে সমাধি-গৃহ। কবরের উপরে ত্রিতলে যে সুন্দর কারুকার্যময় মন্দির আবরণ রহিয়াছে তাহা একটি সমগ্র প্রস্তর হইতে ক্ষোদিত। পার্শ্বে একটি স্তম্ভ আছে; কথিত আছে যে তাহার উপর কোহিনুর মণিটি থাকিত আর কবরের উপর মণির আলো পড়িত। অনতিদূরে হিন্দুর ত্রিশূল, মুসলমানের অর্ধচন্দ্র ও খ্রীষ্টানের ক্রশ বহিয়াছে। আকবর জীবিত কালেও সব ধর্মের প্রতি সমান আস্থা দেখাইতেন। তাঁহার তিনধর্মাবলম্বী বেগম ছিলেন। এই

সকলধর্মসমন্বয়-প্রার্থী সম্রাটের নীতি অনুসৃত হয় নাই বলিয়াই আজ মোগল সাম্রাজ্য স্পৃহিত অন্ধকারে লুকায়িত।

সেখান হইতে আমরা ইতমদ্ উদৌলয় গেলাম। এখানে মরজাহানের পিতা মির্জা গিয়াসের কবর আছে। এখানকার মত এমন সুন্দর শ্বেত পাথরের জালির কাজ আর কোথাও দেখি নাই। কোথাও কোথাও এমন সুন্দর লতা-পাতা আঁকা আছে যে মনে হয় সেগুলি বৃষ্টি রজনীন পাথরে খচিত। পাথের ঘরগুলিতে আরও কয়েকটি কবর রহিয়াছে। একটি ঘরে জাঠরাজ্য সূর্যামল্ল বাবুর্চিখানা করিয়াছিলেন। ঘরটি কালিমাময় হইয়া গিয়াছে। সৌন্দর্যো যাহা অতুলনীয় তাহার অবশিষ্ট একটা বিশ্বজনীন আবেদন আছে। কিন্তু পাথ ও লুণ্ঠনকারীদের প্রাণে সৌন্দর্য্য-বোধ কোনও সাদা

জাগায় নাই। রুঢ় আক্রমণকারী সেনাদল প্রাসাদ ভাঙ্গিয়াছে, মণিমুক্তা হরণ করিয়াছে ও গৌরবময় স্মৃতিচিহ্নগুলি নষ্ট করিয়াছে। কেহ এই দোষ হইতে মুক্ত ছিল না। রাজা ও দম্মাতন্ত্রের মধ্যে প্রভেদ এই খানেই; অল্প পরিমাণে যাহা করিলে দোষাবহ ও দণ্ডনীয় হয়, ব্যাপকভাবে তাহা করিলে সেরূপ কিছু হয় না। দিল্লীর প্রাসাদ, আগ্রার প্রাসাদ এমন কি মানুষিক কীর্তির রাণী তাজমহল পর্য্যন্ত



তাজের স্বপ্নসমাধি

এই রাজদস্মাগণের হস্ত হইতে রক্ষা পায় নাই।

মানুষের সৃষ্টি প্রয়াসকে উপেক্ষা করিতে পারা যায় না। প্রাকৃতিক শোভাকে মানুষ একটু দূর দূর ভাবে; কারণ সে প্রকৃতির নির্দিষ্ট পথে চলে নাই। পর্বতের একটা ভয়াবহ গাভীর্ঘা, একটা আত্মসমাহিত ভাব, মানুষিক সভ্যতাকে ক্রভঙ্গে তুচ্ছ করার প্রবণতা, অথবা নদীর আপন মনে গান এবং নৃত্যচ্ছন্দে অশ্রান্ত গতিকে মানুষ অসঙ্কোচে আপনার বলিয়া গ্রহণ করিতে পারে নাই। তাহার মধ্যে নিকরদেশের যাত্রী হওয়ার অতীন্দ্রিয় অনুভূতির ও ক্লাস্তিহীন আত্মানের সঙ্গে সঙ্গে মানব মন ভাল ফেলিয়া চলিতে পারে না। তাই সেকেন্দ্রার সিংহ-দ্বারের অবর্ণনীয় কারুকার্য বা আগ্রার মতি মসজিদের সরল, মোহন মূর্তি প্রভৃতি দেখিয়া

মনে হয় মানুষও সৌন্দর্য্য-সৃষ্টি করিতে পারে ; তাহারও মনে এমন একটি কবিত্ব আছে যাহা ভূতলে স্বর্গখণ্ড রচনা করিতে পারে । সর্বোপরি তাজমহলে এই ধারণা বহুমূল হইয়াছে ।

মমতাজের প্রেমকরণ স্মৃতিই অনন্ত কাঁপিয়া একটি অখণ্ড স্বর্গরাজ্য সৃষ্টি করিয়াছে । পৃথিবীতে যত প্রেমিক, যত ভাবুক ও যত বাথার বাথী আছেন, তাঁহারা সকলে সেখানে সেই কল্পলোকের মানস অধিবাসী । মমতাজ ত নারী জীবনের শ্রেষ্ঠ সতেরটি বৎসর স্বামী সঙ্গে

তাঁহার কি জীবনের সঙ্গে সঙ্গেই সব ফুরাইয়া যায় ? তাহা ত যায় না । তাই প্রেমসীর স্মৃতিকে অমর করিবার জন্ত, নিজের প্রেমবাকুলতাকে একটা রূপ দিবার জন্ত এই মন্দির স্নপ্নের প্রতিষ্ঠা । সম্রাজ্ঞী আজ মৃত্যুর শীতল ক্রোড়ে চরমনিদ্রায় অভিভূতা কিন্তু শাহজাহানের প্রেম বোধহয় পরলোকেও তাঁহাকে অক্ষুসরণ করিয়াছিল ; সেই জন্তই ত মৃত্যুকে বরণ করিয়াও তিনি অমর ।


“জোৎস্না রাতে নিভৃত মন্দিরে
প্রেমসীরে,

যে নামে ডাকিতে ধীরে ধীরে—

সেই কানে কানে ডাকা রেখে গেলে এই থানে
অনন্তের কানে ।”

সেই কানে কানে ডাকা আজও নীরব হয় নাই ; আজও প্রেমিকের উদাত্ত কণ্ঠস্বর অসীমে কাঁপিয়া কাঁপিয়া বলিতেছে, “ভুলি নাই, ভুলি নাই, প্রিয়া ।” শাহজাহান বলিয়াছিলেন— “হৃদয়ের দেবতা একটি, চন্দ্রেরও সূর্য্য একটি ! পৃথিবীর তাজও একটি ।” এ ‘নিদ্রিত সৌন্দর্য্যের’ তুলনা নাই, হইতে পারেও না । তাজমহলের অনবদ্য মন্দিরকান্তি ‘ফুটিল যা সৌন্দর্য্যের পুষ্পপুষ্পে প্রশান্ত পাষণে’, ‘ভাষার অতীত তাঁরে’ অস্তুরতম অমৃতভূতির অরূপ রূপে হৃদয়ের নিভৃত নিলয়ে যার চিরস্তন প্রকাশ তাহাকে ফুটাইয়া তুলিবার চেষ্টা বৃথা, ভাষা সেখানে মৌন, মুক । তাহাকে হৃদয় দিয়া উপলব্ধি করিতে হয় । এ ‘মন্দিরীভূত শোকাশ্র’কে পুনরায় তরল করিতে যাওয়ার চেষ্টা বৃথা । এ প্রেমের অমরাবতী এ ‘বিয়োগের পাষণে

প্রতিমায়’ হৃদয় মধ্যে একটি অশ্রুর সুর বিনা ভাষায়, বিনা ছন্দে উদ্ভাস্ত হইয়া রণিয়া উঠিতে লাগিল ; অভ্রচিকণ মেঘলেখা সেখানে বেদনার্ময় ছায়াপাত করিতে লাগিল । যমুনার অপর পারে প্রেমিক সম্রাটের ইচ্ছারূপ অপর কোন সৌধ নির্মিত হয় নাই ; যমুনাও কোন মন্দির সেতু বন্ধনে বাধা পড়ে নাই ; কিন্তু প্রেমিক বুগল পাশাপাশি স্থান পাইয়াছেন । জীবনে বাঁহাদের বিচ্ছেদ ঘটে নাই, মরণেও তাঁহারা একত্র মিলিত হইয়াছেন ।



জলকেলি—চূণার দুর্গপার্শ্বে

যাপন করিলেন, কিন্তু বিরহী সম্রাট কি করিয়া সারা জীবন একাকী যাপন করেন ? মমতাজ যার—

“গেছে লক্ষ্মীরিয়মমৃতবর্তিনয়নয়ে।

রসাবস্তাঃ স্পর্শে বপুষি বহুলক্ষনরসঃ

অরং কঠে বাহুঃ শিশির ময়ণে। মৌক্তিকসরঃ ॥”

অথবা তাঁহাকে যিনি “হং জীবিতং, তমসি মে হৃদয়ং দ্বিতীয়ং, হং কোমুদী নয়নয়োরমৃতং স্বমঙ্গে” বলিয়া ডাকিতেন,

শ্রীরমেশচন্দ্র দাস

আমরা শেষবার তাজ দেখিলাম সন্ধ্যার পর সেতুর উপর হয় ত রাজদম্পতীর আত্মা ওই প্রাসাদে এখনও পূর্ণিমা
 চকিত। তখন চতুর্দিক চন্দ্র কিরণে হাসিতেছে ; যমুনার রজনীতে ঘুরিয়া বেড়ায়।
 জলরাশি বিষাদে উদাস হইয়া বহিয়া যাইতেছে ; দূরে
 তাজের শুভ্র নীরবতা আরও সুন্দর, আরও মধুর। কেবল আমাদের সপ্তাহ-বাপী ভ্রমণ কাহিনী শেষ হইয়া গেল।
 সেই স্বপ্নালোকে একটা করুণ রহস্যের সৃষ্টি হইয়াছে। পরদিন চুনারে থাকিয়া আমরা প্রত্যাবর্তন করিলাম।

“ভ্রমণ-স্মৃতি” প্রবন্ধের চিত্রগুলি শ্রীযুক্ত আবুল হাসান কর্তৃক গৃহীত আলোক-চিত্রের প্রাতিলিপি।

বাসন্তী

শ্রীরমেশচন্দ্র দাস

বসন্তেরি প্রথম হাওয়া বইছে—
 কোন্ বিরহীর গোপন কথা কইছে।
 দীর্ঘশ্বাসের বুকের বাথা থাম্‌ল,
 স্বর্গ হ'তে মন্দাকিনী নাম্‌ল।
 ফুল-ফোটার দ্বিগুণে ফিরছে,
 সুরের আলো চৌদিকে ঐ ঘিরছে,
 নীল-আঁচলে আকাশখানি ঢাকল
 রঙ-বেরণে বনের পাতা আঁকল ;
 হাই-তোলা ঐ ফুলের হাওয়ার ছন্দে—
 মন-উপসী ! আজকে ওরে মন দে !
 হাজার যুগের নতুন নেশা জাগল,
 মনের তারে সুরের পরশ লাগল।
 ছন্দ-চমক হাওয়ায় কত ফুটছে,
 তাল-ফেরতের তালে তালে ছুটছে।
 কোন্ দরদীর ভাগের চোখের চাউনি,
 মনের বাগে কাঁপন নাচের ছাউনি ;
 মন ছোটে না হাঁটা পথের তাঁর্থে,
 চায় যে শুধু ফুলঘরেতে ফিরতে।
 বসন্তেরি প্রথম হাওয়া বইছে,
 কোন্ বিরহীর গোপন কথা কইছে ;



দ্বিতীয় খণ্ড

১

গ্রামের অন্নদা রায় মহাশয় সম্প্রতি বড় বিপদে পড়িয়াছেন।

গ্রামে জরীপ আসাতে উত্তর মাঠে তাঁবু পড়িয়াছে। জরীপের বড় কন্ঠচারী মাঠের মধ্যে নদীর ধারে অফিস খুলিয়াছেন, ছোট খাটো আমলাও সঙ্গে আসিয়াছে বিস্তর। গ্রামের সকল ভদ্রলোকই কিছু জমিজমার মালিক, পিতৃ-পুরুষের অর্জিত এই সব সম্পত্তির নিরাপদ কূলে জীবন-তরণীর লগি কসিয়া পুঁতিয়া গতিহীন, নিষ্কর্মা অবস্থায় দিনগুলি একরূপ বেশই কাটিতেছিল, কিন্তু এবার সকলেই একটু বিপদগ্রস্ত হইয়া পড়িয়াছেন। রাম হয়তো গ্রামের জমি নির্কিবাদে নিজের বলিয়া ভোগ করিয়া আসিতেছে, যত দশ বিঘার খাজনা দিয়া বারো বিঘা নিরুপদ্রবে দখল করিতেছে, এতদিন যাহা পূর্ণ শান্তিতে নিষ্পন্ন হইতেছিল, এইবার সে সকলের মধ্যে গোলমাল পৌছিল। বিপদ একরূপ সার্বজনীন হইলেও অন্নদা রায়ের বিপদ একটু অল্প ধরণের বা একটু বেশী গুরুতর। তাঁহার এক জ্ঞাতি ভ্রাতা বহুদিন যাবৎ পশ্চিম-প্রবাসী। এতদিন তিনি উক্ত প্রবাসী জ্ঞাতির আমকাঁটালের বাগান ও জমি নির্কিমে ভোগ করিতেছিলেন এবং সম্পূর্ণ ভরসা ছিল জরীপের সময়

পারিয়া উঠিলে সবই, অন্ততঃ পক্ষে কতকাংশ নিজের বলিয়া লিখাইয়া লইবেন, কিন্তু কি জানি গ্রামের কে উক্ত প্রবাসী জ্ঞাতিকে কি পত্র লিখিয়াছে—ফলে অল্প দিন দশেক হইল জ্ঞাতি ভ্রাতার জ্যেষ্ঠপুত্রটি জরীপের সময় বিষয়-সম্পত্তি দেখাশোনা করিতে আসিয়াছে।

মুখের গ্রাস তো গেলই, তাহা ছাড়া বিপদ আরও আছে। ঐ আত্মীয়ের অংশের ঘরগুলিই বাড়ীর মধ্যে ভাল, রায় মহাশয় গত বিশ্ববৎসর সেগুলি নিজে দখল করিয়া আসিতেছেন, সেগুলি ছাড়িয়া দিতে হইয়াছে—জ্ঞাতিপুত্রটি সোখীন ধরণের কলেজের ছেলে, একখানিতে শোয়, এক খানিতে পড়াশুনা করে—উপরের ঘরখানি হইতে লোহার সিন্দুক, বন্ধকী মাল, কাগজপত্রাদি সরাইয়া ফেলিতে হইয়াছে। নিচের যে ঘরে পালিত-পাড়া হইতে সস্তাদরে কেনা কড়িবরগা রক্ষিত ছিল, সে ঘরও শীঘ্র ছাড়িয়া দিতে হইবে।

বৈকাল বেলা। অন্নদা রায়ের চণ্ডীমণ্ডপে পাড়ার কয়েকটি লোক আসিয়াছেন—এই সময়েই পাশা খেলার মজলিস্ বসে। কিন্তু অল্প এখনও কাজ মেটে নাই। অন্নদা রায় একে একে সমাগত খাতকপত্র বিদায় করিতেছিলেন।

উঠানে রোয়াকের ঠিক নীচেই একটি অন্নবয়সী কৃষক বধু একটা ছোট ছেলে সঙ্গে অনেকক্ষণ হইতে ঘোম্ট

শ্রীবিভূতিভূষণ বন্দ্যোপাধ্যায়

দিয়া বসিয়াছিল, সে এইবার তাহার পালা আসিয়াছে
ভাবিয়া দাঁড়াইল। রায় মহাশয়ে মাথা সামনে একটু নীচু
করিয়া চশমার উপর হইতে তাহার দিকে চাহিয়া বলিলেন—
কে! তোর আবার কি!

কৃষক-বধূটি আঁচলের খুঁট খুলিতে খুলিতে নিঃশব্দে
বলিল—মুই কিছু টাকার যোগাড় করিচি অনেক কষ্টে,
মোর টাকাডা নেন্—আর গোলার চাবীডা খুলিয়া ছান্, বড্ড
কষ্ট যাচ্ছে মনিব ঠাকুর, সে আর কি বলবো—

অন্নদা রায়ের মুখ প্রসন্ন হইল, বলিলেন—হরি, নেওতো
ওর টাকাটা গুণে? খাতা খানায় দেখো তারিখটা, সূদটা
আর একবার হিসেব ক'রে দেখো—

কৃষক-বধূ আঁচলের খুঁট হইতে টাকা বাহির করিয়া
হরিহরের সন্মুখে রোয়াকের ধারে রাখিয়া দিল। হরিহর
গুণিয়া বলিল—পাঁচ টাকা?

রায় মশায় বলিলেন—আচ্ছা জমা ক'রে নাও—তার পর
আর টাকা কৈ?

—ওই এখন ছান্ তার পর দোব—মুই গতর খাটিয়ে
শোধ ক'রে ভোলবো, এখন ওই নিয়ে মোরে গোলার চাবীডা
খুলিয়ে ছান্, মোর মাতোরে দুটো খেইয়ে তো আগে বাঁচাই,
তারপর ঘরদোর ফুটো হ'য়ে গিয়েছে, সে না হয়—সে এমন
নিঃস্বপ্নে কথা বলিতেছিল যেন গোলার চাবী তাহার
করতলগত হইয়াই গিয়াছে। রায় মহাশয়কে চিনিতে
তাহার বিলম্ব ছিল।

রায় মহাশয় কথা শেষ করিতে না দিয়াই বলিলেন—
ও ভারী যে দেখিচি মাগীর আবদার—চলিশ টাকার কাছা-
কাছি সূদে আসলে বাকী, পাঁচ টাকা এনিচি নিয়ে গোলা
খুলে ছান্, ছোট লোকের কাণ্ডই আলাদা—যা এখন ছপূর
বেলা দিক্ করিস্ নে—

কৃষক-বধূ চণ্ডীমণ্ডপের অগ্র কাহারও বোধ হয় অপরিচিতা
নহে, দীক্ষ ভট্টচার্যিা চোখে ভাল দেখিতেন না, বলিলেন—
কে ও অন্নদা?

—ওই ওপাড়ার তম্বরেজের বৌ—দিন চারেক হোল
তম্বরেজ না মারা গিয়েচে? সূদে আসলে চলিশ টাকা
বাকী, তাই স্বপ্নবার দিনই বিকেল থেকে গোলার চাবী দিয়ে

রেখেচি, এখন গোলা খুলিয়ে দিন্—হেন্ কর্ণন—তেন
করুন—

পায়ের তলা হইতে মাটা সরিয়া গেলেও তম্বরেজের বৌ
অত চমকিয়া উঠিত না—সে ব্যাপারটা এখন অনেকটা
বুঝিল, আগাইয়া আসিয়া বলিল—ও কথা বলবেন না মনিব
ঠাকুর, মোর খোকার একটা রূপোর নিমফল ছেল, ও বছর
গড়িয়ে দিইছিল তাই ভোঁদা সেকরার দোকানে বিক্রী
কল্লে পাঁচটা টাকা দেলে—ছেলে মানুষের জিনিস ব্যাচবার
ইচ্ছে ছেল না, তা কি করি এখন তো ওকে দুটো খেইয়ে বাঁচি,
ভাবলাম এরপর দিন দেন মালিক তো মোর বাছারে মুই
আবার নিমফল গড়িয়ে দেবো? তা দেন মনিব ঠাকুর,
চাবিডা গিয়ে—

—যা যা এখন যা—এ সব টাকাকড়ির কাণ্ড কি নাকে
কাঁদলেই মেটে—তা মেটে না। সে তুই কি বুঝি,
থাকতো তোর সোয়ামী তো বুঝতো, যা এখন দিক্ করিস্
নি—ওই পাঁচটাকা তোর নামে জমা রৈল—বাকী টাকা
নিয়ে আয় তারপর দেখা যাবে—

অন্নদা রায় চশমা খুলিয়া খাপের মধ্যে পুরিতে পুরিতে
উঠিয়া পড়িলেন ও বাড়ীর ভিতরে চলিয়া যাইবার উত্তোঙ্গ
করিলেন। তম্বরেজের বৌ আকুলস্বরে বলিয়া উঠিল—কনে
যান্ ও মনিব ঠাকুর। মোর খোকার একটা উপায় ক'রে
যান, ওরে মুই খাওয়াবো কি, এক পয়সার মুড়ি কিনে দেবার
যে পয়সা নেই—মোর গোলা না খুলে ছান্, মোর টাকা
কডা মোরে ফেরৎ ছান্—

রায় মহাশয় মুখ খিঁচাইয়া বলিলেন—যা যা সন্দে বেলা
মাগী ফ্যাচ্ ফ্যাচ্ করিস্ নে—এক মুঠো টাকা জলে যাচ্ছে
তার সঙ্গে খোঁজ নেই, গোলা খুলে ছাও, টাকা ফেরৎ
দাও—গোলার আছে কি তোর? জোর শলি চারেক ধান,
তাতে টাকা শোধ যাবে? ও পাঁচ টাকাও উসুল হ'য়ে রৈল,
আমার টাকা আমি দেখবো না! ওঁর ছেলে কি খাবে ব'লে
গাও—ছেলে কি খাবে তা আমি কি জানি? যা পারিস্
তো নাশিশ ক'রে ধোলাগে যা—

রায় মশায় বাড়ীর মধ্যে চলিয়া গেলে দীক্ষ ভট্টচার্যিা
বলিলেন—হাঁগা বৌ, তম্বরেজ কদিন হোল, কৈ তা তো—



বুধবারের দিন বাবা ঠাকুর হাট খে ভাঙন মাছ আনলে, পেঁয়াজ দিয়ে রাঁধলাম—ভাত দেলাম—সহজ মানুষ ভাত খালে দিবি—খেয়ে বললে মোর শীত করাচ, কাঁথা চাপা দিয়ে ছাও, দেলাম—ওমা পইতে তারা উঠ্তি না উঠ্তি মানুষ দেখি আর সাড়াশব্দ দেয় না, ছপুর হতি না হতি মোরে পথে বসিয়ে—মোর থোকারে পথে বসিয়ে—চোখের জলে তাহার গলা আটকাইয়া গেল। মিনতির সুরে বলিল—আপনারা এটু বলেন—ব'লে গোলার চাবিটা দিইয়ে ছান্, সংসারের বড্ড কষ্ট হয়েছে—কর্জ্ব কি মুই বাকী রাখবো—যে ক'রে হোক—

দীন্স বলিলেন, কে বলতে যাবে বাপু, জানোই তো সব—ছাখো যদি—এই সময়ে নবাগত জ্ঞাতি-পুত্রটা আসিয়া পড়াতে কথাবার্তা বন্ধ হইল। দীন্স বলিলেন—এস তে নীরেন বাবাজি, মাঠের দিকে বেড়াতে গিয়েছিলে বুঝি?... এই তোমার বাপ ঠাকুরদাদার দেশ বুঝলে হে, কি রকম দেখলে বল?

নীরেন একটু হাসিল। তাহার বয়স একশ বাইশের বেশী নয়, বেশ বলিষ্ঠ গড়ন, সুপুরুষ। কলিকাতা কলেজে আইন পড়ে, অত্যন্ত মৌনী প্রকৃতির মানুষ—কাজ-কর্ম দেখিবার জন্ত পিতা কর্তৃক প্রেরিত হইলেও কাজকর্ম সে কিছুই দেখে না, বোঝেও না, দিন রাত নভেল পড়িয়া ও বন্দুক ছুঁড়িয়া কাটায়। সঙ্গে একটা বন্দুক আনিয়াছে, শিকারের ঝাঁক খুব।

নীরেন উপরে নিজের ঘরে ঢুকিতে গিয়া দেখিল, গোকুলের স্ত্রী ঘরের মেজেতে বসিয়া পড়িয়া মেজে হইতে কি খুঁটিয়া খুঁটিয়া তুলিতেছে। দোরের কাছে যাইতেই তাহার নজর পড়িল তাহার দামী বিলাতী আলোটা মেজেতে বসানো। উহার কাঁচের ডুমটা ভাঙিয়া চুরমার হইয়াছে, সারা মেজেতে কাঁচ ছড়ানো। দোরের কাছে জুতার শব্দ পাইয়া গোকুলের স্ত্রী চম্কাইয়া পিছন ফিরিয়া চাহিল, সে আঁচল পাতিয়া মেজে হইতে কাঁচের টুকরাগুলি খুঁটিয়া খুঁটিয়া তুলিতেছিল,—ভাবে মনে হয় সে প্রতিদিনের মত ঘর পরিষ্কার করিতে আসিয়া আলোটি জালিতে গিয়াছিল, কি করিয়া ভাঙিয়া ফেলিয়াছে, এবং আলোর মালিক

আসিবার পূর্বেই নিজের অপরাধের চিহ্নগুলি তাড়াগাড়ি সরাইয়া ফেলিবার চেষ্টায় ছিল হঠাৎ বামাল ধরা পড়িয়া অত্যন্ত অপ্রতিভ হইল।

ক্রতিকারিণীর লজ্জার ভারটা লঘু করিয়া দিবার জন্তই নীরেন হাসিয়া বলিয়া উঠিল—এই যে বৌদি, আলোটি ভেঙে ব'সে আছেন বুঝি? এই দেখুন ধরা প'ড়ে গেলেন, জানেন তো আইন পড়ি? আচ্ছা এখন একটু চা ক'রে নিয়ে আসুন তো বৌদি চট ক'রে, দেখি কেমন কাজের লোক? দাঁড়ান আলোটা জ্বেলেনিই, ভাগ্যিস্বাক্ষে আর একটা ডুম আছে? নৈলে আপনি বৌদি—ঐ খানেই সে কথাটা শেষ করিয়া ফেলিল।

গোকুলের স্ত্রী সলজ্জসুরে বলিল, দেশলাই আনবো ঠাকুর পো?

নীরেন কোতুকের সুরে বলিল—দেশলাই আনেন নি তবে আলো পেড়ে কি করছিলেন শুনি?

বধু এবার হাসিয়া ফেলিল, নিম্নসুরে বলিল—ঝুল প'ড়ে রয়েছে, ভাবলাম একটু মুছে দিই তা যেমন কাঁচটা নামাতে গেলাম কি জানি ও সব ইংরিজি কলের আলো—কথা শেষ না করিয়াই সে পুনরায় সলজ্জ হাসিয়া নীচে পলাইল।

নীরেন দশ বারো দিন আসিয়াছে বটে, সম্পর্কে বৌদিদি হইলেও গোকুলের স্ত্রীর সঙ্গে তাহার বিশেষ আলাপ হয় নাই। কাঁচ ভাঙার সন্ধ্যা হইতে কিস্তি উভয়ের মধ্যে নূতন পরিচয়ের সঙ্কোচটা কাটিয়া গেল। নীরেন অবস্থাপন্ন পিতার পুত্র, তাহার উপর বাংলাদেশের পাড়াগায়ে এই প্রথম আসা, নিঃসঙ্গ, আনন্দহীন প্রবাসে দিন কাটিতে চাহিতেছিল না। সমবয়সী বৌদিদির সহিত পরিচয়ের পথটা সহজ হইয়া যাওয়ার পর সকাল সন্ধ্যায় চা-পানের সময়টি সহজ আদান-প্রদানের মাধ্যমে আনন্দপূর্ণ হইয়া উঠিল।

সকালে সেদিন দুর্গা বেড়াইতে আসিল। রান্নাঘরের ছয়ারে উঁকি মারিয়া বলিল—কি রাঁধ'চো ও খুড়ীমা? বধু বলিল—আয় মা আয়, একটা কাজ ক'রে দিবি লক্ষ্মীটি? আয় মাছগুলো কুটে দিবি? একা আর পেরে উঠ্চিনে। দুর্গা মাঝে মাঝে যখনই আসে, খুড়ীমার কার্যে সাহায্য করে। সে মাছ কুটিতে কুটিতে বলিল—হ্যাঁ খুড়ীমা, এ কাঁকড়া কোথায় পেলে? এ কাঁকড়া তো খায় না?

শ্রীবিভূতিভূষণ বন্দ্যোপাধ্যায়

—কেন থাকবে না রে ? দূর ! বিধু জ্বেলেনী ব'লে গেল এ
কাঁকড়া সবাই খায়—

হ্যাঁ খুড়ীমা, ওমা সেকি, একি তুমি কিন্লে ?

—কিন্লামই তো, ওই অতগুলো পাঁচ পয়সায় দিয়েচে
বিধু —

দুর্গা কিছু বলিল না। মনে মনে ভাবিল—খুড়ীমার
আর সব ভাল, কেবল একটু বোকা ; এ কাঁকড়া আবার
পয়সা দিয়ে কেনেই বা কে, খায়ই বা কে ? ভাল মানুষ
পেয়ে বিধু ঠকিয়ে নিয়েচে। সঙ্গে সঙ্গে সরলা খুড়ীমার উপর
ভাষার অত্যন্ত স্নেহ হলো। সে দিন নাকি গোকুল কাকা
খুড়ীমার মাথায় খড়মের বাড়ী মারিয়াছিল, স্বর্ণ গোরালিনী
তাহাদের বাড়ী গল্প করে। সেও সে দিন নদীর ঘাটে স্নান
করিতে গিয়াছিল—খুড়ীমা স্নান করিতে আসিয়া মাথা
ডুবাইয়া স্নান করিল না, পাছে জ্বালা করে। সে দিন দুঃখে
তাহার বুক ফাটিয়া যাইতেছিল, কিন্তু কিছু বলে নাই পাছে
খুড়ীমা অপ্রতিভ হয় কি একঘাট লোকের সামনে লজ্জা
পায়। তবুও রায় জেঠী জিজ্ঞাসা করিয়াছিলেন—বোমা
নাইলে না ? খুড়ীমা হাসিয়া উত্তর দিল—নাবো না আজ আর
দিদিমা, শরীরটা ভাল নেই। খুড়ীমা বুঝি ভাবিয়াছিল
তাহার মার খাওয়ার কথা কেউ জানে না। কিন্তু খুড়ীমা
ঘাট হইতে উঠিয়া গেলেই রায় জেঠী বলিল—দেখেচো
বোটাকে কিরকম মেরেচে গোকুলো, মাথায় চুল রক্ত
একেবারে আটা হ'য়ে এঁটে আছে!—রায় জেঠীর ভারি
অন্টায়, জানো তো বাপু তবে আবার জিজ্ঞেস করাই বা
কেন, সকলকে বলাই বা কেন ?

মাছ ধুইয়া রাখিয়া চলিয়া যাইবার সময় দুর্গা ভয়ে ভয়ে
বলিল—খুড়ীমা তোমাদের চিড়ের ধান আছে ? মা বলছিল
অপু চিড়ে খেতে চেয়েছে, তা আমাদের তো এবার ধান
কেনা হয়নি। গোকুলের বো চুপি চুপি বলিল—আসিস্ এখন
পুয়ের পর। দালানের দিকে ইসারায় দেখাইয়া কহিল—ঘুমলে
আসিস্ একটু ঠাড়া। পরে সে রান্নাঘরের ঝুলন্ত শিকা হইতে
গোটাভক নারিকেলের লাড়ু পাড়িয়া হাতে দিয়া বলিল—
এটো অপুকে দিস্, দুটো তুই খেয়ে যা। জলদি খাইতে খাইতে
দুর্গা জিজ্ঞাসা করিল—খুড়ীমা, তোমাদের বাড়ী কে এসেছে,

আমি একদিনও দেখিনি।—ঠাকুরপোকে দেখিসনি ? এখন
নেই. কোথায় বেরিয়েচে, বিকেলবেলা আসিস্ আসবে এখন—
পরে গোকুলের বউ হাসিয়া বলিল—তোমার সঙ্গে ঠাকুরপোর
বিয়ে হলে দিব্বি মানায়! দুর্গা লজ্জায়রাঙা হইয়া বলিল—দূর—

গোকুলের বো আবার হাসিয়া বলিল—কেন রে, দূর কেন?
কেন আমার মেয়ে কি খারাপ ? দেখি ? পরে সে দুর্গার চিবুকে
হাত দিয়া মুখখানা একটু উঁচু করিয়া তুলিয়া ধরিয়া বলিল—
আঁখু তো এমন টুকটুকে শাস্ত মুখখানি হোলই বা বাপের
পয়সা নেই। দুর্গা কাঁকুনি দিয়া নিজেকে ছাড়াইয়া লইয়া
কহিল—যাও, খুড়ীমা যেন কি—পরে সে একপ্রকার ছুটিয়াই
খিড়কী দোর দিয়া বাহির হইয়া গেল। যাইতে যাইতে সে
ভাবিল—খুড়ীমার আর সব ভাল, কেবল একটু বোকা,
নৈলে আঁখো না ? দূর !

দুর্গা চলিয়া যাইতে না যাইতে স্বর্ণ গোরালিনী দুধ
ভিত্তে আসিল। বধু ঘর হইতে বলিল—ও সন্ন, আমার
হাত জোড়া, বাছুরটা অই বাইরের উঠানে পিটুলি গাছে
বাঁধা আছে নিয়ে আয়, আর রোয়াকে ঘটিটা মাজা আছে
আঁখু। সখী ঠাকুরের এতক্রমে পূজাত্মিক সমাপ্ত হইল।
তিনি বাহিরে আসিয়া উত্তর দিকে স্থানীয় কালী মন্দিরের
দিকে মুখ ফিরাইয়া উদ্দেশে প্রণাম করিতে করিতে টানিয়া
টানিয়া আবৃত্তির সুরে বলিতে লাগিলেন—দোহাই মা
সিন্ধেশ্বরী, দিন দিওমা মা, ভব সমুদ্র পার কোরো মা—
মা রক্ষেকালী, রক্ষে কোরো মাগো—

গোকুলের বো রান্নাঘর হইতে ডাকিয়া বলিল—ও
পিসিমা, নারকালের লাড়ু রেখে দিইচি খেয়ে জল খান—
হঠাৎ সখীঠাকুরের রোয়াক হইতে ডাক দিলেন—
বোমা, দেখে যাও এদিকে।

স্বর্ণ গোরালিনী গোকুলের বোএর প্রাণ উড়িয়া গেল।
সখীঠাকুরকে সে ঘরের মত ভয় করে, মাগাদয়া বিতরণ
সম্বন্ধে ভগবান সখীঠাকুরের প্রতি কোনো পক্ষপাত
দেখান নাই, একথা নিঃসন্দেহে বলা চলে। রোয়াকের
কোনে জড়ো-করা মাজা বাসনগুলির উপর ঝুঁকিয়া
পড়িয়া তিনি কি দেখিতেছেন আসল দিয়া দেখাইয়া
কহিলেন—আঁখো তো চক্ষু দিয়ে—দেখতে পাচ্ছে ?



একেবারে সপষ্ট জলের দাগু দেখলে তো ? এই খেন থেকে সন্ন ঘটা তুলে নিয়ে গিয়েচে তার পর সেই শূদ্রের ছোঁয়া এঁটো বাসন আবার হেঁসেলে নিয়ে সাত রাজ্য মজানো হয়েছে, যাঃ জাতজন্মো একে বারে গেল !

সখী ঠাকুরণ হতাশভাবে রোগাকে বসিয়া পড়িলেন । উপযুক্ত পুত্রের মৃত্যুসংবাদ পাইলে ইহার বেশী হতাশ তিনি হইতে পারিতেন না ।

হা'ধরে হাড়হাভাতে ঘরের মেয়ে আনলেই অমনি হয়, ভদ্রলোকের রীত্ শিখবে কোথা থেকে, জানবে কোথা থেকে ? বাসন মাজ্জি তা দেখলি নে এঁটো গেল কি রৈল ? তিনপছর বেলা হয়েছে, ভাবলাম একটু জল মুখে দি শূদ্রের এঁটো, একখুনি নেয়ে মর্ভে হোত, তা ভাগ্যস ঘটটা ছুঁই নি ।

গোকুলের বৌ বিষন্নমুখে দাঁড়াইয়া ভাবিতোছিল কেন মর্ভে সন্ন পোড়ারমুখীকে ঘটা তুলে নিতে বল্লাম, নিজে দিলেই হোত !

সখীঠাকুরণ মুখ খিঁচাইয়া বলিলেন—ধিঙ্গী মেজে দাঁড়িয়ে রৈলে যে ? যাও হাঁড়িকুড়ি ফেলে দাও গিয়ে—বাসন কোসন মেজে আনো ফের । রান্নাঘর গোবর দিয়ে নেয়ে এসো, যত লক্ষ্মীছাড়া ঘরের মেয়ে জুটে সংসারটা ছারে খারে দিলে ? সখীঠাকুরণ রাগে গর্গর করিতে করিতে ঘরে ঢুকিলেন, বাহিরের খর রোদ্র তাঁহার সহ হইতেছিল না ।

হুকুম মত সকল কাজ সারিতে বেলা একেবারে পড়িয়া গেল । নদীতে সে যখন পুনরায় স্নান করিতে গেল, তখন রোদ্রে, কুখাতৃষ্ণায় ও পরিশ্রমে তাহার মুখ শুকাইয়া ছোট হইয়া গিয়াছে । ঘাটে বৈকালের ছায়া খুব ঘন, ওপারের বড় শিমুল গাছটায় রোদ চিক্ চিক্ করিতেছে । নদীর বাঁকে একখানা পাল-তোলা নৌকা দাঁড় বাহিয়া বাঁক ঘুরিয়া যাইতেছে, হালের কাছে একজন লোক দাঁড়াইয়া কাপড় শুকাইতেছে, কাপড়টা ছাড়িয়া দিয়াছে, বাতাসে নিশানের মত উড়িতেছে । মাঝ নদীতে একটা বড় কচ্ছপ মুখ তুলিয়া নিঃশ্বাস লইয়া আবার ডুকিয়া গেল—সোঁ-ও-ও-ও-তুস্ ! নদীর জলের কেমন একটা

ঠাণ্ডা ঠাণ্ডা স্কন্দর গন্ধ আসে ; ছোট নদী, ওপারের চরে একটা পানকোড়ি মাছ-ধরা বাঁশের দোয়াড়ির উপর বসিয়া আছে । এই সময় প্রতিদিন তাহার শৈশবের কথা মনে পড়ে ।

পান কোড়ি, পান কোড়ি, ডাঙার ওঠেসে—

গোকুলের বৌ খানিকক্ষণ পানকোড়ির দিকে চাহিয়া রহিল । মায়ের মুখ মনে পড়ে । সংসারে আর কেহ নাই যে মুখের দিকে চায় । মায়ের কি মরিবার ব্যস হইয়াছিল ? গরীব পিতৃকুলে কেবল এক গাঁজাখোর ভাই আছে, সে কোথায় কখন থাকে, তার ঠিকানা নাই । গত বৎসর পূজার সময় এখানে আসিয়া ছুদিন ছিল । সে লুকাইয়া লুকাইয়া তাহাকে নিজের বাক্স হইতে যাহা সামান্য কিছু পুঁজি সিকিটা, ছয়ানিটা বাহির করিয়া দিত । পরে একদিন সে হঠাৎ এখান হইতে চলিয়া যায় । চলিয়া গেলে প্রকাশ পাইল যে এক কাবুলী আলোয়ান-বিক্রেতার নিকট একখানি আলোয়ান ধারে কিনিয়া তাহার খাতায় ভগ্নীপতির নাম লিখাইয়া দিয়াছে । তাহা লইয়া অনেক হৈ চৈ হইল । পিতৃকুলের অনেক সমালোচনা, অনেক অপমান—ভাইটির সেই হইতে আর কোনো সন্ধান নাই ।

নিঃসহায়, ছন্নছাড়া ভাইটার জন্ম সন্ধ্যাবেলা কাজের ফাঁকে মনটা ছুঁ করে । নিঃস্বজন মাঠের পথের দিকে চাহিয়া মনে হয়, গৃহহারা পথিক ভাইটা হয়তো এতক্ষণে দূরের কোন্ জনহীন অঁধার মেঠো পথ বাহিয়া একা কোথায় চলিয়াছে, রাত্রে মাথা গুঁজিবার স্থান নাই, মুখের দিকে চাহিবার কোনো মানুষ নাই ।

বুকের মধ্যে উদ্বেল হইয়া ওঠে, চোখের জলে ছায়াভরা নদীজল, মাঠ, ঘাট, ওপারের শিমুল গাছটা, বাঁকের মোড়ের সেই বড় নৌকাখানা সব ঝাপসা হইয়া আসে ।

অপু সেদিন জেলেপাড়ায় কড়ি খেলিতে গিয়াছিল । বেলা ছই বা আড়াইটার কম নহে, রোদ্র অত্যন্ত প্রখর । প্রথমে সে তিনকড়ি জেলের বাড়ী গেল । তিনকড়ির ছেলে বহা পেয়ারাতলায় বাখারী টাচিত্তেছিল, অপু বলিল ওই, কড়ি খেলবি ? খেলিবার ইচ্ছা থাকিলেও বহা বলিল

বন্দোপাখ্যায়

তাহাকে এখনই নোকায় যাইতে হইবে, খেলা করিতে গেলে
লাবা বকিবে। সেখান হইতে সে গেল রামচরণ জেলের
বাড়ী। রামচরণ দাওয়ায় বসিয়া তামাক খাইতেছিল, অপূ
বলিল—হুদে বাড়ী আছে? রামচরণ বলিল—হুদেকে কেন
ঠাকুর? কড়ি খেলা বুঝি? এখন যাও, হুদে বাড়ী নেই—

ঠিক দুপুর বেলায় ঘুরিয়া অপূর মুখ রাঙা হইয়া গেল।
আরও কয়েক স্থানে বিফল মনোরথ হইয়া ঘুরিতে ঘুরিতে
বাবুরাম পাড়ইয়ের বাড়ীর নিকটবর্তী তেঁতুলতলার কাছে
আসিয়াই তার মুখ আনন্দে উজ্জল হইয়া উঠিল। তেঁতুলতলার
কড়িখেলার আড্ডা খুব জমিয়াছে! সকলেই জেলেপাড়ার
ছেলে, কেবল ব্রাহ্মণ পাড়ার ছেলের মধ্যে আছে পটু।
অপূর সঙ্গে পটুর তেমন আলাপ নাই কারণ পটুর যে পাড়ায়
বাড়ী, অপূদের বাড়ী হইতে তাহা অনেক দূর। অপূর চেয়ে
বয়সে পটু অনেক ছোট, অপূর মনে আছে প্রথম বেদিন সে
পসন্ন গুরু মশায়ের পাঠশালায় ভর্তি হইতে যায় এই ছেলে-
টাকেই সে শাস্তভাবে বসিয়া তালপাতা মুখে পুরিয়া চিবাইতে
দেখিয়াছিল। অপূ কাছে গিয়া বলিল—কটা কড়ি? পটু
কড়ির গেঁজে বাহির করিয়া দেখছিল। রাঙা সূতার
বুনানি ছোট্ট গেঁজেটি,—তার অত্যন্ত সখের জিনিস।
বলিল সতেরোটা এনিচি—সাতটা সোনা গেঁটে—হেরে গেলে
আরও আনবো—পরে সে গেঁজেটা দেখাইয়া হাসিমুখে
কহিল—কেমন, গেঁজেটা একপণ কড়ি ধরে—

খেলা আরম্ভ হইল। প্রথমটা পটু হারিতেছিল, পরে
জিতেতে শুরু করিল। কয়েকদিন মাত্র আগে পটু আবিষ্কার
করিয়াছে যে কড়িখেলার তাহার হাতের লক্ষ্য অব্যর্থ হইয়া
উঠিয়াছে, সেই জন্তই সে দিগ্বিজয়ের উচ্চাশায় প্রলুব্ধ
হইয়া এতদূর আসিয়াছিল। খেলার নিয়মামুসারে
পটু উপর হইতে টুক করিয়া বড় কড়ি দিয়া
হারিয়া ছুক কাটাই। ঘরের সব কড়ি জিতিয়া লইলে
সক্ টুক করিয়া মারিতেই যেমন একটা কড়ি নৌ
করিয়া ঘুরিতে ঘুরিতে ঘর হইতে বাহির হইয়া যায়,
সমনি পটুর মুখ অসীম আহ্লাদে উজ্জল হইয়া ওঠে।
পরে সে জিতিয়া পাওয়া কড়িগুলি তুলিয়া গেঁজের
মধ্যে পুরিয়া লোভে ও আনন্দে বার বার গে

দিকে চাহিয়া দেখে, সেটা ভর্তি হইবার আর কত
বাকী।

কয়েকজন জেলের ছেলে কি পরামর্শ করিল। একজন
পটুকে বলিল—আর এক হাত তফাৎ থেকে তোমার
মারতে হবে ঠাকুর, তোমার হাতে টিপ বেশী —

পটু বলিল—বারে তা কেন—টিপ বেশী তাই কি?
তোমরাও জেতোনা, আমি তো কাউকে বারণ করিনি—

পরে সে চারিদিকে চাহিয়া দেখিল, জেলের ছেলেরা
সব একদিকে হইয়াছে। পটু ভাবিল—এত বেশী কড়ি
আমি কোনোদিন জিতি নি, আজ আর খেল্চি নে—
খেল্লে কি এই কড়ি বাড়ি নিয়ে যেতে পারবো? আবার
একহাত বাধ্ বেশী! সব হেরে যাব। হঠাৎ সে কড়ির
ছোট্ট থলিটি হাতে লইয়া বলিল—আমি এক হাত বেশী
নিয়ে খেলবো না, আমি বাড়ী যাচ্ছি। পরে জেলের
ছেলেদের ভাবভঙ্গী ও চোখের নিষ্ঠুর দৃষ্টি দেখিয়া সে
নিজের অজ্ঞাতসারে নিজের কড়ির থলিটি শক্ত মুঠায়
চাপিয়া রাখিল।

একজন আগাইয়া আসিয়া বলিল—তা হবে না ঠাকুর,
কড়ি জিতে পালাবে বুঝি? পরে সে হঠাৎ পটুর থলিগুদ
হাতটা চাপিয়া ধরিল। পটু ছাড়াইয়া লইতে গেল কিন্তু
গোরে পারিল না, বিষন্নমুখে বলিল—বারে, ছেড়ে
দাও না আমার হাত? পিছন হইতে কে একজন তাহাকে
ঠেলা মারিল সে পড়িয়া গেল বটে, কিন্তু কড়ির থলি
ছাড়িল না—সে বুঝিয়াছে এইটাই কাড়িবার জন্ত ইহাদের
চেষ্টা। পড়িয়া গিয়া সে প্রাণপণে থলিটা পেটের কাছে
চাপিয়া রাখিতে গেল কিন্তু একে সে ছেলেমানুষ, তাহাতে
গায়ের জোরও কম, জেলেপাড়ার বলিষ্ঠ ও তাহার চেয়ে
বয়সে বড় ছেলেদের সঙ্গে কতক্ষণ পারিবে! চারিধার
হইতে ঘিরিয়া তাহাকে মারিতে শুরু করিল—চারিদিকেব
উত্তত আক্রমণ সামলাইতে সে দিশাহারা হইয়া পড়িল।
এক জনকে ঠেকাইতে যায়, আর দিক হইতে মারে;
হাত হইতে কড়ির থলিটা অনেকক্ষণ কোন্ ধারে ছিটকাইয়া
পড়িয়াছিল—কড়িগুলি চারিধারে ছত্কাকার হইয়া
গেল; অপূ প্রথমটা পটুর দুর্দশায় একটু যে খুসী না



হইয়াছিল তাহা নহে, কারণ সেও অনেক কড়ি হারিয়াছে। কিন্তু পটুকে পড়িয়া যাইতে দেখিয়া, বিশেষ করিয়া তাহাকে অসহায়ভাবে পড়িয়া মার খাইতে দেখিয়া তাহার বৃকের মধ্যে কেমন করিয়া উঠিল—সে ভিড় ঠেলিতে ঠেলিতে আগাইয়া গিয়া বলিল—ছেলেমানুষ ওকে তোমরা মারচ কেন? বারে, ছেড়ে দাও—ছাড়ো! পরে সে পটুকে মাটি হইতে উঠাইতে গেল, কিন্তু পিছন হইতে কাহার হাতের ঘুসি খাইয়া খানিকক্ষণ সে চোখে কিছু দেখিতে পাইল না, ঠেলাঠেলিতে পড়িয়াও গেল।

অপুকেও সেদিন বেদম প্রহার খাইতে হইত নিশ্চয়ই, কারণ তাহার মেয়েলি ধরণের হাতে পায়ে কোনো জোর ছিল না; কিন্তু ঠিক সেই সময়ে নীরেন এই পথে আসিয়া পড়াতে বিপন্নদল সরিয়া পড়িল। পটুর লাগিয়াছিল গুব বেনী, নীরেন তাহাকে মাটি হইতে উঠাইয়া গায়ের ধলা ঝাড়িয়া দিল—একটু সামলাইয়া লইয়াই সে চারিদিকে চাহিয়া দেখিতে লাগিল—ছড়ানো কড়িগুলার ছ একটা ছাড়া বাকীগুলি অদৃশ্য, মাঘ কড়ির খলিটি পর্য্যন্ত! পরে সে অপূর কাছে সরিয়া আসিয়া জিজ্ঞাসা করিল—অপু দা, তোমার লাগে নি? এতদূরে ঠিক দুপুর বেলা জেলের ছেলেদের দলে মিশিয়া কড়ি খেলিতে আসিবার জন্ত নীরেন ছজনকেই বকিল। সময় কাটাইবার জন্ত নীরেন পাড়ার ছেলেদের লইয়া অন্নদা রায়ের চণ্ডীমণ্ডপে পাঠশালা খুলিয়াছিল, সেখানে গিয়া কাল হইতে পড়িবার জন্ত ছজনকেই বার বার বলিল। পটু চলিতে চলিতে শুধুই ভাবিতেছিল—কেমন সুন্দর কড়ির গেঁজেটা আমার, সে দিন অত ক'রে ছিবাসের কাছে চেয়ে নিলাম—গেল! আমি যদি কড়ি জিতে আর না খেলি তা ওদের কি? সে তো আমার ইচ্ছে

মধুসংক্রান্তির ত্রতের পূর্বদিন সর্বজয়া ছেলেকে বলিল—কাল তোর মাষ্টার মশায়কে নেমস্তন্ন ক'রে আসিস—বলিস দুপুর বেলা এখানে খেতে।

মোটা চালের ভাত, পেঁপের ডালনা, ডুমুরের সুক্কনি, খেড়ের ধন্ট, চিংড়ি মাছের ঝোল, কলার বড়া ও পায়ের। দুর্গাকে তাহার মা পরিবেশন কার্যো নিযুক্ত করিয়াছে,

নিতান্ত আনাড়ি—ভয়ে ভয়ে এমন সস্তর্পণে সে ডালের বাটা নিমন্ত্রিতের সম্মুখে রাখিয়া দিল—যেন তাহার ভয় হইতেছে এখনি কেহ বকিয়া উঠিবে। অত মোটা চালের ভাত নীরেনের খাওয়া অভ্যাস নাই, এত কম তৈল ঘূতে রান্না তরকারী কি করিয়া লোকে খায়, তাহা সে জানে না। পায়ের পান্সে—জল-মিশানো ছুধের তৈরী, একবার মুখে দিয়াই পায়ের ভোজনের উৎসাহ তাহার অর্ধেক কমিয়া গেল। অপু কিন্তু মহা খুসি ও উৎসাহসহকারে খাইতেছিল; এত সুখাত তাহাদের বাড়ীতে বৎসরে ছ একদিন মাত্র হয়—আজ তাহার উৎসবের দিন। বেশ খেতে হয়েচে না? আপনি আর একটু পায়ের নিন্ মাষ্টার মশায়—নিজে সে এটা ওটা বার বার মায়ের কাছে চাহিয়া লইতেছিল।

বাড়ী ফিরিলে গোকুলের বৌ হাতিমুখে বলিল—দুর্গাকে পছন্দ হয় ঠাকুর পো? দিবি দেখতে গুন্তে. আহা, গরীবের ঘরের মেয়ে, বাপের পরমা নেই, কার হাতে যে পোড়বে? সারা জীবন পোড়ে পোড়ে ভুগবে—তা তুমি ওকে কেন নেও না ঠাকুরপো, তোমাদেরই পাল্টি ঘর—মেয়েও দিবি, ভাই বোনের ছজনেরই কেমন বেশ পুতুল পুতল গড়ন—

জরায়ের ঠাবু হইতে ফিরিতে গিয়া নীরেন সে দিন গ্রামের পিছনের আমবাগানের পথ ধরিয়াছিল। একটা বনে-ঘেরা সরু পথ বহিয়া আসিতে আসিতে দেখিল বাগানের ভিতর হইতে একটি মেয়ে সম্মুখের পথের উপর আসিয়া উঠিতেছে। সে চিনিল—অপূর বোন দুর্গা। জিজ্ঞাসা করিল—কি খুকী, তোমাদের বাগান বুঝি এইটে?

দুর্গা পিছন ফিরিয়া চাহিয়া দেখিয়া লজ্জিত হইল, কিছু বলিল না।

নীরেন পুনরায় বলিল—তোমাদের বাড়ী বুঝি নিকটে? দুর্গা ঘাড় নাড়িয়া বলিল—এই পথের ধারেই একটু আগিয়ে—

পরে সে পথের পাশে দাঁড়াইয়া নীরেনকে পথ ছাড়িয়া দিতে গেল। নীরেন বলিল—না না খুকী, তুমি চল আগে আগে, তোমার সঙ্গে দেখা হ'য়ে ভাল হোল, ঐ দিকে

বন্দোপাধায়

একটা পুকুর ধারে গিয়ে পড়েছিলাম, তারপর পথ ধরে হররান, যে বন তোমাদের দেশ ?

দুর্গা যাইতে যাইতে হঠাৎ খামিয়া অবাকভাবে নীরেনের মথের দিকে চাছিল। একধারে একটু ঘাড় হেলাইয়া বলিল—পুকুরের ধারে ? একটা বড়, পুরোনো পুকুর ? ওখানে কি ক'রে গেলেন ?

তাহার কাপড়ের ভিতর হইতে কিসের ফল গোটাকতক পথের উপর পড়িয়া গেল। নীরেন বলিল—কি ফল প'ড়ে গেল খুকী—কিসের ফল ওগুলো ?

দুর্গা নীচু হইয়া কুড়াইতে কুড়াইতে সঙ্কচিতভাবে বলিল—ও কিচ্ছু না, মেটে আলুর ফল—

—মেটে আলুর ফল ? খেতে ভাল লাগে বুঝি ? কি ক'রে খায় ?

এ প্রশ্ন দুর্গার কাছে অত্যন্ত কৌতুকজনক ঠেকিল। একটি পাঁচ বছরের ছেলে যা জানে, চশমা-পরা একজন বিজ্ঞ ব্যক্তি তাহা জানে না ! সে বলিল, এ ফল তো খায় না, এ তো তেতো—

—তবে তুমি যে—

দুর্গা সলজ্জস্বরে বলিল—আমি তো নিয়ে যাচ্ছি এমনি পেলবার—। একথা তাহার মনে ছিল যে, এই চশমা-পরা ছেলেটির সঙ্গেই সেদিন খুড়ীমা তাহার বিবাহের কথা তুলিয়াছিল, তাহার ভারী কৌতূহল ইহতেছিল ছেলেটিকে সে ভাল করিয়া চাহিয়া দেখে। কিন্তু মধু সংক্রান্তির স্রবের দিনও তাহা সে পারে নাই, আজও পারিল না।

—অপুকে বলো কাল সকালে যেন বই নিয়ে যায়—
এখানে তো ?

দুর্গা চলিতে চলিতে সন্মতিসূচক ঘাড় নাড়িল।

—বাড়ীতে পড়ে টেড়ে খুকী ?

তাইয়ের কথা ওঠাতে দুর্গা আর চুপ করিয়া থাকিতে পারিল না। বলিল—খুব পড়ে। কিছুক্ষণ খামিয়া পুনরায় বলিল, বাবা বলে অপূর পড়াশোনার বস্ত্র ধার। তার একটু গিয়া পাশের একটা পথ দেখাইয়া বলিল—এই পথ দিয়ে গেলে আপনার খুব সোজা হবে।

নীরেন বলিল,—আচ্ছা, আমি চিনে যায এখন, তোমাকে একটু এগিয়ে দিই, তুমি কি একলা যেতে পারবে ?

দুর্গা আঙ্গুল দিয়া দেখাইয়া কহিল—ঐ তো আমাদের বাড়ী একটু এগিয়ে গিয়ে, আমি তো এইটুকু একলা যাবো এখন—

দুর্গাকে এবার অত্যন্ত নিকট হইতে দেখিয়া নীরেনের মনে হইল এখনও ছেলেমানুষ। এর আগে সে কখনও ভাল করিয়া দেখে নাই—চোখ দুটির অমন সুন্দর ভাব কেবল সে দেখিয়াছে ইহারই ভাই অপূর।

যেন পল্লী-পান্তর নিভৃত চ্যুত বকুল বীথির সমস্ত গ্রাম স্নিগ্ধতা ডাগর চোখ দুটির মধ্যে অর্কসুপ্ত আছে। প্রভাত এখনও হয় নাই, রাত্রি শেষের অলস অন্ধকার এখনও জড়াইয়া...তবে তাহা প্রভাতের কথা স্মরণ করাইয়া দেয় বটে—কত সুপ্ত অঁথির জাগরণ, কত কুমারীর ঘাটে যাওয়া, ঘরে ঘরে কত নবীন জাগরণের অমৃত উৎসব—জানালায় জানালায় ধূপ গন্ধ।

দুর্গা খানিকক্ষণ দাঁড়াইয়া কেমন যেন উস্খুস্ করিতে লাগিল। নীরেনের মনে হইল সে কি বলিবে মনে করিয়া বলিতে পারিতেছে না। সে বলিল—কি খুকী তোমাকে দেবো এগিয়ে ? চল তোমাদের বাড়ীর সামনে দিয়ে যাই।

দুর্গা ইতস্ততঃ করিতে লাগিল, পরে সে একটু আনাড়ির মত হাসিল। নীরেনের মনে হইল এইবার এ কথা বলিবে ! পরক্ষণে কিন্তু দুর্গা ঘাড় নাড়িয়া তাহার সঙ্গিত যাইতে হইবে না জানাইয়া দিয়া বাড়ীর পথ ধরিয়া চলিয়া গেল।

দুপুর বেলা। ছাদে কাপড় তুলিতে আসিয়া গোকুলের বৌ নীরেনের ঘরের দুয়ারে উঁকি দিয়া দেখিল। গরমে নীরেন বিছানায় শুইয়া খানিকটা এপাশ ওপাশ করিবার পর নিদ্রার আশায় জলাঞ্জলি দিয়া মেজেতে মাত্র পাতিয়া বাড়ীতে পত্র লিখিতেছিল।

গোকুলের বৌ হাসিয়া বলিল—ঘুমোও নি যে ঠাকুর পো ? আমি ভাবলাম ঠাকুর পো ঘুমিয়ে পড়েচে বুঝি, আজ মোচার বস্ট যে বড় খেলে না, পাতেই রেখে এলে, সে দিন তো সব খেয়েছিলে ?



—আমুন বৌদি, মোচার ঘন্ট খাবো কি? বাঙালে কাণ্ড সব, যে ঝাল তাতে খেতে ব'সে কি চোখে দেখতে পাই, কোনটা ঘন্ট, কোনটা কি?

গোকুলের বৌ ঘরের ছুরারে কবাটে মাথাটা হেলাইয়া ঠেস্ দিয়া অভাস্তভাবে মুখের নীচুদিকটা আঁচল দিয়া চাপিয়া দাঁড়াইল।

—ইস্, ঠাকুর পো, বড় সহরে চাল দিচ্ছ যে, ওইটুকু ঝাল আর তোমাদের সেখানে কেউ খায় না—না?

—মাপ করবেন বৌদি, এতে যদি 'ওইটুকু' হয়, তবে আপনাদের বেশীটা একবার খেয়ে না দেখে আমি এখান থেকে যাচ্ছি নে, যা থাকে কপালে—যাঁহা বাহান্ন তাঁহা তিগ্নায়, দিন্ একদিন চক্ষু-লজ্জা কাটিয়ে যত খুসি লক্ষা।

গোকুলের বৌ খিল্ খিল্ করিয়া হাসিয়া উঠিল।

—ওমা আমার কি হবে! চক্ষু-লজ্জার ভয়েই শিল-নোড়ার পাট তুলে দিয়ে চূপ ক'রে ব'সে আছি না কি ঠাকুর পো? শোনো কথা ঠাকুর পোর—বলে কি না—আমার—ব'লে—হি হি—হাসির চোটে তাহার চোখে জল আসিয়া পড়িল। খানিকটা পরে সামলাইয়া লইয়া বলিল—আচ্ছা, তোমাদের সেখানে গরম কেমন ঠাকুর পো?

—সেখানে কোথায়? কলকাতায় না পশ্চিমে? পশ্চিমের গরম কি রকম সে এখান থেকে কি বুঝতে পারবেন। সে বাঙ্গলাদেশে থেকে বোঝা যাবে না, আজকাল রাত্রে কি কেউ ঘরের মধ্যে শুতে পারে? ছাদে বিকেলে জল ধ'রে ছাদ ঠাণ্ডা ক'রে রেখে তাইতে রাত্রে শুতে হয়।

—আচ্ছা তোমরা যেখানে থাক এখান থেকে কত দূর? অনেক দূর?

—এখান থেকে রেলের দুদিনের রাস্তা, আজ সকালে গাড়ীতে মাঝের পাড়া ষ্টেশনে চড়লে কাল ছপুর রাত্রে পৌঁছানো যায়।

—আচ্ছা ঠাকুর পো, শুনিচি নাকি গম্বাপানীর দিকে পাহাড় কেটে রেল নিয়ে গিয়েচে—সত্যি? পাহাড় কেটে রেল নিয়ে গিয়েচে?

—অনেক অনেক, বড় বড় পাহাড়, ওপরে জঙ্গল, তার তলা দিয়ে যখন রেল যায় একেবারে অন্ধকার, কিছু দেখা যায় না, গাড়ীর আলো জ্বলে দিতে হয়।

গোকুলের বৌ অবাক হইয়া গেল। উৎসুকভাবে বলিল—আচ্ছা ভেঙে পড়ে না?

—ভেঙে পড়বে কেন বৌদি, বড় বড় এঞ্জিনিয়ারে তৈরী করেছে—কত টাকা খরচ করেছে, ভাঙলেই হোল, একি আপনাদের রায়পাড়ার ঘাটের ধাপ যে ছবেলা ভাঙে?

এঞ্জিনিয়ার কোন্ জিনিষ গোকুলের বৌ তাহা বুঝিতে পারিল না। বলিল—পাহাড়টা মাটির না পাথরের?

মাটিরও আছে, পাথরেরও আছে। নাঃ বৌদি, আপনি একেবারে পাড়ার্গেয়ে—আচ্ছা আপনি রেল গাড়ীতে কতদূর গিয়েছেন?

গোকুলের বৌ আবার কৌতূকের হাসি হাসিয়া উঠিল। চোখ প্রায় বুঁজাইয়া মুখ একটুখানি উপরের দিকে তুলিয়া ছেলে মানুষের ভঙ্গিতে বলিল, ওঃ ভারী দূর গিইচি, একেবারে কাশী গয়া মক্কা গিইচি! সেই ও বছর পিস্শাশুড়ী আর সতুর মার সঙ্গে আড়ংঘাটার যুগলকিশোর দেখতে গিইছিলাম, সেই আমার বেশীদূর যাওয়া—

এই মেয়েটি অল্পক্ষণের মধ্যেই সামান্য সূত্র ধরিয়া তার চারিপাশে এমন একটা হাসি কৌতূকের জাল বুনিতে পারে যা নীরেনের ভারী ভাল লাগে। এক একজনের মনের মধ্যে আনন্দের অফুরন্ত ভাণ্ডার থাকে, কারণে অকারণে তাহাদের অন্তর্নিহিত আনন্দের উৎস মনের পাত্র উপচাইয়া পড়িয়া অপরকেও সংক্রামিত করিয়া তোলে। এই পল্লীবধুটী সেই দলের একজন। আজকাল নীরেন মনে মনে ইহারই আগমনের প্রতীক্ষা করে—না আসিলে নিরাশ হয়, এমন কি যেন একটু গোপন অভিমানও হইয়া থাকে।

—আচ্ছা, বৌদি আপনাদের সবাই চলুন, একবার পশ্চিমে সব বেড়িয়ে নিয়ে আসি।

—এ বাড়ীর লোকে বেড়াতে যাবে পশ্চিম তুমিও যেমন ঠাকুরপো? তাহোলে উত্তর মাঠের বেগুন ক্ষেতে চোকী দেবে কে?

কথার শেষে সে আর একদফা বাঙ্গ মিশ্রিত কৌতূকের হাসি হাসিয়া উঠিল। একটু পরে গম্বীর হইয়া বলিল, ই্যা ছাখো ঠাকুরপো, একটা কথা রাখবে?

—কি কথা বলুন আগে—

শ্রীবিভূতিভূষণ বন্দ্যোপাধ্যায়

—যদি রাখো তো বলি—

—বারে, শাদা কাগজে সই করা আমার দ্বারা হবে না বৌদি, জানেন তো আইন পড়ি, আগে কথাটা শুনবো, তবে আপনার কথা উত্তর দেবো।

গোকুলের বৌ ছয়ার ছাড়িয়া ঘরের মধ্যে আসিল। কাপড়ের ভিতর হইতে একটা কাগজের মোড়ক বাহির করিয়া বলিল, এই মাকড়ী ছোটো রেখে আমার পাঁচটা টাকা দেবে ?

নীরেন একটু বিস্ময়ের সুরে বলিল, কেন বলুন তো ?

—সে এখন বোলবো না। দেবে ঠাকুরপো ?

—আগে বলুন কি হবে ? নৈলে কিন্তু—

গোকুলের বৌ নিম্নসুরে বলিল, আমি এক জায়গায় পাঠাবো। দ্বাখো তো এই চিঠিখানার ওপরের ঠিকানাটা হংরিজিতে কি লেখা আছে !

নীরেন পড়িয়া বলিল, আপনার ভাই, না বৌদি ?

—চুপ্, চুপ্, এ বাড়ীর কাউকে বোলো না যেন ? পাঁচটা টাকা চেয়ে পাঠিয়েচে, কোথায় পাবো ঠাকুরপো, কি রকম

পরাদীন জানো তো ? তাই ভাবলাম এই মাকড়ী ছোটো— টাকা পাঁচটা দেও গিয়ে ঠাকুরপো হতভাগা, ছোঁড়াটার কি কেউ আছে ভূভারতে ? গোকুলের বৌএর গলার সুর চোখের জলে ভারী হইয়া উঠিল। ছুজনেই খানিকক্ষণ চুপ করিয়া রহিল।

নীরেন বলিল, টাকা আমি দেবো বৌদি, পাঁচটা হয়, দশটা হয়, আপনি যখন হয় শোধ দেবেন, কিন্তু মাকড়ী আমি নিতে পারবো না—

গোকুলের বৌ কৌতূকের ভঙ্গিতে ঘাড় ঢলাইয়া হাসিমুখে বলিল, তা হবে না ঠাকুরপো, বাঃ বেশ তো তুমি ! তারপর আমি তোমার ঋণ রেখে ম'রে যাই আর তুমি— সে হবে না, ও তোমায় নিতেই হবে আচ্ছা। যাই ঠাকুরপো, নীচে অনেক কাজ পড়ে রয়েছে—

সে দ্রুতপদে ঘর হইতে বাহির হইয়া গেল, কিন্তু সিঁড়ির কাছে পর্য্যন্ত গিয়াই পুনরায় ফিরিয়া আসিয়া নিম্নসুরে বলিল, কিন্তু টাকার কথা যেন কাউকে বোলো না ঠাকুরপো ! কাউকে না—বুঝলে ? (ক্রমশঃ)



চীনে হিন্দু-সাহিত্য

শ্রী প্রভাতকুমার মুখোপাধ্যায় ও শ্রীস্বধাময়ী দেবী

ইংসিং

ইংসিং-এর নাম সুপরিচিত। ভারত ও মালয় উপদ্বীপে বৌদ্ধধর্মের ইতিহাস সম্বন্ধে তাঁহার যে গ্রন্থ আছে তাহার ইংরাজী অনুবাদ জাপানী পণ্ডিত তাকাকাসু করিয়াছেন। কিন্তু কেবল যে তিনি ভারত পর্গাটক বলিয়া বিখ্যাত তাহা নহে, বহুসংস্কৃত গ্রন্থেরও তিনি অনুবাদক।

৬৩৫ খৃষ্টাব্দে ইংসিং জন্মগ্রহণ করেন, তখন তাঁর সম্রাট তাওংসাং এর রাজত্বকাল। শৈশবে প্রচলিত চীনা পদ্ধতি অনুসারে তিনি শিক্ষালাভ করেন। কিন্তু বারো বৎসর বয়স হইতে বৌদ্ধ গ্রন্থ সমূহ পড়িতে আরম্ভ করেন। চৌদ্দ বৎসর বয়সে তিনি প্রব্রজ্যা অবলম্বন করিলেন। আঠার-বৎসর বয়সেই ভারত ভ্রমণের বাসনা তাঁহার মনে উদ্ভিত হয়, কিন্তু তাহা পূরণ করিয়া উঠিতে পারেন নাই। সাত্তীত্রিশ বৎসরে এই ইচ্ছা তাঁহার সফল হয়। এই উনিশ বৎসরের মধ্যে তাঁহার যৌবনের সকল উত্তম তিনি বৌদ্ধ সাহিত্য আলোচনায় নিয়োজিত করেন; অগ্ৰাণু বিষয়ের দিকে মনকে বিক্ষিপ্ত করিয়া জীবনকে বার্থ করিতে চাহেন নাই।

ফাহিয়েন ও হুয়েন সাঙের প্রতি তাঁহার গভীর শ্রদ্ধা ছিল। খুব দস্তব চাঙ আনে তিনি হুয়েনসাঙকে কাণ্ডা করিতে দেখিয়াছিলেন। হুয়েনসাঙের মৃত্যুর পর রাজার আদেশে তাঁহার অন্ত্যেষ্টিক্রিয়া যে বিরাট সমারোহের সহিত সম্পন্ন হয়, তাহার ছবি বালক ইংসিংএর মস্তন মুদ্রিত হইয়া যায়। তদবধি ভারতভূমি দেখিবার আগ্রহ উত্তরোত্তর তাঁহার বাড়িতে থাকে।

৬৭১ খৃষ্টাব্দে ক্যান্টন হইতে দক্ষিণে সমুদ্র পথ দিয়া তিনি ভারতভূমিতে যাত্রা করেন।

হিন্দুরাজা শ্রীবিজয়ে আসিয়া তথায় কয়েকমাস অবস্থান করেন। এখানে তিনি সংস্কৃত শিখিয়া লন। তৎপরে পুনরায় যাত্রা করিয়া ৬৭৩ খৃষ্টাব্দে ভারতের বিখ্যাত বন্দর তাম্রলিপ্তিতে আসিয়া পৌছান। নালন্দাবিহার, গয়া ও অগ্ৰাণু প্রসিদ্ধস্থান তিনি দেখেন ও বৌদ্ধধর্মের অতি উত্তমরূপে অধ্যয়ন করেন। অবশেষে ৬৮৫ খৃষ্টাব্দে পুনরায় তাম্রলিপ্তি হইতে স্বদেশাভিমুখে যাত্রা করেন। ৬৮৯ খৃষ্টাব্দে শ্রীবিজয়ে আসিয়া ৬৯৫ খৃষ্টাব্দ পর্য্যন্ত তথায় গ্রন্থ অনুবাদ কার্যে রত থাকেন। ৬৯৫ খৃষ্টাব্দে স্বদেশে ফিরিয়া যান। শ্রীবিজয় তখন হিন্দুসভ্যতার একটা বড় কেন্দ্রভূমি ছিল। ইংসিং সেইজন্মই এইখানে থাকিয়া কয়েক বৎসর কাব্য করেন। এখান হইতে ৬৯৩ খৃষ্টাব্দে এক চীনা শ্রমণ দেশে ফিরিতেছিলেন, ইংসিং তাঁহার সহিত কতকগুলি সূত্র ও শাস্ত্রের একটী অনুবাদ ও তখনকার শ্রেষ্ঠ শ্রমণদিগের কতকগুলি জীবনকাহিনী পাঠাইয়া দেন।

পাঁচিশ বৎসরকাল ইংসিং বিদেশে ছিলেন, তিরশটি স্থানে তিনি গিয়াছিলেন। ৬৯৫ খৃষ্টাব্দে বহু গ্রন্থ সঙ্গে লইয়া তিনি চীনে ফেরেন। তাঁহার সহিত ৪০০টা বিভিন্ন বৌদ্ধ গ্রন্থ ছিল; বুদ্ধ গয়ার বুদ্ধের বজ্রাসনের একটা নিখুঁৎ প্রতিলিপিও তিনি আনিয়াছিলেন। ৫৬টা গ্রন্থ তিনি নিজে অনুবাদ করেন। ৭১৩ খৃষ্টাব্দে ৭৯ বৎসর বয়সে ইংসিং মারা যান।

সপ্তম শতাব্দীর শেষভাগে ভারতবর্ষে যে কয়টা বৌদ্ধধর্মের শাখা ছিল তাহাদের সুস্পষ্ট একটা বিবরণ আমরা ইংসিংএর নিকট হইতে পাই। বৌদ্ধধর্মের আঠারোটা শাখা গড়িয়া উঠিয়াছিল; কিন্তু সব শাখাগুলি তাহাদের বৈশিষ্ট্য রক্ষা করিতে পারে নাই; ক্রমশঃ কোন কোনটা একে অগ্ৰে সহিত যুক্ত হইয়া যায়। ইংসিং তদানীন্তন বৌদ্ধ শাখাগুলিকে প্রধানত চারটা ভাগে ভাগ করিয়াছেন, চারটা ভাগকে চারটা নিকট বলা হইয়াছে।

শ্রীপ্রভাতকুমার মুখোপাধ্যায় শ্রীও সুধাময়ী দেবী

১। মহাসঙ্ঘিকনিকায়—ইহার মধ্যে সাতটি বিভাগ। এই সকল নিকায়ের প্রভাব ইংসিংএর সময় তেমন আদক ছিল না।

২। স্থবীর নিকায় ইহার তিনটি বিভাগ। পালী গ্রন্থগুলি এই শাখারই অন্তর্গত। দক্ষিণ ভারত, সিংহল ও পূর্ববঙ্গে ইহার প্রভাব খুব অধিক।

৩। মূলসর্বাঙ্ঘিবাদ নিকায়ের চারটি বিভাগ। উত্তর ভারতের প্রায় সর্বত্র ইহার প্রভাব ছিল; মগধ ছিল ইহার কেন্দ্রভূমি।

৪। সন্ন্যাসী নিকায়ের চারটি বিভাগ। লাট ও সিন্ধু প্রভৃতি স্থানে ইহার প্রাধান্য ছিল।

মগধে এই সকল মতেরই নুনাধিক প্রাদুর্ভাব দেখা যায়; কারণ মগধ ও নালন্দায় সকল মতবাদী ব্যক্তির সমাবেশ হইত। বঙ্গদেশও ছিল এ বিষয়ে উদার।

বৌদ্ধবিনয় উত্তমরূপে অধ্যয়ন করিবার উদ্দেশ্যেই প্রদানত ইংসিং ভারতে আসেন। তিনি একটি গ্রন্থে লিখিয়াছেন যে, “চীনে ব্যবহারিক জীবনে বিনয়ের কিছু কিছু ব্যতিক্রম চলিয়া আসিতেছিল, কারণ বিনয়ের অর্থ ও ব্যাখ্যাও কোন কোন স্থলে অন্তরূপ করা হইত; বিনয়ের মূলগত যে নীতি তাহা হইতে এই নীতির প্রভেদ হইত অলঙ্ঘন। এইজন্যই ভারতে প্রচলিত যথার্থ বিনয় যাহা তাহাই আলোচনা করিয়া আমি এই গ্রন্থে সন্নিবিষ্ট করিলাম।” গ্রন্থটির নাম *Nan-hai-chi-kuei-nai-fa-chuan*; ৪০টি অধ্যায় ইহাতে রহিয়াছে। ইহার বিষয়-সূচী হইতেই আমরা বুঝিতে পারি কি পুঙ্খানুপুঙ্খরূপে ইংসিং ভারতীয় বিনয় পর্যালোচনা করিয়াছিলেন। কয়েকটি অধ্যায়ের উল্লেখ করিতেছি। চতুর্থ অধ্যায়ে বিসুদ্ধ ও বিসুদ্ধ আহারের প্রভেদ দেখান হইয়াছে; পঞ্চম অধ্যায়ে আহারের পর আচমনের ব্যবস্থা রহিয়াছে। নবম অধ্যায়ে উল্লেখ উপবাসের নিয়মাদি। একাদশ অধ্যায়ে পরিধেয়ের প্রণালী নির্দেশ করা হইয়াছে। ত্রয়োদশ অধ্যায়ে স্তূপ স্থাপনার প্রণালী কিরূপ তাহা বলা হইয়াছে। সপ্তদশ অধ্যায়ে বলা হইয়াছে ধ্যান-ধারণার প্রকৃষ্ট উপায় কখন। ষষ্ঠবিংশ অধ্যায়ে গুরুশিষ্যের ব্যবহার, ষষ্ঠবিংশ অধ্যায়ে

আগস্ত্যক ও বজ্র প্রভি ব্যবহার নির্দিষ্ট হইয়াছে। চতুর্বিংশ অধ্যায়ে ভারতের শিক্ষাদান-প্রণালী কিরূপ তাহা বর্ণিত হইয়াছে। ঊনচত্বারিংশ অধ্যায়ে কেবলমাত্র দর্শকদিগের নিন্দাবাদ রহিয়াছে।

এই সকল নিয়ম মূল সর্বাঙ্ঘিবাদ বিনয়ের অন্তর্গত। মূল সর্বাঙ্ঘিবাদের সমগ্র বিনয় ১৭০ খণ্ডে ইংসিং অনুবাদ করেন।

ইংসিং তাঁহার ভ্রমণকাহিনীতে প্রাচীনযুগের, মধ্যযুগের, তাঁহার কিছু পূর্বকার ও তাঁহার সময়কার বহু বিখ্যাত ভারতীয় পণ্ডিতদিগের উল্লেখ করিয়াছেন। ইংসিংএর ঠিক পূর্বকার যুগে ভারতে বহু শ্রেষ্ঠ দার্শনিকের আবির্ভাব হয়। তাঁহাদের মধ্যে দিঙ্নাগ সর্বশ্রেষ্ঠ। ইহারই প্রভাবে পরবর্তীকালে একটি বিশেষ দার্শনিক-দল গড়িয়া উঠে। মধ্যযুগের এই নৈয়ায়িক আটটি গ্রন্থ লিখেন বলিয়া প্রবাদ। হুয়েনসাঙ তাঁহার দুইটি গ্রন্থের অনুবাদ করেন ন্যায়দ্বারতর্কশাস্ত্র ও আলম্বন-পরীক্ষা। আরও একটি গ্রন্থ হুয়েনসাঙ অনুবাদ করেন—ন্যায়প্রবেশ; চীনা পণ্ডিতদিগের মতে শঙ্করস্বামী ইহার রচয়িতা; তিব্বতীগণের মতে দিঙ্নাগ। ইংসিং দিঙ্নাগের কতকগুলি গ্রন্থ অনুবাদ করেন; ন্যায়দ্বার তিনি পুনর্বার অনুবাদ করেন। আলম্বনপরীক্ষার এক টীকা লিখেন নালন্দার ধর্মপাল; ইংসিং এই টীকার অনুবাদ করেন।

বসুবন্ধুর টীকাসম্মত অসঙ্গের দুইটি গ্রন্থের অনুবাদ ইংসিং করেন। ইংসিংএর আর দুইটি অনুবাদের বিবরণ এখানে দেওয়া প্রয়োজন। একটি হইল মাতৃচেতা রচিত একটি গান, অপরটি নাগাজুনের লিখিত একটি পত্র। “মাতৃচেতা” অশ্বঘোষেরই অপর একটি নাম এইরূপ মনে করা হইত, কিন্তু দুইজন যে সম্পূর্ণ বিভিন্ন ব্যক্তি এ সম্বন্ধে এখন আর কাহারও সন্দেহ নাই। মাতৃচেতার মূল সংস্কৃত গাথাগুলি হারাইয়া গিয়াছে, মধ্য-এশিয়ার সম্প্রতি কোন কোন অংশ উদ্ধার করা হইয়াছে। ইংসিংএর বিবরণ হইতে আমরা জানিতে পারি যে ভারতীয় বৌদ্ধদিগের মধ্যে এককালে মাতৃচেতার নাম সুপরিচিত ছিল। ইংসিং বলিতেছেন যে, ভারতে পূজার্তনকার সময় গাহিবার মত



বহুস্তোত্র ও গাথা প্রচলিত ছিল, সেগুলি অতি যত্নে রক্ষা করা হইত; একদুগ হইতে পরবর্তী যুগেও তাহাদের সমাদর ম্লান হইতে দেওয়া হয় নাই। মাতৃচেতা রচিত স্তোত্রটা ক্রমশঃ একটি স্তোত্র। মাতৃচেতার প্রতিভা ছিল অসাধারণ, তাঁহার সময়কার লেখকদিগের মধ্যে তিনিই সর্বশ্রেষ্ঠ। এই স্তোত্রটিতে তিনি ছয়টি পারমিতা এবং বুদ্ধের বাবতীয় উৎকৃষ্ট গুণের ব্যাখ্যা করিয়াছেন। ইহার পর গাথা (Hymns) গাথার রচনা করিয়াছেন সকলে তাঁহারই রচনাভঙ্গীর অনুকরণ করিয়াছেন। ভারতের সর্বত্র, যে কেহ শ্রমণধর্মে ব্রতী হইতেন তাঁহাকেই মাতৃচেতার দুইটি গাথা শিক্ষা করিতে হইত। মহাযান, তীনযান—দুইটি শাখায় ঐ একই নিয়ম ছিল। মাতৃচেতার গাথাগুলির এত সমাদর হওয়ার ছয়টি কারণ ইংসিং নির্দেশ করিয়াছেন। প্রথমত, এই গানগুলি হইতে আমরা বুদ্ধের গভীর গুণাবলীর আভাস পাই; দ্বিতীয়ত, শ্লোক-রচনার পদ্ধতি ইহা নির্দেশ করিয়া দেয়; তৃতীয়ত, ইহাতে ভাষার একটি বিকৃততা দেখা যায়, বক্ষস্থল প্রশস্ত হয়; পঞ্চমত, জনসঙ্ঘের মধ্যে ইহা আবৃত্তি করিতে করিতে সঙ্কোচ দূর হইয়া যায়; ষষ্ঠত, এই গাথা গান করিবার অভ্যাস করিলে শরীর বাধিশূন্য ও দীর্ঘজীবী হয়।

নাগার্জুনের যে পত্রখানির ইংসিং অনুবাদ করেন তাহার নাম সুল্লেন্থা। ইংসিং-এর পূর্বে এই গ্রন্থখানির আরও দুইবার অনুবাদ হয়। ৪৩১ খৃষ্টাব্দে গুণবর্ম করেন প্রথম, তাহার পর ৫৩৪ খৃষ্টাব্দে করেন সজ্যবর্ম। কিন্তু ইংসিং-এর অনুবাদের পরই গ্রন্থখানি চীনে সুপরিচিত হয়। ইংসিং লিখিতেছেন যে, বোধিসত্ত্ব নাগার্জুন তাঁহার দানপতি জেতক শতবাহনকে উৎসর্গ করিয়া সুল্লেন্থা নামক এক পত্র পত্রে লিখেন। জেতক শতবাহন ছিলেন দক্ষিণ ভারতের এক রাজা। নাগার্জুনের এই রচনাটির সৌন্দর্য্য অপূর্ব। সত্যপথের যে মহিমা তিনি ঘোষণা করিয়াছেন তাহা প্রকৃতই আন্তরিক। যে প্রেমের মহিমা তিনি বর্ণনা করিয়াছেন তাহা কেবল বন্ধুত্বই (kinship) পর্য্যবসিত নয়। বস্তুত তাঁহার পত্রখানির অর্থ অতি গভীর। তিনি বলিতেছেন, “ত্রিরত্নের প্রতি আমাদের আস্থা ও শ্রদ্ধা রাখিতে হইবে। মাতাপিতাকে ভক্তিভরে আশ্রয়-দান করিতে হইবে। সকল

প্রকার অশুভকর্ম পরিহার করিয়া শীল-রক্ষা করিতে হইবে। যে লোকের চরিত্র ভাল করিয়া আমাদের জানা নাই, তাহার সহিত মেশা অশুচিত। দেহের রূপ ও ধন—দুইটিকেই অসার বলিয়া জানিবে। সাংসারিক সকল কাহা উত্তমরূপে সম্পন্ন করা কর্তব্য; কিন্তু সংসার অনিত্য ইহাও স্মরণ রাখিতে হইবে। মাথার উপর যদি অগ্নিশিখা জ্বলিতে থাকে, তথাপি বারোটি নিদানের উৎকর্ষ স্মরণ করিয়া মোক্ষ লাভের নিমিত্ত প্রয়াস পাইতে হইবে।

“তিনটি প্রজ্ঞা সাধন করা কর্তব্য; এই প্রজ্ঞা দ্বারা আটটি মহাপথের সন্ধান পাওয়া যায় এবং চারিটি আগা সত্যের উপলব্ধি হয়। এইরূপে দ্বিবিধ উৎকর্ষের পথে অগ্রসর হওয়া যায়। তখন অবলোকিতেশ্বরের স্মরণ আর শক্র-মিত্রের প্রভেদ-জ্ঞান থাকেন। অমিতায় বুদ্ধের প্রভাবে তখন চিরকালের জন্ম মুখাবতীতে অবস্থান করিয়া জগতের মুক্তি কামনায় আপনার শক্তি নিয়োজিত করা যায়।”

ভারতের সহিত চীনের সম্বন্ধের ইতিহাস সম্পূর্ণরূপে বলিতে হইলে যে সকল চীন পরিব্রাজক ভারত ও ভারতীয় দ্বীপপুঞ্জ আসিয়া ভারতের সহিত সাক্ষাৎ-পরিচয় করিয়া গিয়াছেন তাঁহাদের কথা না বলিলে চলে না। ইংসিং, হুয়েন-সাঙের সময় হইতে তাঁহার সময় পর্য্যন্ত যে সকল চীনা শ্রমণ ভারতে গিয়াছিলেন—এইরূপ ষাট জনের জীবনী-সম্বলিত একটি গ্রন্থ লিখেন। Chavaunes তাঁহার *Memoire* এর ভূমিকায় বলিয়াছেন যে, অন্ধশতাব্দীর মধ্যে ভারতভূমি দেখিবার আশায় ষাটজন চীনবাসী দুর্গম সঙ্কটময় পথ স্বেচ্ছায় অতিক্রম করিয়াছিলেন ইহা ভাবিলে বিস্মিত হইতে হয়। ষাটজনের মাত্র উল্লেখ রহিয়াছে বটে, কিন্তু তাঁহারা বাতীত আরও অনেক চীনবাসী যে ঐ সময় ভারতে আসিয়াছিলেন তাহার কিছু কিছু প্রমাণ পাওয়া যায়। Chavaunes-এর মতে কয়েক শত শ্রমণ সেই যুগে ভারতে আসেন।

ইংসিং তাঁহার জীবন কাহিনীর ভূমিকায় কাহিয়েন ও হুয়েনসাঙের ভারত ভ্রমণের উল্লেখ করিয়া বলিয়াছেন যে, বৌদ্ধ গ্রন্থ সমূহ সংগ্রহ করিবার নিমিত্ত পবিত্র স্থানগুলির প্রতি শ্রদ্ধাপ্রদর্শনার্থে বিপদ সঙ্কুল পথে নানা কষ্টভোগ করিয়া তাঁহারা ভারতে উপনীত হন। তাঁহাদের পরবর্তী

শ্রী প্রভাতকুমার মুখোপাধ্যায় ও শ্রী সূধ্যাময়ী দেবী

পরিব্রাজকগণও পথে অমুকুল আশ্রয় পান নাই, পথবর্তী বিভিন্ন দেশের অধিবাসীদিগের নিকট তেমন সমাদর লাভ করেন নাই এবং সম্পূর্ণ নূতন জীবনযাত্রার মধ্যে পড়িয়া তাঁহাদিগকে অনেক অসুবিধা ভোগ করিতে হইয়াছে।” এই ভূমিকার পর তাঁহার গ্রন্থে যে সকল পরিব্রাজকদের জীবনকাহিনী বিবৃত করিয়াছেন তাঁহাদের নামের একটি তালিকা দিয়াছেন। ইহাদের মধ্যে কেহ কেবলমাত্র পরিব্রাজকরূপে আসেন, কেহ আসেন গ্রন্থ সংগ্রহের উদ্দেশ্যে। ইহাদের অনেকেই নালন্দাবিহারে গিয়া কিছুকাল থাকেন। কাহারও কাহারও সঙ্গে চীনা গ্রন্থ কিছু কিছু ছিল। ইংসিং ভারতে আসিয়া নালন্দা বিহারে কয়েকটি চীনা গ্রন্থ দেখেন, তাঁহার পূর্ববর্তী পরিব্রাজকগণ সেগুলি সেখানে রাখিয়া যান।

ইহাদের মধ্যে শ্রেষ্ঠ কয়েকজনের বিবরণ আমরা এখানে দিব। ছ্যেন চাও তাঁহাদের অগ্রতম। Tai জিয়ার Sien chang নামক স্থানের এক সম্ভ্রান্ত পরিবারে ইনি জন্মগ্রহণ করেন। সংসার ত্যাগ করিয়া যখন শ্রমণ হন তখন ‘প্রকাশমতি’ নাম গ্রহণ করেন। ভারতের পবিত্র স্থানগুলি দেখিবার সঙ্কল্প করিয়া ৬৩৮ খৃষ্টাব্দে তিনি চাও আসেন। তথায় একটা বিহারে থাকিয়া সংস্কৃত শিখিতে আরম্ভ করেন। কিছুকাল পরে ভিক্ষুর বেশে তিনি পশ্চিমাভিমুখে যাত্রা করেন। Suti (Sogdiana)র মধ্য দিয়া তুর্কী স্থান পার হইয়া তিব্বতে আসেন ও তথা হইতে জালাঙ্করে আসিয়া পৌঁছান। পথিমধ্যে দক্ষিণে তাঁহার প্রাণ যাইবার উপক্রম হইয়াছিল।

জালাঙ্করে চারবৎসর অবস্থান করেন। তথাকার রাজা তাঁহাকে বহু সন্মান প্রদর্শন করিয়া তাঁহার থাকিবার সকল ব্যবস্থা করিয়া দিলেন। ছ্যেনচাও এখানে সূত্র ও বিনয় অধ্যয়ন করেন এবং সংস্কৃত সাহিত্যে বিশেষ ব্যুৎপত্তি লাভ করেন। ইহার পর তিনি দক্ষিণাভিমুখে যাত্রা করিয়া মহাবোধিতে পৌঁছান। এখানেও চার বৎসর তিনি অতিবাহিত করেন। এখানে অভিধর্ম বিশেষভাবে প্রচার করেন এবং বুদ্ধের কার্য সম্বন্ধে গভীর ভাবে ধ্যান করিতে থাকেন। মহাবোধি হইতে এই চীনাশ্রমণ নালন্দায় আসেন। এখানে তিন বৎসর তিনি নাগার্জুনের

মধ্যমকশাস্ত্র ও অর্থাদেবের শতশাস্ত্র অধ্যয়ন করেন ও যোগ শিক্ষা করেন।

তাহার পর গঙ্গানদীর তীরবর্তী দিকু বিহারের রাজা তাঁহাকে অভ্যর্থনা করিয়া লইয়া যান। সেখানে তিনি তিন বৎসর থাকেন। ইতিমধ্যে হর্ষবর্দ্ধনের সভায় যে চীনা দূত আসিয়াছিলেন তিনি চানে ফিরিয়া গিয়া ছ্যেন চাওএর উচ্ছসিত প্রশংসা করেন। দেশ হইতে ফিরিয়া যাইবার জন্ত ছ্যেন চাওএর ডাক আসিল।

লোয়াংএ তাঁহার অভ্যর্থনা সমারোহের সহিত সম্পন্ন হয়। তাহার পর একদল চীনা ভিক্ষুর সহায়তায় সর্বাঙ্গীন্দ্রবাদ বিনয় সংগ্রহের অনুবাদ আরম্ভ করিয়া দেন। কিন্তু এই কার্য সম্পূর্ণ করিবার পূর্বেই রাজার আদেশে তাঁহাকে পুনরায় ভারতভিমুখে যাত্রা করিতে হয়। ব্রাহ্মণ লোকায়তকে চানে লইয়া আসাই তাঁহার এই যাত্রার উদ্দেশ্য ছিল। এই ব্রাহ্মণ ছিলেন উড়িষ্যাবাসী এইরূপ অনুমান করা হয়। দীর্ঘায়ু করিবার বিচারে তিনি ছিলেন পারদর্শী। ছ্যেনচাও পার্বত্য পথ অতিক্রম করিয়া তিব্বতে আসেন। তথা হইতে উত্তর ভারতের সীমান্তে আসিয়া পৌঁছান। সেখানে দেখিলেন চীনা দূত লোকায়তকে চানে লইয়া যাইতেছেন। ছ্যেনচাও তখন কয়েকটি স্থান ঘুরিয়া ফিরিয়া অবশেষে নালন্দায় আসিয়া উপস্থিত হন; এখানে ইংসিংএর সহিত তাঁহার সাক্ষাৎ হয়। ইহার পর উত্তর পশ্চিম পথ দিয়া তিনি চীনে ফিরিয়া যাইতে প্রয়াস পান; কিন্তু দেখিলেন তাজিকগণ (আরবদেশীয় মুসলমান ?) সে পথ বন্ধ করিয়া আছেন। তৎপরে তিব্বতের পথ দিয়া ফিরিতে চেষ্টা করেন, কিন্তু এখানেও দেখিলেন বাণিজ্যের জন্ত সে পথ বন্ধ। সুতরাং তাঁহাকে মগধে ফিরিয়া যাইতে হইল। সেখানে ষাট বৎসর বয়সে তিনি মারা যান।

৬৩৮ খৃষ্টাব্দে Hwui-Yeh নামক কোরিয়াবাসী জনৈক শ্রমণ ভারতে আসিয়া নালন্দা বিহারে অবস্থান করেন। ইংসিং লিখিয়াছেন যে, যখন তিনি নিজে নালন্দায় আসেন তখন এই শ্রমণের লাইব্রেরী সেখানে দেখেন, তাহাতে চীনা গ্রন্থাবলী ও সংস্কৃত গ্রন্থসমূহের প্রতিলিপি ছিল।



তথাকার শ্রমণগণের নিকট হইতে ইংসিং অবগত হন যে Hwui-yeh সেই বৎসরই মারা যান।

সজ্জবর্ম নামক মধ্য এশিয়াবাসী এক শ্রমণের নাম ইংসিং করিয়াছেন। Kangএর অধিবাসী ছিলেন তিনি। Kang হইল Sogdianaর চীনা নাম। অল্প বয়সেই মরুময় পথ অতিক্রম করিয়া তিনি চীনে আসেন। ৬৫৬ হইতে ৬৬০ খৃষ্টাব্দের মধ্যে যে চীনা দূত ভারতে আসেন, রাজ্যদেশে সজ্জবর্ম তাঁহার সঙ্গে যান। মহাবোধি ও বজ্রসেনের বিহারে যাইয়া সাতদিন মাতরাত্রি ক্রমান্বয়ে তিনি আলো জ্বালাইয়া রাখিয়াছিলেন। মহাবোধি বিহারের বাগানে একটি অশোকবৃক্ষের তলায় বোধিসত্ত্ব অবলোকিতেশ্বরের একটি মূর্তি তিনি খোদিত করিয়া আসিয়াছিলেন। তাঁহার সমসাময়িক কয়েকজন চীনা পরিব্রাজকের সঙ্গিত কিছু কাল পরে তিনি চীনে ফিরিয়া যান।

সেখানে যাওয়ার অল্পকাল পরেই Kiao (কোচিন চীন) জিনায় দুর্ভিক্ষের ও মহামারীর প্রকোপ দেখা দেয়। রাজার আদেশে তিনি সেখানে যান। দুর্ভিক্ষপীড়িত আন্তর্দিগকে প্রতিদিন তিনি অন্নদান করিতেন, তাহাদের দংশে বাধিত হইয়া চোখের জল ফেলিতেন। ত্রৈখানে কাজ করিতে করিতেই ব্যাধির ছোঁয়াচ লাগিয়া তিনি মারা যান।

মহাযান প্রদীপ নামক এক শ্রমণ সমুদ্রপথে সিংহলে আসেন। মহাযান প্রদীপ নামটি হইতে বুঝা যায় যে, এই নাম তাঁহার প্রকৃত নাম নয়, উপাধি মাত্র। সিংহলে দন্তপুর বিহারে যাইয়া পূজাদান করেন। তাহার পর দক্ষিণ ভারতের মধ্য দিয়া অগ্রসর হইতে হইতে তাম্রলিপ্তিতে আসেন। সেখান হইতে জাহাজ ধরিয়া পূর্বভারতে (বঙ্গদেশে) আসেন। তাম্রলিপ্তি তখন কেবল বন্দর মাত্র ছিল না, হিন্দু শিক্ষা ও সভ্যতার এক কেন্দ্র ভূমিও ছিল। ফাহিয়েন এখানে কয়েক বৎসর অতিবাহিত করেন। প্রদীপ এখানে ছিলেন বারো বৎসর। সংস্কৃত ভাষা তিনি উত্তমরূপে আয়ত্ত করেন। এইখানে নিদানশাস্ত্র ও অন্যান্য গ্রন্থের ব্যাখ্যা তিনি লিখেন। ক্রমশঃ নাগরী মহাবোধি ও বৈশালী পর্য্যটন করিয়া কুশীনগরে আসেন, এইখানে ষাঠি বৎসর বয়সে পরিনির্বাণ বিহারে তাঁহার মৃত্যু হয়।

তাও লিন নামক এক চীনা শ্রমণ 'শীলপ্রভ' এই হিন্দু নাম গ্রহণ করিয়াছিলেন। একটি জাহাজে উঠিয়া তাম্রময় স্তম্ভগুলি পার হইয়া তিনি দারাবত্তীতে (খাম) আসেন। এই স্তম্ভগুলি ৪২ খৃষ্টাব্দে এক চীনা সেনাধক্ষ নির্মাণ করেন। দারাবত্তী হইতে কলিঙ্গ আসেন। পথে সর্বত্রই তিনি সমাদর লাভ করেন। কয়েক বৎসর পরে কলিঙ্গ হইতে যাত্রা করিয়া তাম্রলিপ্তিতে আসিয়া পৌছান। এখানে তিন বৎসর থাকিয়া সংস্কৃত অধ্যয়ন করেন। সর্বাশ্তিবাদের বিনয়, যোগ ও সম্ভবত তন্ত্রও তিনি এখানে অধ্যয়ন করেন। তৎপরে বজ্রসেন ও মহাবোধি দর্শন করিয়া নালন্দায় যান। এখানে মহাযানের সূত্র ও শাস্ত্রগুলি উত্তমরূপে অধ্যয়ন করেন এবং অভিধর্ম কোষের তাৎপর্য্য বিশেষভাবে আয়ত্ত করেন। সেখান হইতে নানাদেশ ঘুরিয়া লাদকে আসেন। এখানে তিনি একবৎসর কাটান। এইখানে তাওলিন নূতন করিয়া ধারণীগুলির সন্ধান লাভ করেন। এইগুলিকে সংস্কৃতে বলা হয় বিদ্যাধর পাটক; এই মারা বিদ্যার গ্রন্থখানিতে ১০০,০০০ শ্লোক ছিল বলিয়া প্রবাদ। ইহার অধিকাংশই হারাইয়া যায়, অল্পাংশমাত্র নষ্ট হয় নাই। নাগার্জুন প্রায় সমগ্র গ্রন্থখানি আলোচনা করিয়াছিলেন। নন্দ নামক নাগার্জুনের এক শিষ্য এই সূত্র গুলির গূড়ার্ণ আয়ত্ত করিতে পারিয়াছিলেন। বিখ্যাত নৈয়ায়িক দিঙ্নাগ ইহার আলোচনা করিয়াছিলেন। ইহার পর আর বিশেষ কেহ এ সম্বন্ধে আলোচনা করিয়াছেন বলিয়া শুনা যায় না। সেই জন্তই তাওলিন এবিষয়ে অনুসন্ধান করেন। ইংসিং যখন নালন্দায় ছিলেন, তখন ইহার মূলমন্ত্রগুলি আলোচনা করেন; কিন্তু এ সম্বন্ধে বিস্তারিতভাবে কোথাও তিনি বলেন নাই। সুতরাং বিদ্যাধর পাটক সম্বন্ধে বিশেষ কিছু আমরা জানিতে পারি নাই। যাত্নবিষ্ঠা ও রসায়ন বিদ্যা বিষয়ক এই গ্রন্থ এইরূপ অল্পমান। নাগার্জুনের রসায়ন বিদ্যার আলোচনা করিয়াছিলেন ইহা আমরা জানি। উক্তর ভারতে কিছুকাল অবস্থান করিয়া তাওলিন কাশ্মীরে যান; সেখান হইতে যান উদায়নে। তথ্য হইতে তিনি কপিলায় যান। তাহার পর তাঁহার সংবাদ আর ইংসিং বলিতে পারেন না।


শ্রীপ্রভাতকুমার মুখোপাধ্যায় ও শ্রীমুখাময়ী দেবী

হর্ষবর্ধনের সভায় যে চীনাদূত আসেন Che-hung হলেন তাঁহার ভাগিনেয়। ইনি সমুদ্রপথ দিয়া ভারতে আসেন; এবং বিখ্যাত স্থানগুলি সমস্ত পর্যটন করেন। মহাবোধিতে তিনি দুবৎসর থাকেন; সংস্কৃত সাহিত্য অভিধর্ম, কোষ, গ্রাম—এই সকল তিনি এখানে অধ্যয়ন করেন। নালন্দায় মহাযান সূত্রসমূহ আলোচনা করেন। উত্তর ভারতের Sin-Che বিহারে হীনসানও অধ্যয়ন করেন। ইংসিং যখন তাঁহার জীবনী লিখেন, তখন তিনি কাশ্মীরে।

Che-hung এর সহিত Wu-hing নামক অপর এক শ্রমণ যাত্রা করিয়াছিলেন। শ্রীবিজয়ে আসিয়া তিনি তথাকার রাজার জাহাজে করিয়া পনের দিন পর মালয়ে আসেন, তথা হইতে আরও পনের দিনে আসেন Kiechaতে। Kiecha হইল যমুনার উত্তর পশ্চিম অংশ Achen এইরূপ অনুমান। সপ্তম শতাব্দীতে এস্থানটা ছিল হিন্দু সভ্যতার একটি কেন্দ্রভূমি। সেখানে শীতকাল কাটাইয়া পরে এক জাহাজে ত্রিশ দিন ধরিয়া পশ্চিমাভিমুখে চলিয়া নাগ-

পতনে আসিয়া পৌঁছান। এখান হইতে দুইদিনে সিংহলে আসেন। দন্তপুর বিহারে পূজাদিয়া অপর একটা জাহাজে করিয়া তিনি একমাস উত্তরপশ্চিমাভিমুখে চলেন। একমাস পরে জম্বুদ্বীপের পূর্বসীমান্ত আরাকানে আসিয়া পৌঁছান। এখানে তিনি এক বৎসর থাকেন। ইহার পর Wu-hing ও Che-hung একত্রে ভ্রমণ করেন। তাঁহারা একত্রে মহাবোধি ও নালন্দায় যান। Wu-hing যোগ (যোগাচারভূমি) অধ্যয়ন করেন ও কোষের ব্যাখ্যা শ্রবণ করেন। তাহার পর তিলাধক বিহারে যান। সেখানে দিঙনাগের ন্যায় আলোচনা করেন।

আরও কয়েকটি শ্রমণ সমুদ্র পথ দিয়া ভারতে আসেন। কেহ কেহ ভারতে আসিতে না পারিলেও ইন্দো-চীন পর্য্যন্ত আসেন। ইহাদের কাহারও কাহারও সহিত ইংসিং এর শ্রীবিজয়ে সাক্ষাৎ হয়। এই সকল শ্রমণের সংক্ষিপ্ত জীবনী হইতে বোঝা যায় যে ছয়েনসাঙের ভারত ভ্রমণের পর হইতে চীন ও ভারতের মধ্যে কি নিবিড় একটি সম্বন্ধ স্থাপিত হইয়া গিয়াছিল।



বোঝা-পড়া

—গল্প—

—শ্রীঅরবিন্দ দত্ত—

১

নন্দ ডোমের স্ত্রী মেনকা সহসা একদিন নিশ্চুতি রাত্রে অক্ষুণ্ণিত হইল।

নন্দ ধামা-কুলা বৃন্দিত, এবং দূরের হাতে সে সকল বিক্রয় করিয়া ঘেমে যেন নেয়ে বাড়ী ফিরিত। তাহার দেহ বেশ মজবুতই ছিল। খাটুনির জন্ত সে ভয় করিত না। বেত, বাশ আর দা দড়ি লইয়াই সে দিবারাত্র পড়িয়া থাকিত। কাজেই সংসারে অন্তর্ভুক্ততা ছিল না। মেনকা বলিত, “কানের ভাঙ্গাচুরো ফুলঝুলগুলো রয়েছে, বেনে ডেকে একটু তোড়জোড় ক’রে দাও না?” নন্দ বলিত—“জোড়া-তালি দিয়ে তোকে পরাব কেনে রে? নুতন ঝুম্‌কো গড়তে দিইনি বুঝি ভেবেছিস? দুটো দিন সবুর কর—এসে পড়ল ত!” এইরূপে পৈঁছে তাবিজ, ঝুম্‌কো, মল—এই সকল অলঙ্কারে একে একে সে মেনকার গা হাত পা ছাইয়া ফেলিল। এ সকল করিয়াও তাহার হাতে দু’পয়সা জমিতেছিল। লোকে বলিত—“নন্দ একলা মানুষ হ’লে কি হয়—কাজ ক’রে যেন চার জোড়া হাতে!”

নন্দ হাতে যাইবে। মেনকা ভোর রাত্রে উঠিয়া রাঁধিয়া বাড়িয়া যত্ন করিয়া স্বামীকে খাওয়াইয়া দিত। আবার ফিরিয়া আসিলে এমন এক টুকরা হাসি ফিন্‌কি দিয়া তাহার সমস্ত মুখে ছড়াইয়া পড়িত যে, নন্দর দেহে আর ক্লান্তি থাকিত না। সে তখন-তখন চুপড়ি হইতে লিচু, পেয়ারা আনারস বা এই রকমের কিছু ক্রমলক সামগ্রী বাহির করিয়া দিয়া ক্ষুধিত নেত্রে মেনকার হাসিটুকুর সঙ্গে বিনিময় করিত। তারপর সৌরভির তলব পড়িত। সে আসিয়া জুটিলে আনন্দ দীপ্তিতে পিতামাতার মুখ দু’খানা উজ্জল হইয়া স্থানটুকু অমৃত-স্পর্শে প্রাবিত হইয়া যাইত। মেনকাকে বুঝিয়া দেখিতে এইটুকুই নন্দর হাতে ছিল।

এইরূপে সুখে স্বচ্ছন্দেই দিন কাটিতেছিল। চঠাৎ একদিন একটা হাড়সর্বস্ব যুবক আসিয়া নন্দর কাছে আশ্রয়প্রার্থী হইল; এবং চোখের শুধু নিবিড় চাউনিতে মেনকার জীবন স্বপ্নবিভোর করিয়া দাঁড়াইল।

নন্দর ঘরের মুসুরির দাল এবং টাটকা মাছের ঝোল খাইয়া যখন তাহার দেহটি মেদ-মাংসে পুরিয়া উঠিল, তখন নন্দর আনন্দ দেখে কে? মেনকাকে ডাকিয়া সে বলিল, “দেখলি মেনি, এমন মনুষ্য-জন্ম দোরে দোরে দুটো ভাতের পেতাশী হ’য়ে কইয়ে ফেলছিল। আর দু’টি মাস যদি ওর মগজে পোকামাকড় না ঢোকে—আমার মতের অপিক্ষে রেখে অমনি ধারা খেটে চলে—নন্দর হৈঁসেল চেটে খায়—লোকের এ জিহ্বের নড়াই আমি যুচিয়ে দেব। একটুকুরো জমা কিন্তে পাঁচকুড়ি টাকা—আর ঘর একখানা কুড়ি দুই টাকা হ’লে হ’য়ে যাবে।”

কিন্তু এই লাভের বস্তুতে ইহার লোভ জন্মিল না। লোভ জন্মিল নন্দর ইজ্জতের উপরে। মেনকার চিত্ত ইতিপূর্বেই সে বশীভূত করিয়া ফেলিয়াছিল। অবশেষে একদিন সংসারটি বেদনায় ভরিয়া দিয়া মেনকাকে লইয়া সে উধাও হইল। নন্দ ‘হা’ ‘হতাশ’ করিল না সত্য, কিন্তু মানিতে তাহার রক্তরাগশূণ্য পাংশু ওষ্ঠ দু’খানার সকল কলরবই যেন থামিয়া গেল।

সৌরভির তখন বয়স হইয়াছে। সে-ও বুক চাপড়াইল না। কিন্তু শুধু ঘরে নয়—পথে ঘাটেও যে লজ্জা সে ছড়াইয়া গেছে তাহারই কুণ্ডায় পিতাপুত্রী উভয়েই যেন তন্দ্রাময় হইয়া রহিল।

পরীর মত রূপ লইয়া নন্দর মেয়ে সৌরভি পাড়ার মধ্যে বাড়িয়া উঠিতেছে দেখিয়া প্রতিবাসী নারীমহলে পতিপুত্রাদির কারণে একটা শঙ্কার সাড়া পড়িয়া গিয়াছিল। কি জান এই রাক্ষসীটার কুনজরে কেহ কোনদিন পড়িয়া যাক!

চোটলোকের মেয়ে হইলে কি হয়—মেয়েটি লেখাপড়া শিখিয়াছে। শ্রী-ছাঁদও আছে। সে যে ছেলেদের আকর্ষণ করিবে বিচিত্র কি!

জমিদার-গৃহিনী কঙ্কাবতী কিছু বেশী দ্রুত হইয়া পড়িয়াছিলেন। তাহার পুত্র কুমুদ প্রতিদিন রাণার উপর ছিপ লইয়া মাছ ধরিতে বসে। সৌরভি ঘাটে না আসা পর্য্যন্ত মাছ ধরায় তাহার অথগু মনোযোগ দেখা যায়। আসিয়া ঘাট সারিয়া চলিয়া গেলে মাজা পিঠে হঠাৎ খিল ধরিয়া উঠে। চারগুলি এককালে রূপরূপ করিয়া জলে ফেলিয়া দিয়া ক্ষুধ মনে সে বাড়ী ফিরে। ইহাও কঙ্কাবতীর চক্ষু গ্রহণ নাই। সৌরভির দৃষ্টিতে ইহা সর্ব্বাঙ্গেই পড়িয়াছিল। একদিন সে বলিয়াওছিল, “ফাৎনার দিকে চোখ না রাখলে মাছ পালিয়ে যাবে বাবু।”

কুমুদ ভুল বুঝিল। ভাবিল,—মাছের চারের চেয়ে চোখের চারই দেখি বেশী কাজ করিয়াছে। সে বলিল, “শিকার করা উদ্দেশ্য ত সৌরভি? সে যা’ হোক একটা কিছু হ’লেই হ’ল।”

সৌরভির চোখমুখ সহসা রাঙা হইয়া উঠিল। কিন্তু সে আপনাকে সম্বৃত করিয়া লইয়া জিজ্ঞাসা করিল,— “শিকারের অর্থটা ত বুঝলাম না বাবু! বিয়ে করবেন না কি আমাকে?”

কুমুদ বুঝিল,—শ্রাকামি। একটা কি রসিকতার উত্তর দিতে যাইয়া জিহ্বাটি কিন্তু তাহার জড়াইয়া গেল। সৌরভি বলিল, “ডোমের মেয়ে—জাত যাবে। ঘর ছাড়েন ত আপনাদের ত একায় পীঠ আছে—তারই এক পীঠে নিয়ে মেয়ে রাখবেন হয়ত। না হয়, জমিদার মাঝু, পয়সা আছে—পর নেই—বাগানের এক কোনে একখানা দোচালা তুলেও সেখানে রাখতে পারেন। এর কোনটা করবেন বলুন ত?”

কুমুদ তাকাইয়া দেখিল, সৌরভির চোখ দিয়া অগ্নি-বর্ষণ হইতেছে। সে কিছু দমিয় গেল। তাহাতে সৌরভির প্রশ্নগুলি—নিরন্তর করিবারই প্রশ্ন। কাজেই সে চুপ্ করিয়া রহিল।

সৌরভি পাড়ের চারিটা দিক একবার দেখিয়া লইল, তা’পর জিজ্ঞাসা করিল, “আপনার স্মৃতিধে মত এর যে

কোন একটা পথ আপনি ধরবেন। এ খুব সত্যি কথা। কিন্তু নিজের ঘরের মেয়েদের মধ্যে এই রকমের কিছু দেখতে কি আপনি পছন্দ করেন? না—ডোমের মেয়ের আর মর্যাদা কি!”

এই বলিয়া আর বিলম্বমাত্র না করিয়া জলন্ত চোখে আগুনের হলুকা বিচ্ছুরিত করিতে করিতে কুমুদকে যেন সেইখানে মৃত্তিকাস্তূপের নীচে সমাহিত করিয়া রাখিয়া সে চলিয়া গেল।

সৌরভিকে সাধারণ কথায় বলিতে গেলে—ঠোট-কাটা মেয়ে। তাহার অন্তরে যাহা সত্য হইয়া ফুটিয়া উঠে তাহাকে দাবাইয়া রাখিয়া সৌজগু প্রকাশ করা তাহার স্বভাব নয়। ক্রোধের সঙ্গে ভয় মিশাইয়া চলিতে কোনদিন সে শিখে নাই। মোট কথা, রাখিয়া ঢাকিয়া সহ করিয়া চলিবার মেয়েই সে নয়।

কুমুদ কিন্তু ছিপ লইয়া আবার আসিয়া মাছ ধরিতে বসিতেছে, এবং কুৎসিৎ চাহনিত্তে মেয়েটির দেহের সমস্ত সৌন্দর্য্য লেহন করিয়া লইতেছে। সংসারে শক্তিমানের উপর প্রশ্ন নাই—শাসন নাই—কাজেই তাহাদের যথেষ্ট চারিতা নিষ্কটক। এ যেন তাহাদের সম্প্রদায়গত অবাধ অধিকার হইয়া দাঁড়াইয়াছে।

সৌরভি পারত পক্ষে ঘাটে আসে না। যখন আসে কুমুদকে দেখিতে পায়। এবং সে সময়ে কুমুদ চক্ষু-গোলকের দ্বারা কত কি পুনরাবৃত্তি করে।

কিন্তু সেদিন যখন ঘাটের পাড়ে এক হাট বৌ-ঝির মধ্যে জমিদার-গিন্নী তাহাকে ডাকিয়া জিজ্ঞাসা করিলেন, “তোমার মা এখন কোথায় রাজত্ব করছে রে সৌরভি?” তখন নিজের জাতির উপর মেয়েদের এই বৃহৎ ভালবাসার আশ্বাদ পাইয়া সৌরভি ক্ষণকাল বিস্ময়ে এমন অবাক হইয়া চাহিয়া রহিল যে, স্বাস-গ্রহণের চারিদিককার বায়ুটুকু পর্য্যন্ত যেন তাহার কাছে বিষাক্ত হইয়া উঠিয়াছে। এরূপ আঘাত অনেক সময় অনেকে করিতেন। কিন্তু আজ তাহার মনে হইল, তাহার এই দীর্ঘ কুমারীকাল লইয়া যতদিন এই গ্রামে বসিয়া সে দিন গণিবে, ততদিন তাহাকে জবাবদিহি করিতে হইবে। সে তৎপর হইয়া উত্তর করিল, “সে ত সীমার বাইরে চ’লে



গেছে ঠাকুর মা ! রাজত্ব ত অনেকে ঘরে ব'সেও করে ।
ঘরের হিসাবটা আগে রাখলে উপকার বেশী হয় ।”

স্বল্প কথায় সৌরভি যেন সকলকে অতিক্রম করিয়া
গেল । জমিদার-গৃহিণী চাহিয়া দেখিলেন, আশ-পাশের
মেয়েরা সকলেই এই তুচ্ছ মেয়েটির সাহস দেখিয়া স্তম্ভিত হইয়া
গেছে । কিন্তু সকলকারই চক্ষের জলস্ত রশ্মি যেন তিরস্কারের
আকারে ইহার সমস্ত দেহের উপর ছড়াইয়া পড়িতেছে ।
তিনি আহত হইয়া গর্জিয়া উঠিলেন । বলিলেন,
“ছুঁড়ীর সাহস দেখ ! বড় মে টাস্টেসে কথা
শিখেছিস ?” এই বলিয়া তিনি ক্রোধের কতকটা চোখ
দিয়া ছাড়াইয়া নিজকে সামলাইয়া লইতে লাগিলেন । তাবপর
বলিলেন, “নন্দর বুঝি চোখ পড়ে না তোর উপর ? বয়সের ত
গাছ পাথর নেই । কতকাল আর ঘরে পুষে রাখবে তোকে ?
তোদের জেতেরও বলিহারি বাছা ! শেষটা মার মত কুলে
কালি দিবি না কি ? না—ভিটে আগলে ব'সে ব'সে পাড়ার
কচি ছেলেগুলোর মাথা চিবিয়ে খাবি ?”

তরুণী বধূরা নিজ নিজ স্বামী-দেবতার আশঙ্কায় বলিয়া
উঠিলেন, “এ আপদ একুনি গাঁ-ছাড়া করুন তাপনি । বর
ত ওর রাস্তা-ঘাটে গড়াগড়ি খাচ্ছে ।”

এ প্রশ্নের জবাব সৌরভি সহসা দিতে পারিল না ।
ছেলেকে এই ঘাটের পাড়েই তাহার উপর নজর দিতে
দেখিয়া কঙ্কাবতী মনে মনে বিরক্ত হইতেন সে ইহা লক্ষ্য
করিয়া আসিতেছে । কিন্তু ছেলেকে শাসন না করিয়া
মেয়ে হইয়া অপর মেয়েকে অথবা আঘাত করিয়া মেয়েদের
সম্মত যে ইহার কুল করিলেন—তাহা যেন তাঁহার চোখেই
পড়িল না । যে থালাখানা তুষ বালির দ্বারা সে ঘসিতেছিল,
তাহার উপর হাতের চতুর্গুণ জোর দিয়া ঘসিতে ঘসিতে
ঘাড় নীচু করিয়া সে বলিতে লাগিল, “মাথার খুলির চেয়ে
দাঁতের জোর যদি বেশী হয়—চিবিয়ে খাব না ত কি !”

এই বলিয়া ধপাস্ ধপাস্ করিয়া থালা ক'থানা
জলের উপর আছড়াইয়া একত্র করিয়া জোর পায়ে সে বাড়ী
চলিয়া গেল । কিন্তু সমস্ত পথটাই এই অনুশোচনায় তাহাকে
বিধিতেছিল যে, এই রুঢ়-ভাষিণীর ছেলেটির আচরণ ধরিয়া
আরও কত কথা শুনাইয়া আসিতে যেন রহিয়া গেছে ।

২

নন্দ তখন নিড়েন দ্বারা একটা কুমড়াগাছের গোড়া
পরিষ্কার করিতেছিল । সৌরভি দাওয়ার উপর বাসনের
ঝাঁকাটা ঝনাৎ করিয়া ফেলিয়া রাখিয়া পিতার নিকটে
আসিয়া বলিল, “অত মেহনত কচ্ছ, ঐ গাছের ফল খাবে
নাকি তুমি ? তার চেয়ে ডগাগুলো কেটে দাও, চচ্চড়ি
রোঁধে দি ।”

মেয়ের দিকে বিষয়ে তাকাইয়া নন্দ তাহার অভিপ্রায়
বুঝিয়া লইবার চেষ্টা করিল । কিন্তু গাছটির বৃদ্ধির কামনায়
কালও ইহার গোড়ায় কলস কলস জল ঢালিতে যাহার
আগ্রহের অবধি ছিল না, রাত্রি প্রভাত না হইতেই সে কেন
তাহার ডগাগুলির মাথা লইবার তাগিদ দিতেছে ঠিক ঠাণ্ডা
করিয়া উঠিতে পারিল না । বলিল, “গাছের ধাত ত
বেশ ভালই আছে । ফল ধরবে না, কে বললে
তোকে ?”

সৌরভি বলিল, “ফল আর খেয়েছ তুমি । সমস্ত
অপযশের বোঝাটা ত তোমার আর আমার মাথার উপর
চাপিয়ে দিয়ে চ'লে গেল সে । চল, বন জঙ্গলে গিয়ে বাস
করি । আমার আর এ সহ হয় না ।”

হাতের নিড়েনটা ফেলিয়া রাখিয়া নন্দ সোজা হইয়া
বসিল । কিছুক্ষণ ভাবিয়া লইয়া সে বলিল, “অপযশ যে
কিনলে সে ত ঘরে নেই । তোর বোঝা ভারি হ'ল কিমে ?
অপরের কালি তোতে য়ে পৌছয় কি ক'রে ?”

“কি জানি, কি ক'রে পৌছয় বাবা !”

এই বলিয়া সে মাথা হেঁট করিয়া রহিল । তাহার চক্ষু
ছুটি দিয়া জল গড়াইয়া পড়িতে লাগিল ।

নন্দ চোখ রাস্তাইয়া মেয়ের দিকে তাকাইয়া রহিল ।
কিন্তু মেনকার শোকটা এ সময় তাহার মনের মতো
আগাগোড়া তোলপাড় করিয়া উঠিতে লাগিল । মেয়েটির
চোখের জলের উৎস-মুখ সেই-ই যে ভাল করিয়া হাতড়াইয়া
খুঁজিয়া পাইত । তাহাকে ভুলিল সে কিসের জোরে ?
নিড়েনটা সেইখানেই ফেলিয়া রাখিয়া ধূলিহস্তে সে দাওয়ার
উপর আসিয়া উঠিয়া বসিল । বলিল, “দেহটার মত

শ্রীঅরবিন্দ দত্ত

গরাণটাও যে শব্দ—মনে এ দেমাক আমার ছিল। সে ত মিথো হয়ে গেল। ঘরের আন্ধার তুই যদি মুখ ভারি ক'রে বড় ক'রে তুলবি, আমি দাঁড়াই কোনখানে?”

সৌরভি কোন কথা বলিল না। ঘরের মধ্যে উঠিয়া গেল। হাতের তালুতে কিছু নারিকেলের তৈল ঢালিয়া লইয়া মাথায় বসিতে বসিতে পুনর্বার সে বাহির হইয়া আসিল। এবং আলিসার উপর যে জলের কলস ছিল, তাহা হইতে জল গড়াইয়া লইয়া ঘটি দুই জল মাথায় ঢালিয়া সে বস্ত্র তাগ করিতে লাগিল।

নন্দ জিজ্ঞাসা করিল, “ঘাটে গেলিনে?”

সৌরভি সংক্ষেপে উত্তর করিল, “ঘাটের পাড়ে কাঁটা পড়েছে যে?”

এই বলিয়া চুলের ডগায় একটা গ্রন্থি বাঁধিয়া—চাঙারি বুনবার জন্ত যে চটা চাঁচা ছিল হাতে পায়ের তাগাই মড় মড় শব্দে সে ভাঙিতে লাগিল।

নন্দ কিছু বিস্মিত কিছু বিরক্ত হইয়া বলিল, “বুদ্ধি শুদ্ধি হারালি নাকি তুই? ও-গুলো দিয়ে চাঙারি বুনব যে!”

সৌরভি আপন মনে কাজ করিয়া যাইতে লাগিল। বলিয়া, “এখন চুলোয় ত দি। চাঙারি বোনার সময় হবে না। আর চাল চিড়ের মত পুঁটলি বেঁধে সঙ্গে নিয়েও যাওয়া যাবে না।”

নন্দ স্তব্ধ হইয়া বসিয়া ভাবিতে লাগিল। মেয়েটির এই অচিন্তিত আচরণ কি যেন একটা দুঃসহ লাঞ্ছনা ও অপমানের গ্লানি অঙ্গুলি সঙ্কেতে দেখাইয়া দিতেছে। একটা বৃহৎ আঘাতের গভীরতা নিঃসংশয়ে অনুভব করিয়া অকস্মাৎ সে অত্যন্ত উদ্ভিগ্ন হইয়া উঠিল। সৌরভি তখন ঘরে ঢুকিয়া উনুন ধরাইতেছে। নন্দ ধীরে ধীরে উঠিয়া আসিয়া—কবাট ধরিয়া জিজ্ঞাসা করিল, “তোকে কি কেউ কিছু বলেছে সৌরভি?”

সৌরভি তখন আপনাকে একটা সুনির্দিষ্ট সিদ্ধান্তের মধ্যে অনেকটা সম্বরণ করিয়া ফেলিয়াছে। পিতাকেও সে জানিত। তাই এ প্রসঙ্গ বাড়াইতে সে আর ইচ্ছুক হইল না। কড়ায় খানিকটা তেল ঢালিয়া তরকারি পত্র

নাড়া চাড়ার দ্বারা ‘ছাঁক’ ‘ছাঁক’ শব্দের মধ্যে আলোচনাটা তলাইয়া দিতে সে চেষ্টা করিল। শুধু বলিল, “রান্নাটা শেষ হ'তে দাও বাবা! এখনও কিছুমাত্র গুছিয়ে নিতে পারিনি।”

নন্দ বুঝিল, ইহার অধিক কিছু ইহার কাছে মিলবে না। কিছুক্ষণ মৌন হইয়া সেখানে দাঁড়াইয়া থাকিবার পর বাশের লাঠিখানা দ্বারের আড়াল হইতে সে টানিয়া লইল। বলিল, “তোরা বাবা গরীব, আর জেতে ছোট—তাই ঠাওর করেছিম্ বুঝি বড় লোকের ডরে তোরা অপমানটাও আমার কাছে ছোট? দাঁড়া, একবার পুকুর ঘাটটা ঘুরে আসি।”

এই বলিয়া নন্দ দ্রুতগতি বাহির হইয়া গেল। সৌরভি রান্না ফেলিয়া বাহিরে ছুটিয়া আসিল, এবং চীৎকার করিয়া ডাকিতে লাগিল। নন্দ সে কথায় কর্ণপাতও করিল না। সৌরভির বুকের মধ্যে টিপ্ টিপ্ করিতে লাগিল।

নন্দ ঘাটে আসিয়া দেখিল, ঘাটটি শূন্য—লোকজন নাই। সে একবার পাড়টা ঘুরিয়া আসিল। ইচ্ছা—কত্বে এই মনোভাবের যদি কিছু হেতু ধরিতে পারা যায়। সে একে স্পষ্টবাদী লোক, তাহাতে শক্তিও প্রচুর, লোকে তাহাকে ভয় করিয়া চলিত। গাঁয়ের অনেকেরই সঙ্গে দেখা হইল, কিন্তু কাহারও মুখে কোন কিছুই আভাস সে পাইল না।

বাড়ী ফিরিয়া দেখিল, সৌরভির রান্না হইয়া গিয়াছে, জিনিষ পত্র বাঁধা-ছাঁদা করিতেছে। ফিরিয়া পর্য্যন্তও অপেক্ষা করিয়া থাকা চলে নাই। ঝাঁকের মাথায় যে ইঞ্জিত সে তখন করিল, তাহার ভিতর এতটা দৃঢ়তাই ছিল। সৌরভির একান্ত পরিচিত অচঞ্চল আচরণের কথা ভাবিয়া নন্দর মনে তখন এই আতঙ্ক উঠিতে লাগিল যে, এই বাঁধা-ছাঁদার পর ইহাকে থামাইয়া দিতে কোন হিতোপদেশই কাজে লাগিবে না। কিন্তু গরুর গাড়ীতে জিনিষপত্র উঠিয়া গেলে সে যে কোন্ অজ্ঞাত স্থান নির্দেশ করিয়া গাড়ী হাঁকাইতে অনুমতি করিবে এই আশঙ্কায় নন্দ যেমন চঞ্চল হইল, ঘর ছাড়িবার সংকল্পে মেয়েটি সহসা কেন যে এমন দৃঢ় হইয়া উঠিল সে প্রশ্নটাও



তেমনি মনের মধ্যে বার বার ধাক্কা দিয়া তাহাকে উদ্বিগ্ন করিয়া তুলিতে লাগিল। সে ঘরে উঠিয়া সেই ইতস্তত-বিক্ষিপ্ত জিনিসপত্রের মাঝখানে আসন পাড়িয়া বসিয়া পাড়ল। বলিল, “কে তোকে কি বলেছে না বললে ত এক পাও নড়তে পারিনে আমি। কায়েত বামুন হোক আর জমিদার লোকই হোক, নামটা তুই বলে’ দে, তার মাংস চিরে নুন বসিয়ে দিয়ে আমি নড়ি।”

সৌরভির হাতের কাজ বন্ধ হইল না। একটা ছালার ভিতর হাতা বেড়ি, ছঁকা কলিকা, পানের সজ্জা, তেলের বোতল, দড়াদড়ি কত কি পুরিতে পুরিতে সে বলিল, “মনের মধ্যে রাত্তির দিন লড়াই করছ তুমি—আবার মাহুঘের সঙ্গেও লড়বে? একটু স্থখ শান্তি খোঁজা যে তার চেয়ে ঢের ভাল।”

নন্দ আর কোন কথা না বলিয়া সেইখানে বসিয়া বসিয়া সৌরভির কার্যকলাপ দেখিতে লাগিল। সৌরভি ছঁকা কলিকাটা আবার টানিয়া বাহির করিয়া তামাক সাজিয়া পিতার হস্তে দিল। তখনকার কাজ চলার মত কলার পাতা কাটিয়া রাখিয়া বাসন কোসনগুলি মাজিয়া ধসিয়া সে পরিষ্কার করিয়া রাখিয়াছিল। সেগুলি সেই বস্তুর মধ্যে পুরিয়া ফেলিল। তোরঙ্গটি ইতিপূর্বেই মাজান হইয়া গিয়াছিল।

ভিটার সঙ্গে মেয়েটি এই যে সর্বপ্রকার দাবী উঠাইয়া পইন্ডে ইহাতে সত্য সত্যই নন্দ একটা নিশ্বাস ছাড়িল। সে বলিল, “কিন্তু কোথায় যাবি ভেবে দেখেছিস্ ত?”

সৌরভি বলিল, “পিসিমার বাড়ী ছিল—জেঠাত বোনেরও বাড়ী ঘর ছিল, সে ত যাব না। সে গেলে ভাব্বার সময় অনেকটা লাগত; এ আর সে বাগাই নেই। খেয়ে দেয়ে গাড়ী একখানা তুমি ডেকে আন, বেলাবেলি যতটা পারি এগিয়ে নিই।”

নন্দ বলিল, “কোথায় গিয়ে খাম্বি তুই, যে গাড়ী চালাবে সে ত জানতে চাইবে। তা’কে কি বলে’ কাজে লাগাবি?”

সৌরভি বলিল, “অত ভাবতে গেলে এখানে ব’সে ব’সে লোকের ঝাঁটা লাধি খেতে হবে। গাড়ী তুমি আন,

চুক্তি পত্তর যা’ করতে হয় আমি করব—তোমার ভাবনা নেই।” এই বলিয়া সে খামিল। তারপর বলিল, “কিন্তু সব চেয়ে ভাল ছিল ছ’জনার মাথার ছটি পুঁটলি ছাড়া বাকি সব পুড়িয়ে বুড়িয়ে যাওয়া।”

নন্দ কিছুক্ষণ ভাবিল। তারপর বলিল,—“তোরঙ্গটা একবার খুলবি মা?”

সৌরভি তালাটা খুলিয়া দিল। মেনকার যে সকল পোষাকী কাপড় জামা পাটে পাটে গোছান ছিল, নন্দ সে সকল টানিয়া বাহির করিল, এবং এক জায়গায় স্তূপাকার করিয়া আগুন ধরাইয়া দিল।

সৌরভি ক্ষুব্ধ হইয়া বলিল,—“সত্যি সত্যি এঁকি করলে বাবা?”

নন্দ বলিল,—“এ ভালই হ’ল সৌরভি। এ সব তুই পরবিনে সে আমি জানি। আল্গা যদি হলি—বোঝা ভারি করিস্ কেনে?”

মায়ের এই সকল পরিত্যক্ত জিনিসপত্র গুছাইয়া তুলিতে তাহারও মনে ঘৃণা হইতেছিল। যে সকল বাহলা জিনিসপত্র সে ইতিপূর্বে গুছাইয়া লইয়াছিল, এখন তাহাও টানিয়া বাহির করিয়া সে ছুঁড়িয়া ফেলিয়া দিতে লাগিল, বিছানা ও জিনিস-পত্তর একটা ঘরে তালা-বন্ধ করিয়া রাখিল।

নন্দ ঝিম্ মারিয়া বসিয়া রহিল। পরে চারিদিকে চক্ষু ঘুরাইতে ঘুরাইতে সে বলিল, “কুমড়োর ডগাগুলো রেঁধে দিস্নি ভালই করেছিস্। ওর বিচিগুলো তোর হাতের পোতাও না—আমার হাতেরও না।”

সৌরভি বুঝিল, পিতার অন্তরের নিবিড় বাধা যাহা এতদিন শুধু অনুভব করিবার ছিল, এখন যেন তাহা রূপ ধরিয়া ধরিয়া পড়িতে আরম্ভ করিয়াছে।

নন্দ বসিয়া বসিয়া ভাবিতেছিল। বলিল, “দিনের বেলা ভিটে ছাড়বার উষ্মগ করলি, তাতে যত লজ্জা না—লোকের জিজ্ঞাসার উত্তর দিতে দিতে পরাণটা নাজেহাল হবে—আর লজ্জায় ম’রে যাব। রাতের বেলা গেলে হয় না?”

সৌরভি বলিল, “তাই যাব।”

৩

সৌরভি দেখিল, সংসারে তখনও কিছু জলের প্রয়োজন আছে। কলস ক'টি নাড়াচাড়া করিয়া দেখিল, এক ফোঁটা জলও নাই। তখন সন্ধ্যা হইয়াছে। অন্ধকারে গা ঢাকা দিয়া সে জল আনিতে চলিল। কিন্তু ঘাটের সিঁড়ির উপর পা দিতেই সে থমকাইয়া দাঁড়াইয়া গেল। দেখিল, কঙ্কাবতী জলে কটিদেশ পর্যন্ত ডুবাইয়া গাত্র মার্জনা করিতেছেন। সে আর তথায় না নামিয়া প্রাণাটায় কলস ডুবাইয়া জল পুরিতে লাগিল। কলসের বক বক শব্দে কঙ্কাবতী জিজ্ঞাসা করিলেন, “কে রে?”

অত্যন্ত সঙ্কোচের সহিত সে উত্তর করিল, “আমি সৌরভি।”

“রেতের বেলা ঘাটে এলি যে? দিনে সময় পাসনে? এই ডপ্‌ডপে বয়েস—ধনু সাহস তোর বাপের। একবার যা পেরেও হুঁস হয় না? সাঁঝ-সন্ধ্যা হাওয়া খেতে ছেলেগুলো সিঁড়ির উপর এসে বসে, দেখতে ভাল লাগে বুঝি?”

সৌরভি উত্তর করিল; বলিল, “আমার পিছু এমনি ক'রে লাগলেন, কিন্তু কি করেছি আমি আপনাদের? বয়েস ত আমার হাতে নয় যে, ঠেসেঠুসে ছোট ক'রে রাখব? আমার দেখতে ভাল লাগে কি যারা ঘাটে এসে বসে তাদের লাগে, বিচার ক'রে দেখলে ত পারেন।

কঙ্কাবতী চটিয়া গেলেন। সঙ্কোচে বলিলেন, “মুখের উপর ঠোঁট কাটিস্—আঃ! মলো! সাহস দেখ্। তবু যদি সতী মায়ের মেয়ে হতিস্!”

সৌরভির গা জ্বালা করিয়া উঠিল। বলিল, “অসতীর মেয়ে কিনা আপনি ভাল জানেন না। কিন্তু আপনাদের পাড়াতেই আমি বাস করি। এটা ভাল জানেন যে, আমার জন্মের গোড়ায় কোন কালি নেই। অকারণে বাধা আমাকে আর আমার বাবাকে আপনারা দিচ্ছেন, এম চেয়ে বড় পাপ সংসারে আর কিছু নেই।”

এই বলিয়া সে আর উত্তরের অপেক্ষা না করিয়া দ্রুত পদে চলিয়া গেল। গৃহ-ত্যাগের বিধি-ব্যবস্থা সে যে

পূর্বক্ষণে সারিয়া ফেলিতে পারিয়াছে ইহাতে সে মনে মনে আরাম বোধ করিতে লাগিল।

বাড়ী আসিয়া বাকী কাজগুলি সে সারিয়া সুরিয়া লইল। অবশেষে খাওয়া দাওয়া শেষ করিয়া ফেলিয়া বলিল, “এইবার ওঠ বাবা!”

সৌরভি লেখাপড়া জানে—তার ভিতরে বুদ্ধি আছে, যুক্তি আছে, বিচার আছে, এ কথা নন্দ বিশ্বাস করিত। মেয়ের গৌরবও সে করিত—তাহাকে ভালও বাসিত। সে যখন ‘গোঁ’ ধরিয়াছে তখন গৃহ-ত্যাগ তাহাকে করিতেই হইবে। কিন্তু সে যে হঠাৎ সমস্ত সুখ ও স্বার্থ স্বৈচ্ছায় কেন বিসর্জন দিতে বসিল—এ অজানিত পীড়ন বহন করা হুঃসহ। বাসনের ঝাঁকাটা ঠেস দিয়া অথর্বের মত সে সেখানে এলাইয়া পড়িয়াছিল। বলিল, “ঘর ছাড়তে পারলে আমিও বেঁচে যাই। কিন্তু এ নাগাত ত কথা পাড়িস নি—ঘাটে যাবার বেলাও কিছু বলিসনি—বেশ হাসি খুসিতেই গেলি। গাঁ-টা এখনও কিন্তু আমি জালিয়ে দিয়ে যেতে পারি।”

সৌরভির কাছে কোন উত্তর না পাইয়া সে বলিল, “তোরা ভবিষ্যৎটা আর দু'দিন ধরে ব'সে ভাবতেও ত দিলিনে।”

সৌরভি বলিল, “এখানে ব'সে ভাবতে লোকে ফুরসৎ দেবে না। তুমি উঠে এস বাবা!”

সৌরভি দিন দিন বাড়িয়া উঠিতেছে নন্দ দেখিত। কিন্তু তাহাকে পরের ঘরে দিতে হইবে মনে হইলেই প্রাণটা ছাঁৎ করিয়া উঠিত। হুঁএক জায়গায় সম্বন্ধ করিতে যাইয়া সামনা সামনি কিছু না গুলিলেও তাহার কানে যাহা পড়িয়াছে তাহার ভীষণতা কল্পনারও অগম্য। তাই বিষয়টা আর বেশীদূর অগ্রসর হয় নাই।

যাহা হউক নন্দ উঠিয়া দাঁড়াইল। বলিল, “কিন্তু একটা দ্বন্দ্ব ত মিটল না মা! এখনও বল্ তোরা গায়ে কেউ আঁচড় কেটেছে কিনা! যাবার আগে দেহটা তার টুকরো টুকরো ক'রে রেখে যাই!”

সবেগে মাথা নাড়া দিয়া সৌরভি বলিল, “সে মাথি কারু নেই বাবা, সে সব কিছু নয়। কিন্তু এ বাড়ীটা দুখে গেছে—এখানে বাস করলে মজল হবে না।”



নন্দ বাড়ীখানা একবার প্রদক্ষিণ করিয়া আসিল। তারপর বাসনের ঝাঁকাটা মাথায় তুলিয়া লইয়া বলিল, “তোরাঙ্গটা নিতে তোর কষ্ট হবে না?”

সৌরভি বলিল, “না ও হাল্কা আছে।”

তারপর পিতাপুলী নিঃশব্দ দ্রুতপদ-সঞ্চারে গভীর অন্ধকারে মিশিয়া গেল।

আকাশে তখন চাঁদ উঠিয়াছে। খণ্ড খণ্ড মেঘে কখনও ঢাকিতেছে—কখনও ছাড়িয়া দিতেছে। নানারূপ চিন্তাভারে ক্ষিপ্ত হইয়া, কখন বসিয়া—কখন চলিয়া—সমস্ত রাত্রিটা ইহার পথ চলিল।

সৌরভি বলিয়াছিল, লোকালয়ে থাকা হইবে না, কোন বন-জঙ্গলে যাইয়া বাস করিবে। ঘটিলও তাই। সকালে এক চলতি নৌকায় ইহার উঠিয়া পড়িল। নৌকারোহীরা সুন্দরবনে কাঠ কাটিতে যাইতেছিল।

ইহার যে স্থানটায় নামিল, সেখানে গভীর জঙ্গল। সুন্দরবনের অংশ-বিশেষ। নিকটে বন-বিভাগের একটা অফিস। নদীর পরপারে লোকালয়।

বনের মধ্যে পৌটলা-পুঁটলি খুলিয়া সৌরভি যাহা রাখিল, নন্দর কাছে তাহা উপাদেয় ঠেকিল। উপরে গাছের শাখা-প্রশাখা পাতায় পাতায় মিশানো। নীচে ঝাঁট পাট দিয়া পিতাকে সে কঞ্চল বিছাইয়া দিল। ছোট ছোট চারাগাছের ডগায় কাপড়-চোপড়, তৈজস-পত্র ঝুলিতেছে—শৃঙ্খলাবদ্ধ। নিকটেই রান্নার স্থান—পরিপাটি। নদী বেশী দূরে নয়। বাসনগুলি নদীর ঘাটে লইয়া মাজিয়া ঘসিয়া সে ঝকঝকে করিয়া আনিয়াছে, এবং সেগুলি সাজাইয়া রাখিবার জন্তে ইতিমধ্যে একখানা মাচাও প্রস্তুত করিয়া ফেলিয়াছে। এইরূপে আকাশের তলদেশে মুক্তির হাওয়ার মধ্যে তাহাদের সংসার চলিতে লাগিল।

বন-ক্লেশের এই দুঃখটুকু তাহারই হাতের এবং অকারণে দেওয়া—পাছে পিতার প্রাণে এই আঘাত বাজে—এই ব্যস্ততায় তাহার হাতের জোর যেন চতুর্ভুজ বাড়িয়া

গিয়াছে। সে একা হাতেই এই নির্জন দেশে সরস গৃহস্থানা পাতাইয়া ফেলিল।

খাওয়া দাওয়ার পর একদিন সে পিতার শয্যাপাশে উপবেশন করিয়া কহিল, “বাঘ ভালুক বনের পশু এখানে যে রয়েছে—সত্যি কথা, কিন্তু মানুষের মত তত বড় হিংসে এদের নেই। তোমার মনে এখনও কি দুঃখ আছে বাবা?”

“না মা, দুঃখ আর কিছুই নেই।”

কিন্তু একথা ঠিক সত্য নহে। নন্দর হৃদয়ের নিরুদ্ধ বেদনা—মেনকার তপ্ত-স্মৃতি—ভিতরে ভিতরে যে কাঁপিয়া উঠিতেছিল, সৌরভির স্মৃষ্টি হস্তের সেবা-যত্নে হয়ত তাহা ঢাকা পড়িতে পারিত কিন্তু মেয়েটির রূপ ও যৌবন যে দিন দিন বাড়িতেছে, এ যৌবনের গতি কি হইবে—এ প্রশ্নের কোন উত্তরই তাহার মাথায় আসিত না। সৌরভির শুপ-চোখের জমাট-অশ্রু চোখে দেখা যাইত না, কিন্তু নন্দ জানিত কোথায় কি সঞ্চিত আছে! কাহাকেও ছোট করিয়া রাখিতে দিবারাত্রি চব্বিশটি ঘণ্টা কাহারও পক্ষে অচল কাহারও পক্ষে সচল হইয়া ত চলে না? সে মিনিটে মিনিটে,সেকেণ্ডে সেকেণ্ডে প্রত্যেকেরই আয়ুষ্কাল সমানভাবে চিহ্নিত করিয়া যাইতেছে। ভাবিতে ভাবিতে নন্দ পলে পলে নিজেকে হত্যা করিয়া চলিল।

সংসারে তখন অন্ত কোন কষ্ট নাই। একটু দূরে যে ছাড়ের অফিস ছিল তাহার বড় বাবুটি বুদ্ধ এবং ধর্মভীরু। নন্দ তাঁহার সহিত সাক্ষাৎ করিয়া কাঠ কাটিবার জন্ত কিছু জঙ্গল সুবিধাজনক সর্ভে বন্দোবস্ত করিয়া লইয়াছিল। জমি হইতে কাঠ কাটাইয়া নদীর ধারে সে জড় করিয়া রাখিত। কাঠ-বাবসায়ীরা আসিয়া মূল্য দিয়া লইয়া যাইত।

এদিকে অবসর সময়ে পিতার সাহায্যে সৌরভি একখানা বড় ও একখানা ছোট ঘর ও সেই সঙ্গে চেকি ও গোয়াল ঘর প্রস্তুত করিয়া লেপিয়া পুঁছিয়া তক্তকে বরঝরে করিয়া ফেলিল। সমস্ত বাড়ীটা ডালপালার দ্বারা পাঁচিলে ঘেরা। পাঁচিলের গা ঘেঁসিয়া গাঁদাফুলের শ্রেণী। নদী পর্যন্ত পরিচ্ছন্ন ও বিস্তৃত রাস্তা। ছ’টি ছুঙ্কবতী গাভী, কয়েকটা ছাগল, একটি টিয়া পাখী, একটি ময়না।



“ঐ আসে ঐ”

শ্রীযুক্ত অজিত ঘোষ মহাশয়ের প্রাচীন
চিত্র-সংগ্রহ হইতে

মাঘ, ১৩৩৫

শ্রীঅরবিন্দ দত্ত

কিন্তু এত উদ্যোগ আয়োজন করিয়াও পিতাকে সে ধরিয়া রাখিতে পারিল না। নন্দ দুর্ভাবনায় দিন দিন শীর্ণ হইয়া অবশেষে একদিন পীড়িত হইয়া পড়িল। সৌরভি চোখে অন্ধকার দেখিল।

নন্দর রোগ ক্রমেই বাড়িয়া চলিল। কখন চেতনা থাকে—কখন থাকে না—এই রকম অবস্থা। পিতার কাপড় চোপড় এবং বিছানার ওয়াড়গুলি পরিষ্কার পরিচ্ছন্ন করিয়া দিবার জন্য আগের দিন রাত্রে সৌরভি সে সকল ক্ষুদ্রে সিদ্ধ করিয়া রাখিয়াছিল। সকালে বেশ এক পশলা বৃষ্টি হইয়া গেল। তখন বৃষ্টি ছিল না। গাছের পাতার সঞ্চিত জল টিপ্ টিপ্ করিয়া বরিয়া পড়িতেছিল। পিতাকে পথা দিয়া সিদ্ধ কাপড়ের চূপড়িটি লইয়া সে ঘাটে আসিল। পাটে মাড়ড়াইয়া কাপড়গুলি কাচিয়া শেষ করিয়া সে দম লইতেছে এমন সময় দেখিল একখানা পানসী নৌকা কূল ধরিয়া আসিতেছে। আরও দেখিল, ছাপ্পরের উপর একটি বৃক তাহার উপর দৃষ্টি প্রথর করিয়া রাখিয়াছে। সে চক্ষু নত করিল।

নৌকাখানা কাছে আসিতে বৃকটি জিজ্ঞাসা করিল, “সৌরভি না?”

সৌরভি এক নজর চাহিয়া দেখিল, তাহাদেরই গাঁয়ের জমিদার পুত্র কুমুদরঞ্জন।

কুমুদ বলিল, “হঠাৎ তোমাদের কি হ’ল বল দেখি? কেউ জানলে না—শুনলে না—এখানে কোথায় এসেছ?”

সৌরভি তেমনি মুখ নীচু করিয়া জবাব দিল, “এই ভঙ্গলে এসে বাসা বেঁধেছি।”

কুমুদ বলিল, “এত ঠাই থাকতে বাঘ-ভালুকের দেশের উপর মায়ী হ’ল—হেতু?”

সৌরভি তেমনি নতমুখে জবাব দিল, “মাগুষের দেশকে আরো ভয় হ’ল ব’লে।”

যদিও এ মেয়েটির মুখে এরূপ জবাব এই নূতন নহে, তবুও অনেকদিনকার অসাক্ষাতের পর এই কথার ভিতরে তত অধিক ভৎসনা ছিল যে কুমুদ লজ্জায় কিছুক্ষণ নিরুত্তর হইয়া রহিল। তারপর জিজ্ঞাসা করিল, “নন্দ কোথায়? কখন আসে?”

সৌরভি বলিল, “বাড়ীতে। বড় অসুখ তাঁর।”

“কি অসুখ!”

“অর, ফাশী—বাহিরে ত এগুলি আছে। ভিতরে আরও কত কি—আমি সব জানিনে।”

মাঝিদের নোঙর করিতে বলিয়া কুমুদ নামিয়া পড়িল। বলিল, “কাপড় কাচা হ’য়ে গেছে তোমার? কোথায় বাসা বেঁধেছ চল, নন্দকে একবার দেখে আসি।”

এত বড় ভঃসময়ে নিঃসঙ্গ অবস্থায় ইহার আগেকার আচরণে মনের সঞ্চিত ঘণার অবশেষ ছাপাইয়া এই একটুখানি স্নেহের স্পর্শে সৌরভির চোখের পাতাগুলি তখন ভিজিয়া উঠিয়াছে।

সে বলিল, “একটু দাঁড়ান আপনি—কাপড়গুলো ধুয়ে নি।”

এই বলিয়া সে হাঁটু জলে নামিয়া বস্ত্রগুলি জলের উপর নাড়াচাড়া করিয়া ধুইতে প্রবৃত্ত হইল। কুমুদ তদবসরে পিছন দিক হইতে সেই পুষ্পিত পল্লবিত দেহের রূপ-যৌবন দুটি চোখে শুধিয়া লইতে লাগিল।

অঙ্গনে পা দিতেই বাড়ীখানার পারিপাটা দেখিয়া কুমুদ মুগ্ধ হইল। সমস্ত গৃহের রচনা-কুশলতায় চেহারা ফিরাইতে যে দুখানা নিপুণ হস্ত কাজ করিয়াছে, সে ত ইহার নেপা-পৌছা এবং শৃঙ্খলার মধ্যে প্রতি অঙ্গের ধরা দিতেছে।

কুমুদ দেখিল, ঘরের বেড়াগুলি মাটির প্রলেপে দেওয়ালের মত করা হইয়াছে। উপরে খড়ের পরিচ্ছন্ন ছাউনি। পাঁচিলও মাটি দিয়া লেপা। দুইদিকে খড়ের ছোট চালা। অঙ্গনটি পরিচ্ছন্ন। পার্শ্বে একদিকে একটা তুলসী গাছ—পিড়ি গাথা। চারিদিকে গাঁদা ও তুমুগী ফুলের শ্রেণী। ঘরের মধ্যে আলমারী, কুলুঙ্গি, তাক সমস্তই মাটির। টেকি ঘর, রান্না ঘর, গোয়াল ঘর সমস্তই পরিষ্কার পরিচ্ছন্ন। কুমুদ অবাক হইয়া গেল। সঙ্গে সঙ্গে তাহার লালসার মাত্রাও বাড়িয়া উঠিল।

ঘরের ভিতরে নন্দর রোগশয্যা, পার্শ্বে সৌরভি তাহাকে বসিতে আসন দিল। নন্দর তখন জ্ঞান ছিল না।



কুমুদের কাছে অবস্থাটা ভালবোধ হইল না।
করিল, “ওষুধ-পত্রের ব্যবস্থা কিছু কর নি?”

সৌরভি বলিল, “বন বাদাড়ে ডাক্তার বন্দি ত নেই।
এখানে জঙ্গলের এক আফিস আছে। কাল গিয়ে বড়
বাবুর পা জড়িয়ে ধরি। তিনি পাইক দিয়ে চারক্রোশ
দরের এক ডাক্তারখানা থেকে আট দাগ ওষুধ আনিয়ে
দেন। তাই খাওয়াচ্ছি।”

এই বলিয়া ঔষধের শিশিটা সে উঁচু করিয়া
ধরিয়া দেখাইল।

কুমুদ বলিল, “না দেখে শুনে ঢিল ছুঁড়লে কি
রোগের গায়ে লাগে? এখন ত ভাঁটা। জোয়ারের সময়
নৌকা ছেড়ে দিয়ে ডাক্তারকে আমি সঙ্গে ক’রে আনবখন।
তুমি কিছু ভেবো না।”

আরও কিছুকাল থাকিয়া সৌরভিকে সাহস সাহসনা
দিয়া কুমুদ খাওয়া দাওয়া করিতে নৌকায় চলিয়া গেল।

সৌরভির দেহের উপর যে একটা দুস্কার লোভ
কুমুদের অন্তরে দেহের উপর দল মেলিতেছিল, তাহা
সুপরিপুষ্ট হইল সেদিন—যেদিন ত্রুণের ভার মাথায়
লইয়া সৌরভি দেশত্যাগী হইল।

অধীর হইয়া কুমুদ চতুর্দিকে খোঁজ করিতে
লাগিল। অবশেষে সে এক কাষ্ঠ-বাবসায়ীর নিকটে
থবর পাইল যে, তাহাদেরই নৌকায় চড়িয়া
ইহার স্নন্দরবনের এক গভীর জঙ্গলে নামিয়া পড়িয়াছে।
সে একথা কাটারও নিকট প্রকাশ করিল না। শিকারের
উপলক্ষ করিয়া একদিন নৌকাযোগে বাহির হইয়া পড়িল।
বিশেষ খোঁজ করিতে হইল না, পথ চলিতে চলিতে নদীর
ধারেই সৌরভির সাক্ষাৎ মিলিয়া গেল।

কুমুদ সবে মাত্র খাওয়া শেষ করিয়া উঠিয়াছে, এমন
সময় সৌরভি উঁকখাসে ছুটিতে ছুটিতে আসিয়া বালুর
চড়ার উপর দাঁড়াইল।

কুমুদ তাড়াতাড়ি মুখহাত ধুইয়া ডাঙায় নামিয়া আসিল।
জিজ্ঞাসা করিল, “কি হয়েছে সৌরভ?”

সৌরভি বলিল, “আপনি একবার আসুন। বাবা
কেমন করছে, দেখবেন।”

তাহারা উভয়ে আসিয়া দেখিল—নন্দর জীবন-দীপ নিকা-
পিত হইয়া গেছে।

সৌরভি ‘বাবা!’ ‘বাবা!’ বলিয়া কিছুক্ষণ সেই
মৃতদেহের উপরে বিলুপ্তিত হইল, তারপর স্থির হইয়া উঠিয়া
বসিল।

হাঁটুর উপর মুখ রাখিয়া পিতার রক্তলেশহীন বিবর্ণ
মুখের দিকে তাকাইতেই তাহার চক্ষু দুটি হইতে পুনবার
অশ্রুধারা গড়াইয়া পড়িতে লাগিল।

কুমুদ কি সাহসনা দিবে বুঝিয়া পাইল না। নিশ্চল
হইয়া বসিয়া রহিল।

সৌরভি কিন্তু উঠিয়া গেল। যে ওয়াড়গুলি সে কাচিয়া
কুচিয়া শুকাইতে দিয়াছিল তাহা আনিয়া তোষক ও বালিসে
পরাইল, এবং একটা মাত্র টানিয়া লইয়া পরিচ্ছন্ন শয্যা
রচনা করিল। ইচ্ছা—পিতাকে তাহাতে শয়ন করাইয়া
শ্মশানে লইয়া যায়। কিন্তু তাহারা জাতিতে ডোম—কুমুদ
ব্রাহ্মণ, সে কি মৃতদেহ স্পর্শ করিবে।

তাহার চঞ্চলভাব লক্ষ্য করিয়া কুমুদ তাড়াতাড়ি উঠিয়া
যাইয়া নন্দর প্রাণশূন্য দেহ স্পর্শ করিল এবং সৌরভির রচিত
শয্যার উপর শবদেহ তুলিয়া লইয়া হাত-পাগুলি সুবিশুদ্ধ
করিয়া দিতে লাগিল।

সৌরভি আর কোন প্রশ্ন করিল না। অন্তরের সমস্ত
কৃতজ্ঞতা দুই হাতে টানিয়া লইয়া কুমুদকে সে নমস্কার করিল।

কুমুদ সেই অবধি বাড়ী যায় নাই। নৌকায় রাখিয়া
বাড়িয়া খায়, আর সৌরভির তত্ত্ব তল্লাস লয়। কাল সে
বলিতেছিল,—নৌকা সে ছাড়িয়া দিয়াছে, নদীর পরপারে
একটা বাসা লইয়া সে-অবস্থিতি করিতেছে। ইহারই বা
সুদীর্ঘকাল ঘর-দ্বার ছাড়িয়া পড়িয়া থাকিবার হেতু কি?
অযাচিত দয়ার দ্বারা এই যে একান্ত অহেতুক লীলা না জানি
সতর্কতার মাঝখানেও ইহার পরিসমাপ্তিটা কি আকারে
ঘটিবে? উদ্বেগে ও আশঙ্কায় সৌরভির অন্তরটি পরিপূর্ণ
হইয়া রহিল।

একদিন সকালবেলা নন্দর স্ববৃহৎ কুঠারখানা হাতে পায় কোমরে কাপড় জড়াইয়া সৌরভি কাঠ কাটিতে প্রবৃত্ত হইয়াছিল। দূর হইতে কুমুদকে আসিতে দেখিয়া সে আড়াতাড়ি ছুটিয়া আসিয়া ঘরের মধ্যে ঢুকিয়া পানের বাটা লইয়া বসিল।

কুমুদ ঘরে ঢুকিয়া একখানা আসন টানিয়া লইয়া বসিয়া পড়িল। আশ্চর্য হইয়া সে জিজ্ঞাসা করিল, “এত ঘেমেছ কেন?”

সৌরভি মুখ নীচু করিয়া উত্তর করিল, “কাঠ কাটছিলাম।”

“কাঠ কাটতে এত ঘেমে গেলে? রান্নার কাঠ নেই বুঝি? সে ত শুকনো ডালপালা কুড়িয়ে নিলেও চলে। আমাকে বলনি কেন? যোগাড় ক’রে দিয়ে যেতুম।”

জমিদার পুত্র সে। এতটা অনুগ্রহ একটা অস্পৃশ্য ডোমের মেয়ের জন্ত সৌরভির ভাল ঠেকিল না। মনের ভিতর যেন খচ্ খচ্ করিয়া সূচ বিধিতে লাগিল। তথাপি সে হাসিতে হাসিতে কহিল, জালানি কাঠ নয়।”

“তবে?”

“বাবা যে মহাজনদের কাঠ দিত, তারা কাল এসেছিল। যতটা পারি কেটেকুটে দিতে হবে তাদের।

কুমুদ বাগ্র হইয়া কহিল, “কতটা আর পার তুমি? ঐ সব মোটা মোটা কাঠ নিজের হাতে কেটে ব্যবসা চালান কি তোমার কাজ?”

সৌরভি কহিল, “যা পারি, একটা পেট চ’লে যাবে।”

কুমুদ খপ্ করিয়া বলিয়া বসিল, “কিন্তু আমি তা’ চলেতে দেব না সৌরভ!”

মস্ত পড়িয়া কে যেন বাণ ছুঁড়িল। সৌরভির সর্বাঙ্গ বিবর্ণ হইয়া মুখখানা নীচু হইয়া পড়িল। জিজ্ঞাসা করিল, “কেন?”

এই একটি কথার প্রশ্নের কুমুদ হঠাৎ জবাব দিতে পারিল না। সে বিহ্বলভাবে সৌরভির দিকে তাকাইয়া বসিল।

অধীরভাবে সৌরভি বলিল, “বলুন না, কেন?”

শঙ্কাকুল চিত্তে জড়সড় হইয়া কুমুদ কহিল, “অনেক দিনই বলেছি সৌরভ! এমন অনেক কথা আছে, যা’ কেবল চোখ দিয়েই লোকে বলে আর শোনে।”

যে কথার আভাস সে মুখ দিয়া প্রকারান্তরে ব্যক্ত করিল, তাহা একান্ত অপ্রত্যাশিত না হইলেও ইহার পশ্চাতে আশঙ্কার তীক্ষ্ণ কাঁটা ঘর-দ্বার এবং চলা-ফেরার পথটিতে পর্যাস্ত উত্তত হইয়া আছে সৌরভ তাহা দেখিতে পাইল। হৃদ্বিনের সুযোগে অস্পৃশ্য লোকের মৃত দেহ ছোঁয়া, সংকার করা—হৃদ্বলা নারীর শ্রমের কুঠার চাপিয়া ধরা, কথায় কথায় সৌরভির দুঃখ-কষ্টলাঘবের জন্ত উৎসুক্য প্রকাশ করা—সমস্ত সহৃদয়তার আবরণ খসিয়া গিয়া অভিসন্ধির মূর্তি প্রকাশিত হইয়া পড়িল।

পানের বাটাটা দূরে ঠেলা মারিয়া ছিটকাইয়া ফেলিয়া দিয়া সে উঠিয়া দাঁড়াইল। “ওঃ! এত বড় লোভ!” এই বলিয়া খুঁট গুঁজিতে গুঁজিতে ক্রুদ্ধ সর্পের মত ঘাড় বাকাইয়া ঘর হইতে সে বাহির হইয়া গেল।

কুমুদ বিমর্ষ বিরস মুখে কিছুক্ষণ বসিয়া থাকিয়া চলিয়া গেল।

দিন পাঁচেক পরে সে আবার আসিল। একান্ত নিরাশ্রয় সৌরভি—এই ভাবিয়া এই পাঁচ দিনে বোধ করি তাহার অন্তরে কিছু সাহসের সঞ্চার হইয়া থাকিবে। সৌরভিও এই সময়ের মধ্যে নিজকে কতকটা শাস্ত করিয়া লইয়াছে।

কুমুদকে অঙ্গনে দেখিয়া সে ঘর হইতে একখানা আসন দাওয়ার উপর ফেলিয়া দিল। ঘরের মধ্যে আড়ালে থাকিয়াই সে বলিতে লাগিল, “একটা কথা জিজ্ঞাস করি। চোখ দিয়ে কথা বলার যে কথা সেদিন বলছিলেন সে কী ভাষা? সে কি সর্বত্রই চলে? না, শুধু এই ডোমের মেয়ের কাছেই চলে? সে দিন সে ভাষায় ত মনের কথা কতকটা ব’লে গেছিলেন, আজ আবার কি বলতে এসেছেন?”

মানুষ যখন নিয়গামী হয় তখন তাহার অপমান পরিপাক করিবার শক্তিও বাড়িয়া যায়, তাই কুমুদ নিলজ্জের মত সেই অনাদরের আসনখানার উপরই বসিয়া পড়িয়া বলিল, “তুমি ত নিরাশ্রয় হ’য়ে পড়েছ। তোমার একটুখানি সুখ সুবিধে—”



মুপের কথা কাড়িয়া লইয়া সৌরভি বলিল, “সে দেখবার কোন অধিকারই ত নেই আপনার। এতদিন যা দেখেছিলেন সেটুকু পাওয়াও আমার উচিত হয় নি। তখন ত জানি নি, দেবতার খোলসে দানব ব’সে রয়েছে! সে জানলে বাবার সংকলের সময়ের সাহায্যটুকুও আমি নিতাম না।”

সৌরভির চক্ষু দুটি দিয়া যে নিঃশব্দে অগ্নিবর্ষণ হইতেছে কুমুদ তাহা দেখিতে পাইল না। কিছুক্ষণ জড়পিণ্ডের মত বসিয়া থাকিয়া একটা কিছু শেষ করিবার অভিপ্রায়ে প্রবল উত্তেজনা বশে হঠাৎ সে ঘরের মধ্যে ঢুকিয়া পড়িল। ডাকিল, “সৌরভ!”

সৌরভির কান জ্বালা করিয়া উঠিল। সে আর কাল বিলম্ব না করিয়া ঘর ছাড়িয়া ছুটিয়া বাহিরে চলিয়া গেল।

বিস্ময়ে ও লজ্জায় হতবুদ্ধি হইয়া কুমুদ কিছুক্ষণ বসিয়া রহিল। তারপর ধীরে ধীরে সে উঠিয়া চলিয়া গেল। ইহার পর সে বহুদিন আর আসিল না। সৌরভীও হাঁপ ছাড়িয়া বাটিল।

কিন্তু এই অশান্তির যবনিকাশাত এইখানেই হইল না। বাড়ী ঘর ঘুরিয়া কিছুকাল পরে কুমুদ হঠাৎ আবার একদিন ধূমকেতুর মত আসিয়া উপস্থিত হইল। সৌরভি তাহাকে দেখিয়া ঘরের মধ্যে ঢুকিয়া পড়িল ও কবাট বন্ধ করিল।

কুমুদ বলিল, “মানুষ দেখে—সে যে রকমেরই হোক, কবাট বন্ধ করা উচিত হয় না সৌরভ?”

সৌরভি ঘরের মধ্যে হইতে জবাব দিল, “খুবই অশুচিত। কিন্তু সে দিনকার ব্যবহারে প্রমাণ হ’য়ে গেছে যে, আপনার সাহস আছে—আর—আমারও সাবধান হবার দরকার আছে।” কিছুক্ষণ পরে সে বলিল, “কিন্তু এই কবাটটাই হুজুরের মধ্যে বেড়া দেবার প্রধান অস্ত্র করেছি—ততটা দুর্বল আমি নই। আমি ত আমার কবাটের বল জানি; তার চেয়ে আপনার লাথির জোর বেশী।” এই বলিয়া সে দরজা খুলিয়া, বাহির হইয়া আসিল; বলিল, “আপনার সবটুকু বলের পরীক্ষা আজ শেষ ক’রে ফেলুন। আপনার সঙ্গে অকারণ কথা কাটাকাটি করতে আর আমি পারি নে!”

তার চক্ষু দুটি তখন স্থির—অচঞ্চল—কিন্তু জল ধরিতেছে। ইহার প্রতি বিন্দুটির কি ভয়ঙ্কর শক্তি! কুমুদ

চোখে অন্ধকার দেখিল। সেদিন কথার কোনো শেষ হইল না—কুমুদ চলিয়া গেল।

ইহার পর সে প্রতিদিনই আসিতে লাগিল, কিন্তু কথার সুর বদলাইয়া ফেলিল। দেশ ভুঁই বাড়ী-ঘর থাকিতে এই বন-বাদাড়ে একলাটি পড়িয়া থাকা সৌরভির কোন মতেই কর্তব্য হয় না, এই রকমে দেশে লইয়া-যাইবার জগ্গ তাহাকে সে পৌড়াপৌড়ি করিতে লাগিল।

এই হিতৈষণার মূলগত কারণ বিশেষ ত্রুর্কোষ না হইলেও কি ভাবিয়া একদিন সৌরভি সহসা রাজী হইল। বলিল, “আচ্ছা! কিন্তু এক নোকায়?”

কুমুদ বলিল, “নোকোর ত অভাব হয়নি। যদি বল, জু’থানাই করা যেতে পারে।”

সৌরভি বলিল, “আপনি জমিদার লোক, ভাড়াটা হয়ত নিজেই দিতে চাইবেন। কিন্তু সে অল্প-স্বল্প টাকা আমারও আছে।”

তারপর গরু দুটি বিক্রয় করিয়া স্বতন্ত্র নোকায় কুমুদের নোকায় পাশাপাশি হইয়া দেশে চলিয়া আসিল।

সে নিজের বাড়ীতে বাইয়াই উঠিল, কিন্তু আত্ম-বিস্ময় হইল না। এখানে নির্ভয়ে বাস করিতে পারিবে কিনা বুঝিয়া দেখিতে সে আর তিলাঙ্ক শৈথিল্য করিল না। পরদিন প্রভাতেই কুমুদের বাড়ীতে আসিয়া উপস্থিত হইল।

কুমুদ তখন রকের উপর বসিয়া হাত মুখ ধুইতেছে। কঙ্কাবতী পুত্রের নিকটে শিকারের গল্প শুনিতেছেন। সৌরভিকে দেখিয়া তাঁহার চোখের পলক থামিয়া গেল। বলিলেন, “সৌরভি যে! কোথায় ছিলি এতদিন? কখনএলি?”

সৌরভি হাসিমুখে কহিল, “আপনার ছেলের সঙ্গেই ত এলাম ঠাকুরমা!”

কঙ্কাবতী পুত্রের দিকে তীক্ষ্ণ দৃষ্টিতে চাহিলেন। কুমুদের মুখখানা তখন ভারি হইয়া মাটির দিকে বুঁকিয়া পড়িয়াছে।

কঙ্কাবতী রোষদীপ্ত কটাক্ষে বলিলেন, “তুই বললি না কুমুদ! শিকারে গিয়েছিলি?”

ইহার উত্তর সৌরভিই দিল। বলিল, “শিকার উনি অনেক রকমের করেন। পুকুর ঘাটে মাছও ধরেন, আবার

শ্রীলীলা দেবী

সাঁদর বনে বাঘও মারেন।” একটু চুপ করিয়া থাকিয়া বলিল, “পাছে আপনার কচি ছেলেটির মাথা চিবিয়ে খাই, সেই ভয়ে আমি নিজেই ত উষ্মগী হয়ে জঙ্গলে চলে গেলাম। কিন্তু আপনি কি ক’রে আমার মাথাটা চিবুতে সেই ছেলেকে জঙ্গল পর্য্যন্ত ধাওয়া ক’রে পাঠালেন?”

সৌরভির মনে যে কথা উঠে—তাহা যত রুচই হউক না কেন, বাহিরে প্রকাশ করিতে পারিলে সে যেন খালাস পায়। কঙ্কাবতীর ক্রোধোদ্বীপ্তমুখ এবং কুমুদের অগ্নিবর্ষী চক্ষু দেখিয়াও সে হটিল না। বলিল, “কিন্তু আপনার ভয়ের কারণ নেই। অনেক দুঃখে অনেক কষ্টে ভালয় ভালয় আপনার ছেলেটিকে ফিরিয়ে এনেছি—তার মাথা চিবিয়ে

খাইনি; কিন্তু তিনি যাতে আমার মাথা চিবিয়ে না খান তার ব্যবস্থা আপনাকে করতে হ’বে ঠাকুরমা!”

কঙ্কাবতীর মুখ দিয়া কোনো কথা বাহির হইল না, ক্রোধে অধর দংশন করিয়া কাঁপিতে লাগিলেন।

সৌরভি কহিল, “সমাজ হিসাবে আপনি আমার একজাতি না হ’লেও মেয়ে হিসাবে আমরা একজাতি। তাই আপনার সঙ্গে একটা বোঝা পড়া করতে এসেছি। আপনি যদি নিজের ছেলেকে না সামলান, তা হ’লে আমিও পরের ছেলেকে আর সামলাব না, এই আপনাকে বলে গেলুম।” বলিয়া আর উত্তরের জন্ত অপেক্ষা না করিয়া সৌরভি দৃঢ়পদে প্রস্থান করিল।

হাস্য-হানা

শ্রীলীলা দেবী

হাস্য-হানা! হাস্য-হানা!

ছোট্ট সাদা সবুজ দানা!

ঝাড়ের বাহার দোলায় হাওয়া

গন্ধে তাহার স্বপ্ন-পাওয়া!

কার পরাণের মূর্তি তুমি?

জাপান না সে স্বর্গভূমি?

হাস্য-হানা! হাস্য-হানা!

রূপের পরী জিন্মা বাহু

তোমায় নিয়ে সাজায় চুলে,

নৃত্য তোমার উঠছে হুলে

রঙ্গভূমি শাখার বুকে

মৌমাছিদের ওড়ার স্মৃথে!

হাস্য-হানা! হাস্য-হানা!

কোমল মিঠে ও-মুখখানা!

গন্ধে তোমার চাঁদের আলো

বল না আমায় বাসবে ভালো?

দাও না আমায় একটি চুমি,

মিষ্টি তুমি! মিষ্টি তুমি!


বুড়াপেষ্টি

শ্রীমনীন্দ্রলাল বসু

বন্ধুবরেষু,

তুমি লিখেছিলে, বুড়াপেষ্টি যদি যাই, তার একটা বিবরণ তোমার চাই-ই। ইয়োরোপের অল্প সব বড় সহরের চেয়ে বুড়াপেষ্টি সম্বন্ধে তোমার ঔৎসুক্যের কারণটা আমি বেশ বুঝতে পারছি। বুড়াপেষ্টি আমাদের অজানা, ওখানে ভারতীয় ভ্রমণকারীরা খুব কমই যায়; কিন্তু সেজন্তে নয়, মাজ্যার (Magyar) জাতির সভ্যতার কেন্দ্রটি দেখবার জন্তেই বুড়াপেষ্টি গেছলুম। ভিয়েনা পর্য্যন্ত এসে বুড়াপেষ্টি দেখবার

দেখতে পেলুম না; বস্তুতঃ পারি, বার্লিন, ভিয়েনার মতই বুড়াপেষ্টি ইয়োরোপের একটা আধুনিক সহর, বুড়াপেষ্টি নেমে মনে হ'ল এ ভিয়েনারই একটা ছোট সংস্করণ, তেমনি রিং স্ট্রাসে, তেমনি উনবিংশতাব্দীর স্থাপত্যময় বাড়ীর সারি, তেমনি কাচের সারি, তেমনি ছাটকোট-পরা নরনারীর জনস্রোত; বুড়াপেষ্টির প্রধান রাস্তা 'আন্ড্রাসি উট'এর সহিত পারি যে কোন বুলেভারের তুলনা দেওয়া চলে; আন্ড্রাসি স্ট্রীটের অপেরার বাড়ীটি দেখে মনে হ'ল এ ঠিক ভিয়েনার অপেরা হাউস।



বুড়াপেষ্টির অপেরা-হাউস

লোভ সামলাতে পারলুম না, ভিয়েনা থেকে বুড়াপেষ্টি ট্রেনে প্রায় পাঁচ ঘণ্টা।

ভিয়েনাতে সবাই বলে, বুড়াপেষ্টি সহর খুব সুন্দর। কিন্তু বুড়াপেষ্টি এসে কিছু নিরাশ হলুম, সহরটি সুন্দর বটে কিন্তু আমি ভেবেছিলুম পূর্ব ও পশ্চিমের সংঘাত ও সশ্রমলনের একটা বিশেষত্ব ওখানে দেখব, তা সহরের চেহারাতে কিছু

বিকেলবেলা ট্রেন থেকে নেমে সহরটা তেমন মনে ধরল না বটে, কিন্তু সকালে যখন ডানিউব-নদীর ওপর ম্যারগারেট-সেতুতে দাঁড়িয়ে ডানদিকে ছোট গিরিমালা ওপর থাকে পাকে সাজানো বাড়ী, গির্জা রাজপ্রাসাদ মণ্ডিত বুড়া সহরের দিকে চাইলুম. আর বামদিকে ক্লেটি-হোটেল দোকানের-সারি-পার্লমেন্ট শোভিত সমতল পেষ্টি সহরের


কিন্তু কোন স্থানকে শুধু বাহির হ'তে উপরি উপরি দেখলে তাকে সত্যরূপে সম্পূর্ণরূপে দেখা হয় না, তার সৌন্দর্য্য বোঝা যায় না। স্মৃতিই সব জিনিষকে সুন্দর করে, প্রিয় করে, সেজন্তে কোন স্থানকে তার ঐতিহাসিক সফল স্মৃতি-জড়িত ক'রে না দেখলে তার মাধুর্য্য অনুভব করা যায় না। তাই,

দিকে চাই লুম তখন মুগ্ধ হ'য়ে গেলুম, নদীর দুই তীর ঘোড়া
এই সহরটির সতি একটা সৌন্দর্য্য আছে। নদী ও পাহাড়
সেখানে মিলেছে সেখানে একটা প্রাকৃতিক সৌন্দর্য্য আপনিই
গ'ড়ে ওঠে, তারপর মাহুষ যখন সে সুন্দর স্থান তার প্রাসাদ
মন্দির দিয়ে সাজায়, তখন তা আমার কাছে আরও মনোহর
মনে হয়। বিশেষতঃ সেই সন্কার আলোর গিরিমালাময়
বুড়া অতীত ইতিহাসের স্মৃতি-মণ্ডিত উজ্জলতর সৌন্দর্য্যে
প্রকাশিত হ'ল। খৃষ্টীয় দ্বিতীয় শতাব্দীতে রোমানরা যখন
এখানে তাদের নগর স্থাপন করেছিল, তখন এখানে এক
কেন্দ্রিক উপনিবেশ ছিল; তারপর রোমরাজ্য ভেঙে গেল,

তখনরা এল, অষ্ট্রগথেরা
এল, তাদের দলও চ'লে
গেল; আভাররা, তাদের
পর সুভরা এসে ওই
পাহাড় দখল ক'রে
বসল; তারপর, প্রায়
এগারোশ' বছর আগে
মাজ্যাররা (Magyars)
এল ডানিউবের নিম্নল
জলধারা ধ'রে তাদের
দিগন্তপ্রসারিত এশিয়ার
সমতলভূমি থেকে;
তাদের রাজা আর-
পাডের নেতৃত্বে মাজ্যারের
দল সুভদের যুদ্ধে

হারিয়ে হটাতে হটাতে এল, চারিদিকের সুবিস্তৃত আকাশচুম্বী
পাহাড়ের মধ্যে সুদৃঢ় দুর্গের মত সমুখিত বুড়ার পাহাড়ের
মালা দেখে সেইখানে তাদের বিজয় যাত্রা থামালো, তাদের
নগর গ'ড়ে তুলল, তারপর চারিদিকে সমতলভূমির সুভদের
গাড়িয়ে অধিকার ক'রে বসল, বুলগারদের, ক্রোঠদের,
গার্ডদের হারিয়ে আপনাদের অধীনে আনলে। তারপর
এত শত বৎসর কেটে গেছে; হাজার বছর আগে যে দুর্ধর্ষ
মাজ্যার-অখারোহীর দল সমস্ত ইয়োরোপের ত্রাস ছিল,
গার্মানীতে রাইনল্যাণ্ড পর্য্যন্ত, ইতালীতে বুরগেণ্ডি পর্য্যন্ত

তাদের মত্ত ঘোড়ার দল হাঁকিয়ে নগর গ্রাম লুণ্ঠরাজ ক'রে
ফিরত, তাদের বংশধরেরা ধীরে ধীরে দস্যু সৈনিক থেকে
কৃষক হ'ল, লুঠ ক'রে আনবার ঘোড়া লাঙল জুতলে; ধীরে
ধীরে তারা ইয়োরোপীয় সভ্যতার স্পর্শে এল, তাদের রাজা
সাধু ষ্টিকানের নেতৃত্বে খৃষ্টানধর্ম গ্রহণ করলে, হাজারীতে
মাজ্যার-রাজত্ব প্রবল প্রতাপে গ'ড়ে উঠল। প্রাচীন আরপদ্-
রাজবংশের শেষে যখন আনজু-রাজবংশ এল, ইতালীয়ান
সভ্যতা, ফরাসী সভ্যতা হাজারীতে প্রবলরূপে এল। ভারতের
ইতিহাসের গৌরবময় কাল বলতে আমরা যেমন প্রাচীন
ভারতের কথা এবং মুসলমান ভারতের কথা ভাবি, দেশভক্ত



সমোজের মেয়ে চরকা কাটছে

মাজ্যাররাও তেমনি তাদের ইতিহাসের গৌরবময় যুগ বলতে
প্রাচীন হাজারীর কথা—রাজা মাথিয়স করভিনুসের সময়
(১৪৫৮-১৪৯০) ভাবে। তুরস্কের নিকট পরাজয় ও দাসত্বের
কথা বা অষ্ট্রিয়ার রাজার নিকট পরাভব ও অধীনতার গর্ক
তাহার অতীত ইতিহাসের এ অংশের জন্তে তারা লজ্জিত
বটে, কিন্তু এখানেও তাহার গর্ক করবার আছে; কোন
অত্যাচারে অধীনতার এ মাজ্যার-জাতি প্রাণহীন আশাহীন
হয় নি, নত হ'য়ে পড়েনি, স্বাধীনতা লাভের জন্ত বার বার
প্রাণপণে সংগ্রাম করেছে। হাজার বছর আগে

মাজারদের tribal spirit ধারণা : উগ্র ছিল আজও - তাদের জাতি-বোধ, স্বাদেশিকতা তেজি তীব্র রয়েছে ; এই প্রচণ্ড tribal spirit এর গুণেই মাজাররা স্লাভদের হাট্টয়ে হাজারী দখল করতে পেরেছিল, ইহারি জোরে তারা একদিকে মুসলমান তুরস্কের সঙ্গে লড়াই করেছে, অপরদিকে স্লাভদের ঠেকিয়েছে ইয়োরোপীয় সভ্যতা গ্রহণ করেছে কিন্তু আপনাদের বৈশিষ্ট্য বজায় রেখেছে, জার্মান-অস্ট্রিয়ার অধীনে এসেছিল কিন্তু তার দ্বারা জিত হয় নি।



বুড়ার পাগাড়ে রাজ-প্রাসাদ

সন্ধ্যার রক্তিম আলোয় মারগারেট-সেতুর ওপর দাঁড়িয়ে এলি কত কথা মনে পড়ল।

মারগারেট-সেতুর প্রায় মাঝামাঝি আর একটি ছোট-পোল ডানদিকে সেতুটির সঙ্গে লম্বভাবে যোড়া, এ ছোট পোলটি মারগারেট-দ্বীপে গেছে, ডানিউব-নদীর মাঝখানে এইখানে একটি ছোট দ্বীপ আছে, তেরো শতাব্দীর হাজারীর রাজা চতুর্থ বেলার (King Bela IV) মেয়ের নামে এই দ্বীপটির নামকরণ হয়েছিল মারগারেট-দ্বীপ। দ্বীপটি হচ্ছে বুড়াপেষ্ট-বাসীদের আমোদ-প্রমোদ করবার খেলবার পার্ক ; ফুটবল খেলবার মাঠ, টেনিস খেলবার কোর্ট, বাণ্ড বাজাবার

জায়গা, স্নান করবার জায়গা, রেস্টোরঁ, বেড়াবার পথ কিছুই অভাব নেই দ্বীপটিতে ; দ্বীপটি বুড়াপেষ্ট-বাসীদের একটি গর্কের জিনিষ ও বিদেশী এলেই বলে, মারগারেট-দ্বীপে গেছেন কি ? বেড়াবার পক্ষে দ্বীপটি বেশ সুন্দর, ছ'ধানে ডানিউব নদী ব'য়ে গেছে, তার ধার দিয়ে দ্বীপের মাঝ দিয়েও নানা পথ-বাঁধিকা এঁকে বঁেকে চ'লে গেছে, সহরে সমস্ত দিন কাজের পর এখানে নদীর নিশ্চল বাতাস সেবন যেমন আরামের তেজি স্বাস্থ্যকর। তুমি এতদূর পড়ে হয়ত

ভাবছ, কিন্তু সহরের বিবরণ কৈ ? দেখো, বুড়াপেষ্ট সহরের এমন কিছু বিশেষত্ব দেখলুম না যা রঙিয়ে বর্ণনা করতে পারি, ইয়োরোপের সকল আধুনিক সহরের মত তার রূপ। তবে বুড়াপেষ্টে যা দৃষ্টব্য আছে, অর্থাৎ যা সব বিদেশী ভ্রমণকারীরা এসে দেখে, তুমি এলেও যা দেখে ঘুরে বেড়াতে তাদের একটা

বর্ণনা দিতে পারি। আমার এক দিনের ঘোরার ডায়েরী তোমায় লিখছি।


সকাল বেলা হোটেলের ব্রেকফাস্ট খেয়ে বাহির হলুম। ব্রেকফাস্ট হচ্ছে ক্রুট, মাখন, অরি চাঁ ; দাম নিলে দেড় পেঙগো। পেঙগো হচ্ছে হাজারীর মুদ্রার নাম। এক ইংলিশ পাউণ্ড হচ্ছে প্রায় ২৭ পেঙগো, কত টাকা হয় হিসেব ক'রে নিও। দিনটা রাজপ্রাসাদ দেখে শুরু করব ঠিক ক'রে, কোন্ ট্রামে রাজপ্রাসাদে যেতে হবে জেনে রাস্তার মোড়ে এসে দাঁড়ান গেল। ট্রামের জন্তু দাঁড়িয়ে আছি বুঝে ট্রাম কোম্পানীর এক লোক এসে জিজ্ঞেস

করলে, কোথায় যাবেন? বল্লুম, রাজপ্রাসাদ দেখতে।
বলে, বেশ টিকিট দিচ্ছি, নিন। ভাবলুম, এখন টিকিট
কিনব কি, লোকটা বিদেশী দেখে ঠকাচ্ছে না ত। তারপর
দেখলুম, আরও অনেক লোক টিকিট কিনছে তার
কাছে থেকে; একটি লোক বলে, ট্রামে খুব ভিড় হয় বলে
সেখানে টিকিট কেনা অসুবিধের বলে, এই রাস্তার চৌমাথায়
ট্রাম থামবার স্থানে টিকিট-কেনার ব্যবস্থা। ব্যবস্থাটা
ভালই বুঝে, টিকিট কেনা গেল। ট্রাম যখন এল, দেখি
লোকে ভরা, তাতেই গাদাগাদি ক'রে সবাই উঠল।
টিকিটের দাম ২৪ ফিলার, ১০০ ফিলারে এক পেঙগো;
দামটা ২০ বা ৩০ ফিলার করলেই ভাল হত, অন্ততঃ
বিদেশীদের দেবার সুবিধে হত, ১ বা ২ ফিলারগুলি ছোট
ছোট তামার মুদ্রা, আমাদের আধ পয়সা জাতীয় তার চেয়েও
ছোট হবে বোধ হয়। ভিড়ে গাদাগাদিতে এরূপ ছোট
মুদ্রা নিয়ে টিকিট কেনা বেশ অসুবিধের, রাস্তায় ট্রাম-
টিকিট কেনার ব্যবস্থার সুবিধেটা বুঝলুম।

একটি বড় রাস্তা শেষ ক'রে মারগারেট-সেতু দিয়ে নদী
পেরিয়ে তারপর নদীর ধারের রাস্তা দিয়ে বহুদূর গিয়ে
চেন-ব্রিজের মোড়ে ট্রাম থামলে, সেইখানে নামলুম; সামনে
পাহাড় উঠে গেছে, তার ওপর রাজপ্রাসাদ। ফিউনিকুলেয়ার
ক'রে পাহাড়ের মাথায় উঠে একেবারে রাজপ্রাসাদের
দরজায় এসে পৌঁছালুম। প্রাসাদটি যেমন বিরাট তেমনি
গভীরমূর্তি, বাকিংহাম প্যালেসের সঙ্গে বেশ তুলনা করা
সেতে পারে, বিশেষতঃ নদীর ধারে পাহাড়ের ওপর বলে
তার বিরাট মহানরূপ সুন্দর দেখায়। রাজপ্রাসাদের একটি
ছবি দিলুম, তাতে বুঝতে পারবে তার স্থাপত্যটা কি
ধরণের। এই পাহাড়ের মাথায় প্রাচীন রাজা চতুর্থ বেলা
(King Bela IV) তাঁর দুর্গ-প্রাসাদ গড়েছিলেন, পরের
রাজার সেই প্রাসাদ বাড়িয়ে যান, তারপর তুর্কীদের হাতে
সেই প্রাসাদ ধ্বংসে পরিণত হয়। বর্তমান প্রাসাদ রাণী
মারিয়া থেরেজার গড়া, অবশ্য পরে কিছু কিছু সংস্কার
করেছে, প্রাসাদটাতে নাকি ১৬০টি ঘর আছে। একটি
পরিচালকের তত্ত্বাবধানে বিদেশী ভ্রমণকারীদের যে ঘরগুলি
দেখান হ'ল, তাতে দেখলুম, ঘরের আসবাব-পত্রের সাজসজ্জা

সব ভিয়েনার রাজপ্রাসাদের ধরণেরই। রাজপ্রাসাদের
চারিদিকে সুন্দর বাগান আছে, এখান থেকে তলায় চেন-
ব্রিজ ও ওপারে প্রাসাদ-শ্রেণী-সজ্জিত সেন্ট স্টিফান চার্চ-
মণ্ডিত পেয়ে সুন্দর শোভা দেখা যায়, তারও একটি
ছবি দিলুম।

রাজপ্রাসাদের উত্তরে একটু গেলেই বুড়ার সব চেয়ে
পুরাতন চার্চ “কোরোণাজোটেম্পলম্” অর্থাৎ Coronation



কোরোণাজোটেম্পলম্ বা রাজ্যাভিষেক-গির্জা
Church; বুড়ার প্রাচীন নৃপতিদের এই চার্চে রাজ্যাভিষেক
হোত। এই চার্চটি চতুর্থ বেলা তেরো শতাব্দীতে আরম্ভ
করেন, পনেরো শতাব্দীতে গড়া শেষ হয়; তুর্কীরা যখন
বুড়া দখল করে তারা চার্চটি ধ্বংস করে নি, সেটিকে মসজিদে
পরিণত করে; চার্চটির ভেতরে দেওয়ালে থামে সব নানা

রঙীন রংএর নক্সা আঁকা, চার্চের ছাদটিও নানাবর্ণের রেখাঙ্কিত টালিতে ছাওয়া, এই রঙীন নক্সা ও টালি বোধ হয় মুসলমানী প্রভাবের চিহ্ন মনে হ'ল, এই ছোট চার্চটিতে যেন রোমানেশ, গথিক, বাইজেন্টাইন সকল প্রকার স্থাপত্যের সম্মিলন হয়েছে।

চার্চটির সম্মুখে প্রাচীন নৃপতি সাধু ষ্টেফানের প্রতিমূর্তি। মধ্যযুগের নাইট-বেশে রাজা ষ্টেফান চারিদিকে চারি সিংহ-রাঙ্কিত মঞ্চের ওপর অস্থপৃষ্ঠে, এ মূর্তি যেমন মাজার রাজা-প্রতিষ্ঠাতা খ্রীষ্টানধর্ম-প্রচারক প্রাচীন নৃপতির স্মৃতিচিহ্ন তেমনি চির-জাগ্রত মাজার-জাতি-আত্মবোধের প্রতীক।



সেন্ট ষ্টেফানের স্মৃতিমূর্তি

রাজপ্রাসাদের পাহাড় হ'তে সিঁড়ি দিয়ে নেমে নদীর তীরের রাস্তা দিয়ে দক্ষিণ দিকে কিছু দূর গিয়ে আর একটি ছোট পাহাড়ের সম্মুখে এলুম। পাহাড়টির নাম “ব্লক্স-বেয়ার্গ” (Blocksberg); তুর্কীরা এর মাথায় ‘ব্লক হাউস’ গড়েছিল, তাই থেকে এর নামকরণ। এখনও পাহাড়ের ওপরে একটি দুর্গের ধ্বংসাবশেষ আছে। প্রশস্ত বাঁধান সিঁড়ি পাহাড়ের গা ঘুরে ওপরে উঠে গেছে; সিঁড়ি দিয়ে ওপরে উঠে সমস্ত বুড়াপেঠের বড় সুন্দর দৃশ্য পেলুম—তলায় ষ্টিমার ভরা ডানিউব নদী ঝলমল ব'য়ে চলেছে; ডানদিকে পাহাড়

খাড়া নেমে গেছে, তারপর দিগন্ত-বিস্তৃত প্রান্তর, তার মাঝ দিয়ে রূপালি সূতার তার ডানিউব নদীর ধারা বেকে চ'লে নীলাকাশে কোথায় হারিয়ে গেছে; বাম দিকে পাহাড়ের ঢেউ খেলান, তাদের ওপর রাজপ্রাসাদ, গির্জা, বাড়ীর সারি, তাদের তলায় নদীর জলধারার ওপর পোলের পর পোল; ওপারে সুন্দর পেট্র সহর, গির্জার চূড়াগুলি আকাশে গিয়ে ঠেকেছে। প্রাচীন দুর্গের ধ্বংসাবশেষ মণ্ডিত এই ছোট গিরিটি বিদেশী ভ্রমণকারীর চোখে অতি তুচ্ছই মনে হয়, উঁচুস্থান হ'তে বুড়াপেট্র সহরের সম্পূর্ণ দৃশ্য দেখার সুবিধা হিসাবে এই পাহাড়ের সার্থকতা মনে

হয়, কিন্তু হাজেরীর ঐতিহাসিকের নিকট এ গিরি পুণাভূমি, এ গিরি যে গিরিমালার প্রথম চূড়া, প্রবেশ-দ্বার, সে গিরি-মালায় ইয়োরোপীয় সভাতার ভাগা-পরীক্ষা হ'য়ে গেছে। এ বিষয়ে একটি ফরাসী লেখক যা লিখেছেন তা তোমায় অণুবাদ ক'রে লিখছি—

“এই প্রাচীন সহর বুড়া (Buda) মারাথনের মত, সালামিসের মত, কাটোলো-নিয়ার সমতলভূমির মত; পূর্বের সহিত সংঘাতে সংগ্রামে

পশ্চিমের সভাতার ভাগা এখানে নির্ধারিত হয়েছে। এই পাহাড়ের মালা ঘেরা হাজেরীর সুবিস্তৃত সমতলভূমি এসিয়াবাসীদের প্রবল আকর্ষণ ছিল, এই পাহাড়ের তলায় আটলা (Attila) তাঁর তাঁর গড়েছিলেন, তার পর, তাতারের দল মোগলের দল ঘোড়া হাঁকিয়ে চ'লে গেছে; তারা ধূলির মেঘের মত এসে স্বপ্নের মত দূরদিগন্তে মিলিয়ে গেল। তারপর হাজেরিয়ানরাই এখানে তাদের গ্রাম নগর তৈরি ক'রে বসবাস আরম্ভ করলে, বহুদিন তারা পশ্চিম ইয়োরোপের দিক ছিল। কিন্তু যখন তারা White Stallionর পূজা ছেড়ে রোমের নিকট পৃষ্ঠানধর্ম দীক্ষিত হ'ল, তারা এসিয়াবাসীর বিরুদ্ধে ইয়োরোপের পৃষ্ঠানধর্মের রক্ষক হ'ল।

শতাব্দীর পর শতাব্দী এই পাহাড়ে পূর্বে ও পশ্চিমের দ্বন্দ্ব সংঘাত চলেছিল। ক্রুজ-চক্রু পীতবর্ণ মানুষের দল তরঙ্গের পর তরঙ্গে এই পাহাড় অধিকার করতে চেষ্টা করেছে, আর সমস্ত feudal ইয়োরোপের রক্ষার জন্তে মিলেছিল।

তারপর ইয়োরোপীয় সভ্যতার আর এক নূতন শত্রুর আবির্ভাব হল। আটলার হুনেদের চেয়ে বা বটু খাঁর তাতারদের চেয়ে তারা আরও ভয়ানক। আধ শতাব্দী ধরে ট্রান্সিলভানিয়ার বীরেরা তুর্কীদের আক্রমণ অগ্রসর হটিয়ে রেখেছিল। সেই মাগিয়ার কব্জিহুসের রাজত্বকাল বুড়ার সব চেয়ে

প্রারম্ভিক সময় গেছে। রাজা ক্যাম্পাস্ট্রান্স তার রাজসভায় ইতালীয় শিল্পীদের জড় করলেন, তাদের সাহায্যে ক্যাম্পাসাদ, চার্চ তৈরী করালেন; তার পুরাতন রক্ষণ নিবিড় দুর্গ টাম্বেনো বা উগ্গারিয়ার সহরগুলির মত সুন্দর সহর গড়ে উঠল। সৈন্যবাহিনীতে ফ্রান্স থেকে আসত, রাইন থেকে আসত; তুর্কী-বন্দী চালিত ফ্রান্স নৌকা সব ডানিউবের ওপর যাতায়াত করত, ভূমিসের বণিকদের সঙ্গে ব্যবসা চলত, বুড়াতে সমস্ত

ইয়োরোপের আর্ট ও ঐশ্বর্য সঞ্চিত হ'ত।

তারপর সহসা বিপদ ঘনিয়ে এল, সব ধ্বংস হ'য়ে গেল তুরস্ক জাতিজারিসদের (janissaris) কাছে হাঙ্গেরিয়ান সৈন্য পরাস্ত নিমূল হল, তুর্কীরা বুড়া দখল করলে; হাঙ্গারীতে ইয়োরোপীয় সভ্যতা লুপ্ত হয়ে গেল, এসিয়া এসে এ গিরিতে বসলো; সহরের সকল ধন, সকল আর্ট-সম্পদ হুলতান সোলিমানের নৌকায় তুরস্কে চালান হ'ল। সহরের সব প্রাসাদ বাড়ী চার্চ লুণ্ঠিত হ'ল। আড়াই শতাব্দী পরে পলিস জো লোরেন যখন ইয়োরোপের বিভিন্ন জাতি হ'তে সংগৃহীত পণ্ডিত সৈন্যের নেতা হ'য়ে তুর্কীদের হারিয়ে এই গিরি-নগর অধিকার করলেন তখন বুড়া একটা ধ্বংসাবশেষ মাত্র, পুরাতন দিনের কোন পরিমাণে কোন ঐশ্বর্য নেই।”

‘ব্লকস্বেয়ার্গে’ দাঁড়িয়ে ভাবলুম—যারা ইয়োরোপের ত্রাস হ'য়ে এসেছিল তারাই পরে ইয়োরোপের ভরসা হ'ল, কিন্তু

মাজ্যাররা যদি তাদের জাত-ভাই তুর্কীদের মত খৃষ্টানধর্ম গ্রহণ না ক'রে মুসলমান ধর্ম গ্রহণ করত, তুর্কীও মাজ্যারে মিলে প্রবল রাজ্য গ'ড়ে তুলত তা হ'লে ইয়োরোপের ইতিহাস কি রূপ নিত কে বলতে পারে। কিন্তু মাজ্যাররা যে তুর্কীদের সমজাতি মঙ্গোলীয়ানদের সগোত্র তা তারা বহুদিনই ভুলে গেছে; এমন কি কোন হাঙ্গেরিয়ানকে যদি বলা যায়, তোমরা ত বলকান দেশের লোক; তাতে সে বিশেষ ক্ষুণ্ণ হয়,



পেষ্ঠ ও চেন-ব্রিজ

ক্রুদ্ধ হ'য়েও উঠতে পারে। কোন হাঙ্গেরিয়ানকে প্রশংসা বা খুসি করাবার সুন্দর উপায় হচ্ছে, তাকে বলা, তোমরা ত বলকান-দেশীয় নও, তোমরা পশ্চিম ইয়োরোপীয়ান, জার্মান, ইতালীয়ানদের মত তোমাদের সভ্যতা পশ্চিমের।

‘ব্লকস্বেয়ার্গে’ থেকে নেমে পোল পার হ'য়ে পেষ্ঠে এসে এক রেস্তোরাঁতে লাঞ্চ খাওয়া গেল। ছুপুরবেলা এই সময় অনেক রেস্তোরাঁতে সম্ভ্রান্ত লাঞ্চ পাওয়া যায়; কিন্তু সে লাঞ্চের মেহু রেস্তোরাঁ-ওয়ালারাই ইচ্ছামত করে। ভাল মেহুই (Menu) পাওয়া গেল, একটা স্তূপ, মাংস ও আলু সিদ্ধ, ফুলকপি, ও শেষে পুডিং। মাংস রান্নাটি বেশ লাগল, এ মুসলমানী ধরণে মাংস রান্না, ‘হাঙ্গেরীয় গুলাস্’ নামে এ রান্না সমস্ত ইয়োরোপে প্রসিদ্ধ। দাম নিলে, আড়াই পেষ্ঠো।

লাঞ্চ খেয়ে বুড়াপেটের চিত্রশালা দেখতে চল্লুম। মাজার আট বা সাহিত্য সম্বন্ধে আমার কিছুই জানা নেই, তোমারও বোধ হয় বিশেষ কিছু নেই। লেখকদের মধ্যে জোকাইর (Joakai) নামটি জানি, তাঁর লেখা বই ইংরাজীতে অনুবাদ হয়েছে, ছ'একখানা! তুমিও নিশ্চয় পড়েছ; কিন্তু তিনি শুধু উনবিংশ শতাব্দীর লেখক; হাঙ্গেরিয়ানরা বলে জোকাইর চেয়ে ভাল লেখক বর্তমান মাজার-সাহিত্যে আছে; তবে তাঁদের আমাদের জানা মুস্কিল, ইংরাজী



সুন্দর কাজকরা সাজে হাঙ্গেরীর গ্রামের মেয়েরা

অনুবাদ না হ'লে ত আমরা জানতে পারবো না। তবে চিত্রকলা মিউজিয়ামে কয়েকজন ভাল হাঙ্গেরিয়ান চিত্রকরের সঙ্গে পরিচয় হ'ল। অর্থাৎ তাঁদের ছবিগুলির সঙ্গে পরিচয় হ'ল; এঁরাও অবশ্য আধুনিক নন। চিত্রকলা সম্বন্ধে

তোমার বিশেষ উৎসাহ আছে জানি, সেজন্ত ২৩ খানি ছবি তোমায় পাঠালুম।

গত শতাব্দীতে হাঙ্গেরীর সর্বশ্রেষ্ঠ চিত্রকর ছিলেন মুংকাচি (Michael Munkasy); তাঁর অঁকা অনেকগুলি ছবি দেখলুম। তাঁর সময়ে তাঁর ধরণে অঁকা ছবির যত প্রশংসা হত, এখন সে অঙ্কন-পদ্ধতি উঁচুদের আটক্রমে সেরূপ প্রশংসিত হয় না, তা হ'লেও ছবিগুলি বেশ উপভোগ করা যায়। “পাইলটের সম্মুখে যিশুখৃষ্ট” ছবিটি মুংকাচির খুব প্রসিদ্ধ ছবি, তাঁর অঙ্কন-রীতি এ ছবি থেকে বেশ বোঝা যায়—ভাবের সংঘাতে ভরা একটা নাটকীয় ঘটনা বিরাট দৃশ্যে নানাবর্ণের সজ্জায় আবেগ-পূর্ণ নানাভঙ্গীর নরনারীসজ্জিত করিয়া অঁকাই তাঁর লক্ষ্য, কিন্তু ছবিটি দেখলে মনে হয় এ যেন থিয়েটারের একটি দৃশ্য, সবই যেন সাজসজ্জা ক'রে অভিনয় করছে, অঁকার কাঁয়াটা আছে, বাস্তবতা আছে, কিন্তু ছবিতে প্রাণ নেই, কোন গভীর আইডিয়ায় স্পর্শে মন ঢলে ওঠে না। এর চেয়ে হলোসি (Hollösy) অঙ্কিত অবসরে ছবিটি আমার বেশ ভাল লাগল,—কাজ শেষ ক'রে ভূঁটা-পরিবৃত হ'য়ে এক হাঙ্গেরিয়ান চাষা প্রিয়র চুম্বন-অভিলাষী হ'য়ে চাষা-রমনীকে কোমরে জড়িয়ে ধরেছে। চাষা-রমনীর নীল ঘাঘরা, সাদা ব্লাউজ, পুরাতন কালো বডিস, মাথায় জড়ানো শাল, বড় কুমাল, যেন রংএর একটা কবিতা; তার পাশে সাদা ঢলঢলে সাজপরা কালো ভেলভেটের ওয়েস্ট-কোট-ওয়াল চাষাটি যেন একটি রঙীন ফুলের ওপর আবেগে নত হ'য়ে পড়েছে। বুড়াপেটে অবশ্য এরূপ রঙীন সাজ-সজ্জা দেখা যায় না, তবে গ্রামে গেলে উৎসবের দিনে চাষাদের সম্মিলনীতে হাঙ্গেরীর পুরাতন দিনের সাজসজ্জা, সুন্দর সূচির-কাজ করা পোষাক দেখতে পাওয়া যায়। হাঙ্গেরীর গ্রামের মেয়েদের ছবি পাঠালুম। তাতে মাজার-নারীদের কাজ করা বেশের নমুনা দেখতে পারে।

হিশিনিয়াই-ময়ারসে নামে একটি হাঙ্গেরীর চিত্রকরের অঁকা “পপি-ক্ষত” ছবিটি বেশ লাগল; ছবিটি অবশ্য নিছক রঙের জলজলে সৌন্দর্যো চোখ ভুলোয়—ঘন সবুজ মাঠে পপি ফুলগুলি আগুনের ফুলকির মত দীপ্ত, যেন রঙের

কিন্তু সব জ'মে
লালমণির মত ঝল-
মল; তাদের মাঝে
ক'চারটে নীলফুল
সাদা ফুল ছড়ান;
এই রাঙা পপিফেতের
পাশের রাস্তা
দিয়ে একটি ছোট
মেয়ে নীল ঘাঘরা
মাথায় পপির মত
লাল টকটকে রুমাল
জড়িয়ে চলেছে, সেও
যেন একটি পপিফুল;
এই রঙান শোভার



অবসরে

হলোসি-অঙ্কিত

'পাইলটের সম্মুখে যিশু খৃষ্ট' মুংকাচি-অঙ্কিত

ওপর ঘন নীল আকাশ নত হ'য়ে পড়েছে, তাতে
হালকা তুলার মত সাদা মেঘ ছড়ান। এই
সহজ-সুন্দর প্রাকৃতিক দৃশ্যটি শিল্পী তাঁর অন্তরের
স্পর্শ দিয়ে এখন সজীব ক'রে এঁকেছেন, যে
দেখলেই শুধু চোখ নয় মনও ভোলে। সন্ধ্যাবেলায়
ডিনার খেয়ে একটা কাফেতে বেশ আরামে বসা
গেল। সমস্তদিন সহরের ঘরবাড়ী প্রাসাদ
মিউজিয়াম দেখেছি এবার সহরের নরনারীদের
দেখতে বসলুম। কেউ খবরের কাগজ
পড়ছে, কোন টেবিলে বেশ গল্পের আড্ডা
জমেছে, কেউ কাফির বাটি সামনে রেখে রাস্তার
জনশ্রোতের দিকে চেয়ে আছে, কেউ বা কোন
বান্ধবীর প্রতীক্ষায় একটু চঞ্চল হ'য়ে উঠছে।
কাফের ভৃত্য কয়েকখানি খবরের কাগজ পড়তে
দিয়ে গেল, দেখলুম কাফেতে শুধু হাজেরিয়ান
নয়, ইংরাজী, জার্মান, ফরাসী ইত্যাদি নানা
ভাষার খবরের কাগজ পত্রিকা আছে। কিন্তু
কোন কাগজ পড়তে মন লাগল না, পথের
জনশ্রোত, কাফের নানা বয়সের নরনারীদের
দেখে বর্তমান হাজেরীর কথা, ভবিষ্যৎ হাজেরীর

কথা ভাবতে লাগলুম। হাঙ্গেরী এখন ইয়োরোপের
ক্রাস নেই বটে কিন্তু ইউরোপের সমস্তা হ'য়ে আছে।
হাঙ্গেরী এখন শাস্ত্রর রূপ ধ'রে আছে বটে
কিন্তু তার অন্তরে শাস্ত্র নেই। একখানা পুরাতন
ইয়োরোপের মাপের সঙ্গে যুদ্ধের পরের নূতন
ইউরোপের মাপ যদি তুলনা ক'রে দেখো ত দেখতে
পাবে, নতুন হাঙ্গেরী কতটুকু, মহাযুদ্ধের আগের হাঙ্গেরীর
অর্ধেকও নয়। যে ট্রিয়ানো-সন্ধিপত্র (Treaty of



মোহাচ মা ও মেয়ে

Trianon) হাঙ্গেরীর সহিত Allied and Associated
Powers সঙ্গে শাস্ত্রস্থাপনা হ'ল তাতে হাঙ্গেরীকে ক্রোটিয়া
স্লোভেনিয়া ও ট্রান্সিলভেনিয়া ছাড়তে হ'ল, তা ছাড়া হাঙ্গেরীর
কিছু অংশ চেকোস্লোভাকিয়া পেল; এই অংশগুলি ছাড়তে

তার সব সোনার, রূপার, তামার, লবণের ও পারার খনি-
গুলি হারাতে হল, তার প্রায় সব লোহার খনি পরের হাতে
চ'লে গেল, তার সব ভাল ও বড় কয়লার খনিগুলি ও
প্রায় সব বন হাতছাড়া হল, এ সব সম্পদ রুমেনিয়া
চেকোস্লোভাকিয়া ইউগোস্লাভিয়ার মধ্যে ভাগবটরা হ'য়ে
গেল। শুধু এই ভূমি নয় এর সঙ্গে ত্রিশ লাখ মাজ্যার
পরের অধীন হয়েছে, হাঙ্গেরীর জনসংখ্যা হচ্ছে প্রায় আশি
লাখ, স্তত্রাং বুঝতে পারছি ট্রিয়ানোর সন্ধিপত্র হাঙ্গেরিয়ানদের

প্রাণে কি রকম বেজেছে। মাজ্যারদের
সব চেয়ে প্রাণে বেদনা হয়েছে, ট্রান্সিলভেনিয়ার
রুমেনিয়ার হওয়াতে, এখানে পনেরো লক্ষ
মাজ্যার আছে, ট্রান্সিলভেনিয়ার সঙ্গে
হাঙ্গেরীর বিচ্ছেদ তারা কিছুতেই সহ্য
না, এর জন্তে হাঙ্গেরী রুমেনিয়ার মধ্যে যে
মনোমালিণ্ড চলেছে তা ত কিছুতেই মিটে
না। ট্রান্সিলভেনিয়া না পেলে এ অশান্তি
দূর হবে না। অথচ, ট্রান্সিলভেনিয়া
রুমেনিয়াকে দেওয়া হবে এই প্রতিজ্ঞায় এ
সর্তে রুমেনিয়া ইংরাজ-ফরাসী-রুসিয়ার সহিত
জার্মানী-অষ্ট্রিয়ার বিরুদ্ধে যুদ্ধে নেমেছিল;
সে জন্ত যুদ্ধের পর সে অংশ তাকে দিতে হয়েছে।
ট্রিয়ানোর সন্ধিপত্র স্বাক্ষরের পর সমস্ত মাজ্যার
জাতির চিত্ত কিরূপ অশান্ত বিদ্রোহী হ'য়ে
উঠেছিল তার চিত্র হয়ত সব ট্রামে ট্রামে
বাড়ীর দরজায় দরজায় আছে। প্রায় প্রতি
মাজ্যার-বাড়ীর প্রবেশের দরজায় একটি ছোট
প্লেটে লেখা আছে, "Nem, nem, soha"—না,
না, কখনও না, আমাদের দেশের এ ভূগতি
আমরা কখনও সহ্য করব না।" প্রতিদিন

বার বার মন্ত্রের মত এই কথাগুলি প'ড়


মাজ্যারেরা তাদের তীব্র জাতীয়তাবোধকে শাসিত
করে। শুধু বাড়ীর গায়ে নয়, পথে ঘাটে ট্রামে
অন্তরকে সজাগ রাখবার অগ্নি-বাণী সব লেখা;
প্রতি ট্রামগাড়িতে মাজ্যার-জাতির বিশ্বাস-মন্ত্র লেখা -

শ্রীমণীন্দ্রলাল বসু

“আমি এক ঈশ্বরকে বিশ্বাস করি। আমি আমার জন্মভূমিকে বিশ্বাস করি। আমি বিশ্বাস করি এক স্বর্গীয় মুহূর্ত আসছে। আমি আমার হাজারীর পনকথানকে বিশ্বাস করি। স্বস্তি।”

প্রতি বুদ্ধের পর শাস্তিস্থাপনের সন্ধিপত্রেই আগামী বুদ্ধের বীজ থাকে, কারণ বিজেতা কখনও বিজিতের প্রতি কায়বিচার করে না, আর পৃথিবীর ইতিহাসে দেখা যায়

কাফে থেকে হোটেলে ফেরবার পথে শান্ত জনশ্রোতের দিকে চেয়ে ভাবতে ভাবতে এলুম, সতাই কি এখনও হাজারীর আত্মা একাগ্রভাবে জপ করছে, “না. না, কখনও না, আমাদের দেশের এ দুর্গতি আমরা সহ্য করবো না”; অথবা বর্তমান রাজনৈতিক ব্যবস্থার সঙ্গে সে একটা আপোষ ক’রে নিয়েছে, সে মন্ত্রধ্বনি ক্ষীণ হ’য়ে গেছে। নরনারীদের মুখের দিকে চেয়ে মনে হ’ল যেন




পপি-ক্ষেত

ত্শিনিয়াই-মেয়ারসে-অঙ্কিত

অত্যা কিছু দিন টিকতে পারে কিন্তু চিরদিন টেকে না। হাজারীর প্রতি অত্যা বিচার করা হয়েছে কি না তা আমি ঠিক বলতে পারি না, কিন্তু প্রত্যেক মাজার হাজারিয়ান বিশ্বাস করে, তাদের স্বদেশের অঙ্গচ্ছেদ করা হয়েছে, এই কবিচারবোধের জ্বালা যদি আপোষে নিষ্ক করা না হয়, ত হয়ত কোনদিন অশান্তির আগুন জ্বলে উঠবে।

সবার মুখে একটা বিষাদের চিহ্ন, প্রাণে আনন্দের উচ্ছ্বাস নেই।

এইখানে শেষ করি। বুড়াপেট সন্ধ্যা তোমার জানার ঔৎসুক্য বোধ হয় খুব বেশী মিটল না। বস্তুতঃ হাজারী সন্ধ্যা উৎসুক্য জাগাবার জন্তেই আমার এতগুলি পাতা লেখা, কমান্বার জন্তে নয়।



খাম্বাজ চুরী

মন না রঙায়ে কি ভুল করিয়ে কাপড় রঙাল যোগী ।
 মন্দির তলে আসন পাতিল শিলা পূজনেরি লাগি ।
 ভূগম বনে, গিরিশিরে,
 বহু ক্রেশে মরিল সে ফিরে—
 কুচ্ছে, তাঁরে নাহি মিলে, বলে দেবে কোন অনুরাগী ॥
 অন্তরবাসী অন্তরযামা অন্তরে বন্দী একা—
 দাপ্ত প্রেম, আরো প্রেম, আরো আরো আরো প্রেম,
 আরো প্রেমে মিলিবে দেখা ।
 খোল খোল খোল দ্বার খোল,
 তাঁর পানে অঁাখি ছুটি ভোল,
 তাঁর প্রেমে আপনারে ভোল, তাঁর সাথে রহ নিশি জাগি ॥

কণা, সুর ও সুরলিপি—শ্রীনির্মলচন্দ্র বড়াল

II	না	।	না	।	সাঁ	না	সাঁ	।	সাঁ	নসাঁ	রাঁ	সাঁ	-ধাঁ	-ধঃ	সঁগা	-ধপা			
	ম	•	ন্	না		র	ঙা	য়ে	•	কি	ভু	ল	ক	রি	•	য়ে	••		
I	পা	ধা	পা	মা	।	মগা	-রা	গা	মা	I	গমা	-পা	-।	-।	-।	-।	I		
	কা	প	ড়	র		ঙা	•	ল	যো		গাঁ	•	•	•	•	•	•		
I	সা	-ধা	ধা	ধা	।	ধা	।	গধা	পমা	I	মা	ধা	ধা	ধা	।	গাঃ	-ধঃ	সঁগা	-ধপা
	ম	•	ন্দি	র		ত	•	লে	••	I	আ	স	ন	পা		তি	•	ল	••

পা ধা পা পা । মগা -রা গা মা I গমা -পা । -। -। -। -। II
শি লা পূ জ নে. . রি লা গি.

পা না না না । না না না সা I ধনা -সঁরা নসা -। -। -। -। -। I
হ . গ ম ব নে গি রি শি

সা রা সা সা । গা গা ধপা ধা I ধসা- বধা কপা- । -। -। -। -। (পা-না) } I
ব ছ ক্রে শে ম রি ল.

I মা -ধা ধা ধা । মধা -। গা সঁরা I ধসা- বধা পা- । -। -পা -মা -গা -। I
রু . ছে. তাঁ রে . না তি. মি

I মা ধা ধা ধা । মধা -। গা সঁরা I ধসা- বধা পা- । -। -। -। -। I
রু . ছে. তাঁ রে . না তি. মি

I মা মা মা মগা । রা -। রা -গা I গমা -পা পা- । -। -। -। -। II
ব লে দে বে কো ন অ হু রা . . . গী

{মা -। মা গা । রা -। রা গা I মা- । পা মা । পা- । পা -। I
অ . স্ত র বা সা অ . স্ত র যা . মৌ

I গা -মা পা ধা । ধা -। গা পা I পধা -। I
অ . স্ত রে ব . নৌ এ কা

পনা -। না -। । না না না -পা I পা না সা না । সা না নসা -রা I
দা ও শ্রে ম্ আ রো শ্রে ম্ আ রো আ রো আ রো শ্রে . ম্



I সী না ধা পা । মা রা গা মা I গমা -পা -া -া । -া -া -া -া }
 আ রো প্রে মে মি লি বে দে খা

II { না না না না । পনা না না -সী ধনা- সর্বা নর্মা- । -া -া -া
 পো ল খো ল খো ল দা র খো

I নর্মা রা সী সী । গা গা ধপা ধা I ধর্মা- গধা ক্রপা- । । -া -া (পা-না) }
 তাঁ র পা নে আঁ খি টি তো

I মা ধা ধা ধমা । মা ধা গা সী I ধর্মা- গধা পা- । । পা মা- গা- । I
 তাঁ র প্রে মে আ প না রে ভো

I মা ধা ধা ধমা মা ধা গা সর্বা I ধর্মা -গধা পা -া -া -া I
 তাঁ র প্রে মে আ প না রে ভো

I মা -া মা গা রা রা রা গা I গমা -পা পা -া -া -া -া II II
 তাঁ র সা খে র ত নি শি জা



সহস্রাব্দ-সাহিত্য

আধুনিক ফরাসী সাহিত্যের ধারা

শ্রীশুশীলচন্দ্র মিত্র

৩

বাস্তবতা ও বৈজ্ঞানিকতা

রোমান্টিক সাহিত্য যখন সত্যের অনুসন্ধান করিতেছিল, কল্পনার পথে আরোহণ করিয়া ;—বিজ্ঞান তখন তাহার যত্নপাতি লইয়া চুপ করিয়া বসিয়াছিল না। ঊনবিংশ শতাব্দীর শেষাংশে সে উড়াইয়া দিল তাহার জয়-পতাকা,— তাহার বিজয়-গৌরবে সকলের চোখ ঝলসিয়া গেল,—মানুষ জীবনের একটা নূতন রূপ দেখিতে পাইল। বস্তুতঃ বিজ্ঞানের এই অভিযানটিকেও রোমান্টিক বলা যাইতে পারে। রোমান্টিজমের অন্তরে ছিল যে অনুপ্রেরণা,—ইহার মধ্যেও সেই এক অনুপ্রেরণা,—কেবলমাত্র প্রণালীর প্রভেদ। এই অনুপ্রেরণায় মানুষের মনে জাগিয়া উঠিল বিজ্ঞানের ভবিষ্যতের উপর এমন একটা অগাধ বিশ্বাস যাহা তাহার অন্তরের মধ্যে একেবারে শিকড় গাঁথিয়া বসিল। বিজ্ঞান মানুষের এক রকম ধর্ম হইয়া উঠিল। বার্থলো ঘোষণা করিলেন,—বিজ্ঞান আনিয়া দিবে এমন একটা কল্যাণের যুগ, যখন দাতৃত্বের বন্ধনে বিশ্বমানব এক হইয়া যাইবে।

আমাদের মনে হয় বিজ্ঞানের এই অভিযান রোমান্টিজমেরই একটা প্রসারণ,—একটা টানিয়া-দেওয়া ধারা ; ইহাকে রোমান্টিজমের বিরোধী বলিয়া মনে করা হুণ,—তাহাতে রোমান্টিজমের প্রতিও অবিচার করা হয়, বিজ্ঞানের প্রতিও অবিচার করা হয়। অবশ্য একথা স্বীকার করি,—রোমান্টিজমের মধ্যে যেটুকু ছিল ঝুটা,—যাহা

উচ্ছৃঙ্খল ও অসংযত কল্পনার দ্বারা কেবলই একটা অলীক রাজ্যের সৃষ্টি করিয়া চলিতেছিল,—বিজ্ঞানের নব আবিষ্কারের ঝটিকা-বেগে সেটুকু উড়িয়া গেল ; কিন্তু যেখানে রোমান্টিজম ছিল খাঁটি,—যেখানে কল্পনার রথ ছিল অন্তর্দৃষ্টির রজ্জুতে সংযত,—সেখানে বিজ্ঞান ও রোমান্টিজমের মধ্যে কোনো বিরোধ ত ছিলই না—অপর পক্ষে এই অন্তর্দৃষ্টির অঙ্কটি আত্মসাৎ করিয়া বিজ্ঞান আপনার রাজ্যবিস্তার করিয়া চলিল,—বাহিরের অচেতন জগৎ হইতে অন্তরের চেতন জগতের মধ্যে,—পদার্থ-বিজ্ঞান, রসায়ন, উদ্ভিদ-বিজ্ঞান, অস্থি-বিজ্ঞান, দেহতত্ত্ব ইত্যাদি হইতে সাহিত্য, ধর্ম, দর্শন, মনস্তত্ত্ব, সমাজতত্ত্ব, নীতিতত্ত্ব ইত্যাদির মধ্যে।

পূর্বেই বলিয়াছি,—রোমান্টিক সাহিত্যিকেরাই ইহার সুবিধা করিয়া দিয়াছিলেন। উৎসাহের আতিশয্যে তাঁহারা চলিয়া গিয়াছিলেন,—আপনাদেরই আদর্শের বিরুদ্ধে। ‘সত্যের মধ্যে প্রয়াণ’,—এই ছিল তাঁহাদের আদর্শ,—কিন্তু উত্তেজনায় ও অতিরিক্ত উৎসাহে তাঁহারা কল্পনার রথে আবেগের অশ্ব যোজনা করিয়া দিয়াছিলেন,—অলীক মায়ারাজ্যের মধ্যে ছুট। অবশ্য রোমান্টিকদের মধ্যে বাহারা ছিলেন মনীষী,—তাঁহারা তুচ্ছ দৈনন্দিন বাস্তবতাকে একটা আদর্শের আলোতে উজ্জ্বল করিয়া তুলিয়াছিলেন, কল্পনার রঙে রাঙাইয়া দিয়াছিলেন,—আবেগের অনুপ্রেরণায় তাহার জড়ত্বটুকু নাশ করিয়া তাহাকে জীবন্ত করিয়া তুলিয়াছিলেন,—কিন্তু এই মনীষার অভাব ছিল যে সকল লেখকদের মধ্যে,—তাঁহাদের মধ্যে কেবল ছিল আবেগের বাড়াবাড়ি, ভাববিলাস আর অর্থহীন শব্দের ঝঙ্কার।



সাহিত্যে এ সকল জিনিস কখনো স্থায়ী হইতে পারে না, তাই বিরুদ্ধতার চেউ উঠিল,—আবার ফিরিয়া আসিল, জীবনটাকে ইন্দ্রিয়-প্রত্যক্ষের সীমানার মধ্যে আবদ্ধ করিবার বাসনা,—স্থির শীতল যুক্তির বিচারে যাহার পরিমাপ করা যায় না, তাহাকে পরিত্যাগ করিবার আগ্রহ।

কিন্তু অনুপ্রেরণা সেই একই। 'সত্যের মধ্যে প্রয়াণ, সমগ্র জীবনের সর্বাঙ্গসুন্দর প্রকাশ,—আটে স্বাধীনতা'—রোমান্টিজ্‌মের এই বাণী মানুষের মন্থে মন্থে গ্রথিত হইয়া গিয়াছিল। এ আদর্শ মানুষ ত্যাগ করিল না, কেবল বিভিন্ন প্রণালী অবলম্বন করিল মাত্র। কল্পনার সাহায্য ত্যাগ করিয়া প্রত্যক্ষ-অনুভূতির সাহায্য গ্রহণ করিল। ফলে, অন্তরের আদর্শের যে আলো তাহা নিভিয়া গেল, কল্পনার রঙ মুছিয়া গেল,—রহিল কেবল নিছক প্রত্যক্ষ সত্যের একটা নিরাভরণ মূর্তি,—জীবনের কিছু সৌন্দর্য্য, সবটুকু কদর্য্যতা, জীবনের আশা, জীবনের বিভাষিকার একটা ছবছ প্রাতিচ্ছবি। এমনি করিয়াই হইল ফরাসী সাহিত্যে বাস্তবতার জন্ম।

বলা বাহুল্য যে, রোমান্টিক যুগের অবসান হইলেও ফরাসী সাহিত্যে এই বাস্তবতা বা রিয়ালিজ্‌মের আবির্ভাব রোমান্টিক আন্দোলনেরই ফল। যে সকল লেখক এই বাস্তবতার যুগের প্রবর্তন করিলেন,—তাঁহাদের মধ্যে অনেকেই ছিলেন রোমান্টিকদেরই দলভুক্ত। একজন স্ত্রীধর্ম্ম। তাঁহার লেখায় অনেক গুণ ছিল, যাহা রোমান্টিক,—কিন্তু তাঁহার বর্ণনা-ভঙ্গী ছিল প্রধানতঃ বস্ত-তন্ত্র। তবে সাহিত্যে বাস্তবতার স্মর তিনি যখন তুলিলেন, তখনো তাহার ঠিক সময় আসে নাই,—তাই জীবদ্দশায় তাঁহার লেখার তেমন আদর হয় নাই। এই দলেরই একজন লেখিকা ছিলেন Georges Sand। তাঁহার প্রথম উপন্যাসগুলি ছিল একেবারেই রোমান্টিক,—কিন্তু পরে তিনি কতকগুলি উদ্দেশ্যমূলক উপন্যাস রচনা করিয়াছিলেন। এই দলের লেখকদের মধ্যে বিশেষ করিয়া উল্লেখযোগ্য যে দু'জনার নাম, তাঁহাদের মধ্যে একজন বালজ্যাক ও আর একজন ফ্লুবেয়ার। ইঁহাদের সকলের লেখার মধ্যেই এমন অনেক জিনিস ছিল যাহা রোমান্টিক,—তার কারণ রোমান্টিজ্‌মের

বাণী তাঁহাদের মন্থের মধ্যে গ্রথিত হইয়া গিয়াছিল। কিন্তু স্থিরযুক্তির দ্বারা বিচার করিয়া তাঁহারা প্রচার করিতেন যে—আধুনিক উপন্যাসগুলি রোমান্টিক হইলে চলবে না,—কেন না, কেবলমাত্র অবসর-বিনোদনের জন্য একটা অলীক কাহিনী বিবৃত করাই ত উপন্যাসের কাজ নয়, উপন্যাসের হওয়া চাই সত্যের একটা অবিকল প্রতিচ্ছবি। এমন কিছু উপন্যাসের মধ্যে সন্নিবিষ্ট কথা উচিত নয় যাহা অলীক, কল্পনা-প্রসূত, যাহা মিথ্যা, যাহা উপন্যাস-রচয়িতা স্বচক্ষে প্রত্যক্ষ করেন নাই। এমন কি তাঁহার জীবনের অভিজ্ঞতার ভিতরে তিনি যদি এমন কিছু পাইয়া থাকেন, যাহা সাধারণতঃ দেখা যায় না বা ঘটে না, তবে সেগুলিও উপন্যাসের বিষয় হইতে বাদ দিতে হইবে,—কেননা সেগুলি সন্নিবিষ্ট করিলে উপন্যাসটি মিথ্যা ও অসম্ভব মনে হইবে। উপন্যাসের যথার্থ বিষয় হইতেছে মানুষের প্রতিদিনকার একেবারে অতি সাধারণ-জীবন-যাত্রা,—যাহার না আছে আরম্ভ, না আছে শেষ;—সেই সব নিত্যন্ত তুচ্ছ সাধারণ ঘটনা, যাহা প্রতিদিন সকলের জীবনেই ঘটিয়া থাকে,—হউক-না-কেন তাহা যতই নীচ, যতই ইতর, যতই কদর্য্য। বস্তুতঃ যাহা সুন্দর, যাহা মঙ্গল, যাহা কল্যাণ,—জীবনে ত তাহা বেশী ঘটে না; সেগুলির জীবনের নিয়ম নয়,—সেগুলি জীবনের ব্যতিক্রম,—তাই সেগুলি উপন্যাসের বিষয়ীভূত হইতে পারে না।

বিজ্ঞানের অনুপ্রেরণায় বাস্তবতার এই মন্ত্রগুলি সজীব হইয়া উঠিয়াছিল। জোলা বলিলেন,—উপন্যাসে শুধু বাস্তব জীবনেরই একটা অবিকল ছবি আঁকিলে চলবে না,—বৈজ্ঞানিক তত্ত্বগুলিকেই পরীক্ষা করিতে হইবে,—বাস্তব জীবন হইতে উদাহরণের সাহায্যে সেগুলিকে প্রতিষ্ঠিত করিতে হইবে। আপনার অন্তরের মধ্যে আপনাকে আবদ্ধ রাখিলেই উপন্যাস-রচয়িতার চলবে না,—তাঁহার কাজ নিরন্তর-বাহিরে আসিয়া মানুষের দৈনন্দিন জীবন-যাত্রার শত সহস্র দৃশ্যাবলী নিরীক্ষণ করা,—মানুষের সেই সব প্রবৃত্তি আকাজকা, বাসনা পর্যাবেক্ষণ ও বিশ্লেষণ করা,—যাহা লইয়া সত্যকার জীবন গড়িয়া উঠে। মানুষের যাহা যথার্থ জীবন, তাহা ত জন কয়েক বড় বড় লোকের জীবন নয়,—সে জীবন

শ্রীমুশীলচন্দ্র মিত্র

ত মিথ্যা, কৃত্রিমতায় পরিপূর্ণ,—মানুষের যাহা সত্যকার জীবন,—তাহা বহুসংখ্যক অতি সাধারণ নর-নারীর জীবন, সহজ ভাষায় যাহাদের আমরা বলি ছোট লোক,—কিন্তু যাহাদের জীবনের মধ্যেই প্রাণ-খোলা সহজ সরলতার সন্ধান মেলে। আর্টের কাজ এই অতি-সাধারণ জিনিস সূক্ষ্মভাবে পর্যবেক্ষণ করিয়া ভাষায়, রঙে, মূর্তিতে সুস্পষ্ট করিয়া ফুটাইয়া তোলা। অতএব উপন্যাস-লেখককে সনাতন মজলিশি প্রথা পরিত্যাগ করিতে হইবে,—ধর্মের জয়, অধর্মের পরাজয়,—এই মামুলি আদর্শ ফুটাইয়া তুলিয়া পাঠককে আর মিথ্যার মধ্যে ডুবাইয়া রাখা চলিবে না,— তাগতে আর যাহাই হউক, সত্যের প্রতি সম্মান দেখানো হইবে না।

এই ধরনের ফরাসী লেখকদের মধ্যে বিশেষ করিয়া উল্লেখযোগ্য নাম,—জোলা ও মোপাসাঁর। অনেক বাঙালী পাঠকই আজকাল ইহাদের লেখার সহিত সুপরিচিত, এবং ইহাদের এই বৈজ্ঞানিক বাস্তবতার বহু আজকাল বাংলা সাহিত্যেও আসিয়া পড়িয়াছে। কিন্তু মতামতে যতই ইহারা বৈজ্ঞানিকতা প্রচার করুন না কেন, মনে পান ইহারা ছিলেন রোমান্টিক,—সে বিষয়ে সন্দেহ নাই। সত্যসন্ধানের জন্ত যতই ইহারা বহিঃপদার্থের পর্যবেক্ষণ-প্রণালী প্রচার করুন না কেন, আসলে সত্যোপলব্ধির ও সত্যপ্রকাশের অস্ত ছিল ইহাদের অন্তরের আলো, কল্পনা, আবেগ ও অনুভূতি। বস্তুতঃ সত্য-সন্ধানের পথ ত কখনো বিজ্ঞান-বিরুদ্ধ হইতে পারে না, তাই এই সব লেখকদের মধ্যে বিজ্ঞান-প্রবৃত্তি ও রোমান্টিক প্রবৃত্তির একটা সংমিশ্রণী ক্রিয়া চলিতেছিল।

কিন্তু তাই বলিয়া বিজ্ঞান ও আর্ট এক জিনিস নয়, উভয়ের মধ্যে যে প্রভেদ, তাহা উহাদের একেবারে প্রকৃতি-গত। বহিজর্গৎ হইতে অন্তর্জর্গতের মধ্যে বিজ্ঞানের যে জয়যাত্রা, তাহাতে এই প্রভেদ মুছিয়া গেল না, বরং আরো সুস্পষ্ট হইয়া ফুটিয়া উঠিল। মনোবিজ্ঞানের তত্ত্বগুলি উপন্যাস-রচনার কাজে লাগাইতে গিয়া পল বুর্জের আবিষ্কার করিলেন—সূক্ষ্ম বিশ্লেষণ ও গভীর আলোচনা, তাহা সৃষ্টিকার্যের সঙ্গে ঠিক এক জাতের জিনিস

নয়; কেন না যাহা কিছু বিশ্লেষণ করা যায়, তাহার মধ্যে আর প্রাণ থাকে না। তবু বুর্জের উপন্যাসগুলি এই বৈজ্ঞানিক অনুপ্রাণনা অতিক্রম করিতে পারে নাই,— যদিও তাহাদের বিষয়, ধরণ-ধারণ ও অন্তর্নিহিত সুর জোলা-পন্থীদের উপন্যাসগুলির একেবারে বিরোধী। বুর্জের উপন্যাসের চরিত্রগুলি সমাজের নিম্নস্তরের জন-সাধারণ হইতে গৃহীত নহে, এমন কি কোনো অপ্রধান চরিত্রও, জুয়াচোর, মাতাল প্রভৃতি সমাজের আবর্জনা-জাতীয় নয়; তাহারা সকলেই উচ্চসমাজেরই নরনারী,— অলস বিলাসে যাহাদের দিন কাটিয়া যায়,—অস্তুত পক্ষে যাহাদের কর্মজীবন বুদ্ধিবৃত্তি ও কার্যবিচার চর্চায় আবদ্ধ। সমাজের নিম্নস্তরেরই হউক আর উচ্চ স্তরের হউক, মানবজীবনের যে জটিলতা, তাহা সর্বত্রই বৈজ্ঞানিক কার্য-কারণ সম্বন্ধকে ছাপাইয়া যায়। সৌভাগ্যক্রমে এই জটিলতা বুর্জের দৃষ্টি এড়াইয়া যায় নাই। তিনি বুঝিয়াছিলেন যে জীবনী-শক্তির বিকাশের যে অফুরন্ত প্রাচুর্য—তাহাকে ঠিক বিজ্ঞানের বাঁধা নিয়মের মধ্যে ধরা যায় না। তাই মানবজীবনের যে বৈজ্ঞানিক আলোচনা, তাহা একেবারে বৃথা হইয়া যাইবে, যদি তাহার মধ্যে শুধুই একটা জীবনের জটিলতার বৈজ্ঞানিক বিশ্লেষণের প্রয়াস থাকে, যদি তাহার মধ্যে জীবনের যে অবিচ্ছিন্ন পরিবর্তন, জীবনীশক্তির যে অপ্রতিহত তেজ, অন্তরের মধ্যে যে প্রচণ্ড তাগিদ,—তাহার প্রতি একটা ইঙ্গিত না থাকে।

এমনি করিয়াই বিজ্ঞান ও বৈজ্ঞানিক প্রণালীর প্রতি মানুষের যে অগাধ বিশ্বাস, তাহা ক্রমশঃ শিথিল হইয়া আসিতে লাগিল। যাহারা এই বিশ্বাস লইয়া অনুপম উৎসাহে কর্ম আরম্ভ করিয়াছিলেন,—তাহাদের মধ্যেই অনেকে ক্রমশঃ নিরাশ হইতে লাগিলেন। এদিকে অনেকদিন হইতেই দার্শনিকেরা বলিতে আরম্ভ করিয়া-ছিলেন যে, বিজ্ঞান যে, সত্যের সন্ধান দেয় তাহা চরম সত্য নয়,—তাহা ব্যবহারিক সত্য মাত্র, তাহাতে আমাদের প্রতিদিনের জীবনযাত্রা বেশ চলিয়া যায়, কিন্তু প্রকৃত জ্ঞান-লাভ হয় না। এমিল বুত্রো (E'mile Butroux) বলিলেন



যে বিজ্ঞানের নিয়মের মধ্যে আমরা যে উপলব্ধি করি একটা সন্দেহাতীত নিদ্বিষ্টতা ও নিশ্চয়তা,—তার কারণ শুধু এই যে, আমাদের প্রতিদিনকার জীবনযাত্রা একেবারে অনিদ্বিষ্টতা ও অনিশ্চয়তায় ভরা। বিজ্ঞানের নিয়ত চেষ্টা অস্তুর্জগৎ ও বহির্জগতের মধ্যে একটা সন্ধি স্থাপন করা,—যাহাতে প্রতিদিনের কাজ চলিতে পারে,—মানুষের সঙ্গে আর জগতের সঙ্গে কোনো বিরোধ না বাধে। বার্গসঁ

পরিস্কার প্রমাণ করিয়া দিলেন, মানুষের যে বুদ্ধি-শক্তি তাহা কেবলই তাহার বাবহারিক জীবনের একটা অঙ্গ মাত্র। সত্যের মঙ্গগ্রহণ তাহার কাজ নয়,—তার জন্ম চাই অল্প অল্প, মানুষের মনন-শক্তি (intuition)। সাহিত্যে বৈজ্ঞানিক অনুপ্রেরণা এমনি করিয়াই সহসা আবির্ভূত হইয়া অল্পদিনেই মরিয়া গেল।

(ক্রমশঃ)

দূরের কথা

শ্রীনলিনীমোহন চট্টোপাধ্যায়

আমার কথা পায় না নাগাল
এমনি তাদের দূর,
তাই বেধেছি গানে আমি
তাই বেঁধেছি সুর।

ফুরিয়ে গেলে মুখের হাসি,
আনমনেতে বাজায় বাঁশি,
কার সে আসা কার সে যাওয়া
রূপের সাগরে,
অনেকখানি হাসি ধরে
একটু অধরে।

কে সে আমার গৃহ হারা
কে সে আমার দূর,
কভু হারায় প্রাণের কথা
কভু গানের সুর।

কভু ভাসে নয়ন কোণে,
কভু হাসে সরল মনে
সবার শেষে সেই ত জোটে
অতি গোপনে,
হঠাৎ হেরি রঙ ধরেছে
কুঁড়ির স্বপনে।

বন-ভোজন

শ্রীঅক্ষয়কুমার সরকার

“ঘরে কেন আলো ?”

“গিন্নী গেছেন বন ভোজনে, সবাই আছে ভাল।”

“দুয়ারে কেন কাঁটা ?”

“গিন্নী গেছেন বনভোজনে ছেলেরা লোহার ভাঁটা।”

“তারপর কি মা ?”

“আর নেই মা, এই তুটা—”

হরিশ হাড়ির স্ত্রী আসিয়া জিজ্ঞাসা করিল, “বামুন মা, কখন কি সত্যি সত্যি বন-ভোজন হবে ?”

“তাইত সবাই মত করছে, মা। কাল দিনটে ভাল, পুণিমা। ভাদ্র মাসে আর তেমন দিনও ত নেই।”

“বেশ, তোমার বেটা বলল বামুন মাকে একবার শুধিয়ে আয়। তাহলে কাল সকালে মাকাল-তলাটা চেষ্টা করে পরিক্ষার ক’রে রাখতে হবে, পাঁচজন ভদ্র লোকের মেয়েছেলে ভোজন করবেন।”

“হ্যাঁ, হরিশকে রাস্তাঘাটগুলোও একটু ঝোপ-ঝাপ কেটে পরিক্ষার ক’রে রাখতে বলিস।”

হাড়ি বৌ চলিয়া গেল।

শশী মুচি আসিয়া বলিল, “বামুন মা, তাহলে অনুমতি হোক—বন-ভোজনের ঢোলটা দিয়ে আসি।” সে অনুমতি পাঠিয়া ঢোলে কাঠি দিতে দিতে চলিয়া গেল।

ভূষণ পরামণিকের মা তাহার মেয়ের বাটী হইতে ফিরিতেছিল। ঢোলের কাঠিতে বন-ভোজনের ঘোষণা শুনিয়া সে যেন একটু চটিয়া গেল। কোমরের পুঁটলিটা নিজের বড় ঘরের দ্বারে তাড়া তাড়ি নামাইয়া রাখিয়া বামুন মার বাড়ি আসিয়া বলিল—“বলি, বামুন মা, আমাদেরও একটা মত নিতে হয়। ঘরে মুড়ি বাড়ন্ত, যোগাড় নেই—”

বামুন মা একটু হাসিয়া বলিলেন, “নাপ্তে-বৌ, তুমি ত বাড়ীতে ছিলে না বাছা! তোমাকেও খোঁজ করা হয়েছিল। এ মাসে ত আর দিনও নেই—”

নাপিত-বধু বামুন মার মিষ্ট কথায় একটু নরম হইয়া বলিল, “তা হোক বাছা। আমি এখন যে কি করি—

বামুন মার নাতিন ঝির নাম বিভা। সে বলিল, “নাপ্তে দিদি, ভাবনা কি ? শ্রাম রক্ষিতের দোকানে চিড়ে, মুড়কি আছে ; তোমার গোয়ালে গরু আছে।”

নাপিত দিদি একমুখ হাসিয়া বলিল, “দূর বোন! বাজার হাটে জিনিষের অভাব কি ? এদিকে যে—কি বলে, ‘ভাঁড়ে নেই আমানি, ঘরে মা ভবানী’—”

বিভা হাসিতে হাসিতে বলিল, “কেন নাপ্তে দিদি, তোমার ত এক ভাঁড় টাকা সেই ঘরের দেওয়ালে পৌতা আছে ; আরও এক ভাঁড় ভর্তি হ’য়ে এল বলে—”

“শুনছ বামুন মা, বিভার কথা। আমার কোথায় টাকা পৌতা আছে, তুই কি দেখে এসেছিস্ লা ?”

সন্দোপদের অভূলের মা আসিয়া বলিল, “খোলা-গুলি দুটো বা’র ক’রে দাও, বামুন মা, এক খোলা মুড়ি ভেজে দিয়ে যাই। বউএর আবার জর এসেছে। গিয়ে আমাকেই ভাত চড়াতে হবে।”

“বউএর আবার জর এল ? এই সোমন্ত বয়েস, কোথায় খাবে পরবে, কাজকর্ম করবে, হেসেথলে বেড়াবে, না রোজ জরে হুঁ হুঁ আর পেটজোড়া পিলা—”

“তাই ত বলি বামুন মা! গাঁটা ত নিভুম হ’য়ে গেল। এই ক’বছরে কত উঠতি বয়সের লোককেই যেতে দেখলুম—”

“তোরাই বা কি দেখেছিস্ মা! আমি যখন প্রথম ঘর করতে আসি, তখন এ গাঁয়ে দেড় হাজার লোকের বাস।



যত্ন রাখার অত বড় উঠানেও মহানবমীর দিন নব-শাখেরা যখন খেতে বসত, যায়গা হ'ত না—”

“অত লোক গেল কোথা, কি মা ?”

“মরে গেল ! সকলকেই এক দিন না একদিন যেতে হবে, তা নয় । কি যে কাল মালেরিয়ার জ্বর এল ! আমার বেশ মনে আছে আমাদের উনি গয়লা বামুনদের চণ্ডীমণ্ডপে পাশা খেলতে যেতেন । সে দিন রাত্তিরে ফিরতে একটু বেশী দেরি হ'য়ে গেল, আমি ভাত নিয়ে ব'সে ঢুলছিলেম, একটু একটু রাগও হচ্ছিল । উনি এসে তা বুঝতে পেরে বললেন, ‘রাগ করো না, আর কোথাও গাই নি । ক্ষুধন বাঁড়ুয়ার এমন কেঁপে জ্বর এল যে তাকে তিনখানা লেপ চাপা দিয়ে তিন চার জনে ঘণ্টাখানেক চেপে রাখতে হয়েছিল । তাই রাত হ'য়ে গেল ।’ আমি বললুম, ‘সে কি ? তুমি যে আজ অবাক করলে, ক্ষুধন ঠাকুরপোর আবার জ্বর !’

পাশের বাঁধিবার চালাতে অতুলের মা মুড়ি ভাজিবার পোলাটা উনানে চড়াইতেছিল,—জিজ্ঞাসা করিল, “কেন, ক্ষুধন ঠাকুরের কি কখন জ্বর হ'ত না ?”

“জ্বর সকালে কারই বড় একটা হ'ত না । তোমরা কি ক'রে জানবে মা !”

বিভা বলিল, “ক্ষুধন ঠাকুরের কথা কি বলছিলে কি মা ?”

“হাঁ । ক্ষুধন ঠাকুরপোর কথা—সে আর কি বলবো ! তাঁর যেমন ছিল গায়ের জোর, তেমনি ছিল খোরাক ! আমার সঙ্গে দেওর সম্পর্ক কি না, কত যে গ্রাকরা করত ! একদিন—সে দিন ভাই-দ্বিতীয়ে—আমার ভাই দেবেশ্বর এসেছিল ; খুদন ঠাকুরপোকেও উনি খেতে বলেছিলেন । খেতে ব'সে কত ঠাট্টা মস্করাই যে সে করছিল ! যখনই পাতে কিছু দিই—ব'লে উঠে, ‘ওটুকু কি দিচ্ছ বউঠাকুরণ, ওতে তোমার ভাইটির সহরে পেট ভরতে পারে, আমার পাড়ার্গেয়ে ডালা পূর্বে না ।’ পারেস দেবার সময়ে আমি ঘোমটার ভেতর থেকে ইসারা ক'রে বাটিটে পাতের উপর তুলে নিতে বললুম । তারপর ছড় ছড় ক'রে আর আধ হাঁড়ি পারেস পাতে ঢেলে দিলুম । বাটি উপ'ছে প'ড়ে খালাটা

ভ'রে যেতে ঠাকুরপোর কি ফুর্তি । ব'লে উঠল, ‘এই ত দেওয়ার মত দেওয়া, বউ ঠাকুরণ ।’ দেবেশ্বর ঠাট্টা ক'রে বললে, ‘এইবার বাঁড়ুযো মশাই, আর ত আমাদের মত ব'সে বাটিতে চুমুক দিলে হবে না, চতুষ্পদের মত মুখ জুবুড়ে লেগে যান !’ ক্ষুধন ঠাকুরপো উত্তর দিলে, “চার-পেয়ে হ'তেও রাজি আছি, ভায়া, যদি খোরাকটা তেমন জুটে ।’ দেবেশ্বর হেসে বললে, ‘চতুষ্পদের খোরাক ত ফেন !’ তারপর কথা কাটাকাটি হ'তে হ'তে ফেন খাবার বাজি হ'ল । ক্ষুধন ঠাকুরপো এক বোকনো ফেন একটু মূগ মিশিয়ে চুমুক দিয়ে শোঁ শোঁ ক'রে মেরে দিলে ।”

অতুলের মা মুড়ি ভাজিতে ভাজিতে বলিল, “বামুন মার কাহিনীর কিন্তু খেই হারিয়ে যায় । কোথায় জ্বরের কথা থেকে ক্ষুধন ঠাকুরের ফেন খাওয়া—

বিভাও হাসিতে হাসিতে বলিল, “ঝি-মার ঐ রকমই গল্প বলা—”

ঝি-মা উত্তরে বলিলেন—“বয়সও যে তোর ঝি-মার চার কুড়ি পেরিয়ে গেছে, অনেক দিন মা—”

“তা হোক । যে বছর প্রথম জ্বর এল, তখনকার কথা বল, শুনি ।”

“কি আর বলবো মা । ক্ষুধন ঠাকুরপোর রাত্তিতে এল জ্বর ; তারপর দিন সন্কে হ'তে না হ'তে তাকে হরিবোল দিয়ে নিয়ে গেল । সেই দিন আবার ক্ষুধন ঠাকুরপোর দিদির আর ভাইপোর অসুখ হয়েছিল, তাদেরও ছদিন পেরুলো না । তারপর এ বাড়ি, ও বাড়ী, সে বাড়ী, কোন বাড়ীই ফাঁক গেল না । ঠাণ্ডাল-পাড়া, বাগ্দী-পাড়া প্রায় নিভুট হ'য়ে গেল ; কে কাকে দেখে, কে কাকে ফেলে ! ঘোষেদের তুফানিকে তার মা আর শিশু ভাইটি পায়ে দড়ি বেঁধে সরকারদের বাশ-তলায় টেনে ফেলে রেখে গেল ; শ্মশানে নিয়ে যাবার লোক জুটল না । যত্ন রাখার বাড়িতে যে পুরাণ চাকরাণীটা সন্কো দিত, সেটা বাড়ীর মধোই কবে ম'রে প'ড়ে ছিল । সেই খানেই তাকে শিয়াল কুকুরে খেলে । কেউ জানত না । টান মালাই কতকটা খেমে গেলে ঘরের মেঝের তার হাড়গুলো দেখে বোকা গেল ।”

শ্রীঅক্ষয়কুমার সরকার

বিভা বলিল—‘যহু রায়ের তত বড় বাড়ীতে আর কেউ ছিল না! এখনও কত ইট কাঠ, উঁচু ভিটে—’

তাহার বি-মা বাধা দিয়া বলিলেন, “যহু রায়ের কথা তুমি কিছু শোন নি, অতুলের মা?”

“কিছু কিছু শুনেছি। ঐ ভিটেটার না কি অপদেবতার আশ্রয়—”

“সত্যি মিথো জানি না মা, অনেক দিন থেকে শুনে আসছি। তবে যহু রায়ের যে অপমৃত্যু হয়েছিল সে কথা সত্যি।”

বিভা বি-মার কাছে সরিয়া বসিয়া জিজ্ঞাসা করিল, “কি রকম অপঘাত হয়েছিল বি-মা?”

স্বর একটু মৃদু করিয়া তিনি বলিতে লাগিলেন, “অতুলের মা, সবই ত আমার দেখ্তা। তোমার শাণ্ডি় সে বছর পঞ্চম ঘর করতে আসে। তখন না’বার বেলা, রায়-পুকুরে আমরা ক’জন বৌবি নাইছি, তোমার শাণ্ডি়ও ছিল। রায়-গিন্নির শুচিবাই ছিল, পাছে জলের ছিটে গায়ে লাগে বলে আমাদের থেকে একটু দূরে দাঁড়িয়ে জপ করছিলেন। এখন সময় সতী ঠাকুরবি পুকুরটার ঈশান কোণের দিকে আসুল দেখিয়ে ব’লে উঠল, ‘দেখ বৌ, ওরা কারা যাচ্ছে।’ চেয়ে দেখি, ক’জন চোয়াড়, তাদের মধ্যে আবার জন চার গালপাট্টাওয়াল। হিন্দুস্থানী, কারও হাতে পধা লাঠি, কারও হাতে বা গুলতি ছোঁড়বার ধনুক। রায়-গিন্নি একবার সে দিকে তাকিয়েই হন্ হন্ ক’রে বাড়ি মুখা হ’লেন।”

“কেন বি-মা?”

অতুলের মা বলিল, “বলছেন শোন না।”

বি-মা বলিয়া যাইতে লাগিলেন, “আমি ভাবছিলুম, রায়-গিন্নি ষড়টা ফেলে গেছেন, সেটা হাতে ক’রে দিয়ে—”

বিভা বলিল “তোমার ষড়?”

“আমারটা কাঁখে—”

অতুলের মা বলিল, “তোমার শরীর তো আমরা দেখেছি মা। বয়স কালে তুমি যে ছু ষড় জল নিয়ে—”

“সে অনেকবার এনেছি।”

বিভা বলিল, “তারপর রায়-গিন্নির ষড়টা—”

“হ্যাঁ, বলছি। হঠাৎ একটা বিষম গোল উঠল, এবং একটু পরে বন্দুকের আওয়াজ—”

“বন্দুকের আওয়াজ! কেন বি-মা?”

“আর কেন! যহু রায়ের সঙ্গে তখন গাঁ-এর নতুন জমিদারের বিবাদ চলছিল। রায়দের বাগানের খানিকটা জমিদারের লোক দখল করতে এসেছিল—”

“তোমরা ঘাটে দাঁড়িয়ে রইলে?”

“শোন কথা! পাশে অতবড় একটা দাঙ্গা হচ্ছে আর আমরা নিশ্চিন্ত হ’য়ে ঘাটে দাঁড়িয়ে থাকব! সত্বে পিশির হুকুম হ’ল, বৌ-বি সব দক্ষিণধারের রাস্তা ধ’রে পাড়ার ভিতর গিয়ে ঢুকে পড়। আর আমরা স্ফুস্ফু ক’রে জল থেকে উঠে পড়লুম। কিন্তু, জান অতুলের মা, ধগু বুকুর পাটা ছিল সেই গয়লাদের বিউড়ির। তাকে তুমি দেখেছ?”

“হ্যাঁ, একটু একটু মনে পড়ে।”

“সে আবার ঘুরে দাঙ্গা দেখতে গিছিল। ছপুর বেলা আমাদের বাড়িতে বেড়াতে এসে বললে, ‘বৌ, সে কি কাণ্ড! যহু রায় পাঁচিলের উপর দাঁড়িয়ে একটা বন্দুক হাতে বাঘের মত কাঁপছে। পাঁচিলের নীচে দুটো লাশ প’ড়ে আছে আর সব জমিদারের লোক ভেগে গেছে। গাঁ শুদ্ধ লোক ভেঙ্গে পড়েছে, কিন্তু রায় মশায়ের হাত থেকে বন্দুকটা নেয় কার সাধ্য। যেন উন্মাদ! শেষে রায়-গিন্নি এসে বললেন, ‘তুমি ছেলের কাজ করেছ, নেমে এস বাবা—’”

বিভা বলিল, “রায়-গিন্নির ত খুব সাহস।”

“তিনিই ত ঘাট থেকে গিয়ে রায়কে বলেছিলেন, ‘যহু, তুই যদি আমার মাই খেয়ে থাকিস, তোর মায়ের ছুধের মান রাখিস, ঐ চোয়াড়গুলো যেন আমার স্বপুনের ভিটেয় না ওঠে।’”

অতুলের মা জিজ্ঞাসা করিল, “শুনেছি রায়দের ভিটের কালীপূজার রাত্রে নরবলি হ’ত। সত্যি বায়ুন মা?”

“সত্যি। যহু রায়ের বৌ আমার মনের-কথা ছিল,—সে স্বচক্ষে দেখেছে—”

বিভা বলিল, “তারপর যহু রায়ের কি হ’ল?”



“কোম্পানির আমলে দু'ছোটো খুন হজম করা কি সহজ! যত্ন রায়ে তিন বছর জেল হয়েছিল।”

“ফাঁসী হ'ল না?”

“না। সে জমিদারটারও অনেক দোষ ছিল। রায় মশায় জেলে যাবার সময় তাঁর মা'র পায়ে হাত দিয়ে দিলেসা ক'রে গেলেন যে, ফিরে এসে জমিদারকে নির্বংশ করবেন। তাঁকে কিন্তু আর ফিরতে হয় নি। কৃষ্ণনগরের জেল থেকে যে দিন খালাস পান, তার এক দিন না দু'দিন পরে তাঁর লাস ত্রিবেণীর ঘাটের উপর পাওয়া গেছে—”

“কি ক'রে মারা গেলেন?”

“শুনেছি সেই জমিদারই না কি তাকে তাকে লোক রেখেছিল। তাদেরই এক জন যে নৌকাতে যত্ন রায় আসছিলেন তাতে আশ্রয় নিয়ে তাঁকে বিষ খাইয়ে মেরে ফেলে।”

“লাসটা যে যত্ন রায়ে কি ক'রে ঠিক হ'ল?”

“লাসের সঙ্গে কাপড়ের খুঁটে একখানা ১০ টাকার নোট ও এক টুকরা কাগজ ছিল। তাতে লেখা ছিল 'এ ব্যক্তি সুজাপুরের যত্ন রায়, সংব্রাহ্মণ। এঁর আত্মীয়-স্বজনকে খবর দিয়ে সংকার করালে পুণাকার্য্য হবে।' একেই বলে গরু মেরে জুতা দান। সেই জমিদারেরই কীর্তি—”

অতুলের মা বলিল, “এখনও তার বংশ আছে মা?”

বামুন মা হাসিয়া বলিলেন, “খুব বাড় বাড়ন্ত। বোধ হয় বামুনকে ব্রহ্মহত্যার পাতক লাগে না।”

বিভা জিজ্ঞাসা করিল, “যত্ন রায়ে ছেলেপিলে বো ছিল না?”

“একটি বছর খানেকের ছেলে ছিল। রায়-গিন্নির মৃত্যুর পর সেই ছেলেটিকে নিয়ে তার মা বাপের বাড়ি চ'লে যায়—”

“তারা বেঁচে আছে?”

“ছেলেটি বড় হ'য়ে পশ্চিমে কোথায় বিয়ে ক'রে সেইখানে বসবাস করছিল, শুনেছিলুম। সেও মারা গেছে। তার ছেলেপুলে কেউ আছে কি না—”

দরজা ঠেলিয়া শশী ঢুলি বাড়িতে ঢুকিয়া বলিল, “একটু পায়ের ধুলা দাও, বামুন মা।”

তার গলার স্বরে বামুন মা একটু আশ্চর্য্য হইয়া জিজ্ঞাসা করিলেন, “কি রে শশী, তুই অমন—”

অশীতিপর বৃদ্ধ শশী উঠানে বসিয়া পড়িয়া বলিল, “বলতে নেই, বামুন মা, উত্তর-পাড়ায় টেঁড়া দিয়ে ফিরবার পথে রায়েদের ভিটের পাশ দিয়ে আসছিলাম, জ্যোৎস্নায় উঁচু পোঁতাটা চিক্ চিক্ করছে, আর তার পাশে যে সেকলে বকুল গাছটা,—তারই গুঁড়িতে হেলান দিয়ে কে একজন দাঁড়িয়ে রয়েছে, গলায় সাদা ধপধপে পইতে, গোরো রং, রায় মশায়ের মত ঠিক তার নাকটা—”

বিভা তাহার বি-মার গা ঘেঁসিয়া বসিল।

অতুলের মা বলিয়া উঠিল, “তা'হলে যা শোনা যায় সত্যি?”

শশী ঢুলি উত্তর দিল, “সত্যি নয় ত কি ঘোষ-বো? আমি স্বচক্ষে—”

খোলা দরজা দিয়া কে একজন লোক যেন প্রাণের ভয় এড়াইবার আগ্রহে বেগে সেখানে আসিয়া পড়িল। সকলেই চকিত হইয়া চাহিয়া দেখিল আগন্তুকের খোলা গা, খালি পা, বুকের উপর এক গোছা গুত্র উপবীত। তাহার মুখের উপর দৃষ্টি পড়িবামাত্র শশী ঢুলির মোহপ্রাপ্তির অবস্থা হইয়া আসিল। কিন্তু সে দিকে কাহারও দৃষ্টি পড়িবার আগেই সে মরণার্ন্তের স্বরে বলিয়া উঠিল, “আমার পায়ে সাপে কামড়েছে!”

বামুন মা ত্রস্তে নিকটে গিয়া দেখিলেন তাহার হাঁটুর নীচে কি একটা কাঁটাফুটার কাল দাগের মত এবং তাই দিয়া রক্ত গড়াইতেছে। মুহূর্ত্ত মধ্যে তিনি ব্রাহ্মণের গাএর পৈতার গোছাটা খুলিয়া লইয়া তাহার হাঁটুর উপর জোরে তাগা বাধিয়া দিলেন, এবং তারপরেই হাতের কাছে একটা বোতল পাইয়া তাহা আঁছড়াইয়া ভাঙ্গিয়া তাহার একটা টুকরা দ্বারা অতি নির্মমভাবে সর্পদষ্ট ব্যক্তির আহত স্থানটা চিরিয়া দিতে লাগিলেন। সে যন্ত্রণায় আর্ন্তনাদ করিতে করিতে সরিয়া যাইবার স্বাভাবিক চেষ্টা করিতেছে দেখিয়া বামুন মা শশী মুচিকে ডাকিয়া বলিলেন, “ধর বাছা, একবার ছোঁড়াটাকে চেপে ধর।” কয়েক মুহূর্ত্ত রোগী যন্ত্রণায় চীৎকার এবং ধস্তাধস্তি করিয়া যেন একটু

শ্রীঅক্ষয়কুমার সরকার

অবসন্ন ভাব ধারণ করিল। ইতিমধ্যে কাচের ধারে ক্ষতস্থান হইতে আরম্ভ করিয়া তাহার খানিকটা নীচ পর্য্যন্ত ফালা ফালা করিয়া চেরা হইয়া গিয়াছিল, এবং তাহা দিয়া রক্ত পড়িয়া তাহার পা-এর তলার খানিকটা মাটি ভিজিয়া গিয়াছিল। এখন ব্রাহ্মণী অতুলের মাকে একটা নূতন হাঁড়ি তাতিয়ে আনতে বলাতে বিভা জিজ্ঞাসা করিল “এইবার রক্ত চুষে নিতে হবে,—নয় ঝি-মা?”

ঝি-মা তাহার মুখের উপর মুহূর্ত্ত মাত্র চাহিয়া একটি দার্ঘনিঃশ্বাস ফেলিয়া তরুণ পীড়িতের সুন্দর মুখশ্রীর উপর দৃষ্টি গ্ৰস্ত করিয়া নীরব রহিলেন।

“মুখটা ধুয়ে নেব, ঝি-মা?”

ঝি-মা শিহরিয়া উঠিয়া বলিলেন, “কেন মা?”

“সেই যে সে বছর মাকে যখন সর্পাঘাত হয়, সকলে বলেছিল যদি রক্তটা চুষে নেওয়া হ’ত—তা’হলে হয় ত—” বলিতে বলিতে বিভার চক্ষু ছল ছল করিয়া আসিল এবং কথা বন্ধ হইয়া গেল।

অতুলের মা বলিল, “চুষবে কে?”

“কেন আমি। আহা যদি বাচে—”

বামুন মা অতি গম্ভীর-ভাবে কয়েক মুহূর্ত্ত কি ভাবিয়া বলিলেন, “দেখি মা তোমার মুখের ভিতরটা। একবার—হাঁ কর্ত।”

বিভার মুখের ভিতরটা পরীক্ষা করিয়া বামুন মা বলিলেন, “পার্বি মা? তুই যার মেয়ে সে ত পরের জন্ত সন্দেহ দিতেও কাতর ছিল না। তোকে এ কাজ করতে দিতে আমার প্রাণ কিন্তু চায় না, তবে বারণ করাও ঠিক হবে না। আমার দাঁত নেই, চোষা যাবে না। অতুলের মা যদি—”

অতুলের মা বলিয়া উঠিল, “আমা হতে হবে না, বামুন মা। কোথাকার কে, আর আমার মুখেও ঘা—”

এই সময়ে সর্পদষ্ট কিশোর বলিয়া উঠিল—“না বাছা, ও সব করতে হবে না। হয় ত এমনিই বেঁচে যাব

বিভা রোগীর মরণকাতর মুখের দিকে চাহিয়া বলিল, “ঝি-মা, আমার মুখে ত কোন ঘা টা নেই। আর তা না থাকলে কোন ভয়ই নেই, তুমি বল। আহা যদি এ

বেঁচে যায়। মার মরণের পর থেকে আমার কেবলই মনে হয় সাপে-কাটা কারওরক্ত চুষে নিলে বাঁচে কিনা একবার দেখি।”

রোগী হেমন্তকুমার তরুণীর করুণ কোমল মুখের উপর একবার দৃষ্টিপাতের পর তীব্র প্রতিবাদ করিয়া উঠিল, “এ কিছুতেই হ’তে পারে না। আমি কিছুতেই হ’তে দেব না।” কিন্তু হয় ত বা বিভার সনির্বন্ধ অনুনয়ে, হয় ত বা বামুনমার যুক্তির প্রভাবে, হয় ত বা প্রাণের স্বাভাবিক মায়ায়, কিছুক্ষণ বাদানুবাদের পর সে আর বাধা দিল না। বিভা তাহার কিশোর বয়সের কিশলয় তুলা ওষ্ঠপুট দিয়া সেই তরুণ অপরিচিতের বিষাক্ত রক্ত চুষিয়া লইল।

২

গত রাত্রিতে বিভা ঘুমাইতে পায় নাই। পুণ্যকার্যে অমঙ্গল হয় না, আজন্ম অভ্যস্ত এই বিশ্বাসের বলে তাহার ঝি-মা আশ্বস্ত থাকিলেও তাঁহার স্নেহাকুল অনিষ্টশঙ্কী মন ভাবিয়াছিল যদি মেয়ের মুখে কোথাও কোন অজ্ঞাত বা থাকে। এবং ফলে যাহাতে বিভা না ঘুমায় তাহার জন্ত তিনি সচেত্ন ছিলেন।

তাহা না হইলেও হয়ত সে রাত্রিতে তাহার নিদ্রা হইত না। সর্পদষ্ট হেমন্ত পাছে চলিয়া পড়ে এই ভয়ে ওঝা তাহাকে ঘরের দ্বারের একটি মোটা খুঁটির সঙ্গে এমন ভাবে বাধিয়াছিল যে সমস্ত রাত্রি তাহার মৃত বা জীবিত শরীরের খাড়া হইয়া থাকা ছাড়া আর কোনও সম্ভাবনা ছিল না। তাহার পর ঝাড়-ফুক, অবোধ্য মন্ত্র এবং তাহার ভিতর দিয়া বিভিন্ন সুরে অজ্ঞাতনামা সর্পকে শত সম্ভাবিত নামে অভিহিত করিয়া, বিনয়, অনুনয়, অনুযোগ, অভিযোগ, দিবা-দিলেসা, ক্রোধের আক্ষালন, দর্পের অভিনয়, ভয়-মৈত্রী-লোভ প্রদর্শন, বিভার কিশোর চিত্তটিকে সমস্ত রাত্রি ধরিয়া বিস্ময়-কৌতূহলে ডুবাইয়া রাখিয়াছিল

সকলের উপর যে অপরিচিতের জীবন মরণ লইয়া সে রাত্রিতে যমে মানুষে লড়াই চলিতেছিল তাহার যন্ত্রণাবিকৃত তরুণ মুখ হইতে মাঝে মাঝে যে আর্তনাদ, তাহার পুরুষ-সম্মান-রক্ষার শত চেষ্টাকে বিফল করিয়া দিয়া, বাহির হইয়া আসিতেছিল তাহাতে এই কিশোরীর কোমল তরুণ অন্তঃ-করণ করুণায় প্রবাহে ভাসিয়া যাইতেছিল।



কিন্তু বিভার মনের উপর সব চেয়ে বেশী প্রভাব বিস্তার করিতেছিল, হেমন্তকুমারের কৃতজ্ঞ কৰুণ দৃষ্টিটি। সেটি যেন কৃতজ্ঞতার ভাবে আক্রান্ত অবসন্ন হইয়া সেই অপরিচিতা প্রাণ-দাতাকে আহ্বান করিয়া বলিতে চাহিতেছিল, “তোমার সঙ্গে ত আমার এ জন্মের কোন পরিচয় নাই, কিন্তু তুমি এই অপরিচিতের জন্ত যাহা করিলে তাহা করিতে হয়ত অনেকের নিকটতম আত্মীয়াও ইতস্ততঃ করে।” তত যন্ত্রণার মধ্যেও হেমন্তের দৃষ্টি যেন বিভার সরস শাস্ত মুখের কৰুণাপ্লাবিত চক্ষু দুইটির ভিতর দিয়া গিয়া তাহার হৃদয়ের ভিতরে ঢুকিয়া সেখানকার কৰুণার উৎসটি উপভোগ করিতে যাইতেছিল। সেই আগ্রহ দৃষ্টির স্পর্শে কুমারীর মনোরক্তির মধুরতম স্নপ্ত অংশ, সুষুপ্তিমগ্ন রাজকণ্ঠা যেরূপ নবাগত যুবরাজের সোনার কাঠির স্পর্শে উদ্ভূত হইয়াছিল, সেই রূপ ভাবে জাগিয়া উঠিতেছিল।

একান্ত অভিনব বলিয়া এবং স্থান কাল ও অত্যাশ্চর্য পারিপাশ্বিকের প্রতিকূলতাবশতঃ এই জাগ্রত-প্রায় মনোরক্তির যথার্থ প্রকৃতি বিভা বেশ উপলব্ধি করিতে পারিতেছিল না; কিন্তু ইহার অনাস্বাদিতপূর্ণ মধুর মোহ তাহার মনটিতে প্রথম মদিরা পানের নেশার আবেশ আনিতেও ছাড়িতেছিল কি না, কে জানে? কিন্তু ইহাও স্থির যে বিভা পরমেশ্বরের নিকট হেমন্তকুমারের জন্ত, প্রিয় আত্মীর প্রাণ-রক্ষার জন্ত লোকে যেমন আগ্রহে প্রার্থনা করে, সেইরূপ ভাবেই তাহার মনস্কামনা জানাইতেছিল।

এইরূপ করিয়াই শরতের শুভ রাত্রিটি কাটিয়া গেল, এবং ভোরের দিকে ওঝা রোগীকে নিরাপদ ঘোষণা করিয়া, অতুলের মা প্রভৃতি প্রতিবেশী প্রতিবেশিনীর সঙ্গে চলিয়া গেল। তখন বিভার মনে একটা সার্থকতার স্ফূর্তি ও নিশ্চিততার তৃপ্তি আসিল; এবং সঙ্গে সঙ্গে প্রকৃতি তাহার ঘুমের দাবী এমন ভাবে জ্ঞাপন করিল যে ইচ্ছা থাকিলেও তাহা অগ্রাহ্য করিবার শক্তি তাহার রহিল না। এই সময়ে যখন তাহার ঝি-মা তাহাকে স্নেহের সুরে আহ্বান করিয়া বলিল, “ঘুম পেয়েছে মা? তুলছ

যে, এখন আর ঘুমুতে দোষ নেই, শোবে চল।” তখন সে একটা অনাবশ্যক বাগ্মতার সহিত বলিয়া উঠিল, “না ঝি-মা, কই আমার ত ঘুম পায় নি!” সে কথায় বামুন মার যে হাসিটুকু আসিয়াছিল তাহা হয়ত বিভার দৃষ্টিতে না পড়াই স্বাভাবিক, কিন্তু স্তম্ভে বদ্ধ রোগীর মুখে যে স্নিগ্ধ স্নেহের হাসির অতি সূক্ষ্ম একটি রেখা ফুটিয়া উঠিতে না উঠিতেই শূন্যে মিলাইয়া গেল, তাহা সেই কিশোরীর সতর্ক লক্ষ্যের অজ্ঞাত থাকিল না; তাহার ফলে একসঙ্গে তাহার অধরে হাসির রেখা এবং নয়নে লজ্জার নমতা আসিয়া পড়িল। অত লক্ষ্য করিবার বয়স বিভার ঝি-মার ছিল না এবং সেরূপ কোনো সম্ভাবনার কথাও তাঁহার মনে উদয় হয় নাই, সুতরাং তিনি বিভার হাত ধরিয়া তাহাকে কোলের কাছে টানিয়া লইয়া “তা হোক, এইখানেই না হয় একটু ঘুমিয়ে নাও,” বলিয়া নিজের অবসন্ন প্রাচীন দেহটিকে আঁচলের উপর বিছাইয়া দিলেন এবং বিভাকেও পাশে শোয়াইলেন। বৃদ্ধা ত অল্পক্ষণ মধ্যেই নিদ্রার গাঢ়তায় আচ্ছন্ন হইয়া পড়িলেন, কিন্তু তরুণীর মানসপটের উপর রাত্রির গত ঘটনাগুলি এত বিভিন্নধণে এবং মিশ্রণে ছড়াছড়ি করিয়া যাতায়াত করিতে লাগিল যে, শুধু অনেকক্ষণ নিদ্রাদেবীর অধিকার হইতে তাহার মনটি মুক্ত রহিল তাহা নহে, তাহার দৃষ্টিও মাঝে মাঝে বিদ্রোহীভাবে তাহার মুদ্রিত প্রায় চক্ষু দুইটির পাতা সবলে উন্মুক্ত করিয়া সন্মুখের দুর্দশাগ্রস্ত বন্দীর দিকে চাহিয়া লইতে লাগিল।

সে মানুষটির পা-এর ত্রাণী তখনও খোলা হয় নাই এবং দেহটি খুঁটিতে বাধা ছিল; সুতরাং রক্তচলাচলের অভাবে বামপদটি অত্যন্ত ভারি হইয়া এবং মশার কামড়ে সর্বদা জ্বলিয়া পুড়িয়া তাহার যে যন্ত্রণা হইতেছিল তাহা নীরবে শাস্তমুখে সহ করা মানব প্রকৃতির সাধ্যের বাহিরে। মৃত্যুর বিভীষিকা সে সক্ষম-কালে কল্পনায় দেখিয়া ভীত হইয়াছিল সত্য, কিন্তু এখন ভাবিতেছিল যে এই যে অসহ্য শারীরিক যন্ত্রণা ইহা অপেক্ষা মৃত্যুই ভাল। ওঝার ঝাড়নের মধ্যে এবং সমাগত মানব-নানা বক্তবোর মধ্যে হেমন্ত একাধিকবার

শ্রীঅক্ষয়কুমার সরকার

এই অসহনীয় যন্ত্রণা জ্ঞাপন করিয়া তাগা খুলিয়া দিবার জন্ত কাতর প্রার্থনা করিয়াছিল; কিন্তু তাহার কথায় কেহ কণপাতও করে নাই। ফলে কয়েক ঘণ্টা ধরিয়া ক্রমাগত যন্ত্রণাভোগের পর এখন সে উন্মাদের মত হইয়া পড়িয়াছিল। দাঁতে করিয়া তাহার বন্ধনের দড়িটা কাটিয়া ফেলিবার ব্যর্থ চেষ্টার পরেই হঠাৎ তাহার দৃষ্টি বিভার করণ-কাতর চক্ষুর উপর পড়িতেই সে উগ্র তিরস্কারের স্বরে বলিয়া উঠিল, “তোমরা নিষ্ঠুর! ম’রে গেলুম যে যন্ত্রণায়! তোমার পায়ে পড়ি একবার হাত দুটো খুলে দাও!”

তাহার করণ মিনতির স্বর শুনিয়া এবং চক্ষুর জগ দেখিয়া বিভা যেন নিজের অজ্ঞাতসারেই তাহাকে বন্ধনমুক্ত করিবার জন্ত উঠিয়া দাঁড়াইল; কিন্তু পবক্ষণেই হাত গুটাইয়া লইয়া বলিল—“কিন্তু সবাই যে বলে গেছে, তা হলে আপনাকে কিছুতেই বাঁচান যাবে না।” কথা কয়টি বলিতে বলিতে সে কাঁদিয়া ফেলিল এবং তাহাকে কাঁদিতে দেখিয়া হেমন্তকুমারের উন্মাদ চাঞ্চলাও যেন মুহূর্তের জন্ত শাস্ত হইয়া আসিল। সে একটা দীর্ঘ নিশ্বাসের সহিত উত্তর দিল, “আমি যে আর সহ্য করতে পারছি না, বিভা! পা’টা যেন ভারি পাথর হ’য়ে এসেছে, আর দড়িটা যেন ক্রমাগত চামড়া কেটে বসছে।”

“আমি একটু চুঁচে দিই” বলিয়া তাহার ঝি-মার দিকে একটুমাত্র চাহিয়া লইয়াই বিভা অতি সস্তর্পণে এবং সঙ্কোচে তাহার পল্লবকোমল হাত দুইটি হেমন্তের পায়ে উঠাইতে এবং নামাইতে লাগিল। তাহার করতলের স্নিগ্ধতার দরুণই বোধ হয় হেমন্ত কিয়ৎকালের জন্ত কতকটা শাস্ত্যাব অবলম্বন করিল। এইরূপে শরতের জ্যোৎস্নাস্নিগ্ধ শব্দে সেই তরুণ তরুণী দুইটি লোক-চক্ষুর অন্তরালে নীবব সহানুভূতির সূত্রে গ্রথিত হইয়া আসিতেছিল। প্রকৃত দেবী কিন্তু এরূপ স্থলেও মানবশরীরের উপর তাহার যে চিরস্তন দাবী তাহা কিছুতেই ছাড়িলেন না; এবং প্রত্যাষের আলো ভাল করিয়া দেখা দিবার পূর্বে যখন কাক কোকিল ডাকিতেছিল, তখন তিনি বিভার একসঙ্গে আনন্দ ও বাথায় ভরা মনটিকে আচ্ছন্ন করিয়া দিয়া এবং তাহার শ্রান্ত শরীরখানিকে নিদ্রাকবলিত

করিয়া হেমন্তের পা’এর কাছে ভূশযায় শোয়াইয়া দিলেন। কতক্ষণ পরে বামুন-মা’র মুখের উপর প্রাতঃ-সূর্যের রশ্মি-সম্পাত হওয়াতে তিনি জাগিয়া উঠিয়া বসিলেন। বন্ধ হেমন্তের মুখের উপর দৃষ্টি পড়াতে বলিলেন, “কাল রাত্রিতে বড় যন্ত্রণা পেয়েছ বাবা। আর ভয় নেই। বিষহরি রক্ষা করেছেন।” তাহার পর নিদ্রিতা বিভার দিকে চাহিয়া স্নেহে বলিলেন, “মা আমার বড় ভাল মেয়ে।” তাহাকে ঠেলিয়া উঠাইয়া, হেমন্তকে বন্ধনমুক্ত করিয়া বলিলেন, “তুমি এইবার হাত মুখ ধুয়ে এস। কাল বিপদের সময় তোমার পরিচয় লওয়া হয় নি। তবে এখানে যে তোমার কোন আত্মীয় স্বজন নেই, তা বলেছিলে। এত ক্লেশের পর তোমাকে ছুটি না খাইয়ে ছাড়তে পারি না।

বামুন মার অহুরোধে হেমন্তকুমারকে সে দিন সেখানে থাকিতে হইয়াছিল। অথবা তেমন স্নেহ অহুরোধ না হইলেও তাহাকে থাকিতে হইত। গত রাত্রির ব্যাপারের পর তাহার আর চলিবার সামর্থ্য ছিল না; এবং হয়ত বা এই অনাখ্যীয় দরিদ্র গৃহস্থের আন্তরিক স্নেহের সেবার আকাজক্ষা এই ভবঘুরে ছেলোটর সত্ত্ব-পীড়িত এবং বৃত্তুক শরীরের অভ্যন্তরস্থ দুর্বল মনটিকে লোভাতুর করিয়া তুলিয়াছিল। যাহা হউক যখন সে যত্ন রায়ের ভিটে হইতে তাহার গত রাত্রির পরিত্যক্ত গেঞ্জিটি একটি ছিটের কোট এবং এক জোড়া জুতা সমেত বিভাদের বাড়িতে ফিরিয়া আসিল তখন আত্মীয়ের আদরেই গৃহীত হইল।

বিভা রসুই-ঘরের দ্বারের উনানটি নিকাইতেছিল, পদশব্দে হেমন্তকে দেখিয়া বলিল, “ঝি-মা, এই যে ইনি এসেছেন।” ঝি-মা আদর করিয়া হেমন্তকে ডাকিয়া কাছে বসাইয়া তাহার পরিচয় জিজ্ঞাসা করিলেন; কিন্তু হয়ত সবটুকু পাইলেন না। যেটুকু পাইলেন তাহাতে ছেলোট যে সংব্রামণ, ভদ্র এবং লেখাপড়া-জানা এইটুকু বুঝিলেন। সুজাপুরে আসিবার কারণ এবং রাত্রিতে সে অমন নির্জন যত্ন রায়ের ভিটার গিয়া কেন যে দাঁড়াইয়াছিল সে কথা



জিজ্ঞাসা করিয়া তাহার কোন সত্ত্বর পাইলেন না। পরিচয় ভাল করিয়া পান আর নাই পান, তাঁহার বহুদর্শিনী দৃষ্টি হেমন্তের মুখশ্রীর অপূর্বত্বে এবং তাহার আশ্রয়বৎ সহজ সদালাপের বিশেষত্বে আকৃষ্ট হইতেছিল তাহাতে কোন সন্দেহ নাই।

সে দিন বামুন মার বন-ভোজনের উপবাস। বিভা যাহা কিছু রন্ধন করিয়াছিল তাহা পরম পরিতৃপ্তির সহিত আহার করিয়া হেমন্ত নিদ্রাদেবীর গত রাত্রির অনিদ্রার ঋণ-পরিশোধের জন্ত শয্যা লইয়াছিল। অপরাহ্নে নিদ্রাভঙ্গ হইলে চক্ষু খুলিবার আগেই তাহার কানে ঢুকিল “হয় না, মা? ছুটিতে কিন্তু বেশ মানায়—” বিভার ঝি-মা ঘরের মেঝে বসিয়াছিলেন, তিনি মুদ্রিত-নেত্র হেমন্তের মুখের উপর এক মুহূর্তের জন্ত দৃষ্টিপাত করিয়া উত্তর করিলেন, “জাতিকুল ত সব মিলে মা, কিন্তু আর ত কোন পরিচয়—”

বিভা পাশের বাড়িতে চুল বাধিতে গিয়াছিল। বন-ভোজনের জন্ত সাজিয়া গুজিয়া, মুখটি মুছিয়া পুঁছিয়া, কপালের মাঝে ছোট একটা টিপ পরিয়া, শুকতারাটির মত দীপ্ত প্রফুল্ল মুক্তিতে সে আসিয়া দাঁড়াইতেই তাহার ঝি-মার কথা-বন্ধ হইয়া গেল।

বিভা বলিল, “আর দেরি করছ কেন ঝি-মা? ও পাড়ার সবাই যে বেরিয়ে পড়েছে, আর রাক্ষাসীমারাও”—এই সময়ে বন-ভোজনের যাত্রীগুলি তাহাদের মুড়ি-মুড়কির পুঁটলি-পোঁটলা ও দুধ-দইয়ের বাটি খোরা সমেত কলরব করিতে করিতে সেখানে আসিয়া পৌঁছিল।

হেমন্ত নিদ্রা হইতে উঠিয়া বাহিরে যাইতেছে দেখিয়া ঝি-মা একটু হাসিয়া বলিলেন, “আমরা এইবার বন ভোজনে চলুম। তুমি ঘর আগলাও, বাবা।” ঘর হইতে বাহির হইবার পথে হেমন্তের দৃষ্টি একবার মাত্র বিভার মাজ্জিত দীপ্ত মুখশ্রীর দিকে আকৃষ্ট হইয়াই শীলতার সঙ্কমে সম্মুখে ফিরিল। মদর দ্বারটি পার হইবার সময়, তাহার কানে গেল কে তরুণ কণ্ঠে প্রশ্ন করিতেছে—“বিভার বর বুঝি, কবে বিয়ে হ’ল, বামুন মা?” কে একজন উত্তর করিল, “হঁা, চৈত্ মাসে।” একটা চাপা হাসির মধ্যে সেই তরুণী বিস্মিত হইয়া আবার বলিল, “চৈত্ মাসে বিয়ে?” আবার হাসির রোলের মধ্যে উৎকর্ণ হেমন্তকুমার গুনিল, “সে কি, দেখছ না বিভার সিঁথের সিন্দুর নেই!”

(ক্রমশঃ)





লাইব্রেরী

গত পৌষ মাসের প্রবাসাতে শ্রীযুক্ত রবীন্দ্রনাথ ঠাকুর মহাশয় লাইব্রেরীর কর্তব্য সম্বন্ধে নিম্নোক্ত সারগর্ভ প্রবন্ধটি লিখেছেন—
 পুস্তক মানুষের একটা প্রধান রিপূ। একবার যখন সে সংগ্রহ করতে আরম্ভ করে তখন সংগ্রহের লক্ষ্য সে ভুলে যায়, তাকে সংগ্রহের নেশায় পেয়ে বসে। লোহার সিক্ক বোঝাইয়ের জন্তে টাকা সংগ্রহই হোক, বা সম্প্রদায়ের আয়তন বাড়াবার জন্তে লোক সংগ্রহই হোক, সেই সংগ্রহব্যয়র ধাক্কায় মানুষের মনকে ভাসিয়ে নিয়ে চলে, ঘাটে পৌঁছবার উদ্দেশ্যটা সেই অন্ধ বেগে অস্পষ্ট হয়ে পড়ে।—সত্যের সম্মান বস্তুর পরিমাণে নয় একথা মনে থাকে না।

অধিকাংশ লাইব্রেরিই সংগ্রহবৃত্তিকগ্ৰস্ত। তার বারো আনা বই প্রায়ই ব্যবহারে লাগে না, ব্যবহারযোগ্য অল্প চার আনা বইকে এই অতিশীত গ্রন্থপুঞ্জ কোণঠেসা করে রাখে। যার অনেক টাকা, আমাদের দেশে তাকে বড়োমানুষ বলে। অর্থাৎ মনুষ্যত্বের আদর্শ বিষয় নিয়ে, আশয় নিয়ে নয়। প্রায় সেই একই কারণে বড়ো লাইব্রেরির গর্ব অনেকখানিই তার গ্রন্থসংখ্যার উপরে। সেই গণ্ডুলিকে ব্যবহারের সুযোগদানের উপরেই তার গৌরব প্রতিষ্ঠিত হওয়া উচিত ছিল, কিন্তু আপন অহঙ্কারতৃপ্তির জন্তে সেটা অতাবশ্যক নয়। ক্রোড়পতি সভায় উপস্থিত হলে সমস্তই আসন ছেড়ে তার সম্ভাষণা করি। এই সম্মানলাভের জন্তে ধনীরা বদাশুভার প্রয়োজন নেই, তার সঞ্চয়ই যথেষ্ট।

আমাদের ভাষায় যতগুলি শব্দ আছে তার দু'রকমের আধার, এক অভিধান, আর এক সাহিত্য। গণনা করে দেখলে দেখা যাবে যে, বড়ো অভিধানে যতগুলি কথা জমা হয়েছে তার বেশী ভাগেরই ব্যবহার কদাচ হয়। অথচ তাদের সঞ্চয় আবশ্যক।

কিন্তু সাহিত্যে ব্যবহৃত শব্দগুলি সজীব, প্রত্যেকটি অপরিহার্য। অভিধানের চেয়ে সাহিত্যের মূল্য বেশি একথা মানতেই হয়।

লাইব্রেরি সম্বন্ধে সেই একই কথা। লাইব্রেরি তার যে অংশে মুখ্যত জমা করে সে অংশে তার উপযোগিতা আছে, কিন্তু যে অংশে সে নিত্যা ও বিচিত্রভাবে ব্যবহৃত সেই অংশে তার সার্থকতা। লাইব্রেরিকে সম্পূর্ণ ব্যবহারযোগ্য করে তোলবার চিন্তা ও পরিশ্রম লাইব্রেরিয়ান স্বীকার করতে চায় না। তার কারণ সঞ্চয়বতলতার দ্বারা সাধারণের মনকে অভিভূত করা সহজ।

লাইব্রেরিকে ব্যবহায়া করতে গেলে লাইব্রেরির পরিচয় তুস্পষ্ট ও সর্বাঙ্গসম্পূর্ণ হওয়া চাই। নইলে তার মধো প্রবেশ চলে না। সে এমন একটা সহরের মতো হয়ে ওঠে যার বাড়িঘর বিস্তর কিন্তু পথঘাট নেই।

যারা বিশেষ ভাবে বই সঞ্চয় করার জন্তে লাইব্রেরিতে যাওয়া-আসা করে তারা নিজের গরজেই দুর্গমের মধোই একটা পায়চলা পথ বানিয়ে নেয়। কিন্তু লাইব্রেরির নিজের একটা দায় আছে। সে হচ্ছে তার সম্পদের দায়। যেহেতু তার বই আছে সেই হেতু সেই বইগুলি পড়িয়ে দিতে পারলেই তবে সে ধন্য হয়। সে অক্রিয়ভাবে দাঁড়িয়ে থাকবে না, সক্রিয়ভাবে যেন সে ডাক দিতে পারে। কেন না, তন্নষ্টং যন্ন দীয়তে।

সাধারণতঃ লাইব্রেরি বলে থাকে, আমার গ্রন্থতালিকা আছে, স্বয়ং দেখে নেও বেছে নেও কিন্তু তালিকার মধো আহ্বান নেই, পরিচয় নেই, তার তরফে কোনো আগ্রহ নেই। যে লাইব্রেরির মধো তার নিজের আগ্রহের পরিচয় পাই, যে নিজে এগিয়ে গিয়ে পাঠককে সম্ভাষণা করে আনে, তাকেই যলি বদাশুভ—সেই হ'লো বড়ো লাইব্রেরি, আকৃতিতে নয় প্রকৃতিতে। শুধু পাঠক লাইব্রেরিকে তৈরি করে তা নয়, লাইব্রেরি পাঠককে তৈরি করে তোলে।



এই কথাটি যদি মনে রাখা যায় তাহলে বোঝা যাবে লাইব্রেরিয়ানের কাজটা মত্ত কাজ। শেল্ফের উপরে গুছিয়ে বই সাজিয়ে হিসেব রাখলেই তার কাজ সারা হ'ল না। অর্থাৎ সংখ্যা নিয়ে বিভাগ নিয়ে যেটুকু কাজ সেটুকু সব চেয়ে বড়ো কাজ নয়। লাইব্রেরিয়ানের গ্রন্থবোধ থাকা চাই, কেবল ভাণ্ডারী হ'লে চলবে না।

কিন্তু লাইব্রেরি অত্যন্ত বেশি বড়ো হ'লে কোনো লাইব্রেরিয়ান থাকে সম্ভাব্যে সম্পূর্ণভাবে আয়ত্ত করতে পারে না। সেই জন্মে আমি মনে করি, বড়ো বড়ো লাইব্রেরি মুখ্যত ভাণ্ডার, ছোট ছোট লাইব্রেরি ভোজনশালা—তা প্রত্যহ প্রাণের ব্যবহারে ভোগের ব্যবহারে লাগে।

ছোট লাইব্রেরি বলতে আমি এই বুঝি, তাতে সকল বিভাগের বই থাকবে কিন্তু একেবারে চোখা চোখা বই। বিপুলায়তন গণনার বেদীতে নৈবেদ্য যোগাবার কাজে একটি বইও থাকবে না, প্রত্যেক বই থাকবে নিজের বিশিষ্ট মহিমা নিয়ে। লাইব্রেরিয়ান হবেন যার্থ সাধক, নিরীক্ষা, শেল্ফ ভিত্তির অলঙ্কার তাকে ভাগ করতে হবে। এখানে ভোজের আয়োজন যা থাকবে সমস্তই মাদবে পাঠকদের পাতে দেবার যোগা, আর লাইব্রেরিয়ানের থাকবে গুদামরক্ষকের যোগাতা নয়, আতিথ্যশালনের যোগাতা।

মনে কর কোনো লাইব্রেরিতে ভালো ভালো মাসিক পত্র আসে, কতকগুলি দেশের, কতকগুলি বিদেশের। যদি লাইব্রেরির যাচাই বিভাগের কোনো ব্যক্তি তাদের থেকে বিশেষ পাঠ্য প্রবন্ধগুলিকে শ্রেণীবদ্ধ ভাবে নির্দিষ্ট করে একটা তালিকা পাঠ্যগ্রন্থের ছারের কাছে ঝুলিয়ে রাখেন তাহলে সেগুলি পাঠের সম্ভাবনা নিশ্চিত বাড়ে। নইলে এই সকল পত্রিকা বারো আনা অপঠিত ভাবে স্তুপাকার জ'মে উঠে লাইব্রেরির স্থান ক্ষয় ও ভার বৃদ্ধি করে। নূতন বই এলে পুঁজ অল্প লাইব্রেরিয়ান তার বিবরণ নিজে জেনে পাঠকদের জানিয়ে দেবার উপায় ক'রে দেন। যে কোন বিষয়ে কোন ভাল বই আসবামাত্র তার ঘোষণা হওয়া চাই।

ঘোষণা হবে কার কাছে? বিশেষ পাঠকমণ্ডলীর কাছে। প্রত্যেক লাইব্রেরির অন্তরঙ্গ সত্তারূপে একটি বিশেষ পাঠকমণ্ডলী থাকা চাই। সে মণ্ডলী লাইব্রেরিকে প্রাণ দেয়। লাইব্রেরিয়ান যদি এই মণ্ডলীকে তৈরি করে তুলে একে আকৃষ্ট ক'রে রাখতে পারেন তবেই বুঝব তাঁর কৃতিত্ব। এই মণ্ডলীর সঙ্গে তাঁর লাইব্রেরীর মর্গগত সম্বন্ধ স্থাপনের তিনি মধ্যস্থ। অর্থাৎ তাঁর উপরে ভার কেবল গ্রন্থগুলির নয়, গ্রন্থপাঠকের। এই উভয়কে রক্ষা করার দ্বারা তিনি তাঁর কর্তব্যপালন, তাঁর যোগাতর পরিচয় দেন।

যে-বইগুলি লাইব্রেরিয়ান সংগ্রহ করতে পেরেচেন কেবল তাতে সম্বন্ধেই লাইব্রেরিয়ানের কর্তব্য আবদ্ধ নয়। তাঁর জানা থাকা চাই বিষয়বিশেষের জন্ম প্রধান অধ্যয়নযোগ্য কি কি বই প্রকাশিত হচ্ছে। শাস্তিনিকেতন বিদ্যালয়ে শিশুপাঠ্য গ্রন্থের প্রয়োজন ঘটে। এই নিয়ে নানা স্থানে সন্ধান করে আমাকে বই নির্বাচন করতে হয়। প্রত্যেক লাইব্রেরীর উচিত এইরূপ কাজে সাহায্য করা। বিশেষ বিশেষ বিষয়ে যে কোনো বই বৎসরে বৎসরে খাতি অর্জন করে তার তালিকা লাইব্রেরিতে বিশেষ ভাবে রক্ষিত হ'লে একটা অত্যাবশ্যক কর্তব্য সাধিত হয়। যদি কোনো লাইব্রেরি এই সম্বন্ধে খাতি অর্জন করতে পারে, যদি সাধারণে জানে সেই খানে পাঠ্যযোগ্য ভালো বইয়ের সন্ধান পাওয়া যায়, তা হ'লে গ্রন্থপ্রকাশকেরা নিজের গরজে সেখানে তাঁদের গ্রন্থের তালিকা ও পরিচয় পাঠিয়ে দেবেন।

উপসংহারে আমার বক্তব্য এই যে, নিখিল ভারত লাইব্রেরি পারদর্শী থেকে ত্রৈমাসিক, মাসিক, বা বাসিক এমন একটি পত্রিকা প্রকাশিত হওয়া উচিত যাতে অন্তত ইংরেজী ভাষায় বিজ্ঞান ইতিহাস সাহিত্য প্রভৃতি সম্বন্ধে যে সকল ভালো বই প্রকাশ হচ্ছে যথাসম্ভব তার বিবরণ প্রকাশ করা যেতে পারে। দেশের চারিদিকে যদি লাইব্রেরী প্রতিষ্ঠান উৎসাহ দিতে হয়, তবে সেই লাইব্রেরীগুলিতে কি কি বই সংগ্রহ করা কর্তব্য সে সম্বন্ধে সাহায্য করা এই প্রতিষ্ঠানেরই কাজ।

এই প্রবন্ধে আমি যে কথাটি বলতে চেয়েছি সেটা সংক্ষেপে এই যে, লাইব্রেরীর মুখ্য কর্তব্য, গ্রন্থের সঙ্গে পাঠকদের সচেতন ভাবে পরিচয় সাধন করিয়ে দেওয়া, গ্রন্থ সংগ্রহ ও সংরক্ষা তার গৌণ কাজ।

বঙ্গের অভিব্যক্তি

গত পঁচাত্তর মাসের প্রবর্তকে জীযুক্ত বিপিনচন্দ্র পাল মহাশয় লিখিয়াছেন—
সমাজের গতি spiral। যখন নীচে নামে, বেশী নামে না। কিছু নামিয়া খানিকটা উঠে, জাগে যতদূর উঠিয়াছিল তাহা অপেক্ষা বেশী উঠে। এই ভাবে গত একশত বৎসরের ভিতর বাঙ্গলার সমাজে আশ্চর্যরূপে পরিবর্তিত হইয়াছে, নানা কারণে আমাদের রীতিনীতি, চিন্তার ধারা বদলাইয়া গিয়াছে, এই বদলানই সচরাচর বদলান। প্রথমে ইংরেজী শিখিয়া যা বদলাইয়াছিলাম তাহা ছিল সাময়িক বাপার, তাহা Permanent level নয়। এখন যাহা হইয়াছে, ইহাও স্থায়ী নয়, আরো বদলাইয়া যাইবে। মুষ্টিমেয় লোক যে এই সংস্কার গ্রহণ করিয়াছে তাহা নয়, সাধারণ লোকও গ্রহণ করিয়াছে। সমাজসংস্কার বাস্তবিক হয় সমাজ জীবনের প্রয়োজনে। সমাজ জীবনই বিশিষ্ট, জীব মাত্রেরই প্রধান লক্ষ্য আপনাকে বাঁচাইয়া রাখা, সমাজের ও লক্ষ্য তাহাই। সমাজ যখন

দেশের কতকগুলি সংস্কার, যাহা প্রাচীনকাল হইতে চলিয়া আসিয়াছে তাহা বদলান আবশ্যক, বিনা আপত্তিতে, বিনা বিচারে, বিনা বাস্তবায়নে সমাজ তাহা বদলাইবে। Navigationএর অধিকার যদি আমরা পাই, Indian Navy যদি গড়িয়া উঠে, তাহা হইলে নৈতিক ব্রাহ্মণ যাহারা, সদাচারী কার্য যাহারা তাহাদিগকে জিজ্ঞাসা করি, ব্রাহ্মণ কার্য বৈধ কেহ কি ঐ যুদ্ধ-জাহাজে যাইবে না? চাটগাঁয়ের মুসলমান পালাসীরাই কি তাহার কাপ্তেনী করিবে? তাহা ত হইবে না। আপনারা সে জন্ত লালান্নিত হইবেন, আপনাদের বাবসাবাণিজ্য মগন বাড়িয়া যাইবে তখন ছুঁৎমার্গ থাকিবে না। মাড়োয়ারীরা একদিকে পূর্ব নৈতিক বটে, আবার বাবসার খাতিরে তাহাদের সব হিন্দুয়ানী একেবারে ভাসিয়া যায়। এতদিন সমাজ রক্ষা করার ভার আমাদের হাতে ছিল, যদি স্বরাজ লাভ করেন দেশকে রক্ষা করিতে হইবে। এই সকল যদি আপনাদের দায় হইয়া উঠে, তাহা হইলে দেখিবেন—ভিজা স্ত্রী আশুন পুড়াইয়া দিলে যেমন ছাইএর স্ত্রী থাকে, একটুখানি নাড়া দিলেই যেমন তাহা ভাঙ্গিয়া যায়, সেইরূপ সমাজ-বন্ধন আজকাল যেটুকু আছে তাহাও ভাঙ্গিয়া যাইবে, সমাজের প্রয়োজনে, দেশের প্রয়োজনে।

সমাজ সম্বন্ধে অনেকটা সময় প্রতিষ্ঠিত হইয়াছে, রাষ্ট্র সম্বন্ধে এখনও আমরা সমস্বয়ের পথে দাঁড়াই নাই।

গত একশত বৎসর বাংলাদেশ অনেক বিরোধের ভিতর পড়িয়াছে। গরু কখনও বিরোধের মধ্যে বাঁচিয়া থাকিতে পারে না, ইহাই জীববিশ্ব। জীবতত্ত্ববিদ পণ্ডিতেরা বহু দৃষ্টান্ত দ্বারা প্রমাণ করিয়াছেন যে যে জীব আপনার চারিদিকের অবস্থা এবং বাবস্থার সঙ্গে আপোষ করিয়া চলিতে না পারে, সে আপনার জীবন রক্ষা করিয়া চলিতে পারে না। ইহাকেই প্রাণীতত্ত্ববিদ্যাতে Natural selection বলা হইয়াছে, যাহাকে বাংলাতে প্রাকৃতিক নির্বাচন বলে। অনুবাদের ঠিক অর্থ ধরিতে গেলে, ইহা ঠিক অনুবাদ হইয়াছে অর্থাৎ জীবের প্রদত্ত এই—আপনার বাঁচবার উপযোগী যাহা তাহা সে আপনিই বাঁচিয়া নেয়। ইহার ফলে জীব-জগতের যত কিছু পরিবর্তন সব ঘটে, এমন কি জীবের অঙ্গপ্রত্যঙ্গে যে সমস্ত অভিযুক্তি হয়, তাহাও ইহার ফলে হয়। উদ্ভিদজগতের একটা দৃষ্টান্ত দিব। শিয়ালকাটা খাওয়ার কাটাটা কেন হইল পাতার সঙ্গে সঙ্গে কাটা গজাইল কেন? প্রাণীতত্ত্ববিদ পণ্ডিতেরা বলেন, এই যে ছোট গাছ, কোমল পাতা—সে এক একরূপভাবে কাটা না গজাইত, তাহা হইলে সে বাঁচিতে পারিত না। যে সমস্ত প্রাণী উদ্ভিদ আহার করে, তাহাদিগকে নির্মূল কাটা ফেলিত এবং বহুদিন পূর্বে শিয়ালকাটা গাছ নির্বংশ হইত। আমরা তাহার কোন সন্ধান পাইতাম না। কাটার জন্ত এখনও

সে বাঁচিয়া আছে। অপরকে আঘাত করিবার জন্ত সে এই কাটা বাহির করে নাই, আপনাকে রক্ষা করিবার জন্ত বাহির হইয়াছে। এই ভাবে জীবজগতের সকল পরিবর্তন জীবের জীবনের ভিতরকার প্রয়োজনে ঘটে।

আমাদের দেশের ধর্ম ও সমাজে যুগযুগান্ত হইতে এইরূপ বহু পরিবর্তন ঘটয়া আসিয়াছে। বৈদিক সময় হইতে আধুনিক সময় পর্যন্ত যদি আপনারা ধর্মের অভিযুক্তির আলোচনা করেন, তাহা হইলে দেখিতে পাইবেন, কত ভাবে কত দিকে হিন্দুধর্ম পরিবর্তিত হইয়া আসিয়াছে। আজ যাহাকে আপনারা ধর্ম বলেন, বৈদিক ধর্ম ত বাস্তবিক তাহা ছিল না। কিন্তু আমরা মুখে বেদের প্রামাণ্য স্বীকার করি, কাণো তাহা স্বীকার করি না। বেদে ইন্দ্র বরুণাদির পূজা আছে, এখন ত তাহা নাই। পশ্চিমবঙ্গে আছে কি না জানি না, পূর্ববঙ্গে আমার জন্ম, সেখানে নৌকাপূজা বলিয়া একটা পূজা ছিল। নৌকা তৈরী করিয়া যত দেবদেবী আছে সকলের প্রতিমা গড়িয়া নৌকা পূজা হইত। দুর্গাপ্রতিমার মাপায় যে চালচিত্র থাকে, এও সেইরূপ; একবাক্তি প্রাতঃকালে ঘুম হইতে উঠিয়া বলিত—চালচিত্র, চালচিত্র। একজন বন্ধু জিজ্ঞাসা করিল—লোকে দুর্গা, কালী, ইষ্টনাম করিয়া উঠে, তুমি চালচিত্র বল কেন? সে বলিল—হরিনাম যদি কারি, শিব চটয়া যাবেন, দুর্গানাম করিলে আর কেহ হয়ত চটয়া যাইবেন, চটাইবার দরকার কি, চালচিত্র বলিয়া এক সঙ্গে সমস্ত দেবতাকে প্রণাম করি। নৌকাপূজায় সমস্ত দেবতার প্রতিমা প্রতিষ্ঠিত হইত। পূর্ব বৃহৎ যজ্ঞ হইত, অনেক টাকা খরচ হইত, বহুদিন ধরিয়া পূজা চলিত—ব্রাহ্মণাদি ভোজন হইত। নৌকাপূজায় বা চালচিত্রে ইন্দ্রবরুণাদির ছবি থাকে, কিন্তু তাহাদের পূজা এখন উঠিয়া গিয়াছে! অগ্নির পূজা কখন কখন হয় বটে, কিন্তু অগ্নি ব্রহ্মরূপে পূজিত হন, প্রকৃত অগ্নিপূজা এখন আর নাই। বরুণের পূজা দশহরার সময়ে হয়, কিন্তু বরুণের কোন মূর্তি গড়া হয় না, গঙ্গাপূজার সঙ্গে বরুণের অর্থা দেওয়া হয়। বেদে যে সমস্ত দেবতার পূজা হইত, এখন তাহা নাই। বৈদিক যজ্ঞ নাই, বৈদিক সংস্কার পর্যন্ত এখন আর নাই, সামাজিক দিক দিয়া বৈদিক রীতিনীতি এখন আর পূজিয়া পাইবে না। বৈদিক যুগে বিধবা বিবাহ প্রচলিত ছিল না, কিন্তু নিয়োগ ছিল—তাহার অর্থ বিধবা জোষ্ঠ ভ্রাতৃবধুতে দেবর পুত্র উৎপাদন করিতেন। এখন এই নিয়ম চালাইতে পারেন কি? তাহা করিতে গেলে, সমস্ত সমাজের অন্তরাত্মা শিহরিয়া উঠিবে। সমাজ বলিবে—তাহা অপেক্ষা বিধবা-বিবাহ ঢের ভাল। পাঞ্জাবের দয়ানন্দ সরস্বতী নিয়োগ চালাইবার চেষ্টা করিয়াছিলেন, কিন্তু তিনি সম্পূর্ণ বিফল হইয়াছেন। তাহাতে সমাজের অন্তরাত্মা ও ধর্মবুদ্ধি বিদ্রোহী হইয়া উঠিয়াছিল, সমাজ তাহা সহিল না; হুতরাং এখনকার



হিন্দুধর্ম বেদের ধর্ম নহে, ব্রাহ্মণেরা যাহাকে সনাতন ধর্ম বলিয়া আঁকড়িয়া রাখিবার চেষ্টা করিতেছে তাহা বৈদিক ধর্ম নহে, পৌরাণিক ধর্ম। বেদের পর উপনিষদ, তারপর পুরাণ। পুরাণকে আশ্রয় করিয়া বর্তমান হিন্দুধর্মের আচার, বিচার, উপাসনা প্রভৃতি দাঁড়াইয়া আছে। এই পরিবর্তন কেহ করে নাই, বাহিরে যখন যে অবস্থার চাপ পড়িয়াছে, সেই অবস্থার সঙ্গে আপোষ করিয়া হিন্দুধর্ম বর্তমান অবস্থায় আসিয়া দাঁড়াইয়াছে। তাহা না হইলে হিন্দু এতদিন বাঁচিয়া থাকিতে পারিত না।

শিক্ষা আশ্রম সম্বন্ধে ইংরাজের ধারণা

পৌনঃ পুনঃ মাসিক বসন্তমতীতে শ্রীযুক্ত রবীন্দ্রনাথ ঠাকুর মহাশয় লিখিয়াছেন,—

আমাদের বিদ্যালয় দেখবার জন্তে ইংরেজ অতিথির ভিড় হুচে। কিন্তু তাঁরা দেখবার চেষ্টা করিলেও ত দেখতে পাবেন না। তাঁরা যে এন্ট্রেন্স স্কুল দেখবার চোখ নিয়ে আসবেন—কিন্তু আগাদের এ ত স্কুল নয়। আশ্রমের ধারণা তাঁদের মনের মধ্যে নেই। তাঁরা আশ্রমকে ইংরেজী ভাষায় hermitage বলে তর্জমা করে থাকেন। তাঁরা জানেন, এ সমস্ত সন্ন্যাসধর্মের উপকরণ মানবসভ্যতার মধ্যযুগের জিনিস—এখনকার কালে সে সমস্তই ঐতিহাসিক আবর্জনা-কুণ্ডের মধ্যে আশ্রয় নিয়েছে—এখনকার নকশকে নতুন জিনিস হুচে প্রায়মারী ইস্কুল, সেকেণ্ডারী ইস্কুল, বোর্ড অফ এডুকেশন। এঁরা চিরকালের জিনিসকে সকল কালের মধ্যে অথগু করে দেখতে জানেন না। এঁরা নিজেদের বানানো ক্ষুদ্র ক্ষুদ্র ঐতিহাসিক গবাক্কের ভিতর দিয়ে শাশ্বত কালকে কৃত্রিমভাবে বিভক্ত করে দেখেন—এবং মনে করেন, মানুষ গুটিপোকাকার মত এক একটি বিশেষ ভাবের গুটি বেঁধে তার মধ্যে এক একটি বিশেষ যুগ যাপন করে, তার পরে তার থেকে যখন বেরিয়ে আসে, তখন সম্পূর্ণ নতুন ডানা নিয়ে উড়ে বেড়ায় এবং পুরাতন গুটি অনাবশ্যক পড়ে থাকে। মানুষ যেন যুগে যুগে কেবল সভ্যতার চকমকি ঠুকছে—তার একটি ফুলিঙ্গ অথ ফুলিঙ্গের সঙ্গে স্তব্ধ। কিন্তু ইতিহাসের ভিতর দিয়ে মানবজীবনের সমগ্রতাকে দেখাই হুচে যথার্থ দেখা। মধ্যযুগ আজো মানুষের মধ্যেই আছে, নইলে মধ্যযুগেও থাকতে পারত না—তবে বাহ্যরূপের হয় ত কিছু কিছু পরিবর্তন হ'তে পারে। প্রাণের ক্রিয়া রাক্রিবেলাকার নিত্যর মত মাঝে মাঝে প্রচ্ছন্নতাকে আশ্রয় করে—তখন মনে হয় বৃষ্টি সে বিলুপ্ত হ'ল; কিন্তু আগরণের দিনে দেখতে পাউ, বৃষ্টির আবরণের মধ্যে অতি যত্নে সে রক্ষিত হুয়েছিল। যুরোপের মধ্যযুগে একদা সাধকেরা আশ্রমের সঙ্গে

পরমাশ্রমের যোগসাধনাকে একান্তভাবে গ্রহণ করেছিলেন—দীর্ঘকাল যুরোপ তাকে Mysticism নাম দিয়ে তার ভাঙ্গা কুলোর মধ্যে রেখে রেখে দিয়েছিল। কিন্তু এককালে মানুষ যাকে সর্বান্তকরণের বাকুলতা দিয়ে স্বীকার করেছে, অল্পকালে তাকে অসত্য এবং অপ্রয়োজনীয় বলে বর্জন করবে, এ হ'তেই পারে না। এক দিন সে জেগে উঠে দেখে, মধ্যযুগের সত্য এ যুগেও আছে; আশ্রমের যে কথা তখন যে অমৃত স্তম্ভের জন্তে কেঁদেছিল, আজকের দিনের নতুন প্রভাতে তার সেই কান্না সেই স্তম্ভকেই চাচ্ছে। এক দিন আমাদের দেশে বিদ্যাশিক্ষার যে বাবু ছিল, তার মূল আশ্রয় ছিল পরাবিদ্যা—পরিপূর্ণ মনুষ্যত্বের উদ্বোধনকেই মুখ্য লক্ষ্য করে সমস্ত বিদ্যাকে তার উপযুক্ত স্থান দেওয়া হ'ত। মানুষের জ্ঞানকে ভক্তিকে শুভ বুদ্ধিকে বিচ্ছিন্ন করা হুত না। অবশ্য তখন জ্ঞানের উপকরণ এত বহুবিস্তৃত ছিল না। এখন অনেক শিখতে হয় বলে শিক্ষাবাপারকে ভাগ করতে হুয়েছে। কিন্তু মানুষের প্রকৃতিকে ত ভাগ করে ফেলা যায় না। হাতের দরকার বেড়েছে বলেই ত পা-কে শুকিয়ে ফেলে চলে না। বিদ্বান্ মানুষ বা বাবুসায়ী মানুষেরই খাতিরের পরম মানুষের চরণ লক্ষ্যকে ত কোনো একটা মধ্যযুগের জীর্ণ বস্তুর মধ্যে অনাবশ্যক ছাপ মেরে ফেলে রাখা যায় না। এই জন্তে আশ্রমেই মানুষকে শিক্ষা করতে হবে, ইস্কুলে নয়। তার মুখ্য প্রয়োজনের সঙ্গেই তার গৌণ প্রয়োজনকে মিলিয়ে দেখতে হবে—বিচ্ছিন্ন করতে গেলেই মানুষের মধ্যে আঘাত দেওয়া হবে—তাতে এমন সকল সমস্তার সৃষ্টি হবে, কোনো কৃত্রিম উপায়ের দ্বারা যার সন্যাসান সম্ভবপর হ'তে পারে না। এখনকার ইস্কুল বিদ্যা-শিক্ষার কল, কিন্তু কলের মধ্যে ত জীবনের সৃষ্টি হয় না, মানুষের জীবনপ্রবাহকে চিরজীবনের পথে পরিপূর্ণ করে তোলাই হুচে শিক্ষার লক্ষ্য। সেই লক্ষ্য বর্তমান যুগ কিছু কালের জন্তে বিস্মৃত হুয়েছে বলেই যে সে প্রাচীন যুগের চেয়ে শ্রেষ্ঠ হ'য়ে উঠেছে, এ কথা একেবারেই অগ্রাহ্য। তাকে পুনর্বার বুঝতে হবে, তার সেই প্রয়োজন আছে এবং তাকে তদুপযুক্ত প্রণালী অবলম্বন করতে হবে। আমাদের আশ্রম সেই নিগূঢ় প্রয়োজনবোধই আশ্রমকে আশ্রয় করেছে এবং নানাপ্রকারে এখানে আপনার বাসা বাঁধেছে। এই আশ্রমে গুরুর সঙ্গে শিষ্যের গভীর যোগ, কেন না, এখানে উভয়েই ছাত্র—এখানে বিদ্যার সঙ্গে ধর্মের ভেদ নেই, কেন না, উভয়েই এক লক্ষ্যের অন্তর্গত। এখানে জীবনের সাধনা নদীর স্রোতের মত সমগ্র ভাবে সচল; স্নানাহার, পাঠাভ্যাস, খেলা, উপাসনা সমস্তই সাধনার পথে প্রবাহিত। এখানে শিক্ষক যে শিক্ষাদান করচেন, সে তাঁর বাবুসায়ী কৰ্ত্তবা বা নৈতিক কৰ্ত্তবা নয়, সে তাঁর সাধনা—তার দ্বারা তিনি তার হৃদয়গ্রন্থি মোচন করচেন, ভূমা-উপলক্ষির পথকে প্রশস্ত করচেন। এ কথা বলতে পারিনে, আমাদের আশ্রমে এই সাধনাকে অব্যাহত করে

তুলেছি। কিন্তু আমাদের বীজমন্ত্র এই ভূমাত্ত্বের নিজজ্ঞাসিতবা—
আমরা ভূমাকে জানতে এসেছি। আমাদের সমস্ত জিজ্ঞাসা এই
জিজ্ঞাসার অঙ্গ। এ কথা হঠাৎ কোনো ইকুল-পরিদর্শককে বুঝিয়ে
দেওয়া যাবে না, কিন্তু এ কথা আমাদের প্রত্যেককে সুস্পষ্ট করে
বুঝতে হবে।

ইসলামে পর্দাপ্রথা

গত কার্তিকের “মোয়াজ্জিনে” শ্রীযুক্ত সাহাদত আলী খাঁ মহাশয়
“ইসলামে পর্দাপ্রথা” বিষয়ে যে প্রবন্ধ লিখিয়াছেন তাহা এই পর্দা-
পথা সম্বন্ধে আন্দোলনের দিনে কোঁতুলোদ্দীপক হইবে বলিয়া
ইহা প্রবন্ধ আংশিকভাবে আমরা নিম্নে উদ্ধৃত করিলাম।

*** প্রাথমিক যুগে মানুষ যখন অসভ্য ছিল তখন- (তাহারা উত্তর
প্রদেশের স্থায়ী একত্র বিচরণ করিত), পর্দা-প্রথা ছিল না। সভ্যতা
বিস্তারের সঙ্গে সকল দেশে সকল জাতির মনুষ্যই স্ত্রীজাতির সতীত্ব
ও পবিত্রতার প্রতি যাহাতে বিশেষ সম্মান প্রদর্শন করে তজ্জন্ম
পর্দাপ্রথা প্রচলিত হইয়াছে। ক্রমে সভ্যতার বতই উন্নতি হইতে
লাগিল, মানুষ ততই বুঝিতে পাবিল, স্ত্রীজাতি অতি সম্মানার্থ অতি
পবিত্র; স্ত্রী জাতির অঙ্কেই মানবের ভবিষ্যৎ জাতীয় জীবন গঠিত হয়।
তাই তাহারা সমাজের নিকট অতি আদরগীয়া। অতএব তাহাদিগকে
শ্রদ্ধা যত্নে রক্ষা করা কর্তব্য। যাহা আদরের, যাহা যত্নের তাহা
যত্নে রাখিতে হয়। কোনও কঠোর কাজের ভারও তাহাদের
প্রতি স্থগিত হওয়া সম্ভব নয়। ইসলাম স্ত্রীজাতিকে কেবল পুরুষের
সম্মান অধিকার প্রদান করে নাই, বরং পর্দাপ্রথা দ্বারা স্ত্রীজাতিকে
পুরুষের অনেক উচ্চে আসন দান করিয়াছে। পুরুষ নারীকে পর্দা
পুসিদায় রাখিয়া সর্বপ্রযত্নে রক্ষা করিতে বাধা, তাহাকে কোন
কঠোর কার্যে ব্রতী হইতে প্রায়ই ঘরের বাহিরে যাইতে হয় না।
পরিধা পরিহিতা নারী পর্দার অন্তরালে থাকিয়া সকলই দেখিতে
পায় কিন্তু কেহ তাহাকে দেখিতে পায় না। এজন্য তাহারা অসং
লোকের স্বভাব-সিদ্ধ কুদৃষ্টিজনিত অপমান হইতে অব্যাহতি পায়।
পর্দা সম্বন্ধে পবিত্র কোরান বাবস্থা দিতেছে:—“এবং বিশ্বাসিনী
(মুমেন) নারীদিগকে বল যেন তাহারা স্ব স্ব দৃষ্টি-সকলকে
বন্ধ করে, ও স্ব স্ব গুহেল্লিয় সকলকে সংবত রাখে, ও স্ব
স্ব ভূষণ যাহা তাহা হইতে বাস্তব হয় তদ্ব্যতীত প্রকাশ না করে,
এবং যেন তাহারা আপন কণ্ঠদেশে আপন বস্ত্রাঞ্চল ঝুলাইয়া রাখে,
আপন স্বামী, বা আপন পিতা, বা আপন স্বশুর, বা আপন পুত্র

(এবং পৌত্র) বা আপন স্বামীর পুত্র (সপত্নীজাত পুত্র) বা আপন
ভ্রাতা, বা আপন ভ্রাতৃপুত্র, বা আপন ভাগিনেয়, বা আপন
(ধর্মাবলম্বিনী) নারীগণ, বা তাহাদের দক্ষিণ হস্ত যাহাদের উপরে
স্বত্বলাভ করিয়াছে সেই (দাসীগণ), বা অকাম অনুগামী পুরুষগণ
এই সকলের এ যাহারা নারীগণের লজ্জা-জনক ইল্লিয় সম্বন্ধে জ্ঞান
রাখে না সেই শিশুদিগের নিমিত্ত ভিন্ন তাহারা আপন আভরণ যেন
প্রকাশ না করে এবং তাহারা যেন আপন শরায়মান (ভূষণযুক্ত)
চরণ বিক্ষিপ না করে, তাহাতে তাহারা আপন ভূষণ যাহা গোপন
করিয়া থাকে তাহা (লোকে) জানিতে পারিবে, এবং হে বিশ্বাসীগণ,
তোমরা এক যোগে আলার দিকে ফিরিয়া আইস, সম্ভবতঃ তোমরা
মুক্ত হইবে।” (হুরা নূর—৩১শ আয়ত)। “হে বিশ্বাসীগণ, তোমরা
আপন গৃহ বার্তীত (অস্থ) গৃহে যে পয়ান্ত তাহার স্বামীর নিকটে
অনুমতি প্রার্থনা ও সালাম না কর—প্রবেশ করিও না, ইহা তোমাদের
জন্ত কল্যাণ হয়। সম্ভবতঃ তোমরা উপদেশ লাভ করিবে।”
(২৭ আয়ত)

মানব দেহে পশুভাব বিদ্যমান আছে। যৌবন কালে ই স্বভাব
প্রবল হয়। এসময় স্ত্রী পুরুষের একত্র সমাবেশ কদাপি অনুমোদনীয়
নহে। এজন্য চাণকা বলিয়াছেন, “যুতকুন্তসমা নারী, তপ্তাঙ্গার
সমঃ পুমান।” এজন্য কোরান দৃষ্টিকে বন্ধ করিতে বলিতেছে,
পরপুরুষের সংসর্গে যাইতে নিষেধ করিতেছে এবং কামোত্তেজক
ভূষণশিষ্টন ও ভূষণ প্রদর্শন করিতে নিষেধ করিতেছে। কেন না
ইহাতে চক্ষু ও মনের বাস্তিচার হইবেই। এই জন্তই অপসারণ
দেবতাদিগকে মুক্ত করিত, এমন কি বিশ্বাসিত্র, পরাশর
প্রভৃতি ঋষিগণ অপাত্রে উপগত হইয়াছেন। কোরানের আদেশ—
স্ত্রীলোকে মস্তকাবরণ দ্বারা কণ্ঠ ও বক্ষস্থল আবৃত করিবে, অর্থাৎ
আপন রূপ প্রদর্শন করিবে না, রমণীর রূপের জ্যোতি বস্ত্রাঙ্গি অপেক্ষাও
তীক্ষ্ণ। ক্রিপেট্রার রূপে রোম দক্ষ হইয়াছে, সীতার রূপে স্বর্ণলকা
ছারধারে গিয়াছে। পুরাণে উল্লিখিত আছে, ব্রহ্মা স্বীয় কন্যার রূপদর্শনে
কামাবিষ্ট হইয়াছিলেন। এই সমস্ত চিন্তা করিয়াই পর্দাপ্রথার
প্রচলন হইয়াছে। রাজপথে বা পার্কের সাক্ষা ভ্রমণে ও স্থানের ঘাটে
অর্ধ-উলঙ্গ অবস্থায় যুবক যুবতীগণের একত্র সমাবেশ কতদূর স্পর্শ
সম্ভব তাহা সাধারণে বিচার করিখেন। বর্তমানে নারী নিগ্রহের
সংবাদের বে আধিকা শুনা যাইতেছে তাহার সমস্ত পর্দাহীন সাধারণ
লোকের মধ্যে। ইদানীং রাজকীয় কঠোর বিধি-দ্বারা লোকের চরিত্র-
সংশোধনের বাবস্থা করা হইতেছে, ইসলাম তের শত বৎসর পূর্বে
ধর্মের অনুশাসন দ্বারা তাহা নিষিদ্ধ করিয়াছে। পর্দা ইসলামকে
গৌরব-মণ্ডিত করিয়াছে, পর্দা দ্বারা ইসলামের মধ্যাদা রক্ষিত
হইতেছে। ইহা বুঝিয়াই ইউরোপীয় মহিলা লেডি ওফারিন বলিয়াছেন



—“Indeed I can imagine many a weary and toiling woman, in this our overcrowded and busy world sighing for such a harbour of refuge as the zenana might appear to afford ** and I, certainly, am able to have a more kindly sentiment towards the nation as a whole, because I have seen happy wives and happy mothers in India, and because I believe in happy Indian homes.”—অর্থাৎ—
 “আমি প্রকৃতই অনুমান করিতে পারি যে, আমাদের এই জনতা ও বাস্তবতায় পৃথিবীতে অসংখ্য শান্তি-ক্লান্ত নারী এমন একটি শান্তিধামের আশ্রয় অনুসন্ধান করিয়া দীর্ঘ নিঃশ্বাস তাগ করিতেছেন, ভারতের ‘জানানা’ সেই অভাব পূরণ করিতে পারে *** এবং নিশ্চয়ই আমি সমগ্র জাতির পক্ষে এই অধিকতর শুভ-বার্তা জ্ঞাপন করিতে সক্ষম, কেননা আমি ভারতে ভাগবর্তী গৃহী স্ত্রী ও মাতা দর্শন করিয়াছি, সেই জন্তই আমি মনে করি ভারতের গৃহ আনন্দময়।” উল্লিখিত উক্তি হইতে প্রতীয়মান হয়, পর্দামুক্ত পাশ্চাত্য রমণীগণ প্রাচ্যের রমণীদের গার্হস্থ্য জীবনকে মুগ্ধকর মনে করেন, কেননা বিলাতের পুরুষ ও রমণীরা মানসিক শান্তির জন্ত রাগায় ও ক্লাবে বুরিয়া বেড়ান। পর্দাওয়ালাদের গৃহ প্রকৃতই শান্তিনিকেতন। এই জন্ত ভন-হামার (Van Houtter) বলিয়াছেন; ‘Harem is a sanctuary; it is prohibited to strangers, not because women are considered unworthy of confidence, but on account of the sacredness with which custom and manners invest them. The degree of reverence which is accorded to women throughout higher Asia or Europe (among muslim communities) is a matter capable of the clearest demonstration.’ অর্থাৎ হারেম বা জেনানা দেবালয়স্বরূপ; তথায় অপরিচিতগণের প্রবেশ নিষেধ। তাহা নারীগণের প্রতি অবিদ্বন্দ্বতার

জন্ত নহে, বরং তাহারা যে প্রথায় পরিচালিত তাহার পবিত্রতার জন্ত। ইয়ুরোপ ও এশিয়ার মুসলমান রমণীগণের প্রতি যে প্রকার সম্মান প্রদর্শিত হইয়াছে তাহা তাহার চাক্ষুষ প্রমাণ।”

* * * অবশ্য আমরা স্ত্রী জাতির সং প্রবৃত্তির প্রতি বাধা প্রদান করিয়া তাহাদের স্বাধীনতা বা অধিকার হরণ করিতে বলি না। অথবা তাহাদিগকে পুতুল সাজাইয়া রংমহলে আবদ্ধ রাখারও পক্ষপাতী নহি। স্ত্রী পুরুষের অবাধ সংমিশ্রণই আমরা পর্দার বিরুদ্ধাচরণ মনে করি। ইন্লামের বাহা আদেশ তাহাতে পর্দায় থাকিয়া রমণীগণের তত্ত্বাবধানেও মোসলেম রমণী সকল কাযাই করিতে পারে। শিক্ষা বিষয়ে স্ত্রীগণ পুরুষের সমান অধিকারিণী। “আল ইল্মে ফারিজাতুন আলা কুলে মুসলেমুন অমুল্লিমাতুন”। প্রাথমিক যুগের মোসলেম নারীগণ সকল বিষয়েই উন্নতি লাভ করিয়াছিলেন। বিদ্যা শিক্ষা কবলেই কি নারীকে অন্ধ-অনাবৃত বন্ধে মসুলিনের রাউজ ও পাঞ্জা পাজামা পরিয়া নগ্ন মস্তকে রাস্তায় বাহির না হইলে মযাদা বন্ধি পাইবে না? সাক্ষী রাবিয়ার নাম কে না শুনিয়াছে? তাহার কবরস্থান তীর্থক্ষেত্র। হজরত আয়েশা একজন বিখ্যাত মহিলা আইনজ্ঞ ছিলেন। চিকিৎসা বিদ্যা, প্রভৃতিতে তাহার খণ্ড জ্ঞান ছিল। তিনি সময়ক্ষেত্রে সৈন্য চালনা পর্যাস্ত করিয়াছেন। ফগরুন-নেছা শেখা হুছদা বাগদাদের মসজিদে প্রকাশ্য সভায় বক্তৃতা করিয়াছেন। আহমদ-বিন-আবিতাহির কর্তৃক লিপিত ‘বালাগাতুল্লিমা’ নামক গ্রন্থে শিক্ষিতা মুসলিম নারীগণের বিশেষ পরিচয় আছে। নূরজাহান, রিজিয়া প্রভৃতি নারীগণ রাজত্ব করিয়াছেন। এই সৈদিন আমাদের মাতৃস্বরূপা আলী-জননী বাই-আশ্মা বোরখা পরিয়া কয়েক মণ্ডপে উপস্থিত হইয়াছিলেন। তাহা হইতেই প্রমাণিত হইবে, ইসলাম নারী জাতিকে অবরুদ্ধ করিয়া রাখিতে বলে না। তবে ইসলামের নীতি-বিরুদ্ধ বিজাতীয় উচ্ছৃঙ্খলতার নেশায় মুগ্ধ ও মত্ত হওয়ায়ই আমরা দুঃখী মনে করি।



বিষয়-সংগ্রহ

দক্ষিণ বারাণসী

কাঞ্চীপুরম্

দক্ষিণ ভারতকে প্রধানতঃ মন্দিরের দেশ বলে অতীত হইয়াছে না। দক্ষিণাত্যের মন্দির-স্থাপত্যের সহিত তুলনা করলে উত্তর ভারতীয় মন্দির-স্থাপত্য সৌন্দর্য্যের ব্যক্তির চোখে লাগে না বা ততটা বেশী মনোযোগ আকর্ষণ করে না। তথাকার অধিকাংশ মন্দির সে দিনকার—আধুনিক বলেও চলে, আকারে অপেক্ষাকৃত ছোট, কারুকার্য্যে ও সৌন্দর্য্যে দক্ষিণের মন্দিরের চেয়ে উৎকৃষ্ট নয়। এমন কি সুবিখ্যাত কাশীর মন্দিরও কাঞ্চীপুরম্, মাদুরা, ত্রিপুরম্ ও দক্ষিণের অন্যান্য প্রসিদ্ধ মন্দিরের তুলনায় চিত্তাকর্ষক বা অসাধারণ কিছু নয়। দক্ষিণ ভারতে বিশেষতঃ তামিল প্রদেশে হিন্দুধর্মের বিরাট মন্দির সব বিদ্যমান। তন্মধ্যে উত্তরদিকে কাঞ্চীপুরম্ হ'তে দক্ষিণে রামেশ্বরম্ পর্য্যন্ত অসংখ্য স্থানে সর্বাপেক্ষা সুবিখ্যাত মন্দির বর্তমান। মাদ্রাজীরা উত্তর ভারতীয় সভ্যতা সম্পূর্ণরূপে অনুকরণ করতে গিয়ে প্রায়ই ভুলে যায় যে তাদের নিজের গৃহের কাছে এত সব গৌরবান্বিত বস্তু রয়েছে।

কাঞ্চীপুরম্ সমুদয় প্রসিদ্ধ মন্দির নগরীর মধ্যে সর্বাপেক্ষা মাদ্রাজের নিকটে অবস্থিত। মহাবলী পুরম্ নামক স্থানে পাহাড়ে ক্ষোদিত মন্দিরের কথা উপেক্ষিত হবার যোগ্য নয়। কারণ এক হিসাবে এসব অতুলনীয়। কিন্তু তথাকার মণ্ড দেব-মন্দির কাঞ্চীপুরমের মন্দিরের সহিত তুলিত হ'তে পারে না—আকারে—বেষ্টিত স্থানে, বা মন্দির স্থাপত্যের সৌন্দর্য্যে। মাদ্রাজ থেকে কাঞ্চীপুরম্ ৪৫ মাইল দূরে—মোটরে যেতে লাগে দু'ঘণ্টা। ট্রেনেও যাওয়া চলে কিন্তু ঘুরে

যেতে হয়। বর্তমান নগর দৈর্ঘ্যে প্রায় ৪ মাইল, প্রস্থে দেড় মাইল। তবে প্রাচীন নগরী অপেক্ষাকৃত বড় ছিল। বর্তমানে লোকসংখ্যা ৫৫,০০০। এ নগরী যখন উন্নতির সর্বোচ্চ শিখরে উঠেছিল, তখন লোক-সংখ্যা কত ছিল তা অনুমান করা অসম্ভব—তবে এর চেয়ে অনেক বেশী ছিল তদ্বিষয়ে সন্দেহ নেই।

এ নগরীর এত প্রাচীন—যে তার তুলনায় মাদ্রাজ সহর কালকের বলেও চলে। এর ইংরেজী অভিধা Conjeveram কাঞ্চীপুরম্ শব্দের অপভ্রংশ। মহাভারতের আদি পর্বে এর উল্লেখ আছে। তামিল ভাষায় লিখিত স্থলপুরাণের মতে প্রসিদ্ধ চোলরাজ কুলোভুঙ্গ চোল এ নগর স্থাপন করেন। তাঁর পুত্র অদত্তী তৌত্তীরের রাজ্যকালে এই নগরী বিশেষ সমৃদ্ধিশালী হ'য়ে ওঠে। ফাও'সনের মতে পূর্বে এ স্থান জঙ্গলসমাকীর্ণ ও অসভ্য কুরম্বর জাতি অধুষিত ছিল। একাদশ বা দ্বাদশ শতাব্দীতে অদত্তী চক্রবর্তী এ নগর পত্তন করেন। কিন্তু প্রাচীন সংস্কৃত পুস্তকে ও অন্যান্য প্রাচীন শিলালিপিতে যে প্রমাণ পাওয়া যায়—তাতে এ মত সমীচীন ব'লে বোধ হয় না। সম্ভবতঃ চোলরাজগণের অভ্যুদয়ের বহু পূর্বে দক্ষিণাপথের রাজ্যবর্গ এই নগরীকে রাজধানীতে পরিণত করেছিলেন। বর্তমানে যদিও ইহা ছোট নগর কিন্তু এক সময়ে বিস্তীর্ণ জনপদ ছিল। মহাভারতের সময়ে কলিঙ্গের কত্রিয় রাজগণের অধীন ছিল—দ্রাবিড় রাজ্যের অন্তর্গত ছিল না। এর পরে পাণ্ডুরাজদল এ নগরী অধিকার করেন। তারপর পল্লবরাজগণের অধীনে আসে। পল্লবরাজগণ হিন্দু ছিলেন—



কিন্তু সেই সময়ে বৌদ্ধ ও জৈন ধর্ম বিশেষভাবে প্রচলিত ছিল।

পাণিনির ব্যাকরণের পাতঞ্জলি কৃত টীকায় কাঞ্চীর উল্লেখ দেখা যায়। পাতঞ্জলির সময় খ্রীষ্ট পূঃ দু'শতাব্দীর পূর্বে। ৪র্থ ও ৫ম শতাব্দীর শিলালিপি পাঠে জানা যায় যে অনেক পূর্ব সময় হ'তে এখানে জৈনধর্ম প্রচলিত ছিল। বিখ্যাত চীন-পরিব্রাজক হিউয়েন সাং তাঁর ভ্রমণ-বৃত্তান্তে তিনি একাকী এখানে এসেছিলেন—তার উল্লেখ ক'রে লেখেন যে তাঁর পূর্বে বুদ্ধদেব ঐ নগরী দর্শন করতে আসেন—এতৎসম্বন্ধে জনরবের বিষয় শুনেছেন। তাঁর গ্রন্থে

কাঞ্চীপুরম্ কি-

এন- চি-পু-লো

এই ভাবে চীন

ভাষায় উল্লি-

খিত। সে সময়

ইহা দ্রাবিড়

রাজ্যের রাজ-

ধানী ছিল।

বৌদ্ধ ও হিন্দু

ধর্ম উভয়ই খুব

প্রবল ছিল।

সে সময় সেখানে

১০০টি সজ্জা-

রাম (বৌদ্ধ-

মঠ) ও ৮০টি দেব-মন্দির ও দিগম্বর জৈনদিগের মঠ বিদ্যমান

ছিল।

৪র্থ শতাব্দী হ'তে ৯ম শতাব্দী পর্যন্ত পল্লব জাতি তাদের ক্ষমতার উচ্চ-শিখরে উঠেছিল। তাদের রাজ্য অন্ধ্রদেশ হ'তে দক্ষিণে কাঞ্চী পর্যন্ত বিস্তৃত হয়েছিল। ৪র্থ শতাব্দীতে তাঁরা কিছুকালের জন্তু কাঞ্চীকে রাজধানী করেছিলেন। কিন্তু এ নগরী শুধু রাজধানী হিসাবে প্রসিদ্ধ হয় নি—দক্ষিণে উত্তর ভারতীয় সভ্যতার কেন্দ্র ও বিদ্যাবস্তা ও ধর্মের জন্তু ধাত হ'য়ে পড়ে। ধর্ম-অনুসন্ধিৎসু ব্যক্তি ও দার্শনিকেরা সমস্ত ভারত হ'তে এখানে আসতে

লাগলেন ও ক্রমশঃ এস্থান সংস্কৃত শিক্ষার প্রধান কেন্দ্র হ'য়ে উঠল। এ স্থানাম এখনও নষ্ট হয় নি—ঠিক পূর্বের মত বজায় আছে। এমন কি পল্লবরাজ্যের সময় শুধু যে হিন্দুধর্ম উন্নতি লাভ করেছিল তা নয়। হিউয়েন সাংএর বৃত্তান্ত থেকে জানা যায় যে ৭ম শতাব্দীতে এনগরী বৌদ্ধ-ধর্মের কেন্দ্র হ'য়ে ওঠে, এমন কি তথায় জৈন-সম্প্রদায় কিয়ৎপরিমাণে বিদ্যমান ছিল। ৮ম শতাব্দীর শিলালিপি পাঠে অবগত হওয়া যায় যে এস্থানের সেই সময়ের রাজা নরসিংহ বর্ম্মা শৈব ছিলেন। তাঁর সময় শৈব-ধর্ম বিশেষ প্রবল হ'য়ে ওঠে। ৯ম শতাব্দী চোলরাজ কুলোত্তুঙ্গ কাঞ্চী-

পুর স্ব-শাসনে

আনয়ন করেন।

তৎপূর্বে

সময় এ

নগরী বিশেষ

সমৃদ্ধিশালী হয়ে-

ছিল। ১০ম

ও ১১শ শতা-

ব্দীতে চালুকা

রাজারা এ

নগরী স্বাধি-

কারে আন-

বার জন্তু অনেক

বার আক্রমণ

করেন কিন্তু প্রত্যেকবারই তাঁরা বিফলমনোরথ হন।

১৪৭৭ খৃষ্টাব্দে বাহমনী-বংশীয় মহম্মদ কাঞ্চী জয় করেন।

তাদের হাত হ'তে বিজয়নগররাজ এ নগরী উদ্ধার করেন।

তৎপুত্র কৃষ্ণদেব রায় রাজপদে অভিষিক্ত হন (১৫০৮) :

ও ১৫১৫ খ্রীঃ অঃ এ নগরী দর্শন করতে এসে শত-স্তুম্ভ-


মণ্ডপ ও শিব-মন্দিরের সংস্কার করেছিলেন। ১৬৪৪

খ্রীঃ অঃ বিজয়নগর ধ্বংসের পর গোলকুণ্ডার সুলতানের

অধীনে আসে। ১৭৫১ খ্রীঃ অঃ লর্ড ক্লাইব ফরাসীদের

নিকট হ'তে কাঞ্চী কেড়ে নেন—কিন্তু রাজা সাহেবকে

এ নগরী ছেড়ে দিতে হয়। ১৭৫৭ খ্রীঃ অঃ



বরদারাজ স্বামীর দেউল ও তৎসংলগ্ন সরোবর

রাজেরা পুনরায় করাসীদের হাত হ'তে উদ্ধার করেন।

এ নগরী বহুদিন হ'তে পুণ্য তীর্থ ব'লে গণ্য। জনসাধারণের বিশ্বাস এ পুণ্য নগরী দর্শনে পাপ-বিমোচন ও সিদ্ধি-লাভ হয়। মোক্ষদায়িকা সপ্ত তীর্থের মধ্যে সর্বোত্তম ব'লে গণ্য। এ তীর্থ সর্ব তীর্থ হ'তে শ্রেষ্ঠ ব'লে পরিচিত। কথিত আছে—মহাদেব সমস্ত শাস্ত্রকে আত্মবৃক্ষ রূপে রেখে নিজে লিঙ্গরূপে একাত্মনাথ নামে অভিহিত। এ স্থান দক্ষিণাপথের বারানসী ব'লে খ্যাত। উত্তর ভারতের লোকেরা যেমন শেষ জীবনে কাশীবাস করে

দক্ষিণাপথের লোকেরা তেমনি মুক্তিলাভের আশায় কাশীতে বাস ক'রে থাকে।

যে সব প্রাসাদ ও দেব-দেউলদির জগু আজও কাশী-পুরম্ প্রখ্যাত তাঁর অধিকাংশই পল্লবরাজবংশের সময় আরম্ভ

হয়। প্রাচীন সময়ে রাজরাজড়ারা একরূপ নানাবিধ অনুষ্ঠানে তাদের আন্তরিক ধর্ম্মানুরাগ প্রকাশ করতে অভ্যস্ত ছিল। অনুশাসন হ'তে জানা যায় যে চোল রাজারা এ কার্য্য চালিয়েছিলেন। কিন্তু প্রসিদ্ধ বিজয়রাজবংশের সময় অধিকাংশ মন্দির বর্তমান বৃহদাকারে পরিণত হয়েছিল। একালের কতক দেউল সংস্কৃত ও অলঙ্কৃত হ'ল। অধিকাংশ বৃহৎ গোপুরম্ এ সময় নির্মিত হয়েছিল। এ সব এত বিরাট যে অনেক ক্রোশ দূর থেকে দৃশ্যমান। বিজয়নগর-রাজারা বহুমূল্য দ্রব্যাদি তাদের ভক্তির চিত্তস্বরূপ দেব-মন্দিরে উপহার দেন। মন্দিরের খোদিত লিপিতে এ সব

বৃত্তান্ত অবগত হওয়া যায়। যদিও ১৭শ ও ১৮শ শতাব্দীতে এ নগরী কিছু কালের জগু মুসলমান-শাসনাধীনে আসে—তবুও সৌভাগ্যক্রমে উত্তর ভারতীয় দেব-মন্দিরের মত এ সব মন্দির কঠোর ভাবে মুসলমান কর্তৃক বিধ্বস্ত হয় নি।

এ নগরী ইতিহাসপ্রসিদ্ধ খ্যাতনামা বৈদান্তিক শঙ্করাচার্য্য ও বৈষ্ণব ধর্ম্ম প্রচারক রামানুজের লীলাভূমি বলে মনে করা হয়। শঙ্করাচার্য্য ৯ম শতাব্দীর প্রথম ভাগে আবির্ভূত হন। তিনি এখানে অদ্বৈতবাদ প্রচার করেন, তদবধি এখানে অদ্বৈতবাদ প্রচলিত আছে। তাঁর নগরীতে আগমন

সম্বন্ধে একটা প্রবাদ আছে। কামাক্ষী দেবী বলিদানের পক্ষ-পাতী রক্ত-পিপাসু ছিলেন, কিন্তু শঙ্করা-চার্য্যের আগ-মনের পর তাঁর সহিত জর্ক চেয়ে গিয়ে তিনি দমিত হন। এই বিজয় চিত্ত-স্বরূপ শঙ্করা-




কামাক্ষী দেবীর গো-পুর ও মণ্ডপ

চার্য্যের মূর্তি কামাক্ষী দেবীর মন্দিরে আজও বিরাজমান আছে। জনশ্রুতি একরূপ যে শঙ্করাচার্য্যের অনুমতি-বাতিরেকে তাঁর মন্দিরের বাইরে যাবার ক্ষমতা পর্য্যাপ্ত নেই। এটা আশ্চর্য্যের বিষয় যে এর পূজকেরা এখনও নব্বুজি ব্রাহ্মণ। এতে অনুমিত হয় যে বিখ্যাত কেরল-গুরু সহিত এর কিছু সংশ্রব আছে। কাশী ৯ম ও ১০ম শতাব্দীতে শৈব ধর্ম্মের কেন্দ্র হ'য়ে ওঠে।

মাদ্রাজ হ'তে কাশী যাবার পথে—এ স্থান হ'তে দশ-ক্রোশ পূর্বে জীপরকমবৃত্তর রামানুজের জন্ম স্থান ব'লে খ্যাত। তিনি বৈষ্ণব বংশে জন্মগ্রহণ করেন, প্রথমে তিনি কাশীর



নিকটস্থ কোন এক অদ্বৈতবাদী গুরুর নিকট শিক্ষা লাভ করেন। অদ্বৈতবাদ তাঁর মনে সম্পূর্ণ রেখাঙ্কন করতে না পারায় পরে তিনি এক বৈষ্ণব গুরুর শিষ্যত্ব গ্রহণ করেন। যে পর্যায়ে তিনি শ্রীরঙ্গমের বৈষ্ণব সম্প্রদায়ের প্রধান পুরোহিত পদে নিযুক্ত না হন তদবধি তিনি এখানে বাস করেন। তিনি বিশিষ্টবাদ মত প্রচার করেন। এই মতে বিষ্ণুই হচ্ছে এক মাত্র উপাস্ত দেবতা। এই বিখ্যাত ধর্ম-সংস্কারক যে গৃহে ধর্ম শিক্ষা দিতেন—সে গৃহ পর্যাটক-দের এখনো দেখানো হয়।



কাককাঁচাময় শতস্কন্ধমণ্ডপের অন্ততম স্তম্ভ

শঙ্করাচার্যের শিষ্যেরা শৈব—রামানুজের শিষ্যেরা বৈষ্ণব। কাঞ্চীর মত কম নগরী-দেখা যায় যেখানে এক সঙ্গে দুটি

ধর্মসম্প্রদায় বাস করে ও দুটি ধর্মই সমান উন্নত ও প্রবল। হয়ত এর কারণ হতে পারে যে দুজন ধর্ম-সংস্কারক এখানে থেকে অতীত কালে শিক্ষা দিতেন। শিব-জায়া কামাক্ষী দেবীর মন্দিরে শঙ্করাচার্যের মূর্তি বিদ্যমান ও সেখানে তাঁর পূজা হয়। রামানুজ বরদারাজস্বামীর মন্দিরে অন্যান্য বৈষ্ণবাচার্যগণের সহিত পূজিত হন। এক সময় এ দুই সম্প্রদায়ের মধ্যে ভীষণ বিরোধ ছিল কিন্তু বর্তমানে তার কিছুমাত্র চিহ্ন নেই। সব ঝগড়া-বিবাদের শেষ হয়ে গেছে।

কাঞ্চী দুই সম্প্রদায়ের নামানুযায়ী দুভাগে বিভক্ত শিবকাঞ্চী ও বিষ্ণুকাঞ্চী। কিন্তু এই নামের অর্থ এই নয় যে শিবকাঞ্চীতে শিবের অর্চনা হয় আর বিষ্ণুকাঞ্চীতে বিষ্ণুর উপাসনা হয়—কারণ উভয় স্থানেই উভয় দেবতারই পাশাপাশি পূজা হয়। শুধু এ পার্থক্য হচ্ছে তাদের বিরাট মন্দিরাদির জন্ম। শৈবদের সর্বাপেক্ষা বৃহৎ মন্দিরে একাম্রনাথের পূজা হয়। এ মন্দিরের সহিত শঙ্করাচার্যের সংশ্রব ছিল। এঁর মন্দির অত্যন্ত বিখ্যাত, সুন্দর কারু-কার্যাময় ও পুরাতন। এ মন্দির কোন এক সময়ে নিশ্চিহ্ন হয় নি—ইহা ক্রমশঃ পরিবর্দ্ধিত হয়েছে। বিভিন্ন সময়ে ভিন্ন ভিন্ন রাজা এই মন্দির সংস্কৃত ও বর্দ্ধিত করেছেন, তার ফলে বর্তমানে এই মন্দিরের আয়তন ২৫ একরে পরিণত হয়েছে। এর একটা গোপুরম্ ১৮৮ ফীট উঁচু। প্রাচীর সরল ভাবে গঠিত হয় নি—প্রকোষ্ঠগুলি পরস্পরের সম্মুখীন নয়। মন্দিরের মূলস্থান চোল রাজারা গঠিত করেন—আর রাজা কৃষ্ণ রায় এই সর্বপ্রধান নয়-তন গোপুরম্ নিশ্চয় করে দিয়ে দেন। প্রাক্গে একটা আম গাছ আছে, ইহা তিন চারশ' বৎসরের পুরাতন। জনশ্রুতি একথা যে প্রতাহ এই গাছ হ'তে একটা পাকা আম পাওয়া যেত ও তা থেকে একাম্রনাথের ভোগ হ'ত। তা থেকেই এই শিবের নাম—একাম্রনাথ। কিছুদিন আগে চেটীরা এই মন্দিরের সংস্কারের জন্ম দেড় লাখ টাকা খরচ করেন।

মন্দিরের একটা স্থান খুব কৌতূহলোদ্দীপক। এখানে পার্বতী দেবী তাঁর পাপক্ষালনের জন্ম তপস্বা করেছিলেন।

জনশ্রুতি এই যে—কোন এক সময়ে পার্শ্বতী দেবী কৌতুকচ্ছলে, মহাদেবের পশ্চাতে গিয়ে হাত দিয়ে তার চক্ষুর আবৃত করেন। ত্রি-নয়ন আচ্ছাদিত হওয়াতে সমস্ত সংসার অন্ধকার হ'য়ে গেল। এই অজ্ঞান কার্যের জন্তু দেবী পার্শ্বতীর পাপ সংঘটিত হওয়ায় এ পাপের প্রায়শ্চিত্তস্বরূপ মহাদেবের আদেশে কাঞ্চীপুরে একাত্মনাথের মন্দির-প্রাঙ্গণে কম্পানদী নামক তীর্থে তিনি ছয়মাস তপস্বা করেন। এই তপস্বার ফলে তাঁর পাপ-ক্ষালন হ'লে মহাদেব পুনরায় তাঁকে গ্রহণ করেন। সপ্ত সরোবরের মধ্যে একটি ক'রে সপ্তাহের প্রতিদিনের কাজের জন্তু উৎসর্গিত। কথিত আছে যে, সর্কাপেক্ষা বৃহৎ সরোবরে পার্শ্বতী দেবীর তপস্বা

দেখবার জন্তু ভারতের সমুদয় নদী এইস্থানে মিলিত হয়। কামাক্ষী দেবীর স্বতন্ত্র মন্দির আছে—তা পূর্বে উল্লিখিত হয়েছে। ফাল্গুন মাসের দশ দিন ধ'রে একাত্মনাথের মহোৎসব হয়। এই মহোৎসবের দশম দিনে কামাক্ষী দেবীর ও একাত্মনাথের মূর্তি একত্র করা হয়।

কামাক্ষী দেবীর মন্দির অপেক্ষাকৃত ছোট এবং প্রাঙ্গণে শঙ্করাচার্যের সমাধি।

উপরে তাঁর প্রস্তরনির্মিত মূর্তি বিরাজিত। একাত্মনাথের মন্দিরের দক্ষিণাভিমুখে কিয়দূরে স্থাপিত। মন্দির অপেক্ষাকৃত বৃহৎ—প্রকাণ্ড তাম্র কবাট বিজয়নগররাজ পরিচর নির্মাণ করিয়ে দেন। বরদারাজ স্বামীর মন্দির সর্কাপেক্ষা বৃহৎকার। তিনি কল্পতরু নামে খ্যাত। দৈর্ঘ্যে ১২০০ ফীট ও প্রস্থে ৮০০ ফীট—২০ একর জমি নিয়ে আছে। শত স্তম্ভমণ্ডপ ও দরদালানের প্রাচীর বিজয় নগর রাজাদিগের সময়ের খোদিত কাজের নমুনায় পূর্ণ। এতে সর্কাপেক্ষা প্রসিদ্ধ কারুকার্য

বর্তমান। কিন্তু অনেকের মতে একাত্মনাথের মন্দিরের কারুকার্যের মত সুন্দর নয়। মন্দিরপ্রতিষ্ঠা সম্বন্ধে একটা কিম্বদন্তী চলিত আছে। কোন এক ব্রাহ্মণের বিষ্ণুর রূপায় পুত্র সন্তান লাভ হওয়ায় তিনি ব্রত নিয়েছিলেন যে প্রত্যহ অন্ততঃ দশ টাকা মন্দিরপ্রতিষ্ঠার জন্তু সংগ্রহ না ক'রে জলগ্রহণ করবেন না। এ উপায়ে তিনি ২৪,০০০ টাকা সংগ্রহ করেন। কাঞ্চীপুরে বরদারাজের বিষ্ণু-মন্দির প্রতিষ্ঠিত হয়। অবশ্য পৌরাণিক বৃত্তান্ত অন্তরূপ। এ বিষ্ণু-মন্দির থেকে নাম হয়েছে বিষ্ণুকাঞ্চী। বিষ্ণু-মন্দিরের দ্বিতীয় প্রকোষ্ঠে কৃষ্ণরাজ কর্তৃক নির্মিত শতস্তম্ভ বিদ্যমান। একখানি পাথর কেটে এ মণ্ডপ নির্মিত। মন্দিরের



কৈলাসনাথের মন্দির

দেবসেবার জন্তু ৩০০০ টাকার আয়ের জমিদারী ও মাদ্রাজ গভর্নমেন্ট কর্তৃক ১৯৬১ টাকা বরাদ্দ আছে। মন্দির অতিশয় সমৃদ্ধিশালী। লর্ড ক্লাইব একবার যুদ্ধে বিজয় লাভ ক'রে ৩৬৬১ টাকার মূল্যে একখানি কণ্ঠাভরণ দেন। কাঞ্চীতে অনেক মহোৎসব হয়—সর্কাপেক্ষা প্রধান হচ্ছে এ মন্দিরের সম্পর্কে। বৈশাখ মাসে এ মহোৎসব নিম্পন্ন হয়; দশ দিন যদিও এই উৎসবের জন্তু নির্দিষ্ট—আরো ছ' চার দিন বেশী হয়ে যায়। রথযাত্রা-উৎসব এর সহিত গণিত হয়। কিন্তু রথ-যাত্রা-উৎসবের সময় এ



আর হয় না। বরদারাজ স্বামী শোভাযাত্রার সময় বিভিন্ন বাহনের পিঠে ক'রে বাহিত হন। এই সব বাহনের মূর্তি কোতূহলোদ্দীপক ;—সিংহ, হস্তী, ময়ূর ও গরুড় মূর্তি। কিন্তু তৃতীয় দিনে বিষ্ণুর নিজস্ব বাহন গরুড়ে ক'রে তাঁকে নিয়ে যাওয়া হয়। শোভাযাত্রায় দ্রাবিড়-এর ছোট মন্দিরের প্রতিনিধি পূজকরা বরদারাজের মূর্তি * মালাভূষিত করেন। দশম দিনে দেবমূর্তি বাহনের পরিবর্তে রথে ক'রে বাহিত হন। হাজার হাজার লোক এ রথ টেনে থাকে। এ মহোৎসব দেখবার জন্ম বহুদূর থেকে নানা দেশীয় লোকে এ স্থানে আগমন করে। এ মহোৎসব উপলক্ষে নানাবিধ আতস বাজী পোড়ান হয় ও বহুবিধ আমোদ-প্রমোদের ব্যবস্থা থাকে।

মন্দিরস্থ দেবমূর্তির রত্নালঙ্কার প্রভৃতি দেখতে অনুমতি পাওয়া সৌভাগ্যের বিষয়। দেব-ভক্তির নিদর্শনস্বরূপ বহুমূল্য রত্নাদি অলঙ্কার—রত্নভূষিত হার, কাঞ্চী প্রভৃতি। পূজকদের মুখে শোনা যায়—বর্তমান ও অতীত কালে এ সব বহুমূল্য রত্নালঙ্কার প্রসিদ্ধ ব্যক্তির দেবতাকে উৎসর্গ করেছেন। বাৎসরিক মহোৎসবের সময় দেবমূর্তিকে সমুদয় অলঙ্কারে সজ্জিত ক'রে শোভাযাত্রায় বার করা হয়। কখনও সমস্ত সেবায়ত উপস্থিত না থাকায় সমুদয় অলঙ্কার প্রদর্শিত হয় না ; ভিন্ন ভিন্ন রত্নপেটিকার চাবী ভিন্ন ভিন্ন ব্যক্তির হেপাজতে।

* দক্ষিণাত্যের প্রত্যেক দেবতার দুটি ক'রে মূর্তি আছে—মূলমূর্তি ও ভোগ ভোগ মূর্তি শোভাযাত্রার সময় বার করা হয় কিন্তু মূলমূর্তি বারকরা হয় না।

প্রাচীন ভারতের সমাধি স্তূপ

মানুষ সর্বদাই নিজের কীর্তিকে চিরজাগ্রত রাখিবার জন্ম উন্মুখ, কাজেই আমরা আদিম যুগ হইতেই দেখিতে পাই যে, সে তাহার জীবিতাবস্থায় নিজের ব্যক্তিত্বকে যতদূর সম্ভব বড় করিয়া জগতের সম্মুখে ধরিতে চেষ্টা করে ; শেষে তাহার নখর দেহাবসানের পর তাহার প্রিয়জনেরা তাহার স্মৃতি জাগ্রত রাখিবার জন্ম নানা প্রকারের উপায় উদ্ভাবন করিয়া থাকে। ইহাই চিরন্তন রীতি, ধরাপৃষ্ঠে

একটি মন্দিরের অলঙ্কার প্রায় দশ লাখ টাকার হবে, আর একটি মন্দিরের প্রায় চার লাখ।

কাঞ্চীর প্রাচীন মন্দিরের মধ্যে কৈলাসনাথের মন্দির বিশেষভাবে উল্লেখযোগ্য। নগরের পশ্চিম দিকে অবস্থিত। পূর্বে এর নাম রাজ-রাজেশ্বর ছিল। খ্রীষ্টীয় সপ্তম শতাব্দীর মধ্যভাগে নরসিংহ বিষ্ণু কৈলাসনাথে মন্দির নির্মাণ করান—তা শিলালিপি থেকে জানা যায়। ফাগুসনের মতে এই প্রাচীন মন্দির খুব চিত্তাকর্ষক। এই মন্দিরের দুই ধারে অপেক্ষাকৃত বৃহৎ গোপুরম্ আছে।

বৃহৎ মন্দির বাতীত আরো ছোট ছোট মন্দির আছে। বৌদ্ধমন্দির ও জৈন-মন্দিরের অভাব নেই—এ সব মন্দির প্রকৃত নগরীর বহির্দেশে। লৌকিক প্রবাদ যে, সমুদয় হিন্দু-দেউল পূর্বে জৈন-মন্দির ছিল। প্রাচীন দ্রাবিড় ধর্মের চিহ্ন দেখা যায়—কতকটা হিন্দুধর্মের মন্দিরের সংশ্রবে—আর কতকটা প্রাচীন দ্রাবিড়-দেবতার নামে উৎসর্গীকৃত মন্দিরে। এখানে শিখ্দের একটা ছোট মন্দির আছে। মুসলমান অধিকারের চিহ্নস্বরূপ কতকগুলি মসজিদেরও অভাব নেই। এমন কি খ্রীষ্টিয়ানদের একটা ছোট গির্জা আছে। এক কথায়—এ নগরী এখন সর্বধর্মসমন্বয় স্থান হ'য়েছে বলেও চলে।

শ্রীধীরেন্দ্রনাথ চৌধুরী

মানুষের প্রথম আবির্ভাব হইতে আজ পর্যন্ত ইহার ব্যতিক্রম হয় নাই।

আদিম যুগে মৃতদেহ ভূমিতে প্রোথিত করিবার পর তাহার উপর কয়েকখণ্ড প্রস্তর রাখিয়া অথবা মাটির টিপি দ্বারা সমাধি-স্তূপের রচনা শেষ করা হইত। এ প্রকারের সমাধির প্রচলন আজ পর্যন্তও আসাম, ছোটনাগপুর ও মধ্যভারতের আদিম অধিবাসীদের মধ্যে প্রচলিত রহিয়াছে। ক্রমশঃ এই সব অসংলগ্ন পাথরগুলিকে সাজাইয়া গৃহ বা মন্দিরের আকারে গড়িয়া তোলা হইল এবং পরবর্তী যুগে

শ্রীহিমাংগকুমার বসু

যে সব ইটের ও পাথরের সুদৃশ্য স্মৃতিমন্দির দেখিতে পাওয়া যায় তাহা এই সব রুক্ষ প্রথমাবস্থারই চরম উৎকর্ষ। কোন কোন মহাত্মা ব্যক্তি আবার ইহার স্মৃতি স্বীয় জীবনের স্মরণীয় ঘটনাবলীর প্রতিকৃতি অথবা নিজেদের বাণী স্মৃতি-ফলকে ক্ষোদিত করিয়া রাখিয়া গিয়াছেন।

ভারতবর্ষে এই প্রকারের বহু পুরাতন সমাধি-স্তূপ ও স্মৃতিসৌধ আছে, বিশেষতঃ বৌদ্ধযুগের। প্রথম প্রথম মূর্তিকার স্তূপ, তাহার পর প্রস্তরের এবং শেষ পর্য্যন্ত ইষ্ট-কাদির দ্বারা নিৰ্ম্মিত স্মৃতি-সৌধ দেখিতে পাওয়া যায়। অর্ধ-গোলাকার হইতে উচ্চ চূড়ার আকৃতির এবং শেষ পর্য্যন্ত গম্বুজাকারের স্তূপ নিৰ্ম্মিত হইয়াছে। বারাণসীর অন্তঃপাতী সারনাথের বিখ্যাত স্তূপ তাহার একটি নিদর্শন। সাদাসিধা স্মৃতিসৌধগুলির গাত্রে ক্রমে ক্রমে চিত্রাদি ও কারুকার্য খচিত হওয়ায় উহার অঙ্গের সৌন্দর্য্য ও গঠন-সৌষ্ঠবও বৃদ্ধি পাইল। স্তূপ গাত্রে চতুর্দিকে প্রদক্ষিণ-পথ ও মূল স্তূপটিকে ঘিরিয়া বাহিরে চতুর্দিকে প্রাচীর নিৰ্ম্মিত হইল। শীর্ষদেশে প্রথম প্রথম কাষ্ঠের ছত্র ও পরবর্ত্তী যুগে প্রস্তরের ছত্র সন্নিবেশিত হইল। অধিকাংশ বৌদ্ধস্তূপই সমতল পর্কতের শীর্ষদেশে নিৰ্ম্মাণ করা হইয়াছে।

৩গবান বুদ্ধ অথবা তাঁহার কোন উপযুক্ত শিষ্যের চিতাভস্মের উপর তাঁহাদের কোন অস্থিকে সমাধিস্থ করিয়াই বেশীর ভাগ বৌদ্ধ-স্তূপগুলি রচিত হইয়াছিল। কোন কোন স্থানের স্তূপগুলি কেবলমাত্র তাঁহাদের স্মারকচিহ্ন-স্বরূপই নিৰ্ম্মিত হইয়াছিল, উহার মধ্যে অস্থি বা ভস্ম কিছুই প্রোথিত করিয়া রাখা হয় নাই। বোধিসত্ত্বের দেহত্যাগের পর তাঁহার চিতাভস্মের উপর মাত্র সাত-আট স্থানেই স্তূপ রচিত হইয়াছিল, কিন্তু রাজা অশোকের সময় এই স্তূপগুলিকে পুনরায় খনন করান হয় এবং তাহার চিতাভস্ম বা স্মৃতিচিহ্নের ক্ষুদ্র ক্ষুদ্র অংশ ভারতবর্ষের নানা স্থানে লইয়া গিয়া তদুপরি সমস্ত স্তূপ রচনা করা হইয়াছিল। বর্ত্তমান যুগে এই সকল স্তূপ খনন করিয়া কোন স্থানে বুদ্ধদেবের অস্থির কোন অংশ, কোথাও তাঁহার ভিক্ষাপাত্রের কিয়দংশ ভগ্নাবশেষ, কোথাও তাঁহার দাঁতের টুকরা, আবার কোথাও

বা কোটার মধ্যে তাঁহার মাথার চুল প্রভৃতি পাওয়া গিয়াছে। স্তূপগুলির বাহিরের চতুর্দিকে সাধারণতঃ পাকা ইট বা পাথর দিয়াই প্রস্তুত, ভিতরটা কাঁচা ইট বা মাটা দিয়া ভরাট করা থাকে। এই সকলের অভ্যন্তরে আর একটি পাকা ইটের ক্ষুদ্র প্রকোষ্ঠ থাকে এবং ইহার মধ্যেই স্মৃতিচিহ্নগুলিকে রাখা হইত। কোন কোন স্তূপে উপরোক্ত অভ্যন্তরীণ প্রকোষ্ঠের মধ্যে ভক্তবৃন্দের প্রদত্ত কেবলমাত্র উপঢৌকনাদি পড়িয়া রহিতে দেখিতে পাওয়া গিয়াছে, কোন প্রকারের স্মৃতিচিহ্নাদি পাওয়া যায় নাই।


স্তূপগুলি ক্রমশঃ তীর্থক্ষেত্রে পরিণত হইল। ভক্তেরা দলে দলে আসিয়া স্তূপ-পাদমূলে পূজার অর্ঘ্য দিতে আরম্ভ করিল। বুদ্ধ-মূর্ত্তি অথবা তাঁহার জীবনের কোন স্মরণীয় ঘটনার চিত্র অঙ্কিত করিয়া নানা প্রকারের মাটির বা পাথরের চাক্তি মানত করিয়া ভক্তেরা স্তূপ-পাদমূলে রাখিয়া যাইত। বড় বড় স্তূপের চতুর্দিক ঘেরিয়া অনেক ক্ষুদ্র ক্ষুদ্র স্তূপও মানত রাখিয়া ভক্তেরা নিৰ্ম্মাণ করাইয়াছেন।

পূর্বেই বলা হইয়াছে যে, সমস্ত স্তূপগুলিই যে কোন না কোন স্মৃতিচিহ্নের উপর নিৰ্ম্মিত হইয়াছে তাহা নয়, বুদ্ধদেব বা তাঁহার শিষ্য-বৃন্দ-বিশেষের কোন বিশেষ কার্য্য, ঘটনা বা কোন স্থানে শুভাগমনের স্মরণ-চিহ্নস্বরূপ অনেক স্তূপ রচিত হইয়াছিল; যেমন বুদ্ধগয়া বুদ্ধের নিৰ্দ্ধারণ-প্রাপ্তির স্থান বলিয়া প্রসিদ্ধ, সারনাথে তিনি প্রথম ধর্ম্ম-প্রচার করিয়াছিলেন ও কাশীয়ায় তাঁহার দেহাবসান হয়। রাজা অশোক এই প্রকারের বহু স্তূপ ও স্তম্ভ নিৰ্ম্মাণ করাইয়াছিলেন। আমরা প্রসিদ্ধ চীনা পরিব্রাজক হুয়েন সাংয়ের বিবরণী হইতে দেখিতে পাই যে, তিনি রাজা অশোককে সিদ্ধ প্রদেশে যে যে স্থানে বুদ্ধদেব পরিভ্রমণ করিয়াছিলেন সেই সকল স্থানেই স্তূপ নিৰ্ম্মাণ করাইতে দেখিয়াছেন। ভূপালের অন্তঃপাতী 'সাক্ষীর' প্রসিদ্ধ স্তূপও সম্ভবতঃ এইরূপ কোন ঘটনার সহিত সংশ্লিষ্ট, কারণ খনন করিয়া এ পর্য্যন্ত কোন প্রকারের স্মৃতিচিহ্নাদি ইহার মধ্য হইতে পাওয়া যায় নাই।



‘সাধী’ স্তূপ বলিতে যদিও ভূপাল রাজের অন্তর্গত সাধী ষ্টেশন হইতে কয়েকশত গজ দূরের স্তূপাবলীকেই বুঝায়, তবু এই প্রাচীন স্তূপটি হইতে বিক্ষিপ্ত আরও অনেক স্তূপ ইহার বারো মাইলের মধ্যে রহিয়াছে। জি, আই, পি রেলওয়ের ‘ভিলসা’ নামক ষ্টেশন হইতে এই সব স্তূপে যাওয়া যায়; ইহার মধ্যে ‘সোনারী’র, ‘শতধারা’র, ‘পপালিয়া’র ও ‘অন্ধেরে’র স্তূপগুলিই প্রসিদ্ধ। বর্তমানে

পর্কতের উপর নির্জন স্থানে নির্মিত হওয়ার বহু উপাসক ও উপাসিকা সর্বদাই তথায় গিয়া ভগবান বুদ্ধের চরণে অর্ঘ্য প্রদান করিতে পারিত। সমবেত ভক্তমণ্ডলীর মিলিত কণ্ঠের “বুদ্ধং শরণং গচ্ছামি, ধর্ম্মং শরণং গচ্ছামি, সংঘং শরণং গচ্ছামি”-ধ্বনি চতুর্দিকের আকাশ, বাতাস ও পৃথিবীকে এক অপূর্ব ভক্তিরসে আপ্নত করিয়া ফেলিত। সাধীতেই আমরা বৌদ্ধ স্থপতি-বিহার ও ভাস্কর্যের চরম উৎকর্ষ দেখিতে



মহাস্তূপ সাধী

পরিত্যক্ত ও লোকালয়বর্জিত স্থানে কি করিয়া যে এতগুলি স্তূপ ও বৌদ্ধ-বিহারের একত্র সমাবেশ হইল তাহা অসুসন্ধান করিয়া দেখিলে দেখিতে পাওয়া যায় যে, রাজা অশোকের রাজত্বকালে বর্তমান ‘ভিলসা’ নগরীর সন্নিকটেই ‘বিদিয়া’ নামক এক জনাকীর্ণ নগরী ছিল। তথাকার বৌদ্ধ-ভিকু ও শ্রমণেরা নির্জন স্থান বাছিয়া সহরের চতুর্দিকে পর্কতোপরি এই সব স্তূপ ও মন্দির নির্মাণ করাইয়াছিলেন। মন্দিরগুলি


পাই এবং ইহার সন্ধান উন্নতির মূলে রাজা অশোকের ধর্ম্মপ্রবণতা ও কর্ম্মকুশলতার ভূয়সী প্রশংসা না করিয়া থাকে যায় না।

সাধীর প্রায় সমস্ত স্থতিসৌধ গুলিই প্রস্তর-প্রাচীর দিয়া বেষ্টিত এবং ইহাদিগকে মোটামুটি তিন শ্রেণীতে বিভক্ত করা যায়। (১) স্তূপ—ইহার বিষয় পূর্বেই বলা হইয়াছে যে, ভগবান বুদ্ধের কোন না কোন স্থতিচিহ্নের উপরেই সাধারণতঃ ইহা নির্মিত হইত; বুদ্ধদেবের পূর্ব জন্মের যে

শ্রীহিমাংশুকুমার বসু

সব কাহিনী বা 'জাতক' আছে সেইগুলিকে স্মরণীয় করিবার জন্যও অনেক স্তূপ রচিত হইয়াছিল। (২) চৈত্যা বা ক্ষুদ্র মন্দির—এই সকল মন্দিরে ভক্তবৃন্দেরা সাধারণতঃ একত্র হইয়া বুদ্ধদেবের মূর্তি স্থাপনা করিয়া তাহার পূজা করিতেন। (৩) ধর্মশালা—বা বৌদ্ধ ভিক্ষু ও ভিক্ষুণীদের বসবাসের জন্য স্থায়ী গৃহ। তৎকালে বৌদ্ধ-ধর্ম-প্রচারে দীলোকদেরও পুরুষের 'চার' সমান অধিকার ছিল এবং

স্তূপটি একটি প্রকাণ্ড গম্বুজের আকারে তৈয়ারি, কেবল চূড়ার দিকটা একটু কাটা এবং সেই স্থানে পাথরের একটি ছত্র সন্নিবেশিত আছে। ছত্রটি বুদ্ধের একছত্র আধিপত্যের নিদর্শন, উহার চতুর্দিক পাথরের রেলিং দিয়া ঘেরা। সমস্ত স্তূপটি ঘেরিয়া মাঝামাঝি জায়গায় ও পাদমূলে দুইটি প্রদক্ষিণ-পথ আছে, তাহাদের চারিদিকও পাথরের রেলিং দিয়া ঘেরা। স্তূপগাত্র ঘেরিয়া যে দুইটি রেলিং আছে তাহার



মাধ্বী স্তূপের পূর্ব দ্বারের পশ্চাত্তাগ


ভিক্ষুণীদের জীবনের আদর্শ ও ধর্মের উচ্চাঙ্গের ব্যাখ্যাই। অনেকাংশে বৌদ্ধ ধর্মকে সেই সময় মহিমাম্বিত করিয়াছিল।

মাধ্বীর স্তূপগুলি খৃঃ পূঃ তৃতীয় শতাব্দী হইতে খৃঃ দ্বাদশ শতাব্দীর মধ্যে নির্মিত হইয়াছিল। বিরাটাকারের স্তূপও রহিয়াছে এবং তাহার সন্নিকটে আবার মাত্র এক ফুট উচ্চ স্তূপও রহিয়াছে। ক্ষুদ্র ক্ষুদ্র স্তূপগুলি ধর্মপ্রাণ বৌদ্ধেরা এই আশা করিয়া করাইয়াছিলেন যে, তাহা দ্বারা তাহারা নির্দোষের পথে অগ্রসর হইতে সমর্থ হইবেন। সর্ব বৃহৎ

উপর কোন কারুকার্য নাই, কেবলমাত্র পাদমূলে রেলিংটার উপরেই নক্সা ও চিত্রাদি ক্ষোদিত। অনাড়ম্বর মূল স্তূপটির চারিদিকে চারিটি ৩০ ফুট উচ্চ অত্যন্ত সুদৃশ্য ও কারুকার্য-খচিত তোরণদ্বার প্রথমেই সকলের দৃষ্টি আকর্ষণ করে। পাথরের উপরে যে এইরূপ সুন্দর সুন্দর মূর্তি খোদাই করা সম্ভবপর তাহা না দেখিলে বিশ্বাস করা যায় না। তখনকার যুগে দূর দূর হইতে এই সব বিরাটাকার পাথর আনিয়া একটির উপর আর একটি বিনা মশলার সাহায্যে রাখা



অতিশয় শ্রমসাধ্য ও বুদ্ধির কার্য ছিল, এ বিষয়ে সন্দেহ নাই। চারিটি তোরণই একই ধাঁচে তৈয়ারি এবং প্রায় দুই হাজার বৎসর হইল নির্মিত হইবার পর এখনও পর্যন্ত প্রত্যেকটি খোদাই-করা চিত্র পরিষ্কার ও সুন্দর রহিয়াছে। প্রত্যেকটি তোরণ দুইটি করিয়া খাড়া স্তম্ভের উপর পর পর চারিটি করিয়া খিলানের আকারে আড়াআড়ি লম্বা পাথর বসাইয়া নির্মাণ করা হইয়াছে। খাড়া স্তম্ভ দুইটির শীর্ষদেশে হস্তী বা সিংহের কেবলমাত্র সম্মুখভাগ, দুইদিকে দুইটি সম্মুখে



কর্ণিকের স্তূপ হইতে প্রাপ্ত সম্পূর্ণক

ও পশ্চাতে লাগালাগি ভাবে বসান আছে। আড়াআড়ি ভাবে রক্ষিত চারিটি পাথরের মধ্যের ফাঁক প্রায় তাহাদের নিজেদের উচ্চতায়ই সমান এবং প্রত্যেকটির দুই দিকেও কোন না কোন মূর্তি সন্নিবেশিত। সমস্ত তোরণের উপরেই মানুষ, পশু-পক্ষী, ফুল-ফল, ধর্মচক্র ও বিভিন্ন 'জাতকের' বিষয় অতি সূক্ষ্মভাবে ক্ষোদিত।

মাত্রাজ যাত্বে ঐ প্রদেশের একটি ভগ্নাবশেষ স্তূপের অনেকগুলি চিত্রেসম্বলিত পাথরের টুকরা রাখিয়া দেওয়া

হইয়াছে। এইগুলি কৃষ্ণা নদীর মোহানার নিকট অমরাবতী নামক স্থানে পাওয়া গিয়াছে। আরও কয়েকটি ধ্বংসাবশেষ স্তূপের ক্ষোদিত চিত্রেসম্বলিত পাথরের টুকরা গিমাদিরু ও যজ্ঞপেটা নামক স্থানে পাওয়া গিয়াছে। এই সব পাথরের উপরকার চিত্রের নক্সা অনেকটা গাঙ্গার ভাস্কর্যের স্তম্ভ মিলিয়া যায়।

স্তূপগুলি খনন করিবার সময় যথেষ্ট অধাবসায় ও ধৈর্যের প্রয়োজন। প্রত্যেক কোদালির আঘাতেই প্রত্নতাত্ত্বিক কিছু না কিছু আবিষ্কার করিয়া থাকেন, অথচ অযথা কোদালির আঘাতে কোন জিনিষ নষ্ট হইতে দেন না। এইরূপে অনেক স্তূপই খনন করা হইয়াছে এবং পুনরায় উহাদিগকে যতদূর সম্ভব পূর্বের স্থায় মেরামত করিয়া রাখা হইয়াছে। ত্রিশ বৎসর পূর্বে নেপাল রাজ্যের সৌমাস্ত প্রদেশে পিপ্রত নামক গ্রামে একটি স্তূপ খনন করিয়া অনেক জিনিষ আবিষ্কার করা হয়। একটি পাথরের সিদ্ধুক হইতে পিতলের ফুলদান, অস্থির-টুকরা ও কিছু গহনাপত্র পাওয়া যায়। এই সব জিনিষ পরে বুদ্ধদেবের বলিয়া স্থিরীকৃত হইলে উহার কিয়দংশ শ্রামের রাজা, ব্রহ্মদেশের ও সিংহলের প্রধান বৌদ্ধ-পুরোহিতদিগের নিকট পাঠাইয়া দেওয়া হয়।

বোম্বাই সহর হইতে সাঁইত্রিশ মাইল দূরে সূপারা নামক গ্রামে ১৮৮২ খৃঃ একটি স্তূপ খনন করা হয়। স্তূপের মাঝামাঝি জায়গায় আধুনিক যুগের জাঁতার স্থায় গোলাকার একটি সুন্দর প্রস্তরের সিদ্ধুক পাওয়া যায়। সিদ্ধুকের ঢাকনা উন্টাইতে দেখা গেল যে ভিতরে ঠিক মাঝখানে একটা পিতলের ডিম্বাকৃতি ক্ষুদ্র পেটিকা এবং উহাকে ঘিরিয়া চতুর্দিকে বৃত্তাকারে বুদ্ধদেবের বিভিন্ন বয়সের আটটি পিতলের মূর্তি রহিয়াছে। পিতলের পেটিকার মধ্যে আর একটি করিয়া যথাক্রমে রৌপ্যের, প্রস্তরের, কাঁচের ও স্বর্ণের পেটিকা ছিল। সর্বশেষ স্বর্ণ-পেটিকার মধ্যে বুদ্ধদেবের ত্রিঙ্গাপাত্রে তেরোটি টুকরা ছিল। এই ত্রিঙ্গাপাত্রে কয়েকটি টুকরা সিংহলের প্রধান বৌদ্ধ-পুরোহিতকে পাঠাইয়া দেওয়া হয়, বাকী জিনিষগুলি বোম্বাইয়ের এশিয়াটিক সোসাইটির যাত্বে রক্ষিত আছে।


শ্রীহিমাংগুকুমার বসু

বোম্বাইয়ের নিকটবর্তী কাঠিওয়াড়ের জুনাগড় নামক স্থানেও আর একটি স্তূপ ১৮৮৯ খৃঃ খনন করা হয়। এখানে অনেকগুলি অশোকস্তম্ভ মূল স্তূপের চতুর্দিক ঘিরিয়া দাঁড়াইয়া আছে। এই স্তূপের মধ্য হইতে স্মৃতিচিহ্নটিকে বাহির করিতে বিশেষ ধৈর্যের প্রয়োজন হয়, কারণ এই স্তূপটি আগাগোড়াই ইটের তৈয়ারি। অনেক পরিশ্রমের পর মসৃণ পাথরের দুইটি ক্ষুদ্র ক্ষুদ্র চতুষ্কোণ টুকরা প্রথমে আবিষ্কার করা হয়। উপরের পাথরের টুকরাটিকে সরাইবার পর নীচের পাথরের মধ্য ক্ষুদ্র বাটীর আকারের একটি গর্ত দেখা গেল এবং সেই গর্তের মধ্য ক্ষুদ্র পিতলের একটি পেটিকা পাওয়া যায়। এই পিতলের পেটিকার মধ্য সর্বশেষ স্বর্ণ-পেটিকায় এক টুকরা কুম্ভবর্ণের প্রস্তরের ত্রায় পদার্থ ও তৎসঙ্গে পঞ্চ-অর্ধা দেখিতে পাওয়া যায়। কুম্ভবর্ণ পদার্থটি প্রস্তরের টুকরা বলিয়াই প্রতীয়মান হয়, তবে ইহা বুদ্ধদেবের ব্যবহৃত কোন বস্তুর টুকরা কি না বলা কঠিন। এইগুলিকে জুনাগড়ের যাজুঘরে রাখা হইয়াছে।

পাঞ্জাব ও সিন্ধু প্রদেশের অনেক স্থানেই অনেক স্তূপাদির ভগ্নাবশেষ দেখিতে পাওয়া যায়। এই সকল স্তূপগুলির অধিকাংশই পাকা ইটের দ্বারা প্রস্তুত। দেয়ালের কোণে ও বহিরাভরণ মৃত্তিকা-নির্মিত চিত্রাদি ও অলঙ্কারাদির দ্বারা সজ্জিত করা হইত; তাহার অংশ-বিশেষও পাওয়া গিয়াছে। মিরপুর-খাস নামক স্থানের স্তূপটির মধ্য হইতে একটি পিনের মাথার ত্রায় অতিশয় ক্ষুদ্র একটি স্মৃতি-চিহ্ন আবিষ্কৃত হয়। এই স্মৃতিচিহ্নটি

স্বর্ণের পাতে মুড়িয়া একটি স্বর্ণ-পেটিকার মধ্য রাখা হইয়াছিল।

পেশওয়ারের সন্নিকটে তক্ষশীলার কাছে রাজা কণিকোর নির্মিত একটি স্তূপ আছে। এই স্তূপটির কথা চৈনিক পরিব্রাজকেরা পর্য্যন্ত লিখিয়া গিয়াছেন, এবং ইহারা সকলেই এই স্তূপটিকে ভারতবর্ষের মধ্য সর্ব-বৃহৎ



গান্ধার দেশীয় ভাস্কর্য্য বুদ্ধদেবের নির্মাণ বলিয়াছেন। ইহা প্যাগোডার আকারে অতি সুন্দর ভাবে নির্মিত, এবং ইহার চতুর্দিক ঘেরিয়া বহুমূল্য প্রস্তরাদি বসানো আছে। এই স্তূপের মধ্য হইতেও একটি কারুকার্য্য-খচিত রঞ্জের পেটিকার মধ্য আর একটি প্রস্তরের পেটিকায় তিন টুকরা অঙ্গারোভূত অস্থি পাওয়া গিয়াছে।

শ্রীহিমাংগুকুমার বসু





পরদিন সকালে নিদ্রাভঙ্গের পর বিনয় দেখলে সুকুমার স্ট্রপ'রে অতিশয় বাস্ত হ'য়ে কোন একটা জিনিস অন্বেষণ করছে—একবার দেবরাজ টানছে, একবার বাস্ত হাতড়াচ্ছে, একবার টেবিলের উপরের কাগজপত্রগুলো উল্টে পাণ্টে দেখছে, কিন্তু ঈপ্সিত বস্তুর যে সন্ধান পাওয়া যাচ্ছে না তা তার মুখ-চোখের ভাবে প্রতীয়মান।

শয্যার উপর উঠে ব'লে বিনয় দেখলে বেলা অনেক খানি হ'য়ে গেছে। আর আলস্য না ক'রে শয্যা ত্যাগ করতে করতে সুকুমারের দিকে চেয়ে বলে, “কি হে, সকালে উঠে রাজবেশ ধারণ ক'রে চলেছ কোথায়?”

“টীক্ এঞ্জিনিয়ারের বাড়ি ভাই।”

“কিন্তু সে পথে বাধা হচ্ছে কি?”

“বাধা হচ্ছে টেষ্টিমোনিয়ালের ফাইলটে কোথায় রেখেছি খুঁজে পাচ্ছি। আর সমস্ত জিনিস—এমন কি যে সব জিনিস বহুদিন থেকে হারিয়েছে ব'লে জানতুম, পাচ্ছি—ওধু পাচ্ছি উপস্থিত যেটার একান্ত দরকার।”

মুহূ হেসে বিনয় ব'লে, “ভগবান এমন কোতুক সকলেরই সঙ্গে মাঝে মাঝে ক'রে থাকেন। কিন্তু সে যা হ'ক, টেষ্টিমোনিয়ালের ফাইল ব্যাপারটা কি তা ত' বুঝলাম না সুকুমার? কাজে সন্দেহ ক'রে টেষ্টিমোনিয়াল লাভ করলে কোন্ সব ব্যক্তির কাছ থেকে, এ জানবার কৌতুহল কম হচ্ছে না!”

ওঁঠাধরে সলজ্জ হাসির ক্ষীণ রেখা টেনে সুকুমার বললে, “হুঁ! কাজই কখনো করলাম না তেষ্টিমোনিয়াল আমি কোথায় পাব? ও সব দাদামশায়ের টেষ্টিমোনিয়াল।”

চক্ষু বিস্ফারিত ক'রে ক্ষণকাল সুকুমারের দিকে চেয়ে থেকে বিনয় বললে, “তোমার দাদামশায়ের টেষ্টিমোনিয়ালের জোরে সাহেবের কাছ থেকে তুমি কাজ জোগাড় করবে?” তার পর খুব খানিকটা উচ্চস্বরে হেসে নিয়ে বললে, “এ সত্যি সত্যিই অদ্ভুত! সে দিন যেমন দরখাস্ত দিয়ে এসেছ, আজ ঠিক তার উপযুক্ত টেষ্টিমোনিয়াল নিয়ে যাচ্ছ,—যেমন প্রার্থনা, তেমন দাবী—উভয়ের মধ্যে কোন গরমিল নেই! কাজ জোগাড় করবার এ-ও যে একটা উপায় হ'তে পারে তা আমার ধারণাই ছিল না!”

ঈষৎ অপ্রতিভমুখে সুকুমার ব'লে, “তুমি বুঝ না বিহু, এ ছাড়া আমার আর দ্বিতীয় উপায় নেই।”

বিনয় হাসতে হাসতে বললে, “তুমিও বুঝ না সুকুমার, নিরুপায় অবস্থা ব'লেও একটা অবস্থা আছে। Theory of heredityর নিশ্চয়তা বিষয়ে টীক্ এঞ্জিনিয়ারের মনে সম্পূর্ণ বিশ্বাস জন্মতে না পারলে তোমার কিছুমাত্র আশা নেই। সে যদি ব'লে বসে ‘তোমার দাদামশায়ের টেষ্টিমোনিয়ালের জোরে তোমার দরখাস্ত মঞ্জুর করলাম বটে—কিন্তু কাজ দোবো তুমি যার দাদামশায় হবে

শ্রীউপেন্দ্রনাথ গঙ্গোপাধ্যায়

ত্রাকে তা হ'লে এ রকম যুক্তির বিরুদ্ধে তোমারই বা
বলবার কি থাকবে বল ?”

পর্দা ঠেলে প্রবেশ করলে শৈলজা ; বললে, “ঠাকুরপোর
হাসি শুনে দেখতে এলাম ব্যাপার কি।” স্কুমারের
দিকে চেয়ে বললে, “আমাকে অত তাড়া দিয়ে তুমি এখনো
যাও নি যে ?”

বিষয় মুখে স্কুমার বললে, “ভুংখের কথা বল কেন,
টেষ্টিমোনিয়ালের তাড়াটা কিছুতেই খুঁজে পাচ্ছি নে।”

“কোথায় রেখেছিলে ?”

“সে-টা মনে থাকলে সেই খান থেকে বার ক'রে
নিভাম।”

বিনয় বললে, “বলতেই হবে, এ যুক্তি অকাটা।”

সহাস্রমুখে শৈলজা জিজ্ঞাসা করলে, “সব জায়গা খুঁজে
দেখেচ ?”

“দেবরাজ, টেবিল, বাস—সবই ত খুঁজে দেখলাম ;
কোথাও নেই।”

“পকেট দেখেচ ?”

শৈলজার কথা শুনে বাস্তব হ'য়ে পকেটের মধ্যে হাত
ঢুকিয়ে দিয়ে একটা কাগজের বাগুিল বার ক'রে প্রদর্শন
মুখে স্কুমার বললে, “এই ! পকেটে রয়েছে !—ধন্যবাদ
শৈলজা, তোমাকে ধন্যবাদ ! তুমি নইলে আমি
দেখাচি একেবারে—”

বিনয় বললে, “অচল।”

“ঠিক বলেছ—অচল। আচ্ছা চল্লাম ভাই। তুমি
টা-টা খাও—আমি ঘণ্টা খানেকের মধ্যে ঘুরে আসছি।”
বলে স্কুমার দ্রুত পদে বেরিয়ে গেল।

বিনয় বললে, “আপনার অসুস্থমানশক্তি ত' খুব উচু
দরের বোধি ! কি ক'রে জামলেন পকেটে টেষ্টিমোনি-
য়ালের তাড়া আছে ?”

স্মিতমুখে শৈলজা বললে, “অসুস্থমান নয়,—অভিজ্ঞতা।
ওঁর যা জিনিস হারায় তার অর্ধেক পাওয়া যায় ওঁর পকেট
থেকে—অথচ কোনো বার যদি প্রথমে পকেট দেখেবন।
একবার একটা হাতুড়ি হারিয়েছিল, তিন দিন পরে হঠাৎ
পাওয়া গেল ওঁর ওঁতার-কোটের পকেটের ভিতর থেকে।

চার পাঁচদিন পকেটে হাতুড়ি নিয়ে মর্গিং ওয়ার্ক করেছেন—
অথচ পকেটটা যে অত ভারী কেন হ'ল তা খেয়াল হয় নি।”

শৈলজার কথা শুনে বিনয় হাসতে লাগল।

শৈলজা বললে, “ওঁর ভুলের গোটা তিন চার গল্প যদি
শোনে ত' হাসতে হাসতে পেটের নাড়ী ছিঁড়ে যাবে।
যাক, সে আর এখন কাজ নেই, অল্প সময়ে হবে, এখন
আপনি তয়ের হ'য়ে নি—আমি শোভাকে চায়ের ব্যবস্থা
করতে বসছি।” বলে প্রস্থানোদাতা হ'য়ে ফিরে এসে
বললে, “হ্যাঁ, ভাল কথা, কাল ফকুদাদার সঙ্গে ত' আপনার
আলাপ হ'ল, কেমন লাগল ওঁকে ? বেশ মানুষ ; না ?”

“সন্তোষবাবুর নাম ফকু ?”

“হ্যাঁ, বাড়িতে ওঁর ডাক-নাম ফকু। আমাদের সঙ্গে
ছেলে বেলা থেকে পরিচয় ব'লে আমি ফকুদাদা ব'লে
ডাকি।”

বিনয় বললে, “হ্যাঁ, বেশ মানুষ।”

এক মুহূর্ত চুপ ক'রে থেকে মুখে চাপা মৃত হাসির
উচ্ছ্বাস ছড়িয়ে শৈলজা বললে, “কাল না কি স্ত্রী-স্বাধীনতা
নিয়ে কমলার সঙ্গে আপনার রাতিমত বাগ্যুদ্ধ হ'য়ে
গেছে ?”

সহাস্রমুখে বিনয় বললে, “হ্যাঁ কতকটা। তবে সন্ধিও
তারপর হয়েছে। কে বললে আপনাকে ?—সুকু বুঝি ?”

শৈলজা বললে, “হ্যাঁ, বাড়ি এসেই শুনলাম। সেখানে টের
পেলে কমলাকে একটু ঠাট্টা ক'রে আস্তাম,—বলতাম
এখনি ফকুদাদার পক্ষ নিয়ে এমন ক'রে লড়াই করলে,
একটু খানি চোট সহ করতে পারলে না, বিয়ে হ'য়ে গেলে
না জানি কি কাণ্ডই করবে।”

রৌদ্রোজ্জ্বল আকাশের উপর দিয়ে একখানা লঘু মেঘ
চ'লে গেলে নিম্নে প্রদীপ্ত ভূমি সহসা যেমন মলিন হ'য়ে যায়,
বিনয়ের মুখমণ্ডলের অবস্থাও ঠিক তেমনি হ'ল। এক
মুহূর্ত কির্চিন্তা ক'রে সে বললে, “সন্তোষবাবুর সঙ্গে কমলার
বিয়ে হবার কথা হচ্ছে ?”

শৈলজা বললে, “কথা হচ্ছে কেন, অনেকদিন থেকেই
সে কথা ঠিক হ'য়ে আছে। জামাইয়ের মতই ফকুদাদা
আসেন যান থাকেন। এতদিন বিয়ে হ'য়েই যেত—ওধু



কমলার মার শরীর খারাপ, চেঞ্জ গেলেন, ব'লেই হ'ল না। তিনি শীঘ্রই ফিরে আসছেন, তারপর অত্রাণ মাসে বিয়ে হবে।”

ছোট একটি 'ও' ব'লে বিনয় তোয়ালেটা আলনা থেকে নিয়ে কাঁধে ফেলে বাথরুমে যাবার জন্তে উত্তত হ'ল।

“বাই, তোমার চা-টা পাঠিয়ে দিই গে”, ব'লে শৈলজা প্রস্তান করলে।

ভিতরে গিয়ে শোভার কাছে উপস্থিত হ'য়ে শৈলজা মগোখিত শোভার শ্লথ মূর্তি আর কুঞ্চিত বসনের দিকে দৃষ্টিপাত ক'রে বললে, “কি কাঠকুড়ুনির মত চেহারা ক'রে রয়েছিস! একদিন রাত্রি বারোটা পর্যন্ত জেগে, উঠতে একেবারে বেলা আটটা! যা, শীগগির বাথরুমে গিয়ে হাত পা মুখে সাবান দিয়ে একখানা কাপড় ছেড়ে চুলটা ঠিক ক'রে আয়।”

মবিস্বয়ে শোভা জিজ্ঞাসা করলে, “কেন, কি হবে?”

ক্রকুঞ্চিত ক'রে শৈলজা বললে, “তোকে দেখতে আসবে!”

পাশে ঠাকুরঘরে গিরিবালা পূজার আয়োজন করছিলেন, শৈলজার শেষ কথাটা শুনতে পেয়ে ঈষৎ উচ্চস্বরে জিজ্ঞাসা করলেন, “বউমা, কি হয়েছে গা?”

শৈলজা বললে, “ও কিছু নয়। তুমি পূজা কর মা।”

আর কোনো কথা না ব'লে গিরিবালা পুনরায় চন্দন ঘষায় মন দিলেন।

আধ ঘণ্টাটুকু পরে যখন একটি কাঠের ট্রের উপর চা ও খাবার সাজিয়ে শোভা বিনয়ের নিকট উপস্থিত হ'ল তখন বিনয় মুখ হাত ধুয়ে বারান্দায় একটা চেয়ারে ব'সে নিজের মনের সঙ্গে একটা বোঝাপড়া ক'রে নিতে বাস্তব। নিজের মনকে একটি স্বতন্ত্র পৃথক সত্তা দিয়ে তার পিঠে হাত বুলিয়ে সে তখন বোঝাচ্ছে,—দেখ বাপু চিত্রকর, তুমি হচ্ছে বাবসাদার মানুষ, মাত্রাজ্ঞান ভুল ক'রে বেতলা হ'লে তোমার চলবে কেন? ভদ্রলোকের মেয়ের চিত্র আঁকতে গিয়ে তার চিত্র ধ'রে টামাটানি করা তোমার পক্ষে একান্ত অস্বাভাবিক— বিশেষতঃ ও বস্তুটি যখন এমন যে, টানলেই সব সময়ে আসে না, আবার না টানলেও সময়ে

সময়ে এসে উপস্থিত হয়। তোমার রং-তুলির কারবার শেষ ক'রে দক্ষিণা বুকে নিয়ে যথাসম্ভব শীঘ্র স'রে পড়া চিত্র নিয়ে লীলা যদি করতেই হয় ত' অগ্রতঃ—অর্থাৎ যত্ন-তত্ন নয়। চাওয়ার পিছনে যেখানে পাওয়ার একটা প্রবল সম্ভাবনা থাকে না, সেখানে চাওয়া একটা মস্ত বড় অকল্যাণ। পাওয়ার সম্ভাবনার অঙ্ক ক'বে যে চায় সেই বুদ্ধিমান, সে অঙ্ক না ক'বে যে চায় সে নিরর্থক।

মৃহ মৃহ মাথা নেড়ে মন বললে, “তোমার এ হিসেবের অঙ্ক সংসারের মোটামুটি জিনিসেরই বিষয়ে খাটে—কিন্তু যে-সব বস্তু মানুষের সাধারণ খাতাপত্রের বাইরে তার হিসেব শুভঙ্করী ধারাপাতের নিয়মে চলে না। বিবেচনার লাঠি ধ'রে যদি মাটির উপর ঘুরে বেড়ানো যায় তা হ'লে অকল্যাণের ভয় অনেকটা কম থাকে বটে, কিন্তু বাসনার পক্ষ বিস্তার ক'রে যদি আকাশপথে পাড়ি দিতে হয় তখন বিবেচনার লাঠিটিকে অনাবশ্যক ভারবোধে পরিত্যাগ ক'রে যেতে হবে। মানুষের মন শুধু পায়ের হেঁটে বেড়ায় না, ডানা মেলে ওড়ে। ওড়ার বিপদ থেকে নিরাপদ করবার জন্তে মনকে যদি শুধু বিবেচনার লাঠি ধ'রে পায়ের হেঁটে বেড়াতে বল তা হ'লে কেবল মাত্র মাটির অঙ্ক ক'বে ক'বে মন মাটি হবে।

মনের একরূপ অভিযুক্তিতে বিনয় শঙ্কিত হ'য়ে উঠল; তীব্রকণ্ঠে সে বললে, আচ্ছা, বিবেচনার কথা না হয় ছেড়েই দিলাম, কিন্তু বিবেক বলেও ত' একটা জিনিস আছে?—যে বস্তু প্রায় অপরের অধিকারভুক্ত হয়েছে, সে বস্তুর প্রতি লোভ করা নীতিসঙ্গত হয় কি? —

সঙ্কুচিত হ'য়ে এতটুকু হ'য়ে গিয়ে মন বললে, এবার সংঘের কথা তুলবে ত?

আরক্ত নেত্রে বিনয় বললে,—তুমি নিজেই যদি না তুলতে তা হ'লে নিশ্চয় তুলতাম।

ঠিক এমনি ভাবে বিনয়ের মন বাসনা আর বিবেকের ভাড়াটার কাঁপচে এমন সময় শোভা উপস্থিত হ'য়ে বললে, “বিহু দা, আপনার চা এনেছি।”

পাশ ফিরে শোভার প্রতি দৃষ্টিপাত করতে প্রথমেই বিনয়ের চোখে পড়ল শোভার স্নিগ্ধ শান্ত মাজা-ঘষা

শ্রীউপেন্দ্রনাথ গঙ্গোপাধ্যায়

মুখস্থানিতে কপালের উপর একটি বড় সিঁড়রের টিপ। সহসা মনে হ'ল এই টিপটিই যেন সমস্ত সমস্যার সমাধান,—এ যেন দিগন্তের উপর পুণিমার চাঁদের রূপটি বহন ক'রে এনেছে, এর কারণে সূর্য্যাকিরণের মত উজ্জ্বলতা না থাকুক, কমনীয়তা কম নেই।

শোভার হাত থেকে ট্রেটি নিয়ে পাশের টেবিলে রেখে বিনয় বললে, “সকালে উঠেই অভবড় একটি সিঁড়রের টিপ পরেছ যে শোভা?”

এই টিপটি পরবার সময় শোভা বারম্বার আপত্তি করেছিল, কিন্তু শৈলজা জোর ক'রে পরিয়ে দিয়েছিল, শোভার কথা শোনে নি। সেই টিপ নিয়ে প্রথমেই কথা উঠতে শোভা লজ্জিত হ'ল, মনে মনে শৈলজার উপর রাগও একটু করলে। আরক্ত মুখে সে বললে, “বউদিদির কাণ্ড!”

“ও—তাই।” ব'লে বিনয় একটু হাসলে। সে বেশ বুঝতে পারলে সিঁড়রের এই টিপটিকে আশ্রয় ক'রে রয়েছে শৈলজার কত আশা, কত আগ্রহ, কত চেষ্টা;—আর তার সঙ্গে হয়ত জড়িত হ'য়ে রয়েছে একটি কুমারীহৃদয়ের কত আশঙ্কা, কত লজ্জা, কত বেদনা! নিয়তির এ কি নিষ্ঠুর কোতুক! যে বেদনা সে নিজ পেয়ে বাধিত হচ্ছে সে বেদনায় অন্যকে বাধিত ক'রে সে নিশ্চিত হ'য়ে আছে। উদগ্র আগ্রহ, উচ্ছ্বসিত আবেদনকে অগ্রাহ্য ক'রে সে চলেছে

যেখানে কোনো সাদা নেই কোনো অমৃভূতি নেই তার পিছনে! স্রোতস্বতীকে পরিত্যাগ ক'রে চলেছে মরীচিকার প্রলোভনে।

।”

“আজ্ঞে?”

“বউদিদির এখন অবকাশ আছে?”

“আমি দেখে এসেছি তিনি স্নানের ঘরে ঢুকেছেন।”

“কত দেরি হবে?”

একটু ভেবে শোভা বললে, “আধ ঘণ্টাটাক। ডাক্ব?” মাথা নেড়ে বিনয় বললে, “না, তাও কি হয়! একটা কথা ছিল, তা সে অণু সময়ে বল্ব এখন। গাড়ি এসে পড়ল, এখনি আবার কমলার ছবি আঁকতে যেতে হবে।”


আঙুলে আঁচলের কোণ জড়াতে জড়াতে শোভা বললে, “আমাকে যদি ব'লে যান আমি বউদিদিকে বলতে পারি।”

মনে মনে একটুখানি কি ভেবে বিনয় বললে, “তোমারই বিষয়ে কোনো কথা—কিন্তু সে বউদিদিকেই প্রথমে বল্ব। আর একটি কথা শোভা, যে সব কথা তোমার সঙ্গে এখন হ'ল সে কথাও বউদিদিকে এখন বোলো না—বুঝলে?”

আরক্ত মুখে শোভা ঘাড় নেড়ে জানালে বলবে না।

তাড়াতাড়ি চা আর জলখাবার খেয়ে ছবি আঁকবার সাজ-সরঞ্জাম নিয়ে বিনয় গাড়ি ক'রে বেরিয়ে গেল।

(ক্রমশঃ)



দেহাতীত

শ্রীরামেন্দু দত্ত

চোখের দেখায় স্তম্ভ বাড়ে জালা,
বুকে এসো, ম'রে যাই !
যদি তব হিয়া নাহি দিতে পারে
স্তম্ভ হাসি নাহি চাই !
চাহিনা ও তব মিঠে মধু বুলি,
নয়নে কি হ'বে 'ও নয়ন তুলি' ?
বাতর পীড়নে স্তম্ভ ধরা দিলে
তোমারে ত নাহি পাই !
অস্তুরে মনে প্রেমের বাঁধনে
গোপনে বাঁধিতে চাই !

আমি চাই তব বাকুল হৃদয়,
আমি চাই ভালবাসা,
আসল প্রেমসী ধরা নাহি দিলে
করিলা দেহের আশা ।
প্রিয়ে, তুমি নও তম্ব সুকোমল,
লীলা-চঞ্চল নয়ন-যুগল !
নধর, রঙীন, অধর কেবল,
সরস, মধুর ভাষা !
তম্ব-মাধুরীর অতীত সুধায়
মিটিবে আমার আশা !

কে চাহে তোমার মঞ্জু দেহের
কোমল পরশখানি
অস্তুর দিয়া কাঙালের হিয়া
রাঙাইয়া তোলো রানী !

শ্রীরামেন্দু দত্ত

তুমি যাহা মোরে দাও দয়া করি'
 ভালবাসা নয় যখন তা' স্মরি,
 কে যেন আমার সোনার সৌধে
 মিলায়, ধূলায় টানি' !
 তোমার ও তনু চাহিনে রূপসী,
 তোমাতেই চাহি রানী !

আধার আকাশে মেঘ জমে' আসে,
 কাল-বৈশাধী মাতে,
 আমি প্রাণপণ ক'রে চলি রণ
 প্রতিকূল গ্রহ সাথে ।
 তখন তোমাব চিন্তা-সুধায়
 ক্লান্ত হৃদয় নব-বল পায়,
 মরণ বেলায় নেহারি তোমায়
 অমৃত-কুণ্ড হাতে !
 সঞ্জীবনীর মন্ত্র তুমি-ঠ
 মৃত্যু-গহন-রাতে !

আমার সকল সাধের তৃপ্তি,
 সুখের আকর মম !
 অসুখী হিয়ার এই বাসনার
 অসন্তোষের ক্ষম !
 তোমার ও রূপ ভুলিবারে চাই !
 শাস্তি, তৃপ্তি, নাই ওতে নাই !
 অন্তর মাঝে অরূপ সুষমা
 অরূক্ তৃপ্তি মম !
 প্রেম-সুন্দর অন্তর আলো,
 সুন্দরী প্রিয়া মম !

নানাকথা

ধর্ম মহাসম্মিলন

গত ১৪ই মাঘ কলিকাতা সেনেট্ হলে কবি রবীন্দ্রনাথের সভাপতিত্বে সর্বধর্ম সম্মিলনের অধিবেশন হয়। অভিভাষণের একস্থলে রবীন্দ্রনাথ বলিয়াছেন বর্তমান কালের আদেশ এই যে, আমাদের মনকে এমনভাবে প্রস্তুত করিতে হইবে যাহাতে মন যে কেবল নিষ্ক্রিয় সহিষ্ণুতা অভ্যাস করিবে তাহা নহে, যাহা আমাদের ধর্ম নহে, সেই পরের ধর্ম প্রকৃত প্রস্তাবে বুঝিতে অভ্যস্ত হইতে হইবে। বুঝিতে হইবে যে পরের ধর্ম আর কিছুই নহে,—সনাতন সত্যের বিশেষ একটা রূপ, ঈশ্বরানুভূতির একটা বিশেষ প্রণালীর অভিব্যক্তিমাত্র। তিনি আরো বলেন,—সাম্প্রদায়িকতা নাস্তিকতা অপেক্ষা ধর্মের বড় শত্রু। পরমেশ্বরের প্রতি আমরা যতটুকু হৃদয়ের ভক্তি নিবেদন করিয়া দিতে পারি, তাহার প্রধান অংশটাই সাম্প্রদায়িকতা তাহার নিজের প্রাপ্য বলিয়া দাবী করে। সাম্প্রদায়িকভাবে অন্ধ হইয়া আমরা ঈশ্বরকে পূর্ণ ভক্তি নিবেদন করিতে পারি না।

কংগ্রেস

গত ২৯শে ৩০শে ও ৩১শে ডিসেম্বর কলিকাতার কংগ্রেসের ৪৩ তম অধিবেশন অনুষ্ঠিত হইয়া গিয়াছে। এবারকার প্রধান আলোচ্য বিষয়—ডোমিনিয়ন ষ্ট্যাটস্ মূলক নেহেরু কমিটির রিপোর্ট কংগ্রেস অনুমোদন করিবে অথবা মাদ্রাজ কংগ্রেসে অবলম্বিত পূর্ণ স্বাধীনতার আদর্শই অক্ষুণ্ণ রাখিবে—এই সমস্ত সম্পর্কে একটা বিরোধের আশঙ্কা আসন্ন হইয়া উঠিয়াছিল। কিন্তু বিভিন্ন মতাবলম্বী নেতৃবর্গের সুবিবেচনার ফলে কংগ্রেস কর্তৃক এ সমস্তার এই সমাধান হইয়াছে যে, ১৯২৯ সালের শেষ পর্য্যন্ত, অর্থাৎ একবৎসর কাল, ব্রিটিশ গভর্নমেন্ট কর্তৃক নেহেরু রিপোর্ট অনুমোদন এবং অবলম্বনের জন্তে অপেক্ষা করা হইবে, কিন্তু এক বৎসরের

মধ্যে উক্ত রিপোর্ট গভর্নমেন্ট কর্তৃক গ্রাহ্য না হইলে কিম্বা তৎপূর্বে অগ্রাহ্য হইলে অসহযোগ নীতি অবলম্বনে পূর্ণ স্বাধীনতার জন্ত সচেষ্ট হইতে হইবে।

এবারকার কংগ্রেস জন-সমাগমের বিপুলতা এবং মাজ-সরঞ্জামের গৌরবে পূর্ব অধিবেশন গুলিকে পরাস্ত করিয়াছে তদ্বিষয়ে সন্দেহ নাই। বিরাট মণ্ডপটিতে অনূন বিশ হাজার লোকের বসিবার স্থানের ব্যবস্থা করা হইয়াছিল। এই বিপুল জন মণ্ডলীর প্রত্যেক ব্যক্তি যাহাতে বক্তৃতার প্রত্যেক কথা স্পষ্টভাবে শুনিতে পান তজ্জন্য লাউড্ স্পীকার যন্ত্রের সহায়তা লওয়া হইয়াছিল।

কংগ্রেস সংশ্লিষ্ট প্রদর্শনীও এবার আয়তন হিসাবে অত্যাশ্চর্য বৎসরের প্রদর্শনী অপেক্ষা বৃহত্তর হইয়াছিল; কিন্তু শিল্পজাত বস্তু সম্পদে অত্যাশ্চর্য বারের প্রদর্শনীর উপর প্রাধান্য লাভ করিয়াছিল তাহা বলা যায় না। কয়েকটি বিষয়ে ১৯০৬ সালের কলিকাতা কংগ্রেস-প্রদর্শনী এবারকার প্রদর্শনী অপেক্ষা উচ্চস্তর অধিকার করিয়াছিল বলিয়া মনে হয়—নারী বিভাগ সম্ভবতঃ তন্মধ্যে অন্যতম।

বর্তমান প্রদর্শনীতে লোক শিক্ষার্থে যে বিভাগগুলি প্রদর্শিত হইয়াছিল তন্মধ্যে স্বাস্থ্য, জনকল্যাণ, কৃষি, শিশুপালন প্রভৃতি বিভাগগুলি বিশেষভাবে উল্লেখযোগ্য। প্রদর্শনীর ক্ষেত্র-বিভাগ, পথ-প্রণালী বিভাগ-বিচার, মাজ-সজ্জা দর্শক-বর্গ সকলেরই প্রশংসা উদ্ভেদ করিয়াছিল।

কংগ্রেস এবং প্রদর্শনী শৃঙ্খলার সহিত পরিচালনা এবং নিয়মনের জন্ত পুরুষ এবং নারী লইয়া একটি বৃহৎ স্বেচ্ছাসেবক-সভ্য গঠিত হইয়াছিল। সাধারণ কার্যপদ্ধতি, তৎপরতা এবং সর্ববিষয়ে জনসাধারণকে, বিশেষতঃ মহিলাগণকে, সহায়তা দান বিষয়ে এই সভ্য যে খ্যাতি অর্জন করিয়াছেন, তাহার তাহার যথার্থ অধিকারী। তবে স্বেচ্ছাসেবকগণের বিদেশী সামরিক প্রথার নামকরণ এবং মাজসজ্জা সকলের মনঃপূত হয় নাই।

সেচ্ছাসেবক-সঙ্ঘের অধিনায়ক শ্রীযুক্ত সূভাষচন্দ্র বসু
মহাশয় এবারকার সভ্যটি গঠিত করিয়া উন্নত সংগঠন-শক্তির
কারচয় দিয়াছেন।

লগুন বাঙলা সাহিত্য সম্মিলনী

কিছুকাল হইল লগুনের প্রবাসী বাঙালীদের উত্তোগে
লগুনে একটি বাঙলা সাহিত্য সম্মিলনী প্রতিষ্ঠিত হইয়াছে।
বিলাতে বাঙলা সাহিত্য চর্চার এই বীজ বপন হওয়ার সংবাদে
আমরা আনন্দিত হইয়াছি এবং সর্বাঙ্গতঃ করণে কামনা
করিতেছি যে, এই নবজাত প্রতিষ্ঠানটি উত্তরোত্তর পরিপুষ্টি এবং
পরিণতির পথে গতিশীল হউক। সম্মিলনীর কর্মসচিব শ্রীযুক্ত
বারেশচন্দ্র গুহ, শ্রীমতী লাবণ্যবালা দাস ও শ্রীযুক্ত নরেন্দ্রনাথ
সেনের সাক্ষরিত উক্ত সম্মিলনীর যে বিবরণটি আমরা পাইয়াছি
সাধারণের অবগতির জ্ঞ নিম্নে তাহা উদ্ধৃত করিয়া দিলাম।

“লগুনে অনেক বাঙালী ছাত্র। অথচ তাদের পরস্পরের
সঙ্গে জানাশুনা আলাপ পরিচয় হ’তে পারে এমন কোনও
বৈঠক লগুনে ছিল না। অনেকদিন ধ’রেই বাঙালী ছেলেরা
এ রকম একটা সমিতির অভাব অনুভব ক’রে আসছিলেন।
তাই কয়েকজনের উৎসাহে, বিশেষ ক’রে শ্রীযুক্ত নীহারেন্দু
দত্ত মজুমদারের চেষ্টায়, গত ৫ই চৈত্র ইং ১৮ই মার্চ এই
সম্মিলনীর প্রতিষ্ঠা হয়। এর উদ্দেশ্য এই যে, বাঙলাভাষা
লোকদের একত্র ক’রে তাদের মধ্যে বাঙলা ভাষায় নানা
রকম প্রসঙ্গ আলোচনা করার সুবিধা ক’রে দেওয়া।
সম্মিলনীর অধিবেশনগুলি সাধারণতঃ দু’সপ্তাহ অন্তর অন্তর
ধ’রে থাকে। এর মধ্যে শ্রীযুক্ত প্রিয়লাল গুপ্ত, নলিনাক্ষ
সান্নাল, নীহারেন্দু দত্ত-মজুমদার ও ভূপেন্দ্রনাথ ঘোষ অতি-
শ্রমের রকমে সমিতির কাজ চালিয়েছেন। সভায় যে সমস্ত
প্রশ্ন-গুরু বিষয় আলোচনা হ’য়ে গেছে তার কয়েকটির
সুনা নীচে দেওয়া গেল।

“বঙ্গীয় বিশ্ববিদ্যালয়ে বাঙলা ভাষার পরিবর্তে ইংরাজী
ভাষায় বিজ্ঞানাদি বিবিধ শাস্ত্রের আলোচনা হওয়া বাঞ্ছনীয়
হয়।”

“বিবাহ-অনুষ্ঠান সম্পূর্ণরূপে বর্জনীয়।”

“প্রাচ্যসভ্যতা প্রাচ্যের অর্থ নৈতিক বিকাশের
অন্তরায়।”

“আন্তর্জাতিক শান্তি ও মানবসভ্যতার উন্নতির উদ্দেশ্যে
যুদ্ধবিগ্রহ সম্পূর্ণরূপে বর্জনীয়।”

“ভারতীয় নারীর আদর্শ।”

“ভারতে পল্লী-সংগঠন।”

“ভারতে প্রজনন-শাসনের প্রয়োজনীয়তা।”

“উত্তরাধিকারসূত্রে অর্থলাভ বিধিবিরুদ্ধ হওয়া উচিত।”

এই সমস্ত বাদানুবাদের ভেতর দিয়ে আমাদের ছেলেদের
মনস্তত্ত্বের খানিকটা পরিচয় পাওয়া যায়। “বিবাহ
অনুষ্ঠান বর্জনীয়” এই প্রস্তাবের বিরুদ্ধে বেশীর ভাগ সভ্য
মত দিয়েছিলেন, “প্রজনন-শাসনের প্রয়োজনীয়তা” সম্বন্ধে
সকলেই একমত এবং অধিকাংশ সভ্যই মনে করেন যে
“উত্তরাধিকারসূত্রে অর্থলাভ বিধিবিরুদ্ধ হওয়া উচিত।”

লগুন প্রবাসী সমস্ত বাঙলা-ভাষী লোকদের সম্মিলিত
করার জ্ঞ ও নূতন ছাত্র ছাত্রীদের অভিনন্দন করার উদ্দেশ্যে
গত ১৪ই অক্টোবর একটা উৎসবের আয়োজন হয়। এই
উৎসবে প্রায় ৩০০ জন লোক উপস্থিত ছিলেন। শ্রীমতী
সরোজিনী নাইডু, শ্রীযুক্ত সুরেন্দ্রনাথ মল্লিক ও তাঁহার পত্নী,
লর্ড সিংহ প্রভৃতি এই উৎসবে যোগদান ক’রেছিলেন।
একাজে স্বতঃপ্রবৃত্ত হ’য়ে অনেকে আমাদের সাহায্য
ক’রেছিলেন—মেয়েদের মধ্যে শ্রীমতী তটিনী দাস ও শ্রীমতী
মৃগালিনী সেনের নাম বিশেষরূপে উল্লেখযোগ্য।

গত ২৪শে নভেম্বর শ্রীযুক্ত গুরুসদয় দত্ত “গঠনের কাজ”
সম্বন্ধে সম্মিলনীতে তাঁর স্বাভাবিক চিন্তাকর্ষক ভাষায় একটি
বক্তৃতা দেন। সমিতির কাজ আরও বেড়ে চলছে বলে
কিছু টাকা সংগ্রহ করা হচ্ছে। তাই দিয়ে সমিতির
কর্মক্ষমতা বাড়বে বলে আশা করা যায়। আপাততঃ
এই সম্মিলনীর সভ্যদের জ্ঞ একটি পুস্তকাগারের বন্দোবস্ত
করা হচ্ছে।

আমরা আমাদের দেশ থেকে এই কাজে উৎসাহ
ও সাহায্য পাব বলেই আমাদের স্বদেশবাসীদের কাছে
আমাদের ইতিবৃত্ত জানাচ্ছি।”



নিখিল ভারত মহিলা সম্মিলনী

বিগত কংগ্রেস উপলক্ষে কলিকাতায় বিভিন্ন বিষয়ে বিভিন্ন দলের অনেকগুলি সভা সমিতি হইয়াছিল—নিখিল ভারত মহিলা সম্মিলনের অধিবেশন তন্মধ্যে একটি। উক্ত অধিবেশনে ময়ূরভঞ্জের রাজমাতা শ্রীযুক্তা সুরূচি দেবী অভ্যর্থনা সমিতির, এবং ত্রিবাঙ্করের মহারানী মাননীয়া সেতু-পার্বতী বান্ধী মূল সভার অধিনেত্রা হইয়াছিলেন। পদ্মা প্রথা, বালা বিবাহ ও বৈধবা-বিপত্তি, ডাইভোর্স রীতি অবলম্বন প্রভৃতি বিষয়ে আলোচনা হয়। উক্ত অধিবেশনে বিশিষ্ট সাহিত্যিক শ্রীমতী অম্বরূপা দেবী অবরোধ প্রথার বিরুদ্ধে একটি প্রবন্ধ পাঠ করেন এবং পদ্মা প্রথা বর্জন সম্বন্ধে সভা সমীপে একটি প্রস্তাব উপস্থাপিত করেন যাহা সভাকর্তৃক গৃহীত হয়। বিচিত্রার বর্তমান সংখ্যায় স্থানান্তরে উক্ত প্রবন্ধটি প্রকাশিত হইল।

* * * * *

বাংলা সাহিত্যে মুসলমানের দান

বিগত ২৯শে পৌষ রবিবার অপরাহ্নে কারমাইকেল হষ্টেল গৃহে একটি সাহিত্যিক বৈঠক বসে;—সুসাহিত্যিক শ্রীযুক্ত এম্ ওয়াজেদ আলি মহাশয় সভাপতির আসন গ্রহণ করেন। উক্ত সভায় প্রসিদ্ধ সাহিত্যিক ডক্টর দীনেশ চন্দ্র সেন মহাশয় সভার আলোচ্য বিষয়ে একটি প্রবন্ধ পাঠ করেন। বিচিত্রার এই সংখ্যায় সে প্রবন্ধটি মুদ্রিত হইল।

বাংলা দেশের মুসলমানগণের মাতৃভাষা বাংলাভাষা পরিত্যাগ করিয়া উর্দু ভাষা পরিগ্রহ করা উচিত বাংলাদেশের মুসলমান সম্প্রদায় ভুক্ত কয়েকজন ব্যক্তির এই মতবাদের বিরুদ্ধে শ্রীযুক্ত মুহম্মদ মনসুর উদ্দীন এম্, এ একটি প্রস্তাব উপস্থাপিত করেন। সর্ব-সম্মতিক্রমে প্রস্তাবটি সভাকর্তৃক গৃহীত হয়। সভাস্থলে শতাধিক মুসলমান যুবক ও ভদ্রবান্ধি উপস্থিত ছিলেন।

বাংলা ভাষায় মুসলমানের দান এবং বঙ্গীয় মুসলমানের বঙ্গ ভাষা পরিবর্জনের অসমীচীনতা ও অসম্ভবতা বিষয়ে চিন্তাশীল ও সারগর্ভ বক্তৃতার দ্বারা সভাপতি মহাশয় শ্রোতৃবর্গকে পরিতুষ্ট করিয়াছিলেন।

সরোজ নলিনী নারীমঙ্গল সমিতি

গত ১৯শে জানুয়ারি কবি শ্রীমতী কামিনী রায়ের সভাপতিত্বে কলিকাতা এলবার্ট হলে উক্ত সমিতির চতুর্থ বার্ষিক স্মৃতিসভার অধিবেশন হইয়াছে। বহু গণমাণ্ড্য ব্যক্তি এই সভায় উপস্থিত ছিলেন। নারীর শিক্ষাবিস্তার ও কল্যাণসাধনের জন্ত এই সমিতির প্রচেষ্টা প্রশংসনীয়। এই সমিতি ভারতবর্ষের বাহিরেও শাখা-সমিতি প্রতিষ্ঠিত করিয়াছে,—সমিতি উত্তরোত্তর শ্রীসম্পন্ন হ'ক, ও ইহার মধ্য দিয়া ভারতবর্ষের নারী বরণ্যা হইয়া উঠুক, ইহার কামনার বিষয়।

শ্রীনবদ্বীপধাম পরিভ্রমণ

আগামী দোশরা চৈত্র শনিবার গঙ্গার পূর্ব পারে প্রাচীন নবদ্বীপস্থ শ্রীমায়াপুরের শ্রীচৈতন্য মঠ হইতে বিরাট শোভা যাত্রাসহকারে সহস্র সহস্র যাত্রী পরিভ্রমণ আরম্ভ করিয়া নয় দিনে নয়টি দ্বীপ (অস্তদ্বীপ, সীমস্তদ্বীপ, মধাদ্বীপ, গোক্রমদ্বীপ, কোলদ্বীপ, সতুদ্বীপ, জহুদ্বীপ, মোদক্রমদ্বীপ, রুদ্রদ্বীপ) পরিভ্রমণ করিবেন। শ্রীবিষ্ণুবৈষ্ণব রাজসভার সদস্যগণ সর্বসাধারণকে এই পরিভ্রমণ-উৎসবে যোগদান করিবার জন্ত সাদরে নিমন্ত্রণ করিতেছেন। শ্রীচৈতন্যমঠের সেবকগণ বিনাভাবে সমগ্র যাত্রীগণের আহার, বাসস্থান ও দ্রব্যাদি বহনের সমস্ত ব্যবস্থা করিবেন। মহিলাদের জন্ত স্বতন্ত্র ব্যবস্থা থাকিবে। কলিকাতা শ্রীগোড়ায় মঠের সম্পাদকের নিকট হইতে বিস্তৃত বিবরণ পাওয়া যায়।



মৈত্রী

শিল্পী— শ্রী প্রভাতমোহন বন্দ্যোপাধ্যায়

বিচিত্রা

বিদ্যাসম্বায়

শ্রীরবীন্দ্রনাথ ঠাকুর

এলাহাবাদ ইংরেজি-বাংলা স্কুলের কোনো ছাত্রকে একদা এই প্রশ্ন জিজ্ঞাসা করা হয়েছিল যে, “River” শব্দের সংজ্ঞা কি? মেধাবী বালক তার নিভুল উত্তর দিয়েছিল। তার পরে যখন তাকে জিজ্ঞাসা করা হ’ল, “কোনোদিন সে কোনো river দেখেছে কিনা,” তখন গঙ্গাযমুনার তীরে বসে এই বালক বললে, “না, আমি দেখিনি”। অর্থাৎ এই বালকের ধারণা হয়েছিল যা চেষ্টা ক’রে কষ্ট ক’রে বানান ক’রে অভিধান ধ’রে পরের ভাষায় শেখা যায় তা আপন জিনিষ নয়। তা বহুদূরবর্তী, অথবা তা কেবল পৃথিলোকভুক্ত। এই ছেলে তাই নিজের জানা দেশটাকে মনে মনে জিওগ্রাফী বিদ্যা হ’তে বাদ দিয়েছিল। অবশ্য, পরে এক সময়ে সে শিখেছিল যে, যে-দেশে তার জন্ম ও বাস সেও ভূগোল বিদ্যার সামগ্ৰী, সেও একটা দেশ, সেখানকার riverও river। কিন্তু মনে করা যাক তার বিদ্যাচর্চার শেষ পর্য্যন্ত এই খবরটি সে পায়নি, শেষ পর্য্যন্তই সে জেনেছে যে, আর সকল জায়গারই দেশ আছে কেবল তারই দেশ নেই, তাহ’লে কেবল যে তার পক্ষে সমস্ত পৃথিবীর জিওগ্রাফী অস্পষ্ট ও অসমাপ্ত থেকে যাবে তা নয়, তার মনটা অন্তরে অন্তরে গহীন গোরবহীন হ’য়ে থাকবে। অবশেষে বহুকাল পরে যখন কোনো বিদেশী জিওগ্রাফী-পণ্ডিত এসে কথাগুলো

তাকে বলে যে, তোমাদের একটা প্রকাণ্ড বড় দেশ আছে, তার হিমালয় প্রকাণ্ড বড় পাহাড়, তার সিন্ধু গঙ্গা ব্রহ্মপুত্র প্রকাণ্ড বড় নদী, তখন হঠাৎ এই মস্ত খবরটায় তার মাথা ঘুরে যায়, নূতন জ্ঞানটাকে সে সংযতভাবে বহন করতে পারে না, অনেক কালের অগৌরবটাকে একদিনে শোধ দেবার জন্তে সে চিৎকার শব্দে চারিদিকে ব’লে বেড়ায়, আর-সকলের দেশ দেশ-মাত্র, আমাদের দেশ স্বর্গ। একদিন যখন সে মাথা হেঁট ক’রে আওড়েছে যে, পৃথিবীতে আর সকলেরই দেশ আছে কেবল আমাদেরই নেই, তখনো বিশ্বসত্যের সঙ্গে তার অজ্ঞানকৃত বিচ্ছেদ ঘটেছিল, আর আজ যখন সে মাথা তুলে অসঙ্গত তারস্বরে হেঁকে বেড়ায় যে, আর সকলের দেশ আছে আমাদের আছে স্বর্গ, তখনো বিশ্বসত্যের সঙ্গে তার বিচ্ছেদ। পূর্বের বিচ্ছেদ ছিল অজ্ঞানের, সুতরাং তা মার্জনীয়, এখনকার বিচ্ছেদ শিক্ষিত মূঢ়তার, সুতরাং তা হাস্যকর এবং ততোধিক অনিষ্টকর।

সাধারণত ভারতীয় বিদ্যা সম্বন্ধে আমাদের যে ধারণা সেও এই শ্রেণীর। শিক্ষাব্যবস্থার মধ্যে আমাদের নিজ দেশের বিদ্যার স্থান নেই, অথবা তার স্থান সব পিছনে,— সেই জন্তে আমাদের সমস্ত শিক্ষার মধ্যে এই কথাটি প্রচ্ছন্ন



থাকে যে, আমাদের নিজ দেশের বিদ্যা ব'লে পদার্থই নেই, যদি থাকে সেটা অপদার্থ বললেই হয়। এমন সময়ে হঠাৎ বিদেশী পণ্ডিতের মুখে আমাদের বিদ্যার সম্বন্ধে একটু যদি বাহাবা শুনতে পাই আমরা উন্মত্ত হয়ে বলতে থাকি, পৃথিবীতে আর সকলের বিদ্যা মানবী আমাদের বিদ্যা দৈবী। অর্থাৎ আর সকল দেশের বিদ্যা মানবের স্বাভাবিক বুদ্ধি-বিকাশের সঙ্গে সঙ্গে ক্রমশঃ ভ্রম কাটিয়ে বেড়ে উঠছে, কেবল আমাদের দেশেই বিদ্যা ব্রহ্মা বা শিবের প্রসাদে একমুহূর্তে ঋষিদের ব্রহ্মরন্ধু দিয়ে ভ্রমলেশ-বিবর্জিত হ'য়ে অনন্তকালের উপযোগী আকারে বার হ'য়ে এসেছে। ইংরেজীতে যাকে বলে Special Creation এ তাই, এতে ক্রমবিকাশের প্রাকৃতিক নিয়ম খাটেনা; এ ইতিহাসের ধারাবাহিক পণের অর্থাৎ, সূত্রাং একে ঐতিহাসিক বিচারের অধীন করা চলে না; একে কেবল মাত্র বিশ্বাসের দ্বারা বহন করতে হবে, বুদ্ধি দ্বারা গ্রহণ করতে হবে না। অহঙ্কারের আঁপি লেগে একথা আমরা একেবারে ভুলে যাই যে, কোনো একটি বিশেষ জাতির জন্মই বিধাতা সর্বাপেক্ষা অনুকূল বাবস্থা স্বহস্তে ক'রে দিয়েছেন, এসব কথা বর্ষের কালের কথা। Special Creation এর কথা আজকের দিনে আর ঠাই পায় না। আজ আমরা এই বুঝি যে, সত্যের সহিত সত্যের সম্বন্ধ, সকল বিদ্যার উদ্ভব যে নিয়মে বিশেষ বিদ্যার উদ্ভব সেই নিয়মেই। পৃথিবীতে কেবলমাত্র কয়েদীই অপর সাধারণের সহিত বিচ্ছিন্ন হ'য়ে Solitary cell এ থাকে, সত্যের অধিকার সম্বন্ধে বিধাতা কেবলমাত্র ভারত-বর্ষকেই সেই Solitary cell এ অন্তরায়িত ক'রে রেখেছেন, একথা ভারতের গৌরবের কথা নয়।

দার্দ্রিকাল আমাদের বিদ্যাকে আমরা একঘরে ক'রে রেখেছিলাম। দু'রকম ক'রে একঘরে করা যায়—এক অবজ্ঞার দ্বারা, আর এক, অতি-সম্মানের দ্বারা। দুইয়েরই ফল এক। দুইয়েতেই তেজ নষ্ট করে। এক কালে জাপানের মিকাদো তাঁর দুর্ভেদ্য রাজকীয় সম্মানের বেড়ার মধ্যে প্রচ্ছন্ন থাকতেন, প্রজাদের সঙ্গে তাঁর সম্বন্ধ ছিলনা বললেই হয়। তার ফলে, শোগুন ছিল সত্যাকার রাজা, আর মিকাদো ছিলেন নাম মাত্র রাজা। যখন মিকাদোকে

যথার্থই আধিপত্য দেবার সঙ্কল্প হ'ল তখন তাঁর অতি-সম্মানের দুর্ভেদ্য প্রাচীর ভেঙে তাঁকে সর্বসাধারণের গোচর ক'রে দেওয়া হ'ল। আমাদের ভারতীয় বিদ্যার প্রাচীরও তেমনি দুর্ভেদ্য ছিল। নিজেকে তা সকল দেশের বিদ্যা হ'তে একান্ত স্বতন্ত্র ক'রে রেখেছিল, পাছে বিপুল বিশ্ব-সাধারণের সম্পর্কে তার মধো বিকার আসে। তার ফলে আমাদের দেশে সে হ'ল বিদ্যারাজ্যের মিকাদো; আর যে বিদেশী বিদ্যা বিশ্ববিদ্যার সঙ্গে অবিরত যোগ রক্ষা ক'রে নিয়তই আপন প্রাণশক্তিকে পরিপুষ্ট ক'রে তুলে সে-ই শোগুন হ'য়ে আমাদের প্রবলপ্রতাপে শাসন করত। আমরা অগ্ৰটিকে উদ্দেশ্যে নমস্কার ক'রে একেই প্রত্যক্ষ সলাম করলুম; একেই খাজনা দিলুম এবং এ-রই কান-মলা খেলুম। ঘরে ব'সে একে স্নেহ ব'লে গাল দিলুম, এর শাসনে আমাদের মতিগতি বিকৃত হচ্ছে ব'লে আক্ষেপ করলুম; এদিকে স্বীর গহনা বেচে, নিজের বাস্তবাবু বন্ধক রেখে এ-র খাজনার শেষ কড়িটি শোধ করবার জন্তে চোখ টাকে নিত্য এ-র কাছারিতে হাঁটাইটি করতে লাগলুম।

শিশু যে, সে-ই ধাত্রীর কোলে থাকে। সাধারণের ভিত্তি হ'তে তাকে রক্ষা ক'রেই মানুষ করতে হয়। তার ঘরটি নিভৃত, তার দোলাটি নিরাপদ। কিন্তু তাকে যদি চিরদিনই ঢাকাঢুকি দিয়ে ঘরের কোণে অঞ্চলের আড়াল ক'রে রাখা তা হ'লে উল্টো ফল হয়। অর্থাৎ যে-শিশু একদা অত্যন্ত স্বতন্ত্র ও সুরক্ষিত ছিল ব'লেই পরিপুষ্ট হ'য়ে উঠেছিল, সেই শিশুই বয়ঃপ্রাপ্ত হ'য়ে তার নিভৃত বেষ্টনের মধো অকস্মাৎ কাণ্ড জ্ঞানবিবর্জিত হ'য়ে ওঠে। শূঁটির মধো যে বীজ লালিত হয়েচে, ক্ষেতের মধো সেই বীজের বর্ধিত হওয়া চাই।

একদিন চৈন পারসিক মৈসর গ্রীক রোমীয় প্রভৃতি প্রত্যেক বড় জাতিই ভারতীয়ের মতই নানাধিক পরিমাণে নিজের সুরক্ষিত স্বাতন্ত্র্যের মধো নিজ সভাতাকে বড় ক'রে তুলেছিল। পৃথিবীর এখন বয়স হয়েছে; জাতিগত বিদ্যা স্বাতন্ত্র্যকে একান্ত ভাবে লালন করবার দিন আজ আর নেই। আজ বিদ্যাসমবায়ের যুগ এসেছে। সেই সমবায় যে-বিদ্যা যোগ দেবে না, যে বিদ্যা কোলাহলের অধিনে অনুতা হ'য়ে থাকবে, সে নিফল হ'য়ে মরবে।

অতএব আমাদের দেশে বিজ্ঞানসমবায়ের একটি বড় ক্ষেত্র চাই, যেখানে বিজ্ঞান আদানপ্রদান ও তুলনা হবে, যেখানে ভারতীয় বিজ্ঞানকে মানবের সকল বিজ্ঞান ক্রম-বিকাশের মধ্যে রেখে বিচার করতে হবে।


গা করতে গেলে ভারতীয় বিজ্ঞানকে তার সমস্ত শাখা-উপশাখার যোগে সমগ্র ক'রে জানা চাই। ভারতীয় বিজ্ঞান সমগ্রতার জ্ঞানটিকে মনের মধ্যে পেলে তার সঙ্গে বিশ্বের সমস্ত বিজ্ঞান সম্বন্ধনির্ণয় স্বাভাবিক প্রণালীতে হ'তে পারে। কাছের জিনিষের বোধ দূরের জিনিষের বোধের সহজ ভিত্তি।

বিজ্ঞান নদী আমাদের দেশে বৈদিক, পৌরাণিক, বৌদ্ধ, জৈন, প্রদানত এই চারি শাখায় প্রবাহিত। ভারত চিন্তা-গঙ্গাত্রাতে এর উদ্ভব। কিন্তু দেশে যে নদী চলেছে কেবল সেই দেশের জলেই সেই নদী পুষ্ট না হ'তেও পারে। ভারতের গঙ্গার সঙ্গে তিব্বতের ব্রহ্মপুত্র মিলেছে। ভারতের বিজ্ঞান যোগেও সেইরূপ মিলন ঘটেছে। বার হ'তে মুসলমান যে জ্ঞান ও ভাবের ধারা এখানে বহন ক'রে এনেছে সেই ধারা ভারতের চিন্তাকে স্তরে স্তরে অভিষিক্ত করেছে, তা আমাদের শাখায় আচারে শিল্পে সাহিত্যে সঙ্গীতে নানা আকারে প্রকাশমান। অবশেষে সম্প্রতি যুরোপীয় বিজ্ঞান বহু সকল দেশে প্রভাবিত করেছে, তাকে হেসে উড়োতেও পারেন, কেঁদে ঠেকানোও সম্ভবপর নয়।

অতএব আমাদের বিজ্ঞানতনে বৈদিক, পৌরাণিক, বৌদ্ধ, জৈন, মুসলমান ও পাসি বিজ্ঞান সমবেত চর্চায়

আনুষ্ঠানিক ভাবে যুরোপীয় বিজ্ঞানকে স্থান দিতে হবে।

সমস্ত পৃথিবীকে বাদ দিয়ে যারা ভারতকে একান্ত ক'রে দেখে তারা ভারতকে সত্য ক'রে দেখে না। তেমনি যারা ভারতের কেবল এক অংশকেই ভারতের সমগ্রতা হ'তে খণ্ডিত ক'র দেখে তারাও ভারত-চিন্তাকে নিজের চিন্তের মধ্যে উপলব্ধি করতে পারে না। এই কারণবশতই পোলিটিকাল ঐক্যের অপেক্ষা গভীরতর উচ্চতর মহত্তর যে ঐক্য আছে তার কথা আমরা শ্রদ্ধার সহিত গ্রহণ করতে পারি নে। পৃথিবীর সকল ঐক্যের যা শাস্ত্রত ভিত্তি তাই সত্য ঐক্য। সে ঐক্য চিন্তের ঐক্য, আত্মার ঐক্য। ভারতে সেই চিন্তের ঐক্যকে পোলিটিকাল ঐক্যের চেয়ে বড় ব'লে জানতে হবে; কারণ এই ঐক্যে সমস্ত পৃথিবীকে ভারতবর্ষ আপন অঙ্গনে আচ্ছাদন করতে পারে। অগচ চূর্তাগক্রমে আমাদের বর্তমান শিক্ষা এমন যে, সেই শিক্ষার গুণেই ভারতীয় চিন্তাকে আমরা তার স্বরাজ্যে প্রতিষ্ঠিত করতে পারিচি নে। ভারতে হিন্দু, বৌদ্ধ, জৈন, মুসলমান শিক, পাসি, খৃষ্টানকে এক বিরাট চিন্তাক্ষেত্রে সত্যসাধনার যজ্ঞে সমবেত করাই ভারতীয় বিজ্ঞানতনের প্রধান কাজ। ছাত্রদিগকে কেবল ইংরেজি মুখস্থ করানো, অঙ্ক কষানো, সাংখ্যান শেখানো নয়। নেবার জন্তে অঞ্জলিকে বাঁধতে হয়, দেবার জন্তেও;—দশ আঙুল ফাঁক ক'রে দেওয়াও যায় না, নেওয়াও যায় না। ভারতের চিন্তাকে একত্র সন্নিবিষ্ট করলে তবে আমরা সত্য ভাবে নিতেও পারব দিতেও পারব।





—উপন্যাস—

—শ্রীরবীন্দ্রনাথ ঠাকুর

«

সেদিন সকালে অনেকক্ষণ ধরে কুমু তার দাদার ঘরে বসে গান বাজনা করেছে। সকাল বেলাকার সুরে নিজের ব্যক্তিগত বেদনা বিশ্বের জিনিষ হ'য়ে অসীমরূপে দেখা দেয়। তার বন্ধনমুক্তি ঘটে। সাপগুলো যেন মহাদেবের জটায় প্রকাশ পায় ভূষণ হ'য়ে। বাথার নদীগুলি বাথার সমুদ্রে গিয়ে বৃহৎ বিরাম লাভ করে। তার রূপ বদলে যায়, চঞ্চলতা লুপ্ত হয় গভীরতায়। বিপ্রদাস নিঃশ্বাস ছেড়ে বললে, “সংসারে ক্ষুদ্র কালটাই সত্য হ'য়ে দেখা দেয় কুমু, চিরকালটা থাকে আড়ালে; গানে চিরকালটাই আসে সামনে, ক্ষুদ্র কালটা যায় তুচ্ছ হ'য়ে, তাতেই মন মুক্তি পায়।”

এমন সময়ে খবর এলো, “মহারাজ মধুসূদন এসেছেন।”

এক মুহূর্তে কুমুর মুখ ফ্যাকাসে হ'য়ে গেল; তাই দেখে বিপ্রদাসের মনে বড়ো বাজলো, বললে, “কুমু, তুই বাড়ির ভিতরে যা। তোকে হয়তো দরকার হবে না।”

কুমু দ্রুতপদে চলে গেল। মধুসূদন ইচ্ছে ক'রেই খবর না দিয়ে এসেছে। এ পক্ষ আয়োজনের দৈন্ত্য ঢাকা দেবার অবকাশ না পায় এটা তার সঙ্কল্পের মধ্যে। বড় ঘরের লোক ব'লে বিপ্রদাসের মনের মধ্যে একটা বড়াই আছে ব'লে মধুসূদনের বিশ্বাস। সেই কল্পনাটা সে সহিতে পারে না। তাই আজ সে এমন ভাবে এল যেন দেখা করতে আসেনি, দেখা দিতে এসেছে।

মধুসূদনের সাজটা ছিল বিচিত্র, বাড়ির চাকর দাসীরা অভিভূত হবে এমনতরো বেশ। ডোর! কাটা বিলিতি

সার্টের উপর একটা রঙীন ফুলকাটা সিল্কের ওয়েস্ট কোট, কাঁধের উপর পাটকরা চাদর, যত্নে কোঁচান কালাপেট শান্তিপুর্বে ধুতি, বাণিশ করা কালো দরবারী জুতো, বসে বড়ো হীরে পান্নাওয়াল আঙুটিতে আঙুল বলমল করছে। প্রশস্ত উদরের পরিধি বেঁটন ক'রে মোটা সোনার ঘড়ির শিকল, হাতে একটি সোখীন লাঠি, তার সোনার হাতলটি হাতীর মুণ্ডের আকারে নানা জহরতে খচিত। একটা অসমাপ্ত নমস্কারের দ্রুত আভাস দিয়ে খাটের পাশের একটা কেদারায় বসে বললে, “কেমন আছেন বিপ্রদাস বাবু, শরীরটা তো তেমন ভালো দেখাচ্ছে না।”

বিপ্রদাস তার কোনো উত্তর না দিয়ে বললে, “তোমার শরীর ভালোই আছে দেখছি।”

“বিশেষ ভালো যে তা' বলতে পারিনে—সন্দের দিকটা মাথা ধবে, আর ক্ষিদেও ভালো হয় না। খাওয়া দাওয়ার অল্প একটু অযত্ন হ'লেই সহিতে পারিনে। আবার অনিদ্রাতেও মাঝে মাঝে ভুগি, ঠুটেতে সবচেয়ে দুঃখ দেয়।”

শুশ্রূষার লোকের যে সর্বদা দরকার তারই ভূমিকা পাওয়া গেল।

বিপ্রদাস বললে, “বোধকরি আপিসের কাজ নিয়ে বেশী পরিশ্রম করতে হচ্ছে।”

“এমনিই কি! আপিসের কাজকর্ম আপনিই চ'লে যাচ্ছে, আমাকে বড়ো কিছু দেখতে হয় না। ম্যাকনটন সাহেবের উপরই বেশির ভাগ কাজের ভার, সার আর্থাৎ পীবিডিও আমাকে অনেকটা সাহায্য করেন।”

শ্রীরবীন্দ্রনাথ ঠাকুর

গুড়গুড়ি এল, পানের বাটার পান ও মসলা নিয়ে নাকর এসে দাঁড়ালো, তার থেকে একটি ছোট এলাচ নিয়ে মুখে পুরল, আর কিছু নিলে না। গুড়গুড়ির নল নিয়ে দুই একবার মূছ মূছ টান দিলে। তারপরে গুড়গুড়ির নলটা বাঁ হাতে কোলের উপরেই ধরা রইল। আর তার ব্যবহার হ'ল না। অস্ত্রপুর থেকে খবর এলো জলখাবার পস্তুত। ব্যস্ত হ'য়ে বললে, “ত্রিটি তো পারব না। আগেই তো বলেচি, খাওয়া দাওয়া সম্বন্ধে খুব ধরকাট ক'রেই চলতে হয়।”

বিপ্রদাস দ্বিতীয়বার অনুরোধ করলে না। চাকরকে বললে, “পিসিমাকে বলগে, ঠুর শরীর ভালো নেই, খেতে পারবেন না।”

বিপ্রদাস চূপ ক'রে রইল। মধুসূদন আশা করছিল, কুমুর কথা আপনাই উঠবে। এতদিন হ'য়ে গেল, এখন কুমুকে শবুর বাড়িতে ফিরিয়ে নিয়ে যাবার প্রস্তাব বিপ্রদাস আপনাই উদ্ভিগ্ন হ'য়ে করবে—কিন্তু কুমুর নামও করে না। ভিতরে ভিতরে একটু একটু ক'রে রাগ জন্মাতে লাগল। ভাবলে এসে ভুল করেচি। সমস্ত নব্বইয়ের কাণ্ড। এখন গিয়ে তাকে খুব একটা কড়া শাস্তি দেবার আগে মনটা ছটফট করতে লাগল।

এমন সময় সাদাসিধে সরু কালাপেড়ে একখানি মাড়ি প'রে মাথায় ঘামটা টেনে কুমু ঘরে প্রবেশ করলে। বিপ্রদাস এটা আশা করে নি। সে আশ্চর্য হ'য়ে গেল। প্রথমে স্বামীর, পরে দাদার পায়ের ধূলো নিয়ে কুমু মধুসূদনকে বললে, “দাদার শরীর ক্লান্ত, ঠুঁকে বেশি কথা ক'ওয়াতে ডাক্তারের মানা। তুমি এই পাশের ঘরে এসো।”

মধুসূদনের মুখ লাল হ'য়ে উঠল। দ্রুত চৌকি থেকে উঠে পড়ল। কোল থেকে গুড়গুড়ির নলটা মাটিতে প'ড়ে গেল। বিপ্রদাসের মুখের দিকে না চয়েই বললে “আচ্ছা, ধরে আসি।”

প্রথম ঝাঁকটা হোলো হন্ হন্ ক'রে গাড়িতে উঠে গাড়িতে চ'লে যায়। কিন্তু মন প'ড়েচে বাঁধা। অনেক দিন পরে আজ কুমুকে দেখেচে। ওকে অত্যন্ত সাদাসিধে খাটপৌরে কাপড়ে এই প্রথম দেখলে। ওকে এত সুন্দর

আর কখনো দেখে নি। এমন সংযত, এত সহজ। মধুসূদনের বাড়িতে ও ছিল পোষাকী মেয়ে, যেন বাইরের মেয়ে, এখানে সে একেবারে ঘরের মেয়ে। আজ যেন ওকে অত্যন্ত কাছের থেকে দেখা গেল। কি স্নিগ্ধ মূর্তি! মধুসূদনের ইচ্ছে করতে লাগল, একটু দেরি না ক'রে এখনি ওকে সঙ্গে ক'রে নিয়ে যায়। ও আমার, ও আমারি, ও আমার ঘরের, আমার ঐশ্বর্ঘ্যের, আমার সমস্ত দেহ মনের, এই কথাটা উল্টে পাল্টে বলতে ইচ্ছে করে।

পাশের ঘরে একটা সোফা দেখিয়ে কুমু যখন বসতে বললে, তখন ওকে বসতেই হোলো। নিতান্ত যদি বাইরের ঘর না হোত তাহ'লে কুমুকে ধ'রে সোফায় আপনার পাশে বসাত। কুমু না ব'সে একটা চৌকির পিছনে তার পিঠের উপর হাত রেখে দাঁড়াল। বললে, “আমাকে কিচ্ছ বলতে চাও?”

ঠিক এমন সুরে প্রশ্নটা মধুসূদনের ভালো লাগল না, বললে, “যাবে না বাড়িতে?”

“না।”

মধুসূদন চমকে উঠল—বললে, “সে কি কথা!”

“আমাকে তোমার তো দরকার নেই।”

মধুসূদন বুঝলে শ্রামাসুন্দরীর খবরটা কানে এসেচে, এটা অভিমান। অভিমানটা ভালোই লাগল। বললে, “কি যে বলে! তার ঠিক নেই। দরকার নেই তো কি? শূন্য ঘর কি ভালো লাগে?”

এ নিয়ে কথা কাটাকাটি করতে কুমুর প্রবৃত্তি হ'ল না। সংক্ষেপে আর একবার বললে, “আমি যাব না।”

“মানে কি? বাড়ির বৌ বাড়িতে যাবে না—?”

কুমু সংক্ষেপে বললে, “না।”

মধুসূদন সোফা থেকে উঠে দাঁড়িয়ে বললে, “কি! যাবে না! যেতেই হবে।”

কুমু কোনো জবাব করলে না। মধুসূদন বললে, “জানো পুলিশ ডেকে তোমাকে নিয়ে যেতে পারি ঘাড়ে ধ'রে! ‘না’ বললেই হোলো!”

কুমু চূপ ক'রে রইল। মধুসূদন গর্জন ক'রে বললে, “দাদার স্কুলে নূরনগরী কায়দা শিক্ষা আবার আরম্ভ হ'য়েচে?”



কুমু দাদার ঘরের দিকে একবার কটাক্ষপাত ক'রে বললে, “চুপ করো, অমন চোঁচিয়ে কথা কোয়ো না।”

“কেন? তোমার দাদাকে সামলে কথা কহতে হবে নাকি? জানো এই মুহূর্তে ওকে পথে বার করতে পারি।”

পরক্ষণেই কুমু দেখে ওর দাদা ঘরের দরজার কাছে এসে দাঁড়িয়েছে। দীর্ঘকায়, শীর্ণদেহ, পাণ্ডুবর্ণ মুখ, বড়ো বড়ো চোখ দুটো জ্বালাময়, একটা মোটা শাদা চাদর গা থেকে মাটিতে লুটিয়ে পড়ছে, কুমুকে ডেকে বললে, “আয় কুমু, আয় আমার ঘরে।”

মধুসূদন চোঁচিয়ে উঠল, বললে, “মনে থাকবে তোমার এই আশঙ্কা! তোমার নূরনগরের নূর মুড়িয়ে দেব তবে আমার নাম মধুসূদন।”

ঘরে গিয়েই বিপ্রদাস বিছানায় শুয়ে পড়ল। চোখ বন্ধ করলে, কিন্তু ঘুমে নয়, ক্লান্তিতে ও চিন্তায়। কুমু শিয়রের কাছে ব'সে পাখা নিয়ে বাতাস করতে লাগল। এমন ক'রে অনেকক্ষণ কাটলে পর ক্ষেমা পিসি এসে বললে, “আজ কি খেতে হবেনা কুমু? বেলা যে অনেক হোলো?”

বিপ্রদাস চোখ খুলে বললে, “কুমু, যা' খেতে যা।—তোমার কালুদাকে পাঠিয়ে দে।”

কুমু বললে, “দাদা, তোমার পায়ে পড়ি, এখন কালুদাকে না, একটু ঘুমোবার চেষ্টা করো।”

বিপ্রদাস কিছু না ব'লে স্নগভীর বেদনার দৃষ্টিতে কুমুর মুখেরদিকে চেয়ে রইল। খানিকবাদে নিশ্বাস ফেলে আবার চোখ বুজলে। কুমু ধীরে ধীরে বেরিয়ে গিয়ে দরজা দিল ভেজিয়ে।

একটু পরেই কালু খবর পাঠালো যে আসতে চায়। বিপ্রদাস উঠে তাকিয়্যার হেলান দিয়ে বসল। কালু বললে, “জামাই এসে অল্পক্ষণ পরেই তো চ'লে গেল। কি হোলো বলোতো। কুমুকে ওদের ওখানে ফিরে নিয়ে যাবার কথা কিছু বললে কি?”

“হাঁ বলেছিল। কুমু তার জবাব দিয়েছে, সে যাবে না।”

কালু বিষম ভীত হ'য়ে বললে, “বলো কি দাদা! এ যে সর্বনেশে কথা!”

“সর্বনাশকে আমরা কোনো কালে ভয় করিনে, ভয় করি অসম্মানকে।”

“তা' হ'লে তৈরি হও, আর দেরি নেই। রক্তে আছে, যাবে কোথায়। জানি তো, তোমার বাবা ম্যাজিষ্ট্রেটকে তুচ্ছ করতে গিয়ে অস্তুতঃ দু'লাখ টাকা লোকসান করে ছিলেন। বুক ফুলিয়ে নিজের বিপদ ঘটানো ও তোমাদের পৈত্রিক সখ। ওটা অস্তুত আমার বংশে নেই, গ্রহ তোমাদের সংঘাতিক পাগলামিগুলো চুপ ক'রে হ'তে পারিনে। কিন্তু বাচব কি ক'রে?”

বিপ্রদাস উঁচু বাঁ হাঁটুর উপর ডান পা তুলে দিয়ে তাকিয়্যার মাথা রেখে চোখ বুজে খানিকক্ষণ থাকলে। অবশেষে চোখ খুলে বললে, “দলিলের সর্ভ অনুসারে মধুসূদন ছ'মাস নোটিস না দিয়ে আমার কাছ থেকে টাকা দাবী করতে পারে না। ইতিমধ্যে সুবোধ আষাঢ় মাসের মধ্যেই এসে পড়বে—তখন একটা উপায় হ'তে পারবে।”

কালু একটু বিরক্ত হ'য়েই বললে, “উপায় হবে বই কি। বাতিলগুলো এক দমকায় নিবৃত্ত, সেইগুলো একে একে ভদ্র রকম ক'রে নিববে।”

“বাতিল তলার খোপটার মধ্যে এসে জলুচে, এখন যে ফরাস এসে তা'কে যে রকম দুঁ দিয়েই নেবাক না—তাতে বেশি হা হুতাশ করবার কিছু নেই। ঐ তলানির আলোটার তদ্বির করতে আর ভালো লাগে না, ওর চেয়ে পুরো অন্ধকারে সোয়ান্তি পাওয়া যায়।”

কালুর বৃকে বাথা বাজল। সে বৃকলে এটা অস্তুত মানুষের কথা, বিপ্রদাস তো এ রকম হালছাড়া প্রকৃতির লোক নয়। পরিণামটাকে ঠেকাবার জন্তে বিপ্রদাস এতদিন নানা রকম প্ল্যান করছিল। তার বিশ্বাস ছিল কাটিয়ে উঠবে। আজ ভাবতেও পারে না,—বিশ্বাস করবারও জোর নেই।

কালু স্নিগ্ধ দৃষ্টিতে বিপ্রদাসের মুখের দিকে চেয়ে বললে, “তোমাকে কিছু ভাবতে হবে না ভাই, যা' করবার আমিই করব। যাই একবার দালাল মহলে যুরে আসিগে।”

পরদিন বিপ্রদাসের কাছে এক ইংরাজী চিঠি এল—মধুসূদনের লেখা।—ভাষাটা ওকালতী ছাঁদের—হয় তো বা এটর্নিকে দিয়ে লিখিয়ে নিয়েছে। নিশ্চিত ক'রে জানতে চায় কুমু ওদের ওখানে ফিরে আসবে কিনা, তার পরে যথা কর্তব্য করা হবে।

শ্রীরবীন্দ্রনাথ ঠাকুর

বিপ্রদাস কুমুকে জিজ্ঞাসা করলে, “কুমু, ভালো ক’রে দর ভেবে দেখেছিস?”

কুমু বললে, “ভাবনা সম্পূর্ণ শেষ ক’রে দিয়েচি, তাই আমার মন আজ খুব নিশ্চিন্ত। ঠিক মনে হচ্ছে যেমন এখানে ছিলুম তেমনি আছি—মাঝে মা’ কিছু ঘটেছে সমস্ত স্বপ্ন।”

“যদি তোকে জোর ক’রে নিয়ে যাবার চেষ্টা হয় তুই, জোর ক’রে দামলাতে পারবি?”

“তোমার উপর উৎপাত যদি না হয় তো খুব পারবো।”

“এই জন্তে জিজ্ঞাসা করচি যে, যদি শেষকালে ফিরে যেতেই হয় তা’ হ’লে যত দেরি ক’রে যাবি ততই সেটা বিক্রী হ’য়ে উঠবে। ওদের সঙ্গে সম্বন্ধ সূত্র তোর মনকে কোথাও কিছুমাত্র জড়িয়েচে কি?”

“কিছুমাত্র না। কেবল আমি নবীনকে, মোতির মাকে, গবলুকে ভালোবাসি। কিন্তু তারা ঠিক যেন অগ্নি বাড়ির লোক।”

“দেখ্ কুমু, ওরা উৎপাত করবে। সমাজের জোরে, আইনের জোরে উৎপাত করবার ক্ষমতা ওদের আছে। সেই জন্তেই সেটাকে অগ্রাহ্য করা চাই। করতে গেলেই লজ্জা, সঙ্কট, ভয় সমস্ত বিসর্জন দিয়ে লোকসমাজের সামনে দাঁড়াতে হবে, ঘরে বাইরে চারিদিকে নিন্দের তুফান উঠবে, গার মাঝখানে মাথা তুলে তোর ঠিক থাকা চাই।”

“দাদা, তাতে তোমার অনিষ্ট, তোমার অশান্তি হবে না?”

“অনিষ্ট অশান্তি কাকে তুই বলিস কুমু? তুই যদি অসম্মানের মধ্যে ডুবে থাকিস্ তার চেয়ে অনিষ্ট আমার আর কি হ’তে পারে? যদি জানি যে, যে-ঘরে তুই আছিস্ সে তোর ঘর হ’য়ে উঠল না, তোর উপর যার একান্ত অধিকার সে তোর একান্ত পর, তবে আমার পক্ষে তার চেয়ে অশান্তি ভাবতে পারিনে। বাবা তোকে খুব ভালো বাসতেন, কিন্তু তখনকার দিনে কর্তারা থাকতেন দূরে দূরে। তোর পক্ষে পড়াশুনোর দরকার আছে তা’ তিনি মনেই করতেন না। আমিই নিজে গোড়া থেকে তোকে শিখিয়েছি, তোকে মানুষ ক’রে তুলেছি। তোর বাপ-মার চেয়ে আমি কোনো

অংশে কম না। সেই মানুষ ক’রে তোমার দায়িত্ব যে কি আজ তা’ বুঝতে পারচি। তুই যদি অগ্নি মেয়ের মতো হতিম্ তা হ’লে কোথাও তোর ঠেকত না। আজ যেখানে তোর স্বাতন্ত্র্যকে কেউ বুঝবে না, সম্মান করবে না, সেখানে যে তোর নরক। আমি কোন্ প্রাণে তোকে সেখানে নির্দাসিত ক’রে থাকব? যদি আমার ছোট ভাই হতিম্ তা হ’লে যেমন ক’রে থাকতিস তেমনি ক’রেই চিরদিন থাক্ না আমার কাছে।”

দাদার বুকের কাছে খাটের প্রান্তে মাথা রেখে অগ্নি-দিকে মুখ ফিরিয়ে কুমু বললে, “কিন্তু আমি তোমাদের তো ভার হ’য়ে থাকব না? ঠিক বল্চ?”

কুমুর মাথায় হাত বুলতে বুলতে বিপ্রদাস বললে, “ভার কেন হবি বোন্? তোকে খুব খাটিয়ে নেব। আমার সব কাজ দেব তোর হাতে। কোনো প্রাইভেট সেক্রেটারি এমন ক’রে কাজ করতে পারবে না। আমাকে তোর বাজনা শোনাতে হবে, আমার ঘোড়া তোর জিন্মায় থাকবে। তা’ ছাড়া জানিস্ আমি শেখাতে ভালোবাসি। তোর মতো ছাত্রী পাব কোথায় বল্? এক কাজ করা যাবে, অনেক দিন থেকে পার্শি পড়বার সখ আমার আছে। একলা পড়তে ভালো লাগে না। তোকে নিয়ে পড়ব, তুই নিশ্চয় আমার চেয়ে এগিয়ে যাবি, আমি একটুও হিংসে করব না দেখিস্।”


শুনতে শুনতে কুমুর মন পুলকিত হ’য়ে উঠল, এর চেয়ে জীবনে সুখ আর কিছু হ’তে পারে না।

খানিক পরে বিপ্রদাস আবার বললে, “আরো একটা কথা তোকে ব’লে রাখি কুমু, খুব শীঘ্রই আমাদের কাল বদল হবে, আমাদের চালও বদলাবে। আমাদের থাকতে হবে গরীবের মতো। তখন তুই থাকবি আমাদের গরীবের ক্রমর্থা হ’য়ে।”

কুমুর চোখে জল এলো, বললে, “আমার এমন ভাগ্য যদি হয় তো বৈচে যাই।”

বিপ্রদাস মধুসূদনের চিঠি হাতে রাখলে, উত্তর দিলে না।

(ক্রমশঃ)



—শ্রীঅন্নদাশঙ্কর রায়

১৬

ইংলণ্ড দেশটা যে কি সাংঘাতিক ছোট একটু ঘুরে ফিরে না দেখলে বিশ্বাস হয় না। ছোট তো আমাদের এক একটা প্রদেশও, কিন্তু তাদের ছোটই মানুষের হাতে গড়া। আর ইংলণ্ডের ছোটই নৈসর্গিক। এর সর্কাজ ঘিরেছে আঁট পোষাকের মতো সমুদ্র, এর মাথার উপরে চাপ দিয়েছে টুপীর মতো আকাশ। আকাশ? না, আকাশ বলতে আমরা যা বুঝি তা এদেশে নেই। সেই জন্মেই তো দেশটাকে অস্বাভাবিক ছোট বোধ হয়। একটা অন্ধকূপ বিশেষ। এর ভিতরে যারা থাকে তারা পরস্পরের বড় কাছাকাছি থাকে, পরস্পরের নিশ্বাসের শব্দ শুন্তে পায়, ছুঁপিগুণ্ডের স্পন্দন গোণে। ইংলণ্ডে যখনি যে এসেছে সে বেমালুম ইংরেজ হ'য়ে গেছে। এর উদরের জারক রস এতই প্রবল যে আমিষ ও নিরামিষ দুধ ও তামাক যখন যাই পেয়েছে তখন তাই পরিপাক ক'রে এক রক্ত মাংসে পরিণত করেছে। ইংলণ্ডের আশ্চর্য্য একতার কারণ ইংলণ্ড দেশটা দৈর্ঘ্যে প্রস্থে ও উচ্চতায় অত্যন্ত আঁটসাঁট ও ছোট।

ভারতবর্ষে যখন সারা দিনের পাটুনির শেষে তারা-ভরা আকাশের তলে ব'সে নিশ্বাস ছাড়ি তখন সে নিশ্বাস লক্ষ যোজন দূরে নিঃসীম শূন্যে মিলিয়ে

যায়, মনে হয় না যে ভারতবর্ষ আমাদের বেঁধে রেখেছে। আমাদের বিশাল দেশ, বিরাট আকাশ; আমরা কোটি তারকার সঙ্গ পেয়ে ধনু, মানবসংসারের প্রাত্যহিক তুচ্ছতাকে আমরা তুচ্ছ ব'লেই জানি। আর এরা? এদের কিবা রাত্রি কিবা দিন—সমস্ত জীবনটাই একটা non-stop dance কিম্বা non stop flight। ছন্দহীন যতিহীন বেতালা জীবন, জন্ম থেকে মৃত্যু অবধি অশ্রান্ত বৃত্তাবেগ, এক মুহূর্ত্ত বিশ্রাম করতে বসলে প্রতিযোগীরা লাথি মেরে এগিয়ে যায়, বৃদ্ধ বয়সেও অল্পচিন্তায় অস্থির ক'রে রাখে। দিনের পরে কখন রাত আসে, রাতের শেষ কোনো দিন হয় কি না, ঠিক নেই। এদেশের সূর্য্য সাম্রাজ্য পাহারা দিতে বেরিয়ে স্বরাজ্যে হাজিরা দেবার সময় পায় না। মাটি ও আকাশের মাঝখানে মেঘ ও কুয়াশার প্রাচীর, মানুষের প্রাণের কথা তারালোকে পৌঁছায় না, ঘরের কোণের ছোট ছোট দুঃখ স্তম্ভকে মহাজগতের বড় বড় দুঃখ স্তম্ভের সঙ্গে মিলিয়ে ধরবার সুযোগ মেলে না, “the world is too much with us night and day!”

ইংলণ্ডের সৌভাগ্য ও দুর্ভাগ্য ইংলণ্ড দেশটা সূ-সীম ও আকাশহীন। ইংরেজের সৌভাগ্য ও দুর্ভাগ্য ইংরেজ জাতটা রক্তসম্পর্কে এক ও দৈনন্দিন জীবনে perspective-হীন। একে তো এদের ইতিহাস ছোট, জাতিগত

শ্রীঅন্নদাশঙ্কর রায়

অভিজ্ঞতার এরা শিশু। তারপরে এদের আকাশের আঁধার এদের মনকেও আঁধার করেছে, হাৎড়াতে হাৎড়াতে যখন যেটুকু সত্য পায় তখন সেইটুকু এদের কাছে সব, এরা কত বড় একটা সাম্রাজ্য চালায় নিজেরাই জানে না, সাম্রাজ্য এরা গড়েছে অল্প-মনস্ক ভাবে। খাঁটি প্রাদেশিকতা থাকে বলে তা দ্বীপবাসীতেই সম্ভব এবং আকাশহীন দ্বীপবাসীতে। এরা তিন dimensionএর দ্বীপবাসী। ইংলণ্ডে দলাদলির অন্ত নেই, কিন্তু প্রত্যেক দলই স্বভাবে ইংরেজ অর্থাৎ আকাশহীন দ্বীপবাসী। কোনো একটা আনুজ্ঞাতিক আন্দোলন ইংলণ্ডে টিকবে না, খ্রীষ্টধর্ম টিকল না, সোশ্যালিজম্ টিকছে না। একদিন যেমন চাক্ অব্ ইংলণ্ড নিজস্ব খ্রীষ্টধর্ম সৃষ্টি করলে আজ তেমনি লেবার-পার্টি নিজস্ব সোশ্যালিজম্ সৃষ্টি করছে। নির্জলা শাশনালিজম্ ইংলণ্ডেই প্রথম সম্ভব হয়, ইংলণ্ডেই শেষ পর্যন্ত স্থায়ী হবে। এর কারণ নৈসর্গিক। তবে নিসর্গের উপরে পোদকারী করছে মানুষ। জাহাজের যা সাধ্যাতীত ছিল এরোপ্লেন তাকে সাধ্যায়ত্ত করছে, channel tunnel হয় তো অসাধ্য সাধন করবে, ইংলণ্ড আর দ্বীপ থাকবে না। কিন্তু মেঘের প্রাচীর ?

দক্ষিণ ইংলণ্ডের নানা স্থানে ঘুরে ফিরে দেখা গেল নিসর্গ ও মানুষ মিলে অঞ্চলটাকে সর্বতোভাবে একাকার করে দিয়েছে। একই রকম অগুন্তি ছোট শহর, প্রায়শকটাতে একই হোটেলের শাখা-হোটেল ও একই দোকানের শাখা-দোকান। স্থানীয় সংবাদপত্র ও থিয়েটারও বহুদূর থেকে চালিত। রেল ও বাস যদিও অগুন্তি তবু একই কোম্পানীর। একই আবহাওয়া, একই রকম সৌন্দর্যে আকাশ, অসমতল ভূমি। মানুষও বাইরে থেকে একই রকম—পোষাকে চলনে বুলিতে আদব কাঁদায়। সামান্য যা ইতর বিশেষ তা বিদেশীর চোখে ম্পন্ন নয়। ঘন ঘন স্থান পরিবর্তনের ফলে প্রত্যেকটি মানুষ ইংরেজ হ'য়ে গেছে, প্লিমাথ্-ওয়াল্লা বা টরকী-ওয়াল্লা বলে কেউ নেই। অধিকাংশ বাড়ীই এখন বাসা, পূর্ব-পূর্বের ভিটা মাটির মর্যাদা যদি থাকে তো পূর্বপূর্বের

গোরস্থানে। বাড়ীর মালিকরা হয় বাড়ীতে থাকেন না, নয় বাড়ীতে বোর্ডিং হাউস খোলেন। এই সব শহরের সর্বপ্রধান ব্যবসায় অতিথিচর্যা। অতিথিরা হয় ছুটিতে বেড়াতে আসে, নয় বাণিজ্যসংক্রান্ত কাজে আসে। যারা স্থায়ীভাবে বসবাস করে তাদেরও হ'ভাগে বিভক্ত করা যায়, তারা হয় দূরস্থিত পিতামাতার বোর্ডিং স্কুলে পড়তে থাকা সন্তান, নয় প্রাপ্তবয়স্ক সন্তানের পেন্সনপ্রাপ্ত পিতামাতা। ছোটদের জন্মে বোর্ডিং স্কুল ও বড়োদের জন্মে নার্সিং হোম সমুদ্রতীরবর্তী বহুশত শহরে ও গ্রামে বহুল পরিমাণে বিদ্যমান।

ইংলণ্ড যে দিন দিন socialised হ'য়ে উঠছে, এর প্রমাণ ইংলণ্ডের এই সব বোর্ডিং স্কুল নার্সিং হোম হাঁসপাতাল পার্লিক লাইব্রেরী ইত্যাদি। এসব অনুষ্ঠান জনসাধারণের চাঁদায় চলছে, এ সব অনুষ্ঠানে যারা থাকে তারা অনেক সময় জনসাধারণের চাঁদায় থাকে, এ সব অনুষ্ঠানের শিক্ষায় বা চিকিৎসায় কোনো একজনের প্রতি পক্ষপাত নেই। গবর্নমেন্টের খরচে চলেও এগুলি এমনি ভাবেই চলতো। যে দেশে জনসাধারণ যা গবর্নমেন্টে তাই, সে দেশে জনসাধারণের চাঁদায় চালিত বে-সরকারী হাঁসপাতাল ও জনসাধারণের খাজনায় চালিত সরকারী হাঁসপাতালে তফাৎ কতটুকু? ইংলণ্ডের অস্বচ্ছলরা চার্চ প্রভৃতির মধ্যস্থতায় স্বচ্ছলদের কাছ থেকে যে চাঁদা পায় গবর্নমেন্টের মধ্যস্থতায় স্বচ্ছলদের কাছ থেকে সেই চাঁদাই পেতে চায়, যদিও তার নাম চাঁদা হবে না, হবে পাওনা। কিন্তু সেই পাওনা ও এই পাওনা তলে তলে একই জিনিষ—এমনি বোর্ডিং স্কুলের অপক্ষপাত শিক্ষা, হাঁসপাতালের অপক্ষপাত চিকিৎসা, নার্সিং হোমের অপক্ষপাত সেবা। এতে আত্মীয় স্বজনের হাত নেই, হৃদয় নেই, এর উপরে সমাজের ফরমাস্ প্রবল, ব্যক্তির রুচি-অরুচি ক্ষীণ। সমাজের অলিখিত হুকুমে মা তার কোলের ছেলেকে বোর্ডিং স্কুলে দেয়, রুগ্ন ছেলেকে হাঁসপাতালে রাখে। নিজের হৃদয়ের দাবীকে সমাজের দশজনের মতো নিজেও সেটিমেন্টাল্ বলে উড়িয়ে দেয়।



তবুও বড়াই ক'রে বলতে হয়, আমরা সোশ্যালিষ্ট নই!

এইসব হোটেল বোর্ডিং হাউস স্কুল ও নার্সিং হোম সাধারণত মেয়েদের হাতে। ডুধের সাধ ঘোলে মেটাবার মতো এরা home-এর সাধ হোটেল ও আত্মীয় স্বজনের সাধ অতিথি দিয়ে মেটায়। Community kitchen আর কাকে বলে? Collective motherhood কি এ ছাড়া অল্প কিছু? ভিন্ন ভিন্ন দেশে ভিন্ন ভিন্ন উপায়ে একই আদর্শই উদ্‌যাপিত হ'তে চলে। নাম নিয়ে মারামারি ক'রে ফল নেই, এও এক রকম সোশ্যালিজম। তলিয়ে দেখলে সোশ্যালিজমের আদত কথাটা কি এই নয় যে সমাজ ও ব্যক্তির মাঝখানে মধ্যস্থ থাকবে না, সম্পর্কে ও সম্পত্তিতে "private"-অঙ্কিত বেড়া থাকবে না? যে জননী জন্মের পর মুহূর্ত্তে সন্তানকে Dr Barnardo's home-এ ত্যাগ করে ও যে জননী জন্মের অল্পকাল পরে সন্তানকে বোর্ডিং স্কুলে পাঠিয়ে দেয় তাদের একজনের সন্তানের খরচা বহন করে বদাচ্ছ জনসাধারণ, অপর জনের সন্তানের খরচা বহন করে দূরস্থিত পিতামাতা; শিক্ষা উভয়েই পায় অনাআয়দের অপক্ষপাত তত্ত্বাবধানে, পক্ষপাতী পিতামাতার সান্নিধ্য কেউই পায় না অধিকাংশ স্থলে। এদের আর্থিক অবস্থার উন্নতি বিশ থাকলেও এরা সোজাসুজি সমাজের হাতে গড়া, community kitchen-এ খায় ও সার্বজনীন শিক্ষয়িত্রীর কোলে collective মাতৃস্নেহের ঘোল আশ্বাদন করে।

প্রবীণাদের মুখে চোখে কথাবার্তায় এমন একটি স্নিগ্ধতা ও শান্তি লক্ষ্য করা গেল যা কোনো দেশবিশেষের বিশেষত্ব নয়, যা যুগবিশেষের বিশেষত্ব। অন্তঃগামী চন্দ্রের স্নিগ্ধতার মতো উনবিংশ শতাব্দীর জী-মুখের স্নিগ্ধতারও দিন শেষ হ'য়ে এলো। এর পরে বিংশ শতাব্দীর স্বতন্ত্রা নারীর প্রথর জালা, লাবণ্যহীন পিপাসাময় ছঃসাহসিক অরুণরাগ। ভারতের কল্যাণী নারীকে ভিক্টোরীয় ইংরেজ নারীতে কত স্থলে প্রত্যক্ষ করেছি, বহুমহোদরবিশিষ্ট প্রশস্ত গৃহাঙ্গনে এঁদের বাল্যকাল

কেটেছে, বহুমুখর জীবনসংগ্রামে জীবিকার জন্তে এরা প্রাণপণ করেননি, পাঁচ জনকে খাইয়ে খুসী ক'রেই এঁদের তৃপ্তি, জগতের সামান্যই এঁদের জানেন ও একটি কোণেই এঁদের স্থিতি, উদ্যানলতার ভঙ্গী এঁদের স্বভাবে ও উদ্যানপুষ্পের সুরভি এঁদের আচরণে। অনুচা হ'লেও এঁরা গৃহিণী নারী, এঁরা স্বতন্ত্রা নারী নন। আর এঁদের পরবর্ত্তিনীরা ফ্লাটে বা বোর্ডিং হাউসে থাকা সাবধানী পিতামাতার স্বল্পমহোদরবিশিষ্ট সন্তান, প্রিয় জনের সঙ্গে প্রাত্যহিক দান প্রতিদান কলহ মিলনে যে শিক্ষা হয় সে শিক্ষা অল্পবয়স থেকে বোর্ডিং স্কুলে বাস ক'রে হয় নি, তারপরে জীবিকার দায়িত্ব মাণায় নিয়ে আধুনিক সভ্যতার বেড়াজালে এঁরা যখন হরিণীর মতো ছটফট করেন তখন স্বভাবে আসে বচতা, আচরণে আসে বাস্ততা, এবং বিবাহের মৌভাগ্য ঘটলেও ঘরকরণার নীরব নিভৃত জীবনে মন বসে না, মন চায় অভাস্ত মত্ততা, আগের মতো খাটুনি, আগের মতো নাচ, আগের মতো সন্তানঘটিত তৃষ্ণিতার প্রতি বিতৃষ্ণা, স্বামীঘটিত তন্ময়তার প্রতি অনিচ্ছা। এ নারী গৃহিণী নারী নয় স্বতন্ত্রা নারী। সমাজের কাজে এর অতুল উৎসাহ, প্রভূত যোগ্যতা, নার্স হিসাবে শিক্ষয়িত্রী হিসাবে হোটেলের ম্যানেজারেস্ হিসাবে আপিসের সুপারি-ণ্টেণ্ডেন্ট হিসাবে এ নারী নিখুঁৎ, সচিব মন্ত্রী ও শিষ্যা রূপে এ নারী পুরুষের শ্রদ্ধা জিনে নিয়েছে, আধুনিক সভ্যতার সূর্য্যস্রোতে বিচ্যুত দেখি যাকে সে নারী এই স্বতন্ত্রা নারী— গৃহহীন, পক্ষপাতহীন, জনহিতপরায়ণ, সামাজিক কল্লো অটল। এ নারী সব পুরুষের সহকর্মিনী, কোনো একজনের রাণী ও দাসী নয়, সকলের সম্মানের পাত্রী, কোন একজনের প্রেম ও ঘৃণার পাত্রী নয়। কথাটা অবিশ্বাস্য শোনালেও বলতে হবে যে ভিন্ন ভিন্ন দেশে ভিন্ন ভিন্ন ধারায় socialisation of women চলেছে, ভারতবর্ষও বাদ যায়নি। এর ফলে কাব্যলোক থেকে প্রেমসী নারী অন্তর্হিত হলো, তার স্থান নিলে সঙ্গিনী নারী, passion-এর স্থানে এলো understanding।

যুগলক্ষণ থেকে বিচ্ছিন্ন করলে ইংরেজ নারীর কতক বিশেষত্ব আছে—প্রবীণা ও নবীনা এ ক্ষেত্রে সমান।


শ্রীঅন্নদাশঙ্কর রায়


প্রথমত ইংরেজ নারী চিরদিনই স্বাধীন-মনস্ক, শক্ত-মনস্ক। ইংরেজ পুরুষও তাই। গুরুজনের ইচ্ছার সঙ্গে ইচ্ছা মিলিয়ে দেওয়া তার দ্বারা কোন যুগে হয় নি। সে নিজের ইচ্ছাকে নিজের হাতে রেখে স্বৈচ্ছায় সমাজের বাধন স্বীকার করেছে, সামাজিক ডিসিপ্লিন মেনেছে।

এই জন্মেই বিবাহটা ছ'জন স্বাধীন মানুষের contract, এতে গুরুজনের হাত পড়োক্ষ। দ্বিতীয়ত নারীদের কোনো ঐতিহাসিক বা পৌরাণিক আদর্শ এ দেশের নারীর সামনে তেমন ক'রে ধরা হয়নি যেমন আমাদের সীতা সাবিত্রীর আদর্শ। এর ফলে এ দেশের নারী প্রত্যেকেই এক একটি আদর্শ, কোনো ছ'জন ইংরেজ নারী কেবল ব্যক্তিহিসাবে নয় type-হিসাবেও এক নয়। সীতা সাবিত্রীর ছাঁচে ঢালতে গিয়ে আমাদের নারীজাতিকে আমরা সীতা সাবিত্রী জাতি

বানিয়েছি, তাদের মধ্যে নারীদের অল্পই অবশিষ্ট আছে। তাই তাদের নিয়ে আরেক খানা রামায়ণ কিম্বা মহাভারত লেখা হলো না, অথচ হেলেন ও পেনেলোপীর পরবর্তিনীদের নিয়ে আজ পর্যন্ত কত কাবাই লেখা হ'য়ে গেলো, কত ছবিই আঁকা হ'য়ে গেলো। তৃতীয়ত ইংরেজ নারীর বেশভূষার প্রতি তেমন মনোযোগ নেই যেমন মনোযোগ গৃহসজ্জার প্রতি, শিশুচর্যা বা পশুচর্যার প্রতি। অধিকাংশ ইংরেজ নারীর সাজসজ্জা রূপকথার Cinderellaর মতো। কতকটা এই কারণে, কতকটা অল্প কোনো কারণে অধিকাংশ ইংরেজ নারীরই বাইরের charm নেই। পুরুষের প্রেমের চেয়ে পুরুষের শ্রদ্ধাই এদের কামা, সহযোগিতার চেয়ে প্রতিযোগিতার কামনা তীব্র।

(ক্রমশঃ)







আদালত

চিত্রশালা


রাতের প্যারি



ত্রোকাদেবো মিউজিয়ম




মুর্গা রজ্জু সঙ্গীতশালা




অপেরা-গৃহ



নোংর দাম্



প্লাস্ দ্ মা কঁকদ



ইফেল টাওয়ার



শ্রীযুক্ত অন্নদাচরণ রায় কর্তৃক
নির্মিত ও প্রেরিত

নাম-না-জানা মৈনিকের কবর

সার্বজনীন নারীশিক্ষা

শ্রীমতী অনুরূপা দেবী

বাগর্থাবিব সম্পৃক্তৌ বাগর্থপ্রতিপত্তয়ে ।

জগতঃ পিতরৌ বন্দে পার্বতীপরমেশরৌ ॥

—প্রচুররূপে শব্দ এবং অর্থ সম্পত্তি প্রাপ্তির নিমিত্ত শব্দ এবং অর্থের ত্রায় পরস্পর নিত্য সম্বন্ধে সম্বন্ধ, জগতের জননী পার্বতী এবং জগৎপিতা পরমেশ্বর অর্থাৎ ভবানী-পতিকে বন্দনা করি ।

মহাকবি কালিদাস তাঁর সুবিখ্যাত মহাকাব্য 'রঘুবংশে' প্রকৃতি পুরুষের অভিন্নত্ব, পরস্পর অচ্ছেদ্য সম্বন্ধ প্রদর্শন-পদক এইরূপে গ্রন্থারম্ভ করিয়াছেন ।

“জগতঃ পিতরৌ”—এই ক্ষুদ্র কারিকাটুকুতেই সমুদয় বিশ্বব্রহ্মাণ্ডের সৃষ্টিরহস্য সাংখ্যদর্শনের মূলসূত্র সুনিহিত ।

“জগতঃ পিতরৌ”—‘পিতরৌ’ শব্দ পিতৃ-মাতৃ উভয়-বাচক ; তাই জগতঃ পিতরৌ বলিতে মাতাপিতা উভয়কেই বুঝায় ।

সেই জগৎপিতা এবং জগন্মাতায় কি সম্বন্ধ ; না “বাগর্থাবিব সম্পৃক্তৌ”—বাক্ এবং অর্থ যেমন পরস্পর নিত্য সম্বন্ধ, এককে ছাড়িয়া অপরের অস্তিত্ব থাকিতে পারে না, প্রকৃতি ও পুরুষেও সেইরূপ অচ্ছেদ্য, অভেদ্য, অপরিহার্য্য নিত্য সম্বন্ধ । ক্ষুদ্র একটি শ্লোকে সুবিদ্বান মহাকবি নিজ অমর গ্রন্থের মঙ্গলাচরণে সৃষ্টিরহস্যের সকল সমস্ত বিদূরিত করিয়া একসঙ্গে প্রকৃতি-পুরুষের, নিগুণ ও সগুণ ব্রহ্মের, বস্তু ও মায়ার, জগৎপিতা এবং জগন্মাতার বন্দনা গাঢ়িয়া দিয়া চাইয়াছেন ।

বাগর্থাবিব সম্পৃক্তৌ বাগর্থপ্রতিপত্তয়ে ।

জগতঃ পিতরৌ বন্দে পার্বতীপরমেশরৌ ॥

নারীপুরুষের মধ্যে এই অপরিহার্য্য নিত্যসম্বন্ধ স্বতঃই সৃষ্টির প্রাকাল হইতে প্রাকৃতিক নিয়মেই প্রাদুর্ভূত হইয়াছে ।

নিখিল ভারতমহিলা শিক্ষাসমিতির পাটনা অধিবেশনের ভাষ্যে লিপিত ।

শব্দ এবং অর্থের ত্রায় ইহাও অঙ্গানীভাবে নিত্য সম্বন্ধে সম্বন্ধ । একের বাতিরেকে অর্থের অস্তিত্ব বর্তমান থাকিতেই পারে না । একজন সুবিখ্যাত পাশ্চাত্য লেখক লিখিয়াছেন, “নারী এবং নর একটি পাখীর দুইটি পক্ষ, ইহাদের একজনকে ছাড়িয়া যখন আর একজনকে উড়িবার চেষ্টা করিতে দেখি, তখন আমার মনে হয় পাখীটি তার একট ডানায় ভর দিয়া উড়িতে চেষ্টা করিতেছে ।”

যদি জাতীয় মঙ্গল কামনা করিতে হয়, তবে সর্ব প্রথমেই সর্বপ্রথমে দেশের সমস্ত নর এবং নারীকে উচ্চ শিক্ষায় শিক্ষিত এবং উচ্চাदर्শে দীক্ষিত করিতে হইবে । দেশবাসী স্ত্রীপুরুষকে অজ্ঞানানুকারে সমাবৃত রাখিয়া দেশের উন্নতির কথা কথা এবং আকাশকুসুমের মালা গাঁথা একই কথা ।

এদেশে পুরুষের শিক্ষাই এ পর্য্যন্ত বাধাতামূলক করার চেষ্টাসত্ত্বেও তাহা কার্য্যে পরিণত হইতে পারে নাই । এক্ষেত্রে মেয়েদের শিক্ষা বাধাতামূলক করার কথা বলিলে হয়ত তাহা অনেকেরই কানে একটু ধুঁটতার মতই শুনাইবে । কিন্তু আমি বলি এটা খুবই অসঙ্গত প্রার্থনা নয় । যে দেশের কবি নরনারীকে বাক্ এবং অর্থের ত্রায় পরস্পর নিত্য সম্বন্ধে সম্বন্ধ এবং যে দেশের পণ্ডিত নারী পুরুষকে একটি পাখীর দুইটি পক্ষরূপে বর্ণনা করিয়াছেন, সেই দুই দেশেই জনসাধারণ এবং রাজপুরুষেরা একই সময়ে নরনারীর শিক্ষাকে বাধাতামূলক করিবার চেষ্টা করিতে এবং ঐ চেষ্টাকে সফল করিতে না পারিবেন কেন ? পাখী যখন উড়িতে চাহিতেছে, তার একটি পাখা চাপিয়া ধরিয়া থাকি কি সঙ্গত ?

এ বিষয়ে আর একটি প্রধান কথা এই যে, নারীশিক্ষা বিস্তারের জন্য সহরে ছ একটি বালিকা-বিদ্যালয় সংস্থাপিত



পাকিলেই স্ত্রীশিক্ষার বিস্তার চলিতে পারে না। সহরের বাহিরে গ্রামে গ্রামে পল্লীতে পল্লীতে পূর্বে যেমন পাঠশালার ব্যবস্থা ছেলেদের জন্ত,—কোথাও কোথাও ছেলেদের সঙ্গে খুব ছোট ছোট মেয়েদের জন্তও ছিল, সেইরূপ অসংখ্য পাঠশালা অথবা নিম্ন ও উচ্চ প্রাথমিক বিদ্যালয়প্রবর্তন চেষ্টা বাতিরেকে প্রকৃতপক্ষে সার্বজনীন পুরুষ ও স্ত্রীশিক্ষার বিস্তারের চেষ্টা সফল হইতে পারে না। ইহার জন্ত গভর্ণ-মেন্ট গুরুট্রেনিং স্কুলের জায় শিক্ষয়িত্রী তৈরির জন্ত বহু পরিমাণে ট্রেনিং স্কুল সংস্থাপন করেন, ইহাই আমাদের অনুরোধ।

সমগ্র ভারতে পনের কোটি ত্রিশ লক্ষ নারীর মধ্যে অক্ষরজ্ঞান-সম্পন্ন নারীর সংখ্যা মাত্র তেইশ লক্ষ, পঁয়তাল্লিশ হাজার. নয়শত চারিজন! ইহাতেই বুঝা যাইতেছে যে স্ত্রীশিক্ষা বিস্তারের জন্ত আমাদের কতখানিই করিবার আছে। ভারতবর্ষেরই কয়েকটি দেশীয় রাজ্যের স্ত্রীশিক্ষার পরিমাণের তালিকা হইতেই আপনারা দেখিতে পাইবেন আমরা আমাদের বিভিন্ন প্রাদেশিক ভগ্নিগণেরও কত পশ্চাতে পড়িয়া আছি।

সমগ্র ভারতে নারীর সংখ্যা	...	১৫,৩০,০০,০০০
" " অক্ষরজ্ঞানসম্পন্ন সংখ্যা	..	২৩,৪৫,৯০৪
" " শিক্ষার বয়সী বালিকার সংখ্যা	...	৩,৯৪,৭১,৭৮১
তন্মধ্যে স্কুলে যায়	...	১১,১৫,১১০
" " শতকরা " "	...	৩টি মাত্র মেয়ে
জাপানে " " "	...	৯৮টি মেয়ে

বঙ্গদেশে শিক্ষিতা নারী	১৯১১ সালে ... শতকরা	১
" " " "	১৯২৬ " ... "	১.৩/৪
ত্রিবাঙ্কুর রাজ্যে " " "	১৯১১ " ... "	৫
" " " "	১৯২৬ " ... "	৯
মহীশূর " " "	১৯১১ সালে ... শতকরা	৩
" " " "	১৯২৬ " ... "	১২
বারোদা " " "	১৯১১ " ... "	২
" " " "	১৯২৬ " ... "	১৩
শিক্ষিত জনসংখ্যা (নারী ও পুরুষ)—ডেনমার্ক	.. শতকরা	১০০
জাপান	...	৯৮
আমেরিকা	...	৯৫

ইংলণ্ড	...	৯৩
বঙ্গদেশ	...	১/৭
ভারতবর্ষ	...	৫

জাপানে সমগ্র বালক বালিকার সংখ্যার অনুপাতে শতকরা ৯৯জন বালক এবং ৯৮জন বালিকা স্কুলে পড়ে, সে জায়গায় ভারতবর্ষে শতকরা মাত্র ২১টি ছেলে এবং ৩টি মেয়ে স্কুলে যায়। ইহার মধ্যে উচ্চ শিক্ষালাভ করিবার সুযোগ ও সুবিধা অতি অল্পসংখ্যকেরই ভাগে হইয়া থাকে। স্বাধীন জাপানের কয়েক বৎসরের ইতিহাসের সহিত পরাধীন ভারতের পৌনে দুইশত বৎসরের ইতিহাসের এইখানেই সম্পূর্ণ প্রভেদ। ইংরাজ ভারতের প্রাচীন পদ্ধতির শিক্ষাপ্রতিষ্ঠানগুলি নষ্ট করিয়া শিক্ষাবিস্তারের চেষ্টা করেন নাই, পরন্তু বাধা দিয়াছেন। পূর্বে চতুর্পাঠী, মস্তব এবং পাঠশালার অভাব ছিল না; কথকতার দ্বারা ধর্ম ও নীতি-শিক্ষা সার্বজনীন হইয়া উঠিয়াছিল। এখন সে সব গিয়াছে। এদিকে এক একটি বিদ্যালয় স্থাপন করায় এতই ব্যয়বাহুল্য ও আইন-কানূনের কড়াকড়ির দড়াদড়িতে বাধাবাদি যে সে সব মানিয়া গ্রামে গ্রামে স্কুল কলেজ স্থাপন করাই এক প্রকার অসম্ভব ব্যাপার!

যাই হোক তথাপি এ কথা ঠিক যে এ সকল সত্ত্বেও দেশের নরনারী নিজেরাই উত্তোগী হইয়া শিক্ষার ব্যয়বাহুল্য কমাইয়া গ্রামে গ্রামে পল্লীতে পল্লীতে গাছতলায় বা পর্ণকুটির প্রাচীন পদ্ধতিতে আধুনিক শিক্ষাকে সহজলভ্য করার সুব্যবস্থা না করিতে পারিলে সার্বজনীন শিক্ষার আশা করা সুদূরপর্যন্ত। বিলাসবাসনাশূন্য নিঃস্বার্থ কর্মীকে সাধারণের প্রদত্ত সামান্য বৃত্তি দ্বারা ভরণপোষণ নির্বাহ করিয়া শিক্ষাত্রত গ্রহণ করিতে হইবে। প্রাচীন পদ্ধতিতে পূজা পার্বণ নির্বাহ বিবাহ এবং শ্রাদ্ধাদি উপলক্ষ্যে * সাধারণের

* যেমন ৬ ভূদেবকও স্থাপিত। পূর্জাপাদ পিতৃদেব ৬ মুকুন্দদেব মহাশয় করিয়াছিলেন। প্রতি পারিবারিক অনুষ্ঠানেই ৬ ভূদেব দণ্ডে কিছু কিছু দান করা তাঁর নিয়ম ছিল। বিবাহাদিতে কখনও ১০০৮ টাকা কখনও বা ১০৮ টাকা উক্ত কণ্ডে জমা দেওয়া হইত। এখনও প্রতি মাসে 'সোমদেব সংকল্প ভাণ্ডার' হইতে ৫ হিসাবে দেওয়া হয়। তাঁর দৃষ্টান্তে তাঁর আশ্রয়জন ও যথা ইচ্ছা কিছু কিছু জমা দিতেন। ইহার দ্বারা ৫২ টাকা করিয়া তিনটা সংস্কৃত বৃত্তি দেওয়া হইতেছে।

শ্রীমতী অনুরূপা দেবী

সাহায্য গ্রহণ করিয়া ছাত্রগণের গৃহশিক্ষার বাবদ যথাসম্ভব শিক্ষা প্রতিষ্ঠানের ব্যয়নির্বাহ করিয়া দেশের মধ্যে স্ত্রীশিক্ষা বিস্তার করিতে হইবে। স্ত্রীশিক্ষা বাধাতামূলক করিবার প্রচেষ্টা এবং সহজলভ্য করিবার জন্ত যত্ন দেশের শিক্ষিতা নারীদেরই করা কর্তব্য। গভর্ণমেন্টের কাছে দাবী করিতে আমি বাধা করিনা, কারণ তাহা আমাদের অবশ্যপ্রাপ্য জন্মগত অধিকারেরই দাবী। আমাদের নিজের দেশের টাকা হইতেই সে সাহায্য আমরা চাহিতেছি, ইহা আমাদের নিশ্চয়ই পাওয়া উচিত। কিন্তু চাহিলেই যে পাইব সে আশা কম। কারণ আমাদের দেশে গভর্ণমেন্টের শিক্ষাব্যয় ক্রমশঃ অসম্ভবত তাহা নিয়ে এই তালিকাখানিতে দৃষ্টিপাত করিলেই সকলেই জানিতে পারিবেন। ভারতে মাথাপিছু শিক্ষাব্যয় বাৎসরিক ১/০ আনা মাত্র!

বাৎসরিক শিক্ষার ব্যয়, মাথাপিছু...	ডেনমার্ক	...	১৭
	আমেরিকা	...	১৬।০
	ইংলণ্ড	...	৯।০
	ফ্রান্স	...	৯
	জাপান	...	৯
	ফিলিপাইন	...	৮
	ভারতবর্ষ	...	১/০

১৯১৩ সালে ভারতবর্ষে ইউরোপীয় ছাত্রের জন্ত মাথাপিছু ব্যয় ১০.৩১/০

১৯১৪ ,, ,, ভারতীয় ,, ,, ,, ,, ১/১ পাউ

কিমাণ্ডর্ঘ্যমতঃপরম্!

পূর্বে কথকতা; নগরসকীর্তন প্রভৃতির দ্বারাও জনসাধারণের মধ্যে কতকটা শিক্ষাবিস্তারের রীতি ছিল, এক্ষণে স্ত্রীশিক্ষার কোন বাবুদাই নাই। আমার মতে শুধু গভর্ণমেন্টের ভরসাতেই নিশ্চেষ্ট না থাকিয়া সঙ্গ সঙ্গে নিজেদেরও খাটিতে হইবে।

রবীন্দ্রনাথ তাঁহার আশ্রমের কর্ষিবৃন্দ দ্বারা নিকটবর্তী গ্রামসমূহে যেরূপ শিক্ষাবিস্তারের বাবুদা করিয়াছেন, তাহা এ কার্যের জন্ত সম্পূর্ণ উপযোগী। অবৈতনিক নৈশবিদ্যালয়,

কথকতা, কীর্তন, চিত্রিত বিজ্ঞাপন বিলি, ভ্রমণশীল লাইব্রেরী ও আলোক চিত্র সহযোগে বহুতা প্রভৃতি কয়েকটি প্রাচীন ও আধুনিক শিক্ষাপদ্ধতির সমন্বয়ে তিনি শিক্ষাবিস্তারে অগ্রসর হইয়াছেন। শিক্ষিতা ধাত্রী দ্বারা গ্রামে গ্রামে প্রযুক্তিপরিচর্যা ও শিশুলালন শিখাইবার এবং নিপুণা শিক্ষয়িত্রী দ্বারা লেখাপড়া, গৃহশিক্ষার বাবুদা করিয়া বর্তমানে ইহার হিরণ্ময়ী দেবীর বিশ্বাস্রম, সরোজনলিনী নারীসমিতি, বিদ্যাসাগর বাণীভবন, সেবাসদন প্রভৃতি আমাদের পথ প্রদর্শন করিতেছেন। এতদুভিন্ন যে সমস্ত শিক্ষা-প্রতিষ্ঠান দেশের অর্থে এবং চেষ্টায় নারী শিক্ষার ভার লইয়াছেন, তাঁদের মধ্যে পুনা নারী বিশ্ববিদ্যালয়, জলন্ধর কলা মহাবিদ্যালয়, সারদেশ্বরী আশ্রম, কাশীধামে মাতৃমঠ, মহিলাশ্রম, আর্ষাবিদ্যালয়, মহিলা আয়ুর্বেদ প্রভৃতি কয়েকটি উল্লেখযোগ্য। কিন্তু যে দেশে সাড়ে চোদ্দ কোটি মেয়ে অক্ষর-জ্ঞানশূন্য, সে দেশে দশ বিশটি বিদ্যা প্রতিষ্ঠান সমুদ্রের কাছে গোপ্পদ মাত্র এবং বহুসংখ্যক শিক্ষয়িত্রী ব্যতিরেকে এ প্রচেষ্টা কার্যকরী হইতে পারে না। অতএব সুপটু শিক্ষয়িত্রী গঠনের জন্ত গভর্ণমেন্টের সাহায্য পাওয়ার চেষ্টা করা, প্রতি ইউনিয়ন বোর্ডে লোক্যাল বোর্ডে অথবা মিউনিসিপ্যালিটিতে যদি সমবেত চেষ্টা দ্বারা বাবুদা করা হয় তাহা হইলে অতি সহজেই কার্যো পরিণত হইতে পারে। আমার মনে হয়, ডাইভোর্স বিল পাশ করার জন্ত বাস্তব হওয়ার অপেক্ষা স্ত্রীশিক্ষার জন্ত সর্বপ্রথমে ও সর্বপ্রথমে এই সার্বজনীন বিদ্যালয়িকার বাবুদাটাই করার প্রয়োজন। বাঙ্গালার প্রথম স্বাস্থ্যমন্ত্রী সার সুরেন্দ্রনাথ বন্দোপাধ্যায় প্রতি থানায় এক একটি দাতব্য চিকিৎসালয় সংস্থাপনের বাবুদায় কতকটা কৃতকার্য হইয়াছিলেন বলিয়া শুনিয়াছিলাম। আমার মনে হয়, যদি চেষ্টা করা যায় ইহাও সেইরূপে প্রতি লোক্যাল বোর্ড প্রভৃতির উদ্যোগে অনা-ন্নাসেই ঘটতে পারে

চীনে হিন্দুসাহিত্য

শ্রীপ্রভাতকুমার মুখোপাধ্যায় ও শ্রীসুধাময়ী দেবী

৭১৬ খৃষ্টাব্দে শুভকরসিংহ নামক মধ্য এশিয়াবাসী এক শ্রমণ চীনে আসেন। প্রবাদ এই যে শুভকরসিংহ হইলেন শাক্যমুনির পিকুবা অমৃতোদনের বংশধর। তিনি নালান্দা বিহারে বহুকাল ছিলেন। আশী বৎসর বয়সে বহু সংস্কৃত গ্রন্থ লইয়া তিনি চীনে আসেন। ইহার মধ্যে পাঁচটি মাত্র গ্রন্থ তিনি নিজে অনুবাদ করিতে পারেন।

শুভকর প্রথম চীনে তান্ত্রিক সাহিত্য প্রচার করেন। তিনি মনে করিতেন যে চীনের অধিবাসীগণ ধর্মের তত্ত্ব ও দর্শন বুঝিতে সক্ষম নহে; সুতরাং তাহাদের নিকট দার্শনিক তত্ত্ব ব্যাখ্যা করা বৃথা। এই ধারণার বশবর্তী হইয়া তিনি হীনযান বা মহাযান—কোন শাখারই মত ব্যাখ্যা করিলেন না। তিনি একাধারে বুদ্ধ ও বোধিসত্ত্ব, সকল হিন্দু দেবতা ও সমগ্র চীনা Shenদের প্রভাব মানিয়া লইলেন। এইরূপে পৌড়িত ও আর্ন্ত ব্যক্তিদিগের নিমিত্ত তিনি একটি নূতন দেবতার দল সৃষ্টি করিলেন। মনুদ্বারা আহ্বান করিলে এই সকল দেবতা আসিয়া আর্ন্ত ব্যক্তিদিগের দুঃখ মোচন করিয়া দেন, ইহাই হইল এই নূতন ধর্মের মত। শুভকর সংস্কৃত মন্ত্রগুলি চীনা অক্ষরে লিখিলেন; কিন্তু একরূপ লেখাতে চীনা অধিবাসীদিগের নিকট সেগুলি সম্পূর্ণ দুর্বোধ্য হইয়া উঠিল। দুর্বোধ্য হওয়াতেই মূঢ় ব্যক্তিগণের এগুলির প্রতি আস্থা আরও বাড়িয়া গেল। বুদ্ধ ও বোধিসত্ত্বদিগকে আহ্বান করিবার নিমিত্ত যে সকল মন্ত্র রহিয়াছে সেগুলিতে তাঁহাদের সহস্রাধিক বিভিন্ন নামে অভিহিত করা হইয়াছে; এ সকল নামই উপকল্পিত। বৈরচন ও বজ্রপাণি—এই দুইজন হইলেন প্রধান দেবতা—ইঁহারাই সকলের পালয়িতা ও রক্ষাকর্তা।

শুভকর বলিলেন যে, পৃথিবীর চারিদিকে অন্তর্ভুক্তকারী দানব সকল উৎপাত ঘটাইবার জন্ত যুরিয়া বেড়াইতেছে। আবার এই পৃথিবীর উপরে শক্তিমান দেবতাগণ রহিয়াছেন।

অমঙ্গল হইতে রক্ষা করিবার জন্ত তাঁহাদিগকে মনুদ্বারা আহ্বান করিলেই তাঁহারা আসিয়া শরণাগতকে বিপদ হইতে উদ্ধার করেন।

শুভকরের চীনে আগমনের চারিশত বৎসর পূর্বে (৩০৭ খৃষ্টাব্দে) শ্রীমিত্র নামক কুচাবাসী এক ব্যক্তি চীনে আসেন। তিব্বতী একটি ইতিহাসে দেখা যায় যে শ্রীমিত্র মহাময়ী ও অন্যান্য ধারণী গ্রন্থ চীন ভাষায় অনুবাদ করেন। তাঁহার সমসাময়িক আরও বহু ভারতীয় তান্ত্রিক পণ্ডিত চীনে আসিয়াছিলেন। কিন্তু সেই সময় তান্ত্রিক গ্রন্থের তেমন বহুল প্রচার হয় নাই। চারিশত বৎসর পরে শুভকর চীনে এই তন্ত্র সাহিত্য বিস্তারের অগ্রণী হইয়া যান। তাহার পর ৭১৯ খৃষ্টাব্দে আসেন বজ্রবোধি ও তাঁহার শিষ্য অমোঘবজ্র।

বজ্রবোধি এগারটি তান্ত্রিক গ্রন্থ অনুবাদ করেন। 'বজ্রবোধি' এই নামটি সম্ভবত তাঁহার সম্প্রদায়গত উপাধি। এই বুদ্ধ তান্ত্রিক ভিক্ষু তন্ত্রবিচার দায়িত্ব বিশেষ ভাবে বুঝিতেন; সুতরাং যে কোনও ব্যক্তির নিকট ইহা প্রকাশ করিতেন না। কেবল দুইজন চীনা ভিক্ষুর নিকট ইহার রহস্ত তিনি উদ্ঘাটন করিয়াছিলেন, এবং তাঁহার প্রিয়শিষ্য অমোঘবজ্রকে এই বিদ্যা উত্তমরূপে শিখাইয়াছিলেন। শিশুকাল হইতে এই শিষ্যটি তাঁহার সঙ্গে সঙ্গে ফিরিতেছিল। একুশ বৎসর বয়সে গুরুর সহিত অমোঘবজ্র চীনে আসেন। গুরুর মৃত্যুর পর অমোঘবজ্র তাঁহার কার্যের ভারগ্রহণ করেন। তন্ত্রের আলোচনা ক্রমশই চীনে বিস্তার লাভ করিতে লাগিল। ক্রমশঃ তান্ত্রিক গ্রন্থাবলীর চাহিদা এতই অধিক হইল যে ভারত হইতে তন্ত্রের গ্রন্থসমূহ আনিবার জন্ত চীনা সম্রাট অমোঘবজ্রকে ভারতে পাঠাইলেন। ভারত হইতে যখন তিনি ফিরেন তখন সম্রাট তাঁহাকে সাদরে অভ্যর্থনা করিয়া লইয়া Chu Tsang অর্থাৎ বিদ্যার্ণব—এই উপাধি দিলেন।

শ্রীপ্রভাতকুমার মুখোপাধ্যায় ও শ্রীসুধাময়ী দেবী

অমোঘ সর্বশুদ্ধ ১০৮টি গ্রন্থ অমুখ্যাদ করেন। তাঁহার বাক্যের প্রভাব ছিল অসাধারণ; তদুপরি ছিল তাঁহার নিষ্ঠা। দলে দলে লোক আসিয়া তাঁহার সম্প্রদায়ভুক্ত হইল। একটি বিষয়ে আমরা লক্ষ্য করি যে ভারত ও তিব্বতের কোনও কোনও তন্ত্রের গ্রন্থে যেরূপ কুরুচির পরিচয় পাওয়া যায়, অমোঘের কোনও গ্রন্থে তাহার আভাস-মাত্রও নাই। তাঁহার গ্রন্থাবলী হইতে কিছু কিছু অংশ উদ্ধার করিলেই বুঝা যাইবে তাঁহার বক্তব্য কি। এই সকল গ্রন্থ সংক্ষিপ্ত, এখন ছুপ্রাপ্যও বটে। তিনি বলিতেছেন, “রক্তার ত্রায় মামুষ অস্তঃসারশূন্য নয়। তাহার দেহের মধ্যে এক অমর আত্মা রহিয়াছে। শিশুর মুখের ত্রায় সেই আত্মা সরল ও নিষ্পাপ। দেহতাগের পর বিভিন্ন মানবের আত্মা যায় বিভিন্ন নরকে; সেইখানে তাহার বিচার হয়। তান্ত্রিকগণ মনে করেন যে উপরিস্থিত কোনও পুণ্যাত্মা পাপী আত্মার জন্ত প্রার্থনা করেন। সেই প্রার্থনার ফলেই পাপক্ষালন হইয়া যায়। পাপীকে নরক-যন্ত্রণা ভোগ করিতে হয় না। সেই পুণ্যাত্মার প্রার্থনার বলে পাপী আত্মা নবজীবন লাভ করিয়া কোনও সংকার্যের দ্বারা আপনার পূর্বকৃত পাপের প্রায়শ্চিত্ত করে। এই প্রায়শ্চিত্তই পাপীর পাপক্ষালনের উপায়, নরক যন্ত্রণা ভোগ নয়। নিষ্ঠাবান্ কোনও তান্ত্রিক যদি তাঁহার মৃত্যুর পূর্বে কোনও বুদ্ধলোকে জন্মলাভ করিবার নিমিত্ত আকাঙ্ক্ষা করেন, তাহা হইলে তাঁহার প্রার্থনা পূর্ণ হয়। যাহাদের নিজেদের কোনও পুণ্যবল নাই, সেই সকল অবিশ্বাসী পাপীদিগের মৃত্যুর পর তাহাদের জন্ত পুণ্যআগণ প্রার্থনা করিলেই তাহারা মুক্তিলাভ করে। মৃতব্যক্তির মুক্তিবিধানের নিমিত্ত তান্ত্রিকগণ অতি নিষ্ঠার সহিত সাধনা করেন।”

তান্ত্রিক শ্রমণদিগের অনুদিত ও অনুলিখিত বহু মন্ত্রের ভিতর দেখা যায় যে নানারূপ দানবের অশুভ প্রভাব দূরী-
কৃত করিবার নিমিত্ত সেগুলি উচ্চারিত হইত। এইরূপ
বহু দানবের প্রভাব তান্ত্রিকগণ মানিতেন। তাঁহাদের মতে
পাহাড়, বন, তৃণভূমি, বালুকা, অগ্নি, জল, বায়ু, গাছ, পথ,
মাঠ—সকলেরই অধিষ্ঠাতা এক একজন দেবতা রহিয়াছেন।
এইরূপে সমগ্র পৃথিবী প্রাণময় বলিয়া তাঁহারা মনে করেন।

প্রত্যেক বস্তুর মধ্যে তাহার নিজস্ব আত্মা নিহিত; ইহাই
তাঁহাদের ধারণা।

তন্ত্রের গুরু অমোঘবজ্রের প্রতি চীনবাসী খুবই প্রীতি
প্রদর্শন করিয়াছিলেন, সম্রাট স্বয়ং তন্ত্রপ্রচারে সহায়তা
করিয়াছিলেন; কিন্তু প্রকৃতপক্ষে চীনবাসী তন্ত্রধর্ম হৃদয়ের
সহিত গ্রহণ করিয়া লয় নাই। জাপানে কিন্তু এই তন্ত্রের
প্রভাব স্থায়ী হইল। Kobo Daishi নামক জাপানী
শ্রমণ বৌদ্ধধর্ম আলোচনার জন্ত চীনে আসেন; তিনি মন্ত্রের
রহস্য শিক্ষা করিয়া গিয়া জাপানে Shingon নামে এক
শাখার প্রবর্তন করেন।

এই Shingon শাখাভুক্ত ব্যক্তিগণ মনে করেন
বিশ্বের সকল বস্তু একই ঈশ্বরের দ্বারা অমুপ্রাণিত।
এই ধর্মে যাবতীয় মতের সমন্বয় করিবার প্রয়াস হইয়াছে।
ইহাতে একদিকে যেমন অতিসূক্ষ্ম দার্শনিক তথ্য সকল
রহিয়াছে, অপরদিকে নানাপ্রকার ক্রিয়াকলাপের বিধি
দেওয়া হইয়াছে। হিন্দু, বৌদ্ধ, পারসিক, চীন ও জাপানের
সকল ধর্মের সকল প্রকার দেবতার সমাবেশ করিয়া বুদ্ধকেই
তাঁহাদের কেন্দ্র বলিয়া মানিয়া লওয়া হইয়াছে। বিশ্বের
মধ্যে বিভিন্ন প্রয়োজনমত, বিভিন্ন উদ্দেশ্যে বিভিন্ন দেবতা
অধিষ্ঠিত আছেন—Shingon মতে ইহা স্বীকার করিয়া
লইয়া সর্বোপরি বলা হইয়াছে যে এ সকলই একই শক্তির
দ্বারা প্রভাবিত। যে সকল অসংখ্য দেবতা, অতিমানব,
সিদ্ধমানব সারা বিশ্বের স্থানে স্থানে আপনাদের মহিমায়
অধিষ্ঠিত আছেন, তাঁহাদিগকে অপূর্ব সৌন্দর্য্য ও শক্তিতে
ভূষিত করিয়া চিত্র ও মূর্তির মধ্যে প্রতিফলিত করা হইয়াছে;
ইহাদের উদ্দেশ্যে নানারূপ ক্রিয়াকলাপের বিধি ব্যবস্থা
দেওয়া হইয়াছে। এইরূপে অভিনব একটি শিল্পকলার সৃষ্টি
হইয়াছে।

মন্ত্র ও তন্ত্রধানের মধ্যে মুদ্রা অর্থাৎ দেহের অঙ্গ-প্রত্যঙ্গ
বাহু ও অঙ্গুলীর যথাযথ সন্নিবেশের উপর বিশেষ প্রাধান্য
দেওয়া হয়। এ সম্বন্ধে বহু বৃহৎ বৃহৎ গ্রন্থ লিখিত হইয়াছে।
এতদ্ভিন্ন কোনও কোনও গ্রন্থে বুদ্ধকে মধ্যবিম্বু করিয়া বিচিত্র
দেব, দানব, অতিমানব ও সিদ্ধমানবের যথাযথ সন্নিবেশ
একটি চক্রের পরিকল্পনা দেওয়া হইয়াছে; কোথাও বা শ্রেণী



বিভাগ করিয়া এক একটি চতুষ্কোণ বা চক্রের মধ্যে বিভিন্ন শ্রেণীর দেবতাদিগের স্থান নির্দিষ্ট হইয়াছে। সেই চতুষ্কোণ বা চক্রগুলির নাম মণ্ডল। মণ্ডলগুলি দ্বারা সুসম্বন্ধ সমগ্র বিখের ধারণাটি পরিষ্ফুট করিয়া তোলা হইয়াছে। চীনা ও তিব্বতীতে এই সকল মণ্ডল সম্বন্ধে বহু গ্রন্থ রহিয়াছে। ইহা ভিন্ন চীন, জাপান ও তিব্বতে নানারূপ চিত্রকলার দ্বারা এই মণ্ডলের স্বরূপ সুস্পষ্ট প্রতিকলিত হইয়াছে। তিব্বত, চীন ও জাপানের প্রতিভাবান্ শিল্পীগণ এই সকল মণ্ডলের বিচিত্ররূপ পরিকল্পনা করিয়াছেন এবং তাঁহাদের নিপুণ তুলিকা মন্ত্রযানের মধ্যবিন্দু বৈরোচনকে অবলম্বন করিয়া কত মনোহর শ্রেষ্ঠ চিত্র অঙ্কিত করিয়া তুলিয়াছে। জাপানের বহু চিত্রকরের অঙ্কিত অচল বৈরোচনের চিত্র দেখিতে পাওয়া যায়। অচল বৈরোচনকে জাপানে বলা হয় H'edo।

চীনা ত্রিপিটকে বহু প্রকার মুদ্রার চিত্র রহিয়াছে। ইহা ভিন্ন অনেক মঙ্গ প্রাচীন গুপ্ত লিপিতে ইহার মধ্যে রহিয়াছে; তাহার সহিত তাহাদের চীনা উচ্চারণও দেওয়া হইয়াছে। এই চীনা উচ্চারণের সাহায্যে সংস্কৃত শব্দটি যথাযথ উচ্চার করা যায়।

৭৮৫ খৃষ্টাব্দে প্রজ্ঞা নামক কপিশনিবাসী এক শ্রমণ চীনে আসেন। চারিটি গ্রন্থ ইনি অনুবাদ করেন। তাহার মধ্যে মহাযানমূলজাতহৃদয়ভূমিধ্যানসূত্র হইল একটি। মহাযানের কতকগুলি সুন্দর স্তোত্র ইহাতে রহিয়াছে; Suzuki সেগুলির অনুবাদ করিয়াছেন। একটা স্তোত্রের অনুবাদ এখানে দিতেছি—

“মহাপ্রলয়ের দিনে পর্বত সাগর সমেত সমগ্র পৃথিবীকে অগ্নি যেমন ধ্বংস করিয়া ফেলিবে তেমনি ধর্ম্মগত বিধি অনুসারে অনুতাপ করিলে, সেই অনুতাপে সকল পাপ সমূলে বিনষ্ট হইয়া যাইবে।—পার্শ্বিক বাসনারূপ অঙ্গীর অনুতাপান্নিতে ভঙ্গ হইয়া যায়, অনুতাপ স্বর্গের পথ প্রশস্ত করিয়া দেয়। অনুতাপ চতুর্বিধ ধ্যানের আনন্দ সঞ্চার করে, অনুতাপে মণিমানিক্যের পুষ্পবৃষ্টি হইতে থাকে।

হীরকের স্তায় সুদৃঢ় পবিত্র জীবন অনুতাপের দ্বারা লাভ করা যায়। অনুতপ্ত ব্যক্তি ত্রিভুবনের কারাগার হইতে মুক্তিলাভ করে, বোধিজ্ঞান তাহার প্রাণুরিত হইয়া উঠে।

তাঙ্ রাজত্বের প্রথম শতাব্দীর মধ্যে (৬১৮—৭১২) ষাট জনেশ্বর অধিক চীনা শ্রমণ ভারত ও ভারতীয় উপনিবেশ সমূহে গমন করেন। এদিকে প্রায় পঁচিশজন হিন্দু শ্রমণ চীনে আসিয়া গ্রন্থ অনুবাদ কার্যে জীবন কাটাইয়া দেন। প্রথম শতাব্দীতেই প্রায় চারশত গ্রন্থ সংস্কৃত হইতে চীনা ভাষায় অনূদিত হয়, তাহার মধ্যে এখন ৩০৮টি পাওয়া যায়।

বৌদ্ধ সাহিত্য ছাড়া এযুগে অগ্ন্যস্ত্র ক্ষেত্রেও হিন্দুদিগের প্রভাব দেখা যাইত। I-hsing নামক এক চীনা শ্রমণ সম্রাটের আদেশে এক চীনা মাসপঞ্জী (Calendar) প্রস্তুত করেন। তাহাতে হিন্দু জ্যোতিষী গৌতমসিদ্ধের প্রভাব যথেষ্ট ছিল। এই সময় চীনা গণিত শাস্ত্রের (Arithmetic) বহুল উন্নতি হয়। হিন্দু শ্রমণগণ সংস্কৃত গণিত শাস্ত্রের কতিপয় গ্রন্থ চীনাতে অনুবাদ করিয়াছিলেন; Sui রাজত্বের গ্রন্থপঞ্জীর মধ্যে গ্রন্থগুলির নাম পাওয়া যায়। কিন্তু দুঃখের বিষয় সেগুলি এখন বিলুপ্ত। চীনা গণিতশাস্ত্রে এগুলির প্রভাব থাকা খুবই সম্ভব।

যে সকল চীনা সম্রাট বৌদ্ধধর্ম্ম গ্রহণ করিয়াছিলেন, তাঁহাদের মধ্যে নিষ্ঠাবান্ কেহ কেহ বৌদ্ধ অনুষ্ঠান কিছু কিছু চীনা আচার অনুষ্ঠানের অন্তর্গত করিয়া লইয়াছিলেন। ৭৬০ খৃষ্টাব্দে সম্রাট Su Tsung তাঁহার জন্মদিনের উৎসব বৌদ্ধ প্রথানুসারে সম্পন্ন করেন। রাজবাড়ীর মহিলাগণ বুদ্ধ ও বোধিসত্ত্বদিগের ভূমিকায় সজ্জিত হইলেন। সভাসদগণ সম্রাটের সম্মুখে বৌদ্ধ অনুষ্ঠানাদি সম্পন্ন করেন।

৯৬০ খৃষ্টাব্দে নানারূপ অন্তর্বিরোধ দমন করিয়া Chao Kuan Yin উত্তর চীনে, সুঙ্ রাজত্ব স্থাপন করেন। দেশের ভিতর বহু চীনা রাজাদের সহিত যে কেবল Sung সম্রাটদিগের পড়িতে হইয়াছিল এমন নহে, উত্তরে তাতার জাতি Khitan দিগের সহিতও তাঁহাদের বিরোধ বাধে। রাজনৈতিক এই সকল গোচরমাল সত্ত্বেও সাহিত্য শিল্পকলার জেমন ক্ষতি কল্পিতে পারে নাই। Li Lung Mien এর দ্বারা বিখ্যাত শিল্পীগণ বৌদ্ধভাবে অনুপ্রাণিত হইয়া তাঁহাদের অভিনব শিল্প সৃজন করিতেছিলেন। এই যুগে বোধিধর্ম্মের ধ্যান-শাখার প্রভাব চীনের শিল্প ও সাহিত্যকে অনুপ্রাণিত করিয়া তুলিয়াছিল। ষষ্ঠ শতাব্দীতে বোধিধর্ম্ম

শ্রীপ্রভাতকুমার মুখোপাধ্যায় ও শ্রীসুধাময়ী দেবী

তখনকার পাণ্ডিত্যপূর্ণ ধর্মের আড়ম্বরের বিপক্ষে 'খান'-
সাধার প্রবর্তন করেন। কিন্তু এই মৌনভাব সশব্দেই
সময় বহু গ্রন্থ লিখিত হয় এবং একটি বৃহৎ সাহিত্য গড়িয়া
উঠে।

১৬০ হইতে ১০৬৫ খৃষ্টাব্দ পর্য্যন্ত প্রথম চারিজন "সুঙ্"
সম্রাটের রাজত্বকালে একশত বৎসরের মধ্যে তিনশতেরও
অধিক চীনা শ্রমণ ভারতে আসেন। ভারতের ইতিহাস-
লেখকগণ এই সময় ভারতে মুসলমান বিজয়ের কাহিনী
বর্ণনা করিয়া তাহার ইতিহাস সম্পূর্ণ হইল মনে করিয়াছেন;
কিন্তু সেই সময়েই দলে দলে চীনা শ্রমণ পার্শ্বব রাজত্বের
উদ্দেশ্যে একটি শাস্ত্র সম্পদের আশায় ভারতে যাতায়াত
করিতেছিলেন এবং ভারতও তাহার সম্মানগণকে মৈত্রী ও
করণার বাণী প্রচার করিবার জন্ত উত্তরে চীন ও তিব্বত,
এবং দক্ষিণে সিংহল, বর্মা প্রভৃতি স্থানে প্রেরণ করিতেছিল।
এই গভীর বিজয়ের কাহিনী ইতিহাসে লিপিবদ্ধ হয়
নাই।

দ্বাদশ শতাব্দীর শেষভাগে মধ্য এশিয়ার একটি নূতন
যাযাবর জাতি প্রবল হইয়া উঠিল। চীনের উত্তরে মঙ্গো-
লিয়া ছিল তাহাদের কেন্দ্রভূমি। দেখিতে দেখিতে একটির
পর একটি দেশ জয় করিয়া তাহারা সে ভাবে পৃথিবীর
চতুর্দিকে বিজয় নিশান উড়াইল তাহা ভাবিলে অবাক হইতে
হয়। মোগল সেনাপতি Chenghis Khan ১২০৬ খৃষ্টাব্দে
বিভিন্ন মোগল দলগুলিকে একত্রিত করিয়া সদলবলে
এশিয়ার সর্বত্র জয় করিয়া বেড়াইতে লাগিলেন। পশ্চিমে
বুলগেরিয়া, সার্বিয়া, হাঙ্গেরী ও রুশিয়া, পূর্বে প্রশান্ত মহাসাগর
পর্য্যন্ত এবং দক্ষিণে চীন, তিব্বত ও ভারতের সীমান্ত
প্রদেশগুলি তাহাদের অধীনতা স্বীকার করিল।

চেন্গিসের মৃত্যুর পর তাঁহার পুত্র Ogotai, Kitan
দিগকে পরাজিত করিয়া উত্তর চীন জয় করিয়া লইলেন।
Ogotai এর মৃত্যুর পর Mankon Khan সিংহাসন
অধিকার করেন। তাঁহার রাজত্বকালে তাঁহার কনিষ্ঠ ভ্রাতা
'কুব্লেই খাঁ' (Khublai Khan) দক্ষিণ চীন জয় করিয়া
Yun-nan পর্য্যন্ত মোগল প্রাধিকার স্থাপন করেন।
১২৫৯ খৃষ্টাব্দে কুব্লেই খাঁ সিংহাসনে আরোহণ করেন।

তাঁহার রাজত্বে নির্বাণোমুখ দৌপের আয় বৌদ্ধধর্মের শিখা
একবার উজ্জলভাবে জলিয়া উঠিয়াছিল।

কুব্লেই খাঁ সম্রাট হইয়া ১২৬০ খৃষ্টাব্দে Phagspa
নামক তিব্বতী এক শ্রমণকে রাজ্যগুরুর পদে বরণ করিলেন
এবং বৌদ্ধ বিহারগুলির নেতৃত্বের ভার তাঁহাকে
দিলেন। এইরূপে তিব্বত ও চীনের মধ্যে বিশেষ একটি
সম্বন্ধ তিনি স্থাপন করেন। এখন হইতে তিব্বতী লামাগণ
চীন ও মঙ্গোলিয়ায় বৌদ্ধধর্ম প্রচারকার্যে অগ্রণী হইলেন।
মঙ্গোলিয়ার অক্ষরগুলির সংস্কারকার্যে ও অগ্ন্যগ্নি বিষয়ে
Phagspa প্রয়াস পাইয়াছিলেন সে বিষয়ে আমরা মধ্য
এশিয়ার প্রবন্ধে বলিব। চীন বৌদ্ধ গ্রন্থ অনুবাদের কাষটি
পুনরায় নিয়মিতরূপে চালাইবার ব্যবস্থা তিনি করেন।
স্বয়ং তিনি হীনযানবিনয়ের একটি গ্রন্থ অনুবাদ করেন
গ্রন্থটির নাম মূলসর্বাস্তিবাদকর্মবাচা। মোগল
সম্রাট তাঁহাকে খুবই সম্মান করিতেন এবং 'মহান্ অমূল্য
ধর্মের রাজা' (Prince of the Great and Precious
Law) এই উপাধি প্রদান করেন।

মোগলসম্রাটদিগের প্রায় সকলেই বৌদ্ধধর্মের প্রতি
আস্থাবান ছিলেন। বিহারগুলির সংস্কারকার্যে, গ্রন্থ
ছাপাইবার নিমিত্ত এবং বৌদ্ধ অনুষ্ঠান সম্পন্ন করিতে
তাঁহাদের বহু অর্থ ব্যয় হইত।

১৩১৪ খৃষ্টাব্দে Pagspa's শিষ্য Shalopa তাঁহার
গুরুর একটি গ্রন্থ চীন ভাষায় অনুবাদ করেন। গ্রন্থটিতে
কয়েকটি সূত্র ও শাস্ত্র হইতে বিভিন্ন অংশ উদ্ধৃত
করা হইয়াছে।

গ্রন্থ অনুবাদের যুগ এখানে একরূপ শেষ হইল।
মোগল রাজত্বকালের শেষদিকে তিব্বতী তান্ত্রিকধর্ম
বৌদ্ধধর্মের উপর বিশেষ প্রভাব বিস্তার করিয়াছিল।
শেষ মোগলসম্রাট রাজসভায় কুরুচিসম্পন্ন তান্ত্রিক
অভিনয় সম্পন্ন করাইতেন। তাঁহার পতনের ইহা
অন্ততম কারণ। মিং (ming) নামক পুরাতন চীনা
রাজবংশ মোগলদিগকে বিতাড়িত করিয়া সিংহাসন
অধিকার করে। মিং রাজাদিগের সময় গ্রন্থ অনুবাদের
বিষয় কিছু জানা যায় না, তবে চীনালেখকগণ ঐতিহাসিক



ও নানা বিষয়ক বহু গ্রন্থ এই সময় রচনা করেন। তাহার মধ্যে Pio-tsu-li-tai-tang-tsai নামক বৌদ্ধ ধর্মের ইতিহাসটি উল্লেখযোগ্য। Nien Cheng ইহার রচয়িতা। কেবল বৌদ্ধধর্মের কয়েকটি বিবরণ ইহাতে যে আছে তাহা নয়, কুংফুংসুর ধর্ম ও তাও ধর্মেরও কিছু কিছু কাহিনী আছে।

মিং রাজত্বে ১৩৬৮ হইতে ১৩৯৬ এর মধ্যে ত্রিপিটকের ত্রয়োদশতম সংস্করণ সঙ্কলিত হয়। প্রথম মিংসম্রাটের রাজত্বকালে নানকিংএ ইহা প্রথমে প্রকাশিত হয়। দক্ষিণচীনের বৌদ্ধগ্রন্থগুলি ইহাতে সঙ্কলিত হয়। তৃতীয় মিংসম্রাটের রাজত্বে কতকগুলি নূতন গ্রন্থ যোগ করিয়া ইহা পুনর্বার প্রকাশ করা হয়। তাহার পর আবার Mi-tsang নামক এক চীনা ভ্রমণ কর্তৃক প্রকাশিত হয়।

ত্রিপিটকের অত্যাণ্ড সংস্করণের মধ্যে মিংরাজত্বের সংস্করণটিকে জাপানী পণ্ডিত Nanjio ইংরাজী অনুবাদ করিয়া সুপ্রসিদ্ধ করিয়া তুলিয়াছেন। তাঁহার catalogue হইতে সর্বপ্রথম পূর্ক এশিয়ায় যে বহু বৌদ্ধ সাহিত্য ছিল তাহার একটি সম্পূর্ণ ধারণা লাভ করা যায়। ধর্মগ্রন্থ হিসাবে চীনা ত্রিপিটকের তত মূল্য নয়, যত মূল্য সাহিত্য ও ইতিহাস হিসাবে। ইহাতে জীবনী, ভ্রমণ কাহিনী, অভিধান ও নানা বিষয়ক গ্রন্থ সঙ্কলিত হইয়াছে। সুতরাং চীন ও

তাহার ধর্মগুরু ভারতের বৌদ্ধধর্মের ইতিহাস ত্রিপিটকের মধ্যে বেশ স্পষ্টভাবে পাওয়া যায়।

ইহার পর হইতে চীন ও ভারতের সম্বন্ধস্বতটি ছিন্ন হইয়া যায়। সুদীর্ঘ বিচ্ছেদের পর পুনরায় ধীরে ধীরে সেই গভীর ঘনিষ্ঠ সম্বন্ধটি স্থাপিত হইবার আভাস বর্তমানে পাওয়া যাইতেছে। ১৯২৬ খৃষ্টাব্দে বর্তমান ভারতের বাণী চীনে গুনাইবার জন্ত ভারতের ঋষিকবি রবীন্দ্রনাথের অভিযানের বিষয় আমরা সকলেই জানি। রবীন্দ্রনাথের রচনা চীন ও জাপান উভয় স্থানেই তাহাদের দেশের যে কোনও কবির রচনার ত্যায় সুপরিচিত। তাঁহার অধিকাংশ গ্রন্থই চীন ও জাপানী ভাষায় অনূদিত হইয়াছে। কিছুদিন পূর্কে চীনা কবি সু-মোর ভারত ভ্রমণের কথা সকলেরই স্মরণ আছে। অত্যাণ্ড নানা বিষয়ের সহিত বিশ্বভারতীতে চীনা সাহিত্য অধ্যয়নেরও ব্যবস্থা রহিয়াছে।

চীনের সহিত ভারতের সম্পদ আজ প্রায় সহস্র বৎসর ছিল। রবীন্দ্রনাথ পুনরায় সেই সম্বন্ধ স্থাপনের জন্তই চীন যাত্রা করিয়াছিলেন। যে গভীর আধ্যাত্মিক যোগ এই দুই দেশকে ও প্রাচীন জাতিকে একদিন এক করিয়া ছিল তাহা আজ উভয় দেশই বিস্মৃত হইয়াছে। সেই যোগসাধনের জন্তই বিশ্বভারতীতে আজ আয়োজন হইয়াছে। এবং এই নব যুগের প্রধান পুরোহিত হইতেছেন রবীন্দ্রনাথ যিনি নিজ প্রতিভাবলে জগতের সাহিত্যে স্থান পাইয়াছেন।



একুশ বছর

-গল্প-

—শ্রীচারুচন্দ্র চক্রবর্তী

ভবিষ্যৎ জীবনের একটা মোটামুটি তালিকা সকলের মনেই থাকে। আমারও ছিল; এবং তাহার মধ্যে দুইটি জিনিষের তলায় খুব মোটা করিয়া লাইন টানিয়া রাখিয়াছিলাম—ডেপুটিগিরি এবং সেই সঙ্গে একটি বিহুবাঁশী। প্রথমটার বেলায় বিশেষ বেগ পাইতে হয় নাই,— কেননা, কপাল ও মুর্কাব দুই-ই ছিল। কিন্তু অনেক বাছিয়া খুঁজিয়া দ্বিতীয় দফায় যখন পৌঁছানো গেল, বয়সও তখন তিরিশের কোঠা পাড়ি দিয়া ফেলিয়াছে। ইতিমধ্যে বন্ধুমহলে ছেলের অন্তপ্রাশন পুরানো হইয়া গিয়াছে। কাহারও কাহারও মেয়ের বিবাহের চিন্তাকাল আদম হইয়া আসিয়াছে। আশ্চর্য্য নয়। বাঙালা ছেলেরা এই বিষয়ে পিতামাতার অতি বাধা ভক্ত সম্ভান। বিশ্ববিদ্যালয়ের বোঝা এড়াইবার পূর্বেই একটি ঘোমটা-ঘেরা, নলকপরা চলন্ত পুতুল জোগাড় করিয়া পঞ্চশর এবং মা ষষ্ঠীর পূজা একসঙ্গেই শুরু করিয়া দেন। আমি এই দেবতাদ্বয়কে দূর থেকেই নমস্কার জানাইয়াছি। সুতরাং আমার কৃতবিত্ত বন্ধুদের মত প্রতি শনিবারে সাজিয়া গুঁজিয়া টেশনে ছুটিবার সৌভাগ্য আমার হয় নাই; কিংবা কোন এক কথামালা পর্যায়ের গ্রাম্য দেবীর উদ্দেশ্যে রাত জাগিয়া লম্বা লম্বা মহাকাব্যো স্ততি-নিবেদনেরও প্রয়োজন বোধ করি নাই। এজন্য কোনদিন আপশোধ করিয়াছি, এমন কথা আমার অতি বড় শত্রুও বলিতে পারিবে না।

বিবাহ করিয়া কতটা সুখী হইয়াছি, প্রৌঢ়বয়সে সে কথা আর এখানে তুলিবার প্রয়োজন নাই। কেননা সেখাটা গৃহিনীর হাতে পড়িবার আশঙ্কা আছে। তবে তের'র বদলে তেইশ এবং প্রণয়িনীর স্থলে গোড়া থেকেই গৃহিনী লাভ করিয়া যে কোন-কিছুতে বঞ্চিত হইয়াছি

এমন সন্দেহ তো কোন কালেই হয় নাই। কিন্তু বন্ধুরা মানিতে চাহেনা। সেই ঝড়ের রাত্রির ঘটনাটাকে কোন কোন ফ্রেডের ছাত্র এমন সব ব্যাখ্যা দিতে শুরু করিয়াছেন, যাহার পরে আর চূপ করিয়া থাকিবার উপায় নেই। সুতরাং বাপারটা এবার খুলিয়াই বলিতে হইল।

বেশি দিনের কথা নয়। সবে ফরিদপুরে বদলি হইয়া আসিয়াছি। একটা খুনী মোকদ্দমার তদন্তের ভার পড়িল। পাকা তিরিশ মাইল পথ; আগাগোড়া নৌকার। কবিদের জিহ্বায় জল আসিবার কথা, কিন্তু আমার আসিল চোখে। উপায় নাই; চাকরি।

যতদূর দৃষ্টি যায়, জল, জল, জল। তাহারি উপরে ধানগাছের পাতাগুলি কোনরকমে মাথা জাগাইয়া দাঁড়াইয়া আছে। দাঁড়ের জলে নাচিয়া নাচিয়া বজরা চলিয়াছে। আর আমি ভিতরে চিৎপাত হইয়া পড়িয়া আছি। মাথা তুলিবার উপায় নাই। বিকালের দিকে দেখিলাম উত্তর পশ্চিম কোণে কালো মেঘ গাঢ় হইয়া উঠিয়াছে। দেখিতে দেখিতে তাহার রঙ আশ্বিনের মত হইয়া গেল। মাঝিরা প্রাণপণে তাঁরে পড়িতে না পড়িতেই ঝড় আসিল। সে যে কি আসা, বুঝাইবার মত স্পর্শ আমার নাই। মনে হইল আমরা যেমন করিয়া কাগজ ছিঁড়িয়া টুকরা করিয়া ফেলি, তেমন করিয়া কে সেই আকাশ জোড়া গাঢ় মেঘটাকে ছিন্ন ভিন্ন করিয়া ছিঁড়িয়া ফেলিতে লাগিল। বৃষ্টিধারা গুঁড়াইয়া, গাছের মাথা নিঙুড়াইয়া, হৃদাস্ত নদীটাকে কেপাইয়া তুলিয়া যে ক্ষুধার্ত মাতাল তাহার তান্তবন্তো সমস্ত সৃষ্টিকে লইয়া ধ্বংসক্রীড়ার গোলকের মত খেলিতে লাগিল, তাহাকে চোখে দেখা গেলনা, কিন্তু তাহার রক্তাক্ত



অগ্নিস্কু থাকিয়া থাকিয়া আকাশের এপার ওপার হুর্ভুত অন্ধকার চিরিয়া চিরিয়া দেখিতে লাগিল; এবং তাহার ক্রোধাক্ত গর্জনে আকাশ, মাঠ, বাড়ী ঘর ছায়ার ফাটিয়া পড়িতে লাগিল। আমার বজ্রার পাশেই একটা প্রকাণ্ড বটগাছ তাহার আশীবছরের গর্জ মাথায় করিয়া নদীর জলে লুটাইয়া পড়িলেন। বনম্পতির পদাক্ত অমুসরণ করিয়া তাহার আর কোন অমুচর পাছে আমাকে নিয়াই পড়েন, সেই আশঙ্কায় তীরের মত বৃষ্টিধারা মাথায় করিয়াই ছুটলাম, এবং কাছেই যে বাড়ী পাইলাম, উঠিয়া পড়লাম।

গরীবের ঘরে আয়োজনের বাহুল্য ছিলনা। কিন্তু যেটুকু ছিল, তাহা আতিথ্যে কোমল এবং সৌজ্জ্বল্যে মধুর। বিছানায় শুইয়া এই কথাই বোধ হয় ভাবিতেছিলাম। বাহিরে তখন ঝড়ের বেগ পড়িয়াছে, কিন্তু আক্রোশ পড়ে নাই। মাঝে মাঝে শন্ শন্ শব্দ শোনা যায়। কিন্তু তাহাকে উপেক্ষা করিয়া নিশ্চিন্ত মনে বৃষ্টি পড়িতেছিলাম। হঠাৎ মনে হইল, অন্ধকারের মধ্যে কী একটা জলিয়া উঠিল। দেখিলাম বেড়ায় টাঙানো একখানা ছবি—একটি বিগত-যৌবনা মহিলা, চারিদিকে গুটিতিনেক ছেলে মেয়ে। ভাবিলাম, বোধ হয় গৃহিনীর প্রতিমূর্তি;—কেননা, আমার শোবার বাবস্থা কর্তার ঘরেই হইয়াছিল। বোধ হইল যেন চেনা মুখ; যেন বহুদিন আগে কোথায় দেখিয়াছি। কিন্তু আর কিছুই মনে করিতে পারিলাম না। হঠাৎ আলোটা নিবিয়া গেল, ছবিখানাও আর দেখা গেল না। কিন্তু সে যেন বেড়ার পাশ থেকে উঠিয়া আসিয়া আমার মনের মধ্যে জুড়িয়া বসিল। তাহার প্রত্যেকটি রেখা রুদ্ধ স্মৃতির নানা অলিগলির মধ্য দিয়া আনাগোনা করিয়া বেড়াইতে লাগিল। আবার আলো জ্বলিতেই দেখি আমার মশারির ঠিক পাশেই একটা অনিন্দ্য সুন্দর কিশোরী স্কুট লজ্জায় আমার দিকে চাহিয়া আছে। চমকিয়া উঠিলাম। এ যে বিধবৃক্ষের আয়োজন দেখিতেছি। কিন্তু সাবধান। নগেন্দ্রনাথের মত ভুল যেন কিছুতেই না করিয়া বসি। তাহার সূর্যাসুখী লোক ভালো ছিল। কিন্তু আমার।—একটু ভয়ের সঙ্গাই কহিলাম, কে? জবাব নাই। এবার রুপভাবে বলিলাম, কে তুমি? জবাব আসিল। মুহু

শুভ্রনের স্বরে যেন বহুদূর কোন্ স্বপ্নলোকের ওপার থেকে কহিল, আমার চেনো না? আমি তোমার প্রথম প্রেম।

সর্বনাশ! কোন প্রেমই চিনিলাম না, তা আবার প্রথম! এর পরে দ্বিতীয়ও আছে নাকি? কহিলাম, তোমার বোধ হয় ভুল হচ্ছে। ঐ প্রেম-ট্রেমের স্মরণ আমার জীবনে একদম হয়নি।

কিশোরী খিলখিল করিয়া হাসিয়া উঠিল, সে কি ডেপুটি-বাবু? বিয়ে করেছ আর প্রেমের স্মরণ হয় নি? কেন, তোমার তেইশ বছরের কনে বৌ'এর সঙ্গে? একদিনও না? কুলশয্যার রাতেও না?

মেয়েটা তো অত্যন্ত জ্যাঠা। একটা কড়া ধমক লাগাইব ভাবিতেছি, সহসা অপূর্ব করণ কণ্ঠে শুনিলাম, কেমন ক'রে হ'বে? তার কি আর উপায় ছিল? সে তখন কোথায়?

বলিলাম, কে সে? কার কথা বলছ?

সহজ কণ্ঠে কহিল, সে তোমারি ছিল। কিন্তু তুমি তো জাননি? সে তোমার একুশ বছর।

একটু বাস্তবের সুরেই বলিলাম ও: তা হ'লে দেখছি একুশ না পেরিয়েই একেবারে চল্লিশে এসে ঠেকলাম।

সঙ্গেই হাসিয়া উত্তর করিল, তুমি যাকে পেয়েছিলে সে তো পঞ্জিকার একুশ। কোষ্ঠির পাতায় তার পায়ের চিহ্ন রেখে গেছে, কিন্তু মনের পাতা স্পর্শ করতে পারিনি।

একটু থামিয়া যেন আপন মনে বলিয়া চলিল, “কত কাল! কিন্তু আজো যেন চোখের উপরই দেখছি। কলেজ লাইব্রেরীর পশ্চিম ধারে এক সার আলমারী। ফাঁকে ফাঁকে এক একখানা চেয়ার টেবিল। তারি একটিতে সে বসে আছে। কোলের কাছে দর্শনের বই খোলা। চোখে তার স্বপ্ন—একুশ বছরের স্বপ্ন। সেই রঙীন আলোর একবার জানালা দিয়ে তাকাল। নারিকেল গাছের পাতাগুলো শরতের রৌদ্রটিকে ঘনঘন কাঁপিয়ে দিয়ে গেল। চোখে পড়ল স্বপ্নের বস্তিটার বড় বেহারার বৌ একমনে বসে কাঁথা সেলাই করছে। তাদের ছোট বাছুরটি আরামে শুয়ে পড়ে চোখ বুজে জাবর কাটছে। অদূরে একসারি দেবদারু গাছ জড়াজড় ক'রে দাঁড়িয়ে আছে। তারি কাঁক দিয়ে দেখা

শ্রীচরিত্র চক্রবর্তী

গেগে দূর আকাশের এক টুকরা গাঢ় নীল। একটা চিল উড়ে বাচ্ছিল। মনে হ'ল আর একটু উঠলেই তার ক্লাস্ত ডানায় নীল জড়িয়ে যাবে। একুশ বছর মুগ্ধ হ'য়ে চেয়ে রইল। এক নিমেষ, শুধু একটি নিমেষের তরে আমি তার মুকলিত হৃদয়ের পাপড়িটির উপরে গিয়ে দাঁড়ালাম। যৌবন-নেশায় আকাশ বাতাস মাতাল হ'য়ে উঠল। দেবদাক্ষর বাণিকায়, আকাশের শ্রামলিমায়, রৌদ্রের কম্পনে ভেসে উঠল একটি সন্ধ্যার পল্লীপথ, একটি পরিচিত পুকুরের ঘাট, একটি লাজ-কোমল কিশোরীর চঞ্চল গতি। তার মুখ-খানি—একি? একুশ বছরের গোপন হৃদয় বারবার চমকে উঠল। ক্ষণেকের জঘ। তারপর চোখ দুটি আবার নেমে এল কাণ্টের পাতায়। কিন্তু তার সমুখে শুকনো অক্ষরগুলো যেন নেচে বেড়াতে লাগল।”

মাঝখানে হঠাৎ আসিয়া করিল, ‘মনে পড়েছে?’ আমার সমস্ত দেহমন যেন আচ্ছন্ন হইয়া পড়িয়াছিল। জবাব দিতে চেষ্টা করিলাম, পারিলাম না। সে বলিয়া চলিল,—“আর এক দিন এবং সেই শেষ। সোদনও আকাশ-ভরা এমনি মেঘের ঘটা। শ্রাবণ রাত্রির বক ভাসিয়ে এমনি ব্যাকুল কান্না। ইডেন হষ্টেলের আলোগুলো অনেকক্ষণ নিবে গেছে। দোতালার পূব ধারের ছোট ছোট কাঠের ঘরগুলোতে সবাই হয়তো ঘুমিয়ে পড়েছে। একুশ বছর জেগে ব'সে ছিল। জানালা দিয়ে অন্ধকার রাত্রির বকের মধ্যে কী দেখছিল, সেই জানে, অথবা জানেনা। সেই আনত বর্ষার অক্লান্ত অশ্রু ছুঁচোখ ভরে নিয়ে ধীরে ধীরে তার কাছে গিয়ে দাঁড়ালাম। দিগন্ত জোড়া আঁধার সায়রে ভেসে উঠল দুটি পথ চাওয়া চেনা চোখ। কি যেন তারা বলতে চাইল, কিন্তু ভাষা খুঁজে পেল না। আরণের অশ্রুধারায় গ'লে গ'লে ব'রে প'ড়ে গেল। একুশ বছরের অনাহত যৌবন শিউরে উঠল। তার সমস্ত দেহমন ফুলের বৃকে চূষন-নত প্রজাপতির ডানা হুটির মত কেপ কেঁপে বিবশ হ'য়ে আসতে লাগল। তারপর সহসা সে মুহূর্তে চেতনাকে রূঢ় ধাক্কা লাগিয়ে তুলে সোজা হ'য়ে দাঁড়াল। সশব্দে জানালা বন্ধ ক'রে একটা মোমবাতি জালিয়ে খাতা পেন্সিল নিয়ে আঁক কবতে শুরু ক'রে দিল।

সেই শেষ।”

একটু থামিয়া আবার কহিল, “কেমন, সত্য নয়? একুশ বছরের এই আর্ন্তরূপ সকলের কাছেই লুকানো ছিল। শুধু জেনেছিলাম আমি। জেনেও, তার জীবনের চরম বন্ধনা থেকে তাকে বাঁচাতে পারিনি। সেই রাত্রে প্রতিহত কামনার গোপন লজ্জা গোপন রেখে অন্ধকারের মধ্যে যখন অদৃশ্য হ'য়ে গেলাম, একুশ বছরের স্বপ্নপেলব চক্র দুটি বৃকে লেগেই রইল। একটা প্রশ্ন কেবল বন্ধাবর ক'রে মনের মধ্যে ঠেলে উঠতে লাগল, কী পেল সে? কী পেল?”

একটানা কবিত্বের অত্যাচারে অতিষ্ঠ হইয়া উঠিয়া-ছিলাম। বিরক্তির ধাক্কা আচ্ছন্ন ভাবটা কাটিতেই বলিয়া উঠিলাম, কী পেল, সে তুমি কি বুঝবে? পেল—

কিশোরী বাধা দিয়া চোঁচাইয়া উঠিল, “জানি, জানি। তুমি বলবে, সবই পেল। পৃথিবীর সমস্ত দান, অনাদি মানবের সমস্ত চিন্তা-সম্ভার। এই না? কিন্তু হায়রে, প্রকাণ্ড জ্ঞান সমুদ্রের চেয়ে কি বড় নয় এক ফোঁটা অশ্রু? একটি তরুণীর গোপন হৃদয়ের রহস্য-কোণটিতে এতটুকু আসন—সে কি তোমার কীর্তি সাম্রাজ্যের সিংহাসনকে হার মানিয়ে দেয় না? সে কথা কেমন ক'রে বোঝাবো! জন্মাক্কে আলো দেখাবো কেমন ক'রে? সে কথা যে বুঝত সে চ'লে গেল; নিয়ে গেল সেই সোনার কাঠি যার স্পর্শে পৃথিবী হ'য়ে ওঠে স্বপ্নময়, জীবন হ'য়ে যার মায়াকানন। তাকে যে হারাল সে কোথায় পাবে সেই সৃষ্টি-শক্তি, একটি তুচ্ছ কিশোরীর বৃকের মধ্যে যে রচনা করে স্বর্গ, মানুষকে যে ক'রে তোলে করনা। সে মোহ কেটে গেল। সে অজ্ঞান-স্বপ্নের আশ্র-সমাধি রইল না। কেমন ক'রে থাকবে? একুশ বছর যখন চ'লে যায়, চোপের ভিতর থেকে নিঙড়ে নিয়ে যায় চন্দ্রশ্মির মাদকতা, আর নারীর উপর থেকে খুলে নিয়ে যায় রহস্যের আবরণ। তারপর আর কীই বা থাকে? কীই বা পেল?”

এমন অদ্ভুত প্রশ্ন নিজেকে নিজেকে কোনদিন করি নাই, অপরের কাছেও শুনি নাই। কিছুক্ষণ চুপ করিয়া থাকিয়া কহিলাম, “এই লম্বা বক্তৃতা শোনার কারণেই কি রাতছপুরে আমার স্বপ্ন ভুল করেছ? কিন্তু তোমার জানা-



উচিত ছিল, আমি মোটেই তরুণ প্রেমিক নই, একটি বিবাহিত প্রৌঢ় ভদ্রলোক। সুতরাং নারীসম্পর্কে জ্ঞান নেহাৎ কম হয়নি।”

কিশোরী উচ্চ কণ্ঠে হাসিয়া উঠিল, “তাই নাকি? তাই নাকি? বিবাহিত! আচ্ছা বিয়েটা কেমন লাগল ডেপুটি বাবু? বিয়ের রাতে কি কথা হল? বলনা?”

ইহার নিলজ্জতার আমারও লজ্জা হইল। সহসা মুখে কথা যোগাইল না। একটা দীর্ঘনিশ্বাসের সঙ্গে সঙ্গে কোমল কণ্ঠে কহিল, “তা বটে। তোমাকে ব’লে আর কি লাভ? কিন্তু একুশ বছর যে আমার চিরকালের বন্ধু। তার জন্তে বড় লাগে। সেদিন তার বিমুখ ছয়ার থেকে বিদায় নিয়ে, তাই, ফিরে গেলাম সেই ছোট্ট গ্রামে, যেখানে তার ভোলা শৈশব গান গাইত, তার পূজারী কৈশোর ধান করত। দেখলাম সেই ছায়াদীঘি, যেখানে সে ডুবে ডুবে চোখ রাঙা ক’রে অবলায় বাড়ী ফিরে বকুনি খেত; সেই বটের তল, যেখানে সে গেছোমেছো খেলত, সেই খ’ড়ো ঘরের কোণে শিউলি গাছটি যেখানে সে ভোর বেলায় ফুল কুড়িয়ে মালা গাঁথত। সব তেমনি আছে। কেবল সে শিশুদস্যুর দলটি আর নেই। সঙ্গীরা সব চ’লে গেছে, কোন সহরের কোনখানে হয়তো কেউ জানে না। সঙ্গিনীরা কোণায় গিয়ে কে নীড় বেঁধেছে খুঁজে পাওয়াই দায়। কারো নীড় হয়তো এরি মধ্যে ভেঙে গেছে; ফিরে এসেছে, সিঁথির কোলে সিঁদুর নেই। কেউ হয়তো তিন ছেলের মা—রোগে আর ওষুধে জর্জর, কারুর হয়তো শূন্য কোলে চোখের জলে দাত কাটে না। শুধু সব চেয়ে যে ছোট্ট মেয়েটি তার কাছে কাছে ঘুরে বেড়াত, আর সময়ে অসময়ে চড় চাপড় আর বকুনি খেয়ে ঠোট ফুলিয়ে কাঁদতে গিয়ে কাঁদত না, সে এখনো ঘর বাঁধেনি। দেখলাম আজ তার চোখের কোণে যৌবনের আসন্ন ছায়া, পায়ে কিশোরীর চঞ্চল ছন্দ। দুপুর বেলা সবার খাওয়ার শেষে সে এ বাড়ীতে চ’লে আসে। আমার বন্ধুর মা রামায়ণ শুনতে ভালবাসেন। লীলাকে না হ’লে তাঁর চলেই না। কখনো হয়তো বলেন, দাখ তো মা, থোকা কি লিখেছে?—ব’লে একটা সবুজে তুলে রাখা পোষ্টকার্ডের চিঠি এনে লীলার হাতে দেন। ছুটি লাইন।

পড়তে গিয়ে বুক কেঁপে উঠে, কথা বেধে যায়। *মা একটু চেয়ে দেখে মনে মনে হাসেন, ভাবেন আমার খোকার সঙ্গে বেশ মানায়। লীলা চিঠিখানি ভুল ক’রে বাড়ী নিয়ে যায়। একলা ঘরে ব’সে বার বার পড়ে। চোখের জলে অক্ষরগুলো ঝাপসা হ’য়ে আসে। মাঝে মাঝে তার মা বলেন, বলি ওগো, মেয়ের বয়স কি বাড়ছেনা? বাপ মেয়ের দিকে তাকিয়ে দীর্ঘনিশ্বাস ফেলেন। এমন সোনা কেউ চিনলেনা! সবাই চায় রূপোর চাকৃতি। বলেন, এইতো মিঠাপুরের, কি বলে, রাম চাটুযোর কাছে তো লোক পাঠানাম, দেখি কি হয়। বাটার চোখে তো— ইত্যাদি। লীলার কানে সে কথা যায়। সে শিউরে ওঠে। সেদিন রাত্রে ঘুম হয় না। বালিস ভিজে যায়।”

“তারপর এল গ্রীষ্মের ছুটি। বন্ধু বাড়ী ফিরল। সমস্ত গ্রামখানি চঞ্চল হ’য়ে উঠল। কিন্তু গ্রামের ছেলেটি আর চঞ্চল হ’তে পারলো না। খুড়িমার ভাঁড়ারের আমসহ আর কাশী দিদির বাগানের কচি আম এবার নিরুপদ্রবে নিদ্রা দিতে লাগল। মায়ের সঙ্গেও তেমনি কথা জমল না। যার জালায় এতদিন গ্রামের পাখীটি পর্যন্ত অস্থির হ’য়ে উঠত, সে এবার দু’মাইল হেঁটে নূতন হেড্ মাষ্টারের সঙ্গে ভাব ক’রে এল; ভাঙা লাইব্রেরির কোণে ব’সে দেড়ঘণ্টা অমৃতবাজার পড়ল; আর বাকী সময়টা ঘরের কোণে মোটা মোটা বই নিয়েই প’ড়ে রইল। মা বাথা পেলেন। কিন্তু পরকণেই মনে মনে হেসে বললেন, ছেলের আমার মাকে নিয়ে আর চলছে না; এবার একটি বউ চাই। একদিন জল খেতে দিয়ে কথাটা ব’লেও ফেললেন। অগ্ন্যন্ত বারে ছেলের আনত মুখ লাল হ’য়ে উঠত। আজ নিঃসঙ্কোচে মুখ তুলে মায়ের দিকে তাকিয়ে শুধু একবার উচ্চারণের হাসি হাসল। তাঁর বুকের ভিতরটা চমকে উঠল। ছেলে ‘না’ বলল না বটে, কিন্তু সে হাসি দেখে মাও নিজের মধ্যে কোন আশ্বাস পেলেন না। দীর্ঘ নিঃশ্বাস চেপে চুপ ক’রে গেলেন। পরদিন আবার মায়ের ঘরে ডাক পড়ল। গিয়ে দেখে লীলা। কচি মুখখানার উপর একটি কৈশোর-সন্ধ্যার আনন্দ ছায়া। সমস্ত দেহ একটি স্ফুটনোন্মুখ লাভণ্যের স্থির জ্যোতি। মূর্ছার স্তম্ভ

শ্রীচাক্ষুঃ চক্রবর্তী

তার বুকখানা ন'ড়ে উঠল। পরক্ষণেই নিজেকে চোখ রাঙিয়ে সহজভাবে হু'একটা কথা ব'লে চ'লে গেল। লীলার মুখে ভাল জবাব জুটল না। চোখ তুলেও চাইতে পারলো না। মা খুসী হ'লেন। দুদিন পরেই বন্ধু হঠাৎ কোলকাতায় চ'লে গেল, এবং মাসিকপত্রে প্রবন্ধ লিখে যুবকদের কিশোরী-প্রেম এবং মনশ্চাঞ্চল্যকে খুব ক'সে গাল দিল। এদিকে মা অপেক্ষা ক'রে রইলেন। কিন্তু লীলার বয়স অপেক্ষা করল না।

“পাত্রীদেখা কুটুম্বের দল যত ভিড় করতে লাগল, তাদের স্তম্ভে দাঁড়িয়ে লীলার মাথাটা ততই বেশি ক'রে ঝুঁকে পড়তে লাগল। বরের যুবক বন্ধু গলাটাকে যথাসাধ্য মিষ্টি করবার রুথা চেষ্টা ক'রে দস্ত বিকাশ ক'রে যখন প্রশ্ন করতেন, আপনি রবিবাবুর কোন বই পড়েছেন? লীলা প্রাণপণ চেষ্টায় ‘না’ এই ছোট্ট কথাটাও যেন মুখ দিয়ে বা'র করতে পারত না। সবাই ভাবত, বয়স হ'য়েছে, লজ্জা হ'বেই তো। আমি তার বুকের মধ্যে ব'সে মাথা নাড়তাম। কুটুম্বেরা চ'লে গেলেই সে ছুটে এ বাড়ীতে আসত। মা সবই বুঝতেন। ধীরে ধীরে মাথায় হাত বুলিয়ে দিতেন। বলতেন, ভয় কি মা? সে কি আমার কথা ঠেলতে পারবে? তারপর শিবনগরের দোজবরে নারায়ণের সঙ্গে যখন এক রকম কথা ঠিকঠাক হবার উপক্রম, তখন মা রীতিমত ভয় পেয়ে ছেলেকে চিঠি লিখলেন। সব কথাই জানালেন। শেষের দিকে দিয়ে লিখলেন, লীলাকে তিনিই পুত্রবধু করেন, এই তাঁর শেষজীবনের সাধ। ঠিক সময়েই উত্তর এল,—এবং লীলাই প'ড়ে শোনাল। ছেলে মায়ের অমুরোধ রাখতে না পেরে ক্ষমা প্রার্থনা জানিয়েছে; আর সকলের শেষে লীলাকেও আশীর্বাদ করেছে, সে যেন তার নূতন সংসারে গিয়ে সুখী হয়। লীলা চিঠি শেষ ক'রে মাথা নীচু ক'রে ব'সে রইল। মা ধীরে ধীরে ডাকলেন, লীলা। জবাব দিতে গিয়ে লীলা মুখ ঢেকে ফুঁফুয়ে কেঁদে ফেলল। মা তার মাথাটা কোলের উপর টেনে নিয়ে অল্প দিনের মত আজও ধীরে ধীরে হাত বুলিয়ে দিলেন কিন্তু একটাও সাহসনার কথা বলতে পারলেন না। শুধু তার শিথিল

চক্ষু দুটির অবাক্ত স্নেহধারা সেই অপৰ্যাপ্ত কালো চুল ভিজিয়ে দিতে লাগল।”

“পরদিন লীলা কাগজ কলম নিয়ে নিজের চিঠি লিখতে বসল। কয়েকখানা ছিঁড়ল, কয়েকখানা কাটল। কি লিখবে ভেবে পেল না। যাও পেল, তাও লেখা হ'ল না। অবশেষে অনেক চোখের জলের ছাপ নিয়ে আঁকা বাঁকা অক্ষরে যেটা হ'য়ে দাঁড়াল, তাও পাঠান হ'ল না।”

“তারপর—আরো বলতে হবে? আচ্ছা শোন—তারপর একদিন ছোট্ট গ্রামখানি চকিত ক'রে ভোরের শানাই বাজল। ছেলে মেয়েরা ভিড় ক'রে কলরব করতে লাগল। লীলা কাঠের মত সমস্ত স্নেহের উপদ্রব স'য়ে যেতে লাগল। মনে মনে আশা ছিল, এমন কিছু ঘটবে, যাতে সমস্ত লজ্জা হ'য়ে যাবে। হয় তো আশুভ লাগবে; হয় তো সে এসে বলবে, লীলা, আমি এসেছি; হয় তো বা অল্প কিছু। বেলা গেল। সন্ধ্যা ঘনিয়ে এল। পাত্রী চ'ড়ে বর এলেন। শাঁখ বাজল, এয়োরা উলু দিলেন। ছালনা-তলায় সাতপাক ঘোরা শেষ হ'য়ে গেল। বর বাসর ঘরে ঢুকে কাশতে শুরু করলেন। কনে তার পাশে মুচ্ছিত হ'য়ে পড়ল। একজন প্রবীণা স্নেহের সুরে বললেন, আহা সারাদিন উপোস ক'রে আছে। আর একজন চোখ দুটো টেনে বললেন, নাও আমাদের যেন আর বিয়ে হয় নি। আজকালকার মেয়েদের ঐ এক ঢঙ। ফিট না ফ্যাসান। শুধু তরুণীরা চুপ ক'রে রইল। আর আমি আঁচলে চোখ মুছলাম।”

কিশোরীর একটানা গুপ্ত গুঞ্জন ধ্বনি হঠাৎ থামিয়া গেল। সহসা উত্তেজিত কণ্ঠে বলিয়া উঠিলাম, তারপর— তারপর? কেহ জবাব দিল না। দেখিলাম কেহ কোথাও নাই। তাড়াতাড়ি উঠিতে গিয়া সেই ছবিটা আবার চোখে পড়িল। দেখিতে দেখিতে ছেলেমেয়ে কয়টি কোথায় মিলাইয়া গেল। মহিলাটির মুখের উপর থেকে একটি একটি করিয়া বয়সগুলি ঝরিয়া পড়িতে লাগিল। ধীরে ধীরে ভাসিয়া উঠিল একটি লাজনত্র কিশোরী—অ্যা এ কার মুখ! বিছানা ছাড়িয়া উঠিয়া পড়িলাম। স্পষ্ট গুনিতে পাইলাম, কে যেন ফুঁপাইয়া কাঁদিতেছে। মনে হইল ঠিক



আমার পাশের ঘরেই। সে কী কায়া। বুক ফাটিয়া যাইবে, তবু শেষ নাই। যেন সে কতদূর—কত বৎসরের সমাধির ভিতর থেকে গুমরিয়া ঠেলিয়া উঠিতেছে।

তখন সবে বেলা উঠিয়াছে। বসিবার ঘরে একটা হাতলভাঙা চেয়ারে বসিয়া কি ভাবিতেছিলাম, জানি না। মনটা যেন কেমন আচ্ছন্ন হইয়া পড়িয়াছিল। বৃদ্ধ গৃহকর্তা কাশিতে কাশিতে একটা লাঠিতে ভর করিয়া আগিলেন এবং আমাকে একটা নমস্কার করিয়া কি বলিতে গিয়া সহসা মুখের দিকে চাহিয়া চমকিয়া উঠিলেন, আপনার কি অসুখ করেছে?

বলিলাম, না।

তিনি সহানুভূতির স্বরে বলিলেন, কাল বড্ড কষ্ট হয়েছে। একে তো দেশে কিছুই মেলেনা; বর্ষাকাল। তাতে আবার যে ছুঁয়োগ। তা' আজকার এ বেলাটা অস্তুত গরীবের বাড়ী চাঁ টু যাহোক—বেশি দেরি হবে না।

আমি জানাইলাম, সে সময় হইবে না।

বৃদ্ধ কুণ্ঠিত নৈরাশ্রের স্বরে বলিলেন, আপনার মত ব্যক্তিকে এ অনুরোধ করা অবিশ্বি—। কিন্তু আমরা একেবারে পর নই। খুঁজে দেখলে—যাক সে সব। আমার স্ত্রী আপনাকে একবার ডেকেছেন। দয়া ক'রে যদি—

একটু বিস্ময়ের সঙ্গেই উঠিলাম। মহিলাটি আমার জন্তই অপেক্ষা করিয়াছিলেন। চিনিলাম। কিন্তু না চিনিলেও দোষ ছিল না। সেই ভগ্ন মন্দিরের দিকে চাহিয়া ক্ষণকাল স্থম্ভিত হইয়া রহিলাম। সে-ই কথা কহিল। প্রশ্ন করিল, শরীর কেমন আছে, ছেলেমেয়েরা কেমন হ'য়েছে, বৌ কেমন আছে—ইত্যাদি। আমি যন্ত্র-চালিতের মত 'হাঁ,' 'না' বলিয়া গেলাম। সহসা অসংলগ্ন ভাবে বলিয়া ফেলিলাম, "কাল রাত্রে তুমি কা'দ'ছিলে?" বলিয়াই অপ্রস্তুত হইলাম। সে কিছুক্ষণ বিস্ময়ের মত চাহিয়া রহিল। আন্তে আন্তে সেই বিগত স্ত্রী ওষ্ঠহুটির উপরে একটা তুষার প্রাস্তরের রক্তহীন হাসি সর্পিণ কুঞ্জে অঁকিয়া বাঁকিয়া উঠিল। কোটরগত চক্ষুহুটি কোথা হইতে একরাশ আগুন জড়ো করিয়া ফেলিল। অজ্ঞাতসারে চক্ষু নামাইয়া লইলাম। একটি উলঙ্গ ছেলে মা বলিয়া ছুটিয়া আসিয়াই সহসা সেই দিকে চাহিয়া চোঁচাইয়া উঠিল।

পরদিন যখন বাসায় ফিরিলাম, শরীর রীতিমত অসুস্থ। মনটাও কেমন অভিভূত হইয়াই ছিল। গৃহিণী আগিতেই জোর করিয়া একটু সজীব ভাব আনিবার জন্ত বলিলাম, "কি বাপার? পরশু মাছের ঝোলে সিদ্ধি টাঁকি দিয়েছিলে নাকি?" গৃহিণী বাস্তবাবে কহিলেন, "তোমার এত দেরি হ'ল যে? হাঁ ঠাখ, আমি এখুনি বেরোচ্ছি। মহিলা-সমিতির মিটিং রয়েছে। আসতে রাত হবে।"

বলিলাম, "আচ্ছা।"



মহর্ষি দেবেন্দ্রনাথ ঠাকুর

শ্রীনরেন্দ্রনাথ ভট্টাচার্য

যে মহাপুরুষের স্মৃতি-পূজার আমরা ব্রতী হয়েছি, আমাদের মধ্যে অনেকেই তাঁর নাম শুনেছি—তিনি বিশ্ব-কবি রবীন্দ্রনাথের পিতা। কিন্তু শুধু এই ভাবে তাঁকে জানলে তাঁর প্রতি অন্য় করা হয়। তাঁর জীবনের নিজস্ব বিশিষ্টতাই তাঁকে আমাদের স্মৃতিতে চির-জাগরুক ক'রে রাখবার পক্ষে যথেষ্ট। কিন্তু আমার মনে হয় তাঁর প্রতি যথাযোগ্য সম্মান আমরা করিনি। দেবেন্দ্রনাথকে আমাদের যতভাবে যতটুকু জানা দরকার ততটুকু আমরা জানিনি। তাঁর চরিত-ইতিহাস আমাদের দৈনন্দিন জীবনের সঙ্গী হওয়া উচিত। এই প্রবন্ধে আমরা তাঁর জীবনের বিশিষ্ট ধারা বুঝতে চেষ্টা করব।

ভগবানের চরণে সমস্ত মন প্রাণ অর্পণ ক'রে তিনি যে ভাবে নির্জন এবং শান্তিময় জীবন যাপন করেছিলেন, তা থেকে আমরা যদি তাঁকে কেবল একজন শ্রেষ্ঠ সাধক বলে ধ'রে নেই তা হ'লে বোধ হয় তাঁকে সম্যক ভাবে বলা হয় না। তার চাইতে মহর্ষি কথাটাই তাঁকে ভালো ক'রে বুঝিয়ে দিতে পারে। বেদের মন্ত্র ঋগ্বেদের কাছে এসে ধরা দিয়েছিল, যারা সাধনার বলে মন্ত্রকে দেখতে পেয়েছিলেন তাঁদের আমরা ঋষি বলি। দেবেন্দ্রনাথ ঠিক তাঁদেরই মত একজন মহাপুরুষ। সারা জীবনের সাধনার দ্বারা তিনি গুরুদ্রষ্টা হয়েছিলেন,—ঠিক বেদের ঋষির মতই আধ্যাত্মিক উন্নতির ভিতর দিয়ে নানা তত্ত্বকে দেখতে পেয়েছিলেন। সে তত্ত্ব কেবল ধর্ম-গত নয়, সমাজ এবং জাতীয়তার অন্তর্গত।

রামমোহন রায় দেশে নবযুগ আনয়ন করেছিলেন,— ধর্ম-পথের ভ্রান্ত পথিককে সত্য-পথের দক্ষান দিয়েছিলেন— কুলংকারের অন্ধ-কারা হ'তে দেশকে মুক্তি-পথের আলোকে টেনে এনেছিলেন,—মৃত সমাজ-দেহে একটা প্রাণের স্পন্দন জাগিয়ে তুলেছিলেন—এক কথায়, ধর্ম সমাজ এবং

দেশের বিরাট কল্যাণ সাধন ক'রেছিলেন; দেবেন্দ্রনাথ হয়ত অতটা পারেন নি। বিবেকানন্দের মত একটা প্রচণ্ড শক্তি নিয়ে, একটা বিশ্ব-গ্রাসী কর্ম-প্রেরণা নিয়ে হয় ত তিনি জন্মাননি,—তাঁর কর্ম-জীবন তাঁদের চাইতে খাটো ছিল, কিন্তু এটা অতিবড় সত্য কথা যে আধ্যাত্মিক জ্ঞান তাঁদের কারোর চাইতে কম ছিল না। পর-ব্রহ্মে একান্ত বিশ্বাস, সমস্ত বিশ্বকে ভগবানের পূর্ণ অভিব্যক্তিরূপে ধারণা করা, পরমাশ্রম সঙ্গ্যে নিবিড়তম যোগ-সাধনা— এই ছিল তাঁর জীবনের মূল লক্ষ্য। এই লক্ষ্যে পৌঁছবার চেষ্টায় তিনি প্রাচ্য এবং পাশ্চাত্যের তত্ত্ব-জ্ঞানের ভাণ্ডারকে আলোড়িত ক'রে, ক্ষীরমিব অম্লমুখ্য—রাজহংসের মত সারভাগ আহরণ করেছিলেন। ভগবৎ-তত্ত্ব মনে প্রাণে উপলব্ধি করতে তিনি কোথাও থামেন নি। বিভিন্ন দেশের বিভিন্ন ধর্মকে এই উদারচেতা মহাপুরুষ সমভাবে বুঝতে চেষ্টা করেছিলেন। সুফীধর্ম, কবীর এবং নানক-পন্থী ধর্ম তাঁর ভগবৎ-প্রেমকে ভক্তি-রসের মধুর সংমিশ্রণে রসাল ক'রে তুলেছিল; সৌন্দর্য-উপাসনার একটা কমণীয় স্নিগ্ধ ভাব সেই প্রেমকে প্রাণবন্ত করে দিয়েছিল। বিশ্ব-প্রকৃতির ভিতর ভগবানের স্বরূপ উপলব্ধি করতে, প্রকৃতির অফুরন্ত সৌন্দর্য রাশির মধ্যে সুন্দর পরব্রহ্মকে দেখতে তিনি কতই না প্রয়াস পেয়েছেন। হিমালয়ের শান্ত গম্ভীর পরিবেষ্টনের মধ্যে শান্তিনিকেতনের নির্জন তপোবনে,—প্রকৃতির লীলা-নিকেতনে তাঁর জীবনের অনেক দিন তিনি কাটিয়েছিলেন ভগবানকে মনে প্রাণে অহুত্ব করবার জন্য। তাঁর সৌন্দর্য-উপাসনার স্বাভাবিক প্রেরণা পুত্রকন্যাদের মধ্যে সংক্রমিত হয়েছিল। বিশ্বকবি রবীন্দ্রনাথ যে আজ সমস্ত জগতের উপর দিয়ে অমৃত-ধারা প্রবাহিত ক'রে দিয়েছেন যাতে ক'রে সমস্ত বিশ্ববাসী অভিষিক্ত হচ্ছে, বিশ্ব-প্রেম বিশ্ব-মানবতার বাণী নিয়ে তিনি



যে আজ পূর্ব এবং পশ্চিমের মধ্যে একটি মিলন-সূত্র গেঁথে দিয়েছেন, তার অনেক কিছুই ঐ ভগবৎ-প্রমিত ঋষি-কল্প পিতার জ্ঞান।

সমাজ-সংস্কারক রূপে আমরা দেবেন্দ্রনাথকে বাদ দিতে পারি না। অবশ্য এ কথা সত্য যে তাঁর ধর্মজীবন কর্ম-জীবনের চেয়ে বেশী ব্যাপক, বেশী বিকশিত। কিন্তু ইহাও ঠিক যে, রামমোহনের মত তিনিও সমাজ-সংস্কার যে অবশ্য প্রয়োজনীয়, সেটা বেশ বুঝতে পেরেছিলেন। যা কিছু কুসংস্কার সমাজে প্রবেশ করেছিল তাদের দূর ক'রে দিয়ে যা সত্য এবং কল্যাণময় তা-ই তিনি রাখতে চেয়েছিলেন। তবে পুরাতন সমাজকে আগাগোড়া বদলে ফেলা, পুরাতনকে ভেঙে ফেলে একেবারে নূতনের প্রতিষ্ঠা ইহা তাঁর উদ্দেশ্য ছিল না। হিন্দু সমাজের ভিতরে থেকেই ব্রাহ্ম-সমাজকে গ'ড়ে তুলতে হবে, হিন্দু সমাজ হ'তে ব্রাহ্মসমাজকে বিচ্ছিন্ন করা চলে না—কারণ তাতে সামাজিক এবং জাতীয় কল্যাণ সাধিত হবে না, এটা তিনি বেশ ক'রে বুঝেছিলেন। পাশ্চাত্য সব কিছুকেই যে অগ্রসর করতে হবে সেটা তিনি ভাল মনে করেন নি। নিজস্ব যা আছে তারই উপর প্রতিষ্ঠিত ক'রে সমাজ, ধর্ম এবং জাতিকে গ'ড়ে তুলতে হবে, প্রয়োজন মত অন্যের কাছ থেকে হাত পেতে নিতে হয় আপত্তি নেই—এই ছিল তাঁর কর্মজীবনের মূল মন্ত্র। এখানে তাঁর স্বদেশ-প্রাণতার পরিচয় পাই।

তাঁর চরিত্রের একটি বিশেষত্ব ছিল, ব্যক্তিগত স্বাধীনতার সম্মান-রক্ষা। নিজে যা ভাল বুঝত তা-ই সবাইকে মেনে নিতে হবে এটা তাঁর জীবনে কখনও দেখতে পাওয়া যায় না। পারিবারিক, সামাজিক এবং ধর্ম জীবনে তিনি পূর্বাপর এই নীতি অনুসরণ করেছিলেন। সমস্ত জীবনকে একটি বিশিষ্ট নিয়মের ভিতর দিয়ে চালিয়ে নওয়া ছিল তাঁর লক্ষ্য; বিধিলঙ্ঘন তিনি নিজে কখনও করেন নি অপরকেও করতে দিতেন না। কোন কাজ করবার পূর্বে তিনি বহুদিন পর্যন্ত ভাবতেন। এই জ্ঞান অনেক সময় তাঁকে নিরুজ্জ্বল বাস করতে হত। ভগবানের সঙ্গে যোগ রেখে, ত্রয়া হৃদীকেশ হৃদিস্থিতেন যথা নিযুক্তোহস্মি তথা কবোমি—এই ভাবটি নিয়ে তিনি জীবনের প্রত্যেক সমস্যার সমাধান করতে চেষ্টা করতেন।

ব্রাহ্ম সমাজ তাঁর কাছে অশেষ ভাবে ঋণী। রামমোহন যার গোড়া পত্তন ক'রে গিয়েছিলেন তাকে প্রাণময় ক'রে তোলায় তাঁর পড়েছিল মহর্ষি দেবেন্দ্রনাথের উপর। রামমোহন সত্যের সন্ধান ব'লে দিয়েছিলেন; লোক মনে সেই সত্যের প্রতিষ্ঠা করেছিলেন দেবেন্দ্রনাথ। ব্রাহ্ম ধর্ম এবং ব্রাহ্ম সমাজ আত্ম-প্রসার করেছিল তাঁরই চেষ্টায়।

আর তাঁর কাছে ঋণী বাংলা ভাষা ও সাহিত্য। সেই আত্ম-সমাহিত যোগী তাঁর সমগ্র জীবনের সাধনার ফল দিয়ে তাদের ভাণ্ডার সম্পন্ন ক'রে গেছেন।



মহর্ষি দেবেন্দ্রনাথ

শ্রীস্বরেশচন্দ্র সেনগুপ্ত

ধর্মজীবনের গূঢ় রহস্য সম্বন্ধে বলতে চেষ্টা করা তারই মাঝে যার কাছে সেই রহস্য পরিচিত। দৈনন্দিন জীবনে, সকাল থেকে সন্ধ্যা, আবার সন্ধ্যা থেকে সকাল, নিজ নিজ ক্ষুদ্র স্বার্থ নিয়ে সময়ক্ষেপ ক'রে হঠাৎ বৎসরে একদিন গম্ভীরভাবে দাঁড়িয়ে কোন ঋষির বা মহৎ ব্যক্তির জীবনী আলোচনা করতে চেষ্টা করায় বিশেষ কোন ফল হয় না। তাই অনেক কুষ্ঠা ও দ্বিধার সহিত আজ আপনাদের সামনে দাঁড়িয়েছি। তবে এর আর একটা দিকও আছে। সাধক না হ'লে যে সাধকের কথা বলার অধিকার নেই তা নয়। যদি প্রকৃত শ্রদ্ধা ও অনুরাগ আমার ভেতরে থাকে সেই সাধনার দিকে, তবে তা বুঝতে তা বলতে চেষ্টা করার অধিকার আমার আছে। আর শ্রোতার দিক থেকেও তাই। যদি শ্রদ্ধাবান হ'য়ে, প্রকৃত অনুরাগ মনে নিয়ে সেই মহাপুরুষের স্মৃতি-পূজা করতে ও তাঁকে আমাদের হৃদয়ের পুষ্পাঞ্জলি দিতে এসে থাকি, তবে নিশ্চয়ই এখানে আজ আসার অধিকার আমাদের আছে। নতুবা এখানে এসে শুধু আত্ম-পবঞ্চনা করেছি মাত্র।

জীবনের প্রথম উন্মেষে আমাদের প্রকৃত মনুষ্যত্ব ফুটিয়ে তোলবার জন্য অন্তরের এই শ্রদ্ধা ও অনুরাগই হচ্ছে আমাদের প্রধান উপাদান ও সহায়। আমাদের মধ্যে সেই হঠাৎ যার এই শ্রদ্ধা নেই, যে যুবক “অকালপক” হ'য়ে চারিদিকে প্রশংসাযোগ্য কিছুই পায় না, সবই যার কাছে পুরাতন সে বাস্তবিকই কৃপার পাত্র। নূতন নূতন সৌন্দর্য্য যতই আমাদের চিত্ত আকর্ষণ ক'রে শ্রদ্ধাবান ক'রে তোলে, ততই আমরা প্রকৃত মনুষ্যত্বের দিকে এগোতে থাকি। এ যুগের আবহাওয়া কিন্তু উন্টে দিকে ব'য়ে চলেছে এবং শ্রদ্ধা জিনিষটাকে “সেকলে” ব'লে “কোণঠাসা” ক'রে রেখেছে। নিজের ক্ষুদ্র ক্ষুদ্র বিষয় ও অধিকার নিয়ে আমরা এখন এত বাস্তব যে বৃহত্তর জগতের সুন্দর ও মহৎ

তত্ত্বগুলির খবর আমাদের “স্বার্থ-প্রাচীর” ভেদ ক'রে আসতে পায় না। আমরা সকলেই এ যুগে স্ব স্ব প্রধান ও প্রত্যেকেই এক একটা জ্ঞানের ভাণ্ডার স্বরূপ; মাথা নত ক'রে শ্রদ্ধাভরে শিক্ষা গ্রহণ করাটা নেহাৎ বাপ মা জোর ক'রে ধ'রে স্কুল কলেজে না পাঠালে—একটা penance বা দণ্ড ব'লে মনে হয়। কিন্তু এ হচ্ছে অজ্ঞানতার ও মূঢ়তার ভঙ্গী! যা কিছু সুন্দর, যা কিছু মহৎ ও উদার তার প্রতি ভক্তি ও আকর্ষণই প্রকৃত মনুষ্য-জীবনের ভিত্তি। যদি মানুষ ভক্তিবহীন হয় এবং উচ্চ হ'তে উচ্চতর সত্যের অনুসন্ধান না ছুটে কেবল নিজের জীবনের ক্ষুদ্র গম্ভীর ভিতর থেকে নিজের জ্ঞানের জমাখরচ নিয়েই বাস্তব থাকে, তবে তার মনুষ্যজন্ম একরূপ বিফলেই যায়।

শিশু যখন মার আদরের “আয় চাঁদ, আয় চাঁদ”-বুলিতে মুগ্ধ হ'য়ে প্রকৃতির সৌন্দর্য্যের প্রথম স্বাদ গ্রহণ করে, তখন তার মনে কি ভাব হয় অবশ্য আমরা বিশ্লেষণ ক'রে বলতে পারি না। তবে সে ভাবটা যে আনন্দের তা বেশ বুঝি। আমরা “অমৃতের পুত্র”—এই আনন্দ নিয়েই আমরা এসেছি—সেটা আমাদের “birth right,” জন্মগত অধিকার। এই আনন্দের অধিকারী আমরা সকলেই। এবং যত দিন ভক্তি অনুরাগ ও শ্রদ্ধা আমাদের চিত্তবৃত্তি-গুলিকে জাগিয়ে রাখে এবং জ্ঞানের ও সত্যের দিকে উন্মুখ করে, তত দিন এই আনন্দের অধিকার আমাদের থাকে। কিন্তু আমরা জীবনপথে যত অগ্রসর হ'তে থাকি ততই আমাদের শ্রদ্ধা, ভক্তি পেছনে ফেলে আসি, এবং এই আনন্দের আনন্দ ক্রমে হারাই। যারা ভগবানের অসীম করুণায় ও আশীর্ব্বাদে নিজ নিজ অমুভূতিকে শ্রদ্ধা ও ভক্তিব্যারিষিধনে সজীব রেখে এই আনন্দ চারিদিক হ'তে গ্রহণ করতে পারেন তাঁরাই ধন্য, তাঁরাই রূপমাগরে ডুব দিয়ে



“অরূপ রতনের” সন্ধান পান। মহর্ষি দেবেন্দ্রনাথ এইরূপ ডুবুরির অগ্রতম। দিদিমার মুমূর্ষু শয্যাপার্শ্বে বসে, তাঁদের আলোতে ও বায়ুর মর্শ্বরধ্বনিতে যখন মধুর হরিনাম ভেসে এসে তাঁর কানে পশ্বে, তখন পার্শ্বিক ঐশ্বর্যের উপর একটা বিতৃষ্ণায় তাঁর মন ভরে গেল, আর অসীম ভূমানন্দে প্রাণ উচ্ছ্বসিত হয়ে উঠলো। এই আনন্দই তাঁর জীবনকে ক্রমশঃ মধুময় করে অসীমের মধ্যে ডুবিয়ে রেখেছিল। মহর্ষি নিজেই বলেছেন, “এই আনন্দ তর্ক ও যুক্তি দ্বারা কেউ পাইতে পারে না, সেই আনন্দ চালিবার জন্ত ঈশ্বর অবসর খোঁজেন”। আমাদের মধ্যে অধিকাংশ সেই অবসর সেই সুযোগ সব সময় হারায়। এই সাংসারিক জীবনের মধ্যেই যদি আমরা ঠিক ভাবে এই জীবনকে বুঝতে ও গ্রহণ করতে শিখি, আমাদের এই অবসর আসে এবং আনন্দের স্বাদ দিয়ে যায়, তাহলে মনে হয় “সুন্দর ভব, সুন্দর সব, সুন্দর পশু-পাখী”। আমাদের দৈনিক জীবনে সূর্য, চন্দ্র, গ্রহ, তারকা, নদ, নদী, ফল, ফুলে যে সৌন্দর্য্য দেখতে পাই, তার মধ্যে যে আনন্দের সন্ধান আছে তার খোঁজ কি আমরা রাখি? মহর্ষি প্রকৃতিতে ‘Divine Immanence’ অর্থাৎ ভগবানকে ওতঃপ্রোত ভাবে জড়িত সব সময় অনুভব করতেন। ঘণ্টার পর ঘণ্টা চলে যেতো ঋষি-কবি Wordsworth-এর ঞায় তিনি তাঁর ধ্যানমগ্ন দৃষ্টি অসীমের সৌন্দর্য্যরাশিতে ডুবিয়ে রাখতেন, এবং নিজেকে হারিয়ে ফেলতেন। আবার পারিবারিক জীবনের কঠোর কর্তব্যের মধ্যে যে নিগূঢ় আনন্দ রয়েছে, তাই কি আমরা যথাযথ-ভাবে অনুভব করতে সক্ষম হই? সংসারের বন্ধুর কঠোর পথে নিজ কর্তব্যবুদ্ধিকে ভগবদ্বিধাস দ্বারা চালিত করে নিতে পারলে যে কত লাভ কত আনন্দ হয় তার দৃষ্টান্ত মহর্ষির জীবনে আমরা দেখতে পাই।

তিনি সংসার ত্যাগী হয়ে ‘ভূমার’ ‘অনন্তের’ সন্ধান খোঁজেন নি। সংসার যে সেই অনন্তেরই ক্রীড়াভূমি এই সত্য, শুধু কবির বা দার্শনিকের ভাষায় নয়, নিজ বাস্তব জীবনে উপলব্ধি করেছিলেন। অসীম ও সসীমের মধ্যে দাঁড়িয়ে তিনি লীলাময়ের অপূর্ব লীলা দেখতেন। পিতার

স্নেহ, বন্ধুর ভালবাসা তিনি হৃদয়ে বিলিয়ে গেছেন। তাঁর ব্যবহারিক বা সামাজিক জীবনে কোথাও এমন লোক নেই যা তাঁর তীক্ষ্ণ ও প্রেমিক প্রাণ পরিপূর্ণ করেনি দিয়েছে। কঠোর শাসক, অথচ কোমলতায় পূর্ণ তাঁর স্বভাব। তাঁর শাসন-নিষ্ঠার প্রভাব তাঁর পুত্র-কন্যার উপর ছিল প্রগাঢ়। এই নিয়মে শাসিত সাংসারিক জীবন,— কিন্তু ইচ্ছা মাত্র সব বাধ ভেঙ্গে অনন্তের ডাকে পর্বতে কাস্তারে, ঘাটে মাঠে অবাধ গতিতে ঘুরে বেড়াতো! যেন তিনি একজন ভবঘুরে, যেন সংসারের কোন বন্ধনই তাঁকে জড়ায়নি, যেন মুক্ত সন্ন্যাসী অনন্ত সত্তার জ্ঞানে উদ্ভূত, অসীম সৌন্দর্য্যের অধিকারী—যে অবস্থায় ভক্ত ভাবে, ‘তুমি আছ, আর আমি আছি; ‘Thou art’ and ‘I am.’

এরূপ অপূর্ব সমন্বয় ও অদ্ভুত মিলন—ত্যাগীর ও ভোগীর, সাংসারিক ও সন্ন্যাসীর জীবনে (জনক ঋষি ছাড়া) আর বড় দেখা যায় না। মহর্ষির জীবনের এই দিকটাই আজ আমার বিশেষ করে মনে হচ্ছে। তাঁর জীবনের ঘটনাবলী সম্বন্ধে আমি কিছুই বলবোনা। তাঁর প্রভাবে হিন্দু-ধর্ম কতখানি লাভবান বা ক্ষতিগ্রস্ত হয়েছিল, ব্রাহ্ম ধর্মের ভিত্তি কতটা দৃঢ়ীভূত হয়েছিল, তিনি বাঙ্গালার নবজাগরণ (Renaissance) বা বাঙ্গালার সাহিত্য ও cultureকে কতখানি উন্নতির পথে নিয়ে গিয়েছিলেন এসব প্রশ্ন আজ আমার মনে উদ্ভিত হচ্ছে না; আমার মনে হচ্ছে শুধু তাঁর মহান ভক্ত জীবনের উজ্জ্বল দিকটা।

এই মহান জীবন কবিগুরু রবীন্দ্রনাথকে কতখানি উদ্ভূত ও প্রভাবান্বিত করেছে তা আমরা সকলেই জানি। দেবেন্দ্রনাথের সঞ্চিত পুণ্য ও সাধনা আশীর্বাদরূপে আমাদের যুগপ্রবর্তক মহাপুরুষ রবীন্দ্রনাথের উপর বর্ষিত হয়েছিল— তাই তাঁর গানে আজ জগত মুখরিত, জাতিনিকিশিণে নর-নারী মুগ্ধ, আর তাই তাঁর ভাষা ও ছন্দ আজ অসীমের সঙ্গীতে ও সৌন্দর্য্যচ্ছটার ভরপুর।

বালির কথা

শ্রীস্বরেন্দ্রনাথ কর

বালি (ডেনপাসার) মন্দুক

রথীগাবু,

১৬ই আগষ্ট আমরা পেনাঙ ছাড়ি, তার পর দিন সকালে সুমাত্রার বন্দর বলওয়ানদেলীতে পৌছই। সেখানে Dr. Rodgers ও কয়েকজন ভারতবাসী উপস্থিত থেকে গুরুদেবকে অভ্যর্থনা করেন। Dr. Rodgers একজন সিংহলী ক্রীশ্চান, খুব ধনী। ম্যাগেতে ও অগ্ৰত তাঁর টিনের খনি আছে; একটা খনির মুনফা মাসে চার লক্ষ ডলার পান। এখানে খনির সন্ধানে এসেছেন।

গ্ৰত জাহাজে মালপত্র তুলে দিয়ে আমরা মেডান সহর অভিমুখে রওনা হ'লুম। চব্বিশ মাইল দূরে সহর, সেখানে সব চেয়ে বড় এক হোটেলে আমাদের কয়েক ঘণ্টা যাপনের ব্যবস্থা হয়েছিল। সহরে ঢোকান আগে প্রায় ৭ ঘণ্টা ভারতবাসী বাগ্গভাণ্ড সহযোগে গুরুদেবের পুরোগমন করতে লাগলেন। আমাদের দেশে এটা চোখে পড়ে না, কিন্তু এখানে বড় চোখে পড়ছিল, আর ওজনজ্ঞানের খুব অভাব ব'লে মনে হচ্ছিল। যাই হোক, হোটেলে পৌছে শানাইয়ের হাত থেকে উদ্ধার পাওয়া গেল। সেখানে Royal Dining Room এ খাবার ব্যবস্থা হয়েছিল। এই বিখ্যাত মধ্যাহ্ন ভোজন, যাকে হল্যান্ডীয়রা Rystaffel বলেন, প্রথম খাওয়া গেল। পরিবেশন যখন করতে আসে, সে একটা রীতিমত procession। প্রায় বিশ জন জাভানীস বিচিত্র পোষাকে সার বেঁধে জবাসম্ভার নিয়ে দাঁড়াল। নানারকম মাংস, মাছ, তরিতরকারী; ভাত খাবার জন্ত এত আয়োজন দেখে খাবারটা একটা বিড়ম্বনা ব'লে মনে হচ্ছিল। এত রকম বিচিত্র তরকারী, শেষটা আর ফুরয় না। প্রথমে নেবার পান, তারপর ধীরে স্নুস্বে আহার। সবগুলোই সত্যিকার রীতিমত তরকারী; কেবল সিদ্ধ করা নয়, ঝালের পরিমাণ বেশ বেশী; আমাদের অনেককেই হার মানতে হয়। এত খাওয়া

খাবার পর বিছানা আশ্রয় না ক'রে উপায় নেই, তাই ডাচরা সকালে ৮টা থেকে ১২টা পর্যন্ত অফিস ও দোকানদারি করে, মধ্যাহ্নে এই গুরুপাক আহারের পর ঘণ্টা দুই ঘুমোয়, তারপর আবার ৫টা থেকে ৭টা পর্যন্ত অফিসাদি করে। এই জাতটা দেশের আবহাওয়াকে স্বীকার ক'রে নিয়েছে, আমাদের প্রভুদের মত নয়। বেশভূষায় বেশ টিলে ঢালা, বাহিরে যাওয়া ছাড়া প্রায় সব সময়েই রাত-কাপড়ে থাকে।

বৈকালে ৮া খেয়ে জাহাজ ধরতে বেরুনো গেল। ৫টায় জাহাজ ছাড়ল; জাহাজটা খুব বড়, অনেক যাত্রী, বেশ পরিষ্কার পরিচ্ছন্ন। গুরুদেবের ভাড়া নিল না, আমাদেরও অর্ধেক ভাড়ায় নিয়ে গেল। জাহাজের দুদিন এক রকম ক'রে কেটে গেল। সিঙ্গাপুরে ভিড়ল জাহাজ সকাল বেলা। আমেরিকান এক্সপ্রেস কোম্পানীর ওখানে গেলাম, গুরুদেবও সঙ্গে গেলেন, খুব আশা ক'রে যে এতদিনে নিশ্চয়ই চিঠি এসেছে, কিন্তু হতাশ হ'য়ে ফিরতে হ'ল। পথে গুরুদেব কিছু বই কিনলেন পড়বার জন্ত। আমরা কয়েকটা প্রয়োজনীয় জিনিষপত্র কিনে জাহাজে ফিরলাম।

সন্ধ্যার দিকে জাহাজ ছাড়ল। এই পথে অনেকগুলো ছোট ছোট দ্বীপ পড়ে। ঘুরে ঘুরে জাহাজ চলল। ডান দিকে সুমাত্রা দেখা যাচ্ছে। জলের ধার থেকেই ঠাসা বন, যতদূর চোখে পড়ে কেবলি বন, বসবাস কিছুই নেই। মাঝে মাঝে ব'লে একটা দ্বীপের কাছে ঘণ্টা দুই জাহাজ থামল যাত্রী তুলে নিতে। এখানে নাকি কয়েকটা টিনের খনি আছে। মোটর বোট ক'রে সব যাত্রীরা এল। সমস্ত অংশটা হাজার-সকল, কিন্তু অনেক চেপ্টা ক'রে চোখে পড়ল না। শুন্লাম কিছুদিন আর্থিক খিয়েটার পাটি ব্যাটেভিয়াতে যাচ্ছিল, হচ্ছিল, কাপ্তানও তাতে মেতে



ধাক্কা লেগে জাহাজটা ডুবে যায়। যারা নৌকা ক'রে তাঁরের দিকে গিয়েছিল তাদের সকলকে হাঙ্গরে ধরে, কেবল একজন ছাড়া।

আমরা সকালে ব্যাটেভিয়ায় পৌঁছলুম। জাহাজঘাটায় অনেক ভারতবাসী, চীনা ও ডাচ উপস্থিত ছিলেন। জাহাজ পৌঁছতেই বিভিন্ন দল এসে, সম্বন্ধনা করার পর গুরুদেবকে হোটেলে নিয়ে গেল। বরের জন্তু আমাদের দেশে যেমন ফুলপাতা দিয়ে মোটর সাজায়, সেই রকম ক'রে একখানা মোটর সাজিয়ে এনেছিল; গুরুদেব ত তাতে উঠলেন না, কিন্তু সেখানে পিছনে পিছনে হোটেল পর্যাস্ত গিয়েছিল। বাকেতে (Mr. Bake) আর আমাতে মালপত্র খালাস ক'রে হোটেলের busএ তুলে দিয়ে বারো মাইল দূরবর্তী সহর অভিমুখে যাত্রা করলাম। বন্দরগুলো সবই প্রায় এক চেহারা,—এমনকি মালেতে সহরগুলো ছোট ছোট, কিন্তু চেহারাগুলো সব এক ছিল, কারও কোনও বিশেষত্ব ছিল না। পেনাঙ ও সিঙ্গাপুর ছাড়া অল্প সহর গুলো একই সহর, কেবল নাম বদলাত। ব্যাটেভিয়ায় প্রথম চোখে পড়ে রাস্তার মধ্যে দিয়ে কেনাল, আর তাই বেয়ে সাধারণ লোকের জীবনযাত্রা চলেছে। বেশ ভাল লাগল। ডাচরা প্রথম যখন সহর পত্তন করেছিল অভ্যাসবশতঃ তাদের মনে হয়েছিল কেনাল না থাকলে বসবাস কেমন ক'রে করা যাবে, তাই প্রথমেই কেনাল করেছিল। আজকালকার সহরে এমন বাজে খরচ আর করচে না।

সব চেয়ে বড় হোটেলেই আমাদের স্থান ঠিক ছিল। প্রত্যেকের আলাদা ঘর, bath room ইত্যাদি, বেশ আরামের জায়গা, তবে আমরা যেদিন পৌঁছলুম, সেদিন রবিবার, লোক-জনে ভরা, সকাল থেকে ব্যাঙ চ'লে, অস্থির ক'রে তুলেছিল; তবে এখানে তিন দিন কাটালে পর আমরা বালির অভিমুখে যাব সেইটে ছিল বাঁচওয়া।

প্রথম দিন সন্ধ্যা বেলা Kunstkring Societyর সভারা গুরুদেবকে তাঁদের সভাগৃহে অভ্যর্থনা করেন। অল্প জলযোগের পর ছোট ছোট কয়েকটি সম্বন্ধনা হয়। এখানে বিভিন্ন সম্প্রদায়ের উচ্চ কর্মচারী ও পণ্ডিতবৃন্দ উপস্থিত ছিলেন। পরদিন ভারতীয়রা এক অভিনন্দন দেন, এবং

রাত্রে British Consul ভোজ দেন। British Consul লোকটিকে বেশ ভাল লাগল, জাতের বিমুখতা নেই, গুরুদেবের প্রতি অগাধ ভক্তি, এমন কি সময়ে সময়ে একটু বেশী ব'লে মনে হচ্ছিল। প্রতিদিন তিনি হোটেলে এসে খবর নিতেন। আমরা মাঝে মাঝে যে সময়টুকু পেতাম একবার চক্কর দিয়ে আসতাম। তিনবার খাওয়াতে এত সময় যেত যে অবকাশ পাওয়া বড় মুস্কিল হ'ত, তার উপর বালিতে যাবার ব্যবস্থা করা, জিনিষপত্র কেনাকাটা, ব্যাঙ্কে যাওয়া, টেলিগ্রাম করা,—দেখবার খুব অল্পই অবসর পেয়েছিলাম। এখানকার মিউজিয়ামটি খুব ভাল, কিন্তু ঘণ্টা দুয়ের বেশী দেখার সুবিধা হয় নি।

জিনিষপত্র এই এক মাসে এতবার খোলা বাধা করতে হয়েছে ভাবলে ভয় করে, কিন্তু উপায় নেই। জিনিষপত্র গুছিয়ে গাছিয়ে তৃতীয় দিনে লঞ্চের পর আমরা জাহাজ ঘাটায় রওনা হলুম। Mrs. Bake আমাদের দলে ভিড়েছেন, তা ছাড়া গবর্নমেন্টের তরফ থেকে একজন ডাচ ভদ্রলোক আমাদের সঙ্গে যাবেন দোভাষীর কাজ করবার জন্তু। তিনি সুরবায়াতে উঠবেন, তারপর বালিতে Dr. Kuperburg আছেন, সব বন্দোবস্ত করছেন, তিনিও বরাবর সঙ্গে থাকবেন। কাজেই আমাদের দলটি নেহাত কম হ'ল না—মোট আট জন; তাদের লটবহর নিয়ে বালির মত জায়গায় পনের দিন দৌড়াদৌড়ি করা সহজ ব্যাপার নয়।

জাহাজটা ছোট, যাত্রীর সংখ্যা যথেষ্ট। সন্ধ্যা বেলা জাহাজ ছাড়ল।

পরদিন সকাল বেলা শ্রামারঙে পৌঁছলুম। সমস্ত দিন জাহাজঘাটায় অপেক্ষা ক'রে আবার রওনা হ'য়ে পরদিন সকালে সুরবায়াতে পৌঁছন গেল। স্থানীয় ভারতবাসীরা এসে গুরুদেবকে অভ্যর্থনা করলেন ও দ্বিপ্রহরে ভোজনের জন্তু নিয়ে গেলেন। আমি আর নামলুম না। সকলে বৈকালে ফিরলেন। আবার জাহাজ ছেড়ে পরদিন সকালে বালি পৌঁছলুম। মাঝ সমুদ্রে জাহাজ থামল, নৌকাতে জিনিষপত্র বোঝাই দিয়ে আমরা তাঁরের দিক চললাম। Dr. Kuperburg এসেছিলেন, তিনি আমাদের সব বন্দোবস্তর ভার নিয়েছেন। লোকটি ভারি সাধা

কর

সিঁদে, কিসে আমাদের সুবিধা ও স্বাচ্ছন্দ্য হবে তাঁর
নেদিকে সব সময়ই দৃষ্টি আছে, তবে ছ'চারটা ইংরাজি
কথা ছাড়া কথা বলতে পারেন না—তাতেই হাঁচড়ে মিচড়ে
তিনিও বোঝান, আমরাও বোঝাই। অপর ভদ্রলোক
Dr. Draws, তিনি একজন কর্মী, খুব কম বয়স, ভারতীয়
সব খবর রাখেন, সংস্কৃতও জানেন।

বালির বন্দর হচ্ছে বুলালাঙ। এটা এখনও ঠিকমত
বন্দর হ'য়ে ওঠেনি, তাই তীরটা স্বাভাবিক অবস্থায় আছে ;
তাকে বড় বড় গোড়াউন ক্রেন ইত্যাদি দিয়ে ছাপ দেয়নি।
প্রথমে Custom Houseএ (একখানি ছোট চালাঘর)
মালপত্র জমা করা গেল। ইতিমধ্যে রাজকুমারী ফতিমা, ইনি
মোটর গাড়ীর মালিক, তাঁর সঙ্গে কথাবার্তা ঠিক ক'রে
তিনখানা গাড়ীতে আমাদের জিনিসপত্র ও আমরা বোঝাই
হলুম। বন্দর থেকে মাইল খানেক দূরে বালির আধুনিক
রাজধানী স্ফুরাজ। সব জায়গায় যেমন আধুনিক কালের
ছাপ পড়েছে, এখানকার বাড়ী ঘর রাস্তা ঘাটে ছোট
আকারে বর্তমান সভ্যতা ছাপ মেরে দিয়েছে। সৌভাগ্য-
বশতঃ এখানে আমাদের থাকতে হবে না তাই বাঁচওয়া,
তা না হ'লে এত কল্পনার পর সব মাটি হ'য়ে যেত।

আমাদের যাত্রা শুরু হ'ল। এ দ্বীপটা পাহাড়ে সোজা
রাস্তা নেই, কখন উঠে কখন নামচে। পাহাড়ের গা
কেটে-থাক থাক শস্যক্ষেত, ঘন সবুজ গাছপালা, অসংখ্য
ঝরণায় দ্বীপটা ভারি মনোরম। গ্রামগুলো রাস্তার দু ধারে,
প্রত্যেক বাড়ীর সামনে একটা ক'রে প্রবেশদ্বার—প্রায়ই
সেটা চোখে পড়বার মত নানা রকম গড়ন ও কারুকার্যে
সুশোভিত, রাস্তা থেকে বাড়ীকে ছোট্ট পাঁচিল দিয়ে
খালাদা করা, বাড়ীগুলি বাঁশের খোলা দিয়ে বা খড় দিয়ে
ছাওয়া। কাঠের খুঁটির উপর বা পাথরের বেদীর উপর এক
একটি ছোট ছোট ঘর, খানিকট প্রাঙ্গণ, আর তার ধারে
ছোট ছোট দেবমন্দির ও মৃতদের আবাসস্থান। সবই
ছোট, চোখটা চারিদিক ঘুরে আসতে পারে; সম্পূর্ণ
দেখতে পায় ব'লে একটা দেখার আনন্দ পাওয়া যায়।

আমাদের গন্তব্যস্থান হচ্ছে বাঙলি ব'লে একটা জায়গায়।
সেখানকার রাজারিক একটা অনুষ্ঠান করছেন, খুব ধুমধাম

হবে। পথে একটি বিশ্রামাগারে আমরা নামলাম, এবং
মুখ হাত পা ধুয়ে সামান্য রকম প্রাতরাশ সেয়ে নিয়ে
আবার রওনা হওয়া গেল। বিশ্রামাগারটি একটি পাহাড়ের
উপর অবস্থিত, নিকটে গ্রাম নেই, চারিদিকে পাহাড়,
সামনেই বালির সব চেয়ে বড় গিরিচূড়া এবং তার নাচে
Crater Lake। তার পাশের একটা ছোট চূড়া থেকে ধোঁয়া
উঠে, আর তার ঢালু গা কাল অন্ধার ও ছাইয়ে ঢাকা ;
গতবৎসর এই ঘটনা হয়। তার গা ঘেঁসে রাস্তা গিয়েছে।
এক বিরাট ধ্বংসের চেহারা চোখে পড়ে।

আমরা এগিয়ে চললুম। পথে মাঝে মাঝে গ্রাম
মন্দির, থাক থাক ধানক্ষেত, নারিকেল ও অপরাপর পরিচিত
গাছের মধ্য দিয়ে ইতিমধ্যেই বালিনীরা কেউবা পসরা মাথায়
কেউ বা কলসী মাথায় চলেছে,—চোখে পড়তে লাগল। পরনে
কাল লুঙ্গির মত একখানা ক'রে কাপড়, বাকি দেহ অনাবৃত,
কিন্তু পোষাকের নূনতা তাদের চেহারায় নেই। পুরুষরা
বাটিকের লুঙ্গি ও মাথায় একটা ক'রে ফেটি বেঁধে চলেছে ;
কোমরে একখানা ক'রে কিরিচ।

বেলা প্রায় ১২টার আমরা বাঙলির কাছাকাছি
হ'তেই দেখি দলে দলে পুরুষ ও মেয়ে নানারকম বিচিত্র অর্থা
মাথায় নিয়ে অনুষ্ঠানস্থলে চলেছে। কাল লুঙ্গির নীচে রঙ্গিন
একখানা ক'রে কাপড় পরা, কেউ কেউ বসন্ত রংয়ের ছোট
ছোট চাদর একখানা ক'রে গায়ে রেখেছে, দেহাবরণের জন্তে
নয়, কারণ ঠিক সেরকম ভাবে এরা আবরণ ব্যবহার করে না।
কোমরে কেউ বা সবুজ কেউ বা লাল রঙের চওড়া ফিতে
দিয়ে কোমরবন্দ পরেছে, মাথায় বড় বড় এলো চুলের
কবরী—যাকে শিথিল বলা যেতে পারে, কারণ অঁট ক'রে
মোটেই এরা কবরী বাঁধে না এবং বিহুনী বা ফিতে কোমর
কিছুর বালাই নেই। গহনার মধ্যে কানে তাল পাতা,
সেটা সোনার মতই দেখায়; অস্ত্র কোনও গহনা পরে না,
বোধ হয় প্রয়োজনও নেই।

ক্রমশঃ আমরা অনুষ্ঠানস্থলে গিয়ে পৌঁছলুম। চারি-
দিকে উঁচু মাচা কাপড় দিয়ে ঢাকা, নানারকম ভাবে
বিচিত্র ক'রে বিবিধ অর্থাসক্তারে সাজান। কোথাও উচ্চ
মাচায় ব'লে পুরোহিতরা রাজবেশের মত বেশ ভূষায় ভূষিত



হ'য়ে মন্ত্র উচ্চারণ করচে, পিঠে একখানা ক'রে কিরিচ তখনও আছে, কোথাও গামালান বাজচে, কোথাও যাত্রা হচ্ছে। এরই মধ্যে শত শত নর নারী বিবিধ অর্ঘ্যসস্তার মাথায় নিয়ে আসচে। প্রথম দৃষ্টিতে মনে হ'ল যেন ছবি দেখচি সেই অজস্তা যুগের; মনে হ'ল এরা ঠিক আমাদের মত মানুষ নয়, যেন একটা স্বপ্নপুরীতে আমরা এসে পড়েছি। বাঙালির রাজা ও বালির গভর্নর গুরুদেবকে অভ্যর্থনা ক'রে মণ্ডপে নিয়ে গেলেন; আমরা যে কোন্ দিকে দেখব কিছু বুঝতে পারলাম না, ব্যস্ত হ'য়ে পড়লাম। সবই নূতন, মানুষ, বেশভূষা, সজ্জিত মণ্ডপাবলী ও তারি মধ্যে চারিদিকে গামালানের সঙ্গীতধ্বনি। রাজা চলেছে যেন অজস্তার রাজা! কারুকার্যখচিত পোষাক, পরিহিত বসনের প্রাস্ত ভূমিতে লুটিয়ে চলেছে, পিছনে পিছনে রাজদণ্ডবাহী ছত্রধারী, তাম্বুলকরকবাহী চলেছে; চারিদিকে লোকজন, ত্রস্ত হ'য়ে রাস্তা ছেড়ে জোড়হাত ক'রে ব'সে পড়েছে।

আমরা ঘণ্টা দুই চারিদিকে ঘুরলাম; কিন্তু সবই এত নূতন যে শেষটা মনে হ'ল কিছুই দেখলাম না। ইতিমধ্যে lunchএর জন্ত ডাক পড়ল। চার পাঁচজন বড় বড় রাজা ও অনেকগুলি অফিসার জড় হয়েছেন, তাড়াতাড়ি যে lunch সারা হবে তার আশা নেই; তারি আপশোষ হ'তে লাগল, কারণ lunchএর পরই গুরুদেবের সঙ্গে কর্ণাসন রাজার বাড়ীতে যেতে হবে প্রায় ৬০ মাইল দূরে। উপায় নেই। কর্ণাসনের রাজা, গুরুদেব ও আমি যাত্রা করলাম, বাকি সকলে পিছনে রইলেন; তাঁরা ঘণ্টা দুই বাদে যাবেন। ছেড়ে যেতে মন চাইছিল না।

মোটর ঘণ্টায় ৪০।৫০ মাইল বেগে ছুটে চলল। পথের চুধারে কত রকমের বিচিত্রতা—বাড়ী ঘর, মন্দির লোকজন, হাট বাজার,—কিন্তু চোখের গতি মোটরের চেয়ে ঢের কম; সেকেন্ডের মধ্যে দেখতে না দেখতে আর একটা নূতন জিনিষ এসে পড়ে। মোটরের উপর ভয়ানক রাগ হচ্ছিল, ইচ্ছে করছিল যদি কল বিগড়ে খানিকক্ষণ অচল হ'য়ে থাকে একটু দেখা যায়। রাজার মোটর সবল সুস্থ, ছুটেই চলল।

কর্ণাসনের রাজা মালয় ভাষা জানেন, কিন্তু আমরা আবার জানি না। নেহাত প্রয়োজনীয় দুচারটা

কথা ছাড়া অল্প পুঁজি নেই, তাও ইসারায় বোঝাতে হয়। সকলে চুপচাপ চলেছি, খানিকক্ষণ বাদে রাজা সংস্কৃত, মন্তুর, নদনদী, মহাভারত, রামায়ণ ইত্যাদি কয়েকটা সংস্কৃত কথা বলতে লাগলেন, কিন্তু উচ্চারণ থেকে কথাগুলো সহজে ধরা যায় না। যাক, কোন রকমে পথের শেষ এল, রাজবাড়ীর সিংহদ্বারে গাড়ী থামল।

প্রথমে একটা আঙ্গিনার চুধারে লোকজন অপেক্ষা করবার জন্ত ঘর; তারপর আবার একটা তোরণ পেরিয়ে আর একটা আঙ্গিনা, তাতে গাছপালা জলাশয়, তার মধ্যে জলটুঙ্গি ঘর। দ্বিতীয় তোরণ পেরতে দেখি শাদা কাপড় দিয়ে সজ্জিত ও কচি নারিকেল পাতা দিয়ে সাজান প্রকাণ্ড চন্দ্রাতপ,—তার শেষের দিকে বেদীর উপরে ব'সে চারজন ব্রাহ্মণ বেশভূষা ক'রে মাথায় বড় বড় কারুকার্যখচিত মুকুট কতকটা টুপির মত প'রে ঘণ্টা বাজিয়ে মন্ত্র আবৃত্তি করছেন; সামনের বেদীতে নানা রকম অর্ঘ্য সাজান রয়েছে। গুরুদেবের কলাণকামনায় ও তাঁর শুভাগমনে দেশের যাত শুভ হয় তার জন্ত ব্রহ্মা বিষ্ণু শিব বুদ্ধকে স্তব করচেন। তারপর স্তব থামতেই জলটুঙ্গির উপরে গামালান বাজতে লাগল,—অনেকটা জলতরঙ্গের মত শুনতে, তবে আরো গম্ভীর নাদ।

এই প্রাক্কণের একধারে অভ্যর্থনাগৃহ; সেইখানে আমাদের থাকার ব্যবস্থা হয়েছে। একটা ঘর গুরুদেবের জন্ত, একটা আমার জন্ত, ও একটা আমাদের সঙ্গে দোভাবী যিনি সঙ্কো নাগাৎ এসে পৌঁছবেন তাঁর জন্ত। এক রকম ক'রে দিন কাটতে লাগল—তবে গুরুদেবের পক্ষে Klystaffel রোজ দুবেলা খাওয়া ও চান ইত্যাদিতে একটু অসুবিধা হ'ত। তাতে হ'ল এই যে উনি বালিতে থাকতে চাইলেন না, জাভাতে ফিরে গিয়ে কলকাতার অভিমুখে রওনা হবার মতলব করলেন।

বালিতে পা দিয়ে প্রথম দিনেই মন ধারাপ হ'য়ে গেল। কি হবে আমরা ত ভেবে অস্থির। রাজা বেচারী সব সময়ে সামনে হাজির, তার আর বিশ্রাম নেই! রাজে খাওয়া দাওয়ার পর নাচের বন্দোবস্ত ছিল, ঘণ্টা দুই নাচ দেখা গেল। ছোট ছোট মেয়ে গামালানের সুর ও তালের সহযোগে মহাভারতের একটা অংশ অভিনয় করতে লাগল। প্রথমে নাকি সুরে

শ্রীসুরেন্দ্রনাথ কর

খানিকটা গান গায়, তারপর সেইটেকে নাচের ভিতর দিয়ে সবটা প্রকাশ করে। গানটা অশ্রাব্য, তবে নাচটা সমস্ত শরীর দিয়ে নাচে, খুব ভাল লেগেছিল।

আমাদের বাকি দলবল, মাইলখানেক দূরে একটা বিশ্রাম ঘাট আছে, সেখানে থাকবে তার ব্যবস্থা হয়েছে। তিনদিন এখানে কাটিয়ে আমরা তামপকশিরিং নামে একটা জায়গায় পাহাড়ের উপর বিশ্রামালয়ে যাব ঠিক হয়েছে। দেখতে দেখতে তিনদিন কেটে গেল। গ্রাম, বাজার, মন্দির ইত্যাদি একটু আধটু ঘুরে দেখে গিয়েছিলাম, বেশী সময় পেতাম না, গুরুদেবের কাছাকাছি থাকতে হ'ত কখন কি প্রয়োজন হয়, তার উপর ভয়ানক মন খারাপ। বেলা ৫টায় তামপকশিরিংএর জন্তু মোটর ছাড়ল, সঙ্গে Dr. Kuperburs ও আমি আছি।

বিশ্রামালয় একেবারে পাহাড়ের উপরে নির্জন জায়গায়, নিকটে গ্রাম নেই, তবে ঠিক নীচে একটা তীর্থ-স্থান আছে সেখানে প্রায় সমস্তদিনই মেয়েরা জল নিতে আসে। আমাদের ওপারে আর একটা পাহাড়, তার গা বেয়ে গ্রামের মেয়েরা জল নিতে আসে যায়, মধ্যে একটা ছোট নদী আছে। বিশ্রামালয়ের সামনে একটা বসবার জায়গা আছে, তারি খাড়া নীচে বরণাগুলো; কাজেই সেখানে বসলে যা দেখবার তা সবই দেখা যায়। এখানে আমরা তিনদিন কাটালাম। গুরুদেব একদিন এক রাত্রে জন্তু গিনয়ারের রাজার অতিথি হবেন, এবারে সুনীতিবাবু সঙ্গে থাকবেন। সব বন্দোবস্ত ক'রে ওঁরা গিনয়ারের জন্তু রওনা হলেন, সঙ্গে দোভাষীও গেলেন, বাকি আমরা চললুম ক্লুং ক্লুং ব'লে একটা জায়গায়। এটা একটু সহরে স্থান। বিশ্রামালয়ে রাত কাটিয়ে, পরদিন lunch খেয়ে গিনয়ারের জন্তু বাহির হওয়া গেল।

পথে উবুদ পড়ে, এইখানেই সেই বড় অমুঠান হবে। তার খানিকটা বন্দোবস্ত দেখলাম, দেখে গিনয়ার পৌঁছলাম। সন্ধ্যা বেলা প্রথমে মুখোস প'রে নাচ ও অভিনয় হ'ল। তারপর dinnerএরপর মেয়েদের নাচ। মুখোসগুলো এক একটা চরিত্র ধ'রে করেছে, লোকগুলোও ঠিক তার ভাব জায় রেখে চলাফেরা ভাব ভঙ্গি করে, কোনও রূপ বমানান দেখায় না, তবে বেশিকণ ভালও লাগে না।

বালিনীরা হাশুকোটুকপ্রিয়, এই রকম অভিনয়ে খুব আনন্দ পায়।

রাত্রে আহারের পর মেয়েদের এক রকম নাচ হ'ল। দুজন মেয়ে সাজ সজ্জা ক'রে গামালানের সঙ্গে কেবল নাচলে, গান নেই; শরীরটা এমন নমনীয় যে, প্রতি নড়াচড়াতে সমস্ত অঙ্গ সাড়া দেয়। ভারি চমৎকার লাগল। রাত অনেক হ'ল, ফিরতে হবে,—কাজেই নাচ শেষ ক'রে দিলে,—আমরাও ফিরলাম।



পরদিন সকলে মিলে Denpasar ব'লে বালির দক্ষিণে একটা সহরে যাওয়া গেল। প্যাক করা বোঝাই দেওয়া একটা বিষম কাণ্ড, উপায় নেই। আমাদের থাকার সব ঠিক হয়েছিল Assistant Controllerএর বাড়ীতে, সেটা খালি ছিল। হোটেল থেকে খাওয়া দাওয়া আসত। বালির মধ্যে এই খানেই একটি হোটেল আছে, কিন্তু এই উৎসব উপলক্ষ্যে ভয়ানক ভিড় হয়েছে, আট জন থাকার জায়গায় চল্লিশ জন এসেছেন। আস্তাবল, গুদাম, চাকরদের ঘর সব ব্যবহার ক'রেও কুলতে পারছে না। তবে সৌভাগ্যক্রমে আমাদের বেশ আরামেই কেটেছিল। এ ছাড়া অন্য সব বিশ্রামাগারও ভর্তি। মোটর ক'রে উবুদ, যেখানে উৎসব হচ্ছে, যাতায়াত করতে হ'ত। সেখানে যেতে আমাদের প্রায় এক ঘণ্টা লাগত।

উবুদে উৎসব তিন দিন। আমরা রোজই যেতাম। দুপুরে উবুদের রাজার বাড়ি lunch খাওয়ার বন্দোবস্ত ছিল। গুরুদেব কেবল দুদিন গিয়েছিলেন। রাজবাড়ীতে বড় বড় মঞ্চ করেছে, নানারকম ক'রে কাপড় দিয়ে সাজিয়েছে, কোন মঞ্চে পণ্ডিতরা মন্ত্র পড়েন, কোথাও রামায়ণ পাঠ হচ্ছে, কোথাও পূজা হচ্ছে, কোথাও বাজনা বাজছে, কোথাও নৈবেদ্য সাজিয়ে রাখছে। এই রকম বিরাট ব্যাপার। অসংখ্য লোকজন ঢুকচে বেরুচ্ছে, তাদের বেশভূষা, এমন কি বসনবিরলতা, সবই ভাল। সকলেরই সুন্দর সুপুষ্টি শরীর।

একটা মঞ্চের মধ্যে মৃতদের ও তাদের উৎসর্গ করবার জিনিস সাজিয়ে রেখেছে। বৈকালে মিছিল বেরুল।



প্রাঙ্গণের মধ্যে এই মিছিলের যাতায়াতের জন্ত রাস্তা থেকে একটা বাশের মঞ্চ-সিঁড়ি করেছে যাতে রাস্তা থেকে সিঁড়ির উপর দিয়ে একেবারে উৎসব স্থানে আসতে পারা যায়। বাহিরের প্রাঙ্গণ ও রাস্তা ঘাট লোকে লোকারণ্য। প্রথম চলল পুরুষেরা চামর নিয়ে, বল্লম নিয়ে, ছাতা নিয়ে। এই রকমে প্রায় শ তিন চার লোক ছ লাইন ক'রে গেল। তারপর সজ্জাদ্রব্য গন্ধ পুষ্প ইত্যাদি নিয়ে প্রায় শ দুই মেয়ে চলল। সকলেই সুন্দরভাবে সজ্জিত, মাথায় একটা ক'রে আধার আছে, তার উপর জিনিসগুলো নানা রকম ক'রে রাখা। তারপর নৈবেদ্য নিয়ে প্রায় পাঁচশত মেয়ে ধীরে ধীরে জলস্রোতের মত চলল। সব শেষে রাজ-অন্তঃপুরের প্রায় জন পঞ্চাশ লোক বিবিধ সামগ্রী ঐ রকম আধারের উপর নিয়ে গেল। তাদের পোষাক-- ভিতরে রঙ্গিন বাটিক কাপড়, উপরে কাল কাপড় বুকের উপর থেকে পরা, তার উপরে খালি, উপরের অংশটা একপানা ক'রে হলদে কাপড়ে আচ্ছাদিত, কোমরে সবুজ, লাল নানা রংএর কোমরবন্ধ। মাথায় বড় বড় এলো খোঁপা, কানে তালপাতার গহনা, কাহারও বা হাতে এক গাছি সোনার চুড়ি। ধীরে ধীরে গমনে চলছে। অল্প মেয়েরা, কেহ বা বুকে কাপড় দিয়েছে, কাহারও বা খোলা। উৎসবের জন্তেই যে বিশেষ ক'রে সেজেচে তা নয়, তবে এত লোকের ভিতরের কাপড় বিভিন্ন রংএর হ'লেও কেবল বাহিরের কাপড়ের কাল রং সমগ্র জনতাকে একত্র দিয়েছে। আগে ও পাছে গামালন বাজনার দল। এই মিছিল,—সিঁড়ি বেয়ে ওঠা-নামা ও মন্ডর গতিতে আগিয়ে চলা, মাইল খানেক লম্বা এক সারে শোভাযাত্রা, তার পর বড় বড় প্রায় একশ ফুট উঁচু, বাশেররথের মত নানা রকম মঞ্চ, তার মধ্যে মৃতেরা আছে,—পুরুষেরা ব'য়ে নিয়ে চলল। তারপর নাগ, বৃষ, নানা রকম ভূত প্রেত। মিছিল আর ফুরোয় না। বৃষ গুলো কাঠের, বিচিত্র ক'রে সাজান। তাদের বড় বড় পেটের মধ্যে মৃতদের পুরে পোড়ান হবে। সব



চলল সংকারস্থানে রাজপুরী থেকে এক মাইল দূরে। সেখানে নানারকম মঞ্চ তৈয়ারি হয়েছে, মৃতদের তার উপর রেখে পোড়ান হবে। বড় বড় মঞ্চগুলোয় মৃতদের উঠাতে নামাতে প্রকাণ্ড সিঁড়ি লাগে।

তারপর পোড়ানর পালা।

এদের সামাজিক জীবনে অল্প কোনও খরচ নেই, মৃতের সংকারই একমাত্র খরচ, সেইজন্তে সব টাকা কড়ি সংকারে লাগায়। আমার খুব ভাল লেগেছিল মিছিল। নানাবিধ জিনিস নিয়ে মেয়েরা লাইন বেঁধে চলেছে, বিচিত্র তাদের গড়ন, বিচিত্রতর তাদের পোষাক—সমস্ত জিনিসটার সমগ্র একীভূত মূর্তি সত্যিই চক্ষু আর মন উভয়কেই মুগ্ধ করে।

যাক, এরই জন্ত একদিন কেটে গেল, আমাদেরও বালির পালা শেষ হল। এই গুরুদেব, সুনীতিবাবু ও আমি মন্দুক ব'লে পাহাড়ের উপরে একটা বিশ্রামালয় আছে সেখানে যাব। Baker আর একটা বিশ্রামালয়ে যাবে। তারপর ৭ই কিম্বা ৮ই স্বপ্তরাজা যাওয়া হবে; সেখান থেকে জাহাজ নিয়ে ৯ই সুরবায়ায়, তারপর দিন পনেরো জাভায় ঘোরার পর ২৪শো ২৫শে নাগাৎ দেশের দিকে রওনা হওয়া যাবে। এই রকম ঠিক আছে, তবে বদলাতে এক মিনিটও লাগে না।

মন্দুকে আমরা এসেছি। বিশ্রামালয়টি মন্দ নয়, পাহাড়ের উপরে। সামনে পিছনে পাহাড়, তার গায়ে ছোট ছোট গ্রাম, থাক থাক ক্ষেত, একটি সদর রাস্তা ঠিক বিশ্রামালয়ের সামনে দিয়ে এঁকে বেকে চ'লে গেছে, সেই পথ দিয়ে গ্রামের মেয়েরা অনাবৃত দেহে স্বচ্ছন্দ চিত্তে যাতায়াত করছে, চারি পাশের দৃশ্যাবলীর সঙ্গে তারা বেশ মিলে মিশে আছে, এটা অদ্ভুত ব'লে মোটেই মনে হয় না, বরঞ্চ এইটাই স্বাভাবিক ব'লে ভারি সুসঙ্গত মনে হচ্ছে। সামনের পথের পাশ দিয়ে ঝরণার জলের ধারা ব'য়ে চলেছে, তাতে পুরুষ মেয়ে একত্রে নির্ঝিকারচিত্তে স্নান করচে। হাটের পথে সকাল থেকে মেয়েরা পসরা নিয়ে চলেছে। এখানে হাট বাজার কেনা বেচা সবই মেয়েরা করে।

শ্রীমুরেজনাথ কর

গ্রামে গ্রামে সাধারণের বসবার জন্ত দু'তিনটি ক'রে ছোট ছোট ঘর রাস্তার ধারে থাকে ; তাতে পুরুষরা জটলা পাকায় গল্প গুজব করে। তা ছাড়া প্রত্যেক গ্রামে একটা ক'রে ঘণ্টাঘর আছে। ঘণ্টাগুলো বড় বড় কাঠের, কোন আপদ বিপদ হ'লে ঘণ্টা বাজে। তা ছাড়া তথায় প্রত্যহ পুরুষেরা একত্র হ'য়ে পানাদি করে, তাদের একত্র করবার জন্তও এই ঘণ্টা বাজে। মেয়েরা সাংসারিক সব রকম কাজই করে, তা ছাড়া চাষবাসেতে সাহায্য করে। পুরুষেরা প্রধানত জমি তৈয়ারী, ফসলবপন, জঙ্গল থেকে কাঠ সংগ্রহ করা, ও বাড়ীঘর তৈয়ারি ইত্যাদি করে। কিন্তু অনেক স্থানে দেখেছি যে, এই সব ব্যাপারেও মেয়েরা সাহায্য করছে।

দেশটা মেয়ে-প্রধান। পুরুষকে গ্রহণ করা ইত্যাদি ব্যাপার মেয়ের মতামতের উপর সম্পূর্ণ নির্ভর করে। বিয়ে ব্যাপারটা পরম্পরের পছন্দের উপর হয়। তাতে যদি পিতামাতার অমত থাকে পাণিয়ে গিয়ে বিয়ে করে। আবার অবনিবনা হ'লে ছেড়েও দিতে পারে। কুমারী মেয়েরা কবরীর এক গোছা চুল ছেড়ে রেখে দেয়। তাই কুমারী ও বিবাহিতা চিনতে পারা যায়। পুরুষ ও মেয়ে সকলেই খুব পান খায়, তা ছাড়া দোক্তার মত খানকটা তামাকপাতা খুব কুচি কুচি ক'রে কাটা সব সময়ে মুখে রাখে, তার জন্ত পিক ফেলে সর্বত্র চিকিত্ত ক'রে ফেলেছে। বাজারে তৈয়ারি অন্ন এবং অন্যান্য খাদ্য সবই পাওয়া যায়, অনেকে তাই কিনে খায়; শূকর মাংসের খুব বেশী চলন; এদের খাওয়ায় কোনও বাচ-বিচার নেই, শূকর মুরগী সকলেই খায়।

ভোজ টোজ ব্যাপারে গ্রামের সকলে খাওয়ায় প্রস্তুত করতে সাহায্য করে। গরুর দুধ এরা ব্যবহার করে না; গাভী বলদ কেবল চাষের জন্ত রাখে। গরুগুলো দেখতে অনেকটা হরিণের মত, গলকঙ্ঘল, বা ককুদ নেই, রং সবই লাল; বেশ সুস্থ সবল। গ্রামে প্রায় একখানা ক'রে ঠেলা-গাভী আছে, তাতে ভারি মালপত্র চাপিয়ে লোকজনে ঠেলে নিয়ে যায়, বা বাশে ঝুলিয়ে নিয়ে যায়; অথবা কোনও বাশন নেই। কোথাও কোথাও দুই একটা ছোট ছোট

ঘোড়া দেখতে পাওয়া যায়, তার পিঠে ধান ইত্যাদি বোঝাই ক'রে নিয়ে যাচ্ছে। বাসন কোসন হয় কাঠের, নয় বাশের, কেবল মাত্র জলের জন্ত মাটির ঘড়া ব্যবহার করে। পূজার জন্ত জল কিন্তু বাশের চোঙ্গে পুরে নিয়ে যায়; মাটি শুদ্ধ নয়।

ভাতই এখানকার প্রধান খাদ্য; যথেষ্ট পরিমাণে ধান এখানে উৎপন্ন হয়। বারমাস এখানে চাষ চলে, জলের অভাব নেই। জলসেচনের ব্যবস্থা খুব চমৎকার, খুব উঁচু জমিতেও অনায়াসে জল সেচন করতে পারে। ধান, তামাক, আখ প্রধান ফসল। এ ছাড়া তরিতরকারিও নানারকম হয়। পেঁপে, আম, নারিকেল, কাঁটাল, জামরুল, ম্যাঙ্গোস্টিন ও কলা প্রচুর পরিমাণে অবাচিতভাবে সর্বত্র ফ'লে আছে। খাবার অভাব এ দেশে নেই।

গরীব বড়লোকে কাপড় চোপড়ে আহার ইত্যাদিতে বিশেষ ভেদ নেই। কাপড় ছিঁড়ে গেলে সেলাই করেনা, নূতন কাপড় পরে। আবহাওয়াও খুব ভাল। অসুস্থ বা বিকল-অঙ্গ লোক চোখে পড়ে না; দুই এক জনকে দেখেছি কেবল গলগণ্ড আছে। সাধারণত চীনে-মুদ্রার (দাড়িতে গাঁথা) চলন, ডাচ মুদ্রারও চলন আছে। পুরুষরা সকলেই একখানা ক'রে কিরিচ পিঠে বেঁধে রাখে আর সেগুলো নানা রকম কারুকার্যে খচিত দেখতে পাওয়া যায়। চীন থেকে প্রস্তুত একরকম মত্ত এরা ব্যবহার করে। ভুট্টার খোসায় তামাকপাতা জড়িয়ে একরকম চুরট ক'রে খায়। নানা রকম ফুল সর্বত্রই দেখতে পাওয়া যায়। পুরুষেরা প্রায় কানে ফুল গুঁজে রাখে, মেয়েরা কখন কখন খোঁপায় ফুল দেয়।

এখানে মন্দিরগুলো ঠিক আমাদের দেশের মত নয়, চারিদিকে প্রাচীর দিয়ে ঘেরা একটা জায়গা—তোরণ ও প্রাচীরে খুব কারুকার্য থাকে, অনেক স্থানে কাঁচা ইটের তৈয়ারি। ভিতরে দুই তিনটি প্রাঙ্গণ, সে গুলোরও প্রাচীর ও প্রবেশদ্বারগুলো কারুকার্য করা। প্রত্যেক প্রবেশ-দ্বারের দুপাশে নানা রকম দ্বারপাল থাকে, প্রায়ই ভয়বহ মূর্তি। ভিতরে ছোট ছোট চালাঘর পাথরের বা কাঠের উচ্চ মঞ্চের উপর তৈয়ারি করা। তার ভিতর



কিন্তু দেবতা থাকেন না ; শুধু নৈবেদ্য ও ফুল এবং জল দিয়ে সেই বেদীতে পূজা করে ; কখন কখন বা বাড়ী থেকে দেবতার বিগ্রহ এনে পূজা করে, আবার বাড়ী ফিরিয়ে নিয়ে যায়। ব্রাহ্মণ পৌরহিত্যের কাজ করেন, পূজার সময় মেয়েরা হাঁটু গেড়ে বসে। মন্দির প্রদক্ষিণও আছে, দেবতার মাথায় ছাতা ধরাও আছে। নারিকেল পাতার নানারকম বিচিত্র ছোট ছোট পাত্র তৈয়ারি ক'রে তাতে নৈবেদ্য সাজায়।

পুরুষেরা একখানা ছোট বাটিকের কাপড় দিয়ে মাথায় ফেটি বেধে রাখে, মেয়েরা পূজার সময় বুকে একখানা ক'রে কাপড় জড়ায়। স্নানের সময় প্রায় উভয়েরই কোন রকম আবরণ থাকে না।

বালিতে আমরা এসেছিলাম ২৬শে আগষ্ট, আজ ৮ই সেপ্টেম্বর, আজ ছেড়ে যাব। এই কটা দিনের মধ্যে মোটামুটি যা দেখার একরকম দেখা হয়েছে।

যাভায় কি হয় সবই অনিশ্চিত, গুরুদেব মাঝে মাঝে সব সঙ্কল্প ভেঙে দেন ; তবে ভরসা আছে কিছু দেখা হবেই। এখানে হল চোদ্দ দিন, চিঠি লিখলাম চোদ্দ পাতা, লিখতে লিখতে হাত ব্যথা করছে, অভ্যাস নেই তার উপর ভাষা জোগায় না, আবার বানান চোখ রাঙ্গায়। এত উপদ্রবও মানুষ সৃষ্টি করেছে !

এই পত্রখানি শ্রীযুক্ত রথীন্দ্রনাথ ঠাকুর মহাশয়কে লিপিত

এই যে ছুঁয়েছি আজি

প্রাচীন আসামী হইতে অনুবাদ

শ্রীপ্রমথনাথ বিশী

এই যে ছুঁয়েছি আজি তোমার অঙ্গুলি,
গীতি-স্কন্ধ বক্ষ তব হে স্তুতি-চঞ্চলা,
দীপশিখাসম কল্প নাড়ীতে আকুলি
বিরহ-মিলন-বার্তা করে ফেরা-চলা।

এই যে কপোলে তব প্রভাতেরো আগে
উষার আভাস কাঁপে—পূর্বরাগসম,
রহস্য-গভীর তব কুস্তলের রাগে
অন্ধকার মূরছায়—এই কিবা কম !

জানি জানি গ্রহ সূর্য্য কিসের পিঙ্গাসে
পুঞ্জনৌহারিকা হ'তে সূত্র তুলি তুলি
আলোকবসন বোনে ; জানি জানি সখি,
চিহ্নহীন কোন্ পথে বর্ষে বর্ষে আসে
শিশিরকুণ্ঠিত শাখে ব্রাহ্ম ফুলগুলি
ঠাণ্ড সৌরভ যার দেয় রে চমকি !

তথৈব

—গল্প—

—শ্রীবুদ্ধদেব বসু

ট্যাক্সিটা মোড় ফেরার সঙ্গে সঙ্গে বাঁ দিকে ঝুঁকে পড়ে' তারপর ঠিক হ'য়ে বসে' নিয়ে পরিতোষ বলে' উঠলো, "সুতরাং?"

গায়ের তসরের পাঞ্জাবির ওপর একটু যে সিগ্রেটের ছাঁই পড়েছিলো, বাঁ হাতের দু'টি আঙুল দিয়ে তাই ঝাড়তে ঝাড়তে শ্রীহর্ষ জবাব দিলে, "সুতরাং কাল কলকাতা ছাড়ছি। এটা হচ্ছে সেই মাস, শিশুপাঠা বইতে যা'কে বলে' থাকে শরৎকাল। দেখতে পাচ্ছি, কলকাতার আকাশই ম্যাপের মহাসমুদ্রের মত নীল হ'য়ে উঠেছে— কাজেই রাঁচির আকাশ আদ্দিনে ধারালো ইম্পাতের মত কক্ কক্ করতে শুরু করেছে। তা ছাড়া, সেখানে আছে ইলা, যা'র চোখ দু'টি সেই আকাশেরই মত— কিম্ব তা'র চেয়েও—"

"তা ইলা তো আর দু'দিনেই মিলিয়ে যাচ্ছে না! বরং রাঁচির আকাশের রঙটা ইলার চোখের আরেকটু কাছাকাছি আসুক, ইঁদারার জল আরো ঠাণ্ডা হোক—"

"সঙ্গে-সঙ্গে ইলার হৃদয়টিও ঠাণ্ডা হ'য়ে যাক আর কি! না হে—কাল আমি যাবোই। ইলা লিখেছে— যাক, কি লিখেছে তা আর না-ই শুনলে। আজকেই যেতাম, কিন্তু নাট্য-মন্দিরে কি-একটা নতুন প্লে হচ্ছে, খুব নাকি চলেছে শুনলাম। কি না বইটার নাম?"

"'ষোড়শী'?"

"হ্যাঁ, 'ষোড়শী'ই বটে। শরৎ চাটুযো লেখেন তিনি। তা, ওটা দেখে যেতে হ'বে। কখন আরম্ভ? তোমার সঙ্গে যে যাচ্ছি, ওদিকে দেরি হ'য়ে যা'বে না তো?"

"কিসের দেরি হ'বে? আজকে বৈশ্যপতিবার—সাদে আটটার আরম্ভ, এখন তো ছ'টাও বাজেনি। এই ডান্ তরুণ।"

"এলাম নাকি?"

"প্রায়। ও, একটা কথা বলতে তোমায় ভুলে' গেছি। আজকে সকালে আমার দাদা-বৌদি এসেছেন। তাঁরা থাকেন মুম্বের—বহুদিন পর এবার দেশে এলেন। দাদা করেন ইস্কুলমাষ্টারি—বার-বার যাওয়া-আসার খরচ পোষাতে পারেন না। বৌদি মানুষটি বেশ।"

"বটে?" শ্রীহর্ষ একটা হাসিকে ঠোঁটের মাঝ-পথে এনেই ছেড়ে দিলে।

তারপর ট্যাক্সিওলার হাত থেকে খুচরো নিতে-নিতে বললে, "চলো দেখে আসা যাক।"

হরিশ মুখার্জির রোড-এর ওপর ছোট একটা দোতলা বাড়ি। বাইরের বসবার ঘরটি এমন ভাবে সাজানো, যা'তে অধিবাসীদের চট করে' বড়লোক বলে' ভুল হ'তে পারে, কিন্তু আসলে সে সাজসজ্জা ভেতরকার দারিদ্র্যের লজ্জা ঢাকবার একটা কৌশলমাত্র। ঘরটির মেঝেয় সতরঞ্চি পাতা, মাঝখানে একটি ফর্সা কাপড়ে-ঢাকা বেতের গোল টেবিল, তা'র ওপর রঙীন চীনেমাটির ফুলদানিতে এক গুচ্ছ রজনীগন্ধা। চারদিকে গদি-আঁটা বেতের চেয়ার, দু'একখানি সোফাও আছে। দেয়ালে গৃহস্থামীর দু'চারজন পূর্বপুরুষের এন্লাজর্ড ফোটোগ্রাফ, একখানা মোনা লিসা ও একটি landscape ছবি। জান্না-গুলি সব বন্ধ ছিলো; পরিতোষ সেগুলো খুলে' দিতে-দিতে বললে, "বাড়িতে কেউ নেই বলে' মনে হচ্ছে। তুমি একটু বোসো, হর্ষ—আমি দেখে আসছি। যদি সবাই বেরিয়ে গিয়ে থাকে, তা'লেই হয়েছে। তোমাকে খেতে বললাম—"

আপন মনে বিড়বিড় করতে করতে পরিতোষ লাল বনাতের পর্দা সরিয়ে বাড়ির ভেতরে ঢুকলো। যেন সে



জীবনের ভার আর বহিতে পারছে না, এইভাবে ঈষৎ কাঁধ নেড়ে, একটা দীর্ঘশ্বাস ফেলতে গিয়েও না ফেলে, শ্রীহর্ষ একটি চেয়ারে বসে' পড়লো।

পাশের বাড়ির চিল-ছাত ডিঙিয়ে, মাঝখানকার পাঁচিলটা টপকে, পশ্চিমের জান্না বেয়ে একরাশ সোনার গুঁড়োর মত খানিকটা সূর্যাস্তের আলো তখন সেই ঘরে লুটিয়ে পড়েছে। সে আলো যেন হাত দিয়ে ছোঁয়া যায়, হাতের মুঠোয় ভরে' ধরে' রাখা যায়, হাত তুলে' নিয়ে মুখেও মাখা যায়। শাদা রজনীগন্ধার গুচ্ছ অনেকগুলো দীপশিখার মত জ্বলে' উঠলো, মোনা লিসার ছবির কাঁচে আগুন ধরে' গেছে, শ্রীহর্ষের ফেনার মত শাদা চাদরের যে-অংশ মেঝেয় লুটোচ্ছে, সেটুকুতে কে যেন এইমাত্র আবার ঢেলে দিয়ে গেলো। প্রকৃতির শোভা-টোভা শ্রীহর্ষের মনকে কোনোদিনই বিশেষ টানতে পারে নি;—কিন্তু আজ যেন তা'র কি হয়েছে—সে চুপ করে' সেই লাল রজনীগন্ধার দিকে তাকিয়ে প্রায় আবিষ্টের মতই বসে' রইলো।

আসলে পাঁচ মিনিট মাত্র গেছে; কিন্তু শ্রীহর্ষের মনে হ'তে লাগলো সে অন্তত আড়াই ঘণ্টা ধরে' ঐ চেয়ারে বসে' আছে। সন্কার আলোও নিবে' আনছে—অন্ধকার হ'য়ে এলো বলে'—পরিতোষ হতভাগাটা এতক্ষণ ধরে' করছে কি?

বিরক্ত হ'য়ে শ্রীহর্ষ উঠে' দাঁড়িয়ে আলোটা জ্বালবার জন্তু স্নইচ্ছ-এর ওপর হাত রাখলো। কিন্তু কয়েক সেকেন্ড-এর জন্তু স্নইচ্ছটা টেপবার মত শক্তিও তা'র দেহে ছিলো না।

অতসীর পেছনে লাল বনাতের পর্দা, মুখে, গলায়, হাতে টাটকা রক্তের মত গাঢ় লাল আলোর ছিটে, কপালের সিঁদূর টকটকে লাল, শাড়ির পাড় আরো উজ্জ্বল লাল। সারা বর সোনার ধূলিতে ধূলিময়, অতসীর চোখ দু'টি স্বপ্নের মত, চার বছর আগেকার মত।

অতসী ঘরে ঢুকে'ই ভয়ানক চমকে উঠে' একটুকুণ চুপ করে' দাঁড়িয়ে রইলো; তারপর টেবিলটির দিকে এগিয়ে এলো।

টক করে' শব্দ হ'ল, উগ্র হলুদে আলোর বর-ভেসে গেলো, মোহ গেলো কেটে।

পরিতোষ বলতে লাগলো, “ইনি শ্রীমতী অতসী মিত্র, আমার বৌ-দি, আর ইনি আমার বন্ধু শ্রীযুক্ত শ্রীহর্ষ সন্কার বি-এ (অক্সন্), ডি-লিট (লণ্ডন্)।”

শ্রীহর্ষ শেষ পর্যন্ত শুনে' আন্তে-আন্তে দু'টি হাত একত্রিত করে' অর্দ্ধোচ্চারণ করলে, “নমস্কার।” তারপর অতসী প্রতিশ্রুতি মস্কার করলে কিনা, তা না দেখবার ভাণ করে' বললে, “ওহে পরিতোষ, আমার দেরি হ'য়ে যা'বে না তো? I say—আমি বরং এখনি চলে' যাই।”

পরিতোষ বললে, “সে কি কথা? না খেয়ে কি করে' যাবে? মা, দেখলাম, তোমার জন্তু কত-সব আয়োজন করছেন।”

শ্রীহর্ষ তখন চেয়ার ছেড়ে উঠে' দাঁড়িয়েছে। যে-জান্নাটি দিয়ে একটু আগে সোনার গুঁড়োর মত আলো আসছিলো, সেই জান্না দিয়ে বাইরে মাথা গলিয়ে দিয়ে বললে, “আজকের দিনটা হঠাৎ ভারি গরম পড়েছে—না? চলো না পরিতোষ, বাইরে থেকে একটু ঘুরে' আসি। মার্কেট এ যাবে? না:—আইস্-ক্রীমগুলো আর তেমন খামা নেই।”

অতসী ফুলদানি থেকে রজনীগন্ধার গুচ্ছটি একবার তুলে' আবার ঠিক করে' বসাতে বসাতে প্রত্যেকটি কথা স্পষ্ট উচ্চারণ করে' বললে, “আপনি কি ‘ষোড়শী’ দেখতে যা'বেন, শ্রীহর্ষ বাবু? চলো না ঠাকুরপো, আমরাও যাই।”

শ্রীহর্ষ জান্না থেকে সরে' এসে টেবিলের উণ্টো দিকে অতসীর একেবারে মুখোমুখী দাঁড়ালো। তারপর অতসীর চোখের ওপর চোখ রেখে—যে-শুকনো, নীরম গলায় বিলেতে থাকতে সে লাগলেইডিকে থ্যাঙ্কু বলতো—সেই ঘরে বললে, “আপনি যাবেন? তা বেশ, চলুন না—আমার একটা পুরো বক্সই আছে”—তারপর পরিতোষের দিকে তাকিয়ে, “ডক্টর চ্যাটার্জির বাড়ির মেয়েদের আসবার কথা ছিলো কিনা—তা ওঁদের আজ হঠাৎ প্রফেসর্ পুচ্চিনির বাড়িতে নেমস্কার হ'য়ে গেলো। পুচ্চিনির নাম শোনো নি? মস্ত বড় orientalist—৭২রিকে একবার আমার সঙ্গে দেখা হয়েছিলো। চমৎকার লোক—সারাটা জীবন কাজের ঘানিতে ঘুরলেন, কিন্তু মনে যদি একটু ঘুণ ধরেছে! তাঁর দু'হাতের আঙুলে যে ক'টা কড়া আছে, ওঁর

শ্রীবুদ্ধদেব বসু

ততটা ভাষা জানেন—মায় তামিল-তিব্বতী। আর অদ্ভুত অধাবসায়! ছেলেবেলায় মিলান্-এর রাস্তায় খবরের কাগজ ফিরি করে' বেড়াতেন, তারপর আল্প্‌স্ ডিঙিয়ে জেনেভায়—কিন্তু সে যাক্ !...আপনি যাচ্ছেন তা'লে? শিশির বাবুকে কখনো দেখেন নি বুঝি? হ্যাঁ, দেখবার মত বটে—বাঙলা দেশের পক্ষে আশ্চর্য্যাই। তবে এ-দেশের stage এখনো যন্দুর crude হ'তে হয়—এখনো সীন্টাণ্ডায়—হাসিই পায় দেখলে। তা আপনার—ওহে, পরিতোষ, তোমার দাদার সঙ্গে তো পরিচয় হ'ল না!”

ইতিমধ্যে অতসী একটি সোফায় গিয়ে বসেছিলো; সেই জবাব দিলে, “উনি বায়োস্কোপ্ দেখতে গেছেন—এম্প্রেস্-এ—”

পরিতোষ ভুরু কুঁচকে বলে' উঠলো, “এম্প্রেস্-এ? ‘জয়দেব’ দেখতে? নাঃ, দাদা একেবারে গৌঁজে গেছেন দেখছি! তোমাকে নিয়ে গেলেন না যে বোদি?”

মুখ ঘা'তে লাল হ'য়ে না ওঠে, সেই চেষ্টা করতে করতে অতসী বললে, “আমি যাই নি। মাণিকের একটু জ্বর হয়েছে কিনা”—চোরাবালিতে ডুবতে-ডুবতে হঠাৎ যেন অতসীর পায়ের নীচে পাথর ঠেকলো—“এই তো সারাদিন পর এখন একটু বুমিয়েছে, জেগে উঠলেই আমাকে খুঁজবে।—আপনি বুঝি বায়োস্কোপ-টায়োস্কোপ বিশেষ গাথেন না, শ্রীহর্ষ বাবু?”

“খুব কম। সিনেমা জিনিসটাই আমার কাছে কেমন জোলো-জোলো ঠেকে, তবে কয়েকটা ফিল্ম্ দেখেছি বটে খুব ভালো। সেবার নোয়েল্ কোয়ার্ডের পাল্লায় পড়ে—সেই যে হে, যা'র কথা তোমায় বলছিলাম, পরিতোষ—ছোকরা নাটক লিখে' এরি মধ্যে দিবিয়া নাম করে' ফেলেছে—হ্যাঁ, নোয়েল্ কোয়ার্ডের পাল্লায় পড়ে' একটা ছবি দেখতে যাই—নাম, 'Grass'। সে এক আশ্চর্য্য জিনিষ! পৃথিবী তৈরী হওয়া থেকে আরম্ভ করে' আজ পর্য্যন্ত মানুষের—না, প্রাণী জাতির ইতিহাস! এ-দেশে এখনো আসে নি ওটা, না?...না হে, সাতটা বাজতে চলেছে”--

“ভয় নেই তোমার, রান্না এই হ'ল ব'লে। কি বোদি, তা'লে তোমার থিয়েটার যাওয়ার কথাটা সব ভূয়ো?”

“না—ভাবছিলাম, মা যদি একটু ওর কাছে বসেন—থাক্ গে, আজ না-ই বা গেলাম—” অতসীর আবার বোধ হ'ল, তা'র গলার প্রতি শিরাটি বেয়ে সমস্ত রক্ত যেন স্ফুড়স্ফুড় করে' মুখে উঠে' আসছে। হাত দিয়ে একবার মুখ মুছে নিয়ে বললে, “যাও না ঠাকুর পো, একবার দেখে এসো রান্নার কন্দূর। মিছিমিছি এ'কে আটকে রেখে লাভ কি?—আমরা কেউ যাচ্ছি না যখন।”

“কেন, চলুন না। পরিতোষ না হয়—মাণিকে না হয় পরিতোষ রাখবে!”

যে-ভুক্তোঁধা অর্থে-ভরা দেখা-যায়-কি না-যায় হাসি এক মেয়েরাই হাসতে পারে, সেই হাসি হেসে, চোখ কপালে টেনে, বা হাতের কড়ে' আঙুল দিয়ে শূত্রে টোকা মেরে অতসী বললে, “ওঃ! পরিতোষ! রাখবে! তা'লেই হয়েছে!”

পরিতোষ আর শ্রীহর্ষে চট্ করে চোখের বেতার হ'য়ে গেলো।

পরিতোষ উঠতে উঠতে বলে গেলো, “চা, হর্ষ? আপত্তি নেই? বোদি? না? ইস্—কোন্সার যা গন্ধ বেরিয়েছে! অ্যাপিটাইট্, হর্ষ?”

পরিতোষ যে মুহূর্ত্তে ঘর ছেড়ে গেলো, সে মুহূর্ত্তে অতসী সোফা থেকে উঠে পড়লো, এবং সঙ্গে সঙ্গে শ্রীহর্ষ পেছন দিকে হাঁটতে হাঁটতে একেবারে জানলার কাছে গিয়ে শাসির কাঁচের ওপর মাথা হেলান্ দিয়ে দাঁড়ালো। শ্রীহর্ষের চাদরের প্রান্তভাগ স্পর্শ না করে' তা'র যতটা কাছে দাঁড়ানো সম্ভব, অতসী তা'র ততটা কাছে গিয়ে দাঁড়ালো, এবং গলা দিয়ে স্বরস্করণ না করে' যতটা জোরে কথা বলা সম্ভব, ততটা জোরে বলে' উঠলো, “শীগ্গির! কবে দেশে ফিরলে?”

কঙ্কাল কথা কহিতে পারলে যে স্বরে কথা বলতো, সেই স্বরে শ্রীহর্ষ জবাব দিলে, “জুন মাসে।”

“কি করছ?”

“আপাতত আলসেমি।”

“এখানে আছ কোথায়?”

আপ্রাণ চেষ্টাসত্ত্বেও শ্রীহর্ষ সত্যি কথা না বলে' পারলে না—“বকুলবাগান।”



“ও, তোমার মামার বাড়িতে?”

“হ্যাঁ।”

“রেবা—রেবা কি এখন এখানে?”

“আমি বিলেত যাওয়ার আগেই রেবার বিয়ে হয়। বছর খানেক পর খবর এলো সে ছেলে হ’তে মারা গেছে।”

“সত্যি?” অতসী প্রায় চোঁচিয়ে উঠেছিলো। তাড়াতাড়ি নিজকে সামলে নিয়ে বললে, “তা তুমি—তুমি এখানেই আছ?”

শ্রীহর্ষ বাইরের দিকে তাকিয়ে যেন নিজের মনে মনেই বললে, “কোথায় আর যাবে?”

অতসীর গলা চিরে’ বেরিয়ে এলো, “কিন্তু তুমি এখানে এ বাড়িতে আর এসো না—বুঝলে? আর কক্ষণো এসো না,—আমার এই একটা কথা তুমি রাখো, শ্রী।”

শ্রীহর্ষ মনে মনে ভাবলে, অতসী জীবনে এই দ্বিতীয়বার তা’কে এ কথা বললে। একবার—ক’ বছর আগে? ক’দিন আগে?—একবার অতসীর বাবা যখন তা’কে নীরবে বাইরে যাবার দরজা দেখিয়ে দিয়েছিলেন, শ্রীহর্ষ একটু হেসে শুধু বলেছিলো, “কিন্তু আমি তো আপনার কাছে আসি নি!” তারপর অতসী তা’কে—থাক্, থাক্, সে সব কথা সে আর মনে করতে চায় না;—কিন্তু সে-দিনো অতসী এমনি করে’ই এই কথাই বলেছিলো, “কেন তুমি আমার জন্তে অপমান সহিতে যাবে? তুমি আর এসো না—কক্ষণো এসো না—কক্ষণো এসো না,—আমার এই একটা কথা তুমি রাখো, শ্রী।”

সেই অতসী! আর কিছু নয়, শ্রীহর্ষ আজ শুধু তা’কে একবার ভালো করে’ বুঝিয়ে দিতে চায়, কত বড় ভুল সে করেছে, সে যা হারিয়েছে তা কত মূল্যবান—অথচ একটু ইচ্ছে করলেই সে-সবই তা’র হ’তে পারতো।

তাই, কণ্ঠস্বরে হঠাৎ অপূর্ক কোমলতা এনে, একটু নত হ’য়ে অতসীর ছ’টি চোখ তা’র দৃষ্টি দিয়ে বিধে রেখে, সেদিন ও-কথার উত্তরে সে যা বলেছিলো, আজ একটু বদলে সেই কথাগুলি উচ্চারণ করলে, “তাই হ’বে, সী। তোমার জন্ম সহস্রবার মরতে গেলেও আমার তৃপ্তি হ’বে না।”—তারপর বেশ ধীরে-ধীরে উল্টো দিকের দেয়ালের

কাছে গিয়ে আবার সেই শুকনো স্বরে বলতে লাগলো, “হ্যাঁ, বুঝলেন—‘মোনা লিসা’র কত যে নকল হয়েছে, তার ইয়ত্তা নেই। প্যারিসের লুভ্-এ আসল ছবিখানা আছে—সে-স্বরে আর কোনো ছবি নেই। সে যে কী জিনিস, এই wretched print দেখে তা কল্পনাও করা যায় না। ছবিটার কত দাম নিচ্ছে হে পরিতোষ? একখানা ভ্যান ডাইক্ রাখলেই পারতে! জানি নে কেন, ফ্রেমিশ্ পেইন্টিং আমার কাছে সব চেয়ে ভালো লাগে। একবার ব্রাসেল্-এ—কিন্তু কদূর? পরিতোষ? আর তো থাকি যায় না।”

“রান্না রেডি। কিন্তু চা? ওটাকে অ্যাপিটাইট্-কিলার বলে’ বর্জন করবে না তো?...”

দরজার কাছে এসে অতসী মিষ্টি হেসে বললে, “কাল আবার আসছেন তো, শ্রীহর্ষ বাবু? আপনার সঙ্গে আলাপ হ’লে পরিতোষের দাদা খুব খুসি হ’বেন;—বিলেত-টিলেত-সম্বন্ধে তাঁর ভক্তিশ্রদ্ধা এখনো যে কি অসাধারণ, দেখলে অবাক্ হ’য়ে যাবেন। এমন কি, মাণিককে পাঠাবেন বলে’ এখন থেকেই একটা এন্ডাউমেন্ট করেছেন।”

পরিতোষ হতাশভাবে বললে, “হর্ষ কালকেই রাঁচি চলে’ যাচ্ছে;—কত করে’ বললাম—”

অতসীর মুখ ভালো করে’ স্নান হ’তে না হ’তেই আবার উজ্জল হ’য়ে উঠলো।—“তাই তো! কিছুতেই আর থাকতে পারেন না বুঝি? ফিরে এসে ওঁর যা আপশোষটাই হ’বে। যাক্—তবু ভাগ্যিস্ আমার সঙ্গে দেখা হ’ল।”

বলতে বলতে অতসী দেহের এমন একটি ভঙ্গী করলে যে শ্রীহর্ষ কখন যে রাস্তায় বেরিয়ে হারিয়ে গেলো, তা পরিতোষের চোখেই পড়তে পারলো না।

রাস্তার প্রত্যেকটি লাইটপোস্ট তখন শ্রীহর্ষর কানে টীংকার করে’ বলছে, “যাও, যাও, পালাও—পালাও এখান থেকে, শীগ্গির যাও!” কোথায় যাবে সে? যেন একশোটা ভূতে তা’কে তাড়া করেছে, এই ভাবে ছুটতে-ছুটতে—হ্যাঁ, ছুটতে-ছুটতেই সে রাসা রোডে এসে উপস্থিত

শ্রীবুদ্ধদেব বঙ্গ

ল। “এই, ট্যাক্সি!” কোথায় যাবে? নাটা-মন্দির?
লোয় যাক নাটা-মন্দির! “যাও—হাঁকাও, জোরসে হাঁকাও!”
কোথাও যাবে না—এমনি ঘুরে’ বেড়াবে খানিকক্ষণ, যতক্ষণ
তা’র ঘুম পায়

এইমাত্র যা’কে চিত্তে তুলে’ দিয়ে, নিজ হাতে কাঠে আঙুন
ধরিয়ে শুধু এক মুঠো ছাই হাতে করে’ নিয়ে এলাম, বাড়ি
ফিরে’ই যদি দেখি, সে চেয়ারে বসে’ আমার জন্তু অপেক্ষা
করছে—সে বিষয়ও বুঝি এর চেয়ে নিদারুণ, এতখানি
মর্মান্তিক নয়! তা’র চেয়েও আশ্চর্য্য বোধ হয় এই যে
একটা সাধারণ বাঙালী মেয়ে একদিন তা’র মনে যে-শিকড়
গেড়েছিলো, এতদিনেও সে সেটাকে উপড়ে ফেলতে পারলো
না। একদিন দক্ষিণা হাওয়া দিয়েছিলো, ফুল ফুটেছিলো—
তারপর চার বছরের অনাবৃষ্টি, দুর্ভিক্ষ! ফুলগুলি তো মরে’
গেছে, কিন্তু তা’র গন্ধ এখনো ঘুরে’ বেড়ায় কেন?... এই
চার বছরে শ্রীহর্ষ সারা পৃথিবী চষে’ বেরিয়েছে; পাশ করেছে
৩’টো, কিন্তু প্রেম করেছে প্রায় হ’শো। তারপর দেশে
ফেরামাত্র জুটলো ইলা—সে কোনোমতে একটা চাকরি
বাগাতে পারলেই তা’কে বিয়ে করবে, এ-কথা সে তা’কে
বেশ পরিষ্কার করে’ই বুঝতে দিয়েছে। শ্রীহর্ষ তো জানতো,
অতসী তা’র মন থেকে একেবারে মুছে’ গেছে—শিশুর
আঙুলের ঘষায় স্টেটের সকল আঁকিবুঁকি যেমন মুছে’ যায়;
অতসী মরে’ গেছে; এক ফাল্গুনে যে-ফুল ফোটে, আরেক
ফাল্গুনে সে আবার দেখা দেয় বটে, কিন্তু যে-মানুষ আজ
মরে, কাল তো সে ফিরে’ আসে না! সত্যি কথা বলতে
কি, এই চার বছর সে অতসীকে বিশেষ স্মরণও করেনি;—
অতসীর প্রতি যে-রোষ ও আক্রোশ নিয়ে সে বসে থেকে
জাহাজে উঠেছিলো, বিলেতে মাসখানেক কাটানোর পর
তা’র কোনোটাই বেঁচে ছিলো না; তারপর কিছুদিন রেস্ট-
রাঁয় বসে’ অতসীর কথা বলে’ জেইন্ বা জুলিয়ার সঙ্গে সে
হাসাহাসি করতো বটে, কিন্তু ক্রমে অতসীকে অতখানি
প্রাধান্য দিয়ে ধন্য করতেও তা’র মন বিমুখ হ’য়ে উঠলো।
তারপর—শ্রীহর্ষ সেই সব দিনগুলিকে তন্ন-তন্ন করে’ খুঁজে
দেখলে—তারপর সে বিদেশে যতদিন ছিলো, অতসীর কথা
কদাচিৎ মনে পড়েছে, আর যা-ও পড়েছে, তা কোনো স্মৃতি,

স্মৃতি, ক্রোধ, ঘৃণা, ঈর্ষা, লজ্জা, অমুতাপ, বাসনা—কিছুর
সঙ্গেই নয়। এমনি।

সেই অতসী! ছ’নদীর জল এক গ্লাশে মেশালে যেমন
কিছুতেই তা’দের আর আলাদা করে’ নে’য়া যায় না, তেমনি
তা’দের “হু’জনের জীবনের ছাড়াছাড়ি হওয়াও অসম্ভব—
এই ধারণা নিয়ে পনেরো থেকে বাইশ বছর পর্যন্ত সে
কাটিয়েছে। এক সন্ধ্যায় জ্যোৎস্না উঠেছিলো—ছাতে বসে’
থাকতে-থাকতে হঠাৎ অতসী তা’র বুকে মুখ লুকিয়ে কাঁদতে
সুরু করে’ দিলে। শ্রীহর্ষ ব্যাকুল হ’য়ে বলেছিলো,
“ও কি? কি হ’ল?” অতসী তখন মুখ তুলে’ কান্নার ভেতর
দিয়ে হাসতে-হাসতে জবাব দিয়েছিলো, “কিছু মনে কোরো
না, শ্রী; আজ আমার এত ভালো লাগছে যে আমি না কেঁদে
পারছি না।”

সেই অতসী! সেই সী! সে তা’কে ডাকবার জন্তু
তা’র নামের শেষের অক্ষরটি বেছে নিয়েছিলো; সে তা’র
কাছে কবিতার সেই চির-রহস্যময়ী “সী”; শত জান্নালেও
তা’র জানা ফুরোয় না, আকাশের মেঘের মত সে ক্ষণে-
ক্ষণে রঙ বদলায়, জলের মত সে অবাধ, আলোর মত সে
সহজ। সে তা’র চুল বা চোখ বা হাসি বা কাপড়-পরা
ভঙ্গী কিছুই নয়, সব মিলে’ বা সব বাদ দিয়ে সে এমন
একটা-কিছু, মানুষে যা’কে চেনে না এবং কবিতা যা’র
একটু আভাষ পায় মাত্র। সেই সী!

কিন্তু শ্রীহর্ষরো শেষে কবিতা লেখবার মত নৈতিক
অবনতি হ’ল নাকি? এতক্ষণ সে গা ছেড়ে দিয়ে শুয়ে
ছিলো; এইবার খাড়া হ’য়ে উঠে’ বসে’ একটা সিগ্রেট
ধরালে সাত সমুদ্র তেরো নদী পেরিয়ে শেষে কিনা
একটা সাধারণ বাঙালী মেয়ের কাছে এসে সে হালে পানি
পাচ্ছে না, তা’র নোকোডুবি হ’তে চলেছে! অসম্ভব!
এ সে কিছুতেই হ’তে দেবে না। নিজের ওপর রাগ করে’ সে
একটা স্বচ্ছ গান গুণ্গুণ করতে লাগলো। গানের অংশ-
বিশেষ নিয়ে তা’র বিলেতি বন্ধুদের সঙ্গে কত যে হাসাহাসি
করেছে, সে কথা মনে ক’রে সে শব্দ করে’ হেসে উঠলো।

ট্যাক্সিটা তখন চৌরঙ্গীর ঠাসা রাস্তা দিয়ে আস্তে-
আস্তে যাচ্ছিলো; হঠাৎ ট্রামলাইনের পাশে এক সাহেবী



মৃত্তিকে দাঁড়িয়ে থাকতে দেখে শ্রীহর্ষ ট্যাক্সি খামিয়ে নেমে পড়লো।

“হেল-ও! গু’ভ’নিং!”

সাহেব আই, সি, এন্ পাশ করে’ সব কালো দেশের মাটিতে পা দিয়েছে, অক্সফোর্ডে শ্রীহর্ষর সঙ্গে পড়তো। একবার শ্রীহর্ষর ঘরে বসে’ তা’রা দু’জন এক ভাড়াটে লেইডি-ফ্রেণ্ডকে নিয়ে চা খাচ্ছিলো, এমন সময়— বাপারটা জানাজানি হ’য়ে যায় এবং তাদের প্রত্যেকের দু’গিনি করে’ ফাইন্ হয়। সেই থেকে তা’দের দু’জনে খুব ভাব!

এমন সময়ে এ.হেন বন্ধুর দেখা পেয়ে শ্রীহর্ষ যেন চঃস্বপ্ন থেকে জেগে উঠে’ স্বস্তির নিঃশ্বাস ফেললো। দু’জনেই যদূর খুসি হ’তে হয়! রাস্তা পার হ’য়ে তা’রা ঢুকলো গিয়ে কন্টিনেন্টল হোটেলে। খেতে-খেতে কথার বর্ষণ, হাসির শিলাবৃষ্টি! সে কত পুরোনো কথা! চালা কি করছে, ভেক্টরড্রাম্ অঙ্কে কি ভীষণ নম্বর পেয়েছিলো, নিরামিষভোজী সুন্দর গিংকে একদিন ওরা ফাঁকি দিয়ে মাংস খাইয়ে দিয়েছিলো—তারপর টের পেয়ে লোকটা কেমন ক্ষেপে গিয়েছিলো, পামেলার বিয়ে হ’ল কিনা—ঈজিপ্টলজির ছাত্র ঐ হাঁদারামটার সঙ্গেই তো! —মার্গারেট কেনেডি আর কোনো বই লিখলে কিনা, কালোঁ প্যারিসে গিয়ে সত্যি ছবি আঁকা শিখছে তো! রোজামণ্ড্ লোমান্-এর সঙ্গে আর দেখা হয়েছিলো? কে? রোজামণ্ড্—? ও, সেই নভেলিস্ট! হ্যা—তা’র শরীর ভালো না, এখন ব্রিস্টলে আছে, বুড়ো বাপকেও নিয়ে গেছে সঙ্গে—খাসা মেয়ে! খাসা চেহারা! সেই দাড়িওলা জাঁদরেল চেহারার রুশ ভদ্রলোক সেই যে মিরটান্নাপাখিণ্ডি-ভিঙ্কি না কি কাঁচকলার নাম—ভদ্রলোক ওকে দেখেই ক্ষেপে গেলেন—এমনি লাখ কথা!

কিন্তু লাখ কথার এক কথাটা শ্রীহর্ষ বললে বাইরে এসে: “জানো, এইমাত্র আমার বয়স্‌হুড্ সুইট্‌হার্ট্-এর সঙ্গে দেখা হয়েছিলো।”

“কা’কে বিয়ে করেছে? বুড়ো বড়লোক, না গরীব আর্টিস্ট?”

“গরীব, কিন্তু আর্টিস্ট নয়।”

“তারপর? তোমার অবস্থাটা কি? সেই যে কি একটা পণ্ড আছে—মনে নেই?—

‘When the swift-spoken *when*? and the slowly-breathed *hush*!

Make us half-love the maiden and half-hate the lover,’

না কাঁ?—তেমনি কি? কা’র লেখা হে ওটা? হ্যাগিট্! নাম টামগুলো আমার কোনো কালেও যদি মনে থাকতো!”—বলতে-বলতে সাহেব গলা ছেড়ে গেয়ে উঠলো, “My Rosemarie, I love you!”

ড্রেসিং টেবিলের ধারে ছোট চেয়ারটির গায়ে চাদর আর পাঞ্জাবি ছুঁড়ে’ ফেলে শ্রীহর্ষ দীর্ঘ একটা নিঃশ্বাস ছাড়লে—“উহ্ হ্!”

বাঁচলে। এক দমকে চার ঘণ্টা কলম পিষে’ পরীক্ষার হল থেকে বেরিয়েও এত ক্লান্ত সে হয় নি। সারাটা দিন আকাশে সঁতার কেটে ছোট পাখাটি যে-ক্লান্তি নিয়ে সক্কোর সময় তা’র নীড়ে ফিরে’ আসে, শ্রীহর্ষর দুই চোখে সেই ক্লান্তি ঘুম হ’য়ে ঢুলছে। শাদা, নিভাঁজ, মখমলের মত কোমল তা’র বিছনার দিকে তাকিয়ে সে গভীর আরামে একটা হাই তুললে। আর—এইবার শোয়া থাক।

ড্রেসিং আয়নার দিকে তাকিয়ে সে হঠাৎ চমকে উঠলো। আয়নার ভেতর থেকে ইলা তীক্ষ্ণ-উজ্জ্বল দুই চোখ মেলে তা’র পানে তাকিয়ে আছে, তা’র ঠোঁটের এক কোণ ঈষৎ বাঁকা। বিলেত-ফেরত ডক্টরের বুকটাও একবার ধ্বপু করে’ উঠলো। ও, ইলার সেই ফোটোগ্রাফ! শ্রীহর্ষ সেটা শিয়রের কাছে রেখে শোয়, কিন্তু কে যেন ভুলে’ সেটা আয়নার দিকে মুখ ঘুরিয়ে রেখেছে। কি কাণ্ড! আর একটু হ’লেই সে ভয় পেয়ে গেছলো আর কি!

ছবিটি সরিয়ে এনে সে ভালো করে’ দেখতে লাগলো। হ্যা, সুন্দর বটে! অতর্কীয় চেয়ে—কথাটা সে যেন নিজের

শ্রীবুদ্ধদেব বসু

অগ্নিতেই ভেবে ফেললো—অতসীর চেয়ে অস্তুত দশগুণ সুন্দর! এই মেয়ে তা'কে বিয়ে করতে পারলে বেঁচে যায়, একথা ভাবতে আত্মপ্রশংসায় সে নিজের মনে একটু গমলে। অতসীকে এই ছবিখানা দেখালে কেমন হয়;— তা-হ বা কেন?—আসলটিই কি দেখানো যায় না? অতসী কী মনে করবে? মুহূর্তের জন্ত একটা অনির্দিষ্ট ব্যাকুলতা কি তা'কে ম্লান করে' দেবে না? একটুখানি ক্ষোভ, দুঃখ বা দ্রোহ—কিছুই কি হ'তে নেই? আচ্ছা পরখ করে'ই দেখা যাক না। এক মাসের মধ্যেই ইলাকে সে বিয়ে করবে—এই কলকাতায়। সে-বিয়েতে অতসীর নেমস্তন্ন হ'বে—স্বামীপুত্রসমভিব্যাহারে সে আসবে—বলসানো চোখ আর নিঙড়ানো হৃদয় নিয়ে ফিরে' যাবে।

দূর হোক অতসী! ইলা—ইলা! সে প্রায় চাঁচিয়ে ডেকে উঠেছিলো! ছবিটি হাতে তুলে' সে একবার চুপন করলো। ছবির ঠাণ্ডা ঠোঁট তা'র এ আদরে একটুও মাড়া দিলে না। তা'র কেমন যেন ভয়-ভয় করতে লাগলো। ইলার ঠোঁটও এমনি ঠাণ্ডা, নিরুত্তর হ'য়ে গেলো না তো? না, না—আর দেরি নয়! সে আজই রাঁচি যা'বে;—এক্ষুণি! ইলার স্মৃষ্ণ চিঠির কথা স্মরণ করে' সমস্ত হৃদয় তা'র গান গেয়ে উঠলো।

মাড়ে-দশটা! রাঁচি এক্সপ্রেস ছেড়ে গেছে। কম্পিত হস্তে সে সেদিনকার “স্টেটস্‌ম্যান্”—এর পাতা উল্টাতে লাগলো। হাঁ—এই যে, একখানা স্পেশল দিয়েছে—এগারোটা বাইশ মিনিটে হাওড়া ছাড়বে, কাল বেলা দশটা-নাগাদ পুরুলিয়া—দুপুরবেলা স্নানাহারের পর ঝাড়ুয়ের ছায়ায় ছ'খানা রকিং চেয়ার টেনে নিয়ে সে আর ইলা—!

তিন মিনিটের মধ্যে সে জিনিসপত্র গুছিয়ে ফেললো। বিছনা? থাক্গে—অত ছাঙ্গাম করবার সময় নেই। তারপর এইমাত্র পরিত্যক্ত পাঞ্জাবি পরে', চাদরটা কোনো-মতে গায় জড়িয়ে আয়নার সামনে দাঁড়িয়ে সে চুলটা একটু আঁচড়ে' নিতে লাগলো। ড্রেসিং আয়নায় নিজেকে আপাদ-মস্তক নিরীক্ষণ ক'রে সে বেশ খুসিই হ'ল। লোকে বলে, সে নাকি দেখতে খুব সুন্দর! হাঁ, তা-ই বটে। ছোট চেয়ারটিতে বসে' পড়ে' সে নিজের মুখ ভালো করে' দেখতে

লাগলো। চওড়া কপাল—তা'তে ছোট-ছোট নীল শিরাগুলো একটু-একটু দেখা যায়, চুল আসলে কালো, কিন্তু এখন একটু হালকা বাদামীর আমেজ লেগেছে, চোখ দু'টো খাঁটি বাঙালী—অর্থাৎ মিশ্রমিশ্র কালো, নাকটা গ্রীক, ওপরের ঠোঁট নীচেটার চাইতে একটু পুরু হওয়াতে মুখে কেমন একটা লুকতার ছাপ পড়েছে—কীটস্-এরও নাকি ঐ রকম ছিলো—খুত্‌নিটা ঈষৎ সংক্ষিপ্ত হওয়ায় হঠাৎ দেখলে লোকটাকে দৃঢ়চিন্ত বলে' ভুল হয়; রঙ, চিরকালই ফর্সা, তবে বিদেশ ঘুরে' এসে আরো হয়েছে। ইয়োরোপ ও আমেরিকার বিভিন্ন জায়গায় নানা লোকে তা'কে জিজ্ঞেস করেছে, “তুমি কোন্ জাতি?” এ-প্রশ্নের তা'র এক বাঁধা জবাব ছিলো, “Guess”। কেউ বলেছে ইতালিয়ান, কেউ স্প্যানিশ, কেউ বা জু, বেশির ভাগই বলেছে ফ্রেঞ্চ, একজন বলেছিল পোল, এমন কি অনেকে তা'কে ইংরেজ বা আইরিশও ভেবেছিলো—কিন্তু বাঙালী বলে' কেউ মনে করে নি। এবং সে যখন তা'র পরিচয় ব্যক্ত করতো, তখন সবারই চোখে সে যে-বিস্ময় ফুটে' উঠতে দেখেছে, তা'র মানে এই: “সত্যি? বাঙালীর এমন চেহারা হয়?”...নিজের প্রতিবিশ্বের দিকে তাকিয়ে সে গর্ভিতভাবে হাসলে।

আচ্ছা, অতসীর কি কপালের নীচে দু'টো চোখ ছিল না? আজকে—এখন, এই মুহূর্তে একা বিছনায়—না, না, একা তো নয়! স্বামীপুত্র নিয়ে বিছনায় শুয়ে-শুয়ে' কি ওর মনে একটুখানি অনুতাপও হচ্ছে না? সব মিলে' শ্রীহর্ষ কি যথেষ্ট লোভনীয় নয়? কিন্তু অতসী তো ইহজীবনে আর ছাড়া পাবে না! অতসীর কাছে সে এখন আকাশের চাঁদের মতই সুস্পষ্ট অথচ দুস্প্রাপ্য। রবীন্দ্রনাথের কবিতার সেই স্ক্যাপার মত সে যতই না কেন তা'র পানে হাত বাড়িয়ে কাঁছক্, কখনো নাগাল পা'বে না। বাঃ, কী মজা!

আচ্ছা, এক কাজ করলে কেমন হয়? অতসীকে কি খুব স্পষ্ট করে' জানিয়ে দে'য়া যায় না যে, সে যা হাতের মুঠোর নিয়ে তারপর পায়ের তলায় ফেলে দিয়েছে, তা তা'র বুকের মণি হ'লেই মানাতো, কিম্বা তা-ও মানাতো না! কীর্তিতে প্রশংসায় গৌরবে সম্মানে আনন্দে উজ্জল



তা'র জীবনের সবগুলো রশ্মি একত্র করে' সেই মায়াময় দীপ্তি সে অতসীর মুখের ওপর ছুঁড়ে' মারবে; অতসী চমকে উঠবে, বাথায় তা'র বকের কলকজাগুলি মোচড় দিয়ে উঠবে; যা সে হারিয়েছে, অথচ যা তা'র হ'তে পারতো, তা'রি জন্তে প্রবল ব্যাকুলতায় সারা মন তা'র ফেটে পড়বে। সে ভারি মজা হয়, না?

এ কি? এগারোটা-বারো? হোকগে—আজ সে যাচ্ছে না। আজ তো নয়ই, শীগ'গিরও না। ইলাকে লিখে' দেবে তা'র অসুখ করেছে—আর পরিতোষ, পরিতোষকে যা-তা একটা-কিছু বলে' দিলেই চলবে। শুছোনো স্নাটকেস্টের দিকে একবার তাকিয়ে সে আলো নিবিয়ে দিলে।

জাগরণ ও নিদ্রার মাঝামাঝি যে-একটা ক্ষণস্থায়ী অবস্থা আছে, সেইটুকু সময়ে তা'র মাথায় খেলে গেলো, ... "half-love the maiden and half-hate the lover!"

পরদিন সকালে—শ্রীহর্ষর তখন ঘুম ভেঙেছে, কিন্তু তখনো সে বিছনা ছেড়ে ওঠেনি—পরিতোষ নিজেই এসে হাজির। তা'কে দেখেই শ্রীহর্ষর আশা হ'ল যে সে তা'কে আবার কল্কাতায় আরো কিছুদিন থেকে যাবার জন্ত অনুরোধ করতে এসেছে;—তা হ'লে শ্রীহর্ষর পক্ষে সব সহজ হ'য়ে আসে! বানিয়ে কথা-বলার বাপারে সে চিরকালই কেমন একটু কাঁচা।

কিন্তু পরিতোষ প্রথম যে-কথা শুধোলে, তা হচ্ছে এই, "কালকে 'বোড়নী' কেমন লাগলো?"

অসম্ভব নয়—শ্রীহর্ষর মনে হ'ল—অতসী হয়তো পরে পরিতোষকে নিয়ে নাটা-মন্দিরে গিয়েছিলো, এবং তা'কে দেখতে পায় নি। তাই একটু ভয়ে-ভয়ে সে বললে, "মিড'লিং। কিন্তু লোকে বললে, শিশির বাবুর অভিনয় নাকি খুব কম রাত্তিরেই এমন perfect হয়েছে। গেলেই পারতে।"

"কোথায় আর যাওয়া হ'ল ভাই! তুমি চলে'-যাওয়ার পর বোদির শুধু পায়ে ধরতে বাকি রেখেছি—অথচ ঐনি কেন যে কিছুতেই রাজি হ'লেন না ভগবানই জানেন। তারপর আমার আর একা-একা যেতে ইচ্ছে করলো না।"

"তা করবে তো না-ই। থিয়েটার-ফিয়েটার দেখতে গেলে একজন সঙ্গী নইলে ভাল লাগে না। আমি একা ছিলাম বলে'ই বোধ হয় ততটা ভালো লাগেনি। কিন্তু শিশির বাবু—হ্যাঁ, আশ্চর্য্য বটে, মানে বাঙলা দেশের পক্ষে। বিলেত যাওয়ার আগে আমি একদিন মাত্র বাঙলা থিয়েটার দেখেছিলাম—কিন্তু যাই বল, শিশির-বাবুর দৌলতে বাঙলা থিয়েটার এক ধাপে পঞ্চাশ বছর এগিয়ে গেছে..." শ্রীহর্ষর মুখে খই ফুটতে লাগলো। পরিতোষ কিছুতেই অথ কোনো কথা পাড়বার ফুরসৎ পাচ্ছিলো না, এমন সময় চাকর এসে জিজ্ঞেস করলে যে, এখন চা' আনতে হ'বে কি না।

লুনাচার্ফির কীর্তি-কাহিনীর মাঝখানে হঠাৎ থেমে গিয়ে শ্রীহর্ষ জবাব দিলে, "হ্যাঁ, নিয়ে এসো। দু'জনের মত। না হে, উঠতে হয়।"

পরিতোষ ড্রেসিং টেবিলের ধাপের ছোট চেয়ারটিতে বসে' ছিলো; সেই সময় মেঝের ওপর দৈবাৎ চোখ পড়তেই সে বলে' উঠলো, "এ কি?" তারপর নীচু হ'য়ে ইলার ফোটোগ্রাফটি তুলে' চোখ মিটমিট করে' বললে, "এত অনাদর যে?"

শ্রীহর্ষ ফোটোটি নিজের হাতে নিয়ে গলাটা হঠাৎ ছুঁচলো করে' বললে, "ও ডিয়ার, ডিয়ার!" কি করে' পড়লো হে? আমি তো শোবার আগেও একবার দেখে রেখেছিলাম!"

"লক্ষণ বিশেষ ভালো নয় হে। ইলাকে লিখে দাও—না, লিখে আর দেবে কি?—আজ তো যাচ্ছই। দেখা হ'লে বোলো—"

শ্রীহর্ষ ভাবলে, এ সুর্যোগ হারানো উচিত নয়। চুলগুলির ভেতর হাত চালাতে-চালাতে সে অলসভাবে বললে, "না হে, আজ যাওয়া হয় কি না সন্দেহ।"

"কেন?" পরিতোষ সত্যিই অবাক হ'ল।

শ্রীবুদ্ধদেব বসু

ভাব্‌বার জন্ম একটু সময় পাবে ব'লে শ্রীহর্ষ বিছনা থেকে উঠে পড়লো, তারপর চটিজোড়া খুঁজে বা'র করতে যতটা সম্ভব দেরি করে, জান্নার কাছে গিয়ে খামকা একবার খুতু ফেলে বললে, বোলো না ভাই বিপদের কথা।" ব'লেই থেমে গেলো।

পরিতোষ উৎকণ্ঠিত কণ্ঠে শুধোলে, "কি?"

এতক্ষণে শ্রীহর্ষর মনে গল্পটা আগাগোড়া তৈরী হ'য়ে গিয়েছিলো; সে তাড়াতাড়ি বলতে লাগলো, "কাল হঠাৎ মিস কাউলিঙ্য়ের সঙ্গে দেখা। নাট্যমন্দিরের পথে একবার স্যান্সু ভ্যালিতে গেছলাম সিগ্রেট্ কিনতে—ফুটপাথ্-এ নাব'তেই দেখা। ছিলো লীড্‌স্ ইউনিভার্সিটিতে একটা লেকচারার, এখন নাকি রেজুন্-এ প্রফেসর হয়েছে—মাইনে টান্ছে লম্বা। বললে, ওখানে একটা চাকরি খালি হয়েছে, আমি যদি—ইত্যাদি। কাউলিঙ্ এখানে কিছুদিন থাকবে, ওকে পটাতে পারলে চাকরিটা বগানো যায় বোধ হয়। ছ'শোতে স্টার্ট্—লোভ হচ্ছে হে! তাই ভাব'ছিলুম—" কি ব'লে যে শ্রীহর্ষ কপাটা শেষ করলে, ভালো ক'রে বোঝা গেলো না।

পরিতোষ কিন্তু খুসি হ'তে একটুও দ্বিধা করলে না। পরম উৎসাহে বলে উঠলো, "বাঃ, ওয়ান্ডারফুল! যাই বলো, কপাল বটে তোমার! মাসে ছ'শো, পাশে ইলা—বাঃ, এই পৃথিবীটা 'is paradise anow'! আর কি চাই!"—

শ্রীহর্ষ পরিতোষের উৎসাহে বাধা দিয়ে বললে, "এই যে, চাই।" তারপর চা-য়ে এক চুমুক দিয়ে এক টুকরো রুটি মাড়ুল দিয়ে নাড়তে-নাড়তে গম্ভীর ভাবে বললে, "Seriously, এটার জন্ম চেষ্টা করবো, ভাব'ছি। একটা-বিছনা করলে চলবে না যখন। তাই আজ বোধ হয় আমার যাওয়া হ'ল না।

শ্রীহর্ষ যেন সত্যি-সত্যি চলে' যায়, আর যেন কখনো না আসে—সে-রাত্রে সে যতক্ষণ জেগে ছিলো, এবং যুমোবার

পরও স্বপ্নের মধ্যে—অতসী এই প্রার্থনা করেছে। নিজের কাছে সে বার বার বল'ছিলো যে, শ্রীহর্ষকে সে ঘৃণা করে—কিন্তু তা-ও করে না,—মোট কথা, তা'র বর্তমান জীবনের সুনির্দিষ্ট আয়োজনে শ্রীহর্ষর আদৌ কোনো প্রয়োজন নেই। পূর্ণিমার আকাশে একটা মস্ত কালো পাখী ডানা ঝাপটে উড়ে' গেলে নীচে নদীর বুকে মুহূর্তের জন্ম যে-ছায়াখানি টলমল করে' ওঠে, এ-দেখা, মুমূর্ষু গোধুলির সুবর্ণ-লগ্নে এই চকিতের দৃষ্টি-বিনিময়, যেন তা'র চেয়েও কণিক, তা'র চেয়েও অবাস্তব হয়। এ-জীবনটা যেন একটা প্রকাণ্ড গোলকধাঁধা;—লক্ষ-লক্ষ পথ এঁকে-এঁকে, বার-বার পরস্পরকে অতিক্রম করে' চলে' গেছে,—আমরা সারা-জীবন অন্ধের মত ঘুরে-ঘুরে হেঁটে চলেছি—বেকবার পথ এক মৃত্যুই জানে। আজ হঠাৎ শ্রীহর্ষর পথ অতসীর পথের ওপর এসে পড়েছে;—কিন্তু—অতসী প্রার্থনা করে—তা'র পথের পরের বাঁকই যেন তা'কে অন্ধ দিকে নিয়ে যায়। এ-ফাঁড়া কাটলে হয়তো চিরজন্মের মত সে বেঁচে যাবে।

কিন্তু পরের সন্ধ্যায় আবার শ্রীহর্ষকে দেখে সে যতটা প্রকাশ করেছিলো, আসলেও ততটা বিষয় অনুভব করেছিলো কি? অতসীই জানে। তা'র না-যাওয়ার যে-সব অনিবার্য কারণ শ্রীহর্ষ বিড়বিড় করে' উচ্চারণ করলে, সে-গুলো যেন সে গায়েই মাথলো না। শেষ পর্যন্ত না দেখে কিছুই বলা যায় না—এই ধরনের একটা অনিশ্চিত সন্দেহের উদ্বেগ কি তা'র মনে আগাগোড়াই ছিলো? গতরাত্রে যখন সে সর্কাস্তঃকরণে শ্রীহর্ষর বিনায়-কামনা করছিলো, তখন সেই প্রার্থনার অন্তরালে আর একটা ক্ষীণ ঈশৎ-স্মৃতি প্রার্থনা প্রচ্ছন্ন হ'য়ে ছিলো—তা'র কিসের জন্ম? অতসী নিজেই ভেবে পেলো না।

বছর-দু'য়েকের একটি নিকার-পবা ছেলেকে কোলে করে' যে-ভদ্রলোকটি ঘরে এলেন, পরিচয় না থাকলেও শ্রীহর্ষর তাঁকে চিন্তে ভুল হয় নি। প্রত্যেক মানুষের মুখেই কিছুকাল পরে তা'র পেশার একটা বিশিষ্ট ছাপ পড়ে' যায়; কিন্তু ইস্কুলমাষ্টারিতে সে-ছাপ যত শীগ'গির ও যত দৃঢ়ভাবে পড়ে, তেমন আর-কিছুতেই নয়। ভদ্রলোকের মুখে ইস্কুলমাষ্টারির সবগুলি লক্ষণ করতলে অজস্র রেখার মত



স্বপ্নাচ্ছ বর্তমান। অকালেই যেন বুড়িয়ে গেছেন, কপালের নীচেকার চামড়ায় এখন চির ধরেছে, চশমার পেছনের চোখ দু'টি মাছের চোখের মতই বড় ও পরিষ্কার, কিন্তু তেমনি নিস্প্রাণ। শ্রীহর্ষ গতরাত্রে আয়নায়-দেখা একটি প্রাণরসোচ্ছল মুখশ্রীর কথা না ভেবে পারলে না; নিজের অনিচ্ছাসত্ত্বে তা'র ঠোঁটে হালকা একটি হাসি উঠে' এলো।

মাণিককে সতরঞ্চির ওপর নামিয়ে রেখে সুরথ একটু ভয়ে-ভয়ে শ্রীহর্ষর দিকে এগিয়ে এসে নিতান্ত মামুলিভাবে আলাপ আরম্ভ করলে, “আপনার সঙ্গে আলাপ করবার সৌভাগ্য হ'বে, আশা করিনি, ডক্টর সরকার। কাল ফিরে এসে পরিতোষের মুখে যখন শুন্লাম—এত খারাপ লাগছিলো। ষাক্, আপনি এখন থেকে শীগগির যাচ্ছেন না যখন—”

“কিছুই ঠিক নেই আমার। যদি ডাক পড়ে, তা'লে দিন-সাতকের মধ্যে রেঙ্গুনের জাহাজেও চাপতে হ'তে পারে। ওদের নাকি আবার পূজোর ছুটি-ফুটি না থাকবার মধ্যেই। আর, এটা ফস্কালে কবে যে আবার একটা জুটবে, কেউ বলতে পারে না।”

“আপনাদের আবার ভাবনা কি, ডক্টর সরকার! আপনারা হ'লেন গিয়ে দেশের গৌরব, যে-কোনো কলেজ আপনাকে পেলে ধন্য হ'য়ে যা'বে।”

লজ্জিত হ'লে মানুষ যা-যা করে শ্রীহর্ষ সব জানতো, সে ভেবে-ভেবে তা-ই করলে। প্রথমে মাথা নীচু করলে, তারপর চুলে একবার হাত বুলিয়ে আমতা-আমতা করে' জবাব দিলে, “না, না, ও-সব গৌরব-টৌরব কিছু কাজের কথা নয়। দয়া করে' কেউ একটা নক্রি দেয় তো তরে' যাই।”

পরিতোষ ফস্ক করে' বলে' ফেললো, “কেন রে বাপু, তোমার এমন কি দায় ঠেকেছে যে চাকরির জগৎ মাথা খুঁড়ে' মরতে হ'বে? আমি যদি তুমি হ'তুম, তা'লে কি করতুম জানো?—অর্থাৎ কিছুই না। কিছু-না-করার বিগ্গেটা কিছুতেই তোমার আরম্ভ হ'ল না;—ছটফটানি তোমার একটা ব্যাধি।”

“এ-ব্যাধি ও-দেশে সব লোকেরই আছে কিনা—আমারো বোধ হয় ছোঁয়াচ লেগেছে। সত্যি, হাতে কোনো কাজ-কর্ম না থাকলে প্রতিটি দণ্ড আমার কাছে যেন বিষম দণ্ড মনে হয়। আপনিই বলুন সুরথ বাবু, না খাটলে কি আর দিন কাটে?”

“আপনি এ-কথা বলতে পারেন, ডক্টর সরকার”—সুরথ একবার কাশলে—“কিন্তু আমরা—যা'রা খালি খেটে-খেটে জীবনটা ক্ষয় করছি, তা'দের পক্ষে একটু আরাম বা বিশ্রাম এমনি দুর্লভ যে ক্রমে কাজ বলতেই আমাদের গায়ে যেন কাঁপুনি দিয়ে জর আসে।”

“অথচ সেই কাজই তো করে' যেতে হচ্ছে! নিষ্ক্রিতি যখন নেই-ই তখন প্রতিদিন নিজের সঙ্গে কলহ না করে' ভালোয়-ভালোয় একটা আপোষ করে' ফেলাই কি শ্রেয় নয়? দেখুন, ওদের সঙ্গে আমাদের গোড়াতেই তফাৎ। অর্থাৎ মনের দিক থেকে—বাইরের বিস্ত বা রিক্রতার কথা ছেড়ে দিলেও। কাজ জিনিষটা আমাদের কাছে হচ্ছে একটা সাজা, আর ওদের কাছে মজা। জীবনকে আমরা একটা অসুখ বলে' ভাবতে শিখি, আর ওদের মতে বেঁচে থাকাটাই হচ্ছে সুখ। না করলেই নয় বলে' আমরা কাজ করি, তাই কাজে মন বসে না—এবং সেই কাজের চাপে মন আমাদের মরে' যায়।”

শ্রীহর্ষ বোধ হয় বাড়ি থেকে প্রতিজ্ঞা করে' বেরিয়েছিলো যে, আজ সে তাক লাগাবে। লাগালেও। সুরথ তা'র বাক্চালনায় অবাক হ'য়ে হাঁ করে' তাকিয়ে আছে, পরিতোষ তা'র সমস্ত চোখ মুখ দিয়ে শ্রীহর্ষর কথায় সায় দিচ্ছে। শ্রীহর্ষ একবার অতসীর দিকে তাকালে—সে তা'দের দিকে পেছন ফিরিয়ে বসে' মাণিককে হাঁটুর ওপর বসিয়ে তা'র সঙ্গে গল্প করছে।

মুহূর্তের জগৎ শ্রীহর্ষ এই একটুখানি দমে' যাচ্ছিলো, কিন্তু সুরথের প্রবল কৌতূহল ও প্রকাণ্ড প্রশংসা ঠেলতে না পেরে সে আবার আলাপে জমে' গেলো। অতসী খানিকক্ষণ সেই ভাবে চুপ করে' বসে' রইলো, তারপর এক সময় উঠে' মাণিককে নিয়ে ওপরে চলে' গেলো।

শ্রীবুদ্ধদেব বসু

খাবার সময় পরিতোষের জিজ্ঞাসু দৃষ্টির উত্তরে জানিয়ে গেলো যে, মাণিকের হৃদ খাবার সময় হয়েছে।

তিন ঘণ্টা পরে অতসী একা বাইরের ঘরে বসে' ছিলো। একটু আগে আড্ডা ভেঙেছে—স্বামী'র প্রতি পদক্ষেপের মঙ্গল যেন শ্রীহর্ষ'র প্রশংসা উথলে পড়ছে, পরিতোষেরো খাসি আর ধরে না—তা'রি বন্ধু কিনা! শ্রীহর্ষ অতসী'রই শুধু কেউ নয়—কিছু নয়। অতসী'র চোঁচিয়ে হেসে উঠতে হচ্ছে করলো।

ইস্—ঘরটা কী নোঙ'রা হয়েছে! সিগ্রেটের টুকরো আর ছাইয়ে সারা ঘর একাকার! এখনো তেমনি বুড়ো আঙুলে টোকা দিয়ে ছাই ঝাড়ে! সে একটা টুকরো হাতে তুলে' দেখলে;—সেই স্টেট এক্সপ্রেস! আর—কাল থেকে একটা আস্-ট্রে-ফ্রে কিছু রাখতে হ'বে। চাকরটাকে ডেকে এক্সুনি ঝাঁট দে'ঘাতে হয়—থাক্ গে, সে নিজেকেই দেবে'খন। কালকের ফুলগুলো একেবারে শুকিয়ে গেছে, বদলে ফেলতে হয়! ফুলদানি থেকে সেই রজনীগন্ধার গুচ্ছ তুলে নিয়ে ফেল্বার জন্তু বাইরের দরজার কাছে যেতেই ফুলগুলো আপনা হ'তেই তার হাত থেকে খসে' পড়ে' গেলো।

“এ কী? আবার এসেছো কেন?”

শ্রীহর্ষ পাথরের মত মুখ করে' বললে, “সিগ্রেট-কেস্টটা ফেলেই যাচ্ছিলাম।”

মানুষের সর্বনাশ যখন হয়, একটা মুহূর্তেই হয়। সেই মুহূর্তে অতসী'র জীবনে এসেছে। একটা মুহূর্তের জন্তু তার মনের শাসন আলগা হ'য়ে গেলো; কেন, কেউ বলতে পারে না—সেই মুহূর্তে, সে কে এবং কোথায়, সব যেন সে একেবারে ভুলে' গেলো। সেই পুরোনো হাসি হেসে সেই পুরোনো কণ্ঠস্বরে বললে, “সত্যি?”

প্রকাণ্ড একটা বাড়ির তলাকার মাটি পদ্যার ধারালো গল যেমন চুপে চুপে খেয়ে যায়, তারপর একদিন হঠাৎ একটা চেউরে ঝাপটেই সারাটা বাড়ি গুঁড়িয়ে চুরমার হ'য়ে যায়, তেমনি অতসী'র মুখে এই একটি কথা শুনে' শ্রীহর্ষের স্বদৃঢ় আত্ম-আস্থা ও প্রগাঢ় আত্মস্থতা ফেটে ভেঙে চৌচির হ'য়ে গেলো। মুহূর্তপূর্বে যে-মুখ ছিলো জগন্নাথের মূর্তির মতই

দারুময়, সেখানে প্রাণরঞ্জিত মাংসের সজীব আভা ফুটে' উঠলো, চঞ্চল রক্তের চলাফেরায় সে-মুখ গরম হ'য়ে উঠেছে। শ্রীহর্ষের কণ্ঠে আর সেই শান-বাধানো পালিশ-করা স্বর নেই; ছোট্ট একটু “হ্যাঁ” বলতে গিয়েই তা এস্রাজের আওয়াজের মত কেঁপে উঠলো।

যেন ঘুমের ঘোরে অতসী কথা কয়ে' উঠলে, “ভালোই হ'ল। তবু তোমাকে দেখলাম। কিন্তু ছি-ছি—তুমি একী ছেলেমানুষি আরম্ভ করেছো বলো তো?”

শ্রীহর্ষের ঘন-ঘন নিঃশ্বাস পড়তে লেগেছে। চুপ করে' সে দাঁড়িয়ে রইলো।

“আজকে সন্ধ্যায় তোমার নিজের শ্রেষ্ঠতা প্রমাণ করবার জন্তে কী কাণ্ডটাই করলে! চোঁচিয়ে, হাত পা ছুঁড়ে, মাপা-জোকা মুখভঙ্গী করে' নিজেকে বেশ সজ্জাজিয়েছিলে যা-হোক! তোমার সব কসরৎ দেখে আমার এত হাসি পাচ্ছিলো! কিন্তু কেন বলো তো? কা'কে জয় করবার জন্তে?”

শ্রীহর্ষ নিরুত্তর।

“দ্যাখো শ্রী, বাইরের জাঁক-জমক ঠাট্-ঠমকের তখনই সব চেয়ে প্রয়োজন বেশি, আসল জিনিসটির যখন মরণ-দশা ঘটে। সজ্জার আতিশয্যামাত্রই হৃদয়ের দারিদ্র্যের পরিচয়। নিজেকে পদে-পদে জাহির করে' চল্বার তোমার তো কোনো দরকার নেই! কিন্তু আমি কা'কে কি বোঝাচ্ছি? কপাল আর কা'কে বলে!” অতসী রুদ্ধশ্বাসে খেমে গেলো।

খানিকক্ষণ হুজনেই চুপ্-চাপ্। রাস্তা দিয়ে খট্-খট্ আওয়াজ করতে-করতে একখানা ট্যাক্সি ছুটে গেলো, আকাশ থেকে একটা তারা হঠাৎ ছুটে' পড়লো, একটা আকস্মিক দম্কা হাওয়ায় সামনের একটুখানি অন্ধকার যেন শিরশির করে' কেঁপে উঠলো। তারপর শ্রীহর্ষ ডাকলে, “সী।”

“কি, শ্রী?”

তারপর আবার হুজনে চুপ করে' পরস্পরের নিঃশ্বাস-টানার শব্দ শুনতে লাগলো। হুজনে মুখোমুখী দাঁড়িয়ে, কিন্তু আব্ছা আলোয় কেউ কারো মুখ ভালো করে' দেখতে



পাচ্ছে না। অথচ, একজন একটু হাত বাড়ালেই আর একজনের আঙুলে গিয়ে ঠেকে।

কিন্তু ঠিক সেই মুহূর্তে পরিতোষের চাঁৎকার শোনা গেলো, “বৌদি!”

অভিনয় ভেঙে গেলো, ‘মুখোস্ খসে’ গেছে। এইবার নিজেকে সে লুকোবে কি করে?।

শ্রীহর্ষের ভাব্বার ক্ষমতা যখন ফিরে’ এলো, তখন সে আবিষ্কার করলে যে সে অনেক সুস্থ ও স্বচ্ছন্দ বোধ করছে। মনকে চব্বিশ ঘণ্টা শিথিয়ে পড়িয়ে তোতাপাখীর মত তৈরী রাখার দরকার নেই আর;—মন খালাস পেয়ে তা’র উপর এই অত্যাচারের প্রতিশোধ নিতে শুরু করেছে, এখন আর তাকে কোন মতেই বাগানো যাচ্ছে না।

কিন্তু বদমেজাজী বাপের কড়াকড়ির মাঝখান থেকে সে যা কেড়ে নিয়েছে, আজ এক ভালোমানুষ স্বামীর সঙ্গে কাড়াকাড়ি করে’ তা কুড়িয়ে নিতে হ’বে—এই কথা ভাবতেই ঘুণায় তার সর্বাঙ্গ কাঁটা দিয়ে উঠলো। এসব ব্যাপারে কোনো ভাঙাচোরা জোড়া-তালিতে সে বিশ্বাস করে না; মানুষের মনটাকে টাকা-আনা-পাইতে ভাগ করা চলে না বলে’ সে-ক্ষেত্রে হিসেব-করা ব্যবসাদারী খাটে না, তা’র এ সংস্কার বিলেতের হুঁটো ডিগ্রীও ঘোচাতে পারে নি। নিজর্লা একাদশী বরং ভালো, কিন্তু একবেলা আলুসেদ্ধ-ভাতে সে নারাজ।

কাজ কি আর ফাসাদ বাধিয়ে? মান থাকতে থাকতে সরে’ পড়া যাক! কিন্তু আগের রাত্রে পাক্-করা স্মার্টকেশটির দিকে তাকিয়ে সে নিজেকে বিশ্বাস করবার মত ভরসা পেলো না।...

সুরথ বিছানার সামনে আলো নিয়ে একখানা উপন্যাস পড়তে পড়তে উপন্যাস-বর্ণিত চরিত্রের সঙ্গে শ্রীহর্ষকে মেলাবার চেষ্টা করছিলো;—অতসী এসে তা’র হাত থেকে বইখানা কেড়ে নিয়ে ধুপ ক’রে তা’র পাশে ব’সে পড়লো।

সুরথ একটু বিরক্ত হ’য়েই ব’লে উঠলো, “ও কি? আহা—দাও বইখানা, একটা ভারি মজার—”

“কি ছাই বই নিয়েই যে আছ দিন-রাত!” অতসী বইখানা বেশ ছোরেই টেবিলের ওপর ছুঁড়ে ফেললো। তারপর স্বামীর গা ঘেঁষে আধ-শোয়া অবস্থায় ছোট খুকীর মত আব্দারের সুরে বললে, “সাড়ে দশটার পর বই খুললে প্রত্যেক মিনিটে এক আনা জরিমানা—বুঝলে? আজ থেকে এই নিয়ম হ’ল। জরিমানার পয়সা আমার কাছে জমা থাকবে, এবং পরে তা মানিকের পোষাকের বাবদ খরচ হবে।”

সুরথের বাস্তবিকই উপন্যাসের পরিচ্ছদটা শেষ করতে ভয়ানক লোভ হচ্ছিলো, কিন্তু অতসীর কোমল ও ঈষৎগা গাত্রস্পর্শ তা’র কাছে ভালোই লাগছিলো, তাই সে কোনো কথা বললে না।

অতসী হঠাৎ গম্ভীর হ’য়ে বললে, “তোমার নামে একটা নালিশ আছে।”

সুরথ শ্রীর মুখের দিকে চেয়ে জিজ্ঞেস করলে, “কি?”

অতসী স্বামীর একখানা হাত গালের ওপর টেনে নিয়ে বলতে লাগলো, “ঐ যে তোমাদের উক্টর্ সরকার না কি—

“হ্যাঁ, তাঁর কি হয়েছে?”

“ঐ লোকটাকে কাল আবার আস্তে বলেছো নাকি?”

“কাল ব’লে বিশেষ-কিছু নয়, পারলে রোজই যেন আসেন, এই অহুরোধ—”

“আমাকে উদ্ধার করেছে একেবারে। লোকটাকে একটুকো ভালো লাগে না।”

“সে কি কথা, অতসী? এমন চমৎকার—”

“চমৎকার না হাতী! ভদ্রলোক যেন আর না আসেন— বুঝলে?”

সুরথ চশমা-জোড়া চোখ থেকে নামিয়ে রেখে একটু বিশ্রয়সহকারে প্রশ্ন করলে, “কেন বলে তো?”

“কেন আবার? আমার ইচ্ছে। তোমরা যাই বলো, আমার ভালো লাগে না—”

সুরথ প্রাণ খুলে হো হো ক’রে হেসে উঠলো। হাসি থামলে পর বললো, “সত্যি, তোমরা বাঙালী মেয়েরা

শ্রীবুদ্ধদেব বসু

সুপুত্র কাপড়ের বস্তা হ'য়েই রইলে! তোমাদের মত সব কেবলদানি ঐ রান্নাঘর আর ভাঁড়ার পর্যাস্তই। তা'র বাইরে একটু পা বাড়াতে হ'লেই তোমরা হিম্শিম্ খেয়ে একবারে বেকুব্ ব'নে যাও। বাইরের প্রকাণ্ড জগৎ থেকে আমাদের মেয়েরা বিছিন্ন হ'য়ে আছে বলেই তো আমাদের দেশের এত দুর্গতি।...আর ঢাখো গে বিলেতে! সাথে কি ওরা সারা পৃথিবীর ওপর প্রভুত্ব পাটাচ্ছে!”

অতসী স্বামীর আঙুলগুলো নিয়ে খেলা করতে করতে বললে, “বিলেতে যা ইচ্ছে তা-ই হোকগে! আমাদের এই ভালো।”

সুরথ একটা হাই তুলে বললে, “তা তোমার ইচ্ছে না হয়, ডক্টর সরকারের কাছে বেরিয়ো না। কিন্তু এমন লোক আমাদের দেশে খুবই বিরল। যেমন বিদ্বান, তেমনি বিনয়ী! ওঁর মত লোকের কাছে আমাদের কত শেখবার, কত জানবার আছে! চেহারাটা দেখলেই কেমন শ্রদ্ধা হয়! কী আশ্চর্য—তোমার এই সোকলে কণ্ঠা এখনো কাটিলো না, এখনো ঘেরাটোপ্ দে'য়া কলা-বো হ'য়ে থাকতে পারলে বেঁচে যাও! নাঃ—এ-দেশের কোন আশা নেই।”

কিন্তু এ-সব কথা বলবার সঙ্গে-সঙ্গেই সুরথ বেশ একটু তৃপ্তির সঙ্গেই এ-কথা ভাবছিলো যে আর্থিক সাচ্ছন্দ্য তো অনেক লোকেরই থাকে, কিন্তু অতসীর মত দাঁড়লভ—বাস্তবিকই দুর্লভ।

অতসী আর কোনো কথা বললে না; শুধু মুখে এমন একটা অপক্লম হাসি টেনে এনে স্বামীর মুখের ওপর ঝুঁকি পড়লো যে ঘাগী ইস্কুলমাষ্টারেরো মনের জীর্ণ দেয়াল ফেটে ঠাৎ ফুটে উঠলো অজস্র পুষ্পমঞ্জরী; একটি ভঙ্গুর চপনের বৃন্তে ভরু ক'রে হৃদয় বসন্তের প্রশান্ত আকাশের নীচে একবার তাদের বর্ণবিকশিত শতদল মেলে ধ'রে প্রজাপতি-জন্ম সাজ করলে।

অতসী আলো নিবিয়ে দিয়ে স্বামীর পাশে এসে শুয়ে পড়লো। তার মন এতকণে হাল্কা হয়েছে। মনকে সে

এই ব'লে প্রনোদ দিলে যে প্রকারান্তরে সে স্বামীকে সব কথা বুঝতে দিয়েইতোছিলো—তথাপি তিনি যদি কোনো সন্দেহের কারণ খুঁজে না পেয়ে থাকেন, সে কি তা'র দোষ? মন বেচারি প্রথমটায় আপত্তিহুচক ঘাড় নেড়েছিলো, কিন্তু শেষ পর্যাস্ত সে তা'কে ভুলিয়ে ভালিয়ে নিজের মতের সঙ্গে সায় দিইয়ে ছাড়লে। মনের পিঠে হাত বুলোতে-বুলোতে মিষ্টি ক'রে বললে, “ঢাখো বাপু, আর বেয়াড়াপনা কোরো না, আজ থেকে তোমার সঙ্গে সন্ধি।” দু'মিনিটের মধ্যে সে তার নিয়তকলহপরায়ণ মনের সঙ্গে বন্ধুতা পাতিয়ে ফেললে—সে আশ্চর্য্য!

স্বামীর সঙ্গে এই আলাপ হ'বার পর অতসী যেন রাস্তার ঐ গ্যাস্‌পোস্টটার মতই স্পষ্ট ক'রে তা'র পথ দেখতে পাচ্ছে;—দড়িদড়া সব টলমল ক'রে উঠছে, হাওয়ার বেগে পাল ফুলে উঠলো, নীল দিগন্তরেখা একখানি আকাশবিস্তৃত স্মিতহাস্তে যেন এই যাত্রাকে অভিনন্দন করছে—নোকো ছাড়লো বলে!...স্বামীকে অতসী যে-সামান্য দু'একটি কথা বলেছে, তা'তে সে যেন নিজের কাছ থেকে মুক্তি পেলো; কথায় বললে এর চেয়ে স্পষ্ট ক'রে সে স্বামীকে জানাতে পারতো না, কিন্তু তিনি নিরুদ্ধেগ নিশ্চিতচিত্তে তা'কে আশীর্বাদ—হাঁ, আশীর্বাদই করেছেন যাক্—স্বামীর অহুমতি সে পেলো।

হঠাৎ মাণিক ঘুমের ঘোরে কেঁদে উঠলো; অতসী তা'কে বকের ওপর চেপে ধ'রে চুমোয়-চুমোয় ছেলেটার নিঃশ্বাস প্রায় বন্ধ ক'রে আনলে। একটু পরেই মাণিক ঠাণ্ডা হ'য়ে গেলো। অতসী ভাবলে—মাণিক কেন আরো খানিকক্ষণ কাঁদলে না? ও যদি আজ মা-র সঙ্গে জেদ্ ক'রে সারারাত ভ'রে খালি কাঁদে, অতসী তা'লে সারারাত ওর পাশে জেগে ব'সে থাকে, ওকে শাস্ত করবার নানা অদ্ভুত ও কষ্টসাধ্য উপায় আবিষ্কার করে। মাণিকের কাছে কী যেন তা'র অপরাধ—তা'রি প্রায়শ্চিত্ত করবার জন্ত তা'র চিত্তের স্নেহ-উৎসুকতার আজ সীমা নেই।



পরদিন ওপরের বারান্দায় দাঁড়িয়ে অতসী রাস্তা থেকেই
শ্রীহর্ষকে দেখতে পেলো; দেখলে আস্তে-আস্তে শ্রীহর্ষ
কা'র একখানা চিঠি কুট-কুট করে ছিঁড়ে ফেলছে,—
ছেঁড়া টুকরোগুলো হ'মুঠি ভ'রে হাওয়ার উড়িয়ে দিলে।

চিঠিখানি ইলার।—অতসী কি তা জানে?
অতসী তাড়াতাড়ি ছুটে নেমে এসে শ্রীহর্ষ ডাকাডাকি
বা ধাক্কাধাক্কি করবার আগেই স্তম্ভসম মুখে বাইরের দরজা
খুলে দিলে।

তোমারেই ভালবাসি

শ্রীসরলকুমার অধিকারী

আমি গাঁথি নাই মাধবী কুঞ্জ প্রফুট ফুল মালা,—
গন্ধে মধুর বর্ণে বর্ণ অপরূপ রূপ ঢালা।
কুম্ভ চূড়ার মঞ্জরী আমি ছিঁড়ি নাই কভু ভুলে
পরতে তোমার অলকগুচ্ছে, সাজাতে কর্ণমূলে।
আমার মালা তোমার কণ্ঠে ছলিবে না তাই জানি'
করি নাই কভু ছুরাশা এমন আপন ভাগা মানি।

ভক্ত তোমার কতজন ঐ হৃদয়ের উপকূলে
নিত্য অর্ঘ্য করে বিরচন কত বরণের ফুলে।
যাচে সন্তোষ, করে গুঞ্জন, শোনায় কত না কথা।
অনুরাগ ভরা কত উচ্ছ্বাস, কত হৃদয়ের বাথা!
দীনতম এক ভক্ত আমিও, এই গোরব নিয়া
অর্ঘ্য আমার রচিয়াছি রাঙা রক্তপয় দিয়া।

তোমার শ্রীমুখ পঙ্কজ রাঙা, রাঙা সে আমার ফুল,
রঙের আভাসে রাঙা হ'ল হের আশা-বাসনার মূল!
চ'লে গেলে ক্রত নয়নের কোণে বিছাৎ পরকাশি।
বিজেরা বলে, ব'লে গেলে তুমি 'তোমারেই ভালবাসি'।



“দিন ত গেল”



শিল্পী—শ্রীপাঁচকড়ি চট্টোপাধ্যায়

প্রেমের খেলা

আর্থার স্মিত্‌লার

অনুবাদক—শ্রীমণীন্দ্রলাল বসু

পরিচয়

আর্থার স্মিত্‌লার হচ্ছেন একজন শ্রেষ্ঠ জার্মান নাট্যকার, জার্মান নাট্যতাত্ত্বিক হাউপ্টম্যান হুডারমানের সঙ্গে। কিন্তু স্মিত্‌লারের নাটকগুলি হাউপ্টম্যান ভেডেকিও প্রভৃতি অল্পসব নাটককারদের নাটকগুলির অপেক্ষা সম্পূর্ণ বিভিন্ন; কেবল লিপনভঙ্গীতে নয়, মানব-জীবনকে একটি বিশেষ রূপে দর্শনে ও বিশেষ ভঙ্গীতে অঙ্কনে স্মিত্‌লারের নাট্যসাহিত্য পরম বিশেষ লাভ করেছে।



আর্থার স্মিত্‌লার

১৮৬২ খৃঃাব্দে ভিয়েনা সহরে স্মিত্‌লারের জন্ম হয়। তিনি প্রথমে বিশ্ববিদ্যালয়ে ডাক্তারী পড়েন, ও ডাক্তারী পাশ করে কিছু দিন ডাক্তাররূপে জীবিকা-অর্জনের চেষ্টা করেছিলেন। পরে ডাক্তারী ছেড়ে লেখকজীবন গ্রহণ করেন।

স্মিত্‌লারের নাটকগুলিতে কোন সামাজিক সমস্যা বা অত্যাচারের বিরুদ্ধে বিদ্রোহ বা মানবজীবনকে সত্যরূপে দৃঢ়রূপে ধরে তার দার্শনিক সত্য সন্ধান করা নেই; হাউপ্টম্যানের “স্বর্ঘ্যোদয়ের পূর্বে” (Vor dem Aufgong) বা “স্বাতিরী” (Die Weber) এই সব নাটক-

গুলির সহিত স্মিত্‌লারের “প্রেমের লীলা” (Liebelie) বা “আনাতোল” (Anatol) প্রভৃতি নাটকগুলি তুলনা করলে যেন বোঝা যায়, স্মিত্‌লারের নাট্য-জগৎ যেন কোন অনিশ্চিত জগতের মত হাউপ্টম্যান বা ভেডেকিওর স্থির-প্রতিষ্ঠিত জগতের পাশে ছলছে; এ জগৎ ভিয়েনার প্রাচীন সভ্যতার ভাঙনের রূপ। বস্তুত, যুদ্ধের পূর্বের ভিয়েনার প্রেমলীলাচঞ্চল সহজস্বপ্নগতিময় জীবনধারার বেষ্টনীর মধ্যেই স্মিত্‌লারের এই নাট্যজগতের সৃষ্টি সম্ভব হয়েছিল; রোকবো-আর্ট-সজ্জিত তাহার প্রাচীন রাজসভা, স্বপ্নসম্ভোগমত্ত অলসজীবন অভিজাত-গণের চাকচিক্যবহুল অন্তঃসারশূন্য মন্দগতি জীবনধারা, গুঞ্জরণ-মুখর কাফে কাফেতে গল্প-প্রিয় স্ফটিকপ্রেমলীলামুগ্ধ নরনারী যুবকযুবতী-সমাজ—ভিয়েনার এই সুখপ্রিয় প্রেমাত্মিনয়মধুর জগতের চিত্রই স্মিত্‌লারের নাটকে পাই। জীবনটা একটা খেলা, প্রেম একটা অভিনয়।

“Es fließen ineinander Traum und Wachen,
Wahrheit und Lüge. Sicherheit ist nirgends.
Wir wissen nicht von andern, nichts von uns;
Wir spielen immer, wer es weiss ist klug.”

(Paracelsus)

পারসেলসাস্‌ নাটকে পারসেলসাস্‌ যে কথাগুলি বলেছে, তা হচ্ছে স্মিত্‌লারের নাট্যজগতের মর্ম-কথা—স্বপ্ন ও জাগরণ একাকার হ’য়ে মিশে গেছে, যেন দুই ধারা এক হ’য়ে ব’য়ে চলেছে, সত্য ও মায়াতে জড়িয়ে গেছে। সুনিশ্চিত ভাব কোথাও নেই, ধ্রুব প্রতিষ্ঠিত কিছু নেই; আমরা অপরদের কথা কিছুই জানিনা, নিজেরদেরও কিছু জানিনা; আমরা খেলা ক’রে চলেছি; আমরা যে অভিনয় ক’রে চলেছি এ কথা যে জানে সেই বুদ্ধিমান।

জীবন একটা অভিনয়, সত্য জীবন একটা নাটক. তাই স্মিত্‌লারের নাটকে সত্যজীবন যেন স্বপ্নের মত বোধ হয় ও নাটকের অলৌক-

“Liebelie” Von Arthur Schnitzler—সহজ বাংলা অনুবাদ।
সর্ব সত্ত্ব সংরক্ষিত।



জীবন সত্য হয়ে ওঠে; “সবুজ কাকাতুয়া” (Grune Kakadu) নাটকটিতে সত্য ও অলীকতায় মিলে মিশে কি অপূর্ব গুন্দর নাট্য-জগৎ সৃষ্ট হয়েছে।

কিন্তু জীবন যে একটা অভিনয় সে বোধ আছে; এ অভিনয় পূর্ণ করতে হলে, পরিপূর্ণভাবে উপভোগ করতে হবে। কিন্তু জীবন যে একটা অভিনয় এ অনুভূতিতে বিগাদ লুকানো, এ অভিনয়ে শান্ত হয়ে মানুষ শান্তি চায়, কোন গ্লির সত্য জীবনের দৃঢ় ভূমিতে দাঁড়াতে চায়। “আনাতোল” নাটকটিতে জীবনের এই সন্দেহবাদ এই শান্তির ছায়া রয়েছে, কিন্তু যুবক আনাতোল আপনার প্রেমের লীলায় মসগুল; তাহার স্মধুর বিষন্নতার মধ্যে কোন অনুতাপ বা জালা নেই। ভালবাসাও ত একটা খেলা, ক্ষণিকের লীলা, নব নব প্রেমের ঘটনার মধ্যে দিয়ে স্বপ্নের মত চলা, এ যেন নব নব মনোগতির মধ্য দিয়ে নানা প্রেমভাব আশ্বাসন করা; এ প্রেমের খেলায় কোথাও ট্রাজেডি নেই, আজ এক প্রেমিকার সঙ্গে প্রেমের লীলা ভাঙলো, বিরহের বেদনা চোপের জল দূর হ’তে না হতেই নব প্রেমিকা জুটবে, নূতন প্রেমের নূতন উজ্জ্বল খেলা আরম্ভ হবে। ভালবাসা এখানে চির-জীবনের নয়, যতক্ষণ লীলাস্থ দেবে, যতক্ষণ আপন ইচ্ছায় ধরা দেবে শুধু ততক্ষণের; বিরহ এখানে তীব্রবেদনাময় নয়, যতক্ষণ নব প্রেমলীলা না আরম্ভ হবে শুধু ততক্ষণের।

কিন্তু এই ক্ষণিক প্রেমলীলার জগতে যদি কোন সত্যিকার প্রেমিকা আসে সে ট্রাজেডি নিয়ে আসবে, তার কাছে ভালবাসা ত ক্ষণিকের স্মলীলা নয়, তা যে আজীবনের সত্য, আত্মার আত্মদর্শন; তার কাছে বিরহ ত নবপ্রেমিকের জন্ম প্রতীক্ষা নয়, তা জীবনের সফলস্বপ্নের শেষ, তার চেয়ে বৃহত্তা মধুর। তাই Liebelie নাটকটিতে দেখি যে, ভিয়েনার বিলাসী world of flirtingতে যখন মহরতলির একটি সত্যিকার প্রেমিকা হ’ল, সে তার ভাগ্যে দুখে বৃত্তা নিয়ে এল, বিলাসীসমাজের ভালবাসার লীলাখেলার মধ্যে তার সত্য প্রেম দাবানলের মত অদৃশ্য করছে। এই বেহালাবাদকের মেয়ে ফ্রিটনের সঙ্গে ভিয়েনার এক বিলাসী যুবক ফিট্‌স্ লীলাচ্ছলেই ভাব করেছিল; ফিট্‌স্ একটি বিলাসিনী বিবাহিতা মহিলার সহিত যে প্রেমের লীলা আরম্ভ করেছে, সে লীলা থামবার জন্তেই ফিট্‌স্‌র মনকে অল্পপথে আনবার জন্তেই ফিট্‌স্‌র বন্ধু ফ্রিট্টিনেকে তার সঙ্গে ভাব করিয়ে দেয়; কিন্তু ফিট্‌স্‌ বা দু’দিনের খেলা ভেবে আরম্ভ করেছিল, তা ফ্রিট্টিনের কাছে আজীবনের সত্য হয়ে উঠল। ফ্রিট্টিন্ যখন তা বুঝতে পারল, সে পরমবেদনার সঙ্গে বলেছিল, “অনন্তকালের কথা বোলোনা। হয়ত জীবনে

এমন ক্ষণ আসে যখন অনন্তকালের স্পর্শ অনুভব করা যায়।”

“সবুজ কাকাতুয়া” (Der Grune Kakadu) নাটকটিতে বাস্তব ও অবাস্তবের কি অপূর্ব গতিময় সংমিশ্রণ পরম শিল্পনৈপুণ্যের সঙ্গে অঙ্কিত হয়েছে। ভিয়েনা সমাজের প্রভাব এ নাটকটিতেও বিশেষ ভাবে দেখা যায়। নাটকটির পরিকল্পনা খুবই মৌলিক. ১৭৮৯র ১৪ই জুলাই ফরাসীবিপ্লবের সূচনার সময় পারির একটি নাটক-তলা innএ নাটকের দৃশ্য; সরাইখানাটি আবার অপূর্ব, সেটা অদৃষ্ট রক্ষালয়, সেখানে পারির বিলাসী অভিজাত নরনারীগণ আসেন, তাঁদের আমোদপ্রমোদের জন্য অভিনেতা ও অভিনেত্রীরা চোর জোচোর, মাতাল, খুনী, ইত্যাদি পাপী আইনভঙ্গকারী সঙ্গে নানা রঙ্গ অভিনয় করে; চুরী, বাড়ীতে আগুন দেওয়া, ভালবাসার প্রতিহিংসার জন্ম হত্যা ইত্যাদি উদ্ভেজনাকর গল্প বলে। এই “সবুজ কাকাতুয়া” রঙ্গালয়ে বিলাসী অভিজাতগণের গল্পগুণের সঙ্গে ফরাসীবিপ্লবের গতিময় ঘটনা জড়িয়ে রঙ্গ ও বাস্তব এমন মিলে মিশে জড়িয়ে গেছে যে কোনটা সত্য কোনটা অভিনয় তা বুঝতে মন সন্দেহে ভ’রে যায়, এই সত্য ও রঙ্গের দন্দনয় জগতে মন যেমন মুগ্ধ তেমনি ভীত ক্রম হ’য়ে দিশাহারা হ’য়ে যায়।

নাটকট আলাবীর প্রায়ের উত্তবে রোলা বজছেন, “সত্যভীর বাবহার করা আর অভিনয় করা...আপনি তার মধ্যে কোন বুঝতে পারেন নাইটমশাই? আমিও পারিনা। আর এই সবুজ কাকাতুয়াতে এই আমার সব চেয়ে ভাল লাগে যে, এখানে সত্য ও মিথ্যা স্বরূপের প্রতীয়মান প্রভেদ যেন চ’লে যায়,— সত্য অভিনয়লালার মত হয়,— অভিনয় সত্য হ’য়ে ওঠে।”

কবি রোলা’র এই কথাগুলি স্নিত্কার-নাট্যজগতের মঙ্গল-কথা। এরূপ পরমবিশেষত্বপূর্ণ মৌলিক নাটক প’ড়ে বিশেষভাবে মুগ্ধ ও আনন্দিত হ’য়ে বাংলার পাঠকপাঠিকাদের জন্ম স্নিত্কারের নাটক অনুবাদ করলুম। একটি নাটককে ঠিকভাবে ভাষান্তরিত করা খুবই শক্ত, তা ছাড়া আমি জ্ঞান-ভাষার নবীন ছাত্র, সেজন্য অনুবাদে কিছু ভুল ক্রটি আছে,। আশা করি পাঠকপাঠিকারা আমাকে ক্ষমা করবেন।

দরকার নেই। (ঘরে প্রবেশ করিল। খিওডরের প্রতি) তোমার ছড়ি, ওভারকোট রাখো ?

পাত্র-পাত্রী

হান্স ভাইরিং ... জোসেফ ষ্টাড থিয়েটারের
বেহালাবাদক
ক্রিস্টিনে ... ভাইরিংএর মেয়ে
মিস্টি সুগার ... ক্রিস্টিনের বান্ধবী
কাথারিনা বিন্ডার ... এক মোজা তৈরী করা তাঁতির স্ত্রী
লিনা ... কাথারিনা বিন্ডারের
ন'বছরের মেয়ে
ফ্রিট্‌স লোব হাইমার }
খিওডর বাইজার } তরণ যুবকদ্বয়
একজন ভদ্রলোক

স্থান—ভিয়েনা

কাল—বর্তমান সময়

প্রথম অঙ্ক

(ফ্রিট্‌স লোবহাইমারের ঘর—বেশ সাজান আরামজনক ঘর)

(ফ্রিট্‌স ও খিওডর প্রথমে প্রবেশ করিল, তাহার

এক হাতে ওভারকোট, ঘরে প্রবেশ করিয়াই

মাথা হইতে টুপিটি খুলিল, হাতে ছড়ি)

ফ্রিট্‌স

(বাহিরে) তা হ'লে দেখা করতে কেউ আসে নি ?

চাকরের গলা

না, হুজুর কেউ আসেনি।

ফ্রিট্‌স

(ঘরে প্রবেশ করিয়া) গাড়ী রেখে দেবার কোন দরকার নেই, যেতে বলি ?

খিওডর

হ্যাঁ, নিশ্চয়, আমি ভাবছিলাম, তুমি চ'লে যেতে ব'লে দিয়েছ।

ফ্রিট্‌স

(আবার বাহিরে গিয়া, দ্বারের কাছে ভূতোর প্রতি) গাড়ীটাকে চ'লে যেতে বলো, আর...তুমিও যেতে পারো; আমার কোন

খিওডর

(লেখবার টেবিলের কাছে) কয়েকখানা চিঠি রয়েছে তোমার। (স টুপি ও ওভারকোট আরাম কেদারার ওপর ফেলিয়া রাখিল, ছড়িটি কিন্তু হাতে রহিল)

ফ্রিট্‌স

(তাড়াতাড়ি লিখিবার টেবিলের দিকে গিয়া) আ !

খিওডর

ওহে, তোমার চিঠি খুলে দেখ।

ফ্রিট্‌স

এ বাবার চিঠি...(আর একটি চিঠি খুলিয়া) লেন্ড্র লিখেছে...

খিওডর

তার জন্তে ভেবো না।

ফ্রিট্‌স

[চিঠির ওপর চোখ বুলাইয়া গেল]

খিওডর

বাবা কি লিখেছেন ?

ফ্রিট্‌স

বিশেষ কিছু না...লিখেছেন উইটসেন্‌টাইডে আট দিনের জন্ত গাঁয়ের বাড়ীতে যেতে।

খিওডর

খুব ভাল কথা। আমার ইচ্ছে তোমায় পাঁচ ছ' মাসের জন্তে বাহিরে পাঠিয়ে দি।

(ফ্রিট্‌স টেবিলের দিকে মুখ করিয়া দাঁড়াইয়াছিল, ঘুরিয়া খিওডরের মুখোমুখি হইয়া দাঁড়াইল)

খিওডর

হ্যাঁ, সেখানে ঘোড়ায় চড়বে, খোলা বাতাস পাবে—গ্রামের গোপিনীরা আছে—

ফ্রিট্‌স

আমাদের ওখানে কোন গোপিনীদল নেই !

খিওডর

হঁ, আমি কি বলতে চাই, তুমি বুঝতে পারছ...



ফ্রিট্‌স্

তা, আমার সঙ্গে তুমিও চল না ?

থিওডর

আমি যেতে পারি না।

ফ্রিট্‌স্

কেন ?

থিওডর

দেখ ত সামনে আমার পরীক্ষা ! তা, তোমার সঙ্গে যেতে পারি, তোমায় সেখানে রেখেই চ'লে আসব।

ফ্রিট্‌স্

থাক, থাক ! আমার জন্তে অত ভাবতে হবে না !

থিওডর

দেখ, তোমার যা দরকার, আমি বেশ বুঝছি ; খোলা জায়গায় নির্মূল বাতাস হচ্ছে তোমার সব চেয়ে দরকার। সেদিন যে আমরা সহরের বাইরে গেছলুম, সেই খোলা মাঠের মধ্যে সত্যিকার বসন্ত এসেছে, সেখানে তুমি একেবারে বদলে গেছিলে। তোমার মন কত শান্ত তোমার প্রকৃতি কত মধুর হয়েছিল।

ফ্রিট্‌স্

ধন্যবাদ !

থিওডর

আর এখন, এখন তুমি আবার ভেঙে পড়েছ। এখন এই বিপদভরা আবহাওয়ার মধ্যে—

ফ্রিট্‌স্

(বিরক্ত চঞ্চল হইয়া উঠিল)

থিওডর

দেখ, সেদিন যে আমরা সেই বাইরে বেড়াতে গেছলুম, সেদিন তুমি কি রকম স্বাভাবিক ফুর্টিতে ভ'রে উঠেছিলে, তা তুমি নিজে কিছু বোঝ নি—তোমার মধ্যে তোমার পুরোনো দিনের সরল সহজ আনন্দভরা রূপ ফিরে এসেছিল—তবে অবশ্য আমাদের সঙ্গে সেই চমৎকার মেয়ে দুটি ছিল। আর এখন,—এখন আর মনে কোন ফুর্টি নেই, এখন (বাক্যময়) করুণতার সহিত এখন 'সেই মেয়েমানুষটির' কথা ভাবাই তোমার বিশেষ দরকার। (ফ্রিট্‌স্ বিরক্তভাবে উঠিয়া দাঁড়াইল)

থিওডর

দেখ বন্ধু, তুমি আমায় ভাল ক'রে জান না দেখছি। কিন্তু ব'লে রাখছি, আমি আর এ ব্যাপারটা বেশাদূর গড়াতে দিচ্ছি না।

ফ্রিট্‌স্

মাই গড্ ! তুমি একেবারে নাছোড়বান্দা !

থিওডর

দেখ, আমি বলছি না যে তুমি তোমার মেয়েমানুষটিকে ভুলে যাও...আমি এই চাই...দেখ ভাই ফ্রিট্‌স্, তোমার এই হতচ্ছাড়া ব্যাপারটার জন্তে তুমি যে সব সময়ই মনের ভেতর কাঁপছ এটাকে তুমি কোন সাধারণ এ্যাডভেঞ্চার ব'লে ভেবে না...দেখ ফ্রিট্‌স্, একদিন যখন তুমি ওই মেয়ে-মানুষটিকে আর পূজা করবে না, তখন তুমি ভেবে অধিক হবে ওর সঙ্গে তোমার সম্পর্ক কত সুন্দর হতে পারত ; তখন তুমি বুঝবে ওর মধ্যে একটা কিছু ভয়ঙ্কর বা অসাধারণ নেই, তখন বুঝবে সে এক মাধুর্যাময়ী শব্দী। অথ সব সুন্দরী যৌবনচঞ্চলা মেজাজ-ওয়ালী নারীদের সঙ্গে যেমন প্রেমের লীলা আমোদপ্রমোদ চলে, তার সঙ্গে তেমনিই চলতে পারত।

ফ্রিট্‌স্

তুমি কেন বলে, আমি সব সময়ে "মনের ভেতর কাঁপছি ?"

থিওডর

তুমি তা জান...আমি তোমায় খুলেই বলাচ্ছি, আমার সব সময় ভয় হয়, বুঝি কোনদিন তুমি ওকে নিয়ে পালাও।

ফ্রিট্‌স্ -

তার মানে ?

থিওডর

(একটু গুরুত্বের পর) আর এইটাই একমাত্র বিপদ নয়—আর এক বিপদ আছে।

ফ্রিট্‌স্

ঠিক বলেছ, থিওডর,—আর একটা বিপদ আছে।

থিওডর

তাই বলি, কোনরকম বোকামি কোরো না।

শ্রীমণীন্দ্রলাল বসু

ফ্রিট্‌স্

(যেন নিজেকে বলছে) আর একটা বিপদ—

থিওডর

কি ?...তুমি যেন তা নিশ্চিত ব'লে ভাবছ ।

ফ্রিট্‌স্

না, না, নিশ্চিত ব'লে মোটেই ভাবছি না...(জানালা দিয়ে একবার উঁকি মেরে) সে সেদিনও আর একবার ভুল করেছিল ।

থিওডর

কি ?...কি বলছ ?...আমি কিছু বুঝতে পারছি না ।

ফ্রিট্‌স্

না, কিছু না ।

থিওডর

না, কি লুকোচ্ছ, খুলে বল ।

ফ্রিট্‌স্

গেল বার সে মাঝে মাঝে বড় ভয় পাচ্ছিল ।

থিওডর

কেন ? নিশ্চয় এর কোন কারণ আছে ।

ফ্রিট্‌স্

কিছু না । নারভ্যাম্ (বাস্কের সহিত) বিবেকের দংশন বলতে পার ।

থিওডর

তুমি বললে, সে আগেও একবার ভুল করেছিল ।

ফ্রিট্‌স্

হ্যা—আবার আজও ।

থিওডর

আজ ? না, এর মানে কি ?

ফ্রিট্‌স্

(অন্ধকণ নীরবতার পর) সে ভাবে...সে ভাবে, কেউ আমাদের লুকিয়ে দেখেছে ।

থিওডর

কি ?

ফ্রিট্‌স্

সে মনের ভয়ে কাল্পনিক অলৌকিক মূর্তি দেখে । (জানালার নিকট যাইয়া) এই পর্দার ফাঁক দিয়ে সে দেখেছে একজন

ওই রাস্তার বাকের দাঁড়িয়ে, সে ভাবে সে হচ্ছে ওর স্বামী । (সহসা থামিয়া গেল) আচ্ছা, এতদূর থেকে কোন মানুষের মুখ চেনা খুব সম্ভব ?

থিওডর

খুব সম্ভব নয় ।

ফ্রিট্‌স্

আমিও তাই বলি । কিন্তু তারপরই ভয়ঙ্কর ! এখান থেকে বাহির হ'তে তার সাহস হয় না, তার অবস্থা ভয়ঙ্কর হ'য়ে ওঠে, খুব কাঁদে ; বলে আমার সঙ্গে আত্মহত্যা করবে—

থিওডর

বটে !

ফ্রিট্‌স্

(একটু নীরবতার পর) আজ আমি বাইরে গিয়ে পথে চারিদিক দেখে এলুম—কোথাও কোন জানা মুখ দেখলুম না...

থিওডর

(নীরব)

ফ্রিট্‌স্

এ বিষয় আমরা নিশ্চিত থাকতে পারি, তোমার কি মনে হয় ? একটা লোক কিছু আর হঠাৎ মাটির মধ্যে ঢুকে যায় না ?...কি, উত্তর দাও ?

থিওডর

কি উত্তর দেব ? হাঁ, লোকে হঠাৎ মাটির মধ্যে ঢুকে অদৃশ্য হয় না । তবে বাড়ীর দরজার পেছনে কিছুক্ষণের জন্যে লুকোতে পারে ।

ফ্রিট্‌স্

আমি সব বাড়ীর দরজা দেখেছি ।

থিওডর

তা হ'লে কোনরকম সন্দেহ জন্মাতে দাওনি ।

ফ্রিট্‌স্

কেউ পথে ছিল না । আমি জানি, ও কাল্পনিক অবাস্তব মূর্তি ।

থিওডর

নিশ্চয় । কিন্তু তোমার এ থেকে খুব সতর্ক হওয়া উচিত ।



ফ্রিট্‌স্

ওর স্বামীর মনে যদি কোন সন্দেহ থাকত, আমি তা নিশ্চয় বুঝতে পারতুম। কাল রাতে তার সঙ্গে আমি থিয়েটারের পর খেয়েছি—তার সঙ্গে ও তার স্বামীর সঙ্গে—আমাদের রাতের ভোজ এত সুন্দর প্রীতিকর হয়েছিল।... হাসির ব্যাপার!

থিওডর

দেখ ফ্রিট্‌স্, আমার আন্তরিক অনুরোধ, এই হতচ্ছাড়া ব্যাপারটা তুমি এইখানে শেষ ক'রে দাও, আর নয়—আমার কথাটা শোন। আমিও সব বুঝতে পারি।... আমি জানি, তুমি যখন একটা প্রেমের আড্ডেন্‌চার শুরু করেছ, তা যে সহসা ছেড়ে দেবে তা মোটেই সম্ভব নয়, সেজ্ঞে আমি তোমার এই বিপদ-ভরা প্রেমের আড্ডেন্‌চার থেকে আর একটা প্রেমের লীলার মধ্যে নিয়ে যেতে চেষ্টা করেছি...

ফ্রিট্‌স্

তুমি ?

থিওডর

হ্যাঁ, তুমি কি ভাব ? এই যে কিছুদিন আগে তরুণী মিত্‌সির সঙ্গে আমরা একসঙ্গে বেড়াতে গেছিলুম, তখন মিত্‌সি যে তার সুন্দরী বান্ধবীটিকে এনেছিল, আমিই ত সে বান্ধবীটিকে জানতে বলেছিলুম। আর সে তরুণীটিকে তোমার যে খুবই ভাল লেগেছিল, তা তুমি অস্বীকার করতে পার কি ?

ফ্রিট্‌স্

সত্যি, বেশ মেয়েটি।... কি মিষ্টি! সত্যি, এই রকম কোমলতার জ্ঞে আমার অন্তর তৃষিত কোন মলিনতা থাকবে না, শুধু স্নিগ্ধ মাধুর্য। বাস্তবিক সে মেয়েটির সঙ্গে আমি যে মাধুর্য যে শান্তি অনুভব করেছিলুম তাতে আমার মনের এই সর্বক্ষণের উদ্বেগ ও বেদনা দূর হ'য়ে গেছিল—আমি যেন বেশ সেরে উঠেছিলুম—

থিওডর

ঠিক! তুমি ঠিক বলেছ! তোমার এই বর্তমান মানসিক অবস্থা দূর করতে হবে—এই উদ্বেগ ও বেদনা।

আমাদের মনকে অস্বাভাবিক পীড়িত করবার জ্ঞে না সহজ আনন্দিত করবার জ্ঞেই মেয়েদের সৃষ্টি। সেই জ্ঞে ত আমি তোমার ওই interesting মেয়েমানুষটির বিরুদ্ধে। নারীর interesting হওয়ার দরকার নেই, মধুর স্নিগ্ধ হওয়ার দরকার। দেখ আমি যেখানে আমার হৃদয়ের সুখ খুঁজে পেয়েছি, তুমি সেখানে তোমার অন্তরের সুখ খুঁজে পাবে। এতে কোন বেদনা আশঙ্কাতরা প্রণয়ের লীলা নেই, কোন বিপদ নেই, কোন ট্রাজেডির ঘটনার ঘাতপ্রতিঘাত নেই; এতে প্রেমের খেলা শুরু করতে বিশেষ বাধা পার হতে হয় না, আর খেলা শেষ হ'য়ে গেলেও তীব্র বেদনায় জ্বলতে হয় না। এ প্রেমের প্রথম চুম্বন মিষ্টি হাসির সঙ্গে আরম্ভ হয়। আর শেষ চুম্বনে অন্তরে শুধু একটু স্নিগ্ধ উদাসতা থাকে।

ফ্রিট্‌স্

হুঁ—

থিওডর

অতি স্বাভাবিকভাবে মেয়েদের দেখ, তারা সহজ সুখে ভরা—আর আমরা কেন তাদের হয় দানবী নয় স্বর্গের পরী ক'রে তুলব ?

ফ্রিট্‌স্

বাস্তবিক তোমার ওই মিত্‌সির বান্ধবীটি একটি রত্ন—কি মিষ্টি! লতার মত জড়িয়ে থাকতে চায়। অনেকবার আমার মনে হয়েছিল, বড় বেশী সুন্দর আমার পক্ষে।

থিওডর

তুমি দেখছি সংশোধনের বাইরে। দেখ, আবার যদি এ ব্যাপারটাও তুমি একেবারে সত্যিভাবে নিতে চাও—

ফ্রিট্‌স্

না, আমি তা বলছি না। আমি তোমার মত মেনে নিচ্ছি—মনটাকে সুস্থ স্বাভাবিক ক'রে তোলবার জ্ঞে।

থিওডর

না, তোমার আর কোন ব্যাপারে আমি থাকতে চাই না। তোমার এই সব প্রেমের ট্রাজেডি আমার ভাল লাগে না, যথেষ্ট হয়েছে। তোমার ওই অতি সাধের বিবেকটিকে তুমি যখন দূর করতে পারবে তখন, ইচ্ছে হয়, আমার কাছে এসো, এ সব বিষয় আমার সহজ সরল মত তোমায়

খিয়ে বলব। অপর কারুর কাছে না গিয়ে আমার
কাজে এসো—

(বাহিরে দরজার বেল বাজিয়া উঠিল)

ফ্রিট্‌স্

কি ? কে এখন ?

থিওডর

দেখ না—তুমি যে একেবারে ফ্যাকাসে হ'য়ে গেলে !
না, শান্ত হও, সেই মেয়ে দু'টি এসেছে ।

ফ্রিট্‌স্

(অবাক হইয়া) বল কি ?

থিওডর

হ্যাঁ, আমি তোমার অনুমতি না নিয়েই এখানে তাদের
আসতে নিমন্ত্রণ করেছি ।

ফ্রিট্‌স্

(বাহিরে যাইতে যাইতে) বেশ ! তা আগে বলো না কেন !

আমি এখন চাকরটাকে চ'লে যেতে বলেছি !

থিওডর

সে ত ভালই ।

ফ্রিট্‌সের স্বর

(বাহিরে) নমস্কার, মিত্‌সি !—

(ফ্রিট্‌স্ ও মিত্‌সি প্রবেশ করিল, মিত্‌সির হাতে একটা প্যাকেট)

ফ্রিট্‌স্

আর, ক্রিস্‌টিন্ কোথায় ?

মিত্‌সি

সে একটু পরেই আসছে, নমস্কার ডোরি ।

থিওডর

(মিত্‌সির হস্ত চুম্বন করিল)

মিত্‌সি

মিষ্টার ফ্রিট্‌স্, আপনি নিশ্চয় অপরাধ নেবেন না।
থিওডর আমাদের এখানে নিমন্ত্রণ করেছে ।

ফ্রিট্‌স্

তা বেশ করেছে, চমৎকার আইডিয়া । কিন্তু থিওডর
একটা জিনিষ ভুলে গেছে—

থিওডর

না হে, থিওডর কিছু ভোলেনি । (মিত্‌সির হাত হইতে
প্যাকেট লইয়া) আমি যা লিখে দিয়েছিলুম তা সব আনা
হয়েছে ?

মিত্‌সি

হ্যাঁ, ঠিক সব এসেছে । (ফ্রিট্‌সের প্রতি) কোথায়
রাখব ?

ফ্রিট্‌স্

আমাকে দিন, এই সাইডবোর্ডে রেখে দি ।

মিত্‌সি

ডোরি—আমি আরও কিছু জিনিষ বেশী কিনেছি,
তুমি তা লেখোনি ।

ফ্রিট্‌স্

আপনার টুপিটা দিন—(টুপি ও ফার পিয়ানোর উপর
রাখিয়া দিল)

থিওডর

(সর্কোতুহলে) কি ?

মিত্‌সি

কফি-ক্রীম-কেক ।

থিওডর

মিষ্টার জেঁাক !

ফ্রিট্‌স্

হ্যাঁ, ক্রিস্‌টিন্ কেন আপনার সঙ্গে এলো না ?—

মিত্‌সি

ক্রিস্‌টিন্ তার বাবাকে থিয়েটারে পৌঁছে দিতে গেছে,
তার পর ট্রামে ক'রে সে এখানে আসবে ।

থিওডর

কি পিতৃপরায়ণা কণ্ঠা দেখছ—

মিত্‌সি

হ্যাঁ, বিশেষত এই মৃত্যুর পর—

থিওডর

কার মৃত্যু হল ?

মিত্‌সি

বুড়ো ভাইরিংএর বোনের ।



থিওডর

ও! আমাদের পিসিমার।

মিত্‌সি

তিনি অবিবাহিতা প্রৌঢ়া ছিলেন—ওর বাবার সঙ্গেই বরাবর থাকতেন, সেজন্ত বড়োর এখন বড় একা একা মনে হয়।

থিওডর

ক্রিস্টিনের বাবা ত দেখতে খাট, আধ-পাকা ছোট চুল—

মিত্‌সি

(মাথা নাড়িয়া) না, লম্বা চুল।

ফ্রিট্‌স্

তুমি কোথায় দেখেছ?

থিওডর

কিছুদিন আগে আমি লেন্সির সঙ্গে জোসেফষ্টাড-থিয়েটারে গেছিলুম, ওখানে যারা কনট্রাবাস বাজায় তাদের ভাল ক'রে দেখেছিলুম।

মিত্‌সি

ওর বাবা ত কনট্রাবাস বাজান না, বেহালা বাজান।

থিওডর

তাই নাকি? আমি ভেবেছিলুম তিনি কনট্রাবাস বাজান! (মিত্‌সি হাসিয়া উঠিল) তা হাসবার কি আছে, আমি কি ক'রে জানব।

মিত্‌সি

মিষ্টার ফ্রিট্‌স্—আপনার এখানটি বেশ সুন্দর ঘর। জানলা দিয়ে কি দেখা যায়?

ফ্রিট্‌স্

জানলা দিয়ে ষ্ট্রেগাসে আর তার বাড়ীগুলো বেশ দেখা যায়—

থিওডর

আচ্ছা, তোমরা এত formal হচ্ছ কেন বলত? এখনও 'আপনি' 'আপনি'।

মিত্‌সি

আচ্ছা, আজ খাবার সময় আমরা মদ খেয়ে 'তুমি' বলার বন্ধুত্ব স্থাপন করব।*

থিওডর

ও, সব একেবারে প্রথা-অনুযায়ী হওয়া দরকার। ভাল-তারপর, তোমার মা কেমন আছেন?

মিত্‌সি

(থিওডরের দিকে ঘুরিয়া বসিয়া, সহসা মুখ গম্ভীর উদ্ভিন্ন) ধন্যবাদ, জান তাঁর—

থিওডর

জানি—দাঁতের বাথা! তোমার ম'র ত সব সময়েই দাঁতে বাথা। অবশেষে একদিন দাঁতের ডাক্তারের কাছে যেতে হবে।

মিত্‌সি

কিন্তু ডাক্তার বলে, ও বাতের জন্ত।

থিওডর

(হাসিয়া) হ্যাঁ—যদি বাত হয়—

মিত্‌সি

(একটি এ্যালবাম হাতে করিয়া) খুব সুন্দর সব ফটো ত রয়েছে (পাতা উল্টাইয়া যাঁতে লাগিল) ...এ কে? আপনি ফ্রিট্‌স্? ...আঁা, ইউনিফর্ম? আপনি কি মিলিটারীতে আছেন?

ফ্রিট্‌স্

হ্যাঁ।

মিত্‌সি

একজন ড্রাগুন!—আপনি হল্‌দে না কালো ড্রাগুন সৈন্যদের দলে?

ফ্রিট্‌স্

(হাসিয়া) হল্‌দে।

মিত্‌সি

(যেন সপ্রাতিষ্ঠ) আ, হল্‌দে ড্রাগুন!

* দুই যুবকের মধ্যে বা যুবক যুবতীর মধ্যে ঘনিষ্ঠ বন্ধুত্ব পাতাইবার 'তুমি' বলা আরম্ভ করিবার এক সুন্দর প্রথা জার্মানীতে, বিশেষতঃ ছাত্র ছাত্রীদের মধ্যে, প্রচলিত আছে। পরস্পর পরস্পরের শুভকামনা ও বন্ধুত্ব জানাইয়া মদ্য পান করিয়া, 'তুমি' বলিতে আরম্ভ করে। ইহাকে Bruderschaft trinken or Fellowship drinking বলে। এই 'তুমি' বলার মদ্যপান কি ভাবে হয় তাহা পাঠক পাঠিকা বা এ নাটোই একটু পরে জানিতে পারিবেন।

থিওডর

কি মিত্‌সি, কি স্বপ্নে বিভোর হ'য়ে গেলে, জেগে ওঠ !

মিত্‌সি

আপনি তা হ'লে কি রিজার্ভড্ লেফ্টেনাণ্ট ?

ফ্রিট্‌স্

হাঁ।

মিত্‌সি

ও, সেই ফারের সাজ প'রে আপনাকে নিশ্চয় খুব সুন্দর দেখায়।

থিওডর

এ বিষয় তোমার বেশ জ্ঞান দেখছি—মিত্‌সি, আমিও ত সৈন্যবিভাগেই আছি।

মিত্‌সি

তুমি ওই ড্রাগুন সৈন্যদলে ?

থিওডর

হা—

মিত্‌সি

হা ? তা কোনদিন তুমি আমায় বল নি ..

থিওডর

দেখ, তুমি আমাকে শুধু এই সাধারণ আমি জেনেই হৃদয়বাস এই আমি চাই।

মিত্‌সি

আচ্ছা ডোরি, এবার আমরা যখন একসঙ্গে বেড়াতে যাবো তুমি তোমার ইউনিফর্ম প'রে আসবে !

থিওডর

এই আগষ্ট মাসে আমাদের কুচকাওয়াজ হবে।

মিত্‌সি

ও, সেই আগষ্ট মাস—কতদিন দেরী—

থিওডর

হাঁ, তা বটে, এই অসীম প্রেম অতদিন পর্য্যন্ত টেঁকে থাকবে না।

মিত্‌সি

আচ্ছা, মে মাসে কে আগষ্ট মাসের কথা ভাবে।
বলুন ত ফ্রিট্‌স্ ?—আচ্ছা ফ্রিট্‌স্, কাল আপনি কেন

অমন ক'বে আমাদের কাছ থেকে পালিয়ে গেলেন ?

ফ্রিট্‌স্

কি রকম ?

মিত্‌সি

বা—ক'ল থিয়েটারের পর।

ফ্রিট্‌স্

থিওডর কি আপনাদের কাছে আমার হ'য়ে ক্ষমা প্রার্থনা করেনি ?

থিওডর

হাঁ, আমি ত করেছিলুম।

মিত্‌সি

যেখো দিন আপনার ক্ষমা প্রার্থনা, তাতে আমার—
আর আসল কথা ক্রিস্টিনে তা শুনবে কেন ! আপনি যা
কথা দিয়েছিলেন তা আপনার রাখা উচিত ছিল।

ফ্রিট্‌স্

সত্যি, আমি যদি আপনার সঙ্গে যেতে পারতুম তা হ'লে
অতিশয় সুখী হতুম।

মিত্‌সি

সত্যি ?

ফ্রিট্‌স্

কিন্তু আমি তা কিছুতেই পারলুম না। আপনি ত
দেখেছিলেন, বক্সেতে আমি পরিচিতদের সঙ্গে ছিলাম, তাঁরা
আমায় কিছুতেই ছাড়লেন না।

মিত্‌সি

হাঁ, সেই সুন্দরী মহিলাটিকে আপনি বুঝি ছেড়ে আসতে
পারলেন না। ভাববেন না যে, আমরা গ্যালারি থেকে
আপনাদের সব দেখিনি।

ফ্রিট্‌স্

আমিও আপনাদের দেখেছি।

মিত্‌সি

আপনি বক্সে পেছনে বসেছিলেন—

ফ্রিট্‌স্

সব সময় নয়।



মিত্‌সি

প্রায় অধিকাংশ সময়। ভেলভেটের বেশ-পরা একটি মহিলার পেছনে আপনি বসেছিলেন, আর সব সময় (দেখার ভঙ্গীর রঙ্গাভিনয় করে) এগ্নি ক'রে উঁকি মেঝে দেখেছিলেন।

ফ্রিট্‌স্

আপনি আমায় খুব ভাল ক'রেই লক্ষ্য করছিলেন দেখছি।

মিত্‌সি

না, আমার কি! কিন্তু আমি যদি ক্রিস্টিন্ হতুম... কিন্তু থিওডরের ত থিয়েটারের পর বেশ সময় ছিল? সে কেন পরিচিতদের সঙ্গে নৈশ ভোজন করতে যাবে না?

থিওডর

(গর্কিত) হাঁ, বন্ধুদের সঙ্গে কেন সে নৈশ ভোজে যাবে না?

(দরজার ঘণ্টা বাজিয়া উঠিল)

মিত্‌সি

এই, ক্রিস্টিন্ আসছে।

ফ্রিট্‌স্

(তাড়াতাড়ি বাহরে গেল)

থিওডর

মিত্‌সি, লক্ষিটি, আমার প্রতি একটি অনুগ্রহ কর।

মিত্‌সি

(জিজ্ঞাসুভাবে)

থিওডর

দেখ, ওটা ভুলে যাও,—অস্বস্ত কিছুদিনের জন্তে—তোমার ওই মিলিটারি-স্মৃতিটি আর মনে এনো না।

মিত্‌সি

আমার কোন মিলিটারি-স্মৃতি নেই।

থিওডর

না! দেখ, এই মিলিটারি সাজসজ্জা সম্বন্ধে তোমার এতটা জ্ঞানলাভ যে মিউজিয়েমের মডেল দেখে তুমি তা সবাই বুঝতে পারে।

(ফ্রিট্‌স্ ও ক্রিস্টিনের প্রবেশ, ক্রিস্টিনের হাতে ফুলের তোড়া)

ক্রিস্টিনে

(একটু লাজুকতার সহিত) শুভসন্ধ্যা! (ফ্রিট্‌সের প্রতি) কি, আমরা এসেছি ব'লে খুসি?—না, চোটোনা?

ফ্রিট্‌স্

কি বলে দেখ!—হাঁ, কখন কখন থিওডরের মাথায় আমার চেয়ে ভাল আইডিয়া আসে—

থিওডর

কি, বাবা এখন থিয়েটারে বেহালা বাজাচ্ছেন?

ক্রিস্টিনে

হাঁ, আমি তাঁকে থিয়েটার পর্যন্ত পৌঁছে দিয়ে এলুম।

ফ্রিট্‌স্

মিত্‌সি তা বলেছেন।

ক্রিস্টিনে

(মিত্‌সির প্রতি) তারপর কাথারিন আমাকে কিছুক্ষণ দাঁড় করিয়ে রাখলে।

মিত্‌সি

হাঁ, কি ছুঁ, মেয়েমানুষ।

ক্রিস্টিনে

না, না, আমার সঙ্গে ও খুব ভাল ব্যবহার করে।

মিত্‌সি

হাঁ, তুমি ত সবাইকে ভাল ব'লে মনে কর।

ক্রিস্টিনে

কেন, আমার ও কি মন্দ করবে?

ফ্রিট্‌স্

কাথারিনা আবার কে? —

মিত্‌সি

ওই এক মেয়েমানুষ আছে, তার স্বামী মোজা তৈরী করে; কাথারিনার সব সময় এই রাগ যে আমরা সবাই তার মত বুড়ী নই, সব তরুণী।

ক্রিস্টিনে

তারও ত বয়স খুব বেশী নয়।

ফ্রিট্‌স্

যাক্ কাথারিনার কথা—তুমি ও কি এনেছ?

শ্রীমণীন্দ্রলাল বসু

ক্রিস্টিনে

কিছু ফুল

ফ্রিট্‌স্

(ফুলগুলি লইয়া তাহার হাতে চুম্বন করিল) তুমি স্বর্গের পরী !
রোসো, ফুলদানিতে রাখা যাক...

থিওডর

আরে না ! ফুল সাজাবার তোমার কোন আইডিয়া
নেই। ফুল খাবার টেবিলের চারিদিকে ছড়াব...যখন
খাবার টেবিল সাজান হবে, তখন এমন ক'রে ফুল সাজাতে
হবে যেন তারা ওপর থেকে আমাদের ওপর ঝরে পড়েছে।
কিন্তু সে রকম হয় না বুঝি।

ফ্রিট্‌স্

হাসিয়া) বোধ হচ্ছে ত না।

থিওডর

আচ্ছা ততক্ষণ এইখানে থাক (ফুলগুলি ফুলদানিতে রাখিয়া
দিল)।

মিত্‌সি

অন্ধকার হ'য়ে আসছে।

ফ্রিট্‌স্

ক্রিস্টিনেকে তাহার ওভারকোট খুলিতে সাহায্য করিল, তাহার
ওভারকোট ও টুপি পেছনের এক চেয়ারে রাখিয়া দিল) হাঁ, এখন
ল্যাম্পটা জ্বালাতে হয়।

থিওডর

ল্যাম্প ! তোমার মাথায় কোন আইডিয়া নেই।
আমরা বাতির সারি জ্বালাব, সে কি সুন্দর বল ত। মিত্‌সি,
আমায় সাহায্য কর।

থিওডর ও মিত্‌সি বাতি জ্বালাইতে লাগিল,—ওয়ার্ডরোবের
ওপর দুই বাতিদানে দুই বাতি, লেখবার টেবিলের ওপর এক বাতি ও
চেয়ারে দুই বাতির ওপর দুইটি বাতি জ্বালান হইল।

(থিওডর ও মিত্‌সি বাতি জ্বালাইতে বাস্তব, ফ্রিট্‌স্ ও ক্রিস্টিনে
পরস্পর কথা কহিতে লাগিল)

ফ্রিট্‌স্

তারপর, কেমন আছ ?

ক্রিস্টিনে

এখন ত বেশ ভাল আছি।

ফ্রিট্‌স্

হঁ, আর অন্য সময় ?

ক্রিস্টিনে

তোমার জন্তে এত মন কেমন করছ।

ফ্রিট্‌স্

কেন, কাল ত আমার সঙ্গে দেখা হয়েছিল।

ক্রিস্টিনে

দেখা...দূর থেকে...না, ও তোমার মোটেই ভাল হয়নি
...কাল তুমি—

ফ্রিট্‌স্

হাঁ, জানি, মিত্‌সি আমায় বলেছে। কিন্তু তুমি
একেবারে ছেলেমানুষ। আমি কিছুতেই আসতে পারলুম
না। এ তোমার বোঝা উচিত।

ক্রিস্টিনে

হাঁ,...আচ্ছা ফ্রিট্‌স্, কালকে ওরা বক্সে ছিল, কে ?

ফ্রিট্‌স্

আমার আলাপী,—তুমি ওদের জাননা, নাম জেনে কি
হবে।

ক্রিস্টিনে

ওই যে কালো ভেলভেট প'রে মহিলাটি ছিলেন, উনি
কে ?

ফ্রিট্‌স্

দেখ, বেশভূষা সম্বন্ধে আমার স্বতিশক্তি বড় কম।

ক্রিস্টিনে

হাই না-কি ?

ফ্রিট্‌স্

অর্থাৎ, কারুর কারুর বেলা অবশ্য আমার মনে থাকে,
যেমন ধর, তোমার সঙ্গে আমার যেদিন প্রথম দেখা হয়েছিল
সেদিন তুমি যে একটি ঘনঘূসর ব্লাউজ পরেছিলে, তা
আমার মনে আছে। আর কাল থিয়াটারে সাদা-কালো
ব্লাউজ...

ক্রিস্টিনে

আজ এখনও ত সেই ব্লাউজই প'রে।



ফ্রিট্‌স্

তাইত, ... দেখ দূর থেকে আবার অন্তরকম দেখায়।
--সত্যি! আর তোমার গলার সেই লকেট আমার মনে
আছে!

ক্রিস্‌টিনে

(হাসিয়া) কখন পরেছিলুম?

ফ্রিট্‌স্

সেই যে—হাঁ, সেই যেদিন আমরা বাগানে বেড়াতে
গেছিলুম, গাছের তলায় ছেলেমেয়ের দল খেলা করছিল ..
সেখানে, তাই নয়?

ক্রিস্‌টিনে

হঁ, আমার কথাও কখন কখন মনে থাকে দেখছি।

ফ্রিট্‌স্

ও, প্রায়ই ...

ক্রিস্‌টিনে

কিন্তু আমি যত তোমার কথা ভাবি তত নয়। আমি
সব সময় তোমাকে ভাবি . সমস্ত দিন...আর তোমার দেখা
না পেলে মন ভাল থাকে না!

ফ্রিট্‌স্

আমাদের ত প্রায়ই দেখা হয়।

ক্রিস্‌টিনে

প্রায়ই...

ফ্রিট্‌স্

নিশ্চয়। তবে আসছে গ্রীষ্মে আমাদের এত ঘন ঘন দেখা
হবে না... হয়ত আমি কয়েক সপ্তাহের জন্তে বাইরে
বেড়াতে যাবো। কি বল?

ক্রিস্‌টিনে

(উদ্বিগ্নভাবে) কি? তুমি বাইরে চ'লে যাবে?

ফ্রিট্‌স্

আরে না.. তবে আমার খেলাও হ'তে পারে ত সাত
আট দিন একা নির্জনে থাকতো।

ক্রিস্‌টিনে

কেন?—না।

ফ্রিট্‌স্

কি বিপদ! আমি বলছি, 'হ'তে পারে', সবই ত সম্ভব,
বিশেষত আমি যে রকম খামখেয়ালী। আর তোমারও
ইচ্ছে হ'তে পারে, কয়েকদিন আমার সঙ্গে দেখা করবে
না...তোমার এরকম ইচ্ছে করাটা আমি ভুল বুঝব না।

ক্রিস্‌টিনে

কখনও আমার ওরকম ইচ্ছে হবে না, ফ্রিট্‌স্।

ফ্রিট্‌স্

তা কেউ নিশ্চিত ক'রে বলতে পারে না।

ক্রিস্‌টিনে

আমি জানি...আমি তোমায় ভালবাসি।

ফ্রিট্‌স্

আমিও তোমায় খুব ভালবাসি।

ক্রিস্‌টিনে

কিন্তু, তুমি আমার সর্বস্ব, ফ্রিট্‌স্, তোমার জন্তে
আমি...(খামিয়া গেল) না, আমি কখনও কল্পনা করতে
পারি না যে, ভবিষ্যতে এমন কোন সময় আসবে যখন
তোমাকে আমি দেখতে চাইব না। যতদিন বেঁচে থাকব,
ফ্রিট্‌স্, আজীবন—

ফ্রিট্‌স্

(তাহার কথায় বাবা দিয়া) আরে খুকি, থাম্...ওরকম
সব কথা না বলাই ভাল...ওসব বড় বড় কথা আমার ভাল
লাগে না, ও সব চিরদিনের অনন্তকালের কথা থাক ..

ক্রিস্‌টিনে

(করণভাবে হাসিয়া) তার জন্তে চিন্তিত হোয়ো না
ফ্রিট্‌স্...আমি জানি, এ চিরদিনের জন্তে নয়...

ফ্রিট্‌স্

তুই আমায় ভুল বুঝিস্, ও খুকি! হতে ত পারে,
(হাসিয়া) হয়ত কোনদিন আমরা কেউ কাউকে মোটেই
ভালবাসব না? আমরা মানুষ বৈ ত নয়।

থিওডর

(জলন্ত বাতিগুলিকে দেখাইয়া) ওহে, অনুগ্রহ ক'রে আমাদের
এদিকে দেখো দিকি...কি রকম, তোমার ওই ল্যাম্পের
খালোর চেয়ে অনেক ভাল দেখাচ্ছে না?

ফ্রিট্‌স্

সাজাবার তোমার জন্মগত প্রতিভা আছে দেখছি।

থিওডর

ও হে, এখন তা হ'লে খেতে বসলে হয় না ?

মিত্‌সি

হাঁ....ক্রিস্‌টিন্, আয়!

ফ্রিট্‌স্

রোসো, প্লেট কাঁটা চামচ কোণায় আছে আমি দেখিয়ে দিই।

মিত্‌সি

আগে টেবিল ক্লথ চাই।

থিওডর

(ঈশ্বরজন্মের উচ্চারণ অনুকরণ করে গিয়াটারে ক্লাউনেরা যেমন বলে তেমনি করে) “একটি টেবিল ক্লথ।”

ফ্রিট্‌স্

কি ব্যাপার ?

থিওডর

আরে, মনে নেই অরফেউমতে সেই ক্লাউনটা কেমন বলাছিল, “এই একটা টেবিল ক্লথ”...“এই একটা ছোট প্লেট”...“এই একটা ছোট খোকা”।

মিত্‌সি

ডোরি, বলি কবে আমায় অরফেউম দেখাতে নিয়ে যাচ্ছ বল ত, তুমি ত কদিন থেকে আমায় বলছ। হাঁ, ক্রিস্‌টিনেও আমাদের সঙ্গে আসবে, আর মিষ্টার ফ্রিট্‌স্ও। (ফ্রিট্‌স্ সাইডবোর্ড হইতে টেবিল ক্লথ বাহির করিয়া দিল, মিত্‌সি গহার হাত হইতে লইল) তখন আমারই কিছু বস্তুর আলাপী বন্ধু...

ফ্রিট্‌স্

হাঁ, হাঁ...

মিত্‌সি

তখন ওই কালো ভেলভেট-পরা মহিলাটিকে একাই বাড়া ফিরতে হবে।

ফ্রিট্‌স্

কি সব সময় কালো ভেলভেট পরা মহিলা—এ সত্যি পাগলামি !

মিত্‌সি

আচ্ছা, তাঁর সঙ্গে আমাদের কি...হঁ, খাবার সব কোথায় ? (ফ্রিট্‌স্ খোলা সাইডবোর্ড দেখাইল) বেশ, আর প্লেট কাঁটা চামচ ?.. ধন্যবাদ.. এখন আমরা একাই সব সাজিয়ে ঠিক করছি...যান, যান, আপনাকে কোন সাহায্য করতে হবে না।

থিওডর

(সোফাতে হেলান দিয়া শুইয়া পড়িয়াছিল। ফ্রিট্‌স্ তাহা সম্মুখে আসিল)

মিত্‌সি ও ক্রিস্‌টিনে টেবিল সাজাইতে লাগিল)

মিত্‌সি

আরে, ফ্রিট্‌স্‌এর ইউনিফর্ম-পরা ফটো দেখেছিস ?

ক্রিস্‌টিনে

না।

মিত্‌সি

দেখিস, খুব smart !

থিওডর

(সোফা হইতে) এই রকম সন্ধ্যাগুলিকে মনে হয় স্বপ্ন !

ফ্রিট্‌স্

সুন্দর !

থিওডর

বড় চমৎকার লাগে, নয় ?

ফ্রিট্‌স্

হ্যা, এই রকম যদি সব সময় হ'ত।

মিত্‌সি

মিষ্টার ফ্রিট্‌স্, কফি কি মেসিনে * দেওয়া আছে ?

ফ্রিট্‌স্

হ্যা, তবে স্পিরিট ল্যাম্পটাতে কফি ক'রে নিন, মেসিনে করিতে গেলে এক ঘণ্টার ওপর লাগবে...

থিওডর

(ফ্রিট্‌স্‌এর প্রাত) এমন একটি লক্ষ্মী মেয়ের জন্তে আমি দশটা দানবী মেয়েমানুষকে ছাড়তে পারি।

* ভাল কফি করিবার এক প্রকার বিশেষ যন্ত্র আছে। কফি চা'র মত গরম ফুটন্ত জলে ফেলিয়া করা হয় না। এই যন্ত্রের সাহায্যে জল ফুটিয়া বাষ্প হইয়া কফির আধারের মধ্য দিয়া গিয়া আবার জল হইয়া অপর পাশে জমা হয়।



ফ্রিট্‌স্

দেখ ওরকম ওদের মধ্যে তুলনা করা চলে না।

থিওডর

হাঁ, আমরা যে মেয়েদের সতি ভালবাসি তাদের আমরা ঘৃণা করি—আর যারা আমাদের জন্তে কেয়ার করে না তাদের আমরা ভালবাসি—

ফ্রিট্‌স্

(হাসিয়া উঠিল)

মিত্‌সি

কি ? আমাদের বলো !

থিওডর

ও তোমাদের জন্তে নয় বাছারা, আমরা একটু philosophise করছি। [ফ্রিট্‌স্‌এর প্রতি] ধরো, এই যদি আমাদের শেষবারের মিলন হয়, তাতেও আমরা ফুন্ডি করব না, কি বলো ?

ফ্রিট্‌স্

শেষবার...দেখ, তা ভাবলেই মন ভারী হ'য়ে আসে, বিদায়ের ভাবনা সব সময়ে মনে বেদনা আনে—এমন কি যখন মানুষ ছেড়ে যেতেই চায় তখনো !

ক্রিস্‌টিনে

ফ্রিট্‌স্, খাবারগুলো কোথায় ?

ফ্রিট্‌স্

(সাইডবোডের কাছে গিয়া) এই, এইখানে ডিয়ার !

মিত্‌সি

(সামনে আসিল, শোফায় আধ শোওয়া থিওডরের মাথার চুলে হাত বুলাইল)

থিওডর

কি লক্ষী মেয়ে !

ফ্রিট্‌স্

(মিত্‌সি যে প্যাকেট আনিয়াছিল, তাহা খুলিল) চমৎকার !

ক্রিস্‌টিনে

(ফ্রিট্‌স্‌এর প্রতি) দেখ, কেমন সব সুন্দর সাজান হয়েছে !

ফ্রিট্‌স্

হাঁ...(প্যাকেট হইতে খাবার জিনিষ সব সাজাইয়া রাখিতে লাগিল --সার্ডিন মাছের বাস্ক, ঠাণ্ডা মাংস, মাখন, চিজ ইত্যাদি)

ক্রিস্‌টিনে

ফ্রিট্‌স্, আমায় বলো না ?

ফ্রিট্‌স্

কি ?

ক্রিস্‌টিনে

সেই মহিলাটি কে ?

ফ্রিট্‌স্

দেখ, আমায় জ্বালিও না। (দীরভাবে) দেখ, আমাদের মধ্যে খোলাখুলি বোঝাপড়া হয়েছে—কোন প্রশ্ন নয়। কোন কথা জিজ্ঞেস নয়, এই হচ্ছে সব চেয়ে ভাল। যখন আমরা দু'জনে একসঙ্গে, বাহিরের পৃথিবীর কোন অস্তিত্ব নেই।—আমিও তোমাকে কোন প্রশ্ন জিজ্ঞেস করছি না।

ক্রিস্‌টিনে

তুমি আমাকে তোমার যা ইচ্ছা হয় জিজ্ঞেস করতে পারো।

ফ্রিট্‌স্

কিন্তু আমি ত কিছু জিজ্ঞেস করছি না, আমি কিছু জানতে চাই না।

মিত্‌সি

(ফিরিয়া আসিয়া) আ, কি অগোছাল করছেন টেবিলে—(খাবার জিনিষগুলি লইল, প্লেটেতে সাজাইয়া রাখিতে লাগিল) এই রকম...

থিওডর

ফ্রিট্‌স্, কিছু মদ আছে ত ?

ফ্রিট্‌স্

হাঁ, খুব ভাল জিনিষই পাবে। (ভেতরের ঘরে চলিয়া গেল)

থিওডর

(সোফা হইতে উঠিল, টেবিলের সামনে আসিয়া দাঁড়াইল) বা, বেশ !

মিত্‌সি

সব ঠিকঠাক !

ফ্রিট্‌স্

(কয়েকটি বোতল হাতে করিয়া প্রবেশ করিল) এই যথেষ্ট

স্বা।

থিওডর

হাঁ, গোলাপ ফুলগুলি কোথায়, সেগুলো ত ওপর থেকে ঝরে পড়বে, না ?

মিত্‌সি

ঠিক, ঠিক, গোলাপগুলো ভুলে গেছলুম ! (গোলাপ ফুলগুলি মিত্‌সি ফুলদানি হইতে লইল, একটি চেয়ারে উঠিয়া পাড়াইল, এবং ওপর হইতে ফুলগুলি টেবিলের ওপর ছড়াইয়া ফেলিয়া দিল) এঁই, হয়েছে ।

ক্রিস্‌টিনে

গড্‌, মিত্‌সি ক্ষেপে গেছে নাকি !

থিওডর

কিন্তু ডিসের ওপর নয়...

ফ্রিট্‌স্

ক্রিস্‌টিন্‌, তুমি কোথায় বসবে ?

থিওডর

কর্কস্কু কোথায় ?

ফ্রিট্‌স্

(সাইডবোর্ড হইতে বাহির করিয়া) এই নাও ।

মিত্‌সি

(মোদের বোতল খুলিতে গেল)

ফ্রিট্‌স্

ও, আমাকে দিন, খুলছি ।

থিওডর

আরে, আমার দাও...(বোতল ও কর্কস্কু হাত হইতে লইয়া)

তুমি ইতিমধ্যে একটু...(পিয়ানোবাদকের লীলায়িত চঞ্চল আঙ্গুলের মত আঙ্গুলের ভঙ্গী করিল)

মিত্‌সি

হাঁ, সে বেশ । (মিত্‌সি তাড়াতাড়ি পিয়ানোর নিকট গেল, পিয়ানোর ওপর জ্বিনিবগুলি একটি চেয়ারে রাখিয়া দিয়া পিয়ানো খেলিল)

ফ্রিট্‌স্

(ক্রিস্‌টিনের প্রতি) বাজাবো ?

ক্রিস্‌টিনে

হাঁ, নিশ্চয় ! আমি তোমায় আগেই বল্‌ব ভাবছিলুম ।

ফ্রিট্‌স্

(পিয়ানোর টুলে বসিয়া) তুমিও ত কিন্তু বাজাতে পারো ।

ক্রিস্‌টিনে

(কথাটা কাটাইয়া দিবার জন্ত) ও, না ।

মিত্‌সি

হাঁ, ক্রিস্‌টিন্‌, তুই ত বাজাতে পারিস...ও গাইতেও পারো ।

ফ্রিট্‌স্

সত্যি ? একথা ত তুমি আমায় বলনি ।

ক্রিস্‌টিনে

তুমি আমার কোনদিন জিজ্ঞেস করেনি ।

ফ্রিট্‌স্

কোথা থেকে গান গাইতে শিখলে ?

ক্রিস্‌টিনে

আমি নিয়মিতরূপে কোথাও শিখিনি । এই বাবা মাঝে মাঝে একটু শিখিয়েছেন—কিন্তু আমার তেমন গলা নেই । তারপর জানো, পিসিমা মারা যাবার পর, তিনি আমাদের সঙ্গে বরাবর থাকতেন—তারপর থেকে এখন বাড়া চুপচাপ ।

ফ্রিট্‌স্

সারাদিন কর কি ?

ক্রিস্‌টিনে

ও, আমার কত কাজ, বহুৎ ।—

ফ্রিট্‌স্

বাড়ীতে এত কাজ—কি রকম ?—

ক্রিস্‌টিনে

হাঁ, তারপর স্বরলিপি কপি করি, অনেক স্বরলিপি—

থিওডর

স্বরলিপি ?—

ক্রিস্‌টিনে

হ্যাঁ ।



থিওডর

তা থেকে অনেক টাকা পাও, তা হ'লে। (অপর সকলে হাসিয়া উঠিল) নিশ্চয়, আমি হ'লে ত অনেক টাকা নিতুম। পরলিপি লেখা নিশ্চয় খুব পরিণামের কাজ।

মিত্‌সি

বাস্তবিক, ও যে কেন এত খেটে মরে! (ক্রিস্টিনের প্রতি) আমার যদি তোর মত গলা থাকত, আমি এতদিনে গিয়াটারে যেতুম।

থিওডর

তার জন্তে তোমার গলার দরকার নেই...তুমি সারা-দিনই ত থিয়েটার ক'রে বেড়াচ্ছ।

মিত্‌সি

হ্যাঁ, জানো মশাই, আমার দু'টি ছোট ভাই আছে, তারা স্কুলে যায়, রোজ সকাল বেলা তাদের জাগান, খাওয়ান, কাপড় পরান সব আমায় করতে হয়, তাৎপর তাদের স্কুলের পড়া শিখিয়ে দিতে হয়—

থিওডর

এর একটি কথাও সত্যি নয়।

মিত্‌সি

তা যদি বিশ্বাস না করতে চাও!—আর গত শরৎকাল পর্যন্ত আমি যে দোকানে কাজ করেছি সকাল আটটা থেকে রাত আটটা পর্যন্ত—

থিওডর

(ঈর্ষ উপহাসের সুরে) কোথায়?

মিত্‌সি

এক টুপির দোকানে। মা'র ইচ্ছে আবার আমি সেখানে কাজ নি।

থিওডর

তা সেখান থেকে ছেড়ে এলে কেন?

ফ্রিট্‌স

(ক্রিস্টিনের প্রতি) আমাদের গান শোনাতে হবে!

থিওডর

এস হে, এস খেতে আরম্ভ করা যাক। আর তুমি বাজাবে নাকি?

ফ্রিট্‌স

(উঠিয়া, ক্রিস্টিনের প্রতি) এসো! (তাহাকে টেবিলে লইয়া গেল)

মিত্‌সি

কাফি! কাফি এদিকে ফুটে গেল, আমরা এখনও খেতে আরম্ভ করিনি!

থিওডর

তাতে কিছু আসে যায় না।

মিত্‌সি

এদিকে যে উথলে পড়ছে! (সে স্পিরিটলাম্প নিভাইয়া দিল)

(সকলে টেবিলে পাঠিতে বসিল)

থিওডর

কি প্রথমে আরম্ভ করা যায়, মিত্‌সি? কেবল কিছু সেই সবশেষে। প্রথমে তেতো জিনিষ, তারপর মিষ্টি।

ফ্রিট্‌স

(মদ আনিয়া গেলাসে ঢালিতে গেল)

থিওডর

না হে ওরকম নয়, তুমি মদ ঢালবার নূতন কেতা জান না বুঝি? (থিওডর উঠিয়া দাঁড়াইল, বোতল হাতে করিয়া ক্রিস্টিনের প্রতি চাহিয়া কেতাভরণ পান্সামার মত মাথা নত করিয়া সন্ত্রমের অভিবাদন করিল, তাহার পর তাহার গ্লাসে মদ ঢালিতে ঢালিতে, যে কোম্পানী মদ তৈরী করিয়াছে ও যে বৎসরে মদ তৈরী হইয়াছে, তাহা বলিতে লাগিল) ভোসলাউ আর আউস্‌টিস. আঠারোশত...('আঠার শতের' পর সংখ্যা এত তাড়াতাড়ি বলিল যে কেহ বুঝিতে পারিল না। তারপর মিত্‌সির সন্মুখে আসিয়া তাহাকে নত হইয়া অভিবাদন করিয়া তাহার গেলাসে মদ ঢালিতে ঢালিতে বলিতে লাগিল) ভোসলাউ আর আউস্‌টিস আঠারো শত...(পূর্বের মত! তারপর ফ্রিট্‌সের প্রতি পূর্বের মত) ভোসলাউ আর আউস্‌টিস আঠারো শত...(তারপর নিজের স্থানে আসিয়া নিজের গেলাসে ঢালিল, পূর্বের মত) ভোসলাউ আর আউস্‌টিস...(তারপর নিজের চেয়ারে বসিল)

মিত্‌সি

আ! সব সময়ই এর রঙ্গ!

খিওডর

তাহার মদের গ্লাস তুলিল, সকলে গ্লাসে গ্লাসে ঠোকাঠুকি করিল)
পোজ্জিট !

মিত্‌সি

দীর্ঘজীবি হও, খিওডর ।

খিওডর

(ডাঠিয়া দাঁড়াইয়া) ভদ্রমহোদয়া ও ভদ্রমহোদয়গণ...

ফ্রিট্‌স্

আরে এখন নয় !

খিওডর

(বসিয়া পড়িল) আচ্ছা আমি অপেক্ষা করতে পারি ।

(সকলে খাইতে আরম্ভ করিল)

মিত্‌সি

দেখ, খাবার টেবিলে বক্তৃতা গুনতে আমার এত ভাল লাগে । আমার এক পিসতুতো ভাই আছে, সে আবার কবিতায় বক্তৃতা দেয় ।

খিওডর

কোন রেজিমেন্টে সে আছে ?

মিত্‌সি

যা থামো...ক্রিস্টিন, গুনছিস, অবশ্য আগে থাকতে মুখস্থ ক'রে আসে, কিন্তু সে কবিতায় বক্তৃতা দেয় চমৎকার, কিন্তু তার বেশ বয়স হয়েছে ।

খিওডর

হাঁ, বেশী বয়সের লোকেরা অনেক সময় কবিতায় কথা বলে বটে ।

ফ্রিট্‌স্

কিন্তু তুমি কিছু খাচ্ছনা ক্রিস্টিনে । (ক্রিস্টিনের মদের গ্লাসের সহিত তাহার মদের গ্লাস ঠেকাইয়া মদ পান করিল)

খিওডর

(মিত্‌সির মদের গ্লাসে তাহার গ্লাস ঠেকাইয়া) যে প্রোট পোকটি কবিতায় কথা বলেন তাঁর শুভকামনা করি ।

মিত্‌সি

(ফুর্ট্রির সহিত) যে তরুণ যুবকেরা কোন কথা বলে না তাদের শুভকামনা করি...যেমন মিষ্টার ফ্রিট্‌স্...কি মিষ্টার

ফ্রিট্‌স্, এখন যদি ইচ্ছে করেন, আমরা বক্তৃতাপাতানোর মত-পান (Fellowship drinking) করতে পারি—আর ক্রিস্টিন, তুমিও খিওডরের সঙ্গে তাই করবে ।

খিওডর

কি, এ মদ দিয়ে নয়, এ মদ বক্তৃতাপাতানোর মদ নয় । (খিওডর উঠিল, আর একটি বোতল আনিয়া, আগেকার মত অভিনয় করিয়া সবার গ্লাসে মদ দিতে লাগিল—জেরেন্দে লা ফুনতেরা মিল উঠখ ম'স'সাঁকাত—জেরেন্দে লা ফুনতেরা—জেরেন্দে লা ফুনতেরা জেরেন্দে লা ফুনতেরা)

মিত্‌সি

(এক চুমুক দিয়া) বেশ ।

খিওডর

তোমার বুকি আর তর সহিল না?—আচ্ছা বন্ধুরা...এস, প্রথমে, এই সুখময় ঘটনার কলাণকামনা ক'রে মত-পান করি...

মিত্‌সি

(একটু মদ খাইয়া) বেশ মদ !

(ফ্রিট্‌স্ মিত্‌সির হাত ধরিল, খিওডর ক্রিস্টিনের হাত ধরিল, সকলে মদের গ্লাস তুলিয়া ধরিল, তারপর ফ্রিট্‌স্ ও মিত্‌সি তাহাদের গ্লাস ঠোকাঠুকি করিল, খিওডর ও ক্রিস্টিনে তাহাদের গ্লাস ঠোকাঠুকি করিল, সকলে মতপান করিল । তারপর, ফ্রিট্‌স্ মিত্‌সিকে চুম্বন দিল । খিওডরও ক্রিস্টিনেকে চুম্বা খাইতে গেল)

ক্রিস্টিনে

(হাসিয়া) ওটা করতেই হবে ?

খিওডর

নিশ্চয়ই এরি জন্তেই ত এত কাণ্ড (ক্রিস্টিনে চুম্বন দিল) এখন যে যার জায়গায় !

মিত্‌সি

ঘর যেন আগুন হ'য়ে উঠেছে ।

ফ্রিট্‌স্

খিওডর যে এক গাদা বাতি জালিয়েছে ।

মিত্‌সি

হাঁ, এত মদ খেয়ে...(সে চেয়ারের পেছনে হেলান দিয়া একটু এলাইয়া বসিল)



খিওডর

আরে মিত্‌সি—এবার সব চেয়ে ভাল জিনিষ (বড় কেকের এক টুকরা কাটিয়া সে মিত্‌সির মুখে পুরিয়া দিল) নাও খাও মিষ্টির জ্যাক—ভাল ?

মিত্‌সি

বেড়ে ! (খিওডর তাহাকে আর এক টুকরা দিল)

খিওডর

নাও, ফ্রিট্‌স্—এখন তুমি একটু পিয়ানো বাজাতে পারো ।

ফ্রিট্‌স্

বাজাবো ক্রিস্‌টিন্ ?

ক্রিস্‌টিনে

হাঁ, নিশ্চয় !

মিত্‌সি

একটা chie কিছু !

খিওডর

(গ্রাসগুলি আবার মদে ভরিয়া দিল)

মিত্‌সি

আমার আর চাই না (মৃগপান)

ক্রিস্‌টিনে

(একটু চুমুক দিয়া) মদটা বড় ভারী ।

খিওডর

(মদের গ্রাসের দিকে দেখাইয়া) ফ্রিট্‌স্ !

ফ্রিট্‌স্

(মদের গ্রাস শূন্য করিয়া পিয়ানোতে গিয়া বসিল)

ক্রিস্‌টিনে

(তাহার কাছে গিয়া বসিল)

মিত্‌সি

মিষ্টার ফ্রিট্‌স্, 'ডপেল আডলারটা' * বাজাও না

ফ্রিট্‌স্

'ডপেল আডলার'—কি রকম সুরটা ?

মিত্‌সি

ডোরি, 'ডপেল আডলার' বাজাতে পারো ?

খিওডর

দেখ, পিয়ানো বাজাতে আমি মোটেই পারি না ।

ফ্রিট্‌স্

আমি জানি, তবে ঠিক মনে পড়ছে না ।

মিত্‌সি

আমি সুরটা গাইছি.....লা...লা...লালালালা...লা...

ফ্রিট্‌স্

ও মনে পড়েছে । (পিয়ানোতে বাজাইল কিন্তু ভুল বাজাইল)

মিত্‌সি

(পিয়ানোর সামনে গিয়া) না, এই রকম (সে আঙুল দিয়া সুরটি বাজাইয়া গেল)

ফ্রিট্‌স্

ঠিক ঠিক...(ফ্রিট্‌স্ পিয়ানো বাজাইতে লাগিল, মিত্‌সি তাহার সহিত গাহিতে লাগিল)

খিওডর

আর একটি সুমধুর স্মৃতি, নয় ?

ফ্রিট্‌স্

(কিছুক্ষণ ভুল বাজাইয়া থামিয়া গেল) না, হচ্ছে না, আগাগ ঠিক কান নেই । (সে নিজের খুসিমত বাজাইতে লাগিল)

মিত্‌সি

ও ঠিক হচ্ছে না !

ফ্রিট্‌স্—

(হাসিয়া) এ আমার তৈরী !—

মিত্‌সি

কিন্তু এটা নাচের সুর নয় !

ফ্রিট্‌স্

দেখোনা চেষ্টা ক'রে, দেখ একবার...

খিওডর

(মিত্‌সির প্রতি) আয়, দেখা যাক (খিওডর মিত্‌সির কোমর জড়াইল, তাহার নাচিতে শুরু করিল)

* অর্থাৎ Double Eagles "দুই ঈগলপক্ষী"—এক যুদ্ধবাতার সঙ্গীত ।

ক্রিস্টিনে

পিয়ানোর কাছে দাঁড়াইয়া পিয়ানোর কী গুলির দিকে চাহিয়া

(বাহিরে)

(বাহিরে দরজার বেল বাজিয়া উঠিল)

ফ্রিট্‌স্

পিয়ানো বাজান বন্ধ করিয়া দিল । (থিওডর ও মিত্‌সি কিন্তু
সম্মত লাগিল)

থিওডর ও মিত্‌সি

(একসঙ্গে) কি হ'ল ? থামালে কেন ?

ফ্রিট্‌স্

কেউ দরজার বেল বাজাচ্ছে... (থিওডরের প্রতি) তুমি
কি আরও কাউকে নিমন্ত্রণ করেছ ?

থিওডর

মোটাই না—তা দরজা খোলবার কোন দরকার
নেই ।

ক্রিস্টিনে

(ফ্রিট্‌সের প্রতি) কি হয়েছে ?

ফ্রিট্‌স্

কিছু না...

(দরজার বেল আবার বাজিয়া উঠিল)

ফ্রিট্‌স্

(টুল হইতে উঠিল, দাঁড়াইয়া রহিল)

থিওডর

তুমি বাড়ীতে নেই, বেরিয়ে গেছ ।

ফ্রিট্‌স্

কিন্তু বাহিরে পিয়ানো বাজান শোনা যায় ।

থিওডর

তুমি বেরিয়ে গেছ, দরজা খোলার কি দরকার !

ফ্রিট্‌স্

আমাকে nervous ক'রে তোলে ।

থিওডর

কে আর হবে ? একটা চিঠি!—অথবা কোন টেলিগ্রাম

(ঘড়ির দিকে দেখিয়া) এত রাতে কেউ তোমার সঙ্গে দেখা
করে আসবে না ।

(বেল আবার বাজিয়া উঠিল)

ফ্রিট্‌স্

আঃ, যেতেই হবে দেখছি ! (বাহিরে গেল)

মিত্‌সি

তোমরা কি কাণ্ড লাগিয়েছ—(পিয়ানোর কয়েকটা কীর
ওপর আঙ্গুল বুলাইয়া গেল)

থিওডর

আ, থাম্ ! (ক্রিস্টিনের প্রতি) তোমার কি হ'ল ? বেল
শুনে তুমিও যে nervous হ'লে ?—

ফ্রিট্‌স্

(ফিরিয়া আসিল, কৃত্রিম শান্তভাবে)

থিওডর ও ক্রিস্টিনে

(একসঙ্গে) কে ? কে ?

ফ্রিট্‌স্

(কৃত্রিম হাসিয়া) দেখ, তোমরা যদি অনুগ্রহ ক'রে আমার
ক্ষমা কর, কয়েক মিনিটের জন্যে পেছনের ঘরটায় যেতে
হবে ।

থিওডর

কি ব্যাপার ?

ক্রিস্টিনে

কে এসেছে ?

ফ্রিট্‌স্

ও একটি ভদ্রলোক, আমার সঙ্গে কয়েকটা কথা ব'লেই
চ'লে যাবে...(পাশের ঘরে দরজা খুলিয়া দিল, মেয়ে দু'টি তাড়াতাড়ি
প্রবেশ করিল, থিওডর ফ্রিট্‌সের মুখে জিজ্ঞাসুদৃষ্টিতে চাহিয়া রহিল)

ফ্রিট্‌স্

(অতি ধীরে, ভীতভাবে) সে !

থিওডর

বটে !

ফ্রিট্‌স্

যাও, ভেতরে যাও, ঢোকো—

থিওডর

দেখ, বোকামি কোরোনা, এ একটা ক'দি
হ'তে পারে...



ফিট্‌স্

যাও, যাও...

(দিওড়র পাশের ঘরে ঢুকিয়া গেল । ফিট্‌স্ তাড়াতাড়ি ঘর হইতে বাহির হইয়া বাহিরের দরজার দিকে গেল । কয়েক মূহূর্ত্ত ষ্টেজ্ জনহীন রহিল । তারপর পঁয়ত্রিশ বছরের কাছাকাছি বয়সের এক বিশিষ্টভাবে পরিচ্ছদিত ভদ্রলোককে সঙ্গে করিয়া ফিট্‌স্ আবার ঘরে প্রবেশ করিল । ভদ্রলোকটিকে প্রথমে ঘরে প্রবেশ করিতে দিয়া তাহার পাশে ঘরে ঢুকিল । ভদ্রলোকটির গায়ে হলদে রংএর ওভারকোট, হাতে গ্লাভ্‌স্, ছোট হাতে ধরিয়া]

ফিট্‌স্

(ঢুকিতে ঢুকিতে) ক্ষমা করবেন, আপনাকে দাঁড় করিয়ে রেখেছিলুম—

ভদ্রলোক

(সহজ স্বরে) তার জগ্রে কি । আমি বিশেষ হুঃখিত যে আপনাকে এমনিভাবে বিরক্ত করতে হ'ল ।

ফিট্‌স্

না, না । অনুগ্রহ ক'রে কি আপনি—(তাহাকে একখানি চেয়ার দেখাইয়া দিল)

ভদ্রলোক

দেখছি, আপনাকে সত্যিই disturb করলুম, একটু আমোদ প্রমোদ হচ্ছিল ?

ফিট্‌স্

এই কয়েকজন বন্ধু মিলে ।

ভদ্রলোক

(চেয়ারে বসিয়া, সন্ধ্যাবের সহিত) কার্ণিভাল বোধ হয় ?

ফিট্‌স্

(লজ্জিত ভাবে) কেন ?

ভদ্রলোক

না, আপনার বন্ধুদের সব মেয়েদের টুপি, মেয়েদের ম্যাণ্টল—

ফিট্‌স্

হঁ,...(হাসিয়া) বান্ধবীরাও তা আসতে পারে । (নীরবতা)

ভদ্রলোক

জীবনটা মাঝে মাঝে আমোদে ভ'রে ওঠে...নয়...
(কঠোরদৃষ্টিতে ফিট্‌স্‌র প্রতি চাহিল)

ফিট্‌স্

[এক নিমেষের জন্য ভদ্রলোকের দিকে চাহিয়া অশ্রুদিকে চাহিল]
অনুগ্রহ ক'রে আপনার আগমনের কারণ জানতে পারলে বিশেষ বাধিত হব ।

ভদ্রলোক

নিশ্চয়...(শান্তভাবে) আমার স্ত্রী আপনার এখানে তাঁর veilটা ভুলে ফেলে গেছেন ।

ফিট্‌স্

আপনার স্ত্রী ? আমার এখানে ?...তাঁর...(হাসিয়া) না, আপনার পরিহাস কিছু অদ্ভুত রকমের...

ভদ্রলোক

(সহসা দাঁড়াইয়া উঠিল, দৃঢ় কঠোর ভাব, মস্তকের মত চেয়ারের পেছনটা হাত দিয়া দৃঢ়ভাবে ধরিল) হাঁ, সে ভুলে ফেলে গেছে ।

ফিট্‌স্

(উঠিয়া দাঁড়াইল, তাহার পরস্পরের মুখোমুখি কিছু কাছাকাছি আসিয়া পড়িল)

ভদ্রলোক

(হস্ত দৃঢ়মুষ্টি করিয়া ওপরে উঠাইল, যেন সে ফিট্‌স্‌কে ঘৃসি মারিতে চায়—ক্রুদ্ধ ও গুরু স্বরে) ওঃ !

ফিট্‌স্

(যেন ঘৃসি এড়াইতে কয়েক পা পেছনে সরিয়া গেল)

ভদ্রলোক

(কিছুক্ষণ নীরবতার পর) এই আপনার চিঠি ! (সে ওভারকোটের পকেট হইতে একতড়া চিঠির পাকেট বাহির করিয়া লিগিবার টেবিলে ছুঁড়িয়া ফেলিল) আপনি যে সব চিঠি পেয়েছেন অনুগ্রহ ক'রে দেবেন কি...

ফিট্‌স্

(আশ্বসঘরণ করিল)

ভদ্রলোক

(কঠোর ভাবে, নিগূঢ় অর্থের সহিত) আমি ইচ্ছা করি না যে চিঠিগুলি - পরে আপনার ঘর থেকে পাওয়া যায় ।

ফিট্‌স্

(দৃঢ়স্বরে) কেউ তা পাবে না ।

ভদ্রলোক

(তাহার দিকে চাহিয়া রহিল । নীরবতা)

ফ্রিট্‌স্

আর কি চান আপনি আমার কাছ থেকে ?...

ভদ্রলোক

(বিক্রয়ের হুরে) আর কি আমি চাই ?—

ফ্রিট্‌স্

আমি আপনার disposal এ...

ভদ্রলোক

(একটু শান্ত হইয়া) বেশ—(ভদ্রলোকটি ঘরের চারিদিকে চাহিয়া দেখিল, খাবারভরা সাজান টেবিল, মেয়েদের টুপি উতাদি দেখিয়া তাহার মুখ ফুক হইয়া উঠিল, যেন আর একবার সে ক্রোধে মত্ত হইয়া উঠিবে)

ফ্রিট্‌স্

(তাহা দেখিয়া আবার বলিল) আমি সম্পূর্ণরূপে আপনার disposal এ—কাল আমি বারটা পর্যন্ত বাড়ীতে থাকব ।

ভদ্রলোক

নত হইয়া অভিবাদন করিয়া যাইবার জন্ত ঘুরিল)

(ফ্রিট্‌স্ তাহাকে দরজা পর্যন্ত আগাইয়া দিয়া আসিল । ভদ্রলোক চলিয়া গেলে ফ্রিট্‌স্ লিথিবার টেবিলের সম্মুখে আসিয়া এক মুহূর্ত্ত দাঁড়াইল । তারপর জানলার কাছে ছুটিয়া গিয়া পর্দার ফাঁক দিয়া ভদ্রলোকটির চলন্ত মূর্ত্তি দৃঢ়দৃষ্টিতে অনুসরণ করিতে লাগিল । তারপর জানালা হইতে যেন পালাইয়া আসিয়া মেজের দিকে চাহিয়া এক সেকেন্ড দাঁড়াইল । তারপর পাশের ঘরের দরজায় গিয়া অন্ধক খুলিয়া ঢাকল)—

ফ্রিট্‌স্

থিওডর, এক মিনিটের জন্তে এসো...

(থিওডর প্রবেশ করিল)

থিওডর

(চঞ্চল) কি...

ফ্রিট্‌স্

ও জানে ।

থিওডর

না । তুমি নিশ্চয় ওর ফাঁদে পড়েছ ! কি, শেষকালে confess করেছ ? তুমি একটা fool...কি বল...তুমি...

ফ্রিট্‌স্

(চিঠিগুলি দেখাইয়া) ও আমার চিঠিগুলো দিয়ে গেল—

থিওডর

(বিমূঢ়ভাবে) ও !... (একটু থামিয়া) আমি সর্বদা তোমায় বলেছি, কখনও চিঠিপত্র লিখবে না ।

ফ্রিট্‌স্

আজ বিকেলে ও নীচে রাস্তায় ছিল ।

থিওডর

আচ্ছা, তার পর কি হোলো ?—বলো !

ফ্রিট্‌স্

দেখ থিওডর, তোমাকে আমার এ কাজটি করতে হচ্ছে—

থিওডর

আমি ব্যাপারটা সব ঠিকঠাক ক'রে দিচ্ছি ।

ফ্রিট্‌স্

ঠিকঠাকের আর উপায় নেই ।

থিওডর

কি...

ফ্রিট্‌স্

সব চেয়ে ভাল হয়... (কথা শেষ না করিয়া) না, বেচারী মেয়েরা কতক্ষণ আটকে থাকবে ।

থিওডর

আরে ওরা আরও কিছুক্ষণ থাকতে পারে, তা তুমি কি বলতে চাইছিলে ?

ফ্রিট্‌স্

সব চেয়ে ভাল হয় যদি তুমি আজ এখনই লেন্সির কাছে যাও ।

থিওডর

বেশ, তুমি যদি তাই চাও ।

ফ্রিট্‌স্

এখন তুমি লেন্সির দেখা পাবে না...তবে এগারোটা থেকে বারোটার মধ্যে ও নিশ্চয় কফে-হাউসে আসবে... তখন তুমি ওকে নিয়ে আমার নিকট আসতে পারো...

থিওডর

যা, অমন মুখ করিস না...এ. ব্যাপারে শতকরা নিশ্চয়-নব্বইটাতে শেষে বিশেষ কিছুই হয় না ।



ফ্রিট্‌স্

কিন্তু এ ব্যাপারটাতে একটা এম্পার কি ওম্পার হবে।

থিওডর

দেখ, গত বছরের ঘটনাটা মনে আছে, সেই ডাক্তার বিলিংগার ও ভারত্‌সের মধ্যে ব্যাপারটা—সে ত ঠিক এই রকম।

ফ্রিট্‌স্

সে ছেড়ে দাও, তুমি তা জানো—কিন্তু এ, এ এক্ষুনি এই ঘরে আমাকে গুলি করতে পারলে—আ, তা' হ'লে সব চুকে যেত।

থিওডর

(প্রতিবাদ করে) বা, বেশ! ব্যাপারটা বেশ বুঝেছ বটে...আর আমরা, লেন্স্‌কি আর আমি, আমরা কিছু নই? তুমি কি ভাব আমরা এ হ'তে দেব?

ফ্রিট্‌স্

থিওডর, ও সব কথা ছাড়া!...তারা যা চাইবে তোমাদের তাই স্বীকার করতে হবে।

থিওডর

ও!—

ফ্রিট্‌স্

তা হ'লে কি থিওডর। তা তুমি যদি না ইচ্ছে কর।

থিওডর

ননসেন্স! দেখ, আসলে ব্যাপারটা হচ্ছে ভাগা...

ফ্রিট্‌স্

(থিওডরের কথা না শুনে) হাঁ, তার এই ভয় আগেই হয়েছিল...আমরা হু'জনেই এই ভয় করেছি...আমরা জানতুম এই রকম হবে...

থিওডর

যা তা বল্‌ছিস্ ফ্রিট্‌স্।

ফ্রিট্‌স্

(লিথিবার টেবিলে গেল, চিঠিগুলি ভিতরে রাখিয়া দিল) সে এখন এই মুহূর্তে কি করছে কে জানে। তার স্বামী যদি তাকে...থিওডর.. তুমি কাল নিশ্চয় খবর আনবে ওখানে কি হ'ল।

থিওডর

আমি চেষ্টা করব।

ফ্রিট্‌স্

আর দেখো, অকারণে কোন দেবী করা যেন না হয়।

থিওডর

পরশুদিনের আগে কিছু হ'তে পারে না।

ফ্রিট্‌স্

(উদ্বিগ্নভাবে) থিওডর!

থিওডর

না, দ'মে য়েয়ো না—সাহস কর!—দেখ, মনের ভেতবে জোর দরকার—আর আমার ত বেশ মনে হচ্ছে, সব ভাগ্য ভাগ্য কেটে যাবে...আমি জানিনা কেন, কিন্তু আমার এ মনে হচ্ছে।

ফ্রিট্‌স্

(হাসিয়া) তুমি বাস্তবিকই বন্ধু!—কিন্তু মেয়েদের কি বলবে?

থিওডর

যা হয় একটা কিছু, ওদের এখন পাঠিয়ে দেওয়া যাক।

ফ্রিট্‌স্

না। আজ আমরা খুব ফুর্তি করব। ক্রিসটিনে যেন কোন রকম কিছু না ভাবে। আমি পিয়ানোতে বসছি, তুমি ওদের ডাক। তুমি ওদের কি বলবে?

থিওডর

বলব, ওদের জানার কিছু দরকার নেই।

ফ্রিট্‌স্

(পিয়ানো বাজাইতে বসিয়াছিল, ঘুরিয়া বলিল) না, না,—

থিওডর

বলবে, এক বন্ধু তোমার সঙ্গে দেখা করতে এসেছিল।

ফ্রিট্‌স্

(পিয়ানো বাজাইতে লাগিল)

থিওডর

(দরজা খুলিয়া) অনুগ্রহ ক'রে তোমরা এবার—

(মিত্‌সি ও ক্রিসটিনের প্রবেশ)

মিত্‌সি

যাক! চ'লে গেছে?

ক্রিস্টিনে

(ফ্রিট্‌সের নিকট ছুটিয়া আসিয়া) কে এসেছিল, ফ্রিট্‌স ?
কে ?

ফ্রিট্‌স

(পিয়ানো বাজাইতে বাজাইতে) আবার তোমার সব
জানতে হবে, কি curious !

ক্রিস্টিনে

ফ্রিট্‌স, তোমাকে অনুরোধ করছি, বল বল ।

ফ্রিট্‌স

দেখ, তোমায় বলবার জো নেই, এমন লোকেদের
সঙ্গে ব্যাপার, যাদের তুমি মোটেই জান না ।

ক্রিস্টিনে

(অনুনয়ের সুরে) না, আমায় সত্যিকথা বল ফ্রিট্‌স ।

থিওডর

ওকে খুব জালাচ্ছ ত...

মিত্‌সি

ক্রিস্টিন, অবুঝ হস না । কেন আর বার বার জিজ্ঞেস
করছিস, — ও ভাবছে ওকে খুব না সাধলে !—

থিওডর

আমাদের নাচটা শেষ হয়নি (থিয়টারের ক্লাউনের সুরে)
অগ্রগত ক'রে বাজাবেন কি মিষ্টার কাপেলমাইষ্টার—একটা
নাচের গান ।

ফ্রিট্‌স

(পিয়ানো বাজাইতে লাগিল)

(থিওডর ও মিত্‌সি নাচিতে লাগিল । একটু নাচার পর)

মিত্‌সি

আমি আর পারছি না ! (সে এক চেয়ারে বসিয়া পড়িল)

থিওডর

(তাহাকে চুখন দিয়া তাহার পাশে চেয়ারের হাতের ওপর বসিয়া
পড়িল)

ফ্রিট্‌স

(পিয়ানোর টুলে বসিয়া ক্রিস্টিনের দুটি হাত ধরিয়া তাহার মুখের
দিকে চাহিল)

ক্রিস্টিনে

(যেন জাগিয়া উঠিয়া) কি তুমি আর বাজাচ্ছ না ?

ফ্রিট্‌স

(হাসিয়া) আজকের মত যথেষ্ট...

ক্রিস্টিনে

জানো, আমার ভারি পিয়ানো বাজাতে ইচ্ছে করে...

ফ্রিট্‌স

তুমি খুব বাজাও ?

ক্রিস্টিনে

আমার সময় কোথায়—বাড়ীতে এত কাজ, আর তা
ছাড়া আমাদের পিয়ানোটা যা ধারাপ ।

ফ্রিট্‌স

আমি একবার তোমার পিয়ানো বাজাতে চাই । হাঁ,
তোমার ঘরটি দেখতে আমার এত ইচ্ছে করছে, কেমন
সে ঘর ।

ক্রিস্টিনে

(হাসিয়া) তোমার ঘরের মত এত সুন্দর নয় ।

ফ্রিট্‌স

তা হ'লেও, সে ঘরটি দেখতে বড় ইচ্ছে করছে । আর
তুমি এক সময় তোমার সব কথা বলবে...অনেক কথা...
আমি তোমার কথা এত কম জানি ।

ক্রিস্টিনে

আমার বিষয় কিছুই বিশেষ বলবার নেই—আমার
জীবনে কোন রহস্য গোপন নেই—যেমন আর সবাইর
সাধারণ জীবন—

ফ্রিট্‌স

আচ্ছা, আমার আগে কখনও আর কাকেও ভাল
বাসনি ?

ক্রিস্টিনে

(ফ্রিট্‌সের মুখে চাহিল)

ফ্রিট্‌স

(তাহার হাত চুখন করিল)

ক্রিস্টিনে

আর, পরেও আর কাকেও ভালবাসব না ।

ফ্রিট্‌স

(সহসা বেদনাময় ভঙ্গীতে) ও কথা বোলোনা...বোলোনা,
তুমি কি জান ?...তোমার বাবাকে খুব ভালবাসো,
ক্রিস্টিন্ ?—



ক্রিস্টিনে

ও!—আগে তাঁকে আমি আমার সব কথা বলতুম—

ফ্রিট্‌স্

না, তার জন্তে নিজেকে দোষ দিও না—মানুষের জীবনে
এরকম ত ঘটবেই—সে কথা সে নিজের মনের মধ্যে লুকিয়ে
রাখতে চায়—এই রকম জীবনের শ্রোত—

ক্রিস্টিনে

আমি যদি শুধু জানি যে আমাকে তোমার ভাল
লাগে—তা হ'লেই সব ভাল।

ফ্রিট্‌স্

তুমি জাননা কি?

ক্রিস্টিনে

তুমি যদি সব সময় আমার সঙ্গে এমনি ভাবে এমনি সুরে
গল্প কর, হ্যাঁ, তা হ'লে—

ফ্রিট্‌স্

ক্রিস্টিন্—তোমার বসতে বড় অসুবিধে হচ্ছে।

ক্রিস্টিনে

না না, আমি বেশ আছি (ক্রিস্টিনে পিয়ানোর ওপর
তাহার মাথা ঠেকাইয়া বসিল। ফ্রিট্‌স্ দাঁড়াইয়া উঠিয়া ক্রিস্টিনের
চুলগুলির ভিতর দিয়া আঙ্গুল চালাইয়া মাথায় হাত বুলাইতে লাগিল।)

ক্রিস্টিনে

আ! বেশ!

(ঘর নিশুন্ধ)

থিওডর

ফ্রিট্‌স্, সিগারেট আছে?

ফ্রিট্‌স্

(থিওডর সাইডবোর্ডে সিগারেট খুঁজিতেছিল, ফ্রিট্‌স্ তাহার
কাছে আসিল, তাহাকে এক বাস সিগারেট দিল) আর কালো
কফি?

(দুই কাপে কফি ঢালিল)

মিত্‌সি

(ঘুমাইয়া পড়িয়াছে)

থিওডর

কি, তোমার এক কাপ কালো কফি চাই?

ফ্রিট্‌স্

মিত্‌সি—তোমার জন্তে এক কাপ...

থিওডর

ও, থাক যমুক...কিন্তু তুমি আজ কফি খেয়োন—
তুমি আজ সকাল সকাল শোবে, আর ভাল ঘুম হওয়া
দরকার।

ফ্রিট্‌স্

(থিওডরের দিকে চাহিয়া বাসের ভঙ্গীতে হাসিল)

থিওডর

না, দেখ, অবুঝ হোয়োন, সত্যি কি ব্যাপার বুঝছ ত...

ফ্রিট্‌স্

দেখ আজ রাতেই লেন্সির কাছে যাও, তাকে আমার
কাছে নিয়ে এসো।

থিওডর

ননসেন্স! আজ রাতেই? কাল গেলে খুব হবে।

ফ্রিট্‌স্

আমি তোমার অনুরোধ করছি—

থিওডর

আচ্ছা, আচ্ছা...

ফ্রিট্‌স্

মেয়েদের বাড়ীতে পৌঁছে দিয়ে আসবে নাকি?

থিওডর

হ্যাঁ, আচ্ছা...মিত্‌সি! ওঠ, ওঠ!—

মিত্‌সি

তোমরা ত বেশ কালো কফি খেলে—! আমায় একটু
দাও!—

থিওডর

এই নাও, মিত্‌সি...

ফ্রিট্‌স্

(ক্রিস্টিনের প্রতি ঘুরিয়া) কি, ক্লান্ত ম'নে হচ্ছে?
ক্রিস্টিনে...

ক্রিস্টিনে

তুমি যখন ওই রকম ক'রে বল, আমার কী ভাল লাগে।

ফিট্‌স্

বড় ক্লান্ত ?

ক্রিস্টিনে

(হাসিয়া)—মদ খেয়ে—একটু মাথাও ধরেছে...

ফিট্‌স্

ও, বাইরে খোলা বাতাসে গেলেই সেরে যাবে !

ক্রিস্টিনে

আমরা এখন যাবো ?—তুমি আমাদের সঙ্গে আসছ ?

ফিট্‌স্

না, ক্রিস্টিন। আমি বাড়ীতে থাকছি,...দেখো, কিছু কাজ রয়েছে।

ক্রিস্টিনে

(পুষ্প ঘটনা স্মরণ করিয়া) এখন...এখন তোমার কি কাজ ?

ফিট্‌স্

(সামান্য একটু কড়া স্বরে) দেখ, ক্রিস্টিন, তোমার এ অঙ্গাম ছাড়তে হবে!—(স্নিগ্ধ স্বরে) দেখ, বড় ক্লান্ত মনে হচ্ছে...আজ আমি আর থিওডর বাইরে মাঠে ছ'ঘন্টা দোড়াদোড়ি করেছি—

থিওডর

ও সে কি সুন্দর—আসছে বার সবাই একসঙ্গে সহরের গায়ে বেড়াতে যাবো।

মিত্‌সি

হা, চমৎকার হবে! আর তোমরা ইউনিফর্ম প'রে আসবে।

থিওডর

হা, সেটা তোমাব প্রকৃতি-উপভোগের অঙ্গ হবে।

ক্রিস্টিনে

আবার কবে দেখা হবে ?

ফিট্‌স্

(একটু বিচলিত) আমি তোমায় শীগগির লিখে জানাব।

ক্রিস্টিনে

(বিষমভাবে) আচ্ছা, এখন আসি। (চলিয়া যাইবার পথে ঘুরিল)

ফিট্‌স্

(তাহার বিষমতা দেখিয়া) কাল তোমার সঙ্গে দেখা করবো, ক্রিস্টিন।

ক্রিস্টিনে

(আনন্দিতা) সত্যি ?

ফিট্‌স্

হাঁ, বাগানে...সেই লাইনের কাছে আমাদের জায়গায়... ধরো, ছ'টার সময়...কেমন ? তোমার কোন অসুবিধে হবে না ?

ক্রিস্টিনে

(ঘাড় নাড়িল)

মিত্‌সি

(ফিট্‌সের প্রতি) ফিট্‌স্, আমাদের সঙ্গে আসছো ?

থিওডর

'তুমি' বলবার তোমার ক্ষমতা আছে দেখছি।

ফিট্‌স্

না, আমি বাড়ীতে থাকছি।

মিত্‌সি

তোমার দিবা মজা! আর আমাদের কতদূর যেতে হবে...

ফিট্‌স্

মিত্‌সি, অতবড় সুন্দর কেকটার প্রায় সমস্তই যে প'ড়ে রইল। রোসো, কেকটা একটা কাগজে মুড়ে দিচ্ছি—কেমন ?

মিত্‌সি

(থিওডরের প্রতি) রীতিবিরুদ্ধ ?

ফিট্‌স্

(কেকটি পাক করিয়া দিল)

ক্রিস্টিনে

তুমি একেবারে ছেলে মানুষ...

মিত্‌সি

(ফিট্‌সের প্রতি) থামো, বাতিগুলো নিবিয়ে যাই। (বাতিগুলি ফুঁ দিয়া নিবাইয়া দিল, কেবল লিপিবার টেবিলের ওপর একটি বাতি জ্বলিতে লাগিল)



ক্রিস্টিনে

তোমার জানলা খুলে দেব? বরটা যা গরম। (জানালা
খুলিল, সম্মুখের বাড়িটির দিকে চাহিল)

ফ্রিট্‌স্

আচ্ছা, বন্ধুরা, দাঁড়াও, পথে আলো ধরছি।

মিত্‌সি

এর মধ্যে সিঁড়ির আলো নেভানো?

থিওডর

নিশ্চয়ই।

ক্রিস্টিনে

আঃ কি সুন্দর বাতাস, কি মিষ্টি বাতাস আসছে!

মিত্‌সি

বসন্তের বাতাস...(দরজার নিকটে ফ্রিট্‌স্ বাতি হাতে দাঁড়াইয়া)
আচ্ছা, তোমার এই সাদর নিমন্ত্রণের জন্তে আমাদের
অশেষ ধন্যবাদ!—

থিওডর

(তাহাকে ঠেলিয়া) চলো, চলো...চলো...

(ফ্রিট্‌স্ সকলের সঙ্গে বাহিরে চলিয়া গেল। ঘরের গোলা দরজা
দিয়া বাহিরের লোকদের কথাবার্তা শোনা যাউতে লাগিল)

মিত্‌সি

আচ্ছা, বেশ!

থিওডর

সাবধান, এখানে সিঁড়ি।

মিত্‌সি

কেকটির জন্ত অশেষ ধন্যবাদ...

থিওডর

চুপ, বাড়িগুরু জাগিয়ে তুলে চলেছ!

ক্রিস্টিনে

গুটে নাথট্!

থিওডর

গুটে নাথট্!

(ফ্রিট্‌স্ তাহার ঘরের প্রবেশের দরজা বন্ধ করিল, চাবি দিল,
তাহার শব্দ শোনা গেল। সে যখন আবার ঘরে প্রবেশ করিল,
টেবিলের ওপর বাতি রাখিল, তলার বড় দরজা খোলা ও বন্ধের শব্দ
শোনা গেল)

ফ্রিট্‌স্

(জানালায় গিয়া দাঁড়াইল এবং তলায় বন্ধুদের বিদায় সম্বন্ধে
জানাইল)

ক্রিস্টিনে

(রাগা হইতে) গুটে নাথট্!

মিত্‌সি

(আনন্দ উচ্ছ্বাসিতা) 'গুটে নাথট্, যাও ছেলে'...

থিওডর

(বকুনি দিয়া) মিত্‌সি!

(তাহাদের কথাবার্তা, তাহাদের হাসি তাহাদের পদধ্বনি—সকল
মুহুর্তে জানালা দিয়া ভাসিয়া আসিতে লাগিল। সবশেষে শোনা যাউতে
লাগিল থিওডর 'ডপেল আডলারের' গুরটি শিশু দিয়া বাজাইতেছে;
তাহাও ক্ষণ হইয়া মিলাইয়া গেল। ফ্রিট্‌স্ কয়েক সেকেণ্ড বাহিরের
দিকে চাহিয়া দাঁড়াইয়া রহিল, তারপর জানলার পাশে বড় চেয়ারে
বসিয়া পড়িল।)

যবনিকা পতন

(আগামী সংখ্যায় সমাপ্ত)



নারী

শ্রীজ্যোতির্নয় দাসগুপ্ত

আজকাল মাসিক ও সাপ্তাহিক পত্রিকাগুলিতে নারী-বিষয়ক প্রবন্ধের খুব প্রচলন দেখিতে পাওয়া যায়, স্ত্রীর বিষয় অধিকাংশ প্রবন্ধই মেয়েদের লেখা। এই নারীজাগরণ ও নারীস্বাধীনতার যুগে নারীরা নিজেদের নিজেরা চালাইবেন, নিজেদের কথা নিজেরাই বলিবেন ইহাই বাঞ্ছনীয়। তাঁহাদের এই আত্মনিয়ন্ত্রণের চেষ্টা আমরা মুগ্ধ প্রশংসমান দৃষ্টিতে নিরীক্ষণ করিয়া তাঁহাদের কল্যাণপ্রচেষ্টায় মহানুভূতি প্রদর্শন করি, ইহাই সঙ্গত। এই নারীজাগরণের স্রোত যুবকদের মধ্যেও চাঞ্চল্য সৃষ্টি করিয়াছে দেখিতে পাওঁতেছি। সাহিত্যসভা তর্কসভা প্রভৃতিতেও দেখিতেছি যুবকেরা নারীর কর্মক্ষেত্রের পরিধি সম্বন্ধে আলোচনা করিতেছেন—তবে নারীদের সাড়ে মতামত চাপাইবার চেষ্টা না করিয়া নিজেদের মধ্যে এ সব আলোচনা পাল, কারণ তাহাতে নিজেদের স্বার্থহীন হইয়া বিচার করিবার ক্ষমতার প্রসার হইয়া থাকে।

বর্তমান যুগ হইতেছে আত্মনিয়ন্ত্রণের যুগ। ছোট বড় কেহই বলিতে ছাড়ে না, self-determination is our birth right। কাজেই বর্তমানে পুরুষদের উচিত নারীদের আত্মনিয়ন্ত্রণের পথ মুক্ত করিয়া দেওয়া—এবং তাঁহারা যখন নারীর কথা বলেন তখন সে সম্বন্ধে নির্বাক থাকা। তবে কেহ যদি নারীর কথা বলিতে গিয়া পুরুষ ও নারীর কথা আলোচনা করেন তখন পুরুষদেরও সে সম্বন্ধে মতামত প্রকাশ করা উচিত বলিয়া মনে হয়, কারণ তাহা হইলে পরস্পরের পরস্পরকে দেখিবার দৃষ্টি সহজ ও স্বচ্ছতর হইয়া উঠিবে।

গত আষাঢ়ের বিচিত্রায় শ্রীমতী আশালতা দেবী নারী-বিষয়ক একটি প্রবন্ধ লিখিয়াছিলেন, তাহাতে তিনি বস্তুত পুরুষ ও নারী সম্বন্ধে আলোচনা করিয়াছেন এবং অনেক গুরুতর কথা অবতারণা করিয়াছেন। কিন্তু প্রবন্ধে

স্বচ্ছতার অভাববশত বক্তব্য বিষয় ভাল করিয়া বুঝাইয়া বলিতে পারেন নাই। মনে হয়, চিন্তা গুলি ভাল করিয়া দানা বাঁধিবার পূর্বেই প্রবন্ধ লেখা হইয়াছে এবং তজ্জগুই তাহাতে উপরোক্ত দোষ ঘটিয়াছে।

প্রবন্ধের প্রথমেই তিনি মেয়েদের charm ও coquetry সম্বন্ধে আলোচনা করিয়াছেন। শ্রদ্ধেয় শ্রীযুক্ত রবীন্দ্রনাথ ঠাকুর বলিয়াছিলেন যে, মেয়েদের coquetry কখনও তাহাদের charm নয়। কিন্তু লেখিকা বলিতেছেন charm coquetry ছাড়া অণু কিছু নয়। এখানে অনেকেই বোধ হয় লেখিকার সহিত একমত হইবেন না। আমার মনে হয় যেখানে coquetry নাই সেখানেও মেয়েরা charming, এবং coquetry বাদ দিয়া যখন মেয়েরা স্বাভাবিক শ্রীমণ্ডিত হইয়া কাছে আসেন তখনও নারীলাবণ্য পুরুষের কর্মশক্তির উপর কম কার্যকরী নয়। তিনি বলিতে চান, নারী ও পুরুষ যখন পরস্পরের সান্নিধ্যে আসিয়াছে তখন সেখানে তাহারা নিজেদের সত্তা মধুর ভাবে প্রকাশ করিতে চাহে—অতি সত্য কথা, এবং ইহারই ফলে coquetryর জন্মলাভ। কিন্তু ইহাই যে স্লাদিনী শক্তির মূল রহস্য, যুক্তি দিয়া বিচার করিলে তাহা ত মনে হয় না। ছোট ছোট ছেলে ও মেয়েদের মধ্যে পরস্পরের প্রতি ব্যবহার দেখিলে মনে হয় যে, নর নারীর পরস্পরের উপর যে charm তাহাকে instinct বলিলেও অত্যাঙ্কি হয় না। তিন চারিটি ক্রীড়ারত ছোট ছেলেদের মধ্যে যদি সমবয়স্ক একটি বালিকা আসিয়া দাঁড়ায়, যাহারা কেহই chivalry বা নারীত্ব কোনটা সম্বন্ধেই বিশেষ সচেতন নয়, তাহা হইলে দেখা যায় যে, বালিকাটির সূদৃষ্টিতে পড়িবার জন্ম বালকদের মধ্যে একটু প্রতিযোগিতার ভাব উপস্থিত হইয়াছে, এবং বালিকাটির যে আকর্ষণী শক্তি আছে ইহা অস্বীকার করা যায় না। ইহার সহিত



coquetryর কোন সম্বন্ধ নাই। এই স্বাভাবিক আকর্ষণই charmএর মূল রহস্য। এই প্রাকৃতিক আকর্ষণের মূল ভিত্তি কি, তাহা ফ্রেড যৌন আকর্ষণের দিক দিয়া বিশ্লেষণ করিয়াছেন। আমারও মনে হয় প্রকৃতিদেবী সৃষ্টিরক্ষার জন্ত যে যৌনমিলনের আকাঙ্ক্ষা স্ত্রী পুরুষের মধ্যে দিয়াছেন এবং তদুপরি যে দৈহিক ও মানসিক পার্থক্য দিয়া সেই মিলনাকাঙ্ক্ষাকে তীব্রতর করিবার চেষ্টা করিয়াছেন, সেই যৌন আকর্ষণই charmএর মূল ভিত্তি। দৈহিক ও প্রকৃতি-গত বৈষম্য রহিয়াছে বলিয়াই পুরুষ মনে করে নারীর চারিদিকে একটা রহস্যের আবরণ রহিয়াছে যাহা ছিন্ন করিয়া নারীকে পুরুষের পাইতে হইবে; এবং নারীও মনে করে পুরুষের খামখেয়ালী মনের স্বরূপনির্ণয়ের জন্ত তাহাকে ভাল করিয়া বিশ্লেষণ করিয়া তাহার মনের অন্তঃস্থল দেখিতে হইবে। এই charm-এর মধ্যে খানিকটা কোতূহলপ্রবৃত্তি খানিকটা সভ্যতার সহচরী কল্পনার বিকার এবং বাকী সমস্তটাই প্রাকৃতিক যৌন আকর্ষণ। এই প্রাকৃতিক যৌন আকর্ষণকে মানসলোকের অবচেতন অবস্থার যৌন আকর্ষণ বলিয়া মানিয়া লওয়া যায়। সোজা কথায় charmই হইতেছে পরস্পরকে পরস্পরের নিকট মধুর ভাবে বাক্য করিবার প্রচেষ্টার মূল, বাক্য করিবার চেষ্টাটা ও তজ্জন্ত coquetryর ছলাকলার আশ্রয় লওয়া হইতেছে—ফল। লেখিকা মূল এবং ফল (cause ও effect) উভয়কে এক মনে করিয়া ভুল করিয়াছেন।

Coquetry সম্বন্ধে বিশেষ কিছু বলিতে চাহি না, তবে লেখিকা এক স্থানে দৃঢ় ভাবে বলিয়াছেন “যদি সে কোথাও বিদ্বান্দাম কটাক্ষের মধ্যে একটু অধিক তীব্রতা থাকে, কেশ-পাশের সৌরভ স্বাভাবিক মৃদুতাকে অতিক্রম ক’রে যায়, বসনপ্রান্তের যতটুকু বায়ুভরে বিচ্যুত হ’লে সহজ হ’য়ে প্রকাশ পেত তার চেয়েও স্থলিত হ’য়ে পাড়, তাতে কি হয়েছে?” তাতে কি হয়েছে বা কি হয় তার উত্তর হঠাৎ দেওয়া শক্ত, তবে সে খসিয়া-পড়া আঁচল গলায় বাঁধিয়া অনেকে যে আত্মহত্যা পর্যাস্ত করে এইরূপ শোনা গিয়াছে— ইহাতেই আপত্তি। লেখিকা coquettish মেয়েদের পক্ষ লইয়া coquetryর যতই মহিমাকীর্তন করুন না কেন—

তাহাতে coquetryকে অনেকে যে সুনজরে দেখিবেন ইহাও মনে হয় না। আমার মনে হয় coquetry জিনিষটা cultureএর বিরোধী। মনের সুস্থ স্বাভাবিক অবস্থা থাকিলে পুরুষেরা কখনই লেখিকার মতে মত দিয়া বলিতে পারিবে না যে, coquetryর ছলনা তাহাদের জীবনে একটা মস্ত বড় “প্রাপ্তি”, এবং নারীজাতির পুরুষকে ওটা একটা মস্ত বড় “দান”। Coquetry যে নারীর মাধুর্যাবিকাশের একটা প্রধান লক্ষণ ইহাও মনে মানিতে চাহিতেছে না। Coquetryর ভিতর নিজেকে বাহ্যত সুন্দরতর ও মোহময় করিয়া অপরের চিত্ত আকর্ষণ করিবার প্রচেষ্টা আছে সত্য কথা, কিন্তু তাহাতে নারীর অন্তর্লোকের মাধুর্য ও সৌন্দর্য্য তাহাকে পুরুষের নিকট মননীয় ও বরণীয় করিয়া তোলে, বা তাহার কোন প্রকাশের পরিচয় আছে, ইহা স্বীকার করি না। তবে নারীর নারীত্বের শ্রেষ্ঠ বিকাশ কিসে হয় এবং কিসে হয় না তাহা নারীরাই ভাল বলিতে পারিবেন;— আর সত্যকথা বলিতে কি নারীত্ব কথাটার অর্থ সব সময় ভাল করিয়া বোধগম্য হয় না বলিয়াই বোধ হয় নারীত্বের বিকাশের সতি coquetryর সম্বন্ধবিচার ভাল করিয়া করিতে পারিলাম না। সাহিত্যে নারীত্ব কথাটার এত বেশী প্রচলন হইতেছে যে, মনে হয় নারীত্বের সংজ্ঞা নির্ণয়ের সময় আসিয়াছে, এবং বিদ্বান নারীদের মধ্যে কেহ এই ভারটা লইলে পুরুষদের পক্ষে ও জিনিষটা বুঝিবার সুবিধা হয়।

ইহার পর লেখিকা এক স্থানে বলিতেছেন, “তরুণ তরুণী যখন একত্র হয় তখন তাদের বক্ষঃস্পন্দন এত দ্রুত হ’য়ে ওঠে, তাদের ভিতর এমন প্রবলতার সৃষ্টি হয় যে, কোণায় গিয়ে তারা থামবে, তাদের পরস্পরের মানস-সৌন্দর্য্যকে উত্তেজিত করিবার চেষ্টা কতদূর নিয়ে গিয়ে নিরস্ত করিতে হবে—এসব কি স্পষ্ট ক’রে স্মরণ থাকে? এই খানেই হয়ত একটু ভাববার রয়েছে।” ভাবে মনে হয় সত্য সত্যই যে এখানে ভাবিবার কিছু আছে সে সম্বন্ধে বিদ্বান লেখিকা স্থির-নিশ্চয়্য নহেন। যদি বা ভাবিবার কিছু থাকে তাহাও “একটু”, বেশী নয়। তরুণ তরুণীর একত্র হইয়া পরস্পর পরস্পরের মানস-সৌন্দর্য্যকে উত্তেজিত করিবার প্রথাটা অবশ্য এদেশে কম। লেখিকা বিদ্বান; দেশ বিদেশের সংবাদ

শ্রীজ্যোতির্ময় দাসগুপ্ত

যথেষ্ট রাখেন সন্দেহ নাই এবং কিছুদিন পূর্বে বিলাতের কোন বিশ্ববিদ্যালয়ে তরুণ তরুণীদের কলেজের সময়ে অবাধ মেলামেশা সম্বন্ধে যে নিবেদন প্রচার হইয়াছে তাহা জানেন বোধ হয়। ব্লাকপুল প্রভৃতি সমুদ্রতীরে ছুটির দিনে যে জঘন্য দৃশ্য দেখা যায় তাহার খবর রাখেন কি? কাজেই ভাবিবার যে যথেষ্ট আছে ইহা অস্বীকার করা যায় না। যে সমাজে তরুণ তরুণীরা একত্র হইয়া পরস্পর মানস-সৌন্দর্য্য উত্তেজিত করে সেখানে সে-সব দেশে যে সামাজিক বিপ্লব উপস্থিত হইয়াছে তাহার সংবাদ ঐ আশাচর “বিচিত্রা”তেই শ্রীযুক্ত অনন্যদাশঙ্কর রায়ের লেখায় পাইবেন।

তৎপরে লেখিকা বলিয়াছেন, “Traditional moralityর উপর আমার স্পৃহা একেবারেই নাই—” কোনো বিষয়ে তাঁহার স্পৃহা না থাকিলে তাহাতে অবশ্য প্রতিবাদের কিছু নাই; কোনও বিষয়-বিশেষে প্রচলিত মত অপেক্ষা তাঁহার ভিন্নতর মত থাকিতে পারে,—ইহাতেও বলিবার কিছু নাই। আর J. S. Mill ত বলিয়া গিয়াছেন—“The whole mankind is not justified in silencing that man। সুতরাং আমি একা তাঁহাকে চুপ করাইবার চেষ্টা করিব না। তবে traditional moralityর স্থান artistic temperament কিরূপে গ্রহণ করিতে পারে তাহা ভাল বোধগম্য হয় না। এবং প্রকৃতই পারে কিনা সে বিষয়ে আমার যথেষ্ট সন্দেহ আছে। অবশ্য artistic temperament কি, সেটা তিনি বুঝাইয়া বলিতে পারেন নাই। বলাও শক্ত। প্রথমত art জিনিষটা কি তাহাই আমাদের মত সাধারণ অল্পশিক্ষিত লোকের সহজে বোধগম্য হয় না—তারপর artistic temperament কোন পথ দিয়া চলিবে বোঝা খুবই শক্ত। যেদিক দিয়া তিনি ইহার অর্থ বুঝিতে চাহিয়াছেন সেদিক দিয়া সবাই বুঝিবেন কিনা সন্দেহ। লেখিকা artistic temperament কি পদার্থ বুঝাইয়া বলিতে পারেন নাই অথচ তাহাকে traditional moralityর স্থানে বসাইতে চাহিয়াছেন। এইখান হইতে কিছুদূর পর্য্যন্ত লেখিকা তাঁহার প্রবন্ধকে শুধু হুর্কোষ্য নয়, প্রায় অবোধ্য করিয়া তুলিয়াছেন। এইখানে আর একটা কথা জিজ্ঞাসা করি, “সৌন্দর্য্যের সঙ্গতি-বোধ” মনের ভিতর কতক্ষণ কাজ করে? তরুণ তরুণীর

মানস-লোকের সৌন্দর্য্য উত্তেজিত করিবার সময় সে সঙ্গতি-বোধ কয়জনকে শেষ পর্য্যন্ত রক্ষা করিবে? আবেগকে traditional moralityই সংযত বেশী করে, না artistic temperament বেশী সংযত করে? এইখানে Emersonএর একটা কথা লেখিকাকে ভাবিয়া দেখিতে বলি। একস্থানে Emerson লিখিয়াছেন, “Those who are esteemed umpires of taste are persons who have acquired some knowledge of admired pictures or sculptures and have an inclination for whatever is elegant; but if you inquire whether they are beautiful souls, and whether their own acts are like fair pictures you learn that they are selfish and sensual.” তবে লেখিকার artistic temperamentএর সংজ্ঞাবোধ অগ্ররূপ হইলে তাঁহার নিকট ইহা অবাস্তুর মনে হইতে পারে।

তারপর লেখিকা হঠাৎ বলিয়া বসিলেন যে, “concupinage জিনিষটা পৃথিবীর সর্বত্র সর্বকালেই রয়েছে কিন্তু এখন আমাদের দৃষ্টিতে কেমন একটা অশ্রদ্ধা ঘনিষে এসেছে।” সেকালে যে concupinageএর উপর লোকের শ্রদ্ধা ছিল ইহা লেখিকা হঠাৎ আবিষ্কার করিলেন কিরূপে, স্থির বুঝা যায় না। সেকালের রাজনৈতিক ইতিহাসই ভাল পাওয়া যায় না, সামাজিক ইতিহাস ত দূরের কথা। যে টুকু পাওয়া যায় তাহার ওপর কোন আস্থা না করাই উচিত। আমাদের পুরুষশক্তিকে জাগ্রত করিবার জন্ত মেয়েদের যে সাহায্য দরকার, concupinage দ্বারা তাহা সম্ভব হয় বলিলে পুরুষ জাতির মনোবৃত্তির উপর যথেষ্ট অবিচার করা হয়। Illicit loveএর কথায় রোমান যুগের যে নর্জির উদ্ধৃত করিয়াছেন জিজ্ঞাসা করি তাহা কোন সময়ের—রোমানরা যখন সভ্যতার এক এক ধাপ উপরে উঠিতে ছিলেন তখনকার, না যখন তাহাদের অবনতির অবরোধ শুরু হইয়াছিল তখনকার? Illicit love রোমান সভ্যতার উন্নতিপথের সহায়ক হইয়াছিল—না তাহার অবনতির শনিকরূপে আসিয়াছিল? আমাদের দেশেও ত concupinage সেদিন পর্য্যন্ত ছিল,



একটু অবস্থাপনের ঘরে বিশেষ ভাবেই ; কিন্তু তাহা যে পুরুষের কর্মশক্তিকে জাগ্রত রাখিতে পারিয়াছিল তাহা ত মনে হয় না বরং বিপরীতই মনে হয়। যে নারীশক্তি পুরুষের কর্মশক্তিকে উদ্বোধিত করে, লেখিকা তাহার সহিত concubinageএর খিচুড়ি করিতে চাহিয়াছেন কি উদ্দেশ্যে তাহা ত বুঝিলাম না। পাশ্চাত্য সমাজে পুরুষ নারীকে প্রকৃত সহকর্মীরূপে পায় এবং এইরূপে পায় বলিয়াই তাহাদের নিকট হইতে কর্মের অনুপ্রেরণা পায়। এদেশে নারীদের সহকর্মী বা সহকর্মী রূপে পাওয়া শক্ক। Tolstoyএর সাহিত্যজীবনে তাঁহার স্ত্রী সে ভাবে তাঁহাকে সাহায্য করিতেন। Madame Curie তাঁহার স্বামীর বৈজ্ঞানিক প্রতিভাকে কিরূপ চালনা করিতেন, তাহা বোধ হয় অনেকেই জানেন। ও দেশে সাধারণ ভাবে সমস্ত ক্ষেত্রে পুরুষ নারীর সাহচর্য লাভ করে বলিয়াই পুরুষের কর্মশক্তি অতিশয় স্ফূর্তি পায়। কিন্তু traditional moralityর

সংস্কারমুক্তা বিদুষী লেখিকা কি কারণে concubinageএর স্বপক্ষে যুক্তি প্রকাশ করিলেন তাহা বুঝিতে পারিলাম না।

লেখিকা প্রবন্ধের শেষ ভাগে যাহা লিখিয়াছেন সে কথাগুলি সত্য সন্দেহ নাই, কিন্তু তাহার সহিত তাঁহার পূর্বকার মতের কোন সঙ্গতি নাই। “প্রেমের সর্বাঙ্গীণ পূর্ণতার জন্ত প্রেমই যথেষ্ট নয়”—ঠিক কথা; এবং এই কারণেই traditional moralityর উপর লোকের স্পৃহা থাকার দরকার। যাহারা সৌন্দর্যাসৃষ্টি ও artistic temperament প্রকাশের জন্ত বাস্তব তাঁহাদের সম্বন্ধে আমার মনে হয় Emersonএর ঐ উক্তি প্রযোজ্য। স্নন্দরের সত্য শিব মূর্তি coquetryর ছলনায় বা concubinageএর আঁচলে পাওয়া যাইবে কি? যে সৌন্দর্য্যে সত্য ও শিব নাই সেখানে ক্ষণিকের মোহজাল থাকিতে পারে বটে, কিন্তু প্রকৃত সৌন্দর্য্যাসৃষ্টির স্থান সেখানে নাই।

মরণে

সোহানী মোহাম্মদ রিয়াজউদ্দিন চৌধুরা

বেদনা-কাতর দুটি নয়নের পাতে
ধীরে ধীরে নেমে আসে মৃত্যু-যবনিকা।
আঁখিজলে ধুয়ে যায় তব রূপ-শিখা,
শ্রবণ বধির হ'ল তারি বেদনাতে।
হৃদয়-স্পন্দন ধীরে থেমে আসে, হাতে
তোমারে ধরিতে তবু দেখি মরাঁচিকা!
অনাগত হাতছানি দেয় বিমানিকা,—
আজ রাতে যাত্রাশেষ...যাত্রা পুনঃ প্রাতে।
কে বলে মরিবে নর? মরে নাই কভু,
মৃত্যু তার জন্ম-পথে—ভেবে সারা তবু।
মৃত্যু সে তো তুচ্ছ কথা বুঝিবে কি মন?
নিয়তির ভাঙা-গড়া সৃষ্টির বিধান।
মরণপরশে লাভ অনন্ত জীবন,
হোক না আজিকে মোর আয়ুর নিদান!

পাতিয়ালা-রাজধানী

শ্রীহরিহর শেঠ

অমৃতসর হইতে রাজপুরায় গাড়ী বদল করিয়া পাতিয়ালা যাইতে হয়। অমৃতসর হইতে ইহার দূরত্ব ১৫৪ মাইল। আমরা সচরাচর পাতিয়ালা বলিয়া উচ্চারণ করিয়া থাকি, কিন্তু পাতিয়ালা রাজ্যে এবং পশ্চিমের সকল স্থানেই লোকে পাটিয়ালা বলিয়া থাকে। এখানে বেড়াইতে আসিবার কথায় লাহোর ও অমৃতসরে কেহই আমাদের উৎসাহিত না করিলেও, দেশীয় রাজ্যে প্রাচীন ভারতীয় রীতি ও বাবস্থাদি যদি কিছু দেখিতে পাই এই প্রত্যাশায় আমার এ সব স্থান দেখিতে ভাল লাগে; সেই কারণে কাহারও কথায় কর্ণপাত



মহারাজা বাবা আলা সিং

(ইনি পাতিয়ালায় প্রথম রাজা)

না করিয়া কষ্ট ও বায়স্বীকার করিয়াও ফিরিবার পথে এখানে আসিলাম।

পাতিয়ালা উত্তর ভারতের প্রধান সামন্ত রাজ্য। রামের পুত্র সর্দার আলা সিংহ কর্তৃক ১৭৫২ খ্রীষ্টাব্দে এই নগরী প্রতিষ্ঠিত হয়। ইহা পাতিয়ালা রাজ্যের রাজধানী। আমরা

যখন এখানে পৌঁছলাম তখন সকাল আটটা। লাহোরে কালীবাড়ীর পূজারি মহাশয় আমাদের বলিয়া দিয়াছিলেন এখানে হিন্দু ভদ্রলোকদের থাকিবার জন্ম তেমন সুবিধা-জনক হোটেল বা ধর্মশালা নাই, পাতিয়ালা-প্রবাসী তথাকার জজ্ শ্রীযুক্ত এম, এল, বন্দোপাধ্যায় মহাশয়ের বাড়ীতে যাইলে তিনি যথেষ্ট আফ্লাদসহকারে তাঁহার বাটীতে স্থান দিবেন। আমরা আসিবার-কালীন ট্রেনে পাতিয়ালা-বাসী কতিপয় ভদ্রলোকের নিকট জানিলাম লাল সালগ্-রাম নামক এক ভদ্রলোকের প্রতিষ্ঠিত একটি ধর্মশালা আছে; উহা থাকিবার পক্ষে উপযুক্ত স্থান। নিতান্ত অপ্রত্যাশিত ভাবে উপস্থিত হওয়ার ভদ্রলোকের যদি অসুবিধা হয় এই মনে করিয়া আমরা উক্ত ধর্মশালাতেই আমাদের লাগেজ পত্র রাখিয়া রাজপ্রাসাদ দুর্গ প্রভৃতি দেখিবার জন্ম পাশ সংগ্রহার্থ, বেলা অধিক হইলে বন্দোপাধ্যায় মহাশয় পাছে কাছারিতে বাহির হইয়া যান এই আশঙ্কায়, বরাবর বণ্ডহার রোডে তাঁহার বাটীতে যাইয়া উপস্থিত হইলাম। তিনি সতাই তখন কাছারি যাইবার জন্ম প্রস্তুত হইতেছিলেন। আমাদের দেখিয়া সাদরে আহ্বান করিয়া অল্পক্ষণ খালাপের পর তাঁহার অগ্রজ রাজকুমারদের গৃহ-শিক্ষক শ্রীযুক্ত মাখনলাল বন্দোপাধ্যায় মহাশয়ের সহিত পরিচয় করিয়া দিয়া উঠিলেন। স্থানাভাবে তাঁহার সহিত স্থানীয় ও ব্যক্তিগত অগ্ৰাণু বহু বিষয়ের যে সকল কথোপ-কথন হইল তাহার উল্লেখ না করিলেও তাঁহার স্বদেশবাসীর প্রতি আদর আপ্যায়নের কথা ও মাধ্যাহ্নিক ভোজনের অনুরোধ উপেক্ষা করা যে আমাদের পক্ষে সাধ্যাতীত হইল তাহা না বলিয়া পারি না।

মাখন বাবুর নিকট জানিলাম মহারাজার পরিবারবর্গ সম্প্রতি পাহাড় হইতে ফিরিয়া প্রাসাদে আসিয়াছেন, সুতরাং ঐ প্রাসাদ দেখার এখন আর কোন উপায় নাই, তবে দূর



হইতে বাহিরাংশ যতটুকু দেখা যায় তাহাই দেখা হইতে পারে। আর দুর্গ বা প্রাচীন প্রাসাদ দেখিবার কোন ছাড়পত্র আবশ্যিক হয় না।

প্রথমেই বালি সহর দেখার হিসাবে সুদূর বাঙ্গালা হইতে আসিয়া আগ্রা দিল্লি লক্ষ্ণৌ লাহোর প্রভৃতি দেখার পর



মহারাজা সাহেব সিং

পাতিয়ালা রাজধানীর মধ্যে দেখিবার মত আর কিছু থাকে, তাহা যিনি ইহা দেখিয়াছেন তিনি কখনই বলিতে পারিবেন না; তবে যিনি দেশীয় নৃপতির রাজা বলিয়া এখানে দেখিতে আসেন তাঁহার কাছে যে দেখিবার জানিবার এখানে কিছুই নাই এমন কথা আমি বলি না।

দেখিবার মধ্যে এখানে পুরাতন রাজপ্রাসাদ, যাহাকে কেলা বলিয়া থাকে, এবং সতীবাগের প্রাসাদই প্রধান। তাহা হইলেও আরও কতিপয় দ্রষ্টব্য আছে। সহরের ঠিক কেন্দ্রস্থলেই প্রাসাদ বা দুর্গ অবস্থিত। কোনো দিকে কোনো পরিখা নাই, কখন ছিলও না, তবে সমস্ত নগরটি পূর্বে সুদৃঢ় প্রাচীরবেষ্টিত ছিল এবং মধ্যে মধ্যে প্রকাণ্ড প্রকাণ্ড তোরণ ছিল। এখন সে প্রাচীর আর নাই, কিন্তু সোনারি গেট, লাহোরি গেট প্রভৃতি নামীয় কয়েকটি তোরণ এখনও দেখা যায়।

দুর্গপ্রবেশের প্রধান দ্বারটি লোহিতপ্রস্তরশোভিত; আর সমস্তই যাহা দেখা যায় তাহা ইট চুন বালির দ্বারা গঠিত। দ্বারদেশে দুইজন প্রহরী উন্মুক্ত তরবারি হস্তে সমস্ত দিন-রাত্রি প্রহরায় নিযুক্ত আছে। স্থানীয় প্রধানত্বসাবে অনাবৃতমস্তক লোকেদের ভিতরে প্রবেশ নিষেধ থাকায়, টুপি পাগড়ির অভাবে আমরাও কেহ গায়ের কাপড় কেহ রুমাল মাথায় বাঁধিয়া ভিতরের প্রাঙ্গণে প্রবেশ করিলাম। চারিদিকে সৌধবেষ্টিত সুপ্রশস্ত প্রাঙ্গণের সম্মুখদৃশ্য দেখিলেই তথাকার গোলাপি বর্ণের কাজগুলি জয়পুরের স্থাপত্যের কথা মনে করিয়া দেয়। সম্মুখের এই অট্টালিকার আড়ম্বর-পূর্ণ দ্বারদেশেও তরবারি হস্তে প্রহরী নিযুক্ত রহিয়াছে। তাহারা ভিতরে প্রবেশ করিতে নিষেধ করায় আমাদের অভ্যন্তরভাগ দেখা হইল না। লোকমুখে শুনিলাম উহার ভিতরে দেখিবার মত বিশেষ কিছু নাই। প্রাঙ্গণের দক্ষিণ দিকে প্রস্তরসোপান অতিক্রম করিয়া প্রায় একতলা




মহারাজা রণবীর সিং

উপরে প্রশস্ত চত্বরপার্শ্বে রাজকীয় দরবার কক্ষ, উহাকে দেওয়ানখানা বলে। কক্ষটি খুবই বড়, লম্বা অন্ততঃ শত ফুট এবং প্রস্থে চল্লিশ অপেক্ষা কম হইবে না। ভিতরে উর্দ্ধাংশ অতি পরিপাটি সোনালি কাজ করা, তলদেশে সবুজ বনাতের আস্তরণ বিস্তৃত। আসবাব পত্রের

মহা প্রদানতঃ ত্রিশ পঁয়ত্রিশটি মূল্যবান বেলায়্যারি ঝাড় ও দেওয়ালগিরি এবং কতকগুলি সুন্দর জীবন্ত জীবনপ্রমাণ প্রতিকৃতি দেওয়ালে লম্বিত আছে। একদিকে পাতিয়ালার প্রথম রাজা বাবা আলাসিংহ হইতে সকল রাজাগণের, অল্পদিকে মহারানী ভিক্টোরিয়া সপ্তম এডওয়ার্ড ও তৎপত্নী রাজ্ঞী এলেকজেন্দ্রা এবং রাজা পঞ্চম জর্জ ও রানী মেরীর সুন্দর তৈলচিত্রসকল আছে। এখানকার ঝাড়গুলি যেমন বৃহৎ তেমনই সুন্দর। এখানকার রাজভবনের এইগুলিই শ্রেষ্ঠ অলঙ্কার। লক্ষ্মীর ছোট ইমামবাড়ীতেও পাতিয়ালা-রাজের উপহারস্বরূপ প্রদত্ত দুইটি সুন্দর স্ফটিক দীপাধার দেখিয়াছিলাম। শুনিলাম এক সময় কলিকাতার অস্কার কোম্পানীর দোকানে রাজার একজন বিশিষ্ট কর্মচারী তাঁহার আদেশে কয়েকটি ঝাড় ক্রয় করিতে যান। দোকানের লোক উক্ত কর্মচারীকে একটা সামান্য লোক মনে করিয়া তাঁহার প্রতি বিশেষ মনোযোগ না দেওয়ায় পরদিন রাজা স্বয়ং দোকানে গিয়া উপস্থিত হন এবং তাঁহাদের বিপণিতে সে সময় যাহা কিছু মালপত্র ছিল সমস্তই কিনিয়া লন। এই সুরমা হুম্মা মধোই রাজ্যসংক্রান্ত দরবারাদি চলিয়া থাকে। পূর্বোক্ত মাখনবাবুকে এ রাজ্যে ভারতীয় আদব কায়দা সম্বন্ধে কোথায় কি দেখা যাইতে পারে জিজ্ঞাসা করায় তিনি বলিয়াছিলেন, অল্প কোথাও কিছু সে-সব দেখিবার কিছু নাই, শুধু দরবারের সময় উপস্থিত থাকিতে পারিলে এখনও অনেক পুরাতন ভারতীয় প্রথা ও কায়দা দেখিতে পাওয়া যায়।

দেওয়ানখানার পার্শ্বে একটি প্রাঙ্গণপ্রান্তে একটি ছোট-খাটো প্রদর্শনী আছে। উহার মধো যে-সকল দ্রব্যগুস্তার আছে তন্মধ্যে একখানি রক্তনির্মিত সুদৃশ্য অশ্বখান ও বিভিন্ন প্রকারের কতিপয় তঞ্জাম চতুর্দোলা আশাশোঁটা, কতিপয় মৃত ব্যাঘ্র সিংহ ও বিভিন্ন জাতীয় পক্ষী আর একটি বৃহৎ মনোরম স্ফটিকপ্রস্রবণ উল্লেখযোগ্য। প্রাঙ্গণের মধ্যস্থলে কয়েকটি ভিন্ন ভিন্ন প্রকারের তোপ আছে তন্মধ্যে একটির আকার অসাধারণ বৃহৎ। উহা লাহোরের সুপ্রসিদ্ধ ময়মা নামক তোপ অপেক্ষাও বৃহৎ। সাজসজ্জা ছাড়া এই তাম্রনির্মিত কামানটিই লম্বায় প্রায় উনিশ ফুট।

এই দুর্গমধ্যে অপর পার্শ্বে একটি অস্তাগার আছে, উহাতে বিবিধ প্রকারের পুরাতন ও নূতন বন্দুক তরবারি পিস্তল তীর ধনুক প্রভৃতি সংগৃহীত আছে। সংগ্রহের হিসাবে ইহা মন্দ না হইলেও যে কক্ষে যে ভাবে ইহা সজ্জিত আছে তাহা প্রশংসা করিবার মত নহে। এই প্রাঙ্গণ বা দুর্গের সর্বত্র দেখিয়াই মনে হইল এখানকার সকল বিষয়েই বিশেষভাবে দৃষ্টির অভাব আছে। পরিচ্ছন্নতা ও প্রদর্শনীর জন্ত কক্ষাদি যেরূপ আশা করা যায় তদনুরূপ নহে।



মহারাজ মহেন্দ্র সিং

এখান হইতে আমরা মহেন্দ্র নাথ কলেজ দেখিতে যাইলাম। ইহা রাজার এবং পাতিয়ালা রাজ্যের একটি সুন্দর। ইহা একটি প্রথম শ্রেণীর কলেজ, এম-এ পর্য্যন্ত পড়ান হইয়া থাকে। ইহাতে অবৈতনিক এবং অনেক-গুলি কৃতবিঘ্ন ষোগাতম অধ্যাপক আছেন, তন্মধ্যে বাঙ্গালী দুই তিন জন আছেন। কলেজ-ভবনটিও সুন্দর, এখানকার সৌধাবলীর মধোও ইহার স্থান অনেক উচ্চে। যুবকদের খেলা ও বেড়ানর জন্ত সংলগ্ন জমিও অনেক আছে। অদূরে একটি বোর্ডিংও আছে।

সতীবাগ ও উহার মধ্যস্থ রাজভবন ইহারই অনতিদূরে। মহারাজা এখন বিলাতে থাকিলেও মহারানী ও পরিবারবর্গ



এখানে রহিয়াছেন এই কারণ প্রাসাদ বা সতীবাগের ফটক পার হওয়া সাধারণের পক্ষে নিষিদ্ধ, ইহা জানিয়াও বাহির হইতে উহা দেখিবার মানসে আমরা নিকটে যাইলাম। দূর হইতে একটি অতি সুন্দর বৃক্ষবীথিকার প্রান্তে বৃক্ষরাজির দাঁক দিয়া প্রাসাদের অতি সামান্য অংশই দেখিতে পাওয়া যায়। যতটুকু দেখিতে পাইলাম তাহাতে মনে হইল উহার আকার ও গঠন সুবৃহৎ এবং সুন্দর। শুনিলাম, এখানে শিবামহল নামক বাড়ীটি অতি সুদৃশ্য এবং বহু ফলফুল ও তরুরাজিপূর্ণ উদ্যানমধ্যস্থ কৃত্রিম নিৰ্ম্মাণীটি



মহারাজা অমর সিং

বড়ই শোভাময়। পাতিয়ালায় মাত্র দুই তিনটি দেখিবার মত জিনিষ, তন্মধ্যে যেটি প্রধান তাহা দেখিতে না পাওয়ায় হতাশ হইয়াই ফিরিলাম। এই উদ্যানের পশ্চাৎভাগে একটি বিস্তৃত সরণী আছে। ইহার মত বৃহদায়তনের জলাশয় এ প্রদেশে আর দ্বিতীয় নাই বলিয়া শুনিলাম।

এদিককার পথ গুলি পরিষ্কার ও প্রশস্ত। আমাদের আর একটু ঘুরিতে ইচ্ছা হইলেও ধর্ম্মশালায় ফিরিয়া স্নানাদি সারিয়া বন্দোপাধ্যায় মহাশয়ের বাড়ীতে সন্ধ্যাক্রমিক-কার্যের জন্ত যখন নিমন্ত্রণ গ্রহণ করিয়াছি তখন আর বিলম্ব করা চলে না বলিয়া ফিরিলাম। যথা সময়ে বন্দোপাধ্যায় মহাশয়-

দের বাটীতে উপস্থিত হইয়া অতি পরিতোষসহকারে প্রাসাদ পাইলাম। একথা স্বীকার করিতে হইবে, বাঙ্গলা ছাড়া অবধি একমাত্র লাহোরের কালাঁবাড়ীতে কতকটা মাত্র ছাড়া আমাদের আজন্মপরিচিত এমন সুন্দর ভোজ্য একটি দিনও আমাদের অদৃষ্টে জুটে নাই। আহাৰ করিতে করিতে মাখনবাবুর সহিত পাতিয়ালা রাজ্য সম্বন্ধে ও অন্যান্য বহু বিষয়ের অনেক কথা হইল। তাঁহাদের দেশ ও জন্মস্থান কলিকাতার উত্তর দক্ষিণেশ্বর, তাঁহার পিতৃদেব স্বর্গীয় বিহারী লাল বন্দোপাধ্যায় মহাশয় প্রথম এদেশে আসেন। তিনি লাহোরেও অনেকদিন ছিলেন, তথায় এবং পাতিয়ালায় অনেক সাধারণের কার্যে তিনি অগ্রণী ছিলেন। নবীন চন্দ্র রায় নামে আর একজন শিক্ষিত বাঙ্গালীও এ-প্রদেশে অনেক কাজ করিয়াছিলেন। তাঁহার কন্যা এখানকার বালিকা-বিদ্যালয়ের অধ্যক্ষ ছিলেন, এক্ষণে রাজ-অন্তঃপুরে মেয়েদের শিক্ষকতাকার্যে নিযুক্তা আছেন। বর্তমান মহারাজা নিজে যেমন শিক্ষিত, রাজ্যমধ্যে শিক্ষাবিস্তারের জন্ত যে ব্যবস্থা আছে তাহাও তেমনি প্রশংসনীয়। পাতিয়ালায় শুধু উচ্চ শিক্ষা অবৈতনিক নহে, সমস্ত শিক্ষাই অবৈতনিক। বাছাদি শিক্ষার জন্তও এখানে একটি বিদ্যালয় আছে। এখানকার প্রবাসী বাঙ্গালীদের নাম করিতে হইলে স্বর্গীয় অবিলাশ চন্দ্র বন্দোপাধ্যায়ের নাম প্রথমেই উল্লেখ করা উচিত। প্রায় অর্ধশতাব্দী পূর্বে তিনি তদানীন্তন মহারাজার প্রাইভেট সেক্রেটারির পদে নিযুক্ত ছিলেন। তাঁহার যুক্তি পরামর্শে রাজ্যের বহু বিষয় উন্নতিলাভ করিয়াছিল বলিয়া শুনা যায়। এখানে এক্ষণে মোট ছয় সাত ঘরের অধিক বাঙ্গালীর বাস নাই।

পাতিয়ালায় ক্রিকেট পোলো প্রভৃতি খেলার খুব ধুম। ক্রিকেট্ বীর রণজিতের নাম ক্রিকেট্ খেলার অনুরাগী জগতে কাহার নিকট অবিদিত আছে? তিনি এবং তাঁহারই ভ্রাতৃপুত্র দলীপ সিং, যিনিও ক্রমে খুল্লতাতে র ত্রায় খেলায় যশস্বী হইয়া উঠিতেছেন, তাঁহাদের জন্মভূমি এই পাতিয়ালায়। পাতিয়ালা আজ তাঁহাদের নামে গোরবান্বিত। শুনিলাম এখানকার ক্রিকেট-গ্রাউণ্ডের মত খেলার স্থান আর কোথাও নাই, পোলো-গ্রাউণ্ডও খুব ভাল। মাখন বাবুর

শ্রীহরিহর শেঠ

সময়দর মণিবাবুর সহিত একটু ভাল করিয়া আলাপ করিবার ইচ্ছা ছিল, কিন্তু সময়াভাবে তাঁহার ফিরিয়া আসা পর্যন্ত অপেক্ষা করিতে পারিলাম না। তথা হইতে এই দূর প্রবাসে প্রবাসী বাঙ্গালী ভ্রমণলোকদের আতিথেয়তার কথা ভাবিতে ভাবিতে বিদায় লইয়া বরাবর বিখ্যাত ক্রিকেট-গ্রাউণ্ডটি দেখিবার জন্ত বাহির হইলাম



মহারাজা করণ সিং

পোলো গ্রাউণ্ডটি তাঁহাদের বাটীর নিকটেই। উহার ভাল মন্দ বুঝিবার মত জ্ঞান আমার নাই, আমরা আর টান্সা হইতে নামিলাম না, উহা দেখিতে দেখিতে যাইলাম। আমার দৃষ্টিতে উহা একটি পরিষ্কার তৃণসমৃদ্ধ মাঠ মাত্র। এই স্থান হইতে যে সকল পথ অতিক্রম করিয়া বারডুয়ারি ও ক্রিকেট-গ্রাউণ্ড দেখিতে হয় তাহা বেশ পরিচ্ছন্ন প্রশস্ত এবং সরল। টান্সাওয়ালার বলিল উহার নাম ঠাণ্ডা সড়ক। এই জনবিরল পথপার্শ্বে এখানে-সেখানে ছোট ছোট উদ্যান-মধ্য কয়েকটি পরিষ্কার ও আধুনিক ভাবের বাড়ী দেখিলাম। পুরাতন সহরের পার্শ্বে এই স্থানগুলিকে দেখিয়া স্পষ্টই বুঝা যায় যে একটা অভিনবত্বের মোহ আশ্রয়কের অপেক্ষা না রাখিয়াই যেমন ভারতের রাজধানী

হইতে আরম্ভ করিয়া প্রায় সকল প্রধান সহরগুলিতে প্রবেশ করিয়াছে, এখানেও তাহাই।

ঠাণ্ডা সড়কের পরই বারডুয়ারি। বারডুয়ারি একটি সুবহুৎ সৌধের নাম হইলেও যে বিস্তৃত উদ্যানের মধ্যে উহা বিরাজিত তাহাকেও লোকে বারডুয়ারি বলিয়া থাকে। এই উদ্যানটি বেশ সুরচিত ও রমণীয়। ইহার ভিতরের তরুচ্ছায়সমৃদ্ধ বক্র পথগুলিও চমৎকার। এই বারডুয়ারি ভবনটি ভিন্ন দেশীয় রাজা মহারাজা ও লাট বেলাটদের অস্থায়ী বাসভবনরূপে ব্যবহৃত হইয়া থাকে। এখানে অল্প একটি গেষ্টহাউসও আছে, উহা একটি সাধারণ দ্বিতল অট্টালিকা মাত্র। এই বাগানে মহারাজা রাজেন্দ্র সিংহের একটি জীবনপ্রমাণ পাষণমূর্ত্তি আছে। অদূরে গাছের ভিতর দিয়া আর একটি মূর্ত্তি দেখিতে পাইলাম, উহা কাহার প্রতিমূর্ত্তি জানি না।

এই বারডুয়ারির পার্শ্বেই একটি চিড়িয়াখানা আছে। চিড়িয়ার মধ্যে দশ পনেরটি টিয়া কাকাতুরা প্রভৃতি পাখী



মহারাজা নরেন্দ্র সিং

আর অল্প জন্তুর মধ্যে সিংহ সিংহী সাতটি, বাঘ আটটি ভল্লুক একটি ও মেড়া দুইটি মাত্র আছে। এই চিড়িয়াখানার পার্শ্বেই প্রসিদ্ধ ক্রিকেট-গ্রাউণ্ড ও রাজেন্দ্র জিমখানা

ক্রাব্। ক্রিকেট সঙ্ক্ষেও আমার কিছু মাত্র জ্ঞান না থাকিলেও এই মাত্র বলিতে পারি এত পরিষ্কার ও এমন সমতল প্রশস্ত ভূমিখণ্ড অল্প কোথাও দেখি নাই।

নিকটে আর একটি লতাগুল্ম কৃত্রিম পাহাড় গুহা-উৎস ও বিবিধ প্রস্তরময়ী রমণীমূর্তিময় ছোট বাগান



মহারাজা রাজেন্দ্র সিং

দেখিলাম। বারছয়ারি উত্থানের শোভা সৌন্দর্য্য এখানে না থাকিলেও ইহা রৌদ্রতাপিত মধ্যাহ্নে একটি বেশ শাস্তিপূর্ণ শীতল স্থান। এখান হইতে বারছয়ারি উত্থানের মধ্যস্থ দেবদারুবীথিকা দিয়া লাহোরি গেট পার হইয়া ফিরিলাম। এই পথটি অতি মনোরম।

লাহোরি গেটের বাহিরে রাজেন্দ্র হাঁসপাতাল নামে স্ত্রী ও পুরুষদের দুইটি স্বতন্ত্র হাঁসপাতাল আছে। নারীদের শিক্ষা দিবার জন্ত এখানে ব্যবস্থা আছে। এই বিভাগের জন্ত বাড়ীটি লেডি কর্জনের নামে উসংর্গ করা হইয়াছে। সনাতন ধর্ম্মসভা ও আর্ধ্যসমাজও এই স্থানেই অবস্থিত।

নগরের মধ্যে লালবাগ নামে আর একটি দেখিবার মত উত্থানভবন আছে। রাজকুমাররা সে স্থানে থাকেন বলিয়া সাধারণের তথায় প্রবেশোদিকার নাই, সুতরাং

আমাদের উহাও দেখা হইল না। পাতিয়ালা-রাজধানী মধ্যে যাহা কিছু দেখিবার তাহা এই; তাহা হইলেও একটি রাজ্য চালাইতে হইলে বর্তমান কালে যাহা যাহা আবশ্যিক তাহার কিছুই প্রায় অভাব নাই। এখানকার বর্তমান অধিবাসীর সংখ্যা মোট প্রায় ষাট সহস্র হইলেও ছয় সহস্র সৈন্ত আছে। এই প্রবন্ধে পাতিয়ালা-রাজধানীর কথাই লিখিত হইল। সমগ্র পাতিয়ালা ষ্টেটের পরিমাণ প্রায় সাড়ে পাঁচহাজার বর্গ মাইল এবং ১৮৭৫ খ্রীষ্টাব্দে লোক



মহারাজা ভূপেন্দ্র সিং

সংখ্যা ছিল প্রায় ষোল লক্ষ। সিমলা পাহাড় পাতিয়ালা রাজ্যের অন্তর্গত ছিল, উহা বারউলি জেলার কোন স্থান বিশেষের বিনিময়ে প্রদত্ত হয়। পাতিয়ালা রাজা প্লেট, শিশা, তাত্র ও মারবেল-খনি দ্বারা সমৃদ্ধ হইলেও একটি কৃষিপ্রধান স্থান।

শ্রীঅমিয়চন্দ্র চক্রবর্তী

এখানে উল্লেখযোগ্য বড় শিল্প বিশেষ কিছু আছে
কল্যাণ জানিতে পারি নাই, কেবল জরির ও রেশমের
কোমরবন্ধ তৈয়ারির জন্ত কিছু প্রসিদ্ধি আছে। শুনিলাম
সমগ্র ভারতে যে কোমরবন্ধ ব্যবহৃত হয় তাহা এই
প্রাণেই প্রস্তুত হয়। এই স্থান ভাল পারাবতের জন্তও
খ্যাত।

এখানে অধিবাসীদের মধ্যে হিন্দু ও মুসলমান উভয়ই আছে।
কালী ও শিবমন্দির যেমন আছে, মুসলমানদের মসজিদদরগাও
আছে। উভয়ে পাশাপাশি বসবাস করিয়া নিজনিজ ধর্ম
স্বচ্ছন্দে পালন করিয়া থাকেন। কিন্তু বৃটিশ ভারতবর্ষে অধুনা
যাহা প্রায় নিত্য নৈমিত্তিক বাপার হইয়া উঠিয়াছে, সেই হিন্দু
মুসলমানের বিবাদ এখানে বড় একটা দেখা যায় না। *

* Imperial Gazetteer of India Vol VII হইতে সামান্য সাহায্য লইয়াছি।

সতীর্থ

শ্রীঅমিয়চন্দ্র চক্রবর্তী

চলার পথেই মিলন মোদের
নিত্য প্রেমের দান,
করায় না তাই পরিচয়ের
অচিন্ত্য অভিযান !
সেই অসীমের পথের পথে
বারেবারেই মরণ মরে,
নূতন বেশে নূতন দেশে
ডাকে দৌহার প্রাণ !

চলার পথেই মিলন মোদের
নিত্য প্রেমের দান ॥

পাতার দোলায় কোকিল ডাকে
মুগ্ধ কানন ছায়ে,
নদীর ধারে বনের পারে
পথ চলেছে গাঁয়ে।
প্রাণের সাথী, স্বপন ব'য়ে
লগ্ন আসে মধুর হ'য়ে !
বাঁশির ব্যথা দৌহার ঘেরে
কোন্ করুণার বায়ে !

পাতার দোলায় কোকিল ডাকে
মুগ্ধ কানন ছায়ে ॥

ভিড়ের মাঝে সে পথ ঘুরে
নামল্ কোলাহলে,
প্রেমের প্রাণে জীবন মোদের
রৌদ্রবরণ জলে !
বিচিত্র ঘোর হাওয়ার বুকে
চেনার লীলা চেউএর মুখে,
আপন যেন নিবিড় হ'ল
সবার সাথেই চলে' !

ভিড়ের মাঝে সে পথ যখন
নামল্ কোলাহলে ॥

দিন ফুরালে রাত্রি মোদের
তারার অভিসারে,
চাওয়ার সুধা ভরবে আবার
নিবিড় অন্ধকারে !
যাত্রী মোরা এই ত জানি
পথে পথেই নূতন বাণী,
তুমি আর্মি এমনি ক'রেই
মিলেছি কোন্ দ্বারে—

দিন ফুরালে রাত্রি মোদের
ডাক্বে অভিসারে ॥

পঞ্চদীপ

-গল্প—

—শ্রীশচীন্দ্রনাথ চট্টোপাধ্যায়

পূজার ছুটির শেষে দীনেশের বাড়ীতে আড্ডাটি আজ বেশ জমিয়া উঠিয়াছে।

বৈঠকখানার সাজানো-গোছানো এই ঘরটিতে রাজোর বৈষমা ও বৈশিষ্ট্যের সমাবেশ। সেখানে একদিকে যেমন পিয়ানো বাজো, অত্রদিকে আবার তেমনি বাঁয়া-তবলা ও মারেঙ। খেলাধূলাও তাই—ত্রীজের পাশে বিন্তি। কিন্তু সকলের চেয়ে বেশী বিরোধ দেখা যায় বন্ধুদেরই ভিতর। কুমুদ বাবুর বয়স পঞ্চাশের উপর, চুলও পাকিয়াছে—পত্নী-বিয়োগ ঘটিল তাহার দুইবার, কিন্তু আবার বিবাহ করিবার জন্ত অনুরোধ করিতে হয় নাই তাহাকে একবারের অধিক। পরেশের বয়স চল্লিশের নীচে, চুলও পাকে নাই—বন্ধুরা অনুরোধ করিয়া হায়রান, কিন্তু তবু সে বিপত্নীকই রহিয়া গেছে।

এই মজলিশে যুবা যেমন হয় বুড়া আর বুড়া যুবা, তেমনি আবার ধার্মিক হয় অধার্মিক এবং অধার্মিক ধার্মিক। শনী বাবু মত্ত মাংসের ঘম হইলেও সন্ধ্যা আহ্নিকও করেন, কাজেই সে একজন ধার্মিক গায়িষ্ট। পরেশ স্নানও করে না, আহ্নিকও করে না, কাজেই সে একজন অধার্মিক এথিষ্ট। কান্তি বাবুর কলপ করা চুল, সৰুপেড়ে কুঁচানো কাপড় এবং ফিন্ফিনে পাঞ্জাবি—দেখিয়া কে বলিবে, সে বৃদ্ধ। আর পরেশ থাকিত বুড়ার মত চুপটি করিয়া বসিয়া—পুরু একজোড়া চশমা চোখে, মাথায় টেরি নাই, আস্তিনের বোতাম নাই।

সকলে উৎসুক হইয়া দীনেশের কথা শুনিতেছে। প্রতি বৎসর ছুটিতে কাছারি আদালত বন্ধ হইলে সে পশ্চিমে বেড়াইতে যায়, এবং যেমন সে ফিরিয়া আসে বন্ধুর দল অমনি ঝাঁকে ঝাঁকে আসিয়া জুটে বিজয়ার কোলাকুলির পর মিষ্টি মুখ করিবার জন্তও বটে, গল্প শুনিবার লোভেও বটে।

দীনেশ বলিতেছিল,—বন্দাবন গিয়ে সারাদিন ঘোরা-ঘুরির পর সন্ধ্যার একটু আগে মথুরায় ফিরলুম। যে ধর্ম-

শালায় আমি উঠেছিলুম তারি সামনে রাস্তায় দাঁড়িয়ে গাড়োয়ানের ভাড়া মিটিয়ে দিচ্ছি, এমন সময় শুনলুম পেচন থেকে কে ডাকচে—বাবু মশায়! ফিরে দেখি, একটি চমৎকার মেয়ে। বয়স অল্প, দশ কি এগারো হবে। পরনের আধ-ময়লা কাপড়খানা তার গায়ের সোনালি রংটিকে বরঞ্চ বাড়িয়েই তুলেছিল। নাকটি টিকোলো, চোপ দুটি ডাগর আর মাথায় একরাশ চুল। তার কপালে সুরু ক'রে একটি তিলক কাটা, তাতে তাকে দাঁকা মানাচ্ছিল।

আমি তার পানে অবাক হ'য়ে চেয়ে আছি দেখে মেয়েটি মুখ নামিয়ে বললে, আমাদের আখুড়ায় রাধাগোবিন্দের মূর্তি একবার দর্শন করবেন কি ?

বাঙালী বোষ্টমের মেয়ে। ভাবলুম, ভিক্ষাই এদের বৃত্তি—রাধা কৃষ্ণের মূর্তি দেখিয়ে ছ'চার পয়সা রোজগার ক'রে থাকে।

মনিবাগটি হাতেই ছিল। তার ভিতর থেকে একটি আধুলি বের ক'রে তাকে দিতে যাচ্ছি, সে ঘাড় নাড়লে—একটু অভিমানভরেই যেন বললে, বাবু মশায়, আমি ভিক্ষা চাই না!

আমি অপ্রতিভ হ'য়ে বললাম, ঠাকুরদর্শন যে আমার ভাগ্যে ঘ'টে উঠছে না মা। আমি আজ সন্ধ্যার গাড়ীতে এখান ছেড়ে চ'লে যাব।

সে বললে, এই গলির ভিতর কাছেই আমাদের আখুড়া। আপনার বেশিক্রম দেবী হ'বে না।

আমি তখনও ইতস্তত করছি দেখে মেয়েটির চোখ দুটি ছলছল ক'রে উঠলো। সে কাঁদো কাঁদো স্বরে বললে, দেখুন আমার মার ভারি অসুখ। আজ সারাদিন তিনি কিছু খান নি। আপনি যা দর্শনী দেবেন তাই দিয়ে ঠাকুর সেবা হবার পর তিনি প্রসাদ পাবেন।

শ্রীশচীন্দ্রনাথ চট্টোপাধ্যায়

আমার মন মমতায় ভ'রে গেল, আর কিছু না ব'লে
আমি তার অনুসরণ করলাম।

আখড়াটি একটি সরু গলির ভিতর। উঠান রাস্তার
চোরা নীচু, কোণে একটি তুলসী মঞ্চ। ইঁট-বের-করা জার্ণ
দালান, এতই ছোট যে দেখলে মনে হয় কোন বালখিলোর
জায়গা সেটি তৈরী হয়েছিল তারই বারান্দার এক পাশে
রয়েছে—সেই রাধাকৃষ্ণের যুগল মূর্তি।

ঘরের ভিতর থেকে একটি রমণীর ক্ষীণ গলা শোনা
গেল—কে? রুণু এসেছিস?

রুণু বললে, হাঁ মা। একজন ভদ্রলোক এসেছেন ঠাকুর
দর্শন করতে।

দ্বালোকটি হুঁহাত মাটিতে চেপে হামাগুড়ি দিয়ে দরজা
অবধি এগিয়ে এলো। কী শীর্ণ চেহারা! এইটুকু আসতেই
সে যেন হাঁপিয়ে পড়েছিল। তার বয়স সাতাশ আঠাশের
বেশা নয়, কিন্তু এরি মধ্যে তার যৌবনের গাঙ্টি ভ'রে গিয়ে
সবখানি মাধুর্যা সেই উজ্জল চোখ দুটির ডোবার ভিতর এসে
জমেছিল।

সে বললে, জয় হোক বাবা। গোপাল আপনার মঙ্গল
করুন। রুণু, গোপালের একটু চরণামৃত বাবাকে দে ত
মা।—ব'লে সে বেজায় কাশতে লাগলো।

তার চেহারা দেখে আর কাশির শব্দ শুনে বুঝতে আমার
বাকি রইলো না যে সে যক্ষ্মার কবলে পড়েছে। মনে ভারি
কষ্ট হ'ল, বললাম—তুমি শুয়ে থাক, মা। তোমার দেখচি
খুব অসুখ।

সে ক্রকুটি ক'রে বললে, না, না। গোপালের ইচ্ছায়
শিগ্গিরই আমি ভালো হ'য়ে উঠবো। নৈলে আমার
মেয়ের গতি কি হবে বাবা?

আমার চোখে জল দেখা দিল। হায় রে অন্ধ মা! যেন
তার মেয়েটির একটা গতি ক'রে না দেওয়া পর্যন্ত গোপালের
মন শান্তি নেই! ছুখানি দশ টাকার নোট তার হাতে গুঁজে
দিয়ে বললাম,—এই টাকা দিয়ে চিকিৎসার ব্যবস্থা কর।

হাত দুটি কপালে ঠেকিয়ে সে বললে, গোপালের চরণা-
মৃত আমার অমুখ। অল্প চিকিৎসার দরকার নেই। ৩-টাকা
টুকু ফেরৎ নাও বাবা।

আমি বললাম, বেশ। ঠাকুরের ভোগ দিও।

নোট ছুখানি নাড়তে নাড়তে সে যেন নিজ মনেই ব'লে
যেতে লাগলো,—রোজের ভোগ রোজের পয়সায় দিতে হয়।
আনা চারেক পয়সা যথেষ্ট। এতগুলি টাকা—

সে আনার কাশতে লাগলো। কাশতে কাশতে তার
মুখ থেকে একটু রক্তও বোধ করি বেরিয়ে পড়েছিলো।
এই আসন্নমৃত্যু স্ত্রীলোকটির কাছ থেকে টাকাগুলি ফিরিয়ে
নিতে আমি পারলাম না। মিনতি ক'রে বললাম, কথা
শোন—রাখ তুমি ও টাকা। তোমার মেয়ের কাজে লাগবে।

একটু চিন্তা ক'রে সে বললে, আচ্ছা দাঁড়ান, আপনা-
কেও একটি জিনিস দেব। রুণু, তাক্ থেকে পেড়ে আনত
মা ঐ পঞ্চদীপ।

রুণু ঘরের ভিতর ঢুকলো সেই পঞ্চদীপ আনতে। সে
বলতে লাগলো,—পঞ্চভূতের আধার ঐ পঞ্চদীপ। আমার
দীক্ষাগুরু, আজ এক বছর তিনি বৈকুণ্ঠে—পঞ্চদীপটি ছিল
তঁারই। কৃষ্ণের আরাতি করতেন তিনি ঐ দীপের
শিখায়।

আমি জিজ্ঞাসা করলাম, ও দীপ নিয়ে আমি কি
করবো?

সে বললে, ভক্ত বৈষ্ণবকে দিয়ে কৃষ্ণের আরাতি করিয়ে।
ঠাকুর তৃপ্ত হবেন।

আমি সেখান থেকে বেরিয়ে চ'লে এলাম—
পঞ্চদীপটি আমার গ্রহণ করতে হয়েছিল। তারপর দুটো
একটা জায়গা ঘুরলাম, কিন্তু যে দৃশ্য মথুরায় দেখে এসে-
ছিলাম তা আর ভুলতে পারি নি। সব সময় কেবলি মনে
হ'ত, আহা! কি হবে ঐ মেয়েটির?...

শ্রোতা বন্ধুবর্গের ধৈর্য্য ফুরাইয়া আসিতেছিল। তাহার
কথাও শেষ হইল যতীনও বলিয়া উঠিল,—আরে রেখে দাও
দীনেশ। ওরকম ত কতই দেখা যায়। ও নিয়ে ভাবতে
গেলে আর সংসার করা চলে না, হাঁ।

খিঁচিট শশী বাবু কহিলেন, কৰ্মফল—ভগবানের বিচার।
ফলভোগ যার যা আছে, বুঝেচ কিনা—সে তা ভুগবেই।
ওর ওপর হাত দিতে যাওয়া আর জেল থেকে কয়েদী বের
ক'রে আনা দুই সমান অপরাধ।



এখিষ্ট পরেশ দীনেশের পাশের চেয়ারটিতে আসিয়া বসিল। ঠোঁট দুটি মুখের উপর শক্ত করিয়া চাপিয়া মুখের প্রঙ্গ সে যেন চোখ দিয়াই বাহির করিতেছিল, কিন্তু কি ভাবিয়া তখনি আবার সকলের পিছনে নিজের স্থানটিতে ফিরিয়া আসিল।

তাহার পানে চাহিয়া কুমুদ বাবু জিজ্ঞাস করিলেন, তুমি যে বড় ন'ড়ে-ন'ড়ে বেড়াচ্ছো? বাপার কি হে?

শশী বাবু পরিহাস করিয়া বলিলেন, বাপার নাস্তিকের যা ভ'য়ে থাকে তাই—সহায়ুভূতির দরদ, আর কি? দুঃখ দৈন্ত সবই ঈশ্বরের সৃষ্টি, এই সোজা কথাটি ভুলে অলটুইজ্‌ম্-এর ঝগু খাড়া করলে জীবন হ'য়ে উঠে বিষময়। তখন নাস্তিকের কোঠায় নাস্তিকের পা না দিয়ে উদ্ধার নেই।

চায়ের পেয়ালা ও খাবারের প্লেট আসিয়া পড়ায় আলোচনাটা অমনি চাপা পড়িয়া গেল।

যথা সময়ে সভা ভঙ্গ হইলে একে একে সকলে উঠিয়া গিয়াছে—যায় নাই শুধু পরেশ। উজ্জল আলো ঘরের আসবাব পত্রগুলিকে স্পষ্ট পরিষ্কৃত করিয়া অস্পষ্ট অপরিষ্কৃত খা-কিছু সবই দিয়াছে বাহিরে ঠেলিয়া—সেই অস্পষ্টের সন্ধানেই যেন তাহার দৃষ্টি বাহিরের অন্ধকারে ফিরিয়া বেড়াইতে লাগিল।

—দীন দা।

দীনেশ বারান্দায় ছিল। ভিতর পানে ফিরিয়া কহিল, পরেশ এখনো ব'সে বুঝি? আমি ভেবেছিলাম, তুমিও চ'লে গেছ।

পরেশ কহিল, দীনদা আমি সেই সেই পঞ্চদীপটি একবার দেখতে চাই।

—তাই ত। আসল জিনিসই কাউকে দেখানো হয় নি। দেখবার জিনিস বটে। রোস আনচি, বলিয়া সে বাড়ীর ভিতর হইতে পঞ্চদীপ লইয়া আসিল।

অনন্তনাগের ফণার উপর পাঁচটি প্রদীপ অর্ধচন্দ্রাকারে বসানো। ক্ষুদ্র জিনিস, পিতলের। কিন্তু কারুকার্য অসাধারণ—শিল্পীর নিপুণ কল্পনা রূপে রেখায় অগ্নান গৌরব লইয়া বিকশিত।

আলোর ধারে সেই পঞ্চদীপ যত্নের সহিত পরীক্ষা করিতে করিতে পরেশের মুখের উপর চাঞ্চল্যের আভাস ফুটিয়া উঠিয়াছিল। হাতের স্নায়ুগুলি ঈষৎ কাঁপিতে লাগিল, নিশ্বাস ঘন হইয়া আসিল।

দীনেশ চাহিয়া ছিল। তাহার ভাবান্তর লক্ষ্য করিয়া বিস্ময়ের সহিত জিজ্ঞাসা করিল,—কি হে, অমন ক'রে কি দেখচ?

পরেশ কি-য়ে বলিল বোঝা গেল না।

—কি বললে?

—কিছু না। আমি এখন আমি দীন-দা,—বলিয়া পঞ্চদীপ রাখিয়া সে তাড়াতাড়ি বাহির হইয়া গেল।

পরদিন সন্ধ্যাকালে মজলিসে ব্রীজ্ খেলা চলিতেছে। কাস্তি বাবু ফ্রি ডায়মণ্ডে ডবলের ধাক্কা সামলাইতে বিব্রত—দীনেশ পাশে দাঁড়াইয়া এদিক-ওদিক চাহিয়া জিজ্ঞাসা করিল,—পরশকে দেখচি না যে! সে কোথা?

কাস্তি বাবু জবাব দিলেন না, করিলেন তুরূপ—কুমুদ বাবু তুরূপ করিলেন না, দিলেন জবাব। কহিলেন, যে উড়নচণ্ডী ও! কতবার বলেচি, বিয়ে কর—মন স্থির হোক।

যতীন বলিল, ঠিক কথা। জীবনে ওর কোনো লক্ষ্যই নেই। লক্ষ্যহারা লক্ষ্মীছাড়ারও বেহুদ। ও এখানে আসে কেন বোঝা ভার। খেলেও না, গল্পও করে না।

পরেশের সেই বিষাদ-ভরা চেহারা আপন-ভোলা চলন স্ফুর্তির আসরে সকলের সমকক্ষ ছিল না বলিয়াই দীনেশের স্নেহ করিয়া পড়িত তাহারি উপর সব চেয়ে বেশি। যেমন পাহাড়ের জল গড়াইয়া নামে নীচু গুহার ভিতর। ক্ষুদ্র স্বরে সে কহিল,—যতীন, সকলেই যদি তোমার মত হেঁসে খেলে জীবন কাটায় তা হ'লে সংসার হ'য়ে ওঠে নেহাৎ এক্ষেয়ে কুচ্কাওয়াজের মত। তুমি আনন্দে কাটাচ্ছ কাটাও। কিন্তু দোহাই তোমার, পরশকে নিয়ে টানাটানি করো না। যেমন আছে ও, তেমনি থাক।

তিন দিন কাটিল, তথাপি তাহার দেখা নাই! দীনেশ সতাই উদ্বিগ্ন হইয়া উঠিল। অস্থখ করে নাই ত? আহা! বিদেশে বিভূয়ে বেচারি একলা—বাপ মা স্ত্রী কেহই বাঁচিয়া নাই। পত্নীর মৃত্যুর পর কত দুঃখে সে দেশ ছাড়িয়া এখানে



দি ভার্জিন অন দি রক্স

শিল্পী—দা ভি

শ্রীশচীন্দ্রনাথ চট্টোপাধ্যায়

করিতেছে, বর্ষের পর বর্ষ জুড়িয়া কী অন্তর্যাতনা তাহার মস্তমস্তে বাজিতেছে, যাহা ভুলিবার জন্ত প্রতিদিন সে জাগ্রত এই মজলিসের আমোদে অবগাহন করিতে, কিন্তু ভুলিয়া যাইতে পারিত না—সেই বাথার সুরটির পরিচয় দীনেশ পাইয়াছিল।

পরেরের বাড়ীতে খোঁজ লইয়া সে জানিতে পারিল যে, আজ কয়েকদিন সে বাড়ী নাই। কোথায় গিয়াছে? ভূতা তাহা জানে না। দীনেশ ভাবিল, কোনো জরুরি কাজে হঠাৎ হয়ত তাহাকে দেশে যাইতে হইয়াছে।

এক পক্ষ কাল পর সে-দিন দুপুর বেলা স্নান সারিয়া দীনেশ আহার করিতে যাইবে এমন সময় সে পরেশের হাতে লেখা একখানি চিঠি পাইল। সে পড়িল,—
দীন-দা, আমি কাল এসে এখানে পৌঁছেছি। আজ সকালবেলা আমার বাড়ী একবার আসবে কি? বিশেষ কথা আছে।

সন্ধ্যাকালে পরেশের বাড়ী যাইতে সে যখন রাস্তায় বাহির হইয়া পড়িল, বৈঠকখানা ঘরে বন্ধুর দল তখনো জুটে নাই। ডাকাডাকির পর ভূতা দরজা খুলিয়া দিলে দীনেশ জিজ্ঞাসা করিল, বাবু কোথা?

সে কহিল, খুকীমণির কাছে।

খুকীমণি! সে কে? কিন্তু ঘরে ঢুকিতেই বিশ্বয়ের চমক তাহার অঙ্গের ভিতর এমনি খেলিয়া গেল যে তেমনটি বোধ করি সে জীবনে কখনো অনুভব করে নাই। সে দেখিল, পরেশের পাশে রুণু বসিয়া আছে—যেন একটি ফুটন্ত পোলাপ।

বালিকার পানে ফিরিয়া পরেশ কহিল, রুণু, দীন-দাকে প্রণাম কর। ছুজনাই আমরা তার কাছে কৃতজ্ঞ।

রুণু উঠিয়া প্রণাম করিল।

দীনেশ অবাক হইয়া দাঁড়াইয়া রহিল—মুখে তার একটিও কথা ফুটিল না। শুধু সন্দেহ-মিশ্র কৌতূহলী দৃষ্টি সেই বালিকার পানে নিবদ্ধ করিয়া রহিল। কোথায় তার সে বিলাকের ফোঁটা আর কোথায় বা কি? পরনে আকাশ-ব-র এর সুন্দর একখানি সাড়ি, চুল বেণী বাঁধা, পায়ে জরির ক-জ করা জুতা।

পরেশ কহিল, ভাগ্যিস সেই রাত্রে রওনা হয়েছিলাম। নৈলে কমলাকে দেখতে পেতুম না দীন-দা। পৌছবার পরদিন সে মারা গেল।

দরজার কাছে এক প্রোচা মহিলা আসিয়া ডাকিল,—
রুণু, এস।

পরেশ সঙ্গেহে রুণুর গাল দুটি ঈষৎ টিপিয়া নত হইয়া চুপন করিল। কহিল, যাও মা—পড় গে।

সে চলিয়া গেলে পরেশ কহিল, উনি শিক্ষয়িত্রী। রুণুকে লেখা-পড়া শেখাবার জন্ত নিযুক্ত করেছি।

—রুণু কে?

—আমার মেয়ে।

দীনেশ প্রতিধ্বনি করিল, তোমার মেয়ে!

পরেশ কহিল, হাঁ দীন-দা। রুণু এখনো জানে না। সময় হ'লে একদিন তাকে বলবো—আজ নয়, যোদিন সে বুঝতে শিখবে।

বাতি বাড়াইয়া দিয়া সে উঠিয়া ঘরটির এধার ওধার ঘুরিতে শুরু করিয়াছিল। দীনেশের কাছে দাঁড়াইয়া বলিয়া গেল, আমি দেব ওকে এক আশ্চর্য্য শিক্ষা দীন-দা। বোষ্টম মায়ের মেয়ে—ধর্ম্মের সক্ষীর্ণতা ওর রক্তে মিশানো রয়েছে। সেই সংস্কার ওর মন থেকে একেবারে উপড়ে ফেলতে হবে। শেখাতে হবে যে সে-মানুষ স্বার্থপর যে-মানুষ শুধু নিজের বৈকুণ্ঠচিন্তা নিয়ে থাকে, সংসারের দিকে চায় না। শেখাতে হবে, জগতের সুখ-শান্তি জলাঞ্জলি দেওয়ার নাম ত্যাগ নয়—ত্যাগ, জগতের সেবায়।

লক্ষ্য-আদর্শকে সে যেন তুলি দিয়া আঁকিয়া রাখিয়াছে এবং সেই ছবি দেখিয়াই সে এখন মুগ্ধ এমনি ভাবে সে কথাগুলি বলিতেছিল। সে ছিল তখন ভাবের পরিকল্পনায় বিভোর—ভাবিতেও পারিল না যে দীনেশের মন শঙ্কা ও সংশয় দিয়া তাহারি অতীতকে যাচাই করিতেছে।

সে কহিল, সত্য বল পরেশ—কমলা কি তোমার স্ত্রী?

পরেশ চমকিয়া ফিরিয়া কহিল, হাঁ দীন-দা, সে আমার স্ত্রী। সে-সব বলবার জন্তই আজ তোমাকে এখানে আসতে লিখেছিলাম। আমার নালিশ, ধর্ম্মের উপর। কিসের জন্ত এই ধর্ম্ম? আগুন জালাবার জন্ত না নিভাবার জন্ত?



পৃথিবীর অর্ধেক অশান্তি নিশ্চয়মত মৃত্যুর উপশম হ'ত ধর্ম যদি নাতির সঙ্গে বিরোধ বাধিয়ে না বসতো। আমায় নাস্তিক বলতে চাও, বন—কিন্তু এ কথা ঠিক জেনো যে নাস্তিক পান করে বিষকে বিষ ব'লেই, সুধা ব'লে আপনাকে ও জগৎকে প্রতারণা করে না।

মাথা নাচু করিয়া খানিকক্ষণ সে চুপ করিয়া বসিয়া রহিল। গোটা অতীতটাই একখানি ছাপা বই-এর মত তাহার নয়নের সম্মুখে মেলা, কোথা হইতে আরম্ভ করিবে তাই ভাবিয়া সে যেন ঐ পাতাগুলি লইয়া নাড়িতেছিল। দ্বিধা কাটিয়া গেলে মুখ তুলিয়া সে ধীরে ধীরে বলিতে লাগিল,—আমরা খণ্ডগ্রামের জমিদার। বাবার এক ছেলে—মার মৃত্যুর পর বয়স্থা সুন্দরী দেখে তিনি কমলার সঙ্গে আমার বিবাহ দিয়েছিলেন। কমলার বাবা ছিলেন একজন পরম বৈষ্ণব। নবদ্বীপ ও বৃন্দাবনের বড় বড় ভক্তেরা এসে তাঁর বাড়ীতে পায়ের ধুলো দিয়ে যেতেন। রোজই সন্ধ্যাকালে খোল করতাল নিয়ে প্রসিদ্ধ কীর্তনিনারা এসে জুটতো, গান অনেক রাত্রি পর্যন্ত চলতো, এবং সেই গানে সমস্ত পরিবার এমন কি কমলাও যোগ দিত। এমন ক'রে কমলার মনে ধর্মের প্রতি একটা অতর্কিত অন্ধ-ভক্তি ছেলেবেলা থেকে বদ্ধমূল হ'য়ে গিয়েছিল—যা জ্ঞানকে রাখতো আচ্ছন্ন ক'রে, সত্যকে চালাতো বাঁকা পথে, আর কল্যাণকে দেখতো জগৎ থেকে পৃথক করে।

ধর্মসম্বন্ধে আমাদের বাড়ীতে কোনরূপ বাধাবাধি না থাকলেও ধর্মকে বাবা শ্রদ্ধার চক্ষেই দেখতেন, বিশেষ বৈষ্ণব ধর্মকে। তিনি মনে করতেন ধর্ম অস্বাভাবন লোকের পক্ষে অনাচারী হওয়া ততটা সহজ নয়, অবিখ্যাসীর পক্ষে যত—তাই, কমলার ধর্মনিষ্ঠাকে তিনি বরাবর উৎসাহ দিতেন। কমলার অল্পরোধে তিনি একটি মন্দির নির্মাণ করলেন, জয়পুর থেকে কারিগর এনে গোবিন্দজীর সুন্দর একটি মর্ম্মর মূর্তি গড়িয়ে সেই মন্দিরে করলেন তার প্রতিষ্ঠা। সামনে ক্ষুদ্র একটি চহর—কাজ-করা খামের উপর কাজ-করা ছাদ, মন্দিরটি ছিল যেন সেই দেবাত্মাই দিবা দেহ, আর চারদিকের বাগানে ফুটন্ত ফুলগুলি তাঁর প্রসাদন।

এই মন্দির ও বাগানের কাজে কমলার সঙ্গে যোগ দিয়ে তার ছোঁয়াচটা বোধ করি শেষকালে বাবার মনেও দিয়ে লেগেছিল। রোজই তিনি সকাল বেলা মন্দিরে যেতেন পূজা দেখতে, সন্ধ্যা বেলা যেতেন আরতি দেখতে। আরতির পর কোনদিন বা কমলা তার সুমিষ্ট গলায় কীর্তন গাইতো, তাই শুনে ভক্তির আনন্দে বিভোর হয়ে তিনি এসে আমায় বলতেন—কমলা আমার সাক্ষাৎ লক্ষ্মী। দেখো বাবা, তার মনে যেন কখনো আঘাত দিও না, কষ্ট সে যেন কোনদিন না পায়।

বাবা যে অমন ক'রে আমায় কেন সাবধান ক'রে দিতেন তখন আমি তার মানে বুঝি নি। কমলাকে আমি খুবই ভালবাসতাম, তা তিনি বিলক্ষণ জানতেন। কিন্তু এটা বোধ করি তাঁর দৃষ্টি এড়ায় নি যে কমলার এই সব অনুষ্ঠানকে আমি মন-ভুলানো খেলার চেয়ে বড় ক'রে দেখতে পারি নি। বিরুদ্ধাচরণ আমি তার কোনো কাজে করি নি, দেখে শুনে আমি বরঞ্চ কৌতুকই অনুভব করতাম। কিন্তু আভাসে ইঙ্গিতে মনের অবহেলা ঘর-ছাড়া ছেলের মত কোন ফাঁকে বেরিয়ে প'ড়ে কমলাকে যেমন ক'রে তুলতো ক্ষুণ্ণ বিরক্ত, আমিও হ'য়ে পড়তাম তেমনি ক্ষুণ্ণ অপ্রতিভ।

যে বছর রুগুর জন্ম হ'ল বাবাও মারা গেলেন সেই বছর। শেষ কয়েকটা মাস সংসারে তাঁর আর তেমন মন ছিল না। সর্বক্ষণ ঠাকুর-বাড়ীতে থাকতেন, কমলাকে কাছে রেখে ভাগবত পাঠ শুনতেন আর ধর্ম আলোচনা করতেন। যথারীতি দীক্ষা গ্রহণ করেন নি ব'লে শেষ পর্যন্ত তাঁর মনে একটা ছুঃখ থেকে গিয়েছিল। মৃত্যুকালে কমলাকে ডেকে বললেন, মা ভবের ঘাটে নৌকা বেঁধে সারাটি জীবন গুরু ছাই মাটির সওদা করেছি। এখন ভরা গাঙে ভেসে যাবার সময় দেখি মাঝিকেই সঙ্গে নেওঁয়া হয় নি।

বাবার অন্তিম কথাগুলিই কমলার মনে দীক্ষা-গ্রহণের ইচ্ছা জাগিয়ে তুলেছিল কি না জানি না, কিন্তু তার সেই অভিলাষটি যখন বুঝতে পারলাম তখন আমি সেটা একটা অত্যন্ত বাড়াবাড়ি মনে করেছিলাম, এবং তাই নিয়ে তাকে বিদ্রূপ করতেও ছাড়ি নি।

শ্রীশচীন্দ্রনাথ চট্টোপাধ্যায়

আমি হেসে বললাম, অমন কাজও কর না, কমলা।

সে বললে, বাধা কি ?

—বাধা তোমার রূপ যৌবন। দীক্ষা যিনি দিতে আসবেন তিনি নিজেই যদি দীক্ষিত হ'য়ে ফিরে যান তবেই বিপদ!

আমার কথা শুনে কমলা যেন আমোদ অনুভব করলে—কৌতুকভরে সে এমনি ক'রেই কথাটা হেসে উড়িয়ে দিলে। বললে, ভয় নেই। তুমি থাকবে আমার রূপ যৌবনের ভাগ্যারী, তা হ'লে আর তা কাণ্ডারীর চোখে ধরা পড়বে না।

আমি বললাম, কমলা, ও জিনিস সাবধানে আড়াল ক'রে রাখলেই চোখে লাগে বেশী। বাণ্ডলদত্তার কথা জান ?

সে ঘাড় নাড়লে।

আমি বললাম, বাণ্ডলদত্তা ছিলেন অবন্তীর রাজকন্যা। অবন্তীর রাজা কৌশলীপতি উদেনকে ছল ক'রে আটক করেছিলেন তার কাছ থেকে কোনো গুপ্ত বিদ্যা শিক্ষার জন্য। কিন্তু দীক্ষিত শিষ্য ছাড়া আর কাউকে উদেন সে-মন্ত্র দান করবে না দেখে তিনি একটি চমৎকার ফন্দি স্থির করলেন। কন্যা বাণ্ডলদত্তাকে পর্দার আড়ালে দাঁড় করিয়ে বললেন, ওধারে যে আছে সে একজন বামন—তার পানে চাইবে না, শিষ্যত্ব গ্রহণ ক'রে মন্ত্র শিক্ষা করবে। তারপর উদেনকে ডেকে এনে বললেন, পর্দার ও পাশে একজন কুঁজী ব'সে আছে তোমার শিষ্যত্ব গ্রহণ করবার জন্য—তাকে মন্ত্র দান কর। এমনি ক'রে মন্ত্র শিক্ষা চলতে লাগলো। শেষে একদিন পর্দার আড়াল গেল খ'সে, তখন উদেন দেখলে, সে কুঁজী নয়—পরমা সুন্দরী এক রাজকন্যা! আর বাণ্ডলদত্তা দেখলে, সে বামন নয়—পরমসুন্দর এক রাজপুত্র!

কমলা হেসে ব'লে উঠলো,— বাঃ, বেশ গল্প তা। তারপর ?

আমি বললাম, তারপর যা ঘটলো সে আর শুনে রাজ নেই

কিন্তু, তাকে বলা হয়েছিল যেটুকু তা হয়ত না বললেও চলতো, আর বলি নি যা সেটা স্পষ্ট ক'রে বললেই হ'ত ভাল। যাক, সে পরের কথা।

ব্রাহ্মণরূপী তক্ষক যেমন পরীক্ষিতের কাছে এসেছিল, পরীক্ষিত জানতেও পারে নি সে তক্ষক, ঠিক তেমনি যেদিন এক কথক ঠাকুর মন্দিরে কমলার কাছে এসে দেখা দিয়েছিল সেদিন সে-ও বোঝেনি যে সেই উদেনেরই আবির্ভাব হয়েছে তার অ-দৃষ্ট ভবিষ্যতের পর্দার আড়ালটিতে। কথকঠাকুর বুঝা, গৌর কান্তি—চোখ দুটি যেন স্নিগ্ধ নম্র ভক্তির কমলাসন, তারই বিচিত্র বর্ণের ছটা ক্রয়গল রাঙিয়ে দিয়ে গণ্ডের পরে অধরোষ্ঠের পরে বলমল ক'রে উঠতো। সে ছিল সুকণ্ঠ ও সুগায়ক। তার গানের সুরটিতে যে পূর্বরাগ প্রেম মান অভিমান বন্ধার দিয়ে বেজে উঠতো তা যেমন দেবতাকে ক'রে তুলতো একান্ত আপনার, তেমনি আপনাকে বসিয়ে দিত সেই দেবতারই আসনে। সে আর শুধু একজন কথক মাত্র থাকতো না,—তার চেতনায় তখন মানবের কোন আদিম অমুরাগ ফেনিয়ে উঠে বিধি-নিষেধের বাঁধটিকে দিত ভাসিয়ে এবং সেই অনাহত অনুভূতির প্রবল উচ্ছ্বাসে প্রবৃত্তি হয়ে উঠতো উন্মাদিনী, চিন্তা হ'য়ে উঠত উচ্ছ্বাল

মন্ত্রশক্তি বিশ্বাস আমি কখনো করি নি। কিন্তু তার কথকতায় শব্দের মধুর বন্ধার আমার মনে যেন সেই বিশ্বাসকেই অঙ্কুরিত করেছিল। ভাব ও ভাষার তরল আবেগ বেদনার দানার মত ক্ষেটে পড়তো ধ্বনি-পুঞ্জের মাথায় মাথায়। শ্রোতা বিহ্বল আনন্দ মুগ্ধ হ'ত—কমলা বিকল হ'য়ে পড়তো। কথকতা আরম্ভ করবার পূর্বে পঞ্চদীপ জেলে সে ঠাকুরের আরাতি করতো। পাঁচ রং-এর পাঁচটি শিখা জ্বলতো পঞ্চদীপের আধারে—সেই বর্ণ-জ্যোতির মিলিত আভায় মুখখানি তার দীপ্ত হ'য়ে উঠতো এবং তা যেন সেই পাথরের ঠাকুরটিকেও ঈর্ষার ধূমে মলিন ক'রে দিত।

সে বলতো, বিশ্বচেতনার মূলাধার ঐ পঞ্চদীপ। পঞ্চ-শিখার পাঁচটি বর্ণ পঞ্চভূতের তন্মাত্রা এবং তাতেই নারায়ণ সচেতন। পঞ্চেন্দ্রিয়ের সঙ্গে পঞ্চভূতের সামঞ্জস্য করবার জন্য আরাতির প্রয়োজন

কথার আলাপে এমনি একটা রহস্যের আকর্ষণ তার দিকে আমার টানছিল সত্য, কিন্তু সেই সঙ্গে বিবেচও এসে দেখা দিত যখন দেখতাম যে তার সেই বাহুমায়ার প্রভাব



কমলার উপর পড়ে তাকেও একেবারে অভিভূত করে ফেলেছে। এমন নিবিড় শ্রদ্ধা গভীর বিশ্বাস আর আকুল হৃদয়ের সে তার কথা ও গান শুনতো যে তা দেখতে দেখতে আমার মনের ভিতর কিসের যেন একটা জ্বালা ইম্পাতের মত লিক্ লিক্ করতো—মনে হ'ত, এ যেন কার রাজ্য নিয়ে জুয়োখেলা চলছে, হারলেই বৃষ্টি সর্বস্বান্ত হ'য়ে পথে বেরুতে হবে। কিন্তু অন্তরের জাগ্রৎ পুরুষটি আমার নিরন্তর সাবধান ক'রে বলতো—তুমি কে? পরস্বাপহারীর মত তুমি কেন তার উপর নিজের অধিকার অক্ষুণ্ণ রাখতে চাও? রাজ্য যার তাকে ছেড়ে দাও শাসন করতে।

দিন কাটছিল, এমন সময় এক ঘটনা ঘটলো যা আমার মনোবৃত্তির সাজানো ঘুটিগুলিকে উলটে পালটে একেবারে ছত্রাকার ক'রে দিলে। আমি মহালে গিয়েছিলাম কাজের দরুণ—সারাদিন সেখানে থেকে প্রহর দেড়েক রাত্রে যখন বাড়ী ফিরেছি, কমলা তখনো মন্দিরে। কথক ঠাকুরের মধুর কণ্ঠের কীর্তন গান বাতাসের স্তরে স্তরে ভেসে আসছিল, চেউয়ের মাথায় জঞ্জালের মত। আমার স্বাচ্ছন্দ্য ও যত্নের প্রতি কমলার যে বিন্দুমাত্র দৃষ্টি নেই, সে-কথা যেন ঐ সুরের পর্দায় বাজভরে উঠে নেমে আমায় অধীর ক'রে তুলেছিল, এবং সঙ্গে সঙ্গে জেগে উঠেছিল অক্ষুট গুঞ্জনের মত আমার চিরদিনের অভিযোগগুলি—মনের অমিল, মতের অমিল, শিকার অমিল। আমি বিস্মিত হলাম এই ভেবে যে আমাদের মনের মান-মন্দিরে তাপ-যন্ত্রের এমন বৈষম্য থাকা সত্ত্বেও কেন এতদিন ঝড় ওঠে নি—কেন ক'রে আমার নিজের পরাভবগুলিকে নির্বিকল্পে উড়িয়ে দিতে পেরেছিলাম, শাস্তি-কল্পনার একটা মিথ্যা আবরণ দিয়ে তুচ্ছ সংসারটিকে ঘিরে রাখবার জন্ত অকস্মাৎ যেন সেই পরাভবেরই রুদ্ধ অভিমান ফুলিঙ্গস্পৃষ্ট বাকদের মতন জ্বলে উঠলো, এবং তার লেলিহান শিখা কমলার সঙ্গে আর কথক ঠাকুরের সঙ্গে একটা চরম বোঝাপড়া করবার উদ্দেশ্যে লক্ লক্ ক'রে বেরিয়ে এলো।

মন্দিরের খিলানের নীচে ধামে ভর ক'রে আমি এসে দাঁড়ালাম। বারান্দায় গান চলছিলো। কয়েকজন নর-নারীর মাঝে দাঁড়িয়ে কথক ঠাকুর, সামনে কমলা।

মুদ্র ও করতাল সহযোগে সকলেই তারা তখন পালে তালে পা ফেলে বাছ দুটি উর্ধ্বে তুলে নৃত্যের ছন্দে যেন কোন প্রেমসিন্ধু মগ্নন করতে করতে চারিদিকে তার চেউ ছুটিয়ে দিচ্ছিল। ক্ষণেকের জন্ত তারই উচ্ছ্বাস আমার সঙ্কল্পকে বাধা দিয়ে মুগ্ধ আবেশে আমায় নিয়ে চললো উজান পথে তাদের সঙ্গে ভাসিয়ে। আমিও গাইতে শুরু করলাম।

পরক্ষণে কমলার পানে চেয়ে আমার চমক ভাঙলো। সেই চোখের কটাক্ষে, সেই অধরের বাকহুটিতে—সারা মুখখানির উপর অপরিসীম প্রেমের জ্যোতি প্রাতি-বিম্বিত হ'য়ে পড়েছিল সেই কথক ঠাকুরের উপর, আর সে-ও তেমনি পরম আনন্দে প্রীতি ও তৃপ্তির সতিত দেবতার পাওনাগুলিকে আপনার ব'লে গ্রহণ করছিল। আমার সর্বাঙ্গে তাড়িত প্রবাহ ছুটে গেল। আমি তৎক্ষণাৎ দৃষ্টি ফিরিয়ে চাইলাম মন্দিরের ভিতর সেই দেবমূর্তির পানে। বাসুকীর মাথার উপর পঞ্চদীপের পঞ্চবর্ণ শিখাগুলি তখনো জ্বলছিল এবং তার উদগত ধূমের আড়াল থেকে দেবতাকে মনে হ'ল যেন হাসচে—বক্র কুর মস্মাস্তিক হাসি। দেবতার প্রেম অভিনয় ক'রে মানুষ করেছে তাকে আপনার পংক্তি-ভুক্ত, তাই এখন তার সংযম ও সংস্কারের বেড়াগুলিকে ভেঙে দেবতা যদি প্রতিকূলই দিয়ে থাকে—বিচিত্র কি! এ যে তার অপমানের প্রতিশোধ!

অন্ধকারে অগোচরে আমি সেখান থেকে চ'লে এলাম। ধীরে ধীরে নিজের বিছানায় এসে শুয়ে পড়লাম, কিন্তু চোখে আমার ঘুম ছিল না। এইমাত্র আমি যা স্বচক্ষে দেখে এসেছি—সেই প্রেমের বাজনা, অনুরাগের অভিব্যক্তিকে এখন আমি আর কমলার খেলাঘরের উৎসব ব'লে মনে নিতে পারলাম না। মিথ্যা যখন সত্য হয় সে হয় তখন সত্যেরও বাড়ি, তাই দেবতার প্রতি কৃত্রিম প্রেম হ'য়ে দাঁড়ায় যেন মানুষের উপর অকৃত্রিম লালসা!

আমার ধৈর্য্য তিতিক্কা সব ভেসে গিয়েছিল। অর্ধ-সহিষ্ণুতার ফলে এতদিন আমায় হারকেই স্বীকার করতে হয়েছে, আজ তবে সজাগ সহিষ্ণুতার বলে জিতের বাণী কেড়ে নিতে হবে।

শ্রীশটীন্দ্রনাথ চট্টোপাধ্যায়

দুপুর রাতে কমলা ফিরে এলে আমি বললাম, কাল থেকে মন্দিরে গিয়ে আর তোমার কীর্তন গাওয়া চলবে না, কমলা ।

সে জিজ্ঞাসা করলে, কেন ?

আমি বললাম, কথক ঠাকুরকে আজই আমি বিদায় ক'রে দিচ্ছি ।

কমলা চ'টে বললে, না—আমি থাকতে সে হবে না ।

রুক্ষস্বরে আমি জবাব দিলাম, বাড়ীর কর্তার হুকুম তোমাকেও মানতে হবে ।

অবাক হ'য়ে ক্ষণকাল সে আমার পানে চেয়ে রইলো । আমার মুখে এমন জোর কথা আগে সে কখনো শোনে নি ।

সে বললে, বেশ, তা হ'লে বাড়ীর বাইরে যেখানে কর্তার হুকুম পৌঁছয় না সেইখানে গিয়ে দাঁড়াবো ।

রাগে আমার সর্ব শরীর কাঁপছিল । বললাম, আমার আপকার এড়িয়ে যাওয়া অত সহজ নয়, কমলা ।

দৃঢ় মুষ্টিতে তার হাত চেপে ধ'রে আমি তাকে টেনে নিয়ে চললাম শুভ্র শয্যার উপর । রুগ্ন ঘুমোচ্ছিলো—কুঁড়ির মত কোমল মুখখানির উপর যেন কোন দেব-লোকের কিরণ হাসি ও সৌরভ ছড়িয়ে দিচ্ছিলো । মুগ্ধ দৃষ্টিতে তার পানে চেয়ে তুজনাই আমরা ক্ষণকাল নীরবে দাঁড়িয়ে রইলাম ।

কমলার হাত তখনো আমি ছাড়ি নি । একটু ঝাঁক দিয়ে বললাম, রুগ্ন তোমার মেয়ে । তার প্রতি তোমার কোনো কর্তব্য নেই তাই কি তুমি মনে কর ?

তৎক্ষণাৎ বললে, না, তা আমি মনে করি না । ওর প্রতি আমার সব চেয়ে বড় কর্তব্য হচ্ছে তোমার কাছ থেকে ওকে দূরে সরিয়ে রাখা ।

—তবে তোমাকেই দূরে থাকতে হবে । এই ব'লে পাশের ঘরে তাকে জোর ক'রে ঠেলে দিয়ে বাইরে থেকে দরজা বন্ধ ক'রে দিলাম । সে যে মেজের উপর ছিটকে প'ড়ে গেল, আমি তা চেয়েও দেখলাম না ।

উঃ !—সে রাত্রি যে কি ভাবে কেটেছিল তা ভগবান জানেন । আমার শাসনের খড়্গ শুধু কমলার উপর প'ড়েই ক্ষান্ত হলো না, এখন তা রক্ত চক্ষু ক'রে আমার প্রতি উদ্ভত হ'য়ে উঠলো । প্রেমকে নামিয়ে প্রভুত্বকে

বড় ক'রে আমি যেন জ্বরদস্তির লাভের ঘরেও বিসর্জনের লোকমানেরই অঙ্ক লিখে বসলাম । যে-যুগে নারী ছিল শুধু পণ্যবস্তু—পণ্যবস্তুর মতই যখন তাকে যুক্ত ক'রে লাভ করা যেত, সেই যুগকেই আবার ফিরিয়ে এনে মনুষ্যত্বের গৌরবকে দিলাম হাঁকিয়ে, এবং তারই লাঞ্ছনা আমার মনে এখন মাথা কুটতে লাগলো ।

পরদিন সকালে আমি নৌকা প্রস্তুত করতে আদেশ দিলাম । নিজের প্রতি একটা ধিক্কার এ-বাড়ীতে আমার তিষ্ঠানো ভার ক'রে তুলেছিলো ।

দিনের পর দিন ভেসেই যাচ্ছি—বজ্রা বাধছি না কোথাও । পাল তুলে, দাঁড় বেয়ে, নদীর ঢেউ কাটিয়ে, খালের স্রোতে ব'য়ে কোথায় যে চলেছি তা নিজেই জানি না । দাঁড়ি মাঝিরা সব পরিশ্রান্ত—হাত আর চলে না, দেহ আর সয় না । তাদের দুর্দশা দেখে বললাম,—যা করিম-গঞ্জের হাতে নৌকা বেঁধে বিশ্রাম কর ।

আজ হাটের দিন নয় । তবু পাড়ের উপর অসংখ্য লোকের ভিড় । তাদের মধ্যে কারু কারু হাতে লাঠি । তারা সকলেই উত্তেজিত—উচ্চকণ্ঠে কলহ করছিল । দেখে মনে হ'ল এখনি বুঝি একটা দাঙ্গা বেঁধে বসে—এমনি ক'রেই তারা হাত নাড়ছিল আর কুখে কুখে পরস্পরের দিকে এগুচ্ছিল । ব্যাপারটা কি জানবার জন্ত কোতুহলী হয়ে তাদের মোড়লদের ডেকে আনতে আমি একজন পাইক পাঠিয়ে দিলাম ।

খানিকক্ষণ পরে সে ফিরলো—সঙ্গে কয়েকজন মুসলমান । তাদের মধ্যে একজন কৃষ্ণবর্ণ ব্যক্তি অগ্রসর হ'য়ে সেলাম ক'রে বললে, হুজুর, আমার নাম মেহের আলী—আমরা হুজুরের কলাকাটা মহালের প্রজা । আমার স্ত্রী রাজিয়া এ গাঁয়ের করিমবন্দের বাড়ীতে পালিয়ে চ'লে এসেছে । আমি তাকে ছিনিয়ে নিতে এসেছিলাম । হুজুর যখন এসেছেন তখন আর ভয় কি ?

আমি হতভম্ব হ'য়ে দাঁড়িয়ে রইলাম । মনে হল যেন আমারি অন্তর্ঘাতনা মেহেরআলীর ছদ্মবেশ ধ'রে হঠাৎ বাইরে এসে দাঁড়িয়েছে আমার পরীক্ষা করবার জন্ত । কিন্তু তৎক্ষণাৎ দোলায়মান মনকে সংবৃত্ত ক'রে সযত্নে মেহের



আলীর খসখসে হাত ছুখানি ধ'রে আমি তাকে বজরার কামরার মধ্যে নিয়ে এলাম।

বললাম,—মেহের, সতাই কি তুমি রাজিয়া বিবিকে ভালবাসো ?

সে বললে, হাঁ হুজুর, তার জন্তু আমি জান্ দিতে পারি।

আমি ঘাড় নেড়ে বললাম, তা'হলে তুমি জোর ক'রে তাকে ফিরিয়ে নিতে চাইতে না। পাখীকে খাঁচায় পুরে সোহাগ করা ভালবাসা নয়—সখ !

আমার কথায় সে কি-যে বুঝলে বলতে পারি না। তার চোক ছোটো ছল ছল ক'রে উঠলো। অনেকক্ষণ সে চূপ ক'রে ব'সে রইলো, তারপর একটি দীর্ঘনিশ্বাস ছেড়ে আমার পানে চেয়ে বললে, ঠিক কথা হুজুর। চিড়িয়া যখন উড়ে গেছে তখন তার খালি খাঁচাটা দিয়ে ঘর সাজিয়ে রাখলে সখ মেটে না, বরং আপশোষই বাড়ে।

সে চ'লে গেল। কিন্তু তার কথার স্বরে সতাকার বেদনার সুরটি সারাটিক্ষণ জুড়ে আমার কানে বাজতে লাগলো। পশ্চিমে নদীর ওপারে গ্রামের আড়ালে সূর্য তখন ধীরে ধীরে নেমে যাচ্ছিল। নদীর ঘাটে গ্রামবধুরা এসে জমেছিল, তাদের কাঁখে কলসী—ঘোমটার ফাঁক দিয়ে বজরার দিকে চকিত-দৃষ্টিতে চেয়ে দেখছিল। কেন জানি না, আমার মনে হ'ল তারা সব গ্রহ নক্ষত্র ! সংসারকে কেন্দ্র ক'রে নির্দিষ্ট পথে নির্দিষ্ট নিয়মে চলেছে এক আনন্দ সঙ্গীতের তালে তালে—তাদের স্বেচ্ছা-স্বচ্ছন্দ গতিকে মণ্ডলীর গণ্ডী মধ্যে নিয়ন্ত্রিত ক'রে রেখেছে, কেন্দ্রশক্তির অস্বাভাবিক শাসন নয়, মমতার সহজ বন্ধন !

মাঝিকে ডেকে জিজ্ঞাসা করলাম,—সোজা পথে খণ্ডগ্রামে পৌছতে কতক্ষণ লাগবে ?

সে বললে, হুজুর খাল দিয়ে পুরো একদিনের পথ।

বললাম, বেশ ! আজই রাত্রে খাওয়া-দাওয়ার পর নৌকা ছেড়ে দিবি। কালকের মধ্যে পৌঁছানো চাই।

পরদিন যখন খণ্ডগ্রামে পৌঁছলাম তখন রাত্রি হয়েছে। ঘাটে জন মানব নেই—বাড়ী অন্ধকার। চিলছত্রের গম্বুজটিকে দেখা যাচ্ছিল যেন আম বাগানের জলন্ত জোনাকীর ঝাড়গুলিকে তুচ্ছ ক'রে নীলাকাশে নক্ষত্রপঞ্জের

সঙ্গে মিলেছে। মন্দিরে গান বন্ধ—সব নিস্তব্ধ নিবুঝ।

দেউড়ির দরজা খুলে দিয়ে দরওয়ান চূপচাপ ম'রে দাঁড়ালো। বিস্মিত হ'য়ে জিজ্ঞাসা করলাম, এরি মধ্যে আলো সব নিভিয়ে দিয়েছিস যে ? তোদের আজ হয়েছে কি ?

বৃদ্ধ গোমস্তা অশ্রুশীল এসে বললে, সর্বনাশ হয়েছে বাবু, রানীমা চ'লে গেছেন।

তার স্বর কেঁপে উঠলো। দু হাতে চোখ ঢেকে ব'লে গেল, বাঁধুলীগ্রামে বিশালাক্ষীর মন্দিরে কথক ঠাকুরের গান চলছে শুনে সেখানে গিয়েছিলাম রানীমাকে আনতে।

আমি ব'লে উঠলাম,—কেন গিয়েছিলে ? কে বলেছিলো ?

মুখ নত ক'রে সে বললে, রাগ করবেন না বাবু, আমার দোষ নেই। আমার যা সাধ্য করেছি, কিন্তু তিনি কিছুতে এলেন না।

আমার মনে পড়েছিল, মেহের আলীর কথা, --চিড়িয়া উড়ে গেছে—তার খালি খাঁচা দিয়ে কি হবে ?

ঘরে বারান্দায় সব আলো জ্বালতে আদেশ দিলুম। একে একে বাতিগুলি যেমন জ্বলে উঠলো, বাড়ীটিও তেমনি ইন্দ্রপুরীর শোভা ধারণ করতে লাগলো। প্রতিমা বিসর্জনের দিনে দীপালির দীপ নিরানন্দকে দেয় দূর ক'রে, এও কি তাই ?

দেই দীপ্ত ঘরগুলির উৎসব সজ্জার মধ্যে আমি একলা অকারণ ছুটে বেড়াতে লাগলাম। চারদিক হাহাকার ক'রে উঠছিল।

বিছানার উপর লুটিয়ে প'ড়ে অধীর হ'য়ে ডাকলাম,—অশ্রুশীল !

বৃদ্ধ ছুটে এসে বললে, আজ্ঞা করুন।

বালিসের মধ্যে মুখ গুঁজে কাতরকণ্ঠে বললাম, ওরা কণুকে নিয়ে গেছে। যেমন ক'রে পার তাকে নিয়ে এস।

—যে আজ্ঞে।

সে চ'লে যাচ্ছিলো, আমি তৎক্ষণাৎ উঠে তার হাত চেপে ধ'রে বললাম, তুমি কি মনে কর সে আর আসবে

শ্রীশচাক্রনাথ চট্টোপাধ্যায়

না? আমি বলছি, রুগ্নকে সঙ্গে নিয়ে একদিন সে আমার কাছে ফিরে আসবে। সে-দিন তাকে ফিরিয়ে দিও না— অন্ধ ক'রে আমার কাছে নিয়ে এসো। আসি সেই শুভদিনের প্রত্যাশায় রইলুম।

অশ্রুশীল চোখে কাপড় দিয়ে কেঁদে উঠল।

* * *

কথা শেষ করিয়া পরেশ কহিল, তখন বুঝি নি যে সকল মোহের ঘোরই হয়ত এককালে কেটে যায়, কিন্তু ধর্ম্ম যার চোখ দুটি অন্ধ ক'রে বেঁধে রেখেছে তার মোহ

কাটে না কোনদিন। না দীন-দা, রুগ্নকে নিয়ে সে আর ফেরে নি। শেষ দিন পর্য্যন্ত সহজ বুদ্ধি দিয়ে একটিবারও সে চেয়ে দেখেনি যে আর একজনের কি সর্বনাশই সে করেছে। এর চেয়ে শোচনীয় আর কি হতে পারে?

দীনেশ উঠিয়া দাঁড়াইল। পরেশকে আলিঙ্গন করিয়া আবেগভরে কহিল, ধর্ম্মাধর্ম্ম জানি নে ভাই। তবে এটুকু বুঝতে পেরেছি—ঐ-যে পঞ্চদীপ একদিন কমলাকে টেনে নিয়ে গিয়েছিল মৃত্যুর মধ্যে, সেই আবার রুগ্নকে ফিরিয়ে দিয়ে তোমায় এনেছে জীবনের পথে। তোমার ছঃপ করবার কারণ নেই পরেশ।

রিক্ত ও মুক্ত

শ্রীমৈত্রেয়ী দেবী

সে কোন্ রাত্রে ভেবেছিলেম একলা বাহির হ'ব,

সঙ্গে আমার সঙ্গী নাহি ল'ব,

শয্যা ছেড়ে উঠে এসে খুলে দিলেম দ্বার,

সম্মুখেতে স্তব্ধ আকাশ গভীর অন্ধকার—

পৃথিবী যে সর্বস্বারা মন্ত্র-ছায়াময়

আজ আমাকে বিশ্ব-মাঝে নিঃস্ব মনে হয়।

পথের পাশে বাঁশের ঝোপে কৃষ্ণচূড়ার গাছে

আমার বকের বেদন যেন নিবিড় হ'য়ে আছে!

সম্মুখে মোর চলেছে পথ কোথায় নাহি জানি,

মৃত্যু যেন মূর্ত্ত হ'য়ে ফেলেছে জাল খানি!

আমি এলেম নেমে

কর্ণক আমার মুক্ত দুটি দ্বারের পাশে থেমে।

মনে ভাবি অন্ধকারে সকল হ'ল লয়,

চক্ষে কিছু দেখতে নারি, একলা মনে হয়!

অস্তবিনীন অস্তরেতে চিন্তা নাহি জাগে,

আপনারে ভিন্ন ব'লে মুক্ত ব'লে লাগে ॥

কখন দেখি সম্মুখে মোর বাধন গেছে ছুটে,

রক্ত-উষার ওষ্ঠপুটে হাত ফুটে উঠে।

রাতের মায়া পড়ল ছিঁড়ে দীর্ঘ পথ-মাঝে

হৃদয়ে মোর এমন ক'রে দৈত্য কেন বাজে?

পুষ্প মেলে মুগ্ধ অঁখি, পক্ষী উড়ে জেগে,

উচ্ছ্বসিত পূর্বাকাশের রশ্মিরেখা লেগে।

চলতে নারি বেদন লাগে, চিত্তকলরোলে

স্নিগ্ধ আলোয় আত্মারে মোর বাক্ত ক'রে তোলে

রাত্রি-ঘেরা স্বপ্ন-মাঝে গর্কে ছিন্নু ভরি'

আপনারে শূন্য দেখে মুক্ত মনে করি।

এখন মনে হয়

আপনারে রিক্ত করা মুক্ত করা নয় ॥

হাত বাক্স বেতার যন্ত্র


।।বীরেন্দ্রনাথ রায়

সাধারণত বেতার যন্ত্রের Valve এর তিনটি অংশ থাকে, 'Plate', 'Grid' ও 'Filament'। সম্প্রতি কতকগুলো Valve বেরিয়েছে যাদের চারটি অংশ আছে, বাড়তি অংশটি হচ্ছে 'Extra Grid'। একরকম Valve-

বেড়াতে বা চড়ুইভাতি করতে যাবেন, তাঁরা এইরকম একটা ছোট হাতবাক্স নিয়ে গেলে বেশ মজা পাবেন। সাইকেলে চড়ে যারা বেড়াতে বেরুবেন তাঁদের পক্ষে এই 'হাত বাক্স বেতার' সবচেয়ে উপভোগ্য বস্তু হবে। এখন কি কি যন্ত্র দিয়ে set টি তৈরী সে কথা বলা যাক—


প্রথমেই দরকার একটা হাতবাক্স যার ভেতরের মাপ হবে প্রায় 12" x 7½"।

একখানা এবনাইটের টুকরো 7½" x 7½" x ¼"।



Theoretical Diagram

Wiring Diagram



এর নাম Four Electrode Valve। ('বেতার যন্ত্র নির্মাণ' পুস্তক দ্রষ্টব্য)। এই ধাঁজের দুটি Valve দিয়ে একটি set তৈরীর কথা এবার লেখা হবে। সেটটি, সমস্ত ব্যাটারি, aerialএর তার, earthএর তার ও মাটিতে পুঁতে দেবার জন্তে একটা ভাল লোহার খোঁটা, এমন কি একজোড়া Headphoneও সমস্ত সাজ সরঞ্জাম ছোট একটা ১২" x ৭" হাত বাক্সের ভেতরই fit করা চলে। পাঁচ বছরের ছেলে পর্যন্ত যন্ত্রটিকে খেলনার মত হাতে ক'রে নিয়ে যেখানে খুসী যেতে পারবে, যন্ত্রটি এতই হালকা। টেলিফোনে শুনলে এই যন্ত্রে প্রায় আশি-নব্বই মাইল দূর থেকেও বেতারের গান বাজনা শোনা যাবে আর বেতার প্রেরকযন্ত্রের দশ-পনরো মাইলের ভেতর বেশ সুন্দর স্বরবর্দ্ধক যন্ত্র বা Loudspeakerএ গান শোনা যায়। এই যন্ত্রে চার জোড়া টেলিফোন একসঙ্গে ব্যবহার করা যায়। সুতরাং কলকাতা থেকে চল্লিশ-পঞ্চাশ মাইল দূরে যারা

একটা Grid Condenser 0.0003
একটা Grid Leak 2 megohms
আটটা Terminal (Aerial, Earth, L. T., H. T. +, H. T. - ও দুটো phones মার্কী হ'লেই ভাল।


শ্রীবীরেন্দ্রনাথ রায়

- One 'polar' coil unit *
- One Eureka 'Dial-0-Condenser' '0005 *
- One Euerger L. F. Transformer 5-1 ratio
- One Lisseustal "Minor"

(এটা filament resistance এর জন্ত ব্যবহার হচ্ছে, এটা না থাকলে অল্প ভাল Fil. Res. ব্যবহার করা যেতে পারে)

দুইটি four-electrode valve এবং দুইটি ভাল valve holder ('Aermonie' E type-এতেই চলবে।)

জন্তে করবেন কি, একগাছা ষাট ফিট লম্বা রবারের insulation দেওয়া flexible তার একটা সরু লম্বা কাঠের কাটিমের ওপর জড়িয়ে রাখবেন। তার তলার দিকে একটা ভারী পাথরের টুকরো বেঁধে, উঁচু একটা গাছের ওপর তারটা ছুঁড়ে দিয়ে শেষটা aerial terminal এ লাগিয়ে দিলেই বেশ ভাল aerial হবে। Four-electrode Valve এর H. T. ব্যাটারি সাধারণত কুড়ি ভোল্টের বেশী লাগে না—সুতরাং দুটো ৯ ভোল্ট করে (grid-bias এর



একটি extra valve holder 'Polar' coil unit এর জন্ত। এছাড়া স্ক্রু, connection এর তার এসমস্তও চাই। এখন দূরে এই set নিয়ে বেড়াতে যেতে হ'লে ভাল earth করবার জন্ত একটা ১০ ইঞ্চি লম্বা copper rod এর মাথায় একটা বোতলের terminal রাঙু দিয়ে জড়িয়ে নেবেন। মাটিতে rodটা একেবারে ঢুকিয়ে দিয়ে ওপরের terminal এ earth connection এর তার এঁটে দিলেই বেশ সুন্দর earth হবে। Aerial এর

ব্যবহারের উপযোগী dry battery কিনে series এ অর্থাৎ একটা ব্যাটারীর ৯ ভোল্টের জায়গা থেকে একটি তার নিয়ে গিয়ে আর একটির zero ভোল্টের জায়গায় জুড়ে দেবেন, তাহলেই আঠারো ভোল্ট হবে। L. Zর জন্তে একটা Portable type ও Nonspillable Accumulator কিনবেন। Oldham কোম্পানীর তৈরী এক রকম আছে সেগুলি বেশ কাজে লাগে, অল্প হ'লেও হবে। এখন যন্ত্রটির theoretical diagram দেখুন ১নং ছবিতে। ২নং ছবিতে



জোড়া তাড়া দেবার একটা মাপ দেখান হয়েছে। তার পরের ছবিতে কেমন ক'রে যন্ত্র গুলো বসিয়ে connection করা হয়েছে সেটাও বেশ ভাল ক'রে দেখে নিন। এবনাইটের ওপর যন্ত্রের অংশগুলি সমস্ত বসিয়ে, জোড়াতাড়ার কাজ শেষ হ'য়ে গেলে, হাতবাক্সটিতে এবনাইটের ওপর যে সেটি

ছবির '৩' চিহ্নিত অংশ। টেলিফোন receiverএর মধ্য Band দুটোও খুলে '১' চিহ্নিত জায়গায় setএর ওপর কেমন ক'রে রাখা হয়েছে তা স্পষ্টই দেখতে পাবেন। এই বেতার গ্রাহক যন্ত্রের, তা হ'লেই দেখছেন, যা' কিছু দরকার সমস্তই এই ছোট্ট হাত বাক্সটির ভেতর চমৎকারভাবে রাখা



তৈরী করা হোল সেটি fit ক'রে ফেলুন। চার নম্বর ছবির বাঁ দিকে '১' চিহ্নিত জায়গায় set টি fix করা হয়েছে। H. T. Battery, L. T. Accumulator, 'Polar' Coil unit, telephoneএর headpiece দুটো ও aerial তারের কাঠিমাটি '২' চিহ্নিত অংশে দেখতে পাবেন। Earth এর জন্ত যে copper rod তৈরী করা হয়েছে সেটি চারনম্বর

যায়। আর একটি মজা হ'চ্ছে, যন্ত্রটিতে Four electrode valve ছাড়া ordinary valveও ব্যবহার করা চলে, তখন ২নং ছবিতে যে দুটি তার 'To extra grid of valves' লেখা আছে, সে দুটি খালিই থাকে। পরের সংখ্যায় অগ্র ধাঁজের নূতন রকম গ্রাহক যন্ত্রের আলোচনা করবার ইচ্ছা আছে।





রৌদ্র উঠিয়াছে কিনা দেখিবার জন্ম তুর্গা জানালা খুলিয়াছিল, আর বন্ধ করে নাই। খোলা জানালা দিয়া ঝিরঝিরে প্রেরের বাতাস বহিতেছে—নীলমণি রায়ের পোড়ো ভিটার বাতাবী লেবুগাছটা হইতে ফুটন্ত লেবুকুলের মিঠা গন্ধ প্রাসন্ন্য আসিতেছে।

তুর্গা কাঁথার তলা হইতে অত্যন্ত খুসির সহিত ডাকিল
অপু—ও অপু—

অপু জাগিয়াই ছিল, কিন্তু এখনও পর্য্যন্ত কোন কথা বলে নাই। বলিল—দিদি, জানালাটা বন্ধ ক'রে দিবি? বড় ঠাণ্ডা হাওয়া আস্চে—

তুর্গা উঠিয়া জানালা বন্ধ করিয়া দিয়া বলিল—রাহুর দিদির বিয়ে কবে জানিস? আর কিন্তু বেশী দেবী নেই। পূব ঘটা হবে, ইংরিজি বাজনা আসবে। দেখিচিস্ তুই ইংরিজি বাজনা?

—সেই সব মাথায় টুপি প'রে বাজায়, এই বড় বড় বাঁশি—
বড় বড়, আমি দেখিচি—আর এক রকম বাঁশি বাজায়,
গলো কালো, অত বড় নয়, ফুলোট বাঁশি বলে—এমন
মৎকার বাজে! ফুলোট বাঁশি শুনিচিস্?

তুর্গা আর একটা কথা ভাবিতেছিল।

কাল সে বৈকালে ওপাড়ার খুড়ীমার কাছে বেড়াইতে যার। একথা সেকথার পর খুড়ীমা জিজ্ঞাসা করিল, তুর্গা তোর সঙ্গে ঠাকুরপোর কোথায় দেখা হয়েছিল রে?

সে বলিল—কেন খুড়ীমা?...পরে সে সেদিনের কথা বলিল। কোতুকের সুরে বলিল, পথ হারিয়ে খুড়ীমা ওতেই—
—একেবারে গড়ের পুকুর—সেই বনের মধ্যে—

খুড়ীমা হাসিয়া বলিল—আমি কাল ঠাকুরপোকে বলছিলাম তোর কথা—বলছিলাম—গরীবের মেয়ে ঠাকুরপো, কিছু দেবার খোবার সাধা তো নেই বাপের—বড় ভাল মেয়ে—যেন একালেরই মেয়ে না—তা ওকে নাওগে না? তাই ঠাকুরপো তোর কথা-টখা জিগোস্ করছিল—বলে, ঘাটের পথে সেদিন কোথায় দেখা হোল—পথ ভুলে ঠাকুরপো কোথায় গিয়ে পড়েছিল—এই সব। তারপর আমি আজ তিনদিন ধ'রে বল্চি খুড়ীমার ঠাকুরকে দিয়ে তোর বাবাকে বলাবো। ঠাকুরপোর যেন মত আছে মনে হোল, তাকে যেন মনে লেগেচে—

তুর্গা গোয়াল হইতে বাছুর বাহির করিয়া রৌদ্রে বাঁধিল বটে, কিন্তু অন্তদিন বাড়ীর কাজ তবু ত যাহোক কিছু করে আজ সে ইচ্ছা তাহার মোটেই হইতেছিল না। এক একদিন, তাহার এরকম মনের ভাব হয়—সেদিন সে কিছুতেই বাড়ীর গভীতে আটকাইয়া থাকিতে পারে না—কে তাহাকে পথে



পথে পাড়ায় পাড়ায় ঘুরাইয়া লইয়া বেড়ায়। আজ যেন হাওয়াটা কেমন সুন্দর, সকালটা না গরম না ঠাণ্ডা, কেমন মিষ্ট গন্ধ পাওয়া যায় নেবুফুলের—যেন কি একটা মনে আসে, কি তাহা সে বলিতে পারে না।

বাড়ীর বাহির হইয়া সে রানুদের বাড়ী গেল। ভুবন মুখ্যে অবস্থাপন্ন গৃহস্থ, এই তাঁর প্রথম মেয়ের বিবাহ, খুব ঘটী করিয়াই বিবাহ হইবে। বাজিওয়াল আসিয়া বাজির দরদস্তুর করিতেছে, সীতানাৎ এ অঞ্চলের বিখ্যাত রসুন চৌকীবাজিয়ে, তাহারও বায়না হইয়াছে, বিবাহ উপলক্ষে নানাস্থান হইতে কুটুম্বের দল আসিতে সুরু করিয়াছে, তাহাদের ছেলেমেয়েতে বাড়ীর উঠান সরগরম।

দুর্গার মনে ভারি আনন্দ হইল—আর দিনকতক পরে ইহাদেরই বাড়ীতে কত বাজি পুড়িবে। সে কোনো বাজি কখনও দেখে নাই কেবল একবার গাঙ্গুলী বাড়ীর ফুলদোলে একটা কি বাজি দেখিয়াছিল ছস্ করিয়া আকাশে উঠিয়া একেবারে যেন মেঘের গায়ে গিয়া ঠেকে, সেখান হইতে আবার পড়িয়া যায়, এমন চমৎকার দেখায়!... অপু বলে হাউই বাজি।

দুপুরের পর মা দালানে অঁচল বিছাইয়া একটু ঘুমাইয়া পড়িলে সে সুড়ুৎ করিয়া পুনরায় বাড়ির বাহির হইল। ফাল্গুনের মাঝামাঝি, রৌদ্রের তেজ চড়িয়াছে, একটানা তপ্ত হাওয়ায় বাশপাতা ও রানুদের বাগানের বড় নিমগাছটার হৃন্দে পাতাগুলো ঘুরিতে ঘুরিতে ঝরিয়া পড়িতেছে—কেহ কোনোদিকে নাই, নেড়াদের বাড়ীর দিকে কে যেন একটা টিন বাজাইতেছে। বু-উ-উ উ করিয়া কি একটা শব্দ হইল। কাঁচপোকা! দুর্গা নিজের অনেকটা অজ্ঞাতসারে তাড়াতাড়ি অঁচল মুঠার মধ্যে পাকাইয়া চকিত দৃষ্টিতে চারিদিকে চাহিতে লাগিল। এক কাজ করিয়া সে একরূপ অভ্যস্ত হইয়া উঠিয়াছে যে, দিক্চক্রকালে শক্রপক্ষের ঘোড়ার খুরের প্রথম ধূলি উড়িতেই সে তৎক্ষণাৎ কর্তব্য ঠাহরাইয়া লইয়া হাতিমার বন্দ হইয়া প্রস্তুত হইতে পারে; চোখ, কান, হাত সব কলের মত আপনা আপনি নিজ নিজ কাজ করিয়া যায়; দেহীর কোনো চেষ্টার প্রয়োজন হয় না।

কাঁচপোকা নয় সুদর্শন পোকা।

তাহার মুঠার অঁচল আপনা আপনি খুলিয়া গেল... আগ্রহের সহিত পা টিপিয়া টিপিয়া সে পোকাটার দিকে আসিতে লাগিল। সামনের পথের উপর বসিয়াছে, পাথার উপর খেত ও রক্ত চন্দনের ছিটার মত বিন্দু বিন্দু দাগ। সুদর্শন পোকা—ঠিক পোকা নয়—দেখিতে পাওয়া অভ্যস্ত ভাগ্যের কাজ—তাহার মার মুখে, আরও অনেকের মুখে সে শুনিয়াছে। সে সস্তূর্ণনে ধূলার উপর বসিয়া পড়িল...পরে হাত একবার কপালে ঠেকাইয়া আর একবার পোকার কাছে লইয়া গিয়া বার বার দ্রুতবেগে আবৃত্তি করিতে লাগিল—সুদর্শন, সুভালাভালি রেখো... সুদর্শন, সুভালাভালি রেখো... সুদর্শন, সুভালাভালি রেখো। (অবিকল এই রূপই সে অপরের মুখে বলিতে শুনিয়াছে।) পরে সে নিজের কিছু কথা মস্তুর মধ্যে জুড়িয়া দিল—অপুকে ভাল রেখো, মাকে ভাল রেখো, বাবাকে ভাল রেখো, ওপাড়ার খুড়ীমাকে ভাল রেখো—পরে একটু ভাবিয়া ইতস্তত করিয়া বলিল—নারেনবাবুকে ভাল রেখো, আমার বিয়ে যেন ওখানেই হয় সুদর্শন, রুহুর দিদির মত বাজি বাজনা হয়।

ভক্তের অর্ঘ্যের আতিশয্যে পোকাটা ধূলার উপর বিষণ্ণভাবে চক্রকারে ঘুরিতেছিল, দুর্গা মনের সাধ মিটাইয়া প্রার্থনা শেষ করিয়া শ্রদ্ধার সহিত পাশ কাটাইয়া উঠিয়া গেল।

পাড়ার ভিতরকার পথে পথে মাথার উপর প্রথম ফাল্গুনের সুনীল, এমন কি অনেকটা ময়ূরকণী, রংএর আকাশ গাছ পালার ফাঁকে ফাঁকে চোখে পড়ে।

সেওড়া বনের মাঝখান দিয়া নদীর ঘাটের সুরু পথ। সুঁড়ি পথের দুধারেই আম বাগান। তপ্ত বাতাস আম-বউলের মিষ্ট গন্ধে, বনে বনে মৌমাছি ও চাক পোকার গুঞ্জনরবে, ছায়াগহন আম বনে কোকিলের ডাকে, স্নিগ্ধ হইয়া আসিতেছে।

বাগানগুলি পার হইয়া চড়ক তলার মাঠ। ঘাসে ভরা মাঠে ছায়া পড়িয়া গিয়াছে। দুর্গা ঝোপের মধ্যে মধ্যে সোঁয়াকুল খুঁজিয়া বেড়াইতে লাগিল—কিন্তু সোঁয়াকুল এখন

বন্দোপাধায়

আল বড় থাকে না, শীতের শেষেই ঝরিয়া যায়। একটা উঁচু চিত্রিতে ঝোপের মধ্যের একটা গাছে অনেক সোঁয়াকুল ছিল। এই সেদিন ত সে খাইয়া গিয়াছে কিন্তু এখন আর নাহি, সব ঝরিয়া গিয়াছে, গোলমরিচের মত শুকনা সোঁয়াকুল ঘন ঝোপের তলা বিছাইয়া পড়িয়া আছে। এক ঝাঁক শালিখপাখী ঝোপের মধ্যে কিচ্, কিচ্ করিতেছিল, দুর্গা নিকটে ঘাইতে উড়িয়া গেল।

তাহার মনে খুসির আবার একটা প্রবল ঢেউ আসিল। উৎসবের নৈকট্য, বাসরে রাত জাগা ও গান শুনিবার আশা, সকলের উপর একটা অজানা, অননুভূত আনন্দের প্রত্যাশায় তাহার মন ভরিয়া উঠিল।

তাহারা তেরো বৎসর বয়সে এই অজ পাড়াগাঁয়ে একপ-উৎসবের দিন কয়টা বা আসিয়াছে; দু একটা যা আসে, প্রত্যেক বারই শতাব্দীর সমুদয় উৎসব-পুলক এক সঙ্গে লইয়া আসিয়া উদয় হয় গরীব ঘরের এই মেয়েটার কাছে।

খুসিতে তাহার ইচ্ছা হইল সে মাঠের এধার হইতে ওধার পর্যন্ত ছুটিয়া বেড়ায়। একবার সে হাত দুটা ছড়াইয়া ডানার মত লম্বা করিয়া দিয়া খানিকটা ঘুরপাক খাইয়া খানিকটা ছুটিয়া গেল। সে উড়িতে চায়!...শরীর তো হালকা জিনিস—হাত ছড়াইয়া ডানার মত বাতাস কাটিতে কাটিতে যদি যাওয়া যাইত!

নদী বেশী দূরে নয়, দুর্গার মনে হইল এই সময় অক্রুর জেলের নৌকা হয়তো ঘাটে লাগিয়াছে, তাহা হইলে সে মাছ কিনিয়া আনিবে। রোদ-পোড়া মাটির সোঁদা সোঁদা গন্ধের সঙ্গে ঝরা শুকনা পাতা-লতার গন্ধ মিশিয়া এক এক দমকা গরম বাতাস বহিতেছে...মাঝে মাঝে ফুটন্ত ঘেঁটু ফুলের তেতো গন্ধ। মাঠের কোণে একটা জঙুলা পাতা-করা আমড়া গাছের ডালগুলি নতুন কচি মুকুলে ভরিয়া গিয়াছে। ঝোপে ঝোপে ঈষৎ লাল আভাযুক্ত কচি পাতা সাজানো বৈচি গাছ। শুধু শব্দ করিবার আনন্দে সে শুকনা পাতার রাশির উপর ইচ্ছা করিয়া জোরে জোরে পিঁকিয়া মচ্, মচ্ শব্দ করিতে করিতে চলিল। পাতা উড়িয়া গিয়া শুকনা শুকনা, ধূলা-মিশানো, খানিকটা সোঁদা সোঁদা, খানিকটা তিক্ত গন্ধে জায়গাটা ভরিয়া গেল।

এই গন্ধ তাহার বড় ভাল লাগে...এই গন্ধ পাইলেই সঙ্গে সঙ্গে তাহার মনে হয়,—সমস্ত বন জঙ্গলের পরিষ্কার তলাগুলি, কাঁটা-ওয়াল ডালপালার আড়ালটি—সব একেবারে ঝরিয়া পড়া নাটাকল ও রড়ার বাঁচিতে ভরিয়া গিয়াছে। কিন্তু ইহা যে কত বড় মরীচিকা, তাহা সে কতবার দেখিয়াছে; এত করিয়া বনে জঙ্গলে খুঁজিয়া আজও সে তাহার ছোট মাটির ছোবাটায় পুরাপুঁবি একছোবা নাটাকলও সংগ্রহ করিতে পারে নাই।

সাম্নে একটু দূরে সোনাডাঙার মাঠের দিকে ঘাইবার কাঁচা সড়ক। একখানা গরুর গাড়ী কাঁচা কাঁচা করিয়া মাঠের পথের দিকে ঘাইতেছে। ছই নাই, টাটকা কাটা কঞ্চির ঘেরা বাঁধিয়া তাহার উপর কাঁথা ও ছেঁড়া লাল নক্সা পাড় কাপড় ঘিরিয়া ছই তৈয়ারী করিয়াছে। ছইএর মধ্যে কাহাদের একটা ছোট্ট মেয়ে একঘেয়ে, একটানা ছেলেমানুষি ধরণে কাঁদিতে কাঁদিতে ঘাইতেছে—কোন গাঁয়ের চাষাদের মেয়ে বোধ হয় বাপের বাড়ী হইতে খুঁজুর বাড়ী ঘাইতেছে। গাড়ীর গাড়োয়ান পথের দুধারের পুষ্পিত আম্রকুঞ্জের ঘন মিষ্ট গন্ধে বিমাইতে বিমাইতে চলিয়াছে। ছইএর পিছনদিকে একটা ধামাতে লাউ, বেগুন আরও কি কি তরকারী। গাড়ীর বাশে দুটা ঠ্যাং-বাধা জীবন্ত মুগী বুলানো—কুটুখ বাড়ীর সওগাত।

দুর্গা অবাক হইয়া একদৃষ্টে গাড়ীখানার দিকে চাহিয়া রহিল।

পরে সে একটু অন্তমনস্ক হইয়া পড়িল। বিয়ে হইলে মা, বাবা, অপু—সব ছাড়িয়া এই রকম কোথায় কতদূর চলিয়া যাইতে হইবে; যখন তখন সেখান হইতে তাহারা আসিতে দিবে কি? সে এতক্ষণ একথা ভাবিয়া দেখে নাই—এই বন, বাগান, বাসকফুলের ঝাড়, রাঙা গাইটা, উঠানের কাঁটালতলাটা, যাহা সে এত ভালবাসে, এই শুকনা পাতার গন্ধ, ঘাটের পথ—এই সব ছাড়িয়া যাইতে হইবে চিরকালের, চিরকালের জন্ত! ছইএর মধ্যের ছোট্ট মেয়েটা বোধ হয় সেই দুঃখেই কাঁদিতেছে। দুর্গার মন বড় দমিয়াগেল।

কাঁচা সড়কটা ছাড়িয়া আর একটা ছোট্ট পোড়ো মাঠ পার হইলেই নদী। অক্রুর মাঝির নৌকা ঘাটে



আসে নাই। বাবলা গাছের নীচে কাহারো দোয়ারী পাতিয়া মাছ ধরিতেছে। দুর্গা বেশীদূর কিছু আসে নাই,—বা ধারে কিছুদূরে কুঁচ ঝোপের আড়ালে তাহাদের পাড়ার স্বানের মাটির ধাপ-কাটা কাঁচা ঘাট। দুর্গা ভয়ে ভয়ে গিয়া দেখিল মা ঘাটে নাই তো ?

ওপারে জেলেরা কি মাছ ধরিতেছে ? খয়রা ? এপারে আসিলে সে দুপয়সার মাছ কিনিয়া বাড়ী লইয়া যাইত। অপু খয়রা মাছ খাইতে ভালবাসে।

বাড়ী ফিরিয়া সন্ধ্যার পর সে অনেকক্ষণ ধরিয়া পুতুলের বাক্স গোছাইল। ঘরের মেজেতে তাহার মা তেল পুরিতে গিয়া অনেকটা কেরোসিন তেল ফেলিয়া দিয়াছে, তাহার গন্ধ বাহির হইতেছে, হাওয়াটা যেন একটু গরম। পুতুল গুছানো প্রায় শেষ হইয়াছে অপু আসিয়া বলিল—তুই বুঝি আমার বাক্স থেকে ছোট আঁশিখানা বের করে নিয়েচিস্ দিদি ?

—হুঁ—আসি তো আমার—আমিই তো আগে দেখতে পেইছিলাম তক্তপোষের নীচে পড়েছিল—যাও, আমি আসি আমার বাক্সে রাখবো। বেটাছেলে আবার আসি নিয়ে কি হবে ?

—বা রে, তোমার আসি বই কি ? ও-পাড়ার খুড়িমানদের বাড়ী থেকে মা তো কি বেঁঠোতে আসি এনেছিল, আমি তো আগেই মার কাছ থেকে চেয়ে নিছলাম। না দিদি, দাও—

কথা শেষ করিয়াই সে দিদির পুতুলের বাক্সের কাছে বসিয়া পড়িয়া তাহার মধ্যে আসি খুঁজিতে লাগিল।

দুর্গা ভাইয়ের গালে এক চড় লাগাইয়া দিয়া বলিল—হুঁ কোথাকার—আমি পুতুল গুছিয়ে রাখি আর উনি হাতুল পাতুল করছেন—যা আমার বাক্সে হাত দিতে হবে না তোমার—দেব না আমি আসি—

কিন্তু কথা শেষ না হইতেই অপু ঝাঁপাইয়া তাহার ঘাড়ের উপর পড়িয়া তাহার কান চুলের গোছা ধরিয়া টানিয়া আঁচড়াইয়া কামড়াইয়া তাহাকে অস্থির করিয়া তুলিল। কান্না-আটকানো গলায় বলিতে লাগিল—কেন তুমি আমাকে মারবে ? আমার লাগে না বুঝি ?—দাও

আমায়—মাকে বোলে দেবো—লক্ষ্মীর চুপড়ি থেকে আলতা চুরি কোরেচ—

আলতা চুরির কথায় দুর্গা খেঁপিয়া গেল। ভাইএর কান ধরিয়া তাহাকে ঝাঁকুনি দিয়া উপরি উপরি পটপট কয়েকটা চড় দিতে দিতে বলিল—আলতা নিইচি ?—আমি আলতা নিইচি ? লক্ষ্মীছাড়া, হুঁ, বাঁদর! আর তুমি যে লক্ষ্মীর চুপড়ির গা থেকে কড়ি গুলো খুলে লুকিয়ে রেখেচ, মাকে বোলে দেবো না ?—

চাঁৎকার কান্না ও মারামারির শব্দ শুনিয়া সর্বজয়া ছুটিয়া আসিল।

ততক্ষণে দুর্গা অপূর কান ধরিয়া তাহাকে মাটিতে প্রায় শোয়াইয়া ফেলিয়াছে—অপুও প্রাণপণে দুর্গার চুলের গোছা মুঠি পাকাইয়া টানিয়া একরূপ ধরিয়া আছে যে দুর্গার মাথা তুলিবার ক্ষমতা নাই।

অপূর লাগিয়াছিল বেশী। সে কাঁদিতে কাঁদিতে বলিল, ঝাখো না মা, আমার আঁশিখানা বাক্স থেকে বের ক'রে নিজের বাক্সে রেখে দিয়েচে—দিচ্ছে না—এমন চড় মেরেচে গালে—

দুর্গা প্রতিবাদ করিয়া বলিল,—না মা, ঝাখো না আমি আমার, পুতুলের বাক্স গোছাছি ও এসে বল্লো সেগুলো সব—

সর্বজয়া আসিয়া মেয়ের পিঠের উপর হুম্ হুম্ করিয়া সজোরে কয়েকটি কিল বসাইয়া দিল; বলিল,—ধাড়ী মেয়ে—কেন তুই ওর গায় হাতে দিবি যখন তখন ?—ওতে আর তোতে অনেক তফাৎ জানিস্ ?—আসি ? আসি তোমার কোনো পিণ্ডিতে লাগবে শুনি ? কথায় কথায় উনি যান ওকে তেড়ে মার্তে ! মরণ আর কি ! পুতুলের বাক্স—রোসো—

কথা শেষ না করিয়াই সে মেয়ের গুছানো পুতুলের বাক্স উঠাইয়া এক টান মারিয়া বাহির উঠানে ছুঁড়িয়া ফেলিয়া দিল।

—ধাড়ী মেয়ের কোনো কাজ নেই, কেবল খাওয়া আর পাড়ায় পাড়ায় টো টো ক'রে বেড়ানো—আর কেবল পুতুলের বাক্স আর পুতুলের বাক্স ! ও সব টেন

৭ বন্দোপাধায়

একজন বাঁশ-বাগানে ফেলে দিয়ে আস্চি। দিচ্চি তোমার পেনা ঘুচিয়ে একেবারে—

দুর্গার মুখ দিয়া কথা বাহির হইল না। পুতুলের বাস্তু তাহার প্রাণ, দিনের মধ্যে দশবার সে পুতুলের বাস্তু হোঁচায়—পুতুল, রাংতা, ছোপানো কাপড়, আলতা, কত কষ্টের সংগ্রহ করা নাটাফল, টিন-মোড়া আর্সিথানা, পাখীর বাসা—সব অন্ধকারে উঠানের মধ্যে কোথায় কি ছড়াইয়া পড়িল! মা যে তাহার পুতুলের বাস্তু একরূপ নিশ্চয়ভাবে ফেলিয়া দিতে পারে একথা কখনো সে ভাবিতে পারিত না। কত কষ্টে কত জায়গা হইতে জোগাড় করা কত জিনিস উহার মধ্যে!

কোনো কথা বলিতে সাহস না করিয়া সে কেমন যেন অবাক হইয়া রহিল।

অপুর কাছেও বোধ হয় শাস্তিটা কিছু বেশী কঠোর বলিয়াই ঠেকিল। সে আর কোনো কথা না বলিয়া চুপচাপ গিয়া শুইয়া পড়িল।

দুর্গা খানিকক্ষণ এক ভাবেই মেজের উপর বসিয়া রহিল। রাত্রি অনেক হইয়াছে, মেজেতে কেরোসিন তেলের গন্ধ বাহির হইতেছে, ঘরের মধ্যে বাঁশ বাগানের মশা বিন্ বিন করিতেছে। কেমন যেন একটা বন্ধ হাওয়া ঘরের ভিতর। খানিকক্ষণ বসিয়া বসিয়া দুর্গা গিয়া চুপ করিয়া শুইয়া পড়িল।

ভাঙা জানালা দিয়া ফাগুন জোৎস্নার আলো বিছানায় পড়িয়াছে। পোড়া ভিটার দিক হইতে ভূর ভূর করিয়া লেবু ফুলের গন্ধ আসিতেছে। দুর্গা বালিসে মুখ গুঁজিয়া অনেকক্ষণ শুইয়া রহিল। একবার তাহার মনে হইল উঠিয়া গিয়া পুতুলের বাস্তুটা ও ছড়ানো জিনিসগুলো তুলিয়া আনে—কাল সকালে কি আর পাওয়া যাইবে? কত কষ্টের জিনিসগুলো! কিন্তু সাহস পাইল না। আনিতে গেলে মা যদি আবার মারে? মার উপর তাহার কোনো অভিমান হইল না। যাহারা আমাদের দিয়া আসিতেছে এং বরাবর দিবে জানি তাহারা যদি হঠাৎ না দেয়, তবেই আমাদের উপর অভিমান হয়। কিন্তু দুর্গা স্বভাবত মনেও ভীক, কাহারও কাছে বেশী কিছু দাবী করিবার সাহস

তাহার নাই—কাজেই মার কাছে মার খাইয়া সে ইঁহাকে শাস্তভাবে মানিয়া লইল, অভিমান করিবার কোনো কারণ মনে উদয়ই হইল না।

অনেকক্ষণ কাটিয়া গেল। হঠাৎ দুর্গা গায়ের উপর কাহার হাত অনুভব করিল। অপু ভয়ে ভয়ে ডাকিল—দিদি? দুর্গা কোনো জবাব দিবার পূর্বেই অপু বলিসে মুখ গুঁজিয়া হাউ হাউ করিয়া কাঁদিয়া উঠিল—আমি আর করবো না—আমার ওপর রাগ করিসনে দিদি—তোমার পায়ে পড়ি। কান্নার আবেগে তাহার গলা আটকাইয়া যাইতে লাগিল।

দুর্গা প্রথমটা বিস্মিত হইল—পরে সে উঠিয়া বসিয়া ভাইয়ের কান্না থামাইবার চেষ্টা করিতে লাগিল।—কাঁদিসনে চুপ, চুপ, মা শুন্তে পেলো আবার আমার বক্বে, চুপ কাঁদতে নেই। আচ্ছা আমি রাগ করবো না, কেঁদো না ছিঃ—চুপ্—

তাহার ভয় হইতেছিল অপূর কান্না শুনিলে মা আবার হয়তো তাহাকেই মারিবে।

অনেক করিয়া সে ভাইয়ের কান্না থামাইল। পরে শুইয়া শুইয়া তাহাকে নানা গল্প বিশেষত রানুর দিদির বিবাহের গল্প বলিতে লাগিল। একথা ওকথার পর অপূ দিদির গায়ে হাত দিয়া চুপি চুপি বলিল—একটা কথা বলবো দিদি?—তোমার সঙ্গে মাষ্টার মশায়ের বিষে হবে—

দুর্গার লজ্জা হইল, সঙ্গে সঙ্গে তাহার অত্যন্ত কৌতূহলও হইল; কিন্তু ছোট ভাইএর কাছে এ সম্বন্ধে কোনো কথা-বার্তা বলিতে তাহার সঙ্কোচ বোধ হওয়াতে সে চুপ করিয়া রহিল।

অপূ আবার বলিল—খুড়ীমা বলছিল রানুর মার কাছে আজ বিকেলে। মাষ্টার মশায়ের নাকি অমত নেই—

কৌতূহলের আবেগে চুপ করিয়া থাকা অসম্ভব হইয়া উঠিল। সে তাচ্ছিল্যের সুরে বলিল—ই্যা বলছিল—যাঃ—তোমার সব যেমন কথা?—

অপূ প্রায় বিছানায় উঠিয়া বসিল,—সত্যি বল্চি দিদি, তোমার গা ছুঁয়ে বল্চি, আমি সেখানে দাঁড়িয়ে, আমাকে দেখেই তো কথা উঠল। বাবাকে দিয়ে পত্দের লেখারে সেই মাষ্টার মশায়ের বাবা যেখানে থাকেন সেখানে—



—মা জানে ?

—আমি এসে মাকে জিগোস্ করবো ভাবলাম—
ভুলে গিইচি। জিগোস্ করবো দিদি ? মা বোধ হয়
শোনেনি ; কাল খুড়ীমা মাকে ডেকে নিয়ে বসবে বসছিল—

পরে সে বলিল—তুই কত রেলগাড়ী চড়বি দেখিস্, মাষ্টার
মশাইরা পাকেন এখন থেকে অনেক দূর—রেলযেতে হয়—

তুর্গা চুপ করিয়া রছিল।

অপূ বা তুর্গা কখনও রেলগাড়ী চড়ে নাই ; চড়া তো
দূরের কথা কখনও চক্ষেও দেখে নাই। মাকের পাড়া
স্টেশন ও রেল লাইন এ গ্রাম হইতে চার পাঁচ ক্রোশ দূরে।
এমন কখনো কোনো সুযোগ ঘটে নাই, যাহাতে তাহাদের
রেলগাড়ী চড়া হয়। তুর্গা কিন্তু রেলগাড়ীর ছবি দেখিয়াছে—
অপূর কি একখানা বইএর মধ্যে আছে। খুব লম্বা,
অনেক গুল্মা চাকা, সামনের দিকে কল, সেখানে আগুন
দেওয়া আছে, ধোঁয়া ওড়ে। রেল গাড়ীখানা আগাগোড়া
লোহার, চাকাও তাই—গরুর গাড়ীর মত কাঠের চাকা
নয়। রেল লাইনের ধারে কোনো খড়ের বাড়ী নাই, থাকিতে
পারে না, পুড়িয়া যায়। রেল গাড়ী যখন চলে তখন তাহার
নল হইতে আগুন বাহির হয় কিনা ! সে ভাইএর গায়ে হাত
বুলাইয়া বলিল—তোকেও সঙ্গে ক'রে নিয়ে যাবে। তাহার
পর দুজনেই চুপ করিয়া ঘুমাইবার যোগাড় করিল।
ঘুমাইতে গিয়া একটা কথা বারবার তুর্গার মনে হইতেছিল—
ঠাকুর সুদর্শন তাহার কথা শুনিয়াছেন ! আজই তো
সুদর্শনের কাছে সে—ঠাকুরের বড় দয়া—মা তো ঠিক
কথা বলে !

২৫

অপূ কাউকে একথা এখনো বলে নাই—তাহার
দিদিকেও না।

সেদিন চুপি চুপি ছপুর্বে সে যখন তাহার বাবার
ঐ বই-বোঝাই কাঠের সিন্দুকটা খুলিয়াছিল সিন্দুকটার
মধ্যে একখানা বইএর মধ্যেই এই অদ্ভুত কথার সন্ধান
পায় !

উঠানের উপর বাশঝাড়ের ছায়া এখনও পূর্ব-পশ্চিমে
দীর্ঘ হয় নাই, ঠিক-ছপুর্বে সোনাডাঙ্গার তেপান্তর মাঠের
সেই প্রাচীন অশ্বখ গাছের ছায়ার মত এক জায়গায় একখানা
ছায়া জমাট বাধিয়া ছিল।

একদিন সে ছপূর বেলা বাপের অল্পপস্থিতিতে ঘরের দরজা
বন্ধ করিয়া চুপি চুপি বইয়ের বাস্তুটা লুকাইয়া খুলিল।
অধীর আগ্রহের সহিত সে এ বই ও বই খুলিয়া খানিকটা
করিয়া ছবি দেখিতে এবং খানিকটা করিয়া বইএর মধ্যে
ভাল গল্প লেখা আছে কি না দেখিতে লাগিল। একখানা
বইয়ের মলাট খুলিয়া দেখিল নাম লেখা আছে 'সকল-দর্শন
সংগ্রহ'। ইহার অর্থ কি, বা বইখানা কোন্ বিষয়ের তাহা
সে বিন্দুবিসর্গও বুঝিল না। বইখানা খুলিতেই একদল
কাগজ কাটা পোকা নিঃশব্দে বিবর্ণ মার্কেল কাগজের
নীচে হইতে বাহির হইয়া উর্দ্ধ্বাঙ্গে ঘে দিকে তুই চোপ
যায় দৌড় দিল। অপূ বইখানা নাকের কাছে লইয়া
গিয়া ঘ্রাণ লইল—কেমন পুরানো পুরানো গন্ধ ! মেটে
রংএর পুরু পুরু পাতাগুলার এই গন্ধটা তাহার বড় ভাল
লাগে—গন্ধটায় কেবলই বাবার কথা মনে করিয়া দেয়।
যখনই এ গন্ধ সে পায় তখনই কি জানি কেন তাহার
বাবার কথা মনে পড়ে।

অত্যন্ত পুরানো মার্কেল কাগজের বাধাই-করা
মলাটের নানাস্থানে চটা উঠিয়া গিয়াছে। এইরকম
পুরানো বইএর উপরই তাহার প্রধান মোহ। সেইজন্ম
সে বইখানা বালিশের তলায় লুকাইয়া রাখিয়া অগাধ
বই তুলিয়া বাস্তু বন্ধ করিয়া দিল।

অবসর মত বইখানা সে খুলিল। এক খানাও ছবি
নাই ! কিন্তু মার্কেল কাগজে চিত্রবিচিত্র কাজ করা
আছে। এ যেন পিপাসিত মরুযাত্রীকে যুগতৃষ্ণিকায় লুক
করিয়া তাহার পিপাসা আরও শতগুণ বাড়াইয়া তোলা।
—মহীরাবণ বধের ছবি ! নাঃ—কোথায় ? মার্কেল
কাগজের ওপর ছক কাটা কি সব ছাইভস্ম নক্সা।

লুকাইয়া পড়িতে পড়িতে এই বইখানিতেই একদিন
দৈবাৎ সে পড়িল—বড় অদ্ভুত কথাটা। হঠাৎ শুনিবে
মানুষ আশ্চর্য হইয়া যায় বটে—কিন্তু ছাপার অক্ষরে

শ্রীবৃতিভূষণ বন্দ্যোপাধ্যায়

বইখানার মধ্যে এ কথা লেখা আছে, সে পড়িয়া দেখিল।
পারদের গুণ বর্ণনা করিতে করিতে লেখক লিখিয়াছেন,
—শকুনির ডিমের মধ্যে পারদ পুরিয়া কয়েকদিন রোদ্রে
রাখিতে হয়, পরে সেই ডিম মুখের ভিতর পুরিয়া মালুস
হুঁকা করিলে শূন্যমার্গে বিচরণ করিবার ক্ষমতা প্রাপ্ত হয়।

অপু নিজের চক্ষুকে বিশ্বাস করিতে পারিল না,—আবার
পড়িল—আবার পড়িল।

পরে নিজের ডালাভাঙা বাস্কাটার মধ্যে বইখানা
লুকাইয়া রাখিয়া বাহিরে গিয়া কথাটা ভাবিতে ভাবিতে
অবাক হইয়া গেল।

বাপারটা সে যত সহজ ভাবিয়াছিল অতটা সহজ
হইল না। প্রথমটা সে অত বুঝে নাই—বুঝিল দিন
পনেরো পরে। যে শকুনি মাঠে, ঘাটে, মাথার উপরে,
সব সময়ই চোখে পড়ে—কে জানিত তাহার ডিম
যোগাড়করা একরূপ সমস্তার বিষয় হইয়া দাঁড়াইবে! গাছের
শোড়লে, ক্ষেতের আলে, নদীর ধারের গর্তে, কত জায়গায়
সে খুঁজিয়াছে। শকুনি তো দূরের কথা, কোনো পাখীর
বাসাই চোখে পড়ে না।

দিদিকে জিজ্ঞাসা করে—শকুনিরা বাসা বাঁধে কোথায়
জানিস্ দিদি?

তাহার দিদি বলিতে পারে না। সে পাড়ার ছেলেদের
—যতু, নীলু, কিহু, পটল, নেড়া—সকলকে জিজ্ঞাসা
করে। কেউ বলে—সে এখানে নয়; উত্তর মাঠে উঁচু গাছের
মাথায়। তাহার মা বকে—এই ছপুরবেলা কোথায় ঘুরে
বেড়াস্! অপু ঘরে ঢুকিয়া শুইবার ভাগ করে, বইখানা
খানিয়া সেই জায়গাটা আবার পড়িয়া দেখে—আশ্চর্য্য!
এত সহজে উড়িবার উপায়টা কেউ জানে না? হয়তো
এক বইখানা আর কাহারো বাড়ী নাই, শুধু তাহার বাবারই
আছে; হয়তো এই জায়গাটা আর কেহ পড়িয়া দেখে নাই,
তাই তাহারই চোখে পড়িয়াছে এতদিনে।

বইখানার মধ্যে মুখ খুঁজিয়া আবার সে আশ্রয় লয়
—সেই পুরানো পুরানো গন্ধটা! এই বইয়ে যাহা লেখা
আছে, তাহার সত্যতা সম্বন্ধে অপূর মনে আর কোন
অশঙ্কাস থাকে না।

পারদের জন্ত ভাবনা নাই—পারদ মানে পারা সে
জানে। আয়নার পেছনে পারা মাখানো থাকে, একখানা
ভাঙা আয়না বাড়ীতে আছে, উহা যোগাড় করিতে পারিবে
এখন। কিন্তু শকুনির ডিম এখন সে কোথায় পায়?

ছপুরে খাওয়া দাওয়ার পরে এক একদিন তাহার
দিদি ডাকে—আয় শোন অপু, মজা দেখাবি আয়। পরে
সে একমুঠা পাতের ভাত লইয়া বাড়ীর খিড়কিদোরের
বাঁশবাগানে গিয়া হাঁক দেয়—আয় ভুলো-তু-উ-উ-উ। ডাক
দিয়াই দুর্গা ভাইয়ের দিকে হাসি হাসি মুখে চুপ করিয়া
থাকে যেন কি অপূর্ব রহস্যপুরীর ছদ্মরূপ এখনই তাদের
চোখের সামনে খুলিয়া যায়! হঠাৎ কোথা হইতে
কুকুরটা আসিয়া পড়িতেই দুর্গা হাত তুলিয়া বলিয়া উঠে
—ওঃ এসেচে! কোথেকে এলো দেখলি?—খুসিতে সে
হিহি করিয়া হাসে।

রোজ রোজ এই কুকুরকে ভাত খাওয়ানোর ব্যাপারে
দুর্গার আমোদ হয় ভারী।—তুমি হাঁক দেও, কেউ
কোথাও নাই, চারিদিকে চুপ! ভাত মাটিতে নামাইয়া
দুর্গা চোখ বুঁজিয়া থাকে; আশা ও কৌতূহলের ব্যাকুলতায়
বুকের মধ্যে টিপ্ টিপ্ করে; মনে মনে ভাবে—আজ
ভুলো আসবেনা বোধ হয়, দেখি দিকি কোথেকে আসে!
আজ কি আর শুনতে পেয়েচে!—

হঠাৎ ঘনঝোপে একটা শব্দ ওঠে—

চক্ষের নিমিষে বন জঙ্গলের লতা পাতা ছিঁড়িয়া খুঁড়িয়া
হাঁপাইতে হাঁপাইতে ভুলো কোথা হইতে নক্ষত্রবেগে আসিয়া
হাজির।

অমনি দুর্গার সমস্ত গা দিয়া যে একটা কিসের স্রোত
বহিয়া যায়! বিস্ময়ে ও কৌতুকে তাহার মুখ চোখ উজ্জল
দেখায়! মনে মনে ভাবে—ঠিক শুনতে পায় তো! আসে
কোথেকে!...আচ্ছা কাল একটু চুপি চুপি ডেকে দেখবো
দিকি, তাও শুনতে পাবে?

এই আমোদ উপভোগ করিতে সে মায়ের বকুনি সহ
করিয়াও রোজ খাইবার সময় নিজে বরং কিছু কম
খাইয়া কুকুরের জন্ত কিছু ভাত পাতে সঞ্চয় করিয়া
রাখে।



অপু কিন্তু দিদির কুকুর ডাকিবার মধো কি আমোদ আছে তাহা খুঁজিয়া পায় না। দিদির ও সব মেয়েলি বাপারের মধো সে নাই। অধীর আগ্রহে ভোজনরত শীর্ণ কুকুরটার দিকে সে চাহিয়াও দেখে না—শুধু শকুনির ডিমের কথা ভাবে।

অবশেষে সন্ধান মিলিল। হীরা নাপিতের কাঁটাল তলায় রাখালেরা গরু বাধিয়া গ্রহস্থের বাড়ীতে তেল-তামাক আনিতে যায়। অপু গিয়া তাহাদের পাড়ার রাখালকে বলিল—তোরা কত মাঠে মাঠে বেড়া'স, শকুনির বাসা দেখতে পাস? আমার যদি একটা শকুনির ডিম এনে দিস আমি দু-টো পয়সা দেবো—

দিন চারেক পরেই রাখাল তাহাদের বাড়ীর সামনে আসিয়া তাহাকে ডাকিয়া কোমরের খলি হইতে দুইটা কালো রংএর ছোট ছোট ডিম বাহির করিয়া বলিল—এই দ্যাখো ঠাকুর, এনিচি। অপু তাড়াতাড়ি হাত বাড়াইয়া বলিল, দেখি! পরে আঙ্লাদের সহিত উল্টাইতে পাণ্টাইতে বলিল—শকুনির ডিম! ঠিক তো! হাঁ ঠিক শকুনির ডিমই বটে। রাখাল সে সম্বন্ধে ভূরি ভূরি প্রমাণ উত্থাপিত করিল। ইহা শকুনির ডিম কিনা এসম্বন্ধে সন্দেহের কোন কারণ নাই, সে নিজের জীবন বিপন্ন করিয়া কোথাকার কোন উঁচু গাছের মাঝে হইতে ইহা সংগ্রহ করিয়া আনিয়াছে;—কিন্তু দুই আনার কমে সে দিবে না।

পারিশ্রমিক শুনিয়া অপু অন্ধকার দেখিল। বলিল, দুটা পয়সা দেবো, আর আমার কড়িগুলো নিবি? সব দিয়ে দেবো এক টিনের ঠোঙা কড়ি—দব এই এত বড় বড় সোনারগেটে; দেখবি, দেখাবো?

রাখালকে সাংসারিক বিষয়ে অপূর অপেক্ষা অনেক ছাঁসিয়াব বলিয়া মনে হইল। সে নগদ পয়সা ছাড়া কোনো রকমেই রাজি হইল না। যাহা হউক দরদস্তরের পর রাখাল আসিয়া চার পয়সায় দাঁড়াইল। অপু দিদির কাছে চাহিয়া চিন্তিয়া দুটা পয়সা যোগাড় করিয়া তাহাকে চুকাইয়া দিয়া ডিম দুটি লইল। তাহা ছাড়া রাখাল কিছু কড়িও লইল। এই কড়ি গুলি অপূর প্রাণ, অর্ধেক রাজহ ও রাজকন্টার বিনিময়েও সে এই কড়ি কখনো হাতছাড়া করিত না অল্পসময়; কিন্তু আকাশে উড়িবার আমোদের কাছে কি আর বেগুনবীচি খেলা!

ডিমটা হাতে করিয়া তাহার মনটা যেন ফুঁ-ফুঁয়া রবারের বেলুনের মত হালকা হইয়া ফুলিয়া উঠিল। সঙ্গে সঙ্গে যেন একটু সন্দেহের ছায়া তাহার মনে আসিয়া পৌঁছল। এটুকু এতক্ষণ ছিল না; ডিম হাতে পাওয়ার পর হইতে যেন কোথা হইতে ওটুকু দেখা দিল—খুব অস্পষ্ট। সন্ধান আগে আপন মনে নেড়াদের জামগাছের কাটা গুঁড়ির উপর বসিয়া সে ভাবিতে লাগিল, সত্যি সত্যি উড়া যাইবে তো! সে উড়িয়া কোথায় যাইবে? মামার বাড়ীর দেশে! বাবা যেখানে আছে সেখানে? নদীর ওপারে? শালিখ পাখী ময়না পাখীর মত উ-ই আকাশের গায়ে তারাটা—যেখানে উঠিয়াছে?

এই দিনই, কি তাহার পরদিন। বৈকালে দুর্গা সলিতা পাকাইবার জন্ত ছেঁড়া নেকড়া খুঁজিতেছিল। তাকেই হাঁড়ি কলসির পাশে গোঁজা ছেঁড়া-খুঁড়া কাপড়ের টুকরার তাল হাতড়াইতে হাতড়াইতে কি যেন ঠক করিয়া তাহার পিছন হইতে গড়াইয়া মেজের উপর পড়িয়া গেল। ঘরের ভিতর বৈকালেই অন্ধকার, ভাল দেখা যায় না, দুর্গা মেজে হইতে উঠাইয়া লইয়া বাহিরে আসিয়া বলিল—ওমা কিসের দুটা বড় বড় ডিম এখানে। এং, প'ড়ে একেবারে গুঁড়ো হয়ে গিয়েচে। দেখেচো কি পাখী ডিম পেড়েচে ঘরের মধো মা!

তাহার পর কি ঘটিল, সে কথা না তোলাই ভালো। অপূ সমস্ত দিন খাইল না...কান্না...হৈ হৈ কাঁজ। তাহার মা ঘাটে গল্প করে—ছেলের সবই বিদ্যুটি! ও মা একথা তো কখনও শুনি নি—শুনেচো সেজ্ ঠাকুরবি—কোথেকে একটা কিসের ডিম এনে তাকে পেছনে লুকিয়ে রেখেচে, তা নিয়ে নাকি মানুষে উড়তে পারে... শোনো কাণ্ড! উনি না বাড়ী থাকলে ছেলেটা যে কি ক'রে বেড়ায়—একদণ্ড যদি বাড়ীতে পা পাত্তে! দুই-ই সমান, যেমন মেয়েটা তেমনি ছেলে—

কিন্তু বেচারী সর্বজয়া কি করিয়া জানিবে? সকলেই তো কিছু 'সর্বদর্শনসংগ্রহ' পড়ে নাই, বা সকলেই কিছু পারদের গুণও জানে না।

আকাশে তাহা হইলে তো সকলেই উড়িত।

(ক্রমশঃ)

তফাৎ

শ্রীপ্রণব রায়

পাঁচটা বাজে ।

পড়ন্ত রৌদ্রের রক্তমাটুকু ফিকা হইয়া আসিতেছে ।

সিটি-কলেজের স্মৃথে দাঁড়াইয়া ছুটি তরুণ ছাত্র জটলা করে । কোন্ অধ্যাপকের বক্তৃতা সব চেয়ে হৃদয়গ্রাহী—
এই বিষয়েই বিতণ্ডা ।

বুক-খোলা-কোট-পরা মোটা ফ্রেমের চশমা-চোখে ছেলেটি পাণ্ডবতীকে বলে, বাই বলিস্ নরেন, প্রোফেসর মুখার্জির লেকচার আমার সব চেয়ে ভাল লাগে... কত পড়াশুনো ওঁর, জানিস্ ?

নরেন ছেলেটি দেখিতে বেশ সুশ্রী । রংটা গ্রাম হইলেও প্রসাধনের ফলে উজ্জ্বল । বেশ-ভূষায় সৌখীনতা পরিপূর্ণ । গায়ে বাহারি ছিটের বুলু-ছোট সার্ট—বুক-প.কটে সোনালি-ক্লিপ-খাঁটা 'ফাউন্টেন' গৌজা । পায়ে বক্সা চটি । বড় বড় চুলগুলি পিছন-পানে সযত্নে বিস্তৃত ।

নরেন বলে, মুখার্জির চেয়ে প্রোফেসর 'রয়'-এর study কিছু কম নয়, প্রতুল ! তা' ছাড়া ওঁর 'লেকচার' দেবার এমন একটি সুন্দর ভঙ্গী আছে, যা' সহজেই ছাত্রদের মনোযোগ আকর্ষণ—

মুখের কথা মাঝ পথেই থামিয়া যায় ।

নরেনের চঞ্চল চোখের চাহনি অহুসরণ করিয়া প্রতুল দেখে ও-ফুটপাথের ধারে বেথুন স্কুলের 'বাস্' থামিয়াছে । একটি সুগোঁরী কিশোরী ছ'হাতে বইখাতাগুলি সন্তর্পণে বুকের কাছে ধরিয়া সলজ্জ মন্থর গতিতে নামিল । পরণে—চওড়া লালপাড় শাড়ী গায়ে রূপালি জরির ফুল-পাতা-আঁকা সাদা ব্লাউস—পায়েও সাদা জুতো । পিঠের ওপর গোলাপি রেশমি-ফিতা-বাঁধা দোছলু বেণী ।

পড়ন্ত রৌদ্রের কিরণে মেয়েটির কানের সোনার হলু ছুটি ঝিকমিক করে ।

সাধাসিধা বেশ, অপচ মাধুরী-মণ্ডিত ।

নরেন মুগ্ধ চোখে তাকাইয়া থাকে ।

প্রতুল মুচ্কি হাসিয়া বলে, There is the metal more attractive !

ফুটপাথের ধারেই দো-তলা একটা বাড়ীর দ্বার-পাশে শ্বেত-পাথরের বৃকে নিকষ-কালো অঙ্করে লেখা—

Dr. P. C. Basu M. B....ইত্যাদি ।

মেয়েটি সেই বাড়ীতেই প্রবেশ করে । হয় তো ডাক্তারেরই কন্যা । দ্বারের নিকটে গিয়া নরেনের পানে অকারণেই একবার চকিত দৃষ্টিপাত করিয়া যায় ।

মুগ্ধ স্বরে নরেন বলে, চমৎকার ওর কালো চোখছটি !

প্রতুল পরিহাসের সুরে বলে, কালো-চোখের চাউনিতে কিন্তু পেটের ক্ষিধে মেটে না ! এদিকে পাঁচটা বেজে গেছে তা' হুঁস্ আছে তোর ? বাড়ী যাওয়া যাক্ চল ।

হুই বন্ধুতে পথ চলে ।

চলিতে চলিতে সহসা নরেন বলিয়া ওঠে, জীবনের সঙ্গিনীরূপে যদি কাউকে ধরণ ক'রে নিতে হয়, অম্নিই একটি কিশোরীকে—সুন্দরী, শিক্ষিতা । যার সঙ্গে শুধু দেহের নয়, মনেরও আদান-প্রদান চলবে—বিয়ে যদি কোনোদিন করি প্রতুল, তবে অম্নিই একটি মনের মতো সঙ্গিনী খুঁজে নেব । দিনের কাজের শেষে যখন ঘরে ফিরব, সে হয় তো তখন অর্গ্যানটি বাজিরে মিষ্টি সুরে গান গাইবে—কি মধুর হ'য়ে উঠবে সন্ধ্যার সেই অবসরটুকু ! কখনো বা জ্যোৎস্না-রাতে শেলি রবীন্দ্রনাথ খুলে ছ'জনে মিলে কত কাব্য-আলোচনা—জীবনটাকে উপভোগ ক'রে নেব... 'I will drink life to the lees !'

তরুণ-যৌবনের স্বপ্ন যেন রামধনুর মতোই রঙিন হইয়া ওঠে !

দশটা বছর কাটে ।

সাঁমা-হারা সময়-সাগরে দশটি বৃদ্ধ যেন

সন্ধ্যা ছ'টা ।



ছায়া-ধূসর শহরের বুকে একটির পর একটি গ্যাস জ্বলে ।
পথে পথে অফুরন্ত জনশ্রোত ।

ভিড়ের মাঝে নরেন চলে অবসন্ন পদে । পরণে আধ-
ময়লা ধূতি, গায়ে তেমনি একটা খদ্দেরের কোট । বগলে ছিন্ন
ছাতা । স্নান হু'টি চোখের তারায় বার্থতার বেদনা পুঞ্জীভূত ।

চলিতে চলিতে আর একটি পথচারী পথিকের গায়ে
ধাক্কা লাগে—অসাবধানেই ।

চাহিয়া দেখে—প্রতুল !

প্রতুলের চোখে বিপুল বিষ্ময় । শুধায়, কে, নরেন
না ? চিন্তে পারিস ? ওঃ, কদিন পরে দেখা !

আনন্দোজ্জ্বল মুখে নরেন বলে, না চেন্বার মতো এমন
কোনো পরিবর্তন তোর হয় নি তো, প্রতুল !

—তোকে চিন্তে কষ্ট হয় নরেন ! কি রোগা চেহারা
হ'য়ে গেছে তোর ! তারপর, করছিস কি আজকাল ?

মুখের ওপর শুষ্ক হাসির ছদ্মাবরণ টানিয়া নরেন জবাব
দেয়, বাবা মারা যাবার পর কলেজ তো ঢের দিনই ছেড়ে
দিয়েছিলুম, তারপর কেরাণীগিরি ।

—বাড়ীর সব ভালো তো ? আসি ভাই, তা হ'লে—

প্রতুল নিজের কাজে চলিয়া যায় ।

নরেনও ফের হাঁটিতে শুরু করে ।

শীর্ণ গলির মধ্যে দোতলা একটি ভাড়াটে বাড়ী ।

নরেন কড়া নাড়ে । খানিক পরে দরজা খুলিয়া যায় ।

একটি কৃষ্ণ-তনু শ্রামা তরুণী বৌ দাঁড়াইয়া থাকে—
হাতে লণ্ঠন । হলুদের ছোপ-লাগাময়লা শাড়ী পরণে । হাতে
শুধু কচুপাতা-রঙের কাঁচের চুড়ি । মুখখানিতে অবসাদ ।

নরেন নীরবে প্রবেশ করে । তারপর, ঘরে গিয়া আপিসের
পোষাক ছাড়ে । বৌটিও দরজা বন্ধ করিয়া ঘরে আসে ।

শুধায়, খোকায় বিস্কুট এনেচ ?

—হ্যাঁ ।

—খুকীর বাগি ?

—এনেচি ।

—আর দেখ, গয়লা হুধের ফর্দ দিয়ে গেছে ।

এদিকে, বিস্কুটের দখল লইয়া খোকা এবং খুকীর মধ্যে
তুমুল সংগ্রাম বাধে । অবশেষে, কান্নার প্রতিযোগিতা !

জননী অতিষ্ঠ হইয়া হু'জনের পিঠে সশব্দে চড়
বসাইয়া দেয় ।

—একদণ্ডও স্থস্থির হ'তে নেই হতভাগা ? হাড়-মাস
ভাজা-ভাজা ক'রে তুললে গা !

ঝঙ্কার তুলিয়া বৌটি হেঁসেলে গিয়া ঢোকে ।

ক্লান্তি-কাতর দেহ তক্তপোষের ওপর এলাইয়া
নরেন বিশ্রাম করে । একটা বিড়ি ধরাইয়া মৃত-মন্দ
টান্ দেয় ।

কলরব-মুখর পাড়াটি নিদ্রা-নীরব ।

রাত প্রায় এগারোটা ।

বিছানায় শুইয়া নরেনের চোখে নিদ্রার পরশ
লাগে না । হেঁসেলের পাট চুকাইয়া বৌটি ঘরে আসে ।
তারপর বাতি নিভাইয়া বিছানার এক-পাশে শুইয়া পড়ে ।

অম্নি, জান্নার ফাঁক দিয়া নির্কাসিতা জ্যোৎস্না ওঠে,
মেয়ের মতোই অন্ধকার ঘরে ঢুকিয়া পড়ে । ফাল্গুনের
শেষাশেষি । দখিণ হাওয়ায় একটা আবেশের আমেজ ।

নরেন সোহাগ-সিক্ত স্বরে ডাকে, চাকু—

তক্তাতুর কণ্ঠের জবাব শোনা যায়, উ—

—কি চমৎকার জ্যোৎস্না উঠেছে ! এস না খানিক গল্প
করি—

—পারি নে বাপু !...সারাদিন খেটে খেটে ঘুমে আমার
চোখ ঢুলে আস্চে...

নরেন স্তব্ধ ।

সহসা তা'র মনে পড়ে, প্রথম-যৌবনের সেই মোহনয়
উজ্জ্বল স্বপ্ন—এম্নিই জ্যোৎস্না-নিশীথে শেলি-রবীন্দ্রনাথের
কাব্য-আলোচনার কল্পনা—

সেদিনকার কল্পনার সঙ্গে আজকের বাস্তবের ক
তফাৎ !

একটা উল্লসিত দীর্ঘশ্বাস চাপিয়া নরেন পাশ ফিরি
শুইল ।

সালতামামী

১৯২৮

শ্রীশ্রীশ্রীশ্রীশ্রী

“হরপ্রতি প্রিয়ভাষে কন হৈমবতী
বৎসরের ফলাফল কহ পশুপতি।”

বৎসরান্তে পঞ্জিকা কিনেই আমরা এই বর্ষফল পড়তে বসে যাই। কিন্তু বিগত বৎসরের ইতিবৃত্ত আমরা অনেক সময়েই ভেবে দেখি না। সাহিত্যে, রাষ্ট্রে, সমাজনীতিতে কত বিপর্যায় যে হ’য়ে গেছে এই অতীত বারমাসের মধ্যে তার সংক্ষিপ্ত বিবরণ চোখের সামনে ধরলে মনে হয় বর্ষফল অপেক্ষা এই বিগত বর্ষের বিবরণ অধিক চিত্তাকর্ষক। ব্যবসায়ী যেমন বৎসরান্তে নিজের ব্যবসায়ের হিসাব নিকাশ করে, জগতের এই বিরাট কারবারেরও একটা বার্ষিক হিসাব মনে মনে পর্যালোচনা করা প্রয়োজন।

ইংলণ্ড

জগতের ইতিহাসের গোড়ার কথা আমাদের কাছে ইংলণ্ড। “কান্না বিনা মোর গীত নাই।” ইংলণ্ডকে বাদ দিলে আমাদের রাষ্ট্রীয় ইতিহাস কোথায়? ১৯২৮ সালে ইংলণ্ডে বোধহয় সর্বপ্রধান ঘটনা সম্রাটের রোগশয্যা গ্রহণ। রাজা যে দেশের লোকের কর্তাপ্রিয় তা ইংলণ্ডে থেকে ভাল বুঝতে পারছি। কঠিন “প্লুরিসি” রোগে সম্রাট আক্রান্ত; এ ব্যাপারটা সমস্ত দেশের ওপর একটা বিষাদ কালিমা ছড়িয়ে দিয়েছে। রাজার অসুখের ভীতিকর বিবরণ পেয়ে বড়দিনের বাজারে কেনাবেচা কমে গেল, ব্যবসায়ীরা মাথায় হাত দিয়ে বসে পড়ল। তারপর যখন সন্তোষজনক খবর পাওয়া গেল তখন আবার কেনাবেচা আরম্ভ হ’লো। বড়লোকের বিবাহ বাসরে বা জন্মতিথিতে আর সে উৎসব-আতিশয্য নাই। Lord Chancellor লর্ড হোলসাম্‌ নীরব পল্লীতে মগ্ন হ’য়ে পড়লেন। সমস্ত দেশের ওপর শোকের ছায়া পড়ে রয়েছে।

বেকার সমস্যা দেশবাসীর কাছে প্রবল হ’য়ে দাঁড়িয়েছে। এখনও প্রায় পনের লক্ষ লোকের কোন কাজ কর্ম নাই, সামান্য সরকারী ভাতার ওপর নির্ভর ক’রে দিন কাটাচ্ছে। দেশের মনীষীগণ অমুস্কান করছেন—বেকার সমস্যা কিরূপে সমাধান করা যায়। প্রস্তাব হচ্ছে যে, কতক লোককে সরকারী খরচায় ক্যানাডায় পাঠিয়ে দেওয়া হোক, সেখানে কাজ জুটতে পারে। পার্লামেন্টের শ্রমজীবী (Labour Party) দল ইস্তাহার জারি করেছেন যে, তাঁরা General Electionএ ক্ষমতা পেলে বেকারদিগকে সরকারী খরচায় সাম্রাজ্যের নানা স্থানে পাঠিয়ে কাজ জুটিয়ে দেবেন। কিন্তু General Election তো মে মাসের আগে নয়। এদিকে ওয়েল্‌সে আড়াই লক্ষ কয়লাখননকারী বেকার অবস্থার কঠোর দারিদ্র্যের কবলে পড়েছে। কারও ছ’বেলা আহার জোটে না, শীতের উপযুক্ত বস্ত্র নাই। খবরের কাগজে প্রবল আন্দোলন আরম্ভ হ’লো। লণ্ডনের লর্ড মেয়র চাঁদার খাতা খুললেন। পার্লামেন্টে গিঃ বল্ডউইন বললেন, আশু সাহায্যের জন্য টাকা পাঠানো হচ্ছে, আর লর্ড মেয়রের ক্ষেত্রে যত টাকা আদায় হবে গবর্নমেন্ট আরও তত টাকা দেবেন। অল্পদিনের মধ্যে আড়াই লক্ষ পাউণ্ড আদায় হ’য়ে গেল। তখন যুবরাজ (Prince of Wales) পিতার অসুখের সংবাদ পেয়ে আফ্রিকা থেকে তাড়াতাড়ি দেশে ফিরে এলেন।

সম্রাটের অবস্থার একটু উন্নতি দেখেই যুবরাজ মন দিলেন বেকার সমস্যার দিকে। বড়দিনের সন্ধ্যাবেলা যুবরাজ বেতারের সাহায্যে দেশবাসীর কাছে অর্থের জন্য মর্মান্বশী আবেদন করলেন। পরদিন থেকে হাজার হাজার পাউণ্ড চাঁদা আসতে লাগলো।

ব্যবসা বাণিজ্যের বাজার মন্দা পড়েছে। ফ্রান্স ও



জার্মানী দ্রুতবেগে সমৃদ্ধিশালী হ'য়ে উঠছে। ইংলণ্ড তাদের সঙ্গে পেরে উঠছে না। কৃষি, কয়লা, লোহা, তুলা সর্বত্রই হাশাকার। নেপোলিয়ন ইংরেজদের বলেছিলেন "A nation of shopkeepers"—দোকানদারের জাত। আজ ইংরেজরা বলছে, কই আমরা তো ভাল দোকানদারও হ'তে পারছি না! বিশ্বের বাজারে ইংলণ্ড তো আর সে রকম জিনিষ বেচতে পারছেন না। এ যে দোকানদারীর যুগ! এর জন্তে রাজনীতিজগৎ নানা উপায় অবলম্বন করছেন। প্রস্তাব হ'য়েছে আইন ক'রে শিল্প প্রতিষ্ঠানগুলির তিন চতুর্থাংশ টেক্স কমিয়ে দেওয়া হবে। দেশের লোকও ব'সে নেই। বড় বড় কোম্পানী দুই তিনটে একত্রে মিলে যাচ্ছে (amalgamation); ফলে কম খরচায় বেশী কাজ হবে

মিউনিসিপালিটির নির্বাচনে এবার শ্রমজীবীদের অধিক সংখ্যায় জয়লাভ করেছে। মন্ত্রীসংসদে (cabinet) দুইটি পরিবর্তন উল্লেখযোগ্য; লর্ড চ্যান্সেলারের মৃত্যুতে তাঁহার পদে অধিষ্ঠিত হ'য়েছেন লর্ড হেলসাম্,—আর ভারতের ভাগ্য বিধাতা ভারতসচিব লর্ড বার্কেনহেড্ রাজনীতি ত্যাগ ক'রে বাণিজ্য ক্ষেত্রে লাভজনক কাজ গ্রহণ করেছেন, তাঁর শূণ্য তরুে বসেছেন লর্ড পীল। হাউস অব কমন্সের সভাপতি (Speaker) মিঃ হুইটলি অবসর গ্রহণ করায় কাপ্টেন ফিজ রয় তাঁহার পদে নির্বাচিত হ'য়েছেন। ইংরেজ জাতি পাকা বাবসাদার হ'লেও তার ধর্মের গোঁড়ামি এখনও আছে। গির্জার Prayer Book এর সংস্কারের প্রস্তাব পার্লামেন্ট দ্বিতীয়বার অগ্রাহ্য করলেন। এর পরেই এক নূতন ঘটনা ঘটলো। ইংলণ্ডের প্রধান ধর্ম-



মুসোলিনী
(ইটালি)

প্রাইমো ডি রিভেরা
(স্পেন)

পিলহুড্ পি
(পোলাণ্ড)

মুস্তাফা কেমাল
(তুরস্ক)

এই বৎসরে ব্রিটিশ পার্লামেন্টে অনেক কাজ হয়েছে, সমস্ত রাষ্ট্রের দিক দিয়ে যার একটা বিশেষ গুরুত্ব আছে। সর্ব প্রথম স্ত্রীলোকের ভোটার অধিকার। স্ত্রীলোক পূর্বেই ভোটার অধিকার পেয়েছিল; এবার পুরুষদের সঙ্গে সমান ভাবে পেয়েছে। একুশ বৎসরের উর্দ্ধবয়স্ক স্ত্রীপুরুষ সকলেই এখন পার্লামেন্টের নির্বাচক। ফলে বর্তমান রাষ্ট্রীয় শক্তির ভাগ্য নির্ণয় স্ত্রীলোকের হাতে। ইংলণ্ডে পুরুষ অপেক্ষা স্ত্রীলোকের সংখ্যা বেশী—প্রতি হাজার পুরুষে এগার শত স্ত্রীলোক। স্ত্রীলোকেরা সমবেত হ'লে যে-কোন দলের হাতে রাজ্য শাসন ভার তুলে দিতে পারেন। তাই সাধারণ নির্বাচনের পূর্বে মুহূর্ত্তে পার্লামেন্টের পদপ্রার্থীগণ স্ত্রীলোকদিগকে সম্বলিত করার জন্ত ব্যস্ত হ'য়ে উঠেছেন।

যাজক (Archbishop of Canterbury) ডাক্তার ডেভিড্ সন বান্ধকা বশঃ অবসর গ্রহণ করলেন। ইতিপূর্বে কোন ধর্মযাজক জীবিত অবস্থায় কার্য ত্যাগ করেন নি। ডাঃ ডেভিড্ সন লর্ড উপাধি নিয়ে অবসর গ্রহণ করলেন; তাঁর স্থানে অভিষিক্ত হ'য়েছেন Archbishop of York, ডাক্তার লাং।

দুটি রাজকর্মচারী সংক্রান্ত কেলেঙ্কারী এ বছরে দেখা গেছে—একটি নৌসেনা ও আরেকটি সিভিল সার্ভিসে। উভয় স্থলেই উপযুক্ত বিচারের পর দোষী ব্যক্তিকে শাস্তি দেওয়া হ'য়েছে। মিস্ স্যাভিজ নাম্নী একটি যুবতীর কোনরূপ সন্দেহজনক আচরণের জন্ত পুলিশ তাঁকে থানায় এনে নানারূপ জেরা করে। বাণিজ্য আদালতে যায় এবং পুলিশের মামলা কেঁসে যায়। তাই নিয়ে হৈ চৈ, পার্লামেন্টে তুমুল তর্ক এবং ফলে পুলিশের কার্যপদ্ধতি সম্বন্ধে অহুসস্থানের জন্ত রাজকীয় কমিশন নিয়োগ। এমন সময় লণ্ডনের পুলিশ কমিশনারের অবসর গ্রহণ। গবর্নমেন্ট পুলিশ সার্ভিসের

বাংলার থেকে বিচক্ষণ লর্ড বীং-কে পুলিশ কমিশনার নিয়োগ করলেন। লর্ড বীং পুলিশের আমূল সংস্কারে মনোনিবেশ করেছেন; ইতিমধ্যেই অনেক পরিবর্তন হ'য়ে গেছে।

এ বৎসরের বসন্তকালে রাজপ্রাসাদে আফগান রাজ ও তাঁহার মহিষী অতিথি হ'য়ে এসেছিলেন। যুবরাজের পূর্ব আফ্রিকা ভ্রমণ উল্লেখযোগ্য। রাজকুমার হেনরীকে ডিউক অব গ্লষ্টার ক'রা হ'য়েছে।

কয়েকটি খাতনামা ব্যক্তি এ বৎসরে ইহলোক ত্যাগ করেছেন—সাহিত্যিক টমাস হাডি, ভূতপূর্ব প্রধান মন্ত্রী লর্ড অক্সফোর্ড ও আস্কুইথ, সেনাপাঞ্চ আল' হেগ্, পণ্ডিত লর্ড হ্যালডেন ও রাজনীতিজ্ঞ লর্ড কেভ'।

কানাডা

ব্রিটিশ সাম্রাজ্যের অন্তর্ভুক্ত কানাডা স্বায়ত্তশাসন ভোগ করে। ঘরোয়া ব্যাপারে কানাডা এক প্রকার স্বাধীন। প্রধান মন্ত্রী মিঃ ম্যাকেনজি কিং প্রস্তাব করেন যে, পারী ও টোকিওতে কানাডার নিজের প্রতিনিধি থাকবে। এ নিয়ে অনেক আলোচনা হ'য়ে গেছে। মিঃ কিং ল'গুনে এসেছিলেন। সেই সময় কথা হয় যে, ইংলণ্ডের কতকগুলি বেকার লোককে কানাডাতে কাজ দেওয়া হবে। ফলে কয়েক সহস্র বেকার ইংরেজ কানাডাতে কাজ নিয়ে গেছে। এ বৎসর কানাডার রাজস্ব উন্নত হ'য়েছে এবং সেই জন্য অনেক প্রকার টেক্স কমিয়ে দেওয়া হ'য়েছে। মিঃ কিং ঘোষণা করেছেন যে পূর্বের মত পুনরায় ডাক মাণ্ডলের হার কমিয়ে এক পেনী করা হবে। যুদ্ধের সময় ডাক মাণ্ডলের হার বেড়ে গেছে—ইংলণ্ডেও দেড় পেনী হ'য়েছে। এখানে দেশের লোকেরা এক পেনী ডাক মাণ্ডল করার জন্য আন্দোলন করছে। কিন্তু রাজস্ব-মন্ত্রী মিঃ চার্চিল ব'লে দিয়েছেন তা হবে না। কানাডা ল'গুকে হার মানালো। ১৯২৬ সালের Imperial Conference-এর নির্দেশ অনুযায়ী সার, উইলিয়াম ক্লার্ক কানাডার প্রথম হাই কমিশনার নিযুক্ত হ'য়ে আগষ্ট মাসে এখানে গেছেন।

অষ্ট্রেলিয়া

১৯২৮ সালে অষ্ট্রেলিয়াতে সাধারণ নির্বাচন হ'য়ে গেছে। মিঃ ব্রুস পুনরায় অধিক সংখ্যক সদস্য পেয়ে প্রধান মন্ত্রী হ'য়েছেন। এ বৎসরে ভয়ানক শ্রমিক ধর্মঘট দেশকে বাস্তব ক'বে তুলেছিল। হাজার হাজার শ্রমজীবী ছয় সপ্তাহকাল ধর্মঘট করেছিল—এডেলড্ও মেলবোর্নে দাঙ্গা হাঙ্গামা হ'য়ে গেছে। আইন পরিষদে শ্রমিক নেতা মিঃ চার্লটন পদত্যাগ করেছেন ও তাঁর স্থলে নির্বাচিত হ'য়েছেন মিঃ স্কালীন।

নিউজিল্যান্ড

এ দেশেও এবৎসর সাধারণ নির্বাচন হয়েছে। মিঃ কোটস ছিলেন প্রধান মন্ত্রী। কিন্তু সমস্ত বিরুদ্ধদল সম্মিলিত হ'য়ে অভিজ্ঞ সার জোসেফ ওয়ার্ডের নেতৃত্বে মিঃ কোটসের দলকে হারিয়ে দিয়েছেন। ফলে মিঃ কোটস পদত্যাগ করেছেন এবং সার জোসেফ তাঁর পদ গ্রহণ করেছেন। রাজস্ব উন্নত হয়েছে এবং এক কোটি পাউণ্ড ধার ক'রে দেশের উন্নতিকর কাজে ব্যয় করা হচ্ছে। এ দেশের ইতিহাসে একজন মাওরী প্রথম বিশপ নিযুক্ত হ'য়েছেন।

দক্ষিণ আফ্রিকা

নানা রাজনৈতিক দলের মধ্যে গৃহ-বিবাদ আরম্ভ হ'য়েছে। প্রধানমন্ত্রী জেনারেল হারজগ্ উভয় দলের লোক নিয়ে শাসন সংসদ (cabinet) গঠন করেছিলেন। কিন্তু তা টিকল না। শ্রমজীবী সদস্যরা গোলমাল ক'রে বেরিয়ে পড়েছে। সাধারণ নির্বাচন সন্নিকট। ভারতের প্রতিনিধি শ্রীযুক্ত শ্রীনিবাস শাস্ত্রী স্থির করেছেন ১৯২৯এর প্রারম্ভে কার্য্য ত্যাগ করবেন; ভারতীয়গণ তাঁকে রাখতে চাইছে। ডিসেম্বর মাসে দক্ষিণ আফ্রিকায় জাতীয় কংগ্রেস হ'য়ে গেছে।



আয়ারল্যান্ড

আয়ারল্যান্ড আধা স্বাধীন। তবু লোকে সন্তুষ্ট নয়। একদল যা পেয়েছে তাই নিয়ে কাজ চালাতে চায়; আর একদল চায় সম্পূর্ণ স্বাধীনতা। প্রথম দলের নেতা মিঃ কসগ্রেঞ্জ বর্তমান প্রেসিডেন্ট; দ্বিতীয় দলের নেতা মিঃ ডি ভ্যালেরা। মিঃ কসগ্রেঞ্জ আমেরিকাতে বেড়িয়ে সাম্রাজ্যের সখাতা জানিয়ে এলেন। ফেব্রুয়ারী মাসে নূতন বড়লাট মিঃ জেমস্ ম্যাকনীল কার্যভার গ্রহণ করেছেন। মিঃ ডি ভ্যালেরা আইন পরিষদে প্রস্তাব করলেন, রাজভক্তি-জাপক শপথ পরিত্যাগ করা হোক, কিন্তু ভোটে হেরে গেলেন।

ভারতবর্ষ

এই এক বৎসরের মধ্যে ভারতে যা হ'য়েছে তা ভারতবাসীর স্মরণ আছে আশা করা যায়। সাইমন কমিশনের আগমন ও ভ্রমণ, নেহেরু কমিটির রিপোর্ট, রিজার্ভ ব্যাঙ্ক বিল প্রত্যাহার, প্রেসিডেন্টের অতিরিক্ত ভোটার জোরে বোলশেভিক বিতাড়ন বিল অগ্রাহ্য, বেঙ্গল নাগপুর রেল লাইনে ১৩৪ দিন ধর্মঘট, সুরাতে সাম্প্রদায়িক বিবাদ, বারদৌলী সত্যগ্রহ ও তাহার জয়, লাল লাজপত রায়ের মৃত্যু, কলিকাতায় কংগ্রেস—সবই আমাদের স্মরণপথে আছে। রাজকীয় কৃষি কমিশন রিপোর্ট দিয়েছেন এবং করদরাজ্য সমস্যা সম্বন্ধে বাটলার কমিটি তদন্ত করছেন।

ভারতের নিকটবর্তী সিংহলের শাসন প্রণালী সম্বন্ধে নূতন রিপোর্ট হয়েছে, এবং তা নিয়ে সিংহলে বিষম আলোচনা ও তর্ক চলছে।

বৈদেশিক প্রসঙ্গ

বৈদেশিক রাজনীতিতে সর্বপ্রধান ঘটনা কেলোগ্-প্যাক্ট (Kellogg Pact)। আমেরিকার অন্ততম সচিব মিঃ কেলোগের প্রস্তাবে ও চেষ্টায় ভবিষ্যতে যুদ্ধ বন্ধ করবার জন্য একটা চুক্তিপত্র তৈয়ারী করা হ'য়েছে এবং গত ২৭ আগস্ট ফ্রান্সে এটা সহি হ'য়ে গেছে। ১৫টি দেশ

এই চুক্তি সহি করেছেন এবং আরও ৫০টি রাষ্ট্র জানিয়েছেন যে তাঁহারা এই চুক্তি মেনে নেবেন। কিন্তু মজা হ'লো চুক্তি পত্রের জন্মস্থান আমেরিকাতে; আমেরিকা এখনও চুক্তি অমুমোদন করে নি। জাতি সঙ্ঘ স্থাপনের সময়ও এমনি হ'য়েছিল। জাতিসঙ্ঘ (League of Nations) উদ্ভাবন করলেন আমেরিকার তদানীন্তন প্রেসিডেন্ট ডাঃ উইলসন্; কিন্তু শেষকালে আমেরিকাই জাতিসঙ্ঘে যোগদান করলে না।

গত ইউরোপীয় যুদ্ধের পরে সমস্ত দেশের মধ্যেই একটা নূতন প্রেরণা এসেছে। সকলেই চাইছে গণতন্ত্র স্বাধীনতা। ফলে দেশে দেশে একটা ঝড় ব'য়ে যাচ্ছে এবং অনেক দেশেই গণতন্ত্রের পরিবর্তে স্বৈচ্ছাতন্ত্র বা One-man-rule হ'রে দাঁড়িয়েছে। এটা যে সব যায়গায় খারাপ তা নয়, অনেক সময় জাতিকে সঞ্জীবিত করতে হ'লে একজন অতি-মানব বা superman-এর নেতৃত্ব প্রয়োজন। স্বৈচ্ছাতন্ত্রে বাস ক'রে স্বাধীনতার মূল্য দিতে হয়। এ পর্য্যন্ত ইউরোপে নয়টি রাষ্ট্রে এই রকম শাসন প্রতিষ্ঠিত হ'য়েছে যেখানে একজন লোকের ইচ্ছানুসারে কাজ চলছে।

রাষ্ট্র	শাসক বা নেতা
ইটালি	মুসোলিনী
স্পেন	প্রাইমো ডি রিভেরা
পোলাণ্ড	পিলসুডস্কি
তুরস্ক	মুস্তাফা কেমাল পাশা
পারস্য	রেজা গাঁ
হুঙ্গারী	হর্গি
আল্-বেনিয়া	আমেদ্ জগু
লিথুয়ানিয়া	ভালদে মেরাস্
যুগো স্লাভিয়া	রাজা আলেকজান্ডার বা জেনারেল জিভ্-কোভিচ্

এ সব দেশে যে লোকের উপর কোন অত্যাচার হচ্ছে তা নয়। অনেক জায়গায় পার্লামেন্ট বা ব্যবস্থা-পরিষদ এবং রাজ্যও আছে। কেবল ঘটনাচক্রে সমস্ত ক্ষমতা ও প্রভুত্ব একজন লোকের করতলগত হ'য়ে পড়েছে এবং তাঁর নেতৃত্বে তাঁর দলের লোকেরা অবিসম্বাদে শাসন

কায় চালনা করছে। পোলাণ্ডে মার্শাল পিলসুডস্কি প্রধান মন্ত্রীত্ব ত্যাগ করে তাঁহার সহকারী মসিয়ে বাটেলকে দিয়েছেন; কিন্তু সমস্ত ক্ষমতা প্রকৃতপক্ষে পিলসুডস্কিরই হাতে। লিথুয়ানিয়ার প্রধানমন্ত্রী অধ্যাপক ভাল দেমেরাস পোলাণ্ডের সঙ্গে ঝগড়া চালাচ্ছেন এবং এ বিষয়ে জাতি-সঙ্ঘের (League of Nations) কথাও উপেক্ষা করে ইউরোপীয় রাজনীতিজগৎকে বিরাগভাজন হয়েছেন। যুগশ্রীভিষাতে ক্রোট ও সার্ভ এই দুই দলের মধ্যে বিষম বাদ বিসম্বাদ চলছে। জুন মাসের ২০ তারিখে ব্যবস্থা-পরিষদের একটা সভায় তর্ক করতে করতে সার্ভ দলের একজন প্রতিনিধি বিপক্ষ দলের চারজন প্রতিনিধিকে গুলি করে দিলে—তার মধ্যে তিনজন মারা গেছেন। ক্রোটেরা দল পাকিয়ে বসুল এর একটা বিহিত করতে হবে। বেগতিক দেখে রাজা ব্যবস্থা-পরিষদ ভেঙ্গে দিলেন এবং নূতন শাসন-তন্ত্র সম্পর্কীয় আইন না হওয়া পর্যন্ত তাঁর নিজের নিরীক্ষিত মন্ত্রীদলের ওপর রাজ্য শাসন ভার অর্পণ করেছেন—এর প্রধান মন্ত্রী জিভ কোভিচ। এই নূতন মন্ত্রা নিয়োগটা হয়েছে ১৯১২ সালের জানুয়ারীতে।



রিজা খাঁ
(পারস্য)

হরথি
(হুজারী)

আহমেদ জগু
(আল্বানিয়া)

ভালদেমারাস
(লিথুয়ানিয়া)

তুরস্কের অধীনতা থেকে মুক্তি পেয়ে স্বাধীন হয়। ১৯২৫ সালে আল্বানিয়া সাধারণ-তন্ত্র বা Republic হ'লো। আলাচা বর্ষে ব্যবস্থা-পরিষদ তাঁদের প্রেসিডেন্ট আমেদ বেগ জগুকে রাজা ব'লে ঘোষণা করেছেন। আমেদ জগু সিংহাসন গ্রহণ করেছেন, প্রথম জগু (Zogu I) নাম নিয়ে। কোষ্ঠা কোষ্ঠা হ'য়েছেন তাঁর প্রধান মন্ত্রী।

রুম্যানিয়াতে কৃষক বিদ্রোহ হ'য়েছে—তাদের আন্দোলনে প্রধান মন্ত্রী ব্রাটিয়াহু পদত্যাগ করেন। নূতন নির্বাচনে কৃষকদল জয়লাভ করেছেন এবং তাঁদের নেতা ডাক্তার মারিউ প্রধান মন্ত্রীত্ব গ্রহণ করেছেন।

গত এপ্রিল মাসে বুলগেরিয়াতে প্রবল ভূমিকম্প হ'য়ে গেছে; তাতে প্রায় ৪৫ লক্ষ পাউণ্ড ক্ষতি হ'য়েছে। নিকট-বর্তী রাজ্যগুলি এজন্য অনেক অর্থ সাহায্য করেছে। জুলাই মাসে বুলগেরিয়াতে ভীষণ বিদ্রোহ হয় এবং তাতে প্রকাশ্য রাস্তায় পয়গু খুন খারাপ হ'য়েছিল। যাহোক ১২ই সেপ্টেম্বর লায়াপ চেফ নূতন মন্ত্রীদল গঠন করেছেন এবং দেশে শান্তি প্রতিষ্ঠিত হ'য়েছে।

বিগত মহাসমরের ফলে অষ্ট্রিয়া সাম্রাজ্য তিন ভাগ হ'য়ে গেছে—অষ্ট্রিয়া, হুজারী ও জেকোস্লোভাকিয়া। তিনটেই এখন সাধারণতন্ত্র। অষ্ট্রিয়ার প্রধান বিপদ ঘরোয়া কলহ; সমাজবাদী (Socialist) ও তাহার বিরুদ্ধ দলের (Anti-socialist) মধ্যে। অক্টোবর মাসে এই নিয়ে দাঙ্গা হবার উপক্রম হয়; কিন্তু গভর্নমেন্ট অতিকষ্টে শান্তিস্থাপন করেন। রাষ্ট্রের প্রেসিডেন্ট ডাক্তার হাইনিম

পদত্যাগ করায় তাঁর স্থলে নির্বাচিত হ'য়েছেন হার-মিক্লাস্। হুজারীতে বিশেষ গোলমাল নাই। হরথি সেখানে প্রায় সর্কেসর্কা। প্রধান মন্ত্রী বেথলেন শাসন কার্যা ভালই চালাচ্ছেন। কিন্তু সীমানা নিয়ে রুমেনিয়ার সঙ্গে একটা মনোমালিন্য এখনও মেটে নি। ২৮শে অক্টোবর জেকোস্লোভাকিয়া সাধারণ-তন্ত্রের দশম জন্মতিথি উৎসব হ'য়ে গেছে। এই উপলক্ষে রাষ্ট্র-নায়ক প্রেসিডেন্ট অধ্যাপক মাসারীক হৃদয়গ্রাহী বক্তৃতা দিয়েছেন; রাষ্ট্রে অনেক জার্মান আছে; দুইজন জার্মান মন্ত্রীত্ব গ্রহণ করেছেন এজন্য তিনি সন্তোষ প্রকাশ করেছেন। রাজস্ব সচিব বলেছেন



রাষ্ট্রের আর্থিক অবস্থা এখন ভাল এবং বেকারের সংখ্যা অনেক কমে গেছে।

ফ্রান্স

এপ্রিল মাসে ফরাসী দেশে সাধারণ নিকাচন হ'য়ে গেছে। মসিয়ের পর্ষাকারের দল অধিক সংখ্যক প্রতিনিধি পেয়েছে এবং তিনি প্রধান মন্ত্রীর গ্রহণ করেছেন। মসিয়ের পর্ষাকারে ফরাসী দেশের আর্থিক সুব্যবস্থা করেছেন। কিন্তু রাইনল্যাণ্ড দখল নিয়ে তাঁর সঙ্গে জার্মানীর মনোমালিণ্ড চলছে। নভেম্বর মাসে মন্ত্রিপরিষদে মত-বিভেদ হওয়ায় মসিয়ের পর্ষাকারে পদত্যাগ করলেন কিন্তু প্রেসিডেন্টের অনুরোধে তাঁকেই আবার নূতন মন্ত্রিপরিষদ গঠন করতে হ'লো। কিন্তু বছরের শেষাংশে আবার মন্ত্রিপরিষদে কলহ উপস্থিত হ'য়েছে—ব্যবস্থা-পরিষদের সদস্যগণের বেতন বৃদ্ধির প্তাব নিয়ে। স্বাধীনতা বড় খরচের জিনিস (costly affair)। জুশো-পাঁচশো প্রতিনিধি নিয়ে শাসন চালাতে হয়—তাঁদের নির্বাচন রাহা খরচ সবই অর্গব্য চাই। তার-পর প্রতিনিধিরা তো ঘরের খেয়ে বনের মোষ তাড়াতে পারেন না। কাজেই প্রায় সব দেশেই ব্যবস্থা পরিষদের সদস্যগণের বেতন আছে। ফরাসী সদস্যগণ তাঁদের বর্তমান বেতনে সন্তুষ্ট ন'ন, বেশী চান। মসিয়ের পর্ষাকারে এর বিরোধী। কাজেই বাদানুবাদ চলছে। আলোচ্যবর্ষে লর্ড কুর স্থানে মার উইলিয়াম টাইরেল ফরাসী দেশে ব্রিটিশ রাজদূত নিযুক্ত হয়েছেন।

জার্মেনী

বিগত মহাসমরের খাতনামা যোদ্ধা ভন হিন্ডেন-বার্গ এখন জার্মানীর রাষ্ট্রনাগক বা প্রেসিডেন্ট। নব নির্বাচনে সোশ্যালিষ্টদল জয়লাভ করেছে এবং হার মুলারের নেতৃত্বে মন্ত্রিপরিষদ গঠিত হ'য়েছে। আন্তর্জাতিক সমস্যায় জার্মেনীর প্রধান দু'টি কথা আছে, রাইনল্যাণ্ড হ'তে নিদেশী সৈন্য অপসারণ এবং ক্ষতিপূরণের দাবী সম্বন্ধে সুব্যবস্থা। দু'টো নিয়েই কথা চলছে। রাইনল্যাণ্ডে ইংরেজ সৈন্য যে আর রাখা উচিত নয় এ কথা ইংরেজরাও অনেকে বলছে।

ক্ষতিপূরণ সম্বন্ধে তদন্ত করবার জন্য একটি অভিজ্ঞ কমিটি নিযুক্ত হ'য়েছে।

ইটালী

ইটালীতে মুসোলিনীর একাধিপত্য অপ্রতিহত ভাবে চলছে। নানাস্থানে মাঝে মাঝে বিদ্রোহ দেখা দেয়, আবার কঠোর শাস্তির ফলে সব থেমে যায়। আলোচ্যবর্ষে সিসিলি, মারডিনিয়া ও নেপ্লুসে বিদ্রোহ দেখা দিয়েছিল এবং মিলানে রাজাকে বোমা ফেলে হত্যা করবার নিশ্ফল চেষ্টা হ'য়েছিল। মুসোলিনী তাঁর দলের পরিষদ Fascist Grand Councilকে আইন ক'রে রাষ্ট্রীয় ক্ষমতা দিলেন। ফরাসী ও তুরস্কের সঙ্গে ইটালীর সখ্যতা স্থাপিত হয়েছে।

স্পেন ও পর্তুগাল

বিশ বৎসরের মধ্যে স্পেনে প্রথম রাজস্ব উদ্ভূত হয়েছে। জুলাই মাসে স্পেনের রাজা ইংলণ্ডে বেড়াতে এসেছিলেন। বিখ্যাত সাহিত্যিক ইবানেজ জাগুয়ারী মাসে প্রাণত্যাগ করেছেন। ২২শে জুলাই পর্তুগালের লিসবনে বিদ্রোহ হ'য়েছিল; কিন্তু শীঘ্রই শান্তি স্থাপিত হয়েছে। পর্তুগাল সাধারণ তন্ত্রে (Portugal Republic) আর উল্লেখযোগ্য কিছুই নাই।

স্ক্যান্ডিনেভিয়া

নরওয়ে ও সুইডেন দু'টি পাশাপাশি রাজ্য। এ দুটি রাজ্য ইউরোপীয় রাজনীতির মধ্যে বিশেষ আসে না। মার্চ মাসে নরওয়েতে ইবসেনের শত বার্ষিক উৎসব হ'য়ে গেছে। জুন মাসে সুইডেনের লোকেরা তাঁদের রাজ্য গাষ্টাভাসের সপ্ততিবর্ষ জন্মোৎসব করেছে।

সোভিয়েট রাশিয়া

রাশিয়া ইউরোপের মধ্যে এক রহস্যময় স্থান হ'য়ে দাঁড়িয়েছে। ইউরোপীয় প্রায় সব দেশের সঙ্গেই এদের সংর্ক বিচ্ছেদ হয়েছে। এ দেশ সম্বন্ধে সঠিক খবরও অনেক সময় পাওয়া স্কঠিন। বিগত মহাসমরের পর রাশিয়া গণতন্ত্র

হ'য়েছে এবং সেখানে শ্রমজীবীরাই পেয়েছে অধিনায়কত্ব। কিন্তু তাদের প্রধান নায়ক লেনিনের মৃত্যুর পর কর্তৃপক্ষের মধ্যে বিবাদ আরম্ভ হ'য়েছে। রাষ্ট্রের প্রধান অধিপতি বা প্রেসিডেন্ট—রাইকফ্। কিন্তু বর্তমানে প্রকৃত আধিপত্য পেয়েছেন ষ্টালীন। ষ্টালীনের সঙ্গে মতবিভেদ হওয়ায় টুট্-স্কিকে তুর্কীস্থানে নির্বাসিত করা হয়েছে। জুলাই ও আগষ্ট মাসে রাশিয়ায় ভীষণ খাদ্যের অভাব হয়; গবর্নমেন্ট বিদেশ থেকে আড়াই লক্ষ টন শস্য এনে দেশবাসীর প্রাণ রক্ষা করেন। জাপান, পোলাণ্ড, গ্রীস ও জার্মানীর সঙ্গে বাণিজ্য সম্পর্ক বিচ্ছেদ হয়েছে; কিন্তু রাশিয়া পারস্য, আফগানিস্তান ও চীনদেশে ব্যবসা চালাবার বিশেষ চেষ্টা করছে।

গ্রীস

উপর্যুপরি ভূমিকম্প ও ডেঙ্গু মহামারীতে গ্রীস দেশ বিধ্বস্ত হ'য়ে গেছে। ভেনিজেলস্ পুনরায় ক্ষমতা পেয়ে প্রধান মন্ত্রী হ'য়েছেন। জেনারেল প্যানাগালোসের অধিনায়কত্ব শেষ হ'য়েছে। ভেনিজেলস্ ইটালী, যুগোস্লাভ্ ও বুলগেরিয়ার সঙ্গে মিত্রতা স্থাপন করেছেন।

তুরস্ক ও আফগানিস্তান

মুস্তাফা কেমালের অধিনায়কত্বে তুরস্ক ইউরোপীয় সভ্যতায় অনুপ্রাণিত হচ্ছে। ইংরেজি পোষাক পরা অবস্থা-বিধেয়; মেয়েদের অবগুষ্ঠন ত্যাগ করতে হয়েছে। নতুন আইন হ'য়েছে যে, আরাবী অক্ষরের পরিবর্তে সকলকেই ল্যাটিন অক্ষর ব্যবহার করতে হবে। দেশ-শুদ্ধ লোক আবার বর্ণ পরিচয় করছে। আফগানিস্তানের রাজা মে মাসে তুরস্কে এসেছিলেন, তার ফলে ২৭শে মে তুরস্ক ও আফগানিস্তানের এক সন্ধিপত্র সই হ'য়েছে। ২৯শে মে তুরস্ক ইটালীর সঙ্গেও এক সন্ধিপত্র স্বাক্ষর করেছে।

আফগানিস্তানের রাজার তুরস্কের মত পাশ্চাত্য রীতি-রীতি প্রবর্তনের ফলে তুমুল বিদ্রোহ আরম্ভ হয়েছে। রাজা ও রানী পাশ্চাত্যদেশ ভ্রমণ ক'রে তুরস্কের অনুরূপ ব্যবস্থা নিজের দেশে করতে চাইছিলেন।

আমেরিকা

যুক্তরাজ্যের (United States) প্রধান ঘটনা প্রেসিডেন্ট নির্বাচন। প্রতি চার বৎসরে প্রেসিডেন্ট নির্বাচন হয়। Electoral College-এর সদস্যগণ প্রেসিডেন্ট নির্বাচন করেন। কিন্তু প্রকৃত প্রতিদ্বন্দ্বিতা হয় এই Electoral College-এর প্রতিনিধি নির্বাচন নিয়ে। কারণ যে দল এই নির্বাচনে জয়লাভ করে তাহাদেরই মনোনীত ব্যক্তি প্রেসিডেন্ট হয়। এই Electoral College-এর নির্বাচনের সময়েই দলবিশেষ তাহাদের প্রেসিডেন্ট মনোনয়ন করিয়া রাখেন। এবার দু'জন পদপ্রার্থী ছিলেন—মিঃ হুভার ও মিঃ স্মিথ। ৮ই নভেম্বর নির্বাচনের ফলে মিঃ হুভার জয়লাভ করেছেন। কেলোগ প্যাক্টের কথা পূর্বে বলা হয়েছে। দক্ষিণ আমেরিকাতে বলিভিয়া ও পারাগুয়েতে সীমানা নিয়ে যুদ্ধ আরম্ভ হয়, কিন্তু Pan-American Conference-এর চেষ্টায় শান্তি স্থাপিত হয়েছে।

ইজিপ্ট

প্রধান ঘটনা প্রধান মন্ত্রী ও ব্রিটিশ হাইকমিশনারের বাদানুবাদ। ব্যবস্থা পরিষদ Public Assemblies Bill আলোচনা করছিলেন; হাইকমিশনার লর্ড লয়েড সাবধান ক'রে দিলেন যে ও আইন পাশ করলে ভাল হবেনা। প্রধান মন্ত্রী মুস্তাফা পাশা নাহাস বৃথা আশ্বাসন ক'রে অবশেষে আইন প্রত্যাহার করলেন। মন্ত্রী সংসদ সুপ্রতিষ্ঠিত হচ্ছে না দেখে ১৯শে জুলাই মিশর রাজ ব্যবস্থা পরিষদ ভেঙ্গে দিয়েছেন এবং তিন বৎসরের জন্য নির্বাচন স্থগিত রেখেছেন।

চীন ও জাপান

দীর্ঘকাল গৃহবিবাদের পর চীনদেশে শান্তির আলোক দেখা দিয়েছে। ১৯১২ সালে চীন সাধারণতন্ত্র হয়। ১৯১৬ সালে বুয়ান-সি-কাইয়ের মৃত্যুর পর নানা দলে প্রভুত্বের জন্য অবিরত বিবাদ চলছিল। শেষকালে চীন প্রায় ছুটো ভাগ হ'য়ে গেল। পিকিনে একদল অধিষ্ঠান ক'রে উত্তর চীনে প্রভুত্ব করতে লাগলেন আর দক্ষিণ চীনের আধিপত্য গেল নানকিং-এর জাতীয় দলের হাতে।



১৯২৮ সালের জুন মাসে জাতীয় দল পিকিং দখল ক'রে নিয়েছে, এবং নানকিংকেই দেশের রাজধানী করেছে। বিজয়ী জাতীয় দলের সেনাপতি চিয়াং-কাই-সেক্ ১০ই অক্টোবর সাধারণ তত্ত্বের (Chinese Republic) প্রেসিডেন্ট নিৰ্বাচিত হ'য়েছেন। ব্রিটিশরাজ নানকিংএর এই নূতন গবর্নমেন্টকে স্বীকার ক'রে নিয়েছেন এবং তার সঙ্গে একটা বাণিজ্য সম্পর্কীয় সন্ধি-স্থাপন করেছেন।

২৩শে ফেব্রুয়ারী নূতন নিয়মানুযায়ী জাপানে সাধারণ নিৰ্বাচন হ'য়ে গেছে। সংরক্ষণ দল (Conservative Party) জয়লাভ করেছে। ৯ই নভেম্বর সম্রাট হিরোহিটো বিষম সমারোহে সিংহাসন আরোহণ করেছেন।

ইংরাজীতে যাকে 'Throes of new birth' বলে (অর্থাৎ প্রসবের যন্ত্রণা) জগতের সমস্ত দেশে তাহাই পরিলক্ষিত হচ্ছে। সর্বত্রই দেখা দিয়েছে নব জাগরণ ও স্বাধীনতা-

লগুন,

৯ই জানুয়ারী ১৯২৯।

লিপ্সা,—অত্যাচারী ধনবানের অধঃপতন এবং নিপাড়িত দরিদ্রের অভূতখান ও আধিপত্য। নব প্রসবের পরে মা যেমন শান্ত ও মুচ্ছিত হ'য়ে পড়ে, অনেক স্থানে দেশ-মাতৃকার সেই অবস্থাই হয়েছে, কিন্তু এই নবীন শিশু যখন গুরুপক্ষের শপিকলার মত বাড়তে থাকবে তখন মাযেরই নব শক্তি আসবে। মা সেইদিনের অপেক্ষা ক'রে আছেন যেদিন সন্তানের লগাটে রাজটীকা পরিয়ে রাজ-আসনে অধিষ্ঠিত করবেন। কিন্তু এর মাঝখানে রয়েছে নানাবিধ বাধা বিপত্তির সঙ্গে সন্তানের সংগ্রাম এবং তার জগু জননীর চিন্তা, যত্ন ও কষ্ট। ভগবান শ্রীকৃষ্ণ আবার গোকুলে জন্মগ্রহণ করেছেন। আর নৃপতি কংসের অনুচরগণ তাঁকে বধ করবার জগু অনুসন্ধান করছে। কিন্তু অন্তরীক্ষ থেকে কে ব'লে দিচ্ছে "তোমারে বধিবে যে, গোকুলে বাড়িছে সে।"

ছবির কথা

-গল্প-

—এস ওয়াজেদ আলি

তারি ছজন, ঘরের ভেতর, পাশাপাশি ছুটি আরাম কেদারায় ব'সে। বাইরে, আকাশ ঘন মেঘে আচ্ছন্ন। বিষাদের কালিমা যেন প্রকৃতির সুন্দর শ্রামল মুখটিকে মলিন ক'রে দিয়েছে। সেই মুহূর্তমান পরিণামিক তার ঘরের উজ্জ্বল ইলেকট্রিক আলো কেমন যেন বেথাপ্লা দেখাচ্ছিল। উভয়ই নিরীক নিরীক। উভয়েরই দৃষ্টি প্রত্যক্ষকে ছেড়ে দূরে, অনেক দূরে বিচরণ করছিল। নিকটে দেখবার যেন কিছু নেই।

সুসজ্জিত কক্ষ। আসবাব পত্র গৃহীদের সুরূচি এবং সম্পদের পরিচায়ক। দেয়াল থেকে অনেকগুলি সুন্দর সুন্দর ছবি ঝুলছিল। একটি ছবি তাদের মধ্যে সম্মানের স্থান অধিকার করেছিল। সেটা হচ্ছে মহাকবি সেকসপিয়ার-কীর্তিত রোমিও এবং জুলিয়েটের নৈশ-অভিসারের একটি প্রতিকৃতি।

প্রেমিক রোমিওর এক পা দ্বিতল কক্ষের উন্মুক্ত বাতায়নের ভিতর, আর এক পা বাহিরের দোতলায়ান রজ্জু নির্মিত সোপানের উপর। বিপদের সম্ভাবনার কথা ভুলে আবেগভরে সে জুলিয়েটকে দুই হাত দিয়ে তার বক্ষের উপর চেপে ধরেছে। প্রেমের আবেশে জুলিয়েটের অধরোষ্ঠি আপনা থেকেই রোমিওর অধরোষ্ঠে এসে মিলেছে। প্রেমের দেবতা তার ছোট্ট নখর দুটি হাত দিয়ে সমস্ত বাধা বিপত্তিকে হেলায় সরিয়ে এই প্রেমিক যুগলের দেহ আর মনকে এক ক'রে দিয়েছে। ছবিটি যৌবনের-তীব্র মাদকতাময় মৌন প্রেমের সুন্দর একটি প্রতীক!

আরাম কেদারায় উপবিষ্টা তরুণীর হৃদয় একদিন ছবিটি দেখে আনন্দে এবং আশায় উদ্বেলিত হয়েছিল। আনন্দ— তার রোমিওর স্পর্শ সেও অনুভব করেছে, সেই জগু; আশা— মুহূর্তের যে প্রেমাতিসার সেকসপিয়ারের নামক নন্দিতাবে

এস ওয়াজেদ আলি

ভাগ্যে অমর করেছে সেই দুর্লভ সৌভাগ্য, কেবল মুহূর্তের জন্য নয়, সমস্ত জীবন ধরে সে ভোগ করবে। কেবল এই নগর জীবনে কেন, অমরাবতীর নিকুঞ্জ-কাননেও তারা অনন্তকাল ধরে পরস্পরের প্রেম সুধা পান করবে। এত সুন্দর, এত মধুর, এত পবিত্র এই প্রেম,—এর কি কখনও মৃত্যু হ'তে পারে! বসন্তের দখিন হাওয়া তরুণ প্রাণে কি অপূর্ণ মায়া-লোকের সৃষ্টি করে!

জীবনের সেই অতীত বসন্তে সুন্দরী এই ছবিটি তার বাঞ্ছিত জনকে উপহার দিয়েছিল। জন্ম দিনের উপহার। কত আশা, কত আনন্দে তাদের সম্মোহিত তরুণ প্রাণ দুটি সেদিন উদ্বেলিত হয়েছিল! সে কি তার প্রেমাস্পদকে জুলিয়েটের মত ভালবাসে না! তার প্রেমাস্পদও কি রোমিওর মত তার জন্য সমস্ত বাধা, সমস্ত বিঘ্ন হেলায় অতিক্রম করতে প্রস্তুত নয়! তাদের অতলস্পর্শী প্রেমের সুন্দর একটি অভিব্যক্তি মনে ক'রেই সুন্দরী ছবিটি তার বাঞ্ছিত জনকে উপহার দিয়েছিল। আর তার প্রণয়ী! সে তার প্রণয়িনীর মনের কথা বুঝেছিল ব'লেই ছবিটিকে স্থান দিয়েছিল দেয়ালের ঠিক মাঝখানে; তার প্রণয়িনী যেমন বিরাজ করে তার প্রাণের ঠিক মাঝখানে, তার অন্তরের অন্তরতম দেশে! প্রেমের চিরস্বপ্ন রীতি!

বসন্তের মলয় মারুত প্রেমের দোতাগিরি আর করে না। বিহঙ্গের কাকলী হৃদয়-তন্ত্রীতে প্রেমের রাগিণী আর জাগায় না। প্রেমিকের হাসির আলো প্রেমিকার মনে অমরাবতীর মরীচিকার সৃষ্টি আর করে না।

বাহিরে এমন ঝড়ের আভাস। যে ঝড় তাদের অন্তরে বইছে, এ তারই যেন বিধাদময় প্রতীক। যে কাল মেঘ গাদের অন্তরকে আচ্ছন্ন করেছে, আকাশের মেঘ তারই যেন ক্ষীণ প্রতিচ্ছবি! জীবন চক্রের নিশ্চয় আবর্তন!

কথা কেউ কারও সঙ্গে বলছেন। বলবার কিছু নেই। নিজ নিজ মনে ব'সে তারা ভাবছে। ভাববার বিষয় যথেষ্ট আছে। প্রেমিক ভাবছে এক জনের কথা, এই সেদিন

যার সঙ্গে তার পরিচয় হয়েছে; প্রেমিকা ভাবছে আর এক জনের কথা, ক্ষণিক মোহের উত্তেজনার যাকে সে পরিত্যাগ করেছিল, তার বর্তমান জীবন সঙ্গীর জন্ত। বৈচিত্র্যহীন বর্তমানকে ছেড়ে একজন লোলুপ দৃষ্টিতে চাইছিল কুহেলিকা সমাচ্ছন্ন আলোয় উদ্ভাসিত ভবিষ্যতের দিকে, আর একজন আক্ষেপ আর অশুশোচনার দৃষ্টিতে চাইছিল কল্পনার ইন্দ্রধনু দিয়ে মোড়া সুদূর অতীতের প্রতি। মেঘের মানিমা, ঝঞ্ঝার হুঙ্কার, প্রকৃতির ক্রন্দন মুহাম্মান বর্তমানকে দুজনের পক্ষেই অতিষ্ঠ ক'রে তুলেছিল।

শোঁ, শোঁ ক'রে ঝড় এল। সঙ্গে সঙ্গে মুঘলধারে বারিপাত আরম্ভ হ'ল। চকিতের দৃষ্টিতে দুজনেই বাইরের দিকে চাইলে। পাখীরা আশ্রয়ের অন্বেষণে বাকুলভাবে উড়ে বেড়াচ্ছিল। একটা ঝাপটা এসে, কালো, কুলক্ষণে একটা দাঁড়কাককে ঘরের ভেতর উড়িয়ে আনলে। দুজনেই তাকে দেখে শিউরে উঠলো।

ভীত চকিত বিহঙ্গটি অতীত বসন্তের স্মৃতি-ভরা রোমিও জুলিয়েটের সেই ছবিটির উপর গিয়ে বসলো। ক্ষণ একটি রজ্জুর উপর নির্ভর ক'রে সেটি ঝুলাচ্ছিল—তাদের প্রণয় জীবনেরই মত। দাঁড়কাকের ভর সে রজ্জু সহিতে পারলে না। বনাত ক'রে ছবিটি মেঝের উপর এসে পড়লো। সঙ্গে সঙ্গে তার ফ্রেমের কাঁচ ভেঙ্গে খণ্ডখণ্ড হ'য়ে গেল।

বিরক্তির কণ্ঠে তরুণী বললে “ভালই হ'ল। ছবির নথ কামুকতা আমার প্রাণে আঘাত করতো। ওটা বিদায় হ'ল, ভালই হ'ল।”

এসে দাঁড়িয়ে, পকেট থেকে ঘড়ি বার ক'রে, তার জীবনসঙ্গী ব্যস্তকণ্ঠে বললে, “না, আর দেয়ী করা যায় না। ছটার appointment, সওয়া ছটা হ'তে চললো।” সঙ্গে সঙ্গে সে কক্ষ ত্যাগ করতে উদ্বৃত্ত হ'ল।

তার সেই গমনোন্মুখ মূর্তির উপর জলন্ত একটি দৃষ্টি নিক্ষেপ ক'রে তরুণী বারান্দায় গিয়ে দাঁড়ালো—প্রকৃতির বিলাপ শুনতে।

লগ্নশেষ

শ্রীরাধাচরণ চক্রবর্তী

আসিলেনা ফিরে । তবু আশা,
একদিন আসিবে নিশ্চয়—
তোমারে আনিবে টানি' আমার পিপাসা ;
অস্তরের এ দৃঢ় প্রত্যয়
সত্য নয় ?
যায়, চলে যায়
যৌবনের মধাদিবা—হায় !
কখন বৈকালী জাগে গগনের গায়
গাঢ় গেরুয়ায় ;
আঁধি মোর পথ-পানে চায়,
হায় প্রিয়া, তোমারি আশায় ।
এসেছিলে প্রথম যৌবনে—
তখনো আকাশ রাত্তা প্রভাত-তপনে ;
মোর ফুল-বনে
তখনো রয়েছে মাথঃ শিশিরের জল ;
পথ-তলে সিক্ত তৃণ-দল ;
তখন হা' প্রিয়া,
কি দিয়া তুষিব তোমা পাইনি ভাবিয়া --
যাহা তুমি চাহ তাহা পারিনাই দিতে,—
বৃথাই গেঁথেছি মালা বসিয়া নিভূতে
কবিতা-কুম্মরাশি আহরি' আহরি',—
তোমারে আড়াল করি' সাজিয়েছি কাব্য-শতনরী ,
তোমারে তুষিব বলি' তোমারে বিস্মরি' বারে বারে
তুষিয়াছি মোর করনারে ।

তুমি চাহনাই মোর কুম্ম-সস্তার,
আমারে চেয়েছ তুমি—যে হাতে গেঁথেছি মালা
হায় বালা
পরিতে চেয়েছ তুমি সেই হাত করি' কণ্ঠ-হার-
মুখ ফুটে' বলনি সে কথা,—
অভিमानে ফিরে' গেছ বৃকে ল'য়ে বাথা ।

আজি মনে হয়,
মূলাহীন কাব্য-কথা মিথ্যা স্বপ্নময়,—
প্রাণহীন কল্পনার রঙীন ফানুস ;
রক্তে মাংসে গড়া এই মর্ত্যের মানুষ,
স্বপ্ন নয়—এ যে চাহে সত্য প্রাণ, সত্য জাগরণ,
স্বপ্ন নয়—স্বল কিছু পরশিতে, করিতে ধারণ,
দিতে, নিতে ;—হায়,
মানুষ যে মানুষেরে চায় !
ফিরে' এস, ফিরে' এস প্রিয়া,—
এবার তোমারে দিব মোর দেহ, মোর সর্ব হিয়া ;
এবার তোমারে নিব আঁকড়ি' কাড়িয়া
একান্ত আমার করি' ।
উজাড়ি' আহরি'—
এবার মানুষ হ'য়ে মুখোমুখি রহিব জাগিয়া,—
তুমি হবে মানুষের প্রিয়া !



বৌদ্ধযুগে নর্তকী ও বারবনিতা

গত পৌষমাসের ভারতবর্ষের ডাক্তার শ্রীযুক্ত বিমলা-
চরণ লাল এম-এ, বি-এল, পিএইচ-ডি মহাশয় উল্লিখিত
পত্র লিখিয়াছেন,—

নৃত্য-গীত কলা নর্তকীর উল্লেখ জাতকে পাওয়া যায়। রাজার
আমোদ-প্রমোদের জন্য তাহারা নিযুক্ত হইত এবং রাজ-অঙ্গুরেই
অবস্থান করিত। কোনও কোনও নৃপতির সোল সহস্র নর্তকী ছিল।
কর-পলোভন জাতকে নিম্নলিখিত ঘটনাটির উল্লেখ পাওয়া যায়—
রাজপুত্র আমোদ-প্রমোদের প্রতি উদাসীন ছিলেন, রাজ্যের প্রতি
তাহার স্পৃহা ছিল না, এবং কখনও তিনি স্ত্রীলোকের সংস্পর্শে আসিতেন
না। স্তত্রাং রাজপুত্রের এই উদাসীনতা দূর করিবার জন্য রাজা
একজন নর্তকী নিযুক্ত করিলেন। নর্তকীটি বয়সে তরুণী, নৃত্যগীতে
সুদক্ষ। তাহার সংস্পর্শে আসিলে যে কোনও লোককে সে বশীভূত
করিতে পারিত। এই রাজপুত্রকেও সে অমৃতের স্মরণ সঙ্গীতের
দ্বারা প্রলুব্ধ করিল। তাহার চিত্ত-বিমোহনকারী সঙ্গীত শ্রবণ করিতে
করিতে রাজপুত্রের অঙ্গুরে ধীরে ধীরে বাসনাসমূহ জাগ্রত হইয়া উঠিল।
তিনি সংসারের স্রোতে গা ভাসাইয়া দিলেন এবং ভালবাসার আনন্দও
তাহার অপরিজ্ঞাত রহিল না। অবশেষে এই নর্তকীটির প্রেমে রাজপুত্র
এমন ভাবেই ডুবিয়া গেলেন যে, তাহার কাছে অল্প কোন লোকের
পাওয়া তিনি সম্ভব করিতে পারিতেন না। এক দিন ছোরা হাতে
বাগায় ছুটিয়া বাহির হইয়া পাগলের মত তিনি লোককে আক্রমণ
করিয়াছিলেন। ইহার পর রাজা রাজপুত্রকে ধৃত করিয়া নর্তকীটির
সঙ্গে সহর হইতে নির্কাসিত করেন। এই ঘটনাটি হইতে দেখা যায়
যে, রাজপুত্র বিলাসের ভিত্তর বন্ধিত হইয়াও নারীর ছলাকলা সধকে

সম্পূর্ণ অন্ধ ছিলেন, নর্তকীর মোহে পড়িয়া তাহাকে রাজা হইতে
নির্কাসিত হইতে হইয়াছিল।

যৌবনের প্রারম্ভে গোঁহমকেও এই ভাবে প্রলুব্ধ করিতে চেষ্টা করা
হইয়াছিল। যুবরাজকে আমোদ-প্রমোদে অভাস্ত করিবার জন্য বহু
নর্তকী নিযুক্ত করা হয়। তাহারা নৃত্য-গীতে বিশেষ পারদর্শিনী ত
ছিলই; দেপিতেও দেবকন্যাদের স্মরণীয় ছিল। অপরূপ বেশভূষায়
সজ্জিত হইয়া মণ্ডলাকারে গৌতমকে ঘিরিয়া তাহারা বাগ্‌যন্ত্র বাজাইতে
মহানন্দে নাচত ও গান করিত। দীর্ঘ নিকার গ্রাণ্ডে নাচের উল্লেখ
পাওয়া যায়। মহাবংশ (পৃ: ২২৭) এবং ধর্মপদভাষ্যে (৩য় অধ্যায়, পৃ:
১৬৬ এবং ২৯৭) নর্তকীদের উল্লেখ আছে।

সাধারণ গৃহস্থের গৃহে যে সব রমণীর স্থান নাই, তাহাদের মধ্য হইতেই
নর্তকীদের উদ্ভব। পুরুষের বিলাস-বাসনা চরিতার্থ করাই তাহাদের
বাবস্থা ছিল। বারবনিতারূপে তাহারা তাহাদের জীবিকা অর্জন
করিত। যদিও তাহারা রমণী, তথাপি জীবিকার্জনের জন্য তাহা-
দিগকে এমন সব ঘৃণা কাজ করিতে হইত, যাহার ফলে তাহাদের
নারী-স্বভাব গুণসমূহ নষ্ট হইয়া যায়। মনোমোহিনী আকৃতি, স্বর,
গন্ধ, স্পর্শ এবং আলিঙ্গন প্রভৃতি ছলাকলার দ্বারা মানুষকে প্রলুব্ধ
করিতেই তাহারা অভাস্ত ছিল। তাহাদের স্বভাব বেণীবন্ধ দস্যুর মত,
বিবাক্ত পানীয়ের মত, আশ্রয়প্রার্থনা-পরায়ণ বাবসায়ীদের মত, হরিণের
বাঁকা শিংএর মত, বিষজিহ্বের সাপের মত, সম্পূর্ণরূপে আচ্ছাদিত গর্ভের
মত, যে নরকে পূর্ণ করা যায় না সেই নরকের মত, যাহাকে সন্তুষ্ট
করা যায় না সেইরূপ রাক্ষসীর মত, চির-ক্ষুধার্ত্ত যমের মত, সর্বভুক
অগ্নির মত, যে নদী সব ভাসাইয়া লইয়া যায় সেই নদীর মত, যদৃচ্ছ
বহমান বাতাসের মত, অপরিমাপা মেরু পর্বতের মত এবং চিরকলপ্রস
বিধগুণের মত। যাহাকে তাহারা ভালবাসে তাহাকে যেমন আদরে
গ্রহণ করে, যাহাকে ঘৃণা করে তাহাকেও ঠিক তেমনি আদরেই বরণ



করে। অল্পস্থ অনলে কাঠ নিক্ষেপ করিলে তাহা যেমন ভস্মসাৎ হইয়া যায়, এই সব রমণী অর্ণালসমা বা কামপ্রবৃত্তির প্রভাবে যে সব ধনী সন্তানকে আশ্রয় করে তাহারাও সেইরূপ ধ্বংস প্রাপ্ত হয়। দুর্বলচিত্ত মানুষকে প্রলুব্ধ করিবার নিমিত্ত সর্বদা তাহারা বিভিন্ন হানতাব পরিগ্রহ করে এবং এইরূপে তাহাদিগকে তাহাদের পাপের ফাঁদে জড়াইয়া লয়। একবার ফাঁদে ফেলিতে পারিলে তারা নানা অসৎ উপায়ে তাহাদের অর্থ ও চরিত্র ধ্বংস করে। প্রতি রাত্রিতে প্রচুর অর্থ দিয়া তাহারা ইহাদিগকে পরিতুষ্ট করে, এমনি অকৃতজ্ঞ ইহারা যে তাহাদিগকেও হত্যা করিতে দ্বিধা করে না। কিন্তু নিম্নে উল্লিখিত কয়েকটি বারবনিতার জীবনী হইতে দেখা যায় যে, সমস্ত ক্ষেত্রেই তাহাদের চরিত্রের দুর্বলতা আচ্ছাদন গ্ৰায়ী হয় নাই। কোনও কোনও বারবনিতা বুদ্ধের ধর্মের প্রভাবে তাহাদের জীবনের পাপপ্রবণ গতিটাকেও ফিরাইয়া আনিতে সক্ষম হইয়াছিল। প্রবৃত্তিকে সমূলে উৎপাটিত করিয়া সাংসারিক জীবন পরিহার করিয়া ইহারা আদর্শ জীবনই অতিবাহিত করিয়া গিয়াছে। নির্লিপ্য প্রাপ্তির জন্ত সংগ্রাম করিয়া অনশেষে ইহারা অর্হই লাভ করিয়াছিল। যৌবনের প্রারম্ভে পাততা নারী রূপে তাহাদের যে জীবন আরম্ভ হয়, জীবনের শেষে তাহাই ঋষির স্থায় পবিত্র হইয়া উঠিয়াছিল। জনসাধারণও তাহাদিগকে প্রকার অর্থা দান করিতে দ্বিধা করে নাই।

অধিপালী। বৈশালীর রাজ্যস্থানে, আম্রবৃক্ষের পাদমূলে অধিপালীর জন্ম হয়। নগরের উদ্যান-পালক তাহার ভরণপোষণের ভার গ্রহণ করেন। আম্রোদ্যান-পালকের কন্যা বলিয়া তাহার নাম হয় আম্রপালী। বয়োবৃদ্ধির সঙ্গে সঙ্গে তাহার সমস্ত অঙ্গ অনিন্দ্যমুগ্ধ হইয়া উঠে— কোথাও এতটুকু গঁত থাকে না। ইহার পর সে সভা-নর্তকী হয়। কারণ, বৈশালীতে এই আটন ছিল যে, সর্বাঙ্গমুন্দরী রমণী কখনও বিবাহ করিতে পারিবে না—জনসাধারণের আনন্দের জন্ত তাহাকে উৎসর্গ করা হইবে। * * * এক দিন আম্রপালী জানিতে পারিল যে বুদ্ধ তাহার বৈশালীর বাগানে আগমন করিয়াছেন। সে বুদ্ধকে দেখিবার নিমিত্ত গমন করিল। বুদ্ধ তাহার নিকট ধর্মপ্রচার করিলেন। বুদ্ধের বাণী শ্রুতিয়া সে এতই আনন্দিত হইয়াছিল যে, সে বুদ্ধকে তাহার গৃহে আহ্বানের জন্ত নিমন্ত্রণ করিয়া আসিল। ইহার পর লিচ্ছবির তাহাদের গৃহে বুদ্ধের আহ্বানের বাবস্থা করিবার জন্ত অধিপালীর অহুমতি প্রার্থনা করিয়াছিল। কিন্তু অধিপালী তাহাদের সে প্রস্তাব প্রত্যাখ্যান করে। এই বারবনিতার গৃহেই বুদ্ধ নানা উপচারে ভোজন করিয়াছিলেন। অতঃপর অধিপালী তাহার “আরাম” বুদ্ধের ভিক্ষু-সঙ্ঘকে দান করে এবং বুদ্ধদেব সে দান গ্রহণ করিতেও দ্বিধা করেন নাই। বুদ্ধ এই আরামে দীর্ঘ দিন অবস্থান করিয়া বেলাঘ্রামে গমন করিয়াছিলেন। ইহার পর অধিপালী তাহার পুত্রকে ধর্মপ্রচার করিতে দেখিয়া নিজেও

দিবাজ্ঞান অর্জন করিতে চেষ্টা করে। স্বীয় দেহের ক্রমধ্বংসী প্রকৃতি তাহার দৃষ্টিপথে পতিত হয়। পৃথিবীর সমস্ত জিনিষের নখরঃ সে উপলব্ধি করিতে সমর্থ হইয়াছিল। অবশেষে সে অর্হই লাভ করিয়াছিল।

পদ্মবতী। পদ্মবতী উজ্জয়িনীর সভা-নর্তকী ছিল। * * * পুত্রের মুখ হইতে ধর্মের বাণী শ্রবণ করিয়া এক দিন মাতাও সংসার পরিত্যাগ করেন। ধর্মের বাহিরের আবরণ এবং ভিতরের অর্থ আত্মস্থ করিয়া অবশেষে পদ্মবতীও অর্হই লাভ করিয়াছিল।

বারবনিতা পদ্মবতীর জীবনী বৈশালীর বারাজনা অধিপালীর জীবনীই অনুরূপ। সর্বাঙ্গোৎকৃষ্ট অদ্ভুত সাদৃশ্য এই যে, একই লোকের অর্থাৎ রাজা বিশ্বসারের ঔরসেই উভয় নর্তকী পুত্র সন্তান প্রসব করে এবং এই পুত্রদ্বয়ের নামও এক। উভয়ের নামই ছিল অভয়। তথাপি এই সাদৃশ্য হইতে উজ্জয়িনীর পদ্মবতী এবং বৈশালীর অধিপালীকে অভিন্ন বলিয়া মনে করা সম্ভবতঃ খুব যুক্তিসঙ্গত হইবে না।

শালবতী। রাজগৃহে শালবতী নামে একটি সুদর্শনা, লাবণ্যময়, মনোহারিণী এবং অসাধারণ সুন্দরী ছিল। * * * যথা সময়ে সে এক পুত্র প্রসব করিল এবং প্রসবের পরেই পুত্রটিকে আবর্জনা-স্তুপের ভিতর নিক্ষেপ করিল। প্রচ্যুতে রাজার পরিচর্যার জন্ত অভয় রাজকুমার যখন যাইতেছিলেন, তখন বায়স-পরিবৃত্ত অবস্থায় তিনি এই শিশুটিকে দেখিতে পাইলেন। অনুচরেরা তাঁহাকে জানাইল যে শিশুটিকে কেহ সেইখানে পরিত্যাগ করিয়া গিয়াছে এবং সে তখনও জীবিত আছে। ইহার পর যুবরাজের আদেশে শিশুটি প্রাসাদে নীত হয়। জীবিত অবস্থায় পাওয়া গিয়াছিল বলিয়া তাহাকে জীবক নামে অভিহিত করা হইত। রাজকুমারের দ্বারা প্রতিপালিত বলিয়া কেহ কেহ তাহার নাম দিয়াছিল কোমরভচ্চ (কোমারেন পোষাপিতো)। পরে এই জীবক কোমরভচ্চ তাহার সময়ের সর্বশ্রেষ্ঠ চিকিৎসক বলিয়া খ্যাতি লাভ করিয়াছিল।

সিরিমা বারবনিতা শালবতীর কন্যা ও বিধাত বৈষ্ণু জীবকের কনিষ্ঠা ভগিনী। সে অসামান্য রূপলাবণ্যসম্পন্ন নর্তকী ছিল এবং রাজগৃহে বাস করিত। কোষাধক্ষ-পুত্র সূমনের স্ত্রী এবং কোষাধক্ষ পুত্রের কন্যা বুদ্ধের গৃহী-শিমা উত্তরা প্রতিরাত্রি সহস্র মুদ্রা দর্শনীতে তাহার স্বামীর পরিতৃপ্তির জন্য এই সিরিমাকে একপক্ষ কালের জন্য নিযুক্ত করে। এক দিন সে অনায়াস করিয়া উত্তরার বিরাগভাজন হইয়া পড়িল এবং পুনরায় সস্তাব স্থাপনের জন্য কমা প্রার্থনা করিতেও দ্বিধা করিল না। উত্তরা উত্তর দিল, ভগবান বুদ্ধ যদি তাহাকে কমা করেন তবে তাহার কমা করিতে বিন্দুমাত্র আপত্তি নাই। ইহার পর এক দিন ভগবান বুদ্ধ শিবা সমভিবাহারে উত্তরার গৃহে আসিয়া উপস্থিত হইলেন। ভগবান যখন তাহার আহ্বার শেষ করিয়াছেন, সিরিমা তখনই

মহাত্মা রামমোহন রায় শতবর্ষ

মহাত্মা কাছে আসিয়া ক্ষমা প্রার্থনা করিয়া বসিল। ভগবান ধনাবাদ উচ্চারণ করিলেন এবং উপদেশ প্রদান করিলেন। সিরিমা অত্যন্ত মনোযোগের সহিত এই উপদেশ শ্রবণ করিল। ইহার পর সে পবিত্র-তার প্রথম স্তরে উপস্থিত হয়। * * * ধর্মপদভাবের বর্ণনা হইতে আমরা জানি : পারি যে, সিরিমার মৃতদেহকে দাহ করা হয় নাই; কাকে ও কৃষ্ণে যাহাতে ভক্ষণ করিতে না পারে সেজন্য একজন প্রহরী নিযুক্ত করিয়া শবাগারে তাহা রাখিয়া দেওয়া হইয়াছিল। রাজা বিধিসার তাহার মৃত্যুর কথা ভগবান বুদ্ধকে জ্ঞাপন করেন। বুদ্ধই মৃতদেহটি দাহ না করিয়া রক্ষা করিবার জন্য রাজাকে অনুরোধ করিয়াছিলেন। অশ্বত্থাবনার জন্য ভিক্ষুরা মৃতদেহটি প্রতাহ দেখিতে পাইবে—ইহাষ্ট তথাগতের একমু অনুরোধের উদ্দেশ্য। ইহাকে প্রতাহ নিরীক্ষণ করিয়া ভিক্ষুরা এ কথা হৃদয়ঙ্গম করিতে সমর্থ হইয়াছিল যে, যে-দেহ মন্দ-সুন্দর তাহাও ধ্বংস হয়, কীটের দ্বারা ভুক্ত হয় এবং অবশেষে মাংসবিহীন হইয়া তাহার হাড়গুলি পড়িয়া থাকে। সমস্ত নাগরিক-কর্তৃ সিরিমার এই মৃতদেহটি দেখিতে বাধা করা হইয়াছিল। রাজা ক্ষমা করিয়া দিয়াছিলেন, “এই মৃতদেহটি দেখিতে যে অপীকার করিল তাহাকে আটখণ্ড মুদ্রা অর্থাৎ ধর্মপদ দান করিতে হইবে।” মৃতদেহের সৌন্দর্য যে কত ক্ষণস্থায়ী তাহারই ধারণা সুস্পষ্টরূপে উপলব্ধি করাষ্টবার জন্ত একমু বাবস্থা অবলম্বিত হইয়াছিল (ধর্মপদভাষা ৩য় খণ্ড ৯)।

শামা। শামা ছিল বারাণসীর বারবনিতা। তাহার এক রাত্রির দর্শনা ছিল সহস্র মুদ্রা। রাজার সে বিশেষ প্রিয়পাত্রী ছিল এবং তাহার পাঁচশত দাসী ছিল। * * *

সুলসা। বারাণসীতে একটি সুন্দরী স্ত্রীলোক বাস করিত। তাহার নাম সুলসা। বারবনিতা শামার ন্যায় তাহারও পাঁচশত সহচরী এবং এক রাত্রির জন্য তাহাকেও সহস্র মুদ্রা দিতে হইত। * * *

কাশীর কোনও ধনী মহাজনের পরিবারে অন্ধকাশীর জন্ম হয়। সে প্রথমে বারবনিতা হয়, পরে ধর্মজীবন গ্রহণ করে। দীক্ষা গ্রহণের জন্য সে পাবস্তীনগরে গমন করিতে মনস্থ করিয়াছিল; কিন্তু পথে দস্যুভয় জন্মে জানিতে পারিয়া ভগবান তথাগতের নিকট দূত প্রেরণ করে। ভগবান বুদ্ধ একজন জ্ঞানী এবং উপযুক্ত ভিক্ষুণী পাঠাইয়া তাহাকে উপ-বাসনা দিবার জন্য ভিক্ষুদের প্রতি আদেশ করিয়াছিলেন। দিবাজ্ঞান লাভের জন্য সে প্রাণপণ চেষ্টা করিয়াছিল এবং অনতিকাল মধ্যেই ধর্মের অর্থ এবং তদ্বিয়ে জ্ঞান লাভ করিয়া অর্হত্ব প্রাপ্ত হইয়াছিল। (মহাভারত গাথা ভাষা, পৃ: ৩৬—৩৩)।

মহাত্মা রামমোহন রায় ও শতবর্ষ

গত মাঘ মাসের ‘প্রবাসী’তে শ্রীযুক্ত অমৃতলাল গুপ্ত মহাশয় উল্লিখিত প্রবন্ধে লিখিয়াছেন—

রামমোহন রায় যে ব্রহ্মজ্ঞান-প্রচারকে জীবনের মহাত্মত্ব বলিয়া মনে করিয়াছিলেন এবং যে ধর্মের বিস্তারের জন্ত সমস্ত জীবন উৎসর্গ করিয়া-ছিলেন, সেই ব্রহ্মজ্ঞানী ধর্মের এক শত বৎসর পূর্ণ হইয়াছে। * * *

রামমোহন রায় সকলের চেয়ে ধর্মকেই মানব-জীবনের ও মানব-সমাজের পক্ষে সর্বশ্রেষ্ঠ সামগ্রী বলিয়া মনে করিয়াছিলেন। নিশ্চয়ই তাহার অন্তরে প্রাচীন ঋষির এই মহাবাক্য সম্মুখ হইয়া উঠিয়াছিল যে, “ন সেতুর্কিঞ্চিৎকিঞ্চিৎ লোকানাং সম্বোধায়” অর্থাৎ ঈশ্বরই লোক-ভঙ্গ-নিবারণার্থ সেতুরূপ হইয়া সকলকে ধারণ করিতেছেন। ধর্মের জন্তই মানব-সমাজ রক্ষা পাইতেছে। গীতাকার বলিয়াছেন, “স্বত্রে মণি গণাইব” যেমন স্বত্রে মণি সকল গ্রথিত থাকে, সেইরূপ ঈশ্বরেতেই এই বিশ্ব গ্রথিত রহিয়াছে। ঐ যে তোমার হাতে মণিহারের মালাগাছি, উহার ভিতরে একটি সূক্ষ্ম সূত্র প্রচ্ছন্ন আছে। সেই সূত্র তুমি দেখিতে পাইতেছ না বটে, কিন্তু উহাই মণি-সকলকে ধারণ করিয়া আছে। এখনি সেই অদৃশ্য সূত্রটি ছিন্ন করিয়া ফেল দেখি, দেখিবে হারের মণি সকল ধূলায় পড়িয়া গড়াইতে থাকিবে। তেমনি মানব-সমাজের ভিতরের প্রচ্ছন্ন একটি ধর্মসূত্রই সমাজকে ধারণ করিয়া রাখিয়াছে; জগতের ধর্মবিহীন লোক সেই সূত্রটি ছিন্ন করিয়া ফেলুক দেখি; দেখিবে এই সুন্দর মানব-সমাজ চিন্নবিচ্ছিন্ন হইয়া যাইবে, মানুষের সভ্যতার গর্ভে গর্ভ হইবে, মানব-সমাজ হাজার হাজার বৎসর পশ্চাতে পিছাইয়া গিয়া আদিম বর্বরতার যুগে উপস্থিত হইবে। প্রত্যেক ধর্মজ্ঞান-সম্পন্ন জ্ঞানীই স্বীকার করিবেন, মানবজাতির উন্নতির মূলেই জ্ঞান এবং ধর্ম। রামমোহন রায় এই সত্যই অনুভব করিয়াছিলেন। * * সেইজন্তই তিনি জগতের ধর্মের গান এবং ধর্মকে অধর্মে পরিণত হইতে দেখিয়া ক্ষোভে স্রিয়মাণ হইয়া পড়িয়াছিলেন। যে ধর্ম ঈশ্বরের প্রকৃতি হইতেই উৎপন্ন হয়, যে-ধর্ম নরনারীর সর্বপ্রকার কল্যাণ ও সুখশান্তি বিধান এবং প্রেমের বিস্তারের জন্তই স্বর্গ হইতে মর্ত্যে নামিয়া আসে,—মানুষ অজ্ঞানতা, মানবীয় দুর্বলতা ও স্বার্থপরতার দ্বারা আচ্ছন্ন হইয়া সেই ধর্মকেই পাপ ও ছন্যতার দ্বারা মলিন এবং বিঘ্ন ও নিষ্ঠুরতার দ্বারা রক্তপিপাসু রাক্ষসের মত করিয়া তোলে কেন? এই সকল প্রশ্ন রামমোহনের হৃদয়কে যে অভিভূত করিয়া ফেলিয়াছিল, তাহা তাহার জীবনচরিত ও পারশ্ব ভাগ্যের লিখিত “তোহাফাতুল মওয়াহিদীন” গ্রন্থখানি পড়িলে বেশ ভাল করিয়াই বুঝিতে পারা যায়।

রামমোহন রায় সেইজন্যই ধর্মকে অধর্ম, হিংসাবিষ্মেহ ও নিকৃষ্ট ভাব হইতে মুক্ত করিবার ইচ্ছায় এক উদার ও উন্নত ধর্ম সংস্থাপন ও



তাহার বিস্তারের জন্য বন্ধপরিষ্কার হইয়াছিলেন। এ কথা কে না জানে যে, রামমোহন রায়ের মত স্বাধীনতাপ্রিয় লোক এ দেশে অতি অল্পই জন্মগ্রহণ করিয়াছেন। কি রাজনৈতিক, কি সামাজিক, কি আধ্যাত্মিক কোনরূপ অধীনতাই তিনি সহিতে পারেন নাই। মানুষের স্বাধীনতার মহত্ত্ব ও গৌরব যে কত, তাহা তিনি উৎকৃষ্ট রূপেই জানিতেন; জানিতেন বলিয়াই মহৎ লোকের মধো গণা হইয়াছিলেন। এবং সেই জন্মই তিনি দেশকে—দেশের ধর্ম ও সমাজকে সর্বপ্রকার নিকৃষ্ট ভাব ও অধীনতা হইতে মুক্ত করিতে চাহিয়াছিলেন। * * *

রামমোহন রায় তাহার গভীর আধ্যাত্মিক জ্ঞানের দ্বারা স্পষ্টই বুদ্ধিতে পারিয়াছিলেন, মানবস্বাধীনতার গূঢ়স্থানে নিহিত সহজ ও স্বাভাবিক ধর্মের মূল সত্যকে ধর্মবাসনায়ী রাজকেরা অনাবশ্যক বহু অনুষ্ঠানের আড়ম্বরের দ্বারা আচ্ছন্ন করিয়া ফেলে; উহাতেই ধর্ম জটিল এবং অসত্য ও কনস্পারের আচ্ছন্ন হইয়া পড়ে। ধর্মসমাজের শাসনকর্তারা ইহা সকল জটিল কটিল মত এবং অর্থশূন্য বাহ্য আড়ম্বরপূর্ণ অনুষ্ঠানের দ্বারা ধর্মসমাজের লোকদিগের বিচারবুদ্ধি বিনষ্ট ও স্বাধীনতা হরণ করেন। তাহা করেন বলিয়াই ধর্ম অনেক সময় অনেক পরিমাণে অধম্মে পরিণত হইয়া জনসমাজের কলাগণের পরিবর্তে অকলাগণই করিয়া থাকে। ধর্মের বহু মতের দ্বারা মানুষের বিচারবুদ্ধি ও স্বাধীনতা হরণ করা মানুষের অজ্ঞতার পরিচয় ভিন্ন আর কিছুই নহে। সেই জন্মই মানবস্বাধীনতার মহত্ত্ব আশ্রয়ান্, মানবহিতৈষী রামমোহন সর্ব জাতির উপাস্ত্র দেবতা একমাত্র অনন্তরূপ ঐশ্বরের অর্চনা ও নর নারীর কলাগণসাধন—এই দুই সত্যের উপরেই তাহার বিশ্বজনীন ধর্মের ভিত্তি স্থাপন করিলেন। এই দুই সত্যের দ্বারা সমস্ত ধর্মের সমন্বয় এবং সকল ধর্মসম্প্রদায়ের মিলন সম্ভব।

এই স্বদেশপ্রেমিক পুরুষ আপনার মধ্যে মধ্যে অনুভব করিয়াছিলেন যে ভারতবর্ষের সকল ধর্মসম্প্রদায়ের মিলন ও ভ্রাতৃত্বভাবের উপরেই এ দেশের জাতীয় উন্নতি সম্পূর্ণ নির্ভর করে। দেশ ত এগন আর শুধু হিন্দুর নহে; হিন্দু, মুসলমান, পার্শী খৃষ্টান সকলের। আবার হিন্দুর মধোও কেবল ব্রাহ্মণ ক্ষত্রিয়, বৈশ্য, বৈদ্য ও কায়স্থ প্রভৃতি উচ্চ বর্ণের নহে; যে লক্ষ লক্ষ নিম্ন বর্ণের লোক উচ্চ বর্ণের ঘৃণা ও অবজ্ঞার তলে বাস করে, দেশ তাহাদেরও বটে। কাজেই সর্বলোকের পিতা ও সর্বশ্রেণীর উপাস্ত্র দেবতা একমাত্র নিরাকার ঐশ্বরের উপাসনা ও লোকহিত অথবা উদার ভ্রাতৃত্বভাবের দ্বারা ভারতবাসীর হৃদয়ের মিলন সম্ভব, নচেৎ অন্য কোনরূপ সাময়িক স্বার্থের উত্তেজনায় ক্ষণস্থায়ী বাহিরের মিলন সম্ভব হইলেও, চিরস্থায়ী প্রাণের মিলন কখনই সম্ভব হইতে পারে না। ভারতবর্ষের হিন্দু ও মুসলমান দুইটাই ধর্মপ্রাণ জাতি। দুই জাতির উপযোগী এক মহান ধর্মের দ্বারা ইহাদের হৃদয় প্রেমে বিগলিত করিতে না পারিলে আর

প্রকৃত মিলনের আশা কোথায়? আশা নাই বলিয়াই রাজা মিলনধর্মের প্রচারে আত্মোৎসর্গ করিয়াছিলেন। এই ধর্মের উপাসনা-মন্দির প্রতিষ্ঠার দিন রাজা স্বদেশী ও বিদেশী লোকদিগকে চমকিত করিয়া জলদগম্বীরদ্বারে যে বাণী উচ্চারণ করিয়াছিলেন, তাহা উক্ত মন্দিরের ট্রাস্ট ডিউপত্রে চিরস্মরণীয় হইয়া রহিয়াছে। উহার কয়েকটি কথা এই—

“যে কোন ব্যক্তি ভক্তভাবে শ্রদ্ধার সহিত উপাসনা করিতে আসিবেন, তাহারই জন্ম উপাসনা-মন্দিরের দ্বার উন্মুক্ত। জাতি, সম্প্রদায়, ধর্ম যে কোন অবস্থার হউক না কেন, এখানে উপাসনা করিতে সকলেরই সমান অধিকার।

“যাহাতে জগতের শ্রুতি ও পাতা পরমেশ্বরের ধ্যানধারণার উন্নতি হয়, প্রেম, নীতি, ভক্তি, দয়া, সাধুতার উন্নতি হয়, এবং সকল ধর্ম সম্প্রদায়ভুক্ত লোকের মধো ঐক্যবন্ধন দৃঢ়ীভূত হয়, এখানে সেই প্রকার উপদেশ, বক্তৃতা ও সঙ্গীত হইবে। অন্য কোনরূপ হইতে পারিবে না।”

রামমোহন রায় দেশের জাতীয় একতা ও রাজনৈতিক উন্নতির জন্ম ধর্মসংস্কারের এবং সমুন্নত ধর্মপ্রচারের প্রয়োজন যে বেশ ভাল করিয়াই অনুভব করিয়াছিলেন, সে বিষয়ে তাহার একখানি পত্র পাঠ করিলে মনে আর কোন রকম সংশয়ই থাকিতে পারে না। রাজা এই পত্রখানি ১৮২৮ সালের ১৮ই জানুয়ারী তাহার কোন ইংরেজ বন্ধাকে লিখিয়াছিলেন। তাহার জীবনচরিতের উনবিংশ অধ্যায় হইতে উক্ত পত্রের বঙ্গানুবাদের কিয়দংশ এখানে উদ্ধৃত করিতেছি—

“আমি দুঃখের সহিত বলিতেছি যে, হিন্দুদিগের ধর্মপ্রচারী তাহাদের রাজনৈতিক উন্নতির অনুকূল নহে। জাতিভেদ আর বিভিন্ন জাতির মধো বিভিন্ন বিভাগ, তাহাদিগকে স্বদেশান্তরগত বঞ্চিত করিয়াছে। ইহা ভিন্ন বহুসংখ্যক বাহ্য অনুষ্ঠান ও প্রায়শ্চিত্তের বহু প্রকার ব্যবস্থা থাকাতে তাহাদিগকে কোন গুরুতর কার্যসাধনে সম্পূর্ণ অশক্ত করিয়াছে। আমার বিবেচনায় তাহাদের ধর্মের কোন পরিবর্তন হওয়া আবশ্যিক। অন্ততঃ তাহাদের রাজনৈতিক সুবিধা ও সামাজিক সুখসুচ্ছন্দতার জন্মও ধর্মের পরিবর্তন আবশ্যিক।” * * *

হয় ত অনেকেই জানেন যে, রামমোহন রায় ১৮২৮ সালের ১৬ই ভাদ্র তাহার প্রচারিত উদার ধর্মের উপাসনা প্রতিষ্ঠিত করেন। তাহার পরে সেই উপাসনার জন্ম একটি মন্দির নির্মিত হইল। রাজা ১৮২৯ সালের ১১ই মাঘ সেই মন্দিরে ব্রাহ্মসমাজ স্থাপন করিলেন। তাহার পরে ১৮৩০ সালের ১৫ই নবেম্বরই তাহাকে বিলাত যাত্রা করিতে হইল। ১৮৩৩ সালের ২৭শে সেপ্টেম্বর তিনি সেই বিদেশ হইতেই পরলোকে প্রস্থান করিলেন। কাজেই দেশের শিক্ষিত ও ধর্মপ্রাণ লোকদিগকে তাহার উপাসনা মন্দিরে আকৃষ্ট করিয়া একটি উন্নত ধর্মমণ্ডলী গঠন করিবার তিনি হযোগ প্রাপ্ত হন নাই। * * *

বৃহত্তর বাঙ্গলা

বৃহত্তর বাঙ্গলা

গত প্রবাসী-বঙ্গ-সাহিত্য-সম্মিলনীতে ইন্দোরে শ্রীযুক্ত জ্ঞানেন্দ্রমোহন দাস “বৃহত্তর বাঙ্গলা” শাখার সভাপতির অভিভাষণে যাহা বলিয়াছেন, তাহার কিয়দংশ আমরা নিম্নে উদ্ধৃত করিলাম :—

* * * ভিন্ন ভিন্ন প্রাদেশিক ভাষায় ও সাহিত্যে, বাঙ্গলা সাহিত্য, বাঙ্গলার চিন্তা ও বাঙ্গালীর প্রতিবেশ প্রভাবে প্রবেশ করিতেছে ও অনুবাদের ভিতর দিয়া প্রতিবিস্তৃত হইতে আরম্ভ করিয়াছে। বাঙ্গলা-পড়া, বাঙ্গলায়-কথা-বলা, বাঙ্গলা-লাইব্রেরীর পাঠক-হওয়া অ-বাঙ্গালী শিক্ষিত সমাজে নূতন হু ছড়াইতেছে। বাঙ্গলা নভেল নাটকাদির ভিতর দিয়া বঙ্গীয় চিন্তার অনুসরণ করিতে করিতে বেশ-ভূষায় আকার-ইচ্ছিতে পরিবর্তন আসিয়াছে। আজকাল টিলা কাছা, লধা কোঁচা দিয়া ধূতি ও সাট পরা, অদৃশ্যপ্রায় স্তম্ভীকৃত শিখা অনাবৃত-মস্তক অ-বাঙ্গালী ভঙ্গলোক একটি দুইটি হইতে অল্পদিনের মধ্যে দশ-বিশটা সহরে ও কলেজ-বোর্ডিংএ দেখা যাইতেছে। সেদিন সেধুপতি রাও নামে জনৈক মাদ্রাজী ভঙ্গলোককে বাঙ্গালী বলিয়া ভুল করিয়াছিল। শুধু তাঁর মুখে খাঁটি বাঙ্গলা কথা শুনিয়া নয়, তাঁহার পোষাক বা শিখাহীন অনাবৃত মস্তক দেখিয়া নয়, তাঁহার মুখশ্রীতে স্পষ্ট বাঙ্গালী ছাদল পাইয়া। তিনি বহুদিন কলিকাতা বাস করিয়া সম্প্রতি এলাহাবাদ-প্রবাসী হইয়াছিলেন। মাছ-ভাত একটা উপহাসের কথা ছিল। উহা গ্রামে এখনও নিন্দার কথা হইয়া আছে। এই দুইই এখন অ-বাঙ্গালী হিন্দু প্রতিবেশীদের মধ্যে বেশ চলিয়াছে। মাখম চর্কির ভাগ কম হইয়া সাহেব মহলেও ঘাঁ ও সরিষার তৈল বাবুর্চি-পানায় স্থান পাইয়াছে, এবং সরিষার তৈলের পরিমাণ হিন্দুস্থানী-মহলে ঘূতের ভাগকে কমাইয়া দিতেছে। পূর্বে সরিষার তৈলের নিন্দা ছিল। এদেশে দুধ হইতে দধি, মালাই, রাবড়ী আর খোয়ার (জমাট কীরের) লাডু হইত, এখনও হয়। বাঙ্গলার মত কীর করিতে আর জানা কাটাইয়া সন্দেশ, রসগোল্লা, পান্তয়া করিতে জানিত না। এখন অনেক স্থানে বাঙ্গালী ময়রার দোকান হইয়াছে। এ দেশের কোন কোন হালুয়াই সেই সব দোকানে কাজ শিখিয়া “বাঙ্গলা মিঠাইয়ের দোকান” করিয়া বসিতেছে, তাহাদের নিযুক্ত ফেরিওয়ালারা পসরা মাথায় করিয়া পথে পথে “বাঙ্গলা মিঠাই” বলিয়া হাঁকিয়া যায়। লণ্ডনের street crier “বাঙ্গলা মিঠাই” বলিয়া হাঁকে না বটে, কিন্তু তথায় কোন কোন এদেশীয় দোকানে প্রস্তুত হইতে আরম্ভ হইয়াছে। তাহা ছাড়া বাঙ্গালী স্বত্বাধিকারীর প্রথম শ্রেণীর হোটেলও লণ্ডনে হই তিনটি দেখিতে পাইবেন। প্রধানটির নাম ‘রেজিনা হোটেল’। একটিতে বাঙ্গালীর রসনা-স্বাদ মিটাইবার সুযোগও আছে। রজনী-কান্ত বাবুর ঐ হোটেলগুলিতে তক্মা-পর্য্য অনেক ভারতীয় ভূতা

দেখিতে পাইবেন। আজকাল ‘মোকাম’ ‘কোঠা’ ‘হাবেলী’ এ সব নাম সহরে আর বড় শোনা যাইতেছে না। সাহেব-ঘেঁসা ও সাহেবী ধরণের ধনীদেব ঐ সকল অট্টালিকা ‘বাঙ্গলা’ আখ্যা পাইতেছে। বাঙ্গলা ঘরের বা বাড়ীর উৎপত্তি বড়ে। ঐ ঘর গরীবের একচালা কুটীর হইতে দৃঢ় ও সুন্দর করিয়া বাধা রাজা-রাজড়ার থাকিবার মত আটচালা পয্যন্ত হইত, এখনও হয়। * * *

হোলকার কলেজের মাণ্ডবর অধ্যক্ষ মহাশয় এ বৎসর “বৃহত্তর বাংলা” নামে এই নূতন class খুলিয়া আমাকে তাহাতে ভর্তি করেন এবং এক নিঃখাসে “সাতকাণ্ড রামায়ণ” পড়িবার task দেন, আমিও সুবোধ ছাত্রটির মত তাহার আদেশ শিরোধার্য্য করিয়া লই। * * * প্রবাসী-বঙ্গ-সাহিত্য সম্মিলন “বৃহত্তর বঙ্গ”-শাখার সৃষ্টি করিয়া বাঙ্গালী জাতির এক মহৎ উপকার করিয়াছেন—আত্মরক্ষার পথ করিয়াছেন। সর্ব্বধ্বংসী কালের মুখ হইতে খাঁয় জাতীয় জীবন বাঁচাইবার চেষ্টায় শক্তি ও দূরদর্শিতার পরিচয় দিয়াছেন। স্মরণাতীত কাল হইতে বাঙ্গালীর কীর্ত্তি-হিমালয়ের অভ্রভেদী চূড়াগুলি কালের পরিগতিতে একে একে অদৃশ্য হইয়াছে। কীর্ত্তিমান্দিগের নাম সাধনা ও সিদ্ধির কথা আমরাই এতদিন জগৎকে ভুলিয়া যাইতে দিয়াছি। বাহিরের যাহারা কৃপা করিয়া ইতিহাসের পৃষ্ঠায় ভ্রমণকাহিনীর মধ্যে লিপিবদ্ধ করিয়া দেশ-বিদেশের গ্রন্থাগারে পুরাসংগ্রহালয়ে রক্ষা করিয়া আসিয়াছেন, তাহাদের অধর্ম্ম হইয়া আমরা এখন আমাদের অতীতের ইতিহাস রচনা করিতেছি। কিন্তু, ভবিষ্যতে লিপিব্যার মত বর্তমানের পুঞ্জীভূত উপকরণ অদূরদর্শিতার ফলে হারাইতেছি। দৃষ্টান্ত অনেক। চোখের সামনে যাহা দেখিতেছি, তাহার কথাই বলি। এলাহাবাদ এংলো-বেঙ্গলী ইন্টারমিডিয়েট কলেজের সম্মুখে যোদ্ধা-মুন্সেফ পার্শ্বমোহন বন্দোপাধ্যায়ের ভঙ্গাসন ছিল। সিপাহী-বিদ্রোহের সময় যখন প্রভূত শক্তিশালী জমিদারবর্গ কয়েকখানি গ্রাম জ্বালাইয়া নিরীহ গ্রামবাসীদের উপর অমানুষিক অত্যাচার করিতে থাকে এবং দলবদ্ধ হইয়া ইংরেজ গবর্নমেন্টের বিরুদ্ধে প্রকৃত যুদ্ধসজ্জায় গোলাগুলি লইয়া ইংরেজ তহশীল আক্রমণ করে, তখন উত্তরপাড়ার এই পুরুষসিংহ কলম ছাড়িয়া নুহুর্কের মধ্যে আসি ধারণ করেন এবং অর্ধানু লোক-জন লইয়া সৈন্যদল গঠন করেন। অতঃপর ইজিপ্শিয়ান যাত্রকেরের গায় মুন্সেফ হইতে সুদক্ষ সেনাপতি হইয়া শিবির সংস্থাপনপূর্ব্বক রীতিমত pitched battle যাহাকে বলে, সেইরূপ যুদ্ধে দুর্ধ্ব বিদ্রোহীদের দমন করেন। সে যুদ্ধে বিদ্রোহী-দলপতি দুর্ধ্ব খাখলু সিং এবং অশুচরবর্গ বহু সর্দার নিহত হয়, ব্রিটিশ সিংহের ধনাগার লুণ্ঠনের হাত হইতে রক্ষা পায় এবং অত্যাচারীর হাত হইতে গ্রামবাসীরা নিষ্কতি লাভ করে। লর্ড ক্যানিং তাহার ডেনুপ্যাচে এই বাঙ্গালী-মুন্সেফের অশেষ প্রশংসা করিয়া তাহাকে “The Fighting Munsiff” আখ্যা দেন। তখন তাহার



বয়স ২২ বৎসর মাত্র। তাহারই ভ্রাতৃসন এখন বিক্রীত হইয়া স্থানীয় কায়স্থ কলেজের ছাত্রাবাস হইয়াছে। * * * তাহার নাম এখানকারও শাস্ত্রালী প্রায় ভুলিয়াছেন ও বাড়িটি হস্তান্তর হইবার পর হইতে তৎসহ-জড়িত ঐতিহ্য লোপ পাইয়াছে। * * *

পাটনার "চৈতন্য মঠ," এলাহাবাদের "লালকুঠি," ও "বাবুঘাট", বিষ্ণাচলের "বিষ্ণাবাসিনী ঘাট", দেবাজনের পথে "বাবুগড়", দশ-হাজারী মুসলমান বাঙ্গালীর গঙ্গানিবাস, প্রয়াগসম্মিলিত কড়ার সুদৃঢ় দুর্গ, যাহার ভগ্নাবশেষের চিত্র এখন সরকারী পুরাতাত্ত্বিক চিত্রগ্রন্থাবলীর সম্পদ বৃদ্ধি করিতেছে, এবং এইরূপ ভারতময় ছড়ান শতশত বাঙ্গালীর কীর্তি যাহা লোপ পাইয়াছে ও পাইতে বসিয়াছে তাহার উল্লেখ করা যাউতে পারে। * * * নেপাল ও কাবুলের gum factoryর স্রষ্টা কাপ্টেন রাজকৃষ্ণ কন্দকার, জয়পুরের সনাতন গোপামী ও বিদ্যাবর ভট্টাচার্য, প্রয়াগের সাধু মাধবদাস বাবাজী ও কৃষ্ণানন্দ ব্রহ্মচারী, পঞ্জাবের রেভারেন্ড গোলোকনাথ চট্টোপাধ্যায়, জয়পুরের মন্ত্রী হরিমোহন সেন, লক্ষ্মীএর রাজা দক্ষিণারঞ্জন মুখোপাধ্যায়, কাশীর রাজা জয়নারায়ণ খোবাল এবং প্রবাসের এইরূপ সুগণবর্জক বাঙ্গালীদের স্মৃতি জাগরুক রাখিবার জন্ত বর্ষে বর্ষে স্মরণ-উৎসবের ব্যবস্থা করা "বৃহত্তর বঙ্গ"-শাখার আর একটি কাজ। * * *

ইংরেজের মধ্য হইতে যেমন গণ্ড ভিসিগণ্ড ভাঙালকে পুঁজিয়া বাহির করা যায় না, তদ্রূপ তেমন নহে। আজিও বাঙ্গলা দেশে জল-চলাচলের ভিতর দিয়া মনুমহারাজের রক্ত-বাছাই জারী আছে। কিন্তু সর্বভৌম ভট্টাচার্য মহাশয়ও বাঙ্গালী, আর বঙ্গের কোন সাঁওতাল, ওরাও বাউরীও বাঙ্গালী। আমরা "প্রাচীন বৃহত্তর বঙ্গের" ইতিহাস যাহা পাইয়াছি, তাহা আর্ষাপূর্ব বাঙ্গালীদের-বাদ-দেওয়া ইতিহাস। আমরা বর্তমান বৃহত্তর বঙ্গের ইতিহাস সঙ্কলনে প্রবৃত্ত হইতেছি পুনরায় তাহাদেরই বাদ দিয়া। কারণ, আমরা তাহাদের সমাজ জানি না, ভাষা শিখি না। আমরা তাহাদের সংস্রব রাখি না, তাহাদের সহিত আদান-প্রদান নাই। * * *

আর্ষাপূর্বকালে ড্রাবিড় বাঙ্গালীর সভ্যতা কোথায় কোথায় পৌঁছিয়াছিল তাহার লুপ্ত ইতিহাসের উদ্ঘাটনের জন্ত "বৃহত্তর ভারত"-পরিষদের স্তায় "বৃহত্তর বাঙ্গলা শাখার" একটি নূতন প্রাধিকার গঠন করা আবশ্যিক। তাহার সদস্তগণ আর সকল কাজ রাখিয়া আর্ষাপূর্ব বাঙ্গালী বা বঙ্গের আদিম অধিবাসীদের ভাষা শিক্ষা করিবেন, তাহাদের সহিত সাক্ষাৎভাবে মিশিয়া তাহাদের জীবনযাত্রা, আচার-অনুষ্ঠান, উৎসব-সঙ্গীত, কিংবদন্তী, গান ও গল্পের ভিতর দিয়া তাহাদের বংশচরিত পূর্বকীর্তি, তাহাদের মস্তিষ্ক এবং হৃদয়ের ও কৃতির পরিচয় পাইয়া আর্ষাপূর্ব বৃহত্তর বঙ্গের ইতিহাসের রচনা প্রবৃত্ত হইবেন। এই শাখা বঙ্গ থাকিবে, অল্প শাখা বঙ্গের বাহিরে থাকিয়া আর্ষোত্তর যুগের বৃহত্তর বঙ্গের ইতিহাস সঙ্কলনে ত্রুটি হইবেন। তবেই 'বৃহত্তর বঙ্গের' ইতিহাস সম্পূর্ণ

হইবে। * ভারতের আদিম অনাধাদের সহিত প্রথমাগত আধাদের সঙ্ঘর্ষসম্মিলন আদান প্রদান জাতীয় একীভবন ও বর্জন যে ভাবে সঙ্ঘটিত হইয়াছিল, তাহাদের অনন্তর বংশ বঙ্গে পদার্পণ করিলে তাহারই পুনরাব্রূতি হইয়াছিল এরূপ অনুমান অসঙ্গত নহে যদিও তাহার ঐতিহাসিক নজির এখনও পাওয়া যায় নাই। বঙ্গের প্রাচীন সাময়িক ইতিহাস কালের গর্ভে বিলীন হইয়া থাকিবে, সময় সময় নানা স্থানের "কন্দনাশার" জলে ধুইয়া মুছিয়া গিয়া থাকিবে, ধর্ম্মাধিকার ও বর্করতার অত্যাচারে বিনষ্ট হইয়া থাকিবে কিন্তু সকলের হাত এড়াইয়া এবং স্মৃতিকার গর্ভে আত্মগোপন করিয়া এখনও যাহা বাঁচিয়া আছে, তাহার মধ্য হইতে যে সকল তথ্য ও তারিখ প্রত্নতাত্ত্বিকের ধনিত্র আঘাত পাইয়া মাঝে মাঝে আত্মপ্রকাশ করিতেছে, তৎসমুদয় বৌদ্ধ মধ্য-এশিয়ার গুপ্ত গ্রন্থাগারের মত মহেঞ্জোদারোর ইতিহাস পূর্ব যুগের ঐতিহাসিক ধনাগার আবিষ্কারের মত—পূর্ব প্রচারিত বহু ঐতিহাসিক গৃহীত-সিদ্ধান্ত ও সীকৃত-তারিখ উন্টাইয়া দিতেছে। মহেঞ্জোদারোর আবিষ্কর্তা স্বয়ং আজ আপনাদের ইতিহাস-শাখার সভাপতির আসন অলঙ্কৃত করিয়াছেন। তিনি ইহার বহু প্রমাণ দিতে পারিবেন। প্রত্নতত্ত্বের ক্ষেত্রে কন্দাদের প্রচেষ্টা সজীববদ্ধভাবে সবে মাত্র আরম্ভ হইয়াছে এবং প্রাচীন ভারতের বৈদেশিক ইতিহাস-লেখকদের সত্য-মিথ্যা-মিশ্রিত কল্পনামূলক সিদ্ধান্তের গলদ সবে মাত্র ধরা পড়িতেছে। এখন তথ্য ও তারিখ সম্বন্ধে চরম সিদ্ধান্তে উপনীত হইবার সুযোগ এবং "বৃহত্তর ভারতের" বিক্ষিপ্ত প্রমাণ সংগ্রহ বাস্তব এখনও তাহার প্রাচীন ইতিহাস লিখিবার সময় আসে নাই। "বৃহত্তর ভারত" সম্বন্ধেও যে কথা, "বৃহত্তর বঙ্গ" সম্বন্ধেও সেই কথা। "বৃহত্তর বঙ্গ" "বৃহত্তর ভারতেরই" এক প্রধান অঙ্গ। * * * প্রাচীন "বৃহত্তর বঙ্গ" যে যুগে গড়িয়া উঠিয়াছিল, সে যুগে যদি কোন বাঙ্গালী ভূপ্রদক্ষিণ করিয়া আসিয়া তাহার ভ্রমণবৃত্তান্ত লিখিতেন, তাহা হইলে তিনি সার চাল নু ডিক্কির মত বুক দশহাত করিয়া বলিতে পারিতেন, "আমি পৃথিবীর সর্বত্রই বঙ্গের অনুসরণ করিয়াছি। কোথাও বাঙ্গালী উপনিবেশ, কোথাও তাহাদের বণিকবাস, ধর্ম্মসঙ্গ, আবার কোন দেশ বাঙ্গালীর দ্বারা শাসিত দেখিয়াছি। এমন এমন দেশ দেখিয়াছি, যথায় লোক বঙ্গীয় বর্ণমালা ও বাঙ্গালীর প্রচারিত ধর্ম্মগ্রহণ করিয়াছে। বাঙ্গালীর ভাবধারায় ও বঙ্গীয় ছাঁচে গড়িয়া উঠিয়াছে।" তখনকার বঙ্গ অবশ্য বৃহত্তরই ছিল। কোন সময় হইতে যে সে সমুদ্রযাত্রার নিবেদাজ্ঞা পাইয়া মগধসীমা, ব্রহ্মসীমা ও ডুমসীমা এই ত্রিকলিঙ্গ মনো সঙ্কচিত হইয়া পড়িয়াছিল, তাহার তারিখ ও হিসাব দিবার মত প্রমাণ নাই। * * *

বৃহত্তর বঙ্গের ইতিহাস লিখিতে হইলে বাঙ্গালীর গোড়ার কথা একটু ভাবিতে হইবে। আর্ষাপূর্বদের বাদ দিলে চলিবে না। আর্ষাপূর্ব

এই আধীভূত হিন্দু-বৌদ্ধ-বাঙ্গালীর কথা সে ইতিহাসের প্রথম ভাগ হইবে। হিন্দু, মুসলমান, অশ্ব অহিন্দুও খৃষ্টান বাঙ্গালীর কথা এখন তাহার দ্বিতীয় ভাগ। সাড়ে তিন হাজার বৎসর পূর্বের সমাধি-মন্দির হইতে ("from tombs dating from the time of the 18th dynasty which ended in 1462 B. C.") মিশরায় "মসি"গুলি ভারতীয় মন্দিরে আনত পাওয়া গিয়াছে। মন্দির ভারতের কোন্ প্রান্তের স্তম্ভ-বাস, উহা রোম-মিশরে, কম-রাশিয়ায় কাহারো লইয়া যাইত, তাহা আর যাহাদের হউক "Hand book of Indian Products"-প্রণেতা T. N. Mukherjee-র মতের লোককে বলিয়া দিতে হইবে না। সাড়ে তিন হাজার বৎসর পূর্বের বৈদিক আখ্য বাদ ব্রহ্মাবর্ত হইতে বাঙ্গলার মাটিতে নামিয়া আসিয়া না থাকেন, তাহা হইলে উহা দ্রাবিড় বঙ্গের কথা।

দ্রাবিড়দের মধ্যে বেদের ব্রাহ্মণ তখন কোথায় ছিলেন? আধুনিক হিন্দু-বঙ্গ দ্রাবিড় ব্রাহ্মণ দাক্ষিণাত্য বৈদিক ক্রমে সম্ভব হইল? উহা কি বৈদিক সভ্যতার অগস্ত্যাত্মার ফল নহে? যুরোপের নবীন আলোকে নবজাগরণের পূর্বে কলম্বু পশ্চিম সাগর-পারে আমেরিকা আবিষ্কারের ও পূর্বে সাগরপারে ভান্সো-দা-গামার ভারত আবিষ্কারের পূর্বে বৎসর পূর্বে বৃহত্তর ভারতে হিন্দু-রাজত্বের শেষ আলোটুকু নিবিয়া গিয়াছিল। তখন সমস্ত এশিয়ায়, সমস্ত ওশেনিয়ায় ভারতীয় সভ্যতার আলোক দান করিয়া উত্তর ভারত ঘরবাসী হইয়াছে। তখনও বাঙ্গালী বণিক এশিয়া যুরোপের মূদুর-পথে বাণিজ্য করিয়া ফিরিতেছে। ভারতে, বিশেষতঃ বঙ্গ মুসলমান তখন কোথায়? তারপর প্রায় তিন হাজার বৎসর চলিয়া গেল, অর্থাৎ ভারত মুসলমান-প্রাধান্যে প্রাবৃত হইল। তখন বঙ্গ স্বর্ণযুগের অবসান হইয়া আসিয়াছে। পাল রাজ্য কোথায় গিয়াছে; সেন রাজ্য অশীতিপর বৃদ্ধের সঙ্গে সঙ্গে জীবন-দীপ নিবিবার দশায় পৌঁছিয়াছে। সাগর-পথে পা বাড়ান বন্ধ হইয়াছে। বাঙ্গালী এখন গৃহস্থারে অর্গল আঁটিয়া শস্ত-শ্যামলার কুপায় নিশ্চিন্তমনে কুলীন-মৌলিকের খাক বাঁধিতেছে। ব্রিটিশ-সিংহের অল্প-আইনে নিরস্ত্রী-করণের মত এক ধার হইতে শূত্রীকরণ কামা চালাইতেছে, অর্থাৎ পোতা কাড়িয়া যুরোপের 'শান্তি-বৈঠকের' মত উপবীতের বগড়া মিটাইতেছে, আর ছোট বড় ভক্ত ইত্যদের পোকাবাছনি করিতেছে। কেবল বহিষ্কার সঙ্গে বাছাগুলিকে ঘরে তুলিয়া ওঁছাগুলি বাহিরে ফেলিয়া বহিষ্কারে অর্গল আঁটিয়া দিতেছে। উপেক্ষিতেরা তখন ঘরে থাকিয়াও তটস্থ। যার যেন ঘন ঘন আঘাতে শিপিলা হইয়া যাইতেছে, তাহার খবরই নাই। বাহিরে কি হইতেছে না হইতেছে, তাহার খাজ নাই। এমনই সময় বঙ্গের দ্বার ঠেলিয়া ভিতরে প্রবেশ করিল দশম শতাব্দী-শেষের পাঠান। তখন হইতে আজ পর্যন্ত একটি দুইটি শক্তি বিপটি করিয়া বাহির হইতে বঙ্গ আসিল পাঠান ও মোঘল,

আর হাজারে হাজারে শেখ হইল, বঙ্গের সেই ভিতরের বহু উপেক্ষিত আর সেই বাহিরে-ফেলা, সংখ্যায় আরও অনেক ওঁছার দল—যাহাদের পূর্বজরা পূর্বে হইয়াছিল বৌদ্ধ ও পরে হইয়াছিল খৃষ্টান। এইরূপে বঙ্গ হিন্দুর দল কম করিয়া এখন মুসলমানের সংখ্যা হইয়াছে ২,৩৯,৮৯,৭১৯, এবং হিন্দুর সংখ্যা হইয়াছে ২,০০,৭৭,৭৯০। এই হিন্দু-মুসলমান-মিলিত বাঙ্গালীর জীবনে আবার অন্ধকারের যুগ আসিল। আমরা আরও সঙ্কুচিত হইয়া ক্রমে "নিজ বাসভূমে পরবাসী" হইয়া পড়িলাম। আপন হাতে দুই চোখে ঠুলি পরিয়া আমরা কি ছিলাম, আমাদের কি ছিল, তাহা কিছুই দেখিলাম না, ঘরের কথা সব ভুলিয়া পরের কথাই মানিতে লাগিলাম। মেকলে-লীওয়ার্ণরের সবজাগ্রার দল আমাদেরই ঘরের কথা অনেক দিন ধরিয়া শুনাইলেন, অনেক পড়াইলেন, আমরা পাঠ কঠোর করিয়া আবৃত্তিও অনেক করিলাম, বইয়ের তাড়া আর মেডেল পুরস্কারও পাইতে লাগিলাম। কিন্তু গালি থাইয়া তাহার প্রতিবাদের কিছু না পাইয়া অন্ধকারে হাতড়াইয়া বেড়াইতে লাগিলাম। বাঙ্গালী সমাজের পক্ষে এবার আরও কঠিন পরীক্ষা আসিল। এখন খৃষ্টানের সংখ্যা আশ্চর্য করবার পালা পড়িল। কক্ষ বন্দোবস্ত মত কত অমূল্য রত্ন হারাইতে হইল। এ অবস্থা কতদিন যাইত, তাহারই পরিণতিই বা কি হইত ভাবা যায় না, কিন্তু হুকাল আবার আসিল। আচ্ছন্ন ভারতের যোর কাটিবার দিন দেখা দিল। সে দিনের প্রথম প্রভাত হইল বঙ্গ। রাধানগরের শ্মশি রামমোহন ভূমিষ্ঠ হইলেন। তাহারই জ্ঞান ভারতকে এবার প্রথম প্রবুদ্ধ করিল। তাহার প্রবৃত্তিত ব্রাহ্মসমাজের প্রথম দান—সেই শ্মশির জ্ঞানের আলোক বাঙ্গালাকে জাগাইল, উত্তর-দক্ষিণ ভারতকে আলোকিত করিল, আর সে আলোক আসামের পাক্ষতা প্রদেশে ছড়াইল এবং তাহার চটা সমুদ্রপারে মূদুর পশ্চিমেও বিকীর্ণ হইল। সুপ্তোখিত ভারতের সেই নব-জাগরণ। সাতশো বৎসর এক মাটিতে বাস করিয়া মুসলমান ও পরে খৃষ্টান লইয়া এখন সমগ্র বাঙ্গালীর সংখ্যা দাঁড়াইয়াছে প্রায় সাড়ে চার কোটি। বঙ্গ-ভাঙ্গর পূর্বে বন্দেমাতরমের শ্মশি আমাদের দেখিয়া গিয়াছিলেন "সপ্ত কোটি!" এখন পৃথিবীর প্রতি ছয়জনের মধ্যে এক জন ভারতীয় এবং ভারতের প্রতি সপ্তজনের মধ্যে একজন বাঙ্গালী—তা তিনিই হিন্দুই হউন, আর মুসলমানই হউন, আযাই হউন, আর কোল-দ্রাবিড়ই হউন। এখন "বৃহত্তর বাঙ্গালা" গঠনের গৌরবভাগীদের গর্ভের অধিকারী বাঙ্গলার সকলেই। ভারতের স্তায় বাঙ্গালাও পূর্বে বৃহত্তর হইয়াছিল—দানে। বাঙ্গলার নব-জাগরণের সময় হইতেও সঙ্কুচিত বঙ্গ আবার বৃহত্তর হইতে আরম্ভ করিয়াছে, তাহার দিগ্বিজয় আরম্ভ হইয়াছে দানেরই ভিতর দিয়া।

* * * পূর্বে ও পরে জানে ও ধরে বাঙ্গালী কি কি দান করিয়াছেন, তাহার হিসাব করিতে হইবে এবং এখন যদি তাহার



দানশৌভতা পূর্ন হইয়া থাকে, দানের শক্তি হ্রাস পাইয়া থাকে, তাহার বৃদ্ধি করিবার মত শক্তি লাভের জন্ত সাধনা করিতে হইবে। উত্তর-ভারতে বিহার, আগ্রা, অমোদা, পঞ্জাব প্রভৃতি প্রদেশে বৃহত্তর বঙ্গের স্রষ্টা বাঙ্গালীর বড় বড় দানবীর চলিয়া গিয়াছেন। আমাদেরও মধ্য হইতে একে একে পঞ্জাবে সার প্রতুলচন্দ্র চট্টোপাধ্যায়, জয়পুরের প্রধান অমাত্যদয় বাবু কাশ্বিচন্দ্র মুখোপাধ্যায় ও বাবু সংসারচন্দ্র সেন, এলাহাবাদে বাবু শ্রীশচন্দ্র বসু বিদ্যার্ণব, ডাক্তার সতীশচন্দ্র বন্দ্যোপাধ্যায় প্রমুখ বাঙ্গালীর গৌরব ও গর্ভ করিবার মত অনেকগুলি বঙ্গমাতার হৃদয়ান একে একে প্রস্থান করিলেন। এ বৎসরও আমরা যুক্ত-প্রদেশের রাজধানীতে দুই জনকে হারাইলাম। তাহার বঙ্গের বাহিরে বাঙ্গালী সমাজকে দরিদ্র করিয়া কিন্তু অতুলনীয় কীর্তি রাখিয়া গেলেন এলাহাবাদ হাইকোর্টের আদর্শ এডভোকেট বাবু যোগেন্দ্রনাথ চৌধুরী এবং এলাহাবাদ ইন্ডিয়ান প্রেসের প্রতিষ্ঠাতা স্বয়ং-সিদ্ধ পুরুষ-সিংহ বাবু চিত্তামণি খোসা। ইন্ডিয়ান প্রেসের মত বাঙ্গালী গৃহস্থের এতবড় স্থায়ী দান বর্তমান উত্তর-ভারতে উপস্থিত আর দ্বিতীয় নাই।

ঠিক মনে পড়িতেছে না, কোথায় যেন পড়িয়াছি, বুদ্ধদেব বাঙ্গালী ছিলেন। গ্রন্থকার বুদ্ধদেবের নাম লইয়া রহস্য করিবেন এত বড় অজ্ঞায় কথা বলিতে পারি না, কিন্তু কপিলবস্ত্র বৃহত্তর বঙ্গের সীমান্তস্থ থাকা তখন অসম্ভব ছিল না, এবং মগধ ছিল বঙ্গ-সম্রাজ্যের উত্তর-পশ্চিমাংশ। গঙ্গাসাগরকূলের আশ্রমবাসী কপিলমুনি ছিলেন বাঙ্গালী। শাস্ত্রী মহাশয় সিদ্ধান্ত করিয়াছেন যে, তাহারই মননজাত কপিল দর্শন শাক্যমুনির ধর্মমতের ভিত্তিভূমি। তাহা হইলে, বলিতে হইবে, এই ধর্মের প্রেরণা বাঙ্গালীর অবদান। জগতের সর্বাপেক্ষা অধিক-সংখ্যক নর-নারীর ধর্মের জ্ঞানবস্তুর জন্ম স্থতরাং বঙ্গ, এবং বাঙ্গালারই উত্তর-পশ্চিমাংশে বোধি-ক্রমতলে তাহার দ্বিজ্ঞ-প্রাপ্তি বা পুনর্জন্ম। যদি তাহাই হয়, তাহা হইলে বাঙ্গালার মত এত বড় দান জগৎকে আর কেহ করে নাই। বৃহত্তর বঙ্গ বৌদ্ধ প্রচারক ও উপনিবেশিকদের মধ্যে বাঙ্গালীর সংখ্যাই বেশী ছিল, তাহার কারণ, উত্তর ও দক্ষিণ ভারত হইতে বৌদ্ধধর্ম বিলুপ্ত হইলে, বঙ্গই তাহার একমাত্র আশ্রয়স্থল ছিল। বঙ্গ বৈদিক ও হিন্দুধর্ম উত্তর-ভারতের মত সাফলা লাভ করে নাই, বরং বৌদ্ধ-বঙ্গের অনেক দান আশ্রয় করিয়া সমগ্র হিন্দু-ভারত হইতে স্বীয় বৈশিষ্ট্য বজায় রাখিয়াছে। বৌদ্ধ ধর্ম বাঙ্গালীর জীবনে এমন ওতপ্রোত-ভাবে অনুষ্মাত হইয়া গিয়াছিল, যে, তাহা ধর্ম ঠাকুরের পূজায় বাঙ্গলাময় এখনও বিদ্যমান আছে, এবং শাস্ত্রী মহাশয় ভুল ভাঙ্গিয়া দিবার পূর্ব পর্যন্ত, হিন্দু-পূজা বলিয়াই শিক্ষিত-সমাজেও স্বীকৃত হইয়া আসিয়াছে। অনেক বৌদ্ধ মূর্তি হিন্দুর মনগড়া দেবদেবীরূপে পূজা পাইতেছে, অনেক বৌদ্ধাচার হিন্দু আচারকে নিয়মিত করিয়াছে, এমন কি, এই ধর্ম ঘোর তামসিক প্রতীচাখেও মিশরীয় গ্রীক ধেরোপন্থী “খেরাপিউটস্” ও

পালেস্তাইনের ইব্রায় বৌদ্ধ এন্সেনারীদের প্রভাব-মণ্ডলে বুদ্ধিত-স্রষ্টার খৃষ্ট-প্রবর্তিত অহিংসার ধর্ম এবং অধৈতবাদী বৈদ্যাস্তিক ভারতের শাক্য বঙ্গ নদীয়ার নিমাই-প্রবর্তিত জাতি-ভেদহীন সর্বজীবে দয়ার ও দয়্যে প্রেম বিলাইবার ধর্ম তাহা পুনর্জন্ম লাভ করিয়াছিল। এহা শ্রীচৈতন্যদেব-প্রবর্তিত বৈকব ধর্ম। বাঙ্গালীর আর একটি অতুলনীয় মহাদান।

বৌদ্ধ বাঙ্গালারাই প্রধানতঃ ব্রহ্মের খাটন নহর (সঙ্কম্ব নগর) স্থাপন করিয়াছিলেন। বাঙ্গালী যবদ্বীপে প্রাধান্য ও বরবুহুরের শিলাসম্মার রামচরিত, কৃষ্ণচরিত ও বুদ্ধচরিতের প্রচারে কলিঙ্গ ও গুজরাটের মাইও বঙ্গের কৃতিত্ব-নিদর্শন রাখিয়া গিয়াছেন। চীন-সাগরের উপকূলে বাঙ্গালীর বাণিজ্য জাহাজের যাতায়াত ছিল। পূর্ব-বঙ্গের লোক স্থলপথে ব্রহ্ম, এবং পশ্চিম-বঙ্গের লোক জলপথে যবদ্বীপে বৌদ্ধ মহাযান ধর্ম প্রচার করিয়াছিলেন। বাঙ্গালী জাপানেও ধর্ম ও বঙ্গালিপি প্রচার করিয়াছিলেন। ‘হরিউজী’র বৌদ্ধমতে বাঙ্গালী অক্ষরে লিপিত বহু গ্রন্থের এখনও পূজা হইয়া থাকে। তথায় “কংকোকাই” বঙ্গের আসন-পদ্মের এক একটি পাপড়িতে “কং” এই বীজমন্ত্র বঙ্গাক্ষরে লিপিত আছে। স্বামী বিবেকানন্দ জাপানের একমন্দিরের শৌনফলকে “ওম্ নমঃ” বঙ্গাক্ষরে খোদিত দেখিয়াছিলেন। ক্রমে ইন্দোচীন ইন্দোনেশিয়া ও পলিনেশিয়ার দ্বীপপুঞ্জের কোন না কোন স্থানে একসময়ে বঙ্গালিপি প্রচারের আভাস পাওয়া যাইতেছে, ও যব দ্বীপের ‘কবিভাষায়’ বাঙ্গলা শব্দ বিকৃত আকারে পাওয়া যাইতেছে। “Greater Britain”-এর প্রভাবজাত চীনের “Pidgin English” জাপানের “Pie English” এবং বাঙ্গালার ‘রাবা বাঙ্গারী’ বা ‘চুনাগলির’ ইংরেজীর স্থায় যবদ্বীপের কবিভাষায় বাঙ্গলা শব্দের ছিটা এবং উচ্চারণবিকারে প্রচ্ছন্ন অনেক বাঙ্গলা শব্দের অস্তিত্ব, যাহা ক্রমেই প্রত্নতাত্ত্বিক ও ভাষাতাত্ত্বিক পাণ্ডিতদের লেখনীমুখে বিচার-সিদ্ধ হইতেছে, তাহা বৃহত্তর বাঙ্গারই দান, এবং বাঙ্গালীপ্রভাবের ফল বাতীত আর কিছুই নহে। চীনের হোনানে, তিব্বতের পূর্ব ও ব্রহ্মের-উত্তর সীমার অনতিদূরে বাঙ্গালীর উপনিবেশ ছিল। ভারতে বৌদ্ধশক্তি লোপ পাইবার পর তখনই তথাকার উপনিবেশিক বাঙ্গালীরা স্বাভাবিক রূপে না পারিয়া তাহাদের হৃদয়-মনের সমস্ত সম্পদ দান করিয়া চীনসমাজে বিলীন হইয়াছেন। অনুসন্ধানে এখনো তাহাদের পৌঞ্জ পাওয়া যাইতে পারে। মিশরের উপকূলে বাঙ্গালী-মুসলমানের বাণিজ্য-জাহাজের মাতামাণ্ড মোগলযুগের ইতিহাসের কথা তৎপূর্বে পাঠান আমলে বাঙ্গালী মুসলমান বণিক সেখ ভিক্টর পায়স্ত সাগরের ভিতর দিয়া রাশিয়ার বাণিজ্য করিতে যাওয়ার কথা ঐতিহাসিক হাণ্টার সাহেব লিখিয়া গিয়াছেন। বেশী পুরাতনের কথা বাক। বাঙ্গালীর সে যুগের দানের তালিকা গুনাইবার স্থান ও সময় নাই। সার টমাস রো সপ্তদশ শতাব্দী

প্রায়শ্চন্দ্র দিল্লী দরবারে বাঙ্গলার পরিচয় পাইয়া স্যায় জার্মানে
লাগিয়াছিলেন এবং হুয়াটের কুঠিতে লিখিয়া পাঠাইয়াছিলেন, বাঙ্গলাই
এখনকে চাউল, গম যোগাইয়া আহার দেয়। সমগ্র ভারতে চিনি
যোগায়, সেখানে অতি সুন্দর কাপড় হয় * * আর পেণ্ডুর
মলাবান্ পণ্য সংগ্রহ করিয়া এদিকে চালান দেয়।” ভাত কাপড়ের

এখন আর উঠিতে পারে না। কিন্তু এখনকার ভারত বাঙ্গালার
কি পাইয়াছে, তাহা দুই একটি মাত্র দৃষ্টান্ত দিয়া তাহার আভাস
দিত। উত্তর ভারতে আধুনিক বাঙ্গালী শিক্ষা দিয়াছে, এখনও দিতেছে।
নিজের কথা ‘পাঁচ কাহন’ না করিয়া অশ্চর্য কথায় বলি। যুক্ত
প্রদেশের শিক্ষাবিভাগের ডিরেক্টর মেকেঞ্জী সাহেব সেদিন প্রকাণ্ড
সভায় বলিয়া গেলেন—“আমি দেখিয়া বিস্মিত হইলাম যে, শিক্ষা
বিভাগের এমন কোনও দিক নাই, শিক্ষাদানের এমন কোনও প্রতিষ্ঠান
নাই যেখানে বাঙ্গালী সম্প্রদায় চিরন্তন কীর্তি-চিহ্ন অঙ্কিত করিয়া রাখেন

আমার শিক্ষাবিভাগ এই বাঙ্গালীদের নিকট চিরকৃতজ্ঞ
পারিবে। * * * সমস্ত যুক্তপ্রদেশের মধ্যে বাঙ্গালী সম্প্রদায়ের
মত আর একটি সম্প্রদায় নাই যাহা এখানে শিক্ষাবিস্তারের জন্য এইরূপ
যোগ্যতা ও উৎসাহে কাজ করিতে সক্ষম হইবে। আমি নিশ্চয় করিয়া
বলিতে পারি, জীবনের এমন একটি বিভাগ নাই যেখানে বাঙ্গালীরা
সকলের অশেষ প্রশংসাজনন না হইয়াছে। * * অতীতের
বাঙ্গালীরা এই প্রদেশে যে কাজ করিয়াছেন, তাহাতে যে কোন
সম্প্রদায় স্থায়তঃ গর্ব অমুভব করিতে পারে।”

কাশ্মীরে নীলাধর মুখোপাধ্যায় জয়পুরে হরিশোহন সেন, লক্ষ্মীপুরে
দক্ষিণারঞ্জন মুখোপাধ্যায়, কোচিন ও মৈসুরে এলবিয়ন্ বানাজ্জী,
কানপুরে চক্রবর্তী, বরোদায় অরবিন্দ, রমেশচন্দ্র, এবং অল্প বহু দেশীয়
রাজ্যের রাষ্ট্রনায়ক এবং কোন কোন রাজ্যের একাধিক বাঙ্গালী মন্ত্রী ও
শিক্ষক কি কি দান করিয়াছেন, তাহার ইতিহাস আছে। উল্লেখ
যাওয়া উচিত। ধর্মদানে চৈতন্যদেব, জয়দেব হইতে বৃন্দাবনের গোস্বামিগণ,
কেশবচন্দ্র সেন, শিবনাথ শাস্ত্রী প্রমুখ ব্রাহ্ম নেতৃগণ, জ্ঞানদানে কাশী
পত্নীতির বাঙ্গালী পণ্ডিতগণ, রাজনীতি শিক্ষায় এবং ভারতবাসীর
সম্পূর্ণ রাষ্ট্রীয় অধিকারে রাজা প্রজার সম্বন্ধজ্ঞান ও আত্মবোধ জাগাইতে
রবীন্দ্রনাথ বন্দ্যোপাধ্যায় এবং দেশবন্ধু দাশ-প্রমুখ নেতৃগণ, রামকৃষ্ণ
মিশন, আধুনিক বহু ধর্মসঙ্ঘ, নানা সেবা সঙ্ঘ, নবাবঙ্গীয় কলাশিক্ষাগণ,
কলাহাবাদের ইণ্ডিয়ান প্রেস, সারেন্টিক্যাল ইনস্ট্রুমেন্ট কোম্পানী,
পাণিনি অফিস, বাঙ্গালীদের নানাস্থানের স্কুল, কলেজ, পুস্তকালয়
পত্নীতির স্থায় অসংখ্য প্রতিষ্ঠান এবং সকল প্রদেশের বিশিষ্ট ব্যক্তিগণ
স্বায় জীবনের আদর্শ এবং ব্যক্তিগত চরিত্রের বঙ্গ, জনহিতকর কার্য
দ্বারা জাতীয় গৌরব-থাপক কীর্তি রাখিয়া অ-বাঙ্গালী জনসাধারণকে
বাঙ্গালীর কৃষ্টির অমুকুলে আনিয়াছিলেন। তাঁহাদের দান পুঞ্জীভূত

হইয়া উত্তরভারতের মনোজগতে বৃহত্তর বঙ্গের সৃষ্টি করিয়াছে।
দানের ভিতর দিয়াই পাশ্চাত্য জগতেও সৃষ্টির দিগ্বিজয় আরম্ভ হইয়াছে
তাহার ইতিহাসও বিস্তৃত। কয়েকটি দৃষ্টান্ত মাত্র দিব। জর্জনকুমারী
মিন্‌মারা হিম্মার স্রীমতা বহু হইয়াছেন তাহা লক্ষ্য করিবার ভিত্ত
বড় নিয়ম নাই, কিন্তু এই বিদুষী ভারতীয় সভ্যতা আত্মপ্রকাশ করিয়া ও তাহার
কৃষ্টির প্রতি অমুরাগবশে বঙ্গ-বধু হইবার পূর্বে যে তিনি ভারতীয়
হইয়া গিয়াছিলেন এই স্বীকৃতিই মূল্যবান। শ্রদ্ধেয়া ভগিনী নিবেদিতা,
ভক্তিমতী গোরদাসী, সনামপ্রসিদ্ধা স্রীমতা বৈশাখ্য, স্বামী বিবেকানন্দের
যুরোপীয় শিষ্যদের কথা স্মরণ করুন। ব্রেজিলের মহিলা কবি
Cecilia Meirelles-এর সমালোচক-মহল তাঁহার সাফল্যের হেতু
নির্দেশ করিয়া বলেন, তাঁহার আলোকসামাগ্র্য দৃষ্টি দান করিয়াছে
ভারতের জ্ঞান, ভারতের দর্শন। পাশ্চাত্য সংস্কার ও পরিবেশ-প্রভাবে
ব্যক্তিরা এই ব্রেজিলবালার প্রাণ ভারতের জন্ত কাঁদে। তিনি পূর্ব-
জন্মে বিধাসবতী হইয়া মনে করেন, ভারত ছিল তাঁহার পূর্ব-জন্মস্থান,
ভারতীয় নরনারী তাঁহার ভাইবোন। তাঁহার অবায়নের বিশেষ বিষয়
“রবীন্দ্রনাথ ঠাকুর”। এই স্ত্রীকবি কাব্যরচনাকালে কালিদাস-মধু-
সূদনের মত দেবী স্মরণে চরণবন্দনা করেন। তিনি বলিয়াছেন যে,
তিনি ভারতকে জানিয়াছেন, ভারতের বাণী পাইয়াছেন রবীন্দ্রনাথের
কাছে। আর তাঁহার জন্মভূমিতে না আসিয়া, তাঁহার দেশের ভাষা
না জানিয়া, সাহিত্যের স্বাদ না পাইয়াও কেবল ফরাসী অনুবাদে
ভিতর দিয়া ভারতীয় ভাব এমন ভাবে আত্মপ্রকাশ করিয়াছেন যে, তিনি
মুক্তকণ্ঠে বলিতে পারিয়াছেন—“I am made out of the soil,
sun and word of India.” অধ্যাপক বিনয়কুমার সরকার
মহাশয়ের অভিজ্ঞতা আপনারা তাঁহার “বর্ধমান জগৎ” গ্রন্থের ভিতর
দিয়া পাইয়াছেন। তিনি জনৈক প্রসিদ্ধ রূপ ঔপন্যাসিক ও শক্তিশালী
সাহিত্যিকের সহিত দেখা করিতে গিয়া তাঁহার গৃহে বিদ্বৎকবির
উৎসর্জ্যে প্রকাশিত সকল গুরুত্ব সংগৃহীত দেখিয়াছিলেন। “এই
ভ্রমলোক তাঁহার গৃহাগতকে পরম উন্নত ও একটু গর্বের সহিতই
বলিয়াছিলেন—“আমি রবীন্দ্রনাথকে রাশ্যের জনসাধারণের নিকট
প্রথম প্রচার করিয়াছি।” তখন “গীতাঞ্জলি” রব অনুবাদের তিন
সংস্করণ হইয়া গিয়াছিল। আয়ারল্যান্ডের ভাবুক কবি জর্জ রাসেল
তাঁহাকে বলিয়াছিলেন—“হিন্দুদের গভীর দর্শনতত্ত্ব ও অধ্যাত্মবাদ
পাশ্চাত্যেরা বুঝিতে পারিতেন না। রবীন্দ্রনাথ সরস কানো যাহা
প্রচার করিয়াছেন, তাহা নবা যুরোপের সহজে বোধগম্য। এইজন্যই
পাশ্চাত্য-মহলে একটা আলোড়ন হইতে পারিয়াছে।”

* * * প্রাচ্যপণ্ডে যে দেশে সৃষ্টির প্রথম উদয় হয়, তথায়
আর সে বোদ্ধয়ুগ নাই। শিক্ষা দীক্ষা আশা-আকাঙ্ক্ষার আয়তন
পরিবর্তন হইয়াছে, পুরাতনের সংস্কার বিদায় লইয়াছে। আজকাল



ভারতবাসী প্রধান শিক্ষার জগু ধাবিত হইতেছে। এমন দিনেও সেই হৃদয় প্রাচ্যে রবীন্দ্রনাথের পদার্পণ নবযুগের সূচনা করিয়াছে। তথায় তাঁহার নামে সমিতি হইতেছে। টোকিওর “Young East” পত্রিকায় কাউন্টেন্স্ মেটাল্লা লিখিতেছেন--“The man has come whom we can take for our model—Tagore, the great master of the East and today the greatest poet of the world.” এই প্রাচ্য বিদ্বয়ী জনৈক পাশ্চাত্য পণ্ডিতের মুখের কথা উদ্ধৃত করিয়া লিখিতেছেন - “In future they will speak of Tagore as of Homer and study Bengali as we study Greek to read him in the original.”

যুরোপ আমেরিকার শ্রেষ্ঠ মনীষীদের চিত্ত-পটে যে সকল সত্য প্রতিভাত হয় নাই, প্রকৃতি-রাজ্যের দুর্ভাগমা স্থান-নিহিত যে সকল তথ্য এখনো জগদ্বাসীর জ্ঞানগোচর হয় নাই, বঙ্গের ঋষি জগদীশচন্দ্রের মনীষায় আজ তাহা হইয়াছে। আজ তিনি বিশ্ব-পণ্ডিতদের নিকট “Revealer of a new world.” তাঁহার বলিতেছেন--“In Sir Jagadish the culture of thirty centuries has blossomed into a scientific brain of an order which we cannot duplicate in the West.” তাঁহার স্বীকার করিতেছেন, “Here Europe bows down to India.”

আমেরিকার রাজধানীতে “International School of Vedic and Allied Research” বিদ্যালয় স্থাপিত হইয়াছে। এই আন্তর্জাতিক বিদ্যালয়ের উদ্দেশ্য প্রাচ্য ভাষা ও সাহিত্য দর্শনাদির ভিতর দিয়া হিন্দু সভ্যতার পরিচয় গ্রহণ ও তদ্বিষয়ে শিক্ষা দান করা। এই কামো যোগ দিয়াছেন পশ্চিমের সেরা সেরা পণ্ডিত। কিন্তু তাহার প্রবর্তক, প্রধান উদ্যোগী এবং এই বিদ্যালয়তনের কর্ণধার (Director) হইয়াছেন বীরভূমের অস্তুতম রত্ন পণ্ডিত জগদীশচন্দ্র চট্টোপাধ্যায়, বিদ্যা-বারিধি।

নরওয়েবাসী বাঙ্গালী সন্ন্যাসী শ্রীদামী আনন্দ আচাধ্য বহুবন বারিয়া ঋগ্বেদেভিয়ার এবং সমগ্র পাশ্চাত্য জগতে তাঁহার যোগ্যমনে সেই শীতের দেশে নগ্ন দেহে বসিয়া ইংরেজী, নর্স ও সুইডিশ ভাষায় বহু গুণ লিখিয়া ভারতের অধ্যাত্তত্ব, ভারতের দর্শন, ভারতীয় জ্ঞানের প্রচার করিতেছেন। আমেরিকায় স্বামী যোগানন্দ “যোগদা” বিজ্ঞাপীত করিয়া শত শত নরনারীকে ভারতীয় ভাবে গড়িয়া তুলিতেছেন। স্বামী প্রেমানন্দ, বাবা ভারতী প্রমুখ অনেকেই এখনও প্রাচ্য জ্ঞানের আলোক পশ্চিমকে দান করিতেছেন।

তরুণ বঙ্গও পূর্বজদিগের সৃষ্ট “বৃহত্তর বঙ্গ”কে স্থায়ী করিবার পথে অগ্রসর হইতেছেন। তাঁহার জ্ঞানার্জন ও কর্মসাধনের প্রতিযোগিতায় দিগ্বিদিকে ধাবিত হইতেছেন এবং কোথায় না বিজয়ী হইয়া বঙ্গজননায় মুখ উজ্জ্বল করিতেছেন? রেল মোটরে, পা-গাড়ীতে পদব্রজে ভারত-দলে পৃথিবী-পথাটনে সমুদ্র-পথে আবার বাঙ্গালী বাহির হইয়া পড়িতেছেন। ক্রিকেট মাঠে, সস্তুরণ-প্রতিযোগিতায়, শারীরিক শক্তি পরীক্ষায়, কান-বিজ্ঞানের প্রতিযোগিতায়, দেশের কাজে, সেবা-ব্রতে, সমাজ-সংস্কারে, পল্লী-গঠনে, স্বজাতির মান রাখিতে, এমন কি পরের জগু আপন জীবন বলি দিতে অস্বস্ত হইতেছেন। যে ফরাসী-ক্ষেত্রে বিপ্লবের সময় বাঙ্গালী যুবক নেপোলিয়নের সহযোগে একদিন অস্ত্রত অনলক্রীড়া করিয়াছিলেন, সেই দেশের সমর-ক্ষেত্রে গত মহাযুদ্ধের সময় জর্মন গোলার বরণ-বরণ সহ্য করিতে না পারিয়া ফরাসী সামরিক দল যখন প্রাণভয়ে পানের মধ্যে লুকাইতেছিল, সেই সময় কর্তব্যে অটল থাকিয়া চন্দননগরের যে বীর বাঙ্গালী যুবকগণ জর্মন গোলার প্রত্যাভ্র দিতেছিলেন, তাহাদেরই স্থায় বঙ্গের হৃসস্তানগণ, আকাশ-ঘোঙ্কা বারিশালের রত্ন ইল্লাল রায়ের স্থায় বীরগণ স্ব স্ব কৃতির ফলে বাঙ্গালীর পুরাতনের অমান-কাঁড়ি ধারা অক্ষয় রাখিয়া তাহার হৃদনের যাবতীয় কলঙ্ক মোচন করিবেন। * * *



বনভোজন

শ্রীঅক্ষয়কুমার সরকার

৪

যত রায়ের ভিটে হইতে খানিকটা দূরে বনভোজন হইতেছিল। সেখানে সতীদেহের তীরে কতকটা স্থান চাঁচিয়া ছুঁলিয়া, গোবর জল লেপিয়া শুদ্ধ করা হইয়াছিল। তাহারই উপর বিভিন্ন পংক্তিতে শতাধিক স্ত্রীলোক, বালক বালিকা পরমানন্দে ফলাহার করিতেছে। প্রচলিত প্রথানুসারে ব্রাহ্মণকন্যাগণ তাঁহাদের চিঁড়ে দইএর অংশ অণ্ডাণ্ড জাতের পংক্তিতে বণ্টন করিয়া দিলেন; তাঁহারাও তাঁহাদের ফল মূল সন্দেশ প্রভৃতি ব্রাহ্মণ মহিলাগণকে উপহার দিলেন। যাহারা ছুঁৎমার্গের সংস্কারে অস্পৃশ্য, তাঁহারাও অপর কাহারও মারফৎ আজিকার উৎসবে উচ্চ জাতীয়গণকে উপহার দিবার জন্য কিছু সামগ্রী আনাহইয়া রাখিয়াছিলেন; এখন সে সকল বিতরণ করাইয়া আনন্দ লাভ করিলেন। আত্মীয় বন্ধু, জ্ঞাতি কুটুম্ব, পরিচিত অপরিচিত, সকলের মধো এইরূপ উপহারের আদান প্রদানের পর, শিশুগণের আনন্দকলরব ও অপর সকলের হাশ্বপ্রসন্নতার মধো বনভোজন আরম্ভ হইল। মরা গঙ্গায় বান ডাকার মত আজ ম্যালেরিয়ার ম্রিয়মাণ সূজাপুরে বৎসরান্তে যেন একটা উৎসবের উৎসাহ ও আনন্দের বন্যা দেখা দিয়াছিল। কেবল সমাগত বালক বালিকাগণের কথা নহে, বয়স্কা এবং বর্ষীয়সীগণের মধোও যেন একটা প্রাণস্পর্শের স্মৃতি এবং স্বাস্থ্যশুলভ মুখরতা তাঁহাদের চিরভোগ্য দুঃখ দরিদ্রতা ও অস্বাস্থ্যের মধোও আসিয়া পড়িয়াছিল। আজ এই অবসরের দিনে কৃষক মজুরদিগের গৃহিণী, কন্যা এবং ভদ্র গৃহের মহিলা, বালিকা একত্রে আহার করিতে করিতে বাস্তবিকই অনুভব করিতেছিল যে তাহারা সকলেই যেন একই পরিবারের, একই সংজ্ঞের অন্তর্ভুক্ত!

বনভোজন শেষ হইল। তখনও একটু বেলা ছিল; কিন্তু সন্ধ্যার সময় ফিরিবার নিয়ম। মেয়েরা বয়স এবং প্রবৃত্তির ইঞ্জিতে বিভিন্ন দলে বিভক্ত হইয়া হাতমুখ ধুইবার পর সতীদেহের পাছাড়ের উপর মঞ্জলিস করিয়া বসিলেন। নীলোজ্জ্বল জলরাশি অস্তগমনোন্মুখ রবির রক্তিম কিরণ-সম্পাতে যেখানে শোভায় টল টল করিতেছিল, তাহার সন্নিকটে বসিয়া বিভার শশুরালয়াগত সখী স্মৃতাধিণী তাহাকে জিজ্ঞাসা করিল, “সত্যি সই, ওর সঙ্গে তোর বিয়ে?”

“দূর! তোর যেমন আজগুবি কথা?”

“ছি ভাই, আমার কাছে লুকোনো! ঝি মার সঙ্গে যে কায়ত গিন্নী ঐ কথা বলছিলেন।”

বিভা যেন আগ্রহের সঙ্গেই বলিয়া উঠিল, “কখন?” এমন সময়ে অতুলের মা আসিয়া বলিল, “বিভা দিদি, শুন্তে পাচ্ছ না? বামুন মা যে ডাকাডাকি করছেন। বাড়ী ফিরতে হবে না?”

৫

বনভোজনের যাত্রীগুণি চলিয়া গেলে হেমন্ত তাহার ডাইরিতে কি লিখিয়া রাখিতেছিল। এই সময়ে কে একজন “তোমরা সব কোথায় গো” বলিয়া হাঁকিয়া বাড়ির ভিতর ঢুকিয়া, সেখানে পরিচিত কাহাকেও না দেখিয়া হেমন্তকে বলিল, “এরা সব কোথায় গেল? তুমি কে বাপু?”

“এঁরা বনভোজনে গেছেন। আমি—”

বাস্তবসমস্ত আগন্তুক বলিয়া উঠিল, “আমি দাঁড়াতে পারছি না তোমাকেই ব'লে যাই, বিভার বিয়ের সম্বন্ধ, ম্যানেজার বাবু নিজেই দেখতে এসেছেন। এরা এলেই তাঁকে কাছারি থেকে নিয়ে আসছি।”

অল্পক্ষণ পরেই গোধূলির সঙ্গে মাদ্রলিক শঙ্করনিত্তে বনভোজনের যাত্রীগুণির প্রত্যাবর্তন সূচিত হইল। বিভাকে একা পৌঁছিতে দেখিয়া হেমন্ত জিজ্ঞাসা করিল, “ঝি মা?”



একটু হাসিয়া সে উত্তর করিল, “বাইরে দাঁড়িয়ে
আছেন। আগে আমি আলোটা জালব, তারপর তিনি
মস্তুর ব'লে ঘরে ঢুকবেন।”

“কি মস্তুর?”

“বনভোজনের মস্তুর। আপনি জানেন না?”

“না। কি?”—

বিভা মুখটি একটু নীচু করিয়া আপনার মনে একটু
হাসিয়া বলিল, “কি মা এলে শুন্তে পাবেন।”

ঘরের ভিতর প্রদীপটি জালিয়া, দ্বারে একটা কুল কাঁটা
রাখিয়া বিভা শাঁখ বাজাইল। তাহার কি মা দ্বারের নীচে
আসিয়া জিজ্ঞাসা করিলেন, “ঘরে কেন আলো?”

হেমস্তুকুমার সম্মুখে থাকায় প্রশ্নের উত্তর দিতে
বিভার যেন কেমন বাধ বাধ ঠেকিতেছিল। সে কোন
রকমে বলিল, “গিঞ্জি গেছেন বনভোজনে, সবাই আছেন
ভালো।”

“দুয়ারে কেন কাঁটা?”

আগের চেয়েও মৃদুস্বরে উত্তর হইল, “গিঞ্জি গেছেন
বনভোজনে, ছেলেরা লোহার ভাঁটা।”

হেমস্তু বিভার দিকে চাহিয়া হাসিয়া বলিল, “এই বুঝি
তোমার মস্তুর!” তাহার পর বামুন-মাকে কোতুকের
সহিত জিজ্ঞাসা করিল, “ছেলেরা কোণায় কি'মা?” তিনি
স্নিগ্ধ স্নেহের হাসি হাসিয়া উত্তর করিলেন, “কেন এই যে
তুমি রয়েছ, বাবা।” হেমস্তুকুমারের ভাগ্যে অনেকদিন
বোধ হয় এমন স্নেহের সন্ধান জোটে নাই। তাই তাহার
স্নেহতৃষ্ণাভূত মন ইহাতে পরিতৃপ্ত হইয়া গেল। হেমস্তু-
কুমারের প্রশ্ন শুনিয়া বিভার উজ্জ্বল দৃষ্টি ঘরের ভিতর
হইতে তাহার মুখের উপর পড়িয়াছিল, এবং ঝিমার
উত্তর শুনিয়া তাহার ঠোঁটের উপর দিয়া একটা হাসির রেখা
উন্মেষমাত্রেই মিলাইয়া গেল।

এই সময়ে বাহির হইতে রামেশ্বর চক্রবর্তী “এরা
ফিরেছে?” বলিয়া উঠানে আসিয়া দাঁড়াইল। বামুন-মা
তাহাকে “এস দাদা” বলিয়া অভ্যর্থনা করিতেই সে বলিল,
“ডিহিতে গিয়ে হঠাৎ শুনলুম সতীশ বাড়ুঘোর স্ত্রীবিয়োগ
হয়েছে। বিভার বিয়ের কথা—”

“বয়স কত?”

“চল্লিশের ভিতর। দেখলেই টের পাবে। বয়স
দেখতে এসেছেন।”

“না ব'লে ক'য়ে—”

“মাসাবধি গৃহশূণ্য। মন বড় ধারাপ হয়েছে। শাঁখ
শুভকার্য্য শেষ করে ফেলতে চান। বিভার রূপগুণের কথা
শুনে শ্লোক আউড়ে ব'লে উঠলেন “চল হে মুখুযো, আজই
একবার তোমাদের গ্রামের পরমামুন্দরীটিকে চাক্ষু
ক'রে আসি—”

“আর পক্ষের ছেলে পিলে আছে?”

“প্রথম পক্ষের দুই মেয়ে, তারা স্বস্তুর বাড়ি। দ্বিতীয়
পক্ষের বড় মেয়েটিরও বিয়ে হ'য়ে গেছে। সেও স্বস্তুর
বাড়িতেই থাকে তবে সম্প্রতি প্রসব হ'তে এসেছে। দুটি
মাত্র ছেলে—”

“আমার বড় ইচ্ছে নয়।”

রামেশ্বর চক্রবর্তী বলিয়া উঠিল, “অবাক করলে যে
ঠাকুর মা। তুমি কী বয়ে বিয়ে দিতে চাও শুনি? বিষয়
আশয়, বাগান বেড়, গরু মরাই, জমি পুকুর, জাজ্জগামান
সংসার। আমাদের ত আর ছাপা নাই, এদিকে যে বিভার
বয়স চারগুণা পেরিয়ে গেছে। বিয়ে হ'লে এতদিন ছেলের
মা—” হেমস্তুকুমারের দৃষ্টি হঠাৎ একবার বিভার লজ্জা ও
স্বর্ণায় বিবর্ণ মুখের উপর পড়িয়াই ক্রোধে তীক্ষ্ণ হইয়া বক্তার
মুখের উপর স্থাপিত হইল। বামুন-মাও তীব্র স্বরে বলিয়া
উঠিলেন, “রামেশ্বর, তোমার অত ব্যাখ্যানে কাজ নাই।”
একটু চুপ করিয়া থাকিয়া হেমস্তুর দিকে চাহিয়া বলিলেন,
“বামুনের ঘরের মূর্খ। মা-সরস্বতীর কাছে দিয়েও
কখনও—”

রামেশ্বরও রাগে জলিয়া উঠিল। কিন্তু আর যাহাই
হউক—জমিদারী সেরেস্তায় বছকাল নকলনবীশি করিয়া
মনের ভাব চাপিয়া রাখা যে কার্য্যোদ্ধারের প্রকৃষ্ট উপায়
তাহা সে ভাল করিয়াই শিখিয়া লইয়াছিল। সুতরাং
অমায়িকভাবে হাসিয়া বলিল, “আমাদেরই ত দায়, এবং
আমাদেরই দেখিয়া শুনিয়া পাত্র আন্তে হবে। তবে
অবশ্য তোমার পছন্দ না হ'লে ত আর হবে না। পাত্র ত

শ্রীঅক্ষয়কুমার সরকার

স্বপ্ন উপস্থিত, একবার বিভাকে দেখুন, তুমিও তাঁকে দেখে—।”

বামুন-মা'র রাগ খড়ের আগুনের মত জ্বলিয়া উঠিয়াই নিঃশব্দে গিয়াছিল, পূর্বাপর বিবেচনা করিয়া তিনি একটা দীর্ঘ নিশ্বাস ফেলিয়া বলিলেন, “আচ্ছা, তাই হবে।” তাঁহার চক্ষুর কোণে হতাশাময় দারিদ্র্যের যে অশ্রু কণা ভাসিয়া উঠিতেছিল, তাহা হয়ত কাহারও লক্ষ্য হইল না, কিন্তু তাঁহার দীর্ঘশ্বাসের কাতরতা বিভা ও হেমন্ত দুইজনেই বেশ বুঝিতে পারিল।

রামেশ্বর বলিল, “তবে নিয়ে আসি

“সতীশবাবু যে স্বয়ং এসেছেন ঠাকুর মা। কাল ভোরেরই তাঁকে যেতে হবে, একটা ঘর-জালানি মোকদ্দমা বুলছে। কাজের লোক, ঠাঁর কি একদণ্ডও বসে থাকবার সময় আছে? আর, শাস্ত্রেও বলে শুভশ্রু শীঘ্রং—”

বুদ্ধা ব্রাহ্মণী অশ্রুমনস্ক হইয়া কি ভাবিতেছিলেন।

রামেশ্বর বলিল, “তবে যাই?”

“আচ্ছা।”

রামেশ্বর দরজার কাছ হইতে কি ভাবিয়া ফিরিয়া আসিয়া বলিল, “একখানা করসা কাপড় পরিয়ে চুলটা একটু বেঁধে ছেঁদে রাখতে হবে ত। হাজার হ'ক, বলেকনে দেখা—” হঠাৎ ঘরের ভিতর বিভার উপর নজর পড়াতে সে বলিয়া উঠিল, “না। কিছুই করতে হবে না। এই যে চুল টুল বেশ বাঁধা আছে!”

যাইতে যাইতে সে স্বগত বলিতে লাগিল, “ছুঁড়ি যেন পরী! একবার এ জিনিস বুড়ো বেটাকে গছাতে পারলে, গোমস্তাগিরি একটা—হে মা কালি, জগত্তারিনি, মনোবাঞ্ছা পূর্ণ করিস্, বেটি!”

বিভা তাহার দিকে হয়ত চাহিয়াই দেখে নাই। আর যখন সে লোকটা তাহার চিবুকে অঙ্গুলি স্পর্শ করিয়া তাহার মুখখানি তুলিয়া ধরিয়া বলিয়াছিল, “একবার এই দিকে চাও ত”, তখন লজ্জা ঘৃণা বা রাগের জন্মই হউক অথবা চিরাত্যস্ত শীলতার সংস্কারের জন্মই হউক সে সেই অসম্ভব প্রৌঢ়টার মুখের উপর এমন করিয়া চাহিতে পারে নাই, যাহাতে তাহার কুৎসিত গঠনের সম্যক ধারণা করিতে পারিত। কিন্তু সেখানকার অপর সকলেরই

মনে হইয়াছিল যে সমস্ত জীবনকালের মধ্যে এমন বীভৎস কদাকার লোক তাহারা কখনও দেখে নাই। বয়স তাহার চল্লিশ কি ষাট, বর্ণ তাহার তামাটে কি শ্রাম, চুল এবং গৌফ তাহার স্বাভাবিক কটা কি কলপ-মাখান, সে সকল সূক্ষ্মভাবে পর্যবেক্ষণ করার কথা কাহারও মনে হয় নাই। দরিদ্র নিঃসহায় প্রজার উপর আজন্ম দয়াবৃত্তি করিয়াই হউক, বা জাল জালিয়াতি মিথ্যা মোকদ্দমা ও মাফী সৃজন করিবার কুপ্রবৃত্তিতে অভ্যস্ততার ফলেই হউক, তাহার মুখের উপর এমন একটা সন্ন্যাসী ছাপ পড়িয়া গিয়াছিল যে তাহার উপর দৃষ্টি পড়িলেই দর্শকের সমস্ত মনটা একমাত্র সেই অঙ্গটার উপরই কেন্দ্রীভূত হইয়া পড়িত। যাহা হউক বাঙ্গালীর অরক্ষণীয় কণ্ঠ্য অভিব্যক্তিগণের অনেক স্থলে পাত্রের গুণের কথা ভাবিয়া দেখিবারই অবসর হয় না, তা আবার রূপের পরীক্ষা। এ ক্ষেত্রে যে সকল প্রতিবেশী আত্মীয়তা করিতে আসিয়াছিলেন তাঁহারা, বিশেষতঃ বাঁহারা সেই খাতনামা ম্যানেজারটির একটু নিকাম তোষামুদ করিতে আসিয়াছিলেন, তাঁহারা একবাক্যে বলিয়া উঠিলেন, “বাবু যদি মেয়েটিকে পছন্দ করিয়া পায়ে স্থান দেন তাহা হইলে ব্রাহ্মণ কণ্ঠ্যর জাতি রক্ষা হয় ও তাহার বুদ্ধা প্রমাতামহী নিশ্চিন্ততার সহিত পরলোকে গমন করিতে পারেন।” এবং এই অনুরোধের উত্তরে যখন বাবুটি পরম উদারতার সহিত অমত নাই জানাইলেন, তখন সমাগত সজ্জনেরা মুস্ককণ্ঠে তাঁহারই মহত্বের প্রশংসা করিতে ভুলিলেন না। কিন্তু বামুন-মা বিভার এই ভাবী বরটিকে দেখিয়া কি মনে করিলেন তাহা তাঁহার মুখের বিবর্ণতার উপর তাহারই লক্ষ্য হইল সেই বুঝিতে পারিল। অতুলের মা মুখ ফুটিয়া বলিয়া উঠিল, “ঘাটের মড়া যে মা!”

“কিন্তু কুলীনের মেয়ে হ'য়ে জন্মালে যে গঙ্গাযাত্রীরও গলায় মালা দিতে হয়, অতুলের মা!” ব্রাহ্মণী হঠাৎ অন্ধকার ঘরটার ভিতরে ঢুকিয়া পড়িলেন। বিভার সেই সুভাষিনীও অন্তরাল হইতে তাহার ভাবী সন্ন্যাসীকে দেখিতেছিল। কিন্তু সেই লোকটার সঙ্গে যে বিভার বিবাহরূপ একটা বিজী ঘটনা ঘটতে পারে, তাহা সে



তেই মনে করিতে পারিতেছিল না। তাই যখন অতুলের মা চুঃখ করিয়া বলিল, “এমন সোণার প্রতিমা! বাদরের গলায় কি না মুক্তার হার!” তখন সুভাষিনী বলিয়া উঠিল, “তুমি ক্ষেপেছ খুড়ি! তা কি কখন হয়, ঐ বুড়ো চোম্বাডের সঙ্গে সইএর বিয়ে! দেখেছ ওর গৌফ গুলো, যেন খ্যাঙুরার কাঠি!”

অতুলের মা বলিল, “তাই বৃষ্টি বা বিভার অদেটে আছে। আজ চার বছর ধরে কত যায়গা থেকে দেখতে আসছে। অমন পরীর মত মেয়ে, কিন্তু তোমাদের কায়েত বামুন জাতের মুখে আগুন! টাকা! আর টাকা! টাকা নিয়ে শয়ে দেবে!”

সুভাষিনী বলিল, “তবে যে শুন্ছিলুম, সইএর সঙ্গে এই কাল যে এসেছে তার সঙ্গে সম্বন্ধ হচ্ছে।”

অতুলের মা বলিল, “বয়সে ছোট হবে না ত? জাত কুল মেলে ত আমি একবার ওই ছেলেটিকে বলি যে মেয়েটাকে বাঁচাও।”

হেমন্ত এই সময়ে ভিতরে আসাতে তাহাদের কথা বন্ধ হইয়া গেল। সে উঠান হইতে ঘরের দিকে চাহিয়া বলিল, “উনি বলছেন ওঁর মত হয়েছে। তা হলে দিন টিন একটা স্থির হ’য়ে গেলেই—”। অন্ধকার ঘরের ভিতর বি-মা বিভাকে সর্ব্বাঙ্গ দিয়া আঁকড়াইয়া বসিয়াছিলেন; যেন কে তাঁহার সর্ব্বস্ব কাড়িয়া লইতে আসিয়াছে। একটু যেন বিকৃত স্বরে তিনি বলিলেন, “ওঁদের বল কথা পরে হবে।”

হেমন্তের সঙ্গে সঙ্গেই রামেশ্বর চক্রবর্তী ও তাঁহার পরে স্বয়ং ভাবী বর মহাশয় বাটির ভিতর ঢুকিয়াছিলেন। রামেশ্বর বলিল, “কথাত পাকাই হয়ে গেল। যখন বাবু কথা দিয়েছেন, তখন এদিকের সূর্য্যি ওদিকে গেলেও তার নড় চড় হবে না। আমাদের বিভা যে এত বড় ভাগিমানি—” যিনি বিভাকে উদ্ধার করিবার আগে যাচাই করিতে আসিয়াছিলেন সেই মাননীয় ব্যক্তিটি বলিয়া উঠিলেন, “আমার খোলাখুলি কথা, কি বল হে রামেশ্বর। বি-মার ত অভিভাবক নেই, আমাদেরই সব ক’রে নিতে হবে ত। তা গহনা দিয়ে

আমি মুড়ে নিয়ে যাব, আর তা তৈরিই আছে। অরক্ষণীয় কণ্ঠা ভাদ্রমাসে বাধবেনা, কাল পুরুত ঠাকুরকে দেখিয়ে দিনস্থির ক’রে ফেলতে হবে আর এই হপ্পার মধ্যেই শুভকার্য—” হেমন্তকুমারের দৃষ্টিটা হঠাৎ মুখো-পাধ্যায়ের মুখের উপর পড়ায় তিনি কি ভাবিয়া কথাটা শেষ করিবার আগেই রামেশ্বরকে জিজ্ঞাসা করিলেন— “এ ছোকরাটি কে হে রামেশ্বর?”

রামেশ্বর বলিল, “বামুন মায়ের শ্বশুর বাড়ীর লোক নিকট আত্মীয়। ছেলেটি বড় ভাল, সচ্চরিত্র।”

সতীশ মুখোপাধ্যায় পরদিনই শুভকার্যের দিনস্থির করিয়া পাত্রীপক্ষকে সংবাদ দিবেন বলিয়া ও নিষ্কিয়ে যাহাতে শুভকার্য সম্পন্ন হয় তাহার সমস্ত বন্দোবস্তের ভার লইবার আশ্বাস দিয়া চলিয়া যাইবার সময় হেমন্তকে আপ্যায়িত করিয়া বলিলেন—“বলি, কিছু কাজ কর্ম কর হে ছোকরা, না বেকার ভবঘুরে?”

হেমন্ত কি রকম একটু হাসিয়া বেকার আছে বলায় সতীশ মুখোপাধ্যায় পরম উদারতার সহিত বলিয়া উঠিলেন, “হাতের লেখা কেমন? হাতটা একটু পাকাও। কুটুম হতে চলল, আমাকেই ত আবার চাকরির জগে ধরবে।”

রামেশ্বর বলিল “তা নয়ত কি। কত লোকের আপনি অন্ন ক’রে দিচ্ছেন।”

বাহিরে যাইতে যাইতে সতীশ মুখোপাধ্যায় বলিল, “ছোঁড়াটার চাউনিটা ভাল নয়। কতদিন এখানে আছে?” রামেশ্বর বলিল, “থাকে না। মাঝে মাঝে যায় আসে।” সতীশ একরকম আপন মনেই বলিয়া উঠিল, “আগুনের কাছে ঘি। চাণক্য পণ্ডিত বলে গেছেন—যাই হ’ক, এখন একবার মস্তুরটা প’ড়ে নিই!”

৭

কয়দিন ধরিয়া আকাশটা মেঘে ভরিয়া আছে; কেহ সূর্য্যদেবের মুখ দেখিতে পার নাই। অবিশ্রান্ত বর্ষণে রাস্তাখাট জলময়, বাড়ির বাহিরে পা বাড়াইবার উপায় নাই। এমনই চর্য্যোগের রাত্রিতে সূজাপুরের বিভাদের সেই গৃহে একটা শোকাস্ত নাটকের অভিনয় প্রায় শেষ হইয়া আসিতেছিল।

সতীশ মুখোপাধ্যায়ের কথার নড়চড় হয় নাই। পর দিনই দিন স্থির করিয়া কিছু মিষ্টান্ন ও একজোড়া সোনার

শ্রীঅক্ষয়কুমার সরকার

বাণী দিয়া সে লোক পাঠাইয়াছিল। বিভার বি-মা সমস্ত রাতি অনিদ্র চিন্তায় কাটাইয়াও তাঁহার কর্তব্য স্থির করিতে পারেন নাই। তাঁহার মনের এই আচ্ছন্ন অবস্থায় যখন রামেশ্বরের সঙ্গে তত্ত্বাচিকা আসিয়া উপস্থিত হইল, তখন তাহাকে ফিরাইতে পারিলেন না। অতুলের মা প্রভৃতি প্রতিবেশিনীগণ আশ্চর্যা হইয়া গেল, বামুন-মা এ করিতেছেন কি? সতীশ মুখুয্যের সঙ্গে বিভার বিবাহের কাপাটা পাকাপাকি স্থির হইয়া গেল বটে, কিন্তু ইহাও স্থির হইল যে, বিবাহ অগ্রহায়ণ মাসের পূর্বে কিছুতেই হইতে পারে না। রামেশ্বর অনেক ফুসলাইল, মুখোপাধায় নিজে দুই তিন দিন আসিয়া অনেক অনুরোধ করিল,—কিন্তু ফল কিছুই হইল না। বামুন মা অটল রহিয়া বলিলেন, “শুভ দিন বাতীত তিনি কতাদান করিতে পারিবেন না।”

সেই শুভদিন আসিবার আগেই কিন্তু বড় একটা তুর্ঘটনা ঘটয়া গেল। কয়দিনের অবিরাম বর্ষণে জমিতে জল জমিয়া গিয়া চাষ আবাদের ক্ষতি হইতেছিল, নবরোপিত ধানগাছগুলি হাজিয়া পচিয়া যাইবার সম্ভাবনা হইয়াছিল, স্তত্রাং যাহাতে বৃষ্টিটা ধরিয়া যায় তাহার জন্ত সকলেই আগ্রহান্বিত হইয়া পড়িয়াছিল। তাহার উপর সেদিন ছিল মালপাড়ার বার্ষিক ঝাঁপান। কত আয়োজন হইয়াছে, বলির পাঠা কেনা হইয়াছে, মাল-গিন্নিদের কস্তা পাড় শাড়ি এবং তাহাদের বধু কতাদের ডুরে কাপড় কেনা হইয়াছে, গ্রামান্তরে হইতে আগত কুটুম্ব বন্ধুতে মালপাড়া ভরিয়া গিয়াছে, কিন্তু বুকি বা সব পণ্ড হইয়া যায়। ঝাঁপানের আগের রাত্রিতে একটি কমিটি বসিয়াছিল। আকাশ ধরিবার কোন লক্ষণ নাই দেখিয়া একরকম হতাশ হইয়া কমিটি স্থির করিতে যাইতেছিল যে শুধু মনসাপূজাটি কোন রকমে পারিয়া ফেলিয়া অপরাপর যে সকল উৎসব আমোদের আয়োজন হইয়াছিল তাহা এবারে বন্ধ রাখা ছাড়া আর উপায়ান্তর নাই। কমিটির এই সিদ্ধান্তে মালপাড়ার ছেলে মেয়েগুলি ত স্বভাবতই নিরানন্দ হইয়া পড়িল, কিন্তু তাহাদের মাতা ভগিনী প্রভৃতি বয়স্ক স্ত্রীলোকেরাও কম মনঃক্লম্ব হইল না। তাহাদের একটা পরমর্শ-সভা বসিল, এবং তাহা হইতে নবীন সর্দারের স্ত্রীর উপর ভার দেওয়া হইল যে, সে যেন

পুরুষদের সম্বাইয়া দেয় যে আদিকাল হইতে যে বার্ষিক পর্ব চলিয়া আসিতেছে তাহার কোন অনুষ্ঠানের ক্রটি করিয়া ছেলেপুলের অনিষ্ট করিবার তাহাদের কোন অধিকারই নাই। আর বৃষ্টি যাহাতে থামিয়া যায় তাহার জন্ত বামুন মার নিকট গিয়া বাটি পোতাইবার ভারও মাল-গিন্নির উপর পড়িয়াছিল। আজ সকালে বামুন-মা বাটি পুঁতিয়া আসিবার সময় পা পিছলাইয়া পড়িয়া যাওয়াতে তাঁহার বাঁ হাতে কজির কাছটা একেবারে ভাঙিয়া যায়।

সমস্তদিন ভাঙ্গা হাতের যত্ননা ভুগিয়া সন্ধ্যার পর হইতে বামুন-মা একরকম মোহগ্রস্ত হইয়া পড়িয়াছিলেন। মাঝে মাঝে জ্ঞান ফিরিয়া আসিতেছিল বটে, কিন্তু অধিকাংশ সময়ই বিকারগ্রস্ত অবস্থায় ভুল বকিতেছিলেন। গ্রামের কৈলাস সর্দার কি একটা লতা বাধিয়া অনেক ভাঙ্গা জোড়া লাগাইয়া দিয়াছে বলিয়া খ্যাতিলাভ করিয়াছিল। এ ক্ষেত্রেও তাহাকে ডাকা হইয়াছিল; কিন্তু তাহার প্রক্রিয়ায় কোন ফল লাভ হয় নাই। বামুন-মার হাড়ের যত্ননা ক্রমশঃ বাড়িতে লাগিল এবং সন্ধ্যার পর তাহা একেবারে অসহনীয় হইয়া উঠিল। গ্রামে বা নিকটস্থ কোন গ্রামান্তরে চিকিৎসা শাস্ত্রে অভিজ্ঞ তেমন কোন ব্যক্তি ছিলেন না। তবে সেইদিন সন্ধ্যার সময় মেডিকেল কলেজের একজন পঞ্চম বর্ষের ছাত্র—বিভার সেইএর বর—সুজাপুরে স্বপুর্নালয়ে আসিয়াছিল। সে ভাঙ্গা হাতটা দেখিয়া বলিল, “এটা একবারে কেটে ফেলতে হবে।” কিন্তু কাটে কে? সুকুমার আবার বলিল, “অনেক দেরি হ’য়ে গেছে, আরও দেরি হ’লে জীবনের কোনই আশা থাকবে না।” অশীতিপর বয়সের হিন্দু বিধবার জীবনের জন্ত যাহার জীবন লইয়া কথা তিনি কখনই বিচলিত হন না, তাঁহার আত্মীয় স্বজনের মধ্যেও হয়ত অনেকে হয় না। সে যাহাই হউক, প্রাচীনার একমাত্র আত্মীয়া বালিকাটি—তাঁহার অতি পুরাতন প্রাণ-পাখীটি যাহাতে সেই যুগ-ধরা দেহ-পিঞ্জরটি ছাড়িয়া চলিয়া না যায়, তাহার জন্ত প্রাণ পর্যাস্ত পাত করিতে উত্তত হইয়া উঠিল। কিন্তু প্রিয়-জনকে ধরিয়া রাখিবার আগ্রহ জগদীশ্বর মানবের অন্তরে প্রচুর পরিমাণে দিলেও তাহাকে ধরিয়া রাখিবার সাধ্য



একবারেই দেন নাই। সুতরাং বিভাগ এই আগ্রহ যে নিষ্ফল হইতে পারে, তাহাতে বিশ্বাসের বিষয় কিছুই ছিল না। তথাপি প্রিয়জনকে বাচাইবার সর্বপ্রকার চেষ্টা করায় যে বর্তমান তৃপ্তি এবং ভবিষ্যৎ প্রবোধ আছে, তাহা লাভ করিবার জন্ত অর্থের অভাব বিভাগকে একান্ত অবসন্ন করিয়া ফেলিতেছিল।

এই বিপদে প্রতিবেশী অনেক ভদ্র এবং সাধারণ লোক সেখানে উপস্থিত ছিল। সেই বনিয়াদী ব্রাহ্মণ পরিবারের অতীতের কীর্তি এবং বামুন-মার স্বকীয় পরোপকারিতা এবং অমায়িকতা তাঁহাকে সে গ্রামে সর্বজনপ্রিয় করিয়া রাখিয়াছিল বলিলে অতুক্তি হয় না। প্রতিবেশীগণের মধ্যে পুরুষ এমন কেহ ছিল না যে কখনও না কখনও বামুন-মার মিষ্ট কথায় আপায়িত না হইয়াছে, এমন জননী কেহ ছিল না যাহার রোগান্ত সন্তান কখনও না কখনও তাঁহার নিপুণ শুশ্রূষায় এবং অব্যর্থ 'জলপড়ায়' উপকৃত না হইয়াছে, এমন প্রসূতি কেহ ছিল না যাহার প্রসববাধা তাঁহার উপস্থিতিতে তাঁহার স্নিগ্ধ প্রবোধে উপশমিত না হইয়াছে। সেই বর্ষীয়সীর কার্গোর এবং কথার ছাপ সেই মৃতপ্রায় পল্লীর অন্তিম জীবনের চিহ্নস্বরূপ অবশিষ্ট লোক কয়টির জীবনের উপর যে কতকাল ধরিয়া পড়িয়া আসিতেছিল, তাহা তাহাদের মধ্যে সর্বাপেক্ষা

বয়োজ্যেষ্ঠ ব্যক্তিটিরও ঠিক করিয়া বলিবার সাধ্য ছিল না। কত দম্পতীর কলহ যে তিনি স্নিগ্ধ হাসিতে উড়াইয়া দিয়াছেন, কত ভ্রাতৃবিরোধ, কত মহাজন-খাতকের স্বার্থ-সংঘর্ষ যে তাঁহার সনির্ভুক্ত অহুরোধে মিটিয়া গিয়াছে, কত সামাজিক কুৎসা যে তাঁহার নিষেধের দৃঢ়তার প্রারম্ভেই পামিয়া গিয়াছে, তাহার সংখ্যা কেহই করিতে পারিত না। সে গ্রামের অনেকের পক্ষে তাহাদের মহাকালের পীঠস্থান ও গ্রামাধিপত্যী মহামায়ার প্রসূর-মৃষ্টির ধ্বংস হওয়া যেমন অশুভকর দুর্ঘটনা, বামুন-মার তিরোধানও প্রায় সেইরূপ। শিশুরা বুকিতে পারিতেছিল না যে তাহাদের উপকথার উৎসটি শুকাইয়া আসিতেছে, নব বধুরা ভাবিতে পারিতেছিল না যে তাহাদের পিত্রালয়ে যাইবার সুপারিস করিবার স্নেহস্নিগ্ধ অন্তর-দেবতাটি চির-বিদায়ের উপক্রম করিতেছেন, বাল-বিধবারা বিশ্বাস করিতে চাহিতেছিল না যে তাহাদের মরু-হৃদয়ে পুরাণ উপপুরাণের, মহাভারত-রামায়ণের, পুণাবাগীর শাস্তিধারা বহাইবার শতধার যন্ত্রটি বিকল হইয়া আসিতেছে। কিন্তু সেখানে এমন লোকও ছিল যাহারা তাঁহার অসংখ্য যন্ত্রণার পরিণাম সুস্পষ্ট বুকিতে পারিয়া এক একবার মনে করিতেছিল হয়ত বা তাঁহার অচির নিবৃত্তিই বাঞ্ছনীয়।

(ক্রমশঃ)



সহযোগী-সাহিত্য

আধুনিক ফরাসী সাহিত্যের ধারা

লচন্দ্র মিত্র

৪

রোমাণ্টিজমের রূপান্তর

সত্যের সহিত কারবার করে মানুষের যে মন, মোটামুটি তাহাকে দুটি দিক দিয়া দেখা যাইতে পারে। একদিকে সে মন স্তিত্বের একটা প্রচণ্ড তাগিদে বিভাঙিত হইয়া সত্যের অনুসন্ধানে বাপ্ত হইয়া,—অঙ্গ তাহার কল্পনা ও আবেগ; অত্রদিকে সে মন প্রদত্ত বা উপলব্ধ তথ্যগুলির বিচার করিতে বসে, অঙ্গ তাহার স্থির শীতল যুক্তি। মনের এই প্রথম প্রবৃত্তির নাম দেওয়া যাইতে পারে রোমাণ্টিক, দ্বিতীয়টির ক্লাসিক। এই দুটি প্রবৃত্তিরই একটা পরস্পর সংঘাতের ছন্দ কি সাহিত্যের, কি বিজ্ঞানের ক্রম-বিবর্তনের মধ্যে দেখিতে পাওয়া যায়। কোনো যুগের সাহিত্যেই,— এই দুটি প্রবৃত্তির মধ্যে একটির একেবারে বিনাশ হয়না যখনই আমরা বলি কোনো বিশেষ যুগের সাহিত্যে রোমাণ্টিজমের অবসান হইল, বা ক্লাসিসিজমের অবসান হইল, তখন আমরা এ কথা বলিতে চাই না, যে রোমাণ্টিক প্রবৃত্তির বিনাশ হইল,—বা ক্লাসিক প্রবৃত্তির বিনাশ হইল, তখন আমরা বলিতে চাই শুধু এই যে সেই যুগের মন শাস্ত্র-প্রকাশের জন্য অবলম্বন করিয়াছিল যে প্রণালী,—তাহা রোমাণ্টিক-প্রধানই হউক, বা ক্লাসিক-প্রধানই হউক, সেই প্রণালী পরিত্যাগ করিল।

উনবিংশ শতাব্দীর ফরাসী রোমাণ্টিক সাহিত্যের উপর দিয়া যে বৈজ্ঞানিক অনুপ্রেরণার বজ্রা বহিয়া গেল, তাহাতে রোমাণ্টিজমের বিনাশ হয় নাই। সেই বজ্রা একটুকু কথা প্রমাণ হইল যে, বিশ্বব্রহ্মাণ্ডের যে বিরাট সত্তা—তাহার

বৈচিত্র্য যেমন অন্তর্হীন,—তাহার গতিও তেমনি অনন্ত। মানুষের মন চায়, সেই সত্তার মধ্যে আপনাকে প্রতিষ্ঠিত করিতে, তাহার উপর আপনার শাসনদণ্ড জাহির করিতে, তাহাকে আপনার প্রয়োজনসাধনে নিয়োগ করিতে। কিন্তু দুর্ভাগ্যবশতঃ এই উদ্দেশ্যে বাহ্যঃসত্তার বিচিত্র বিশিষ্টতার উপর মানুষ চাপাইয়া দিতে চায় যে একটা নির্কিশিষ্ট সরলতা (simplicity of the abstract),—তাহার অন্তর্হীন গতির উপর জাহির করিতে চায় যে কতকগুলি সহজ সর্বসাধারণ-প্রযোজ্য বাধা নিয়ম,—তাহার ফলে হয় শুধু সেই সত্তার অজ্ঞানি, মানুষ পায় শুধু তাহার একটা সারবিহীন চলনা মাত্র। তাই এমন-কি রেণার মত লেখকও,—যাহার বিজ্ঞানের উপর বিশ্বাস ছিল অগাধ,—যিনি আজীবন ফরাসী দেশের তরুণ মণ্ডলীকে শিক্ষা দিয়া আসিয়াছিলেন,—এমন কিছু বিশ্বাস করিও না,—যাহাতে তোমার অন্তরের যুক্তি প্রত্যক্ষ ঘটনা বা বস্তুর উপর নির্ভর করিয়া যায় না দিবে,—সেই রেণার মত লেখকও সক্রম নিরাশায় স্বীকার করিলেন—যে, কোনো কিছু সত্যই একেবারে নিঃসন্দেহে সপ্রমাণ করিয়া দিবে,—এমন সামর্থ্য মানুষের নাই। তবে হয়ত এ অসামর্থ্যে কিছু আসে যায় না। কেননা, কে জানে যে সত্য দুঃখময় নয়? জোর করিয়া কে বলিতে পারে যে আমাদের যে ভ্রান্তি, আমাদের যে কুসংস্কার,—তাহাদেরও একটি সার্বকতা নাই? বৃথা, বৃথা,—সবই বৃথা। যদি কোথাও কিছু সত্য থাকে,—তবে হয়ত সে সত্য যথার্থ বুঝিয়াছে ঐ কীট পতঙ্গেরা,—যাহাদের মনে সন্দেহের কোনো স্থান নাই,—অনাবিল আনন্দে যাহারা ভগবানের দেওয়া এই প্রাণখানি গ্রহণ করিয়াছে,—



পরম পরিতৃপ্তিতে যাহারা এই সুন্দর ধরিত্রীকে বড় আরামের আবসভূমি বলিয়া বরণ করিয়া লইয়াছে। সব চেয়ে ভাল বোধ হয় কোনরকম যুক্তি তর্ক না করিয়া শুধুই ভালবাসিয়া যাওয়া। প্রাণের গোপন মন্ত্র,—সে ত বিজ্ঞান নয়, ভালবাসা।

এমনি করিয়া রোমাণ্টিজ্‌মের মন্ত্র পুনরায় ধীরে ধীরে সঞ্জীবিত হইতে লাগিল। সাহিত্য-সমালোচনার যে সমস্ত নিয়ম ইতিমধ্যে প্রতিষ্ঠিত হইয়াছিল,—তাহার বিরুদ্ধে জুল লামেত্র খাতা করিলেন,—একটি মাত্র নিয়ম,—তাঁহা লোকের ভালোলাগা মন্দলাগা। ইহা বাস্তবিক সমালোচনার অল্প কোনো নিয়ম নাই বা থাকিতে পারে না। যে কোনো নিয়মই প্রতিষ্ঠিত কর না কেন, তাহার প্রমাণের জন্ত চাই অল্প নিয়ম, আবার সেগুলি প্রমাণের জন্ত চাই অল্পতর নিয়ম,—এমনি করিয়াই নিয়মের উপর নিয়ম রাশীকৃত করিয়া যাওয়ার চেয়ে আত্ম-প্রবঞ্চনা আর কিছুই হইতে পারে না। এই রাশীকৃত নিয়মগুলিও আবার পরস্পর পরস্পরকে খণ্ড বিখণ্ড করিতে থাকে, ইহার শেষ কোথায়? তার চেয়ে প্রাণের ভালো লাগা মন্দ লাগা,—এই ত চরম নিয়ম,—ইহা অল্প কোনো প্রমাণের অপেক্ষা রাখে না। ফ্রান্স বলিলেন,—যতটুকু আকুলি-বিকুলি কর না কেন,—প্রকৃত সত্যকথা এই যে আমরা আমাদের অন্তরের গভীর বাহিরে আঁমিতে পারি না। এ ছাড়া যত বড়ই হউক না কেন,—ইহা আমাদের মাথায় পাতিয়া লইতে হইবে। কোথাও এমন কোনো নিশ্চয়তা নাই, যাহা মানুষের অন্তরের সীমানা ছাড়াইয়া যাইতে পারে। এমন জ্ঞান-সমৃদ্ধ অথচ মঙ্গল-সম্পূর্ণ অবিধাস বাদ বোধ হয় আর কোথাও কখনো দেখা যায় নাই। এমন-কি প্রচুর মানসিক স্বাস্থ্য-সম্পদে সমৃদ্ধিশালী যে মন, আনন্দ-হিল্লোলে তরঙ্গায়িত হইয়া অবাধ-লীলায় জ্ঞান-বৃক্ষের শাখা-প্রশাখায় বিচরণ করিয়াছে,—সে-মনেরও এই অবিধাস-বাদ হইতে মুক্তি ছিল না। র'মি ম' গুরম' যে আনন্দ-তত্ত্ব প্রচার করিয়াছিলেন—তাহার মতোও ছিল এই অবিধাসের সুর। আনন্দ চাই,—গুরম' বলিয়াছিলেন,—জীবনে আনন্দ চাই। আনন্দ লুটিয়া লওয়া প্রত্যেক মানুষেরই আপনার প্রতি একটা অবশ্য কর্তব্য।

জগতের কোনো জিনিষেরই প্রতি আনন্দ হইয়া থাকা চলিবে না,—সকল জিনিষেরই উপরে উঠিতে হইবে,—এবং সেই উচ্চাঙ্গ হইতে,—সর্বব্যাপী অবজ্ঞার ভিতর হইতেও সকলের উপর ছড়াইতে হইবে প্রেম। জীবনটা যাহাই হউক না কেন,—একটা চরম ভার নহে, বেশ বহন করিবার যোগ্য। আশেপাশের সমস্ত জিনিস জানিবার ও বুঝিবার প্রয়াসের মধ্যে যতই বিরাট বার্গতা থাকুক না কেন,—সে বার্গতার মধ্যেও একটা মহিমা আছে,—এবং সেই মহিমা আমাদের সমস্ত অসারতার উপরে তুলিয়া ধরে।

এই ত আবার সেই রোমাণ্টিজ্‌মের আত্ম প্রতিষ্ঠা ও আত্মনির্ভরতা! কিন্তু এখন আর ইহার মধ্যে ছিল না ভিক্টর হুগোর আমলের সেই আশার প্রদীপ্ত আলো,— এখন ইহার মধ্যে ছিল অবিধাসের অন্ধকার। এমন-কি, গুরম'র আনন্দ-তত্ত্বের মধ্যেও যে সেই অবিধাস,—ইহার বেদনা যাইবে কোথা? এই অবিধাসের বেদনা বুকে বহন করিয়া পুনঃ-সঞ্জীবিত রোমাণ্টিজ্‌ম এখন মানুষের চিন্তা-রাজ্যের অন্ধকার পথে পথে ঘুরিয়া বেড়াইতে লাগিল। এ যেন গৃহ-হারী রোমাণ্টিজ্‌ম; তাই ইহার চারিদিকই উন্মুক্ত; ইহার মধ্যে ছিল নানা প্রকৃতির সংমিশ্রণ,—ছিল বাস্তবতার সংঘম, অন্তরেণ মধ্যে সত্যানুসন্ধানে বার্গতার মর্ষবেদনা, নৈরাশ্রের সহিত হৃদয় এবং সর্বোপরি একটা সর্করণ মানবতা (humanism)। এই ধরনের একজন বিশেষ উল্লেখযোগ্য লেখক ছিলেন পিয়ের্ লোটি। তিনি বর্ণনা করিতেন যাহা স্বচক্ষে প্রত্যক্ষ করিয়াছিলেন,—তাহাই; যাহা স্বপ্নে কল্পনা করিতেন,— তাহা নয়। কিন্তু বাস্তবতার এই সংঘমের মধ্যেও তাঁহার কল্পনা অতীন্দ্রিয় সত্যের নাগাল পাইবার প্রয়াস পরিভ্রাণ করে নাই। এবং এই প্রয়াসের ফলে তিনি পাইয়াছিলেন কেবল একটা নিরাশা-ক্লিষ্ট আঁমিত্ত-বোধের নিদারুণ অবসন্ন নির্জনতা। তিনি বলিতেন,—কিছুরই প্রতি আমার আস্থা নাই,—কোনো মানুষের প্রতিও না,—কোনো বস্তুর প্রতিও না। কাহাকেও আমি ভালবাসি না,—আমার না আছে আশা, না আছে বিশ্বাস। তাঁহার প্রায় সমস্ত লেখার মধ্যেই ছিল,—অদৃষ্টের উপর এমনি একটা মর্ষভেদী ক্রন্দন। —কিন্তু তবুও তাঁর লেখার মধ্যে মধ্যে এমন একটা মানবতার

মিত্র

আশা আছে, যাহা এই নিরাশা-ক্লিষ্ট আশিষ-বোধের বেদনারও অনেক উপরে। তিনি বিশ্বাস করিতেন,— অস্বস্তি মনে প্রাণে বিশ্বাস করিবার চেষ্টা করিতেন—যে, এই বিশ্ব ব্রহ্মাণ্ডের মধ্যে নিহিত আছে,—একটা বিরাট অনন্ত অনুকম্পা,—যাহা মানুষের প্রতি,—এমন-কি সর্ব-জীবের প্রতি মানুষের দয়া ও সমবেদনার ভিতর দিয়া নিয়ত আপনাকে প্রকাশ করিবার চেষ্টা করিতে থাকে।

বিজ্ঞানের অসামর্থ্য অন্তরে অন্তরে উপলব্ধি করিবার সঙ্গে সঙ্গে মানুষের এই যে রোমাণ্টিক আশিষ-বোধ ফিরিয়া আসিয়াছিল,—ইহার মধ্যে নিহিত ছিল এমন একটা বেদনা,—যে, রোমাণ্টিজম্ সাহিত্যে তাহার হারানো সিংহাসনটি পুনরধিকার করিতে আর পারিল না। এমন-কি নিট্জের যে আতি-মানবতাবাদ তখন ফরাসী অনুবাদ-সাহিত্যে প্রচুর প্রচলন লাভ করিয়াছিল,—তাহাতেও এই বেদনার অবসান হইল না। মরিস্ বার্নের এই আশিষের যে বিশ্লেষণ করিলেন, তাহার ফলে নিট্জের অতিমানবকে ত পাওয়া গেল না,— পাওয়া গেল এমন একটা দুর্বল, বেদনা-হত সন্দেহ-বিক্ষিপ্ত 'আমি,'—যাহার একমাত্র আশ্রয়স্থল বিশ্বের সেই অন্তর্নিহিত অনন্ত অনুকম্পা,—যে অনুকম্পা মানুষের অনুভূতির করুণ কল্পনের মধ্যে নিয়ত আশ্র-প্রকাশ করে। এইখানেই সাধনা। এই অনন্ত অনুকম্পায় মানুষের হৃদয়-তন্ত্রীতে বস্তু হইয়া উঠে এমন একটা মহান আদর্শের সুর যে, সেই সুরে এই আশিষের সংস্পর্শ আমাদের সমস্ত দুর্বলতা-মাদ্য আমরা একটা মহান আদর্শের স্পর্শ অনুভব করি। এইখানেই আমাদের বেদনার,—আমাদের সেই মনস্পর্শী অগৌরবের সার্থকতা, কারণ এই অগৌরবই আমাদের 'আশিষের' বাহিরে, সমস্ত সন্দেহের বাহিরে তেলিয়া দেয় একটা আদর্শের দিকে। এমনি করিয়াই আমাদের আশিষটুকু আমরা হারাইয়া ফেলি,—একটা প্রকৃত, একটা প্রকৃত সত্তার মধ্যে,—আমাদের সমাজের মধ্যে,—বিশ্বমানবের মহা-মিলনের মধ্যে,—অর্থাৎ এমন একটা চিরস্থায়ী সত্তার মধ্যে,—আমাদের এই আশিষটুকু হারান একটুখানি কণিকের বিকাশ মাত্র।

এমনি করিয়া বার্নের এই আশিষ-বিশ্লেষণের ফলে রোমাণ্টিজমের পুনঃসঞ্জীবিত কীর্ণ ব্যক্তিত্বতার উপর আবার একটা আঘাত লাগিল,—বৈজ্ঞানিক বস্তুত্বতার দিক দিয়া নয়,—রাষ্ট্রীয় সাধারণত্বতার দিক দিয়া। নিট্জের অতিমানবতা-বাদসত্ত্বেও পূর্ব হইতেই ঐতিহাসিক এবং দার্শনিকদিগের চিন্তা এই সাধারণত্বতার দিকে অগ্রসর হইতেছিল। তাহার বলিতে আরম্ভ করিয়াছিলেন যে, মনীষা সম্পন্ন বিশেষ বিশেষ ব্যক্তিগণ কর্তৃকই যে সমাজ সংগঠিত, সংরক্ষিত ও পরিচালিত হয়,—একথা মনে করা ভুল। সমাজ-সংগঠনের যে শক্তি,—তাহা সমাজেরই অন্তর্নিহিত;—তাহার উৎস সম্মিলিত মানবের সেই সব জীবন-ধারণের সর্ব-সাধারণ প্রবৃত্তি,—যাহা জীবনকে সমাজের সহিত মানাইয়া চলিতে চলিতে সামাজিক প্রথাসকল সৃষ্টি করিতে থাকে। যত বড় ক্ষমতামালাই হউনা না কেন,—কোনো ব্যক্তিবিশেষেরই সাধ্য নাই,—ইচ্ছামত এই সকল প্রথা উৎপাদিত বা পরিবর্তিত করেন। এই সব প্রথা সমাজেরই অন্তর্নিহিত প্রয়োজন-অনুযায়ী আপনাদের সংরক্ষণ করিয়া চলে। বস্তুত এই সমাজকে বাদ দিয়া ব্যক্তি-বিশেষের কোনো অস্তিত্বই নাই। ব্যক্তি-বিশেষের যে সত্তা, তাহা উপন্যাস-রচয়িতা বা মনস্তত্ত্ববিদের একটা সুবিধা-জনক এবং প্রয়োজনীয় কল্পনা মাত্র। তার প্রমাণ এই যে সমাজ হইতে আপনাকে সম্পূর্ণ বিচ্ছিন্ন করিয়া লইয়া আপনার মধ্যে আপনার সার্থকতার সন্ধান কেহই পাইতে পারে না। প্রকৃত-পক্ষে মানুষ ব্যক্তিত্ব মনোবিজ্ঞানের নিয়ম-অনুযায়ী চিন্তা বা যুক্তি করে কতক? সমস্তকণই ত সে পরস্পর পর-স্পরের অনুকরণের মধ্যে সমাজ-শক্তির অবিচ্ছিন্ন প্রবহমান স্রোতে ভাসিয়া চলে,—এমন মানুষের পৃথক অস্তিত্ব কোথায়?

এই ধরনের রাষ্ট্রতত্ত্ব ভাবরাজি যখন লোকের মনে শিকড় গাঁথিয়া বসিতেছিল, ব্যক্তিত্বতার মূল্য যখন লোকের মনে ক্রমশঃ ক্রমশঃই কমিয়া আসিতেছিল,—তখন বিজ্ঞানের সত্য-উদ্ঘাটনের বিপুল প্রয়াসের ব্যর্থতার প্রতিঘাতে মানুষ যে আশিষবোধের মধ্যে পুনর্নিকিপ্ত হইল, সেই আশিষ-বোধের মধ্যে সে বেশীকণ টিকিয়া থাকিতে পারিল না।




জুল' মেত্ৰ যে ব্যক্তিগত ভালো লাগা মন্দ-লাগার মধ্যে সমালোচনার মাপকাঠি খাড়া করিয়াছিলেন,—শীঘ্রই মুহূর্ত মধ্যেই তাহার প্রতিবাদ আরম্ভ হইল। যদিও রুসো-প্রবর্তিত যে রোমাণ্টিজ্‌ম্ ভিক্টর হুগোর মধ্যে পরিণতি লাভ করিয়াছিল,—তাহা আর পুনঃ সঞ্জীবিত হয় নাই,—তবুও তাহারই বিরুদ্ধে অকারণে প্রবল আন্দোলন উপস্থিত হইল। সে রোমাণ্টিজ্‌ম্ না-কি একটা মারাত্মক ভ্রান্তি,—মনীষাসম্পন্ন ব্যক্তি-বিশেষকে না-কি সে রোমাণ্টিজ্‌ম্ অধিকার দেয়,—সমাজ-নীতি এবং সামাজিক প্রথার বিচার,—এমন-কি বিরুদ্ধাচরণ করিতে, ইত্যাদি। এ আন্দোলন শুধুই যে সমালোচনা ও বক্তৃতার মধ্যেই সীমাবদ্ধ ছিল তাহা নয়,—উপন্যাস ও নাটকের মধ্যেও ছড়াইয়া পড়িয়াছিল। জোনা তাঁহার শেষ উপন্যাসগুলিতে আর মানব জীবনের একটা বৈজ্ঞানিক ব্যাখ্যা করিবার প্রকাশ করেন নাই, করিয়াছিলেন কটা সামাজিক সমস্যা সমাধানের চেষ্টা।

বলা বাহুল্য,—এ আন্দোলনের কোন প্রয়োজন ছিল না,—কেন-না রোমাণ্টিজ্‌মের সেই নিছক কল্পনা-প্রবণ, আবেগ-বিতাড়িত, আশা-উজ্জল, উৎসাহ-প্রদীপ্ত রূপ আর ফিরিয়া আসে নাই। মানুষের যে আমিত্ব-বোধ—তাহা ব্রহ্মাণ্ডের চরম সত্যের অচ্ছেদ্য অঙ্গ,—এমন-কি কেন্দ্র-স্বরূপ,—সেইখানেই সাহিত্যের উৎস,—অতএব এই আমিত্ব-বোধের বিলকূল ধ্বংস ও বিনাশ অসম্ভব। একটা

বৃহত্তর সত্যের মধ্যে এই সত্তা যতই বিলীন হয়,—ততই সেই বিলুপ্তির মধ্যেই ইহার একটা গভীরতর বিশিষ্ট সত্যের সৃষ্টি হয় ; আর নূতন নূতন সাহিত্যের ভিতর দিয়া সেই সত্তা নূতন নূতন রূপ গ্রহণ করে। রোমাণ্টিজ্‌মের আদি অনুপ্রেরণা এই আমিত্ব-বোধের মধ্যে মানুষের সচেতন আত্ম-প্রতিষ্ঠায়। সাহিত্যের ক্রম বিবর্তনে নিয়তই এই অনুপ্রেরণা নানা রূপের সৃষ্টি করিয়া চলিয়াছে। কখনো বা ইহা আপনাকে পরিপূর্ণভাবে পাইতে চাহিয়াছে,—এবং সেই পাওয়ার মধ্যেই সমস্ত জগৎকে দেখিতে ও পাইতে চেষ্টা করিয়াছে,—কখনো বা ইহা আপনাকে অস্ত্রের মধ্যে হারাইতে চাহিয়াছে,—এবং সেই হারানোর মধ্যেই আপনার পূর্ণতর সার্থকতা অনুসন্ধান করিয়াছে। আধুনিক ফরাসী সাহিত্যে এই অনুপ্রেরণার যে প্রথম রূপ ভিক্টর হুগোর মধ্যে পরিণতি লাভ করিয়াছিল,—তাহাকেই ইতিহাস-লেখকেরা বলিয়াছেন—রোমাণ্টিজ্‌ম্। পরবর্তীকালে এই অনুপ্রেরণা যে সব নব-নব রূপ ধারণ করিয়াছিল,—তাহাদের অস্ত্র নাম দেওয়া হইয়াছে। কিন্তু যে নামই দেওয়া হউক না কেন,—মূল অনুপ্রেরণা সেই একই,—এই কথাটি স্মরণ রাখিলে,—আমরা বেশ পরিস্কার বুদ্ধিতে পারিব কেমন করিয়া কল্পনার উচ্চায় মানতা ও যুক্তির সংঘের ছন্দের মধ্যে সাহিত্যের বিভিন্ন ধারা নব নব পথে প্রবাহিত হইয়াছে।

(ক্রমশঃ)



বিবধ সংগ্রহ

টলষ্টয় ও তাঁহার স্ত্রী আঁদ্রিভনা

এক শ' বছর আগে ১৮২৮ খৃঃ অব্দে দক্ষিণ সেন্টেম্বর টলষ্টয় পৃথিবীতে প্রথম পা দিয়েছিলেন,—সেই তারিখটি স্মরণীয় হ'য়ে আছে। টলষ্টয়ের জীবনযামিনীতে তাঁর দা ছিলেন স্নিগ্ধ ইন্দুলেখা।

টলষ্টয়ের স্ত্রী স্বামীকে চোদ্দটি সন্তান উপহার দিয়েছিলেন; শুধু যে তিনি সন্তানপালনকুশলা ও গৃহকর্মনিপুণা ছিলেন তাই নয়, তিনি ছিলেন স্বামীর লিপিকারিণী, বন্ধু, উৎসাহ-উৎস। শুধু আদর্শ মা ও স্ত্রী নন,—স্বামীর সাহিত্যিক সখী, সবার আধ্যাত্মিক আত্মীয়া ছিলেন। আঁদ্রিভনার নাম এই হিসেবে উজ্জ্বল হ'য়ে আছে।

রাজচিকিৎসক আঁদ্র বেস-এর মেয়ে এই আঁদ্রিভনা। বেস অত্যন্ত সঙ্গতিসম্পন্ন ছিলেন এবং তাঁর পরিবারের সবাই শিক্ষায় বিশেষ পারদর্শী ও কলাকুশলী ছিল। তাঁর বাড়িতে মস্কোর সাহিত্যিক ও চিত্রশিল্পীদের আড্ডা বসত। আইভান্ টুর্গেনিভ্ এ বাড়ির নিয়মিত অতিথি ছিলেন। এ বাড়িতেই একদিন যুবক টলষ্টয় এসে অভিবাদন জানালেন এবং বেসের মেজা মেয়ে আঁদ্রিভনার সঙ্গে তাঁর দেখা হ'য়ে গেল।

টলষ্টয়ের জীবনে তখন ঝড় ব'য়ে যাচ্ছে। তাঁর সময়ে বড়লোকের ছেলে যেমন ক'রে জীবনকে উড়িয়ে দেয়, টলষ্টয়ের বেলায়ও তার ব্যতিক্রম ঘটেনি। চৌত্রিশ বছর বয়সে তিনি নিজেই স্বীকার করেছেন যে তিনি আশায় ও আনন্দে একেবারে ফকির, দেউলে হ'য়ে গেছেন,—তাঁর জন্মে সাম্বনাসিদ্ধিত গৃহনীড় নেই, প্রেমসীর স্নেহ-স্নেহ নেই,—তিনি কর্দমক্লিষ্ট কণ্টকিত পথের একাকী

পথিক! এই সময়ে আঁদ্রিভনার বড় বোন লিসার সঙ্গে টলষ্টয়ের হৃদয়তার সূচনা হ'ল—একটি অর্ধবিকশিত প্রেম-পুষ্প পাপড়ি মেলবার জন্ম শিহরিত হচ্ছিল,—কিন্তু সেই প্রেমপুষ্পটি অবশেষে আঁদ্রিভনার হৃদয়বৃন্তে এসে ভর করলে। আঁদ্রিভনা তখন ছোট, সতেরো বছরের হবে,—টলষ্টয় প্রস্তাব করতেই বোকা মেয়ে একেবারে রাজি হ'য়ে গেল। এই ব্যাপারটিই Anna Kareninায় ছব্ব লেখা আছে। Levin আর Kittyর বাগদান-প্রসঙ্গটি উক্ত ঘটনারই অমুবাদ ছাড়া আর কিছু নয়।

বিয়ের পরেই টলষ্টয় স্ত্রীকে তাঁর দেশের বাড়িতে নিয়ে এলেন,—মস্কোর দু'শ মাইল দক্ষিণে Yasnaya Polyanaয়। সে ১৮৬৮ সাল, তখনো সেখানে রেল বসেনি, ষোড়ার গাড়ি চ'ড়ে নবদম্পতী দু'শ মাইল পথ ভাঙল। সেখানে তারা এক সঙ্গে আটচল্লিশ বছর কাটিয়েছে।

সে-জায়গা থেকে টলষ্টয় তাঁর কবি-বন্ধু Petকে লিখেছেন —“এই তিন সপ্তাহ মোটে আমার বিয়ে হয়েছে। আমি এত সুখী হয়েছি ভাই, যে, মনে হচ্ছে আমি ম'রে গেলেও আমার এই আনন্দের অবসান হবে না।”

এই কথাই এই হয় ত' মানে যে, টলষ্টয় বিশ্বাস করে-ছিলেন তাঁর এই নবলক স্ত্রী-সাহচর্য থেকে এমন আনন্দ-অমৃত-সৃষ্টি হবে যা টলষ্টয়ের নখর দেহের মত ক্ষীণায় নয়, —অনন্ত কালের জন্ম তিনি সেই আনন্দ পরিবেষণ ক'রে যাবেন।



আত্মীয়বিচ্ছিন্ন। নববধু নির্জন আবাসে স্বামী-সেবায় আত্মোৎসর্গ করলে। সংসার-নির্কীর্ষে তার সমস্ত ক্রটির ক্ষতিপূরণই হচ্ছে এই পতি-অনুরাগ। বহুসন্তানভাগিনী জননী সমস্ত গৃহ তত্ত্বাবধান করে, ছেলেপিলেদের লেখাপড়া শেখায়, তাদের সমস্ত জামা-কাপড় নিজ হাতে সেলাই ক'রে দেয়। তবু তার সময়ের অভাব নেই, রাত্রিদিন স্বামীর সে পার্শ্বচরী,—সমস্ত রাত জেগে কত দিন সে স্বামীর লেখা নকল ক'রে দিয়েছে।



শ্রী টলষ্টর ও তাঁহার স্ত্রী আঁদ্রিভ্‌না

অসাধারণ তার জীবন-বল, অটুট তার স্বাস্থ্য,—অসুখ হ'লেও বেশিদিন তাকে শয্যাশ্রমী হ'য়ে থাকতে হয়নি। বয়স প্রায় সব সময়ে স্বামীরই কোন-না-কোনো অসুখ লেগে আছে,—আঁদ্রিভ্‌না অতল্ল সেলিকা, স্নেহোৎসাহদাত্রী সখী! আঁদ্রিভ্‌না সত্যিকারের সহধর্মিণী। সে স্বামীর তপস্তার

বাধা ত' ছিলই না বরং নবায়মানা অনুপ্রেরণা ছিল।

স্বামীর স্বাস্থ্যভঙ্গ হ'লেই গ্রাম ছেড়ে আঁদ্রিভ্‌না তাঁকে ভল্‌গা হ্রদ ছাড়িয়ে 'সামারা'র প্রান্তরে বায়ু-পরিবর্তনের জন্তে নিয়ে আসত। এই সুদূর প্রান্তরে এসে জীবন-যাপনে ভয়াবহ কৃচ্ছসাধনা ছিল, তবু স্বামীর স্বাস্থ্য ও কল্যাণ কামনা ক'রে সে নিজের ও সন্তানদের সমস্ত কষ্ট ও অসুবিধাকে তুচ্ছ মনে করত। স্বামীর জন্তে কোনো

তাগই তার কাছে বড়ো মনে হ'ত না। রোগা লোকের ছোটখাটো আবদার রেখে, স্বামীর প্রতিটি মনোভাবের ভারতম্য বুঝে তার সঙ্গে সুর মিলিয়ে চ'লে আঁদ্রিভ্‌না তার স্বামীকে নিরাময় ক'রে আনত। মেঘ-আনমিত আকাশের মত তার স্নেহ স্বামীকে সর্বদা বেঁধে ক'রে থাকত,—তার সেবায় অবসাদ ছিল না, সহানুভূতিতে একটি নিকরদেগ সহনীয়তা ছিল।

কিন্তু বিবাহিত জীবনের ষোলো বছর বাদে স্ত্রী যেন শুধু ভক্তি ও ভালবাসা দিয়ে স্বামীর নাগাল আর পেল না,—আঁদ্রিভ্‌না পড়ল পিছিয়ে। টলষ্টর তখন War and Peace ও Anna Karenina লিখে যশস্বী হয়েছেন। এই সময়ে তাঁর ধর্মজীবনের সঙ্কট-কাল উপস্থিত হ'ল। প্রভূত ষণ, প্রচুর অর্থ, প্রকাণ্ড পরিবার—তিনি সবাইর দিকে পিঠ ক'রে দাঁড়ালেন; মাটির টেলা

তিনি আর কুড়োবেন না। তখন তিনি ধর্মজীবনের সর্বজনস্বপ্নপূর্ণতার জন্ত লোভী হ'য়ে উঠেছেন। তিনি তখন সত্যের ভিখারী, তাই সাহিত্যিকের আদর্শ ছেড়ে প্রচারকের বেদীতে গিয়ে বসলেন। আঁদ্রিভ্‌না তখন বৃহৎ পরিবারের ভারে ক্লিষ্ট, পরিশ্রান্ত,—সংসার-জীবনের খুঁটিনাটি জিনিসটি পর্যন্ত তার মঙ্গলম্পর্শের

শ্রীঅচিন্ত্যকুমার সেনগুপ্ত

জন্ম চেয়ে থাকে; তাই সে আর স্বামীর পায়ে মসৃণ পা মেলাতে পারলে না। স্বামীর আধ্যাত্মিক অনুসন্ধানের পথ থেকে আঁদ্রিভ্নাকে স্বভাবতই স'রে দাঁড়াতে হ'ল। আঁদ্রিভ্নার ছেলে কাঁদে, চাকরের অসুখ করেছে, বি আসেনি,—আঁদ্রিভ্না সংসারকে অসার মনে ক'রে স্বামীর হাত ধরতে পারলে না। হ'জনের মধ্যে বেদনার কুয়াসা নেমে এলো।

টলষ্টয় তখন চাষাদের সঙ্গে মাঠে গিয়ে লাঙল চালায়, খড় নিয়ে গোলাঘরে রাশীকৃত করে, জুতো সেলাই করতে চেষ্টা করে। William Jennings Bryan একদিন টলষ্টয়কে বলেছিলেন, “আপনার বই আমি পড়তে পারি, কিন্তু আপনার জুতো পায়ে দিতে পারব না।”

সোফিয়া আঁদ্রিভ্না অবশিষ্ট স্বামীর এই সব বাড়াবাড়ি পছন্দ করত না, বন্ধু টুর্গিনিভেরো আপত্তি ছিল। তবু যা তিনি প্রচার করেন তার সঙ্গে সঙ্গতি রাখবার জন্য টলষ্টয় চেষ্টার ক্রটি করেন নি,—তবু তাঁর মহোচ্চ আদর্শের প্রাপ্তে এসেও দাঁড়াতে পাচ্ছেন না ভেবে তাঁর হৃৎকেন্দ্র অবধি ছিল না। আঁদ্রিভ্না ধর্ম্মান্বেষণে স্বামীর সহচরী হ'তে না পারলেও তাঁর ধর্ম্মপুস্তকগুলির রসবোধ করতে কৃষ্টিত হয়নি। টলষ্টয় যখন তাঁর দর্শনগ্রন্থ On Life শেষ করলেন, আঁদ্রিভ্না শুধু যে তার রসগ্রহণ ক'রেই ক্ষান্ত হ'ল তা নয়, নিজে আনুপূর্বিক সমগ্র গ্রন্থটি ফরাসী ভাষায় অনূদিত করলে।

ছেলেরা তখন বড়ো হ'য়ে উঠেছে, কেউ কেউ মস্কো বিশ্ববিদ্যালয়ে পড়ছে। টলষ্টয় যতই সংসার থেকে অপসৃত হচ্ছিলেন, মেহচিন্তাব্যাকুল আঁদ্রিভ্না ততই হ'তে সংসারকে আঁকড়ে ধরছিল। এর মধ্যেই সে তার স্বামীর বহু বইরই নতুন সংস্করণ প্রকাশিত করেছে—প্রায় কুড়িটি ভল্যুম,—নিজে প্রতিটি শব্দের প্রকৃ দেখে নিয়েছে। এই নারীর কর্ম্মশক্তি প্রচণ্ড ছিল,—সহানুভূতিও ভাল তেমনি অনবসারী। কিন্তু কত সে পড়েছে, এরি মধ্যে পিয়ানো বাজিয়ে কত সে সবাইকে আমোদ দিয়েছে। সে ছিল গৃহিণী, সচিব, শিক্ষা, অন্তরবিহারী

আদর্শের শিখরে উঠতে পাচ্ছেন না ব'লে টলষ্টয়ের মনে এক স্মৃতির অস্বস্তি ছিল, তাই তিনি মাঝে মাঝে সংসার ত্যাগ ক'রে সুদূরপ্রত্যায়ী হ'য়ে পালিয়ে বাবার মতলোব করেছিলেন। তাঁর ইচ্ছা ছিল, তিনি বহু বহু দেশ পর্য্যটন করেন, ছুঃখী দরিদ্র চাষাভূষাদের দলে, সন্ন্যাসীর মত, বৌদ্ধ ভিক্ষুর মত। একদিন এই মতলোব ক'রে তিনি তাঁর পরিবারকে উদ্দেশ্য ক'রে এক মামুলি বিদায়-পত্রও লিখেছিলেন। অবশিষ্ট সেই পত্রের কল্পনা কার্যে পরিণত হয় নি। তাঁর মৃত্যুর পরে সেই চিঠি পাওয়া গেছে।

তাঁর সুদৃঢ় আকৃতিসত্ত্বেও দেহ নীরোগ ছিলো না। যক্ষ্মার ভয়ে একবার তাঁকে সামারার মাঠে এসে নিশ্বাস নিতে হয়েছিল। পরে রোগ স্থানপরিবর্তন ক'রে পাকস্থলীতে গিয়ে আশ্রয় নিলে। বিরাশি বছর বয়সে মানে ১৯১০ সালে তাঁর স্বতিশক্তির হ্রাস হয়েছিল,—তিনি পরিবার-পরিজনকে চিন্তে পারতেন না।

এই সময়েই কিছু আগে তিনি লুকিয়ে-লুকিয়ে একটি উইল করেন,—তাঁর লেখার সমস্ত স্বত্ব ও অর্থমূল্য তিনি জনসাধারণকে ভোগ করবার জন্য অধিকার দিয়ে যান। সমস্ত সাহিত্যসম্পত্তি টলষ্টয়ের ছোট মেয়ে আলেক্সান্দ্রার হাতে যাবে, এবং সেই তা জনসাধারণের হাতে বণ্টন ক'রে দেবে—এই ছিল উক্তি। জীবনের শুধু এই ঘটনা তিনি আঁদ্রিভ্নার থেকে লুকিয়ে রেখেছিলেন।

এই বার টলষ্টয়ের ছেলে লিয়োর করেকটি কথা তুলে দিচ্ছি—

“১৯১০ সালের অক্টোবর মাসের গোড়ার দিকে আমাকে প্যারি ক্রিতে হ'ল। সেখানে এক ধরনের কাগজে পড্লাম বাবা বাড়ি থেকে পালিয়েছেন।

মা যখন জেগে দেখলেন বাবা বাড়ি নেই, তিনি তখন হতাশা ও উদ্বেগে এত বিচলিত হ'য়ে পড়লেন যে আত্মহত্যা করবার জন্য তিনি একটা হুসে কাঁপ দিলেন।



ঠাঁকে অবশিষ্ট রাখান হ'ল, কিন্তু বেঁচে তিনি করবেন কি, —কোথায় গেলে বাবাকে পাওয়া যাবে ?

একটি ছোট রেল-স্টেশনের ধারে বাবা শুয়ে আছেন। বাড়ি থেকে পালিয়ে যাবার সময় ট্রেনেই তাঁর ভীষণ অসুখ হয়, তাই সেই বিভূঁয়ে তাঁকে নামিয়ে দেওয়া হয়েছে। বাড়িতে খবর এসে গেল। মা যখন গিয়ে পৌঁছলেন, ডাক্তার ও নার্স তখন ভিড় ক'রে এসেছে। মাকে জানানো হ'ল যে, তাঁকে দেখলে বাবা খুব বেশি চঞ্চল হ'য়ে উঠতে পারেন, এবং—, তাই মাকে তাঁর রোগশয্যাপার্শ্বে যেতে দেওয়া হ'ল না। বাবা যখন শেষ নিশ্বাস নিচ্ছেন তখনই মা গেলেন,—মা'র বাহু-উপাধানে মাথা রেখে বাবা চোখ বুজলেন। ডাক্তাররা যখন মাকে আসতে দিচ্ছিল না, তখন বাবা বারে-বারে জিজ্ঞেস

করেছেন,—“উনি কোথায় ? তোমরা এই সামান্য কণাটা কেন বোঝ না,—আমার অসুখ যে একান্ত তাঁরই।”

বিধবা আঁদ্রিত্না সন্মানসম্বলিত নিয়ে শোকাকুলনেত্র গ্রামগৃহে ফিরে এল,—একা, সঙ্গীহীন, বেদনাবিহ্বল। এর দশ বছর বাদেই পঁচাত্তর বছর বয়সে আঁদ্রিত্না স্বামী-অনুগামিনী হয়।

একটা কথা এখানে বলে রাখি। আঁদ্রিত্না জীবদ্দশায় দৈনন্দিন ডায়েরি লিখে গেছে। সে-ডায়েরি পত্রিকান্তরে ছাপা হচ্ছে। তাতে আঁদ্রিত্নার সঙ্গে টলষ্টয়ের স্নিগ্ধ ও স্নমধুর বন্ধুতার পরিচয় পেয়ে আমরা মুগ্ধ হই,—এবং আমাদের দেশের মেয়েদের মধ্যে এমনি সহানুভূতিসম্পন্ন সহকর্মিনীর দেখা পাব বলে আশা করি।

শ্রীঅচিন্ত্যকুমার সেনগুপ্ত

সেন্ট জর্জ গির্জায় কাঠের কাজ

কাঠের উপর স্কোদাইয়ের কাজ, আমাদের দেশের প্রাচীন সূত্রধরেরা যে ভালরূপেই জানিত তাহার নিদর্শন আজও বহু প্রাচীন কাঠের সিন্ধুক, মন্দিরের দরজা—জানালা, পল্লীগ্রামের বনিয়াদি গৃহস্থদের কোঠাবাড়ীর শাঙায়, আড়ায়; পালঙ্কের কুরায়, পাওয়া যায়। তাহাদের এক একটির নমুনা দেখিলে অনেক সময়ই বিস্মিত হইতে হয় যে পূর্বকালে, যখন উন্নত প্রণালীর যন্ত্রপাতি আবিষ্কৃত হয় নাই, পরিকল্পনাশিল্পীদের মস্তিষ্ক কোনো শিল্পবিজ্ঞানগণের সংযোগে যন্ত্রশিল্পীদের সহিত সহযোগিতা করিয়া দারুশিল্পের উন্নতি সাধন করিতে সমর্থ হয় নাই, তখন এই অনাদৃত পল্লীকারিগরেরা কি ভাবেই না জানি এই সব সুন্দর শিল্পসৃষ্টি করিতে সমর্থ হইত।

বিলাতের দারুশিল্পের যে কয়টি নমুনা-চিত্র আমি সংগ্রহ করিয়াছি তাহা অবশ্য অস্বদেশীয় প্রাচীন সূত্রধরের শিল্পনমুনাপেক্ষা অনেক বেশী সুন্দর ও সুসম্পন্ন; কিন্তু ইহার কারণও আছে। এই কাঠের কাজগুলি খুব বেশী

পুরাতন নয় আর ইংলণ্ডের যন্ত্রশিল্প এমনই সমুন্নত যে এ সকল তাহার সাহায্যে অতি সুচারুরূপে সুসম্পন্ন হইয়াছে। আমাদের দেশীয় সূত্রধরের মত এগুলি হাতে করিয়া কেহ তৈয়ারী করে নাই। ১৩৩৫ সালের জ্যৈষ্ঠমাসের বিচিত্রায় আমার “অজস্র ও এলোরার ভাস্কর্য্য তীর্থ” শীর্ষক প্রবন্ধে, ৮৭৪ পৃষ্ঠার প্রথম চিত্রটি, যাহার নীচে ভ্রমক্রমে ছাপা হইয়াছে “এলোরা পাহাড় কাটিয়া গৃহ” এবং যাহা হওয়া উচিত ছিল—‘সূত্রকা-বোঁপ্রা’ বা ‘সূত্রধরের কুটির’ তাহা-ই অতীব প্রাচীন ভারতীয় দারুশিল্পের একটি চমৎকার নিদর্শন। উহা এমনই সুন্দর ও এমনই সুসম্পন্ন যে ভুল করিয়া ‘পাহাড় কাটিয়া নির্মিত গৃহ’ বলিলেও কেহ চিত্র দেখিয়া সে ভুল ধরিতে পারিবেন না। এই কারণেই ঐ ছাপার ভুল আর সংশোধন না করিয়াই চলিয়া গিয়াছে। সংশোধন না করিবার অবশ্য আরো একটা কারণ এই যে, দেখা যায় ভ্রম করিয়া পর-সংখ্য ভ্রম-সংশোধন ছাপাও একটা ভ্রম। কারণ তাহাতে সেই ভুলটিকে


দত্ত

বিদ্যাপন দিয়া আরও প্রসিদ্ধ করিয়া তোলা হয়। যাহা হইল এখন কিন্তু দায়ে ঠেকিয়া ভ্রম সংশোধন করিতে হইল, কারণ উহা অপেক্ষা অধিকতর সুন্দর ভারতীয় দাক্ষিণ্যের কোন নমুনা আর নাই। পাঠকেরা মনে রাখিবেন যে উক্ত গৃহটি যে সমস্ত যন্ত্রের সাহায্যে নির্মিত হইয়াছিল তাহা ইংলণ্ডের ভাগাবান আধুনিক মন্ত্রধরদের উন্নত প্রণালীর যন্ত্রপাতির নিকট কিছুই নহে, এবং উহা এই সংখ্যায় প্রকাশিত বিলাতী কাঠের কাজের নমুনা-চিত্র সমূহ অপেক্ষা বহু প্রাচীন। তথাপি বিলাতী কাঠের কাজের চিত্রগুলির পাশ্বে উহাকে কতটা বে-মানান দেখাইবে তাহার বিচার-ভার পাঠকদের উপর রহিল। আমরা এখানে সেটিকে পুনর্মুদ্রিত করিলাম। যে নমুনাগুলির পরিচয় এই প্রবন্ধে প্রদত্ত হইল, সেগুলি সমস্তই সেন্টজর্জ গির্জার অন্তর্গত।

প্রথম চিত্রটি, চতুর্থ এডওয়ার্ডের সমাধি ও ধর্মযাজকদের আসনের মধ্যবর্তী পর্দা—ইহা দাক্ষিণ্যিত। এটির কারুকাৰ্য্য কি সুন্দর! বিশেষ করিয়া দ্রাক্ষালতার অনুকৃত ক্ষোদাইগুলি ভারী চমৎকার।

সেন্ট জর্জ গির্জার কোন কোন দরজা পরবর্তী সময়ে নির্মিত হইলেও উহার শিল্পভঙ্গী ও আদর্শ একই রকমের। দরজার উপরকার পেরেকগুলির মাথায় যে পরিকল্পনা বিদ্যমান তাহা উহাদের অপেক্ষাকৃত আধুনিকত্বের সাক্ষ্য প্রদান করিতেছে। যদিও গির্জার অন্তর্গত সমস্ত কাঠের কাজ একই প্রণালীর ও একই আদর্শ-সম্মত, তথাপি অপেক্ষাকৃত প্রাচীন কাজগুলির মধ্যে একটি কাঠের কাজ আছে যাহা পর্দার (প্রথম চিত্র দেখুন) সমসাময়িক হইলেও সম্পূর্ণ অল্প কারিগরের তৈয়ারী বলিয়াই স্পষ্ট মনে হয়। কারণ তাহার সমগ্র পরিকল্পনাটি অনেক বেশী স্থল ও নিপুণ। ইহা বর্তমান চ্যাপটার ক্লার্কের ঘরের ছাদের ভিতরকার অংশ। ইহাকে এক সময়ে লাইব্রেরী ঘরের ছাদের সহিত একযোগে পলস্তারা মণ্ডিত করিয়া দেওয়া

হইয়াছিল (উহা সম্ভবতঃ অষ্টাদশ শতাব্দীতে হইয়া থাকিবে); পরে শুর গিল্‌বাট স্কট উহার আবিষ্কার ও উদ্ধারসাধন করেন। পঞ্চদশ শতাব্দীর দাক্ষিণ্যের শ্রেষ্ঠ নিদর্শন, চ্যাপটার ক্লার্কের অফিসঘরের ভিতরকার ছাদ।




‘কাঠ নির্মিত স্মৃতির স্মৃতি’

এই কারুকাৰ্য্যটির প্রস্তুত সময় নির্দেশ করা মোটেই শক্ত নয়, কারণ ইহার একটি ক্ষোদাই-চিত্রের মধ্যে ধর্ম-যাজক বুচাম্পের নাম-সহি অঙ্কিত আছে। এই চ্যাপটার ক্লার্কের ঘরের ভিতরকার ছাদের অনেকগুলি ক্ষোদাই কাজের চিত্র সংগ্রহ করিয়াছি, এখানে কয়েকটার নমুনা দিলাম উহারা এই প্রবন্ধের তৃতীয়, তৃতীয়, চতুর্থ ও পঞ্চম চিত্র।

যে প্রণালী অবলম্বন করিয়া কাঠের উপর এই ক্ষোদাই করা হইয়াছে, বিশেষজ্ঞেরা বলিয়াছেন যে, তাহা অস্বীকৃত, নুতন, ও যে কোনো জিনিষের প্রতিকৃতি যথাকথ ফুটাইয়া তুলিবার পক্ষে সর্বাধিক উপযোগী। টুকরা টুকরা



ভাবে কোন কোন অংশ প্রথমে তৈয়ারী করিয়া পরে 'কু' পরিষ্কার হইয়াছে, সে বিষয়ে আর সন্দেহ নাই। চতুর্থ দিয়া আঁটির দেওয়া হইয়াছে। আদিম কোদাইগুলির চিত্রটিতে শশকের গাত্রমধ্যে একটি 'কু'র মাথা স্পষ্ট দেখা মধ্যে এই 'কু' একটা কাঠের চাকুতীর আবরণে ঢাকা ছিল; যাইতেছে।



কাঠের পরদা

এখন কিন্তু এই 'কু' গুলিকে উন্মুক্ত করিয়া রাখা হইয়াছে। ইহাতে হরত দেখিতে এ গুলিকে একটু খারাপ দেখায় কিন্তু কাঠের কাজগুলির নির্মাণ-রহস্য ইহার অস্ত্র যে অপেক্ষাকৃত চ্যান্টার ক্লার্কের ছাদের ভিতরকার কোদাই-চিত্রের মধ্যে কতকগুলিতে কুল লতা পাতা আঁকিয়া বাহির করিয়া আনা হইয়াছে; কোনটিতে বা জীবজন্তুর, কোনটিতে

বা স্তরাপাত্রে, আবার কতকগুলিতে নরমুণ্ডের চিত্র ও ক্ষোদাই করা হইয়াছে। আমরা এখানে দুইটি নরমুণ্ডের চিত্র দিলাম। চিত্র দুইটি দেখিলেই বেশ মনে হয় যে মাথায় মুকুট-বিশিষ্ট রাজমুণ্ডটি (দ্বিতীয় চিত্র) যে হস্ত ক্ষোদাই করিয়াছে, শিরোভূষণ গীন দ্বিতীয় মুণ্ডটি (পঞ্চম চিত্র) সে হস্তের নহে। স্মৃষ্টি চোখে এমনি দেখিলে এই দ্বিতীয় মুণ্ডটির কাঠের অমসৃণতা ততটা বোঝা যায় না, কিন্তু আলোকচিত্রে কে জানে কেন সেগুলি যেন একটু বেশী রকমই প্রকট হইয়া উঠিয়াছে। এই মুণ্ডগুলির সম্বন্ধে জনবাদ এইরূপ—রাজ মুণ্ডটি 'এডওয়ার্ড দি কনফেসার' এর বলিয়াই অনুমিত হয়, কারণ বাহাদিগকে এই গির্জাটি উৎসর্গ করা হইয়াছিল, ইনি তাঁহাদের অগ্রতম; আর শিরোভূষণ গীন অপর মুণ্ডটি নাকি সেই সূত্রধর শিল্পী, যিনি শুধু কাঠের বৃকে এমন সজীব চিত্রগুলি ফুটাইয়া তুলিয়াছেন। কে জানে এই সকল কিংবদন্তীর মধ্যে কোন সত্য আছে কি না। যাহা হউক, যেটি সূত্রধরের মুণ্ড



রাজমুণ্ড



পুষ্পিত কাঠের ক্ষোদাই

বলিয়া উক্ত হয় তাহা এমনই সুন্দর, সূক্ষ্ম ও ছবছ মনুষ্য মস্তকের মত যে, উহার শিল্পকার ও নিপুণতার নিকট এই ধরণের অল্প সকল চিত্রই পরিম্লান হইয়া যায়। তাই স্বতঃই মনে হয় যে, যে হস্ত ইহাকে নির্মাণ করিয়াছে তাহা কখনই অপর চিত্রের জনক নহে। এই ছাঁদের প্রত্যেক ক্ষোদাই কাজটি বিভিন্ন প্রকারের। হ' একটি বিশেষ বিশেষ ভঙ্গীর নমুনা মাত্র দেওয়া হইল।

ষষ্ঠ চিত্রটিতে ধনুকের মত বক্রাকৃতি একটি জানালা দেখা যাইতেছে, উহাকে ইংরাজিতে bow-window বলে, এবং উহা সেন্ট জর্জ গির্জারই অন্তর্গত। অষ্টম হেনরী, এডওয়ার্ডের কবরের উপরস্থিত গীতমন্দিরের একটি পাথরের জানালা ভাঙিয়া, রাণী ক্যাথেরিন্ অব আরাগনের জন্ম এই দারুণ অধিবৃত্তাকার বাতায়নটি নির্মাণ করাইয়া দেন। এই জানালা হইতেই মহারাণী ভিক্টোরিয়া, প্রিন্স অব ওয়েল্‌সের সহিত ডেনমার্ক



রাজকুমারী আলেকজান্দার বিবাহ দেখিয়াছিলেন। গির্জার অন্তর্গত ইহার পরবর্তী প্রস্তর নির্মিত এই দারুণ বাতায়নের কারুকার্য যেমন সুন্দর বাতায়নের অনুরূপে প্রস্তর-বর্ণেই অমূর্তিত হেমনি সুন্দর! এক সময়ে এই বাতায়নটি এই হইয়াছিল। কিন্তু ১৮৪৬ খৃষ্টাব্দে 'উইলিমন্ট'


কর্তৃক বাতায়ন গাত্রে এই রঙ অপসৃত হয় ও তৎপরিবর্তে সেখানে কতকগুলি চিত্র অঙ্কিত হয়।



দশক-শিল্প



কারিগরের প্রতিমূর্তি



ক্যাথেরাইন অফ্ জোরগনের বাতায়ন

এই জানালার কারু ও চিত্রশিল্পের মধ্যে 'রেনাসেন্স' যুগের ছাপ স্পষ্টভাবে প্রতীয়মান।

এই গির্জার মধ্যে সর্বশেষে যে সমস্ত কাজের কাজ করানো হইয়াছিল তাহা দ্বিতীয় চালসের

সময়কার। 'কমন্ওয়েল্থের' সময়ে এই গির্জার উপর বহু অত্যাচার হইয়া গিয়াছে। যদিও ইংলণ্ডের অত্যাচার বহু ধর্মপ্রতি-
গানের তুলনায় এই গির্জা অনেক কম ক্ষতিগ্রস্ত হইয়াছিল
তথাপি দ্বিতীয় চার্লসের সময় অনেক মেরামতীর কাজ
করিতে হইয়াছিল। সে সমস্ত সংস্কার প্রচেষ্টা দেখিলে স্পষ্টই
বোঝা যায় যে, যথোপযুক্ত অর্থের অভাবে 'রেন' (Wren)
সাধেব যে সমস্ত সংস্কার প্রস্তাব দাখিল করিয়াছিলেন তাহার
অনেকগুলিই আর কার্যো পরিণত করা সম্ভব হইয়া উঠে
নাই। কিন্তু যতটা সম্ভব সুন্দর কাঠের কাজ দিয়া এই
গির্জার সংস্কার সাধিত হইয়াছিল। কিন্তু এই শেষের
শিল্পকার্য্য পূর্বেকার কারিগরদের হাতের কাজ অপেক্ষা
অনেক হীন ও অপটুতার পরিচায়ক। এই পরবর্তী দারু



কাঠের অভিষেক জলাধার

শিল্পের একটা নিদর্শন স্বরূপ আমরা উচ্চপ্রাস্তুবিশিষ্ট একটি
বেঞ্চের চিত্র দিলাম। ছবি হইতে স্পষ্টই দেখিতে পাওয়া
যায় যে, ইহার শিল্পকার্য্য তত সুন্দর ও সুসম্পন্ন নহে। এরকম
বেঞ্চ এই গির্জার মধ্যে আরো অনেকগুলি আছে। এই
ধরনের বেঞ্চ অল্প কোথাও দেখিতে পাওয়া যায় না।

আমরা কাঠনির্মিত একটি 'অভিষেক জলাধারের'
(Font) ছবি দিলাম। এই অভিষেক জলাধার, খৃষ্টধর্মে
দীক্ষিত হইবার সময় ব্যবহৃত হইয়া থাকে এবং এ গুলি
সাধারণতঃ প্রস্তর নির্মিতই হয়। কিন্তু এই চিত্রাস্তর্গত
জলাধারাটি এমন সুগঠিত ও সুপরিচ্ছন্ন যে দেখিলে ইহাকে
প্রস্তর নির্মিত বলিয়াই ভ্রম হয়।

শ্রীরামেন্দু দত্ত



উচ্চ প্রাস্তুবিশিষ্ট বেঞ্চ

বাংলা সাহিত্যের পথঘাট

শ্রীসতীশচন্দ্র ঘটক

সাহিত্য একটা সহর। তার সদর রাস্তাও আছে গলি-ঘুঁচিও আছে। কেবল সদর রাস্তা জানলেই সহর জানা হয় না। অনেক দেখবার জিনিষ, জানবার জিনিষ, ভাববার জিনিষ গলি-ঘুঁচির ছুপাশেও থাকে। নতুন সহরে না থাকলেও পুরোণো সহরে থাকেই। তা ছাড়া বড় রাস্তার বড় বড় দোকানঘরে যে সব জিনিষ ঝক্‌মক্ করে তার বেশীর ভাগই তৈরী হয়—গলি-ঘুঁচির ছোট ছোট কারখানায়। কত অখ্যাত অজ্ঞাত দর্জি সেকরা ছুতোর আঁধার গলির সাঁৎসেতে কোণে ব'সে দিন রাত্তির নীরবে কাজ করচে। কাজেই সদর রাস্তার সৌন্দর্য্য ও ঐশ্বর্য্যকে ঠিকভাবে বুঝতে হ'লে গলি-ঘুঁচিতেও ঢোকা চাই।

বাংলা সাহিত্য এখনও নতুন সহর। সে একটু একটু ক'রে গ'ড়ে উঠ'চে। তাতে এখন পর্য্যন্ত দু চারটে মোটা মোটা রাস্তারই পত্তন হয়েছে। গল্প, কবিতা, নাটক বা এক-কথায় কাব্য জাতীয় রচনাই তার একমাত্র চলাফেরার পথ। কিন্তু অল্প পথ তো এবার পাততে হবে, বোধহয় পাতবার সময়ও এসেছে। তা না পাতলে বাংলা সাহিত্য নিতান্ত ছোটই থেকে যাবে—তার সীমানাও বাড়বে না, লোক-বস্তুও নয়। কাজেই এখন দুচারজন দুঃসাহসিক লোককে কোদাল কুড়ল ঘাড়ে নিয়ে বেরোতেই হবে—তার মাঠঘাট টাচতে, তার বনজঙ্গল কাটতে। এ কাজ কোনো এঞ্জিনিয়ারের নক্সা ধ'রে হবে না—কেন না সাহিত্য করমাসী জিনিষ নয়। আর তা নকল নবিশী নয় ব'লে, না চলবে ইংরাজী সাহিত্যের ছবছ নকল, না চলবে সংস্কৃত সাহিত্যের ঐকান্তিক অনুসরণ। তবে ঐ দুই সাহিত্যকে আদর্শ বা 'মডেল' হিসেবে দেখলে পথ পাতার সমস্তা যে খানিকটা সোজা হ'য়ে যাবে তা নিশ্চিত।

সহর ও পথের উপমা ছেড়ে দিয়ে এবার সোজা কথায় নাবা যাক। আমরা সকলেই চাই বাংলা ভাষা ও

বাংলা সাহিত্য গ'ড়ে উঠুক। এ চাওয়ার মূলে যে কেবল আমাদের দেশপ্ৰীতি বা মাতৃভক্তি আছে তা নয়। শ্রীযুক্ত প্রমথ চৌধুরীর ভাষায় বলতে গেলে—'মাতৃভাষাকে স্বপ্রতিষ্ঠ করবার লোভ যে আমরা কিছুতেই সম্বরণ করতে পারি নে, তার কারণ আমরা জানি যে 'সর্বং আশ্রয়ঃ সুখং' আর 'সর্বং পরবশং দুঃখং।' তাছাড়া ঐ লেখকই আর এক জায়গায় বলেছেন, 'মনের স্বরাজ্য একমাত্র স্বভাষার প্রসাদেই লাভ করা যায়। সুতরাং সাহিত্যচর্চা আমাদের পক্ষে একটা সখ নয়, জাতীয় জীবনগঠনের সর্বশ্রেষ্ঠ উপায়—কেন না এ ক্ষেত্রে যা কিছু গ'ড়ে উঠবে তার মূলে থাকবে জাতীয় আত্মা এবং জাতীয় কৃতিত্ব।'

এ সত্য শ্রীযুক্ত রবীন্দ্রনাথও বহুদিন আগে উপলব্ধি ক'রে বলেছিলেন, "আধুনিক শিক্ষা তাহার বাহন পায় নাই। তার সর্বপ্রধান বাধাটা এই দেখিতে পাই যে তার বাহনটা ইংরেজি। বিদেশী মাল জাহাজে করিয়া সহরের ঘাট পর্য্যন্ত আসিয়া পৌঁছিতে পারে কিন্তু সেই জাহাজটাতে করিয়াই দেশের হাতে হাতে আমদানী রফতানি করাইবার দুঃখ মিথ্যা। যদি বিলিতি জাহাজটাকেই কায়মনে আঁকড়াইয়া ধরিতে চাই তবে ব্যবসা সহরেই আটকা পড়িয়া থাকিবে।

দেশের মনকে মাতুষ করা কোনমতেই পরের ভাষায় সম্ভবপর নহে। আমরা লাভ করিব কিন্তু সে লাভ আমাদের ভাষাকে পূর্ণ করিবে না, আমরা চিন্তা করিব কিন্তু সে চিন্তার বাহিরে আমাদের ভাষা পড়িয়া থাকিবে, আমাদের মন বাড়িয়া চলিবে কিন্তু সঙ্গে সঙ্গে আমাদের ভাষা বাড়িতে থাকিবে না,—সমস্ত শিক্ষাকে অকৃতার্থ করিবার এমন উপায় আর কি হইতে পারে ?

তার ফল হইয়াছে, উচ্চ অঙ্গের শিক্ষা যদি বা আমরা পাই, উচ্চ অঙ্গের চিন্তা আমরা করি না। কারণ চিন্তার স্বাভাবিক বাহন আমাদের ভাষা। বিদ্যালয়ের বাহিরে

শ্রীসতীশচন্দ্র ঘটক

আমরা পোষাকী ভাষাটা আমরা ছাড়িয়া ফেলি, সেই সঙ্গে তার পকেটের সঞ্চয় আলনায় ঝোলানো থাকে। যেমন এমন রোগী দেখা যায় যে খায় প্রচুর অথচ তার হাড় বাহির হইয়া পড়িয়াছে, তেমনি দেখি আমরা যতটা শিক্ষা করিতেছি তার সমস্ত আমাদের সাহিত্যের সর্বাঙ্গে পোষণ সঞ্চয় করিতেছে না। খাওয়ার সঙ্গে আমাদের প্রাণের সঙ্গে সম্পূর্ণ যোগ হইতেছে না। তার প্রধান কারণ আমরা নিজের ভাষার রসনা দিয়া খাই না, আমাদের কলে খাওয়ানো হয়, তাতে আমাদের পেট ভর্তি করে, দেহপূর্তি করে না।”

আমিও আমার এক প্রবন্ধে ঠিক এই কথাই বলেছিলাম।—‘যতক্ষণ পর্যাস্ত না মাতৃভাষা জ্ঞান ও মতের বাহন হয় ততক্ষণ পর্যাস্ত বস্তু ও মনের মধ্যে একটা দুর্ভেদ্য ব্যবধান থেকে যাবেই। আমরা যতই বিভাষালব্ধ জ্ঞানকে মনে মনে তরজমা ক’রে নিই না কেন তবু সে জ্ঞান আলোর মত দূরে দূরেই স’রে বেড়াবে। পর ভাষার পলকাটা কাচের মধ্য দিয়ে যে জ্ঞানের আলো মনের দর্পণে প্রতিফলিত হয়, তা সে জ্ঞানের স্বরূপ নয়, ছিন্ন বিচ্ছিন্ন বর্ণচ্ছটা। তার মধ্য দিয়ে বস্তুকে প্রত্যক্ষ করাও বা আর কাটা চামচে দিয়ে ভাত খাওয়া কি পুরদার আড়াল থেকে মুখ দেখাও ঠিক তাই।’

বাংলা-সাহিত্য যে গ’ড়ে তুলতে হবে তা অনেকেই বোঝেন, কিন্তু এটা হয় ত ঠিক বোঝেন না—সাহিত্য বলতে কি বোঝায়। কাব্য ও সাহিত্য যে সম-পরিমর নয়, অর্থাৎ সাহিত্য যে কাব্যের চেয়ে একটু বেশী ব্যাপক এই কথাটাই বোঝা আজকাল বেশী দরকার হ’য়ে পড়েছে। আজকাল মাসিকপত্রের পাতা ওন্টালেই দেখি গল্প আর কবিতা, যেন ও ছাড়া আর সাহিত্যের কোন দিক নেই। শ্রীযুক্ত প্রমথ চৌধুরীর আর একটি লেখা এইখানে না উদ্ধৃত ক’রে পারলুম না। তিনি লিখেছেন, ‘বঙ্গ সাহিত্য যতদিন কেবল-মাত্র গল্প ও গানের গণ্ডীর ভিতর আটক থাকবে ততদিন শিক্ষিত সমাজে বঙ্গভাষা যথার্থ প্রতিষ্ঠালাভ করতে পারবে না। কেন না, শ্রেষ্ঠকাব্য সাহিত্যের মুকুট মণি হ’লেও সমস্ত কথা ও গাথা নিতান্তই অকিঞ্চিৎকর পদার্থ। নিকৃষ্ট

কাব্যসাহিত্যের পরিমাণ বৃদ্ধি হওয়াতে কোন সাহিত্যেরই গৌরব বৃদ্ধি হয়না এবং অক্ষম হস্তের অযত্নপ্রসূত গান ও গল্প প্রায়ই উৎকৃষ্ট হয় না; কেননা যথার্থ কাব্যসৃষ্টির জগু চাই স্রষ্টার প্রাক্তন সংস্কার এবং অসামান্য প্রতিভা। এবং সকলেই অবগত আছেন যে প্রতিভাশালী লেখক এবেলা ওবেলা হাতে বাজারে মেলেনা।’

খুব সত্য কথা। কবিত্ব যদি না দুর্লভ বস্তু হতো তা হ’লে কালিদাস পর্যাস্ত ভয়ে ভয়ে লিখতেন না—

‘মন্দঃ কবিশবঃ প্রার্থী গমিষ্যামুপহাস্তাতাম্

প্রাংশু লভো ফলে লোভাতুদ্বাহুরিব বামনঃ।’

কিন্তু আজকালকার বামনরা গাছের ফল পাড়া দূরে থাক চাঁদ পাড়বার জগু হাত বাড়ান্—উপহাসের তোয়াকা রাখেন না—এবং মন্দদের পরিচয় দিয়েও মন্দ বললে চ’টে আগুন হ’ন। তাঁদের বোঝা উচিত যে কবি শ্রেষ্ঠ সাহিত্যিক হ’লেও—সাহিত্যিক মাত্রই কবি ন’ন—অর্থাৎ কবি না হ’য়েও মানুষ সাহিত্যিক হ’তে পারে।

কাব্য হৃদয়ের ভাবকে আশ্রয় ক’রে বিশেষ ভাবে আমাদের সৌন্দর্য্য বুদ্ধিকে আঘাত করে। বা বন্ধিম চন্দ্রের ভাষায় ‘চিত্তবৃত্তির বেগের সমুচিত বর্ণনা দ্বারা সৌন্দর্য্যের সৃজনই কাব্যের উদ্দেশ্য।’ সুতরাং হাস, ককণা, শৃঙ্গার প্রভৃতি ভাব যখন ভাষার ভঙ্গীতে, ছন্দে, অলঙ্কারে, চিত্রে, কল্পনায় সাকার হ’য়ে কাব্যের অঙ্গীভূত হয় তখন তার নাম হয় রস। রস মানেই কবিত্ব, কবিত্ব মানেই সৌন্দর্য্য। কিন্তু কাব্যগত সৌন্দর্য্যের সারতন্ত্রের কোন মূল সূত্র এখনো আবিষ্কৃত হয়নি; সে এখনো সংজ্ঞার অতীত। সে যে বুদ্ধিকে স্পর্শ করেনা তা নয় কিন্তু তার মুখ্য উদ্দেশ্য জ্ঞান নয়, সৌন্দর্য্য, যেমন কাব্য ভিন্ন অপরাপর সাহিত্যের মুখ্য উদ্দেশ্য সৌন্দর্য্য নয়, জ্ঞান। এই অপরাপর সাহিত্যের বিষয় হচ্ছে বিজ্ঞান, দর্শন, ধর্ম্মশাস্ত্র, বাবহারশাস্ত্র, ইতিহাস, ভূগোল প্রভৃতি। কিন্তু এই সমস্ত বিষয়ের রচনা তখনই সাহিত্যপদবাচ্য হয়, যখন তা মুখ্যভাবে না হ’লেও গৌণভাবে আমাদের সৌন্দর্য্য-বুদ্ধিকে আঘাত করে। এমন বিজ্ঞানের বই আছে যা আমরা গল্পের মতই আগ্রহের সঙ্গে পড়ি—। করানী



দার্শনিক বার্গসের দর্শনগ্রন্থ শুধু সাহিত্য নয় উৎকৃষ্ট কাব্য।

তা হ'লে বোঝা যাচ্ছে সাহিত্যকে যে চিত্তরঞ্জন করতেই হবে তার কোন মানে নেই কিন্তু জ্ঞাপন তাকে করতেই হবে। এই জ্ঞাপনকার্য যতটা সুন্দরভাবে, নিপুণভাবে, স্নকৌশলে (artistically) করা যায় ততই ভাল, ততই সাহিত্যের কষ্টিপাথরে তার দর বাড়বে। অলঙ্কার শাস্ত্রে যা সাহিত্যমাত্রেরই গুণ বলে উক্ত আছে—যাকে আধুনিক ভাষায় বলা যায় রচনাভঙ্গীর উৎকর্ষ (qualities of style) যথা, স্পষ্টতা (clearness) প্রাঞ্জলতা (perspicuity) সরলতা (directness) চিত্রবহুলতা (picturesqueness)—তা বিজ্ঞান লেখককেও মানতে হবে ইতিহাস লেখককেও মানতে হবে। এই জন্মই সাহিত্যরচনাও যার তার কাজ নয়। “ঐ ধান ঐ জ্ঞান না করলে সাহিত্যের যথার্থ চর্চা করা হয় না।” হেলা ফেলার পুষ্পাঞ্জলিতে অল্প যে দেবতারই হোক, সরস্বতীর পূজা হয় না। কেননা এটা ভুলে চলবেনা—‘মানুষে সাহিত্যে যে ভাবের ঘর বাধে তা খেলার ঘর নয় মনের বাসগৃহ।’

সাহিত্যকে তা হ'লে আমরা দুভাগে ভাগ করতে পারি— একভাগে পড়ে রসসাহিত্য বা কাব্য, অপর ভাগে পড়ে জ্ঞান বিজ্ঞানের সাহিত্য বা বিজ্ঞান। বিজ্ঞান কারবার প্রধানত সত্য নিয়ে—কাব্যে সত্য ও সুন্দরের অবিচ্ছেদ্য মিলন। কাব্য যে সাহিত্যের শীর্ষস্থান অধিকার করে, তার কারণ একমাত্র কাব্যেই ‘জ্ঞানের ভাষা, কর্মের ভাষা ও ভক্তির ভাষা এই ত্রিধারার ত্রিবেণী-সঙ্গম হয়।’ কিন্তু ঐ ত্রিবেণী-সঙ্গমের ঘূর্ণিপাকে পাড়ি দিতে যাওয়া মানেই যে অব্যর্থ নৌকাডুবি, তা কাঁচা মানবদের অন্তত বোঝা উচিত।

রস জিনিষটা বড়ই মধুর। তার প্রতি লোভ শতকরা নিরনব্বই জন লোকেরই আছে। কিন্তু সারকে উপেক্ষা ক’রে শুধু রসের চর্চা করা একটা দুপ্রবৃত্তি। এ প্রবৃত্তি গাছের নেই। তার শরীরে রসও আছে সারও আছে। আমরা নিছক রসসাহিত্যের সঙ্গে যদি একটু সারবান সাহিত্যেরও চর্চা করি, তা হ'লে বোধ হয় সাহিত্য-দেহের পরিপূষ্টি হয়। বর্তমানে বাংলা সাহিত্যের দিকে

চাইলেই একটা অসমতা এবং অসামঞ্জস্য আমাদের নয়ন মনকে বাধিত করে এবং সঙ্গে সঙ্গেই মনে পড়ে ছ একটা বিজ্ঞাপনের বাঙ্গা চিত্র যাতে মাথার অনুপাতে দেহটা ঠিক ঠিক ধামার অনুপাতে খড়কেকাঠি।

অল্পদেশের ভাষার কারখানায় যেমন কাব্যও গড়া হচ্ছে তেমনই বিজ্ঞান সাহিত্যও গড়া হচ্ছে—কিন্তু আমাদের দেশে বিজ্ঞান সাহিত্য ছ একজন অক্ষম লোকের লেখা স্কল-বুকেই পর্যাবসিত। কাজেই আমাদের ভাষায় আমাদের ছেলেদের উচ্চশিক্ষা দেওয়া দূরে থাক নিম্নশিক্ষা দেওয়াও দুর্ঘট। বিশ্ববিদ্যালয়ের কর্তৃপক্ষেরা যদি আজ বলেন বাংলা-ভাষাতেই সমস্ত শিক্ষা দেওয়া হবে—পাঠ্য পুস্তক নির্ণয় কর, তাহলে আমাদের মুখ চাওয়া চাওয়ি ক’রে মাথা চুলকানো ছাড়া উপায় নেই।

যারা জ্ঞানকে শ্রদ্ধা করে তারা জ্ঞানের কোন বিষয়কেই অন্যদরের চক্ষে দেখেনা। তাদের কাছে কোন বিষয়ই তুচ্ছ নয়। তারা নিত্য নূতন বিষয়কে সাহিত্যের গণ্ডীর মধ্যে টেনে নেয়। ইংরাজী ভাষার দাবাখেলারও literature আছে, শিষ্টাচারেরও literature আছে, দোকানদারিরও literature আছে। সাহিত্যের যজ্ঞোপবীত গলায় ছলিয়ে চুরিবিজ্ঞানও একদিন তার শূদ্র হারিয়ে ‘চৌর্যা শাস্ত্র’ নামে আখ্যাত হয়েছিল এবং সে আমাদেরই এই কাব্যবাতিকগ্রন্থ দেশের কোনো-এক প্রাচীন যুগে। সাহিত্যিকের লেখনী স্পর্শমণি, তা ইতর ধাতুকেও স্বর্ণের আভিজাত্য দিতে পারে। কিন্তু অভাব যে সাহিত্যিকেরই।

কিন্তু কেন এ অভাব? বাংলা দেশে কি চিন্তাশীল একনিষ্ঠ সাহিত্যসাধক নেই? আছে—তবে যে সারবান বিজ্ঞান সাহিত্যে বাংলা ভাষা এখনো দরিদ্র, তার হয়ত এমন কতকগুলি গুরুতর প্রতিবন্ধক আছে যা অনুসন্ধান ক’রে দূর করতে হবে।

একটা কারণ আমরা পূর্বেই ধরেছি। বাঙালী জাতটা বড়ই ভাবুক, রসিক, কবিত্বপ্রিয়। তার ফলে সে যত শীঘ্র উচ্চ কাব্যের সমাজদার হ’তে পারে, এত শীঘ্র বোধ হয় আর কোন জাতই পারে না। কিন্তু সুন্দরের ভক্ত হ’লেই

ত্রীসতীশচন্দ্র ঘটক

যে মন্দিরের মন্দির গড়তে পারবে এমন কি কথা আছে ? তার জন্ত যে শক্তির টীকার দরকার তা বেশী লোকের কপালে ভগবান আঁকেন না। কিন্তু ঐ মন্দির গড়বার চাক আমাদের অধিকাংশকেই এমন পেয়ে বসেচে—ঐ বাগ নেশার বিড়ম্বনায় আমরা এতই মত্ত যে, আমাদের খেয়াল নেই যে আমাদের পিতৃপিতামহের জ্ঞানের চালাটুকুও জীর্ণ সংস্কারের অভাবে ভেঙ্গে পড়চে—যা ছিল আমাদের যৎকিঞ্চিৎ মাথা গোঁজার সম্বল। আমাদের এ রোগের সংস্কৃত নাম হচ্ছে দুর্বুদ্ধি ও দুৰাকাঙ্ক্ষা—এবং সাদা বাংলায় একেই বলে ‘হেলে ধরতে পারি না, কেউটে ধরার সাধ’।

আর একটা কারণের ইঙ্গিত দিয়েচেন বঙ্কিমচন্দ্র ও রবীন্দ্রনাথ দুজনই। সে কারণ হচ্ছে এই। আমরা স্বার্থপর। যে জ্ঞান আমরা বিলাতী ভাষার প্রসাদে বিশ্ব-বিদ্যালয়ের মারফৎ প্রাপ্ত হচ্ছি তা আমাদের ছুঁচার-জনের মাথায় মাথায় ঘুরে বেড়াচ্ছে, দেশের গায়ে বসতে পারচে না। আমাদের বাংলা-নবীশরা থেকে যাচ্ছে যে তিমিরে সে তিমিরে। রবীন্দ্রনাথের ভাষায়—শিক্ষার ভোজে আমরা নিজেরা ব’সে থাচ্ছি, পাতের প্রসাদটুকু পর্যন্ত আর কোনো ক্ষুধিত পায় কি না পায় সেদিকে আমাদের খেয়ালই নেই।

বঙ্কিম চন্দ্রের ভাষা আরো স্পষ্ট, আরো তীব্র। কয়েক ছত্র ছবছ তুলে দিচ্ছি + ‘কেন যে ইংরেজি শিক্ষা সম্বন্ধে দেশে লোক শিক্ষার উপায় হ্রাস বাতীত বৃদ্ধি পাইতেছে না তাহার মূল কারণ বলি—শিক্ষিতে অশিক্ষিতে সমবেদনা নাই। শিক্ষিত অশিক্ষিতের হৃদয় বুঝে না। শিক্ষিত অশিক্ষিতের প্রতি দৃষ্টিপাত করে না। মরুকু রামা লাজল চষে, আমার কাউলকারি সুসিদ্ধ হইলেই হইল।’

দেশের সর্বশ্রেষ্ঠ দুজন মনীষী যে অনুযোগের অবতারণা করেছেন, তাকে কাল্পনিক ব’লে উড়িয়ে দেবার স্পর্ধা আমার নেই। আমি সাধারণ ভাবে স্বীকার ক’রে নিচ্ছি প্রায় সত্যতা, কিন্তু এ কথা স্বীকার করতে পারি না যে একজন শিক্ষিতেরও সমবেদনা নেই অশিক্ষিতের জন্ত। তবে দুঃখের বিষয় এই যে যেখানে সমবেদনা আছে সেখানেও

তা ফলপ্রদ হ’তে পারচে না। তথাকথিত শিক্ষিতেরা এতই মাতৃভাষার কোল হ’তে বিচ্ছিন্ন যে মাতৃভাষার তারা আত্ম-প্রকাশ করতে অক্ষম। তাদের বিলাতি বিদ্যা মনের নোটবুকেই টোকা থাকে, মুখের কথায় ফুটে সাহস করে না। তা ছাড়া সেই আড়ে-গেলা বিদ্যা এতই কম জীর্ণ হয় যে, তার কণিকামাত্রও রক্তে পরিণত হয় না। আর নীরক্তকে injectionএর সাহায্য দিতে হলে নিজস্ব রক্ত দেওয়া ছাড়া উপায় নেই।

তিন নম্বর কারণটি খুঁজতে খুঁজতে রবীন্দ্রনাথের প্রবন্ধ হ’তেই পেয়ে গেলাম—“বাংলা ভাষায় উঁচুদের শিক্ষাগ্রন্থ কই? নাই—সে কথা মানি কিন্তু শিক্ষা না চলিলে শিক্ষাগ্রন্থ হয় কি উপায়ে? শিক্ষাগ্রন্থ বাগানের গাছ নয় যে, সৌখীন লোকে সখ করিয়া তার কেয়ারি করিবে—কিন্তু সে আগাছাও নয় যে মাঠে বাটে নিজের পুলকে নিজেই কণ্টকিত হইয়া উঠিবে। বাংলা ভাষায় উচ্চ অঙ্গের শিক্ষাগ্রন্থ বাতির হইতেছে না এটা যদি আক্ষেপের বিষয় হয় তবে তার প্রতিকারের একমাত্র উপায় বিশ্ববিদ্যালয়ে বাংলায় উচ্চ অঙ্গের শিক্ষা প্রচলন করা। দেশে টাকা চলিবে না অথচ টাঁকশাল চলিতেই থাকিবে এমন আবদার করি কোন্ লজ্জায়?”

অন্যায় আবদারের মত লজ্জার জিনিষ খুব কমই আছে সত্য, কিন্তু আমি জিজ্ঞাসু শিষ্যের ছায়া যারপর নাই সবিনয়ে রবীন্দ্রনাথকে প্রশ্ন করি যে, টাঁকশাল না চললেই বা টাকা চলবার সম্ভাবনা কোথায়? সাঁতার শিখে জলে নাবা এবং জলে নেবে সাঁতার শেখা এ দুটো সমস্তার কোন্টার মৌমাংসা অগ্রিম? আর ইউনিভারসিটির ক্ষুরে যারা না মাথা মোড়াবে তারাই যে আধুনিক মনুসংহিতার শূদ্র, তাদের কানে যে উচ্চ শিক্ষার মন্ত্র চলবে না (আমি রবীন্দ্রনাথের ভাষাই ব্যবহার করছি) স্মরণ্য তাদের জন্ত শিক্ষাগ্রন্থ তৈরী করা যে সৌখীন লোকের সখ ক’রে বাগান তৈরী করবার মতই বে-গরজী কাজ, তাই বা কি ক’রে বলি?

আমার মনে হয় রবীন্দ্রনাথ আসল যে কথাটি বলতে গিয়েও শক্তিকটুখের জন্ত মুখ ফুটে বলতে পারেননি সে



হচ্ছে এই যে, যে শিক্ষাগ্রন্থ কেবল দেশের মুখ চেয়েই লেখা হয়, স্কুল কলেজের পাঠ্য তালিকার দিকে চেয়ে নয়, তা বে-গরজী না হ'লেও বে-ফয়দা এবং যা বে-ফয়দা তা আথেরে বে-গরজী হ'তেও বাধ্য। আমাদের দেশের সরস্বতীর পূজারী বা সাহিত্যিকগণ এতই নিঃস্ব যে, তাঁরা ঘরের খেয়ে বনের মোষ তাড়াত একান্তই অক্ষম; তা সে মোষের শৃঙ্গের তাড়নায় যদি বুনো ভাইদের ঘর বাড়ী উৎসন্নও হ'য়ে যায়। বিদ্যার প্রতি অহেতুক অকুরাগ দেশের মধ্যে এতই ক্ষীণ শিখায় জলচে যে, তাদের মুখ চেয়ে বই লিখতে ব্রতী হওয়া মানেই উপবাসকে বরণ ক'রে নেওয়া। কিন্তু এ সমস্যার কি কোনই মীমাংসা নেই? কৈ আর আছে? আমাদের ধনীবৃন্দের! বিদ্যাবিস্তারের জন্ত যে বিশেষ মাথা ঘামান বা সাহিত্যগ্রন্থের দৈত্যের জন্ত যে তাঁদের স্নানদ্রাব বিশেষ ব্যাঘাত হয় এমন ত মনে হয় না। তাঁরা অবশ্য ইচ্ছা করলে দরিদ্র সাহিত্যিকদের দিয়ে অনেক বড় জিনিষ তৈরী করিয়ে নিতে পারেন এবং দেশের

মধ্যেও তা অকাতরে ছড়িয়ে দিতে পারেন, কিন্তু তাঁদের বদাচ্যতা ব্যক্তিগত বিলাস বাসনকে ছাপিয়ে গিয়ে বড় জোর সরকারী খাতে পড়বার মতই অবশিষ্ট থাকে। সরকারী খাতকে ছাপিয়েও যদি কিছু উদ্ধৃত থাকে এবং তা যদি সরাসর ব্যাঙ্কে না গিয়ে যশোলিপ্সার মধ্যে হুমড়ি খেয়ে পড়ে—তা হ'লেও বড় জোর একটা দরিদ্রনারায়ণের ভোজের ব্যবস্থা, কি একটা অনাথাশ্রম, কি একটা দাতব্য চিকিৎসালয়েই নিঃশেষিত হয়। হায় বিবেকানন্দ! তোমার মত মূর্খেরাই চিরদিন চীৎকার ক'রে বলে—'অন্নদানের চেয়ে প্রাণদান শ্রেষ্ঠ, প্রাণদানের চেয়ে বিদ্যাদান শ্রেষ্ঠ।' তোমাদের কথার প্রতিধ্বনি পাহাড়ের গায়ে বাজতে পারে কিন্তু ধনীদের বুকে বাজেনা।

জ্ঞানের পথ অনন্ত—সাহিত্যের পথও তাই। কিন্তু বাংলা সাহিত্যের পথ কে-ই কাটে, কে-ই বা পাতে? যার শক্তি আছে, তার সামর্থ্য নেই, যার সামর্থ্য আছে, তার প্রবৃত্তি নেই। সরকারের সৃষ্টি ছাড়া তার পথ ঘাট কি খোলসা হবে?





সেদিন রাতে বিদায়-কালে ছবি শেষ করবার সময়ের বিষয়ে বিনয় কমলাকে যে আন্দাজ দিয়েছিল কার্যকালে তা দ্বিগুণ হ'য়ে গেল। প্রত্যহ ঘণ্টা ছই ক'রে নিরবসর পরিশ্রমের দ্বারাও আটদিনের আগে ছবি শেষ হ'ল না। আট দিনের দিন ছবি আঁকার পর তুলি রং প্রভৃতি গুছোতে গুছোতে বিনয় বললে, “ছবি আঁকা শেষই হয়েছে—শুধু কাল একবার অল্পক্ষণের জন্তে এসে মিলিয়ে দেখব। নিতান্ত দরকার বুললে ঢ একটা মাত্র টান দেবো—না দিতেও পারি। আজ অল্প সময়ের মধ্যে এত বেশি কাজ হয়েছে যে, আজ দেখে ঠিক ঠাওর করতে পারব না।” তারপর কমলার দিকে দৃষ্টিপাত ক'রে মুহূ হেসে বললে, “এবার আপনার অব্যাহতি মিস মিত্র,—কিন্তু অনেক কষ্টভোগের পর।”

উত্তরে কমলা কিছু বললে না; শুধু মুহূর্তের জন্ত ওষ্ঠা-পথে, অপরাহ্ন-দিগন্তের নিঃশব্দ বিছাৎপ্রভার মত, ক্ষীণ-গামির রেখা দেখা দিয়ে মিলিয়ে গেল।

অদূরে একটা ইজি-চেয়ারে অর্ধশায়িত হ'য়ে দ্বিজনাথ ছবি আঁকা দেখছিলেন, বিনয়ের কথায় সোজা হ'য়ে উঠে বসে বললেন, “কষ্টভোগের পর কি-না তা জানি নে, কিন্তু অনেক কষ্ট দিয়ে তা নিশ্চয়। এ ক'দিন তুমি যে-ভাবে ছবি এঁকেছ তা দেখে মাঝে মাঝে সত্যিই আমার কষ্ট হ'ত বিনয়,—মনে হ'ত, মনকে অত বেশি একাগ্র করতে দিয়ে মনকে তুমি অতি মাত্রায় পীড়ন করছ।”

একটু হেসে মুহূর্তে বিনয় বললে, “কিন্তু, আমি ত দেখি, একাগ্র না হ'তে পারলেই মন যেন বেশি পীড়া পায়।”

বিনয়ের কথায় মনোযোগ না দিয়ে আসন ত্যাগ ক'রে উঠে এসে কমলার ছবির সম্মুখে দাঁড়িয়ে প্রসন্নমুখে দ্বিজনাথ বলতে লাগলেন, “কিন্তু কষ্ট যেমন তুমি করেছ, ফলও পেয়েছ তেমন! এ কি সহজ ছবি হয়েছে? এমন একখানা ছবি কি যেখানে সেখানে দেখতে পাওয়া যায়? এ-তো শুধু কমলার মূর্তি নয়,—এ যেন কমলাকে আশ্রয় ক'রে তুমি কমলাসনার মূর্তিখানি এঁকেছ বিনয়।” তারপর সন্তোষের দিকে চেয়ে বললেন, “তুমি সেদিন যে কথা বলছিলে সন্তোষ, তা'তে কোনো ভুল নেই,—এ ছবিতে কমলাকে অমুকরণ করা হয় নি—সৃষ্টি করা হয়েছে।”

বারান্দার প্রান্তে একটা চেয়ারে উপবেশন ক'রে সন্তোষ গর্কির একখানা উপগ্রাস পড়ছিল, দ্বিজনাথের কথায় উঠে এসে ছবির সামনে দাঁড়িয়ে ক্ষণকাল নিঃশব্দে ছবিখানার দিকে তাকিয়ে রইল; তারপর ধীরে ধীরে বললে, “আপনি কিন্তু এ কয়েকদিনে ছবিটা অনেক বদলে দিয়েছেন বিনয় বাবু। আমি এসে যে উজ্জল প্রফুল্ল মূর্তি দেখেছিলাম—একটা বিবাদের ছায়াপাতে আপনি তা ঢেকে দিয়েছেন।”

দ্বিজনাথ বললেন, “কিন্তু তাতে বোধ হয় ছবিটা আরো ভালই হয়েছে। প্রফুল্লতা যত উজ্জলই হ'ক না কেন, বিবাদের কমনীয়তা তাকে স্পর্শ না ক'রে থাকলে সে হয় হান্দা। তুমি ভাল ক'রে লক্ষ্য ক'রে দেখো প্রত্যেক সুন্দর হাসিকে



কমনীয় করে চোখের কোণের ছলছলে ভাব,—কিন্মা ঠোঁটের পাশের বিষাদের টান ;—তার অভাবে হাসি হয় একেবারে নীরস উগ্র—যেমন মাঝে মাঝে দেখা যায় সিগারেটের টিকিটের ছবিতে কিন্মা বিলিতি তৃতীয় দরের ম্যাগাজিনে।”

বিনয় কিছু না ব'লে দ্বিজনাথের দিকে একবার দৃষ্টিপাত ক'রে একটু হাসলে, তারপর আর সকলের সঙ্গে দাঁড়িয়ে ছবিখানা দেখতে লাগল। ছবির অধরপ্রান্তে বিষাদ-মেঘুর স্মৃষ্টি হাশু, নেত্রদ্বয়ে অতল গভীর দৃষ্টি, মুখমণ্ডলে অনির্বচনীয় বেদনার স্তমিত মাধুরী ;—সমস্ত ভঙ্গিটি আলো-ছায়া-খচিত বর্ষা-দিনাস্তের কথা মনে করিয়ে দেয়। মুগ্ধ চিত্তে সকলে অপরূপ রূপমণ্ডিত চিত্রখানি দেখতে লাগল—এমন কি বিনয়-কমলাও।

যাবার সময় বিনয় বললে, “কাল আমি সকালে না এসে বিকেলের দিকে আসব। সকালে আমি দেওঘরে থাকব না।”

দ্বিজনাথ জিজ্ঞাসা করলেন, “কোথায় যাবে?”

বিনয় বললে, “মধুপুর। আমার একটি বন্ধু পীড়িত হ'য়ে চেঞ্জ আসছেন। একবার দেখে-শুনে আসব।”

“কটার গাড়িতে যাবে?”

“সম্ভবত আজ রাত্রি সাড়ে দশটার গাড়িতে। আমার বন্ধু পৌছবেন রাত্রি একটার সময়, আমি তার কিছু আগে মধুপুরে পৌছব। আমার আঁকবার সাজ-সরঞ্জাম গুলো আজ এইখানেই রইল—কাল পাঁচটার গাড়িতে ফিরে স্টেশন থেকে একেবারে এখানে আসব।”

দ্বিজনাথ বললেন, “তা হ'লে তুমি ও-বেলা সন্ধ্যার সময়ে এখানে এসো; এখান থেকে রাত্রে খেয়ে-দেয়ে গাড়িতে গিয়ে উঠবে।”

মুগ্ধ হেসে বিনয় বললে, “আজ্ঞে, না,—তার আর কাজ নেই। আমি রাত্রি সাড়ে দশটার গাড়িতেও যেতে পারি, সন্ধ্যা ছটার গাড়িতেও যেতে পারি, এখনো একেবারে স্থির করতে পারিনি।” তারপর নিমন্ত্রণ অস্বীকার করায় দ্বিজনাথ ক্ষুব্ধ হয়েচেন বুঝতে পেরে সাস্বনার উদ্দেশ্যে বলল, “কাল মধুপুর থেকে ফিরে এখানে এসে চা খাওয়া

বিনয়ের কথা শুনে দ্বিজনাথ হাসতে লাগলেন; বললেন, “আজ রাত্রে খেয়ে গেলেই কি কাল চা-টা বাদ পড়ত? আচ্ছা, তোমার যেমন সুবিধা হয় কোরো।”

বিনয় প্রশ্ন করলে দ্বিজনাথ বললেন, “এমন অদ্ভুত মানুষ যদি ছুটি আছে, কিছুতে যদি ধরা বাঁধা দেবে! ছেলেবেলা থেকে জীবনটা অনাশ্রীয়ে মধো কেটেছে ব'লে আশ্রয়তাটা বোধ হয় ওর বরদাস্ত হয় না। নিজে কোনো-মতে ধরা দেবে না, অথচ—”

কি বলতে যাচ্ছিলেন, কিন্তু কি ভেবে সে কথা সহসা বন্ধ ক'রে দ্বিজনাথ একটা চুরুট ধরাতে উদ্বৃত্ত হ'লেন।

সকৌতূহলে সন্তোষ জিজ্ঞাসা করলে, “অনাশ্রীয়ে মধো কেন? ওঁর বাপ-মা নেই না কি?”

দ্বিজনাথ বললেন, “সে কি আজ কাল নেই? শিশুকাল থেকে নেই। তাছাড়া শুধু কি বাপ-মাই নেই? তিন কুলের মধো এক কুল ত' এখনো হয়নি—বাকি তুকে কে আশ্রয় কোথায় আছে তা ও কিছুই জানে না।”

সবিস্ময়ে সন্তোষ বললে, “কেন?”

তখন দ্বিজনাথ বিনয়ের মুখে তার জীবনের যে কাহিনী শুনেছিলেন সবিস্তারে বিবৃত করলেন।

কৌতূহলী সন্তোষ দ্বিজনাথকে প্রশ্নের পর প্রশ্ন করতে লাগল, কিন্তু কমলা একটি কথাও বললে না,—বিনয়ের জীবনের করুণ কাহিনী তার মনে যে বেদনার তরঙ্গ জাগিয়ে তুলেছিল তার আবেশে সে স্তব্ধ হ'য়ে ব'সে রইল। গৃহহীন স্বজনহীন বিনয়ের কথা মনে ক'রে করুণায় আর সহানুভূতিতে তার সমস্ত অন্তর আর্দ্র হ'য়ে উঠল;—কিন্তু পরক্ষণেই মনে হ'ল কার জন্তে এ আক্ষেপ করছি? যার জন্তে, সে ত নিশ্চল নির্বিকার! প্রবৃত্তি নেই, অথচ মুখে সর্বদা সংযম আর সংযম! না কেউ তাকে বুঝতে পারে, না'সে কাউকে বোঝে। বাবা ঠিক বলেছেন, নিজে ধরা ছোঁয়া দেবে না অথচ—

সহসা মনে পড়ল শোভার কথা—সে সেদিন বলছিলেন, শৈলজা তাকে বলেছে বিনয় কমলাকে ভালবাসে। মনে মনে মাথা নেড়ে কমলা বললে, ভুল, ভুল, ও সমস্ত ভুল! নিজের মনের মধো যে মস্ত বড় ব্রেক ক'বে ব'সে আছে মনকে সে আলাদা দেবে কেমন ক'রে?

শ্রীউপেন্দ্রনাথ গঙ্গোপাধ্যায়

“বাবা ?”

“কি মা !”

“বেলা অনেক হ’ল। এবার নাওয়া-খাওয়ার জন্তে উঠলে ভাল হয়।”

হাতের কজিতে-বাঁধা ঘড়ি দেখে দ্বিজনাথ বললেন, “তাই ত’, এগারটা বাজে। চল সন্তোষ, আর দেরি ক’রে কাজ নেই। কিন্তু তুমি যে কথা বলছ,—আমার ঠিক তা মনে হয় না। সংসার ব’লে কোনো জিনিসের বাঁধন নেই ব’লে বিনয় একটু উদ্ভ্রান্ত হ’তে পারে, কিন্তু সে অসামাজিক নয়। সংসার তার নেই বটে, কিন্তু সমাজ-ছাড়া সে কখনো নয়। বরঞ্চ, সাধারণত লোকের যেমন হয়, তার চেয়ে বেশি সমাজের সঙ্গে পরিচয় ঘটবার তার সুযোগ হয়েছে।”

মুহূ হেসে সন্তোষ বললে, “আপনি লক্ষ্য করেছেন কি না বলতে পারিনে—গত আটদিনে ছবি আঁকবার সময়ে বিনয় বাবু সবশুদ্ধ আটবার কথা বলেছেন কি না সন্দেহ। কোনো কোনো দিন ত’ একেবারেই বলেন নি—এমন কি আমাদের কথার প্রসঙ্গেও নয়।”

দ্বিজনাথ স্মিতমুখে বললেন, “ও-টা ওর খেয়ালী প্রকৃতির জন্তে; যখন যেমন মুহূ-এ থাকে তখন তেমন। দেখলে ত’ সে দিন রাত্রে ও-ই হয়েছিল প্রধান বক্তা—মুখে যেন কথার ভুবড়ি ফুটছিল।”

সন্তোষ বললে, “কিন্তু সে দিনই কি কমলার সঙ্গে ওরকম তীব্র ভাবে তর্ক করা উচিত হ’য়েছিল? বলতে পারিনে আপনাদের সঙ্গে বিনয় বাবুর কি রকম ঘনিষ্ঠতা হয়েছে, কিন্তু প্রজাহ ছবি আঁকতে আসাই যদি একমাত্র পরিচয় হয় তা হ’লে সেদিন তিনি ঠিক সঙ্গত সীমার মধ্যে ছিলেন না।”

দ্বিজনাথকে কিছু বলবার অবসর না দিয়ে কমলা বললে, “বাবা, ঠিক সময়ে তোমার খাওয়া না হ’লে ও-বেলা মাথা ধরবে।” মুখে তার একটু অসন্তোষের রক্তমা, যা সন্তোষের স্নেহী দৃষ্টি অতিক্রম করলে না।

পদ্মমুখীর কাছ থেকে ইঙ্গিত লাভ ক’রে পর্যাস্ত যে সংশয় সন্তোষের মনে প্রবেশ করেছিল গত কয়েক দিনে তার আয়তন ক্রমশই বর্ধিত হয়েছে। কমলা অথবা

বিনয়ের আচরণে অবশ্য এমন কিছু ঘটে নি যা সাধারণত সংশয় উৎপাদন করতে পারে, কিন্তু সংশয় এমন বস্তু যা মনের মধ্যে একবার আশ্রয় নিলে মৌন-ও অর্থময় হ’য়ে ওঠে এবং উপেক্ষাকেও আগ্রহের রূপান্তর ব’লে মনে হয়। তাই তার কথার বাধাস্বরূপ কমলার অন্ত কথার পাড়া এবং কমলার মুখে বিরক্তির চিহ্ন উভয়ের মধ্যে কোনোটিই সন্তোষের লক্ষ্য অতিক্রম করল না। ঈষৎ উত্তপ্ত স্বরে সে বললে, “আচ্ছা, এ সব কথা তা হ’লে থাক।”

দ্বিজনাথ বললেন, “হ্যাঁ সেই ভাল, চল, নেয়ে খেয়ে নেওয়া যাক।”

২৬

পরদিন সকালে নিজের ঘরে ব’সে কমলা একখানা কলেজের বই ওপুঁটাচ্ছিল, এমন সময়ে একজন চাকর এসে খবর দিলে বিনয় এসেছে।

কমলা তাড়াতাড়ি বাইরে এসে দেখলে বিনয় ফিরে দ্রুতপদে বিনয়কে খানিকটা অনুসরণ ক’রে একটু কাছাকাছি এসে ডাকলে, “বিনয় বাবু!”

বিনয় তখন প্রায় গেটের কাছে পৌঁচেছিল, কমলার আহ্বানে ফিরে নিকটে এসে বললে, “এঃ, আপনি আবার কষ্ট করলেন কেন? আমি ত’ আর একজন চাকরকে ব’লে দিয়েছিলাম আপনাকে জানাতে, ও বেলাই আসব।”

সে কথায় কোনো কথা না ব’লে কমলা জিজ্ঞাসা করলে, “কাল তাহ’লে আপনার মধুপুর যাওয়া হয় নি?”

বিনয় বললে, “না, কাল যাওয়া হয় নি; আজ বেলা সাড়ে দশটার গাড়িতে যাচ্ছি। মনে করছিলাম আপনার ছবিটা সেয়ে দিয়েই যাই; বেশি কণ ত’ লাগবে না—হয়ত একেবারেই কিছু করতে হবেনা। কিন্তু গেরাজে গাড়ি নেই দেখে খবর নিয়ে জানলাম মিষ্টার মিত্র বেরিয়েছেন।”

কমলা বললে, “হ্যাঁ, বাবা আর সন্তোষ বাবু রিকিয়ায় গেছেন, বেলা এগারটার মধ্যে তাঁরা ফিরবেন। রিকিয়ায় সন্তোষ বাবুর একজন আত্মীয় আছেন, তাঁর সঙ্গে দেখা করতে গেছেন। কিন্তু আপনি ফিরে যাচ্ছিলেন কেন? এসেছেন যখন, তখন ছবির ব্যাপারটা শেষ ক’রেই দিন না।”



একটু ইতস্ততঃ ক'রে বিনয় বললে, “থাক্, এমনই কি তাড়াতাড়ি আছে, ও-বেলাই হবে এখন। মিষ্টার মিত্র উপস্থিত থাকবেন, সুবিধে হবে।”

কমলার মনের কোন্ নিভৃত কোণে একটুখানি অভিমান আহত হয়ে উঠল; বললে, “বাবা উপস্থিত না থাকলে যদি ছবি আঁকবার বিষয়ে আপনার অসুবিধে হয় তা হ'লে থাক্—কিন্তু আপনি এখন যাচ্ছিলেন কোথায়? গাড়ি ত' আপনার সাড়ে দশটায়, আর এখন সাড়ে আটটাও হয় নি,—এ দু'ঘণ্টা আপনি কোথায় কাটাবেন?”

মৃদুস্বিত মুখে বিনয় বললে, “ঘণ্টা খানেক এদিক-ওদিক একটু ঘুরে, বাকি এক ঘণ্টা ষ্টেশনে। দু'ঘণ্টা ত' অল্প সময়—সময় নষ্ট করবার এমন কৌশল আমার জানা আছে যে, দু'ঘণ্টার পরিবর্তে চার ঘণ্টা হ'লেও আমার ভাবনা হ'ত না।”

কমলা বললে, “শুধু সময় নষ্ট-নয়, শরীর নষ্টের বিষয়েও আপনার ভাবনা হয় না। কিন্তু সকলেই ত' আপনার মত ভাবনাকে অগ্রাহ্য করতে পারে না;—চলুন, ছবি আপনার আঁকতে হবে না, এ সময়টা আমাদের বাড়িতে ব'সে কাটাবেন, যদি না বাবা উপস্থিত নেই ব'লে সে বিষয়েও অসুবিধে বোধ করেন। এই ভাদ্র আশ্বিন মাসের রৌদ্রে খালি মাথায় এক ঘণ্টা ঘুরে বেড়াবার সখ্ পরিত্যাগ করুন।”

নীরবে একটু কি চিন্তা ক'রে বিনয় বললে, “এতখানি সময় আপনাকে আটকে রাখব?”

“রাখবেন।”

দ্বিধা-বিক্ষুব্ধ স্বরে বিনয় বললে, “তা হ'লে তাই চলুন।”

পূর্বাধিন দ্বিজনাথের মুখে বিনয়ের জীবন কাহিনী শুনে কমলার মনে যে বেদনা সঞ্জাত হয়েছিল আজ তা তার অন্তরকে একেবারে উদ্বেলিত ক'রে তুললে;—মনে হল, আহা! মা নেই বাপ নেই, ভাই নেই বোন নেই, গৃহ নেই সংসার নেই—তাই এমন! তাই খালি মাথায় রৌদ্রে রৌদ্রে এক ঘণ্টা ঘুরে বেড়াতেও কষ্ট হয় না, তারপর আবার আর এক ঘণ্টা চুপ ক'রে ষ্টেশনে ব'সে সময় কাটাতেও দুঃখ বোধ করে না! গৃহ যার নেই, ষ্টেশনই তার পক্ষে কম আশ্রয় কি! আত্মীয় স্বজন যার নেই, ষ্টেশনের লোক-

জনেরাই তার পক্ষে অনাত্মীয় কেমন করে? একটা অনির্করণীয় মমতায় কমলার চিত্ত মথিত হ'তে লাগল। মনে হ'ল, এই গগনবিহারী ক্লাস্ত-পক্ষ পাখী শাখায় নীড় বাঁধুক, স্বজনহীন স্বজন লাভ করুক, বৈরাগী সংসারী হ'ক।

বারান্দায় উঠে বিনয় বললে, “এলামই যখন, তখন ছবিটা আন্তে বলুন—একবার দেখি কেমন হ'ল।”

কমলা বললে, “আচ্ছা, আপনি বসুন, সে না হয় পরে দেখবেন। আমাকে বলুন ত' আপনি যে যাচ্ছেন, তাঁরা কি জানেন,—আজ আপনি যাবেন?”

বিনয় বললে “না, তা ঠিক জানেন না।”

“তা হ'লে, আপনি ত' পৌছবেন বেলা একটা-দেড়টার সময়ে—তখন তাঁদের নিশ্চয়ই খাওয়া দাওয়া হ'য়ে যাবে—আপনার খাওয়ার কি ব্যবস্থা হবে?”

এ সব প্রশ্ন কোন্ উদ্দেশ্য সাধনের জন্ত উদ্ভূত তা বুঝতে পেরে বিনয় বললে, “পৌছতে একটা-দেড়টা না হ'লেও আমি তাদের গোলমালের বাড়িতে খাওয়ার গোলযোগ করব না তা স্থির ক'রেই যাচ্ছি। আমি মধুপুর ষ্টেশনে কেলনারের হোটেলে খাওয়া সেরে তারপর তাদের বাড়ি যাব;—তাতে কোনো অসুবিধে হবে না।”

কমলা বললে, “তার চেয়ে কম অসুবিধে হবে আপনি যদি ঘণ্টাখানেক পরে এখানে চারটি ঝোল ভাত খেয়ে নেন তা হ'লে। তা'তে শরীরও বাঁচবে—সময়ও বাঁচবে।”

বাস্ত হ'য়ে উঠে বিনয় বললে, “না, না, দেখুন মিস্ মিত্র, ও-সব হাজামা আপনি করবেন না।”

কমলার গুপ্তাধরে মৃদু হাস্য রেখা দেখা দিলে; বললে, “মিস্ মিত্র ব'লে আমাকে না ডেকে যদি মিশ্ কালো ব'লে ডাকেন তা হ'লেও করব। আচ্ছা, আপনার এ কি অগ্নায় বলুন দেখি, এত অনাত্মীয়ের মত ভদ্রতা রেখে চলতে চান কেন আমাদের সঙ্গে? বেলা দশটার মধ্যে আমাদের সমস্ত রান্না হয়ে যায়, একটু তৎপর হ'য়ে সাড়ে নটার সময়ে আপনাকে খাইয়ে দেওয়া কি এতই হাজামা হবে? না, সে আমি কিছুতেই শুনব না খেয়ে যেতেই হবে আপনাকে। তা ছাড়া, এ বিষয়ে বাবা উপস্থিত নেই, সে আপনাকে খাটবে না। তিনি থাকলে আপনি যদি তাঁকে রাজী করতে

শ্রীউপেন্দ্রনাথ গঙ্গোপাধ্যায়

পারতেন ত' হ'তে পারত। আমি কিন্তু কিছুতেই শুনব না।”

বাগ্ন-কণ্ঠে বিনয় বললে, “না, না, সে আপত্তি আমি একবারও করছি—আমি আপনাকেই অনুরোধ করছি।”

কমলা বললে, “অনুরোধ কেন, আদেশ করলেও আমি আপনার কথা শুনব না।” অদূরে একজন চাকর কাজ করছিল, তাকে ডেকে কমলা বাবুচিকেকে ডাকতে বললে। বিনয় অনেক ওজর আপত্তি করলে, কিন্তু সে তা'তে একেবারেই কর্ণপাত করলে না।

বাবুচি এলে কমলা বললে, “সাড়ে দশটার গাড়িতে বিনয়বাবু মধুপুর যাবেন—কতক্ষণ পরে তাঁকে খানা দিতে পারবে?”

একটু ভেবে বাবুচি বললে ঘণ্টা খানেকের মধ্যে দিতে পারবে।

“আচ্ছা, ঠিক সাড়ে নটার সময়ে উনি খেতে বসবেন।”

বাবুচি সেলাম ক'রে প্রস্থান করলে।

বিনয় বললে, “এবার তা হ'লে ছবিখানা আনান্—আমার আপত্তি অগত্যা প্রত্যাহার করছি।”

মুহূ হেসে কমলা বললে, “আচ্ছা, আনাচ্ছি।”

ছবি আনা হ'লে কমলাকে একখানা চেয়ারে বসিয়ে বিনয় অনেকক্ষণ ধ'রে কমলাকে এবং তার ছবিকে মিলিয়ে দেখলে—তারপর তুলি নিয়ে ছ'চারটে টান-টোন দিয়ে বললে, “শেষ হ'ল। আর কিছু করবার নেই।” তারপর তুলি গুলো তুলতে তুলতে বললে, “এ ভারি খারাপ জিনিস—ধাতে থাকলে হাত নিস্পিস্ করে—তার ফলে অনেক ছবি ভাল করতে গিয়ে খারাপ ক'রে ফেলোছি। যথাসময়ে একে নিন্দাসিত না করতে পারলে বিপদ।”

কমলা হাসতে হাসতে বললে, “অমন ভয়ঙ্কর জিনিস হ'লে একেবারে তুলে ফেলুন।”

বিনয় তুলি তুলে ফেললে, কিন্তু ছবিটিকে সে অনেকক্ষণ ধ'রে দেখতে লাগল। কাছে থেকে দূরে থেকে, সম্মুখ থেকে পাশে থেকে, নানাভাবে দেখে দেখে কিছুতেই যেন তার আশ মেটে না। একবার স্তব্ধ হয়ে ব'সে থেকে দেখলে, একবার চঞ্চল হ'য়ে ঘুরে ফিরে দেখলে, খানিকক্ষণ

অন্ত দিকে চেয়ে কি ভাবলে—তারপর রিষ্ট-ওয়াচ দেখে ব'লে উঠল, “নটা বেজে পনের মিনিট। এবার ছবিটা তুলে ফেলতে বলুন। ও যা হবার তা হয়েছে।”

চাকর এসে ছবি তুলে রাখলে। কমলা বললে, “এবার আপনার খাওয়ার উষুগ করি।”

ঘড়ির দিকে আর একবার দৃষ্টিপাত ক'রে বিনয় বললে, “এখনো বোধ হয় কিছু সময় আছে। লাইন ধ'রে হেঁটে গেলে ষ্টেশনে পৌছতে ক মিনিট লাগবে?”

কমলা বললে, “মিনিট দশেকের বেশি নয়।”

“ওঃ, তা হ'লে অনেক সময় আছে। আচ্ছা, আপনাকে একটা কথা জিজ্ঞাসা করি। অপরে যে যাই বলুক, আপনার নিজের ছবিটা কেমন লাগল? এ প্রশ্ন আমি যার ছবি আঁকি তাকেই করি।”

মুহূ হেসে কমলা বললে, “আমার খুব ভাল লেগেছে। যদিও ছবিটায় যেমন আমি আছি তা না একে যেমন আমি হ'লে ভাল হ'ত তাই আপনি একেছেন—তবু কি জানি কেন ছবিটা আমার ভারি ভাল লাগে। মনে হয়—এই রকম আমি যদি হ'তাম।”

কমলার দিকে দৃষ্টিপাত ক'রে বিনয় বললে, “ওই রকমই আপনি—সন্তোষবাবুর কথা বিশ্বাস করবেন না।” তারপর কতকটা যেন নিজের মনেই বলতে লাগল, “সত্যিই ছবিটা ভাল হয়েছে—এত ভাল ছবি এর আগে কখনো আমি আঁকিনি—পরেও কখনো আঁকতে পারব ব'লে মনে হয় না।” তারপর সোজাসুজি কমলাকে সম্বোধন ক'রে বললে, “দেখুন, আপনার বাবা যদি টাকা ফেরৎ নিয়েই ছবিটা আমাকে নিতে দেন তা হ'লে আমি খুসি হয়ে ছবিখানা নি'য় যাই।”

বিনয়ের কথা শুনে কমলার মুখ সহসা আরক্ত হয়ে উঠল; বললে, “বাবা রাজি হ'ন কিনা বলতে পারিনে, কিন্তু তিনি যদি টাকা ফেরৎ না নিয়েই আপনাকে ছবিখানা দিতে রাজি হন তা হলেও আমি রাজি হইনে।”

কমলার ভাবান্তর লক্ষ্য না ক'রে সরিস্ময়ে বিনয় বললে, “কেন?”

একটু উচ্ছ্বাসের সহিত কমলা বললে, “কি আশ্চর্য্য! বিনয় বাবু, এই সহজ কথাটা আপনি বুঝতে পারছেন না?”



আপনি আপনার কাছে আমার ছবি রাখবেন কেন?—তার ত' একটা কারণ থাকা চাই—যাহা হয় একটা কিছু অধিকার থাকা চাই। ফটো যারা তোলে তারা অনেক সময় নেগেটিভ পর্যন্ত নিজেদের কাছে রাখে না—পজ্জিটিভের কথা ত' দূরের কথা। আপনাদের প্রোফেশনের নীতি আপনি ভুলে যাচ্ছেন।”

কমলার কথা শুনে বিনয়ের মুখখানা একেবারে মেঘে-ভরা শ্রাবণ আকাশের মত কালো হয়ে উঠল; স্তব্ধ হ'য়ে ক্ষণকাল চুপ ক'রে থেকে বললে, “আত্মীয়তার অধিকার আমার কিছু নেই তা জানি, কিন্তু তাই ব'লে কি আমি একেবারে প্রফেশনাল? একেবারে stranger?”

কমলা কিছু না ব'লে স্তব্ধ হ'য়ে দূরবর্তী ত্রিকুট পাহাড়ের দিকে চেয়ে ব'সে রইল।

সহসা একটা কথা মনে পড়ায় বিনয় সজোরে ব'লে উঠল, “এমনই যদি আমাকে পেশাদার ব'লে মনে করেন তবে আমাকে খাইয়ে দেওয়ার জন্তে এত পেড়াপিড়ি করলেন কেন? আমি অনাত্মীয়ের মত ব্যবহার করি ব'লে অত অহুযোগ করছিলেন কেন? বলুন?”

কমলা যেন হঠাৎ তজ্জোখিত হ'য়ে উঠল; অহুতপ্ত-স্বরে বললে, “সত্যি, আমি আপনার খাওয়ার কথা একেবারে ভুলে গেছি—বোধ হয় দেবী হ'য়েই গেল। এ সব বাজে কথা থাক—আমি চললাম আপনার খাবার আনতে।” ব'লে দ্রুতপদে প্রস্থান করলে।

ভিতরে গিয়ে কমলা দেখলে পদ্মমুখী তখনো পূজার ঘরে পূজা করছেন। বাবুচির কাছে উপস্থিত হ'য়ে দেখলে

আহার্য্য প্রস্তুত—বললে, “শীঘ্র ভাত বেড়ে ফেল, আমি ভাঁড়ার ঘর থেকে ঘি নিয়ে আসছি।” চাকরকে বললে, “বাবুর সামনে টেবিল দে আর জল তোয়ালে সাবান নিয়ে যা।”

অহুতাপে কমলার হৃদয় বিদীর্ণ হয়ে যাচ্ছিল। মনে মনে বললে, ছি ছি, কি করলাম,—জোর ক'রে মানুষকে খেতে বসিয়ে রেখে কটুক্তি করলাম! নিজের অত্যাচারের জন্তে কমলা মনে মনে শতবার আপনাকে অভিশাপ দিতে লাগল।

ভাত বাড়া হ'লে তপ্ত ভাতের উপর অনেক খানি গাওয়া ঘী ঢেলে দিলে। নিজ হাতে লেবু কেটে রুই দিয়ে ভাতের-থালখানা নিজে তুলে নিয়ে বাবুচিকে মাছ মাংস নিয়ে আসতে ব'লে কমলা প্রস্থান করলে। বারান্দায় উপস্থিত হ'য়ে দেখলে চেয়ার শূন্য—বিনয় নেই। বুকের ভিতরটা ছাঁৎ ক'রে উঠল। জীবন বাগানে কাজ করছিল কমলা উচ্চকণ্ঠে জিজ্ঞাসা করলে—“জীবন, বাবু কোথায় গেলেন?”

জীবন দাঁড়িয়ে উঠে বললে, “বাবু চ'লে গেলেন দিদিমাণি, —আপনাকে বলতে ব'লে গেলেন খাবার ইচ্ছে নেই—থাবেন না।”

স্তম্ভিত হ'য়ে নিরুদ্দ নিঃশ্বাসে কমলা একমুহূর্ত দাঁড়িয়ে রইল, তারপর বাবুচির হাতে ভাতের থালখানা দিয়ে হাত ধুয়ে ঘরে গিয়ে শয্যা গ্রহণ করলে।

(ক্রমশঃ)



পুস্তক পরিচয়

হেজাজ ভ্রমণ—খানকাহ্নার আল-হজ্জ আহছান উল্লা এম, এ, এম, আর, এ, এস, আই, ই, এস, প্রণীত; মূল্য এক টাকা মাত্র। প্রকাশক, মখতুমী লাইব্রেরী, ১৫ কলেজ স্কোয়ার, কলিকাতা।

হজ্জব্রত উদ্ঘাপন করা মুসলমানদের অগ্রতম ধর্মবিধি। মক্কা ও মদিনার পুণ্যতীর্থ স্থানগুলি দর্শন উদ্দেশ্যে আরব দেশে যেতে হয়। আমাদের আলোচ্যগ্রন্থে এই ভ্রমণকাহিনী লিপিবদ্ধ হয়েছে। লেখক চিন্তাশীল ও শিক্ষিত, এই জগৎ তাঁর ভ্রমণকাহিনী সরস ও সজীব হ'য়ে উঠেছে, তাঁর তীক্ষ্ণ পর্যবেক্ষণশক্তি ও আন্তরিক ধর্মনিষ্ঠা গ্রন্থের প্রতি ছত্রে ধরা পড়েছে। আমরা এই গ্রন্থখানি পাঠ ক'রে মুসলমান জাতির অনেক ধর্মবিধি, তার অন্তর্নিহিত সৌন্দর্য্য ও অনেকগুলি পবিত্র তীর্থ স্থানের সঙ্গে গূঢ় পরিচয় লাভে সক্ষম হয়েছি তজ্জগৎ গ্রন্থকারকে আন্তরিক ধন্যবাদ জানাচ্ছি।

আরব মক্কর দেশ। ভারতে তীর্থ ভ্রমণ হ'তে এ দেশে তীর্থ ভ্রমণ অত্যন্ত শঙ্কটসঙ্কুল ও বিপদজনক। আর তাছাড়া আরব ও ভারতের যাতায়াত ও শাসন সুবিধায় অনেক পার্থক্য রয়েছে। বেদুইনদের অনুগ্রহের উপরই ভ্রমণকারীদের সুখ সুবিধা এমন কি জীবন পর্য্যন্ত নির্ভর করে। কিন্তু বেদুইনরা যেমনি নির্ভীক আবার তেমনি নিষ্ঠুর ও হিংসাপরায়ণ, জীবন যে কোন মুহূর্ত্তে বিপন্ন হতে পারে।

আমরা এই সুখপাঠ্য কোতূহলপ্রদ গ্রন্থখানির বহুল প্রচার কামনা করি। গ্রন্থখানি ডিরেক্টর বাহাদুর কর্তৃক পুল কলেজ লাইব্রেরীগ্রন্থভুক্ত হওয়া বাঞ্ছনীয়।

জরীদ কলম

ফললাভ—শ্রীঅসিতকুমার হালদার রচিত; ইণ্ডিয়ান প্রেস, এলাহাবাদ হইতে প্রকাশিত।

এই ক্ষুদ্র নাটিকাখানি 'বিচিত্রা'র প্রথম প্রকাশিত হইয়াছিল। গ্রন্থকার এখন তাহা পুস্তকাকারে মুদ্রিত করিয়া রস-পিপাসু পাঠকবর্গের, বিশেষ করিয়া অল্পবয়স্কগণের, যথেষ্ট উপকার করিয়াছেন। এ পুস্তকখানিতে আদর্শবাদের আবেদন বড় সুন্দর এবং অতি সহজ ভাবে অঙ্কিত করা হইয়াছে। নাটিকাখানির ভাষা, ছাপা, প্রচ্ছদপট সমস্তই সুন্দর। নাটিকাখানি ছেলে মেয়েদের দ্বারা অভিনীত হইতে পারে। গানগুলির অধিকাংশ রবীন্দ্রনাথের। আমরা অল্পবয়স্কদের মধ্যে এই পুস্তকের বহুল প্রচার কামনা করি।

শ্রীগুরু গোবিন্দ সিংহের বাণী—শ্রীকালীচরণ বন্দ্যোপাধ্যায় প্রণীত, মূল্য ছয় আনা। গ্রন্থকার কর্তৃক খড়দহ হইতে প্রকাশিত।

পুস্তকখানি গুরুগোবিন্দ সিংহের বাণীর মূল গুরুমুখী হইতে বাংলা অনুবাদ। গ্রন্থকার এই অনুবাদে যথেষ্ট কৃতিত্ব দেখাইয়াছেন। অনুবাদ যে সঠিক হইয়াছে, তাহার প্রমাণ, কলিকাতার বড় শিখ সঙ্গত এই পুস্তকখানি প্রচারের ভার লইয়াছেন। পুস্তকখানির সূচনা হিসাবে গুরু গোবিন্দ সিংহের জীবনী আলোচিত হইয়াছে। গ্রন্থকার ইহাতে যথেষ্ট পাণ্ডিত্য এবং তীক্ষ্ণ সমালোচনা-শক্তির পরিচয় দিয়াছেন। এইরূপ পুস্তকের বহুল প্রচার বাঞ্ছনীয়। একরূপ অনুবাদ-চেষ্টা বঙ্গভাষার ভবিষ্যৎ শ্রীবৃদ্ধির সূচনা জ্ঞাপন করে।

নানা কথা

রবীন্দ্রনাথের বিদেশযাত্রা

ভানুকুভারে বিশ্বখ্যাত শিক্ষাবিদগণের যে সম্মেলনী হইবে তাহাতে ক্যানের্ডার National Conference of Education বিশ্বকবি রবীন্দ্রনাথকে নিমন্ত্রণ করিয়াছেন। তিনি বোম্বাই হইতে পহেলা মার্চ ভানুকুভার রওনা হইবেন। শিক্ষাসম্বন্ধীয় বক্তৃতাদানই তাহার এই বারের ভ্রমণের মুখ্য উদ্দেশ্য। তিনি কতকাল সেইখানে থাকিবেন তাহার নিশ্চয়তা নাই। তাহার পথ মঙ্গলময় হউক ও যথাসময়ে তিনি সুস্থ দেহে দেশে ফিরিয়া আসুন ইহাই আমরা প্রার্থনা করি। ভানুকুভার সম্মেলনীর পর ক্যালিফোর্নিয়া বিশ্ব-বিদ্যালয়ের আমন্ত্রণে তথাকার বিদ্যার্থীদের সমীপে রবীন্দ্রনাথ ভারতীয় ধর্ম, দর্শন ও পরির্কর্ষ সম্বন্ধে কয়েকটি বক্তৃতা দিবেন। তৎপর ডিসেম্বর মাসে ভারতবর্ষে প্রত্যাবর্তন করিবেন,—ইহাই উপস্থিত স্থির আছে।

রচনা-প্রতিযোগিতা

আগামী বৈশাখ মাসে অক্ষয়তৃতীয়ায় পুরুলিয়া হরিপদ সাহিত্য মন্দিরের দ্বিতীয় বার্ষিক সাধারণ অধিবেশন অনুষ্ঠিত হইবে। সেই উপলক্ষে একটি রচনা-প্রতিযোগিতার ব্যবস্থা হইয়াছে। বিবাহে পণ প্রথা—তাহার মূল কারণ, প্রতিকার ও সমাজের দায়িত্ব—এই বিষয় লইয়া যাহারা প্রবন্ধ লিখিয়া প্রথম ও দ্বিতীয় স্থানীয় বলিয়া বিবেচিত হইবেন তাহাদিগকে যথাক্রমে একটি স্বর্ণপদক ও একটি রৌপ্যপদক দেওয়া হইবে। আগামী পনেরোই চৈত্রের মধ্যে প্রবন্ধ নিম্নলিখিত ঠিকানায় পাঠাইতে হইবে।

শ্রীঅক্ষয় সরকার, মন্ত্রীপতি হরিপদ সাহিত্যমন্দির,
পুরুলিয়া, মানভূম।

বিরাট হিন্দু-সম্মেলন


শ্রীগোরাঙ্গদেবের জন্মোৎসব উপলক্ষে আগামী ৯, ১০, ১১ই চৈত্র হালুয়াঘাটে (গারোহিল) হিন্দুমিশনে সকল শ্রেণীর হিন্দুর এক মহাসম্মেলনোৎসবের আয়োজন হইয়াছে। ময়মনসিংহ হিন্দুমিশনের সম্পাদক ব্রহ্মচারী হরিবিনোদ প্রত্যেক হিন্দুকে সেই ধর্মক্ষেত্রে সাদরে আহ্বান করিতেছেন। এই উৎসবাস্ত্রে গারোহিলে একটি মন্দির ও প্রাথমিক বিদ্যালয় প্রতিষ্ঠা হইবে। তাহার জন্য যথাসাধ্য সাহায্য প্রার্থনীয়।

নিখিল ভারতের মহিলা শিক্ষা সমিতি

গত জানুয়ারী মাসে পাটনায় নিখিল ভারত নারীশিক্ষা সমিতির অধিবেশন হইয়াছিল। উক্ত অধিবেশনে সভানেত্রীর কার্য সম্পাদন করিয়াছিলেন মণ্ডী রাজোর রাণী শ্রীমতী ললিতকুমারী সাহিবা। সুবিখ্যাত সাহিত্যিক শ্রীমতী অনুরূপা দেবী উক্ত অধিবেশনে যে প্রবন্ধটি পাঠ করেন বর্তমান সংখ্যায় তাহা প্রকাশিত হইল।

ভ্রমসংশোধন

গত পৌষ সংখ্যার বিচিত্রায় 'শ্রীমায়ী দেবীর প্রবন্ধে ১৩৬ পৃষ্ঠায় ২৭ লাইনে 'কামার' স্থলে 'চামার' হইবে।



মেঘলা দিন

শনি শ্রীযুক্ত দত্ত

১৯৩৩, ১৩৩।

বৈচিত্র্য

দ্বিতীয় বর্ষ, ২য় খণ্ড

চৈত্র, ১৩৩৫

চতুর্থ সংখ্যা

মিলনের সৃষ্টি

শ্রীরবীন্দ্রনাথ ঠাকুর

বাহিরে বিশ্বপ্রকৃতির মধ্যে যেখানে সৃজনের কাজ চলে সেখানে ইচ্ছার সঙ্গে ইচ্ছার সংঘাত নেই, সেখানে বাধার রূপ তাই প্রবল নয়। সেই জন্তে প্রভাত এবং রাত্রির অদ্বয়ের মধ্যে এমন সুগভীর শান্তি।

আমাদের মন যখন অশান্ত হয় তখন প্রকৃতির মধ্যে গিয়ে শান্তি পায়; কেননা প্রকৃতির মধ্যে ইচ্ছার বিরোধ আমাদের ক্ষুদ্র করে তোলে না। কিন্তু মানুষের মধ্যে চারিদিকের নানা ইচ্ছার দ্বন্দ্বই সৃষ্টির সরল স্রোতকে বাধা দেয় বলে এত ক্লান্তি আসে, মলিনতা আসে, ক্ষোভ আসে। তখন মানুষ বলে, পাহাড়ে গিয়ে সমুদ্রতীরে গিয়ে নিজের ভিতরকার বিকলতাকে অতলস্পর্শ সন্তির মধ্যে ডুবিয়ে ঠিক করে নিয়ে আসি। মানুষ একদিকে খেটেপুটে কেড়েকুড়ে গোলমাল করে ধূলা উড়িয়ে ক্ষেপে বেড়াচ্ছে; সেই সঙ্গে বাধার পরিপূর্ণভাবে হয়ে-ওঠার যে প্রশান্ত সৌন্দর্য আছে মানুষের মন তাকেও গভীরভাবে কামনা করছে—যে রকম স্নেহ-ওঠা কুলের মধ্যে, পল্লবের মধ্যে—শান্ত সংযত সুন্দর অগচ নিরলস। আমরা নিজের ভিতরকার জটিলকে সরল করে তুলতে চাই—নিজের জীবনটাকে কঠিন প্রয়াসের

স্বাভাবিকতার থেকে উদ্ধার করে একটি স্বতঃস্ফূর্ত প্রকাশের মধ্যে দাঁড় করাতে চাই।

মানুষ নিজেদের মধ্যে সৃজন রহস্য দেখতে পেয়েছে। কোনখানে? যেখানেই সত্যকার মিলন হয়েছে—অর্থাৎ যেখানেই ইচ্ছার সঙ্গে ইচ্ছার দ্বন্দ্ব কেবল বিরোধের মধ্যে ক্ষুদ্র না হয়ে প্রেমের প্রভাবে সঙ্গত হ'তে পেরেছে। সেই সত্য মিলনের মধ্যেই সমগ্র বিশ্বের সুর বেজে ওঠে। এই রকম মিলন যেখানেই হয় সেখানে অক্ষশাস্ত্রের যোগ বা গুণের ফল ফলে না, সেখানে যোজনার দ্বারা বৃদ্ধি ঘটে না, সেখানে একটি আনন্দচর্চনার উদ্ভব হয়, সৃজন-রহস্য দেখা দেয়। সত্য সঙ্গতই যথার্থ সৃষ্টি। সৃষ্টির অর্থ তার বস্তুপুঞ্জের মধ্যে নছে, তার সঙ্গকের মধ্যে; এই সঙ্গকের আশ্চর্য্য শক্তিতেই মিলনে কেবল রহস্য রচিত হচ্ছে না, বৈচিত্র্য রচিত হচ্ছে। সঙ্গকের এই সৃজনগুণ মানুষ নিজেদের মধ্যে উপলব্ধি করে তবে জগতের মূল সঙ্গকের হেতুকে বুঝতে পেরেছে।

আকাশের নীহারিকার মধ্যে অণুপরমাণুর সংযোজনে যেমন নক্ষত্রসৃষ্টির ব্যাপার চলেছে, তেমনি মানুষদের মধ্যে



জাতিসৃষ্টি চলেচে। এক এক দেশে এক এক দল লোক আত্মীয়তার বন্ধনে দৃঢ় হয়ে মিলেচে। এই মিলন বিচিত্র প্রাণশক্তিকে জাগিয়ে তুলেচে। এই মিলনের ভিতর থেকে কত বিশেষ চিন্তা, বিশেষ শিল্প, বিশেষ সাহিত্য,—সবস্বন্ধ একটি বিশেষ ইতিহাস উৎসারিত হয়ে উঠেচে।

মানবের ইতিহাসে দেখতে পাই যখন জাতির এই বন্ধন বেঁধেচে তখন মানুষ নিজেদের মিলনের কেন্দ্রস্বরূপ একটি দেবতাকে অনুভব করেছে—সে দেবতা অক্ষশক্তি নয়, ইচ্ছা-শক্তি। ঐক্যের সব চেয়ে ঘনিষ্ঠ উপলক্ষি যা মানুষের আছে সে হচ্ছে নিজের আত্মার। মানুষের নিজের ভিতরকার সেই ঐক্য বাহিরে নিরন্তর বৈচিত্র্যকে প্রকাশ ক'রে চলেচে। এই ঐক্যকে সে সপ্রাণ সজ্ঞান ইচ্ছাময় ব'লে জানে। এই জগতই আপন দেশের জনসমবায়ের মধ্যে যে-শক্তিমান ঐক্যকে সে জানে তাকেও মানুষ ইচ্ছাশক্তি ব'লেই জানে, সেই ইচ্ছার সঙ্গে নিজের ইচ্ছা সঙ্গত করাকেই সে সব চেয়ে বড় কর্তব্য ব'লে বোধ করে।

সেই আদিম মানুষের দেবতা নিজ নিজ সজ্জের মধ্যেই বিশেষভাবে বদ্ধ ছিল। তার কারণ, মানবের ঐক্যের অনুভূতিও সেই গণ্ডিতে রুদ্ধ ছিল। তখন এক দেশের লোকের সঙ্গে অন্যদেশের বিরোধ ছিল, এক দেশের কল্যাণ অন্য দেশের কল্যাণের সঙ্গে বাধা ছিল না। এই জগতে বিশেষ জাতি নিজের বিশেষ দেবতাকে নিজেদেরই অনুকূল ও অন্যদের প্রতিকূল ব'লে জানত। এইজগতই বহু বিরুদ্ধ দেবতাকে কল্পনা করতে হয়েছিল—এমন কি, অন্তের শক্তিমান দেবতাকে মস্তুর দ্বারা নিজের আয়ত্ত্ব করবার চেষ্টাও তখন দেখা গিয়েচে।

যাই হোক, নিজেদের মিলনের মাঝখানে এই দেবতাকে প্রতিষ্ঠিত করার ভিতরে মানুষের একটি গভীর মনের কথা আছে। এই পূজার দ্বারা মানুষ এই কথাই বলেচে যে, আমাদের মিলনে নানা প্রয়োজন সাধিত হচ্ছে বটে কিন্তু সেই প্রয়োজনই এর মূল নয়, এর মূল হচ্ছেন দেবতা, একটি মহান পুরুষ। এই দেবতার ইচ্ছার মধ্যে নিজেকে অন্তের সঙ্গে বিধৃত জেনে তবে মানুষ শক্তি লাভ করেছে, গৌরব লাভ করেছে, আনন্দ লাভ করেছে। মানুষের নিজের

ইচ্ছা আছে অথচ যে-বৃহৎক্ষেত্রের মধ্যে সে চালিত হচ্ছে সেখানে ইচ্ছাশক্তি নেই কেবল আছে অক্ষ জড়শক্তি, সমগ্রের সঙ্গে নিজের এমন ভয়ঙ্কর অসামঞ্জস্য মানুষ ভাবতেও পারে নি। নিজের ভিতরকার একটি প্রাণময় ইচ্ছাময় ঐক্যের অব্যবহিত বোধ থেকেই মানুষ একটি বিরাট ইচ্ছাকে সহজেই আবিষ্কার করেছে।

কিন্তু একদিন যা সহজেই আবিষ্কৃত হয়েছিল তাকে আবার বাধার ভিতর দিয়ে নী পোলে সম্পূর্ণ ক'রে পাওয়া হবে না। সম্প্রতি দীর্ঘকাল ধ'রে মানুষ সেই সন্দেহের ভিতর দিয়ে চলেচে। সন্দেহ জন্মাল কি ক'রে? বিজ্ঞান জগৎকে বিশ্লেষণ করতে গিয়ে মহতী শক্তিকে ধরতে পারে, কিন্তু মহান পুরুষ তাকে এড়িয়ে যায়। যেখানে সেই পুরুষ নেই শক্তি আছে সেখানে সে-শক্তি যত্নমাত্র; সেই যত্নে কৌশল আছে সফলতা আছে, অথচ ইচ্ছা নেই আনন্দ নেই।

এমনি ক'রে ইচ্ছার দেবমন্দিরে যন্ত্র আপন কারখানা-ঘর গড়তে শুরু ক'রে দিলে, সেই যন্ত্রশক্তিকে আয়ত্ত্ব করবার যে সফলতা তাও মানুষ প্রভূত পরিমাণে পেতে লাগল। এতে ক'রে একদিকে মানুষের ধনও যেমন বাড়তে অগ্গ দিকে তার পীড়াও তেমনি বেড়ে উঠেচে। কলের দাসত্ব করতে করতে মানুষের হৃদয় দলিত হয়ে যাচ্ছে। মানুষের জীবনের সকল বড় বড় বিভাগেই কেবলমাত্র প্রয়োজনের সম্পর্ক, কেবলমাত্র ফললাভের সম্পর্ক সব চেয়ে বড় হয়ে উঠেচে,—এইটে সৃষ্টির মিলন নয়, আত্মপ্রকাশের মিলন নয়, এর মধ্যে আত্মানন্দময় ভ্রূহৈতুক পরম রহস্যটি নেই। এর মধ্যে দ্বিজ মানুষের স্থান নেই, এর মধ্যে চরম মানুষের প্রকাশ নেই। পুরাকালে মানুষ অনেক ক্রুর দেবতার কল্পনা করেছে, কিন্তু একালের ফললোলুপ যন্ত্রদেবতার মত ভয়ঙ্কর দেবতা কোনো কালে ছিল না—এই দেবতা বাহিরের পৃথিবীকে কলুষিত করচে আর মানবজীবনের স্বাভাবিক সৌন্দর্যকে নষ্ট করচে।

যুরোপে পলিটিক্সে বাণিজ্যব্যাপারে এই যন্ত্রদেবতা প্রতিষ্ঠিত হয়েছে। এই যন্ত্রদেবতা একতলা-বাসী, এ কেবল অর্থকেই জানে, পরমার্গকে জানে না। কিন্তু এই

দেবতা কাণা বটে তবু পঙ্গু নয়। এ দেবতার মধ্যেও একটি বড় সত্য আছে, সেই সত্যটি হচ্ছে বিশ্বনিয়ম। সুতরাং এ সত্য কখনো নিষ্ফল হতে পারে না। তাই এ দেবতা সার্থকতা যদি বা না দেয় সফলতা দেয়।

কিন্তু আমাদের সমাজের দিকে চেয়ে দেখ, এখানেও জড়দেবতা। যিনি বিশ্বমানবের কল্যাণ করেন এ সে দেবতা নয়, আর যে-নিয়ম বিশ্বব্যাপারকে চালনা করে এ সে নিয়মও নয়। এ হচ্ছে আচার, অর্থাৎ নিয়ম বটে কিন্তু কৃত্রিম নিয়ম। অর্থাৎ একে যন্ত্র, তাতে নিষ্ফল যন্ত্র। যুরোপে যে যন্ত্রের পূজা হয় তাতে মানুষের বুদ্ধি লাগে উত্তম লাগে, তাতে প্রকৃতির ক্ষেত্রে মানুষ নূতন নূতন পথ উদ্ঘাটন করেছে। কিন্তু আমাদের সমাজ যে-সব নিয়মে চলে তাতে বুদ্ধিকে প্রবেশ করতে দিলেই বিপদ, তার জন্তে কেবল পুঁথি আবৃত্তি করতে হয়। যুরোপে সফলতা-লাভের লোভে বহুসংখ্যক লোককে কঠোর বন্ধন স্বীকার

করতে হচ্ছে, আমাদের দেশে আমরা মানুষকে ধর্ম করছি, তাকে তার ঈশ্বরদত্ত অধিকার থেকে বঞ্চিত করছি, কিসের জন্তে? কোনো ফললাভের জন্তে নয়। কৃত্রিম সমাজের যে চাকা কোথাও অগ্রসর না হয়ে একই জায়গায় দাঁড়িয়ে দাঁড়িয়ে কেবলই ঘুরচে তার বার্থ ঘূর্ণগতি চিরস্থায়ী করবার জন্তে। এই আচারযন্ত্রকে দেবতার আসনে বসিয়ে এর কাছে প্রতিদিন নরবলি নারীবলি দিচ্ছি। এই সমাজে মানুষ বিশ্বের নামে বিশ্বদেবতার নামে মিলল না, বিভক্ত হ'ল মিথ্যা আচারের নামে, যে আচারে মানুষকে নিরর্থক এবং অন্তহীন পুনরাবৃত্তির মধ্যে নিয়ত ঘুরপাক খাওয়াতে থাকে। যিনি সত্য সঙ্কে মানুষকে বাধবার জন্তে ডাক দিয়েছেন তাঁকে অবজ্ঞা ক'রে পৃথিবীতে আজ আমরা কেউ বা রাষ্ট্রীয় কল কেউ বা সামাজিক কল স্থাপন করলুম, তার মধ্যে দয়া নেই ধর্ম নেই। সৃজনের যে মূলনীতি তাকে এমনি ক'রে আঘাত করছি।





—উপন্যাস—

—শ্রীরবীন্দ্রনাথ ঠাকুর

৫৬

ছ'দিন পরেই নবীন মোতির মা হাবলুকে নিয়ে এসে উপস্থিত। হাবলু জেঠাইমার কোলে চ'ড়ে তার বুকে মাথা রেখে কেঁদে নিলে। কান্নাটা কিসের জন্তে স্পষ্ট ক'রে বলা শক্ত,—অতীতের জন্তে অভিমান, না বর্তমানের জন্তে আশ্রয়, না ভবিষ্যতের জন্তে ভাবনা?

কুমু হাবলুকে জড়িয়ে ধ'রে বললে, “কঠিন সংসার, গোপাল, কান্নার অন্ত নেই। কি আছে আমার, কি দিতে পারি যাতে মানুষের ছেলের কান্না কমে। কান্না দিয়ে কান্না মেটাতে চাই, তার বেশি শক্তি নেই। যে-ভালোবাসা আপনাকে দেয় তার অধিক আর কিছু দিতে পারে না, বাছারা, সেই ভালোবাসা তোরা পেয়েছিস; জ্যাঠাইমা! চিরদিন থাকবে না, কিন্তু এই কথাটা মনে রাখিস, মনে রাখিস, মনে রাখিস।” ব'লে তার গালে চুমো খেলে।

নবীন বললে, “বৌরানী, এবার রজবপুরে পৈত্রিক ঘরে চণোচ; এখানকার পালা সাঙ্গ হোলো।”

কুমু বাকুল হ'য়ে বললে, “আমি হতভাগিনী এসে তোমাদের এই বিপদ ঘটালুম।”

নবীন বললে, “ঠিক তার উল্টো। অনেক দিন থেকেই মনটা যাই যাই করছিল। বেধে সেধে তৈরি হ'য়ে ছিলুম, এমন সময় তুমি এলে আমাদের ঘরে। ঘরের আশ খুব ক'রেই মিটেছিল, কিন্তু বিধাতার সহল না।”

সেদিন মধুসূদন ফিরে গিয়ে তুমুল একটা বিপ্লব বাধিয়েছিল তা' বোঝা গেল।

নবীন যাই বলুক, কুমুই যে ওদের সংসারের সমস্ত ওলট পালট ক'রে দিয়েচে মোতির মার তাতে সন্দেহ নেই, আর সেই অপরাধ সে সহজে ক্ষমা করতে চায় না। তার মত এই যে, এখনো কুমুর সেখানে যাওয়া উচিত মাথা হেঁট ক'রে, তার পরে যত লাঞ্জনাই হোক সেটা মেনে নেওয়া চাই। গলা বেশ একটু কঠিন ক'রেই জিজ্ঞাসা করলে, “তুমি কি শশুরবাড়ি একেবারেই যাবে না ঠিক করেচ?”

কুমু তার উত্তরে শক্ত ক'রেই বললে, “না, যাব না।”

মোতির মা জিজ্ঞাসা করলে, “তা হ'লে তোমার গতি কোথায়?”

কুমু বললে, “মস্ত এই পৃথিবী, এর মধ্যে কোনো এক জায়গায় আমরা একটুখানি ঠাঁই হ'তে পারবে। জীবনে অনেক যায় থ'সে, তবুও কিছু বাকি থাকে।”

কুমু বুঝতে পারছিল মোতির মার মন ওর কাছ থেকে অনেক খানি স'রে এসেচে। নবীনকে জিজ্ঞাসা করলে, “ঠাকুরপো, তা হ'লে কি করবে এখন?”

“নদীর ধারে কিছু জমি আছে তার থেকে মোটা ভাতও জুটবে, কিছু হাওয়া খাওয়াও চলবে।”

মোতির মা উদ্বার-সঙ্গেই বললে, “ওগো মশায় না, সেজন্তে তোমাকে ভাবতে হবে না। ঐ মির্জাপুরের অল্পজলে দাবী রাখি, সে কেউ কাড়তে পারবে না। আমরা তো এত বেশি সন্মানী লোক নই, বড়োঠাকুর তাড়া দিলেই অমনি বিবাগী হ'য়ে চ'লে যাব। তিনিই

শ্রীরবীন্দ্রনাথ ঠাকুর

আবার আজ বাদে কাল ফিরিয়ে ডাকবেন, তখন ফিরেও আসব, ইতিমধ্যে সবুর সহিবে, এই ব'লে রাখলুম।”

নবীন একটু ক্ষুণ্ণ হ'য়ে বললে, “সে কথা জানি মেজ বউ, কিন্তু তা' নিয়ে বড়াই করিনে। পুনর্জন্ম যদি থাকে তবে সম্মানী হ'য়েই যেন জন্মাই, তাতে অন্নজলের যদি টানাটানি ঘটে সেও স্বীকার।”

বস্তুত নবীন অনেকবারই দাদার আশ্রয় ছেড়ে গ্রামে চাষবাসের সঙ্কল্প করেছে। মোতির মা মুখে তর্জন গজ্জন করেছে, কাজের বেলায় কিছুতেই সহজে নড়তে চায়নি, নবীনকে বারে বারে আটকে রেখেছে। সে জানে ভাস্করের উপর তার সম্পূর্ণ দাবী আছে। ভাস্কর তো শ্বশুরের স্থানীয়। তার মতে ভাস্কর অন্য় করতে পারে কিন্তু তাকে অপমান বলা চলে না। কুমুর প্রতি কুমুর স্বামীর ব্যবহার যেমন হোক তাই ব'লে কুমু স্বামীর ঘর অস্বীকার করতে পারে, একথা মোতির মার কাছে নিতান্ত সৃষ্টিছাড়া।

খবর এলো ডাক্তার এসেছে। কুমু বললে, “একটু অপেক্ষা করো, শুনে আসি ডাক্তার কি বলে।”

ডাক্তার কুমুকে ব'লে গেল, নাড়া আরো খারাপ, রাগেরে ঘুম কমেছে, বোধহয় রোগী ঠিক বিশ্রাম পাচ্ছে না।

অর্থাৎদের কাছে কুমু ফিরে যাচ্ছিল, এমন সময় কালু এসে বললে, “একটা কথা না ব'লে থাকতে পারাচিনে, জাল বড়ো জটিল হ'য়ে এসেছে, তুমি যদি সময়ে শ্বশুরবাড়ি ফিরে না যাও, বিপদ আরো ঘনিয়ে পরবে। আমি তো কোনো উপায় ভেবে পাচ্চিনে

কুমু চুপ ক'রে দাঁড়িয়ে রইল। কালু বললে, “তোমার স্বামীর ওখান থেকে তাগিদ এসেছে, সেটা অগ্রাহ্য করবার শক্তি কি আমাদের আছে? আমরা যে একেবারে তার মুঠোর মধ্যে।”

কুমু বারান্দায় রেলিঙ্গ চেপে ধ'রে বললে, “আমি কিছুই বুঝতে পারাচিনে, কালুদা। প্রাণ হাঁপিয়ে ওঠে, মন হয় মরণ ছাড়া কোনো রাস্তাই আমার খোলা নেই।” এই ব'লে কুমু দ্রুতপদে চ'লে গেল।

দাদার ঘরে যখন কুমু ছিল, সেই অবকাশে ক্ষেমা পিসির সঙ্গে মোতির মার কিছু কথাবার্তা হ'য়ে গেছে। নানারকম লক্ষণ মিলিয়ে ছুজনেরই মনে সন্দেহ হ'য়েছে কুমু গার্ডনী। মোতির মা খুসি হ'য়ে উঠল, মনে মনে বললে, মা কালী করুন তাই যেন হয়। এইবার জন্ম! মানিনী শ্বশুরবাড়িকে অবজ্ঞা করতে চান, কিন্তু এ যে নাড়ীতে গ্রহি লাগল, শুধু তো আঁচলে আঁচলে নয়, পালাবে কেমন ক'রে!

কুমুকে আড়ালে ডেকে নিয়ে গিয়ে মোতির মা তার সন্দেহের কথাটা বললে। কুমুর মুখ বিবর্ণ হ'য়ে গেল। সে হাত মুঠো ক'রে বললে, “না, না, এ কখনোই হ'তে পারে না, কিছুতেই না।”

মোতির মা বিবর্ত হ'য়েই বললে, “কেন হ'তে পারবে না ভাই? তুমি যতো বড়ো ঘরেরই মেয়ে হও না কেন, তোমার বেলাতেই তো সংসারের নিয়ম উলটে যাবে না। তুমি ঘোষালদের ঘরের বউ তো, ঘোষাল বংশের ইষ্টি দেবতা কি তোমাকে সহজে ছুটি দেবেন? পালাবার পথ আগলে দাঁড়িয়ে আছেন তিনি।”

স্বামীর সঙ্গে কুমুর তিন মাসের পরিচয় দিনে দিনে ভিতরে ভিতরে কি রকম যে বিকৃত মৃষ্টি ধরেছে গভীর আশঙ্কায় ওর মনে সেটা খুব স্পষ্ট হ'য়ে উঠল। মানুষে মানুষে যে ভেদটা সবচেয়ে দুরতিক্রমণীয়, তার উপাদানগুলো অনেক সময়ে খুব সূক্ষ্ম। ভাষায়, ভঙ্গীতে, ব্যবহারে ছোট ছোট ইমারায় যখন কিছুই করছে না, তখনকার অনাভিব্যক্ত ইচ্ছিতে, গলার সুরে, রূচিতে, রীতিতে, জীবনযাত্রার আদর্শে, ভেদের লক্ষণগুলি আভাসে ছড়িয়ে থাকে। মধুসূদনের মধ্যে এমন কিছু আছে যা কুমুকে কেবল যে আঘাত করেছে তা নয়, ওকে গভীর লজ্জা দিয়েছে। ওর মনে হ'য়েছে সেটা যেন অশ্রীল। মধুসূদন তার জীবনের আরম্ভে একদিন হঃসহভাবেই গরীব ছিল, সেইজন্মে ‘পয়সা’র মাহাত্ম্য সন্ধকে সে কথায় কথায় যে মত ব্যক্ত করত সেই গর্বোক্তির মধ্যে তার রক্তগত দারিদ্র্যের একটা হীনতা ছিল। এই পয়সা-পূজার কথা মধুসূদন বারবার তুলত কুমুর পিতৃকুলকে খোঁটা দেবার জন্তেই। ওর সেই



স্বাভাবিক ইতরতায়, ভাষার ককশতায়, দান্তিক অসৌজনে, সব সূক্ষ্ম মধুসূদনের দেহ মনের, ওর সংসারের আন্তরিক অশোভনতায় প্রত্যাহই কুমুর সমস্ত শরীর মনকে সঙ্কচিত ক'রে তুলেচে। যতই এগুলোকে দৃষ্টি থেকে, চিন্তা থেকে সরিয়ে ফেলতে চেষ্টা করেছে, ততই এরা বিপুল আবর্জনার মধ্যে চারিদিকে জ'মে উঠেচে। আপন মনের ঘণার ভাবের সঙ্গে কুমু আপনিই প্রাণপণে লড়াই ক'রে এসেচে। স্বামীপূজায় কর্তব্যতার সম্বন্ধে সংস্কারটাকে বিস্ময় রাখবার জন্তে ওর চেষ্টার অন্ত ছিল না, কিন্তু কত বড়ো হার হয়েছে তা এর আগে এমন ক'রে বোঝে নি। মধুসূদনের সঙ্গে ওর রক্ত মাংসের বন্ধন অবিচ্ছিন্ন হ'য়ে গেল, তার বীভৎসতা ওকে বিষম পীড়া দিলে। কুমু অত্যন্ত উদ্বিগ্ন মুখে মোতির মাকে জিজ্ঞাসা করলে, “কি ক'রে তুমি নিশ্চয় জানলে?”

মোতির মার তারি রাগ হোলো, সামলে নিয়ে বললে, “ছেলের মা আমি, আমি জানব না তো কে জানবে? তবু একেবারে নিশ্চয় ক'রে বলবার সময় হয়নি। ভালো দাই কাউকে ডেকে পরীক্ষা করিয়ে দেখা ভালো।”

নবীন, মোতির মা, হাবলুর যাবার সময় হ'ল। কিন্তু দৈবের এই চরম অজ্ঞায়ের কথা ছাড়া কুমু আর কোনো কিছুতে আজ মন দিতে পারছিল না। তাই খুব সাধারণ ভাবেই শশুরবাড়ির বন্ধুদের কাছ থেকে ওর বিদায় নেওয়া হ'ল। নবীন যাবার সময় বললে, “বৌরানী, সংসারে সব জিনিষেরই অবসান আছে। কিন্তু তোমাকে সেবা করবার যে অধিকার হঠাৎ একদিনে পেয়েছি সে যে এমন খাপছাড়াভাবে হঠাৎ আরেকদিন শেষ হ'তে পারে, সে কথা ভাবতেও পারিনে। আবার দেখা হবে।” নবীন প্রণাম করলে, হাবলু নিশ্চক্রে কাঁদতে লাগল, মোতির মা মুখ শক্ত ক'রে রইল, একটি কথাও কইলে না।

৫৭

ধবরটা বিপ্রদাসের কানে গেল। দাই এল, সন্দেহ রইল না যে কুমুর গর্ভাবস্থা। মধুসূদনের কানেও সংবাদ পৌঁছেচে। মধুসূদন ধন চেয়েছিল, ধন পুরো পরিমাণেই ওমেচে, ধনের উপযুক্ত খেতাবও মিলেছে, এখন নিজের

মহিমাকে ভাণী বংশের মধ্যে প্রতিষ্ঠিত করতে পারেনে এ সংসারে তার কর্তব্য চরম লক্ষ্যে গিয়ে পৌঁছেবে। মনটা যতই খুসি হ'ল ততই অপরাধের সমস্ত দাগই কুমুর উপর থেকে সরিয়ে বোঝাই করলে বিপ্রদাসের উপর। দ্বিতীয় একখানা চিঠি তাকে লিখলে, সুরু করলে whereas দিয়ে, শেষ করলে your obedient servant মধুসূদন ঘোষণা সহ ক'রে। মাঝখানটাতে ছিল। I shall have the painful necessity ইত্যাদি। এরকম ভয় দেখানো চিঠিতে চাটুজো বংশের উপর উণ্টো ফল ফলে, বিশেষতঃ ক্ষতির আশঙ্কা থাকলে। বিপ্রদাস চিঠিটা দেখলে কালুকে। তার মুখ গাল হ'য়ে উঠলো। সে বললে, “এ রকম চিঠিতে আমার মতো সামান্য লোকের দেহে একেবারে বাদশাহী মাত্রায় রক্ত গরম হ'য়ে ওঠে। অদৃশ্য কোতোয়াল বেটাকে হাঁক দিয়ে ডেকে বলতে ইচ্ছে করে, শির লেও উসকো।”

দিনের বেলা নানা প্রকার লেখা পড়ার কাজ ছিল, সে সমস্ত শেষ ক'রে সন্ধ্যাবেলা বিপ্রদাস কুমুকে ডেকে পাঠালে। কুমু আজ সারাদিন দাদার কাছে আসেই নি। নিজেকে লুকিয়ে লুকিয়ে বেড়াচ্ছে।

বিপ্রদাস বিছানা ছেড়ে চৌকিতে উঠে বসল। রোগীর মতো শুয়ে থাকলে মনটা দুর্বল থাকে। সামনের দিকে কুমুর জন্তে একটা ছোট চৌকি ঠিক ক'রে রেখেচে। আলোটা ঘরের কোণে একটু আড়াল ক'রে রাখা। মাথার উপর বড়ো একটা টানা পাখা জুস জুস ক'রে চল্চে। বৈশাখ শেষের আকাশে তখনো গরম জ'মে আছে, দক্ষিণে হাওয়া এক একবার অল্প একটু নিশ্বাস ছেড়েই ঘেমে যাচ্ছে, গাছের পাতাগুলো যেন একান্ত কান-পাতা মনো যোগের মত নিস্তব্ধ। সমুদ্রের মোহানার গঙ্গা যেখানে নীল জলকে ফিকে ক'রে দিয়েছে, আজকারটা যেন সেই রকম! দীর্ঘ বিলম্বিত গোধূলির শেষ আলোটা তখনো তার কালিমার ভিতরে ভিতরে মিশ্রিত। বাগানের পুকুরটা ছায়ার অদৃশ্য হ'য়ে থাকত, কিন্তু খুব একটা জলজলে তারার স্থির প্রতিবিম্ব আকাশের অসুলি সঙ্কেতের মতো তাকে নির্দেশ ক'রে দিচ্ছে। গাছতলার নীচে দিয়ে চাকরবা

শ্রীরবীন্দ্রনাথ ঠাকুর

ক্ষণে ক্ষণে লণ্ঠন হাতে ক'রে যাতায়াত করচে, আর পেঁচা উঠ্চে ডেকে।

কুমু বোধ হয় একটু ইতস্তত ক'রে একটু দেরি ক'রেই এল। বিপ্রদাসের কাছে চৌকিতে ব'সেই বললে, “দাদা আমার একটুও ভালো লাগচে না। আমার যেন কোথায় যেতে ইচ্ছে করচে।”

বিপ্রদাস বললে, “ভুল বলচিস্ কুমু, তোর ভালোই লাগবে। আর কিছুদিন পরেই তোর মন উঠ্বে ভ'রে।”

“কিন্তু তা' হ'লে—ব'লে কুমু খেমে গেল।

“তা'জানি—এখন তোর বন্ধন কাটাতে কে?”

“তবে কি যেতে হবে দাদা?”

“তোকে নিষেধ করতে পারি এমন অধিকার আর আমার নেই। তোর সম্মতিকে তার নিজের বরছাড়া ধরব কোন্ স্পর্ধায়?”

কুমু অনেকক্ষণ চুপ ক'রে ব'সে রইল, বিপ্রদাসও কিছু বললে না।

অবশেষে খুব মৃদুস্বরে কুমু জিজ্ঞাসা করলে, “তা' হ'লে কবে যেতে হবে?”

“কালই, আর দেরি সহাবে না।”

“দাদা, একটা কথা বোধ হয় বুঝতে পারচ, এবার গেলে ওরা আমাকে আর কখনো তোমার কাছে আসতে দেবে না।”

“তা' আমি খুবই জানি।”

“আচ্ছা, তাই হবে। কিন্তু একটা কথা তোমাকে ব'লে রাখি, কোনোদিন কোনো কারণেই তুমি ওদের বাড়ি যেতে পারবে না। জানি দাদা, তোমাকে দেখবার জন্তে আমার প্রাণ হাঁপিয়ে উঠ্বে, কিন্তু ওদের ওখানে যেন কখনো তোমাকে না দেখতে হয়। সে আমি সহিতে পারব না।”

“না, কুমু, সেজন্তে তোমাকে ভাবতে হবে না।”

“ওরা কিন্তু তোমাকে বিপদে ফেলবার চেষ্টা করবে।”

“ওরা যা' করতে পারে তা' করা শেষ হ'লেই আমার উপর ওদের ক্ষমতাও শেষ হবে। তখন আমি চব্বাধীন। তাকে তুই বিপদ বলছিস কেন?”

“দাদা, সেইদিন তুমিও আমাকে স্বাধীন ক'রে নিয়ো। ততদিনে ওদের ছেলেকে আমি ওদের হাতে দিয়ে যাব। এমন কিছু আছে, যা ছেলের জন্তেও খোওয়ানো যায় না।”

“আচ্ছা,—আগে হোক ছেলে, তার পরে বলিস্।”

“তুমি বিশ্বাস করচ না, কিন্তু মা'র কথা মনে আছে তো? তাঁর তো হ'য়েছিল ইচ্ছা-মৃত্যু। সেদিন সংসারে তিনি তাঁর জায়গাটি পাচ্ছিলেন না, তাই তাঁর ছেলেমেয়েদেরকে অনায়াসে ফেলে দিয়ে যেতে পেরেছিলেন। মানুষ যখন মুক্তি চায়, তখন কিছুতেই তাকে ঠেকাতে পারে না। আমি তোমারি বোন, দাদা, আমি মুক্তি চাই। একদিন যেদিন বাধন কাটবে, মা সেদিন আমাকে আশীর্বাদ করবেন, এই আমি তোমাকে ব'লে রাখলুম।”

আবার অনেকক্ষণ দুজনে চুপ ক'রে রইল। হঠাৎ ছ ছ ক'রে বাতাস উঠ্লে, টিপাইয়ের উপর বিপ্রদাসের পড়বার বইটার পাতাগুলো ফর্ ফর্ ক'রে উলটে যেতে লাগল। বাগান থেকে বেলফুলের গন্ধে ঘর গেল ভ'রে।

কুমু বললে, “আমাকে ওরা ইচ্ছে ক'রে দুঃখ দিয়েচে তা' মনে কোরো না। আমাকে সুখ ওরা দিতে পারে না আমি এমনি ক'রেই তৈরি। আমিও তো ওদের পারব না সুখী করতে। যারা সহজে ওদের সুখী করতে পারে তাদের জায়গা জুড়ে কেবল একটা না একটা মুন্সিল বাধবে। তা হ'লে কেন এ বিড়ম্বনা! সমাজের কাছ থেকে অপরাধের সমস্ত লাঞ্ছনা আমিই একলা মেনে নেব, ওদের গায়ে কেনো কলঙ্ক লাগবে না। কিন্তু একদিন ওদেরকে মুক্তি দেব, আমিও মুক্তি নেব; চ'লে আসবই এ তুমি দেখে নিয়ো। মিথো হ'য়ে মিথোর মথো পাক্তে পারব না। আমি ওদের বড়ো বো, তার কি কোনো মানে আছে যদি আমি কুমু না হই? দাদা, তুমি ঠাকুর বিশ্বাস করো না, আমি বিশ্বাস করি। তিন মাস আগে যে রকম ক'রে করতুম, আজ তার চেয়ে বেশি ক'রেই করি। আজ সমস্ত দিন ধ'রেই এই কথা ভাবছি যে, চারিদিকে এতো এলো-মেলো, এত উল্টো-পাল্টা, তবু এই জগৎ একেবারে ঢেকে ফেলেনি জগৎটাকে। এ সমস্তকে ছাড়িয়ে গিয়েও



চঞ্জ সূর্য্যাকে নিয়ে সংসারের কাজ চলচে, সেই যেখানে ছাড়িয়ে গেছে সেইখানে আছে বৈকুণ্ঠ, সেইখানে আছেন আমার ঠাকুর। তোমার কাছে এ সব কথা বলতে লজ্জা করে,- কিন্তু আর তো কখনো বলা হবে না, আজ ব'লে বাই। নইলে আমার জন্মে--মিছিমিছি ভাববে। সমস্ত গিয়েও তবু বাকি থাকে এই কথাটা বুঝতে পেরেছি। সেই আমার অফুরান, সেই আমার ঠাকুর এ যদি না বুঝতুম তা' হ'লে এইখানে তোমার পায়ে মাথা ঠুকে মরতুম, সে গারদে ঢুকতুম না। দাদা, এ সংসারে তুমি আমার আছ ব'লেই তবে একথা বুঝতে পেরেছি।" এই ব'লেই কুমু চৌকি থেকে নেবে দাদার পায়ের উপর মাথা রেখে প'ড়ে রইল। রাত বেড়ে চলল, বিপ্রদাস জানালার বাইরে অনিমেষ দৃষ্টি মেলে ভাবতে লাগল।

৫৮

পরদিন ভোরে বিপ্রদাস কুমুকে ডেকে পাঠালে। কুমু এসে দেখে বিপ্রদাস বিছানায় ব'সে, একটি এসরাজ আছে কোলের উপর, আরেকটি পাশে জোওয়ানো। কুমুকে বললে, "নে বস্ত্রটা, আমরা দুজনে মিলে বাজাই।" তখনো অল্প অল্প অন্ধকার, সমস্ত রাত্রির পরে বাতাস একটু ঠাণ্ডা হ'য়ে অশথ পাতার মধ্যে ঝির ঝির করচে, কাকগুলো ডাকতে শুরু করেছে। দুজনে ভৈরোঁ রাগিনীতে আলাপ শুরু করলে, গভীর, শাস্ত, সক্রমণ; সতীবিরহ যখন অচঞ্চল হ'য়ে এসেছে, মহাদেবের সেই দিনকার প্রভাতের ধানের মত। বাজাতে বাজতে পুষ্পিত কুমুচড়ার ডালের ভিতর দিয়ে অরুণ-আভা উজ্জলতর হ'য়ে উঠল, সূর্য্য দেখা দিল বাগানের পাঁচিলের উপরে। চাকররা দরজার কাছে এসে দাঁড়িয়ে থেকে ফিরে গেল। ঘর সাফ করা হোল না। রোদ্দুর ঘরের মধ্যে এলো, দরওয়ান আস্তে আস্তে এসে খবরের কাগজ টিপাইয়ের উপর রেখে দিয়ে নিশ্চয় পদে চ'লে গেলো।

অবশেষে বাজনা বন্ধ ক'রে বিপ্রদাস বললে, "কুমু তুই মনে করিস্ আমার কোন ধর্ম নেই। আমার ধর্মকে কথায় বলতে গেলে ফুরিয়ে যায় তাই বলিনে। গানের সুরে তার রূপ দেখি, তার মধ্যে গভীর ছুঃখ, গভীর আনন্দ এক

হ'য়ে মিলে গেছে; তাকে নাম দিতে পারিনে। তুই আজ চ'লে যচিস, কুমু, আর হয়তো দেখা হবে না, আজ সকালে তোকে সেই সকল বেসুরের সকল অমিলের পরপাবে এগিয়ে দিতে এলুম। শকুন্তলা পড়েছিলিস,—হৃৎসুরের বরে যখন শকুন্তলা যাত্রা ক'রে বেরিয়েছিল, কথ কিছুদূর পশ্চিম তাকে পৌঁছিয়ে দিলেন। যে লোকে তাকে উত্তীর্ণ করতে তিনি বেরিয়েছিলেন, তার মাঝখানে ছিল ছুঃখ অপমান। কিন্তু সেই খানেই থামল না, তাও পেরিয়ে শকুন্তলা পৌঁচেছিল অচঞ্চল শান্তিতে। আজ সকালের ভৈরোঁর মধ্যে সেই শান্তির সুর, আমার সমস্ত অন্তঃকরণের আশীর্বাদ তোকে সেই নিশ্চল পরিপূর্ণতার দিকে এগিয়ে দিক্; সেই পরিপূর্ণতা তোর অন্তরে তোর বাহিরে, তোর সব ছুঃখ তোর সব অপমানকে প্লাবিত করুক।"

কুমু কোনো কথা বললে না। বিপ্রদাসের পায়ে মাথা রেখে প্রণাম করলে। খালিকক্ষণ জানলার বাইরের আলোর দিকে তাকিয়ে দাঁড়িয়ে রইল। তার পরে বললে, "দাদা, তোমার চা রুটি আমি তৈরি ক'রে নিয়ে আসিগে।"

মধুসূদন আজ দৈবজ্ঞকে ডাকিয়ে শুভযাত্রার লগ্ন ঠিক ক'রে রেখেছিল। সকালে দশটার কিছু পরে। ঠিক সময়ে জরির কাজকরা লাল বনাতের ঘেরাটোপ-ওয়াল পাকী এল দরজায়, আসাসোট নিয়ে লোকজন এল। সমারোহ ক'রে কুমুকে নিয়ে গেল মির্জাপুরের গ্রামাদে। আজ সেখানে নহবৎ বাজছে, আর চলছে ব্রাহ্মণ ভোজন, ব্রাহ্মণ বিদায়ের আয়োজন।

মাণিক এল বালির পেয়াল হাতে বিপ্রদাসের ঘরে। আজ বিপ্রদাস বিছানায় নেই, জানালার সামনে চৌকি টেনে নিয়ে স্থির ব'সে আছে। বালি যখন এলো কোনো খবরই নিলে না। চাকর ফিরে গেল। তখন ক্ষেমা পিসি এলেন পথ্য নিয়ে, বিপ্রদাসের কাঁধে হাত দিয়ে বললেন, —"বিপু, বেলা হ'য়ে গেছে বাবা।"

বিপ্রদাস চৌকি থেকে ধীরে ধীরে উঠে বিছানায় শুয়ে পড়ল। ক্ষেমা পিসির ইচ্ছা ছিল কেমন ধুমধাম ক'রে আদর ক'রে ওরা কুমুকে নিয়ে গেল তার বিস্তারিত বর্ণনা ক'রে গল্প করেন। কিন্তু বিপ্রদাসের গভীর নিস্তব্ধতা

শ্রীরবীন্দ্রনাথ ঠাকুর

দেখে কোন কথাই বলতে পারলেন না, মনে হ'ল বিপ্রদাসের চোখের সামনে একটা অতলস্পর্শ শূন্যতা।

বিপ্রদাস যখন ব'লে উঠল, 'পিসি, কালুকে পাঠিয়ে দাও' তখন এই সামান্য কথাটাও অদৃষ্টের একটা প্রকাণ্ড নিঃশব্দ ছায়ার ভিতর দিয়ে ধ্বনিত হ'ল। পিসির গা ছম্-ছম ক'রে উঠল।

কালু যখন এলো, বিপ্রদাস তার হাতে একখানা চিঠি দিলে। বিলেতের চিঠি, সুবোধের লেখা। সুবোধ লিখেছে, বারের ডিনার শেষ না ক'রেই যদি সে দেশে আসে তা' হ'লে আবার তাকে ফিরে যেতে হবে। তার চেয়ে শেষ ডিনার সেরে মাঘ ফাস্তুন নাগাত দেশে ফিরে এলে তার সুবিধে হয়, অনর্থক খরচের আশঙ্কাও বেঁচে যায়। তার বিশ্বাস বিষয় কর্মের প্রয়োজন ততদিন সবুর করতে পারে।

আজকের দিনে বিষয় কর্মের সঙ্কট নিয়ে বিপ্রদাসকে পাড়া দিতে কালুর একটুও ইচ্ছে ছিল না। কালু বললে, "দাদা, এখনো তো টাকা তুলে নেবার কোনো কথা ওঠেনি, আর কিছুদিন যদি সাবধানে চলি, কাউকে না ঘাঁটাই, তা' হ'লে শীঘ্র কোনো উৎপাত ঘটবে না। যাই হোক, তুমি কোনো ভাবনা কোরো না।"

বিপ্রদাস বললে, "আমার কোনো ভাবনা নেই কালু। লেশ মাত্র না।"


বিপ্রদাসের ভাবনা কালুর ভালো লাগে না,—এও অত্যন্ত নির্ভাবনা তার আরো খারাপ লাগে।

বিপ্রদাস খবরের কাগজ তুলে নিয়ে পড়তে লাগল, কালু বুঝলে এ সম্বন্ধে কোনো আলোচনা করতে বিপ্রদাসের একটুও ইচ্ছা নেই। অগুদিন কাজের কথা শেষ হ'লেই কালু চ'লে যায়, আজ সে চুপ ক'রে ব'সে রইল, ইচ্ছা করতে লাগল অগু কিছু কথা বলে, যা-হয় কোনো একটা সেবায় লেগে যায়। জিজ্ঞাসা করলে, "বাইরের দিকে ঐ জানালাটা বন্ধ ক'রে দেব কি? রোদ্দুর আস'চে।"

বিপ্রদাস হাত নেড়ে জানালে যে দরকার নেই।

কালু তবু রইল ব'সে। দাদার ঘরে আজ কুমু নেই এ শূন্যতা তার বুকে চেপে রইল। হঠাৎ শুনতে পেলে বিছানার নীচে টম কুকুরটা গুম্বে গুম্বে কেঁদে উঠল। কুমুকে সে চ'লে যেতে দেখে, কি একটা বুঝে, ভালো ক'রে বোঝাতে পার'চে না।

(সমাপ্ত)



বসন্ত-বিদায়

শ্রীমোহিতলাল মজুমদার

আমার সকল কামনা ফোটেনি এখনো, ফোটেনি গানের শাখে,
চৈতন্য নিশীথে বসন্ত কাঁদে, ঘারে হেরি' বৈশাখে ।
সিঁথীটি সাজায়ে অশোকের ফুলে,
চাপার মুকুল ভরিয়া ঢুকলে,
কাঁদে কাম-বধু বিদায়-বিধুর, নূপুর খুলিয়া রাখে ।

আমি গোলাপের বুকে রেখেছিছু ঢেকে কস্তুরী-কপূর,
আগ্নিম-ফুলের কোটায় ছিল ললাটের সিন্দূর,—
নয়ন-নিমেষে গেল তারা ঝরি' !
লয়ে ফাগুনের চূতমঞ্জরী
অলাকে পরিচু, অলিগুঞ্জে অলৌকিক ভাবনাতুর ।

শেষে লাল হ'য়ে ওঠে বন-বনাস্ত পলাশে ও কিংশুকে,
দিকে দিকে পিক কুছ কুহরিল, মহুয়ার মধু মৃগে ;
তরুশাখে-শাখে লতা-হিন্দোল,
পাতায় পাতায় ফুল-হিল্লোল,
সন্ধ্যা আকাশে সাজিল কাহারো রক্ত চীনামুকে !

ওগো এখনি হবে কি রঙের বাসর, ফুলের দীপালি শেষ ?
নিশার নেশা যে এখনো লাগেনি—নয়নে ঘুমের লেশ !
কাজল-অঁকা এ অঁধির কোণায়
এখনি অরুণ আভাটি ঘনায়,
রিনি-রিনি করে সকল শিরায় রজনীর রসাবেশ !

শ্রীমোহিতলাল মজুমদার

আমার কবরী এখনো হয়নি শিথিল—শিথানে পড়েনি খুলে,
মুকুরে যে-হাসি দেখেছি অধরে, সে হাসি যাইনি ভুলে' ।
ধূপের ধোঁয়ায় দিছি মিলাইয়া
দেহের দহনে স্মরতি এ হিয়া—
প্রাণের গহনে জ্বলেনি যে দীপ বেদনার বেদীমূলে !

ওগো মধুঘামিনীর জ্যোৎস্না-কামিনী এখনো যে কানে-কানে
সুধাইছে মোরে সুধার কাহিনী—সে কথা সেও না জানে !
সুখের স্বপনে সুমধুর বাথা
কেন জেগে রয়—সেই রূপকথা
শুনিবারে চায়, কেবলি তাকায় আমারি মুখের পানে !

আমি মরণেরে, তার নীলতনু ঘেরি' জীবনের পীতবাস
পরায়ে, মাধা'ব হৃদয়-রাধারে—কত না করেছি আশ !
হাসিয়া উঠিবে গোরোচনা-গোরী—
আবীরের ধূলি মুঠা-মুঠা ভরি',
শ্রাম-মুখ তার রাঙায়ে রচিবে মরণের মধুমাস !

ওগো সে কামনা মোর জলে' নিবে' গেল শিমুলের শাখে-শাখে,-
চৈত্র-নিশীথে বসন্ত কাঁদে, দ্বারে হেরি' বৈশাখে ।
সিঁথীটি সাজায়ে অশোকের ফুলে,
চাঁপার মুকুল ভরিয়া ঢুকুলে,
কাঁদে কাম-বধু বিদায়-বিধুর, নূপুর খুলিয়া রাখে ।



কর্কি অবতার



হরিহর শেঠ মহাশয়
কর্কুক প্রেরিত]

কালির দমন

চিত্রশালা

মহাপায় চিত্রকরণ কর্তৃক অঙ্কিত
হিন্দু দেব দেবীর মূর্তি



পরশুরাম অবতার




নাগ-পাশ



HAR-HARI.

ହର ହରି



ଶ୍ରୀରାମଚନ୍ଦ୍ର ବାଲୀନା



ଗଜାଦେବୀ



LAKSHMI.

ଲକ୍ଷ୍ମୀ




বুদ্ধ-অবতার



কৃষ্ণ-অবতার



শ্রীরাম-অবতার



বামন-অবতার



নৃসিংহ অবতার




বরাহ অবতার



কূর্ম অবতার



মৎস্য অবতার



—শ্রীঅমদাশঙ্কর রায়

১৭

পর্যটকের “শ্রীকান্তে” আছে, আশ্চর্য্য এই বাংলাদেশ, এর ঘরে ঘরে মা বোন (ঠিক কথাগুলি মনে নেই)। একথা বোধ হয় সব দেশের সম্বন্ধে বলা যায়। অন্তত ইংল্যান্ডের সম্বন্ধে নিশ্চয়ই। আশ্চর্য্য এই মানুষের পৃথিবী, এর পথে পথে আপনার লোক। পথে বাহির না হ’লে কি এদের পরিচয় মেলে! সেই জন্তেই তো মানুষ ঘর ছেড়ে দিয়ে পথকে শরণ করলে। কত দেশে কত আপনার লোক, সকলের পরিচয় না নিয়ে কি তৃপ্তি আছে!

মানুষে মানুষে কত না তফাৎ—বর্ণের, রক্তের, ভাষার, সংসারের, শ্রেণীর, স্বার্থের। এত তফাৎ আছে ব’লেই কি এমন মিলনকামনা? এক নিশ্বাসে সকল তফাৎকে উপরে রেখে হৃদয়ের অতলে তলিয়ে যাবার প্রেরণা? সে অতলে কেউ পর নয়, সবাই আপন; এত আশ্চর্য্য রকম আপন যে, মনও সে খবর রাখে না। মন তো মহা তর্কিক, যাকে মায়া ব’লে কুটি কুটি করাই তার স্বভাব। মানুষের যদি কেবল মনই থাকতো তবে মানুষ হ’তো একটা অভিশপ্ত বিলাসিকা—Niobeর মতো বহুসন্তানবতী হ’য়েও বন্ধা।

আমরা অত্যন্ত বেশী নিজেকে সাদা বা কালো, ইংরেজ বা ভারতীয়, ধনী বা দরিদ্র ভাবি—এটা আমাদের মনের কামসাজি, এটা মায়া। যখন মানুষের সামনে মানুষ দাঁড়ায়

তখন কোথায় যায় এই মায়া? তখন আসে উপলক্ষের মাহেঞ্জরগ—তখন অকস্মাৎ উপলক্ষি করি, আমাদের সংজ্ঞা হয় না। আমরা যে কী তা বুঝিয়ে বলবার উপায় নেই ব’লে ছু’পক্ষের সুবিধার জন্তে বলতে হয়, “সাদা” বা “কালো”, “ইংরেজ” বা “ভারতীয়”, “ধনী” বা “দরিদ্র”; কিন্তু এগুলো আমাদের সংজ্ঞা নয়, symbol। আমরা—আমরা personalities। আমাদের পরিচয় নূ-তবে নেই ভূগোলে নেই ধনবিজ্ঞানে নেই, আছে আমাদের সত্তায়। আমরা যে হ’য়ে উঠেছি, এই আমাদের প্রথম ও শেষ পরিচয়। এর মতো বিশ্বয় আর নেই, এ রহস্য লক্ষ বছর ধরে দার্শনিককে বৈজ্ঞানিককে কলুর বলদের মতো ঘোরাবে, তবু সে হতভাগোরা এর সম্বন্ধে মায়াবাদীই থেকে যাবে।

যারা খবরের কাগজ প’ড়ে মানুষের খবর রাখে তারা কি কোনোমতে বিশ্বাস করবে কত বড় একটা বিদ্রোহ সকলের অলক্ষ্যে ফুলে ফুলে উঠছে “মুক্তধারার” সেই জলপ্রপাতের মতো? মানুষের মনের বিরুদ্ধে মানুষের হৃদয়ের এ বিদ্রোহ—এর কানায় কানায় অভিমান। সর্বশক্তিমান মনের বিরুদ্ধে কোমল অবল সরলবিশ্বাসী হৃদয়ের পুঞ্জীভূত অভিমান। বৈজ্ঞানিক দার্শনিকের দরবারে কবির নিরুদ্ধ কণ্ঠ বোবার মতো আভাসে ইঙ্গিতে বলতে চাইছে, আমার পরিচয় লও, আমাকে তোমার



objective চশমাখানার পক্ষে মায়া ঠাউরো না, আমাকে তোমার efficiencyর খাতিরে বিশ্ব থেকে বাদ দিয়ে না।

এই বিরাট জলতরঙ্গের এক একটা ফেনা হচ্ছে ধনীরা বিরুদ্ধে দরিদ্রের বিদ্রোহ, সাম্রাজ্যবাদীর বিরুদ্ধে পরাধীনতার বিদ্রোহ, সাদার বিরুদ্ধে কালোর বিদ্রোহ। কিন্তু ফেনা মাত্র, তার বেশী না। বাধ ভাঙবার ক্ষমতা এদের নেই, রস এদের মধ্যে স্বল্প। বাধ কেবলমাত্র ভাঙবে না, বাধ ভেঙ্গে চলবে সেইদিন, যেদিন “মুক্তধারার” রাজকুমার তাঁর আত্মদানের আনন্দ হাতে ক’রে আসবেন, প্রেমের অমোঘ আঘাত হানবেন। মনের বিরুদ্ধে বিদ্রোহ মনকে ধ্বংস করবার নয়, মনকে রসিয়ে তুলবার! সেই হিসাবে এটা প্রলয় নয়, সৃষ্টি। সভ্যতাকে হৃদয়বস্তুর রসে ওতঃপ্রোত না ক’রে রাখলে সে যে শুকিয়ে পাক হ’য়ে উঠবে। এতদিন সে রসলেশশূন্য হয় নি শুধু যীশুর মতো প্রেমিকের কল্যাণে। ইউরোপীয় মানুষের মন তাকে এতদিনে একটা ময়দানবে পরিণত ক’রে থাকতো যদি না সে যীশুর হৃদয়রক্তকে Eucharist ক’রে নিতো। ভারতীয় মানুষের মনকেও শঙ্করাচার্যের দোরায়া থেকে রামানুজ উদ্ধার করেছিলেন, সার্কভোমের উৎপাত থেকে শ্রীচৈতন্য।

আধুনিক কালের এই বিজ্ঞান-দৃষ্টি, কল্পনা-কুণ্ঠ, স্বাচ্ছন্দ্য-সর্বস্ব, নাস্তিক সভ্যতাকে প্রোলিটারিয়ানও রসাতে পারবে না, গ্রাশানালিষ্টও না। কেন না বুর্জোয়ার মতো প্রোলিটারিয়ানও এর দ্বারা সম্বোহিত, ফরাসী-ইংরেজের মতো চীনা-ভারতীয়ও একে আদর্শ করেছে। ইংলণ্ডে দেখছি সোশ্যালিষ্ট চায় কাপিটালিষ্টেরই একটু সস্তাগোছের নকল সাজতে, সেও একটি সেকেণ্ডহ্যান্ড পোষাকপরা সেকেণ্ডহ্যান্ড মতামতওয়ালী Snob। সে যেমন উন্নতি করছে আশা করা যায় সে অবিলম্বেই বুর্জোয়া হ’য়ে উঠবে, অর্থাৎ উপরের লোকদের সরিয়ে দিয়ে নীচের লোকদের দাবিরে রাখবে। বৃহৎ ভারতের অধুনাতন কংগ্রেস কন্ফারেন্সের বিবরণী পাঠ ক’রে যতদূর বোঝা যায়, ভারতবর্ষও একটা “Great Power” না হ’য়ে ছাড়বে না। ইংলণ্ড ও রাশিয়া মিলে তার দুই কানে একই মন্ত্র দিচ্ছে—“Power,” “Efficiency,” “Progress”। এদের মন্ত্রশিষ্য যে এদের

শুরুমারা চেলা হ’য়ে উঠবে ও এদের ছাড়া কাপড়খানার উত্তরাধিকার দাবী করবে, এমন মনে করবার কারণ আছে। বস্তুত দু’পক্ষের কামা এক না হ’লে যুদ্ধ বাধে না। প্রোলিটারিয়ান ও বুর্জোয়া, ইম্পিরিয়ালিষ্ট ও গ্রাশানালিষ্ট ঠিক একই জিনিষ চায়—“Success,” “Power,” “Efficiency,” “Civilisation,” “Progress” প্রথমে কামোর ডিগ্রীটা থাকে নীচে, যেমন একখানা কটিবস্ত্র। ক্রমে ক্রমে ওঠে ওপরে, যেমন একরাশ মিনিটারী পোষাক। তারপরে ইতিহাসের পুনরাবৃত্তি—মাজিনীর ইটালী হ’য়ে দাঁড়ায় মুসোলিনীর ইটালী, অষ্ট্রিয়ার নীচের লোক হ’য়ে দাঁড়ায় টিপোলীর উপরের লোক।

অতএব মানবহৃদয়ের বিদ্রোহী ধারাকে মুক্তি দেবার সৌভাগ্য কোনো শ্রেণীবিশেষেরও হবে না, কোনো নেশন-বিশেষেরও না। নিগ্রো প্রভৃতি জাতিও নিজেদেরকে নিরতিশয় দুঃখী মনে করছে মনের বিরুদ্ধে মন খাটাতো না পেরে। মানুষের একমাত্র আশা মানুষ নিজে—নৃতত্ত্ব ভূগোল ধনবিজ্ঞানের মানুষ না, সংজ্ঞার অগ্নীত personality, সৃষ্টির বিশ্বয়, জ্ঞানী মূর্খির রহস্য, “মুক্তধারার” সেই রাজকুমার ধীর জন্ম হয়েছিল পথে, বাইবেলের সেই King of Kings ধীর স্থান হয়েছিল ক্রুশে। নিজের এতবড় সৌভাগ্যকে যেদিন মূল্য দিতে শিখবে সেদিন আমাদের সভ্যতা আরেক স্তরে উঠবে, সেদিন সম্পাত্তিকে দেশকে বর্ণকে মনে হবে পথিকের জন্মস্থল, স্থাপুর নয়। সেদিন জন্মস্থলের ভাবনায় আমরা একস্থানে দাঁড়িয়ে কৌদল করবো না, জন্মস্থলের উপর থেকে জোর তুলে নিয়ে জোর দেবো আমাদের পথিকত্বের উপরে। তখন বৈষম্যের জন্তে আমরা ক্ষুব্ধ না হ’য়ে তাকেই ক’রে তুলবো বৈচিত্র্য; পরাজয় জ’লে উঠবে জয়টীকার মতো; দুঃখকে সৃষ্টিতে রূপান্তরিত ক’রে সৃষ্টির গৌরব অমুভব করবো।

হৃদয়ের বৃত্তিকা ইংলণ্ডকে কতটা পীড়িত করেছে দু’ থেকে আমরা কেন, কাছে থেকে ইংলণ্ডের সকলে কিছু গা ঠাहर করতে পারে না। প্রত্যেকের এত বেশী freedom of speech যে কেউ কারুর সঙ্গে কথা বলতে সাহস করে না, কথা বললেও সেই “Is n’t it cold?” ইত্যাদি মিছে

শ্রীঅন্নদাশঙ্কর রায়

কথা। সকলের সঙ্গে মেলামেশা করতে গিয়ে কারুর সঙ্গে অস্বস্ততা হবার উপায় নেই, সবাই সবাইকে বাইরের খবর শোনাতে গিয়ে ভিতরের খবর শোনাবার অবসর বা ভরসা পায় না। পরিবার ভেঙে যাচ্ছে, স্নেহ মমতার চরিতার্থতা উপলক্ষ পাচ্ছে না। কেবল একটা ফাঁকা আত্মপ্রসাদ আছে—আমি স্বতন্ত্র, আমি স্বৈচ্ছাগতি, আমি স্বাধীন-জীবী। অনেকটা কুলীনের কণ্ঠার অনুচর-হের জাঁকের মতো এই আত্মপ্রসাদ। কাজ কাজ কাজ দিয়ে দিনের পেয়লা ভরে না, রাতের পেয়লায় নাচ নাচ নাচ টেলেও সেই শ্রুতি। যেন জীবন পেয়লাটার তলা-ই নেই, আগা-গোড়া ফাঁকা। নিত্য নূতন সুরার সরবরাহ ক'রেও লেখক লেখিকা নটনটী পোষাকওয়লা আস্বাবওয়লা হৃদয়ের তৃষা মেটাতে পারে না; খ্রীষ্টীয় মত যেটুকু আফিং ধরিয়েছিল সেটুকুর নেশাও গত মহাযুদ্ধে কেটে গেছে, সামাজিক কলাগণ-কম্য কতকটা স্তোক দেয় বটে, কিন্তু সে কি মুক্তি দিতে পারে! ইংলণ্ডে কেবল একটি আনন্দ আছে, ছোটোছুটির আনন্দ, তাই ইংলণ্ড আছে, নইলে কি দিয়ে সে নিজেকে ভোলাতো? একে একে তার সব স্বপ্নই যে ছায়া হয়ে গেছে, মায়া হয়ে গেছে। Democracy ও Sex Equality কতক স্বপ্ন চুর ক'রে দিয়েছে, বিজ্ঞান বাকী স্বপ্নগুলোকে দূর ক'রে দিয়েছে। মস্ত একটা আদর্শবাদের অভাব ইংলণ্ডকে বড় দারিদ্র করেছে। এই দারিদ্রের লক্ষণ আধুনিক ইংরেজী সাহিত্যের সর্ব্বাঙ্গে। এ সাহিত্যের কোনো লেখক কোনো পাঠককে কষ্ট দিতে চায় না, পাছে বেচারার যে ক'টা স্বপ্ন বাকী আছে সেও যায়। লেখক এখন বিদূষক সেজে পাঠক গাণিয়ে পয়সা কুড়ায়, কিম্বা খুব সারগর্ভ উপদেশ দিয়ে উপকার করে।

ইংলণ্ডের মনের জোর তার গায়ের জোরেরই মতো অসামান্য। এখনো বহুকাল তার মজ্জাগত জোর তাকে "Great power" ক'রে রাখবে। জোর মাত্রেরই moral

force, ইংলণ্ড আমাদের চেয়ে moral, অন্যান্য অনেক দেশের চেয়ে moral। বস্তুত সভ্যতা জিনিষটাই মানুষের moral কীর্ত্তি, এবং সভ্যতায় ইংলণ্ডের মানুষ সব মানুষের প্রথম সারিতে। এই সারিতেই উপনীত হবার কামনা আছে যুবক ভারতের, যুবক ভারত ইংলণ্ড রাশিয়া প্রভৃতির moral সমকক্ষতা চায়। কিন্তু সৃষ্টি যে করে সে moral মানুষ নয়, সে spiritual মানুষ, ইংলণ্ডে এ মানুষ আর দেখা যাচ্ছে না। সৃষ্টি যে করে সে মানুষের দেহ মন নয়, সে মানুষের হৃদয়; হৃদয় ইংলণ্ডের ক্রমেই স্তম্ভ হারাচ্ছে কিম্বা স্তম্ভের উমেদার হারাচ্ছে। কাজ কাজ কাজ ও নাচ নাচ নাচ নিয়ে সবাই এত ব্যস্ত যে স্তম্ভ হৃদয়বৃত্তিগুলোকে মুক্তি দিতে যদি বা কেউ ইচ্ছুক হয় তবু সে মুক্তির উপলক্ষ জোটে না, অর্থাৎ বুকভরা মধু থাকলেও মৌমাছি আসে না। হৃদয় চায় দিয়ে সুখী হ'তে, কিন্তু দান নেবার ভিখারী যে নেই, ভিখারী হ'তে সকলের আত্মসম্মানে বাধে, সকলে চায় হুক দাবী, গায়া পাওনা, স্বাধীনতা, সমানাধিকার, শ্রদ্ধা—এক কথায় জন্মস্বত্ব। তাই নিয়ে ছোটোছুটি ও কাড়াকাড়ির ফাঁকে মানুষের সত্য পরিচয়টা কোথায় হারিয়ে গেছে, মানুষ ভুলে গেছে যে তার জন্ম হয়েছিল পথে; কিছুই দাবী করতে তাকে মানা; সে যা পাবে তা হ'হাতে ছড়াতে ছড়াতে যাবে, সে স্বভাবত দাতা; এবং অপরকে দানের উপলক্ষ দান করবার জন্তেই সে গ্রহীতা।

আশ্চর্য্য এই মানুষের পৃথিবী, এর পথে প্রবাসে আপন-নার লোক, কিন্তু কেউ কারুর আত্মীয়তার কামনা মেটাবার সময় পাইনে, সাধ রাখিনে। তাই মানুষের সঙ্গে মানুষের মিলন নিষ্ফল হচ্ছে, চরিতার্থতা পাচ্ছে না। কেবল চীৎকার ক'রে উঠছে—বৈষম্য দূর করো, তুংখ বুচাও। ভুলে যাচ্ছে যে বৈষম্যকে স্বীকার ক'রেই সৃষ্টি, তুংখকে ধারণ ক'রেই আনন্দ।



অনুরাগ আর অভিমান সমজাতীয় বস্তু না হ'লেও উভয়ই কমলার চিত্তকে যুগপৎ অধিকার ক'রে পীড়ন করতে লাগল। ফলে, রাগ হ'ল নিজের প্রতি যেমন, বিনয়েরও প্রতি তেমনি। টাকা ফেরৎ দিয়ে বিনয় কমলার ছবি অধিকার করবার ইচ্ছা প্রকাশ করায় কমলার বাক্যে যে ক্রুততা প্রকাশ পেয়েছিল বাইরে থেকে সহজ দৃষ্টিতে তার কারণ একমাত্র ক্রোধ ভিন্ন অন্য কিছু ব'লে মনে হয় নি; কিন্তু সামান্য ক্রোধকে উপলক্ষ ক'রে পুঞ্জীভূত যে বৃহৎ অভিমান উত্তত হ'য়ে উঠেছিল তার সন্ধান পেলে হয় ত' বিনয় ক্ষুব্ধ হ'য়ে চ'লে যেত না। নিনাদ শুনে সে মেঘকে বজ্রগর্ভ মনে ক'রেই চ'লে গেল, সে যে বারিবিন্দুরও আশ্রয়স্থল সে কথা ভেবে দেখলে না। এ কথাও সে ভেবে দেখলে না যে, মাহুঘ যখন তার প্রিয়জনের সঙ্গে সৌহার্দ্য বিনয়ময়ের সুরোগ খুঁজে পায় না তখন সে তার সঙ্গে কলহ করে। কারণ, দুর্যোগ হ'লেও কলহ একটা যোগ, যা মুখরতার দ্বারা সঘনক স্বীকার ক'রেই চলে, নীরবতার দ্বারা ঔদাসীণ্য ব্যক্ত করে না। কমলার ছবির প্রতি বিনয়ের লোভাতুরতার কমলা যে তার নিজেরও প্রতি বিনয়ের

অনুরাগের একটু আভাষ পায় নি, তা নয়,—কিন্তু সে তার উদগ্র আগ্রহের কাছে এতই সামান্য যে, ততটুকুতেই সন্তুষ্ট হ'য়ে থাকতে না পেরে সমস্তটা স্পষ্টতরভাবে জানবার আগ্রহে সে বিনয়ের সঙ্গে একটা সজ্বাতের সৃষ্টি করেছিল। নিস্তরঙ্গ জলের মধ্যে আলোড়ন উপস্থিত ক'রে সে তার গভীরতা নির্ণয় করতে গিয়েছিল। তাই বলেছিল, 'আপনি আপনার কাছে আমার ছবি রাখবেন কেন? তার ও একটা কারণ থাকা চাই, যা হয় একটা অধিকার থাকা চাই।' ফলে কিন্তু বিপরীত হ'ল।

বাইরে পরিচিত হর্নের শব্দ শুনে কমলা বুঝতে পারলে দ্বিজনাথ এসেছেন। তাকিয়ে দেখলে ষড়িতে তখন দশটা বেজে কুড়ি মিনিট। গাড়ি ছাড়তে তখনো দশ মিনিট বাকি। একবার মনে করলে দ্বিজনাথকে সঙ্গে নিয়ে মোটর ক'রে স্টেশনে গেলে এখনো হয়ত ধ'রে আনা যায়; কিন্তু পরক্ষণেই মনে হ'ল বিনয় ত' ফিরে আসবেই না, অধিকন্তু দ্বিজনাথের নিকট সমস্ত ব্যাপারটা প্রকাশ হ'য়ে গুরুতর লজ্জার কারণ ঘটবে। দ্বিজনাথ ঘরে এসে প্রবেশ

শ্রীউপেন্দ্রনাথ গঙ্গোপাধ্যায়

করতে পারেন, এই আশঙ্কায় কমলা তাড়াতাড়ি শয্যাভাগ ক'রে চেয়ারে ব'সে তার পড়বার টেবিলের উপর রূপাটী ক্রকের একখানা কাবাগ্রহ খুলে দেখতে লাগল।

পরক্ষণেই বাইরের বারান্দায় ডাক পড়ল, “কমলা, কমলা, কমলা!”

ক্রতপদে বাইরে বেরিয়ে এসে কমলা বললে, “বাবা?”

একখানা চেয়ারে ব'সে প'ড়ে দ্বিজনাথ বললেন, “আমি একাই ফিরে এলাম। সস্তোষকে তার বন্ধু এ বেলা কিছুতেই ছাড়লেন না;—বিকেল বেলা তিনি তাঁর নিজের গাড়ি ক'রে পৌঁছে দিয়ে যাবেন। অতএব এ বেলা তোমাতে আমাতে এক সঙ্গে খেতে বস্ব।”

জমিডি এসে পর্যাঙ্ক দ্বিজনাথ কমলাকে সঙ্গে না নিয়ে আহার করেন না, সস্তোষ উপস্থিত থাকলে কিন্তু তা হয় না—কমলা আপত্তি করে। আজকের আহারে সস্তোষ অনুপস্থিত থাকবে ব'লে দ্বিজনাথ কমলাকে আহারে আহ্বান করলেন।

দ্বিজনাথের কথা শুনে কমলা এস্ত হ'য়ে উঠল। যে খাণ্ড অঙ্ক ফেলে অনাহারে বিনয় চ'লে গেছে, বিনয় মধুপুরে পৌঁছবার পূর্বে সেই খাণ্ড তাকে খেতে হবে মনে ক'রে তার মুখ শুকিয়ে গেল। তার অপরাধের এর চেয়ে কঠোরতর দণ্ড আর কিছু হ'তে পারে ব'লে মনে হ'ল না। মনের চঞ্চল অবস্থা যথাসম্ভব প্রচ্ছন্ন রেখে কমলা বললে, “আমার এখন একটুও ক্ষিদে নেই বাবা, তোমার খাবার দেবার ব্যবস্থা করি।”

দ্বিজনাথ বললেন, “আমারই কি এখন ক্ষিদে আছে?—খানিক পরেই খাওয়া যাবে এখন। এখন ত' সাড়ে দশটাও বাজেনি। তার ওপর সস্তোষের বন্ধু কিছুতেই ছাড়লে না, একটু জল সেখানে খেতেই হ'ল।”

তারপর দ্বিজনাথ রিকিয়া এবং সস্তোষের বন্ধুর বিষয়ে গল্প শুরু ক'রে দিলেন। কমলা এমনভাবে দ্বিজনাথের দিকে চেয়ে রইল এবং মধো মধো সামান্য দুই একটা কথা দিয়ে গল্পের সঙ্গে যোগ রক্ষা ক'রে চলল যে, মনে হচ্ছিল সব কথাই সে মনোযোগ দিয়ে শুনছে; কিন্তু কানের আর

প্রাণের মধো তখন এমন একটা অসহযোগ চলছিল যে, কান দিয়ে যত কথা প্রবেশ করছিল তার অর্ধেকও প্রাণের তারে আঘাত করতে সমর্থ হচ্ছিল না।

কলিকাতাগামী এক্সপ্রেস্ গাড়ি নীচের অধিতাকা দিয়ে শনকে ক্রতবেগে ধুমোদগার করতে করতে চ'লে গেল। গাড়ি দেখা গেল না, কিন্তু উর্দ্ধোখিত ঘন কৃষ্ণবর্ণ ধোঁয়ার দিকে তাকিয়ে কমলার মন কালো হ'য়ে উঠল। মনে হ'ল সে ধোঁয়া যেন বিনয় কর্তৃক উৎসারিত অপমানের গ্লানি যাতে সমস্ত বায়ুমণ্ডল এখনি বিষিয়ে উঠবে। নিঃশ্বাস যেন ভারি হ'য়ে এল। দ্বিজনাথের কথা শুনতে শুনতে কমলা একটা চেয়ারে উপবেশন করেছিল, সহসা দাঁড়িয়ে উঠে বললে, “বাবা, সাড়ে দশটার গাড়ি চ'লে গেল, আর বেশি দেরি করলে তোমার অনিয়ম হবে। যাই, তোমার খাওয়ার উন্মুগ দেখি গে।” ব'লেই অন্তর মহলের দিকে অগ্রসর হ'ল।

দ্বিজনাথ বললেন, “এর মধো কেউ এসেছিল কমলা?”

ফিরে না দাঁড়িয়ে যেতে যেতে কমলা বললে, “আমি এখনি আসছি বাবা।” তারপর দ্বিজনাথকে আর কোনো কথা জিজ্ঞাসা করবার অবসর না দেওয়ার উদ্দেশ্যে প্রথম যে দোরটা ডানদিকে পেলে তাই দিয়ে তাড়াতাড়ি ভিতরে ঢুকে পড়ল।

আধ ঘণ্টাটুকু পরে খাবার ঘরে উপস্থিত হ'য়ে দ্বিজনাথ দেখলেন কমলা যথারীতি উপস্থিত রয়েছে, কিন্তু টেবিলে মাত্র একজনের খাবার।

“তোমার খাবার কমলা?”

মূঢ় হেসে কমলা বললে, “আমার এখনো তেমন ক্ষিদে হয়নি বাবা,—আমি পরে খাব এখন।”

কন্ঠার মুখ একটু মনোযোগের সহিত নিরীক্ষণ ক'রে দ্বিজনাথ দেখলেন সেই মূঢ় হাস্যের মধো চোখ দুটি ছলছল করছে; চিন্তিত হ'য়ে বললেন, “কি হয়েছে কমলা? অসুখ বিস্ময় করে নি ত?”

কমলা মাথা নেড়ে বললে, “না বাবা, অসুখ-টসুখ কিছু



করে নি। এমনি এখন খেতে ইচ্ছে হচ্ছে না।”

দ্বিজনাথ বললেন, “আচ্ছা, তাহ’লে ক্ষিদে হ’লে খেয়ো।”

২৮

বেলা দুটোর সময়ে দ্বিজনাথ তাঁর বিশ্রাম-কক্ষে পদ্মমুখীকে ডেকে পাঠালেন। পদ্মমুখী এলে বললেন, “তোমার সঙ্গে একটা পরামর্শ আছে পিসি মা। ঐ চেয়ারটায় একটু বোসো।”

আসনগ্রহণ করে পদ্মমুখী সেকোটুহলে জিজ্ঞাসা করলেন, “কি পরামর্শ বাবা?”

দ্বিজনাথ বললেন, “কমলের বিয়ের সম্বন্ধে তুমি বিমলকে সীলোনে বোধহয় কিছু লিখেছিলে? আজ সকালে বিমলের চিঠি পেয়েছি—তার চিঠি থেকে সেই রকম মনে হয়।”

পদ্মমুখী বললেন, “হ্যাঁ, আমি লিখেছিলাম সন্তোষের সঙ্গে কমলার বিয়ের যে কথাটা রয়েছে সেটা আধাআধি না রেখে একেবারে পাকা ক’রে ফেলা ভাল। সন্তোষ এমন চাঁদের মত ছেলে, ওর সঙ্গে কমলের বিয়ে হ’লে ত’ আমাদের সৌভাগ্যের কথা। রূপে গুণে, ধনে মানে, স্বভাবে চরিত্রে, এমন আর একটা কোথায় পাবে বল?”

দ্বিজনাথ বললেন, “বিমলও সেই কথা বলে; আমারও মত পাত্র হিসেবে সন্তোষ কমলের অযোগ্য নয়; তোমার মত ত’ জানতেই পারলাম। কিন্তু কমলের মনের কথা কিছু বুঝতে পার পিসি মা? তার ইচ্ছে আছে ত?”

পদ্মমুখী দেখলেন, যে বিষয়ে শৈলজা এবং তিনি সাধনা করতে আরম্ভ করেছেন তদ্বিষয়ে মহা সূযোগ উপস্থিত; সূযোগকে অবহেলা করলে পরে অনুতাপ করতে হ’তে পারে। তা ছাড়া পদ্মমুখীর মত,—সহৃদে শিক্ত করবার জন্যে অসং উপায় অবলম্বন করায় কোনো অন্তায় নেই; বিষ খাওয়ালে রোগীর যদি প্রাণরক্ষা হয় রোগীকে বিষ খাওয়াতে চিকিৎসকেরা দ্বিধা বোধ করে না। উচ্ছ্বসিত হ’য়ে বললেন, “ওমা! ইচ্ছে আবার নেই? খুব ইচ্ছে! সন্তোষের কথা বললেই কমলার মুখখানি কেমন হাসি হাসি

হ’য়ে লাল হ’য়ে ওঠে—কান দুটি খাড়া হয়ে থাকে।” বনেদ একেবারে পাকা ক’রে ফেলবার উদ্দেশ্যে বললেন, “সুকুমার বাবুর পরিবার শৈলজা সেদিন বলছিলেন শোভার কাছে কমলা বলেছে সন্তোষের সঙ্গে তার বিয়ের সব ঠিক হয়ে আছে। আরও কত কি সব কথা পাগলীর মত বলেছে—সে আর তোমাকে কি বলবে?” বলে মুচুকে একটু হাসলেন।

দ্বিজনাথ বললেন, “বেশ তা হ’লে আজ সন্কার পর সন্তোষের সঙ্গে কথাটা শেষ ক’রেই ফেলি। ও-ও বোধহয় চাইছে এবিষয়ে একটা পাকা কথা হয়ে যায়।”

অতিশয় উল্লসিত হ’য়ে পদ্মমুখী বললেন, “এ খুব ভাল কথা দ্বিজ, আজই তুমি সমস্ত কথাবার্তা শেষ ক’রে ফেল। বিয়ে খাওয়ার কথা ত কিছু বলা যায় না বাবা, কোন্ দিক দিয়ে কখন কি বিয় এসে জোটে।”

মনে মনে একটা কি কথা চিন্তা ক’রে দ্বিজনাথ বললেন, “কোনো বিয় এসে জুটেচে ব’লে কি তোমার মনে হয় পিসিমা?”

উল্লাসের মত্ততায় পদ্মমুখীর সতর্কতার দিকটা আলাগা হ’য়ে গিয়েছিল, বললেন, “জোটে নি তাই বা বলি কি ক’রে? তোমার ওই ছবি আঁকিয়েটিকে আমার কেমন ভাল লাগে না দ্বিজ। ওই ত’ আজ সকালে এসে কি সব হাঙ্গামা বাধিয়ে দিয়ে গেল তাই না মেয়েটা এখন পযাস্ত উপোস ক’রে প’ড়ে রয়েছে।” কথাটা ব’লেই কিম্ব নিজেই কানে কি রকম খারাপ শোনাল; মনে হ’ল পাকা বনেদটা যেন একটু কাঁচিয়ে যাবার দিকে গেল। বাস্তব হ’য়ে বললেন, “সে অবিশ্বি এমন কোনো কথাই নয়—তবে কি জান? সাবধানের বিনাশ নেই।”

দ্বিজনাথ কিন্তু কথাটাকে সামান্য ব’লে একেবারেই উপেক্ষা করলেন না; বাগ্র ক’রে বললেন, “কমল এখনো খায় নি?”

“না, কৈ আর খেয়েচে।”

“সকাল বেলা বিনয় এসেছিল?”

“এসেছিল বই কি। খানিকক্ষণ ছবি-টবি এঁকে চ’লে গেল।” আহার নিয়ে যে ব্যাপারটা ঘটেছিল সে কথাটা

শ্রীউপেন্দ্রনাথ গঙ্গোপাধ্যায়

না বলাই ভাল বিবেচনা ক'রে পদ্মমুখী সে কথার কোনো উল্লেখ করলেন না।

কিন্তু সে কথাও চেপে রাখা গেল না; পদ্মমুখীর কথার গুরুতম অংশটা দ্বিজনাথের মনে ছিল; বললেন, “তুমি যে বললে পিসিমা, বিনয় সকালে এসে হাজিমা বাধিয়ে দিয়ে গেল, সে কি কথা?”

এবার পদ্মমুখীর মুখ শুকিয়ে উঠল,—মনে হ'ল নিজের কথাটা বুঝি সঙ্গে সঙ্গে এমনি ক'রেই ফ'লে গেল—বিয় সত্যি-সত্যিই এসে উপস্থিত হ'ল। খুব সংক্ষেপে কথাটাকে শেষ করবার চেষ্টা করলেন, কিন্তু দ্বিজনাথ সে বিষয়ে বারংবার বিয় ঘটতে লাগলেন,—প্রশ্নের পব প্রশ্ন ক'রে সমস্ত কথাটা জেনে নিলেন।

পদ্মমুখীর মনে পরিতাপের অস্ত ছিল না। নিজের বুদ্ধিহীনতার জন্তে মনে মনে নিজেকে অভিশাপ দিতে লাগলেন।

দ্বিজনাথ বললেন, “আচ্ছা পিসিমা, তুমি এখন বিশ্রাম কর গে।”

চেয়ার থেকে দাঁড়িয়ে উঠে সভয়ে পদ্মমুখী জিজ্ঞাসা করলেন, “আজই সস্তোষের সঙ্গে কথা কইবে কি বাবা?”

দ্বিজনাথ বললেন, “হ্যাঁ পিসিমা, আজই সস্তোষের সঙ্গে কথা শেষ করব।”

দ্বিজনাথের কথা শুনে, অমূলক আশঙ্কায় চিন্তিত হয়েছিলেন মনে ক'রে, পদ্মমুখী নিশ্চিন্ত হ'লেন। উৎসাহ-দাঁপ্ত কণ্ঠে বললেন, “বেশ কথা দ্বিজ, আশীর্বাদ করি আমাদের কমলা সুখী হ'ক।”

প্রসন্নমুখে দ্বিজনাথ বললেন, “সেই আশীর্বাদই কর পিসিমা।”

পদ্মমুখী প্রশ্ন করলে বিমলার চিঠিখানা জামার পকেটে নিয়ে দ্বিজনাথ কমলার ঘরের দোরে এসে ধাক্কা দিয়ে ডাকলেন, “কমল, জেগে আছ কি?”

দোরটা ভিতর থেকে বন্ধ ছিল, কমলা তাড়াতাড়ি শয্যা ত্যাগ ক'রে উঠে এসে দোর খুলে বললে, “কেন বাবা?”

দ্বিজনাথ বললেন, “তোমার সঙ্গে একটা কথা আছে মা। চল তোমারই ঘরে গিয়ে বসি।”

(ক্রমশঃ)



নামের পরিচয়

শ্রীঅমিয়চন্দ্র চক্রবর্তী

মোর নাম লিখে দিয়ে যাই

চেয়েছ যাত্রার পথে, ওগো বন্ধু, শুভক্ষণে তাই

চিহ্ন মোর গেলু এই রাপি

প্রেমের স্মরণবর্ণে অঁকি' ।

যে-আমি সহসা এসে আলোকিত এ ভুবন-লোকে

চেয়ে দেপেছিল মুগ্ধ চোখে,

পরিচয়হীন পথে যেতে

চিরসঙ্গী এল যার সমতীর্থ যুক্তির সঙ্কেতে,

মূহুর্তে চৈতন্যময় স্পর্শ লভি' চকিত মিলনে

শত বার্থতারে ভেদি' জেগেছে পরম উদ্বোধনে,

তারি এই নাম

তোমারে দিলাম ।

পুলিঙ্কুক সংসারের ক্ষয়

ক'লু তা'র নয়,

অনুষঙ্গী ছায়া সে তো মিলায় আপন পরিচয় ।

মর্ত্যের বন্ধন দিল তা'রে


অনন্ত সন্ধানদীপ্তি মৃত্যুহীন দিগন্তের পারে ;

জড়ত্বের সাথে অবিরাম

বেদনার যজ্ঞভূমে প্রাণ দিয়ে ঘোষিল সংগ্রাম ।

তারি ব্যাকুলতা জেনো, প্রণমিত কৃতার্থ অন্তর

রাপিল রঙীন পত্রে শেষক্ষণে আপন স্বাক্ষর ॥



—শ্রীঅন্নদাশঙ্কর রায়

১৭

শরৎচন্দ্রের “শ্রীকান্তে” আছে, আশ্চর্য্য এই বাংলাদেশ, এর ঘরে ঘরে মা বোন (ঠিক কথাগুলি মনে নেই)। একথা বোধ হয় সব দেশের সম্বন্ধে বলা যায়। অন্তত হংগেরীর সম্বন্ধে নিশ্চয়ই। আশ্চর্য্য এই মানুষের পৃথিবী, এর পথে পথে আপনার লোক। পথে বাতির না হ’লে কি এদের পরিচয় মেলে! সেই জন্তেই তো মানুষ ঘর ছেড়ে দিয়ে পথকে শরণ করলে। কত দেশে কত আপনার লোক, সকলের পরিচয় না নিয়ে কি তৃপ্তি আছে!

মানুষে মানুষে কত না তফাৎ—বর্ণের, রক্তের, ভাষার, মন্ত্রারের, শ্রেণীর, স্বার্থের। এত তফাৎ আছে ব’লেই কি এমন মিলনকামনা? এক নিশ্বাসে সকল তফাৎকে উপরে রেখে হৃদয়ের অতলে তলিয়ে যাবার প্রেরণা? সে অতলে কেউ পর নয়, সবাই আপন; এত আশ্চর্য্য রকম আপন যে, মনও সে খবর রাখে না। মন তো মহা তর্কিক, সত্যকে মায়া ব’লে কুটি কুটি করাই তার স্বভাব। মানুষের যদি কেবল মনই থাকতো তবে মানুষ হ’তো একটা অভিশপ্ত বিলাসিকা—Niobeর মতো বহুসন্তানবতী হ’য়েও বন্ধ্যা।

আমরা অত্যন্ত বেশী নিজেকে সাদা বা কালো, ইংরেজ বা ভারতীয়, ধনী বা দরিদ্র ভাবি—এটা আমাদের মনের কাণ্ডসাজি, এটা মায়া। যখন মানুষের সামনে মানুষ দাঁড়ায়

তখন কোথায় যায় এই মায়া? তখন আসে উপলব্ধির মাহেক্ষরণ—তখন অকস্মাৎ উপলব্ধি করি, আমাদের সংজ্ঞা হয় না। আমরা যে কী তা বুঝিয়ে বলবার উপায় নেই ব’লে ছু’পক্ষের সুবিধার জন্তে বলতে হয়, “সাদা” বা “কালো”, “ইংরেজ” বা “ভারতীয়”, “ধনী” বা “দরিদ্র”; কিন্তু এগুলো আমাদের সংজ্ঞা নয়, symbol। আমরা—আমরা personalities। আমাদের পরিচয় নূ-তন্বে নেই ভূগোলে নেই ধনবিজ্ঞানে নেই, আছে আমাদের সত্য। আমরা যে হ’য়ে উঠেছি, এই আমাদের প্রথম ও শেষ পরিচয়। এর মতো বিশ্বয় আর নেই, এ রহস্য লক্ষ বছর ধরে দার্শনিককে বৈজ্ঞানিককে কলুর বলদের মতো ঘোরাবে, তবু সে হতভাগোরা এর সম্বন্ধে মায়াবাদীই থেকে যাবে।

যারা খবরের কাগজ প’ড়ে মানুষের খবর রাখে তারা কি কোনোমতে বিশ্বাস করবে কত বড় একটা বিদ্রোহ সকলের অলক্ষ্যে ফুলে ফুলে উঠছে “মুক্তধারার” সেই জলপ্রপাতের মতো? মানুষের মনের বিরুদ্ধে মানুষের হৃদয়ের এ বিদ্রোহ—এর কানায় কানায় অভিমান। সর্বশক্তিমান মনের বিরুদ্ধে কোমল অবল সরলবিশ্বাসী হৃদয়ের পুঞ্জীভূত অভিমান। বৈজ্ঞানিক দার্শনিকের দরবারে কবির নিরুদ্ধ কণ্ঠ বোবার মতো আভাসে ইন্ধিতে বলতে চাইছে, আমার পরিচয় লও, আমাকে তোমার



objective চশমাখানার পক্ষে মায়া ঠাউরো না, আমাদের তোমার efficiencyর খাতিরে বিশ্ব থেকে বাদ দিয়ো না।

এই বিরাট জলতরঙ্গের এক একটা ফেনা হচ্ছে ধর্মীর বিরুদ্ধে দরিদ্রের বিদ্রোহ, সাম্রাজ্যবাদীর বিরুদ্ধে পরাধীনতার বিদ্রোহ, সাদার বিরুদ্ধে কালোর বিদ্রোহ। কিন্তু ফেনা মাত্র, তার বেশী না। বাধ ভাঙবার ক্ষমতা এদের নেই, রস এদের মধ্যে স্বল্প। বাধ কেবলমাত্র ভাঙবে না, বাধ ভেঙ্গে চলেবে সেইদিন, যেদিন “মুক্তধারার” রাজকুমার তাঁর আত্মদানের আনন্দ হাতে ক’রে আসবেন, প্রেমের অমোঘ আঘাত হানবেন। মনের বিরুদ্ধে বিদ্রোহ মনকে ধ্বংস করবার নয়, মনকে রসিয়ে তুলবার! সেই হিসাবে এটা প্রলয় নয়, সৃষ্টি। সভাতাকে হৃদয়বস্তুর রসে ওতঃপ্রোত না ক’রে রাখলে সে যে শুকিয়ে পঁক হ’য়ে উঠবে। এতদিন সে রসলেশশূন্য হয় নি শুধু যীশুর মতো প্রেমিকের কলাণে। ইউরোপীয় মানুষের মন তাকে এতদিনে একটা ময়দানবে পরিণত ক’রে থাকতো যদি না সে যীশুর হৃদয়রক্তকে Eucharist ক’রে নিতো। ভারতীয় মানুষের মনকেও শঙ্করাচার্যের দোরাআ থেকে রামানুজ উদ্ধার করেছিলেন, সার্কভোমের উৎপাত থেকে শ্রীচৈতন্য।

আধুনিক কালের এই বিজ্ঞান-দৃষ্টি, কল্পনা-কুঠ, স্বাচ্ছন্দ্য-সর্বস্ব, নাস্তিক সভাতাকে প্রোলিটারিয়ানও রসাতে পারবে না, গ্রাশানালিষ্টও না। কেন না বুর্জোয়ার মতো প্রোলিটারিয়ানও এর দ্বারা সম্বাহিত, ফরাসী-ইংরেজের মতো চীনা-ভারতীয়ও একে আদর্শ করেছে। ইংলণ্ডে দেখছি সোশ্যালিষ্ট চায় কাপিটালিষ্টেরই একটু সস্তাগোছের নকল সাজতে, সেও একটি সেকেণ্ডহ্যান্ড পোষাকপরা সেকেণ্ডহ্যান্ড মতামতওয়াল Snob। সে যেমন উন্নতি করেছে আশা করা যায় সে অবিলম্বেই বুর্জোয়া হ’য়ে উঠবে, অর্থাৎ উপরের লোকদের সরিয়ে দিয়ে নীচের লোকদের দাবিয়ে রাখবে। যুবক ভারতের অধুনাতন কংগ্রেস কন্ফারেন্সের বিবরণী পাঠ ক’রে যতদূর বোঝা যায়, ভারতবর্ষও একটা “Great Power” না হ’য়ে ছাড়বে না। ইংলণ্ড ও রাশিয়া মিলে তার দুই কানে একই মন্ত্র দিচ্ছে—“Power,” “Efficiency,” “Progress”। এদের মন্ত্রশিষ্য যে এদের

শুরুমারা চেলা হ’য়ে উঠবে ও এদের ছাড়া কাপড়খানার উত্তরাধিকার দাবী করবে, এমন মনে করবার কারণ আছে। বস্তুত দু’পক্ষের কামা এক না হ’লে যুদ্ধ বাধে না। প্রোলিটারিয়ান ও বুর্জোয়া, ইম্পিরিয়ালিষ্ট ও গ্রাশানালিষ্ট ঠিক একই জিনিস চায়—“Success” “Power,” “Efficiency,” “Civilisation,” “Progress” প্রথমে কামোর ডিগ্রীটা থাকে নীচে, যেমন একখানা কটিবস্ত্র। ক্রমে ক্রমে ওঠে ওপরে, যেমন একরাশ মিলিটারী পোষাক। তারপরে ইতিহাসের পুনরাবৃত্তি—ম্যাজিনীর ইটালী হ’য়ে দাঁড়ায় মুসোলিনীর ইটালী, অষ্ট্রিয়ার নীচের লোক হ’য়ে দাঁড়ায় টিপোলার উপরের লোক।

অতএব মানবহৃদয়ের বিদ্রোহী ধারাকে মুক্তি দেবার সৌভাগ্য কোনো শ্রেণীবিশেষেরও হবে না, কোনো নেশন-বিশেষেরও না। নিগ্রো প্রভৃতি জাতিও নিজেদেরকে নিরতিশয় দুঃখী মনে করছে মনের বিরুদ্ধে মন খাটাতো না পেরে। মানুষের একমাত্র আশা মানুষ নিজে—নৃত্য ভূগোল ধনবিজ্ঞানের মানুষ না, সংস্কার অগীত personality, সৃষ্টির বিশ্বয়, জ্ঞানী মুনির রহস্য, “মুক্তধারার” সেই রাজকুমার যার জন্ম হয়েছিল পথে, বাইবেলের সেই King of Kings যার স্থান হয়েছিল ক্রুশে। নিজের এতবড় সৌভাগ্যকে যেদিন মূল্য দিতে শিখবে সেদিন আমাদের সভাতা আরেক স্তরে উঠবে, সেদিন সম্পত্তিকে দেশকে বর্ণকে মনে হবে পথিকের জন্মস্থান, স্থানুর নয়। সেদিন জন্মস্থানের ভাবনায় আমরা একস্থানে দাঁড়িয়ে কৌদল করবো না, জন্মস্থানের উপর থেকে জোর তুলে নিয়ে জোর দেবো আমাদের পথিকত্বের উপরে। তখন বৈষম্যের জগৎ আমরা ক্ষুদ্র না হ’য়ে তাকেই ক’রে তুলবো বৈচিত্র্য; পরাজয় জ’লে উঠবে জয়টীকার মতো; দুঃখকে সৃষ্টিতে রূপান্তরিত ক’রে স্রষ্টার গৌরব অনুভব করবো।

হৃদয়ের বুভুক্ষা ইংলণ্ডকে কতটা পীড়িত করেছে দুঃখ থেকে আমরা কেন, কাছে থেকে ইংলণ্ডের সকলে কিছু তা ঠাহর করতে পারে না। প্রত্যেকের এত বেশী freedom of speech যে কেউ কারুর সঙ্গে কথা বলতে সাহস করে না, কথা বললেও সেই “Is n’t it cold?” ইত্যাদি মিছে

কথা। সকলের সঙ্গে মেলামেশা করতে গিয়ে কারুর সঙ্গে অন্তরঙ্গতা হবার উপায় নেই, সবাই সবাইকে বাইরের খবর শোনাতে গিয়ে ভিতরের খবর শোনার অবসর বা ভরসা পায় না। পরিবার ভেঙে যাচ্ছে, স্নেহ মমতার চরিতার্থতা উপলক্ষ পাচ্ছে না। কেবল একটা ফাঁকা আত্মপ্রসাদ আছে—আমি স্বতন্ত্র, আমি স্বৈচ্ছাগতি, আমি স্বাধীন-জীবী! অনেকটা কুলীনের কণ্ঠের অনুচ্চারিত জাঁকের মতো এই আত্মপ্রসাদ। কাজ কাজ কাজ দিয়ে দিনের পেয়লা ভরে না, রাতের পেয়লায় নাচ নাচ নাচ টেলেও সেই শূন্যতা। যেন জীবন পেয়লাটার তলা-ই নেই, আগা-গোড়া ফাঁকা। নিত্য নূতন সুরার সরবরাহ ক’রেও লেখক লিখিকা নটনটা পোষাকওয়ালা আস্বাবওয়ালার হৃদয়ের তৃপ্তি মেটাতে পারে না; খ্রীষ্টীয় মত যেটুকু আকিঞ্চন ধরিয়েছিল সেটুকুর নেশাও গত মহাযুদ্ধে কেটে গেছে, সামাজিক কল্যাণ-কল্প কতকটা স্তোক দেয় বটে, কিন্তু সে কি মুক্তি দিতে পারে! ইংলণ্ডে কেবল একটি আনন্দ আছে, ছুটোছুটির আনন্দ, তাই ইংলণ্ড আছে, নইলে কি দিয়ে সে নিজেকে ভোলাতো? একে একে তার সব স্বপ্নই যে ছায়া হয়ে গেছে, মায়া হয়ে গেছে। Democracy ও Sex Equality কতক স্বপ্ন চুর ক’রে দিয়েছে, বিজ্ঞান বাকী স্বপ্নগুলোকে দূর ক’রে দিয়েছে। মস্ত একটা আদর্শবাদের অভাব ইংলণ্ডকে বড় দরিদ্র করেছে। এই দারিদ্র্যের লক্ষণ আধুনিক ইংরেজী সাহিত্যের সর্বত্র। এ সাহিত্যের কোনো লেখক কোনো পাঠককে কষ্ট দিতে চায় না, পাছে বেচারার যে ক’টা স্বপ্ন বাকী আছে সেও যায়। লেখক এখন বিদুষক সেজে পাঠক গণিয়ে পরস্য কুড়ায়, কিম্বা খুব সারগর্ভ উপদেশ দিয়ে উপকার করে।

ইংলণ্ডের মনের জোর তার গায়ের জোরেরই মতো অসামান্য। এখনো বহুকাল তার মজ্জাগত জোর তাকে “Great power” ক’রে রাখবে। জোর মাত্রেরই moral

force, ইংলণ্ড আমাদের চেয়ে moral, অগ্নাত্ত অনেক নেশনের চেয়ে moral। বস্তুত সভ্যতা জিনিষটাই মানুষের moral কীর্ত্তি, এবং সভ্যতার ইংলণ্ডের মানুষ সব মানুষের প্রথম সারিতে। এই সারিতেই উপনীত হবার কামনা আছে যুবক ভারতের, যুবক ভারত ইংলণ্ড রাশিয়া প্রভৃতির moral সমকক্ষতা চায়। কিন্তু সৃষ্টি যে করে সে moral মানুষ নয়, সে spiritual মানুষ, ইংলণ্ডে এ মানুষ আর দেখা যাচ্ছে না। সৃষ্টি যে করে সে মানুষের দেহ মন নয়, সে মানুষের হৃদয় : হৃদয় ইংলণ্ডের ক্রমেই স্তম্ভ হারাচ্ছে কিম্বা স্তম্ভের উমেদার হারাচ্ছে। কাজ কাজ কাজ ও নাচ নাচ নাচ নিয়ে সবাই এত বাস্তব যে সূক্ষ্ম হৃদয়বৃত্তিগুলোকে মুক্তি দিতে যদি বা কেউ ইচ্ছুক হয় তবু সে মুক্তির উপলক্ষ জোটে না, অর্থাৎ বুকভরা মধু থাকলেও মৌমাছি আসে না। হৃদয় চায় দিয়ে সুখী হ’তে, কিন্তু দান নেবার ভিখারী যে নেই, ভিখারী হ’তে সকলের আত্মসম্মানে বাধে, সকলে চায় হুক দাবী, ত্রাণা পাওনা, স্বাধীনতা, সমানাধিকার, শ্রদ্ধা—এক কথায় জন্মস্বয়। তাই নিয়ে ছুটোছুটি ও কাড়াকাড়ির ফাঁকে মানুষের সত্য পরিচয়টা কোথায় হারিয়ে গেছে, মানুষ ভুলে গেছে যে তার জন্ম হয়েছিল পথে; কিছুই দাবী করতে তাকে মানা; সে যা পাবে তা হুঁহাতে ছড়াতে ছড়াতে বাবে, সে স্বভাবত দাতা; এবং অপরকে দানের উপলক্ষ দান করার জন্তেই সে গ্রহীতা।

আশ্চর্য্য এই মানুষের পৃথিবী, এর পথে প্রবাসে আপনাদের লোক, কিন্তু কেউ কারুর আত্মীয়তার কামনা মেটাবার সময় পাইনে, সাধ রাখিনে। তাই মানুষের সঙ্গে মানুষের মিলন নিষ্ফল হচ্ছে, চরিতার্থতা পাচ্ছে না। কেবল চীৎকার ক’রে উঠছে—বৈষম্য দূর করো, দুঃখ ঘুচাও। ভুলে যাচ্ছে যে বৈষম্যকে স্বীকার ক’রেই সৃষ্টি, দুঃখকে ধারণ ক’রেই আনন্দ।



অনুতাপ আর অভিমান সমজাতীয় বস্তু না হ'লেও উভয়ই কমলার চিত্তকে যুগপৎ অধিকার ক'রে পীড়ন করতে লাগল। ফলে, রাগ হ'ল নিজের প্রতি যেমন, বিনয়েরও প্রতি তেমন। টাকা ফেরৎ দিয়ে বিনয় কমলার ছবি অধিকার করবার ইচ্ছা প্রকাশ করায় কমলার বাক্যে যে রুচুতা প্রকাশ পেয়েছিল বাইরে থেকে সহজ দৃষ্টিতে তার কারণ একমাত্র ক্রোধ ভিন্ন অল্প কিছু ব'লে মনে হয় নি; কিন্তু সামান্য ক্রোধকে উপলক্ষ ক'রে পুঞ্জীভূত যে বৃহৎ অভিমান উত্তত হ'য়ে উঠেছিল তার সম্মান পেলে হয় ত' বিনয় ক্ষুব্ধ হ'য়ে চ'লে যেত না। নিনাদ শুনে সে মেঘকে বজ্রগর্ভ মনে ক'রেই চ'লে গেল, সে যে বারিবিন্দুরও আশ্রয়স্থল সে কথা ভেবে দেখলে না। এ কথাও সে ভেবে দেখলে না যে, মানুষ যখন তার প্রিয়জনের সঙ্গে সৌহার্দ্য বিনিময়ের সুযোগ খুঁজে পায় না তখন সে তার সঙ্গে কলহ করে। কারণ, দুর্যোগ হ'লেও কলহ একটা যোগ, যা মুখরতার দ্বারা সম্বন্ধ স্বীকার ক'রেই চলে, নীরবতার দ্বারা ঔদাসীণ্য ব্যক্ত করে না। কমলার ছবির প্রতি বিনয়ের লোভাতুরতার কমলা যে তার নিজেরও প্রতি বিনয়ের

অনুরাগের একটু আভাষ পায় নি, তা নয়,—কিন্তু সে তার উদগ্র আগ্রহের কাছে এতই সামান্য যে, ততটুকুতেই সন্তুষ্ট হ'য়ে থাকতে না পেরে সমস্তটা স্পষ্টতরভাবে জানবার আগ্রহে সে বিনয়ের সঙ্গে একটা সজ্বাতের সৃষ্টি করেছিল। নিস্তরঙ্গ জলের মধ্যে আলোড়ন উপস্থিত ক'রে সে তার গভীরতা নির্ণয় করতে গিয়েছিল। তাই বলেছিল, 'আপনি আপনার কাছে আমার ছবি রাখবেন কেন? তার ত একটা কারণ থাকা চাই, যা হয় একটা অধিকার থাকা চাই।' ফলে কিন্তু বিপরীত হ'ল।

বাইরে পরিচিত হর্নের শব্দ শুনে কমলা বুঝতে পারলে দ্বিজনাথ এসেছেন। তাকিয়ে দেখলে ষড়িতে তখন দশটা বেজে কুড়ি মিনিট। গার্ডি ছাঁড়তে তখনো দশ মিনিট বাকি। একবার মনে করলে দ্বিজনাথকে সঙ্গে নিয়ে মোটর ক'রে স্টেশনে গেলে এখনো হয়ত ধ'রে আনা যায়; কিন্তু পরক্ষণেই মনে হ'ল বিনয় ত' ফিরে আসবেই না, অধিকন্তু দ্বিজনাথের নিকট সমস্ত ব্যাপারটা প্রকাশ হ'য়ে গুরুতর লজ্জার কারণ ঘটবে। দ্বিজনাথ ঘরে এসে প্রবেশ

শ্রীউপেন্দ্রনাথ গঙ্গোপাধ্যায়

করতে পারেন, এই আশঙ্কায় কমলা তাড়াতাড়ি শয্যাত্যাগ ক'রে চেয়ারে ব'সে তার পড়বার টেবিলের উপর রূপাটি ক্রকের একখানা কাব্যগ্রন্থ খুলে দেখতে লাগল।

পরক্ষণেই বাইরের বারান্দায় ডাক পড়ল, “কমলা, কমলা, কমল !”

ক্রতপদে বাইরে বেরিয়ে এসে কমলা বললে, “বাবা ?”

একখানা চেয়ারে ব'সে প'ড়ে দ্বিজনাথ বললেন, “আমি একাই ফিরে এলাম। সস্তোষকে তার বন্ধু এ বেলা কিছুতেই ছাড়লেন না ;—বিকেল বেলা তিনি তাঁর নিজের গাড়ি ক'রে পৌঁছে দিয়ে যাবেন। অতএব এ বেলা তোমাতে আমাতে এক সঙ্গে খেতে বস্ব।”

জর্সিডি এসে পর্যাস্ত দ্বিজনাথ কমলাকে সঙ্গে না নিয়ে আহার করেন না, সস্তোষ উপস্থিত থাকলে কিন্তু তা হয় না—কমলা আপত্তি করে। আজকের আহারে সস্তোষ অনুপস্থিত থাকবে ব'লে দ্বিজনাথ কমলাকে আহারে আহ্বান করলেন।

দ্বিজনাথের কথা শুনে কমলা এগু হ'য়ে উঠল। যে খাওয়া অভুক্ত ফেলে অন্যায়েরে বিনয় চ'লে গেছে, বিনয় মধুপুরে পৌঁছবার পূর্বে সেই খাওয়া তাকে খেতে হবে মনে ক'রে তার মুখ শুকিয়ে গেল। তার অপরাধের এর চেয়ে কঠোরতর দণ্ড আর কিছু হ'তে পারে ব'লে মনে হ'ল না। মনের চঞ্চল অবস্থা যথাসম্ভব প্রচ্ছন্ন রেখে কমলা বললে, “আমার এখন একটুও ক্ষিদে নেই বাবা, তোমার খাবার দেবার ব্যবস্থা করি।”

দ্বিজনাথ বললেন, “আমারই কি এখন ক্ষিদে আছে ?—খানিক পরেই খাওয়া যাবে অখন। এখন ত' সাড়ে দশটাও বাজেনি। তার ওপর সস্তোষের বন্ধু কিছুতেই ছাড়লেন না, একটু জল সেখানে খেতেই হ'ল।”

তারপর দ্বিজনাথ রিকিয়া এবং সস্তোষের বন্ধুর বিষয়ে গল্প শুরু ক'রে দিলেন। কমলা এমনভাবে দ্বিজনাথের দিকে চেয়ে রইল এবং মধো মধো সামান্য দুই একটা কথা দিয়ে গল্পের সঙ্গে যোগ রক্ষা ক'রে চলল যে, মনে হচ্ছিল সব কথাই সে মনোযোগ দিয়ে শুনেছে ; কিন্তু কানের আর

প্রাণের মধো তখন এমন একটা অসহযোগ চলছিল যে, কান দিয়ে যত কথা প্রবেশ করছিল তার অর্ধেকও প্রাণের তারে আঘাত করতে সমর্থ হচ্ছিল না।

কলিকাতাগামী এক্সপ্রেস্ গাড়ি নীচের অধিতাকা দিয়ে শশব্দে ক্রতবেগে ধুমোদগার করতে করতে চ'লে গেল। গাড়ি দেখা গেল না, কিন্তু উর্দ্ধোখিত ঘন কৃষ্ণবর্ণ ধোঁয়ার দিকে তাকিয়ে কমলার মন কালো হ'য়ে উঠল। মনে হ'ল সে ধোঁয়া যেন বিনয় কর্তৃক উৎসারিত অপমানের গ্লানি যাতে সমস্ত বায়ুমণ্ডল এখন বিষিয়ে উঠবে। নিঃশ্বাস যেন ভারি হ'য়ে এল। দ্বিজনাথের কথা শুন্তে শুন্তে কমলা একটা চেয়ারে উপবেশন করেছিল, সহসা দাঁড়িয়ে উঠে বললে, “বাবা, সাড়ে দশটার গাড়ি চ'লে গেল, আর বেশি দেরি করলে তোমার অনিয়ম হবে। বাই, তোমার খাওয়ার উৎসর্গ দেখি গে।” ব'লেই হৃদয়ের মহলের দিকে অগ্রসর হ'ল।

দ্বিজনাথ বললেন, “এর মধো কেউ এসেছিল কমল ?”

ফিরে না দাঁড়িয়ে যেতে যেতে কমলা বললে, “আমি এখন আসছি বাবা।” তারপর দ্বিজনাথকে আর কোনো কথা জিজ্ঞাসা করবার অবসর না দেওয়ার উদ্দেশ্যে প্রথম যে দোরটা ডানদিকে পেলে তাই দিয়ে তাড়াতাড়ি ভিতরে ঢুকে পড়ল।

আধ ঘণ্টাটুকু পরে খাবার ঘরে উপস্থিত হ'য়ে দ্বিজনাথ দেখলেন কমলা যথারীতি উপস্থিত রয়েছে, কিন্তু টেবিলে মাত্র একজনের খাবার।

“তোমার খাবার কমলা ?”

মূঢ় হেসে কমলা বললে, “আমার এখনো তেমন ক্ষিদে হয়নি বাবা,—আমি পরে খাব অখন।”

কন্ডার মুখ একটু মনোযোগের সহিত নিরীক্ষণ ক'রে দ্বিজনাথ দেখলেন সেই মূঢ় হাস্যের মধো চোখ দুটি ছলছল করছে ; চিন্তিত হ'য়ে বললেন, “কি হয়েছে কমল ? অসুখ বিষুখ করে নি ত ?”

কমলা মাথা নেড়ে বললে, “না বাবা, অসুখ-টসুখ কিছু



করে নি। এমনি এখন খেতে ইচ্ছে হচ্ছে না।”

দ্বিজনাথ বললেন, “আচ্ছা, তাহ’লে ক্ষিদে হ’লে খেয়ো।”

২৮

বেলা দুটোর সময়ে দ্বিজনাথ তাঁর বিশ্রাম-কক্ষে পদ্মমুখীকে ডেকে পাঠালেন। পদ্মমুখী এলে বললেন, “তোমার সঙ্গে একটা পরামর্শ আছে পিসি মা। ঐ চেয়ারটায় একটু বোসো।”

আসনগ্রহণ করে পদ্মমুখী সেকৌতূহলে জিজ্ঞাসা করলেন, “কি পরামর্শ বাবা?”

দ্বিজনাথ বললেন, “কমলের বিয়ের সম্বন্ধে তুমি বিমলকে সীলোনে বোধহয় কিছু লিখেছিলে? আজ সকালে বিমলের চিঠি পেয়েছি—তার চিঠি থেকে সেই রকম মনে হয়।”

পদ্মমুখী বললেন, “হ্যাঁ, আমি লিখেছিলাম সম্বোধনের সঙ্গে কমলার বিয়ের যে কথাটা রয়েছে সেটা আধাআধি না রেখে একেবারে পাকা ক’রে ফেলা ভাল। সম্বোধন এমন চাঁদের মত ছেলে, ওর সঙ্গে কমলের বিয়ে হ’লে ত’ আমাদের সৌভাগ্যের কথা। রূপে গুণে, ধনে মানে, স্বভাবে চরিত্রে, এমন আর একটা কোথায় পাবে বল?”

দ্বিজনাথ বললেন, “বিমলও সেই কথা বলে : আমারও মত পাত্র হিসেবে সম্বোধন কমলের অযোগ্য নয়; তোমার মত ত’ জানতেই পারলাম। কিন্তু কমলের মনের কথা কিছু বুঝতে পার পিসি মা? তার ইচ্ছে আছে ত?”

পদ্মমুখী দেখলেন, যে বিষয়ে শৈলজা এবং তিনি সাধনা করতে আরম্ভ করেছেন তদ্বিষয়ে মহা সুযোগ উপস্থিত; সুযোগকে অবহেলা করলে পরে অনুতাপ করতে হ’তে পারে। তা ছাড়া পদ্মমুখীর মত,—সহদেয় সিদ্ধ করবার জন্তে অসং উপায় অবলম্বন করায় কোনো অন্তায় নেই; বিষ খাওয়ালে রোগীর যদি প্রাণরক্ষা হয় রোগীকে বিষ খাওয়াতে চিকিৎসকেরা দ্বিধা বোধ করে না। উচ্ছ্বসিত হ’য়ে বললেন, “ওমা! ইচ্ছে আবার নেই? খুব ইচ্ছে! সম্বোধনের কথা বললেই কমলার মুখখানি কেমন হাসি হাসি

হ’য়ে লাল হ’য়ে ওঠে—কান দুটি খাড়া হয়ে থাকে।” বনেদ একেবারে পাকা ক’রে ফেলবার উদ্দেশ্যে বললেন, “সুকুমার বাবুর পরিবার শৈলজা সেদিন বলছিল শোভার কাছে কমলা বলেছে সম্বোধনের সঙ্গে তার বিয়ের সব ঠিক হয়ে আছে। আরও কত কি সব কথা পাগলীর মত বলেছে—সে আর তোমাকে কি বলবে?” ব’লে মুচুকে একটু হাসলেন।

দ্বিজনাথ বললেন, “বেশ তা হ’লে আজ সন্ধ্যার পর সম্বোধনের সঙ্গে কথাটা শেষ ক’রেই ফেলি। ও-ও বোধহয় চাইছে এবিষয়ে একটা পাকা কথা হয়ে যায়।”

অতিশয় উল্লসিত হ’য়ে পদ্মমুখী বললেন, “এ খুব ভাল কথা দ্বিজ, আজই তুমি সমস্ত কথাবার্তা শেষ ক’রে ফেল। বিয়ে খাওয়ার কথা ত কিছু বলা যায় না বাবা, কোন্ দিক দিয়ে কখন কি বিয় এসে জোটে।”

মনে মনে একটা কি কথা চিন্তা ক’রে দ্বিজনাথ বললেন, “কোনো বিয় এসে জুটেচে ব’লে কি তোমার মনে হয় পিসিমা?”

উল্লাসের মত্ততায় পদ্মমুখীর সতর্কতার দিকটা আলগা হ’য়ে গিয়েছিল, বললেন, “জোটে নি তাই বা বলি কি ক’রে? তোমার ওই ছবি আঁকিয়েটিকে আমার কেমন ভাল লাগে না দ্বিজ। ওই ত’ আজ সকালে এসে কি সব হাজিমা বাধিয়ে দিয়ে গেল তাই না মেয়েটা এখন পয়ান্ত উপোস ক’রে প’ড়ে রয়েছে।” কথাটা ব’লেই কিছু নিজেরই কানে কি রকম খারাপ শোনাল; মনে হ’ল পাকা বনেদটা যেন একটু কাঁচিয়ে যাবার দিকে গেল। ব্যস্ত হ’য়ে বললেন, “সে অবিশ্বি এমন কোনো কথাই নয়—তবে কি জান? সাবধানের বিনাশ নেই।”

দ্বিজনাথ কিন্তু কথাটাকে সামান্য ব’লে একেবারেই উপেক্ষা করলেন না; ব্রাথ ক’রে বললেন, “কমল এখনো খায় নি?”

“না, কৈ আর খেয়েচে।”

“সকাল বেলা বিনয় এসেছিল?”

“এসেছিল বই কি। খানিকক্ষণ ছবি-টবি এঁকে চ’লে গেল।” আহা! নিয়ে যে ব্যাপারটা ঘটেছিল সে কথাটা

শ্রীউপেন্দ্রনাথ গঙ্গোপাধ্যায়

না বলাই ভাল বিবেচনা ক'রে পদ্মমুখী সে কথার কোনো উল্লেখ করলেন না।

কিন্তু সে কথাও চেপে রাখা গেল না; পদ্মমুখীর কথার গুরুতম অংশটা দ্বিজনাথের মনে ছিল; বললেন, “তুমি যে বললে পিসিমা, বিনয় সকালে এসে হাঙ্গামা বাধিয়ে দিয়ে গেল, সে কি কথা?”

এবার পদ্মমুখীর মুখ শুকিয়ে উঠল,—মনে হ'ল নিজের কথাটা বুঝি সঙ্গে সঙ্গে এমনি ক'রেই ফ'লে গেল—বিয় সত্যি-সত্যিই এসে উপস্থিত হ'ল। খুব সংক্ষেপে কথাটাকে শেষ করবার চেষ্টা করলেন, কিন্তু দ্বিজনাথ সে বিষয়ে বারংবার বিয় ঘটাতে লাগলেন,—প্রশ্নের পব প্রশ্ন ক'রে সমস্ত কথাটা জেনে নিলেন।

পদ্মমুখীর মনে পরিতাপের অস্ত ছিল না। নিজের বুদ্ধিহীনতার জন্তে মনে মনে নিজেকে অভিশাপ দিতে লাগলেন।

দ্বিজনাথ বললেন, “আচ্ছা পিসিমা, তুমি এখন বিশ্রাম কর গে।”

চেয়ার থেকে দাঁড়িয়ে উঠে সভয়ে পদ্মমুখী জিজ্ঞাসা করলেন, “আজই সস্তাষের সঙ্গে কথা কইবে কি বাবা?”

দ্বিজনাথ বললেন, “হ্যাঁ পিসিমা, আজই সস্তাষের সঙ্গে কথা শেষ করব।”

দ্বিজনাথের কথা শুনে, অমূলক আশঙ্কায় চিন্তিত হয়েছিলেন মনে ক'রে, পদ্মমুখী নিশ্চিন্ত হ'লেন। উৎসাহ-দীপ্ত কণ্ঠে বললেন, “বেশ কথা দ্বিজ, আশীর্বাদ করি আমাদের কমলা সুখী হ'ক।”

প্রসন্নমুখে দ্বিজনাথ বললেন, “সেই আশীর্বাদই কর পিসিমা।”

পদ্মমুখী প্রশ্ন করলে বিমলার চিঠিখানা জামার পকেটে নিয়ে দ্বিজনাথ কমলার ঘরের দোরে এসে দাঁকা দিয়ে ডাকলেন, “কমল, জেগে আছ কি?”

দোরটা ভিতর থেকে বন্ধ ছিল, কমলা তাড়াতাড়ি শয্যা ত্যাগ ক'রে উঠে এসে দোর খুলে বললে, “কেন বাবা?”

দ্বিজনাথ বললেন, “তোমার সঙ্গে একটা কথা আছে মা। চল তোমারই ঘরে গিয়ে বসি।”

(ক্রমশঃ)



নামের পরিচয়

শ্রীঅমিয়চন্দ্র চক্রবর্তী

মোর নাম লিখে দিয়ে যাই

চেয়েছ যাত্রার পথে, ওগো বন্ধু, শুভক্ষণে তাই

চিহ্ন মোর গেলু এই রাখি

প্রেমের স্মরণবর্ণে আঁকি' ।

যে-আমি সহসা এসে আলোকিত এ ভুবন-লোকে

চেয়ে দেপেছিল মুগ্ধ চোখে,

পরিচয়হীন পথে যেতে

চিরসঙ্গী এল বার সমতীর্থ মুক্তির সঙ্কেতে,

মুহূর্ত্তে চৈতন্যময় স্পর্শ লভি' চকিত মিলনে

শত বার্ণতারে ভেদি' জেগেছে পরম উষোধনে,

তারি এই নাম

তোমারে দিলাম ।

ধূলিকুরু সংসারের ক্ষয়

ক'হু তা'র নয়,

অশ্রুধনী ছায়া সে তো মিলায় আপন পরিচয় ।

মর্ত্ত্যের বন্ধন দিল তা'রে

অনন্ত সন্ধানদীপ্ত মৃত্যুহীন দিগন্তের পারে ;

জড়ত্বের সাথে অবিরাম

বেদনার যজ্ঞভূমে প্রাণ দিয়ে ঘোষিল সংগ্রাম ।

তারি ব্যাকুলতা কেনো, প্রণমিত কৃতার্থ অন্তর

রাখিল রঙীন পত্রে শেষক্ষণে আপন স্বাক্ষর ॥

ফরাসি—ইংরেজ

শ্রীভবানী ভট্টাচার্য্য

এক

মানুষের দেহের সব শিরা, সব ধমনী হৃৎপিণ্ডে এসে মেশে। ফরাসি দেশের দেহের সব শিরা, সব ধমনী যে হৃৎপিণ্ডে এসে মিশেছে তার নাম প্যারিস্। প্যারিস্ যা ভাবে, দু'দিন পরে সমস্ত ফ্রান্স্ তাই ভাবে। তেমনি লণ্ডন যা ভাবে, দু'মাস পরে সমস্ত ইংল্যান্ড্ তাই ভাবে।

প্যারিস্ সম্বন্ধে আমার প্রথম কথা এই যে, প্যারিসের রূপ নেই। তার একটা প্রতিভা আছে, আর সে প্রতিভার প্রকাশ নিত্য নবনবোন্মেঘে। আজকের প্যারিস্ কালকের নয়, এবং কালকের প্যারিস্ পরশু আর এক চেহারার ছিল। পরিবর্তন আর পরিবর্তন এ দুই আসলে একই কথা। প্যারিসের লক্ষ ধমনী দিয়ে কত প্রাণ বয়ে চলেছে যাতে তার বৃদ্ধি না হ'য়ে যায় না, এবং এ বৃদ্ধি আমাদের বুদ্ধিবৃত্তির চোখে পড়ে পরিবর্তনের আকারে। লণ্ডনের কিন্তু রূপ আছে; এ সহর বছরুপী; তাই বারবার দেখলে দু'মাসে পুরোনো হ'য়ে পড়ে। পক্ষান্তরে, যার রূপ নেই মানুষ তাকে সর্বদাই নিজের মনের মতন ক'রে গ'ড়ে নিতে থাকে, এবং এ গড়ন কালে কালে পুনঃ পুনঃ বদলানো চলে। সুতরাং সে চিরনূতন থেকে যায়।

প্যারিসে আস্বামাত্র মনে হয়, লণ্ডনের সঙ্গে এর আপাদমস্তক তফাৎ। রাস্তাগুলো যেন সহস্র বাহু মেলে ডাকতে থাকে; পদে পদে চোখে চমক লাগে। বৈচিত্র্যের শেষ নেই,—যেমন পথে তেমনি পথিকে। ইংরেজের দৈহিক গঠনে প্রকৃতি অত্যন্ত রূপণতা করেছে; অর্থাৎ ও-কাজে সে তার তিন চারটির বেশী ছাঁচ্ ব্যবহার করেনি। তার ফলে একজন ইংরেজের চেহারা ঠিক আর দশ জনের মতন। পোষাকেও টম্ ডিক্ ছারি সবাই এক। তফাৎ থাকলেই একে অপরের দিকে সন্দেহের চোখে চাইবে; হয়তো ভাববে সঙ্গ সাহারা-প্রত্যাগত। ইংরেজের ধাতে বৈচিত্র্য নয় না।

সমস্ত জাতিটার অন্তর-বাহির এক ছন্দে যাতে বাজে তার জন্তু এরা নিরন্তর ব্যস্ত। অপর পক্ষে ফরাসি বৈচিত্র্যের অভাবে থাকতে পারে না। জীবনে নূতন হাওয়া এরা আনবেই। লণ্ডনের পথে গান করলে পুলিশের হাতে পড়ার সম্ভাবনা; প্যারিসের পথে ঢাক্ ঢোল বাজালেও কেউ ফিরে চাইবে না।

ইংরেজ নিঃশব্দ-প্রকৃতি; ফরাসি প্রচুর কথা বলে। ইংরেজ হাসবার আগে ভাবে কতটুকু হাসা কেতাছরস্ত হবে; তাসের আড্ডায় দেখেছি, ফরাসি এত জোরে হাসে যে, কাছে কোন ইংরেজ থাকলে ভাবতে পারে, হায় হায়, সব গেল, পশ্চিমের শিক্ষা, সভ্যতা, সম্মান!

ফরাসি সুন্দর সুনীল বর্ণ ভালবাসে,—ইংরেজের মতন কালোর ভক্ত নয়। প্যারিসের যেদিকে দৃষ্টি যায়, ধানিকুটা নীল বর্ণ দেখে মন প্রীত হ'য়ে ওঠে। নীলবসনা এক ফরাসি তরুণীকে প্রশ্ন করলুম, তোমরা নীল রঙ্ এত পছন্দ কর কেন? উত্তর করল, ও-রঙ্ আমরা ভারি ভালবাসি, তাই; আর তা ছাড়া, বোধ হয় আমাদের চুলের রঙের সঙ্গে নীল বেশ মানায়।

ইংরেজ মেয়ে প্রাণপণ পরিশ্রমে ক্লাসের পড়া তৈরি করে, ততোধিক পরিশ্রমে টেনিস্ খেলতে শেখে; পুরুষের সমান হওয়াই তার জীবনের আদর্শ। সেজন্তু সে মাথার চুল কাটে; টাই, রেজার পরে; skirt-এর ঝুল্ হাঁটুর নীচে আসতে দেয় না। জানে, বিবাহ ভাগ্যে নেই, কেননা ও দেশে বিবাহযোগ্য মেয়ের সংখ্যা সেই বয়সের পুরুষের চেয়ে তিনগুণ বেশী। (এর ফলে কুড়ি, বাইশ বছরের মেয়ের সঙ্গে চল্লিশোর্ধ পুরুষের বিবাহ লেগেই আছে।) প্যারিসের মেয়েরাও বিবাহ সম্বন্ধে ইংরেজ মেয়েদের মতই দুঃখিনী। গত যুদ্ধ এদের অনেককে চিরকুমারী ক'রে রেখেছে। তবু প্যারিসের মেয়েরা মনে মনে খুব বেশী



মেয়েলি ; কতকটা ভারতীয় মেয়েদের মতন। অথচ মোটেই লজ্জানতা নয়। চটপট কথা বলবে, চমৎকার হাসে, হাবে ভাবে মিষ্ট ব্যবহারে মুহূর্তে মানুষকে মুগ্ধ ক'রে তোলে। নিজের ছবির মত সাজাতে এরা জানে ; ফরাসি মেয়ে মাত্রেই স্বেশা। ছোটখাট গড়ন, মুখে

ইংরেজ মাত্রেই মনে মনে একটি বার্কেনহেইম ফরাসি সামা, মৈত্রী, স্বাতন্ত্র্য চূড়ান্ত পূজারি। লগুনে সামাজিক স্থান আমার চেয়ে যাদের নীচ তারা আমাকে বলে, স্মার। প্যারিসে বাড়ীর maid আমাকে বলে, মাসিউ, আমি তাকে বলি মাদমোয়াজেল। আর একটু



Sacre Coeur অঙ্কনরত ফরাসি চিত্রকর

মঞ্জুস্বী, চোখে বিজ্ঞান। ওষ্ঠে সদাই হাসি লেগে আছে, বুক যতই বাধা থাক, মুখে তার প্রকাশ নেই, চরণের গতি চলচঞ্চল। মনটি সাদা,—নিভা নৃত্যশীল। চুলের রঙ কালো আর সোনালির মিশাল।

বর্ষীয়সী হ'লে বলতে হত, মাদাম্। পোয়েকারের সঙ্গে যদি আমি কথা বলি, আমি তাঁকে বলব মাসিউ, তিনিও আমার বলবেন, মাসিউ। প্যারিসে কেউ কারো ছোট নয় ; সাদার, কালোর, হলুদের তফাৎ নেই। সকলেরই

শ্রীভবানী ভট্টাচার্য্য

একমাত্র পরিচয় দেবার আছে ; সে পরিচয়, সগর্বে বলা
—আমি মানুষ।

ফরাসি জাত্টি প্রাণময়,—ওদের ভাষায় যাকে বলে
(vivant) ভিত্তি। তার পরিচয় প্যারিসের পথে পথে।
সারা সहरটার নিত্য মহোৎসব লেগে আছে, যেন প্রকাণ্ড

থেকে সুরের ঝড় ছোটে। “খাও কিছু, পেয়লা হাতে
ছন্দ গেঁথে দিনটি যার”—এমন লোক প্যারিসে বিস্তর।

ইংরেজেরও প্রাণশক্তি প্রচুর, তবে সে প্রাণ পশুপ্রাণ।
পশুপ্রাণ কথাটা শুনতে মন্দ হ'লেও আসলে খুব খারাপ
নয় ; অন্তত নিশ্চাণ হওয়ার চেয়ে পশুপ্রাণ পাওয়া ভাল



“Sacre Coeur”

কটা অন্তহীন মেলা বসেছে। আমাদের দেশে বারো মাসে
সেরো পার্কিং ; প্যারিসে বারো মাসে ৩৬৫ পার্কিং। ছোটো
শিশু এরা অত্যন্ত ভালবাসে,—সুর আর সুরা। এ ছুই
বড় এদের কাছে এক। গলা ভিজলে তবেই সে গলা

পশু একদিন মানুষ হ'তে পারে, কিন্তু পাথর চিরদিন
পাথরই থাকে। পশুর মধ্যে এমন অনেক বস্তু আছে
যা আর কারো নেই। সিংহের শক্তির কথা আমরা সবাই
জানি। তা ছাড়া পশু মাত্রেই মনে খাটবার একটা অদম্য



প্রেরণা থাকে ; যখন নিতান্ত হাতে কাজ থাকে না, তখন তারা ক্রীড়াচ্ছলে পরস্পরে যুদ্ধ করে। শক্তি আর উদ্ভম ছাড়া পশুমনে আর এক জিনিষ থাকে ; তার নাম বো (instinct)। বুদ্ধি দিয়ে যা বোঝা যায় না, বোধ দিয়ে তা অনেক সময়ে ধরা যায় ; প্রতিভার যা অসাধা, common sense এর তা সুসাধা। কোন্ সুরসিক ইংরেজের John Bull নামকরণ করেছেন জানি না, কিন্তু তাঁর অন্তর্দৃষ্টির তারিফ করি। পূর্বোক্ত ত্রিগুণ লাভ করে ইংরেজ জগৎ জয় করেছে,—অবশ্য শুধু জগতের দেহটাই, কারণ জগতের মন বছদিন থেকে বন্ধ আছে ফরাসি কালচারের কারাগারে। বোধ অনেক রকমের হয়, তার মধ্যে একটার নাম বুদ্ধ-বোধ। একজন ইংরেজের মত অসহায় জীব খুব বেশী নেই; কিন্তু দশজন ইংরেজ একত্র হলে বুদ্ধবোধের সৌজত্রে তাদের পরাক্রমের শেষ থাকে না। ইউরোপে যুগে যুগে যে সব মহাযুদ্ধ সংঘটিত হয়েছে তার ইতিহাস প'ড়ে দেখলে কথাটা স্পষ্ট হ'য়ে উঠবে। নেপোলিয়ন্ জন্মায় ফ্রান্সে, আর ইংলণ্ডে জন্মায় ওয়েলিংটন্। ফ্রান্সের মহাবীর মার্শাল ফোর্শাল্ আর ইংলণ্ডের মহাবীর ডগ্‌লাস্ হেগ্। একজনের আশুনের মত প্রতিভা ; জলে, কিন্তু একদিন নেভেও। অপরের প্রতিভা নেই, কিন্তু শক্তি (talent) আছে ; তার অমিত তেজ—যা জলেও না, নেভেও না। নেপোলিয়ন্ শুধু বলে, মস্তের সাধন ; তার অভিধানে বার্থতা শব্দ নেই। ওয়েলিংটন বলে, মস্তের সাধন কিম্বা শরীর পতন।

দুই

আমাদের দেশে চরিত্র বস্তুটা একাধারে নেতিমূলক এবং নীতিমূলক। নেতিমূলক, কেন না আমাদের বিশ্বাস, চরিত্র গড়া যায় নিষেধ দিয়ে ; নীতিমূলক, কেননা আমাদের ধারণা, চরিত্র গড়া যায় বিধি দিয়ে। নিষেধ যথা, 'মিথ্যা কথা কহিও না।' বিধি—যেমন, 'সদা সত্য কথা কহিবে।' অথচ চরিত্র জিনিষটা বিধি এবং নিষেধ—নীতি এবং নেতি—এ দুইয়েরই বাইরে। নীতিশীল আর সূচরিত্র এ দুইয়ের মানে এক নয়। নীতি বস্তুটা সমাজগত, আর চরিত্র ব্যক্তিগত। নীতি বাইরের জিনিষ, চরিত্র ভিতরের।

চরিত্রের গঠন হয় না—বিকাশ হয়। তার গোড়ার কথা, 'আত্মানন্ বিদ্ধি,' 'Know thyself', আর শেষ কথা 'Be thyself' অর্থাৎ নিজেকে জানো, এবং নিজেকে মানে। ঘোর নাস্তিক হও ক্ষতি নেই, কিন্তু সেই নাস্তিকত্ব যদি তোমার মনে বিনা ক্রেশে, বিনা আয়াসে স্বধর্ম হ'য়ে ওঠে তা হ'লে নিঃসন্দেহ তোমায় চরিত্রবান্ বলবো।

নীতি আছে অথচ চরিত্র নেই (অপরিণত শিশুচরিত্র আমার কাছে চরিত্রই নয়) এর প্রত্যক্ষ দৃষ্টান্ত—বাঙালি এবং মাদ্রাসি। কথাটা অত্যন্ত কটু, কিন্তু ইউরোপে এসে দূর থেকে দেশের দিকে চেয়ে এ সত্য আমার কাছে আলোর মত স্পষ্ট হ'য়ে উঠেছে ; সত্য যতই অপ্রিয় হোক, তাকে গোপন করার লাভের চেয়ে লোকসান বেশী। ইংরেজের সূদূর্ চরিত্র আছে ; বাল্মীকির রাবণের মতন। যে বস্তু ও চরিত্রের ভিত্তি তার নাম স্থিতি। ইংরেজ পৃথিবীর যেখানেই যাক দোষে গুণে ইংরেজই থাকে। মনের দিক থেকে দূরে থাক, বাইরের বদলও এতটুকু আসে না। রোমে যায় তবু রোমান্ হস্ত না ; ভারতে গিয়ে গরমে দগ্ধ হয় তবু ধুতির মত আরামের বহির্বাস ব্যবহার করে না। এখানে বলা দরকার যে, ব্যক্তির চরিত্রই ক্রমশ জাতির চরিত্র হ'য়ে ওঠে, কেননা জাতি বলতে বোঝায় বহু ব্যক্তির সমবায় এবং মানসিক আত্মীয়তা।

ছোটোই চরিত্রবান্ জাতি, অথচ উভয়ের চারিত্রিক বৈষম্য বিস্তর। তার মধ্যে মূল কথা এই যে ইংরেজ-চরিত্র সামরিক আর ফরাসি-চরিত্র artistic। লণ্ডন আর প্যারিস্ পাশাপাশি দেখলে কথাটা সোজা হ'য়ে ওঠে। লণ্ডন পথের নাম রাখে Trafalgar Square, প্যারিস্ রাখে Rue Anatole France। লণ্ডনের পথে যাদের পাথরের মূর্তি আছে তাদের অনেকেই জীবনে যুদ্ধের চেয়ে বড় কিছু করেনি। প্যারিসের রাস্তায় যোদ্ধার প্রতিমূর্তি দেখেই বলে মনে পড়ে না। যে সব মর্ম্মর মূর্তি আছে, শিল্পের দিক থেকে তারা মহা গৌরবের জিনিষ। আইডিয়াল তারা এক একটা শিলালিপি। (১) যুদ্ধে যারা মরেছে

(১)। লণ্ডনের ডাকটিকিটে রাজার ছবি থাকে ; নরওয়ের ডাকটিকিটে থাকে ইস্‌সেনের ; ফরাসির—পাস্তরের।

শ্রীভবানী ভট্টাচার্য্য

তাদের জন্ম লগুনে আছে এক জম্‌কালো স্মৃতিস্তম্ভ ; প্যারিস্ সে স্মৃতি বাঁচিয়ে রেখেছে একান্ত সাদাসিধা একটা চিতা রচনা ক'রে। ইতিহাসের মর্যাদা এরা বোঝে, তাই এ চিতা রচিত হয়েছে নেপোলিয়ানের স্মৃতিস্তম্ভ আর্ক্‌ ডি ট্রিয়ঁফের তলায়। অহরহ আগুন জলছে, অবশ্য বৈজাতিক আগুন। রাত বাবোটার দেখেছি, একটা শিশুর হাত ধ'রে একজন নারী নীরবে সে চিতার পাশে এসে দাঁড়ায়। মুখে কথা না থাক্, হু'চোখের দৃষ্টি কথায় ভরা। অগ্নিশিখা প্রবল বাতাসে কাঁপছে, প্রতি মুহূর্তে মনে হয় যেন নিভে যাবে। নতমুখে বহুকণ সেরদিকে চেয়ে থেকে মনে মনে কত কি ভাবে কে জানে! তারপর ধীরপদক্ষেপে দূরে, অন্ধকারে মিলিয়ে যায়।

অথচ ফরাসির রণবল এখন ইউরোপে সবার চেয়ে বেশী। বহুদিন থেকে জার্মান্ শৌর্যের লোলুপ দৃষ্টির তলায় বাস ক'রে ওদের আর দেহ থেকে যুদ্ধ-সাজ খোলবার উপায় নেই। (ফ্রান্সের সৈনিক সংখ্যা = ৪১৭,০০০। গ্রেট ব্রিটন্ = ২১৪,৭২৩। জার্মানি = ১০০,০০০। ব্রিটনের — ২১৪,৭২৩—এর মধ্যে ৬০,২২৩ সৈনিককে প্রতিপালন করে দরিদ্র ভারত—Daily Mail Year Book, 1928.) ওদেশের প্রত্যেক তরুণ রণবিজ্ঞান শিক্ষা করতে বাধ্য। কিন্তু ইংরেজ সেনার ভীমের মত চেহারা ওরা পায়নি। ফরাসি সৈনিককে দেখে একোল্ দে'জার্ভ (আর্টস্কুল) এর ছাত্র ব'লে ভুল করা চলে।

ইংরেজ চরিত্র মূলত শুধু সামরিক নয়, সঙ্গে সঙ্গে সাংসারিক। এ গুণ এরা এদের ড্যানিশ্ পূর্বপুরুষদের কাছ থেকে পেয়েছে। নেপোলিয়ন্ বলেছিলেন, ইংরেজ দোকানদারের জাত। কথাটা পরিহাস নয়,—সত্য, এবং এতে গৌরব না থাক্ লজ্জারও কিছু নেই। লজ্জার কিছু নেই, কেন না পূর্বেই বলেছি চরিত্র জিনিষটা স্বভঃস্বর্ভূত। ব্যবসায়-বুদ্ধি এদের অস্থিমজ্জায় গাঁথা। এই কারণে সমস্ত ইউরোপ ইংরেজকে মার্কোয়ারি ভাবে; ধনী মার্কোয়ারির আড়ম্বর-বহুল বাস-গৃহের সঙ্গে লগুনের তুলনা করা খুব বেশী অসঙ্গত নয়।

ইংরেজিতে দুটি কথা আছে,—discipline এবং efficiency। ও হু'কথার বাংলা হয় না, কারণ বাঙালির জীবনে ও হু'য়ের একটিও নেই। এর প্রথমটা সামরিক ধর্ম, দ্বিতীয়টা সাংসারিক। জার্মান্ চরিত্র বাদ্ দিলে ইউরোপের আর কোনো জাতির চরিত্রে এ ধর্মধর এত প্রবল নয়। ফরাসীদের মধ্যে তো নয়ই। লগুন সফরটা কলের মতন চলে; এতটুকু ক্রটি নেই। প্যারিস্ চলে নিজের খেয়ালে। লগুনে এ পর্য্যন্ত এমন ঘড়ি দেখিনি যা ঠিক সময় রাখে না। প্যারিসে এমন ঘড়ি অল্পই দেখেছি যা ঠিক সময় রাখে। লগুনে এমন কোনো পথ নেই যা কোনো পুলিশ্মানের অজানা; প্যারিসের পুলিশ্মানের কাছে পথ সম্বন্ধে সহজতর বড় একটা পাইনি। এখন প্রশ্ন এই, কলের মানুষ হ'য়ে ইংরেজ কতদিন জগতের প্রশংসা কুড়াবে? হেন্‌রি ফোর্ড্ তাঁর সত্ত্ব প্রকাশিত Philosophy of Industry গ্রন্থে বলেছেন, ভবিষ্যতের মানুষ শুধু ভাববে; বাকি সব কাজ করবে যন্ত্র। ফোর্ডের কল্পিত এই অবস্থা সত্যই যদি আসে, ইংরেজের পক্ষে সে মহা দুর্ভাবনার কারণ হবে, কেন না এরা ভাবে যত, যন্ত্রের মত কাজ করে তার চেয়ে বেশী। (অবশ্য প্রত্যেক নিয়মেরই ব্যতিক্রম আছে, চিন্তাশীল ইংরেজও মাঝে মাঝে দেখতে পাই; তবে আমি এখানে হু'দশ লাখের কথা বলছি, হু'দশ জনের নয়।) মানুষ-যন্ত্রে আর আসল যন্ত্রে বিরোধ বাধলে জয়ী হবে আসল। সুতরাং তখন ইংরেজকে হাতের কাজ ফেলে মাথার কাজ করতে হবে, আর তার চেয়ে কষ্টকর কাজ ইংরেজের কাছে দ্বিতীয় নেই।

সুখ এবং স্বাচ্ছন্দ্যের দৃষ্টি পৃথিবীতে বহুদিন যাবৎ চলে আসছে। এদের একটিকে পেতে হ'লে অপরকে ছাড়তে হয়। ইংরেজ স্বাচ্ছন্দ্যের পায়ে সুখকে বলি দিয়েছে। তাই সৌন্দর্যের চেয়ে ব্যবহার্য্য তার চোখে বড়। তাই বীণার তার ছিঁড়ে সে টেলিগ্রাফের তার বানায়। টেলিগ্রাফের বার্তা কানে পৌঁছায়, বীণার বার্তা মনে। সুতরাং ইংরেজের কান যত তীক্ষ্ণ, মন তত তীক্ষ্ণ হ'তে পার না। এক কথার জীবনের সব ফাঁকগুলো ভর্তি করতে গিয়ে ইংরেজ নিজেকেই চিরদিন ফাঁকি দিয়ে এসেছে।



তিন

পূর্বেই বলেছি, ফরাসি-চরিত্রের প্রধান প্রকাশ আর্টের ভিতর দিয়ে। তার একটা বড় প্রমাণ—প্যারিসের জাতীয় অপেরা। এ অপেরার খরচ চালায় ফরাসি গবর্নমেন্ট। ফরাসির চোখে সমর কিম্বা শিকার চেয়ে শিল্পের স্থান নীচু নয়; তাই ফরাসি ক্যাবিনেটে সমরসচিব বা শিক্ষাসচিবের মত শিল্পসচিবও থাকে। লগুনে অপেরা নেই, থিয়েটার আছে বিস্তর, কিন্তু তাদের ছ'চারটি বাদে বাকি সবাই হট্টমনের খাবার জুগিয়ে থাকে। অর্থাৎ তারা অর্থের জন্ত আদর্শ হারায়। প্যারিসের অপেরায় এমন হ'তে পারে না, কেন না অর্থ সম্বন্ধে প্যারিস দর্শকমুখাপেক্ষী নয়। শুনেছি পৃথিবীর সর্বশ্রেষ্ঠ প্রেক্ষাগৃহ Moscow Art Theatreও কতকটা এই উপায়ে তার আদর্শ বাঁচিয়ে রেখেছে।

নৃত্য, গীত, বাণ্য—এই ত্রিবিধ খাণ্ড ফরাসির মনকে স্থিরযোবন ক'রে রেখেছে। তাই ও-মন সাহিত্যে এত সৃষ্টি করতে পারে। ফরাসির সাহিত্যে এত বড় হ'তে পারল তার আর এক কারণ ফরাসি ভাষার প্রকাশশক্তি। ও ভাষার সৌজন্মে ফরাসি তার মনোভাব অত্যন্ত স্পষ্টত লিখতে পারে। ফরাসি ভাষা বলতে ভাল লাগে, শুনে ভাল লাগে, ও-ভাষায় স্বপ্ন দেখতে ভাল লাগে! এমন সুমিষ্ট ভাষা পৃথিবীর আর কোনো দেশে আছে ব'লে আমার জানা নেই। ছোট ছেলের মুখে ফরাসী ভাষা শোনা জীবনে একটা মনে রাখবার মত ঘটনা।

পরিশেষে চিত্র ও ভাস্কর্যের কথা বলব। পৃথিবীর সব চেয়ে ভাল চিত্র ও ভাস্কর্য সংগ্রহ আছে প্যারিসের Louvreএ। কিন্তু পুরাণের পূজা এরা যতই করুক, তার চেয়ে বেশী করে নৃতনের সৃষ্টি। প্যারিসে চিত্রকরের সংখ্যা প্রায় ছ'হাজার। ছবি বিক্রি হয় যথেষ্ট, তবু এদের অনেককেই দারিদ্র্যের সঙ্গে ঘোর সংগ্রামে বহুদিন কাটাতে হয়। মোমাত্রের (Montmartre) এক আর্টিষ্টের ঘরে গিয়ে দেখেছি, ছ'হাতে দারিদ্র্যের সঙ্গে বুক করতে করতে সে সৃষ্টি ক'রে চলেছে। সমস্ত ঘর কর্দমাক্ত—অতি অভাগা শ্রমিকের ঘরের মতন। চারদিকে অসংখ্য ছবির সরঞ্জাম

ছড়ানো, একটা শুধু ভাল চেয়ার। বোধ করি সেটাতে তার 'মডেল' বসে। ৫০ ফ্রাঁ (৫ টাকা) দামের এক ছবি দেখাল,—তার দাম ৫০০ ফ্রাঁ চাইলে আমি বিস্মিত হতুম না। এ শুধু একটা টাইপ,—আছে এমন বিস্তর।

বহুদিন হতে চিত্রচর্চা ক'রে ও সম্বন্ধে ফরাসিদের একটা অন্তর্দৃষ্টি জ'ন্মে গেছে। অবশ্য এ বিষয়ে ইউরোপে ফরাসির দ্বিতীয় আছে,—ঘরের কাছেই, হলান্ডে। দার্ভিন্ড আঁগ্‌রের দেশে চিত্র যত সমাদর পেয়েছে, রুম্বাণ্ডে ভ্যান্ দাইকের দেশে চিত্র তার চেয়ে কম আদর পায়নি। অষ্ট্রেলিয়া-প্রত্যাগত একটি ইংরেজ মেয়ের সঙ্গে প্যারিসে পরিচয় হ'ল; অষ্ট্রেলিয়ার কলেজে তিন বছর সঙ্গীত শিক্ষা ক'রে প্যারিসে কিম্বা ভিয়েনার কোনো বড় ওস্তাদের কাছে শিক্ষালাভার্থে ইউরোপে এসেছে। ষণ্টার পর ষণ্টা কথা ব'লে দেখেছি, বেশ বুদ্ধি আছে, ভাবতেও পারে, অতি সুন্দর ভায়োলিন্ বাজায়। কিন্তু এত বড় লুভ্‌র চিত্রশালা তাকে দেখাবার সময়ে 'কি সুন্দর!' 'কত চমৎকার!' এমি কথা ছাড়া তার মুখে উল্লেখযোগ্য আর কিছু শুনিনি। অথচ হলান্ডের একটি স্কুলে-পড়া মেয়ে উক্ত চিত্রায়তন দেখে এসে বলে, মোনা লিসার চোখ ভারি নিষ্ঠুর; আমি ওকে দেখতে পারি না।...কেন নিষ্ঠুর? সে শুধু মেয়েরাই বোঝে।

বলুম, নিষ্ঠুর—তা মানি। কিন্তু খুব আশ্চর্য হাঁসি নয়? রহস্যময়?

—তা হোক; মোনা লিসার সঙ্গে দেখা হ'লে তাকে বলতুম,—বলতুম—

—কি বলতে? যে, থামো, হেসো না?

—বলতুম যে, তোমার হাঁসি কি ভয়ানক বিক্ৰী!

ছোট মেয়ের মুখে মোনা লিসা সম্বন্ধে এত গভীর কথা শোনবার আশা করিনি। আসলে মনে হয়, বহুদিন হ'তে চিত্রচর্চা ক'রে হল্যান্ডে এবং ফ্রান্সের নরনারীর ও সম্বন্ধে একটা সহজ রসবোধ (art instinct) জ'ন্মে গেছে; ওরা ছবি দেখে একটা ব্যক্তিগত মত প্রকাশ করতে পারে,—মত 'কি সুন্দর' বলার মতন নির্বিধিষ্ট নয়, বার একটা ধরবার ভাববার মত অর্থ হয়।

মোনা লিসার হাসি আমার চোখেও অত্যন্ত নির্ভর লেগেছে। ও যেন শুধু নিতে চায়, দিতে চায় না, বিজয় চায়, বিজিত হ'তে চায় না। মুখখানা ক্ষুধার ভরা, ছ'চোখ চির-অতৃপ্ত। এর পরিকল্পনা কীটস্‌এর কাব্যে পেয়েছি ; “La belle dame sans merci”। (১) রবীন্দ্রনাথে পেয়েছি ; মোনা লিসা সন্দীপের নারী-সংস্করণ।

মোনা লিসার ছবি আমার চোখে যত ভালই লাগুক, তার চেয়ে ভাল লেগেছে ভিনাস্‌ জু মিলোর পাথরের পতিমা। ও-মুখে ভাবের বিশিষ্টতা আমি পাই নি ; অথচ এর প্রতি অঙ্গ যেন কথা বলছে। পাথর ব'লে মনে হয় না। তিল তিল সৌন্দর্য্য মিশিয়ে তিলোত্তমার সৃষ্টি হয়েছিল ; সে যুগের তিলোত্তমা এ যুগের ভিনাস্‌। শুধু একে দেখবার জন্ত সাত সমুদ্র পার হ'য়ে আসা সার্থক হয়।

শব্দকে আমি ব্রহ্ম ব'লে মানি, তাই একখানি শব্দের মালা যখন সজীব হ'য়ে ওঠে তাতে আমি বিস্মিত হই না। ছবির দেহে প্রাণসঞ্চারও খুব কঠিন নয়। কিন্তু জড় পাথর হ'তে পরম সুন্দর মানবদেহ সৃষ্টি করা আমার কাছে ভারি আশ্চর্য্য লাগে। যে ছঃসহ সাধনা আর অপরিসীম ধৈর্য্য নিয়ে সুদীর্ঘ কাল ধ'রে ভাস্কর পাথর দিয়ে কাবা লেখে, আমার কাছে সৃষ্টিরাজ্যে তার জুড়ি নেই। ভাস্কর্য্য এখন

(১) বাংলা পত্রিকার ছোট-গল্প লেখকরা অনেক সময়ে মোনালিসার আসল ছবি না দেখে, কিম্বা তার প্রতিচ্ছবি দেখে, নামের মোহে তার হাসির কথা লিখে থাকেন। এতে তাঁদের বক্তব্য এক পাও এগোয় না, তা ছাড়া মোনা লিসার ছবিকেও ছোট করা হয়। যা সৃষ্টির পরমাশ্চর্য্য তাকে এত সাধারণ ভাবে দেখা ভাল নয়। ইউরোপে এসে কত সহস্র মুখে কত সহস্র ভঙ্গীর হাসি দেখলুম, কিন্তু কোথায় সে হাসি, আর কোথায় মোনালিসার হাসি। L'Innocence-এর ছবি দেখে কত জনকে মনে পড়েছে, Three Graces-এর ছবি দেখেছি রক্তমাংসের দেহে, কিন্তু মোনালিসা শুধু একটা অশরীরী

পৃথিবীর সর্ব্বত্র মরবার মুখে,—এক ফ্রান্স্‌ ছাড়া। সেকালের গ্রীক্-রোমান্‌ প্রতিভার পরিচয় পেতে হ'লে লুভ্‌রে যেতে হয়, কিন্তু একালের ফরাসি ভাস্করের মানসসম্পত্তি দর্শনার্থে যেতে হয় রোদাঁ মিউজিয়মে। সেকালের পাশে একালের—মিকেল এঞ্জেলোর পাশে রোদাঁর দাঁড়াবার অধিকার আছে কি না সে বিচার করবে অনাগত কাল। কিন্তু এত বড় একটা শিল্প যে, জগতে একমাত্র ফরাসি দেশে অজয় হ'য়ে আছে সেজন্ত ওদেশের তারিফ না ক'রে থাকায় না। ইংলণ্ডে ভাস্কর্য্য এখনো মরেনি তার কারণ ইংলণ্ডে ভাস্কর্য্য এখনো জন্মানি।

ফরাসি ছবি এবং ভাস্কর্য্য সম্বন্ধে আমার শেষ কথা এই যে, ও ছবি দেখবার অধিকার শুধু সেই ব্যক্তির আছে, যার ছ'চোখের পিছনে আছে একটা মন। সে যার নেই, তাঁর কাছে উক্ত চিত্র এবং ভাস্কর্য্য অত্যন্ত অশ্লীল বোধ হবে। আটে নগ্নতা আমি এক মহা দোষ ব'লে মনে করি ; কিন্তু সে মহাদোষ যে শিল্পীর শক্তিবলে মহাশূণ্ণে পরিণত হ'তে পারে—তার বহু চাক্ষুষ পরিচয় আমি পেয়েছি। শুধু এই ছবি জিনিষে নয়,—সমস্ত প্যারিস্‌টাকেই দেখবার জন্ত নূতন মন, নূতন চোখ দরকার হয়। প্যারিসের জীবনে একটা আট আছে—এ যেন বীঠোফেনের একটা সিম্‌ফনি। মাঝে মাঝে তার ছন্দোপতন হয়, সুরে সুরে ঠক্কর লাগে, কিন্তু সম্পূর্ণ সুরভঙ্গ কখনো হয় না। তাই প্যারিসে অন্ধকার যতই থাক, সে অন্ধকারে তারা জ্বলে, কাদা যতই থাক, সে কাদায় ফুল ফোটে। নিজেকে জানবার সুযোগ প্যারিসে যত, ইউরোপের অন্ত্র কোথাও তত নেই,—নিজের শক্তি, নিজের রুচি, নিজের মন।—

“He who has stood the test of Paris has stood the test of all humanity.”—
কাইজারলিঙ।

চন্মা

শ্রীমতীশচন্দ্র ঘটক

নাটকীয় চরিত্র

পুরুষ

মহেন্দ্র ...	কণাদায়গ্রস্ত ব্রাহ্মণ
নিবারণ ...	মহেন্দ্রের ভাবী বৈবাহিক
পুরোহিত	
বোষ্টম	

স্ত্রী

সরযু ...	মহেন্দ্রের স্ত্রী
মোকদা ...	নিবারণের স্ত্রী
মলিনা ...	মহেন্দ্রের কণা
মুক্তকেশী ...	মহেন্দ্রের ঝি
ভৈরবী	
বোষ্টমী	
সাপুড়েনী	
রঞ্জিনীগণ	

প্রস্তাবনা

গান

চন্মা পরো চন্মা পরো চন্মা পরো ভাই ।
চন্মা ছাড়া এ যুগে আর উপায় কিছু নাই ।
(দেখো) যত আছে লোক
(ঐ যে) ঝাপসা সবার চোখ,
দুধের ছেলেও চালসে ধরা চন্মা চোখে চাই ;
(এবার) চোখের উপর চোখ বসাবে আঁতুড়-ঘরে ধাই ।
রিম্লেসু না পরলে প্রেমিক বার নাকো জানা,
গগল ছাড়া মোটর গাড়ীর সোফার তো কানা ;
(আবার) পিঙ্ক নে ছাড়া কোন্ বিদূষীর নজর হয় সাফাই ?
(আমরা) স্তম্ভ নজর, দিবা নজর চন্মা-যোগে পাই ।

(যেমন) নাবালকের বন্ধু অছি, চোরের চৌকিদার,
তেমনি ধারা চোখের বন্ধু চন্মা জেনো সার ।
(আছে) চন্দ্র সূর্য্য ছু-কাঁচ-আলা চন্মা বিধাতার,
দৃষ্টি আঁধার সৃষ্টি আঁধার হচে নাকো তাই ।

১ম দৃশ্য

গভীর বন । শুকনো মুগ ও রুম্ম চুলে মহেন্দ্রের প্রবেশ । তার পায়ে
পেনেলার জুতো, হাতে কাশিসের বাগ, কাঁধে ময়লা চাদর ।
অশুভাগী সূর্য্যের লাল রশ্মি এখানে সেখানে পাতার
রন্ধু পথ দিয়ে বনের মধ্যে পড়েচে ।

মহেন্দ্র

পারলুম না । মেয়ের দিয়ে দিতে পারলুম না । তেইশ
দিনে হয়েচে সাতাশি টাকা, আর সাত দিনে কতই হবে ?
হাজার পূরবে ? অসম্ভব । পারলুম না, মেয়ের বিয়ে দিতে
পারলুম না ।

কি করবো ? ভদ্রলোকের ছেলে হ'য়ে ভিক্ষে পর্যাস্ত
করলুম । আর কি করবো ? চুরি ? না, না, আর নাবতে
পার্কোনা !

কিন্তু উপায় ? আর যে মোটে সাতদিন, তার পরই
লম্বা অকাল । আমার যেন কালাকাল নেই, ছেলের বাপের
তো আছে । পারলুম না, মেয়ের বিয়ে দিতে পারলুম না ।

টাকা—টাকা, ওঃ । নিবারণ ছেলেবেলার বন্ধু, এক
গাঁয়ে বাড়ী, টাকার আঙুল—সেও হাজারের কম ছেলে
দেবেনা । হাতে পায়ে ধরলুম, কচ্ছপের কামড় । পারলুম
না, মেয়ের বিয়ে দিতে পারলুম না ।

ওগো, কে কোথায় আছ গরীব বাঙালী, ব'লে রাগটি
শোনো—যেই শুনবে মেয়ে হয়েচে অমনি হয় বিলিয়ে দিয়ো,
নয় জানিয়ে দিয়ো, নয় নুন খাইয়ে—

— হাঃ হাঃ, পার্কো না ! পারবেই ত না । আমিও পারিনি ।
করি কি ? যাই কোথায় ? বাড়ী ? না, না, বাড়ী আর
নয় । সেই গিন্নীর বুকভাঙা নিশ্বাস, সেই মেয়েটার ছলছলে

ত্রীশতীশচন্দ্র ঘটক

চোখ। আহা! মা আমার আজকাল সামনেও আসে না,
পালিয়ে পালিয়ে বেড়ায়, পাছে হুজনেই কেঁদে ফেলি।

যাই কোথায়? যমের বাড়ী। আমার মত হতভাগার ঐ
ঐ জুড়োবার জায়গা। না দেখতে হবে গিন্নীর নাক ফুলিয়ে
কাঁদা, না দেখতে হবে লোকের দাঁত বের ক'রে হাসা।

তাই। একটা গাছের ডালে না চাদরটাকে বেঁধে, বাস।
এই যে একটা ডাল। কেউ নেই তো? না, এ বেহালার
বন। এর কাছে বাজিতপুরও সহর। (গলার চাদর খুলে
গাছের ডালে বাঁধলেন) একটা ফাঁস গেরো চাই। (ফাঁস
তৈরী করতে করতে) হায় রে আমার চাদর—আমার কণ্ঠা-
দায়ের কাচা! আর তোমাকে কাচবো না। এ লাল
নাগটা কিসের? আহা, গিন্নী লাল সূতোয় আমার নাম
লিখেচেন। কি বাবা চোখের জল, চের তো বেরিয়েছ—
এখন আর বেরিও না, শুভ যাত্রায় অমঙ্গল হবে। (গলায় ফাঁস
পাবিয়ে) এই বার ঝুলে পড়ি। গিন্নী, গিন্নী, সরয়, চল্লুম।

নেপথ্যে

মহেন্দ্র! মহেন্দ্র!

মহেন্দ্র

(চম্কে উঠে) কে নাম ধ'রে ডাকে। (দূরে গলায়
দড়ির আবছায়া মূর্তি দেখা গেল) ওঃ তুমি—যাচ্ছি, যাচ্ছি।
(ঝুলে পড়তে গেলেন। একজন ভৈরবীর বেশে পবেশ,
ভৈরবীর পরণে চওড়া লাল পেড়ে গেরুয়া সাড়ী, কপালে
সিঁদুর ও রক্ত চন্দন। গলায় রুদ্রাক্ষের মালা, হাতে একটি
ঝালিসংলগ্ন ত্রিশূল।)

ভৈরবী

(মহেন্দ্রের হাত চেপে ধ'রে) মহেন্দ্র, কি করছিস?

মহেন্দ্র

কে তুমি? কোথায় ছিলে? আমায় চিন্লে কি
ক'রে?

ভৈরবী

(অলৌকিক তাঁর দৃষ্টিতে মহেন্দ্রের দিকে চেয়ে)
মহেন্দ্র!

মহেন্দ্র

ওঃ ভৈরবী, তাই।

ভৈরবী

মহেন্দ্র

কেন মা, কেন বাধা দিচ্ছে?

ভৈরবী

খোল্ বল্চি।

(মহেন্দ্র যন্ত্রচালিতের মত গলার ফাঁস খুলে ফেলে)

ছিঃ বাবা—জানোনা আত্মহত্যার মত পাপ মেই?

মহেন্দ্র

ওই তো মা, তোমাদের মামুলি কথা। যার আঠার
বছুরে মেয়ে ঘরে জ্বিয়োনো তার বেঁচে থাকাই হচ্ছে সব
চেয়ে পাপ।

ভৈরবী

(হেসে) পাগল! (স্নেহাঙ্গুরে) ভিক্ষে ক'রে বুধি
বেশী টাকা পাওনি?

মহেন্দ্র

(বিস্ময়ে) মা—মা!

ভৈরবী

কি ক'রে পাবে? মানুষের কাছে ত ভিক্ষা করনি।

মহেন্দ্র

এই তো মা ভুল করলে। মানুষের কাছেই ভিক্ষা
করেছি। কলকাতার যারা সেরা মানুষ।

ভৈরবী

তার মানে বড় মানুষ তো? আমি মানুষের কথা
বল্চি।

মহেন্দ্র

বুঝতে পারচিনা।

ভৈরবী

পারচোনা? (ঝুলির ভিতর হতে একটি চস্মা বের
ক'রে মহেন্দ্রের হাতে দিয়ে) আচ্ছা এই চস্মা নিয়ে যাও,
এই প'রে যাকে মানুষ দেখবে, সেই আসল মানুষ।

মহেন্দ্র

সবাইকে মানুষ দেখবো না?



ভৈরবী

না। মানুষ দেখে ভিক্ষা চেয়ে।

মহেন্দ্র

চাইলেই পাবো ?

ভৈরবী

নিশ্চয়।

মহেন্দ্র

আচ্ছা, দেখি মা, তোমার কেমন কথা কেমন দয়া। এতটুকু আশার ভেলা দিয়ে যখন মৃত্যুসমুদ্র থেকে টেনে তুললে, তখন (ভৈরবীর পায়ের ধূলো নিয়ে) আশীর্বাদ করো যেন এই চস্‌মার ভেলা দিয়ে কল্যাণদায়েরও সমুদ্র পার হতে পারি।

ভৈরবী

পারবে—এসো।

মহেন্দ্র

আর একবার পায়ের ধূলো দাও।

(ভৈরবীকে প্রণাম করে প্রস্থান)

ভৈরবী

জয় শিব শঙ্কু। বাবা, কত ছলেই এসে হাত পাতে। তোমার ধন তোমাকে দিই।

গান

তোমার নিভৃত্তি-কণিকা যা মোরে
দিয়াছ করুণা করিয়া,
ফিরে ফিরে এসো চাহিতে তাহাই
কত জীবরূপ ধরিয়া।
একি তব লীলা হে করুণাময়,
আমারে করিতে ধন,
তোমার সেবায় রাখিয়াছ রত
যদিও আমি নগণা।
আমার বঁশীতে তোমার রাগিনী
বাজাও অগত ভরিয়া,
কুদ্রতা মোর তোমার প্লেহের
পরশে লও গো হরিয়া।

২য় দৃশ্য

কুঁড়ে ঘরের সম্মুখস্থ আঙিনায় সরযু একটি লাউমাচার দিকে চেয়ে দাঁড়িয়ে আছেন।

সরযু

এই লাউগাছ তিনি নিজের হাতে মাচার তুলে গিয়েছেন, এখন লাউ ফলচে—কে খাবে? তিনি না এলে কি পাড়তে পারি? আহা! কখনো বিদেশে যান না। কি ক'বেই ভিক্ষে ক'রে বেড়াচ্ছেন, কি ক'রেই দোকানে খাচ্ছেন? তার উপর যে গাড়ী ষোঁড়ার রাস্তা, আর তিনি যে ভাল মানুষ—ভালোয় ভালোয় বাড়ী ফিরলে বাঁচি। কেনই ঐ আবাগীকে পেটে ধরেছিলুম?—ওর জন্তেই সারা হ'য়ে গেলেন। আগে মুখে হাসি লেগেই থাকতো, আজ তিন বছর আর হাসি দেখিনি।

(মলিনার প্রবেশ)

মলিনা

মা, আজ কি রাঁধবো?

সরযু

আমার মাথা! এত বড় মেয়ে হ'লি, বিয়ে দিলে ছেলের মা হতিস্, এখনো শিথিয়ে দিতে হবে। যা—যা খুসী রাঁধ গে যা।

মলিনা

আমি—আমি—

সরযু

তুমি—তুমি—কি কাপড় প'রে বেড়াচ্ছো—যেন কাঠ কুড়ুনীর মেয়ে? ঐ জন্তেই গায়ে প্রজাপতি বসে না।

(মলিনা চোখে আঁচল দিয়ে ফোঁপাতে লাগলো)

শোন, শোন, কাঁদাস্নি (মলিনাকে বুকে টেনে নিয়ে) ফরসা কাপড় নেই বুঝি? তা আমাকে বলিস্নি কেন? এই খানাই কার খোল দে কেচে দিতুম। চল আমার এক-খানা আছে। পরিয়ে চুল বেঁধে দিই গে। তবু ফোঁপায়! কি বলেছি আমি? আমার যেমন নেই মাথার ঠিক লক্ষী মা আমার, কাঁদিস্নি। চল, আজ আর তোকে হেঁসেলে যেতে হবে না। আজ আমিই দুটি রাঁধবো'ধন।

মলিনা
না—মা—না—
সরযু
আচ্ছা তুই-ই রাঁধিস্—চল ।
মলিনা
তুমি—তুমি—
সরযু
কি মা মলু—কি ?
মলিনা
তুমি কেন বাবাকে চিঠি লেখোনা—
সরযু
কি লিখবো ?
মলিনা
ফিরে আসতে ।
সরযু
পাগলী মেয়ে । ঐ জন্তে তোর কান্না—ভয় কি মা ?
গগন আছেন ।

(নেপথ্যে পায়ের শব্দ)

মলিনা
ঐ বাবা আসছেন—
(প্রস্থানোত্ত)
সরযু
(কান পেতে) ঠিক ধরেচে ! দাড়া না—পালাচ্ছিস্ কেন ?
মলিনা
তীর ভাত চড়াতে হবে না ?
(মলিনার প্রস্থান । অপর দিক দিয়ে মহেন্দ্রের প্রবেশ)
মহেন্দ্র
ওগো, আমি এসেছি ।
সরযু
(হাত জোড় ক'রে কোন অনির্দিষ্ট দেবতাকে প্রণাম
ক'রে) আমার চোখ আছে । আমি কানা নই ।
মহেন্দ্র
তাই নাকি ? আমি আরো ভাবছিলাম, হাপিত্যেশ ক'রে
পাথর দিকে চেয়ে চেয়ে সত্যিই কানা হ'রে গেছ ।

সরযু
রস যে একেবারে উথলে উঠে । কলকাতায় গিয়ে
কার কাছ থেকে—

মহেন্দ্র

মরা গাঙ্গে বান ডাকিয়ে এলুম ?

সরযু

হ্যা গো হ্যা—মুখের কথা স্কন্ধ কেড়ে নিচো যে ।

মহেন্দ্র

ঐ পর্যাস্ত । মনের কথা কাড়বার সাধা নেই—

সরযু

কেন, মেয়ে মানুষের মন ব'লে ? ঐ যাঃ, প্রণাম করা
হয়নি—

(পায়ের ধুলো নিলেন)

মহেন্দ্র

এ যে অতি-ভক্তির মতন ঠেকচে !

সরযু

আরে বাপ্—পতি-দেবতা ! আচমকা এসে পড়লে
তাই, নৈলে ফুল বিদ্বিপত্তর জোগাড় ক'রে রাখতুম । এখন
ধড়াচূড়ো ছেড়ে একটু পাথার বাতাস খাবে চল ।

(চাদর খুলে নিয়ে হাত ধ'রে টানলেন)

মহেন্দ্র

আবার পাথার বাতাস ! আমি ভেবেছিলুম কুলোর
বাতাস দেবে । নাঃ, এই লাউ পাতার বাতাসই যথেষ্ট ।

সরযু

আচ্ছা, এইবার একটা কথা জিজ্ঞেস করবো ?

মহেন্দ্র

ওরে, কে কোথায় আছিস্ দেখে যা—পতিব্রতা কাকে
বলে । কথাটি বলবে তাও অমুমতি নিয়ে ।

সরযু

যখন এত হাসি খুসী এত ফুঁতি, তখন নিশ্চয় টাকার
জোগাড় হয়েছে ?

মহেন্দ্র

না, টাকার জোগাড় হয়নি ; কিন্তু এমন কিছুর জোগাড়
হয়েচে যা দিয়ে টাকার জোগাড় হবে ।



সরযু

আবার হেঁয়ালি ধরলে ! খুলে বলো না ।

মহেন্দ্র

খুলে বলবো ? নাঃ, দেখানোই ভালো । (ব্যাগ খুলে চসমা বের ক'রে) দেখেচ ?

সরযু

ও ত চসমা

মহেন্দ্র

হুঁ হুঁ, কিসের চসমা ?

সরযু

কিসের আবার, কাঁচের ।

মহেন্দ্র

কাঁচের ! এ দিয়ে কি দেখা যায় ? মানুষ, মানুষ । বুঝলে না ? বলি, মানুষ কখনো দেখেছ ? সব জন্তু । এইটে চোখে দিয়ে দেখো, দেখবে আমিও হয়তো একটা গণ্ডার ।

সরযু

ও মা ! সে আবার কি ?

মহেন্দ্র

হুঁ হুঁ, খালি চোখে সবাই মানুষ—মানুষ পাবে লাখে একটা । খুঁজতে হবে শুধু এই দিয়ে ।

সরযু

খুঁজে কি হবে ?

মহেন্দ্র

ঐ তো—ঐ জন্তুই তোমাদের—বলি, আমার দরকার কি ? টাকা তো । মানুষের কাছে চাইলেই পাবো ।

সরযু

ওঃ বুঝেছি । এ চসমা কে দিলে ?

মহেন্দ্র

কে দিলে ! আচ্ছা শোন । কুকুর ক্যাপে মাথার ঝামে, মানুষ ক্যাপে কিসে ? কত্তাদায়ে । আমি কেপে উঠেছিলুম ।

সরযু

কেপে উঠেছিলে !

মহেন্দ্র

কেপেই উঠেছিলুম—

(প্রবেশ একজন বোষ্টম ও একজন বোষ্টমী । বোষ্টমের একতারা হাতে, বোষ্টমীর হাতে খঞ্জনী)

বোষ্টম

রাধে কৃষ্ণ !

মহেন্দ্র

ও রাধে কৃষ্ণ অমন সবাই বলে—পড়তে কত্তাদায়ে ত বুঝতে ।

সরযু

আঃ, ওর সঙ্গেও—দাঁড়াও ভিক্ষে এনে দিচ্চি ।

(প্রহানোজঃ)

মহেন্দ্র

(সরযুর কাপড় টেনে ধ'রে) কি এনে দেবে ? চাল তো ? পারবে না দিতে ।

সরযু

কেন ?

বোষ্টমী

কেন বুঝলেনি মা ? বাবা একখানি গীত শুন্তে চায় ।

মহেন্দ্র

হ্যাঁ,—আর গীত শোনাতে হবেনা—ধরবে ত সেই “মা যশোদার নীলমণি” ?

বোষ্টমী

না বাবা, এমন গীত গাইবো যে খুসী হ'য়ে যাবে । (বোষ্টমের প্রতি) ধরতো সেই কত্তাদায়ের গীতটা ।

গান

বোষ্টম বোষ্টমী । মেয়ের বাপের গল্গায় হেঁটু দিচ্ছে ছেলের বাপ,
জিভ বেরিয়ে যাচ্ছে তবু ছাড়চেনাকো চাপ ।
ছেলের বাপের বামুন কায়েত নেই দেশেরে ভাই,
কায়দা পেলেই চোকায় ছুরি সব যেন কসাই ;
পরদাকাটা ছুই চোখে নেই দয়া মায়ায় ছাপ ।
কলসী-ভাঙা চাড়ার মতো হায়রে মেয়ে সস্তা !
পার করতে বাধতে হবে মাজায় টাকার বস্তা ;
মেয়ের জন্ম হয় এদেশে করলে কতই পাপ ।

শ্রীসতীশঙ্কর ঘটক

মহেন্দ্র

শুনলে তো ? ক্লেপে উঠেছিলুম কি সাথে ? এদের
আবার তুমি চাল এনে দিচ্ছিলে । (বাগ থেকে টাকা বের
ক'রে বোষ্টম বোষ্টমীর হাতে দিলেন ।)

(বোষ্টম বোষ্টমী অবাক হ'য়ে পরস্পরের দিকে চাইলে ।)

বোষ্টম

গৌর নিতাই বাবাকে স্মখে রাখুন ।

বোষ্টমী

বাবার মেয়েটি যেন রাজার ঘরে পড়ে—রাধে কৃষ্ণ !

(প্রস্থানোক্ত)

মহেন্দ্র

শোন, রাধে কৃষ্ণ, শোন । এ গান যেন ত্রি দালান-
আলা বাড়ীতে গেলোনা—সে যে-সে নিবারণ নয়—টাকা
কেড়ে নিয়ে মেরে তাড়াবে ।

বোষ্টম

আজ্ঞে কেন পেরভু ?

বোষ্টমী

আ মর বোরোগী—এ ও বুঝিস্ না ? সে হচ্ছে ছেলের
বাপ ।—(মহেন্দ্রের প্রতি) না বাবা, সেখানে এর পাল্টা
গীতটি গাইবো । রাধে কৃষ্ণ !

(বোষ্টম বোষ্টমীর প্রস্থান)

সরযু

তাই চাল আনতে দাওনি ।—যাক্ তা হ'লে টাকাও
কিছু পেয়েছ ।

মহেন্দ্র

ছাই পেয়েছি । নৈলে আর ক্লেপে উঠেছিলুম ।—
যাক্, যা বল্ছিলুম—ক্লেপে না উঠে—নাঃ সে আর তুমি
না-ই শুনলে—মোদ্ধা হ'য়ে গেল এক ভৈরবীর সঙ্গে দেখা—
তিনিই দিলেন এই চস্মা ।

সরযু

তা ও প'রে মানুষ খোঁজনি ?

মহেন্দ্র

খুঁজিনি আবার ? পথের ছপাশাড়ি খুঁজেছি । সিগারেটের
ধোঁয়া উড়িয়ে কলেজের ছেলে যাচ্ছে—বাদর ; ফোঁটা টিকী

চড়িয়ে ভট্‌চাষা যাচ্ছেন—কুকুর ; জুড়ী হাঁকিয়ে বাবু যাচ্ছেন
—পাঁটা । অত কি আদালতে গিয়ে দেখি হাকিম ব'সে
আছেন লক্ষকর্ণ, উকীল দাঁড়িয়ে আছেন হোকা হুয়া, মকেল
দাঁড়িয়ে আছেন হিঁদুর অখাও । কেউ কেউ আবার
হুতিনটে জানোয়ার মেশানো । লাল দাঁঘিতে একজন
বক্তৃতা দিচ্ছিলেন, তাঁর মুখটা হচ্ছে সিংহের, খুকটা
খরগোসের, পিঠটা কচ্ছপের আর পা দুটো রেসের
ঘোঁড়ার ।

সরযু

একটিও মানুষ পেলে না ?

মহেন্দ্র

পেয়েছিলুম মাত্র একটি—হরিণ বাড়ীর জেলের সামনে ।
হাতে হাতকড়ি, জাগ্রিয়াপরা ।

সরযু

চোর বুঝি ?

মহেন্দ্র

তাই ব'লেই জেলে ঢুকিয়েচে । আগে আগে যাচ্ছেন
জেলার—পিছনে যাচ্ছে সে, হুদিকে তুজন পাহারা । দিলুম
চোখে চস্মা—ও বাবা ! জেলারও জহু, পাহারালাও
জহু—মানুষ শুধু সেই । গেলুম কাছে এগিয়ে—কথা
কি বলতে দেয় ? অনেক সাধা সাধনার শেষে দিলে—তখন
চোর কি বললে জানো ?

সরযু

আমি কি তোমার সঙ্গে ছিলুম নাকি ?

মহেন্দ্র

বলে 'তাই তো ঠাকুর আমি যে এখন কয়েদী—আচ্ছা
এই চিঠি নিয়ে যাও আমার জ্বর কাছে ।' চেয়ে নিলে একটু
কাগজ পেনসিল, দিলে দু লাইন লিখে । গেলুম তাই নিয়ে
তার বাড়ীতে—আহা ! আর একটি মানুষ দেখলুম,
মানুষ ত নয়—দেবী । কিছু নেই তিন খানি গয়না ছাড়া—
তিন খানিই খুলে দিলে । বলে 'ভেবেছিলুম এই দিয়ে
আপীল করবো—তা তিনি যখন বলেচেন, নিন্ ।'

সরযু

নিলে ?



মহেন্দ্র

পাগল ! কিরিয়ে দিয়ে দে দৌড় ।

সরযু

তা হ'লে আর একজন মানুষ খোঁজ ।

মহেন্দ্র

কাজেই ।—(একটু চিন্তার পর) আচ্ছা কেন ? হয়েছে—
আমি এম্নিই মেয়ের বিয়ে দোব ।

সরযু

এম্নি ! না, না,—একটা তেজপক্ষের ঘাটের মড়ার
সঙ্গে তো ?

মহেন্দ্র

না গিন্নী, না । নিবারণের ছেলের সঙ্গেই ।

সরযু

সে কখনো খালি হাতে নেয় ?

মহেন্দ্র

তার বাবা নেবে । এর নাম মৎলব । বুঝলে না ?
গাঁয়ে ঢুকতেই তো নিবারণের বাড়ী—দেখি নিবারণ আর
তার বউ উঠানে দাঁড়িয়ে । দিলুম চস্মা চোখে—যা
ভেবেছি, নিবারণ বাঘ, বউ সাপ ।

সরযু

বলো কি—নিবারণ বাবু বাঘ !

মহেন্দ্র

নিশ্চয় । নৈলে আর হুমকি দেয়, ওৎ পাতে, বাড়
ভাঙ্গে ?

সরযু

আর মোক্ষদা সাপ !

মহেন্দ্র

নৈলে অমন বিষে ভরা ?

সরযু

আর লাজেও খেলে ।

মহেন্দ্র

এাই—এাই—এখন বুঝলে তো ? ফ্যাল ফ্যাল ক'রে
চাইচো কি ? আরে, আজকে যাবো আমি নিবারণের কাছে,
কালকে যাবে তুমি মোক্ষদার কাছে । এবার বুঝ্চো ?

সরযু

একটু একটু ।

মহেন্দ্র

(চার দিক চেয়ে) মলিনা নেই তো ?—আচ্ছা ঘরের
চলো, পুরো পুরি বুঝিয়ে দিচ্ছি ।

তৃতীয় দৃশ্য

বৈঠকখানা ঘর । নিবারণ টেবিলের উপর খাতা রেখে কি যেন
লিখছেন ।

নিবারণ

বাবা, চালাকি নয় । গাঁ সুদ্ধ এই মুঠোর মধ্যে—গয়
খাজনা, নয় কর্জ, নয় দাদন (খাতা মুড়ে) এক মহেন্দ্র ? তা
মেয়েটি নিলে সেও কেঁচো ।

(মোক্ষদার প্রবেশ)

মোক্ষদা

বলি শুন্চো, মহেন্দ্র যে গাঁয়ে ফিরে এসেচে ।

নিবারণ

কে বল্লে ?

মোক্ষদা

কে বল্লে ! আমি তোমার মত নাকে তেল দিয়ে ঘুমোই
কিনা । কি রেখেছি কি সুধু ঘরের কাজের জন্তে ?

নিবারণ

তা ভালই তো ।

মোক্ষদা

ভালই তো ! ভাল মন্দ সব বোঝ কিনা । নিশ্চয়
টাকার জোগাড় ক'রে এসেচে ।

নিবারণ

সেই ত চাই ।

মোক্ষদা

ওমা ! তুমি তার মেয়ের সঙ্গেই বিজুর বিষে দেবে
নাকি ?

নিবারণ

টাকা পেলেই দোব ।

শ্রীশতীশচন্দ্র ষটক

মোকদ্দা

আহা—যেন কত টাকাই পাবেন । হাজার বৈ ত নয় ।
আমার অমন সোনার চাঁদ ছেলেকে হাজার টাকায় ছাড়বে ?

নিবারণ

সাধে ছাড়ি—তোমার সোনার চাঁদ যে রূপোর চাঁদের
মর্ম্ম বোঝেন না । কলকাতায় ব'সে আমার টাকায় পড়চেন
—আর আমাকেই লিখচেন পণ না নেওয়া হয় । এ যা
নিচ্ছি তাঁকে লুকিয়ে ।

মোকদ্দা

তা লুকিয়েই আর কিছু নাও না ।

নিবারণ

বেশী নিলে কি আর লুকোনো থাকবে ?

মোকদ্দা

থাকবে, থাকবে—তুমি মহেক্সকেই আর একটু চাপ
দাও ।

নিবারণ

দোব ? নাঃ, আর চাপ দিলে ভেঙ্গেও যেতে পারে ।

মোকদ্দা

কেন ভেঙ্গে যাবে ? যে হাজার দিতে পারে সে দেড়
হাজার দিতে পারে না ?

নিবারণ

কথা পাল্টাই কি ক'রে ?

মোকদ্দা

আজ, যেন ধর্ম্মরাজ যুধিষ্ঠির !

নিবারণ

দেখো, যুধিষ্ঠির যুধিষ্ঠির আমার বোল না । আমি ভীম ।
আমি রাগলে লোক কাঁপে । আমি দয়ামায়ার ধার ধারি না ।

মোকদ্দা

আবার রাগ ! যা খুসী তাই করো । আমার কথা না
শুনলে কানে—মোণ্ডার পাক ম'রে আসবে ।

নিবারণ

এঁা ! তুমি স্ত্রী হ'য়ে গালাগালি দিচ্ছো ?

মোকদ্দা

কোথায় গালাগালি দিলুম ? বুদ্ধির ঢেঁকি !

নিবারণ

এই তো গালাগালি দিচ্ছো ! আমার বুদ্ধি নেই তো
আছে কার ?

মোকদ্দা

আমার । আমার বুদ্ধি নিলে এই একতালার উপর
এাদিন তেতলা উঠতো ।

নিবারণ

ও তেতলা একতলা সমান । দালান কোঠা তো ।
গাঁয়ের মধ্যে কেউ দিয়েচে ?

মোকদ্দা

গাঁয়ের মধ্যে না দিক্—পাশের গাঁয়ে দিচ্ছে । সে
তোমারি গোমস্তা ছিল । সেদিন গাঙ্গে নাইতে গিয়ে দেখি ছাদ
পিট্চে—মনে হ'ল ছাদ তো পিট্চে না, আমার বুক পিট্চে ।

(চোখে আঁচল দিলেন)

নিবারণ

আরে আরে কাঁদো কেন ? কেশব তো ? তাকে আমি
দেখে নিচ্ছি । গিন্নী, ও গিন্নী !—কি মুন্সিগ ! তার ঐ বাড়ী
যদি না ক্রোক ক'রে নিলাম করিয়ে ছাড়ি—

মোকদ্দা

থাক্ থাক্, দরদ দেখেছি । নিলেম করাবেন ! কেন ?
আমার কথার দাম কি ? আমার কথার যদি দাম থাকতো,
মহেক্সকে আর একটু চাপ দিতে । দেবে কেন ? আমি যে পর ।

(চোখে আঁচল দিলেন)

নিবারণ

আরে আরে—ও গিন্নী !—তাই হবে—দোব আর
একটু চাপ—

(মোকদ্দার হাত ধরলেন)

মহেক্স (নেপথ্যে)


নিবারণ দা, বাড়ী আছো ? নিবারণ দা !

নিবারণ

(মোকদ্দার প্রতি) মহেক্স ! (টেঁচিয়ে) কে, মহেক্স ?
এসো । (মোকদ্দার প্রতি) যাও, যাও ।

মোকদ্দা

মনে থাকে যেন ।



(মোক্ষদার প্রস্থান ও মহেন্দ্রের প্রবেশ)

নিবারণ

তারপর, ব্যাপার কি তোমার ? সেই ব'লে গেলে টাকার জোগাড় করছি, আর একমাসের মধ্যে দেখা নেই ! হয়েছে জোগাড় ?

মহেন্দ্র

হ্যাঁ—তা একরকম—

নিবারণ

একরকম কি রকম ? জানো, তোমার ভরসায় আমি অনেক ভালো সম্বন্ধ হাতছাড়া করেছি—

মহেন্দ্র

জানি আর কৈ ? জানলুম, কিন্তু—

নিবারণ

তোমার কিন্তু পরে হবে, আগে আমার কিন্তু শোন । ও হাজার টাকায় হবে না, আরো পাঁচশো চাই—কেননা যে খাড়া মেয়ে, লোকে নিন্দ করচে । বোর, পারেন ? আর না পারো ত আমি অগ্র জায়গায়—

মহেন্দ্র

তুমি দাদা, অগ্র জায়গাতেই দেখো ।

নিবারণ

কেন কি হলো ? একের উপর আধ বৈ ত নয় । এর চেয়ে সস্তা আর কোথাও পাবে ?

মহেন্দ্র

না, সে জন্তে নয়—একও যা আধও তাই—গুরু রূপায় সে এক রকম পারতুম, কিন্তু—

নিবারণ

আবার কিন্তু কি ?

মহেন্দ্র

আছে একটু কিন্তু, যদি অভয় দেও তো বলি ।

নিবারণ

আঃ ! কি ছেলেমানুষী—বলো ।

মহেন্দ্র

লোকে খাণ্ডী দেখেই মেয়ে দেয়—তা তিনিই যখন—

নিবারণ

কি তিনি ?

মহেন্দ্র

মানুষ ন'ন, সাপ—

নিবারণ

সাপ ! তুমি এত বড় কথা বলো ?

মহেন্দ্র

আমি কেন বলবো ? আমি কি জানি ? আমার গুরুদেব বলেছেন ।

নিবারণ

তোমার গুরুদেবের আমি ভুল চেটে খাই ।

মহেন্দ্র

ছি ছি দাদা, ওকথা বোল না, তিনি মহাপুরুষ, সিদ্ধ ।

নিবারণ

সিদ্ধ ! তাকে ভাজবো ।

মহেন্দ্র

জানি তুমি রাগবে ।

নিবারণ

রাগবো না ? বুজরুকীর আর জায়গা পাওনি ?

মহেন্দ্র

কি বলে দাদা, বুজরুকি ? এই কথাটি তাঁর মুখ দিয়েও বেরিয়েছিল । বলেন—“কি রে ব্যাটা, বুজরুকি ভাবছিস ? আচ্ছা নিয়ে যা এই চস্মা—এই দিয়ে দেখলেই বুঝবি” ।

নিবারণ

চস্মা ! কিসের চস্মা ?--দেখি ।

(মহেন্দ্র চস্মা বের করে নিবারণের হাতে দিলেন)

নিবারণ

হাঃ, একখানা লোহার বাঁটের চস্মা, আর বলে কিনা আমার স্ত্রী সাপ । এ চস্মা যদি না গুঁড়ো করি—

(আচ্ছাড় মেরে চস্মা গুঁড়ো করতে গেলেন)

মহেন্দ্র

করো কি করো কি দাদা !—গুঁড়ো করলে যে আর দেখতে পাবে না ।

ত্রিশতীশচন্দ্র ঘটক

নিবারণ

বটে ? আচ্ছা দেখ্চি । ওগো একবার এইদিকে এস তো ।
তারপর একে তো গুঁড়ো করবোই—তোমার গুরুকে স্কন্ধ—

মহেন্দ্র

আমি তা হ'লে একটু বাইরে যাই ।

নিবারণ

না, না, তোমার সামনেই আস্‌ন্—তুমিও দেখো ।
সাপ ! ও গো আস্‌চো ? এখানে শুধু মহেন্দ্র আছে ।

(লম্বা ঘোমটা দিয়ে মোক্ষদার প্রবেশ । নিবারণ চোখে চসমা দিয়েই
ভয়ানক মুগ্ধস্বপ্নের সঙ্গে পিছনে হেলে পড়লেন । তাড়াতাড়ি
চসমা খুলে কল্পিত স্বপ্নে)

যাও—যাও ।

(মোক্ষদার প্রস্থান)

মহেন্দ্র

(নিবারণের হাত থেকে চসমা নিয়ে) কি দেখ্লে ?
আমি দেখলুম না যে ।

নিবারণ

আর দেখতে হবে না । ওরে বাপ্‌রে ।

মহেন্দ্র

তা হ'লে সাপই ?

নিবারণ

নয়তো কি মানুষ ? আস্ত কেউটে—এই ফণা তুলে
ডলচে—ওরে বাপ্‌রে ।

মহেন্দ্র

এঃ, কেনই দেখালুম ? না জানতে সে ছিল ভাল ।

নিবারণ

ওরে বাপ্‌রে, সে কি কথা ? এখন তবু সাবধান হ'তে
পারো । চোখে না দেখ্লে বুঝতুম কিসে ?

মহেন্দ্র

আচ্ছা দাদা, এখন আসি—

নিবারণ

আসবে ? তাইতো মহেন্দ্র, এখন উপায় ?

মহেন্দ্র

দেখতে পারি গুরুদেবকে ব'লে, যদি কোন ক্রিয়া টি যা
ক'রে মানুষ ক'রে দিতে পারেন ।

নিবারণ

(মহেন্দ্রের হাত ধ'রে) দেখো ভাই দেখো, সিদ্ধ পুরুষ
তো । একটু হাতে পায়ে ধ'রে, বুঝলে কিনা—

মহেন্দ্র

সে আমায় বলতে হবে না, আসি ।

(মহেন্দ্রের প্রস্থান)

নিবারণ

একটি ছোবল মারলেই তো গেছি । কি ভাগিয়া, এতদিন
ছেড়ে কথা কইচে । জানতে দেওয়া হবে না । যদি
বুঝতে পারে আমি টের পেয়েছি—সেই রাতেই—(জান্‌লা
দিয়ে বাইরের দিকে চেয়ে) ঐ একটা সাপুড়ে মাগী যাচ্ছে
না ? এই মাল-বৌ—এই !

(হাতছানি দিয়ে ডাকলেন)

ওরা ত সাপ নিয়ে ঘর করে । এখন এই সব চেষ্টাই
করতে হবে ।

(নাথায় তিন চারটে ঝাঁপি নিয়ে সাপুড়েনীর প্রবেশ)

সাপুড়েনী

খেলা দেখবে বাপু ? তাজা সাপ আছে ।

নিবারণ

আর তাজা—যে তাজা দেখেছি !

সাপুড়েনী

কি দেখেচো বাবু—এমন কখনো দেখোনি—

গান

ওমা—মাগো !

ঝাঁপির মধ্যে কেউটা গোখুর

ফোঁপায় সারাদিন,

একটি টোকা দিলে পরেই

ছোবল মারে তিন ।

ওমা—মাগো !

ভুঁই ছুঁয়ে রয় ডগটি লেজের

হাওয়ায় দোলে গা,

ঢাকনি খুলেই মুখের পরে

খেলাই সরাটা

ওমা—মাগো !



জাতার মতো সানকী সাপের

ছুই মুখে যে বিব,
রাজসাপে দেয় থেকে থেকে
বড়ই মিঠে শিস।
ওমা—মাগো!

সবুজ সরু লাউডগা সাপ

দেখলে ভোলে লোক,
বেত-আঁচড়া লাফিয়ে পড়ে
খুলে নে যায় চোপ।
ওমা—মাগো!

চামুনা সাপের ঢং কে বোঝে ?

ঘরবুনী ঘর ঘর,
আরালশাঁকার বাকুনিতে
গা কাঁপে ধর ধর।
ওমা—মাগো!

নিম্ন বিশেষে পচিয়ে মারে

চিতি আর বোড়া,
বিশ হারিয়ে কেবল জলে
নেবেছে চোঁড়া।
ওমা—মাগো!

এইবার বের করি ?

(ঝাঁপি পুলতে গেল)

নিবারণ

থাক থাক—আর বের করতে হবে না—তুই সাপের
ওষুধ জানিস ?

সাপুড়েনী

জানি বৈকি বাবু—নৈলে সাপ খেলাতে পারি ?—কি
সাপের ওষুধ ?

নিবারণ

কেউটে সাপ—

সাপুড়েনী

কত বড় কেউটে ?

নিবারণ

খুব বড়—ঐ ঝাখ—ঐ ঘুরে বেড়াচ্ছে।

সাপুড়েনী

ও ত মানুষ বাবু।

নিবারণ

চুপ—চুপ—ঐ সাপ।

সাপুড়েনী

ওই সাপ ! ও সাপ নয় বাবু, নাগিনী—ওরে বাপু
ওর ওষুধ নেই।

(তাড়াতাড়ি ঝাঁপি নিয়ে প্রস্থান)

নিবারণ

বলে কি ? ওষুধ নেই—কি ভয়ঙ্কর !

(মোক্ষদার প্রবেশ)

মোক্ষদা

মহেন্দ্র চ'লে গেছে ?

নিবারণ

(পিছিয়ে গিয়ে) আন্তিকশ মুনেমাতা—

মোক্ষদা

(এগিয়ে গিয়ে) আমি আরো ভাবছি সে রয়েছে—
নৈলে সাপুড়ের গান শুন্তে আসি না ?

নিবারণ

ও বাব্বা ! (পিছিয়ে গিয়ে) ভগ্নি বাসুকেশুখা।

মোক্ষদা

(এগিয়ে গিয়ে) তা তার সামনে আমাকে ডেকেছিলে
কেন ?

নিবারণ

(পিছিয়ে গিয়ে) জরৎকার মুনেঃ পত্নী।

মোক্ষদা

(এগিয়ে গিয়ে) কি বিড় বিড় করচো ?—খুলে
বলো না।

নিবারণ

(পিছিয়ে গিয়ে) মনসা দেবী নমোহস্ততে।

মোক্ষদা

বা রে, কেবলই যে পিছিয়ে যাচ্ছে !

নিবারণ :

গিন্নী, দোহাই তোমার—কত সময় কত বকেছি—
আমার উপর ঘেন রাগ টাগ রেখোনা।

শ্রীসতীশচন্দ্র ষটক

মোকদ্দা

এ আবার কি ঢং ! বলি মহেন্দ্র কি বল্লে ?

নিবারণ

মহেন্দ্র ? কি বল্লে ?

মোকদ্দা

হাঁ, হাঁ—দেবে দেড় হাজার ?

নিবারণ

বল্লে---চেষ্টা ক'রে দেখ্বে।

মোকদ্দা

আর কবে দেখ্বে?—একটা হেস্ট নেস্ট ক'রে নিতে হয়।

নিবারণ

হেস্ট নেস্ট ! হাঁ, একটা করতেই হবে।

মোকদ্দা

নাঃ, তুমি মোটেই কান দিচ্চোনা। কি ভাব্চো?—

আচ্ছা, এখন জল খাবে এসো।

নিবারণ

জল খাবো ! জলই খাবো। আমার ক্ষিদে নেই মোটেই।

মোকদ্দা

এ কথা আগে বলনি কেন, লুচি ভাজবার আগে ?

নিবারণ

তখন তো ক্ষিদে ছিল।

মোকদ্দা

তখন ছিল আর এখন নেই ! আমায় রাগিওনা বল্চি—এসো।

নিবারণ

না, না, রাগাবো কেন ? যাচ্ছি।

৪র্থ দৃশ্য

বাগবাড়-ঘেরা পুকুর। পুকুরের সিঁড়িতে কলসী রেখে মলিনা
(উপবিষ্ট)

মলিনা

এখন গা ধুতে আসি তখনই একটু জুড়োই। ঘরে

থাকলে দম বন্ধ হ'য়ে আসে। উঃ, বাপ মাকে কষ্ট দেবার
জন্তেই আমি জন্মেছিলুম।কেন ? নাই বা হলো আমার বিয়ে। ঐ যে বাঁশগুলো
হাওয়ার তুল্চে—কেমন সুখী ওরা—মা'র কোলে বড় হচ্ছে,
সকলের সঙ্গে সকলের জড়াগড়ি ! কেউ তো এক ঝাড়ের
একটাকে তুলে নিয়ে আর এক ঝাড়ে পৌঁতে না—আর
ঐ যে হলদে পাখীটা ডালে ডালে উড়ে বেড়াচ্ছে ওই বা
কতই সুখী—ওদের মধ্যেও বিয়ে নেই, ওরাও বাপমাকে
কাঁদায় না।

গান

চায় শুধু মন

একেলা কাঁদিব আমি সবার কাঁদন।

বাতাসে কাঁদিব আমি বাঁশের শাখায়

করি হায় হায়,

ঘন বরষায়

দীঘিজলে অঁখিজল করিব মোচন।

ফিরিব ঘুঘুর সুরে কেঁদে ফুলে ফুলে

আকাশের কূলে,

আর প্রাণ খুলে

ছড়াবো চাতক-ডাকে আকুল বেদন।

সকলের কান্না কেড়ে নিয়ে নিজে কাঁদতে পারতুম !
আর নয়, সকলে হাসুক, আমিও হাসি—যেমন দিন হাসলে
ফুল হাসে, থোকা হাসলে মা হাসে। সে কি ক'রে হয় ?
কে আমার মা বাপকে হাসাতে পারে ? স্বামী, স্বামী, তুমি
আমার আছো ? যদি থাকো—শুনেছি তোমার চেয়ে কেউ
ভালবাসতে পারে না—এসো, শীগ্গির এসে আমার নাও—
আমার মা বাপের মুখে হাসি ফুটুক—আর যদি দেবী করো,
নিশ্চয় আমার পাবেনা—এই দীঘির কালো জলেই—

(চোখে অঁচল দিলে)

৫ম দৃশ্য

অশুঃপুরের বাগান্দা। বাগান্দার সঙ্গে ঠাকুর-ঘর সংলগ্ন

মোকদ্দার প্রবেশ

মোকদ্দা

সকাল থেকে মাগীর দেখাই নেই—সগড়ী বাসন উঠোনে

গড়াগড়ি দিচ্ছে—কাকে ডাওয়া-ডোয়ি করচে—ছড়া-ঝাঁট



পর্যন্ত পড়লো না—হতভাগী গেল কোথায়? ওরে, ও মুক্তো!

নেপথ্যে

যাই গো মা, যাই—

মোক্ষদা

হিজলতলায় যাও!

(মুক্তকেশীর প্রবেশ)

বলি হাঁগারে মুক্তো, চেষ্টিয়ে গলা ফাটাচ্চি, তুই কোন্ চুলোয় ছিলি?

মুক্তকেশী

(হেসে) ও বাড়ীর পরাণেকে দিয়ে কানের খোল দেখাচ্ছলুম—

মোক্ষদা

মরণ আর কি! খোল দেখাচ্ছিলেন।—ঘরের কন্না করবে কে?

মুক্তকেশী

(হেসে) এই তো করতে যাই।

(প্রস্থানোত্ত)

মোক্ষদা

আর হ্যাঁ লা, কাল কর্তার বিছানা নিয়ে সদর ঘরে পেড়েছিলি কেন?

মুক্তকেশী

(হেসে) আমি কি করবো? বাবু যে বলেছিলো।

মোক্ষদা

বলেছিলো! আমাকে জানাস নি কেন লা?

(ফুলের সাজি ও একছড়া কলা নিয়ে নিবারণের প্রবেশ)

নিবারণ

(ধমকে দাঁড়িয়ে) কে, গিন্নী! আমি এই পূজোর ঘরে যাচ্ছি।

মোক্ষদা

কেন, পূজোর ঘরে আবার কি? সাতজন্মে ত ও পাঠ নেই।

নিবারণ

এঁা—না, আমি নয়। ভট্‌চাষি এসে একটা পূজা করবেন।

মোক্ষদা

হঠাৎ আবার কিসের পূজো? আর পূজো ত করাচো, কাল বাইরের ঘরে শোওয়া হয়েছিল কেন?

নিবারণ

কাল ওর নাম কি—তোমার ঘরে যে ছারপোকা—

মোক্ষদা

তা বল্লেই ত হতো। চৌকি বের ক'রে দিয়ে মেঝেয় বিছানা ক'রে দিতুম। যা মুক্তো, বিছানাগুলো খরে নিয়ে আয়।

(মুক্তকেশীর প্রস্থান)

ছি, ছি—খেয়ে দেয়ে ঘরে ঢুকে দেখি মানুষও নেই বিছানাও নেই, আর আমি যে সদর ঘরে যাবো তার পথটি রাখোনি—চারিদিক এঁটে সোঁটে বন্ধ করেছ। কি হয়েছে তোমার। নরদামা পর্যন্ত কাদা দিয়ে বুজিয়েছিলে?

নিবারণ

(স্বগত) ও বাবা! তা হ'লে নরদামাও খুঁজোছিল। তবে ত কাল ঠিক দফা সারতো।

মোক্ষদা

কি গো, চুপ ক'রে রইলে যে? বলি মুখ দিয়ে কথা বেরোয় না কেন?

(পুরোহিতের প্রবেশ)

পুরোহিত

এই যে কর্তা গিন্নী দুজনাই আছেন। তারপর কি পূজার সংকল্প করচেন?

নিবারণ

শুনুন না এই দিকে—

পুরোহিত

বলেন, বলেন, আমার বধিরতা মশ্রুতি কম।

নিবারণ

(স্বগত) ইসারাও বোঝে না—

মোক্ষদা

বল না গো, কিসের পূজো করাবে।

নিবারণ

কিসের ? এই ওর নাম কি—সেদিন স্বপ্ন দেখেছিলুম
কিনা—যেন বিষহরীর অর্থাৎ কিনা মনসাদেবীর পূজো
করিচি—তাই—তাই—

মোক্ষদা

মনসার পূজো ! তা মনসা একটা ফেলনা দেবী নাকি ?
তা ক'রে পূজো করলেই হল ?

নিবারণ

(স্বগত) ও বাব্বা ! ফোঁস ক'রে উঠেচে। মনসার
চেনা না হ'য়ে যায় না।

মোক্ষদা

দাও, দাও—পূজোর জো আমিই ক'রে দিচ্ছি

(নিবারণের হাত থেকে সাজি ও কলা নিতে গেলেন)

নিবারণ

(সভয়ে স'রে দাঁড়িয়ে) তুমি আর কেন ছোঁয়াগাঠা—
তুমি আর কেন কষ্ট করবে ?

পুরোহিত

থান্ থান্, আমিই কইর্যা লচ্ছি।

(নিবারণ কল্পিত হাতে সাজি ও কলা পুরোহিতের
হাতে দিয়ে প্রহানোত্ত)

মোক্ষদা

(নিবারণের প্রতি) শোন, একটা কথা আছে।

নিবারণ

বল না।

মোক্ষদা

এইদিকে এসো না, কানে কানে বলি।

নিবারণ

(স্বগত) আস্তিকস্ত মুনের্মাতা।

মোক্ষদা

এসোনা। আমি কি সাপ, যে ছোবল মারব ?

নিবারণ

(স্বগত) ও বাব্বা। ভয়ী বাসুকেশুথা—

মোক্ষদা

তবে যাও—আর শুনে কাজ নেই। কি যে তোমার
হয়েচে জানি নে !

পুরোহিত

এই নি পূজার গর ?

মোক্ষদা

হ্যাঁ হ্যাঁ, ভিতরে যান্।

পুরোহিত

একটু পা ছইবার জল—

মোক্ষদা

ওই যে ষটিতেই আছে—কি, দাড়ান্ আমি দিচ্ছি।

(পুরোহিতের কাছে গিয়ে ষটির জল পায়ে ঢেলে দিলেন—পরে
পুরোহিতের পিছনে পিছনে ঠাকুর ঘরে ঢুকলেন)

নিবারণ

কাছে যেতেও গা কাঁপে, আবার কাছে না গেলেও
চটে। কি যে করি !

(নিবারণের প্রস্থান। মোক্ষদা ঠাকুর ঘর হ'তে বেরিয়ে এলেন)

মোক্ষদা

নিজে আসন পেতেছে। নিজে চন্দন ঘষেচে। নিজে
নৈবিত্তি সাজিয়েছে। আমাকে বলেও নি—পাছে আমার
কষ্ট হয়। তায় ভালো, কেবল হঠাৎ যেন একটু কেমন
কেমন হয়ে উঠেছে।

(সরযুর প্রবেশ)

কি গো সরযু যে, কি মনে ক'রে ? বড়লোক ব'লে তো
গরীবের বাড়ী মাড়াও না।

সরযু

একটা কথা বলতে এলুম—

মোক্ষদা

কি কথা ?

সরযু

কিছু মনে না কর তো বলি।



মোকদ্দা

বলো, বলো, আর ভণিতের কাজ নেই।

সরযু

বড়ই ইচ্ছে ছিল তোমার সঙ্গে বেয়ান পাতাই—তা
ভগবান হ'তে দিলেন না।

(বাটি হাতে মুক্তকেশীর প্রবেশ)

মুক্তকেশী

মা, কইগো মা !

মোকদ্দা

কি লা ?

মুক্তকেশী

ধরো ধরো, বড তপ্ত—

(মোকদ্দার হাতে বাটি দিলে)

মোকদ্দা

হুধ কলা ! যা ঐ ঘরে দিয়ে আয়।

মুক্তকেশী

ঘরে দোব কেন ? আপনি থাকে যে।

মোকদ্দা

আমি থাকো !

(সরযু মুখ ফিরিয়ে হাসতে লাগলেন)

মুক্তকেশী

হ্যা গো হ্যাঁ—বাবু বলেচে।

মোকদ্দা

বাবু কি ক্লেপেচে নাকি ?

(নিবারণের প্রবেশ। সরযু ঘোমটা টেনে ঠাকুরঘরে ঢুকে পড়লেন)

নিবারণ

খাও, খাও, ওতে তোমার উপকার হবে।

মোকদ্দা

কেন, আমার হয়েছে কি ?

নিবারণ

হয়নি কিছু, তবে খেতে ভালবাসো কিনা,—

মোকদ্দা

ভালবাসি !

নিবারণ

অর্থাৎ কিনা—ওর নাম কি—খেলে মেজাজ ঠাণ্ডা
থাকবে।

মোকদ্দা

যাও, যাও—আদিখোতা। একটা কথা বলতে গেলুম,
শোনা হলনা—মেজাজ ঠাণ্ডা থাকবে !

(সজোরে দুধের বাটি নিবারণের দিকে সরিয়ে দিলেন)

নিবারণ

দোহাই গিন্নী রেগোনা—এখন না খাও, একটু পরে
খেয়ো—মোকদ্দা একটা কথা বল্চি কি—

মোকদ্দা

আঃ, বলোনা কি বলবে—কেউ দেখা করতে এলেই
যত কথা।

নিবারণ

বল্চি কি, তুমি মাঝে মাঝে নখ কামড়াও না ?

মোকদ্দা

কামড়াই তো।—কি হয়েছে ?

নিবারণ

কামড়াতে ইচ্ছে করে বুঝি ?

মোকদ্দা

করে—করে। নখ তো ভাল, তোমার ব্যাভারে গা
কামড়াতে ইচ্ছে করে।

নিবারণ

(স্বগত) ও বাব্বা ! কার গা ? (প্রকাণ্ডে) দেখো,
ডাক্তারী বইতে লিখ্চে ও একটা রোগ।

মোকদ্দা

রোগ না আরো কিছু—ও আমার স্বভাব।

নিবারণ

(স্বগত) স্বভাব !—ঠিক বলেচে (প্রকাণ্ডে) তা ও
স্বভাব সেরে যায় যদি একটা কাজ করতে দাও। (পকেট
থেকে সাঁড়ানী বের ক'রে) তুমি চোখ বুজে হাঁ ক'রে থাকো।

আমি চট্ ক'রে তোমার বিষদাঁত, অর্থাৎ কিনা কুকুরে দাঁত
ওটো টেনে তুলি—অর্থাৎ কিনা মুক্তাকে দিয়ে টেনে
তালাই।

মোকদ্দা

ওমা, সো এক কথা! কাঁচা দাঁত ওপড়াবে কি?

নিবারণ

তুমি টেরও পাবে না।

মোকদ্দা

যাও, যাও, আর রক্ত করতে হবে না। এর উত্তর রাতে
দেব।

নিবারণ

এই সেরেচে!

(ক্রতপদে প্রস্থান)

মোকদ্দা

এস গো সরযু, এসো।

(সরযু ঠাকুরঘর থেকে বেরিয়ে মোকদ্দার কাছে এসে
বসলেন) হাঁ কি বলছিলে? দেড় হাজার দিতে পারবে না?

সরযু

না, না, তা বলবো কেন? গুরুর কৃপায় তা এক রকম
পারতুম, কিন্তু জেনে শুনে বাঘ-খশুরের ঘরে মেয়ে দিই
কি ক'রে?

মোকদ্দা

বাঘ-খশুর! পুরুষ মানুষ তো বাঘই হবে।

সরযু

সে বাঘ নয় দিদি, সে বাঘ নয়, সত্যিকারের বাঘ।

মোকদ্দা

আ মর্ মুখপুড়ী, ছোটলোকের মেয়ে—বাড়ী বয়ে
এসচেন যা নয় তাই শোনাতে।

সরযু

শোনাতে আসবো কেন দেখাতেই এসেছি। দেখে
এসোনা এই চন্মা পরে। কাল উনি এসে দেখে গেছেন।

(মোকদ্দাকে চন্মা দেখালেন)

মোকদ্দা

এঁা, এ কিসের চন্মা?

সরযু

কিসের কি জানি, গুরুদেব দিয়েছেন—সিদ্ধ পুরুষ তো।
বল্লেন কার ঘরে মেয়ে দিচ্ছি? একদিন গপ্ ক'রে মেয়ে-
টাকে গিলবে!

মোকদ্দা

ওমা, কি অনাসৃষ্টির কথা!

সরযু

অনাসৃষ্টি কেন? এ তো সবাই জানে। সুঁদরবনের
ছ'চারটে বাঘ মানুষ হ'য়ে নেই? কেউ কি চিন্তে পারে?

মোকদ্দা

ওমা শুন্লেও গা কাঁপে—তাখু, এ সব ত্যাকরা
করিস্ বাড়ীতে গিয়ে। স'রে পড়্ বল্চি।

সরযু

বটে! আচ্ছা। তা হ'লে বাঘের সঙ্গেই ঘর করো।

(উঠে চলেন)

মোকদ্দা

ধোঁকা লাগিয়ে দিলে। হোক মিথো, একবার দেখতে
দোষ কি? ওলো ও সরযু!

সরযু

আবার কেন?

মোকদ্দা

দে, চন্মাখান্—দেখেই আসি।

সরযু

হাঁ দেখতে গিয়ে একটা কাণ্ড বাধাও আর কি—যদি
টের পান যে সন্দ করেছ—

মোকদ্দা

কি তা হ'লে?

সরযু

তা হ'লে অমনি নিজমুষ্টি—

মোকদ্দা

দূর—দূর, কথার ছিরি দেখনা—যেন সত্যিই বাঘ—দে,
না হয় লুকিয়েই দেখচি।



সরযু

(মোকদ্দার হাতে চসমা দিয়ে) তাই দেখো—ঐ আসছেন।

(নিবারণের প্রবেশ; নিবারণ হন্ হন্ ক'রে ঠাকুরঘর পর্য্যন্ত গিয়ে দাঁড়ালেন)

নিবারণ

সব পেয়েছেন তো ?

পুরোহিত

হ, পাইচি—তিল, ঢুকা, আতপ চাউল।

সরযু

দেখো—দেখো—এই বেলা দেখো।

মোকদ্দা

(চোখে চসমা দিয়ে)--ও—মা—গো!--(তাড়াতাড়ি চসমা খুলে সরযুর হাতে দিয়ে বিস্ফারিতনেত্রে হাঁপাতে লাগলেন)

পুরোহিত

ঢুকা, কদলী, মনসাপত্র—আর কিছুর দরকার নাই। আপনি স্বচ্ছন্দে যাইবার পারেন।

নিবারণ

খুব ভালো ক'রে পূজা করুন।

(নিবারণের প্রধান)

মোকদ্দা

কি করি ?—ও সরযু—সত্যিই যে—

সরযু

এখন হয়েছে বিশ্বাস ?

মোকদ্দা

হবেনা আবার ? মাথাতো নয় যেন ধামাটা—চোখতো নয় যেন আঙনের ভাঁটা—গা-মধ্য একহাত ক'রে ডোরা—তাইতো কি করি ?

সরযু

কি আর করবে ? দেখবো গুরুদেবকে ব'লে যদি শান্তি স্বস্তান ক'রে মানুষ ক'রে দিতে পারেন—

মোকদ্দা

(সরযুর পায়ে হাত দিয়ে) বোন,তোর পায়ে পড়ি—দেখিস্ তাই—তাই দেখিস্—

সরযু

সে আর বল্চো দিদি; এ ত শুধু তোমার বিপদ নয়, গাঁয়ের বিপদ—আসি।

(সরযুর প্রধান)

মোকদ্দা

তাই কাল থেকে কেমন কেমন। বোধ হয় নিজমুক্তি ধরতে আর দেয়ী নেই—ঠিক জিনিষটি না জুগিয়ে দিলেই—ওরে ও মুক্তো—!

(মুক্তকেশীর প্রবেশ)

কি গো মা, কি ?

মোকদ্দা

কাল মাংস এনেছিলি কোথেকে ?

মুক্তকেশী

কেন, ওপাড়া থেকে। ওপাড়ার ছেলেবাবু রোজ একটা ক'রে খাসী বলি ঝায় কিনা।

মোকদ্দা

চেয়ে এনেছিলি বুঝি ?

মুক্তকেশী

ওমা চেয়ে আনবো কেন ? বাবু যে কিন্তে পাঠিয়েছিল।

মোকদ্দা

(স্বগত) কিনতে পাঠিয়েছিল ? আঁতের টান—মাংসের নাড়ী—(প্রকাশে) হাঁলা, আজও আনতে পারবি ?

মুক্তকেশী

পারবোনি কেন ? ভাগা দিয়ে বেচে যে। একটা খাসীর কি কম মাংস গা। কত নিজেরা খাবে ? বললো রোজ আনতে পারি।

মোকদ্দা

রোজই আনিস্—আমি পরমা দোব।

মুক্তকেশী

তা এখনি দাও না—আমি বেলা না পড়তেই—



ঝরা ফুল



চৈত্র, ১৩৩৫

শিল্পী—শ্রীউপেন্দ্রনাথ ঘোষ
দস্তিদার

মোক্ষদা

দেব এখন । আগে এক কাজ কর । কর্তার বিছানা
কেন সদর ঘরে দিয়ে আয়—

মুক্তকেশী

ওমা, কেন গো !

মোক্ষদা

তোর সে গৌজে দরকার কি ? যা ।

(মুক্তকেশীর প্রস্থান)

ও পুরুতঠাকুর, পূজায় বসেচেন নাকি ?

পুরোহিত

হ, বসচি তো ।

মোক্ষদা

(পুরোহিতের কাছে গিয়ে) দেখুন, মনসাপূজা আর
করতে হবে না ।

পুরোহিত

করমু না !

মোক্ষদা

না, আপনি দক্ষিণরায়ের পূজা জানেন ?

পুরোহিত

দক্ষিণরায় ! সে কারে ক'ন ?

মোক্ষদা

ওই যে বাঘের দেবতা—

পুরোহিত

খ— বায়্রদেব—বুঝি ।

মোক্ষদা

জানেন তাঁর পূজা ?

পুরোহিত

(হেসে) জান্‌মুনা ক্যান ? মোগার সব জানতি হয় ।

মোক্ষদা

তবে দক্ষিণরায়ের পূজা করুন—আমি আস্‌চি—আর
ক'ন যদি আসেন ত বলবেন মনসাপূজাই করচেন ।

পুরোহিত

(হেসে) এই নি কথা ? বুঝি ।

মোক্ষদা

(স্বগত) কাল রাত্রে রাঁধতে পারিনি—সাঁতলে রেখেছি
—সেই আধকাঁচা মাংসই খানিকটা কাটিয়ে রাখি গে ।

(প্রস্থান)

পুরোহিত

তা হইলে দক্ষিণা দুইজনাই দিবেন । বালোইত ।
এক, পূজার মন্তর । তা ও মন্সারও যামন জানি,
বায়্রদেবেরও ত্যামন ।

(নিবারণের প্রবেশ)

নিবারণ

করচেন পূজা ?

পুরোহিত

অ কর্তা ! হ, করচি তো—‘মনসা দেবো নমোনিত্যাং
সর্পদেবো নমো নমঃ গোকুরাভ্যাং ভয়ঃ নাস্তি সচক্রো
ফণয়াধিতঃ’—দক্ষিণা আনেন, দক্ষিণাস্তুর বিলম্ব নাই ।

নিবারণ

হাঁ আন্‌চি ।

(নিবারণ দ্রুতবেগে বেরিয়ে যাচ্ছিলেন—এমন সময় মোক্ষদার
দ্রুতবেগে প্রবেশ । দুজনের মাথায় ঠেকোঠকি হয়ে গেল)

মোক্ষদা

(দু'চার পা পিছিয়ে, স্বগত) মামা, স্ত্র'দর বনের মামা !

নিবারণ

(দু'চার হাত পিছিয়ে, স্বগত) আন্তিকস্ত্র মুনের্গাতা—

মোক্ষদা

হঠাৎ লেগে গেছে, রাগ করো না ।

নিবারণ

তুমি রাগ করো না ।

মোক্ষদা

(স্বগত) গায়ের ঘেমো গন্ধ আজ শা'ল গন্ধের মত
ঠেকলো ।

নিবারণ

(স্বগত) দাঁত বসেনি তো ? মাথায় ছোবলালে আর
রক্ষে আছে ? (দূর দিয়ে পাশ কাটিয়ে) আমি আস্‌চি ।

(নিবারণের প্রস্থান)



মোক্ষদা

(পুরোহিতের কাছে গিয়ে) খুব মন দিয়ে পূজা করুন,
খুব ভালো ক'রে ।

পুরোহিত

অ, গিন্নীমা ! হ, করচি তো ।—বাঘায় নমঃ সুন্দর-
বনায় নমঃ—ওঁ হুম্ হালুম্ ফট্—ওঁ হলুদবর্ণায় কৃষ্ণডোরায়
লক্ষ্মলেক্ষায় নমঃ ।—এইবার দক্ষিণা আনেন—দক্ষিণাস্তের
সময় হইতে ।

মোক্ষদা

আনচি ।

(মোক্ষদার প্রস্থান, অপর দিক দিয়ে নিবারণের প্রবেশ)

নিবারণ

এই নিন্ দক্ষিণা ।

পুরোহিত

কর্তা নাকি ? ছান—দক্ষিণা বাক্য হর্তুকী দিয়াই
সারচি—এখন প্রণাম করেন—

“ধায়েন্নিতাং ফণেশং বিকটছিরিম্বতঃ
আশুগঙ্গাগটম্বং দস্তাকট অলজনাং
বক্রাভাবে চলন্তং গর্তীবাস করন্তং
ফোঁস ফোঁস গর্জ্জনায় লকলকজিহ্বায় নমঃ”

—ওঠেন, প্রসাদ লয়া যান ।

নিবারণ

(প্রসাদ মুখে দিয়ে) কালও আসবেন—কালও পূজা
করতে হবে ।

পুরোহিত

আগামী কলা ? উত্তম । যখন ধরচেন, প্রতাই
করেন ।

(নিবারণের প্রস্থান ; প্রবেশ অপর দিক দিয়ে মোক্ষদা)

মোক্ষদা

দক্ষিণা এনেছি ।

পুরোহিত

ছান—দক্ষিণাবাক্য সাইরা রাখচি—প্রণাম করেন ।

“বাহুদেব মহাদেব দেব দেব নমোহস্ততে,
গচ্ছ গচ্ছ দুরং গচ্ছ, রক্ষ রক্ষ গৃহং মম ।
ওঁ দস্তাঘাতবিদারিতারিষ্ণুধিরৈঃ
সিন্দুরগোলামুখং বন্দে
নৈশহতাহতং বনপতিং ভীতিপ্রদং ঘামদং ।”

প্রসাদ বক্ষণ করেন ।

মোক্ষদা

(প্রসাদ মুখে দিয়ে) কাল আবার আসবেন ।

পুরোহিত

উত্তম, উত্তম । (ট্যাঁকে টাকা গুঁজতে গুঁজতে)
বাহুদেব সকল দেবের উপর ।

মোক্ষদা

(ঠাকুরঘর থেকে বেরিয়ে) যাই, মাংসটুকু পাঠিয়ে
দিইগে—মাংস পেলে মুক্তোর হাতেও খাবেন ।

(মোক্ষদার প্রস্থান)

পুরোহিত

বড়ই বুদ্ধি কইরা সারচি । বাগা যে দুইজন একত্র
আইনা দারান্ নাই । কাল যদি দারান্ ? মিশ্রমন্ত্র
বানাইবার হইতে । এমন মন্ত্র যা এ্যাতেও লাগে, অতেও
লাগে ।

(পুরোহিতের প্রস্থান ; অপর দিক দিয়ে মুক্তকেশী
বাটী হস্তে প্রবেশ)

মোক্ষদা

(বাটী থেকে একখানা মাংস তুলে) বেশ লাগ্চে—
দেখি আর একখান্ চেখে । (মাংস মুখে দিয়ে)—মাঃ—
(মাংস খুঁজে) ওমা গিন্নীর কি আক্কেল গো—কখান্ মাংস
দিয়েছিল ? চাকতেই ফুরিয়ে গেল যে—আর তো সবই
দেখছি হাড়—এই হাড় নিয়ে গিয়ে দিয়ে আসবো ? ওমা
তাও কি হয় ?—তার চেয়ে এই জান্লা গলিয়ে ফেলে দিই ।
(ফেলে দিয়ে) কিন্তু গিন্নী যদি কর্তাকে জিজ্ঞেস করে
কেমন খেলে ? নাঃ, তা আর জিজ্ঞেস করবেনা—সে জিজ্ঞেস
করে ছোটলোকরা । আর কতা যে গিন্নীর জন্তে পোকলা
দিয়েছিল—তাও ত চাকতেই ফুরিয়ে গেছে—তা কি

শ্রীসতীশচন্দ্র ঘটক

করবে ? নিজে সাধলে খেলেনা, আবার আমাকে বলে, “যা
খাইয়ে আয়”। (হাত চেটে) আঃ গান গাইতে ইচ্ছে
করচে ।

গান

মাংস খেলে মাংস বাড়ে গায়ে বাঁধে বল,
কলা খেলে গলা ছাড়ে মুখে সরে জল ।
আবার, দুধ খেলে খাঁটি
হয় রং যে সোনাটি
বয় ভাটিতে চমকা উজান এপার ওপার তল ।

(নিবারণের প্রবেশ)

নিবারণ

হাঁরে মুক্তো—গিন্নীকে খাইয়েছিলি ?

মুক্তকেশী

হ্যা তো বাবু ।

নিবারণ

বেশী সাধতে হয়নি—নারে ?

মুক্তকেশী

না সাধতে হবে কেন ? দিতেই তুলে নিয়ে চৌ—

নিবারণ

বলিস্ কি, এক নিশ্বেসে—?

মুক্তকেশী

না, শেষ ক’রে তবে নিশ্বেস ফেললে—ফোঁস ।

নিবারণ

ফোঁস !—(স্বগত) ঠিক মিলছে ।

(নিবারণের দ্রুতবেগে প্রস্থান, প্রবেশ অপর দিক দিয়ে মোক্ষদা)

মোক্ষদা

হ্যা লা, কর্তাকে খাইয়েছিলি ?

মুক্তকেশী

হ্যা তো মা ।

মোক্ষদা

খাধসিদ্ধ বলে রাগ করেনি ত ?

মুক্তকেশী

রাগ করবে কেন! দিবি কচমচ ক’রে চিবিয়ে—

মোক্ষদা

বলিস কি—হাড়গুড় নাকি ?

মুক্তকেশী

এঁা হাড় !—হ্যা, তাও কড়মড় ক’রে—

মোক্ষদা

কড়মড় করে !—(স্বগত)—ঠিক মিলচে । (প্রকাশে)

এই নে আজ বেশী ক’রে মাংস আনিস ।

মুক্তকেশী

(টাকা নিয়ে হেসে স্বগত) টাকায় আট আনা
থাকবেই ।

(প্রস্থান)

মোক্ষদা

আধপেটা খাইয়ে ভাল করিনি । ঐ রে, ঐ আসচে—
মাংসের স্বদ পেয়ে—কি যেন কি করে—ও বাবা ! নীচু হয়ে
পা টিপে টিপে আসে কেন ? আজই সেরেচে—পালাবো ?
কোথায় পালাবো ? এক লাফে ধরবে—চোখে চোখে
চেয়ে থাকি— শুনেছি বাঘেরও চার চোখে লজ্জা ।(কটমট ক’রে চেয়ে রইলেন । নীচু হয়ে পা টিপে টিপে নিবারণের
প্রবেশ, হাতে একমুঠো ধূলা)

নিবারণ

(স্বগত) ঐ ত দাঁড়িয়ে । কোন রকমে এই ধূলা
মুঠো চোখে দিতে পারলে হয় । সাপ কাছিল ঐতেই—ও
বাবা ! চোখের পলক পড়েনা—ওদের ত পলক নেই—
নিজমূর্তি ধরে বুঝি । আর একটু এগিয়ে ছুড়ি (পা
টিপে টিপে এগোতে লাগলেন)

মোক্ষদা

তবু যে এগোয়—শুনেছি আগুন দেখলে পালায়—
আঁচলে ত দেশলাইটে আছে—(আঁচল থেকে দেশলাই ধুলে
কাঠি জ্বালতে লাগলেন)—তবু পালায় না যে—ছুড়ে মারি—

(জলন্ত কাঠি গায়ে ছুড়ে মারতে লাগলেন)



নিবারণ

আর কাছে নয় (মোক্ষদার চোখের দিকে ধুলো ছুড়ে মারলেন)—ফস্কে গেল যে—এইবার ত জাড়া করবে—এঁকে বেকে ছুটি—

(এঁকে বেকে এখার ওখার ছুটতে লাগলেন)

মোক্ষদা

আগুণের কাছে চালাকি ! (দেশলাইএর কাঠি জ্বালতে জ্বালতে নিবারণের পিছনে পিছনে ছুটতে লাগলেন)

নিবারণ

ও বাবা !—কে বলে এঁকতে বেকতে পারে না—চৌচা দৌড় দিই ।

(ছুটে প্রস্থান)

মোক্ষদা

পালিয়েচে ; আবার না আসে । চারপাশে ল্যাম্প জ্বালিয়ে ব'সে থাকি গে ।

(অপর দিক দিয়ে প্রস্থান)

— ০ —

৬ষ্ঠ দৃশ্য

একখানি বড় খোড়ো ঘরের দাওয়ায় মাত্র পেতে মহেন্দ্র বসে আছেন । হাতে ডাবা হুকো ।

মহেন্দ্র

(হুকোয় টান দিয়ে) কি মজাই এতক্ষণ বেঁধে গেছে । হুজনে হুজনকে দেখে আঁৎকাচ্ছে ।—ছুটে আমাদের কাছে আসতেই হবে ।

(পিছনের দরজা ঠেলে সরযুর প্রবেশ)

সরযু

ওগো, মোক্ষদা এসেচে ।

মহেন্দ্র

এসেচে নাকি ?—কোথায় বসিয়েছ ?

সরযু

ওই ওখরের দাওয়ায়—ঐ যে দেখতে পাচ্ছে না ?

মহেন্দ্র

হাঁ—হ্যাঁ বেশ করেছো । কি বলচে ?

সরযু

বলচে—আমার পায়ে মাথা খুঁড়ে মরবে যদি না গুরুদেবকে দিয়ে মানুষ ক'রে দিই ।

মহেন্দ্র

তুমি কি বললে ?

সরযু

বল্লুম—এইমাত্র তাঁর কাছ থেকে আসছি । তিনি স্বস্তোনে বসেচেন । যদি হবার হয় মানুষ হবেই ।

মহেন্দ্র

আঃ, এই সময় নিবারণ এসে পড়তো ।

সরযু

ঐ যে আসচে গো ।

মহেন্দ্র

আসচে নাকি ? যাও, চসমা নিয়ে যাও ।

(সরযুর হাতে চসমা দিলেন)

সরযু

বাঃ, বেশ কিনেছ । ঠিক সেই রকম ।

মহেন্দ্র

হাঁ, হ্যাঁ—শোনো । সে এসে বসলেই মোক্ষদাকে চোখে দিয়ে দেখাবে । তারপর এসে দাঁড়াবে এই দরজার আড়ালে । আমি চেয়ে নিয়ে নিবারণকেও দেখিয়ে দেবো । যাও যাও, এসে পড়লো ।

(সরযুর প্রস্থান)

গুরুদেব, সে আমার ছেলেবেলার বন্ধু, এক গায়ে বাড়ী—তাকে আমি দাদা বলে ডাকি । তোমার ত অসীম ক্ষমতা প্রভু । তোমার ক্রিয়া ত কখনো ব্যর্থ হয় না । তার স্ত্রীর সাপস্ব কি এখনো দূর হয় নি ? না হ'লে যে তার নিস্তার নেই প্রভু, সে যে অপঘাতে মরবে । (সহসা যেন নিবারণকে দেখে) ও কে, নিবারণ দা ! কতক্ষণ এসেছো ? উঠানে দাঁড়িয়ে কেন ? এসো, এসো বসবে এসে—তামাক খাও ।

শ্রীমতীশচন্দ্র ঘটক

(নিবারণ দাওয়ার উপর উঠে বসলেন, মহেন্দ্র তার হাতে হুকো দিলেন)

নিবারণ

মহেন্দ্র !—ভাই—আমি সব শুনেছি । তা হ'লে ক্রিয়া
কারয়েছ ?

মহেন্দ্র

করাবো না দাদা—তুমি তো শুধু দাদা নও, বেয়াই
পয়ান্ত হচ্ছিলে ।

নিবারণ

হচ্ছিলে কেন মহেন্দ্র, হবোই—কেবল যদি আমার স্ত্রীটি
মানুষ হয় ।

মহেন্দ্র

আশা করি হয়েছে, এখন তোমার অদৃষ্টে । ও কে ওই
দাওয়ায় ব'সে ! ঐ না বোঁঠান্ ! দেখো না দাদা ।

নিবারণ

হ্যা, তিনিই তো ।

মহেন্দ্র

তা হ'লে গিন্নীর সঙ্গে দেখা করতে এসেচেন—আহা বড্ড
ভাব দুজনে । ভেবেছিলেন দুজনে বেয়ান হবেন ।

নিবারণ

তা হবেনই, কেবল যদি—

মহেন্দ্র

মানুষ হ'ন ? আচ্ছা, হয়েছে কিনা তা তো দেখলেই
হয় । ওগো শুন্‌চো ? তুমি কি এই ঘরে আছো ? তোমার
দিদির জন্তে পান সাজচো ? আচ্ছা দুটো পান এখানেও দিয়ো
—আর সেই গুরুদেবের চসমাখানা বাক্স থেকে বের ক'রে
দাও তো

নিবারণ

(স্বগত) বুকটা ধড়াস্ ধড়াস্ করতে লাগলো যে ।

(দরজা ঝংক ক'রে সরয়, পানের ডিবে ও চসমা ছুঁড়ে দিলেন)

মহেন্দ্র

(ডিবে খুলে) খাও দাদা, পান খাও ।

নিবারণ

(চসমা তুলে নিয়ে) আগে দেখে নিই (কল্পিত হাতে
চসমা প'রে) আঃ বাঁচলুম । মানুষ—মহেন্দ্র—মানুষ !
তুমি আমার বাঁচালে !

মহেন্দ্র

ও কি কথা দাদা ? আমি বাঁচাবার কে ? সব গুরুর
রূপা । এখন গুরুর রূপায় মেয়েটিকে পার করতে পারলেই
বাঁচি ।

নিবারণ

মেয়েটিকে ! মহেন্দ্র, তুমি আমার যা করলে—এখন
মেয়েটিকে যদি ভিক্ষে দাও—

মহেন্দ্র

সে ত আমার সৌভাগ্য দাদা—তা ভিক্ষের সঙ্গে কত
দক্ষিণা দিতে হবে—দেড় হাজার বুঝি ?

নিবারণ

আর লজ্জা দিওনা মহেন্দ্র—একটি পয়সাও চাই না—
মা লক্ষ্মীকে এইখানে নিয়ে এসো, আমি এখনই আশীর্বাদ
ক'রে যাই ।

মহেন্দ্র

কিন্তু, বোঁঠান্ কি তাতে রাজী হবেন ?

নিবারণ

তার বাবা হবে । তুমি জানো মহেন্দ্র, আমি ভেড়া নই ।

মোকদ্দা

জানি বৈকি তুমি বাঘ ।

নিবারণ

এাই এাই—তাকে পাঠিয়ে দাও এইখানে—আর মা
লক্ষ্মীকে নিয়ে এসো ।

(মহেন্দ্রের প্রশ্ন)

নিবারণ

কি হবে ? গিন্নী নাকে কাঁদবেন ? কাঁহুন—আজ
আর শুন্‌চি না ।

(মোকদ্দার প্রবেশ)

মোকদ্দা

ওগো, আমার একটি কথা রাখতে হবে ।

নিবারণ

না, সে আমি পারবো না ।

মোকদ্দা

দেখো, আজ আমার বড় আফ্লাদের দিন—আজ আমার
কথাটি রাখো—



নিবারণ

কখনো না।

মোকদ্দা

ইস্—তোমাকে রাখতেই হবে। আমি বলেছি আমি খালি হাতে সরযুর মেয়েটিকে নোব।

নিবারণ

এঁা, এই কথা! তা তাই বলেই ত হতো।

মোকদ্দা

কিছু নিতে পার্কে না।

নিবারণ

ভালোরে ভালো—আমি বুঝি নিচ্ছি? আমি আরো ভাবছি তুমি ছাড়লে হয়।—যাক ভালোই হয়েছে—তা আহ্লাদের দিন বলছিলে কেন?

মোকদ্দা

সে আমি বলবো না—

নিবারণ

আমিও বলবোনা—আমারও আজ বড় আহ্লাদের দিন। আমার আজ মনে হচ্ছে—সে বলা যায় না।

মোকদ্দা

আমার আজ মনে হচ্ছে যেন কি হারানো ধন ফিরে পেলুম।

নিবারণ

ঐ—ঐ—আমারো ঐ মনে হচ্ছে।

(প্রবেশ আগে আগে মহেন্দ্র খালায় ধান ছুর্কে নিয়ে, পিছনে পিছনে সরযু মলিনার হাত ধরে—সরযুর হাতে শাঁখ)

মোকদ্দা

প্রণাম করো মা, প্রণাম করো—তোমার খণ্ডুর খাণ্ডী।

(মলিনা নিবারণ ও মোকদ্দাকে প্রণাম করে, তাঁদের সামনে বসলেন)

নিবারণ

কিছু তো নিয়ে আসিনি মহেন্দ্র—এই যা সঙ্গে আছে এই দিয়েই আশীর্বাদ করি (পকেট থেকে একটি হীরের

আংটি বের করে) গিন্নী কিছু মনে কোর না—তোমার জন্তে গড়িয়েছিলুম—

(মলিনার আঙুলে আংটি পরিয়ে দিয়ে মাথায় ধান ছুর্কে দিলেন—সরযু শাঁখ বাজালেন)

মোকদ্দা

তুমি জিতে যাবে ভাব্চো ?

(মলিনার মাথায় ধান ছুর্কে দিয়ে নিজের গলার হার খুলে মলিনার গলায় পরিয়ে দিলেন—সরযু শাঁখ বাজালেন)

নিবারণ

(উঠে দাঁড়িয়ে মহেন্দ্রকে আলিঙ্গন করে) বেয়াই—বেয়াই!

(মোকদ্দাও উঠে দাঁড়িয়ে সরযুকে আলিঙ্গন করলেন)

উজ্জ্বল দৃশ্য

রঞ্জিনীগণ

গান

আমরা মানুষ আমরা মানুষ সবাই বলিতো,
কিন্তু মানুষ নেইকো বেশী

তাই সেদিনও এক বিদেশী

দাঁপটি হাতে মানুষ গুঁজে পথটি চলিত।

মানুষ বলে লক্ষ দেবার নেই বটে কহুর,

আঁচড়ে তুলে দেখনা খোলস মূর্তিটা পশুর,

চক্চকে দাঁত, খরখরে নখ হয়নি গলিত।

লাজ ছেঁটেছে লোম ছেঁটেছে সভ্যতা-কাঁচি,

তাই তো মোরা হাত্ত করি হাত ধরে নাচি ;

কিন্তু আবার কাঁকটি পেলেই ঘাড় ভেঙ্গে কাঁচি,

(দিয়ে) কম্পিটিন নামটি করি ভাইকে দলিত।

মানুষ যদি বনবি তবে স্বার্থ কিছু ভোল।

পরের বাধা বুঝতে শিখে পরকে দে রে কোল ;

প্রাণের তারে তোলা রে প্রেমের হর হুললিত।

স্ববনিক

বাঙলার পল্লী-গানে বৌদ্ধ-সাধনা ও ইসলাম

আবদুল কাদের

একাদশ শতাব্দীর প্রথম ভাগে বাঙলার পাল-বংশীয় নৃপতিদিগের পতন এবং সেন-বংশীয়দের উত্থানের সঙ্গে সঙ্গে বৌদ্ধ-ধর্মের প্রকৃত পতন এবং ব্রাহ্মণ্য ধর্মের পুনরুত্থান আরম্ভ হয়। বাঙলার সামাজিক অবস্থা তখন অত্যন্ত বিশৃঙ্খল। ইতিপূর্বেই (খৃষ্টীয় অষ্টম শতাব্দীর প্রথমভাগে) কুমারিল ভট্ট এই বলিয়া বৌদ্ধ দিগকে সমূলে হত্যা করিবার আদেশ বা উশদেশ দিয়া গিয়াছিলেন যে, বৌদ্ধবধ যে না করিবে সে বধ্য। কুমারিলের পঞ্চ ব্রাহ্মণ-শিষ্য কাণ্ডকুজ হইতে বাঙলায় আনীত হইয়া তখন পুনরুত্থিত ব্রাহ্মণ্য ধর্মের বহুল প্রচারে তোলপাড় আরম্ভ করিয়াছে। বৌদ্ধরা ব্রাহ্মণ্য-ধর্মের তরঙ্গাঘাতে মোটেই স্থির থাকিতে পারিতেছেন না। বৌদ্ধ-যুগের তখন অন্তর্দ্বন্দ্ব অবস্থা; বহু শাখা প্রশাখা ও আগাছা তখন বাঙলা দেশে গজাইয়াছে। সেই “সকল মত ও সম্প্রদায় বৌদ্ধ-নামাক্ত হইলেও...বৌদ্ধ ধর্ম হইতে... দূরে সরিয়া পড়িয়াছিল।” (১) কৃষ্ণানন্দ পূর্ণানন্দ প্রমুখ বাঙলার তান্ত্রিকেরা ও তাহাদের শিষ্য প্রশিষ্যেরা তখন বৌদ্ধ গৃহস্থদিগকে তান্ত্রিকতার দিকে টানিতেছিল; পূর্ণানন্দ প্রচার করিয়াই বৌদ্ধ-দেব-দেবীর পূজার বিধি-বিধানাদি রচনা করিতেছিল। ধর্ম পূজার বা মানতের পূজার আদিগুরু ৮ রামাই পণ্ডিত চতুর্দিকের এবস্থিধ বিশৃঙ্খলায় কোনরকমে নিজেদের অস্তিত্ব বাঁচাইয়া রাখিবার জন্য তখন বাস্তব-সমস্ত হইয়া বৌদ্ধ ও হিন্দুর সমন্বয় সাধনের প্রয়াস করিয়া পশ্চিম বঙ্গে সঙ্কর্মের প্রচলন-প্রচেষ্টা করিতেছিলেন। তিনি সমস্ত দেবতাকে বাদ দিয়া এক ধর্ম অর্থাৎ সাক্ষাৎ বুদ্ধকে রাখিলেন; হিন্দু দেব দেবীকে তিনি অস্বীকার করিলেন না, বলিলেন :

“ব্রহ্মা বিষ্ণু মহেশ্বর আদি দেবগণে।
এক মনে স্তব করে দেব নিরঞ্জে ॥”

শিব বিষ্ণু প্রভৃতিকে তিনি বলিলেন—আবরণ-দেবতা; তিনি নিজেকেও আবরণ-দেবতার আসনে বসাইলেন। নিজের গুরুত্ব সম্বন্ধে তিনি স্পষ্ট করিয়া বলিলেন :

“কালযুগে পণ্ডিত রামাণ্ডি।

কলি যুগের ভাই গুন হে উপায় ॥” (২)

এই সব করিয়া পরোক ভাবে রামাই পণ্ডিত কুমারিল-শিষ্যদের কার্যে সাহায্যই করিলেন; তিনি ধর্ম ঠাকুরের কেতাব লিখিলেন; তাঁহার রচিত ছড়া সহযোগে ধর্ম ঠাকুরের পূজাপাঠ চলিতে লাগিল। ক্রমে ধর্ম ঠাকুরের পূজার স্বাতন্ত্র্য লুপ্ত করিবার মানসে ধর্মকে হিন্দু দেব দেবীর মধ্যে প্রতিষ্ঠিত করিয়া পূজা প্রদত্ত হইতে লাগিল, এইরূপে বুদ্ধের বিলোপ সাধন করিয়া ধর্মকে হিন্দুয়ানীতে নিমজ্জিত করিয়া দিবার প্রচেষ্টা চলিল। যে বৌদ্ধধর্ম প্রারম্ভে স্বীকার করিয়া লইয়াছিল :

“Not by birth the outcaste label

Not by birth the Brahmin know !

By actions only are we able

To judge a man or high or low.” (৩)

ব্রাহ্মণত্বকে সমূলে উচ্ছেদ করিয়া দিবার জন্য এ যাবৎ প্রাণপণ সংগ্রাম করিয়াছিল, সেই বৌদ্ধ ধর্মের নামের দোহাই দিয়া রামাই ব্রাহ্মণের সাফাই গাহিলেন; তিনি ধর্মকে দিয়া বলাইলেন :

“আমার ছয়ারে দ্বিজ ব্রাহ্মণের মানা নাঞি।

ব্রাহ্মণ সয়নে আছে, কিছু নাহি জানে।

ভুগু রামের নাথি মুঞি রাখাছি যতনে ॥

(২) ধর্ম পূজা বিধান পৃঃ ২২৬

৩) The Heart of Buddhism—Saunders, Page 51

(১) শ্রীমতীলকুমার চক্রবর্তীর বৈষ্ণব ইতিহাস, পৃঃ ৩২



এই দেখ নিরবধি বক্ষয়লে আছে ।

স্মরণ মাত্রেকে আসি থাকি তার কাছে ॥” (১)

ব্রাহ্মণ-ভৃষ্টির জন্ম তিনি শুধু এই বলিয়াই ক্ষান্ত হইলেন না, উপরন্তু বলিলেন :

“মোর (ধর্মের) নাম করি যত শূদ্র খায় ।

পিতৃ মাতৃ পুত্র তার ঘোর নরক পায় ॥” (১)

অনার্যা দেশে আসিয়া বৌদ্ধদিগের চরম অধোগতি হইয়াছিল । বৌদ্ধদের মেরুদণ্ড তখন অত্যন্ত দুর্বল ; বাভিচার ও বিলাসমত্ততার স্রোতে তখন তাহারা অবাধে ভাসিতেছিল । দেশে তখন তান্ত্রিক বামাচারের প্রভাব আর রতি-পূজার উপলক্ষে উৎসব ; বৌদ্ধ সাধনার নামে তখন সেই বীভৎস কাণ্ড । যে বৌদ্ধ ধর্ম এক কালে সংযমকে অত্যন্ত উচ্চ স্থান দান করিয়াছিল, বলিয়াছিল—“If man and wife wish to be together in the next life as in this, let them be peers in faith, peers in morality and peers in liberality and wisdom...then shall they dwell in bliss and health.”

(২) সেই বৌদ্ধ ধর্মই তৎকালে পারকীয়া-চর্চা, কুমারী-ভজন, ইন্দ্রিয়-চরিতার্থতা ইত্যাদিকে সমর্থন ও সাধনার শ্রেষ্ঠ অঙ্গ বলিয়া প্রচার করিতেছিল । এবম্বিধ মানসিক দুর্বলতার জন্মই হয়ত বৌদ্ধরা ব্রাহ্মণ্য ধর্মের তরঙ্গবেগ সামলাইতে পারিতেছিল না ; কেবলি অকুল পাথারে ভাসিতেছিল ।

বাঙলার এমনি সামাজিক ও ধর্ম-বিশৃঙ্খলার যুগে, বৌদ্ধ দিগের দারুণ ছরবছার দিনে বখতিয়ার খিলজী ত্রয়োদশ শতাব্দীর প্রথম ভাগে বাঙলায় সসৈন্তে পদার্পণ করিলেন । গোড় তাঁহার করতলগত হইল । সপ্তদশ অশ্বারোহীর সহায়তায় বাঙলা-বিজয়, অথচ বাঙলার অধিবাসীর পক্ষ হইতে ইহার কোনো প্রকার প্রতিবাদ পর্যাস্ত হইল না, ইহার কারণ হয়ত এই যে, তখন বাঙলার অধিবাসী বৌদ্ধরা হিন্দুর অত্যাচার অসহ্য দেখিয়া মুসলমানদের এই আগমনকে সানন্দে ও সাদরে বরণই করিয়া লইয়াছিল । হয়ত আনন্দের অতিশয়োই রামাঞ পণ্ডিত গোড়েশ্বরকে বিপদ-বারণ “ধর্ম মহারাজ” ভাবিলেন :

(১) ধর্ম পূজা বিধান ।

২। The Heart of Buddhism P. 88.

“ইহু মুছলমান তোথা একচ্ছত্র করিঞা ।

আপনা জানান্ প্রভু জানান্ জানিঞা ॥

হাতে নিলা তির কামঠা পায় দিয়া মজা ।

গোড়িতে বলেন গিয়া ধর্ম-মহারাজা ॥” (৩)

কুমারিল-শিষ্যগণ বৌদ্ধ ধর্মের যে আয়োজনে হাত দিয়াছিলেন, মুসলমানের দল আসিয়া তাহাতে যে সাহায্য করিল না, এমন নয় । মুসলমানের তরবারিতে নালন্দ বিক্রমশীল জগদল প্রভৃতি বিহারের বৌদ্ধ যতি ও পুরোহিত-গণ নিহত হইলেন । মুসলমানদের এই হত্যা লীলা দেখিয়াও কেন যে তখনকার বৌদ্ধরা মুসলমানদেরই ত্রাণ-কর্তা ভাবিল,—ভাবিল, শুধু ধর্ম কেন, হিন্দুর সমস্ত দেব-দেবী মুসলমান হইয়া আবির্ভূত হইয়াছে, এবং “শৃংখল-পূরণ”কারই বা কেন গাহিলেন :

“ধর্ম হৈলা জবন রূপি মাথায়তে কালটুপি

হাতে শোভে ত্রিভুচ কামান ।

চাপিয়া উত্তম হয় ত্রিভুবনে লাগে ভয়

খোদার বলিয়া এক নাম ॥

নিরঞ্জন নিরাকার হৈলা ভৈরব যবতার

মুখেতে বলেন দম্বদার ।

যতক দেবতাগণ শভে হয় একমন

আনন্দেতে পরিল উজার ॥

বৈষ্ণা হৈলা মহামদ বিষ্ণু হৈল পোকাখর

আদমক হৈলা শূলপাণি ।

গণেশ হইয়া গাজা কাঠিক হইলা কাজি

ককির হইল যত মুনি ॥

তেজিয়া আপন ভেক নারদ হইল শেক

পুরন্দর হইল মৌলনা ।

চন্দ্র সূর্য্য আদি দেবে পদাতিক হয় সব

সবে মেলি বাজায় বাজনা ॥

আপুনি চণ্ডিকা দেবী ইহ হৈল হাওয়া বিসি

পদ্মাশক্তি হৈলা বিবি নুর ।

যতক দেবতাগণ হয় সব একমন

প্রবেশ করিল জাজপুর ॥

দেউল দেহারী ভাঙে কাড়া ফিড়া পায় রঞ্জে

পাথড় পাথড় বলে বোল ।

(৩) ধর্মপূজা বিধান, ২১৪ পৃঃ ।

আবতুল কাদের

ধরিয়া ধর্মের পায়

রামাত্রি পণ্ডিত গায়

ই বড় বিবম গুণগোল ॥”

সেই যুগে মুসলমানের যেই প্রচারকেরা ইসলাম-প্রচার কারিতেছিলেন, তাঁহাদের আদর্শের দিকে উদার দৃষ্টি দিলে তাঁহাদের সহজ মিলিতে পারে। দীর্ঘজীবী মুসলমানের হাতে তরবারি থাকিলেও মুসলমানের মতাদর্শের সহিত বৌদ্ধ-দর্শনের বৈসাদৃশ্য ব্রাহ্মণ্য আদর্শ হইতে অনেক অল্প ছিল; বৌদ্ধ নিরীশ্বরবাদী, মুসলমান নিরাকারবাদী, বৌদ্ধাদর্শ পৌত্তলিকতার বিরোধী, মুসলমানও তজ্রপ, এবং সর্বোপরি ইসলাম-প্রচারকেরা সুফী-মতাবলম্বী, যাহাদের সাধন ভজন প্রণালীর সঙ্গে বৌদ্ধের সাধন ভজন প্রণালীর অনেক সৌসাদৃশ্য বিদ্যমান ছিল।

পূর্বেকৃত “মুখে বলেন দম্বদার” পদে দম্বদার বা দম-মাদার বা দমের মাদার সেই সুফীদেরই একজন। অনুমান করা যায়, এই মাদার পীর বখতিয়ারের সম-সাময়িক লোক। ভারতবর্ষ ব্যাপিয়া তাঁহার যে কি প্রতি-পত্তি ছিল, তাহা কনোজের মকানপুরে প্রতি বৎসর তাঁহার সমাধি-প্রাক্ষণে অল্পস্থিত উরুছ, বিশেষতঃ বাঙলার পল্লীতে মাদারের আখড়া সকলের সাপ্তাহিক উৎসব, হইতে প্রচুরভাবে প্রমাণিত হয়। ভারতে “মাদারিয়া” নামে এক শক্তিশালী সম্প্রদায়ের সৃষ্টি ইনি করেন। তাঁহার বহু আউলিয়া শিষ্য ছিল। উক্ত শিষ্য-আউলিয়াগণ বিভিন্ন গ্রামে নিষ্কর লাখেরাজ ভূমির অধিকার নিয়া পীর মাদারের “কুড়া” স্থাপন করিত। কুড়া অর্থে কাঁচা বংশখণ্ড, এর এক একটি বংশখণ্ড স্থাপনার জন্ত নির্দিষ্ট সিঁদ্বি মানত কারিতে হয়; হিন্দু মুসলমান নির্বিশেষে নানা দেশের নানা লোক অভিলষিত সামগ্রী প্রার্থনা করিয়া আজিও এই কুড়া স্থাপন করে; প্রত্যেক বৎসর বৈশাখ মাসের প্রথম রবিবারে মেলা বসে, প্রোথিত কুড়া তোলা হয়, পর্যাপ্ত পরিমাণে দরিদ্রভোজন হয়। এই ভোজন-নিয়ন্ত্রণের জন্ত আখড়ার লোকেরা মাটির পীড়মে পাঁচ-সাতটা সলিতা লাগাইয়া বাতি জ্বলাইয়া কুড়া হাতে নাচিয়া নাচিয়া গান গাইয়া ভিক্ষা সংগ্রহ করে নিজে ঐ গানের একটি নমুনা প্রদত্ত হইল :—

৮

“মাদার আইলানা, দমের মহাজন।

মাদার মাদার সবে কয় মাদার কেমন জন ॥

অধম বালকে ডাকি দাও দরশন।

এমন সুন্দর মাদার চেরাগের রোশন ॥

মাদার মাদার সবে বলে মাদার পুস্ত পীর।

আইলানা দমের মাদার;—ফেলি আখের নীর ॥”

মাদারিয়া পল্লীদিগের সাধনা যে বৌদ্ধ সাধনার অনুমোদন করিত, তাহা তাঁহাদের আখড়ায় অনুষ্ঠিত ক্রিয়া কাণ্ড হইতে যথেষ্ট প্রমাণিত হয়। মাদারকে তাঁহার শিষ্যেরা যে ভাবে সম্বোধন করিয়া থাকে, তাহা বৌদ্ধ গুরু বাদের কথাই স্বতঃ স্মরণ করাইয়া দেয়।

শাহ মাদারের প্রকৃত নাম—বদৌউদ্দিন। ইনি শেখ মহম্মদ তৈফুর বস্তামির শিষ্য ছিলেন। তাঁহার সম্বন্ধে বহু কিংবদন্তী প্রচলিত আছে। ইনি চতুর্দশ শতাব্দীর প্রথম ভাগে ১২৪ বৎসর বয়সে ইহলীলা সম্বরণ করেন। ইনি কাজী শাহাবুদ্দীন দৌলতাবাদীর সমসাময়িক; উক্ত কাজী সাহেব জোনপুরের সুলতান ইব্রাহীম শারকীর সময়ে জীবিত ছিলেন। শাহ মাদার সুফী-আদর্শ লইয়াই এদেশে প্রচার আরম্ভ করিলেও তাঁহার দীক্ষিতেরা যে, সর্বপ্রকারে বৌদ্ধই থাকিয়া যাইতেছিল তাহা নিঃসন্দেহে বলা যাইতে পারে। মাদার দমের অর্থাৎ শ্বাসপ্রশ্বাসের সাধনা প্রচার করিতেন, সেই সাধনা দ্বারাই মুক্তি-প্রাপ্তির পন্থা বাঙলাইতেন। পূর্বেই উক্ত হইয়াছে, মাদার তৈফুর বস্তামির শিষ্য। তৈফুর বস্তামি কে, জানিনা; কিন্তু বস্তাম দেশের একজন সুফী বিশ্বখ্যাতি অর্জন করিয়াছিলেন, তিনি বায়জিদ বস্তামি। বায়জিদ একজন জুরসখিয়ারের পৌত্র। তাঁহার গুরু কুর্দদেশীয় একজন সুফী, তিনি সিন্ধু দেশের আবুআলীর নিকট হইতে “ফানাহ” শিক্ষা লাভ করিয়াছিলেন। আবু আলী ভারতবর্ষীয় শ্বাস-সাধনা (Indian practice of watching the breaths) আয়ত্ত করিয়াছিলেন। অনুমান করা যাইতে পারে, তৈফুর বস্তামি বায়জিদ-গুরুর বা ভারতীয় কোনো সাধকের নিকট হইতে স্বয়ং এই দমের সাধনা শিক্ষা করিয়াছিলেন। ফলতঃ, শাহ মাদারের এই দমের সাধনা সম্পূর্ণ ভারতবর্ষীয়



ধরণের ; এবং সম্ভবতঃ ইহারই জন্ম তৎকালীন হিন্দু বৌদ্ধ প্রভৃতির ঠাঁহার বা ঠাঁহারই আদর্শবাদী প্রচারকগণের বিরুদ্ধাচরণ না করিয়া পক্ষান্তরে সহায়তাই করিয়াছিল।

সুফী-ধর্মের সঙ্গে ভারতীয় কৃষ্টির অনেক স্থলে সামঞ্জস্য পরিলক্ষিত হয়। নিম্নে তাহার কয়েকটির মাত্র উল্লেখ করিতেছি। (ক) কেহ কেহ বলেন, ভারতের ব্রহ্মবাদই সুফীধর্মের মূলে। (খ) সুফীদের পীর-ভক্তি আর ভারতীয় গুরু-ভক্তিতে আদর্শে তফাৎ অধিক নাই। মিশরের ছ'ল ছুন্ যিনি প্রকৃত সুফীদের সর্বপ্রথম, এবং গ্রীক-বিদ্যায় অত্যন্ত পারদর্শী ছিলেন, তিনি বলিতেন—“The true disciple should be more obedient to his master than to God himself.” হিন্দু ধর্মে গুরুকে ভগবান ও ভক্তের সেতু-বন্ধন স্বরূপ জ্ঞান করা হয়। (১) বৌদ্ধ সহজিয়ারা গুরুকে পরমাত্মার স্বরূপ বলিত ; জীবনে গুরুর একান্ত প্রয়োজনীয়তার সমর্থনের জন্ম তাহারা এমনও বলিত যে—“the flute of Krishna was the Guru of the Gopis.” (২) সমস্ত তন্ত্রের বৌদ্ধদের কাছেই গুরু সর্বসম্বন্ধী। (গ) হিন্দু অবতারবাদী, সহজিয়া ও নাথ-পন্থী “গাছা” স্বীকার করে। সুফী-প্রধান মনুসুর হাল্লাজও (incarnation) অবতার এবং গাছা সমর্থন করিতেন, তিনি ঠাঁহার শিষ্যদিগের কাহাকেও মুহ, কাহাকে মুসা, কাহাকেও মহম্মদ বলিতেন ; বলিতেন—ঠাঁহাদের spirit বা গাছাকে তিনি যোগ-বলে শিষ্যদের দেহে আনিয়াছেন। এই হাল্লাজ ভারতবর্ষ ভ্রমণ করিয়াছিলেন। (ঘ) Hindu Pantheist এবং বৌদ্ধ সহজিয়া উভয়েই রূপের পূজারী। সহজিয়ারা বলে—রূপ-সাধনায় রসের সৃষ্টি, রসের সাধনাতেই মুক্তি। তান্নিকেরাও এই

(১) “The Guru renders spiritual revelation possible, for he acts as a medium between God and his disciple. Throughout the life of the latter, the Guru is the spiritual guide, and receives almost divine veneration.”—Census Report, O' Malley, 1911.

(২) The Post-Chaitanya Shahajia Cult. by Manindra Mohan Bose.

পথের। সুফীরা ইসলামের ব্যাধাত আল্লাহর কল্পনাকে কাটির ছাঁটিয়া সুন্দর ও প্রেমময় আল্লাহর কল্পনা করিয়াছে, সুফীর আল্লাহ এবং উপনিষদের ভগবানে পার্থক্য অধিক নাই। প্রেম ও রস-বিমগ্নিত যে বিরাট পুরুষ, গিনি ভারতের এবং পারশ্বের ছইয়েরই। (৩) সহজ-শাস্ত্রে বলে—“যদি তোমার বোধি-লাভের বাসনা থাকে, তবে গুরুর উপদেশ গ্রহণ কর এবং পঞ্চকামের উপভোগ করিতে থাক, কেবলি আনন্দ কর।” মানুষ সাধনা করিয়া বুদ্ধত্ব প্রাপ্ত হইতে পারে, ইহা বৌদ্ধেরা বিশ্বাস করে। ধ্যান ও সমাধি দ্বারা বিরাট পুরুষে লীন হওয়া যায়, হিন্দুও ইহা বিশ্বাস করে। নবম শতাব্দীর শেষ ভাগে সুফী ধর্মে যিনি Pantheistic element ঢুকান, সেই বায়জিদ বলেন—“Whatever attains to true being is absorbed into God and becomes God”. (৪) সুফী-ধর্মে যে জিকিরের প্রচলন আছে, তাহার সঙ্গে মাদারের দমের সাধনার সামঞ্জস্য ছিল ; পীরের আদেশ বা নির্দেশ মত নিবৃত্তি, নির্জনতা, নীরবতা, ইঞ্জিরের বিরুদ্ধে সংগ্রাম, ইত্যাদি শিষ্যের সাধন-অন্তর্গত বিষয় ছিল। প্রথম সূফি জিকির নৃত্যগীত-বাগ্মাদি সহযোগে সম্পাদিত হইত ; এবং তাহারই ফলস্বরূপ বৌদ্ধসহজ-যানের মতন তাহাতেও অসংযম-চিত্ততা প্রবেশ লাভ করে। নফস, কল্ব, আকেল, জেহাদ, মুরাকাবাদ, কেলামত, ফানাফিল্লাহ ইত্যাদির সঙ্গে তান্নিক-বৌদ্ধের সাধন-প্রাণালীর কিছু-কিছুর সাদৃশ্য লক্ষিত হয়।

পীর মাদার যখন এদেশে প্রচার চালাইতেছিলেন, তখন পারশ্ব দেশে proper Sufism এর মাত্র জন্ম হইতেছিল। এবং এই সুফী ধর্মের রূপ পরিগ্রহ ব্যাপারে “The influence of Christianity, Neo-Platonism and Buddhism is an undeniable fact. It was in the air and inevitably made itself felt.” (১) Von Kremer বলেন—“In later days considerable influence was exerted by Indian ideas on the development of Sufism.” সুফী-ধর্মের উদ্ভবের কারণ “particular the bitter sectarianism and barren

(১) Reynold A. Nicholson.

আবদুল কাদের

dogmatism of the Ulama”। জোর করিয়া দেওয়া Semitic formalismএর প্রতিক্রিয়াস্বরূপ পারশ্বের আধ্যাত্মিকতার বিদ্রোহ-ফল এই সুফী-ধর্ম। ভারতেরও আধ্যাত্মিকতা। অতএব পারশ্বের সুফী-ধর্মকে যে ভারতীয়েরা মাদরে সম্বন্ধনা করিয়া নিবে, তাহাতে আর বিচিত্র কি? ইসলাম যদি সোজা সুফি আরব দেশ হইতে ভারতবর্ষে আসিত, তবে কখনই এত নির্বিঘ্নে প্রবেশ লাভ পাইত না। এর একটি প্রকৃষ্ট প্রমাণ—মুহম্মদ বিন কাশেম। তাঁহার আক্রমণের সময়ও সিন্ধু দেশে ধর্ম-বিশৃঙ্খলা বর্তমান ছিল এবং সে দেশ বৌদ্ধ-প্রধান ছিল, কিন্তু তাঁহার (অর্থাৎ আরবের) ইসলাম সে দেশে মোটেই সম্বন্ধনা পাইল না; অথচ খিলিজী-সাল্জুকদের প্রচার-প্রচেষ্টা বৌদ্ধ-ভাব-প্রধান বাঙলায় আশ্চর্য্যভাবে জয়যুক্ত হইল।

বাঙলা দেশের দুর্ভাগ্য যে, তাহার কোনও সামাজিক ইতিহাস আজ পর্য্যন্ত লিপিবদ্ধ হইল না। খিলিজী-পূর্ব্বকার বাঙলা দেশের সামাজিক অবস্থা কিরূপ ছিল, তাহারও তেমন কোনো ইতিবৃত্ত নাই। শ্রীহর্ষ, যিনি বৌদ্ধধর্ম পরিত্যাগ পূর্ব্বক জৈন ধর্ম অবলম্বন করেন, তাঁহার সময়ে (সপ্তম শতাব্দীতে) ইউয়েন চাঙ্গের ভারতভ্রমণে আসার পূর্ব্ব পর্য্যন্ত বাঙলার যে ইতিহাস, তাহাতে আর্ধ্য-প্রভাব কিছু মাত্র আছে কিনা বলা দুষ্কর। তৎকালীন আর্ধ্যগণ দক্ষিণাত্যের লোকদের মতন বাঙালীদিগকেও মানুষের মধ্যে গণ্য করিত না। শ্রীহর্ষ হইতে ভারতবর্ষে বৌদ্ধধর্মের পতন সূচিত হয়। যে বৌদ্ধধর্মের প্রচার প্রাচ্য ভূখণ্ড উল্লেখ্য করিয়া সুদূর নীল (Nile) নদীর তীরে প্রচার লাভ করিয়াছিল, পরবর্ত্তী কালের বিকৃতির ফলে তাহাই স্বদেশ হইতে শেষে বিতাড়িত হইল। অশোক দক্ষিণাত্যে সন্ধর্মের প্রচার করিয়াছিলেন। উত্তরাঞ্চলের বৌদ্ধরা ঘৃণা করিয়া দক্ষিণাঞ্চলের বৌদ্ধদিগকে হীনযান এবং নিজেদিগকে মহাযান বলিত। মহাযান শূন্যবাদী; তাহারা ইন্দ্রিয়সত্তা এমনকি, অশ্বঘোষের পর বস্তুসত্তাকে পর্য্যন্ত অস্বীকার করিয়াছিল। শূন্যকে নিয়া মানুষ অধিককাল চিন্তিতে পারে না; তাই বুদ্ধদেবই ভক্ত-চিন্তে পরমেশ্বরের ইতিহাস ধারণ করিয়া উত্তরকালে বৌদ্ধদের কাছে পরমেশ্বর

বলিয়া পূজা পাইলেন। তৎকালীন বৌদ্ধেরা বুদ্ধদেবের করুণাকে বিশ্লেষিত ও বিচিত্রিত করিয়া দেখাইবার মানসে বহু দেব দেবী দৈত্যাদির কল্পনা করিলেন, এবং কল্পনার অবশ্যস্তাবী ফল পূজা দিলেন। এইরূপে বিকৃত সন্ধর্মের বিকারের মধ্যেই মন্ত্রযান, বজ্রযান, কালচক্রযান ইত্যাদি নানা বৌদ্ধ-তন্ত্রের উৎপত্তি হইল। ইহাদের সাধারণ নাম সহজায় বা সহজযান। ইহারা অতীন্দ্রিয়কে অস্বীকার করিল; যে ইন্দ্রিয়গণের সহযোগে মানুষের সৃষ্টি, যাহার উপর ভিত্তি করিয়াই মানুষ, সেই সহজ ইন্দ্রিয়-সন্তোগই যতপ্রকারে সম্ভব, করিয়া চল,—মুক্তি অবশ্য মিলিবে;—ইহাই দাঁড়াইল ইহাদের আদর্শ। এই আদর্শের অবশ্যস্তাবী পরিণাম—তান্ত্রিক বামাচার, কুমারী-ভজন, কিশোরী-ভজন, অর্থাৎ পরকীয়া-চর্চায় দেশ ভাসিয়া গেল। সহজায়রা ভাবিত, প্রেম-সাধনায় আধ্যাত্মিক মুক্তি ঘটিবে, আর একমাত্র পরকীয়া-চর্চা দ্বারাই গভীরতমভাবে এই প্রেমের চর্চা চলিতে পারে। তাহারা যাহা মানিয়াছিল, সোজা কথায় তাহা এই দাঁড়ায়—

“রূপ লাভণা দেখি যার জন্মে লোভ।
প্রাপ্তি-কারণে সদা চিন্তে হয় ক্ষোভ ॥
পূর্ব্বরাগের ঘর এই—সদা চিন্ত মনে।
বিংশতি দ্বাদশ রস ইহার পোষক ॥” (১)

নানা যুক্তি দ্বারা রসের দোহাই দিয়া নাথ-মার্গ, বজ্রযান-মার্গ, মন্ত্রযান-মার্গ, সহজ-সাধনা, সকলেই হিন্দু তান্ত্রিকের দেওয়া এই পরকীয়া চর্চার সমর্থন করিত। এই সমস্ত মার্গ বাঙলায় জীবিত ছিল। বিশেষতঃ নাথ-পন্থীরা, শুধু পূর্ব্ব বাঙলায় নহে, সারা ভারতবর্ষে প্রচার গাহিয়া বেড়াইতেছিল। ইহা ১১৮৪ খৃষ্টাব্দের কথা।

“পূর্ব্ব গেল হাড়িকা, জখাতে (দক্ষিণে) কালাই।
পশ্চিমে গেলেস্ত গোর্গ, উত্তরে মিনাই ॥
পৃথিবী ভ্রময়ে তারা জোগপথ ধায়াই ॥” (২)

কেহ কেহ বলেন, নাথ-মার্গের উৎপত্তি বৌদ্ধধর্মের বাহিরে, কিন্তু কালের চক্রে তাহা বৌদ্ধধর্মের অঙ্গবিশেষে



পরিণতি লাভ করে, এ ধারণা নির্ভুল নয়। ৯ম, ১০ম, ও ১১শ শতাব্দীতে বাঙলা দেশে যে ধর্ম্মান্দোলন আত্মপ্রকাশ করে, তাহাতে নাথদিগের গুরু অনার্য্য যোগীগণের হাত ছিল। নাথ মার্গ পরবর্তী কালের বিকৃত বৌদ্ধধর্ম্ম এবং তান্ত্রিক হিন্দু-ধর্ম্মের সম্মিলনে উক্ত রূপ পরিগ্রহ করে। নাথেরা নিজেদের অলৌকিক শক্তি আছে বলিয়া গর্ব্ব করিত, তাহাদের বহু শিষ্য ছিল, তাহারা সকলেই বৌদ্ধ-ধর্ম্মাবলম্বী। নাথেরা শিষ্যেরা সাধারণতঃ নিম্নশ্রেণীর লোক ছিল, যথা— হাড়ি, ডোম, চণ্ডাল। হিমালয়ের পশ্চিমবর্তী বাঙলা ভোটান প্রভৃতি প্রদেশ সমূহে মূল বৌদ্ধধর্ম্ম, মন্ত্রযান বিজ্ঞান বজ্রযান কালচক্রযান লামাইজম (Lamaism) দৈত্যপূজা ইত্যাদির সহিত বিমিশ্র হইয়া অত্যন্ত বিকৃত হইয়া পড়িয়াছিল।— বৌদ্ধ-দর্শনে আদিবুদ্ধের কথা আছে। বুদ্ধের বুদ্ধের প্রাজ্ঞ বলিয়া এক নারী-শক্তির এবং বুদ্ধ ও সেই প্রাজ্ঞের যোগ ক্রমে উৎপন্ন বোধিসত্ত্বের সৃষ্টি কল্পনা করিল। মধ্যদেশের লোকোত্তরবাদী মহাসাঙ্গিকারা মনে প্রাণে জানিত যে, বোধিসত্ত্ব বস্তুমাত্র নাই, সব মহাবস্তু। এই করিয়াই “অবলোকিত” ও “তারা” বুদ্ধমনে জন্মলাভ করিল; এবং উত্তর দেশীয় বৌদ্ধ-মতে বহু বুদ্ধমূর্ত্তি ও দৈত্য-দেবতা প্রবেশ লাভ করিল; গোড়বঙ্গে যে বজ্রযান সম্প্রদায় অত্যন্ত প্রভাব প্রতিপত্তি নিয়া বর্ত্তমান ছিল, তাহা বজ্রসত্ত্ব নামক ঋষ্যামা বুদ্ধ ও বজ্রেশ্বরী নামে তাহার শক্তি কল্পনা করিয়াছিল। এই সকল মূর্ত্তি কল্পনায় যোগ-সাধনার Pantheistic মতবাদের উপর ভিত্তি করিয়া তান্ত্রিকের রহস্য-তত্ত্ব-সাধনা প্রবেশ লাভ করিল। তান্ত্রিক-হিন্দু-ধর্ম্মের মতন বৌদ্ধ-ধর্ম্মেও এই করিয়া বুদ্ধের নারী-শক্তি প্রধান স্থান অধিকার করিল; ইহাতে দেশে যে বীভৎসতার প্রবাহ বহিল, তাহা বলাই বাহুল্য। তিব্বতে এই আদর্শের বৌদ্ধ মতই প্রাধান্য লাভ করিল। বলা যাইতে পারে, নাথ-মার্গ এক দিকে তিব্বতের সেই লামাইজম (Lamaism) এবং অপরদিকে হিন্দুর গুরুবাদী আধ্যাত্মিকতা, এই দুইয়ের সেতু-বন্ধস্বরূপ। ইহা মানুষ-পূজাকে চরম মনে করিত; এবং মানুষ-পূজাই নাথ-মার্গের সার কথা। নাথ-পন্থী সহজিয়া সকলেরই লক্ষ্য ছিল মানুষ, ভগ্বান নয়। খিলিজীর এদেশে আগমন-

সময়ে নাথেরা পূর্ব্ব বাঙলায় অত্যন্ত প্রতিপত্তিশালী। মৌননাথ, দীননাথ, গোরক্ষনাথ, হাড়িকা, কাহুপা প্রভৃতি নাথ-ধর্ম্মের প্রচারক। রামাণ্ডি পণ্ডিত ধর্ম্মের পূজার সময় “আদিনাথের পুষ্পং জয়” “গোরনাথের পুষ্পং জয়” ইত্যাদি বলিয়া আদিনাথ, দীননাথ, চৌরাঙ্গনাথ গোরনাথ প্রভৃতির নামের উদ্দেশে ফুল দিবার বিধান দিয়াছিলেন। রামাণ্ডি এই সকল নাথকেও আবরণ-দেবতার আসন দিয়াছিলেন। বাঙলার গানের আলোচনায় স্পষ্ট পরিদর্শিত হয়, কি ভাবে কত দিক দিয়া এই নাথদিগের প্রভাব বাঙালী মুসলমানের জীবনে অক্ষুণ্ণভাবে আজিও বর্ত্তমান রহিয়াছে। শুধু মেলায় ভজনেতে নয়, বেলা শেষে বাড়ী ফিরিবার সময় আজিও পল্লী-মুসলমান গাহিয়া গাহিয়া যায়—

“সাধুরে ভাই,

দিন গেলে তিন নাথের নাম লইও।

সারা দিন কৈর রে ভাই সংসারের কাম।

সন্ধ্যা হৈতে লইঅ তিন নাথের নাম ॥”

মুসলমান ফকীরদের হাতেই নাথ-পন্থীরা যে দলে দলে নিঃসঙ্কোচে সানন্দে ইসলাম গ্রহণ করিয়াছিল, সে বিষয়ে সন্দেহ নাই। এবং স্বভাবতঃই তাহাদের জীবনে শরিয়তী ইসলামের কোন ছাপই পড়িল না। বলাবাহুল্য, বাঙলার বিরাট বাড়লের দল এই নাথ-পন্থীরাই সৃষ্টি করিয়াছিল।

বক্ত্রিয়ার খিলিজীর সময়ে বা পরে বহু সূফী সাধক যে, গোড়ভূমিতে পদার্পণ করিয়াছিলেন, তাহার প্রমাণ বিরল নহে। শাহ শরীফ উদ্দিন নামক একজন মুসলমান ফকীরের দরগাহ বিহারে বর্ত্তমান আছে। ইনি খৃষ্টীয় ১৩৭৬ অব্দে বা হিজরী ৭৮১ অব্দে পরলৌকিক গমন করেন। (১) বাঙলা বিহারের কোথাও মুসলমান রাজরাজড়ার অহুষ্ঠিত প্রচার দ্বারা ইসলাম তেমন প্রচারিত হয় নাই; হইয়াছে সূফীদের দ্বারা। রাজা গণেশের পুত্র যতুমল্ল বা জিৎমল্ল ১৩৯২ খৃষ্টাব্দে সিংহাসনারোহণের পর জনৈক মুসলমান ফকীরের দ্বারাই দীক্ষা লাভ করিয়া মুসলমান ধর্ম্মে গভীর ভাবে আস্থাবান হইয়া

(১) The Oriental Biographical Dictionary. by Be P. 247.

আবহুল কাদের

পাড়িয়াছিলেন। (১) বস্তুতঃ মুসলমান ফকীররাই তখন ইসলাম প্রচার করিতেছিল, এবং দলে দলে বহু বৌদ্ধ এবং মত দীক্ষিত বৌদ্ধ-হিন্দু মুসলমান ধর্ম্যে দীক্ষা নিতেছিল। মুসলমান পীরদের অলৌকিক শক্তি, সংযম, ধর্ম্যবল ইত্যাদি বাঙালীকে যথেষ্ট আকর্ষণ করিয়াছিল। একটা বিশেষ কথা এই যে, ভারতীয় মন কোনো কালেই Formalism বা dogmatism মানন্দে মানিয়া নিতে স্বীকৃত নয়, তাহা হিন্দুরই হোক বা মুসলমানেরই হোক। তাই আরবের ইসলাম বা ব্রাহ্মণ্য ধর্ম্য কোনোটাই ভারতবাসীর পছন্দসই নয়। ব্রাহ্মণ্য ধর্ম্যের উত্থানের অব্যবহিত পরে পরেই দেখা গিয়াছে, প্রেম ও ভক্তির বার্তা নিয়া মানুষের বন্ধু-মহাপুরুষগণ আবির্ভূত হইয়াছেন। বুদ্ধদেব রামানন্দ রামানুজ শ্রীচৈতন্য, ইহাদের প্রত্যেকেরই আবির্ভাব ব্রাহ্মণ্য ধর্ম্যের প্রতিক্রিয়া স্বরূপ।

* * * *

খিলজী ও শ্রীচৈতন্যের মাঝামাঝি যুগে বাঙলায় আর কোনো ধর্ম্য-বিপ্লব হইয়াছিল বলিয়া ইতিহাসে বলে না। বৌদ্ধ দৌহা ও গান খিলজীরও পূর্বে, তাহার চর্যাপদ সমূহে রাধাকৃষ্ণের উল্লেখ আছে। এই “বৌদ্ধ দৌহা ও গান— তার পরে শৃগু পুরাণ, তার পরে...চণ্ডীদাস।”(২) সহজযানের সাধন-প্রণালী ভগবদ ধর্ম্যে প্রবেশ লাভ করিয়া রাধা কৃষ্ণের গালাকে সহজ-সাধনায় গ্রহণ করে। সহজ-ভজনে প্রেম ও রসের যে স্থান, তাহারই চর্চা করিতে গিয়া সহজ-সম্প্রদায়ভুক্ত নরনারীগণ কেহ কৃষ্ণ হইয়া, কেহ রাধা হইয়া, কেহ বা তাহাদের সখা সখী হইয়া বৃন্দাবন-লীলার মতন নানা প্রকার রাস-লীলার অনুকরণ করিত। চণ্ডীদাস সহজ-ধর্ম্যে দীক্ষা গ্রহণ করিয়াছিলেন; তিনি বাণুলি মূর্তির পূজা করিতেন; বাণুলি বৌদ্ধ মূর্তি। “সহজ-যানের ধর্ম্য মতের প্রভাব চণ্ডীদাসের ধর্ম্যমতকে প্রভাবান্বিত করিয়াছিল এবং চণ্ডীদাসের পদাবলী সহজিয়া সাহিত্যের ভাবে অনুপ্রাণিত হইয়াছিল।” (৩) এই কারণেই “চণ্ডীদাসের অনেক পদে সহজ-আচারের

গুরুত্ব বিজ্ঞাপিত হইয়াছে।” (৪) শ্রীচৈতন্যের আবির্ভাবের পূর্বে বাঙলায় নীরবে নীরবে এই সহজিয়া সাধনাই চলিয়াছিল। যে সকল বৌদ্ধ, মুসলমান বা হিন্দু হইয়াছিল, তাহারাও সহজিয়া আদর্শ পরিত্যাগ করে নাই। অবশ্য এই বিরাট সহজিয়া-মনোধর্ম্মী জন-সমাজের পাশাপাশি ব্রাহ্মণ ও শরীয়তী মুসলমান আপনাদের গোড়ামী নিয়া বিরাজ করিতেছিল। তাহারা যে অগ্রদিককে গোড়ামির দিকে টানিতে ছিল না, এমন নয়। বাঙলা দেশে মুসলমান তরবারী সাহায্যে ইসলাম প্রচার করিয়াছে তাহার প্রমাণ বিরল; রাজা গণেশের পুত্র মুসলমান হইয়া চেংমল সুগতান জালালউদ্দীন নাম ধারণ পূর্বক সমস্ত রাজ্য মধ্যে তরবারী সাহায্যে ইসলাম প্রচারের সর্বতোভাবে প্রচেষ্টা করিতেছিলেন; (৫) বলা যাইতে পারে, এদেশের শরীয়তী-মুসলমানের ক্ষুদ্র গোড়া সম্প্রদায় এমনি আদর্শের মানুষের অত্যাচারে গড়িয়া উঠিয়াছিল। সেই দীক্ষিত শরীয়তী-মুসলমানেরাও যে প্রকৃত মুসলমান হয় নাই, তাহা সহজে অনুমেয়। ব্রাহ্মণের প্রভাবও তখন উল্লেখ-যোগ্য, অবশ্য সেই ব্রাহ্মণদের জীবনে সহজিয়া-প্রভাব তখন পর্য্যন্ত সামান্যও ছিল কিনা, বলা যায় না। বাঙলার সামাজিক অবস্থা যখন এমন, সেই দিনে, ১৪৮৫ খৃষ্টাব্দের এক সুপ্রভাতে শ্রীচৈতন্য মহাপ্রভু নবদ্বীপে জন্ম গ্রহণ করিলেন। তিনি যৌবনে ভগবদগীতা ও ভাগবত পুরাণে গভীর পাণ্ডিত্যের অধিকারী হইলেন। চব্বিশ বৎসর বয়স্ক কালে, ভগবদগীতা ও ভাগবত পুরাণ অতিরিক্ত পাঠের ফলে শ্রীকৃষ্ণের প্রেমে উন্মাদ হইয়া শ্রীচৈতন্য সন্ন্যাসী হইয়া গৃহত্যাগী হইলেন। হুমেন শাহ তখন বাঙলার সিংহাসনে অধিষ্ঠিত। তাহার মন্ত্রী শ্রীরূপ ও সনাতন চৈতন্যের শিষ্যত্ব গ্রহণ করিল। বাঙলায় নতুন করিয়া আবার ধর্ম্মান্দোলন দেখা দিল; চৈতন্য-প্রভাবে ব্রাহ্মণ্য-ধর্ম্মের ও ইসলাম ধর্ম্মের সিংহাসন টলিল।

কিংবদন্তী প্রচলিত আছে যে, চৈতন্যের জন্ম দিনে বৌদ্ধ-গণ তাহাদের ত্রাণ-কর্তা পুনঃ আবির্ভূত হইতেছেন জানিয়া মহা ধূমধাম করিয়াছিল। বাস্তবিকই চৈতন্যদেবের

(১) রিয়াজ উন্সালাতিন।

(২) শ্রীরামেন্দ্র সুল্লয় ত্রিবেদী। (৩) শ্রীদীনেশচন্দ্র সেন।

(৪) শ্রীবসন্তরঞ্জন রায়।

(৫) টুয়ার্টের বাঙলায় ইতিহাস।



আবির্ভাবে আবার নতুন করিয়া বৌদ্ধাদর্শের বহু দেশে প্রবাহিত হইল; নির্জিত বৌদ্ধেরা প্রাণ পাইয়া বাঁচিয়া উঠিল, দলে দলে মুসলমানত্ব বা হিন্দুত্ব ত্যাগ করিয়া চৈতন্যের প্রেম-পতাকাতে আসিয়া সমবেত হইতে লাগিল। সহজিয়া রাধা-কৃষ্ণকে তাহাদের সাধনার অঙ্গীভূত করিয়া দেশে প্রেম আর ভক্তির বহু বহাইয়া দিল। সহজিয়া চণ্ডীদাস বলিয়াছিলেন—“সবার উপরে মানুষ সত্য, তাহার উপরে নাই।” চৈতন্যও বলিলেন—“ভজনের মূল এই নর বপুদেহ।” (১) সহজিয়ারা স্বকীয়া হইতে পরকীয়া যে শ্রেষ্ঠ, এবং পরকীয়া হইতে স্বকীয়াতে পরিবর্তিত হইলে প্রেম যে দুর্বল হইয়া পড়ে, তাহা রাজপুত্র ও রাজকন্যার প্রেম-কাহিনী বাপদেশে “রত্ন-সারে” যাহা বলিয়াছে, তাহাই শ্রীচৈতন্য সমর্থন করিয়া বলিলেন—

“স্বকীয়া ভজনে নাহি বিচ্ছেদের ভয়।
তেকারণে ভাব তাতে নাহিক উদয় ॥
উপপত্তো ভাব অনুরাগ প্রকাশ।
তেকারণে বৃন্দাবন রমের বিলাস ॥” (২)
“সেই ভাব ভজে গোপী করে বাঁচিয়ার।” (৩)

এবং সহজিয়া ভজনায় গুরুই সর্বসর্কা; বৈষ্ণবেরাও গুরুবাদের চরমে উঠিল। “When Hari is angry, Guru is our protector, but when Guru is angry, we have none to protect us.” (৪) এই গুরুপাদরজ্জু ভায়ে বৈষ্ণবের সাধনা ভারাক্রান্ত হইয়া উঠিল। শ্রীচৈতন্যদেব রাধাকৃষ্ণ প্রেম, গুরুবাদ, পরকীয়া-চর্চা, বৈষ্ণব-সাধন-প্রণালী সমস্ত কিছুই বৌদ্ধদের হইতে লইয়াছিলেন। A. S. Geden বলেন—“His subsequent teachings also proved that he owes not a little to the example and practice of Buddhism.”...“Chaitanya’s teachings apparently owed some of its characteristic features both of doctrine and practice to a Bud-

dism which, though decadent, still exercised a considerable influence in Bengal and the neighbouring districts.” কেহ কেহ ছঃসাহস করিয়া বলেন যে, ইসলাম হইতে চৈতন্যদেব বৈষ্ণব সাধনার খোরাক জোগাইয়া ছিলেন, এবং তিনি নিজেও ইসলাম দ্বারাই অনুপ্রাণিত হইয়াছিলেন; তাঁহারা এ কথা স্বপক্ষে চৈতন্যের মানব-প্রেমকে দাঁড় করান; কিন্তু এ সিদ্ধান্ত মোটেই সত্য নহে। Sir R. G. Bhandarkar বলেন, “A Spirit of Sympathy for the lower castes and classes of Hindu society has, from the beginning, been a distinguishing feature of Vaisnavism.” (৫) A. S. Geden বলেন—“Partly with the view, it is believed, of winning over those who have been attracted by the teachings of Buddhism, as well as those to whom the grosser forms of the popular Hinduism were repellent, Chaitanya laid stress upon the doctrine of Ahimsa.” এই অহিংসা নীতি বৌদ্ধেরা উপনিষদ হইতে গ্রহণ করিয়াছিল; এবং একথা খুবই সত্য যে, ভাগবদধর্ম নানা ভাবে বৌদ্ধধর্মের উপর প্রভাব বিস্তার করিয়াছিল—যে ভগবদধর্মের পরবর্তী কালের নাম বৈষ্ণব ধর্ম। শ্রীহেমচন্দ্র রায়চৌধুরী এম-এ মহাশয় বলেন—“The Ahimsa doctrine foreshadowed in the Chhandagya Upanishad was afterwards taken up by the Buddhists as well as the Jainas.” (৬) এই সমস্ত যুক্তিতর্কের গভীর বাহিরে দাঁড়াইয়া চৈতন্যের মানব-প্রেমের দিকে তাকাইলে সহজে মনে হয়—এ তাঁহার নিজস্ব। কেহ কৃষ্ণ নাম উচ্চারণ করিলেই, সে শূদ্র হোক মুসলমান হোক ব্রাহ্মণ হোক তাহাকে তিনি উন্নাদের মতন মাথায় তুলিয়া নাচিতেন। এ প্রেম কাহারও নিকট হইতেই ধার করা নহে; এই প্রেমের উদ্ভাসিতা দেখিয়াই হয়ত একজন ইউরোপীয়ান তাঁহাকে

(৫) Early History of the Vaisnava Sect P. 73.

(৬) Vaisnavism, Saivism and Minor religious sects.

(১) অন্নভরসাবলী—শ্রীউপেন্দ্রনাথ বন্দ্যোপাধ্যায় সম্পাদিত বৈষ্ণব গ্রন্থাবলী, ৩৫৫ পৃঃ। (২) ছলভসার, ২২৩ পৃঃ। (৩) ছলভসার, ২২৩ পৃঃ। (৪) Sketch of the religious-sects of Hindus P. 105.

আবতুল কাদের

ক্রিষ্টিয়ান রোগী আখ্যা দিয়াছেন। আর, মুসলমানদের তিনি খুব সুনজরে দেখিতেন না। এখানে হয়ত কেহ কাজীর কথা পাড়িবেন। অবশ্য একথা সত্য, পরে মুসলমান শাসন-কর্তারা তাঁহার প্রচারের পথকে অনেকটা সহজ করিয়া দিয়াছিলেন; কিন্তু তাই বলিয়া তাঁহার ইসলামের অনুপ্রেরণা তাঁহার জীবনে দিতে পারেন নাই। এখানে একটা ঘটনার উল্লেখ দ্বারা এই বক্তব্যটা সুস্পষ্ট করিতেছি। শ্রীচৈতন্য বলিতেছেন :

“হরিদাস, কলিকালে যখন অপার ;
গো ব্রাহ্মণ হিংসা করে মহা ছুরাচার ।
ইহা সবার কোনমতে হইবে নিস্তার ?
তাঁহার হেতু না দেখিয়ে এ দুঃখ অপার ।”
হরিদাস কহে—“প্রভু, চিন্তা না করিও,
যবনের সংসার দেখি দুঃখ না ভাবিও ।
যবন সকলের মুক্তি হবে অনায়াসে ;
হা রাম ! হা রাম ! বলি কহে নামাভাসে ।
মহাপ্রেমে ভক্ত কহে হারাম ! হা রাম !
যবনের ভাগা দেখ লয় সেই নাম ।
যত্নপি অশ্রুত সঙ্কেতে তার হয় নামাভাস ;
তথাপি নামের তেজ না হয় বিনাশ ।”

তথাহি নৃসিংহ পুরাণঃ -

দ্রুষ্টি দ্রুষ্টাহতো শ্লেচ্ছ হারামেতি পুনঃপুনঃ ।

উক্তাপি মুক্তিমাপ্নোতি কিং পুনঃ শ্রদ্ধয়া গৃনন্ ॥—(১)

অর্থাৎ মুসলমান যে পুনঃপুনঃ হারাম (অসিদ্ধ) শব্দ উচ্চারণ করে, তাহাতেই তাহার অবশ্য উদ্ধার হইবে।—
চৈতন্য মুসলমানকে “মহাছুরাচার” বলিয়াছেন, ব্রাহ্মণকেও “পামণ্ড” বলিয়াছেন। যাহারা কৃষ্ণ ভজনা করে না, তাহারই “চণ্ডাল”—ইহাই ছিল তাঁহার মত।

“শ্রীকৃষ্ণ...যেই ভজে সেই শ্রেষ্ঠ হয় ।

যে না ভজে সে চণ্ডাল সর্বশাস্ত্রে কয় ॥” (২)

মানুষের শ্রেষ্ঠত্ব এই কৃষ্ণ-জ্ঞান দ্বারাই অবধারিত হয়, তিনি বলিতেন। জাতাভিমান ব্রাহ্মণত্ব পৌরহিত্য, সকল নৈমোর মূল তিনি উচ্ছেদ করিয়াছিলেন। বলিয়াছিলেন :

(১) শ্রীচৈতন্যচরিতামৃত—৬৯৫ পৃঃ। (২) পাশুপদলন—৩৩৭ পৃঃ।

“যেই কৃষ্ণভক্তবেত্তা, সেই গুরু হয় ।” (৩)

তাঁহার এই মনোবৃত্তি তাঁহার ভক্তগণের জীবনেও সার্থক হইয়াছিল; এবং তাহার উদাহরণস্বরূপ দেখিতে পাওয়া যায়, মৃত্যুর পূর্বে যখন “হরিদাসের পাদোদক ভক্তগণ” (৪) সাগ্রহে পান করিতেছেন।

সহজিয়ার সঙ্গে কণ্ঠ মিলাইয়া শ্রীচৈতন্য বলিলেন—

“সাধন ভক্তি হৈতে হয় রতির উদয় ;
রতি গাঢ় হৈলে তার প্রেম নাম হয় ।
প্রেম বৃদ্ধি কমে তার স্নেহ মান প্রণয় ;
রাগ অনুরাগ ভাব মহাভাব হয় ॥” (৫)

এবং ইহারই উপর ভিত্তি করিয়া সহজ-সাধনা দেশে অবাধে চলিতে লাগিল। অসংখ্য গানে বাঙলার পল্লী ভরিয়া উঠিল। বহু মুসলমান বৈষ্ণব কবি জন্মগ্রহণ করিলেন। বহু গানের দলের সৃষ্টি হইল। দেশের তখন এমনি অবস্থা হইল যে, মুসলমান বৌদ্ধ হিন্দু চিনিবার জো রহিল না; একজন বৌদ্ধ বাউল-পন্থীর বহু মুসলমান শিষ্য, অথবা একজন মুসলমান পীরের বহু হিন্দু শিষ্য। তখন বাঙলা দেশে সংকীর্ণনের বন্ধ্যাও বহিতেছে :

“জয় জয় শ্রীকৃষ্ণ চৈতন্য নিত্যানন্দ ।

জয়দৈবত চন্দ্র জয় গৌর ভক্তবৃন্দ ॥”... (৬)

ইত্যাদি বলিয়া কৃষ্ণ-প্রেম ও কৃষ্ণভক্তগণের জয়গান গাহিয়া খোল করতাল বাজাইয়া নেড়া নেড়ীর দল তখন বাঙলায় তোলপাড় তুলিয়া দিয়াছে। কেহ কেহ বলেন, শ্রীচৈতন্য এই কীর্তন গানের ধারা বৌদ্ধদের হইতে নিয়াছিলেন; কারণ, কারুপাদের চর্যাপদগুলিকেও নাকি, কীর্তনের সুরে গাওয়া যায়। যাহা হউক, চৈতন্যের এই কীর্তন আর প্রেমের বন্ধ্যায় বজ্রযানমার্গ, মন্ত্রযানমার্গ, সহজযান সবই ভাসিয়া গেল, একাকার হইয়া কৃষ্ণ-প্রেমে মাতিয়া উঠিল। এই প্রাচীন একমাত্র নাথ-মার্গ আপনার স্বাধীন সত্তা লইয়া টিকিয়া রহিল। নাথ-পন্থী-মুসলমান সিন্ধাইরা যে সব

(৩) হরিভক্তি বিলাস। (৪) শ্রীচৈতন্যচরিতামৃত—৭৭৮ পৃঃ। (৫) শ্রীচৈতন্যচরিতামৃত—৪৫৪ পৃঃ। (৬) ভক্তিতত্ত্ব মার জট্টবা।



বাউলের দল সৃষ্টি করিয়াছিল, তাহাদের গানে সেই যুগ পর্য্যন্তও ইসলামের কোনো রেখাপাত হইল না। যে সমস্ত বৌদ্ধ বিভিন্ন রাগ-রাগিনীতে প্রচার গাহিয়া বেড়াইত, মুসলমান পীরগণের নেতৃত্বে তাহাদের দ্বারা ইতিপূর্বেই মারফতী-গানের দলের সৃষ্টি হইয়াছিল; কিন্তু সেই গানেও প্রকৃত ইসলাম আসন লাভ করিতে পারে নাই।

এ যাবৎ বাঙলায় যে সমস্ত সম্রাস্তবংশীয় বিদেশী মুসলমান আগমন করিয়াছিলেন তাঁহারা ইসলামের শরীয়তকে কড়াকড়ি ভাবে পালন করিতেন। এই বিদেশাগতের সংখ্যাও নিতান্ত কম ছিল না। (১) কিন্তু দুঃখের বিষয়, তাঁহাদের জীবনাদর্শ দীক্ষিতদের জীবনের উপর তেমন কোনো প্রভাব বিস্তার করিতে পারে নাই; দীক্ষিতদের আদর্শের উন্নয়নে এবং জীবনের শ্রীবৃদ্ধিতে তাঁহাদের আকর্ষণ সামান্যই উল্লেখযোগ্য। তখনকার এই সৈয়দ পাঠান কাজী প্রভৃতির তথাকথিত মুসলমান নামধারীদের অবশ্যই ঘৃণা করিত।

“রোজা নামাজ না করিয়া কেহ হইল গোলা।” (২)

তাহারা রোজা নামাজ করিত না, তাহারা তাঁহাদের কাছে অশিক্ষিত ও নীচ বলিয়া ঘৃণিত হইত। কিন্তু কাজী বা সৈয়দদের পক্ষ হইতে তথাকথিত সহজিয়া মুসলমানদের নামাজ রোজা পরিপালনের জন্ত কোন প্রকার প্রচেষ্টা হইয়াছিল বলিয়া জানা যায় না। এই নীচশ্রেণীর মুসলমানেরা, শরীয়তের নয়, তত্ত্বের সাধনা করিত। তাহাদের গুরু সাধকেরা যে, ইসলামের বিধি-ব্যবস্থা সম্বন্ধে ওয়াকিফ-হাল ছিলেন না, এমন নয়। কিন্তু তাঁহারা সেই সমস্ত বিধি-বিধানের এমনি সব ব্যাখ্যা দিয়াছিলেন যে, তাহার পরিণাম Puritan Islam এর আদর্শের পরিপন্থীই ছিল। সুফীরা যেমন হজ্জে যাওয়ার অর্থ করিত “to journey away from sin,” হজ্জের পোষাক (ইহ্রাম) পরিধানের অর্থ করিত “to cast off with one’s everyday clothes all

(১) মুশীদাবাদের দেওয়ান-লিখিত “The Origin of the Mussal-
mans of Bengal” পুস্তক স্রষ্টা। (২) কবিকঙ্কণ চণ্ডী। - মুকুন্দরাম
১৬শ শতাব্দীর শেষ ভাগের লোক।

sensual thoughts and feelings,” তেমন করিয়াও এ দেশীয় মুসলমান সাধকেরা মক্কা মদিনা আল্লা নবী রোজা নমাজের এক একটা আধ্যাত্মিক ব্যাখ্যা দিত এবং তদ্বারা শরীয়তের প্রয়োজনীয়তাকে ফুল করিত। ‘শরীয়ত’ এবং ‘মারফতে’ একটা স্বাভাবিক antagonism আছে। ভারতের দীক্ষিত-সাধারণেরা মারফতকেই গ্রহণ করিয়াছিল। আর ইহারই জন্ত রাধা কৃষ্ণের লীলা-কথা আজ পর্য্যন্ত মুসলমানদের জীবনে বন্ধমূল হইয়া আছে; “জন্ম জন্ম ভক্ত রাধা হরির চরণে” বলিয়া কানু ফকীরের মতন বহু মুসলমান ফকীর আবির্ভূত হইয়াছিল এবং আজিও হইতেছে।

কানু ফকীর বা আলী রাজা মরহুম দেড়শত বৎসরেরও আগেকার লোক।

“নানা ভেল করি শুদ্ধ সার যোগী নহে।

রচুলী হাল বিনা ফকির শুদ্ধ নহে।”

এই উক্তি তিনি করিয়াছেন সত্য, কিন্তু এই রচুল ঠিক আরবের রচুল নহেন। এই রচুলকে তিনি এক ভবিষ্যৎ দ্রষ্টা তাত্ত্বিকের বেশে ভূষিত করিয়াছেন।—রচুল বলিতেছেন :

“অপরূপ কখন শুন আলী তুমি।
প্রভুর গোপন রত্ন তত্ত্ব সে কাহিনী ॥
এই সব বৃথা নহে জান শুদ্ধ সার।
মোর পাছে পয়গম্বর না জন্মিব আর।
মোর পরে হইবেক কবি ঋষিগণ।
প্রভুর গোপন রত্নে বাঞ্ছিবেক মন ॥
শাপ্ত সব ত্যাগ করি ভাবে দুঃখ দিয়া।
প্রভু প্রেমে প্রেম করি রহিবৈ জড়িয়া ॥” (১)

এই আদর্শের সাধকেরা বলিলেন—মানুষের জন্ত শাস্ত্রের কোনো প্রকার আবশ্যকতা নাই, তাহারা নিজেদের শক্তি-সাধনায় আল্লাহর উপলক্ষি করিবে। সেই উপলক্ষির জন্ত পয়গম্বরেরও প্রয়োজন হইবে না, অতএব হজরতের পর আর পয়গম্বর জন্মাইবে না।—তাঁহারা সহজিয়ার আদর্শে প্রেমকে সর্বোচ্চ স্থান দিলেন; বলিলেন, একমাত্র মানুষকে প্রেম-দান দ্বারাই আল্লাহর সান্নিধ্যলাভ ঘটিবে।

(১) জ্ঞানসাগর

আবহুল কাদের

“বেষ্ঠাকুলে ছিল নারী মৈত্র শকনাবাত ।
ভক্ত হৈল দেওয়ান হাফেজ অধিক তাহাত ॥
হাল-ওয়ানী হুত ছিল মোবারক হুন্দর ।
ভক্ত হৈল সেই রূপে বু'আলী কালন্দর ॥
পরমা হুন্দরী ছিল কৈবর্ত কুমারী ।
নবী ছোলেমান ভক্ত পাই সেই নারী ॥
এই মত বহু তপস্বী ভক্ত হইয়া ।
যথা রূপ তথা ভাবে রহিল মজিআ ॥
রূপ বিহু প্রেম নাহি, ভাব বিহু ভক্তি ।
ভাব বিহু লক্ষ্য নাই, সিদ্ধি বিহু মুক্তি ॥” (১)

এই সমস্ত উক্তিতে তিনি মানুষ-ভক্তনাকেই স্পষ্ট ভাষায় বাক্ত করিলেন। বৈষ্ণব মহাজিয়ার প্রেমাদর্শের সঙ্গে তাঁহার এই প্রেমের স্মৃতিবিড় সাদৃশ্য।—সুফী-গাহিতো আয়নাতে আপনার ছবি দেখিয়া আপনার রূপে আপনি মুগ্ধ হইয়া প্রেমের পীড়নে আল্লাহর হজরৎ-সৃজনের কাহিনী আছে। আলী রাজাও এই একই কথা বলিলেন:—

“প্রথমে আছিল প্রভু এক নিরঞ্জন ।
প্রেম-রসে ডুবি কৈল যুগল সৃজন ॥
প্রেম-রসে ভুলি প্রভু যাহাকে সৃজিল ।
মোহাম্মদ করি নাম গৌরবে রাখিল ॥” (২)

পল্লীর নিরঙ্কর মারফতী-পন্থীও এই কথাটিই তাহার গানে গাহিল:—

“নিরাকারে আহাদ নামে আলেপে ছিল খোদা ।
সেই আলেপ হৈতে আহম্মদ আপনে করিল পয়দা ॥
সফিওল উন্নতে নবি মাগুকে খোদা—
দীলে জানে কর ফেদা ।
নবীজ পয়দা হ'য়ে করীম নামটি জ্বানে করিল আদা ।
খোদা সেই নামেতে মগ্ন হ'য়ে নাম রাখিলেন মোহাম্মদা ॥”

শেখ পরাগ নামক জনৈক বাউল কবি বহু পূর্বে এই কথারই প্রতিধ্বনি করিয়া গাহিয়া গিয়াছেন :

“আছিল গোপনে সে নৈরূপ আকার ।
নিজ রূপে নিরঞ্জন হইল প্রচার ॥

(১) জ্ঞানসাগর ।

(২) জ্ঞান সাগর ।

পুনর্বীর নিরঞ্জন দেখি একাকার ।
নিজ অংশে প্রচারিল মুর অবতার ॥”

আলী রাজা “বৈষ্ণব সবেয় বন্ধু” বলিয়া বৈষ্ণবের সাধন প্রণালীকেই গ্রহণ করিবার ইঙ্গিত করিয়াছিলেন। বস্তুতঃ, তাঁহার সমসাময়িক বাঙলায় বিপুলভাবে প্রত্যেকে বা পরোক্ষে বৈষ্ণব-মনের চর্চা চলিতেছিল। নাথ-পন্থীর প্রভাবও তখন অল্প নহে, এবং নাথ-মনের চর্চার ফলেই গ্রাম-দেবতার পূজা, পীর-ভক্তি, দরগাহ-পূজা, মানতের পূজা, গানের মজলিশ ইত্যাদি ক্রমশঃ দেশে বাড়িয়া চলিয়াছিল, কিন্তু হঠাৎ ওহাবী-আন্দোলন আসিয়া এ সবেয় গতি-পথে প্রতিবন্ধক হইয়া দাঁড়াইল।

* * * *

ওহাবী-নেতা সৈয়দ আহমদ ঘোষণা করিলেন—হজরতের বিধান মূলতঃ দুইটি জিনিসের ওপর গুস্ত, প্রথমতঃ কোনো প্রাণীতেই আল্লাহর গুণাবলী কল্পনা করিবে না, দ্বিতীয়তঃ তেমন সব আদর্শ বা ক্রিয়াকাণ্ড আবিষ্কার করিবে না যাহা হজরতের বা তাঁহার উত্তরাধিকারী ও খলিফাদিগের আমলে প্রচলিত ছিল না। তিনি ১৮২২ খৃষ্টাব্দে মক্কাশরীফে গমন করেন ও আবহুল ওহাবের শিষ্য হন। ভারতে প্রত্যাগমন করিয়া তিনি পীরদিগের এবং ‘কাফের’দিগের বিরুদ্ধে ‘পবিত্র’ জেহাদ ঘোষণা করেন। পাটনা এই আন্দোলনের কেন্দ্র হয়। ১৮২৬ খৃষ্টাব্দে সৈয়দ আহমদ ঘোষণা করিলেন যে, শিখদিগের বিরুদ্ধে জেহাদ করিবার সময় আসিয়াছে। যুদ্ধও আরম্ভ হইল; বাঙলা বিহার হইতে মানুষ ও অর্থের সাহায্য প্রচুর ভাবে আসিতে লাগিল; ১৮৩০ খৃষ্টাব্দে ওহাবীরা পেশোয়ার অধিকার করিল। এই জয়ে বাঙলার ওহাবীরা তিতু মিঞার নেতৃত্বাধীনে বিদ্রোহ করিল; ১৮৩২ খৃষ্টাব্দে তাহারা নদীয়া, ২৪ পরগণা, ফরিদপুর প্রভৃতি স্থানে লুটপাট ও ‘কাফের’ ধ্বংস করিতে লাগিল।

তিতু মিঞা ও সৈয়দ আহমদ নিহত হইলে পর, ১৮৬৮ খৃষ্টাব্দে এই আন্দোলন পুনরায় আত্মপ্রকাশ করে। পাটনাবাসী দুইজন প্রচারক—ওলিয়াৎ আলী ও এনায়েৎ আলী বাঙলার পদার্পণ করেন। এনায়েৎ আলী



ঠাহার সমস্ত শক্তি সংহত করিয়া বিশেষ ভাবে মালদহ, বগুড়া, রাজসাহী, পাবনা, নদীয়া ও ফরিদপুরে প্রচার কার্যা চালান। জোনপুরের মোলানা কেরামত আলী এই আন্দোলন পূর্বদিকে ফরিদপুর হইতে ঢাকা ময়মনসিংহ নোয়াখালী এবং বরিশালে নিয়ন্ত্রিত করেন। হায়দরাবাদের জয়নাল আবেদীন—যিনি ওলিয়াৎ আলী কর্তৃক দক্ষিণ-ভারত ভ্রমণ কালে ওহাবী দলভুক্ত হন, ত্রিপুরা, শ্রীহট্ট প্রমুখ জেলায় প্রচার-কার্যে নিযুক্ত থাকেন। এতদুভিন্ন অসংখ্য ছোট ছোট প্রচারক ছিলেন। পূর্বোক্তবারের আন্দোলনের পর ইঁহারা গভর্ণমেন্টের আইনের ভয়ে ওহাবী নাম বদলাইয়া নিজদিগকে আহলে হাদীস বা গয়ের মোকাজ্জেদ নাম দিলেন। ইঁহারা ইমামদের নির্দেশ অগ্রাহ্য করিলেন; বিবাহে বাণ্ড বাজানো, মসজীদে সিম্নি দেওয়া, সমস্তকেই অসিদ্ধ বলিলেন।

এই আন্দোলন-কারীরা বাঙলার জনসাধারণ মুসলমানকে ইসলামের শরীয়ত পালনে বাধা করিতে লাগিল। গায়ের জোরে সঙ্গীত বাণ্ড সমস্তই তাহারা বন্ধ করিয়া দিতে উত্তত হইল। এতকাল যে ফকিরী গানের দল তৎকথার বেশাতিকেই একমাত্র শ্রেষ্ঠ বলিয়া জানিয়াছিল, তাহারা এ অত্যাচারে ব্যস্ত সমস্ত হইয়া সুর একটু বদলাইয়া তখন গাহিল—

“শরীয়ৎ না চিনিলে মারফৎ কোথাও না মিলে।”

এতকাল যে গানের দল হজরতের সাধন-আদর্শের প্রয়োজনীয়তা উপেক্ষাই করিয়াছিল, তাহারা হজরৎকে মুখে মুখীদ স্বীকার করিয়া তখন গাহিল—

“আমি আর কোনো ধন চাইনা,

মুখীদ ও মায়া-নদী কার জোরে তরি।

যখন আসবে শমন, হাতে গলায় বাঁধবে তখন;

রহুল বিনে কে করিবে উদ্ধার ও,

তখন আমি আর কার আশা করি।”

পরকীরা-চর্চা আর তাত্ত্বিক বামাচারের স্রোতে তখন যথাসম্ভব ভাঁটা পড়িল। সহজ-সিদ্ধি মুসলমান গাহিল—

“নফ্‌ছের উলটে নাও বাইও, রে মনুয়া।

নফ্‌ছের মুখে কাটা জিন্‌ দিয়া ষোড়ার কোচ্‌মান ধরো।

আন্তে মারে ধরো তারে, দিনে রাতে বাইও ॥

নফ্‌ছে কাকের দিল আল্লা আমমের কালেবে।

নফ্‌ছেরে যে মানাইতে পারে, তারে লইব কোলে ॥”

এই ওহাবী-আন্দোলনের বেগ কিন্তু অতীতকালের মধোই এদেশের ইতিহাসকে একেবারে অস্বীকার করার ফলে স্বাভাবিক ভাবে মন্দীভূত হইয়া গেল। ষাঁহারা এই আন্দোলনের নেতৃস্থানীয় ছিলেন, ঠাহারাও অবশেষে আর পীর-পরিপন্থী না হইয়া পীর-পন্থী হইলেন। মোলানা কেরামৎ আলী পরে মজহাব ও পীরবাদকে সমর্থন করিয়াই কথা কহিলেন, নিজেও পীরানি আরম্ভ করিলেন। তিনি হয়ত এদেশের চিত্তের পরিচয় পাইয়া পরে ইঁহার প্রয়োজনীয়তাকে উপলব্ধি করিতে সমর্থ হইয়াছিলেন। কিন্তু ঠাহার এই পীরানি অশ্রু আদর্শের; ইঁহাদ্বারা ধর্ম-প্রচারের সহজ পন্থা অবলম্বিত হইল। কিন্তু তাহাতে লাভ হইলনা। দেশে বহু শরীয়তী পীরের আবির্ভাব হইল, তাহারা অদ্ভুত অদ্ভুত তত্ত্বের বেশাতি করিতে লাগিল। তদুপরি তরিকৎ-পন্থী বলিয়া একদল পীরের আবির্ভাব হইল; ইঁহারা নমাজ রোজা অবহেলা করিল না, কিন্তু সঙ্গে সঙ্গে গীতি বাণ্ডও চালাইল। ইঁহারা মানুষের চারি অবস্থা বিবৃত করিল—(১) মানুষ যখন শয়তানীতে লিপ্ত থাকে, তখন তাহার অবস্থা—ওসোয়াস; (২) মানুষ যখন স্বার্থের সংসারের কাজে এবং স্বার্থের বা বেহেস্ত-প্রাপ্তির মানসে নামাজ রোজার লিপ্ত থাকে তখন সে নফ্‌সের অধীন; (৩) মানুষ যখন আল্লাহ্‌তায়ালার ভয়ে নাবালকের মতন অন্ধভাবে শরীয়তের সমস্ত বিধি বিধানকে হুব্‌হু পালন করে, তখন সে এল্‌হামের অধীন, সে তখন ফেরেস্তার দরজায়, সদাসর্বদা তাহার অন্তরে তখন জিকির চলিতে থাকে; (৪) এশ্‌ক, অর্থাৎ মানুষ তখন প্রেমে আল্লাহ্‌তায়ালাতে নিমজ্জিত হইয়া স্বয়ং আল্লাহ। আল্লাহ্‌ হজরৎকে প্রেম দ্বারা সৃজন করিয়াছিলেন, এবং প্রেম করেন, মুখীদকেও পীরকে প্রেম করিতে হয়, অতএব পীর মুখীদের নিকট মোহাম্মদ

আবহুল কাদের

স্বরূপ হইল; শিষ্যেরা পীরকে উদ্দেশ্য করিয়া গান
গাহিল—

“নাবিজী, আসিবা নি আমার আসরে ॥

আগ্ বাজারে আইল যারা, লাভ করিয়া গেল তারা,
শেষ বাজারে এসে আমি বিকি কিনির দর পাইলাম না ॥

সেই পারে মথুরার বাজার, পার হইয়া যায় সব দোকান দার,
আমি ডাকি গুরু গুরু—

গুরুগো তোমার নামের কলঙ্ক যে রয়না ॥”

বাঙলার পল্লীতে এই তরীফৎ-পন্থী নামধারী বহু পীরের
সাক্ষাৎ পাওয়া যায়; শরীয়তের বিধি-বিধান ইহারা
অবশ্য অনেকটাই পালন করে, কিন্তু ইহাদের মন চির-
বৈষ্ণব। ইসলামী শাস্ত্রে অত্যন্ত পারদর্শী পীরেরাও
বৌদ্ধ বা বৈষ্ণব কৃষ্টি ছাড়াইয়া উঠিতে পারে নাই। চট্ট-
গ্রাম বিভাগ জুড়িয়া মাইঝাঙার ফকীরের যে বিরাট
দল আছে, তাহাদের গানে শূন্যবাদ, মায়াদ, গুরুবাদ,
লালাবাদ, সমস্ত কিছুই পর্যাপ্ত ভাবে বিদ্যমান; ইসলামের
সামান্য প্রভাব সেই গানে আছে কি না আবিষ্কার করা
দুষ্কর। আর তাহাদের সাধন-প্রণালীও অনেকটা নাথ-
পন্থীদের সাধন-প্রণালীর অনুরূপ। তবে তাহারা তাহাদের
গানে ইসলামী শকাবলীই যাহা কিছু ঢুকাইয়াছে।
এতকাল বাউল ফকীররা গাহিয়াছে, মানুষের দেহের
মধ্যেই গঙ্গা যমুনা কাশী বৃন্দাবন, ওহাবী আন্দোলনের
পরের ফকীররা গানের ভাবাদর্শকে অবিকল অক্ষুণ্ণ
রাখিয়া শুধু মাত্র কাশী বৃন্দাবনের স্থানে মক্কা মদীনা
বসাইয়াছে; কৃষ্ণ স্থানে মহাম্মদ (স) বসাইয়া তেমনি
স্বরে গাহিয়াছে—

“না বাসিও পর, ওরে বন্ধু, না বাসিও পর ॥

জন্ম জন্ম জানি আমি তুমি বন্ধু মোর,

ওরে বন্ধু, না বাসিও পর ॥”

অধীন গোনাহ্‌গার আমি, নাই রে আমার কুল।

অকূলে পড়িয়া ডাকি মোহাম্মদ রহুল।

ওরে বন্ধু, না বাসিও পর ॥”

তাহারা হজরৎকে—“ও আমার শ্রামরিয়ারে—” সম্বোধন
করিয়াছে: কৃষ্ণের বাণীর স্থানে কালামের বাণী,
বৃন্দাবন-বিহারী স্থানে মদীনা-বিহারী, এমনি করিয়া মূল
উদ্দেশ্য-আদর্শকে অবিকৃত রাখিয়া শুধু মাত্র শকাবলীর
পরিবর্তন করিয়াছে। ইহা করিয়া ইসলামের বিকৃত
ব্যাখাই ইহারা জন-সমাজে প্রচার করিয়াছে এবং করিতেছে।

ওহাবী-আন্দোলনের পাণ্ডারা আন্দোলনকে শেষে
আর পরিচালনা না করিলেও দেশের কাঠমোলা মৌলভীরা
শরীয়ৎকে চালাইবার জন্ত জনসাধারণের উপর অত্যন্ত
দৌরাত্ম্য করিতে থাকে। তাহাদের দ্বারা পল্লীবাসিন্দারা
অতিশয় নিশ্চিন্তভাবে ধর্মের নামে অত্যাচারিত হইতে
লাগিল। তাহাতে মানুষের বাঁচিয়া থাকিবার সহায়-সম্পদ
—সদীত আনন্দ ইহার সমস্তই পল্লী হইতে বিদায় নিল,
কিন্তু পল্লীজীবনের কোনো উৎকর্ষই সাধিত হইল না।
পল্লী-জীবন হইল শুষ্ক নিরানন্দ, সেখানে শরীয়ৎ ও
ফলপ্রসূ বা গ্রহণীয় হইল না, হইতে পারে না। এই সমস্ত
মোলা মৌলভীর প্রধান দোষ ছিল এই যে, ইহারা এ দেশের
পরিবেষ্টন, এ দেশের মানুষের চিন্তা, এ দেশের অতীত, কোনো
কিছুর দিকে মুখ তুলিয়া চাহিতেন না; ভিন্ন-পরিবেষ্টনে পুষ্ট
সেমিটিক-মনের সৃষ্ট ইসলামকে আর্ধ্য দেশে, আরব হইতে
অন্ত ধরণের পরিবেষ্টনে ছবছ চালাইতে নিষ্ঠুর প্রচেষ্টা
করিতেন—যাহার অবশ্যস্তাবী পরিণাম দাঁড়াইল শোচনীয়
ব্যর্থতা।

বাঙলা দেশের জলবায়ুই এ দেশের মানুষের চিন্তাকে
চির-কোমল করিয়া রাখিয়াছে, তাই আদিকাল হইতে যত
নতুন নতুন ধর্মমত এদেশে জন্ম ও প্রবেশ লাভ করিয়াছে,
dogmaticই হোক আর ভক্তিরই হোক, তার কিছুই
প্রত্যাখ্যাত না হইলেও এ দেশের মানুষ নিজেদের বৈশিষ্ট্যকে
ক্ষুণ্ণ করিয়া কোনো কিছুকে গ্রহণ করে নাই। এ
দ্বারা শুধু বাঙলা দেশ সম্বন্ধেই খাটে ‘না, সমস্ত দেশের

(১) এই ফকীরদের অনেকেই বিশ্বাস করিয়া থাকে যে কৃষ্ণ
ও মহাম্মদ অভিন্ন ব্যক্তি।



ইতিহাসেরই এই কথা। তাই ব্রাহ্মণ আন্দোলন, ওহাবী আন্দোলন এই দেশে আসিলেও এই দেশের সহজিয়া মন তাহার মূল আদর্শ হইতে বিচ্যুত হয় নাই, নিভূতে গোপনে সে তাহারই সাধনা করিয়াছে। ওহাবী আন্দোলনের আগে যেমন অসংখ্য পীর মুশীদ প্রেম ও তত্ত্বের গান গাহিয়া গিয়াছে, তেমনি পরেও অসংখ্য সাধক ফকীর আবিভূত হইয়া তাহাদের প্রেমের তত্ত্বকে প্রচার করিয়া গিয়াছে এবং যাইতেছে। বৈষ্ণব বা সহজিয়ার দেহতত্ত্ব ও আত্মতত্ত্বই তাহাদের গানে গানে রূপ লাভ করিয়া উঠিয়াছে। এখানে পাগ্লা কানাইর কথা উল্লেখ করা যাইতে পারে। ইনি যশোহর জেলার জিনাইদহে জন্মগ্রহণ করেন।

“হায় হায় কি মজার দোকান পেতেছে নিতাই
তোরা কেউ দেখে তে যাবি আয়।”

গাহিয়া গাহিয়া তিনি যশোহর হইতে ময়মনসিংহ পর্য্যন্ত সারাজীবন বিচরণ করিয়া গিয়াছেন। দেহতত্ত্ব বিষয়ক তাঁহার অনেক গান আছে। নিম্নে একটা গানের কিয়দংশ উদ্ধৃত করিতেছি:—

“শোনো ভাই, আমি রথের কথা বলে যাই।
এক কামিলকর উত্তম ব্যক্তি দীন বন্ধু সাই।
দিয়ে তিন শ ষাট ঘোড়া
রথ করে খাড়া দুই চাকার পর ;
এমন রথ কভু দেখি নাই।

আছে কুড়ি চল্লি আর দশ ইল্ল, রথে বিরাজ করে
চৌবাট্ট গোসাক্রি ॥” (১)...

বাঙলার ফকিরীদের লোকেরা যে সমস্ত তত্ত্বের গান গাহিয়াছেন, নাথ-মার্গের লোকেদের প্রভাব তন্মধ্যে সর্বাপেক্ষা অধিক।

“গুরু মীন নাথ রে উষ্টা উষ্টা ধারা।
পুকুর মরে ধান শুকাইয়া, উগার তলে বাড়া।
গুরুহে, আম গাছে শৈলের পোনা, বগায় ধরি খায়।
তা দেখিয়া খুদি পিপড়া পল লইয়া যায় ॥... (২)

(১) বাঙালীর গান— ৭৬৫ পৃঃ দ্রষ্টব্য।

(২) শেখ ফয়জুল্লা মরহুম কৃত ‘গোরক্ষ-বিজয়ের’ ভূমিকা

পল্লী-বাঙলায় এই ধরণের অদ্ভুত কথার গান ভূরি ভূরি পাওয়া যায়। নিম্নে একটা সাধারণো বিখ্যাত গানের উল্লেখ করিতেছি :—

“গুরু আমার আলেক সাই ও।
ও মুশীদও ; বাজারেতে নাই মানুষ, ঘর চালে চালে
মুশীদ, ঘর চালে চালে।
অন্ধলে যে দিছে দোকান, খরিদ করে কালে ও।
ও মুশীদ ও ; লাহর দরীয়ার মাঝে ভাইস্থা ফিরে পানা
মুশীদ, ভাইস্থা ফিরে পানা।
তিন ফকীরে পড়ে নমাজ, তিন ফকীরের মানা ও।
ও মুশীদ ও ; সমুদ্রের তলে পাথর, পাথর খাইল ঘুনে
মুশীদ, পাথর খাইল ঘুনে।
মা’র বিয়ার দিন পিতার জনম হইল কেমনে ও ॥”

গোরক্ষনাথের যুগে যে-সমস্ত তত্ত্ব-প্রশ্ন তৎকালীন অনুসন্ধিৎসু মানুষের চিত্তে প্রকাশ লাভ করিয়াছিল, আজিকার যুগের বাউল ফকীরও সেই সব প্রশ্ন বার বার উত্থাপন করিতেছে। গোরক্ষনাথের জন্মস্থান পাঞ্জাবের জলন্ধরে— অনুমান করা যাইতে পারে। তিনি গুরু মীননাথের উদ্ধারার্থে “কদলানগরে” আসেন। আমাদের দেশে আজ পর্য্যন্তও গোরক্ষনাথকে গো-রক্ষাকারী ভাবিয়া মানত দিবার প্রথা প্রচলিত আছে। (৩) তাহারই উক্ত আগমন-কাহিনী ব্যপদেশে বিবচিত “গোরক্ষবিজয়ে” যে কয়েকটা তত্ত্ব-প্রশ্ন স্থান পাইয়াছে, যথা—

“গুরু তুমি কোন্ জন শিষ্য হও কার।
জল ভূমি আর আকাশ রহিছে কোন্ জোরে ॥
দাঁপ নিভাইলে জ্যোতি কোথা গিয়া রয়।
কোথায় জন্মিল তুমি কোথায় হৈলা স্থির ॥”..

তদনুরূপ তত্ত্ব-প্রশ্ন আজিকার দিনের পল্লীগানেও প্রচুর পরিমাণে প্রাপ্ত হওয়া যায় ; যথা—

মুশীদ, কও সতা-বাণী ॥
অন্ধকার ধন্ধকার খোয়া নৈরাকার

(৩) “On the Cult of Gorakshanath in Eastern Bengal”
by Sarat Chandra Mitra M. A.--Journal of the Dept of
Letters, C. U. Vol. XIV. 1927 দ্রষ্টব্য।

আবদুল কাদের

গো মুর্শীদ, খোয়া নৈরাকার ।
কোন্ বেলা কোন্ কারে ছিলাম, তার না পাইলাম ঠার,
গো মুর্শীদ, তার না পাইলাম ঠার ॥
পঞ্চমাসের পঞ্চ আত্মা, ছয় মাসের জীব
গো মুর্শীদ, ছয় মাসের জীব ।
দশ মাসের দশ দিন, আমি খাইছিলাম কো চাঁজ,
গো মুর্শীদ, খাইছিলাম কি চাঁজ ॥
পানির তলে জড়া ঘাস, সেও শুঠে দিশে,
গো মুর্শীদ, সেও শুঠে দিশে ।
গো মুর্শীদ, মুখ মারিল কিসে ॥
ধানের মাঝে ধুরা আর সর্ষের মাঝে তেল,
গো মুর্শীদ, সর্ষের মাঝে তেল ।
আঙুর মাঝে বাচ্চা হৈল, প্রাণ কেমনে গেল,
গো মুর্শীদ, প্রাণ কেমনে গেল ॥”

শাহলালন ফকীরের নাম এখন আর শিক্ষিত বাঙালীর কাছেও অপরিচিত নহে । তিনিও তাঁর গানে বৈষ্ণব আর বৌদ্ধের তত্ত্ব কথাই গাহিয়া গিয়াছেন :—

“যার নাম আলেক মানুষ আলেকে রয় ।
শুদ্ধ প্রেম রসিক বিনে কে তারে পায় ॥
রস রতি অনুসারে
নিগূঢ় ভেদ জান্তে পারে,
রতিতে মতি ঝরে
মূল খণ্ড হয় ॥
লীলায় নিরঞ্জন আমার
আধলীলা কল্লেন প্রচার,
জানলে আপন জন্মের বিচার
সব জানা যায় ॥
আপনার জন্ম-লতা
জান্ গে তার মূল কোথা,
লালন কয় হবে সেথা
সাঁই পরিচয় ॥”

একদশ শতাব্দীতে এবং তাহারও পরে বৈষ্ণব প্রচারক-গণ ভক্তি ও প্রেম-ধর্ম দ্বারা বিশেষ ভাবে মায়াবাদকে উচ্ছেদ করিবার প্রয়াস পাইয়াছিল । বৌদ্ধেরা মায়াবাদকে স্বীকার করে ; বাঙালী মুসলমানের জীবনেও এই মায়াবাদ আশ্চর্য্য ভাবে অধিকার গ্রহণ করিয়া আছে ; তাহারা

“ও মোলা, আখের ছনীয়া ফানা ও,
ছনীয়া ধকের বাজি ও ॥”

গাহিয়া সংসারের অনিত্যতা আর অনিশ্চয়তাকেই প্রচার করিতেছে । বৌদ্ধদের গুরুবাদকে সমর্থন করিয়া তাহাকেই তাহারা অন্তর্ভাবে ঘুরাইয়া বলিতেছে—

“বে-তলপিনা বে-মুরীদা যেবা বান্দা মরে,
শয়তানে করিব মুরীদ কবরের ভিতরে ;
সোওয়া হাত কাপড় দিয়া চান্দুয়া টাঙাইয়া,
গুপ্ত ভাবে করবো মুরীদ কবরে বসাইয়া ॥
মুরদার কবরে দিয়া মোলা যাইব ঘর,
ক্রুদ্ধ হৈয়াচার ফিরিঙ্গা মিলিব কবর ;
কবরের আজাবে বান্দার জীবন না থির,
—হেন কালে কোথায় রইলা দয়াল উত্তাদ পীর ॥”

এই সমস্ত সাধকরা সাধারণ কথাকে এমনি তত্ত্ব-সঙ্কুল করিয়া গাহে যে, তাহার রহস্য-ভেদ করা ছুঃসাধ্য ব্যাপার হইয়া দাঁড়ায় । যাহারা তাহাদের তত্ত্ব-সাধনাকে ঘৃণার চক্ষে দেখে, নমাজেও রহস্য বর্তমান—এই উদ্দেশ্য করিয়া তাহারা সেই সমস্ত গৌড়াদের লক্ষ্য করিয়া গায়—

“খোদার মমীন তুমি থিলুকা দিলা গাও ।
কোন্ মুখে মাগো ভিক্ষা, কোন্ মুখে খাও ॥
কোন্ নদীর পানি দিয়া মর্দে ওজ্জ করে ।
নমাজ পড়িয়া মিলে সালাম জানাও কারে ॥”--

আলী রাজা কয়েক বৎসর পূর্বে তীব্র ভাষায় বলিয়া গিয়াছিলেন—

“সকল শাস্ত্র ভাগ করি ভাবে ডুখ দিয়া ।
প্রভু প্রেমে প্রেম করি রহিবে জড়িয়া ॥

এত বড় দারুণ নিগ্রহ-বাহী ওহাবী আন্দোলনও সেই ভাবের বিপর্যায় ঘটাইতে পারিল না । বাউল কবি হাছন রাজা ওহাবী আন্দোলনের বেগ ধামিতে না ধামিতেই গাহিলেন—

“খোদা মিলে প্রেমিক হইলে
পাবেনা পাবেনা খোদা নমাজ রোজা করিলে ॥”

হাছন রাজার বাউল ও মুর্শীদি গান গুলিতে হিন্দু উপনিষদের ছায়া আশ্চর্য্যভাবে প্রতিকলিত হইয়াছে । তিনি শুধু

“আমি যাইমূরে যাইমূরে আনিব মকে”



বলিয়াই কাস্ত হন নাই; প্রকৃত হিন্দু pantheistএর মতন অকুতোভয়ে বলিয়াছেন :—

“বিচার করিয়া দেখি সকলেই আমি।

সোনা মামী সোনা মামী গো,

আমারে করিলে রে বদনামী ॥

আমি হৈতে আলা রহুল, আমি হইতে কুল,.....

আমা হইতেই আনুমান জমিন, আমা হইতেই সব

মরুব মরুব দেশের লোক, মোর কথা যদি লয়.....

আপন চিনিলে দেখ খোদা চিনা যায় ॥”—

এই বাউল-কবি একজন নীরব মন্থুর হাল্লাজ; তাঁহার ভিতরে এই অহং-জ্ঞান কত প্রাণবান আর আবেগময়। তাঁহার এই আবেগ সূফী-চিত্তের।

“হাছন রাজা প্রভুরে কয় হস্তের মধ্যে ধরি—

তোমার আমার এমন বন্ধন ছাড়াইতে না পারি ॥”

আলাহর প্রতি তাঁহার যে এই প্রেম, সূফীর অগ্নি যেন তাহা হইতে বিচ্ছুরিত হইয়া পড়িতেছে।

অবশ্য একথা অস্বীকার করিবার উপায় নাই যে, ইসলাম এদেশের বাউল চিত্তের সুলভ প্রেমে এক জ্বালাময় দাহের সৃষ্টি করিতে সক্ষম হইয়াছে। হাছন রাজা, লালন ফকীর, তিহু ফকীর, পাগ্লা কানাই, ভাহু ফকীর, ইহাদের সকলের গানেই সাইয়ের আরাধনা আর বৈষ্ণব-প্রেম থাকিলেও ইহাদের গানের গোপন অন্তরে এমন একটা কিছু বৈশিষ্ট্যের আন্বাদ পাওয়া যায়, যাহা হিন্দু সাধক বা পদাবলী লেখকদের মধ্যে আদৌ পাওয়া যায় না। মুর্শাদি গান বলিয়া ইসলামের সংঘাতে যে গানের সৃষ্টি বাঙালার সম্ভব হইয়াছে, তাহার আকুলতা আর দৃঢ়-চিত্ততার দিকে দৃষ্টিপাত করিলে সূফীর আবেগ-উচ্ছ্বাসের কথাই বার বার স্মরণে আসে। নিম্নে একটা মুর্শাদি গান উদ্ধৃত করিয়া দেখাইতেছি :—

“বইলা দে বইলা দে মোরে গো—

কি করিমু বাঞ্ছা পাইলে ॥

গোপনে অনুভব করি গো বইলা নিরালে;

জুড়ায় না তাপিত অঙ্গ, অঙ্গ পরশিলে, পরশিলে গো ॥

বিনা কাণ্ডে অলছে অনল গো, মিষে না জল দিলে,

আবার সঙ্গ গুণে সঙ্গ বাড়ে, বারণ হয় কি দিলে, কি দিলে গো ॥

দীন হীনে বলে বন্ধুও, তোরে রাখিমু কোন ধলে;

জুড়ায় না তাপিত নয়ন, রূপ নেহারিলে, নেহারিলে গো ॥”

পদাবলী সাহিত্য বাঙালার অমূল্য সম্পদ। সেখানে রাখার যে রূপ কল্পিত হইয়াছে, তাহাতে মনে হয় রাখা অত্যন্ত দুর্বল প্রকৃতির, কৃষ্ণ-প্রেমে যেন এলাইয়া পড়িয়া লুটোপুটি খাইতেছেন। বাঙালার নিরক্ষর পল্লী-মুসলমানদের দ্বারা যে ঘাটু-গানের পালার সৃষ্টি হইয়াছে, তাহাতে দেখা যায় রাখা কত সবলচিত্ত, তাঁহার প্রেম আধ্যাত্মিক শক্তিতে কত শক্তিমান আর দৃষ্ট। সেখানকার রাখা অপেক্ষাকৃত কাজের মানুষ; কিন্তু পদাবলীর রাখা কাজের সংসারে টিকিয়া থাকিয়া প্রেমিকা হইবার মতন নহেন।

ইসলাম এ দেশের গানের মধ্যে কোন পরিবর্তন বা বৈশিষ্ট্য যদি আনিয়া দিয়া থাকে, তবে তাহা শুধু এই টুকুই মাত্র; এবং এই ইসলাম আরবের ইসলাম নহে, পারস্যের ইসলাম। গানের দলের মানুষের জীবনে ইসলামের অমর দান এই যে—তাহা তাহাদের জীবনে আশ্চর্য্যাকর সৌন্দর্য্য-বোধ সবলতা ও ইঞ্জিয়-বশীকরণ শক্তি আনিয়া দিয়াছে, এবং ইসলামের জন্মই বর্তমান কালের বাঙালার মানুষের জীবন এত সুন্দর রূপে নিয়ন্ত্রিত; তাহা হইতে পুরাকালের সেই স্বেচ্ছাচারী তিরোহিত হইয়াছে।

নিছক ইসলামী কাহিনী নিয়াও এ দেশে অনেক গান রচিত হইয়াছে, যেমন গাজীর গান, জারীগান। কিন্তু প্রকৃত ইসলামের বার্য্যাবত্তা এই সমস্ত গানের কোনোটাতেই নাই। গাজীর গানের গায়কও বোদ্ধদের মতন তাহার নায়কের জন্ম-পূর্ব্বের ইতিবৃত্ত কহিতে গিয়া জন্মগ্রহণ করিবার আসন্ন মুহূর্ত্তে নায়ককে দিয়া বলায় :

“মন ভোলা মন যাবো না মন

মিছা ছুন্য়ার পরে ॥”

শুধু মায়াবাদই নয়, বৈষ্ণবের লীলাবাদ ও বহু রূপকথার কাহিনীতে জড়িত হইয়া এই গান গীত হয়।

“গোরক্ষ-বিজয়” নাকি নাথ গুরুদের যুগে বর্তমান কালের “জারী গানের” মতন করিয়া গাওয়া হইত। নাথদের গানের অনুপ্রেরণাতেই জারী গানের উদ্ভব হইয়াছে কিনা নির্ধারণ করা চক্কর। সাধারণতঃ, হুসেনের কারবালা

আবদুল কাদের

শহীদ উপলক্ষ করিয়া মোহররমে যে সমস্ত “মাতম্” গাওয়া হয়, মনে হয়, তাহারই অনুকরণ করিয়া এই জারী গানের আলী বংশধরদের কাহিনীই অধিক গাওয়া হয়। শরীয়তের বিধি-বিধান পর্যবেক্ষণের উপদেশ দিয়াও ইহাতে গান রচিত হইয়া থাকে। এই গানের সুর অতি চমৎকার; গভীর স্বর মনে হয় যেন দূর হইতে শুধু একটি মাত্র সুর তরঙ্গ তুলিয়া আঁধার ছুলাইয়া বাতাসে ভাসিয়া আসিতেছে। ইহা প্রাণ ভরিয়া উপভোগের বস্তু।

উপসংহারে শুধু এই নিবেদন করিয়া বিদায় নিতেছি যে, বাংলা দেশে শরীয়তী ইসলাম প্রচারের প্রচেষ্টা যথেষ্ট হইয়াছে, কিন্তু তাহা বাঙলার মাটির মানুষের গ্রহণীয় হয় নাই, হইতে পারে না। অন্যান্য দেশের মতন এদেশেও তাহা শোচনীয় ভাবে ব্যর্থ হইয়া আছে, কোনো প্রকার জীবন্ত সৃষ্টি তাহার দ্বারা সম্ভবপর হইতেছে না। সমস্ত দোষ ক্রটি সত্ত্বেও এ দেশের মারফতী-পন্থী ইসলামের কিছু সৃষ্টি এদেশের মাটিতে সম্ভব করিয়া তুলিয়াছে, তাহার কারণ সে এ দেশের পরিবেষ্টন, এ দেশের মানুষ, এ দেশের অতীত, ইহার সকলকে প্রাণ দিয়া ভালবাসিয়াছে। আর আলেমদের শুধু অনুকরণ-বৃত্তি; তাহারা শুধু অনাস্বাদিত শাস্ত্রের বাহক, তাই এ দেশের জীবন-গতিতে তাহারা কেবল অভিশাপ আর প্রতিবন্ধক হইয়াই রহিল, নিজেরা কিছুই সৃষ্টি করিতে পারিল না; তাহাদের দ্বারা কোনো কালে কিছু সৃষ্টি সম্ভবপরও নহে, কারণ এ দেশের মাটির দিকে তাহাদের দৃষ্টি নাই। যদি বাঙালী জীবনে ইসলামের সুস্থ সবল ও সহজ প্রকাশ আমাদের কাম্য হয়, তবে আমাদের চলা-পথে মারফতী-পন্থী হইতেই আলোক সংগ্রহ করিতে হইবে, বাঙলার ঘর-মুখো মানুষকে বৃহত্তর জগতের মুখামুখি করিয়া দাঁড় করাইবার প্রচেষ্টা করিতে হইবে; আদর্শের অন্ধ প্রয়োগই আমাদের লক্ষ্য হইবে না, লক্ষ্য হইবে মানব-জীবনের সুন্দরতম বিকাশ।

মুসলমান-পীর বৈষ্ণব-বাউল, যাহারাই দ্বারা অলৌকিক (miraculous) কিছু সাধন সম্ভব, তাহারই চরণে আমাদের

বাঙলা জীবন এ যাবৎ মুঢ়ের মতন গড্ডলিকা প্রবাহে গিয়া অন্ধভাবে সমস্ত বিকাইয়া দিয়াছে; আজিকার এই বিজ্ঞানের যুগে তাহার অবসান হউক, সবল মনুষ্যোচিত বিচার-বুদ্ধির দ্বারা জীবনের অবলম্বনকে গ্রহণ করি। এই গ্রহণ আমাদের জ্ঞান কি হইবে, তাহা অবধারিত হইবে আমাদের চাহিদার ঐকান্তিকতার দ্বারা। যে মুক্তি-কামী অথচ অনুগ্রহ বাঙালীও এ দেশের সমস্ত ধর্ম্মান্দোলনের অগ্র-পশ্চাতে বার বার দেখা দিয়াছে, অবশ্য সহজভাবে তাহারই অনুকূলতা আমাদের পক্ষে স্বাভাবিক। তবে আজিকার যুগে হয়ত এই কথাটি ভাবিবার আছে যে, আমাদের পূর্বেকার ভৌগলিক পরিবেষ্টন এখন পরিবর্তিত হইয়াছে, সমস্ত জগতের ভাবধারা আর কৃষ্টি আমাদের এত-কালের সীমাবদ্ধ অতীতের আবহাওয়া-পুষ্টি জীবনের উপর নূতন রঙ ফলাইবার আয়োজন করিতেছে, এই অভিনব আয়োজনকে উপেক্ষা করিলে চলিবে না, তাহাকে সার্থক করিয়া তুলিতে হইবে;—জগত-বিকাশের আর অগ্রগতির সঙ্গে সঙ্গে আমাদের বিকশিত আর অগ্রসর হইতে হইবে, নতুবা বৃহৎ জগতে উপজাতির পরিবর্তে জাতি হিসাবে বাঁচিয়া থাকিবার অধিকার আমাদের থাকিবে না। বাঙালীর চির-বৈশিষ্ট্যকে ঘুচাইয়া ওহাবী-আন্দোলনের মতন কোনো-কিছুতে জোর করিয়া সায় দিবার বা দেওয়াইবার প্রচেষ্টা আমাদের জীবনে যেখানে হইয়াছে, আমাদের জীবন সেখানে উষর, উৎপাদন-অক্ষম এবং নিরানন্দ হইয়া পড়িয়াছে, জানি; কিন্তু ষথার্থ সজাগ চিন্তে নিজের ক্ষুধার প্রকৃত তাড়নার বৃহৎ জগতের সঙ্গে আমাদের মোকাবিলা হইলে তাহাতে বাঙালীও ত্রিমাণ হইবে না, তাহারই একটা অভিনব ভঙ্গী মাত্র আমাদের জীবনে রূপ পরিগ্রহ করিবে। আর তাহা হইলেই, শুধু মুসলমানের কেন, বাঙলার সমস্ত অধিবাসীর জীবন-বৃক্ষ ফলে ফলে লতার পাতার সুশোভিত হইয়া উঠিবে, বাঙলার পল্লীগান বহু ভাবে ও ধারায় বিকশিত ও প্রবাহিত হইবার অবসর পাইবে।

শিমূলফুলের ব্যথা

শ্রীকৃষ্ণধন দে

সমাজ-দাঁধন নাই যে আমার, কেউ ভোলে না সৌরভে,

মুক্ত আমি রুদ্রে বাসি ভালো,

শুক শাখার বন্ধ ভরি' বন্ধু, তোমার গৌরবে

দীর্ঘ বৃকের রক্তে জ্বালি আলো !

ঈশান কোণের অঁধাররাশি ভয় যে দেখায় ভাই,

কালবোশেখীর ঝঞ্জাশাসন নিত্য বৃকে পাই !

মাথার উপর বজ্র ডাকে, রুদ্ধ নাচে তাণ্ডবে,

বন্ধু, আমার এই ত মহোৎসব !

চাই যে বিরাট বাড়ব-শিখায়, চাই যে জ্বলৎ খাণ্ডবে,

অগ্নি-বায়ুর চাই যে আর্জরব !

বকুল বেলা শিউলি যুথীর অলস ঘুমের গান,

ক্ষুধ আমার হিম্মার তলে পায় না কোন স্থান !

জন্ম আমার রিক্ত তরুর নিবিড়-বেদন-পঞ্জরে,

লক্ষীছাড়ার ব্যথার হাসি আমি !

নির্কাসিতের হুঃখ বাজে রুদ্ধ গোপন অন্তরে,

সঙ্গী কা'রেও পাই না দিবাযামৌ !

পথের পথিক চায় না মোরে,সবাই সরে' যায় ;

রক্ত-প্রদীপ জ্বালিয়ে একা রাত্রি কাটাই হয় !

ওই যে হোণায় শেয়ালকাঁটা বাবলাবনের বক্ষে গো

ফুল ফুটেছে ক্ষুধ অভিমানে,

কাঁটার ব্যথায় জন্মে ওরা আগুন ভরা চক্ষে গো,

কাঁটার মরণ ধন্য বলি' মানে !

ওদের বৃকেই ধরার ব্যথা রক্ত দিয়ে আঁকা,

ওদের মুখেই অনাদৃতির দরদটুকু মাথা !

বন্ধু, তুমি ভুলেই যেও কালবোশেখীর যাত্রীকে,

হৃদনেরি ক্লান্ত পথিকটিরে ;

আমরা চির বরণ করি নিবিড় অমারাত্রিকে

মলয় বাতাস তোমায় থাকুক ঘিরে !

বকুল-বেলা-গোলাপ-চাঁপা ফুটুক তোমার পথে,

উদয়-রাগের বিজয়-নিশান উড়ুক তোমার রথে ।



অরণ্য

—গল্প—

—শ্রীঅচিন্ত্যকুমার সেন গুপ্ত

মেসে আছি।—একটা চাকরি জোটাতে পারি কি না সেই ফিকিরে।

চেষ্টা-চরিত্র করবার মতো চরিত্রে আর বল পাই না, ছেঁড়া তোষকের ওপর একটা রঙ-চটা রূপার মুড়ি দিয়ে উপড় হ'য়ে ছপুরটা কাটিয়ে দিই, বিকেলে এ দিক ও দিক একটু হেঁটে আসি মাত্র,—শ্রদ্ধানন্দ পার্ক, নরসিং পেনের মোড়ে চা-এর দোকান,—বড় জোর ওয়াই এম্ সি এ। লোকে বলে, কুড়েমি করে' করে'ই আমি বুড়ি'র বাব,—আমার দ্বারা কিছু হয় নি, হবেও না।

আমি মেসের তক্তপোষে শুয়ে শুয়ে স্বাধীন ভারতের স্বপ্ন দেখি।—হাতে কোনোই ত' আর কাজ নেই, পর্যাপ্ত লম্বা একটা পেন্সিল পেলে বিছানায় চিৎ হ'য়ে জিকে চেপ্টার্টন-এর মতো সিলিঙে ছবি আঁকতাম! হ্যাঁ, স্বাধীন ভারতের স্বপ্ন দেখি, তেজস্বী ভারতের! চাকরি-বাকরি না জুটলে শেষ পর্যাপ্ত বেলুড় মঠে গিয়ে মাথা গাড়া করব। চাকরি পেলেই বিয়েটা করে' বেশ তৈলসিক্ত নিরীহ সংসারী বনে' যাই,—কতটুকুই বা আমাদের চাহিদা!

এর মধ্যে এক দিন আমাদের মেসের ঝি মেসের সব বাসন-কোসন নিয়ে সরে' পড়ল। সবাই বললে,—আপনি ত' চুপচাপ বসে' আছেন, আমাদের খাস গ্রহণ করবারো সময় নেই, যান একটা ঝি-ফি জোগাড় করে' আনুন গে!...

ঝি খুঁজতে বেরলাম। এ-গলি সে-গলি;—মনে হ'ল মিথ্যে কথা; সেই কবে থেকে বীর তপস্বীর বেশে ভারত-বার্ষিক মুক্তি খুঁজতে বেরিয়েছি,—শ্রমিকের মুক্তি, কেরাণীর মুক্তি, মুকের মুক্তি! মনে হ'ল একটা প্রায়াককার চাপা পাতা গলিতে একটা নোংরা এঁদো বস্তিতে ভারতবর্ষের প্রাথমিক ঝি-গিরি করছে,—চীরবাসা, স্নান-আঁধি—যেন শূন্যমর্তী কাকুতি,—অশ্রমতী!

খুঁজতে খুঁজতে এসে গেলাম পাথুরিয়া-ঘাটা বাই-লেন। মোড়ের ওপর তেতলা বাড়ি,—সদর দরজার কাছে একটি মহিলা একটি হিন্দুস্থানি মেয়ের কাছ থেকে ঘুঁটে গুণিয়ে রাখছেন। ছপুর তখনো প্রায় পুরোপুরি-ই।

মাসীমারা যে এখানে আছেন এবং এ-পাড়ায়ই,—এ রকম একটা জনশ্রুতি আমার কান এড়ায় নি। কিন্তু তখন বলসেবী বলশেভিকদের মস্ত নিয়ে নয়,—অভিজাত জীবনের ওপর আমার স্বভাবজাত একটা বিতৃষ্ণা ছিল,—তাই মাসীমার সীমাতেও আমি আসিনি। আন্দামান থেকে মাতৃভূমিতে ফিরে এসে যখন মাকে ফিরে পেলাম না, তখন মাসীর দিকে একবার ফিরে চেয়েছিলাম। ভেবেছিলাম, থাক গে; মোসাহেব মেসোমশায়ের মনোভাব আন্দাজ করবার মতো বুদ্ধি আমি আন্দামানে রেখে আসিনি।

কিন্তু আশ্চর্য্য, এই চোদ্দ বছর পরেও মাসীমা আমাকে চিনে ফেলেন। একেবারে দুই উৎসুক বাছ মেলে পথের কাছে নেমে এলেন,—মা যেন তাঁর দীর্ঘ প্রতীক্ষার কল্পনা-সিক্ত অধীরতাটুকু মাসীমার বুকে রেখে গেছে! রইল পড়ে' ঘুঁটে গোণা,—মাসীমা আমাকে একেবারে বাছতে জড়িয়ে বারান্দা দিয়ে বাড়ির মধ্যে নিয়ে এলেন,—নিষে এসেই গলা ছেড়ে ডাক—ও ভ্রমর, ও হেনা,—গাথ্ এসে তোদের ক্ষিতি-দা এসেছে!

ক্ষিতি-দা! যেন তেতলা বাড়ির তেত্রিশটা ঘর থেকে একসঙ্গে তিয়াত্তরটা আওয়াজ বেরল। আমার নামটা যেন বোমা দিয়ে তৈরী।

মুহূর্তের মধ্যে তিন দিকের তিনটা সিঁড়ি দিয়ে একসঙ্গে ছোট-বড়ো কতগুলি শ্রাণী যে নেমে এসে আমাকে ঘিরে দাঁড়ালো তার ইয়ত্তা নেই। মনে হ'ল, এরা যেন এই ঘটনার আগে, নিখাস নেওয়ার আগে পর্যাপ্ত ক্ষিতি-দার জন্তু জান্ণা দিয়ে বাইরে চেয়ে ছিল। বন্ধন আন্দামান থেকে



প্রথম কলকাতায় এসে পা দিই, তখন কোথায় ছিল এতগুলি মুখ, স্নেহে সুকোমল, কল্যাণকামনার লাবণ্যময়! সেদিন নিজের ভাগ্যকে নিষ্ঠুর বলে' তিরস্কার করেছিলাম,— কোথায় ছিল মাসীমার বাছ-উপাধান! আমার চোখ ভিজ্জে' উঠলো।

মাসীমা কান্নামাথা সুরে বলেন—খবরের কাগজে কত দিন আগে—প্রায় দু'বছর হ'ল—জেনেছি তুই ছাড়া পেয়ে-ছি, কত তোকে খোঁজ্,—কোথাও তোর হৃদিস নেই। আছিস্ কোথায়?

হেসে বল্লাম—মেসে। এখন একেবারে মেঘ হ'য়ে গেছি কি না।

মাসীমা বলেন—কেন, তোর মাসীমা কি বাসি হ'য়ে গেছে? আমার ভালোবাসা দিয়ে কি তোর বাসা বেঁধে দিতে পারি না?

বলে' মাসীমা আদর করে' গালে একটি ছোট চড় দিলেন।

বল্লাম—মেসের জন্তু বি খুঁজতে বেরিয়েছিলাম, বি'র বদলে মাসী পেলাম।

আমাকে ঘিরে যতগুলি প্রাণী দাঁড়িয়েছিল, সবাই আমাকে প্রণাম করবার জন্তু ভিড় করে' এগিয়ে আসতে লাগলো। আমি ঘেন মৃত্যুর মতোই ভয়ঙ্কর ও মহিমাময়, অথচ মৃত্যুর মতোই দয়াদ্রুহদয় অদূর-আত্মীয়! হটে' গেলাম, বল্লাম,—প্রণাম করে' অতুল্য প্রভুত্বের মর্যাদা দেবে,—আমি এই দৌর্বল্য সহ্য করিনে। একটু তুর্বিনীত হও, তুর্কর্ষ হও!

একটি ছোট্ট ছেলে, হয় ত' সবে পাঁচে পৌঁচেছে কিম্বা ছয়ে—তুই চোখে খুসির ঢেউ তুলছে—আমার হাত ধরে' বলে—তুমি আমার ক্রিতি-দা?

বল্লাম ক্রিতি-দা'র খ্যাতি এই শিশুটির কাছেও পৌঁচেছে। ছেলেটির নাম আগে ছিল রুসো,—এখন হয়েছে রুসু ওর মেজদি হেনা ওর নাম রেখেছে।

রুসু আমার আদর না নিয়ে বলে—আমি তোমার মতন হব, ক্রিতি-দা!

আমি তাকে কোলে তুলে নিয়ে বল্লাম—আমার মতন কি। আমি ত' একটুখানি,—আমার চেয়েও ঢের বড়ো হবে।

রুসু বলে—তবে আমাকে তোমার কাঁধে চড়িয়ে দাও, তোমার থেকে একুনি বড়ো হ'য়ে যাই।

ভ্রমর হেসে বলে—নাম তুই ছেলে!

রুসু বলে—আর ক্রিতি-দা বুঝি তুই নয়! তুই বলে'ই ত' তাঁকে এতদিন আটকে রেখেছিল,—তুইমি করলে আমাকে ঘেমন তুমি তোমার ঘরে বন্ধ করে' রাখ।

মেসোমশাইরা তিন ভাই,—বাড়িও তিন-তলা। মেসো-মশায় মেজো—আলিপুরের জজ্,—বড় যিনি, তিনি গোটা পাঁচেক কয়লার খনির মালিক, ছোটটিও বাবসাদার।

একান্নবর্তী পরিবার,—সেইটেই আশ্চর্য্য,—প্রতি বেলায় পাত-ও পড়ে একান্ন। বড়ো'র হাতে বারোটি সস্তান, মেসো-মশায়ের দশটি, ছোটটি বিয়েতে দেরি করলেও দৌড়ে দাঁড়িয়ে পড়েন নি। তা ছাড়া চাকর-বাকর বয়-খানসামা মালি-মেড়ো ত' কতোই আছে। সব চেয়ে আশ্চর্য্য, সব কটিই বেঁচে আছে,—আয়ু আর বিত্ত এদের যাল্ফা এবং ওমেগা!

ভ্রমর আমার মেসোমশায়ের বড়ো মেয়ে।

সন্ধ্যাসন্ধিতে মেসোমশায়ের ঘরে তলব পড়ল। হেসে বলেন—শিং ভোঁতা করে' এসেছ ত', চরকা নিয়ে? তা বেশ! আমাদের চরকার তেল দিতে চাইবে না আশা করি।

আমিও হেসে বল্লাম—চরকার চেয়ে চক্রই আমার বেশি পছন্দ। যদিও ইদানী চক্র—

মাসীমা বলেন—বক্র হ'য়ে গেছে।

—যাও, একে বী-তুখ খাইরে বেশ একটি নখর তাকিয়া বানিয়ে ফেল,—সাপকে দড়ি বানানোটা কম ক্রতিয়ের কথা নয়।

শ্রী অচিন্ত্যকুমার সেন গুপ্ত

বল্লাম—দড়িটা কি আপনি মারাত্মক মনে করেন না নাকি? দড়ি আপনাদের হাতে দৃঢ় করে' ধরা আছে বলে'ই ত' এত ভয়।

মেসোমশায় হেসে বলেন—যাও, ক'দিন বেশ জিরিয়ে নাও এখানে, ভ্রমরের এসাজ শোনো, ফ্লাই'র গান—মনটাকে ধুয়ে একেবারে সাফ করে' ফেল। সিনেমা ছাখ, মূর্গ কাট', ঘুমাও,—বেশ নিরীহ হ'য়ে যাও।

বল্লাম—তাই হ'য়ে গেছি। ভাবনা নেই আপনার এখানে থেকে আপনাকে জজিয়তি থেকে ডিসলজ করব না।

কোথা থেকে কোথায় এসে মিশে' গেলাম। ছিলাম ধাবমান নির্ঝরির ফেনসকুল ছর্নিবার খরস্রোত—এখন হ'য়ে আছি পুষ্করিণী,—সীমাবদ্ধ, নিস্প্রাণ, অগভীর! শেলির হাইলার্ক ওয়ার্ডস্বার্থের হ'য়ে গেছি কিম্বা হার্ডির। যৌবন গরিয়ে বুড়ো যম্ভাতি হাই তুলছেন।

প্রত্যেকের জন্ম—মানে যারা বয়স্ক—এক একটি আলাদা ঘর,—এবং প্রত্যেক ঘরেই আমার নিমন্ত্রণ। তার কারণ এই নয় যে ষোলো বছর আগে পুলিশ আমার পকেটে পিস্তল পেয়েছিল, আমি চোদ্দ বছর বয়সে কালাপানি পেরিয়েছিলাম,—তার কারণ, আমি সবাইর চোখে একান্ত করে' আলাদা, সবাইর কাছে তাই একান্ত করে' আপন। আমাকে নিয়ে সবাই বাস্তু,—আমি ভাতের প্রথম গ্রাস মুখে তুলবার আগে হাতটা কপালে ঠেকাই সবাই তাই উৎসুক হ'য়ে দেখে,—আমি আমার বাঁ হাতের কড়ে' আঙুলের নোখটা অনেক বড়ো রেখেছি, এবং সেই নোখ দিয়ে অন্ধকারে একজনের চোখ কাণা করে' দিয়েছিলাম—

সকাল থেকে রাত একটা পর্যন্ত এ বাড়িকে মনে হয় একটা কারখানা,—যেন অনবরত কল ঘুরছে;—পাঁচ বছরের ছেলে রুখুই হচ্ছে একলের কলিজা। আমি ক'রো বন্ধু বনে' গেছি। রুখু মেয়ে-পুরুষ সবাইকে মাতিয়ে রেখেছে;—হ'-নলা বন্ধুক ছোঁড়ে, নিজে-নিজে ঘোড়ায় চড়ে, মোটরে ড্রাইভারের কোলে বসে' হইল না ধরলে ওর কোথায় যাওয়াই হয় না,—ঘড়ি ভেঙে ফেলে

তার কলকল্লা দেখে, কাঠ আর পেরেক দিয়ে এঞ্জিন বানায়, দোরের পাশে লুকিয়ে থেকে সমস্ত বাড়িকে তোলপাড় করে' ছাড়ে,—পরে গুটি-সুটি বেরিয়ে এসে বেমানুম প্রশ্ন করে—কাকে খুঁজছে, মেজদি?—রুখু যেন বাংলার পলি-মাটি দিয়ে তৈরি নয়,—রাশ্চার বরফ দিয়ে, কঠিন, হিম ছর্নমনীয়;—ওর দুই চোখে যেন বনা দস্ততা আছে,—তীক্ষ্ণ কুরধার! ও যেন ভবিষ্য ভারতের বরপুত্র,—রুপাণপাণি!

ইহসংসারে আমিই নিঃস্পৃহ,—তাই সবার কাছেই স্পৃহনীয়। আমাকে পেয়ে ওরা সবাই যেন হাঁপ ছেড়েছে,—ওদের আহার সুস্বাদু পানীয় সুশীতল হ'য়ে উঠেছে,—ওদের ঘরের বাতাসে সুবাস এসেছে, যে-কথা বলবারো নয় ভুলবারো নয়—সেই কথা যেন মুক্তি খুঁজছে। বন্দী ভাষা, দুর্বোধ তার রহস্য!

তে-তলা এক-তলা আমি টানা-পোড়েন করছি।

মোটমাট সতোরোটি খোপরি,—সুতরাং হাতে আমার সাতঘণ্টাও থাকেনা। আমাকে ওরা বলে—তুমি দিনে ঘুমিয়ে, ক্ষিতি-দা,—তুমি তো ঘানি ঘুরিয়েছ দিনেই,—রাতের ঘোরাও এবার।

ভ্রমরের ঘর খোলাই ছিল। গিয়ে বলি—এসাজ শোনাও, ভ্রমর!

ভ্রমর তার খাটের ওপর বসে' একটা স্ট্রেকেস উপড়, উজাড় করে' কি-সব জিনিসপত্র নিয়ে একেবারে বিভোর হ'য়ে আছে। আমাকে দেখে খাট থেকে লাফিয়ে সোজা দাঁড়িয়ে পড়ল। যেন বেশ একটু বিব্রত হয়েছে। বলে—আজ আর এসাজ নয়, ক্ষিতি-দা,—এসাজের চেয়েও মিষ্টি বাজনা আছে, গুন্বে? বোস তা'লে।

ভ্রমর মাথার চুলটা ঠিক করতে-করতে ধের বলে—চা খাবে?

—এই ভাত খেয়ে এলাম। তোমাকেও নেয়ে-খেয়ে নিতে বলেন মাসীমা। তুমি এখন যাও। তোমার এ-সব জিনিসপত্র আমি পাহারা দিচ্ছি। তুমি ধেরে এলে পর মিষ্টি বাজনা শোনা যাবে'খন।



ভ্রমর আলমারি থেকে শাড়ি-সেমিজ বার করলে,—
তেল নিয়ে পিঠের ওপর মেঘের সাপের
মতো বেণী খসিয়ে একটু এদিক ওদিক হেঁটে, দোলনায়
যুমন্ত ছেলেকে একটু আদর করে' যেতে-যেতে বলে—
তোমার ওপর এই সবেল ভার রইল খুঁকি পোয়াবার,
উঁকি দেবার নয়।

বলে' একবার ছেলে ও আরেকবার খাটের ওপর
বিশৃঙ্খল জিনিসগুলির দিকে করুণ দৃষ্টিপাত করে' চলে'
গেল।

ভ্রমর যেন শরৎ-মেঘের বিদ্রাৎ দিয়ে তৈরি,—ওর মধ্যে
যেন সেই নিষ্ফল নিরানন্দ উজ্জ্বলতা,—ভ্রমর যেন মরুভূমির
শুক নিষ্করণ দিগন্তলেখা,—সেই ঔদাস্ত ওর ললাটে।
এসাজের মাঝে ওর অজস্রতা নেই, গানে নেই প্রাণ,—
কোনো উৎসবে নেই উৎসাহ! ও ভ্রমে ভ্রমর নাম
নিয়েছে।

আধঘণ্টা বাদে ভ্রমর এসে হাজির,—হাতে এক বাটি
চা। ঘরে পা দিয়েই কলকণ্ঠে বলে' উঠলো—তুমি এ
চেয়ারটিতে বসেছ, ক্ষিত্তি-দা! বাঃ! চা-টা হাতে করে'
এইটুকু আসতে আমার কী ভালো যে লাগছিল—

—তুমি কি পাগল হয়েছ ভ্রমর, এই ছপূর ছটোয়
চা,—ভাত খেয়েই?

—চারে তোমার অরুচি আছে তা'লে। থাক,
রেখে দাও!

ভ্রমর সুন্দর করে' সীমস্তে সিঁদুর পরলে,—মুখে
গোধূলিবেলার নিশ্চল আভা. ছই ঠোঁটের কোলে যেন
ব্যথিত স্তম্ভতা ঘুমিয়ে আছে,—ছ'টি হাতে যেন ক্লাস্তির
কাতরতা। সেই ক্লাস্তিই যেন ওকে কমনীয়
করেছে!

ছেলের দোলনার ছোট ছ'টি ঠেলা দিয়ে বলে—
গিলে আসছি। এলাম বলে'।

ভ্রমর এলো খেয়ে। ছপূর প্রায় ফুরিয়ে এলো।

বল্লাম—তোমার মিষ্টি বাজনা শোনাবে না?

কাগজের সুপ থেকে কি-একটা বের করে' ভ্রমর
বলে—ওনবে এস। এস এগিয়ে।

এগোলাম। ভ্রমর আমার চোখের কাছে একপানি
ফটো এনে ধরল। নষ্ট হ'য়ে গেছে,—বহুদিনকার
নিশ্চয়ই,—কিছুই ভালো চেনা যায় না। তবু আলাজ
করে' বল্লাম—নীরেশবাবুরা? এ বাজনা ত' গালি
তোমারই কাছে মিষ্টি!

ভ্রমর বলে—তোমারো কাছে লাগবে, শুধু মিষ্টি নয়,
মিস্টিক! শ ডিলিট করে' দস্তা ন বসাও।

অবাক হ'য়ে বল্লাম—তার মানে?

—বান্ধা হ'য়ে আন্দামানে থেকে এটুকুরো মানে তুমি
করতে পারবে না ক্ষিত্তি-দা? সোজাসুজি মানে, নীরেন
আমার বন্ধু ছিল।

হেসে বল্লাম—তোমার টেন্স-জ্ঞান আমার টেন্সান
কমিয়ে দিয়েছে, ভ্রমর। 'ছিল',—এখন আর নেই
তা'লে? বাঁচা গেল।

ভ্রমর ফটোটা চোখের কাছে তেমনি ধরে'ই আছে।
অফুটস্বরে বলে—না, এখন আর নেই। সেইটেই
বেদনার।

—কেন নেই?

—রেপুটেশান্ ক্ষিত্তি-দা, রেপুটেশান্। তুমি ওথেলো
পড়েছ? ক্যাশিয়াকে মনে পড়ে?

হেসে বল্লাম—যদি দস্তা ন তালবা শ হ'য়ে রুখে ওঠে,
সেই ভয়ে দরজায় তালা দিয়ে তাকে বাতিল করে' দিলে।
এই তোমার মিষ্টি বাজনা, ভ্রমর?—থাক, এ বিষের
চেয়েও তেতো।

ভ্রমর জ্ঞানীর মতো বলে—এ বিষ নিরামিষ, ক্ষিত্তি-দা!
সেইটেই বাঁচোয়া। আচ্ছা, তুমি এ ব্যাপারের প্রতি এত
নিরুৎসাহ কেন? তুমি ত' কোনোদিন ভালোবাসার বেসামি
করনি, বেহাতও করনি। তুমি কি একে অগ্নায় মনে
কর?

মুরুবিরয়ানা করে' বল্লাম—অগ্নায় নয়, মূর্খতা।

—হ্যাঁ, মূর্খতা! নইলে তুচ্ছ একটা মেয়ের জন্তু কেউ
কুচ্ছসাধনা করে,—জীবন নিয়ে জুরো খেলতে বসে!
ওনলাম বুড়ো মাকে কেলে জাহাজের খালাসি হ'য়ে সাউথ
আফ্রিকা যাবে।

সেন গুপ্ত

—তুমি আবার হাসালে, ভ্রমর । এখনো যাগনি তা'লে ?
...বাচা গেল ।...আচ্ছা, আচ্ছা, দাঁড়াও, দাঁড়াও ভ্রমর,—
তোমার বন্ধুর নাম কি নীরেন চক্রবর্তী ?

—হ্যাঁ, হ্যাঁ,—ভ্রমর লাফিয়ে উঠল—তুমি চেন তাকে ?
সুন্দর দোহারী চেহারা, পাঞ্জাবি ছাড়া কোনদিন কোট
গায়ে দেয় না, মোজা পরে না,—খালি ক্রেভেন্ এ খায়,
ডান দিক দিয়ে মাথার অদ্ভুত অবধি টেড়ি কাটে ! তার
সঙ্গে তোমার কবে দেখা হ'ল ? বিয়ে করেনি এখনো ?

—মেসে দেখা হয়েছিল,—বোধ হয় দিন কয়েকের
জুতা । পরে কোন্ দিকে যে পাল খুলে' দিল কেউ
জানে না—

—কেউ জানে না ? আমার ভারি ইচ্ছা করে, আবার
সে আসুক—এমনি নির্জন ছপুয়ে—ঠিক ঐ চেয়ারটিতে
এসে বসুক,—ভাত খেয়ে এসেই চা চা'ক । কেন তা হয়
না, ক্ষিত্তি-দা ? জীবনের একটা চৌমাথার মোড়ে এসেও
সে ট্রাফিক পুলিশের মতো আমার গাড়ির গতি বন্ধ করে'
দেবে না,—এ তার কি অমানুষিক অভিমান !

—ঘণাও ত' হতে পারে, ভ্রমর ?

—হ'তে পারে । কিন্তু কেনই বা সে ঘণা করবে ?
—আমাকে ত' সে কোনোদিন চায় নি । আমি তাকে
বঝতেই পারলাম না, ক্ষিত্তি-দা । আমার আঙুলটির সঙ্গে
তার আঙুলটিরো আত্মীয়তা হয় নি,—

—তবু, হৃদয় যে প্রতিবেশী ছিল সেটা আজ বেশি
করে'ই বুঝছি ।

—হ্যাঁ খুব বেশি করে' । বাড়ির সবাইর কাছে ছিল
সে এন্সাইক্লোপিডিয়া, আমার কাছে সে ছিল শুধু
মাইক্রো!—আমি তার সে-চেহারা আজো মনে করতে
পারি, ক্ষিত্তি-দা । কিন্তু সত্যিই হয় ত' পারি না ।

ভ্রমর ছেলেকে দোলা দিয়ে এসে ফের খাটের ওপর
বসল ।

বললাম—এও ত' হতে পারে, ভ্রমর,—যে সে মোটেই
আমাকে পাবার মত করে' ভালবাসেনি,—এমনিই তোমার
পথের মাঝে ধুলির মত উড়ে' এসেছিল, এমনিই আবার
বিয়ে' গেছে ।

—স্বাসের মত ;—কীণ হ'য়ে এসেছে শুধু । আমি
ত' তাকে তাই চাই । সে আমার স্যাকোয়েন্টেন্স,—
তার সঙ্গে ফের চা খেতে ইচ্ছা হয়, এক সঙ্গে জর্জ মার্
পড়ি, এক দিন এক সঙ্গে 'টকিজ' শুনে আসি । সে সব
চেয়ে আমাকে বেশি বোঝে, সে সমস্ত পৃথিবীর আফিক
গতির সঙ্গে পা ফেলে চলে, তার মাঝে আমি নিজেকে
বেশি করে' আশ্বাদ করি বলে'ই ত সে আমার বন্ধু ।
আমাদের ছুই পাখীর এক পালক ! সে নাই বা এল
সন্দীপের মত, সে সোহাদোর প্রদীপ নিয়ে আসুক,—আমি
তার বন্ধু, এও আমার একটা পরিচয় হোক । তা কেন
সম্ভব নয়, ক্ষিত্তি-দা ?

—তার উত্তর ত' তুমি আগেই দিয়েছ । এর আরো
একটা উত্তর হ'তে পারে, পুরুষের চাওয়াটা ভারি পুরু,
মেয়েদের মিহি ।—তোমার স্যাকোয়েন্টেন্সে তার
প্রয়োজন নেই ।

—তুমি আমাকে কি ভাবছ জানি না,—কিন্তু তার
সঙ্গে আমার দেখা করার সাম্প্রতিক দরকার আছে ।—
হয় ত' শুধু আজকের জুতা । তার কথা আমার প্রায়ই
মনে পড়ে না,—শুধু আজকে হঠাৎ, একেবারে হঠাৎ মনে
হ'ল ক্ষিত্তি-দা, তাকে আমি ভুলিনি । আরেকদিন হয়েছিল,
—যেদিন হঠাৎ তুমি এলে । সেই হঠাৎ আসাটাই সেদিন
ভারি রোমাণ্টিক লেগেছিল ।

খানিক থেমে হঠাৎ ভ্রমর বলে—আমি আমার স্বামীকে
খুব ভালোবাসি, সে-কথা বলাই বাহুল্য,—আমি ফোরসাইট
মাগা পড়লেও বুঝিনি, আমি Ireneও নই, Fleurও নই,—
কিন্তু জান কি ক্ষিত্তি-দা, আমার স্বামী স্বামীই বটেন, বন্ধু
নন—বহু তপস্কার স্বামী ; বিনা মূল্যের বন্ধু নন । কিন্তু
ঠিক তার উল্টো । আমি ডাক্তার চাই বটে, হার্ট-স্পেশালিটি,
—কিন্তু সঙ্গে একটি হার্ট বন্ধু পেলেই বেশ হয় ।

ভ্রমরের ছেলে তখন কাঁদতে শুরু করেছে । ভ্রমর
তাকে শান্ত করে ।

উঠছি,—ভ্রমর বলে—তুমি মনে ভেবো না, তার সঙ্গে
দেখা হয় না বলে' আমার ঘুম হয় না,—তা নয় । শুধু সে
যেন বিয়ে করে, যেন ভুললোক বনে' যায়,—এইটুকু ।



হেসে বল্লাম—দেখা হ'লে ভদ্রতা শিখতেই তোমার কাছে পাঠিয়ে দেব'খন ।

কে এই নীরেন্ চক্রবর্তী ? সে একদিন ভ্রমরের নিকট-বর্তী হয় ত' হয়েছিল, কিন্তু আমি ত' তাকে জানি না,— আমি ভ্রমরকে ভাঁওতা দিয়েছি ।

তবু মনে হয় মনে-মনে হয় ত' এই নীরেন চক্রবর্তীকে চিনি । আমার মনে এক চীরবাসা ক্ষুধাপাণ্ডুর পদপীড়িত প্রতিমা আছে,—সে আমার ভারতবর্ষ ; তার পাশে একটি প্রোঙ্কল মুখ ভেসে উঠল,—দৃঢ়কায়, গর্কোন্নত তার আকৃতি, —মাথায় তার মহিমা-মুকুট ! প্রেমের জন্তে সে তাগের তপস্যা করছে ।

তুচ্ছ মেয়েই ত' বটে ! ভ্রমর তার ভারতবর্ষ !

নীরেনের সঙ্গে আমার কোনোদিন দেখা হবে না জানি । সে হয় ত' এখন কেরাণী, হয় ত' বা স্পাই ! তবু সে আমার বন্ধু । সে সাধ্যাতীতের জন্ত সাধনা করেছিল—মন্দিরে পাষাণের বেদীকে সে দেবী বানায় !

সুধাংশুর ঘরে আসি । সুধাংশু মেসোমশায়ের দাদার ছেলে ।

—কি করছ, সুধাংশু ?

—এসো এসো ক্ষিত্তি-দা । কি আর করব বল ? সেই ল'-সমুদ্র পাড়ি দেবার জন্ত পারে থেকে লগি ঠেলছি । ইকুয়িটেবল্ সেট-অফ্ মুখস্ত করতে-কর্তেই অন্ত যাব ।

বসি এক পাশে । ভ্রমরের ঘরে একটি বিষন্ন দারিদ্র্য আছে,—এর ঘরে একেবারে রোদ্দের প্রথরতা ! হঠাৎ মনে হয় যেন মিউজিয়মে এসেছি । ছাত থেকে মেঝে পর্যন্ত বক্বক্ব করছে,—কান্দীর থেকে বর্ষা ত' আছেই, সুদূর আইসল্যান্ড ও তার কিউরিমো পাঠাতে ভোলে নি । সুধাংশু

পড়ে আর তার চাকর চেয়ারের তলে বসে' পায়ের পাতায় সুড়সুড়ি দেয় ।

হঠাৎ সুধাংশু বলে—আমাকে একটা চাকরি জুটিয়ে দিতে পার, ক্ষিত্তি-দা ?

যেন পাহাড় থেকে পড়লাম । যার শালের এক ধারের পাড় বেচে' একটা লোকের এক মাসের ভাত জোটে সে চায় চাকরি ? ঠাট্টা আর কা'কে বলে ?

কিন্তু ঠাট্টা নয় । সুধাংশুর মুখে মালিন্য এসেছে । বলে—আমার দ্বারা পরীক্ষার সিংহবার উত্তীর্ণ হওয়া চলবে না, ক্ষিত্তি-দা । তিনবার ঘায়েল হয়েছি,—আমি আর বৌয়ের কাছে অপমান সহিতে পারি না । একটা ছোটখাটো চাকরি নিয়ে কোথায় ভেসে পড়তে ইচ্ছা করে ।

—বল কি সুধাংশু ?

—সব ছেড়েছুড়ে দিয়ে গেরুম্বার লুঙ্গি পরে' আমি বেরিয়ে পড়তে চাই । বৌকে ছেড়েছিলেন বলে'ই ত' শুদ্ধোধনের ছেলে সিদ্ধার্থ হ'তে পেরেছিলেন, ক্ষিত্তি-দা । আমিও আমার বিলাসের-বস্তুটিকে ফেলে একান্ত সস্তা হ'য়ে বিকিয়ে যেতে চাই,—কেউ নেই আমার,—শুধু আমি আর আমার অকূল ভবিষ্যৎ । কোনো মহৎ কাজ করে' জেলে গিয়ে পচতেও চাই, ক্ষিত্তি-দা, কিন্তু এরকম জলো হ'য়ে যেতে চাই না ।

বল্লাম—মাসে তোমার তামাকেই এক শ' টাকা লাগে—

—আর, জুতোর কালিতে পঞ্চাশ । তাইতেই ত' সব তেতো লাগে, ক্ষিত্তি-দা । আমার একেবারে আলাদা হ'য়ে যেতে ইচ্ছা করে,—ছোট সংসারে ছোট গভীর মধ্যে একাও স্বার্থপর, একান্ত একেলা । একটা ছোটখাট চাকরি তোমার হাতে নেই ?

—আছে । রাস্তার বাড়ুদারের কাজ । এগারো টাকা মাইনে ।

সুধাংশু যেন মরীয়া হ'য়ে উঠল—দাও বাড়ু, মাগ আমি নর্দমা পরিষ্কার করব,—

—তোমার শালের কোণ্ডা মাটিতে পড়ে' গেছে, তুণে নাও ।

শ্রীঅচিন্ত্যকুমার সেন গুপ্ত

সুধাংশু শালটা কোলের ওপর তুলে নিয়ে শাস্ত্রস্বরে বলে—ঝাড়ুদার হয় ত' সম্ভব নয়, কিন্তু ছোটখাটো একটা ইঞ্চলমাষ্টারির যোগ্যতা হয় ত' আমার আছে। এবারেই আমার শেষ চান্স। এবারে লাফাতে না পারলে আমি চৈতন্য হ'য়ে যাব।

—মালকোঁচা বাধবার সময় সেই চৈতন্যটুকু থাকলেই ত' ল্যাঠা চুকে' যায়

—তুমি ঠাট্টা করছ, ক্ষিত্তি-দা, কিন্তু তুমি জান না, আমি কি অসহায়! বাবু বৌ, তিনটে রোগা ছেলে,—এত খায় তবু চেহারায় হাস্য নেই। মাসের বরাদ্দ টাকায় আমার চোদ্দ পুরুষের শ্রদ্ধ হয় বটে, তবু সত্যি আমার মনে সুখ নেই। আমার গরীব হ'য়ে যেতে ইচ্ছা করে।

বল্লাম—এবারে কোলড্ ওয়েভ এসেছে,—টেম্পারেচার একায়। ভালো করে' শালটা বুকে জড়িয়ে নাও। জর্জ্জ দি ফিফ্-এর মত ফুসফুসে জল জন্মে পারে।

সুধাংশু বোকার মত আবার বইয়ের ওপর ঝুঁকে' পড়ে।

হেনার সঙ্গে কা'র তুলনা দেব? গৃহস্থের গৃহকোণে গুপ্তমিত দীপশিখার, না মেঘমান বিষাদিত চন্দ্রালোকের? কি বলে' বোঝানো যায় ওকে? সুস্মিগ্ধ রজনীগন্ধা, না গুপ্তিসিঞ্চিত তৃণকণা? ওকে বোঝানো যায় না,—স্বপ্নেও ও দিতে শেখেনি। ও একটা আইডিয়া!

ভ্রমরের সৌন্দর্য্য তার মুখের সূচাকৃত্য, হেনার মাধুর্য্য তার করতলে!

কিন্তু হুই চোখে ওর প্রতিভা ও প্রতিজ্ঞার দীপ্তি! ওক ভাঙা যায়, বাকানো যায় না।

ওর ঘরে এলে মনে হয় যেন ছায়ায় এসেছি। সমস্ত ঘর যেন টোয়াইলাইট,—সব সময়। ওর ঘরের সব রঙ, সাদা,—ওর চেহারায় একটি স্নানভ নিশ্চলতা আছে। ওকে দেখলে চট করে' মনে হয় যেন গুপ্তমিত সন্ধ্যালোকে

একটি কীর্ণধারা নদী দেখছি। ও যেন নীল আকাশের একটি সঙ্কেত!

ঘর নয়,—মন্দির। কোথাও এতটুকু আড়ম্বর নেই,—ভূষণস্বল্পতা ওকেও অনির্কচনীয় করে' তুলেছে। শুধু দু'টি চেয়ার, পশ্চিমের দেয়ালের ধারে একটি ছোট গোল টেবিল, দু'খানি বই;—উত্তরের দেয়াল ঘেঁষে একখানি নীচু খাট,—মাটি থেকে হয় ত' শুধু বারো ইঞ্চি উঁচু,—তোষকের ওপর গরদের চাদর পাতা আর তার ওপর কতগুলি ফুল!—হেনা গরদ ছাড়া পরে না,—গরদে ওর পাড় নেই।

—কি করছ, হেনা?

—আরে, এসো ক্ষিত্তি-দা। কি আর করব? পড়ছি।

—আজকে এমন একটা শুভসংবাদ পেয়ে বেরিয়ে পড়োনি যে?

হেনা অল্প একটু হেসে বলে—সেই শুভসংবাদে কোনো উত্তেজনার আশ্বাদ ত' পাচ্ছি না, ক্ষিত্তি-দা,—বরং একটি পবিত্রতা পাচ্ছি। আমার এই ছোট ঘরটি দূর আকাশের মতো যেন পরমবিস্তার লাভ করেছে। একটা ভারি সুন্দর বই পড়ছি। মেয়েটি বলছে—তুমি ত্রুংখ কোরো না,—আমার নিঃসঙ্গতার সঙ্গে তোমার নিঃসঙ্গতার বিয়ে,—তোমার লাঞ্ছনার সঙ্গে আমার লাঞ্ছনার!

টিপ্পনি কেটে বল্লাম—শেষ পর্য্যন্ত মেসোমশায় মত দিলেন তা'লে? যদি মত না দিতেন?

—মত না দিলে আমিও তেমনি, সেই মেয়েটির মতো তার হাত ধরে' বলতাম,—আমরা পরস্পরের স্পর্শ থেকে বঞ্চিত হলাম বটে, কিন্তু এই বিচ্ছেদই আমাদের অন্তরের স্পর্শমণি হোক!...নারীর সতীত্বকে সবাই সম্মান করে, সম্ভব বলে' বিশ্বাসও করে, কিন্তু নারীর প্রেমের প্রতি-ই যত বিক্রম। তাঁরা বলেন, নারী স্নেহ করতে জানে বটে, কিন্তু ভালবাসতে জানে না,—সে তার গঠনগত অসম্পূর্ণতা। আমি সেই নিয়মের ব্যতিক্রম হতাম,—আমি প্রমাণ করতাম ক্ষিত্তি-দা, যেমন অভিচারের চেয়ে সতীত্ব বড়, তেমনি সতীত্বের চেয়ে বড় প্রেম—যে প্রেমে হৃৎপিণ্ড



আছে, আত্মতাগ আছে! তুমি জান না, এই দুঃখ সহ্য
করবার সাহসের অভাবেই সমস্ত সৃষ্টি নীর্ণ, বিবর্ণ হ'য়ে
যাচ্ছে। শকুন্তলা যেখানে তপোবনবাসিনী, তার চেয়ে
উজ্জ্বল,—শকুন্তলা যেখানে তপশ্চারিণী! পার্বতীর চেয়ে
অপর্ণা!

—কিন্তু আই সি এস-এর চেয়ে শেষকালে আই এস
সি-কে বরণীয় মনে করলে?

—তুমি আমাকে আর হাসিয়ে না, ক্রিতি-দা!
আমি পরীক্ষকদের পার্শ্বালটির দরুণ একটা এম্ এ
হয়েছি বলেই ত' আর ডানা গজাইনি, বাবার আপত্তি
ছিল ত' সেইখানেই। তিনি বলেন—প্রেমে পেট ভরে
না।—কিন্তু পেয়লা ত' ভরে,—সেই উত্তরটা সেদিন
দিলে ভারি বেথাপ্লা শোনাতো, বলিও নি। দিদি এই
পেট ভরাবার জন্তেই প্যাটারার উদ্দেশ্যে ডাক্তারের দোরে
ধন্য দিলে। ডাক্তার অবশি ওর হার্ট-ডিজিজ্ সারিয়ে
দিয়েছেন। কিন্তু জান ক্রিতি-দা, আমার জীবনের চাহিদা
ভারি সাদাসিধা,—এখন মনে হচ্ছে কিছুই হয় ত' আর
চাই না,—নিশ্বাসের জন্ত পরিমিত বায়ু, দেহধারণের জন্ত স্বল্প
আহার! প্রেম দীর্ঘস্থায়ী হয় না জানি, পরমায়ুও নয়—
মানে প্রেমের প্রগাঢ়তা ধোপে টেঁকে না,—
মানে, যেখানে পরস্পর পরস্পরকে পেয়ে ফেলে, পেতে
থাকে না।—একটি ছোট নীড়, দু'টি ফোঁটা আঁধিনীর,—
আর ধরণীর ধূলি! তোমার রবীন্দ্রনাথ পড়া আছে,
ক্রিতি-দা?

সোজা বল্লাম—না। সময় হয় নি।

—আমার আজ কবির সঙ্গে সুর মেলাতে ইচ্ছে
করছে—

বহুদিন মনে ছিলো আশা

ধরণীর এক কোণে

বহিব আপন মনে;

ধন নয়, মান নয়, একটুকু বাসা

করেছিলু আশা।

গাছটির শিক ছায়া, নদীটির ধারা,

ঘরে-আনা গোখুলিতে সন্ধ্যাটির তারা,

চামেলির গন্ধটুকু জানালার ধারে,
ভোরের প্রথম আলো জলের ওপারে।

তাহারে জড়িয়ে ঘিরে

ভরিয়া তুলিব ধীরে

জীবনের ক'দিনের কাদা আর হাসা;

ধন নয়, মান নয়, এইটুকু বাসা

করেছিলু আশা ॥

বল্লাম—রবীন্দ্রনাথের বাসা একটুকু নয়,—সমস্ত
পৃথিবীতে। তোমার বাসা দেখলে তে-তলা, না দেখলে
পীযুষের হৃদয়!

হেনা হেসে বলে—ও হচ্ছে কবির ideal existence!
জান, ক্রিতি-দা, আমিও একদিন কবিতা লিখেছিলাম,
শুন্বে?—

বহুদিন মনে মোর আশা—

চাহিনা পাখীর নীড়

আমি নহি ধরণীর;

গৃহতরে স্পৃহা নাই, পথের পিপাসা

করিলাম আশা।

তিমির-স্তিমিত রাত্রি নাই দীপশিখা,

মৃত্যুর আস্থান আসে,—কে অভিসারিকা,

স্বপ্নবেণী চলিয়াছ চঞ্চল উধাও,

কাহার অলক্ষা লক্ষী, কা'রে তুমি চাও?

অজানায়ে জিনিবারে

নিরন্তর অন্ধকারে

ডুবিলাম, চক্ষে মম সূদূর-ছরাশা;

গৃহতরে স্পৃহা নাই, ভবিনোর ভাষা

করিলাম আশা ॥

এ কবিতাটি বহু দিন আগে লিখেছিলাম। কত দিন
আগে বল ত'?

সজ্জপে বল্লাম—পীযুষে যখন তোমার গণ্ডুধ ভরে'
ওঠেনি।

হেনার মুখ রাঙা হ'য়ে উঠল। ওর হুই চোখে কবিতার
বাতি জ্বলছে।

বল্লাম—কিন্তু সারা জীবন হয় ত' তোমাকে দারিদ্রের
সঙ্গে পাঞ্জা কসতে হবে।

শ্রীঅচিন্তাকুমার মেন গুপ্ত

—আমি তার শক্তি পরীক্ষা করব।—হেনার উত্তরে একটা প্রাবল্য আছে—আমি অর্থোপার্জনে ত' অযোগ্য নই, এবং যিনি আমার অযোগ্য নন তিনিও নিশ্চয়ই অনর্থক হবেন না।

—পীযুষ-বাবুর সঙ্গে আমার কবে দেখা হবে ?

—বোধ হচ্ছে আজকের দিনটি ছাড়া। বোধ হয় আজ সে আগারই মতো ঘরোয়া হ'য়ে আছে।...রং-পুরে চাকরি করতে যাব ক্ষিতি-দা।

—সঙ্গে গাধাবোটটি আছে ?

—হাসিয়ো না বলছি। তোমার উপমাগুলি ভারি কাঠখোটা।

অবাক হ'য়ে বাই। কঠিন মাটিতে বসে' হেনা ফাহুস ওড়াচ্ছে। ওদের বিয়ে হ'তে একমাসো দেরি নেই।

সিঁড়ি দিয়ে নামছি,—সুবলের সঙ্গে দেখা। সুবল মেসোমশায়ের ছোট ভাইর চতুর্থ ছেলে। ষোলয় পড়েছে।

ও সব সময় টগবগু করছে। দম্কার মতো সব সময়েই ও মজারে ঝাপটা দিয়ে চলেছে।

আমাকে দেখেই বলে' উঠল—জ্ঞান ক্ষিতিদা, ব্যাপার ? হামণ্ড্ সার্টিফিকের রেকর্ড ভাঙল ?

কথাটা মাথায় একেবারে ধাঁ ক'রে লাগল। মনে হ'ল গাঁকু গুন্ছি।

—হাঁ হ'য়ে আছ কি ? কোনো খবর রাখ না তা'লে ? টেঙ্ ম্যাচ্ গো ফোর্থ টেঙ্ ম্যাচ্—ইংলেণ্ডে অষ্ট্রেলিয়ায়। কুড়ি বছরের ছেলে জ্যাকসন্ জীবনে প্রথম নেমে পাঁচ ঘণ্টার ওপর বাট্ চালিয়ে এক শ' চৌষটি করলে,—ভাবতে পার ? যাবে গ্যাডিলেড্ ?

সুবল আমার হাত ধ'রে টেনে বলল—এস আমার ঘরে।

সুবলের ঘরটি ছোট,—বলতে গেলে হকি-ষ্টিক্ আর বাটে বোঝাই। কল্কাতায় যখন এম্ সি সি এসেছিল তখন একখানা বাটের ওপর ও তাদের এগারো জন

খেলোয়াড়ের সহ নিরেছে,—সেটা দরজার সামনে ঝুলিয়ে রেখেছে।—পড়ার বই ধুলায় গড়াগড়ি যাচ্ছে, টেবিলে খাটের ওপর খালি কতগুলি পিকচার-শো আর স্ক্রিয়ার পত্রিকা।

সুবল কোনো মাচে এখনো সেকুরি করতে পারল না—এই ওর আপশোষ।

বললাম—পড়াশুনা কি তোমার রসাতলে গেছে ?

—রস পাই না ব'লে তাদের সেখানেই পাঠিয়েছি। ম্যাট্রিক পাশ করতে না পারলে বাবা ডিসইন্‌হেরিট করবেন বলেছেন। ভারি নিশ্চিন্ত হ'য়ে আছি। ভালো লাগে না পড়াশুনো।

—কি ভালো লাগে ?

—সত্যি বলব ?—সিনারি আর মেশিনারি ! সিনারির মধ্যে কি ভালো লেগেছিল গুন্বে ?—একটি তামিল ভিক্কু-মেয়ে তার বুড়ো স্বামীর জন্তু ভিক্কা চাইছে, আর একবার দেখেছিলাম ইটের কাটলে ছোট কটি একটি বটপাতা। দেখবে সেই তামিল-মেয়ের ছবি ?

ব'লে সুবল এক বাগ ফটো বা'র করলে। সুবলের ক্যামেরার সামনে কে যে না দাঁড়িয়েছে তার ঠিক নেই। বুড়ো মজুর, ভাঙা বাড়ি, পচা ডোবা—সবই কেমন খাপছাড়া।

—আর মেশিনারির মধ্যে কি আমাকে সব চেয়ে মুগ্ধ করেছিল, জ্ঞান ? গয়া একসপ্রেস্-এর চৌচির এঞ্জিনটা,—যেন দেশলায়ের কাঠি। আমি ছিলাম সেই গাড়িতে,—খালি এই দাঁতটা গেছে। জ্ঞান ক্ষিতিদা, আমি একটা যন্ত্র আবিষ্কার করছি ?

—কি ?

—তাতে ক'রে মানুষের astral body এক সেকেণ্ডে যে-কোনো জায়গায় চলে' যেতে পারবে।

—সে ত' যাচ্ছেই। উড়ে যেতে মনের এক সেকেণ্ডেও লাগে না।

—তেমন যাওয়া নয়। এ সত্যি গিয়ে বসবে, গুন্বে, দেখবে, কথা কইবে—খালি ছোঁয়া যাবে না তাকে। হিমালয় তার বাধা হবে না, না বা আটলান্টিক্। এ-বিষয়ে



কোনান্ ডয়েলের সঙ্গে পরামর্শ করতে পারলে ভালো হ'ত।

কোতুহলী হ'য়ে বল্লাম—আর কি ভাল লাগে তোমার ?

—তিনটি বিষয়কর আবির্ভাব,—একটি আকাশে, একটি জীবনে, আরেকটি ষ্টেজে ! সহসা একদিন খুব ভোরে জেগে উঠে সমস্ত রাত্রির ঝড়ের পর সূর্যোদয় দেখে-ছিলাম,—তা আজ ভাবলেও আমার আনন্দে হৃৎকম্প হয়। দ্বিতীয়টি,—ভোরবেলায় স্নান ক'রে স্নানবাসে রবীন্দ্রনাথ যখন তাঁর জোড়াসাঁকোর বাড়ির দোতলার বৈঠকখানাটিতে এসে দাঁড়ান,—তুমি তা ধারণা করতে পারবে না, ক্ষিতিদা,—যেন একটি স্তব মানুষের মূর্তি নিয়েছে। আরেকটি দেখেছি—আলমগীরের ভূমিকায় শিশির ভাঙুড়ি যখন রঙ্গমঞ্চে এসে প্রথম দেখা দেন,—কাছাকাছি একদিন আলমগীর দিলে দেখে এসো। ও ! তুমি ত' আবার খিয়েটারের ওপর চটা। সিনেমার ওপরো ?

—নিশ্চয়।

—কেন নিশ্চয় ? যাও, যাও একদিন চার্লি মারে আর জর্জ সিড্‌নিকে দেখে এস, হেসে-হেসে স্নহ হবে,—দেশের জন্তু গুণামিটা ঠাণ্ডা কর দিন কতক। হলিউড্ ষ্টুডিওর ছবি দেখবে একটা ? ডগ্‌লাস্ আর পিক্‌ফোর্ড। বল ত, কেমন সুখে আছে ওরা !

হঠাৎ সুবল গলাটা সামনের দিকে বাড়িয়ে দিয়ে বলে—তুমি নাচ ভালোবাসো ?

—ভালুক-নাচ ?

—না না, আনা পাত্‌লোভার নাচ। এম্পায়ারে দেখতে গেছলাম সেদিন। সুপার্ব ! কিন্তু যাই বল ক্ষিতিদা, নটীর পূজার কাছে লাগে না। তুমি দেখনি ত' ? তুমি কেন আছ তা'লে,—খালি মুগুর ভাঁজবে ?—পাত্‌লোভা মনকে অভিভূত করে বটে, কিন্তু প্রীত করে না, ঠিক হইটম্যান্-এর কবিতার মত,—মনে একটি বিষাদশ্রী আনে না। আচ্ছা, তুমি রেস্ ভালোবাস ? আমার কাছ থেকে টিপ্‌স নেবে ? এই যা, তোমাকে একটা জিনিসই দেখানো হয় নি,—এই দেখ, এই পাথার ওপর পাত্‌লোভা তার নাম

লিখে দিয়েছে। আমি গেছলাম দেখা করতে গ্রাণ্ড হোটেলে।

বল্লাম—আজ ত' শনিবার, যাবে না বায়স্কোপ ?

হঠাৎ সুবলের মুখ স্নান হ'য়ে গেল। বলে—সেই ত' দুঃখ, ক্ষিতিদা,—বাবা আর পরমা দেন না। আজ He who gets slappedটা ছিল, শুনেছি খাসা ফিল্ম,—আঁজিত্-এর ড্রামা,পড়েছে নিশ্চয়ই ; দেখেছ লন্ চ্যানিকে ? —সহস্রানন !—কিন্তু ট্যাঁকে আধলাও নেই একটা। সেদিনকার রাইং ফ্যাশ্ একেবারে ফতুর ক'রে দিয়েছে। জানই ত' চার আনা আট আনায় আমার পোষায় না। আমাকে দেবে তিনটে টাকা ধার ? ব'লে হাত পাত্‌লে।

ধমক দিয়ে উঠলাম। সুবল খিল্ খিল্ ক'রে হেসে উঠল।

খানিক বাদে মুখ গম্ভীর ক'রে বলে—আজ যদি slumming করতে বেরিয়ে কোনো মজুরের দুঃখ দেখ, তা'লে নিশ্চয়ই তাকে তিনটে টাকা দিয়ে ফেলে তার দুঃখকে প্রশ্রয় দেবে। কিন্তু, আমি আজ বায়স্কোপ দেখতে পাচ্ছি না সেটা তোমার কাছে একটা দুঃখই নয়। তুমি ভারি সেটিমেণ্টাল, ক্ষিতিদা। আজ উপোস ক'রে থেকে সমস্ত রাত্রি তোমার মজুর-hero যে কষ্ট পাবে আমি তার চেয়ে ঢের বেশিই কষ্ট পাচ্ছি। গোটে তিনটি টাকা,—দেবে ? আরো যদি দুটো টাকা বেশি দাও, একবার সোডা ফাউণ্টেনে ট'মেরে আসি। ব'লেই আবার হাসি।

উঠছি, সুবল বলে—সেজদার ঘরে যাচ্ছ ? নিশ্চয়ই কবিতা লিখছে এখন। ঠুকে দেখেছ ত ?

সুবল আবার হাসলে। বলে—তুমি কাউন্টি কালেনের কবিতা পড়নি ?

Yet do I marvel at this curious thing :

To make a poet black, and bid him sing !

যাও যাও, সেজদাকে একবার দেখে এস।—বাংলা কাব্য-মন্দিরের কালাপাহাড় !

চট্ ক'রে প্রশ্ন করলাম—ওঁর কি দুঃখ ?

—বাংলা দেশে ওঁর নাম হচ্ছে না,—প্রশংসা-কাঙাল সেজদার এই দুঃখেই কবিতা অপাঠ্য হ'য়ে উঠছে। বাংলা

শ্রীঅচিন্ত্যকুমার সেন গুপ্ত

দেশে এতগুলো যে খিস্তির কাগজ আছে তার একটাও ওঁকে গালাগাল দিয়ে পরোক্ষে ওঁর অধাবসায়ের তারিক্ করছে না—এ ওঁর অসুখ। তুমি যাও দেখা করতে, তোমাকে একুনি ওঁর কবিতার সমালোচনা লিখে দিতে বলবেন। যদি বল অতি রোখো, থার্ড-রেট্ কবিতা, তবে একমাত্র রেগেই ওঁর passion দেখাবেন। এ রকম সত্যিই একটা কাণ্ড ঘটে গেছে।

বল্লাম—কবিতা শোন্বার মত আমার অস্বাস্থ্য নেই।

—Egg-zactly! বল না ওঁকে সে-কথা, খাম্চে দেবেন।...উনি নিজেই এক কাগজ বের ক'রে নিজের কবিতার কুকীর্তি কীর্তন করবেন ঠিক করেছেন—যদি তাতে অন্তত লোকের চোখ পড়ে। সেজদার জন্ত আমার ভারি করুণা হয়, ক্ষতি-দা! ওঁকে পিঁজরাপোলে কেন পুরে রাখে না? আমায় যদি বায়স্কোপ দেখতে কিছু টাকা দেন, আমি ওঁর কবিতার জন্ত প্রোপাগাণ্ডা করি,—রুপাট ব্রুক্, ডিক্ ওয়াটার্ গিব্ সন্রা যেমন করেছিল—

বেরুচ্ছি, সুবল চেষ্টিয়ে বলে—সেজদার আরেক কীর্তি শুনে যাও, ক্ষতি-দা।

ফিরলাম।

—সেজদা কবিতায় কুস্তি ত করেনই, এমনিও করেন। এগিয়ে না ওঁর কাছে। ওঁকে তৎক্ষণাৎ সার্টিফিকেট লিখে দিতে হবে। এখানেই আরেকটু বোস। আমার অটোগ্রাফের খাতটা দেখে যাও।

বলে এক খাতা বের করলে। ভাবছিলাম বুঝি মহাধি বাখািকরো দস্তখৎ দেখতে পাব। কেন না সুবলের পক্ষে কিছুই অসাধ্য নয়।

সুবল বলে—এ সব খুব নিরীহ নগণ্য লোকদের সহ—আমাদের উড়ে মালির, বাড়ুদারের, দরোয়ানের—

বল্লাম—ওরা লিখতে জানে নাকি?

—উড়ে মালিটাকে হাত ধ'রে ধ'রে লিখিয়েছি, বাড়ুদারটা আঁকি-বুঁকি দিয়েছে কতগুলি। এই দেখ, বই-বাঁধানো দপ্তরির, ফোটো-ফ্রেমারের, বাজার-সরকারের, বোতল-বিক্রিওলার,—কার নেই সহ? এই একটা ভিখিরির। এ একটা দামী জিনিস বলতে হবে। আর

এই দেখ সেজদার, একজন বার্থ বোকা কবির।

হেসে উঠলাম। সুবল বলে—জীবনে যারা প্রতিভা, বাধিত, পরাজিত—এই ক'টি আখরের আঁচড়ে তাদের দীর্ঘখাম জমা ক'রে রেখেছি। তুমিও ত' কত গুণামি করলে, তবু ভারতবর্ষকে মুক্ত করতে পারলে না।—দেবে তোমার সহ?

চুপ ক'রে রইলাম।

সুবল বলে—একটা কথা ভুল বলেছি। সেজদা যে-খিস্তির কাগজ বার করছেন, তাতে তোমাকেও গাল দিতে পারেন তুমি ওঁর কবিতার সার্টিফিকেট দাওনি ব'লে,—যদি তোমাকে গাল দেন তবে তুমিও কোনো কাগজে ওঁকে গাল দিয়ে ওঁকে একটু মর্যাদা দিয়ো, ক্ষতি-দা। এত কষ্ট হয় ওঁর জন্ত!

রুষের জন্ত আলাদা ঘর নেই,—কিন্তু একটা বাস আছে। সেই বাস নিয়ে ওর দোকানদারি আর ফুরোয় না,—সেই বাসই ওর সম্পত্তি, ওর শৈশবকবিতা!

রুশ্ বলে—আমি কবে বড় হব, ক্ষতি-দা?

হাত দুটো উচুতে ছুঁড়ে লাফিয়ে উঠে রুশ্ বলে—আমি বড় হ'য়ে কবে আকাশ থেকে সূর্য্য পেড়ে আনব? ঐ মেঘটাকে কেড়ে আনবার জন্ত মই'র মত লড়া হব কবে?

এ ছাড়া রুষের মুখে আর কোনো কথা নেই।

রুশ্ সমস্ত বাড়ি মাতিয়ে রেখেছে,—রুশ্ ছাড়া কারো খাবার রোচে না। ভ্রমর রুশ্কে কাপড় পরিয়ে দেয়, হেনা কানে দেয় ফুল শুঁজে, ফ্লাই দেয় চুল ছেঁটে, সুবল তার অটোগ্রাফের বইয়ে ওর আঁকি-বুঁকি সহ নেয়, মোটা সেজদা ওকে নিয়ে কবিতা লেখে।

রুশ্ ছোট সাইকেল চালায়, ছোট খালার ভাত খায়—আর বড় হবার স্বপ্ন দেখে।

আমি থাকি নীচে একতলায়, ঠিক সদর দরজার পাশে।



সকলের সঙ্গে ঘুরে-ঘুরে আলাপ ক'রে শুতে-শুতে রাত দু'টো বাজে ।

এরা সবাই যখন এক সঙ্গে থাকে, তখন মনে হয় এদের ঘিরে স্ফূর্তির ফোয়ারা চলেছে,—বিলাসের প্রাচুর্য ও আড়ম্বরের কৃত্রিমতার মাঝে এদের দুঃখকে ছোঁয়াই যায় না, মনে হয় দুঃখটা এদের ভাবরচনা ছাড়া আর কিছুই নয় । মনে হয় না নীরেন চক্রবর্তীর জগু ভ্রমরের মন একদিনো উচাটন হয়েছিল, মনে হয় না পীযুষকে পাবে না জেনে হেনা কোনোদিন দুঃখের তপস্চারণের প্রতিজ্ঞা করেছে । এক সঙ্গে থাকলে মোটা সেজদাকেও মনে হয় না সে কবিশক্তিধারী, মনে হয় বড় বড় হাঁ ক'রে ভাত খাওয়াই ওঁর কাজ ।

কিন্তু যখন এরা একা থাকে, তখন যাও এদের কাছে । ভ্রমর অতীতের একটি ছায়াশীতল দিনের কোলে এখনো ঘুঁমায়, হেনার দুই চোখে এখনো অনিশ্চয়তার অন্ধকার, সুধাংশু স্বার্থপর সঙ্কীর্ণচিত্ত হ'য়ে যেতে চায়, মোটা সেজদা কবিতা ভালো লিখতে পাচ্ছে না ব'লে কপাল কোটে । যদি মেশোমশায়কে গিয়ে জিজ্ঞেস করি, স্তন্ব হয় ত' তিনি ইন্সলভেন্ট্, তাঁর ছোট ভাইকে জিজ্ঞেস করলে জবাব পাওয়া যাবে—আরো লাখ সাতেক ক্যাপিট্যান্ চাই হে । এমন কি, আকাজ্জায় রুবেরো হৃদয় ঢুলছে—হয় ত' চিরজীবন এই আকাজ্জায়ই মানবমন নিয়তচঞ্চল । যেখানে আকাজ্জা, আশঙ্কাও সেইখানে ।

কিন্তু কি ছোট ছোট দুঃখ ওদের! আচ্ছা, দুঃখ কি কখনো ছোট হ'তে পারে? নিশ্চয়ই পারে । ভারতবর্ষের মুক্তির জগু কারো মনে এতটুকু তপস্চার বহি নেই, সহ্য করবার শৌর্য নেই, দাহতা নেই । মন বিদ্রোহী হ'য়ে উঠে,—যত মামুলি বক্তৃতা আবার আমূল আবৃত্তি করি । মহিমাময়ী লোকলক্ষ্মীর কেউ স্বপ্ন দেখে না, সবাই অন্ধ, নিশ্চতন । নিজেকে একান্ত অসহায় মনে হয়, নিজের আলম্বকে ধিকার দিই ।

রাত তখন কটা হবে?—তিনটা প্রায় । সদর দরজায় কে ধাক্কা দিচ্ছে । উঠে দরজা খুললাম । ঘনি ঢুকতে

পারছিলেন না তিনি মেশোমশাইয়ের দাদার তৃতীয় পুত্র— নাম ললিত ।

ছি ছি, সারা গা ঘিন্ঘিন্ করছে । ললিতচন্দ্র দস্তরমতো টলছেন ।

ঘণার সুরে বললাম—এ কি ললিত, ছিঃ! এততেও তোমার লজ্জা নেই?

ললিত আমার পা দু'টো জড়িয়ে ধ'রে বললে—আমার পিঠে কয়েকটা লাথি মেরেও যদি তার আন্ধকের আন্ধক টাকা দাও, তা হ'লে আমি আরো খানিকটা খেয়ে বেছ'স হ'য়ে যেতে পারি । দেবে না? সত্যি ক্ষতি-দা, আমি বেছ'স হ'য়ে যেতে চাই, খেমে যেতে চাই,—

আমার বিছানায় ওকে শুইয়ে দিলাম । ললিত জড়িয়ে জড়িয়ে বলতে লাগল—

I have been faithful to the Cynara! in my fashion.

বললাম—তোমার এই দুর্ন্যতি কেন, ললিত?

—দুর্ন্যতির জগুই দুর্ন্যতি, ক্ষতি-দা । পিপাসার জগু জল খেতে গিয়ে দেখলাম গলায় কে কলসী বেঁধে দিয়েছে ।

—আর কোনোদিন খেয়ো না ।

—কে? তুমি বলছ ক্ষতি-দা? সে এসে বললেও খেতাম, পেছ-পা হতাম না ।

—কে সে?

—স্বয়ং Cynara ।

ওর চুলে হাত বুলুতে বুলুতে বললাম—কাকে ভালো-বেসেছিলে?

—মোট্টে না । কোথায় সুযোগ ভালোবাসবার? ভালোবাসা ত' একটা aiি বই কিছু নয় । আমার উচ্ছন্ন যাবার কোনো ইন্টেলেক্চুয়েল্ বাঁধা নেই,—আমি এমনি ডুবলাম ।

বললাম—তবে কে এই Cynara?

—চেন না তাকে? যাকে শুধু in fashionই পাওয়া যায় ।

বললাম—মিথ্যে কথা ।

শ্রীঅচিন্ত্যকুমার সেন গুপ্ত

--একটা সত্য কথা না শুনে বুঝি তোমার মন ওঠে না,--Cynara আমার ভাবী স্ত্রী, মদ ছাড়বার জন্ত ভালো হ'য়ে যাবার জন্ত যাকে আমার বিয়ে করতে হবে, যাকে কোনোদিন আমি হারাতে শিখব না। সেই,—আমার অনাগত প্রেমপাত্রী। তার জন্তে বড় ব্যস্ত হ'য়ে উঠেছি কি না—

---কত উড়োলে ?

—বহু ;—রেখেই বা কি হ'ত ? দারিদ্র্য আর স্বাচ্ছন্দ্য দুইই আমার কাছে সমান। আচ্ছা, তোমার মনে হয় না ক্ষিতি-দা, সমস্ত সৃষ্টিটাই একটা নিরর্থক আর্ট ! মনে হয় না, আমাদের জন্মটা একটা নিদারুণ পাপ,—সমস্ত জীবনটা আমাদের অন্তরীণ-বাস, মুক্তি আমাদের মৃত্যু। মনে হয় না ? তুমি ত' ভারতের মুক্তিকামী,—তুমি তা'লে মদ খাও না কেন ক্ষিতি-দা ?

বল্লাম—তোমাদের মত মেরুদণ্ড আমার কোমল নয়, ললিত।

ললিত বলে—ক্ষিতি-দা, তুমি একটা ইডিয়ট।

খানিকবাদে ললিত বলে—যুমোচ্ছ ? শুনে না Cynara কে ? জীবনব্যাপারে তোমার কৌতূহল এত কম, ক্ষিতি-দা ? যুমোবার ভাণ করে' রইলাম।

ললিত বলতে লাগল—Cynara ত এলেন, রূপ আর বেশের বর্ণনা নাই বা করলাম, রবীন্দ্রনাথের 'শেষের কবিতা' পড়েছ ?—সেখান থেকে কিটিকে বেছে নিয়ো। এসে যা বলবার বলেন।

—মানে ?

—বলেন, ভালোবাসি। আমি কি বললাম, জান ?

—না।

—বললাম, দাঁড়াও, কাগজ কলম ট্রাম্প জানি,—কন্ট্র্যাক্ট-ফর্ম সই করতে হবে। ছ'মাসের জন্ত ভালো-বাসার কন্ট্র্যাক্ট, ক্ষিতি-দা।

—ছ'মাস ত' ছিল ?

—ছ'মাসের ছ'দিন কম। Cynara ম'রে গেছে।

এ বাড়িতে আমার আর থাকি চলবে না। এদের নিরজীবতা এদের অস্বাস্থ্যকর ভাবাকুলতা আমাকে অসহ্য পীড়া দিচ্ছে। আমাকে আবার বেরিয়ে পড়তে হবে ঝড়ো হাওয়ার মত,—আমি পায়রার কোটরে কয়েদ থাকব না।

ভ্রমরের সঙ্গে দেখা। ছেলেকে নিয়ে খুব আদর করছে।

বল্লাম—আমি যাচ্ছি, ভ্রমর।

—কোথায় যাচ্ছ ?

—আপাতত পথে, পরে হয় ত' ফের জেলখানায়।

—বা রে, আমরা যেতে দিলে ত !

বল্লাম—কাউকেই ধ'রে রাখতে পারনি, নীরেন চক্রকেও নয়। কিন্তু যাবার আগে তোমাকে একটা সুসংবাদ দিয়ে যাব। তোমার মনস্কামনা পূর্ণ হয়েছে, ভ্রমর।

—আমার আবার মনস্কামনা কি ?

—তোমার ইচ্ছা ছিল নীরেন যেন ভদ্র ব'নে যায়।

সে তাই হচ্ছে,—আসুচে সপ্তাহে তার বিয়ে

যেন উল্লাসে ভ্রমর বলে—বল কি ? সত্যি ?

কিন্তু কথার সুরে একটা কাতরতা প্রচ্ছন্ন ছিল।

বল্লাম—তোমাকে নেমস্তন্ন করতে ব'লে দিয়েছে।

ভ্রমর সহসা উদাসীন হ'য়ে গেছে। বলে—ভালই ত, কিন্তু কে না কে,—তার বিয়েতে আমি যাব কিসের জন্ত ? সে আমার কাছে একটা পথের লোক ছাড়া আর কিছুই নয়। কিন্তু ক্ষিতি-দা, তোমরা ত মেয়েদের খুব ঠাট্টা কর, কিন্তু তোমাদেরই বা সেই আদর্শ-আরাধনা কই, তার জন্তে কঠোর কষ্টভোগ কই ? নীরেনের এই অধোগতি আমাকে যে কী অপমান করছে বলতে পারি না।

বল্লাম—এ মজা মন্দ নয়, তুমি যে ভারি স্বার্থপরের মত কথা কইছ, ভ্রমর।

—কিন্তু নীরেনকে আমি এত ছোট কোনোদিন মনে করিনি, ক্ষিতি-দা। তার থেকে বিচ্ছিন্ন হ'য়ে গেলেও তার নিষ্ঠার প্রতি আমার আসক্তি ছিল। ছি ছি।

—ঠিক এমনি তোমাকে সেও ছি-ছি করেছে।

—তবু, তবু ক্ষিতি-দা, নীরেনকে আমি সত্যি সত্যি কত বড় মনে করতাম, ধুমলেশহীন বহির্নিখার মত ! আমার সংসারজীবনের সমস্ত মাধুর্য যেন নিঃশেষে ফুরিয়ে



গেল আজ। নীরেনের স্মৃতি আমার কাছে আমার সন্তানের মতনই স্নেহাস্পদ ছিল! তুমি আমাকে এ কী শোনালে?

ভ্রমরের ছই চোখ ছলছল ক'রে উঠেছে। করুণ ক'রে বলে—আমার জীবনে কবিতার একটি কণাও আর রইল না, ক্ষিত্তি-দা। নীরেনের বেদনা আমার জীবনে পরম-মধুর একটি লাবণ্য বিস্তার করেছিল, আমি আজ একেবারে বিরস, বিগতসৌরভ, বিফল হ'য়ে গেছি। কেউ আমার জন্তে মাটার হয়েছে,—এ ভাবার মধ্যে বেদনা ও স্নেহের সঙ্গে কী প্রকাণ্ড গোরব ছিল,—আমি যে সত্যি সত্যিই তার কাছে তোমার ভারতবর্ষ ছিলাম!

মনে মনে বললাম—ছাই ছিলে! কে নীরেন—তাই চিনি না।

ভ্রমর উদাসীনের মতো চূপ ক'রে ব'সে আছে খাটের বাজুতে কনুই রেখে। ভ্রমরের চোখে জল দেখে মনটা যেন ভিজে উঠলো! বেচারি নীরেন!

হেনার ঘরে যেতে-যেতে সুন্যাম সুধাংশু আর তার বউর বাক্ষর চলেছে। সুধাংশু কেন এবারো পাশ করতে পারল না,—বউর আপত্তি সেইখানে; বউ কেন বাইবেলের প্রথম উপদেশ বৎসরে বৎসরে পালন করছে—সুধাংশুর আপত্তি অমানুষিক।

হেনার ঘরে এসে দেখি হেনা ভারি ব্যস্ত হ'য়ে জিনিস-পত্র গুছোচ্ছে। ওর ছই উৎসুক করতলে সেই দিৎসা, সেই চঞ্চল স্নেহাকুলতা!

বললাম—এত তাড়াহুড়ো কিসের, হেনা?

হেনা বলে—আমি যে রংপুরে যাচ্ছি ক্ষিত্তি-দা, এক হস্তার মধ্যেই। আমাকে সেই মাস্টারিটা নিতেই হ'ল।

—কেন? তোমার বিয়ে?

—সে আর হচ্ছে না। তুমি বুদ্ধি শোননি কিছু?

পীষুকের টি বি...

হেনা যেন বলতে বলতে নিজেরই শিউরে উঠেছে!

বললাম—বল কি?

—তুমি তার চেহারা দেখলে ভয়ে চৌচিরে উঠবে, ক্ষিত্তি-দা,—একেবারে ফ্যাকাশে হ'য়ে গেছে। কি দিয়ে যে কি হ'য়ে গেল বুঝতে পারছি না! আমাদের মিলনের মাঝে মৃত্যুকে দেখলাম,—বিকৃত, হৃৎপিণ্ডীভিত, রক্ত-পিপাসু! মৃত্যুর নিখাসে প্রেম যদি পুড়ে যায়,—আমি যদি আবার কোনদিন পীষুকে ভুলে যাই,—সে কী মারাত্মক ট্রাজেডি।

—তুমি তাকে ফেলে মাস্টারি করতে যাবে?

—সে-ই ত' আমাকে ফেলে যাচ্ছে। মৃত্যুটাই ত' তত শোচনীয় নয় ক্ষিত্তি-দা, মৃত্যুর পরে বিশ্বাসিতা যেমন। আর তাকে মনে রাখব না,—তাকে ভুলে যাব, আবার তেমনি সময়ের চাকা গড়িয়ে চলবে—আমার জীবনের সেই দুর্দিনের চেহারা ভেবে আমি ভারি ভয় পেয়ে গেছি। আমাকে সারা জীবন যুদ্ধ করতে হবে, অথচ পরাস্ত হবার গোরবটুকুও আমার রইল না।

হেনা ললাটের ঘাম মুছবার ছলে চোখের জল মুছে ফের বলে—আমি ত আমার বর্তমান শক্তির তোলে ভবিষ্যতের জরার পরিমাপ করতে পারছি না, তাই হয় ত' কোনোদিন অবশ্যস্বাবী ঘটনার কাছে আমার বশতা স্বীকার করতে হবে,—এ-টুকু দূরদর্শী হ'তে গেলেই আমার সমস্ত অস্তিত্ব সঙ্কুচিত হ'য়ে আসে। আমার অতীতকাল স্নানমুখে প্রার্থীর মত চেয়ে থাকে। অতীতের প্রতি সেই অবমাননা কি নিদারুণ, ক্ষিত্তি-দা!

বললাম—আশায় একেবারে দেউলে হ'য়ে গিয়ে লাভ নেই, হেনা। জান, চোদ্দ বছর আন্দামান বাস ক'রে এসেও আমি ভারতের স্বাধীনতায় বিশ্বাস হারাইনি, আমার পথের দাবীও ফিরিয়ে নিই নি কোনোদিন। আশা কর।

—আশা করব, না? তা হ'লে রংপুরের পোস্টটো রিজাইন্স দি, কি বল? পুরী-ই যাই তা হ'লে। পীষু সেখানে আছে,—একবার প্রাণপণ দেখি না চেষ্টা ক'রে সে বাঁচে কি না। সত্যি ক্ষিত্তি-দা, আশা করতে পারলেই মনে আবার প্রভূত শক্তি আসে, বিশ্বাস আসে, ভাগ্যকে উদারহৃদয়ে কমা করতে পারি। তবে রইল রংপুর।

শ্রীঅচিন্ত্যকুমার সেন গুপ্ত

বলে' হেনা সব জিনিষ পত্র ওলোট পালোট করতে লাগলো।

হঠাৎ বলে—প্রেমের মাঝে মৃত্যুর আবির্ভাব,— একটা এপিক্ লিখবার বিষয়, না কিত্তি-দা? যদি লিখে উঠতে না পারি নিজের জীবন দিয়ে তা প্রমাণ করব। আশা,—আশা!

সুবলের ঘরে এসে দেখি দরজায় একটা পিজ্‌বোর্ড টাঙানো,—তাতে লেখা 'To Let'।

কি ব্যাপার? বাপের সঙ্গে ঝগড়া করে সুবল নাকি বাড়ি ছেড়েছে, ও জাহাজের খালাসি হবে, এঞ্জিন-ড্রাইভার হবে, কলের কুলি হবে—তাও স্বীকার, ওর পয়সা চাই, ব'সে ব'সে পৈতৃক সম্পত্তি ভোগ করবার মত আলস্‌কে ও বরদাস্ত করে না,—ও খেটে পয়সা কামাবে, মাথার ঘাম পায়ে ফেলে।

ওকে যেন কেউ না খোঁজে,—দৈনিক কাগজে যেন বিজ্ঞাপন না দেয়।

তার পর একদিন—সেই দিনের ঘটনাটা ব'লেই পাথুরিয়া-ঘাটা বাই-লেনের তেতলা বাড়ির ওপর যবনিকা টানব।

তার পর এক দিন—তেতলার ছাতের ওপর দিয়ে একটা চলন্ত ঘুড়ি উড়ে যাচ্ছিল, রুম্ গেল হাত বাড়িয়ে ধরতে।

রুম্ পলকের মধ্যে তেতলার ছাত থেকে প'ড়ে গেল বাড়ির সিমেন্ট-করা উঠানের ওপর। মাঝের ফাঁকাটা রুম্‌কে ধ'রে রাখতে পারে নি, অদম্য রুম্বের গতি,— উঠোনই রুম্‌কে আশ্রয় দিলে। স্তব্ধ রুম্, রক্তাক্ত রুম্!

সমস্ত অরণ্যে আশ্বিন লেগেছে; প্রকাণ্ড জাহাজ রাত্রির বজ্রবিদ্যুৎ অন্ধকারে সমুদ্রের তলায় ডুবছে; একটা আশ্বেয়গিরি যেন মুহূর্তমধ্যে মরোয়া হ'য়ে উঠল।

চিরকালের জন্তু রুম্ থেমে গেছে,—এর চেয়ে স্পষ্ট, এর চেয়ে বোধগম্য, এর চেয়ে অপ্রতিরোধ্য আর কি আছে পৃথিবীতে?

নীরেন্ বিয়ে করছে ব'লে ভ্রমরের আর তিলার্ক দুঃখ নেই, পীযুষের আসন্ন তিরোধানের অন্ধকার হেনার চক্ষু থেকে মুছে গেছে। Cynara ব'লে যে কেউ ছিল ললিত তা আজ মনে করতে পারছে না, মোটা সেজদা পর্যন্ত ভাবছে,—শিশুর মৃত্যুর অন্ধকার সমুদ্রের মতই বিশালবিস্তৃত,—কবিতার সঙ্কীর্ণ আয়তনে তার স্থান নেই। সুবল হয় ত' ভাবছে রুম্বের যাত্রা কত সুদূর-অভিমুখে, এভারেষ্ট ছাড়িয়ে, কামস্কাটকা ছাড়িয়ে! সুধাংশু ভাবছে—হোক সে ধূতরাষ্ট্র, কিন্তু তার সব ক'টি সম্ভানই যেন বেঁচে থাকে।

সমস্ত বাড়ির ভিত্তি যেন ন'ড়ে উঠেছে,—যুদ্ধে সমস্ত দেশ যেন উজার হ'য়ে গেল। নির্জন রাত্রির কল্পনামণ্ডিত ছোট খাটো সমস্ত দুঃখ শোকবজ্রায় ভেসে চলেছে—মানুষের স্নেহবন্ধন কত ভঙ্গুর, মানুষের আশা কত ক্লীণায়, মানুষের প্রতীক্ষা কি বিশ্বাসঘাতক!

শুধু আমিই বিচলিত হইনি। শুধু আমিই বলতে পারলাম—মাসীমা, রুম্‌কে এবার ছাড়ন, ওকে এবার নিয়ে যেতে হবে।



৫

অনেকদিন হইতে গ্রামের বৃদ্ধ নরোত্তম দাস বাবাজির সঙ্গে অপূর বড় ভাব। গাঙ্গুলি পাড়ার গৌরবর্গ, দিবাকান্তি, সদানন্দ বৃদ্ধ সামান্য খড়ের ঘরে বাস করেন। বিশেষ গোলমাল ভাল বাসেন না, প্রায়ই নির্জনে থাকেন, সন্ধ্যার পর মাঝে মাঝে গাঙ্গুলিদের চণ্ডীমণ্ডপে গিয়া বসেন। অপূর বাল্যকাল হইতেই হরিহর ছেলেকে সঙ্গে করিয়া মাঝে মাঝে নরোত্তম দাসের কাছে লইয়া যাইত—সেই হইতেই ছুজনের মধ্যে খুব ভাব। মাঝে মাঝে অপূ গিয়া বৃদ্ধের নিকট হাজির হয়, ডাক দেয়,—দাছ আছো? বৃদ্ধ তাড়াতাড়ি ঘর হইতে বাহির হইয়া তালপাতার চাটাইখানা দাওয়ার পাতিয়া দিয়া বলেন—এসো দাদাভাই এসো, বসো বসো—

অন্যস্থানে অপূ মুখচোরা, মুখ দিয়া তাহার কোনো কথা বাহির হয় না—কিন্তু এই সরল, শাস্ত্রদর্শন বৃদ্ধের সঙ্গে সে সম্পূর্ণ নিঃসঙ্কোচে মিশিয়া থাকে, বৃদ্ধের সঙ্গে তাহার আলাপ খেলার সঙ্গীদের সঙ্গে আলাপের মত ঘনিষ্ঠ, বাধাহীন ও উল্লাস-ভরা। নরোত্তম দাসের কেহ নাই, বৃদ্ধ একাই থাকেন—এক স্বজাতীয় বৈষ্ণবের মেয়ে কাজকর্ম করিয়া দিয়া চলিয়া যায়। অনেক সময় সারা বিকাল ধরিয়া অপূ বসিয়া বসিয়া গল্প শোনে ও গল্প করে। একথা সে জানে যে, নরোত্তম দাস বাবাজি তাহার বাবার অপেক্ষাও

বয়সে অনেক বড়, অল্পদা রায়ের অপেক্ষাও বড়—কিন্তু এই বয়োবৃদ্ধতার জন্তই অপূর কমন যেন মনে হয় বৃদ্ধ তার সতীর্থ, এখানে আসিলে তাহার সকল সঙ্কোচ, সকল লজ্জা আপনা হইতেই ঘুচিয়া যায়। গল্প করিতে করিতে অপূ মন খুলিয়া হাসে, এমন সব কথা বলে যাহা অন্যস্থানে সে ভয়ে বলিতে পারে না পাছে প্রবীণ লোকেরা কেহ ধমক দিয়া ‘জ্যাঠা ছেলে’ বলে। নরোত্তম দাস বলেন—দাছ, তুমি আমার গৌর,—তোমাকে দেখলে আমার মনে হয় দাছ, আমার গৌর তোমার বয়সে ঠিক তোমার মতই সুন্দর, সুশ্রী, নিষ্পাপ ছিলেন—ওই রকম ভাব-মাখানো চোখ ছিল তাঁর—

অন্যস্থানে এ কথায় অপূর ইয়তো লজ্জা হইত, এখানে সে হাসিয়া বলে—দাছ তা হোলে এবার তুমি আমার সেই বই খানার ছবি দেখাও?

বৃদ্ধ ঘর হইতে ‘প্রেম ভক্তি চন্দ্রিকা’ খানা বাহির করিয়া আনেন। তাঁহার অত্যন্ত প্রিয় গ্রন্থ, নির্জনে পড়িতে পড়িতে তিনি মুগ্ধ বিভোর হইয়া থাকেন। ছবি মোটে দুখানি, দেখানো শেষ হইয়া গেলে বৃদ্ধ বলেন, আমি মরবার সময়ে বইখানা তোমাকে দিয়ে যাবো দাছ, তোমার হাতে বইয়ের অপমান হবে না—

তাঁহার এক শিষ্য মাঝে মাঝে পদ রচনা করিয়া তাঁহাকে শুনাইতে আসিত বৃদ্ধ বিরক্ত হইয়া বলিতেন,

শ্রীবিত্তিভূষণ বন্দোপাধ্যায়

পদ নৈধেচো বেশ করেচো, ও সব আমার শুনিও না বাপু, পদকর্তা ছিলেন বিষ্ণাপতি চণ্ডীদাস—তাদের পর ও সব আমার কানে বাজে—ওসব গিয়ে অগ্র জায়গায় শোনাও।

সহজ, সামান্য, অনাড়ম্বর জীবনের গতি-পথ বাহিয়া এখানে কেমন যেন একটা অন্তঃসলিলা মুক্তির ধারা বহিতে থাকে, অপূর মন সেটুকু কেমন করিয়া ধরিয়া ফেলে। তাহার কাছে তাগ তাজা মাটি, পাখী, গাছপালার সাহচর্যের মত অম্বরঙ্গ ও আনন্দপূর্ণ ঠেকে বলিয়াই দাড়র কাছে আসিবার আকর্ষণ তাহার এত প্রবল।

ফিরিবার সময় অপূ নরোত্তম দাসের উঠানের গাছ তলাটা হইতে একরাশি মুচুকুন্দ-চাঁপা ফুল কুড়াইয়া আনে। বিছানায় সেগুলি সে রাখিয়া দেয়। তাহার পরেই সন্ধ্যায় খালো জলিলেই বাবার আদেশে পড়িতে বসিতে হয়। ঘণ্টা খানেকের বেশী কোনো দিনই পড়িতে হয় না, কিন্তু অপূর মনে হয় কত রাতই যে হইয়া গেল! পরে ছুটি পাইয়া সে শুইতে যায়, বিছানায় শুইয়া পড়ে,—আর অর্মানি আজকার দিনের সকল খেলা-ধূলা, অনেকদূরের কামার পাড়ার পথটা, রায়েদের বড় ছাগল-ছানাটা ধরিবার জন্ত কত ছুটাছুটি—সারাদিনের সকল আনন্দের স্মৃতিতে ভরপুর হইয়া বিছানায় রাখা মুচুকুন্দ-চাঁপার গন্ধ তাহার ক্লাস্ত দেহ মনকে খেলা ধুলার অতীত ক্ষণগুলির জন্ত বিরহাতুর ধাক্কা-প্রাণকে অভিভূত করিয়া বহিতে থাকে! বিছানায় উপড় হইয়া ফুলের রাশির মধ্যে মুখ ডুবাইয়া সে অনেকক্ষণ ঘ্রাণ লয়।

পরদিন সকালে নীলমণি রায়ের জঙ্গলাকীর্ণ ভিটার ওয়ারের খানিকটা বন দুর্গা নিজের হাতে দা দিয়া কাটিয়া পরিষ্কার করিল। ভাইকে বলিল—দাঁড়িয়ে ঝাখ্ তেঁতুল-তলার মা আস্চে কিনা,—আমি চা'ল বের ক'রে নিয়ে আসি শীগ্গির ক'রে—

একটা ভাল নারিকেলের মালায় দুই পলা তেল চূপি চূপি তেলের ভাঁড়টা হইতে ও বাহির করিয়া লইল। অপহৃত

মালামাল বাহিরে আসিয়া ভাইয়ের জিন্মা করিয়া বলিল— শীগ্গির নিয়ে যা, দৌড়ো অপূ—সেইখানে রেখে আয়, দেখিস্ যেন গরু টক্কতে খেয়ে ফেলে না—

এমন সময় মাতোর মা তাহার ছোট ছেলেকে পিছনে লইয়া খিড়কী দোর দিয়া উঠানে ঢুকিল। দুর্গা বলিল— এদিকে কোথেকে তম্বরেজের বৌ?

মাতোর মায়ের বয়সও খুব বেশী না, দেখিতেও মন্দ ছিল না, কিন্তু স্বামীর মৃত্যুর পর হইতেই কষ্টে পড়িয়া মলিন ও শীর্ণ হইয়া পড়িয়াছে। বলিল—কুঠীর মাঠে গিয়েছিলাম কাঠ কুড়ুতি—বুঁইচের মালা নেবা?

দুর্গা তো বন বাগান খুঁজিয়া নিজেই কত বৈঁচিকল প্রায়ই তুলিয়া আনে, ষাড় নাড়াইয়া বলিল—সে কিনিবে না।

মাতোর মা বলিল—নেও না দিদি ঠাকুরোণ, বেশ মিষ্টি বুঁইচে, মধুখালির বিলির ধারের খে তুলেলাম,—কোঁচড় হইতে এক গাছা মালা বাহির করিয়া দেখাইয়া বলিল— ঝাখো কত বড় বড় কাঠ নিয়ে বাজারে যেতি, বিক্রী কত্তি, পয়সা পেতি বড্ড বেলা হ'য়ে যাবে, মাতোরে ততক্ষণ এক পয়সার মুড়ি কিনে দেতাম। নেও, পয়সায় দু গাছ দোবনি—

দুর্গা রাজি হইল না, বলিল—অপূ, ঘটতে একগাল খানিক চা'ল ভাজা আছে, নিয়ে এসে মাতোর হাতে দে তো! উহারা খিড়কী দোর দিয়াই পুনরায় বাহির হইয়া গেলে দুজনে জিনিষপত্র লইয়া চলিল।

চারিদিকে বনে বেরা। বাহির হইতে দেখা যায় না। খেলাঘরের মাটির ছোবার মত ছোট্ট একটা হাঁড়িতে দুর্গা ভাত চড়াইয়া দিয়া বলিল—এই ঝাখ্ অপূ, কত বড় বড় মেটে আলুর ফল নিয়ে এনিচি এক জায়গা থেকে। পুঁটুদের তালতলায় একটা ঘোপের মাণায় অনেক হ'য়ে আছে, ভাতে দেবো—

অপূ মহা উৎসাহে শুকনা লতা-কাটি কুড়াইয়া আনে। এই তাহাদের প্রথম বন-ভোজন। অপূর এখনও বিশ্বাস হইতেছিল না, যে এখানে সত্যিকারের ভাত-তরকারী রান্না হইবে, না খেলা ঘরের বন-ভোজন যা কতবার হইয়াছে সে-



রকম হইবে,—ধুলার ভাত, খাপ্রার আলু ভাজা, কাঁটাল পাতার লুচি ?

কিন্তু বড় সুন্দর বেলাটি।—বড় সুন্দর স্থান বন-ভোজনের। চারিধারে বন ঝোপ, ওদিকে তেলাকুচা লতার ছলুনি, বেল-গাছের তলে জঙ্গলে সেওড়া গাছে ফুলের ঝাড়, আধপোড়া কটা ছুরীঘাসের উপর খঞ্জন পাখীরা নাচিয়া নাচিয়া ছুটিয়া বেড়াইতেছে, নির্জন ঝোপ ঝাপের আড়ালে নিভৃত নিরালা স্থানটি। প্রথম বসন্তের দিনে ঝোপে ঝোপে নতুন, কচি পাতা, ঘেঁটুফুলের ঝাড় পোড়ো ভিটাটা আলো করিয়া ফুটিয়া আছে, বাতাবি লেবু গাছটায় কয়দিনের কুয়াসায় ফুল অনেক ঝরিয়া গেলেও থোপা থোপা শাদা শাদা ফুল উপরের ডালে চোখে পড়ে—ভুরভুরে সুমিষ্ট মাদকতাময় সুবাসে সকালের হাওয়া ভরাইয়া রাখিয়াছে ! এই স্নিগ্ধ হাওয়া, এই হালকা-আনন্দ ভরা দিনগুলি এক অপ্রত্যাশিত, আকস্মিক খুসির বার্তা মনে পৌঁছাইয়া দেয়। প্রথম বসন্তের এ রূপ-ভরা দিন-গুলি এখনও তাহাদের কাছে অজানার মোহে ঘেরা—শুধু তাহারা জানে যখন সজনে-ফুল তলা বিছাইয়া পড়ে, ঘেঁটুফুল ফোটে,—তখনই কি জানি কেন তাহাদের বড় ভাল লাগে।

দুর্গা আজকাল যেন এই গাছপালা, পথঘাট, এই অতি-পরিচিত গ্রামের প্রতি অন্ধি-সন্ধিকে অত্যন্ত বেশী করিয়া ঝাঁকুড়াইয়া ধরিতেছে। আসন্ন বিবাহের কোন্ বিষাদে এই কত প্রিয় গাবতলার পথটি, ওই তাহাদের বাড়ীর পিছনের বাঁশবন, ছায়া-ভরা নদীর ঘাটটি আচ্ছন্ন থাকে। তাহার অপু—তাহার সোনার খোকা ভাইটি—যাহাকে এক বেলা না দেখিয়া সে থাকিতে পারে না, মন ছুঁ করে—তাহাকে ফেলিয়া সে কতদূর চলিয়া যাইবে !

আর যদি সে না ফেরে—যদি নিতম পিসির মত হয় ?

এই ভিটাতেই নিতম পিসি ছিল, বিবাহ হইয়া কতদিন আগে কোথায় চলিয়া গিয়াছে, আর বাপের ভিটাতে ফিরিয়া আসে নাই। অনেক কাল আগের কথা—ছেলেবেলা হইতে গল্প শুনিয়া আসিতেছে। সকলে বলে বিবাহ হইয়াছিল মুরশিদাবাদ জেলায়,—সে কতদূরে কোথায় ? কেহ আর তাহার খোঁজ খবর করে না ; আছে কি নাই, কেহ জানে না। বাপকে নিতম পিসি আর দেখে নাই, মাকে আর

দেখে নাই, ভাই বোনকেও না। সব একে একে মরিয়া গিয়াছে। মাগো,মামুষে কেমন করিয়া এমন নিষ্ঠুর হয় ! কেন তাহার খোঁজ কেহ যে করে নাই ! কতদিন সে নির্জনে এই নিতম পিসির কপা ভাবিয়া চোখের জল ফেলিয়াছে। আজ যদি হঠাৎ সে ফিরিয়া আসে—এই ঘোর জঙ্গল-ভরা জনশূন্য বাপের ভিটা দেখিয়া কি ভাবে ?

তাহারও যদি ঐ রকম হয় ? ঐ তাহার বাবাকে, মাকে, অপুকে ছাড়িয়া—আর কখনো দেখা হইবে না—কখনো না—কখনো না—এই তাহাদের বাড়ী, গাবতলা, ঘাটের পথ ?

ভাবিলে গা শিহরিয়া ওঠে,—দরকার নাই।

চড়ুই-ভাতির মাঝামাঝি অপুদের বাড়ীর উঠানে কাহার ডাক শোনা গেল। দুর্গা বলিল—বিনির গলা যেন—নিয়ে আর তো ডেকে অপু ? একটু পরে অপূর পিছনে পিছনে দুর্গার সমবয়সী একটি কালো মেয়ে আসিল—একটু হাসিয়া যেন কতকটা সঙ্গমের সুরে বলিল—কি হচ্ছে দুর্গা দিদি ?

দুর্গা বলিল—আর কি বিনি, চড়ুই-ভাতি কচ্চি—বোস্—

মেয়েটি ওপাড়ার কালীনাথ চক্কড়ির মেয়ে—পরগে আধ ময়লা শাড়ী, হাতে সরু সরু কাঁচের চুড়ি, একটু লম্বা গড়ন, মুখ নিতান্ত সাধাসিধা। তাহার বাপ যুগীর বামুন বলিয়া সামাজিক বাপারে পাড়ায় তাহাদের নিমন্ত্রণ হয় না, যুগী-পাড়ারই এক পাশে নিতান্ত সঙ্কুচিত ভাবে বাস করে। অবস্থাও ভাল নয়। বিনি দুর্গার ফরমাইজ খাটিতে লাগিল খুব। বেড়াইতে আসিয়া হঠাৎ সে যেন একটা লাভজনক বাপারের মধ্যে আসিয়া পড়িয়াছে, এখন ইহারা তাহাকে সে উৎসবের অংশীদার স্বীকার করিবে কি না করিবে—এরূপ একটা দ্বিধামিশ্রিত উল্লাসের ভাব তাহার কথাবার্তায় ভাবভঙ্গিতে প্রকাশ পাইতেছিল। দুর্গা বলিল—বিনি, আর ছটো শুকনো কাঠ গাখ্ তো—আগুনটা জ্বলে না ভাল—

বিনি তখনি কাঠ আনিতে ছুটিল এবং একটু পরে এক রোকা শুকনো বেলের ডাল আনিয়া হাজির করিয়া বলিল—

শ্রীবিভূতিভূষণ বন্দ্যোপাধ্যায়

ভাত হবে দুগ্গা দিদি—না—আর আনবো ?... দুর্গা যখন বলিল—বিনি এসেচে—ও ও তো এখানে থাকে—আর ছোটো চাল নিয়ে আয় অপূ—বিনির মুখ খানা খুসিতে উজ্জল হইয়া উঠিল। খানিকটা পরে বিনি জল আনিয়া দিল। আগ্রহের সুরে জিজ্ঞাসা করিল—কি কি তরকারী দুগ্গা দিদি ?

অপূ বলে—শীগগির উঠে এসে আখ দিদি ? ভাত হইয়া গিয়াছে, নামাইয়া দুর্গা তেলটুকু দিয়া বেগুন তাহাতে ফেলিয়া দিয়া ভাজে। খানিকটা পরে সে অবাচ্ছিয়া ছোবার দিকে চাহিয়া থাকে, অপূকে ডাকিয়া বলে—ঠিক একেবারে সত্যিকারের বেগুন-ভাজার মত রং হুচে দেখিচিস্ অপূ ! ঠিক যেন মার রান্না বেগুন-ভাজা, না ?

অপূরও ব্যাপারটা আশ্চর্য্য বোধ হয়। তাহারও এখনও যেন বিশ্বাস হইতেছিল না যে তাহাদের বন-ভোজনে সত্যিকার ভাত, সত্যিকার বেগুন-ভাজা সম্ভবপর হইবে ! তাহার পর দুজনে মহা আনন্দে কলার পাতে খাইতে বসে শুধু ভাত আর বেগুনভাজা, আর কিছু না। অপূ গ্রাম মুখে ফুলিবার সময় দুর্গা সেদিকে চাহিয়াছিল, আগ্রহের সঙ্গে জিজ্ঞাসা করে,—কেমন হয়েছে রে বেগুনভাজা ?

অপূ বলে,—বেশ হয়েছে দিদি, কিন্তু হুন্ হুনি যেন—

লবণকে রন্ধনের উপকরণের তালিকা হইতে ইহার অথ একেবারেই বাদ দিয়াছে, লবণের বালাই রাখে নাই। কিন্তু মহাখুসিতে দুজনে কোষা আলুর ফল-ভাতে ও পান্দে আধ-পোড়া বেগুনভাজা দিয়া চড়ুইভাতের ভাত খাইতে বসিল। দুর্গার এই প্রথম রান্না, সে বিশ্বয়মিশানো আনন্দের সঙ্গে নিজের হাতের শিল্প-সৃষ্টি উপভোগ করিতেছিল। এই বন-ঝোপের মধ্যে, এই শুকনা আঁতা পাতার রাশের মধ্যে, খেজুর তলায় ঝরিয়া-পড়া খেজুর পাতার পাশে বসিয়া সত্যিকারের ভাত তরকারী খাওয়া।

খাইতে খাইতে দুর্গা অপূর দিকে চাহিয়া হি হি করিয়া হাসির হাসি হাসিল। খুসিতে ভাতের দলা তাহার গলার মধ্যে আট্কাইয়া যাইতেছিল যেন ! বিনি খাইতে খাইতে

ভয়ে ভয়ে বলিল—একটু তেল আছে দুগ্গাদি, মেটের আলুর ফল ভাতে মেখে নিতাম। দুর্গা বলিল—অপূ, ছুটে নিয়ে আয় একটু তেল—

যে জীবন কত শত পুলকের ভাণ্ডার, কত আনন্দ-মুহূর্তের আলো-জ্যোৎস্নার অবদানে মগ্নিত, ইহাদের সে মাদুরীময় জীবনযাত্রার সবে তো আরম্ভ ! অনন্ত যে জীবন-পথ দূর হইতে বহুদূরে দৃষ্টির দূর কোন্ ওপারে বিসর্পিত, সে পথের ইহারা নিতান্ত ক্ষুদ্র পথিকদল, পথের বাঁকে ফুলেফলে দুঃখসুখে, ইহাদের অভ্যর্থনা একেবারে নতুন।

আনন্দ ! আনন্দ ! প্রমারের আনন্দ, জীবনের মাঝে মাঝে যে আড়াল আছে, বিশাল তুষারমৌলি গিরিসঙ্কটের ওদিকের পথটা দেখিতেছে না তাহার আনন্দ, অজানার আনন্দ ! সামান্য সামান্য, ছোট খাটো তুচ্ছ জিনিষের আনন্দ !

অপূ বলিল—মাকে কি বলি দিদি ? আবার ওবেলা ভাত খাবি ?

—দূর, মাকে কখনো বলি ! সন্দের পর দেখিস্ খিদে পাবে এখন—

যুগীর বামুন বলিয়া পাড়ায় জল খাইতে চাহিলে লোকে ঘটতে করিয়া জল খাইতে দেয়, তাহাও আবার মাজিয়া দিতে হয়। বিনি দুএকবার ইতস্তত করিয়া অপূর মাসটা দেখাইয়া বলিল—আমার গালে একটু জল ঢেলে দেও তো অপূ ? জল তেঁটা পেয়েচে ! অপূ বলিল—নাও না বিনি-দি, তুমি নিয়ে যাও না, চুমুক দিয়ে খাও না !

তবু যেন বিনির সাহস হয় না। দুর্গা বলিল—নে না বিনি, গেলাসটা নিয়ে খা না ?

খাওয়া হইয়া গেলে দুর্গা বলিল—হাঁড়িটা ফেলা হবে না কিন্তু, আবার আর একদিন বনভোজন করবো—কেমন তো ? ওই কুলগাছটার ওপরে টাঙিয়ে রেখে দেবো ?

অপূ বলিল—হ্যাঁ, ওখানে থাকবে কিনা ? মাতোর মা কাঠ কুড়োতে আসে, দেখতে পেলে নিয়ে যাবে দিদি—ভারী চোর—

একটা ভাজা পাঁচিলের ঘুলঘুলির মধ্যে ছোবাটা দুর্গা রাখিয়া দিল।



অপুর বুক টিপ্ টিপ্ করিতেছিল। ঐ ঘুলঘুলিটার ওপিঠে আর একটা ছোট ঘুলঘুলি আছে, তাহার মধ্যে অপু লুকাইয়া চুরুটের বাক্স রাখিয়া দিয়াছে, দিদি সেদিকে যদি যাইয়া পড়ে।

নেড়াদের বাড়ীতে কিছুদিন আগে নেড়ার ভগ্নীপতি ও তাহার এক বন্ধু আসিয়াছিল। তাহারা খুব বাবু, খুব চুরুট খায়। এই একবার খাইল, আবার এই খাইতেছে। অপূর মনে মনে অত্যন্ত ইচ্ছা হইয়াছিল সেও একবার চুরুট খাইয়া দেখিবে, কেমন লাগে। সে একটি পয়সা বাড়ী হইতে যোগাড় করিয়া লইয়া নেড়ার সঙ্গে পরামর্শ করিয়া গ্রামের হরিশ যুগীর দোকান হইতে তিন পয়সায় (বাকী দুই পয়সা নেড়া দেয়) রাঙা কাগজ মোড়া দশটি চুরুট কিনিয়া আনে। অপূর যাইবার সাহস হয় নাই, নেড়া গিয়া তাহার ভগ্নীপতির অজুহাতে কিনিয়া আনে। পরে অপূ সেদিন এই ঘন জঙ্গলের মধ্যে একা বসিয়া চুপি চুপি একটা সিগারেট ধরাইয়া খাইয়াছিল—ভাল লাগে নাই, তেতো, তেতো, কেমন একটা ঝাঁঝ—তাহার মাথা ঘুরিয়া উঠিয়া বকের মধ্যে কেমন করিয়া উঠিয়াছিল। জটান্ খাইয়া সে আর খাইতে পারে নাই, কিন্তু তাহার ভাগের বাকী চারিটি চুরুট সে ফেলিয়াও দিতে পারে নাই, নেড়ার ভগ্নীপতির নিকট সংগৃহীত একটা খালি চুরুটের বাক্সে সে কয়টি সে অই পোড়োভিটের জঙ্গলে ভরা ভাঙ্গা পাঁচিলের ঘুলঘুলিতে লুকাইয়া রাখিয়া দিয়াছে। প্রথম চুরুট খাইবার দিন চুরুট টানা শেষ হইয়া গেলে ভয়ে তাহার বকের মধ্যে কেমন করিয়া উঠিতেছিল পাছে মুখের গন্ধে মা টের পায়। পাকাকুল অনেক করিয়া খাইয়া নিজের মুখের হাই হাত পাতিয়া ধরিয়া অনেকবার পরীক্ষা করিয়া তবে সে সেদিন পুনরবার মনুষ্যসমাজে প্রবেশ করিয়াছিল। যায় বুঝি আজ বামালশুদ্ধ ধরা পড়িয়া!

কিন্তু দিদির পাঁচিলের ওপিঠে যাইবার দরকার হয় না। এপিঠেই কাজ সারা হইয়া যায়।

কথাটা সর্বজয়া ঘাটে গিয়া পাড়ার মেয়েদের মুখে শুনিলা। আজ কয়েকদিন হইতে নীরেনের সঙ্গে অন্নদা রায়ের, বিশেষ করিয়া তাঁহার ছেলে গোকুলের, মনান্তর চলিতেছিল। কাল দুপুর বেলা নাকি খুব ঝগড়া ও চৈচামেচি বাধে। ফলে কাল রাত্রেই নীরেন জিনিষপত্র লইয়া এখান হইতে চলিয়া গিয়াছে। অন্নদা রায়ের প্রতিবেশী যজ্ঞেশ্বর দীঘড়ার স্ত্রী হরিমতী বলিতেছিলেন—সত্যি মিথ্যে জানিনে, ক'দিন থেকে তো নানা রকম কথা শুন্তে পাচ্ছি—আমি বাপু বিশ্বাস করিনে, বৌটা তেমন নয়। আবার নাকি গুল্লাম নীরেন লুকিয়ে টাকা দিয়েচে, বৌ নাকি টাকা কোথায় পাঠিয়েছিল, নীরেনের হাতে লেখা রসিদ ফিরে এসে গোকুলের হাতে পড়েচে এই সব। সখী ঠাকুরণ আবার মুখ টিপে টিপে বললে—যাক বাপু, সে সব পরের কুছ শুনে কি হবে? নীরেন গুল্লাম বল্চে—আপনারা সকলে মিলে এক জনের ওপর অত্যাচার কর্তে পারেন, তাতে দোষ হয় না?—আপনারা যা ভাববেন ভাবুন, বৌ ঠাকুরণ একবার ছকুম করুন আমি ওঁকে এই দণ্ডে আমার হারানো মায়ের মত মাথায় ক'রে নিয়ে যাবো—তারপর আপনারা যা করবার করবেন। তারপর খুব হৈ চৈ খানিকক্ষণ হোল—সন্দের আগেই সে গয়লাপাড়া থেকে একখানা গাড়ী ডেকে আনলে জিনিষ পত্র নিয়ে চ'লে গেল।

সর্বজয়া কথা শুনিয়া বড় দমিয়া গেল। সে ইতিমধ্যে স্বামীকে দিয়া অন্নদা রায়কে নীরেনের পিতার নিকট এ বিবাহ সম্বন্ধে পত্র লিখিতে অহুরোধ করিয়াছে। নীরেনকে আরও দুইবার বাড়ীতে নিমন্ত্রণ করিয়াছিল—ছেলেটিকে তাহার অত্যন্ত পছন্দ হইয়াছে। হরিহর তাহাকে অনেকবার বুঝাইয়াছে নীরেনের পিতা বড় লোক—তাহাদের ঘরে তিনি কি আর পুত্রের বিবাহ দিবেন? সর্বজয়া কিন্তু আশা ছাড়ে নাই, তাহার মনের মধ্যে কোথায় যেন সে সাহস পাইয়াছে—এ বিবাহের যোগাযোগ যেন নিতান্ত ছরাশা নয়, ইহা ঘটবে। হরিহর মনে মনে বিশ্বাস না করিলেও স্ত্রীর অহুরোধে অন্নদা রায়কে কয়েকবার তাগিদ দিয়াছিল বটে। কিন্তু এখন যে বড় বিপদ ঘটিল!

শ্রীবিভূতিভূষণ বন্দ্যোপাধ্যায়

ইতিমধ্যে একদিন পথে দুর্গার সঙ্গে গোকুলের বউয়ের দেখা হইল। সে চুপি চুপি দুর্গাকে অনেক কথা বলিল, নারেন কেন চলিয়া গেল তাহারই ইতিহাস। বলিতে বলিতে তাহার চোখ ছাপাইয়া ঝর ঝর করিয়া জল পড়িতে লাগিল।

—এই রকম ঝাঁটা লাথি খেয়েই দিন যাবে—কেউ নেই দুর্গা—তাই কি ভাইটা মানুষ? কোথাও যে ছুদিন জুড়ুবো সে জায়গা নেই—

সহানুভূতিতে দুর্গার বুক ভরিয়া উঠিল, সঙ্গে সঙ্গে খুড়ীমার কলঙ্কের বিরুদ্ধে তীব্র প্রতিবাদ ও তাহার দুঃখে মাস্তানাশ্চক নানা কথা অস্পষ্টভাবে তাহার মনের মধ্যে জোট পাকাইয়া উঠিল। সব কথা গুছাইয়া বলিতে না পারিয়া শুধু বলিল, ওই সখী ঠাকুরমা যা লোক! বলুক গে না, সে করবে কি? কেঁদো না খুড়ীমা লক্ষ্মীটি, আমি রোজ যাবো তোমার কাছে—

সর্বজয়া শুনিয়া আগ্রহের সুরে জিজ্ঞাসা করিল, বোমা কি বলে টলে রে দুর্গা?...তা—নারেনের কথা কিছু হোল না কি?

দুর্গা লজ্জিত সুরে বলিল—তুমি কাল জিগোস্ কোরো না ঘাটে? আমি জানি নে—

অপু একবার জিজ্ঞাসা করিল—খুড়ীমার কাছে কি শুনলি? মাষ্টার মশায় আর আসবেন না?

দুর্গা ধমক দিয়া কহিল—তা আমি কি জানি—যাঃ—না আসুক গে—

তাহার পর সে ভুবন মুখ্যয়ার বাড়ী গেল। রাত্তির দিদির বিবাহ শেষ হইয়া গিয়াছে বটে, কিন্তু এখনও কুটুম্ব কুটুম্বিনীরা সকলে যান নাই। ছেলে মেয়েও অনেক। একটি ছোট্ট মেয়ের সঙ্গে দুর্গার বেশ আলাপ হইয়াছে, তার নাম টুনি। তাহার বাপও আসিয়াছেন, আজ দুপুরের পর স্ত্রী ও কন্যাকে কিছুদিনের জন্ত এখানে রাখিয়া কর্ম-স্থানে গিয়াছেন। ঘণ্টা খানেক পরে, সেজ ঠাকুরণ এ ঘরে কি কাজ করিতেছিলেন, টুনির মায়ের গলা তাহার কানে পেল। সেজ ঠাকুরণ দালানে আসিয়া বলিলেন—কি রে মাসি কি? টুনির মা উত্তেজিত ভাবে ও ব্যস্ত ভাবে বিছানা পত্র, বালিসের তলা হাতড়াইতেছে, উকি মারিতেছে,

তোষক উন্টাইয়া ফেলিয়াছে; বলিল—এই মাস্তুর আমার সেই সোনার সিঁহুর কোটোটা এই বিছানার পাশে এই খানটায় রেখেছি, খোকা দোলায় চেঁচিয়ে উঠল উনি বাড়ী থেকে এলেন—আর তুলতে মনে নেই—কোথায় গেল আর তো পাচ্ছ নে?—

সেজ ঠাকুরণ বলিলেন—ওমা সে কি? হাতে ক'রে নিয়ে যাসনি তো?

—না দিদিমা, এই খানে রেখে গেলুম। বেশ মনে আছে, ঠিক এই খানে—

সকলে মিলিয়া খানিকক্ষণ চারিদিকে গঁজাখুঁজি করা হইল, কোটার সন্ধান নাই। সেজ ঠাকুরণ জিজ্ঞাসা করিয়া জানিলেন দালানে প্রথমটা এ বাড়ীর ছেলে-মেয়ে ছিল, তারপর খাবার খাওয়ার ডাক পড়িলে ছেলে-মেয়েরা সব খাবার খাইতে যায়, তখন বাহিরের লোকের মধ্যে ছিল দুর্গা। সেজ ঠাকুরণের ছোট মেয়ে টেঁপি চুপি চুপি বলিল—আমরা যেই খাবার খেতে গেলাম দুর্গাদি তখন দেখি যে খিড়কী দোর দিয়ে বেরিয়ে যাচ্ছে, এই মাস্তুর আবার এসেচে—

সেজ ঠাকুরণ চুপি চুপি কি পরামর্শ করিলেন, পরে রক্ষ্মসুরে দুর্গাকে বলিলেন—কোটা দিয়ে দে দুর্গা, কোথায় রেখেচিস্ বল্—বার কর এখুনি বল্চি—

দুর্গার মুখ গুকাইয়া এতটুকু হইয়া গিয়াছিল, সেজ ঠাকুরণের ভাব ভঙ্গিতে তাহার জিব যেন মুখের মধ্যে জড়াইয়া গেল। সে অস্পষ্টভাবে কি বলিল ভাল বোঝা গেল না।

টুনির মা এতক্ষণ কোনো কথা বলে নাই—একজন ভদ্রবরের মেয়েকে সকলে মিলিয়া চোর বলিয়া ধরতে সে একটু অবাক হইয়া গিয়াছিল, বিশেষত দুর্গাকে সে কয়েকদিন এখানে দেখিতেছে, দেখিতে বেশ চেহারা বলিয়া দুর্গাকে পছন্দ করে—সে চুরি করিবে ইহা কি সম্ভব? সে বলিল—ও নেয় নি বোধ হয় সেজদি—ও কেন—

সেজঠাকুরণ বলিলেন—তুমি চুপ করে থাকো না? তুমি ওর কি জানো? নিয়েচে কি না নিয়েচে আমি জানি ভাল ক'রে—



একজন বলিলেন—তা নিয়ে থাকিস্ বের ক'রে দে, নয়তো কোথায় আছে বল,—আপদ চুকে গেল। দিয়ে দে লক্ষ্মীটি, কেন মিথো—

দুর্গা যেন কেমন হইয়া গিয়াছিল—তাহার পা ঠক্ ঠক্ করিয়া কাঁপিতেছিল—সে দেওয়ালে ঠেস্ দিয়া দাঁড়াইয়া বলিল—আমি তো জানিনে কাকীমা—আমি তো—

সেজ ঠাকুরণ বলিলেন—বল্লেই আমি শুন্বো? ঠিক ও নিয়েচে—ওর ভাব দেখে আমি বুঝতে পেরেছি। আচ্ছা, ভাল কথায় বল্চি কোথায় রেখেচিস্ দিয়ে দে, জিনিস দিয়ে দাও কিছু বোলবো না—আমার জিনিস পেলেই হোল—

পূর্বোক্ত কুটুম্বিনী বলিলেন—ভদ্রর লোকের মেয়ে চুরি করে কোথাও গুনিনি তো কখনো। এই পাড়াতেই বাড়ী নাকি?

সেজ ঠাকুরণ বলিলেন, তুমি ভাল কথায় কেউ নও? দেখবে তুমি মজাটা একবার? তুমি আমার বাড়ীর জিনিস নিয়ে হজম কর্তে গিয়েচো—একি যা তা পেয়েচ বুঝি?—তোমায় আমি আজ—

পরে তিনি দুর্গার হাত খানা ধরিয়া হিড়্ হিড়্ করিয়া টানিয়া তাহাকে দালানের ঠিক মাঝখানে আনিয়া বলিলেন, বল এখনও কোথায় রেখেচিস্?...বল্বি নে?...না তুমি জানো না তুমি খুকী—তুমি কিছু জানো না—শীগ্গির বল, নৈলে দাঁতের পাটি একেবারে সব ভেঙ্গে গুঁড়ো ক'রে ফেলবো এখনি! বল শীগ্গির—বল এখনো বল্চি—

টুনির মা হাত ধরিতে আগাইয়া আসিতেছিল, একজন কুটুম্বিনী বলিলেন, রোসো না, দেখ্চো না অই ঠিক নিয়েচে। চোরের মারই ওষুধ—দিয়ে দাও এখনি মিটে গেল,—কেন মিথো—

দুর্গার মাথার মধ্যে কেমন করিতেছিল। সে অসহায় ভাবে চারিদিকে চাহিয়া অতি কষ্টে শুকনো জিবে জড়াইয়া উচ্চারণ করিল—আমি তো জানিনে কাকীমা, আমি নিই নি। ওরা সব চ'লে গেল আমিও তো—কথা বলবার সময় সে ভয়ে আড়ষ্ট হইয়া সেজ ঠাকুরণের দিকে চোখ রাখিয়া দেওয়ালের দিকে ঝেঁসিয়া বাইতে লাগিল।

পরে সকলে মিলিয়া আরও খানিকক্ষণ তাহাকে বুঝাইল। তাহার সেই এক কথা—সে জানে না।

কে একজন বলিল—পাকা চোর—

টেঁপি বলিল—বাগানের আমগুলো তলায় পড়বার যো নেই কাকীমা—

শেষোক্ত কথাতেই বোধ হয় সেজ ঠাকুরণের কোন ব্যাণায় ঘা লাগিল। তিনি হঠাৎ বাজখাই রকমের আওয়াজ ছাড়িয়া বলিয়া উঠিলেন—তব্বেরে পাজি, নচ্ছার, চোরের বাড়, তুমি জিনিস দেবে না? দেখি তুমি দেও কি না দেও! কথা শেষ না করিয়াই তিনি দুর্গার উপর কাঁপাইয়া পড়িয়া তাহার মাথাটা লইয়া মজোরে দেওয়ালে ঠুকিতে লাগিলেন। বল্ কোথায় রেখেচিস্—বল্ এখনি—বল শীগ্গির—

টুনির মা তাড়াতাড়ি ছুটিয়া আসিয়া সেজ ঠাকুরণকে হাত ধরিয়া বলিল, করেন কি—করেন কি সেজদি—থাক্গে আমার কোটো; ওরকম ক'রে মারেন কেন?—ছেড়ে দিন—থাক্ হয়েচে—ছাড়ুন ছিঃ! টুনি মার দেখিয়া কাঁদিয়া উঠিল। পূর্বোক্ত কুটুম্বিনী বলিলেন—এঃ, রক্ত পড়্চে যে—

ঝরঝর করিয়া রক্ত পড়িতেছে কেহ লক্ষ্য করে নাই। বুকের কাপড়ের খানিকটা রক্ত পড়িয়া রাঙা হইয়া উঠিয়াছে।

টুনির মা বলিলেন, শীগ্গির একটু জল নিয়ে আর টেঁপি—রোগ্যকের বাল্টিতে আছে ঘাপ্—

টেঁগামেচি ও হৈ চৈ গুনিয়া পাশের বাড়ীর কামারদের ঝি-বোরা ব্যাপার কি দেখিতে আসিল। র'হুর মা এতক্ষণ ছিলেন না—তুপরে খাওয়া দাওয়ার পরে কামার বাড়ী বসিয়া গল্প করিতেছিলেন—তিনিও আসিলেন।

মারের চোটে দুর্গার মাথার মধ্যে কাঁ কাঁ করিতেছিল, সে দিশাহারা ভাবে ভিড়ের মধ্যে একবার চাহিয়া দেখিল অপু তাহার মধ্যে আছে কিনা এবং নাই দেখিয়া আশ্চর্য হইল। অপু তাহার মার দেখিতেছে সে বড় লজ্জা ক'রা কথা হইত!...

শ্রীবিভূতিভূষণ বন্দ্যোপাধ্যায়

জল আসিলে রাহুর মা তাহার চোখে মুখে জল দিয়া তাহাকে ধরিয়ে বসাইলেন। তাহার মাথার মধ্যে কেমন কিম্বা কিম্বা করিতেছিল, সে দিশাহারা ভাবে বসিয়া পড়িল। রাহুর মা বলিল—অমন করে কি মারে সেজ্জদি?...রোগা মেয়েটা—

সেজ্জাকরণ বলিলেন—তোমরা ওকে চেনো নি এখনো। চোরের মার ছাড়া অমুদ নেই এই ব'লে দিলুম—মারের এখনও হয়েছে কি—

রাহুর মা বলিলেন—হয়েছে, এখন একটু সামলাতে দেও সেজ্জদি—যে কাণ্ড করেছে—

টুনির মা বলিল, ও মা এত হবে জানলে কে কোটোর কথা বলতো?...কে জানে যে এত হবে—চাইনে আমার কোটো—ওকে ছেড়ে দাও সেজ্জদি—

সেজ্জাকরণ এত সহজে ছাড়িবেন কিনা জানা যায় না, কিন্তু জনমত তাঁহার বিরুদ্ধে রায় দিতে লাগিল। কাজেই তিনি আসামিকে ছাড়িয়া দিতে বাধ্য হইলেন।

রাহুর মা তাহাকে ধরিয়ে ওদিকের দরজা খুলিয়া খিড়কীর উঠানে বাহির করিয়া দিলেন; বলিলেন—খুব ক্ষেণে আজ বাড়ী থেকে বেরিয়েছিলি যা হোক! যা আস্তে আস্তে যা—টোপি খিড়কীটা ভাল ক'রে খুলে দে—

হুর্গা দিশাহারা ভাব হইয়া খিড়কী দিয়া বাহির হইয়া গেল, সমস্ত মেয়েছেলে ও যাহারা উপস্থিত ছিল—সকলে চাহিয়া দেখিতে লাগিল।

একজন বলিল—তবুও তো স্বীকার কল্লে না—কি রকম দেখেচো একবার?...চোখ দিয়ে কিম্বা এক ফোঁটা জল পড়লো না—

রাহুর মা বলিলেন—জল পড়বে কি, ভয়েই শুকিয়ে গিয়েছে। চোখে কি আর জল আছে? ওই রকম ক'রে মারে?

গ্রামে বারোয়ারী চড়কপূজার সময় আসিল। গ্রামের বৈষ্ণব মজুমদার চাঁদার খাতা হাতে বাড়ী বাড়ী চাঁদা

আদায় করিতে আসিলেন। হরিহর বলিল—না খুড়ো, এবার আমার এক টাকা চাঁদা ধরাটা অন্তায় হয়েছে—এক টাকা দেবার কি আমার অবস্থা? বৈষ্ণনাথ বলিলেন—না হে না, এবার নীলমণি হাজরার দল। এ রকম দলটি এ অঞ্চলে কেউ চক্ষেও দেখেনি। এবার পাল পাড়ার বাজারে মহেশ সেকরার বালক কেতনের দল গাইবে, তার সঙ্গে পালা দেওয়া চাই-ই—

বৈষ্ণনাথ এমন ভাব দেখাইলেন যেন নিশ্চিন্দিপুর-বাসীগণের জীবন মরণ এই প্রতিযোগিতার সাফল্যের উপর নির্ভর করিতেছে।

অপুর স্নানাহার বন্ধ হওয়ার উপক্রম হইল। বারোয়ারী তলায় ঘাস চাঁচিয়া প্রকাণ্ড বাঁশের মেরাপ বাঁধিয়া সামিয়ানা টাঙানো হইয়াছে। যাত্রাদল আসে আসে—এখনও পৌঁছে নাই। সন্ধ্যা উত্তীর্ণ হইয়া গেলে লোকে বলে কাল সকালের গাড়ীতে আসিবে, সকাল চলিয়া গেলে বৈকালের আশায় থাকে। রাত্রে অপূর ঘুম হয় না, বাঁধ-ভাঙা বস্তার শ্রোতের মত কোতুহল ও খুসির যে কী প্রবল, অদম্য উচ্ছ্বাস! বিছানায় ছটফট এপাশ ওপাশ করে। যাত্রা হবে! যাত্রা হবে! যাত্রা হবে!

মায়ের বারণ আছে অত বড় মেয়ে পাড়া ছাড়িয়া কোথাও না যায়, হুর্গা চুপি চুপি গিয়া দেখিয়া আসিয়া রাজলক্ষীর কাছে আসর-সজ্জা ও বাঁশের গায়ে বুলানো লাল নীল কাগজের মালার অভিনবত্ব সম্বন্ধে গল্প করে। অপূর মনে হয় যে-পঞ্চানন তলায় সে ছবেলা কড়িখেলা করে সেই তুচ্ছ অত্যন্ত পরিচিত সামান্য স্থানটাতে আজ বা কাল নীলমণি হাজরার দলের যাত্রার মত একটা অভূতপূর্ব অবাস্তব ঘটনা ঘটিবে, এও কি সম্ভব? কথাটা যেন তাহার বিশ্বাসই হয় না।

হঠাৎ গুনিতে পাওয়া যায় আজ বিকালেই দল আসিবে। এক বলক রক্ত যেন বুক হইতে নাচিয়া চল্কাইয়া একেবারে মাথায় উঠিয়া পড়ে!...জগতে এক ধরণের লোক আছে যারা বড় মিন্মিনে। কি হুঃখ কষ্ট, কি সুখ ভালবাসা সবই তাহারা ভোগ করে ওপর ওপর, পান্বে পান্বে ভাবে; কিছুতেই তাহাদিগকে তেমন ধাক্কা দিয়া যায় না—চৈতন্যশক্তিহীন। অপূর সে ধরণের ছেলে নয়; সে সেই ধরণের যারা জীবনের



ছোট বড় সকল অবদানকে হুহাতে প্রাণপণে নিংড়াইয়া চুমিয়া আঁটিসার করিয়া খাওয়ার ক্ষমতা রাখে—সুখও যেমন বেশী পায়, দুঃখও কিন্তু তেমনি। প্রথম বসন্তের দোয়েল কোকিলের ডাক ওদেরই তরুণ পল্লবান্তরাল থেকে প্রথম আসে, কালবৈশাখীর প্রথম বাড়ে ওদেরই মগডালকে ঝঙ্কার সঙ্গে প্রাণপণে যুক্তিতে হয়, বোধ হয় বা ছড়-মুড় শব্দে ভাঙ্গিয়াও পড়ে।

কুমার-পাড়ার মোড়ে ছপুরের পর হইতেই সকল ছেলের সঙ্গে দাঁড়াইয়া থাকিবার পর দূরে একখানা গরুর গাড়ী তাহার চোখে পড়িল। মাজের বাক্স বোঝাই গাড়ী এক, দুই, তিন, চার, পাঁচ খানা! পটু একে একে আঙুল দিয়া গুণিয়া খুসির সুরে বলিল—অপু-দা, চলো আমরা এদের পেছনে পেছনে এদের বাসায় গিয়ে দেখে আসি, যাবে? মাজের গাড়ীগুলার পিছনে দলের লোকেরা যাইতেছে, সকলের মাথায় টেরিকাটা, অনেকের জুতা হাতে। পটু একজন দাড়ি-ওয়াল লোককে দেখাইয়া কহিল—এ বোধ হয় রাজা মাজে, না অপু-দা?... আকাশ বাতাসের রং একেবারে বদলাইয়া গেল—কাল সকালেই যাত্রা! অপু মহা উৎসাহে বাড়ী ফিরিয়া দেখে তাহার বাবা দাওয়ায় বসিয়া কি লিখিতেছে ও গুন্-গুন্ করিয়া গান করিতেছে। সে ভাবে যাত্রাদলের আসিবার কথা তাহার বাবাও জানিতে পারিয়াছে, তাই এত স্তুতি। সে উৎসাহে হাত নাড়িয়া বলে—মাজ একেবারে পাঁচ গাড়ী বাবা! এ রকম দল! হরিহর শিষ্য বাড়ী বিলি করার জন্ত বালির কাগজে কবচ লিখিতেছিল, মুখ তুলিয়া বিস্ময়ের সুরে বলে—কিসের মাজ রে খোকা? অপু আশ্চর্য হইয়া যায়, এতবড় ঘটনা বাবার জানা নাই! বাবাকে সে নিতান্ত রূপার পাত্র বিবেচনা করে।


সকালে উঠিয়া অপুকে পড়িতে বসিতে হয়। খানিক পরে সে কাঁদো কাঁদো ভাবে বলে—আমি বারোয়ারী তলায় যাবো বাবা, সকলে যাচ্ছে আর আমি এখন বুকি ব'সে ব'সে পড়বো? এখুনি যদি যাত্রা আরম্ভ হয়?

তাহার বাবা বলে—পড়ো, পড়ো এখন ব'সে পড়ো, যাত্রা আরম্ভ হ'লে ঢোল বাজবার শব্দ তো শুন্তে পাওয়া যাবে? তখন না হয় যেও এখন। প্রৌঢ় বয়সের ছেলে, সব সময়ে

আজকাল বিদেশে থাকে, অল্পদিনের জন্ত বাড়ী আসিয়া ছেলেকে চোখ ছাড়া করিতে মন চায় না। থাক না—তবুও যতক্ষণ চোখের সামনে বসিয়া থাকে! অপূর অভিমানে রাগে চোখ দিয়া জল পড়িতে থাকে। সে কান্না-ভরা গলায় আবার শুভঙ্করী শুরু করে—মাস মাহিনা যার যত, দিন তার পড়ে কত?...

কিন্তু সকালে যাত্রা বসে না, খবর আসে ওবেলা বসিবে। ওবেলা অপু দুর্গার কাছে গিয়া কাঁদো কাঁদো ভাবে বাবার অত্যাচারের কাহিনী আনুপূর্বিক বর্ণনা করে। মা আসিয়া বলে—দাও না গো ছেলেটাকে ছেড়ে?... বছর কারের দিনটায়! অপু ছপুরে ছুটি পায়। সারা ছপুর বারোয়ারী তলায় কাটায় তাহার। মা বলে—যাত্রা যখন আরম্ভ হবে তখন বাড়ী এসে কিন্তু খেয়ে যেও। বৈকালে খাইতে অপু বাড়ী আসে। বাবা রোয়াকে বসিয়া কবচ লিখিতেছে। অল্প দিন এ সময় তাহাকে তাহার বাবার কাছে বসিয়া পড়িতে হয়। পাছে ছেলে চটিয়া যায় এই ভয়ে তাহার বাবা তাহাকে খুসি রাখিবার জন্ত নানারকম কৌতুকের আয়োজন করে। বলে—খোকা, চট ক'রে শেলেটে লিখে আনো দিকি ক্রঃ ভূত বাপরে!... অপু সব অদ্ভুত ধরণের কথা শুনিয়া হাসিয়া খুন হয়, তাড়াতাড়ি লিখিয়া আনিয়া দেখায়। বলে— বাবা এইটে হ'য়ে গেলে আমি কিন্তু চ'লে যাবো?... তাহার বাবা বলে—যেও এখন, যেও এখন, খোকা—আচ্ছা চট ক'রে লিখে আনো দিকি—আর একটা অদ্ভুত কথা বলে। অপু আবার হাসিয়া উঠে।

আজ কিন্তু অপূর মনে হইল, বাহির হইতে কি একটা প্রচণ্ড শক্তি আসিয়া তাহাকে তাহার বাবার নিকট হইতে সরাইয়া লইয়া গিয়াছে। বাবা নির্জ্বল ছায়া-ভরা বৈকালে বাশবন-ঘেরা বাড়ীতে একা বসিয়া বসিয়া লিখিতেছে, কিন্তু এমন শক্তি নাই যে তাহাকে বসাইয়া রাখে। এখন যদি বলে—খোকা, এস পড়তে বসো—অমনি চারিদিক হইতে একটা যেন ভয়ানক প্রতিবাদের হট্টগোল উঠিবে। সকলে যেন বলিবে—না, না, না, এ হয় না, এ হয় না। যাত্রা য বসে বসে!—কোন্ উল্লাসের প্রবল শক্তি তাহার বাবাকে যেন নিতান্ত অসহায়, নিরীহ দুর্বল করিয়া দিয়াছে। সাপ



শ্রীবিভূতিভূষণ বন্দ্যোপাধ্যায়

না যে তাহাকে পড়িতে বসিবার কথা পর্য্যন্ত মুখে উচ্চারণ
করে! বাবার জন্ত অপুর মন কেমন করে।

হুর্গা বলিল—অপু, তুই মাকে বল না আমিও দেখতে
যাও ? অপু বলে—মা, দিদি কেন আসুক না আমার
সঙ্গে ? চিক্ দিয়ে ঘিরে দিয়েচে সেইথেনে বসবে ? মা
বলে—এখন থাক, আমি ওই ওদের বাড়ীর মেয়েরা যাবে,
তাদের সঙ্গে যাবো,—আমার সঙ্গে যাবে এখন।
বারোয়ারী তলায় যাইবার সময় হুর্গা পিছন হইতে তাহাকে
ডাকিল—শোন অপু! পরে সে কাছে আসিয়া হাসি হাসি মুখে
বলিল—হাত পাত দিকি! অপু হাত পাতিতেই হুর্গা তাহার
হাতে ছটা পয়সা রাখিয়াই তাহার হাতটা নিজের হুহাতের
মধ্যে লইয়া মুঠা পাকাইয়া দিয়া বলিল—তু পয়সার মুড়কী
কিনে আন, নয়তো যদি নিচু বিক্রি হয় তো কিনে আন। ইহার
দিন মাতেক পূর্বে একদিন অপু আসিয়া চুপিচুপি দিদিকে
জিজ্ঞাসা করিয়াছিল তোর পুতুলের বাক্সে পয়সা আছে ?

একটা দিবি ? হুর্গা বলিয়াছিল—কি হবে পয়সা তোর ? অপু
দিদির মুখের দিকে চাহিয়া একটু খানি হাসিয়াছিল, বলিয়াছিল
—নিচু খাবো—কথা শেষ করিয়া সে পুনরায় লজ্জার হাসি
হাসিয়াছিল। কৈফিয়তের সুরে বলিয়াছিল—বোষ্টমদের
বাগানে ওরা মাচা বেঁধেচে দিদি, অনেক নিচু পেড়েচে
তু বুড়ি-ই-ই—এক পয়সায় ছটা, এই এত বড় বড়, একেবারে
সিঁহুরের মত রাঙা! সতু কিনলে, সাধন কিনলে—
পরে একটু খামিয়া জিজ্ঞাসা করিয়াছিল—আছে দিদি ?
হুর্গার পুতুলের বাক্সে সেদিন কিছুই ছিল না, সে
কিছু দিতে পারে নাই। অপুকে বিরসমুখে চলিয়া যাইতে
দেখিয়া সেদিন তাহার খুব কষ্ট হইয়াছিল, তাই কাল
বৈকালে সে বাবার কাছে পয়সা ছটা চড়ক দেখিবার নাম
কবিয়া চাহিয়া লয়। সোনার ভাঁটার মত ভাইটা, মুখের
আবদার না রাখিতে পারিলে ভারী মন কেমন করে।

(ক্রমশঃ)

বসন্তের জন্ম-লীলা

শ্রীমৈত্রেয়ী দেবী

কবে থেকে বয়েছিল দক্ষিণের বায়
দিকে দিকে দোলা দিয়ে
খুলে দিয়ে দ্বার
স্তম্বন-বীথিকারে করি অধিকার ॥
আজি এই বসন্তের প্রথম সকালে
আকাশ রঞ্জোন হ'ল নীলে আর লালে
আনন্দ-সিন্দুরে—
তুলিল রঞ্জোন ক'রে শিশির-বিন্দুরে
শুষ্ক পত্র ক'রে গেল আশ্র-বন তলে
বিকশিত কিশলয়ে সুগন্ধ উছলে ॥

যে বীচিটি পড়েছিল প্রাঙ্গণের কোলে,
সে আজিকে হয়
কখন উঠিল কাঁপি পুষ্পিত লতায়।
পত্রহীন শুষ্ক বৃক্ষ আছিল দাঁড়ায়ে,
সে আজিকে আপনারে ফেলিল হারায়ে
সবুজের রঞ্জোন আভাতে।
লাল হ'ল কৃষ্ণচূড়া
যেন কার হৃদি-রক্ত-পাতে।
বাঁশ বনে প'ড়ে গেল সাড়া,
বন হতে বনান্তরে বাতাস বহিল আত্মহারা।



মোর বাতায়ন তলে খুলে গেল দ্বার,—

মুগ্ধ মম চিত্তটিরে করি একাকার

সমস্ত হারায়ে

প্রথম মুকুল-গন্ধে রহিমু দাঁড়ায়ে ।

ঝাউ বনে বাতাসের দীর্ঘশ্বাস প'ড়ে

অব্যক্ত বাথারে মোর তোলে স্নিগ্ধ ক'রে ।

আজ পার্শ্বে 'দেখি' চেয়ে শুধু মনে হয়

এ বিপুল ধরণী যে মহাপ্রাণময় !

নাহি কোনো অবমান, শেষ নাহি হেরি,—

ক্ষণে ক্ষণে সৃষ্টি চলে পুরোগোরে ঘেরি' ।

নাহি রাখে স্থির,

সকল নূতন করে দক্ষিণ সমীর ।

সে নূতন স্পর্শ লাগে কুঞ্জবীণি তলে,

রজনীগন্ধার বৃকে সুগন্ধ উছলে,

নবীন অঙ্কুর জাগে আকুল বিহ্বল,

শুক মাঠে কেঁপে ওঠে গ্রাম শম্পদল ।

কলি যায় খুলে

অরুণ সূর্যোর পানে স্নিগ্ধ অঁখি তুলে,

রক্তকরবীর শাখা ভ'রে যায় মুগ্ধ অমুরাগে,

মর্মে ছোঁয়া লাগে,

চাঁপা হয় উল্লসিত, ঝরে সন্ধ্যামণি

আপনারে সূর্যালোকে ধন্য মনে গণি' ।

শাল-বনে জাগে ধ্বনি,

তাল-শ্রেণী মাঝে

মোহ-মুক্ত বাতাসের প্রতিধ্বনি বাজে ।

নামহীন ক্ষুদ্র পাখী শুষ্ক তৃণ ধরি'

প্রচ্ছন্ন পল্লব ছায়ে নীড় তোলে গড়ি',

তারো ক্ষুদ্র চিত্ত মাঝে এ আনন্দ রাশি

অব্যক্ত মূর্ছনা ভরে উঠেছে উচ্ছ্বাসি ॥

চারিদিকে এ আনন্দ মন্ত্র ভ'রে দিল,

সমস্ত পৃথিবী তাতে নব জন্ম নিল ।

মোর মন হল আত্মহারা

এ উত্তাল আনন্দের লভি মত্ত সাড়া ।

তৃণ হতে আকাশের অনন্ত হৃদয়ে

এ অপূর্ণ জনমের বার্তা গেল ব'য়ে ।

আজ মনে হয়

যারে শেষ মনে করি সে ত শেষ নয় ;—

সে ত শুধু জনমের নানা মুগ্ধ ছল

আপন প্রকাশ লাগি নতুন কোশল ॥

চারিদিক হ'তে এসে নানা সৃষ্টিধারা

এ জন্ম-জলধি মাঝে হ'ল আত্মহারা ;

বিপুল সাগর হ'তে মহাবত্তা ব'য়ে

মৃত্যুর উত্তপ্ত মরু গেল সিক্ত হ'য়ে ।

ভিজাল সমস্ত বালু এ সমুদ্র কূলে

নির্ম্মল উচ্ছল স্নিগ্ধ কি তরঙ্গ তুলে ॥

সে মহান তীর্থে তবে

বসন্তের পরশ পরম

মোর শুষ্ক হৃদয়েরে

নতুন আলোতে দিল

- নতুন জনম ॥

প্রেমের খেলা

অর্থার মিত্শার

অনুবাদক—শ্রীমণীন্দ্রলাল বসু

দ্বিতীয় অঙ্ক

(ক্রিস্টানের ঘর, সাধারণ ও সুন্দর ঘর)

ক্রিস্টানে

(বাহিরে যাইবার জন্ত সাজগোজ করিয়াছে। কাথারিনা দরজায়
টোকা মারিয়া শব্দ করিয়া প্রবেশ করিল)

কাথারিনা

শুভ সন্ধ্যা ফ্রয়লাইন ক্রিস্টানে।

(ক্রিস্টানে আয়নার সম্মুখে দাঁড়াইয়াছিল, ফিরিয়া দেখিল)

ক্রিস্টানে

শুভ সন্ধ্যা।

কাথারিনা

আপনি কোথাও বেরোচ্ছেন দেখছি ?

ক্রিস্টানে

এমন কিছু তাড়াতাড়ি নেই।

কাথারিনা

আমি এলুম, আমার স্বামী পাঠিয়ে দিলেন আপনাকে
নিমন্ত্রণ করতে। আপনি যদি আমাদের সঙ্গে আজ রাতে
গেনার গার্ডেনে আসেন,—আজ ওখানে সঙ্গীত আছে।

ক্রিস্টানে

অশেষ ধন্যবাদ, ফ্রাউ বিণ্ডার...কিন্তু আজ আমি যেতে
পারছি না...আর একদিন, কেমন?—আপনি রাগ
করলেন, না ?

কাথারিনা

না, মোটেই না...কিন্তু কেন ? হাঁ, আমাদের সঙ্গে
গিয়ে আর কি এমন আমোদ হবে, তার চেয়ে আর
কোথাও নিশ্চয় আপনি বেশী আমোদ উপভোগ করতে
যাচ্ছেন।

ক্রিস্টানে

(তাহার দিকে চাহিল)

কাথারিনা

বাবা এখনও থিয়েটার থেকে আসেন নি ?

ক্রিস্টানে

না, তিনি থিয়েটার যাবার আগে একবার বাড়ীতে
আসবেন। এখন সাড়ে সাতটায় আরম্ভ হয় কি না।

কাথারিনা

ঠিক, আমি প্রত্যেকবার ভুলে যাই। আচ্ছা, তাঁর
জন্তে আমি অপেক্ষা করবো। এই যে নতুন প্লে-টা দিয়েছে
না, তার জন্তে যদি ফ্রি পাশ পাই...এখন বোধ হয় পাওয়া
যেতে পারে ?...

ক্রিস্টানে

হাঁ, নিশ্চয়...আর এখন সন্ধ্যাকালটা এত সুন্দর,
বেশী লোকে থিয়েটারে যায় না।

কাথারিনা

কিন্তু আমাদের মত লোকের থিয়েটারে যাওয়াই ভাল,
যদি থিয়েটারের কোন জানা শোনা লোক থাকে, ফ্রি
পাশ পাওয়া যায়।...কিন্তু ফ্রয়লাইন ক্রিস্টান, আমার জন্তে
আপনি দাঁড়াবেন না, আপনার যদি বাইরে কোথাও যাবার
দরকার থাকে। আমার স্বামী সত্যি বড় ছুঃখিত হবেন
...আর, আর একজনও...

ক্রিস্টানে

কে ?

কাথারিনা

বিণ্ডারের খুড়তুতো ভাই আমাদের সঙ্গে আছে।
জানেন কি ফ্রয়লাইন ক্রিস্টানে, ও এখন একটা বেশ ভাল
কাজ পেয়েছে ?



ক্রিস্টিনে

(তাহাতে-কিছু-আসে-যায়-না ভঙ্গীতে) ও ।—

কাথারিনা

আর বেশ মোটা মাইনে । কি চমৎকার লোক !
আপনার প্রতি ভারী শ্রদ্ধা আর অনুরাগ—

ক্রিস্টিনে

আচ্ছা—এখন আসি ফ্রাউ বিগার ।

কাথারিনা

আপনার নামে লোকে যাই বলুক না কেন, একটি
কথাও বিশ্বাস করে না...

ক্রিস্টিনে

(তাহার মুখে দৃঢ় দৃষ্টিতে চাহিল)

কাথারিনা

সত্যি, এ রকম লোকও আছে...

ক্রিস্টিনে

আচ্ছা, ফ্রাউ বিগার, আসি ।

কাথারিনা

হাঁ...(বিক্রপাঙ্ক মূরে) দেখবেন, যেন মিলন-স্থানে (রাঁধে
ভূতে) দেরীতে গিয়ে না পৌঁছান, ফ্রয়লাইন ক্রিস্টিনে !

ক্রিস্টিনে

আপনার সত্যি কি চাই বলুন ত ?—

কাথারিনা

না, আপনিই ঠিক ! যৌবন ত চিরজীবন থাকে না ।

ক্রিস্টিনে

আসি ।

কাথারিনা

কিন্তু ফ্রয়লাইন ক্রিস্টিন, একটি কথা আমায় বলতে
হচ্ছে, আপনার একটু সাবধান হওয়া উচিত !

ক্রিস্টিনে

অর্থাৎ ?

কাথারিনা

দেখুন—ভিয়েনা ত একটা খুব বড় সহর...কিন্তু কুশল ?
আপনাদের মিলন-স্থানটি বাড়ী থেকে এক শ' পা দূরে
করবার কি দরকার ?

ক্রিস্টিনে

তাতে কার কি ?

কাথারিনা

বিগার আমায় যখন এসে বলে আমি বিশ্বাস করতে
চাইনি । সে আপনাকে দেখেছে...আমি তাকে বলুম,
তুমি ভুল দেখেছ ; ফ্রয়লাইন ক্রিস্টিনে সে রকম মেয়ে
নয় যে, সন্ধ্যাবেলায় ফ্যাসানেবল্ যুবকদের সঙ্গে বেড়াবে ।
আর যদিই বা বেড়ায়, তার এ-টুকু বুদ্ধি আছে, সে আমাদের
গলিতে বেড়াবে না । সে বলে, আচ্ছা, তুমি তাকে জিজ্ঞেস
ক'রে দেখো । তারপর সে বলে, তা আর আশ্চর্য্য কি,
আমাদের দিকে আর ত সে মাড়ায়ই না, এখন সব সময়ই
ওই স্নাগার মিত্‌সির পেছনে ছোটে ;—কোন সম্ভ্রান্ত মেয়ের
পক্ষে ওর সঙ্গে মেশা কি ভাল ?—জানেন ত ফ্রয়লাইন
ক্রিস্টিন, পুরুষমানুষদের মুখ কত মন্দই বলতে পারে !—
হাঁ, ফ্রান্সকেও নিশ্চয় ও সব কথা বলেছে । সে বিগারের
ওপর ক্ষেপেই যাবে,—আপনার বিরুদ্ধে কোন কথা সে
সইতে পারে না, আপনার নামে কেউ কিছু খারাপ বলে
সে ত হাতাহাতি ব্যাপার করবে । কিন্তু যখন আপনার
পিসি বেঁচে ছিলেন—ঈশ্বর তাঁকে চিরশান্তি দিন—তখন
আপনি বার-মুখো ছিলেন না, কি নম্র ছিলেন...(কিছুক্ষণ
নীরবতা) আমাদের সঙ্গে বাজনা শুনতে আসবেন ?

ক্রিস্টিনে

না...

(ভাইরিং প্রবেশ করিল, তাহার হাতে লিলাক-ফুলের গোড়া)

ভাইরিং

শুভ সন্ধ্যা...আ, ফ্রাউ বিগার, কেমন আছেন ?

কাথারিনা

বেশ, ধন্যবাদ ।

ভাইরিং

আর ছোট মেয়েটি ?—আপনার স্বামী ? সব

কাথারিনা

হাঁ ঈশ্বরকে ধন্যবাদ, সবাই বেশ ভাল আছে ।

ভাইরিং

বেশ,—(ক্রিস্টিনের প্রতি) এমন সুন্দর সন্ধ্যা আর তুই
বাড়িতে ব'সে—?

ক্রিস্টিনে

আমি এই বাইরে বেড়াতে যাচ্ছিলুম ।

ভাইরিং

বেশ !—আজ বাইরে এমন সুন্দর হাওয়া বইছে, জানেন
ফ্রাউ বিগার, চমৎকার ! আমি এই বাগানের মধ্যে
দিয়ে এসেছি—কি লিলাক ফুল ফুটেছে—চমৎকার !
কিছু ফুল চুরি ক'রে নিয়ে এলুম । (ক্রিস্টিনকে ফুলের গুচ্ছ
দিল)

ক্রিস্টিনে

ধন্যবাদ বাবা ।

কাথারিনা

মালি যে দেখতে পায় নি, এই ভাগ্যা ।

ভাইরিং

একটা ছোট ডাল ভেঙে এনেছি বই ত নয়,—ফুলে ফুলে
একেবারে ভরা ।

কাথারিনা

সবাই যদি তাই ভেবে ডাল ভাঙে ?

ভাইরিং

তা হ'লে অবশ্য অত্যাশ হয় ।

ক্রিস্টিনে

আমি যাচ্ছি, বাবা !

ভাইরিং

কয়েক মিনিট অপেক্ষা করলে আমার সঙ্গে থিয়েটার
যেতে পারতিস্ ।

ক্রিস্টিনে

আমি...আমি মিত্‌সিকে বলেছি, তার কাছে যাবো...

ভাইরিং

ও, তা বেশ বেশ । হাঁ, যৌবনের সঙ্গী যৌবন ।
মাচ্ছা, এসো ক্রিস্টিন...

ক্রিস্টিনে

(পিতাকে চুমা খাইল, তারপর বলিল) বিদায় ফ্রাউ

বিগার !—(ক্রিস্টিন চলিয়া গেল, ভাইরিং তাহার প্রতি মেহমত
চোখে চাহিয়া রহিল)

কাথারিনা

ফ্রয়গাইন মিত্‌সির সঙ্গে বড় গভীর বন্ধুত্ব ।

ভাইরিং

হাঁ, টিনির এই বন্ধুটি আছে ব'লে তাকে সারাক্ষণ
বাড়ীতে একা ব'সে থাকতে হয় না, সেজন্য আমি খুসি ।
আমার এই মেয়েটি জীবন কি আর উপভোগ করছে !...

কাথারিনা

তা বটে ।

ভাইরিং

জানেন ফ্রাউ বিগার, যখন রিহার্সেল থেকে ফিরে
আসি আর দেখি ও একা কোণে ব'সে সেলাই
করছে,—আমার যে কি কষ্ট হয় আপনাকে আর কি
বলব ! আর বিকেল বেলা খাবার পরেই আবার ও টেবিলে
স্বরলিপি টুকতে বসে...

কাথারিনা

সেত বটেই, যারা লক্ষপতি তারা ত আমাদের চেয়ে অনেক
সুখে সম্ভোগে থাকে । তা ওর গান শেখা কেমন হচ্ছে ?

ভাইরিং

বিশেষ কিছু নয় । ঘরে গাইবার পক্ষে ওর গলা বেশ
বটে, আর তার বাবার পক্ষে ওই গলাই খুব ভাল—
কিন্তু ও গলায় পয়সা রোজগার হবে না ।

কাথারিনা

এ বড় দুঃখের কথা ।

ভাইরিং

ও যে তা বোঝে তা'তে আমি সুখী । অস্তুত
কোন রকম বেদনা পাবে না । আমাদের থিয়েটারের
কোরসে ঢুকিয়ে দিতে পারি, তবে—

কাথারিনা

নিশ্চয়, অমন সুন্দর দেখতে ।

ভাইরিং

কিন্তু তাতে ত উন্নতির, পরে বেশী পয়সা রোজগারের,
কোন আশা নেই ।



কাথারিনা

হাঁ, মেয়ে থাকলে অনেক ভাবনা ! আমি যখন-ভাবি আমার লিনারল্ পাঁচ ছ' বছরের মধ্যে একটি বড়-সড় মেয়ে হ'য়ে উঠবে—

ভাইরিং

ফ্রাউ বিণ্ডার, দাঁড়িয়ে কেন এতক্ষণ, বসুন !

কাথারিনা

ধন্যবাদ, আমার স্বামী শিগগিরই আমায় নিতে আসবেন ; আমি ক্রিস্টিনেকে নেমন্তন্ন করতে এসেছিলুম—

ভাইরিং

নেমন্তন্ন করতে ?

কাথারিনা

হাঁ, আজ লেনারগার্টনে গানবাজনা শোনবার জন্তে । ভাবলুম, আমাদের সঙ্গে গিয়ে বাজনা শুনলে মমটা বেশ প্রফুল্ল হবে । ওকে প্রফুল্ল করা দরকার ।

ভাইরিং

নিশ্চয়, ওর পক্ষে খুব ভালই—বিশেষতঃ এই নিরানন্দ শীতের পর । তা আপনাদের সঙ্গে ও গেল না কেন ?

কাথারিনা

কি ক'রে জানবো.....বোধ হয় বিণ্ডারের ভাই আমাদের সঙ্গে আছে ব'লে ।

ভাইরিং

খুব সম্ভব তাই । তাকে ও মোটেই দেখতে পারে না, তা আমায় বলেছে ।

কাথারিনা

কিন্তু, কেন ? ফ্রান্স অতি সৎ, ভালোমানুষ লোক, —আর এখন তার একটা ভাল চাকরি হয়েছে, আজ-কালকার দিনে এ সৌভাগ্যের কথা.....

ভাইরিং

হাঁ, গরীব মেয়ের পক্ষে বটে—

কাথারিনা

সব মেয়ের পক্ষেই ।

ভাইরিং

আচ্ছা, বলুন ত ফ্রাউ বিণ্ডার, এরকম একটি খুন্দরী

মেয়ের পক্ষে এক ভাগ্যক্রমে-চাকরি-পাওয়া সৎ ভালমানুষ লোককে পাওয়াই কি জীবনের সব ?

কাথারিনা

আবার কি চাই ! কোন জমিদারের ছেলে আসবে ব'লে ত কেউ ব'সে থাকতে পারে না । তারপর তিনি যদি বা কখনও আসেন, সাধারণত, বিয়ে না ক'রে এমন ভাবে চ'লে যান যে কেউ জানতেও পারে না... (ভাইরিং জানলার নিকট গিয়া দাঁড়াইল । নীরবতা) না, আমি বলি কি খুবতী মেয়েদের সম্বন্ধে খুব সাবধান হওয়া দরকার—বিশেষত এই দেখাশোনা—

ভাইরিং

প্রথম যৌবনের দিনগুলি এমনি ক'রে বৃথা যেতে দেওয়া কি ঠিক ? তারপরে এই বেচারী এত ভালো মেয়ের কপালে কি হল—এত বছর অপেক্ষা ক'রে কে এল—এল এক তাঁতি, সে মেয়েদের মোজা তৈরী করে ।

কাথারিনা

হেয়ার ভাইরিং, আমার স্বামী তাঁতি বটে, কিন্তু সে ধর্ম-ভীরু সংব্রাজি, তার জন্তে আমি কোনদিন হুঃখিত নই ।

ভাইরিং

(শাস্ত করবার জন্ত) ফ্রাউ বিণ্ডার, আমি আপনাকে মনে ক'রে কিছু বলিনি ।...আপনি আপনার যৌবন অবশ্য বৃথা ব'সে মাটি করেননি ।

কাথারিনা

সে সব কথা আমার কিছু মনে নেই ।

ভাইরিং

তা বলবেন না—আপনি এখন যাই বলুন—আপনার জীবনের মধ্যে যৌবনের ওই স্মৃতিগুলি সব চেয়ে সুন্দর ।

কাথারিনা

আমার কোন স্মৃতি নেই ।

ভাইরিং

না, না...

বসু

কাথারিনা

আর আপনি যে রকম বলছেন, ওরকম স্মৃতির পর কি থাকে? ...অনুতাপ!

ভাইরিং

হঁ, তার কি থাকে—যখন তার—তার কোন স্মৃতি-স্মৃতিও নেই? ...যখন সমস্ত জীবন এমি ভাবে কেটে যায় (স্মৃতি সহজ হয়ে, করণ হয়ে নয়) একটা দিন আর একটা দিনেরই মত, কোন স্মৃতি নেই, প্রেম নেই—এর চেয়ে বোধ হয় ভাল হ'ত!

কাথারিনা

আচ্ছা হেয়ার ভাইরিং, আপনি আপনার বোনের কথা ভাবুন। কিন্তু তাঁর কথা বলে আপনার মনে কষ্ট হবে, হেয়ার ভাইরিং—

ভাইরিং

হাঁ, তার কথা ভাবলে আমার মনে বড় কষ্ট হয়...

কাথারিনা

তা ত হবেই,...ভাই-বোনের মধ্যে কি টানই ছিল... আমি সব সময় বলতুম, এমন ভাই বড় খুঁজে পাওয়া যায় না।

ভাইরিং

(নিচলিত ভাব)

কাথারিনা

এ ত সত্যি কথা। আপনি সেই সুবাবরসেই তাঁর বাপ-মার স্থান পূরণ করেছিলেন।

ভাইরিং

হঁ, হঁ—

কাথারিনা

এ ত আপনার জীবনের একটা বড় সাস্থনার কথা যে আপনি একটা মেয়ের সারাজীবনের শুভামুখ্যায়ী রক্ষক হয়েছেন—

ভাইরিং

হাঁ, আমিও আগে তাই মনে করেছিলুম। যখন সেই সুন্দরী তরুণী ছিল,—তখন ভেবেছিলুম, খুব একটা সহজ কাজ করছি। কিন্তু তার পর যখন ধীরে ধীরে

তার চুল ধূসর হ'য়ে এল, তার মুখ বয়সের রেখায় ভ'রে গেল, দিনের পর দিন একইভাবে কেটে যেতে লাগল—তার সমস্ত যৌবন কেটে গেল—লোকে বুঝতেও পারলে না কেমন ক'রে ধীরে ধীরে সেই সুন্দরী তরুণী অধিবাহিতা প্রোঢ়া হ'য়ে গেল—তখন আমার প্রথম মনে হ'ল, ছি, ছি, আমি এ কি করলুম।

কাথারিনা

কিন্তু হেয়ার ভাইরিং—

ভাইরিং

আমি তাকে যেন আমার সামনে দেখছি। ঘরের ওইখানে সন্ধ্যাবেলায় ল্যাম্পের পাশে আমার সামনে যেমন বসত, শাস্তহাসিভরা স্থিরসঙ্কিতামাখা মুখে সে আমার দিকে যেমন চাইত, তার সেই মূর্তি দেখছি। সে যেন আমাকে তার ধন্যবাদ জানাত,—আর আমি,—আমার ইচ্ছে হ'ত তার সামনে নতজানু হ'য়ে তার ক্ষমাপ্রার্থনা করি,—তাকে আমি জীবনের সকল বিপদ হ'তে রক্ষা করেছি—আর জীবনের সকল আনন্দ হ'তে! (নীরবতা)

কাথারিনা

আপনার মত ভাই পাওয়া ভাগ্যের কথা, এতে পরিতাপের কিছু নেই।

(মিত্‌সির প্রবেশ)

মিত্‌সি

শুভ সন্ধ্যা! ...এখানে বড় অন্ধকার...কিছু দেখা যায় না—ও ফ্রাউ বিণ্ডার? আপনার স্বামী তলায় রয়েছেন ফ্রাউ বিণ্ডার, আপনার জন্তে অপেক্ষা করেছেন...ক্রিস্‌টিনে বাড়ী নেই?

ভাইরিং

মিনিট পনেরো হল সে বেরিয়ে গেছে।

কাথারিনা

তাঁর সঙ্গে আপনার দেখা হয় নি? আপনার সঙ্গে দেখা করবার কথা ছিল।

মিত্‌সি

না,...দেখা হয় নি...আপনি আপনার স্বামীর সঙ্গে বাজনা শুনতে যাচ্ছেন, আপনার স্বামী বলেন।



কাথারিনা

হাঁ, ও বিষয় গুঁর খুব উৎসাহ। ফ্রয়লাইন মিত্‌সি,
আপনার ছোট ছোট্ট সুন্দর ত ; নতুন ?

মিত্‌সি

নতুন কোথা— এর চেহারা আপনার মনে পড়ছেন ? এ
ত গত বসন্তের ; আমি একটু বদলে নতুন ক'রে নিয়েছি।

কাথারিনা

আপনি নিজেই করেছেন ?

মিত্‌সি

হাঁ।

ভাইরিং

খুব কাজের মেয়ে ত !

কাথারিনা

তাইত, আমি সব সময়ে ভুলে যাই, আপনি যে এক
বছর টুপি দোকানে কাজ করেছেন।

মিত্‌সি

আমি বোধ হয় আবার সে কাজে যাবো—মা'র বড়
ইচ্ছে—

কাথারিনা

আপনার মা কেমন আছেন ?

মিত্‌সি

ভালই,—তবে, একটু দাঁতের বাথা আছে,—ডাক্তার
বলেন ও শুধু বাতের জন্ত।

ভাইরিং

আচ্ছা, এখন আমার যেতে হচ্ছে...

কাথারিনা

আমিও একসঙ্গে নামছি চলুন, হেয়ার ভাইরিং...

মিত্‌সি

আমিও যাই...হেয়ার ভাইরিং, আপনার ওভারকোট
নি, আসবার সময় ঠাণ্ডা পড়বে।

ভাইরিং

ঠাণ্ডা পড়বে ?

কাথারিনা

নিশ্চয়...

(ক্রিস্টিনের প্রবেশ)

মিত্‌সি

এই যে, এসেছি...

কাথারিনা

এর মধ্যে বেড়ান শেষ হ'য়ে গেল ?

ক্রিস্টিনে

হঁ, মিত্‌সি...আমার এমন মাথা ধরেছে !... (বসিয়া
পড়িল)।

ভাইরিং

কেন ?

কাথারিনা

বোধ হয় এই বাতাস লেগে —

ভাইরিং

না, কি হ'ল ক্রিস্টিন !...ফ্রয়লাইন মিত্‌সি, অনুগ্রহ
ক'রে যদি আলোটা জ্বালেন।

মিত্‌সি

(আলো জ্বালিতে উদ্ভত হইল)

ক্রিস্টিনে

ও, আমি নিজেই জ্বালছি।

ভাইরিং

ক্রিস্টিন, আমি তোমার মুখ দেখতে চাই !...

ক্রিস্টিনে

বাবা, ও কিছু নয়। হাঁ বাইরের বাতাস লেগেই
হয়েছে।

কাথারিনা

হাঁ, অনেকে এই বসন্তের বাতাস একেবারে সহ করতে
পারে না।

ভাইরিং

ফ্রয়লাইন মিত্‌সি, আপনি তা হ'লে ক্রিস্টিনের কাছে
থাকছেন ?

মিত্‌সি

নিশ্চয়, আমি আছি।

ক্রিস্টিনে

বাবা, কিছু হয় নি আমার।

মিত্‌সি

আমার যখন মাথা ধরে, আমার মা ত এত হৈ চৈ
করেন না।

ভাইরিং

(ক্রিস্টিনের প্রতি) কি, বড় ক্লান্ত মনে আছে ?

ক্রিস্টিনে

(চেয়ার হইতে উঠিয়া দাঁড়াইয়া) না, সেরে গেছে। (হাসিল)

ভাইরিং

বেশ,—হাঁ, এখন মুখের ভাব বদলে গেছে—(কাথারিনার
প্রতি) যখন ও হাসে একেবারে অন্তরকম দেখায়, নয় ?
আচ্ছা, আমি এখন আসি, ক্রিস্টিন, (তাহাকে চুম্বন করিল)
আর আমি যখন বাড়ী ফিরব ততক্ষণে যেন এই ছোট
মাথাটি থেকে সব 'ধরা' চলে যায়!... (দরজার কাছে গেল)

কাথারিনা

(বৃদ্ধপরে ক্রিস্টিনের প্রতি) কি, ঝগড়া হয়েছে বুঝি ?

(ক্রিস্টিনে ক্লান্তভাবে বিচলিত হইয়া উঠিল)

ভাইরিং

(দরজা হইতে) ফ্রাউ বিগ্ডার... !

মিত্‌সি

বিদায়!...

(ভাইরিং ও কাথারিনা চলিয়া গেল)

মিত্‌সি

জানিস্ কেন তোর মাথা ধরেছে ? কালকের ওই মিষ্টি
মদ খেয়ে। আমারও যে কিছু হয়নি, আশ্চর্য্য।... কাল বেশ
অসুস্থ ছিল, না ?

ক্রিস্টিনে

(মাথা নাড়িয়া সম্মতি জানাইল)

মিত্‌সি

ওরা কি সুন্দর হু'জনেই—না ?—আর ফ্রিটসের ঘর কি
সুন্দর সাজানো। সত্যি, চমৎকার! আর ডোরির ঘর...
(গানিয়া) এখনও মাথা ধরা আছে ? কি, কিছু বলছিস
না কেন ? কি হোলো ?

ক্রিস্টিনে

আচ্ছা, মনে কর দেখি—সে বাগানে আসেনি!

মিত্‌সি

কি, তোকে একা অপেক্ষা করিয়েছে ত! বেশ হয়েছে
তোর!

ক্রিস্টিনে

হঁ, কিন্তু এর মানে কি ? আমি তার কি করেছি ?—

মিত্‌সি

তুই তাকে আদর দিয়ে নষ্ট করেছিস, মাথায় তুলে
দিয়েছিস। পুরুষ মানুষের কাছে কড়া হ'তে হয়।

ক্রিস্টিনে

কি যে যা তা বলছিস।

মিত্‌সি

আমি ঠিকই বলছি—আমি সত্যি তোর ওপর চ'টে
গেছি। সে দেখা করবার জায়গায় দেবী ক'রে আসে, সে
তোকে বাড়ী পর্য্যন্ত পৌঁছে দেয় না, পিয়েটারের বসে অজানা
অন্ত লোকেদের সঙ্গে গিয়ে বসে, তোকে একা অপেক্ষা
করায়, আসে না,—আর তুই, তুই কিছু বলিস না, তুই বরং
(সনাক্ষে) এম্মি প্রেমগদগদ হ'য়ে তার দিকে চাস,—

ক্রিস্টিনে

যা, চুপ কর, নিজেকে অত খারাপ ক'রে দেখাস কেন ?
তোর ও ত থিওডরকে খুব ভাল লাগে।

মিত্‌সি

ভাল লাগে—নিশ্চয় খুব ভাল লাগে। কিন্তু ডোরি
তার সারা জন্মে কখনও দেখতে পাবে না, কোন মানুষই
দেখতে পাবে না যে, আমি তার বিরহবাথায় ম'রে যাচ্ছি। ও
সমস্ত মানুষগুলোর দর আমাদের এক ফোঁটা চোখের জলও
নয়।

ক্রিস্টিনে

না, বাপু, কখনও তোকে এ রকম বলতে শুনিনি।

মিত্‌সি

হঁ, টিনেব্ল,—তোর সঙ্গে কোনদিন এত খোলাখুলি
কথা বলিনি বটে,—সাহস হয়নি—জানিস, তোর প্রতি
আমার একটা শ্রদ্ধা ছিল।... দেখ, আমি বরাবর ভেবেছি,
তুই যখন প্রথম প্রেমে পড়বি, একেবারে রীতিমত প্রেমে
পড়বি। প্রথম প্রেম সবাইকে দিশাহারা ক'রে দেয়,—কিন্তু



তোর বিশেষ ভাগিা যে তোর এই প্রথম প্রেমে পড়ার বেলায়
তোর পাশে এখন একটি বন্ধু সাহায্য করতে আছে।

ক্রিস্টিনে

মিতসি!

মিতসি

তুই কি বিশ্বাস করিস না, আমি তোর সত্যিকার বন্ধু,
মঙ্গলাকাঙ্ক্ষিনী? আমি যদি এখন তোকে না বলি
বাপু, ও মানুষটি আর সব মানুষেরই মত, আর
সমস্ত পুরুষমানুষগুলোর দাম আমাদের একঘণ্টা মন
খারাপ ক'রে থাকার উপযুক্ত নয়, তা হ'লে তোর মাথায়
যে কি সব ঢুকবে তা ভগবান জানেন। আমি সব সময়ে
বলি—পুরুষ মানুষদের মোটের ওপর একটা কথাও বিশ্বাস
করতে নেই।

ক্রিস্টিনে

কি অনবরত বলছিস—পুরুষ মানুষ, পুরুষ মানুষ—
তাদের সঙ্গে আমার কি! আমি অত্ন কোন মানুষের কথা
ভাবছি না।—আমার সমস্ত জীবনে ও ছাড়া আর কারো
কথা ভাববো না!

মিতসি

ও, তাই নাকি...ও কি তোকে বলেছে? জানি, জানি,
এই রকমই সবাই বলে। ওরে তা যদি সত্যি ভাবিস,
তাহলে বাপারটা অত্ন রকমে চালাতে হয়।

ক্রিস্টিনে

চুপ্ কর।

মিতসি

না, কি চাস আমার কাছ থেকে?—আমি এর জন্তে
দায়ী নই,—একথা আগে ভাবা উচিত ছিল, তা হ'লে প্রেমের
লীলা কেন? তা হ'লে ব'সে থাকো যতদিন না সত্যি বিয়ে
করবার জন্তে কেউ না আসে।

ক্রিস্টিনে

মিতসি, তোর ওসব কথা আজ আমি সহিতে পারছি না
—তুই আমায় বাণী দিচ্ছিস—

মিতসি

(ভাল ভাবে) সত্যি?

ক্রিস্টিনে

না, তুই এখন যা—রাগ করিস নি—একটু একা
থাকতে দে!

মিতসি

না, রাগ করব কেন? আমি যাচ্ছি। ক্রিস্টিন, দেখ,
এর জন্তে একটা অসুখ ক'রে ফেলিস নি। (যাইবার জন্তে
উঠিল) এই যে, হেয়ার ফ্রিটস্।

(ফ্রিটস্‌র প্রবেশ)

ফ্রিটস্

গুটেন্ আবেণ্ড।

ক্রিস্টিনে

(হশোৎফুল) ফ্রিটস্! ফ্রিটস্! (তাহার দিকে ছুটিয়া গেল
তাহার বক্ষের উপর)

মিতসি

(অলঙ্কিতে ধীরে বাহির হইয়া গেল, সে যে এখানে নেহাৎ অদৃশ্যকাবে
তাহা তাহার মুখের ভাবে চলিয়া যাওয়ার ভঙ্গীতে বোঝা গেল।)

ফ্রিটস্

(ক্রিস্টিনের বাহুপাশ ছাড়াইয়া) কি—

ক্রিস্টিনে

সবাই বলেছে, তুমি আমায় ছেড়ে গেছ! না, তুমি
আমায় ছেড়ে চ'লে যাওনি—এখন পর্য্যন্ত নয়, এখনও পর্য্যন্ত
নয়...

ফ্রিটস্

কে বলেছে?...কি হয়েছে তোমার? (তাহাকে হাত দিয়া
আদর করিয়া) কি ক্রিস্টিন!...আমি ভাবছিলুম, হঠাৎ এ রকম
ভাবে এলে তুমি ভয় পাবে—

ক্রিস্টিনে

ও,—তুমি যে এসেছ, এসেছ!

ফ্রিটস্

শাস্ত হও।—তুমি অনেকক্ষণ আমার জন্তে দাঁড়িয়ে
ছিলে?

ক্রিস্টিনে

কেন তুমি আসনি? কেন?

ফ্রিট্‌স্

একটা কাজে আটকা প'ড়ে গেলুম, দেবী হ'য়ে গেল।
তারপর আমি বাগানে গেছলুম, দেখলুম, তুমি নেই--
ভাবলুম বাড়ী ফিরে যাই। কিন্তু সহসা তোমার দেখবার
এমন ইচ্ছে হ'ল, এই ছোট মিষ্টি মুখটি দেখবার জন্তে এত
ইচ্ছে হল...

ক্রিস্‌টিনে

(আনন্দিতা) সত্যি ?

ফ্রিট্‌স্

হা, তারপর, তুমি যে ঘরটিতে থাকো সে ঘরটি দেখবার
জন্তে এমন একটা অবর্ণনীয় বাসনা আমায় অভিভূত করল—
সত্যি—মনে হ'ল সে ঘরটি আমার একবার দেখা চাই-ই—
আমি থাকতে পারলুম না, চলে এলুম এখানে। তুমি বোধ
হয় বিরক্ত হও নি ?

ক্রিস্‌টিনে

ও গড্ !

ফ্রিট্‌স্

আমায় কেউ দেখতে পায়নি ; আর তোমার বাবা
থিয়েটারে, আমি জানতুম।

ক্রিস্‌টিনে

ও, কেউ দেখল, তার জন্তে আমি কেয়ার করি না !

ফ্রিট্‌স্

আচ্ছা, বেশ ! (ঘরের চারিদিকে দেখিয়া) এই তোমার
ঘর ? ভারি সুন্দর...

ক্রিস্‌টিনে

তুমি কিছু দেখতে পাচ্ছ না। (ল্যাম্পের ওপর হইতে ঢাকা
ব্রাসিয়া নিতে চাহিল)

ফ্রিট্‌স্

না, না, থাক, ওতে আমার চোখ বলসে যায়, এই বেশ...
ওখানে কি ? ও, এই জানলা ? ওই জানলার কথা আমায়
বলোছিলে, ওইখানে ব'সে তুমি সব সময়ে কাজ করো,
কি ?—জানলা থেকে বেশ সুন্দর দৃশ্য দেখা যায় ? (হাসিয়া)
ও, কত বাড়ীর ছাদ, ...ওখানে কি...হাঁ, ওটা কি ঘনকালো
মুড়ি দূরে ?

ক্রিস্‌টিনে

ওটা হচ্ছে কালেনবেয়ার্গ পাহাড়।

ফ্রিট্‌স্

তাই ত ! আমার ঘরের চেয়ে তোমার ঘর অনেক ভাল।

ক্রিস্‌টিনে

ও !

ফ্রিট্‌স্

আমার ভারি ইচ্ছে করে এমনি খুব উঁচুতে বাস করি,
সব ছাদের ওপর দেখা যাবে। এ ভারি সুন্দর। আর
তোমাদের গলিটাও নিশ্চয় খুব নীরব ?

ক্রিস্‌টিনে

ও, দিনের বেলায় যথেষ্ট শব্দ।

ফ্রিট্‌স্

খুব গাড়ী যায় নাকি ?

ক্রিস্‌টিনে

মাঝে মাঝে যায়, তবে ওই সামনের বাড়ীটি হচ্ছে তালা-
চারির কারখানা।

ফ্রিট্‌স্

এ ত বড় বিস্তী। (চেয়ারে বসিল)

ক্রিস্‌টিনে

ও অভ্যাস হ'য়ে যায় ! কিছুদিন থাকলে ও শব্দ কানে
লাগে না।

ফ্রিট্‌স্

(তাড়াতাড়ি উঠিয়া দাড়াইল) আমি এখানে সত্যি সত্যি
এই প্রথমবার—? কিন্তু আমার মনে হচ্ছে, এ সব আমার
কতদিনের জানা !...দেখ আমি মনে মনে কত কল্পনা ঠিক-
ভাবে করেছিলুম। (তাহার মুখের ভঙ্গীতে মনে হইল ঘরটিকে
যেন আরও নিকট করিয়া নিখুঁত করিয়া দেখিতেছে)

ক্রিস্‌টিনে

না, ওদিকে কিছু দেখোনা।—

ফ্রিট্‌স্

কি, কিসের ছবি ?...

ক্রিস্‌টিনে

ও থাক।



ফ্রিট্‌স্

দেখিই না কেন। (সে ল্যাম্প হাতে লইয়া ছবিটিকে আলোকিত করিল)

ক্রিস্‌টিনে

‘বিদায়’—আর ‘গৃহে ফিরে-আসা’ !

ফ্রিট্‌স্

ঠিক !—বিদায়, আর ঘরে ফিরে-আসা !

ক্রিস্‌টিনে

ছবিটা এমন কিছু ভাল নয়,—বাধার ঘরে এর চেয়ে একটা ভাল ছবি আছে।

ফ্রিট্‌স্

কি ছবি ?

ক্রিস্‌টিনে

ছবিটি হচ্ছে, একটি মেয়ে জানলায় দাঁড়িয়ে বাইরের দিকে চেয়ে আছে, বাইরে শীত, সব বরফ-চাপা, সাদা,— ছবিটির নাম, ‘পরিত্যক্তা’—

ফ্রিট্‌স্

হুঁ... (ল্যাম্পটি রাখিয়া দিল) ও, এই তোমার লাইব্রেরী। (বই রাখার জায়গার কাছে বসিল)

ক্রিস্‌টিনে

যাও, দেখো না ওসব—

ফ্রিট্‌স্

কেন ! আ ! শিলার... হাউফ্... কন্‌ভারসেশন-ডক্‌-নারি... ও !

ক্রিস্‌টিনে

ও ‘জি’ পর্যন্ত আছে...

ফ্রিট্‌স্

(হাসিয়া) আ,... “বুক ফর অল”, এ তোমার খালি ছবি দেখবার জন্তে ?

ক্রিস্‌টিনে

হুঁ, আমি খালি উল্টে পাণ্টে ছবি দেখি।

ফ্রিট্‌স্

(বসিয়া) ওই ফায়ার প্লেসের ওপর মানুষটি

কে ?

ক্রিস্‌টিনে

(শিখাইবার ভঙ্গীতে) উনি হচ্ছেন সুবাট।

ফ্রিট্‌স্

(দাঁড়াইয়া) হাঁ, তাই বটে—

ক্রিস্‌টিনে

সুবাটকে বাবার বড় ভাল লাগে। বাবা আগে এক সময়ে গান লিখতেন, খুব সুন্দর।

ফ্রিট্‌স্

এখন আর লেখেন না ?

ক্রিস্‌টিনে

না, এখন আর না। (নীরবতা)

ফ্রিট্‌স্

(বসিল) তোমার ঘরটি কি homely comfortable !—

ক্রিস্‌টিনে

তোমার সত্যি ভাল লেগেছে ?

ফ্রিট্‌স্

খুব...এ কি ? (টেবিলের উপর হইতে কৃত্রিম ফুলভরা একটি ফুলদানি তুলিয়া লইল)

ক্রিস্‌টিনে

আবার একটা কিছু খুঁজে পেয়েছ ?

ফ্রিট্‌স্

না, ক্রিস্‌টি ? এ নকল ফুল তোমার ঘরে মানায় না,... এই পুরানো ফাঁকাসে ধুলোভরা—

ক্রিস্‌টিনে

ও গুলো সত্যি খুব পুরানো নয়।

ফ্রিট্‌স্

ও, নকল-ফুলগুলো! সব সময়েই পুরানো দেখায়... তোমার ঘরে সত্যিকার ফুল থাকবে, টাটকা ফুলের গন্ধ ঘর ভরা থাকবে। এখন থেকে আমি তোমার... (বলিতে বলিতে থামিয়া গেল, তাহার চঞ্চলতা ও আবেগ লুকাইবার জন্ত একটু ঘুরিয়া বসিল)

ক্রিস্‌টিনে

কি ?... বলতে বলতে থামলে কেন ?

ফ্রিট্‌স্

না, কিছু নয়, কিছু নয়।

ক্রিস্টিনে

(উঠিয়া, অতি আদরের স্বরে) কি ?

ফ্রিট্‌স্

আমি কাল তোমায় তাজা ফুল পাঠাবো, এই আমি বলতে যাচ্ছিলুম...

ক্রিস্টিনে

ভেবেই, তার জন্তে পরিতাপ হচ্ছে ?—নিশ্চয় কাল তুমি আমার আমার কথা ভাববে না।

ফ্রিট্‌স্

(আত্মসম্বরণ করিল)

ক্রিস্টিনে

সে ত বটেই, আমায় যখন দেখতে পাও না তখন আমার কথা ভুলে যাও।

ফ্রিট্‌স্

কি যা তা বলছিস ?

ক্রিস্টিনে

ও, আমি জানি, জানি, আমি বুঝতে পারি।

ফ্রিট্‌স্

কেমন ক'রে তুমি এই সব কল্পনা করো।

ক্রিস্টিনে

তার জন্তে তুমিই দায়ী। কারণ, তুমি সব সময়ই আমার কাছে তোমার সব কথা লুকোও! তুমি আমার তোমার কোন কথা বল না।—আচ্ছা, আজ সারাদিন কি করলে ?

ফ্রিট্‌স্

বিশেষ কিছুই নয় ক্রিস্টি। সকালে লেকচার শুনতে গেলুম—কিছুক্ষণ কাটল—তারপর কাকি হাউসে গেলুম... তারপর কিছুক্ষণ পড়লুম...খানিকক্ষণ একটু পিয়ানো বাজালুম—তারপর এর সঙ্গে ওর সঙ্গে আড্ডা—তারপর বন্ধুদের সঙ্গে দেখা করতে বেরোলুম...এমি দিনটা কেটে গেল।—হঁ, এখন আমার যেতে হবে ক্রিস্টি...

ক্রিস্টিনে

এখনি, এত শিগগির—

ফ্রিট্‌স্

তোমার বাবা ত আর একটু পরেই এসে পড়বেন।

ক্রিস্টিনে

সে অনেক দেরী আছে, ফ্রিট্‌স্—থাকো—আর খানিকক্ষণ থাকো—

ফ্রিট্‌স্

কিন্তু...খিওডর আমার জন্তে অপেক্ষা করছে...তার সঙ্গে আমার কিছু কথা আছে।

ক্রিস্টিনে

আজ ?

ফ্রিট্‌স্

হঁ, আজই।

ক্রিস্টিনে

তার সঙ্গে কাল দেখা করতে পারো।

ফ্রিট্‌স্

কাল বোধ হয় আমি ভিয়েনাতেই থাকবো না।

ক্রিস্টিনে

কি, ভিয়েনাতে থাকবে না ?

ফ্রিট্‌স্

(তাহার উদ্বিগ্নতা দেখিল, আপনাকে শাস্ত করিয়া রাখিল) 'আ, ক্রিস্টিন, আমি একদিনের জন্তে অথবা দু'দিনের জন্তে বাইরে যেতে পারি—এতো হতে পারে ?

ক্রিস্টিনে

কোথায় ?

ফ্রিট্‌স্

কোথায় !...এই কোথাও—আ গড্, ওরকম মুখ কোরোনা...আমি আমাদের গায়ে যাবো বাবা-মা'র কাছে...না...তার দরকার নেই ?

ক্রিস্টিনে

দেখো, তুমি তাঁদের কথা আমার কিছু বলো নি !

ফ্রিট্‌স্

কি ছেলেমানুষ !...আচ্ছা, তুমি বুঝতে পারো না, আমরা দুজনে মিলে একাকী পরিপূর্ণ, বাইরের কোন সম্বন্ধ নেই। একত সুন্দর, তুমি অসুভব করো না ?

ক্রিস্টিনে

না, তুমি আমার তোমার কথা কিছুই বল না, এ



মোটাই সুন্দর নয়।...দেখো, তোমার সম্বন্ধে আমি সব কথা জানতে চাই, সব, সব—তোমার কাছ থেকে আমি কোনো সন্ধ্যার এক ঘণ্টার চেয়ে অনেক বেশী চাই। কখনও কোন সন্ধ্যায় আমরা একটু মিললুম, তারপর তুমি চ'লে যাও, আমি কিছুই জানি না, কিছুই জানতে পারি না—তার পর সমস্ত রাত্রি যায়, সমস্ত দিনের সমস্ত ঘণ্টাগুলো কেটে যায়—আর আমি কিছু জানি না। তাই ভেবে আমার মন খারাপ হয়।

ফ্রিট্‌স্

কেন মন খারাপ হবে ?

ক্রিস্‌টিনে

সত্যি, তোমার জন্তে আমার এমন মন কেমন করে, যেন তুমি এই সহরে নেই, যেন তুমি আর কোথাও চ'লে গেছ, যেন তুমি আমার কাছ থেকে দূরে স'রে গেছ, দূরে, কোথায় সুদূর পথে...

ফ্রিট্‌স্

(চঞ্চল হইয়া) ক্রিস্‌টি !

ক্রিস্‌টিনে

না, দেখো, এ সত্যি তোমার বলছি !...

ফ্রিট্‌স্

ক্রিস্‌টি, আমার কাছে এসো...(সে তাহার অতি নিকট গেল) দেখো, তুমি জানো, আমিও জানি, আজ এই নিমেষে এই মুহূর্তে তুমি আমায় ভালোবাসো... (ক্রিস্‌টিনে যেন কোন কথা বলিতে চাহিল) না, অনন্তকালের কথা বোলো না। জীবনে এমন মুহূর্ত আসে যে মুহূর্তে অনন্তকালের স্পর্শ অনুভব করা যায়, সেই অসীমতার গন্ধভরা মুহূর্তে অন্তর বলমল করে—আমরা এই কথাই বুঝতে পারি, হাঁ, এই মুহূর্ত আমাদের...(ক্রিস্‌টিনেকে চুপন করিল—নীরবতা—ফ্রিট্‌স্ উঠিয়া দাঁড়াইল—সহসা উচ্ছ্বসিত ভাবে বলিয়া উঠিল) আ, কি সুন্দর তোমার এ জায়গাটি, কি সুন্দর !...(জানালায় গিয়া দাঁড়াইল) ও, পৃথিবী হ'তে যেন কত দূরে, এই রাশ রাশ বাড়ীর ওপরে...কি নির্জন মনে হচ্ছে ! তুমি আর আমি মিলে একলা...(বৃদ্ধধরে) শান্তির আশ্রয়...

ক্রিস্‌টিনে

তুমি যদি সব সময়ে এই রকম ভাবে বলো...আমি হয়ত সত্যি ব'লেই বিশ্বাস করবো...

ফ্রিট্‌স্

কি ক্রিস্‌টি ?

ক্রিস্‌টিনে

যে, আমি যে রকম নিজের মনের স্বপ্ন বুলি, সেইরকম তুমি আমায় ভালবাসো। যেদিন তুমি আমায় প্রথম চুমু দিয়েছিলে...মনে আছে ?

ফ্রিট্‌স্

(প্রেমাবেগের সহিত) তোমায় আমি সত্যি ভালবাসি, ভালবাসি ! (ফ্রিট্‌স্ ক্রিস্‌টিনেকে দুই হাতে জড়াইয়া বক্ষে চাপিয়া ধরিল ; আলিঙ্গনবন্ধন হইতে মুক্ত করিয়া দিল) এখন যেতে হবে—

ক্রিস্‌টিনে

কি, আমায় যা বলো, তা ব'লেই অনুতাপ হচ্ছে ? তোমাকে আমি বাঁধবোনা, বেঁধে রাখবো না, তুমি মুক্ত—যখন তোমার খুসি তুমি আমায় ছেড়ে চলে যেও,...তুমি আমার কাছে কিছু প্রতিজ্ঞা করোনি—আর আমিও তোমার কাছে কিছু চাই না...তারপর আমার কি হবে—তাতে কিছু আসে যায় না।—আমি ত জীবনে একবার সুখী হইয়াছি, তার চেয়ে বেশি আমি জীবন থেকে কিছু চাই না। আমি শুধু চাই যে, তুমি আমার প্রাণের এই কথাটি জানো আর তুমি সত্যি বিশ্বাস করো যে, তোমার আগে আমি কাউকে ভালবাসিনি, আর তোমার পরেও আমি কাউকে ভালবাসব না, তুমি আমার জীবনের একমাত্র ভালবাসা—আর আমাকে যখন আর তোমার ভাল লাগবে না—

ফ্রিট্‌স্

(যেন নিজের প্রতি) আর বোলো না, বোলো না—কে দরজায় ঘণ্টা বাজালো—এর মধ্যে...

(দরজায় করাঘাত)

ফ্রিট্‌স্

(কাপিয়া উঠিয়া) থিওডর বোধ হয়...

ক্রিস্টিনে

(চমকিত ভাবে) সে জানে, তুমি এখানে ?

(থিওডর প্রবেশ করিল)

থিওডর

শুভসন্ধ্যা—বড় বিবর্তন করলুম ?

ক্রিস্টিনে

তাপনার কি খুবই দরকারী কথা আছে ?

থিওডর

হাঁ,—ওকে আমি সমস্ত জায়গায় খুঁজে বেড়াচ্ছি।

ফ্রিট্‌স্

(মৃদুস্বরে) নীচে অপেক্ষা করলে না কেন ?

ক্রিস্টিনে

কি ফিসফাস হচ্ছে ?

থিওডর

(ইচ্ছা করে উচ্চস্বরে) নীচে অপেক্ষা করলুম না কেন ?

হাঁ, যদি আমি ঠিক জানতুম যে তুমি এখানে আছো।
কিন্তু নীচে ত আর তু'বটা ধ'রে পায়চারি করতে পারি না...

ফ্রিট্‌স্

(অর্থপ্ৰচক স্বরে) হাঁ...কাল তা হ'লে আমার সঙ্গে
আসছ ?

থিওডর

(বৃথায়) হাঁ, নিশ্চয় .

ফ্রিট্‌স্

বেশ...

থিওডর

বড় ছুটে এসেছি, তোমাদের অনুমতি নিয়ে আমি
একটু বসছি।

ক্রিস্টিনে

অনুগ্রহ করে—(জানালার কাছে কি একটা কাজ করিতে
গেল)

ফ্রিট্‌স্

(মৃদুস্বরে) নতুন কিছু খবর আছে ?—কিছু শুনেছো ?

থিওডর

(ফ্রিট্‌সের প্রতি মৃদুস্বরে) না। কিন্তু তুমি ও রকম করে
বেড়াচ্ছে কেন, কেন এই সব অযথা মানসিক উত্তেজনা ?
এখন তোমার ঘুমোতে যাওয়া উচিত, তোমার বিশ্রাম
দরকার !

(ক্রিস্টিনে তাহাদের নিকট আসিল)

ফ্রিট্‌স্

আচ্ছা বল ত, ক্রিস্টিনের ঘরটা কি চমৎকার আরামের !

থিওডর

হাঁ, বেশ ঘরটি...(ক্রিস্টিনের প্রতি) সারাদিন তুমি
বাড়ীতে থাকো ?—সত্যি, তোমার এখানটি বেশ আরামের
জায়গা বটে, তবে আমার মতে একটু বেশী উঁচু।

ফ্রিট্‌স্

তাই ত আমার খুব ভাল লেগেছে।

থিওডর

কিন্তু এখন আমাকে ফ্রিট্‌সকে কেড়ে নিয়ে যেতে হবে ;
ওকে কাল সকাল সকাল উঠতে হবে।

ক্রিস্টিনে

তা হ'লে সত্যি তুমি চ'লে যাচ্ছে ?

থিওডর

ফ্রিট্‌সইন ক্রিস্টিন, ও আবার আসবে।

ক্রিস্টিনে

চিঠি লিখবে ত ?

থিওডর

কিন্তু, কালই যে ফিরে আসবে—

ক্রিস্টিনে

না, আমি জানি, ও বহুদূর যাচ্ছে.

ফ্রিট্‌স্

(একটু কাঁপিয়া ক্ষম দোলাইল)

থিওডর

(তাহা লক্ষ্য করিল) তা হ'লে চিঠি লিখতেই হবে ? আমি
তোমাকে এত সেন্টিমেন্টাল ভাবিনি...আমি বলছি কি—



আমরা...আচ্ছা, তা হ'লে বিদায়চুখন...তবে বেশীক্ষণ যেন না হয়...(খামিয়া গেল) ধর, আমি এখানে নেই।

(ফ্রিট্‌স্ ও ক্রিস্টিনে পরস্পরকে চুখন করিল)

খিওডর

(সিগারেট বায় বাহির করিয়া একটি সিগারেট মুখে পুরিল, দেশলাইর বায় জ্বল ওভার-কোটের পকেট খুঁজিতে লাগিল। সেখানে দেশলাই না পাওয়ায় বলিল) প্রিয় ক্রিস্টিন, দেশলাই দিতে পারো ?

ক্রিস্টিনে

নিশ্চয়, এই যে! (ডায়ার হাতে একটি দেশলাইএব বায় বাহির করিয়া দিল)

খিওডর

এতে কোন কাটি নেই—

ক্রিস্টিনে

আচ্ছা, এনে দিচ্ছি। (পাশের ঘরে তাড়া তাড়ি ছুটিয়া গেল)

ফ্রিট্‌স্

(ক্রিস্টিনেকে দেখিতে দেখিতে) ও গড্, জীবনের এমন সময়ে মিথো কথা বলা!

খিওডর

কি এমন সময়!

ফ্রিট্‌স্

এখন আমি বুঝতে পারছি, এইখানে আমার জীবনের সুখ ছিল, এই চমৎকার মেয়েটি—(বলিতে বলিতে খামিয়া গেল), কিন্তু এই মুহূর্তগুলিকে কি ভয়ঙ্কর মিথ্যাতে ভ'রে তুলছি...

খিওডর

কি বাজে বক্বচ?...পরে তুমি এ সব কথা ভেবে হাসবে—

ফ্রিট্‌স্

সে সময় হবে না।

ক্রিস্টিনে

(দেশলাই বায় লইয়া আসিল) এই নাও!

খিওডর

ধন্যবাদ—আচ্ছা, তা হ'লে আসি। (ফ্রিট্‌স্‌র প্রতি) কি, আরও দেয়ী করবে ?

ফ্রিট্‌স্

(ঘরটির চারিদিক তৃষিত চক্ষে দেখিতে লাগিল, যেন সব ঘর আপনার অন্তরে ভরিয়া লইতে চায়) এ জায়গা ছেড়ে যেতে ইচ্ছে করে না।

ক্রিস্টিনে

যাও, ঠাট্টা কোরো না।

খিওডর

এসো—বিদায়, ক্রিস্টিনে।

ফ্রিট্‌স্

সুখে থাকো...

ক্রিস্টিনে

আবার দেখা হবে!

(খিওডর ও ফ্রিট্‌স্ চলিয়া গেল)

ক্রিস্টিনে

(অভিজ্ঞতার মত দাঁড়াইয়া রহিল, তারপর গোলা দরজার কাছে গিয়া ভাঙ্গা গলায় বলিল) ফ্রিট্‌স্...

ফ্রিট্‌স্

(সিঁড়ি হাতে আগার উঠিয়া আসিল, তাহাকে বক্ষে জড়াইয়া ধরিল) সুখে থাকো!

যবনিকা পতন

তৃতীয় অঙ্ক

(ক্রিস্টিনের সেই ঘর। ছপূর বেলা)

ক্রিস্টিনে

(একা জানালার পাশে বসিয়া সেলাই করিতেছিল; সেলাইএব কাজ রাপিয়া দিল।)

(কাপারিনার ন'বছরের মেয়ে লিনা প্রবেশ করিল)

লিনা

শুভদিন, ফ্রিট্‌স্‌র ক্রিস্টিনে!

জার্মান ভাষায় বহুপ্রকার বিদায়-সম্বোধন আছে। একটি হচ্ছে Lob' nohl অর্থাৎ ভালো থাকো; আর একটি হচ্ছে Auf Wiedersehn। আবার দেখা হওয়া পর্যন্ত। Adieu বা বিদায়।

ক্রিস্টিনে

(আনমনা) কি খুকি, কি চাই ?

লিনা

মা পাঠিয়ে দিলেন, থিয়েটারে যাবার টিকিট যদি এসে থাকে নিয়ে আসতে ।

ক্রিস্টিনে

বাবা এখনও ত বাড়ী আসেন নি ; অপেক্ষা করবি ?

লিনা

না, ফ্রয়লাইন ক্রিস্টিন, আমি আবার খাবার পরে আসবো ।

ক্রিস্টিনে

বেশ ।

লিনা

(যাইতে যাইতে আবার ফিরিয়া বলিল) মা ফ্রয়লাইন ক্রিস্টিনেকে তাঁর নমস্কার জানিয়েছেন, আর জিজ্ঞাসা করেছেন, তাঁর মাথাধরা এখনও আছে কি ?

ক্রিস্টিনে

না, খুকি ।

লিনা

বিদায়, ফ্রয়লাইন ক্রিস্টিন ।

ক্রিস্টিনে

বিদায় !

(লিনা বাহিরে যাইতেছে মিত্‌সি ঘরে প্রবেশ করিল)

লিনা

শুভ দিবস ফ্রয়লাইন মিত্‌সি ।

মিত্‌সি

সেয়ারভুস্‌ খুকি !

(লিনা চলিয়া গেল)

ক্রিস্টিনে

(উঠিয়া দাঁড়াইল, মিত্‌সি প্রবেশ করিলে তাহার সুপোমুখি দাঁড়াইল)--কি, তারা ফিরে এসেছে ?

মিত্‌সি

আমি কি ক'রে জানবো ?

ক্রিস্টিনে

কোন চিঠি পাসনি ?

মিত্‌সি

না ।

ক্রিস্টিনে

তুইও কোন চিঠি পাসনি ?

মিত্‌সি

কি লিখবে বল ?

ক্রিস্টিনে

পরশুদিন তারা গেছে !

মিত্‌সি

এ এমন কি দীর্ঘ সময় যে তার জন্যে মুখ ভার ক'রে সব সময় ব'সে থাকতে হবে । আমি বাপু, তোর কাণ্ড বুঝি না...দেখ দেখি মুখের কি শ্রী হয়েছে, খুব কেঁদেছিস বুঝি ? তোর বাবা যখন বাড়ী আসবেন, তিনিও বুঝতে পারবেন ।

ক্রিস্টিনে

(সরলভাবে) বাবা সব জানেন ।—

মিত্‌সি

(ভীতভাবে) কি ?

ক্রিস্টিনে

আমি তাঁকে সব বলেছি ।

মিত্‌সি

তা বেশ করেছিস । লোকে ত সব তোর মুখ দেখেই বুঝতে পারছে ।— শেষ পর্য্যন্ত সব জানেন ?

ক্রিস্টিনে

হ্যাঁ ।

মিত্‌সি

তোকে ব'কেছন কিছু ?

ক্রিস্টিনে

(মাথা নাড়িল)

মিত্‌সি

তা হ'লে কি বলেন ?



ক্রিস্টিনে

কিছু না।...তিনি চুপ ক'রে চ'লে গেলেন, যেমন তিনি যান।

মিত্‌সি

তাকে এই সব ব'লে কি বোকামি করলি বল ত।... জানিস, কেন তোর বাবা এ বিষয়ে কিছু কথা বলেন না—? তিনি ভেবেছেন, ফ্রিট্‌স্‌ তোকে বিয়ে করবে।

ক্রিস্টিনে

তুই তা হ'লে ওসব কথা বলছিস কেন ?

মিত্‌সি

আমি কি ভাবি জানিস ?

ক্রিস্টিনে

কি ?

মিত্‌সি

ওই বাইরে বেড়াতে যাওয়ার গল্পটা একেবারে মিথো।

ক্রিস্টিনে

কেন ?

মিত্‌সি

তারা বোধ হয় কোথাও যাননি।

ক্রিস্টিনে

তারা বাইরে গেছে, সহরে নেই—তা আমি বেশ জানি। কাল সন্ধ্যাবেলা তার বাড়ির কাছে গেছলুম, পর্দা সব নাবানো, সে এখানে নেই।—

মিত্‌সি

তা আমি বিশ্বাস করি। তারা চ'লে গেছে—তবে তারা আর ফিরে আসবে না—অন্তত আমাদের কাছে ফিরে আসবে না।

ক্রিস্টিনে

(শঙ্কার সহিত) কী—

মিত্‌সি

হঁ, খুব সম্ভব তাই!

ক্রিস্টিনে

আর তুই তা অত শাস্তভাবে বলছিস—

মিত্‌সি

হঁ—হয় আজ অথবা কাল—অথবা ছমাস পরে, তাতে কি এসে যায় ?

ক্রিস্টিনে

তুই যে কি বলছিস নিজে বুঝচিস না...না, তুই ফ্রিট্‌স্‌কে জানিস না—তুই তাকে যা ভাবিস সে সেরকম নয়—আমার ঘরে এইখানে সে এসেছিল, আমি তাকে সেদিন সত্যি বুঝেছিলুম। মাঝে মাঝে সে দেখিয়েছে বটে সে যেন আমার জন্তে কেয়ার করে না কিন্তু সে আমায় ভালবাসে... (যেন মিত্‌সির উত্তর অনুমান করিয়া) হাঁ—হাঁ—চিরদিনের জন্ত নয়, আমি তা জানি কিন্তু হঠাৎ এরকম ক'রেও শেষ হয় না!

মিত্‌সি

আমি অবশ্য ফ্রিট্‌স্‌কে অত ক'রে জানি না।

ক্রিস্টিনে

সে ফিরে আসবে, থিওডরও আসবে,—নিশ্চয়ই!

মিত্‌সি

(এমন ভঙ্গি করিল যে তাহাতে বোঝা যায় থিওডর আসবে না না আশ্রক তাহাতে তার কিছু আসে যায় না)

ক্রিস্টিনে

মিত্‌সি...আমার একটা কথা রাখবি ?

মিত্‌সি

অত উতলা হসনি—কি বলছিস ?

ক্রিস্টিনে

দেখ, একবার থিওডরের বাড়ী যা, তার বাড়ী ত কাছেই। একবার উঁকি মেরে দেখে আয়...হাঁ, ওর বাড়ীতে জিজ্ঞেস করতে পারিস, ও বাড়ী আছে কিনা, আর যদি না থাকে নিশ্চয়ই বাড়ীর লোকেরা জানবে ও কখন ফিরে আসবে।

মিত্‌সি

দেখ, আমি কখনও কোন পুরুষমানুষের পেছন পেছন ছুটবো না।

ক্রিস্টিনে

আচ্ছা, জানতে দোষ কি, হয়ত তার সঙ্গে দেখাই হবে। এখন প্রায় একটা,—এখন সে নিশ্চয় খেতে আসে।

মিত্‌সি

তুই কেন ফ্রিট্‌সের বাড়ীতে যা না তার খবর নিতে ?

ক্রিস্‌টিনে

আমার সাহস হচ্ছে না—সে হয়ত তা মোটেই পছন্দ করবে না... আর সে নিশ্চয়ই বাড়ীতে ফিরে আসেনি। কিন্তু থিওডর হয়ত ফিরে এসেছে, সে হয়ত জানে কবে ফ্রিট্‌স আসবে। মিত্‌সি, আমি তোকে করষোড়ে অমুরোধ করছি !

মিত্‌সি

না, তুই ছেলেমানুষী আরম্ভ করলি—

ক্রিস্‌টিনে

আচ্ছা, আমার জন্তে তুই একটু কষ্ট কর ! যা, যা ! তাতে কিছু খারাপ হবে না।—

মিত্‌সি

আচ্ছা, তোর মন যদি তাতে শান্ত হয়, আমি যাচ্ছি। কিন্তু কিছু লাভ হবে না। তারা নিশ্চয়ই ফিরে আসেনি।

ক্রিস্‌টিনে

ওখান থেকেই আমার কাছে আসবি...কেমন ?

মিত্‌সি

আচ্ছা, তা আমার জন্তে মাকে খেতে বসতে একটু দেয়া করতে হবে।

ক্রিস্‌টিনে

অশেষ ধন্যবাদ, মিত্‌সি, কি লক্ষ্মী মেয়ে তুই...

মিত্‌সি

নিশ্চয়, আমি খুব লক্ষ্মী মেয়ে ;—আচ্ছা, এখন একটু শান্ত হ'...আমি যাই তা হ'লে !

ক্রিস্‌টিনে

ধন্যবাদ !

(মিত্‌সি চলিয়া গেল)

(একটু পরে ভাইরিং প্রবেশ করিল)

ক্রিস্‌টিনে

(একা ঘর গোছাইতে লাগিল। সেলাইএর স্নিনিবগুলি জড়
বাঁধিয়া রাখিল, তারপর জানলার দিয়া বাহিরের দিকে চাহিয়া

দাঁড়াইল। কয়েকমিনিট পরে ভাইরিং যখন প্রবেশ করিল, সে তাকে দেখিতে পাইল না। ভাইরিং গভীরভাবে বিচলিত, উদ্ভয়তার সহিত তাহার মেয়ের দিকে চাহিল, ক্রিস্‌টিনে তখনও বাহিরের দিকে চাহিয়া জানালায় দাঁড়াইয়া)

ভাইরিং

ও এখনও জানেনা, ও এখনও জানেনা...
(ভাইরিং দরজায় দাঁড়াইয়া রহিল, যেন ঘরের ভিতর পা বাড়াইতে সাহস হইতেছে না।)

ক্রিস্‌টিনে

(জানলা হইতে ঘুরিয়া দাঁড়াইল, বাবাকে দেখিল, অজানা ভয়ে কাঁপিয়া উঠিল)

ভাইরিং

(হাসিবার চেষ্টা করিল। ঘরের ভেতর প্রবেশ করিল) কি ক্রিস্‌টিন্ ! (যেন সে নিজের প্রতিই বলিল)

ক্রিস্‌টিনে

(তাহার দিকে অগ্রসর হইয়া গেল, যেন তাহার সামনে মাটিতে গুটাইয়া পড়িবে)

ভাইরিং

কি...কি ভাবছিস্ ক্রিস্‌টিন ? আমরা (মনের দৃঢ়তার সহিত) আমরা ভুলে যেতে পারবো কি ?

ক্রিস্‌টিনে

(তাহার মাথা তুলিল)

ভাইরিং

আমি—আর তুই !

ক্রিস্‌টিনে

বাবা, সকালবেলায় আমি যা বল্লুম তা কি তুমি বোঝ নি ?

ভাইরিং

কিন্তু কি চাস তুই ক্রিস্‌টিন ?...আমি যা ভাবছি তা তো তোকে বলতে হবে ! নয় কি ?

ক্রিস্‌টিনে

বাবা, কি বলছ তুমি ?

ভাইরিং

আর আমার কাছে, মা,...আমার কথা শান্ত হ'য়ে শোন। দেখ, যখন তুই আমার সব বলেছিলি, আমি তোর কথা শান্ত হ'য়ে শুনেছিলুম—আমরা—



ক্রিস্টিনে

বাবা, তোমায় অনুরোধ করছি, আমার ও রকম ক'রে বোলো না...তুমি যদি সব দিক থেকে বুঝে থাকো যে, তুমি আমার ক্রমা করতে পারবে না, বেশ, আমার বাড়ী থেকে তাড়িয়ে দাও—কিন্তু ও সব কথা বোলো না।...

ভাইরিং

আমার কথাগুলো একটু শাস্ত হ'য়ে শোন মা ! তারপর তোর যা ইচ্ছে তুই কর...দেখ ক্রিস্টিনে, তোর এখন কত অল্প বয়স--তুই কি কখনও ভাবিস নি...(অত্যন্ত ইতস্তত ভাবে) যে সমস্ত ব্যাপারটা একটা ভুল হতে পারে।

ক্রিস্টিনে

বাবা, তুমি কেন আমার ওকথা বলছ?—আমি বেশ জানি আমি কি করেছি,—আর এ যদি একটা ভুল হ'য়ে থাকে, বেশ, তা হ'লে—আমি কিছু চাইনা—তোমার কাছ থেকে বা পৃথিবীর আর কারো কাছ থেকে...আমি ত বলেছি, তাড়িয়ে দাও, বাড়ী থেকে বার ক'রে দিতে পারো, কিন্তু...

ভাইরিং

(তাহাকে বাধা দিয়া) তুই কি বলছিস...যদি ভুলই হ'য়ে থাকে তার জন্তে তোর অত অল্প বয়সের মেয়ের সমস্ত জীবন বার্থ ভাবে হবে?—ভাব মা, একবার ভেবে দেখ, কি চমৎকার, কি অপক্লপ এই জীবন ! ভেবে দেখ, দেখি, আমাদের আনন্দের কত জিনিষ রয়েছে, তোর সামনে যৌবনের কত দিন, কত সুখ, কত সৌভাগ্য রয়েছে...দেখ, আমার দিকে, আমার আর পৃথিবীতে সম্পদ বেশী কিছু নেই,—কিন্তু তা হ'লেও কতরূপে কতভাবে আমি আনন্দ পেতে পারছি। তুই আর আমি কেমন একসঙ্গে থাকবো—আমরা আমাদের জীবন ইচ্ছামত আবার গুছিয়ে নিতে পারবো—তুই আর আমি...আবার কেমন তুই—হাঁ, যখন আবার সুসময় আসবে, তুই আবার আগেকার মত গান গাইবি। তারপর আমার ছুটির দিনে কেমন আমরা হুঁজনে সহর ছেড়ে বেড়াতে যাব, গাঁয়েতে, সবুজ মাঠে সমস্ত দিন কাটবে—পৃথিবীতে কত সুন্দর জিনিষ রয়েছে...কত, কত—তোর জীবনের প্রথম সুখস্বপ্ন পূর্ণ হ'ল না, শূন্যে মিলিয়ে গেল ব'লে, সমস্ত জীবনের সব সুখ সৌভাগ্য কি

বিসর্জন দিতে হবে? এ যে নেহাৎ পাগলামি—

ক্রিস্টিনে

(ভীত ভাবে) কেন?...কেন পূর্ণ হবে না...?

ভাইরিং

হায়, সত্যি যদি এ তোর সুখ সৌভাগ্য হ'ত ! তুই কি সত্যি ভাবিস ক্রিস্টিন যে আজ তোর বাবাকে এসব বলা দরকার ছিল? আমি অনেকদিন থেকেই জানতুম!—আর তুই যে আমার একদিন বলবি তাও জানতুম। না, না, এ তোর পক্ষে সুখ নয়!...আমি কি তোর চোখ জানি না? তুই যাকে ভালবেসেছিস সে যদি সত্যি সে ভালবাসার যোগ্য হ'ত, তাহলে ও চোখ দু'টি দিয়ে এত অশ্রু বরত না, ও গাল দু'টি এমন রক্তহীন হ'ত না...

ক্রিস্টিনে

তুমি কেমন ক'রে জানলে...কি জানো তুমি...তুমি কি শুনেছো?

ভাইরিং

কিছু না, কিছু না...তুই নিজেই ত আমায় বলেছিস সে কে...সে একটা ছোকরা—সে কি জানে বল, কি বোঝে?—সে যদি একটু বুদ্ধত হঠাৎ ভাগ্যক্রমে সে কি রত্ন পেয়েছিল—নকল আর আসলের মধ্যে প্রভেদ কি সে জানে—আর তোর এই দিশাহারা ভালবাসা—সে কি তার কিছু বুঝেছে?

ক্রিস্টিনে

(উদ্ভ্রম ভাবে) তুমি কি তাকে...—তুমি তার কাছে গেছলে?

ভাইরিং

তুই কি ভাবিস! সে তুই বাইরে চ'লে গেছে। দেখ, ক্রিস্টিন, এখনও আমার বুদ্ধি লোপ হয় নি, আমার এখনও ছটো চোখ আছে। শোন মা, ভুলে যা! এ ব্যাপার সব ভুলে যা! তোর ভবিষ্যৎ অগ্নিপথে অগ্নিদিকে! এ তুই জানিস, যে সুখ তোর প্রাপ্য সে সুখে তুই আবার সুখী হবি। তুই জীবনে এমন কাউকে পাবি, যে তোর সত্যি মূল্য বুঝবে—

ক্রিস্টিনে

(তাহার টুপি লইতে ছুটিল)

ভাইরিং

কি চাস? কি?—

। বসু

ক্রিস্টিনে

ছেড়ে দাও, আমার যেতে দাও .

ভাইরিং

কোথা যাবি ?

ক্রিস্টিনে

তার কাছে...তার কাছে...

ভাইরিং

কি ভাবছি, তুই, কি ভাবছি, ?

ক্রিস্টিনে

তুমি সব লুকোচ্ছা, আমার যেতে দাও—

ভাইরিং

(তাহার পথ আটক করিয়া) মা, পাগল হস্ নে । সে সত্যি তার বাড়ীতে নেই ।...সে হয়ত বহু দূরে চ'লে গেছে ।... এখন এখানে আমার কাছে যাক্, সেখানে গিয়ে কি করবি ...কাল অথবা সন্ধ্যাবেলা আমি তো'র সঙ্গে যাব'খন । তুই ওরকমভাবে রাস্তায় যেতে পারবি না...জানিস কি তোকে কি-রকম দেখাচ্ছে ?...

ক্রিস্টিনে

তুমি আমার সঙ্গে যাবে ?

ভাইরিং

আমি তোকে কথা দিচ্ছি,—শুধু এখন তুই কোথাও যাস্ না, ওখানে বস্, শান্ত হ' ।

ভাইরিং

(অসহায় ভাবে) আমি কি জানবো...আমি শুধু জানি, তোকে আমি ভালবাসি, তুই আমার একমাত্র মেয়ে, তুই আমার কাছে থাকবি—আমার কাছে তোকে সারাজীবন থাকতে হবে—

ক্রিস্টিনে

যথেষ্ট—যেতে দাও—(সে তাহার পিতাকে এড়াইয়া দরজার দিকে চলিল, ঠিক সেই সময় মিত্‌সি দরজার গোড়ায় আসিয়া উপস্থিত হইল)

মিত্‌সি

(ক্রিস্টিনে প্রায় তার ঘাড়ের গিয়া পড়াতে, বৃহৎবরে চীৎকার করিয়া উঠিল) যা ভয় পাইয়ে দিয়েছিলি—

ক্রিস্টিনে

(মিত্‌সির পেছনে থিওডরকে দেখিয়া ঘরের ভেতর পেছন ফিরিয়া আসিল)

থিওডর

(দরজার গোড়ায় দাঁড়াইয়া রহিল, তাহার কালো পরিচ্ছদ)

ক্রিস্টিনে

কি...কি খবর...(কেহ তাহার প্রশ্নের উত্তর দিল না, সে থিওডরের মুখের দিকে চাহিল, থিওডর তাহার দৃষ্টি অশ্রুদিকে সরাইয়া লইল) কোথায় সে, সে কোথায় ? (অত্যন্ত উদ্বেগ, কেহ তাহার জবাব দিল না, সে থিওডর ও মিত্‌সির বিষয় ও বিহ্বল মুখের দিকে চাহিল) কোথায় সে ? (থিওডরের প্রতি) থিওডর, বলুন !

থিওডর

(কথা বলিতে চেষ্টা করিল)

ক্রিস্টিনে

(থিওডরের আপাদমস্তক দেখিতে লাগিল, তাহার চারিদিক দেখিতে লাগিল । তারপর, ক্রিস্টিনের মুখের ভয়ঙ্কর পরিবর্তনে বোঝা গেল, সত্যি কি বাপার ঘটনায়ে তাহা সে বুঝিতে পারিয়াছে, ভীষণ চীৎকার করিয়া উঠিল—) থিওডর !...সে কি...

থিওডর

(মাথা নাড়িয়া 'হঁ' জানাইল)

ক্রিস্টিনে

(নিজের কপাল হাত দিয়া চাপিয়া ধরিল, যেন কিছু বুঝিতে পারিতেছে না, থিওডরের নিকট গেল, তাহার হাত ধরিল—যেন পাগলিনী) সে...সে...মারা গেছে...(যেন সে প্রথম নিজেকেই করিতেছে)

ভাইরিং

মা আমার—

ক্রিস্টিনে

(পিতাকে ঠেলিয়া দাঁড়াইল) থিওডর, বলুন, বলুন,...

থিওডর

আপনি সব জানেন ।

ক্রিস্টিনে

আমি কিছু জানি না...আমি কিছু জানি না, কি ঘটেছে...বাবা...থিওডর...(মিত্‌সির প্রতি) তুইও জানিস...

একটা হৃৎটনার—



ক্রিস্টিনে

কি, কি ?

থিওডর

সে আর নেই।

ক্রিস্টিনে

কি ? সে...

থিওডর

ডুয়েলতে (Duel) সে মরেছে।

ক্রিস্টিনে

(চীৎকার) উঃ ! (সে টলিয়া মেজেতে পড়িয়া যাইত, কিন্তু ভাইরিং তাহাকে ধরিল; ভাইরিং থিওডরের প্রতি এমন সঙ্কেত করিয়া চাহিল যে থিওডর বুঝিল সে এখন যাইতে পারে)

ক্রিস্টিনে

(গিতার সাক্ষেতিক চিহ্ন দেখিল, থিওডরকে ধরিল) না, যাবেন না...আমি সব জানতে চাই। জানেন, এখন আমার কাছ থেকে কিছু লুকোতে পারবেন না...

থিওডর

আর কি জানতে চাও ?

ক্রিস্টিনে

কেন ?—কেন সে ডুয়েল লড়েছিল ?

থিওডর

আমি তার কারণ জানি না।

ক্রিস্টিনে

কার সঙ্গে, কার সঙ্গে—? কে তাকে হত্যা করেছে তা আপনি নিশ্চয় জানেন ?

থিওডর

তাকে আপনি জানেন না...

ক্রিস্টিনে

কে, কে ?

মিত্‌সি

ক্রিস্টিনে !

ক্রিস্টিনে

কে ? বলুন আমার (মিত্‌সির প্রতি) ..বাবা ! (কোন উত্তর নাই। সে বাহিরে চলিয়া যাইতে চাহিল, ভাইরিং তাহাকে বাধা

দিল) কে তাকে মেরেছে, কেন মেরেছে, এ কথা আমি নিশ্চয় শুন্ব—

থিওডর

কারণ...ষৎসামান্য...

ক্রিস্টিনে

কেন, আপনি সত্যি বলছেন না...কেন, কেন...

থিওডর

প্রিয় ক্রিস্টিনে...

ক্রিস্টিনে

(যেন থিওডরের কথায় বাধা দিবার জন্ত তাহার দিকে আগাইয়া গেল, প্রথমে কিছু বলিল না—তাহার দিকে দৃঢ়দৃষ্টিতে চাহিল, তারপর সহসা চেঁচাইয়া উঠিল)—ও, কোন মেয়েমানুষের জন্তে ?

থিওডর

না—

ক্রিস্টিনে

হাঁ—কোন মেয়েমানুষের জন্তে...(মিত্‌সির প্রতি ঘুরিয়া) ওই মেয়েমানুষটির জন্তে—হাঁ সেই মেয়েমানুষটির, তাকে ও ভালবেসেছিলো—আর তার স্বামী—হাঁ, হাঁ তার স্বামীই ওকে মেরেছে...আর আমি...আমি কি ? আমি তার কি ছিলাম ? ..থিওডর...আমার জন্তে কিছু কি নেই...কিছু সে লিখে যায় নি, এক লাইন... ? আমার জন্তে একটা কথাও বলে যায় নি... ? কিছু নেই, কিছু নেই...একখানা চিঠি ...একটু কাগজের টুকরো—

থিওডর

(মাথা নাড়িল)

ক্রিস্টিনে

আর সেই সন্ধ্যা বেলায় ..যে সন্ধ্যায় সে আমার এখানে এসেছিলো আপনি এখান থেকে নিয়ে গেলেন...তখন সে জানত, তখনই সে জানত যে, হস্ত আমার সঙ্গে আর... আর এখান থেকে সে চলে গেল, আর একজনের জন্তে নিজের প্রাণ দিতে—না, না—এ সম্ভব নয়...তখন কি সে বোঝেনি, সে আমার কি ছিল...সে কি...

সে বুঝেছিল—শেষ প্রভাতে আমরা যখন যাচ্ছিলুম... আপনার কথাও সে অনেক বলেছিলো।

ক্রিস্টিনে

হ্যাঁ, আমার কথাও বলেছিলো সে! আমার কথা! আরো সব কাদের কথা? যেমন অপর সব লোকেদের কথা বলেছিলো, অল্প অনেক জিনিষের কথা বলেছিলো, তেমনি, আর সব লোকেদের মত, আর সব জিনিষদের মতই আমার স্থান তার জীবনে?—ও, আমারও কথা! ও গড্!...আর তার বাবার কথা, আর তার মায়ের কথা, আর তার সব বান্ধবীদের কথা, আর তার ঘরের কথা, আর বসন্ত ঋতুর কথা, আর এই মহরের কথা, আর, কত লোকের কথা, কত জিনিষের কথা—যা কিছু সব সে তার জীবনে পেয়েছিল, আজ ছেড়ে চ'লে যেতে হয়েছে, আমাকে যেমন ছেড়ে চ'লে গেছে...সকলের কথা সে বলেছিলো...আর তার সঙ্গে আমারও একটু কথা...

থিওডর

(আবেগে বিচলিত) আপনাকে সে সত্যি ভালবেসেছিলো।

ক্রিস্টিনে

ভালোবেসেছিলো! সে?—আমি, আমি তার অবসরের লীলাখেলা ছিলুম মাত্র—আর একজনের জন্তে সে প্রাণ দিয়েছে—! আর আমি—তাকে পূজো করেছি!—সে কি তা জানেনি?...যে তাকে আমি সব দিয়েছিলুম, আমার যা দেবার আছে সব দিয়েছিলুম, আমি তার জন্তে মরতে পারতুম—সে আমার ঈশ্বর, সে আমার সর্বস্ব—সে কি তা কিছুই বোঝেনি?—আমার কাছ থেকে হাঙ্গামে সে চ'লে যেতে পারলো, এই ঘর থেকে চ'লে গেলো, আর একজনের জন্তে গুলিতে মরতে...বাবা, বাবা,—তুমি কিছু বুঝতে পারছো কি?

ভাইরিং

ক্রিস্টিন্! (তাহার নিকট আসিল)

থিওডর

(মিত্‌সির প্রতি) দেখ, এ বাপার হ'তে তুমি আমার বাঁচাতে পারতে।

মিত্‌সি

(তাহার দিকে ক্রুদ্ধভাবে চাহিল)

থিওডর

এই শেষের ক'দিন...আমার উত্তেজনার পর উত্তেজনা যথেষ্ট হয়েছে...

ক্রিস্টিনে

(সহসা দৃঢ়স্বরের সহিত) থিওডর, তার কাছে আমায় নিয়ে চলুন...আমি তাকে দেখতে চাই—তাকে আর একবার দেখবো, শেষ দেখা—সেই মুখখানি—থিওডর, চলুন আমাকে তাঁর কাছে নিয়ে।

থিওডর

(এড়াইবার ভঙ্গী, ইতস্ততঃ) না, না,—

ক্রিস্টিনে

কেন না?—এতে বাধা কেন? আর একবার তাকে আমি দেখতে পারিনে?

থিওডর

দেবী হ'য়ে গেছে।

ক্রিস্টিনে

দেবী?—তার দেহ দেখবো...তারও জো নেই, দেবী? হ্যাঁ...হ্যাঁ—(সে কিছু বুঝিতে পারিতেছে না, কেন দেখিবার সম্ভাবনা নাই)

থিওডর

আজ সকালে তাঁকে কবর দেওয়া হয়েছে।

ক্রিস্টিনে

(ভয়ঙ্কর ভয়-ভরা গভীর বেদনাপূর্ণ মূর্ছিতে) কবর...আর আমি কিছু জানলুম না? গুলিতে সে মরল...তারপর কফিনেতে তাকে শোয়ান হ'ল, তারপর গোরস্থানে নিয়ে যাওয়া হ'ল, তারপর মাটির মধ্যে তাকে চাপা দেওয়া হ'ল—আর আমি কিছু, কিছুই দেখতে পেলুম না?—ছ'দিন হ'ল সে মরেছে—আর আপনি আমার কাছে আসেন নি, একটি কথাও জানালেন না?—

থিওডর

(আবেগচঞ্চল) ও, এ ছ'দিন...আপনি বুঝতে পারবেন, এ ছ'দিন আমার ওপর দিয়ে কি গেছে...দেখুন, অনেক কর্তব্যভার ছিল, তার পিতামাতাকে জানানো—আরও কত কি কাজ—তার ওপর আমার মনের অবস্থা...

ক্রিস্টিনে

আপনার...



হাঁ...সব খুব শান্তভাবে করতে হ'ল...কেবল নিকটতম
আত্মীয় ও বন্ধুরা...

ক্রিস্টিনে

কেবল নিকটতম—! আর আমি—?...আমি কে ?

মিত্‌সি

তুমি গেলে ওই কথাই আর সবাই বলত।

ক্রিস্টিনে

উঃ, আমি তার কে—? আর সবাইএর চেয়েও তুচ্ছ ?

হাঁ, তার সব আত্মীয়দের চেয়ে সামান্য, তুচ্ছ ?

ভাইরিং

ক্রিস্টিন্, মা, আয় আমার কাছে, আমার কাছে...
(ক্রিস্টিনেকে বুকে টানিয়া লইল। খিওডরের প্রতি) আপনি
যান, আমাদের একটু একা থাকতে দিন।

খিওডর

আমি বড়ই...(তার গলার স্বর চোপের জলে ভারী হইয়া
আটকাইয়া গেল) আমি ভাবিনি, ভাবিনি...

ক্রিস্টিনে

কি ভাবেন নি ?—যে আমি তাকে ভালোবেসেছি ?

(ভাইরিং ক্রিস্টিনেকে নিজের দিকে টানিয়া লইল, খিওডর ও
মিত্‌সি ক্রিস্টিনের কাছে আসিয়া দাঁড়াইল)

ক্রিস্টিনে

(ভাইরিংএর স্নেহবন্ধন হইতে আপনাকে মুক্ত করিয়া) তার
কবরেতে আমাকে নিয়ে চলুন !

ভাইরিং

না, না—

মিত্‌সি

যাস না, ক্রিস্টিন—

খিওডর

ক্রিস্টিনে...পরে, পরে—কাল...আগে একটু শান্ত
হোন—

ক্রিস্টিনে

কাল ?—যখন আমি শান্ত হব ? !—হঁ, তারপর এক
মাস পরে ধীরে ধীরে ভুলে যাবো, কেমন ?—তারপর ছ'মাস

পরে আবার আমি হাসবো—? (হাসিয়া উঠিল) তারপর
আবার নতুন প্রেমিকটি কখন আসছে ?...কখন...

ভাইরিং

ক্রিস্টিন্ !...

ক্রিস্টিনে

বেশ, থাকুন আপনি—আমি একাই পথ দেখে যেতে
পারবো...

ভাইরিং

যাস না।

মিত্‌সি

যাস না।

ক্রিস্টিনে

সেই ভাল...আমি যখন...যেতে দাও...আমায় ছেড়ে
দাও।

ভাইরিং

ক্রিস্টিন্, থাক...

মিত্‌সি

যাস্ না ওখানে!—হয়ত গিয়ে দেখবি সেখানে আব
একজন—আর একজন প্রার্থনা করছে।

ক্রিস্টিনে

(যেন নিজের প্রতি স্থির তীব্র দৃষ্টি) আমি সেখানে প্রার্থনা
করতে যাচ্ছি না...না...(সে সবাইএর পাশ কাটাওয়া চলিয়া
গেল...অপরে সকলে নির্ঝাঁক নিষ্পন্ন

ভাইরিং


শিগগির, শিগগির যান্ ওর পেছনে।

(খিওডর, মিত্‌সি ক্রিস্টিনের সঙ্গনে গেল)

ভাইরিং

আমি আর পারি না, আর পারি না...(বেদনার সহিত
দরজার দিকে অগ্রসর হইল, জানলা পর্যন্ত গিয়া থামিয়া দাঁড়াইল)
সে কি চায়, কি করতে চায়...(জানলা দিয়া বাহিরের শূণ্যতা
দিকে চাহিয়া দাঁড়াইয়া রহিল) ও আর ফিরে আসবে না—
না—সে আর ফিরে আসবে না ! (কাঁদিতে কাঁদিতে ভাইরিং
ঘরের মেঝের ওপর লুটাইয়া পড়িল)

স্ববনিকা পতন



কাফি—কাওয়ালী

কেন, কেন মারিছ পিচকারী !
 নীল বসন করিলে লাল শাড়ি ।
 আবীর কুম্ভুমে অন্ধ করিলে হে,
 গুলালে গুলালে দিলে ভরি',
 ভিজিল কঠিন মন, ভিজিল কঠোর পণ,
 ভিজিল চুনরী আর ভিজিল কবরী ।
 মাথায় মাথায় ফাগ প্রাণে লাগাইছ আগ,
 বাড়াইছ পুন তাহে সিঞ্চিয়া বারি ।
 কি খেলা খেলিছ হরি, লাজে তরাসে মরি ;
 দোল্ দোল্ দোলে মন অসহায় নারী !
 পথ জন-সঙ্কুল চকিত কানন-তল,
 গুরুজন পিছে পিছে ভ্রমিছে প্রহরী ।
 বল কি বল কি করি নিদয় নিষ্ঠুর হরি,
 অন্ধ বধির তুমি, কেমনে নিবারি !

শ্রীউপেন্দ্রনাথ গঙ্গোপাধ্যায়

II। পধা রঁসা গা ধা । পা মা গা রগা I মা -। পা -। -। -। পা পা] I
 কে . . . ন মা রি ছ পি চ কা . রা (কে ন)

I গা ধপা ধা ধা । ধা ধা ধা ধগা I পধা রঁসা গা গা । গধা পধা পা -। II
 নী . . . ল ব স ন ক রি লে . . . লা ল শা . . . ডি .

III। পা পা রা রা । রা -। রা রা I -। -। -। -। রা গা রা রা I
 আ বী কু ম্ কু মে অ ধ ক



I সী সী সী -। । -। -। -। -। I সী সী সী গা । ধা মা পা ধা I
রি লে হে শু লা লে শু লা লে দি লে

I না -। সনা ধপা । পধা নসী রসী ধসী I নসী -। -। -। -। -। -। (নধপা) II
ভ রি

I মা ধা ধা ধা ধা ধা ধা ধা I ধা গা রা সী । গা গা ধা পা I
ভি জি ল ক ঠি ন ম ন ভি জি ল ক ঠো র প ৭

I পা না না না । সী সী সী -। I পা না না সী । নসী রা সনা ধপা II
ভি জি ল চু রী আ ভি জি ল ক ব

II সা রা রা রা । রা রা রা গা I সা রা রা পা । পা পা পা -। I
মা খা য়ে মা খা য়ে ফা গ্ প্রা নে লা গা ই ছ আ গ্

I পা পধা পা পা । মা গা গা গা I গা -। গা মা । রগা মপা মা -। I
বা ড়া ই ছ পু ন তা হে সি ন্ চি য়া বা রি .

I মা ধা ধা ধা । ধা ধা ধা ধা I ধা গা রা সী । গা ধা পা পা I
কি থে লা থে লি ছ হ রি লা . জে ত রা সে ম রি

I মা -। মা -। । মা পা ধপা পা I মা মা মা মা । মজ্জা -। রা -।
দো ল্ দো ল্ দো লে ম . ন্ অ স হা য়া না

II [পা রা রা রা । রা -। রা রা I রা গা রা রা । সী সী সী সী
প থ জ ন চ ন চ ল চ কি ত কা ন ন ত ল

I সী সী সী গা । ধা মা পা ধা I না না না নসী । ধনা সী সী (পা) II
শু রু . জ . পি ছে পি ছে ভ্র মি ছে প্র

I মা ধা ধা ধা ধা ধা ধা ধা I ধা গা রা সী । গা ধা পা পা I
ব ল কি ব ল কি ক রি নি দ য় নি চু র হ রি

I পা না না না সী সী সী সী I পা না না সী । নসী রা সনা ধপা II
অ ন্ ধ ব ধি র তু মি কে ম নে নি বা রি

বসন্তে বিদ্যাপতি

শ্রী আশুতোষ ভট্টাচার্য্য

প্রকৃতি-বর্ণনাই সমগ্র বৈষ্ণব-সাহিত্যের শ্রেষ্ঠ সম্পদ বলিয়া পরিগণিত হইতে পারে। রাধাকৃষ্ণের প্রেমময় লীলাকে কেন্দ্র করিয়া বৈষ্ণব কবিগণ যে প্রকৃতি-বর্ণনার অসামান্য ক্ষমতা প্রদর্শন করিয়াছেন তাহাই তাঁহাদের এই গীতি-রচনাকে চিরন্তন করিয়া রাখিয়াছে। সুজলা সুফলা শস্য-শ্যামলার নিবিড় স্নিগ্ধ অঞ্চলচ্ছায়ায় এই স্বভাব-কবিগণের চক্ষুর সম্মুখে ষড়ঋতুর যে অনবচ্ছ বাস্তব কান্তি পর্ষায় পর্ষায় ফুটিয়া উঠিয়াছে তাহাই তাঁহারা ভাষার তুলিতে চিত্রিত করিয়া রাখিয়াছেন, সেইজন্যই এই ছবি এমন জীবন্ত ও নূতন বলিয়া মনে হয়।

অত্যাশ্রয় বৈষ্ণব কবিগণের ত্রায় বিদ্যাপতিরও প্রধান বর্ণনামূলক বৃন্দাবন। ইহাকে একদিন অফুরন্ত প্রাকৃতিক সৌন্দর্য্যের আধাররূপে কল্পনা করিয়া এই বৈষ্ণব কবিগণ ইহাতে আজিও চির-বসন্তের ছাপ লাগাইয়া রাখিয়াছেন। সেইজন্যই বৃন্দাবনের বসন্ত চিরন্তন।

একমাত্র বিদ্যাপতির পদ-রচনার ঐশ্বর্য্যই বৃন্দাবনের চিরবসন্তের কল্পনাকে সার্থক করিয়া তুলিয়াছে। বিদ্যাপতি মিশলার কবি, হুর্কোথা মৈথিলী ভাষায় তাঁহার সমগ্র পদাবলী রচিত; তথাপি সারা বাংলার বুক জুড়িয়া আজিও ভাঙ্গা ভাঙ্গা মৈথিলীভাষায় বিদ্যাপতির পদাবলী নিরঙ্করদের মুখেও শুনিতে পাওয়া যায়। তালপাতার পুঁথিতে লেখা বিদ্যাপতির বিকৃত ও অবিকৃত মৈথিলীগান আজিও বাংলার পল্লীতে পল্লীতে দৃষ্ট হয়। ইহা হইতেই অনুমিত হয় যে, বিদ্যাপতি প্রথম হইতেই এই বঙ্গদেশকে তাঁহার অসামান্য প্রাণভার ঐশ্বর্য্যে মুগ্ধ করিয়া রাখিয়াছেন। এককালে এই বৈষ্ণবের ভক্তিরসাপ্লুত গীতিমন্দাকিনীর এক প্রবল বহা এই দেশকে পবিত্র করিয়া দিয়াছিল। সেইজন্য

আজিও বিদ্যাপতি বিদেশী ও ভিন্ন ভাষাভাষী হইয়াও বাংলার সহিত এমন নিবিড় আত্মীয়তাসূত্রে আবদ্ধ।

বর্ষার প্রাকৃতিক বর্ণনা বিদ্যাপতিকে অমর করিয়া রাখিয়াছে। তাঁহার পদাবলী সমাকৃভাবে পর্যালোচনা করিলে আমরা দেখিতে পাই যে, বসন্তও একদিন অতুল সৌন্দর্য্যের ঐশ্বর্য্য লইয়া বাস্তব মূর্তিতে তাঁহার কল্পনা-চক্ষুর সম্মুখে আত্মপ্রকাশ করিয়াছিল, আর ভাষার তুলিতে তাহাই অঙ্কিত করিয়া মর্ত্যের জীব আজিও অমর হইয়া রহিয়াছেন। এবং এই রচনাই ভক্তের বৃন্দাবনের চির-বসন্ত কল্পনাকে জীবন্ত মূর্তিতে চিরপরমায়ু দান করিয়া গিয়াছে।

মাঘ মাসের ত্রীপঞ্চমী তিথিতে শুভকণে শুক্লপক্ষে ধাত্রী বনম্পতির গর্ভে বসন্তের জন্ম হইল। কবির এই সুন্দর উৎপ্রেক্ষা ভাষার মুখে আরো সুন্দর হইয়া ফুটিয়াছে।

মাঘ মাস সিরি পঞ্চমী গজাইলি
নব এ মাস পঞ্চমহ রুআই।
অতি ধন পীড়া ছুঃখ পাওল।
বনম্পতি ভেলি ধাই হে ॥
শুভকণ বেরা স্কলপথ হে
দিনকর উদিত সমাই।
সোরহ স'পুনে বতিস লখনে
জনম স্লেল রিতুরাই হে ॥

শিশু-বসন্তের জন্মোৎসব উপলক্ষে যুবতীগণ উল্লাসিত হইয়া মঙ্গলগীত গাহিল, আর প্রকৃতি তাহার সম্বর্ধনা করিল।

নাচ এ জুবতিজন হয়নিত
জনম স্লেল বাল মধাই হে।



মধুর মহারস মঙ্গল গাব এ
মানিনি মান উত্তার হে ॥
বহ মলয়ানিল গুত উচিত হে
নব ঘন ভউ উজিয়ারা ।
গাপবি ফুল ভল গজমুকুতা তুল
তেঁ দেল বন্দ নেবারা ॥

আর গণিতশাস্ত্রাভিজ্ঞ কোকিল এই নবজাত শিশুকে
'ঋতুবসন্ত' বলিয়া নামকরণ করিল ।

কনএ কেশুআ স্মৃতি পত্র লিপিএ হপু
রাশি নছল কএ লোলা ।
কোকিল গণিত গুণিত ভাল জানএ
রিত্ত বসন্ত নাম থোলা ॥

কাব নবাগত বসন্তকে এখানে শিশুমুর্তিতে কল্পনা
করিলেন, তাহার নামকরণ হইল, ও বিশ্বপ্রকৃতি তাহার
প্রসাধনের ভার গ্রহণ করিল ।

দপিন পবনঘন আঙ্গ উগারএ
কিসলয় কুম্ভ পরাগে,
শ্ললিত হার মঞ্জরিঘন কজ্জল
অখিতৌ অঙ্গন লাগে ।

চির-আনন্দময় বৃন্দাবন-প্রকৃতির শিরায় শিরায় এক
অনির্বচনীয় আনন্দের অনুভূতি চঞ্চল হইয়া উঠিল।
দক্ষিণ পবনে চূতাবনত সহকারের শাখা আন্দোলিত
হইতেছে, আর মদনের দূত কোকিল তাহার বক্তব্য সঙ্গীতের
ভাষায় বলিয়া যাইতেছে ।

মলয়ানিলে সাহর ডার ডোল ।
কল-কোকিল রবে মঙ্গন বোল ॥

অতএব আজ তরুণী যুবতী প্রৌঢ়া বৃদ্ধা বসন্তের এই
উৎসবানন্দে যোগ দিয়াছে ।

নাচহ রে তরুনি তেজহ লাজ ।
আএল বসন্ত-রিত্ত বণিক রাজ ॥
হস্তিনি চিত্রিনি পদ্মিনি নারী ।
গোরি গামরি এক বুঢ়ি বারি ॥

ক্রমে বৃন্দাবনের লতার পাতায় বসন্ত-সৌন্দর্য্যের অনবঙ্গ-
সুসমা যেন উপ্‌ছাইয়া পড়িতে লাগিল ।

দিনকর কিরণ ভেল পয়গণ্ড ।
কেশর কুম্ভ ধরল হেমদণ্ড ॥
মৌলিরসাল মুকুল ভেল তায় ।
সমুগাহি কোকিল পঞ্চম গায় ॥
শিখিকুল নাচত অলিকুল যন্ত্র ।
আন দ্বিজকুল পড়ু আশীষ মঙ্গ ॥
চন্দ্রাতপ উড়ে কুম্ভ-পরাগ ।
মলয় পবন সহ ভেল অমুরাগ ॥
কুম্ভবন্দী তরু ধরল নিশান ।
পাটল তুণ অশোকদল বান ॥

এই রচনা কখনো কল্পনার ফল হইতে পারে না, ইহা
কবির চক্ষুর সন্মুখস্থ বাস্তব ছবির বাস্তব বিকাশ মাত্র ।
বিদ্যাপতির কল্পনার চক্ষে বৃন্দাবন চিরনূতন ।

নব বৃন্দাবন নব নব তরুগণ
নব নব বিকশিত ফুল ।
নবল বসন্ত নবল মলয়ানিল
মাতল নব অলিকুল ॥

বৈষ্ণবের ভক্তির অনুভূতিতে বৃন্দাবন চিরমধুর ; কবির
সার্থক-লেখন্যে এই মধুর চিত্র মধুরতর হইয়া ফুটিয়া
উঠিয়াছে,—

মধুসুত্ৰ মধুকর পাতি ।
মধুর কুম্ভ-মধু-মাতি ॥
মধুর বৃন্দাবন মাঝ ।
মধুর মধুর রসসাজ ॥

প্রতিভাবান লেখকের মন যেমন ক্রমে বাস্তবতার
সসীম গভী স্তরে স্তরে অতিক্রম করিয়া অবশেষে অনন্ত
কল্পনার রাজ্যে প্রবেশ করে, বিদ্যাপতির পদাবলীর সমাক্
পর্যালোচনাও ইহাই প্রত্যক্ষ করাইয়া দেয় যে, অল্পদিনেই
তাঁহারো বাস্তবতার মোহ কাটিয়া গিয়াছিল । কারণ,
যদিও বিদ্যাপতির রচনাতে idealism জিনিষটার একান্ত

অভাব বলিয়া অনেকেই কবির দোষ খুঁটিনাটি করিয়া বাহির করিতেছেন, তথাপি অমৃতসলিলা কবুর গ্রাম তাঁহারো বস্তুতান্ত্রিক রচনার অন্তরালে যে একটি সূক্ষ্ম ভাবজগতের চিন্তার ধারা প্রচ্ছন্নপ্রবাহে বর্তমান তাহা কেহই অস্বীকার করিতে পারিবেন না। সাহিত্যের তখন যে যুগ সেই যুগে idealismএর কতদূর অনাদর হইত তাহা আমরা অনুমান করিতে পারি। আর সেই যুগে এই সকল উচ্চাঙ্গের ভাববিশ্লেষণের ক্ষমতা কবিদের থাকিলেও হয়ত লোকের অপ্রিয়তার আশঙ্কায় তাঁহারা এই প্রকার রচনা হইতে বিরত হইতেন। অতএব বিদ্যাপতিতে বসন্ত-প্রকৃতির সম্বন্ধেও idealistic উক্তি একেবারে পাওয়া যায় না এমন বলিলে নিতান্তই ভ্রম করা হইবে, যদিও realism-এই বিদ্যাপতির চরম বিকাশ।

শ্রীরাধার পূর্ববাগের সঞ্চার করিতে কবি বসন্তের মধ্যস্থতা স্বীকার করিয়া কহিলেন, 'হে কৌশলময়ী রাধিকে, তুমি কাহ্নকে অর্ধলোচনে (কটাক্ষে) ক্রয় করিলে আর মদন-বসন্তকে তাহার সাঙ্গী রাখিলে।—

“বড় কৌশল তুমি রাধে ।
কিনল কহাই লোচন আধে ॥
ঋতুপতি হটব এ নহি পরমাদী ।
মনমথ মধথ উচিত মূলবাদী ॥
দ্বিজ পিক লেখক মসি মকরন্দা ।
কাপ ভমরপদ সাংখী চন্দা ॥ *

শ্রীরাধার মানভঞ্নের প্রচেষ্টায় মাধবের মুখ দিয়া কবি যে কয়টি কথা কহাইয়াছেন তাহাতে যে বস্তুতান্ত্রিকতার অন্তরালে এক প্রচ্ছন্ন ভাবজগতের কল্পনা-প্রবণতার সূক্ষ্ম

রত্নাকর সূতান্তর্য্য। যশ কৃষ্ণ রাধিকে ।
লোচনার্দ্ধেন স ক্রীতগুণ্য তে কৌশলময়ং ॥
হট্টাধিপো বসন্তস্য সোহপ্রমাদী বিচক্ষণঃ ।
যোগামূল্যার্থবাদীচ মধ্যস্থো মন্থপোহভবত ॥
ভ্রমরশ্চ পদং কর্পো লেখকঃ কোকিলঃ দ্বিজঃ ।
অভূৎ কৃষ্ণ ক্রয়ে রাধে শশী পাত্রং মসী মধু ॥

—বিদ্যাপতির অসংগত উক্তি উৎসর্গে বাখ্য।

আভাব পাওয়া যায় তাহা বৈষ্ণব-সাহিত্যের এক অতুল সম্পদ হইয়া রহিয়াছে।—

মানিনি কুহ্মে রচিল সেজা মান মহত তেজ
জীবন জউবন ধনে ।
আজুকি রঅনি যদি বিফলে জাইতি
পুহু কালি ভেলে কে জান জীবনে ॥

মানিনি, মান তাগ কর, জীবনে যৌবনই ধন। আজিকার রাত্রি যদি নিফলে যায় কাল জীবন কি হইবে কে জানে। চাহিয়া দেখ বসন্তের রজনী প্রভাত হইতে চলিল,—

বিরল নখত নভমণ্ডল ভাস ।
সে' গুনি কোকিল মনে উঠ হাস ॥
এ রে মানিনি পালটা নিহার ।
অরুণ পিবএ লাগল অক্ষকার ॥

কিন্তু আজিকার মধুযামিনী বার্থ হইতে চলিল ভাবিয়া মাধব আকুল হইলেন।

অরে অরে ভমরা তোঞে হিত হমরা
বটুসি আনহ গজগামিনিরে ।
আজু কি কসলি কালি জঞে বটুসবি
তীতি হোইতি মধু যামিনীরে ॥

জীবন-তত্ত্বের এই সূক্ষ্ম অংশটুকু লইয়াই ওমরখৈয়ামের সমগ্র দর্শন। কিন্তু বিদ্যাপতি এক কথায় প্রাকৃতিক বর্ণনার সাহায্যে সেই দার্শনিক সত্যটি কত সুন্দর ভাবে প্রকাশ করিলেন।

বিরহ বা মাথুরের বর্ণনায় কবির শতমুখী প্রতিভার পরিচয়ের সঙ্গে সঙ্গে প্রকৃতির চিত্র-চিত্রনের যে অদ্ভুত ক্ষমতা দেখিতে পাওয়া যায় তাহা বিশ্বের সাহিত্যেও অভিনব। বিরহিনী রাধার মনের উপর বসন্তঋতুর প্রভাবের ছবি কবি রাধার মনোবিশ্লেষণের সঙ্গে সঙ্গে সুন্দরভাবে আঁকিয়াছেন। বিদ্যাপতির বসন্তবর্ণনা এই ধানেই idealistic। কবি বাস্তবরাজ্য হইতে এইখানে অনেক উর্ধ্বে সরিয়া আসিয়াছেন।



বিরহিনীর অন্তরের অন্তঃস্থল ভেদ করিয়া দীর্ঘ নিশ্বাসের মত এই কথা কয়টির গভীরতা কতদূর তাহা বিচার করিলে বিস্মিত হইতে হয়।—

কুসুমে রচল সেজ মলয়জপক্কজ
পেয়সি সুমুপি সমাজে ।
কত মধু মাস বিলাসে গমাণ্ডল
অবপন্ন কহইতে লাজে ॥
দখিন পবন সউরভ উপভোগল
পিউল অমিয় রস সারে ।
কোকিল কলরব উপবন পূরণ
তহি কত কয়ল বিকারে ।

বসন্ত তাহার সমগ্র সৌন্দর্যের ঐশ্বর্যভাণ্ডার খুলিয়া দিয়াছে, ইহা দেখিয়া বিরহিনী কেমনে প্রাণ ধারণ করিয়া থাকিবে ?

চৌদ্দিন ভমর ভম কুসুমে কুসুমে রম
নীরসি মাজরি পিবই ।
মন্দ পবন বহ পিক কুল কুল কহ
শুনি' বিরহিনী কইসে জীবই ॥

তাই,

কুসুমিত কানন হেরি' কমলমুখী
মুদি' রহয় দু'নয়ান ।
কোকিল কলরব মধুকর ধনি শুনি'
কর সেই কাঁপল কান ॥

কিন্তু বৃন্দাবনের লতায় পাতায় বসন্তের সৌন্দর্যরাশি ঘেন ঝরিয়া পড়িতেছে এই দৃশ্য অসহ্য ; অতএব সখীগণ, তোমরা মাধবকে বৃন্দাবনে আনয়নের উপায় কর ।

সাহর মজর ভমর গুজর
কোকিল পঞ্চম গাব ।
দখিন পবন বিরহ বেদন
নিঠুর কন্তন আব ॥
সজনি রচহ সেহে উপাএ ।
মধুমাস যঞো মাধব আব এ
বিরহ বেদন জাব এ ॥

কিন্তু মথুরার পথ চাহিয়া চাহিয়া এবারেরও নিষ্ফল বসন্ত কাটিয়া গেল,—

হিম হিমকর কর তাপে তপায়ল
ভৈ গেল কাল বসন্ত ।
কান্ত কাক মুখে নহি সন্বাদই
কিরে কর মদন ছরন্ত ॥

তবে নিশ্চয়ই আমার প্রিয় সেই দেশে গিয়াছে যেখানে ষড়ঋতুর ভেদ জানে না ; পিক নাই কিছা কাননে কুসুম প্রস্ফুটিত হয় না ।

জাহি দেশ পিক মধুকর নাহি গুজর
কুসুমিত নহি কাননে ।
ছও ঋতু মাস ভেদ নহি জান এ
সহজহি অবল মদনে ॥

বর্ষে বর্ষে বসন্তের পর বসন্ত বিরহিনীর অন্তঃস্থানে নিষ্ফলে ষা দিয়া চলিয়া যাইতেছে কিন্তু নিঠুর হৃদয়হীন মাধব আর বৃন্দাবনের কথা স্মরণও করিতেছে না। বিরহিনীর এই কাতর বিলাপ কবির সার্থক লেখনীতে কি সুন্দরভাবেই না ফুটিয়া উঠিয়াছে,—

ফুটল কুসুম নব কুঞ্জকুটির বন
কোকিল পঞ্চম গাওইরে ।
মলয়ানিল হিম- শিখির সিধারল
পিআ নিজ দেশ না আওইরে ॥
চান্দ চন্দন তমু অধিক উতাপয়
উপবন আলি উতরোল রে ।
সময় বসন্ত কান্ত রহি দূর দেশ
জানল বিহি প্রতিকুল রে ॥

তবে এই বৃন্দাবনে নব-বসন্তের আগমন-সংবাদ যদি মাধবের কানে যায় তবে নিশ্চয় তিনি না আসিয়া থাকিতে পারিবেন না ।

অব যদি যাই সন্বাদহ কান ।
আওব ইসে হমর মন মান ॥

তারপর এক বসন্ত-যামিনীর শুভ মুহূর্তে দীর্ঘ
বিরহ-দম্ভনার উপশম হইবার আশা হইল। মাধব
স্বপ্নে রাধাকে আশ্বাস দিলেন।

শ্রীরাধা অতীতের দুঃসহ বিরহ-বসন্ত গুলির
বেদনাময় স্মৃতি একমাত্র প্রিয়ের মুখ দেখিয়া
ভুলিলেন—

সরস বসন্ত সময় ভাল পাওলি
দছিন পবন বহু ধীরে।
স্বপনছ' রূপ বচন এক ভাখিয়
মুখ সৌ দূরি করু চীরে ॥

দারুণ রিতুপতি যত ছপ দেল।
হরি মুখ হেরইতে সবি দূরে গেল ॥

বিরহিনীর মনে আশার সঞ্চার হইল। মথুরার পথ
চাতিয়া প্রিয়ের আসার আশায় উন্মুখ হইয়া কুঞ্জ-ভ্রমারে
প্রতীক্ষাকরিতে লাগিলেন। কিন্তু বসন্ত আবার বাম হইল।

স্মৃতি সময় ভাল চল মল আনিল
সাহর সউরভ সার লো।
কাছক বিপদ কাছক সম্পদ
নানাগতি সংসার লো ॥

ভক্তবৈষ্ণবের কল্পনা চক্রুর সন্মুখে বৃন্দাবনের যে চির-
সুন্দর চিত্র একদিন ফুটিয়া উঠিয়াছিল তাহাই ভাষার রূপে
অমবত্ন লাভ করিয়াছে। প্রকৃতির এমন বাস্তব চিত্রাঙ্কণ
যদি কোনও যুগে কোনও শিল্পীর হাতে সার্থকতা অর্জন
করিয়া থাকে তবে এই স্বভাব-কবিগণের তুলিতেই তাহার
বিকাশ হইয়াছে। প্রকৃতির সহিত অঙ্গাঙ্গীভাবে জড়িত
থাকায় এই স্বভাব-কবিগণের লেখনীতে যাহাই
ফুটিয়াছে তাহাই সুন্দর হইয়া উঠিয়াছে। সেইজন্ম
প্রাকৃতিক চিত্র-বর্ণনে তাঁহাদের এমন সিদ্ধহস্ততা। স্বভাবের
সৌন্দর্যকে বিদ্যাপতি প্রাণ ভরিয়া ভালবাসিয়াছিলেন, তাই
তার স্তুতিগান গাহিয়াছেন।

এই বসন্ত সময় 'কণ্ঠাশ্লেষী প্রণয়িনী জনের' সম্পদের দিন
আর বিরহিনীর বিষম বিপদের কাল।

তারপর বসন্তেরই এক শুভমুহূর্তে রাধ'র এই দীর্ঘ বিরহ-
জ্বালার অবসান হইল। প্রেমিকা প্রিয়ের মুগ্ধাবিন্দ
দেখিয়া ধন্য হইল।

আজু রজনী হাম ভাগে গমাওল
পেপনু পিয়া মুগ চন্দা।
জীবন যৌবন সফল করি মানল
দশদিশ ভেল নিরদন্দা ॥

কুল পরিমল সঙ্গ সুন্দর নবা পলব পুঞ্জিতে।
কানদৈবত কণ্ঠনির্মিত কোকিলকল কুঞ্জিতে ॥
দেহি নবীন-দেব দৈব সমীর বিজতি বোধতি বিজমে।
মাধবী লতা সমং পরিনৃত্যাতীব বনক্রমে ॥
মাধব মাস মধু সময়ে। রাজতি রাধা রতসময়ে ॥
বিরহি চিত্ত বিভেদ লক্ষণ চূতমুকুল ভয়ঙ্করে।
পাটলা মধু-লুক মধুকর নিকর নাদ মনোহরে ॥
চন্দ্র চন্দন কঙ্কমা গুরুহার কুস্তল-মণ্ডিতা।
হার ভার বিলাস কোশল কোশল নিধুধন ক্ষণ-পণ্ডিতা ॥

অতএব আজ

সেই কোকিল আব লাথ ডাকউ
লাপ উদয় কর চন্দা।
পাঁচবাণ অব লাথ বাণ হউ
মলয় পবন বহু মন্দা ॥

বিদ্যাপতির জন্মভূমি মিথিলা একদিন প্রাকৃতিক
সৌন্দর্যের লীলাভূমি ছিল। মাতৃভূমির এই পবিত্র সুন্দর
ছবিকে চির-বসন্তের বৃন্দাবনরূপে কল্পনা করিয়া তাহা
হইতে কবির রস-পিপাসার তৃপ্তি হইত। কবি জন্ম হইতেই
মিথিলার অফুরন্ত সৌন্দর্য্য বড়ঋতুর পর্য্যায়ে পর্য্যায়ে যাহা
নিরীক্ষণ করিয়াছিলেন তাহাই তাঁহার পরবর্তী জীবনের
কাব্যরচনায় মূর্তি লাভ করিয়াছে।

বসন্ত তাহার সমগ্র ক্রন্দ্যের সস্তার খুলিয়া দিক।
রাধা আজ তৃপ্তির চরিতার্থতায় সার্থক হইয়াছে।



“গঙ্গা বহিষ্ণি জনিক দক্ষিণদিশি পূর্ষ কোশকী ধারা ।
পশ্চিম বহিষ্ণি গঙকী উত্তর হিমবৎবল বিস্তারা ॥
কমলা ত্রিযুগা অমৃত্তা ধেমুড়া বাগবতী কৃত সারা ।
মধা বহতি লক্ষণা প্রভৃতি সে মিথিলা বিছাগারা ॥”---

- চন্দা ঝা ।

যাহার দক্ষিণে গঙ্গা প্রবাহিত, পূর্বে কোশকী ধারা ;
গঙকী পশ্চিমে, উত্তরে হিমাচলের বল বিস্তৃত, যাহার
মধ্যে লক্ষণা প্রবাহমানা আর যে ভূমি কমলা, ত্রিযুগা,
অমৃত্তা, ধেমুড়া, বাগবতী প্রভৃতির পুণাতোয়ে নিত্যন্বাত
তাহাই বিছাপতির মিথিলা । তাহাই বিছাপতির প্রবর্তিত
কাব্য-মন্দাকিনীর উৎসমূল । সেই জন্তই প্রকৃতি রূপ-
পরিগ্রহ করিয়া তাঁহার রচনায় ধরা দিয়াছেন । সেইজন্তই
বৃন্দাবন আজিও বৃন্দাবন ; চিরস্বনের বৃন্দাবন, চিরবসন্তের
আধার ।

চণ্ডীদাস বাতীত পরবর্তী যুগের সমস্ত বৈষ্ণব কবিই
প্রকৃতির বর্ণনাতেও বিছাপতির অনুকরণ করিয়া গিয়াছেন

মাত্র । কিন্তু চণ্ডীদাসের একটা বিশিষ্ট সুর ছিল যা
স্থানে স্থানে বিছাপতিকেও ছাপাইয়া গিয়াছে ।
গোবিন্দদাসের ভণিতাযুক্ত বসন্তবর্ণনার কতগুলি পদ
অনেকে বিছাপতির বলিয়াই ভ্রম করেন ; তাহাদের
উভয়ের মধ্যে এমনই সাদৃশ্য পরিলক্ষিত হয় ।

বিছাপতির বসন্ত-বর্ণনা শুধুই realistic নয়, তাহাতে
idealismএর বহু সূক্ষ্ম আভাষের অস্তিত্বও বর্তমান
রহিয়াছে । একাধারে যেমন কবি প্রকৃতির স্বাভাবিক
চিত্র নিখুঁতভাবে অঙ্কিত করিয়াছেন, অতীতিকে তেমনি
তাঁহার কল্পিত নায়ক নায়িকার মনস্তত্ত্বের উপর তাহার
প্রভাব (influence) সুন্দরভাবে বর্ণনা করিয়াছেন ।
কবির এই realism ও idealismএর মধ্যবর্তী তাঁহার
প্রকৃতির বর্ণনা যেন আলো ও ছায়ার খেলার মতন
পাঠকের সমগ্র মন যুগপৎ বিস্ময়ে ও আনন্দে পরিপূর্ণ
করিয়া দেয় । এইখানেই বিছাপতির শ্রেষ্ঠত্ব । রাধাকৃষ্ণের
যুগযুগান্তর চিরনূতন প্রেম বিছাপতির সৃষ্টির তুলিকায়
তাই আজ চিরস্বন ।



দর্শনের দৃষ্টি

শ্রীস্বরেন্দ্রনাথ দাশগুপ্ত

আমরা চোখে দেখি এবং মনে ভাবি, এ সম্বন্ধে কাহারও
চরিত সংশয় না উঠতে পারে। কিন্তু দেখার মধ্যেও ভাবা
আছে কিনা এ কথা জিজ্ঞাসা করলেই একটা কূটকচালে
কথা উঠে পড়ে। লাল, নীল, সবুজ কত রকম রঙ আমরা
চোখে দেখি, কিন্তু লাল রঙটাকে দেখা আর লাল রঙটাকে
লাল ব'লে চেনা এ দুটোর মধ্যে যে একটু তফাৎ আছে সে
কথা সহজে মনে আসে না, লালের বোধ এক রকমের বোধ
নালের বোধ এক রকমের বোধ, এ বোধ তখনই ফোটে
যখন আমাদের চোখের ভিতরের বর্ণপটে বাহিরের রূপ তার
বঙের ছোপ লাগায় আর সেই ছোপের সাড়া শততন্ত্রীতে
আমাদের মস্তিষ্কের মধ্যে প্রবেশ করে। বাহিরের রূপ কেমন
ক'রে রঙ হয় আর সেই রঙ কেমন ক'রে রঙের বোধ,
জন্মায় তার রহস্য আজও আমাদের কাছে ধরা পড়ে নি।
বাহিরের রূপ যে কি জিনিষ তা জানবার তখনই সুযোগ হয়
যখন আমাদের চোখের ও মস্তিষ্কের ভিতরের যন্ত্রগুলির জৈব
বাপারে সেই রূপ রঙে পরিবর্তিত হয়; কোনও বৈজ্ঞানিককে
যদি জিজ্ঞাসা করা যায় যে রূপ কি, এবং রূপে রূপে ভেদ
কি, তবে তিনি হয়ত বলবেন যে আলোকের স্পন্দনের বেশী
কমের নামই রূপ। সে রূপ কিন্তু রঙ নয়; সে রূপ আমরা
চোখে দেখি না বৈজ্ঞানিক অনুমানে বুঝি মাত্র। চোখের
ভিতরের কোনও বিশেষ যন্ত্রের মধ্যে যখন এই আলোকের
রূপ এসে পড়ে তখন তাহারই জৈব বাপারের ব্যবস্থায়
আলোক পরিস্পন্দ তার স্পন্দনের বেশী কমের নির্দিষ্ট নিয়মে
বিভিন্ন রকমের রঙ হ'য়ে দাঁড়ায়; কিন্তু এই জৈব বাপারের
ফলে যে রঙ হয় সেই রঙটি যে কেমন ক'রে রঙবোধ হয়
সে রহস্যের আজও কোনও মীমাংসা হয় নাই। কিন্তু রঙ
বোধ এবং কোনও রঙকে লাল বা নীল ব'লে জানা এ
উভয় এক কথা নয়। সত্ত্বোজাত শিশুরও চক্ষু আছে এবং
তার চক্ষুতেও বাহিরের রূপ পড়ে এবং রঙের বোধ জন্মায়

কিন্তু সে শিশু কোনও রঙকে লাল বা নীল ব'লে জানে এ
কথা বলা চলে না। কোনও রঙ বোধকে লাল ব'লে
জানা শুধু একটা জানা নয়, সেটা একটা পরিচয়। দুইকে
এক না করতে পারলে পরিচয় হয় না। কোনও একটি
রঙ বোধকে যদি ধ'রে রাখতে পারি এবং পুনরায় সেই
বোধটি উৎপন্ন হলে এই দুইটির ঐক্য এবং অপর অপর
বোধ হতে ইহাদের পার্থক্য বুঝিতে পারি তবেই সেই দুইটি
বোধের ঐক্যের পরিচয় ঘটে এবং এই ঐক্যের পরিচয়
হলেই, সেই রঙ বোধটিকে লাল বা নীল ব'লে বুঝতে
পারি। যদি আমাদের মধ্যে প্রতিক্রমে বিভিন্ন
রকমের রঙের বোধ উৎপন্ন হ'ত এবং প্রতিক্রমে তাহা ধ্বংস
হ'য়ে যেত, তবে কোনও রঙের বোধের সহিত কোনও
রঙের বোধের পরিচয় হওয়া সম্ভব হত না, এবং কোনও
রঙকে লাল বা নীল ব'লেও চেনা যেত না। কোনও
একটি বোধ একবার বা একাধিবার ঘটলে যে সেটি প্রচ্ছন্ন-
ভাবে থেকে যায় এবং পুনরায় তৎসদৃশ বোধ উৎপন্ন হলে
সেটি পুনরুদ্ধ হয় এবং কালের ব্যবধান এড়িয়ে যে দুই
কালের দুইটি বোধ পাশাপাশি দাঁড়ায় এবং ঐক্য সম্বন্ধ স্থাপন
করে, এর নাম স্মৃতি; এটি যদি না থাকত তবে লালকে
লাল বলিয়া নীলকে নীল বলিয়া চেনা বা জানা সম্ভব হোত
না।

জড়ের মধ্যে প্রতিক্রমে আমরা স্পন্দশক্তির যে নূব নূব
বিকীরণ দেখতে পাই তাতে শক্তির যে আদান প্রদান
দেখতে পাই তাতে কোনও বাপারের সঞ্চয় বা পরিচয়ের
চিহ্নমাত্রও দেখতে পাই না। কিন্তু যেই আমরা জৈবপর্যা-
য়ের মধ্যে প্রবেশ করি সেই দেখি যে জৈব বাপারের একটা
প্রধান লক্ষণই হচ্ছে জৈব ব্যবহারের বা সূচ জৈব প্রত্যয়ের
সঞ্চয় বা স্মৃতি এবং সেই অনুসারে স্বকাৰ্যের নিয়মন। সূচ-

হাওড়া মাজু সাহিত্য-সম্মিলনে সভাপতির অভিভাষণ।



তম কীটেরও জীবনযাত্রা পর্যালোচনা করলে দেখা যায় যে সেই কীটটি তার আচারীয় বস্তুর অন্বেষণে বের হ'য়ে সেটিকে ধরে এবং হয়ত সেটি তাকে ছাড়িয়ে স'রে যায়, এবং সে তার পিছু পিছু গিয়ে আবার সেটিকে ধরে। ক্ষুদ্রতম প্রাণীর ব্যাপারের মধ্যেও এই যে একটি মূঢ় স্মৃতির পরিচয় পাওয়া যায় এটা জড় জগতের ব্যাপারের চেয়ে সম্পূর্ণ বিভিন্ন। মানুষের যেমন বোধ জন্মে ক্ষুদ্রতম প্রাণীরও যে সেই রকম বোধ জন্মে এ কথা অবশ্য স্বীকার করা যায় না। কিন্তু বোধতুল্য তাহাদেরও যে অন্ততঃ একটা বোধভাস আছে এ কথা স্বীকার করতেই হয়। এই বোধভাসের দ্বারা তাহাদের প্রাণযাত্রা যেভাবে নিষ্পন্ন হয়, তাতে স্বতই মনে হয় যে বিভিন্ন কালের এবং হয়ত কুলক্রমাগত পিতৃপুরুষের বোধভাসগুলি তাহাদের মধ্যে সঞ্চিত থেকে তাদের জৈব ব্যাপারগুলিকে তাদের প্রাণযাত্রার অনুকূল ক'রে তোলে। একজন বিখ্যাত প্রাণিতত্ত্ববিদ বলেছেন—The effectiveness which characterises the behaviour of organisms (i.e. of those that show behaviour enough to be studied) seems to depend on profiting by experience in the individual lifetime or on the results of successful ancestral experiments, or, usually on both. It appears to us to be one of the insignia of life that the organism registers its experiments or true results of its experiences.

আর একজনও এই কথাই অন্যভাবে বলেছেন, "It is the peculiarity of living things not merely that they change under the influence of surrounding circumstances, but that any change which takes place in them is not lost, but retained, and as it were built into the organism to serve as the foundation of future actions". ক্ষণপরিবর্তী কালের বিচ্ছিন্ন পরম্পরায় যে ব্যাপারগুলি সম্পূর্ণ পৃথক হ'য়ে সংঘটিত, জৈব বোধভাসের সঞ্চয়বৃত্তিতে তারা যে কি কোশলে এমন করিয়া বিধৃত

হ'য়ে থাকে তার জটিল রহস্য আমাদের নিকট এখনও সম্পূর্ণ অজ্ঞাত। জড়জগতের মধ্যে যে নিরন্তর শক্তির দ্ব্যতপ্রতিঘাত চলেছে তার প্রত্যেকটি শক্তি তার নির্দিষ্ট পরিমাণে নির্দিষ্ট দিকে প্রতিনিয়ত কাঁচ করছে। এট যে সূর্যের চারিদিকে গ্রহগুলি নিরন্তর ঘুরছে, এতদিন ধুরেও যে তাদের ঘোরার একটা অভ্যাস হয়েছে তা বলা যায় না। পৃথিবী যে তার বৈকেন্দ্রিক গতিতে ছুটে বেরিয়ে যেতে চায় এবং সূর্য যে তাকে নিজের দিকে টানছে, এই দোটানার সামঞ্জস্য বর্তুলাকারে ঘোরার সৃষ্টি। কিন্তু এতদিনের ঘোরাতেও পৃথিবীর কোনও ঘোরার অভ্যাস জন্মে নাই, এবং আজ যদি কোনও কারণে সূর্যের আকর্ষণ একটু হ্রাস হ'য়ে যায় তবে পৃথিবী সূর্য থেকে দূর দূরান্তরে আকাশের কোন অনন্ত পথে যে ছুটে যেতে থাকবে, কি কোথায় কার সঙ্গে ধাক্কা লেগে চূর্ণ হ'য়ে যাবে তার কোনও ঠিক ঠিকানা নেই। জড়ের মধ্যে আত্মরক্ষা, আত্মবর্ধন, আত্মধারণ বা আত্মপোষণের জন্য কোনও চেষ্টা বা ব্যাপার দেখা যায় না; জড়ের মূঢ়শক্তির আদান প্রদানে এমন কোনও চিন্তা নেই যাতে একথা বলা যায় যে আত্মশক্তিপ্রকাশের চেষ্টায় জড় তার কোনও প্রয়োজন বা উদ্দেশ্য সাধনের চেষ্টা করছে। জড়ের মধ্যে যদি কোনও উদ্দেশ্য দেখা যায় সে উদ্দেশ্য জড়ের নিজের উপকারের জন্ত নয়, সে উদ্দেশ্য জীবের উপকারের জন্ত জীবের ভোগের জন্ত জীবের ব্যবহারের জন্ত। সাম্রাজ্যদর্শনকার জড়ের এই তত্ত্বটুকু ভাল ক'রেই বুঝেছিলেন তাই তিনি প্রকৃতিকে পরার্থা এবং পুরুষের ভোগোপবর্গসাধনে ব্যাপ্তা বলে বর্ণন করেছেন। সামান্য একটা পরমাণুসংশ্লেষের মধ্যেও জড়ের প্রচণ্ড আকর্ষণ বিকর্ষণ শক্তির খেলা দেখতে পাই; কিন্তু তার পরিমাণ, অণুশক্তির সান্নিধ্য বা পারিপার্শ্বিক অবস্থার বিভিন্ন ব্যবস্থার মধ্যে তার ব্যবহাব এ সমস্তই একান্তভাবে নির্দিষ্ট এবং গণিতশাস্ত্রের আয়ত্তের মধ্যে সন্নিবিষ্ট। জড়ের কোনও প্রয়োজনসিদ্ধির আভাস নেই, তাই নানা অবস্থায় তার ব্যবহারের বৈচিত্র্য নেই। পূর্বাপর ব্যবহারের সঞ্চয় নেই, স্মৃতি নেই, অবস্থার বৈশিষ্ট্য পরিবর্তনের ক্ষমতা নেই।

জীবরাজ্যে প্রবেশ করলেই আমরা দেখি যে এ রাজ্যের নিম্নমপকৃতি জড়রাজ্যের নিম্নমপকৃতির থেকে সম্পূর্ণ বিভিন্ন, সম্পূর্ণ স্বতন্ত্র। জড়ের উপাদানকে অবলম্বন ক'রেই জীব তার কার্য্য আরম্ভ করে, কিন্তু প্রত্যেক বিভিন্নজাতীয় উদ্ভিদ ও প্রাণী—তার নিজের শরীরের উপযোগী ধাতু গঠন করে। এই প্রোটিন্ ধাতু যেমন উৎপন্ন হয় তেমনি ভেঙ্গে যায়, আবার গ'ড়ে ওঠে আবার ভেঙ্গে যায়, এবং এমনি ক'রে জৈবশক্তির ব্যাপারে নিরন্তর শরীর ধাতুর ভাঙ্গাগড়া চলতে থাকে। অথচ এই ভাঙ্গাগড়ার মধ্যে এমন একটি ত্রীক্যা আছে এমন একটি ছন্দ আছে যে, সেই ভাঙ্গাগড়ার মধ্যে জীবদেহ এমন একটি বিশিষ্ট প্রণালীতে গ'ড়ে উঠে যে প্রত্যেকটি জীবদেহ সেই জাতীয় অন্ত্যন্ত জীবদেহের সজাতীয় হইয়াও সম্পূর্ণ বিভিন্ন, সম্পূর্ণ পৃথক্। ত্রীকোর দিক্ দিয়ে দেখতে গেলে সমস্ত জীবদেহই জীবদেহ, কিন্তু পাথকোর দিক্ দিয়ে দেখতে গেলে প্রত্যেকটি জীবদেহ এমন কি তার প্রত্যেকটি অঙ্গপ্রত্যঙ্গ অথ যে কোনও জীবদেহের অঙ্গপ্রত্যঙ্গ থেকে পৃথক্। যে প্রোটিন্ ধাতু জীবদেহের প্রধান উপাদান সে ধাতু জড়জগতে পাওয়া যায় না; সে ধাতু প্রাণস্পন্দনের দ্বারা এবং প্রাণশক্তির অভিষেকের দ্বারা জড়োপাদান হ'তে প্রাণকার্য্যের উপযোগিতার জন্ত আহৃত ও উৎপাদিত। এ ধাতু জড় হ'লেও যতক্ষণ জৈবশক্তির দ্বারা আবিষ্ট থাকে ততক্ষণ এ জড় নয়। আমরা আমাদের শরীরকে জড় বলি, পার্থিব বলি, পাক্ভৌতিক বিকার বলি। এ দেহ ভৌতিক বিকার সে কথা ঠিক্, কিন্তু অত্র ভৌতিক বিকার থেকে এর পার্থক্য এইখানে যে এ বিকার জীবশক্তির দ্বারা অনুগৃহীত, জীবশক্তির স্বপ্রয়োজনে জড় থেকে প্রাণাবেগে উত্থাপিত ও বিনির্মিত। জীবশক্তির দ্বারা আবিষ্ট ও স্পন্দিত না ক'রে জীব কখনও জড়কে নিজের দেহধাতুরূপে ব্যবহার করতে পারে না। অথচ জীবশক্তির বৈশিষ্ট্য অনুসারে প্রত্যেক জীবের জীবধাতু বিভিন্ন। একবিন্দু ঘোড়ার রক্ত একবিন্দু গাধার রক্ত থেকে রাসায়নিক ও অন্ত্রবিধ ধাতুর লক্ষণে সম্পূর্ণ বিভিন্ন। এমন কি হুজন মানুষের রক্তের মধ্যে যে ধাতু পাওয়া

যায় তাহাও বিভিন্ন, পুরুষের রক্ত স্ত্রীলোকের রক্ত থেকে বিভিন্ন। এতে এই বোঝা যায় যে প্রত্যেকটি জীবশক্তির প্রকাশের মধ্যে একটি স্বগতবৈশিষ্ট্য এমন রয়েছে যার দ্বারা সে ঠিক আপন প্রয়োজনের অনুকূল ধাতুকে পৃথক্ পৃথক্ ভাবে গঠন ক'রে তোলে। জৈবশক্তি ব'লে একটা শক্তি নয়, কিন্তু জীবরাজ্যে একটা স্বতন্ত্র রাজ্য, সেখানে দেখি বিচিত্র জীবশক্তির বহুধা . বিচিত্র প্রাণব্যাপার, প্রাণলীলা। সে লীলা এক নয়, সে লীলা বহু, অথচ সে লীলার মধ্যে একটা ত্রীকোর সম্বন্ধ রয়েছে, তাগ রয়েছে ছন্দ রয়েছে। প্রত্যেকটি জীবকোষের মধ্যে প্রাণব্যাপারের যে লীলা দেখতে পাওয়া যায় তাতে এই ত্রীকোর ছন্দটির অত্র আর একটি দিক্ দেখতে পাওয়া যায়। প্রত্যেকটি জীবকোষ একদিকে যেমন স্বপোষণের জন্ত স্বধাতু গঠন ক'রে তোলে, তেমনি শক্তির ব্যবহারে সে ধাতু ক্ষয় হ'য়ে যায়, কিন্তু যেমন এক দিকে ক্ষয় হ'তে থাকে তেমনি অপর দিকে আবার স্বধাতু গঠনের কায চল্চে, অথচ এই ক্ষয় ও উপচয়ের মধ্যে একটা এমন নির্দিষ্ট নিয়ম, নির্দিষ্ট ত্রীক্যা বা ছন্দ বজায় থাকে যে উপচয় ও ক্ষয়ের দোটানার মধ্য দিয়ে জীবনের স্রোতটি তার যথানির্দিষ্ট পদ্ধতিতে ব'য়ে চ'লে যায়। একজন বিখ্যাত প্রাণিতত্ত্ববিদ এ সম্বন্ধে বলেছেন, "In the ordinary chemical changes of the inorganic world, as in the weathering of rocks into soil, one substance changes into another. The same sort of thing goes on in the living body, but the characteristic feature is a balancing of accounts so that the specific activity continues. We lay emphasis on this characteristic, since it seems fundamental—the capacity of continuing in spite of change, of continuing, indeed, through change. An organism was not worthy of the name until it showed, for a short time at least not merely activity but persistent activity. The organism is like a clock inasmuch as it is always



running down and always being wound up ; but unlike a clock, it can wind itself up, if it gets food and rest. The chemical processes are so correlated that up-building makes further down-breaking possible, the pluses balance the minuses ; and the creature lives on. এমনি ক'রে একটি জীবকোষের মধ্যে ক্ষয় ও উপচয়ের মধ্য দিয়ে তার জীবনস্রোত বইতে থাকে। আবার বৃহত্তর প্রাণীর মধ্যে দেখা যায় যে প্রত্যেকটি জীবকোষের জীবন ছাড়া, জীবকোষগুলির পরস্পরের সামঞ্জস্যে আর একটি জীবনস্রোত প্রত্যেকটি জীবকোষের সহিত একটা সুনির্দিষ্ট সামঞ্জস্যে সমগ্র প্রাণীটির জীবনযাত্রা নির্বাহ করতে থাকে। একদিকে যেমন প্রত্যেকটি জীবকোষের একটি স্বতন্ত্র প্রাণ পর্যায় আছে অপরদিকে আবার প্রত্যেকটি জীবকোষের জীবন সমস্ত প্রাণীটির সমগ্র জীবকোষের সহিত অবিচ্ছিন্ন ভাবে সংযুক্ত ; এই সমগ্র থেকে বিচ্যুত হ'লে জীবকোষগুলির স্বতন্ত্র প্রাণপর্যায় রক্ষা পায় না। অনেকগুলি জীবকোষ নিয়ে একটি হাতের জৈবক্রিয়া চলেছে, তার প্রত্যেকটি কোষের স্বতন্ত্র জীবন স্বতন্ত্রভাবে কায করছে, কিন্তু যেই হাতখানি দেহ থেকে ছিন্ন করা যায় সেই দেখা যায় যে হাতের জীবকোষগুলির স্বতন্ত্র জীবন ধ্বংসপ্রাপ্ত হয়েছে। গ্রহণবর্জনের জমাথরচে যেটুকু জমা থাকে সেই শক্তির বলে একটি জীবকোষ যখন আপন শক্তিকে আপনার মধ্যে সঞ্চারণ করতে পারে না, তখন সে আপনা থেকে ক্রমশঃ ক্রমশঃ বিভক্ত হ'য়ে ক্রমে ক্রমে বহু জীবকোষের সৃষ্টি করে তাদের সঙ্গে এমন্ একটি অবিচ্ছেদ্য পারিবারিক সম্পর্কের সৃষ্টি করে যে তদন্তুভুক্ত প্রত্যেকটি জীবকোষের জীবন সেই সমগ্রের জীবনের উপর নির্ভর করে। এবং এমনি ক'রে প্রত্যেকের স্বাভাবিক রক্ষা ক'রেও সমগ্রের অধীন হ'য়ে থাকে এবং সমগ্রের জীবনও জীবকোষগুলির স্বতন্ত্র জীবনের উপর নির্ভর করে। আবার জীবকোষগুলির শুধু সমষ্টিতেই জীবদেহ নির্মাণ হয় না। একটি বিশিষ্ট সঙ্কে বিশিষ্টরূপ পরস্পরায় বিশিষ্টরূপ আদানপ্রদানের কৌশলে, এই সমগ্রদেহের

উৎপত্তি অবস্থান ও বৃদ্ধি। সেই সেই বিশিষ্ট সঙ্কের মধ্য দিয়ে প্রত্যেকটি জীবকোষ পরস্পরের উপর যে প্রভাব বিস্তার করে, সেই প্রভাবের মধ্যেই একদিকে যেমন সমগ্র জীবদেহের প্রাণপর্যায় রক্ষিত হয় অপরদিকে তেমনি সেই প্রভাবকেই অবলম্বন ক'রেই প্রত্যেকটি জীবকোষ বেঁচে রয়েছে। বহুকে মুছে ফেলে এখানে এক দাঁড়ায় নি, এককে মুছেও বহু দাঁড়ায় নাই। এক দিক দিয়ে দেখলে যাকে দেখি এক, অপরদিক দিয়ে দেখলে সেই এককেই দেখি বহু। আমরা সাধারণতঃ জানি যে কোনও কিছু যদি এক হয় তবে সে বহু নয়, যদি বহু হয় তবে সে এক নয় ; তাই দর্শনশাস্ত্রের ক্ষেত্রে যারা বহুর মায়ায় পড়েছেন তাঁরা এককে জগাজলি দিয়েছেন, আর যারা একের মায়ায় পড়েছেন তাঁরা বহুকে মিথ্যা বলেছেন, কেউ বা বলেছেন, বহুঅংশকে নিয়ে এক। কিন্তু প্রাণজগতে এসে আমরা যে লীলা দেখি তাতে দেখি এটা একটা এমন রাজ্য যেখানে কোনও একটি সত্তা বা সঙ্কেই অপর সত্তা বা সঙ্কেকে ছাড়া তার আপন স্বরূপকেই লাভ করতে পারে না। এখানে ক্ষয় ছাড়া বৃদ্ধিকে পাওয়া যায় না ; বৃদ্ধির মধ্যেই ক্ষয়, ক্ষয়ের মধ্যেই বৃদ্ধি। বৃদ্ধির পর ক্ষয় আসে এ আমরা জানি, বা ক্ষয়ের পর বৃদ্ধি আসে এ আমরা জানি। কিন্তু এ যে বৃদ্ধি-ক্ষয়ের যোগপদ্য এবং এমন যোগপদ্য যেখানে ক্ষয়ের মধ্যেই বৃদ্ধি এবং বৃদ্ধির মধ্যেই ক্ষয়। একের সমষ্টিতেও বহু নয়, বহুর সমষ্টিতেও এক নয়, কিন্তু যাকে এক বলি তাই বহু এবং যাকে বহু বলি তাই এক। সাধারণতঃ যুরোপীয় দর্শনশাস্ত্রে যেটাকে organic view বা জৈবদৃষ্টি বলে সেটাতে একের জীবনের মধ্যে বহু এসে কেমন ওতপ্রোতভাবে মিশেছে এই কথাটিই বিশেষ ভাবে জোর দিয়ে দেখান হয়। দর্শনশাস্ত্রে এই জৈবদৃষ্টির প্রধান উদ্দেশ্যই হচ্ছে একের প্রাধান্য দেখাবার জন্তু এবং একের সঙ্গে যে বহুর বিরোধ নেই, বহুকে নিয়েই যে এক আপনাকে সার্থক করছেন এই কথাটি জোর ক'রে দেখাবার জন্তু। সকল সময়েই আমরা এই কথা শুনি থাকি যে ভেদদৃষ্টিতেই হৃৎক, বিচ্ছেদ, ধ্বংস, এবং

শ্রীস্বরেন্দ্রনাথ দাশগুপ্ত

একাদৃষ্টিতেই মঙ্গল ও মুক্তি। কিন্তু এ সমস্ত মতবাদের মধ্যে জৈবদৃষ্টির যথার্থ শিক্ষাটি যে প্রকাশ পেয়েছে আমার মনে হয় না। জৈবদৃষ্টির যথার্থ তত্ত্ব এইখানেই প্রকাশ পায় বলে আমার মনে হয় যে এই দৃষ্টিতে এক ও বহুর চিরপ্রসিদ্ধ ভিন্নতাটি তিরোহিত হয়েছে। যেমন এককে না বোঝা গেলে বহুকে বোঝা যায় না তেমনি বহুকে না বোঝা গেলেও এককে বোঝা যায় না। বহুকে বোঝাও যেমন একপেশে বোঝা, এককে বোঝাও তেমনি একপেশে বোঝা। একের স্বতন্ত্রতায় যে বহুর উৎপত্তি এবং একের স্বতন্ত্রতা যে বহুর স্বতন্ত্রতা ছাড়া হয় না এই যে কার্যকারণবিরোধী সত্য এতে এক এবং বহুর সীমানাকে এমন অনির্বাচ্য ক'রে তুলেছে যে এক বলাও পার্শ্বদৃষ্টি বহু বলাও পার্শ্বদৃষ্টি। বুদ্ধির মধ্যে ক্ষয় ও ক্ষয়ের মধ্যে বুদ্ধি এতে যে ক্রিয়াবিরোধ প্রকাশ পাচ্ছে তাতে দেখা যায় যে বুদ্ধিও পার্শ্বদৃষ্টি ক্ষয়ও পার্শ্বদৃষ্টি। এ পার্শ্বদৃষ্টির সামঞ্জস্য কোথায় সে প্রশ্নের এখানে এখন অবতারণা করা সহজ নয়। সূক্ষ্মভাবে পর্যালোচনা করলে দেখা যায় যে সাধারণ বুদ্ধিতে যে সমস্ত সম্বন্ধকে আমরা এতকাল স্থির মনে ক'রে এসেছি সে সমস্ত সম্বন্ধগুলির একটিও স্থির নয়, একটিও আপনাতে আপনি সম্পূর্ণ নয়। নাগার্কুন থেকে Bradley পর্যন্ত অনেকেই সম্বন্ধগুলির আপেক্ষিকতা স্বীকার করেছেন এবং সম্বন্ধগুলি সমস্তই আপেক্ষিক বলে নাগার্কুন বলেছেন যে সমস্ত বস্তুই নিঃস্বভাব, শ্রীহর্ষ বলেছেন ব্রহ্মভিন্ন সমস্তই অনির্বাচ্য, Bradley বলেছেন যে খ শঃ দেখি বলে সম্বন্ধগুলি আপেক্ষিক এবং পরস্পরবিরোধী, কিন্তু সকল সম্বন্ধকে যদি এক ক'রে ফেলি তবে সেই এক করার মধ্যে তাদের সমস্ত আপেক্ষিকতা নিঃশেষে শেষ হ'য়ে যাবে; জ্ঞান কর্ম, ইচ্ছা সমস্ত একত্র মিশে গিয়ে এই সমগ্রটি যে কি তা বলা যায় না, তা অনির্বাচ্য কিন্তু তাই পরমার্থ সৎ। কিন্তু সম্বন্ধের আপেক্ষিকতায় যে সম্বন্ধগুলি মিথ্যা বলে মনে হয় তার প্রধান কারণ এই যে একটি সম্বন্ধ বুঝতে গেলে আর একটি বুঝতে হয় এবং সেটিকে বুঝতে গেলে আর একটিকে বুঝতে হয়, এমনি ক'রে আমরা অনবরত যতই চলি ততই চলি এবং অনন্তকাল চ'লেও কোনও সম্বন্ধের নির্ণয় হয় না।

একে সংস্কৃতে বলে অপ্ৰামাণিকী অনবস্থা, ইংরেজীতে বলে vicious infinite। আর একটি কারণ হচ্ছে এই যে একটি সম্বন্ধকে বা সত্যকে এক দিক দিয়ে ভয়ত বেশ বোঝা যায় কিন্তু আর এক দিক দিয়ে দেখতে গেলে পূর্বের বোঝার সঙ্গে গোল উপস্থিত হয়, বিরোধ হয়। এবং যেহেতু আত্মবিরোধই মিথ্যা সেই জন্ত এই সম্বন্ধনির্ণয়ও মিথ্যা। ক্রিয়া ব্যাপারের মধ্যে আত্মবিরোধ খণ্ডিত হ'য়ে যায় দেখে Hegel ক্রিয়াব্যাপারের মধ্যেই সত্যের যথার্থরূপ প্রত্যক্ষ করেছেন বলে মনে করেছিলেন। কিন্তু ক্রিয়াব্যাপারটা যে নিজে কি সত্যের উপর দাঁড়িয়ে আছে তা তিনি কোথাও সুস্পষ্ট ক'রে বুঝিয়েছেন বলে মনে পড়ে না। সম্বন্ধগুলিকে পৃথক ক'রে দেখি বলেই ক্রিয়াব্যাপারের মধ্যে তাদের একত্র দেখে তাদের বিরোধ সমাধান করতে চেষ্টা করি, কিন্তু জৈবদৃষ্টির মধ্যে এই কথাটি যেন আমাদের চোখে বেশ পরিষ্কার হ'য়ে আসে যে যে সম্বন্ধগুলিকে আমরা বুদ্ধির মাঝায় পৃথক বলে মনে করি সেগুলি পৃথক নয়, তাদের প্রত্যেকের সত্তা অপরের মধ্যে নিহিত হ'য়ে রয়েছে, তারা একও নয় বহুও নয়। প্রাণপর্যায়ের মধ্যে এই অপূর্ণ সত্তাসমাবেশের চরম সত্যটি পরিষ্কৃত হ'য়ে ওঠে। শুধু ক্ষয় বুদ্ধির মধ্যে নয়, শুধু এক বহুর পরস্পরের সংশ্লেষে নয়, বুদ্ধি, উৎপাদন ও ক্রমবিকাশের লীলায়, পূর্বতনকে ও ভবিষ্যৎকে বর্তমানের মধ্যে সন্ধারণ করার ব্যবহারে সর্বত্রই আমরা যা দেখতে পাই তাতে শুধু এই পুরোণো কথাটি বুঝি না যে সম্বন্ধগুলি পরস্পরসাপেক্ষ, তাতে তার চেয়ে আরও একটা বড় কথা বুঝি সেটা হচ্ছে এই যে, সম্বন্ধগুলি পরস্পরের মধ্যে অপূর্ণ সত্তাসমাবেশে সমাবিষ্ট। যেটা বুদ্ধির চোখে অসম্ভব জৈবজীবনে সেটা মূর্ত হ'য়ে দেখা দিয়েছে। এই জন্ত বুদ্ধির জালে বা জড়জগতের শক্তির ষাতপ্রতিঘাতে জৈবপর্যায়ের বিশেষত্বটুকু ধরা পড়ে না। এই জন্ত জড়-জগতের নিয়মে জড়জগতের সংজ্ঞায় জড়জগতের ধারণার জীবরাজ্যের ব্যাপার বা তথা ধরা পড়ে না। জীবরাজ্য একটি নূতন রাজ্য। জড়জগতের থেকে জীবজগৎ কেমন ক'রে উঠল সে রহস্য এখনও নির্ণীত হয় নি, এবং হবে কি না তাও সন্দেহ। কেউ মনে করেন যে স্বতঃপ্রবাহী প্রাণশক্তির



সঙ্গে জড়শক্তির বিরোধের ভারতমা অল্পসারে বিভিন্ন রকমের জীবপর্যায়ের উদ্ভব হয়েছে, কেউ বা হয়ত মনে করেন যে জড়শক্তিরই একটা নূতন পর্যায়ের আরম্ভেই প্রাণপর্যায়ের আরম্ভ। কিন্তু একজন অতি বিখ্যাত প্রাণিতত্ত্ববিদ বলেছেন যে, শুধু যে জড়ের প্রকার থেকে জীবপর্যায়ের প্রকার ধরা পড়ে না তা নয়, কিন্তু জীবপর্যায়ের মধ্যে যে সমস্ত স্তরে স্তরে প্রকার ভেদ রয়েছে তার কোনও প্রকার থেকে কোনও প্রকার ধরা পড়ে না। কায়েই কোনও পর্যায়ের দ্বারাই কোন পর্যায়ের প্রকার বা স্বভাব নির্ণয় করা যায় না। "There is no possibility of deducing or predicting true nature of the new from that of the old. No amount of reflection on the inorganic world leads to the idea of the organic. As no emergent can be predicted from, explained by, or accounted for by what goes before it in the course of evolution, each emergent has simply to be accepted as a fact and accorded its position in the scheme. A mind cannot be explained by life neither can life be explained by mind."

এমনি ক'রে নূতন ধর্ম নূতন প্রকার নূতন নিয়ম নূতন ব্যবহার নিয়ে জড়জগতের বুকের মধ্য থেকে জড়জগতের সঙ্গে সহযোগে যে প্রাণপর্যায় উৎপন্ন হোল সেটা সঙ্গতোভাবে একটা নূতন রাজ্য। জড়ের নিয়মে এর ব্যাধা করা চলে না। জড়কে আমরা যে চোখে দেখি সে চোখে প্রাণকে দেখতে গেলেই দেখি যে সে চোখে একে দেখা যায় না। জড়ের ভাষা প্রাণের ভাষা নয়। জড়জগতের শক্তিচক্রের স্বাতন্ত্র্যপ্রতিঘাতের যে নিয়ম সে নিয়ম প্রাণজগতে খাটে না। Thomson এই কথাটি তাঁর রকমে বোঝাতে গিয়ে লিখেছেন, "Making no pronouncement whatsoever in regard to the essence of the difference between organisms and things in general, we hold to what we believe to be a fact, that mechanical formulae do not begin to answer the distinctively biological questions.

Bio-chemistry and Bio-physics added together do not give us one biological answer. We need new concepts, such as that of the organism as an historic being, a genuine agent, a concrete individuality, which has traded with time and has enregistered within itself past experiences and experiments and which has its conative how ever bent towards the future. We need new concepts, because there are new facts to describe which we cannot analyse away into simple processes." Thomson এই যে বলেছেন যে জীবনপর্যায়ের ব্যাপার ও প্রকার জড়পর্যায়ের ব্যাপার ও প্রকার থেকে এতই বিভিন্ন যে জীবকে বুঝতে গেলে জৈবিক সংজ্ঞা ছাড়া চলে না। জড়ের সংজ্ঞা দিয়ে জীবের বৈশিষ্ট্যকে আমরা ধরতে পারি না। আমি এইখানে শুধু এইটুকু যোগ দিতে চাই যে জড়রাজ্যের সমস্ত শক্তিকে যদি একশক্তি ব'লে কল্পনা করি তা হ'লে জড়শক্তির যে বিচিত্র রূপ তাকে কিছুতেই আমরা পাই না। সমস্ত শক্তিকে যদি শক্তিমাাত্রের সাদৃশ্বে একশক্তি বলি তবে চিন্তার তাড়না থেকে আমাদের চিত্ত আপাতবিশ্রাম পায় বটে, কিন্তু জড়শক্তির বিচিত্র লীলার ব্যাধা তাতে হয় না। জড়ের রাজ্য একটা স্বতন্ত্র রাজ্য, সে রাজ্যে নানাশক্তি তার নিদিষ্ট স্বাতন্ত্র্যপ্রতিঘাতের লীলায় খেলা করছে; জড়কে নিতে গেলে তাকে তার এই বিচিত্র শক্তিচক্রের মধ্যেই নিতে হবে। জড়কে একশক্তি ব'লে সঙ্কল্প করা চলে না কারণ সে হচ্ছে নানা শক্তিপুঞ্জের পরস্পর সম্বন্ধ লীলারাজ্য।

কেহ কেহ মনে করেন যে জীবপর্যায়ের যে শক্তির খেলা দেখি সাধারণ জড়শক্তির মতন সেও একটা বিশিষ্ট জড়শক্তি (force)। জড়শক্তি যেমন অবস্থাভেদে বৈজ্ঞানিক, চৌম্বক, মাধ্যাকর্ষণিক প্রভৃতি নানারকমের দেখা যায়, তেমনি জীবকোষের মধ্যেও যে শক্তির ব্যাপার দেখা যায় সেও সেই রকমেরই একটি জড়শক্তি। যেমন বৈজ্ঞানিক এবং মাধ্যাকর্ষণিক এই উভয় শক্তিই জড়শক্তি হ'য়েও সম্পূর্ণ বিভিন্ন রকমের জড়শক্তি, তেমনি জৈব ব্যবস্থার মধ্যে

প্রকাশ ব'লে অল্প জড়শক্তির সহিত প্রকারগত বৈলক্ষণ্য থাকলেও জৈবশক্তিও মূলতঃ একপ্রকার জড়শক্তিই। আবার অপরপর অনেকে মনে করেন যে জৈবশক্তি জড়শক্তির রূপান্তর বা নামান্তর নয়; এটি একটি স্বতন্ত্র জাতীয় শক্তি এবং কেবলমাত্র জীবস্তরেই এর প্রকাশ, কোনও জড়শক্তির প্রেরণায় বা জড়শক্তির পরিণামে, পরিবর্তনে বা ঘাত প্রতিঘাতের ফলে ইহার উৎপত্তি নয়। এটি একটি স্বতন্ত্র ব্যক্তিত্বশক্তি। ইহার স্বগত ব্যাপারে ইহা স্বাধীনভাবে আপনাকে প্রকাশ করে। জড়শক্তির সঙ্গে ইহার প্রধান পার্থক্য এই যে, জড়শক্তি আপনাকে দেশাবেচ্ছেদে বা spatial উপায়েই প্রকাশ করে কিন্তু এই বিশিষ্ট জৈবশক্তি দেশাবেচ্ছেদে আপনাকে প্রকাশ করে না। ইহা একটি স্বতঃসিদ্ধ স্বতঃসঞ্চারী জৈবশক্তি। জড়শক্তি যখন দূরস্থিত দুইটি বস্তুকে আকৃষ্ট বা বিকৃষ্ট করে, বা উত্তাপে ও আলোকের স্পন্দাকারে আপনাকে প্রকাশ করে তখন সেই ক্রিয়াবাপারটি একস্থান থেকে অল্পস্থানে সঞ্চারিত হ'তে পারে। রাসায়নিক ব্যাপারে যে পরমাণুর স্থানবিনিময় ঘটে সেটি স্পন্দাঙ্ক এবং স্থানসঞ্চারী। এই দেশাবেচ্ছেদে কেন্দ্র থেকে কেন্দ্রান্তরে স্থান সঞ্চারের মধ্যেই জড়শক্তির প্রকাশ। কিন্তু জৈবশক্তি স্পন্দাঙ্কও নয় স্থানসঞ্চারীও নয়। এ একটি নূতন স্তরের শক্তি, জড়শক্তির ভাষায় একে প্রকাশ করা যায় না; এটি একটি স্বতন্ত্র ব্যক্তিত্ব প্রকাশের শক্তি (autonomous agent)। কাষেই এই শক্তি কোথায় থাকে এ প্রশ্নের জবাব নেই। কারণ এ শক্তি কোনও দেশাবেচ্ছেদে থাকে না, কোনও জায়গায় থাকে না। সেই জন্ত জড়শক্তির বেলায়ই বলা চলে যে, এ শক্তিটি এইখানে আছে, কিন্তু এ শক্তিটি একটি নূতন স্তরের জীবাত্মক শক্তি। ইহা নিজে কোনও দেশাবেচ্ছেদে না থেকেও দেশাবেচ্ছেদে অবস্থিত জড়শক্তিকে ও জড়পরমাণুকে নূতনভাবে সংহত ক'রে গ'ড়ে তুলতে পারে—“It is immaterial and it is not energy; its function is to suspend and to set free in a regulatory manner pre-existing faculties of inorganic interaction.

কিন্তু এইরূপ একট স্বতন্ত্র জৈবশক্তি মানলেই যে জীবপর্ধ্যায়ের রহস্য ধরা প'ড়ে গেল তা মনে করা যায় না। জীবপর্ধ্যায়ে যে লীলাচক্র দেখতে পাই তাকে এক দিক দিয়ে দেখতে গেলে শক্তি বলা যায়, অপর দিক দিয়ে দেখতে গেলে বুদ্ধি বলা যায়, অপর দিক দিয়ে দেখতে গেলে শক্তি ও বুদ্ধির মিলনে ইচ্ছা ব'লে বলা চলে। একটি শরীরের মধ্যে যে অসংখ্য পরস্পরাপেক্ষী ব্যাপার পরস্পরের সামঞ্জস্যে স্রোতের মত ব'য়ে চলেছে, কোথায় নিয়ন্ত্রণ জানি না অথচ নিয়ন্ত্রণের বাধনে, যেন ঠিক জেনে শুনে প্রত্যেকটি শরীর যন্ত্র তার কায ক'রে যাচ্ছে। বৃক্কযন্ত্র (kidney) শরীরের রক্ত থেকে যেটুকু যেটুকু মলভাগ শরীরের অপকারী হবে ঠিক ঠিক সেইটুকুকে কি কোশলে রক্ত থেকে বেছে নিয়ে মূত্র প্রস্তুত ক'রে শরীর যন্ত্রকে শোধন করছে তা ভাবলে বিস্মিত হ'তে হয়। শুধু একটি মূত্র অলৌকিক জৈবশক্তিকে মানলে তার দ্বারা বহুধাবিচিত্র জৈব ব্যাপারকে উপপন্ন করা যায় না। জৈবব্যাপারকে ব্যাখ্যা করতে হ'লে তার বিচিত্র আত্মপ্রকাশকে ব্যাখ্যা করতে হবে, শুধু জড়শক্তির অতিরিক্ত একটি স্বতন্ত্র জৈবশক্তি মানলে তা চলে না। একজন বিখ্যাত জীবতত্ত্ববিদ এই মতের প্রতিবাদ করতে গিয়ে বলেছেন—“In order to guide effectually the excessively complex physical and chemical phenomena occurring in living material, and at many different parts of a complex organism, the vital principle would apparently require to possess a superhuman knowledge of these processes. Yet the vital principle is assumed to act unconsciously. The very nature of this vitalistic assumption is thus totally unintelligible.” আমাদের দেশে প্রাণ শব্দকে যে আলোচনা হয়েছে, তা মোটামুটি তিন প্রকার। চরক প্রাণকে জড়শক্তি ব'লেই ব্যাখ্যা করেছেন। বেদান্ত প্রাণকে জড়শক্তির একটি স্বতন্ত্র বিকার বা পরিণাম ব'লে ব্যাখ্যা করেছেন। সামান্য প্রাণকে মহৎতত্ত্ব থেকে



সমুদ্র ব'লে ধ'রে নিয়ে বুদ্ধিব্যাপারেরই অবাঞ্ছিত ব্যাপার ব'লে মনে করেছেন। এঁদের সকলেরই প্রাণ সম্বন্ধে আলোচনা বর্তমান কালের যুরোপীয়দের আলোচনার তুলনায় অতি অল্প এবং অফুট। ফলে দেখা যায় যে জৈব ব্যাপারের রহস্য কিছুতেই ব্যাখ্যা করা যায় না। এ রহস্য যখন ব্যাখ্যা করা যায় না তখন শুধু একটি জীবশক্তির ঘাড়ে একে চাপিয়ে দেওয়া চলে না। সেইজন্যই আমার বিবেচনায় শুধু একটি জীবশক্তি স্বীকার না ক'রে জীবলোক ব'লে একটি স্বতন্ত্র লোক স্বতন্ত্র রাজ্য স্বীকার করাই উচিত। এ রাজ্যের নিয়মপদ্ধতি ব্যবহার সমস্তই এই রাজ্যেরই বিশিষ্ট এবং স্বতন্ত্র নিয়ম। জড়লোক নানাবিধ শক্তির ঘাতপ্রতিঘাতে আপনাকে চালিত ক'রে চলেছে। এই সমস্ত শক্তিগুলির মধ্যে পরস্পরের সাদৃশ্য থাকলেও এক জড়শক্তির বিচিত্র আত্মপ্রকাশ বোঝা যায় না। অথচ জড়শক্তির এই বিচিত্রতা না বুঝলে জড়শক্তিকেই বোঝা গেল না। বিভিন্ন জড়শক্তির পরস্পর ঘাতপ্রতিঘাত, পরস্পরের বিচিত্র সমাবেশ পরস্পরের বিভিন্ন রূপ, জড়শক্তিকে বুঝতে গেলে এ সমস্তই বোঝা চাই এবং জড়বিজ্ঞানের সাধকগণ অহোরাত্র জড়শক্তির বহুধাবিচিত্র প্রকাশকে বিচিত্ররূপে উপলব্ধি করতে ব্যাপৃত হয়েছেন। জীবলোকও তেমনি একটি শক্তি বা একটি সত্তা নয়, একটি নূতন স্তরের জৈবনিয়ম, জৈবব্যক্তিত্ব, জৈবব্যবহার, জৈবপদ্ধতি, পরস্পরের সহযোগে এবং জড়লোকের শক্তিচক্রের সহযোগে রচিত একটি নূতন লোক। একে শক্তি বলা চলে না কারণ ইহা স্পন্দাত্মক নয় অথচ জড়স্পন্দের নিয়ামক; এর কার্যক্ষমতা দেখে যখন একে শক্তি বলতে যাই, তখন বুদ্ধির সাধর্ম্য দেখে একে বুদ্ধিময় বলতে ইচ্ছা হয়। শুধু যে আমাদের দেশে সাত্ত্বাদর্শন প্রাণকার্যকে বুদ্ধিকার্য বলেছেন তা নয়, যুরোপেরও অনেক মনীষীরা প্রাণব্যাপারকে একটা objective mind এর ব্যাপার ব'লে বর্ণনা করেছেন। কিন্তু একে শুধু বুদ্ধিময় বলা চলে না, কারণ বুদ্ধি অহুসারে এর প্রবৃত্তি রয়েছে, সেই হিসাবে একে ইচ্ছাময় বলতে ইচ্ছা হয় এবং অনেক যুরোপীয়েরা একে blind will ব'লে

ব্যাখ্যা করেছেন, অনেকে বা একে ঈশ্বরের ইচ্ছার গোপন বিকাশ ব'লে মনে করেছেন। এর স্বচ্ছন্দ সৃষ্টির দিক থেকে দেখলে একে সৃজনী শক্তি ব'লে মনে হয় এবং সেই হিসাবে একে Bergson সৃজনাত্মক স্বচ্ছন্দশক্তি ব'লে (creative elan) ব'লে বর্ণনা করেছেন। নানাদিক থেকে এই জীবনলীলাকে নানারূপে সত্য ব'লে মনে হয়, কিন্তু এর কোনও একটিকেই জীবনলীলার পরমার্থ সত্য রূপ ব'লে নির্দেশ করা যায় না, অথচ এর প্রত্যেকটিই জীবনলীলার মধ্যে আত্মপ্রকাশ করছে। প্রত্যেকটি জীবকোষের স্বগতবিকাশে ও পরস্পরের সন্নিধানে পরস্পরের আত্মবিকাশে গ্রহণ বর্জন সন্ধারণের সুনিবদ্ধ সামঞ্জস্য, আপনা থেকে আপনাকে নব নব সৃষ্টিপ্রক্রিয়ায়, নিজেব সক্রপ ও বিরূপ সৃষ্টিতে যে বিচিত্র সম্বন্ধপরস্পর ও সত্তাপরস্পরার পরস্পর সমাবেশ দেখতে পাই তাতে জীবপর্ধ্যায়ের মধ্যে একটি নূতন রাজ্য একটি নূতন লোকেব পরিচয় পাই। এই লোকটি একদিকে যেমন নিজের বিচিত্রতার মধ্যে নিজের লীলাকৌশলে সুসমাময় হ'য়ে রয়েছে, অধোদিকে তেমনি জড়জগতের বিচিত্র নিয়মপরস্পরার সঙ্গে আপনাকে বেঁধে রেখেছে এবং জড়শক্তিকে আপন জৈব উপাদানে ব্যবহার ক'রে আপনার ক'রে তুলেছে। জড়রাজ্যের সঙ্গে জীবরাজ্যের ঘনিষ্ঠ সম্বন্ধ রয়েছে, আদান প্রদান চলছে, তথাপি জীবরাজ্য তার নিয়ম পরস্পরা নিয়ে একেবারে স্বতন্ত্র হ'য়ে রয়েছে। পরস্পরের আদান প্রদান রয়েছে ব'লে পরস্পরের সাদৃশ্যও রয়েছে তথাপি তাদের বৈসাদৃশ্য এত বেশী যে পরস্পর যুক্ত থেকেও দুটিতে একেবারে দুটি বিভিন্ন লোক রচনা ক'রে বিরাজ করছে।

জীবলোকের সহিত ঠিক এই রকমেরই সাম্যবৈষম্য মনোলোক বা বুদ্ধিলোকের সৃষ্টি। অথচ এই বুদ্ধিলোকের নিয়ম, প্রকার, সংগঠন সম্পূর্ণ বিভিন্ন রকমের। জড়লোকে দেখেছি রূপের খেলা, জীবলোকে দেখেছি অভিব্যক্তির খেলা, গ্রহণ বর্জনের মধ্যে আত্মসন্ধারণের লীলা। সে লীলার কোথাও হৈর্ঘ্য নেই, যেটুকু বা হৈর্ঘ্য আছে সেটুকু কেবল চাকলোর সামঞ্জস্য মাত্র। কিন্তু বুদ্ধিলোকে প্রবেশ ক'রে সর্বপ্রথম দেখতে পাই জ্ঞানের

শ্রীমুরেজনাথ দাশগুপ্ত

স্বপ্রকাশতা ও পরপ্রকাশতা। জ্ঞান কি, জ্ঞানের উৎপত্তি-প্রক্রিয়া কি, এ নিয়ে আমাদের দেশে ও যুরোপে বিস্তর আলোচনা হয়েছে। এ আলোচনার মধ্যে যে সমস্তটি সব চেয়ে কঠিন, সেটি হচ্ছে এই যে, জ্ঞান পদার্থটি অতীত সমস্ত পদার্থের চেয়ে এত বেশী বিভিন্ন যে, কোনও জড়বস্তুর সহিত যে এর কি সত্য সম্বন্ধ থাকতে পারে তা কল্পনা করা যায় না। বেদান্ত এবং সাজ্জায়োগ এ উভয়ই জ্ঞানস্বরূপ বা চিৎস্বরূপ পরমার্থসত্যস্বরূপ কুটস্থ নিত্য ব্রহ্ম ও পুরুষ এই পদার্থটিকে সমস্ত জড়পদার্থ থেকে সম্পূর্ণ পৃথক বলে মেনে নিয়েছেন। তাঁহাদের মতে জড়ের দ্বিবিধ অবস্থা, এক অবস্থায় বাহ্য জড়জগৎ, অপর অবস্থায় অন্তঃকরণ (বেদান্ত) বা বুদ্ধি (সাজ্জায়োগ)। বেদান্ত মতে অবিদ্যা অনির্দেয় ভাব পদার্থ; ইহার একরকম বিকারে বা বিক্ষেপে বাহিরের জড়জগৎ, অপরকম বিকারে বা বিক্ষেপে অন্তঃকরণ। অন্তঃকরণ দু'টি অবিদ্যা-সমৃদ্ধ জড়পদার্থ হ'লেও এটি এমন স্বচ্ছ যে এর উপর মূল চিৎপদার্থের প্রতিবিম্ব প'ড়ে অন্তঃকরণের যে কোনও আকারকে উদ্ভাসিত করে তুলতে পারে। অন্তঃকরণ পদার্থটি যখন দার্ঘ্যপ্রভাকারে কোনও বাহ্যবস্তুর উপর পড়ে, তখন অন্তঃকরণটি বৃত্তাকারে সেই বস্তুর উপর প'ড়ে সেই আকার গ্রহণ করে এবং সঙ্গে সঙ্গে বহির্জগতে সেই বস্তুটি উদ্ভাসিত হয়ে ওঠে এবং বৃত্তিদ্বারা সংযুক্ত বলে অন্তঃকরণেও অন্তঃকরণাবাচ্ছন্ন চৈতন্য বা জীবের সেই বস্তুর প্রমাতা বা জ্ঞাতারূপে জ্ঞান জন্মে, এবং বৃত্তিচৈতন্য বা প্রমাণচৈতন্য, জ্ঞানব্যাপার বা cognitive operation রূপে প্রকাশ পায়। অন্তঃকরণ বিষয়ের সহিত সংযুক্ত হ'লে সেই বাহ্যবস্তুর যে রূপ বা পরিমাণ, অন্তঃকরণও ঠিক সেইরূপ আকার প্রাপ্ত হয় এবং চিৎসম্পর্কে সেই আকারটি যে উদ্ভাসিত হয় তা'রই নাম সেই বস্তুর জ্ঞান হওয়া। সাজ্জায়োগ মতেও ঠিক ঐরূপ ভাবেই বুদ্ধি বিষয় সংযুক্ত হয়, এবং বিষয়াকারে আকারিত বুদ্ধি পুরুষের ছায়া সংযুক্ত হ'য়ে চিন্ময়রূপে প্রতিভাত হয়। এ মতে বাহ্যজগতে বিষয়টি প্রকাশিত হয় না কিন্তু বুদ্ধির রূপটি পুরুষের নিকট প্রদর্শিত হয় এবং এই বুদ্ধির রূপটি পুরুষের নিকট প্রদর্শিত

হওয়ায় সেটি জ্ঞান হোল এই বোধ জন্মে। সাজ্জায়োগে বুদ্ধিতে জ্ঞান প্রথম ক্ষণে অক্ষুট বা নিক্রিয়কল্প থাকে এবং পরক্ষণে ক্ষুট হয়। বাচস্পতি বলেন যে, মনের সঙ্কল্প বিকল্প এই দুই বৃত্তিদ্বারা অক্ষুট জ্ঞান ক্ষুটরূপে প্রতিভাত হয়; কিন্তু ভিক্ষু মনের এই ব্যাপার অস্বীকার করেন এবং বুদ্ধি ইন্দ্রিয়প্রণালী দিয়া বস্তুতে পতিত হয় ব'লে বুদ্ধির আত্মপ্রদর্শনের প্রথম ও দ্বিতীয়ক্ষণে নিক্রিয়কল্প ও সক্রিয়কল্প বোধ জন্মে এই কথা বলেন। বুদ্ধি যে ইন্দ্রিয়-প্রণালী দিয়ে বস্তুতে সংক্রান্ত হয় এ বিষয়ে বাচস্পতি ও ভিক্ষুতে ঐকমত্য আছে; কিন্তু বস্তুপ্রত্যক্ষে মনের যে সঙ্কল্প (synthesis) বিকল্প (abstraction) বৃত্তির কথা বাচস্পতি উল্লেখ করেছেন, ভিক্ষু তা অস্বীকার করেন। যদি বুদ্ধি নিজেই ইন্দ্রিয়প্রণালীদ্বারা বস্তুতে সংক্রান্ত হয় ব'লে মানা যায়, তবে মনের স্বতন্ত্র ব্যাপার মানবার কোনও আবশ্যিকতা আছে ব'লে মনে করা যায় না। এমন কি ক্ষণ ভেদে নিক্রিয়কল্প সক্রিয়কল্প ভেদেরও প্রয়োজন দেখা যায় না।

এই দুই মতেই বাহ্যজগতের রূপ অবিকৃতভাবে বুদ্ধিতে গৃহীত হয় এবং চিত্তের সম্পর্কে, ভিতরে বাহিরে উভয়ে চিৎ প্রকাশিত হয়। কিন্তু এই দুই মত সম্বন্ধেই একটা প্রবল আপত্তি এই যে, এই দুই মতেই জ্ঞান জিনিষটাকে শুধু যেন বস্তুর ছবি তোলার মতন ক'রে দেখান হয়েছে। জ্ঞান জিনিষটা যদি শুধু ছবি তোলার মতনই একটা যান্ত্রিক ব্যাপার হোত তবে সত্ত্বোজাত শিশুর বস্তুজ্ঞান ও পরিণত-বয়স্ক পণ্ডিতের বস্তুজ্ঞান দুইই এক হোত। কিন্তু তা ত নয়। এই প্রসঙ্গে পূর্বে গোড়ায় যে আলোচনার অবতারণা করা গিয়েছিল সেই কথায় ফিরে যাওয়া যেতে পারে। বাহ্যজগতের রূপ যে অন্তর্জগতে বর্ণরূপে ফুটে ওঠে, সেই অক্ষুট ফুটে ওঠা থেকে জ্ঞানরাজ্যের আয়ত্ত। বাহ্যজগতের আলোক কম্পন জৈবজগতের নাড়ীরাজ্যে এসে নাড়ীর বিশেষ কম্পন এবং বিচিত্র জৈবপরিবর্তন ও জৈবপরিষ্ফুরণে পরিণত হয়। সে পরিবর্তন জড়রাজ্যের আলোককম্পনের থেকে সম্পূর্ণ স্বতন্ত্র। কিন্তু তা যতই স্বতন্ত্র হোক তা কোনওরূপ জ্ঞানস্বরূপ নয়। আলোককম্পনের অমুবর্তী



জৈবব্যাপারটি যখন কোনও অব্যক্ত বর্ণবোধ রূপে কুটে ওঠে, তখন সেই ফোটাটি যতই অব্যক্ত হোক সেটা একটা স্বতন্ত্র রাজ্যের স্ফুর্তি বা প্রকাশ। কিন্তু যেমন জৈবজগতের প্রথম প্রাণক্রিয়া অক্ষুট অথচ ক্রমশঃ উচ্চতর প্রাণিশরীরে সেই প্রাণক্রিয়ার বহুধা বিচিত্র জটিল লীলাপ্রকাশ দেখা যায়, তেমনি সত্ত্বোজাত শিশুর অব্যক্ত অক্ষুট শব্দ স্পর্শ রূপ রসাদির বোধ বিচিত্র জ্ঞানব্যাপারে পরিণত হয়। বাহিরের আলোককম্পনের রূপটি যখন অক্ষুট বর্ণবোধ রূপে পরিণত হয় তখন সে রূপটিকে লালও বলা যায় না, নীলও বলা যায় না। এ সম্বন্ধে বৌদ্ধ, ত্রায়বৈশেষিক ও মীমাংসার অনেকটা অল্প বিস্তর ঐকমত্য দেখা যায়। ধর্ম্মকীর্তির প্রত্যক্ষ লক্ষণের ব্যাখ্যাবসরে শুধু ইন্দ্রিয়দ্বারা যেটুকু পাওয়া যায় সেইটুকুকে ধর্ম্মোত্তর স্বলক্ষণ ব'লে বর্ণনা করেছেন। স্বলক্ষণ কথাটি সোজা কথায় বলতে গেলে এই বোঝায় যে, সেটা একটা বিন্দু বটে, কিন্তু সে বিন্দুটা কি তা বলা যায় না। কারণ তার কোনও পরিচয় নাই। পরিচয় হ'তে গেলেই পূর্ব দৃষ্টের সহিত এক করা চাই। এক করা ব্যাপারটি চক্ষুরিন্দ্রিয়দ্বারা হয় না, কারণ পূর্বদৃষ্টটি বর্তমানে চোখের সামনে উপস্থিত নাই। পূর্বদৃষ্টাপরদৃষ্টং চার্থমেকীকুর্বদ্ বিজ্ঞানম্ অসন্নিহিতবিষয়ম্। পূর্বদৃষ্টশ্চ অসংনিহিতবিষয়ত্বাৎ। অসন্নিহিতবিষয়ং চার্থনিরপেক্ষম্...ইন্দ্রিয়বিজ্ঞানং তু সন্নিহিতমাত্রগ্রাহিত্বাদর্থসাপেক্ষম্। ইন্দ্রিয়দ্বারা যেটুকু পাওয়া যায় সেটুকু একটা কিছু বটে, কিন্তু কি তা বলবার উপায় নাই। এই কিছু যা ইন্দ্রিয়দ্বারা পাওয়া গেল তাকে যে পূর্বদৃষ্টের সঙ্গে পরিচয় ক'রে দেওয়া ও ত'র যে একটা লাল বা নীল নাম দেওয়া এটা প্রত্যক্ষ দৃষ্ট নয়, এটা কল্পনার খেলা। এই কল্পনাটা যে কোথা থেকে আসে, কেমন ক'রে কখন তাকে যথাযোগ্যভাবে নিবেশ করে, সে বিষয়ে ধর্ম্মোত্তর একরূপ নিরুত্তর। ত্রায়বৈশেষিকেও নির্বিকল্প, সবিকল্প এই দ্বিবিধ জ্ঞান মানা হয়েছে। কিন্তু নৈয়ায়িকেরা বলেন যে, বস্তুর প্রত্যক্ষের সঙ্গে সঙ্গে তার জাতি ও গুণ প্রভৃতিরও প্রত্যক্ষ হয়, কিন্তু সবিকল্প দশায় নাম সংযুক্ত হয় ব'লে নির্বিকল্প দশায় ঐ বোধটিই নামসংযোগে স্ফুটতর হয়।

আমি যখন একটি কমলা দেখি আমার চক্ষু ইন্দ্রিয় এবং স্পর্শেঞ্জিয় যে তখন কেবলমাত্র কমলাটির রূপ ও সেই বিশিষ্ট কাঠিগের সহিত সংযুক্ত থাকে তা নয়, কিন্তু সেই রূপ ও কাঠিগ যে রূপ ও কাঠিগজাতির সহিত সমবায় সম্বন্ধে সংযুক্ত এবং যে বস্তুটিতে ঐ রূপ ও কাঠিগ গুণদ্বয় আশ্রয় করিয়া আছে তাহাদের সহিতও সংযুক্ত হয়। প্রথম অবস্থায় এই ইন্দ্রিয়সংস্পর্শে একটা মূঢ় আলোচন জ্ঞান হয়, এবং তাহার ফলে পূর্বামুভূত স্বাদও তাহার সুখসাধনত্বের স্মরণ হয় এবং তাহার ফলে ঐ ফলটিকে সুখকর ব'লে বোধ জন্মে। কিন্তু এই মনের ব্যাপার থাকা সত্ত্বেও এই ব্যাপারটিকে এই কারণে প্রত্যক্ষ বলা যায় যে, যদিও স্মরণকে এ স্থানে সহকারী বলা যায় তথাপি যেহেতু এ ব্যাপারটি ইন্দ্রিয়স্পর্শ থেকে উৎপন্ন এবং যেহেতু ইন্দ্রিয়স্পর্শকে অবলম্বন ক'রে এটি গ'ড়ে উঠেছে, সেহেতু জ্ঞান এ'কে প্রত্যক্ষই বলা উচিত। “স্বখাদি মনসা বুদ্ধা কপিথাদি চ চক্ষুশা। তশ্চ কারণতা তত্র মনসৈবাবগম্যতে ॥” (ত্রায়মঞ্জরী, পৃষ্ঠা ৬৯)। বাচস্পতি তাৎপর্যাটীকায় ত্রায়মত ব্যাখ্যাবসরে বলেন যে, প্রাথমিক নির্বিকল্পদশায় রূপ, পরিমাণ, জাত্যাদি সমস্তই পাওয়া যায় কিন্তু তথাপি তখন নাম সংযুক্ত হয় না বলিয়া “এইটি একটি কমলা” এরকম বোধ হয় না।

এই অবিকল্প অবস্থায় সেই সেই রূপাদি বাক্তি ও রূপসমবেত জাতি এই উভয়েরই জ্ঞান হ'লেও সেই সেই রূপাদির সহিত জাত্যাদির সহিত সেই সেই বিশিষ্ট সম্বন্ধে জ্ঞান হয় না। আলোচিত পদার্থটির মধ্যে সামান্য বিশেষ প্রভৃতি যা কিছু আছে সমস্তই পিণ্ডাকারে গৃহীত হ'লেও সেই সেই বিশিষ্ট সম্বন্ধে সেগুলিকে জানা যায় না। (জাত্যাদিস্বরূপগাহি ন তু জাত্যাদীনাম্ মিথো বিশেষণবিশেষ্যাবগাহীতি যাবৎ তাৎপর্যাটীকা পৃষ্ঠা ৮২) ত্রায়কন্দলীতে শ্রীধরও বৈশেষিক মতের প্রত্যক্ষ বিচার প্রসঙ্গে এই মতেরই পোষকতায় বলেছেন যে, নির্বিকল্পদশায় সামান্য (universal) এবং বিশেষ (particular) বা স্বগতভিন্নতা এ উভয়ই পরিলক্ষিত হ'লেও তৎকালে অণু বস্তুর স্মরণ হয় না ব'লে অপেক্ষামূলক তুলনায় যে ভেদ

শ্রীমুরেরুনাথ দাশগুপ্ত

একটুকু প্রকাশ পায় সেইরূপভাবে সামান্যবিশেষের জ্ঞান হয় না (সামান্য বিশেষ উভয়মপি গৃহীতি যদি পরামদং সামান্যম্ অয়ং বিশেষঃ ইতোবাং বিবিচ্যা ন প্রতোতি বস্তুরাহুসন্ধানবিরহাৎ পিণ্ডান্তরানুবৃত্তিগ্রহণাদ্ধি সামান্যং বাবচাতে বাবৃত্তিগ্রহণাদ্ বিশেষায়মিতি বিবেকঃ—শ্রীমুর-কন্দলী পৃষ্ঠা ১৮৯)। এই বিষয়ে বাচস্পতি ও শ্রীধরের মতের প্রধান ভেদ এই যে, শ্রীধর যে তুলনার কথা তুলে বলেছিলেন যে অন্তবস্তুর কথা স্মরণ হ'লে তবে তাহার চিত্ত সমতায় সামান্য বোধ এবং পৃথকতার ভেদ বুদ্ধি হওয়া, বাচস্পতি তা না তুলে নামসংযোগের ফলেই অবিকল্পদশায় বিশিষ্ট বুদ্ধি জন্মে এই কথাই মাত্র বলেছেন। শ্রীমুরেরুনাথ নবান্নৈয়ায়িকেরা বলেন যে, নির্বিকল্প দশায় কেবলমাত্র বিশেষণের বা গুণাদির জ্ঞান জন্ম, কিন্তু যখন অবস্থায় যে বিশেষ্যকে আশ্রয় ক'রে ঐ গুণগুলি রয়েছে তার জ্ঞান হয় না। যদিও এই নির্বিকল্প জ্ঞান আমরা প্রত্যক্ষ করতে পারি না তথাপি আমাদের বিশিষ্ট প্রত্যক্ষের কারণস্বরূপ এইরূপ নির্বিকল্প প্রত্যক্ষ না মানলে চলবে না (বিশিষ্টবৈশিষ্ট্যজ্ঞানম্ প্রতি হি বিশেষণতাবচ্ছেদব পকারম্ জ্ঞানম্ কারণম্—তত্ত্বচিন্তামণি পৃষ্ঠা ৮১২)। এই জাতীয়াদিযোজনারহিত বৈশিষ্ট্যানবগাহী নিস্পকারক জ্ঞান আমাদের ইন্দ্রিয়ব্যাপারে প্রত্যক্ষ না হ'লেও, এই নির্বিকল্প জ্ঞানকে আমাদের সবিকল্প জ্ঞানের কারণ ব'লে মানতে হয়। কুমারিল ও প্রভাকরও বলেন যে, নির্বিকল্প দশায় সামান্য ও বিশেষ লক্ষিত হ'লেও ঐ অবস্থায় অন্ত বস্তুর স্মরণ হয় না ব'লে ঐ সামান্যবিশেষের বোধ “এটি একটি কমলা লেবু” এই বিশিষ্ট বোধরূপে প্রকাশ পায় না। এ সম্বন্ধে যুরোপীয় দার্শনিকদের মতের বিস্তৃত উল্লেখ এই ক্ষুদ্র বক্তৃতায় করা সম্ভব নয়। তবে এ সম্বন্ধে কেবলমাত্র কাণ্টের উল্লেখ ক'রে বলতে পারি যে, বৌদ্ধেরাও নির্বিকল্প দশায় কোনও একটা স্বলক্ষণ কিছু দেখা যায় ব'লে মেনেছিলেন, কাণ্ট তাও মানেন না। কাণ্ট বলেন যে, ইন্দ্রিয়পথে বর্হিজগৎ থেকে কিছু একটা আসে কিংসেটা যে কি তা আমরা জানি না। সেই অজ্ঞাত ইন্দ্রিয়জসামগ্রীকে অবলম্বন ক'রে ইন্দ্রিয়বিকল্প তা'র উপর

দিক্‌কালের সৃষ্টি ক'রে তাকে দিক্‌কালে বিশেষিত ক'রে তোলে, এবং তৎপরে মনোবিকল্পে নামজাত্যাতি নানা বিকল্পে বিকল্পিত ক'রে “এটি লাল” “এটি এই বস্তু” ইত্যাদি বিশিষ্ট প্রত্যাক্ষরূপে প্রকাশ করে ও সেগুলিকে সম্বন্ধরূপে বাক্যাকারনির্দিষ্ট বোধে (judgments) পরিণত করে।

এ বিষয়ে আর বহু মত উল্লেখের প্রয়োজন নাই। যতটুকু বলা হয়েছে তাতে এটুকু দেখা যায় যে, আমাদের দেখার মধ্যেও ভাবার অংশ প্রচুর পরিমাণে রয়েছে। অক্ষুট বর্ণবোধটি লাল বা নীল ব'লে পরিচিত হওয়ার পূর্বে তার মধ্যে অনেকখানি পরিমাণে মনোরাজ্যের কাজ চলেছে। বৌদ্ধেরা এই মনোরাজ্যের স্বতন্ত্র ব্যাপারকে বিকল্প ব'লে বর্ণনা করেছেন। কিন্তু এ বিকল্প যে কত রকমের এবং তাদের পরস্পরের মধ্যে সম্পর্ক কি, তারা কেমন ক'রে ইন্দ্রিয়লব্ধ স্বলক্ষণ সামগ্রীকে পরিবর্তিত করে, সে সম্বন্ধে তাঁরা কিছুই বলেন নাই। কাণ্ট এই বিকল্পের নানাবিধ বৃত্তির বিস্তৃত বিশ্লেষণ করেছেন, কিন্তু এ বিকল্পগুলির মধ্যে কোনও মূলগত ঐক্যের সন্ধান দিতে পারেন নাই। মনের মধ্যে সকলেরই যদি এই বিকল্পবৃত্তিগুলি সমানভাবে কাজ করতে থাকে তবে সজ্ঞাজাত ও বুদ্ধের, মূর্খ ও পণ্ডিতের জ্ঞানবৈষম্য কেন হয় এ প্রশ্নেরও তিনি কোনও উত্তর দিতে পারেন নি। জড়জগৎ হ'তে উপলব্ধ অজ্ঞাত ইন্দ্রিয়-সামগ্রীর উপর কি উপায়ে এই বিকল্পবৃত্তিগুলি প্রভাব বিস্তার করতে পারে সে সম্বন্ধেও তিনি কিছু বলেন নি। যদি সমস্ত সম্বন্ধই এই বিকল্পের অন্তর্ভুক্ত হয় তবে বহির্লব্ধ ইন্দ্রিয় সামগ্রীর কোনও ভেদ থাকে না, এবং সেগুলি দিক্‌কাল প্রভৃতি কোনও উপাধি বা বিশেষণে বিশেষিত না হ'য়ে বিভিন্ন বিকল্প বৃত্তিদ্বারা কি উপায়ে নানাভাবে বিচিত্রিত হ'তে পারে সে প্রশ্নেরও কোনও সমাধান হয় না। আর একটা বড় কথা হচ্ছে এই যে, কি স্থায়বৈশেষিক, কি বৌদ্ধ, কি মীমাংসক, কি কাণ্ট সকলকেই স্মৃতিশক্তিকে মেনেই নিতে হয়েছে; কিন্তু স্মৃতিটা যে কি ব্যাপার কেহই সে প্রশ্ন পর্যাস্ত করেন নাই। অথচ মনোরাজ্যের অধিকাংশ গূঢ় ব্যাপারই এই অতীত স্মৃতির সহিত বর্ত-



মানের আহত জ্ঞানসামগ্রীর সহিত সম্বন্ধস্থাপনের উপর নির্ভর করছে। ত্রায়বৈশেষিক বলেন যে, সামান্য ও বিশেষ এ উভয়ই চক্ষুরিন্দ্রিয় দ্বারা বহির্জগতেই দৃষ্ট হয়; কিন্তু তাই যদি হয়, তবে সেগুলির বোধের জগৎ স্মৃতির এমন আবশ্যিকতা কেন মানি, সেগুলির যদি বোধই না হয় তবে সেগুলিকে অবলম্বন করে স্মৃতিশক্তিদ্বারা পূর্ক-দৃষ্ট বস্তুগুলিকে মানসপটে উপস্থাপিত করিয়া তুলনা প্রতিই বা কি করে সম্ভব। যেগুলি জানা আছে সেইগুলির মধ্যেই তুলনা সম্ভব। কিন্তু কতকগুলি জানা কতকগুলি না জানা, এদের মধ্যে কি করে তুলনা হতে পারে। তা ছাড়া কি ভারতীয় কি যুরোপীয় দর্শনশাস্ত্র এ'র কোনও বিভাগেই জ্ঞানের সহিত জ্ঞান বিভিন্ন থাকিয়াও কেমন করে সংশ্লিষ্ট হয়, কেমন করে পূর্কাহত জ্ঞানসঞ্চয় পরকালের আহত জ্ঞানের প্রকার ও তাৎপর্যকে বিশেষিত ও পরিবর্তিত করতে পারে তার কোনও কথাই বলেন নি। ত্রায়বৈশেষিক বলেন যে, কতকগুলি জ্ঞানসামগ্রীর সন্নিবেশে ও সংঘটনে আত্মার জ্ঞান উৎপন্ন হয়, এবং এইরূপে নূতন নূতন সামগ্রীর সন্নিবেশে আত্মায় নূতন নূতন জ্ঞান উৎপন্ন হয়। এই কথা যদি সত্য হয় তবে এই যে একটি জ্ঞান বিনষ্ট হয় এবং অপর আর একটি উৎপন্ন হয় এদের মধ্যে কি করে সম্পর্ক স্থাপিত হয়, স্মরণই বা কি করে সম্ভব হয়। এর উত্তরে হয়ত এ কথা বলা যায় যে, নূতন জ্ঞান যখন উৎপন্ন তখন পূর্কজ্ঞানটি সংস্কার-রূপে আত্মায় থাকে এবং পুনরায় সাদৃশ্য বোধে উদ্ভূত হয়। কিন্তু জ্ঞানটি সংস্কারে পরিণত হয় এবং সংস্কার থেকে পুনরায় জ্ঞান হয় এ কথার অর্থ কি, কোনও দার্শনিকই এ প্রশ্নের বিচার করেন নি। সংস্কারাবস্থায় স্থিত অনুদ্ভূত জ্ঞানের সহিত নির্বিকল্পিত মূঢ় জ্ঞানসামগ্রীরই বা কিরূপে সাদৃশ্য বোধ হয় এবং সেই সাদৃশ্যবোধই বা কার হয় এবং কিরূপেই বা এই সাদৃশ্যবোধ থেকে স্মরণ হয়, এসমস্ত প্রশ্নেরই আজ পর্যন্ত কোনও তথ্য নির্ধারণ করা হয় নাই। এই সম্বন্ধে আমাদের দেশে যা কিছু আলোচনা হয়েছে তার মধ্যে যোগশাস্ত্রের আলোচনাটিই অপেক্ষাকৃত গভীর। যোগশাস্ত্রের মতে জ্ঞানের প্রকারটি বুদ্ধিরই একটি প্রকারভেদ

মাত্র। চিদাভাসের দ্বারা এই বুদ্ধির প্রকার ভেদটি জ্ঞান-কারে প্রতিভাত হয় এবং বুদ্ধির অণু আর একটি প্রকার উত্থাপিত হলে বুদ্ধির পূর্ক প্রকারটি তা'র নিজের মধ্যে তিরোহিত হয়। এই তিরোহিত প্রকারটির নাম সংস্কার। বুদ্ধির মধ্যে যে এই সংস্কারের সঞ্চয় হয় এই দিক দিয়ে দেখতে গেলে বুদ্ধিকে চিত্ত বলে। অনাদি জন্মপরম্পরাসঞ্চিত সংস্কার গুলি এই ভাবে চিত্তের মধ্যে সঞ্চিত হয়। বুদ্ধির কোনও তিরোহিত প্রকার বা সংস্কারটি যখন উদ্ভূত হয়ে বুদ্ধিতে প্রকট হয়ে উঠে তখনই তাকে স্মৃতি বলে। এই ভাবে জ্ঞান থেকে সংস্কার এবং সংস্কার থেকে স্মৃতি এবং স্মৃতি থেকে পুনরায় সংস্কার এইরূপ পরম্পরা সন্দেহাট চলেছে। এবং এই জগৎ বুদ্ধিরূপে যা কিছু প্রকাশ পেতে পারে তা সংস্কার দ্বারা অনেকটা পরিমাণে নিয়ন্ত্রিত হয় এবং অপর দিকে বুদ্ধিরূপে যা প্রকাশ পায় তা' নূতন সংস্কারকে উৎপন্ন করে পূর্ক সংস্কারকে পরিবর্তিত করতে পারে। কিন্তু এই ব্যাখ্যার একটা প্রধান দোষ এই যে, এই মতটিতে বুদ্ধিকে একেবারে জড়বস্তুর ত্রায় ব্যবহার করা হয়েছে এবং সেইজগৎ এই মতের ব্যাখ্যাটি অনেক পরিমাণে বর্তমান কালের মানসিক ব্যাপারের যে সমস্ত physiological এবং mechanical explanation দেখিতে পাওয়া যায় এ গুলিও অনেকটা সেই রকমের। এ মতে সমস্ত মানসিক ব্যাপারটাই একটা জড়ব্যাপার, কেবলমাত্র বুদ্ধির কোনও একটি বিশেষরূপ যখন পূর্কবের চিদাভাসযুক্ত হয় তখন সেই রূপটি চেতন হয়ে ওঠে। কিন্তু মানুষের চিত্ত যদি অনাদি জন্মপরম্পরাসঞ্চিত সংস্কারে পূর্ণ হয়েই থাকে তবে শিশু ও পরিণতবয়স্কের মধ্যে পার্থক্য কেন দেখা যায়? Physiological ব্যাখ্যার মধ্যে না গিয়েও আজকাল ফ্রয়েড শিষ্যেরা sub-conscious mind এর নানা layerএ পূর্কায়ুক্ত বিষয় অভিলাষ প্রীতি অপ্রীতি প্রভৃতি সংস্কাররূপে সঞ্চিত হয় এ কথা জোর গলায় বলতে আরম্ভ করেছেন, কিন্তু mind জিনিষটি কি একথার ধার দিয়েও তাঁরা যান না, অথচ তাঁরা mindকে জড় বলেও স্বীকার করেন না। Mind যদি জড়ই না হয় তবে তার layer বা পর্দা থাকা কিরূপে সম্ভব হয় এবং

শ্রীসুরেন্দ্রনাথ দাশগুপ্ত

পর্দায় পর্দায় পূর্বানুভূত বিষয় সঞ্চিতই বা কিরূপে হয়। যদি যোগের মত অবলম্বন ক'রে বুদ্ধিকে একান্তই জড় বলে স্বীকার করি তবে হয়ত বুদ্ধির পর্দায় পর্দায় সংস্কার সঞ্চিত হয় একথা বেশ চলতে পারে; কিন্তু তা হ'লে বিভিন্ন সংস্কারগুলি ও বুদ্ধির চিদাভাসসম্পন্ন জ্ঞানরূপটি ইহারা প্রত্যেকে পরস্পর দৈশিক বিচ্ছেদে বিচ্ছিন্ন। এই ভাবে দৈশিক বিচ্ছেদ মানতে গেলে কোনও জ্ঞানের মধোই কোনও সংস্কারকে পাওয়ার উপায় নেই এবং সেই জন্ত কোনও জ্ঞানের মধোই পূর্বানুভূত বিষয়ের প্রভাব থাকা উচিত নয়; অথচ আমরা প্রতি পদেই দেখতে পাই যে, আমাদের বয়োবুদ্ধির সঙ্গে সঙ্গে এবং অনুভূত বিষয়ের বৈচিত্র্য অনুসারে আমাদের প্রত্যেকটি জ্ঞানের যে শুধু একটি প্রকারের বৈশিষ্ট্য ঘটে তা নয়, প্রত্যেকটি জ্ঞানের সঙ্গে সেই জ্ঞানকে ছাড়িয়ে তার নানামুখী তাৎপর্য (যাকে ইংরেজী পরিভাষায় meaning বলা যায়) হীরকের প্রভার গ্রায় তার চারিদিকে ওতপ্রোতভাবে জড়িত রয়েছে; এই তাৎপর্য ছাড়া শুধু জ্ঞান মুক; এই তাৎপর্যের বিশেষত্ব এই যে, এতে আমাদের প্রত্যেকটি জ্ঞান সমস্ত পূর্বানুভূত বোধ শরীরের মধো ঠিক কি ভাবে গ্রথিত হচ্ছে সেইটি ইঙ্গিত ক'রে সূচনা করে। একজন উদ্ভিদে একটি গাছকে, কি একজন চিত্রী একটি চিত্রকে যে ভাবে দেখে সে দেখা একজন সাধারণ লোকের দেখা থেকে সম্পূর্ণ পৃথক্। উদ্ভিদে বা চিত্রীর যে উদ্ভিদ বা চিত্র দেখে নানাকথা মনে পড়ে সেই জন্ত যে তার দেখার সঙ্গে অত্রের দেখার তফাৎ তা নয়, কিন্তু দেখার সঙ্গে সঙ্গে অনেক কথা স্পষ্ট ভাবে স্মরণ না হ'য়েও তাদের যে কোনও দেখাটিই তার সমস্ত জীবনব্যাপী দেখা ও জানার ইতিহাসের সঙ্গে এমন ভাবে জড়িত এবং সেই জড়ানর জন্ত এমন একটি বিশিষ্টভাবে বিশেষিত ও এমন কতকগুলি বিশেষ বিশেষ সঙ্কেত, ইঙ্গিত বা তাৎপর্যের দ্বারা উদ্ভাসিত যে, সেই দেখাটির মধো সমস্ত জীবনের দেখা জানার ইতিহাসের একটি বিশেষ রকমের ছোপ্ লেগে থাকে। এই যে প্রত্যেক দেখার সঙ্গে আমাদের প্রত্যেকের জীবনের দেখা জানার ইতিহাসের একটা মণি-বিচ্ছুরণ, একটা তাৎপর্য-

ইঙ্গিত অনুযুক্ত থাকে এটাকে স্মরণ বলা চলে না, সংস্কার বলা চলে না, অথচ এইটির দ্বারা সেই দেখাটির ষথার্থ বিশিষ্টতা-টুকু প্রকাশ পায়। মনোরাজ্যের ব্যাপার এত জটিল এত বিস্তৃত যে, তার একটা মোটামুটি রকমের বিশ্লেষণ করতে গেলেও একটা বিরাট গ্রন্থ লেখবার আবশ্যক, এতটুকু ক্ষুদ্র প্রবন্ধে কখনও সে কায করা চলে না। কিন্তু একটু চিন্তা করলেই দেখা যায় যে, জীবরাজ্যের ব্যাপারের চেয়েও মনোরাজ্যের ব্যাপার আরও জটিল, আরও অনেক বিচিত্র, আরও গূঢ় ও দুস্পবেশ। Psychology ও Epistemology এই দুই দিক দিয়ে মনোরাজ্যের ব্যাপার গুলি বুঝবার জন্ত যথেষ্ট চেষ্টা চলেছে, কিন্তু আজ পর্যন্ত Mind জিনিষটা যে কি তা আমরা একরকম কিছুই জানিনা এবং মনোরাজ্যের ব্যাপারগুলির যতটুকু আমাদের কাছে ধরা পড়েছে তার অনেক বেশী গুণ জিনিষ আমাদের অজ্ঞাত রয়েছে। একটুখানি অক্ষুট ইন্ডিয়ামগ্রী থেকে একটু অক্ষুট বর্ণবোধ স্পর্শবোধ বা শব্দবোধ; এবং সেই থেকেই মনোরাজ্যের ব্যাপারের আরম্ভ; আর তারপর বরাবর এর নিগূঢ় রহস্যের বিচিত্র লীলাময় ব্যাপার। মানসিক ব্যাপারগুলি শারীরিক ব্যাপার থেকে সম্পূর্ণ স্বতন্ত্র ব'লেই আমরা অনুভব করি এবং এই স্বাভাবিক ও পৃথক্ এত বহুল পরিমাণে সর্বজন-স্বীকৃত ও মনোবিজ্ঞান শাস্ত্রে (Psychology) সূত্রীত যে, কোনও মানস ব্যাপারের ব্যাখ্যা করতে গেলে শারীরিক প্রক্রিয়া দিয়ে তার ব্যাখ্যা করা চলে না। হয়ত প্রত্যেক মানস ব্যাপারের অন্তরালে আমাদের মস্তিষ্কের মস্তলুঙ্গের মধো তদনুপাতী নাড়ীপদার্থের মধো নানারূপ আশ্লেষ বিশ্লেষের কাজ চলেছে, কিন্তু তাই ব'লে আমাদের কোনও দার্শনিক চিন্তা বা অত্ববিধ তত্বচিন্তা ব্যাখ্যা করতে গিয়ে যদি কেউ বলে যে ঐ চিন্তাটির মূল্য আর কিছুই নয়, এ কেবলমাত্র মস্তিষ্কের কোনও অংশের মস্তলুঙ্গ পদার্থের অর্ধ আউলের স্বেদ স্থান স্মরণ বা আশ্লেষণ বিশ্লেষণ মাত্র, তবে সে ব্যাখ্যাটি কি নিতান্তই বাতুলের মত হবে না। প্রত্যেক চিন্তার সঙ্গে সঙ্গেই হয়ত মস্তলিঙ্গ পদার্থের কোনও না কোনও পরিবর্তন ঘটে, কিন্তু সে পরিবর্তন সম্পূর্ণরূপেই জৈব পরিবর্তন; সে পরিবর্তনে শুধু এইটুকুমাত্র বুঝা যায় যে জৈব



ব্যাপারের সঙ্গে মনোব্যাপারের একটা অত্যন্ত নিবিড় ও ঘনিষ্ঠ সম্বন্ধ আছে, কিন্তু সে সম্বন্ধ যতই ঘনিষ্ঠ হ'ক্ তাতে কখনই মনোব্যাপারের স্বরূপকে বা পদ্ধতিকে কোনও রূপে স্পষ্টতরভাবে ব্যাখ্যা বা প্রকাশ করতে পারে না। যেমন জৈবব্যাপারের পিছনে সন্দেহই নানারকম মতব্যাপার কাজ করছে, এবং এক হিসাবে যদিও জৈবশক্তিকে জড়-শক্তিরই বিকার ব'লে মনে করা যেতে পারে, কিন্তু তথাপি জৈব ব্যাপার জড়ব্যাপার থেকে সম্পূর্ণ পৃথক্, তেমনি মনোব্যাপার ও জৈবব্যাপারের সহিত ওতপ্রোত ভাবে জড়িত থাকলেও জৈব ব্যাপার থেকে সম্পূর্ণ পৃথক্ এবং জৈব ব্যাপারে কোনও ব্যাখ্যাতেই মনোব্যাপারের কোনও ব্যাখ্যা হয় না। কারণ এ দুটি রাজ্যের ব্যাপার পরস্পর এতই পৃথক্ যে জৈব ব্যাপারের যতই সূক্ষ্ম বিশ্লেষণ করা যাক্ না কেন, জৈব ও মনোব্যাপারের পরস্পরানুপাতিত্ব নির্ধারণ করতে যতই চেষ্টা করি না কেন, মনোব্যাপারের প্রকৃতি জৈব ব্যাপারের প্রকৃতি থেকে এতই সম্পূর্ণভাবে বিভিন্ন যে মনোরাজ্যের সমস্ত ব্যাপারগুলি তদনুপাতী জৈব ব্যাপার থেকে সম্পূর্ণ একটা স্বতন্ত্র রাজ্যের। আধুনিককালে Russell, Watson প্রভৃতি মনোব্যাপার-গুলিকে জৈবব্যবহারের উপমা ব্যাখ্যা করতে অনেক চেষ্টা করেছেন এবং প্রাচীনকালেও স্বয়ং শঙ্করাচার্য্য এই সাদৃশ্য লক্ষ্য ক'রে বলেছেন, “পশ্বাদিভিঃশ্চাবিশেষাৎ। যথা হি পশ্বাদয়ঃ শব্দাদিভিঃ শ্রোত্রাদীনাং সম্বন্ধে সতি শব্দাদিবিজ্ঞান জাতিকুলে জাতে ততোনিবর্তন্তে, অনুকুলে চ প্রবর্তন্তে। যথা দণ্ডোত্তকরং পুরুষমভিমুখমুপলভ্য মাং হস্তময়ম্ ইচ্ছতি ইতি পলায়িতুমারভ্যন্তে, হরিতত্বপূর্ণপাণি-মুপলভ্য তৎপ্রত্যভিমুখা ভবন্তি। এবং পুরুষা অপিব্যুৎপন্নচিত্তাঃ ক্রুরদৃষ্টান্ আক্রোশতঃ খড়্গোত্তকরান্ বলবত উপলভ্য ততোনিবর্তন্তে, তদ্বিপরীতান্ প্রতি প্রবর্তন্তে অতঃ সমানঃ পশ্বাদিভিঃ পুরুষাণাং প্রমাণপ্রমেরব্যবহারঃ। পশ্বাদীনাং চ প্রদিক্কাহবিবেকপুরঃসরঃ প্রত্যক্ষাদিব্যবহারঃ। তৎসা-মান্তদর্শনাৎ ব্যুৎপত্তিমতামপি প্রত্যক্ষাদিব্যবহারস্তৎকালঃ সমান ইতি নিশ্চীয়তে। কিন্তু যদিও আমাদের অনেক বাহ্যব্যবহারের সঙ্গে পশু ব্যবহারের কথঞ্চিৎ সাদৃশ্য পরিলক্ষিত

হয়, কিন্তু মনোব্যাপারের অনেকগুলিই এমন যে সে গুলিকে কিছুতেই পশুব্যবহারের সাদৃশ্যে ব্যাখ্যা করা যায় না। এবং Russell প্রভৃতির অনেক চেষ্টা করিয়াও যে সমস্ত সাদৃশ্য দেখাতে সক্ষম হয়েছেন, সেটুকু মনোব্যাপারের অতি অল্প স্থানই অধিকার করে। এই ব্যবহারিকদিগের (Behaviourist) মতে যেটুকু সত্য আছে তাতে শুধু এইটুকু প্রমাণ হয় যে যেমন জড়ব্যাপারের খানিকটা অংশ জৈবব্যাপারের মধ্যে অনুপ্রবিষ্ট হ'য়ে রয়েছে তেমনি জৈবব্যাপারেরও খানিকটা অংশ মনোব্যাপারের মধ্যে অনুপ্রবিষ্ট হ'য়ে রয়েছে। উ'চু উ'চু ধাপের প্রাণিবর্গের মধ্যে যেমন দেখা যায় যে তারা তাদের প্রয়োজন অনুসারে অর্ধমূঢ়ভাবে জীবনযাত্রার অনুকূল কার্যোৎপন্নতা দেখায় এবং প্রতিকূল কার্য থেকে নিবৃত্ত হয়, মানুষের মধ্যেও তা অনেক পরিমাণে দেখা যায়, কারণ মানুষও একটি প্রাণিবিশেষ; কিন্তু মানুষের মধ্যে জৈবকার্যের বা জীবনযাত্রাকার্যের সহিত সম্পূর্ণ অসংশ্লিষ্টও অনেক এমন ব্যাপার দেখা যায় যাকে কিছুতেই জৈব ব্যাপারের অন্তর্গত ব'লে মনে করা যেতে পারে না। এইটাই হচ্ছে যথার্থভাবে মনোরাজ্যের অধিকার। Russell বলেছেন, “Man has developed out of the animals, and there is no serious gap between him and the amoeba. Something closely analogous to knowledge and desire as regards its effects on behaviour exists among animals even where what we call ‘consciousness’ is hard to believe in; something equally analogous exists in ourselves in cases where no trace of ‘consciousness’ can be found. It is therefore natural to suppose that, whatever may be the correct definitions of consciousness, consciousness is not the essence of life or mind. কিন্তু এই কথা প্রমাণ করতে গিয়ে Russell তাঁর Analysis of Mind এ যে সমস্ত উদাহরণ দিয়েছেন এবং বিশ্লেষণ করেছেন তার অধিকাংশই হচ্ছে মানুষের জীবনের সেই দিকটা দিয়ে যে দিকটার সঙ্গে জৈবযাত্রার প্রয়োজনের সহিত

স্বচ্ছ বা যেদিকটায় মানুষ জড়প্রকৃতির সহিত স্বচ্ছ। কিন্তু আমাদের চিন্তাপ্রণালীর মধ্যে এবং গোটা মনোব্যাপারের আত্মগতি আত্মনিয়ম আত্মপ্রতিষ্ঠার মধ্যে সম্পূর্ণ নূতনরাজ্যের নূতন নূতন নিয়মপদ্ধতি দেখতে পাই যেগুলিকে কিছুতেই জৈবব্যাপারের কোঠায় ফেলা যায় না। কেমন ক'রে একটা অক্ষুট বর্ণবোধ ক্রমশঃ সঞ্চিত হ'য়ে ক্ষুট লাল বা নীল বোধে পরিণত হয়, কেমন ক'রে বোধের মধ্যে বোধ সঞ্চিত থেকে স্মিতরূপে প্রকাশ পায় এবং সংস্কাররূপে থেকে জ্ঞানের প্রকারকে তাৎপর্যসম্বিত করে, কেমন ক'রে বিশেষ বা concrete থেকে সামান্য বা universals এর নানা সম্পর্ক বিচার ক'রে সেই প্রণালীতে বিশ্বের নানা তথ্যকে জ্ঞানের আলোর মধ্যে ধ'রে রাখে, কেমন ক'রে নানা বিচ্ছিন্নতার মধ্যে নানা জ্ঞানধারা, ইচ্ছাধারা, স্মৃতি হুঃখ, প্রীতি অপ্ৰীতি, কুশলা-কুশলের বিচিত্র বিভ্রমধারার মধ্য দিয়া মনোজীবনের ঐক্যটি নিবাহিত হয়, তা কোনও রূপেই ব্যাখ্যা করা যায় না বা তার কারণ নির্দেশও করা সম্ভবপর নয়।

তাহা হইলে স্থূল কথা দাঁড়িয়েছে এই যে জড়রাজ্য, জীবরাজ্য ও মনোরাজ্য এই তিনটি রাজ্য পরস্পরস্বচ্ছ হ'য়ে রয়েছে—জড়রাজ্য জীবরাজ্যে অনুপ্রবিষ্ট এবং জীবরাজ্য মনোরাজ্যের মধ্যে অনুপ্রবিষ্ট, অথচ প্রত্যেকটি রাজ্যের সমস্ত ব্যাপারেই তার নিজের বিশিষ্ট নিয়মে চালিত হয় এবং কোনও রাজ্যের নিয়মের দ্বারা কোনও রাজ্যের ব্যাপারের ব্যাখ্যা করা চলে না। প্রত্যেকটি রাজ্যের নানা ব্যাপারের মধ্যে যে একটি ঐক্য আছে সে ঐক্যটির অর্থ সামঞ্জস্য অর্থাৎ তাহার কোনও ব্যাপারটি অপর ব্যাপারগুলিকে অতিবর্তন বা অতিক্রম করে না এবং পরস্পর পরস্পরের সহযোগে চলে এবং পরস্পরের সহিত পরস্পরে গ্রথিত হ'য়ে যে ইতিহাস রচনা করে সেই ইতিহাসের আনুগত্যে প্রত্যেকটি ব্যাপারের পদ্ধতি ও প্রণালী নিরূপিত হয়। এমনি ক'রে প্রত্যেকটির নিজ নিজ রকমের স্বাভাব্য থেকেও সমগ্রের নিয়মের দ্বারা প্রত্যেকটি সমগ্রের অনুকূল ব্যবহারে নিয়ন্ত্রিত থাকে। কিন্তু তিনটি রাজ্যের মধ্যে পরস্পরের যে ঐক্য সে ঠিক এ জাতীয় ঐক্য নয়। সে ঐক্যের অর্থ তদর্থযোগিতা, অর্থাৎ একটি যে অপরটির কাজে লাগতে পারে, এ সেই জাতীয় ঐক্য। এই

ঐক্যের নিয়মে জড়বস্তু জীবোপযোগী কার্যে ব্যবহৃত হ'য়ে জীবের সহায়ক হয়, আবার জৈব ব্যাপারগুলি মনোব্যাপারের সাহায্যে লেগে মনোরাজ্যের কাজে লাগে। এই ঐক্যের তিনটি রাজ্যের মধ্যে পরস্পর আদান প্রদান চ'লে প্রত্যেকটি রাজ্যকে গৌণমুখ্যভাবে অপর দুইটি রাজ্যের সহায়তায় নিযুক্ত করে। বিশ্বময় আমরা এই তিনটি রাজ্যের আদান প্রদানের পালায় নূতন নূতন সৃষ্টিপরম্পরা দেখতে পাই। এক দিকে দেখতে পাই যে জৈব শক্তি চক্রের সহিত জড়শক্তি চক্রের পরস্পরের অনুযোগিতায় ও সজ্বর্ষে ও এই অনুযোগিতা ও সজ্বর্ষের বিবিধবৈচিত্র্যে নানা জীব পরম্পরা গ'ড়ে উঠছে। Struggle for existence or law of natural selection এ দুইটিই এই জীবজড় সজ্বর্ষের নামান্তরমাত্র, আবার law of accidental, variation, law of mutation প্রভৃতি নানাবিধ বৈষম্যের মধ্যে জড়ের যে জীবানুযোগিতা আছে ও জৈবশক্তিচক্রের যে জড়-জগৎ হইতে আহরণ করিবার ক্ষমতা আছে তাহারই পরিচয় পাওয়া যায়। এসম্বন্ধে বিশদ ব্যাখ্যা এই ক্ষুদ্র প্রবন্ধে অসম্ভব। আবার অপরদিকে জৈবরাজ্যের ঠিক কোন স্থান থেকে মনোরাজ্যের বিচ্ছুরণ আরম্ভ হয়েছে তা বলা কঠিন। মনুষ্য পর্যন্ত পৌঁছবার পূর্বে অনেকদূর পর্যন্ত উচ্চতর প্রাণিজীবনে দেখতে পাই যে মনোরাজ্যের আত্মপ্রকাশ অনেকখানি পরিমাণে জৈবরাজ্যের সজ্বর্ষে ঘুটে হ'য়ে জৈব ব্যাপারের দ্বারা কবলিত হয়ে instinctive habit বা behaviour রূপে প্রকাশ পায়। মানুষের মধ্যে এসে দেখি যে, জৈবশক্তির পরিপুষ্টির সঙ্গে সঙ্গে মনোরাজ্যের শক্তিও ক্ষুটতর হ'য়ে ওঠে। কিন্তু তথাপি একটু অনুধাবন করলেই দেখা যায় যে, মনোব্যাপারের যতখানিকে আমরা নিছক মনো-ব্যাপারেরই অন্তর্ভুক্ত ব'লে মনে করি ঠিক ততখানিই যে খাঁটি মনোরাজ্যের ব্যাপার তা নয়। জৈবশক্তির অনেকখানি পরিমাণে মনোব্যাপারের মধ্যে অন্তর্নিবিষ্ট হ'য়ে মনঃশক্তিরূপে প্রকাশ পায়, আবার মনঃশক্তিরও অনেকখানি জৈবশক্তি দ্বারা অভিভূত হ'য়ে আত্মপ্রকাশ কর্তে পারে না। শুধু তাই নয়, স্মৃতি হুঃখ প্রীতি বিষাদ প্রভৃতি যে গুলিকে আমরা খাঁটি মনোভূতি ব'লে মনে করি সেগুলিও অন্তত খানিকটা



পরিমাণে জৈবক্ষুধা বা জৈব আকর্ষণ প্রভৃতির প্রতিবিম্ব মাত্র। আর এই জৈবপয়োজন সিদ্ধির দাবী জৈব অর্থ অধির দাবী মনোব্যাপারের মধ্যে সংক্রান্ত হয়ে মনোব্যাপারের নানা প্রকার সৃষ্টিরও নিয়ামক হ'য়ে ওঠে। একেও প্রকারান্তরে এক রকমের voluntarism বলা যায়। বৌদ্ধ ও যোগমতের বাসনা-বাদে শঙ্করাচার্যের অর্থ অধির দাবী স্বীকারের মধ্যেও বৌদ্ধদের অর্থক্রিয়াকাঙ্ক্ষিত্ববাদের মধ্যে এই শ্রেণীর voluntarism এর পরিচয় পাওয়া যায়। বর্তমান কালের pragmatism বা behaviourism এর মধ্যেও এর পরিচয় পাওয়া যায়। এই সমস্ত মতবাদের অনেকগুলির মধ্যেই কিছু না কিছু সত্য আছে, কিন্তু এঁদের ভ্রান্ততা এইখানে যে এঁরা একপেশে ভাবে কেবল তাদের দিক থেকেই সমস্ত জিনিষটা দেখতে চেয়েছেন। সত্য দর্শনশাস্ত্র তাকেই বলা যাবে যেটিতে সব দিক থেকে সত্য নির্ধারণ করবার চেষ্টা থাকবে। কোনও একদিকে প্রবল ক'রে দেখে যাঁরা অত্ৰিদিগ্গুলিকে খাট ক'রে দিতে চান বা উড়িয়ে দিতে চান তাঁদের দৃষ্টি একদেশী এবং তাঁদের দর্শনও একদেশী। কিন্তু শুধু যে জৈব ও মনো-ব্যাপারের মধ্যে দান প্রতিদান উপযোগিতা ও বিরোধিতা চলেছে তা নয়, প্রতি কেঙ্গে প্রতি মানুষে যে মনোব্যাপার চলেছে, ভাষার মধ্য দিয়ে মুখ চক্ষু অঙ্গপ্রত্যঙ্গের ইঙ্গিতের মধ্য দিয়ে অনবরত তাদের পরস্পরের যে বিনিময় চলেছে প্রত্যেকটি স্বতন্ত্র মনোরাজ্য গঠনে তার স্থান বড় কম নয়। বস্তুত জৈবরাজ্যের কবল থেকে মানুষের মধ্যে যে একটি স্বতন্ত্র মনোরাজ্য গ'ড়ে উঠতে পেরেছে তার সর্কপ্রধান কারণই হচ্ছে মনে মনে আদান প্রদান। জৈব জগতে যেমন দেখা যায় যে, বিভিন্ন জীবকোষের সান্নিধ্যে ও সাহচর্যেই উচ্চতর প্রাণীর জীবনে প্রত্যেক জীবকোষের জীবনে একটি অভূতপূর্ব বৈশিষ্ট্য এনে দেয়, আবার সেই বৈশিষ্ট্যের দ্বারা জীবকোষ সমষ্টির মধ্যে একটি স্বতন্ত্র বৈশিষ্ট্য জন্মে এবং জীবকোষসমষ্টির বৈশিষ্ট্য দ্বারা প্রত্যেক জীবকোষের আবার একটি স্বতন্ত্র বৈশিষ্ট্য জন্মে, এখানেও তেমনি নানা মনের সান্নিধ্যে ও সাহচর্যে প্রত্যেকটি মন তার নিজের মধ্যে একটি বিশিষ্ট স্বাতন্ত্র্য লাভ করে এবং প্রত্যেক মনের এই বিশিষ্ট স্বতন্ত্রতার দ্বারা মনঃসমষ্টি ব'লে একটি স্বতন্ত্র মনোরাজ্যের সত্তা

উদ্ভাসিত হ'য়ে ওঠে, এবং এই মনোরাজ্যের বিশিষ্ট প্রকৃতির দ্বারা আবার প্রত্যেকটি মন অনুভবিত হ'য়ে ওঠে। মানুষ যদি মানুষের মধ্যে সমাজের মধ্যে বেড়ে না উঠত তবে মানুষের মন তার জৈব প্রকৃতি থেকে কখনই নিজেকে উপরে তার নিজের যথার্থ রাজ্যের মধ্যে ভাসিয়ে তুলতে পারত না। Trans-subjective ও intra-subjective intercourse এর যদি অবসর মানুষ না পেত তবে মানুষের মন কখনই তার চিন্ময় ও চিন্তাময়রূপে বেড়ে উঠতে পারত না।

এতক্ষণ যা কিছু বলা হোল তার তাৎপর্য হচ্ছে এই যে, মন ব'লে কোন একটি স্বতন্ত্র বস্তু বা শক্তি নেই, কতকগুলি বিশিষ্ট ব্যাপারপরম্পরা ও নিয়মপরম্পরাকে সংক্ষিপ্তভাবে বোঝাবার জন্য মন শব্দটি ব্যবহার করছি। যেমন জড়রাজ্য জৈবরাজ্য, তেমনি মন বলতেও একটি স্বতন্ত্র রাজ্য বোঝা যায়। এই রাজ্যের ব্যাপারপরম্পরা ও নিয়মপরম্পরার কোথায় সামঞ্জস্য, কোথায় তাদের বিশেষত্ব, ব্যক্তিত্ব, কি তাদের প্রকারপরম্পরা এ আলোচনা এ প্রবন্ধে সম্ভবপর নয়। এখন শুধু এই কথা বলতে চাই যে জৈব রাজ্যকে আশ্রয় ক'রে স্তবে স্তবে অক্ষুট থেকে ক্ষুটতরভাবে এই মনোরাজ্য তার বিচিত্র ব্যাপারপরম্পরা ও নিয়মপরম্পরার মধ্য দিয়ে আপনাকে প্রকাশ ক'রে তুলেছে। জৈবরাজ্যের প্রত্যেকটি জীবকোষের মধ্যে যে ব্যক্তিত্ব ও স্বাতন্ত্র্য দেখতে পাই, সে ব্যক্তিত্ব মূঢ়, সে ব্যক্তিত্বের মূল হচ্ছে জৈবব্যাপারের নিয়মকেন্দ্র, সামঞ্জস্যকেন্দ্র; তার প্রত্যেকটি ব্যাপার যে তার অন্ত ব্যাপারগুলিকে অশ্রেণী ক'রে চলে, এবং প্রত্যেকটি ব্যাপার যে অন্ত ব্যাপারগুলির আনুকূল্যে আপনাকে ব্যক্ত করতে চায়, কোনও সম্বন্ধটিই যে স্থির হ'য়ে না থেকে অপর সম্বন্ধগুলির সহিত স্বতই আবর্তিত হ'তে থাকে, এইখানেই জীবকোষের ব্যক্তিত্বের মূল। কিন্তু মনোরাজ্যের ব্যক্তিত্বটিকে আমরা self ব'লে আত্মা ব'লে অনুভব ক'রে থাকি। কিন্তু আমি এতক্ষণ যা বলেছি তাতে আত্মা ব'লে কোনও স্থায়ী বস্তুর কথা বলিনি। এখনও বলিতে চাই নে। যা চাই সে হচ্ছে, এই আত্মপ্রত্যয়ের একটি ব্যাখ্যা দেওয়া। আত্মা কাকে বলে এ কথা নিয়ে আমাদের দর্শন-

শাস্ত্রে খুব বিচার হয়েছে ; বৌদ্ধেরা বলেছেন যে আত্মা ব'লে কোনও স্বতন্ত্র বস্তু নেই ; রূপ, বেদনা, সংজ্ঞা, সংস্কার, বিজ্ঞান এই পঞ্চ স্কন্ধ বা বিবিধ psychological entities এর সমষ্টি ছাড়া কোনও স্বতন্ত্র আত্মা নেই। বেদান্ত বলেছেন যে, বিশুদ্ধ চিৎপ্রকাশের নামই আত্মা, কিন্তু আমি বলতে আমরা যা বুঝি সেটা হচ্ছে এই অসীম চিৎপ্রকাশের একটা অস্তুঃ-করণাবচ্ছিন্ন মিথ্যা রূপ। শ্রীমুরেশ্বনাথ বলেছেন যে, আত্মা হচ্ছে জড়বৎ একটি বস্তু, সে বস্তুকে আমাদের এই জগৎ মানতে হয় যে তা না হ'লে জ্ঞান, ইচ্ছা প্রভৃতি গুণগুলির ত কোনও একটা থাকবার আশ্রয় চাই, কারণ গুণমাত্রকেই কোনও বস্তুকে আশ্রয় ক'রে থাকতে হবে, অথচ আমাদের জানা এমন আর কোনও বস্তু নেই যাকে জ্ঞানের আশ্রয় বলা যায়। এর কোনও মতের সহিতই আমি সায় দিতে পারি নে। চিৎপ্রকাশ ব'লে স্বতন্ত্র একটি পদার্থ কেন মানি নে সে কথা সংক্ষেপে পূর্বেই বলেছি। শ্রীমুরেশ্বনাথ প্রত্যক্ষানুভূতির উপর স্থাপিত নয় ব'লে তারও কোন বিচার করা পয়োজন মনে করি নে। বৌদ্ধমতের বিরুদ্ধে আমার প্রধান আপত্তি এই যে, প্রতিমুহূর্তের ক্ষণধ্বংসী স্কন্ধসমষ্টি ছাড়া তাঁরা কোনও স্থায়ী আত্মা স্বীকার করেন না। অথচ আমরা আত্মা বা self বলতে যা বুঝি সেটা শুধু চিৎপ্রকাশও নয় বা মুহূর্তের চিন্তা ভাব প্রভৃতির সমষ্টিও নয়। আত্মা বা self বলতে যা বুঝি সেটা হচ্ছে একটা জীবনের সমস্ত অনুভূতির সমস্ত experience এর একটা সঞ্চিত ইতিহাসের অভিব্যক্তি। জৈবরাজ্যের সঙ্গে মনোরাজ্যের পরস্পরের সজ্জ্বর্ন ও আদান প্রদানে, বিভিন্ন মনের পরস্পরের আদান প্রদানে, জৈব-সংযোগের মধ্য দিয়ে জড়রাজ্যের সহিত আদান প্রদানে, জৈবপ্রয়োজনের অর্থাধির ব্যবহারে, মনোরাজ্যের নানা ব্যাপারের সংযমন নিয়মানে যা কিছু মনে ভেসে উঠছে এবং ধরে যাচ্ছে, তার সবগুলিই একটা বিশিষ্ট নিয়মে পরস্পর অন্তর্নিবিষ্ট হ'য়ে গ্রথিত হচ্ছে, এবং এই সঞ্চয় ও গ্রন্থনের প্রাচর্য্য ও বৈশিষ্ট্যের ইতিহাসের মধ্যে আমরা আমাদের আত্মবোধ বা অহম্বোধকে প্রত্যক্ষ করতে পারি। এই হিসাবে দেখতে গেলে আত্মা ব'লে যা বুঝি সেটা একটি concrete entity, অথচ সে entity টি একটি স্থির পদার্থ

নয় ; অথচ ক্রমধারারূপে সেটি প্রতিভাত হয় না ; আমাদের যা কিছু অনুভূতি যা কিছু experience হয়েছে সেগুলি পরস্পরের মধ্যে পরস্পরে অন্তঃপ্রবিষ্ট হ'য়ে হ'য়ে একটা অখণ্ড সত্তার পরিণত হয়েছে ; সে সত্তার মধ্যে অনুভূতির ক্রম নাই, আছে পূর্নাপনের ক্রমাতীত অখণ্ড সত্তা। যত নূতন নূতন অনুভূতি, ক্রিয়া, ইচ্ছা, স্মৃতিঃখাদি নানা ভাবসম্বন্ধে নূতন নূতন সঞ্চিত হ'তে থাকে সেগুলি সেই পূর্নসঞ্চয়ের মধ্যে অন্তর্নিবিষ্ট হ'য়ে সেই অখণ্ড সত্তাটিকে ক্ষুদ্রতর বৈশিষ্ট্য দ্বারা নূতন নূতন ভাবে অভিব্যক্ত ক'রে তুলতে থাকে। আমার ছেলেবেলা আমাকে আমি বলতে যা বুঝতাম তার অধিকাংশই খেলাধুলা ভোজনেচ্ছা প্রভৃতির মধ্যেই আবদ্ধ থাকে ব'লে একটা জৈব-বোধের মধ্যেই অনেকখানি আবদ্ধ। ক্রমশঃ নূতন অনেক দৈর্ঘ্য গুণি, অনেক চিন্তা করি, অনেক নূতন কাজে প্রবৃত্ত হই, অনেক রকমের স্মৃতিঃখের আশ্বাদ পাই, তখন সেই সঙ্গে সঙ্গেই আমার আমিও বাড়তে থাকে। সত্য বটে আমাকে আমি ব'লে যখন আমি বলি, তখন কোনও একটা বিশেষ নির্দিষ্ট অনুভূতি আমাদের কাছে আসে না, আসে যেটা সেটা হচ্ছে একটা অব্যক্ত অনুভূতি, অথচ সে অব্যক্ত অনুভূতির এমন একটা বিশিষ্টতা আছে, যে বিশিষ্টতাটুকুর একটা অদৃশ্যরূপ, একটা অস্পৃশ্য স্পর্শ এমন আছে যা কখনও ভুল হওয়ার নয়। এখনকার আমি যে কি তা আমি ব'লে বোঝাতে পারি না, কিন্তু দশ বৎসর পূর্বে আমি বলতে আমার মধ্যে যে সাড়া পেতাম তার চেয়ে যে এটি অনেকাংশে ভিন্ন এ কথা আমি বেশ বুঝতে পারি। এর কারণই হচ্ছে এই যে আমি বলতে আমি যা বুঝি সেটা হচ্ছে আমার অস্ত্রজীবনের সমস্ত অনুভূতির একটা অখণ্ড দীর্ঘ ইতিহাস ; অখণ্ড ব'লেই সেই ইতিহাসটি সকল সময়েই আমার সামনে জাগরুক, সেটি একটি ইতিহাস ব'লেই তার কোনও ধরা ছোঁয়া যায় এমন রূপ নেই ; এবং ক্রমাতীত অখণ্ড ইতিহাস ব'লেই মনোরাজ্যের সমস্ত বৈচিত্র্যের মধ্যে সমস্ত বিচ্ছিন্নতার মধ্যে, এই আমার মধ্যে এমন একটা ঐক্য আছে যে ঐক্যটি তার সমস্ত ইতিহাসকে একটি অখণ্ড পদার্থের স্বায় ব্যবহার করতে পারে ; এবং তার মধ্যে যে শক্তিটি ধৃত হ'য়ে রয়েছে তাকে নিয়ন্ত্রিত করতে পারে,



প্রয়োগ করতে পারে। কোনও আমিই তার ইতিহাসের পিণ্ডীকৃত প্রত্যয়সঙ্ঘকে অস্বীকার করতে পারে না। আমি প্রত্যয়ের মধ্যে সমস্ত প্রত্যয়সঙ্ঘ এমন করে পিণ্ডীকৃত হয় যে তার ভিতর থেকে কোনও একটি প্রত্যয়কে হয়ত সব সময়ে পৃথক করে স্বরণ করতে পারে না, কিন্তু পৃথক করতে পারে না বলেই এই ইতিহাসের সঙ্ঘটি এত ঘন এবং অখণ্ড। অথচ এই আমিহুবোধের মধ্যে সমস্ত মনো রাজ্যটি ধৃত হয়ে রয়েছে বলে এই অখণ্ড বোধটির মধ্যে মনের সমস্ত ক্ষমতা প্রচ্ছন্ন হয়ে রয়েছে। যখন এই আমি কোনও প্রবৃত্তির বিরুদ্ধে দাঁড়ায়, তার মানে হচ্ছে যে সমস্ত মনটি তার অখণ্ড অতীত ইতিহাস নিয়ে তার জমাট শক্তি নিয়ে তার বিরুদ্ধে দাঁড়ায়। সমস্ত মনের ইতিহাস আমার মধ্যে আছে বলে আমি একটা বিচিত্রতাময় complex unity বা entity এবং সেই জগতই এর মধ্যে শারীর অনুভূতির অংশ কি জৈব অনুভূতির অংশগুলিও পূর্ণ মাত্রায় বিদ্যমান। এই আমিটি স্থির না হয়েও স্থির, স্থির হয়েও সর্বদাই বর্ধনশীল পরিবর্তনশীল। তা হলে ফল কথা দাঁড়াচ্ছে এই যে মানুষ বলতে আমরা যা বুঝি সেটি জড় জীব ও মন এই তিন রাজ্যের সংঘাতে উৎপন্ন এবং এই তিন রাজ্যের সংঘাতে যে উপাদান প্রস্তুত হতে থাকে তারই উপাদানসঙ্ঘাবে ক্রমবর্ধনশীল। জড়রাজ্য, জীবরাজ্য ও মনো-রাজ্য এ তিনটি যেমন সত্য, এই তিনটির পরস্পর সংঘাতে বা পরস্পরের উপযোগিতায় যা উৎপন্ন হয় তাও তেমনি সত্য; সেইজন্ম মানুষও মিথ্যা নয়, তার আমিহুও মিথ্যা নয়, তারা উভয়েই সত্য। এ সংসার আদান প্রদানের সংসার, গ্রহণ বর্জনের সংসার, পরস্পরোপযোগিতার সংসার; এবং এই দৃষ্টিই হচ্ছে এর তত্ত্বদৃষ্টি। এই চাঞ্চল্যের মধ্যে না দেখে যদি অজ্ঞদৃষ্টিতে একে দেখতে যাওয়া যায় তবে একে দেখা যাবে না। সব জিনিষই সত্য যদি যে দিক থেকে তাকে দেখতে হবে সেই দিক থেকে তাকে দেখা যায়, আবার সব জিনিষই কিন্তু মিথ্যা যদি যে দিক থেকে তাকে দেখতে হবে সে দিক থেকে তাকে না দেখা যায়।

কিন্তু শুধু জড়রাজ্য, জীবরাজ্য ও মনো রাজ্য নিয়ে গঠন করলেই গোটা মানুষটি আমাদের কাছে ধরা

পড়ে না। যেমন জীবরাজ্যকে আশ্রয় করে মনো রাজ্য আত্মপ্রকাশ করে, তেমনি মনো রাজ্যকে অবলম্বন করে একটি স্বতন্ত্র বিজ্ঞানরাজ্য বা আনন্দরাজ্য প্রকাশ পায়। এই রাজ্যের প্রকাশের উপরই মানুষের চরম উৎকর্ষ নির্ভর করে। মানুষ যে শুধু বাঁচে, কি চিন্তা করে তা নয়, মানুষের মধ্যে একটা সত্যলিপ্সা, মঙ্গলেচ্ছা, সৌন্দর্যালিপ্সা, একটা ভক্তিলিপ্সাও কাজ করে। মনো রাজ্যটি অনেকখানি পরিমাণে জৈবভাবের দ্বারা অনুপ্রবিষ্ট এবং প্রয়োজন সম্বন্ধের সহিত যুক্ত, কিন্তু এই বিজ্ঞানানন্দ রাজ্যটি একেবারে প্রয়োজন-সম্পর্কহীন। ইহার পূর্ববর্তী তিনটি রাজ্যের মধ্যে যেমন নানাবিধ জটিলতা দেখতে পাওয়া যায় এতে তা নেই, এ যেন একটা ছায়ালোক; এই ছায়ালোকের দীপ্তিতে মানুষের মনোজীবন যখন উদ্ভাসিত হয়, তখন যেন সে এক নবীন জীবন লাভ করে। আমরা যত রকমের কাজ করি আর যত রকমের কাজ করি না, এর মধ্যে নিঃসন্দেহ একটা তুলনা উঠতে থাকে, এই কাজটা ভাল কি ঠিক কাজটা ভাল, এটা উচিত কি ঠিকটা উচিত; এই যে উচিত্য অনৌচিত্যের তুলনা, ভাল মন্দের তুলনা, এটা ঠিক সুবিধা অসুবিধার তুলনা নয়। সুবিধা অসুবিধার তুলনা প্রয়োজন-সিদ্ধির তারতম্যের তুলনা, জৈবব্যাপারের স্বতঃপ্রসূতির মধ্যে দিয়েই সেটা সুসম্পন্ন হতে পারে। কিন্তু এই ভাল মন্দের তুলনা সুবিধা অসুবিধার তুলনা নয়, হয়ত যেটা আপাতত নিতান্ত অসুবিধার সেইটাকেই ভাল এবং উচিত বলে প্রতিভাত হয়। এই যে উচিত্যের মূল্য নির্ধারণ, ভালর মূল্য নির্ধারণ, এটা আমাদের সমস্ত জৈবপ্রবৃত্তির উপরে দাঁড়িয়ে জৈবপ্রবৃত্তিকে দমন করতে চায়, অথচ আপাতদৃষ্টিতে অনেক সময়েই জৈবপ্রবৃত্তির প্রতিকূলে প্রয়োজনসিদ্ধির প্রতিকূলে আমাদের প্রণোদিত করে। জৈবপ্রবৃত্তির অসুকূলে প্রয়োজনসিদ্ধির অসুকূলে যেটা সেইটাকেই ভাল বলে মূল্যবান বলে করণীয় বলে গ্রহণ করা সর্বপ্রাণিসাধারণর বৃত্তি, এবং এই বৃত্তি অনুসরণ করেই জীবজগতে নূতন নূতন স্তরের প্রাণীর উৎপত্তি হয়েছে এবং যারা এই বৃত্তিটিকে যত বেশী করে পালন করতে পেরেছে তারা এবং তাদের স্থানসমৃদ্ধিরাই জীবন-

যুদ্ধে জয়লাভ ক'রে আত্মরক্ষা ক'রে বেঁচে রয়েছে। তাই জৈব ও মনোবাপারের সমস্ত কাঠামটার মধ্যে এই অর্থ-অর্গির সম্বন্ধ ও এই প্রয়োজনসিদ্ধির দাবীটি আপনাকে ব্যাপ্ত ক'রে রেখেছে। অতিমূঢ় অবস্থা থেকে অতিনীচ বস্তুর থেকে জীব এই প্রয়োজনসিদ্ধির অনুসন্ধান ক'রে নিজেকে জীবন যুদ্ধে জয়ী ক'রে রাখতে পেরেছে, তাই এই বোধটা তার শরীরের প্রত্যেক জীবকোষের মধ্যে এবং তার চিন্তাজালের শততন্তুর মধ্যে তাকে ব্যাপ্ত ক'রে রেখেছে। এর গাভিভাবকতা স্বীকার না করলে জীবজগৎ চলে না। অথচ উন্নত মানুষের জীবনে যে একটা এমন রুতি জন্মে যার দ্বারা সমস্ত জীবজগতের নিয়ম উল্লঙ্ঘন ক'রে একটা নূতন মূল্য নির্ধারণের সূত্র আবিষ্কার ক'রে প্রয়োজনসিদ্ধির চেয়ে প্রয়োজন বিসর্জনের দাবীকে বড় ক'রে তোলে, সমস্ত জীবজগতের ইতিহাসে এটি একটি অভিনব ব্যাপার। এই যে প্রয়োজনসিদ্ধির বাহিরে শ্রেয়ঃসিদ্ধির একটা স্বতন্ত্র দাবী মানুষের মধ্যে কাজ করে, একথা উপনিষদের যুগ থেকেই আমাদের দেশে স্পষ্টভাবে আলোচিত হয়েছে। কঠ উপনিষদ্ বলছেন, অশ্রুচ্ছুরোহত্বজ্জৈব প্রয়ঃ তে উভে নানার্থে পুরুষঃ সিনীতঃ। অর্থাৎ শ্রেয় এবং প্রেয়ের বাধন দুই দিক থেকে মানুষকে বাঁধে। বাসভাষা এই কথাই অশ্রু ভাষায় বলেছেন, চিন্তনদী খলু উভয়তোবাহিনী বহতি পাপায় বহতি কল্যাণায়। সাঙ্খ্যযোগ মতে সমস্ত প্রকৃতি মানুষকে দুই দিক দিয়ে আকর্ষণ করে, একদিকে ভোগের দিকে প্রয়োজনসিদ্ধির দিকে, অপরদিকে প্রয়োজনবর্জনের দিকে অপবর্গের দিকে। যুরোপে কাণ্ট একে বলেছেন rational will এর বাণী, তাঁর মতে এ বাণী নিত্যবাণী, এই নিত্যবাণী মানুষকে যদিকে টানে তার মধ্যে প্রয়োজনের দাবীর গন্ধমাত্রাও নেই। সকলের মধ্যে সমানভাবে এই অক্ষর অমর অক্ষয় বাণী ধ্বনিত হ'য়ে প্রয়োজনসিদ্ধির গভ্রী থেকে বহু উর্দ্ধে মানুষকে টেনে তুলতে চায়। কাণ্টের সঙ্গে আমার মতের পার্থক্য এই যে, আমি এ বাণীকে নিত্য বলে মনে করি না; প্রয়োজনসিদ্ধির গভ্রীর মধ্য থেকে ধীরে ধীরে এই বাণী উর্দ্ধে ফুরিত হ'য়ে ওঠে, এবং উন্নতির বিভিন্ন স্তরে ক্রমশঃ স্ফূটনর ভাবে আপনাকে প্রকাশ

করে। মনোঃ যে ভাবে জীবরাজ্য থেকে মণি-বিচ্চুরণের গায় বিচ্চুরিত হয়েছে, পুষ্পবৃক্ষের মুকুলসম্ভারের গায় পুষ্পিত হয়েছে, এ রাজ্যটিও ঠিক তেমনি ক'রে মনোরাজ্যের শীর্ষদেশ থেকে পুষ্পিত হ'য়ে উঠেছে। মনো-রাজ্যটি সাগরমধ্যস্থ দ্বীপখণ্ডের গায় ধীরে ধীরে যেমন জীবরাজ্যের মধ্য থেকে উথিত হয়, এবং এই উত্থানের অনেকদূর পর্যন্ত জৈবরাজ্যের অভিষেকে অভিষিক্ত থাকে, এই বিজ্ঞানানন্দরাজ্যটিও ঠিক তেমনি ক'রে মনোরাজ্যের মধ্য থেকে উথিত হয় এবং সেইজন্ম নিত্য নয় কিন্তু উদ্ভবনশীল, এক নয় কিন্তু বিচিত্র প্রকাশে প্রকাশময়। এই জন্মই দেশভেদে জাতিভেদে শিক্ষাভেদে মানুষভেদে এই বিনাপ্রয়োজনের প্রয়োজনবিসর্জনের আত্মত্যাগের বাণীটি নানা আকারে আপনাকে প্রকাশ করে। এমনি ক'রে নূতন রাজ্যের মধ্যে মনোভূমির প্রান্তভাগে যুগে যুগে দেশে দেশে কালে কালে মানুষের জীবনের বিভিন্ন স্তরে স্তরে নূতন নূতন মূল্য-সৃষ্টি চলেছে এবং এই অলৌকিক মূল্য-সৃষ্টির প্রভাবে আমাদের সমস্ত কাজের ভালমন্দ নির্ধারিত হচ্ছে এবং এরই অলৌকিক নিয়ন্ত্রণের ফলে মানুষ ভোগের আকর্ষণ থেকে ত্যাগের বহিতে বাঁপিয়ে প'ড়ে জগতের কল্যাণে ব্রতী হ'তে পারছে। তত্ত্বজিজ্ঞাসাও এই লোকেরই বাণী। কঠ উপনিষদের নচিকেতার উপাখ্যানে পাই যে নচিকেতা সমস্ত প্রলোভন প্রত্যাখ্যান ক'রে বলেছিলেন যে তিনি কিছুই চান না কেবল জানতে চান গৃহ্যার পর কি হয়। উপনিষদের ঋষিরা এই তত্ত্ব-লোকের একটু স্পর্শ পেয়ে ব্রহ্মানন্দে অধীর হ'য়ে উঠতেন—এ যে আনন্দময় লোক, মনোরাজ্যের সমস্ত বন্ধন এখানে ছিন্ন হ'য়ে গেছে—যথা প্রিয়য়া স্ত্রিয়া সংপরিষক্তো না বাহুং কিংচন বেদ নাস্তরং এবমেবাযং পুরুষঃ প্রাজ্ঞোনাঅনা সংপরিষক্তো ন বাহুং কিংচন বেদ নাস্তরং তদ্বা অশ্রু এতদাপ্তকামম্ আত্মকামম্ রূপং শোকাপ্তরম্। অত্র পিতা অপিতা ভবতি মাতামাতা লোকা অলোকা দেবা অদেবা বেদা অবেদা অত্র স্তেনোহস্তেনো ভবতি ভ্রূণহা অভ্রূণহা চাণ্ডালো অচাণ্ডালঃ পৌকসোহপৌকসঃ শ্রমণোহশ্রমণস্তাপসোহতাপসঃ অনন্যাগতং পুণোন অনন্যাগতং পাপেনু তীর্গোহি তদা



সৰ্বাঙ্কোকান্ হৃদয়শ্চ ভবতি । মানুষ যখন তার কামনার রাজ্য থেকে প্রয়োজনের রাজ্য থেকে উদ্ধে আপনাকে তুলতে পারে তখনই এই ব্রহ্মলোকের স্পর্শ লাভ করতে পারে—যদা সৰ্ব্বৈ প্রমুচাস্তে কামা বেহশ্চ হৃদি শ্রিতাঃ । অথ মৰ্ত্ত্যোহমৃতো ভবত্যত্র ব্রহ্ম সমশ্রুতে ।

এই লোকের উপলক্ষির জন্তই দৃঢ়প্রতিজ্ঞ হ'য়ে বুদ্ধ বলেছিলেন, “ইহাসনে স্তযাতু মে শরীরং । ভগস্থিমাংসং বিলয়ং চ যাতু ॥ অপ্রাপ্য বোধিং বহুকল্পহুল'ভাং । নৈবাসনাৎকায়মতশ্চলিষ্যতে ॥ সমস্ত দর্শন শাস্ত্রের জিজ্ঞাসার মূলে এই আনন্দলোকের এই বিজ্ঞানলোকের একটি স্পর্শ রয়েছে । ঋষি যিনি যোগী যিনি ব্রহ্মবিৎ যিনি তিনি এই লোকের স্পর্শে ডুবে যেতে চান । “স যথা সৈন্ধবঘনো-নস্তরোহবাহু কুৎস্নো রসঘনঃ এবৈবং বা অবোহমাত্মা অনস্তরোহ-বাহুঃ কুৎস্নঃ প্রজ্ঞানঘনঃ এব” । বিভিন্নদেশের বিভিন্ন কালের বিভিন্ন সাধকের নিকটের স্পর্শের কিঞ্চিৎ তারতম্য আছে, কিন্তু সকল দেশের সকল সাধকই এর একটা রসাস্বাদ পেয়েছেন । দাহু দয়ালু এই উপলক্ষিকেই লক্ষ্য ক'রে বলেছেন :—

জ্ঞান লহর্ জহী পৈ' উঠে বাণীকা পরকান্
অনৈ জহী থৈ উপজৈ সবদৈ কিয়া নিবাম
সো ঘর সদা বিচার কা তহী নিরংজন বাম
তহী তু দাহু বোজিস লে ব্রহ্ম জীবকেপাম ॥
জহী তন্ মনকা মূলহৈ উপজৈ ও'কার
অনহদ সেবা সবদু কা আত্ম ক'রে বিচার
ভাবপ্রগতি লৈ উপজৈ সো ঠাহর নিজ সার
তহী দাহু নিধি পাইয়ে নিরন্তর নিধীর ॥

জালানুদ্দিন রুমি এই তত্ত্বকেই লাভ ক'রে বলেছিলেন,—

I have put duality away, I have seen that the
two worlds are one ;
One I seek, one I know, one I see, one I call.
I am intoxicated with love's cup, the two
worlds have passed out of my ken ;

আবার

In my heart thou dwellest else with blood I'll drench it ;
In mine eye thou glowest else with tears I'll quench it.

Only to be one with thee my soul desireth—

Else from out of my body, hook or crook, I'll wrench it.

আবার

O my soul, I searched from end to end ; I saw in
thee naught save the Beloved ; call me not infidel, O my
soul, if I say that thou thyself art He.

রামানন্দ রায় যখন শ্রীচৈতন্যের মনোভাব স্পর্শ করে পরতত্ত্ববর্ণন প্রসঙ্গে বলেছিলেন—

ন সো রমণ ন হমে রমণী
হু'হ মনোভব কোশল জানি ।

তখনও তিনি এই তত্ত্বেরই আশ্বাদ বর্ণন করতে চেষ্টা করেছিলেন । এমনি ক'রে নানাদেশের নানাকালের সাধকেরা এই তত্ত্বের নানা আশ্বাদ তাঁদের বাণীতে প্রকাশ করতে চেয়েছেন । এই সমস্ত আশ্বাদের মধ্যে প্রকৃতিগত নানা বৈচিত্র্য আছে, কিন্তু এই নানা বৈচিত্র্যের মধ্যেও একটি কথা ফুটে উঠছে যে এ যে-লোকের স্পর্শ তাকে মনোরাজ্যের চিন্তার জালে ধরা যায় না, একে কথায় বোঝা যায় না, একে খালি অলৌকিক স্পর্শে পাওয়া যায় ।

এই অলৌকিক রাজ্যের স্পর্শ যে শুধু কল্পসাধক বা ধর্মসাধকের জীবনেই ধরা পড়ে তা নয়, যিনি সৌন্দর্যের সাধক তাঁরও অনুপ্রাণন এই লোক থেকেই আসে ; এই লোকেরই একটু স্পর্শ তিনি বর্ণের ছন্দে কিম্বা কথার ছন্দে ধরতে চেষ্টা করেন ; এই অলৌকিক রাজ্যের স্পর্শেই যে আনাদের জীবন সৌন্দর্যাময় রাগময় হ'য়ে ওঠে সে কথা Shelley তাঁর একটি কবিতায় বোঝাতে চেষ্টা ক'রে বলেছেন :—

The awful shadow of some unseen power
Floats though unseen among us--visiting
This various world with as inconstant wing
As summer winds that weep from flower to flower,
Like moon beams that behind some
piny mountain shower,
It visits with inconstant glance
Each human heart and countenance ;

Like hues and harmonies of evening,
Like clouds in starlight widely spread,
Like memory of music fled,
Like aught that for its grace may be
Dear, and yet dearer for its mystery.

I vowed that I would dedicate my powers
To thee and thine - have I not kept the vow
With beating heart and streaming eyes, even now
I call the phantoms of a thousand hours
Each from his voiceless grave, they have in
visioned bowers

Of studious zeal or love's delight
Outwatched with me the envious night
They know that never joy illumined my brow
Unlinked with hope that thou wouldst free
This world from its dark slavery,
That thou—O awful loveliness
Wouldst give whate'er these words cannot express.

রবীন্দ্রনাথ এই স্পর্শকেই তাঁর কাব্যের উৎস বলে

বর্ণনা ক'রে লিখেছেন :—

একি কৌতুক নিত্য-নূতন
ওগো কৌতুকময়ী !
আমি বাহা কিছু চাই বলিবারে
বলিতে দিতেছ কই ?
অস্তরমানে বসি অহরহ
মুখ হ'তে তুমি ভাষা কেড়ে লহ,
মোর কথা ল'য়ে তুমি কথা কহ
মিশায়ে আপন মূরে ।
কি বলিতে চাই সব ভুলে যাই,
তুমি যা বলাও আমি বলি তাই,
সঙ্গীত শ্রোতে কূল নাই পাই
কোথা ভেসে যাই দূরে ।
বলিতেছিলাম বসি একধারে
আপনার কথা আপন জনারে,
শুনিতেছিলাম ঘরের দুয়ারে
ঘরের কাহিনী যত ;
তুমি সে ভাষারে দহিয়া অনলে
ডুবারে ভাসিয়ে নয়নের জলে

নবীন প্রতিমা নব কৌশলে
গড়িলে মনের মত ।
সে মায়ামুরতি কি কহিছে বাণী
কোথাকার ভাব কোথা নিলে টানি,
আমি চেয়ে আছি বিষয় মানি
রহস্তে নিমগন ।
এ যে সঙ্গীত কোথা হ'তে উঠে,
এ যে লাবণা কোথা হ'তে ফুটে,
এ যে ক্রন্দন কোথা হ'তে টুটে
অস্তর-বিদারণ ।
নূতন ছন্দ অন্ধের প্রায়
ভরা আনন্দে ছুটে চ'লে যায়,
নূতন বেদনা বেজে উঠে তায়
নূতন রাগিণী ভরে ।
যে কথা ভাবিনি বলি সেই কথা,
যে বাথা বুঝি না জাগে সেই বাথা,
জানিনা এসেছে কাহার বারতা
কারে শুনার তরে ।
কে কেমন বোঝে অর্থ তাহার,
কেহ এক বলে কেহ বলে আর,
আমারে শুধায় বৃথা বারবার,—
দেখে তুমি হাস বুঝি ?
কেগো তুমি কোথা রয়েছ গোপনে
আমি মরিতেছি পূ'জি ।

এমনি ক'রে এই অলৌকিক একটি রাজ্য আমাদের মনোরাজ্যের উদ্ভে থেকে কখনও বা মনোরাজ্যের মধ্যে তার আলোক রশ্মি ফেলে তাকে উদ্ভাসিত ক'রে তুলছে, কখনও বা তার অলৌকিক শক্তির দাবীতে মনোরাজ্যের এবং দৈব-রাজ্যের সমস্ত দাবীকে ক্ষুদ্রতায় হীন ক'রে দিয়ে আপনার অসীম গৌরব ও বৈভবকে প্রকাশ করে । মনোরাজ্যের মধ্যে এ রাজ্যের সত্তার আভাস মাত্র পাই, কিন্তু এ রাজ্যের সম্পদকে মনোরাজ্যের নিয়মের দ্বারা ধরবার কোনও উপায় নেই । যে সমস্ত সাধকেরা এ রাজ্যের মধ্যে প্রবেশ করতে চেয়েছেন তাঁরা বলেছেন যে মনোরাজ্যের বিধবংস না হ'লে এ রাজ্যে প্রবেশ করা যায় না । কিন্তু যদি মনোরাজ্যের ধবংস ঘটে তবে এ রাজ্যে প্রবেশ হ'লে তার



অনুভূতি যে কি হবে সে কথা মনোরাজ্যের ভাষায় বলা যায় না। এইখানেই mysticদের রহস্য। যে দার্শনিক তাঁর দর্শনবিচারে এই রাজ্যের অনুভূতিকে তাঁর তথা-বিচারের মধ্যে গ্রহণ করেন নি সে দর্শনশাস্ত্র অতি দীন। কারণ এই রাজ্যের স্পর্শই মানুষের মনুষ্যত্ব। কিন্তু দর্শনশাস্ত্রের বিচারের মধ্যে সমস্ত অনুভূতি সমস্ত তথ্য গ্ৰহণ পাওয়া উচিত, সেইজন্য যে দর্শনশাস্ত্র শুধু এই পর-তত্ত্বকেই স্বীকার করে পরিদৃশ্যমান আর সমস্তকেই মিথ্যা মায়া বলে একপাশে সরিয়ে রাখতে চান, দর্শনশাস্ত্র হিসাবে সে দর্শন অতি সঙ্কীর্ণ। বিভিন্ন রকমের বিশেষত্ব নিয়ে আমাদের চোখের সামনে এই অন্নময়, প্রাণময়, মনোময় ও আনন্দময় চারটি রাজ্য পরস্পরের সাহায্যে পরস্পরকে প্রকাশ করে তুলছে, এই চারটি রাজ্যই সমান ভাবে সত্য এবং চারটি রাজ্যের পরস্পরের আদান প্রদানে যা কিছু প্রকাশ পাচ্ছে তাও ঠিক সেইভাবেই সমান সত্য। এ পর্যন্ত দর্শনশাস্ত্রে যত প্রচেষ্টা হয়েছে তার কোনোটাতে চারটি রাজ্যের কোনওটির তথা অপর কোনোটির নিয়মের দ্বারা বা ব্যাখ্যার দ্বারা ব্যাখ্যা করা সম্ভব হয় নি। যদি কোনো একটি এমন তত্ত্ব পাওয়া যেত যার দ্বারা এই চারটিরই ব্যাপার ব্যাখ্যা করা চলত তাদের বৈচিত্র্যের

উপপত্তি করা সম্ভব হোত তবে সেরকম অদ্বৈতবাদ স্বীকার করা যেতে পারত। এই চারটি জগতের যে পরস্পরাপেক্ষ বৈচিত্র্য এই নিয়েই হচ্ছে জগতের ও মানুষের জীবন; এ বৈচিত্র্যকে না মানলে জীবনকেই মানা হয় না। ঐক্য আমরা খুঁজি বটে, কিন্তু বিচিত্রকে না মানলে ঐক্যকেই মানা হয় না।—সমস্তকে হারিয়ে সমস্তকে মিথ্যা বলে সরিয়ে দিয়ে যে ঐক্য পাওয়া যায় সে ঐক্য রিক্ততার ঐক্য। মুক্তির ঐক্য নয়।

“রাত্রিদেরা সপ্নমাঝে গর্ভে ছিন্ন ভরি,
আপনাকে শূণ্য দেখে মুক্ত মনে করি।
এখন মনে হয়
আপনারে রিক্ত করা মুক্ত করা নয়” ॥*

চারটি বিচিত্র জগতের ঐক্যের ও সামঞ্জস্যের ছন্দটি যে মানুষের মধ্যে ধরা পড়েছে এবং এই চারটি জগৎ যে মানুষের মধ্যে আত্ম প্রকাশ করে তুলছে এবং তাদের চরম সার্থকতারূপে মানুষকে সৃষ্টি করে তুলেছে, তাদের বিচিত্র সুরসজ্জাত যে মিলিত হয়ে অখণ্ড একটি মানুষের স্বরে নিরন্তর ধ্বনিত হয়ে উঠছে এই দৃষ্টিই দর্শনের দৃষ্টি, এই দৃষ্টিই মুক্তির দৃষ্টি।


* রিক্ত ও মুক্ত। কুমারী মৈত্রেয়ী দেবী - বিচিত্রা, ফাগুন।

এই প্রবন্ধটি বর্তমান মাসে মাজু গ্রামে বঙ্গীয় সাহিত্য সম্মিলনে দর্শন বিভাগের সভাপতি শ্রীযুক্ত ডাঃ হরেন্দ্রনাথ দাশগুপ্ত মহাশয়ের অভিভাষণ

বিবিধ সংগ্রহ

কার্ডিনেল্ গ্রাণ্ভেলার উদ্যান

১১-শতাব্দীর রাজধানী 'ভিয়েনা' নগরে রাজকীয় শিল্পসংগ্রহ-ভাণ্ডারে কতকগুলি সুরমা সূচিশিল্পবিশিষ্ট ঝালর আছে। সেইগুলিকেই এই অদ্ভুত নামে অভিহিত করা হয়। ষোড়শ শতাব্দীর, ষোড়শ কেন, বোধহয় সকল যিনি পরে 'কার্ডিনেল্' হইয়াছিলেন, এবং যিনি পঞ্চম চার্লস ও দ্বিতীয় ফিলিপের সর্বশক্তিমান রাষ্ট্রীয় মন্ত্রণাদাতা ছিলেন, তাঁহারা ই আদেশ ও নির্দেশক্রমে এই ঝালরগুলি প্রস্তুত হইয়াছিল। যতুকালে তিনি এগুলি রাজা ফিলিপকে




ছায়ানীতল কুঞ্জবাণি

শতাব্দীরই শ্রেষ্ঠ বয়ন-শিল্পী, 'উইলিয়ম্ প্যানেমেকার' দিয়া যান এবং উহা প্রথমে 'ক্রসেলসে'ই ছিল, পরে এগুলি বয়ন করিয়াছেন। এ্যান্টনিও প্যারেনট্ গ্রাণ্ভেলা, ভিয়েনায় আসে।



এই ঝালরগুলি সংখ্যায় সর্বসমেত ছয়টি। মর্শ্বরস্তুভ, চমৎকার বারান্দা-সংলগ্ন ছাদ, সৌষ্ঠব-সম্পন্ন খিলান, সারিবদ্ধ স্তম্ভ-শ্রেণী এই সব লইয়াই পুরোভূমি। পুরোভাগে মনুষ্যমূর্তির পরিবর্তে পশুপক্ষীদের দণ্ডায়মান ও শয়ান মূর্তি খচিত হইয়াছে :—হরিণ, কুকুর, ময়ূর, বক, বিলাতা কুকুট, টিয়া, চিতাবাঘ প্রভৃতি আছে। বড়ই পরিতাপের বিষয় এই সব সুন্দর মূর্তিগুলির মধ্যে কোনো কোনোটির সূত্র বাহির হইয়া পড়িয়াছে, কোনো কোনোটি এত অস্পষ্ট হইয়া গিয়াছে যে চেনা যায় না।

বেষ্টন করিবার বিবিধ ভঙ্গী, তাহাদের বাড়িবার, ছড়াইয়া পড়িবার এবং জড়াইয়া জড়াইয়া উপরে উঠিবার দৃশ্যটি, এমন স্বাভাবিক হইয়াছে যে, ছবি দেখিতেছি বলিয়া মনেই হয় না। অনেকক্ষণ সেই দিকে চাহিয়া চাহিয়া মনে হয় বুঝি বা কোন এক মঞ্জুল-কুমুম-মঞ্জরী ও পত্র-পুষ্প-পরিশোভিত কুঞ্জ-কাননেই আসিয়াছি! বিশেষ পুঙ্খানুপুঙ্খ রূপে দেখিলে তবে ধরা যায় যে, চিত্রকর তাঁহার শিল্পকে কেবলই সজীবতা ও স্বাভাবিকতা-মণ্ডিত করেন নাই, কোনো কোনো স্থলে তাঁহার অদ্ভুদ সৃষ্টিচালনার নিপুণতাব



কুঞ্জভবন

ঝালরগুলির উপরকার মূর্তিসমূহ এইরূপ। কিন্তু প্যানেমেকার মহাশয়ের এই চিত্রখচিত ঝালরগুলির বিশেষত্ব হইতেছে তদন্তর্গত লতা-পাতার পরিকল্পনা। ছবিগুলি দেখিলেই মনে হয় বুঝি কোন উজ্জ্বল-রচনা সম্বন্ধে সুদক্ষ শিল্পী বয়নকারীকে পরিকল্পনা যোগাইয়াছেন। তাঁহারই নির্দেশমত প্যানেমেকার সমস্ত লতা-পাতা, ফুল ফল, ও তরুদলকে একটা এমন জীবন্ত ও বর্জনোন্মুগ্ন রূপ দিয়াছেন যে, এ জাতীয় শিল্প-কার্যের মধ্যে তাঁহার চিত্রগুলিকে উহাই একটা অপরূপত্ব দান করিয়াছে। প্রথম-দৃষ্টিতে, পুঞ্জীভূত সবুজ-পত্রপল্লবের সজীবতা, মর্শ্বর-স্তুভ ও খিলানকে


দ্বারা কোথাও মেঘচ্ছায়ার মেঘুরাককার, কোথাও এক ঝলক সোণার আলোর উজ্জ্বলতা, কোথাও তাহাদের লীলায়িত ভঙ্গীতে ছড়াইয়া পড়িবার চেষ্টা, কোথাও বা সঙ্কুচিত নববধূর মত গুটাইয়া পড়িবার ভঙ্গীটুকু ফুটাইয়া তুলিয়াছেন! এই ঝালরগুলির পাড় সূক্ষ্ম-কারুকার্য্য-বিশিষ্ট হইলেও খুবই অনাড়ম্বর। তাহার লাল ও হলুদে রঙের, ক্রসেলসের তৈয়ারী ফ্রেমে বাধাই, প্রত্যেকের উপর কার্ডিনেল গ্রাণভেলার শব্দ-সঙ্কেত ও চিত্রকর প্যানেমেকারের স্বাক্ষর-চিহ্ন বর্তমান।

কারু-শিল্পের দিক দিয়া ইহার যে মূল্য অন্ন নয় সে

শ্রীরামেন্দু দত্ত

কথা ত অবিসংবাদিত, আবার উহাদের একটা ঐতিহাসিক মূল্যও আছে। মধ্য-যুরোপের রাজত্ব ও রাজপরিষদ-বর্গকে সেই সময় একটা প্রাচীন উদ্যান প্রীতিতে পাইয়া বসিয়াছিল। এত চিত্রগুলির প্রেরণা সেকালে নিশ্চয়ই ইটালি হইতে আসিয়া থাকিবে। ইটালিতে সে সময় সুরক্ষিত প্রাকারান্তর্গত 'গথিক' দুর্গ ও প্রাসাদসমূহের পরিবর্তে নগর-প্রাচীরের বাহিরে সুবিশাল 'রেনাসেন্স'-সৌধমালা নির্মিত হইতেছিল। মধ্যযুগের দুর্গ-মধ্যে যে সঙ্কীর্ণ প্রাঙ্গণ-

কৃত্রিম স্থাপত্য-শোভা হইতে বহুতর মনোরম।" তবে গাছ-পালা সাজাইয়া রোপণ করিবার উৎকর্ষ, অথ যে কোনো শিল্পকার্যেরই মত, রূপদঙ্কের প্রতিভার তারতম্যের উপর নির্ভর করিত। পঞ্চদশ শতাব্দীতে এই বিষয়টা নিঃসন্দেহরূপে ইটালিতে প্রমাণিত হইয়া গিয়াছিল। এবং সে যুগে স্থপতি ও উদ্যান-শিল্পী যথায় যত্ন ও দতর্কতাসহকারে আপন আপন কৃতিত্ব দেখাইয়া অট্টালিকাগুলিকে উদ্যানের, ও উদ্যানগুলিকে অট্টালিকার



কুঞ্জভবনের স্তম্ভশ্রেণী

টুকু উদ্যানরচনার একমাত্র স্থান ছিল, তাহার পরিবর্তে পরিবর্তী যুগে আসিল,—সুরম্যা অট্টালিকার চতুর্দিকস্থ অবিস্তীর্ণ প্রাস্তর। সুদক্ষ উদ্যান-শিল্পীরা সেই কুটির বেষ্টনকারী ভূমিখণ্ডকে রমা হইতে রম্যতর উদ্যানে পরিণত করিবার জন্ত পরম্পরের সহিত প্রতিযোগিতা করিতেন। তৎকালীন শিল্পীরা স্বতঃসিদ্ধেরই মত প্রতিপন্ন করিয়া দিয়াছিলেন যে, "উপ্ত তরু-লতার নিসর্গজ শোভা,

যোগ্য করিয়া তুলিতেন। ইহারই একটা নমুনা পাঠকেরা শেষের চিত্রটিতে দেখিতে পাইবেন।

পূর্বোক্ত কারণগুলির জন্তই এই ঝালরসমূহ এমন মনোহারী। উহাদের পরিকল্পনা, কারুদক্ষতা, শিল্প-সূক্ষ্মতা, সৌন্দর্য্য-বিশ্বাস, সবই চমৎকার। উহাদের প্রাতিলিপিগুলি দেখিলেই আমরা বুঝিতে পারি যে রেনাসেন্সের যুগের ইটালির ধনী ব্যক্তিগণ তাঁহাদের উন্মুক্ত বাতায়নের দ্বিত



দিয়া যে উদ্ভান-শোভা নিরীক্ষণ করিতেন, কাউনিনে গ্রাণ্ভেলা ঝালর-গাত্রস্থ স্বপ্ন-স্বষমা-মণ্ডিত উদ্ভান-চিত্রগুলি দেখিতে তাঁহার পাঠ-গৃহে বসিয়া প্যানেমেকারের তৈয়ারী এই সকল পাইতেন।

কুঞ্জভবনের জীবজন্তুর মূর্তি



কুঞ্জভবনের পশুপক্ষীর মূর্তি

অস্ত্ৰ চিকিৎসা সম্বন্ধীয় প্রাচীনতম লিপি

আধুনিক চিকিৎসাশাস্ত্ৰের সৰ্ব্বাঙ্গীন উন্নতির যুগে আমাদের মনে কখনও কি এই প্রশ্ন উদয় হয় যে কোন্ যুগে, কাহারো চিকিৎসাশাস্ত্ৰে সৰ্ব্বপ্রথম সম্যক জ্ঞান লাভ করিয়াছিল? এই জাতীয় সংবাদ আহরণার্থ সময় অতিবাহিত করাকে আমরা নিতান্তই সময়ের অপব্যবহার বলিয়া মনে করি। এই দিকে কিছু অগ্রসর হইলে আমরা যে অনেক প্রকারের কৌতূহলোদ্দীপক তথ্য আবিষ্কার করিতে পারিতাম তাহার সন্দেহ নাই। প্রকৃত বিজ্ঞানসাহী ও অনুসন্ধিৎসুর সংখ্যা কম হইলেও, ইউরোপ ও আমেরিকায় তাঁহাদের সংখ্যা দিন দিনই বাড়িয়া যাইতেছে। তাঁহাদেরই প্রাণপাত পরিশ্রমের ফলে জানা গিয়াছে যে, প্রায় পাঁচ হাজার বৎসর পূর্বে প্রাচীন মিসরবাসীরা অস্ত্ৰচিকিৎসা শাস্ত্ৰের প্রভূত উন্নতি সাধন করিয়াছিলেন। বর্তমান যুগের পাশ্চাত্যশিক্ষায় বাৎসর্য অনেক শিক্ষাভিমानी চিকিৎসকেরা তর্কের খাতিরে পাশ্চাত্য ভেষজ-শাস্ত্ৰের বহু পূর্বেই আয়ুর্বেদ শাস্ত্ৰের অস্তিত্বের কথা স্বীকার করেন বটে, কিন্তু অস্ত্ৰ-চিকিৎসা যে অতি-আধুনিকতম বিজ্ঞা এবং ইউরোপের আমদানি, ইহার বাহিরে কোন কিছুই বিশ্বাস করিতে চাহেন না। এই ধারণা যে একান্তই ভ্রমাত্মক তাহা প্রাচীন মিশরের অস্ত্ৰ চিকিৎসা সম্বন্ধীয় যে লিপি আবিষ্কার হইয়াছে তাহার পাঠোদ্ধার হইতে বুঝিতে পারা যায়।

যে সময় পৃথিবীর অধিকাংশ জাতিই অজ্ঞানানুকারে আচ্ছন্ন ছিল, শিক্ষা দীক্ষার নাম মাত্র ছিল না, এমন কি সমাজ গঠন পর্যন্ত হয় নাই এবং বর্বরোচিত ভাবে কালান্তিপাত করিত, তাহার বহু বহু যুগ পূর্বেই মিসরবাসীরা জ্ঞানে, গরিমায় ও সর্বপ্রকার বিজ্ঞার অনুশীলনে পারদর্শিতা লাভ করিয়াছিলেন, তাহার ভূরি ভূরি প্রমাণ ক্রমশই জগতের সম্মুখে প্রকাশ হইয়া পড়িতেছে। জ্যোতিষ ও অক্ষশাস্ত্রে 'ইউক্লিড', স্থপতি-বিজ্ঞায় 'ইম্‌হোটেপ্' যে পথ-প্রদর্শক তাহা সর্ববাদীসম্মত; অধুনা অনুসন্ধানের ফলে জানা গিয়াছে যে 'ইম্‌হোটেপ্' স্থপতি বিজ্ঞা ব্যতিরেকে চিকিৎসাশাস্ত্ৰেও অগ্রণী ও বিশেষ বাৎসর্য ছিলেন।

খৃঃ পূঃ ২৮০০ বৎসর পূর্বে ফেরাও 'নেফারিরকেরি' যখন একদিন মেম্‌ফিস নগরীস্থ সাকারা সমাধিস্তূপের পর্য্যবেক্ষণ করিতেছিলেন সেই সময় তাঁহার প্রিয় অনুচর ওয়েশ্‌ফটাহ হঠাৎ বিশেষ অসুস্থ হইয়া পড়েন এবং পরে মৃত্যুমুখে পতিত হন। সেই সময় ফেরাও চিকিৎসাশাস্ত্ৰ সম্বন্ধীয় পাণ্ডুলিপি আনাইয়া তাহা হইতে রোগ নির্ণয় করিতে চেষ্টা করেন, এ বিষয়ের কথা ওয়েশ্‌ফটাহের কবরে লিখিত আছে। ইহা হইতে বুঝা যায় যে, সেই সময় চিকিৎসাশাস্ত্ৰ সম্বন্ধে গ্রন্থাদি প্রকাশিত হইয়াছিল, যদিও সেই পূর্বোক্ত পাণ্ডুলিপির কোনোটিই পরে খুঁজিয়া পাওয়া যায় নাই। পিরামিড্ যুগে



স্থানচ্যুত চোয়ালের হাড় পুনঃসংস্থাপন

(খৃঃ পূঃ ৩০০০ হইতে ২৫০০ বৎসর) ভেষজ বিজ্ঞায় ও অস্ত্ৰচিকিৎসায় যে অনেক উন্নতি সাধিত হইয়াছিল তাহার বহুল প্রমাণ আছে। সেই সময়ের একটি চোয়ালের হাড় পাওয়া গিয়াছে, তাহা হইতে দেখিতে পাওয়া যায় যে, চক্ষণ-দস্তুর নিয়ে যা হওয়ায় চিকিৎসক সেই স্থানের চোয়ালের হাড় ফুটা করিয়া পূঁজ বাহির করিয়া দিয়াছিলেন। ফেরাও-দের রাজত্বকালে চিকিৎসকদের চিকিৎসাশাস্ত্ৰ সম্বন্ধীয় বিশেষ বিশেষ বিষয়ে অনুশীলন করিবার জন্ত সুযোগ দেওয়া হইত। রাজপরিবারের জন্ত এইরূপ নানা বিভাগে নানা চিকিৎসক নিযুক্ত ছিলেন, তাহা তাঁহাদের পরিচয়-স্বাক্ষর



পদবী হইতেই বুঝা যায় ; যথা রাজপরিবারের দস্তচিকিৎসক, অস্ত্রচিকিৎসক, চক্ষুচিকিৎসক এবং 'পাকস্থলী ও অস্ত্র সঙ্কীর্ণ জ্ঞান বিশিষ্ট' চিকিৎসক। এই শেখোক্ত চিকিৎসক 'শরীরভাস্তুরস্থ তরল পদার্থের বিষয় অভিজ্ঞ' বলিয়াও অভিহিত হইত। যতদূর প্রমাণ পাওয়া গিয়াছে তাহা হইতে এই পর্গাস্ত বলা যাইতে পারে যে খৃঃ পূঃ তিন হাজার বৎসর পূর্বে মেম্ফিস নগরীস্থ সাকারার সিঁড়িওয়াল পিরামিডের নিৰ্মাতা ইম্ফোটপই সর্বপ্রথম একাধারে স্থপতি বিদ্যায় পারদর্শী ও চিকিৎসাশাস্ত্রে বাৎপন্ন ছিলেন। তাঁহার নিৰ্মিত সাকারার পিরামিড জগতের মধ্যে সর্বপ্রথম স্থপতি বিদ্যায়

কোন আমেরিকান পরিব্রাজকের নিকট বিক্রয় করে। তিনি উহা আমেরিকায় লইয়া যান এবং তাঁহার মৃত্যুর পর তাঁহার উত্তরাধিকারীগণ উক্ত ইনষ্টিটিউটকে উহা প্রদান করেন। ইহারা অতি আগ্রহ সহকারে ঐ লিপির পাঠোদ্ধার করিয়া উহা নিউইয়র্ক হিস্টরিকেল সোসাইটির যাজ্ঞবরে সম্বন্ধে রাখিয়া দিয়াছেন। পিরামিড বৃগে লিখিত চিকিৎসাশাস্ত্র সঙ্কীর্ণ পাণ্ডুলিপি যদিও বহুকাল পূর্বেই নষ্ট হইয়া গিয়া থাকিবে কিন্তু এই সকলের নকল নষ্ট হইবার পূর্বেই পুনরায় তাহাদের নকল রাখা হইত। বর্তমান লিপিতানি খৃঃ পূঃ ১৭শ শতাব্দীর লিখিত।



তীরচিহ্নিত স্থানগুলির ক্ষত চিকিৎসা সম্বন্ধে আরোগ্য হয় নাই

শ্রেষ্ঠ নিদর্শন বলিয়া পরিগণিত হইয়া আজ পর্যন্ত অটুট অবস্থায় রহিয়াছে।

আমেরিকার ওরিয়েন্টাল ইনষ্টিটিউট প্রাচ্য ভাষা সম্বন্ধে যে কোন পুরাতন লিপি বাহির হউক না কেন তাহার পাঠোদ্ধার করিতে চেষ্টা করেন এবং এই প্রকারে বহু মূল্যবান তথ্য আবিষ্কার করিয়াছেন। ইহাদেরই যত্নের ফলে মিসর-দেশীয় চিকিৎসাশাস্ত্র সঙ্কীর্ণ একমাত্র লিপির পাঠোদ্ধার হইয়াছে। লিপিতানি বর্তমান মিসরের লাক্সর নামক নগরের কোন কবর হইতে এক ব্যক্তি সংগ্রহ করিয়া উহা

প্যাপিরস নামক মিসর দেশীয় তৃণ নিৰ্মিত একপ্রকার কাগজের উপর এই প্রসিদ্ধ লিপিতানি লেখা হইয়াছে। কাগজখানি লম্বায় ১৫ ফুট ও দৈর্ঘ্যে প্রায় ১৩ ইঞ্চি হইবে। ভূমির সহিত আঠা মিশাইয়া কালি তৈয়ার করিয়া তদ্বারা উক্ত কাগজের উপর লেখা হইয়াছিল। এক একটি বিষয় লেখা হইবার পর কাগজের পাশে ও ফুট নোট হিসাবে তলায় দুক্কহ শব্দের সরল অর্থ বুঝাইয়া লেখা আছে। মাথা ও চোয়াল হইতে আরম্ভ করিয়া কণ্ঠনালী ও বক্ষ এবং পরে মেরুদণ্ড সঙ্কীর্ণ প্রায় ৪৮টি বিষয়ের অস্ত্র চিকিৎসার নিদান

ইহাতে দেওয়া আছে। সর্বনিম্নে মূল লেখা হইতে অসংলগ্ন কতকগুলি যাজ্ঞবিদ্যার ঔষধাদির বিষয়ও লেখা হইয়াছে। কি করিয়া বৃদ্ধকে যুবকে পরিণত করা যায় তাহারও ঔষধের ব্যবস্থা আছে। এই সকল ভৌতিক ও যাজ্ঞ বিদ্যা সম্পর্কিত ঔষধের সহিত কিন্তু মূল অস্ত্রচিকিৎসা বিষয়ক নিদানাদির কোনই সম্পর্ক নাই, কারণ প্রাচীন মিসরবাসীরা মানুষের শরীরে যে সব ব্যাধি দেখিতে পাওয়া যায় উহা শরীরের কোনও না কোন যন্ত্রের বিকৃতির ফলেই যে উৎপন্ন তাহা খুব ভাল রকমই অবগত ছিলেন। বর্ষের জাতির মত উহা


শ্রীহিমাংগকুমার বসু

দৈত্য দানবের কীর্তি বলিয়া বিশ্বাস করিতেন না।

লিপিতে উহা কোন স্থানে লেখা হইয়াছিল এবং উহার রচয়িতাকে তাহার কিন্তু কোন উল্লেখ নাই। খৃঃ পূঃ ত্রিংশ শতাব্দীর স্থপতি বিদ্যায় ও চিকিৎসাশাস্ত্রে সর্বপ্রথম অভিজ্ঞ ইম্‌হোটোপই যে ইহার রচয়িতা তাহাও সঠিক বলা যায় না, যদিও রচনা হইতে ইহা বেশ বুঝা যায় যে তিনি তৎকালীন ব্যাধি ও চিকিৎসা সম্বন্ধে অত্যধিক মনোযোগী ছিলেন এবং তাঁহাকে প্রকৃতপক্ষে এই সব ব্যাধির নামকরণ শরীরতত্ত্ব, অস্থিতত্ত্ব ও নিদানশাস্ত্রের বহুবিধ শব্দের সর্বপ্রথম শব্দকোষও তৈয়ার করিতে হইয়াছিল। এই জন্ত চিকিৎসাশাস্ত্রের জটিল ব্যাপারগুলিকে সোজাসুজি বুঝাইতে গিয়া তাঁহাকে সাধারণ পারিপার্শ্বিক জিনিষের সহিত তুলনা করিতে হইয়াছে; যথা মাথার ঘিলুর কুণ্ডলিতাবস্থার সহিত ধাতুমলের উপরিস্থিত সমকুণ্ডিত স্ফোটকগুলির সহিত তুলনা করিয়াছেন। চোয়ালের হাড়ের দুই পার্শ্বস্থিত দ্বিশাখাবিশিষ্ট উচ্চাংশটি যাহা শঙ্খাস্থির নিম্নকোটরে গিয়া শঙ্খাস্থির সহিত যুক্ত হয় উহাকে দুইটি নখবিশিষ্ট পাখী যদি শঙ্খাস্থিকে ধরিয়া থাকে তাহা হইলে যেমন দেখায় তাহার সহিত তুলনা করিয়াছেন। কোনও জলজ জীবাণুকে জমাট রক্তের আঁশের মত বলিয়া অভিহিত করিয়াছেন। মাথার খুলির উপরিভাগে কোন ছিদ্র হইলে উহাকে মাটার কলসের ছিদ্রের অনুরূপ বলিয়াছেন। এই প্রকারের তুলনামূলক কথা দিয়া এই সব জটিল ব্যাপারকে খুব সরলভাবেই বুঝান হইয়াছে, ইহা তাঁহার বুদ্ধিমত্তার পরিচায়ক।

কবর খনন করিয়া এক স্থানে প্রায় পাঁচ হাজার মৃতদেহ পাওয়া গিয়াছে, উহার মধ্যে শতকরা প্রায় তিন

চারিজনকে কোন না কোন হাড় ভাঙিয়া যাওয়ার যে তাহার চিকিৎসা করা হইয়াছিল তাহার প্রমাণ বর্তমান রহিয়াছে। অস্ত্রচিকিৎসা সম্বন্ধীয় প্রায় তেত্রিশ প্রকারের বিষয়ের বর্ণন আমরা এই প্রাচীনতম লিপিতে দেখিতে পাই। মাংসপেশী ও মাংসতন্ত্র সম্বন্ধীয় জ্ঞানের বিষয়ও লিপিবদ্ধ আছে। পুঁজ নিষ্কাশন ও ক্ষত সারাইবার জন্ত তাঁহাদিকে অস্থিতত্ত্ব ও শরীর বিজ্ঞানের যথেষ্ট আলোচনা করিতে হইত। মাংসপেশী ও মাংসতন্ত্র সম্বন্ধীয় জ্ঞানের বিষয় লিপিবদ্ধ দেখিয়া ইহাও বেশ বুঝা যায় যে, সেই




A—ক্ষত আরোগ্য হয় নাই

B—ক্ষত আরোগ্য হইয়াছে

চিকিৎসক শব্দবাবুদেরও ব্যবস্থা করিতেন। মস্তিষ্কই যে দৈহিক ও মানসিক সর্বপ্রকার কার্যের পরিচালক ও কেন্দ্রবিশেষ তাহার বিষয়ও আমরা সর্বপ্রথম এই লিপিতে উল্লেখ দেখিতে পাই। মস্তিষ্কের আঘাতের সহিত নিম্নস্তরের পক্ষাঘাতের যে ঘনিষ্ঠ সম্পর্ক আছে এবং হৃৎপিণ্ডকে কেন্দ্র করিয়া যে একটি তদসম্পর্কীয় মণ্ডলী আছে ও হৃৎপিণ্ড স্বাভাবিক অবস্থায় না থাকিলে তাহার ফলাফল যে তাহা হইতে দূরে অবস্থিত যে কোন শরীরবস্তুর উপর প্রতিকলিত হয়, এই সকল তথ্যের উল্লেখও লিপিতে পাওয়া যায়। স্থানচ্যুত অস্থিকে স্বস্থানে পুনঃস্থাপনের নিমিত্ত তাঁহাকে হস্ত-



কৌশলের সাহায্যে লইতে হইয়াছে। এই বিষয়ের একটি প্রাচীন চিত্র পরবর্তী যুগে গ্রাসে পাওয়া গিয়াছে। চিত্র দেখিয়া বুঝিতে পারা যায় যে, চিকিৎসক অতি বিচক্ষণতার সহিত স্থানচ্যুত চোয়ালের হাড়কে স্বস্থানে পুনঃস্থাপন করিতেছেন। ক্ষতস্থান সেলাই করিয়া দিলে যে তাহা শীঘ্র আরোগ্য হয় এ মর্শ্বও তাঁহার জানা ছিল, এবং যেস্থানে সেলাই অসম্ভব সে স্থানটী অধুনা-ব্যবহৃত 'Z. O. Adhesive Plaster' যের কাপড়ের উপর চট্‌চটে পলস্তরা লাগাইয়া ক্ষতের উপর লাগাইয়া দিতেন।



প্রাচীনকালের সৌবনচিকিৎসা

লিপিধানির প্রত্যেক অংশে অতি যত্নের সহিত একটির পর একটি রোগের বিষয় বিশদভাবে বর্ণনা করা হইয়াছে। রোগের নাম সর্বপ্রথমে উপরে লিখিয়া তন্মিলে রোগীকে পরীক্ষার ফলে যে সব বাহ্য লক্ষণাদি পাওয়া গিয়াছে তাহার

বর্ণনা দেওয়া আছে এবং সর্বশেষে রোগ নির্ণয় করা হইয়াছে। কাজেই আমরা দেখিতে পাইতেছি যে পাঁচ হাজার বৎসর পূর্বের মিসরবাসীরা সমাজবদ্ধভাবে বাস করিতেন এবং প্রায় সর্বপ্রকার বিদ্যা ও বিজ্ঞানে পারদর্শী ছিলেন। পরবর্তী যুগে খৃঃ পূঃ প্রায় ৩০০ শতাব্দীর সময় গ্রীসবাসীরা আলেকজেন্দ্রিয়া সহরে একটি বিখ্যাত



অস্ত্রচিকিৎসা সম্বন্ধীয় প্রাচীনতম লিপি

আয়ুর্বিজ্ঞান বিদ্যালয় খুলিয়াছিলেন এবং প্রাচীন মিসরবাসীদের চিকিৎসা পদ্ধতির উপর অনেক কিছু উন্নতি সাধন করিয়াছিলেন।

শ্রীহিমাংগুকুমার বসু

বনভোজন

শ্রীঅক্ষয়কুমার সরকার

৮

দুন্ধিনের রাত্রি শীঘ্র কাটে না।

রাত্রি তখন মোটে নয়টা। কিন্তু ভরা ভাদ্রের জল-
বৃষ্টির আঁধারে তাহাকেই বেশী মনে করিয়া সহানুভূতিশীল
আগন্তুকেরা প্রাণ সকলেই চলিয়া গেল। তখন ঘরের
ভিতরে প্রদীপের মিটমিটে আলোকে বিভা ও অতুলের
মা রোগীর গুরুত্বা করিতেছিল, বাহিরে নব চাঁড়াল
অন্ধকারে বসিয়া তাহার খালি ছঁকাটিতে তামাক খাইতেছিল,
এবং হেমন্ত একটু দূরে বসিয়া কি ভাবিতেছিল।

ঠাৎ একবার বামুনমার সহজ অবস্থা ফিরিয়া আসিলে
তিনি বিভার দিকে চাহিয়া বলিলেন, “মা, একবার আমার
বুকে আয়!” তাহার পর তাহাকে ডান হাত দিয়া
বুকে চাপিয়া ধরিয়া যেন তাহার স্পর্শের স্নিগ্ধ প্রলেপে
আপনার সর্বাঙ্গের তীব্র যন্ত্রণা শান্ত করিয়া রাখিতে
চাহিলেন। তিনি কি যেন একটা উপদেশের কথা বলিতে
বাইতেছিলেন, কিন্তু তাহা উচ্চারিত হইবার আগেই
অসহনীয় যন্ত্রণার পুনরাক্রমণে “কখন শেষ হবে মা?”
বলিয়া একটা আর্তনাদের সঙ্গে সঙ্গেই আবার জ্ঞানহার্য
হইয়া পড়িলেন। বিভার মাথাটি তখনও তাহার বুকের
উপর ছিল, এবং বোধ হয়, সমস্ত দিনের মধ্যে এই প্রথম
তাহার চক্ষু ফাটিয়া জল বাহির হইয়া তাহার আজন্ম আশ্রয়
স্থল সেই পুরাতন স্নেহপূর্ণ বুকটি ভাসাইয়া দিল। বিভা
তাহার বিমার যন্ত্রণার তীব্রতা সমস্ত দিন ধরিয়া অনুভব
করিতেছিল, কিন্তু এখন তাহার দেহ সেই স্নেহ-
ময়ীর বকের সহিত সংলগ্ন ছিল বলিয়াই তাহার এই
মুহূর্তের আর্তনাদ বিভার পক্ষে একটা তড়িৎস্পর্শ
রূপে সেই যাতনার তীব্রতার পরিমাপ তাহার
মর্শের ভিতর সমাকরূপে অঙ্কিত করিয়া দিল।
একবার মাত্র কাতর চীৎকার করিয়া উঠিয়া এই রাত্রিতে!”

বিভা অকস্মাৎ স্তব্ধ হইয়া গেল। বাহিরে নব
চাঁড়াল আশঙ্কার স্বরে বলিয়া উঠিল, “কি হ’ল দিদিমণি!”
এবং হেমন্ত তাড়াতাড়ি উঠিয়া ঘরের ভিতর আসিয়া
পড়িল।

মুহূর্তের মধ্যেই আপনাকে সামলাইয়া লইয়া “কিছু
না” বলিয়া হেমন্তের দিকে দৃষ্টি পড়িতেই বিভা শাস্ত
দৃঢ়তার স্বরে তাহাকে বলিল, “আমার সঙ্গে একবার
বাইরে এস ত, তোমাকে একটা কথা বলব।”

বাহিরে গিয়া সে বলিল “দেখ, আমরা বড় নিঃসহায়।
কোন উপায় নেই ব’লেই তোমাকে একটা অমুরোধ করছি।”

“কি করতে হবে বল।”

“তোমাকে একবার হরিপুরের ম্যানেজারের কাছে যেতে
হবে। আর সেখানে ম্যানেজারকে আমার নাম ক’রে
বলতে হবে যে, আমাদের এই বিপদে তিনি যদি চেষ্টা ক’রে
জেলার বড় ডাক্তারকে আনিয়ে দেন—তা হ’লে” একটু
থামিয়া বলিল, “তিনি যা চান তাই হবে।”

“যাচ্ছি” বলিয়া হেমন্ত তাহার মুখের উপর দৃষ্টিপাত
করিতেই সেখানে এমন একটা কিছু দেখিতে পাইল যাহাতে
সেই চিরকালে ডানপিটে ছেলেটিকেও কয়েক মুহূর্ত
স্তব্ধভাবে দাঁড়াইয়া থাকিতে হইল। তাহার পর সে
বাশের আলনার ঝুলান তাহার কোটটি গায়ে দিয়া,
একটা বাশের ছোট লাঠি হাতে লইয়া যখন তাহার
গন্তব্য পথে যাত্রা করিতেছিল, তখন বিভা হারিকেন
লণ্ঠনটা ঘর হইতে বাহির করিয়া নব চাঁড়ালকে
বলিল, “তুমি এই আলোটা নিয়ে এ’র সঙ্গে যাও ত নব।”

“কোথায় দিদিমণি?”

“হরিপুরের কাছারিতে—”

অতিমাত্রায় বিস্মিত হইয়া নব বলিয়া উঠিল, “হরিপুর!



বিভা একটিমাত্র কথায় উত্তর দিল, “হাঁ।”

“কিন্তু নদী যে তিন পো দিদি। নৌকা নেই, পার হ'বার উপায়—”

হেমন্ত তাহার কথায় বাধা দিয়া বলিল, “এস, সাঁতার জান ত।”

বিভা একবার শিহরিয়া উঠিয়া হেমন্তর মুখের উপর চাহিয়া বলিল, “কাজ নেই তবে।”

নব বলিল “মানুষের সাধা নয় দিদি; বানের জোরে খড় পড়লে কুটি কুটি হ'য়ে যাচ্ছে।”

হেমন্ত লঠনটা হাতে তুলিয়া লইয়া বলিল, “আমি চল্লুম। কিন্তু রাস্তাটা ত জানি না। একটু ব'লে দিতে হবে, নব।”

ঘরের ভিতর হইতে বামুনমার কণ্ঠে স্পষ্ট স্বরের আহ্বান আসিল, “বিভা, মা আমার, কোথায় গেলি মা?”

অতুলের মা তাড়াতাড়ি ভাহাকে ডাকিতে আসিতেছিল, কিন্তু তাহার আগেই বিভা একরকম ছুটিয়াই ঘরে ঢুকিল। তাহার মুখের দিকে চাহিয়া তিনি বলিলেন, “হেমন্ত কোথায় মা?” তাহার পর অতুলের মাকে ডাকিয়া বলিলেন, “তাকে একবার ডাক ত অতুলের মা, আর তুমিও শোন আমি যা বলি।”

হেমন্ত আসিয়া কাছে দাঁড়াইতেই তিনি ইচ্ছিতে তাহাকে পাশে বসিতে বলিয়া তাহার হাতটা টানিয়া আনিয়া আপনার বুকের উপর রাখিলেন। তাহার পর অপর পার্শ্বে উপবিষ্টা বিভার হাতখানি লইয়া হেমন্তের হাতের উপর রাখিয়া বলিলেন, “অনেক কথা বুঝিয়ে বলতে হয়, কিন্তু তার সময় নেই আমার সামর্থ্যও নেই, এবং হয় ত বা তোমরা সব বুঝতেও পারবে না। তবু যা পারি তা বলছি। তুমি আমাকে ফাঁকি দিতে পার নি, বাবা। তোমার কাহিনী শুনেই আমি তোমাকে ধ'রে ফেলেছি। তুমি ওরকম ক'রে পুরোনো কথায় কোতূহলী না হ'লেও, তোমার চেহারা, তোমার ঐ মুখের, বিশেষত নাকের গড়ন সেকালে যারা দেখেছিল তাদের মনে ক'রে দিতই দিত যে রায়গোষ্ঠির, বহুরায়ের, শরীরের ছাপ তোমার দেহের উপর আছে। বুড়ী শশীমুখা পর্যন্ত—যাক সে কথা। এতদিন পরে তুমি

যে কি মনে ক'রে এই গাঁয়ে তোমাদের পড়ে ভিটায় এসে অধিষ্ঠান হয়েছিলে তা তুমিই জান। আমার কিন্তু কেবলই মনে হচ্ছিল এতদিন পরে ঈশ্বর এ অদ্ভুত সংঘটন ঘটালেন কোন উদ্দেশ্যে। একটা বড় আশা হচ্ছিল, আবার তা'র পথে অনেক বাধাবিলম্বও দেখেছিলুম। বিভা হয়ত তোমার চেয়ে বয়সে একটু বড়—তা কুলীনের ঘরে অমন অনেক হয়—আমি নিজে দেখেছি। তারপর তোমার হয়ত চালচলো নেই—হয়ত বা বিদ্যে সাধিও নেই। কিন্তু তোমার যে বুদ্ধি আছে তোমার যে হৃদয় আছে, তোমার ভিতর যে অনেক মিষ্টি জিনিষ ভাল জিনিষ আছে, তা তোমার মুখ দেখে আর এই চার দিন একসঙ্গে থেকে যে না চিন্তে পারবে সে অন্ধ। লোকে বলে পার্শ্বতী বামনি মুখ দেখে মানুষের অন্তরের কথা ব'লে দিতে পারে। তোমার সম্বন্ধে অন্ততঃ আমি যে ভুল করিনি—যাক সেকথা। সব চেয়ে বড় বাধা ছিল যদি তুমি স্বীকার না কর, আরও একটা বড় বাধা, বিভার।” হঠাৎ বামুনমা একটু থামিয়া গেলেন। হয়ত বা যন্ত্রণার একটা নূতন তীব্রতা তাঁহার মস্তিষ্কে দারুণ আঘাত করিল। আবার বলিতে লাগিলেন, “তারপর বুড়ো সতীশ মুখুয়ার কথা। যা সম্ভব নয় তাও। বিভার বিয়ের কথা বহুকাল ধ'রে ভেবে ভেবে, বহুস্থানে হতাশ হ'য়ে আমার মতিভ্রম হ'বার উপক্রম হয়েছিল। তা' না হ'লে আমার অমন গৌরী-প্রতিমা মাকে বিসর্জন দেবার—” ঘরের ভিতর দুইজন আগন্তকের ছায়া পড়িতে দেখিয়া তিনি বলিলেন, “কারা তোমরা?”

অতুলের মা চাহিয়া দেখিয়া বলিল, “বিভার সই আর তার বর।”

আনন্দের ভূষণে বামুনমার চক্ষু দুইটি উজ্জল হইয়া উঠিল। তিনি যে হাতটি দিয়া বিভা ও হেমন্তের সংলগ্ন কম্পমান স্বদেশিক হাত দুইটি আপনার বুকের উপর চাপিয়া রাখিয়াছিলেন, সেই হাতটি তুলিয়া কপালে ঠেকাইয়া মুহূর্তের মধ্যে আবার পূর্বের ভাবে রাখিয়া বলিতে লাগিলেন, “ভগবানের দয়া! আর মা, এস বাবা। তোমরাও সাক্ষী—” একটু ম্লান হাসি হাসিয়া তাহাদের

শ্রীঅক্ষয়কুমার সরকার

দিকে চাহিয়া আবার বলিলেন, “বিভার বিয়ে—এই সত্যিকার বিয়ে—মনের বিয়ে—বাইরের বিয়েটা—”

বিভার দৃষ্টি অকস্মাৎ একবার হেমস্তের মুখের উপর পড়িল, এবং তাহার পরেই তাহার কণ্ঠ হইতে দৃঢ় স্পষ্টস্বরে উচ্চারিত হইল “ঝি মা !”

“হাঁ মা ! মনকে ফাঁকি দিও না। আর তুমি ত সে মেয়েও নও মা ! যা সত্য যা উচিত তাতে লজ্জাও নেই—দোষও নেই—তা তুমি ত আমার চেয়ে কম জান না মা—”

“তোমার পায়ে পড়ি ঝি মা—এমন কাজ তুমি ক’রে দেও না—এমন ক’রে তুমি আমাকে বেঁধে ফেলে—”

ঝি মার চক্ষুর আনন্দের তৃপ্তি অন্তর্হিত হইয়া সেখানে একটা নিরাশার ছায়া আসিয়া পড়িল। কিন্তু বিভার মুখের দিকে আর একবার চাহিবামাত্রই তাঁহার চক্ষুর দাপ্তি পুনর্বার ফিরিয়া আসিল, এবং সঙ্গে সঙ্গে তত যন্ত্রণার মধ্যেও বদনমণ্ডলে মৃদু প্রসন্নভাব উদয় হইল। স্বগতভাবে বলিয়া উঠিলেন, “যা ভয় হচ্ছিল, তা ত নয়। আনন্দ নয় ; সঙ্কোচ, তাও নয়। তবে—? যাই হোক—ভাববার ত আর সময় নেই।” একটু থামিয়া কি ভাবিয়া লইয়া আবার বলিলেন, “হেমস্ত, তোমাকে আমি বিভাকে দিয়ে গেলাম। পুরুত এখন মস্তুর পড়লে না বটে, কিন্তু ভগবানের কাছে আমি মস্তুর প’ড়ে তোমাদের এই বন্ধন অচ্ছেদ্য ক’রে যাচ্ছি। বিভা যে কারণেই যাই বলুক, তোমার দাবি তুমি ছেড়ে না। তাতে তোমার পাপ হবে, পৌরুষের হানি হবে। বিভাকে তুমি পতিতা হ’তে,—দ্বিচারিণী হ’তে—

মুমূর্ষুর কণ্ঠের এই উত্তেজনাগম্য গম্ভীর বাণীতে সেই গৃহের করটি প্রাণীই তখন রোমাঞ্চিত হইয়া উঠিয়াছিল। বামুন মা মুহূর্তের জন্ম অন্তমনস্ক হইয়া আবার বলিতে লাগিলেন, “তোমরা সুখী হবে, আমি আশীর্বাদ করছি। অনেক আশঙ্কা হয়েছিল। এত যন্ত্রণার মধ্যে কেবলমাত্র একটি চিন্তা আমার সমস্ত মনকে দখল ক’রে বসে ছিল। কি যে কর্তব্য তা’ ঠিক ক’রে উঠতে পারছিলাম না। তারপর একটু আগে

যেন তন্ত্রার মত এসেছিল আর তারই মধ্যে আমার অন্তরের দেবতা যেন আমাকে বলেছিলেন— সতীশ মুখুর্ষো ! অমন মহাপাপ তুই করিস্ নে—জেনে শুনে মেয়েটাকে আজীবন জলন্ত আগুনে ঝলসাবার ব্যবস্থা—” তাহার পর আবার একটু থামিয়া, বোধ হয় তনুহুর্ভাগত যন্ত্রণার তীব্রতাকে সামলাইয়া লইয়া বলিলেন, “অতুলের মা, তুমি আমার পেটের মেয়ে নও কিন্তু তার চেয়ে কমও নও। তুমি এদের বিপদে আপদে দেখো, আর যাতে মস্তুরটা পড়া হয়, সামাজিক ক্রিয়াটা—” সেই সময় বিভার সেইএর দিকে দৃষ্টি পড়াতে তাহাকে বলিলেন “সুভাষ, মা, তুমি আর বিভা ভিন্ন-প্রাণ নও জানি— তোমাকেও বলছি তোমার বরকেও বলছি, তোমরা আমার এই সম্প্রদানের সাক্ষী রইলে, দেখো যেন পার্শ্বতা বামণীর এই দান অক্ষুণ্ণ থাকে, সার্থক হয়।” আবার অতুলের মায়ের দিকে চাহিয়া বলিলেন “যদি তেমন বাধাবিঘ্ন কিছু দেখ, কালীঘাটে আমার শিষ্যবাড়িতে—”

বোধ হয় হঠাৎ যন্ত্রণাটা একবারে অসহ্য হওয়ায় একটা আর্তনাদ করিয়া বামুন মা আবার অচেতন হইয়া গেলেন। তনুহুর্ভে যে হাতটি একান্ত আগ্রহে বিভা এবং হেমস্তের সংলগ্ন হাত দুইটি এতক্ষণ পরম প্রিয় সামগ্রীর মত হৃদয়ের উপর চাপিয়া রাখিয়াছিল তাহা শিথিল হইয়া পড়িল। বিভা তাহার হাতটি তুলিয়া লইয়া উঠিয়া দাঁড়াইল এবং হেমস্তকে চক্ষুর ইঞ্জিতে তাহার সহিত বাহিরে আসিতে বলিল। হেমস্ত তাহার পশ্চাৎ পশ্চাৎ বাহিরে আসিতে আসিতে গুনিতে পাইল, “নন দাদা, তুমি কি এ’র সঙ্গে হরিপুরে—”

“দরকার নেই। রাস্তার কথাটা ব’লে দিলে আমি একাই যেতে পারব” বলিয়াই হেমস্ত উঠানে কিছুক্ষণ আগে পরিত্যক্ত আলোটা এক হাতে আর লাঠিটা অপর হাতে তুলিয়া লইয়া যাইবার উপক্রম করিল ; তারপর হঠাৎ একবার কি ভাবিয়া বিভার চক্ষুর উপর দৃষ্টিপাত করিয়া জিজ্ঞাসা করিল, “সতীশ মুখুর্ষোকে কি বলব ?” সেই সময়ে বিভার চক্ষুর অস্বাভাবিক উজ্জ্বল দৃষ্টি তাহার নয়নে পতিত হওয়াতে তাহার দৃষ্টি সঙ্কোচে নত হইয়া গেল।



এবং সঙ্গে সঙ্গে তাহার কণ্ঠে তীব্র স্পষ্ট স্বরে ধ্বনিত হইল,
“খা বলতে হবে তা’ত বলেছি।”

বিভার সহি তাহার কাছে আসিয়া দাঁড়াইল। সে
বলিল, “সয়া কোথায় গেল সহি ?

“হরিপুরে।”

বোধ হয় সতাপ মুখ্যোর তদ্বির বা অর্থের জোরেই
পরদিন প্রাতঃকালের অল্পক্ষণ পরেই জেলার বাঙ্গালী
সিভিল সার্জন এবং তাহার সহকারী আসিয়া পৌঁছিলেন।
রোগীর তখন প্রায় শেষ অবস্থা। হেমস্তের হস্তে বিভাকে
সেই সম্প্রদানের পর তিনি যে জ্ঞানহারা হইয়া পড়িয়াছিলেন
সমস্ত রাত্রির জ্বর বিকার এবং প্রলাপের মধ্যে তাহার
জ্ঞান আর ফিরিয়াছিল কি না কেহ ঠিক বুঝিতে পারে
নাই। তবে অনেকেই লক্ষ্য করিয়াছিল যে মাঝে মাঝে
তাহার চক্ষু পার্শ্বে উপবিষ্টা বিভার মুখের উপর স্নেহ
দৃষ্টিপাত করিয়াই যেন আর কাহাকে খুঁজিতেছিল ; কিন্তু
তাহার মুখ হইতে কোন জ্ঞানের কথা উচ্চারিত হয় নাই।

সিভিল সার্জন রোগীকে পরীক্ষা করিয়া বলিলেন, “এত
রক্তস্রাব হ’য়ে গেছে যে, এখন বাঁচান এক রকম অসম্ভব ;
সময়ে যদি হাতটা কেটে ফেলা হ’ত—” এই সময়ে তাহার
দৃষ্টি হেমস্তের উপর পড়াতেই বলিয়া উঠিলেন, “তুমিই কাল
রাত্রিতে আমার কুঠিতে গিয়েছিলে না ? বাহাহর ছোকরা
বটে ! রোগী কি তোমার মা ?”

সুভাষিনীর স্বামী সেখানে দাঁড়াইয়াছিল। সে কি
বলিতে যাইতেছিল, তাহাকে বাধা দিয়া হেমস্ত যেন একটা
উত্তেজনার সঙ্গে বলিয়া উঠিল, “না, মা নন্, কেউ নন্।”

বুদ্ধ ডাক্তার হঠাৎ উঠিয়া দাঁড়াইয়া হেমস্তের কাছে সরিয়া
আসিয়া তাহার মুখের উপর কিয়ৎকালের জন্ত দৃষ্টি নিবদ্ধ
রাখিয়া বলিলেন, “পরের জন্ত মানুষ এতটা করতে পারে !”
তাহার পর তাহার দৃষ্টি হেমস্তের ক্ষতবিক্ষত পাদুটির উপর
পড়িতেই তিনি সুভাষিনীর স্বামীর দিকে ফিরিয়া বলিলেন,
“এরূপ যে গুণ্ধার দরকার। এ মহাপ্রাণ কাল সমস্ত
রাত ধরে—”

অতুলের মা আসিয়া বলিল, “বিভামিদি তোমাকে
ডাকছে।” হেমস্ত বোধ হয় সিভিল সার্জনের প্রশংসা-
মান দৃষ্টি হইতে অব্যাহতি পাইবার জন্তই তাড়াতাড়ি ঘরের
বাহির হইয়া গেল।

রান্নাঘরের দ্বারে বিভা দাঁড়াইয়াছিল। একটা গাড়ুর
উপর গামছা এবং গরম সরিষার তেলের একটা
বাটি তাহার পায়ের কাছে রাখিয়া মৃদুস্বরে বলিল,
“আমারত সম্ব নেই, তুমি পাটা ধুয়ে একটু পায়ের—”
অতুলের মা একখানা শুকনা কাপড় হাতে করিয়া আসিয়া
দাঁড়াইতেই তাহার কথা আটকাইয়া গেল। কিন্তু তাহার
পূর্বেই হেমস্ত সেই তরুণীর চক্ষুর উপর দৃষ্টিপাত করিয়া
সেখানে এমন একটা অমুনভূতপূর্ণ নারীস্নেহের স্নিগ্ধ মধু-
রতার আশ্বাদ পাইল যে, তাহার প্রকৃতি সে ঠিক ধারণা
করিতে না পারিলেও, তাহাতে তাহার অন্তরাঙ্গা পুরস্কারের
অপূর্ণ পরিতৃপ্তিতে একান্ত প্রসন্ন হইয়া উঠিল। সে বিভার
চক্ষুর উপর সলজ্জ হাসিমাখা দৃষ্টি রাখিয়া বলিল, “তেল কি
হবে ? তুমি বি মা’র কাছে যাও। আমিও পাটা ধুয়েই
যাচ্ছি।”

অতুলের মাকে দিয়া রমেশকে ডাকাইয়া বিভা জিজ্ঞাসা
করিল, “ডাক্তার সাহেব কি বলছেন ?” রমেশ সব কথা
বলিতে ইতস্ততঃ করিতেছিল, এমন সময়ে হেমস্ত আসিয়া
সেইখানে দাঁড়াইলে বিভা তাহার দিকে একান্ত নির্ভরে
চাহিয়া বলিল, “তুমি একবার ডাক্তার সাহেবকে বল আমার
ঝিমাকে ভাল ক’রে দিতে।”

তাহার দিকে একবার মাত্র চাহিয়া হেমস্ত রমেশের সঙ্গে
রোগীর ঘরের দিকে অগ্রসর হইল। সেখানে কিছুক্ষণ পরা-
মর্শের পর ডাক্তার বলিলেন, “কোন আশাই নেই। তবে
যখন এসেছি হাতটা কেটে দিয়ে একবার দেখতেও ক্ষতি ছিল
না। কিন্তু তা হ’লে আর কারও রক্ত খানিকটা শরীরে—”

সাগ্রহে হেমস্ত বলিল, “তা’হলে রক্ষা পাবেন ?”

ডাক্তার বলিলেন, “তা’র বিশেষ সম্ভাবনা নেই। তবে
আমাদের শাস্ত্রে এরকম ক্ষেত্রে চিকিৎসা এইরূপই—”

হেমস্ত বলিল, “তাহলে শীঘ্র ব্যবস্থা করুন।”

“রক্ত কে দেবে ?”

শ্রীঅক্ষয়কুমার সরকার

হেমন্ত একটু লজ্জিত ভাবে বলিল, “তা হ’বে এখন—”

ডাক্তার তাহার দিকে চাহিয়া বলিলেন, “তুমি ? তা তোমার দেহ বলিষ্ঠ। তেমন কোন বিপদের সম্ভাবনা দেখি না। কিন্তু রক্তও অনেকটা লাগবে, আর কাল সমস্ত রাত ধরে তুমি যে পরিশ্রম করেচ তা’র ফলে হয় ত তোমাকে কিছু দিন শয্যাগত থাকতে হবে। তোমার ত কেউ নন শুনচি -”

হেমন্ত মৃদু হাসিয়া বলিল, “আপনি বন্দোবস্ত করুন।”

বিভা সেখানে দাঁড়াইয়াছিল বলিয়া ইংরেজীতে কথা গুহুতেছিল।

হেমন্তের বামহ’তের একটা স্থানে কি একটা ঔষধ লাগাইয়া ডাক্তার যখন তাহাকে রোগিনীর পাশে গুহুতে বলিলেন তখন বিভা আশ্চর্যা হইয়া রমেশকে জিজ্ঞাসা করিল, “কেন ?”

রমেশের কথায় কারণ অবগত হইবামাত্র বিভার শরীরটা যেন তাহার অজ্ঞাত সারেই কাঁপিয়া উঠিল, এবং সেই ভাবেই তাহার মুখ দিয়া বাহির হইয়া গেল, “রক্ত দিতে হবে !”

মুহূর্ত্ত মধোই কিন্তু সে বেশ ধীরতার সহিত বলিল “কিন্তু এর রক্ত কেন ? আমি ত রয়েচি।”

হেমন্ত অতুলের মাকে ইঙ্গিত করিয়া তাহাকে বাহিরে গইয়া যাইতে বলিল। সে কিন্তু হেমন্তের দিকে চাহিয়া বলিল, “তুমিও একটবার আমার সঙ্গে এস।”

তাহারা বাহির হইলে ডাক্তার জিজ্ঞাসা করিলেন, “মেয়েটি চলেটিতে কি সম্পর্ক ?”

রমেশ একটু সঙ্কোচের হাসি হাসিয়া বলিল “কি বলব ? ইংরেজ হ’লে বলতুম Fiancee (বাগদত্তা)”

ডাক্তারও একটু হাসিয়া বলিলেন “ওঃ, বুঝেচি, কিন্তু বয়স ত প্রায় সমান। ব্রাহ্ম ? না, পইতে রয়েছে যে--”

বিভা বাহিরে হেমন্তকে বলিল, “রক্ত আমি দেব” এবং হেমন্তের মুখে একটা প্রতিবাদের আভাষ মাত্র পাইয়া হকস্মাৎ উত্তেজিত হইয়া বলিয়া উঠিল, “তুমি কোথাকার মে পয় ! তোমার রক্ত আমার ঝিমা’র পবিত্র দেহে—”

“আমি ত আর এখন পর নই, বিভা, ঝি, মা ত কাল রাত্রিতে আত্মীয়ের অধিকার—”

কথা শেষ হইবার আগেই একটা অপ্রত্যাশিত তীব্র স্বরে চমকিত হইয়া হেমন্ত তাহার সম্মুখস্থিত তরুণীর মুখের দিকে চাহিয়া দেখিতে পাইল যে, তাহার সে অঙ্গটা যেন একটা বিস্মী ভাবে—ঘুগায়, তাচ্ছীলো বা বিরক্তিতে অথবা ঐ তিনটারই সংমিশ্রণে ভরিয়া উঠিয়াছে,—এবং তাহার নেত্র দুইটি ক্রোধে ক্ষীত এবং উজ্জ্বল হইয়া উঠিতেছে। স্তম্ভিত হেমন্তের কর্ণে প্রবেশ করিল, “তুমি এত হীন, এত নিলজ্জ যে, আমার এই মহাবিপদের কালে, আর মুমূর্ষু ঝিমা’র কথা আমি না-কর্ত্তে পারবনা জেনে, তাঁর বিকারের ঝাঁকের একটা অর্থহীন উচ্চারণের বলে আমাকে বাধতে আসচ ?”

কথাগুলি বলিতে বলিতে কেন যে তাহার চক্ষু দুইটি জলে ভরিয়া আসিল তাহা বলা শক্ত। কিন্তু তাহার পরেই হেমন্তের মুখের উপর তাহার দৃষ্টি পড়িবামাত্র সে যে কাণ্ডটা করিয়া বলিল তাহা মানব-বুদ্ধির একবারেই অবোধ্য। বিভা হঠাৎ হাঁটু গাড়িয়া বসিয়া পড়িয়া হেমন্তের পা দু’খানির উপর তাহার মুখটি রাখিয়া চক্ষুর জলে তাহা ভাসাইয়া দিয়া ভূত-গ্রস্তের মত বলিয়া উঠিল, “আমাকে মাপ কর, মাপ কর !” কিন্তু তাহার সে মনের ভাব মুহূর্ত্তের মধোই আবার অন্তর্হিত হইয়া গেল, এবং যখন হেমন্ত তাহার হাতখানি ধরিয়া তাহাকে তুলিয়া দাঁড় করাইল, তখন সে পূর্কের মতই স্পষ্ট এবং দর্প-পূর্ণ স্বরে বলিল, “আমার ঝিমা’র দেহে আমারই রক্ত যাবে, আর কারও নয়।” হেমন্ত কি বলিয়া প্রতিবাদ করিবে তাহা স্থির হইবার আগেই বিভা ঘরের ভিতর ঢুকিয়া পড়িয়া ডাক্তারকে বলিল, “রক্ত আমার দেহ থেকে নিন্।”

সেখানকার সকলের আন্তরিক প্রতিবাদ সত্ত্বেও তাহার পণ অক্ষুণ্ন রহিল। তাহার স্বস্থ সবল দেহ হইতে রক্ত লইলে তাহার কোন অনিষ্টের সম্ভাবনা নাই জানিয়া ডাক্তার তাহাতে মত দিলেন।

(ক্রমশঃ)

পুস্তক সমালোচনা

শ্রীঅরবিন্দের গীতা—১ম খণ্ড, ২য় সংস্করণ ;
শ্রীঅনিলবরণ রায় অনুদিত । প্রকাশক—শ্রীবিভূতিভূষণ
রায়, গুইর, কৈয়র পোঃ, বর্ধমান । ১৬ পেজী ডঃ ক্রাঃ
১৪৫ পৃষ্ঠা । মূল্য ১।০ টাকা ।

শ্রীঅরবিন্দের গীতা আমাদের দেশের গৌরব শ্রীযুক্ত
অরবিন্দ ঘোষ কর্তৃক লিখিত Essays on the Gita নামক
ইংরাজী গ্রন্থের বঙ্গানুবাদ । শ্রীযুক্ত অনিলবরণ রায় খুবই
প্রাজ্ঞল ভাষায় এই অনুবাদ করিয়াছেন, যদিও ইহা অবিকল
অনুবাদ তথাপি পড়িতে পড়িতে মনে হয় যেন একখানি
উপদেশ মৌলিক গ্রন্থ পাঠ করিতেছি । ইংরাজি ও বাংলা
উভয় ভাষাতেই অনিলবরণ সতেজ ও সরল হস্তে লিখিয়া
থাকেন, তাঁহার লেখা যথাযোগ্য সূচু চিন্তায় পরিপূর্ণ উচ্চ
সাহিত্যিক শক্তি ও উদার ভাবের পরিচায়ক ।

গীতা হিন্দুধর্মের সার । গীতাকে কোন বিশেষ সম্প্র-
দায়ের ধর্মগ্রন্থ মনে করিলে ভুল করা হইবে, গীতার ভাব
সার্বজনীন । সংক্ষেপে সকল ধর্মের সার সাধারণ সত্যগুলি
গীতাতে প্রকাশিত হইয়াছে । কিন্তু, যদিও গীতার রচনা-
ভঙ্গি সরল ও মনোরম তথাপি যে সব উচ্চ অধ্যাত্মসম্পদ
ইহাতে গূঢ়ভাবে ব্যক্ত হইয়াছে তাহা বুঝিতে হইলে উপযুক্ত
ব্যক্তির দ্বারা বিস্তৃত ব্যাখ্যা আবশ্যিক । এইরূপ সাহায্য
ব্যতীত পাঠকের পক্ষে গীতার বহুমূল্যবান শিক্ষা ধারণা
করা সম্ভব নহে । বর্তমান ক্ষেত্রে গীতার ব্যাখ্যা করিয়াছেন
আধুনিক বঙ্গের অধ্যাত্মসাধনার ঋষি, বিশ্ববিশ্রুত
শ্রীঅরবিন্দ । তিনি এই মহান্ গ্রন্থের রত্নভাণ্ডার হইতে
শুষ্ক অর্থসকল উদ্ধার করিয়াছেন । এই উৎকৃষ্ট ব্যাখ্যা
পাঠ করিলে গ্রন্থকার অধ্যাত্মবিষয়ের বিশ্লেষণে যে
মৌলিকতা ও গভীর অন্তর্দৃষ্টির পরিচয় দিয়াছেন তাহা
দেখিয়া বিস্ময়ে মুগ্ধ হইতে হয় । আমার কাছে জিনিষগুলি
এক নূতন আলোকে উদ্ভাসিত হইয়াছে ; পূর্বে গীতা
পাঠ করিবার সময় যাহা লক্ষ্য করিতে পারি নাই এখন

অনেক তথ্য আমার নিকট স্পষ্ট হইয়া উঠিয়াছে ।
শ্রীঅরবিন্দ দেখাইয়াছেন যে গীতা কোন বিশেষ সম্প্রদায়ের
গ্রন্থ নহে, কোন বিশেষ মতবাদের অঙ্গীভূত নহে । কোন
কোন বিষয়ে গীতা বেদ, উপনিষদ ও ষড়দর্শনকে ছাড়াইয়া
গিয়াছে, কেবল তাহাদের শিক্ষার সারটুকুই নিজের শিক্ষার
অঙ্গীভূত করিয়া লইয়াছে । বিরোধী ধর্মমত সকলের গীতা
মহন সমন্বয় ও সামঞ্জস্য-সাধন করিয়াছে এবং যে উচ্চ স্তর
হইতে গীতা সকল বিষয়কে দেখিয়াছে এমনটি আর
জগতের কোন ধর্মগ্রন্থে দেখিতে পাওয়া যায় না ।

জগতের বিভিন্ন ধর্মে যে সব মহান্ সমস্যা আছে, গীতা
অকুণ্ঠিত ভাবে সে সবের সম্মুখীন হইয়াছে এবং শুভ ও
অশুভের যে দ্বন্দ্ব চিরকাল দার্শনিকগণকে বিষম সমস্যায়
ফেলিয়াছে, যাহার জ্ঞান ত্রীষ্টান ধর্মকে জগতের উপরে
ভগবান ও সয়তান এই দুই বিরোধী শক্তির প্রভুত্ব স্বীকার
করিতে হইয়াছে, গীতা সে সমস্যার অত্যাচ্চ সমাধান
করিয়াছে ।

পূর্বেই বলিয়াছি শ্রীযুক্ত অনিলবরণ রায়ের অনুবাদে
মৌলিক গ্রন্থের স্বচ্ছন্দ্য ও সরলতা বিদ্যমান আছে ।
যদিও বিষয়বস্তুটি খুবই জটিল ও আধ্যাত্মিক, তথাপি
অনুবাদের গুণে উহা সরল ও সহজবোধ্য হইয়াছে ।
তাঁহার লেখার ভঙ্গি একই সঙ্গে হৃদয়কে স্পর্শ করে এবং
বুদ্ধিকেও আকৃষ্ট করে ।

গীতা পাঠ করিতে হইলে এই সারসান বইখানিও
পাঠ করা কর্তব্য ইহাই আমার অভিমত । মূল
গ্রন্থের সহিত এই অনুবাদটোও যদি পাঠ করা না
যায় তাহা হইলে অনেক কথা অস্পষ্ট থাকিয়া যাইবে,
অনেক প্রয়োজনীয় অংশের প্রকৃত অর্থ ধরিতে পারা যাইবে
না । আমার পক্ষে আমি সর্বান্তঃকরণের সহিতই বলিতে
পারি যে, এই ক্ষুদ্র বাংলা বইখানি পাঠ করিয়া আমার
অনেক লাভ হইয়াছে । অনিলবাবু যে কেবল বাংলা

রচনাতেই সিদ্ধহস্ত তাহাই নহে, তিনি একজন গভীর চিন্তাশীল ব্যক্তি, তিনি মনোবীর অন্তর্দৃষ্টি লইয়াই আমাদের সমাজের ক্রমিক বিকাশ পর্যবেক্ষণ করিয়াছেন। এই বইটিতে তাঁহার সুপরিচিত রচনাপ্রণালীর মনোজ্ঞতা আছে। আমি আশা করি গীতার প্রত্যেক বাঙ্গালী পাঠক যখন অধ্যাত্ম ধর্ম ও নীতি সম্বন্ধে জগতের এই শ্রেষ্ঠ সম্পদটি পাঠ করিবেন, তখন এই মূল্যবান ব্যাখ্যাটিও পাঠ করিতে ভুলিবেন না।

শ্রীদীনেশচন্দ্র সেন

দুই চিঠি—শ্রীসতীশচন্দ্র ঘটক এম, এ, বি, এল, প্রণীত। মূল্য পাঁচ টাকা। প্রকাশক—শ্রীবিষ্ণুপদ চক্রবর্তী বি, এল, ; চক্রবর্তী সাহিত্য-ভবন বঙ্গবঙ্গ, পোঃ, ২৪ পরগণা।

একখানি গল্প পুস্তক—দশটি গল্পের সমষ্টি। কথা-সাহিত্যে সতীশবাবু একজন ক্ষমতাবান লেখক। এ পুস্তকের প্রত্যেক গল্পে তাঁর সুমার্জিত শিল্প-বোধের পরিচয় বিস্তারিত। গল্পগুলি বিভিন্ন রসাস্রিত বলিয়া পুস্তকটি পড়িতে পড়িতে পাঠক-চিত্ত হর্ষ-বিষাদ-বিস্ময়-কৌতুকের পথে অনলস উৎসুকতার সহিত অগ্রসর হয়।

পুস্তকটির বাঁধাই ও ছাপা উৎকৃষ্ট; প্রিয়জনকে উপহার দিবার সম্পূর্ণ উপযুক্ত।

জাপানে বঙ্গনারী—সরোজ-নলিনী দত্ত, এম, বি, ই, প্রণীত। মূল্য একটাকা। প্রকাশক—শ্রীসুধীর-চন্দ্র সরকার, ৯০।২এ, হারিসন রোড, কলিকাতা।

জাপান ভ্রমণ কালে গ্রন্থকর্তা দৈনন্দিন জীবনের যে দিন-লিপি গুলি লিখিয়াছিলেন তাহাই একত্র করিয়া এ পুস্তকখানি বিরচিত। শুধু জাপানেরই নয়, জাপান পথে সিঙ্গাপুর চায়না প্রভৃতি স্থানেরও বহু কৌতুহল পূর্ণ জ্ঞাতব্য কথা এই পুস্তকখানিতে স্থান পাইয়াছে। পুস্তকখানির ভাষা সরল, প্রাজ্ঞল, গতিশীল,—ভ্রমণ বৃত্তান্ত লিপিবদ্ধ করিবার পক্ষে উপযোগী। এ পুস্তকের একটি বৈশিষ্ট্য, বিদেশ দেখিবার সময় লেখিকা তাঁর স্বদেশকে ভুলিয়া যান নাই। মনের মধ্যে স্বদেশকে ধারণ করিয়া

চক্ষে তিনি বিদেশকে দেখিয়াছেন—তাই যখনই প্রয়োজন হইয়াছে তিনি জাপানের রীতি, নীতি, পদ্ধতির কথা বলিতে গিয়া স্বদেশের রীতি, নীতি, পদ্ধতির আলোচনা করিয়াছেন। সুতরাং বইখানি শুধু উপভোগ্যই নহে, উপকারীও।

বইখানির বাঁধাই সুদৃশ্য—আয়তন ১৬ পৃঃ ডঃ ক্র্যুঃ : ৩১ পৃষ্ঠা, এবং পাঁচখানি রঙিন এবং ৭০ খানি একরঙা ছবি দিয়া সুশোভিত। সে হিসাবে পুস্তকখানির মূল্য যথেষ্ট অল্প। ইহার বিক্রয় লব্ধ অর্থ “সরোজ নলিনী দত্ত নারী মঙ্গল সমিতির” তহবিলে অর্পিত হইতেছে। আমরা আশা করি অবিলম্বে এ পুস্তকখানির পরবর্তী সংস্করণ আমাদের হস্তগত হইবে।

গিরিশ-প্রতিভা—শ্রীহেমেন্দ্রনাথ দাসগুপ্ত প্রণীত। ডিমাই ৮ পেঃ ৬৩৮ পৃষ্ঠা। মূল্য পাঁচ টাকা। প্রকাশক—গ্রন্থকার, ৩১, হালদার পাড়া রোড, কালীঘাট, কলিকাতা।

বর্তমান পুস্তকের গ্রন্থকার “দেশবন্ধু স্মৃতি” নামে পরলোকগত চিত্তরঞ্জন দাশ মহাশয়ের জীবনী লিখিয়া যশস্বী হইয়াছিলেন। স্বনামখ্যাত নাট্যকার এবং অভিনেতা গিরিশচন্দ্র ঘোষ মহাশয়ের স্মরণে জীবনী লিখিয়া তিনি সকলের ধন্যবাদ-ভাজন হইয়াছেন। সাধারণত যে অর্থে “জীবনী” শব্দের প্রয়োগ হয়, সে অর্থে এ পুস্তকখানিকে জীবনী বলালে বোধহয় একটু ভুল করা হইবে। গিরিশচন্দ্রের জীবদ্দশায় তাঁহার সহিত গ্রন্থকারের পরিচয় ছিল না, সুতরাং গিরিশচন্দ্রের জীবনের ঘটনাবলী যাহা কিছু এ পুস্তকে সন্নিবেশিত হইয়াছে সে বিষয়ে তাঁহার স্বকীয় জ্ঞান নাই, যদিও গিরিশচন্দ্রের আত্মীয় সাহিত্যিক শ্রীযুক্ত দেবেন্দ্রনাথ বসু মহাশয়ের নিকট হইতে তিনি সে বিষয়ে অনেক সন্ধান এবং সাহায্য পাইয়াছেন। যে প্রতিভা বলে গিরিশচন্দ্র বাঙলা নাট্যসাহিত্য এবং নাট্য-মঞ্চের জনক বলিয়া সম্মানিত, এ পুস্তকখানি প্রধানত সেই প্রতিভারই আলোচনা—সুতরাং সাধারণ জীবনী পুস্তক অপেক্ষা এরূপ জীবনী পুস্তকের মূল্য অনেক বেশি। গিরিশচন্দ্রের সাহিত্য-প্রতিভা বিশ্লেষণে হেমেন্দ্রবাবু যথেষ্ট



যত্ন, পরিশ্রম এবং দক্ষতার পরিচয় দিয়াছেন। এ পুস্তকখানি বঙ্গ-সাহিত্য ভাণ্ডারে একটি বিশিষ্ট স্থান অধিকার করিবে বলিয়া আমাদের বিশ্বাস।

সুরধুনী—শ্রীসুধীরচন্দ্র কর প্রণীত। প্রকাশক—শ্রীঅশোক চট্টোপাধ্যায়, প্রবাসী কার্যালয়, ৯১, আপার মার্কেটার রোড, কলিকাতা। মূল্য বার আনা।

এখানি একটি গীতিকাব্যের পুস্তক—পঞ্চাশটি গীতিকবিতায় গ্রথিত। কবিতাগুলি মিষ্ট, সুরচিত—ভাষা এবং ছন্দের গালিতো প্রশংসার্হ—তবে রবীন্দ্রনাথের প্রভাব অতিশয় সুস্পষ্ট। সাধনার পথে অসুসরণ গোড়ার দিকে একটা প্রক্রিয়া বটে—কিন্তু অনতিবিলম্বে তাহা হইতে নিজেকে মুক্ত করিতে না পারিলে স্বকীয়তা হারাইবার সম্পূর্ণ আশঙ্কা থাকে। আশা করি সুরধুনীর কবি সে বিষয়ে দৃষ্টি রাখিবেন।

রামায়ণের সমাজ—৬ কেদারনাথ মজুমদার প্রণীত। প্রাপ্তিস্থান—গুরুদাস চট্টোপাধ্যায় এ সন্স—কলিকাতা। মূল্য ৪, পৃঃ ৫০ + ১/০ + ৪২০। গ্রন্থকার মহাশয় সুদীর্ঘ পঁচিশ বৎসরের সাধনার ফল বাঙ্গালার পাঠক-সমাজের হস্তে অর্পণ করিয়াছেন। দুঃখের বিষয় তিনি এই পুস্তক সম্পূর্ণভাবে মুদ্রিত অবস্থায় দেখিয়া যাইতে পারেন নাই। কত কঠোর পরিশ্রমের সহিত তাঁহাকে এই সুদীর্ঘ সময় পুস্তকখানির ক্রমোত্তর উন্নতির জ্ঞাণ বায় করিতে হইয়াছে, সাংসারিক দুঃখ ও অশান্তি কিছুই তাঁহার সাহিত্য-সাধনার পথের অন্তরায় হইতে পারে নাই, তাহা প্রকাশকের ভূমিকায় উক্ত হইয়াছে। সফলতা যখন আসিয়া পৌছিল, সুদীর্ঘ পথ-যাত্রায় তার গন্তব্যস্থান পৌছাতে আর দেরী নাই, তখন কাল আসিয়া তাঁহাকে লইয়া গেল। গ্রন্থকারের পক্ষ হইতে নহে, বাঙ্গালার সুধী পাঠক সমাজের পক্ষে ইহা নিতান্ত পরিতাপের বিষয়। কবি তাঁহার কাজ করিয়া গিয়াছেন, বাংলার পাঠক-সমাজ তাঁহার স্বর্গীয় স্মৃতির প্রতি শ্রদ্ধাঞ্জলি অর্পণ করিয়া ধন্ত হউন।

রামায়ণ কোন সময়ের রচিত তাহা আজও যথার্থ ঐতিহাসিক ভাবে নির্দ্ধারিত হয় নাই,—রামায়ণের কতগুলি শ্লোক প্রকৃষ্ট আর কতগুলি শ্লোক মূল কবির রচনা

তাহা লইয়া বাদামুবাদের শেষ হয় তো না হইতে পারে, কিন্তু এ কথা অস্বীকার করার উপায় নাই—ইহা তৎকালীন আৰ্য্য সমাজের চিত্র অঙ্কন করিয়াছে; কবির কল্পনাজালে বা উচ্ছ্বাসতরঙ্গে হয় তো ইহা স্থানে স্থানে আবৃত বা জটিল হইয়া উঠিয়াছে। যাহারা বলেন সমস্ত রামায়ণই কবির কল্পনাপ্রসূত, ইহাতে বাস্তবতার ছায়ামাত্র নাই, তাঁহাদিগকে কবির কথায় আমার বলি “কাব্য কল্পনার সৃষ্টি হইলেও কল্পনা যে প্রকৃত সৃষ্টিকে বা দেশকাল পাত্রকে অতিক্রম করে না, ইহা অস্বীকার করা যাইতে পারে না। যখন যেমন দ্রষ্টার চিত্তের বাহিরের কোন অ-দৃষ্টপূর্ব অপ্রত্যক্ষ পদার্থের কল্পনা করিতে অসমর্থ, কবিও সেইরূপ তাঁহার কল্পনাকে অবাস্তবের উপর প্রতিষ্ঠিত করিতে পারেন না।” —উপক্রমণিকা পৃ ৩।

বাঙ্গলার ঐতিহাসিক গ্রন্থ কমই লিখিত হইতেছে, আজ কাল অনেকে ভারতের প্রাচীন ইতিহাস—কোন কোন বিশেষ অধ্যায় ধরিয়া লিখিতে আরম্ভ করিয়াছেন—অনেক ক্ষেত্রে সফলকামও হইয়াছেন। পণ্ডিত শ্রীম শাস্ত্রী কর্তৃক কোটিলোর অর্থশাস্ত্রের আবিষ্কারের পরে এ বিষয়ে কাজ দ্রুত গতিতে অগ্রসর হইতেছে—কিন্তু দুঃখের বিষয় সমস্তই ইংরাজী ভাষায় লিখিত হইতেছে। বাংলা ভাষায় ইহা একখানি অভিনব পুস্তক হইল,—বিষয়নির্বাচন যেমন মনোহর এবং শিক্ষাপ্রদ এবং ইতিহাস-সংকলনের পক্ষে মূল্যবান, তেমনি রচনা পাণ্ডিত্যপূর্ণ ও সংযত। তিনি রামায়ণী যুগের আৰ্য্যগণের সমাজ, ধর্ম, ক্রিয়া অনুষ্ঠান, দেবতা, আহাৰ্য্য ও আহাৰ, সামাজিক নিয়ম ও লৌকিক আচরণ—ও শাস্ত্রানুশাসন ইত্যাদি বিষয়ের বিশদ আলোচনা করিয়াছেন এবং এইযুগের সহিত পূর্ববর্তী বৈদিকযুগের এবং পরবর্তী মহাভারতীয় যুগের তুলনামূলক সমালোচনা করার পুস্তকখানির মূল্য শতগুণে বৃদ্ধি পাইয়াছে। বিশ্ববিদ্যালয়ের-সর্বোচ্চ পরীক্ষায় যাহারা প্রাচীন ভারতের ইতিহাস ও সভ্যতা অধ্যয়ন করিয়া থাকেন, তাঁহারা এই বই খানি পড়িলে বিশেষ উপকৃত হইবেন আশা করা যায়।

গল্পে উপনিষৎ—শ্রীসুধীরকুমার দাস এম, এ; মূল্য ২, পৃঃ ২৩৬। ছয়খানি একরঙা চিত্র আছে। প্রাপ্তিস্থান—বুক কোম্পানি, কলেজ স্কোয়ার।

বাংলায় এই ধরনের বই এই বোধ হয় প্রথম। উপনিষদের ব্রহ্মবিজ্ঞানক তত্ত্ব-রত্নগুলি ভারতবর্ষের কেন, সমগ্র পৃথিবীর গৌরবস্থল, অথচ এই দেশে উপনিষদের জন্মভূমিতে তাঁহার তেমন আলোচনা নাই—তাঁহার নানা কারণ। সে বিষয়ের আলোচনা আমরা এখানে করিব না। যাহারা এই দেশে এই স্বর্গীয় অমূল্য জ্ঞানগর্ভ বিষয়টিকে জনসাধারণের মধ্যে প্রচার করিবার প্রয়াস পাইতেছেন, তাঁহার ধন্য। যে যুগে সর্বপ্রকারে জাতীয় প্রাচীন গৌরব মালার পুনরুদ্ধারের চেষ্টা চলিতেছে—সেই যুগে এই প্রচেষ্টা কি আধ্যাত্মিকতার দিক হইতে—কি মানুষ গড়ার দিক হইতে কত যে মূল্যবান ও আকাঙ্ক্ষিত তাহা বলা যায় না।

গ্রন্থকারের সাধ হইয়াছে—তিনি বাঙ্গালী সাধারণকে, বিশেষভাবে বাঙ্গালার ছাত্র ও যুবকগণকে, নূতন করিয়া উপনিষৎ শুনাইবেন। আমরা বলি তাঁহার শ্রম সার্থক হইয়াছে, তিনি নূতন ভঙ্গীতে, অপক্লপ কৃতিত্বের সহিত উপনিষদের বাণী বাংলার তরুণদিগকে শুনাইয়াছেন, দেশ এজন্ত তাঁহার নিকট কৃতজ্ঞ রহিল। তাঁহার নিপুণ রচনা-শক্তি, মনোহর কল্পনাশক্তি, আখ্যানভাগমালা এবং সত্য-গুলিকে সজীব এবং প্রাণস্পর্শী করিয়া তুলিয়াছে।

উপনিষদের এই বাহুতঃ জটিল বিষয়গুলিকে এরূপ মনোহর করা যাইতে পারে তাহা আমাদের ধারণা ছিল না।

আমরা আশা করি বাংলার বিদ্যালয়সমূহের কর্তৃপক্ষগণ এই বইখানি ছাত্র ও ছাত্রীগণের শিক্ষাপর্যায়ভুক্ত করিয়া দিবেন।

ছাপা ও বাধাই চমৎকার। সব দিক হইতে উপহার দিবার মত একখানি বই।

ঋষিদের প্রার্থনা—শ্রীশ্রীধীরকুমার দাস এম, এ। পৃ: ৬৪ মূল্য ৮০ আনা প্রাপ্তিস্থান :—বুক কোম্পানি, কলেজ স্কোয়ার; কলিকাতা।

গ্রন্থকার উপনিষৎ সমূহের সমুদয় শাস্তিপাঠ ও সমুদয় প্রার্থনা মন্ত্রগুলির এবং বেদের কয়েকটি প্রসিদ্ধ প্রার্থনা মন্ত্রে বাংলা গদ্যে ও পদ্যে অনুবাদ করিয়াছেন, সঙ্গে সঙ্গে মন্ত্রগুলির ‘সরলা’ নামে সংস্কৃত টীকাও সন্নিবেশিত করিয়াছেন। কার্যটি অত্যন্ত দুর্লভ এবং শ্রমসাধ্য; আনন্দের বিষয় তিনি বিশেষ কৃতিত্বের সহিত ইহা সম্পাদন করিয়াছেন। বাংলা সরল পদ্যে মন্ত্রগুলি অনুদিত ও গ্রথিত হওয়ায় বাংলা সাহিত্যের একটি অভাব মোচন করিল। যাহারা ছোট ছোট ছেলে মেয়েকে সংস্কৃত মন্ত্রাদির আবৃত্তি শিখাইতে চান তাঁহারাই ইহার মূল্য বুঝিতে পারিবেন। আশা করি বইখানির বহুল প্রচার হইবে।

নানা কথা

মণিলাল গঙ্গোপাধ্যায়

গত ২৩শে ফাল্গুন সুবিধাত সাহিত্যিক মণিলাল গঙ্গোপাধ্যায় মহাশয়ের অকাল মৃত্যুতে বঙ্গ-সাহিত্য বিশেষভাবে ক্ষতিগ্রস্ত হইয়াছে। বঙ্গ-সাহিত্যকে যদি আকাশের মত তুলনা করা যায়, তাহা হইলে মণিলাল তন্মধ্যে একটি উজ্জ্বল জ্যোতিষ্ক ছিলেন তদ্বিষয়ে সন্দেহ নাই।

পরিমাণ ওজন করিয়া বঙ্গ-সাহিত্যে মণিলালের দান নির্ণয় করিতে গেলে ভুল করা হইবে, কারণ বেশি পরিমাণে তিনি লিখিতেন না বলিয়া বেশি লেখা তিনি

লিখিয়া যান নাই। কিন্তু রচনার উৎকৃষ্টতা যদি মণিলালের রচনার মাপ-কাঠি করা যায় তাহা হইলেই মণিলালের সাহিত্য-সৃষ্টির যথার্থ মূল্যনির্ণয় সম্ভব হইবে। মণিলাল সাহিত্য-ক্ষেত্রের চাষী ছিলেন না,—তিনি ছিলেন সাহিত্য-কাননের উদ্যান-পাল। সেই জন্ত তিনি যাহা উৎপন্ন করিতেন তাহাতে পেট ভরিত না, কিন্তু মন ভরিত। তাঁহার ‘মনে মনে’ গল্প এবং ঐ শ্রেণীর আরো কয়েকটি গল্প অনেক সাহিত্যসেবীরই মনে মনে আছে। তাঁহার রচিত গীতি-নাট্য “মুক্তার মুক্তি” উচ্চাঙ্গের সাহিত্য-সৌষ্ঠবসম্পন্ন রচনা।



অল্প বয়সে মণিলালের মৃত্যু ঘটিল। স্ত্রী মৃতি, শাস্ত্র স্বভাব, সহাত্ত আনন এবং সদয় হৃদয়ের আকর্ষণে তিনি বহুজনকে মিত্রতার বন্ধনে বাধিয়াছিলেন—তঁাহার তিরোধানে সেই জন্ত বহুলোক ব্যথিত হইয়াছে। কিছু কাল পূর্বে মণিলালের স্ত্রী-বিয়োগ হইয়াছিল। এই সুগভীর শোকের বেদনা তঁাহার মনে অনেকটা নিরুত্তম এবং বৈরাগ্যা আনিয়া দিয়াছিল; সেই হেতু সম্প্রতি সাহিত্য-সাধনার অনেকটা শৈথিল্য আসিয়া পড়িয়াছিল। মণিলাল ছিলেন শিল্পাচার্য্য শ্রীযুক্ত অবনীন্দ্রনাথ ঠাকুর মহাশয়ের জামাতা, এবং শিশু-সাহিত্যে সুপরিচিত মোহনলাল ও শোভনলালের পিতা।

* * *

বঙ্গীয় সাহিত্য-সম্মিলন

আগামী ১৫ই ও ১৬ই চৈত্র হাওড়া জেলার মাজু গ্রামে বঙ্গীয় সাহিত্য-সম্মিলনের ১৮শ অধিবেশন হইবে। মাজুগ্রাম বাঙ্গলার অগ্রতম অমর কবি ভারতচন্দ্র রায় গুণাকরের পুণ্য জন্মভূমি। ১৩৩০ সালে সাহিত্য-সম্রাট বঙ্কিমচন্দ্রের জন্মভূমি কাঁটালপাড়ায় ১৩৩২ সালে সাহিত্যগুরু রাজা রাম-মোহন রায়ের জন্মভূমি রাখানগরে এই সম্মিলনের অধিবেশন হয়। এই বারের অধিবেশনে বিরাট আয়োজন হইয়াছে। শ্রীযুক্ত রবীন্দ্রনাথ ঠাকুরের অনুপস্থিতিতে শ্রীযুক্ত দানেশচন্দ্র সেন মূল সভাপতিরূপে বৃত্ত হইয়াছেন। সাহিত্য, ইতিহাস, দর্শন ও বিজ্ঞান শাখার সভাপতিগণ যথাক্রমে শ্রীযুক্ত শরৎচন্দ্র চট্টোপাধ্যায়, শ্রীযুক্ত রমেশচন্দ্র মজুমদার, শ্রীযুক্ত সুরেন্দ্রনাথ দাশগুপ্ত ও শ্রীযুক্ত হেমেন্দ্রকুমার সেন। এই সম্মিলনের সাফল্যের জন্ত প্রত্যেক সাহিত্যরসপিপাসু বাঙ্গালীর সাহায্য ও সহায়ভূতি বাঞ্ছনীয়।

* * *

বার্নার্ড শ

বিখ্যাত সাহিত্যিক শ্রীযুক্ত বার্নার্ড শ-কে আয়ারল্যান্ডের জাতীয় বিশ্ববিদ্যালয় হইতে অনারারি ডিগ্রি প্রদান করিবার

প্রস্তাব হইয়াছিল। সদশুগণের দ্বারা ভোটের বিচারে ২৫.৮ হিসাবে তাহা না-মঞ্জুর হইয়া গিয়াছে। বিদ্বান সর্বত্র পূজ্যে কথার সত্যতার প্রতি ক্রমশঃ আস্থা হারা হইতে হইতেছে।

* * *


বিলাতে ভারতীয় চিত্রশিল্প প্রদর্শনী

আগামী জুলাই মাসে ব্রিটিশ ইণ্ডিয়ান ইউনিয়ন সমিতির উদ্যোগে লণ্ডনে একটি ভারতীয় চিত্রশিল্পের প্রদর্শনী অনুষ্ঠিত হইবে। এই প্রদর্শনীতে অজস্র যুগ হইতে আরম্ভ করিয়া বর্তমান কাল পর্যন্ত ভারতীয় চিত্রশিল্প যে ভাবে বিবর্ত লাভ করিয়াছে তাহাই দেখানো হইবে। এ জন্ত শ্রীমতী পি, ভি, ষ্টুয়ার্ট শ্রীযুক্ত লরেন্স বিনিয়নের সহযোগিতায় সরকারী এবং স্বতন্ত্র সংগ্রহ হইতে বিভিন্ন যুগের চিত্রাদি যথাসম্ভব সংগ্রহ করিতেছেন। কিন্তু আমাদের মনে হয়, শুধু ইংলণ্ড অথবা ইয়োরোপ হইতে সংগৃহীত চিত্র প্রদর্শনীর উদ্দেশ্য-সাধনের পক্ষে যথেষ্ট হইবে না। ভারতবর্ষে বিভিন্ন প্রদেশে যে সকল শিল্পী-সঙ্ঘ আছে সেগুলির সহায়তা লাভ করিতে পারিলে ভাল হইত।

* * *

দুইশত ভাষাজ্ঞ পণ্ডিত

বিভিন্ন ভাষা শিক্ষা বিষয়ে জার্মানীর জনৈক অঙ্ক-শাস্ত্রের অধ্যাপক সমগ্র পৃথিবীর মধ্যে পরাকাষ্ঠা লাভ করিয়াছেন। ইনি সর্বশুদ্ধ দুইশত ভাষার জ্ঞান অধিকার করিয়াছেন; সংস্কৃত ভাষা হইতে আরম্ভ করিয়া চীন দেশের চিত্র লিখন, মিশর দেশের প্রাচীন চিত্রাকর, কিছুই তাহার মধ্যে বাদ পড়ে নাই। যথেষ্ট বয়স হওয়া সত্ত্বেও ইনি এখনো নিয়মিত নূতন নূতন ভাষার অন্বেষণ করিতেছেন। বিভিন্ন ভাষা শিখিবার অবসরে তঁাহার সবশুদ্ধ বিভিন্ন ভাষার পনের হাজার বই সংগৃহীত হইয়াছে। তঁাহার মতে যে দুইশত ভাষা তিনি শিখিয়াছেন তন্মধ্যে ফিনিসিয়ার ভাষাই শ্রেষ্ঠ।



রবীন্দ্রনাথ

শুভ জন্মদিন ২৫-এ বৈশাখ, ১২৬৮ সাল



বিচিত্রা

দ্বিতীয় বর্ষ, ২য় খণ্ড

বৈশাখ, ১৩৩৬

পঞ্চম সংখ্যা



শ্রীরবীন্দ্রনাথ ঠাকুর

মনে মনে ওঙ্কার ধ্বনি উচ্চারণ দ্বারা ধ্যানের তন্ময়তা জন্মে—সেই ধ্যানের শর ওঙ্কারের ধ্বনিবেগের দ্বারা চিত্তকে ব্রহ্মের মধ্যে সম্পূর্ণ নিবিষ্ট করিয়া দিতে পারে, মুগ্ধক উপনিষদের শ্লোকটির এই তাৎপর্য আমি বুঝিয়াছি—কিন্তু জোর করিয়া কিছু বলিবার অধিকার আমার নাই। ব্রহ্মের যে-সকল তত্ত্ব-বাচক নাম আছে তাহা বিশেষ অর্থের প্রতি মনকে বিক্ষিপ্ত করে। কিন্তু ওঁ শব্দ ধ্বনি মাত্র, তাহা একটি পরিপূর্ণতার ভাবে কেবল মাত্র স্বরের দ্বারা ব্যক্ত করে, এই জন্ত তাহার বেগ অব্যবহিত ভাবে চিত্তকে গতিবান করিতে পারে। ৩রা বৈশাখ, ১৩৩৪

শ্রীযুক্ত হারকানাথ দত্ত
মহাশয়কে লিখিত

স্মরণ-ফল্গু

শ্রীরবীন্দ্রনাথ ঠাকুর

ভিড় ঠেলে আসতে হ'ল মন্দিরের দ্বারে। কিন্তু আমরাও ত ভিড়ের মানুষ, এর বাইরে যাব কোথায়? শাস্ত হ'য়ে ব'সে শোনা যাক এই কোলাহলের কেন্দ্র হ'তে যে বাণী উৎসারিত হচ্ছে।

আজকের মেলায় কত লোক মাঠে মাঠে কতদিকে ছড়িয়ে রয়েছে,—কেউ এ বাজারে কেউ ও বাজারে, কেউ আলো দেখতে কেউ যাত্রা গুনচে—তাদের প্রত্যেকের ডাক-হাঁক কথাবার্তা সমস্ত স্বতন্ত্র। এই ভিড়ের মধ্যে আমরা পৃথিবীর লোকালয়কে সংহত ক'রে দেখছি। একবার তাকে কল্পনা ক'রে দেখ। সমস্ত পৃথিবী জুড়ে আজ এই মুহূর্তে কত হাট কত বাজার, কত ঘর কত পথ, কত কাজ কত কথা, কত আমোদ কত কান্না, তার অন্ত নেই। তারি কণা পরিমাণ একটুখানিকে এই মাঠে একটি মেলায় আমরা যেমনি সংহত করেছি অমনি অসীম নক্ষত্রলোকের নীরবতা লুপ্ত হ'য়ে গেল।

এই সর্বগ্রাসী কোলাহলটাই কি লোকালয়ের সত্যকার জিনিষ? এরই সঙ্গে সঙ্গে আকাশের যে বিপুল শাস্তি আছে তাকে কি বাদ দিয়েই দেখতে হবে? আজ তাকে বাদ দিয়ে মাঠের মধ্যে যে অবিমিশ্র কোলাহলটাকে পাচ্ছি সেইটাই যদি সমস্ত পৃথিবীর জিনিষ হ'ত তা হ'লে আমাদের কান ফেটে যেত, আমাদের মন উদ্ভ্রান্ত হ'য়ে যেত। কিন্তু আসলে, দেশ ও কালের ভিতরকার উদার শাস্তি মানুষের সংসার-কোলাহলের চেয়ে ঢের বড় ব'লেই আমরা বেঁচে আছি, নইলে আমরা নিজেদের সম্মিলিত তাপে দগ্ধ হ'য়ে সম্মিলিত বেগে পিষ্ট হ'য়ে পাগল হ'য়ে মারা যেতুম।

বৈজ্ঞানিকেরা জীবের জীবনসংগ্রামকে মনে মনে অনেক সময়ে এই রকম সংহত ক'রে কল্পনা করেন। তখন তাঁরা

কেবল একান্ত ক'রে এই দেখতে পান যে, প্রাণীরা টিকে থাকবার জন্তে ভীষণ উত্তম ঠেলাঠেলি হানাহানি করে। এই রকম ক'রে দেখবামাত্রই তাঁরা এই মেলার কোলাহলের মতই একটা জিনিষ মনে মনে তৈরি ক'রে তোলেন যে জিনিষটা কৃত্রিম, কেন না এর সঙ্গে সঙ্গে এর উপরকার বড় জিনিষটা নেই। জীবজন্তুর হানাহানি যে স্নেহের সঙ্গে সহযোগিতার সঙ্গে শাস্তির সঙ্গে মিশিয়ে আছে, সে এই হানাহানির চেয়ে অনেক বড়।

যুদ্ধক্ষেত্রে যুদ্ধ চলচে, সে দৃশ্য দুঃসহ। কিন্তু সমস্ত পৃথিবীতে এই যুদ্ধ ত অল্প নামে ব্যাপ্ত হ'য়ে রয়েছে;—প্রতিযোগিতা, হিংসা ও মৃত্যুর সমগ্র পরিমাণ যুদ্ধক্ষেত্রের পরিমাণের চেয়ে অনেক গুণে বেশী, কিন্তু তবু ত এই যুদ্ধের নিদাক্ষণতা আমরা প্রতাহ এবং সর্বত্র দেখতে পাইনে। কল্পনায় সংহত ক'রে দেখলে যে জিনিষটা জীবনসংগ্রামরূপ ধারণ করে, সেইটেকেই স্বস্থানে যখন দেখি তখন সে হয় জীবনযাত্রা এই জীবনযাত্রার মধ্যে সংগ্রাম আছে, কিন্তু তার চেয়ে অনেক বড় ক'রে আছে শাস্তি, নইলে মানুষ বাঁচতেই পারত না।

অনেক সময়ে নীতিপ্রচারকেরা আক্ষেপ ক'রে ব'লে থাকেন মৃত্যু অহরহ এবং চারিদিকেই ঘটচে অথচ মানুষ মৃত্যুকে কিছুতেই মানতে চাচ্ছে না। কিন্তু কেন চাচ্ছে না? কেন না মানুষ মৃত্যুর মধ্য দিয়ে জীবনের বিকাশকেই সুস্পষ্ট দেখতে পাচ্ছে, সুতরাং নীতিপ্রচারকেরা মৃত্যুকে যে একান্ত ক'রে জানুচেন সেটা তাঁদের কল্পনা মাত্র। আমরা যখন চলি তখন ছুই পায়ে লাফিয়ে চলি। আমাদের একটা পা যখন চলে তখন আর একটা পা থামে। এই থামাটাকেই মনে মনে যোগ ক'রে যদি মস্ত বড় একটা

শ্রীরবীন্দ্রনাথ ঠাকুর

অঙ্ক ক'রে তুলি তা হ'লে চলাটা আর সপ্রমাণ হয় না। কিন্তু আমরা থামা চলা দুইকে নিয়ে সমগ্র গতিটাকেই স্পষ্ট উপলব্ধি করি, এই জন্তেই চলাকে আমরা চলা বলি।

মানুষকে যদি আমরা ছোট ক'রে দেখি তা হ'লে দেখতে পাই, সে খাচ্ছে বেড়াচ্ছে কাজ করছে ঘুমোচ্ছে। তখন সমস্ত মানুষের ইতিহাসের সঙ্গে তার যে যোগের সূত্র আছে সে সূত্র আমরা দেখতে পাইনে। তখন ব্যক্তিগত প্রাত্যহিক জীবনের তুচ্ছতাই বিশেষ ক'রে চোখে পড়ে। সেই তুচ্ছতাকেই যদি মনে মনে দেশে ও কালে পুঞ্জীভূত ক'রে দেখি তা হ'লে যে সমষ্টি পাই সেইটেই কি মানুষের ইতিহাস? এই সমস্ত তুচ্ছতার এই সমস্ত বিক্ষিপ্ত কর্মের অন্তরে অন্তরে গুণগূঢ় হ'য়ে একটি তপশ্রা রয়েছে, সেই তপশ্রাট বিপুল তুচ্ছতার ভিতর থেকে জ্ঞানে কর্মে ধর্ম্মে নানা আকারে মনুষ্যত্বকে বিকশিত ক'রে তুলে। প্রকৃত ইতিহাস সেই মনুষ্যত্বেরই ইতিহাস, তুচ্ছতার ইতিহাস নয়।

মানুষের এই ভিড়ের মাঝখানেই ভূমা আছেন, তাই এ ভিড় তার সমস্ত ঠেলাঠেলির ভিতরেও এই বাণীকে বলতে পারচে—

এষাশ্র পরমাগতিঃ এষাশ্র পরমা সম্পৎ

এষাশ্র পরমোলোক এষাশ্র পরমানন্দঃ —

ইনিই পরম গতি, ইনিই পরম লাভ, ইনিই পরম আশ্রয়, ইনিই পরম আনন্দ। অর্থাৎ চোখে দেখি বটে নানাদিকে সবাই ছড়িয়ে পড়চে, নানা ইচ্ছা, নানা কর্ম্ম, নানা ভাষা, নানা রুচি; এই সমস্তকে যোগ ক'রে দেখলে রাশীকৃত জটিলতা এবং অলভেদী কোলাহল মাত্র পাওয়া যায়। তবুও এই অতি-প্রকাণ্ড বিক্ষিপ্ততাই এর আসল সত্য নয়—এরই অন্তরে অন্তরে সেই এক আছেন যিনি এর সকল গতিকে সকল প্রাপ্তিকে আপনার মধ্যে আচ্ছাদন করছেন; যিনি আশ্রয়রূপে সঙ্গে সঙ্গে আছেন ব'লেই এত চলাও সংঘাত আকারে সংহার করচে না, এবং সংসারের বিপুল আবর্জনাও সৃষ্টির নিয়মে রূপ ধারণ করচে।

পূর্বেই বলেছি, মানুষের চলার মধ্যে একটা পারে থামা এবং একটা পারে এগোনো আছে। অর্থাৎ চলার মধ্যে একটা ভাগ আছে যেটা হচ্ছে “না” আর একটা ভাগ আছে যেটা হচ্ছে “হাঁ”। গতির এই হাঁ-কেই স্পষ্ট ক'রে দেখতে পাই ব'লে চলাকে দেখি। কিন্তু একটা তালগাছের চারার দিকে চেয়ে দেখ—সেও বেড়ে উঠে, কিন্তু তার সেই বেড়ে ওঠার “না”-টাকেই বড় ক'রে দেখি, তাই আমাদের মনে হচ্ছে গাছটা থেমেই আছে। দীর্ঘকালের ইতিহাসের মধ্যে একে রেখে দেখলে তবেই এর চলার যে “হাঁ” সে প্রকাশ পায়।

তেমনি, আমাদের নিজের জীবনের এবং সমস্ত মানুষের ভিড়ের চঞ্চলতা ও তুচ্ছতার ভিতর দিয়েই সেই পরম গতি পরম সম্পদ পরম আশ্রয় পরম আনন্দের প্রকাশ আছে এইটেই হচ্ছে সত্য, এইটেই হচ্ছে হাঁ। একে জানলেই ঠিক দেখা হ'ল, এর উল্টোকে জানলে দেখাই হল না। সমস্তই কেবল উদ্ভাস্ত হচ্ছে, এর অন্তরে কোন ঐক্য নেই, এর সন্মুখে কোন লক্ষ্য নেই, এমনতর নিদারুণ মতের যে কোন প্রমাণ পাওয়া যায় না তা বলি, কিন্তু সে সমস্ত প্রমাণই সংসারের সেই “না” বিভাগ হ'তেই আহরিত। মোটের উপর, সহস্র প্রমাণসত্ত্বেও মানুষ এই না-কে কিছুতেই স্বীকার করে না। যদি করত, তা হ'লে কোন দিকেই মানুষ কিছু মাত্র উন্নতির চেষ্টা করত না; কেন না হাঁ-কেই সত্য ব'লে মানা সকল উন্নতির আশা। জীবনের যে অংশে এই হাঁ-কে সত্য ব'লে স্বীকার না করি, সেই অংশেই আমাদের দুর্গতি ঘটে।

অতএব এই ভিড়ের ভিতর থেকে এই ভিড়ের ভিতরকার সত্যকে দেখতে হবে, তা হ'লেই জীবন সার্থক হবে। কেবল মাত্র ভিড়ের চলার বেগে চালিত হওয়া মানুষের ধর্ম্ম নয়। কেন না মানুষ গাছপালা পশুপক্ষীর মত অভ্যাসের পথে প্রবৃত্তির বেগে প্রকৃতির নিয়মকে অন্ধভাবে বহন করবার জীব নয়, মানুষের নিজের মধ্যেও কর্তৃত্বশক্তি আছে। সেই জন্তে কেবলমাত্র সৃষ্টি হওয়া তার ষথার্থ পরিণাম হ'তে পারে না, সৃষ্টি করাই তার আত্ম-বিকাশের পক্ষে আত্ম-উপলব্ধির পক্ষে একান্ত আবশ্যিক। এই জন্তে মানুষের



ভিড়ের মধ্যে কেবল মাত্র অন্ধ উত্তমকে স্বীকার করলে মানুষকে অপমান করা হয়, মানুষের আত্মাকে স্বীকার করতে হবে।

অন্ধ উত্তমকেই যখন দেখি তখন প্রকৃতিরই ক্রিয়াশক্তিকে দেখি, তখন মানুষকে প্রকৃতির বাহুক্ষেত্রেই দেখা হয়, অর্থাৎ জীববিজ্ঞান যে ক্ষেত্রে বৃক্ষকে পশুপক্ষীকে দেখে সেই ক্ষেত্রেই মানুষের পরম গতি পরম আশ্রয় কল্পনা করি। কিন্তু মানুষের আত্মাকে যখন জানি অর্থাৎ যখন তার কর্তৃত্ব দেখি, যখন তার ইচ্ছাময় সৃষ্টি-শক্তিকে জানি তখন তার পরমগতি পরম-আশ্রয়কে সেই জীববিজ্ঞানের ক্ষেত্রে খুঁজে পাইনে যেখানে প্রাকৃতিক নির্বাচন নামক একটা কন্ম-প্রণালীই কলের মত কাজ ক'রে যাচ্ছে। যখন মানুষকে অধ্যাত্ম ক্ষেত্রে দেখি, তখন পরম ইচ্ছার মধ্যে মানুষের ইচ্ছাকে জানি, পরম পুরুষের মধ্যে মানুষের আত্মপুরুষকে উপলব্ধি করি। তখন বুঝতে পারি, মানুষকে চলতে হবে, কিন্তু পশুর মত নয়; তাকে চলতে হবে জ্ঞানের সঙ্গে, আত্ম-চালনার আনন্দের সঙ্গে; তাকে বুঝতে হবে যে সেও কর্তা, অতএব তাকেও সৃষ্টি করতে হবে।

আরেকবার মানুষের চলাটাকে তার হাঁ এবং না-এর দিকে বিচার করি। এমন কথা বলা যেতে পারে যে মানুষ নিয়মের যন্ত্রে চালিত হচ্ছে, কার্যকারণের পারস্পর্যই তার একমাত্র বিধাতা। কিন্তু এটা হল "না"-এর দিক, এই দিক থেকে মানুষকে বিচার করাও যা আর পিঠের দিকটাই মানুষের আসল চেহারা বলাও তা। মানুষের আত্মকর্তৃত্ব আছে মানুষের সংসারযাত্রায় এইটেই হ'ল তার "হাঁ"-এর দিক। তার সমস্ত কল্যাণ সমস্ত উন্নতি এই উপলব্ধিতে।

কিন্তু তার এই উপলব্ধিই যে সত্য, এটা যে মায়ামাত্র নয় এ যদি হয়, তবে এটা তাকে বুঝতেই হবে যে একটি অনন্ত সত্যে তার এই আত্মোপলব্ধির প্রতিষ্ঠা আছে, সেই সত্যই পরমাত্মা। এখানে যন্ত্রের দ্বারা যন্ত্র চালিত, বা অন্ধের দ্বারা অন্ধ নীরমান হচ্ছে না। এখানে ইচ্ছার সঙ্গে ইচ্ছার যোগ, অর্থাৎ এখানকার পূর্ণ যোগ প্রেমে।

তাই ভিড়ের সঙ্গে সঙ্গে যখন চলেছি, তখন যদি কেবল সংসারের বাঁধা পথ এবং প্রবৃত্তির অন্ধ বেগকেই একান্ত ক'রে মানি তা হ'লে পরম সত্যকে দেখতে পাইনে। কেন না, পরম সত্য শুধু সত্য নয়, তিনি হচ্ছেন সত্য জ্ঞানঃ অনন্তঃ ব্রহ্ম। নিজের জ্ঞানকে অহমিকার আবরণ থেকে মুক্ত ক'রে বিশুদ্ধভাবে উদ্বোধিত করলেই সেই জ্ঞান-স্বরূপকে সর্বত্র দেখতে পাওয়া যায়। নিজে যখন কর্তৃত্ব হারাই যখন কেবল অভাবের দায়ে বাহিরের শাসনে কিংবা দুর্দাম আবেগের দ্বারা তাড়িত হ'য়ে চলি তখন নিজের মধ্যে সেই বোধশক্তি দুর্বল ও নিস্তেজ হ'য়ে থাকে যার দ্বারা আত্মা আপনার পরম লোককে উপলব্ধি করতে পারে। সেই জগৎ আমাদের প্রতি উপদেশ আছে আত্মানং বিদ্ধি— আত্মাকে জান, অর্থাৎ আপনাকে আত্মা ব'লেই জান।

অতএব এই ভিড়ের মধ্যে থেকে ভিড়ের উর্দ্ধে মনকে জাগিয়ে রাখতে হবে। এই ভিড়কে অতিক্রম ক'রে যখন দৃষ্টি চলবে তখনই এই ভিড়কে সত্য ক'রে জানতে পারব। তা যখন জানব তখন সকল কোলাহলের মধ্যে শান্তকে জানব। তা হ'লে ভয়ে ভয়ে মরব না, ধূলো মাটিকে কেবলি আঁকড়ে আঁকড়ে ধরব না, তা হ'লে আমাদের কন্ম বিশুদ্ধ হবে, এবং যা কিছু লাভ করব তা কাঙালী-বিদায়ের অকিঞ্চিৎকর কাড়াকাড়ির কড়ি হবে না। তার মধ্যে আত্মার স্বত্বাধিকারের জোরের দাবী থাকবে।

আমাদের এই ভিড়ের যাত্রা কেবলমাত্রই একটা চলা, এর মধ্যে সত্য নেই, চলার সন্মুখেই এবং তার সঙ্গে সঙ্গেই কোন প্রাপ্তি নেই, এ কথা যদি মনের সঙ্গে বলতে পারতুম তা হ'লে এক মুহূর্তও বাঁচতে পারতুম না। সমস্ত জীবন দিয়েই এই সত্যকে প্রণাম করছি,—কেন না ভালবেসেটি ভালকে, বিশ্বাস করেছি, যা-কিছু আছে তাকেই চরম ব'লে স্বীকার করিনি। -

এই ভিড়ের মধ্যে কান দিয়ে শোন, কেবলি কি কোলাহল? একটি সুর কি নেই? সেই সুর কি এই কোলাহলের অন্তর থেকে এই কোলাহলকে অতিক্রম ক'রে উর্দ্ধে উৎসারিত হচ্ছে না? তাই যদি না হবে, তা হ'লে মানুষ আপনার সঙ্গীতকে পেলে কোথা থেকে? কোলাহলই

শ্রীরবীন্দ্রনাথ ঠাকুর

যেখানে একান্ত সত্য সেখানে মানুষ কি অকস্মাৎ আপনার মঙ্গলকে সৃষ্টি করতে পারে? মানুষের সঙ্গীত কোন্ ধ্রুব সত্যকে প্রকাশ করছে? না, সমস্ত ছড়াছড়ির মূলে একটি গভীর মিল আছে, একটি অনির্বাচনীয় আনন্দময় মিল। সেই মিলের কথাটি ভাষায় বলা যায় না, কেবল মাত্র সুরেই বলা যায়, এই জন্তেই মানুষকে গান গাইতে হয়েছে। মানুষের এই গান বিশ্বের ভিতরকার গানের রসটিকেই, তার অন্তরতম অনির্বাচনীয়তাকে প্রকাশ করছে ব'লেই জীবনযাত্রার সমস্ত তুচ্ছতার মধো, প্রতিদিনের সমস্ত দীনতার মধো, গান এমন ক'রে আমাদের হৃদয়ের কাছে অব্যবহিতভাবে প্রত্যক্ষভাবে প্রকাশ করছে অমৃতলোকের রসস্বরূপের কথা। আমাদের সমস্ত গভীর ভালবাসাও তাই

করে। ফুল বল, তারা বল, প্রভাত ও সন্ধ্যাকাশের শাস্তি বল সকলেরই এই বাণী। এই বাণী কোনো বিরুদ্ধ প্রমাণের প্রতিবাদ করে না, কোন স্বপক্ষের প্রমাণকে নংগ্রহ ক'রে দেখায় না,—কিন্তু আলোক যেমন সহজেই আলোকিত করে তেমনই সহজেই বলতে থাকে, রসো বৈ সঃ রসং হি লক্কানন্দী ভবতি। ভিড়ের মধ্য দিয়ে বইতে বইতে আমাদের জীবন একটি সঙ্গীতধারার মত সহজে ধ্বনিত হ'য়ে উঠবে—সহজেই অনির্বাচনীয়কে সমস্ত সুখদুঃখ বিপদসম্পদের মধো প্রকাশ করতে থাকবে—এই আমাদের পরম সার্থকতা। কেবল তর্ক নয়, প্রমাণের প্রয়াস নয়, আমাদের সমস্ত জীবনই একটি অখণ্ড সুরে এই বাণীকে বহন করবে—শান্তং শিবমদৈবতঃ—এই আমাদের প্রার্থনা।





কুল-ওয়ালার দোকান


শ্রীযুক্ত অন্নদাশঙ্কর দাস কর্তৃক ইয়োরোপ হইতে নির্বাচিত ও প্রেরিত ।

চিত্রশালা


দিনের প্যারি



একটা গলি




টাউন হলের কাছে



জোয়ান অফ্‌ আর্কের মূর্তি



সেন্ নদীর ধারে ওল্ড্ বুক্ শপ্



মাছ ধরা



মাছ ধরা



ছবি আঁকা

বিবাহ-বিচ্ছেদ

শ্রীমতী অনুরূপা দেবী

লর্ড রোনাল্ডশে ১৯২৪ খৃষ্টাব্দে ইষ্টইণ্ডিয়া এসোসিয়েশনের সভায় বলিয়াছিলেন,—

“আমি যদি ভারতবাসী হইতাম, তাহা হইলে আমি হিন্দুর যুগযুগান্তরব্যাপী সামাজিক ব্যবস্থার অধিকারী হইয়াছি বলিয়া গর্বানুভব করিতাম। হঠকারিতার সহিত এই ব্যবস্থা ভাঙ্গিয়া ফেলিতে দিতাম না। যে সামাজিক ব্যবস্থা এযাবৎ ভারতবাসীর কল্যাণসাধন করিয়া আসিতেছে, লক্ষ্যচিতে ভারতবাসী তাহার পরিবর্তন ও বিপ্লবসাধন করিবার পূর্বে যেন বিষয়টি বিশেষভাবে চিন্তা করিয়া দেখেন।”

ঠিক এই কথাটাই আমারও মনে হয়। আমাদের দেশেও পৃথিবীর বহুতর দেশের মতই সংস্কারের একটা জোর হাওয়া লাগিয়াছে, এটা অবশ্য অস্বাভাবিক নয়। যুগে যুগেই চিরদিন এমন হইয়াছে ও হইতেছে এবং পরেও আবার হইবে তাহাতে সন্দেহ নাই। পৃথিবীতে মানুষ সৃষ্টির পর হইতেই মানবসমাজের গঠন ও সংস্কার চিরদিন ধরিয়াই চলিয়া না আসিলে আমরা বর্তমানকালে যে সমাজকে দেখিতে পাইতেছি, তাহা নিশ্চয়ই দেখিতে পাইতাম না। যেমন মানুষের জীবদেহ থাকিলে তাহাতে রোগ শোক ভোগ এবং উহা হইতে আত্মরক্ষার চেষ্টা অনিবার্য, তেমনই সমাজ থাকিলেই তাহাতে দোষ ত্রুটি থাকা এবং তাহার প্রতিকারচেষ্টাও অনিবার্য। তা' সে সমাজ যতই কেন না বিচক্ষণতার সহিত গঠিত হউক, কালক্রমে সকল জিনিষই কিছু না কিছু ক্ষয়প্রাপ্ত হয় এবং ক্ষয়িত স্থলে ছিদ্র হইতেও বাঁক থাকে না; সেই মত মনীষীমনগণ দ্বারা গঠিত সমাজেরও ক্ষয়িত জীর্ণ অংশে ছিদ্র প্রবেশ করিয়া থাকে।

আধুনিকদের মতে এই পুরাতন নমুনার দুর্গটিকে সম্পূর্ণরূপেই ভাঙ্গিয়া ফেলিয়া দিয়া তাহার স্থলে নূতন করিয়া হাফ্যাসানের একটি কোর্ট গঠিত হওয়া উচিত এবং

প্রাচীনরা বলিতেছেন, পুরণো জিনিস যেমন খাঁটি তোমরা নূতন তৈরি কর, তেমনটি হইবে না; অতএব ও'তে হাত দিতে যেওনা ও যেমন আছে তেমনি থাক।

দুই দলে এই লইয়া তর্কাতর্কি মনোমালিন্য চলিতেছে, এবং চলিতেই থাকিবে কারণ নূতনের সৃষ্টি নিত্যকাল ধরিয়াই চলিবে, আর পুরাতনেরও ধ্বংস হইবার নয়, নূতন ভবিষ্যৎ পুরাতন অতীত, আজ যাহা নূতন, কাল তাহাই পুরাতন, এ খেলা নিত্যকালের। এখন কথা এই, জিনিষ পুরান হয়, পুরাতনের সংস্কারের প্রয়োজন ঘটে, এ কথাটা ঠিকই, তবে সেই সংস্কারটা সম্পূর্ণরূপে পুরাতনকে চূর্ণ করিয়া ফেলিয়া দিয়া করা আবশ্যিক কি না, সেইখানেই মতদ্বৈধ।

মনে করুন তাজমহলটি পুরাতন হইয়াছে, উহাকে সংস্কার করিতে হইবে, করা প্রয়োজন—তাই বলিয়া ঐ অচলের আয়তনটিকে কি ভাঙ্গিয়া ফেলিয়া তারই চূর্ণ-করা কন্ক্রিট দিয়া নূতন সৌধের রাস্তা তৈরি করিতে হইবে? না, উহারই গায়ে যেখানে যেটুকু নেহাৎ নোংরা হইয়াছে তাহাকেই যথাসাধ্য সাফ করিয়া বা বদলাইয়া দিতে হইবে? বড় জিনিষ, ভাল জিনিষ বড় সহজে ভাঙ্গে না, বড় সহজে ভাঙ্গাও যায় না এবং ভাঙ্গিবার প্রয়োজনও ঠিক ঘটে না। দরকার হয় তার জীর্ণ সংস্কারের। জগন্নাথের মন্দির ভাঙ্গিয়া সংস্কার করা হয় না; নবকলেবর তৈরি হয় জগন্নাথের।

ইদানীং সকল দেশেই সমাজ ভাঙ্গার আগ্রহটা কিছু বেশি মাত্রায় জোর করিয়া উঠিয়াছে, সেটা খুবই স্বাভাবিক বোধ হয় না এবং তার ফলও সেইজন্ম খুব সুফলপ্রসূ নাও হইতে পারে। যেমন কাবুলের রাজমহিষী রানী সৌরিয়ার অত্যন্ত দ্রুতহস্তের সমাজসংস্কার তাঁর স্বামীর পুত্রের, দেশের এবং সমাজের পক্ষে শুভকারী হয় নাই।

সংস্কার খুব বিচক্ষণতার সহিত দূরদৃষ্টির সহিত সংস্কারকের যোগ্যতাসম্পন্ন ব্যক্তির দ্বারা এবং যাহাদের জন্ম সংস্কার



তাহাদের গ্রহণশক্তির পরিমাপ করিয়া ধীরে ধীরে হওয়াই সম্ভব। সমাজসংস্কার এবং রাষ্ট্রবিপ্লব ঠিক একই পর্যায়ে হইতে পারে না,—হইলেই তাহা স্থায়ী হয় না, বলশেভিক রাশিয়াতেও তাহার উপক্রম দেখা দিতেছে। সেখানে বিবাহসংস্কারের বিরুদ্ধে তীব্র আন্দোলন উঠিয়াছে।

আমাদের দেশের নারীসমাজে অনেক কিছু সংস্কার করিবার আছে, সে সব দিকে মন না দিয়া জনকতক ব্যক্তি বিশেষ একটা বিলাতি বাহাদুরী লওয়ার আগ্রহে তাঁদের যোগ্যতার বহির্ভূত কতকগুলি গুরুতর বিষয়ে হস্তক্ষেপ করিয়া বসিয়াছেন এবং আমাদের দেশের কতকগুলি সম্পূর্ণ বিলাতি-আদর্শে গঠিত, পালিত নরনারী তাঁদের এই খেয়াল (whim)-কে উৎসাহ দান করিয়া প্রবর্তিত করিতেছেন। আগুনকে ক্রীড়নক করা যে সকলক্ষেত্রেই নিরাপদ নয় সে কথা বুঝিবার শক্তি শিশুর থাকে না এবং অনেক মানুষ শৈশবাবস্থা পার হইয়াও শিশুপ্রকৃতি তাগ করিতে পারেন না।

হিন্দু-বিবাহ-বিচ্ছেদ-বিষয় সম্বন্ধেই ধরা যাক। হিন্দুনারীর শিক্ষাদীক্ষা এবং জীবনের আদর্শের সহিত বিবাহবিচ্ছেদের কিছুমাত্রও ত্রুটি নাই। আমার যতদূর জানা আছে, কোন দেশেরই সতী সাধ্বী নারী ডিভোর্সের স্বপক্ষ নহেন। কলিকাতা নিখিল ভারতমহিলা সম্মিলনীতে যখন অবৈধভাবে এই প্রস্তাবটিকে গৃহীত করানর চেষ্টা হয়, তখন এবং তাহার পরেও সেখানে উপস্থিত বহুতর গণ্যমান্য সকল সাম্প্রদায়িক আর্যামহিলাই ইহার প্রতিবাদ করিয়া এই প্রস্তাবটিকে অগ্রাহ্য করিয়াছিলেন।

“Divorce for a Hindu lady should not be thought of.”—

কোন একটি নব্যশিক্ষাপ্রাপ্তা কিশোরী আমার এই কথাটির প্রতিবাদপূর্বক এইরূপ লিখেন।

“Regarding her remark that “divorce for a Hindu lady should not be thought of” I would only beseech her not to take charge of the thoughts of the Hindu ladies but leave them alone to think for themselves and no one is

denying the right of firm faith that she may choose to have for herself in the matter.”

আচ্ছা তাই যদি হয়, আমিও কি তাঁকে ঠিক এই কথাটাই বলিতে পারি না? তাদের জ্ঞান যদি আমার মাথা-বাথার দরকার না থাকে, তবে এই সব অপরিণতবয়স্ক নব্যশিক্ষিতা অবিবাহিতা বা সত্ত্ববিবাহিতা মেয়েদেরই বা সমস্ত হিন্দুসমাজের মেয়েদের ভালমন্দ চিন্তায় কিসের অধিকার আছে? এবং আমার চেয়ে কোন্ বড় অধিকারের দাবীতে তাঁরা হিন্দুসমাজের উপর যথেষ্ট সংস্কার চালাইতে চান? এই কথা জিজ্ঞাসা করিলে ধৃষ্টতা প্রকাশ পাইবে কি?

ডিভোর্স বাপারটার যথার্থরূপ অল্পশিক্ষিতা সাধারণ মেয়েরা হয়ত সবাই ভাল করিয়া জানেনও না, ইংরাজীতে আগাগোড়া বক্তৃতা দিয়া এক কথায় তার অর্থটুকু বুঝাইয়াই হাত তুলিতে বলিলে তাও মাত্র জনকতকের কানে মাত্র সেই ব্যাখ্যাটুকু ঢুকিল কি না ঢুকিল, জনকতক হিন্দু মেয়ে যদি স্বপক্ষেই আরও অনেকগুলি ইউরেশিয়ান অবিবাহিতা মেয়ে ও ব্রাহ্ম বা হিন্দু নিতান্ত কমবয়সী নব্য মেয়েদের সঙ্গে হিন্দু মেয়েও ভুল বুঝিয়া বা না বুঝিয়া হাত তুলিয়া বসে, তাকে হঠকারিতার সহিত হিন্দু সমাজের এই মত বলিয়া ধরা কত বড় ধৃষ্টতা তা’ জনসাধারণেরই বিবেচ্য!

হিন্দু মেয়েদের মঙ্গলচিন্তার অধিকার ও চেষ্টার দাবী হিন্দু সমাজের হিতাকাঙ্ক্ষিনী বা হিতাকাঙ্ক্ষী মাতারই আছে, তিনি যে সাম্প্রদায়িক হিন্দুই হোন, অথবা হিন্দু নাই হোন। এমন কি তথাকথিত অল্পজ্ঞান স্বল্পদৃষ্টি কিশোরীদের চেয়ে পরিণতবুদ্ধি লর্ড রোনাল্ডশেরও আছে, ইহা সূনিশ্চিত।

কোন সমাজেরই সকল নর বা নারী সূচরিত্র বা সাধ্বী অথবা উন্নতচরিত্র - হইতে পারে না। যে সমাজের লোকসংখ্যা যত বেশি হয় তাহাতে গলদ থাকা তত বেশি অন্ততঃ সম্ভব হইলেও সে হিসাবে হিন্দু সমাজ অন্তান্ত অনেক সমাজেরই অনেক উপরে; তথাপি হিন্দু স্বামীর হস্তে পত্নী-নির্ধ্যাতনের নিশ্চয়ই অভাব নাই, এ সব ক্ষেত্রে সতীনারী পতিবিষুজ্ঞা থাকিয়া জীবনযাপনে হয়ত বাধ্য হইবে

অনুরূপা দেবী

পারেন, এর জন্ত ‘মেন্টেগ্যান্স’ বা জুডিসিয়াল সেপারেশন যাহাতে আইনের হাতে সহজে পান এবং ঐ অত্যাচারী পতি যাহাতে পুনঃ বিবাহ করিতে না পারেন, সে চেষ্টা হওয়া অসঙ্গত নয়, কিন্তু বিবাহ বিচ্ছেদপূর্বক হিন্দুনারী পত্যস্তর গ্রহণের অধিকারিণী হইবেন, এর চেয়ে হিন্দু সমাজের অধঃপতন আর কিছু কল্পনা করিবার নাই।

হিন্দুনারীর বিবাহবিচ্ছেদ হইতে পারে না, হিন্দুবিবাহ কণ্ট্রাক্ট বা চুক্তি মাত্র না, হিন্দুবিবাহ বলিয়া স্বীকার করিলেই ইহা হিন্দুশাস্ত্রমতে ইহপরলোকের সহিত সংযুক্ত। এইটুকু স্বাতন্ত্র্য রক্ষা করিয়া না চলিলে ভারতমহিলার আর্থানারীর, হিন্দুসতীর নিজস্ব পূর্ণ স্বাতন্ত্র্যকতা তাঁর সমস্ত মাহিমা গরিমা, চিরদিনের জন্তই বিলুপ্ত হইয়া যাইবে। ভারতের সতীত্বগৌরব পুরাতন গল্পগাথায় পরিণত হইবে। জগতের ইতিহাসে ভারতের পক্ষে এত বড় ক্ষতি বোধ করি তার এই শত শতবর্ষব্যাপী পরাধীনতাতেও লিখিত হয় নাই।

আমাদের দেশে বিশেষতঃ বিহার অঞ্চলে কাহার কুর্শি প্রভৃতি জলচল জাতির ভিতরে প্রচুরভাবেই এই বিবাহ-বিচ্ছেদ প্রথা প্রচলিত আছে, ‘সাগাই’ সম্বন্ধে সেখানে মেয়ে পুরুষের equal rights। জল-অনাচরণীয় বহুতর জাতির মধ্যও ঐ ব্যবহার। Law of Evolution theoryর অনুক্রমে জীব ক্রমশই উন্নতির উচ্চস্তরে আরোহণ করিতে থাকে, নিম্নগামী হয় না; যে স্তর হইতে আমরা বহু পূর্বে উত্তীর্ণ হইয়া আসিয়াছি, আজ আবার কোন দুষ্কৃতিবশে ফিরিয়া তাহাতেই পুনরাবর্তন করিতে যাইব? “অনেক জন্ম সংসিদ্ধি” লোকে উত্তম গতি লাভ করিয়া থাকে, উচ্চবর্ণের হিন্দুর মেয়ের নিম্নগামী হওয়ার প্রয়োজন আছে মনে করি না।

সমাজে ঞ্চায় অন্চায় সর্বত্রই আছে, তার প্রতিকার অন্চ ভাবেই বাঞ্ছনীয়। ইহার প্রতিকারহেতু নরনারীর উভয়তঃ বিজ্ঞাশিক্ষা ধর্মশিক্ষা নীতিশিক্ষা উচ্চশিক্ষা মেয়েদের শিক্ষার মধ্যে পুরাতন ভারতবর্ষীয় সতীধর্মের নারীধর্মের উচ্চাঙ্গের পুনঃ প্রতিষ্ঠার চেষ্টাই সুসঙ্গত। সমস্ত দেশব্যাপী ইউরোপীয় মহিলা গঠনের কোন প্রয়োজনীয়তা ঘটিয়াছে বলিয়া মনে করি না এবং ইউরোপীয়-ভাবাপন্ন হইয়া না

উঠিলেই এ যে দেশের মেয়েদের সর্বনাশ উপস্থিত হইবে তাহারও কোন সম্ভাবনা দেখিতে পাইতেছি না, বরং ঐরূপ সর্ব বিষয়ে বিবি বনিলেই যে এদেশের সর্বনাশ অনিবার্য তাহারই উপক্রম দেখা যাইতেছে।

মেয়েদের ডিভোর্সের অধিকার না পাইয়া বরং পুরুষ যাহাতে কথায় কথায় স্ত্রী ত্যাগ করিতে না পারে, এক স্ত্রী বর্তমানে দ্বিতীয় বিবাহ করিতে না পারে, সে চেষ্টা করাই সঙ্গত। বঙ্গের একজন দূরদর্শী মহাপুরুষ মহাত্মা ভূদেব মুখোপাধ্যায় মহাশয় তাঁহার পারিবারিক প্রবন্ধে বিপত্নীক পুরুষের পক্ষে দ্বিতীয়বার বিবাহের বিরুদ্ধে (যেদিনে পুরুষের বহু বিবাহও বিশেষ ভাবে নিন্দিত ছিল না, কুলীন সম্প্রদায়ে বরং সংখ্যাধিক্যই খ্যাতিজনক ছিল সেই দিনে) লিখিয়া গিয়াছেন :—

“তেমন ভালবাসা ছইবার হয় না, ছইজনের উপরও হয় না, যে ভালবেসেছে সেই একমেবাদ্বিতীয়ম্ এই বেদ বাক্যটা বুঝিয়াছে।—যে সন্ন্যাসী হইয়াছে, সে কি আর গৃহী হইতে পারে? যদি হয়, তবে সে প্রকৃত আশ্রমভ্রষ্ট। সামান্য যুক্তিমুখেই দেখ, যে গিয়াছে তাহাকে মনে করিতেই হইবে যদি তাহাকে ভুলিতে পার তবে না পার কি? আবার যাহাকে গ্রহণ করিলে তাহাকে বই তো আর কাহাকেও মনে করিতে নাই। তবে ছইবার বিবাহ করিলে মহাশঙ্কট বাধিল। এক পক্ষে মনে করিতেই হইবে, পক্ষান্তরে মনে করিতেও নাই। ঐ ছইয়ের যে পক্ষ অবলম্বন করিবে, কষ্টবোর ক্রটি হইবে, ধ্যানের বাঘাত জন্মিবে, পবিত্রতা নষ্ট হইবে।

এইরূপে ভাবিয়া দেখিলে কোম্বতের মতই ভাল বলিয়া বোধ হয়। তিনি বলেন, কি স্ত্রী কি পুরুষ কেহই একাধিক বার বিবাহ করিবে না। আমাদের শাস্ত্রেও বলে, প্রথম বিবাহই সংস্কার তাহার পর আর সংস্কার হয় না।”

এর চেয়ে বড় আদর্শ আর কোথাও আছে বোধ হয় না। বহুবিবাহ অর্থাৎ এক স্ত্রী বর্তমানে অপর স্ত্রী গ্রহণ সম্বন্ধে তাঁর পারিবারিক প্রবন্ধের লিখিত হইয়াছে—

“যখন এক পত্নী গতান্ত হইলেও অপর দারপরিগ্রহ অবৈধ তখন একপত্নী বিদ্যমান থাকিতে অপর স্ত্রীর পাণি-



গ্রহণের কথা উল্লেখ করিতেই পারা যায় না। বাস্তবিক তাহাই বটে—”

অধিক উদ্ধৃত করা বাহুলা। আধুনিক এবং বয়সে প্রবীণ হইয়াও যাহারা নিজেদের একান্ত আধুনিক বোধ করিয়া থাকেন, তাঁদের কাছে এ সব যুক্তি বিচার কিছুই গ্রাহ্য নহে। পুরাতন ঋষি হইতে আরম্ভ করিয়া ভূদেব মুখোপাধ্যায় পর্যন্ত যে সব পবিত্র চরিত্র মহাত্মারা নিবৃত্তিমার্গের উপদেশ দান করিয়াছেন সবই তাঁদের কাছে সমান উপেক্ষার। তাঁরা নারী পুরুষের সমান ভাবে প্রবৃত্তিস্রোতে ভাসমান হওয়ারই পক্ষপাতী। আধুনিক নারী পুরুষের উচ্ছৃঙ্খলতা সহিতে অনিচ্ছুক থাক, তুমিও প্রবৃত্তিমার্গ গ্রহণ কর, আমি তোমার জন্ত তা বলিয়া নিবৃত্তিমার্গের পথিক হইতে পারিব না, আদর্শ এর ইউরোপ! মেকলে লিখিয়াছিলেন,—

“We must do our best to form a class of persons Indian in blood and colours but English in taste in opinions and intellect.

রক্তে এবং গাত্রবর্ণে ভারতীয় কিন্তু রুচি মত এবং বুদ্ধিতে ইংরাজ এইরূপ একদল লোক গড়িয়া তুলিতে আমরা যথাসাধ্য চেষ্টা করিব।”

Educated in the same way, interested in the same objects, engaged in the same pursuits with ourselves they will become more English than Hindu,—just as the Roman Provincials became more Romans than Gauls.

Trevellgan's Despatch. 1853.

আমাদের সহিত একই পদ্ধতিতে শিক্ষিত একই বিষয়ে আগ্রহান্বিত একই উদ্দেশ্যে কার্যনিরত তাহারা হিন্দুর অপেক্ষা বেশী ইংরাজ হইয়া পড়িবে, রোমান সম্রাজ্যের বিভিন্ন প্রদেশবাসীগণ যেমন ‘গলের’ অপেক্ষা অধিকতর রোমান হইয়া পড়িয়াছিল।—ট্রাবেলগানের প্রেরিত লিপি, ১৮৫৩।

আমরা কি সত্যি এঁদের এই স্পঞ্জিত ভবিষ্যৎ বাণীকে সফল করিতে যাইতেছি ?



যুরোপ

শ্রীঅক্ষয়বক্র

১

কাউন্ট হারমোন কাইসারলিঙ্ক একজন জার্মান পণ্ডিত। 'দার্শনিকের ভ্রমণকাহিনী' লিখে এঁর সখ্যাতি হয়। সম্প্রতি ইনি "যুরোপের সূক্ষ্মাতিসূক্ষ্ম বিশ্লেষণ" Das Spectras Europas নামক একটা বই লিখেছেন। উক্ত বইএর ইংরাজী অনুবাদ—'যুরোপ'।

'যুরোপ' টমাস্ কুকের গাইড বুক নয়। এতে দেশ-বিদেশের প্রাকৃতিক বর্ণনা কিংবা হোটেল রেস্টুরঁর সংবাদ নেই। মানুষ নিয়েই কাইসারলিঙ্কের কারবার 'যুরোপ' ভিন্ন ভিন্ন যুরোপীয় জাতির আলোচনা।

একটা সমগ্র জাতি কিংবা অনেক ভিন্ন ভিন্ন জাতির উপর অভিমত প্রকাশ করবার অধিকার একজন ব্যক্তির আছে কিনা, এর মীমাংসা কাইসারলিঙ্ক স্বয়ং তাঁর ভূমিকায় করেছেন। তিনি বলেন যে এ রকম অধিকার ব্যক্তিমাত্রেই আছে। কোন জাতিকে জানা শক্ত, বোঝা সহজ। জানবার জ্ঞান অনেক কিছু পড়তে হয়, দেখতে হয়, হিসেব ক'রে একটা ধারণার আসতে হয়। বোঝবার জ্ঞান অনুভূতিই যথেষ্ট। এমন অনুভূতি স্বতঃস্ফূর্ত। আলোচকের মতামতের মূল্য নির্ভর করে এরই উপর। কাইসারলিঙ্কের অনুভব-শক্তি প্রবল; সুতরাং এঁর চিন্তা মূল্যবান।

প্রথমেই ব'লে রাখা উচিত যে যুরোপ মরে নি; নিকট ভবিষ্যে মরবেও না। আমাদের দেশে এমন লোকও আছেন যারা ভাবেন যে যুরোপ আসন পেতে ভারতবর্ষের কাছ থেকে অধ্যাত্ম দীক্ষা গ্রহণ করবার জ্ঞান ব'সে আছে। এটা আমাদের ভুল। যুরোপ যদি কোনোদিন নিজের আত্ম হারায় ত সে ভারতবর্ষ থেকে আধ্যাত্মিক স্পেশালিষ্ট

ডাকবে না—স্বয়ং নিজের আত্মা খুঁজে বের করবে। আমরা যখন ভাবি, যুরোপ আর নেই, মাঝে মাঝে রবীন্দ্রনাথ এসে একটু জাগিয়ে তোলেন, গান্ধী এলেই মৃত যুরোপ উঠে বসবে—তখন যুরোপীয় চিন্তাশীল ব্যক্তির হাঙ্গামা। কাইসারলিঙ্ক স্পষ্ট ভাষায় আমাদের বলেছেন, "তোমরা আগে জড়বাদের যুগ দিয়ে বেরিয়ে এসো, তারপর অল্প কথা।" যারা নিজেই বাঁচতে শেখে নি তারা যদি আর কাউকে বাঁচাবার উপদেশ দেয় তা হ'লে তারা হাঙ্গাম্পদ। তার উপদেশ অনধিকারচর্চা—ধুষ্টতা।

আশ্চর্য্য এই যে (ভিন্নভাবে) কাইসারলিঙ্ক নিজেই এরকম ধুষ্টতার পরিচয় দিয়েছেন। তিনি বলেন যে, সমস্ত সংসার খুব শীঘ্রই ঘোর জড়বাদে ডুবে যাবে; মানবের সেই মোহনিশায় জগতের উদ্ধার সাধন করবে যুরোপ। এটা কাইসারলিঙ্কের কল্পনা।

গত মহাযুদ্ধের পর যুরোপের ভিন্ন ভিন্ন দেশ যুরোপ সঙ্গন্ধে ভাবতে শিখেছে। কারণ, যুদ্ধের সময় আমেরিকার সমৃদ্ধি এত বেশী হ'ল যে যুরোপ এখন আমেরিকার তুলনায় অনেক পেছনে। যুরোপে আমেরিকার বিরুদ্ধে যা মানসিক ষড়যন্ত্র চলছে তার কারণ যুরোপের হীনতার ভাব (inferiority complex)। উক্ত ভাবের পরিণাম প্যান্ যুরোপীয়ন মুভমেন্ট। এইটি বর্তমান যুরোপের মুখ্য চিন্তাধারা। কাইসারলিঙ্ক এর উল্লেখও করেন নি।

প্যান্ যুরোপীয়ন মুভমেন্ট ছাড়া যুরোপে অল্প একটা ভাবের প্রাধান্য পাওয়া যায়, যার নাম সাম্রাজ্যবাদ। যুরোপ যখন আমেরিকার দিকে তাকায় তখন সে হীনতার ভাবে অভিভূত হয়। কিন্তু এসিয়া আফ্রিকার দিকে তাকালে তার গৌরববোধের শেষ নেই; তখন সে প্রভুতার আনন্দে নেচে ওঠে।

Europe by Count Herman Keyserling (Jonathan Cape ; price 21 shillings.)



সম্প্রতি এ দুটি ভাব ছাড়া য়ুরোপে আর কোনো ভাব নেই। স্বরণ রাখা উচিত যে আমি য়ুরোপের ভিন্ন ভিন্ন দেশের কথা বলছি না—য়ুরোপ-সমষ্টির কথা বলছি। কাইসারলিঙ্ক যদি বলতেন যে সমস্ত সংসারের মুক্তির ভার রয়েছে ইংল্যান্ড কিংবা ফ্রান্স কিংবা বাল্কান পেনিন্সুলার উপর তা হ'লে আমি তার যুক্তির আলোচনা করতুম। কিন্তু কাইসারলিঙ্ক বলেন য়ুরোপ as a whole মানুষের উদ্ধার সাধন করবে; আমার মতে য়ুরোপের এমন কোনও অধিকার কিংবা ক্ষমতা নেই।

কাইসারলিঙ্কেরই কথামুসারে, নব-ইতালীর জন্ম হ'ল সে দিন; বাস্তব পক্ষে স্পেন আফ্রিকার অংশ; অষ্ট্রিয়া মৃতপ্রায়; স্বীটজারল্যান্ড পাণ্ডার দেশ; রাশিয়ায় এসিয়ায় বিকাশ; স্বাভিওনেভিয়া প্রভূতাবিহীন—একাক্ষী; ইংল্যান্ড বেলজীয়ম্ ফ্রান্সের দাহায়া-সাপেক্ষ। সুতরাং, কাইসারলিঙ্কের য়ুরোপের অর্থ ইংল্যান্ড, ফ্রান্স আর জার্মানী। ইংল্যান্ডে রাজনীতিক বিকাশ বাতীত কাইসারলিঙ্ক কিছুই পান নি; জার্মানীর বিশেষত্ব ব্যক্তিত্বের আদর। স্পষ্টভাবে দেখা যায় যে রাজনীতি নিয়েই সংসারের উদ্ধার সাধন হবে না; ব্যক্তিত্বের আদর কিংবা সাধন ভারতবর্ষ কিংবা যে কোনো দেশে হ'তে পারে। সুতরাং ইংল্যান্ড কিংবা জার্মানী প্রলয়ের সময়ের নোয়ার আর্ক হ'তে পারে না। থেকে গেল ফ্রান্স।

ফ্রান্স্ সঙ্ক্ষে কাইসারলিঙ্কের অভিমত খুবই উচ্চ, আমারও। কিন্তু ফ্রান্স ত য়ুরোপ নয়, য়ুরোপের একটা দেশ। এর মহত্ব যতই হ'ক না কেন, কেবল ফ্রান্সের অর্থ য়ুরোপ নয়। কাইসারলিঙ্ক স্বয়ং বলেছেন যে ফরাসী ফ্রান্স ছাড়া কিছুই বোঝে না। এইটা যদি সত্য হয়, তবে ফ্রান্সই বা জগতের কল্যাণসাধন করবে কি ক'রে? আর এক জায়গায়, তার বিবেচনার পরিধি সঙ্কুচিত ক'রে, কাইসারলিঙ্ক বলেছেন যে য়ুরোপের ভবিষ্যৎ অনেকটা ফ্রান্সের উপর নির্ভর করে এবং ফ্রান্স্ য়ুরোপের সকল ক্ষেত্রে অগ্রগণ্য হ'তে পারে অনেকটা ত্যাগ ক'রে। কি ত্যাগ ক'রে—তা কাইসারলিঙ্ক বলেন নি। তাঁর মতে—“Should France make its decision in favour of the Poincare attitude, it

signs its own deathwarrant as a factor of significance in the Europe of the future.”

Poincare—আধুনিক ফ্রান্সের প্রধানমাত্য। সাম্প্রতিক অধোগতি থেকে ফ্রান্সকে বাঁচাবার বাহাদুরী এঁরই। ইনিই এ দেশের বাস্তবিক প্রতিনিধি। এই বৎসরের জানুয়ারী মাসে একজন ফরাসী লেখক “আমার জন্মভূমি য়ুরোপ”-নামক এক বই লিখে উক্ত ফরাসী মহাপুরুষকে ভূমিকা লিপিতে অনুরোধ করেন। ভূমিকা তিনি লিপলেন। তাঁর একটা বাক্য এই; “বাস্তবপক্ষে, আমি আপনার বইএর নাম মানি না। আমার জন্মভূমি য়ুরোপ? না। সে ত ফ্রান্স—স্বাধীন এবং এক।” (“Je ne vais, a vraidire, souscrire a votre titre : ‘Europe, ma Patrie’ Ma Patrie, c’est la France, in dependenteet integrele.”)

এঁর মত ফ্রান্সেরই মত। সুতরাং, কাইসারলিঙ্কের বাক্যামুসারে ফ্রান্সের দ্বারা য়ুরোপের কল্যাণ সাধনা হবে কি না সন্দেহ, জগতের ত কথাই নেই।

য়ুরোপে আর বাই হ'ক, এর মধ্যে সংসারের গুরু হ'বার ক্ষমতা নেই। যে য়ুরোপের স্বপ্ন কাইসারলিঙ্ক দেখেছেন তার কোনো ভিত্তি নেই। কাইসারলিঙ্ক স্বপ্ন দেখেন কেননা তিনি কবি, দার্শনিক, রাজনীতিক, সাংবাদিক। তাঁর নিজের বাক্য এই; “আমি প্রথমত আমিই, দ্বিতীয়ত একজন বড়লোক, তৃতীয়ত কাইসারলিঙ্ক, তারপর ক্রমশ পশ্চিমা, য়ুরোপীয়ন, বাল্কান, জার্মান, রাশিয়ন আর ফ্রেঞ্চ।” (P. 341)

২

সমস্ত বইএর মধ্যে যে কথাটি আমার সব চেয়ে বেশী মহত্বপূর্ণ মনে হয়েছে, সে এই; “খুব শীঘ্রই এমন সময় আসবে যখন ফ্রান্স ছাড়া সংসারের সব দেশ থেকে প্রেম লুপ্ত হ'য়ে যাবে।” এই বিপদের সন্ধান সংসারের কম লোকই পান; কিন্তু বিপদ অবশ্যভাবী এবং নিদারুণ।

প্রেম প্রলয়ের সময়, ফ্রান্স কিংবা ভারতবর্ষ কিংবা আফ্রিকা কিংবা কোনো একটা দেশ—কি কারণে বেঁচে থাকবে তার মীমাংসা আমি এই স্থলে করব না। কাই-

স্মারলিঙ্ক বলেন যে ফরাসীরা প্রেমের পদ্ধতি জানে। সুতরাং প্রেম তাদের দেশে থেকে যাবে। আমি বলি, আমরা প্রেমের দীক্ষা নূতনভাবে গ্রহণ করছি, সুতরাং ভারতবর্ষই ভবিষ্যৎ প্রেমগুরু। যারা পুরাতন দার্শনিক তাঁরা স্বাভাবিকতার দোহাই দিয়ে বলেন, আফ্রিকার মরুভূমিতেই প্রেমের একমাত্র নিবাস এবং বিকাশ। হয়ত সকলেরই মত ভ্রান্ত; হয়ত সকলেরই মত সত্য। আমি জানি এই যে, যুরোপের কয়েকটি দেশ থেকে প্রেম লুপ্ত হ'য়ে গেছে। সংসারের অন্তিম দেশ থেকে কোন্ তারিখের কোন্ মুহূর্তে যে এ মহাপ্রসাদ উঠে যাবে—কাইসারলিঙ্ক বলতে পারেন।

নারীর নিজের কোনো বিবেক নেই। তার নীতিজ্ঞান নিয়মপালন ছাড়া আর কিছু নয়। দশ বছর আগে সতী হওয়া ছিল ধর্ম, এখন সেটা 'আধুনিক নয়' (unmodern)। ফলে সকলে অসতী হওয়াতেই আনন্দ বোধ করছে। এমন কি সতী শব্দের উল্লেখ ভীষণ সেকেলে (unmodern)।

স্বভাবতঃ, নারীর লজ্জাজ্ঞানও নেই। নিয়মপালনেই নারীর গর্ভ। দশ বছর আগে যে বৃদ্ধা র'ব্ করানো অনুচিত মনে করত সে আজ শিল্প ক'রে ঘুরে বেড়ায়। এটা অধর্ম নয়, খারাপও নয়। এতে প্রমাণ হয় শুধু এই যে, নারীর লজ্জাজ্ঞান সম্পূর্ণভাবে নির্ভর করে দশজনের মতামতের উপর। এমন মতামতের কর্তা (অন্ততঃ যুরোপে) ফ্যাশনের প্রবর্তকগণ। এঁদেরই চোখে প্রেম পুরাতন ভ্রান্তি—আধুনিক নয়। কাইসারলিঙ্ক বলেন, এরা যদি ঠিক ক'রে দেয় যে বছরের অমুক দিনে সকল নারীদের অসতী হওয়া উচিত, নারীদের আপত্তি থাকবে না। আমি স্বরণ করিয়ে দিই, কথা হচ্ছে যুরোপের।

এই প্রশ্নের বিবেচনা কাইসারলিঙ্ক অন্তিম ভাবেও করেছেন, যাতে এর প্রথম প্রতিভার পরিচয় পাওয়া যায়।

তিনি বলেন, নারীর গৌরব তার মাতৃত্ব। এইটি তার সব রকমের চিন্তার কষ্টিপাথর এবং নীতিজ্ঞানের মূল। এখন যুরোপের নারীরা এই সম্পদটিকে অধিকার-রূপে পরিণত ক'রে তুলছে। ভোট দেওয়া অধিকার, তর্ক করা অধিকার, পায়জামা পরা অধিকার, পুরুষদের

পায়ের তলায় রাখাও অধিকার। এ সকল অধিকারের মতনই হচ্ছে এখন মা হবার অধিকার। ফলে, নারীরা বলে, 'স্বামী'দের (আর যুরোপের বেচারী পুরুষদের 'স্বামী' বলা চলে কি?) শিশুপ্রজননের ক্ষমতা না থাকে আমরা অন্ত পুরুষের দিকে তাকাব।' গত বৎসর একজন লেখিকা বিয়ে না ক'রে অজানা পুরুষের কাছে প্রজনন ভিক্ষা নিয়ে মা হ'লেন—এই প্রবৃত্তি খুব শীঘ্রই সাধারণ হ'য়ে যাবে। ঠিক এই কথা লর্ড বর্কেনহেড অন্ত-ভাবে Nash পত্রিকায় বলেছেন।

বাস্তবপক্ষে, যদি নারীর চিন্তাশক্তি খুব প্রবল হয়, যদি তার মাতৃত্বভাবের দাবী এতই বেশী যে সে নীতিজ্ঞানের উপরে উঠতে পারে—(নীতিজ্ঞান হারানো অন্ত)—তবে আমি প্রজননভিক্ষাকেও অন্তিম মনে করি না। কিন্তু এরকম দাবীর প্রমাণ পাওয়া যাবে কি ক'রে? যুরোপের সব জায়গায় নারীরা শিশুকে যত ভালবাসেন তার চেয়ে বেশী ভালবাসেন মোটরকে।

নারীর কাছ থেকে পুরুষ কি চায়? এর উত্তর কাইসারলিঙ্ক দেন নি, আমি দিলাম।

পুরুষের আত্মা একাকী। সে যেন কি খুঁজছে অথচ পাচ্ছে না। তার সহস্র সাধনার মধ্য দিয়ে এই না-পাওয়ারই ভাব ফুটে উঠছে। হৃদয়ের অন্তরতম প্রদেশে সে কখন এক মস্ত অবোধ শিশুর মতন কাঁদে, তখন সে নারীর পানে তাকায়, শুধু তাকায়। সেই মুহূর্তে সে নিজের সব অভাব ভুলে যায়। মানবের চিরন্তন শিশু-আত্মা নারীর পায়ে শায়িত। নারী এ কথা ভুলে যাচ্ছে। সে চায় অধিকার; পাবে। কিন্তু যে দিন পুরুষ নারীর মধ্যে পবিত্র মাতৃমুষ্টির আত্মতোলা দর্শন পাবে না, সে দিন একাই সে ফিরে যাবে; সে দিন নারীর শূন্য বেদী পূর্ণ হবে না। এমন দিন শীঘ্রই আসবে।

পরিশিষ্ট


[নিম্নোল্লিখিত অভিমতের সহিত আমার মিলের কোনো সম্পর্ক নেই। কাইসারলিঙ্কের মৌলিকতার উপর আমার এতই শ্রদ্ধা যে আমি



কতকগুলি বাক্য উদ্ধৃত করে দিলাম। কাইসারলিঙের পাবলিশার
মেসার্স জোনাথান কেপ আদায় এরকম উদ্ধৃত করবার

On the Englishman

“Yet the same Englishman, whose distaste for intellectual problems borders on disgust, is often capable of uttering surer judgments in the intellectual field than any but the most gifted continentals; but on one condition: the problem in question must be of inmost concern to him. If, on the other hand, he is not thus concerned, he passes no judgment at all. Again we perceive the advantage of this animal psyche: animal instinct is unerring, but it only comes into play where the life of the animal makes it proper and necessary; whatever does not affect it just does not exist. Young people ‘do’ something together; they hardly speak, or, if they do, it is to utter either an obvious triviality or a piece of nonsense; the rising to emergencies is typical for all of them; when the moment comes



Hermann Keyserling

অনুমতি দিয়েছেন, সেজন্য আমি তাঁদের কাছে কৃতজ্ঞ।
কাইসারলিঙের ভাব-প্রকাশ এতই কঠিন যে আমি অনুবাদ করতে
অক্ষম]

for a practical decision, for effective action, the decision comes and the action follows; and all of them see more sense

in panting after a ball than in the perusal of good books. It further becomes clear, at this point, to what extent the strong-willed Englishman, with whom self-control is a national ideal, is no man of will at all." (P. 20-21.)

On the French

"The Frenchman believes in 'definition' as natural peoples believe in the fetish. But we can clearly define in the French sense, only that which we already know. In order to understand something which is new in essence we must yield ourselves to it until the new, necessary organs of cognition evolve. Submission of this sort is beyond the capacity of the Frenchman. This renders him incapable of adding to his knowledge ; he is incapable of inner transformation. Hence the unequalled stupidity of French criticism in regard to those matters which can be understood only from the premise of the new world in the making. It is for this very reason that the French often see depth in the shallowest things, if only they lift whatever seems to them misty and undefined on to the plane of the 'already known.' The blazing of new paths is not for this race." (P. 64.)

On the German

"It was an Englishman who made this quip : 'If there were two gates, on the first of which was inscribed *To Heaven*, and on the other *To*

Lectures about Heaven, all Germans would make for the second.' This man saw deep."

(P. 99.)

On Europe

The material prosperity of Europe is of course at an end. Its power in the East will end before long. It may be that the industrial centre of this planet will shift over to Asia. Invention is difficult, but even the ape can imitate. Before long all our technical ability will be common human property. Before long, if we continue to plume ourselves on our achievements, we Europeans will be stared at just as Cornelius Nepos would be if he suddenly appeared in our midst with a general claim to the world's worships ; we have become our own classics. *Under these circumstances the mere self-preservation of Europe compels it to adjust itself to what it can do best, to what no one can take away from it. And that is its intellectuality*". (জার্মান ভাষায়—Geistigkeit. P. 359.)

On Himself

"Indeed, when I analyse my own self-consciousness, what do I find myself to be ? First and foremost, I am myself ; second, an aristocrat ; third, a Keyserling ; fourth, a Westerner ; fifth, a European ; sixth, a Balt ; seventh, a German ; eighth, a Russian ; ninth, a Frenchman." (P. 341.)

মিলিন্দপন্থে নাগসেন

শ্রীভূপেন্দ্রচন্দ্র চক্রবর্তী

চন্দ্র সূর্য্যের উদয়াস্তের মধ্যে জন্ম-জন্মান্তরের অপূর্ণ রূপক অনন্তকাল ধরিয়া লেখা হইয়া চলিয়াছে, চন্দ্র জাগিতেছে সূর্য্য ডুবিতেছে একের আলোতে অন্য দীপ্তি পাইতেছে। মানুষের জীবন-সূর্য্য অন্তমিত হইতেছে আবার জন্মান্তর জাগিতেছে ;—এ জন্মের কর্মশক্তি জন্মান্তরকে জাগাইতেছে। সুতরাং জীবন-সূর্য্য জন্মান্তরের জীবন-শলীকে উদ্বোধন করিয়া গুণাইতেছে। বুদ্ধ-মনীষী নাগসেন, কাবুল পতি মিলিন্দকে যে ভাবে এই জীবন-সঙ্গীতের আলাপ গুণাইয়াছিলেন তাহাতে যথেষ্ট বিচিত্রতা ও ঐতিহাসিকতা দেখা যায়। দুই হাজার বৎসর এই বার্তা কাণমস্তের মত জপ করিয়া, বর্তমানের ইতিহাস-মণ্ডপে পৌঁছাইয়া দিতে পারিয়াছে।

কাবুলরাজ প্রশ্ন করিলেন, “আপনাকে কি নামে আস্থান করিব ?” নাগসেন বলিলেন, “মহারাজ ! নাগসেন নামেই আমার পরিচয় !...নাগসেন প্রত্যুত একটা ডাক ছাড়া আর কিছু নয়, ইহা নিছক ফাঁকা, ইহার ভিতরে আমি তথাভিমানী কেহ নাই, কোন পুরুষ নাই !”

এই প্রকার অনাশ্র-বাদ শুনিয়া মিলিন্দ অবাক ! “বেশ কথা ; যদি আপনাতে আশ্রা না থাকে তবে বৈরাগ্য, অশনে ভূষণে সহযাত্রী শ্রমণগণের বিধি-নির্দ্ধারণে কেমন করিয়া আশ্র-প্রকাশ করিতেছে, তবে আপনাতে বুদ্ধ-বাণীর মর্ম-জ্ঞাপক কে ? কে আপনার ভিতরে অহোরাত্র বুদ্ধ-নির্দ্ধারিত নির্দ্ধারণলাভে তপশ্চাপরায়ণ ? মানুষের যদি আশ্রা আসন খালি থাকে তবে এই মহা বন্দ কেন ? পাপ পুণ্য ধর্ম্মাধর্ম্মের জগৎসম্প কেমন চলিতেছে ? সকলের বৈষম্য মুছিয়া ফেলাই তবে উচিত ? শ্রমণের হত্যাকারীর যেমন কোন পাপের বালাই নাই, তেমনি শ্রমণদেরও গুরু-অশেষণে কোন ফল নাই ?”

হেলেনিক কাবুলরাজ, নাগসেনের প্রতি বেশ চোখা শর হানিলেন। রাজা চান, মানুষের ভিতরে চিরন্তন

অভিনয়কারীকে ধরিতে, আর নাগসেন চান তাহাকে কর্পূরের মত উবিয়া দিতে। কিন্তু ইহার পরে মিলিন্দ যেন কেমন বাধা গৎ আওড়াইতে লাগিলেন অর্থাৎ বুদ্ধ তর্কের খোলসে মাথা ঢুকাইয়া প্রশ্ন করিলেন, “আচ্ছা আপনার মাথার চূণ কি নাগসেন ?...”

এইরূপে সমস্ত অঙ্গ প্রত্যঙ্গ ধরিয়া মেডিকেল কলেজের anatomyটা নাড়িয়া চাড়িয়া অতিপরিসরব্যাপী প্রশ্ন সকল করিলেন—ইহাদের মধ্যে কোনটি নাগসেন ? আর নাগসেন এক স্বাসে কহিয়া যাইতে লাগিলেন, “না মহারাজ ! এটা নয়, এটা নয়...নয়...নয়... !” সবই ‘নেতি নেতি’—অর্থাৎ নাগসেনকে খুঁজিয়া পাইলেন না। তখন রাজা কহিলেন, “হোঃ হোঃ—নাগসেন তবে একেবারে ফাঁকা—এত বড় মিথ্যা কথাটা কেন বলিলেন, যে আপনার নাম নাগসেন ? আমি ত রাশি রাশি প্রশ্ন করিয়াও নাগসেন খুঁজিয়া পাইলাম না।”

নাগসেন অমনি বলিলেন, “আচ্ছা মহারাজ, আপনি সভ্যমণ্ডপে যানবাহিত হইয়া বা পদব্রজে আসিয়াছেন ?” রাজা যখন জানাইলেন তিনি রথে আসিয়াছেন, তখন দার্শনিক প্রশ্ন তুলিলেন, “রথ কাহার নাম ? রথ-চক্র কি রথ ?”—এইভাবে পূর্ব্ববারের ত্রায় রথের anatomy স্মর হইল—আর রাজা ‘না’ ‘না’ হাঁকিতে লাগিলেন। অবশেষে নাগসেনের মুখে সেই কথা বাহির হইল, “হোঃ হোঃ মহারাজ, কোথায় রথ ? এত বড় মিথ্যা কথাটা কেন বলিলেন যে আপনি রথারূঢ় হইয়া আসিয়াছেন—আমি ত রাশি রাশি প্রশ্ন করিয়াও রথ খুঁজিয়া পাইলাম না।”

তখন রাজা বলিলেন, “আমি মিথ্যা বলি নাই, রথ একটি নাম মাত্র, সর্কীবয়বের সমষ্টিভূত অবস্থার নামই ‘রথ’।” অমনি নাগসেন কহিয়া উঠিলেন, “ঠিক ঠিক ; মহারাজ, ‘রথ’ যেমন চিনিয়াছেন, ‘নাগসেন’ও তেমনি। যখন ভিন্ন

ভিন্ন অংশসমূহ একত্রিত হয়, সর্বাঙ্গবন্ধের মিলন ঘটে, তখনই 'নাগসেন' নামের উৎপত্তি। কিন্তু ইহাতে কোন একটি অমিত্যভিমানী পুরুষ নাই।”

এই ভাবে অনাত্মবাদ জয় জয়কার লাভ করিল। প্রসঙ্গটিকে দুই ভাগে বিভাগ করা অনাত্মসেই চলে। প্রথম ভাগটি শেষ করিয়া আমরা যৎকিঞ্চিৎ মন্তব্য করিয়াছি, ইহার উত্তর কুদ্রোপী নাই—গ্রন্থকার যেন কোশলে ইহাকে চাপিয়া গিয়াছেন মনে হয় এবং মিলিন্দকে দিয়া এমন সব প্রশ্ন করান হইয়াছে, যেগুলির সঙ্গ সম্পূর্ণরূপে নাগসেনের 'রথ'-সম্পর্কিত প্রশ্নাদির মিল হইতে পারে। অপ্রকৃত সাদৃশ্যের (false analogy) ফল যাহা হয় এক্ষেত্রে তাহার ব্যতিক্রম হইবার উপায় নাই। রথের সঙ্গে মানুষের উপমা কখন খাটিতে পারে না। অ-প্রাণের সহিত জীবনের উপমা খাটাইতে হইলে মানুষ প্রাণহীন একথা অবশ্যই বলিতে হইবে। নাগসেনও তদ্রূপ অনাত্ম-রথের সহিত আত্মক-মানুষের উপমা খাটাইতে গিয়া আত্মাকে যত সহজে এড়াইতে পারিয়াছেন, তত সহজে মিলিন্দকণিত প্রথম ভাগের উত্তরে অনাত্ম-সঙ্গতি করিতে পারিতেন না।

ইহাই ঐতিহাসিক Rhys-Davidsএর theory of putting together। যে পুণ্ডল (পুরুষ) নাগসেনের মধ্যে নাই সেই পুরুষ সম্বন্ধে সাংখ্য বলিতেছেন,—শরীরাদি ব্যতিরিক্তঃ পুমান—পুরুষ শরীর হইতে অতীত। (1.139.) নাগসেন যে অনাত্ম জড়বাদ দাঁড় করাইয়াছেন, সাংখ্য ইহার খণ্ডন করিতেছেন, পাত্রচ ভৌতিকো দেহঃ (3.17.); জীবের দেহোপাদান ক্ষিতি অপ্ তেজ ইত্যাদি। ন সাংস্কিকং চৈতন্যং প্রত্যোকাদৃষ্টেঃ (3.20.)। জীবের যে চৈতন্য উহা পঞ্চভূতের সমবায়লক্ষ্য নহে কারণ পৃথক পৃথক রূপে ইহাদের মধ্যে চৈতন্য থাকিতে দেখা যায় না।

প্রপঞ্চমরণাশ্চ। (3. 21.) চৈতন্য যদি পঞ্চভূতের শক্তি হইত তবে মরণাদি চৈতন্যহীন অবস্থা কখনো ঘটত না। ভোক্তুরধিষ্ঠানাৎ ভোগায়তননির্মাণমন্ত্রথা পুতিভাব প্রসঙ্গাৎ। (5. 114.) দেহকে পরীক্ষা করিলে ইহা যে কাহারও ভোগের যন্ত্র তাহাই প্রতীত হইবে, ভোক্তা না

থাকিলে দেহ পচিয়া যায়। তাই সাংখ্যকার শেষ উত্তর দিতেছেন—অন্ত্যাত্মা নাস্তিত্ব সাধনাভাবাৎ। (6. 1.)

নাগসেন যে রথ-প্রসঙ্গ তুলিয়া আত্মার অস্তিত্ব বিলোপ করিলেন, সে রথ উপনিষদে গীতার প্রযুক্ত হইয়াছে—সেখানে বিচার কি সূত্র! শ্বেতাশ্বতর বলিতেছেন, “আত্মানং রথিনং বিদ্ধি, শরীরং রথমেব তু, বুদ্ধিস্ত সারথিং বিদ্ধি কৃৎস্না মনঃ প্রগ্রহমেব চ।” ইহাকেই গীতার অমরান্বরে পুনরাঙ্কিত করা হইয়াছে। রাজা মিলিন্দকে রথের উপর চাপাইয়া, যদি নাগসেন দেহতত্ত্ব বিচার করিতেন তবে খাঁটি খোঁজ মিলিত—কুরুক্ষেত্রের রণাঙ্গনে যেমন শ্রীকৃষ্ণ অর্জুনকে রথের রথী করিয়া স্বয়ং সারথ্য স্বীকার করিয়া জীবন-রথের মহা সঙ্গীত শুনাইয়াছিলেন। এই ভাবে নাগসেন জীবন-সূর্যের রাগালাপ শুনাইলেন, এখন দেখা যাক তিনি জন্মান্তরের জীবন-শশীকে কোন্ সুরে আঁকিতে চাহিয়াছেন!

আবার সভা বসিয়াছে। কাবুলেশ্বর মিলিন্দ প্রশ্ন তুলিতেছেন, “আচ্ছা আচার্য্য, জন্মান্তর কি?—এ জন্মের কোন কিছু কি পরজন্মে প্রবিষ্ট হইয়া উহার সঞ্চার করে না?” নাগসেন কহিয়া উঠিলেন, “না মহারাজ।” তখন রাজা বলিলেন, “দৃষ্টান্ত দিয়া বুঝাইয়া দিন।” নাগসেন পূর্ববারের ত্রায় আবার উপমা ফাঁদিলেন—“আচ্ছা যদি কোন লোক একটি দীপ হইতে আর একটি দীপ জ্বালে, তবে কি প্রথমোক্ত দীপটির দ্বিতীয়টিতে উৎক্রান্তি ঘটে?” মিলিন্দ কহিলেন, “না।” অমনি দার্শনিক প্রতিপন্ন করিলেন, “ঠিক তেমনি এ জন্ম হইতে জন্মান্তরে কোন কিছুর উৎক্রমণ নাই।” এইরূপে আত্ম-বাদ নিরস্ত হইল। রাজা মিলিন্দ প্রদীপের নীচের অন্ধকার দেখিতে পাইলেন না, সেখানেই নাগসেনের বুদ্ধির দুর্বলতা লুকাইয়াছিল। এই উপমা খাটিতে পারে না, রথের ত্রায় ইহাও দোষহুঁষ্ট। দুইটি দীপ,—এক অগ্নি হইতে জাত হইয়া পিতাপুত্রের সমকালীন অবস্থিতির সহিত উপমার্হ হইতে পারে, কিন্তু যে ক্ষেত্রে একটির সমাক্ উচ্ছেদ সাধিত না হইয়া অপরটির অভ্যদয় ঘটে না—সে ক্ষেত্রে ত ইহার প্রয়োগ বুদ্ধি-বহির্ভূত। একই সময়ে সূর্য্য চন্দ্র আকাশে কিরণ-কিরীট



পরিতে পারে না, একের অস্ত অস্তের অভ্যাস সূচিত করে, একের জ্যোতি অস্তে অধিগত হইয়া তবে সুধাংশুর সৃষ্টি। জন্ম-জন্মান্তরের সম্বন্ধ, সূর্য্য-শশীতে প্রতিদিন একবার করিয়া অনন্তকাল ধরিয়া অভিনীত হইতেছে। কিন্তু নাগসেন ইহার স্বরলিপি একটু বৈচিত্র্য মাখাইয়া মিলিনকে গুনাইলেন।

এই এক প্রকারের একতালা রাগিনী ক্রমাগত চলিল— ইহাদের সবগুলিই ছিদ্রযুক্ত মৃগয় ভাণ্ড! নাগসেন পৃষ্ট হইয়া বলিতেছেন,—“যে জিনিস পরজন্মে জন্মগ্রহণ করে উহা নামরূপ, তবে এ জন্মের নামরূপ নহে—এ জন্মে নামরূপ দ্বারা যে কিছু সদস্য কৃত হইয়া থাকে উহার ফলস্বরূপ, পরজন্মে নামরূপের আধার সৃষ্ট হয়...” এখন প্রশ্ন হইতেছে এ জন্মের নামরূপ ত চিতার অনলে ছাই হয়, কর্মভাণ্ডার সঞ্চিত থাকে কিসে—যাহা উৎক্রান্ত হইয়া পরলোকপ্রাপ্ত হয়! এ দিকে প্রশ্ন হইলে উত্তর সহজ নহে।

ঐতিহাসিক রিস্-ডেভিডস্ (Rhys-Davids) তাঁহার American Lecturesএ বলিয়াছেন,—“There is no passage of soul or of an I in any sense from the one life to the other.” ‘প্রবাসী’তে শ্রদ্ধাস্পদ শ্রীযুক্ত মহেশচন্দ্র ঘোষ মহাশয় তাঁহার সুগভীর পাণ্ডিত্য দ্বারা অক্সফোর্ডের মৃত্যুদূত এবং ভারবাহী পুরুষ

ইত্যাদি বিশ্লেষণ করিয়া ইহার যথোচিত উত্তর দিয়াছেন। রিস্-ডেভিডস্ পালি-শাস্ত্রকে বিচারের চক্ষে যেন অতি কমই দেখিয়াছেন। Mrs Rhys-Davids তাঁহার ‘Buddhism’এ এই সব মিলিনপঙ্কের আবৃত্তি যথাযথ করিয়াছেন, কিন্তু একটুও প্রশ্ন তোলেন নাই ইহাদের সারবত্তা কোথায়। গৌতম বুদ্ধের মুখে, তাঁহার ধর্মকথা যে অমল সরলতার প্রভাত-নীহারের মত ঝলমল করে, শিষ্যের মুখেই যেন সে শিশির-কণা জমাট বাঁধিয়া মিছুরির দানার মত শক্ত হইতে বসে—আর দূর দূরান্তের বহু শতাব্দীর শেষে সমাগত বৌদ্ধ দার্শনিকের হাতে সে জিনিস কতদূর পাবাগ-রুক্ষতা ধারণ করে, Mrs Rhys-Davids-এর মিলিন-পঙ্ক ও কথাবস্তুর সম্পর্কে কৃত টিপনীই তাহার একটি আলেখ্য—“...the belief, not that man's body and mind were not Divine Spirit, not that man's self was not body or mind, but that man was just body and mind, and nothing else.” (Samyutta Nikaya—Part III, p. ix)

এইরূপে শরীরের পরিধিতে যখন মানুষের সর্বস্ব সঙ্কুচিত হইল—শরীরের বাড়া আর কিছুই রহিল না তখন “বৌদ্ধ” আখ্যা প্রদীপের গাছটিকে যত জুড়িয়া রহিল প্রদীপটিকে ততই দূরে ছুঁড়িয়া মারিল।



স্মরণে

শ্রীশ্যামরতন চট্টোপাধ্যায়

জীবনে জাগিত মনে বিরহের ভয়
মরণে সে ভীতি মোর গিয়াছে টুটিয়া,
যুচিয়াছে এবে সেই উদ্বেগ সংশয়
রাহিব কেমনে আমি তোমারে ভুলিয়া ।
তুমি মোর শূন্য চিত্ত করি অধিকার,
হে বন্ধু, অজ্ঞাতে হেরি এসেছ কখন,
শত স্মৃতিবিজড়িত হৃদয় আমার
তোমার মিলন-সুখ ভুঞ্জি অনুক্ষণ ।
মনে পড়ে তোমার যে মুরতি মধুর,
বিগলিত করুণায় জাহ্নবীর মত,
ভগবতৎ প্রেমে চিত্ত ছিল ভরপুর,
হরিনামামৃতপানে কীর্তনে সতত ।
সরল উদার প্রাণ, নিষ্ঠায় অটল,
দীন দুঃখী স্মরি' তোমা মুছে অঁাধিজল ।

* বন্ধুবর অচলনাথ মিত্রের বিরোগে

সর্ব-হারা

শ্রীকল্পনা দেবী

ধরনী তো কোলাহলে ভরা—
সুখে দুখে গড়া এ সংসার,
সব ব্যথা সব দুখে ব'হে নিতে পারি বুকে
তুমি যদি হাসি মুখে চাও একবার ।

নয়নের কণিক চাহনি
অধরের সেই মৃদু হাসি,
তীক্ষ্ণ বিক্রপের জালা মনে হয় ফুলমালা—
যেন সে অমির-ঢালা কাণে বাজে 'হাসি' ।

সকলের মাঝখানে থেকে—
আছ তুমি সবার উপরে ;
আছ এ বুকের মাঝে, আছ তুমি সব কাজে
শশধর রাজে যথা—তারকা-মাঝারে ।

কাছে পেতে চাহিনি কখনো
চাহি শুধু করুণার কণা ;
দূরে আছ তাই ভাল, সবারে দিতেছ আলো,
এতটুকু রক্ষিকণা—ত্যাগিকি পাব না ।



এতটুকু কামনা যাহার—
তার কেন বরে আঁখিজল ?
ভূলাতে বাধিত চিতে এটুকু পার না দিতে ?
যদি সে সাস্থনা পায়—বুকে বাঁধে বল ।

একদিন—ছিল একদিন—
যদিও সে স্বপন আমার,
তবু আজ পড়ে মনে লভিয়াছি এ জীবনে
দেবতার আকাঙ্ক্ষিত মেহ-প্রেমধার ।

আজ আমি যাহার ভিথারী—
সেদিন তা' অবিরল ধারে
ঝরেছে আমার বুকে, ধরণীর শ্রেষ্ঠ স্মৃথে
যে কভু হয়েছে স্মৃথী,—ভুলিতে কি পারে ?

সে ধরণী তেমনই আছে—
সে আকাশে সেই নীল ছবি,
সেই শশী তারা হাসে, জোছনা আলোকে ভাসে
নিশিথেষে সেই আসে সমুজ্জল রবি ।

সেই বর্ষামাস ফিরে আসে—
সেই ঋতু আসে পায় পায়,
তেমনই ফুল ফোটে বাতাস তেমনি ছোটে
সৌরভ হরিয়া ল'য়ে দিগন্তে বিলায় ।

সেই তুমি—সেই আমি আছি
আমরা তো ভিন্ন কেহ নই,
তবে সে বিশ্বাস কই ? সেই নির্ভরতা কই ?
মনের কাহিনী ভরা—সে নয়ন কই ?

মাঝখানে এ কি বাবধান !
আমি আসি—তুমি চ'লে যাও,
কি কথা বলিতে চাই— ভয়ে ভয়ে ফিরে যাই—
মনে করি কি শুধাব,—পরি না যে তাও !

জীবনের ক্ষণিক সময়—
কখন বরিয়া যাবে ফুল,
যে ভুলে এ অভিমানে বেদনা পেতেছি প্রাণে
হয়তো জনমে আর ভাঙবেনা ভুল !

এতদিন সহিয়াছি যদি—
আজও তবে সহিব সকল,
তুমি কোরো নাকো রোষ, নিয়ো না নিয়ো না দোষ,
যদি কভু ভুলে ভুলে চোখে আসে জল ।

পুরাণে সে অতীতের কথা
একবার ভেবো মনে মনে,
আমি যা হারানু হায়, ভেবে দেখো এ ধরায়—
কে পেরেছে এত ক্ষতি সহিতে জীবনে ?

গেছে আশা—গিয়েছে হরষ—
আছে শুধু ছায়াটুকু তার,
তাই নিয়ে বেঁচে আছি আজি ঘোড় করে যাচি,
নিয়ো নাক নিয়ো নাক সেটুকু আমার !

জীবন ও আর্ট

শ্রীঅনিলবরণ রায়

আমাদের দেশে আজকাল অল্পচিন্তা এমনই চমৎকার হইয়া উঠিয়াছে যে, এ অবস্থায় আর্টের চর্চা, আর্টের অনুশীলন অনেকের কাছেই নিতান্ত বিসদৃশ বলিয়া মনে হয়। মানুষকে আগে খাইয়া বাঁচিতে হইবে, দেহ প্রাণ মনের স্বাধীন বিকাশের সুযোগ লাভ করিতে হইবে, তবে ত সে আর্টের রস উপভোগ করিতে পারিবে। যেমন ধর্ম সম্বন্ধে, তেমনিই আর্ট সম্বন্ধেও বলা যাইতে পারে, শরীরমাগ্ধম্। শরীর ও প্রাণ রক্ষা যে আগেই চাই, তাহা কেহই অস্বীকার করিবে না; কিন্তু আমাদের বর্তমান দৈন্তের জগৎ জীবনের এই প্রয়োজনটাকেই এত বড় করিয়া দেখা হইতেছে যে এইটি শুধু আদি নহে, এইটিই আদি মধ্য অস্ত্র সব, লোকের মনে এইরূপ একটা ধারণা বদ্ধমূল হইয়া যাইতেছে। শরীরপালন, প্রাণের ভোগ, আমাদের ভারতীয় ভাষায় আহার নিদ্রা মৈথুন, ইহাই মানবজীবনের সার সত্য, ইহাই মনুষ্যত্বের চরম। আর যাহা কিছু, ধর্ম নীতি বিজ্ঞান আর্ট, সে-সব মানুষের আহার নিদ্রা মৈথুন ব্যাপারেই সহায়তা করিবে, তাহা ছাড়া তাহাদের নিজস্ব কোন মূল্যই নাই। মানুষ তাহার সকল চেষ্টা ঐ সব মূল ও আদিম ব্যাপারে নিয়োজিত করিবে, অবসর সময়ে একটু চিত্তবিনোদনের জগৎ বা সাস্বনার জগৎ বা শোভা ও অলঙ্কারের জগৎ ধর্ম, দর্শন বা আর্টের চর্চা করিবে

মানবজীবনের আদর্শ সম্বন্ধে এই ধারণা যে শুধু ভারতেই প্রচলিত তাহা নহে, বর্তমান সভ্যজগতে সর্বত্রই ইহা প্রচলিত। ইহা বর্তমান সভ্যতারই মূলস্বরূপ, ভারতে তাহারই হাওয়া লাগিয়াছে, ভারতের বর্তমান দারিদ্র্য ও অধঃপতিত অবস্থা এইরূপ আদর্শ অনুকরণেরই একান্ত অনুকূল হইয়া পড়িয়াছে। আধুনিক শাস্ত্র Psycho-analysis বা মনোবিকলন বিশ্লেষণ করিয়া দেখাইয়া দিতেছে যে, মানুষ

ধর্ম, বিজ্ঞান, আর্ট লইয়া যে সভ্যতার গর্ভ করে সে-সবের মূলে রহিয়াছে আহারাদির প্রবৃত্তি, বিশেষতঃ যৌন-প্রবৃত্তি sexual instinct। এই জগৎই বর্তমান সভ্যতাকে জড়বাদী বা materialistic বলা হয়।

কিন্তু প্রাচীন কালে সভ্যমানুষের আদর্শ ছিল স্বতন্ত্র। আহারাদিকে প্রাচীনেরা অবহেলা করিতেন না, কিন্তু এই-গুলিকেই তাঁহারা জীবনের প্রধান ব্যাপার করিয়া তোলেন নাই। শরীর ও প্রাণ মানুষের সকল ব্যাপারের ভিত্তি ও আধার তাহা তাঁহারা অস্বীকার করিতেন না, কিন্তু তাঁহারা দেখিয়াছিলেন যে, শরীর ও প্রাণ লইয়াই মানুষের মনুষ্যত্ব নহে। স্থূল শরীরে মানুষ জড়পদার্থের সহিত এক, আহার নিদ্রা প্রভৃতি প্রাণের ব্যাপারে মানুষ পশুর সহিত এক, কিন্তু মন-বুদ্ধি লইয়াই মানুষের মনুষ্যত্ব। দেহ ও প্রাণের আধারে মন-বুদ্ধির বিকাশ করিয়া মনুষ্যত্বের বিকাশ করিতে হইবে। ধর্ম, নীতি, দর্শন, বিজ্ঞান, আর্ট এই গুলি হইতেছে মনের ও বুদ্ধির নিজস্ব ব্যাপার, এই গুলিকে লইয়াই মানুষের মনুষ্যত্ব। দেহ ও প্রাণকে কেবল এই সকলের সহায় ও যন্ত্র বলিয়া দেখিতে হইবে, দেহ ও প্রাণের জীবনে আমরা মনের অনুশীলন করিবার সুযোগ পাইয়াছি, শুধু এই জগৎই মানুষের কাছে দেহ ও প্রাণের আদর। বর্ষের ও সভ্য মানুষের মধ্যে প্রভেদ এই যে, বর্ষেরা দেহের ব্যাপারকেই জীবনের প্রধান বস্তু বলিয়া গ্রহণ করে, সভ্য মানুষ মন-বুদ্ধির অনুশীলনকে সকলের উপরে স্থান দেয়। এই সূত্র লইয়া বিচার করিলে দেখা যায় যে, বর্তমানে আমরা যাহাকে সভ্যতা বলি তাহা বর্ষেরতারই নামান্তর। বস্তুতঃ বর্তমান জগতে দেহ ও প্রাণের ভোগকে এবং তাহার সহায় অর্থকে যেরূপ উচ্চ স্থান দেওয়া হইয়াছে, লোভের বশে মানুষে মানুষে, শ্রেণীতে শ্রেণীতে, জাতিতে জাতিতে যে দ্বন্দ্ব প্রতিযোগিতা, যে



মারামারি কাটাকাটি চলিতেছে, তাহাতে বর্তমান যুগের মানুষকে বর্কর বলিলে খুব বেশী ভুল করা হয় না। তবে প্রাচীনকালে যাহাদিগকে বর্কর বলা হইত, বর্তমান যুগের সভ্য মানুষদের সহিত তাহাদের একটা বিশেষ প্রভেদ রহিয়াছে। প্রাচীন বর্করেরা মনের পরিচালনা বিশেষ করিত না, যাহা করিবার সোজানুজি গায়ের জোরেই করিত। কিন্তু এখন বিজ্ঞানের যুগ, মানুষ বুদ্ধির অনুশীলন করিয়া জড়জগৎ সম্বন্ধে বহুজ্ঞান সংগ্রহ করিয়াছে ও করিতেছে, জনসাধারণের মধ্যেও মন-বুদ্ধির অনুশীলন অনেক বাড়িয়া গিয়াছে। এখন যাহাতে দেশের প্রত্যেক স্ত্রী ও পুরুষ লিখিতে ও পড়িতে পারে সকল দেশেই সে চেষ্টা চলিতেছে এবং এ চেষ্টা অনেক স্থানেই খুব অগ্রসর হইয়াছে। অতএব বর্তমান যুগের মানুষকে সেই প্রাচীন বর্করদের সহিত আর সমপর্যায় ফেলা যায় না। বর্তমানের লোক বেশী বুদ্ধিমান ও চালাক হইয়াছে, গায়ের বল অপেক্ষা ছল ও কৌশলেই কার্য উদ্ধার করিতে যায়। কিন্তু এই যে মন-বুদ্ধির চালনা, মানুষ ইহাকেও সেই দেহ ও প্রাণের ভোগেই লাগাইতেছে। বিজ্ঞানের চর্চা করিয়া জড়প্রকৃতির উপর মানুষ যে ক্ষমতা লাভ করিয়াছে, ধনবৃদ্ধি করিয়া ভোগের সুবিধা করিতে, শত্রুকে ধ্বংস করিয়া প্রতিযোগিতা নিবারণ করিতে, সর্ববিধ উপায়ে নিজেদের ভোগের পথ নিষ্কটক করিতে তাহা প্রয়োগ করিতেছে। বিজ্ঞানের যে প্রকৃত উদ্দেশ্য, বুদ্ধির চর্চায় জগৎ সম্বন্ধে জ্ঞান লাভ করা এবং এই চর্চাতেই পরম তৃপ্তি লাভ করা, সে উদ্দেশ্য দুই চারিজন বৈজ্ঞানিকের মধ্যে থাকিলেও সাধারণে বিজ্ঞানকে এভাবে দেখে না। জগদীশচন্দ্র উদ্ভিদের জীবন-প্রণালী আবিষ্কার করিতেছেন, কিন্তু ইতিমধ্যেই জল্লাহ কল্লাহ আরম্ভ হইয়াছে ইহাতে কৃষিকার্যের কি সুবিধা হইবে, চিকিৎসাশাস্ত্রের কি উন্নতি হইবে।

যেমন বিজ্ঞান সম্বন্ধে, তেমনিই ধর্ম, নীতি, আর্ট সকল বিষয়েই। লোকে সম্ভ্রান্তে একদিন ধর্মালোচনা করে, সেটা বিশ্রামের মধ্যেই। কাজ ছয় দিন, আর ধর্ম একদিন! ধর্মকে বাদ দিলেও জীবনের বিশেষ কোন ক্ষতি বৃদ্ধি নাই,

অনেকে ছাড়িয়াও দিতেছে। আমার ভোগের সামগ্রী যাহাতে অপরে হরণ করিয়া না লয়, আমি যেন নিশ্চিন্ত হইয়া স্ত্রী, পুত্র, ধন, রত্ন উপভোগ করিতে পারি, তাহার প্রতিবিধান করাই নীতিশাস্ত্রের প্রতিপাদ্য! আর্টও ঠিক তাই; যাহাদের পয়সা আছে, সখ আছে, তাহাদের জগুই আর্ট, জীবনে ইহার কোন মূল প্রয়োজনীয়তা বা উপযোগিতা নাই, আর্টের নিজস্ব কোন মূল্য নাই। থিয়েটার বায়স্কোপ দেখা, কাব্য উপন্যাস পাঠ করা, চিত্রকলা স্থাপত্য ভাষণ সম্বন্ধে চর্চা করা এ সব যে শুধু বাজে কাজ, বাজে খরচ কেবল তাহাই নহে, অনেকেই এ সকলকে সমাজের পক্ষে বিশেষ অনিষ্টকর বিবেচনা করেন। আমাদের দেশে আজকাল অনেক দেশহিতৈষী এ সকল আর্টচর্চার সম্পূর্ণ বিরোধী, তাহাদের মতে তৎক্ষণ বসিয়া চরকার সূতা কাটিলে ছ'পয়সা আয় হইবে।

অতএব History repeats itself, সেই প্রাচীন বর্করতাই আবার ফিরিয়া আসিয়াছে, তবে মানবজাতির ক্রমবিকাশের ফলে তাহার ধরণটা একটু বদলাইয়া গিয়াছে। আগেকার বর্করেরা মন-বুদ্ধির অনুশীলন না করিয়া দেহ প্রাণের ব্যাপার লইয়াই থাকিত, আজকালকার সভ্য বর্করেরা মনবুদ্ধির অনুশীলন করিয়া ঐ দেহ প্রাণের ভোগের সামগ্রীই সংগ্রহ করে, কিন্তু মন-বুদ্ধির অনুশীলনের যে নিজস্ব মূল্য আছে এবং তাহাই যে মানুষের প্রকৃত মনুষ্যত্ব তাহা তাহারা স্বীকার করে না।

ভারতীয় অধ্যাত্মশাস্ত্রের ভাষায় বলা যাইতে পারে, প্রাচীন বর্করতা ছিল তামসিক, এবং আধুনিক সভ্যতা রাজসিক। প্রাচীন বর্করদের ঝোক ছিল দেহের উপর; মনের খেলা তাহাদের খুব কম ছিল। আধুনিক সভ্য মানুষদের জীবনের কেন্দ্র প্রাণ, তাহাদের মধ্যে মনের খেলা অপেক্ষাকৃত বেশী। রাজসিকতার প্রেরণায় মানুষ কর্মের জগু, ভোগের জগু, আত্মপ্রতিষ্ঠার জগু ছুটিয়া বেড়ায়, ইহাই প্রাণের খেলা। প্রাণের নীতি হইতেছে, বাঁচিয়া থাকা, আত্মপ্রতিষ্ঠা করা, যশ মান প্রভাব প্রতিপত্তি অর্জন করা, ধন সম্পদ অর্জন করা, বংশবৃদ্ধি করা, ভোগ করা। তিন প্রকার অনুষ্ঠানের দ্বারা মানুষ এই সকল বাসনার তৃপ্তি

করে। প্রথম, পারিবারিক ও সামাজিক জীবনে স্ত্রী, পুত্র, পরিজন লইয়া; দ্বিতীয়, অর্থনীতিক ক্ষেত্রে ধন উৎপাদন ও ভাগ করিয়া; তৃতীয় রাজনীতিক ক্ষেত্রে প্রভাব ও প্রতিষ্ঠা লাভ করিয়া। বর্তমান সভ্যতার আদর্শ হইতেছে, এই তিনটি অনুষ্ঠানকেই সুষ্ঠুভাবে গড়িয়া তোলা; ইহা ছাড়া মানবজীবনের, মানবসমাজের মূলতঃ আর কোন লক্ষ্য, কোন প্রয়োজন নাই। জ্ঞান, বিজ্ঞান, ধর্ম, নীতি, আর্ট, এ সব কেবল ঐ মূল লক্ষ্যসাধনে আনুষঙ্গিক ব্যাপার বলিয়া গণ্য।

কিন্তু প্রাচীন সভ্য জগতে মানুষের আদর্শ এরূপ ছিল না। সমাজ, অর্থনীতি, রাজনীতি এ সকলের মূল্য তাহাদের কাছে কেবল এইটুকুই ছিল যে, এই সকলকে ভিত্তি করিয়া মানুষ জ্ঞানবিজ্ঞানের, নীতির, আর্টের ও ধর্মের অনুশীলন করিতে পারে। প্রাচীন গ্রীস ও রোম প্রথম তিনটির উপরেই ঝাঁক দিয়াছিল, এমিয়া আরও অগ্রসর হইয়া ঐ তিনটির উপরেও ধর্মকে স্থান দিয়াছিল এবং ঐ তিনটিকেই অধ্যাত্মজীবনেরই সহায়রূপে গণ্য করিয়াছিল। প্রাচীন সভ্য ইউরোপ মনকেই মানুষের শ্রেষ্ঠ সম্পদ বলিয়া দেখিয়াছিল। প্রাচীন ভারত মন-বুদ্ধির উপরেও আত্মাকে দেখিয়াছিল, যঃ বুদ্ধেঃ পরতাত্ত্ব সঃ এবং দেহ প্রাণ, মনকে সেই আত্মারই আত্মপ্রকাশের আধার ও যন্ত্র বলিয়া জানিয়াছিল। প্রাচীন সভ্য ইউরোপ মনের চর্চাকেই শ্রেষ্ঠ স্থান দিয়াছিল, অতএব সেই সভ্যতাকে বলা যাইতে পারে সাত্ত্বিক; এবং ভারত আত্মার আলোকে, আত্মার শক্তিতে দেহ প্রাণ মনকে অধ্যাত্মভাবে গড়িয়া তুলিতে চাহিয়াছে, তাই বলা হয় যে, ভারতের সভ্যতা আধ্যাত্মিক।

মনের পূর্ণতম উচ্চতম বিকাশই মনুষ্যত্ব। কিন্তু এই বিকাশের জন্ম যেমন নীচের দেহ ও প্রাণকেও পূর্ণভাবে বিকশিত করা প্রয়োজন, তেমনিই মনকেও ছাড়াইয়া উঠিয়া মানুষের প্রকৃত মূল সভ্যতা আত্মাকে ধরা প্রয়োজন; আত্মার সহিত সাক্ষাৎ যোগে, আত্মার আলোক ও শক্তিতেই দেহ প্রাণ মনের পূর্ণতম বিকাশ হইতে পারে, মানুষ অতিমানবত্ব লাভ করিতে পারে, মানুষের দেহ প্রাণ মনের আধারেই দেবজীবনের বিকাশ করিতে পারে ইহাই ভারতীয় সভ্যতার চরম লক্ষ্য ও আদর্শ।

মানুষ সত্যের সন্ধান করে, কিন্তু যতই অগ্রসর হয়, ততই সত্যের নূতন নূতন রূপের প্রকাশ হয়। সত্য অনন্ত, মন তাহাকে ধরিতে চেষ্টা করিতেছে কিন্তু কিছুতেই পূর্ণভাবে ধরিতে পারিতেছে না। অনন্ত সত্য মনের বহু উপরে। তাই যাহারা শুধু মন-বুদ্ধি দিয়াই সত্যকে ধরিতে চেষ্টা করে তাহাদিগকে যেন কেবলই বলিতে হয়,—

ধরি ধরি করি ধরিতে না পারি

কেন স'রে যাও বল না ?

মানুষ শুভের সন্ধান করে, স্ত্রায় অস্ত্রায়, ভাল মন্দ বিচার করে, কিন্তু দেখিতে পায় শুধু মনের দ্বারা ইহার চরম সমাধান হয় না, কতকদূর গিয়া বুদ্ধিতে আর কুলায় না, মানুষ নিজের মধ্যে যে পূর্ণ কল্যাণের আদর্শ উপলব্ধি করে, মনবুদ্ধির দ্বারা সেটিকে ধরিতে পারে না, জীবনে তাহাকে প্রকট করিতে পারে না। মানুষ সুন্দরের সন্ধান করে, কিন্তু কোন্ শিল্পী সৌন্দর্য্যকে পূর্ণরূপ দিতে পারিয়াছে? তাহার অন্তরের আদর্শকে বাহিরে পূর্ণভাবে প্রকাশ করিতে পারিয়াছে? যতই সে অগ্রসর হয় ততই দেখে, সৌন্দর্য্যের সীমা নাই, অন্ত নাই,—সেই অনন্ত সৌন্দর্য্যকে পূর্ণভাবে প্রকাশ করা দূরে থাকুক, মানুষের মন তাহা ধারণা করিতেও পারে না। এই সকল আদর্শের অনুসরণ করিয়া মানুষের মন যে অনন্ত সত্য, অনন্ত শুভ, অনন্ত সুন্দরের আভাষ পায়, তাহাই আত্মা, তাহাই ভগবান, সত্যং শিবং সুন্দরং। জীবনে এই অনন্তের অনুসরণ করিতে হইবে, দেহ, প্রাণ, মনের ক্ষুদ্রতা, অপূর্ণতা দূর করিয়া দিয়া তাহাদের রূপান্তর সাধন করিয়াই তাহাদের মধ্যে সেই অনন্ত সত্য, শিব, সুন্দরকে প্রকট করিতে হইবে, তবেই ভগবানের পার্থিব মানবলীলা সার্থক হইবে, ইহাই ছিল প্রাচীন ভারতের সভ্যতার শিক্ষা-দীক্ষার আদর্শ, ইহাই ভারতের আধ্যাত্মিকতা।

তাই ভারতে ধর্মকে জীবন হইতে পৃথক করা হয় নাই, যাহাতে জীবনের পূর্ণবিকাশ ও শ্রেষ্ঠ পরিণতি হইতে পারে ভারতে তাহাই ধর্ম নামে অভিহিত। যখন বলা যায় যে, ভারতে জীবনের সহিত ধর্মের সম্বন্ধ অচ্ছেদ্য, সমস্ত জীবনকেই ধর্ম পরিণত করা ভারতের জাতীয় বৈশিষ্ট্য, তখন বুঝায়



না যে, পদে পদে মনুসংহিতার বিধান এবং অসংখ্য প্রকারের বিধিনিষেধের বন্ধন মানিয়া জীবনের পথে চলিতে হইবে।—ইহা ভারতের মহান আদর্শ নহে, পরন্তু সেই আদর্শেরই বিকৃতি, মানি! চিন্তায়, ভাবে, কর্মে, দেহে, প্রাণে, মনে জীবনের অতি খুঁটিনাটি ব্যাপারেও প্রতি মুহূর্তে সত্য, শুভ, সুন্দরের আদর্শ অনুসরণ করিয়া ক্রমশঃ ভগবানের দিকে, দিব্য অধ্যাত্মজীবনের পূর্ণতার দিকে অগ্রসর হইতে হইবে। ইহাই ভারতের সনাতন আদর্শ। ভারতের দর্শন, বিজ্ঞান, নীতি, আট মানুষকে জীবনে এই আদর্শের অনুসরণ করিতেই বরাবর সাহায্য করিয়াছে। সত্য, শুভ, সুন্দর এই তিনটির যে কোনটিরই অনুসরণ যদি ঐকান্তিকতার সহিত করা যায় তাহা হইলে শেষ পর্যন্ত ভগবানেই পৌঁছান যায় এবং ভগবানকে ধরিতে পারিলে আর পাইতে কিছুই বাকী থাকে না। কিন্তু মানুষের পক্ষে সত্য ও শুভের অনুসরণ করা অপেক্ষা সুন্দরের অনুসরণ করা সাধারণতঃ অনেক সহজ। সৌন্দর্যের উপাসনা করিয়া ভগবানকে যেমন সহজে লাভ করা যায় এমন আর কিছুতেই সম্ভব নহে। তাই ভারতের শিক্ষা দীক্ষায় সৌন্দর্য-উপাসনা এতখানি স্থান অধিকার করিয়াছে। বৈষ্ণবধর্ম ইহার সুন্দর দৃষ্টান্ত। সেই কালিন্দী-পুলিন, বংশীবট, ফলে ফুলে পল্লবে সুশোভিত নিকুঞ্জবন, পূর্ণ জ্যোৎস্নাময়ী রজনীতে কেলিকদম্বমূলে দাঁড়াইয়া ত্রিভঙ্গিমঠাম মদনমোহন শ্রীমসুন্দরের বংশীধ্বনি, যমুনার জল উজানে বহিতেছে, গোপীরা অভিসারে আসিয়া সেই চিরসুন্দরের চরণে জীবন যৌবন ডালি দিতেছে। বহিজর্গতে সকল সৌন্দর্যের অপরূপ সমাবেশ, অন্তর্জর্গতে গোপীদের পূর্ণ সমর্পণের অপূর্ব মাধুরী, জগতের আর কোথায় কোন্ শিল্পী একাধারে এত সৌন্দর্য ফুটাইতে পারিয়াছেন? চণ্ডীদাস শ্রীরাধার ভাব ব্যক্ত করিয়াছেন,—

বঁধু, তুমি যে আমার প্রাণ।

দেহ মন আদি,

তোমারে সঁপেছি,

কুলশীল জাতি মান।

অপিলের নাথ,

তুমি হে কালিয়া,

যোগীর আরাধা ধন।

গোপ গোয়ালিনী,

হাম অতি হীনা,

না জানি ভজন পূজন ॥

পিরীতি রসেতে,

ঢালি তম্বু মন,

দিয়াছি তোমার পায়।

তুমি মোর পতি,

তুমি মোর গতি,

মন নাহি আন ভায় ॥

কলকী বলিয়া

ডাকে সব লোকে,

তাহাতে নাহিক দুঃখ।

তোমার লাগিয়া

কলকের হার

গলায় পরিতে হুগ ॥

সত্য বা অসত্য

তোমার বিদিত

ভাল মন্দ নাহি জানি।

কহে চণ্ডীদাস,

পাপ পুণ্য মম,

তোহারি চরণগানি ॥

শ্রীকৃষ্ণের উত্তর,—

জপিতে তোমার নাম,

বংশীধারী অন্তপাম,

তোমার ধরণের পরি বাস।

তুমি প্রেম সাধি গোরি,

আইনু গোকুলপুরী,

বরজ মণ্ডলে পরকাশ ॥

ধনি, তোমার মহিমা জানে কে ?

*

*

*

তব রূপ গুণ,

মধুর মাধুরী,

সদাই ভাবনা মোর।

করি অনুমান,

সদা করি গান,

তব প্রেমে হৈয়া ভোর ॥

*

*

*

আমার ভজন,

তোমার চরণ,

তুমি রসময়ী নিদি ॥ —

ভগবানকে যে যেমনভাবে ভজনা করে, ভগবান তাহাকে ঠিক সেই ভাবে ভজনা করেন; যে যথা:মাং প্রপত্ত্বস্তে তাঃ স্তথৈব ভজাম্যহম্। ভগবানের সহিত জীবের এই যে নিত্য সম্বন্ধ এমন জীবন্তভাবে কে কোথায় পরিস্ফুট করিতে পারিয়াছে? ভগবানকে পাইতে হইলে যাগ যজ্ঞ ভজন পূজনের কিছুই প্রয়োজন হয় না, যদি কেহ শ্রীরাধার গ্রায় "পিরীতিরসেতে ঢালি তম্বু মন" ভগবানের চরণে দিতে পারে ভগবান নিজে আসিয়া সাধিয়া সাধিয়া তাহার সেই

শ্রীঅনিলবরণ রায়

প্রেম গ্রহণ করেন এবং প্রতিদানে নিজেকে সমর্পণ করেন। এই বৃন্দাবনলীলা জাতির প্রাণে যে কি অফুরন্ত রসের সঞ্চার করিয়াছে, অতি সহজ সরল স্বাভাবিক ভাবে কত নরনারীকে অধ্যাত্মসাধনার অভূতসিদ্ধি প্রদান করিয়াছে তাহার ইয়ত্তা কে করিবে ?

একান্তভাবে সৌন্দর্যের অহুসরণ করিয়া বৈষ্ণব কবিগণ মদনের শ্রেষ্ঠ যাগ বর্ণনা করিতেও বিন্দুমাত্র কুণ্ঠিত হন নাই। জয়দেবের “রতিসুখ সারে গতমভিসারে” পাঠ করিয়া যিনি নাসিকা কুণ্ঠিত করিবেন, তিনি আর যাহাই হউন, অনন্ত-সুন্দরকে পূজা করিবার শক্তি তাঁহার মধো নাই। ভক্ত-চূড়ামণি পরম পবিত্রতার আধার শ্রীগৌরানন্দ এই সকল গান শ্রবণ করিতে করিতে ভগবদ্প্রেমে বিভোর হইয়া পড়িতেন। জগন্নাথের রথের সন্মুখে নৃত্য করিতে করিতে তন্ময় হইয়া তাঁহার সেই গান,—

সেই ৩ পরাণনাথে পাইলু,

যার লাগি মদন দহনে বুরি গেণু।

ইহার মর্ম্ম যিনি বুঝিবেন, তিনি বৃন্দাবনলীলার অশ্লীলতা দেখিয়া আর মুচ্ছিত হইবেন না।

সাধারণ জীবনে সত্য, শুভ ও সুন্দরের যে সমন্বয় ও সামঞ্জস্য করা হয় তাহাতে তিনটিকেই ধর্ম্ম ও ক্লম করিয়া একটা কাজচলা ব্যবস্থা করা হয়। তাহাতে লৌকিক জীবনের প্রয়োজন হয়ত সিদ্ধ হইতে পারে, কিন্তু তাহাতে দিবা অধ্যাত্মজীবনের পূর্ণতা নাই, তাহাতে ভগবানকে প্রকাশ করা হয় না, আড়াল করিয়াই রাখা হয়। তবে এই যে সত্যের সহিত শুভের, শুভের সহিত সুন্দরের বিরোধ, আর্টের সহিত জীবনের ও নীতির বিরোধ, ইহা আছে শুধু মনের রাজ্যে ; কারণ মন কোন জিনিষকেই পূর্ণভাবে গ্রহণ করিতে পারে না, কাটিয়া কাটিয়া ভাগ করিয়া আংশিকভাবে দেখে, তাই সত্যের অহুসরণ করিতে শুভকে ধর্ম্ম করিতে হয়, শুভের অহুসরণ করিতে সুন্দরকে ক্লম করিতে হয়। কিন্তু যাহারা মনের রাজ্য ছাড়াইয়া আধ্যাত্মরাজ্যে প্রবেশ করিয়াছেন, তাঁহারা অনন্তের মধো এই তিনেরই পূর্ণ সামঞ্জস্য পাইয়াছেন।

সৌন্দর্যের উপাসনা আমাদের কাছে সহজে ভগবানের নিকট পৌছাইয়া দেয় এবং ভগবানের সহিত সাক্ষাৎ যোগেই মানুষ দিবা অধ্যাত্মজীবন লাভ করিয়া মানবজন্ম সার্থক করিতে পারে। ভারত ইহা পূর্ণভাবেই উপলব্ধি করিয়াছিল, তাই ভারতের সভ্যতার আর্টের স্থান এত উচ্চে। এ বিষয়ে অগ্ৰাণ্য দেশের সহিত ভারতের তফাৎ এই যে, অগ্ৰাণ্য দেশে মানুষ মনের দ্বারা সৌন্দর্যের যে কল্পনা করে সেইটিকে প্রকাশ করাই আর্টের উদ্দেশ্য, আর ভারতে আর্টের লক্ষ্য হইতেছে মনের অতীত অধ্যাত্মরাজ্যের সৌন্দর্যকে বাহ্যমুর্তি দেওয়া। অগ্ৰাণ্য দেশ জীবন ও প্রকৃতি হইতেই সৌন্দর্যের আদর্শ গ্রহণ করিয়াছে, ভারত অধ্যাত্ম উপলব্ধি হইতে সৌন্দর্যের আদর্শ গ্রহণ করিয়া তাহাকেই বাহিরে প্রকাশ করিতে চাহিয়াছে ; তাহাতে যদি বাহ্য দৃশ্যের সহিত, প্রাকৃত সত্যের সহিত বা নীতিধর্ম্মের সহিত মিলনক্ষা না হইয়াছে, তাহাতে তাহার কুণ্ঠিত হয় নাই। এইরূপে ভারতে যে অপূর্ণ শিল্প ও সাহিত্য গড়িয়া উঠিয়াছে, ভারতবাসীর অধ্যাত্মজীবনগঠনে তাহা বিশেষ সহায়তা করিয়াছে। যখন বলা হয় ভারত আধ্যাত্মিক, তাহার অর্থ ইহা নহে যে, ভারতের অধিকাংশ লোক বা অনেক লোক কাম, ক্রোধ, লোভকে জয় করিয়াছে, উচ্চ অধ্যাত্মজীবন লাভ করিয়াছে ; জগতের কোন দেশ, কোন সভ্যতা সম্বন্ধেই ইহা এখনও বলা চলে না। কিন্তু ভারতের সহস্র সহস্র বৎসরব্যাপী বিশিষ্ট শিক্ষাদাতার দ্বারা ভারতবাসীর মন প্রাণ এমন ভাবে তৈয়ারী হইয়াছে এবং এখানে এমন একটা atmosphere হইয়াছে যে, ভারতবাসী সহজেই অধ্যাত্মজীবনের দিকে ফিরিতে পারে। ভোগসুখের মধো মগ্ন থাকিয়াও হঠাৎ হয়ত এক কথাতেই সব ত্যাগ করিয়া সন্ন্যাসী হওয়া এই ভারতেই সম্ভব। ভারতের জনসাধারণ যেমন উচ্চ অধ্যাত্ম বিষয় বুঝিতে পারে ও অল্প চেষ্টাতেই অধ্যাত্মসাধনার পথে চলিতে পারে, এবং এই পুণ্যভূমি ভারতবর্ষের আবছায়ার বসিয়া অধ্যাত্মসাধনার সিদ্ধিলাভ করা যত সহজ, এমনটি আর জগতের কোথাও দেখিতে পাওয়া যায় না।

ভারতকে এই অধ্যাত্মভাব দিতে বিশেষ সাহায্য করিয়াছে ভারতের আর্ট, ভারতের সাহিত্য, স্থাপত্য, ভাস্কর্য্য,



চিত্রকলা। আজ আমরা সেই আটের গোরব, আটের মূল্য ভুলিয়া গিয়াছি, আর অত্র দেশের লোক আসিয়া আমাদের প্রাচীন শিল্পকলার অবশিষ্ট নিদর্শনসকল দেখিয়া মোহিত হইয়া যাইতেছে। ভারতবাসী এককালে কত বড় সৌন্দর্য-উপাসক ছিল এখনও তাহার সমস্ত প্রমাণ লুপ্ত হইয়া যায় নাই। মন্দিরে মঠে পাহাড়ের গাত্রে খোদিত হইয়া প্রাচীন ভারতের অত্যাচ আটের নিদর্শন এখনও বর্তমান রহিয়াছে। ভারতের প্রাচীন সাহিত্য ভারতবাসীর সৌন্দর্য-উপাসনার বর্ণনায় পরিপূর্ণ। এখনও আমাদের দেশে ধর্ম্য কর্ম্ম সামাজিকতায় যে সকল আচার অনুষ্ঠান প্রচলিত রহিয়াছে তাহা হইতে ভারতবাসীর গভীর সৌন্দর্য-নিষ্ঠার পরিচয় পাওয়া যায়। এখনও ভারতীয় রমণীদের হাবভাব চালচলনে যে অনুপম লালিত্য ও সুষমা দেখা যায় তাহা দেখিয়া বিশ্ব-বিখ্যাতা পাশ্চাত্য নর্ত্তকীগণও মুক্তকণ্ঠে প্রশংসা করিতেছেন। ভারত বাহিরের জীবনে সকল গোরব হারাইয়া ফেলিয়াছে, কিন্তু যুগযুগান্তরের সাধনা তাহাদের অন্তর হইতে আজিও মুছিয়া যায় নাই। সেই সুপ্ত শিক্ষাদীক্ষাকে জাগ্রত ও মার্জিত করিতে পারিলে ভারত আবার এমন নূতন জীবন লাভ করিবে যাহা জ্ঞানে শক্তিতে সৌন্দর্যে প্রাচীন মহান্ গোরবের যুগকেও ছাড়াইয়া উঠিবে।


দেশের হুঃখ দারিদ্র্য ও অভাব দূর করিতে, সর্বতোভাবে চেষ্টা করা হউক, তাহাতে কোনও আপত্তি থাকিতে পারে না, কিন্তু ভারতের যে-সব শ্রেষ্ঠ সম্পদ আমরা খোয়াইতে বসিয়াছি, এখনও চেষ্টা করিলে যাহা রক্ষা করা যায়, যাহা হারাইলে ভারতের ভারতীয়তাই নষ্ট হইবে, সেইগুলিকে রক্ষা করার ব্যবস্থা এই সঙ্কেই প্রয়োজন। তাই দেশে যে আবার নূতন

করিয়া আটের চর্চা আরম্ভ হইতেছে, ইহা খুবই আশার কথা। শিল্পীরা সাহিত্যে ও শিল্পে সৌন্দর্যের আদর্শ সৃষ্টি করিবেন, সেই আদর্শের অনুসরণ করিয়া লোক তাহাদের জীবনকে সুন্দরভাবে গড়িয়া তুলিবে, জীবনে ইহাই আটের উপযোগিতা ও সার্থকতা। সমস্ত জীবনকে করিতে হইবে একটা আর্ট, সৌন্দর্যের লীলা। বৈষ্ণব কীর্তনিনারা গোরাক্ষসুন্দরের বর্ণনা করেন,

গমন নর্ত্তনলীলা
বচন সঙ্গীতকলা।
চ'লে যেতে নেচে যায়,
সঙ্গীতেতে কথা কয়।

আমাদের চলা ফেরা, আমাদের কথা, আমাদের কন্ম সব যেন হয় দিবা সৌন্দর্যের অভিব্যক্তি ইহাই ভারতের সনাতন আদর্শ। সেই ভারতে আজ যদি কোন স্ত্রীলোক একটু সুন্দর বেশ ভূষা করিয়া বাহির হয়, অমনিই লোকে মনে করে advertisement, বিজ্ঞাপন! দেশের কি অধঃপতনই ঘটয়াছে! কিন্তু, হিন্দুর সংসারে যে দেবীটি সর্বা-পেক্ষা প্রিয়, তাঁহার নাম শ্রী। কেহ কোন খারাপ কাজ করিলে হিন্দু সেটাকে বলে, বিশ্রী। যাহা করিবে সুন্দর-ভাবে কর,—দেহ, প্রাণ, মনে সৌন্দর্যের পূর্ণতম বিকাশ কর, ইহা অপেক্ষা জীবনের বড় আদর্শ আর কিছুই হইতে পারে না, কারণ সৌন্দর্যের বিকাশ করিয়া আমাদের অন্তরস্থিত ভগবানকেই আমরা জীবনের মধ্যে প্রকাশ করি। গীতায় ভগবান বলিয়াছেন,

যদ্ যদ্বিভূতিমৎ সত্বং শ্রীমদূর্জিতমেব বা।
তত্তদেবাবগচ্ছ তং মম তেজোহংশ সন্তবম্ ॥



বল্ সখি

শ্রীশৈলেন্দ্রনাথ রায়

বল্ সখি ! চোখে তোর ফুটে কি ভাষা ;
ডলে ডলে ওঠে বৃকে কোন্ তিয়াষা !
পলক-বিহীন ছুটি নয়ন-কোণে,
কি বাণী ঘুমায়ে পড়ে আপন মনে !
তোরই এ দিঠির মিঠি পুষ্প-ধারা
কার পথে ক'রে পড়ে উতল-পারা !
শিহরায় কোন্ সুর গোপন বৃকে ;
কি অনুরাগের মায়া চোখে ও মুখে !
বাথারুণ সক্রুণ কি বাণী জাগে—
অনাহুত মুকুলিত হাসির রাগে !
এলায়িত মুকু এ অলক-মাবে
কাজল-পরানী বল্ কি মায়া রাজে !
চঞ্চল অঞ্চল বাতাসে দোলে,—
সরম-সায়রে সখি ! কি চেউ তোলে !
অঁখিতে ঘনায় কোন্ মায়ায় ছায়া,—
স্বপন কি ওরি মাঝে লভিল কায়া !
নধর অধরে ফুল-ধনু শিয়রে
অতনু কি লুটাইল ঘুমের ঘোরে !
কপোলে কি ভুল ক'রে স্বর্গ হ'তে
ছুটি পারিজাত টুটে এল মরতে !
শাস্তির ঝারি বৃকে তিয়াষা-হরা—
অমরার সূধা ছুটি কুস্ত-ভরা !

বল্ সখি ! কাগুনের আগুন-জালায়
বৃকে গুরু গুরু কোন্ বেদন ঘনায় !—
দখিন বাতাস দেহে লুটিয়া মরে ;
অঁচল কেন লো বল্ খসিয়া পড়ে !
বলিতে সরমে বাধে সে কোন্ কথা ;
নয়নে ঘনাল যার উচ্ছলতা !
কোন্ বাথা ওঠে সেথা মর্শ্বরিয়া
বেদন-বেহাগ সুরে গুঞ্জরিয়া !
কমনীয় ভূজ-লতা জড়িয়ে কি লো,
স্বরগের শত পারিজাত ফুটিল !
ও ছুটি বাহুর পাশে বাধিবি কাকে ;
উন্নদ মিনতির কঠিন পাকে !
লীলায়িত সচকিত গতির বেগে
কি বা মূর্ছনা সখি ! উঠিল জেগে !
চলিতে চরণে বাজে কোন্ মিনতি ;
চকিতে টুটিল কেন গতির ষতি !
চপল চরণ কেন থমকে লাজে ;
সরমে মরমে বল্ কি সুর বাজে !
বিশ্বের হৃদয়ের স্বপন-ছায়া
মনের মাধুরী-পটে রচিল মায়া !
মানসী রূপসী হ'য়ে ফুটিল মরি !
জগতের প্রেমসীর মূর্তি ধরি' !

মাসীর দেওর-বি

—গল্প—

শ্রীউমা দেবী

সুপ্রকাশ সকালে উঠেই তার মাসীকে ডাক দিয়ে বললে, “মাসি, আজই তোমার দেওর-বি আসছেন নাকি?”

মাসী তখন ভাঁড়ারের কাজে ব্যস্ত ছিলেন—ঘর থেকে বেরিয়ে এসে বললেন—“কাল সন্ধ্যাবেলা তো সেই রকমই তার পেলুম বাবা। তুই আর নেয়ে খেয়ে কোথাও বেরসনি প্রকাশ—তাকে শেয়ালদা থেকে নিয়ে আসবি, বাপের কোন্ বন্ধুর সঙ্গে আস্চে তিনি ত শেয়ালদা অবধি এনেই খালাস, আমাদের বাড়ী তো চেনেন না।”—

“মাসি, তুমি আমাকে এত বিপদে ফেল কেন বল ত? আমার First-period এ ক্লাস—আসাম মেল তো আসে ১১টার পর, প্রফেসর নিজেই যদি ফাঁকি খোঁজে, তবে আর ছাত্রদের কি দোষ বল? দাও না তোমার হীরা সিংকে পাঠিয়ে—তোমার দেওর-বিটি তার কাছেও যেমন—আমার কাছেও তেমনি অপরিচিত।”—

“সেটা কি ভাল হবে প্রকাশ? হাজার হোক বেচারী এই প্রথম বাড়ী ছেড়ে কোলকাতা আস্চে। ঠাকুরপোর ত চিরটা কাল আসামের জঙ্গলেই কাটলো, নিজে কখনো ছুটি পায় না—বছর চারেক আগে একবার এসেছিল—তখন তুই বিলেতে—মা-মরা মেয়ে আমার কাছে এবার পাঠিয়ে দিচ্ছে—যদি একটি ভাল পাতুর খুঁজে দিতে পারি। তা’ আমার ঘরে কি আর ভাল পাতুরের অভাব,—তা’ সে যদি বিমুখ হয় তা’ আমি কি করব—থাক্গে, তুই নিজে চিরকাল আইবুড়া কান্তিক হোয়ে দিন কাটাবি ব’লে তো আর বাঙালী ঘরের মেয়ে তা’ পারবেনা। তাই ঠাকুরপো নিতান্তই ধ’রে পড়েছে তার মা-মরা মেয়েটিকে মার মত—”

সুপ্রকাশ বাধা দিয়ে বললে, “মা-মরা কি রকম? এই না তাঁর কোলের ছেলোট ছোট ব’লে স্ত্রীকে পাঠাতে পারবেন না লিখেছেন?”

“সে কি আর ওর নিজের মা প্রকাশ? আহা ওই একরত্তি তিন বছরের মেয়ে অমিতাকে নিয়ে হৈম যে আসামে চ’লে গেল—আর তো তার সঙ্গে দেখা হোলনা—সেখানেই তার কাল হোল—সে আজ উনিশ বছরের কথা।

“তবে তোমার দেওর-বি-টি নিতান্ত বালিকা নয় দেখ্ছি! আচ্ছা, আমায় চা-টা আজ দেবে মাসি, না তোমার দেওর-বির জন্ম-নক্ষত্র গুনলেই আমার পেট ভরবে?”

‘তা বললেই হয় চা খাস্নি? ও খেস্কর মা, দাদাবাবুর চা-টা এই ভাঁড়ারের দালানেই দিয়ে যেতে বল—এখানে তোর চা খাওয়াও হোক আমার কাজ সারাও হোক। এত বেলা অবধি কি ক’রে যে ঘুমোস তার ঠিক নেই। তার পরে ত কলেজের বেলা হোতে ভাত দাও, একটু দেরী সয় না।”—

সুপ্রকাশের চা খাওয়ার পালা সাজ হোতেই উঠে দাঁড়িয়ে বলে, “আচ্ছা, যাব এখন তোমার দেওর-বিকে আনতে—কি নাম বললে? অমিতা না? ভারী তো গ্রাম সম্পর্কে দেওর, তার খুবড়ো মেয়ে—তার জন্তে তোমার সত্যি আহাৰ নিদ্রা ত্যাগ হোয়েচে দেখ্ছি। তা দেখ মাসি, সে এলে বাবু, আমার আদরে কম পড়েনা যেন—আমিও তোমার মী-বাপ-মরা বোনপো!”

মাসী তাড়াতাড়ি ওর পিঠে হাত বুলিয়ে বললেন, “ঘাট ঘাট, কি যে তুই বলিস প্রকাশ, নিজে হাতে মানুষ করলুম—তোকে কি আনন্দর করতে পারি।”—

“তাই বল, মাসি, আমারও ভাবনা যায়—বেশ আছি আমরা মা ছেলে, এর মধ্যে আর কেউ এসে পড়লেই—”

‘কিন্তু এমনি একা থাকা তো চলবেনা প্রকাশ—বিয়ে তোমায় করতেই হবে। ঠাকুরপো তো এই এক বছর

শ্রীউমা দেবী

ধ'রে পড়েছে তোর সঙ্গেই যাতে অমিতার বিয়েটি হয়। আমি ব'লে রেখেছি আমার ছেলের বিয়েতে মত নেই, তার ওপরে ও আজকালকার শিক্ষিতা স্ত্রীর মেয়েদের ওপর ভারী চটা—ওর যে কেমন সেকলে ধরণ—up-to-date মেয়ে দেখলেই নাক সিঁটকায়। তোমার মেয়েটিকে কেমন ক'রে মানুষ করেছ তা তো জানিনে—তা এখানে পার্টিয়ে দাও—আমি চেষ্টা ক'রে দেখব।”

“কি সর্বনাশ মাসি, আমাকে আগে বলনি কেন? তোমার শিক্ষিতা স্ত্রীর মেয়ের জন্ম জন্ম সুপাত্র জুটুক, আমাকে রেহাই দিও! আমার গলায় যদি ও ফাঁস জড়াও—তবে আমি সতি মরব

প্রকাশ উর্দ্ধ্বাসে পালালো, যেন এখনি কেউ তাকে বিয়ে করতে বল্চে।

ভাগ্যক্রমে দ্বিতীয় ঘণ্টায় ক্লাস ছিলনা। প্রকাশ গলদঘর্ষ হ'য়ে স্টেশনে এসে দেখে, গাড়ী আগেই এসে গেছে। সে এদিক ওদিক কোতুহল-দৃষ্টিপাত ক'রে মাসীর দেওর-ঝিকে খুঁজে বেড়াতে লাগল। তার ধারণামত তাইহীল জুতো, স্টিভলস্ জামা, হাতে ঝোলা বাগ, হাঁটুর নীচে কাপড়—ববড্ হেরার অথবা কুণ্ডলী-পাকানো কানের হুপাশে দুই খোঁপা-অলা মেয়ে একটিও খুঁজে পেলনা। যাক বাঁচা গেল, আসেনি,—এই কথা মনে করবামাত্র এক ভদ্রলোক বাস্তভাবে ছুটে এসে বল্লেন, “আপনি কি সুপ্রকাশ রায়?”

সর্চকিত হোয়ে সুপ্রকাশ দেখল, তাঁর পেছনে একটি লজ্জাশীলা নারী, মাথায় ঘোমটার মত ক'রে বেগুণী রংএর ধোলা আলোয়ান ঢাকা, ফুল-হাতা জ্যাকেটের কালো লেশ কজ্জি ছাড়িয়ে বুল্চে, পায়ে একটা বুট-জাতীয় পুরুষে জুতো, চোখে মস্ত একটা কালো চশমা, পরণের ঘোর নীল রংএর আলপাকার শাড়ীটা এত কুঁচকোনো যে ট্রেনের ছুটি রাত্রিবাস তার ওপর দিয়েই গেছে বেশ বোঝা যাচ্ছে। মাসীর দেওর-ঝির এ হেন সজ্জা দেখে প্রকাশ একেবারেই ভড়কে গেল। তাড়াতাড়ি বল্লেন, “হ্যাঁ আমিই বটে, আপনি কি প্রাণতোষ বাবু?”

ভদ্রলোকটি অমিতাকে দেখিয়ে বল্লেন, “হ্যাঁ, আমি প্রাণতোষ চক্রবর্তী, এই আমার বন্ধু কত্কা অমিতা, রাজেন বাবুর মেয়ে; এই নিন্, বুখে নিন্ মশাই, আমার আবার সাড়ে বারোটায় এক এপার্টমেন্ট—আর দাঁড়াবার সময় নেই। রানু, যাও মা, এনার সঙ্গে যাও, আমি একদিন দেখা ক'রে আসব'খন। আচ্ছা তবে আসি, নমস্কার।”

ভদ্রলোক উত্তরের অপেক্ষা না রেখে দৌড়লেন। সুপ্রকাশ সেই অর্ধাবশ্রুতি প্রকাণ্ড-চশমা-পরা মেয়েটিকে সম্বোধন ক'রে বল্লেন, “আসুন তবে। এই আপনার সব জিনিষ তো?”—

মেয়েটি ফ্যাল ফ্যাল ক'রে চারিদিকে চাইতে লাগল, উত্তর দিল না; তারপরে অনভ্যস্ত চরণে সুপ্রকাশের পেছন পেছন চলতে লাগল।

তাকে গাড়িতে বসিয়ে নিজে ড্রাইভারের আসনে ব'সে drive করতে করতে শেয়ালদা থেকে বালিগঞ্জ অবধি সমস্ত পথটা ও ভাবল—বাবা! এই নাকি মাসীর দেওরের মেয়ে—এ যে একেবারে সং! কথা কহিতেও জানেনা দেখছি।

বাড়ি পৌঁছে মাসীর হাতে অমিতাকে স'পে দিয়ে বল্লেন, “চল্লুম এখন কলেজ।” বিকেল চারটের আগে যে বাড়ি আসতে হবে না—তাতে পরম নিশ্চিত ও আরাম বোধ করল।

বিকলে বাড়ি এসে মাসীকে চিরাভ্যস্ত জলখাবারের থালা নিয়ে ব'সে থাকতে না দেখে ওর সমস্ত মনটা জ'লে উঠল—এই মাসি সুরু করেছেন আদরের ভাগ বটরা, আমি আজই মেসে পালাচ্ছি। ভাঁড়ারে গিয়ে মাসীকে ফল ছাড়াতে দেখে বল্লেন, “থাক্, থাক্, মাসি, অত কষ্ট করতে হবে না—আমি নরেশের ওখান থেকে এক বাটি চা খেয়ে আস্চি।”

“কি ছেলেমানুষি করিস্ প্রকাশ, একদিন দেবী হোয়ে গেছে একটু বোস, আমি এখনি সাজিয়ে দিচ্ছি। আমি কেবল ঠাকুরপোর ওপর রাগ করছি, তিনি কি ব'লে এই



লাজুক মেয়েটাকে সম্পূর্ণ অজানা জায়গায় বুপ্ ক'রে পাঠিয়ে দিলেন। তাকে নাওয়াতে খাওয়াতে মুখ থেকে কথা বের করতে যে কি নাকাল হোয়েচি বাবা—সে বলতে পারি না। ছোট ছোট ছেলেমেয়েরা হেসে খুসে বেড়াবে, তা না এ একেবারে গোমসামুখো! কোলকাতায় এর বর জুটবে ভেবেছিস্ ?”

“চুপ চুপ মাসি, বর্ণনাটা বড় বেশী হোয়ে যাচ্ছে, শোনে যদি—”

“না, তা শুনবেনা; এই তো কত ক'রে গা ধুতে পাঠালুম—এসে অবধি গা থেকে সেই আলোয়ানখানা খুলবেনা—চিম্‌সে গন্ধ বেরোচ্ছে—কি জানি বাবু কেমন ধারা মেয়ে ও!”

সুপ্রকাশ জলযোগ সেরে বাইরে বেরোবার উত্তোগে উঠে পড়ল। মাসীরও যে এই মেয়েটি মনে ধরেনি এটা একটা সুসংবাদ বটে! সে চিরকালই সরল সাধাসিধে গ্রামের মেয়ে পছন্দ করে—কিন্তু এ যে একেবারে কাদার তাল!

হেমন্তের সন্ধ্যা ঘনিয়ে এসেছিল। তার ঘরের সামনে যে অল্প একটু খোলা ছাত—চোখ পড়ল—অমিতা সেখানে পা ছড়িয়ে গোল চশমা প'রে আলোয়ান মুড়ি দিয়ে বই পড়ছে। ক্ষীণ আলোকেও বুঝতে পারল বইটি বটতলা অথবা কমলিনী সাহিত্যমন্দির দিরিজ। পায়ের শব্দ শুনে ও আলোয়ানটা আরো মাথা অবধি ঢেকে দিল।

সুপ্রকাশ সামনে এসে বললে, “শীত বোধ হয় তো ঘরে এসে বসুন না।”

অমিতা ঘাড় গুঁজে ব'সে রইল, জবাব দিল না। ওর ভারী মজা লাগল এত বড় বাইশ বছরের মেয়ে না হয় লেখা পড়াই শেখেনি—তাই ব'লে কথার উত্তরও কি দিতে জানে না?

আবার বলল, “মাসীকে না হয় ডেকে দিই—হিম পড়ছে এখানে থাকলেই অর হবে।”

মাটির পুতুল আস্তে আস্তে উঠে দাঁড়াল, কোনো জবাব না দিয়ে বাড়ীর ভেতর চ'লে গেল।

পরদিন সকালে উঠেই সুপ্রকাশ কাজের ছুতোয় বেরিয়ে গেল। ব'লে গেল এক ছাত্রের ওখানে নেমস্তন্ন, সারাদিন আসবে না। মাসী বুঝলেন এটা অভিমান; হোটলে খাবার বন্দোবস্ত করেচে—এই মেয়েটাকে পছন্দ করেচে না তাই দূরে থাকতে চায়। তা যাক, ভালই হোল, আজ সমস্ত দিন ওকে একটু গ'ড়ে পিটে তুলতে হবে, নইলে বর পাব কেমন ক'রে? আহা ও হৈমবতীর জিনিষ—মা নেই, কেই বা শেখায়—সৎমা বোধহয় গঞ্জনা দেয়!

রবারের ক্যান্ডিশ জুতো প'রে, সর্কাজে আলোয়ান ঢেকে ও কালো বড় চশমা প'রে দেওর-ঝিকে আসতে দেখেই উপদেশ দিতে শুরু করলেন।

“ছিঃ মা, এত লাজুক হোলে কি চলে? তিনবার ঝি পাঠিয়ে তবে ঘর থেকে বেরোলে। এখনকার মেয়েরা বেশ চটপটে হাসি খুসী হবে। এই দেখ না, আমার বকুল ফুলের মেয়ে সবে ষোলয় পড়েচে—এখন থেকেই সে পুরুষের সঙ্গে সমানে সমানে কথা বলতে পারে—কেউ তাকে হার মানাতে পারে না। অবিশ্রি আমার প্রকাশ ওসব মেয়ে পছন্দ করে না, তবু আজকালকার সমাজ তো ঐ চায় মা। কাল সন্ধ্যা বেলা থেকে তুমি প্রকাশের কাছে একটু পড়াশুনো কর। ইংরিজি কি কিছুই জান না মা?”

অমিতা একটু ঘাড় নাড়ল, তা রাম কি গল্পা বোঝবার জো নেই। মাসী গলার সুর আরো কোমল ক'রে বললেন, “কেমন ক'রেই বা শিখবে—বাপ তো থাকে কাজে, মায়ের এতগুলি ছেলেপুলে। তা আমি তোমায় সব শেখাব মা। আহা তুমি আমার হৈমর মেয়ে—সে আমায় কত ভালবাসতো।”

তারপর একটু চোখের জল মুছে নির্ঝিকারচিত্ত অমিতার দিকে চেয়ে বললেন, “তোমার চোখে যে কালো চশমা, এ তো রোদ্ধুরে পরে মা। তুমি তো সারাক্ষণই প'রে রোয়েচ—”

শ্রীউমা দেবী

অমিতা সমস্ত শরীরটাকে নাড়া দিয়ে মুখটাকে বিকৃত ক'রে বললে, “আমার চোখে বাঁমো আছে যে—”

“আহা ষাট ষাট, এখানে চিকিচ্ছে করলেই সেরে উঠবে। বাপ বুঝি কিছুই দেখত না? আর দেখে অমিতা, এই আলোয়ানটা এমন ক'রে মাথায় গায়ে জড়িও না। আমি বুড়োমাতুষ আমিও তো একটু সূচ্ছিরি ক'রে গায়ে দিই। চুলটাকে পেটে পেড়ে পেছনে চাকুতি ক'রে রেখে দাও; আজকালকার মেয়েরা কত চংএই চুল বাঁধে, সব দেখে দেখে শিখে নেবে। আমি কাল তোমায় বকুলফুলের বাড়ি নিয়ে যাব। তোমার জুতোও দেখছি ভাল না—সকালে বিকেলে চটি পায়েরে দেবে—বেরোতে হোলে নাগরা পরবে। সকালে উঠেই এই মকমকে গোলাপি রংএর শাড়ী পরেছ, প্রকাশ দেখলে হুঃখিত হোত। নেয়ে ধুয়ে একখানি নীলাস্বরী পোর। তুমি মনে মনে হাস্ছ মা—ভাব্ছ এই সেকেনে বুড়ী কি জানে? কিন্তু আমি সব জানি। ভগবান কোলে সম্ভান দেন্নি—প্রকাশ ছেলের মত—ও বাইরে বাইরে ঘোরে; তোমাকে কদিন নেড়ে চেড়ে মেয়ের সাধ মেটাই—”

রান্নাঘরের দাসী-বামুনের বগড়ার শব্দ শুনে তিনি তাড়াতাড়ি সেদিকে ছুটলেন। অমিতা উপদেশের হাত থেকে রক্ষা পেয়ে হাঁপ ছেড়ে বাঁচলো।

অনেক রাত্রে সুপ্রকাশ বাড়ী এসে শুন্ল, অমিতার ঘর থেকে অত্যন্ত নাকি সুরে গান ভেসে আস্চে, “তুমি কাদের কুলের বউ”! তার সমস্ত মনটা বিষয়ে উঠল! হা কপাল, ও কি একটা ভাল গানও জানেনা?—

ওদের বাড়ীর পেছন দিকে একটু পোড়ো জমিতে সুপ্রকাশ নিজের হাতে বাগান করেছিল। রবিবার দিন শেষ রাত্রে হঠাৎ একটা হুঃস্বপ্ন দেখে ঘুম ভেঙে গিয়ে প্রকাশ ভারী অশক্তি বোধ করল, ভাবলে বাগানে একটু বেড়িয়ে মাশাটা ঠাণ্ডা ক'রে আসি। তখনো ভাল ক'রে আলো হয়নি, বাড়ীর দাসী চাকর কেউ ওঠেনি—কিন্তু

বাগানে এসেই দেখলে শিউলি গাছের তলায় ব'সে কে ফুল কুড়োতে বাস্ত! মেয়েটি যে তাদেরই অমিতা একথা বিশ্বাস করতে তার ভাল লাগল না। অথচ সে ছাড়া কেই না হবে। ইতিমধ্যে তার মন সারা হোয়ে গিয়েছিল বোধ হয়, পিঠের ওপর একরাশ কালো চুল ছড়ানো, শুভ্র সুন্দর সুগোল হাতটি অনাবৃত—অন্ধকারে মুখ ভাল ক'রে না দেখা গেলেও তার প্রত্যেকটি রেখা অতি সুশ্রী ও কোমলতাময় মনে হচ্ছিল। সুপ্রকাশ অভিভূত হোয়ে দাঁড়িয়ে রইল। পাছে আলোর সঙ্গে সঙ্গে ও চ'লে যায়—আবার সেই কালো চশমা, সেই বেগুনী আলোয়ান, সেই রবারের জুতোয় নিজের শরীরটাকে সম্পূর্ণ কুশ্রী ক'রে সামনে এসে দেখা দিয়ে স্বপ্ন ভেঙে দেয়, এই মনে ক'রে সে যতক্ষণ পারে ওকে দেখে নিতে লাগল। অমিতা গাছের চারিপাশে ঘুরে ঘুরে ফুল কুড়োচ্ছে, চলার সঙ্গে সঙ্গে মুখের দুই পাশের চুলগুলো ছলে ছলে উঠছে আর গুণ গুণ ক'রে অত্যন্ত মিঠে গলায় গান গাইছে, “ওগো শেফালি বনের মনের কামনা—”

সুপ্রকাশের মনে হোল আজ স্বয়ং বনলক্ষ্মী তার নিজের হাতের রচিত বাগানটিতে নেমে এসেছেন। সে তন্ময় হোয়ে একটা হান্নাহানার ঝোপের আড়ালে দাঁড়িয়ে রইল।

হঠাৎ “উঃ মা” শুনেই চমকে উঠল, দেখল অমিতা ফুল কুড়োনো বন্ধ রেখে গাছের তলায় ব'সে পড়েচে। সে আর নিজেকে গোপন রাখতে পারলে না—দৌড়ে এসে তার সামনে দাঁড়িয়ে বললে, “কি হোয়েছে?”

অমিতা তাকে দেখে এমনি চমকে উঠল যে, পারলে সে তকুনি ছুটে পালাতো। কিন্তু সে শক্তি বোধ করি তার ছিল না—তার পা দিয়ে দর দর ক'রে রক্ত পড়ছিল।

সুপ্রকাশ ভয় পেয়ে বললে, “একি কেমন ক'রে কাটলেন?”—ও একটা বোতল ভাঙ্গা মোটা কাচ দেখিয়ে দিল। আঘাতের স্থানটা পরীক্ষা করবার জন্তে প্রকাশ সেখানে ব'সে প'ড়ে বললে, “খুব deep হোয়েচে দেখছি! নিন্ নিন্ ছাড়ুন, আমাকে দয়া করে ধরতে দিন; টিপে না ধরলে রক্ত বন্ধ হবে না। এখনি পরিকার জলে ধুয়ে আইডিন দিতে হবে—কাচের কাটা সাংঘাতিক।”



অমিতা ষাড় নেড়ে বলে, “কাজ নেই। --”

“কাজ নেই বইকি? কেন আপনার সেই রবারের জুতো কোথা গেল? খালি পায়ে কেউ এসব জায়গায় আসে? আনুন আমার কাঁধে ভর দিয়ে একটু দাঁড়াবার চেষ্টা করুন। এই পাশেই আমার লেখবার ঘর সেখানে সব আছে।”

অমিতাকে প্রকাশ একরকম জোর ক’রে টেনে এনে তার ঘরের বড় চেয়ারটার ওপর বসালো।

লজ্জাজড়িত সুরে অমিতা বলে, “ছি, ছি, আপনাকে কি কষ্ট দিলুম”।

সুপ্রকাশ হেসে বলে, “এই যে কথা ফুটেছে দেখছি—সাথে কি কথা বলায়, বাথার চোটে কথা বলায়।” সে অতি যত্নে তার লক্ষ্মীঠাকুরগের মত কুসুমকোমল পা-খানি ধ’রে ধুয়ে ওষুধ লাগিয়ে দিল। যন্ত্রণায় যখন তার বড় বড় চোখ ফেটে জল আসছিল, আর লজ্জায় যখন তার সমস্ত মুখটা রঙিয়ে উঠছিল, প্রকাশ মনে মনে ভাবছিল, মাসীর দেওর-ঝির চোখ দুটো এমন চমৎকার জানলে কোনকালে চশমাটা টেনে ফেলে দিতুম!

ব্যাঙেজ হয়ে যেতেই অমিতা বলে, “আমি বাই,—এখনি সবাই উঠে পড়বে। আপনার মাসী যদি দেখেন?”

“না না সে ভয় নেই, মাসীর পূজো আফ্রিক সারা হোতে চের দেবী। আপনি তাড়াতাড়ি করবেন না, আমি আপনাকে ধ’রে ধ’রে ঘর অবধি পৌঁছে দিয়ে আসি চলুন।

অমিতা বাধা দিল না—কারণ নিজে হেঁটে সিঁড়ি দিয়ে ওঠা এখন তার সাধ্যাতীত।

ঘর অবধি এসে সুপ্রকাশ তার কানের কাছে মুখ এনে বললে, “দোহাই আপনার! সেই কালো চশমা আর আলোয়ানটা আজ পরবেন না।”

অমিতার সমস্ত মুখটা রাঙা হোয়ে উঠল।

হোতে লাগল—আজ কি অঘটন ঘটবে, আজ সে নিজেকে কিছুতেই স্থির রাখতে পারবে না। আজ যেন তার জীবনের অনেকগুলো পাতা বাদ দিয়ে এক নতুন পরিচ্ছেদ শুরু হোল। মনে মনে বললে, “আজকের সকালের প্রথম আলোটির সঙ্গে সঙ্গে ওকে যে আমি ওর যথার্থ রূপে দেখলুম—তখনই ওকে আমার পাওয়া শুরু হয়েছে; আর কোনো বাধাকেই বাধা ব’লে মানব না।

নিজের মনে নানারকম কল্পনা করতে তার ভাল লাগল। অমিতার ফুল কুড়োবার সময় সেই হাতের বিশেষ ভঙ্গীটি, সক্রমণ ব্যথাকাতর চাহনি ও লজ্জাজড়িত মুখের হাসিটি যেন তাকে এক স্বপ্নলোকে ভাসিয়ে নিয়ে চলল।

বেলা হোল। চাকরের কাছে স্নানের তাগাদা পেয়ে বাড়ীর ভিতর গিয়ে দেখলে মাসী অমিতার চুলগুলো নিয়ে নাড়া চাড়া করছেন, সামনে তেলের বাটি। বেচারী বোধ করি লজ্জায় বলতে পারেনি তার স্নান পূর্বেই সারা হোয়ে গেছে।

অমিতার সর্বাঙ্গে সেই বেগুনী রং এর ধোয়া আলোয়ানটি নেই বটে, কিন্তু সেই প্রকাণ্ড কালো চশমাটা তার সুন্দর মুখখানাকে কুঞ্জী ক’রে রেখেছে।

সুপ্রকাশকে দেখেই ওর সমস্ত মুখখানা লাগ হোয়ে উঠল—কিন্তু আলোয়ানটি না থাকায় মুখ লুকোতে পারল না। মাসী বলেন, “হাঁরে প্রকাশ, তোর কি হোয়েচে? চাকরকে দিয়ে নিজের ঘরে চা নিয়ে খেলি, সকাল থেকে একবারটি এলিনে? রাগ করেছিস্ বুঝি?”

সুপ্রকাশ অপ্রস্তুত হোয়ে বলে, “রাগ কেন করব? তোমার ছেলে যদি একটু কাজে মন দেয় তাও সহিতে পার না—বেলা অবধি ঘুমতেও দাওনা। আজ সকালে উঠে এত এত খাতা দেখলুম। বেলা হোয়েচে তা টেরই পাইনি। আপনি কেমন আছেন?” সে হুটুমি ভরা চোখে অমিতার দিকে চাইল।

অমিতা জবাব দিল না; মাসী বলেন, “ভাল আর কই, আজ আবার নাবার ঘরে প’ড়ে গিয়ে ভীষণ পা কেটেছেন! ভেবেছিলাম আজ তোর সঙ্গে ওকে চোখের ডাক্তারের কাছে পাঠাব, এখন এই খোঁড়া পা নিয়ে যাবেই বা কি ক’রে?”

এমন একটি ভোরবেলা যেন সুপ্রকাশের জীবনে প্রথম এল। তার সমস্ত মনটা খুসী হোয়ে উঠল, কেবলি মনে

দেবী

সুপ্রকাশ বলে, “চোখে আবার কি হল?”

“চোখে নাকি দোষ আছে, ওই কালো চশমাটা তাই প’রে থাকতে হয়।”

“তা বেশ তো, এর পরে নিয়ে যাওয়া যাবে’খন। আমি না হয় তোমার দেওর-বির জন্তে আর একদিন কলেজ কামাই করব।”

মাসী প্রকাশকে অমিতার সম্বন্ধে এত ভাল মেজাজে কথা কইতে দেখে অবাক হয়ে বলেন, “তা করিগ, এখন যা চানটা সেরে আয়, আমি দেখি রান্নার কতদূর”— ছুটির দিনে তিনি বোনপোকে নিজে ছুটো তরকারী রেঁধে খাওয়ান।

মাসী চ’লে যেতেই প্রকাশ বলে, “আপনার পা কেমন আছে?”

“ভালই।”

“বাথা করছেন?”

“একটু একটু করছে।”

“বেশী হাঁটাইটা না করাই ভাল।”

“করছি না ত।”

“মাসী যে চোখের অসুখ বলছিলেন, সত্যি কথা? চোখ দেখলে তো মনে হয় না কোনো দোষ আছে।”

“দোষ নেই।”

“সে তো আমি বুঝতেই পেরেছি, কিন্তু একটি জিনিষ বুঝতে পারছি না। এই চশমা, এই বেগুনী আলোয়ান,

ইংরিজি গল্পের ছায়াবলম্বনে

এই রবারের জুতো, এই বুট—এই গঁয়োভূত পানা, এই নিজেকে শত রকমে কুঞ্জী করবার চেষ্টার মানে কি?”—

অমিতা কিছুকণ কথা বলেনা—তারপরে খুব লজ্জাজড়িত নম্র স্বরে বলে, “আপনি আমায় ক্ষমা করবেন, আমার অপরাধ হয়েছে।”

সুপ্রকাশ অবাক হয়ে তার দিকে চাইল। অমিতা বলে, “আমি একবারো ভাবিনি আমার ছুঁমিটা এতখানি হয়ে উঠবে। বাবার কাছে জ্যোষ্ঠিয়ার একটা চিঠিতে দেখেছিলুম আপনি সুন্দরী শিক্ষিতা ও Up-to-date মেয়ে পছন্দ করেন না। আমার ভারী রাগ হোল—আজকালকার মেয়েদের কি সবই দোষ? আমি মনে মনে ঠিক করলুম কোলকাতায় গিয়ে জংলী কুঞ্জী অশিক্ষিত সেজে আপনাকে খুব জন্ম করব। কিন্তু আরম্ভ ক’রে আর শেষ করতে পারিছিলুম না। ভালই হোল আজ আপনা থেকে আমার সব ছুঁমি ধরা প’ড়ে গেল। এখন আমার একটি মাত্র ভয় আপনার মাসী আমায় ক’খনো ক্ষমা করবেন না।”

প্রকাশ উৎফুল্ল হয়ে বলে, “নিশ্চয় করবেন, একশো বার করবেন। সব বলবার ভার আমায় দাও, তিনি নিশ্চয় তাঁর ছেলের ছুঁমি বউটিকে ক্ষমা না ক’রে পারবেন না।”

লজ্জায় আড়ষ্ট হয়ে অমিতা বলে, “না, না, ছিঃ কি বলছেন।”

সুপ্রকাশ জোর ক’রে ওর চশমাটা খুলে দিয়ে মাসীকে বলে, “মাসি, এবার তোমার বউএর রূপটা একবার দেখে যাও।”



রসের নিত্যতা

শ্রীপ্রমোদরঞ্জন দাশগুপ্ত

শরৎচন্দ্রের ত্রিপঞ্চাশৎ জন্মতিথিতে কলিকাতা ইউনিভার্সিটি ইনষ্টিটিউট হলে তাঁর সম্বন্ধনা সভায় শরৎচন্দ্র যে অভিভাষণটি পাঠ করেন তার একস্থানে তিনি বলেছেন,—

“একথা সত্য ব’লেই বিশ্বাস করি যে,কোন দেশের কোন, সাহিত্যই কখনো নিত্য কালের হ’য়ে থাকে না। বিশ্বের সমস্ত সৃষ্ট বস্তুর মত এরও জন্ম আছে, পরিণতি আছে, বিনাশের ক্ষণ আছে। মানুষের মন ছাড়া ত সাহিত্যের দাঁড়াবার জায়গা নেই, মানবচিত্তেই তো তার আশ্রয়, তার সকল ঐশ্বর্য বিকশিত হ’য়ে ওঠে। সেই মানবচিত্তই যে এক স্থানে নিশ্চল হ’য়ে থাকতে পারে না। তার পরিবর্তন আছে, বিবর্তন আছে,—তার রসবোধ ও সৌন্দর্যবিচারের ধারার সঙ্গে সঙ্গে সাহিত্যের পরিবর্তন অবশ্যজ্ঞাবী। তাই এক যুগে যে মূল্য মানুষে খুঁসি হ’য়ে দেয়, আর এক যুগে তার অর্ধেক দাম দিতেও তার কুণ্ঠার অবধি থাকে না।

সমগ্র মানব জীবনের কেন, ব্যক্তিবিশেষের জীবনেও দেখি এই নিয়ম বিদ্যমান। ছেলেবেলায় আমার ভবানী পাঠক ও হরিদাসের গুপ্ত কথাই ছিল একমাত্র সম্বল। তখন কত রস, কত আনন্দই যে এই দুখানি বই থেকে উপভোগ করেছি তার সীমা নেই। অথচ আজ সে আমার কাছে নীরস। কিন্তু এ গ্রন্থের অপরাধ, কি আমার বৃদ্ধত্বের অপরাধ বলা কঠিন।”

শরৎচন্দ্র যা বলেছেন সোজা কথায় অল্পের ভেতর তা বলতে গেলে এই দাঁড়ায় যে, সাহিত্যের যা কিছু মূল্য তা মানুষের ভাল লাগে ব’লেই। যতক্ষণ কোন সাহিত্য মানুষের ভাল লাগে ততক্ষণই তার একটা মূল্য থাকে। যখনই তা মানুষের অপছন্দ হয় তখনই তার মূল্য চ’লে যায়, তার মৃত্যু ঘটে। মানুষের এই ভাল লাগা জিনিষটা নিত্য পরিবর্তনশীল; আজ যা ভাল লাগে দশ বৎসর পরে আর

তা ভাল লাগে না। সুতরাং মানুষের এই ভাল লাগার পরিবর্তনের সঙ্গে সঙ্গে সাহিত্যেরও পরিবর্তন ঘটে। কোন সাহিত্যই অমর নয়, সবই ক্ষণস্থায়ী, পাঠকের ভাল লাগার উপরেই তার অস্তিত্ব নির্ভর করে। সেই ভাল লাগা শেষ হবার সঙ্গে সঙ্গেই তারও জীবনের শেষ হয়।

সাহিত্যসম্বন্ধে শরৎচন্দ্রের এই মন্তব্য অনেকেই খুব একটা বড় সত্য ব’লে মেনে নিয়েছেন। কেউ কেউ এমন কথাও বলেছেন যে, সাহিত্যের ধর্মের এমন স্পষ্ট পরিচয় আর কারও কাছ থেকেই পাওয়া যায় নি।

আপাতদৃষ্টিতে শরৎচন্দ্রের এ কথাটা খুবই সত্য ব’লে মনে হয়। সত্যই ত যুগে যুগে মানুষের রসবোধের পরিবর্তন হচ্ছে। এ যুগে যিনি সর্বজনসমাদৃত লেখক, পরের যুগে সাহিত্যের আসরে তাঁর স্থান খুঁজে পাওয়াই হয়ত শক্ত হ’য়ে ওঠে। সাহিত্যের ইতিহাসে এরূপ দৃষ্টান্তের ত অভাব নেই। এক সময় ইংরাজি সাহিত্যে পোপ ছিলেন অপ্রতিদ্বন্দ্বী কবিসম্রাট। আজ সে সাহিত্যে পোপের স্থান কোথায়, কত নিম্নে! সাহিত্যের ইতিহাসের এ সমস্ত ঘটনা শরৎচন্দ্রের উক্তির সত্যতাই সপ্রমাণ করে ব’লে মনে হয়।

কিন্তু আর একটু ধীর ভাবে বিবেচনা করলে আমরা দেখতে পাব যে, সাহিত্যসম্বন্ধে শরৎচন্দ্রের এ উক্তি কোন মতেই মেনে নেওয়া চলে না। তাঁর এ উক্তি যদি সত্য হয় ত সাহিত্যে সমালোচনার কোন স্থান থাকে না। শেলি বড় কবি, কি ব্রাউনিং বড় কবি,—বাংলা সাহিত্যে শ্রেষ্ঠ কথা-সাহিত্যিক কে, নাট্যকার হিসাবে সেক্সপিয়ার ও ইবুসেন-এর মধ্যে কার স্থান উর্ধ্বে, এ সমস্ত তর্ক আলোচনা সম্পূর্ণ নিরর্থক হ’য়ে পড়ে। এক এক যুগে এক এক সাহিত্য ভাল লাগে, তাতে ক’রে মানুষের রসবোধের পরিবর্তনশীলতা বাদে আর কিছুই প্রমাণ হয় না। এক কালে দাগু রায়ের কবিতা বাঙালীর খুব প্রিয় ছিল, আজ কেউ তাঁর নামও

শ্রী প্রমোদরঞ্জন দাশগুপ্ত

করে না, সমস্ত দেশটা রবীন্দ্রনাথের কবিতা নিয়ে মেতে আছে। শরৎচন্দ্রের উক্তি সত্য হ'লে এতে ক'রে শুধু এই প্রমাণ হয় যে, বাঙালীর রসবোধের পরিবর্তন হয়েছে; দাশু রায়ের লেখারও দোষ দেওয়া যায় না, রবীন্দ্রনাথেরও প্রশংসা করা চলে না। রবীন্দ্রনাথ যে দাশু রায়ের চেয়ে বড় কবি এ কথাও বলা যায় না। এক কালে দাশু রায় ভাল লাগত, আজ রবীন্দ্রনাথ ভাল লাগছে, আবার হয়ত' এমন দিন আসবে যখন লোকের রবীন্দ্রকাব্য ভাল লাগবে না। এতে কারই দোষ নেই, দোষ শুধু মানুষের ভাল লাগার এই অহেতুক পরিবর্তনের। এক যুগের মানুষের সাহিত্যবোধের সঙ্গে অন্য যুগের মানুষের সাহিত্যবোধের বিরোধ ঘটলে যদি কোন যুগের সাহিত্যবোধকেই দোষ দেওয়া না যায় ত, এক জন মানুষের সাহিত্যবিচারের সঙ্গে অন্য এক জন মানুষের সাহিত্যবিচারের অনৈক্য ঘটলেই বা কোন এক জনের সাহিত্যবিচারকে ভুল বলা চলে কি ক'রে? শরৎচন্দ্রের উক্তি সত্য হ'লে সাহিত্যের বিচারে ব্যক্তি বিশেষের মতামতে নিরপেক্ষ কোন সত্য থাকতে পারে না। আরও একটি দৃষ্টান্ত দেওয়া যেতে পারে।—এ কথা যদি সত্য হয় যে যুগে যুগে মানুষের রসবোধের অহেতুক পরিবর্তন হচ্ছে এবং সেই সঙ্গে সঙ্গে সাহিত্যের পরিবর্তন চলেছে, এক যুগের সাহিত্য অন্য যুগে অচল, সে জন্মে কোন যুগের সাহিত্যকেই নিন্দা বা প্রশংসা করা চলে না—তা হলে আজ বাঙালীর রসবোধের পরিবর্তন হয়ে শরৎচন্দ্রের লেখা তার ভাল লেগেছে তাতে শরৎচন্দ্রের বাহাদুরী কোথায়! আজ তাঁর লেখা ভাল না লেগে অন্য যে কোন সাহিত্যিকের লেখা ভাল লাগতে পারত। এর জন্ম দায়ী আমাদের রসবোধের অহেতুক পরিবর্তন, সুতরাং শরৎচন্দ্রকে আমরা সম্বর্ধনা কর্তে যাব কেন? শরৎচন্দ্রের এ উক্তিকে সত্য বলে মেনে নেওয়া মানে রসের অস্তিত্বই অস্বীকার করা; সমস্ত রস বস্তুটাকে subjective, individualistic ব'লে প্রচার করা। রস যদি subjective individualistic হয়, ব্যক্তিগত ভাল লাগা মন্দ লাগার উপরেই যদি রসের অস্তিত্ব সম্পূর্ণ নির্ভর করে, তা এই বিরাট বিশ্বসাহিত্যের

কোনো মূল্যই থাকে না। অবশ্য একথা ঠিক যে, উপভোগের জন্মেই রস, উপভোগের মধোই রসের সার্থকতা। তাই ব'লে রস subjective নয়। Hegel প্রমুখ দার্শনিকগণ নিঃসন্দেহ প্রমাণ করেছেন যে, এই দৃশ্যমান বাহু জগতের অস্তিত্ব দেখার উপরেই সম্পূর্ণ নির্ভর করে; তা থেকে এ সিদ্ধান্তে তাঁরা উপনিত হন নি যে, এই দৃশ্যমান জগৎ সম্পূর্ণ subjective, এর সত্যিকারের কোন অস্তিত্ব নেই। ঠিক সেই রকম উপভোগের উপরেই রসের অস্তিত্ব নির্ভর করলেও তার একটা সত্যিকারের অস্তিত্ব আছে; ব্যক্তিগত বা কোন যুগ বিশেষের ভাল লাগা মন্দ লাগাতেই সে অস্তিত্ব সম্পূর্ণ পর্যাবসিত নয়।

একথা খুবই ঠিক যে, যুগে যুগে মানুষের রসবোধের পরিবর্তন হচ্ছে; এটা ঐতিহাসিক সত্য, একে অস্বীকার করা চলে না; কিন্তু সে পরিবর্তন অহেতুক খামখেয়ালী পরিবর্তন নয়—সে পরিবর্তন হচ্ছে বিকাশ। যুগে যুগে মানুষের রসোপলব্ধির ক্রমবিকাশ হচ্ছে; যতই যুগের পর যুগ কেটে যাচ্ছে মানুষের রসবোধ ততই সূক্ষ্মতর, গভীরতর, ব্যাপকতর হচ্ছে। তাই এক যুগের ভাল লাগার মধ্যে যে টুকু খাঁটি রসবোধ সে টুকু পরবর্তী যুগের ভাল লাগার মধ্যে থেকে যায়, আর যে টুকু ঝুটা সেই টুকুই বাদ পড়ে। এই জন্মেই দাশু রায়ের লেখা ম'রে গেলেও “চণ্ডীদাসের বৈষ্ণব পদাবলী আজও আছে, কালীদাসের শকুন্তলা আজও তেমনি জীবন্ত।” এই জন্মেই “এক যুগে যে মূল্য মানুষ খুসি হয়ে দেয়, আর এক যুগে তার অর্ধেক দাম দিতেও তার কুষ্ঠার অবধি থাকে না।”

যথার্থ রস-সাহিত্য অমর, তার কখনও মৃত্যু নেই। সব যুগের মানুষ সব সময়ে তার একই দাম নাও দিতে পারে এই পর্য্যন্ত। রবীন্দ্রনাথের কাব্যে যদি যথার্থ রস থাকে তা তা চিরকাল অমর হয়ে থাকবে। যদি কখনও তাঁর চেয়েও বড় কবি আমাদের দেশে জন্মায় তখন সে কবির কাব্যের সঙ্গে তুলনায় আজ আমরা রবীন্দ্রকাব্যের যে মূল্য দিচ্ছি ততটা মূল্য দিতে হয়ত কুণ্ঠিত হব। তাই ব'লে সে কাব্যের কখনও বিনাশ হবে না।

শিলঙে দুর্গোৎসব

শ্রীভূপেন্দ্রচন্দ্র লাহিড়ী

দুর্গাপূজাকে দুর্গোৎসব নাম না দিয়া শারদোৎসব নাম দিলে দেখা যায় যে, তাহা হিমালয় হইতে আরম্ভ করিয়া কুমারিকা পর্য্যন্ত হিন্দুভারতের সর্বত্রই কোনও না কোনও নামে প্রচলিত আছে,—তাহা বাঙ্গলার দুর্গাপূজাই হউক, যুক্তপ্রদেশের ও পাঞ্জাবের রামলীলাই হউক, আর দাক্ষিণাত্যের দশরা অথবা বোম্বাই ও গুজরাটের নবরাত্রিই হউক ; কিন্তু দুর্গার সিংহবাহিনী, মহিষমর্দিনী, দশভূজা প্রতিমার পূজা বাঙ্গলার একান্ত নিজস্ব। আর বাঙ্গলার বাহিরে এই পূজার প্রচার এবং প্রচলন, বাঙ্গলার বাহিরে বাঙ্গালীর ‘কালচারের’ জয়যাত্রার দৃষ্টান্ত।

বাঙ্গালী লাহোর হইতে রেঙ্গুন পর্য্যন্ত বাঙ্গলার বাহিরে যেখানেই গিয়াছে, সেখানেই তাহার এই প্রিয় উৎসবটির প্রতিষ্ঠা করিয়াছে ; কিন্তু সর্বত্র ইহার প্রচার করিতে পারে নাই। বাঙ্গলার বাহিরে তিনটি প্রদেশে কিন্তু বাঙ্গালীর এই প্রকাণ্ড নিজস্ব উৎসবটি তাহার নিজস্ব রূপে প্রতিষ্ঠিত হইয়াছে,—এই তিনটি প্রদেশ, বাঙ্গলার উত্তরে নেপাল, পূর্বে আসাম এবং দক্ষিণ পশ্চিমে উড়িষ্যা।

শিলঙে বাঙ্গালী, আসামী ও নেপালীদের দুর্গোৎসব পাশাপাশি দেখা গেল। সব কয়টি উৎসব মূলতঃ এক হইলেও তাহার মধ্যে বিভিন্ন জাতির বিভিন্ন সাধনা, সভ্যতা, পারিপার্শ্বিক ও সামাজিক রীতি নীতির ধারা ফুটিয়া উঠিয়াছে। বাঙ্গালীর পূজার মধ্যে বাঙ্গালীর সেই চিরন্তন বেদনাটুকু,—অন্নবয়সে বিবাহিতা কন্যাকে স্বপুত্রবাড়ী-প্রেরণের বাধা, উমার জন্ম গিরিরাজের দুঃখ বাপ মায়ের স্নেহাৰ্ত্ত হৃদয়ের করুণ রসে অভিষিক্ত হইয়া দেখা দেয়। আসামীদের পূজা জীববলিহীন পূজা ; শঙ্করদেবের জন্মভূমি ও প্রচারক্ষেত্র আসাম বাঙ্গলার এই অশুষ্ঠানটিকে বৈষ্ণবী ভক্তির উৎসে স্নান করাইয়া আপনার নিজস্ব সাধনা ও চিন্তাধারার উপযোগী করিয়া গড়িয়া তুলিয়াছে।

নেপালীদের দুর্গাপূজা এই উভয় পূজা হইতেই পৃথক। শিলাময় পার্কত্য দেশে মৃৎপ্রতিমা প্রস্তুত করা কঠিন। সেজন্য নেপালীদের পূজায় বৃহৎ মৃৎপ্রতিমা প্রস্তুত করা হয় না, তাহার স্থানে ক্ষুদ্র স্বর্ণপ্রতিমার পূজা করা হয়। কিন্তু নেপালীদের পূজার সঙ্গে আসামী ও বাঙ্গালীদের পূজার পার্থক্য শুধু বাহিরের পার্থক্য নয় ; তাহা অন্তরের পার্থক্যও বটে। এখানে বাঙ্গালীর স্নেহবিগলিত হৃদয়ের করুণ রসের প্রবাহ নাই, আসামী বৈষ্ণবী ভক্তির মধুর ধারা নাই ; আছে যুক্তপ্রিয় পার্কত্য জাতির সমরসাধনাব অভিবাক্তি।

কিন্তু শুধু পার্কতাই চোখে পড়ে না, সাদৃশ্যও চোখে না পড়িয়া যায় না। সব প্রদেশের পূজাতেই সেই একই ধূপ দীপ, পঞ্চপ্রদীপ, আমান্ন, নৈবেদ্য দিয়া ষোড়শোপচারে শরতের শুক্লা সপ্তমী, অষ্টমী ও নবমী তিথিতে দেবীর আরাধনা আর সর্বত্রই দেবীভাগবত ও চণ্ডীপাঠ। এই সকল অশুষ্ঠানই যে মূলতঃ এক, একই স্থান হইতে উদ্ভূত, একই শাস্ত্র হইতে প্রচারিত তাহাতে লেশমাত্রও সন্দেহ থাকে না। এককালে বাঙ্গলার কালচার, বাঙ্গলার বৈষ্ণব ধর্ম ও শক্তি-উপাসনা কেমন করিয়া বাঙ্গলার বাহিরে প্রচারিত হইয়া এক বৃহত্তর বঙ্গের সৃষ্টি করিয়াছিল, আজও তাহা ধীরে ধীরে বিস্তৃত হইতেছে,—তাহা দুর্গম গিরিপর্কত, খাপদসঙ্কুল অরণ্যের বাধা ও ব্যবধান মানে নাই, সভ্যতার স্বরভেদ, বিভিন্ন জাতির বিভিন্ন অবস্থান ও জীবনযাত্রাপ্রণালী তাহার গতিরোধ করিতে পারে নাই,—একথা ভাবিয়া আনন্দ ও গৌরব বোধ না করিয়া থাকা যায় না।

শিলং সহরে মোট আটখানা পূজা হয়। ইহার মধ্যে একখানা গুর্খাদের, একখানা থানার বাঙ্গালী আসামী ও নেপালী কর্মচারীরা মিলিয়া করিয়া থাকেন ; আর বাকি ছয় খানার মধ্যে তিনখানা বাঙ্গালী অধিবাসীদের এবং

শ্রীভূপেন্দ্রচন্দ্র লাহিড়ী

তিনখানা আসামী অধিবাসীদের। মোটামুটি, সহরের প্রত্যেক অংশের অধিবাসীরাই একত্র হইয়া চাঁদা তুলিয়া বৎসারান্তে এই উৎসবটির অনুষ্ঠান করিয়া থাকেন।

শিলং সহরে নেপালীর সংখ্যা প্রায় আট দশ হাজার হইবে। দুইটি গুর্খা ব্যাটালিয়ান এখানে স্থায়ীভাবে বাস করে। তাহাদের পরিবার পরিজন লইয়া সহরের এক অংশে একটি নেপালী পাড়া গড়িয়া উঠিয়াছে। তাহাকে 'পন্টন' বলে। গুর্খাদের দুর্গোৎসব এই পন্টনে সৈন্যদের বারিকের পাশে গুর্খা সৈন্যদের উদ্যোগে অনুষ্ঠিত হয়। বাঙ্গালী হিন্দুদের

সজ্জিত করা হয় এবং ইলেক্ট্রিক লাইটে আলোকিত হয়। পূজার কয়দিন প্রতি রাতে এখানে নেপালীরা নিজেদের ভাষায় তাহাদের নাটক অভিনয় করে।

সপ্তমী, অষ্টমী, নবমী তিন দিনই গুর্খাদের পূজা অনুষ্ঠিত হইলেও, নবমীর পূজাই উল্লেখযোগ্য। সপ্তমীর দিন দিবাভাগে যথারীতি পূজা ও বলি হয়। অষ্টমীর দিন দিনে পূজা নাই—সারাদিন ধরিয়া নেপালী পুরোহিতেরা চণ্ডী ও দেবী ভাগবত পাঠ করেন; রাতে অষ্টমী ও নবমীর সন্ধিক্ষণে পূজা ও বলি হয়।



গুর্খাদের মহিষ-বলি

মত গুর্খাদেরও দুর্গাপূজা প্রধান জাতীয় উৎসব। সেজন্য পূজার কয়দিন সমস্ত গুর্খাপল্লী উৎসবসজ্জায় সজ্জিত হইয়া উঠে। পাড়ার মধ্যে স্থানে স্থানে পাহাড়ের উপর চারখানা করিয়া বাঁশ পুঁতিয়া তাহার সঙ্গে দড়ি বুলাইয়া দোলনা প্রস্তুত হয় এবং গুর্খারা স্ত্রী-পুরুষ বালক-বালিকা নির্বিশেষে এই দোলনায় দোল খাইতে থাকে, সারাদিনের মধ্যে দোলনাগুলিতে লোক-সমাগমের বিরাম নাই। পন্টনের মধ্যে একটি অনুচ্চ পাহাড়ের উপর গুর্খাদের রঙ্গমঞ্চ নির্মিত হয়। রঙ্গমঞ্চটি আধুনিক সিন্ ও

নেপালীদের নবমীর পূজা ও বলি শিলং সহরের এক উল্লেখযোগ্য ঘটনা। এই জন্ত পূজামণ্ডপের সম্মুখে বিস্তৃত প্রান্তরে যুপকাঠ পুঁতিয়া তাহার পাশে নিমন্ত্রিত লোকদিগের বসিবার জন্ত প্রকাণ্ড মঞ্চ প্রস্তুত হয়। শিলং সহরের ইংরাজ, বাঙ্গালী, আসামী সকল শ্রেণীর লোক নিমন্ত্রিত হইয়া বলি দেখিবার জন্ত উপস্থিত হন। স্থানীয় আবালাবৃদ্ধ বনিতা বলি দেখিবার জন্ত সমবেত হয়। সৈন্য বিভাগের সমস্ত ইংরাজ কর্মচারীরা এই উৎসবে কোগদান করেন।



নেপালীদের যূপকাঠ বাঙ্গলার যূপকাঠ হইতে সম্পূর্ণ পৃথক। নেপালীদের যূপকাঠকে মোলা বলে। মোলা একখানা চতুষ্কোণ সরল কাঠ; উঁচুতে প্রায় ছয় হাত হইবে। কাঠখানার গায়ে বন্দুক, কুকরি এবং অন্যান্য অস্ত্র খোদাই করিয়া অঙ্কিত। কাঠখানা খাড়া করিয়া মাটিতে পুঁতিয়া রাখা হয়। কাঠখানার নীচে প্রায় ভূমিসংলগ্ন স্থানে একটি ছিদ্র। বলির পশুটিকে কাঠের সামনে আনিয়া তাহার গলার দড়ি মাথার উপর দিয়া টানিয়া লইয়া এই ছিদ্রের মধ্য দিয়া ঢুকাইয়া শক্ত করিয়া ধরিলেই পশুর মাথা হেঁট হইয়া কাঠখানার গোড়ায় সংলগ্ন হইয়া যায়। পিছন হইতে কয়েকজন লোক পশুটির পা ধরিয়া থাকে। এইভাবে বলি সমাধা হয়।

নবমীর দিন বাইশটি মহিষ ও অসংখ্য ছাগাদি বলি দেওয়া হয়। বলির জন্ত প্রস্তুত ভূমির পার্শ্বে একদল গুর্থাসৈন্য বন্দুকহস্তে দাঁড়াইয়া যায়। তাহাদের পার্শ্বে গুর্থাদের সামরিক ব্যাণ্ড বাজিতে থাকে। চারিদিকে মেসিন-গান ও কামান স্থাপিত হয়। দুই তিন জন গুর্থা মিলিয়া একটি মহিষকে বলির ভূমিতে লইয়া আসে। তাহাকে যূপকাঠে লাগান হয়। ভীত পশুগুলিকে যূপকাঠের নিকট লইয়া যাইতে অনেক সময়ই খুব বেগ পাইতে হয়। পশুটিকে যূপকাঠের সঙ্গে লাগান হইলে ঘাতক দেবীর নিকট উৎসর্গীকৃত প্রকাণ্ড একখানা কুকরি লইয়া আসিয়া উপস্থিত হয়; পুরোহিত আসিয়া পশুর মস্তকে জল ও নিশ্চালোর ফুল ছিটাইয়া দেন। এই সময় প্রায় পঞ্চাশটি বন্দুক একসঙ্গে গর্জিয়া উঠে এবং সামরিক বাজনা বাজিয়া উঠে; সঙ্গে সঙ্গেই ঘাতকের খড়্গ পশুর মস্তককে দেহ হইতে বিচ্ছিন্ন করিয়া ফেলে।

গুর্থাদের পূজার সঙ্গে তাহাদের সামরিক জীবনের কতগুলি প্রথা মিলিয়া এক অদ্ভুত অনুষ্ঠানের সৃষ্টি হইয়াছে। গুর্থাদের পূজা দেখিতে গিয়া এই কথাটাই সব চেয়ে বেশী করিয়া চোখে পড়ে।

খানার পুলিশ কর্মচারীদের পূজাটিকে এখনকার মার্ক্সজনীন পূজা বলিলে অত্যাধিক হয় না। খানার উর্দ্ধতন কর্মচারীরা প্রায় সকলেই বাঙ্গালী অথবা আসামী।

কনেষ্টবলেরা হয় হিন্দুস্থানী নয় নেপালী। বিশেষত রিজাউ পুলিশ প্রায় সবই নেপালী। খানার পূজাটি এই সকল শ্রেণীর কর্মচারীর উদ্যোগে নিরীহিত হয়। বাঙ্গালী পুরোহিত, হিন্দুস্থানী তন্ত্রকার, অভিনব দৃশ্য। পূজামণ্ডপের সামনে বৃহৎ ঘরের মধ্যে গুর্থাদের নাচ গান ও সং চলিতেছে। গুর্থাবাদকেরা তাহাদের ছোট ছোট ঢোল বাজাইতেছে। সেখানে গুর্থা নরনারী ও শিশু আসিয়া ভিড় করিতেছে। পূজামণ্ডপের সামনে গুর্থাদের 'মোলা' স্থাপিত হইয়াছে। আসামী ও বাঙ্গালী কর্মচারীরা সমস্ত তত্ত্বাবধান করিতেছেন এবং সমাগত লোকদিগকে অভ্যর্গনা করিতেছেন। হিন্দুস্থানীরা পূজার উদ্যোগ আয়োজনে বাস্তব আছে।

বাঙ্গালীদের পূজার মধ্যে জেলরোডের পূজাই সব চেয়ে প্রাচীন। ওই পূজা প্রায় কুড়ি বৎসর হইল চলিয়া আসিতেছে। শিলং সহরের এই অংশের অধিবাসীরা একটি স্থায়ী ঠাকুরবাড়ী নির্মাণ করাইয়াছেন। এই ঠাকুরবাড়ীতে দুর্গাপূজা ও বারোমাসের তেরো পার্বণ অনুষ্ঠিত হইয়া থাকে। জেলরোডের ঠাকুরবাড়ী ব্যতীত, শিলংএর বৃহৎ বাঙ্গালী পল্লী লাবানেও একটি হরিসভাগৃহ আছে। এখানে লাবানের বাঙ্গালী অধিবাসীরা একটি পূজা অনুষ্ঠান করিয়া থাকেন। এতদ্ভিন্ন পুলিশবাজারের নিকটবর্তী অপেরা-হাউস নামক গৃহেও বাঙ্গালীরা একটি পূজা করিয়া থাকেন।

আসামীদের পূজার মধ্যে লাবানের পূজাই বিশেষ উল্লেখযোগ্য। আসামীদের পূজার বলি নাই। এতদ্ভাতিত সঙ্গে সঙ্গে ক্রিয়াকর্মে অনুষ্ঠানে বাঙ্গালী-পূজার সঙ্গে কোথাও পার্থক্য নাই। আসামীদের পূজার সব চেয়ে উল্লেখযোগ্য আসামীদের ঢাক। বাঙ্গলার ঢাকবাদকেরা ঢাকটিকে একপাশে প্রায় পিঠের উপর লইয়া বাজায়। আসামী ঢাকবাদকেরা ঠিক অত বড় ঢাকটিকে ঢোলকের মত শরীরের সম্মুখে বুলাইয়া বাজায়। এইজন্ত, ও হাত দিয়া বাজানের ফলে আসামী-ঢাকের বাজ বাঙ্গলার ঢাকের মত অত গম্ভীর ও উচ্চ হয় না।

বিজয়া দশমীর দিন শিলং সহরের সমস্ত প্রতিমা পুলিশবাজারের মোড়ে আসাম কাউন্সিল হাউসের সম্মুখে চৌরাস্তার উপর শোভাযাত্রা করিয়া লইয়া আসা হয়। সহরের সমস্ত লোক, বাঙ্গালী, আসামী, খাসিয়া নরনারী এইস্থানে আসিয়া সমবেত হয়। বাঙ্গালীদের ও আসামীদের প্রতিমার সঙ্গে সঙ্কীর্্তন এবং পুলিশদের পূজার সঙ্গে হিন্দুস্থানীদের ভজন ও গুর্খাদের নাচগান চলিতে থাকে। ক্রমে সমস্ত প্রতিমা একত্র জড় হইলে প্রতিমাগুলি লইয়া এক বিরাট শোভাযাত্রা সহরের নিম্নে উমউখরা নামক 'কুরুঙ্গ'টির (ছোট পার্কতা সরিৎ) গীরে উপস্থিত হয়। সেখানে একটি উচ্চ পাহাড়ের নীচে আটখানা প্রতিমা এক সারিতে বসানো হয়। নিরঞ্জন পাহাড়, নীরব বনশ্রী, ব্যাণ্ড বাণ্ড, ঢাকের শব্দে 'দুর্গামাহিক জয়' রবে মুখরিত হইয়া উঠে। পশ্চাতে অন্ধকারে বনানী লইয়া পাহাড়টি দাঁড়াইয়া আছে, সম্মুখে আলোকমালাসজ্জিত আটখানি প্রতিমা এক

সারিতে স্থাপিত হইয়াছে ;—এ দৃশ্য যেন ছবির মত সুন্দর।

প্রতিমা-বিসর্জনের পর আলিঙ্গন ও প্রীতি-সম্ভাষণ। এ দৃশ্য বাঙ্গালারই মত, তবে বোধহয় শিলং বাঙ্গালীর পক্ষে প্রবাসস্থান বলিয়া অনুষ্ঠানটি একটু বেশী করুণ ও আন্তরিক। কেহ হয়ত পূজার ছুটিতে বাড়ী ছাড়িয়া বিদেশে বেড়াইতে আসিয়াছে—আজকার দিনে গৃহের কথা মনে পড়িয়া যায়; কেহ হয়ত চাকরী অথবা বাবসা উপলক্ষে এদেশে বাস করিতেছে—পূজার ছুটিতে গৃহে যাইতে পারে নাই; আজকার দিনে এই শত সহস্র লোকের মধ্যেও নিজকে বিশেষ করিয়া একাকী ও নিঃসঙ্গ বোধহয়। কাহারও বিগত শোক উছলিয়া ওঠে; কাহারও অতীত স্মরের স্মৃতি বর্তমানের আনন্দকে বিশ্বাদ করিয়া তোলে। এমনি করিয়া শিলংএ দুর্গোৎসবের অবসান হয়, বাঙ্গালীর এই জাতীয় উৎসবের উপর একবৎসরের জন্ত যবনিকার পতন হয়।

কবীর

শ্রীকান্তচন্দ্র ঘোষ

অমিয় রস যেথা ক্ষরিছে চারিধার
আকাশ ভেদি উঠে শব্দ অনিবার,
মাগরে বৃকে টেনে তটিনী কুল ছায়—
সে-লোক কথা কিগো বাখানি বলা যায় !
সুরয নাহি চাঁদ তারকা-ভাতি নাহি
রাতি না জাগি রহে প্রভাত মুখ চাহি ;
বাশরী-ধ্বনি মনে বীণার মূহু সুর—
অনাদি বাণী কার বাজে সে সুর-পুর !
অযুত প্রভা সেথা জ্বলিছে ঝলমল
বরষা বিনা ধারা ঝরিছে অবিরল ;
কবীর কহে আজি গোপন কথা তার—
বিরল কেহ বুঝে—বুঝিবে কেবা আর—
জানে সে গেছে যেই উৎস পরপার
জনম-মরণের— সে নাহি ফিরে আর !



যাত্রা আরম্ভ হয়। জগৎ নাই, কেহ নাই— শুধু অপূ আছে, আর নীলমণি হাজরার যাত্রার দল আছে সামনে। বাকী সব লুপ্ত। সন্ধ্যার আগে বেগলায় ইমন্ অলাপ করে। ভাল বেহালাদার, পাড়াগাঁয়ের ছেলে কখন সে ভাল জিনিস শোনে না,—উদাস করুণ সুরে হঠাৎ মন কেমন করিয়া উঠে... মনে হয় বাবা এখনও বসিয়া বসিয়া বাড়াতে সেই কি লিখিতেছে—দিদি আসিতে চাহিয়াও আসিতে পারে নাই। প্রথম যখন জরির সাজ পোষাক পরিয়া টাঙানো ঝাড় ও কড়ির ডুমের আলো-সজ্জিত আসরে রাজা মন্ত্রীর দল আসিতে আরম্ভ করে, অপূ মনে ভাবে এমন সব জিনিস তাহার বাবা দেখিল না!... সবাই তো আসরে আসিয়াছে, গ্রামের, তাহাদের পাড়ার কোনও লোক তো বাকী নাই। বাবা কেন আসিল না? পালা দ্রুত অগ্রসর হইতে থাকে। সে বার সে বালক কীর্তনের দলের যাত্রা শুনিয়াছিল—সে কি, আর এ কি!... কি সব সাজ! কি সব চেহারা!... হঠাৎ পিছন হইতে কে বলে—খোকা বেশ দেখতে পাচ্ছ তো?... তাহা বাবা আসিয়াছে!... কখন আসিয়া আসরে বসিয়াছে—অপূ বাবার দিকে ফিরিয়া বলে—বাবা দিদি?... তাহার বাবা ঘাড় নাড়িয়া জানায় আসিয়াছে।

মন্ত্রীর গুপ্ত বড়যন্ত্রে যখন রাজা রাজ্যচ্যুত হইয়া

স্ট্রীপুত্র লইয়া বনে চলিতেছেন, তখন কাঁচনে সুরে বেহালায় সঙ্গত হয়। তারপর রাজা করুণ রস বহুক্ষণ জমাইয়া রাখিবার জন্ত স্ট্রীপুত্রের হাত ধরিয়া এক এক পা করিয়া থামেন, আর এক এক পা অগ্রসর হইতে থাকেন, সত্যিকার জগতে কোনো বনবাস গমনোচ্ছত রাজা নিতান্ত অপ্রকৃতিস্থ না হইলে এক দল লোকের সন্মুখে সেরূপ করেনা। বিশ্বস্ত রাজসেনাপতি রাগে এমন কাঁপেন যে, মৃগীরোগগ্রস্ত রোগীর পক্ষেও তাহা হিংসার বিষয় হইবার কথা। অপূ অপলক চোখে চাহিয়া বসিয়া থাকে, মুগ্ধ, বিস্মিত হইয়া যায়। এমন তো সে কখনো দেখে নাই!

তারপর কোথায় চলিয়া গিয়াছেন রাজা, কোথায় গিয়াছেন রাণী!... যখন নিবিড় বনে শুধু রাজপুত্র অজয় ও রাজকুমারী ইন্দুলেখা ভাইবোনে ঘুরিয়া বেড়ায়। কেউ নাই যে তাহাদের মুখের দিকে চায়, কেউ নাই যে নির্জন বনে তাহাদের পথ দেখাইয়া লইয়া চলে। ছোট ভাইয়ের জন্ত ফল আনিতে একটু দূরে চলিয়া যাইয়া ইন্দুলেখা আর ফেরে না। অজয় বনের মধ্যে বোনকে খুঁজিয়া বেড়ায়—তাহার পর নদীর ধারে হঠাৎ খুঁজিয়া পায় ইন্দুলেখার মৃতদেহ—কুখার তাড়নায় বিষফল খাইয়া সে মরিয়া গিয়াছে। অজয়ের করুণ গান—“কোথা

শ্রীবিভূতভূষণ বন্দ্যোপাধ্যায়

ছেড়ে গেলি এ বন কাঙ্ক্ষারে প্রাণ প্রিয় প্রাণ সাথী রে’—
 কনিয়া অপূ এতক্ষণ মুগ্ধ চোখে চাহিয়াছিল—আর থাকিতে
 পারে না, ফুলিয়া ফুলিয়া কাঁদে। ইন্দুলেখা যেন ঠিক
 তার দিদি। দিদিকে ও অবস্থায় কল্পনা করিয়া অপূর
 বুকের মধ্যে ছুঁ করিয়া উঠে।...কলিঙ্গরাজের সহিত
 বিচিত্রকেতুর যুদ্ধে তলোয়ার খেলা কী!...যায়, বুঝি
 ঝড়গুলা গুঁড়া হয়, নয় তা কোনো হতভাগ্য দর্শকের চোখ
 ছুঁটি বা যায়! রব ওঠে—ঝড় সামলে—ঝড় সামলে!...
 কিন্তু অদ্ভুত যুদ্ধকৌশল—সব বাঁচাইয়া চলে—ধন্য
 বিচিত্রকেতু!

মধ্যে অনেকক্ষণ ধরিয়া জুড়ির দাঁর্ঘ গান ও বেহালার
 কসরৎএর সময় অপূকে তাহার বাবা ডাকিয়া বলে—
 যুম পাচ্ছে—বাড়ী যাবে খোকা?...যুম! সর্বনাশ!...
 সে বাড়ী যাইবে না, বাবা যাইতে পারে। বাহিরে ডাকিয়া
 গইয়া তাহার বাবা তাহাকে দুইটি পয়সা দেয়। অপূর
 ইচ্ছা হয় সে একপয়সার পান কিনিয়া খাইবে, পানের
 দোকানের কাছে অত্যন্ত কিসের ভিড় দেখিয়া অগ্রসর
 হইয়া দেখে অবাক! সেনাপতি বিচিত্রকেতু হাতিয়ারবন্দ
 অবস্থায় বিড়ি কিনিয়া খাইতেছেন—তাহাকে ঘিরিয়া
 রথযাত্রার ভিড়। আশ্চর্যের উপর আশ্চর্য!...রাজকুমার
 অজয় কোথা হইতে আসিয়া বিচিত্রকেতুর কনুইএ হাত
 দিয়া বলিল—একপয়সার পান খাওয়াও না কিশোরী-
 দা?...রাজপুত্রের প্রতি সেনাপতির বিশ্বস্ততার কোনো
 নিদর্শন দেখা গেল না—হাত ঝাড়া দিয়া বলিল—যাঃ,
 সত পয়সা নেই—ওবেলা সাবান খানা যে দুজনে মাথলে—
 আমাকে কি বলেছিলে? রাজপুত্র পুনরায় বলিল—
 খাওয়াও না কিশোরী দা? আমি বুঝি কখনো—
 বিচিত্রকেতু হাত ছাড়াইয়া চলিয়া গেল।

অজয় অপূরই সমবয়সী হইবে। টুকটুকে, বেশ
 দেখিতে, গানের গলা বড় সুন্দর। অপূ মুগ্ধ হইয়া তাহার
 দিকে চাহিয়া থাকে—বড় ইচ্ছা হয় আলাপ করিতে। হঠাৎ
 সে কিসের টানে সাহসী হইয়া আগাইয়া যায়—একটু লজ্জার
 সঙ্গে বলে—পান খাবে?...অজয় একটু অবাক হয়, বলে—
 তুমি খাওয়াবে? নিয়ে এস না। দুজনে ভাব হইয়া যায়।

ভাব বলিলে ভুল হয়। অপূ মুগ্ধ, অভিভূত হইয়া যায়!
 ইহাকেই সে এতদিন মনে মনে চাহিয়া আসিয়াছে—এই
 রাজপুত্র অজয়কে!...তাহার মায়ের শত রূপকথার কাহিনীর
 মধ্য দিয়া, শৈশবে শত স্বপ্নময়ী মুগ্ধ কল্পনার ঘোরে তাহার
 প্রাণ ইহাকেই চাহিয়াছে, এই চোখ, এই মুখ, এই গলার
 স্বর। ঠিক সে যাহা চায়, তাহাই। অজয় জিজ্ঞাসা
 করে—তোমাদের বাড়ী কোথায় ভাই!...আমাকে এক
 জনেদের বাড়ী খেতে দিয়েচে, বড় বেলায় খেতে দেয়।
 তোমাদের বাড়ীতে খায় কে? ..

খুসিতে অপূর সারা গা কেমন করে, সে বলে—ভাই,
 আমাদের বাড়ীতে একজন খেতে যায়, সে আজ দেখলাম
 ঢোলক বাজাচ্ছে—তুমি কাল থেকে যেও, আমি এসে
 ডেকে নিয়ে যাবো—ঢোলকওয়াল না হয় তুমি যে বাড়ীতে
 আগে খেতে, সেখানে খাবে?—

খানিকক্ষণ দুজনে এদিক ওদিক বেড়াইবার পর অজয়
 বলে—আমি যাই ভাই, শেষ সিনে আমার গান আছে—
 আমার পাট কেমন লাগচে তোমার?

শেষ রাত্রে যাত্রা ভাঙিলে অপূ বাড়ী আসে। পথে
 আসিতে আসিতে যে যেখানে কথা বলে, তাহার মনে
 হয় যাত্রার একটো হইতেছে। বাড়ীতে তাহার দিদি বলে—
 ও অপূ কেমন যাত্রা শুন্লি?...অপূর মনে হয়, গভীর
 জনশূন্য বনের মধ্যে রাজকুমারী ইন্দুলেখা কি বলিয়া
 উঠিল। কিসের যে ঘোর তাহাকে পাইয়া বসিয়াছে!
 মহা খুসির সহিত সে বলে—কাল থেকে অজয় যে
 সেজেছিল মা—সে আমাদের বাড়ী খেতে আসবে—

তাহার মা বলে—দুজন খাবে?—দুজনকে কোথেকে—
 অপূ বলে, তা না, একজন তো চ’লে যাবে, শুধু অজয় খাবে—

দুর্গা বলে—কেমন যাত্রা রে অপূ?...এমন কক্ষনো
 দেখিনি—কেমন গান কলে যখন সেই রাজকন্যা ম’রে গেল?
 অপূর তো রাত্রে ঘুমের ঘোরে চারিধারে যেন বেহাঙ্গ
 সঙ্গত হয়। ভোর হইলে একটু বেলায় তাহার ঘুম ভাঙে—



শেষ রাত্রে ঘুমাইয়াছে, তৃপ্তির সঙ্গে ঘুম হয় নাই, সূর্য্যের তীক্ষ্ণ আলোর চোখে যেন হুঁচ বিধে। চোখে জল দিলে জ্বালা করে। কিন্তু তাহার কানে একটা বেহালা ঢোল মন্দিরার ঐক্যতান বাজনা তখনও যেন বাজিতেছে—তখনও যেন সে যাত্রার আসরেই বসিয়া আছে। ঘাটের পথে যাইতে পাড়ার মেয়েরা কথা বলিতে বলিতে যাইতেছে, অপূর মনে হইল কেহ ধীরাবতী, কেহ কলিঙ্গদেশের মহারানী, কেহ রাজপুত্র অজয়ের মা বসুমতী। দিদির প্রতি কথায়, হাত পা নাড়ার ভঙ্গিতে, রাজকণ্ঠা ইন্দুলেখা যেন মাথানো! অজয়ের মুখ মনে পড়িয়া অপূর বুকের মধ্যে কেমন করে! তাহার আর একটা কথা মনে হয়—কাল যে ইন্দুলেখা সাজিয়াছিল তাহাকে মানাইয়াছিল মন্দ নয় বটে, কিন্তু তাহার মনে মনে রাজকণ্ঠা ইন্দুলেখার যে প্রতিমা গড়িয়া উঠিয়াছে, তাহা তাহার দিদিকে লইয়া, ঐ রকম গায়ের রং অমানি বড় বড় চোখ, অমন সুন্দর মুখ, অমনি সুন্দর চুল! ইন্দুলেখা তাহার সকল করুণা, স্নেহ, মাধুরী লইয়া কোন্ সে কালের দেশের অতীত জীবনের পারে আবার তাহার দিদি হইয়া যেন ফিরিয়া আসিয়াছে—কাল তাই ইন্দুলেখার কথায় ভঙ্গিতে, প্রতি পদক্ষেপে দিদিই যেন ফুটিয়া ফুটিয়া বাহির হইতেছিল। যখন গভীর বনে সে শতস্নেহে ছোট ভাইকে জড়াইয়া রাখিয়াছিল, তাকে খাওয়াইবার ফল আহরণ করিতে গিয়া একা নির্জন বনের মধ্যে হারাইয়া গেল—সেই একদিনের মাকাল ফলের ঘটনাটাই অপূর ক্রমাগত মনে হইতেছিল।

কাল তো যাত্রার আসরটা তাহার কাছে বাঁশের মেরাপ্ বাধা বারোয়ারীতলা ছিল না!...বালকের কল্পনাদণ্ডে তাহা অতীত কালের যে অজ্ঞাত রাজপ্রাসাদের পাষাণ-অলিন্দে, গুপ্ত মন্ত্রণাকক্ষে, গভীর বনে, নির্জন নদীর ধারে, সুন্দর মুখের দেশে, বীরের দেশে পুনর্জন্ম গ্রহণ করিয়াছিল—শুধু শৈশব কালেই তাহাদের দেখা মেলে।

হৃদয় বেলা খাইবার জন্ত অপূ গিয়া অজয়কে ডাকিয়া

আনিল। তাহার মা দুজনকে এক জায়গায় খাইতে দিয়া অজয়ের পরিচয় লইতে বসিল। সে ব্রাহ্মণের ছেলে, তাহার কেহ নাই, এক মাসী তাহাকে মানুষ করিয়াছিল, সেও মরিয়া গিয়াছে। আজ বছর খানেক যাত্রার দলে কাজ করিতেছে। সর্বজয়ার ছেলেটির উপর খুব স্নেহ হইল—বার বার জিজ্ঞাসা করিয়া তাহাকে খাওয়াইল। খাওয়াইবার উপকরণ বেশী কিছু নাই, তবু ছেলেটি খুব খুসির সঙ্গে খাইল। তাহারপর দুর্গা মাকে চুপি চুপি বলিল—মা, ওকে সেই কালকের গানটা গাইতে বলনা—সেই “কোথা ছেড়ে গেলি এ বন কান্তারে প্রাণপ্রিয় প্রাণ সাথীরে”—

অজয় গলা ছাড়িয়া গানটি গাহিল—অপূ মুগ্ধ হইয়া গেল, সর্বজয়ার চোখের পাতা ভিজিয়া আসিল। আহা এমন ছেলের মা নাই! তাহার পর সে আরও গান গাহিল। সর্বজয়া বলিল—বিকলে মুড়ি ভাজ্বো তখন এসে অবিশ্রি করে মুড়ি খেয়ে যেও—লজ্জা করো না যেন—যখন খুসি আসবে, আপনার বাড়ীর মত—বুঝলে?

অপূ তাহাকে সঙ্গে করিয়া নদীর ধারের দিকে বেড়াইতে গেল। সেখানে অজয় বলিল, ভাই তোমার তো গলা বড় মিষ্টি—একটা গান গাও না?...অপূর খুব ইচ্ছা হইল ইহার কাছে গান গাহিয়া সে বাহাছুরী লইবে। কিন্তু বড় ভয় করে—এ একজন যাত্রাদলের ছেলে—এর কাছে তার গান গাওয়া? নদীর ধারে বড় শিমুলগাছটার তলায় চলা-চলতির পথ থেকে কিছুদূরে বাঁশ ঝোপের আড়ালে দুজনে বসে। অপূ অনেক কষ্টে লজ্জা কাটাইয়া একটা গান ধরে—“শ্রীচরণে ভার একবার গা তোল হে জনন্তু”—দাণ্ড রায়ের পাঁচালি গান, বাবার মুখে শুনিয়া সে লিখিয়া লইয়াছে। অজয় অবাক হইয়া যায়, বলে—তোমার এমন গলা ভাই? তা তুমি গান গাও না কেন?...আর একটা গাও। অপূ উৎসাহিত হইয়া আর একটা ধরে—“বেলার আশে বসে রে মন ডুবল বেলা খেয়ার ধারে।” তাহার দিদি কোথা হইতে শিখিয়া আসিয়া গাহিত, সুরটা বড় ভাল লাগায় অপূ তাহার কাছ হইতে শিখিয়াছিল—বাড়ীতে কেহ না থাকিলে মাঝে মাঝে গানটা তাহারা দুজনে গাহিয়া থাকে।

গান শেষহইলে অজয় প্রশংসায় উজ্জ্বলিত হইয়া উঠিল।

শ্রীবিভূতিভূষণ বন্দ্যোপাধ্যায়

বলিল—এমন গলা থাকলে যে কোনো দলে ঢুকলে পোনোরো টাকা করে মাইনে সেধে দেবে বল্চি তোমায়— এর ওপর একটু যদি শেখো !—বাড়ীতে কেহ না থাকিলে দিদির সামনে গাহিয়া অপু কতদিন দিদিকে জিজ্ঞাসা করিয়াছে—হ্যাঁ দিদি, আমার গলা আছে ? গান হবে ?... দিদি তাহাকে বরাবর আশ্বাস দিয়া আসিয়াছে । কিন্তু দিদির আশ্বাস যতই আশা প্রদ হোক, আজ একজন সঙ্গীতদক্ষ খাস যাত্রার দলের নামকরা মেডেলওয়াল গায়কের মুখে এ প্রশংসার কথা শুনিয়া আনন্দে অপু কি বলিয়া উত্তর করিবে ঠাওর করিতে পারিল না । বলিল—তোমার ঐ গানটা আমায় শেখাও না ?...তাহারপর দুইজনে গলা মিশাইয়া সে গানটা গাহিল । অনেকক্ষণ হইয়া গেল । নদী বাহিয়া ছপ্ ছপ্ করিয়া নৌকা চলিতেছে, নদীর পাড়ের নীচে জলের ধারে একজন কি খুঁজিয়া বেড়াইতেছে, অজয় বলিল—কি খুঁজ্চে ভাই ? অপু বলিল—ও বাঙাচি খুঁজ্চে, ছিপে মাছ ধরবে—তাহারপর বলিল—আচ্ছা ভাই তুমি আমাদের এখানে থাকো না কেন ?...যেও না কোথাও, থাক্বে ?

সে বছর দোলপূর্ণিমার রাতে তাহার সেই বন্ধুটি তাহার মনে যে দোল দিয়াছিল আবার আজ সেই ঠিক ঘোর ঘোর, আচ্ছন্ন ভাব ! সে যেন কোথায় আছে, ...সুন্দর মুখের মোহে আবার তাকে পাইয়া বসিয়াছে ! এমন চোখ, এমন মিষ্টি গলার সুর ! তাহার উপর অপূর কাছে সে সেই রাজপুত্র অজয় ! কোন্ বনে ফিরিতে ফিরিতে অসহায় ছন্নছাড়া রূপবান্ রাজার ছেলের সঙ্গে হঠাৎ দেখা হইয়া ভাব হইয়া গিয়াছে—চিরজন্মের বন্ধু ! আর তাহাকে কি করিয়া ছাড়া যায় !

অজয়ও খুব খুসি হইয়াছে । অনেক মনের কথা বলিয়া ফেলিল । এমন সখী তাহার আর জুটে নাই । সে প্রায় চল্লিশ টাকা জমাইয়াছে । আর একটু বড় হইলে সে এদল ছাড়িয়া দিবে । অধিকারী বড় মারে । সে আশুতোষ পালের দলে যাইবে—সেখানে বড় সুখ, রোজ রাতে লুচি । না খাইলে তিন আনা পয়সা খোরাকী দেয় । এ দল ছাড়িলে সে আবার অপূদের বাড়ী আসিবে ও সে সময় কিছুদিন থাকিবে । বৈকালের কিছু আগে অজয় বলিল—

চল ভাই, আজ আবার সন্দের সময় আসর হবে, সকাল সকাল ফিরি । যদি “পরশুরামের দর্প-সংহার” হয়, তবে আমি নিয়তি সাজবো দেখো কেমন একটা গান আছে—

আরও তিন দিন যাত্রা হইল । গ্রামশুদ্ধ লোকমুখে যাত্রা ছাড়া আর কথা নাই । পথে ঘাটে মাঠে গায়ের মাঝি নৌকা বাহিতে বাহিতে, রাখাল গরু চরাইতে চরাইতে যাত্রার পালার নতুন-শেখা গান গায় । গ্রামের মেয়ের দলের ছেলেদের বাড়ী ডাকাইয়া যাহার যে গান ভাল লাগিয়াছে তাহার মুখে সে গান ফরমাইস করিয়া শুনিত লাগিলেন । অপু আরও তিন চারটা নতুন গান শিখিয়া ফেলিল । একদিন সে যাত্রার দলের বাসায় অজয়ের সঙ্গে গিয়াছে, সেখানে তাহাকে দলের সকলে মিলিয়া ধরিল তাহাকে একটা গান গাহিতে হইবে । সেখানে সকলে অজয়ের মুখে শুনিয়াছে সে খুব ভাল গান গাইতে পারে । অপু বহু সাধাসাধনার পর নিজের বিঘা ভাল করিয়া আহির করিবার খাতিরে একটা গাহিয়া ফেলিল । সকলে তাহাকে ধরিয়া অধিকারীর নিকটে লইয়া গেল । সেখানেও তাহাকে একটা গাইতে হইল । অধিকারী কালো রংএর ভুঁড়িওয়াল লোক, আসর জুড়ি সাজিয়া গান করে । গান শুনিয়া বলিল, এস না খোকা, দলে আস্বে ? অপূর বুকখানা আনন্দে ও গর্বে দশহাত হইল । আরও সকলে মিলিয়া তাহাকে ধরে—এস, চল তোমাকে আমাদের দলে নিয়ে যাই । অপূর তো ইচ্ছা সে এখনি যায় । যাত্রা দলে কাজ করা যে মনুষ্য-জীবনের চরম উদ্দেশ্য, সে কথা এতদিন সে কেন জানিত না, ইহাই তো আশ্চর্যের বিষয় । সে গোপনে অজয়কে বলিল, আচ্ছা ভাই, এখন যদি আমি দলে যাই, আমাকে কি সাজতে দেবে ? অজয় বলিল, এখন এই সখী টথী, কি বালকের পাট এইরকম, তারপর ভাল ক’রে শিখলে—

অপু সখী সাজিতে চায় না—জরির মুকুট মাথারি সে সেনাপতি সাজিয়া তলোয়ার বুলাইবে, বন্ধ করিবে । বড়



হইলে সে যাত্রার দলে যাইবেই উহাই তাহার জীবনের
ক্লম লক্ষ্য। অজয় তাহাকে চুপি চুপি কষ্টিপাথরের রং
একটা ছোকরাকে দেখাইয়া কহিল, এই যে দেখচো, এর
নাম বিষ্টু তেলি। আমার সঙ্গে মোটে বনে না, আমি নিজের
পয়সায় দেশলাই কিনে বালিশের তলায় রেখে শুই, দেশলাই
উঠিয়ে নেয় চুরুট খেতে, আর দেয় না। আমি বলি আমার
রাত্রে ভয় করে, দেশলাইটা দাও। অন্ধকারে মন ছম্ ছম্
করে, তাই সেদিন চেয়েছিলাম ব'লে এমনি থাপড়া একটা
মেয়েচে! নাচে ভালো ব'লে অধিকারী বড় খাতির করে,
কিছু বলবারও যো নেই—

দিন পাঁচেক পরে যাত্রা দলের গাওনা শেষ হইয়া
গেলে তাহারা রওনা হইল। অজয় বাড়ীর ছেলের মত
যখন তখন আসিত যাইত, এই কয় দিনে সে যেন
অপূরই আর এক ভাই হইয়া পড়িয়াছিল। অপূরই
বয়সী ছোট ছেলে, সংসারে কেহ নাই শুনিয়া সর্বজয়া
তাহাকে এ কয়দিন অপূর মত যত্ন করিয়াছে, একটু বেলা
হইলে অস্থির হইয়া পড়িয়াছে,—কখন রান্না হবে, সে আবার
সকালে খায় - কাল রাত্রে তো খেয়ে তার পেটই ভরেনি?
অপূ যাহা যাহা খাইতে ভালবাসে,—মুড়ি ও ছোলাভাজা,
গুড় দিয়া নারিকেল কোরা, চুনা মাছ দিয়া কচুর শাকের
ঘণ্ট, জ্বার পাতা দিয়া তেলপিটুলি ভাজা,—এ কয়দিনে
তৈয়ারী করিয়া খাওয়াইয়াছে, যদিও গরিবের ঘরে জুটানো
কষ্ট, তবুও ছাড়ে নাই। দুর্গাও তাহাকে আপন ভাইয়ের
চোখে দেখিয়াছে—তাহার কাছে গান শিখিয়া লইয়াছে,
কত গল্প শুনাইয়াছে, তাহার পিশিমার কথা বলিয়াছে,
তিনজনে মিলিয়া উঠানে বড় ঘর আঁকিয়া গঙ্গা-যমুনা

খেলিয়াছে, খাইবার সময় জোর করিয়া বেশী খাইতে বাধা
করিয়াছে। যাত্রা দলে থাকে, কে কোথায় ঘাথে, কোথায়
শোয়, কি খায়, আহা বলিবার কেউ নাই; গৃহ সংসারের যে
স্নেহস্পর্শ বোধহয় জন্মাবধিই তাহার ভাগ্যে ঘটে নাই,
অপ্রত্যাশিত ভাবে আজ তাহার স্বাদ লাভ করিয়া লোভীর
মত সে কিছুতেই ছাড়িয়া যাইতে চাহিতেছিল
না।

যাইবার সময় সে হঠাৎ পুঁটুলি খুলিয়া কষ্টে সঞ্চিত
পাঁচটি টাকা বাহির করিয়া সর্বজয়ার হাতে দিতে গেল।
একটু লজ্জার সুরে বলিল—এই পাঁচটা টাকা দিয়ে দিদির
বিয়ের সময় একখানা ভাল কাপড়—

সর্বজয়া বলিল—না বাবা, না—তুমি মুখে বললে এই
খুব হোল, টাকা দিতে হবে না, তোমার এখন টাকার কত
দরকার—বিয়ে খাওয়া ক'রে সংসারী হতে হবে—

তবু সে কিছুতেই ছাড়ে না। অনেক বুঝাইয়া তবে
তাহাকে নিরস্ত করিতে হইল।

তাহার পর সকলে উহাদের বাড়ীর দরজার সামনে
খানিকটা পথ পর্য্যন্ত তাহাকে আগাইয়া দিতে আসিল।
যাইবার সময় সে বার বার বলিয়া গেল, দিদির বিয়ের সময়
অবশ্য করিয়া যেন তাহাকে পত্র দেওয়া হয়। গাভতলার
ছায়ায় ছায়ায় তাহার স্নকুমার বালকমূর্তি ভাঁট শেওড়া
ঝোপের আড়ালে অদৃশ্য হইয়া গেলে হঠাৎ সর্বজয়ার মনে
হইল, বড্ড ছেলে মানুষ, আহা, এই বয়সে বেরিয়েছে নিজের
রোজগার নিজে কর্তে। অপূর আমার যদি ঐরকম হোত—
মাগো!...তাহার পর তাহার ও দুর্গার দুজনেরই চোখের
পাতা ভিজিয়া উঠিল।

(ক্রমশঃ)





বৎসহার

—শ্রীপ্রভাতমোহন ধার

নারীর মূল্য

শ্রীভবানী ভট্টাচার্য্য

শ্রীমতী ইলা দেবীকে কৃতজ্ঞতা জানাচ্ছি দু'টি কারণে। প্রথমটি স্বার্থগত; যারা আমার নারীর মূল্য প্রবন্ধ এ পর্যন্ত পড়েননি, প্রতিবাদ বের করার পর বোধ করি তাঁদের অনেকেই ও লেখা প'ড়ে দেখবেন। দ্বিতীয় কারণটি পরার্থগত; আমার পূর্বোক্ত লেখায় আমি এমন অনেক কঠিন কথা বলেছিলাম, মেয়েদের তরফ থেকে যার প্রতিবাদের প্রয়োজন ছিল।

কিন্তু এ প্রতিবাদে আমাকে নারীর শত্রু মনে করা দরকার হ'ল কেন? আমি আমার পূর্বোক্ত প্রবন্ধের গোড়াতেই বলেছিলাম, সব জিনিষের দু'টো পিঠ থাকে, এবং সব জিনিষের দু'টো পিঠের যে কোনো একটার সমর্থনে দু'চার কথা বলা যেতে পারে। নারীর মূল্য সম্বন্ধেও ভালো এবং মন্দ দুই বলা যায়। ভালোই বলি আর মন্দই বলি, তার মধ্যে থাকবে খানিকটা শুধু 'বাক্যের ঝড়, তর্কের ধূলি'—intellectual gymnastic। কারণ কথাটা শুধু তর্ক করবারই মত; তর্ক ক'রে মন আরাম পায়, তাতে মীমাংসা কিছু হোক বা না হোক। আমি নারীর মূল্যের একটি বিশেষ দিক নিয়ে তর্ক করেছিলাম—লুডোভিচিও তাই করেছেন। সঙ্গে সঙ্গে বাংলার পাঠকদের সঙ্গে লুডোভিচির পরিচয় করিয়ে দেওয়াও আমার উদ্দেশ্য ছিল; ইউরোপে চিন্তাশীল লেখক বলে লুডোভিচির নাম আছে, সুতরাং তাঁর কথাগুলো নিয়ে নাড়াচাড়া করার অপমান নেই। লুডোভিচির যুক্তির আমিও প্রতিবাদ করতে পারতুম এবং লুডোভিচির পক্ষে সে প্রতিবাদের জবাব দেওয়াও শক্ত হ'ত না। এ সব কথাই আমি আমার প্রবন্ধের গোড়ায় দু'কথায় বলেছিলাম—'তর্কের শেষ নেই; ও বস্ত টানলে বাড়ে'।

কিন্তু শ্রীমতী ইলা দেবী তর্কের উত্তরে তর্ক করেননি। যুক্তির উত্তরে তিনি কোথাও দিয়েছেন উক্তি (proverb),

কোথাও 'dogma, কোথাও শুধু ভাষার বাহুল্য। অবশ্য factsও তিনি দিয়েছেন, কিন্তু প্রায় সব ক্ষেত্রেই সে facts ভুল। তাঁর লেখার প্রত্যেকটা ভুল শুধুরোবার আমার প্রয়োজন নেই, কেননা যে কোনো সমাজতত্ত্ববিদ পাঠকের কাছে ওগুলো ধরা পড়বে। তবে একটা কথা বলা দরকার। কোনো বৈজ্ঞানিক যখন আজীবন পরিশ্রম ক'রে কতকগুলো facts আবিষ্কার করেন, তখন আমার কিম্বা শ্রীমতী ইলা দেবীর সেগুলো মেনে চলাই ভালো, তার কারণ আমি এবং ইলা দেবী এমন কোনো facts বা'র করিনি যেগুলো বৈজ্ঞানিকভাবে উক্ত বৈজ্ঞানিক facts এর প্রতিপাত্ত বস্তুর প্রতিবাদ করতে পারে। লুডোভিচি কিম্বা Schultze কিম্বা Keith যদি বলেন, পুরুষের দৈহিক গঠন এমন যার জন্য সে স্বভাবতই নারীর চেয়ে বলিষ্ঠ, * কিম্বা পুরুষ as a species নারী as a species এর চেয়ে লম্বা বেশী হয়, কথাগুলো (বায়োলজিতে যা facts বলে গৃহীত হয়েছে) আমাদের নীরবে স্বীকার ক'রে নিতেই হবে, সে স্বীকৃতি প্রীতিকর হোক বা অপ্ৰীতিকর হোক। এগুলো জীবতত্ত্বের এত গোড়ার কথা যে, এগুলো জানা না থাকলে সমাজতত্ত্ব নিয়ে (জীবতত্ত্বের সঙ্গে সমাজতত্ত্বের সম্বন্ধ ঘনিষ্ঠ) আলোচনা করা উচিত কিনা সন্দেহ। আর এ ধরনের আলোচনার 'দেবানিদেব মহাদেবে'র পৌরুষ ছিল কিনা—কিম্বা পৌরাণিক পরশুরাম কোথায় কি করেছিলেন—এ সব কথার কোনো যুক্তিগত সম্পর্ক নেই।

* পলীকাল্য গারের জোরে পলীকালকের সমান হতে পারে, তার কারণ বালক এবং বালিকার muscle fibreও বেশী তফাৎ নেই। ও তফাৎ আসে যৌবনোপসর্গে—যখন উভয়ের muscles তির ক্রমে পরিণত হয়ে ওঠে। এই তির পরিণতির কাজই জলদেহ দেহের চেয়ে তরুণের দেহ বেশী কোমল। শক্তির তারকমা নির্ভর করে—muscle fibre এর বিশেষ পরিণতির উপর।



এ প্রবন্ধে আমি আমার পূর্বেকার প্রবন্ধের কতকগুলো কথা নূতন ক'রে বলব।

গত শতাব্দীর শেষের দিকে মারি-উলষ্টনক্রাফটের লেখা ইউরোপকে এক নূতন বার্তা শোনাল। মারি লিখলেন, পুরুষের চেয়ে নারীর স্থান নীচ নয়; পুরুষ যা পারে নারীও তা পারে; সুতরাং সমাজের চোখে এ দুয়ের অধিকার সমান হওয়া উচিত। অধিকার বলতে বোঝায় রাজনৈতিক এবং অর্থনৈতিক অধিকার।

দেখতে দেখতে মারির নাম ইউরোপের দেশে দেশে ছড়িয়ে পড়ল। পুরুষরা তার লেখা প'ড়ে মনে মনে হাসল; কিন্তু মেয়েরা চীৎকার ক'রে বলল, মারি নারী নামের কলঙ্ক, নারীসমাজে ওর স্থান নেই। শুধু একদল মেয়ে বলল, না, হয়তো মারির কথা মিথ্যা নয়; আমরাও মানুষ—সুতরাং পুরুষের অধিকারে হাত দেবার অধিকার আমাদের আছে। তারপর মহাযুদ্ধ এল; ইউরোপের আধুনিক সমাজ মহাযুদ্ধের হাতে গড়া। ও যুদ্ধের ফলে দেশে দেশে পুরুষের দারুণ অভাব শুরু হল; তাদের স্থান গ্রহণ করল নারী। অর্থনীতির দিক থেকে বিনা চেষ্টায় নারী আর পুরুষ হ'ল এক। দেখা গেল পুরুষের চেয়ে নারী চের ভাল করতে পারে—শুধু কেরাণী, দোকানী, টাইপিষ্ট, সেক্রেটারির কাজ। এর কোনোটাতেই বুদ্ধির বা মৌলিকতার দরকার করে না। দরকার করে একাগ্রতার; দরকার করে হাতের কাজে সমস্ত মন ঢেলে দেবার শক্তির। যে মেয়ে টাইপিষ্ট সে টাইপিষ্ট ছাড়া আর কিছু নয়; তার কাছে ঐ যন্ত্রটাই একটা জগৎ। আফিসের কর্তারা দেখলেন, মহা সুবিধা! এর ট্যাঙ্কেডি ধরা পড়ল শুধু ছ'চার জন চিন্তাশীল লেখকের চোখে। চেষ্টারটন লিখলেন, "Modern women defend their office with all the fierceness of domesticity, ...and develop a sort of wolfish wifeness on behalf of the invisible head of the firm."

"That is why they do office work so well; and that is why they ought not to do it."

What's Wrong with the World, P. 133.

রাজনৈতিক অধিকার কিন্তু এত সহজে আসেনি; ও অধিকারের আইডিয়া শুধু ছ'দশ জন সফ্রেজিটের মনে এসেছে, বাকি সবাই ও সহজে বেপরোয়া। Pankhurst-এর মতো মেয়ে ইউরোপেও ছল'ভ; তাঁর মতন ছ'দশ জনের অনুকরণে ছ'এক হাজার মেয়ে সফ্রেজিট হল। তাও শুধু ইংলণ্ডে। ফ্রান্সেও সফ্রেজিট-আন্দোলন চলেছিল, কিন্তু তার নেত্রীদের তিন জন ছিলেন ইংরেজ। ও আন্দোলন বেশী দিন বাঁচেনি। ফ্রান্সের মেয়েরা 'অধিকার' সহজে মোটেই সচেতন নয়। জার্মানির অবস্থা কতকটা ইংলণ্ডেরই মতো; ইটালির সম্পূর্ণ ভিন্ন, ওদেশে মেয়েদের অধিকার ব'লে কোনো আইডিয়া আজ পর্যন্ত জন্মানি। (পরিশিষ্ট—ক)

আসলে, ইউরোপীয় মেয়ের সঙ্গে ভারতীয় মেয়ের খুব বেশী তফাৎ নেই; দুইয়ের পিছনেই একই মন কাজ করছে এবং সে মন সম্পূর্ণ 'মেয়েলি'। যে মেয়ে সাঁতারে সমুদ্র পার হয় এরা তাকে প্রশংসা করে, কিন্তু শ্রদ্ধা করে না। তাকে দেখতে লক্ষ লক্ষ স্ত্রীপুরুষ ছোটে, আবার তাকে ঠাট্টা ক'রে তারা she-man বা tom-boy বলতেও ছাড়ে না। মনের দিক থেকে ইউরোপের মেয়ে ভারতীয় মেয়ের মতোই 'সঞ্চারিণী পল্লবিনী'। যতই সে আলোকপ্রাপ্ত হোক, সে চায় পুরুষের আশ্রয়, গৃহ এবং সন্তান।

কয়েদিকে আমি নীত্বীল বলি না, কারণ জার সুযোগ নেই। আমাদের দেশের মেয়েরা সবাই কয়েদি; কতক মেয়ে, কতক মনে। বীর্য পক্ষের আড়ালে থাকেন তাঁরা প্রসূ হ'তে পারেন না, প্রলোভনের অভাবে। জীবনে কখনো তাঁদের পরীক্ষা হয়নি। সীতাকে সতী বলতে পারি তখনি যখন সেধি কঠিন অগ্নি-পরীক্ষার তাঁর গায়ে আঁচ

লাগল না। যাদের পর্দার বাধন নেই তাঁদের আছে মানসিক বন্দীত্ব। যুগযুগান্তের সংস্কার তাঁদের নীতির কড়া পাহারার নিযুক্ত। সংস্কার, সংসার এবং সমাজ এই তিনের হাত এড়ানো ভারতীয় নারীর পক্ষে সম্ভব নয়; সুতরাং ও তিনের হুকুম মেনে চলা ছাড়া তাঁরা অন্তোপায়। তা ছাড়া নারীমনের একটা বিশেষ ধর্ম এই যে, ও-মনকে একবার কিছু ধরিয়ে দিলেই হ'ল—তারপর সে প্রাণপণে সেটা আঁকড়ে ধ'রে থাকবে। তাই নারীর সংস্কার, আচার, নিষ্ঠা এ সবের প্রতি টানও খুব বেশী। তরুণী ব্রহ্মচারিণীদের এই ছুরকম বন্দীত্ব তো আছেই তা ছাড়া পরলোকে কিম্বা পরজন্মে সুখলাভের আশাও তাঁদের ব্রহ্মচর্যা-আচরণের পিছনে রয়েছে। (*) সুতরাং ভারতীয় নারীর নীতি এবং কয়েদির নীতি—এ দুই এক।

ইউরোপের মেয়েদের অবস্থা এরকম নয় দেহে মনে এরা অনেকটা স্বাধীন; পর্দা, মনু-পরাশর, পরজন্ম এসব উৎপাত থেকে এ দেশের মেয়ে মুক্ত; তার প্রলোভনও প্রচুর। সুতরাং নারীর নীতি আছে কি না এ প্রশ্নের উত্তর দিতে পারে শুধু ইউরোপ। ইউরোপ বলতে আমি ইউরোপের সহধর্মী অন্যান্য দেশকেও ধরছি—যেমন আমেরিকা।

জার্মানি, রাশিয়া এবং আমেরিকায় sex-act শুধু একটা biological function ব'লে আজকাল গণ্য হচ্ছে; আহার নিদ্রা, নিশ্বাস-প্রশ্বাস এ সবের থেকে ওর কোনো যুক্তিসঙ্গত তফাৎ আছে, এ বিশ্বাস জার্মানি এবং রাশিয়ার মত, এবং আমেরিকায় মতপ্রায়। সোভিয়েট রাশিয়ার মেয়েরা আজকাল সতী হওয়ার বুর্জোয়া (bourgeois) মনোভাব ব'লে বিজ্ঞপ করছে। নব প্রকাশিত রাশিয়ান নাটক Res Rust এ এ কথার সব চেয়ে আধুনিক প্রমাণ পেলুম। জার্মান মেয়ের sex act সম্বন্ধে যে মনোভাবের আমি উল্লেখ করেছি

(*) চিরন্তন সত্য ব'লে জগতে কিছু নেই। কাল বা সত্য ছিল আজ তা মিথ্যা হ'য়ে যেতে পারে। সুতরাং যে ক্ষেত্রে পত্নীর মৃত্যুর সঙ্গে সঙ্গে পত্নীর প্রতি ভালবাসার মৃত্যু হয়, সে ক্ষেত্রে উক্ত ভালবাসার স্তূতকে নিয়ে বাস করার প্রশংসা পাবার মতো আমি কিছু দেখি না।

—লেখক

তার একটা প্রমাণ জার্মান film—"Sex in fetters"। আমেরিকান মেয়ে সম্বন্ধে Judge Lindsayর "Revolt of Youth" দ্রষ্টব্য।

ফরাসি মেয়ে এ বিষয়ে ঢের ভাল। ফরাসির এক মহা গুণ এই যে, তার মধ্যে পাশবিক instinct বোধ করি একেবারেই নেই। অথচ ফরাসির মতো এমন সংস্কার ও সমাজ হতে সম্পূর্ণ মুক্ত জাতি ইউরোপে দ্বিতীয় নেই। পৃথিবীতে একমাত্র ফরাসি মেয়েই বিম্বপান ক'রে নীলকণ্ঠ হ'তে পেরেছে। ফরাসি মেয়েকে আমি বিখমানবীর টাইপ ব'লে ধরতে পারি না, তার কারণ এরা বিশ্বের বাইরে। ভারতীয় মেয়ের মতো এরা দেহ সম্বন্ধে গুচিবাইগ্রস্ত নয়,—চুখন, আলিঙ্গন এগুলো ফ্রান্সে নমস্কারের চেয়ে সামান্য একটু বেশী। ৩১এ ডিসেম্বরে ফ্রান্সে যে কোন পুরুষ ধরে বাইরে সর্বত্র যে কোনো অজানা মেয়েকে চুখন করতে পারে, এবং যে কোনো মেয়ে যে কোনো পুরুষকে চুখন করতে পারে। এর মধ্যে বাস ক'রেও ফরাসি মেয়ে এখনো নিজেকে হারায়নি; কোন্ মস্তবলে ওরা নিজেকে বাঁচিয়ে রাখতে পেরেছে সে আমি জানি না।

প্রথম দৃষ্টিতে ইংরেজ মেয়েকে দেখে নীতিশীল মনে হতে পারে। কিন্তু আসলে এদের নীতি নেতিমূলক (negative morality)। সমাজের নিষেধ এরা প্রাণপণে মেনে চলে, আর এমন নিষেধ আছেও বিস্তর। ইংরেজের মতো সাবধানী এবং গুচিবাইগ্রস্ত জাতি বোধহয় শুধু ভারতে ছাড়া অন্ত্র নেই। এদের প্রতি কথায় prudery অর্থাৎ সত্যগোপনের চেষ্টা; সুতরাং এদেশের মেয়েরাও কতকটা কয়েদির মতো—সংস্কারের না হোক সমাজের। তাই এরা জার্মান বা করে তার সবই করে, কিন্তু গোপনে। সমাজের পাহারা বন্ধ হয়েছিল কয়েক বছরের জন্তু—গত যুদ্ধের সময়ে। যে বিষ ভিতরে ভিতরে কাজ করছিল সে বিষ সুযোগ পেয়ে সহসা সমস্ত দেশটার গায়ে ছড়িয়ে পড়ল। সে সময়ে ইংলণ্ডের অবস্থা কত অসুন্দর এবং কত বিকৃত (perverse) হয়ে পড়েছিল—তার পরিচয় পেলুম একজন ইংরেজ মহিলার মুখে, যার দেখবার সুযোগ ছিল বিস্তর।



সুইডেনের মেয়েদের সম্বন্ধে Keyserling এর মত উদ্ধৃত
করলুম। (পরিশিষ্ট খ)

বিচার জগতে চলতে পারে শুধু ইউরোপে; স্তুরাং
নিঃসংশয়ে বলতে পারি বিশ্বমানবীর নীতি নেই। (*)

নীতি বস্তুটা আসলে ইউরোপে সেকলে ব'লে গণ্য
হ'তে শুরু হয়েছে। এতদিন মেয়েরা জানত নীতিশীল
হওয়াটাই fashion; এখন জানছে নীতি না থাকাই
fashion। স্তুরাং ও বস্তু এখন এদের কাছে জীর্ণ বস্ত্রের
মতো পরিত্যক্ত। (পরিশিষ্ট গ)

নারীর সৌন্দর্যাদৃষ্টি কতদূর তা দেখা যাক।

ইউরোপে মেয়েদের কাছে লক্ষ্যের চেয়ে উপলক্ষ্য বড়
হ'য়ে উঠেছে—দেহের চেয়ে দেহসজ্জা। নতুন ফ্যাশনের
skirts পরতে পাওয়া এদের কাছে জীবনের এক মহা
আনন্দ। যাদের কেনবার সামর্থ্য নেই তাদের অনেকে
একবার ক'রে রিজেন্ট স্ট্রিটের দোকানগুলো ঘুরে আসে;
পাওয়ার ভূষণ দেখে মিটোয়। কত বার কত মেয়েকে
কাচের আড়ালে মাজানো ঝকঝকে পোষাকগুলোর দিকে
নীরবে, করুণ নয়নে চেয়ে থাকতে দেখেছি। মজার কথা
এই যে, এ সব পোষাকের ফ্যাশন নির্দেশ করে নারী নয়—
পুরুষ; রু ডুলা পের (প্যারিসের একটা রাস্তার নাম)
জনকয়েক পুরুষ ড্রেসমেকার। ইউরোপ আমেরিকার সব
মেয়ে এদের ইঙ্গিত অনুসারে নিজেদের সাজায়। নারী শুধু
অনুকরণ করতে পারে—নতুন কিছু একটা সৃষ্টি (এমন কি
ফ্যাশানও) করবার মত ক্ষমতা তার নেই।

ইংলণ্ডে আজকাল sex novel লেখা ফ্যাশন হয়েছে।
স্তুরাং মেয়েরা যে ও জাতীয় নভেল চূড়ান্তভাবে লিখবে—তা
বলাই বাহুল্য। গত চার পাঁচ মাসের মধ্যে ইংলণ্ডে যে তিন-
খানা উপন্যাস গবর্ণমেন্টের হাতে অশ্লীলতা দোষে বাজেয়াপ্ত
হয়েছে, সে তিনখানাই মেয়েদের লেখা। কোন বই
বাজেয়াপ্ত করা আমি উচিত মনে করি না, কিন্তু এ বই-
গুলোর অশ্লীলতার মধ্যে একই সত্য প্রকাশ। Sir Joynson
Hicks শেষের বইখানা বাজেয়াপ্ত করবার সময়ে বলেন,
মেয়েরা যখন sex নিয়ে নভেল লিখতে বসে তখন কাজটা
বড় ভয়প্রদ হয়, কারণ তারা যে কোথায় গিয়ে থামবে বলা
যায় না। কথাটা সত্য।

এই যে ঝাঁকে ঝাঁকে মেয়ে আজকাল মাথার চুল কেটে
বব্ কিম্বা শিঙল্ করছে, এরও মূলে আছে প্যারিসের এক-
জন পুরুষ। চুলকাটার নতুন কায়দাগুলো তারই আবিষ্কার।
ইউরোপের মেয়েমহলে ডিক্টেটরের মতো তার সম্মান। শুধু
তাই নয়।—মেয়েরা সচরাচর সেই সব coiffure পছন্দ করে
যেখানে চুল কাটে পুরুষ! লগুনে এসে ভারতীয় মেয়েদেরও
অনেকে বব্ করছেন দেখছি।

সেদিন ডিনার-টেবিলে এক ফরাসি মহিলা তাঁর স্বামীর
সমক্ষেই ব'লে বসলেন, “আমার স্বামী যদি impotent
হতেন, আমি অথ কোনো পুরুষের কাছে সন্তান-ভিক্ষা
করতুম।” সন্তান-আকাঙ্ক্ষার পিছনে আছে অধিকারের
দাবী, এবং মাতৃস্বের আনন্দলাভের লোভ। স্তুরাং উক্ত
মহিলার কাছে নীতির চেয়ে মাতৃস্বের অধিকার বড়। ইনি
ফরাসি হ'লেও বোধ করি বছদিন লগুনে বাস করার ফলে
এমন একটা typical ইউরোপীয় মনোভাব লাভ করতে
পেরেছেন।

পূর্বোক্ত দুটি দৃষ্টান্ত থেকে বলতে পারি, নারীর নিজস্ব
কোনো সৌন্দর্যাদৃষ্টি নেই। পুরুষ যা চায়, নারী করে তাই।
নিজেকে সে বিচিত্র ক'রে সাজায়, কিন্তু সে বৈচিত্র্যও ধারণা
করা। পুরুষ করে নির্দেশ, নারী করে অনুকরণ। পুরুষ
শেখায়, নারী শেখে।

এ সব কথাই প্রমাণ করেছে ইউরোপীয় মেয়ের নীতি
নেই। পূর্বেই দেখিয়েছি নারীর নীতি আছে কি না এর

(*) ‘Love institution’ ব'লে ইংরেজিতে কোনো কথা নেই।
আমি লিখেছিলাম ‘love initiation’—ছাপায় ভুলে বিচিত্রায় বেরোয়
institution। —লেখক

ভট্টাচার্য্য

ডাক্তারি মোক্তারি দোকানদারি এগুলো যেমন পুরুষের কাছে এক একটা পেশা (career), বিবাহ তেজি নারীর কাছে একটা পেশা ; ভারতবর্ষে, ইউরোপে—সর্বত্র । এদেশে 'art of husband-hunting' সম্বন্ধে লেখা বেরোয় । আজকের Sunday Expressএ দেখলুম, একটি মেয়ে Home Pageএর সম্পাদিকাকে লিখছে, "রোজ দিন কাটে বাবার বাবসায়-কর্মে সহায়তা ক'রে । শুক্রবারে তাঁর আর মায়ের সঙ্গে থিয়েটারে যেতে পাই,—শনিবারে সিনেমায় । রবিবারে আমরা সবাই মোটরে বেড়িয়ে আসি । তারপর আবার সোমবার—আবার কাজ । দিন যায়, দিন আসে । সপ্তাহ যায়, সপ্তাহ আসে । কেউ আমার কাছে আসে না ; স্বপ্নই মার । There must be something the matter with me. I can see other girls having such good times with their men friends. Perhaps I lack some subtle qualities that attract, but I'm willing to learn if you can tell me what sort of girls men do like." (১)

এত যে coquetry, তার মূলই এইখানে । মেয়েদের ইভনিং ড্রেস নিজেদের দেহ দেখাবার উপায় ছাড়া আর কিছু নয় । যাদের রূপ নেই তারা আরো daring স্কার্টস পরে । ট্রেনে বাসে রেস্টোরাঁয় যখন তখন মেয়েরা সবার সামনে আয়না মুখ দেখতে দেখতে ঠোঁটে lipstick ঘসে, মুখে

(১) ইউরোপে chivalry আছে এ ধারণা ভুল । এক সময়ে ছিল—মধ্যযুগে । বহুদিন হ'ল ইউরোপ ওর থেকে মুক্ত হয়েছে । কোনো একটা আইডিয়া ইউরোপে বাসি হ'য়ে গেলে তবে সেটা ভারতবর্ষে পৌঁছয় । ভারতবর্ষে পাশাপাশি দুটো যুগ বাস করছে, এ-যুগ এবং মধ্যযুগ । সুতরাং ইউরোপের পরিত্যক্ত chivalry ভারতবর্ষে এখন একটা নূতন জিনিষ ।

তা ছাড়া chivalryর জন্ম হয়েছিল নারীর প্রতি শ্রদ্ধা থেকে নয় । মেকালের knights-errantদের মধ্যে ego তারি প্রবল ছিল ; chivalry ছিল উক্ত egoর খাত্ত জুগোবার একটা উপায় ।

এ দেশে কোনো পুরুষ ট্রেনে বা বাসে মেয়েদের জন্ত জায়গা ছেড়ে দেয় না । মেয়েরা দাঁড়িয়ে থাকে—পুরুষদের সেদিকে জ্রক্ষেপ নেই । তার কারণ পুরুষ নারীকে আগের চেয়ে শ্রদ্ধা করছে—weaker sex কথাটা উঠে যাচ্ছে ।

—লেখক

পাউডার মাখে । বিশেষ ক'রে কোনো পুরুষ যদি বারকয়েক তার দিকে চেয়ে দেখে তাহলে তার প্রমাধনের আগ্রহ দ্বিগুণ বেড়ে যায় । ইউরোপীয় মেয়ে দিনে দুশোবার পাউডার মাখে বললে অতুক্তি হয় না । সাদা কথায় এর নাম coquetry । এর জন্ত নিজেদের বঞ্চিতও কি এরা কম করে ! এ দেশের মেয়েরা অনেকে সন্তানকে স্তন্যদান করে না দেহ গঠন খারাপ হ'য়ে যাবার ভয়ে ।

সাহিত্যে এ পর্যন্ত নারী বড় কিছু দিতে পারেনি—তার কারণ নারী সুপ্রসারিত দৃষ্টিতে কিছু দেখতে শেখেনি । (২) ইংরেজী সাহিত্যে নারীর কোনো স্থানই নেই । জর্জ ইলিয়টের কিছু শক্তি ছিল ; আমি তাঁকে তৃতীয় শ্রেণীর ঔপন্যাসিক বলি । সাল'২ ব্র'তের স্থান সাহিত্যে নয়—সাহিত্যের ইতিহাসে । মারি করেলিকেও আমাদের দেশে ঔপন্যাসিক বলা হ'য়ে থাকে ! তার কারণ বোধ করি ভারতীয়ের ইংরেজির সঙ্গে মারি করেলির ইংরাজি বেশ মেলে । মারি করেলি ইংরেজি লিখতেই শেখেননি—সৃষ্টি করবেন কোথা থেকে ! ইংলণ্ডের বঁরা আধুনিক লেখিকা, যেমন এথেল ম্যানিন্, মার্জেরি লরেন্স্, উরসুলা ব্লুম্—এঁদের ভাবের দারিদ্র্য দেখলে হুঃখ হয় । সেদিন এক আইরিশ্ ঔপন্যাসিকের মুখে শুনলুম, "The modern women writers have no greater rights to call themselves novelists than a street-sweeper has." কথাটা মানি । ভার্জিনিয়া উল্ফ এবং র্যাডক্লিফ হলকে বাদ দিয়ে—এরা তৃতীয় শ্রেণীর ।

কটিনেণ্টের জনকয়েক লেখিকার শক্তি আছে, যেমন—সেলমা লেগারলফ বা সিগ্ ফ্রিড্ উগ্গ্ সে । কিন্তু সেক্সপীয়রের পাশে এঁদের দাঁড় করানো হাঃখকর হবে । সমস্ত ইউরোপীয় সাহিত্যে আমি একজনও লেখিকা খুঁজে পাইনি যাকে খাঁটি শিল্পী ব'লে সর্বাস্তঃকরণে শ্রদ্ধা করতে পারি ।

(২) অজ্ঞ কোনো ক্ষেত্রেও নারীর শক্তির পরিচয় পাওয়া যায় না । রিজিয়া রাণী ছিলেন, কিন্তু রাজত্ব করা তাঁর ভাগ্যে ঘটেনি । এলিজাবেথের প্রতিভা ছিল না ; তাঁর সাকল্যের কারণ তাঁর স্বাদেশিকতা, double-dealing, ("greatest liar in Christendom" ব'লে এলিজাবেথের নাম ছিল) এবং Burghleyর সহায়তালাভ । ভিক্টোরিয়া ছিলেন সাধারণ মেয়ে ; আমাদের দেশের যে কোনো রমলা বিমলা কমলার মতো ।

—লেখক



নারী শিল্পী হতে পারেনি তার জন্ত দোষ তার নয়—তার স্বভাবের। বারোলজি বলে, নারী monogamic এবং পুরুষ polygamic। নারী এককে নিয়েই তৃপ্ত, পুরুষ একাধিক পেয়েও অতৃপ্ত। শেখোক্ত অতৃপ্তির মধ্যে আছে সৃষ্টি-শক্তির বীজ। আর ঠিক এই কারণেই, (ছোটখাট কাজের কথা বলছি না— খুব একটা বড় কাজে) নারী পুরুষকে প্রেরণা দিতে পারে না। নারী সাধারণ পুরুষের গৃহিণী হ'তে পারে, সঙ্গিনী হ'তে পারে, সব কিছু হতে পারে—কিন্তু প্রতিভাবান্ পুরুষের নারীর কাছে বিশেষ কিছু আশা করবার নেই। (*) মনের দিক থেকে নারী অত্যন্ত সঙ্কীর্ণ এবং নিজস্ব-ভাবে (sense of possession) ভরা,—তা সে স্বামীর প্রতিই হোক বা পুত্রকন্টার প্রতিই হোক। নারী একটি মানুষ বা একটি আইডিয়া নিয়ে আজন্ম কাটিয়ে দিতে পারে। অপর পক্ষে পুরুষ স্থিতিশীল নয়—সে চলেইছে, মিথ্যা হতে সত্য, সত্য হতে সত্যান্তরে। তার যাত্রার শেষ নেই, তার প্রতিভা জগৎগ্রাসী। এ যাত্রাপথে নারী তার সহায় হতে পারে না—পুরুষের মনের এই বিশেষ ধরণটি নারীর কাছে অবোধ্য। দুটি মনের বিবাহবন্ধনের এইখানে শেষ, আর পুরুষের নিদারুণ নিঃসঙ্গতার সূত্র। এই ভয়ঙ্কর নিঃসঙ্গতার মধ্যে পুরুষ নিজকে নিজে বারম্বার প্রশ্ন করে, কস্মৈ দেবায় হবিষা বিধেম ? তার পূজার হবি দিতে চায় সে নারীকে। কিন্তু দেবার উপযুক্ত নারী কোথায় ? নারীকে পাশে না পেয়ে সে মানসী নারীর সৃষ্টি করতে থাকে, যার সঙ্গে পূর্বোক্তের আপাদমস্তক তফাত। এম্মি সৃষ্টি করেছিলেন দাস্তে ; দাস্তের মানসী বিয়ত্রিচে এবং

(*) বিশেষত শিল্পীর পক্ষে এই জন্ত বিবাহিত জীবনে সুখের আশা না করাই ভাল। সে স্ত্রী পেতে পারে—এমন স্ত্রী যার প্রেম আছে, সহায়ুভূতি আছে, ধীশক্তি আছে। কিন্তু সাধী পাবার আশা করলে তাকে ঠকতে হবে। তবে মজা এই, পায়ে পায়ে সত্যের সঙ্গে compromise করে মানুষ পথ চলেছে ; তা না করলে না-পাওয়ার দুঃখ অসহ্য হ'রে ওঠে। হুতরাং শিল্পী, হয় সাধীর আকাঙ্ক্ষা ভুলতে চেষ্টা করে, নয়তো realএর কাঠামোর আইডিয়াল সৃষ্টি করে নিয়ে নিজেকেই ভুলোর।

তার শৈশবসঙ্গিনী মানসী বিয়ত্রিচে সম্পূর্ণ আলাদা মানুষ।

লণ্ডন—১১ই মার্চ

পরিশিষ্ট

ক “The working objection to the Suffragette philosophy is simply that over-mastering millions of women do not agree with it”.....
WHAT'S WRONG WITH THE WORLD,
P. 116.

“Many voteless women regard a vote as unwomanly. Nobody says that any voteless men regarded it as unmanly”. Ibid. P. 288.

খ (In Sweden) “It is no uncommon thing for a girl to say over the telephone to a young man whom she has seen only once, ‘I long for you’—meaning just about everything that one can mean ; and if she happens to be out picknicking with some acquaintance—not necessarily a very intimate one—the same thing is considered part of the dessert.”

EUROPE (Keyserling) P. 262.

গ “Except as a mother the woman, by her nature, has no instinct for morality, but only for rules of conduct. It was a practice in Babylon, on certain holidays, for the noblest damsels in the land to give themselves as a matter of course to strange men. Of course only on those occasions otherwise they would have considered it an abomination.....Shame ‘as such’ is unknown to women for her the decisive factor is the rule of conduct.”

Ibid. P. 70.

আধুনিক আফগান

জরীন কলম

ও

শিরীন কলম

বহু বৎসরের ঘুমন্ত মুসলিম জগতে আবার জাগরণের
মাড়া প'ড়ে গিয়েছে। নিদ্রাচ্ছন্ন জাতি আবার জগতের
সঙ্গে তাদের কর্মবীণার সুর সংযোগ ক'রে দিয়েছে।

তুর্কী এই নব জাগরণের অগ্রদূত, মুক্তি-যোদ্ধা। তারপর
মিশর, রিফ, পারশ্ব এই মুক্তি-আহবে যোগ দিয়েছে।

সকল দেশের চেয়ে বেশী রক্ষণশীল ও অশিক্ষিত আফগান
জাতির কাছেও এই মুক্তি-

বাণী বার্থ হ'য়ে যায়

নাই। অসাধারণ প্রতিভা-

শালী দূরদর্শী আমা-

নুল্লাহ এই কুস্তকর্ণ জাতির

ঘুম ভাঙাতে চেষ্টার ক্রটি

করেন নাই। আমানুল্লাহ

ও কামালপাশা উভয়

মনীষীই জাতির আঁতে ঘা

দিয়ে সংস্কার প্রবর্তন

প্রচেষ্টা করেছেন।

প্রাচ্যের মন এত মোহ-

গ্রস্ত ও অবসাদগ্রস্ত হ'য়ে

রয়েছে যে তার মর্মান্বলে

আঘাত না হান্লে, সেই

পচা ভিৎ উৎসাত ক'রে

না ফেল্লে, সত্যিকার

ভাবে নূতন গঠন সম্ভবপর নয়। কামালপাশার সঙ্গে যেমন

একদল উৎসাহী ও অক্লান্তকর্মী যুবক তাঁর ত্রুতে দীক্ষা

গ্রহণ করেছিল, আমানুল্লাহর ছুর্ভাগা, তাঁর তেমন কোন

সদীদল জুটে নাই। তবুও তিনি একলা চলার গান গেয়ে

পথে যাত্রা শুরু করেছিলেন। তাঁর প্রভাবে বহু যুগযুগান্ত-
সঞ্চিত শ্রানি ও কুসংস্কার ক্রতগতিতে বরা পাতার মত ঝ'রে
পড়ছিল।

বিধাতা বোধ হয় আমানুল্লাহর এই অসমসাহসিকতা
দেখে হাসছিলেন। হঠাৎ সেদিন রয়টারের মারফতে আমা-

নুল্লাহর সিংহাসন ত্যাগসংবাদ সমগ্র জগৎকে চমকিত ও



যুদ্ধ-রত আফগান জাতি

বিস্মিত ক'রে দিয়েছিল অতর্কিত ও অপ্রত্যাশিত এই

সংবাদে সমগ্র মুসলিম জগত বজ্রাহতের ছায় স্তম্ভিত হ'য়ে

পড়েছিল। কি ক'রে যে এই অসম্ভব সম্ভবে পরিণত

হয়েছিল তা এখনও সকলের করুনা-করুনার বিধবাহিত

হ'য়ে রয়েছে। সংবাদপত্রে এবং লোকমুখে যেটুকু খবর পাওয়া যাচ্ছে, সত্য নির্ণয়ের পক্ষে তা যথেষ্ট নয়। তথাপি কেন যে এই অঘটনটি সংঘটিত হ'ল তার কারণ যতদূর সম্ভব খুঁজে দেখা যাক।

এইখানে একটা কথা ব'লে রাখা ভাল যে আমানুল্লাহ্, যে ভাবে হঠাৎ প্রজাবিদ্রোহে বিপন্ন হয়েছিলেন, ইসলামের আদিযুগে ইসলামের সম্মানিত খলিফাদের ভাগেও এই



আমানুল্লাহ্ ও সুরাইয়া

নির্ধ্যাতন ঘটেছিল। যারা ইসলামের ইতিহাস জানেন তাঁরা অবগত আছেন যে, হজরত ওসমান ঠিক এমনি এক ভয়ঙ্কর প্রজাবিদ্রোহের সম্মুখীন হ'য়ে মারা যান। হজরত ওসমান ছিলেন হজরত মুহম্মদের অগ্রতম প্রিয়তম পার্শ্বদ, অথচ তাঁর এই ছুর্ভাগ্য ও লাঞ্ছনা। হজরত ওসমানের ছাত্র আমানুল্লাহ্ আজরাইলের মৃত্যুশীতল স্পর্শ পান নাই এই যথেষ্ট। শুধু হজরত ওসমান

নন্, হজরত আলীকেও এই ভাবে নাকাল করেছিল প্রজাবিদ্রোহীদল। সুতরাং ইসলামের ইতিহাস সাক্ষ্য দিচ্ছে যে এটা নতুন কিছু নয়। কিন্তু জিজ্ঞাসা হচ্ছে, হজরত আলী বা হজরত ওসমানের বিরুদ্ধে উত্থানের যেসকল মূলভূত কারণ, তার সঙ্গে আমানুল্লাহ্‌র বিরুদ্ধে উত্তেজিত দলের কোন সামঞ্জস্য আছে কি? এ প্রশ্নের উত্তরে ইসলামিক ইতিহাসের অতি আনাড়ীও উত্তর দিবে যে, আমানুল্লাহ্‌র সঙ্গে ওর কোনই সোসাদৃশ্য নেই।

ইসলাম ধর্মের ইতিহাস খুঁজলে দেখতে পাওয়া যাবে গোঁড়া দল চিরদিনই গোঁড়া, তাঁদের পরিবর্তন কোন দিনই হয় নাই, অথচ ইসলামের চিন্তাপ্রণালীতে অসম্ভব রকম প্রশস্ততা ও উদারতা দেখা দিয়েছে। সূফীমতবাদ, মোতাজেলা মতবাদ, ইসমাইলি মতবাদ, এ সকলের উপযুক্ত সাক্ষ্য। ইসলামকে নতুন ক'রে রূপ দেবার চেষ্টা চিরদিন থেকে চ'লে আসছে। আমরা যদি অলোকসামাগ্র পণ্ডিত ও সূফীসাধক আল-গাজ্জালীর দার্শনিক ব্যাখ্যা ও মতবাদ আলোচনা করি তা হ'লে দেখতে পাব ইসলামকে তিনি নতুন ক'রে গ'ড়ে তুলেছেন। অথচ এই পণ্ডিত গাজ্জালীর বইগুলো কর্ডোভায় আগুন দিয়ে পুড়িয়ে দেওয়া হয়েছিল; শুধু তাই নয়, তিনি কাকের আখ্যায় ভূষিত হয়েছিলেন। সাধারণ লোকের কাছেও তাঁকে যথেষ্ট নিগ্রহ ভোগ করতে হয়েছিল।

সুতরাং দেখা যাচ্ছে যে, যারাই ইসলামের মঙ্গল সাধনে চেষ্টা করেছেন, নতুন ভাবে চিন্তা করেছেন তাঁরাই যথেষ্ট অপমান সহ্য করেছেন। আমানুল্লাহ্‌, কামালপাশা প্রভৃতি পুরাতন ইসলামকে নতুন দিনের আলোতে দেখতে চেষ্টা পেয়েছেন, যেখানে তার দৈহ্য, তার গ্লানি, তার কদর্যতা ধরা পড়েছে তাঁরা তা প্রাণ-পণ চেষ্টা ক'রে ধুয়ে মুছে ফেলতে চেয়েছেন। বহুদিনকার জীর্ণ ও প্লথ আচারগুলিকে তাঁরা দূরে ছুঁড়ে ফেলতে চেয়েছেন। মাহমুদের মন চিরদিন পুরাতনকে আঁকড়ে ধ'রে রাখতে চায়, গলিত সংস্কার-গুলিকে রুগী মত বেমালুম হজম করতে চায়, মমতায় সেগুলিকে বুকের কাছে তুলে ধরে। যে যা বলুক, তাতে মন না দিয়ে সেগুলোকে নিষ্ঠুরভাবে আঘাত করবার দুঃসাহস যারা

রাখেন তাঁরা দুঃখ ভোগ করবেন তাতে আশ্চর্য্য কিছুই নেই।

আমাতুল্লাহ যে সিংহাসন ত্যাগ করেছেন তাতে প্রথম খুব আশ্চর্য্য লাগলেও গভীরভাবে চিন্তা করলে দেখা যাবে যে এটা বিচিত্র নয়। বিদ্রোহী প্রজার দল যে সকল সর্ভ দিয়েছে তাতে বেশ বুঝা যায় আমাতুল্লাহ্ কোন পথের যাত্রী এবং কোনখানে প্রজাদের কুসংস্কারে আঘাত লেগেছে। নীচে



সর্দার আলি আহমদ জান

সর্ভগুলো তুলে দিচ্ছি, তা হ'লে বোঝবার পক্ষে সুবিধে হ'বে।

(১) রাজা ৫০ জন সভ্যকে লইয়া একটি পরিষদ গঠন করবেন। এই পরিষদের অধিকাংশ সভাই মোল্লাশ্রেণীর মধ্য হ'তে গ্রহণ করতে হবে এবং বাকি সদস্যগণও আফগানীস্তানের বিশিষ্ট ব্যক্তিদিগের মধ্য হতে হবে। পরিষদ সামরিক, রাষ্ট্রিক এবং ধর্ম প্রভৃতি সর্ববিষয়ে পূর্ণ কর্তৃত্ব খাটাবেন।

(২) রাজা যে নিজে একজন খাঁটি মুসলমান তা' তাঁকে প্রমাণ করতে হবে। অর্থাৎ মুসলমান ধর্মের বিধান অমুযায়ী সমস্ত প্রকার রীতি-নীতি তাঁকে মেনে চলতে হবে।

(৩) ফৌজদারী এবং দেওয়ানী সমস্ত প্রকার মামলা-তেই বিবদমান দল স্ব স্ব পক্ষে উকীল মোক্তার নিযুক্ত করতে পারবেন। (পূর্ব নিয়ম ছিল, কোন সাক্ষী বা প্রতিনিধি কোন মামলার খাড়া করান চলবে না। একজন জজ বিচার করতেন এবং তাঁর সঙ্গে কোন জুরি থাকত না।)

(৪) যে ৫০টি বালিকাকে চিকিৎসা বিদ্যা শেখাবার জন্ত তুরস্কে প্রেরণ করা হয়েছে, তাদের ফিরিয়ে আনতে হবে।

(৫) বর্তমান বাদশাহ্ ভারতের দেওবন্দ্ মাদ্রাসার মোল্লাদের আফগানিস্তান-প্রবেশ নিষিদ্ধ করেছিলেন। এই নিষেধাজ্ঞা তুলে দিতে হবে।

(৬) যে সমস্ত গবর্নমেন্ট অফিসার ঘুষ লবে এবং যারা তাদের ঘুষ দেবে তাদের সকলকেই অতি কড়াকড়ি ভাবে শাস্তি দেওয়া হবে।

(৭) রমণীগণ ঘরের বাহিরে এলে অবগুষ্ঠন পরতে হবে এবং কড়াকড়ি ভাবে পর্দা রাখতে হবে।

(৮) মোল্লা ও মোলবীকে কোনও সুপ্রতিষ্ঠিত মর্যাদাশালী প্রতিষ্ঠানের নিকট হতে সার্টিফিকেট ও ডিপ্লোমা গ্রহণ করতে হবে না।

(৯) বাধাতামূলক সামরিক শিক্ষার আইন পরিত্যক্ত হবে।

(১০) যে কোন আফগান প্রজা মদ্য পান করবে তাকেই অতি গুরুতররূপে শাস্তি দেওয়া হবে।

(১১) মোল্লারা যে কোন ব্যক্তিকে রাস্তায় ধামিয়ে তাকে মোস্লেম আইন বিষয়ে জিজ্ঞাসা করবার অধিকার পুনরায় পাবেন। ইসলামীয় বিধান সম্পর্কে যার অজ্ঞতা প্রকাশ পাবে, তাকেই কঠোর শাস্তি দেওয়া যাবে।

(১২) শুক্রবারই পুরাতন রীতি অনুসারে ছুটির দিন ছিল, এই নীতি পুনরায় চালাতে হবে।

(১৩) স্ত্রীলোকদিগকে বোরকা পরতে হবে। রাণী



সুস্বাস্থ্য এবং অন্ত কোন রমণীই কোন প্রকার ইউরোপীয় পরিচ্ছদ পরতে পারবেন না।

(১৪) বাদশাহ্ আবার লোকদিগকে প্রত্যেক জেলার সম্মানিত ফকির প্রভৃতির নিকট যেতে অনুমতি দেবেন।



জেনারেল নাদির খান

লোকেরা এই সমস্ত সাধু ব্যক্তির পদচূষন করতে এবং তাঁদের পদসমক্ষে ভুলুষ্ঠিত হতে পারবে। এই সব সাধুব্যক্তি যে সমস্ত উপদেশ দেবেন তাই দেশের আইনের মত পালিত হবে এবং গবর্নমেন্ট কিছা অন্ত কেহই তাতে কোন প্রকার বাধা দিতে পারবে না।

(১৫) বালকেরা স্কুলে পড়বার সময়ও বিবাহ করতে পারবে।

(১৬) জামিন প্রভৃতি না রেখেও লোকে টাকা ধার নিতে বা ধার দিতে পারবে এবং এই পুরাতন বিশৃঙ্খল নীতিই বজায় রাখতে হবে।

(১৭) বালিকাদের স্কুল সমূহ অবিলম্বে বন্ধ করে দিতে হবে।

(১৮) যে কোন ব্যক্তি মুসলিম আইনসম্মত যে কোন পোষাক পরতে পারবে।”

এই সর্ব্বের কতকগুলি এমন ছেলেমি ও মোল্লাকী যে, বর্তমান যুগে সেগুলো আত্মহত্যার নামান্তর মাত্র। সতের নম্বরের প্রস্তাবটির কথা ধরা যাক। বালিকাদিগের ইস্কুল অবিলম্বে বন্ধ ক’রে দিতে হবে। আমানুল্লাহকে সিংহাসন থেকে তাড়ানোর যদি এই সব কারণ হয়, তা হ’লে বলতে হবে আফগান জাতি কত পিছু ও নীচুতে প’ড়ে আছে। আজ সমগ্র বিশ্বজগৎ জুড়ে মানব-জাতির জয়যাত্রার গান শুরু হয়েছে, এখনও যদি তাকে বিকল, স্থবির ক’রে রাখতে চায়, মধ্যযুগের সিন্দবাদের ঘাড়ের বুড়োর মত কুসংস্কার-গুলি পরম নির্বিকারচিত্তে ও ভয়ভাবনাহীন হ’য়ে চলে, তা হলে ও জাতির উন্নতির আশা সুদূরপর্যায়ত।



ইনামেতুল্লাহ্ খান

জগৎ চলছে ভবিষ্যতের দিকে। পিছনদিকে ফেরবার অবসর তার নেই। এখন যারা পিছন পানে টানতে চায় তারা বিশ্বদ্রোহী। সৃষ্টির আদিম প্রভাত হ’তে নব নব রূপে জগত গৌরবময় ভবিষ্যতের আদর্শের সন্ধানে বের হয়েছে। সুতরাং আমানুল্লাহ জগতের সঙ্গে

জরীন কলন ৩) শিরীন কলন

সমান তালে পা ফেলে চলবার জন্তু চেপ্টা করেছিলেন এবং সেই জন্তুই তাঁকে সিংহাসন ত্যাগ করতে হয়েছে। তথাপি বলতে হ'বে আমানুল্লাই সত্য সত্যই বীর। তিনি প্রকৃত যোদ্ধারই ঠায় কাজ করেছেন।

আমানুল্লাহ্ সিংহাসন ত্যাগ করার পরে ইনায়েতুল্লাকে রাজসিংহাসনে উপবিষ্ট করান। আমানুল্লাহ্ বোধ হয়



বাচ্চা-ই-সাকো।

কাণ্ডজ্ঞানহীন অর্কাটীন মোল্লাদের জুলুম হ'তে আফগানকে বাচানোর জন্তু, অযথা রক্তপাত হ'তে দেশকে বাচানোর জন্তু আপন ভ্রাতা সূফী-প্রকৃতির ইনায়েতুল্লাকে সিংহাসন প্রদান করেন। কিন্তু যে আশুনি একবার গুফ কাঠে লেগে

জ'লে ওঠে, সে আশুনি কাঁচা কাঠও পুড়িয়ে দেয়। এক্ষেত্রেও তার ব্যতিক্রম হ'লনা। ইনায়েতুল্লা সে মোল্লা-বিদ্রোহের আশুনি নিভাতে পারলেন না। তাঁকে পেয়েও তারা খুসী হ'লনা। মানুষের মধ্যে যে হিংস্রতা আছে, যে রক্তলোলুপতা সূপ্ত আছে তা একবার জেগে উঠলে আর সহজে মিটতে চায় না। বিদ্রোহী দল ধ্বংসের তাগুবে মেতে উঠল। তারা শত সহস্র নিরীহ মানুষের রক্তে আফগান প্লাবিত ক'রে দিল। তারা রক্তের হোরী খেলা আরম্ভ করল। তারা সাদাসিধে মানুষ ইনায়েতুল্লাকেও সিংহাসন থেকে তাড়ানোর জন্তু দৃঢ়বদ্ধ হ'ল।

এই বিদ্রোহী দলের সর্দার বাচ্চা-ই-সাকো শেষকালে আপনাকে রাজা ব'লে ঘোষণা করবার মতলবে মেতে উঠল। শক্তির একটা মন্ততা আছে। ভিশ্তীর ছেলে বাচ্চা-ই-সাকো এই শক্তির নেশায় বিভোর হ'য়ে গেল। তার ব্যক্তিগত দু'রা কাঙ্ক্ষার পরিপূরণের জন্তু বিদ্রোহী আশুনি বেশী ক'রে ছড়িয়ে দিল।

ইনায়েতুল্লা সিংহাসনে বসতে না বসতেই চারিদিক থেকে বিদ্রোহ আরো তুমুল বেগে ঝড়ের মত বইতে শুরু করল। বাচ্চা-ই-সাকোর সৈন্তদল জালালাবাদের মনোরম প্রাসাদ ভস্মীভূত ক'রে দিল। ইয়োরোপ হ'তে সংগৃহীত যে সকল চাকু শিল্পের নিদর্শন ছিল তা পুড়িয়ে দেওয়া হ'ল। বাচ্চা-ই-সাকো কান্দাহার দখল ক'রে ফেললে। বাচ্চা-ই-সাকো নিজেকে কাবুলের রাজা ব'লে ঘোষণা করল।

আমানুল্লাহ্ মনে করেছিলেন ইনায়েতুল্লাহ্ বাদশাহ্ হ'লে বোধ হয় বিদ্রোহ নিভে যাবে কিন্তু তাঁর সে আশা সফল হয় নি। প্রত্যুত আফগানে অশান্তি চারিদিক থেকে প্রধুমিত হ'য়ে উঠছিল। বাচ্চা-ই-সাকো সিংহাসন অধিকার করার সঙ্গে সঙ্গে আলী আহমদ জানও সিংহাসন দখল করবার চেপ্টা পেতে লাগলেন। আফগানিস্থান অরাজক হ'য়ে উঠল। এখনও এই অরাজকতা পূর্ণমাত্রায় চলছে। বিভিন্ন যুদ্ধমান শক্তি সিংহাসনের জন্তু উদগ্রীব হ'য়ে রয়েছে।

গৃহলক্ষ্মী

—গল্প—

—শ্রীবাসুদেব বন্দ্যোপাধ্যায়

শ্রীমারা যাইবার পর হইতে অমিয়র বাড়ীতে রোজ আড্ডা বসিত। বিশেষ কারণ না ঘটিলে আড্ডা বসা বন্ধ হইত না।

চা এবং জলযোগের পর সেই যে গল্প চলিত, রাত্রি দশটার আগে শেষ হইত না।

নিত্যকারের মত আজও মজলিস্ জমিয়া আসিতেছিল, এমন সময়ে গৃহকর্তার একটা অসতর্ক কথায় গল্পের ধারাটা সম্পূর্ণ পরিবর্তিত হইয়া গেল।

পাশেই একটা বাড়ী আছে, এতদিন খালি ছিল, আজ দিন দুই হইল ভাড়া আসিয়াছে। বারান্দায় লাল-পেড়ে একটা শাড়ি শুখাইতেছিল, সেটা আর তোলা হয় নাই। গ্যাসের আলোয় পাড়টা বেশ উজ্জ্বল দেখাইতেছিল। অমিয় সেই দিকে চাহিয়া এক সময়ে বলিয়া উঠিলেন, মেয়েমানুষ না থাকলে ঘরে লক্ষ্মী থাকে না। ঘরের মৌন্দর্য্যই হয় না।

সকলে একটু বিস্মিত হইয়া অমিয়র দিকে চাহিল। অমিয় পুনরায় কহিলেন, ওই যে বাড়ীটা এতদিন খালি পড়েছিল, তখনও যেমন মনে হ'ত, যখন একপাল কেরাণী এসে মেস খুললে, তখনও ঠিক তেমনিই মনে হ'ত। আজ একটা শাড়ি শুখতে দেখে মনে হচ্ছে, হ্যাঁ, এতদিনে ঘরটা ভরলো বটে!

একজন বলিল, তা তোমার ঘরটা এমন ক'রে খালি রেখেছো কেন, অমিয় দা'?

অমিয় একটু অপ্রস্তুত হইয়া বলিলেন, আমার ত' শেষকালে এসে ঠেকেছে, এখন আমার পক্ষে ভরা ঘরও যা, শূন্য ঘরও তাই।

লোকটি বলিল, সে কেমন ক'রে হয়, অমিয় দা' ? এই শেষকালেই ত' ভরা ঘরের দয়কার, নইলে কিসের ভরে চলবেন ?

অমিয় প্রসঙ্গটা চাপা দিবার জন্ত বলিলেন, আচ্ছা, আচ্ছা, থাক্—

কিন্তু এত বড় একটা কোঁতকের সন্ধান পাইয়া বন্ধুরা চুপ করিয়া থাকিতে রাজী হইলেন না। তাঁহারা নানারূপে এই কথাটাই বজায় রাখিলেন।

এজন্ত অমিয়র সেদিন লজ্জা ও কোভের শেষ রহিল না।

অবশেষে এই স্থির হইল, অমিয়'র যখন ভোগ করিবার মত সম্পত্তি আছে, অথচ ভাগীদার কেহ নাই, এবং যখন তাঁহার বয়স একেবারে উত্তীর্ণ হইয়া যায় নাই, অথচ বাংলা দেশে পর্যাপ্ত পরিমাণে মেয়ে আছে, তখন শুভশ্রী শীঘ্রম্— পাত্রী দেখিতে যেন কোনরূপ বিলম্ব বা ক্রটি না হয়।

সেদিনকার সভায় ইহাই স্থির হইয়া সভা-ভঙ্গ হইল, এবং যাইবার সময়ে সকলে বলিয়া গেলেন, তাঁহারা যথাসাধ্য চেষ্টা করিবেন। অমিয় অতিশয় লজ্জিত হইয়া বন্ধুদের তিরস্কার করিতে লাগিলেন।

হরিঠাকুর আজকের আলোচনায় বড় একটা যোগ দেন নাই। যাইবার সময় অমিয়কে বলিলেন, ভায়া ও-কাজটি ক'রো না। একেবারে মরবে।

অমিয় তাড়াতাড়ি তাঁহার হাতটা চাপিয়া ধরিয়া বলিলেন, তুমিও কি পাগল হ'লে নাকি, দাদা ?

হরিঠাকুর মাথা নাড়িয়া বলিলেন, ও সব কথা কোন কাজের নয়, ভাই! শেষ পর্যন্ত হয়-ত' পাগল হবে তুমিই। একটু বুঝে কাজ ক'রো।— একটু খামিয়া বলিলেন, বেশ আছো, কেন ঝাট বাড়াবে? আমার হালটা দেখছো ত' ? এখন শূন্য ঘরে হাওয়াটা পাচ্ছে, তখন ভরা-ঘরে নিখাস পর্যন্ত বন্ধ হ'য়ে আসবে। এ একেবারে খাঁটি কথা, ভাই।

শ্রীবাসুদেব বন্দ্যোপাধ্যায়

অমিয় কি যে বলিবে ভাবিয়া পাইল না। শেষ পর্যন্ত অাম্তা-তামতা করিয়া কিছুই বলিতে পারিল না,— তাড়াতাড়ি ভিতরে চলিয়া গেল।

ইহার পরের কয়দিনের মজ্জলিসে এইটাই আলোচনার বিষয় হইয়া রহিল। কে কতদূর অগ্রসর হইল, কোন পাত্রীটি দেখিতে কেমন, কাহার ভাই-ঝি এখনও অনুভূত রহিয়াছে,—সমস্তক্ষণ ধরিয়া ইহারই হিসাব-নিকাশ চলিত। ধূমধাম কিরূপ হইবে, খাওয়ার আয়োজনই বা কেমন হইবে, এ সকল কোন ব্যাপারটাই বাদ পড়িত না। অমিয় কোনমতে ইহাদের চূপ করাইতে না পারিয়া অবশেষে ভয় দেখাইলেন এ সকল কথা হইলে তিনি বৈঠক বন্ধ করিয়া দিবেন। কিন্তু কথাও বন্ধ হইল না, বৈঠকও চলিতে লাগিল। অগত্যা অমিয়কে নীরব হইয়া থাকিতে হইত।

একদিন বন্ধুরা আসিয়া শুনিলেন, অমিয় কোথায় গিয়াছেন, আসিতে চার-পাঁচ দিন দেবী হইবে। বুঝিতে কাহারও বাকী রহিল না। বন্ধুরা বলিতে লাগিলেন, অমিয়কে এত শীঘ্র ভীমরতি ধরিবে, তাহা তাঁহারা আশা করিতে পারেন নাই। আর দু'টো দিন সবুর সহিল না, ইত্যাদি।

হরিঠাকুর বলিলেন, তোমরাই ত' ওকে নাচিয়েছো। এখন সব হাততালি দিচ্ছে।

আর সকলে কথিয়া উঠিয়া বলিলেন, কি রকম? আমরা নাচালুম, না উনি আগে থেকেই নাচতে শুরু করেছিলেন! মইলে এত শিগগির—

অমিয়র চার-পাঁচ দিনের জায়গায় বার দিন কাটিয়া গেল।

বাড়ী ফিরিয়া অমিয় বন্ধুদের খবর পাঠাইলেন, তাঁহারা যেন সকাল সকালই সভা আলোকিত করিতে আসেন।

সকলে প্রায় এক সঙ্গেই আসিলেন। কথাবার্তা কিরূপ হইবে, পূর্ব হইতেই স্থিরীকৃত ছিল। বিলাস বেশ একটু গম্ভীর চালে বলিল, তারপর দাদা, এতদিন কোন মথুরাপুরী আলো করতে গিছেলে?

এই কথাতেই অমিয়র মুখখানা বিলাতী বেগুনের মত লাল হইয়া উঠিবে, সকলে এইরূপই আশা করিয়াছিলেন, কিন্তু অমিয়র মুখে সেরূপ কোন ব্যতিক্রমই দেখা গেল না। বরং একমুখ হাসিয়া বলিলেন, আমি আর কোন মথুরাপুরী আলো করবো বল? এই মর্ত্যপুরীর জন্মই একটা আলো আনতে গেছলুম। পরে পাশের বাড়ীর রেলিংএর দিকে চাহিয়া বলিলেন, মা লক্ষ্মীকে বলবো যেন ওদের দেখিয়ে দেখিয়ে কাপড় শুখতে দেয়। আর তোমরাও দেখবে, ঘর আলো হয় কিনা! বলিয়া পরম পরিতৃপ্তিতে সকলের মুখের দিকে চাহিতে লাগিলেন।

সকলে অবাক হইয়া গেল। বিশেষ কিছুই বোঝা গেল না। অবশেষে হরিঠাকুর অন্ধকারে শেষ অস্ত্র ছুঁড়িলেন। বলিলেন, নিদেন বৌমাটিকে একবার দেখতেও ত' পাবো!

অমিয় তাড়াতাড়ি বলিয়া উঠিলেন, নিশ্চয়ই; তাতে আর কোন সন্দেহ আছে? তবে ভায়া সবুরে মেওয়া ফলে। বনের পাখী, এখনও ধড়ফড় করছে, এখনই টেনে আনাটা কি ভালো? তা'র চেয়ে আজ মা-লক্ষ্মীর হাতের এক কাপ ক'রে চা হ'ক। কি বল? রোজ রোজ চাকরের হাতে— বলিতে বলিতে অমিয় উঠিয়া ভিতরে চলিয়া গেলেন।

ব্যাপারটা তেমনই অন্ধকারে রহিল। এই বিষয় লইয়াই বন্ধুরা অনূচ্চ স্বরে কথা কহিতে লাগিলেন।

মিনিট তিনেক পরে অমিয় ফিরিয়া আসিয়া একটু অপ্রস্তুতের হাসি হাসিয়া বলিলেন, না ভাই, আজ আর লক্ষ্মীর কুপা হ'ল না। চাকর ব্যাটার হাতেই আজ খেতে হবে। একটু খামিয়া বলিলেন, নতুন এসেছে, ভারী লজ্জা! বলে, আমি কি ও-সব জানি? সব জানে, এ শুধু লজ্জা বৈ কিছু না। হাজার হ'লেও ছেলেমানুষ ত'!

এইবার শাস্তি স্পষ্ট করিয়া বলিল, একটু খুলেই বল না, দাদা! কোন্ লক্ষ্মীটি এলেন, তাঁর পরিচয় ত' কিছুই খুঁজে পাচ্ছি না।

অমিয় চোখ কপালে তুলিয়া বলিলেন, সে কি, তোমরা কিছু জান না?



অর্থাৎ লক্ষ্মীটির পরিচয় পূর্ব হইতেই সকলের জানিয়া রাখা উচিত ছিল।

অমিয় লক্ষ্মীর পরিচয় দিলেন। গ্রামে তাঁহার সম্পর্কীয় এক বোন ছিলেন, এটি তাঁহারই পুত্রবধু। তাঁহার হঠাৎ অক্ষুপস্থিতির কারণ এই, এই ভগিনীটির শেষ অবস্থার কথা শুনিয়া তিনি গ্রামে যান। ভগিনীর অন্তিম-কার্য শেষ করিয়া অনেক বুঝাইয়া বোনের পুত্র ও পুত্রবধুকে আনিয়া-ছেন। সে জংলা দেশে তাহারা করিতই বা কি? কাজ-কর্ম নাই, অভাব-অনটনও আছে,—এক্ষেত্রে তাহাদের এখানে আনাটা তাঁহার এক কর্তব্যবিশেষ। তা ছাড়া তিনি নিজেও লক্ষ্মী বিনা লক্ষ্মীছাড়া হইয়া আছেন। তাঁহারও ত' দরকার ছিল।

সমস্ত ইতিহাসটা বলিয়া তিনি প্রচ্ছন্ন-পরিভূপ্তিতে নীরব হইয়া রহিলেন।

ভূতা চা এবং পান আনিল।

চা'য়ে কয়েক চুমুক দিয়া বিলাস বলিল, তা হ'লে সপার-বারে দাদার ভাগে এসেছেন। ভাগে-বধুর স্থান অবশ্য অন্তঃপুরে, ভাগেটি কি এক-আধবার বাইরে আসবেন না? পরিচয়টা ক'রে রাখা ভাল।

প্রস্তাবে সকলেই সায় দিলেন।

অমিয় বলিলেন, সে ত' বাড়ী নেই। বোধ হয় এখুনিই আসবে।

বিলাস অতিশয় উৎকণ্ঠা প্রকাশ করিয়া বলিল, গ্রামের লোক, এসেই রাস্তায় বেরিয়েছেন, হারিয়ে না যান।

তাহার কথার ধরণে অমিয় একটু আহত হইল, কিন্তু মুখে কিছু প্রকাশ করিল না।

সবাই যখন উঠি উঠি করিতেছেন, একজন লোক প্রবেশ করিল। দেখিতে কালো, মাথা নেড়া, মুখশ্রী বিক্রী, কিন্তু শরীরটা বিশাল। আসিয়াই ঘরে এতগুলো লোক দেখিয়া প্রথমটা সে কেমন সঙ্কুচিত হইয়া গেল, পরে তাড়াতাড়ি ভিতরের দিকে চলিল। কিন্তু সে অতিক্রম করিবার পূর্বেই অমিয় তাহাকে ডাকিয়া সকলের সঙ্গে পরিচয় করাইয়া দিলেন। বলিলেন, এইটি আমার ভাগে। বিপিন, এঁরা

হচ্ছেন আমার অন্তরঙ্গ বন্ধু। রোজই এঁদের সঙ্গে দেখা হবে তোমার।

বিপিন হাত তুলিয়া সকলের উদ্দেশ্যে নমস্কার জানাইল, ও মিনিট খানেক নীরবে দাঁড়াইয়া ভিতরে চলিয়া গেল।

অমিয় ভাগ্যকে ইঙ্গিত করিয়া বলিল, কি রকম শরীরটা দেখলে ত' ? ও এক যুসিতে একবার একটা সাহেবের মাথা ফাটিয়ে দিয়েছিলো।

বিলাস ক্ষণকাল কি চিন্তা করিয়া কহিলেন, ভদ্রলোককে কোথায় দেখেছি ব'লে মনে হচ্ছে। আচ্ছা দাদা, ওঁর বাড়ীটা কোন গ্রামে?

অমিয় বলিলেন, গোবিন্দপুর।

বিলাস তাড়াতাড়ি বলিয়া উঠিল, তাই বল, গোবিন্দপুর! আমার এক মাসী ওখানে থাকেন। তোমাদের বাড়ীটা বামুন-পাড়ায় ত' ? ওইখানেই বোধ হয় ভদ্রলোককে দেখেছিলুম। আচ্ছা, আজ উঠি, দাদা!

বাহিরে আসিয়া হরিঠাকুর বলিলেন, ভাগেটিকে বেশ ওস্তাদ লোক ব'লেই বোধ হ'ল।

বিলাস প্রতিধ্বনি করিয়া বলিল, মামার সম্পত্তিটি মারবার মতলব আর কি!

অমিয় ভিতরে প্রবেশ করিয়া দেখিলেন, বিপিন স্ত্রীর সহিত কথা কহিতেছে। তাঁহাকে দেখিয়া কুস্তী তাড়াতাড়ি ঘোমটা টানিয়া দিল।

অমিয় নিকটে গিয়া সহাস্ত্রে বলিলেন, অত ঘোমটা টানলে চলবে না, মা। ঘোমটাই যদি টানলে, তবে ছেলের দিকে দেখবে কি ক'রে? -

কুস্তী চুপ করিয়া রহিল।

অমিয় পুনরায় কহিলেন, দেখ ত' মা, আজ তুমি চা'টা ক'রে দিলে না, এতগুলো ছেলেকে আশা থেকে বঞ্চিত করলে। সে যাক, কাল থেকে আর যেন ও-ব্যাটা চাকরের হাতে চা খেতে না হয়। কি বল?

শ্রীবাসুদেব বন্দ্যোপাধ্যায়

কুস্তী সহসা কোন উত্তর করিল না। পরে ধীরে ধীরে কহিল, শুধু চা-টাই ক'রে দেবো। খাবার আমি করতে জানি না।

অমিয় মুহু হাসিয়া বলিলেন, এখন তাই হ'লেই চলবে। পরে ধীরে স্নেহে সবই কাঁধ পেতে নিতে হবে;—মায় এই বুড়ো ছেলোটিকে পর্যাস্ত। বলিয়া তিনি প্রচুর আনন্দে অগ্রত চলিয়া গেলেন।

সেদিন আহায়ে বসিয়া অমিয় রাজ্যের গল্প জুড়িয়া দিলেন। কুস্তী নীরবে তাঁহাকে পাখা করিতেছিল, সে তেমনি নীরবেই রহিল। কচিং ছ' একটা কথা কহিল।

এক সময়ে অমিয় বলিলেন, দেখ ত' মা, তুমি আসতে না আসতে খাবারের চেহারা বদলে গেছে। এ সব কি আর ঐ পাঁড়েটার কাজ! তুমি নিশ্চয়ই দেখিয়ে-শুনিয়ে দিয়েছ!

বাস্তবিকপক্ষে কুস্তী রান্নার ব্যাপারে কোন হাত দেয় নাই। কিন্তু কিছু বলা নিতান্তই বাহুল্য; তাই কুস্তী চুপ করিয়া রহিল।

অমিয় আজ যেন ঘোড়া দেখিয়া খোঁড়া হইল। বলিল, ছুধের বাটিটা একটু এগিয়ে দাও ত' মা!

কুস্তী যেন একটু সঙ্কচিত হইয়া পড়িল।

অমিয় তাহা লক্ষ্য করিয়া বলিল, দাও না, মা, দাও।

কুস্তী উঠিয়া পড়িয়া বলিল, আমি চিনি আনছি। বলিয়া সে চলিয়া গেল।

একটু পরে ঠাকুর চিনি দিয়া গেল। আরও ক্ষণকাল গেল, কুস্তী আসিল না। মনে মনে একটু বিস্মিত হইয়া অমিয় অবশেষে নিজেই ছুধের বাটি টানিয়া লইলেন।

এমনি করিয়া দিন কাটিতে কাটিতে অমিয়র ভিতরের আকর্ষণে বাহিরের বন্ধনটা কমিয়া আসিতে লাগিল। ক্রমে এমনি দাঁড়াইল, বন্ধুরা আসিয়া ডাকিয়া না পাঠাইলে তিনি বাহিরে যাইতেন না। বন্ধুরাও গা' আলাগা দিলেন। এত দিনের সভাটা এমনি করিয়া ভাঙিয়া পড়িল।

সভা যখন একেবারেই বন্ধ হইয়া গেল, তখন সহসা একদিন অমিয়র মনে বন্ধুদের স্মৃতি জাগিয়া উঠিল, এবং তাহাদের প্রতি যাহা ক্রটি করিয়াছেন, তাহা পরিশোধনার্থে একদিন বন্ধুবর্গকে নিমন্ত্রণ করিয়া পাঠাইলেন।

রাঁধিল কুস্তী। কিন্তু পূর্বের একটু ইতিহাস আছে।

সব কাজেই যেমন হইয়া আসিয়াছে,—কুস্তী ঘোরতর প্রতিবাদ করিয়া জানাইল, সে রাঁধিতে পারিবে না,—বিশেষত নিমন্ত্রণের রান্না। অমিয় বলিলেন, যাহার নাম কুস্তী, যে-লক্ষ্মীকে সে পল্লী হইতে কুড়াইয়া আনিয়াছে, সে কিনা রাঁধিতে জানে না?

অবশেষে অমিয়রই জিত হইল।

সেদিন অমিয়র এক উৎসব দিন। বন্ধুরা আহায়ে যত প্রশংসা করিলেন, তাহার চারগুণ তাঁহার বুক ফুলিয়া উঠিল।

তবে নাকি রাঁধিতে জানে না? সব লজ্জা,—কেবল লজ্জাতেই নিয়ত অবনত হইয়া আছে।

বন্ধুদের বিদায় দিয়া অমিয় সোলাসে অন্তঃপুরে ঢুকিলেন, এবং কিছুদূর যাইতেই বিপিনের ঘর হইতে কণ্ঠস্বর শুনিয়া থামিয়া পড়িলেন। বিপিনের উচ্চ কণ্ঠস্বরে তাঁহার মনে কেমন একটা সন্দেহ হইল। কিছুক্ষণ দাঁড়াইয়া থাকিবার পর তিনি প্তির বুলিলেন, বিপিন স্ত্রীর সহিত বিবাদ করিতেছে। ছেলেমানুষী কাণ্ড ভাবিয়া চলিয়া যাইতেছিলেন, হঠাৎ কুস্তীর কথা অতি স্পষ্টভাবে তাঁহার কানে আসিল।

কুস্তী বলিল, তোমার কেমন মন জানি না, আমি পারছি না। এমন ক'রে ঠকাতে পারবো না।

উত্তরে বিপিন ধমক দিয়া একটা বিক্রী ইঙ্গিত করিয়া কহিল, কেউটে সাপ যতই ধার্মিক হ'ক, স্নবিধে পেলেই ছোবলাবে।

অমিয়র কানে কে যেন গরম শিশা ঢালিয়া দিল। তিনি আর দাঁড়াইতে পারিলেন না, তাড়াতাড়ি চলিয়া গেলেন।

অগুকার সমস্ত আনন্দ তাঁহার মন হইতে নিঃশেষে মুছিয়া গেল।



এক সময়ে কুস্তী তাঁহাকে আহার করিতে আহ্বান করিল। তিনি মাথা নীচু করিয়া আহারে বসিলেন, এবং সমস্ত ক্ষণ একটি কথাও কহিলেন না। যেন সমস্ত অপরাধ তাঁরই।

ইহার পর তাঁহার মনে আর তিলমাত্র শাস্তি রহিল না কেবলই তাঁহার মনে জাগিতে লাগিল, তাঁহারই এই আচ্ছাদনতলে একটি নারী অপরিসীম লাঞ্ছনা ও গঞ্জনা সহ করিয়া যাইতেছে। একটি প্রতিবাদও সে করে না। প্রতিকারের কোন উপায়ও নাই।

বিপিন ও কুস্তীর মুখ দুটো কেবলই তাঁহার মনে ভাসিয়া উঠিতে লাগিল, এবং নিজ মনেই বার বার বলিতে লাগিলেন, বাদরের গলায় মুক্তাহার—

এতদিন পরে একটা সমাধানও খুঁজিয়া পাইলেন। কুস্তী কেন প্রতিপদে একটু কুণ্ঠিত ও সঙ্কুচিত হইয়া চলিত, তাহার বাবহারে কেন এমন একটা দূরত্বের বাবধান থাকিয়া যাইত, —তাহার কারণ অতি স্পষ্টরূপে তিনি দেখিতে পাইলেন।

সবের মূলে ঐ বিপিন।

সেই হইতে অমিয় কুস্তীর সহিত আর ভাল করিয়া কথা কহিতে পারিতেন না। মুখ তুলিয়া কুস্তীর দিকে চাহিলেই মনে হইত, তাহার সমস্ত মুখখানা বিবাদ ও ম্লানিমায় পূর্ণ হইয়া আছে।

এই ভাবে বেশীদিন থাকিতে পারিলেন না। একদিন বিপিনকে ডাকিয়া স্পষ্ট জিজ্ঞাসা করিলেন, সে বোকে পীড়া দেয় কিনা।

বিপিন বিস্মিত হইয়া বলিল, কৈ, না।

অমিয় তাহাকে সহজে ছাড়িলেন না। বেশ করিয়া ভয় দেখাইয়া দিলেন।

কিন্তু সেই রাতে শুইয়া থাকিতে থাকিতে অমিয়র মনে বিপরীত ভাবনা ঢুকিল। ভাবিলেন বিপিনকে বকাটা ভাল কাজ হয় নাই। সে হয় ত' স্ত্রীকে একত্ন অধিক গঞ্জনা দিবে। চাই কি প্রহারও করিতে পারে।

তিনি আর শুইয়া থাকিতে পারিলেন না,—রাত্রেই এই ছরস্ব শীতে কোঁচার কাপড়টা গায়ে আড়াইয়া বিপিনের ঘরের দোরে আসিয়া দাঁড়াইলেন।

ঘরে কোন শব্দ নাই। গভীর নিস্তরুতার মধ্যে কে দীর্ঘশ্বাস ত্যাগ করিল, শুধু সেইটুকুই বা শোনা গেল।

অনেকটা নিশ্চিন্ত হইয়া অমিয় ঘরে ফিরিয়া আসিলেন। কিন্তু আর ঘুম আসিল না। পায়ের দিকের জানালাটা একটু খুলিয়া দিয়া বাহিরে চাহিয়া রহিলেন। পাণ্ডুর জ্যোৎস্না যেন স্তরে স্তরে নিশ্চল হইয়া জমিয়া আছে; চাঁদ জানালার অন্তরালে কোথায় আছে, দেখা যায় না; আকাশে শুধু একটি তারা দেখা যাইতেছে। সেইদিকে চাহিয়া থাকিতে থাকিতে অমিয়র মনে অনন্ত কালের এক স্মৃতি ভাসিয়া উঠিল।

ঠিক এমনিই সুন্দর একজনের রং ছিল। তাহার অন্তর বাহির এমনিই স্নিগ্ধ, এমনিই মমতাময় ছিল। আজ কতদিনের কথা, কিন্তু এখনও কত স্পষ্ট মনে আছে।

তাঁহার চোখ হইতে কখন দু'ফোঁটা জল গড়াইয়া পড়িয়াছিল, তাহা হাত দিয়া মুছিয়া ফেলিয়া আপন মনেই বলিতে লাগিলেন, আমাকে যে স্নেহ বলতো, মিছে নয়। এখনও কি না, এই বয়সে—বলিয়া নিজ মনেই একটু হাসিয়া পুনশ্চ কহিলেন, আর ক'দিনই বা! আমিও যাচ্ছি বড় বৌ, দেখবো কতদূরে থাকতে পারো!

পরদিন সকালে কুস্তীকে ডাকিয়া কহিলেন, মা আজ শরীরটা তেমন ভাল লাগছে না, ভাবছি কিছু খাবো না।

কুস্তী তাঁহার জাগরণ-ক্লিষ্ট মুখের দিকে চাহিয়া কহিল, জর হয় নি ত' ? বলিয়া সহসা তাঁহার কপালে হাত ঠেকাইয়া বলিল, একটু যেন গরম বোধ হচ্ছে। ঠাণ্ডা লাগে নি ত' ?

অমিয় ক্লান্ত স্বরে কহিলেন, কাল রাতে জানালাটা একবার খুলেছিলুম, তারপর বন্ধ করতে ভুলে গেছি। বোধ হয় ঠাণ্ডাই লেগেছে।

সন্ধ্যার সময় অমিয়র জরটা বাড়িয়া উঠিল।

কুস্তী অনেক রাত্র অবধি তাঁহার শিয়রে বসিয়া রহিল।

শ্রীবাসুদেব বন্দোপাধ্যায়

অমিয় বলিলেন, আর বসতে হবে না, মা, এইবার যাও। বুড়ো মানুষ, অমন একটু আধটু জর ভোগ করতেই হয়।

কুস্তী কোন উত্তর করিল না। অনেকক্ষণ কাটিয়া গেল, উঠিবারও কোন লক্ষণ প্রকাশ করিল না।

অমিয় এইবার আসল কথাটা পাড়িলেন। বলিলেন, বিপিন কি খেলো-না-খেলো দেখ'গে যাও,—সমস্ত দিন ত' এইখানেই ব'সে আছো; এইবার যাও, নৈলে রাগ করবে যে!

কুস্তী শুধু বলিল, না, রাগ করবেন কেন?

অমিয় একটু হাসিয়া বলিল, কার কাছে লুকবে, মা, আমি সব জানি। বিপিন যে তোমায় কত তিরস্কার করে আমার অজানা নেই, সব জানি,—কিন্তু কি করি বল? বলিতে বলিতে বৃদ্ধ সহসা উঠিয়া বসিয়া বলিলেন, সত্যি বল ত' মা, বিপিন কি তোমার গায়ে কোন দিন হাত তুলেছে?

কুস্তী কোন উত্তর করিল না, মুখটা যতদূর সম্ভব হেঁট করিয়া বৃকের মধ্যে লুকাইয়া রাখিল। বৃদ্ধ উত্তরের অপেক্ষায় ক্ষণকাল বসিয়া থাকিয়া পুনরায় শুইয়া পড়িয়া অবসন্ন-কণ্ঠে কহিলেন, চোখের ওপর এ' কেমন ক'রে দেখি, মা?

কুস্তী এবারেও কোন উত্তর করিল না, মুখও তুলিল না। উচ্ছ্বসিত অশ্রু কোন মতে দমন করিতে না পারিয়া তাড়াতাড়ি ঘর হইতে বাহির হইয়া গেল। এই কথাটা সে কোনমতেই বলিয়া আসিতে পারিল না যে, বিপিন তাহাকে যতই তিরস্কার করুক, আজ পর্যন্ত কোনদিন তাহার গায়ে হাত তুলে নাই।

অমিয়র জর বিশেষ বাড়িলও না, কমিলও না। এমনি ভাবেই তিনদিন কাটিয়া গেল।

আজ বিকালে তাঁহার বন্ধুরা একসঙ্গে আসিয়া উপস্থিত হইলেন। অমিয় উঠিয়া বাহিরে যাইতেছিলেন, কুস্তী বাধা দিয়া বলিল, ওঁরাই বরং এ-ঘরে আসুন।

তাহাই ঠিক হইল। বিপিন অভ্যাগতদের ভিতরে ডাকিয়া আনিতে গেল, কিন্তু মিনিট-দুয়েকের মধ্যে কেহই

আসিল না। বাহিরে কিসের তুমুল তর্কের কোলাহল শোনা গেল, তারপর সব একসঙ্গে ভিতরে আসিয়া পড়িল।

শুধু বিপিন কোথায় সরিয়া পড়িল।

বিলাস প্রথমে ঘরে ঢুকিয়াই বলিল, তোমার এই জরের ওপর বিরক্ত করতে এসেছি, কিছু মনে ক'রো না, অমিয়দা'—

অমিয় বলিলেন, না না, মনে কি করবো? পরে এক নূতন মুখ দেখিয়া বলিলেন, এ'র পরিচয় ত' জানি না?

বিলাস বলিল, ওঁর নাম হরি ভট্টাচার্য্য। আপনাদের ওই গোবিন্দপুরেই এ'র বাড়ী।

অমিয় হাসিয়া বলিলেন বেশ বেশ। আপনি কি এখানেই থাকেন?

আগন্তুককে আর সে কথার উত্তর দিতে হইল না। হরিঠাকুর বলিলেন, ইনি তোমাকে একটা কথা বলতে এসেছেন।

অমিয় হরি ভট্টাচার্য্যের দিকে চাহিয়া বলিলেন, বলুন।

হরি ভট্টাচার্য্য বলিলেন, আপনার ভাগ্যে বিপিনকে আমি বিশেষ ক'রে চিনি।

অমিয় বলিয়া উঠিলেন, তা ত' চিনবেনই। একজায়গায়ই বাড়ী।

বিরক্ত হইয়া বিলাস বলিল, আগে ব্যাপারটাই শোন না।

আগন্তুক পুনশ্চ কহিলেন, আপনার ভাগ্যে যাকে স্ত্রী ব'লে আপনার বাড়ীতে এনে রেখেছে, সে তার স্ত্রী নয়, একটা বেণ্ডার মেয়ে।

অমিয় মুখ এবং চোখ যতদূর সম্ভব বিস্ফারিত করিয়া বলিলেন, তার স্ত্রী,—কি বলছেন?

বিলাস আরও ভাল করিয়া ব্যাপারটা বুঝাইয়া দিয়া বলিল, রাঙ্কেলটা ত' বাইরে থেকেই পালিয়েছে। ঘরে যিনি আছেন, তাঁকে জিজ্ঞাসা ক'রে আসুন। প্রতারণা ক'রে আমাদের ওই স্ত্রীলোকটার হাতে খাওয়ান'র জন্তে



রাফেলটার নামে মোকদ্দমা আনতুম, শুধু তোমার জেতে কিছু করছি না। দেখ ত' কি লজ্জার কথা,—ছি, ছি।

অমিয় কিছুক্ষণের জন্ত স্তব্ধ হইয়া গেলেন। তারপর তাঁহার জ্বর, দুর্বলতা,—সব ভুলিয়া গেলেন। ধীরে ধীরে বিছানা হইতে উঠিয়া বাহিরে আসিতেই দেখিলেন, কুস্তী মাটির সঙ্গে মাথা ঠেকাইয়া এক কোণে বসিয়া আছে।

তাহাকে দেখিয়া ক্রোধে অমিয়র ব্রহ্মরক্ষ অবধি জ্বলিয়া উঠিল। যাহা মুখে আসিল তাহাই বলিয়া যাইতে লাগিলেন।

যেন পাথরের মূর্তিকে বলা হইতেছে—কুস্তীর নিকট হইতে একটা স্পন্দনও আসিল না।

অমিয়র বিপিনের কথা মনে পড়িল। কুস্তীকে আপাতত এইখানেই ফেলিয়া রাখিয়া তিনি বিপিনকে সারা বাড়ী তন্ন তন্ন করিয়া খুঁজতে লাগিলেন।

বিপিনকে কোথাও পাওয়া গেল না। পুনরায় কুস্তীর নিকট ফিরিয়া আসিয়া বলিলেন, শিগ্গির বাড়ী থেকে বেরিয়ে যাও! পাঁচ মিনিট সময় দিলুম, তারপরেও যদি ফের দেখতে পাই, তবে পুলিশ ডাকবো।

দারুণ শ্রমে তিনি আর কথা কহিতে পারিলেন না। কোনরূপে শয্যা গিয়া চিৎ হইয়া পড়িয়া হাঁপাইতে লাগিলেন।

বন্ধুরা ততক্ষণ বাহিরের ঘরে গিয়া বসিয়াছেন।

কিছুক্ষণ শুইয়া থাকিবার পর অমিয়র মনে পড়িল, এই শয্যার উপরেই ওই মেয়েটা যে কতবার বসিয়াছে, তাহার ইয়ত্তা নাই। মনে হইল এ সমস্তই অশুচি হইয়া গিয়াছে। এতদিনের পুঞ্জীভূত অপবিত্রতার মধ্যে বাস করিতে করিতে তাঁহার দেহের প্রতি রক্তকণাটা পর্যন্ত যেন কলুষিত হইয়া উঠিয়াছে।

মুহূর্তের জন্তও তিনি আর এই শয্যার উপর থাকিতে পারিলেন না। উঠিয়া কাঁপিতে কাঁপিতে বাহিরে চলিয়া গেলেন।

পথে কুস্তীকে দেখিলেন। তাহার সর্বশরীর কেমন নড়িয়া উঠিতেছে,—বোধ হয় কাঁপিতেছে। পাঁচ মিনিট সময়,—ইহার পরে তিনি নিশ্চয়ই পুলিশ ডাকিবেন।

অমিয়র অবস্থা দেখিয়া বন্ধুরা বিশেষ কিছু আর কেহ বলিলেন না। অল্পক্ষণ পরে এই অশুভ-ঘটনার জন্ত হুঃখপ্রকাশ করিয়া সকলে চলিয়া গেলেন।

অমিয় একা চিন্তাভারাক্রান্ত মস্তিষ্ক লইয়া শুইয়া রহিল।

বাড়ীটা যেন নীরবতায় ডুবিয়া গেল।

একটু একটু করিয়া সন্ধ্যা নামিল। কোণ হইতে একটা চামচিকা নামিয়া বার দুই অমিয়র মাথার উপর দিয়া ঘুরিয়া জানালা দিয়া বাহির হইয়া গেল। পাশের বাড়ী হইতে তিনবার শঙ্খধ্বনি উঠিয়া অস্পষ্ট কোলাহলে মিলাইয়া গেল।

অমিয়র মনে সহস্রচিন্তা জুড়িয়া রহিল, কিন্তু বাহির হইবার একটি পথও পাইল না, শুধু ঘুরিয়া ঘুরিয়া হৃদয়ের মধ্যে এক বিরাট ঘূর্ণাবর্তের সৃষ্টি করিল। ভূতা আলো জ্বালিতে আসিলে তিনি মুখ না ফিরাইয়াই তাহাকে নিষেধ করিলেন।

ঘরটা অন্ধকারে ভরিয়া গেল। এই অন্ধকারের মধ্যে শুইয়া থাকিতে থাকিতে একসময়ে অমিয়র সর্বশরীর এক অভূতপূর্ব স্পন্দনে বার বার কাঁপিয়া উঠিল। যে চিন্তা-গুলো এতক্ষণ তাঁহার মাথায় জোট পাকাইয়াছিল, হঠাৎ সেগুলো অতি স্বচ্ছ হইয়া অশ্রু-আকারে তাঁহার দুই-চোখ দিয়া ঝরিয়া পড়িতে লাগিল।

ভূতা জানিতে আসিল, রাত্রে তিনি কি আহা করিবেন। কোনরূপে আত্মসংযম করিয়া বলিলেন, কিছু না।

ভূতা আর দ্বিতীয় কথা কহিতে সাহস করিল না।

এমনি করিয়া কখন কোনখান দিয়া ঘণ্টাখানেক কাটিয়া গেল। এক সময়ে অমিয় উঠিয়া বসিলেন। কুস্তী নিশ্চয়ই চলিয়া গিয়াছে, তবু তাঁহার মেহাজ্জর মন বার বার বলিতে লাগিল, সে হইতেই পারে না,—এতবড় অপবাদ ঘাড়ে করিয়া সে নিঃশব্দে চলিয়া যাইবে, এ মোটেই বিশ্বাস্য নহে। অলক্ষ্যীয় মধ্যে লক্ষী বাস করিতে পারে না। কুস্তী কখনই অমন নহে। হয় ত' বিপিনই দোষী, কুস্তীকে অকারণ অড়ানো হইয়াছে।

শ্রীবাসুদেব বন্দ্যোপাধ্যায়

সহসা তাঁহার মন অহুতাপে ভরিয়া উঠিল। বিনা বাপারটা জানিয়া লইয়াছিল। বলিল, আজ্ঞে হাঁ, সত্যি।
বাচায়ে এমন করিয়া কঠোর দণ্ড দিয়াছেন! সত্য নির্ণয় কিন্তু দিদিমণির দোষ নেই, তেনার জন্মের পরে
করিবার জন্ত তিনি আকুল হইয়া উঠিলেন। ভিতরে তেনার মা—
গিয়া দেখিলেন, চাকরটা তাঁহার ঘরের সম্মুখে বসিয়া
মাছে। নিকটে গিয়া শুককণ্ঠে বলিলেন, চ'লে গেছে ?

ভৃত্য সবই গুনিয়াছিল। বলিল, আজ্ঞে হাঁ।

পুনরায় তিনি প্রশ্ন করিলেন, কখন গেল ?

ভৃত্য বলিল, সন্ধ্যা বেলা। দাদা-বাবু গাড়ী এনে
খড়কির দোর দিয়ে—

হতবাক্ অমিয়র মুখ দিয়া বাহির হইয়া গেল, তবে
কি সত্যি ?

ভৃত্য বিলাস এবং হরি ভট্টচার্য্যের নিকট আসল

বাপারটা জানিয়া লইয়াছিল। বলিল, আজ্ঞে হাঁ, সত্যি।
কিন্তু দিদিমণির দোষ নেই, তেনার জন্মের পরে
তেনার মা—

সমস্ত কথা শুনিবার জন্ত অমিয় দাঁড়াইতে পারিলেন না।
স্থলিতপদে বাহিরের ঘরে ফিরিয়া আসিয়া ফরাসের উপর
শুইয়া পড়িলেন। চিন্তা ভাবনা কোনটাই তাঁহার মনে
আসিল না। সুখ-দুঃখও তাঁহাকে স্পর্শ করিল না। কেবল
এক বিরাট শূন্যতা তাঁহাকে অন্তরে বাহিরে ঘেরিয়া রাখিল।
সহসা তাঁহার দৃষ্টি পাশের বাড়ীতে পড়িল।

দেখিলেন, রেলিংএর উপর একটা লাল-পেড়ে সাড়ি
গুথাইতেছে, এবং গ্যাসের অজস্র আলো গিয়া তাহার উপর

পড়িয়াছে।

মৌনভঙ্গ

শ্রীনবেন্দু বসু

যত কথা ছিল বুঝি আজো ভুলে যাই,
যা' ক'ভু তোমারে প্রিয়া হয় নি কো' বলা।
এ জীবন হ'ল শুধু দিনে পথ চলা,
রাত্রি এসেছিল কত, লগ্ন আসে নাই।
বিরল বাসরে শুধু প'ড়ে আছে তাই
না-পরা সুরভিহার ছিন্ন ফুল দলা,
উৎসব-মুখর রাত্রি গন্ধদীপ-জ্বলা,
রজনীর শেষে তার মানিটুকু পাই।
কথা নাই আছে বাধা, তারি রঙে আজো
অস্তরবাসিনী মোর নবরূপে সাজো।
সেটুকু জানিলে তাই আজো তো বাজিল
মিলন পুলকছন্দ চরণে তোমার,
মৌন মাঝে না বলার উপহাস ছিল,
ভেঙ্গে গেল পরিহাসে মুখর হিয়ার।

তুর্ক সাধারণ-তন্ত্রে নারীর মুক্তি

শ্রীমনোমোহন ঘোষ

একে প্রাচ্যদেশ, তাহার উপর ইসলামের কঠোর ধর্মাত্মশাসন। এই উভয় কারণে তুর্ক-নারীর বন্ধনের অন্ত ছিল না। এই বন্ধনের ফলে যে দুর্গতি ঘটিয়াছিল, তাহা যে একা নারীকেই ভোগ করিতে হইত তাহা নহে; পরন্তু অমুন্নত নারী-সমাজের জন্ত সমগ্র জাতিকেই তাহার জীবন-সংগ্রামে পদে পদে বাধা পাইতে হইতেছিল। উন্নতিকামী নবা তুর্কী সম্প্রদায় (Young Turks) এই সত্যটি ভাল করিয়া বুঝিয়াছিলেন বলিয়া নারী জাতির মুক্তিবিশেষণও তাহাদের কার্যতালিকাভুক্ত ছিল; কিন্তু তৎকালীন তুর্ক জনসাধারণের অন্ধতা ও রক্ষণশীলতার নিকট নবা তুর্কীর বিপ্লবীগণকে হার মানিতে হয়। সুলতান দ্বিতীয় আকুল হামিদের স্বৈরচারকে বাগ মানাইতে পারিলেও জনসাধারণের কুসংস্কারকে আঘাত করা তাহাদের শক্তিতে কুলায় নাই। এই কাজের জন্ত কামাল পাশার মত লোকের অসাধারণ ব্যক্তিত্বের প্রয়োজন ছিল। এই বীর-পুরুষের নায়কতায় ধ্বংসোন্মুখ তুর্কী যে কেবল গ্রীক আক্রমণ হইতে আত্মরক্ষা করিয়াছে তাহা নয়, পরন্তু সর্ববিধ কুসংস্কার হইতে তাহার জাতীয় মন ও কর্মশক্তিকে মুক্তি দান করিয়াছে। এই মুক্তিদানের উপায় হিসাবে নারী-জাতির মুক্তি সর্বাপেক্ষা উল্লেখযোগ্য।

পরদা বা অবরোধ

তুর্ক নারীর সর্ববিধ দুর্দশার মূলে ছিল পরদা বা অবরোধপ্রথা। এই কুপ্রথার জন্ত বাহিরের জগতের সহিত তাহার সম্পর্ক ছিল না বলিলেই হয়।

অস্বাস্থ্য, অজ্ঞতা, কুসংস্কার তুর্ক নারীর একচেটিয়া সম্পত্তি হইয়া দাঁড়াইতেছিল। অল্পশিক্ষিত হোজা বা মোল্লার কথা সে অলঙ্ঘন বলিয়া বিশ্বাস করিত; রোগবাধি

হইতে মুক্তি পাইবার জন্ত মন্ত্র তন্ত্র ও মাদুলী-তাবিজের শরণ লইত, এবং জিন্, পরী, ডাইনী, শয়তান ও অগ্ন্যাগ্নি উপদেবতার ভয়ে সর্বদা সশঙ্ক থাকিত। বলা বাহুল্য এরূপ মার সন্তান হইয়া তুর্ক জাতির পক্ষে যুরোপের শক্তিমান জাতিদের সঙ্গে প্রতিদ্বন্দিতায় টিকিয়া থাকা বড়ই দুঃসাধ্য ব্যাপার ছিল। কারণ ঐ সকল জাতি আদর্শ গণতন্ত্র গড়িবার প্রয়াস করিয়াই তাহাদের শক্তিবৃদ্ধি করিয়াছে এবং গণতন্ত্র গড়িবার মূলে রহিয়াছে সাহসিকতা ও যুক্তিবাদ। তুর্ক শিশুরা যে এতদিন তাহাদের স্ব স্ব জননীর নিকট ইহার বিপরীত শিক্ষাই পাইত। কাজেই তুর্কী-গণতন্ত্র গড়িয়া উঠার প্রধান বাধা ছিল অন্তঃপুরে। এই জন্তই কামাল পাশা একদা বলিয়াছিলেন “নারী যেখানে দাসত্বে বদ্ধ এবং সমস্ত সমাজের দৃষ্টি যেখানে হারেমের কায়দাকানুন দ্বারা পশুত্বপ্রাপ্ত, সেখানে গণতন্ত্র স্থাপন করা যায় কিরূপে?” সঙ্গে সঙ্গেই তিনি প্রতিজ্ঞা করিয়াছিলেন, “এই সব বাজে জিনিষ বাদ দিতেই হইবে। তুর্কী এক নিখুঁত গণতন্ত্র গড়িতে যাইতেছে। দেশের অর্ধেক লোককে দাসত্বে রাখিয়া নিখুঁত গণতন্ত্র স্থাপন কিরূপে সম্ভবপর হইতে পারে? আজ হইতে দুই বছরের মধ্যে প্রত্যেক পুরুষ ‘ফেজে’র বদলে ‘ছাট্’ পরিবে এবং প্রত্যেক নারী তাহার মুখ অনাবৃত রাখিবে। - নারীর সাহায্য একান্ত প্রয়োজন। দেশসেবার জন্য অংশ বহন করিতে হইলে নারীর পক্ষে পূর্ণ স্বাধীনতা প্রয়োজন।” কামালের এই প্রতিজ্ঞা ব্যর্থ হয় নাই। জাপানকে বাদ দিলে তুর্কনারী আজ এশিয়ায় অন্য সকল দেশের নারী অপেক্ষা অধিক ও পাশ্চাত্য নারীর সমান স্বাধীনতা ভোগ করিতেছে। বিভিন্ন ক্ষেত্রে তুর্ক-নারীর অতীতের সহিত বর্তমানের তুলনা করিলেই এই স্বাধীনতার গুরুত্ব ভাল করিয়া বোঝা যাইবে।

শ্রীমনোমোহন ঘোষ

শৈশব ও শিক্ষা

জীবনের প্রথম এগার বার বছরই তুর্কী-নারীর পক্ষে একমাত্র আনন্দের সময় ছিল। এই সময়ই তাকে ঘোমটা পরিতে হইত না এবং অন্তঃপুরের বাহিরে বেড়ান বা পিতা ভ্রাতা ব্যতীত অন্য পুরুষের সঙ্গে কথা বলা তাহার পক্ষে নিষিদ্ধ ছিল না। এই সময়ে বিদ্যালয়ের জন্ত সে মসজিদ-সংলগ্ন ছেলেদের পাঠশালায় প্রেরিত হইত; ছেলেদের হইতে পৃথক ভাবে বসিলেও এক ঘরে এক

একজন খাঁটি তুর্কের স্বলিখিত বৃত্তান্ত হইতে পাওয়া গিয়াছে। *

মসজিদের পাঠশালায় ছেলে মেয়েদের শিক্ষণীয় বিষয় ছিল লিখিতে ও পড়িতে শেখা, এবং অর্থ না বুঝিয়া কোরাণের কতিপয় বচন স্মরণহকারে আবৃত্তি করা। কিন্তু উচারা যে প্রাথমিক পুস্তক পড়িত তাহার মধ্যে তথোর চেয়ে নীতি-উপদেশই বেশী থাকিত, যথা “আল্লাকে মানিয়া চলা উচিত কারণ তিনি ভাল ছেলেকে ভাল বাসেন এবং মন্দ ছেলেকে ঘৃণা করেন। আলি একটি সুবোধ ছেলে, সে এক বৃদ্ধ



তুর্ক বিদ্যালয়ে বালক-বালিকাদের একত্র-শিক্ষা—একটি ড্রয়িং ক্লাশ

শিক্ষকের নিকট শিক্ষালাভ করিত, ছেলেদের মত ছুটাছুটি করিয়া খেলাধুলা করিত, এমন কি অপরাধের জন্ত ছেলেদের মত বেত্রদণ্ড লাভ করিত। তবে এই বেত্রদণ্ডের একটু বিশেষত্ব ছিল; ছেলেদের মত মেয়েদের পায়ের তালুতে বেত মারা হইত না। তাহাদিগকে বেত মারা হইত হাতে। তুর্ক বালক-বালিকার এক পাঠশালায় পড়িবার কথায় অনেকে আশ্চর্যান্বিত হইতে পারেন, কিন্তু এই তথা

ভদ্রলোকের লাঠি কুড়াইয়া দিয়া একটি সন্দেশ পুরস্কার পাইয়াছিল। সেলমা একটি ভাল মেয়ে, সে ভাল খাবার পাইলে তাহার ছোট ভাইকে অর্ধেক দিয়া তবে খায়। ওরখান্ ছষ্ট ছেলে, সে ওস্তাদের (শিক্ষক) প্রতি অভদ্র ব্যবহার করিয়াছিল তাই ভগবান তাহাকে ভাল বাসেন নাই।” ইত্যাদি।

* The Diary of a Turk. London. 1903. P. 30.

প্রাথমিক পুস্তক সমাপ্ত হইলে কেবল মেয়েদের পড়ার জন্য পৃথক পাঠ্য পুস্তক নির্দিষ্ট ছিল। নিজ মাতার প্রতি কিরূপ ব্যবহার করিবে, স্বামীর প্রতি কিরূপ ব্যবহার করিবে এবং স্বশ্রম প্রতি কিরূপ ব্যবহার করিবে এই সকল সম্বন্ধে উক্ত পুস্তকে সবিস্তার উপদেশ থাকিত। শাশুড়ী অবশ্য ভাবী বধূদের পক্ষে একজন খুব মহামান্য ব্যক্তি, কিন্তু উক্ত গ্রন্থে স্বামীর উপরই বেশী জোর দেওয়া হইত নানাভাবে দেখান হইত যে স্বামী নামক পদার্থটিকে মানাইয়া চলা কেমন শক্ত। জানা গিয়াছে, এরূপ পুস্তক মেয়েরা খুব

নাকি মেয়েদের পক্ষে লিখিতে শেখা নিষিদ্ধ ছিল। ইহা সত্য, যেহেতু সেকালের তুর্কীতে লিখিতে জানিতেন না এমন অনেক স্ত্রীকবি জন্মগ্রহণ করিয়া গিয়াছেন। অত্রে তাহাদের মুখ হইতে শুনিয়া লিখিয়া যাইত। মেয়েদের পক্ষে লেখা নিষেধের এই কারণ দেওয়া হইত যে, নানাবিধ মন্ত্র তন্ত্র লিখিয়া তাহারা তাবিজ, তুমার তৈরী করিবে ও ডাইনী হইবে। আসল কারণ কিন্তু ছিল অন্য প্রকার; সমাজপতিদের ভয় ছিল যে লিখিতে শিখিলে পর্দার ভিতরে বন্ধ থাকিয়াও তাহারা অনাঙ্গীয় পুরুষের সঙ্গে



তুর্কী বালকবালিকাগণ একত্রে ড্রিল করিতেছে

আগ্রহের সহিত পড়িত। কলিকাতা বিশ্ববিদ্যালয়ে প্রবেশিকা পরীক্ষার্থিনী মেয়েদের পাঠ্যরূপে নির্দিষ্ট ডাঃ শ্রীযুক্ত দীনেশ-চন্দ্র সেন মহাশয়ের “গৃহস্ত্রী” নামক পুস্তকখানিতেও এই শ্রেণীর উপদেশ রহিয়াছে। * কাজেই তুর্কী এ বিষয়ে আমাদের মতই অগ্রসর ছিল বলিয়া মনে হয়। সে যাহাই হোক, অতীতে তুর্কীর প্রাথমিক শিক্ষা ছিল পূর্বোক্ত রকমের। কিন্তু ইহা যে বেশী প্রাচীন সময়ের ইতিহাস তাহা মনে হয় না, কারণ শোনা যায় খুব আগে

পত্রের আদান-প্রদান চালাইবে। ইহা শুনিয়া হাসি পাইতে পারে, কিন্তু স্ত্রী-শিক্ষা-প্রবর্তনের আগে এদেশেও কি এই জাতীয় হাশ্বকর ভয় ছিল না? সেকালের মুকবিদের কেহ কেহ কি বলিতেন না যে, লেখা পড়া শিখিলে মেয়ে ছুঁড়াগা ও বিধবা হইবে? নারী-স্বাধীনতাকে বাস্তব বিক্রম করিয়া এদেশে এক সময়ে যে ছড়া-গান ও নাটকাদি রচিত হইয়াছিল তাহার মনস্তত্ত্বও এই শ্রেণীর। অবশ্য এসকল বাধা স্ত্রী স্বাধীনতার অগ্রগতিকে রোধ করিতে পারে

নাই। তবে তাহাতে বিশেষ ভাবে বিলম্ব ঘটিয়াছে। যাহা পাঁচ বছরে হইতে পারিত, তাহাতে পঞ্চাশ বছর লাগিয়াছে। কামাল পাশার দেশপ্রেম কিন্তু এরূপ দেবী সহ্য করিতে নারাজ, তাই তিনি নারী-স্বাধীনতার বিরুদ্ধে সামান্য মাত্র আন্দোলনকেও কঠোর ভাবে বাধা দান করেন। একবার কোন কাগজের বাঙ্গাচিহ্নে দেখান হইয়াছিল যে, নারী-স্বাধীনতার প্রতীকস্বরূপ এক বেলুন আকাশে উঠিবার চেষ্টায় ভারমোচনের জন্য ‘নারী-ধর্ম’ (Women’s virtues) নামক পদার্থটিকে নীচে ফেলিয়া দিতেছে। এই বিক্রমের জন্য কাগজের সম্পাদককে অভিমুক্ত করা হইলে আত্মপক্ষ

* ৬ষ্ঠ সংস্করণের ১০২—১০৩ পৃঃ দ্রষ্টব্য।

শ্রীমনোমোহন ঘোষ

সমর্থনের জন্তু সম্পাদক বলিলেন যে, ছবিটি তিনি অপর কাগজ হইতে লইয়াছেন এবং উহাতে শুধু তুর্ক-নারীকে নয় পরন্তু সমস্ত নারীকে লক্ষ্য করা হইয়াছে, কিন্তু কিছুতেই কিছু হইল না। সম্পাদক মহাশয়কে কারাগারে যাইতে হইল। সংবাদপত্রের মতামতের প্রতি এরূপ কঠোরতা অবশ্য গণতন্ত্রের অমুকুল নহে, তবে যখন তুর্ক-নারীর অতীত দুঃখ ও ভাবী মঙ্গলের কথা মনে করা যায় তখন এই ব্যতিক্রমকে ক্ষমা না করিয়া পারা যায় না।

বর্তমান তুর্কীতে নারীকে শুধু যে শিক্ষায় অবাধ সুবিধা দেওয়া হইয়াছে তাহা নয়, পরন্তু শিক্ষার পদ্ধতিও অনেক পরিবর্তিত হইয়াছে। তুর্করা আর মসজিদ-সংসৃষ্ট মোল্লার উপর ছেলে মেয়েদের শিক্ষার ভার দিতে রাজী নহে। উপযুক্তসংখ্যক মেয়ে-শিক্ষক তৈরী করিবার জন্তু স্থানে স্থানে মেয়েদের নর্মাল স্কুল স্থাপিত হইয়াছে। ঐ সকল বিদ্যালয়ে বহু নবীন তুর্ক-নারী জাতির শিক্ষাদাত্রীরূপে প্রস্তুত হইতেছেন। বর্তমান

ছেলে মেয়েদের যে সকল বিদ্যালয় আছে তাহাতে শিক্ষার বিষয়েও উন্নতিবিধান হইয়াছে। ইতিহাস শিক্ষার উপর জোর দেওয়া হইতেছে। এই ইতিহাসকে ভিত্তি করিয়াই নব্য তুর্কীর বালক বালিকা-গণকে একদিকে জাতীয়ভাবাপন্ন (nationalist) অপর দিকে বিশ্বায়ুর্গামী (internationalist) বা উদার করিবার চেষ্টা হইতেছে। আরবী ও পারসী পড়া তুলিয়া দেওয়া হইয়াছে। তৎপরিবর্তে ছেলেমেয়েদের অক্ষয়ক্ষান ও পর্যবেক্ষণের ক্ষমতাবৃদ্ধির চেষ্টা হইতেছে। অণুবীক্ষণাদি যন্ত্র ব্যবহারের অভ্যাস করিয়া তাহারা জগৎকে নূতন ভাবে দেখিতে পাইতেছে। অঙ্কন (Drawing)

অভ্যাস করিয়া তাহারা সৃজনশীলতার চর্চায় এক নূতন আনন্দলাভ করিতেছে।

যে প্রণালীতে আগে শিক্ষাদান হইত তাহারও পরিবর্তন হইয়াছে। মোল্লা-শিক্ষকের নীতি ছিল, 'Spare-the-rod—Spoil-the-child'। দেশের মুকুবিস্থানীয় লোকেরাও অবশ্য ইহাতে বিশ্বাস করিতেন। তুর্কী প্রবাদ বাক্যে আছে 'বেত্র স্বর্গের দান' অর্থাৎ বেত্রাঘাতের ফলে উচ্ছৃঙ্খল লোক শিষ্ট হয়। পূর্বেই উল্লেখ করা



কোন প্রাথমিক বিদ্যালয়ের গরীব ছাত্রগণ আহাৰ করিতেছে

হইয়াছে যে, এই শিষ্টতা অবলম্বন করাইবার জন্তু মোল্লা-শিক্ষক মেয়েদেরও বেত্রাঘাত করিতে কসুর করিতেন না। কিন্তু তুর্কীর রাষ্ট্রনায়ক কামাল পাশা এই বর্বরোচিত শিক্ষা-প্রণালীর বিরোধী। তাহার আদেশে শারীরিক দণ্ড শিক্ষাবিভাগ হইতে নিৰ্বাসিত হইয়াছে। শিক্ষকেরা বর্তমানের ছেলেমেয়েদের মনের ক্ষমতা বৃদ্ধি করিবার চেষ্টা করেন। তাহার ফলে শিক্ষার্থীরা শিক্ষকদের প্রতি অধিকতর অমুরাগী হইতেছে। ইহা ছাড়া মেয়েদের শিক্ষাসম্বন্ধে বিশেষ ব্যবস্থা এই যে, তাহাদের শরীরকে পটু ও কপুরুষ করিবার দিকেও মনোযোগ দেওয়া হইতেছে। মেয়ে-



শিক্ষক তৈরী করার জন্তু নর্মাল স্কুল স্থাপিত হইয়াছে, তাহাতে সুইডিস্ ড্রিল শিখাইবার বন্দোবস্ত আছে। একজন সুইডিস মহিলা প্রথম দল তুর্ক নারীকে (সংখ্যায় ত্রিশ) নয়মাসের মধ্যে সুইডিস্ ড্রিলের সমস্ত কোর্স শিখাইয়া দিয়াছেন। এই ব্যাপার হইতেই বোঝা যায় যে, তুর্ক-নারী কিরূপ আগ্রহসহকারে শরীরচর্চায় মনোযোগ দিয়াছে। উক্ত ত্রিশটি নারী তুর্কীর বিভিন্ন স্থানের স্কুলে ছোট ছেলে-মেয়েদের ব্যায়াম-শিক্ষয়িত্রীরূপে কার্য্য করিবেন। বলা বাহুল্য ছোটমেয়েরা ছোটছেলেদের সঙ্গে বসিয়া যেমন পাঠাভ্যাস করে তেমনি তাহাদের সঙ্গে একত্রে দাঁড়াইয়া ড্রিল ব্যায়ামাদি চর্চা করে। কে না বলিবে বর্তমানের তুর্ক-বালিকা তাহার সেকালের দিদিমা'দের চেয়ে বেশি সৌভাগ্যবর্তী নয় ?

যৌবনকাল ও পরদা

দশ এগার বছর শেষ হইতে না হইতেই তুর্ক-নারীর জীবনে এক মহা পরিবর্তন আসিত। মা তাহার দিকে তাকাইয়া ভাবিতেন মেয়ে যে বড়-সড় হইয়া উঠিল ইহাকে 'সারশফ' পরাইতে হইবে। এই চিন্তা কিয়দংশে আমাদের দেশের বিবাহের চিন্তার সঙ্গে তুলনায়। 'সারশফ' একটি বৃহৎ পাতলা জামার নাম; উহা পরিধান করিলে মাথার চুল হইতে পায়ের গোড়ালি পর্য্যন্ত সমস্ত ঢাকা পড়িত। বলা বাহুল্য এই অদ্ভুত পোষাকের দৌলতে নারীর স্বাভাবিক ভাবে চলাফেরার ব্যাঘাত ঘটিত; কিন্তু কেবল ইহাতেও রক্ষা ছিল না। মাথার উপর হইতে মুখের উপর একখণ্ড বস্ত্র ঝুলাইয়া অবগুষ্ঠন রচনা করা হইত। এই অবগুষ্ঠন পরার সঙ্গে সঙ্গে তুর্ক-নারীর পক্ষে সমস্ত জগৎ অন্ধকারময় হইয়া যাইত। তখন হইতে বেশীর ভাগ সময় তাহাকে হারেমের মধ্যেই কাটাইতে হইত, অথচ তাহার চেয়ে দুই এক বছরের ছোট ভগিনীরা তখন আনন্দে ছুটাছুটি করিয়া বাহিরে বেড়াইতেছে। তাহাদের সম্বন্ধে তাহার কি জঁর্খ্যাই না হইত! কিন্তু অতীতের তুর্ক-নারী এমনসমস্তই মুখ বুজিয়া গল্প করিয়াছে। বর্তমান কালে এ

দিক দিয়া তুর্ক-নারীর মনে বিপ্লব ঘটয়াছে; শুধু তুর্ক-নারী নয়, পশ্চিম এশিয়ার অন্ত্যান্ত দেশের মুসলমান নারীর মনেই আজ এদিক দিয়া মহা বিপ্লব ঘটয়া গিয়াছে। সে আর তাহার পূর্বের ছায় বন্ধ থাকিতে রাজী নয়। (১) আশা করা যায় অচিরে এসকল দেশেও নারী তাহার যথার্থ অধিকার প্রাপ্ত হইবে। যে আবহাওয়ার মধ্যে পরদা স্থায়ী হইতে পারিত, নারীর মনোজগৎ নানা ঐতিহাসিক কারণে আজ সেই আবহাওয়া হইতে মুক্তি লাভ করিয়াছে।

বড়ই আশ্চর্য্যের বিষয় পরদা-প্রথার উল্লেখ নাকি কোরাণের কোথাও নাই। প্রেরিত পুরুষ মহম্মদের সময়ে বর্তমান কালের মুসলমানদের চেয়ে বেশী নারী-স্বাধীনতা ছিল। এবং তাহার পরেও কিছুকাল পর্য্যন্ত মহম্মদের সময়ে আরব-নারীরা সৈন্তবাহিনীর সঙ্গে যুদ্ধক্ষেত্রে যাইত এবং গান গাহিয়া সৈনিকদের উৎসাহিত করিত ও আহতগণের সেবা শুশ্রূষা করিত। (২) অবগুষ্ঠন-প্রথা আদিতে আরবদের মধ্যে ছিল না। তবে আরবদের চরিত্রগত দুর্বলতার জন্তু মহম্মদ উপদেশ দিয়াছিলেন (আইন করেন নাই) যে, বিবাহিতা নারীর পক্ষে মুণ ও কেশ আবৃত করা উচিত। কারণ সুল্লর ও সূদীর্ঘ কেশদামই নাকি বিশেষভাবে আরবদিগের মনোহরণ করিত। ইহা যদি সত্য হয় তবে বর্তমান দিনের বব্‌ড্ (bobbed) ও শিঙ্গল্‌ড্ (shingled) চুল দেখিয়া মহম্মদ খুসী হইতেন নিশ্চয়। সে যাহাই হোক, মহম্মদ সকল নারীকেই অবগুষ্ঠন ব্যবহার করিতে বলেন নাই; কেবল বিবাহিতা নারীকেই তিনি মুখ আবৃত করিতে বলিয়াছিলেন। শোনা যায়, তিনি যখন ধর্মোপদেশ দিতেন, তখন পুরুষ ও নারী একত্রে বসিয়া তাহার উপদেশ শ্রবণ করিত। কিন্তু ইহা সত্ত্বেও যে অবগুষ্ঠন-প্রথা তুর্কীতে বন্ধমূল-সংস্কাররূপে পরিণত হইয়াছিল তাহার কারণ বাইজান্টিয়ান্ প্রভাব। (৩)

(১) Grace Ellison—Turkey Today. London, 1928. p. 169.

(২) The Diary of a Turk. p. 51.

(৩) Turkey Today p. 130.

বাহুবলে বাইজান্টিয়ান্ গ্রীকগণকে পরাজিত করিলেও ঐতিহাসিক নিয়মে সভ্যতাসম্পদে হীনতর তুর্কী সুসভ্য গ্রীকদের অনুকরণ করিয়া আত্মপ্রসাদ লাভ করিয়াছিল। এইরূপ অনুকরণ প্রায়ই অন্ধ অনুকরণে পর্যাবসিত হয়; তাহার ফলে আন্তরিক গুণগুলি আয়ত্ত না হইয়া বাহ্য দোষণগুলিই সহজে অভ্যস্ত হইয়া আসে। গ্রীকদের শিল্প সাহিত্য দর্শন আয়ত্ত না করিয়া তুর্কী কাজে কাজেই তাহাদের ফেজ্ (Fey) ও অবগুঠন (অংশতঃ), হারেম ইত্যাদি খুব আগ্রহের সহিত গ্রহণ করিল। (১) পাশ্চাত্য শিক্ষা এদেশে প্রথম প্রচারিত হওয়ার সঙ্গে এদেশের একদল লোক যে হাট্‌কোট্ পরিতে ও দেশ-ভাষাকে ঘণা করিতে শুরু করিয়াছিল তাহারও কারণ—অন্ধ অনুকরণের চেষ্টা।

পরদা-প্রথার জন্মই অধিকাংশ তুর্কনারীকে মসজিদের পাঠশালার পাঠ সমাপ্ত করার সঙ্গে সঙ্গেই বিদ্যাচর্চা সমাপ্ত করিতে হইত। কেবল অপেক্ষাকৃত আধুনিক কালে উদার মতাবলম্বী পরিবারের মেয়েরা অন্তঃপুরে থাকিয়াও ইংরেজ, জার্মান বা ফরাসী গবর্ণেস বা শিক্ষয়িত্রীর নিকট শিক্ষালাভের সুযোগ পাইতেন। বর্তমান তুর্কীতে স্বাশিক্ষা আর অতিক্রম সম্প্রদায়বিশেষের একচেটিয়া নহে। কনষ্টান্টিনোপলে মেয়ে-কলেজ স্থাপিত হইয়াছে ও অনেক নবীন নারী উহাতে উচ্চাঙ্গের শিক্ষালাভ করিতেছেন।

বিবাহিত জীবন

‘সারশফ’ পরিধানের সময় হইতেই তুর্ক-কন্যাকে বিবাহ-যোগ্য মনে করা হইত। যতদিন সে পাঠশালায় পড়িত ততদিন বিবাহ সম্বন্ধে তাহার কোন ভাবনা ছিল না, তবে তাহার পিতামাতা যে এ বিষয়ে উদাসীন থাকিতেন তাহা নয়; তাঁহারা খোজ করিতেন কোন উপযুক্ত বর পাওয়া যায় কিনা, কিন্তু মেয়ে পাঠশালা ছাড়িলে এবং ‘সারশফ’ পরিধান করিলে

তাঁহাদের ‘কন্যাদায়’ রীতিমত আরম্ভ হইত। অল্প কোন ভাল কাজের অভাবে এবং আশে পাশের যে সকল কথা-বার্তা চলিত তাহার প্রভাবে মেয়েও নিজ কল্পনায় বিবাহ ও প্রেমের কথা ভাবিতে শুরু করিত এবং বাগ্রভাবে অপেক্ষা করিত যবে তাহার স্বপ্নের স্বপ্ন সফল হইবে। অপেক্ষাকৃত অপরিণত বয়সে এরূপ ভাবপ্রবণতার অনুশীলন করাতে শীঘ্রই তাহার মধ্যেই এক অকালপকতা আসিয়া উপস্থিত হইত। এরূপ অস্বাভাবিক পকতা যে স্বাস্থ্যকর নয় তাহাকে অস্বীকার করিবে? আমাদের দেশেরও অনেক স্থানে এরূপ শোচনীয় অবস্থা লক্ষিত হয়। বালিকারা যৌবনপ্রাপ্ত না হইতেই মনের দিকে তাহাদিগকে প্রবীণা করিয়া দেওয়া হয়। যে বয়সে তাহাদের পুতুল খেলা করিবার কথা, সে বয়সে তাহারা সংসার পাতাইবার স্বপ্ন দেখিতে আরম্ভ করে।

বিবাহের আগে তুর্ক-নারীর পক্ষে ভাবী স্বামীকে দেখা সম্ভবপর ছিল না। মাতাপিতা ও ঘটকের দেখার উপরই তাহাকে নির্ভর করিতে হইত। তাহার ফলে অর্থ বা পদ-মর্যাদালোভী লোকদের কন্যাগণকে প্রায়ই বৃদ্ধ স্বামীর হস্তে পড়িতে হইত। বর ও কন্যার বয়সের প্রভেদ কোন কোন স্থলে ত্রিশ চল্লিশ এমন কি পঞ্চাশ বৎসরেও গিয়া ঠেকিত। অবশ্য পাশ্চাত্য দেশেও অল্পবয়স্ক নারীর সহিত বৃদ্ধের বিবাহ হয় না এমন নহে, কিন্তু তাহার সহিত তুর্কীর এই জাতীয় বিবাহের প্রভেদ ছিল। এ প্রসঙ্গে কোন ইংরেজ-মহিলা লিখিতেছেন, “আমাদের দেশে কোন পঁচিশ বছরের মেয়ে যখন পঁচাত্তর বছরের বৃদ্ধকে বিবাহ করে, তখন আমরা সেই মেয়েকে হিসাবী সোকের দলে ফেলি; কারণ পদমর্যাদা বা অর্থের লোভেই সে ইচ্ছাপূর্বক আত্মবিক্রয় করিয়াছে। কিন্তু তুর্কীতে যখন ষাট বছরের বৃদ্ধকে একটি তের কি চৌদ্দ বছরের মেয়ে বিবাহ করিতে দেখি তখন ঐ হতভাগিনী মেয়েটির জন্ম দুঃখ হয় এবং ইচ্ছা হয় তাহার দেহ ও মনটি কলুষিত করার আগে ঐ বৃড়াটাকে গলা টিপিয়া মারিয়া ফেলি।” (২) সৌভাগ্য বশতঃ তুর্কসুলতানের পদচ্যুতির সঙ্গে সঙ্গে এইরূপ জঘন্য বিবাহ সম্ভাবনার উচ্ছেদ ঘটয়াছে। মেয়েরা এখন নিজ নিজ পছন্দমত স্বামী-

(১) Turkey Today P. 132, and H. Halid- The Diary of a Turk—London 1903. P. 51.

(২) Turkey Today Pp. 147-148.



নির্বাচন করে এবং এই বাপারে তাহারা যে বৃদ্ধদের প্রতি কোন পক্ষপাত দেখায় না, তাহা বোধ হয় না বলিলেও চলে।

সপত্নী-কণ্টক

বৃদ্ধ স্বামীকে বিবাহ করা ছাড়াও তুর্ক-নারীর জীবনে আর এক বিপদের সম্ভাবনা ছিল। উহা স্বামীর একাধিক বিবাহ। এই বহুবিবাহের প্রথা আরব দেশ ও ইসলামধর্ম হইতে তুর্কদের মধ্যে প্রবেশ করিয়াছিল। কিন্তু ইসলাম ধর্মে কেন বহুবিবাহপ্রথা প্রবর্তিত হইয়াছিল তাহার একটি ঐতিহাসিক কারণ আছে। মহম্মদের আবির্ভাবের পূর্বে আরবদের মধ্যে বাড়তি মেয়েদের (surplus girls) সংখ্যা কমাইবার জন্ত জন্মিবামাত্র অধিকাংশ শিশুকন্যাকে মাটিতে পুঁতিয়া ফেলিত। বহুবিবাহ প্রবর্তনের ফলে এই বর্জ্য প্রথার লোপ হইয়া যায়। ইসলাম-প্রতিষ্ঠার পরে বিধম্মদের সহিত যুদ্ধে যখন বহু আরব নিহত হইতেছিল তখনও একবার আরব-স্ত্রীদের সংখ্যাধিক্য ঘটিয়াছিল। মহাযুদ্ধের পরেও বর্তমান যুরোপে নারীর সংখ্যা বেশী দাঁড়াইয়াছে। মহম্মদ এইরূপ সংখ্যাবৃদ্ধি সমস্যার সমাধানের জন্তও বহুবিবাহকে আইন সঙ্গত করিতে বাধ্য হইয়াছিলেন। কালক্রমে লোকে এই ঐতিহাসিক কারণ ভুলিয়া ইহাকে একটি অপরিবর্তনীয় নিয়মের মত ভাবিয়া তাহার সুরূপ গ্রহণ করিতে লাগিল। কিন্তু অর্থনৈতিক কারণে ধনী লোকেরাই এই সুরূপ বিশেষ ভাবে গ্রহণ করিত। যেহেতু কোরাণের বিধান অনুসারে চারিটি স্ত্রী গ্রহণের অধিকার প্রত্যেক পুরুষের আছে বটে, কিন্তু তৎসঙ্গে সঙ্গে এই দায়িত্বও রহিয়াছে যে প্রত্যেক স্ত্রীর প্রতিই সমান ব্যবহার করিতে হইবে; এক জনকে কোন উপহার দিলে অন্য জনকেও ঠিক তার অনুরূপ উপহার দিতে হইবে। লোকের জীবনযাত্রার আদর্শ যখন খাটো ছিল, যখন স্ত্রীলোকদের প্রসাধনের ও অন্যান্য প্রয়োজনের মধ্যে উপকরণ-বাহুল্য উপস্থিত হয় নাই, তখন একাধিক স্ত্রী গ্রহণ করা পুরুষের পক্ষে তত কষ্টকর ব্যাপার ছিল না, কিন্তু বর্তমান

সভ্যতার দিনে অর্থনৈতিক কারণেও বহুবিবাহ আর সহজসাধ্য নহে। (১) অবশ্য সমাজের কৃষকশ্রেণীস্থ লোকের পক্ষে বহুবিবাহের এই বাধা নাই। বরং একাধিক স্ত্রী থাকিলে তাহাদের নিজ চাষবাসের কাজে সাহায্য হয়। এই কারণে তুর্ক-চাষাভূষাদের মধ্যে বহুবিবাহ ছিল। মধ্যবিত্ত সম্প্রদায়ের প্রায় সকলেই একপত্নীক। তাহার উপরের শ্রেণীই এই বহুবিবাহের পাপে বেশী রকমে পানী। কিন্তু তাহাদের মধ্যেও যাহারা ধনী ও সম্ভ্রান্ত ঘরের কন্যা বিবাহ করিত, তাহাদের প্রভাবশালী আত্মীয়দের ভয়ে দ্বিতীয় বার বিবাহ করা সম্ভবপর হইত না।

এই বহুবিবাহ মন্দ হইলেও উহার যে কোন ভাল দিক একেবারেই নাই তাহা নহে। এজন্য তুর্ক-পুরুষদের কেহ কেহ বহুবিবাহের পশ্চাত্য সমালোচকদের আক্রমণের উত্তরে বলিয়াছেন, “যুরোপে কি এমন অনেক ব্যক্তি নাই যাহাদের গৃহে বিবাহিত পত্নী থাকা সত্ত্বেও অত্যাধিক একাধিক উপপত্নী রহিয়াছে? ইহা মুসলমান-প্রাচ্যের বহুবিবাহ অপেক্ষা খারাপ; কারণ এক ক্ষেত্রে একাধিক জীবনসঙ্গিনীর সকলেরই আইনসঙ্গত অধিকার আছে; বিবাহের সম্মান সম্বন্ধি বৈধভাবে জাত পুত্র-কন্যা বলিয়া গণ্য হয়, কিন্তু যুরোপীয় স্বাধীন-সংযোগ (Union libre) জাত সম্মানের উত্তরাধিকার-বঞ্চিত অন্ত্যজ শ্রেণী বলিয়া গণ্য হয় এবং তাহাদের মাতৃগণ যে কোন সময়ে গণিকাবৃত্তি অবলম্বন করিতে বাধ্য হইতে পারে।” (২) এই কথায় কিছু সত্য থাকিলেও বহুবিবাহকে সমর্থন করা যায় না। বহুবিবাহ দ্বারা যে হানতা ও পাপ প্রশ্রয় পায়, তাহা মানুষের নৈতিক ও আধ্যাত্মিক দৈন্য বৃদ্ধি করে। গৃহের শান্তি উহাতে কখনো অক্ষুণ্ণ থাকিতে পারে না। জনৈক ভুক্তভোগী তুর্ক-মহিলা (যাহার পিতার একাধিক পত্নী ছিল) পূর্বোক্ত বৃত্তি খণ্ডন করিয়া লিখিতেছেন, “নারী তাহার স্বামীর গুপ্ত প্রেমের জন্ত যে মানসিক কষ্ট ভোগ করে তাহা কঠোর হইতে পারে, কিন্তু সপত্নী যখন আসিয়া

(১) এ দেশের হিন্দু সমাজে যে বহুবিবাহ ছিল অর্থনৈতিক কারণে তাহ প্রায় লোপ পাইয়াছে।

(২) The Diary of a Turk P. 45.

শ্রীমনোমোহন ঘোষ

গৃহে প্রবেশ করে এবং নারীকে তাহার অর্ধেক অধিকার হইতে বঞ্চিত করে, তখন সেই নারী প্রকাশ্য ভাবে 'শহীদ' শ্রেণীভুক্ত হয়, কারণ তখন হইতে সে অন্য দশজনের কোতূহল ও অমুকম্পার পাত্র।... দ্বিপত্নীকের স্ত্রী ও উপপত্নিতে আসক্ত স্বামীর স্ত্রী এই উভয়ের ভাবী ও বর্তমান ক্রেশের মধ্যে যে পার্থক্য, তাহা শ্রেণীগত ও পরিমাণগত। পূর্বস্ত্রীর ক্রেশ বহুদূরব্যাপক, কারণ তাহার সন্তান সন্ততি, ভৃত্যাদি ও বন্ধুবর্গ পর্য্যন্ত তাহার প্রতিদ্বন্দীর সন্তানাদির সহিত স্বাভাবিক বিরোধ পোষণ করে। তাহার ফলে গৃহ এক দীর্ঘকালস্থায়ী অশান্তির আগার হইয়া উঠে।" (১)

বর্তমান তুর্কীতে এই অনিষ্টকর বহুবিবাহের প্রথা আইনের সাহায্যে দূরীকৃত হইয়াছে। বহুপত্নী ও উপপত্নী-পরিবৃত সুলতানকে স্বপদে রাখিয়া এই বহুবিবাহ ও তক্রপ অন্ত্য সামাজিক কুরীতি দূর করা যায় না বলিয়া তুর্কী তাহার খলিকা-পদের উচ্ছেদ সাধন করিয়াছে। যে সকল দেশের স্ত্রীজাতি এখনো স্ব স্ব অধিকার ফিরিয়া পায় নাই, তুর্কীর এই বিপ্লব সেই সকল দেশের নেতৃগণের প্রাণধানের বিষয় হওয়া উচিত

বিবাহচ্ছেদ

তুর্ক-বিবাহে সর্বাপেক্ষা মারাত্মক দোষ এই ছিল যে, হাতে স্ত্রী ও পুরুষকে সম্পূর্ণ ভিন্ন দৃষ্টিতে দেখা হইত। অর্থাৎ কেবল পুরুষকেই মানুষ আর নারীকে কোন বাবহার্য্য বস্তুর সামিল মনে করা হইত। এই ধারণার বশবর্তী হইয়াই বিবাহের সময় তুর্কীতে নববিবাহিতা বধুকে তপ্ত লোহার তারের দ্বারা চিহ্নিত (branded) করা হইত। (২) বিবাহচ্ছেদ সম্বন্ধে যে আইন প্রচলিত ছিল তাহাও এই গণ সংস্কারের ফল। "আমি তোমাকে তালাক দিলাম" এই কথাটি কেবল তিনি বার বলিলেই তুর্ক-পুরুষ তাহার স্ত্রীর সহিত বিবাহ সম্বন্ধ ছেদ করিতে পারিত। অবশ্য

পারিত্যক্তা স্ত্রীকে কিছু অর্থ দান করিতে হইত, কিন্তু সে অর্থ সামান্য। প্রায় ৭৮০। একরূপ ভাঙ্গাচোরা সংখ্যা নির্দেশ করার কারণ এই যে, ভাঙ্গানি খাঁজিতে যে সময় দরকার তা সময়টার মধ্যে সে যেন পুনর্বিবেচনার সময় পায় ও নিজ কথা ফিরাইয়া নিতে পারে। অবশ্য পরিত্যাগ, নির্দিষ্টব্যবহার ও ভরণপোষণের অভাব ইত্যাদি গুরুতর কারণে নারীও তাহার স্বামীকে ত্যাগ করিতে পারিত, কিন্তু এই ক্ষেত্রে এবং নারীর অন্ত্য অধিকারের বেলায় নারীর অধিকার প্রায় পুঁথিগতই ছিল। তুর্ক-আইন অনুসারে নারীর নিজ ব্যক্তিগত সম্পত্তিতে স্বাধিকার ছিল; এই সম্পত্তিরক্ষার জন্ত সে নিজ স্বামীর বা অন্ত্য কাহারও বিরুদ্ধেও মামলা আনিতে পারিত। অবশ্য তাহার স্বামীকে না জড়াইয়া লোকে তাহার বিরুদ্ধে মামলা আনিতে পারিত। শিশু সন্তানের রক্ষণাবেক্ষণে মাতার অধিকার ছিল। মাতার অন্ত্য নিকটতম মাতৃবন্ধু দিদিমা, মামী অথবা জোষ্ঠা ভগিনী এই রক্ষণাবেক্ষণের অধিকার পাইতেন। কিন্তু কার্য্যকালে এই সকল অধিকার আইনের পুস্তকেই থাকিয়া যাইত; স্বামী অত্যাচার করিতে ইচ্ছা করিলে, পুরুষানুক্রমে পুরুষের দাসত্বে দুর্বল নারী তাহার ইচ্ছার বিরুদ্ধে দাঁড়াইবার কোন চেষ্টা করিতে পারিত না। বড় জোর বিবাহচ্ছেদ ছিল তাহার ভরসা। আইনমতে উপযুক্ত কারণে বিবাহ ছিন্ন করা বিশেষ শক্ত ছিল না, কিন্তু বিবাহ ছিন্ন করিয়া দাঁড়াইবার জায়গা না থাকিলে কোন নারীই ঐ পথে অগ্রসর হইত না। কারণ আজন্ম স্বাধীনতার শিক্ষা না পাওয়াতে তুর্ক-নারী একাকী বাস করিতে একান্ত অনভ্যস্ত ছিল; কাজেই যদি পিতৃকুলে আশ্রয় গ্রহণের সুবিধা, অথবা কোন দ্বিতীয় ব্যক্তি তাহাকে পত্নীহিসাবে গ্রহণ করিবে এই ভরসা তাহার না থাকিত, তবে বিবাহবন্ধন ছিন্ন করিলে তাহার বিপদ বাড়িয়াই যাইত। এই সকল কারণে তুর্ক-নারী মুখ বুজিয়া স্বামীর সকল অত্যাচার সহ্য করিতে বাধ্য হইত। কিন্তু তুর্কী বর্তমানে সুইস্ সিভিল কোড গ্রহণ করিয়া সিভিল-বিবাহ প্রবর্তন দ্বারা যে কেবল পুরুষের বহুবিবাহ রহিত করিয়াছে তাহা নহে, পরন্তু বিবাহচ্ছেদব্যাপারে

(১) Turkey Today. P. 165.

(২) Behind Turkish Lattices P. 50.



পুরুষ ও নারীকে সমান অধিকার দিচ্ছে। বিবাহচ্ছেদ ইচ্ছা করিলে উভয়কেই তিনমাস অপেক্ষা করিতে হইবে। তাহার পর উপযুক্ত আদালতে বিবাহচ্ছেদের মৌমাংসা হইবে। শিক্ষা ও স্বাধীনতার প্রসার ঘটিয়াছে বলিয়া আগেকার দিনের আইনসম্মত অধিকারের ত্রায় এ সব অধিকার নেহাৎ পুঁথিগত নহে। তুর্কী সাধারণতঃ পুরুষের নিকট যে নারীর মর্যাদা বাড়িয়াছে তাহা বলাই বাহুল্য।

নারীর কৰ্মক্ষেত্র—অতীতে

পরদার ফলে হারেমের চতুঃসীমার মধ্যে আবদ্ধ তুর্ক-নারীর কৰ্মক্ষেত্র অতীতে খুবই সঙ্কীর্ণ ছিল। ঘরকন্নার কাজ বা তত্ত্বাবধান, প্রসাধন, স্বামীর মনোরঞ্জন, সপত্নী থাকিলে তাহার সহিত কলহ বিবাদ ইত্যাদি করিয়াই তাহার সময়ের বেশীর ভাগ কাটিত। তাহার পরও যেটুকু সময় উদ্ভূত থাকিত তাহা সূচের কাজ করিয়া অলসভাবে বসিয়া বা ধূমপান করিয়াই ব্যয় করিত। তুর্ক-মেয়েদের মধ্যে ধূমপান খুব প্রচলিত; তাহাদের প্রায় সকলেই ব্রহ্মবাসিনীদের মত সিগারেট পাকাইতে পারে। সিগারেট জ্বালাইতেও তাহারা বেশ সিদ্ধহস্ত। অন্তঃপুরে অভ্যাগত নারীসমাগম হইলে কাফি পানের অন্তে তাহাকে সিগারেট দেওয়া হয়। এই ধূমপানের ব্যাপারে তুর্ক-নারী যুরোপীয় নারীর প্রায় সমকক্ষ। বরং কোন বিশেষ কাজ না থাকায় তুর্কনারী অনেক বেশী সিগারেটই দগ্ধ করে।

তুর্ক-নারী যে কখনো কখনো তাহার আপাদমস্তক বস্ত্রাবৃত দেহে বাহিরে বেড়াইতে যাইত না তাহা নয়। শুক্রবার দিন ছিল তুর্কীর সাপ্তাহিক বিশ্রামের দিন। ঐ দিবস বড় বড় সহরের মেয়েদের অনেকে স্বামীর সহিত বেড়াইতে বাহির হইতেন। অনেকে বা ভৃত্য সঙ্গে লইয়াও বাহিরে আসিতেন। এ বিষয়ে যে তুর্কী আমাদের দেশের লোকদের চেয়ে অগ্রসর ছিল তাহা বোধ হয় না বলিলেও চলে। কিন্তু দুর্ভাগ্যের বিষয় পুরু ঘোমটা চোখের উপর থাকায় তুর্ক-মেয়েরা কিছুই ভাল করিয়া দেখিতে

পাইতেন না। তাহাতে বাহির হওয়ার প্রধান উদ্দেশ্যই বার্থ হইত।

পরিচিত ব্যক্তিদের অন্তঃপুরে যাওয়া আসা করাও তুর্ক-নারীর একটি কাজ ছিল। ঐ সময়ে কফিপান, সিগারেট খাওয়া ও কথাবার্তায় অনেক সময় কাটিত, কিন্তু তুর্ক-নারীর সব চেয়ে আনন্দ উপভোগের ব্যাপার ছিল বিবাহ-উৎসব। তুর্ক-নারীর আর এক বিশেষ আনন্দ ছিল স্নান-শালায় গমন। টাঙ্কিশ বাথ্ (Turkish Bath) কথাটির সহিত আমরা অনেকেই পরিচিত, কিন্তু উহার মূল অর্থ বোধ হয় বেশী লোকের জানা নাই। কনষ্টান্টিনোপলে অনেক-গুলি বাথ (Bath) বা স্নানশালা আছে। হল্‌দে চূড়া (dome) দেখিলেই সেগুলিকে চেনা যায়। গুগুলি প্রায়ই পাথরে তৈরী। ছাতের দিকে ছাড়া উহাদের কোন জানালা থাকে না। তাহাতেই বেশ আলো হয়। চার পাঁচটি চূড়াযুক্ত কক্ষ একত্র সংলগ্ন। সর্বমুখের কক্ষটিতে সর্বাপেক্ষা উষ্ণ জল ও তাহার পরে অপেক্ষাকৃত অল্প উষ্ণ ও সব চেয়ে বাহিরের প্রকোষ্ঠে শীতল জল রাখা হইয়া থাকে। এখানে আশে পাশের মেয়েরা একত্র হয়, স্নান করে, গাও মার্জ্জন করে, কেশসংস্কার করে। কফি খাওয়া, ধূমপান, গল্পগুজব পরচর্চা ইত্যাদি কিছুই বাদ যায় না।

নারীর কৰ্মক্ষেত্র—বর্তমানে

তুর্ক-নারী আজ পরদা-বন্ধন হইতে মুক্তিলাভ করিয়াছে। অতীতে কোন তুর্ক-নারী বিদেশে যাত্রা করিলে একটা মহা সোর গোল পড়িয়া যাইত। কারণ পরদায় আবদ্ধ থাকিয়া বিদেশে গমন করিলে পদে পদেই প্রায় জাতি-নাশের ভয় ছিল। তাই কোন তুর্ক-নারীকেই বিদেশে যাইতে উৎসাহ দেওয়া হইত না। কিন্তু বর্তমান সাধারণ-তন্ত্রের অধীনে তুর্কেরা এই বিষয়ে এক মহা পরিবর্তন আনিয়াছে। যাহারা রাষ্ট্রীয় কৰ্মে—অর্থাৎ রাষ্ট্রদূত, কনসুল প্রভৃতি হইয়া যুরোপে যাইতেছেন তাহারা নিজ নিজ স্ত্রীকে সঙ্গে লইয়া যাইতেছেন। ইহাদের মধ্যে মাদাম কেব্রিদ বে ও মাদাম কেতি বে'র নাম বিশেষ

শ্রীমনোমোহন ঘোষ

ভাবে উল্লেখযোগ্য। এই দুইটি মহিলার নাম তুর্কীর অধিকাংশ নারীহিতকর অনুষ্ঠানের সহিত যুক্ত। উপস্থিত মাদাম ফেরিদ তাঁহার স্বামীর সহিত লণ্ডনে, আর মাদাম ফেতি তাহার স্বামীর সহিত প্যারিসে আছেন। বলা বাহুল্য উভয়েই তুর্কনারী সম্বন্ধে পাশ্চাত্য জগতের ধারণাকে বিশেষ ভাবে পরিবর্তিত করিয়াছেন।

কিন্তু কেবল বিদেশে নহে, দেশে থাকিয়াও আধুনিক তুর্ক-নারী বিবিধ কর্মে লিপ্ত হইয়া দেশের উন্নতিসাধন করিতেছেন। এই সকলের মধ্যে শিক্ষাপ্রচারের কর্মই সর্বাগ্রে উল্লেখযোগ্য। পূর্বেই উল্লিখিত হইয়াছে যে, বহু তুর্ক-নারী শিক্ষকতা কার্যের জন্ত শিক্ষালাভ করিতেছেন। অনেকে বিদ্যালয় পরিদর্শনের কার্যে নিযুক্ত হইয়াছেন। কেবল মেয়ে-বিদ্যালয় নয়, ছেলেদের বিদ্যালয়ও তাঁহারা পরিদর্শন করেন।

কেবল শিক্ষায় নহে, জাতীয় স্বাস্থ্যবিধানের ক্ষেত্রেও নারীর সহযোগিতা বিশেষভাবে দেখা যাইতেছে। বলা বাহুল্য এই কারণে জাতীয় স্বাস্থ্যের উন্নতি দ্রুততর হইয়াছে। তুর্কীতে যে ভাল ডাক্তারের সংখ্যা কম ছিল তাহা নয়। কিন্তু প্রাচীন কায়দা-কানুন অনুসারে মেয়ে-রোগীকে পুরুষ ডাক্তারের দেখা নিষিদ্ধ ছিল। মেয়ে-ডাক্তারের সংখ্যা অবশ্য খুব বেশী ছিল না। আজ কাল অনেকে মেয়ে-চিকিৎসাবিদ্যা অধ্যয়ন করিতেছেন। নবীন তুর্কীকে গড়িয়া তুলিবার জন্ত তাহাদের সাহায্য বিশেষভাবে প্রয়োজন, কারণ পরদা ইত্যাদি প্রথার বিচ্ছেদসাধন ঘটিলেও প্রাচীনতরী মেয়েরা এখানে পুরুষ-ডাক্তার দেখাইতে নারাজ। তুর্কীতে এখন একজন বিশেষ অভিজ্ঞ মেয়ে-ডাক্তার আছেন; তাঁহার নাম ডাঃ আতাউল্লা। তিনি লণ্ডন বিশ্ববিদ্যালয়ের এম ডি (M. D.)। ইনি এবং একজন জার্মান মহিলা-ডাক্তার (যিনি তুর্ক স্বামী গ্রহণ করিয়াছেন) সারাদিন খাটিয়া মেয়ে-রোগীদের চিকিৎসা করেন। তাঁহাদের এই কঠিন পরিশ্রমের কারণ এই যে, তাঁহারা যত রোগী দেখিতে পারেন তাহা অপেক্ষা বেশী লোকে তাঁহাদিগকে ডাকিতে আসে।

কেবল শিক্ষাদান ও চিকিৎসাবিদ্যায় নহে, সাহিত্য ও ললিতকলাতেও তুর্ক-নারী প্রবেশ করিয়াছেন। মাদাম ফেরিদ বে (মুফিদে হানুম) বর্তমান তুর্কীর একজন শ্রেষ্ঠ সমালোচক। সুয়াতে দারবিশে হানুম একজন সুবিখ্যাত লেখিকা; বয়সে নবীনা হইলেও এইটি মহিলা; জার্মানীতে খুব সুপরিচিত। তিনি যাহা লেখেন তাহাই জার্মান ভাষায় অনূদিত হয় (১)

সাহিত্যের পরে ললিতকলা। তুর্কীতে চল্লিশ বছরেরও আগে কলা-বিদ্যালয় প্রতিষ্ঠিত হইলেও সাধারণতঃ প্রতিষ্ঠার আগে তাহাতে নারীর প্রবেশাধিকার ছিল না। সম্প্রতি সে সকল বাধা দূর হইয়াছে। কতিপয় ছাত্রী তাহাতে মূর্তি-গঠনকার্যে শিক্ষা করিতেছে। এই মূর্তি-গঠনও একদিন অবশ্য ইসলামের অনুশাসনে নিষিদ্ধ ছিল, কিন্তু বীরপুরুষ কামাল পাশা খলিফার সহিত ধর্মসংস্কেত এরূপ অনেক কুসংস্কারকেও নিকাসিত করিয়াছেন বলিয়া আজ আর ওরূপ কোন বাধা নাই। নৃত্যবিদ্যা ললিতকলার এক প্রধান অঙ্গ। নব্য তুর্ক-রমণী এ বিষয়েও অসাধারণ উৎসাহ দেখাইয়াছে। সেলিম সিরি বে' নামক জনৈক প্রফেসরের কৃত্যেয় নৃত্যবিদ্যা শিক্ষা করিবার জন্ত যুরোপে গিয়াছেন। মুস্তাফা কামাল পাশার ইচ্ছা ইঁহারা দেশে ফিরিয়া আসিয়া প্রচলিত কোন কোন নৃত্যকে বর্তমান কালোপযোগী করিয়া লন (২)

দলগঠনে তুর্ক-নারী

সর্ববিষয়ে নিজ নিজ গ্ৰাঘা অধিকার পাইয়াও তুর্কনারী পাশ্চাত্য নারীর মত পুরুষের প্রতিদ্বন্দ্বী হইয়া উঠে নাই। তাহার ফলে তুর্কীতে অল্প দেশের মত “নারী আন্দোলন” নামক কোন জিনিষ গড়িয়া উঠে নাই। মেয়েদের যে সব প্রতিষ্ঠান আছে তাহাদের উদ্দেশ্য পুরুষদের পরিচালিত উন্নতিকর কার্যসমূহে যথাসাধ্য সাহায্য করা।

(১) Turkey Today. P. 251.

(২) Turkey Today. P. 227.



এই কারণে পৃথক নারী-আন্দোলন সম্ভবপর হয় নাই। শুধু মেয়েদের জন্তু যে সকল ক্লাব স্থাপিত হইয়াছিল তাহার কোনটিই ভাল চলে নাই। কনষ্টান্টিনোপলে “Union des Femmes Turques” নামক তুর্ক-নারী-সমিতি প্রতিষ্ঠিত হইয়াছিল, তাহারও এই দশা। এই সমিতির কতিপয় সভ্যা মেয়েদের যাহাতে জাতীয় ব্যবস্থাপরিষদে নির্বাচিত হইতে পারে তাহার আন্দোলন চালাইতে ইচ্ছুক ছিলেন, কিন্তু নেতৃস্থানীয় মহিলারা কেহই উহাতে সহায়ত্ব দেখান নাই। বাস্তবিক তুর্ক-নারীর এ বিষয়ে সংগ্রাম করার কোন কারণ নাই। যেহেতু সংগ্রাম না করিয়াও তুর্ক-নারী কামাল পাশার উদারতার জন্তে অনেক অধিকার পাইয়াছে। তাঁহার আদেশ, ঠিক পুরুষের সমান যোগ্যতা দেখাইলে নারীও অধ্যাপক, ডাক্তার, আইনজীবী, শিল্পী ও সাহিত্যিক বলিয়া গণ্য হইবে। তিনি বলেন, “নারী

শিল্পী,” “নারী নাট্যকার” এরূপ কথার কোন অর্থ নাই। কেন এসকল কথার আগে নারী শব্দটি যোগ করা? এর দ্বারা কি অহুকম্পা ভিক্ষা হইতেছে? না, অপেক্ষাকৃত অপটুদিগকে উৎসাহিত করা হইতেছে? প্রতিভার কোন জাতিভেদ নাই। কাজেই দেশকে পুরুষ ও নারী এই দুই ভাগে ভাগ করা একান্তই বিড়ম্বনা।” তুর্কীতে তাই স্ত্রীপুরুষ সহযোগিতার পথে জাতীয় উন্নতি করিতে চলিয়াছে। তুর্ক জাতীয় ক্লাবে স্ত্রীপুরুষ ঠিক সমান ভাবে সদস্য হইতে পারেন। কর্ম-কর্তা ও সভাপতি নির্বাচিত হইতে উভয়েরই সমান অধিকার। ‘নাফিএ হানুম’ নামক মনস্বিনী মহিলা সম্প্রতি তুর্কীর পূর্বোক্ত জাতীয় ক্লাবের সভাপতি। পুরুষ-নারীর এই নির্বন্দ সহযোগিতায় তুর্কী যে অচিরে তাহার নষ্ট গৌরব উদ্ধার করিবে তাহাতে সন্দেহ নাই।

ঝরা পাতার গান

শ্রীহেমচন্দ্র বাগচী

চলিতে পথে পড়িলে ঝরি' কেশের 'পরে মোর
মলিন ঝরা পাতা গো, ঝরা পাতা,
টুটিয়া-যাওয়া গানের বীণা, আনিলে মোহ-ঘোর ;--
ধূলায় হ'ল আসনখানি পাতা !
বসন্তেরি শুভ্র ধূলি, পথের ধূলি গো,
মনের দ্বার তোমারি লাগি' নীরবে খুলি গো,
গানের বাতি জালায়ে ধ'রি রাত্তি যে করি ভোর ;--
এ-গানখানি র'বে কি মনে গাঁথা ?
খুলিয়া এলে মাটির রাখী, কাটিয়া এলে ডোর
মলিন ঝরা পাতা গো, ঝরা পাতা !

প্রভাতীসুরে কাঁপন লাগে অশথ-শাখা 'পরে—
শ্রামল পাতা মাটির ভূলে কি সে!—
মাটির রঙ, মাটির সুর পাতায় থরে থরে
মাটির ভুলি' মরে না দাহ-বিষে !
মাটি গো মাটি, পথের মাটি, প্রাণের মাটির,
দেহের ক্ষুধা মিটাও তুমি, বাধ' গো পা'টির ;
তাইত মোর স্বপনগুলি উড়াই বায়ু-ভরে,
ঝরিয়া কভু ধূলায় রই মিশে ;
প্রভাতীসুরে কাঁপন লাগে অশথ-শাখা 'পরে,
শ্রামল পাতা মাটির ভূলে কিসে !

শ্রী:হুমচন্দ্র বাগচী

ভুলিয়া-যাওয়া বাউল-কবি জাগিল প্রাণে আজি
পাতার সুরে মনের সুর দে রে !
গ্রামের পথে মাঠের শেষে যে সুর উঠে বাজি'
ঝরা সে সুরে পরাণ লয় কেড়ে !
হায়রে গান, মাঠের গান, বটের গান গো,
দোলাও জটা, পাতার ঘটা— মাতাও প্রাণ গো !
দিনের শেষে ফুরা'লে দাহ, কি সাজে রঙ সাজি'
রাতের বায়ু পাতায় দেয় নেড়ে,
অমনি ঝরে শুকানো কুঁড়ি, লুকানো ফুলরাজি —
কহে কি ধীরে, 'মনের সুর দে রে !'

মনের সুর খুঁজিয়া ফিরি বনের পথে তাই
পথের শেষে এলো না আজো মনে !
পাতারই মত ঝরিলু ; বুকে অসীম নিরাশা-ই—
মনের পাখী মরে কি বনে বনে !
কোথারে পাখী, বনের পাখী, মনের পাখীটি,
তোমারে পেলে তোমারি পায়ে বাঁধিব রাখীটি ;
উড়িবে তুমি অপার নীলে ;—এমনি গান গাই ;
ভাসে কি সুর পরাণে অকারণে !
মনের সুর খুঁজিয়া ফিরি বনের পথে তাই
পথের শেষ এলো না আজো মনে !

আজিকে শুধু ঝরিতে চাই ধূলি-আসন 'পরে
একটি সুরে রণিবে প্রাণখানি ;
একটি তার মাতিবে শুধু গানেরি নির্ঝরে,
নয়নে-মুখে খেলিবে মহাবাগী !
সেই সে দেশে ধূলির 'পরে চাই যে মিশা'তে
হৃদয়খানি জাগায়ে তুলি' অধীর নিশাতে !
তাহারি সাথে চলিবে ধীলা নবীনগান তরে ;
ঝরার পথে কে রয় মোরে টানি' !
আজিকে শুধু ঝরিতে চাই ধূলি-আসন 'পরে,
একটি সুরে রণিবে প্রাণখানি !

জানি গো জানি ঝরিয়া এলু একটি মন হ'তে,
ঝরিয়া এলু মনেরি শিলা-তলে !
জানি গো জানি উড়িয়া যা'ব অসীম বায়ু-স্রোতে
সে শিলা হ'তে কাহার মায়া-বলে !
হায়রে মায়া, প্রাণের মায়া, মোহন মায়া গো,
ঝরার পথে ঘনায়ে দিলে নিবিড় ছায়া গো,
মাটির ডোরে বাঁধিলে মোরে ধূলি-উড়ানো পথে
কাঁকন-রণা কোমল করতলে !
জানি গো জানি ঝরিয়া এলু একটি মন হ'তে,
ঝরিতে চাই মনেরি শিলাতলে !

সে মনখানি কোথায় আজি বলিবে মোরে তুমি
বাকুল ঝরা পাতা গো, পাতা,
কালো কবরী একদা কবে বন্ধ মোর চুমি'
প্রাণ-পরতে ছিল গো সে কি গাঁথা !
ছিল গো গাঁথা, তাইত গাথা, তাইত গান গো,
তাইত আলো নয়নে তব মাতার প্রাণ গো ;
বিরহলীলা আজি সে বীণা লুটায় বুঝি ভূমি—
চাঁদিনীরাতে শূন্য শেজ-পাতা !
সে মনখানি কোথায় আজি বলিবে মোরে তুমি
বাকুল ঝরা পাতা গো, ঝরা পাতা !

সনেট-পঞ্চাশৎ

শ্রীধীরেন্দ্রনারায়ণ চক্রবর্তী

একখানা ফরাসী উপন্যাসের ইংরাজী অনুবাদে এই ব'লে ভূমিকা সূচনা করা হয়েছে যে, ক্লাসিক অর্থাৎ কুলীন কি না, এ বিচার পণ্ডিতদের জন্তে মূলতুবি রেখে, আমাদের যে বই পড়তে ভাল লাগে সেই বই পড়ব। উক্ত বচনের অনুসরণ ক'রে, সন্দেহের ভার সমালোচকের হাতে দিয়ে, যে বইতে নিঃসংশয় কিছু নূতনত্ব আছে তৎসম্বন্ধে পাঠক হিসাবে যা মনে হয়েছে লিখিব।

স্বীকার করছি যে-বই অনেকের নিকট পুরোনো হ'য়ে গিয়েছে, সেই বই আমি সম্প্রতি পড়েছি। দিল্লীতে প্রবাসী-বঙ্গসাহিত্য-সম্মেলনে চৌধুরী মহাশয় নিজেই স্বীকার করেছেন অশরীরী বীরবল শরীরী প্রমথ চৌধুরীর চাইতে খ্যাতি। রূপ যে দেহকে অতিক্রম করবে এ আর বিচিত্র কি! আর সেই খ্যাতির আওতায়, বীরবল নয়, প্রমথ চৌধুরী-লিখিত চৌদ্দ পংক্তির কবিতা যদি কোন পাঠকের নিকট অপাংক্তের হ'য়ে ওঠে, তা' হ'লেও আশ্চর্যাজনক কিছু হয় না, নাম-মাহাত্ম্যের একটা দৃষ্টান্ত পাওয়া যাওয়া মাত্র। ভানুসিংহের পদাবলী নিজের পায়ে দাঁড়িয়ে সিংহবিক্রম প্রকাশ করে কি।

কিন্তু অসমছন্দের দীর্ঘকায় বার্থ অনুকরণের যুগে অঁটসাঁট বাধা ক্ষুদ্রকায় কবিতা মতাই অপাংক্তের কি না, এই হচ্ছে এ প্রবন্ধের বিচার্য।

সনেটের জন্ম অবশ্য বাঙলায় নয়। স্কুলের ছেলেরা ভূগোল পড়বার সময় ইউরোপের যে দেশের সঙ্গে ভারতবর্ষের অবস্থান তুলনা করে, সেই ইতালীতে। ইতালীয় সাহিত্য হ'তেই ইংরাজী কাব্যে সনেটের আমদানী। Shakespeareএর সনেটে ইতালীয় সনেটের ছন্দরক্ষা হয় নি, সেই জন্তে তা'কে দু'কূল বাঁচিয়ে বলা হয় English Sonnet, তা'ও বোধ হয় গৌরবে; আসলে ও হচ্ছে quatorzain, নিছক চতুর্দশপদী; যেমন আমাদের মাইলের চতুর্দশপদী

কস্মিন্‌কালে সনেট নয়। ভাল কথা, বাঙলায় সনেটের প্রবর্তক কে? শ্রীযুক্ত প্রমথচৌধুরী ন'ন কি? সনেট চৌদ্দ লাইনের মিত্রাক্ষর কবিতা, এবং তা' আবার দুই ভাগে বিভক্ত, প্রথম ৮ লাইন ও শেষ ৬ লাইন। প্রথম ৮ লাইনের মিল-সন্নিবেশ এইরূপে : ১,৪,৫,৮ লাইনের পরস্পর মিল থাকবে, ও ২,৩,৬, ৭ পরস্পর যুক্তমিল হবে। শেষ ৬ লাইনের কোন বাঁধাধরা নিয়ম নেই, ওখানে কবির অনেকটা স্বাধীনতা আছে। কিন্তু প্রথম ৮ পংক্তিতে নাগ্নঃ পস্থাঃ ; এবং অষ্টম পংক্তির অন্তে অবশ্য অবশ্য ছেদ প'ড়ে প্রথম ভাগ শেষ হবে। তা' না হ'য়ে, অষ্টম পংক্তি নবমের সহিত একটানা হ'য়ে যদি নবম পংক্তির মাঝে গিয়ে থাকে, তাহ'লে ছন্দশাস্ত্রসঙ্গত সনেট হয় না।—যেমন, Miltonএর “Massacre in Piedmont,” “To Cyriack Skinner upon his blindness,” Wordsworthএর “Scorn not the Sonnet,” “I thought of thee,” Keatsএর “The Human Season” প্রভৃতি। ইংরাজী উদাহরণ নিয়ে মাথ' বামাবার বেশি প্রয়োজন নেই, সার্থকতাও নেই; তবে এইটুকু সার্থকতা আছে যে উদাহরণ থেকে বুঝা যায় কবি-শিরোমণিদের পক্ষেও সনেটের একটা প্রধান নিয়ম বজায় রাখা ভাবের স্রোতে সব সময় সহজ হয় নি।—সে যা হোক, বাঙলায় চৌদ্দ লাইনের কবিতা অনেক থাকলেও, সনেট পঞ্চাশতের পূর্বে কেহ যথার্থ সনেট রচনা করেন নি; অথ বারা সনেট লিখেছেন এবং লিখেছেন তাঁরা সকলেই সনেট পঞ্চাশতের পরে কলম ধরেছেন বললে বোধ হয় ভুল হয় না।

এখন, চৌধুরী মহাশয়ের সনেট আকারে ও প্রকারে কিরূপ দেখা যাক। ইংরাজী হিসাবে নির্ভুল সনেটেও বাঙালীর ছাপ এবং বাঙলার ছোপ না থাকতে পারে;

শ্রীধীরেন্দ্রনারায়ণ চক্রবর্তী

তার সোজা কারণ, ছই এক ক্ষেত্রে ব্যতিক্রম ঘটলেও, সকল অনুবাদকেই, এমন কি ছনের অনুবাদকেও, মূল বলে ভ্রম হয় না। আর বাঙলার ধারার সহিত যোগ না থাকলে বিদেশী ছন্দ বিসদৃশ হ'য়ে উঠতে পারে। আমাদের আলোচ্য কবি সনেট-রচনায় বাঙলার সনাতন ছন্দসূত্র পয়ারের। গ্রন্থিই একটু ঘুরিয়ে বেঁধেছেন, অথচ প্রথম আট পংক্তিতে খাঁটি সনেটের স্তবক রচিত হয়েছে; এবং শেষ ছয় লাইনকে ছই ভাগ ক'রে পয়ারের ঘন ঘন মিলকে আরও স্পষ্ট ক'রে তুলেছেন। ভাগে ভাগে দলাদলি আর মাঝে মাঝে Pact যে আমাদের খাঁটি দেশী জিনিষ এ কথা অস্বীকার ক'রবার উপায় কই!

বস্তুত, যে প্রাচীন চৌদ্দ অক্ষরের মাটির উপর অমিত্রাক্ষরছন্দে মেঘনাদবধের দৃঢ় সৌধ ও চিত্রাঙ্গদার স্বপ্নময় কুঞ্জবন বিরচিত হয়েছে, সেই চৌদ্দ অক্ষরের একটানা পংক্তিই “সনেট পঞ্চাশৎ” এর বিদেশী সনেট ছন্দকে দেশী ধারার সহিত যুক্ত রেখেছে। শুধু তাই নয়; নবম ও দশম পংক্তি পরস্পর যুক্তমিল হওয়াতে এবং শেষ চার পংক্তিতে হয় পিঠ-পিঠ মিল, নয় একান্তর অর্থাৎ একপংক্তিপর মিল থাকতে, পয়ারের বন্ধার-রেশ সর্বত্রই কম-বেশী বেজে উঠেছে। সেই কারণে চোখে বিশ্লেষণ ক'রে না দেখলে কানের কাছে এ'র বিদেশীত্ব সহসা ধরা পড়ে না, এবং এই না-পড়াটাই শ্রীযুক্ত প্রমথ চৌধুরীর সনেটের প্রশংসনীয় বিশেষত্ব। নবম দশম পংক্তির পৃথক্বিচ্ছাস বাঙলায় আরও বিভিন্ন সনেটে দেখা যায়। কিন্তু সনেট পঞ্চাশতের একটু পার্থক্য হচ্ছে এই যে, ছন্দব্যতীত ভাবের দিক দিয়েও ঐ ছই পংক্তি যেন পঞ্চাঙ্ক নাটকের তৃতীয় অঙ্কের মতো, ভূমিকার কূল ও উপসংহারের মূল।

হয় তো প্রথম যখন সনেট লিখতে আরম্ভ করেন তখন চৌধুরীমহাশয়ের নিজেরই সন্দেহ ছিল যে, বাঙলা সনেটে বিলেতী গন্ধ থাকবে, সেইজন্তে “সনেট পঞ্চাশৎ” এর প্রথম সনেটেই “সরস্বতী দেখা দিবে পরিয়া বনেট” ভূমিকা ক'রে পাঠকের মুখ বন্ধ করেছেন। কিন্তু আমরা ইচ্ছা এ যুগের পাঠক; কৃতিভাসের আমলে যে ভূমিকার পাঠকের

কিছুমাত্র মুখবন্ধ হ'ত না, সে কথা এখন আমাদের কাছে কবির বিনয় ও বীরবলের রহস্য বলে মনে হয়। পয়ারের ধৃতির উপর সনেটের কোট আমাদের এ যুগের আর্টের চোখে বেমানান লাগে না। কিন্তু যুগধর্মেরও একটা সীমা আছে। তাই, সে কোট যদি হয় বুকখোলা আর পায়ে থাকে বুট, তা' হ'লে আবার বরদাস্ত করা কঠিন হয়। পঞ্চাশতের কোন সনেটের কোন পংক্তিই মাঝখানে দীর্ঘচ্ছেদদ্বারা বিভক্ত হয় নি, এবং শেষ ছয় পংক্তি ছইভাগে পৃথক্ব থাকায় ফিতেবাধা আষ্টেপৃষ্ঠে বন্ধ বুটজুতোর রূপধারণ করে নি।

উপরের সকল কথা চার পাঁচটি সনেট সম্বন্ধে সর্বতো-ভাবে প্রযুক্ত্য না হ'তে পারে, কিন্তু অল্পসংখ্যকে যে রূপের ইতরবিশেষ ঘ'টে থাকে, অধিকাংশ সম্বন্ধে প্রযুক্ত্য হ'লে তা'ই হয় সাধারণ নিয়ম। আর সেই সাধারণভাবে দেখলে “সনেটপঞ্চাশৎ” এর অধিকাংশ সনেটে আকারগত সাদৃশ্য ছাড়া একটা ভাব-সায়ুক্ত্যও আছে।

বর্তমান কবি গ্রন্থারম্ভে ছইজন পূর্বসূরির বন্দনা করেছেন। প্রথমে পেত্রার্ককে (১ নং সনেট) স্মরণ করেছেন সনেটকার হিসাবে, পরে ভাসের (২ নং) বন্দনা করেছেন উক্ত মহাকবিকৃত কাবোর মর্ম্মকথার জ্ঞাত। জয়দেব, ভর্তৃহরি, চোরকবি প্রভৃতি সম্বন্ধে যে কয়টি সনেট আছে তা'র কোনটিই বন্দনা নয়; এবং ওগুলির সঙ্গে ভাসশীর্ষক সনেটটির ভাষার তুলনা করলেই বুঝা যায় ভাসের, ভাষা না হোক, ভাবের উপর লেখকের লোভ অতি বেশী। আর,—লোভে পাপ, পাপে মৃত্যু—শাস্ত্রের বচন। লুক্ক হ'য়ে তিনি যে বৈশিষ্ট্যের প্রশংসা করেছেন, তাঁর নিজের লেখায় তা'রই ছায়া পড়েছে। কিন্তু ভাসের “পারিষদ ছিল মহাপ্রাণ আর্থা” (২); আর বর্তমান কবির পাঠক ক্ষীণপ্রাণ বাঙালী; তাই, ধীর “পৌরুষের পরিচয় আল্পেষে চূষনে” (৩) নয়, ধীর ‘বাঙ্গালার যমুনা’ (১) “বিলাসে চলিয়া উজান” বহে না, যিনি পঞ্চাশটি সনেটের একটিতেও “বন্দাবনী প্রণয়ের গদগদ ভাব” (২) আওড়াতে পারেন না, অপরপক্ষে “আদিরসে দেশ ভাসে অজয় জোরার” (৩) লিখেই পরবর্তী পংক্তিতে লিখে



বসেন “বহুভূমি পদে দলে তুরঙ্গ সোনার” (৩), এরকম বৈরসিক কবির কবিতা যদি এতদিন শনির দৃষ্টিতে ভঙ্গ না হ’য়ে গিয়ে থাকে তা’ হ’লে উপরে উক্ত শাস্ত্রের বচন মিথ্যা হয়! ইংরাজী ১৯১৩ সনে বইখানা প্রথম প্রকাশিত হয়েছে; এই ষোল বছরের মধ্যে সংস্করণের নমুনা দেখে মনে হচ্ছে লেখকের কাব্য-সরস্বতীতে না হোক তাঁর প্রকাশকের কবিতা-লক্ষ্মীতে শনির দৃষ্টি ষটেছে; কাজেই শাস্ত্রের বচন মিথ্যা নয়!

পঞ্চাশটি সনেটের সবগুলিতে না হোক, অধিকাংশে মোটামুটি ভাব-সামীপ্য আছে, এবং সে বীজ এই: প্রাণের ছায়ানৃত্যের উপর বুদ্ধির আলো পড়ুক।

কবিতার তত্ত্ব আলোচনা করতে হ’লে অনুমান ছাড়া দ্বিতীয় গতি নেই, তার কারণ কবিতা প্রবন্ধ নয়। বিশেষ, “সনেট পঞ্চাশৎ”এর কবি নিজেই স্বীকার করেছেন ভাষার নীচে “সত্য মুখ ঢেকে হাসে” (২৬), আর ভাষার স্থান কবিতায় যে কতখানি তা’ যারা কবিতা লেখেন শুধু তাঁরা নন, যারা চোখ কান খুলে কবিতা পাঠ করেন তাঁরাও জানেন।

সনেট পঞ্চাশৎ প’ড়ে মনে হয়েছে শেষ সনেট “আত্মকথা” সত্যই কবির নিজের কথা:

“নাহি জানি অশরীরী মনের স্পন্দন,—
আমার হৃদয় যাচে বাহুর বন্ধন ॥” ৫০

কল্পনা ও বাস্তব ছুটোতে মিলিয়ে মিশিয়েই এ কাব্য এবং মানুষের জীবন।

“কবিতার যত সব লাল নীল ফুল,
মনের আকাশে আমি সমস্তে ফোটাই,
তাদের সবারি বন্ধ পৃথিবীতে মূল,—” ৫০

সনেট পঞ্চাশতের কবিতাগুলি আকাশের দিকে উর্দ্ধমুখ মাটির গাছের ফুল, নিছক আকাশ-কুমুম নয়। কল্পনায় “কবির সৃজন” পত্রলেখাকে অঙ্কে আহ্বান করা আনন্দের (৭), স্বপ্নের “সুবর্ণ-পালক” কঙ্কাবতীর সহিত মিলন সূখের (৪৯), তথাপি মাঝে মাঝে জেগে উঠে “নবডঙ্কা” (৪৯) না দেখলে, শুধু স্বপ্নে যা’ দেখা যাবে সে হচ্ছে—

“প্রমাদের রাশিসম অবিচ্ছিন্ন সূক্ষ্মী” (৫); এবং উ “নবডঙ্কা” ও “সুবর্ণ-পালক” কোনটাই একা পূর্ণ সত্য নয়, “সত্য শুধু মানবের অনন্তপিপাসা” (৪) আর সেইজন্য মানুষের ধর্ম “মনোরাজ্যে বহুরূপী সাজা।” (৪) “চির দিবাস্রপে যারা আছে মশ্গুল” তাছের নেশাও চাই, (২২) আবার “তন্ত্রাস্থে আছে যারা মুদিয়া নয়নে” তা’দেকেও জাগাতে হবে (১৮),—জাগাতে হবে; কেননা, জেনে শুনে আলোর পিছে ছুটা কিছু নয়, (৩৫) বিশেষত তন্ত্রাস্থপ স্থায়ী হয় না, “শাদা চোখে সম দেখি নেশা গেলে ছুটে।” (৩৪)—জাগতে হবে, কারণ, জীবন প্রাণের চেয়ে অধিক। (১৪) সে জীবনের পরিচয় “বন্দাবনী প্রণয়ের” (২) “আল্লোবে” ও (৩) নয়, ধরণী’ক চূর্ণ-করা “জ্ঞানের বটিকা”তেও নয় (৩০)—“উভয়ের স্বন্দে মেলে জীবনের ছন্দ।” (৩২) সেইজন্তে জীবনের “বৃত্তি চিত্র-আবরণ” (২৮), জীবনের গান হচ্ছে “গতির লীলা” (৯); আর “জীবনের মর্ম্ম” (১০) সেই “উজ্জল, চঞ্চল, নির্মম” (১৫) “পরিহাস” যা বীর ও করুণ রস সমান জেনে (২) আঁধারের মধ্যে অনলের মত ফুটে ওঠে। (১৫)

এ হেন জীবনের বাণী ভাষায় প্রকাশ করতে হ’লে সে বাণীর আকার চাই, কারণ,

“ধরিতে পারি না আমি নেত্রে কিধা মনে
আকার বিহীন কোন বিশ্বের দেবতা ॥” (২৮)

বিশেষ কবিতায় প্রকাশ ক’রতে হ’লে আকার তো নিতান্তই চাই, কেননা,

“বাণী যার মনশ্চক্ষে না ধরে আকার
কবিতা তাহার মাত্র মনের বিকার।” (১)

সেই আকারের মধ্যে দিয়েই

“রূপের মাঝারে চাহি অরূপ দর্শন,
অঙ্গের মাঝারে মাগি অনঙ্গস্পর্শন।” (২৫)

এই টুকুর মধ্যেই কতকগুলি সনেট ওলটপালট করা গেল; তালিকা বাড়ানো কিছু শক্ত নয়। আর বৈশী টানাটোড়েন না ক’রে বলা যাক অধিকাংশ সনেটের পরস্পর ভাবসাম্য আছে। আর সেই ভাব ভাবানুভূতির ধোঁয়াটে না হ’য়ে বিচারবুদ্ধির আলোকে শান্তি ভাবায় নির্মল

শ্রীধীরেন্দ্রনারায়ণ চক্রবর্তী

শিখায় ফুটে উঠেছে। এ সনেটগুলির মসৃণতা পদ্যের বা কচুর পাতার মতো নয়; কুশাগ্রে শিশিরবিন্দুর মতো তীক্ষ্ণতাতেই এদের মসৃণতা। পাঠকের মন ভাষার উপর দিয়ে পিছলে যায় না, ভাষা ও ভাবের সন্ধিস্থলে লেগে থাকে।

আসল কথা, সনেটের নিয়মিত বন্ধন বজায় রেখে চৌদ্দ লাইনে একটি সমগ্র কবিতা সৃষ্টি করতে হ'লে প্রসাদগুণের প্রতি পদে পদে দৃষ্টি রাখা প্রয়োজন। স্পষ্ট ক'রে ভাব্‌বার শক্তি না থাকলে কলমের মুখে সে গুণ ফুটে ওঠে না, আর কাব্যে সে গুণ না থাকলে পড়া মাত্র অর্থপ্রতীতি হয় না, এবং চৌদ্দ পংক্তির কবিতা আগে বিশ্লেষণ ক'রে পরে পাঠক তা'র মৌন্দর্য্যসম্বন্ধে সজ্ঞান হবে এ হচ্ছে লেখকের পাঠকের উপর জুলুম। Love at first sight তো কবিরাই কল্পনা করেন, নিজের লেখার বেলায় ভুললে চলবে কেন? কি গড়ে কি পড়ে বীরবল বা প্রথম চৌধুরীর প্রসাদগুণ নেই একথা সম্ভবত কোন সমালোচকই প্রকাশে কবুল করবেন না।

শ্রীযুক্ত প্রমথ চৌধুরী যে সর্বপ্রথম সনেটকে বাঙলায় রূপান্তরিত করেছিলেন, এ উপযুক্তই হয়েছে। অল্প কথায় বেশি বলতে তিনি বর্তমান বাঙলা সাহিত্যে অদ্বিতীয়। তা'র প্রমাণ তাঁর গদ্য লেখায় ছড়ানো আছে। পড়ে তা'র প্রকৃষ্ট প্রমাণ “পদচারণ” কাব্যগ্রন্থের triolet বা ‘তেপাটি’ কয়টি। আট লাইনে কবিতা হবে; কথার দিকে ঘুরিয়ে ফিরিয়ে প্রথম-চতুর্থ-সপ্তম পংক্তিতে একই ভাবের পুনরাবৃত্তি করতে হবে, এবং দ্বিতীয়-অষ্টম পংক্তিতে তদ্রূপ সৌসাদৃশ্য থাকবে; ছন্দের বেলায় প্রথম-তৃতীয়-চতুর্থ-পঞ্চমে, এবং দ্বিতীয়-ষষ্ঠে পরস্পর মিল থাকবে। এই, কথা ও ছন্দের, উভয়বিধ বন্ধনের মাঝে যিনি কাব্যের বিকাশ ও ভাবের প্রকাশ করতে পারেন তাঁরই সনেটপঞ্চাশতে বলা সাজে,

“ভালবাসি সনেটের কঠিন বন্ধন,

শিল্পী যাহে লভে মুক্তি অপরে ক্রন্দন।” (১)

—তাঁর সনেট স্বেচ্ছায় কখনো “পদচারণে”র ‘অকাল বর্ষা’র স্থায় “বাজ্রিকর,” কখনো ‘বর্ষা’র মতো “মেহুর”

ছন্দ ও ভাব হয়ে মিলে কবিতা। ও ছোটো সমান তালে না চ'লে, ভাব পিছিয়ে থাকলে হয় পদ্য, আর ছন্দ পিছিয়ে থাকলে গদ্য। কবিতার ছন্দ যদি কবির মনের ছন্দের সহিত সঙ্গত করে তা হ'লেই লেখকের পক্ষে তা'লেখা এবং পাঠকের পক্ষে তা পড়া সচ্ছন্দ হয়। একদিকে সনেটের বন্ধন কঠিন। অপরদিকে ১৩৩২ সনের ভাদ্র সংখ্যা “সবুজপত্র” শ্রীযুক্ত অতুলচন্দ্র গুপ্ত আর্ধ্যামনের যে “ঋজুকৃষ্টি”-গুণের পরিচয় দিয়েছেন পঞ্চাশতে তা'র ছাপ রয়েছে। ফলে, দুই কঠিনে মিলে সরস সনেটপঞ্চাশৎ গ'ড়ে উঠেছে। সনেটের পরিসর অল্প, চৌধুরী মহাশয়ও অল্প পরিসরে তাঁর বক্তব্য সরাসরি বলতে পারেন। সনেট ছন্দবন্ধনে সংযত, সনেট পঞ্চাশতের ভাবধারাও ধীশক্তিসংহত।

অবশ্য এ সব কথার পরও অনাদি প্রশ্নের অন্ত হয় না; প্রশ্ন উঠতে পারে, যাকে কবি বলা হচ্ছে তাঁর লেখায় আদৌ কাব্যরস আছে কিনা। ভিন্ন সূত্রে উক্ত আলোচ্য কবির কথাই এ সূত্রে লাগিয়ে দিই,—রসের “বাধ্যান করা জ্ঞানের মূর্খতা।” (“ওঁ,” “পদচারণ”)।—রসের অস্তিত্ব ও রসের উৎকর্ষ মতভেদের বস্তু, কিন্তু তর্কের বিষয় নয়। “উর্কশী” ও “বলাকা” কোন্টা কাব্যংশে শ্রেষ্ঠ সে সম্বন্ধে প্রকাশে দীর্ঘ আলোচনা না হ'লেও অপ্রকাশে কখনো কখনো মতভেদ শুনা যায়। কিন্তু “তোমার মদিরগন্ধে অন্ধ বায়ু বহে চারিভিতে”, এবং “পর্বত চাহিল হ'তে বৈশাখের নিরুদ্দেশ মেঘ,”—দুইয়ের মধ্যে কোন্টা কাব্যংশে গরীয়সী তা'র মীমাংসায় ‘ভিন্নকৃষ্টি লোকঃ’ প্রবচন স্বরণ করা ছাড়া অত্র কোন সমাধান আছে ব'লে মনে হয় না।



বসন্ত শেষে

শ্রীসুধীরচন্দ্র কর

শেষ হ'য়ে যায় বসন্তের হায় মধু-পূর্ণিমা রাত্তি,
সরোবরে মোর কমলকলিকা সহসা উঠিল মাতি ॥
কোথা উৎসব কোথা গেল চতুরঙ্গ,
অবসাদে সব সুপ্তি-শিথিল-অঙ্গ,
মলয় ঋসিছে, কোকিলা মৌনকণ্ঠ
আকাশের কোণে স্তিমিত চন্দ্র-ভাতি

নিশাশেষে যবে পূর্বে ঈষৎ প্রভাতি উঠিল ফুটে,
হেরি বিষ্ময়ে সে কুণ্ঠিতার গুণ্ঠন গেছে টুটে ।
উত্তরী তার ভ'রে গেছে ফাগে ফাগে,
পেলব কপোল রক্তিম অনুরাগে,
পুলকের হাসি ধরে না কো আর মুখে,
অরূপ বাণীতে কাঁপিছে কোরকপাতি

রূপে রসে ভরি' যৌবন ডালা বন্ধু বরিল সব,
কলিকা আমার স্মিয়মাণা কোণে বুঝিবা অগোরবে ॥
সুর-সৌরভ অন্তরে তার ভরা,
তবু তা বাহিরে রূপে নাহি দিল ধরা ;
ভাবি হল তার বিফল এবার হো'লী
কারে কে রাঙায়,—না মিলে মনের সাথী

শুধানু সোহাগে—“ওলো ফুল্লরা, কেন এত উতরোলী ?
হেসে বলে,—‘সখি, এতখণে হল সফল যে মম হোলী ॥
সুখ-মিলনের রঙ্গীণ রসাবেশ,
রতি-উচ্ছ্বাসে হল না কি নিঃশেষ !
যত ফুলদল অদূরে পড়িবে ঝরি'
বৈশাখী দিনে বিরহ-রৌদ্রে তাতি' ॥

সাধনা আমার নির্ঝাণহীন বিচ্ছেদ হোমানলে,
রুদ্রের দাহ করে তা মধুর বেদনার আঁখিজলে ॥
আর সখীদের বৃকে যে অরুণরাগ
অকরণ ক'রে আঁকে মৃত্যুর দাগ,
সে-ই আজি সেজে দগ্নিত-মাধবী-দূত
দিল যৌবন-জয়টীকা শিরে গাঁথি ॥



বনভোজন

শ্রীঅক্ষয়কুমার সরকার

১০

তাহার ঝি-মা'র পাশে শুইয়া বিভা যেমন চিরকাল তাঁহার গলা জড়াইয়া ঘুমাইয়া আসিয়াছে একটা হাত তাঁহার গলায় দিয়া সেইরূপ ভাবে চকু মুদিয়া শুইয়া রহিল। তাহার আর একটা হাত পার্শ্বে উপবিষ্ট রমেশ ধরিয়া তাহার নাড়ীর গতি-পরীক্ষায় নিযুক্ত হইল। অদূরে দাঁড়াইয়া হেমন্ত নির্ণিমেষ চকুতে এই প্রক্রিয়া অবলোকন করিতেছিল। রক্তনাশেই হউক, বা কোন অনিবার্য আশঙ্কাতেই হউক, বিভার মুখ ক্রমশঃ যেন সাদা হইয়া আসিতেছিল। হেমন্তের স্নেহশক্তি নয়নে তাহা যেন একবারে মরা মানুষের মুখের মত বিবর্ণ হইয়া গিয়াছে বলিয়া মনে হওয়াতে সে বলিয়া উঠিল, “আরও চাই?”

ডাক্তার রমেশের দিকে চাহিয়া বলিলেন, “নাড়ীর কোন গোলযোগ—”

রমেশ সে কথার উত্তর দিবার আগেই হেমন্ত অত্যন্ত ব্যাকুলতার সহিত বলিয়া উঠিল, “আর না, আর না, ডাক্তারবাবু! ম'রে যাবে যে!”

হেমন্তের এই ব্যাকুল চীৎকারে সেখানকার সকলেরই দৃষ্টি তাহার দিকে আকৃষ্ট হইল। বিভারও ক্লান্ত মুদ্রিত দৃষ্টি অকস্মাৎ উন্মুক্ত হইয়া তাহার চকুতে মুহূর্তের জন্ম লগ্ন হইল, এবং তাহার পর এই অতুল স্নেহের আশ্বাদনে কৃতজ্ঞতা এবং তৃপ্তি জানাইয়া এবং তাহাকে নির্ভয় থাকিবার একটা আশ্বাসের বাণী নীরবে জ্ঞাপন করিয়া আবার মুদ্রিত হইয়া গেল। রমেশ ডাক্তারের প্রশ্নে উত্তর দিল, “না, তেমন কিছু নয়।”

রক্ত লওয়া শেষ হইল। বিভার কৃতস্থান বাধিতে বাধিতে তাহার আহত রসহীন লতিকার মত বিবর্ণ অবসন্ন দেহটিকে একটু ঠেলিয়া বৃদ্ধ চিকিৎসক বলিলেন, “কেমন আছ মা? একবার চোখ চেয়ে দেখ।”

বিভা চকু চাহিতেই হেমন্তের স্নেহ-ব্যাকুল দৃষ্টির উপর

তাহার দৃষ্টি পড়িল। কি যেন একটা কথা সে উচ্চারণ করিতে যাইতেছিল, কিন্তু তাহার ক্লান্ত অবসন্ন দেহবস্ত্র হইতে কোন সুর বাহির হইল না, কেবল একটা স্নিগ্ধ হাসির ছায়ার মত কিছু তাহার সাদা চোপসান ঠোঁটের উপর দিয়া ভাসিয়া গেল। ডাক্তার একটু বাস্ততার সহিত তাহার অক্ষত হাতটা ধরিয়া যখন তাহার নাড়ী পরীক্ষা করিতে আরম্ভ করিলেন, তখন হেমন্তের সাগ্রহ স্থির দৃষ্টি তাঁহার মুখের ভাব পরীক্ষা করিতেছিল। চিকিৎসকের মুখের উপর দিয়া একটা বিশ্বয়ের ত্রাসের ভাব খেলিয়া গেল এবং তাঁহার দৃষ্টি সন্মুখস্থ সহকারী দুইজনের উপর পড়িতেই তাহারা সঙ্কুচিত হইয়া উঠিল। তিনি তিরস্কারের স্বরে বলিলেন, “তোমরা কি একবারেই—” কিন্তু কথাটা সমাপন না করিয়াই আবার গভীরভাবে বলিলেন, “যাই হ'ক, এখনও উপায় করলে হয়।”

হঠাৎ রমেশ তাড়াতাড়ি উঠিয়া হেমন্তের হাতটা ধরিয়া ফেলিয়া বলিয়া উঠিল, “একি করছেন, হেমন্তবাবু!” সকলে সেদিকে চাহিয়া দেখিল ডাক্তারের পরিত্যক্ত ছুরি-খানা লইয়া বিভার হাতের যেখানটা কাটা হইয়াছিল, হেমন্ত তাহার নিজের হাতের সেইখানকার একটা শিরা কাটিয়া ফেলিয়াছে। ঘরের সকলের আকস্মিক চীৎকারে, বিশেষত অতুলের মা'র উচ্চ কোলাহলের শব্দে বিভার অবসন্ন মুচ্ছিত দৃষ্টি মুহূর্তের জন্ম খুলিয়া গিয়া হেমন্তের যে অঙ্গটা হইতে রক্তের ধারা ফিন্কে দিয়া ছুটিতেছিল, তাহার উপর পড়িল। মুহূর্ত মাত্র তাহার বিহ্বল দৃষ্টি সেখানে সংলগ্ন রহিল, তাহার পর অক্ষুট চীৎকার এবং আকস্মিক মোহের সঙ্গ তাহা আবার মুদ্রিত হইয়া গেল।

ডাক্তার হেমন্তের দিকে চাহিয়া বলিলেন, “ঠিক হয়েছে। এ ছাড়া আর উপায় ছিল না।”

তাহার পর বিভার পাশে হেমন্তকে শোয়াইয়া দিয়া প্রয়োজনীয় প্রক্রিয়া আরম্ভ করা হইল। প্রথমমুখে হেমন্ত



সেখানে শয়ন করিয়া রহিল। ক্রমশঃ তাহার শরীর এবং মন অবসন্ন হইয়া আসিতে লাগিল, এবং রমেশের কথায় সে চক্ষু মুদ্রিত করিল।

প্রক্রিয়া শেষ হইলে, সকলে দেখিল বুদ্ধির আচ্ছন্ন অবস্থায় কখন হেমন্তের স্মৃষ্ হাতটি বিভার হস্তের উপর পড়িয়াছে। স্নিগ্ধ স্নেহের দৃষ্টিতে সে দৃশ্য দেখিয়া মনে মনে কি একটা কথা আবৃত্তি করিয়া বন্ধ ডাক্তারটি বলিলেন, “এদের এখন একান্ত বিশ্রামই দরকার। যেন কোন রকম নাড়াচাড়া না হয়।”

১১

মাসাধিক কাটিয়া গিয়াছে। তিনটি রোগীই আবার উঠিয়া বসিয়াছে। বামুনমা'র বাম হাতের কতকটা বিচ্ছিন্ন হওয়ার দরুণ অপরিহার্য অক্ষমতা তদ্ব্যতীত এখন আর তাঁহার কোন কাঙ্ক্ষিত অসুবিধা নাই। বিভা এখনও একটু দুর্বল ও বিশীর্ণ। হেমন্ত বেশ সারিয়া উঠিয়াছে। তাহার স্মৃষ্ সবল শরীর জীবনের ক্ষুণ্ণিতে আগেকার মতই ভরপুর। সূজাপুর গ্রামে, কেবল মাত্র তাহার সমবয়সী-গণের মধ্যেই নহে, তাহার অপেক্ষা অনেক অধিক এবং অল্প বয়সের অধিবাসীদের মধ্যেও, তাহার প্রভাব প্রতিপত্তি বেশ দ্রুত গতিতে বাড়িয়া চলিয়াছে। সকলেই জানিয়াছে যে, এই নবাগত উজ্জল উৎসাহী চাটুযো মহাশয়টি তাহাদের আজন্ম শ্রদ্ধার পাত্রী বামুন'মার স্বপ্নরবাটির সম্পর্কে নিকট আত্মীয়, এবং তাঁহাদের জনবিরলগ্রামে উচ্ছিন্নপ্রায় বনিরাদি বাঁড়ুযো পরিবারটিকে বজায় করিবার জন্ত সন্মোগত। সঙ্গীতে পটু, রহস্যে সপ্রতিভ, ইংরাজী-জানা এই মিষ্টভাষী ও মজলিসী নবাগত ব্যক্তিটির সঙ্গ সেই পল্লীর অনেকেরই লোভনীয় হইয়া উঠিয়াছে; এবং বহুকাল পরে বন্ধোপাধ্যায়দের ভগ্নপ্রায় চণ্ডীমণ্ডলে আবার রীতিমত সাক্ষা বৈঠক বসিতে আরম্ভ হইয়াছে। সেখানে আবার মরা নদীতে জোয়ারের মত, গানগল্প চলিতেছে, তবলায় চাঁটি পড়িতেছে এবং হাসির লহরী ছুটিতেছে।

সেদিন বিজয়া-দশমীর সন্ধ্যা। হেমন্ত কোথা হইতে

বাটির ভিতর আসিয়া তুলসীতলায় প্রদীপ হাতে বিভাকে দেখিয়া বলিল, “আজ সিদ্ধি খেতে হয়, জান ?”

বিভা একটু হাসিয়া বলিল, “না। এই তোমার কাছে শিখলুম।”

“সত্যি বলছি আজ সকলকে সিদ্ধি খাওয়াতে আর মিষ্টিমুখ করাতে হবে।”

“তা সবাই জানে গো মশাই। আমরাও জানি। দেখবে এখন গাঁ গুড়ু লোক বিমা'কে প্রণাম করতে আসবে আর মিষ্টিমুখ করে' যাবে।”

“আজ দশমীর দিন, গুরুজনকে প্রণাম করতে হয়, নয় ?”

তাহার এই অদ্ভুত প্রশ্নে মুখখানি তুলিয়া বিভা বলিল, “হাঁ। জাননা না কি ?”

“তা হ'লে তুমিও আমাকে আজ প্রণাম করবে ?”

মৃদু মধুর হাসিয়া হেমন্তের মুখের দিকে চাহিয়া মনোরম কৌতুকের সহিত বিভা বলিল, “তুমি আমার গুরুজন না কি ?” তাহার পরেই অকস্মাৎ আঁচলটা গলায় জড়াইয়া ভূমিষ্ঠ হইয়া হেমন্তের পাদস্পর্শ করিল। হেমন্ত হাতখানি ধরিয়া তাহাকে তুলিতে যাইতেছিল। সে “ছি” বলিয়া হাতটা জোরে ছাড়াইয়া লইয়া নিমেষের মধ্যে সারিয়া দাঁড়াইল।

হেমন্ত বলিল, “কি আশীর্বাদ করব ব'লে দাও ?”

“যেন শিগগির মরণ হয়”, বলিয়া যখন বিভা চলিয়া গেল হেমন্ত আশ্চর্য্য হইয়া দেখিল তাহার চক্ষু দিয়া দুই ফোঁটা জল গড়াইয়া পড়িতেছে।

বাহির হইতে নবচাঁড়াল ডাকিল, “চাটুযো মশায়, বাড়ি আছেন ?” সঙ্গে সঙ্গে বাড়ীর ভিতর আসিয়া হেমন্তকে দেখিয়া বলিল, “আলোটা দিন, ঠিক ক'রে জেলে রেখে আসি। মালসাটা আবার সাজতে হবে।” হেমন্ত ফিস ফিস করিয়া বলিল, “আলোটা আমি জেলে দিচ্ছি, মালসাটা সেজে রেখে তোকে এক জায়গায় যেতে হবে।”

“কোথায় দাদাঠাকুর ?”

“রামেশ্বরের দোকানে সিদ্ধি আনতে।”

“বিকালে ত দিদিমণিকে এনে দিয়েছি।”

“কতটুকু ?”

আনৌত সিদ্ধির পরিমাণ শুনিয়া হেমন্ত মুখে একটা তাচ্ছীল্যব্যঞ্জক শব্দ করিয়া বলিয়া উঠিল, “সে ত নশ্তি রে ! আজকে বিজয়ার দিন বহুকাল পরে—”

“অভ্যেস আছে দাদাঠাকুর ?”

“খুব ছিল রে নব, তোদের এখানে এসে অবধি কিছু সুবিধে হয় নি।”

রাত্রি তখন প্রায় দ্বিপ্রহর। বিভা তাহার নিদ্রিত বিমা'র পাশে বসিয়া ঢুলিতেছিল। একবার বাহিরে আসিয়া শারদা-কাশের স্নিগ্ধোজ্জ্বল চন্দ্রমার দিকে চাহিয়া আপনার মনে মনে বলিল, ‘কত রাত হয়ে গেছে। গান বাজনার আমোদে খাবার কথা মনেই নেই!’ একটু থামিয়া আবার বলিল, ‘বেশ মানুষটি কিন্তু! যাকে নিয়ে ঘর করতে হ'বে—’ কথাটা অসমাপ্ত রাখিয়া, একটু অকারণ সলজ্জ হাসি হাসিয়া, বিভা রনুই ঘরে গিয়া ঢুকিল। সেখানে ভাতের হাঁড়িটার ভিতর হাত দিয়া বলিল, ‘ভাতগুলি যে এদিকে জল হ'য়ে গেল, পাতে দেব কি ক'রে, দেখি উনুনটার আগুন আছে কি না!’ তাহার পর উনুনে একটা নারিকেল ছোবড়া গুঁজিয়া দিয়া পাখার বাতাসে আগুন জালিয়া এক কড়া জল গরম করিয়া তাহার উপর ভাতের হাঁড়িটা বসাইয়া দিল

ঠাণ্ডা ভাত আবার গরম হইয়া আসিল, কিন্তু তখনও ভোক্তার দেখা নাই। বিভা কি একটু ভাবিয়া বৈঠকখানায় গিয়া উঠিল। সেখানে হেমন্ত কোণের চৌকিটার চোখ বুজিয়া শুইয়াছিল। বিভা একবার মনে করিল সে ঘুমাইয়া পড়িয়াছে, কিন্তু পরক্ষণেই তাহার সে ভ্রম দূর হইয়া গেল। হেমন্ত, যাহাকে অকারণ হাসি বলে, একবার মাত্র সেইরূপ হাসি হাসিয়া পরক্ষণেই কাঁদিয়া উঠিবার মত আঁৎকাইয়া উঠিয়া বলিল, “ধর ধর! প'ড়ে যাচ্ছি, প'ড়ে যাচ্ছি!”

সে স্বপ্ন দেখিতেছে ভাবিয়া বিভা তাহার কাছে গিয়া পরম স্নেহে বলিল, “অমন করছ কেন? উঠে বস।”

হেমন্ত একবার চক্ষু খুলিয়া বিভাকে সেখানে দেখিয়া একটা কিসের লজ্জায় বা ভয়ে কাঁপিয়া উঠিয়া নিস্তক হইয়া গেল। কিন্তু সে মুহূর্তের অন্ত; তখনই আবার উচ্চ হাসি হাসিয়া বলিল, “বাঃ বাঃ বৌ ধো! পরীর মত বৌ—”

পাষণমূর্তির মত কয়েক মুহূর্ত স্তব্ধ ভাবে দাঁড়াইয়া থাকিয়া বিভা দ্রুত পদে অন্দরের পথে চলিয়া গেল। তখন তাহার মুখখানি ঘৃণায় এবং ক্রোধে বিকৃত হইয়া গিয়াছিল, কিন্তু রান্নাঘরে গিয়া সে যখন পূর্ণ তপ্ত ভাতের হাঁড়িটা নামাইয়া রাখিল তখন কোথায়েই বা গেল সে ঘৃণা আর কোথায়েই বা গেল সে ক্রোধ। তাহাদের স্থানে তাহার তরুণ মুখত্রীর উপর একটা চুঃসহ চুঃখের কাল ছায়া ফুটিয়া উঠিল, এবং চক্ষু দুইটি হইতে দুইটি ধারা বহিয়া তাহার বুক ভাসাইয়া দিল।

এই শুভ বিজয়ার দিন একি কাণ্ড! আজ সমস্ত দিন সে যে কত যত্নে তাহার ক্ষুদ্র সামর্থ্যের মধ্যে যাগ কিছু সম্ভব তাহার আয়োজন করিয়া, সেই স্বল্প আয়োজনে তাহার তরুণ প্রাণের ভালবাসার স্নিগ্ধ আগ্রহে মাখাইয়া, তাহাদের এই অতিপ্রিয় অতিথিটির সৎকারের জন্ত বাগ হইয়া বসিয়া আছে। মাসাধিক কাল ধরিয়া এই যে খেয়ালী লোকটি, তাহার বালকোচিত সারল্যের, ধীর পোকুকের ও নির্মল আনন্দের অবিরাম বর্ষণে তাহাদের নিরুৎসব আবাসে অনেক কালের পর অক্ষয় আনন্দের প্রস্রবণ ছুটাইয়াছে, এবং বিভার নিঃসঙ্গ কুমারী জীবনে যৌবন সরসতার উদ্বেক ও তাহার তরুণ মনের গুপ্ত কোণে বিবিধ সুখময় করনার উৎস খুলিয়া দিয়াছে, তাহার মনোহর মূর্তির ভিতরটা কি কদর্যা! সে যে একজন ইতর লোকের মত নেশার বশ হইয়া এমন বীভৎস মূর্তিতে রূপান্তরিত হইতে পারে, তাহা ত কখনও ঘূণাক্ষরেও বিভার মনে উদয় হয় নাই। এই অঘটনটা যত দোষের তাহা অপেক্ষাও বহুগুণ অতিরঞ্জিত হইয়া সেই কুমারীর চিরপবিত্র মনটিকে যন্ত্রণার্ত করিয়া তুলিল। প্রথমেই তাহার মনে হইল যে, এ জন্মে কখনও সে সেই নেশার কদর্যা শূণ্যদৃষ্টি মুখটার উপর চোখ তুলিয়া চাহিতে পারিবে না। তাহার পর সে দিন সেই বিপদের স্মৃতিতে বি-মা তাহাদের মধ্যে যে বাঁধনটা দিতে চাহিয়াছিলেন তাহা মনে করিয়া সে শিহরিয়া উঠিল। কিন্তু আশ্চর্য্য এই যে, সেই বাঁধনের এখন যে নিশ্চিত মুক্তি সম্ভাবনা হইল সে কথা মনে হওয়াতেও তাহার হৃদয় উল্লাসে লবু না হইয়া হতাশার অব্যক্ত বেদনায় ভাঙ্গা হইয়া উঠিল।



সে দিন সে তাহার মৃত্যুদ্বারবর্তিনী বিমা'কে বাঁচাই-
বার আশায় নহে—কেন না সে আশা তখন অণুমাত্রও
তাহার ছিল না—সেই মুমূর্ষুর মরণযন্ত্রণা লাঘবের
উদ্দেশ্যে, বর্ষের বৃদ্ধ সতীশ মুখুয্যের কবলেও আত্মবলি দিতে
প্রস্তুত হইয়াছিল, সে কথা মনে পড়িল। কিন্তু তখনও
সেই ভীষণ মুহূর্ত্তে আপনাকে সত্যের বন্ধনে বাঁধবার সময়েও
তাহার মন ভগবানের কাছে প্রার্থনা করিতে ছাড়ে নাই যে,
এ জন্মটা ত বৃথা গেল, কিন্তু পরজন্মে যেন বাঞ্ছিতকে পায়!
তাহার পর হইতেই প্রবৃত্তি এবং প্রতিশ্রুতির মধ্যে যে
লড়াই চলিতেছিল তাহার মধ্যে হেমস্তের সান্নিধ্যের এবং
তাহার সেবার আনন্দ বিভার দহমান অন্তরের উপর একমাত্র
সাস্বনার বারিধারার কার্য করিতেছিল। আজ যেন তাহার
সেই আনন্দের উৎস অকস্মাৎ শুষ্ক হইয়া যাওয়াতে তাহার
অন্তরের জ্বালা বহুগুণ বদ্ধিত হইয়া তাহাকে ভস্মসাৎ করিতে
লাগিল।

কিন্তু এইরূপ হতাশভাবে বহুক্ষণ বসিয়া থাকা
অসম্ভব। অবশেষে সে উঠিয়া রান্নাঘরটাতে শিকল দিয়া
সে রাত্রে মত হেমস্তের ও নিজের আহ্বারের আশা ত্যাগ
করিয়া শুইতে যাইবার কথা ভাবিল, এবং হয়ত সেই
উদ্দেশ্যেই শয়ন গৃহের দিকে অগ্রসর হইল। কিন্তু মধ্যপথে
তাহার পাছখানি যেন তাহার অজ্ঞাতসারেই তাহাকে আবার
চণ্ডীমণ্ডপের দিকে চালিত করিল, এবং সে অতিসস্তর্পণে
ধীরে ধীরে অনিচ্ছার পদবিক্ষেপে হেমস্তের নিকটে গিয়া
দাঁড়াইল। সেখানে বিভা এখন যে দৃশ্য দেখিল তাহা
তাহার সম্পূর্ণ অপরিচিত বলিয়াই হউক, অথবা সেরূপ উগ্র
নেশার পরিণাম সন্দেহে কোন কল্পিত ভীষণতা মনে করিয়াই
হউক, মুহূর্ত্তের মধ্যে তাহার মন হইতে পুঞ্জীভূত ক্রোধ
ও ঘৃণা অন্তর্হিত হইয়া গেল, এবং তাহা করুণা ও আশঙ্কায়
ভরিয়া উঠিল। সে কবে শুনিয়াছিল সিদ্ধির নেশার ঔষধ
তৈতুল গোলা। তাই তাড়াতাড়ি ফিরিয়া গিয়া একবাটি
তৈতুল গোলা আনিয়া উন্নতপ্রায় হেমস্তকে তাহা খাওয়াইয়া
দিয়া বলপূর্ব্বক তাহাকে বিছানায় শোয়াইয়া মাথায়
কপালে জলসিক্ত হাত বুলাইয়া তাহার শুশ্রূষা করিতে
লাগিল। হেমস্ত সিদ্ধির কোঁকে কখনও বলিতে লাগিল,

“বৌ, বৌ, বৌ! বক্বে না, রাগ কর্বে না! বল রাগ কর্বে
না!” কখনও বা কিসের একটা আন্তরিক আনন্দে হাসিয়া
উঠিয়া বিভার নাম অতি স্নেহে আনন্দে জপমালার মত উচ্চারণ
করিতে লাগিল। প্রথমে বিরক্তিকর মনে হইলেও পরে
তাহা বিভার মিষ্ট লাগিতে লাগিল, এবং সেই গভীর রাত্রির
নির্জনতার মধ্যে তাহাদের দুইজনের অতি সান্নিকটোর
ক্রমবর্দ্ধনশীল উপলব্ধি ক্রমশঃ তাহার তরলায়িত মনকে দুর্ব্বার
আকর্ষণে চাপিয়া ধরিতে লাগিল। সে বুঝিতে পারিল এই
লোকটির প্রতি তাহার যে টান, তাহা ইহার ব্যবহারের
ইতরতায় বা অল্প কোন কারণেই হ্রাস হইবার নহে! সে
ভাবিল সেদিন রাত্ৰিতে যাহা ঘটয়া গিয়াছিল তাহার মধ্যে
যদি কণামাত্রও সত্য থাকে যাহা তাহার পুণাশীলা সতাপরায়ণা
বিমা'র নিকটে অথগু সত্য—তাহা হইলে হেমস্তের
সঙ্গ বিভার ভাল লাগুক আর নাই লাগুক, সতীধর্ম্মের
অপরিহার্য্য নিয়মে তাহাকে ত গ্রহণ করিতেই হইবে।
এ যতই মন্দ হউক, বিভাকে জীবনে মরণে ইহার সঙ্গিনীরূপে
থাকিতেই হইবে! তন্নাচ্ছন্ন মনের উপর দিয়া এই সকল
চিন্তা যখন ভাসিয়া যাইতেছিল তাহারই মধ্যে বিভার
হৃদয়ের আসক্তি ও অনুরাগ কর্তব্যের দোহাই দিয়া
তাহার কায় এবং মন দুইটিকেই তাহার পরম-
প্ৰীতিভাজনের সঙ্গীরূপে সেই নিশীথে নির্জন গৃহে আবদ্ধ
করিয়া রাখিল।

বিভা কখন যে হেমস্তের পাশে ঢুলিয়া ঘুমাইয়া পড়িয়াছিল
তাহা সে বুঝিতে পারে নাই। অতুলের মা ভোরের দিকে
সেই বাড়িতে ধান সিদ্ধ না-কি একটা কাজে
আসিতেছিল, চণ্ডীমণ্ডপের এই দৃশ্যটি তাহার নজরে
পড়াতে সে মর্ম্মাহত হইয়া গেল। বিভাকে সে হাতে করিয়া
মামুষ করিয়াছিল, এবং তাহার যে পঁচ বৎসরের মেয়েটি
পেটজোড়া প্লীহা লইয়া এবং দ্বোকালীন জরে ভুগিয়া
ম্যালেরিয়া রাক্ষসীর গর্ভগত হইয়াছিল, সে যদি
আর বারো তেরো বৎসর বাঁচিয়া থাকিত, তাহা হইলে
তাহার উপর এই পল্লী-মাতাটির যে স্নেহ সঞ্চিত
হইত, তাহার প্রতিপালিতা এই ব্রাহ্মণ-কুমারীটির উপরও
সেইরূপ স্নেহই জন্মিয়াছিল। আজন্ম শাস্ত এবং শিষ্ট

শ্রীঅক্ষয়কুমার সরকার

তাহার প্রীতি পাত্রীটির এই অধঃপতনে অতুলের মা'র মন যে কতটা তিক্ত বিরক্ত ও কাতর হইয়া উঠিল, তাহা বলিবার নহে। কিন্তু তাহার মনে তখন সর্বাপেক্ষা বলবতী ইচ্ছা হইল যে, এই অসঙ্গত দৃশ্য যাহাতে আর কাহারও চক্ষে না পড়ে তাহারই ব্যবস্থা করা, এবং সেই জন্তেই সে সর্বপ্রকার দ্বিধা পরিত্যাগ করিয়া বিভাকে ডাক দিয়া জাগাইয়া তুলিল। হঠাৎ জাগ্রত বিভা উঠিয়া বসিয়া অতুলের মা'র ঘণায় এবং ক্রোধে গস্তীর মুখ দেখিয়া প্রথমে আশ্চর্য হইল, কিন্তু পরক্ষণেই পার্শ্বে অকাতরে নিদ্রিত হেমন্তকে দেখিয়া রাত্রির সমস্ত ঘটনা মনে পড়ায় চোকির উপর হইতে স্বরিত গতিতে নামিয়া পড়িয়া অন্তরের দিকে ছুটিল। তখন তাহার মনটা নিজের উপর ধিকারে এবং হেমন্তের উপর বৈরাগ্য একেবারে পূর্ণ হইয়া গিয়াছিল।

১২

সেদিন কি একটা উপলক্ষে বিভাদের গৃহে অতুলের মার নিমন্ত্রণ হইয়াছিল। অতুলের মা, বিভা ও তাহার ক্রিয়া একত্রে বসিয়া থাইতেছিলেন। খাওয়া যখন প্রায় শেষ হইয়া গিয়াছে বিভার পাতের দিকে চাহিয়া বামুন মা বলিলেন, “পাতের ভাত যে পাতেই রইল মা! কি খেলি?”

বিভা একটু ক্ষীণ হাসি হাসিয়া বলিল, “খুব ত খেয়েছি ক্রিয়া, আর কত খাব?”

বিভাকে বামুন মা'র উচ্ছ্রষ্ট পাণরথানা লইবার জন্ত হাত বাড়াইতে দেখিয়া অতুলের মা বলিল, “ওটা আমি নিয়ে যাচ্ছি। তুমি আঁচাতে যাও।” সে চলিয়া গেলে বামুন মাকে লক্ষ্য করিয়া অতুলের মা বলিল, “মেয়ে যেন কি ভেবে ভেবে দিনকের দিন কাঠ হ'য়ে যাচ্ছে। কিন্তু তোমাকেও বলি বামুন মা, তুমি যে তখন রোগের ঝোঁকে কি একটা কাণ্ড ক'রে বসলে! এখন এগোবার যো নেই পেছোবারও যো নেই—”

একজন ভ্রমবাহিকা সেখানে আসিয়া দাঁড়াইল। তাহার হাতে তব্বের সামগ্রী দেখিয়া বামুন মা বিশেষ চেষ্টা সত্ত্বেও তাঁহার আন্তরিক বিরক্তির সবটা গোপন করিতে পারিলেন না। শুধু ভাবে বলিলেন, “আবার তব্ব কেন?”

স্ত্রীলোকটি উত্তর করিল, “ম্যানেজার বাবু, মফঃস্বল

থেকে এসেই পাঠালেন। বললেন বিয়েটা এখনও হয়নি বটে, কিন্তু জানিস পারির মা, নতুন গিল্লিটিকে পূজোর কাপড় চোপড় না পাঠালে হয় ত রাগ ক'রে বসবেন। তা তুই একবার যা, আমার হ'য়ে দু' একটা ভাল কথা ব'লে আর। বুড়োর আর—” হঠাৎ পার্শ্বতীর মা থামিয়া জিভ কাটিয়া বলিল, “তা মা বয়স আর কতই বা!”

অতুলের মা কি বলিতে যাইতেছিল, রামেশ্বর চক্রবর্তীকে আসিতে দেখিয়া থামিয়া গেল।

“কি গো, পারির মা যে” বলিতে বলিতে আসিয়া আনীত দ্রব্যগুলির উপর লক্ষ্য করিয়া রামেশ্বর পরম প্রসন্নতার সহিত বলিল, “এসব বিভার জন্তে বুঝি, দেখি দেখি!” সে এসেম্বের শিশিগুলি উন্টাইয়া পালুটিয়া দেখিয়া ঢাকাই শাটখানি হাতে তুলিয়া ধরিয়া “বাঃ, বেশ দামী জিনিস ত—” বলিয়া আনন্দ প্রকাশ করিতেছিল, এমন সময় বিভা আঁচাইয়া ফিরিয়া আসিয়া তাহার হাতে কাপড় দেখিয়া জিজ্ঞাসা করিল, “কার কাপড় রামু দা?”

উত্তরে রামেশ্বর তাহার দস্ত পংক্তি বিকশিত করিয়া জবাব দিল, “তোমারই দিদি, আর কার? জামাই বাবু ম্যানেজার বাবু পাঠিয়েছেন।”

শুনিয়া বিভা সেখান হইতে সরিয়া ঘরের ভিতরে গিয়া ঢুকিল। এই সময়ে হেমন্ত কি একটা কাজে সেখানে আসিতে রামেশ্বর তাহার দিকে চাহিয়া বলিয়া উঠিল, “দেখ হে চাটুঘো, জামাই বাবু কেমন তব্ব পাঠিয়েছেন!”

“জামাই বাবু?”

“হাঁ হে, ম্যানেজার বাবু আর কার্তিক মাসের এই কটা দিন গেলেই তোমাদের সকলকেই ত ঐ কথা বলতে হবে। আমি না হয় দুদিন আগে থেকেই”—হঠাৎ হেমন্তের মুখের উপর দৃষ্টিটা পড়াতে যেন একটু চিবাইয়া কথাটা শেষ করিয়া দিল, “তোমার উপর কিন্তু খুব সন্তোষ। বলছিলেন, ছোকরা বড় পরোপকারী। সম্পর্কটা হ'য়ে গেলেই বড়বাবুকে ব'লে ওকে একটা নকলনবিশী ক'রে দিতে হবে।”

ঘরের ভিতর হইতে বিভার তাঁকোজল চক্ষু দুইটি এবং বাহির হইতে বামুন মা এবং অতুলের মা'র দৃষ্টি এক সঙ্গেই



হেমস্তের অলঙ্ক্যে তাহার মুখের উপর স্থাপিত হইল। সে তখন রামেশ্বরকে শ্লেষের স্বরে জিজ্ঞাসা করিতেছিল, “আর আপনার ?”

সপ্রতিভ রামেশ্বর হাহা করিয়া হাসিয়া বলিল, “আরে ভাই, তুমি হ’তে চললে আপনার লোক—বড় কুটুম—আর আমিই পর।”

তখন সন্ধ্যা অতীত হইয়া গিয়াছে। চণ্ডীমণ্ডপের চৌকিখানির উপর বসিয়া হেমস্ত কি ভাবিতেছিল। একটি ছেলে আসিয়া বলিল, “চাটুঘো মশায়, আপনি একলা অন্ধকারে ?”

হেমস্ত অশ্রুমনস্কভাবে বলিল, “কৈ, এখনও আলো দিয়ে যায় নি।”

“আমি আনি গে” বলিয়া ছেলেটি বাটির ভিতর হইতে একটি আলো আনিয়া দিলে হেমস্ত তাহাকে জিজ্ঞাসা করিল, “ভিতরে সব কি করছে রে রামু ?”

“বিভা দিদি সলতে পাকাচ্ছে। বামুন মা অতুলদের বাড়িতে গেছেন, এখনও ফেরেন নি।”

হেমস্ত কি একটু ভাবিয়া বলিল, “রাম, এখনও যে কেউ আসছে না। আজও কালকের মত আড্ডাটা ফাঁক যাবে না কি ?”

“না, চাটুঘো মশায়, আড্ডা কি ফাঁক যায়। তবে এখন বড় জরজাড়ি হচ্ছে, আর পূজোতে শ্রামপুকুরের বাঁড়ুঘোদের বাড়ি থিয়েটার এসেছে। কাল গাঁ শুদ্ধ লোক তাই দেখতে গেছল ব’লে—”

“তা যাই হ’ক ভাই, কাল তোমরা কেউ এলে না, আমার বড় একা ব’লে মনে হচ্ছিল—”

“তা হবেই ত। আপনি হলেন মজলিসি মানুষ।”

“আচ্ছা, আজ একটু ভাল ক’রে মজলিস্ করা যাক। কামারদের বংশীকে আর পালেদের হংসকে ডেকে নিয়ে এস।”

“ডাকতে হবে না চাটুঘো মশাই তারা—আপনিই এসে প’ড়ে এই—”

“না হে। ডুগি তবলাটাও আনা চাই কিনা। তোমাকে একবার যেতেই হবে।”

“আচ্ছা যাচ্ছি—” বলিয়া রামচন্দ্র চলিয়া যাইবামাত্র হেমস্ত উঠিয়া দাঁড়াইয়া একটু ইতস্তত করিয়া নিঃশব্দ পদসঞ্চারে অন্তরের পথে চলিল।

বিভা যেখানে নিরুজ্জনে বসিয়া সলিতা পাকাইতেছিল, হেমস্ত সেখানে আসিয়া দাঁড়াইতেই সে একবার মুখ তুলিয়া চাহিয়া দেখিল, কিন্তু তখনই বিরক্তি ভরে মুখ নত করিল। হেমস্ত একবার পিছনের উঠানের দিকে চাহিয়া লইয়া বলিল, “বিভা, তুমি কি আর আমার সঙ্গে কথা ক’বে না ?” কোন উত্তর না পাইয়া সে আবার বলিতে লাগিল, “দোষ আমার খুব হয়েছিল মানি। রাগও তোমার খুব হ’তে পারে সত্যি। কিন্তু আজ তোমাকে যে কথাটা বলতে এসেছি, তার শেষ মৌমাংসা এত দরকারী—”

বিভা তাহার বিরক্ত-মলিন মুখখানি তুলিয়া হেমস্তের মুখের উপর দৃষ্টিপাত করিতেই সে বলিয়া উঠিল, “আজ আবার হরিপুর থেকে তব্ব এসেছে—”

বিভা তাহার কথা শেষ হইবার আগেই ঝঙ্কার দিয়া বলিয়া উঠিল, “হাঁ, তাতে তোমার কি ?”

একটু চুপ করিয়া থাকিয়া হেমস্ত আবার ধীরে ধীরে বলিল, “আমার নিজেরকিছু কি না, সে কথা তোমাকে আমি জানাতে চাই না, আর জানিয়েও হয়ত কোন ফল নেই। কিন্তু সে দিনকার রাত্রে ঝি-মা আমাকে যে সত্যে আবদ্ধ—”

বিভা অস্বাভাবিক ভীততার সহিত বলিয়া উঠিল, “তোমাকে একশ বার বলেছি ঝি-মা বিকারের ঝাঁকে কি বলেছেন তা’ নিয়ে তুমি আমাকে বারবার অপমান করো না, কিন্তু তুমি এত ইতর, নিরুজ্জ, নিষ্ঠুর—”

“আমাকে এই শেষবার মাপ কর বিভা। আমি সত্যি তোমাকে নানা রকমে জ্বালাতন করেছি—কিন্তু আজ থেকে—”

বাহিরে বামুন মার সাড়া পাইয়া হেমস্ত সে স্থান ত্যাগ করিয়া চলিয়া গেল। (আগামী সংখ্যায় সমাপ্য)

কোরিয়া ও জাপানে হিন্দুসাহিত্য

শ্রীপ্রভাতকুমার মুখোপাধ্যায় ও শ্রীস্বধাময়ী দেবী

বৌদ্ধধর্মের দীক্ষিত হইয়া চীন ক্রমশ নিজেই বৌদ্ধধর্ম প্রচারে প্রবৃত্ত হইল। খৃষ্টীয় চতুর্থ শতাব্দীতে কোরিয়া তাহার নিকট হইতে বৌদ্ধধর্ম গ্রহণ করে। ৩৭২ খৃষ্টাব্দে Tsin রাজত্বকালে Sunto নামক এক চীনা শ্রমণ কতকগুলি মূর্তি ও ধর্মগ্রন্থ লইয়া Kokuryoতে আসেন। কোরিয়া তখন তিনটি রাজ্যে বিভক্ত ছিল— Kokuryo, Paikhe এবং Silla। চীন ও কোরিয়া উভয় স্থানেই এই কিম্বদন্তী প্রচলিত যে, খৃষ্টপূর্ব ১১২২ অব্দে কয়েক হাজার চীনবাসী কোরিয়ায় আসিয়া উপনিবেশ স্থাপন করে। বস্তুত কোরিয়ার আদিম অধিবাসীগণের ইতিহাস সঠিক জানা নাই; তবে তাহারা মঙ্গোলীয় ছিল ইহা নিশ্চিত এবং তাহাদের ভাষা ছিল তুরানীয় (Turanian Group) বর্গের। যাহা হউক, চতুর্থ শতাব্দীতে কোরিয়ায় বৌদ্ধধর্ম প্রবেশ করিবার পর অতি অল্পসময়ের মধ্যে কোরিয়ার সর্বত্র বৌদ্ধপ্রভাব বিস্তৃত হইয়াছিল। কোন কোন স্থানে বৌদ্ধ শ্রমণদিগের ক্ষমতা, উচ্চপদস্থ রাজকর্মচারীদিগের অপেক্ষা অধিক ছিল। মাঝে মাঝে এই ক্ষমতার অপব্যবহার করার দরুণ বৌদ্ধদিগকে উৎপীড়নও ভোগ করিতে হইত। তৎসত্ত্বেও বৌদ্ধধর্ম তথা হইতে সম্পূর্ণ বিনষ্ট হইয়া যায় নাট। চীনে যখন রাজনৈতিক অন্তর্বিবাদ ও অশান্তির ফলে বৌদ্ধধর্মের Tientai শাখা প্রায় বিলুপ্ত হইয়া গিয়াছিল, তখন কোরিয়ায় একজন শ্রমণ সেই শাখাকে পুনরুজ্জীবিত করিয়া তুলিয়াছিলেন। চীনা ত্রিপিটকের যে প্রাচীনতম সংস্করণটি এখন পাওয়া যায়, তাহা কোরিয়াতেই ছিল; সেখান হইতে সেটি জাপানে লইয়া যাওয়া হয়। ইংসিং পরিব্রাজকদিগের জীবনীতে কতিপয় কোরিয়াবাসী পরিব্রাজকেরও উল্লেখ করিয়াছেন, তাহা আমরা পূর্বে বলিয়াছি।

কোরিয়ার বর্ণমালা সম্বন্ধে বহু গবেষণার পর অনেকে স্থির সিদ্ধান্ত করিয়াছেন যে তাহা ভারতীয়। ঠিক কোথা হইতে কেমন করিয়া ভারতীয় বর্ণমালা তথায় যাইল সে সম্বন্ধে এখনও নিশ্চিত বলা না যাইলে ও Leonde Rosuy তাঁহার 'Les Coreans' নামক গ্রন্থে বলেন যে, কোরিয়ার বর্ণমালা মূলত যে ভারতীয় এসম্বন্ধে তাঁহার কোনও সন্দেহ নাই। তাহার পর আরও বহু পণ্ডিত এ বিষয়ে একমত হইয়াছেন। কোরিয়ায় বর্ণমালা সর্বশুদ্ধ ২৫টি; তাহার মধ্যে ১৪টি বাঞ্জন, ১১টি স্বর। ছয়েনসাঙের বিবরণে দেখা যায় তিনি লিখিয়াছেন তুখারদেশে, কুচায় যে অক্ষর ব্যবহৃত হয় তাহা সংখ্যায় ২৫টি; এবং বামদিক হইতে দক্ষিণে লেখা হয়। ইহা খুবই সম্ভব যে, কোরিয়াবাসী পরিব্রাজকগণ ক্রমশ স্থান হইতে তথাকার বর্ণমালা নিজেদের দেশে লইয়া যান।

কোরিয়া আবার জাপানকে বৌদ্ধধর্মের বাণী শুনাইল। শুনা যায় যে, ৫২২ খৃষ্টাব্দে Shibo Tachito নামক এক চীনা শ্রমণ তথায় যাইয়া এক বিহার নির্মাণ করাইয়াছিলেন এবং বুদ্ধের এক মূর্তি তথায় স্থাপন করিয়াছিলেন। কিন্তু তাঁহার প্রচেষ্টায় তেমন ফল হয় নাই। ইহার তেইশ বৎসর পরে ৫৪৫ খৃষ্টাব্দে কোরিয়ার রাজা রাজনৈতিক সখা স্থাপনের নিমিত্ত বুদ্ধের একটি প্রতিমূর্তি সঙ্গে দিয়া Yamator রাজসভায় দূত প্রেরণ করেন। ৫৫২ খৃষ্টাব্দে আবার কতকগুলি বুদ্ধের মূর্তি এবং বৌদ্ধগ্রন্থ লইয়া কোরিয়া হইতে দূত আসে। জাপানে বৌদ্ধধর্ম স্থায়ীভাবে প্রভাব বিস্তার করিবার পূর্বে নানারূপ প্রতিকূল অবস্থার ভিতর দিয়া তাহাকে যাইতে হয়।

কোরিয়া হইতে বৌদ্ধ শ্রমণগণ ক্রমাগত জাপানে যাইতে লাগিলেন; ধীরে ধীরে জাপানেও একটি দল তাঁহাদিগকে



উৎসাহ প্রদান করিতে লাগিলেন। ৫৭৭ খৃষ্টাব্দে এক ভিক্ষুণী আসেন জাপানে। আবার ৫৮৪ খৃষ্টাব্দে বিনয় অধ্যয়ন করিবার জন্ত কয়েকজন জাপানী শ্রমণ যান কোরিয়ায়। ইহার পর চীনা সভ্যতা ধীরে ধীরে জাপানের উপর প্রভাব বিস্তার করিতে লাগিল। খৃষ্টীয় ষষ্ঠশতাব্দী পর্যন্ত জাপানে কোনও বর্ণমালা ছিল না। ক্রমশ শিক্ষিত সম্প্রদায়ের মধ্যে চীনা শিখিবার প্রচলন হইল; এবং বুদ্ধভাবে অনুপ্রাণিত শিক্ষাই জাপানকে উন্নতির পথে আগাইয়া দিল। সপ্তম শতাব্দীর প্রথম দিকে Shotoku Taishi নামক জনৈক জাপানী রাজকুমার জাপানের শিক্ষাদীক্ষার আমূল সংস্কার-কার্যে আপনাকে উৎসর্গ করিয়া দিলেন। তখন হইতে চীন হইল জাপানের শিক্ষাগুরু। কি সাহিত্যে, কি শিল্পে সর্বত্রই বুদ্ধপ্রভাব আসিয়া পড়িল। কুমার শতকু যে বিহারটি নির্মাণ করাইয়াছিলেন, তাহা হইতেই সেই যুগের শিল্পের নমুনা পাওয়া যায়। শতকু বুদ্ধ চিত্র ও পতাকা-সমূহ চিত্রিত করিবার জন্ত মুদ্রাযন্ত্রের সংস্কার করিলেন। এই যুগে নৃত্য গীত সমুদায়ই বুদ্ধপ্রভাবে অনুপ্রাণিত হইয়া নূতন আকার গ্রহণ করিল। শতকু-নির্মিত বিহারটি রীতিমত একটি শিক্ষা-প্রতিষ্ঠান ছিল। তাহাতে একাধারে বৌদ্ধধর্ম ও শিল্পবিজ্ঞান প্রভৃতি শিখাইবার ব্যবস্থা ছিল। বিজ্ঞান শিল্প ও বৌদ্ধধর্ম শিখিবার জন্ত শতকু দলে দলে ছাত্র চীনে প্রেরণ করিতেন। ৬০৬ খৃষ্টাব্দে তিনি স্বয়ং সম্রাজ্ঞীর সম্মুখে তিনটি বুদ্ধ সূত্র সম্বন্ধে ধারাবাহিক বক্তৃতা করেন। তখন জাপানের সম্রাজ্ঞী ছিলেন রানী Suiko; শতকু ছিলেন ইহারই ভাগিনেয়। তিনটি সূত্রের একটি হইল শ্রীমালাদেবীসিংহনাদ, দ্বিতীয়টি বিমলকীর্তিনির্দেশ, তৃতীয় হইল সঙ্কর্মপুণ্ডরীক। প্রথমটিতে স্ত্রীজাতির কর্তব্য নির্দেশিত হইয়াছে। দ্বিতীয়টি সম্বন্ধে আমরা পূর্বে চীনা সাহিত্যপ্রসঙ্গে বলিয়াছি। ইহাতে একজন আদর্শ গৃহীর চিত্র দেওয়া হইয়াছে। সঙ্কর্মপুণ্ডরীক সম্বন্ধেও আমরা পূর্বে বলিয়াছি। চীনে যে Tientai শাখা ছিল, সঙ্কর্মপুণ্ডরীক তাহার একটি প্রামাণ্য গ্রন্থ। এই Tientai মত জাপানেও বিশেষ

প্রভাব বিস্তার করিয়াছিল। সঙ্কর্মপুণ্ডরীকে বলা হইয়াছে যে, প্রত্যেক ব্যক্তির মধ্যে বুদ্ধভাব নিহিত রহিয়াছে। অজ্ঞানতা ও বাসনা দূর করিয়া এই বুদ্ধ-উপলব্ধিই হইতেছে একমাত্র লক্ষ্য; বুদ্ধধ্যানই একমাত্র সত্য পথ। সমগ্র বিশ্ব এই একই সত্যের দ্বারা অনুপ্রাণিত।

প্রথমে জাপানে যখন বৌদ্ধধর্ম প্রবেশ লাভ করিল তখন বিশেষ কোনও শাখার মধ্য দিয়া তাহা যায় নাই। ক্রমশ মাধ্যমিক শাখার শূন্যতাবাদ, যোগাচারবাদ, অবতংসকবাদ প্রভৃতি বিভিন্ন মত জাপানে প্রতিষ্ঠা লাভ করিতে লাগিল। বিনয়ের বহুগ্রন্থও জাপানের প্রাচীন মন্দিরগুলিতে পাওয়া যায়। অষ্টম শতাব্দীতে Tientai মত জাপানে বিশেষ উৎকর্ষলাভ করে। সঙ্কর্মপুণ্ডরীক এই শাখার প্রামাণ্য গ্রন্থ বটে, কিন্তু চীন ও জাপান উভয়স্থানেই এই মত কিছু কিছু পরিবর্তিত ও পরিবর্ধিত হইয়া বিভিন্ন আকার গ্রহণ করে।

তন্ত্রবাদ চীন হইতে জাপানে লইয়া যান Kobo Daishi। Kobo Daishi চীনে ভারতীয় শ্রমণ প্রজ্ঞার নিকট সংস্কৃত শিক্ষা করেন। তৎপরে বৌদ্ধধর্ম ও বিশেষভাবে তন্ত্রধ্যান শিক্ষা করিয়া দেশে ফিরেন। সেখানে তিনি প্রতিষ্ঠা করেন Shingon মতের।

বর্তমানে জাপানে প্রধানত চারিটি বৌদ্ধশাখা রহিয়াছে। প্রথম হইল Jodo বা সুখাবতী শাখা। ১১৭৪ খৃষ্টাব্দে জাপানে এই শাখা প্রতিষ্ঠিত হয়। ১২২৪ খৃষ্টাব্দে Shin শাখা গড়িয়া উঠে। Jodoরই সংস্কৃত শাখা হইল Shin, Shinএর অর্থই হইল সংস্কৃত (Reformed)।

১১৯১ খৃষ্টাব্দে ধ্যান বা Zen শাখার উৎপত্তি হয়। পূর্বে ইহা Tientai শাখারই অন্তর্গত ছিল, এখন হইতে বিভিন্ন একটি শাখায় পরিণত হয়। জাপানে ইহার প্রভাব খুব বেশী। ১২৫৩ খৃষ্টাব্দে Nichiren নামক আর একটি শাখাও প্রতিষ্ঠিত হয়; ইহার প্রভাবও কম ছিল না।

বৌদ্ধধর্ম ভিন্ন অন্যান্য হিন্দুদর্শনও জাপানীগণ শ্রদ্ধার সহিত আলোচনা করিতেন। আমরা জানি ছয়েনসাঙ্ বৈশেষিকের একটি গ্রন্থের চীনা অনুবাদ করিয়া-

শ্রীপ্রভাতকুমার মুখোপাধ্যায় ও

ছিলেন। ইহার কোনও টীকা চীনাগণ লিখেন নাই। কিন্তু পরে জাপানে এই গ্রন্থের দশটি টীকা লিখিত হয়। নৈরায়িক দিঙ্নাগের গ্রন্থ যেমন চীনে সমাদর লাভ করিয়াছিল, তেমনি করিয়াছিল জাপানে। জাপানী শ্রমণগণ ত্রায়শাস্ত্রের বহুগ্রন্থ লিখিয়াছেন।

আজকাল জাপানের সঙ্গে ভারতের সম্পর্ক কেবল বাণিজ্যের দিক দিয়া। কিন্তু এক সময় তাহাদের মধ্যে গভীরতর একটি সম্বন্ধ যে ছিল, অল্প হইলেও তাহার প্রমাণ পাওয়া যায়। জাপানী পণ্ডিত তাকাকাসু বলেন, “দুর্ভাগ্যবশতই আমাদের ইতিহাস সেই ভারতীয় ভিক্ষুদের ও ভারত-পর্যটক জাপানী ভিক্ষুদের কাহিনী লিপিবদ্ধ করে নাই। ভারতের সহিত সাক্ষাৎ সম্বন্ধের যে সামান্য ছ’একটি নিদর্শন ইতিহাসে দেখিতে পাওয়া যায়, সেগুলিও ক্রমশ বিস্মৃতির অতলগর্ভে ডুবিয়া যাইবে বলিয়া ভয় হয়।” ইংসিংএর কাহিনীতে যে ৬৫ জন ভারত-পর্যটক শ্রমণের উল্লেখ রহিয়াছে, তাহার মধ্যে কয়েকজন ছিলেন কোরিয়াবাসী। সম্প্রতি Tun-huangএর গুহায় ফরাসী পণ্ডিত Pelliot একটি গ্রন্থ পাইয়াছেন। গ্রন্থটি Huichiao নামক কোরিয়াবাসী এক শ্রমণকর্তৃক লিখিত একটি ভ্রমণ কাহিনী। তাহাতে দেখা যায় যে, জাপানী শ্রমণও কেহ কেহ ভারত পর্যটনে আসিয়াছিলেন।

একটি প্রসিদ্ধ চীনা গ্রন্থে দেখা যায় যে, ৮১৮ খৃষ্টাব্দে Kongo Sammai বা বজ্রসমাধি নামক এক জাপানী শ্রমণ ভারতে আসেন। তিনি ‘মধ্যদেশ’ পর্য্যন্ত গিয়াছিলেন। সেখানকার কতকগুলি মন্দিরে তিনি বিচিত্র বর্ণের মেঘের চিত্র আঁকিয়া আসিয়াছিলেন। বহুদিন পর্য্যন্ত কোনও উৎসবের দিনে ভারতবাসীগণ সেই সকল মন্দিরে আসিয়া জাপানী চিত্রীর সেই সকল চিত্রের নিকট মস্তক অবনত করিতেন।

৮৬৬ খৃষ্টাব্দে Takaoka নামক এক জাপানী রাজকুমার ভারতের উদ্দেশ্যে যাত্রা করেন। তাঁহার জ্ঞান ও ধর্মপিপাসা মন চীন ও জাপানের বিজ্ঞানসম্মানে তৃপ্ত হইতে পারে নাই। সেই কারণে ভারতে আসিতে তিনি প্রয়াস পাইয়াছিলেন। কিন্তু সমুদ্রপথে যাইতে যাইতে

Laot নামক স্থানে আসিয়া অসুস্থ হইয়া পড়েন ও সেখানে মারা যান। কিওটোর প্রফেসর Shinnua অনুমান করেন যে এই Laot স্থানটি সিঙ্গাপুরের নিকটবর্তী কোনও স্থান হইবে। সিঙ্গাপুরে কুমার Takakoar একটি স্মৃতিস্তম্ভ নির্মাণ করিবেন বলিয়া জাপানীগণ মনস্থ করিতেছেন।

ভারতীয় শ্রমণদিগের পক্ষে সমুদ্র বেষ্টিত জাপানে যাওয়া তখনকার দিনে তেমন সহজ ছিল না। সুতরাং মধ্যএশিয়া দিয়া তাঁহারা প্রায়ই চীনে যাইতেন। সমুদ্রপথ দিয়া যাত্রা যাইতেন তাঁহারও কাণ্টনে আসিয়া চীনে চলিয়া যাইতেন। জাহাজে করিয়া জাপানে যাইবার তেমন সুবিধা ছিল না। এই সকল অনুবিধাসত্ত্বেও অল্প কয়েকজন ভারতীয় শ্রমণ জাপানে আসিয়াছিলেন।

কুমার শতকুর সময় Yamator এক গ্রামে ভারতীয় এক ভিক্ষু ছিলেন। ভিক্ষা করিয়া তিনি জীবিকানির্বাহ করিতেন। শতকু তাঁহার সহিত একবার সাক্ষাৎ করিয়াছিলেন এবং তাঁহার মৃত্যুর পর মহাসমারোহে তাঁহার অন্ত্যেষ্টিক্রিয়া সম্পন্ন করেন। কেহ কেহ মনে করেন, এই ভিক্ষু হইলেন বোধিধর্ম। চীনে বহুকাল থাকিয়া জাপানে চলিয়া যান। এ সম্বন্ধে নিশ্চিত কোনও প্রমাণ নাই। তবে শতকু তাঁহাকে দেখিয়াছিলেন তিনি যে একজন ভারতীয় ষোগী, এ বিষয়ে কোনও ভুল নাই। কুমার শতকু তাঁহার নামে এক পদ্য রচনা করিয়াছিলেন, সেই কবিতা এখনও জাপানে প্রচলিত আছে।

শুভকর সিংহ চীন হইতে জাপানে গিয়াছিলেন বলিয়া প্রবাদ। সম্প্রতি তাকাকাসু, ধর্মবোধি নামক আর একজন ভারতীয় শ্রমণের ইতিহাস আবিষ্কার করিয়াছেন। ইনি রাজগৃহের গৃহকূট পর্বতে ঋষির জীবন যাপন করিতেন। চীন ও কোরিয়া হইয়া ইনি জাপানে আসেন। তাঁহার সহিত একটি লৌহনির্মিত কমণ্ডলু ও সহস্রহস্তসম্মিত অবলোকিতের একটি ক্ষুদ্র পিত্তলমূর্তি ছিল। তাঁহার সম্বন্ধে বহু অলৌকিক কাহিনী জাপানে প্রচলিত আছে। একবার তিনি তাঁহার অলৌকিক শক্তিবলে তথাকার সম্রাটকে নীরোগ করিয়াছিলেন। সেই সময় কিছুদিন রাজপ্রাসাদে থাকিয়া তিনি ধর্ম প্রচার করেন। তাঁহাকে রাজকুমারগণ খুবই শ্রদ্ধা করিতেন।



ঐহার অনুরোধে পঞ্চ-বার্ষিক মতঃ নামক একটি ভোজের আয়োজন ঐহার করা করেন। এই ভোজে ধনী দরিদ্র নিবিশেষে সকল শ্রেণীর লোক আসিয়া যোগদান করে। তিনি যেখানে থাকিতেন সম্রাট পরে সেই পর্বতের উপর একটি মন্দির নির্মাণ করাইয়া দেন। ধর্মবোধির জীবন ও উপদেশের প্রভাবে বহুলোক বৌদ্ধধর্ম গ্রহণ করে। ৬৫১ খৃষ্টাব্দে ধর্মবোধির উপদেশানুসারে Dai-Zo-Ye নামে ত্রিপিটকের একটি উৎসব রাজপ্রসাদে সম্পন্ন হয়। এই উৎসবটি বহুকাল পরে আবার ১৯১৫ খৃষ্টাব্দে পুনরুজ্জীবিত করা হয়। তখন হইতে প্রতিবৎসর নির্দিষ্টদিনে বস্তুতাদির আয়োজন হয়। ধর্মবোধি দশ বৎসর জাপানে থাকেন, তারপর সহসা ভারতে ফিরিয়া আসেন।

বুদ্ধসেন নামক দক্ষিণভারতবাসী এক ব্রাহ্মণ ৭৩৬ খৃষ্টাব্দে জাপানে আসেন। Gyogi নামক জাপানী এক পণ্ডিত সম্রাটের আদেশানুসারে বুদ্ধসেনকে অভ্যর্থনা করিয়া আনিলেন। Gyogi সংস্কৃত ও জাপানী উভয় ভাষার সংমিশ্রণে এমন এক ভাষায় বুদ্ধসেনের সহিত আলাপ করিলেন যে, বুদ্ধসেন সহজেই তাহা বুঝিলেন। আলাপ আলোচনার মধ্য দিয়া উভয়েই দেখিলেন যে, ঐহাদের মতামত প্রায় সম্পূর্ণ মিলে। বুদ্ধসেন Daianji বিহারে থাকিয়া জাপানী শ্রমণ-দিগকে সংস্কৃত শিক্ষা দিতে লাগিলেন, অমিতায়ুবাদও ব্যাখ্যা করিতে লাগিলেন। ক্রমশ তিনি নিজে একটি বিহার স্থাপন করেন; বিহারটির নাম Ryosenji বা গৃধকুটবিহার। ৭৬০ খৃষ্টাব্দে সেখানেই তিনি মারা যান।

বুদ্ধসেন সংস্কৃত শিখাইবার সময়ই জাপানী বর্ণমালা সংস্কৃত ছাঁচে গঠিত হইয়া উঠে এ বিষয়ে সন্দেহ নাই। কারণ সংস্কৃত না জানা কোনও ব্যক্তির পক্ষে এইরূপভাবে বর্ণমালা সাজান অসম্ভব। আমরা জাপানী বর্ণমালার নমুনা দেখাই-লেই বুঝা যাইবে সংস্কৃত প্রভাব ইহাতে কতখানি।

স্বরবর্ণ

অ ই উ এ ও
(এইরূপ দীর্ঘ স্বরবর্ণ আছে)

ব্যঞ্জনবর্ণ—পঞ্চবর্ণ

ক	কি	কু	কে	কো
চ	চি	চু	চে	চো
(এই বর্ণে জ ঝ ঞ শ ষ সও উচ্চারিত হয়)				
ট	টি	টু	টে	টো
ত	তি	তু	তে	তো
	দ	ধ	(প্রভৃতি)	
হ	ম	য	র	ব ইত্যাদি

এইরূপে দেবনাগরী অক্ষরের ৪৭টি বর্ণই ইহাতে অবিকল রহিয়াছে।

চীনা ও জাপানী বৌদ্ধগণ সংস্কৃত গ্রন্থ অধ্যয়ন করিতেন। কিন্তু চীনে সংস্কৃত গ্রন্থ এখন আর পাওয়া যায় না; কেবল চীনা ত্রিপিটকের মধ্যে স্থানে স্থানে সংস্কৃত অক্ষর দেখা যায়। কিন্তু জাপানে সংস্কৃত পুঁথিসব এখনও পাওয়া যায়। সেগুলির মধ্যে কতকগুলি চীন হইতে আনীত; কতকগুলি মূল গ্রন্থ হইতে জাপানেই অনুলিখিত। মাক্সমুলার ঐহার Buddhist Texts from Japan গ্রন্থে এইরূপ বহু সংস্কৃত পুঁথির উল্লেখ করিয়াছেন। জাপানে অতি পুরাতন কয়েকটি বৌদ্ধ বিহারে এই সকল মূল্যবান পুঁথি পাওয়া গিয়াছে; তাহাদের মধ্যে ৬টি সম্পূর্ণ গ্রন্থ। অবশিষ্টগুলি অসম্পূর্ণ; তবে কোনযুগে সেগুলি লিখিত তাহা সেই ছিন্নপুঁথিগুলি হইতেই বেশ বুঝা যায়। যে সকল সংস্কৃত পুঁথি এখন পাওয়া যায় তাহাদের মধ্যে এগুলিই প্রাচীনতম। খৃষ্টীয় নবম শতাব্দীতে নাগান্দা বিহারের একটি ভিক্ষুর স্বহস্তলিখিত। ভিক্ষুটির নাম প্রজ্ঞতর। ইনি পুঁথিটি চীনে লইয়া যান। সেখান হইতে ঐহার এক জাপানী শিষ্য এটি জাপানে লইয়া আসেন।

৬৫২ খৃষ্টাব্দে আমরা প্রথম জাপানী ত্রিপিটক Issikyōর উল্লেখ দেখিতে পাই। ত্রিপিটক নকল করা জাপানে একটি পুণ্য কার্য্য মনে করা হইত। একজন সম্রাট নাকি একদিনে ইহা নকল করিয়া দিবার জন্য ১০০০০ অমূল্যক নিযুক্ত করিয়াছিলেন। জাপানের পক্ষে ইহা বিচিত্র নহে।

জাপানই প্রথম movable অক্ষর দিয়া ত্রিপিটক ছাপাইবার চেষ্টা করে। ১৮৮০ খৃষ্টাব্দে জাপানে একটি সভা স্থাপিত হয়। সেই সভা ১৯১৬খানি গ্রন্থ প্রকাশ (publish) করে। এখনও বৌদ্ধগ্রন্থ প্রকাশের কার্য এই সভা হইতে চলিয়া আসিতেছে। সম্প্রতি ত্রিপিটকের একটি আধুনিক-তম সংস্করণ ৫৫খণ্ডে জাপান হইতে প্রকাশিত হইয়াছে। এই সংস্করণে সমস্ত বৌদ্ধগ্রন্থ, এমন কি মধ্য এশিয়ায় যেগুলি পাওয়া গিয়াছে সেগুলিও, আছে।

এখন জাপানী পণ্ডিতগণ বৌদ্ধ সাহিত্য ও অত্যাশ্চর্য ভারতীয় সাহিত্য আলোচনার নিমিত্ত কি করিতেছেন সে সম্বন্ধে কিছু বলা প্রয়োজন। বৌদ্ধধর্ম চীন হইতে জাপানে গিয়াছে সে আজ প্রায় হাজার বছরেরও অধিক। সেখানে নানা পরিবর্তনের মধ্য দিয়া গিয়া এখন জাপানী বৌদ্ধধর্ম সম্পূর্ণ বিভিন্ন আকার গ্রহণ করিয়াছে—অথচ মূল সূত্রগুলি একই আছে। বর্তমান জাপানে ১৩টি বৌদ্ধ সম্প্রদায়—তাদের শাখা হইল ৫৮টি। প্রত্যেক সম্প্রদায়ের শিক্ষার জন্য পৃথক বিদ্যালয় আছে। এমন কি টোকিও, কিওটো, টোহাকু, কিউমু প্রভৃতি রাজকীয় বিশ্ববিদ্যালয়েও সংস্কৃত

ও পালি বৌদ্ধসাহিত্যের জন্য একটি কি দুটি শিক্ষা বিভাগ রহিয়াছে। Otani বিশ্ববিদ্যালয় হইল বৌদ্ধ কলেজগুলির মধ্যে প্রধান। বৌদ্ধ কলেজ বাতীত নানা বৌদ্ধ প্রতিষ্ঠান সেখানে রহিয়াছে ; সে সব স্থান হইতে বৌদ্ধ পত্রিকা সব প্রকাশিত হয়। এগুলির মধ্যে Eastern Buddhistএর নাম উল্লেখযোগ্য। জাপানের লোকসংখ্যার মধ্যে এখন বেশীর ভাগ বৌদ্ধ। গত চল্লিশ বৎসর ধরিয়া আধুনিক জাপান সংস্কৃতের চর্চা আরম্ভ করিয়াছে। এই অল্প সময়ের মধ্যে সে অনেকখানি আগাইয়াছে। জাপানী পণ্ডিতগণের মধ্যে Nonjio, Kasawara, Takakasu, Watanabe, Anesaki, Ui প্রভৃতির নাম আজকাল সর্বত্র বিদিত। ঋগ্বেদের অনুবাদ, ১২৬টি উপনিষদের অনুবাদ, শঙ্করের টীকা সমেত ভগবদ্গীতার অনুবাদ ইতিমধ্যে জাপানী ভাষায় হইয়া গিয়াছে। এখন প্রাচীন হিন্দুসাহিত্য আলোচনা করিতে যাইলে বর্তমান জাপানী সাহিত্যের সাহায্য লইতে হয়। আধুনিক ভারত সম্বন্ধেও জাপান জানিতে উৎসুক। রবীন্দ্রনাথের অধিকাংশ গ্রন্থই জাপানী ভাষায় অনূদিত হইয়াছে।



অমরনাথের পথে

শ্রীঅশ্বিনীকুমার দাশ

উপক্রম

শ্রীনগরে পৌঁছবার একদিন পরে শ্রীনগর কলেজের অধ্যাপক শ্রদ্ধেয় শ্রীযোগীন্দ্রনাথ দাস মহাশয়ের নিকট শুনিলাম যে, মহারাজা যাত্রীগণকে অমরনাথের পথে যাইতে দিবেন। অমরনাথ দর্শনের সময় আসন্নপ্রায়। মাত্র চারিটি দিন অবশিষ্ট আছে। আরও শুনিলাম যে, এই অল্প সময়ের মধ্যে অমরনাথের পথে যাত্রীগণের যাত্রার সুবিধার জন্ত যাহা কিছু বন্দোবস্ত করা সম্ভবপর তাহাও রাজসরকার হইতে করা হইবে। বৎসরের প্রায় সমস্ত সময়টি অমরনাথের গুহা ও গুহার পথ নিরবচ্ছিন্ন তুষারে আবৃত থাকে। বৎসরের এই সময়টিতে অর্থাৎ শ্রাবণ মাসের পূর্ণিমা তিথিতে যে বৎসর তুষার অল্প থাকে সেই বৎসর কাশ্মীর-রাজ বিপুল অর্থ ব্যয় করিয়া যাত্রীগণের যাতায়াতের উপযোগী অস্থায়ী পথ প্রস্তুত করাইয়া দেন। পথের মধ্যে অসংখ্য ক্ষুদ্র বৃহৎ ধরস্রোতা নদী ও ঝর্ণা আছে, সেগুলির উপরও অস্থায়ী সেতু নির্মিত হয় এবং রাজ-সরকারের কর্মচারীগণ দুর্গম স্থানে উপস্থিত থাকিয়া যাত্রীগণের গতি নিয়ন্ত্রিত করেন। শুনিতে পাই, একটি দাতব্য চিকিৎসা-বিভাগও যাত্রীগণের সহিত প্রতি বৎসর যাইয়া থাকে। এই সকল বন্দোবস্ত না হইলে যাত্রীগণের পক্ষে তুষারাচ্ছন্ন দুর্গম অমরনাথ যাত্রা অসম্ভব হইয়া পড়ে। যে বৎসর গুহা ও তাহার পথে অত্যধিক তুষার থাকে, সে বৎসর যাত্রীগণকে যাইতে দেওয়া হয় না। কাশ্মীরের পথে, রাউলপিণ্ডিতে উপনীত হইয়া, বাঙ্গালীদিগের কালীবাড়ীতে বাঙ্গালী পুরোহিত মহাশয়ের নিকট এই বৎসর অমরনাথের পথ বন্ধ থাকার কথা শুনিয়া আমাদের সকলের মন নিরাশায় ভরিয়া গিয়াছিল। যখন এত ক্লেশ স্বীকার করিয়া এতদূর আসিয়াছি তখন শেষ পর্য্যন্ত কি হয় তাহাই দেখিবার জন্ত 'অষ্ট্রের উপর নির্ভর করিয়া আমরা

শঙ্কান্দোলিত চিত্তে শ্রীনগর অভিমুখে রওয়ানা হইয়াছিলাম সম্পূর্ণ অপ্রত্যাশিত ভাবে শ্রদ্ধেয় যোগীন্দ্রবাবুর নিকট এই আনন্দ সংবাদ শ্রবণ করিয়া আমাদের মনে যে কি আনন্দ হইল তাহা ভাষায় বর্ণনা করা অসম্ভব।

বিপুল আগ্রহে আমরা সেই দিনই বৈকালে শ্রীনগরের বাজারে—আমিরা কদল্ বাজার (Amira Kaddl)—গমন করিলাম; এবং একজন পরিচিত মোটারওয়ালার নিকট যাইয়া শ্রীনগর হইতে ৬২ মাইল দূরবর্তী প্যাহলগাঁ (Pahlgaon) পর্য্যন্ত একটি 'বাস' যাতায়াতের ভাড়া এক শত টাকায় ঠিক করিয়া আসিলাম।

বৃহস্পতিবার, ১৪ই শ্রাবণ—যাত্রারস্ত

প্রভাতে শয্যাভ্যাগ করিয়া বাহিরে আসিলাম। পূর্বরাত্রে অবিরাম ধারায় বৃষ্টি হইয়া গিয়াছে। তখনও বারিবর্ষণের নিবৃত্তি হয় নাই। সমস্ত আকাশ একখণ্ড কালো মেঘে আচ্ছন্ন। প্রকৃতির বিরস বদন দেখিয়া আমরা বিমর্ষ হইলাম, কিন্তু আমাদের বিমর্ষতা ক্ষণিক। অমরনাথ দর্শনের প্রবল আকাঙ্ক্ষার নিকট অন্তরের বিমর্ষতা মুহূর্ত্তে বিলীন হইল। অমরনাথ যাত্রার আয়োজনে আমরা বিরত হইলাম না। যথা সময়ে আমরা ভোজন সমাপ্ত করিয়া আমাদের প্যাহলগাঁ পর্য্যন্ত যাইবার জন্ত যে 'বাস' ঠিক করিয়াছিলাম সেই বাসের প্রতীক্ষা করিতে লাগিলাম। মধ্যাহ্নের পর আকাশ একটু পরিষ্কার বলিয়া বোধ হইল। বৃষ্টি বন্ধ হইয়াছে; কিন্তু তখনও আকাশে অল্প অল্প মেঘ দেখা যাইতেছে।

বেলা তিনটার সময় মোটার বাস লইয়া 'হবিবুলা' যোগীন্ বাবুর বাসায় উপস্থিত হইল এবং জানাইল যে, মোটার প্যাহলগাঁ পর্য্যন্ত যাইতে পারিবে না, যেহেতু রাত্রে বৃষ্টি হওয়ার শ্রীনগর ও প্যাহলগাঁর মধ্য পথে একস্থানে

শ্রীঅখিনীকুমার দাশ

পাহাড় পড়িয়া পথ বন্ধ হইয়া গিয়াছে। আমরাদিগকে সে 'ভবন' পর্য্যন্ত ৩৪ মাইল পথ মোটারে লইয়া যাইবে; যদি 'ভবনের' পরে পথ ইতিমধ্যে পরিষ্কার করা হইয়া থাকে ত' প্যাহলগাঁ পর্য্যন্তই লইয়া যাইবে; নতুবা আমরাদিগকে 'ভবন' হইতে প্যাহলগাঁ যাইবার স্বতন্ত্র বন্দোবস্ত করিয়া লইতে হইবে। আমরা অদৃষ্টের উপর নির্ভর করিয়াই ত' রাউলপিণ্ডি হইতে রওয়ানা হইয়াছিলাম। সুতরাং হবিবুল্লাহ এই দুঃসংবাদে দুঃখিত হইলাম কিন্তু নিরাশ হইলাম না। অদৃষ্টের উপরই পুনরায় নির্ভর করিয়া আমরা হবিবুল্লাহ 'পুষ্পরথে' আরুঢ় হইয়া অমরনাথের পথে যাত্রা আরম্ভ করিলাম।

আকাশে তখনও অল্প অল্প মেঘ। বর্ষণকাল মেঘরাশি ধীর মন্দ সমীরণস্পর্শে গগনমার্গে ইতস্তত উড়িয়া বেড়াইতেছে। ক্ষীণ মেঘ-জাল ভেদ করিয়া বৈকালিক সূর্যের স্বর্ণ কিরণ রক্ষশিরে পতিত হইয়া অপরূপ শোভায় প্রকৃতি সুন্দরীকে সৌন্দর্য্যশালিনী করিয়াছে।

পথের উভয় পার্শ্বে সমুন্নত পপ্লার বৃক্ষ শ্রেণীবদ্ধভাবে দণ্ডায়মান। বৃক্ষ সকলের পত্রসমূহ তখনও সিক্ত। পল্লবপ্রাপ্ত হইতে সঞ্চিত বারিরাশি বিন্দু বিন্দু পতিত হইয়া ধরণীর বৃক্ষের উপর ছড়াইয়া পড়িতেছে। পপ্লার শ্রেণীর মধ্য দিয়া আমাদের মোটার ছুটিয়া চলিয়াছে। Kashmir Gazetteerএ দেখা যায় যে এই পপ্লার বৃক্ষ কাশ্মীরজাত নহে; মোগলরাজত্ব কালে জনৈক মোগল রাজপ্রতিনিধি দ্বারা অত্র দেশ হইতে (সম্ভবতঃ চীন হইতে) ইহা কাশ্মীরে আনীত হয়। ইহা ভারতের কুত্রাপি নাই। দেখিতে এই বৃক্ষ অতীব সুন্দর; এত লম্বা আর কোনও বৃক্ষ হয় কিনা জানি না। কাণ্ড-

দেশ অত্যন্ত সরল; অনেকটা ইউক্যালিপ্টাস বৃক্ষের গ্রায়। বৃক্ষের কাণ্ড দেশে কোনও পল্লব হয় না।

আমরা এগার জন আরোহী ছিলাম; চারজন মহিলা এবং সাত জন পুরুষ। এতদ্ব্যতীত, শ্রীনগর হইতে যোগীন্দ্র বাবু একজন কাশ্মীরী ভৃত্য সংগ্রহ করিয়া দিয়াছিলেন, তাহাকেও সঙ্গে লওয়া হইয়াছিল।



অমরনাথের গুহা

শঙ্করাচার্য্যের পাহাড়

অতি অল্প সময়ের মধ্যে সমুন্নত পপ্লার-বীথি পশ্চাতে ফেলিয়া, একটি ক্ষুদ্র কিন্তু মনোহর সেতু সাহায্যে আমরা খিলাম নদীর একটি 'খাল' পার হইয়া শ্রীনগরের সীমানা অতিক্রম করিলাম। পথের সম্মুখে একটি পর্বত, যেন পথ রোধ করিয়া প্রকাণ্ড দৈত্যের মত দাঁড়াইয়া রহিয়াছে। পর্বতটিকে বামে রাখিয়া মোটার তীব্র গতি-ভরে শ্রীনগর হইতে দক্ষিণ অভিমুখে ছুটিয়া চলিল। এই পাহাড়টিকে স্থানীয় লোকেরা শঙ্করাচার্য্যের পাহাড় বলে। বিদেশী পর্য্যটকগণ ইহাকে King Solomon's Throne or



Tower নামে অভিহিত করিয়া থাকেন। পাহাড়ের শিখরদেশে একটি গোলাকার মন্দির আছে। মন্দিরটি প্রস্তরনির্মিত। পর্বতের প্রান্তভাগ হইতে একটি পথ মন্দিরের দ্বারদেশ পর্যন্ত গিয়াছে। মন্দিরে উঠিবার চওড়া চওড়া ধাপ আছে। আজকাল একটি তীব্র বৈদ্যুতিক আলোক প্রতি সন্ধ্যায় মন্দিরের উপর প্রজলিত করা হয়; তাহার রশ্মি বহুদূর হইতে দেখা যায়। কবে কাহার দ্বারা এই মন্দির নির্মিত হইয়াছিল তাহার কোনও প্রমাণ নাই। Solomon রাজার সিংহাসন কখনও ছিল কিনা তাহার কোনও ঐতিহাসিক ভিত্তি নাই। কোনও কোনও লেখক ইহাকে বৌদ্ধ যুগের 'বিহার' আখ্যা দিয়া থাকেন। যখন কাশ্মীরে বৌদ্ধগণের প্রভাব বিস্তৃতি লাভ করে সেই সময় কোনও বৌদ্ধরাজদ্বারা ইহা নির্মিত হইয়া বিহারস্বরূপে ব্যবহৃত হইত। পরে যখন কাশ্মীর পাঠানগণের প্রভুত্বাধীনে আসে সেই সময় পাঠানরাজ সুলেমান ইহা তাঁহার Tower রূপে ব্যবহার করিতেন। কাশ্মীরের পাঠান মুসলমান অধিবাসীরা ইহাকে কাশ্মীরে পাঠানগণের বিজয়-কেতন বলিয়া থাকে। হিন্দুরা বলন প্রভু শঙ্করাচার্য্য তাঁহার শিষ্যগণ সহ এইস্থানে আসিয়া কিছুকাল বসবাস করিয়াছিলেন। মন্দিরটি যে অতি প্রাচীন সে বিষয়ে সন্দেহ নাই।

শঙ্করাচার্য্যের পাহাড়ের উপর হইতে শ্রীনগরের নৈসর্গিক দৃশ্য অতি সুন্দর। পাহাড়ের এক পার্শ্বে ডালহুদ (Dhal Lake)—বিকশিতকমলদল যক্ষ ধারণ করিয়া দিগন্তে যাইয়া চক্রবালে মিলিত হইয়াছে। ক্ষুদ্র ক্ষুদ্র কাশ্মীরী 'শিকারা' নৌকা ইতস্তত ভাসিয়া বেড়াইতেছে। পাহাড়ের অপর পার্শ্বে বর্ষণ-ক্ষীতা, কলরবমুখরিতা বিলাম নদী। শঙ্করাচার্য্য পাহাড়ের উত্তরে অনতিদূরে 'হরিপর্বত'। পূর্বে মহামতি আকবর এই পর্বতের উপর তাঁহার দুর্গ স্থাপন করিয়াছিলেন; এক্ষণে উহা কাশ্মীররাজের সেনানিবাস। শঙ্করাচার্য্য পাহাড়ের পাদদেশে একটি সুন্দর উপবন ও মন্দির এবং পাহাড়ের পশ্চাতে কাশ্মীরের যুবরাজ (বর্তমান মহারাজা) শ্রীর হরিসিংএর রাজপ্রাসাদ; সাহেবী ধরণে প্রাসাদটি নির্মিত। অসংখ্য আধকট ও চেনার

বৃক্ষের মধ্যে প্রাসাদটি আত্মগোপন করিয়া রহিয়াছে।

শঙ্করাচার্য্যের পাহাড় অথবা তখুত-ই-সুলেমানি পশ্চাতে রাখিয়া আমাদের মোটার দক্ষিণ-পূর্ব অভিমুখে ছুটিয়া চলিল। ক্ষুদ্র ক্ষুদ্র কাশ্মীরী গ্রামগুলি ক্রমে ক্রমে আমাদের নয়নপথে পড়িতে লাগিল। চারিদিকে দিগন্তপ্রসারী মাঠ। প্রকৃতিদেবীর সরল গ্রামা-চিত্রের যবনিকা যেন সহসা আমাদের সম্মুখে উদ্ঘাটিত হইল। চারিদিকেই

“অবারিত মাঠ, গগন ললাট চুমে তব পদধূলি,

ছায়া স্ননিবিড়, শান্তির নীড় ছোট ছোট গ্রামগুলি।”

একগাড়ী বাঙ্গালী আরোহী দেখিয়া গ্রাম্য রমণীরা ও পুরুষগণ কোতূহলদীপ্ত নয়নে আমাদের পথের পার্শ্বে আসিয়া দাঁড়াইতে লাগিল। তাহাদের পরিহিত বিচিত্রবর্ণের ঘাঘরা ও আলখোলাগুলি দেখিয়া মনে হইত যেন গোখুলি সময়ে শ্রামা ধরণীর বৃক্ষের উপর কতকগুলি বিচিত্রবর্ণের পুষ্প প্রফুল্লিত হইয়া রহিয়াছে। নয়নরঞ্জন প্রাকৃতিক দৃশ্য দেখিতে দেখিতে আমরা বিপুল পুলকে অগ্রসর হইতে লাগিলাম।

পান্ডুথান

শঙ্করাচার্য্য পাহাড়ের প্রায় তিন মাইল দক্ষিণে, পান্ডুথান নামক গ্রাম আমাদের দৃষ্টিপথে পতিত হইল। এই গ্রামটি বিলাম নদীর দক্ষিণে, শ্রীনগর হইতে চারিমাইল দূরে অবস্থিত। বর্তমান সময়ে ইহা একটি সামান্ত গণ্ডগ্রাম, কিন্তু পুরাকালে এইস্থানের প্রসিদ্ধি সমগ্র কাশ্মীর ও পঞ্চনদ প্রদেশে ব্যাপ্ত ছিল। পণ্ডিত কল্লন (মিশ্র) তাঁহার ‘রাজতরঙ্গিনী’-গ্রন্থে বহুবার এই স্থানের উল্লেখ করিয়াছেন। পুরাকালে এইস্থান পুরন্ধিহান নামে খ্যাত ছিল। পুরন্ধিহান অর্থে পুরাতন রাজধানী। বর্তমান নাম ‘পান্ডুথান’ পুরাতন সংস্কৃত ‘পুরন্ধিহানের’ অপভ্রংশ। কাশ্মীরের ভূতপূর্ব রেসিডেন্ট লরেন্স সাহেব তাঁহার পুস্তকে বলিয়াছেন যে, অতি প্রাচীনকালে কাশ্মীরের রাজধানী এইস্থানে অবস্থিত ছিল এবং সেই পুরাকালে ধনজন পরিপূর্ণ সমৃদ্ধিশালী পুরন্ধিহানের বিস্তৃতি চারি মাইলের অধিক ছিল। হিন্দুরাজগণের

শ্রীঅশ্বিনীকুমার দাশ

অধঃপতনের পর কাশ্মীর যখন বৌদ্ধরাজগণের প্রভাবে বিস্তৃতি লাভ করে, সেই সময় মৌর্যাবংশীয় বৌদ্ধরাজা অশোকের রাজত্বকালে এইস্থানে একটি সুবিশাল প্রস্তর-মন্দির নির্মিত হয় (আনুমানিক ২৫০ খৃঃ পূঃ)। সম্রাট অশোকের সাম্রাজ্য কাশ্মীর হইতে কুমারিকা পর্য্যন্ত বিস্তৃত ছিল; তাহার কীর্তিকৈতন সুবিশাল ভারতভূমির প্রায় প্রত্যেক প্রদেশেই এখনও—তুই হাজার বৎসর পরেও—দেখিতে পাওয়া যায়। এই মন্দিরের মধ্যে বুদ্ধদেবের একটি দস্তসংরক্ষিত হইয়াছিল এবং যতদিন কাশ্মীরে বৌদ্ধপ্রভাব অক্ষুণ্ণ ছিল ততদিন এই মন্দির বৌদ্ধগণের নিকট পুণ্য-পীঠ বলিয়া পরিগণিত হইত। ‘বার্ণিয়োর’ ভ্রমণ রত্নাস্ত্রে (Bernio's Travels) এই পুরস্কিস্থান ও তাহার মন্দির সম্বন্ধে যথেষ্ট উল্লেখ আছে। কাশ্মীরে হিন্দুরাজত্ব পুনঃস্থাপনের পর, কাশ্মীরের হিন্দু রাজা বৌদ্ধবিদ্বেষী অভিমন্যু রোমক সম্রাট অত্যাচারী নিরোর মত (Nero) এই মন্দিরটির ও তৎসংলগ্ন জনপদের ধ্বংস সাধন করেন (৭ম খৃঃ অব্দে)।

শুনিতে পাওয়া যায়, বর্তমান সময়ে পান্ডুখান গ্রামের মধ্যে একটি বৃহদাকার প্রস্তর-মূর্তি পতিত আছে। মূর্তিটি অনেকটা আকৃতিতে Indian Museumএ রক্ষিত কুশান সম্রাট কণিক্ষের সময়কার যক্ষমূর্তির অনুরূপ। এইরূপ মূর্তির ভগ্নাবশেষ বেনারস সারনাথের মিউসিয়ামেও রক্ষিত আছে। পান্ডুখানে মূর্তিটির সমস্তটা নাই। মূর্তিটি গ্রীক আর্টের উৎকৃষ্ট নমুনা এবং এই মূর্তি ও মন্দিরের ধ্বংসাবশেষ হইতেই যথেষ্ট প্রমাণিত হয় কাশ্মীর উপত্যকার অভ্যন্তরেও গ্রীক ভাস্কর্য্য-বিদ্যা কতটা প্রতিষ্ঠা লাভ করিয়াছিল। পূর্বে মূর্তিটি মন্দিরের অভ্যন্তরে স্থাপিত ছিল। বিদেশী পর্য্যটকেরা বলেন যে, মূর্তিটি সম্ভবতঃ বৌদ্ধরাজত্বের অবসানের অব্যবহিত পূর্বে স্থাপিত হয়। বার্ণিয়ো যখন ভ্রমণ উপলক্ষে এইস্থানে উপনীত হন, তখনও মন্দিরটি ধ্বংসপ্রায় অবস্থায় মনুষ্য ও প্রকৃতির সর্ববিধ অত্যাচার সহ্য করিয়াও কালের সহিত প্রতিযোগিতা করিয়া দণ্ডায়মান ছিল এবং মন্দিরের মধ্যে ছত্রতলে অনেকগুলি সুন্দর সুন্দর নারীমূর্তি খোদিত ছিল; সম্ভবতঃ সেগুলি

অমরা মূর্তি প্রত্যেক মূর্তির হস্তে এক একটি মালা।

পাণ্ডুচক

পুরস্কিস্থানের এক মাইল দক্ষিণে পাণ্ডুচক। ইহাও অতি ক্ষুদ্রগ্রাম। আমাদের পথের পার্শ্বে ও বিলাম নদীর দক্ষিণ কূলে অবস্থিত। পূর্বে এই স্থানের প্রাকৃতিক শোভা অতুলনীয় ছিল। দূরে ও নিকটে ক্ষুদ্র বৃহৎ পর্বত মালা। অসমতল শস্যক্ষেত্র সবুজশস্ত্রে পরিপূর্ণ। মাঝে মাঝে ক্ষুদ্র ক্ষুদ্র পার্কত্যা প্রস্রবণ কুল কুল শব্দে বিলামে যাইয়া মিশিতেছে; তটিনী তীরে স্থানে স্থানে (willow) উইলো-কুঞ্জ। শুনিতে পাই, এই স্থানের প্রাকৃতিক শোভায় মুগ্ধ হইয়া মোগল সম্রাট জাহাঙ্গীর ১৬০৮ খৃঃ অব্দে জগজ্জ্যাতি নূরজাহানের ইচ্ছা অনুসারে এক অতি মনোরম উপবন নির্মাণ করাইয়াছিলেন। এখন সে উপবনের অস্তিত্ব নাই। যাহা একদিন প্রাকৃতিক শোভা-সম্পদে অতুলনীয় ছিল, সেই সাধের উপবন এখন জঙ্গলে পরিপূর্ণ। সম্রাট জাহাঙ্গীর কৃত একটি অতি সুন্দর প্রস্তর-সেতুর ধ্বংসাবশেষ অতীতের সাক্ষীস্বরূপ এখনও পথের পার্শ্বে পড়িয়া রহিয়াছে।

পাম্পুর

পাণ্ডুচক গ্রামের প্রায় তুই মাইল দক্ষিণে চতুর্দিকে পর্বতমালাবেষ্টিত এক বিস্তীর্ণ সমতল ক্ষেত্র আমাদের দৃষ্টি আকৃষ্ট করিল। এই স্থান পাম্পুর (Pampur) নামে খ্যাত। পাম্পুর কাশ্মীরের একটি অল্পতম প্রাচীন স্থান। রাজা পদ্মাদিত্য খৃঃ অব্দ ৮৩২ এই পাম্পুরের প্রতিষ্ঠা করেন এবং প্রতিষ্ঠাতা পদ্মাদিত্যের নাম অনুযায়ী এই স্থান ‘পদ্মাপুর’ বলিয়া খ্যাত ছিল। বর্তমান নাম প্রাচীনের অপভ্রংশ মাত্র। পাঠান রাজগণের কীর্তি-চিহ্ন একটি বিশাল মসজিদ এখনও পাম্পুর গ্রামের প্রাচীনতার স্বরূপ দণ্ডায়মান আছে। পাম্পুরের বর্তমান প্রসিদ্ধি কেবল কাশ্মীরেই পর্য্যবসিত নহে। বিখ্যাত জাকরণ চাষের জন্ত পাম্পুর যথেষ্ট প্রসিদ্ধিলাভ করিয়াছে। পাম্পুর ও তাহার জাকরণ চাষ সম্বন্ধে Kashmir Gazetteerএ এইরূপ লিখিত আছে,—“At Pampur, the saffron grows in abundance. Saffron or keshar is the



stamina of the flowers of the crocus sativas. The plants flower about the end of October. At that time, a large number of villagers of both the sexes, and of all ages, gather there to collect flowers and Sepoys are stationed there to prevent their pilferings. The flowers are of purple complexion, ইত্যাদি।

ভারতের কুত্রাপি জাফরাণ্ চাষ হয় না; ইহা কেবল কাশ্মীরেই হইয়া থাকে। কিন্তু ইহা কাশ্মীরের নিজস্ব বস্তু নহে; সম্ভবতঃ ইহা চীন হইতে প্রথমে ভারতে আমদানী করা হইয়াছিল। কবে এবং কোন যুগে তাহার ঐতিহাসিক প্রমাণ নাই। Times of India, March 18, 1928 সংখ্যার ১৩ পৃষ্ঠায় লিখিত আছে, "The cultivation of saffron is a very old industry. In ancient times the centre of the industry appears to have been the town of Corycus in Cilicia (Asia Minor), though authorities disagree as to whether the plant (crocus) was named after the town (Corycus) or the town after the plant. Presumably the cultivation of the saffron crocus spread from Asia Minor eastward into Central Asia and westward to the countries about the Mediterranean. The industry in Kasmir is of ancient standing. By the time of Akbar it had attained considerable proportions and the 'Ain-i-Akbari' mentions 10,000 to 12,000 bighas—say 4,000 acres—as the area under cultivation. At present the area is 2000 acres."

বর্তমান সময়ে জাফরাণ্ আবাদ করার রাজসরকারের একচেটিয়া অধিকার (State monopoly)। প্রতি বৎসর জাফরাণ্ আবাদ করিবার অধিকার জনৈক ঠিকাদারকে রাজসরকার হইতে দেওয়া হয়। বর্তমান সনে বাৎসরিক ৫০,০০০ টাকা খাজনার জাফরাণ্ জমি বিলি করা আছে।

ঠিকাদার আপন লোকদ্বারা জমিতে চাষ করাইয়া লয়। এক একর জমিতে প্রায় অর্ধসের ভাল জাফরাণ পাওয়া যায় এবং অর্ধসের জাফরাণের দাম কাশ্মীরে ৮০ হইতে ১২০ টাকা পর্যন্ত। জাফরাণ্ ক্ষেত্রগুলি অতি ক্ষুদ্র ক্ষুদ্র; প্রায় ৮ ফিট দীর্ঘ ও প্রস্থ। প্রত্যেক ক্ষেত্রের চতুর্দিকে আল আছে এবং দুইটি ক্ষেত্রের আলের মধ্যস্থলে পরঃপ্রণালী। জাফরাণ্ চাষে জল সঁচের প্রয়োজন হয় না। এক একটি ক্ষেত্রে একাদিক্রমে ৮।১০ বৎসর জাফরাণ্ চাষ হইয়া থাকে। অক্টোবর মাসের শেষভাগে কিম্বা নভেম্বর মাসের প্রথমভাগে জাফরাণ্ বৃক্ষে বেগুনি রংএর সুন্দর পুষ্প প্রস্ফুটিক হয়, পুষ্পের পরাগ কেশর (anthers) পীত বর্ণের ও জরদা রংএর। পুষ্পচয়ন শেষ হইলে পুষ্পগুলিকে শুষ্ক করা হয় ও শুষ্ক পুষ্প হইতে জাফরাণ্ সংগ্রহ করা হয়।

পথের উভয় পার্শ্বে দিগন্তপ্রসারিত জাফরাণ্ ক্ষেত্র। দূরে, চারিধারে পাহাড়ের প্রাচীর,—যেন ক্ষেত্রগুলির প্রহরায় নিযুক্ত। পূর্বে বিলাম নদী পাম্পুর গ্রামের অতি সন্নিকটে ছিল, কিন্তু আজকাল নদী অনেকটা দূরে সরিয়া গিয়াছে। পাম্পুর গ্রামের দক্ষিণ প্রান্তে একটি পাহাড়ের সান্নিধ্যে কাশ্মীরের মহারাজ শ্বার প্রতাপসিংএর রাজপ্রাসাদ। প্রাসাদটির চতুর্দিকে অসংখ্য চিনার বৃক্ষ।

পাম্পুর গ্রামের প্রায় দুই মাইল দক্ষিণে উইয়ান (Weean) গ্রাম। কতকগুলি স্বাভাবিক উৎস থাকার জন্ত এই গ্রাম প্রসিদ্ধ। এই উৎসগুলি একটি ক্ষুদ্র পর্বতের পাদদেশ বিদীর্ণ করিয়া নির্গত হইতেছে এবং উৎসগুলির জলে গন্ধক মিশ্রিত থাকার জন্ত নানাবিধ ব্যাধির প্রতিকারার্থে অনেকেই উইয়ান গ্রামে আসিয়া থাকেন। স্থানীয় লোকেরা এই উৎসগুলিকে Fook Nag 'ফুক-নাগ' বলিয়া থাকে। উইয়ান গ্রাম পশ্চাতে রাখিয়া আরও কিছু দূর যাইবার পর, শ্রীনগর হইতে উনিশ মাইল দক্ষিণে, অবন্তীপুর নামক স্থানে আমরা উপনীত হইলাম। তখন সন্ধ্যা হয় হয়।

অবন্তীপুর

বিলাম নদীর সন্নিকটে, তাহার দক্ষিণ তটে অবস্থিত, চতুর্দিকে শোভাশালিনী-পর্বতমালা-পরিবেষ্টিত

শ্রীঅখিনীকুমার দাশ

প্রকৃতির রম্য নিকেতন এই স্থানে কাশ্মীরের তদানীন্তন হিন্দুরাজা অবন্তীবর্মা খৃষ্টীয় নবম শতাব্দীতে এক সমৃদ্ধিশালী নগরের প্রতিষ্ঠা করেন এবং প্রতিষ্ঠাতার নাম অনুযায়ী নগরের নাম অবন্তীপুর রাখেন। অবন্তীপুরের প্রাকৃতিক সৌন্দর্য্যে মুগ্ধ হইয়া রাজা অবন্তীবর্মা এই স্থানে তাঁহার সুবিশাল রাজপ্রাসাদ নির্মাণ করাইয়া রাজধানী এই অবন্তীপুরেই স্থানান্তরিত করেন।

অসংখ্য প্রাসাদ ও হর্ম্মা-শোভিত অবন্তীপুরের পূর্ব সমৃদ্ধি লুপ্তপ্রায়। এক্ষণে উহা একটি ক্ষুদ্র জনপদে

অনেকগুলি স্তম্ভ রহিয়াছে; স্তম্ভসকল মসৃণ, ও মন্দিরের গাত্রে অসংখ্য মূর্তি খোদিত দেখা যায়। মূর্তিগুলি দেখিলে বুদ্ধদেবের মূর্তি বলিয়াই মনে হয়। মন্দিরের গাত্রে দুই একটি শিলালিপি ছিল, কিন্তু অধুনা লুপ্ত। রাজা অবন্তীবর্ম্মার বিশাল রাজপ্রাসাদ নগরের অগ্গাচ্ছ অট্টালিকার সহিত ভূমিকম্পে অথবা অগ্নি কোনও কারণে ভূগর্ভে প্রোথিত হইয়া যায়।

বহু শতাব্দী পরে, বিশপ-কটনের (Bishop Cotton-এর) চেষ্টা ও প্রত্নতত্ত্ববিভাগের তত্ত্বাবধানে পুরাকালের

চন্দন ওয়ায়ার
দৃশ্য



পর্য্যবসিত হইয়াছে। এখনও পথের পাশে দুইটি ভগ্নপ্রায় প্রস্তর মন্দির দেখা যায়। এই মন্দির দুইটি দেখিলে মনে হয় যে, ইহারা যেন কোনও মতে ধ্বংসের গ্রাস হইতে আত্মরক্ষা করিয়া দাঁড়াইয়া রহিয়াছে। এই মন্দির দুইটি অবন্তীপুরের প্রতিষ্ঠাতা রাজা অবন্তীবর্ম্মার কীর্ত্তি। তিনি মন্দির দুইটি নির্মাণ করাইয়া তাহা যথাক্রমে বিষ্ণু ও কালদেবের নামে উৎসর্গ করিয়াছিলেন। একটি মন্দিরের মধ্যে মূর্তি রহিয়াছে; উহা বিষ্ণু অথবা বুদ্ধ দেবের মূর্তি তাহা জানিবার উপায় নাই। কালদেবের মন্দিরের মধ্যে কোনও মূর্তি নাই। মন্দির দুইটি উচ্চ প্রায় ৪০ ফিট চইবে; ভূবনেখরের মন্দিরের অনুরূপ। প্রত্যেক মন্দিরের চতুর্দিকে

অবন্তীপুরে খননকার্য্য আরম্ভ হয়। অবন্তীবর্ম্মার লুপ্ত রাজ-প্রাসাদের সমস্তটি পুনরুদ্ধার ঘটয়া উঠে নাই। কার্য্য আরম্ভ করিবার অল্পদিন পরেই অর্থাভাবে খননকার্য্য বন্ধ করিতে হইয়াছিল। কিন্তু প্রাসাদ সংলগ্ন দুই চারিটি প্রকোষ্ঠের পুনরুদ্ধার সাধিত হয়—এবং তাঁহাদের চেষ্টার ফলে পুরাকালের অনেক দ্রব্য ভূগর্ভ হইতে উদ্ধার করিয়া এখন পথের পাশে একটি নূতন গৃহে রক্ষিত হইয়াছে। মন্দির দুইটির গঠন ও অধুনালুপ্ত রাজপ্রাসাদের দ্রব্যাদি ও মূর্তিগুলি দেখিয়া প্রত্নতাত্ত্বিকগণ এই সিদ্ধান্ত করেন যে, যখন রাজা অবন্তীবর্ম্মা মন্দির ও প্রাসাদ নির্মাণ করাইয়াছিলেন, তখন কাশ্মীরী মৌলিক শিল্পকলা গ্রীক



শিল্প কলার সহিত সংমিশ্রিত হইয়া গিয়াছিল। গ্রীকগণ ইউ-থি-ডি-মস্ (Euthedymos) এর অধীনে পাজাব ও আফগানিস্থান প্রদেশে বহুকাল বসতি করিয়া উত্তর ভারতের নানাস্থানে অনেক মন্দির, প্রাসাদ প্রভৃতি নির্মাণ করিয়াছিল। তক্ষশীলার প্রত্নতাত্ত্বিক আবিষ্কার হইতে ইহার যথেষ্ট প্রমাণ পাওয়া যাইবে। কাশ্মীরীগণ যে সেই কলাকুশল গ্রীকদিগের নিকট তাহাদের ভার্ঘ্যা বিজ্ঞা শিক্ষা করিয়া গ্রীক ভার্ঘ্যা বিজ্ঞার অনুকরণে তাহাদের নিজ শিল্প-কলা পরিবর্তিত করেন নাই, এ কথা কে বিশ্বাস করিবে।

অবস্তীপুর অতিক্রম করিয়া আমাদের পথের উভয় পার্শ্বে কতকগুলি ক্ষুদ্র ক্ষুদ্র গ্রাম দেখিতে পাইলাম। সন্ধ্যার অন্ধকারে স্পষ্ট ভাবে গ্রামগুলি দেখিবার সৌভাগ্য হইল না। এইস্থানে ঝিলামের পরপারে যাইবার জন্ত কাশ্মীরের ইঞ্জিনীয়ার Michael Nethersole একটি সেতু নির্মাণ করেন, কিন্তু ১৮৯৩ সালের প্রবল বন্যায় ঐ সেতুটি ভাসিয়া যাওয়ায় তাহার অস্তিত্ব পর্য্যন্ত লুপ্ত হইয়াছে। এইস্থানে নদীর অপর পারে কণ্ঠপ মুনির আশ্রম। আশ্রম দেখিবার সৌভাগ্য হইল না।

বিজ্-বিহার

সন্ধ্যার অন্ধকারের মধ্যে আমাদের মোটার অবস্তীপুরের আট মাইল দক্ষিণে ত্রীনগর হইতে ২৭ মাইল দূরে অবস্থিত বিজ্-বিহার গ্রামে প্রবেশ করিল। আমাদের গন্তব্য পথ এই গ্রামটিকে দ্বিধা-বিভক্ত করিয়া চলিয়াছে। মোটার থামাইয়া দেখিবার সৌভাগ্য হইল না। আকাশে পুনরায় মেঘ দেখা দিল। সুতরাং যথাশীঘ্র সম্ভব যাহাতে আমরা আমাদের গন্তব্য স্থানে পৌঁছাইতে পারি তাহারই চেষ্টা করিতে লাগিলাম। সেই দিন আমাদের আশ্রমের ৪ মাইল যাইয়া 'ভবন' গ্রামে পৌঁছিতে হইবেই। অমরনাথ হইতে ফিরিবার সময় আমরা এই গ্রামটি ও ইসলামাবাদ দেখিবার সুযোগ পাইয়াছিলাম।

ঝিলাম নদীর দক্ষিণে বিজ্-বিহার গ্রাম অবস্থিত। গ্রামের নাম হইতেই অনুমিত হয় এই গ্রাম কোনও বৌদ্ধ রাজা

দ্বারা প্রতিষ্ঠিত হইয়াছিল। কাশ্মীরে বৌদ্ধগণের সময়ে এই স্থানে একটি প্রকাণ্ড 'বিহার' ছিল। নানা দেশ হইতে সমাগত বিজ্ঞার্থী বৌদ্ধগণ এই বিহারে বাস করিতেন। গ্রামে বিহার থাকা হেতু এই স্থানকে বিজ্-বিহার অর্থাৎ 'বিজ্ঞা-মন্দির' বলা হইত। কাশ্মীরের প্রাচীনতম হিন্দু-মন্দির এই গ্রামের সন্নিকটে ছিল। অতীতের স্মৃতি বক্ষে ধারণ করিয়া বৌদ্ধ-বিহার ও হিন্দু-মন্দির বহু শতাব্দী এই গ্রামের শোভা বর্ধন করিয়াছিল কিন্তু পরে হিন্দুদেবী পাঠানরাজ সিকেন্দার সাহ সেই প্রাচীন মন্দিরটি ও বিহার প্রভৃতি বিধ্বস্ত করিয়া মন্দির প্রভৃতির উপাদান দ্বারা ত্রীনগরে একটি পাঠান-মসজিদ নির্মাণ করাইয়াছিলেন। হিন্দু-মন্দির ও বিহার বিস্মৃতির অতল গর্ভে লীন হইয়াছে। লুপ্ত উপাদানে গঠিত, অত্যাচারী ধর্ম্মাঙ্ক পাঠানরাজের অত্যাচার-কাহিনী জগতে প্রচার করিতে, সেই মসজিদটিও পৃথিবীর বুকের উপর হইতে চির বিদায় গ্রহণ করিয়াছে। মুসলমান-রাজত্বের অবসানের পর কাশ্মীরে পুনরায় হিন্দু-প্রাধান্য স্থাপিত হইলে, পরবর্তী হিন্দুরাজা গোলাব সিং সেই মসজিদটি বিধ্বস্ত করেন। অত্যাচারের চিহ্ন অত্যাচার দ্বারাই লুপ্ত হইল। বিজ্-বিহারে কাশ্মীরের ভূতপূর্ব মহারাজ স্মার প্রতাপ সিংএর এক রাজপ্রাসাদ আছে। প্রাসাদটি ১৯০০ সালে নির্মিত হইয়াছিল। প্রায় সাতশত গজ ব্যাপী এক চিনার বৃক্ষবোথির অন্তরালে রাজপ্রাসাদ অবস্থিত। প্যাহলগাঁএর পথ হইতে 'বৌধি' রাজপ্রাসাদ পর্য্যন্ত বিসর্পিত।

বিজ্-বিহারের অনতিদূরে 'কানাবাল'। এই স্থানের সন্নিকটে 'লিদার' নদী ঝিলামে যাইয়া মিশিয়াছে। যে স্থানে 'লিদার' নদী আসিয়া ঝিলামে মিশিতেছে এই স্থানটির নাম 'সঙ্গম'।

ইসলামাবাদ

কানাবালের পরেই ইসলামাবাদ। কাশ্মীরের মধ্যে ইসলামাবাদ একটি প্রসিদ্ধ স্থান। কাশ্মীর-জাত বিবিধ প্রকারের শিল্প এই ইসলামাবাদে প্রস্তুত হয়। অনেকগুলি

শ্রীঅশ্বিনীকুমার দাশ

কুটির-শিল্পাগার দেখিবার সৌভাগ্য হইল বিখ্যাত কাশ্মীরী শাল, জামিয়ার, 'নাম্দা' 'গাব্বা', কার্পেটের নানাপ্রকার দ্রব্যাদি অনেক রকম খেলনা, papier works, willow works ইত্যাদি এই ইসলামাবাদে উৎপাদিত হইয়া থাকে।

এই স্থানের উৎপন্ন শিল্পাদি ভারতও বাহিরের অনেক স্থানে রপ্তানি করা হয়। উইলো ওয়ার্কস (willow works)এর কারখানা শ্রীনগরেও কয়েকটি আছে, কিন্তু ইসলামাবাদের কারখানাগুলি সংখ্যা ও আকৃতিতে শ্রীনগরের গুলি অপেক্ষা বৃহত্তর। বাংলা দেশের বেত্র-শিল্পের মতো কাশ্মীরে উইলো শাখার দ্বারা সুন্দর সুন্দর মজবুত চেয়ার, স্টুটকেস, বাক্স, টেবিল প্রভৃতি নির্মিত হয়। সে সকল দেখিতে সুন্দর ও মজবুত, দামও বেত অপেক্ষা অল্প। উইলো বৃক্ষের ডালগুলিকে জলে ভিজাইয়া রাখা হয়, পরে ঐ 'ডাল' দ্বারা বাক্স প্রভৃতি তৈয়ারী করা হয়।

'নাম্দা' শিল্প কাশ্মীরের একটি প্রসিদ্ধ শিল্প। শাল আলোয়ানে যে সমস্ত পশম ব্যবহার করা যায় না, সেই নিকৃষ্ট পশম কোনও বিশেষ প্রক্রিয়া দ্বারা জমাইয়া নাম্দা প্রস্তুত হয়। ইহার আকার ছোট সতরঞ্চির ঝায়; ইহার উপরে নানাবিধ লতাপাতার চিত্র চিত্রিত থাকে। সতরঞ্চির ঝায় ব্যবহার করিতে পারা যায়। সৌখিন ব্যক্তিদের বৈঠকখানার মেঝেতে Matting রূপে ইহা ব্যবহৃত হয়। শ্রীনগর কিংবা ইসলামাবাদে এক একটি 'নাম্দা'র মূল্য ৭, কিংবা ৮, কিন্তু কলিকাতা সহরে ঐ নাম্দা বড়বাজার কিংবা হগনাহেবের বাজারে তিনগুণ দামে বিক্রীত হইয়া থাকে। ইসলামাবাদে একপ্রকার মোটা কাপড়ের টেবিল ক্লথ পাওয়া যায়; দেখিতেও সুন্দর এবং দামেও সস্তা।

অমরনাথে যাইবার সময় সন্ধ্যা হইয়া যাওয়ায় ইসলামাবাদ দেখিবার সৌভাগ্য হয় নাই; কিন্তু ফিরিবার পথে ইসলামাবাদ বেশ ভাল করিয়া দেখিয়া লইয়াছিলাম। বিলাম নদী ইসলামাবাদ হইতে সামান্য দূরে। শ্রীনগরের মধ্যে যেমন অনেকগুলি খাল (Canal) আছে, সেই রকম ইসলামাবাদের মধ্যেও দুইটি খাল আছে। খালের সহিত

বিলাম নদীর সংযোগ আছে। শ্রীনগরকে ভারতবর্ষের ভিনিস্ বলিলে অতুক্তি হয় না। ইসলামাবাদের খালে অনেক হাউস্ বোট্ ও শীকারা নৌকা রহিয়াছে।


এই হাউস্-বোট্ ও শীকারা নৌকা কাশ্মীরের শ্রীনগরে প্রচুর দেখিতে পাওয়া যায়। যাহারা কাশ্মীরে গিয়াছেন কিংবা কাশ্মীর সম্বন্ধে কোনও বর্ণনা পড়িয়াছেন তাঁহারা নিশ্চয়ই কাশ্মীরী হাউস্-বোট্ নৌকার সহিত পরিচিত। যাহারা সৌখিন ভ্রমণকারী, বিশেষতঃ সাহেব ভ্রমণকারী, তাঁহারা অধিকাংশ সময়ে হাউস্-বোট্‌ই বাস করিয়া থাকেন। ত্রিশ চল্লিশ হইতে তদূর্ধ্বে তিনশত চারিশত টাকা পর্য্যন্ত এক একটি বোটের ভাড়া। প্রত্যেক হাউস্-বোট্ নানা প্রকোষ্ঠে বিভক্ত; কোনটি বসিবার ঘর, কোনটি রন্ধন-শালা, শয়ন ঘর প্রভৃতি। অনেক হাউস্-বোটের উপরে টবে করিয়া ফুলগাছ সাজান আছে। যখন কোনও স্থানে হাউস্-বোট্ কিছুদিনের জগ্ন থাকে, তখন সেই স্থান হইতে হাউস্-বোটের সহিত বৈজ্ঞাতিক সংযোগ করিয়া দেওয়া হয়। কুলি নিযুক্ত করিয়া একস্থান হইতে স্থানান্তরে হাউস্-বোট্ টানিয়া লইয়া যাওয়া হয়। অনেকে সখ করিয়া শ্রীনগর হইতে ইসলামাবাদ পর্য্যন্ত হাউস্-বোট্ আসিয়া থাকেন।

ইসলামাবাদের অধিবাসী সংখ্যা প্রায় তের হাজার। অনেক ধনী ব্যবসায়ী ইসলামাবাদে আছেন। কাশ্মীররাজের ইসলামাবাদ একটা প্রসিদ্ধ মহাকুমা (Sub-division) এখানে রাজসরকারের আফিস্, আদালত প্রভৃতি সকলই আছে। একটি ছোট চিকিৎসালয়, উচ্চপ্রাইমারী বিদ্যালয় ও আছে। আদালতগৃহ ও স্কুলটি রাস্তার ধারেই অবস্থিত। ইসলামাবাদের এক প্রান্তে কাশ্মীর মহারাজার একটি রাজপ্রাসাদ আছে। কানাবাল হইতে রাজপ্রাসাদ পর্য্যন্ত পথের উভয় পার্শ্বে সমুন্নত পপ্লার শ্রেণী। রাজপ্রাসাদের চারিদিকে চিনার ও উইলো বৃক্ষ এবং প্রাসাদটিকে বেষ্টিত করিয়া পার্কত্যা বরণা প্রবাহিত। ইসলামাবাদের বিস্তৃতি তিন মাইলের অধিক হইবে না। শুনিলাম, প্রতিবৎসর ইসলামাবাদে কলেরা



রোগে বহু লোকরুগ হইয়া থাকে। অধিবাসীগণের প্রায় অধিকাংশই মুসলমান। কানাবাল হইতে ইসলামাবাদে প্রবেশ করিতে হইলে একটি খাল পার হইতে হয়; খালের উপর একটি সুন্দর সেতু আছে।

Islam বলিয়া অভিহিত করিয়াছেন। এক সময়ে অনেকগুলি সুন্দর সুন্দর মসজিদ ও মুসাফিরখানা, মোক্তার প্রতি এই স্থানের শোভা বর্ধন করিয়াছিল, কিন্তু সেগুলি প্রায় সকলই ধ্বংসস্থূপে পরিণত হইয়াছে; মাত্র একটি



আস্থান মার্গ

পুরাকালে ইসলামাবাদ ত্রীনগর অপেক্ষা অধিকতর সমৃদ্ধিশালী নগর ছিল। পাঠানগণের রাজত্বসময়ে ইসলামাবাদই কাশ্মীরের রাজধানী ছিল। A. Vigne ও অন্যান্য বিদেশী পর্যটকগণ এই স্থানকে the abode of

বৃহদাকারের মসজিদ ও তৎসংলগ্ন একটি মোক্তাব অতীতের স্মৃতি বন্ধে লইয়া কালের সহিত প্রতিযোগিতা করিয়া আজিও কোনও রূপে দণ্ডায়মান রহিয়াছে। মসজিদটিও সংস্কার অভাবে ভগ্নপ্রায়; 'জিরাৎ'টিও জনহীন।

ইসলামাবাদের প্রাকৃতিক দৃশ্য অতি মনোরম। আশে পাশে চারিদিকেই ক্ষুদ্র বৃহৎ পর্বতমালা। অসংখ্য নিকরিনী পর্বতগাত্র হইতে প্রবাহিতা হইয়া ইসলামাবাদ ও তৎসন্নিকটস্থ ভূভাগ সুজলা-সুফলা-শস্ত্র-শ্রামলা করিতেছে। অনেকগুলি উৎসও ইসলামাবাদের নিকটেই আছে। ‘অনন্তনাগ’ ও ‘ভেরিনাগ’ ইসলামাবাদের অনতিদূরে।

আচিয়াবাল

ভারত বিখ্যাত ‘আচিয়াবাল’ উদ্যান এই ইসলামাবাদের ছয় মাইল পূর্বে অবস্থিত। একটি সুন্দর রাজপথ ইসলামাবাদ হইতে আচিয়াবাল পর্যন্ত গিয়াছে। এই পথের একস্থানে কাঠকলকে লিখিত রহিয়াছে To Veri Nag। সময় না থাকা হেতু Veri Nag দেখিবার সৌভাগ্য হইল না। আচিয়াবাল উদ্যান মোগল সম্রাটগণের এক অপূর্ব কীর্তি। কেহ কেহ বলেন যে, এই উদ্যান মোগলগণ কাশ্মীরে রাজত্ব করিবার পূর্বেই রচিত হইয়াছিল; মোগল সম্রাট বাবর কেবল উদ্যানের সংস্কার সাধন করিয়াছিলেন। উদ্যানটি যে বহু শতাব্দীর পুরাতন সে বিষয়ে সন্দেহ থাকিতে পারে না; যেহেতু প্রসিদ্ধ ভ্রমণকারী বার্নিয়ো (Bernio's Travels) কাশ্মীর প্রদেশে ভ্রমণ করিবার সময় খৃঃ ১৬৬৩ অব্দের শেষ ভাগে ভ্রমণবাপদেশে ‘আচিয়াবালে’ আসেন এবং এই উদ্যানের সৌন্দর্য্যে মুগ্ধ হইয়া তাঁহার ভ্রমণ বৃত্তান্ত পুস্তকে এইরূপ লিখিতেছেন।

“In returning from Sind-Bray (Bhawan) I turned a little out of the high way in order to sleep at ‘Archiaval’ which is a place of pleasure belonging to the old kings of Kashmir and at present to the Great Moghals. Its principal beauty is a fountain; of which, the water disperses itself on all sides around a building which is not devoid of elegance and flows through the garden by a hundred canals. Its water is admirably cold—so cold that to hold the hand within it, could scarcely be

borne. The garden is very beautiful on account of its alleys, great quantity of fruit trees, of reservoirs full of fish, and a kind of cascade very high which in falling makes a great sheet of 30 or 40 paces in length. Throughout the garden, specially at night when innumerable lamps, fixed in parts of the wall adapted for that purpose, are lighted under these sheets of water.

উদ্যানের যে সৌন্দর্য্যরশ্মি একদিন একাধিক ভ্রমণকারীকে চমৎকৃত করিয়া এই উদ্যানটিকে ভারতের অন্যান্য শোভাশালী শ্রেষ্ঠ উদ্যান সমূহের সহিত তুলনা করিয়া তাহাদেরই অতীতম শ্রেষ্ঠ উদ্যানে পরিণত করিয়াছিল, অম্বুজ ও কালপ্রবাহে তাহার সে সৌন্দর্য্যরশ্মি গ্লান হইয়া গিয়াছে। উদ্যানে অনেকগুলি উৎস আছে সত্য, কিন্তু সে উৎস সকলের মুখ হইতে জলরাশি বিচ্ছুরিত হইয়া বিচিত্র হীরকমালার সমাবেশ করে না; সুরভিপূর্ণ দীপসকল প্রজ্জ্বলিত হইয়া বাগানের শোভা বর্ধন করে না। যাহা হউক, উদ্যানের শোভা সমূলে বিনষ্ট হয় নাই; অতীত গৌরবের চিহ্ন অনেক স্থানেই বর্তমান আছে।

আমরা একখণ্ড শ্রামশস্ত্রশুশোভিত ভূমি অতিক্রম করিয়া একটি দ্বার দিয়া উদ্যানের মধ্যে প্রবেশ করিলাম উদ্যানের উপরিভাগ সমতল ভূমি হইতে ৫।৬ হাত উর্ধ্বে অবস্থিত। উদ্যানের চারিদিক প্রাচীরবেষ্টিত। সম্মুখে চারিদিকে শস্ত্রক্ষেত্র, মাঝে মাঝে ‘ফুলের-কেয়ারী’। এই ক্ষেত্রটির মধ্য দিয়া একটি ঝর্ণা প্রবাহিতা। পয়ঃপ্রণালীর উপর মোগল সম্রাট সাহাজাহানের গ্রীষ্ম-নিবাস। গ্রীষ্ম নিবাসের তল দিয়া ১০ ফিট প্রশস্ত প্রণালীযোগে উৎস বারি প্রবাহিতা। উদ্যানের পার্শ্বেই একটি নানাবিধ বৃক্ষশুশোভিত ছোট পাহাড়। পাহাড়ের তলদেশ বিদীর্ণ করিয়া জলরাশি ভীমগর্জনে উৎসারিত হইয়া প্রবলবেগে প্রবাহিত হইতেছে। এই জল প্রণালী দ্বারা উদ্যানের মধ্যে সঞ্চারিত হইয়া অবশেষে উদ্যানের বাহিরে নিঃসৃত হইতেছে। আজকাল কাশ্মীর রাজ Trout Fishery এই উদ্যানের



মধ্যে করিয়াছেন। শুনিলাম, ঐ মৎস্য সাধারণকে বিক্রয় করা হয়। প্রতি সের মৎস্যের মূল্য ৪ টাকা। আমরা জলের মধ্যে মৎস্যের আহার নিষ্ক্রেপ করিলামাত্র শত শত ক্ষুদ্র বৃহৎ Trout জলের উপর ভাসিয়া উঠিল। আরও শুনিলাম যে কাশ্মীরের বর্তমান মহারাজা স্মার হরিসিং এই মৎস্য বিলাত হইতে আমদানী করিয়াছিলেন। আচিয়াবাল উদ্যান, 'ভেরিনাগ' ও 'অনন্তনাগ' দেখিবার জন্য বহু বিদেশী পর্যটক ও ভ্রমণকারী ইসলামাবাদে আগমন করেন।



শেষ নাগ

মার্তাণ্ড

ইসলামাবাদের ছয় মাইল উত্তরে মার্তাণ্ড (Martand)। অমরনাথের পথে মার্তাণ্ড পড়ে না, সদর রাস্তা হইতে প্রায় দুই মাইল পশ্চিমে অবস্থিত; ফিরিবার পথে, মোটর-চালকের সহিত বন্দোবস্ত করিয়া লইয়া মার্তাণ্ড ও আচিয়াবাল উদ্যান দেখিয়া লইয়াছিলাম। আচিয়াবাল হইতে মার্তাণ্ড প্রায় ৭ মাইল হইবে। কেহ কেহ বলেন সংস্কৃত 'মার্তাণ্ড' শব্দ হইতে এই স্থানের নামোৎপত্তি

হইয়াছে। মার্তাণ্ড শব্দের অপভ্রংশ মার্টাণ্ড। কহলন পণ্ডিতের রাজতরঙ্গিনী পুস্তকে 'মার্টাণ্ডের' উল্লেখ আছে। ইহা অতি প্রাচীন স্থান। স্থানীয় কোনও পণ্ডিতের নিকট শুনিলাম, অতি প্রাচীন কালে এই স্থানে একটি সূর্য্য-মন্দির ছিল। ঐহারা মন্দির নিৰ্ম্মাণ করিয়াছিলেন, তাঁহারা সূর্য্যোপাসক ছিলেন; এবং সূর্য্য-মন্দির থাকা হেতু এই স্থানকে মার্তাণ্ড অথবা মার্টাণ্ড বলা হইত। সে-মন্দিরের অস্তিত্ব নাই। পণ্ডিত কহলন অনুমান করেন, ৪র্থ শতাব্দীতে রাজা রাণাদিত্য এই মন্দিরের নিৰ্ম্মাণ আরম্ভ

করেন, তিনি ইহা শেষ করিতে পারেন নাই। পরবর্তী রাজা ললিতাদিত্য ইহার নিৰ্ম্মাণ শেষ করেন সপ্তম শতাব্দীতে। Cunningham 'Accounts of Kashmir' পুস্তক বলিয়াছেন, মার্টাণ্ডের পূর্ব নাম পাণ্ডুকোর (Pandu Kora) ছিল। তাঁহার মতে, পাণ্ডুবেরা তাহাদের অজ্ঞাতবাসকালে এই স্থানে বাস করিয়াছিল। জানি না ইহার কোনও ঐতিহাসিক ভিত্তি আছে কিনা, এবংকোন প্রমাণের বলে সুপণ্ডিত Cunningham তাঁহার এই সিদ্ধান্তে উপনীত হইয়াছেন তাহাও জানা যায় না।

কাশ্মীর প্রদেশের মধ্যে মার্টাণ্ড যে একটি অতি প্রাচীন স্থান সে সম্বন্ধে কাহার মতবৈধ নাই।

বার্ণিয়ে ১৬৬৩ খৃঃঅব্দে সন্ন্যাসী সাজাহানের সময় মার্টাণ্ডে পদার্পণ করিয়াছিলেন এবং তাঁহার ভ্রমণবৃত্তান্তে মার্টাণ্ড সম্বন্ধে যথেষ্ট লিখিয়াছেন। তাঁহার 'Travels' পাঠে জানা যায় যে, মার্টাণ্ডে হিন্দুদিগের একটি বিশালকার প্রস্তরনিৰ্ম্মিত মন্দির ছিল; মন্দিরটি অতি প্রাচীন ও প্রসিদ্ধ। সমৃদ্ধিশালী নগরী দ্বারা ঐ মন্দির পরিবেষ্টিত ছিল। কালের করাল গ্রাসে এক্ষণে ঐ মন্দির ধ্বংসস্থাপে

শ্রীঅধিনীকুমার দাশ

যদিও পরিণত, তথাপি অতীত-গৌরব-সমন্বিত সেই ধ্বংস-স্তূপ হইতেই সেই অধুনালুপ্ত মন্দিরের বিশালতার যথেষ্ট পরিচয় পাওয়া যায় এবং মন্দিরটির প্রতি সম্মুখে মস্তক আপনা হইতেই অবনমিত হয়। বর্তমান সময়ে যে দিকে দূর দৃষ্টি যায়, কেবলই মন্দিরের ধ্বংসাবশেষ। গুলিলাম, পুরাকালে বহুসংখ্যক সাধু সন্ন্যাসী এই স্থানে আসিয়া বাস করিতেন; সন্ন্যাসীগণের মধ্যে “হারুৎ” ও “মারুৎ” এর নামই প্রসিদ্ধ। যখন বার্গিয়ো মাটাণ্ডে পদার্পণ করেন, তখন মন্দিরটি ভগ্ন অবস্থায় জীর্ণ কলেবরে কালের সহিত প্রতিযোগিতা করিয়া কোনও মতে দাঁড়াইয়াছিল, কিন্তু তাহার জীর্ণ কলেবর আর বেশীদিন আত্মরক্ষা করিতে না পারিয়া এক্ষণে ধ্বংসের পথের পথিক হইয়াছে। উনবিংশ শতাব্দীর ভ্রমণকারীগণ, যথা Arthur Vignes, Neve প্রভৃতি যখন এই স্থানে পদার্পণ করেন, তাহারা ধ্বংস স্তূপ ছাড়া আর কিছুই দেখিতে পান নাই।

গুলিলাম, এক কালে সিন্ধু নদের একটি শাখা মাটাণ্ডের নিকটে প্রবাহিত হইয়া এই স্থানকে শস্যসম্পদে সম্পদশালী করিয়াছিল। সেই নদীর শাখা এখন মাটাণ্ডের নিকট হইতে বহুদূরে অপসৃত হইয়াছে। স্থানীয় লোকের জলকষ্ট নিবারণের জন্ত রাজা রণবীর ঐ স্থানে ১৮০ ফিট গভীর এক প্রকাণ্ড কূপ খনন করাইয়া দেন, কিন্তু ঐ কূপের জল গৌণকালে শুষ্ক হইয়া যাওয়ায় স্থানীয় অধিবাসীগণের দুর্দশার আর সীমা ছিল না। পরে ১৯০১ সালে মহারাজা শ্রী প্রতাপ সিং ইসলামাবাদ হইতে খাল কাটিয়া মাটিতে জল সরবরাহের চেষ্টা করিয়াছিলেন। কিন্তু তাঁহার সে চেষ্টা সফল হয় নাই। দারুণ জলকষ্ট থাকা হেতু মাটাণ্ডে অধিবাসী নাই বলিলেই চলে। নির্জজন শ্মশানের গায় এক্ষণে উহা প্রতীয়মান হয়।

পূর্বে মন্দিরের চতুর্দিকে সুউচ্চ প্রাচীর ছিল, প্রাচীর দৈর্ঘ্যে ৫০০ গজ ও প্রস্থে ৩০০ গজ ছিল। প্রাচীরের তিন দিকে তিনটি বিশাল তোরণ ছিল। প্রত্যেক তোরণের গাত্রে অসংখ্য মূর্তি খোদিত ছিল। মূর্তিগুলি সুন্দর, দেখিলেই গ্রীক শিল্পের নমুনা বলিয়া মনে হয়। প্রাচীরের মধ্যে সুপ্রশস্ত চত্বাল ভূমি। চত্বাল ভূমি প্রস্তরমণ্ডিত, এবং

চত্বালের মধ্যস্থানে একটি তিন ফিট উচ্চ পাটাতনের উপর মন্দির প্রতিষ্ঠিত ছিল। মন্দিরটির গঠন অনেকটা ভুবনেশ্বরের মন্দিরের অনুরূপ। প্রত্যেক তোরণ হইতে মন্দিরের দরজা পর্যন্ত সুদর্শন মস্তক স্তম্ভশ্রেণী। স্তম্ভগুলি খাদকাটা (fluted)। মন্দিরের উভয় পার্শ্বে একটি করিয়া গৃহ ছিল। মন্দিরের আকৃতি প্রায় ৩০ হাত সমচতুর্কোণ ছিল। বার্গিয়ো এই মন্দিরটিকে পৃথিবীর অত্যাগ্রে শ্রেষ্ঠ মন্দিরের সহিত তুলনা করিয়াছেন; এবং তিনি বলেন, “যদিও আকৃতিতে ইহা (Palmyra) পামিরা’র মন্দির কিংবা পার্সিপলিসের (Persipolis) মন্দিরের সমকক্ষ নহে, তথাপি গৌরবে এই মন্দির জগতের কোনও মন্দির অপেক্ষা হীন নহে। পৃথিবীর মধ্যে একটি শ্রেষ্ঠ পর্বতের উপত্যকা-ভূমিতে ইহা স্থাপিত; যোজনের পর যোজন ব্যাপিয়া মন্দিরটিকে বেষ্টিত করিয়া শস্য-গ্রামলা উপত্যকাভূমি। মন্দিরের বহু নিম্নে আর্থাবর্ত, যাহা প্রাচীন সভ্যতার আকর এবং জ্ঞান ও গৌরবে যাহা ইতিহাসবিশ্রুত।” সর্বসংহারক কাল তাহার নিশ্চয় হস্তে মন্দিরের সকল গৌরব চূর্ণ করিয়া মন্দিরটিকে প্রকাণ্ড ধ্বংসস্তূপে পরিণত করিয়াছে।

ভবন


মাটাণ্ডের সন্নিহিত মাটাণ্ডের উত্তরে অবস্থিত ‘ভবন’। ‘ভবন’ হিন্দুপ্রধান গ্রাম। অমরনাথের পাণ্ডারা ভবনের অধিবাসী। শ্রীনগর হইতে রওয়ানা হইয়া ইসলামাবাদ পর্যন্ত আমরা দক্ষিণ অভিমুখে আসিয়াছি। ইসলামাবাদ হইতে পাহল গাঁ পর্যন্ত আমরা দিকে উত্তর-পূর্ব অভিমুখে যাইতে হইবে।

আমাদের মোটার সন্ধ্যার অন্ধকার ভেদ করিয়া ভবন গ্রামের একপ্রান্তে আসিয়া থামিল। আকাশে তখনও মেঘ। গুরুপক্ষের একাদশীর চন্দ্র মেঘের অন্তরালে আত্মগোপন করিয়াছে। পথের আশে পাশে অতিকায় বৃক্ষ-সকল দণ্ডায়মান; তাহাদের পল্লবপ্রান্ত হইতে তখনও জলকণা পৃথিবীর বুকের উপর ছড়াইয়া পড়িতেছিল। মোটার একটি বৃহদাকার ‘চিনার’ বৃক্ষের নিকটে আসিয়া দাঁড়াইল। সেই রাত্রে আমাদের ‘ভবনে’ই অতিবাহিত



করিতে হইবে। পূর্বেই বলিয়াছি, পূর্ব রাত্রে অত্যধিক ব্যুষ্টিপাতহেতু ভবনের পরেই প্যাহলগাঁয়ের পথ এক স্থানে ভাঙ্গিয়া গিয়াছিল; যদি ইতিমধ্যে পথ মেরামত হইয়া থাকে তবেই মোটারে আমরা বরাবর প্যাহলগাঁ পর্য্যন্ত যাইতে পারিব নতুবা ভবনেই মোটার বিদায় দিয়া প্যাহলগাঁ যাইবার স্বতন্ত্র বন্দোবস্ত করিতে হইবে।

ভবন হইতে প্যাহলগাঁ ২৮ মাইল হইবে। শ্রীনগর হইতে ভবন পর্য্যন্ত রীতিমত মোটার-সার্ভিস আছে। প্রত্যহ মোটার-বাস যাত্রী লইয়া শ্রীনগর ও ভবনের মধ্যে যাতায়াত করে। কিন্তু ভবন হইতে প্যাহলগাঁ পর্য্যন্ত



প্যাহল গাঁ

যাতায়াতের কোনও রীতিমত বন্দোবস্ত না থাকায় যাত্রীগণ 'টোঙ্গা' গাড়ী, অশ্ব, কিংবা ডুলিতেই যাইয়া থাকে। অমরনাথ যাইবার সময় যাত্রীগণ এইস্থান হইতে অশ্ব, ডুলি প্রভৃতি সংগ্রহ করিয়া লয়। শুনিলাম ভবনে ঠিকাদার (contractor) আছে; সেই ঠিকাদারই সকল বন্দোবস্ত করিয়া দেয়।

মোটর থামিবামাত্র অমরনাথের পাণ্ডারা দলে দলে আসিয়া আমাদের গাড়ীটিকে বেঁটন করিয়া দাঁড়াইল। চারিদিকে ঘন অন্ধকার; পাণ্ডাদের অনেকেই হস্তে হারিকেন লণ্ঠন এবং প্রত্যেকের মিকট প্রকাণ্ড প্রকাণ্ড খাতা।

এক একটি খাতা এতই বৃহদাকার যে অভিকষ্টে সেটিকে বহন করিয়া লইয়া যাইতে হয়। এই খাতাগুলিতেই পাণ্ডারা তাহাদের আপন আপন যজ্ঞমানের নাম ধাম ও পরিচয় লিখিয়া রাখে, এবং যখনই কোনও যাত্রী উপস্থিত হয় পাণ্ডারা আপন আপন পুস্তক হইতে আশ্চর্য্য তৎপরতার সহিত নবাগত যাত্রীর পরিচয় বাহির করিয়া দেয়। মস্তকে খেত গোলাপী পাগড়ি, চন্দন-চর্চিত ললাট এবং আলখাল্লা পরিহিত সরল-স্বভাব কাশ্মীরী পণ্ডিতগণ আমাদের গাড়ীর চতুর্দিক বেঁটন করিয়া দাঁড়াইল এবং একই সঙ্গে সকলেই প্রশ্ন করিতে লাগিল, আমরা কোন্ দেশ হইতে আসিতেছি,

কাশ্মীরে কাহার বাড়ী হইতে আসিতেছি; অমরনাথের পাণ্ডা কে ইত্যাদি। তাহারা সকলে এত গুণ্ণগোল আরম্ভ করিল যে, আমাদের গাড়ীর মধ্যে অনেকক্ষণ অপেক্ষা করিয়া থাকিতে হইল; গাড়ী হইতে অবতরণ করিবার অবকাশ পাইলাম না। অনেক কষ্টে তাহাদের প্রশ্নের একরকম উত্তর দিলাম। তাহাদিগকে জানাইলাম যে আমরা সকলেই বঙ্গদেশবাসী এবং কাশ্মীরে

যোগীন্দ্রবাবুর বাড়ী হইতে আসিতেছি। তখন অনেক পাণ্ডাই বলিতে লাগিল, 'আমিই দাস বাবুর পাণ্ডা।' যোগীন্দ্রবাবুর জ্যেষ্ঠ পুত্র আমাদের সঙ্গে ছিলেন; তিনি প্রস্তাব করিলেন যাহার পুস্তকে অধ্যাপক দাস মহাশয়ের নাম পরিচয় বাহির হইবে তিনিই 'পাণ্ডা' হইবেন। যোগীন্দ্রবাবু বহুকাল কাশ্মীরে আছেন এবং তাঁহার আত্মীয় স্বজন ও বন্ধুবান্ধব ইতিপূর্বে বহুবার অমরনাথ দর্শনে গিয়াছিলেন, সুতরাং একাধিক ব্যক্তির বহিতে যোগীন্দ্রবাবুর নাম, ধাম, পরিচয় প্রভৃতি বাহির হইবে, ইহা কিছুই আশ্চর্য্যের বিষয় নহে। প্রকৃতই একাধিক পাণ্ডা যখন অতি তৎপরতার সহিত আপন

শ্রীঅশ্বিনীকুমার দাশ

আপন-পুস্তক হইতে যোগীন্দ্রবাবুর নাম বাহির করিয়া
টীকার করিতে লাগিল, 'আমিই যোগীন্দ্রবাবুর পাণ্ডা, আমার
বইতে তাঁহার নাম রহিয়াছে' ইত্যাদি, তখন আমরা
আরও মুস্থিলে পড়িলাম। চারিদিকে জনতা এতই বাড়িতে
লাগিল যে, জনতার কোলাহল আমাদের অগ্ৰহ বলিয়া বোধ
হইল। অবশেষে মোটার-চালক হবিবুল্লা ও আমাদের
ভৃত্য হুকুম সিং মোটার হইতে কোনও উপায়ে ভূমিতে
অবতরণ করিয়া বলপ্রকাশে সেই বিপুল জনতাকে বিদূরিত
করিবার চেষ্টা করিল; তাহাতে কোলাহল আরও বদ্ধিত
হইল। তখন একজন পণ্ডিতজী প্রস্তাব করিলেন,
"আপনারা আমাদের মধ্যে আপনাদের ইচ্ছামত কোনও
পণ্ডিতকে পাণ্ডা বলিয়া স্বীকার করিয়া লউন, জনতা
আপনা হইতেই অপসৃত হইবে।" তাঁহার প্রস্তাব
অনুযায়ী আমরা ঐ ব্যক্তিগণের মধ্যে কোনও ব্যক্তিকে
আমাদের পাণ্ডা বলিয়া মনোনীত করিয়া তাঁহার নাম
উচ্চৈঃস্বরে প্রচার করিলে সমবেত জনতা শাস্ত-ভাব ধারণ
করিল এবং সকলেই কিছুক্ষণ বাদে নিজ নিজ স্থানে প্রস্থান
করিল। আমরাও একে একে ভূতলে অবতরণ করিলাম।
যিনি আমাদের পাণ্ডা হইলেন তাঁহার নির্দেশ অনুযায়ী
আমরা রাস্তা পার হইয়া অল্পদূরে যাইয়া এক আখুঁকট-
কাননমধ্যে হুকুম সিংএর চেষ্টায় আমাদের রাত্রিবাসের
জন্ত তাঁবু ফেলিলাম। যে স্থানে তাঁবু ফেলা হইল সেই
স্থানের পাশ দিয়া এক স্বচ্ছতোয়া স্রোতস্বতী কুল কুল
শব্দে প্রবাহিত। মোটার হইতে আমাদের মালপত্র
হুকুম সিং তাঁবুতে আনাইল।

আহার শেষে আমরা তাঁবুর মধ্যে বসিয়া পাণ্ডার সহিত
গল্প জুড়িয়া দিলাম। সেই রাত্রেই রাজসরকারের একজন
কর্মচারীর সহিত পরিচয় হইল। ইনি যাত্রীগণের গতি
নিয়ন্ত্রিত করিবার জন্ত নিযুক্ত হইয়া অমরনাথ যাইতেছেন।
রাজকর্মচারী মহাশয় আমাদের সাবধানে রাত্রিযাপন করিতে
বলিয়া দিলেন; অমরনাথের পথে প্রায়ই যাত্রীগণের তাঁবুর
মধ্যে হইতে চুরি ঘায়। আমরাও তাঁহার আদেশ
শিরোধার্য্য করিয়া লইয়া রাত্রে সতর্ক থাকিতে মনস্থ
করিলাম। গল্প শুভবে অনেক রাত্রি অতিবাহিত হইল।

বিনিদ্রভাবে রাত্রি যাপন করা হইল না। ক্লাস্তি আসিয়া
সর্ব্বদে তাহার আধিপত্য বিস্তার করিল। আমরা আর
স্থির থাকিতে পারিলাম না। সেই নির্জন প্রদেশে, শাস্ত
প্রকৃতির ক্রোড়ে, সেই নির্ঝরিত মর্ম্মর তানে আবিষ্ট হইয়া
কখন যে সুষুপ্তির ক্রোড়ে আশ্রয় গ্রহণ করিলাম, তাহা
জানি না। হুকুম সিং তাহার কন্মল গ্রহণ করিয়া তাঁবুর
বাহিরে একটি প্রকাণ্ড চিনার বৃক্ষতলে আপাদমস্তক
আবৃত করিয়া শয়ন করিল।

শুক্রবার, ১৫ই শ্রাবণ

প্রভাতের সঙ্গে সঙ্গে আমরাও শয্যা ত্যাগ করিয়া
তাঁবুর বাহিরে আসিলাম। আমাদের পূর্বেই মিঃ দত্ত
শয্যা ত্যাগ করিয়া তাঁবুর বাহির হইয়াছিলেন। আমরা
তাঁবুর নিকটবর্ত্তী ঝর্ণার জলে হস্তমুখ প্রক্ষালন করিতে
যাইতেছিলাম, কিন্তু মিঃ দত্ত আমাদের নিকটে আসিয়া
বসিলেন, 'ভবনের কুণ্ডের জলে হাত-মুখ ধুইয়া আইস,
ভবনের কুণ্ড দেখিবার মত জিনিস।' তাঁহার নিকট
কুণ্ডের বিষয় অবগত হইয়া আমরা কুণ্ডের অভিমুখে
রওয়ানা হইলাম এবং তাঁবু হইতে বাহির হইয়া যেখানে
রাস্তার উপর মোটারখানি ছিল সেইস্থানে আসিয়া
পৌছিলাম। ইহার সন্নিকটেই ভবনের কুণ্ডে প্রবেশ
করিবার পথ। রাস্তার পাশেই কুণ্ড, কিন্তু কুণ্ডের তিনদিকে
বেড়া। রাস্তার পাশ হইতে একটি পথ কুণ্ডের মধ্যে
গিয়াছে। প্রবেশ পথের দক্ষিণ দিকে একটুকরা কাষ্ঠ-
ফলকে লেখা রহিয়াছে "Killing fish or any other
animal within the area is highly punishable." কুণ্ডের
পশ্চাতে ভাস্কর্যের পাদপতীন একটি পর্ব্বত
মালা। কুণ্ডের একপাশে একটা রহদাকার
পত্রবহুল (Elm) এলম্ বৃক্ষ; তাহার পত্রছায়ায় সমস্ত
কুণ্ডটিকে আচ্ছাদিত করিয়া রাখিয়াছে। দুইটি কুণ্ড
আছে। কুণ্ড দুইটি সমচতুর্কোণ এবং একটি কুণ্ড আর
একটির উপর স্থাপিত। অসংখ্য মৎস্য, স্তম্ভ এবং বৃহৎ,
উভয় কুণ্ডের মধ্যে আনন্দে বিচরণ করিতেছে। কুণ্ডের



জল স্বচ্ছ ও শীতল। এই কুণ্ডকে তাহার 'চশ্মী' বলে। চশ্মীর জল পবিত্র। কাহাকেও কুণ্ডের মধ্যে অবগাহন করিতে দেওয়া হয় না। একজন বৃদ্ধ কাশ্মীরী পণ্ডিতজীর নিকট শুনিলাম ভগবান বিষ্ণু ঐ স্থানে দারুণ জলকষ্ট দেখিয়া ভক্তগণের ক্রেশে কাতর হইয়া পর্বত-হৃদয় বিদীর্ণ করিয়া একটি উৎসের সৃষ্টি করেন। উৎস হইতে অজস্র শীতল জলরাশি নির্গত হইয়া এই কুণ্ডের মধ্যে পড়ে, এবং এই কুণ্ড হইতে অতিরিক্ত জলরাশি পয়ঃপ্রণালী যোগে বহির্গত হইয়া ক্ষুদ্র ক্ষুদ্র স্রোতস্বতীর সৃষ্টি করে। কুণ্ডের স্বচ্ছ শীতল সলিলে হাত-মুখ প্রক্ষালন করিয়া তৃপ্ত হইলাম।

তীব্র প্রত্যাগমন করিয়া দেখি ইতিমধ্যেই আমাদের পণ্ডিতজী আসিয়া উপস্থিত হইয়াছেন। সঙ্গে তাঁহার একজন ঠিকাদার। আমাদের প্রয়োজন মত একটি ডুলি ও সাতটি অশ্ব ভাড়া লইলাম। ডুলির জন্ম ৬০ টাকা ও প্রতি অশ্বের জন্ম ১০ হিসাবে দিতে হইবে। আটজন বাহক ডুলি বহন করিবে এবং প্রত্যেক অশ্বের সহিত একজন 'সহিস' অশ্বের লাগাম ধরিয়া চলিবে। যথাসীম্ভব ভবন পরিত্যাগ করিতে মনস্থ করিয়া stove ধরাইয়া চা ও হালুয়া প্রস্তুত হইল,—এবং শ্রীনগর হইতে আনীত মিষ্টানের সহযোগে চা পান করিয়া সেইদিনকার প্রাতঃরাশ সম্পন্ন করিলাম। ঠিক এমন সময় আমাদের মোটার-চালক আসিয়া জানাইল যে, 'পথ পরিষ্কার করা হইয়া গিয়াছে; মোটার প্যাহলগাঁ পর্য্যন্তই যাইবে।' অপ্রত্যাশিত ভাবে হবিবুল্লার নিকট এই সংবাদশ্রবণে আমাদের সকলের মন উৎফুল্ল হইয়া উঠিল। কালবিলম্ব না করিয়া অবিলম্বে সেইস্থান পরিত্যাগ করিবার মানসে আমাদের ভূতা হুকুম সিংকে তাঁবু ভাঙিতে ও মালপত্র মোটারে চাপাইতে আদেশ দিলাম। আমরাও ইতিমধ্যে প্রস্তুত হইতে লাগিলাম। যথাসীম্ভব আমরা আন্দাজ সাতটার সময় ভবনগ্রাম পরিত্যাগ করিলাম। যাইবার পূর্বে প্রত্যেক ডুলিওয়ালার ও অশ্বওয়ালাকে ১ একটাকা করিয়া অগ্রিম (পেশ্‌কী) দিতে হইল এবং ঠিকাদারকে বলিয়া দেওয়া হইল যে, সেইদিনই যেন ডুলি ও অশ্বগুলি প্যাহলগাঁতে পৌছায়।

ভবন পরিত্যাগ করিলাম। আকাশের কোথায়ও মেঘ নাই; সবেমাত্র সূর্য্য পূর্বদিকে উঠিতেছে। নবীন অরুণ কিরণজালে অদূরের পাহাড়ের চূড়া তরল সোনালী বর্ণে অনুরঞ্জিত হইয়াছে। পূর্বদিকের বৃষ্টিপাত হেতু চারিধারের বৃক্ষসকল তখনও সিক্ত এবং সিক্ত পল্লবসমূহ জলভারে অবনমিত।

ভামজু গুহা

পূর্বেই বলিয়াছি, ভবন-কুণ্ডের ঠিক পশ্চাতেই একটি পাহাড় আছে। আমাদের পথ এই পাহাড়টিকে প্রদক্ষিণ করিয়া চলিল। পথের এক পার্শ্বে শসাক্ষেত্র ও পাহাড়ীগ্রাম এবং অপর পার্শ্বে পর্বতমালা। এই পাহাড়টির মধ্যে অনেকগুলি গুহা আছে। কাশ্মীরীগণের নিকট এই গুহাগুলি ভামজুগুহা (Bhoomju Caves) নামে প্রসিদ্ধ। এই গুহাগুলির মধ্যে অনেকগুলিতে দেবমূর্তি আছে। কাশ্মীরীগণ এই গুহাসকলকে অতিশয় শ্রদ্ধা করিয়া থাকে। দুইটি গুহার নামই সমধিক প্রসিদ্ধ; এই দুইটির নাম Long Cave 'লম্বা গুহা' ও Temple Cave 'মন্দির-গুহা'। ভবনগ্রামের নিকটতম গুহাটি লম্বাগুহা। পাহাড়ের গায়ে ভূমি হইতে প্রায় চল্লিশ ফিট উচ্চে এই গুহাটি অবস্থিত। ভূমি হইতে গুহার প্রবেশদ্বার অবধি পাহাড় কাটিয়া পথ করা আছে। প্রবেশ-পথটি অপরিসর। এই গুহাটিকে লম্বা গুহা বলা হয়, তাহার কারণ প্রবেশপথে গুহাটির অভ্যন্তরে ২০০ ফিটেরও অধিকদূর অগ্রসর হওয়া যায়। স্থানীয় লোকেরা বলে যে এই পথটি অনন্ত—কতদূরে যে ইহার শেষ হইয়াছে তাহা কেহ জানে না। গুহার মধ্যে সূচীভেদ্য অন্ধকার; প্রবেশ করিতে হইলে সঙ্গে আলোকের সাহায্য লইতে হয়, নতুবা অপরিসর পথে পাহাড়ের গায়ে আঘাত লাগিবার সম্পূর্ণ সম্ভাবনা। বহুকাল যাবৎ অসংখ্য বাতুড় নিকরপদ্রবে এই গুহার অভ্যন্তরে আশ্রয় গ্রহণ করিয়া রহিয়াছে। বিদেশী পর্য্যটকগণের ভ্রমণ-বৃত্তান্ত পাঠে জানা যায় যে,

এই গুহাটির মধ্যে প্রবেশ করিলে প্রবেশ-পথের কিছু দূরে বাম পার্শ্বে পাহাড়ের গায়ে একটি ক্ষুদ্র প্রকোষ্ঠ আছে। এই প্রকোষ্ঠের মধ্যে বহুসংখ্যক নরকপাল সঞ্চিত আছে। তাঁহারা অনুমান করেন যে, কোনও সময়ে ইহা কোনও কাপালিক সম্প্রদায়ের আড্ডা ছিল। যাহা হউক এই

ফিট উচ্চে অবস্থিত। ইহার প্রবেশ-পথ অপেক্ষাকৃত প্রশস্ত। ভূমি হইতে গুহার দ্বারদেশ পর্য্যন্ত পাহাড়ের উপর সিঁড়ি রহিয়াছে। আকৃতিতে একটি মন্দিরের স্থায় বলিয়া ইহাকে 'মন্দির গুহা' বলা হয়। গুহাটি ২৭ ফিট লম্বা ও ৪০ ফিট চওড়া এবং আনু্যায় ১২ ফিট উচ্চ হইবে।



পঞ্চ ভরণী

গুহাটি কালদেবের নামে উৎসর্গীকৃত। কবে কাহার দ্বারা এই গুহাটি নির্মিত হইয়াছিল, কেহ জানে না।


অপর গুহাটির নাম মন্দিরগুহা (Temple Cave)। এই গুহাটি, লম্বাগুহার অদূরেই, ভূমি হইতে প্রায় দুইশত

প্রবেশ পথের উপর তোরণাকারে বৃহৎ একখণ্ড প্রস্তর রহিয়াছে। এই প্রস্তর খণ্ডটি মসৃণ ও তাহাতে নানাবিধ মূর্তি খোদিত। মন্দিরের প্রবেশ-পথে ও মন্দিরের ভিতরে অনেক 'লিপি' খোদিত রহিয়াছে। 'সর্ব-ধ্বংসী কাল



তাহার নির্মম হস্তে লিপিসমূহের শ্রী নষ্ট করিয়া দিয়াছে। এই সকল লিপি ও মূর্তি দর্শন করিয়া অনুসন্ধিৎসু প্রত্নতাত্ত্বিকগণ সিদ্ধান্ত করিয়াছেন যে, এই গুহা কাশ্মীরে যখন বৌদ্ধপ্রভাব প্রতিষ্ঠা লাভ করে সেই সময় কোন বৌদ্ধ-রাজ দ্বারা নির্মিত হয়। এই গুহাটির মধ্যে প্রবেশ করিলে দুইটি স্তর বা পাটাতন দেখিতে পাওয়া যায়। উপরের পাটাতনের উপরেই মন্দিরটি অবস্থিত। মন্দিরের গায়ে যে সকল মূর্তি খোদিত রহিয়াছে তাহা বিষ্ণু অথবা বুদ্ধদেবের মূর্তি তাহা বলা যায় না। মন্দিরের মধ্যস্থলে দাঁড়াইয়া প্রবেশ পথের বাহিরে দৃষ্টিপাত করিলে চক্ষু ও মন নয়ন-রঞ্জন প্রাকৃতিক দৃশ্যে পুলকিত হয়। সম্মুখে উভয় পার্শ্বে ষতদূর দৃষ্টি যায়, কেবলই পাহাড় এবং সেই পাহাড়গুলিকে দ্বিধা-বিভক্ত করিয়া লিদার উপত্যকা। পাহাড়ের পাদতলে ক্ষুদ্র ভবনগ্রামের এক অংশ পত্রবহুল চেনার ও আধু-কট বৃক্ষসকলের মধ্যে যেন আত্মগোপন করিয়া রহিয়াছে।

ভবন পরিত্যাগ করিয়া আমরা পার্কতা পথে প্রবেশ করিলাম। পথ অসমতল; কোথাও পথ নামিয়া গিয়াছে, কোথাও উপরে উঠিয়াছে। পথের এক পার্শ্বে পাহাড়, অপর পার্শ্বে শস্তক্ষেত্র। একটি ধরস্রোতা নদী পথের সহিত প্রতিযোগিতা করিয়া উদ্যম আবেগে ছুটিয়া চলিয়াছে। এই নদীটির নাম লিদার নদী এবং এই নদীর নাম হইতেই স্থানের নামোৎপত্তি 'লিদার উপত্যকা' হইয়াছে। কতপ্রকার বন্যকুম্ভম প্রফুটিত হইয়া নির্জন পার্কতা প্রদেশের শোভা বৃদ্ধি করিয়াছে তাহার ইয়ত্তা নাই। মাঝে মাঝে উইলো বীথিকা। উইলো মূল ধৌত করিয়া পার্কতা নির্ঝরিনী সকল কুল কুল শব্দে প্রবাহিত। মাঝে মাঝে কাশ্মীরী গ্রাম, গ্রামবাসীরা তাহাদের কাষ্ঠ-নির্মিত আবাস পরিত্যাগ করিয়া আবার বৃদ্ধবনিতা মোটারের শব্দে চকিত হইয়া পথের পার্শ্বে দলে দলে আসিয়া দাঁড়াইতেছে; তাহাদের হৃদয়ের আবেগ তাহাদের কৌতূহল-পূর্ণ নয়নের মধ্যেই প্রকটিত হইতেছে।





ক র গঙ্গা

স্বামীদে

বিসর্জন

—গল্প—

—শ্রীস্বরেন্দ্রনাথ দাশগুপ্ত

“কি বোমা, তোমার কি রকম আক্কেল বল দেখি? কি জাত না কি জাতের মেয়ে, অমনি পথের ধারে দেখলে আর কুড়িয়ে নিয়ে এলে? বামুনের মেয়ে হ’য়ে তোমার এমন প্রবৃত্তি কেমন ক’রে হোল, আমরা ত বুঝে উঠতে পারি না। এ সংসারেও ত এতদিন কাটালে। সেই বারো বছরের ছোটটি এনেছিলাম আজ পনেরো বছর এই সংসার করচ, আর তোমার এমন প্রবৃত্তি! তোমার আর কি দোষ দেব মা, কাল যে কলি।”

“তা কি করব মা, পথের ধারে ঝোপের মধ্যে এতটুকু মেয়ে প’ড়ে কাঁদছিল, আর একদণ্ড থাকলে হয় শেয়ালকুকুরে ছিঁড়ে খেয়ে ফেলত, নয় ঠাণ্ডায় ম’রে যেত। আমরা যদি না নিয়ে আসতুম সে পাপ কি আমাদের লাগত না?”

“আমাদের আবার পাপ লাগতে যাবে কেন? যাদের মেয়ে তারা ফেলে দিয়েছে, তাদের পাপ না হ’য়ে হবে আমাদের? মেয়ের যারা বাপ মা, তারা জন্মমাত্র টেনে ফেলে দিতে পারল, তাদের মায়া হলো না, মায়া হলো তোমার? কি জানি বাপু, তোমাদের ভাবগতিক বুঝতে পারি না।”

“এই দেখুন দেখি কেমন ছোট মেয়েটি? কেমন চোখ মিট মিট করচে। দেখুন মা, একবার তাকিয়ে দেখুন না মা।”

বধুর কথায় শান্তির মনটা একটু নরম হইল। তিনি কেরোসিনের ল্যাম্পটা হাতে করিয়া একটু আগাইয়া আসিয়া খানিকটা তাকাৎ থেকে মাথা বাড়াইয়া তাকাইয়া দেখিয়া বলিলেন, “আহা, কাদের বাছা গো। এমন ক’রে বনে বাদাড়ে কেলে দিয়ে গেল, একটু মায়াও হলো না। কি জানি বাবা! এমন নিষ্ঠুর ত দেখি নি। মা হ’য়ে কেমন ক’রে নিজের পেটের কচি বাচ্ছাকে শেয়াল কুকুরের মুখে এমন ক’রে কেলে দেয়! আহা কি নির্দয় মা!”

শান্তির কথায় সাহস পাইয়া বধু বলিল—“দেখ মা কেমন যেন হাসছে, কেমন সুন্দর দেখতে, দেখে মায়া হয় না?”

“আহা মায়া আবার হয় না! আমার গোবিন্ যখন হোল একটুও কাঁদেনি; হ’য়েই অমনি চারিদিকে টুল টুল করে তাকাতে লাগল। তারপর বলতে নেই—কত কষ্ট ক’রে মানুষ করলুম। কর্তী মারা গেলেন কত দুঃখ সহঁতে হয়েছে আমার গোবিন্কে। ঐ গৌররা মিলে কত শক্রতাই না করলে, তবু ত লক্ষ্মীনারায়ণের দয়ায় এখন মানুষ হ’য়ে উঠেছে। ছেলে কি কম কষ্টের ধন। নিশ্চয় কিছু দোষ ছিল, নইলে তমন ক’রে ফেলে দেবে কেন?”

“এতটুকু শিশু, ওর কি দোষ মা? দোষ থাক পাপ থাক সে ওর মারই ছিল, ওর ত কোনও অপরাধ নেই।”

“ওর মা অভাগীর ত পাপের সীমাই নেই, ওরই বা অপরাধ না থাকলে এমন হবে কেন? জন্ম জন্মান্তরের পাপ। তুমি কেন মা পরের পাপ ঘাড়ে ক’রে নিয়ে এলে? নিজের ত এতদিনে একটা কিছুই হ’ল না। এখন কোন জাত না কোন জাতের মেয়ে কুড়িয়ে নিয়ে এলে, কি সর্বনাশ করলে বল দেখি! লোকে যখন জানতে পারবে তখন কি আর রক্ষা রাখবে? আর তুমি ওর নেকড়া কানি কাচবে ত আমার কাজই বা করবে কেমন ক’রে, ঘরে লক্ষ্মীনারায়ণ রয়েছে ত তারই বা কাজ হবে কেমন ক’রে? বোমা, কি সর্বনাশই তুমি করেছ বাবুরা জানতে পারলে হয়ত তাঁরাও রেগে যেতে পারেন। ঐ যা—তুমি সন্তে সন্তে এসে আমার রান্নাঘরের বেড়াটা ছুঁয়ে দিলে, ছুখানা শশা কেটে রেখেছিলুম, একঘটি জল ছিল, সব ত নষ্ট হ’য়ে গেল। কি অদৃষ্টই ক’রে এসেছিলুম, দুদিন যে একটু স্বস্তিতে থাকব তার যা নেই। কোথাকার কোন অভাগীর পাপ এসে আমাদের ঘাড়ে পড়ল।” এইকথা বলিয়া ঘটির জলটা



ঢালিয়া ফেলিয়া দিয়া বিড়্ বিড়্ করিয়া বকিতে বকিতে পুকুরের দিকে চলিয়া গেলেন।

বধু কমলা এতটা মনে করে নাই। হঠাৎ এতদূর গড়াইল দেখিয়া প্রথমটা একেবারে অপ্রস্তুত হইয়া গিয়া চূপ করিয়া কিছুক্ষণ দাঁড়াইয়া থাকিয়া আস্তে আস্তে ঘরের মধ্যে চলিয়া গেল।

গোবিন্দ ভট্টাচার্য্য এখন এ বাড়ীর কর্তা। পরিবারের মধ্যে মাতা ও স্ত্রী। গোবিন্দের পিতা নীলমণি ভট্টাচার্য্য গোবিন্দের পনেরো বৎসর বয়সের সময় লোকান্তরপ্রাপ্ত হ'ন। সেই অবধি এই সংসার গোবিন্দের ঘাড়ে পড়িয়াছে। গোবিন্দের বিষয় সম্পত্তি কিছুই নাই, যজমানি করিয়া যাহা কিছু পায় তাহাতেই এক রকম চলিয়া যায়। লেখাপড়া টোলে হিতোপদেশের কিয়দূর ও মুক্তবোধের কিয়দূর পর্য্যন্ত অগ্রসর হইয়াছিল, তার পরই পিতার মৃত্যুতে টোল ছাড়িয়া যজমানি বাবসা ধরিতে হয়। গ্রামের মধ্যে চৌধুরীরা বড়লোক, খুব নিষ্ঠাবান। সমস্ত ক্রিয়াকর্ম্মই তাঁহাদের বাড়ীতে হয়। তাঁহাদের আশ্রয়েই গোবিন্দ প্রতিপালিত। আজ বৈকালে গোবিন্দের স্ত্রী দূরসম্পর্কীয়া এক ভগ্নীর বাড়ীতে নিমন্ত্রণ খাইতে গিয়াছিল, ফিরিয়া আসিতে সন্ধ্যা হয়। খালের ধারে ঝোপের মধ্যে একটি ছোট শিশুর ক্রন্দন শুনিয়া সেই দিকে গিয়া দেখে যে একটি স্নোজাত শিশু পড়িয়া রহিয়াছে। ঐরূপ অবস্থায় শিশুটিকে দেখিয়া সে কোন মতেই সেটিকে ঐ ভাবে ফেলিয়া আসিতে পারিল না। বুকে করিয়া শিশুটিকে চাপিয়া লইয়া আসিয়াছিল।

গোবিন্দের স্ত্রী কমলার সন্তান হয় নাই। কমলা রূপবতী বলিয়া গ্রামে তেমন খ্যাতি নাই। তবে নাকটা আর একটু চোখা, চোখ দুটি আর একটু বড় ও পা দুখানা আর একটু ছোট হইলে তাহাকে যে বেশ সুন্দরী বলা যাইতে পারিত, এরকম সমালোচনা মেয়েদের মধ্যে প্রায়ই শোনা যাইত। সুন্দরী না হইলেও তাহার মধ্যে এমন একটা আকর্ষণ ছিল যাহাতে তাহার দিকে তাকাইলে সহসা কাহারও চোখ উঠাইয়া লইবার ইচ্ছা করিত না। যে ফুল ফলের অপেক্ষা রাখে না সে যেমন দর্শকের সমস্ত দৃষ্টিটুকুকে সহজেই টানিয়া লইতে পারে, এও যেন কতকটা তাই।

বয়সে তার ভাটি পড়িয়া আসিতেছিল, কিন্তু তারুণ্য তখনও তাহাকে পরিত্যাগ করিবার সুযোগ পায় নাই। ছোট মুখের খালের মধ্যে প্রবল জোয়ারের বেগে অতিপরিমাণ জল ঢুকিলে ভাটার সময়ও যেমন সে জল বাহির হইবার পথ না পাইয়া পাক পাইয়া ফুলিয়া ফুলিয়া স্থির হইয়া ওঠে, এই সন্তানহীনা কমলার দেহ হইতে যৌবন তেমনি পলাইবার পথ পাইতেছিল না।

নিরামিষ ও আমিষ দুই ঘরের কাজই সে একলা করিত। তার উপর বাড়ীতে প্রতিষ্ঠিত লক্ষ্মীনারায়ণ বিগ্রহ, তাহারও সমস্ত কাজ তাহারই উপর ছিল। শাণ্ডড়ির দেহে কষ্টের বাতাসটি পর্য্যন্ত লাগিতে দিত না। সমস্ত কাজ এমনি করিয়া পরিপাটির সহিত করিয়া যাইত যে, ইচ্ছা হইলেও শাণ্ডড়ী সেই কর্ম্মের জালের মধ্যে প্রবেশ করিতে পারিতেন না, খুঁতও ধরিতে পারিতেন না। অনাবশ্যক গল্প করিতে, পরনিন্দা করিতে, পাড়াপড়শী বউঝির রূপের সমালোচনা করিতে সে একটুও ভালবাসিত না, অথচ তাহাকে কেউ অহঙ্কারী বলিতে সাহস পাইত না। এমনি সহজে সে লোকের মনের মধ্যে প্রবেশ করিত ও এত সহজে বাহির হইয়া আসিত যে, কেহ তাহাকে কোনও স্থানে জড়াইতে পারিত না। সে কাহারও রাগ গায় করিত না, তাই তাহার উপর রাগ করিয়া থাকা সহজ ছিল না; কাহারও নিন্দা সে গ্রাহ করিত না বলিয়া তাহার বিরুদ্ধে নিন্দা পাকাইয়া উঠিতে পারিত না; এবং নিজে কাহারও নিন্দা করিত না বলিয়া ছিদ্রাষেধিণীদিগের কিঞ্চিৎ অতৃপ্তি হইলেও তাহাকে নিন্দা করিবার ফাঁক সহজ হইত না। ঘোষালদের বাড়ী—একটি মাত্র বৌ; বিধবাদের চিড়া কুটিবার সময় কমলা গিয়া সেখানে উপস্থিত হইত। রামমোহন সরকারের মা-মরা ছেলের যখন জ্বর হইত, পাশের বাড়ীর খুকিকে দিয়া সাণ্ডটুকু জ্বাল দিয়া সেখানে সময়মত পাঠাইতে তাহার কখনও ভুল হইত না; অথচ এ সমস্ত কোনও কাজ লইয়া সে কোনও দিন কোনও আন্দোলন করিত না, এবং ইহা লইয়া যদি কেহ কোনও দিন তাহাকে প্রশংসা করিত বা পরের বাড়ীর কাজ লইয়া অনাবশ্যক ব্যস্ততার শাণ্ডড়ি যদি তিরস্কার

শ্রীসুরেন্দ্রনাথ দাশগুপ্ত

করিতেন তাহা সে কানেই তুলিত না। নিজের ছোট সংসারটির মধ্যে এই কৰ্ম্মশীলা এক অঞ্জলি পারদের মত সৰ্বদা আপনার স্নিগ্ধতায় উজ্জ্বলতায় চঞ্চল হইয়া বেড়াইত, অথচ কোনও স্থানে তাহাকে বাধিয়া রাখিবারও উপায় ছিল না। কোনও কাজে সে নিন্দা প্রশংসার অমুমতির অপেক্ষা করিত না। তাহার নিজের মধ্যে এমন একটা তাল ছিল, যাহা কখনও কোনো কারণে ঠকিতে বা কাটিতে দেখা যাইত না।

তাই এ দিন যখন সে পথের ধারে শিশুটিকে নিরাশ্রয়-ভাবে দেখিতে পাইল, তখনই সে শিশুটিকে বুকে করিয়া লইয়া আসিল। এ কথা লইয়া কোনো গোলযোগ হইতে পারে কিনা সে কথা তার মনেই উঠে নাই। কিন্তু শাপুড়ির নিকট তিরস্কৃত হইয়া সে যখন কুড়ানো শিশুটিকে লইয়া ঘরে আসিয়া বসিল, তখন এই ক্ষুদ্র হতভাগা শিশুটিকে আনিয়া তাহাদের শাস্ত সংসারটিতে সে যে কত গোলযোগের সৃষ্টি করিয়াছে তাহা ধীরে ধীরে বুঝিতে লাগিল। শুধু তাহার নিন্দা গঞ্জনা হইলে সে তাহা গ্রাহ্য করিত না, কিন্তু শাপুড়ী, স্বামী, সকলকে যে সে কি বিষম বিপদে ফেলিয়াছে তাহা যতই চিন্তা করিতে লাগিল ততই সে ভীত হইতে লাগিল। শিশুটিকে কুড়াইয়া না আনিয়াই বা সে কি করিতে পারিত—তাহাও সে ভাবিয়া পাইল না। লক্ষ্মীনারায়ণের ভোগের কাজ, শাপুড়ির কাজ সমস্তই ত সে একা করিত, এখন ত তাহার দ্বারা কোনো কাজই হইবে না। স্বামীই বা ইহা লইয়া কত নির্ঘাতিত হন তাহারই বা ঠিক কি? দমকা বাতাসে ঘাটের দড়ি ছিঁড়িয়া নৌকা-খানাকে একবার যদি মাঝ-দরিয়ায় আনিয়া পাক খাওয়াইতে থাকে তাহা হইলে আরোহীর মন যেমন একটা আশ্রয়হীন অনির্দিষ্ট শঙ্কায় ক্রমশ আকুল হইয়া উঠে, কমলার মনও যেন তেমনি একটা অনির্দেশ্য উদ্বেগে ভয়াতুর হইয়া উঠিতে লাগিল। কোনও দিক হইতে সে একটা আশ্রয় বা আশ্বাস পাইল না।

কোথায় একটা সত্যনারায়ণের পূজা ছিল গোবিন্দ সেই উপলক্ষে সন্ধ্যার খানিক পূর্বেই বাহির হইয়া গিয়াছিল এবং খানিকটা রাত হইয়া গেলে চাল কলার পুঁটলি ও

একবাটি সিন্নি লইয়া বাড়ীতে আসিয়া উপস্থিত হইল। আসিয়াই মার কাছে সমস্ত গুনিল।

গোবিন্দ লোকটা টোলে পড়িয়াছিল, বিশেষ কোনোও পাঁচ বুঝিত না, বা দূর ভবিষ্যতে কোন কাজটার ফল কতদূর গড়াইতে পারে তাহারও কোনো ধারণা করিতে পারিত না। তথাপি কাজটা যে একেবারেই ভাল হয় নাই, এ কথা সে বেশ বুঝিল। তা ছাড়া মার কাজেরই বা কি হয়, ঠাকুর সেবারই বা কি হয়। অতটুকু শিশুর লালন পালন করিতে হইলে কমলা ত তাহার স্পর্শে সৰ্বদাই অশুচি হইয়া থাকিবে। অথচ এই গোত্রহীন শিশুর অত্ন কোনও বন্দোবস্ত করাও সহজ নহে।

স্ত্রীর উপর তাহার ভারী রাগ হইল। এতদিন ধরিয়া এই শ্রমপরায়ণার নিপুণ হস্তের সেবা সে পাইয়া আসিতেছিল। কতদিন সে আপনার অকৰ্ম্মতায় কমলার কাছে লজ্জিত হইয়াছে, অথচ কমলা তার কোনই হিলাব না লইয়া তাহাকে নিষ্কৃতি দিয়াছে। গোবিন্দ তাহার সমস্ত সেবা ও যত্নের মর্যাদা বুঝিত না, কিন্তু ফলের মধ্যে রস যেমন কিছু কিছু করিয়া অলক্ষ্যে সঞ্চিত হইয়া তাহাকে রসে ও গন্ধে পূর্ণ করিয়া তোলে, কমলার মাধুর্য্য ও স্নেহও তেমনি করিয়া অলক্ষ্যে একটু একটু করিয়া এতদিন ধরিয়া গোবিন্দের হৃদয়কে পূর্ণ করিয়া দিয়াছিল। তাই কমলাকে তিরস্কার করিতে আজ তাহার মুখ উঠিল না। তাই সে ধীরে ধীরে তাহার কাছে গিয়া দাঁড়াইয়া বলিল, “কি হবে?”

নারী-হৃদয়ের সমস্ত দুর্বলতা আসিয়া কমলার কণ্ঠরোধ করিয়া ধরিল। গোবিন্দের দুই পা জড়াইয়া ধরিয়া সে কাঁদিয়া কহিল, “কি হবে? তুমি যা হয় একটা উপায় কর।”

যা হয় যে কি করিবে তাহা গোবিন্দ কিছুই ভাবিয়া পাইল না। কোনো কিছু উপায় না দেখিয়া মনে মনে ভাবিল, আজ্ঞা দিন কতক চূপ করিয়া থাকিয়া দেখা যাক কি হয়?

গৌরচন্দ্রের পিতা ও গোবিন্দের পিতা উভয়ে খুড়তুত জেঠতুত ভাই ছিল। অনেকদিন এক অগ্নে থাকিলেও



গোরচন্দ্রের মা ও গোবিন্দের মার মধ্যে একটা মনকষাকষি চলিত। হঠাৎ ঠাকুর সেবা লইয়া কি একটা তুচ্ছ কারণে একদিন দুই ভাইর মধ্যে তুমুল ঝগড়া হইল এবং উভয়ে পৃথক হইয়া গেল। গোবিন্দের পিতা একটু শক্ত লোক ছিল। সে আপন অংশ বেচিয়া ফেলিয়া সেই গ্রামেরই অন্তর্গত গিয়া বাস উঠাইল। গোরচন্দ্রের পিতার যখন মৃত্যু হয় গোরচন্দ্রের তখন বেশ বয়স হইয়াছিল। যতদিন গোবিন্দের পিতা জীবিত ছিল ততদিন গোরচন্দ্র কোনও সুবিধা করিয়া উঠিতে পারে নাই। কিন্তু যখন পনেরো বৎসরের গোবিন্দকে রাখিয়া গোবিন্দের পিতা পরলোক গমন করিল, তখন চৌধুরী বাড়ির ক্রিয়াকর্ম্ম যাহাতে ভাগাভাগি না হইয়া একা গোরচন্দ্রেই বহাল থাকে, সে পক্ষে গোরচন্দ্র বিধিমত চেষ্টা করিয়াছিল।

গোরচন্দ্রের সপক্ষে বলিবার ছিল এই যে, অনেক দিন বিদেশে থাকিয়া অধ্যয়নের বিশ্বজয়ী মেডেল স্বরূপ একটি গাড়ু ও স্মৃতিরত্ন উপাধি লইয়া সে যখন দেশে ফিরিয়া আসিয়াছিল, তখন তাহার বিদ্যাবত্তা সম্বন্ধে প্রামের টোলের ছাত্রদের মধ্যে কিছুদিন করিয়া পথে ঘাটে একটা রীতিমত আন্দোলন চলিয়াছিল। অবশ্য শত্রুপক্ষের লোকের মধ্যে এমন অনেক কানা ঘুসা শুনা যাইত যে, গাড়ুটা সে নিজেই আসিবার সময় কলিকাতা হইতে কিনিয়া আনিয়াছিল। কিন্তু ইহা বিশ্বাসযোগ্য বলিয়া নাও মনে করা যাইতে পারে, কারণ ইহার কোনোও নির্দিষ্ট প্রমাণ ছিল না।

গোরচন্দ্র চৌধুরী বাবুদের বুঝাইতে চেষ্টা করিয়াছিল যে, গোবিন্দ একেবারে মূর্খ, তার দ্বারা কি ঠাকুর সেবা, কি নৈমিত্তিক কার্য্য কোনটাই সুসম্পন্ন হওয়ার সম্ভাবনা নাই। কিন্তু চৌধুরীদের বড় কর্ত্তা গোবিন্দের নিরাশ্রয় অবস্থা দেখিয়াই হোক, অথবা নিরীহ স্বভাবের জন্তই হোক গোরচন্দ্রের কথা কানে তুলিলেন না, বরং তাহাকে দুই কথা শুনাইয়া দিয়া বলিলেন যে, গোবিন্দের সহিত শক্রতা করা তাহার পক্ষে অত্যন্ত অশোভন। সেই অবধি গোরচন্দ্র বরাবরই গোবিন্দের সহিত মৌখিক শিষ্টাচার রাখিয়াই চলিয়াছে।

কাক চোখ বুজিয়া ঘরের চালে খাবার গুঁজিয়া রাখিয়া মনে করে কেহ দেখিবে না, গোবিন্দও নিজে চুপ করিয়া থাকিয়া ভাবিল কথাটা চাপিয়া গেল, কিন্তু কথা চাপা রহিল না; অনেকেই শুনিল এবং গোরচন্দ্রও শুনিল।

গোরচন্দ্র গিয়া চৌধুরীদের বাড়ীতে বলিল, ঠাকুরের পুনঃসংস্কার প্রয়োজন। সমস্ত বিষয় গোবিন্দকে ডাকাইয়া যখন জিজ্ঞাসা করা হইল, তখন গোবিন্দ কোনও জবাবই করিতে পারিল না। গোবিন্দের স্পর্শজনিত অপবিত্রতা দূর করিবার জন্ত গোরচন্দ্র ঠাকুরের সংস্কার করাইল। বড় কর্ত্তা গোবিন্দকে বলিয়া দিলেন, যত দিন তাহার বাড়ীতে শিশুটি থাকিবে ততদিন যেন সে কখনও ঠাকুর ঘরে প্রবেশ না করে।

ইচ্ছা থাকিলেই কাজ করা সহজ নয়, অধিকার থাকা আবশ্যিক। কমলার ইচ্ছা ছিল, মমতা ছিল, কিন্তু মাতৃহের অধিকারে বিধাতা তাহাকে বঞ্চিত করিয়াছিলেন; তাই শিশুটিকে নিয়া সে মহা বিব্রত হইয়া পড়িয়াছিল। মাতৃহীন একটি শিশু ঘরে থাকিলে সমস্ত পরিবারের অক্লান্ত মনোযোগ না হইলে তাহাকে বাঁচান সহজ নয়। কমলা নিজে কোনও দিন শিশু পালন করে নাই। এ বাড়ীতে দুধের কোন রীতিমত ব্যবস্থা ছিল না; গোবিন্দের মার একাদশীর প্রভৃতি উপলক্ষে মধ্যে মধ্যে পাড়া হইতে সংগ্রহ করিয়া আনা হইত। কাজেই এখনও নিত্য দুধ জুটিবার কোনও উপায় ছিল না, যদি বা কোন দিন পাড়ার কোন মেয়েকে ধরিয়া এ বাড়ী ও বাড়ী হইতে একটু আধটু দুধ সংগ্রহ হইত, তবুও তাহা সময়মত পাওয়া যাইত না; শটির পালো, ভাতের মাড়, ময়দা ইহাই ছিল নিত্য বরাদ্দ। কাজেই শিশুটির পেটের অসুখ প্রায়ই লাগিয়া থাকিত। কমলাকে তাহা লইয়া প্রায় অপরিষ্কৃত অবস্থায় থাকিতে হইত। কমলার শাপুড়ী ঘুণায় তাহাকে স্পর্শ করিতেন না। প্রথম প্রথম কমলা শিশুটির জন্ত যখন যাহা করিত তাহাতে যেন একটু বিশেষ সজ্জচিত হইত। শাপুড়ীর ঘরের খুব কম কাজই সে করিতে পাইত। বিশেষত যে দিন হইতে চৌধুরী বাড়ীর পূজা বন্ধ হইল ও ঠাকুরের

শ্রীমুরেশ্বনাথ দাশগুপ্ত

পুনরভিষেক হইল সে দিন হইতে সে ঠাকুর ঘরের কোনও কাজেই হাত দিতে পারিত না। যতটা বা গোবিন্দের মা পারিতেন করিতেন, যতটা বা গোবিন্দ নিজে এ দিক ও দিক হইতে ঘুরিয়া আসিয়া পারিত করিত। বেলা দুইটা তিনটার আগে ঠাকুর সেবা হইত না এবং গোবিন্দের খাইতে প্রায়ই চারটা পাঁচটা বাজিয়া যাইত। অধিক গোলযোগের ভয়ে গোবিন্দ তার মার ঘরেই খাইত।

অলসকে কৰ্মের পাকের মধ্যে ছাড়িয়া দিলে তাহাকে অনেক নিগ্রহ ও লাঞ্ছনা ভোগ করিতে হয় বটে, কিন্তু চাপ খাইতে খাইতে দু এক যারগায় টোল খাইয়া সহিয়া যায়। কিন্তু কৰ্মপরকে একেবারে কৰ্মের বাহিরে আনিয়া ছাড়িয়া দিলে সে এমন ভীষণ ভাবে নিরাশ্রয় ও নিরাশ্রয় হয় যে, জগৎ তাহার কাছে একেবারে ফাঁকা হইয়া যায়। সে যেন একটা অতল শূন্যতার মধ্যে তলাইয়া যাইতে থাকে। কোনও একটা অবলম্বন আঁকড়িয়া ধরিতে না পারিলে তাহার বাঁচা দুঃসাধা হইয়া উঠে। কৰ্মপরাণী কমলার যখন সমস্ত কৰ্ম হইতে ছুটি হইল, তখন সে এই শিশুটিকে লইয়া পড়িল। চারিদিকের উপেক্ষা ও ঘৃণায় যেন আছড়াইয়া আছড়াইয়া তাহাকে ও তাহার কুড়ানো মেয়েটিকে একত্র করিয়া একটা নির্জন দীপের মধ্যে ফেলিয়া দিল। সেখানে তাহারা দুইজনে দুইজনের আশ্রয়, তাহাদিগকে দেখিবার আর কেহ নাই। এখন তাহার আর তেমন সঙ্কোচ বা ভয় রহিল না। ভয়ের মধ্যে এই ক্ষুদ্র শিশুটি তাহাকে অভয় দিল। এই অত্যধিক যত্ন তাহার স্বামী ও শাপুড়ীর নিকট দিন দিন নিরতিশয় অপ্রীতিকর হইয়া তাহাকে ক্রমশ তাহাদের নিকট হইতে দূরে সরাইয়া নিয়া শিশুটির সহিত তাহার বন্ধন ঘনিষ্ঠ করিয়া তুলিল; কিন্তু গাছের পক্ষে শিকড় গজাইয়া সতেজ হইয়া উঠিতে হইলে যেমন শুধু তার গোড়ার মাটিটুকু ভিজা থাকিলে চলে না, আশে পাশের খানিকটা জমিই সরস ও নরম থাকা আবশ্যিক, শিশুর বৃদ্ধির পক্ষেও চারিদিক হইতে একটা স্নেহ ও রসসঞ্চায় তেমনি ভাবেই আবশ্যিক। জন্ম হইতেই যে দুর্ভাগা শিশু দেবদত্ত মাতৃস্নেহের অতুল সম্পদ হইতে বঞ্চিত, আসিবামাত্রই

সমাজ যাহাকে ক্রুর অভিমুখ্যতার আশুনে দগ্ধ করিতে চায়, অমঙ্গলের উদ্ধার মত সকলে যাহাকে পরিহার করিতেছিল, শুধু কমলাকে আশ্রয় করিয়া সে কেমন করিয়া পুষ্ট হইয়া উঠিবে। চারিদিকের বিষাক্ত হাওয়ার শিশুটি শুকাইয়া যাইতে লাগিল। কমলা নিজে যতদূর সাধ্য করিত, কিন্তু শিশুর পক্ষে তাহা পর্যাপ্ত হইত না।

চৌধুরী বাড়ী হইতে ভাড়িত হওয়ার দিন হইতে গোবিন্দের কষ্টের পালা আরম্ভ হইয়াছিল। চৌধুরীরা অনেকদিনের বুনিয়াদি ঘর। তাহাদের প্রাত্যহিক পূজানুষ্ঠানের বিধি-বরাদ্দ বেশ প্রচুর। তা ছাড়া একটা না একটা ছোট খাট ক্রিয়া কৰ্ম প্রায়ই লাগিয়া থাকিত, কাজেই সেখানে কাজ করার পর আর নানা স্থানে ঘোরা-ঘারির বড় প্রয়োজন হইত না। কিন্তু সে দিক বন্ধ হওয়াতে গ্রামময় ছোট খাট পূজা কুড়াইয়া বেড়াইতে হইত। এমন কি অত্রের গোমস্তা হইয়া ভিন্ন গ্রামেও গিয়া পূজা সারিয়া আসিতে হইত। তা ছাড়া, বাড়ীর অনেক কাজও এখন তাহার উপর পড়িয়াছিল। এত কষ্ট করা গোবিন্দের কোনও দিন অভ্যাস ছিল না।

কুড়ানো শিশুটার প্রতি কমলার এত অধিক টান গোবিন্দের পক্ষে দিন দিনই অসহ্য হইয়া উঠিতেছিল। গ্রহ-সন্নিবেশের আকর্ষণ বিকর্ষণের এমনই নিয়ম যে কোনও দিকের একটা আকর্ষণ যদি একটু বাড়িয়া যায় তবে সমস্ত গ্রহমণ্ডলেই একটা বিপ্লব বাধিয়া উঠে। আজ ক্ষুদ্র শিশুটির জন্ত কমলার আকর্ষণটুকু ক্রমশ তাহাকে গোবিন্দের স্নেহ-কক্ষ হইতে দূরে লইয়া যাইতেছিল। সামান্য উপলক্ষ লইয়া সে প্রায়ই শিশুটিকে ও কমলাকে তিরস্কার করিত, কিন্তু কমলার তরফ হইতে কোনও জবাব আসিত না। সাড়া না পাইয়া গোবিন্দের সাহস বাড়িয়া গিয়াছিল। অনেক সময়েই হয়ত অত্যধিক উত্তেজনার মাত্রা ছাড়াইয়া যাইত। কিন্তু কমলা এমন নিঃশব্দে পাশ কাটাইয়া যাইত যে তিরস্কারের উত্তাপটুকুও যেন তাহার গায় লাগিত না। ব্যর্থ কোপের আশুনে গোবিন্দ নিজেই জলিয়া মরিত। ইহার ফল হইল এই, সে দিনে দিনে 'একটি বিচ্ছেদের



বাবধান গড়িয়া উঠিয়া পরস্পরের দৃষ্টিকে আবৃত করিয়া দিতে লাগিল, কিন্তু গোবিন্দের পক্ষে ইহা যেমন মর্শাস্তিক হইল, কমলার পক্ষে তেমন নয়; তাহার প্রধান কারণ এই যে, কমলার আশ্রয় ছিল সেই ক্ষুদ্র শিশুটি, কিন্তু গোবিন্দ ছিল একেবারে নিরবলম্বন। তা ছাড়া গোবিন্দ রাগিত, বকাঝকা করিয়া আপনাকে চঞ্চল করিয়া তুলিত, কমলা থাকিত শাস্ত স্তব্ধ।

গোবিন্দ কত সময় বসিয়া বসিয়া তাহাদের পূর্বের সুখের সংসারের কথা ভাবিত। শিশুটির উপর একটা ক্রোধ ও বিদ্বেষে তাহার মন তিস্ত হইয়া উঠিত এবং একটা দারুণ অশান্তিতে তাহার হৃদয় পূর্ণ হইয়া যাইত। ইহা হইতে মৃত্যু যদি কমলার সহিত চির-বিচ্ছেদ ঘটাইত, তাহাও বুঝি সহজে সহ্য করা যাইতে পারিত। চক্রহীন অমাবস্তার অন্ধকার স্বাভাবিক বলিয়া সহ্য করা যায়। কিন্তু পূর্ণচন্দ্রের রাহুগ্রাস হৃদয় বিদীর্ণ করে।

এদিকে গৌরচন্দ্রের চক্রান্ত যে পাকিয়া উঠিতেছিল, গোবিন্দ তাহা তেমন বুঝিয়া উঠিতে পারে নাই। একদিন শ্রদ্ধ উপলক্ষে গ্রামের রসময় চক্রবর্তীর বাড়ীতে অপরাহ্ন-প্রায় মধ্যাহ্নে গোবিন্দ যখন কদলীপত্রশ্রেণীশোভিত নিমন্ত্রণ-সভায় গিয়া প্রবেশ করিল তখন সমস্ত ব্রাহ্মণেরা আসন ত্যাগ করিয়া উঠিয়া দাঁড়াইলেন। জাতিহীন গোবিন্দ অপমানের ভরা লইয়া বাড়ী ফিরিয়া আসিল। সেইদিন হইতে গোবিন্দের পৌরহিত্য একেবারে বন্ধ হইয়া গেল।

গোবিন্দ গিয়া চৌধুরী বাড়ীর বড়কর্তার পা জড়াইয়া ধরিয়া কাঁদিয়া পড়িল। বড়কর্তা বরাবরই গোবিন্দকে একটু ভালবাসিতেন। তিনি বলিলেন, শিশুটির একটা বন্দোবস্ত করিয়া কেলিতে পারিলেই তিনি সমস্ত গোলমাল চুকাইয়া দিবেন; অত্যাধিক কিছু করা অসম্ভব।

পঙ্কজলক্ষণা শরৎলক্ষী কাশবনের চামররাজি কম্পিত করিয়া আকাশের নীল চন্দ্রাতপতলে রাজপটে অধিষ্ঠিতা হইয়াছেন। প্রাতঃকালে ধূলিবিধৌত নির্মল বায়ু নবাক্রণোদ্ভাসিত শস্ত্র-কেন্দ্রের উপর সূবর্ণের তরঙ্গ তুলিয়া দিয়া শেকালিকুম্বের শিথিল বস্তুর উপর মৃদু চুষন করিয়া বহিয়া চলিয়াছে। বর্ষার

বজ্রময় বর্ষণময় তাণ্ডবনৃত্যের পর এ যেন শান্তি ও প্রীতির সুসমাচার। চারিদিকের দিগন্তবিসারী সবুজ সভামণ্ডপের উপর সূর্য্যের কিরণকন্ডাগণের আনন্দ-নৃত্যের শীলা চলিয়াছে। ছেলে মেয়ে দল বাধিয়া সেকালি ফুল কুড়াইতেছে, কিশোরীরা আনন্দে বাড়ী বাড়ী প্রতিমা দেখিয়া ফিরিতেছে, যুবতীরা পতি-সমাগমের আশায় উৎফুল্লা হইয়া উঠিয়াছে, যুবকেরা উৎসবের আয়োজনে মত্ত হইয়াছে। পথে, ঘাটে, রেল, ষ্টিমারে, নৌকায় চারিদিকে প্রীতিবিহ্বল, মিলন-সমৎসুক, উৎসবপরায়ণ নরনারীর আনন্দময় প্রাণের ভরা নাচিয়া চলিয়াছে। আজ শারদোৎসবের বোধনের দিন, আজ আনন্দের দিন।

এমন দিনে আজ কমলা নিরানন্দ, গোবিন্দ নিরানন্দ। শাস্তি কি বস্তু এ কয় মাস কমলা তাহা জানে নাই। তাহার হৃদয়ের মধ্যে সূর্য্যের আলো ও মুক্ত বাতাসের প্রবেশের পথ নাই। এক অন্ধকারময় গহ্বরের মধ্যে সে এতদিন পড়িয়াছিল। কোনও অবলম্বন না পাইয়া শিশুটিকেই চাপিয়া ধরিয়াছিল। চিন্তায় অপমানে লাঞ্ছনায় অযত্নে অন্ধাশনে তার দেহ কঙ্কালসার হইয়া গিয়াছিল। শরীরের সে লাবণ্য ও কাঙ্ক্ষিত আর ছিল না। চোখের পাতার নিম্নে দুইটা বড় বড় কালো দাগ পড়িয়াছিল। দীর্ঘদিনের অসংস্কারে কেশভার প্রায় জটাভারে পরিণত হইতে আরম্ভ করিয়াছিল। কিন্তু এত দীনতার মধ্যেও একটা মাতৃ-হৃদয়ের বাৎসল্যে তাহার মুখত্রীকে মাধুর্য্যামণ্ডিত করিয়া রাখিয়াছিল। শিশুটির প্রতি ভালবাসা তাহার মধ্যে একটা নূতন জীবন সঞ্চার করিয়াছিল। একদিকে যেমন সে এই ভালবাসার স্বাদে জীবনের মধ্যে একটা নূতন মাধুর্য্য বোধ করিত, অপরদিকে তেমনি এই শিশুটিকে উপলক্ষ করিয়া যে প্রলয়ের অগ্নিশিখা জলিয়া উঠিয়াছিল, তাহাতে সে ভীত ও বিপর্যাস্ত হইত। এই ত সেদিন এই সংসারখানি কি আনন্দে, কি শান্তিতে, পরিপূর্ণ ছিল। যে দিন ধূমকেতুর মত এই শিশুটি আসিয়া এ সংসারে প্রবেশ করিল, সেই দিন হইতেই এই অশান্তির আরম্ভ। এই অমঙ্গলের বীজ ত সেই বহিয়া আনিয়াছে। আজ তাহার সমস্ত জীবনের সেবার সামগ্রী, তাহার নিজের হাতের গড়া এই সংসারখানি

:শ্রীশুরেন্দ্রনাথ দাশগুপ্ত

একেবারে পর্যাকুল হইয়া পড়িয়াছে নিপুণ সেবার উপহারে যে স্বামীকে সে এতদিন ধরিয়া পূজা করিয়া আসিতেছিল, আজ তাহারই জন্ত তিনি জাতিচ্যুত উপায়-হীন। যে পরিবারে কাঙাল গরীব আসিয়া কখনও ফিরিয়া যাইত না, সেই পরিবার এখন অনশনের দ্বারে উপস্থিত।

কোনও শাস্তি, তিরস্কার বা লাঞ্ছনাই তাহার পক্ষে যথেষ্ট নয় ইহা মনে করিয়া কমলা আপনাকে শতধিকার দিত। অনেক সময় ঐ শিশুর উপর তাহার রাগ হইত। শিশুর অজ্ঞাত পিতামাতার উপর অজস্র গালিবর্ষণ করিত। যেমন প্রবল দুঃখ ও যন্ত্রণার হাত হইতে মুক্তি পাইবার জন্ত মানুষ আত্মহত্যার জন্ত উৎসুক হইয়া উঠে, তেমনি এই শিশুটিকে কোথাও বিসর্জন করিয়া দিবে এ চিন্তাও অনেক সময়ে তাহার মনে উঠিত। এই শিশুই সমস্ত সন্দনাশ সঞ্চয় করিয়া আনিয়াছে, ইহাকে পরিত্যাগ করিয়া সে নিজে মুক্ত হইবে এবং পরিবারের সকলকে মুক্তি দিবে। আর এ যন্ত্রণা সহ করা যায় না।

যেদিন হইতে জাতিচ্যুত হইয়াছিল, সেইদিন হইতেই যেমন করিয়া শিশুটির এই দারুণ বোঝা স্কন্ধ হইতে নামাইতে পারে তাহার জন্ত গোবিন্দ নানা উপায় উদ্ভাবন করিতেছিল, কিন্তু কাজে খাটাইতে পারে এমন কোন উপায়ই তাহার বুদ্ধিতে আসিতেছিল না; এদিকে দিন দিনই পূজা ঘনাইয়া আসিতেছিল। দুর্গাপূজার মধ্যে কোন বাবস্থা না হইলে তাহার কোনও উপায় নাই। বিনা অধিকারে যে একটি সামান্য ক্ষুদ্র শিশু সংসারে একবার প্রবেশ করিয়াছে তাহাকে নড়ান কত কঠিন, তাহা গোবিন্দ হাড়ে হাড়ে বুঝিতেছিল। এমন সময় সংবাদ পাইল সেই গ্রামের বিন্দু বোষ্টমী এরূপ একটি কন্যাপালন করিতে ইচ্ছুক আছে

বিন্দু বোষ্টমীর এখন বয়স পড়িয়া আসিয়াছে। তাই বৃদ্ধবয়সের অবলম্বনের জন্ত সে একটি কন্যা পাইলে রাখিতে চায়। পূর্কদিন গোবিন্দ সমস্ত ঠিক করিয়া আসিয়াছে, আজ বোধনের দিন প্রাতঃকালে তাহার হাতে শিশুটিকে দিয়া আসিবে। শিশুটিকে একবার বাড়ী হইতে বাহির করিতে পারিলেই যে সে আবার চৌধুরী বাড়ীর দুর্গাপূজার

ভার পাইবে এবং অগ্নাগ্ন সমস্ত গোলমালও মিটিয়া যাইবে, সে সঙ্কল্প বড় কর্তা তাহাকে বিশেষ করিয়া বারংবার আশ্বাস দিয়াছেন।

অনেকদিন পর সর্কনাশের বোঝাটা ফেলিয়া দিতে পারিবে সেই চিন্তায় মনটা আজ উৎসাহে দীপ্ত হইয়া উঠিয়াছিল। কিন্তু কমলার কাছে এই প্রস্তাব করিতে কেমন যেন সে সাহস পাইতেছিলনা। নানা ব্যাপারে এ কয় মাসে কমলা তাহার অনেক দূরে গিয়া পড়িয়াছিল। এত বড় বাবধান, এত বিচ্ছেদ সহ করিতে যে কমলা পারিয়াছিল, তাহার শক্তি যে ঐ শিশুটির মধ্যেই সঞ্চিত ছিল, ইহা গোবিন্দ যে একটু একটু না বুঝিত তাহা নয়। যে লাঞ্ছনা যন্ত্রণা সে ঐ শিশুটির জন্ত এতদিন নীরবে সহ করিয়াছে এবং যে স্নেহপক্ষ বিস্তার করিয়া সে চারিদিকের আঘাত হইতে তাহাকে এতদিন বাঁচাইয়া আসিয়াছে, তাহাতেই সকলের অলক্ষ্যে শিশুটির উপর তাহার এমন একটি অধিকার স্থাপন করিয়াছিল যে, গোবিন্দ যখন কথাটা লইয়া কমলার নিকট উপস্থিত হইল, তখন সে প্রথম এমন খতমত খাইয়া গেল যে, কথাটা ভাল করিয়া বলিতে পারিল না।

কিছুদিন হইতে কমলা নিজেও ভাবিতেছিল, শিশুটা কাহাকেও দিয়া ফেলিতে পারিলে হয়, এ উদ্বেগ আর সহ হয় না। কিন্তু সেই পরিত্যাগ করিবার কাল যখন তাহার সম্মুখে আসিয়া দাঁড়াইল, তখন কেমন একটা দম্কা আঘাতে তাহার হৃদয়টা ফিরিয়া গেল। এতদিন ধরিয়া অগ্ন সমস্ত দিকে সে ক্ষয় পাইয়া আসিতেছিল, শুধু বাৎসল্যরসে তাহার হৃদয়ের মাতৃস্নেহ দিকটি ক্রমশঃই পূর্ণ হইয়া উঠিতেছিল। মমতায়, ত্যাগে, নিষ্ঠায়, সে পরের সম্মানে সম্মানবতী হইয়াছিল। বিশ্বের মাতৃমূর্তি তাহার মধ্যে প্রতিষ্ঠালাভ করিয়াছিল এক মুহূর্তের আঘাতে আজ এই সত্যটি তাহার নিকট পরিষ্ফুট হইয়া উঠিল। সে দেখিল সে মা।

গোবিন্দ যখন দেখিল কমলা তাহাকে কোন মতেই দিবে না, তখন সে সম্মুখে অন্ধকার দেখিল। এ কয়দিন ধরিয়া সে যে আশা গড়িয়া তুলিতেছিল বুঝি আজ তাহা চূর্ণ হইয়া যায়। এক মুহূর্তে তাহার মনে এ কয়মাসের সহ করা সমস্ত কষ্ট লাঞ্ছনা উদ্ভিত হইল। আজ যদি সে এই দুর্গা



পূজায় বসিতে না পায় তবে আর ভবিষ্যতে তাহার কোনো উপায় নাই, অম্মাভাবেই হয়ত তাহাকে মারা যাইতে হইবে। নিমেষের মধ্যে বৈদ্যাতিক গতিতে এই সমস্ত কথাগুলি যখন তাহার মনে হইল, তখন সমস্ত শরীরের রক্ত যেন যুগপৎ শিরায় শিরায় তাহার মাথার মধ্যে প্রবেশ করিতে লাগিল। কিছুক্ষণ বিবশ ও অবসন্ন হইয়া দাঁড়াইয়া থাকিয়া হঠাৎ এক লম্ফে শিশুটিকে ছিনাইয়া লইয়া দৌড় দিল। কমলা কাৎ হইয়া পড়িয়া গেল, এবং শিশুটি আঁৎকাইয়া কাঁদিয়া উঠিল।

সপ্তমীর দিনই পূজায় বসিয়া গোবিন্দ সংবাদ পাইল, শিশুটি সেই যে আঁৎকাইয়া উঠিয়াছিল তাহাতেই জ্বর হইয়া সেইদিনই রাত্রে মারা গিয়াছে। একটা প্রচ্ছন্ন বেদনায় গোবিন্দের মন বিপর্যাস্ত হইয়া উঠিল। ছিনাইয়া আনিবার

পর হইতে তাহার পরুষ-ক্লিন্ন মনে কমলার বেদনার্ত্ত বিহ্বল মূর্ত্তিটি নিরন্তর জাগিয়া থাকিয়া তাহাকে উদ্ভ্রান্ত করিয়া রাখিয়াছিল। নানা কার্যে রত থাকিয়া সে বৃথা নিজেকে ভুলাইতে চেষ্টা করিতেছিল। একবার স্থির করিয়াছি গোপনে নৃত্য বোষ্টমীকে মাসে মাসে কিছু অর্থ সাহায্য করিবে যাহাতে শিশুটির ভরণপোষণের কোনও কষ্ট না হয়।

সপ্তমী অষ্টমী এ দুই দিনের মধ্যে বাড়ী ফিরিয়া কমলাকে দেখা দিতে গোবিন্দ সাহস পাইল না। নবমীর দিন রাত্রে সে এক সময়ে আসিয়া ঘরে শুইয়া পড়িল। রাত্রে কি একটা হৃৎস্বপ্ন দেখিয়া তাহার ঘুম ভাঙ্গিয়া গেল। মনে হইল কমলার তপ্তশ্বাস তাহার গায়ে লাগিতেছে; কিন্তু ফিরিয়া দেখিবার সাহস হইল না।

তখন চৌধুরী বাড়ীর নহবৎখানা হইতে শানাইয়ের গানে বিসর্জনের রাগিনী গাহিতেছিল—

“আমার প্রাণের গৌরী তোরে কে হ’রে নিল।”



সোশ্যালিজম্

শ্রীশচীন সেন

বৎসর গুণে দেখতে গেলে সোশ্যালিজম্-এর বয়স এক শ বৎসরও হয়নি, বিশেষতঃ আমাদের দেশে ওটা আধুনিক আমদানি। কিন্তু যখন আমাদের দেশে নেতা বা অভিনেতা সবাই ওই বুলি আওড়াচ্ছেন তখন বুঝতে হবে ওটা স্বাভাবিক নয়—পশ্চিম হ'তে কোন নজীর পাওয়া গেছে। উন্মাদনা যখন আসে তখনই বুঝতে হবে ওটা ধার করা জিনিষ; কারণ উন্মাদ হওয়া ভারতের স্বভাবধর্ম নয়। হিন্দু-সম্মেলন, যুব-সম্মেলন বা রাষ্ট্র-সম্মেলন—সব জায়গায়ই সোশ্যালিজম্-এর জয়ধ্বনি। বক্তৃতা জোর গলায় চলে, মানুষ ক্ষেপে ওঠে। বক্তৃতায় যদি মানুষ না ক্ষেপল তা হ'লে বক্তৃতা দিয়ে লাভ কি। আর ক্ষিপ্ত অবস্থার সঙ্গে নির্বাণ অবস্থার কোন প্রভেদ নেই, কারণ ওই দুই অবস্থায়ই ভালমন্দ বিচার করবার বুদ্ধি থাকে না।

সোশ্যালিজম্-এর জয় হোক্ আপত্তি নেই; কিন্তু কথা দাঁড়াচ্ছে এই যে, ভারতের সঙ্গে সোশ্যালিজম্-এর কোন রফা হওয়া সম্ভব কি না, এবং সম্ভব হ'লেও সেটা হিতকর কি না। হিতকর কথা সভয়ে বলছি, কারণ হিত বা মঙ্গলকে অগ্রাহ্য ক'রে সোশ্যালিজম্-এর উৎপত্তি। সোশ্যালিজম্-এর জয় গতিতে, যতিতে নয়। তার পুষ্টি অক্ষালনে, সৃষ্টিতে নয়। শুধু এই কথাটি বলবার জন্মই এই প্রবন্ধের অবতারণা। আজ এই কথাটা বলবার দরকার হয়েছে, কারণ এটা বিশেষ লক্ষ্য ক'রে দেখেছি যে, যার গলায় সোশ্যালিজম্-এর জয়ধ্বনি হয় তার মগজে সোশ্যালিজম্ প্রবেশ করে না। মগজে যখন ধরা পড়ে না, চীৎকার তখনই বাড়ে এবং মানুষ তখনই ক্ষেপে ওঠে। এই সহজ জাতীয়তায় নেতাদের লাভ হ'তে পারে, কিন্তু দেশের এতে ক্ষতি। দেশের দিকে না তাকিয়ে স্বাদেশিকতা করা বোধ হয় শুধু আমাদের দেশেই সম্ভব।

সোশ্যালিজম্ জিনিষটা কি? সেদিন এক সভায়

শুন্ছিলাম যে, মজুর নেতারা বলছেন উপনিষদ সোশ্যালিজম্ আছে—অশোক, যীশু, বুদ্ধ সবাই সোশিয়ালিষ্ট; অতএব কে বলে সোশ্যালিজম্ হেয়। কিন্তু সমস্যা এই যে, সব ধর্ম-গ্রন্থ সোশ্যালিজম্ প্রচার করে না,—সব বড় লোক সোশিয়ালিষ্ট নয়। সোশিয়ালিষ্ট না হ'য়েও পরের উপকার করা যায়—অত্যাচারের বিরুদ্ধে দাঁড়ান যায়।

“এই সব মূঢ় মূক মুখে

দিতে হবে ভাষা; এই সব শ্রান্ত গুঢ় ভগ্ন বুকে
ধ্বনিয়া তুলিতে হবে আশা; ডাকিয়া বলিতে হবে—
মুহূর্ত্তে তুলিয়া শির একত্র দাঁড়াও দেখি সবে
যার ভয়ে তুমি ভীত, সে অত্যাচারী তুমি তোমা চেয়ে,
যখন জানিবে তুমি তখন সে পলাইবে ধৈর্যে।”

(রবীন্দ্রনাথ)

এই “গর্কাক্ নিষ্ঠুর অত্যাচারের” বিরুদ্ধে রবীন্দ্রনাথ যে বাণী প্রচার ক'রে গেছেন, তাতে সোশ্যালিজম্-এর রং নেই। মজুরকে ভাল মাইনে দিতে হবে—ঘর বাড়ী আলো বাতাস সব দিতে হবে—তার সমর্থন করাকে সোশ্যালিজম্ বলে না। যিনি অত্যাচারের বিরুদ্ধে বন্ধপরিকর হন তিনিই সোশিয়ালিষ্ট—তার কোন মানে নেই। Socialism আর Humanity এক বস্তু নয়—তাদের জাতি, গোত্র, রাশি সবই বিভিন্ন। Socialism হ'ল মানুষের অর্থনৈতিক বাধ্যতা—উহার ব্যবসা কাধনকে নিয়ে। আর্থিক অসামঞ্জস্যকে দূর করা তার ধর্ম—এই Marx-এর প্রথম কথা আর Lenin-এর শেষ কথা।

সোশিয়ালিষ্টদের রাগ এবং ক্ষোভ সম্পত্তির ওপর। কারণ এই দুনিয়ায় সমস্ত অত্যাচারের গোড়ার কথা হ'ল Property ও Poverty। অতএব দারিদ্র্যকে নির্বাসন করতে হ'লে সম্পত্তিকে নির্বাসন দেওয়া চাই। তাই প্রথম দফা হ'ল—দারিদ্র্য ও সম্পত্তি এই দুয়ের নিষ্পত্তি



করবার ভার নেবে State । সম্পত্তি কাড়তে হলে জমিদার রাগ করবে—অতএব দ্বিতীয় দফা হ'ল—Class war । এই যুদ্ধ নৈতিক নয়—অর্থনৈতিক, অতএব তৃতীয় দফা হল Revolutionary । তাই সোশিয়ালিজম প্রচার করতে হ'লে আমাদের ভাবতে হবে যে, এই তিন দফাতেই আমরা রাজী কি না ।

আজ চতুর্দিকে যে ইসারা চলেছে যে, জমিদারকে পিষে ফেল, টাকা কেড়ে নেও, বিদ্রোহের আগুন জ্বলে দাও মজুর ও রায়তের জন্ত—আজ দেখতে হবে এর পিছনে কি আছে—শুধু কি চিন্তহীনতা বা অসন্তোষ,—না, এর পিছনে আছে সত্যিকারের জাগ্রত দেবতার দাবী ? একথা আজ মেনে নিতেই হবে যে, গুণ্ডামি দ্বারা কিছু লাভ করা যায় না—হাত পা ছুঁড়লেই অসামঞ্জস্য দূর হয় না । হিষ্টিরিয়াতে নতুন হিষ্টির সৃষ্টি হয় না । কাঞ্চন-বণ্টনের চেয়ে কাঞ্চন বাড়ানো চের শ্রেয় । ধ্বংসলীলায় তাণ্ডব নৃত্য হয়—সৃজনলীলায় মঙ্গলশঙ্খ বেজে ওঠে । বেদনা সৃষ্টিকে পুষ্ট করে বটে, কিন্তু বেদনার ভাণ সৃষ্টিকে নষ্ট করে । চিত্ত-বেদনা আর বিস্ত-বেদনা ত এক নয় ।

জমিদারদের ওপর জনসাধারণের এই অভিমান—এটা অবশ্য নতুন কথা নয় । প্লেটোর আমল থেকে ফরাসী বিদ্রোহ পর্যন্ত বহু লেখক ও ভাবুক জমিদারদের উপর অসন্তোষ প্রকাশ করেছেন—কিন্তু সেটা ত্রায়ের দিক দিয়ে । ফরাসী-বিদ্রোহের সময় জমিদারদের উপর যথেষ্ট আক্রমণ হয়েছিল এবং Class warও ছিল, কিন্তু তা ছিল রাজনৈতিক,—অর্থ-নৈতিক নয় । অর্থনৈতিক দিক দিয়ে সম্পত্তি আক্রমণ করার জন্ত দায়ী প্রথম Saint Simon । কিন্তু তিনি সমাজকে ঔষধ বাতলে দিলেন Collectivism । তারপর এলেন Robert Owen । কিন্তু তিনি বললেন—Co-operation । তারপর Louis Blanc । তিনি সংস্কারের ভার দিলেন Stateএর উপর (State-socialism) । তারপর এলেন Proudhon । তিনি বলেন—Property is theft ; অতএব কর বিদ্রোহ আর বিদ্রোহই রা কি—শুধু জমিদারদের অস্ত্রায় আইনের বিরুদ্ধে দাঁড়ান । অতএব জগতের সমস্ত মুক্ত বাথাকে মুখর করতে হবে বিদ্রোহ করে ।

তারপর Marx । তিনি প্রেসক্রিপ্‌সন করলেন—সোশ্যালিজম—অর্থাৎ মজুরদের জাগাও, সম্পত্তি হরণ কর, রাষ্ট্রের হাতে বণ্টনের ভার দাও, দরকার হ'লে বিদ্রোহ কর, সমস্ত জনসাধারণকে এক করতে হবে । Profit আর Rentই সব নয়—শ্রমের উচিত মূল্য দিতে হবে—সমাজের অর্থনৈতিক বাথ্যা এবং তার উপর নতুন সমাজের পত্তন । অতএব Karl Marx সোশ্যালিজমের পিতা না হ'লেও অন্ততঃ ভর্তা । এবং এই সোশ্যালিজমের ঝরণা থেকে বেরিয়ে এল কম্যুনিজম, এনার্কিজম, ফেব্রিয়ানিজম, সিণ্ডিকালিজম, ট্রেডইউনিয়নিজম, বলসেভিজম ও সলিডারিজম । সত্যি কথা বলতে কি, কেপিটালিজমের সহোদর ভাই ফ্যাসিজম এবং বৈমাত্রের ভাই সোশ্যালিজম ; কারণ যাকে State-socialism বলা হয় তাকে অত্র ভাষায় State-capitalismও বলা যায় । Capitalism সমাজের ওষ্ঠে পৃষ্ঠে । যে মীমাংসাই করা যায়—তা হয় Capitalismএর কায়ী অথবা ছায়ী । কায়ীর চেয়ে ছায়ীই যে মারাত্মক—তা বোধ হয় কেউ অস্বীকার করবেন না ।

অতএব সোশ্যালিজম চালাতে হ'লে প্রথম চাই সংঘবদ্ধ হওয়া এবং এই সংঘবদ্ধ হবার মালমশলা হ'ল—লোভ, ক্রোধ হিংসা, অবিশ্বাস ও অধৈর্য্য । জমির স্বামিত্ব থেকে জমিদারকে বঞ্চিত করতে হবে—এই divorce আন্তে পারলে অসামঞ্জস্য যেতে পারে কিন্তু অশান্তি এসে পড়বে । এই অশান্তির জন্ত যারা দায়ী হবেন—সত্যিকারের অশান্তি হ'ল তাঁদের । যে সংঘ মানুষকে ঘৃণা করতে শেখায়, মানুষকে অবিশ্বাস করতে শেখায়, সে অস্ত্রায়ের ভারে নিজেই মারা যাবে । যে অরিচার Capitalist করছে—সে অবিচারের প্রতিকার মজুরের ক্রোধাক্রম অস্ত্রায় আফালন নয় । বা হাঁতের বাথ্যা ডান হাতে গেলে শরীরকে ব্যাধিমুক্ত বলা যায় না । রবীন্দ্রনাথের ভাষায় বলতে হয়,—

“যেন জবরদস্তির দ্বারা পাপ যায়, যেন অন্ধকারকে লাঠি মারলে সে মরে । এ কেমন, যেন বোয়ের মূল বন্টে, শাণ্ডিঙ্কলোকে গুণ্ডা লাগিয়ে গুণ্ডা মারা করাও—তা হ'লেই বধূর্য্য নিরাপদ হবে । ভুলে যায় যে মরা শাণ্ডির

সেন

ভূত ঘাড়ে চেপে তাদের শাণ্ডিত্য শাণ্ডিত্য ক'রে তুলতে দেবী করে না।”

যেটা সোজা পথ সেটা সব সময়ে শ্রেষ্ঠ পথ নয়; জনসাধারণের মুক্তির পথে গুণ্ডামি দ্বারা নির্জমিদার ক'রে দেওয়া নয়। গুণ্ডামি যে শ্রেষ্ঠ নয় তার প্রমাণ—মোছো-বাজারের বহু বাসিন্দা হাজতে আছে গুনা গেছে—মুক্তি লাভ করেছে ব'লে জানা যায়নি। মানবজাতির ওপর শ্রদ্ধা আছে ব'লেই আমার বিশ্বাস করতে ইচ্ছে করে না যে, এই বিরাট মানবজাতির ভবিষ্যৎ নির্ভর করবে জনসাধারণের ওপর। যিনি যথার্থই বুদ্ধ মুক্তির বাণীর প্রচার করবার অধিকারী তিনি—মথিত বা বাথিত মজুরগণ নয়। এটা একটা জীবনের ট্রেজিডি যে, বাথার বাথী তিনি নন যিনি বাথার বোঝা বইছেন; জীবনে যারা অকৃতকার্য, কৃতকার্য হবার পথ যদি তাঁরা দেখাতে আসেন—তাঁদের জন্ত সমবেদনা দেখাতে পারি, কিন্তু বাহাবা দেবার কিছু নেই। তাই Wells বলেছেন, “The path of human progress can never lie in crowd psychology.”

২

আজ পশ্চিমকে দেখে আমাদের ভুলেও চলবে না, টলেও চলবে না। যা বৃহৎ তা মহৎ নয়। পশ্চিম আজ নিজের ভারে চলতে পারছে না—মস্ত অবস্থায় চার পাশে হাতড়ে বেড়াচ্ছে, কোথায় শান্তি পাবে। তাই আজ সে সোশ্যালিজম করছে, কাল ফ্যাসিজম করছে। মনে যার শান্তি নেই—বাইরের জ্বরদন্তিতে সে শান্তি কি ক'রে পাবে। ধ্বংসের সঙ্গে পাল্লা দিয়ে দৌড়ে যাচ্ছে—খামবার তার শক্তি নেই। সূর্যের প্রথরতা যার ভাল লাগে, চক্রেয় স্নিগ্ধতা সে ভোগ করবে কি ক'রে। পশ্চিম আজ তাই শক্তিমান, কিন্তু স্বাধীনতা আজ সে হারিয়ে বসেছে; সংঘের বেড়া জালে আবদ্ধ।

তাই প্রব্র দাঁড়াচ্ছে, সোশ্যালিজম এর সঙ্গে রক্ষা করার অর্থ হ'ল বিরোধ ও সংঘর্ষের সঙ্গে মিতালি করা কি না। কিন্তু ভারতের একটা নিজস্ব ধর্ম আছে—আমি Mission

অর্থে বলছি না। আজকাল নাস্তিক ভগতে Mission কথাটা উপহাসের জিনিষ। আমি বলছি Traditionএর কথা, যা বৈজ্ঞানিক যুগেও লোকে মানে। আমাদের Traditionটা প্রথম জানতে হবে, তার পরে মানতে হবে। এতে ছুঃ করবার নেই, এতে গর্হ করবারও নেই। আমাদের ইতিহাস, দর্শন, কাব্য ইত্যাদি যদি একটা বিশেষ পথে এগিয়ে থাকে তাতে লজ্জার কিছু নেই—সেটাকে মেনে নেওয়ার চেয়ে জেনে নেওয়াটা দরকার বেশী আমরা জানি মানুষ শুধু food seeking machine নয় তার কুখাও যেমন আছে, মনও তেমন আছে।

মানুষ যখন পূর্ণ তখন সে সুন্দর, তখন সে শক্তিমান নয়। শক্তির প্রয়োজন আছে, অতএব সে কাম্য। শক্তির অন্ধতা আছে, অতএব শক্তির অসংযমকে সংহত করতে হবে। কিন্তু শ্রী, সৌন্দর্য, পূর্ণতা মানুষ প্রচুর পরিমাণে গ্রহণ করতে পারে।

আমরা সমাজে বিরোধকে কখনও স্থান দিইনি, শৃঙ্খলাকেই বরণ করে নিয়েছি। আমরা harmonyকে সব চেয়ে বড় স্থান দিয়েছি, পশ্চিমের মত জ্বরদন্তি ক'রে বহুকে এক করবার প্রচেষ্টা আমরা করিনি। আমরা বৈচিত্র্যকে স্থান দিয়েছি, অথচ বিরোধ তাতে বাড়েনি। আমাদের বর্ণবিভাগের ভিতরও সেই harmony রক্ষা করবার চেষ্টা দেখতে পাওয়া যায়। আমাদের দেশে ছত্রিশ জাতি আছে বটে, কিন্তু তাদের ভিতরেও একটি যোগসূত্র আছে যাতে বিরোধ ও সংঘর্ষকে বাধা দিয়েছে। আজকাল সেই বর্ণবিভাগের বিকৃত মূর্তি দেখে পূর্বপুরুষদের উদ্দেশ্য ভুলে যাওয়া ঠিক নয়। অন্ততঃ Patrician আর Plebian এর বিরোধ আমাদের দেশে হয়নি। কারণ মানুষের শ্রেষ্ঠ পরিচয় মনুষ্যত্ব সে কথা আমরা কখনো অস্বীকার করিনি;—যখনি করেছি শান্তি আমরা তখনি পেয়েছি। কত বিদেশী এসে আমাদের সমাজের দ্বারে উপস্থিত হল—আমরা কখনো তাদের ধ্বংস করতে চেষ্টা করিনি; তাদের আদরে স্থান দিয়েছি—সমাজের পরিধি বেড়েছে, কিন্তু শৃঙ্খলা নষ্ট হয় নি। কত ধর্ম এসে যা দিল, কিন্তু Thirty years' war আমাদের দেশে হয়নি।



পরকে স্থান দিয়েছি, তবুও বিরোধ ও সংঘর্ষের যুগকাঠে সমাজের শৃঙ্খলা আমরা বলি দিই নি, নম্রভাবে, শ্রদ্ধার সহিত আমরা আমাদের জীবন কাটিয়েছি। আজকেও যদি আমাদের সমাজে নতুন কোন সমস্যা এসে উপস্থিত হ'য়ে থাকে সেই সমস্যার সমাধান করতে যেন আমরা মনুষ্যত্ব না হারাই, শৃঙ্খলাকে যেন নষ্ট না করি। বিরোধ যেন আমাদের পরস্পরের সম্বন্ধকে অস্পষ্ট না ক'রে দেয়, শক্তির অসংঘত চেষ্টিয়া যেন আমাদের জীবনের শ্রীকে কুৎসিত না করে।

যাক্গে, আমরা শৃঙ্খলাও যেমন নষ্ট করিনি তেমনি শৃঙ্খলা-রক্ষার ভার আমরা ষ্টেটের ওপর দিইনি। আমাদের সমাজ নিজেকে নিজে রক্ষা করেছে, তার পরমুখাপেক্ষী হ'য়ে থাকতে হয়নি। আমরা নিজেরা বাস্তব থাকতাম নিজেদের গরবাড়ী, ঘাট, মাঠ, বাট, মন্দির, বিদ্যালয়, গ্রাম নিয়ে; কত রাজা আসত, রাজত্ব গড়ত, আবার স'রে যেত; অস্বের বনবান্ শব্দ আমাদের সমাজ পর্য্যন্ত পৌঁছাত না; রাজনীতির কুটিল চক্র আমাদের সমাজকে বক্র করতে পারত না। আমাদের সমাজ ছিল পূর্ণ, তার স্বকীয় সমস্যার মীমাংসা সে নিজেই করত। আজ রাষ্ট্রের হাতে গোষ্ঠীর ভার তুলে দিলে সুবিধে কি হবে বুঝতে পারিনে। সামাজিক বা ব্যক্তিগত স্বাধীনতা একরূপভাবে সংকীর্ণ ক'রে ফেললে তা কি ধনীরা এত্যাচারের চেয়েও দুর্ভিক্ষই হবে না? জবরদস্তিই যদি সহিতে হয় তা হ'লে আর এত হাঙ্গামা কেন? মোট কথা, নির্জমিদার করলেই অবস্থা রাষ্ট্রের হাতে সংস্কারের ভার দিলেই millennium আসবে না। নিজেদের উন্নতি নিজেদের হাতে—নিজেদের শাস্তি নিজেদের মনে। এই হাত ও মন পরের কাঁধে ফেলে রাখলে উন্নতিও হবে না শাস্তিও পাব না। যা হবে বা পাওয়া যাবে তার জন্ত সোশ্যালিজম প্রচার করা অশোভন হবে। পায়ে কুড়াল মেরে গাছে ওঠবার চেষ্টিয়া করলে গাছে ওঠা সহজ হয় না। এর জন্ত দায়ী গাছও নয়, বিধাতাও নন; সম্পূর্ণ দোষী নিজে—দোষের ভাগী কুড়াল।

• তাই বলছিলাম, সমাজ যদি নিজেকে বাঁচাতে না

শেখে তা হ'লে সমাজ বাঁচবে না। তাই সোশ্যালিজম বল, আর যে কোন “ইজম”ই বল—রোগ নিজেদের ভিতরে—বাইরের ষ্টেটই বা কি করবে, আর ট্রেডইউনিয়নিজমই বা কি করবে। তাই রবিবাবুর কথা মনে পড়ে—

“আসল কথা, যে মানুষ নিজেকে বাঁচাতে জানে না কোন আইন তাকে বাঁচাতে পারে না; নিজেকে এই যে বাঁচানোর শক্তি, তা জীবনযাত্রার সমগ্রতার মধ্যে, কোন একটা খাপছাড়া প্রণালীতে নয়।”

আর এক কথা। Non-industrial দেশে সোশ্যালিজম ইত্যাদি ঠিক জমে না, আমাদের শ্রামল শস্ত্রক্ষেত্রে দরকার কৃষকের লাঙল, তাদের “রেড শার্ট” নয়। আর যুরোপের মত industrial করবার ইচ্ছে থাকলেও যে আমাদের দেশ industrial হবে, তা মনে হয় না। শুধু উপসর্গ বাড়িয়েই বা লাভ কি। আমাদের অভাব অভিযোগ ত যথেষ্ট। গৌয়ার্তুমিঘারা মানুষকে আঘাত করা যায়—কিন্তু ব্যাধি যখন মনে—তার শরীরকে আঘাত ক'রে লাভ কি।

আর আমাদের মজুর বা রায়ত—তাদের দিয়ে সোশ্যালিজম করতে হ'লে—বহুদিন অপেক্ষা করতে হবে। এই অবস্থায় তাদেরকে টেনে হিঁচড়ে বাইরে না এনে—তাদের উন্নতির ব্যবস্থা করা দরকার। শিক্ষা তাদের পক্ষে দরকার—দীক্ষা নয়। আমাদের নেতারা বন্দোবস্ত করছেন তাদের দীক্ষা দেবার জন্ত—শিক্ষা দেবার কথাটি নেই। ভয় হয় পাছে তারা দাসত্বসম্বন্ধে সজ্ঞান হ'য়ে নেতাদেরই হুমকি অমান্য করে। আমাদের নেতাদের কান্নার ইতিহাস হ'ল—চাষী যাতে জমিদারের কবল থেকে তাদের কবলে এসে পড়ে—শ্রমিক যাতে শ্রম ছেড়ে তাদের আদেশ পালন করবার জন্ত প্রস্তুত থাকে। রায়ত ও শ্রমিকের এই হস্তান্তরে তাদের কিছু সুবিধে হবে ব'লে ত মনে হয় না।

মোট কথা, সোশ্যালিজম আমাদের রক্তে নেই—ধাতে সর না—মগজে ধরা পড়ে না—আর মনে বাসা বাঁধতে পারেনি। তাই ফাঁকা আওয়াজ শোনা যায়। তাই দেখতে পাই, যে সভায় সোশ্যালিজম পাশ হ'য়ে যায়—

সেই সভায়ই বালাবিবাহ নিয়ে তুমুল বাকবিতণ্ডা হয়। ডেকে লাভ নেই। মাংসপেশীর বিকৃত প্রকাশ শক্তির যে যুব-সম্মেলনে সোশ্যালিজম সম্বন্ধে সবাই একমত— পরিচয় দেয় না। দেশোদ্ধার করতে হ'লে দেশের প্রাণীকে সেই সম্মেলনই আবার অসবর্ণ বিবাহে আপত্তি তোলে। ভালবাসতে হবে। ভালবাসা যেমন নিতে চায়—তেমনি তাই মনে হয়—সোশ্যালিজমকে আমরা গ্রহণ করতে দিতেও চায়। এই ভালবাসার শত্রু হ'ল—লোভ ও ক্রোধ ; প্রস্তুত নই—অথবা সোশ্যালিজমের অর্থ আমাদের বোধগম্য এবং যে প্রণালী লোভ ও ক্রোধকে নষ্ট করতে সহায়তা হয় নি। করবে না—সেই প্রণালী সর্বথা বর্জনীয়। আমাকে

আজ আমি শুধু এই কথাটিই বলতে চাই যে, আমাদের ভুল বুঝবার অধিকার পাঠকদের আছে, কিন্তু দেশকে সমস্যা দেশকে নিজমিদার বা নির্ধনী করা নয়। ভুলপথে চালাবার অধিকার কারো নেই। সেই গৌয়ার্ত্তুমিহারা সত্যিকারের কোন মীমাংসা হয় না। অনধিকারের কথা স্মরণ করিয়ে দেবার জগুই আজকের ভারতকে মঙ্গলের পথে চালাতে হ'লে—গোড়াতেই অমঙ্গলকে এই প্রবন্ধ।

গান

শ্রীবিজয়চন্দ্র মজুমদার

মেঘে মেঘে বেড়ে গেল অনেক বেলা ।

ভুলে ভুলে হ'ল কাজের কাজে হেলা ।

জাগে দূরের পথের সাড়া, তবু লাগে কাজের তাড়া ;

কুড়িয়ে চলি, আছে যা'-যা' ছড়িয়ে ফেলা ।

হাত চালাতে হাতে লাগে, সারতে হবে সাঁঝের আগে ;

শেষের খেপে হ'বে কি সে বেগার ঠেলা !

দূরের দেশের কাজের তরে যেতে কি গো হ'বে পরে ?

ক্রমে বুঝ আস্ছে মাঝি সাজিয়ে ভেলা ।

তাজমহল

শ্রীপৃথ্বীশচন্দ্র ভট্টাচার্য্য

ক

ক, খ, গ, ঘ, ঙ ; বি, এল, এ র্নে ; সি, এল, এ, ক্লে ;
প্রভৃতি সমবেত পাঠাভ্যাস-ধ্বনি বিহঙ্গ-কুজনের মত সন্ধা-
সমাগম জানাচ্ছে। পাশের বরে তখন শেফালি কেঁদে কেঁদে
চোখ ফুলিয়ে বালিশে মুখ গুঁজে প'ড়ে আছে। তার মা
ও ছাই গল্প-উপন্যাস প'ড়ে চোখের জল ফেলতে এত বারণ
করেছেন কিন্তু শেফালি কিছুতেই শোনে নি। তার
মা সেকলে মেয়ে, তিনি আর কেমন ক'রে বুঝবেন যে
আনন্দ জিনিষটা হাসিরই একচেটে নয়—কান্নার ভিতরও
আনন্দ পাওয়া যায়।

হঠাৎ ছেলেদের অশ্রান্ত একঘেয়ে পাঠাভ্যাস থেমে
যেয়ে শেফালির মাষ্টার মশায় আমার কথা জানিয়ে দিল।
শেফালি তাড়াতাড়ি ঝিকে চা নিয়ে আসতে ব'লে মাষ্টার
মশায়ের কাছে গেল।

মাষ্টার মনীন্দ্র বাবু শেফালির দিকে চেয়ে আশ্চর্য্য
হ'য়ে বললেন, 'তোমার অসুখ করেছে শেফালি? চোখ
দুটো অত রাঙা হ'য়েছে কেন?'

শেফালি বিনয়ের সঙ্গে বলল, 'না না অসুখ করেনি।—
পত্রিকায় একটি গল্প প'ড়ে চোখের জল আর সামলাতে
পারি নি।'

'নাঃ, লেখকগুলোও যেমন লেখে। কাঁদবি নিজেরা
কাঁদ, না দেশজুক লোক কাঁদায়, আর সম্পাদকগুলো—'

'আপনি বীরেন মুখার্জির গল্প পড়েন নি বোধ হয়, খুব
সুন্দর লেখেন। তার লেখা প'ড়ে কাঁদতে আমার খুব ভাল
লাগে।'

'গল্পটা কার লেখা?'

'বীরেন মুখার্জির।'

'আচ্ছা হতভাগাকে আমি এরকম গল্প লিখতে বারণ
করবো। পড়া নেই, শোনা নেই, কেবল সাহিত্যচর্চা!'

শেফালি বাস্তবমস্ত হ'য়ে বললে, 'বীরেন বাবুকে
চেনেন নাকি?'

'ও লক্ষীছাড়াটা আমার ভাই, তাকে আচ্ছা ক'রে ব'কে
দেব অখন যাতে আর অমন গল্প না লেখে।'

শেফালি ভাবলে যার সঙ্গে পরিচিত হওয়া ছুরাকাঙ্ক্ষা
ব'লে মনে হয়েছে, তা'ত নেহাত ছুরাকাঙ্ক্ষা নয়। মনীন্দ্রবাবু
পড়াতে লাগলেন, কিন্তু শেফালি তার কিছুই বুঝলে না।

শেফালি ক্লাসে একদিকে যেমন সাহিত্যে খুব নম্বর পেত,
অন্যদিকে অসরস বিষয়গুলিতে মোটেই নম্বর পেত না।
সাহিত্যের অনুরাগ তার সবুজ স্বচ্ছ মনকে কাব্যের সুকুমারী
নায়িকার মত ক'রেই গ'ড়ে তুলেছিল।

মনীন্দ্রবাবু পড়া শেষ ক'রে ব'ললেন, 'দুখ শেফালি,
কাল পরশু দুদিন আমি আর আসতে পারবো না, বিশেষ
দরকার একটু বাড়ী যেতেই হবে।'

শেফালি বললে, 'তা আর একজনকে সাবষ্টিটিউট
দিয়ে যান।'

'কোথায় পাই শেফালি, আমার বাড়ী যাওয়া তা হ'লে—
'শুনেছি আপনার ভাই নাকি বি, এ, পাশ, এম, এ,
পড়ছেন, তাঁকে—'

'হ্যাঁ হ্যাঁ, তুমিই সত্যিই বুদ্ধিমতী, কিন্তু সে ছেলেমানুষ
সে কি পড়াতে পারবে?'

'তা পারবেন বৈ কি?—'

মনীন্দ্রবাবু হেসে বললেন, 'তা হ'লে তাই ঠিক রইল
মা, বীরুকে কাল পাঠিয়ে দেবা।'

খ

শেফালি হঠাৎ সেদিন খুব বেশী রকম প্রসাধন শুরু
করলে। বিকেলে গা ধুয়ে নিখুঁত ভাবে বেশ ভূষা ক'রে
বীরেনের প্রতীক্ষায় ব'সে থাকলো।

শ্রীপৃথ্বীশঙ্কর ভট্টাচার্য্য

অন্তমনস্ক হ'য়ে দোকানদার জানলা দিয়ে সে রাস্তার লোক দেখতে লাগলো।

ময়লা ছেঁড়া একটা সার্ট, চার পাঁচ দিনের সঞ্চিত দাড়ি, গোড়ালি-হীন চটি নিয়ে বীরেন পটাস্-পটাস্ করতে করতে এসে ছাত্রীটির আগমনের প্রতীক্ষায় ব'সে ছিল। চা হাতে ক'রে যখন শেফালি ঘরে প্রবেশ করলো বীরেন তখন দেখতে পায় নি। কাপ প্লেটে ঠোকাঠুকির শব্দে সজাগ হ'য়ে চেয়ে দেখলে—শেফালি দোকানঘরের মত দেহখানি সাজিয়ে তাদের শ্রেষ্ঠত্ব প্রমাণ করতে চেয়েছে, অথবা তাদের অর্থ-স্বচ্ছলতা।

শেফালি হেসে বললো, 'বীরেন বাবু, আপনার অনেক লেখা আমি পড়েছি, আপনার লেখা আমার খুব পছন্দ হয়।'

বীরেন হেসে বললে, 'আমার লেখা পছন্দ হয় এমন একজন পাঠিকার সন্ধান পেয়ে বাস্তবিকই সুখী হলাম।—আচ্ছা তা এখন একটু কাজ হোক। আর ওই চাটা আমি খাইনে, ওটা আর কাউকে দিয়ে দিন।'

'চা খান না?'

'যারা ভাত পায় না, তারা চা খাবে কোথেকে?'

শেফালির মাথাটা লজ্জায় নীচু হ'য়ে গেল। তার সমস্ত প্রসাধন, মূল্যবান বেশভূষা যেন একটা বিড়ম্বনা হ'য়ে উঠলো। এই সোজা সরল অকপট লোকটির সামনে এই দোকানদারি শেফালির কাছে অর্থহীন উপহাসের মতই অসহ্য হ'য়ে উঠলো।

শেফালি আদার ক'রে বললে, 'আজ আর না হয় পড়াটা নাই হ'ল, আপনার সঙ্গে একটু সাহিত্যালোচনা করা যাক—'

'প্রথমত, পড়াটা না করলে কর্তব্যের ক্রটি থেকে যাবে; দ্বিতীয়ত, সাহিত্যে আমার এত জ্ঞান নেই যে তা নিয়ে আয়োচনা করা চলে।'

শেফালি একটু সামলে নিয়ে জোর ক'রেই বললে, 'আপনার 'বাহি' গল্পটার নারিকার চরিত্রে আপনি মেয়েদের মনটাকে বড়ই ছোট ক'রে দেখিয়েছেন।'

'ওই নারিকার ভিতরেই ত আর সমস্ত নারীজাতিকে পোরা হয়নি। দু-একটা মেয়ে কি ও রকম থাকতে নেই?'

শেফালি চেয়ে চেয়ে দেখতে লাগলো এই লোকটির বুকের জমাট কালো বাংলার সমস্ত পাঠক পাঠিকারা এক-সঙ্গে মিলেও কেঁদে ফুরোতে পারে নি।

তার ঐশ্বর্য্যের উজ্জলতায় যাকে মুগ্ধ করবার জন্ত এত করেছে তার পায়ের নীচে শ্রদ্ধার অঞ্জলি দিতে সহসা শেফালি উন্মুখ হ'য়ে পড়লো।

গ

শেফালি সেদিন মণীন্দ্রবাবুর কাছে বায়না ধ'রলে, 'আপনাদের বাড়ীর মেয়েগুলো রাতদিন কেমন করে কাটায়—তাদের জীবনের বৈচিত্র্য কতখানি!'

মণীন্দ্রবাবু হেসে বললেন, 'তুখ মা, তা শুনে মনে করবে যে তোমার এই মাষ্টার মশায়রা কুলিমজুরের জাত—সে শুনে কাজ নেই! তাদের জীবন বড়ই দুর্ভাগ্য।'

'তবু বলুন না শুনি।'

মণীন্দ্রবাবু বলতে লাগলেন, 'ধর সকালে উঠে রাতের বাসন মেজে ফেলে মেয়েদের ভাত রেঁধে দিয়ে তারপর ছপুরের রান্না। ছপুরে কাঁথা সেলাই—তারপর ধান ভানা...'

শেফালি ভাবলো ওই টুকুর ভিতরই ওদের জীবন আবদ্ধ, তার ভিতর থেকে স্বামীসেবা ক'রে নিজেকে ধন্ত মনে করে।

শেফালি মনে মনে তুলনা ক'রে দেখে—ভালমন্দ বুঝে পায় না। পোকড়া আমের মত, কোনটার ভিতর পোকা আছে বুঝতে পারে না—দুটোই সমান লাগে।

শেফালি আবার শোনে মেসের জীবন। সেই তিনতলা ডাল,—উপরে জল মাঝে একটু সার অংশ তলায় ছাঁকা ডাল চোখ মেলে থাকে!—বিকলে কোনদিন খাওয়া জোটে, কোনো দিন জোটে না। অন্ধকার ঘর; মাথায় ছাদ ঠেকে যায়।

শেফালি ভাবে এদের আশা আছে কিন্তু উপায় নেই। আশা গেছে কিন্তু খোঁজার অভ্যাগন বার নি।—সারাদিন খেটে খেটে বৃথা শক্তিকর করে



ঘ

শেফালি কিছুতেই ছাড়বে না—রাঁধবেই। মা জিজ্ঞাসা করলো, 'তোরা রাঁধা শেখবার কি দরকার—কোন দিন ত রাঁধতে হবে না।'

শেফালি উত্তর দিল, 'জীবনের অনেক কাজে লাগবে।'

নিজে নিজে বাঁধতি ধরে টানাটানি করে। দেহখানাকে মাষ্টার মশায়ের বাড়ীর উপযোগী ক'রে নিতে চেষ্টা করে।

মোটামিলের কাপড় প'রে থাকে।

মা জিজ্ঞাসা করেন, 'তোরা কি হয়েছে? ও কাপড়গুলো কি করলো?'

শেফালি বলে, 'ও সব কাপড় তো এতদিন পরেছি, এসব কাপড় প'রে থাকা যায় কিনা দেখছি।'

শেফালির ভেলভেটের জুতোগুলোর ভিতর মাকড়সা বাসা করেছে। মা বলেন, 'শেফালি জুতো পায় দেওয়া ছেড়ে দিলি মা? তোরা কি হয়েছে?'

শেফালি হেসে বলে, 'ওগুলো যেন আমার জন্তে নয় মা, বাংলার কয়টা লোক আর জুতো পরে!'

মা ভাবেন স্বদেশী আন্দোলনে মেয়ের মন বিগড়ে গেছে। এত অর্থ, ভোগ করে না দেখে মাতা ক্লান্ত হন।

ঙ

শেফালির বাবা মাষ্টার মশায়কে ডেকে নিয়ে বললেন, 'মণীন্দ্রবাবু, আপনারা ত মুখুজ্যো, ভরদ্বাজ। বংশজ?'

মণীন্দ্রবাবু বললেন, 'আজ্ঞে হ্যাঁ।'

'তা হ'লে ত মণীন্দ্রবাবু, আপনাদের সঙ্গে আমাদের কাজ কর্ম বাধে না। শেফালির সঙ্গে আপনার ভাই বীরেনের বিয়ে দিলে—'

'আজ্ঞে আমার বড়ই অন্তায়, ভাইটির বিয়ে এই জটিলমাস নাগাদ দেব বই কি?—আমার ততটা খেয়াল ছিল না।'

'আমার শেফালির সঙ্গে দিতে আপনার কি অমত আছে? বীরেন একদিন পড়াতে এসেছিল, আমার মনে হয় শেফালির—বুঝলেন কি না?'

'বীরু শেফালিকে অপমান করেছে, আজই তাকে তার উচিত শিক্ষা দেব।'

'সে কি? সে কি করলো? শেফালির সঙ্গে বীরুর বিয়ে দিতে আপনার মত নেই?'

'হেঁ হেঁ, ঠাট্টা করছেন কেন?'

'ঠাট্টা নয় মণীন্দ্রবাবু, আপনি যদি স্বীকৃত হন তা হ'লে সত্যিই শেফালির সঙ্গে বীরুর বিয়ে দিতে সংকল্প করেছি।'

মণীন্দ্রবাবু হাঁ ক'রে চেয়ে থেকে বললেন, 'আমরা ত গরীব। শেফালি মায়ের কি আর গ্রামের জল হাওয়া সহবে?'

'আমার যা আছে আমি তাতে নিজে বড়লোক থেকেও আর এক জনকে বড়লোক ক'রে দিতে পারি। আর দেখুন, সংসারে দেহের সুখ শান্তিই সব নয়, মন ব'লেও ত একটা জিনিষ আছে; তার উপরেও অনেক কথা নির্ভর করে।'

মণীন্দ্রবাবু উৎফুল্ল মুখে বললেন, 'আপনার যেদিন খুশী বলবেন বীরুকে বর সাজিয়ে নিয়ে আসবো।'

'বীরুর মতামতটা—'

'তার আবার মতামত কি! আমার ভাই, আমি যখন বলবো তখন বিয়ে করবে। আমার কথা কোনদিন অবহেলা করেছে এমন ত মনে হয় না।'

শেফালির বাবা নিশ্চিত হ'য়ে বললেন, 'আপনাকে আন্তরিক ধন্যবাদ জানাচ্ছি।'

মণীন্দ্রবাবু উল্লাসে ছেঁড়া ছাতাটা সে বাড়ীতেই ফেলে চ'লে আসলেন। যগলটা যে খালি হ'য়ে র'য়েছে তা দেখবার অবসর হ'ল না।

মণীন্দ্রবাবুর ভাঙ্গা ফাটল ধরা গৃহের একটি ঘরের পঙ্কোদ্ধার হ'য়েছে। হুতন ক'রে বালি কাজ, সিমেন্ট ক'রে ঘরটিকে টেবিল চেয়ার আলমারী দিয়ে সাহেবী ধরনে সাজান হ'য়েছে। দালানের অপর অংশটির নোনাধরা ইটগুলো তাদের পূর্বকার জীর্ণ অবস্থা প্রকাশ ক'রে রইল।

শ্রীপৃথ্বীশঙ্কর ভট্টাচার্য্য

শেফালি প্রথম যেদিন খণ্ডরবাড়ী যাবার জন্তে প্রস্তুত হ'ল, সেদিন তার মা চোখের জলে ভাসতে ভাসতে বললেন, 'মা, তুমি কি আর গ্রামে থাকতে পারবে? সুকিয়া ছীটের বাড়ীটায় ওদের এসে থাকতে বলবো ভাব্‌চি।'

শেফালি সকাতির বললে, 'তা হ'লে ত সবই পশ্চিম হ'ল মা। তার দরকার নেই।'

সে ইচ্ছে ক'রেই পল্লীর শান্ত আশ্রয়ের এক কোণে স্থান পাবার আশায় মণীন্দ্রবাবুর বাড়ীতে এসেছে। সব এয়ো মিলে সন্ধ্যার সময় শাঁখ বাজিয়ে নূতন বৌ বরণ ক'রে ঘরে তুলে নিলে।

নিস্তরু নিঝুম রাত্রি।

পল্লীর সকলেই সুখতন্দ্ৰায় বিভোর। মাঝে মাঝে নিশাচর পাখীর একটু সজীবতায় বায়ুমণ্ডলে সাড়া পড়ছে।

শেফালি বহুক্ষণ ঘুমিয়ে পড়েছিল। পায়ের উপর যে জ্যোৎস্না পড়েছিল এখন ধীরে ধীরে মুখের উপর এসে পড়েছে—তার স্মৃতির মুখশ্রী মোমের পুতুলের মত শান্ত।

একটা ফোঁস ফোঁস শব্দ পেয়ে শেফালি হঠাৎ জেগে ওকাতো লাগলো—

বীরেন কাঁদছে—

বঁা হাতের পিঠে চোখের জল মুছে, ডান হাতে কলম চলছে—

এই গভীর রাত অবধি বীরেন বই লিখছিল।

শেফালি ভাবলে, 'এমনি কাঁদতে কাঁদতে বই লিখেই ত সকলকে কাঁদায়।...ওগো তুমি থাম, তোমার আর কাঁদতে হবে না।'

শেফালির চোখেও দু ফোঁটা জল দেখা দিল। সে পিঠে বীরেনের হাতের কলম কেড়ে নিয়ে বললে, 'তোমাকে আর লিখতে হবে না। কেঁদে কেঁদে চোখ যে ফুলিয়ে ফেলেছে—তোমার—'

শেফালির গলার স্বর জড়িয়ে গেল। সে চোখে আঁচল দিয়ে ফিরে দাঁড়াল।

বীরেন চোখের জল মুছে বললে, 'তুমি আমাকে এমন ক'রে বাধা দিয়ে একটু ক্ষতি করলে শেফালি। তা হোক—ও কি তুমি কাঁদছ!'

বীরেন তার হাত ধ'রে পাশের চেয়ারে বসিয়ে বললে, 'কাঁদ কেন, তুমি নেহাত ছেলেমানুষ।'

শেফালি বাদল-ভাঙা রোদের মত একটু হেসে বললে, 'তুমি কাঁদছিলে কেন?'

'ও এই কথা! আমি ত পরের কথা মনে ক'রে কেঁদেছি, আর তুমি কেঁদেছ আমার কান্না দেখে—বেশ যা হ'ক।'

শেফালি হেসে বললে, 'তুমি কার জন্তে কেঁদেছ তা আমাকে বলতে হবে।'

'সে ত' কল্পনার লোক—'

'তা কি হয় কখনও?'

'তা-ও ঠিক বলতে পারিনে।'

'তবে একটা সত্যি মানুষের জন্তেই কেঁদেছ বল।'

'সে কথা সত্যি হ'লে তুমিই ত সুখী হ'বে না শেফালি।'

'তা হ'ক তবু তুমি বল।'

বীরু বলতে শুরু করলো, 'শ্রাধ, আমি যখন মেসে পাকতাম তখন আমার কেবলই কলম পেন্সিল হারিয়ে যেত এখন কিন্তু যায় না; তুমি সত্যিই বেশ গুছিয়ে রাখতে পার। আমার ঘরটি পরিষ্কার করতে করতে মনে হ'ত এটা কি আর পুরুষের কাজ, মেয়েদেরই সাজে—'

শেফালি বাধা দিয়ে বললে, 'না, ফাঁকি দিলে চলবে না, তুমি বল।'

'রাত্তির অনেক হ'য়ে গেছে, চল শুয়ে পড়ি।'

'না, তুমি বল।'...

বীরু তখন শুরু করলে, 'এই গ্রামেরই একটা মেয়েকে আমি ভালবেসেছিলাম, তখন থার্ড ইয়ারে পড়তাম। সে কোন মেয়ে শুনবে? এই আজ ছপুয়ে যে খুব গল্প করছিল আমার সঙ্গে। ওর বিয়ে হয়েছে এই পাশের গাঁয়েই। এবার যে ট্রাজিডিটা লিখছি সেটা একরকম আমার জীবনের ঘটনাই। কল্পনার নিজের চুঃখে নিজের কাঁদছিলাম।'

বীরেন হো হো ক'রে হেসে উঠলো। বললে, 'ভেবো না, এখনও ওই রকমই কাঁদি তার জন্তে।'



গম্ভীরভাবে বললে, 'তবে তুমি ছাড়া বোধ হয় আর কাউকে বিয়ে করলে ওই রকমই কাঁদতে হ'ত। সব মেয়েই যদি তোমার মত ভালবাসতে পারতো—'

শেফালি বললে, 'সাহিত্যিকদের খুব পসার হ'ত, না?'

মণীন্দ্র বাড়ী থেকে কলকাতা যাবার দিন সকলকে বার বার ক'রে ব'লে গিয়েছিলেন, 'তোমরা কেউ যদি বৌমাকে কুটোটা ভাগ করতে বলবে তা হ'লে আমার সঙ্গে বোকা-পড়া আছে। বৌমা ত আর আমাদের মত হা-ঘরের মেয়ে নয়।'—আরও কতক।

ছপুর্নে একখানা বই পড়তে পড়তে উন্মনা হ'য়ে শেফালি ভাবছিল, সে যেন চিড়িয়াখানার খাঁচায় পোরা একটা বিচিত্র জন্তু, যারা দেখবার দূর থেকে একটু চুপিচুপি দেখে চ'লে যায়, কেউই কাছে আসে না। শ্বশুরবাড়ীতে এক স্বামী ছাড়া যেন আর কেউ নেই। বড় জা দাসী, ননদ ভয়ে ভয়ে পালিয়ে বেড়ায়। সঙ্গীহীন নিরানন্দ শ্বশুর বাড়ী।

ছপুর্নে বড় জা এসে ভাত বেড়ে আসন দিয়ে বললেন, 'ছোট বৌ, ভাত রেখেছি ঠাণ্ডা হ'য়ে যাবে।'

শেফালি বললে, 'এ ঘরে কেন, আমাকে ত ডাক দিলেই খেয়ে আসতুম।'

বড়বৌ বাস্তব হ'য়ে বললেন, 'তাকি হয়! মেটে ঘরে কি আর তুমি খেতে পারো?'

শেফালি রেগে বললে, 'ও ঘরে না দিলে আর আমি খাব না।'

বড়বৌ বললেন, 'কেন, ভাই রাগ করুচ? বাড়ী-শুদ্ধ লোক উপোস ক'রে যাকে মানুষ করেছি তার বৌ নিয়ে আমোদ-আহ্লাদ ক'রে একসঙ্গে খেতে কার না সাধ হয়।'

'তবে কেন দূরে রেখে আমাকে এমন ক'রে কষ্ট দিচ্ছেন।'

'তোমার ভাস্কর টের পেলে ব'লে গেছেন—বাড়ী-শুদ্ধ তোলপাড় করবেন।'

বাংলা সাহিত্যের পাঠক-পঠিকারা যার বই-এর শেষের লতাপতায় ঘেরা 'সম্পূর্ণ' কথাটি প'ড়ে শেষ না করা অবধি খাবার অবসর পায় না, তার একখানা বই পড়তে পড়তে ক্লান্ত হ'য়ে শেফালি উন্মুক্ত দরজার দিকে তাকাতেই দেখলে বীরেনের বোন শৈল দাঁড়িয়ে আছে। শৈলের বিয়ু হয়নি।

শেফালি ডাকলে, 'ঠাকুরঝি, ওখানে দাঁড়িয়ে কেন? এস ঘরের ভিতর।'

শৈল দরজার চৌকাঠ না মাড়িয়েই বললে, 'আপনার ঘরটা ঝাঁট দিয়ে যাব?'

শেফালি তার হাত ধ'রে ঘরে এনে বললে, 'বস আমি ঝাঁট দি, তুমি দেখ।' ঝাঁটা কেড়ে নিয়ে ঝাঁট দিতে শুরু ক'রলে।

শৈল কাঁদছে।

শেফালি তার নিরর্থক কান্নার অর্থ খুঁজে না পেয়ে বললে, 'কাঁদছো কেন ঠাকুরঝি?'

শৈল ফুঁপিয়ে কাঁদতে কাঁদতে বললে, 'তুমি ঘর ঝাঁট দিলে বড়দা ব'কবে।'

শৈলকে বুকের উপর নিয়ে শেফালি বললো, 'এই কথা? তিনি আর জানবেন কেমন ক'রে।... আচ্ছা তোমার বৌদির সঙ্গে কি এসে একটু গল্প করতে নেই।'

'আমরা কি আর তোমার সঙ্গে কথা বলতে পারি?'

শেফালি তাকে বুঝিয়ে অনেক কথা ব'লে শেষে বললে, 'আমার কাছে আসবে বল, তা না হ'লে ছাড়বো না।'

'দাদা ব'কবে।' সেই এক কথা—

শেফালি তাকে ছেড়ে দিয়ে রাগে গরগর করতে করতে শ্বশুরবাড়ীর কাছে গিয়ে দেখলে শ্বশুরবাড়ী দরজার পাশে ব'সে স্থ'চে স্থ'তো গলাতে-চেঁটা করছেন, কিন্তু কোনবারই সফল হ'চ্ছেন না।

'মা, আমি ত আর এমন ক'রে থাকতে পারিনে।'

বীরুর মা বললেন, 'কি হ'য়েছে মা?'

'এমন একা একা ত আর থাকতে পারিনে—' শেফালি রাগে ক্ষোভে অসহায়ের মত ব'র ব'র ক'রে কেঁদে ফেললে।

শ্রীপৃথ্বীশচন্দ্র ভট্টাচার্য্য

মা বললেন, ‘মণিন্দরকে বই কিনে আনতে বলবো—’
‘না, আমি বই চাইনে—দিদির সঙ্গে ঠাকুরঝির সঙ্গে কাজকর্ম ক’রে বেড়াব।’

‘তা কি হয়, মণিন্দর তা হ’লে—’

স্নেহ পাষণের কারা হতে মুক্তির আদেশ না পেয়ে অসহায় শেফালির বড়ই রাগ হ’লো। সোনার শিকলের নিপীড়নে তার সমস্ত দেহ মন বিদ্রোহী হ’য়ে উঠল।

জ

শনিবারে মণীন্দ্র বাড়ী এলে শৈল কোনো এক সুযোগেতে বললে, ‘ছোট বৌদির মোটে লজ্জা নেই দাদা, তোমার সঙ্গে কথা বলতে চায়—’

মণীন্দ্র হেসে বললেন, ‘আমার ভাই, যাকে না খেয়ে মানুষ করলুম, তার বৌ আমার সঙ্গেই যদি কথা না বলবে ত’ কার সঙ্গে বলবে। বৌমার খুব লজ্জা আছে, তোরই বুদ্ধি নেই।’

মণীন্দ্র পুনরায় আদেশ দিলেন বৌমার যা ইচ্ছে তাই তাঁকে ক’রতে দিতে হবে।

শেফালি একেবারে রান্নাঘরে গিয়ে উঠল, বললে, ‘দিদি আজ আমি রাঁধবো।’

মণীন্দ্র শেফালির রান্না খেয়ে বললেন, ‘বৌমা এমন দাঁড়তে কবে শিখলে—চমৎকার!’

হেঁ হেঁ ক’রে হেসে বলেন, ‘আমার বৌরর বউ যদি এমন না হয় ত জগতে সাধনা সিদ্ধি ব’লে দুটো কথা থাকবে কেন!’

দুপুরে বৌরর মা বড়জা শৈল সকলে ব’সে বই শোনে। চিড়িয়াখানার কথা মিউজিয়মের কথা বড়জা শৈল গা ক’রে শোনে। মা বলেন, ‘তার পর এককড়ির কি বল?’ এককড়ি সামনের খোলা বইখানার নায়ক—

পাড়ার লোকে জিজ্ঞাসা করে, ‘শৈল, তোর বৌদি ক’মন হ’ল রে?’

শৈল হাসে। বলে, ‘খুব ভাল।’

পাড়ার মেয়েরা বই শুন্তে আসে। কার্পেটে ফুল লে নিয়ে যায়।

দুই দিকের স্নেহের ভিতর যে নিঃসঙ্গতার প্রাচীর গ’ড়ে উঠছিল, শেফালি আঘাতের পর আঘাত দিয়ে ভেঙে সব এক ক’রে দিলে।

কলকাতা থেকে চিঠি আসে, ‘মা শেফালি, কবে আসবে?’

শেফালি উত্তর দেয়, ‘এখন যাওয়া যাবে না মা, একটু অবসর পেলেই যাব।’

অবসর আর হ’য়ে ওঠে না।

ঝ

নিশীথ-নির্জনে বীরু ব’সে বই লিখছে—নায়কের বিরহ। তার চোখের জলে খাতা ভিজ্ঞে আর্দ্র হ’য়ে ওঠে। নায়িকা কি পাষণ!

সহানুভূতিতে শেফালিরও চোখেও জল আসে। আহা, এত অকরণ!

জলের গ্লাস টেবিলের উপর রেখে সে বলে, ‘কি লিখছো ছাই। কি দরকার বই লিখে, নাম ত যথেষ্টই হয়েছে—’

বীরু বলে, ‘নামের জগ্নেই কি মানুষে বই লেখে শেফালি? বই লিখেই সুখ, তাই—’

‘তোমাকে আর অমন ক’রে কাঁদতে হবে না—’

‘এখন ট্রাজিডি হচ্ছে—নিজে না কাঁদলে আমার বই প’ড়ে অপরে কাঁদবে কেন।’

‘তোমাকে আর ট্রাজিডি লিখতে হ’বে না। কেন, কমিডি লেখা না একটা?’

‘আজ এ বইটা শেষ হ’য়ে যাবে। এবার থেকে কমিডি লিখবো। তুমি ত আমার জীবনের সব চেয়ে বড় কমিডি, না শেফালি!’

বীরু শেফালির হাত ধ’রে আকর্ষণ করে।

শেফালি আকর্ষণে চ’লে প’ড়ে বলে, ‘যাও।’

হো হো ক’রে বীরেন হাসে।

বীরেনের ট্রাজিডি প’ড়ে বাংলার বিশ্বনিদ্রুক সমালোচক লেখেন—‘বীরেনবাবুর এ ট্রাজিডি বাংলা সাহিত্যে যুগান্তর আনবে। চোখের জল সামলানো যায় না।’ চমৎকার!’



এ

ট

একদিন মণীন্দ্রকে শেফালি বললে, আপনি আর কেন খেটে খেটে শরীর নষ্ট ক'রছেন। টাকা যা আছে তাতেই ত চ'লে যাবে।'

'খাটবো না ? কি ব'ল শেফালি, আমার বুড়ো জীর্ণ শরীরেও যে যৌবনের সঞ্চার হয়েছে। এমন সংসার ক'জন করেছে ? আর একটা কথা ভাবি মা, স্বর্গ ব'লে একটা জায়গা নাকি কোথায় আছে শুনেছি, সে কিন্তু আমার বিশ্বাস হয় না। সত্যিই যদি কোথাও থাকে ত' আমার ভাঙা দালানের মাঝেই সেটা খুঁজে পাওয়া যাবে। তোমার কি মনে হয়—ও বীরু, বীরু।'

বীরু এসে হেসে বলে, 'দাদা, ও বুঝি আমার নামে কি লাগিয়ে গেল, না ?'

মণীন্দ্র বাবু হেসে বলেন, 'শেফালি, মা ! বীরু তোমার নামে আমার কাছে লাগাচ্ছে। মা—ও মা, তুমি এর বিচার ক'রে দাও।'

মা বলেন, 'আজ তা হ'লে ছোট বোমাকে পিঠে তৈরি ক'রতে দাও।'

মণীন্দ্র হো হো ক'রে হেসে বলেন, 'তাই ঠিক শাস্তি হয়েছে। বড় বৌ, দেখি চাদরটা, বাজারে যাই।'

'বীরু বাজারে যাক না।' মা বলেন।

'তাকি হয় মা, ও ছেলেমানুষ, ও কি বাজার করতে জানে ? আর বোমার বাজার আমি না করলে পছন্দই হবে না।'

মণীন্দ্র চাদরটা কাঁধে ফেলে বলেন, 'বীরু ভাল একখানা মিলনাস্ত্র বই লেখতো। প'ড়ে দেখবো কেমন হয়—'

বীরু তিনমাসের মধ্যেই একখানা কমিডি লিখে প্রকাশ ক'রে ফেললে।

ধামাধরা কাগজগুলো পর্যাস্ত লিখলে, 'বীরেন বাবুর বই প'ড়ে আমরা হতাশ হয়েছি। কোথায় গেল তাঁর ঐকান্তিকতা, তাঁর প্রাণঢালা লেখার ভঙ্গি।'—কোন কাগজেই সুখ্যাতি বেরল না।

শেফালির অসুখ—

কলকাতা থেকে সায়েব ডাক্তার নিয়ে মা বাবা দুজনেই এসেছেন।

রোগীর বিশীর্ণ পাণ্ডুর মুখের দিকে চেয়ে থাকতে থাকতে সকলের চোখেই জল পড়ছে।

শৈল কেঁদে কেঁদে মেঝের ঘুমিয়ে পড়েছে।

বড়বৌ কেবল গরম জল ক'রে এনে দিচ্ছে। ধোঁয়া আর চোখের জলে তার মুখ খানা লাল হ'য়ে গেছে।

মণীন্দ্রর মা চৌকাঠ হেলান দিয়ে কেঁদে কেঁদে ভগবানের কাছে আকুল প্রার্থনা জানাচ্ছেন।

ডাক্তারটি কেবল ব'লছেন, 'ট্রেন পাওয়া যাবে না, এখন যাই। হাতে অনেক কাজ।'

আবার অনুরোধে বিরক্ত হয়ে বলছেন, 'একটা রোগী নিয়ে থাকলে ত চলে না।'

মণীন্দ্র বাস্তব হ'য়ে ব'ললেন, 'বীরু, বীরু, সাবধান আমাদের লক্ষ্মীকে কখনও ছেড়ে দিসনে! কিছুতেই যেতে দিবনে, বুঝলি ?'

নিশাচর বাহুড়দেরও পেট ভ'রে গেছে। তারাও গাছে গাছে খড়্ খড়্ ক'রে উড়ে বেড়াচ্ছে না।

শেফালি হঠাৎ চোখ মেলে চারি দিক চেয়ে দেখলে।

বীরু ব'ললে, 'কি ?'

শেফালি তার হাতখানা বুকের মাঝে নিয়ে বললে, 'মানুষ ম'রে কোথায় যায় জানো ?'

বীরু চোখের জল মুছ'ে বললে, 'হয় স্বর্গে, না হয় নরকে।'

'স্বর্গ ত ছেড়েই যাচ্ছি, নরকেই যাচ্ছি তা হ'লে।'

বীরু চুপ ক'রে ব্রহ্মিল।

'আমি একটু বড় ঠাকুরকে দেখবো।'

মণীন্দ্র এসে বলেন, 'বোমা, বোমা, আমার ডাকছো ?'

শেফালি একবার চোখ মেলে দেখে উঠতে উঠে করতেই প'ড়ে গেল। তার চোখ দুটি চেয়েই রল,

শ্রীপৃথ্বীশচন্দ্র ভট্টাচার্য্য

দেহখানা অবশ শক্ত হ'য়ে গেল ।

মণীন্দ্র চীৎকার ক'রে উঠলেন, 'বীকু, ধ'রে রাখতে পারলিনে । করেছিস্ কি—'

কাঁদতে কাঁদতে ছুটে বেরিয়ে গেলেন ।

শোকক্রন্দন নৈশ স্তব্ধতার বুক বিদৌর্ণ ক'রে আকাশে মিশে গেল । মর্শ্বেভেদী হাহাকারে প্রতিবেশীরা ঘুমের ঘোরে বিছানায় উঠে বসলো ।

শেফালি চ'লে গেল

ছয়মাস পরে—

মণীন্দ্রের মা বললেন, 'মণীন্দ্র, তুই কিছু দেখ্ছিস্নে ? বীকু যে রোজ কি খেয়ে এসে সারারাত্রি জেগে লেখে । শরীর ভেঙে যাচ্ছে । বীকু যে মাতাল লক্ষ্মীছাড়া হ'য়ে যাচ্ছে ।'

'লক্ষ্মী সকলেরই ছেড়ে গেছে মা । বীকুকে ভাল করবার ক্ষমতা আর নেই । হ্যাঁ মা, আমার বয়েস কত হ'ল—আমি যেন অনেক বুড়ো হ'য়ে গেছি ।'

* * * *

বীকু নিশীথ রাত্রে নিজের চোখের জলে ভিজিয়ে এক-খানা কমিডি লিখ্ছে—

রোজ রাত্রেই লেখে । কমিডি যে পাঁচশো পাতার উপর হ'য়ে গেছে সেদিকে খেয়াল নেই ।

পল্লীর কোলে একখানা ভাঙ্গা টেবিলের উপর বীরেনের অমর সাহিত্যের নায়ক নায়িকা প'ড়ে থাকে । রাত্রে গভীরতার সঙ্গে সঙ্গে তারা জীবন্ত হ'য়ে লেখকের বুক দখল ক'রে বসে—

নায়িকার কোঁকড়া চুলের মাথাটি বুকের মধ্যে ক'রে নায়ক যখন বলে, 'আচ্ছা রেবা, জগৎটা সারা বছর চ'লে যদি আজ বসন্তের এই জ্যোৎস্নাভরা পূর্ণিমার দিনে এসে খেমে যেত, তবে কী সুন্দর হ'ত !' তখন বীকুর গাল বেয়ে জল প'ড়তে থাকে—

কেউ বারণ করেনা, প্রাণ ঢেলে কেবল লেখে ।

বই প্রকাশিত হ'লে বাংলার সকল সমালোচক একসঙ্গে লিখ্লে, 'বীরেনবাবুর কমিডি চমৎকার হয়েছে । পৃথিবীর সাহিত্যে অমর হ'য়ে থাকবে ।'

বীরেনের সুখ্যাতিতে বাংলা ভরে উঠলো ।



বিবিধ সংগ্রহ

লরেন্স্ য়াট্‌কিন্সন্


১

তারই সন্ধিৎসু ।

হিন্দুস্থানী গান যেমন কথাকে ছেড়ে ও ছাড়িয়ে শুধু সুরের উচ্চাসে পরিণত হয়, য়াট্‌কিন্সন্‌এর শিল্পও তেমনি অতীন্দ্রিয়। হিন্দুস্থানী গান যেমন অনেকেই বোঝেন না, য়াট্‌কিন্সন্‌এর শিল্পও তেমনি বোঝা কঠিন ।

আমরা কোনো কিছুর প্রতিচিত্র দেখতেই অভ্যস্ত। আমাদের অশিক্ষিত চোখ বস্তু, জন্তু বা মানুষের প্রতিচিত্র দেখতে ভালো-বাসে ও বোঝে। যে রূপ আমরা বাস্তবে দেখিনা, সেই নিছক ভাবমূর্তির রূপ আমাদের কাছে প্রথমে অর্থহীন বলে মনে হয়। য়াট্‌কিন্সন্‌ ভাবলোকের শিল্পী ।

পিকাশো ও তাঁর সহশিল্পী কিউবিষ্টরা যা চোখে পড়েছে তারই ওপর



রচনানিরত য়াট্‌কিন্সন্


নিজেদের মতামতের আভাস দিয়ে ছবি এঁকেছেন। কিন্তু তাঁর গভীরতাব্যাকুল মন তৃপ্তি পেল না। তাই এট্‌কিন্সন্‌ দৃষ্টিগ্রাহ্য বস্তুর ভিতর স্থান, বস্তু-মর্মটি আছে, তাঁর রং ফিকে হয়ে এল। প্রথমে রঙে যে, চোখ বাস্তব

প্রথমে য়াট্‌কিন্সন্‌এর শিল্প ততটা—ভাবাত্মক হ'লেও, ভাবসরস্ব ছিল না। তখনও তিনি ভাবের ওপর ঝাঁক দিলেও তখন তাঁর শিল্প রঙীন ছিল। তখন তিনি শিল্পশাস্ত্র মোটামুটি মানতেন—বিশেষত প্রমাণ ও বর্ণিকা-ভঙ্গ। অংশের সঙ্গে অংশ ও সমগ্রের ছন্দ বজায় রাখায় আর রঙের খেলায় য়াট্‌কিন্সন্‌এর প্রচুর আনন্দ ছিল ।

শ্রীবিষ্ণু দে

হয়ে থাকবে, দৃষ্টিসর্বস্ব হয়ে পড়বে, অসুখ্যামী হবে না, মন জাগবে না। ক্রমে তাঁর ছবি রং-হীন হয়ে এল। আর ছবির তবু একটু আলঙ্কারিক মূলা থাকে—গ্যাটকিন্সন্ ক্রমে ভাস্কর্যের দিকেই মন দিলেন।

গ্যাটকিন্সন্নের শিল্প তাই গভীরতার ভক্ত। তাই তিনি কোনো বিশেষ দলের নন। পৃথিবীর উল্লেখযোগ্য সব কিছুই তাঁকে আকর্ষণ করে। তিনি শুধু তপাকপিত শিল্পী নন, তিনি মানুষ।



বুদ্ধির আবির্ভাব

প্রকাশবাকুল গভীরচিত্ত গ্যাটকিন্সন্ নারা যুরোপের চিত্রশালাসমূহে ঘুরেছেন, বড়ো বড়ো আর্টিষ্টের সঙ্গে আলাপ করেছেন। জীবনের রহস্যে মুগ্ধ হয়ে কত নরনারীর সঙ্গে মিশেছেন। অধ্যাত্ত্ব, দর্শন, রাজনীতি, সমাজতত্ত্ব, সাহিত্য তাঁর পাঠ্য বিষয়। নিজের তিনি কবিতাও রচনা করেছেন; আর তাঁর জীবনব্যাপী আর একটি সাধনা আছে, সেটি হচ্ছে সঙ্গীত। গ্যাটকিন্সন্নের শিক্ষা ব্যাপক। তিনি শুধু সাধারণ শিল্পার্থীর মতো ছবি আঁকতে, মূর্তি গড়তেই শেখেন নি।

এটকিন্সন্নের 'বুদ্ধির আবির্ভাব' যদিও তাঁর খুব শেষের মূর্তি নয়, তাহ'লেও তাতে তাঁর শিল্পবৈশিষ্ট্য সপ্রকাশ। মানুষ আদিতে ছিল একটা প্রচণ্ড শারীরশক্তি। তারপর একদিন তার মধ্যে এল বুদ্ধি। পশু হয়ে উঠল মানুষ।



গীতি-উচ্ছ্বাস

অকস্মাৎ এ চেতনায়, সে চিন্তায় ও বিষয়ে ভারাক্রান্ত বিমূঢ় হয়ে পড়ল। বিশ্বের সমস্তা তাকে বাকুল ক'রে তুলল।

স্কাট্‌কিন্সন্ একটি স্তম্ভ নগ্ন নর বা নারী বনের মধ্যে পড়ে' কাঁদছে বা আকাশের দিকে চেয়ে ভাবছে—এ না



লাইম্ লাইট

ক'রে যে ঐ ভাবটি—সুধু ঐ ভাবটি পাথরের রূপকের ভিতর দিয়ে প্রকাশ করেছেন, এই তাঁর বৈশিষ্ট্য।

তাঁর 'গীতিউচ্ছাস' মূর্তিখানি,—যে গীতি অকস্মাৎ উচ্ছ্বসিত হয়ে' পড়ে, সমুদ্রের ঢেউয়ের ওঠার মতো উচ্ছ্বসিত হয়ে' ওঠে, তারই ভাবমূর্তি।

'লাইম্‌লাইট', ধারা গগনবাবুর 'নর্তকী' প্রভৃতি দেখেছেন, তাঁরা অনেকটা বুঝবেন। নাট্যমঞ্চের ওপর

প্রথর আলোয়, শত শত দর্শকের উৎসুক চোখের সামনে অভিনেতা বা অভিনেত্রী দাঁড়িয়ে,—সে চঞ্চল, আশান্বিত, বাগ্র এবং ঈষৎ গুর্ভস্। তারই ভাবচিত্রে এই জলচিত্রেটি।

তারপর ধরা যাক 'নৃত্য'। নৃত্যশীলা স্নন্দরীর আশা যারা করবেন, তাঁরা হতাশ হবেন। এ চিত্রে শিল্পী শুধু স্বছন্দতাল যে নৃত্যের গতি, তাকেই রূপ দিয়েছেন—নর্তক বা নর্তকীকে নয়।

পালিশ-করা কালো কাঠের মূর্তি 'aloof', জনতার মাঝে থেকেও তার থেকে উচ্চতর লোকবাসীর ভাবমূর্তি



নৃত্য

ব'লে ধরা যেতে পারে। এ রকম প্রাণবন্ত চিত্র দুর্লভ। শুধু কাঠের আঁকাবাঁকার কি রহস্যময় প্রাণবন্ত aloofness

ফুজিহাসা-শিখরে

বিশাল ফুজিহাসা পর্বত জাপানের আত্মার প্রতীকস্বরূপ। সমুদ্র জাপানে এই পর্বত সর্বাপেক্ষা শ্রেষ্ঠ ও পবিত্র বলে গণ্য। ইহা সমুদ্র হ'তে ১২ হাজার ফীটের বেশী উঁচু হ'লেও প্রতি বৎসর গ্রীষ্মকালে হাজার হাজার যাত্রী এর



Aloof লরেন্স্‌ স্যাটকিন্সন্

শিখরপ্রদেশে তীর্থযাত্রা ক'রে থাকে। এ পবিত্র পর্বতের উৎপত্তি সম্বন্ধে জাপানীদের মধ্যে এক অদ্ভুত পৌরাণিক কথা চলিত আছে। তাদের বিশ্বাস যে, একরাতে পৃথিবীর গর্ভদেশ থেকে ফুজিপর্বত উপর দিকে নিক্ষিপ্ত হয়েছে ও ঠিক সেই সময়ে ৩০০ মাইল দূরে ওমি প্রদেশে কিয়োটোর নিকটে অনেকখানি স্থান হঠাৎ নেবে গিয়ে বিশাল হ্রদের সৃষ্টি করেছে। এ হ্রদের আকার একটা জাপানী অদ্ভুত বাস্ত-যন্ত্রের মত। হ্রদটি Biwa Lake বলে খ্যাত।


গোটেয়া ফুজিপর্বতের পাদদেশে অবস্থিত। পথ ক্রমশ উঠে গেছে। গাছ-গাছড়া অনেকটা গরম দেশের মতো। জমি রক্তবর্ণ, কিছু দূরে বাবার পর সুগন্ধী দেবদারু গাছের নীচে শৈবালভূমিতে নানাবিধ ফুল দেখা যায়। উন্মুক্ত প্রান্তর ও বনভূমি থেকে কলকণ্ঠ পাখীর মধুর গানের সুর কানে ভেসে আসে। গোটেয়া হ'তে পাগাডের শিখর অবধি ১০টা বিশ্রামাগার আছে। ক্রমশঃ অগ্নিশ্রাব (lava) ও কঙ্কর আরও আনুগা ও গভীর হ'য়ে ওঠে—চলা বেশী শক্ত হ'য়ে আসে। উদ্ভৃজ পদার্থসম্বৃত মাটি (loam) ক্রমশঃ শেষ হওয়ার দরুন মাটি কম দৃঢ় হ'য়ে এসেছে। ঢালু প্রদেশ এমন ক্রমোচ্চ যে, যে-ব্যক্তি পাহাড়ে ওঠায় অপটু, সেও অক্লেশে উঠতে পারে। ফুজির শিখরচূড়া তিন কোণা ;—পাশের দিকে কোথাও কোথাও সাদা সাদা দাগ দেখা যায়। অত্যাশ্চর্য পর্বতচূড়ায় তুলনায় বেশী কালো বোধ হয়—ভিজা অগ্নিশ্রাবের উপর মেঘের আড়াল থেকে মাঝে মাঝে রোদ পড়ায় আবলুশ কাঠের মত চিক্‌চিক্‌ করে। সেখান থেকে নাচের দিকে কি মনোহর পার্বত্য দৃশ্য! বেলা শেষে সূর্যের প্রথর আলোয় কুয়াশা দূর হ'য়ে যাচ্ছে। কুয়াশার ধূসর-বর্ণের আবরণ দূর হওয়ায় নিম্ন পাহাড় শ্রেণী একটার পর একটা চোখের সম্মুখে ভেসে উঠছে। ঢালু জায়গায় মাঝে মাঝে হ্রদ ঢালু সবুজ ক্ষেতে ঘেরা। ছোট ছোট ধানের ক্ষেত—নানা আকারের—বিচিত্রতায় ছবির আভাস মনে এনে দেয়। কি অমানুষিক পরিশ্রমে বিভিন্ন পরিবারবর্গ এ-সব ক্ষেত চাষ করছে। জাপান-সাম্রাজ্য কয়েকটি ছোট ছাপপুঞ্জের সমষ্টি মাত্র; তারও অধিকাংশ পার্বত্য,—ভারতের যে কোন প্রদেশ হ'তে অনেক ছোট। “Yet here is an area teeming with a proud, hardy, war-steeled island people, increasing now at the rate of nearly one million a year; such a people is bound to knock upon the gates of the world. It must do that or accept the alternative of race suicide.”

জাপানে বিছানাপত্রের তেমনি কোন বন্দোবস্ত নেই—অবশ্য তোকিয়োর Imperial Hotel এ বিছানার সুরিধা



আছে। কিন্তু ফুজি পর্বতের বিশ্রামাগারে এ সবেৰ কিছু 'পাট' নেই। এ সব পথের ধারের সরাইএ মাত্রেরে শোবার জায়গা ভাড়া পাওয়া যায়—তার ফলে সুন্দর পরিষ্কার সুগন্ধি ঘাষের মাত্রেরে হাত পা ছড়িয়ে ঘুমান যায়। এই মাত্রেরই

টেবিলে বেড়ানর সমান। ফুজি পর্বতে ওঠার সময় নিজেদের আহাৰ্য্য নিয়ে যাওয়া উচিত—এসব বিশ্রাম-আগারে শুধু ভাত ও জাপানী তরকারী পাওয়া যায়—তা আবার রাত কাটাতে গেলে বেশী পাওয়া সম্ভব হয় না। জাপানীরা কাঁচা ডিম খে-



ফুজি-পর্বত


পাঁটি জাপান গৃহে মেঝে পাত্ৰার জন্ত ব্যবহৃত হয়। জুতা কখনো গৃহের ভিতর আনা হয় না—কাদামাখা জুতা প'রে মাত্রের মাদান জাপানীদের কাছে বিছানার ও সাজান

অভ্যন্ত—কিন্তু আমেরিকানদের পক্ষে সিদ্ধ করা দরকার হয়।

ফুজি পর্বতের উপর সূর্যাস্ত অতি সুন্দর। দূরে পাহাড় শ্রেণীর পিছনে সোনালী বর্ণের অর্ধবৃত্তাকারে সূর্য ওঠে—যেন

শ্রীধীরেন্দ্রনাথ চৌধুরী

গলিত সোনার উৎস ধীরে ধীরে অন্ধকারময় জগতকে রক্তিম
বর্ণে রঞ্জিত ক'রে দেয়। জাপানী তীর্থযাত্রীরা এখানে
সূর্য্য-উদয়ের উপাসনা ক'রে থাকে। ধার্মিক মুসলমানের
ফুজি শিখরদেশ—সূর্য্যের আলোয় খুব উজ্জ্বল—পথ
ক্রমশঃ আরও খাড়া—আরও অপ্রশস্ত ; পায়ের চাপে পাথর
ও কাঁকর প্রভৃতি গুঁড়ো হ'তে থাকে। প্রতি ১০০ ফাঁট



মিয়াজিমা মন্দিরের প্রবেশ-পথ


কাছে মন্দির স্থায়—পবিত্র ফুজি পর্ব্বতে সূর্য্য-উদয় ওঠার পর নিঃশ্বাস নিতে একটু কষ্ট বোধ হয়। মাঝে
জাপানীদের মনে ভক্তির ভাব উদ্ভেক ক'রে দেয়। একটা তুষার-প্রান্তর পার হ'তে হয়। চারদিকে ছেঁড়া ঘাসের



জুতা—তীর্থ যাত্রীরা ফেলে দিয়ে গেছে।

শিখরপ্রদেশে আগ্নেয়গিরির বিশাল মুখ-গহ্বর দেখলেই
পথ-ক্লেশ সফল ব'লে মনে হয়। এসব আগ্নেয়গিরি কতদিন

ঘুরলেই ছরত্ব কত ভ্রান্তিকর তা উপলব্ধি হয়! এ শিখর দূর
থেকে পিরামিডের সরু চূড়ার মত ব'লে বোধ হয়। এর ধার
দিয়ে যেতে এখনও অগ্নিশ্রাবের গর্ভদেশে উত্তাপের আভাস



বিওয়া হ্রদ

আগে নির্ঝাপিত হ'য়ে গেছে— কিন্তু এদের মুখ-গহ্বর এখনো
বেশ বড়। এই বিশাল মুখের এক দিকে ঘণ্টাখানেক

পাওয়া যায়। অথচ কত শতাব্দী হ'ল ফুজির শেষ অগ্নিশ্রাব
কবে হ'য়ে গেছে।



হিমেন্জী নগর—জাপান

শ্রীশ্রীরেন্জনাত্ম চৌধুরী

আউড্ শূর্গ

—দক্ষিণ আফ্রিকা—

যে মহাদেশ যুগ যুগ ধরিয়া যে কোনো অল্প মহাদেশের অমুরূপ ও অধিক গৌরব বক্ষে বহিয়া আজও নানা আকর্ষণের কেন্দ্র হইয়া বাঁচিয়া আছে, আমি আজ তাহারই অন্তর্গত একটি অনতি-বিখ্যাত শহরের পরিচয় দিতে বসিয়াছি। এই শহরটির নাম অত্যন্ত উদ্ভট, কারণ উহা এক ডাচ সাহেবের (Baron van Rheede van Oudtshoorn) নামানুসারে অভিহিত হইয়া আসিতেছে। হাত থাকিলে

আমরা এখন উহা বদলাইয়া জলধর, পটল গোছের এমন একটি করিয়া দিতাম যে পাঠকের পড়িবারও সুবিধা হইত এবং লেখকের পক্ষে উহা যথেষ্ট ব্যবহারেরও কোনো অন্তরায় থাকিত না। কিন্তু নারিকেলের কঠিন বহিরাবরণের মধ্যে সৃষ্টিকর্তা যেমন স্মিষ্ট জল ও সুখাণ্ড ফলের ব্যবস্থা করিয়া নিজের কৌশলের পরিচয় দিয়াছেন, তেমনি কৌশলের অধিকারী হইবার লোভ সামলাইতে না পারিয়াই বোধ হয় মানুষ এমন একটি সুন্দর যন্ত্রণার একরূপ একটা কাঠ-খোঁটা নাম দিয়া তাঁহার সহিত পাল্লা দিয়াছে।



এই শহরটি দক্ষিণ-আফ্রিকার 'কেপ-কলোনি' প্রদেশের অন্তর্গত ও ইহার ঠিক দক্ষিণে, সোজাসুজিভাবে ধরিলে, সমুদ্রতীর আন্দাজ চল্লিস্ মাইল দূরবর্তী হইবে। ভ্রমণ-

হইতে ৩৯ এবং জোহানেস্‌বর্গ হইতে ৪০ ঘণ্টার পথ। রেল ষ্টেশনটি মূল শহর হইতে প্রায় দেড় মাইল দূরে। সরাসরি দক্ষিণে 'মোসেল্‌ বে' নামক বন্দরে জাহাজ হইতে

নামিলে মাত্র ছয় ঘণ্টার অথবা মোটরে আড়াই ঘণ্টার এই শহরে পৌঁছানো যায়। মানচিত্র দেখিলে শহরটিকে নিতান্ত স্বতন্ত্রভাবে অবস্থিত বলিয়া মনে হইলেও প্রকৃতপক্ষে সর্বদিক হইতেই এখানে আসিবার ও এখান হইতে চতুর্পার্শ্ব গ্রাম, দ্রষ্টব্য স্থানসমূহ ও সমুদ্রতীরে যাইবার অসংখ্য সুন্দর সুন্দর পথ আছে। ইহার চতুর্দিকে এত দ্রষ্টব্য স্থান ও মনোরম ভ্রমণ-স্থান আছে এবং তাহাদের আকর্ষণীয়তা এত বিভিন্ন প্রকারের যে, প্রতি-



ক্যাম্বো কেভ্‌সে যাইবার পথে গ্রোবেলার্স নদী

কারীদের অনেক দ্রষ্টব্য দ্রব্যাদি থাকায় রেল-কোম্পানী শহরটিকে সর্বদিক হইতে মনোরম রেলপথের দ্বারা অধিগমা করিয়া তুলিয়াছে। বৈদেশিক ভ্রমণকারী কেপটাউন্ বন্দর হইতে প্রসিদ্ধ 'গার্ডেন্‌ রুট' (Garden Route) দিয়া ২৬ ঘণ্টার এখানে পৌঁছিতে পারেন। এই পথটি এত মনোরম যে, কোন ভ্রমণকারীরই ইহা দেখিবার সুযোগ পরিত্যাগ করা উচিত নয়; তাই সর্বাগ্রে ইহার নাম করা গেল। তবে 'এলিজাবেথ্‌' বন্দর দিয়া আসিলে এই শহর মাত্র ১৫ ঘণ্টার পথ; ব্রুমফনটিন্‌ হইতে ৩০ ঘণ্টার, কিম্বার্লী



ক্যাম্বো কেভ্‌সের প্রবেশ-পথ

দিনই, কোন্‌দিকে যাইব, কি আগে দেখিব, এই লইয়া যথেষ্ট মস্তিষ্কের পরিশ্রম করিতে হয়।

‘ক্যাঙ্গো কেভ্’ (Cango Cave) নামক প্রসিদ্ধ গুহা দেখিতে যাইবার সময় যাত্রীরা আউডশূর্নের আতিথা গ্রহণ করিয়া থাকেন। এই গুহাশ্রেণীই এখানকার প্রধান আকর্ষণ। ভ্রমণকারী এখানে পৌঁছিয়া প্রথমেই ঐ সম্বন্ধে প্রশ্ন করিয়া থাকেন। তদ্ব্যতীত, যাহারা প্রাকৃতিক সৌন্দর্য্য ভালবাসেন তাঁহাদের জন্ম প্রকৃতি দেবী এখানে রম্য গিরিসঙ্কট, সৌন্দর্য্যশালিনী নিবারণিনী, বিশ্বয়োৎপাদনকারী গিরিশঙ্কর বনে বনে সবুজ শোভার মহোৎসব ও নয়ন-মুগ্ধকর জলপ্রপাত প্রভৃতির আয়োজন রাখিয়াছেন।

আউডশূর্নের আবহাওয়া শুষ্ক, পরিষ্কৃত এবং স্বাস্থ্যকর। ইউরোপের আল্পস্ পর্বত-মালার শোভা স্মরণ করাইয়া দিয়া, শীতকালে ইহার চতুর্পার্শ্বস্থ গিরিশ্রেণীর শুভ্রতুষার-মণ্ডিত শির রৌদ্রোজ্জ্বল শোভা ধারণ করে। সেইজন্ম শীতকালে এখানে প্রবাসী ইউরোপ বাসীর ভীড় হইয়া থাকে। যাহারা অসুস্থ, যাহাদের জলীয়তা-বর্জিত আবহাওয়ার প্রয়োজন, তাঁহাদের পক্ষে ইহার স্বাস্থ্যকর ক্রোড়ে কয়েকমাস অবস্থান অনেক ঔষধ ও ডাক্তারের খরচ বাঁচাইয়া দিবে।

আউডশূর্নে প্রবেশ করিলেই শহরটির সমৃদ্ধ ও পরিচ্ছন্ন অবস্থা সর্বত্র চোখে পড়ে। সর্বপ্রকার পনাজবা-পূর্ণ বিপণি, প্রাসাদোপম বাসগৃহ ও হোটেলসমূহ, চওড়া ফুটপাথ বিশিষ্ট পীচ-ঢালা রাস্তা, শহরটিকে ঘন কুস্তীর-ভল্লক-গরিলা-হস্তী-সঙ্কুল আফ্রিকার বাহিরে আনিয়া ফেলিয়াছে! এই শহরের অনেক বাড়ীই মনোরম পুষ্প বাটিকা ও নয়নরঞ্জন শ্রামল শম্পাচ্ছাদিত ভূমিখণ্ডদ্বারা পরিবেষ্টিত। সন্ধ্যার প্রাকালে এই নগরী যখন আলোকমালায় সজ্জিত হয় তখন ইহাকে দ্ব্যতিমান রত্নালঙ্কার-শোভিতা স্নিগ্ধসুবমা মণ্ডিতা রূপসী রমণীর স্তায় মনে হইয়া থাকে। ভুলিয়া যাইতে হয় যে ভীষণ বন্যজীবজন্তুপূর্ণ জঙ্গলসমাকীর্ণ বঙ্গোদেশের এত

নিকটে আমরা রহিয়াছি! সাংসারিক ও শারীরিক সুখস্বাচ্ছন্দ্যের জন্ম যাহা যাহা দরকার, পাশ্চাত্যসভ্যতা প্রসাদাৎ জীবনের সুখকর যাহা কিছুর ব্যবস্থা, সকলই এখানে পাওয়া যায়। এই অঞ্চলের মধ্যে ইহার তুল্য পরিষ্কার-পরিচ্ছন্ন, স্বাস্থ্যকর সুখকর শহর আর নাই। স্কুল,



ফটিক-শোভা ; গুহাভাস্তর

কলেজ, ইলেক্ট্রিক্, খেলিবার মাঠ, হাসপাতাল, গির্জা-মসজিদ-মন্দির প্রভৃতি বিভিন্নধর্ম্মাবলম্বীদের উপাসনা ও প্রার্থনার স্থান, ভ্রমণকারীদের জন্ম থাকিবার ভাল হোটেল, সমস্তই এখানে আছে।

পূর্বে যে প্রধান আকর্ষণ ও দ্রষ্টব্যস্থান ক্যাঙ্গো কেভ্‌সের কথা বলিয়াছি, এবার সেই সম্বন্ধে কিছু পরিচয়




:দিত্তেছি। পৃথিবীয় যেমন সপ্তাশ্চর্যা আছে, মিসরীয় সভ্যতার আভাসভূমি এই অদ্ভুতজীব-জন্তু-অধাসিত, সাহারা, নায়েগা, পিরামিড, নীলনদ বিশিষ্ট মহাদেশেরও

সময় একটা সামান্য দক্ষিণা দিতে হয়; সেই অর্থ হইতে একজন অভিজ্ঞ পথপ্রদর্শকের বায়- নির্বাহ হইয়া থাকে। এই ব্যক্তি সর্বদাই যাত্রীদিগকে গুহার অভ্যন্তরভাগ

দেখাইয়া আনিবার জ্ঞান প্রস্তুত থাকে। আউডশূর্ণের মিউনিসিপ্যালিটি হইতে এই গুহাগুলিকে বৈজ্ঞানিক আলোকে আলোকিত করিবার ব্যবস্থা করার চেষ্টা চলিতেছে। বৎসরের যে কোনো দিনেই এই গুহা পরিদর্শন করা চলে।

এখানে মোটরে আসিবার জ্ঞান যে আঠার মাইল পথ আছে, তাহার দুইপাশে প্রাকৃতিক শোভারপ্রাচুর্যা যাত্রাপথটিকে পরম উপভোগ্য ও রমণীয় করিয়া রাখিয়াছে।



গুহামধ্যস্থ স্তূপাকার পাষণ-শোভা; 'সিংহাসন' নামে অভিহিত।

তেমনই সপ্তাশ্চর্যা বর্তমান। ক্যান্ডো কেভ্‌স্ তাহারঅন্ততম। আউডশূর্ণ শহর হইতে এই গুহাশ্রেণী ১৮ মাইল দূরে অবস্থিত, ও রো'মার্টবর্গ পর্বত-মালার অন্তর্গত। এই বহু-প্রসারী অক্ষকারময় গুহাশ্রেণী শতাধিক বৎসর পূর্বে ভান্‌বিল্ (Van Zyl) নামক একজন ওলান্দাজ কৃষিজীবী কর্তৃক প্রথম আবিষ্কৃত হয়। তাহারই নামানুসারে ইহার প্রথম ও প্রধান কক্ষটির নাম-করণ হইয়াছে। আউডশূর্ণ শহরের মিউনিসিপ্যালিটির কর্তারাই ১৯২১ খৃষ্টাব্দ হইতে এই গুহাগুলির তত্ত্বাবধান করিয়া আসিতেছেন। এই গুহার প্রবেশ করিবার



পশুপালক ও তাহার সম্পত্তি

দুইপার্শ্বে উদ্ভিজ্জ-শ্রামল উর্বর উপত্যকা; সুদীর্ঘ তৃণাচ্ছন্ন প্রান্তর, সেই প্রান্তরমধ্যবর্তী বিচরণশীল কোকপ্রদতু

দস্ত

উট পাখীর পাল; বিহার পর বিধা যোড়া তামাকের চাষ, —অদূরে ছায়াশীতল কুঞ্জ-বীথি; শান্তিময় কুটিরনিচয়; গ্রোবেলার্ম নদীর তরঙ্গোচ্ছল স্বচ্ছ সলিলপ্রবাহ, ও সেই প্রবাহিনীর দুই পার্শ্বস্থ নয়ন-রঞ্জন তরুশ্রেণীবিশোভিত উচ্চাবচ গিরিচূড়া,—সমস্তই কী মনোরম! মধো মধো এক এক দল 'বেবুন' নিজেদের স্বভাবসিদ্ধ কোলাহলে এই সমস্ত নীরব সৌন্দর্য্যকে মুখর করিয়া বৈচিত্র্যেরও সৃষ্টি করে।

গুহার প্রবেশপথটি চিত্রবৎ সুন্দর প্রতীক্ষমান হইলেও গুহাভ্যন্তরস্থ অপূর্ব সৌন্দর্য্যের কিছুমাত্র আভাষ উহা হইতে পাওয়া যায় না। একটি প্রকাণ্ড তোরণবৎ অর্ধবৃত্তাকার প্রবেশপথ যাত্রীদিগকে পর্বতের কৃক্ষমধ্যে গমনাধিকার দান করে। উহা উর্দ্ধে পনর ফিট গিয়াছে এবং প্রস্থে দশ ফিট। প্রথম কিস্তীতে, প্রবেশ পথের দুইদিকের পর্বতগাত্রে কতকগুলি প্রাচীন চিত্র অঙ্কিত দেখা যায়। একটি আঁকাবাঁকা পথ ধরিয়া কিয়দূর যাইবার পর একটি নিম্নগামী সোপান-শ্রেণীর পাদদেশে পৌঁছাই; উহা বাহিয়া নীচে নামিয়া গেলেই প্রশস্ত কক্ষাবলীর প্রথমটিতে আসা যায়; এই কক্ষটির নাম পূর্বেই উল্লিখিত হইয়াছে—ভ্যান্‌ ভিল্‌-হল্‌ (Van-Zyls' Hall)। ইহা সুপ্রকাণ্ড ও চমৎকার। এই কক্ষের প্রান্তভাগে মর্ম্মরস্তম্ভশ্রেণী নয়নগোচর হয়। উচ্ছল আলোকে এগুলিকে বহুমূল্য বিচিত্রবর্ণ মণিমাণিক্যখচিত বলিয়া মনে হয়। অগণিত শতাব্দীর অস্তরালে প্রকৃতির গোপন রহস্য-ভাণ্ডারে ইহাদের নির্মাণেতিহাস লুক্কায়িত আছে! মানববুদ্ধি সে রহস্য ভেদ করিতে পারে না।

এই কক্ষ পার হইয়া যত অভ্যন্তরে যাওয়া যায়, পথ ততই সঙ্কীর্ণ অসরল অন্ধকার হইয়া মধো মধো প্রস্তরের

স্বপ্নরাজ্যে উপস্থিত হইতে থাকে। কোথাও বিরাট মর্ম্মরস্তম্ভ, কোথাও স্তূপাকার প্রস্তরের অপূর্ব স্বাভাবিক শোভা,—আবার কোথাও বা বহুবর্ণসম্পন্ন প্রবালশোভাময় আশ্চর্য্য পাষাণ-পুষ্পের প্রচুরতা! কোথাও আবার প্রস্তর এত সূক্ষ্ম সৌন্দর্য্যের সৃষ্টি করিয়াছে যে মনে হয় বুঝি ছুঁইলেই ভাঙ্গিয়া পড়িবে! যেন কামিনীপুষ্পের স্পর্শভীতু পাপড়ি!

ক্যান্সোকেভস্‌ বাতিরেকে আউড্‌শূর্ন হইতে ভ্রমণকারি-গণ আরও একটি দ্রষ্টব্য স্থানে যাইয়া থাকেন। উহা 'রাস্তে'ভ্রীদ' নামক একটি রম্য কৃষীস্থলী। এই শহরের



উটপাখীর আস্তানা

২১ মাইল উত্তরপূর্বে স্থাপিত। এখানকার প্রাকৃতিক সৌন্দর্য্য, নয়নস্নিগ্ধকর শ্রামলতা, একটি রমণীয় জলপ্রপাত, সকল কষ্ট সার্থক করিয়া মনকে অপূর্ব আনন্দরসে অভিষিক্ত করিয়া থাকে। এখানকার নানাবিধ ছত্রাপ্য ফুল ও লতাপাতাকে রক্ষা করিবার ব্যবস্থা আছে। আউড্‌শূর্নের প্রান্তরে জগতের শ্রেষ্ঠ উটপাখীর পালক পাওয়া যায়; এখানকার উদ্ভিজ্জ উটপাখীর পক্ষে সাতিশয় উপযোগী। চাষবাস ও পশুপালন দ্বারা অধিবাসীরা প্রধানতঃ জীবিকা নির্বাহ করিয়া থাকে। প্রকৃতি কিছুমাত্র রূপণতা না করিয়া এই স্থানটিকে পরম রমণীয় করিয়া তুলিয়াছে।



রামমোহন রায়

গত চৈত্রমাসের “প্রবাসী”তে শ্রীযুক্ত রবীন্দ্রনাথ ঠাকুর মহাশয় লিখিয়াছেন—

আমাদের জীবনে যে-সব লাভ পরম লাভ, মাঝে মাঝে তাই উপলব্ধি করবার জন্তে আমাদের উৎসবের দিন। সেদিন যা আমাদের শ্রেষ্ঠ, যা আমাদের সত্য, যা আমাদের গৌরবের, তারই জন্তে আসন প্রস্তুত হয়, অন্তরের আলো বড়ো করে জ্বালাই, যা আমাদের চিরন্তন সেদিন তাকে ভালো করে দেখে নেবার জন্তে আমরা মিলি।

পশুপাখীদেরও প্রাণের ঐশ্বর্য আছে। সে তাদের প্রাণশক্তিরই বিশেষ বিকাশ। পাখী উড়তে পারে, এ তার একটি সম্পদ। মাঝে মাঝে এই সম্পদকে সে উপলব্ধি করতে চায়, মাঝে মাঝে সে ওড়ে, কোন প্রয়োজনে নয়, ওড়বারই জন্তে; সে তার পক্ষচালনা দিয়ে আকাশে এই কথা ঘোষণা করে যে, আমি পেয়েছি। এই তার উৎসব। বুনো খোড়া খোলা মাঠে এক এক সময় পূব করে দৌড়ে নেয়,—কোন কারণ নেই। সে নিজেকে বলে, আমার গতিবেগ আমার সম্পদ; আমি পেয়েছি। এই উৎসাহ ঘোষণা করেই তার উৎসব। ময়ূর এক একবার আপন মনে তার পুচ্ছ বিস্তার করে, আপন পুচ্ছ-শোভার প্রাচুর্য-গৌরব সে আপনারই কাছে প্রকাশ করে, আপন অস্তিত্বের ঐশ্বর্যকে উদ্ঘাটিত করে দিয়ে সে অশুভব করে যে জীবলোকে তার একটি বিশেষ সম্মান আছে। সেও বলে, আমি পেয়েছি।

কিন্তু মানুষের উৎসব তার প্রাণ-সম্পদের চেয়ে বেশী কিছু নিয়ে। যা সে সহজে পেয়েছে তাতে সে অন্ত জীবজন্তুর সঙ্গে সমান, যা সে সাধনা করে পেয়েছে তাতেই সে মানুষ। সে আপনার ঐশ্বর্য

আপনি যখন সৃষ্টি করে তখনই সে আপনাকে সত্য করে পায়। তখনই সে বলে, আমি পেয়েছি। তার আনন্দ সৃষ্টির আনন্দ।

যা পুণী তাই বানিয়ে তোলা মাত্রকেই সৃষ্টি বলে না। কোন বিশ্বস্তাকে লাভ করার যোগে প্রকাশ, ও প্রকাশ করার যোগে লাভ করাকেই বলে সৃষ্টি। সূতরাং সে কারো একলা নয়। পশু-পক্ষীর যে উৎসবের কথা পূর্বে বলেছি সে তাদের একলার, মানুষের উৎসব সকলকে নিয়ে। লক্ষপতি তার বাবসায় মস্ত লাভ করতে পারে,—তা নিয়ে সে ঘটা করে ভোজ দিতেও পারে, কিন্তু সেইখানেই সেটা ফুরাল, মানুষের উৎসবলোকে সে স্থান পেল না। সে আপন লাভকে অতি সতর্কতা ও কৃপণতার সঙ্গে লোহার সিন্দূকের মধ্যে বন্দী করে রাখে, তারপরে একদিন সে অতি কঠিন পাহারার ভিতর থেকেও শূন্যে অন্তর্ধান করে। সে নিজে সৃষ্টি নয় বলেই উৎসব সৃষ্টি করতে পারে না। সৃষ্টি মানে উৎসৃষ্টি, যা সকল বায়কে অতিক্রম করে দানরূপে থেকে যায়।

চিরকালের ঐশ্বর্য যখন তার কাছে প্রকাশ পায় তখন মানুষ বড়ো করে বলতে চায় “আমি পেয়েছি”। একথা সে বলতে চায় সকল দেশকে, সকল কালকে, কেন না পাওয়া তার একলার নয়। ঋষি একদিন বিশ্বকে বলেছিলেন, পেয়েছি, জেনেছি। বেদাং। ঋষি সেই সঙ্গেই বলেছেন, আমার পাওয়া তোমাদের সকলের পাওয়া—শৃঙ্খল বিধে। এই বাণীই উৎসবের বাণী। মানুষের উৎসবে চিরন্তন কালের আনন্দ ও আহ্বান।

ঘরে যখন কোনো শুভ ঘটনা ঘটে, যেমন সন্তানের জন্ম বা বিবাহ, সেটাতেও আমাদের দেশের মানুষ সকলকে ডাকে, বলে, “আমার আনন্দে তোমরাও আনন্দ কর। আমার গৃহের উৎসব যখন বাইরে গিয়ে পৌঁছবে তখনই তা সম্পূর্ণ হবে।” বস্তুত মানুষের ব্যক্তিগত শুভ ঘটনা, যা মানব সম্বন্ধের কোনো একটি

বিশেষ রূপকে প্রকাশ করে যেমন জননীর সন্তানলাভ বা নর-নারীর প্রেমসম্মিলন, তাও একান্ত ব্যক্তিগত নয়, নবজাত শিশু বা নবদম্পতি শুধু মাত্র ঘরের না, তারা সমস্ত সমাজের। এইজন্মে গৃহের উৎসবকে সর্বজনের উৎসব যখন করি তখনই তা সার্থক হয়।

আমাদের উৎসবের বাণী হচ্ছে এই যে, সমস্ত মানবের হ'য়ে আমরা একটি ব্রত লাভ করেছি, ব্রতপতি আমাদের এই ব্রতকে সার্থক করুন। এ আমাদের মিলনের ব্রত। একটি মহৎ জীবনের ভিতর থেকে এই ব্রত উদ্ভাবিত, একজন মহামানব এর প্রতিষ্ঠা ক'রে গেছেন, আমরা যেন একে গ্রহণ করি।

মানুষ তার যে জীবনকে সহজে পেয়েছে সেই জীবনকে সৃষ্টি দ্বারা বিশিষ্টতা দিলে তবেই তাকে যথার্থ ক'রে পায়। তা করতে গেলেই কোনো একটি বড়ো সত্যকে আপন জীবনের কেন্দ্ররূপে আশ্রয় করা চাই। সেই কেন্দ্রস্থিত ধ্রুব সত্যের সঙ্গে আপন চিন্তাকে কর্ণকে আপন দিনগুলিকে সংযুক্ত ক'রে জীবনকে সুসংযত ঐক্য দিতে পারলে তবেই তাকে বলে সৃষ্টি। এই সৃষ্টির কেন্দ্রটি না পেলে তার দিনগুলি হয় বিচ্ছিন্ন, তার কর্ণগুলির মধ্যে কোন নিত্যকালের তাৎপর্ষ্য থাকে না। তখন জীবনটা আপন উপকরণ নিয়ে শুপুপাকার হ'য়ে থাকে, রূপ পায় না। তাতেই মানুষের দুঃখ। এই বিশ্বসৃষ্টির যজ্ঞে যা কিছু থাকে অস্পষ্ট, বিক্ষিপ্ত, যা কিছু রূপ না পায় তাই হয় বর্জিত। একেই বলেই বিনষ্টি। যারা আপনার মধ্যে সৃষ্টির সার্থকতা পেয়েছেন যারা নিজের জীবনের মধ্যে সত্যকে বাস্তব ক'রে তুলেছেন তাকে রূপ দিতে পেরেছেন, অমৃতাস্তে ভবন্তি।

অধিকাংশ মানুষ বিষয়লাভের উদ্দেশ্যকেই জীবনের কেন্দ্র করে। তার অধিকাংশ উদ্ভাস এই এক উদ্দেশ্যের দ্বারা নিয়ন্ত্রিত হয়। এতেও জীবনকে বার্থ করে, তার কারণ এই যে মানুষ মহৎ, যতটুকু তার নিজের পোষণের জন্ত, যতটুকু কেবল তার অদ্যতন, তাতে তার সমস্তটাকে ধরে না। এই সত্যটিকে প্রকাশ করবার জন্মে মানুষ দুটি শব্দ সৃষ্টি করেছে, অহং আর আত্মা। অহং মানুষের সেই সত্তা যার সমস্ত আকাঙ্ক্ষা ও আয়োজন চিরকালের থেকে ক্ষণিকতার মধ্যে, সর্বলোকের থেকে এককের মধ্যে তাকে পৃথক ক'রে রেখেছে। আর আত্মার মধ্যে তার সর্বজনীন ও সর্বকালীন সত্তা। সমস্ত জীবন দিয়ে যদি মানুষ অহংকেই প্রকাশ করে তবে সে সত্যকে পায় না, তার প্রমাণ, সে সত্যকে দেয় না। কেন না সত্যকে পাওয়া আর সত্যকে দেওয়া একই কথা, যেমন প্রদীপের পক্ষে আলোকে পাওয়া। মানুষের পক্ষে আত্মাকে উপলব্ধি ও আত্মাকে দান করা একই কথা। আপনার সৃষ্টিতে মানুষ আপনাকে পায় এবং আপনাকে দেয়। এই দান করার দ্বারাই সে সর্বকাল ও সর্বজনের মধ্যে নিত্য হয়।

আমাদের মধ্যে বিচিত্র অসংলগ্ন ও পরস্পর-বিরুদ্ধ কত প্রবৃত্তি রয়েছে। এগুলি প্রাকৃতিক; মাটি যেমন, শিলাখণ্ড যেমন প্রাকৃতিক। এরা সৃষ্টির উপকরণ। প্রকৃতির ক্ষেত্রে এদের অর্থ আছে, কিন্তু মানুষ এদের ভিতর থেকে আপন সঙ্কল্পের বলে যখন একটি সম্পূর্ণ মূর্তি উদ্ভাবিত করে, তখনই মানুষ এদের প্রতি আপন সার্থকতার মূল্য অর্পণ করে। বাঘের অস্তিত্বরক্ষায় প্রাকৃতিক প্রবৃত্তির প্রয়োজন আছে, তার হিংস্রতা তার জীবনযাত্রার উপযোগী, এইজন্মে তার মধ্যে ভালোমন্দ মূল্যভেদ নাই। কিন্তু কেবলমাত্র জৈব অস্তিত্বরক্ষায় মানুষের সম্পূর্ণতা নয়; বহুযুগের ইতিহাসের ভিতর দিয়ে মানুষ আপনাকে সৃষ্টি ক'রে তুলছে,—সেই তার মনুষ্যত্ব। এই তার আপন সৃষ্টির পক্ষে তার প্রকৃতিগত যে উপাদান অমুকুল তাই ভালো, যা প্রতিকূল তাই রিপু। এইজন্মে মানুষের জীবনের মাঝখানে এমন একটি মূল সত্যের প্রতিষ্ঠা থাকা চাই যা তার সমস্ত বিচ্ছিন্নতা বিরুদ্ধতাকে সমন্বয়ের দ্বারা নিরস্ত্রিত ক'রে ঐক্য দান করতে পারে। তবেই সে আপনার পরিপূর্ণ চিরন্তন সত্যকে পায়। সেই সত্যকে পাওয়াই অমৃতকে পাওয়া। না পাওয়া মহতী বিনষ্টি। অর্থাৎ যে বিনাশ তার দৈহিক জীবনের অভাবের বিনাশ সে নয়, তার চেয়েও বেশী, যা তার অমৃত থেকে বঞ্চিত হওয়ার বিনাশ, তাই।

যেমন ব্যক্তিগত মানুষের পক্ষে তেমনি তার সমাজের পক্ষে একটি সত্যের কেন্দ্র থাকা চাই। নইলে সে বিচ্ছিন্ন হয়, দুর্বল হয়, তার অংশগুলি পরস্পর পরস্পরকে আঘাত করতে থাকে। সেই কেন্দ্রটি এমন একটি সর্বজনীন সত্য হওয়া চাই, যা তার সমস্ত বিচ্ছিন্নতাকে সর্বাত্মক ঐক্য দিতে পারে,—নইলে তার না থাকে শান্তি, না থাকে শক্তি, না থাকে সমৃদ্ধি, সে এমন কিছুকে উদ্ভাবন করতে পারে না, যার চিরকালীন মূল্য আছে। সমাজ মানুষের সকলের চেয়ে বড় সৃষ্টি। সেই জন্মেই দেখি ইতিহাসের আরম্ভ হ'তেই যখন থেকে মানুষ দলবদ্ধ হ'তে আরম্ভ করেছে তখন থেকেই সে তার সম্মিলনের কেন্দ্রে এমন একটি সত্যকে প্রতিষ্ঠিত করতে চেয়েছে যা তার সমস্ত খণ্ডকে জোড়া দিয়ে এক করতে পারে। এইটের উপরেই তার কলাগণের নির্ভর। এইটেই তার সত্য, এইটেই তার অমৃত, নইলে তার বিনষ্টি।

বস্তুত এই ঐক্যের মূলে মানবজাতি এমন কিছুকে অমুস্তব করে যার প্রতি তার ভক্তি জাগে, যার জন্মে সে প্রাণ দেয়, যাকে সে দেবতা বলে জানে। মানুষ বাহ্যত বিচ্ছিন্ন, অথচ তার অন্তরের মধ্যে পরস্পর যোগের যে শক্তি নিয়ত কাজ করছে তা পবন রহস্যময়, তা অনির্বাচনীয়। তা প্রত্যেক ব্যক্তির মধ্যে প্রতিষ্ঠিত, অথচ প্রত্যেক ব্যক্তিকেই দেশে কালে বহুদূরে অতিক্রম ক'রে চলে।

বিশেষ বিশেষ উপজাতি আপনাদের ঐক্যবন্ধনের গোড়ায় যে দেবতাকে স্থাপিত করেছে সেই দেবতাই বিশেষ সমাজের মধ্যে ঐক্য



বিস্তার করলেও অশ্ব সমাজের বিরুদ্ধে ভেদবুদ্ধিকে একান্ত উগ্র করে তোলে। ধর্মের ঐক্যত্বকে সঙ্কীর্ণ সীমায় স্থানিক রূপ দেবামাত্রই তা বাহিরের সঙ্গে বিচ্ছেদের সাজ্বাতিক অস্ত্র হয়ে দাঁড়ায়। পৃথিবীতে প্রাকৃতিক বিভীষিকা অনেক আছে, ঝড়, বজ্রা, অগ্নুৎপাত, মারী, কিন্তু মানুষের ইতিহাস খুঁজে দেখলে দেখা যায় ধর্মের বিভীষিকার সঙ্গে তাদের তুলনাই হয় না। সর্বমানবের অন্তরতম যে গভীর ঐক্য মানুষের ধর্মই তার সকলের চেয়ে বড়ো শত্রু ছিল, এবং সেই শত্রুতা যে আজো ঘুচে গেছে তা বলতে পারি নে।

তাই যুগে যুগে যারা সাধকশ্রেষ্ঠ তাঁদের সাধনা এই যে, দেবতার সম্বন্ধে মানুষের যে বোধ স্থানে, রূপে ও ভাবে খণ্ডিত তাকে অখণ্ড করা; সাম্প্রদায়িক রূপগতা যে ধর্মকে আপন আপন বিশেষ বিশ্বাস, বিধি ও বাবহারের দ্বারা বন্ধ করেছে তাকে মুক্ত করে দিয়ে সর্বমানবের পূজাবেদীতে প্রতিষ্ঠিত করা। যখনই তা ঘটে তখনই সেই ধর্মের উৎসবে জাতিবর্ণনির্বিশেষে সকল মানুষের প্রতি আহ্বান ধনিত হয়, সেই উৎসব-ক্ষেত্রে কোনো বিশেষ ঐতিহাসিক বেড়া দিয়ে ঘেরা থাকে না। তখন ধর্মবোধের সঙ্গে যে অবাধ ঐক্যত্ব একান্ত তা উজ্জ্বল হয়ে ওঠে।

ইতিহাসে দেখা গেছে, একদা যিহুদিরা তাঁদের ঈশ্বরকে তাঁদের জাতিগত অধিকারের মধ্যে সঙ্কীর্ণ করে রেখেছিলেন; তাঁদের ধর্ম তাঁদের দেবতার প্রসাদকে নিজেদের ইতিহাসের মধ্যে একান্ত পুঞ্জিত করে রাখবার ভাণ্ডারঘরের মত ছিল। সেই দেবতার নামে ভিন্ন সম্প্রদায়ের সর্বনাশ করাকে নিজ দেবতার পূজার অঙ্গ বলেই তাঁরা মনে করেছিলেন। তাঁদের দেবতাকে হিংস্র, বিঘ্নপরায়ণ, রক্তপিপাসু-রূপে ধ্যান করাই তাঁদের বিশেষ গৌরবের বিষয় ছিল। সেদিন তাঁদের ধর্মোৎসব তাঁদেরই মন্দিরের প্রাঙ্গণে ছিল সঙ্কুচিত, সেখানে বিশ্বের অধিকাংশ মানুষই শুধু যে ছিল অনাহৃত তা নয়, তারা শত্রু বলেই গণ্য হ'ত।

যিশু এলেন ধর্মকে মুক্তি দিতে। ঈশ্বরকে তিনি সর্বমানবের পিতা বলে ঘোষণা করলেন,—ধর্মের সকল মানুষের সমান অধিকার, ঈশ্বরে মানুষের পরম ঐক্য এই সাধন-মন্ত্র যখন তিনি মানুষকে দান করলেন তখন এই সাধনার সম্পদ সকল মানুষের উৎসবের যোগা হ'ল।

যিশুর শিষ্যরা এই মন্ত্র সকলেই সত্যভাবে গ্রহণ করেছে এমন কথা বলতে পারি নে। মুখে যাই বলুক, পাশ্চাত্য জাতির ধর্মবুদ্ধি মোটের উপর ওল্ড্ টেস্টামেন্টের ভাবেই সংঘটিত। এইজন্ত যুদ্ধ-বিগ্রহের সময় তারা ঈশ্বরকে নিজেদের দলভুক্ত বলেই গণ্য করে, যুদ্ধে প্রতিকূল পক্ষ বিনষ্ট হ'লে তাতে তারা ঈশ্বরের পক্ষপাত কল্পনা করে কৃতজ্ঞতা প্রকাশ করে। ঈশ্বরের নামে যে যুরোপে হিংস্রতা বহু শতাব্দী ধরে প্রকাশ পেয়েছে—শুধু তাই নয় যখন তারা যিশুর

বাণীর প্রতিধ্বনি করে স্বর্গরাজ্যস্থাপনের কথা বলে তখন সেই সঙ্কট নিজেদের রাজ্যের জন্তে দেশের জন্তে ঈশ্বরের কৃপায় সকল প্রকার উপায়ে মর্ত্যরাজ্য-বিস্তারের আকাঙ্ক্ষাকেই জয়ী করতে চেষ্টা করে। এমন কি, যুদ্ধবিগ্রহের সময় তাদের ধর্ম-যাজকেরা যত বিঘ্নের উত্তেজনার অনুমোদন করেছে এমন সৈনিকেরাও নয়।

এর কারণ বাইবেলে যে অংশে ঈশ্বর রাগদ্বৈতালিত দলপতিরূপে কল্পিত ও বর্ণিত সেই অংশই তাদের নিজের স্বাভাবিক প্রবৃত্তির সহায় হয়ে তাদের অহমিকা ও পরজাতিবিদ্বেষকে বল দিয়েছে। কিন্তু তৎসঙ্গেও খৃষ্টের বাণী যে কাজ করেছে না তা হ'তেই পারে না। তার কাজ গূঢ়, গভীর। বস্তুত আমাদের স্বাভাবিক অহঙ্কার দেবতাকে গুঢ় করে আমাদের শুভবুদ্ধিকে খণ্ডিত করে বলেই পরম সত্যের অদ্বৈতরূপ উপলব্ধির জন্তে আমাদের আত্মার গভীর প্রয়োজন।

বুদ্ধদেব জাতিবর্ণ ও শাস্ত্রের সমস্ত ভাগবিভাগ অতিক্রম করে বিশ্বমেত্রী প্রচার করেছিলেন। এই বিশ্বমেত্রী যে মুক্তি বহন করে সে হচ্ছে অনৈক্য-বোধ থেকে মুক্তি। রিপুমাত্রই মানুষের সঙ্গে মানুষের ভেদ ঘটায়, কেন না ভেদ আমাদের অহং-এর মধ্য, এবং আমাদের রিপুগুলি এই অহং-এরই অনুচর। তারা আত্মাকে অবরুদ্ধ করে। সাধকেরা যখন ঐক্যের বিশ্বক্ষেত্রে আত্মাকে মুক্তি দান করেন তখনই তার আনন্দকে তার উৎসবকে সর্বদেশে কালে প্রতিষ্ঠিত করেন।

ভারত-ইতিহাসের মধ্যযুগে যখন মুসলমান বাহির থেকে এল তখন সেই সংঘাতে দুই ধর্মের পরীক্ষা হয়েছিল। দেখা গেল এই দুই ধর্মের মধ্যেই এমন কিছু ছিল যাতে মানুষে মানুষে শান্তি না এনে নিদারুণ বিরোধ জাগিয়েছে। হিন্দুধর্ম সেদিন হিন্দুকেও ঐক্যদান করেনি, তাকে শতধা বিভক্ত করে তার বল হরণ করেছে। মুসলমান-ধর্ম আপন সম্প্রদায়কে এক-করা দ্বারা বলীয়ান করেছিল, কিন্তু তার মধ্যে সাম্প্রদায়িক ভেদ-বোধ নির্দয়ভাবে প্রবল ছিল বলেই সাম্প্রদায়িক ভিন্নতার ভিতর দিয়েও মানুষের অন্তরতর ঐক্যকে উপলব্ধি করেনি। বাইরের দিক থেকে আঘাত করে মুসলমান মানুষের বাহ্য-রূপের পক্ষেদিকে সবলে একাকার করে দিতে চেয়েছিল। অপর পক্ষে ধর্মের বাহ্যরূপের বেড়াকে বহুগুণিত করে হিন্দু মানুষে মানুষে যে বাহ্য ভেদ আছে তার উপর স্বয়ং ধর্মের স্বাক্ষর দিয়ে তাকে নানা বিধি বিধান ও সংস্কারের দ্বারা আটঘাট বেঁধে পার্কা করে দিয়েছিল। সেদিন এই দুই পক্ষে ধর্মবিরোধের অন্ত ছিল না,—আজও সেই বিরোধ মিটে চায় না।

সেদিন ভারতে যে-সব সাধক জন্মেছিলেন তাঁরা ভেদবুদ্ধির নিদারুণ প্রকাশ দেখেছেন। তাই মানুষের চিরকালীন সমস্যার সমাধান করার জন্তে তাঁদের সমস্ত মন জেগেছিল, এই সমস্যা হচ্ছে, ধর্মের বলে ভেদের মধ্যে অশান্তির সেতু স্থাপন করা। সে কেমন করে হ'তে পারে? না,

সকল ধর্মের বাহিরে দেশ কালের আবর্জনা জন্মে উঠে তার সাম্প্রদায়িক রূপকে কঠিন ক'রে তোলে, সেদিকে এক সম্প্রদায়ের লোক অল্প সম্প্রদায়কে বাধা দেয়, আঘাত দেয়, কিন্তু তাদের মধ্যে যে অন্তরতম সত্য সেখানে ভেদ নেই বাধা নেই। এক কথায় অবিদ্যার মতোই বাধা, অজ্ঞানের বাধা, যেখানে কোন এক শাস্ত্রে বলে বাহুর মাপার উপরে পৃথিবী স্থাপিত সেখানে আর এক শাস্ত্রে বলে দৈত্যের কাঁধের উপর পৃথিবী স্থাপিত,—এই মতভেদ নিয়ে আমরা যদি খুনোখুনি করি তবে সেই অজ্ঞানের লড়াই বাইরের দিক থেকে কিছুতেই মিটতে পারে না। কিন্তু জ্ঞানের দিকে বিরোধ মেটে এইজন্তে যে, সেখানে বিশ্বাসের যে আদর্শ সে বিশ্বজনীন বুদ্ধি, সে প্রথাগত বিশ্বাস নয়, লোকমুখের কথা নয়।

আধ্যাত্মিক সাধনার মধ্যে বিশ্বজনীনতা আছে, সাম্প্রদায়িক প্রথার মধ্যে নেই। সেইজন্তে ভারতবর্ষের ঐক্যসাধক ঋষিরা সকল ধর্মের মূলে যে চিরন্তন ধর্ম আছে, তাকেই ভেদবোধপীড়িত মানুষের কাছে উদ্ঘাটিত করেছিলেন। শাস্ত্র সাময়িক ইতিহাসের; আত্মপ্রত্যয় চিরকালের। শাস্ত্র ভেদ ঘটায়, আত্মপ্রত্যয় মিলন আনে। দাছ কবির নানক প্রভৃতি মধ্যযুগের ভারতীয় সাধকেরা ধর্মের শারীর্য বাহুরূপের বাধা ভেদ ক'রে এক পরম সত্যের আধ্যাত্মিক রূপকে প্রচার করেছিলেন। সেইখানেই সকল বিরোধের সমন্বয়।

এই বিরোধ-সমন্বয়ের প্রয়োজন ভারতে যেমন এমন আর কোথাও নয়। এই ভারত-ইতিহাসে সকলের চেয়ে উজ্জ্বল নাম তাঁদেরই গাঁরা আধ্যাত্মিক সাধনার ক্ষেত্রে মানুষের বিরোধ শাস্ত্র করতে চেয়েছেন। তাঁদের যে গৌরব সে রাষ্ট্রনীতির কুটবুদ্ধির গৌরব নয়, সে গৌরব সহজ সাধনার। এদেশে বড় বড় যোদ্ধা ও সত্রাটের জন্ম হয়েছিল, ঐতিহাসিক বহু অশ্রমে কালের আবর্জনা স্তুপের মধ্য থেকে তাদের লুপ্তপ্রায় নাম উদ্ধার ক'রে আনেন। কিন্তু এই যে-সব সাধক বাহুরূপের আবরণ দূর ক'রে ধর্মের আধ্যাত্মিক সত্যকে সর্বজনের কাছে প্রকাশ করেছেন তাঁরা একদা সর্বজনের কাছে যতই আঘাত ও প্রত্যাখ্যান পেয়ে থাকুন দেশের চিত্ত থেকে তাঁদের নাম কিছুতে লুপ্ত হ'তে চায় না। এঁরা অনেকেই ছিলেন অবিদ্বান অস্তাজ জাতীয়, কিন্তু এঁদের সম্মান সর্বকালের; এঁরা ভারতের সব চেয়ে বড়ো অভাব মেটাবার সাধনা করেছেন,—এবং ভেবে দেখতে গেলে সেই অভাব সমস্ত মানুষের।

আধুনিক ভারতে সেই সাধনার ধারা বহন ক'রে এনেছেন রামমোহন রায়। তিনি যখন এলেন তখন সমস্ত আরো জটিলতর, তখন প্রবল রাজশক্তির হাত ধ'রে খৃষ্টান-ধর্মও এই ধর্মভার-বিদীর্ণ দেশে এসে প্রবেশ করেছে। রামমোহন রায় অপমান ও অত্যাচার স্বীকার ক'রে ধর্মের সর্বজনীন সত্যের যোগে মানুষের বিচ্ছিন্ন চিত্তকে মেলাবার

উদ্দেশ্যে তাঁর সমস্ত জীবন উৎসর্গ করেছিলেন। মানবলোকে ধারা মহাত্মা তাঁদের এই সর্বপ্রধান লক্ষ্য; মানুষের পরমসত্য হচ্ছে মানুষ এক, এই সত্যকে প্রশস্ত ও গভীরতম ভিত্তিতে প্রতিষ্ঠিত করাই তাঁদের কাজ। রামমোহন আত্মার দৃষ্টিতে সকল মানুষকে দেখেছিলেন এবং আত্মার যোগে সকল মানুষকে ধর্মসম্বন্ধে যুক্ত করতে চেয়েছিলেন।

সৌভাগ্যক্রমে আমাদের প্রাচীনতন সাধকেরাও এই ঐক্যের বাণী চিরকালের মতো আমাদের দান ক'রে গেছেন। তাঁরা বলেছেন, শাস্ত্র শিবমহৈতং—যিনি অশ্বত যিনি এক তাঁর মধ্যেই মানুষের শাস্ত্র, তাঁর মধ্যেই মানুষের কলাপ। এই বাণী অনেক কাল ভারতে সাম্প্রদায়িক কোলাহলে প্রচ্ছন্ন হয়েছিল। তিনি তাকেই তাঁর জীবনে তাঁর কর্মে ধ্বনিত ক'রে তুললেন। আজ প্রায় একশো বছর হলো তিনি এই একের মন্ত্র ঘোষণা করেছিলেন। যে ইচ্ছা ভারতবর্ষের গূঢ়তম ইচ্ছা, সেই তার চিরকালের ইচ্ছার সঙ্গে আজকের দিনের যোগ আছে। ভারতের সেই ইচ্ছাই একশত বৎসর পূর্বে ভারতের এক বরপুত্রের জীবনে আবির্ভূত হয়েছিল এবং এইদিনেই তাকে তিনি সফলতার রূপ দিতে চেয়েছিলেন। জানি সকলে তাঁকে স্বীকার করবে না এবং অনেকে তাঁকে বিরুদ্ধতার দ্বারা আঘাত করবে। কিন্তু জীবনে ধারা অমৃত লাভ করেছেন প্রতিকূলতার সাময়িক কুহেলিকায় তাঁদের দীপ্তিকে গ্রাস করতে পারবে না। তাই ধারাদের মনে শ্রদ্ধা আছে, তাঁরা ভারতের সনাতন ঐক্যবাণীর একটি উৎস-মুখ বলেই আজকের এই দিনের পবিত্রতাকে অন্তরের মধ্যে গ্রহণ করবেন এবং রামমোহনের মধ্যে যে প্রার্থনা ছিল সেই প্রার্থনাকে কায়মনোবাক্যে উচ্চারিত করবেন যে, ভারতবর্ষ বিচ্ছিন্নতা থেকে, জড়বুদ্ধি থেকে, বহিরস্তরের দাসত্ব-দশা থেকে, মুক্তি লাভ করুক—য একঃ—স নো বুদ্ধা শুভয়া সংযুক্ত।

মার্কিনের মেয়েদের কথা

গত মাঘ ও ফাল্গুনের “বঙ্গলক্ষ্মী”তে শ্রীযুক্ত বিপিনচন্দ্র পাল মহাশয় মার্কিনের ‘মেয়েদের কথা’ শীর্ষক যে প্রবন্ধ লিখিয়াছেন নিয়ে আমরা তাহার অংশ উদ্ধৃত করিলাম।

* * *

ছয়-সাত বার ত কালাপানি পার হইয়াছি কিন্তু এ পর্যন্ত সমুদ্রের সঙ্গে আমার বনিবনাও হয় নাই। সমুদ্রে জাহাজে চড়িলেই আমার মাথা ঘুরিতে আরম্ভ করে। আমেরিকার পথে একবারও আমি আমার কামরা ছাড়িয়া বাহিরে যাইতে পারি নাই। একদিন প্রাতঃকালে আমার কামরার ইংরাজ ধানসামা এক প্লেট ফল আনিয়া আমাকে দেয়। একজন সহযাত্রী মার্কিনী মহিলা, জামি এই জাহাজে আছি



এবং অক্ষয় হইয়া পড়িয়াছি শুনিয়া, এ উপহার আমাকে পাঠাইয়াছেন। আমি পাইলাম কি না, ইহা সঠিক জানিবার জন্ত তিনি এই খানসামার মারকৎ আমাকে আমার কামরায় বাইয়া আমার হাতখানা বাড়াইয়া দেখাইতে অক্ষুরোধ করিয়া পাঠান। নিউইয়র্ক বন্দরে জাহাজ পৌঁছিলে আমি যখন কামরা হইতে বাহির হইয়া উপরে গেলাম, তখন এই মহিলাটি অতিশয় আগ্রহসহকারে আমাকে আসিয়া অভিবাদন করিয়া বলিলেন, “তুমি বিবেকানন্দের দেশের লোক; এই জাহাজে আছ শুনিয়া অবধি আমি তোমাকে দেখিবার জন্ত উৎসুক হইয়াছিলাম। সেদিন তোমার হাতখানা দেখিবার জন্ত আমি কিছু সামান্য ফল তোমাকে পাঠাইয়াছিলাম। তুমি জান না বিবেকানন্দ আমাদের কি দিয়াছেন। তাঁর প্রতি কৃতজ্ঞতাতেই তুমি তাঁর দেশের জাতের লোক জানিয়া তোমাকে দেখিবার জন্ত এত উৎসুক হইয়াছিলাম।” বিবেকানন্দ অদৃশ্যে থাকিয়াও এই অপরিচিত মার্কিং মহিলার সঙ্গে আমার পরিচয় করাইয়া দিয়াছিলেন।

একদিন প্রাতঃকালে খবরের কাগজ খুলিয়া দেখিলাম যে বেলা ১০টার সময় হারভার্ড বিশ্ববিদ্যালয়ের সংস্কৃতির অধ্যাপক কার্ণেজি-হলে রামায়ণ ও মহাভারত সম্বন্ধে বক্তৃতা করিবেন। কার্ণেজি-হল—নামেই পরিচয়, ধনকুবের কার্ণেজির দান, নিউইয়র্ক সহরে একটা প্রসিদ্ধ ও সম্ভ্রান্ত প্রতিষ্ঠান। এই বক্তৃতা শুনিবার জন্ত আমার কোতূহল হইল। পয়সা দিয়া টিকিট কিনিয়া সভায় বাইয়া উপস্থিত হইলাম। হলটা খিয়েটারের মত সম্ভ্রান্ত। আমি এক ডলার (তখনকার হিসাবে প্রায় ৩ টাকা) দিয়া ষ্টলের টিকিট কিনিয়াছিলাম। এই সভায় পুরুষ শ্রোতৃসংখ্যা অতি সামান্য দেখিলাম, বোধ হয় পাঁচজনের বেশী হইবে না। মেয়ের সংখ্যা প্রায় ২৫০ কি ৩০০ হইবে। দেখিয়া অবাক হইয়া গেলাম। রামায়ণ মহাভারতের কথা শুনিবার জন্ত এতগুলি মার্কিণী মহিলা পয়সা খরচ করিয়া আসিয়াছেন, স্বচক্ষে না দেখিলে বিশ্বাস করা কঠিন হইত। বক্তৃতা আরম্ভ হইবার মুখে একটি মহিলা আমার কাছে আসিয়া উপরের একটি বক্সে ডাকিয়া লইয়া গেলেন। সেখানে ভারতবর্ষের হিন্দু-সাধনার অক্ষুরাগিণী একজন মার্কিণী মহিলা বসিয়াছিলেন; বক্সটা তাঁহারই ছিল। বক্তার রামায়ণ-মহাভারতের কথা রাম যাচাই করিবার জন্তই এই ভক্তমহিলা আমাকে অমন করিয়া তাঁহার কাছে ডাকিয়া লইয়া গেলেন। বক্তৃতার পরে বক্তাকে শ্রোতৃবর্গের জেরার জবাব দিতে হয়। যে ভক্তমহিলা আমাকে তাঁহার বক্সে নিমন্ত্রণ করিয়া লইয়া গিয়াছিলেন, তাঁহার পীড়াপীড়িতে আমাকে ছুঁচাটি কথা বলিতে হয়। কি কথা, এতদিন পরে তাঁহার বিন্দুবিসর্গ মনে নাই। কিন্তু সভার কাজ শেষ হইলে আমাকে মেয়েরা আসিয়া

খেরিয়া পাড়ান ও আমার মুখে ভারতবর্ষের কথা শুনিবার জন্ত বিশেষ আগ্রহ প্রকাশ করেন; এবং কেহ কেহ আমাকে নিউইয়র্কের সকলের চাইতে বড় মেয়েদের ক্লাবে নিমন্ত্রণ করিয়া যান।

আমেরিকায় বিলাতের মত অভিজাত্য বা aristocracy নাই। বিলাতী সমাজে বড় লোকদিগকে “upper ten” বলে। ইহার অর্থ সমাজের উপরকার দশজন। সমাজের শতকরা দশজনই শীর্ষস্থানীয়; বাকী মক্কাইজন সাধারণ লোক। মার্কিং “upper ten” বলে না; “upper five hundred” বলে। অর্থাৎ মার্কিংয়ের অভিজাত্যের মাপে সমাজের শতকরা পঞ্চাশজনই শ্রেষ্ঠী শ্রেণীর অন্তর্গত। যে মহিলাদের ক্লাবে আমাকে ইহার নিমন্ত্রণ করেন, সেই ক্লাব সমাজে বড়লোকের ক্লাব। যতদূর মনে পড়ে ইহার নাম (Bernard Club) বার্ণার্ড ক্লাব। এই ক্লাবের সভ্য-সংখ্যা সহস্রাধিক। এখানে পুরুষদিগের প্রবেশাধিকার নাই; তবে পশ্চিমের পুরুষদের ক্লাবে যেমন মাঝে মাঝে মহিলাদিগকে নিমন্ত্রণ করা হয়, সেইরূপ এই মহিলা-ক্লাবেও মাঝে মাঝে পুরুষদের নিমন্ত্রণ করা হয়। মহিলা-ক্লাবের সভোরা তাঁহাদের পুরুষ আত্মীয়-স্বজন বা বন্ধুবান্ধবদিগকে সেদিন ক্লাবের মজলিসে লইয়া যাইতে পারেন। আমি একদিন মাত্র এই ক্লাবে গিয়াছিলাম। সে কি বিরাট বাপার! অনেক সভোরা নিউইয়র্কে আসিয়া এই ক্লাবে বাস করেন। এ ছাড়া ক্লাবের স্থায়ী বাসিন্দাও আছেন। ক্লাবের বাড়ীটা বিস্তৃত ভূমির উপরে স্থাপিত। এখানে সভ্যদিগের সুবিধার জন্ত সকল ব্যবস্থাই রহিয়াছে। ইহার সংলগ্ন একটা বড় পুস্তকাগারও আছে। এই সকল ব্যবস্থার জন্ত প্রতিমাসে কত টাকা যে খরচ হয়, তাহা বলা যায় না। আমরা এদেশে সে কল্পনাও করিতে পারিব না। আর এই সব খরচই সভোরা জগাইয়া থাকেন।

একবার নিউইয়র্কের বাহিরে একটা মফঃস্বলের সহরে এক সভায় আমি বক্তৃতা দিতে যাই। ভারতবর্ষের কথা বলিবার জন্তই আমি অক্ষুরুদ্ধ হইয়াছিলাম। সভায়লে বাইয়া দেখিলাম প্রায় সাত-আট শত মহিলাতে সভায়ল পরিপূর্ণ হইয়াছে।—বক্তৃতামঞ্চের সম্মুখে জন দুই পাত্ৰী এবং মঞ্চের উপরে আমি—আর এ ছাড়া আরও দুই তিন জন মাত্র পুরুষ এই সভায় উপস্থিত ছিলেন। মোট কথা এই মার্কিংয়ের পুরুষেরা সারাদিন অর্থোপার্জনেই বাস্তব থাকেন। সে হাড়ভাঙ্গা পরিশ্রমের পরে তাঁদের আর সন্ধ্যার পরে এক খিয়েটার ছাড়া আর কোথাও বাইবার দেহের শক্তি বা মনের প্রবৃত্তি থাকে না। স্বামীদিগের অজ্ঞিত অর্থে গৃহস্থামিনীর গার্হস্থ্য কৰ্ম হইতে স্বচ্ছন্দ অবসর লাভ করিয়া নানাবিধ মানসিক এবং সামাজিক উন্নতিকল্পে আপনাদিগের সময় এবং শক্তি নিয়োজিত করিয়া থাকেন। এইরূপে মার্কিংয়ের শিক্ষিত ও উচ্চশ্রেণীর মহিলারাই একরূপ সমাজের উচ্চতর সাধনার দিকটা বাঁচাইয়া রাখিয়াছেন ও কুটাইয়া তুলিতেছেন।

মার্কিণের অভিনব সভ্যতা ও সাধনা টাকার ভায়ে পিষিয়া যাইত এবং ঐর্থ্যের উত্তাপে একেবারে শুকাইয়া পড়িত যদি মার্কিণের মেয়েরা নিজেদের এই সাধনা ও সভ্যতার সেবাতে নিয়োজিত না করিতেন। মার্কিণের 'আমেরিক' সম্পদের প্রতিষ্ঠা পুরুষদিগের মনীষা ও কার্য-কুশলতার উপরে। আর তাহার দৈবী সম্পদের রক্ষণাবেক্ষণের ভার বিশেষভাবে পড়িয়াছে মার্কিণী মহিলাদের উপরে। মার্কিণের ধনকুবেরগণের পত্নী ও কন্যা যদি কেবল ভোগবিলাসেই ডুবিয়া থাকিতেন, তাহা হইলে আমেরিকা যে একটা বিরাট ও উদার আধ্যাত্মিক সম্পদ অর্জন করিতেছে এবং একটা নূতন সাধনা গড়িয়া তুলিতেছে ইহা কখনই সম্ভব হইত না।

মার্কিণের বাণিজ্যকেন্দ্র নিউইয়র্ক ও সিকাগো, আর সাধনার কেন্দ্র শতাধিক বর্ষাবধি হইয়াছিল বোষ্টন। একবার এই বোষ্টনের এক মহিলাসমিতি তাঁহাদের সভাতে আমাকে বক্তৃতা করিতে নিমন্ত্রণ করেন। আমি তখন নিউইয়র্কে ছিলাম। আমি যে হোটেলে ছিলাম সেখানকার একটি মহিলা আমি বোষ্টনে মেয়েদের কাছে বক্তৃতা করিতে যাইব শুনিয়া কহিলেন "মিষ্টার পাল, তুমি তাদের কাছে কি বলিবে? তারা কেবল ভাববাচ্যে কথা বলে। তারা তত্ত্বকথা ভিন্ন আর কোন কথা জানে না।" তাদের আলোচ্য বিষয়— "Whichness of the why and whyness of the which"। আমি ইহাদিগকে আমার বক্তব্যবিষয়ে একটা তালিকা পাঠাইয়া দিই। তাহার মধ্যে এ সকল বিষয় ছিল— "ভারতীয় ব্রহ্মতত্ত্ব", "এমাস'ন ও হিন্দু-সাধনা", "ব্রিটিশ শাসনাধীনে ভারত" ইত্যাদি। আমি ভাবিয়াছিলাম ইহার প্রথম বা দ্বিতীয় বিষয়টিই নির্বাচন করিবেন। কিন্তু বর্তমান ভারতের রাষ্ট্রকথা শুনিবার জন্ত ইহার বেশী উৎসুক হইলেন। যতদূর মনে পড়ে বোষ্টনের একটা বড় সভামণ্ডপে আমার এই বক্তৃতার বন্দোবস্ত হইয়াছিল। এই বাড়ীর নাম Tremont Temple। এই বাড়িতে ছোটবড় অনেকগুলি সভামণ্ডপ আছে। সব চাইতে বড় মণ্ডপে তিন চার হাজার লোকের বসিবার ব্যবস্থা আছে। এখানে আমি একবার পরে বক্তৃতা দিয়াছিলাম। এবারে কিন্তু একটা মাঝারি মণ্ডপে মহিলাদের সভা হয়। বোধ হয় পাঁচ-ছয় শত মহিলা সে সভায় উপস্থিত ছিলেন। যতদূর মনে পড়ে মার্কিণ মহিলাদের মুকুটমণি অশীতিপর্যন্ত বৃদ্ধা জুলিয়া ওয়ার্ড হাউই (Julia Ward Howe) সভানেত্রী হইয়াছিলেন। আমি ভারতবর্ষে বর্তমান ইংরাজ-শাসনের ভালমন্দ দুই দিকই নিরপেক্ষভাবে বর্ণনা করি। আমেরিকায় কোন বক্তা কেবল বক্তৃতা করিয়াই অব্যাহতি পান না। আদালতে যেমন সাক্ষীর জেরা হয়, বক্তৃতামধ্যে সেইরূপ শ্রোতৃবর্গ তাঁর বক্তব্য বিষয় সম্বন্ধে নানা প্রশ্ন করিয়া থাকেন। সে সকল প্রশ্ন মাঝে মাঝে বড়ই অদ্ভুত হয়। মনে পড়ে একটি মহিলা, যিনি স্বামী বিবেকানন্দের সঙ্গে বিশেষ পরিচিত

ছিলেন, আমাকে জিজ্ঞাসা করিলেন,— "আপনি কি একজন স্বামী?" আমি একটু হাসিয়া জবাব দিলাম— "হী ও না— স্বামী অর্থ আমাদের ভাষায় পতি (husband); কলিকাতায় আমার পত্নী (wife) রহিয়াছেন, সুতরাং আমি স্বামী ত বটেই। কিন্তু স্বামী শব্দে সন্ন্যাসীও বুঝায়। এই অর্থে বিবেকানন্দ স্বামী। তাঁদের স্ত্রী না থাকিলেও তাঁরা স্বামী; আমি সে স্বামী নহি।" আমার উত্তর শুনিয়া সভাস্থলে হাসির রোল উঠিল। আর একটি মহিলা জিজ্ঞাসা করিলেন, "তুমি ইংরাজ-শাসনে তোমাদের দেশে যে উপকারের কথা বলিলে, ইহা কি সত্য? পরদেশীর অধীনতাতে কোন দেশের কিছু কি ভাল হইতে পারে?" আমি বলিলাম, "আলোক ও ছায়ার মতন এই দুনিয়ার ভালমন্দ মিশিয়া আছে। তোমাদের এমাস'নই কহিয়াছেন,— For every good there is a counterpoise of evil and for every evil there is some compensation of good; সুতরাং ভারতের ইংরাজ-শাসনেও ভালমন্দ মিশিয়া আছে।" এইরূপে আরও কত প্রশ্নের জবাব আমাকে দিতে হইয়াছিল; সে সকল জবাব যে ঠিক হইয়াছিল আজ এ কথা মনে করি না। কারণ ইংরাজ আসিবার পূর্বে আমাদের দেশের সাধনা ও সভ্যতা সম্বন্ধে আমরা যাহা জানিতাম এই আটাশ বৎসরের মধ্যে তাহার চাইতে অনেক বেশী জানিয়াছি।

নিউ-ইয়র্কে যাইয়া আমি যে হোটেলে উঠিয়াছিলাম, সেই হোটেলের দুইটি ভক্তমহিলার সঙ্গে আমার সর্বাপেক্ষা বেশী আত্মীয়তা হয়। প্রথম দিন সন্ধ্যাবেলা খাবার ঘরে যাইবার সময় আমার পিছন হইতে কে একজন বলিলেন, "ইনি কি পাল মহাশয়? ভারতবর্ষ হইতে আসিয়াছেন?— Is that Mr. Pal from India?" আমি ফিরিয়া দাঁড়াইলাম, দাঁড়াইয়া দেখিলাম দুইটি ভক্তমহিলা আমার দিকে আসিতেছেন। একজন বর্ষীয়সী কিন্তু অসাধারণ রূপলাবণ্যবতী। বয়সের অনিবাধ্য চিহ্নসকল মুখে প্রকাশিত; কিন্তু তাহাতে তাঁহার যৌবনের রূপকেই মনে করাইয়া দেয়, তাহার শেষ চিহ্ন নষ্ট করিতে পারে নাই। গ্রীসের ও রোমের সমাজের উচ্চতম শ্রেণীর মহিলাদিগের যে ছবি মাঝে মাঝে দেখিয়াছি, এই মহিলার অঙ্গসৌষ্ঠবে তাহাই যেন দেখিতে পাইলাম। ইহার বয়স পরে জানিয়াছিলাম, তখন ৮৩।৮৪ ছিল। ইহার সঙ্গিনী অপেক্ষাকৃত ধর্মাকৃতি, চেহারা সাদা-সাদা ধরণের। আমার কাছে আসিয়া বলিলেন, "আপনি এই হোটেলে আসিয়াছেন শুনিয়া অবধি আমরা আপনার পরিচয়-লাভের জন্ত আগ্রহান্তিম্বা-সহকারে অপেক্ষা করিতেছিলাম। আপনার সঙ্গে আমাদের পরিচয় করাইয়া দেয়, এখানে এমন কেহ নাই দেখিয়া নিজেরাই আসিয়া আপনার সঙ্গে আলাপ পরিচয় করিলাম। আহুন, আমাদের টেবিলে বসিয়া একত্র আহার করা যাউক। বোধ হয় এখনও আপনার কোন



নির্দিষ্ট টেবিলে বন্দোবস্ত হয় নাই।” এই হোটেলের খাবার-ঘরে শতাধিক লোকের বসিবার ব্যবস্থা ছিল। অনেকগুলি ছোট ছোট টেবিল চারিদিকে সাজান ছিল। কোন টেবিলে বা দু’জন, কোনটিতে বা চারিজন, আর দু’চারটা বড় টেবিলে একসঙ্গে ছয়জন বা আটজন বসিবারও আসন ছিল। হোটেলের যাহারা ছিলেন, তাহারা অধিকাংশ সপরিবারে বাস করিতেছিলেন। তাঁদের এক-একটা নির্দিষ্ট টেবিল ছিল। এ ছাড়া অল্প লোকেরা নিজেদের মধ্যে ছোট ছোট দল বাধিয়া এক-একটা নির্দিষ্ট টেবিলে যাইয়া বসিলেন। এই দুইটি ভদ্রমহিলার একটা স্বতন্ত্র টেবিল ছিল। সেই টেবিলে চারিজন লোক বসিবার ব্যবস্থা ছিল। কিন্তু টেবিলটা তাঁদেরই দু’জনার জন্ত নির্দিষ্ট ছিল। আমাকে সঙ্গে করিয়া তাহারা এই টেবিলে যাইয়া বসিলেন। আমি যতদিন এই হোটলে ছিলাম, এই টেবিলে বসিয়াই ইঁহাদের সঙ্গে দু’বেলা যাইয়া আহার করিতাম। টেবিলে যাইয়া বসিলে বণীয়সী মহিলাটি কহিলেন, “এখানে তোমার কাহারও সঙ্গে তেমন আলাপ-পরিচয় এখনও হয় নাই। একেলা বসিয়া থাইতে তোমার বড় অসুবিধা হইবে ভাবিয়া আমরা উপযাচক হইয়া তোমার সঙ্গে পরিচয় করিয়া তোমাকে আমাদের টেবিলে আনিয়াছি। আমাদের স্বার্থ, ভারতবর্ষের সমাজ ও সাধনাকে আমরা অতিশয় শ্রদ্ধা করি; তোমার মুখে তার কথা শুনিবার জন্ত এই সুযোগ সৃষ্টি করিলাম।”

এই বণীয়সী মহিলাটির জীবনের ইতিহাস শুনিয়া তাহার প্রতি আমার অন্তরের সহানুভূতি ও শ্রদ্ধা আপনা হইতেই উচ্ছ্বসিত হইয়া উঠিয়াছিল। ইনি অন্ধ; দেখিলে কিন্তু তাহা বুঝা যায় না। কেবল কিছুক্ষণ ধরিয়া তাহার চোখের দিকে চাহিয়া থাকিলে এ সন্দেহ জন্মিতে পারে। বিংশতি বর্ষ বয়সে তাহার বিবাহ হয়। কিন্তু বিবাহের দিনেই তিনি বিধবা হইয়াছিলেন। স্বামী-স্ত্রীতে নূতন ঘরে প্রবেশ করিবার অল্পক্ষণ পরেই তাহার স্বামী ঘোড়ায় চড়িয়া সন্ধ্যাকালে একটু বেড়াইতে যান। স্ত্রী এদিকে নূতন ঘরে নূতন টেবিল সাজাইয়া স্বামীর প্রতীক্ষায় বসিয়া আছেন। অল্পক্ষণ পরেই প্রতিবেশীরা স্বামীর সৃতদেহ বাড়ীর দেউড়ীর দরজার উপরে বহন করিয়া লইয়া আসিল। ঘোড়া হইতে পড়িয়া গিয়া সাংঘাতিক আঘাত পাইয়া রাজপথেই তাহার জীবন-লীলা পরিসমাপ্ত হয়। নববধু এই আকস্মিক বজ্রাঘাতে কিছুদিন পর্য্যন্ত একরূপ বাহুচেতনাশূন্য হইয়া ছিলেন। শরীর তাহার কাজ করিতেছিল, চলাফেরা সবই করিতেন, কিন্তু মন বিকল হইয়া যায়। কিছুদিন চোখে এক ফোঁটা জল পর্য্যন্ত বাহির হয় নাই। ক্রমে একটু একটু করিয়া বাহুচেতনতা ফিরিয়া আসিল, সঙ্গে সঙ্গে চোখের জল অবিরামধারাতে প্রবাহিত হয়। তিন মাসের মধ্যে দু’টি চক্ষুই একেবারে অন্ধ হইয়া যায়। সপ্তপরিণীত স্বামী এমন সংস্থান রাখিয়া যান নাই, যাচাতে বিধবার স্বচ্ছন্দে জীবন-যাত্রা

নির্বাহ হয়। যে সামান্য সঙ্গতি ছিল, তাহা অবলম্বন করিয়া তাহার অন্ধ বিধবা একটা অন্ধদিগের স্কুলে যাইয়া আশ্রয় গ্রহণ করেন। সেখানে দুই-তিন বৎসর থাকিয়া ভাল করিয়া লেখাপড়া শিখিয়া ইনি সাহিত্যসেবায় আপনার জীবন উৎসর্গ করেন। “এলিস” নামে তাহার প্রথম উপন্যাস প্রকাশিত হয়। ইহাতে গল্পচ্ছলে তিনি তাহার নিজের কথাই বিবৃত করেন। রসসৃষ্টির হিসাবে বইখানি খুব উৎকর্ষলাভ না করিলেও লেখিকার জীবনের করুণ কাহিনীতে মার্কিণের সাহিত্য-সমাজে “এলিস” খুব প্রতিষ্ঠালাভ করে। সেই হইতে গল্প লিখিয়া, প্রবন্ধ লিখিয়া, বিবিধ উপায়ে ইনি আপনার জীবিকা-উপার্জন করেন। সম্পত্তিশালিনী না হইলেও স্বচ্ছলভাবে ইহাতেই তাহার ভরণপোষণের ব্যবস্থা হয়। যে অপেক্ষাকৃত অল্পবয়স্কা মহিলা তাহার সঙ্গে ছিলেন, তিনি সেক্রেটারীর কাজ করিতেন। ইঁহাকে তিনি “Little Eyes” বলিয়া ডাকিতেন। ইঁহার নাম ছিল কুমারী কল্প। দু’জনেই যুক্তরাজ্যের ভার্জিনিয়া প্রদেশের লোক ছিলেন। ইঁহার দু’জনে আমাকে যে স্নেহ ও আত্মীয়তাস্বত্রে আবদ্ধ করিয়াছিলেন, তাহা কখনও ভুলিব না। নিউইয়র্ক সহরে আমি যখন যেখানে বক্তৃতা করিতাম সেখানেই তাঁরা আমার সঙ্গে যাইতেন। এইরূপে তিন-মাসাধিক কাল আমি ইঁহাদের সঙ্গে নিউইয়র্কে একই হোটলে বাস করিয়াছিলাম। নিউইয়র্কেই আমার আড্ডা ছিল। এখান হইতেই আমি মার্কিণের ভিন্ন ভিন্ন স্থানে বক্তৃতা করিয়া বেড়াইতাম। মাস তিনেক পরে ইঁহারা নিউইয়র্ক ছাড়িয়া যুক্তরাজ্যের রাজধানী ওয়াশিংটনে চলিয়া যান। বিদায়কালে আমি শেষ বিদায় গ্রহণ করিতে গেলে তাঁরা কহিলেন, নিউইয়র্কে তোমার সঙ্গে শেষ দেখা হইতেই পারে না। তুমি আমেরিকায় আসিয়া আমাদের রাজধানী না দেখিয়া চলিয়া যাইবে, আমরা ইহা ভাবিতেই পারি না। ওয়াশিংটনে তোমার সঙ্গে দেখা হইবেই হইবে। আমি কহিলাম, আমি ত দেশ বেড়াইতে আসি নাই, সে সঙ্গতিও আমার নাই। যেখান হইতে কাজের ডাক আসে সেখানেই আমি যাই; তারাই আমার খরচপত্র জোগাইয়া থাকে, আপনারা ইহা জানেন। যদিও তাঁরা বলিলেন, ওয়াশিংটনে দেখা হইবে, আমি তাহার কোন সম্ভাবনা না দেখিয়া নিউইয়র্কের হোটলেই তাহাদের নিকট হইতে বিদায় লইলাম।

ইঁহার পরে দুইমাস কাটয়া গেল। ২রা জুন আমি ইংলণ্ডে ফিরিবার জন্ত যাত্রা করিব ঠিক করিয়া তাহার ব্যবস্থা করিলাম। দিন ১০।১৫ পূর্বে ইঁহাদিগকে আমার শেষ বিদায়লিপি পাঠাইলাম। ইঁহার উত্তরে কুমারী কল্প আমাকে তার করিলেন যে, আমার ওয়াশিংটনে বাইবার ব্যবস্থা হইয়াছে।

কি করিয়া আমার ওয়াশিংটনে আসার ব্যবস্থা হয় সে এক অদ্ভুত কাহিনী। এই কাহিনীতে মার্কিনসভাতার বৈশিষ্ট্য ও প্রাণবন্ত দেখিলাম ফুটয়া উঠিয়াছে। মার্কিন-রাষ্ট্রনীতি ও সমাজনীতির মূল কথা—মানুষ বলিয়াই একটা মৌলিক মহত্ব ও মর্যাদা আছে। উচ্চপদে কিম্বা বিপুল অর্থে এ মর্যাদা যে বাড়ায় না তাহা নহে; পদের বা অর্থের মূল্য এখনও পৃথিবীর কোথাও নষ্ট হয় নাই, মার্কিনেও নহে। কিন্তু অল্পাংশ দেশে যার পদ বা অর্থ নাই, তার নিছক মনুষ্যত্বের মর্যাদা ও মূল্য প্রায় হয় না। যারা কিঞ্চিৎ পরিমাণেও নিজেদের মনীষা কিম্বা চরিত্রের দ্বারা অতি-মানুষের কিম্বা আমাদের প্রাচীন পরিভাষা “লোকত্তরের” প্রতিষ্ঠা লাভ করেন, তাঁহাদের কথা স্বতন্ত্র। উচ্চপদ না থাকিলেও কিম্বা আকাশবৃষ্টি অবলম্বন করিয়াও ইঁহারা সকল দেশেই লোকসমাজে সম্মানিত হইয়া থাকেন। কিন্তু মার্কিনে অতি সামান্য লোকেরাও কোন ভাল বিষয় হাতে লইলে সমাজের শ্রেণীরাও ইঁহাদের কথায় কর্ণপাত করেন, এবং ইঁহাদের কাথো স্বচ্ছন্দভাবে সাহায্য করিতে কুণ্ঠিত হন না।

কুমারী ফন্স আমি ওয়াশিংটন না দেখিয়াই আমেরিকা পরিত্যাগ করিতেছি, এই সংবাদ পাইয়াই কি করিয়া আমাকে ওয়াশিংটন নেওয়া যাইতে পারে সে চেষ্টায় প্রবৃত্ত হ'ন। তিনি বুঝিয়াছিলেন যে ভারতীয় সাধনা ও সভ্যতার কথা যঁহাদের আগ্রহসহকারে শুনিবার সম্ভাবনা আছে, তাঁহাদের দ্বারাই কেবল ওয়াশিংটনে আমার একটা বক্তৃতা রাখা হইতে পারে। ওয়াশিংটনে একটা দার্শনিকমণ্ডলী বা Philosophical Society ছিল, বোধ হয় এখনও আছে। কুমারী ফন্স যে দিন আমার চিঠি পাইলেন, সেইদিনকার স্থানীয় সংবাদপত্র পুলিয়া দেখিলেন, সেইদিন অপরাহ্নেই এই মণ্ডলীর একটা অধিবেশন হইবে। তিনি যথাসময়ে সেখানে যাইয়া উপস্থিত হইলেন। সেই মণ্ডলীর সম্পাদকের নিকটে আপনার নাম লিখিয়া একটু চিরকুট পাঠাইয়া দেখা করিতে চাহিলেন। সম্পাদক তখনই আসিয়া তাঁহার সঙ্গে দেখা করিলেন। তাঁহাকে কুমারী ফন্স কহিলেন, “আপনারা দার্শনিক তত্ত্বের আলোচনা করেন। আমি ধরিয়া লইতেছি যে আপনারা হিন্দু দর্শনেরও ভারতীয় সাধনার কথা একজন ভারতবর্ষের লোকের মুখে নিশ্চয়ই শুনিতে চাহিবেন। নানাস্থানের সংবাদপত্রে আপনারা তাঁর নামও শুনিয়া থাকিবেন। নিউইয়র্ক, বোস্টন, সিকাগো, সেন্টলুই প্রভৃতি বড় বড় সহরে বিশ্বজনমণ্ডলী-সমক্ষে ভারতীয় দর্শন ও ধর্ম সম্বন্ধে বক্তৃতা করিয়াছেন—তাঁর নাম বিপিনচন্দ্র পাল। তিনি ওয়াশিংটনে আসেন নাই। আগামী সপ্তাহেই আমেরিকা ছাড়িয়া যাইবেন। আমার অনুরোধ, এ সপ্তাহেই আপনারা তাঁহাকে আপনাদের সভাতে আসিতে আমন্ত্রণ করিয়া পাঠান। আপনাদের এ জন্ত বেশীকিছু খরচের ব্যবস্থা করিতে হইবে না। কেবল একটা হলের

ও সভার বিজ্ঞাপনাদির ব্যবস্থা করিলেই হইবে।” সম্পাদক তাঁহার কন্ঠসমিতিকে তখনই যাইয়া একথা জানাইলেন ও কুমারী ফন্সকে তাঁহাদের সঙ্গে পরিচিত করিয়া দিলেন। তাঁরা হলের ও সভার অল্পাংশ বন্দোবস্ত করিতে রাজী হইলেন। পরবর্তী বৃহস্পতিবারে সভার দিন ধার্য হইল; কুমারী ফন্স অমনি আমাকে তাহার পূর্বদিনের গাড়ীতে ওয়াশিংটনে পৌঁছবার জন্ত তার করিলেন। সভার ঘর ত পাওয়া গেল। সভা যঁরা আহ্বান করিবেন তাঁরাও অনেকেই সভাতে উপস্থিত থাকিবেন, ইহাও ঠিক হইল। কিন্তু তাঁরা ক'জন! Philosophical Societyর সভা-সংখ্যা কোথাও শতের ঘরে পৌঁছায় না। আমাকে ডাকিয়া আনিয়া ২০।২৫ জন লোকের সামনে দাঁড় করাইলে, কুমারী ফন্স ভাবিলেন, আমার প্রতিও উপযুক্ত সম্মান দেখান হইবে না, আর মার্কিন যুক্তরাজ্যের রাজধানীরও তাহাতে মুখ থাকিবে না। সুতরাং সভাগৃহ যাহাতে শ্রোতৃবর্গে পরিপূর্ণ হয়, ইহার ত ব্যবস্থা করিতে হইবে। আমাদের দেশে যখন তখন রাজ্যরথানেক বিজ্ঞাপন বিলি করিয়াই একটা বড় সভা করিতে পারা যায়। বিলাতে বা মার্কিনে ইহা সম্ভব নহে। সেখানকার লোকেরা সর্বদাই নানা কাজে ব্যস্ত থাকে। বহুদিন পূর্ক হইতেই তাহাদের কাজের বরাদ্দ হইয়াও রহে। সুতরাং যখন-তখন একটা সভা ডাকিলেই তাহাতে লোকসংঘট হয় না। বিশেষতঃ, সমাজের চিন্তানায়কেরা যদি আমার এই বক্তৃতা উপস্থিত না হয়, তাহা হইলে সমুদয় শ্রম পণ্ড হইয়া যাইবে, ইহা ভাবিয়া কুমারী ফন্স তখন ওয়াশিংটনের শ্রেষ্ঠ মনীষীদিগের সন্মানে ছুটিলেন। ডাঃ ডব্লিউ, টি, হারিস সে সময়ে কেবল ওয়াশিংটনে নহে সমগ্র আমেরিকায় দার্শনিকদিগের শীর্ষস্থান অধিকার করিয়াছিলেন। ডাঃ হারিস মার্কিন যুক্তরাজ্যের শিক্ষাবিভাগের কমিশনার ছিলেন। ডাঃ হারিসের নাম ইংলও এবং যুরোপেও দার্শনিক-সমাজে বিশেষ মূপরি-চিত ছিল। তিনি জর্জান দার্শনিক হেগেলের জায়ের বা Logicএর ইংরাজী অনুবাদ করিয়াছিলেন এবং হেগেলীয় দর্শনের একজন খুব বড় বাধ্যতা ছিলেন। “Journal of Speculative Philosophy” নামে একখানি উচ্চতর দার্শনিক পত্রের সম্পাদক ছিলেন। কুমারী ফন্স সকলের আগে তাঁহার নিকটে যাইয়া উপস্থিত হইলেন, এবং আমার বক্তৃতা কথা বলিয়া এই সভার তাঁহাকে সভানায়কের পদ গ্রহণ করিতে অনুরোধ করিলেন। তিনি সভার উপস্থিত হইবেন প্রতি-শ্রুতি দিলেন, কিন্তু অবসর-অভাবে সভাপতির আসন গ্রহণ করিতে পারিবেন না, বলিলেন। তারপর ডাঃ হারিস সভার ধরুচপত্র কে যোগাইতেছে জিজ্ঞাসা করিলেন। কুমারী ফন্স বলিলেন, তার কোন বিশেষ বন্দোবস্ত তখনও হয় নাই, তবে বক্তাকে কোন দক্ষিণা দিতে হইবে না বলিয়া তিনি সেজন্ত বিশেষ উদ্বিগ্ন হন নাই। ডাঃ হারিস তখন তাঁহার হাতে একখানা দশ ডলারের নোট দিয়া কহিলেন,



“আমার এই সামান্য সাহায্য গ্রহণ করুন।” ডাঃ হারিসের সঙ্গে দেখা করিয়া কুমারী ফক্স আরও দু’চারজনের সঙ্গে দেখা করিলেন। তাঁহাদের নাম আমার মনে নাই।

সভার বন্দোবস্ত ত একরূপ হইল। ওয়াশিংটনে আমার আতিথোর ব্যবস্থার কি হইবে? কুমারী ফক্সেরা একটা Boarding House এ ছিলেন। সেখানে আমার থাকার বন্দোবস্ত সহজেই হয়, কিন্তু তাহাতে আমি ইঁহাদেরই অতিথি হইব, ওয়াশিংটনের অতিথি হইব না। ওয়াশিংটনের সমাজের শীর্ষস্থানীয় কোন পরিবারে আমার আতিথাসংকারের ব্যবস্থা না হইলে আমারও সম্মান থাকে না, ওয়াশিংটন-সমাজেরও মুখরক্ষা হয় না। ইহা ভাবিয়া কুমারী ফক্স তখন ওয়াশিংটনের অভিজাতশ্রেণীর য়ানিটেরিয়ান সম্প্রদায়ভুক্ত একজন মহিলা-র সঙ্গে যাইয়া দেখা করিলেন। ইঁহার নাম মিসেস্ ব্রাণ্ট্, ইঁহার স্বামী জেনারেল ব্রাণ্ট্। ইনি আমার নাম জানিতেন। আমি ওয়াশিংটনে যাইতেছি, একথা শুনিবামাত্রই আমার আতিথাসংকার করিতে রাজী হইলেন। কিন্তু ইঁহাতেও কুমারী ফক্সের মন উঠিল না। তিনি মিসেস্ ব্রাণ্ট্কে কহিলেন,—কেবল আতিথাসংকার করিলেই ত চলবে না, ওয়াশিংটন-সমাজের দ্বারা তাঁহার সম্বন্ধনার ব্যবস্থা করা আবশ্যিক। অর্থাৎ তাঁহার সঙ্গে আলাপ করিবার জন্ত আপনাকে একটা সাক্ষাসম্মিলনের বা Evening Partyর ব্যবস্থা করিতে হইবে। মিসেস্ ব্রাণ্ট্ কহিলেন, তিনি আফ্লাদসহকারে তাহা করিতেন, কিন্তু সম্প্রতি তাহার কণ্ঠার বিবাহ হইয়া গিয়াছে, তিনি একলা পড়িয়া আছেন। তাঁহার পক্ষে এ অবস্থায় এত অল্প সময়ের মধ্যে একরূপ একটা সামাজিক অনুষ্ঠানের আয়োজন করা সম্ভব নহে। কুমারী ফক্স তখন নিমন্ত্রণপত্র পাঠাইবার ভার নিজে গ্রহণ করিতে রাজী হইলেন, এবং মিসেস্ ব্রাণ্ট্‌র নিমন্ত্রিতদিগের তালিকা আনিয়া মিসেস্ ব্রাণ্ট্‌র স্বাক্ষরিত কার্ডে তাঁহাদের নিমন্ত্রণ করিয়া পাঠাইলেন।

তারপর বাকী রহিল যুক্তরাজ্যের রাষ্ট্রপতির সঙ্গে আমার দেখা-

সাক্ষাতের ব্যবস্থা করা। কুমারী ফক্স পরদিন পূর্বাঞ্চে রাষ্ট্রপতির প্রাসাদে যাইয়া উপস্থিত হইলেন। স্বাধীন রাষ্ট্রের রাষ্ট্রপতির দরজা সকলের কাছেই খোলা। কুমারী ফক্স একরূপ নগণা রমণী হইলেও এই অব্যাহিত দ্বার দিয়া রাষ্ট্রপতির প্রাসাদে যাইয়া তাঁহার প্রাইভেট সেক্রেটারীর সঙ্গে দেখা করিলেন। মিঃ মার্কিনলি তখন মার্কিনের যুক্তরাজ্যের রাষ্ট্রপতি। কখন তাঁহার সঙ্গে আমার দেখা হয়, এই কথা তুলিলে প্রাইভেট সেক্রেটারী সময়ভাব বলিয়া এ দায় এড়াইতে চাহিলেন। কুমারী ফক্স তখন তাঁহাকে কহিলেন, পাল মহাশয় মিসেস্ ব্রাণ্ট্‌র অতিথি হইবেন। মিসেস্ ব্রাণ্ট্‌র প্রতিনিধিস্বরূপেই আমি আপনার নিকট আসিয়াছিলাম। যাহা হউক, আপনি যাহা বলিলেন, মিসেস্ ব্রাণ্ট্‌কে যাইয়া তাহা বলিব। প্রাইভেট সেক্রেটারী তখন শব্দবাস্ত হইয়া বলিলেন,—“না, না, দেখি কোন মতে একটু সময় করিতে পারি না কি।”—এই বলিয়া বোধহয় রাষ্ট্রপতির সঙ্গে যাইয়া কথা কহিয়া আসিয়া একটা দিন ও সময় নির্ধারণ করিয়া আমাকে তথ্য লইয়া আসিতে বলিলেন। কুমারী ফক্স কহিলেন,—মিসেস্ ব্রাণ্ট্‌ই আমাকে লইয়া আসিবেন। প্রাইভেট সেক্রেটারী তখন কহিলেন, “মিসেস্ ব্রাণ্ট্‌কে বিরক্ত করিবেন না, আপনিই ইঁহাকে সঙ্গে করিয়া আনিবেন।”

এখানে আমি আমার ওয়াশিংটনে অভিজ্ঞতার কথা লিখিতে বসি নাই, মার্কিনের মেয়েদের কথাই বলিতে বসিয়াছি। আর এই কাহিনীতে স্বাধীন রাষ্ট্রের স্বাধীন রমণীরা কোন পদগোরবের দাবী না করিয়াও কিরূপে উচ্চতম শ্রেণীর লোকের কাছে অবাধে উপস্থিত হইতে পারেন, এবং তাহাদের দ্বারা কতটা কাজ করাইয়া লইতে জানেন, এই প্রসঙ্গে তাহারই প্রমাণ পাইয়াছিলাম। স্বাধীনতা এমনই বস্তু। মানুষকে স্বাধীনতা এমান করিয়া গড়িয়া তুলে। মার্কিন যুক্তরাজ্যের আধুনিক বিধিব্যবস্থাতে ইহাই দেখিতে পাওয়া যায়।





কমলা তাড়াগাড়ি ঘরে ঢুকে একখানা চেয়ার টেনে নিয়ে আঁচল দিয়ে একটু মুছে দ্বিজনাথের সম্মুখে স্থাপিত করলে। দ্বিজনাথ উপবেশন করলে নিজের শয্যার উপর আসন গ্রহণ করে ঔৎসুক্যভরে জিজ্ঞাসা করলে, “কি কথা বাবা?”

সিগার-কেস থেকে একটা চুরুট বার করে মুখে দিয়ে দ্বিজনাথ বললেন, “বলছি।” তারপর দেশলাই জ্বলে সিগারটা ধরিয়ে নিয়ে জ্বলন্ত কাঠিটা নিভিয়ে দূরে নিক্ষেপ করে বললেন, “তার আগে আর একটা কথা বল কমল। লজ্জা, সঙ্কোচ প্রভৃতি জিনিষগুলোর এক দিক দিয়ে যতই মূল্য থাকুক, কোনো একটা গুরুতর বিষয়ের মীমাংসার সময়ে সেগুলোকে বিস্ময় করে তুলে বিড়ম্বিত হওয়া কখনো উচিত নয়। যে কথাটা তোমাকে অবিলম্বে জিজ্ঞাসা করা আবশ্যিক হয়েছে, সে কথা তোমার মা এখানে উপস্থিত থাকলে তোমাকে যেমন সহজ ভাবে জিজ্ঞাসা করতেন আমি তেমনি সহজ ভাবে জিজ্ঞাসা করব, আর তুমি তাঁকে যে রকম সহজ ভাবে উত্তর দিতে আমাকেও ঠিক তেমনি সহজ ভাবে উত্তর দিয়ো।” বলে কমলাকে সঙ্কোচ কাটিয়ে প্রস্তুত হবার সময় দেবার উদ্দেশ্যে দ্বিজনাথ চুরুটে ঘন ঘন টান দিতে লাগলেন।

ভূমিকা থেকে আলোচ্য বিষয়ের ধারণা করতে কমলার বিলম্ব হ'ল না,—বিশেষত সন্তোষ যখন জশিড়িতে উপস্থিত রয়েছে। তা ছাড়া অপর কোনও বিষয়ে সঙ্কোচই বা কিসের, আর লজ্জাই বা কেন হবে? সঙ্কোচের কারণ যত হোক না হোক, সঙ্কট-কাল যে আসন্ন, তা উপলব্ধি করে কমলা উদ্বিগ্ন হ'য়ে উঠল। কোনো কথা না বলে সে নীরবে নত-নেত্রে ব'সে রইল

পকেট থেকে একখানা চিঠি বার করে দ্বিজনাথ বললেন, “তোমার মা এখানে উপস্থিত না থাকলেও তাঁর কথা দিয়েই কথাটা আরম্ভ হ'ক; তাঁর মুখ থেকে না শুনলেও তাঁর চিঠি থেকেই কথাটা শোনো।” বলে বিমলার চিঠিখানা কমলার হাতে দিয়ে বললেন, “যে অংশটুকু লাল পেন্সিল দিয়ে ঘেরা আছে শুধু সেই অংশটুকু পড়লেই হবে।”

সংপাত্র হিসাবে সন্তোষের যোগ্যতা সন্দেহে যে অংশে বিমলার উচ্ছ্বসিত প্রশংসা ছিল, সেই অংশটুকু দ্বিজনাথ লাল পেন্সিল দিয়ে চিহ্নিত করে দিয়েছিলেন, বাদ দিয়েছিলেন যে অংশে পদ্মমুখীর চিঠিতে অবগত বিনয় সন্দেহে উদ্বেগ প্রকাশ এবং সতর্ককরণ ছিল। কমলা চিহ্নিত অংশটুকু পাঠ করে চিঠিখানা দ্বিজনাথকে ফিরিয়ে দিয়ে নীরবে ব'সে রইল।

দ্বিজনাথ বললেন, “সন্তোষ সন্দেহে তোমার মার মত ত' জানতেই পারলে। তোমার পদ্ম ঠাকুমারও একান্ত আগ্রহ



সস্তোষের হাতে তোমাকে সমর্পণ করি। আমার নিজের কথা যদি জিজ্ঞাসা কর, আমারো অমত নেই;—রূপ গুণ বিত্তা বুদ্ধি অর্থ, যে দিক দিয়েই দেখ না কেন, সস্তোষের মত একটি পাত্র পাওয়া কঠিন। এখন তোমার যদি সম্মতি থাকে ত' আজই সস্তোষের সঙ্গে কথা শেষ করি। আমার বিশ্বাস, এ কথার একটা পাকাপাকি ক'রে ফেলবার জন্তে সস্তোষ বিশেষ উৎকর্ষিত হ'য়ে অপেক্ষা করছেন। তাঁর প্রতি অগ্র্য আচরণ হবে যদি না আমরা অবিলম্বে তাঁর উৎকর্ষা থেকে তাঁকে মুক্ত করি। তুমি অসঙ্কোচে তোমার মত জানাও কমল, কিছুমাত্র লজ্জা কোরো না।”

উদ্বেগে এবং উত্তেজনায় কমলার কপাল বিন্দু বিন্দু ঘামে ভ'রে উঠল। মুখ দিয়ে কিন্তু কোনো কথা বার হ'ল না—সে পূর্বের মত নির্বাক হয়ে ব'সে রইল।

একটু অপেক্ষা ক'রে দ্বিজনাথ বললেন, “তবে যদি তোমার কোনো কারণে—তা সে যে কারণই হোক না কেন, প্রকাশ করতে তুমি কিছুমাত্র কুণ্ঠিত হয়ো না—যদি তোমার অমত থাকে, তা হ'লে কখনই আমরা সস্তোষের কথা আর ভাবব না, তা অগ্র দিক দিয়ে সস্তোষ যতই বাঞ্ছনীয় হ'ন না কেন।”

এতটা আশ্বাস লাভ ক'রেও কমলার মুখ দিয়ে কোনো কথা নির্গত হ'ল না।

কমলার এই হ্রস্বচ্ছদ মৌনর সঙ্গে দ্বিজনাথ তাঁর অন্তরের কোনো নিভৃত-পালিত বাসনার মৈত্র্য উপলব্ধি ক'রে উৎসাহিত হ'য়ে উঠলেন; বললেন, “ধর যদি কমল, এ বিষয়ে তোমার এমন কোনো আপত্তিই থাকে যা প্রকাশ করতেও তুমি সঙ্কোচ বোধ করছ, সে সঙ্কোচও তোমাকে কাটিয়ে উঠতে হবে। ধর যদি এমন কিছু—” মাছ ধরবেন অথচ জলস্পর্শ করবেন না, সে কৌশল স্মৃতি দেখে দ্বিজনাথ অর্ধ-পথেই নিবৃত্ত হলেন।

পিতার বিপর্যয় অবস্থা দেখে কমলার হৃৎ হ'ল। সমস্ত শক্তি সঞ্চিত ক'রে সঙ্কোচ কাটিয়ে মৃদুস্বরে সে বললে, “মা কিরে আসা পর্যন্ত এ কথা বন্ধ থাক না বাবা।”

দ্বিজনাথ অধীর হ'য়ে উঠলেন; ব্যগ্র কণ্ঠে বললেন, “না, না কমল, এ কথা আর অনির্দিষ্টভাবে ফেলে রাখা যায় না। আমরা কিছু না বলি, এ যাত্রায় যাবার আগে সস্তোষ এ কথা তুলবেনই। তাঁর মনে যে, সংশয় আর উৎকর্ষা দেখা দিয়েছে, এ আমি তাঁর কথাবার্তা আর আচরণ থেকে স্পষ্ট বুঝতে পেরেছি। তিনি যখন কথাটা তুলবেন তখন তাঁকে ত আর বলা চলবে না যে, তোমার মা কিরে আসা পর্যন্ত কথাটা বন্ধ থাক। তা ছাড়া, যে কথাটা তোমার মাকে বলতে পারবে ব'লে মনে করছ, সেটা আমাকে বলতে তোমার এত সঙ্কোচ কেন? বাপের চেয়ে মা কি এতই বেশি আপনার?” ব'লে দ্বিজনাথ হাসতে লাগলেন।

আসলে কিন্তু বাপারটা ঠিক বিপরীত। মাতার চেয়ে পিতাকে কমলা ভালবাসতও বেশি, সঙ্কোচ করতও কম। এ শুধু সময় নেবার উদ্দেশ্যে সে একটা ছল করেছিল। কি ব'লে কথাটার একটা উত্তর দেবে মনে মনে কমলা ভাবছে এমন সময়ে দ্বিজনাথ প্রশ্ন করলেন, “তুমি আজ না খেয়ে উপোস ক'রে আছ কমল?”

ত্রস্ত হয়ে নত নেত্র ঈষৎ উন্নমিত ক'রে কমলা দেখলে পিতার মুখে-চক্ষে নিবিড় সহানুভূতি আর লঘু কোতুক এক সঙ্গে খেলা করছে,—গভীর উদারা-স্বরের সঙ্গে তীক্ষ্ণ তারা-স্বরের অমুরণনের মতো। প্রথমে কমলার স্তব্ধ মুখ সন্ধ্যাকাশের মতো আরক্ত হ'য়ে উঠল, তার পর তার আনত-স্থির চক্ষু দুটি থেকে টপ্ টপ্ ক'রে বড় বড় ফোঁটার অশ্রু ঝ'রে পড়তে লাগল; মুখের কথা আটকে রাখতে গিয়ে শক্তির যে অপচয় হয়েছিল তারই দুর্বলতায় চোখের জল নিরুপায় ভাবে বেরিয়ে এল। যে কথা নির্ণয়ের জন্তে দ্বিজনাথ এতক্ষণ নিষ্ফলভাবে প্রশ্নের পর প্রশ্ন করছিলেন, একটি সমীচীন প্রশ্নের উত্তরে চোখের জল তা অসংশয়েও নিরূপিত ক'রে দিলে।

কমলার অশ্রু দেখে দ্বিজনাথেরও চক্ষু অশ্রুভারাক্রান্ত হ'য়ে এল, মুখে কিন্তু তিনি হাসতে লাগলেন; বললেন, “ছেলেমানুষ আর কা'কে বলে! যে কথা জানবার জন্তে কত রকম ক'রে পেড়াপিড়ি করছি মুখ ফুটে সে কথাটা

শ্রীউপেন্দ্রনাথ গঙ্গোপাধ্যায়

বলেই ত হোত। এতে লজ্জার কি আছে মা? তোমার ত' জানতে বাকি নেই কমল, বিনয়কে আমি কত ভালবাসি, সুতরাং বুঝতেই পারছ এ'তে আমি কত সুখী হয়েছি।" তারপর চেয়ার ত্যাগ ক'রে উঠে কমলার পাশে ব'সে তার মাথায় দক্ষিণ হাতটি স্নেহে বুলোতে বুলোতে বললেন, "আজ সন্ধ্যাবেলাই বিনয়ের সঙ্গে আমি এ কথা শেষ করব। আশা করি তোমার মা ফিরে আসা পর্যন্ত এ কথা বন্ধ না রাখলে চলবে?" ব'লে উচ্চস্বরে হা হা ক'রে হেসে উঠলেন।

নিবিড় সঙ্কোচে ও সুখে কমলা তার আরক্ত মুখ দ্বিজনাথের দেহের মধ্যে লুকোলো।

৩০

বৈকাল সাড়ে চারটের গাড়িতে বিনয় মধুপুর থেকে ফিরছিল। তার পীড়িত বন্ধুর মধুপুরে আসা হয় নি। যে গৃহ ভাড়া হ'য়ে আছে মধ্যাহ্নে তথায় উপস্থিত হ'য়ে সংবাদ পাওয়া মাত্র সেই গাড়িতেই বিনয় ষ্টেশনে ফিরে আসে। সাড়ে চারটের আগে অন্য কোনো গাড়ি না থাকায় অগত্যা সাড়ে চারটের গাড়িতেই ফিরে আসছে।

সমস্ত দিন সে অভুক্ত রয়েছে। শুধু অভুক্তই নয়, সকালে স্কুমারদের বাড়ি থেকে যে চা আর খাবার খেয়ে বেরিয়েছিল তারপর জলস্পর্শ পর্যন্ত করে নি। মধুপুরে খাবারের অভাব ছিল না, দিশি বিলিতি হোটেল ছিল, ষ্টেশনে রিফ্রেশমেন্ট রুম ছিল, তা ছাড়া ময়রার দোকানের ত' সংখ্যাই নেই;—কিন্তু বিনয়ের আহারের প্রবৃত্তি ছিল না। এমন কি ক্ষুধার তৃষ্ণায় যখন দেহটা কষ্ট ভোগ করছিল তখন পর্যন্ত না। দেহ যে-টা স্বভাবের তাড়নায় চাচ্ছিল, মন তাকে বাধ দিচ্ছিল অস্বাভাবিক উত্তেজনায়। কিন্তু সেই উত্তেজনার মূল যে কোথায় নিহিত ছিল,—অভিমান, না অনুশোচনায়, না রাগে, না বৈরাগ্য,—সে বিষয়ে তার কোনো সুস্পষ্ট ধারণা ছিল না; শুধু মনে হচ্ছিল আহারে ও পানে আজ বাধা পড়েছে, আজ ও ছুই ব্যাপারের দ্বারা ক্ষুধা তৃষ্ণার শাস্তি নেই।

একটি সেকেণ্ড ক্লাস্ কামরার জানলার ধারে ব'সে বিনয় বারের দিকে চেয়ে ছিল। জশিডি পৌছবার বহু পূর্ব থেকে রেলগাড়ির বাঁ দিকে ডিগ্‌রিয়া পাহাড় দেখা যায়; তাই দেখতে দেখতে তার মনের মধ্যে ডিগ্‌রিয়ারই মতো সঙ্কল্পের একটি বিশাল পাহাড় তৈরী হ'য়ে উঠ'ছিল,—ডিগ্‌রিয়ারই মতো যার পিছন দিকে আনন্দের সূর্য্য অস্তগমনোন্মুখ, ডিগ্‌রিয়ারই মতো যার সম্মুখ দেশ বিঘাদের ছায়ায় স্রিয়মাণ। যেক্ষেপেই হ'ক কাল সকাল দশটার গাড়িতে কমলার সান্নিধ্য পরিত্যাগ করতে হবে, নচেৎ নিস্তার নেই। যে বাধন মিলিত করে না আবদ্ধ করে, তা থেকে মুক্তি না পেলেই নয়।

কিন্তু এই সঙ্কল্পের কথা মনে ক'রেই বিনয়ের মন বিরক্তিতে ভ'রে উঠ'ল। লোভকে জয় করবার জন্তেই ত সঙ্কল্প, রোগকে প্রশমিত করবার জন্তে যেমন ওষুধ। কিন্তু এই লোভ মনের মধ্যে আসে কেন? আজ সকালে কমলার সামান্য কথায় আহার না ক'রে চ'লে আসা, সমস্ত দিন অকারণ উপবাসে নিজেকে নিপীড়িত করা, লোভের প্রভাব থেকে দূরে পলায়নের সঙ্কল্প প্রভৃতি দুর্বলতার পরিচায়ক আচরণ স্বরণ ক'রে বিনয় নিজেকে মনে মনে তিরস্কার করতে লাগ'ল। সেখানে সহজ হ'য়ে অবস্থান করবার কথা, সেখানে মন কাঠারতা অবলম্বন করে কেন?

একটা নির্বিকল্প ওদাসীতে নিজের মনকে নিরাময় ক'রে নেবার জন্তে বিনয় চেষ্টা করতে লাগ'ল,—যে অবস্থায় আসক্তি বিরক্তি, আকর্ষণ বিকর্ষণ কিছুই থাকবে না, যে অবস্থায় কমলাকে দ্বিজনাথের কণ্ঠা অথবা সন্তোষের বাগ্দত্তা বধুর অতিরিক্ত কিছুই মনে হবে না, সুতরাং পরদিন বেলা সাড়ে দশটার গাড়িতে দেওঘর পরিত্যাগ করা না করা প্রভেদশূন্য হবে।

কিন্তু মনে করবার চেষ্টা করলেই যদি সব কথা মনে করা সম্ভব হ'ত তা হলে মন হ'ত হিসেবের খাতার মত সত্যো-মিথ্যায় নির্বিকার, জমা অথবা ধরনের ঘরে মিথ্যা অঙ্ক ফেললেও হিসাব-নিকাশের সময় সত্যরই মত তা হ্রাস-বৃদ্ধি ঘটাত।



এ কথার সত্যতার পরীক্ষা হ'য়ে গেল হঠাৎ শোভার কথা মনে পড়ায় : জমার ঘরে শোভাকে ফেললে কি হয় ? বিনয় মনে মনে হিসেব ক'রে দেখলে তাতে বৃদ্ধি কিছুই হয় না, পরস্তু হ্রাস হয়। বিস্মিত হ'য়ে হিসাব পরীক্ষা করতে গিয়ে দেখলে জমার ঘরে শোভাকে ফেলতে গেলে সঙ্গে সঙ্গে খরচের ঘরে পড়ে দ্বিজনাথের কণ্ঠা অথবা সস্তোষের বাগ্দত্তা বধু কমলা। বুঝলে, খাতার হিসেবের নিয়মের সঙ্গে মনের হিসেবের নিয়মের প্রভেদ আছে।

ইতিমধ্যে জশিডি স্টেশনে গাড়ি পৌঁছে গিয়েছিল। পরদিন বেলা সাড়ে দশটার গাড়িতে দেওঘর পরিত্যাগের সঙ্কল্প পাকা ক'রে গাড়ি থেকে প্ল্যাটফর্মে নেবেই বিনয় দেখলে সন্মুখে দাঁড়িয়ে রয়েছেন দ্বিজনাথ। সমস্ত মনটা বিরক্তিতে ঘুলিয়ে উঠল—একটা নিরুপায় হতাশায় সে মনে মনে অস্থির হ'য়ে পড়ল,—এরা দেখচি আমাকে কিছুতেই নিস্তার দেবে না ! অপ্রসন্ন স্বরে বললে, “আপনি কষ্ট ক'রে এনেছেন কেন ?”

দ্বিজনাথের মুখে মৃদু হাস্য দেখা দিল ;—বিনয়ের কাঁধে একটা হাত রেখে স্নিগ্ধ কণ্ঠে বললেন,—“কেন কষ্ট ক'রে

এসেছি তা বুঝতে আমার মতো বয়স হ'লে, আর কমলার মতো একটি মেয়ে থাকলে। এখন চল।”

“কোথায় ?”

“আপাতত আমার গাড়িতে, তারপর আমার বাড়িতে।”

দেহটা একটু কঠিন ক'রে নিয়ে বিনয় বললে, “কিন্তু—”

দ্বিজনাথ হাসিমুখে বললেন, “কিন্তু বললে আমি যত্নপি তত্রাচ স্মতরাং অনেক কথাই বলব, অতএব চল।” তারপর মনে মনে কি ভেবে ঈষৎ মৃদুকণ্ঠে বললেন, “কমলা সমস্ত দিন উপোস ক'রে রয়েছে।”

বাগ্নকণ্ঠে বিনয় বললে, “কেন ?”

“তোমারই অবিবেচনার জন্তে। এখন চল।”

আর কোনো কথা না ব'লে নিরতিগভীর চিন্তিত মনে বিনয় দ্বিজনাথের সঙ্গে ওভার-ব্রিজের দিকে অগ্রসর হ'ল।

(ক্রমশঃ)



মরণ

কুমারী গীতা দেবী

মরণ, তোমার বরণ করি গানে,
চরণ দুটি শীতল তব অতি ;
হরণ কর বেদন-ভরা প্রাণে,
হাওয়ার মত মৃদল তব গতি ।

তোমার আগমনের সাথে সাথে
মনের বীণার তন্ত্রী বেজে ওঠে ;
আমার যত গোপন বাধাগুলি
ফুলের গাছে পুষ্প হ'য়ে ফোটে ।

জানিনে কোন্ মারার বলে তুমি
যাও গো নিয়ে অচেনা কোন দেশে ;
আগেই যারা দিয়েছিল পাড়ি
সবাই সেথা তাদের সাথে মেশে !

অশ্রু আমার মুক্তাসারি রূপে
তোমার গলে ছলিয়ে দিলেম মালা,
মনের মত সাজিয়ে দিছু প্রিয়,
হৃদয়দীপে তোমার বরণ ডালা ।

ওগো আমার চিরদিনের সখা,
আজকে সকল দুখের অবসান ;
তাই প্রণয়ের চিহ্ন-স্বরূপ আমি
তোমার পায়ে লুটিয়ে দিলেম প্রাণ

কণ্ঠ শুধু তোমার গানে গানে
উঠছে ভরি আজকে দিবারাতি,
বিদায় নিলেম তোমার সাথে আজি
ওগো আমার অচিন্ লোকের সাথী ।

নানাকথা

রবীন্দ্রনাথ

বৈশাখ মাস শ্রীযুক্ত রবীন্দ্রনাথ ঠাকুর মহাশয়ের জন্মমাস।
সুতরাং বাংলা সাহিত্যের পক্ষে এ মাস শুভ-মাস।
১২৬৮ সালের ২৫-এ বৈশাখ রবীন্দ্রনাথ জন্মগ্রহণ
করিয়াছিলেন। তাঁহার জন্মদিন আগতপ্রায়, আমরা
তদুপলক্ষে কবির দীর্ঘায়ু, স্বাস্থ্য এবং সৌভাগ্য একান্তমনে
প্রার্থনা করিতেছি। এ সংখ্যায় প্রকাশিত কবির আলোচনাটি
শিল্পী, সাধারণভাবে কবির যে চিত্রাদি দেখিয়াছেন তদুল্লক
ধারণা হইতে অঙ্কিত করিয়াছেন, কবিকে এ পর্য্যন্ত তিনি
চাক্ষুস দেখেন নাই। এ চিত্রটির ইহা বৈলক্ষণ্য।

আনন্দ-মেলা

আমাদের এই জাতিগত জীবনের যাবতীয় দুঃখ ও হীন

বঞ্চনার মধো এবং ব্যক্তিগত জীবনের সনির্ভুক্ত আশা-ভঙ্গ
ও পরম দীনতা সত্ত্বেও যদি একবারও এমন একটি সন্মিলনের
আয়োজন হয়, যেখানে পারিপার্শ্বিক বিরুদ্ধতা ভুলিয়া
পরস্পরের সহিত মিলিত হওয়া এবং সেই মিলনের মধো
আনন্দ উপভোগ করা ভিন্ন অল্প কোনও মহত্তর উদ্দেশ্য
না থাকে,—সেইরূপ সন্মিলনের অমুষ্ঠাতৃগণ যথার্থই আন্তরিক
প্রশংসার যোগ্য।

কিঞ্চ সম্প্রতি আমরা এরূপ একটি প্রতিষ্ঠানের পরিচয়
পাইয়াছি, যাহার ক্রিয়া-কলাপ ইহা অপেক্ষা অধিকতর
বিস্তৃত। ইহার নাম আনন্দ-মেলা। এই স্থানে দেশমাতার
কৃতী ও কর্মী সম্মানগণের সহিত সাক্ষাৎ-সম্বন্ধে পরিচিত
হইবার এবং তাঁহাদের জীবনের বার্তা তাঁহাদের মুখে
শুনিয়া জীবন্ত প্রাণের সংস্পর্শে নিজেদের জীবন



করিবার একটি অবসর বহুলোকেই হইয়া থাকে। প্রাণবন্ত সাহিত্যের সেবা এবং নব নব সাহিত্যের সৃষ্টি করা ইহাও আনন্দমেলার অমুঠান-পত্রের অন্তর্গত। জাতি, ধর্ম, এবং বয়স নির্বিশেষে যে কোনও পুরুষ অথবা নারী আনন্দ-মেলার এবং ইহার আনুসঙ্গিক অগ্রান্ত অমুঠানের সদস্ত-শ্রেণীভুক্ত হইতে পারেন। মানবজীবনের বিভিন্ন ক্ষেত্রের যে সকল শিক্ষিত যাত্ৰ নর-নারী এই আনন্দ-মেলার আদর্শে সহায়ত্ব জানাইয়া ইহার পরিচালনা এবং প্রচারের ভার লইয়াছেন, তাঁহাদিগের কয়েকজন : শ্রীযুক্ত মনমথনাথ মুখোপাধ্যায়, বিচারপতি কলিকাতা হাইকোর্ট (সভাপতি), শ্রীযুক্ত জ্যোতিশ্চন্দ্র মুখোপাধ্যায়, প্রধান কর্ম-সচিব কলিকাতা কর্পোরেশন, (সহ-সভাপতি) ডাক্তার শ্রীযুক্ত এডিথ্ ঘোষ (সহ-সভাপতি), সাহিত্যরসিক শ্রীযুক্ত প্রমথ চৌধুরী (সহ-সভাপতি) সুকবি শ্রীযুক্ত অতুলপ্রসাদ সেন (সহ-সভাপতি), শ্রীযুক্ত জলধর সেন, শ্রীমরেন্দ্র দেব, (সম্পাদক, সাহিত্য বিভাগ) শ্রীমুনীতি দেবী, শ্রীসুরুচিবালারায়, শ্রীঅক্ষ দেবী (সম্পাদিকা, সঙ্গীত-বিভাগ) শ্রীযুক্ত সুরজিৎকুমার মুখোপাধ্যায় (সম্পাদক, শারীর-চর্চা বিভাগ) প্রভৃতি। আশা করা যায় ইহাদের তত্ত্বাবধানে আনন্দ-মেলা উত্তরোত্তর উন্নতি লাভ করিবে।

গত দোলপূর্ণিমার দিন রামমোহন লাইব্রেরী-হলে এই আনন্দ-মেলার সপ্তম বার্ষিক মধুপর্বের উৎসব-আয়োজন হইয়াছিল। এই উপলক্ষে সমিতির বালক-বালিকাগণ কর্তৃক 'বসন্তমঞ্জরী' নামে একটি ছোট গীতিনাটিকা অভিনীত হয়। আমরা এই প্রতিষ্ঠানের শ্রীবৃদ্ধি কামনা করি।

* * *

বঙ্গীয় সাহিত্য সম্মেলন

গত ইষ্টাব্দের ছুটিতে কবিগণাকর ভারতচন্দ্র রায়ের জন্মস্থানের নিকটবর্তী মাছু গ্রামে বঙ্গীয় সাহিত্য সম্মেলনের বার্ষিক অধিবেশন অনুষ্ঠিত হইয়াছিল। মূল সভাপতির পদ

গ্রহণ করিয়াছিলেন শ্রীযুক্ত বাহাদুর দীনেশচন্দ্র সেন। সাহিত্য, বিজ্ঞান, দর্শন, ইতিহাস প্রভৃতি বিভিন্ন শাখার বিভিন্ন সভাপতি বৃত্ত হইয়াছিলেন। সাহিত্যশাখার নির্বাচিত সভাপতি শ্রীযুক্ত শরৎচন্দ্র চট্টোপাধ্যায় রঙ্গপুর যুব-সম্মেলনের সভাপতিরূপে আবদ্ধ হইয়া পড়ায় তাঁহার স্থলে বৃত্ত হইয়াছিলেন ডাক্তার নরেশচন্দ্র সেন। দর্শন-শাখার সভাপতি ডাঃ সুরেন্দ্রনাথ দাশগুপ্ত তাঁহার অভিভাষণে "দর্শনের দৃষ্টি" নামে একটি প্রবন্ধ পাঠ করেন। অধ্যাপক দাশগুপ্ত মহাশয় এই প্রবন্ধে অসাধারণ পাণ্ডিত্য এবং চিন্তা-শক্তির প্রভাবে একটি নূতন দার্শনিক সত্য প্রচার করিয়াছেন যাহা প্রাচ্য ও পাশ্চাত্য দর্শনের প্রচলিত মতবাদকে তদ্বিষয়ে অতিক্রম করিয়াছে। উক্ত প্রবন্ধটি জগতের জ্ঞান-ভাণ্ডারে একটি নূতন সম্পদরূপে পরিগণিত হইবার যোগ্য। চৈত্র মাসের বিচিত্রায় আমরা 'দর্শনের দৃষ্টি' প্রবন্ধটি সমগ্র আকারে প্রকাশিত করিয়াছি।

* * *


স্বর্গীয়া কৃষ্ণভাবিনী দাসী

প্রখ্যাত লেখক শ্রীযুক্ত হরিহর শেঠ মহাশয়ের জননী কৃষ্ণভাবিনী দাসীর পরলোকগমন ঘটিয়াছে। চন্দন-নগরে শেঠ মহাশয় যে নারীশিক্ষা-মন্দির, অঘোরচন্দ্র বালিকাবিদ্যালয়, নৃত্যগোপাল স্মৃতি-মন্দির লাইব্রেরী প্রভৃতি প্রতিষ্ঠিত করিয়াছেন তাহার মূলে ছিল তাঁহার স্বর্গগতা জননীর সহায়ত্ব এবং অমুপ্রাণনা। এই মহীয়সী মহিলার মৃত্যুতে ছঃখিত হইয়া আমরা আত্মাদের সমবেদনা হরিহর বাবুকে জ্ঞাপন করিতেছি।

* * *

আকগানিস্থান প্রবন্ধ

এ সংখ্যায় প্রকাশিত আকগানিস্থান প্রবন্ধের চিত্রগুলি 'সংগাত' পত্রিকার সৌভাগ্যে প্রকাশিত হইল।



বনফুল

জ্যৈষ্ঠ, ১৩৩৬ •

শিল্পী—শ্রীমতী অন্তরঙ্গা দাশগুপ্তা

বিচিত্রা

দ্বিতীয় বর্ষ, ২য় খণ্ড

জ্যৈষ্ঠ, ১৩৩৬

ষষ্ঠ সংখ্যা

স্ত্রী-শিক্ষা

শ্রীরবীন্দ্রনাথ ঠাকুর

স্ত্রীলোক ও পুরুষের শিক্ষার এক অংশে মিল আছে, আর এক অংশে নাই। সাধারণ বিদ্যালয়শিক্ষা উভয়েরই পক্ষে সমান আবশ্যিক—বাসায়িক শিক্ষা উভয়ের পক্ষে স্বতন্ত্র। সংসারে যেমন পুরুষের তেমনি মেয়েদেরও একটা বাসায়িক দিক আছে, সেখানে তাহাদের জন্য বিশেষ শিক্ষা চাই। বিশ্বভারতীতে সাধারণ শিক্ষায় ছাত্রছাত্রীর মধ্যে কোনও প্রভেদ করা হয় নাই, এই জন্য তাহারা সে-সকল ক্লাসে এক সঙ্গেই শিক্ষা লাভ করে। বিশেষ শিক্ষার জন্য বিশেষ আয়োজন করিবার চেষ্টায় আছি—প্রধান বাধা উপযুক্ত শিক্ষকের অভাব। আমেরিকা প্রভৃতি দেশে গার্হস্থ্যতত্ত্ব স্বাস্থ্যতত্ত্ব রোগশুশ্রূষা-তত্ত্ব সম্বন্ধে যথার্থ বৈজ্ঞানিক শিক্ষা দেওয়া হয়। তাহাতে শুধু যে কার্যকুশলতা শেখা হয় তাহা নহে, মেয়েদের মন ব্রাস্ত ও অন্ধ সংস্কার হইতে মুক্ত হয়। এইরূপ সংস্কারের আবর্জনা আমাদের স্ত্রীপুরুষের মন ভারাক্রান্ত হইয়া আছে—ইহারই চাপে আমরা অন্তরে বাহিরে মরিতেছি। আমাদের পুরুষেরা বিজ্ঞান শিক্ষা করিয়াও মনের ভিতর মুক্তিলাভ করিতে পারেন নাই, প্রত্যহ তাহার সহস্র প্রমাণ পাই। ইহা হইতে বুঝা যায় যে, বোঝা অত্যন্ত ভারি, অন্ন ঠেলায় নড়ে না। অন্তঃপুরেও শিক্ষার প্রবেশ না ঘটিলে আমাদের মরণং ধ্রুবং। নিশ্চয় জানিবেন সাধামত স্ত্রী-শিক্ষা সম্বন্ধে লক্ষ্যপথে চলিতে চেষ্টা করিব। কিন্তু আমার সামর্থ্য অল্প,—আমার দেশের লোক আমার কাজে আনুকূল্য প্রকাশ করিলে ধীরে ধীরে গড়িয়া তুলিতে পারিব। ইহা সত্য, যাহা মনে আছে তাহা বাহিরে প্রকাশ করিবার মত সম্বল আমার নাই।

এখানে মেয়েরা কেবল ভাষা ও সাহিত্য শিখিতেছে তাহা সত্য নহে—তাহারা গানবাজনা চিত্রকলা শরীরতত্ত্ব শিখিতেছে, তাঁতের কাজ শিখাইবার উপযুক্ত ব্যবস্থাও আছে। যাহাকে Domestic Science বলে তাহাও এখানে শেখানো হয়। ১৭ ফাল্গুন ১৩২৮।

শ্রীযুক্ত ক্ষিতীশচন্দ্র দত্ত

মহাশয়কে লিখিত

আকাঙ্ক্ষা

শ্রীরবীন্দ্রনাথ ঠাকুর

এই যে ছাত্রেরা এখানে আমাকে আহ্বান করেছে, এটা আমার আনন্দের কথা। ছাত্রদের মধ্যে আমার আসন আমি সহজে গ্রহণ করতে পারি। সে কিন্তু গুরুরূপে নয়, তাদের কাছে এসে, তাদের মধ্যে ব'সে।

কিন্তু আমার বিপদ এই যে, হঠাৎ আমাকে বাইরে থেকে বৃদ্ধ ব'লে ভ্রম হয়, তাই যাদের বয়স অল্প তারা যখন আমাকে ডাকে, কাছে ডাকে না, আমার জন্তে তফাতে উচ্চ ক'রে মঞ্চ বাঁধে। এই বিপদ থেকে রক্ষা পাবার জন্তেই লোকালয়ের বাইরে আমি একটা জায়গা করেছি সেখানে ছেলেদের আমিই কাছে ডেকেছি। সে কেবল ছেলেদের উপকারের জন্তে নয়, আমার নিজের উপকারের জন্তে। উপকারটা কি একটু বুঝিয়ে বলি।

মানুষের মনে অহঙ্কার পদার্থ প্রবল। সেইজন্তে যখন তার বয়স বাড়ে তখন সে মনে করে সেই বয়স বাড়ার মধ্যেই বুঝি তার বিশেষ অহঙ্কার করার কারণ আছে। বিশেষত তখন যদি সে বুড়োদেরই সঙ্গ ধ'রে থাকে তাহ'লে তার সেই অহঙ্কারটা আরো বেড়ে ওঠে। তখন সে একটা মস্ত কথা ভুলে যায় যে, যেটাকে সে বাড়া বল্চে সেটাই তার হ্রাস হ'য়ে যাওয়া। যার ভবিষ্যৎ ক'মে এল, অতীতের বাড়তির বড়াই ক'রে তার ফল কি? বৃদ্ধই যদি সংসারে গৌরবের জিনিষ হ'ত তাহ'লে বৃদ্ধকে বরণাস্ত করবার জন্তে ভগবান এত তাড়া করতেন না।

স্পষ্ট দেখতে পাচ্ছি, বুড়োদের উপর বাধা হুকুম রয়েছে জায়গা ছেড়ে দেবার জন্তে। নকীব হাঁক্চে, স'রে যাও, স'রে যাও। কেন রে বাপু, বাটপ'রষটি বছরের পাকা আসন ছাড়ব কেন? ঐ যে আস'চেন মহারাজা, ঐ যে কুমার, ঐ যে কিশোর। ভগবান কেবলি ফিরে ফিরে তরুণকে মর্ত্যের সিংহাসনে পাঠিয়ে দিচ্ছেন। তার কি কোন মানে নেই? তার মানে এই যে, তিনি তাঁর সৃষ্টিকে পিছনে বাধা

প'ড়ে থাকতে দেবেন না। নূতন মন নূতন শক্তি বারে বারে নূতন ক'রে তাঁর কাজ আরম্ভ যদি না করে, তাহ'লে অসীমের প্রকাশ বাধা পাবে। অসীমের ত জরা নেই। এই জন্তে বৃদ্ধদের মত জরা কেবলি ফেটে মিলিয়ে যায়, আর পৃথিবীর কোল জুড়ে তরুণ ফুলের মধ্যে তরুণ প্রভাতের আলোয় দেখা দেয় তরুণের দল। ভগবান কেবলি নূতনকে বাঁশি বাজিয়ে ডাক'চেন, আর তারা দলে দলে আস'চে, আর সমস্ত জগৎ আদর ক'রে তাদের জন্তে দ্বার খুলে দিচ্ছে।

ভগবানের সেই আহ্বান শোনবার জন্তেই শিশুদের মধ্যে বালাকদের মধ্যে আমি বসি। তাতে আমার একটা মস্ত উপকার হয়, অজ্ঞাত বৃদ্ধদের মত আমি নবীনকে অশ্রদ্ধা করিনে; ভাবীকালের আশার উপর আমার অতীতকালের আশঙ্কার বোঝা চাপিয়ে দিইনে। আমি বলি, “ভয় নেই! পরীক্ষা কর, প্রশ্ন কর, বিচার কর, সত্যকে ভেঙে দেখতে চাও; আচ্ছা, আঘাত কর, কিন্তু সামনের দিকে এগোও।” ভগবানের বাঁশির ডাক, হুঃসাহসিক অভিসারে নূতনকে আহ্বান, আমারো বৃকের মধ্যে বেজে ওঠে। তখন আমি বুঝতে পারি যে, বৃদ্ধের সতর্ক বিজ্ঞতা বড় সত্য নয়, নবীনের হুঃসাহসিক অনভিজ্ঞতা তার চেয়ে বড় সত্য। কেননা এই অনভিজ্ঞতার ঔৎসুক্যের কাছেই সত্য বারে বারে আপন নূতন শক্তিতে নূতন মূর্তিতে প্রকাশ পান; এই অনভিজ্ঞতা অক্ষুর ব'লেই পুরাতনের পরিত্যক্ত প্রমাণ বাধা ভাঙে এবং অসাধ্য সাধন হ'তে থাকে।

বৃদ্ধ সেজে আমি তোমাদের উপদেশ দিতে চাইনে। আমি কেবলমাত্র তোমাদের এই কথা স্মরণ করিয়ে দিতে চাই যে, তোমরা নবীন। তোমরা যে বাঁধা বহন ক'রে এনেচ সেই বাঁধা তোমরা ভুললে চলবে না। এই পৃথিবী থেকে সকল প্রকার জীর্ণতাকে তোমরা সরিয়ে দিতে এসেচ; কেননা জীর্ণতাই আবর্জনা, জীর্ণতা যাত্রাপথের বাধা। এই জীর্ণতাকে

শ্রীমদ্বীজনাথ ঠাকুর

যারা আপন বলে সমতা করে তারাই সত্যকার বৃদ্ধ। পৃথিবীতে তাদের কাজ কুরিয়েচে, মনিষ তাদের জবাব দিয়েছেন, তারা স'রে পড়বে। কিন্তু তোমরা নবীন, তোমাদের হাতে পৃথিবীর ভার নতুন ক'রে পড়েচে, তোমাদের ভবিষ্যৎকে আচ্ছন্ন হ'তে দিয়ো না, পথ পরিষ্কার কর।

* কোন পাথের নিরে তোমরা এসেচ ? মহৎ আকাজ্জা। তোমরা বিদ্যালয়ে শিখবে বলে ভক্তি হয়েচ। কি শিখতে হবে ভেবে দেখো। পাথী তার মা কাপের কাছে কি শেখে ? পাথা মেলতে শেখে, উড়তে শেখে। মানুষকেও তার অন্তরের পাথা মেলতে শিখতে হবে; তাকে শিখতে হবে কি ক'রে বড় ক'রে আকাজ্জা করতে হয়। পেট ভরাতে হবে, এ শেখবার জন্তে বেশি সাধনার দরকার নেই। কিন্তু পুরোপুরি মানুষ হ'তে হবে এই শিক্ষার জন্তে যে অপরিসীম আকাজ্জার দরকার, তাকেই শেষ পর্যন্ত জাগিয়ে রাখবার জন্তে মানুষের শিক্ষা।

এই যুগে সমস্ত পৃথিবীতে যুরোপ শিক্ষকতার ভার পেয়েচে। কেন পেয়েচে ? গায়ের জোরে আর সব হতে পারে কিন্তু গায়ের জোরে গুরু হওয়া যায় না। যে মানুষ গোরব পায় সেই গুরু হয়। যার আকাজ্জা বড় সেই ত গোরব পায়। যুরোপ বিজ্ঞান ভূগোল ইতিহাস প্রভৃতি সবকিছু বেশি খবর রেখেচে ব'লেই আজকের দিনে মানুষের গুরু হয়েচে একথা সত্য নয়। তার আকাজ্জা বৃহৎ, তার আকাজ্জা প্রবল; তার আকাজ্জা কোনো বাধাকে মানতে চায় না, মৃত্যুকেও না। মানুষের যে বাসনা ক্ষুদ্র স্বার্থসিদ্ধির জন্তে, সেটাকে বড় ক'রে তুলে মানুষ বড় হয় না, ছোটই হ'রে যায়; সে যেন খাঁচার ভিতরে পাখীর ওড়া, তাতে পাখার সার্থকতা হয় না। কিন্তু জ্ঞানের জন্তে আকাজ্জা, প্রাকৃতিক শক্তিগুলিকে আবিষ্কার ক'রে তাকে মানুষের অধিকারে আনবার জন্তে আকাজ্জা, যাতে মানুষ মরকে জয় ক'রে ফসল পায়, রোগকে জয় করে স্বাস্থ্য পায়, দুর্ভিক্ষকে জয় ক'রে নিজের গতিপথ অব্যাহত করে,—তাতেই মানুষের মনুষ্যত্ব প্রকাশ পায়, তাতেই প্রমাণ হয় যে, মানুষের জাগ্রত আত্মা পরকর্তব্যকে বিশ্বাস করে না; কোনো অজান্তে হুঃখ দুর্ভিক্ষকেই সে অর্জনের

হাতের চরম মার মনে ক'রে মাথা পেতে নিতে অপমান বোধ করে; সে জানে যে তার হুঃখমোচন তার নিজেরই হাতে, তার অধিকার প্রভুত্বের অধিকার। যুরোপ এমনি ক'রে আপন আকাজ্জার পাথা বড় ক'রে মেলতে পেয়েচে ব'লেই আজ পৃথিবীর সমস্ত মানুষকে শিক্ষা দেবার অধিকার সে পেয়েচে। সেই শিক্ষাকে আমরা যদি পুঁথির বুলি শিক্ষা, কতকগুলি বিষয় শিক্ষা বলে ক্ষুদ্র ক'রে দেখি তাহ'লে নিজেকে বঞ্চিত করলুম। মনুষ্যত্বের শিক্ষাটাই চরম শিক্ষা, আর সমস্তই তার অধীনে। এই মনুষ্যত্ব হচ্ছে : আকাজ্জার ঔদার্য্য; আকাজ্জার হুঃসাধ্য অধ্যবসায়, মহৎ সঙ্কল্পের দুর্জয়তা।

যুরোপের লোকালয়ে যুরোপের মানুষ বিপুল আকাজ্জাকে নিয়তই নানা ক্ষেত্রে প্রকাশ করচে এবং জয়ী করচে, সেই দেশবাসী মহৎ উদ্ভবের সঙ্গে সঙ্গে তাদের শিক্ষা। তাদের বিদ্যালয়ের শিক্ষা এবং তাদের জীবনের শিক্ষা একেবারে পাশাপাশি সংলগ্ন। এমন কি যে বিদ্যা তারা শিক্ষকদের হাত থেকে গ্রহণ করেছে সে বিদ্যা তাদের আপন দেশেরই সাধনার ধন, তার মধ্যে শুধু ছাপার অক্ষর নেই; তাদের আপন দেশের লোকের কঠিন তপস্যা আছে। এই কারণে সেখানকার ছাত্র শুধু যে কেবল শিক্ষার বিষয়কে বইয়ের পাতায় দেখে আর গ্রহণ করচে তা নয়,—মানবাত্মার কর্তৃত্ব, তার দাতৃত্ব, অষ্ট্ৰী চারিদিকেই দেখে। এতেই মানুষ আপনাকে চেনে এবং মানুষ হ'তে শেখে।

যে দেশে বিদ্যালয়ে কেবল দেখতে পাই, ছাত্র নোটবুকের পত্রপুটে মেলে ধ'রে বিদ্যার মুষ্টি ভিক্ষা করচে, কিম্বা পরীক্ষার পাসের দিকে তাকিয়ে টেকস্ট বইয়ের পাতার পাতার বিদ্যার উৎসবিত্তে নিযুক্ত; যে দেশে মানুষের বড় প্রয়োজনের সামগ্রী মাত্রেরই পরের কাছে ভিক্ষা ক'রে সংগ্রহ করা হচ্ছে, নিজের হাতে দেশের লোকে দেশকে কিছুই দিচ্ছে না—না স্বাস্থ্য, না অন্ন, না জ্ঞান, না শক্তি; যে দেশে কর্মের ক্ষেত্র সর্বাঙ্গ, কর্মের চেষ্টা দুর্বল, যে দেশে শিল্পকলার মানুষ আপন প্রাণ মন আত্মার আনন্দকে নব নব রূপে সৃষ্টি করচে না; যে দেশে অভ্যাসের বন্ধনে সংস্কারের জালে মানুষের মন এবং অহুস্তান বন্ধবিজড়িত; যে দেশে প্রাণ ত্যাগ, বিচার করা, নতুন ক'রে চিন্তা করা, ও সেই চিন্তা



বাবহারে প্রয়োগ করা কেবল যে নেই তা নয় সেটা নিষিদ্ধ এবং নিন্দনীয়, সেই দেশে মানুষ আপন সমাজে আত্মাকে দেখতে পায় না, কেবল হাতের হাতকড়া, পায়ের বেড়ি এবং মৃত্যুগের আবর্জনা-রাশিকেই চারদিকে দেখতে পায়, —জড় বিষিকেই দেখে, জাগ্রত বিধাতাকে দেখে না।

যদি মূলের দিকে তাকিয়ে দেখি তা হ'লে দেখব আমাদের যে দারিদ্র্য সে আত্মারই দারিদ্র্য। মানবাত্মারই অপমান চারিদিকে নানা অভাব নানা ছুঃখরূপে ছড়িয়ে রয়েছে। নদী যখন ম'রে যায় তখন দেখতে পাই গর্ত এবং বালি; সেই শূন্যতার সেই শুষ্কতার অস্তিত্ব নিয়ে বিলাপ করবার কথা নেই, আসল বিলাপের কারণ নদীর সচল ধারার অভাব নিয়ে। আত্মার সচল প্রবাহ যখন শুষ্ক তখনি আচারের নীরস নিশ্চলতা।

সৃষ্টিকে যে সত্য বহন করচে সে সত্য সচল। সে নিরন্তর অভিব্যক্তির ভিতর দিয়ে বিকাশের নব নব পর্বে উত্তীর্ণ হচ্ছে। তার কারণ, সত্য অসীমকে প্রকাশের জগুই। যেখানেই তাকে কোনো একটা সীমার বাধ বেঁধে চিরকালের মত বন্ধ করবার চেষ্টা করা হয় সেইখানেই তাকে বাধ করা হয়। মানবাত্মার ধারা নিয়ত এই অসীমের দিকে ধাবিত হচ্ছে বলেই কেবলি নব নব রূপে সৃষ্টি-বিকাশ করতে সে অগ্রসর হচ্ছে। আত্মার পক্ষে “স্বাভাবিকী জ্ঞানবল ক্রিয়া চ”; জ্ঞানের পথে বলের পথে নিত্য সক্রিয়তাই তার স্বভাব। বন্ধ সংসারের বেড়ি হাতেপায়ে পরিয়ে দিয়ে তার এই ক্রিয়া বন্ধ ক'রে দেওয়াই তাকে তার স্বভাব থেকে বিচ্যুত করা। এই নিষ্ক্রিয়তাকে মুক্তি বলে না, এইটেই তার বন্ধন।

আমাদের দেশে কেবলি এই বাণী শুন্তে পাই, যা চলবে না সেইটেই শ্রেষ্ঠ, জীবনের চেয়ে মৃত্যুটাই বড়। এর আর-কোনো মানে নেই—এর মানে অভাস্ত আচারের প্রতি, জড় ব্যবহার প্রতিই আস্থা। সেই আত্মার প্রতি শ্রদ্ধা একেবারেই চ'লে গিয়েছে, যে আত্মার পক্ষে “স্বাভাবিকী জ্ঞানবল ক্রিয়া চ।” কিন্তু সত্য শিক্ষা মানুষকে কি বলচে? আত্মানং বিদ্ধি। আত্মাকে জান। “নারে সুখমস্তি, ভূমৈব বিজিজ্ঞাসিতব্যঃ।” অরে সুখ নেই, ভূমাকেই জান। এই আত্মাকে জানতে হ'লে, ভূমাকে জানতে হ'লে পৈতৃক

সকলটিকে বাস্তবে বন্ধ ক'রে দিবানিদ্রা দিলে চলবে না। কেবলি চলতে হবে, সৃষ্টি করতে হবে। ভগবান নিয়ত সৃষ্টি ক'রেই আপনাকে জানচেন, মানবাত্মাও কেবল তেমনি ক'রেই আপনাকে জানতে পারে—মৃত পিতামহের কাছে কিম্বা জীবিত প্রতিবেশীর কাছে ধার ক'রে নয়, তিন্কা ক'রে নয়।

অতএব, প্রকৃত শিক্ষা জ্ঞানসমুদ্রের যে বন্দরে নিয়ে যাচ্ছে সে বন্দর কোথায়? যেখানে এ উপদেশের সার্থকতা আছে— আত্মানং বিদ্ধি, ভূমৈব বিজিজ্ঞাসিতব্যঃ। মানুষ যেখানে আত্মাকে জানে, মানুষ যেখানে সুমহৎকে পায়। অর্থাৎ মানুষ যেখানে সেই ত্যাগের শক্তি পায় যে ত্যাগের দ্বারা সে সৃষ্টি করে, যে শক্তির দ্বারা সে মৃত্যুকে অতিক্রম করে। কিন্তু আজকের দিনে ভারতবর্ষ বিজ্ঞানসমুদ্রে এই যে মহা-ভিড়-করা খেয়ায় পাড়ি দিচ্ছে, সামনের কোন্ বন্দর সে দেখতে পাচ্ছে বল ত? দারোগাগিরি, কেরাণীগিরি, ডেপুটিগিরি। এইটুকু-মাত্র আকাঙ্ক্ষা নিয়ে এত বড় সম্পদের সামনে এসে দাঁড়িয়েচে, এর লজ্জাটা এত বড় দেশ থেকে একেবারে চ'লে গেছে। এরা বড় ক'রে চাইতেও শিখলে না? অথ দারিদ্র্যের লজ্জা নেই, কিন্তু আকাঙ্ক্ষার দারিদ্র্যের মত লজ্জার কথা মানুষের পক্ষে আর কিছু নেই। কেননা, অথ দারিদ্র্য বাহিরের, এই আকাঙ্ক্ষার দারিদ্র্য আত্মার।

এই জগ্রে আজ আমি তোমাদের এই কথাটুকু বলতে দাঁড়িয়েচি—আকাঙ্ক্ষাকে বড় কর। শক্তি কারো বড়, কারো ছোট—কিন্তু আকাঙ্ক্ষাকে আমরা ছোট করব না। আকাঙ্ক্ষাকে বড় করার মানেই আরামকে অবজ্ঞা করা, ছুঃখকে স্বেচ্ছাপূর্বক গ্রহণ করা। এই ছুঃখকে গোরবে বহন করবার অধিকারই মানুষের। আমাদের শাস্ত্রে একটা কথা বলে, যাদৃশী ভাবনা যন্ত সিদ্ধির্ভবতি তাদৃশী। এই সিদ্ধিটা কিসের? শুধু বাইরের নয়—এই সিদ্ধি হচ্ছে আপনাকে উপলব্ধি করা; সেই উপলব্ধি যা ক'রে আপনাকে প্রকাশ করে।

আমাদের আকাঙ্ক্ষাকে শিশুকাল থেকেই কোমর বেঁধে আমরা ধরছি। অর্থাৎ সেটাকে কাজে খাটাবার আগেই তাকে খাটো ক'রে দিই। অনেক সময়ে বড় বয়সে সংসারের বড়ঝাপটের মধ্যে প'ড়ে আমাদের আকাঙ্ক্ষার পাখা জীর্ণ হ'রে যায়, তখন আমাদের বিবরণসিদ্ধি, অর্থাৎ ছোট বুদ্ধিটাই

বড় হ'য়ে ওঠে। কিন্তু আমাদের দুর্ভাগা এই যে, শিশুকাল থেকেই আমরা বড় রাস্তার চলবার পাথের ভার হালকা ক'রে দিই। নিজের বিদ্যালয়ে ছোট ছোট বালকদের মধ্যেই সেটা আমি অনুভব করি। প্রথমে কয় বৎসর একরকম বেশ চলে, কিন্তু ছেলেরা যেই খার্ডক্লাসে গিয়ে পৌঁছয় অমনি বিদ্যাজর্জন সম্বন্ধে তাদের বিষয়বুদ্ধি জেগে ওঠে। অমনি তারা হিসাব ক'রে শিখতে বসে। তখন থেকে তারা বলতে আরম্ভ করে, আমরা শিখব না, আমরা পাস করব। অর্থাৎ যে পথে যথাসম্ভব কম জেনে যতদূর সম্ভব বেশি মার্ক পাওয়া যায় আমরা সেই পথে চলব।

এই ত দেখ্চি শিশুকাল থেকেই ফাঁকি দেবার বুদ্ধি অবলম্বন। যে জ্ঞান আমাদের সত্যের দিকে নিয়ে যায় গোড়া থেকেই সেই জ্ঞানের সঙ্গে অসত্য ব্যবহার। এর কি অভিশাপ আমাদের দেশের উপর লাগচে না? এই জগ্ৰেই কি জ্ঞানের যজ্ঞে আমরা ভিক্কার বুলি হাতে দূরে বাইরে ব'সে নেই? আপিসের বড়বাবু হ'য়েই কি আমাদের এই অপমান ঘুচবে? আজকের দিনে দেশের লোকেরা যুবকেরা পর্যাস্ত যে বল্চে যে, ঋষিরা যা ক'রে গেছেন তার উপরে আমাদের আর কিছুই ভাববার নেই, কিছুই করবার নেই, এর মানে বুঝতে পেরেচ? এইটেই ঘটচে আমাদের কর্তৃক প্রবঞ্চিত বিদ্যাদেবীর অভিশাপে। যে সমাজে কিছুই ভাববার নেই, কিছুই করবার নেই, সমস্তই ধরাবাঁধা, সে সমাজ কি বুদ্ধিমান শক্তিমান মানুষের বাসের যোগ্য? সে ত মোমাছির চাক বাঁধবার জায়গা। দশ পনেরো বছর ধ'রে শিক্ষা লাভ ক'রে আপন চিন্তাশক্তির পক্ষে এমন অদ্ভুত অপমানকর কথা অল্প কোনো দেশে এতগুলো লোক এত বড় নিলজ্জ অহঙ্কারের সঙ্গে বলতে পারে নি। সকল বড় দেশে যে বড় আকাজ্জা মানুষকে আপন শক্তিতে আপন ভাবনায় আপন হাতে সৃষ্টি করবারই গৌরব দান করে, আমরা সেই আকাজ্জাকে কেবল যে বিসর্জন করচি তা নয়, দল বেঁধে লোক ডেকে বিসর্জনের ঢাক পিটিয়ে সেই তালে তাণ্ডব নৃত্য করচি।

কিন্তু আপন দুর্গতি নিয়ে খুব জোরে অহঙ্কার করলেই যে সেই দুর্গতির বিষ মরে এই আশা যেন না করি।

আকাজ্জাকে ছোট করব, সাধনাকে সফীর্ণ করব, কেবল অহঙ্কারকেই বড় ক'রে তুলব এও আপনাকে ভেমনি ফাঁকি দেওয়া যেমন ফাঁকি, শিক্ষা এড়িয়ে পরীক্ষার মার্ক পেয়ে নিজেকে বিদ্বান মনে করা। যেখানে ফল দেখা যায় সেখানে চেয়ে দেখি, ডিগ্রি পেলুম, চাকরী করলুম, টাকা হ'ল,—কিন্তু জ্ঞানের ঋণ জ্ঞানের ক্ষেত্রে শোধ করতে পারলুম না, সেখানে সমস্ত বিশ্বের কাছে মাথা হেঁট ক'রে রইলুম।

তোমাদের আমি দূর থেকে উপদেশ দিতে আসি নি। স্বদেশের এতদিনকার যে পুঞ্জীভূত লজ্জা, যে লজ্জাকে আমরা অহঙ্কারের গির্নট ক'রে গৌরব ব'লে চালাতে চেষ্টা করচি সেইটের ছদ্মপরিচয় ঘুচিয়ে তোমাদের কাছে উদঘাটিত ক'রে দেখাতে চাই। তোমাদের বয়স কাঁচা, তোমাদের বয়স তাজা, তোমাদের উপর এই লজ্জা দূর করবার ভার। তোমরা ফাঁকি দেবে না এবং ফাঁকিতে ভুলবে না, তোমরা আকাজ্জাকে বড় করবে, সাধনাকে সত্য করবে। তোমরা যদি উপরের দিকে তাকিয়ে সামনের দিকে পা বাড়িয়ে প্রস্তুত হও তা হ'লে সকল বড় দেশ যে ব্রত নিয়ে বড় হয়েছে আমরাও সেই ব্রত নেব। কোন্ ব্রত? দানব্রত।

যখন না দিতে পারি তখন কেবল হয় ত ভিক্ষা পাই, যখন দিতে পারি তখন আপনাকে পাই। যখন দিতে পারব তখন সমস্ত পৃথিবী আগ বাড়িয়ে এসে বলবে, “এস, এস, বোস।” তখন জোড়হাত ক'রে এ কথা কাউকে বলতে হবে না, “আমাকে মেরো না, আমাকে বাঁচিয়ে রাখ।” তখন সমস্ত মানুষ আপন গরজেই আঘাত হ'তে আমাদের বাঁচাবে। তখন নিজের দাবীর জোরে সকল অধিকার গ্রহণ করব, পরের রূপার জোরে নয়। এখন আমরা ভয়ে ভয়ে বলচি, মানবসমাজে আমরা বড় আসন চাইনে, কোনমতে নিজের মাথা গুঁজে রাখবার একটু কোণ চাই সত্য। না, এমন ছোট চিন্তা মনেও স্থান দিতে নেই, এমন ছোট প্রার্থনা মুখেও উচ্চারণ করতে নেই। ভূমৈব সুখং নামে সুখমস্তি। সেই ভূমাকে যদি অস্তরে ভুলি এবং বাহিরে লক্ষ্য না করি তা হ'লে অল্প যে কোন সুখ সুবিধা আমরা চেয়ে চিন্তে যোগাড় করিনে কেন, তাতে আমাদের দেশের সর্বনাশ হবে।



চৌরঙ্গি রোড্



হরিহর শেঠ
মহাশয়ের সৌজন্তে

চৌরঙ্গি রোড্

চিত্রশালা

পুরাতন কলিকাতা




ভূগ



চৌরঙ্গি রোড




কিউ



চাদপাল বাট



আলিপুর ব্রিজ



সদরদেওয়ানি আদালতের প্রবেশ পথ—চৌরঙ্গি রোড




খিদিরপুর ব্রিজ



এসিরাটিক্ সোলাইটির গৃহ—পার্ক ষ্ট্রীট

এই ছবি.গুলি চন্দননগর,নিবাসী শ্রীযুক্ত হরিচরণ রক্ষিতের নিকট হইতে পাইয়াছি। এই সুযোগে তাঁহাকে আমার ধন্যবাদ জানাইতেছি।
শ্রীহরিহর শেঠ



—শ্রীঅন্নদাশঙ্কর রায়

১৭

আবহতব্রব্দদের মুখে ছাই দিয়ে আজ আবার সোনার সূর্য উঠেছে, দশদিক সোনা হ'য়ে গেছে।

কিছুদিন থেকে এমনি অপ্রত্যাশিত সৌভাগ্য প্রতিদিন আমাদের চমক লাগিয়ে দিচ্ছে, এ যেন একটা প্রাত্যহিক miracle। আকাশ উজ্জল নীল, পৃথিবী উজ্জল শ্রাম, গাছেরা এখনো পাতা ফিরে পায় নি, কিন্তু ফুলের ভারে ভেঙে পড়ছে, মেঠো ফুলের রঙের বাহার দেখে মনে হয় যেন ফুলের আয়নায় সূর্যের আলোর সব ক'টি রঙ বিস্তৃত হয়েছে। পাখীরাও বসন্তের সঙ্গে দক্ষিণ দেশ থেকে ফিরল, তাদের নহবৎ আর খামেই না।

এমনি miracleএর উপর আস্থা রেখে আমরা মাঝে মাঝে লগুন ছেড়ে বেরিয়ে পড়ি, যদিকে চোখ যায় সেইদিকে চরণ যায়, আহার নিদ্রার ভাবনাটা একাদশম ঘটিকার আগে হাজির হয় না, এবং ভাবনা যদি বা হাজির হয় আহার নিদ্রাকে হাজির করানো সেও এক প্রাত্যহিক miracle। “মোটের উপর একটা কিছু হ'য়ে ওঠেই ওঠে।”

অথচ ঐটুকু অস্বাচ্ছন্দ্যের ভিত্তে ভাল কাটতেও পারি নে। এত বড় উৎসবসভায় পান পায়নি ব'লে খুঁৎ খুঁৎ করবে কোন বেরসিক? একসঙ্গে এতগুলো আনন্দ মিলে আক্রমণ করেছে—রঙ, রূপ, গান। সৌন্দর্যের বাণ সর্বত্র বিধে পরশয্যা রচনা করল। মুখ ফুটে ধনুবাদ জানাবার ভাষা

নেই, এত অসহায়। স্তবের মতো দেহমন লুটিয়ে পড়ে। পরস্পরকে অকারণে ভালবাসি, অপরিচিতকে হারোনো বন্ধুর মতো বুকে টানি। কুয়াশার মতো সংশয় উধাও হ'য়ে গেছে, ফেরার! আকাশবাপী আলোর মতো হৃদয়বাপী প্রত্যয় দিবসে সূর্যের মতো নিশীথে চন্দের মতো জাগরুক। জগতের পূর্ণতা জীবনের অপূর্ণতাকে সমুদ্রের কোলে স্পঞ্জের (sponge) মতো ওতঃপ্রোত করেছে। ধনু আমরা—সৌন্দর্যসায়রের কোটি তরঙ্গাঘাত সহিতে সহিতে আমরা আছি, আমাদের দুঃখগুলি আনন্দসায়রের বীচিবিভঙ্গ। অভাব? এমন দিনে অভাবের নাম কে মুখে আনবে? আমাদের একমাত্র অভাব—বাণীর অভাব, তৃপ্তি জানাবার বাণীর। আদিম মানবেরই মতো অস্থিম মানবও বাণীর কাঙাল থেকে যাবে, কৃতজ্ঞতা জানাবার বাণীর। সেই জন্তেই তো মানুষের মধ্যে কবি সকলের বড়—ঋষির চেয়েও, বীরের চেয়েও, বাবস্থাপকের চেয়েও, ক্ষুধা-নিবারকের চেয়েও, লজ্জা-নিবারকের চেয়েও। কবিকে বাদ দিলে সূন্দরের সভায় মানুষ বোকা, কবিকে কাছে রাখলে তার কথা ধার নিয়ে মানুষের মান থাকে। নইলে ঋষি থেকে ক্ষুধা-নিবারক পর্য্যন্ত কেউ একটা পাখীর সম্মানও পেতেন না।

শরৎকালে সেকালের রাজারা দিগ্বিজয়ে যেতেন, বসন্তকালে একালের আমরাও দিগ্বিজয়ে যাই। আমরা যাই কোন দিকে কোন আপনার লোক অচেনার মতো



আত্মগোপন ক'রে রয়েছে তাদের মুখোস খসাতে। এমন দিনে কি কেউ কারুর পর হ'তে পারে? এ কি কুয়াশা-কালো দিন যে শত হস্ত দূরের মানুষকে শূন্য ব'লে ভ্রম হবে? নিজের ছুখের বাটিতে মুখ ঢেকে ভাববো পৃথিবী-গুরু আমাকে দেখে হিংসায় জ্বলে পুড়ে মরছে? না, বসন্তকালে আমাদেরও মুকুল খোলে, আমরা ভালোবাসার সীমা খুঁজতে ফুলের গন্ধের মতো দিশাহারা হই, কোন শহর থেকে কোন গ্রামে পৌঁছাই, কোন তেপান্তরের মাঠ পেরিয়ে কোন বেড়া টপ্কাই, কোন গাছের তলায় গুয়ে কোন কোকিলের গলা শুনি, কোন চেরির গুচ্ছ চুরি ক'রে কোন প্রিয়জনকে মাজাই, অতি অপরিচিত শিশুর গায় চকোলেটের টিল ছুঁড়ে ভাব করি। এটা আমাদের দোষ নয়, ঋতুর দোষ। নইলে আমাদের মতো কাজের লোকেরা কি টাইপরাইটারের খট্খটানি ফেলে মোরগের কু-কু-কু-উ গুন্তে যায়? না, রাক্ষারী রঙমহাল ছেড়ে রণক্ষেত্রে রঙ মাখতে যায়?

শীতকালের ইংলণ্ড যদি নরকের মতো, গ্রীষ্মকালের ইংলণ্ড স্বর্গের মতো। প্রতিদিন হয় তো সূর্য্য গুঠে না, উঠলেও প্রাতি ঘণ্টায় থাকে না, কিন্তু তাতে কি? ফুলের মধ্যে তার রঙ, পাতার মধ্যে তার আলো, পাখীর গলায় তার ভাব জমা থাকে। মেঘলা দিনে ঐ সঞ্চয় ভেঙে খরচ করতে হয়। ইংলণ্ডের প্রাকৃতিক সৌন্দর্যের প্রথম কথা তার গড়ন। ইংলণ্ড বন্ধুরগাত্রী। যে কোনো একটা ছোট গ্রামে দাঁড়িয়ে চারিদিকে তাকালে কী দেখি? দেখি যেন একখানা concave আয়না। রেখার উপরে রেখা হুড়মুড় ক'রে পড়েছে। অসমতল বলে ঠিক পরিচয়টি দেওয়া হয় না। বলতে পারি অসুত-সমতল। সমতলের সঙ্গে সমতল মিলে অসুত কোণ রচনা করেছে, এবং এক কাঠা জমীকেও সমতল রাখেনি। যেটুকু সমতল দেখা যায় সেটুকু মানুষের কুকীর্তি। সুখের বিষয় ইংলণ্ডের সমাজের মতো ইংলণ্ডের মাটিকেও মানুষ সরল রেখা দিয়ে সরল করেনি। এই এক কারণে শীতকালেও ইংলণ্ড অসুন্দর বা অস্বাস্থ্যকর হয় না, হয় কেবল অন্ধকার। শীত গ্রীষ্ম সব ঋতুতেই ইংলণ্ডে বর্ষা। কিন্তু বর্ষার জল দাঁড়বার মতো একটু সমতল খুঁজে পায় না।

দেশের মাটির সঙ্গে মানুষের মনের যোগাযোগ বোধ

হয়, কথার কথা নয়। প্রাণীসৃষ্টির একটা স্তরে মানুষ ও উদ্ভিদ একই পর্যায়ভুক্ত নয় কি? আমার মনে হয় ইংরেজের মন যে Law and orderএর জন্ত এত ব্যাকুল এর কারণ তলে তলে সে তার মাটির মতো Law and order-হীন, অসুত-সমতল। ইংলণ্ডের মাটির উপরকার জল যেমন অহরহ সমতল পাবার চেষ্টা করছে, পৌঁছে না, ইংরেজের সমাজও তেমনি যুগে যুগে সামোর চেষ্টা ক'রে এসেছে। Snobbery ইংরেজ সমাজের মজাগত, উপর-তল না হ'লে তার সামাজিক রথ গড়িয়ে গড়িয়ে চলতে পারে না। অথচ সামাকেও তার মন চায়; নইলে চেষ্টা থাকে না, সবই আপনা-আপনি ঘটতে থাকে, উপরের জল চোখ বুজে নীচে যায়, নীচের ধোঁয়া চোখ বুজে উপরে ওঠে। এমনি নিশ্চেষ্টতা আমাদের স্বভাব হ'য়ে দাঁড়িয়েছে ব'লে আমাদের সামাজিক রথ কোনো মতে চলছে, ও কোনোমতে থামবারও নয়। হিন্দুর মরণ নেই, সে হিন্দুবিধবার মতো, টিকে থাকবেই।

ইংরেজের মনের ভিত্তি অস্থির—সে যেন পৃথিবীর কেন্দ্র পর্যাস্ত পৌঁছেছে, সেখানে সবই বিশৃঙ্খল, সবই আশুন! অবচেতনভাবে সে ঝড় ঝড়াকে ভালোইবাসে, সমস্তার অভাব সহিতে পারে না, কিছু না হ'ক্ একটা crossword puzzle তার চাইই, কোনো রকম একটা বুদ্ধ-হোক না কেন “যুদ্ধের বিরুদ্ধে যুদ্ধ”—না থাকলে সে বেকার। “হরি হে, কবে শান্তি ও শৃঙ্খলা পাবো”, এটা তার চেতনার কথা। তার অবচেতনার কথা কিন্তু “শান্তি ও শৃঙ্খলাকে পাবার চেষ্টা যেন কোনো দিন ক্ষান্ত না হয়, এমনি চলতে থাকে।” ইংলণ্ডের একটা হাত সমস্তার সৃষ্টি করে, আরেকটা হাত সমস্তার ধ্বংস করে, কিন্তু প্রত্যক্ষভাবে উভয়ের মধ্যে বড়যন্ত্র না থাকলেও অন্তরালে দুই হাতের একই স্বার্থ—তারা পরস্পরের অন্তরটিপুনি অন্তরসারে সমস্তার বাড়তি কর্মতি ঘটায়, মীমাংসা কাঁচা-পাকা রাখে। আপিসের দুই চালাক কর্মচারী তারা, অধরকারী ব'লে কোনো দিন তারা বেকারের দলে পড়লো না। ইংলণ্ডকে দেখলেই মনে হয়, সাবাস, খুব খাটছে বটে, কী ব্যস্ত! কিন্তু তথ্যরথ করলে ধরা পড়ে যায়, সমস্তা ও মীমাংসার উপরে যে একটা স্তর আছে সে

যায়

স্তরে কি এদেশ কোনো দিন উঠবে। সাক্ষরতার শিরোনামে
কি কখনো এর লগাটে আসবে! এ যে সব পর্যবেক্ষণ করে,
কিছুই দেখে না, সব জ্ঞাত হয়, কিছুই জানে না, সব
বোঝে, কিছুই উপলব্ধি করে না। এর জীকন যেন জীবন
বাপী ছেলেমানুষি। সাড়ে তিন থেকে সাড়ে তিন কুড়ি
বছর বয়স পর্যন্ত লাস্ট্রির সঙ্গে লাস্ট্রির মতোই শুরু।

প্রকৃতি যখন উৎসবময়ী সাজে, মানুষ তখন তার সাজ
দেখবার জন্য কাজ করছে বলে রাখে; এই জন্য আমাদের
বাস্তবমানে তেরো পার্কিং। ইংল্যান্ডেও নাকি এককালে
মাসে মাসে সোল দুর্গোৎসব ছিল, কিন্তু তে হি দিবসঃ
গতাঃ। এখন প্রতিরাতে পার্কিং চলে নাচঘরে ও সিনে-
মায়, প্রতিদিন খেলার মাঠে। বড় দিন রা উঠার এখন
নামরকার পর্যাবসিত। ভারতবর্ষের লোকের কাছে এই
হিসাবে ইংল্যান্ড অভ্যন্তর মিরানন্দ দেশ। এ দেশে প্রকৃতির
সঙ্গে মানুষের সম্বন্ধ পূজার সঙ্গে পূজারীর সম্বন্ধ থেকে কখন
নেমে এসে শিকারের সঙ্গে শিকারীর সম্বন্ধে ঠাড়িয়েছে।
এখনকার আমোদ প্রমোদগুলো যেন মুখে জিতে শত্রুর মৃত
দেহের উপরে মাংলাসি করা। এমন আমোদের শিরায়
শিরায় ভয়, মৃত্যুভয় দারিদ্র্যভয় ব্যাধিভয়। প্রকৃতির
প্রতিশোধগুলোর নামে মানুষ বিবর্ণ হয়ে যায়। প্রকৃতি যে
কত রকমে প্রতিশোধ নিতে আরম্ভ করেছে হিসাব হয় না।
একটা মস্ত প্রতিশোধ হচ্ছে বৃদ্ধ। আধুনিক কালে আমরা
অধিকাংশেই রুটিন দেখে ইস্কুলে পড়ি, আপিসে কাজ
করি, খেলতে যাই ও ভাসাঙ্গা দেখি। প্রত্যেক দেশেই
এখন হাজার হাজার ইস্কুল কলেজ, মাঝে মাঝে আপিস
কামখানা সংগঠিত সিনেমা নাচঘর। প্রত্যেকটি মানুষ
হয় সরকারী নয় বেসরকারী ব্যুরোক্রেট—সরকারী ডাক-
ঘরের মেয়ে কেবলি থেকে Lyons এর চায়ের দোকান-
গুলোর কর্মচারী পর্যন্ত কেউ ব্যর্থ ব্যর্থনি। এই কোটি
কোটি মোমাছির চিন্তাশিন্দনের মধ্যে একই অভিন্নতা
অভিন্নতা—একাদিক্রমে তিনশো রাত একখানি নাটক অভিনয়
করে যান। তিনশো কাক-কাককে একখানা প্রাণীকোষের
স্বতর্ভেরও ইচ্ছা থাকে না, কিন্তু যত এদের গল্প।

এর পরিণাম জীবনে নিরক্তি। দুটির দিন সস্তা টিকিট

দিনে এটেনে মোমাই ক'রে একই স্থানের পাশাপাশি
হোটেলো যখন হাজার হাজার জন সন্তোষিত টমাস কুকের
তর্জনী সজ্জতে পরিচালিত হন ও charabanc এর গিঠে
চ'ড়ে প্রকৃতি পর্যবেক্ষণ করতে যান তখন অস্তঃপ্রকৃতি ও
বহিঃপ্রকৃতি দু'জমেই "জাহি" "জাহি" ক'রে ওতেন। তাঁরা
বলেম, "রুটিনের হাত থেকে আমাদের রক্ষা করো,
মানচিত্রের হাত থেকে, এন্টিমেটের হাত থেকে।" তখন
এমন কোথাও যাবার জন্যে মানুষ ছুটছুটি করে বেখানে
টমাস কুক নেই, পাক্সা গড়ক নেই। শোবার সুরঞ্জনা
মোটর কোচ নেই—এক কথায় আমাদের শিশুবর্জিত
পশু-অলঙ্কৃত সর্বস্বাস্থ্যসুখ ক্যাটের আরাম নেই। সমস্ত
পৃথিবীটা যেমন শনৈঃ শনৈঃ একই রকম হ'য়ে উঠছে, দেখে
মনে হয় টমাস কুক গ্রামে গ্রামে দোকান খুলবে, কাউকে
প্রাণ হাতে ক'রে বেহিসাবীভাবে অজানা পথে বিবাগী হ'তে
দেবেনা। তখন মানুষের একমাত্র আশা ভয়সার হল
হবে যুদ্ধক্ষেত্র, সত্যিকারের ছুটি পাওয়া যাবে ঠিক সেই-
খানেই, সেখানকার কিছুই আগে থেকে জেনে রাখা যাবে
না, প্রতি পদেই অকস্মাতের সঙ্গে দেখা।

গত মহাবুদ্ধে যে ক্ষতি হয়েছে তারই পূরণের জন্যে
প্রকৃতি অপেক্ষা করছে, তাই এখনো আমরা যুদ্ধের নামে
জিভ্ কাটছি, মেয়েরা আগামী পার্লামেন্টটাকে Parlia-
ment of Peacemakers কন্বার জন্যে চেষ্টা করছে।
কিন্তু যে শিশুরা গোড়া থেকেই মোহমুক্ত হ'য়ে বাড়ছে,
যাদের করনাকে ধোরাক দেবার জন্যে দু'লোকে তুলোকে
একটিও অপরিত্রিত প্রাণী একটাও অপরিত্রিত স্থান নেই,
সেই সব বাস্তববাদী যখন বড় হ'য়ে দলে দলে সরকারী বে-
সরকারী ব্যুরোক্রেটীর অন্তর্ভুক্ত হ'য়ে রুটিন নামনে রেখে
কাজ করবে তখন তাদের প্রত্যেকের চোখের সম্মুখে না হয়
বুলিয়ার রাখা গেল "There is no fun like work" এবং
সোশালিস্টদের দমায় তাদের কর্মকাণ্ড না হয় ক'রে দেওয়া
গেল দিনে পাঁচ ঘণ্টা, তবু তারা সেই সোনার খাঁচা থেকে
উড়ে গিয়ে মন্ডে চাইবে না কি? অত্যন্ত বেনী সম্বন্ধ
হওয়ার পরিণাম চিরকাল যা হয়েছে তাই হবে, প্রকৃতি
কোনো সম্বন্ধেই টিকতে দেয়নি,—না বৌদ্ধ সম্বন্ধে, না



শ্রীষ্টান সভ্যকে। এবং অন্নবস্ত্রের জন্তে যে নতুন সভ্যতা প্রতি দেশেই নানা নাম নিয়ে শশীকলার মতো বাড়ছে সোশ্যালিজম্‌ তার শেষ অধ্যায় বটে, কিন্তু তার পরেও উপসংহার আছে। এবং সে উপসংহার তেমন মুখরোচক নয়।

প্রকৃতির প্রতি ইংরেজের দরদ এখনো লোপ পায়নি, ওয়ার্ডস্‌ওয়ার্থের নাতি নাৎনীকে এখনো দেখতে পাওয়া যায়। রাস্তার দু'ধারে গাছ রুইবার জন্তে সমিতি হয়েছে, উদ্যান-নগর বা উদ্যান-নগরোপান্ত (Garden Suburb) রচিত হচ্ছে, পল্লীর সৌন্দর্য্য অক্ষুণ্ণ রাখবার আন্দোলন তো কবে থেকে চ'লে আসছে, কিন্তু রেলগাড়ীওয়ালা মোটর-গাড়ীওয়ালা ও নতুন বাড়ীওয়ালাদের লুকুদৃষ্টির উপরে ঘোমটা-টেনে-দেওয়া পল্লীসুন্দরীর ক্ষমতার বাইরে। * দু'পাঁচজন অসমসাহসিক স্বপ্নদ্রষ্টা পল্লীর প্রাণ প্রতিষ্ঠা ক'রে দেশের নব সভ্যতাকে আবাহন করতে ব্যগ্র, কিন্তু হাটের কোলা-হলে তাঁদের কণ্ঠস্বর বড়ই ক্ষীণ। পলিটিসিয়ানদের কাছে তাঁরা আমাল পান না, কেননা পলিটিসিয়ানরা হয় বড় বড় কল কারখানাওয়ালাদের তাঁবেদার নয়, কল কারখানার শ্রমিকদের সর্দার। দুই দলের স্বার্থই আরো অধিক-সংখ্যক কলকারখানা পাকা সড়ক নতুন বাড়ী ইত্যাদির সঙ্গে জড়িত। বেকার সমস্যা দূর করবার জন্ত এরা যা হাতের কাছে পাচ্ছে তাই করতে উদগ্রীব, দশ বছর পরে তার ফলে দেশের চেহারাটা কেমন হবে তা ভাবতে গেলে ভোট্‌ পাওয়া যায় না, ক্ষুধিতের ক্ষুধাও বাড়তে থাকে। এমনিই তো দেশটাতে জমি যত আছে রাস্তা তার বেশী, রাস্তা যত আছে বাড়ী তার বহুগুণ; আরো দশ বছর পরে দেখা যাবে যে সারা ইংলণ্ডটা একটা বিরাট শহর, এবং এই শহরের লোক নিজেদের খাণ্ড নিজেরা একেবারেই উৎপাদন করে না। বলা বাহুল্য সোশ্যালিষ্টরা শহরে শ্রমিকদের ভোটের উপর নির্ভর করে; গ্রাম্য কৃষকদের জন্ত তাদের মাথাব্যথা নেই। কৃষকদের ভোট পাবার

* একটি সমিতির সেক্রেটারী লিখছেন, "আপনি কি জানেন যে আমাদের বনফুলগুলি একে একে লোপ পেয়ে যাচ্ছে? তাদের বাঁচিয়ে রাখবার জন্তে এই সমিতির প্রয়াস ও উপায় উদ্ভাবনে আপনি যোগ দেবেন?"

জন্তে অগ্রাগ্রদলের এক-একটা কৃষি-পলিগী আছে বটে, কিন্তু পলিটিসিয়ান জাতীয় প্রাণীদের কাছে দূরদর্শিতা প্রত্যাশা করা বৃথা, তারা তুব্‌ড়ির মতো হঠাৎ জ'লে হঠাৎ নেবে, তাদের জীবদশা বড় জোর বছর পাঁচেক। সমগ্র দেশের নব সভ্যতার আবাহন করা তাদের কাজও নয় তাদের সাজেও না। তাদের একদল আরেকদলের জন্তে বসবার জায়গা রেখে যেতেই জানে, সমস্ত জাতিটার চলার ভাবনা তাদের অতি সূক্ষ্ম মস্তিষ্কে প্রবেশপথ পায় না।

এখনকার ইংলণ্ডকে দেখে দুঃখিত হবার কারণ আছে। সে কারণ এমন নয় যে ইংলণ্ডের নৌবহরকে আমেরিকার নৌবহর ছাড়িয়ে উঠছে, ইংলণ্ডের উপনিবেশরা পর হ'য়ে যাচ্ছে, ইংলণ্ডের অধীন দেশগুলি স্বাধীন হ'য়ে উঠছে, ইংলণ্ডের অন্তর্কিবাদে তার ধনবৃদ্ধি বাধা পাচ্ছে। আসলে সাম্রাজ্যের জন্ত ইংলণ্ড কোনদিন কেয়ার করেনি, যেমন ঐশ্বর্য্যের জন্তে চিত্তরঞ্জন দাশ কোনো দিন কেয়ার করেননি। ইংলণ্ড একহাতে অর্জন করেছে অগ্রহাতে উড়িয়ে দিয়েছে, একদিন যাদের ক্রীতদাস করেছে অগ্রদিন তাদের মুক্ত ক'রে দিয়েছে, যেদিন আমেরিকা হারিয়েছে সেইদিন ভারতবর্ষ পেয়েছে। পুরুষশ্রম ভাগাম্। আধিভৌতিক লাভক্ষতির কথা ইংলণ্ড এতদিন ভাবেনি, এইবার ভাবতে শুরু করেছে দেখে মনে হয় এবার আর তার সেই পুরাতন অগ্রমনস্কতা নেই, এবার সে অক্ষমের মতো নিজের অক্ষমতার কথাই ভাবছে। ব্যাপার এই যে ইতিমধ্যে কবে একদিন—উনবিংশ শতাব্দীতেই বোধ হয়—ইংলণ্ডের আত্মা অন্তর্হিত হয়েছে কিম্বা জীবন্মৃত হয়েছে। শেকস্‌-পীয়ার থেকে ব্রাউনিং পর্য্যন্ত এসে-সে ক্লাস্ত হ'য়ে পড়ল। যে ইংরেজের প্রাণ ছিল adventure বিপদবরণ, সে এখন মস্ত্র নিয়েছে, "Safety first"। যা-কিছু এক কালে অর্জন করেছে তাই এখন সে নিরাপদে ভোগ করতে চায়। কিন্তু সংসারের নিয়ম এই যে, বীরছাড়া অগ্র কেউ বস্তুধরাকে ভোগ করতে পারবে না, অর্থাৎ অর্জন করা ও ভোগ করা একসঙ্গে চলা চাই। বস্তুত অর্জন করাটাই ভোগ করা। অর্জিত ধনকে র'য়ে ব'সে ভোগ করা হচ্ছে সংসারের আইনে চুরি করা। এ আলমুকে সংসার কিছুতেই প্রশ্রয় দেবে

না। যার might নেই তার right তামাদি হ'য়ে গেছে, যার হজম করবার ক্ষমতা নেই সে খেতে পাবে না।

কিছুকাল থেকে আধিভৌতিক ঐশ্বর্যের উপরে মন দেওয়া ছাড়া ইংলণ্ডের গতাস্তর থাকেনি, কেননা মন দেবার মতো আধ্যাত্মিক ঐশ্বর্য তার কখন ফস্কে গেছে। এখন আধিভৌতিক ঐশ্বর্যও যায়-যায় দেখে তার মেজাজ বিগুড়ে যাচ্ছে। ধনকে যে মানুষ পরম কামা মনে ক'রে কোটিপতি হলো, সে যখন দেখে যে আরেকজন কেমন করে দ্বি-কোটিপতি হয়েছে তখন সে চোখে আঁধার দেখে, তার পা টলতে থাকে। ভদ্রলোকের ছেলে যখন ইতর লোকের ছেলের সঙ্গে কথা কাটাকাটি করতে যায় ও একটি অশ্লীল কথা বলতে গিয়ে দশটি গুনে আসে, তখন তার যে অবস্থা হয় ইংলণ্ডের অনেকটা সেই অবস্থা। ধনবলকে সে সকলেব থেকে শ্রেয় মনে করেছিল, আজ ধনবলে সে প্রথম থাকতে পারছে না, আমেরিকা তার চেয়ে বড় "power" হ'য়ে "জগৎ গ্রাসিতে করেছে আশয়"। ইংলণ্ডের এই অপমান এখনো তার মর্মে বেঁধে নি, কিন্তু চামড়ায় বিঁধেছে।

বেশ একটু "inferiority complex"ও তার মধ্যে লক্ষ্য করছি। ভারতবর্ষের মতো সেও বলতে আরম্ভ করেছে, "আমি বড় গরীব, আমি গোবেচারি", কিন্তু সংসারের আইনে গরীব হওয়া হচ্ছে ফাঁসির আসামী হওয়া। হয় আধ্যাত্মিক ঐশ্বর্যে ধনী হ'তে হবে, নয় আধিভৌতিক ঐশ্বর্যে ধনী হ'তে হবে, অস্তিত্বের মূল্য দেবার জন্তু ধনী না হ'লে চলে না। ইংলণ্ডের যদি আবার আধ্যাত্মিক ঐশ্বর্য আসে তবেই তার এই "inferiority complex" স্থায়ী হবে না। ইংলণ্ডের আত্মা চায় একটা "Renaissance"—নবকলমের-ধারণ। বনস্পতির জন্তে তার খর্ব্ব ক্ষীণ বনভূমি অপেক্ষা করছে। না সাহিত্যে না রাজনীতিতে না বাণিজ্যে না রণনীতিতে কোনো দিকেই একটা মহামানবের সাক্ষাৎ পাওয়া যাচ্ছে না। এত বড় একটা মহাযুদ্ধ গেল, কিন্তু তার থেকে পাওয়া আত্মিক অভিজ্ঞতা নিয়ে না দেখা দিল মহাকাব্য, না মহা-উপন্যাস। সেইজন্তে ইংলণ্ডের এই দারিদ্র্যপীড়িত আবহাওয়ায় নিঃশ্বাস নিতে কষ্ট হয়।

(ক্রমশঃ)

পাহাড় পথে

শ্রীঅরীন্দ্রজিৎ মুখোপাধ্যায়

পথ চলেছে আঁকা বাঁকা
কোনখানে সে কোনখানে,
কোন সে সুদূর কেউ-না-জানা
গোপন পুরীর সন্ধানে!
বিরামহারা-কি-গান-গাওয়া
পাইন বনের বুক বেয়ে,
বরাস্ ফুলের রক্ত-রাঙা
হাসির দোলায় দোল খেয়ে,
সেঁউতি ফুলের গন্ধ মেখে,
বানের বনের মাঝখানে
অজগরের মাথায় চ'ড়ে
পথ চলেছে কোন খানে!

ওই লুকাল বাঁকের পথে,
শেষ বুঝি তা'র ওই খানে!
এই রয়েছে, হয়নি'ত শেষ,
চলেছে ঠিক এক টানে!
ওই উপরে ওই দেখা যায়
উঁচু পাহাড় বেড় দিয়ে,
আবার কোথায় আড়াল হ'ল
দেখতে হবে খোঁজ নিয়ে।
অভিমাণে হারিয়ে যাওয়া,
ফিরিয়ে পাওয়ার সম্ভ্রমী
নিত্য খেলে লুকোচুরী—
পাহাড় পথের এই নীতি।



ওই শোন, ওই বকী বলে,
 একটু দাঁড়াও পাশ দিয়ে,
 পাহাড়ীরা আসছে নেমে
 ঘোড়ার পিঠে বোক্ নিরে।
 ভিড় সরেছে—এগিয়ে চল,
 পাহাড়ী গাঁও ওই দূরে!
 পাশ দিয়ে পথ খাড়া চড়াই
 বাউড়ী-ঝরা জল বুঝে।
 ওই ক'খানা কাঠের বাড়ী
 স্নেহে পাথরে ছাদ অঁটা,
 ঢালু পাহাড় গায় সাজান
 মল্লিক-কৈত ওই থাক কাটা,
 স্মৃতি-ঘেরা পাহাড় বুকে
 ঘুম-ভাঙান কোন্ বাণী
 সামনে হঠাৎ ওই দেখা যায়
 পাহাড়ীদের গ্রামখানি!
 হর'ত হোণা ডালিম বনে
 ডালিম-ফুলি কা'র হাসি
 লাগবে চখে, ঘর ছাড়া মন
 উঠবে স্মৃতি উদ্ভাসি।
 আড়'ব তলে কোন বিরহী
 বাণীর সুরে ডাক দিয়ে
 হর'ত সেখা গান গাছিছে
 হারা প্রিয়ার খোঁজ নিয়ে!
 বিষম চড়াই! সামলে চল
 খাড়া পাহাড়-শাল ঘেসে
 জান দিকে ওই ঘন নেমেছে
 গভীর অতল কোন দেশে!
 হর'ত হবে হাজার কিট ও
 কিনা হবে দেড় হাজার,

বাংলা দেশের পাঠাশালায়
 গুরুশাই'নির সে ভার।
 কিন্তু দেখা সেই অভলে
 জল চলেছে খড়্ কেয়ে;
 সবুজ বনের বুকের উপর
 রূপার মালার রূপ ছেয়ে!
 এগিয়ে পড়! ওই শোন ডাক!
 একটু দাঁড়াও চূপ করে;
 ছেড়ের ধারা বর্ষা-কোথায়!
 উঠতে হ'ল পথ ধরে।
 রাস্তা বড় নয় সুরবিধা,
 একটু চল সাবধানে—
 প্রেমের পথে অনেক বাধা
 তাই ব'লে কি কেউ মানে!
 ওই ছুটেছে পাহাড়-ঝরা
 মস্ত ধারায় বোড়-সোয়ার,
 মুক্তচূড়া মহাদেবের
 জটায় যেন গজাধার!
 দিগু-বিদিকের নাইক খেয়াল,
 গতির বেগে সব বাধা
 পথ ছেড়ে দেয়, মরণ-হারা
 মুক্তিবাণী তা'র সাধা!
 ঠিকরে পড়ে রোদের আলো
 ইন্দ্রধনুর রূপ ধরি,
 কাপছে গিগি, জলের ধোঁরা
 উঠছে হাওয়ার বুক ভরি।
 পাশ দিয়ে তা'র পাহাড়ী পথ
 চলেছে ওই কোনখানে,
 চিরকালের কেউ না জানা
 কোন স্মৃতির সন্ধানে!

কবির দেবেন্দ্রনাথ সেন

শ্রীকৃষ্ণবিহারী গুপ্ত

আজ প্রায় দশবৎসর হইল কবির দেবেন্দ্রনাথ সেন পরলোকে গমন করিয়াছেন। তিনি যে 'সত্য শিবসুন্দরের পবিত্র সঙ্গীত' গাহিয়াছিলেন তাহা আমরা ভুলিয়া যাইতে বসিয়াছি। তাই আজ তাঁহার কাব্যলোচনার প্রবৃত্ত হইয়াছি।



কবি দেবেন্দ্রনাথ

রবীন্দ্রনাথের যুগে তাঁহার সমসাময়িক যে কয়জন প্রতিভাশালী কবি ও সাহিত্যিক তাঁহার প্রভাব এড়াইয়া বঙ্গসাহিত্যে অসামান্য প্রতিষ্ঠা অর্জন করিয়াছিলেন, দেবেন্দ্রনাথ ছিলেন তাঁহারই অন্ততম। দ্বিজেন্দ্রলাল, অক্ষয়কুমার, কীর্ত্তীপ্রসাদ ও অমৃতলাল রবীন্দ্রনাথের

আঙুঠায় পড়িয়া আপনাদের স্বাতন্ত্র্য হারান নাই। ফলে আমাদের কাব্য ও নাট্যসাহিত্যে ইহাদের অমূল্য দানে অপূর্ব শোভায়, সম্পদে ও বৈচিত্র্যে মণ্ডিত হইয়া উঠিয়াছে। উপজ্ঞান ও গল্প-সাহিত্যসম্বন্ধেও এই কথা সত্য। নামোল্লেখের বোধকরি প্রয়োজন নাই। দেবেন্দ্রনাথ ইহাদেরই আসরে গান গাহিয়াছেন। সে গানের সুর ভাব ও চিন্তার খুব উচু পর্দায় না পৌঁছিলেও তাহা যেমন মিষ্ট তেমনই পবিত্র।

দেবেন্দ্রনাথ রবীন্দ্রনাথ অপেক্ষা ছই কি তিন বৎসরের বড় ছিলেন। উভয়ের মধ্যে বিশেষ প্রীতি ও সৌহার্দ্য ছিল। রবীন্দ্রনাথ তাঁহার 'সোনার তরী' দেবেন্দ্রনাথের নামে উৎসর্গ করেন। দেবেন্দ্রনাথও তাঁহার 'গোলাপ-গুচ্ছ' রবীন্দ্রনাথকে ও তাঁহার 'অশোকগুচ্ছ' শ্রীমতী স্বর্ণকুমারী দেবীকে উৎসর্গ করেন। এই 'অশোকগুচ্ছ' লইয়াই আমরা তাঁহার কাব্যসমালোচনা আরম্ভ করিব।

কবির যৌবনে রচিত শ্রেষ্ঠ কবিতাগুলি এই গ্রন্থে প্রকাশিত হইয়াছে। সর্বসম্মতিক্রমে এইখানাই তাঁহার সর্বোৎকৃষ্ট কাব্যগ্রন্থ, দেবেন্দ্রপ্রতিভার শ্রেষ্ঠ নিদর্শন। এই পুস্তকখানিই তাঁহাকে বঙ্গসাহিত্যে অমর করিয়া রাখিবে। কবি গিরীন্দ্রমোহিনী যখন এই বইখানির নাম 'অশোকগুচ্ছ' রাখিলেন তখন কবি একটি মনোমত নাম পাইয়া পুলকিত হইলেন বটে, কিন্তু সেই সঙ্গে ভয়ও হইল বুঝি বা ইহা সার্থক হইবে না। এই ভাবটি অশোকগুচ্ছের প্রথম কবিতাতেই ব্যক্ত হইয়াছে।

অশোকের গুচ্ছ ? কই মা, ইহাতে কোথা
নব বসন্তের কচি চিকন পল্লব !
রতির সীমন্ত-শোভা সিন্দূরের মত
আকাশপুষ্পের কই পদ্মরাগছটা।



নবোঢ়ার ব্রীড়া-দীপ্ত আরক্ত কপোলে
হাসি সম, কোথায় মা, আনন্দের রাশি ?
পবিত্র বিবাদ কই। যে মাধুরী হেরি,
মুছিয়া চক্কের জল মলিন অঞ্চলে,
হাসিত মধুর হাসি চিরদুঃখী সীতা।

কিন্তু কবির এইরূপ ভাবনার কোন কারণ ছিল না। একটা বাসন্তী হাওয়ার মধুর হিল্লোল এই গ্রন্থের সর্বত্রই পাঠকের প্রাণ স্পর্শ করিয়া তাঁহাকে আনন্দ-বিহ্বল করিয়া তোলে। আর বাঙ্গালীর দাম্পত্যজীবনের মাধুর্য ও বিবাদ, আনন্দরূপিনী নবোঢ়ার ব্রীড়াদীপ্তি আর বিবাদময়ী বালবিধবার অন্তর-ব্যথা কবি দেবেন্দ্রনাথের নিপুণ তুলিকা সম্পাতে যেরূপ নানাবর্ণে সমুজ্জ্বল হইয়া উঠিয়াছে সেরূপটি বুঝি আর কাহারও কাব্যে বড় বেশী দেখিতে পাই না। কিন্তু এই নানাবর্ণের মধ্যে যে রংটি প্রাধান্য লাভ করিয়াছে গোট হইতেছে অশোকের লালিমা। সে লাল কখনও স্বামীসোহাগিনী তরুণীর সীমন্তশোভী সিন্দূরের মত তাহার পবিত্র দাম্পত্যালীলার উজ্জ্বলিত আনন্দরাশি আমাদের চক্কের সম্মুখে আনিয়া দেয়; কখনও বা তাহা নবপরিণীতা কিশোরীর কপোলে গণ্ডে বাসরের প্রথমচূষন যে লজ্জাকরণেরথা আঁকিয়া দেয় তাহারই রক্তিমাতা, মনে হয় যেন তাহা বালসূর্য্যের সমস্ত শোভা লইয়া দাম্পত্যের জীবন প্রভাত রাঙ্গিয়া দিতেছে। আবার এই লাল দেখি কবি-প্রিয়র 'অলক্তাক্ত ছ'চরণে,' যাহার অনবস্ত সৌন্দর্য্যের উপর অলক্তরাগের অত্যাচার দেখিয়া কবি এইরূপে অলুযোগ করিতেছেন :

উদার উদার কাল :

সাক্ষা মেঘ রক্তজাল

রঞ্জিল গগনাজন। বল, বল আলি,

বসন্তে সাজালে কেন শারদীর ডালি।

কবি তাই চুপি চুপি ধোকার হাতে জলের ষটি দিয়া তাহাকে তাহার জননীর পারের উপর ঢালিয়া দিতে শিখাইয়া দিয়াছেন। এই কারণে কিংবা যখন ঘোমটা খোলার অত্যাচারে

কুত্র রোষ জেগে উঠে

রাঙা তোর গুটপুটে

আরো রাঙাইয়া দিল, করি রক্ত কেলি,

কে যেন সিন্দূর দিল লাল পুষ্পে কেলি।

তখনও অভিমানিনী নারীরা রোষাক্রমবদ্ধিত বদনমণ্ডল কি অশোকগুচ্ছের লোহিত রাগ ধারণ করে না? দাম্পত্যজীবনের বিবিধ বর্ণবৈচিত্র্যের মধ্যে এই যে লালের খেলা ইহার মধ্যে বেদনার রক্তরাগ আসিয়া মিশিয়াছে। বঙ্গবিধবার মর্ম্মস্তদ হৃদয়-ক্লান্ত হইতে নিরন্তর যে রক্ত নিঃসরিত হইতেছে তাহাও কবি অনাবৃত করিয়া দেখাইতে ভুলেন নাই। তাঁহার অশোকগুচ্ছের লাল রং বুঝি বা তাহাতে আরও বেশী গাঢ়তর হইয়াছে।

কিন্তু কবির মন ইহাতেও তৃপ্তিলাভ করে কই? অশোক নিজে এত লাল কেন সে সমস্তর ত সমাধান হইল না! 'চেতনাচেতনে প্রকৃতিকরণ' কবি প্রকৃতির দুলাল অশোক-তরুকে জিজ্ঞাসা করিতেছেন :

হে অশোক, কোন্‌ রাঙা চরণ চুষনে

মর্মে মর্মে শিহরিয়া হ'লি লালে লাল ?

কোন্‌ দোলপূর্ণিমার নব বৃন্দাবনে

মহর্মে মাখিলি ফাগ প্রকৃতি-দুলাল।

কোন্‌ চিরসধবার ব্রতউদ্বাপনে

পাইলি বাসন্তী শাড়ি সিন্দূরবরণ।

কোন্‌ বিবাহের রাত্রে বাসর-ভবনে

এব'রাশি ব্রীড়া-হাসি করিলি চমন।

বৃথা চেষ্টা—হায়! এই অবনী মাঝারে

কেহ নহে জাতিস্মর—তরুজীবপ্রাণী।

পরানে লাগিয়া ধাধা আলোক আধারে

তরুও গিয়াছে ভুলে অশোক-কাহিনী।

শৈশবের আবছারে শিশুর দেয়ালী;—

তেমতি অশোক তোর লালে লাল খেলা।

কিন্তু কবি-চিত্ত ইহাতেও সন্তোষলাভ করিল না। অশোকের ত প্রকৃত পরিচয় তিনি পাইলেন না। আবার তিনি একটি সনেটের মধ্যে উপমা-ভরা প্রশ্নের পর প্রশ্ন সাজাইয়া অশোকের জন্ম-ইতিহাস আবিষ্কার করিয়া ফেলিতে কৃতসঙ্কর হইলেন।

শ্রীকৃষ্ণবিহারী গুপ্ত

কোথায় সিদ্ধুর গাঢ়—সখবার ধন !
 আবির্ভাব, কুসুম কোথা, গোপিনী-বাহিত !
 কোথায় সুরীর কণ্ঠ আরক্ত বরণ !
 কোথায় সন্সার মেঘ লোহিতে রঞ্জিত !
 কোথায় বা ভাঙে রাজ্য রক্তের লোচন !
 কোথা গিরিরাজ পদ অলঙ্ক-মণ্ডিত !
 মদন বধুর কোথা অধরের কোণ
 ব্রীড়ার বিক্ষেপে মরি সতত লোহিত !
 সকলেরি কিছু কিছু চারুতা আহরি'
 ধরি রাগ অপরূপ গাঢ় ও তরল,
 শুষ্কে শুষ্কে তরুণেরে করিয়ে উজ্জল
 রাজিছে অশোক ফুল, মরি কি মাধুরি !

প্রাণের নবাক দিগ্না জ্যোৎস্না মধুর
 উজ্জলিরা অধরেতে পড়ে আসি চলি ।
 সে কাহিনী ভূমি আমি গেছি এবে ভুলি ।
 এ কি হাসি ! এ যে শুধু আকুলি বাকুলি ।

আবার উচ্চ হাসি কবির প্রাণে বিরূপ ভাবের লহরী
 তুলিয়াছে তাহারও একটু পরিচয় দেওয়া দরকার :

মৃতিমতী রাগিনীর ভুজমেখলায়
 বাজি যেন উঠিয়াছে কঙ্কণ কিকিণী,
 সন্সারের কুঞ্জে কুঞ্জে বাসন্তী উষায়
 জাগি যেন উঠিয়াছে নুপুর শিঞ্জিনী !

উপরে যে কয়টি ছত্র উদ্ধৃত হইয়াছে তাহা হইতেই
 দেবেন্দ্রনাথের ভাষা ও ছন্দের লালিত্য এবং চিত্রাঙ্কনী
 প্রতিভার কিছু পরিচয় পাওয়া যাইবে। তাঁহার ভাব
 ভাষা ও ছন্দ সর্বত্র সুমধুর ও সচ্ছন্দগতি ; একটিমাত্র
 ভাবের বাঞ্ছনায় চিত্রের পর চিত্র, উপমার পর উপমা
 দিতে তিনি বোধহয় অস্থিতীয়। ভাষার মধ্যে কোথাও
 ধোঁয়াটে বা আবছায়া ভাব নাই, এবং এই ভাষার
 মাধুর্যা ও ছন্দের সলীল প্রবাহ সর্বত্র অপ্রতিহত। কবি
 যেন সৌন্দর্যের পসরা খুলিয়া বসেন। সেখায় 'কহিনুরে
 কোহিনুরে আলো যে উখলি পড়ে, ছড়াছড়ি ইন্দ্রনীলে হীরায়
 যুক্তায়।' আরও দু'একটি উদারণ দিবার লোভ সংবরণ
 করিতে পারিলাম না। একটি সনেটে কবি 'যুবতার হাসি'
 এইরূপে বর্ণনা করিতেছেন :

হে রূপসী, নিশিগেবে কোন্ নদীবারে,
 কোন্ স্বপ্নময় পুরে, কোন্ কামাখ্যায়,
 চরণে নুপুর যেন, অন্তর মাঝারে,
 বহিয়া সে কুসুমনি আইলে হেথায় ?
 নাগেশ্বর চাপাতলে কোন্ অলকার
 দাঁড়াইয়া ছিলে ভূমি, মদনমোহিনী ?
 এক রাশি জাতি যুধি মল্লিকা কামিনী
 কাঁপাইয়া কোলে তব পশিল হিয়ায় !
 গাম নাহি বোঝা যায়, ভাসে শুধু সুর ;
 ফুল নাহি দেখা যায়, সৌরভ কেবলি ;

'ডায়মণ্ড কাটা মল', 'আলতা মোছা', 'ঘোমটা খোলা'
 'খোঁপা খোলা' প্রভৃতি অনেক কবিতার কবি তাঁহার
 এই চিত্রাঙ্কনী শক্তির পরাকাষ্ঠা দেখাইয়াছেন। মলের
 রেওয়াজ অনেক দিন হইল উঠিয়া গিয়াছে ; আলতাও
 অদৃশ্য হইতে আরম্ভ হইয়াছে, কিংবা হয়ত পাছকা-
 শোভিত চরণকমলে এখন আর তাহার স্থান নাই ; ঘোমটা
 বা খোঁপা খুলিয়া এখন আর নববধুর লাজ ভাঙ্গাইতে হয় না,
 ঘোমটা এখন সীমন্তের শেষ প্রান্তে আশ্রয় গ্রহণ করিয়া
 কোনরূপে টিকিয়া আছে, তাহাও বুঝি আর বেশীদিন
 থাকে না। আর বাঙ্গালীর মেয়ের বড় আদরের খোঁপাও
 এখন অনাদৃত, বুঝি তাহাও দিন কুরাইয়া আসিয়াছে।
 স্বাধীনতা-প্রয়াসিনী বঙ্গনারী যদি আজ বলিয়া বসেন, 'আমার
 আকুল কবরী আবির্ভাব কেমনে যাইব পথেরি মাঝে' এবং
 কালই যদি bobbed hair-এর সৌন্দর্য্যে মোহিত হইয়া
 তাঁহার খোঁপার মায়া ত্যাগ করেন তাহা হইলে কবরীমুখ
 পুরুষ-কবি কি তাহা প্রতিরোধ করিতে পারিবেন ? কিন্তু
 সেজন্য আক্ষেপ করাও বৃথা। কালের প্রবাহে অনেক
 বস্তুই ভাসিয়া যায়। সে সব বস্তু যদি কাব্যের উপাদান
 রূপে কোন কবি গ্রহণ করিয়া থাকেন তাহা হইলেও
 আমাদের কাব্যরস উপভোগের পক্ষে কোনই হানি হয় না,
 যদি সেই কবির সৌন্দর্য্যসৃষ্টি খুব উচ্চশ্রেণীর হয়। বাঙ্গালীর
 গার্হস্থ্য জীবনের চেহারাটা যদিও কালক্রমে বদলাইয়া যায়
 তাহা হইলেও দেবেন্দ্রনাথের কাব্যসৌন্দর্য্য স্থান হইবে না।



আমাদের সাহিত্যভাণ্ডারে তাঁহার কবিতাগুলি চিরসম্পৎ-
স্বরূপ বিরাজ করিবে।

কল্প রস ফুটাইতেও দেবেন্দ্রনাথ সিদ্ধহস্ত। বাঙ্গালীর
গৃহে গৃহে বিধবা নারীরূপে যে বিবাদ-প্রতিমা ও মূর্তিমতী
সহিষ্ণুতা আমাদের জীবনকে বেদনাতুর করিয়া রাখিয়াছে
কবি তাহাদের কথা বিন্যস্ত হন নাই। পূর্বে ইহার
একবার উল্লেখও করিয়াছি। এখানে যেমন একদিকে
দাম্পত্যলীলার উচ্ছল হাসিরাশি আছে, অপর দিকে
তেমনিই আবার যুবতী বিধবার তপ্ত অশ্রুও তাহারই
অস্তরালে নিরন্তর ঝরিতেছে। ইহার জন্ত কবির প্রাণ
কাঁদিয়াছে এবং তিনি তাঁহার মোহিনী তুলিকার স্পর্শে
কল্পে কবিতার বঙ্গবিধবার যে অল্পমম চিত্র অঙ্কিত
করিয়াছেন তাহা যেমন কল্প তেমনই সুন্দর। স্বামীবিয়োগ-
বিধুরা নারী যখন বিলাপ করিতেছে—

সকলি ত হইল স্বপন।
তোমার সহিত নাথ। ইহ জনমের সাধ
চিতায় করিল আরোহণ।
অভাগীর রূপ নাও সিন্দুরের কোটা নাও
নাও নাও বসন ভূষণ;
অন্ধকার একরাশ নিবিড় এ কেশপাশ
করিত যা চরণ চূধন।

তখন এই কাতরোক্তি শুনিয়া আমাদের নয়ন বাষ্পাকুল
হইয়া উঠে। কিন্তু পরক্ষণেই তাহার মধ্যে যে অসীম
প্রেম, ধৈর্য ও আত্মসমর্পণের ভাব দেখি তাহা কি
হৃদয়স্পর্শী!—

দাও দাও স্মৃতিটি তোমার,
ওই স্মৃতি বুকে করে সারাদিন সারাক্ষণ
করিব স্মৃতি স্মরণ।
হে নাথ! কিছু না চাই, এই ভিক্ষা তব ঠাই
দাও দাও অন্নভোগী তোমার জীবন।

এই দেবীতুল্যা বিধবার উপর হিন্দু সমাজের নির্ভরতা
তিনি 'রাধারাগী' শীর্ষক কবিতার দেখাইয়াছেন।

কিন্তু কবির এই করুণাধারা শুধু যে বিধবারই উপর
বর্ষিত হইয়া নিঃশেষ হইয়াছে তাহা নয়। হিন্দু সমাজ নারী-
জাতির উপর যে অত্যাচার করিয়া আসিয়াছে বা এখনও
করিতেছে তাহা হৃদয়বান্ কবির হৃদয় বিগলিত না করিয়া
থাকিতে পারে না। কোলীশ্র ও পণপ্রথার যুগকাঠে হিন্দু
সমাজে যে নারী বলি হইয়া থাকে দেবেন্দ্রনাথ তাহার
যথার্থ চিত্র দিয়াছেন। কুলীন যুবতী সুদীর্ঘকাল
স্বামীদর্শনাকাজ্জ্বার অতিবাহিত করিয়া শেষে যখন একদিন
তাহার সেই চির-অভীপ্সিত বস্ত্রটিকে পাইল তখন তাহার
তন্দ্রবৎ নৃশংস ব্যবহারে কিরূপে সে

যুগায় ও রোসে

ভালের সিন্দুর বিন্দু ফেলিল মুছিয়া।

এবং পরে সে কিরূপে ধীরে ধীরে বিপথে
পদার্পণ করিল তাহা 'কলঙ্কিনীর আত্মকাহিনী'তে
উচ্ছল ভাবে চিত্রিত হইয়াছে। কোলীশ্রের
যুগ অতীত হইয়া গিয়াছে। একরূপ চিত্র বোধ হয় আর
কোন কবিকে অঙ্কিত করিতে হইবে না। কিন্তু পণপ্রথার
শাগিত খড়্গ এখনও বঙ্গবালার মস্তকোপরি উত্তত
রহিয়াছে। দেবেন্দ্রনাথ কখনও শ্লেষবর্ষণ দ্বারা, কখনও বা
কল্প রসের উৎস ছুটাইয়া এই প্রথার জঘন্যতা প্রকটিত
করিয়াছেন। কবি বিংশ শতাব্দীর বরকে দশহাজার
টাকার ভি পি পার্শেলে বিবাহসভায় পাঠাইয়াছেন। আবার
অন্ততঃ দেখি কত্কার পিতা প্রতিশ্রুত দশ সহস্র মুদ্রা দিতে
না পারায় 'বাকি পাঁচশত রূপেয়া'র জন্ত খণ্ডরগৃহে বন্দি
কত্তা মনের দুঃখে তিলে তিলে পুড়িয়া প্রাণত্যাগ করিল।
হায়!

অকাল হেমন্ত আসি লয়ে পার্শু হিম রাশি
তুবারে ডুবায়ৈ দিল সে কনক-নলিনী।

নারীর প্রতি এই ঘোর অনাদরে হিন্দু সমাজ উৎসন্ন
বাইতে বসিয়াছে। কবি তাই তাঁহার 'হুহিতামঙ্গলশঙ্খ'
বাজাইয়া বলিতেছেন—

শ্রীকবিতারী গুণ

নাহি যুগা, নাহি লজ্জা! ধিক! ধিক! অধম বাণালী
তোমাদের বিদ্যাবুদ্ধি ভয়ে যত! কি অন্ধ নয়ন!
পুত্র হ'লে শাখ বাজে, কন্যা হ'লে আঁধার ভবন।
নারীর অবজ্ঞা করি মাখিয়াছ মুখে চূর্ণকালি।
* * * * *
মাতা নারী, খাত্তী নারী, ভয়হরা দেবতারূপিনী,
নারীই শৃঙ্খলা বিধে, মিষ্টরস, সৌন্দর্য আধার।
নারীর মহাত্মা মূঢ়, বুকিলে না, তাই হাহাকার
আজি বঙ্গে গৃহে গৃহে।

তিনি যে হাশুরসের অবতারণা করিতেও বিলক্ষণ পটু
ছিলেন তাহার প্রকৃষ্ট উদাহরণ তাঁহার 'দগ্ধকচু' নামে সরস
গদ্য গ্রন্থখানি। স্বপুত্রালয়ে শ্রালিকারা মিলিয়া কবিকে
দগ্ধ কচু খাওয়াইয়া কিরূপ লঙ্ঘিত করিয়াছিল এবং
অতঃপর তিনি নিজে তাহার কিরূপ প্রতিশোধ লইয়াছিলেন,
তাহাই এই গ্রন্থের বর্ণনীয় বিষয়। ইহার ছত্রে ছত্রে চটুল
হাসির ফোয়ারা ছুটিয়াছে। তাঁহার কবিতার মধ্যেও
হাশুরসের অভাব নাই। 'কোন বিশ্বিন্দুক সমালোচকের
প্রতি' শীর্ষক ব্যঙ্গ কবিতা হইতে কয়েক ছত্র এখানে তুলিয়া
দিতেছি :

পূর্বজন্মে ছিলে তুমি শোণিত-শোবক
কোরিয়ার জেঁক বুঝি, হে সমালোচক ?
পায়স পানসে বড়, অমৃত ও টক।—
মানুষের রক্ত বিন্দু মরি কি রোচক !
আঁকা বীকা গতি তব কথাগুলি বক ;
এক রক্তি বিষ নাই, কুলোপানা চক্র।
রসনা-ধনুকে তীক্ষ্ণ বচনের তীর ;
ঢাল নাহি, খাঁড়া নাহি, তবু মহাবীর !
তুবু ডি ছুঁ ডিয়া ভাব দাগিয়াছ তোপ ;
বজ্রধর ! ধাম ধাম ;—বোঝা গেছে কোপ !
পরচুলে হে সুল্লর, ঢাকিয়াছে টাক ;
ঝুটো চুনি, ঝুটো পান্না—তারি এত জাঁক ?

এ পর্য্যন্ত আমরা 'অশোকগুচ্ছ' লইয়াই প্রধানতঃ
আলোচনা করিয়াছি। এইবার দেবেন্দ্রনাথের অন্ত্যস্ত
কাব্যগ্রন্থগুলি সম্বন্ধে কিছু না বলিলে প্রবন্ধ অসম্পূর্ণ থাকিবে।

যার। ১৩১৯ সালে শারদীয়া পূজার পূর্বে তিনি একসঙ্গে
'গোলাপগুচ্ছ', 'শেফালিগুচ্ছ', 'পারিজাতগুচ্ছ', 'অপূর্ব
নৈবেদ্য', 'অপূর্ব শিশুমঙ্গল' ও 'অপূর্ব বীরাজনা' এই
ছয়খানি নূতন কবিতা পুস্তক ও অশোকগুচ্ছের দ্বিতীয়
সংস্করণ প্রকাশ করেন। তাঁহার স্থাপিত শ্রীকবিতা পাঠশালা
হইতে এই সময়ে যথেষ্ট অর্থাগম হইতে থাকে। সেই অর্থে
তাঁহার এই সমগ্র গ্রন্থপ্রকাশ সহজেই সুসম্পন্ন হইয়াছিল।
বিভিন্ন মাসিকপত্রে বহুকাল ধরিয়া যে সকল অসংখ্য কবিতা
ছড়াইয়া রহিয়াছিল, সেইগুলি সংগ্রহ করিয়া তিনি এই
কয়খানি গ্রন্থের অন্তর্ভুক্ত করেন। এই কবিতারাশির
সর্বত্র দেবেন্দ্রনাথের প্রতিভার দীপ্তি জ্বলিয়ায়মান; কিন্তু
তথাপি আমাদের মনে হয়, 'অশোকগুচ্ছ'র শ্রেষ্ঠ কবিতা-
গুলির স্থায় সর্বত্র-সুন্দর কবিতা এই গ্রন্থগুলির
মধ্যে বড় বেশী নাই। সেই দাম্পত্যলীলার চিত্র,
সেই কুপ্রথাপীড়িতা হিন্দুনারীর দুঃখকাহিনী, সেই নিছক
সৌন্দর্য্যসৃষ্টির অশ্রান্ত প্রয়াস এ সমস্তই আছে; কিন্তু
তথাপি যেন পাঠকের মন তৃপ্তির রসে ভরিয়া উঠে না।
কোন কোন কবিতা ভাবে, ভাষায় ও ভঙ্গীতে মধুসূদন ও
ও হেমচন্দ্রকে স্মরণ করাইয়া দেয়। দেবেন্দ্রনাথ বলিতেন
যে, এই দুই জনকেই তিনি তাঁহার কাব্যগুরু বলিয়া স্বীকার
করিয়া লইয়াছিলেন। তাঁহার 'অপূর্ব বীরাজনা কাব্য'র
প্রারম্ভে তিনি মাইকেলের উদ্দেশে বলিতেছেন—

হে গুরু, কখনও তোমা দেখিনি নয়নে,
কিন্তু দেব! দ্রোণ শিষ্য একলব্য সম
মানসে গড়িয়া তব মূর্তি নিরূপম
শিখিয়াছি ধনুবিদ্যা তোমারি সদনে।

কিন্তু এই গুরু-শিষ্য সম্পর্ক মানিয়া লওয়া কঠিন।
কারণ হেমচন্দ্রের পৌরুষ ও রোদ্দরস কিংবা মাইকেলের
জলদনির্ঘোষ দেবেন্দ্রনাথে কুত্রাপি নাই। তাঁহার বৃহত্তর
রচনাগুলি প্রায়ই ব্যর্থ হইয়াছে। পক্ষান্তরে দেবেন্দ্রনাথের
যাচা বৈশিষ্ট্য—তাঁহার মাধুর্য্য, গালিত্য ও চিত্রপ্রাচুর্য্য—
হেমচন্দ্রের 'কবিতাবলী'র মধ্যে খুব বেশী পাওয়া যায় বলিয়া
মনে করি না। অবশ্য মাইকেলের 'বীরাজনা কাব্য'
বঙ্গলার গীতিকাব্য সাহিত্যে অতুলনীয়। সুতরাং আধুনিক



যুগের কবি সত্যেন্দ্রনাথ দত্ত বা কালিদাস রায় বিশেষরূপে রবি-ভক্ত হইলেও যেমন রবীন্দ্রনাথের অনুকারী বা তাঁহার কাব্য শিষ্য নহেন, তেমনই দেবেন্দ্রনাথও নিজেকে মধুসূদনের সাক্ষর বলিয়া প্রচার করিলেও তাঁহার কাব্যে তাঁহার বিশেষ প্রমাণ নাই। একস্থলে তিনি রবীন্দ্রনাথের প্রভাবও স্বীকার করিয়া লিখিয়াছেন, ‘আমার এ রবিতপ্ত কল্পনা-কুমুদী ফুটিবে কি পুনর্বার?’ তাঁহার এই উক্তি রবীন্দ্রনাথের প্রতি প্রকাজলি ব্যতীত আর কিছুই নহে। কারণ রবীন্দ্রনাথ তাঁহার কাব্যের উপর কোন প্রভাব বিস্তার করিয়াছেন বলিয়া ত আমরা মনে করি না।

সে যাহা হউক, আমরা এখন তাঁহার শেষ কথখানি পুস্তকের একটা সংক্ষিপ্ত পরিচয় এখানে দিয়া প্রবন্ধ শেষ করি। ‘অশোক গুচ্ছের’ পরই ‘গোলাপ গুচ্ছে’র স্থান। ইহার প্রথম কবিতা—

এবে গোলাপে গোলাপে ছাইয়ে ফেলেছে

এ মধু কানন দেশ—

পূর্বেই প্রভাত বাবুর বর্ণনায় উল্লিখিত হইয়াছে। কবি যে ইহার পরেই অত্র একটি কবিতায় বলিতেছেন—

চিরদিন চিরদিন রূপের পূজারি আমি

রূপের পূজারি

তাঁহার যথেষ্ট প্রমাণ কবি এই গ্রন্থেও দিয়াছেন। তাঁর ‘প্রাণ-বাতায়নে ভাবগুলি সব গোলাপি নেশায় চুর।’ নারীর দেহে, দম্পতীর প্রেমলীলায় ও শিশুর হৃদয়-রাজ্যে একই সৌন্দর্যের বিভিন্ন বিকাশ দেখিয়া কবি আত্মহারা। তাই কখনও তিনি ‘মধুর জ্যোৎস্না’-রূপিনী শ্রামাজী সুলক্ষীকে ‘আধ আলো আধ ছায়া বনরাজি গাঢ়’ বলিয়া বর্ণনা করিতেছেন। আবার কখনও বা বালার্ককিরণ-সন্নিভা গৌরাজীর ‘রূপরোদ্রে হু’নয়নে ধাঁধা লেগে যায়।’ যখন ‘আগ্রহে দম্পতী করে প্রথম চুম্বন’ তখন সেই মুগ্ধ বিহ্বল নব-দম্পতীর স্থায় কবির হৃদয়েও—

কুহরিনা উঠে পিক, শিহরিনা উঠে দিক

ভরে যায় কলে কুলে শ্রামল ঘোঁষন।

আর তিনি ভাবিয়া আকুল—

কি জানি কি নিধি দিয়া পড়িল চতুর বিধি
প্রথম চুম্বন।

আবার সন্তপ্তবীবিয়োগব্যথিতের ‘শেষ চুম্বন’ কামনা—

দাও দাও বিদায়-চুম্বন!

জীবনের রত্নাগারে একেবারে করি খালি

অভাগারে ফাঁকি দিয়ে মরণে দিতেছ ডালি।

ল’য়েও হীরার কুচি চকের সলিল মুছি

দরিদ্র করিবে সখি, জীবন যাপন।

‘অশোক গুচ্ছের’ বিষবার বিলাপস্বৃতি আনিয়া দেয়। এই কাকণাধারা ‘বিরাগীর আক্ষেপ,’ ‘উন্মাদিনীর কাহিনী’ প্রভৃতি কবিতারও ছত্রে ছত্রে প্রধাহিত হইয়াছে। ‘বাকি পাঁচশ’ রূপেরা’র উল্লেখ পূর্বেই করিয়াছি। এই গ্রন্থের অন্তর্ভুক্ত ‘কদম্বসুন্দরী’ নামক সুদীর্ঘ কবিতাটি নির্দোষ না হইলেও নানা রসের সমাবেশে বেশ উপভোগ্য।

‘অপূর্ব নৈবেদ্য’ ও ‘অপূর্ব শিশুমঙ্গল’ ব্যক্তিগত কবিতার সমষ্টি; প্রথম খানি কবির বন্ধু-বান্ধব এবং তাঁহার পরিচিত কবি ও সাহিত্যিকদের স্তুতিবাদে পূর্ণ, এবং অপর খানিতে কবি শিশুদের সম্বন্ধে লিখিত নানা কবিতার মালা গ্রথিত করিয়াছেন। এই গ্রন্থগুলি ‘অপূর্ব’ কেন, তাহার উত্তরে কবি স্বলিখিত ভূমিকায় বলিয়াছেন, ‘এই কাব্যগুলির অধিকাংশ কবিতাই শ্রীভগবানের উদ্দেশ্যে বিরচিত হইয়াছে।’ এ সম্বন্ধে দেবেন্দ্রনাথ একদিন আমাকে বাহা বলিয়াছিলেন তাহা এখানে উল্লেখ করা আবশ্যিক মনে করি। তিনি বলিয়াছিলেন, ‘আমি যে সকল মতিলা কি বালিকার স্তুতিবাদ করিয়াছি তাঁহারাই আমার কবিতার-মুখ্য বিষয় নহেন। আমি তাঁহাদের অবলম্বন করিয়া বিভিন্ন দিক হইতে একটা ideal womanhood—নারীত্বের পূর্ণ আদর্শ অঙ্কিত করিতে চেষ্টা করিয়াছি। সেইজন্য এই সকল কবিতাতেও প্রায়ই আধ্যাত্মিকতা আসিয়া পড়িয়াছে; কারণ নারীজাতিকে আমি জগন্মাতার অংশরূপিনী, ভগবানের সৌন্দর্য্য বিকাশ ব্যতীত আর কিছু মনে করিতে পারি না। আমার শিশু-সম্বন্ধীয় কবিতাগুলিও এই অর্থে ব্যক্তিগত হইয়াও সার্বজনীন। এখানেও আমি শিশু-চরিত্রে মুগ্ধ হইয়া বিভিন্নভাবে

শ্রীকৃষ্ণবিহারী গুপ্ত

সেই অনন্ত সৌন্দর্যের আভাস দিতে প্রয়াস পাইয়াছি। একটা আদর্শ শিশুজীবন যাহার প্রকাশ ভিন্ন হইলেও মূলতঃ এক, ইহাট আমার শিশু-কবিতাগুলির বিষয়।' সুতরাং এই 'অপূর্ণ' কবিতাগুলি কোন্ অর্থে 'শ্রীভগবানের উদ্দেশ্যে রচিত' তাহা কবির এই উক্তি হইতে বোঝা যায়। 'জগট তাকাত' নামক কবিতার শেষ ভাগে তিনি ঠিক এই কথাই বলিয়াছেন। জগাই অর্থাৎ জগন্নাথ একটি তিন বছরের শিশু। এই শিশুতে তিনি জগন্নাথকেই মূর্তিমান রূপে দেখিতেছেন :

অশ্রুতের মহাসিন্ধু অপূর্ণ হিলোলে
আমার এ কবি-চিত্তে বাহিছে কলোলে।
তারি বেলাভূমে আমি রয়েছি সুন্দর
সৌন্দর্যের জগন্নাথপুরী মনোহর।
সুন্দর দেউল রবি করেছি স্থাপন
রে সুন্দর ! তোর ওই মূর্তি মোহন।
প্রসারি অন্তরদৃষ্টি হৈর এ অমর সৃষ্টি
এ নহে কল্পনা-কথা, এ নহে স্বপন ;
শিশুই মানববেশে দেব নারায়ণ।

এই আধ্যাত্মিকতা শেষ বয়সে তাঁহাকে পাইয়া বসিয়াছিল, এবং অনেক স্থলে ইহা যে তাঁহার সৌন্দর্য্য-সৃষ্টির অন্তরায় হইয়াছিল তাহা আমাদের কাছে হৃৎথের সহিত স্বীকার করিতে হইবে। তাই দেখি যখন তিনি সর্বগ্রাসিনী আধ্যাত্মিকতার হাত এড়াইয়াছেন তখন তাঁহার কবিতাও খুব সুন্দর হইয়াছে। 'হু' একটা উদাহরণ দিই। তাঁহার শিশুকৃত্য জন্মের পূর্বে যে কি ছিল এবং কোথায় ছিল কবি সে সম্বন্ধে তাহাকে এইরূপে প্রশ্ন করিতেছেন :

এতদিন কোথা ছিল পাগলিনি মেয়ে ?
সুখাংগু মণ্ডলে তুই ছিল কি আনন্দময়,
চকোরেরা উড়ে যথা সুধাকর ছেয়ে ?
জ্যোৎস্না কিরণ-মাথে তুইও তাদের সাথে
পেলাতে মগন ছিল গান গেয়ে গেয়ে ?
অপসার কণ্ঠে যথা আরক্ত অপরাঙ্কিতা
পারিজাত লতাগুলি উঠে বেয়ে বেয়ে,

তুইও ইজ্ঞানী বলে হেলে হলে কুতুহলে
ছিল লয়, ময় দেবী তোর স্পর্শ পেয়ে।
এতদিনে কোথা ছিলি পাগলিনি মেয়ে ?

ইহার সহিত রবীন্দ্রনাথের 'খোকার জন্ম' তুলনা করা যাইতে পারে। দেবেন্দ্রনাথের কবিতা নিছক সৌন্দর্য্যের প্রসবণ, আর রবীন্দ্রনাথে সৌন্দর্য্যের সহিত সত্যের অপূর্ণ সমন্বয়।

আর একটি ছোট মেয়েকে দেখিয়া কবির দশভূজা প্রতিমা মনে পড়িয়াছে বটে, কিন্তু তাহা শুধু তাহার রূপের জন্ত।

দেখ রে দেখ চেয়ে সোহিনী রাঙা মেয়ে,
ভুবন-আলো-করা মোহন রূপ।
আয়রে করি পূজা এসেছে দশভূজা—
বাজারে শাঁপ তোরা জালারে ধূপ।
যেন রে মুখ দিয়া অমিয়া উপলিয়া—
পড়িছে মার মোর। এ কি রে রূপ।
জোছনা পড়ে পসি, হের রে মুপশনী।
আলোকে ভরি গেল মানস-রূপ।
কোথা সে সারি সারি গোকুলে গোপনারী'
কাঁকণ ভুজে বাজে, চরণে মল,—
গলেতে বনমালা, (যেন রে বনমালা)
চুলেতে থাকে থাকে বকুল দল,—
তাদেরও জারি জুরি তাদেরও ভারিভুরি
মোর মায়ের কাছে কেবলি চল।

প্রকৃত আধ্যাত্মিক ভাবের সঙ্গে এই সব কবিতার বিশেষ সম্পর্ক আছে বলিয়া মনে হয় না। 'শিশুমঙ্গলে' এরূপ সুন্দর কবিতার অভাব নাই।

আজ এই খানেই শেষ করি। বাঙ্গালার গীতি-কবিদের মধ্যে দেবেন্দ্রনাথের স্থান যে খুব উচ্চে তাহাই আমি এই প্রবন্ধে দেখাইতে চেষ্টা করিয়াছি। বাঙ্গালীর ভাবপ্রবণ ও সৌন্দর্য্য-পিপাসু প্রাণ চিরকাল গীতি-কবিতার কোমলকান্ত সঙ্গীতে আপনাকে শতধারে উচ্ছ্বসিত করিয়া আমাদের জাতীয় সাহিত্যকে এক অসামান্য বিশেষত্ব দান করিয়াছে। এই সঙ্গীতের সুর কখনও বা নরনারীর প্রেমলীলার শাখত



রহস্য ও অনন্ত মাধুর্য্য বাক্ত করিয়াছে, কখনও বা বাঙ্গালীর নিজস্ব দাম্পত্য জীবনের অন্তর্নিহিত সুখ-দুঃখের সহিত মিলিত হইয়া তাহাকে আরও বেশী সুন্দর, আরও বেশী উজ্জল ও বৈচিত্র্যময় করিয়া তুলিয়াছে। এই শেষোক্ত সুরই আমরা দেবেন্দ্রনাথের কাব্যে ধ্বনিত হইতে দেখি। তাহাতে রবীন্দ্রনাথের মনস্বিতা বা হেমচন্দ্রের তেজস্বিতা না থাকিতে পারে। তাহাতে হয়ত দেশহিতৈষণার উন্মাদনা নাই বা বিশ্বরহস্যের নিগূঢ় সঙ্গীতও শুনিতে পাই না। কিন্তু তাহা হইলেও এই সুর বাঙ্গালী মাত্রেই প্রাণস্পর্শ করে, কারণ তাহার প্রাণের তারে নিরন্তর যাহা ঝঙ্কত হইতেছে

তাহারই এক সঙ্গীতময় প্রতিধ্বনি সে তাহাতে শুনিতে পায়, তাহারই গার্হস্থ্যজীবনের সৌন্দর্য্যময় চিত্র তাহার চক্ষের সম্মুখে সে দেখিতে পায়। সে গানে ও চিত্রে অস্বাভাবিক বৈদেশিক প্রভাবের লেশমাত্র নাই, অসংঘমের কলুষ কোথাও তাহার পবিত্রতা নষ্ট করে নাই। তাহা স্বচ্ছ, নির্মল ও পুত স্রোতস্বিনীর স্তায় তরতর বেগে বহিয়া চলিয়াছে। বঙ্গবাসী তাহা আকর্ষণ পান করিয়া ধৃত হউক। *

* কয়েক বৎসর পূর্বে 'উপাসনা'য় প্রকাশিত মল্লিখিত দেবেন্দ্রনাথ শীঘ্রক প্রবন্ধের অংশবিশেষ এই প্রবন্ধে গৃহীত হইয়াছে। লেখক।

যাযাবর

শ্রীজ্ঞানাজ্ঞান চট্টোপাধ্যায়

সঙ্গে ওদের ফেরে সংসার,
নাহিক ঘরের ভাবনা ;
আপন বলিতে নাহি কোন ঠাঁই,
সব ঠাঁই যেন আপনা।

পথে পথে করে জীবন যাপন,
পথেই জীবন করে সমাপন,
হাসিমুখে চলে ছ'পদে দলিয়া
পথের ছঃখ যাতনা।

নহে সে গোলাম, নহে তাঁবেদার,
তনিয়ায় কারো ধারে নাকো ধার ;
সুপথ কুপথ না করে বিচার,
সব পথে পদচারণা।

কত গিরি মরু প্রান্তর'পরে,
গ্রামে গ্রামে কত নগরে নগরে
ছাউনি নিয়ত উঠিছে পড়িছে
কে করে তাহার ধারণা ?

চলার নেশায় চল-চঞ্চল

চলে উচ্ছল যাত্রিক দল !

নাহি মানে বিধি না মানে বিধান,

স্বাধীনতা শুধু সাধনা !

মুখে মুখে

শ্রীমতীশচন্দ্র ঘটক

নাটকীয় চরিত্র

কেদার	দালাল
মহিম	স্কুলমাষ্টার
রসিক	রঙ্গপ্রিয় প্রৌঢ়
নিশীথ	কবি
বিনোদ	ডাক্তার
কামাখ্যা	দাবা-খেলোয়াড়
সারদা	কেরাণী
পঞ্চানন	বেনে
নেপাল	কেদারের ভাই
দশরথ	উড়ে
অপূর্ণ	উকীল
ছকড়ি	অগ্রদানী
বিমল	কেদারের ছেলে
জগদীশ	পুরোহিত

প্রথম দৃশ্য

(কেদারের প্রবেশ—তার গায়ে কোট, গলায় কম্বটার জড়ানো)

কলকাতার রাস্তা। রাস্তার উপর একটি বেনের দোকানের মাথায় সাইনবোর্ড—“বেনের দোকান শ্রীপঞ্চানন পান”। দোকানের ঝাঁপতড়া বন্ধ। ফুটপাথে মহিম পাইচারি করছেন তার গায়ে কোঁচার কাপড় বুরিয়ে দেওয়া

মহিম
কেদার বাবু যে, নমস্কার! এই গরমে কম্বটার জড়িয়েছেন?

কেদার

(চিবোনো হরে) জড়িয়েছি আর সাথে? উঃ, কথাটি কই-
বার যো নেই—হাঁ কল্পেই—উঃ—

মহিম
আঃ, এই ঝিরঝিরে ভোরের হাওয়াটুকু কলকাতার আয়েস। সারারাত গরমে ছটফট করে এই এখন যা একটু—আঃ।

মহিম
হাঁ কি হয়েছে—কারবকল নাকি?



কেদার

হাঃ, হাঃ, হাঃ—উঃহঃ হঃ—হাসলে আরও সর্বনাশ
কারকঃ—কখনও মুখে—হাঃ হাঃ—উরে কব্বারে—শত্রুরও
যেন—মাড়ির দাঁত কিনা—

মহিম

নড়েছে বুঝি ?

কেদার

নড়লে ত বাঁচতুম, স্ততো বেঁধে দিতুম একটান—এ যে
টাটিয়ে ফুলে—এই দেখুন না।—(কম্পটার খুলে দেখালেন)

মহিম

হঁ ! ফোলা ফোলাইত ঠেকছে ! বোপ হয় আক্কেল দাঁত—

কেদার

হাঃ, হাঃ—উ হু হু, বলছি হাসাবেন না—আক্কেল দাঁত
কখনো এ বয়সে—হঃ হঃ—না চেপে বাঁধি—(কম্পটার এঁটে
বাঁধলেন)

মহিম

তাই ত, তা হ'লে—ডাক্তার দেখিয়েছেন ?

কেদার

ডাক্তার কি কর্কে ? বড় জোর একটা কুলকুচো দেবে।
আমি ঢের কুলকুচো—উঃ ! পেয়ারা পাতা, ফিটকিরি
কিছুতেই কিছু—

মহিম

আচ্ছা, একটু চিরে দিলে কেমন—

কেদার

বেশ বল্লেন যা হোক—উ হু হু—নিজের হ'লে বুঝতেন
—জন্মে কখনো ছুরি—

মহিম

তা হ'লে না হয় ক্লোরোফরম্ ক'রে—

কেদার

আঃ—ওরে বাবাঃ—থামুন—পার্কো না।

মহিম

এঃ তাই ত। তা হ'লে কেন এই ভোরের ঠাণ্ডায়—

কেদার

সাধে বেরিয়েছি ? ধুতুরো, আফিং, সমুদ্রের ফেনা—
জানেন ত ?

মহিম

হাঁ হাঁ তাও দিতে পারেন—সে শুনেছি খুব ভাল।

কেদার

না, না, কিছু না—ও হো হো—শুকু শুনে যান্—কিছু
হয়নি। বাকি আছে এক মুসব্বর তাই কিন্ব ব'লে—
—তা দেখুন না বেটা পঞ্চা—উ হু হু—পঞ্চ, ওই যে সাইন-
বোর্ড—বেটু বেনে এখনো দোকানের—ও বাবা—আর
বলতে পার্কুনি।

মহিম

তাই ত, ছটা বাজল এখনো বেটা ঘুমুচ্ছে !

কেদার

ঘুমুবে কেন ? জেগেছে—কেবল গড়িমিশি ক'রে এখনও
ঝাঁপতাড়া—উরে কবাবুরে—কেন বল্লুম—বাড়ী যাই ঘুণ্টু
খানেক পরে ফের উসবো—

(কেদারের প্রশ্নান)

মহিম

হাঃ হাঃ উসবো ! হয়েছে কি ? ঠেলা বোঝো—ইসবোয়
দাঁড়াবে। আমরা চিরটা কাল মাষ্টারি ক'রে দাড়ি পাকিয়ে
গেলুম—আর তুমি দালালি ক'রে ছবচ্ছুরেই তল্লা বাঁশের
মত ফেঁপে উঠেছ—এসেছ একপয়সার মুসব্বর কিন্তে ?
—আচ্ছা, ভগবান আছেন, তিনি ইচ্ছে করলে—ঐ দাঁত
ছুঁচ ফোটাবে—ঐ গলা ফুলে কোলা ব্যাং হবে। হুঁ, হুঁ এর
নাম নিয়তির বিচার। ডাক্তার ডাকবে না ? ডাকতেই
হবে। আর তা হ'লেই বাস—কিছু না হোক—যা ছপয়সা
থ'সে।

(রসিকের প্রবেশ)

রসিক

কি মহিম দা, হাত নেড়ে নেড়ে ছেলে ঠেঙাচ্ছ নাকি ?

মহিম

এঁা, রসিক ? না, এই কেদার বাবুর কথা ভাবছি।

রসিক

বড় জোর ভাবনা ত। তাঁর ছেলের কি প্রাইভেট
টিউটারি খালি হয়েছে ?

মহিম

আরে, না, না ! তুমি দেখছি কিছু খবর রাখ না, তিনি এখানে একলা থাকেন। তাঁর ফামিলি ত সব দেশে।

রসিক

• তাই নাকি ? তা হ'লে বুঝি স্কুলের জন্ত কিছু চাঁদা—

মহিম

আঃ, কি বল তার ঠিক নেই। তাঁর এখন নিজেকে নিয়ে আমাবশ্ত্রে—

রসিক

বল কি—আমাবশ্ত্রে ! তাই তোমার মুখে পূর্ণিমার আলো চিক্ চিক্ কচ্ছে !

মহিম

এত বয়েস হোলো তোমার ছিপলেমি ভাবটা গেল না। না হয় বাপ কিছু রেখে গেছেন—ফুর্তির প্রাণ গড়ের মাঠ ক'রে বেড়াচ্ছ—তা ব'লে কি সব সময়েই ত্রৈ ? শুনছো তাঁর একটা অসুখ, আর সে নেহাৎ হাসি ঠাট্টার নয়,—যেমন যন্ত্রণা, তেমনি ফুলো।

রসিক

এঁটা ফুলো ! কোথায় ফুলেছে ?

মহিম

কোথায় আবার—গালে।

রসিক

কতটা ফুলেছে ?

মহিম

তা নিহাৎ মন্দ নয়—একটা গাল বালিশের মতই।

রসিক

এঁটা ! এমন ব্যাপার ?

মহিম

নৈলে আর ভদ্রলোক ওপাড়া থেকে এপাড়া আসেন আমাদের ওষুধ জিজ্ঞেস কর্তে ?

রসিক

কেন, ডাক্তার কি সব ম'রে গেছে ?

মহিম

ওই ত—এই তোমাদের—কথায় কথায় কেবল ডাক্তার আর ডাক্তার ! ডাক্তার দেখাতে কি আর বাকী রেখেছেন ? সব ফেল মেরে গেছে। এই ব'লে দিচ্ছি শোন—যা টোটকা-টাটকা জানি—ডাক্তারের বাবাও—

রসিক

আর কেন বেচারাদের বাপাস্ত কর ?

মহিম

তোমার যে দেখছি কিছু গায়ে সয় না ? সাধ ক'রে বাপাস্ত করি—কি জানে ওরা ? কেবল পয়সা খাবার যম। ঐ পয়সা আমায় দিলে—যাক আর নয়—শেষে পরনিন্দে বেরিয়ে পড়বে। মধ্যাৎ যা টোটকা ব'লে দিয়েছি লাগান ত ওতেই চুপসে যাবে—আর ওতে যদি না যায়—

রসিক

তা হ'লে ?

মহিম

তা হ'লে আর যাবে না।

রসিক

তার মানে ?

মহিম

মানে—ত্রৈতেই শেষ।

রসিক

তুমি ত বড় সাংঘাতিক লোক দাদা !

মহিম

কেন খামুকা গালাগালি দেও ? জিগ্গেস করলে, আর মিথ্যা কথা বলব ?

রসিক

ও, তাও ত বটে ! তা তুমি যত বড় সতাপীর হও তোমার ওষুধ কিন্তু সাংঘাতিক—হায় হায় এমন ওষুধ ঝেড়েছ—যে হয় এম্পার নয় ওম্পার—

মহিম

হাঃ, হাঃ, হাঃ—ওকেই বলে ওষুধ, রসিক—ওকেই বলে ওষুধ। যাকে তাকে কি আর দিই ? তবে নাকি



একে কেদার বাবু—তায় নিপট্র ভাল মানুষ—তায় লাঠিটি
ধ'রে আসছেন তাও টলতে টলতে—

রসিক

আ, হা, হা—

মহিম

কি আ, হা হা কর—দেখেছ? সে কষ্ট দেখতে ত
বুঝতে—বাবারে মারে কচ্ছেন—আমার চোখ দিয়ে. জল
বেরিয়ে গেল—সুখের শরীর ত—

রসিক

আর তোমার দয়ার শরীর—

মহিম

কি করো বল—একটা কথাই আছে নির্দয় লোক
পশুর সমান। যাক্, একবার সেক্রেটারির বাড়ী যাই—তাত
ফুটে গেল বেটারা মর্গিং স্কুল কচ্ছে না—

(মহিমের প্রশ্ন)

রসিক

বাবারে মারে করচেন ! আহা—যত রোগ ঐ কাজের
লোকদেরই ধরে। আর আমি বেটা বেকার—গোকুলের
ষাঁড়ের মত চ'রে বেড়াই—মাথা ধরাটা পর্যন্ত কাছে
আসে না ! আরে, বেশ মজা তো ! কষ্ট হয়েছে আর অম্নি
হাসি পালিয়েচে। ও বাবা হাসি, কোথায় পালালি ?
আয়, আয়—কষ্ট থাকবে বুকে, তুই থাকবি মুখে, এতেও
তোদের বনে না ! ও কে ! তরুণ কবি নিশীথচন্দ্র। দিবা
ছোকরা—বিয়ে হয়নি—দেখতেও সুশ্রী, পয়সাও আছে—
ওকে যে কোন ইয়ে এখনো—কেন ইয়ে করতে—ওকে
আজ আমার বাড়ীতে—যাক্।

(খাতা হাতে নিশীথের প্রবেশ। তার চুল এলোমেলো, দৃষ্টি উদাস)

নিশীথ

বাদুলা দিনের কাজলা মেয়ে

ঘোমটা চিরে চায়,

কেয়ার ঝাড়ের দোহুল দোলা

ছলিয়ে পিছে ধায়।

আব ছা মানে অঁচলা খসে

হাতছানি দেয় ডাল,

রাঙিয়ে ওঠে

ডালিম ফুলে

অপ্‌রাজিতার গাল।

হায় কি ছবি

ভুল্লো কবি

ফুল্লো হঠাৎ দিল,

উন্থুনির

গুস্বু ছোটে

সঙ্গীতে হালফিল।

রসিক

বাঃ বাঃ, এটি বুঝি নিশীথ বাবুর হালফিল রচনা ?

নিশীথ

হাঁ, এই বড় জোর মাস খানেক—শুনলেন নাকি ?

রসিক

শুধু শুনলুম—প্রাণে শান্তির তুলি বুলিয়ে দিলেন।

বাঃ বাঃ, যেমন সুন্দর, তেমনি পবিত্র—

নিশীথ

কিন্তু লোকে ত তা বলচে না। সম্পাদকরা তুর্কোধ
আর অশ্লীল ব'লে ফেরত পাঠাচ্ছে।

রসিক

অশ্লীল ! তরুণ প্রাণের অদমা টগ্‌বগে উচ্ছ্বাস কখনো
অশ্লীল হ'তে পারে ? খর-স্রোতা নদীর মতো যে ভাব-
ধারা সর্বদা তুর্কোর গতিতে ব'য়ে চলেছে, তার মধ্যে
অশ্লীলতার স্থান নেই। অশ্লীল বলি শুধু তাকেই যার
গতি নেই, পুকুরের মতো যা নিশ্চল। চলুন, আমার
বাড়ীতে গিয়ে এক কাপ চা—

নিশীথ

না, আমি এখন কেদার বাবুর বাড়ী যাচ্ছি।

রসিক

কেন, কেন সেখানে কেন ?

নিশীথ

মনে করচি তাঁকে জপিয়ে একখানা কাগজ বের
করবো—দেখি আমার কবিতা ছাপা হয় কি
না।

রসিক

কিন্তু কেদার বাবু ত—

নিশীথ

নিমরাজী হয়েছেন—কেবল নাম নিয়ে গোল বাধে। আমি
বল্চি ‘বিদ্রোহী ফাল’, তিনি বলছেন ‘পরিবারের ঝাঁটা।’

রসিক

কিন্তু কেদার বাবুর যে বড় অসুখ।

নিশীথ

এঁা? বড় অসুখ! আহা! বড় মনে প’ড়ে গেল।
আমারই কবিতা। গিরিডি ব’সে লিখেছিলুম।

আমি অসুখী, বড় অসুখী!

উচ্ছ্বাস পাবে স্ত্রী ত কেউ

হয় না আমার সমুগী;

বড় অসুখী, আমি অসুখী।

কেদার বাবু কি এর মধ্যে কোথাও বেড়াতে
গিয়েছিলেন?

রসিক

না, তাঁর অসুখ একটু অল্প ধরণের—বৃদ্ধ বয়সের অসুখ
কিনা—

নিশীথ

ওঃ, বুঝেছি—

যৌবন স্মৃতি

দুঃস্বপ্ন আঁতি

বৃষ্টিক সম দংশে

হাঙ-চাটানিয়া

বুড়ো কুকুরের

মৃত্যু ভাল বরণ সে।

রসিক

আপনি স্বভাবকবি, যেমন ভাব, তেমনি ছন্দ, তেমনি
মিল। কিন্তু কেদার বাবুর অসুখ ঠিক ও ভাবেরও নয়।

নিশীথ

তবে, তবে? নিহাৎ গল্পময় অসুখ নাকি?

রসিক

গল্পময় জীবনে আর কত হবে?

নিশীথ

তা হ’লে গুরুতর বটে!

রসিক

গুরুতর কেন, গুরুতম। গাল গলা ফুলে ঐ আপনারা
যাকে বলেন—ঢোল।

নিশীথ

ঢোল!

রসিক

ঢোলই! আর এত যন্ত্রণা যে চেঁচাতে চেঁচাতে অজ্ঞান
হ’য়ে যাচ্ছেন।

নিশীথ

এঃ! আমার কাগজটা দেখ্ছি—

রসিক

বেরোয় কি না সন্দেহ। ধাঁ ধাঁ করচে জ্বর, উথান-
শক্তিরহিত, ডাক্তারে জবাব দিয়ে গেছে।

নিশীথ

জবাব দিয়ে গেছে! আহা

ডাক্তার, ডাক্তার!

ডাক্তার আজ

দেখে নোন আমি

কত বড় নাম-ডাক্তার।

রসিক

(স্বগত) এই সেরেচে। একজন ডাক্তার এই দিকে
আস্চে—পকেটে ষ্টেথিস্কোপ্—বেশী কিছু না বলে।

নিশীথ

ক্লিছে হৃদয় পারে কি সারিতে?

গলিছে নয়ন পারে কি বারিতে?

কোটি কোটি রোগ ঘটায় নারিতে

সারিতে পারে ক’লাপ তার!

পারে না যখন আনু ছুরি দিয়ে

কেটে দোব আমি নাক তার;

ডাক্তার, ডাক্তার!

(বিনোদের প্রবেশ)

রসিক

ফেসাদ বাধালে দেখ্ছি—স’রে পড়া যাক্

(প্রস্থান)

বিনোদ

(নিশীথের পিঠে চাপ্ড়ে) কি হে কবি, আমাদের উপর এত
খাপ্পা কেন?

নিশীথ

কে—বিনোদ? একটা ভাব এসেছিল।



বিনোদ

ভাবের উৎপত্তি হ'ল কিসে ?

নিশীথ

কেদার বাবুর অসুখ থেকে।

বিনোদ

কোন কেদার বাবুর ?

নিশীথ

ঐ যে যিনি—ঐ যে যার—ঐ যে—

বিনোদ

থাক্ থাক্ বুঝেছি—যাঁর বাড়ীতে তুমি যাও। কি হয়েছে তাঁর ?

নিশীথ

কি হয়েছে ? শুনবে ? শুনলে গায়ের মধ্যে শিহরণ দেবে।

বিনোদ

তোমার শিহরণ ত কথায় কথায় ভাই।

নিশীথ

খটে ? আচ্ছা, দেখো শিহরণ দেয় কি না—

গাল গলা ফুলে উঠেচে এতই

নাক চোখ অবলুপ্ত,

যাতনার ঘোরে অচেতন সদা

আছেন পড়িয়া স্তম্ভ।

গায়ে ধান দিলে খই ফুটে যায়,

চোখ দুটি জবাফুল,

পাশ ফিরিবার নাহিক শক্তি

কেবল বকেন ভুল।

বিনোদ

বল কি ? কেস্ ত বড় সুবিধার ঠেক্‌চেনা।

নিশীথ

অসুবিধা বৃদ্ধি ডাক্তারগণে

ছেড়েছে ভিজিট-লোভ

আপ্তন যেমন দায়ে পড়ে ছাড়ে

স্পিরিটবিহীন ষ্টোভ।

বিনোদ

হাঃ হাঃ—খাসা উপমা। কিন্তু কেসটা আমার মনে হচ্ছে—যাক্—তুমি আর সেদিকে যেয়ো না।

নিশীথ

আর গিয়ে কি হবে ? কাগজটা আর বেরুলো না। চলুন রসিক বাবু, আপনার বাড়ীতেই—কই কোথায় গেলেন ?

বিনোদ

হাঃ হাঃ, তিনি ত অনেকক্ষণ—লোকের ত কাজকর্ম আছে।

নিশীথ

তার মানে! আমরা কি বেকার? আমরা যা করি তার মর্ম্ম বোঝা তোমাদের কাজ নয়।

(ক্রুদ্ধভাবে প্রশ্নান)

বিনোদ

হাঃ হাঃ হাঃ, পাগলের এক ধাপ নীচে। কিন্তু কেদার বাবু—এ রোগ কোথেকে—কলকাতায় ত বহু কাল ছিল না।

(কামাখ্যার প্রবেশ। তাঁর বগলে একটি কাঠের বাস—তার মধ্যে দাবার সরঞ্জাম)

কামাখ্যা

কিস্তী।

বিনোদ

(চমকে) কামাখ্যা বাবু যে! কার সঙ্গে খেল্‌চেন? গ্যাসপোষ্টের সঙ্গে?

কামাখ্যা

দিলুম ব'ড়ের মুখে গজ। মেরেচেন কি নোকোর ওঠ-সার—আর না মারেন তো ঘোড়ার কিস্তী—বাস্ মাৎ।

বিনোদ

(স্বগত) এ আর এক ধাপও নীচে নয়—(প্রকাশ্যে) কি মাৎ বল্‌চেন?

কামাখ্যা

কে, ডাক্তার বাবু! ঠিক বল্‌চি। আপনি ত একটু আধটু বোঝেন—এই দেখুন না—এর সামাল আছে?

(বাস্ গুলে ফুটপাথের উপরেই ছক পেতে বল সাজাতে লাগলেন)

ঠিক এই অবস্থা—কেদার বাবুর সাদা, আমার কালো—

বিনোদ

কেদার বাবুর সঙ্গে খেল্‌তে যাচ্ছেন?

কামাখ্যা

আবার কার সঙ্গে খেলবো? আর খেলতে জানে কে? তিনি তবু খানিকক্ষণ যুঝতে পারেন।

বিনোদ

সর্বনাশ!

কামাখ্যা

কার সর্বনাশ? আমার? দেখলে তাই মনে হয় বটে। তিনিও তাই ভেবে আছেন। কিন্তু আমি দেখিয়ে দেবো যে সর্বনাশটা তাঁরই। তিনটি চালে—এই দেখুন।

বিনোদ

কবে তাঁর সঙ্গে খেলেচেন?

কামাখ্যা

কবে? দাঁড়ান—পরশুদিন রাত্রে। বাজী তোলাই আছে। কাল আর যাইনি। কাল বাড়ীতে বসে ভেবেছি। সারাটা দিন গেল, চাল আর বেরোয় না। রাত্রে থাল কোলে ক'রে তখনো ভাবছি। ভাবতে ভাবতে যেই আলুর গায়ে পটলের কিস্তী দেওয়া—বাস্ চড়াং ক'রে মাথায় এসে গেল। একে বলে গ্যাঙ্কিট—এই দেখুন বল কাটিয়ে—

বিনোদ

এই বল নিয়ে খেলেছিলেন?

কামাখ্যা

এই বল নিয়ে। এই ছক, এই বল, এই সব। বলতে পারেন না যে, কিছু বদলেচে।

বিনোদ

এ বল আমি পুড়িয়ে দোব।

কামাখ্যা

এঁা? পোড়াবেন কি? (বল কুড়িয়ে বাস্তর মধো পুরে)
এ যে-সে বল নয়—কাশী থেকে আনা—

বিনোদ

তা হলে পারক্লোরাইড অব মার্কারি দিয়ে ডিস্‌ইনফেক্ট করতে হবে।

কামাখ্যা

(বাস্তর বুকো আঁকড়ে ধরে) কেন, কেন, কি হয়েছে?

বিনোদ

প্লেগের রুগীর ছোঁয়া যে।

কামাখ্যা

প্লেগের রুগী! কেদার বাবুর প্লেগ হয়েছে!

বিনোদ

নিশ্চয়।

কামাখ্যা

প্লেগ হলে যে শুনেছি বাঁচে না।

বিনোদ

তা ত বাঁচেই না।

কামাখ্যা

(বাকুলতায়) তবে কি হবে?

বিনোদ

কি আর হবে? সবই ভগবানের হাঁচু।

কামাখ্যা

তিনি গেলে কার সঙ্গে খেলবো?

বিনোদ

হাঃ হাঃ এই জ্ঞে? তা খেলোয়াড়ের ভাবনা কি?

কামাখ্যা

ভাবনা নয়? যথেষ্ট ভাবনা। এ তাগ পাশা দশপাঁচিশ নয়, যা মেয়েরাও খেলে। এতে মাথার দরকার। এক কাজ করুন,—আপনি ভাল ক'রে শিখে নিন।

বিনোদ

তা শেখা যাবে। আপাতত বাস্তরটা দিন—আপনাকে কাল ফেরত দোব। দিন।

কামাখ্যা

দোব? আচ্ছা। দেবেন কিন্তু ফেরত।

(বিনোদের হাতে বাস্তর দিলেন)

বিনোদ

যান, ফিনাইল দিয়ে হাত ধুয়ে ফেলুন গে।

কামাখ্যা

হাত ধুয়ে—তাই ত! এমন খেলাটা দেখাতে পারলুম না। শেষকালে প্লেগ! ঐ জ্ঞে পরশু দিন গাল চেপে ধ'রে খেলছিলেন।



(হনহন করে সারদার প্রবেশ। তাঁর বগলে ছাতা, গায়ে তিলে বরা ময়লা মাটি, মাটির বোতাম নেই—লাল সুতো দিয়ে বোতামের ঘর বঁধা, মুখে একটি আধপোড়া বিড়ি। নিম্নলিখিত কথোপকথনের সময় পঞ্চানন তাঁর দোকানের বাঁপ তুলবে, গঞ্জনরীকে প্রণাম করে ধূমো দিয়ে চার দিকে গঙ্গা জলের ছিটে দেবে)

সারদা

(বিড়িটাকে হাতে নিয়ে) দেশলাই আছে কামাখ্যা—
দেশলাই আছে ?

কামাখ্যা

না—কেন ?

সারদা

অত কথা বলবার সময় নেই।

(বিড়ি মুখে দিয়ে হন হন করে এগিয়ে চলেন)

কামাখ্যা

(পিছন হাতে সারদার জামা টেনে ধরে) আচ্ছা সারদা, তুমি
না এক সময় দাবা খেলতে ?

সারদা

(বিড়ি হাতে নিয়ে) সে সব ভুলে গেছি—ছেড়ে দাও।

কামাখ্যা

কিছু মনে নেই ? আছে বৈকি। আমার সঙ্গে
ছ'চার দিন বসলেই—

সারদা

কখন বসবো ? ছেড়ে দাও—লেট হ'য়ে যাবে।

কামাখ্যা

কসরৎ করে ঝালিয়ে নেওয়া বৈ ত নয়। আচ্ছা ঘোঁড়া
ক'ঘর যায় বল ত ?

সারদা

আঃ কামাখ্যা—দেখ্‌চো আপিস যাচ্ছি—এর পর
দৌড়তে হবে।

কামাখ্যা

তা দৌড়ো—বলনা ক'ঘর যায়।

সারদা

আঃ, কেদার বাবুর কাছে যাও না।

কামাখ্যা

আর কেদার বাবু—তাঁর যা হয়েছে—এখন যান্ কি
তখন যান্।

সারদা

এঁা বল কি !

কামাখ্যা

প্লেগ যে—

সারদা

কবে হ'ল ?

কামাখ্যা

পরশু থেকেই একরকম—

সারদা

পরশু থেকে ! তা হ'লে আর এতক্ষণ নেই—ছাড়ো।

কামাখ্যা

আচ্ছা যাও—কিন্তু দাবা তোমাকে ধরাবোই।

(কামাখ্যার প্রস্থান। সারদা বিড়ি মুখে দিয়ে হন হন করে
পঞ্চাননের দোকান পথান্ত গেলেন)

সারদা

(পকেট দাঁড়িয়ে বিড়িটা হাতে নিয়ে) একবার দেশলাইটা দাও
ত পঞ্চানন।

পঞ্চানন

আজ্ঞে এখনো বোনি হয়নি।

সারদা

তা নাই বা হ'ল। একটা কাঠি জালাবো বৈ ত নয়।

পঞ্চানন

আজ্ঞে মাপ করবেন—কাঠিও যা বাক্সও তাই—

সারদা

তুমি দেখ্‌চি আমল বেনে—দাও একটা কিনেই নিচ্ছি।

(একটা আধলা বের করে পঞ্চাননের হাতে দিলেন)

পঞ্চানন

আধ পয়সা ! আধ পয়সার দেশলাই আমার নেই।

সারদা

(পকেট হাতড়ে) কিন্তু আমারও ত আর কিছু নেই।

পঞ্চানন

দিশী দেশলাই আছে নেবেন ? আধপয়সায় দিতে পারি ।

সারদা

দাও, দাও—দিশীর চেয়ে আর জিনিষ আছে ?

(পঞ্চানন দেশলাই বের করে সারদার হাতে দিলে—সারদা ছাঁতুটা দোকানের গায়ে ঠেস দিয়ে রেখে, বিড়ি ধরাবার চেষ্টা করতে লাগলেন । ছুতিনটে কাঠি ঠুকতে ঠুকতে নষ্ট হয়ে গেল)

সারদা

আরে কি ছাই দিলে—দিশীর কাঁথায় আগুন—যাক্ জ্বলেছে ।

(বিড়ি টানতে টানতে দ্রুতবেগে প্রস্থান । নেপালের প্রবেশ । তাঁর হাতে একটি ছোট প্লাডষ্টোন বাগ)

পঞ্চানন

প্রাতঃপ্রণাম তই । অনেকদিন পরে দেবতার দেখা—

নেপাল

হাঁ, এই কলকাতায় এলুম তোমারই কাছে ।

পঞ্চানন

আসুন আসুন—এ নৈলে আর অন্নগুণ্ডরু—দোকান কেমন চল্চে ?

নেপাল

তা চল্চে মন্দ নয় । এবার কিছু বেশীই কিন্খো ভাবচি ।

পঞ্চানন

কিনবেন বৈ কি । দোকান যখন দিয়েচেন—বেশী না কিন্লে চলে ? আর এ বেনের মসলা—এর হাজা নেই, শুকো নেই, পচা নেই, সড়া নেই । তা মিথো কেন কষ্ট করে এলেন ? আমাকে চিঠি লিখ্লেই হতো—সব প্যাক করে পাঠিয়ে দিতুম ।

নেপাল

হ্যা হ্যা তা বটে, তবে ভাবলুম দাদার সঙ্গে একবার দেখা করে যাই, অনেক দিন দেখা হয়নি ।

পঞ্চানন

ও, কেদার বাবুর সঙ্গে ? তা ত করবেনই । তা দেখুন এবার তাঁর কাছ থেকে মবলগ কিছু নিয়ে দোকানটা একটু জাঁকিয়ে বসান্—হাঁসমার্কা ঘি, সূর্যমার্কা কেরাসিন

বান্দরমার্কা সাবান—(নিম্নস্বরে) কেন না দোকানের ভাগীদার ত আপনার ভাইপোও হবে ।

নেপাল

সে আর তুমি বলবে পঞ্চ ? সেই জন্তেই ত আসা । শ' হুই নিজে এনেছি—আর শ' চারেক তাঁর কাছ থেকে নিয়ে—বুঝলে কিনা—

পঞ্চানন

আজ্ঞে বুঝবো না কেন ? এই ক'রেই ত চুল পাকালুম—আমারো ত দাদা ছিল । যাক্ বসুন—একটু তামাক ইচ্ছে করুন ।

নেপাল

তামাক ? আচ্ছা সাজো ।

(নেপাল দোকানের চৌকিতে উঠে বসলেন—পঞ্চানন একটা ডাবা হুকোয় জল ফিরিয়ে, তামাক সাজতে লাগলো দ্রুতবেগে সারদার প্রবেশ)

সারদা

ছাতি—পঞ্চানন—ছাতি ? এই যে, তুর্গা রক্ষা করেচেন !

পঞ্চানন

ফেলে গেছলেন বুঝি ?

সারদা

আর কেন বলো ? তাড়াতাড়িতেই মানুষ ফকির হয় ।

ওঃ ভাগ্যা যে কেউ চক্ষু দান করেনি

পঞ্চানন

করতো, যদি না পঞ্চাননের দোকান হতো ।

সারদা

(ছাতি খুলে) তবে বেশী লাভ করতে পারতো না । হ্যা হ্যা—যে ঝাঁজরা আর তালি । কিন্তু বড্ড দেরী হয়ে গেল—সে যে-সে এন্ড্রুজ নয়—এখন বাসেই যেতে হবে । ছ'টা পয়সা দিয়ে ত পঞ্চ, ও বেলা ফিরিয়ে দোব ।

পঞ্চানন

ছটা পয়সা ! কি ক'রে দিই ? তামাক সাজছি যে ।

সারদা

দাও, চট্ ক'রে হাতটা ধুয়ে দাও ।



(দশরথের প্রবেশ)

দশরথ

এ বেনিয়া ভাই, পয়সাটা কর সাজিমাটি দি অ ত—

পঞ্চানন

সাজিমাটি—আর কি ?

দশরথ

আউ অধ্বেলাটাকার গুণ্ডী—

পঞ্চানন

আচ্ছা, আর কি ?

দশরথ

আউ ? সুগুণ্ডা কাচিবি, পান খাইবি—আউ কঁড় ?

সারদা

দাও পঞ্চানন, বাস আস্চে ।

পঞ্চানন

কত বল্লেন ? তিন পয়সা বুঝি ?

সারদা

না, না ছ'পয়সা ।

পঞ্চানন

ছ'পয়সা ! (হাঁকো কল্কে নেপালের হাতে দিয়ে) একটু
ফুঁ দিয়ে নিন্ দেবতা—(হাত ধুয়ে পয়সা বের করে সারদার প্রতি)
ধরুন (সারদার হাতে পয়সা দিয়ে) ও বেলা কিন্তু যেন পাই ।

সারদা

তা পাবে, যদি না এর মধ্যে সেন্টে যাই—

পঞ্চানন

ও কি কথা বাবু ? আপনারা হচ্ছেন আমাদের ভরসা ।

সারদা

তা বটে, কিন্তু মানুষের শরীর তো—কিছু বলা যায় না ।
এই যে কাল কেদার বাবুটির হয়ে গেল ।

পঞ্চানন

হ'য়ে গেল ! (নেপালের দিকে চেয়ে নিয়ে স্বর নীচু করে)
কোন্ কেদার বাবু ?

সারদা

(নিম্নস্বরে) ওই যে নীলরঙের বাড়ী—

দশরথ

নীল কুঠির বাবু ! (কপালে চাপড় দিয়ে) এ জগন্নাথ, এ
জগন্নাথ, এ জগন্নাথ । (কান্নার মুখভঙ্গী করে বসে পড়লো)

পঞ্চানন

আঃ—চুপ্ চুপ্ (নিম্নস্বরে) কি হয়েছিল ?

সারদা

প্লেগ—প্লেগ—এই বাধো, বাধো—

(হাত ভুলে প্রশ্ন)

দশরথ

ফু-ফু-ফু—বাপ্ পইরে ।

পঞ্চানন

আবার চৈচায় ! (দুটো টোপ্লা বেঁধে) এই ধর্ তোর
সাজিমাটি আর গুণ্ডী ।

দশরথ

(উচ্চ ক্রন্দনের সুরে) ফাঁকি দিলা, চারি টকা—মু তলব—
বাকি থলা—এ জগন্নাথ !

নেপাল

ও কাঁদে কেন পঞ্চ ?

পঞ্চানন

আজ্ঞে ও কিছু নয় । (সগত) ভালা উড়ের আপদ—
(প্রকাশ্যে সারদার প্রতি) আপনার মন্টার ফর্দটা দিন,
(দশরথের প্রতি) নে পালা—(টোপ্লা দুটো দশরথের কোলে ছুঁড়ে
দিয়ে) ও বেলা দাম দিয়ে যাস্ ।

দশরথ

কেদার বাবু—নীলকুঠির বাবু—আপ্পনি বি মরি গলা,
মতে বি মরি গলা—

নেপাল

এঁা পাঁচু—কি বলে ? দাদা কি আমার—চুপ করে
রইলে যে ? দাদা কি তা হ'লে নেই ?

(হাঁকো নাবিয়ে রাঁধলেন)

পঞ্চানন

(মাথা চুলকে) এঁা দাদা ? হ্যাঁ—তাই ত গুন্টি ।

নেপাল

নেই ! দাদা নেই ! ওহোহো, দাদা, দাদা !

(চোখে কাপড় দিলেন)

পঞ্চানন

(স্বগত) হ'ল মসলা বেটা—ইচ্ছে করে বেটাকে—
(দশরথের প্রতি) দে পয়সা দে—

দশরথ

আজ্ঞে ত দেউচুঁ—(পঞ্চাননের হাতে পয়সা দিয়ে) আউ সে
গুটে পয়সা মুহে, গুটে টকা মুহে—দ্বিটা মুহে, তিনিটা মুহে,
চারি চারি টকা—অঃ মতে সারি দেই গলারে, সারি দেই
গলা ।

(অপূর্বের প্রবেশ)

অপূর্ব

দাও ত পঞ্চানন, এক টাকার গোটার মসলা বেধে ।

পঞ্চানন

গোটার মসলা ? দিচ্চি । (তাড়াতাড়ি পোঁটলা বেধে গোটার
মধ্যে পুরতে লাগলো) এই ধনে, এই লক্ষা, এই জিরে মরিচ ।

দশরথ

(কপাল চাপড়ে) মোর কপ্পাল, মোর কপ্পাল ।

অপূর্ব

কি রে দশরথ—কি হয়েছে ?

দশরথ

(বুক চাপড়ে) ফাট্টি গলা, ফাট্টি গলা ।

অপূর্ব

বল না বেটা শুনি—

পঞ্চানন

কি শুনবেন উকীল বাবু ?—পাজি বেটা, আমার
দফাটি খেয়ে—‘ফাট্টি গলা’—বেরো, বেরো দোকান
থেকে ।

দশরথ

হৌচি—আজ্ঞর দশরথ তাংক ঘবোরে কাম করুতয়ে ।
মো তলব তাংক হাতরে দেই থিবে পরা—যাউ ।

(প্রস্থানোত্ত)

পঞ্চানন

যা, প্লেগের বাড়ী গিয়ে মর ।

দশরথ

আউ বাঁচবি কঁড় ? মরিবি ত টকা ধরিকরি মরিবি—

(প্রস্থান)

পঞ্চানন

(টোপ্লা বাধতে বাধতে) এই লবঙ্গ—এই জায়ফল—এই
কপূর ।

নেপাল

দাদা ! দাদা !

অপূর্ব

উনি কে ?

পঞ্চানন

কেদার বাবুর ভাই—

অপূর্ব

কেদার বাবু কি তা হ'লে—

পঞ্চানন

আজ্ঞে হাঁ । ভাবলুম এখন শোনাব না, সবে দেশ
থেকে আস্চেন—তা বেটা উড়ে—

নেপাল

ওঃ পঞ্চানন—সত্যি তো ?

পঞ্চানন

হুম্ খবর কখনো মিথো হয় ছোটবাবু ?

নেপাল

ওঃ—যাই দেখি তাঁর গতির ব্যবস্থা—

পঞ্চানন

সে এতক্ষণ হ'য়ে গেছে—সরকারী গাড়ীতে তুলে—

নেপাল

সরকারী গাড়ীতে ! ওহোহো—আপনার জন থাকতে—
আমার ঠিক মন টেনেছিল—ওহোহো পঞ্চানন, সব ভেসে—
যাই দেখিগে ।

পঞ্চানন

কোথায় যাচ্ছেন ? সে বাড়ীর দিকে আর যাবেন না ।

নেপাল

যাবো না ! বল কি ? তাঁর যে অনেক জিনিষপত্র—

পঞ্চানন

সে সব এতক্ষণ পুড়িয়ে দিচ্ছে—প্লেগের রুগী তো ।

নেপাল

ও ক্বাবা—তবে আর—ওঃ দাদা, গেলে ত এমন
রোগেই গেলে !



অপূর্ব

(সগত) হুঁ—দাদার চেয়ে দাদার জিনিষের উপর
টান ।

নেপাল

ওহোহো—এমন দাদা কারো হয় না—যখন যা
চেয়েছি—কোথায় কি রেখে গেলেন—

অপূর্ব

(নেপালের কাছে এগিয়ে গিয়ে) কোথায় কি রেখে গেছেন,
জানেন না ?

নেপাল

কিছু কিছু জানি । হাজার পাঁচেক আছে নর্থব্রিটিশে
আর হাজার দশের চাটার ব্যাঙ্কে—

অপূর্ব

তঁার ত এখন ওয়ারেশ আপনিই ?

নেপাল

না আমি আর কই ? আমার ভাইপো আছে—

অপূর্ব

ওঃ ভাইপো ! নাবালক বুঝি ?

নেপাল

হ্যাঁ—বছর খানেক গার্জেন্ট থাকতে পারবো ।

অপূর্ব

তাতে আর কি হবে ? আচ্ছা (চাপা করে) আপনার
দাদা যদি আপনাকে সব উইল ক'রে দিয়ে থাকেন ?

নেপাল

এঁা—দিয়েচেন নাকি ?

অপূর্ব

(হেসে) দিয়েচেন বৈকি বেরেজেট্টী উইল—বুঝেচেন না ?

নেপাল

ও বাবা—সে টি'কবে ?

অপূর্ব

হাঃ হাঃ—আপনার ভাইপো ত দেশে আপনার কাছেই
থাকে ?

নেপাল

হ্যাঁ ।

অপূর্ব

নিশ্চয় আপনার বাধা ?

নেপাল

এখনো ত অবাধ্য হয় নি ।

অপূর্ব

আপনি প্রোবেট নিতে গেলে সে আপত্তি দেবে ?

নেপাল

মনে ত হয় না ।

অপূর্ব

তবে আর টি'কবেনা কেন ? তঁার নাম সই করা—

একখানা চিঠি পেলেই হয়—

নেপাল

চিঠি তো এই একখানা আছে ।

(পকেট থেকে একখানা পোস্টকাড বের করে

অপূর্বের হাতে দিলেন)

অপূর্ব

বাস্ এই তো—আর সব আমি আছি ।

নেপাল

সাক্ষী ?

অপূর্ব

বল্চি আমি আছি । আজ রাতে আমার সঙ্গে দেখা

করেন । উকীল অপূর্বকৃষ্ণ—ঐ মোড়ের মাথায় বাড়ী ।

নেপাল

যে আজে ।

অপূর্ব

কিন্তু অল্প ফিসে হবে না—বুঝেচেন তো ?

নেপাল

সে আপনি ক'রে দিয়ে যা চাইবেন !

অপূর্ব

না না—আগেও কিছু—যাক্ আজ দেখা করেন ।

নেপাল

যে আজে ।

অপূর্ব

(পঞ্চাননের প্রতি) কৈ পঞ্চানন, হলো ?

পঞ্চানন

আজ্ঞে এই হয়েছে—আসুন। (অপুরের হাতে চৌজা দিলে।
ছকড়ির প্রবেশ তাঁর খালি পা, গায়ে পাতলা চাদর)

ছকড়ি

পাঁচু পাঁচু, একপয়সার তিল আর এক পয়সার কুশো—

নেপাল

ওঃ দাদা—দাদা !—সব আমার ঘাড়ে দিয়ে গেলে !

(চোখে কাপড় দিলেন)

অপূর্ব

আর আমার ঘাড়েও কিছু—

ছকড়ি

কি হয়েছে উকীল বাবু ?

অপূর্ব

তুমি ছকড়ি, কিসের অগ্রদানী ? মানুষ মরলে টের
পাও না ?

ছকড়ি

এঁা—ওঁর বুঝি দাদা মরেচেন ?—কবে শ্রাদ্ধ ?

অপূর্ব

সে তুমি শোনো—(পঞ্চাননের প্রতি) আসি পঞ্চ,
খাতায় লিখে রেখো—

(প্রশ্ন)

পঞ্চানন

আবার খাতায় ?—আজ কার মুখ দেখেই—

ছকড়ি

বাবুটি কোথায় থাকেন পাঁচু ?

পঞ্চানন

(ছকড়ির প্রতি চোখের ইসারা করে জনান্তিকে) হচ্চে
দাঁড়াও না। (প্রকাণ্ডে) আর কেঁদে কি হবে ছোট বাবু ?
তিনি যা গেছেন—ভালই গেছেন। সুনামধত্তি পুরুষ।
এখন তাঁর ছেরদোটা যাতে ভালো ক'রে হয়—আপনাদের
ত মোটে—এক দিন ত বেরিয়েই গেল—আর ন'টা দিন
মান্তর।

নেপাল

ওঃ—শ্রাদ্ধ ! হ্যাঁ, এখন শ্রাদ্ধই—

পঞ্চানন

আর সেটা চুকলেই—দোকানটা যাতে—সেটাও বড়
কম নয়—

নেপাল

হ্যাঁ সেটাও—কিন্তু এখন আর—

পঞ্চানন

বেশী না কিনুন—কিছু অন্তত—আস্তে আস্তে এখন
আপনাকেই ত চালাতে হবে—(ছকড়ির প্রতি) এই নাও
দাদা—তোমার তিল আর কুশো।

(ছকড়ির হাতে দুটো পোঁটলা দিয়ে পয়সা নিলে)

ছকড়ি

(আস্তে আস্তে নেপালের কাছে গিয়ে) বড় ভাই না
পিতৃতুল্য। এ একটা পিতৃদায় বললেই হয়।

নেপাল

এঁা—হ্যাঁ—ওঃ।

ছকড়ি

এখন আপনার হাতেই তাঁর স্বর্গ—শুধু স্বর্গ কেন, অক্ষয়-
স্বর্গ।—যদি রঘোৎসর্গটাও করেন। আর করবেনই বা না
কেন ? এ ধরুন আপনার একটা শেষ তৃপ্তি—একটা
ক্ষোভ মেটানো। যে, হ্যাঁ বেচে থাকতে কিছু করতে
পারিনি, কিন্তু এখন যা করলুম চূড়ান্ত। আর শাস্ত্রেও
বলেচে—‘আত্মশ্রাদ্ধে রঘোৎসর্গে চিরং কালং সুখোহভবৎ।’

নেপাল

দেখি কি করতে পারি।

ছকড়ি

পারেন বৈকি—যখন মন হয়েছে, নিশ্চয় পারেন।
আর এমন কিছু খরচও নয়। আমি দেখা শুনা করলে
কোনো বেটা ভট্টাচার্য্যের সাধা নেই যে এক পয়সা ছড়িয়ে
নেয়। তা বাবু কি কলকাতাতেই শ্রাদ্ধ করবেন ?

নেপাল

না, দেশে।

ছকড়ি

তা বেশ, তাতেও ক্ষতি নেই। যাতায়াত দিলে যাবো
বৈকি। এটা একটা পরোপকার, আমাদের কাজই হচ্ছে
এই—তা বাবু দেশে যাচ্ছেন কবে ?



নেপাল

কাল সকালে ।

ছকড়ি

তা হ'লে ত জিনিষ পত্তর আজই কিন্তে হয় ।

নেপাল

হাঁ, ভট্টাচার্য্যিকে দিয়ে একটা ফর্দ করিয়ে—

ছকড়ি

কিছু লাগবেনা—ফর্দ আমার মুখে । ভট্টাচার্য্যারা যতক্ষণ পুঁথি হাঁটকাবে ততক্ষণ আমি—চলুন, এখনো রোদ চাগেনি—সকাল সকাল দুটিতে বেরিয়ে পড়ি বড়বাজার নতুন বাজার, বউবাজার, সব সেরে ছপুর না ঘুরতেই—আসুন—ব'সে থাকলেই শোক চেপে ধরে—কাজই ওর ওষুধ—আসুন, বাগটা না হয় আমিই নিয়ে যাচ্ছি ।

(বাগ নিয়ে উঠে দাঁড়ালেন)

পঞ্চানন

ছকড়িদা, একটু শুনে য়েয়ো !

(ছকড়ি পঞ্চাননের কাছে গেল)

ছকড়ি

কি—কি ?

পঞ্চানন

(চাপা স্বরে) না, এই দোকানে দোকানে ত দস্তুরী পাবেই—মোদ্দা আমার জন্তেই পেলে এটা যেন মনে থাকে ।

ছকড়ি

(ঈর্ষ বিরক্তির স্বরে) আচ্ছা, আচ্ছা জানি । (দু এক পা এগিয়ে স্বগত) বড্ড ছোট নজর—বেনে তো । (নেপালের প্রতি) আসুন বাবু, জুতো পায়ে দিয়ে আস্চেন ? ওটা ছেড়ে ফেলুন—

(নেপাল অপ্রস্তুত হ'য়ে জুতো পুলে ফেললেন)

ওটা আমিই পায়ে দিয়ে নিয়ে যাচ্ছি—

(জুতো পায়ে দিলে)

পঞ্চানন

(স্বগত) জুতো জোড়াও নিলে—বড্ড ছোট নজর—ওঁচা বাবুন কিনা (একান্তে নেপালের প্রতি) দেবতার তামাকটা ধাওয়া হ'ল না ।

নেপাল

আর তামাক—আমার যা হলো—

ছকড়ি

কিছু হবে না, সব ঠিক ক'রে দোব—আসুন ।

(আগে আগে ছকড়ি ও তার পিছনে পিছনে নেপাল চললেন)

পঞ্চানন

কিরে আবার দোকানে আসবেন—আপনার ফর্দটা ধ'রে কিছু সঙ্গে দিয়ে দোব—

নেপাল

এখন কি আর টাকায় কুলোবে ?

পঞ্চানন

আজ্ঞে দাম না হয় এখন বাকীই থাকবে—আপনি ত আর পর ন'ন—শ্রদ্ধের পর যখন খুসী পাঠিয়ে দেবেন—
(ছকড়ি ও নেপালের প্রস্থান)

একেই বলে মুখের গ্রাস ছুটে যাওয়া । আর আপদও চের—এক উড়ে—এক উকীল, এক অগ্রদানী—আমার হাতে ঠোঙা—ওরা মারচে ছেঁ । যত চিলের মরণ ।

দ্বিতীয় দৃশ্য

পাড়া গাঁয়ের বাড়ীর আঙিনা । আঙিনার এক কোণে বৃষ কাঠ পোতা—তাতে দুটো বাছুর বাঁধা । আঙিনার মাঝখানে বিমল নেড়া মাথায় কাচা গলায় দিয়ে শ্রদ্ধ করতে বসেচে । সামনে জগদীশ ভট্টাচার্য্য পুঁথি খুলে উবু হ'য়ে বসেচেন । চার পাশে কলার খোলায় নৈবেদ্য সাজানো—কলাপাতায় ফুল দুর্কো তিল আলোচাল—একটা মালসায় পিণ্ডীর ভাত । অদূরে ছকড়ি একটা কাটারি নিয়ে ডোঙ্গা তৈরী করচে । বিমল মাঝে মাঝে উত্তরীয় দিয়ে চোখ মুছে ।

(নেপালের প্রবেশ)

নেপাল

কাঁদিস্নি বিমল, কাঁদিসনি—দাদা গিয়েচেন, আমি ত আছি । আমি তোকে ডানা চাপা দিয়ে রাখবো ।

জগদীশ

রাখবেনই তো । পিতৃব্য আর পিতা কি আলাদা ? পড়— 'ওঁ দেবতাভ্যঃ ঋষিভ্যশ্চ'—আহা চোখের জল ফেলো না—ওতে শ্রদ্ধের অমঙ্গল হয় ।

ছকড়ি

শ্রদ্ধের অমঙ্গল ! অপব্যয় বলুন ।

জগদীশ

আঃ তুমি কেন—তুমি এ সবে কি বোঝ ? এসেছ
ছাঁদা বাঁধতে—

ছকড়ি

হ্যাঁ হ্যাঁ চুপ করুন—আপনার মত অনেক ভট্টচার্য্যাকে
ট্যাঁকে—

নেপাল

কি করেন আপনারা—কাজ করুন !

জগদীশ

কাজে আমার ভুল হবে না। আমরা আশ্রয়প্রার্থীদের
শকুন নই। পড়—

‘ওঁ দেবতাভাঃ ঋষিভাঃ মহাযুগিভা এবচ

নমঃ সুধাঠৈ স্বহাঠৈ নিতামেব ভবন্তু থি’

কৈ—পড়লে না ?

বিমল

(চোপ মুছে) পড়েছি।

জগদীশ

মনে মনে পড়লে কি হয় বাবা ? এর নাম মন্তর।
এর উচ্চারণেই ফল।

ছকড়ি

মশায় যে উচ্চারণ করলেন—যুগিভা ! যৈগিভা আর
বেরুলো না।

জগদীশ

আরে কেহে বাপু, তুমি টিক টিক করচো—সংস্কৃতের
স জানো না।

নেপাল

কেন গোল করছেন ? ওতে যে আরো গুলিয়ে
ফেলবে। পড় বিমল, পড়—কাঁদিসনি—তোমার কিছু ভাবনা
নেই—দাদা কি আর না বুঝে আমার নামে সব লিখে
দিয়ে গেছেন ?

বিমল

এঁ্যা !

জগদীশ

সব আপনার নামে !

নেপাল

কেন না আমাকে দেওয়াও যা ওকে দেওয়াও তাই।
তবে ও ছেলে মানুষ, কাঁচা পয়সা হাতে পড়া ভালো নয়—
সেই জন্তেই—

(বিমল চোখে উত্তরীয় দিলে)

জগদীশ

তা তুমি কাঁদচো কেন বাবা ? তোমার কাকা
তেমন লোক ন’ন। তোমার কুটোটুকুও যাবে না।

ছকড়ি

আর ওঁর যখন ছেলে পুলে নেই—

জগদীশ

আ. কেন বকচো ? তবিয়ে করলে অমন কাকা মেলে।

ছকড়ি

কেন মশায় বাজে কথা কইচেন ? উনি সাক্ষাৎ দেবতা।

নেপাল

ওকে মানুষ ক’রে রেখে—মরবার সময় ওকেই সব দিয়ে
যাবো।

জগদীশ

আহা, শোনো বাবা শোনো—এমন কথা আর কেউ
বলবে না।

ছকড়ি

সে ত জানা কথাই। নতুন কি বলবেন ? তুমি মনে
কর বাবা, তুমি পর্ব্বতের আড়ালে রয়েছ।

জগদীশ

ভারি নতুন কথা বললে ! তুমি ওঁকে ক’দিন জানো
বাপু ? উনি আমার তিন পুরুষের যজমান। (বিমলের প্রতি)
ছিঃ বাবা, তবু কাঁদচো ? আমি যে-সে ব্রাহ্মণ নই—
আমার মুখ দিয়ে যা বেরিয়ে গেছে তার নড়চড় হবে না—
আমি যখন বলেছি তোমার কিছু যাবে না—

বিমল

বাবা যে এত শীগ্গির—

জগদীশ

ওঃ সেই জন্তে ! তা দেখো বাবা এর প্রমাণ মার্গও
পুরাণেই আছে—‘নাকালে ত্রিমতে জন্তঃ’ অর্থাৎ নাকাল



হ'লেই জন্তু মরে। তোমার বাবা জন্তু না হ'লেও টাকা টাকা
ক'রে অনেক নাকাল হয়েছিলেন কিনা।

ছকড়ি

আর ঐ যে কিসে আছে—

জগদীশ

হ্যাঁ হ্যাঁ কিসে আবার? বরাহসংহিতায়—‘জাতশ্চ হি
ক্রবো মৃত্যুঃ’ অর্থাৎ ক্রব বলছেন—‘মানুষ তো ভালো মানুষের
জাতই মরবে।’ কাজেই দুঃখ করবার কিছুই নেই।

বিমল

বাবাকে একবার দেখতে পেলুম না।

জগদীশ

দেখতে পেলেন না? আহা! তা তুমি না দেখলেও
তিনি তোমায় দেখেছেন।

বিমল

দেখছেন!

জগদীশ

দেখছেন বৈকি। নৈলে পূরক পিণ্ড দিয়েছ কি
জন্তু? ছিলেন ‘আকাশস্থো নিরালম্বঃ বায়ুভূতো নিরাশ্রয়ঃ’
অর্থাৎ আকাশে থ হ'য়ে, নিরালম্বঃ কিনা জলে লম্বা হ'য়ে,
বায়ুভূতঃ কিনা বাতাসে ভূত হ'য়ে, নিরাশ্রয়ঃ কিনা নিরন্তর
পরিশ্রম করছিলেন—আর এখন—

ছকড়ি

এখন সূক্ষ্ম শরীর পেয়েছেন।

জগদীশ

চুপ্ করো। ছেলে মানুষ কখনো সূক্ষ্ম শরীর বোঝে?
এখন প্রেতদেহ বুললে বাবা, প্রেতদেহ পেয়েছেন। এই
এখন যা মন্ত্র পড়াবো তাতে তিনি সরাসর নেবে এসে ঐ
কাপড় পরবেন, ঐ পিণ্ডী খাবেন।

বিমল

তবু আমি তাঁকে দেখতে পাব না?

জগদীশ

কি ক'রে পাবে বাবা! সত্যকাল হ'লে পেতে। সে
ভক্তি কি আর আছে? না, তেমন ব্যাকুল হ'য়ে কেউ
ডাকতে পারে?

বিমল

পারবো।

জগদীশ

হাঃ হাঃ, এত সরল নৈলে আর বালক। যাক্ অনেক
কথা হয়েছে—বল ‘ওঁ বিষ্ণুঃ’, বলেছ? আচ্ছা এইবার হাত
জোড় ক'রে তাঁকে আহ্বান কর।

‘ওঁ এহি প্রেত সোম্যাশো গস্তারেভিঃ পথিভিঃ’—কৈ
পড়—তাড়াতাড়ি হ'য়ে যাচ্ছে? আচ্ছা আস্তে আস্তেই
বলচি—‘ওঁ এহি প্রেত’—অর্থাৎ কিনা হে প্রেত তুমি
এসো—‘ওঁ এহি প্রেত,—

বিমল

(গদগদস্বরে) ওঁ এহি প্রেত—

(কেদারের প্রবেশ)

ঐ আসছেন।

জগদীশ

কে—কে? ওরে বাবা!

(উঠে দাঁড়িয়ে ঠকঠক করে কাপতে লাগলেন—তার কাছা গুলে
গেল)

ছকড়ি

(দু তিনটে ডোঙ্গা মাথায় দিয়ে) রাম রাম দুর্গা দুর্গা দুর্গা দুর্গা—
রাম রাম—

বিমল

বাবা—বাবা!

জগদীশ

আর ডেকো না বাবা—যে ডাক ডেকেছ—

কেদার

এ সব কি হচ্ছে?

(ছকড়ি ও জগদীশ পরস্পরকে জড়িয়ে ধরে নামাবলী মুড়ি দিলেন)

(অগত) ওই জন্তু পঞ্চু বলেছিল যে নৌগিরি বাড়ী যান্—

একটা কি বড্ড গোলমাল হয়েছে।

নেপাল

(হাত জোড় ক'রে) দাদা, আর কেন—আর কেন?
মায়া কাটিয়েছ ত আর কেন—অস্তর্ধান হও—আমি
কালই গয়ায় গিয়ে—

কেদার

(দ্রবং হেসে স্বগত) এতদূর গড়িয়েচে! (বিমলের প্রতি)
বাবা বিমল. ওঠো আর শ্রদ্ধ করতে হবে না। (কৌতুকস্বরে
নেপালের প্রতি) আর নেপাল, তোর সঙ্গে আমার বোঝাপড়া
আছে।

নেপাল

এঁা এঁা—বোঝাপড়া! না দাদা—আমার দোষ
হয়েচে—আমায় ক্ষমা করো।

কেদার

(হেসে) ক্ষমা! কখখনো না। এত বড় গুরুতর কাজ
কেউ কখনো করে?

নেপাল

আমি নিজের বুদ্ধিতে করিনি।

কেদার

তা ত বুঝতেই পেরেছি। কলকাতায় গিয়ে উড়ো
লোকের উড়ো কথা শুনে—

নেপাল

মস্ত উড়ো লোক—জালিয়াৎ উকীল—অপূর্ব ঘোষ;
তুমি ত এখন অন্তর্যামী, সবই বুঝতে পারচো। আমার
মোটাই ইচ্ছে ছিল না—আমায় এক রকম ধ'রে বেঁধে— সে
উইল আমি এখনই গিয়ে ছিঁড়ে ফেল্চি।

কেদার

কোন উইল?

বিমল

ঐ যাতে আপনি কাকার নামে সব লিখে দিয়ে গেছেন।

কেদার

হঁ—আচ্ছা আমি কলকাতায় গিয়ে অপূর্ব ঘোষের ঘাড়
ভাঙবো। এখন যাও তো ভাই, বাড়ীর ভিতর গিয়ে ছুটি ঝোল
ভাতের ব্যবস্থা করোগে—কেননা ও পিণ্ডী ত আমার গলা
দিয়ে নাব্বেনা। যা—যা—অত আড়ষ্ট হ'য়ে যাচ্ছিস কেন?

নেপাল

আড়ষ্ট! না যাচ্ছি।

(নেপালের প্রশ্নান)

জগদীশ

নেপাল বাবু যাচ্ছেন নাকি? আমাদের নিয়ে যান!

কেদার

কেন, আপনাদের কি পা নেই?

ছকড়ি

পা পেটের মধ্যে ঢুকে গিয়েচে। আপনি অদৃশ না
হ'লে আর বেরোবে না।

কেদার

হাঃ হাঃ হাঃ—আচ্ছা, আপনাদের কিছু বলবো না—
আপনারা স্বচ্ছন্দে পা বের করুন। মোদা ঐ নৈবিড়ি,
দক্ষিণে, কাপড় গামছা, কিছু যেন না প'ড়ে থাকে—খুঁটিয়ে
নিয়ে যাবেন। আর তা যদি না নেন্—

ছকড়ি

নিচ্চি—নিচ্চি—

জগদীশ

তুমি কেন, আমিই নিচ্চি।

(দুজনে কাড়াকাড়ি ক'রে শ্রদ্ধের জিনিস গামছা বাঁধতে লাগলেন)

ছকড়ি

কি দয়াল ভূত!

জগদীশ

বেশী কথা বোল না। দয়াল ছেড়ে ভয়াল হ'তে
কতক্ষণ লাগে?

(দুজনে পৌটলা বেঁধে হুড়মুড় ক'রে বেরিয়ে গেলেন)

কেদার

(বিমলের কাছে গিয়ে তার মাথায় হাত বুলিয়ে) এবার বেশ
ঘন কালো চুল উঠবে।

বিমল

(কেদারের হাত নাচে থেকে উপর পর্যন্ত টিপে) বাবা, তুমি
মরোনি—না?

কেদার

মরতে পারি কখনো? তুমি এখনো বড় হওনি।

বিমল

তবে যে কাকা বলেছিলেন তুমি মরেছ?

কেদার

তোমার কাকাও মিথ্যে বলেননি। মানুষ ছরকমে
মরে—এক সত্যি সত্যি, আর এক মুখে মুখে। আমি
মুখে মুখে মরেছিলুম।

যবনিকা

কোলনের প্রেসা


শ্রীমণীন্দ্রলাল বসু

বিমান-পোত কাউন্ট জেপেলিনের আটলান্টিক পারাপারের মত কোলনের প্রেসা কেবলমাত্র গত বৎসরের (১৯২৮) জার্মানীর নয়, সমস্ত পৃথিবীর ইতিহাসে একটি প্রধান ঘটনা। প্রেস সম্বন্ধে ওরকম আন্তর্জাতিক প্রদর্শনী বোধ হয় এই প্রথম। প্রেসা প্রধানত প্রেস অর্থাৎ খবরের কাগজের প্রদর্শনী হ'লেও, ওখানে 'প্রেস' অতি ব্যাপক অর্থে ধরা হয়েছে। প্রেসার জার্মান-বিভাগে ছাপাখানার জন্ম-কথা তার পরিণতির ইতিহাস দেখান হয়েছে, তা ছাড়া তার অনেক আনুষঙ্গিক বিষয়ও দেখান হয়েছে।

পৃথিবীর সভ্যতার ইতিহাসে মুদ্রাযন্ত্র হচ্ছে জার্মানীর দান। অবশ্য চীনেতে বহুপূর্বে মুদ্রাযন্ত্র ছিল, খৃষ্টীয় সাত শতাব্দীতে টাঙ-রাজবংশের সময় রাজসভার খবরের কাগজ বার হ'ত; কিন্তু চীনদেশীয় মুদ্রাযন্ত্রের বিশেষ উন্নতি হয় নি, তা পৃথিবীর অপরদেশে ছড়িয়ে পড়েনি। গুটেন-বেয়ার্গের (Gutenberg) মুদ্রাযন্ত্রের উদ্ভাবনের পর মানবসভ্যতার এক নূতন পর্বের আরম্ভ হ'ল। এই গুটেনবেয়ার্গের বাড়ী ছিল মাইন্সে (Mainz) কোলনের খুব কাছে। মাইন্স্ সহরে ১৪৫৪ খৃঃঅন্ধে গুটেনবেয়ার্গ তাঁর নব-উদ্ভাবিত মুদ্রাযন্ত্রে প্রথম বই ছাপেন, তার পরের বৎসর প্রথম বাইবেল ছাপা হয়। যিশুর জন্মের মত এই মুদ্রাযন্ত্রের জন্ম মানবসভ্যতার ইতিহাসে এক মহান বিশেষ ঘটনা; এই মুদ্রাযন্ত্রের সাহায্যে মানবসভ্যতা যেমন শক্তি ও ব্যাপকতা লাভ করেছে, তেমনি তার গতি দ্রুত ক্ষুদ্র হয়েছে। রাইন-নদীর পোলের উপর দাঁড়িয়ে একদিকে কোলনের চার্চ-চূড়াগুলি ও অপরদিকে প্রেসার গগনচুম্বী বুরুজগুলির দিকে চেয়ে মনে হ'ল, গুটেনবেয়ার্গ কি স্বপ্নেও ভাবতে পেরেছিলেন যে, তাঁর এই উদ্ভাবিত যন্ত্র আরও পরিণত হ'য়ে পাঁচ শতাব্দী পরে মানব ইতিহাসে সব চেয়ে

বড় শক্তি হবে; কারণ যে সব শক্তির বাহক পরিচালক হবে, তাহারি জোরে যুদ্ধ বিপ্লব ঘটবে, রাজ্য ওলটপালট হ'য়ে যাবে।

গুটেনবেয়ার্গের মুদ্রাযন্ত্র শীঘ্রই চারিদিক ছড়িয়ে পড়ল। ১৪৬৫তে এল ইতালীতে, ১৪৬৮তে এল সুইজারল্যাণ্ডে,



গুটেনবেয়ার্গের বাইবেলের একটি পাতা

সচলহরফে ছাপা প্রথম বই


১৪৭০তে এল ফ্রান্সে, ১৪৭৭তে এল ইংলণ্ডে; উইলিয়াম কাক্সটোন বেলজিয়াম থেকে মুদ্রাযন্ত্রের চালন শিখে লণ্ডনে ওয়েষ্টমিনষ্টারে তাঁর ছাপাখানা খোলেন ১৪৭৭তে। আর

শ্রীমণীন্দ্রলাল বসু

বাংলাদেশে মুদ্রায়ন্ত্র আসে আঠারো শতাব্দীর মধ্যভাগে ; ১৭৭৮তে ইস্ট ইণ্ডিয়া কোম্পানীর একটি সাহেব হুগলীতে একটি বাঙ্গলা মুদ্রায়ন্ত্র স্থাপন করেন, তারপর শ্রীরামপুরে কেরি সাহেব আর একটি বাঙ্গলা মুদ্রায়ন্ত্র চালান, এইরূপে বাংলাতে মুদ্রায়ন্ত্রের সুরু হয়। ইয়োরোপের মত ভারতে মুদ্রায়ন্ত্র যদি পনেরো শতাব্দীতে স্থাপিত হ'ত, তা হ'লে ভারতের ইতিহাস সম্পূর্ণ নব রূপ নিত। বস্তুত, মুদ্রায়ন্ত্র ছিল ব'লেই লুথার জার্মানীতে রিফরমেশন-আন্দোলন (Reformation) চালাতে পেরেছিলেন, মুদ্রায়ন্ত্র ছিল ব'লেই ফরাসী

কাঁচের বৃহৎ ছবি দিয়ে ঘরখানি গড়া, চার্চেতে যেমন সব সাধুদের মূর্তি, এই ঘরখানিতে তেয়ি সংবাদপ্রচারসহায়ক-দের মূর্তি,—জার্মানীর প্রাচীন চারণ কবি (Minnesinger) ওয়ান্টার অফ্ ভোগেল ভাইডের ছবি প্রথমে, ইনি গান বেঁধে রাজনৈতিক মত প্রচার করতেন ; তারপর গুটেন-বেয়ার্গের ছবি, সংবাদপত্রের স্বাধীনতার মহাঘোষা মিন্টনের ছবি ইত্যাদি নানা ছবি।

তারপরের ঘরটিতে দেওয়ালে বৃহৎ বৃহৎ অক্ষর জুড়ে ইয়োরোপীয় ভাষাগুলির বর্ণমালার উৎপত্তি, পরিণতি



বৈজ্ঞানিক আলোকমালা দীপ্ত কোলন

বিপ্লবের আগুন জ্বলেছিল ; আর বর্তমান শতাব্দীতে খবরের কাগজই সকল রাজনৈতিক আন্দোলনের বাহক ও চালক, খবরের কাগজই লোকমত গড়ছে, ভাঙছে, নব রূপ দিচ্ছে ; জাতির সহিত জাতির, দেশের সহিত দেশের সখাতা বা শত্রুতা খবরের কাগজের প্রপাগাণ্ডার ওপর নির্ভর করছে।


ঐতিহাসিক বিভাগ থেকে প্রেসা দেখা সুরু করা গেল। প্রথম ঘরটির নাম হচ্ছে “দর্পণ-গৃহ” ; ‘খবরের কাগজ হচ্ছে কালের দর্পণ’—এই ঘরটির গোড়ায় লেখা, আর এই কথাই হচ্ছে ঐতিহাসিক বিভাগের মর্মবাণী। গথিক্‌চার্চের রঞ্জিত কাঁচের বৃহৎ জানালাগুলির মত রঙীন

দেখান হয়েছে,—গথিক্‌ ল্যাটিন, ইত্যাদি বর্ণমালা তলায় গ্রাসকেসে পুরাতন দিনের ছাপা কতকগুলি বই সাজান ; কোন বই ১৫৭৩তে আন্টওয়ার্পে ছাপা, কোন বই ১৪৭১তে ভেনিসে ছাপা ইত্যাদি।

তারপর কয়েকটি বৃহৎ বর জুড়ে মডেল ক'রে দেখান হয়েছে, বর্তমান খবরের কাগজ ছাপার আগে কি ক'রে সহরে গ্রামে সংবাদ ছড়াত। বস্তুত, খবর জানবার উৎসুকতা মানুষের একটি স্বাভাবিক আদিম প্রবৃত্তি। পাশের বাড়ীতে কি হয়েছে, পাশের গ্রামে সহরে কি ঘটছে, পাশের দেশে কোন যুদ্ধ বিপ্লব হচ্ছে কিনা এয়ি সব খবর



জানবার জন্তে সকল শতাব্দীর লোকই উদগ্রীব ছিল। গান ছিল খবর ছড়াবার এক উপায়, হাটে বাজারে চারণেরা গান গেয়ে খবর দিত, তার সঙ্গে রাজনৈতিক মতও প্রচার করত ; ছবি ছিল আর এক বাহক, হাটেতে কোন জায়গায় ছবি এঁকে দেখান হত, কি ঘটেছে ; তারপর চিঠি ছিল খবরের কাগজ। বস্তুত, ইংলণ্ড প্রভৃতি নানাদেশে বর্তমান ছাপা খবরের কাগজের আগে হাতে-লেখা খবরের চিঠি সংবাদপত্রের কাজ করত। অতি প্রাচীন কাল থেকে “royal letters” বা রাজার চিঠি রাজ্যের প্রধান দরকারী ঘটনা জানবার জন্ত লণ্ডন থেকে হাতে লেখা হ’য়ে চিঠির



জল-প্রবাহ চালিত কাগজ তৈরির কল

মত নানা সহরে গ্রামে পাঠান হ’ত ; সেখানে হাটে বাজারে রাজার লোক সবাইকে সেই চিঠি শুনিয়া খবর প্রচার করত। যখন মুদ্রাযন্ত্র প্রতিষ্ঠিত হ’ল, তখন গভর্ণমেন্টের এত কড়া নজর ও শাসন এই নবশক্তির উপর পড়ল যে, সংবাদপত্র ছাপান সহজ ও সুবিধার রইল না। তখন news-letter ও news-book বা সংবাদের চিঠির খুব প্রচলন হ’ল ; এই হাতে লেখা চিঠিতে সব সংবাদ জড় ক’রে লিখে সপ্তাহে একবার বা দুবার গ্রাহকদের ডাকে পাঠান হ’ত। তখন সংবাদপত্র সত্যই সংবাদপত্র ছিল।

হাতে লেখা সংবাদপত্রের ষর দেখে পরের ষরে দেখলুম গুটেনবের্গের সেই আদিম মুদ্রাযন্ত্রের একটি বৃহৎ মডেল

রয়েছে ; পনেরো শতাব্দীর সাধারণ লোকের সাজ প’রে কয়েকটি লোক গুটেনবের্গের সময়ের জার্মান গথিক হরফে বইয়ের পাতা ছাপছে প্রদর্শনীর পরিদর্শকদের দেখাবার জন্তে—আর ছাপা পাতা অভাগতদের বিতরণ করছে। এ ষরটি দেখে গুটেনবের্গের আদিম ছাপাখানার সুন্দর চিত্র পাওয়া গেল।

এ ষরটির পাশে একটি অঙ্ককার বৃহৎ ষর, ষরের মাঝখান জুড়ে আঠারো শতাব্দীতে কাগজ তৈরী করবার একটি বৃহৎ জলপ্রবাহচালিত যন্ত্র ; দু’শত বছর আগে কি ক’রে কাগজ তৈরী হ’ত তা কয়েকজন লোক ছেঁড়া গ্রাকড়া থেকে কাগজ তৈরী ক’রে দেখাচ্ছে। অবশ্য বর্তমান যুগের মুদ্রা যন্ত্রগুলির কাগজের ক্ষুধা এই ছোট জলযন্ত্রগুলি দ্বারা মেটান অসম্ভব। প্রদর্শনীর গাইডবুকে লেখা আছে, ১৮০০ খৃঃ অব্দে জার্মানীতে প্রায় ১৫,০০০ টন কাগজ তৈরী হ’ত। তখন একটা বৃহৎ কাগজ তৈরী করবার যন্ত্র খুব জোর ৩০,০০০ ত্রিশ হাজার কিলোগ্রাম কাগজ তৈরী করত ; আর এখন ১৯২৭তে জার্মানীতে ২০,০০০০০ কুড়ি লাখ টন কাগজ তৈরী হয়েছে। বর্তমান বৈজ্ঞানিক শক্তিচালিত কাগজ তৈরীকরবার যন্ত্র বছরে তিন শ’ লক্ষ কিলোগ্রাম কাগজ তৈরী

করেছে, অর্থাৎ পুরাতন আঠারো শতাব্দীর কাগজ তৈরী করবার যন্ত্রের একশত গুণ বেশী ! অবশ্য জার্মানীতে যত বই, খবরের কাগজ, পত্রিকা ছাপা হয় ইয়োরোপের কোন দেশে তত হয় না। এক খবরের কাগজই জার্মানীতে তিন হাজারের ওপর আছে, সাপ্তাহিক মাসিক ইত্যাদি পত্রিকা প্রায় ছয় হাজার হবে। ১৯২১তে জার্মানীতে ৩৩ হাজারের ওপর বই ছাপা হয়েছিল, এখন আরও বেশী, কারণ ১৯২১ জার্মানীর দুঃসময় গেছে।

কাগজ তৈরী করবার যন্ত্রের ষর পার হ’য়ে পুরাতন সংবাদপত্রগুলির ষরে আসা গেল ; ষরের পর ষরে কি ভাবে খবরের কাগজের পরিণতি উন্নতি হয়েছে তাই দেখান হয়েছে।

শ্রীমণীন্দ্রলাল বসু

একটি ঘরে ষোল শতাব্দীর ছাপা বই, তার পরের ঘরে সতেরো শতাব্দীর জার্মান সংবাদপত্র, তার পরের ঘরে আঠারো শতাব্দীর ও ফরান্সী রাষ্ট্রবিপ্লবের সময়ের—এম্মি সব পুরাতন দিনের খবরের কাগজ, ছবি, বাঙ্গচিত্র, প্রসিদ্ধ ঐতিহাসিক ঘটনার সংবাদপত্রে বিবরণ, বই ইত্যাদি গ্রাস-কুসে সাজান—লুথারের বাইবেল, ফ্রেড্রিক দি গ্রেটের যুদ্ধজয়ের বিবরণ, নেপোলিয়নের যুদ্ধের কথা ইত্যাদি।

বর্তমান কালের সংবাদপত্রের মত জার্মানীর প্রথম সংবাদপত্র বাহির হয় ১৬০৯তে 'মুনসেন-আউসবুরগার সাক্স-সংবাদ পত্র' (Munche-Ausburger Abendzeitung), মুনসেন থেকে বাহির হয়। সতেরো শতাব্দীর মধ্যে জার্মানীর সব প্রধান সহরে অন্তত একখানা ক'রে সংবাদ পত্র বাহির হয়।

বর্তমান কালের সংবাদপত্রের মত ইংলণ্ডের প্রথম ছাপা সংবাদ পত্র হচ্ছে "অক্সফোর্ড গেজেট" (১৬৬৫ খৃঃ অব্দে); তার আগে হাতে লেখা সংবাদপত্রের খুব চলন ছিল, যেমন Paston Lettres, Sidney Papers। এই হাতে লেখা সংবাদপত্রের চলন পরেও বহুদিন টিকে ছিল, তার কারণ মুদ্রায়ন্ত্রের ওপর রাজশক্তির কঠিন নিয়মাবলী।

প্রেসার ঐতিহাসিক বিভাগের মধ্যে Press and Censor ঘরটি বিশেষভাবে দেখবার। রাজশক্তি ও চার্চের সহিত লেখকগণ কি ভাবে শতাব্দীর পর শতাব্দী যুদ্ধ ক'রে মুদ্রায়ন্ত্রের স্বাধীনতা লাভ করেছিলেন, এ ইতিহাস মানবাত্মার এক মহা সংগ্রামজয়ের ইতিহাস। মধ্য যুগের ইয়োরোপে চার্চই সব বই লেখার বই কপি করার কেন্দ্র ছিল; চার্চের বিরুদ্ধে কিছু লিখলে কেবল সে বই নয়, বইএর লেখককেও পুড়িয়ে মারা হ'ত। মুদ্রায়ন্ত্রের সৃষ্টিতে এক নব শক্তির জন্ম হ'ল। এই শক্তিকে আপনার কাজে লাগাবার জন্তে, বিরুদ্ধমত প্রচারের সব পথ বন্ধ করবার জন্তে রাজশক্তি ও চার্চ উঠে প'ড়ে লাগল। মুদ্রায়ন্ত্র শৃঙ্খলিত হ'ল। আইনের পর আইন ক'রে মুদ্রায়ন্ত্রের ওপর নজর রাখা হ'ল। Censorship, অর্থাৎ কোন সংবাদপত্র বা পুস্তক বা পুস্তিকা ছাপবার আগে রাজার বা চার্চের নিযুক্ত কর্মচারীকে তা দেখাতে হবে, তিনি সেই জিনিষ ছাপতে অমুমতি দিলে

বা আপত্তি না করলে পরে ছাপা হবে, এই আইন দিয়ে মুদ্রায়ন্ত্রের স্বাধীনতা কয়েক শতাব্দী লুপ্ত হয়। জার্মানীতে প্রথম সংবাদপত্র বাহির হবার কিছু পরেই ১৫২৯তে সেন্সার আইন পাশ হ'ল; তারপরেও নানাপ্রকার আইন দিয়ে সংবাদপত্রের স্বাধীনতা বন্ধ করা হয়, কিন্তু স্বাধীন-মতাবলম্বী লেখকগণ ওই সব আইনের বিরুদ্ধে বিরূপ যুদ্ধ ক'রে এসেছেন প্রেসায় তাই দেখান হয়েছে। ১৮৪৮এব




কোলনের গির্জা

বিপ্লবের পর কেবলমাত্র জার্মানীতে নয়, অষ্ট্রিয়াতেও সেন্সরসিপ আইন রদ হয়। এর পর হ'তে মুদ্রায়ন্ত্র নবজন্ম লাভ করে, খবরের কাগজ ও পত্রিকার সংখ্যা অগণিত ভাবে বৃদ্ধি পায়। সেন্সরসিপ গেল বটে, কিন্তু অল্প নানা আইন দ্বারা মুদ্রায়ন্ত্রকে নিয়ন্ত্রিত করবার চেষ্টা চলল। গত বিপ্লবের পর হ'তে জার্মান মুদ্রায়ন্ত্র সম্পূর্ণ স্বাধীন



হয়েছে বলা যেতে পারে ; এখন সবাই আপনার রাজনৈতিক স্বাধীনমত ব্যক্ত করতে পারে ।

মুদ্রায়ন্ত্র ইংলণ্ড এলে তার শক্তি নিয়ন্ত্রিত করবার চেষ্টা হ'ল ; রাজশক্তি যাকে অনুমতি বা অধিকার দেবেন কেবল সেই বই ছাপতে পারবে । অবশ্য আবেদন করলেই এ অনুমতি পাওয়া যেত না ; রাজা তাঁর বিশ্বস্ত ব্যক্তি বা কোম্পানীকেই এই অনুমতি দিতেন । ইলিজাবেথের সময় ষ্টার চেম্বার কেবলমাত্র লণ্ডন, অক্সফোর্ড ও কেমব্রিজে কয়েকটি ছাপাখানাকে ছাপার অধিকার দিয়ে মুদ্রায়ন্ত্রকে সীমাবদ্ধ ক'রে রাখে । মিল্টন এই বন্ধ মুদ্রায়ন্ত্রের স্বাধীনতার জন্তে Areopagiticaতে লিখেছিলেন, "Give me the liberty to know, to utter, and to argue freely



প্রেসার জার্মান বিভাগ

according to conscience above all liberties." ১৬৯৫তে হাউস অফ্ কমন্স প্রেসের বিরুদ্ধে লাইসেন্সিং আইন (Licensing Act) পাশ করতে রাজী হলেন না ; সেই সময় থেকে ইংলণ্ডের মুদ্রায়ন্ত্র স্বাধীনতা লাভ করল বলা যেতে পারে ; আর সেই সময় থেকে সত্যিকার খবরের কাগজের পরিণতি ও উন্নতি আরম্ভ হ'ল । খবরের কাগজ যদি গভর্ণমেন্টকে সমালোচনা করতে না পারে, স্বাধীন মত ব্যক্ত না করতে পারে, যা সত্য তা প্রচার করতে না পারে, তবে তার মূল্য কি ? আমাদের দেশে

মুদ্রায়ন্ত্র আইনের পর আইনের নিগড়ে বাধা । প্রেসার এই ঘরটি দেখতে দেখতে মনে হল, মুদ্রায়ন্ত্রের স্বাধীনতার জন্ত ভারতে যে সব স্বাধীনচেতাদের কারাগার হয়েছে, যে সব সত্যভাবী সংবাদপত্র বাজেয়াপ্ত হয়েছে, স্বাধীনতার সংগ্রামের সেই জয়চিহ্নগুলি জড় ক'রে মানবাত্মার বীরত্বের পরিচায়ক প্রদর্শনী আমাদের দেশেও, একদিন হবে ।

রুসো লিখিত "সোসিয়াল কন্ট্রাক্টের" (Social Contract) প্রথম সংস্করণের বই, এডিসনের স্পেক্টেটর, কোনিগের (Konig) তৈরী কৃত মুদ্রায়ন্ত্রের মডেল ইত্যাদি নানা জিনিস দেখে প্রেসার ঐতিহাসিক বিভাগ থেকে বর্তমান জার্মান প্রেসের বিভাগে আসা গেল । প্রকাণ্ড বৃহৎ বাড়ী,—ঘরের পর ঘরে সংবাদপত্রের পর সংবাদপত্র পত্রিকার পর পত্রিকা ।

জার্মানীতে কত বিষয়ের কত যে কাগজ বাহির হয়, তা দেখে সত্যিই অবাক হ'তে হ'ল । পৃথিবীতে এমন কোন বিষয় নেই যার সম্বন্ধে জার্মান ভাষায় কোন না কোন পত্রিকা নেই । তলায় বৃহৎ হলে মাঝখানে একটি বৃহৎ রোটারি মুদ্রায়ন্ত্র, তার পাশে লিনোটাইপ যন্ত্র ইত্যাদি নানা মুদ্রায়ন্ত্র । যন্ত্রগুলি মাঝে মাঝে চালিয়ে প্রদর্শকদের দেখান হচ্ছে কি ভাবে এক রাতে হাজার হাজার খবরের কাগজ ছাপান হয় । তলায় ঘর জুড়ে কেবলমাত্র নানা সংবাদপত্র-কোম্পানীর প্রদর্শনীই নয়, সংবাদপত্রের বাহক রেল ও পোষ্ট অফিসের প্রদর্শনীও

আছে । জার্মানীর প্রতি প্রদেশে কত সংবাদপত্র আছে, সংবাদপত্রের অফিস কিরূপভাবে চালিত হয়, টেলিগ্রাম টেলিফোন চিঠি বৈতার ইত্যাদির দ্বারা কিরূপে সংবাদ সংগ্রহ ক'রে প্রতি 'প্রাতে সংবাদপত্র প্রকাশিত হয় ইত্যাদি সংবাদপত্রসম্বন্ধীয় নানা কোতূহলপূর্ণ তথ্য, ছবি এঁকে বা মডেল ক'রে বা রঙীন নক্সা দিয়ে নানারূপে জনসাধারণকে বোঝান হয়েছে । একটি সুন্দর মডেলে দেখলুম—জার্মানীর একটি প্রদেশের বৃহৎ মানচিত্র অগণিত বৈজ্ঞানিক আলোকচিত্র । সে প্রদেশের যে যে সহর

শ্রীমণীন্দ্রলাল বসু

বা গ্রাম হ'তে খবরের কাগজ বাহির হয় সেই জায়গায় একটি ক'রে আলো লাগান। আলোগুলি একবার জলছে, একবার নিভছে, তাই দেখে বেশ আইডিয়া হয় এই প্রদেশের কতকগুলি স্থানে প্রতিদিন সংবাদপত্রের দীপ্ত অগ্নি প্রজ্বলিত হয়।

* জার্মানিতে ৩৩৫৬ খানি সংবাদপত্র আছে, তার মধ্যে ২৩৪ খানি সপ্তাহে একবার বাহির হয়, ২০৪ খানি সপ্তাহে দু'বার, ৫২৯ খানি সপ্তাহে তিনবার, ৬৯ খানি সপ্তাহে চারবার বা পাঁচবার, ২১৩৯ খানি সপ্তাহে ছ'বার, ১৮১ সপ্তাহে ছ'বারের অধিক বাহির হয়। শুধু বার্লিন ও ব্রান্ডেনবুর্গে ২৭৯ খানি সংবাদপত্র বাহির হয়।

জার্মানীতে নানা রাজনৈতিক দলের কতগুলি সংবাদপত্র আছে তারও একটি তালিকা দিচ্ছি। সোসিয়াল ডেমোক্রাট দলের ১৭২ খানি সংবাদপত্র আছে; লিবারেল দলের ৫৯ খানা; জার্মান জনগণের দলের (Deutsche Volkspartei) ৫৭ খানি; গভর্নমেন্টের ১৪৩ খানি; জার্মান নাগানল দলের ৩৭৪ খানি, এ দল ধনী অভিজাতের দল, এদের অর্থ সুপ্রচুর তাই কাগজের সংখ্যাও বেশী; সেন্টার বা ক্যাথলিক দলের ২৭৭ খানি; ডেমোক্রাট দলের ৮৮ খানি; কমিউনিষ্ট দলের ৩৫ খানি; বাভেরিয়া রজনগণের দলের ১০৬ খানি; ১৮০৪ খানি কাগজ কোন দলের নয়। তা ছাড়া আর কয়েকটি ছোট রাজনৈতিক দলের কয়েকখানি ক'রে কাগজ আছে।

এই সংবাদপত্রগুলির অফিসে ও মুদ্রাশয় বিভাগে প্রায় ৮৭ হাজার লোক কাজ করে; এদের মধ্যে ৬৫ হাজারের ওপর পুরুষ ও ২১ হাজারের ওপর স্ত্রীলোক। তারপর সংবাদপত্রপ্রকাশকের অফিসে ও বিতরণ-বিভাগে প্রায় ১১ হাজার লোক কাজ করে; তার মধ্যে পাঁচ হাজার পুরুষ ও প্রায় ছ' হাজার স্ত্রীলোক। সুতরাং সংবাদপত্র থেকে প্রায় ৯৮ হাজার স্ত্রীপুরুষের অন্ন হয়; তা ছাড়া কত সংবাদদাতা, লেখক, ইত্যাদি আছে।

সংবাদপত্রের সংখ্যা এত অধিক হ'লেও প্রধান প্রধান খবরের কাগজগুলির বিক্রি বড় কম নয়। বার্লিনের প্রধান প্রধান খবরের কাগজের বিক্রি ২৫০ হাজারের ওপর। বার্লিনের

বাহিরের কাগজের বিক্রিও বেশ, যেমন Leipziger Neuste Nachrichtenর বিক্রি ১৭৫ হাজার; Munchner Neuste Nachrichtenর বিক্রি ১৪৫ হাজার। জার্মান শ্রমজীবী সঙ্ঘের ৪২টি সংবাদপত্র ১৯২৭ খৃঃ অব্দে যত সংখ্যা ছাপা হয়েছিল তা যোগ করলে ২২১ মিলিয়ান হয়। কমিউনিষ্টদের মুখপত্র খবরের কাগজ "রক্ত-পতাকা"র (Die Rote Fahne) বিক্রি ৬৫ হাজারের ওপর। যে দেশে প্রতি নরনারী লেখাপড়া জানে এবং পৃথিবীর খবর জানতে চায়, নিজদেশের শাসন সম্বন্ধে প্রত্যেকেই চিন্তা করে, সে দেশে যে এত খবরের কাগজ বিক্রি হবে তা আশ্চর্য্য কি! তবে জার্মানীতে এত খবরের কাগজ বিক্রি দেখে কিছু অবাধ হ'তে হয়, কারণ জার্মানীর খবরের কাগজগুলি বড় গভীর রকমের, কিছু শিক্ষাপ্রদ; তাতে কোন বিবাহবিচ্ছেদ মোকদ্দমার রিপোর্ট, পুলিশকোটের কোন মোকদ্দমায় প্রকাশিত কোতুকপ্রদ বা লোমহর্ষণ ঘটনার বিবরণ, ইত্যাদি sensational news থাকে না; তাতে বর্তমান রাজনৈতিক বা সামাজিক সমস্যা সকল আলোচনা করা হয়, লোকশিক্ষা দেবার জন্য চিন্তাপ্রদ প্রবন্ধ থাকে। এ বিষয়ে জার্মান খবরের কাগজগুলি পৃথিবীর অপূর্ণ সব দেশের খবরের কাগজের আদর্শ হ'তে পারে।


জার্মানীতে সাপ্তাহিক পাক্ষিক মাসিকপত্র ও নানা সাময়িক পত্রিকাও অগণিত ভাবে প্রকাশিত হয়। ১৯২৬তে জার্মানীতে ১৬,২৮৮ খানি সাময়িক পত্রিকা প্রকাশিত হয়েছিল। অবশ্য এতগুলি পত্রিকা বরাবর বাহির হয়নি, অনেকগুলি হয়ত দু'সংখ্যা বা তিন সংখ্যা বাহির হবার পরই বন্ধ হ'য়ে গেছিল। তবে নিয়মিত ভাবে প্রকাশিত সাময়িক পত্রিকার সংখ্যা প্রায় সাত হাজার, তার মধ্যে আড়াই হাজার মাসিক, বোল শ' সাপ্তাহিক। গত অর্ধ শতাব্দীতে জার্মানজাতির কত শিক্ষা ও জ্ঞানের উন্নতি হয়েছে তা পত্রিকাসংখ্যার বৃদ্ধি দেখে বোঝা যায়। ১৮৭৪তে প্রাসিয়ার নৃপতি দ্বারা জার্মান সাম্রাজ্য স্থাপনের সময় সমস্ত জার্মানীতে ১৭৫০ খানি সাময়িক পত্রিকা ছিল, আর এখন একমাত্র বার্লিন হ'তেই তার চেয়ে বেশী সাময়িক পত্রিকা বাহির হয়।



জার্মান প্রেসের প্রদর্শনীর বাড়ীতে সংবাদপত্র ও পত্রিকার বিভাগ ছাড়া আরও অনেক বিভাগ ছিল। প্রেসের কাজ, ছবি ছাপা, ব্লক করা ইত্যাদি বিষয় শিখবার জন্য জার্মানীতে অনেক স্কুল আছে; সেই স্কুলগুলির ছাত্রদের কাজের প্রদর্শনী-বিভাগ খুব ভাল লাগল। রঙীন সব ছবি কি সুন্দর ছাপা! বইছাপা দেখে চোখ জুড়োয়, যেন এক আর্টিষ্টের সুন্দর সৃষ্টি। এই সব স্কুলগুলির মধ্যে Leipzigএর

আফ্রিকার, কোন ঘর দেখলুম না। তবে প্রেসাতে “প্রেসা ও বিশ্ববিদ্যালয়” বিভাগে ভারতীয় কয়েকটি বিশ্ববিদ্যালয় ও কলেজে প্রকাশিত পুরাতন সংখ্যা দেখেছিলুম, যথা-Dacca University Journal, Patna College, শতদল, বাসন্তিকা ইত্যাদি।

প্রথম ঘরটি হচ্ছে সোসিয়ালিষ্ট-সোভিয়েট-রিপাবলিক-সম্মিলনী বা নব রুসিয়ার ঘর। বিপ্লবের পর সোভিয়েট গভর্নমেন্টের অধীনে শিক্ষাতে জ্ঞান-বিতরণে রুসিয়ার কত উন্নতি হয়েছে তাই নানা বিচিত্র মডেলে নক্সায় ছবিতে লেখায় দেখান হয়েছে। প্রেসার “প্রেসা ও নারী” বিভাগে রুসিয়ার শাখায় কাঠের বহু এক নারীমূর্তি দেখেছিলুম; তার এক হাতে কাস্তে আর এক হাতে হাতুড়ি, তার মুখে ও বুকে রুস-নারীর প্রতি লেনিনের নানা বচন, ও তলাতে নারীদের কাজ সম্বন্ধে নানা তথ্য লেখা। মুখেতে লেখা। “প্রত্যেক রাঁধুনীকে জানতে হবে শিখতে হবে রাজা কি ক’রে চালাতে



নব রুসিয়ার প্রদর্শনী গৃহ

Technikum für Buchdrucker, Münchenএর Graphische Berufsschule, Stuttgartএর Württembergische Staatliche Kunstgewerbeschule নাম দিলুম। আমাদের দেশের অনেক যুবক এখন প্রেসের কাজ ব্লক তৈরী ইত্যাদি শিখতে চান, জার্মানীতে এ সব স্কুলে এসে তাঁরা অধুনাতন জ্ঞান লাভ করতে পারেন।

জার্মান প্রেস-প্রদর্শনীর বহু বাড়ী থেকে বাহির হ’য়ে একটি সুন্দর বাগান ও ফোয়ারা পার হ’য়ে অর্ধচন্দ্রাকৃতি সুন্দর বাড়ীর সারির সামনে আসা গেল। এ হচ্ছে সর্বজাতীয় সংবাদপত্রের প্রদর্শনী-বিভাগ (Internationales Staatenhaus)। পৃথিবীর প্রধান প্রধান প্রায় সর্বদেশের সব জাতির খবরের কাগজের প্রদর্শনী ঘরের পর ঘর জুড়ে; অবশ্য ভারতবর্ষের কোন ঘর নেই। ইংলণ্ডের একটি ঘর আছে। বটে, তবে তার উপনিবেশগুলির, যেমন অস্ট্রেলিয়া বা সাউথ

হয়, শাসন করতে হয়। লেনিন।” তলায় লেখা, “সোভিয়েট-রাসিয়াতে পুরুষ ও নারীর সমান অধিকার ও সমান কর্তব্য, সোসিয়ালিষ্ট সোভিয়েট রাসিয়াতে ৩৫ মিলিয়ন নারীর ভোট দেবার অধিকার আছে”; “সোসিয়ালিষ্ট-সোভিয়েট-রিপাবলিক-ইউনিয়নের শাসন-কমিটিতে ৬৮ জন নারী আছেন, রুস-সোসিয়ালিষ্ট ফেডারেল-সোসিয়ালিষ্ট-রিপাবলিকের শাসন-কমিটিতে ৫৯ জন নারী আছেন।” (বর্তমান রাসিয়া হচ্ছে Union of Socialist Soviet Republic; এই Unionতে ছ’টি স্বাধীন রিপাবলিক আছে; Russian Socialist Federal Soviet Republic, The White Russian S. S. Republic, The Transcaucasian Soviet Federal Socialist Republic, The Turkoman Soviet Socialist Republic, The Uzbek Soviet Socialist Republic.)

১৯১৩তে রুসিয়াতে (বর্তমান সোভিয়েট রুসিয়ার আয়তনে) ৫৩১ খানি খবরের কাগজ ছিল, সব খবরের কাগজের সর্বশুদ্ধ ২৫ লাখ কপি ছাপা হ'ত ; আর ১৯২৮তে সোভিয়েট রুসিয়াতে ৫৫৯ খানি খবরের কাগজ ছিল, এক সংস্করণে সব কাগজগুলির ৮২,৫০,০০০ কপি ছাপা হ'ত । রুসিয়াতে রুস-ভাষী ছাড়া অন্যান্য ভাষার লোক অনেক আছে ; ১৯১৩তে রুস-ভাষা ছাড়া ১৭টি বিভিন্ন ভাষার ৬৩টি খবরের কাগজ বাহির হ'ত, আর এখন ৪৮টি বিভিন্ন ভাষায় ২১২ খানি খবরের কাগজ বাহির হয় ।

১৯১৩তে রুসিয়ায় ১০৮২ খানি পত্রিকা ছিল, ১৯২৭তে ১২৯১ খানি পত্রিকা বাহির হয়, তাদের প্রতি সংস্করণের সবশুদ্ধ ছাপার সংখ্যা হচ্ছে ৮৪ লক্ষ । বস্তুত, লোক-শিক্ষার জন্তে খবরের কাগজ ও পত্রিকার বিশেষ প্রয়োজন ; এ বিষয়ে সোভিয়েট গভর্নমেন্ট প্রাণপণ চেষ্টা করছেন । লোক-শিক্ষার জন্তে স্কুলের খরচের হিসাবে ১৯২৭।২৮র বাজেটে ৮৫৭ মিলিয়ন রুবল খরচ ধরা হয়েছিল । ১৯১৩তে রুসিয়াতে ৩৪ হাজার বই ১১৮ মিলিয়ন কপি ছাপা হয়েছিল, আর ১৯২৭তে ২৯ হাজারের ওপর বই সর্বশুদ্ধ ২১২ মিলিয়ন কপি ছাপা হয়েছিল । একটি পোষ্টার (Poster) দেখলুম, তাতে দেখান হয়েছে ১৯২৩ থেকে ১৯২৭ পর্য্যন্ত রুসিয়াতে ষত বই ছাপা হয়েছে, সে সব পরের পর পাশাপাশি সাজালে ৩৬০ হাজার কিলোমিটার হয়, অর্থাৎ শূন্যে এই-বই-এর পাতায় পথ তৈরী করতে পারলে পৃথিবী থেকে চাঁদে প্রদক্ষিণ ক'রে আসা যায় ।

রুস খবরের কাগজগুলির অনেক বিশেষত্ব আছে । একটি বিশেষত্ব হচ্ছে, সংবাদপত্রের



রুস প্রদর্শনীতে কাঠের নারী-মূর্তি



সংবাদদাতা পত্রলেখকরা অধিকাংশ মজুর বা চাষা। এই মজুর ও চাষা সংবাদদাতারা তাদের ফ্যাক্টরীর সহরের গ্রামের বিশেষ সংবাদ দিতে পারে, বিশেষ সমস্যা আলোচনা করতে পারে। রুসিয়ার সব খবরের কাগজে তিনলক্ষের ওপর নিযুক্ত মজুর-চাষা-সংবাদদাতা আছে। রুস কাগজগুলির আর একটি বিশেষত্ব হচ্ছে, সংবাদপত্রের পাঠক পাঠিকাদের জন্ম মাঝে মাঝে সভাসমিতির উত্থোগ করা, সেখানে লোকশিক্ষার বিষয়ের আলোচনা করা। রুসিয়ার একটি প্রধান সংবাদপত্র এক বৎসরে পাঠক পাঠিকাদের জন্ম তিন শ' কনফারেন্সের অধিবেশন করিয়েছিলেন।



রুস প্রদর্শনীতে কাঠের নারী-মূর্তি

রুস-প্রদর্শনীঘরের এক কোণে লেনিনের মূর্তি, তার সামনে গ্লাস-কেসে লেনিনের বই, পৃথিবীর পঞ্চাশটি বিভিন্ন ভাষায় অনুদিত লেনিনের বই সাজান রয়েছে। ঘরের আর এক কোণে একটি ছোট ছাপাখানার মডেল রয়েছে, ১৯০৫তে

মস্কোতে বলশেভিক সেন্ট্রাল কমিটির একটি গুপ্ত ছাপাখানা এক মাটির তলার ঘরে ছিল, সেই ছাপাখানার এই মডেলটি। এই গুপ্ত ছাপাখানা থেকে কত বিদ্রোহ-সূচক পুস্তক পুস্তিকা ছাপা হয়েছে।

রুস-প্রদর্শনী-ঘরটি দেখে বেশ বোঝা গেল বর্তমান রাশিয়াতে সোভিয়েট তন্ত্রের অধীনে জনগণের মধ্যে শিক্ষার প্রসার দিন দিন বৃদ্ধি পাচ্ছে, জ্ঞানের উন্নতিই হচ্ছে।

নবরুসিয়ার প্রদর্শনী-গৃহের পাশে সুইডেনের প্রদর্শনী-গৃহ, তারপর ডেনমার্কের, তারপর নরওয়ের, তারপর অষ্ট্রিয়ার, এইরূপ পৃথিবীর বিভিন্ন দেশের খবরের কাগজের প্রদর্শনীর ঘরের সারি। প্রতি ঘরে, সেই দেশের অতি প্রাচীন হ'তে আধুনিক সব খবরের কাগজ সাজান, খবরের কাগজের আরম্ভ, বিবর্তন, উন্নতির ইতিহাস দেখান হয়েছে, নানা ছবিতে নানা পোষ্টারে বা তালিকা দিয়ে সে দেশের খবরের কাগজের সংখ্যা, জনসংখ্যা ক্রমবৃদ্ধির ইতিহাস ইত্যাদি জানান হয়েছে।

ষ্ট্রিগ্বেয়ার্গমূর্তিমণ্ডিত সুইডেনের ঘরে যা দেখলুম তা কেবল খবরের কাগজের প্রদর্শনী নয়; সুন্দর সুইডেনের প্রাকৃতিক শোভার বৃহৎ চিত্রসজ্জিত ঘরটিতে সর্বদেশের ভ্রমণকারীদের লুক করবার বিশেষ প্রয়াস আছে। নরওয়ে ও সুইজারল্যান্ডের ঘরেও সে সব দেশের এরূপ প্রাকৃতিক শোভার চিত্র দিয়ে পথিকজনের মন আকর্ষণের চেষ্টা দেখেছি। সুইডেনে প্রথম বই ছাপা হয় ১৪৮৩ খৃঃ অব্দে; খবরের কাগজের অগ্রদূত "ওড়াপাতা" (Hugblatt) ছাপা হয় ১৫৭৩তে; আর প্রথম সংবাদ-পত্র ছাপা হয় ১৬৪৫তে। বর্তমান সময়ে সুইডেনে ১৩৭ বিভিন্ন সহর ও গ্রাম থেকে সংবাদপত্র ও পত্রিকা বাহির হয়। সংবাদপত্রের সংখ্যা ৩১৩, তার মধ্যে একশখানির উপর সংবাদপত্র সপ্তাহে ছ'বার বাহির হয়; সাপ্তাহিক পত্রিকা ও নানা বিষয়ে মাসিক ইত্যাদি পত্রিকার সংখ্যা ১২০০। একথা মনে রাখতে হবে যে সুইডেনের লোকসংখ্যা ৬০ লাখ।

নরওয়ের ঘরটি ইবসেন, নান্সেন, মুনচ্ প্রভৃতি প্রসিদ্ধ নরওয়ে-বাসীর মূর্তি দ্বারা সজ্জিত, নরওয়ের তুবারমণ্ডিত পাহাড়, বর্ণাধারার চিত্রমালা-শোভিত। নরওয়ের প্রথম

শ্রীমণীন্দ্রলাল বসু

সংবাদপত্র বাহির হয় ১৭৬৩তে। ১৮১৪তে নরওয়ে যখন নব শাসনতন্ত্রের মূল নীতি (constitution) অনুসারে মুদ্রায়ন্ত্রের সম্পূর্ণ স্বাধীনতা লাভ করল, সংবাদপত্রের নব যুগ আরম্ভ হল। “রাজাসংক্রান্ত সকল ব্যাপার ও অগ্নাত্ত সব বিষয় সম্বন্ধে প্রত্যেকে স্বাধীন ও মুক্তভাবে আপন মজ্ঞাভাব ব্যক্ত করতে পারবে”—এই মহান অধিকার পাওয়ার সাথে সংবাদপত্র-লেখকগণ খুব শক্তি লাভ করলেন। ভাববার ও লেখবার একরূপ স্বাধীনতা থাকার জগুই নরওয়ের সাহিত্যের একরূপ উন্নতি শ্রীবৃদ্ধি হয়েছে। বর্তমান সময়ে নরওয়ের সংবাদপত্র ও পত্রিকার সংখ্যা প্রায় এক হাজার। ১৯২৭তে পোষ্ট অফিস জনসাধারণকে ১৬১ মিলিয়ন কপি সংবাদপত্র ও পত্রিকা সরবরাহ করেছে। নরওয়েতে কোন প্রেস আইন নেই সেজগু এত ছোট দেশেও এত সংবাদপত্রপ্রচলন সম্ভব হয়েছে। ২৫০ খানি দৈনিক ও সাপ্তাহিক সংবাদপত্রের কার্টিতে ১ মিলিয়ন কপি, আর নরওয়ের জনসংখ্যা হচ্ছে পোনে তিন মিলিয়ন। প্রতি সহরের প্রতি গ্রামের প্রত্যেক বাড়ীতে পুরুষ ও নারী খবরের কাগজ পড়ে। এক ওসলোতে (Oslo) ১৫ খানি দৈনিক সংবাদপত্র আছে।

ডেনমার্কের লোক সংখ্যা সাড়ে তিন মিলিয়নও নয়, কিন্তু সে দেশে যত সংবাদপত্র আছে তাদের দৈনিক প্রকাশিত সংখ্যার মোট হচ্ছে ১১,৫৪,০০০, অর্থাৎ প্রতি তিনজন মানুষের জগু এক কপি খবরের কাগজ! অনেকে ডেনমার্ককে তাই খবরের কাগজের দেশ বলে।

কিন্তু জনসংখ্যার তুলনায় সুইজারল্যান্ডের মত এত বেশী খবরের কাগজ ও পত্রিকা কোন দেশেই নাই। সুইজারল্যান্ডের ঘরে ঢুকেই দেখলুম, গামনের দেওয়ালে সুইজারল্যান্ডের বৃহৎ ম্যাপ, যে যে সহর ও গ্রাম হ’তে সংবাদপত্র বাহির হয় সেগুলি নানারংএর চিত্র দিয়ে দেখান হয়েছে। ম্যাপের এক পাশে লেখা সুইজারল্যান্ড হচ্ছে সংবাদপত্রপ্রচুরতম দেশ; আর একদিকে লেখা সুইজারল্যান্ডের জনসংখ্যা হচ্ছে ৩৯,৫৯,০০০,

আর তার সংবাদপত্র ও পত্রিকাসংখ্যা হচ্ছে ৩১৩৭। বস্তুত, সুইজারল্যান্ড ছোট হ’লেও, তার বাইশটি বিভিন্ন কান্টন, (canton) তার তিনটি বিভিন্ন ভাষা। প্রতি কান্টন আভ্যন্তরীণ শাসনে স্বাধীন, সাধারণতন্ত্রের আইডিয়া এখানে এত সজাগ ও সীব ব’লে খবরের কাগজের সংখ্যাও প্রচুর। সর্বশুদ্ধ সংবাদপত্রের সংখ্যা হচ্ছে ৪০৬, তার মধ্যে ২৮২খানি জার্মানভাষায় প্রকাশিত হয়, ১০৫খানি ফরাসীভাষায় আর ১৯খানি ইতালীয়ান ভাষায় প্রকাশিত। সংবাদপত্রসংখ্যা বেশী বটে কিন্তু সব সংবাদপত্র খুব বেশী কপি ছাপা হয় না। পঞ্চাশ হাজার কপির ওপর দৈনিক ছাপা হয় এরকম সংবাদপত্র তিনখানি আছে, বিশ হাজার থেকে পঞ্চাশ হাজার কপি



প্রেসার খবরের কাগজের রাস্তা

ছাপা হয় এমন কাগজ ন’খানি আছে, দশ হাজার থেকে বিশ হাজার কপি ছাপা হয় এ রকম খবরের কাগজ পনেরো খানি আছে।

সুইস্ কাগজগুলির একটি বিশেষত্ব এই যে, প্রতি কাগজের প্রায় আলাদা আলাদা মালিক। এ হচ্ছে decentralised press, এক বৃহৎ কোম্পানীর হাতে অনেকগুলি কাগজের স্বত্ব ও পরিচালনা কেন্দ্রীভূত হয়নি। তাতে প্রতি কাগজের যেমন মতের স্বাধীনতা আছে, তেয়ি প্রতি কাগজের স্বত্বাধিকারীকে কাগজ বাঁচিয়ে রাখতে কিছু সংগ্রামও করতে হয়।

একটি ঘর ভাগাভাগি ক’রে চীন ও জাপানের সংবাদপত্রের প্রদর্শনী। চীনের খবরের কাগজ বিশেষ কিছু নেই।




চীনেতেই পৃথিবীর প্রথম মুদ্রাঘরের উদ্ভাবনা হয় ; পৃথিবীর সব চেয়ে পুরাতন ছাপা খবরের কাগজ চীনেতে বাহির হয় । খৃষ্ট জন্মাবার দু'শত বছর আগে ছাপা রাজা পাও, (King-I'ao) সেই পৃথিবীর প্রাচীনতম খবরের কাগজের এক কপি সুন্দররূপে সাজান রয়েছে দেখলুম । জাপানের লোকেরা যে এই ইংরাজ বা জার্মানের চেয়ে কিছু কম সংবাদপত্র পড়ে না তা জাপানী খবরের কাগজের দৈনিক প্রকাশ-সংখ্যা দেখে বেশ বোঝা গেল । জাপানের একটি প্রধান সংবাদপত্র Osaka-Mainichi প্রতিদিন ১৩৭০ হাজার কপি প্রকাশিত হয় ; আর একটি কাগজ Takyo-Nichinichi প্রতিদিন সাড়ে আট লাখের বেশী ছাপা হয় ।

মহাযুদ্ধের পরে খৃষ্ট ইয়োরোপের নূতন রাজ্যগুলির সংবাদপত্র সংখ্যা নবজাতীয়তার প্রেরণাতে খুব বেড়েই চলেছে । পোলাণ্ডে সংবাদপত্রের সংখ্যা ২৮৫ । জেকোলো-ভাকিয়ার সংবাদপত্র ও সাময়িক পত্রিকার সংখ্যা প্রায় চার হাজার । দৈনিক সংবাদপত্র সংখ্যা ১৩১ খানি, তাদের মধ্যে ৬৭ খানি জার্মানভাষায় প্রকাশিত ।

ফ্রান্সের সংবাদপত্রসংখ্যা জার্মানীর মত অত বেশী নয় । ১৯২৬তে পারি হইতে প্রকাশিত রাজনৈতিক দৈনিক সংবাদপত্র সংখ্যা ছিল ৪৮খানি । পারির বাহিরে প্রকাশিত সকল প্রকার সংবাদপত্র সংখ্যা তিন হাজারের কিছু ওপর । তবে সংবাদপত্রের কাটতি খুব । Le Petit Parisienর কাটতি বারো লাখ, La Petit Journalর কাটতি দশ লাখ ; আট লাখ কপি ছাপা হয় এরূপ কাগজ অনেকগুলি আছে ।

গ্রেট-ব্রিটেনের ছাপা প্রদর্শনী ঘরে, ১৪৭৬ খৃঃ অন্ধে কাঙ্কটোনের ছাপা বই বিশেষ দেখবার জিনিষ ছিল ; তা ছাড়া British Institute of Industrial Artএর ছবি ছাপা, বই বাধাই, ইত্যাদি প্রদর্শনী বেশ সুন্দর । গ্রেট ব্রিটেন ও আয়লণ্ডের সংবাদ পত্রের সংখ্যা দু' হাজারের কিছু অধিক ; লণ্ডন সহরেই ৪০৬ খানি খবরের কাগজ আছে, তার মধ্যে ২৩খানি প্রতি সকালে বাহির হয় । আয়লণ্ডের সংবাদপত্র সংখ্যা ১৬৬ খানি, স্কটলণ্ডের ২৩৫খানি । ১৯১০ খৃঃ অন্ধে গ্রেট ব্রিটেনে যত খবরের কাগজ ছিল, বর্তমান সময়ে তত নেই, এখন সংখ্যা কিছু কমেছে, তার কারণ হচ্ছে গ্রেট-

ব্রিটেনের অনেক সংবাদপত্রের স্বত্ব এক বড় কোম্পানী বা ট্রাস্টের হাতে কেন্দ্রীভূত হয়েছে ; কয়েকটি বৃহৎ সংবাদপত্র-সম্বল ইংলণ্ডের প্রায় অধিকাংশ কাগজের মালিক, তারাই লোকমত গড়ছে, ভাঙছে । Rothermer Group হচ্ছে সব চেয়ে বড় সংবাদপত্র-সম্বল । ডেলি মেল, ডেলি মিরার, প্রভৃতি ৭৮ খানি কাগজের মালিক এরা । ১৯২৫তে এই সম্বলের সকল দৈনিক সংবাদপত্রের মোট বিক্রি হয়েছিল ৩৫ লক্ষ, আর সকল সাপ্তাহিকের মোট বিক্রি হয়েছিল



প্রেসার বুরুজ -

ত্রিশ লক্ষ । বর্তমান যুগের জনসাধারণের সংবাদপত্রের ক্ষুধা যে কি ভীষণ তা এসব সংখ্যা দেখেই বোঝা যায় ; তবে নিছক রাজনৈতিক সংবাদপত্র নয়, চর্মকপ্রদ উত্তেজনাকর ঘটনাপূর্ণ sensational news ভরা সংবাদপত্রেরই সব চেয়ে বেশী বিক্রি । তার দৃষ্টান্ত স্বরূপ The News of the Worldর নাম করা যেতে পারে । এই সাপ্তাহিকের বিক্রি সমস্ত পৃথিবীতে প্রায় চল্লিশ লাখ । বর্তমান "রোটারি মুদ্রাঘর" দ্বারাই এর লোকেদের যত কলেঙ্কারীর খবর রোমাঞ্চকর

শ্রীমণীন্দ্রলাল বসু

ঘটনার বিবরণ জানবার ক্ষুধা মেটান সম্ভব হয়েছে। The News of the Worldর ছাপাখানায় তড়িৎ-চালিত মুদ্রাযন্ত্র-গুলি হ'তে মিনিটে সাত হাজার কপি কাগজ ছাপা হয়, এই একটি সাপ্তাহিকের কাগজের জন্ম বছরে ৩৯০ হাজার গাছ কাটতে হয়।

১০ সর্বজাতীয় প্রদর্শনী বিভাগের শেষ ঘরটি হচ্ছে আমেরিকার যুক্ত-রাজ্যের। যুক্ত-রাজ্যের প্রথম সংবাদপত্র বাহির হয় ১৭০৪তে, ইংলণ্ড থেকে প্রথম ঔপনিবেশিকগণের প্রায় একশত বৎসর পরে। যুক্ত-রাজ্যের দৈনিক সংবাদপত্রের সংখ্যা হচ্ছে ২৩৮৮, তাদের মধ্যে সকাল বেলায় প্রকাশিত ৪২৭ খানি সংবাদপত্রের দৈনিক কাটাতে হচ্ছে ১২৪ লক্ষের ওপর, আর ১৫৮১খানি সন্ধ্যা-পত্রের দৈনিক প্রচার হচ্ছে ২১২ লক্ষের ওপর। সাপ্তাহিক সংবাদপত্রের সংখ্যা ১২৫২৯, তার মধ্যে রবিবারে প্রকাশিত ৫৪৮খানি সংবাদপত্রের সাপ্তাহিক বিক্রি ২৩৩ লক্ষের ওপর। সকল প্রকার ম্যাগাজিনের সংখ্যা সাত হাজারের ওপর। The New York Times হচ্ছে যুক্ত-রাজ্যের একটি প্রধান সংবাদপত্র, তার দৈনিক প্রচার (circulation) হচ্ছে চার লক্ষের ওপর, আর রবিবারে সাত লক্ষের ওপর। এই এক কাগজের অফিসে ছাপাখানায় তিন হাজারের ওপর লোক খাটে। আমেরিকায় ছাপাখানা ও প্রকাশকের ব্যবসা খুব বড় ব্যবসা, ও দেশের সকল ব্যবসার মধ্যে পঞ্চম স্থান অধিকার করে; প্রথম স্থান নিচ্ছে মোটরের ব্যবসা। বিভিন্ন বিষয়ের পাঁচ শত সাময়িক পত্রিকার নমুনা-সংখ্যাগুলি দ্বারা সাজান যুক্ত-রাজ্যের প্রদর্শনী ঘরটি থেকে বাহির হ'য়ে এক সুন্দর ফোয়ারার পাশে বেঞ্চে বসা গেল, সামনে রুহৎ মধ্যে কনসার্ট হচ্ছিল, চারিদিকে নানাদেশের পুরুষ ও নারীর ভিড়।

কোলনের প্রেসা দেখে মনে হ'ল মানব সভ্যতার কি মহান উন্নতির রূপ দেখলুম, বিরাট অগ্রসরের পরিচয় পেলুম। প্রতিদিন সকালে যখন খবরের কাগজ পাই, তা পেয়ে কি ভাবি কত শতাব্দীর কত বৈজ্ঞানিকের তপস্বার, কত তাত্ত্বিকের সাধনার, কত মানবের প্রচেষ্টার ফল এই খবরের

কাগজখানি। গুটেনবের্গের সেই আদিম মুদ্রা-যন্ত্র, তারপর কোনিগের মুদ্রাযন্ত্র, তারপর রোটরী-মুদ্রাযন্ত্র, এইরূপ শতাব্দীর পর শতাব্দীর মুদ্রাযন্ত্রের ক্রমোন্নতি হয়েছে,—তার সঙ্গে ষ্টিম-ইঞ্জিন, বৈদ্যুতিক মোটর, টেলিগ্রাফ, টেলিফোন, বেতার, তার সঙ্গে ষ্টিমার, রেলগাড়ী, বাইসিক্ল, আর কাঠ হ'তে কলে ক্রতভাবে কাগজ তৈরী করবার উপায়—এম্মি কত বৈজ্ঞানিক উদ্ভাবনার পর বর্তমান খবরের কাগজ সম্ভব হয়েছে। বস্তুত সকালে যে খবরের কাগজখানি পাই তাতে সমস্ত মানবসভ্যতার প্রগতির রূপ দেখতে পাই।

প্রেসা দেখে আর একটি কথা মনে হ'ল—বর্তমান সময়ের সংবাদপত্রগুলির শক্তি ও দায়িত্ব। সংবাদপত্র কেবলমাত্র দৈনিক সংবাদ সরবরাহের জন্ম নয়, তার প্রধান কাজ হচ্ছে লোকশিক্ষা দেওয়া। বস্তুত এই ডেমোক্রেসির যুগে সংবাদপত্রের দায়িত্ব গুরুতর। সত্য সংবাদ দেওয়া, জাতিকে গ'ড়ে তোলা, পৃথিবীর দেশের সহিত দেশের সখা বৃদ্ধি করা, শাস্তি স্থাপন করা, অশান্তির সহিত যুদ্ধ করা, দাসত্ব শৃঙ্খল ছিন্ন করা—এম্মি কত কর্তব্য সংবাদপত্রের। বর্তমানকালের সংবাদপত্রগুলি বেশীর ভাগই রাজনৈতিক, কিন্তু রাজনীতি হচ্ছে জাতীয় জীবনের একটা অংশমাত্র, স্বাস্থ্যের উন্নতি, সামাজিক উন্নতির দিকেও দৈনিক সংবাদপত্রগুলির চেষ্টা করা দরকার; সংবাদপত্র ও পত্রিকা হচ্ছে জনসাধারণের নিকট জ্ঞানের চিন্তার বাহক। যেদিন সংবাদপত্রগুলি সত্যিকার জ্ঞানের প্রদীপ হ'য়ে উঠবে, কেবল রেঘারোষি, দলাদলি নয়, কেবল লোমহর্ষক কোতুকপ্রদ ঘটনা বা সংবাদের বাহক নয়, যখন তারা জাতির সর্ববিধ কল্যাণের সাধক হবে, জাতির সহিত জাতির শ্রায়, শাস্তি স্থাপনের মন্ত্রপ্রচারক হবে, যখন পৃথিবীতে কোন দুর্ভাগা দেশ বা দুর্বল জাতির উপর প্রবল শক্তিমত্ত কোন জাতির অত্যাচার-অধীনতাশৃঙ্খলবন্ধনের বিরুদ্ধে পৃথিবীর সকল দেশের সংবাদপত্রে প্রতিবাদ ও যুদ্ধঘোষণা হবে, তখনই সংবাদপত্রগুলি সর্বমানবকল্যাণের কাজে লাগবে, শতাব্দীর পর শতাব্দীর এত বৈজ্ঞানিক যান্ত্রিকের সাধনার সার্থকতা হবে।

বনভোজন

শ্রীঅক্ষয়কুমার সরকার

১২

অগ্রহায়ণ মাসের প্রথমেই একটা বিবাহের লগ্ন ছিল। রামেশ্বর চক্রবর্তী এবং সতীশ মুখুযো দিনটি ধার্য্য করিয়াছিলেন। কিন্তু বিবাহ সে দিন হইল না। বাহিরের লোক জানিল জ্বর গায়ে বিবাহ দিতে বামুন-মা কিছুতেই রাজী হইলেন না। কিন্তু ভিতরের কথা অতুলের মা'র অজ্ঞাত ছিল না। বামুন-মা তাহাকে বেশ ধীর ভাবেই বলিয়া দিলেন যে, বামুনের মেয়ের বিবাহ দুইবার হইতে পারে না।

সতীশ মুখুযোর সাথে বাদ পড়িল। কিন্তু কথাটা ক্রমে কানাঘুসায় একটা বিকী ভাব ধারণ করিয়া গ্রাম হইতে গ্রামান্তরে ছড়াইয়া পড়িতে লাগিল। হেমন্ত সেই দিন সন্ধ্যার পর হইতে নিরুদ্দেশ হইয়াছিল; এবং রামেশ্বর চক্রবর্তীর নিঃস্বার্থসমাজহিতৈষণায় তাহার নাম বিভার নামের সহিত জড়িত হইয়া, মেয়েকে বড় করিয়া রাখার পরিণাম সর্বত্র ঘোষিত হইতে লাগিল। বামুন-মা ইঞ্জিতে আভাষে এবং সময়ে সময়ে স্পষ্ট বাক্যে বিভাকে এই কথাই বুঝাইতে চাহিলেন যে, মিথ্যা দুর্গাম কাহাকেও কলঙ্কিত করিতে পারে না। অতুলের মা কিন্তু বামুন-মারচেষ্টার বিফলতা দেখিয়া ধারণা করিয়া লইল যে, দুর্গামটা মিথ্যা নয় বলিয়াই বিভা তাহার ঝিমার কথায় সাস্তুনা পাইতেছে না, এবং কলঙ্কের জন্ত যত না হউক হেমন্তকুমারের আকস্মিক অন্তর্ধানেই মেয়েটা শুকাইয়া যাইতেছে। তাহার এই মনের কথাটা ইঞ্জিতে ইসারায় সে প্রায়ই বামুন-মা'র কাছে ব্যক্ত করিত; কিন্তু সে রাত্রির কথাটা গোপন রাখিয়াছি। হেমন্ত যে এই সরলা মেয়েটার সর্বনাশ করিয়া কেন, কোথায়, পলাইল, তাহা অতুলের মা জানে না। কিন্তু সেই হতভাগার জন্তই যে তাহার সোনার বিভা কাঁদা

হইয়া যাইতেছে, এবং তাহাকে ফিরিয়া পাওয়া বাতীত যে বিভার আরোগ্যের উপায় নাই, তাহা স্থির বলিয়া মনে করিল। তাই সে নানা দেব দেবীর নিকট কেবলই মাথা কুটিতেছিল যেন তাঁহারা দয়া করিয়া তাহাকে ফিরাইয়া আনিয়া দেন। যথাসাধা তাহার অনুসন্ধানও চলিতেছিল, কিন্তু তাহা একেবারেই বিফল হইয়াছিল।

মাস তিনেক পূর্বে একদিন সন্ধ্যার পর লক্ষ্যহীন ভ্রাম্যমাণ গ্রহের মত যে এই গ্রামে উপস্থিত হইয়াছিল, এই ব্রাহ্মণ কন্ঠার ভাগ্যগগনের গ্রহরূপী তাহার অন্তর্ধানও সেইরূপ আকস্মিক এবং অবোধ। ইহা বাতীত আর কিছুই নির্ধারণের সম্ভাবনা ছিল না। কেবল একমাত্রই বিভাই ইহার কারণ ঠিক বুঝিয়াছিল। তাহারই ব্যবহারে, তাহারই কথায় যে সে চিরকালের জন্ত সে স্থান ত্যাগ করিয়াছে, এই কথা আত্মীয় দরদীদের নিকট বলিবার জন্ত বাস্তব হইলেও সে বলিতে পারে নাই। এই যে মাসাধিক কাল সে বিনিদ্র রাত্রি যাপন করিতেছে, এই যে শত চেষ্টা সত্ত্বেও তাহার কথা, তাহার মূর্তি, তাহার সংশ্লিষ্ট যা কিছু সমস্ত মনের উপর অনুক্ষণ আনাগোনা করিয়া তাহার শ্রান্ত চিত্তকে মুহূর্তমাত্রের বিশ্রাম না দিয়া অতিষ্ঠ পীড়িত করিয়া তুলিতেছে, ইহার ত কোনও উপায়ই নাই। বিধাতা তাহাকে সুখী করিবার জন্ত জগতে পাঠান নাই বলিয়াই বোধ হয় শিশুকাল হইতে জগতে যত রকম দুঃখের বোঝা থাকিতে পারে, তাহার মাথায় চাপাইতে আরম্ভ করিয়াছিলেন। মাতা তাহার জন্মের পরেই স্মৃতিকা-গৃহে মরিয়াছিলেন, পিতার আদর সে স্বরণ মাত্র করিতে পারে, তাহার দিদিমাকেও তাহার সামান্য মাত্রই মনে পড়ে; তার পরেই মনে পড়ে তাহার অনাথার অবস্থা, এবং সেই অবস্থায় যেহময়ী বৃদ্ধার সমুদ্র জলের মত অগাধ স্নেহের মধ্যে তাহার আসিয়া পড়া। সেখানে

শ্রীঅক্ষয়কুমার সরকার

কি শান্তি, কি আদর, কি শিক্ষা! কিন্তু এই শান্তি, এই সুখ কয়দিনের জন্মই বা। বয়স তাহার যেমন বাড়িতে লাগিল .তেমনি তাহার কানে অঘাচিত তাহার বয়সের এবং বিবাহের প্রয়োজনীয়তার ও দরিদ্র কণ্ঠার বিবাহের অন্তরায়ের কথা সময়ে অসময়ে আসিয়া পড়িয়া জ্বাহার প্রাণটাকে তিক্ত বিষাক্ত করিয়া দিতে লাগিল। তাহার এই অশান্তি বাড়িতে বাড়িতে, শত অগ্নি-পরীক্ষার উত্তাপের ভিতর দিয়া, তাহার সোনার মত নিশ্চল এবং সমুজ্জল মনকে গলাইয়া অগ্নিময় করিয়া তুলিল। মনের সেই তপ্ত অবস্থায় অনেকবার সে ভাবিয়াছে, “আর পারি না! হে দেবতা, যেরূপে হউক এই অবস্থা হইতে আমাকে পরিত্রাণ কর। সুখ আমি চাই না; ভবিষ্যতের ভাবনাও করি না। কেবল বর্তমানের এই যে অসহনীয় বাসনা ইহা হইতে নিষ্কৃতি চাই!” এই সময়ে এক সন্ধ্যার সময় অপরিচিত হেমন্ত তাহার ভাগ্য-গগনে দেখা দিল; তারপর কি আনন্দ, কি শান্তি, কি সুখ সে কয়দিনের জন্মই বা। ক্রমশ তাহার অদৃষ্টলিপির ফলে তার জীবনের আকাশে ধ্রুবতারাটির উদয়ের সঙ্গে সঙ্গেই তাহার এক কোণে একটি ধূমকেতুর ছায়া-মূর্তি দেখা দিল। এখন কোথায় সে ধ্রুবতারা! ধূমকেতু সমস্ত আচ্ছন্ন করিয়া বসিয়াছে। সবই তাহার ভাগালিপির ফল। তাহা না হইলে কেন সেদিন সেই দুর্ঘটনা ঘটিল। ঠিক যে সময়ে তাহার ভাগ্য সুপ্রসন্ন হইয়া আসিতেছিল, যে সময়ে সে কল্পনায় তাহার প্রিয়তমকে আশ্রয় করিয়া তাহার ভবিষ্যৎ সংসার পাতিতে আরম্ভ করিয়াছিল, সেই সময়ে তাহার বিমার হাত ভাঙিয়া তাঁহাকে মরণের পথে লইয়া গেল। উঃ, সে রাত্রির কথা সে কি কখন ভুলিতে পারিবে! বুঝার কি সে যন্ত্রণা, তাঁহার অসাধারণ সহিষ্ণুতার সীমা অতিক্রম করিয়া কি-ই সে আন্তির অভিব্যক্তি। কিন্তু ঈশ্বর ত সে রাত্রিতে তাহার কাতর প্রার্থনা শুনিয়াছিলেন। সে যন্ত্রণার অবসানের জন্ম সে যে তাহার সর্বাঙ্গের প্রিয় আকাঙ্ক্ষাটিকে ও তাহার নিজেকে বলি দিবার মানস করিয়া ভগবানকে ডাকিয়া বলিয়াছিল, “ঠাকুর, এই অনাথা ব্রাহ্মণকণ্ঠার একটি মাত্র প্রার্থনা তুমি পূরণ

কর। বিমার এই যন্ত্রণার অবসান করিয়া দাও। আর কখনও কোন প্রার্থনা আমি করিব না। যদি করি ত আমার সর্বাঙ্গের যে প্রিয় তাহারই ভিতর দিয়া তুমি আমাকে প্রতিজ্ঞা ভঙ্গের শাস্তি দিও।” ঠাকুর ত সত্যই তাহার কথা শুনিয়েছেন। তাহা না হইলে সেই দুর্ঘটনা কি সে সকল সম্ভব হইত, না তাহার বিমার যন্ত্রণার অবসান হইত। কি যে সত্য, আর কি যে কুসংস্কার, তা কে বলিবে? যদি এখন সে তাহার প্রতিজ্ঞা লঙ্ঘন করে তাহা হইলে দেবতার অমোঘ বজ্র হয়ত তাহার উপর পড়িবে! কিন্তু অগ্রথা সে আঘাত যে তাহার প্রিয়তমের মধ্য দিয়া আসিয়াই তাহাতে পৌঁছিত। সে কথার ভীষণতার কল্পনা মাত্রই সে পাগল হইয়া যায়। সুতরাং সে যাহা করিয়াছে, হেমন্তকে তাহারই রক্ষার জন্ম কটু বাক্যে দূর করিয়াছে,—তাহা বাতীত আর ত উপায়ান্তর ছিল না। তাহাকে সেই নারীমাংসলোলুপ জন্তুর নিকট নিজেকে বলি দিতেই হইবে! এ তাহার অনতিবর্তনীয় অদৃষ্টলিপি।

মনস্তত্ত্ববিদেরা বিচার করিতে পারেন, মাত্র সতের আঠার বছরের মেয়ের মনের উপর দিয়া এইরূপ চিন্তার স্রোত বহিয়া যাওয়া সম্ভব কি না। ডাক্তার রমেশ পদ্মী সুভাষিনীর নিকট হইতে বিভার এই পীড়ার সময়ের লিখিত অনেকগুলি চিঠি মনোযোগের সহিত অধ্যয়ন করিয়া এবং বিভার গত জীবন সম্বন্ধে অনেক অনুসন্ধান করিয়া বিশেষ কিছু বুঝিতে না পারিয়া নিজের ডাইরিতে লিখিয়া রাখিয়াছিল, “এই মেয়েটির বুদ্ধি যেমন তীক্ষ্ণ, ভাবপ্রবণতা তেমনি প্রবল। এইরূপ তীক্ষ্ণবুদ্ধি এবং ভাবপ্রবণ মানুষই কি সংসারের ঘাত-প্রতিঘাতে দুর্ভাবনার উন্মাদভাবাপন্ন হইয়া পড়ে?”

সেদিন দুপুর বেলা বিভা ঘরের মধ্যে তাহার শয্যায় পড়িয়া পড়িয়া কত কি ভাবিতেছিল। আজকাল সে এইরূপই করিত। এমন সময়ে তাহার কানে একটা কথা প্রবেশ করায় সে উঠিয়া বসিয়া মনোযোগ দিয়া শুনিত লাগিল। সেদিন সুরেশ পালের ছেলের বিবাহ। পুরাকাল হইতে এই গ্রামের নিয়ম আছে যে, গ্রামে কোন বিবাহ হইলে বাঁড়ুঘোড়ের বাটিতে ভেট পাঠাইতে হয়। এই



ভেটের পরিমাণ এবং মূল্য আগে যাহাই থাকুক এক্ষণে ইহা সম্মানের স্বত্বরূপেই মূল্যবান। পুরাকালে হস্ত একটুকিছু পাত্র এবং তৎসঙ্গে কলমূল মিষ্টান্নাদি উপহার রূপে দিয়া এই বনিয়াদি ব্রাহ্মণ পরিবারটির অমুমতি লইয়া শুভকার্য সম্পন্ন করিবার প্রথা ছিল; এখন শুধু একটা আধ পয়সার ভাঁড় এবং সেই রকম মূল্যের একটা পান ও একটা সুপারি ভেট আসিত। কিন্তু এই তুচ্ছ দ্রব্য সম্বন্ধীয় আন্দোলনেই আজ সূজাপুর গ্রামের আবাল-বৃদ্ধ-বনিতা উত্তেজিত হইয়া পড়িয়াছিল; এবং সেই উত্তেজনাই একটা ঢেউ আসিয়া বিভার মুচ্ছিতপ্রায় চিত্তবৃত্তিকে উদ্বোধিত জাগরিত করিয়া দিল। সুরেশ পালের ছেলের বিবাহে যাহাতে বিভার বিমা'র ভেট না আসে এবং তৎপরিবর্তে সেটা বাঁড়ুঘোদের পরিবার হইতে চক্রবর্তী পরিবারের রামেশ্বর মুহুরির ভাগে পড়িবার চিরস্থায়ী বন্দাবস্ত হয়, তাহার জন্ত ম্যানেজার সতীশ মুখুযো হুকুম আসিয়াছিল। জমিদারের অথবা তাহার কর্মচারীর হুকুমের অর্থ যে কি, এবং ইহার বলে যে কত অঘটন সংঘটিত হয়, সূজাপুরের লোকে তাহা প্রাণে মনে জানিত।

তথাপি চিরাচরিত এই যে প্রথা, এবং বামুনমার উপর নির্ধাতনের এই যে নূতন পন্থা, তাহাদিগকে বিচলিত করিয়াছিল। বিশেষত এই পরিবারের চিরামুগত অতুলের মার আত্মীয় সুরেশ পালকে। সে তাহার মাসির পরামর্শে ইহাই স্থির করিয়াছিল যে, রামেশ্বর চক্রবর্তীকে একটা ভাঁড় এবং পান দিতে হইবে, কিন্তু আসল ভেটটা বামুনমার পায়ের কাছে পৌছাইয়া না দিলে তাহার কন্টার অকল্যাণ হইবে। এ কথা সে কতকটা গোপন করিয়া রাখিবার চেষ্টা করিয়াছিল। কিন্তু কানাঘুসায় বামুনমার কাছে ইহা পৌছিতে বাকী রহিল না, এবং অন্তদিকে রামেশ্বরও এই কথা অবগত হইয়া সুরেশ পালকে শাসাইতে আরম্ভ করিল। সে এখন উভয় সঙ্কটে পড়িয়া বামুনমার নিকটে আসিয়া জানাইতেছিল যে, তাহার এখন মারীচের দশা,—অর্থাৎ এদিকে বামুনমার মনঃকষ্ট হইলে তাহাকে ব্রহ্মশাপগ্রস্ত হইতে হইবে, অন্তদিকে রামেশ্বর ম্যানেজারের নিকটে লোক পাঠাইয়াছে—তাহাকে জন্ম করিবার জন্ত। তাহার

এই কাতরোক্তির মধ্যে একটা কথা—“সে কথা মা, আমার জিত দিলে বেরুবে না, কি ব'লে তারা আপনাদের একঘরে করতে চান” বিভার কানের ভিতর ঢুকিতেই সে সমস্ত কথাটার অর্থ বেশ স্পষ্ট করিয়া বুঝিতে পারিল, এবং তাহার বিমার এই যে অপমান ইহার জন্ত সে নিজেকেই দায়ী করিয়া কিরূপে ইহার প্রতিকার হয় তাহার জন্ত তাহার দুর্বল বিকারগ্রস্ত মনটিকে একান্তভাবে পীড়িত করিতে লাগিল।

সেইদিন সন্ধ্যাকালে সূজাপুরে সতীশ মুখুযো মহাশয়ের শুভ পদার্পণ হইল এবং ইহাও সাব্যস্ত হইয়া গেল যে, বিভার চরিত্রদোষের জন্ত উহাদিগকে সমাজ বহির্ভূত করাই জমিদারের হুকুম এবং যে কেহ এই নির্দারের বিরুদ্ধে কার্য্য করিবে সেই বিদ্রোহী প্রজা বলিয়া গণ্য হইবে ও শাস্তি ভোগ করিবে।

গ্রামে জমিদারের বা তাঁহার উচ্চপদস্থ কর্মচারীর আগমন একটা সাধারণ ঘটনা নহে। এইরূপ শুভাগমন সচরাচর ঘটে না বলিয়াই নিরীহ গ্রামবাসীরা অনেকটা শাস্তিতে এবং নির্ভয়ে বাস করে। কিন্তু যখন এইরূপ শুভাগমন হয়, তখন বারবারদারি, পার্শ্বগী আদ্যে, বিবাহ বিসম্বাদের বিচারে,—বাকি খাজনা, চৌথ মাথটের কড়া ভাগাদায় গ্রামবাসীদের জীবন দুর্ভেদ হইয়া পড়ে। এই সমস্ত সাধারণ অর্থী প্রত্যাখীর কার্য্য শেষ হইয়া গেলে গভীর রাত্রির অন্ধকারে বিদ্রোহী প্রজাদমনের ও মামলা মোকদ্দমা বাধাইয়া দুই পয়সা উপায় করিবার গুপ্ত মন্ত্রণা সমিতি বসিয়া থাকে। আজও সেইরূপ সমিতি বসিয়াছিল। সেই জন্ত যখন রামেশ্বর কাছারি হইতে ঢুলিতে ঢুলিতে বাটতে কিম্বিত্তেছিল, তখন রাত্রি দ্বিতীয় প্রহরের কাছাকাছি। সে তাহার খোলা সদর দরজাটা পার হইয়া মাঝের দরজার আঘাত করিয়া তাহার সুপ্ত গৃহিনীকে উঠাইতে যাইতেছিল, চণ্ডীমণ্ডপের দ্বারের উপর একটা কন্দকশী গুত্র শীর্ণ মূর্ত্তি দেখিয়া হঠাৎ স্তম্ভিত হইয়া দাঁড়াইয়া পড়িল। তাহার ভূতের ভয় তেমন ছিল কিনা জানি না, নিশ্চয়ই সে ভূত শঙ্কচূর্ণীর অনেক গল্প বাল্যকালে শুনিয়াছিল। তাহার কলেই হটক আর অমানুষিক শরীরিনীকে দেখিয়া হটক, তাহার মন এবং

শ্রীঅক্ষয়কুমার সরকার

শরীর দুইই মুহূর্তের মধ্যে বিকল হইয়া যাইবার মত হইল। কিন্তু সেই মূর্তিটা যখন তাহার সম্মুখে আসিয়া তাহার ঘোলাটে চোখের উপর উজ্জ্বল অস্বাভাবিক ভাবে দীপ্ত দৃষ্টি স্থাপন করিল, তখন সে আশ্চর্য্য হইয়া দেখিল যে মূর্তিটা তাহার একান্ত অপরিচিত নহে—বিভার প্রেত মূর্তির মত! তাহার পরে সেই মূর্তি যখন একটা তাঁর ভৎসনার স্বরে তাহাকে সম্বোধন করিয়া বলিয়া উঠিল, “তোমরা এত নীচ কেন? আমার বি-মার উপর এই নির্ঘাতন কি ভগবান সহিতে পারবেন!” তখন অল্পক্ষণ স্তম্ভিত থাকিয়া রামেশ্বর উত্তর করিতে গেল, “আমি কি করব বল। ম্যানেজার—” কিন্তু হয়ত বা রামেশ্বরের মনটা তখন অন্য একটা চিন্তায় বিভার সেই কোমল নবীন সরস মূর্তির সহিত আজিকার এই কঙ্কালময়ীর তুলনায় এত বাস্ত ছিল যে, সে তাহার বক্তব্য ভাল করিয়া উচ্চারণ করিতে পারিল না, অথবা হয়ত বিকৃতমস্তিষ্ক বিভার মাথায় তাহার কথা স্থানই পাইল না।

বিভা স্বপ্নাশ্রিতার মত ঘোঁকের সহিত বলিয়া যাইতে লাগিল, “সতীশ মুখ্যোকে গিয়ে বলগে যদি সে আমার এই হাড় কথানা পেলেই সস্তুষ্ট হয়, কালই বিয়ের দিন আছে—”

এই সময়ে বাহিরে একটা গোল উঠিল। তিন চারিজন লোক বিভার উচ্চস্বরের কথায় তাহার সন্ধান পাইয়া সেখানে ছুটিয়া আসিল। তাহার বি-মা তাহাকে আকুলবক্ষে ধারণ করিয়া কাঁদিয়া উঠিলেন।

১৪

পরদিন সূজাপুরের ইতিহাসে একটা স্মরণীয় ঘটনা ঘটয়া গেল। গুরু ভোজনের ফলেই হউক বা অন্য কোন কারণেই হউক সতীশ মুখ্যোর অস্ত্রের মধ্যে একটা গোলযোগ ঘটয়া খাস রোধ হইবার মত অবস্থা হইয়াছিল। গ্রামের বিজ্ঞগণের মুষ্টিযোগ এবং রাম-কালী ডাক্তারের বিজ্ঞার যথাসাধ্য হইয়া যাইবার পর জেলার সিভিল সার্জনকে আনা স্থির হইল। মধ্যাহ্নের পর তিনি আসিয়া চিকিৎসা আরম্ভ করিয়াছিলেন, এক্ষণে রোগীকে কতকটা সুস্থ দেখিয়া ফিরিবার উদ্যোগ করিতে-

ছিলেন। পল্লীগ্রামে একজন যেমন-তেমন ডাক্তার আসিলেও কৌতূহলী লোকের ভিড় লাগিয়া যায়; সুতরাং ম্যানেজার মহাশয়ের পীড়া এবং সাহেব ডাক্তারের আগমন এই দুইটি মণিকাঞ্চনের সংযোগে সেদিন অপরাহ্নে সূজাপুরের কাছারিতে যে একটা পর্বের জনতার সমাবেশ হইয়াছিল, তাহাতে আশ্চর্য্যের কিছুই ছিল না। ডাক্তার সাহেব এই লোকগুলির দিকে চাহিয়া চাহিয়া যেন কাহাকে খুঁজিতে ছিলেন; কিন্তু সে লোকটি তাহার নজরে না পড়াতে একজনকে ডাকিয়া জিজ্ঞাসা করিলেন, “সেই যে আমি ভাদ্র মাসে এক বৃদ্ধা ব্রাহ্মণীর হাত কেটে দিয়ে গিয়েছিলাম, তাঁদের এখন খবর কি?”

“তাঁদের বড় বিপদ” বলিয়া সুরেন পাল বিভার পীড়ার কথা উত্থাপন করিল।

ডাক্তার সাহেব বলিলেন, “সেই হেমন্ত ছেলেটিকে এখানে দেখছি না?”

কথাটায় সমবেত জনমণ্ডলীর মধ্যে একটা কানাঘুসা পড়িয়া গেল; কিন্তু তাহাদের কোন মন্তব্য ডাক্তার ঘোষের কানে আসিয়া পৌঁছিবীর আগেই সুরেনপাল বলিল, “সে মাস খানেক কোথায় নিরুদ্ধেশ হ’য়ে গেছে—”

“কেন? মেয়েটির সঙ্গে তার বিয়ে—”

সকলেই এই কথায় আশ্চর্য্য হইয়া গেল। সুরেন পাল বলিল, “সে রকম কথা ত কখন শুনি নি। আপনি—”

ডাক্তার সাহেব কি ভাবিয়া কথাটা শেষ না করিয়া একবার বিভাকে দেখিবার ইচ্ছা প্রকাশ করিলেন, এবং সুরেন পালকে সঙ্গে লইয়া বামুনমা’র বাড়িতে উপস্থিত হইলেন। তখন বিভা ঘরের মেঝের শুইয়া নিদ্রার ভাণ করিয়া গতরাত্রির সমস্ত ঘটনার কথা ভাবিয়া লজ্জায় মরিয়া যাইতেছিল।

ডাক্তার সাহেব বামুনমা’র নিকট সমস্ত কথা শুনিয়া রোগীকে পরীক্ষা করিয়া বুঝিলেন যে, সে স্নায়বিক দৌর্ব্বল্যের একটা অতি সঙ্কটের সীমায় পৌঁছিয়াছে। তাহার মানসিক এবং শারীরিক যে স্বাস্থ্য তিনি মাস দুই পূর্বে দেখিয়া গিয়াছিলেন, এবং তাহার যে বয়স তাহাতে এই অল্পসময়ের মধ্যে তাহার এইরূপ অবস্থা



ডাক্তারের পক্ষে একটা সমস্তা বলিয়াই মনে হইল, এবং চিকিৎসাশাস্ত্রের জ্ঞান এবং সাধারণ বুদ্ধি দুইয়ের বিচারেই তিনি সেদিনকার সেই রক্তনাশই যে এইরূপ ব্যাধির একমাত্র কারণ নয়, তাহা নির্ধারণ করিয়া অণু কারণের অনুসন্ধান করিবার জন্ত তাহার বিমাকে একটা একটা করিয়া জিজ্ঞাসা করিয়া তাহার জীবনের সমস্ত তথ্যগুলি সংগ্রহ করিয়া লইলেন। হেমস্তের অকস্মাৎ নিকৃৎদেশের পর হইতে বিভার পীড়া দ্রুতবেগে বৃদ্ধি পাইতেছে তাহা বুঝিতে পারিলেন। তাহার পর শেষ রাত্রির ঘটনার কথা শুনিয়া তিনি জিজ্ঞাসা করিলেন, “সতীশ মুখুষোর সঙ্গে বিয়ে কি? হেমস্তের সঙ্গেই ত—”

বামুন-মা সমস্ত কথা খুলিয়া বলিলে ডাক্তার নিজের কাছে বসাইয়া পিতৃস্নেহের সহিত তাহার মাথায় হাত বুলাইয়া ক্রমে ক্রমে তাহার মনের যে গূঢ় হুঁচিস্তাটি এ পর্যন্ত তাহার অতি অন্তরঙ্গ আত্মীয়েরাও বুঝিতে পারেন নাই, তাহা বাহির করিয়া লইলেন। সেই রাত্রিতে তাহার বিমার আরোগ্য কামনায় পরমেশ্বরের নিকট শপথ করিয়া আপনাকে উপকারক সতীশ মুখুষোর উদ্দেশ্যে দান করিয়া ফেলিয়া এবং সেই অনিচ্ছার আত্মসমর্পণ হইতে নিষ্কৃতির কোন উপায় নাই ভাবিয়া হেমস্ত হইতে আপনাকে বিচ্ছিন্ন করিবার প্রচেষ্টায় অহরহঃ আপনাকে কম মাস ধরিয়া নিযুক্ত রাখিয়া বিভা যে স্নায়ুর এবং মনের এই বিকৃত অবস্থায় আসিয়া পৌঁছিয়াছে ডাক্তার সাহেবের সে বিষয়ে আর সন্দেহ মাত্র রহিল না। কেবল ইহার মধ্যে একটা রহস্য তিনি কিছুতেই বুঝিতে না পারিয়া জিজ্ঞাসা করিলেন, “কিন্তু সতীশ মুখুষো যে সে রাত্রিতে কি তোমাদের উপকার করলে তাত বুঝতে পারলুম না মা!”

“কেন, আমি তাঁকেই খবর দেওয়াতে তিনি আপনাকে ডাকিয়ে দেন।”

“না না। একথা তোমায় কে বললে? সতীশ মুখুষো হয়'ত জানেই না যে—”

“সে কি।” কথাটা বিভার মুখ দিয়া এমনিই একটা হুঁপিবীর বিন্ময়ের সহিত বাহির হইল যে, ডাক্তার সাহেব অবাক হইয়া তাহার মুখের উপর কয়েক

মুহূর্ত্ত চাহিয়া রহিলেন। তাহার পর বলিতে লাগিলেন, “সে দিনকার কথা আমি কখনও ভুলব না। সেই ছুর্যোগের রাত্রিতে আমার বাংলোর কুকুর দুটো যখন চীৎকার ক'রে আমার ঘুম ভাঙিয়ে দিলে, তখন প্রথমেই আমার নজরে পড়ল একটা ছেলের উপর। তা'র হাত দুটা পেছমোড়া ক'রে বাঁধা আর তার উপর প্রহারের—সে কথা থাক।” একটু চুপ করিয়া ডাক্তার বলিতে লাগিলেন, “একটি সতের আঠার বছরের ছেলের অনুন্দের প্ররোচনা এবং পশুর শক্তি যে সে রাত্রিতে কি ক'রে—” হঠাৎ বিভার কণ্ঠের কি একটা অস্পষ্ট শব্দে ডাক্তার তাহার দিকে চাহিয়া দেখিলেন সে তাহার হাত দুটা প্রাণপণে মুখে চাপিয়া কি একটা শব্দ নিবারণ করিতে চেষ্টা করিতেছে। বৃদ্ধ ভদ্রলোক তাহার মাথায় হাত দিয়া বলিলেন, “মা, আমি ব'লে যাচ্ছি, তোমার বি মা তাকে যে অধিকার দিয়েছেন, তা সে ছাড়বে না। সে ছেলে তার অধিকার এবং কর্তব্য দুইই গ্রহণ করবে; সে আসবেই আবার তোমার কাছে।”

ডাক্তার বাহিরে ঘাইবার সময় বামুনমাকে আশ্বাস দিয়া গেলেন যে, কোন ভয় নাই, রোগী ভাল হইবে। তবে বায়ু পরিবর্তন করা দরকার।

১৫

বৈশাখী পূর্ণিমায় চট্টগ্রামের অন্ততম অংশে প্রসিদ্ধ মহামুনির যে মেলা হইয়া থাকে তাহা যিনি চাক্ষুষ না দেখিয়াছেন তাঁহাকে বর্ণনা করিয়া বুঝান সহজ নহে। মেলায় যে সকল অল্প মূল্যের বিদেশী পণ্য-বহু মূল্যে বিক্রীত হইয়া সরল পাহাড়ীকে তাহার সমস্ত বৎসরের তিল তিল সঞ্চিত বিত্ত হইতে বঞ্চিত করে, কলিকাতা প্রভৃতি সহরের বিদেশী বণিকের প্রতিনিধি ঐ সময়ে স্বল্পবুদ্ধি পাহাড়ী কৃষিজীবীকে তুলা প্রভৃতি সম্বন্ধে যে বার্ষিক চুক্তি করিয়া তাহার বহু শ্রমের দ্রব্যকে অযথা-সুলভ মূল্যে বিদেশে রপ্তানীর সুযোগ করিয়া দেয়, তাহা নিশ্চয়ই অর্থনীতিকের আলোচনার বিষয়। এই ভারতবর্ষে সে কালে অনেক মদনোৎসবের কথা নাট্যে কাব্যে বর্ণিত দেখিতে পাওয়া যায়; অসভ্য নরনারীর

শ্রীঅক্ষয়কুমার সরকার

মধ্যে স্থানে স্থানে যে সমষ্টি বিবাহের নীতি আচরিত হইয়া আছে, তাহাও মানবতত্ত্বান্বেষী অজ্ঞাত নহে। কিন্তু বঙ্গদেশের এক প্রান্তে এই যে যুবক যুবতীর বার্ষিক সমষ্টি সম্মিলনের অনুষ্ঠান হইয়া থাকে, ইহা হয়ত অনেক শিক্ষিত বাঙ্গালীর জ্ঞানের বাহিরে।

বৎসরান্তে বসন্তকালের একটি দিনে এই ক্ষুদ্র মহামুনি গ্রামটি কয়েক সহস্র পাহাড়ী সুন্দর সুন্দরীর আগমনে, তাহাদের কলহাস্তে, লীলাচঞ্চল নৃত্যে এবং উন্মাদনায় এবং প্রেমের ললিতগানে মুগ্ধ হইয়া উঠে। সমস্ত বৎসরের মধ্যে যাহাদের মাতাপিতার অভিরুচিতে স্বামী স্ত্রীর নিৰ্ব্বাচন হইয়া গিয়াছে, যাহাদের স্বীয় মনোনয়নে জীবন সহচর সহচরী স্থির হইয়া গিয়াছে, এবং যাহারা বয়স এবং চিত্তের পরিণতি-হেতু মনোমত সঙ্গী বা সঙ্গিনী নিৰ্ব্বাচনের জন্ত উন্মুগ্ন হইয়া আছে, সকলেই দূর দূরান্ত হইতে সমস্ত বৎসরের উপার্জন এবং সামান্য ছই একটা রক্তনের তৈজসাদি লইয়া উৎসবের বেশে সজ্জিত হইয়া এইখানে উপস্থিত হয়। তাহার পর কেহ বা নিজের প্রতিশ্রুত পরিণয় এই স্থানে সম্পন্ন করে, কাহারও বা জনক জননীর নিৰ্ব্বাচিত পতি বা পত্নীলাভ হয়, আবার কাহাকেও বা তাহার অজানা মনের মানুষটিকে এই স্থানে সমবেত অসংখ্য নরনারীর মধ্যে খুঁজিয়া বাহির করিয়া লইয়া ইঙ্গিতে আভাষে গানে নৃত্যে তাহার প্রাণের ইচ্ছা নিবেদন করিতে হয়। যখন এই নিবেদন ক্রমে ভাষায় বাক্ত হয়, তখনকার সার্থকতার উল্লাস একটা আনন্দের উচ্ছ্বাসে বাক্ত হইয়া শুধু সেই মনোনীতার সখী-সহচরীগণেরই নহে, সেখানে উপস্থিত অল্প নরনারীগণেরও, দৃষ্টি আকর্ষণ করে এবং কর্ণে একটা মধুর ধারা বর্ষণ করিয়া দেয়। পুরুষের সেবা করিয়া অনেক মোহিনী তাহাকে জয় করিয়াছেন, এ তথা বাঙ্গালার নাটক উপন্যাসে প্রত্যহ দেখিতে পাই; রমণীকে বীরত্বে মুগ্ধ করিয়া তাহার মনটি দখল করিয়া লওয়া জীবজগতে এবং মানবজগতে অতি পুরাতন প্রথা; কিন্তু তালপাতার পাথর বাতাসের সেবা অপরিচিতা ঘণ্টাক্তা নৃত্যশীলা তরুণীর মনোহরণ করে, এ কেবলমাত্র এই মহামুনির মেলাতেই বোধ হয় দেখা যায়।

কিন্তু দর্শকের পক্ষে সর্বাপেক্ষা আনন্দময় ব্যাপার তখনই আরম্ভ হয় যখন তাহার উৎসুক এবং তথ্যান্বেষী দৃষ্টিতে পড়ে, কোন ব্রীড়াবিব্রতা তরুণী তাহার স্তম্ভ নিৰ্ব্বাচিত সহচরটির সহিত সেই পর্বত এবং বনের কোন অজানা লুকান কোণের উদ্দেশ্যে ধীরমহুর পদবিক্ষেপে যাত্রারম্ভ করিয়াছে। অল্পমূল্য বিলাতী প্রসাধনের দ্রব্য, বুটা মুক্তার হার, গিল্টির ইয়ারিং, মাটির দুইটা হাঁড়ি, একখানি চেটাই, একখানা হাত পাখা, রঙ্গীন ছইটুকরা কাপড় লইয়া মনের আনন্দে লোকচকুর অন্তরালে পৃথিবীতে দেবতার যে সর্বশ্রেষ্ঠ দান ভালবাসা তাহার সম্যক উপভোগের জন্ত তাহারা কয়দিনের জন্ত তাহাদের সমাজ হইতে অপসৃত হয়, তাহার পর ফিরিয়া আসিয়া স্বামীস্ত্রী রূপে সংসার পাতে।

সেদিন সন্ধ্যার পর এই মেলার অন্ত্য অন্ত্য প্রমোদের মধ্যে রেঙ্গুনের একটা সখের বর্ণাযাত্রাদলের নাচ-গান হইতেছিল। নাটকখানির কথা একজন দোভাষী— সেখানে শান্তিরক্ষার জন্ত উপস্থিত সবডিঃ অফিসারকে ও তাঁহার মেলাদর্শনেচ্ছু অতিথিগণকে বুঝাইয়া দিতেছিল। এক রাজকণ্ঠা এক রাখালকে ভালবাসিয়াছিল। দিনের পর দিন রাখালের মনের এই বৃত্তি রাজকুমারীর সান্নিধ্য এবং দর্শনের মধ্যে বাড়িয়া উঠিতে লাগিল; অবশেষে উদ্ভানের এক প্রান্তে জ্যোৎস্নারাত্রিতে নিদ্রিতা কুমারীর কর্ণে তাহার প্রেম নিবেদন কিরকম একটা হুঃসাহসিকতার সহিত ব্যক্ত হইয়া পড়িল। ফলে সে নির্যাতন এবং নিৰ্ব্বাসন লাভ করিল। কিন্তু প্রেমের অদ্ভুত রহস্য! রাখালের নিৰ্ব্বাসনের পরেই রাজকুমারী তাঁহার সম্মানজ্ঞান ভুলিয়া গিয়া প্রিয়তমের সন্ধানে একজন বিখস্তা সহচরীর সহিত বাহির হইয়া পড়িলেন। কতদিন কতমাস ঘুরিমা শ্রান্তা মলিনা রাজকণ্ঠা এক বিজন বনে পথভ্রান্তা হইয়া পড়িলেন। সেই সময়ে তাঁহার কানে এক মধুর মুরলীধ্বনি প্রবেশ করিল। কুরঙ্গ যেমন বাঁশীর রবে ধাবিত হয় তিনিও সেইরূপ সেইস্বরে আকৃষ্ট হইয়া অনু-সন্ধান করিতে করিতে তাঁহার প্রিয়-সান্নিধ্যনে উপস্থিত হইয়া মিলিত হইলেন।



এই অভিনয়ে যে বাঁশী বাজাইতেছিল, তাহার কৃতিত্বে সেখানকার সকলেই মুগ্ধ হইয়া গেল। সকলেই বলিতে লাগিল এমন মধুর নিপুণ বাঁশী বাজনা তাহারা কখন শোনে নাই। ক্রমে বাঁশী বাজান হইতে প্রশংসাটা বংশী বাদকের উপর গিয়া পড়িল। তাহাকে দেখিতে ঠিক বাঙ্গালীর মত, বর্মীর মত তাহার রং ও এবং মুখের গঠন নয়, এবং তাহার নাসিকাটি বর্মীবাসীর নাকের কাছ দিয়াও যায় নাই, এমন কি তাহা অনেক বাঙ্গালীর পক্ষেও সুন্দর মুখশ্রীর উপাদান হইতে পারে, এ কথা অনেকেই স্বীকার করিল।

এই মেলা উপলক্ষে একজন উচ্চপদস্থ বাঙ্গালী রাজকর্মচারী সপরিবারে সেখানে তাঁবু পাতিয়াছিলেন। তাঁহার পরিবারের রমণীগণ চিকের আড়ালে বসিয়া এই বর্মী নাটকের অভিনয় দেখিতেছিল। তাহাদের মধ্যে একটি যুবতী অতি মনোযোগের সহিত সেই বংশীবাদন শুনিতোছিল এবং বাদকের অঙ্গ প্রত্যঙ্গের উপর গভীর অনুসন্ধিৎসু দৃষ্টিক্রম করিতেছিল। মধ্য রাত্ৰিতে অভিনয়ের অবসান হইলে যখন সব-ডিভিসনাল অফিসার বংশীবাদককে ডাকাইয়া তাহাকে রোপা পদক পুরস্কার দিতেছিলেন, তখন এই রমণীটি বিশেষ মনোযোগের সহিত তাহাকে দেখিয়া লইল। সে শুনিল যে, এইবার সেই বংশীবাদক মহামুনির প্রতিমা ধরিয়া যে শত শত যুবক-যুবতী সমস্ত রাত্ৰি ধরিয়া আনন্দ-নৃত্য করিবে, তাহাদের সহিত মিলিয়া তাহাদের আনন্দ বৃদ্ধি করিবার জন্ত বাঁশীর সুরে তাহাদের নৃত্যের উদ্গাদনা জাগাইয়া তুলিবে।

রাত্ৰি তখন তৃতীয় প্রহর। মহামুনির মন্দির ক্রমেই জনাবরল হইয়া আসিতেছিল, এবং তাহারই এককোণে শ্রান্ত বংশীবাদক তাহার বাঁশি হইতে অস্পষ্ট মোহময় স্বর মন্দিরের সম্মুখস্থ প্রাঙ্গণের জাগ্রত এবং নিদ্রালস অসংখ্য নরনারীর উপর ছড়াইয়া দিয়া তাহাদের কর্ণে মধু বর্ষণ করিতেছিল। এই সময়ে সেই বাঙ্গালী মেয়েটি বর্মী বংশী-বাদকের স্বন্ধে অসঙ্কোচে মুহূর্তের অল্প হস্তার্পণ করিয়া

“একবার আমার সঙ্গে ঐ বড় বট গাছটার তলায় দেখা কোরো” বলিয়াই কোথায় সরিয়া গেল।

১৬

পরদিন মধ্যাহ্নে মহামুনি হইতে লয় ক্রোশ দ্বারে একটা পাহাড়ের নীচে একটা গাছের গাছের ছায়ায় হেমন্ত বিভার হাতটি ধরিয়া বসিয়া ছিল। তাহাদের সাজ পোষাক সবই পাহাড়ীদের মত এবং তাহাদের সংসার পাতিবার উপকরণও সেই জাতিরই অনুকরণে সংগৃহীত। চতুর্দিকে জন প্রাণী নাই, রৌদ্র এবং বায়ু আনন্দে মাতামাতি কোলাকুলি করিয়া তাহাদের এই মিলনকে আশীর্বাদ করিতেছিল; এবং তাহারই মধ্যে অনেক দিনের অনেক বাথার কথা তাহাদের মুখ হইতে অনর্গল বাহির হইতেছিল। বিভার পীড়ার কথা সে চাপিয়া রাখিতে চাহিয়াছিল, কিন্তু তাহার ক্রম শরীরের দিকে চাহিয়া চাহিয়া তাহায় গায়ে মাথায় স্নেহের হাত বুলাইতে বুলাইতে তাহার সব কথা হেমন্ত ধীরে ধীরে বাহির করিয়া লইল। ডাক্তারের সেই দিনের কথার পর কি রূপে সে তাহার ঝিমাকে সূজাপুর ত্যাগ করিয়া সন্তীশ মুখুয্যের সান্নিধ্য হইতে তাহাকে দূরে লইয়া যাইতে অনুরোধ করিয়াছিল, সে কথা বলিবার সময় বিভার অশ্রুর সহিত একটা লজ্জার হাসি মিশাইয়া গেল। তাহার পরে কালীঘাটে তাহার ঝিমার শিষ্যের বাটি আসিয়া তাহারা কয়মাস অতিবাহিত করে, এবং সেই সময়ে ঝিমার মৃত্যু হয়। তাহার পর কিরূপে যে সেই শিষ্যবাড়ীর বড়বাবুর পরিবারের সঙ্গে চট্টগ্রামে আসিয়া মহামুনির মেলায় আসিয়া পৌছিয়াছিল, সে কথা বলিয়া হেমন্তের চকুর দিকে চাহিতে গিয়া কি ভাবিয়া হাসিয়া বিভা মাথাটি নীচু করিল।

পাশে বাঁশিটা পড়িয়াছিল, হেমন্ত সেটা হাতে করিয়া তুলিয়া লইয়া কি ভাবিয়া বলিল, “তুমি বাঁশী বাজাতে শিখবে বিভা?”

বিভা হাসিয়া বলিল, “কেন?”

“পাহাড়ী মেয়েরা ত বাজায়”

“আমরা কি পাহাড়ী?”

শ্রীঅক্ষয়কুমার সরকার

“এখন তা ছাড়া আর কি ! আমাদের সভ্য সমাজে ত আর স্থান নাই—”

কি ভাবিয়া কথাটা হেমন্ত শেষ করিতে পারিল না। কিন্তু বিভা সে কথাটা টানিয়া লইয়া বলিতে লাগিল, “সভ্য সমাজে আমাদের স্থান হবে কি না জানি না, জানতে চাই না। আমার দীক্ষাদেবী ঝিমা মরণকালে কি ব’লে গেছিলেন জান ?”

“কি বলে গেছিলেন ?”

“আমার হাত দুটো তাঁর বুকের উপর—সেই সেদিনের রাত্রির কথা তোমার মনে আছে ?—তেমনি ক’রেই রেখে ব’লে গেছিলেন, মা সেদিনকার আমার সেই যে সম্প্রদান সেটা মিথো নয়। আমি ত চ’লে যাচ্ছি, কিন্তু তুমি তার উপর তোমার যে দাবী এবং তার প্রতি তোমার যে কর্তব্য দুইই রক্ষে কোরো। তাই ত আমি কাল অমন অসঙ্কোচে—” বিভা বোধ হয় লজ্জায় কথাটা শেষ করিতে পারিল না, হেমন্ত তাহার মাথাটা বুকের উপর টানিয়া লইয়া চুলের উপর মুখটি একবার ঠেকাইল। তাহার পর একটু নিস্তক থাকিয়া বলিল, “কিন্তু আমার কর্তব্য যে, আমাদের সমাজের যা করণীয় সেই মন্ত্র কটা প’ড়ে আমাদের ভবিষ্যতকে—”

“না, আর তাতে দরকার নেই, সেইদিনকার আমার ঝিমার সেই সম্প্রদান, আর কাল রাত্রিতে এই মহামুনির মেলায় আমার সেই অসঙ্কোচ—” লজ্জায় রাঙ্গা হইয়া বিভা ধামিয়া গেল। মুহূর্ত্ত পরেই গলাটা পরিষ্কার করিয়া লইয়া বলিল, “এই যে সহস্র সহস্র পাহাড়ীদের মধ্যে কাল রাত্রিতে তাদেরই মতন আমাদের বাঁধন হ’য়ে গেল, তার চেয়ে সত্যের বাঁধন আর কি হ’তে পারে ?”

হেমন্ত বিভার মুখটি দুই হাতে তুলিয়া ধরিয়া তাহার চোখের উপর অবাধ গভীর দৃষ্টিপাত করিয়া স্থির হইয়া

রহিল। মুহূর্ত্ত হাসিয়া চক্ষু দুইটি অর্ধ মুদ্রিত করিয়া বিভা বলিল, “অমন ক’রে কি দেখছ ?”

“সত্যি, বিভা ! তোমার মুখ থেকে কি যেন একটা সত্যের আলো আমার অন্ধকার দুর্বল মনের চিরকালের সংস্কার দূর ক’রে দিচ্ছে। সত্যি কি আমাদের এই মিলনের উপর আর শাস্ত্রীয় বা সামাজিক কোন করণীয় নেই ?”

“আমার ত তাই কায়মনোবাক্যে বিশ্বাস। তাতে যেন একটা সত্যকে এবং তার সঙ্গে আমার স্বর্গগতা ঝিমাকে অপমান করা হয়—”

“কিন্তু কি পরিচয়ে আমরা লোকালয়ে যাব ?”

“যেটা সত্য পরিচয় তাতেই, এবং এমন নীচপ্রবৃত্তি কেউ যদি থাকে যে আমাদের কথা ছাড়া অন্য প্রমাণ চাবে, তাকে উপেক্ষা ক’রে।”

“কোথায় থাকব ?”

“সে যেখানে তোমার সুবিধা হবে। তবে সূজাপুরে আমার আর আকর্ষণ নেই। একমাত্র অতুলের মাকে সময়ে সময়ে দেখতে ইচ্ছে হয়।”

বিভা এবং হেমন্ত কলিকাতাতেই থাকে। তাহারা যে সুখে এবং শান্তিতে আছে তাহা না বলিলেও চলে। কেননা বিদ্যা, খ্যাতি, প্রেম এবং স্বাম্ভন্দাই যদি সাংসারিক সুখের পরাকাষ্ঠা হয়, উন্নত মন এবং নিষ্পাপ আত্মাই যদি ইহলোকে অমরত্ব উপভোগের উপাদান হয়, তাহা হইলে তাহাদের সুখ এবং ভোগকে অনন্তসাধারণ বলিয়াই মানিতে হইবে। কেবল এখনও একটা মাত্র সাধ তাহাদের অপূর্ণ আছে, সূজাপুরের রায়েদের ভিটেয় এবং ঝিমার ভগ্ন পবিত্র ঘরখানির মেঝের উপর এমন একটা কিছু করা যাহাতে সেখানকার স্মৃতি বাঙ্গলার বৃকে চিরকাল অক্ষয় হইয়া থাকে।

রুশ-কবি লার্মন্টফ্

শ্রীসত্যেন্দ্র দাস

১

রুশ-সাহিত্য জগতের রত্ন-ভাণ্ডারের একটি অপূর্ব সম্পদ। দেশে দেশে যুগে যুগে মানবের অন্তরলোকে যত বেদনা, যত অশ্রু জমা হইয়া উঠিয়াছে—রুশিয়ার সাহিত্য তাহাকে চেতনা দিয়াছে, রূপ দিয়াছে; যত প্রেম, যত হর্ষ, যত আনন্দ-বোধ মানব-মনে জন্মলাভ করিয়াছে—রুশিয়ার শিল্পী-মন তাহার উদ্বোধন করিয়াছে। তাই আমরা দেখিতে পাই, বিশ্ব-সাহিত্যের একটা সুদূর গ্রন্থি আঁটিয়া গেছে,—আর সে-গ্রন্থিতে বিংশ-শতাব্দীর তরুণ বাঙালী মনই বেশী করিয়া জড়াইয়া পড়িয়াছে।

রুশ-সাহিত্যের সঙ্গে আমাদের প্রথম পরিচয় হয়, তাহার গভীর বিষাদ-ভরা সুরের ভিতর দিয়া। যে-জীবনের চিত্র আমরা সেখানে অঙ্কিত দেখিতে পাই, সেখানে আনন্দের দীপ্তি নাই, সুখের রঙীন-রেখা

বেদনার প্রলেপে অস্পষ্ট হইয়া গেছে—সমস্ত চিত্রখানি মহাবাগী মনে পড়ে—“I did not bow down to জুড়িয়া আছে একটি যত্নান বিবাদের সুর। পুশ্কিনের প্রথম বয়সের কবিতায় ও গোগলের প্রথম বয়সের

উপন্যাসে যৌবনের আনন্দ ও তরলতা ফুলের মতো ফুটিয়া উঠিয়াছিল মতা, কিন্তু জীবনের সেই প্রথম অধ্যায়ের অবসানের সঙ্গে সঙ্গেই সে ফুল ঝরিয়া গেল—জীবনের বৃন্তে বৃন্তে ছুঃখের কাঁটাই বড় হইয়া জাগিয়া উঠিল। টলস্টয়, তুর্গেনিয়েভ্, দস্তয়্‌এভ্‌স্কি, নেক্রাসফ্, কলট্-সফ্ প্রভৃতি সকলেই সাহিত্যের কমলবনে বসিয়া যে-সুরের

ঝঙ্কার তুলিয়াছেন— সে-ঝঙ্কার গিয়া মানুষের অন্তরের বেদনার স্থানটিই স্পর্শ করিয়াছে।

বেদনার এই নিবিড় পরিচয়েই রুশ-সাহিত্য আমাদের কাছে টানিয়া লইয়াছে।... অসীম দুঃখ-সাগর মন্থন করিয়া রুশ-সাহিত্যকগণ এক অমৃত-ভাণ্ডার লাভ করিয়াছেন,—তা হা মানবতার প্রতি সুর্গভীর দয়া ও সুবিশাল সহানুভূতি। রুশিয়ার বেদনা-যজ্ঞের প্রধান পুরোহিত দস্তয়্‌এভ্‌স্কির সেই



রুশ কবি লার্মন্টফ্

বেদনার প্রলেপে অস্পষ্ট হইয়া গেছে—সমস্ত চিত্রখানি মহাবাগী মনে পড়ে—“I did not bow down to you individually but to suffering Humanity in your person.” রুশ-সাহিত্যের এই অমৃতের বাক্তা

চিরদিন বিশ্ব-মানবের বুকে অমর হইয়া থাকিবে।—ইহাই
রুশ-সাহিত্যের বড় পরিচয়।

২

পুষ্কিনের জীবিত-কালে যে সকল তরুণ-কবি তাঁহার
চারিপাশে থাকিয়া আপন আপন বৈশিষ্ট্যের জন্য রুশ-
সাহিত্যের কমল-বনে প্রবেশাধিকার পাইয়াছিলেন তাঁহাদের
মধ্যে লার্মনটফের (Mihail Yuryevich L'ermontov)
নামট প্রথমে মনে হয়। রুশ-কবির বৈশিষ্ট্য তাঁর মধ্যে পূরা
মাত্রাতেই ছিল; তাহা ছাড়া তিনি আঁসিয়াছিলেন আলাদা
একটি নতুন সুরের অগ্রদূত হইয়া। একথা সত্য যে, রুশিয়ার
জনসাধারণ তাঁহাকে চিনিল অনেকটা বিলম্বে; কিন্তু যখন
চিনিল, এমন করিয়াই চিনিল যে, লার্মনটফের বেদনার বাণী
তাঁহাদের অস্থিমজ্জায় শিরায় রক্তশ্রোতে মিশাইয়া গেল;
তাঁহাদের মনের মহলে কবির সিংহাসনখানি চিরস্থায়ী ভাবে
পাতা হইল। তাঁহারা বুঝিল, লার্মনটফ্ আর কাহারো
কথা বলেন নাই, আর কাহারো বেদনা তাঁহার মর্মে
রক্তাক্ত করে নাই,—শুধুই তাঁহাদের বেদনা, দুঃখ-প্রপীড়িত
রুশিয়ার মানুষের বেদনা তাঁহার লেখনীর মুখে সহানুভূতির
প্রসবণ ছুটাইয়াছে। সেইদিনই তাঁহারা রুশিয়ার এই লাজুফ
তরুণ কবিটিকে তাঁহার ক্ষুদ্র ঘরের কোণ হইতে বিশাল বিশ্ব-
প্রাঙ্গণে টানিয়া আনিয়া গোরবের আসনে বসাইয়া দিয়া
সমস্বরে গাহিয়া উঠিল—‘জন-গণ-মন-অধিনায়ক জয় হে!’

৩

১৬১৩ খৃষ্টাব্দে রুশ-সৈন্যদল একটি ক্ষুদ্র স্প্যানিশ্ সहर
আক্রমণ করে, এবং দুর্গ অধিকার করিয়া কয়েকজন সৈন্যকে
বন্দীভাবে রুশিয়ায় লইয়া যায়। বন্দীদের মধ্যে জর্জ লার্মনথ
(George Learmonth) নামে একজন স্কট ছিল।

লার্মনথ অতঃপর রুশিয়াতেই বসবাস করিতে থাকে,
এবং এইরূপে সেখানে একটি নতুন রুশ-পরিবারের সৃষ্টি হয়।
কবি-লার্মনটফ্ এই বংশেই জন্মগ্রহণ করেন।

লার্মনটফের পূর্ব-পুরুষগণ সকলেই রুশ-সৈন্যদলে কাজ
করিয়াছেন। তাঁহার পিতা একজন সামান্ত সৈন্যধ্যক্ষ
ছিলেন। তিনি ধনী উচ্চ-বংশীয়া একটি সুন্দরী কুমারীর
প্রেম-বন্ধনে আবদ্ধ হন এবং অনেক বাধা-বিঘ্ন থাকা সত্ত্বেও
তাঁহাদের বিবাহ হয়। মেয়েটি তাঁহার দরিদ্র স্বামীকে প্রাণা-
পেক্ষা ভালবাসিত এবং সে নিজে অগাধ ঐশ্বর্যের মধ্যে
প্রতিপালিতা হইয়াও স্বামীর সংসারের দারিদ্র্যের রুদ্র-দাহের
মাঝে একটি প্রফুল্লমুখী কমলের মতোই বিরাজ করিত।
তাঁহার সতের বছর বয়সে লার্মনটফের জন্ম হয়। দরিদ্র
সৈনিকের ঘরে সেদিন আনন্দের জোয়ার বহিয়া গিয়াছিল।

তিন বছর পরেই মেয়েটি হঠাৎ মারা যায়। কিন্তু শিশু
লার্মনটফের মনে সেই বয়সেই মায়ের অস্পষ্ট ছবি মুদ্রিত
হইয়া গিয়াছিল। পরিণত বয়সেও সেই ছবিটির চারিপাশে
তাঁর বেদনা-দগ্ধ মন শান্তির আশায় ঘুরিয়া মরিত। কোন্
এক নিরালম্ব সন্ধ্যায় সেই মধুর স্মৃতিটুকুকে ঘিরিয়া অস্তুর
তাঁহার জোয়ার জলের ঢেউয়ের মতো ফুলিয়া ফুলিয়া উঠিত—
চোখের জলে তরুণ কবির বুক ভাসিয়া যাইত।

মাতার মৃত্যুর পর শিশু-কবি পিতার আঁওটা হইয়া
পড়েন। পিতাও এই মা-হারা শিশুটিকে সংসারের সকল
রকমের কঠোরতার ছোঁয়াচ হইতে সরাইয়া রাখিতে
সবিশেষ চেষ্টা করিতেন। মাঝে মাঝে দারিদ্র্য রাক্ষস
যখন রুদ্র-তেজে জলিয়া উঠিয়া তাহাকে গ্রাস করিবার
উপক্রম করিত, তিনি দিশা-হারা হইয়া শিশু-কবিকে তাঁহার
বুকের আশ্রয়টিতে আড়াল করিয়া রাখিতেন। শিশু হইলেও
বালক তাহা বুঝিতে পারিত এবং পিতার অভাব-অভিযোগ
দুঃখ-বেদনা তখন হইতেই তার শিশু-হৃদয়ের কোমল অনু-
ভূতির কাছে ধরা পড়িত।

কিন্তু লার্মনটফের কপালে এই দুঃখবোধের মধুরতা-
টুকুও বেশী দিন দৃঢ় হইল না। তাঁহার মাতামহী তাঁহাদের
সংসারের এই দুঃখবস্থা দেখিয়া একদিন লার্মনটফ্কে তাঁহার
কাছে লইয়া গেলেন।

দরিদ্র দারিদ্র্যের হাত এড়াইল বটে, কিন্তু সুখী হইতে
পারিল না। তাঁহার দরিদ্র পিতা চিরদরিদ্রই রহিয়া গেলেন—
এই বেদনা বালক-কবির মনে কাঁটা হইয়া বিধিয়া রুছিল।



আর, এ বাড়ীতে আসিয়া তাহার পিতার সঙ্গে সকল সম্বন্ধই এক রকম ছিন্ন হইয়া গেল। দরিদ্র সৈনিকের ধনীর মেয়ে বিয়ে-করা মন্ত অপরাধ—এই অপরাধেই লার্মন্টকের পিতার সঙ্গে এ বাড়ীর লোকের কোনো সম্বন্ধ ছিল না। লার্মন্টফ্‌ও জানিত দারিদ্র্যভিমানী পিতা কোনোদিন এ বাড়ীর ছয়ার মাড়াইবেন না।

পিতার সঙ্গে আর সে-রকম দেখা করিতে পারিবে না,—এই বেদনা বালক-কবির মনের সকল শান্তি কাড়িয়া লইল। কতদিন স্তব্ধ দ্বিপ্রহরে ঘর হইতে পলাইয়া বাহির হইয়া বাড়ীর চারিদিকে ঘুরিয়া বেড়াইত,—পিতার সে 'ছায়া-ঢাকা পাখী-ডাকা' ছোট্ট কুটারখানি কতদূরে আছে, কে জানে? কোন্ পথে গেলে তাঁহার দেখা পাওয়া যাইবে—কে তাহাকে বলিয়া দিবে? পিতার আদর-যত্ন, তাঁহার স্নেহ-ভরা মুখখানি স্মরণ করিয়া কত রাত্রি তাহার বিন্দ্র কাটিয়া যাইত,—চোখের জলে উপাধান ভিজিয়া যাইত,—এই অতুল ঐশ্বর্য তাহার কাছে অসহ্য হইয়া উঠিত।

লার্মন্টফ্‌ চৌদ্দ বৎসর বয়সেই ফরাসী, জার্মান ও ইংরাজী তাঁহার মাতৃ-ভাষার মতোই আয়ত্ত করিয়া লইয়াছিলেন। সেই বয়সেই তিনি শিল্পের (Schiller) সমস্ত কাব্য-গ্রন্থ (original) পাঠ করেন এবং *Menschen und Leidenschaften* নামক একখানা গীতি-নাট্য লিখিয়া ফেলেন। এই নাটক রুশীয় ভাষায় লেখা হইলেও বইখানার নাম জার্মানে রাখা হয়। এই ক্ষুদ্র নাটকখানাতে তাঁহার পিতার সংসারের দুঃখময় বর্ণনা আছে। শৈশবের বেদনার স্মৃতি কবির মনের উপর যে বিবাদের ছাপ অঁকিয়া দিয়াছিল—কৈশোরের এই প্রথম সাহিত্য-প্রচেষ্টায় তাহাই রূপ পাইয়াছে।

এই নাটক-রচনার কিছুদিন পরেই কিশোর-কবি তাঁহার স্নেহময় পিতার লোকান্তর-গমনের সংবাদ পান। এই দারুণ সংবাদ তাঁহার বুকে শেলের মতো আসিয়া বিধিল। মাতামহীর নিষ্ঠুরতার জন্ত তিনি শেষ মুহূর্তেও

পিতার সঙ্গে দেখা করিতে পারিলেন না—যে পিতা যোগ শয্যায় কেবল তাঁহারি কথা স্মরণ করিতে করিতে তিল তিল করিয়া মৃত্যুর পথে অগ্রসর হইয়া গেলেন। এ আঘাত সহ্য করিতে কিশোর-কবির বুক একেবারে ভাঙিয়া পড়িল।

কবির এই সময়কার সকল কবিতাতেই একটা নিবিড় বেদনার সুর ধ্বনিত হইত। এই pessimism এর তাৎপ্য অনেকটা বায়রণের কবিতার মতোই ছিল বলিয়া অনেকে তাঁহাকে বায়রণের অসুকারক বলিয়া নিন্দা প্রকাশ করিত। কিশোর-কবি এসব কথায় কান দিতেন না, দিনের পর দিন ধরিয়া তিনি তাঁহার দুঃখের বীণায় ঝঙ্কার তুলিতেন। একদিন এক বন্ধুকে শুধু বলিয়াছিলেন—“I am not Byron, but another exile, so far unknown to men.”

পিতার ত্রায় সৈনিকের জীবন যাপন করা শৈশব হইতেই তাঁহার লক্ষ্য হইয়া উঠিয়াছিল। তিনি প্রায়ই বলিতেন—“This may not bring me to my first and foremost aim (a literary career), but it will serve the final one : it is certainly more pleasant to die with a bullet in one's chest than to fade away exhausted with old age.”

পনেরো বছর বয়সে তিনি সেন্টপিটসবার্গের মিলিটারী কলেজে ভর্তি হন। কিন্তু কবিতা-রচনার ভূত তাঁহার কাঁধ হইতে কিছুতেই নামিয়া যাইতে চাহে নাই। অনেক সময় তাঁহাকে ক্লাস ফাঁকি দিয়া পাশের শূন্যঘরে বসিয়া একাগ্র-চিত্তে কাব্য-রচনায় নিমগ্ন দেখা যাইত। কবির *The Angel* প্রভৃতি অনেক উঁচুদরের কবিতা এই সময়কার রচনা।

কবির প্রসিদ্ধ কাব্য-গ্রন্থ *The Demon*-এর খানিকটাও এই সময়কার রচনা। তখনকার একজন বড় সমালোচক *The Demon*-এর অসমাপ্ত পাণ্ডুলিপি পড়িয়া মুগ্ধ হইয়া আর এক বন্ধুকে লিখিয়াছিলেন,—“I was startled by the vividness of the tale and the sonorous music of the verse.”

৬

উনিশ বছর বয়সে লার্মন্টফের military training শেষ হয় এবং রুশ-সৈন্যদলে এক সৈন্যদাক্ষের পদ প্রাপ্ত হন।

ইতিমধ্যে নানা কাগজে তাঁহার কবিতা বাহির হইতে থাকে এবং দেশের স্বাধীনগুলীর দৃষ্টি ধীরে ধীরে এই নবীন কবির উপর আসিয়া পড়ে। সকলেই বুঝিতে পারিলেন, রুশ-সাহিত্যে এক নতুন চিন্তার ধারা শীঘ্রই প্রবাহিত হইবে, এবং সে-প্রবাহের উৎস এই তরুণ কবিটির মধোই আছে।

এই সময় তিনি বায়রণের *The Dying Gladiator* এবং *Hebrew Melodies* অনুবাদ করেন। এতদ্ভিন্ন হাইনে (Heine) এবং গোটের (Goethe) কয়েকটি কবিতাও ভাষান্তরিত করেন।

তাঁহার এই সময়কার লেখা একগানি বিজ্ঞপাত্রক প্রহসন censor দ্বারা বাজেয়াপ্ত হয়।

এর পরেই ১৮৩৭ খৃষ্টাব্দের শীতকাল আসিয়া পড়িল। এই শীতকালই রুশিয়ার কবিগুরু পুশ্কিনের শেষকাল। সমগ্র রুশিয়া তাহার প্রিয় কবির মৃত্যুতে শোকাচ্ছন্ন হইল। লার্মন্টফের চিন্তেও কবির অভাবের বেদনা শেলের মতো আসিয়া বাজিল। তিনি *On the Pushkin's Death* শীর্ষক এক কবিতায় কবি-গুরুর প্রতি তাঁহার মনোভাব ব্যক্ত করেন। সেই কবিতার শেষের দিকে অত্যাচারী রাজ-পুরুষদের অনাচার ও উদাসীনতার প্রতি তাঁর কষাঘাতও আছে,—“those standing, a greedy crowd, round the throne, the hangmen of Freedom, Genius, and Fame, hiding themselves under the shelter of the law and forcing righteous judgment and truth into silence.”

এই কবিতাটি ছাপা হওয়ার আগেই জনসাধারণের মুখে মুখে এতদূর ছড়াইয়া পড়ে যে, ছাপানোর আর বিশেষ কোনো আবশ্যিকতা থাকে না। পুশ্কিনের শবানুগমনকারী বিরাট জনতার সকলেই এই কবিতা হাতে হাতে নকল করিয়া লইয়াছিল।

এই কবিতার জন্ম কবিকে তখনই বন্দী করা হয় এবং বিচারে তাঁহাকে ককেসসের পার্শ্বতা-প্রদেশে নির্বাসিত করা

হয়। কিন্তু ককেসস্ পর্বতের নিবিড় ধূসর সৌন্দর্যের মাঝে নির্বাসনের দিনগুলিও তাঁহার কাছে মধুর হইয়া উঠিল। তিনি এই পার্শ্বতা-দেশটিকে ভালবাসিয়া ফেলিলেন। প্রকৃতির এই মুক্ত-ধারার মাঝে নিত্য অবগাহন করিয়া তাঁহার কাব্য-প্রতিভা প্রসীপ্ত তেজে ও সরসতায় জাগিয়া উঠিল।

কিছুদিন পরেই মাতামহীর আবেদনে রুশ-সম্রাট তাঁহাকে নির্বাসন হইতে মুক্তি প্রদান করেন। রাজধানীর কর্ম-কোলাহলের মাঝে আবার তাঁহার জীবনের দিনগুলি অশান্তিতে কাটিতে থাকে।

৭

লার্মন্টফ্ ‘লাইফ্ গার্ড’ সৈনিকশ্রেণীভুক্ত ছিলেন। রাজনিন্দা অপরাধে তিনি ইহার কিছুদিন পরেই আবার অপর দলভুক্ত হইয়া ককেসসের পার্শ্বতা-প্রদেশে প্রেরিত হইলেন। দক্ষিণ রুশিয়ার নীল নির্মল আকাশ তলে পরিভ্রমণ করিয়া তাঁহার সমুপ্ত হৃদয় শান্ত হইয়া আসিল। দিগন্ত-বিস্তৃত তুষার-শুভ্র গিরিপুঞ্জের সান্নিধ্যে তাঁহার কল্পনা আবার তেজোময়ী হইয়া উঠিল। তিনি অজস্র কবিতা লিখিতে লাগিলেন। কবিতা লিখিতে হইবে বলিয়া তিনি কখনো কবিতা লেখেন নাই। কারণ, “Literary success did not impress L’ermontov in the least; fame was nothing to him.” তিনি প্রাণের আবেগে মনের চিন্তা-ধারাকে শুধু রূপ দিতেন। তাই তাঁহার প্রত্যেকটি কবিতা হইয়াছে তাঁহার জীবনেরই প্রতিবিম্ব। তাতে আছে প্রচুর রস-সৌন্দর্য, তাতে আছে প্রাণের প্রাচুর্য। কেবল তাঁহার কবিতা দিয়াই আমরা তাঁহাকে চিনিতে পারি।

এই সময়ে তাঁহার “*Song of the Tzar Ivan Vasilyevich, the Young Oprichnik, and the Brave Merchant. Kalushnikov*” প্রকাশিত হয়। এই কাব্যে একটি নাটকের আকারে রুশিয়ার সামাজিক মনের সুন্দর একটি ছব্ব চিত্র অঙ্কিত হইয়াছে। অনেকে ইহাকে হোমারের (Homer) Iliad-কাব্যের সঙ্গে তুলনা করিয়াছেন। একজন নামজাদা সগালোচক এই



কাব্য সম্বন্ধে লিখিয়াছিলেন—“It certainly places the author high above the personally lyric element ; it is art itself, pure art, stripped of all the individual veiling with which suffering humanity is apt to enwrap its creations—a thing which the poets and artists, after all, have the indisputable right to do !”

কবি নিজের চিন্তা-বিনোদনের জন্ত হাইনের (Heine) সেই বিখ্যাত গীতি-কবিতাটির অনুবাদ করেন, যাহাতে উত্তর-দেশীয় তুষার-ভারাক্রান্ত মহীকহ সূর্যালোক-প্রভাসিত দক্ষিণ দেশবাসী বৃক্ষটির স্বপ্ন দেখে! এই কবিতাটির ভিতর লারমন্টফ্, নিজের জীবনের অনেকখানি সত্যের সন্ধান পাইয়াছিলেন। কারণ, তিনি দেশে থাকিতে নিজের মনের সমস্ত অশান্তি ও বিষাদের জন্ত উত্তর-দেশের জল-বায়ুকেই বিশেষ করিয়া দায়ী মনে করিতেন। দক্ষিণের ককেসস্ প্রদেশের ছোট তুচ্ছ দৃশ্যটি পর্য্যন্ত তাঁহার মনে স্বপ্ন রচনা করিত।

মাত্র তেইশ বছর বয়সে কবি তাঁহার সেই অসম্পূর্ণ কাব্য-গ্রন্থ *The Demon* শেষ করেন। *The Demon* লারমন্টফের, তথা রুশ-সাহিত্যের, মহাকাব্য। ককেসসের নিরালা উপত্যাকাতে কবি একদিন তাঁহার কাব্য-মনকে একটি ফুলের মতো কুড়াইয়া পাইয়াছিলেন, সেই মনকেই নিয়োজিত করিলেন ডিমন আর তামারার (Tamara) সৃষ্টিতে, আর তাঁহার সৃষ্টির ফুলটিকে উৎসর্গ করিলেন সেই বিরাট ককেসসেরই উদ্দেশ্যে। ভূমিকায় লিখিয়াছেন,—

“হে ককেসস্! হে ভীমকান্তি নগাধিরাজ! আমার এই আলস্ত-প্রসূত কাব্য তোমারই নামে উৎসর্গ করিলাম। তুমি ইহাকে সন্তান-স্বরূপে আশীর্ব্বাদ কর; তোমার তুষার-গুত্র সিন্ধ শিখর-ছায়া ইহার উপর বিস্তৃত কর। আমার আশৈশব চিন্তারূপি অদৃষ্টবশে তোমারই স্নেহ-বন্ধনে সঙ্কলিত। এমন কি যেখানে তোমার মাহাত্ম্য সম্পূর্ণ অপরিজ্ঞাত—

সেই উত্তর-প্রদেশে থাকিয়াও আমি তোমারি হৃদয়ভাস্তরে বাস করিতাম। সর্বদা—সর্বত্র আমি তোমারই ছিলাম।

“শৈশবে শঙ্কিত-পদে আমি তোমার গুত্র শিরস্রাণ-শোভিত সর্ব্বোচ্চ গিরি-শিখরে অধিরোহণ করিতাম। যেখানে পবন-দেব তাঁহার স্বাধীন পক্ষপুট প্রসারিত করেন, ঈগলেরা কোন্ দূরদেশ হইতে বিশ্রাম-লাঞ্ছের আশায় ছুটিয়া আসে,—আমিও মনে মনে আপনাকে তথায় উত্তোলিত করিয়া কল্পনাবশে তাহাদেরই একজন বিমানচারী সহচর হইয়া পড়িতাম।

“তারপর বিষাদে, বেদনায় কত বছর কাটিয়া গেল; আবার আসিয়া তোমার সহিত মিলিত হইলাম। আজন্মের সেই সুহৃদকে তুমি আবার সাদরে, সোল্লাসে আলিঙ্গন করিলে। সেই আলিঙ্গন আমার বিষাদে বিশ্বৃতি ঢালিয়া দিল,—বন্ধুর শ্রায় বন্ধুর বিলাপ-গীতির প্রতিধ্বনি করিল।

“আজ আবার, হে পৃথিবী-পতি! এই নিশীথে উপত্যকা-তলে দাঁড়াইয়া আমার সমস্ত চিন্তা ও সঙ্গাত তোমারই করে সমর্পণ করিতেছি।”

লারমন্টফের Demon (ভগবানের প্রতিদ্বন্দ্বা শক্তি) একটি অপূর্ণ সৃষ্টি। গ্যোটার (Goethe) Mephisto বা বায়রণের Lucifer-এর মতো লারমন্টফের Demon-এর মনে বিরাট প্রতিদ্বন্দ্বিতার বাসনা ছিল না। কিম্বা মিলটনের Satan-এর মতো “the study of revenge, immortal hate” তাহার মনে স্থান পায় নাই।

লারমন্টফের Demon স্বর্গ হইতে নির্বাসিত হইয়া এই মাটির পৃথিবীর উপর দিয়া যুগের পর যুগ ধরিয়া বিচরণ করিতে লাগিল। আকাশের দিকে চাহিয়া দেখিল—

“The caravans of wandering planets
Thrown into vastness.....”

মাটির দিকে চাহিয়া দেখিল—

“A carpet woven of rich splendour,
Luxurious vales of Grùzia’s land.

শ্রীমতেন্দ্র দাস

A blissful, brilliant nook of Earth !
 'Mid stately ancient pillared ruins,
 Relucent, gurgling rivulets run
 And ripple over motley pebbles ;
 Between them, rose-trees where the birds
 Sing love-songs, while the ivy girds
 The stems, and crowns the foliage-temples
 Of green chinara (১) ; and the herds
 Of timid red-deer seek the boon
 Of mountain eaves in saltry noon ;
 And sparkling life, and rustling leaves,
 And hum of voices hundred-toned,
 The sweetly breathing thousand plants,
 Voluptuous heat of skies sun-laden,
 Caressive dew of gorgeous night,
 And stars -as clear as eyes of maiden,
 As glance of Grúzian maiden bright !”

কোথাও দেখিতে পাইল—

“And golden clouds, due north, all day
 Flew rapidly along its way

From far-off southern countries roaming.

এমনি করিয়া ঘুরিয়া ঘুরিয়া বেড়ায়। কোনও দৃশ্য
 বা দেশই তাহার কাছে ভালো লাগে না,—

“And everything that met his eyes
 He did but hate, or else despise.”

এমনি করিয়া তাতে ঘুরিতে একদিন ককেশস্
 পর্বতের তলায় Gruzia প্রদেশের বহু প্রাচীন একটি
 বিরাট প্রাসাদ তাহার নজরে পড়ে। এই প্রাসাদে
 থাকে তামারা (Tamara)—এই মাটির পৃথিবীর সুন্দরী

প্রতিদিন যখন—

“The sun, behind a far-off mountain,
 Is half set in a sea of gold”—

(১) একরকম শাখাবহুল গাছ।

সেই রক্তগোধূলি-বেলায় তরুণী রূপসী তামারা—

“Her white veil fluttering down the path,
 Descends the steps and fetches water
 From clear Arárgva's (২) azure bath.”

তামারার প্রিয়তম থাকে দূর-দেশে।.....সেই দূর
 আজ কাছে আসিবে, পর আজ আপন হইবে! তামারার
 বিবাহের লগ্ন আসিয়াছে। দূত আসিয়া খবর দিয়াছে—
 তামারার প্রিয়তম বিবাহের জন্ত শোভাযাত্রা
 করিয়া আসিতেছে।

তামারা তাহার সঙ্গীদের লইয়া পাহাড়ের এক নির্জন
 উপত্যকায় এক বরণার ধারে নৃত্য করিতেছে! কারণ সে
 জানে,—

“It was the last time she would dance :
 To-morrow's morn would see her enter
 A different world: wedlock would bring
 The fate of servitude with it ;
 Gudál's sole heiress, Freedom's darling,
 She was to leave her home and dwelling,
 Meet stranger kinsmen—and submit.”

তামারার মুখের উপর কত বিচিত্র ভাবের ছায়াপাত
 হইতেছে! একবার তাহার সুন্দর মুখখানি অকারণে
 রক্ত-জ্বার মতো লাল হইয়া উঠিতেছে, পাতলা রঙীন
 ঠোঁট দুটি কী এক আবেগে কাঁপিয়া কাঁপিয়া উঠিতেছে—
 বুক হুলিতেছে; আবার কখনো বা একটা অজ্ঞাত
 আশঙ্কায় তাহার সুন্দর মুখখানি কালো হইয়া
 আসিতেছে। কিন্তু—

“ Yet were her movements so expressive,
 So stately, simple and caressive,
 That if the Demon were to fly
 Her way, and chance to gaze upon her,

(২) গ্রাজিয়া (Gruzia) প্রদেশের একটি নির্মলসলিলা
 স্রোতস্বিনী।



He'd to mind his former kin,
Would turn away and heave a sigh..."

ডিমন্ তাহাকে দেখিল। দেখিল, পৃথিবীর মাটিতে তাহার হৃত স্বর্গের পারিজাত আসিয়া ফুটিয়াছে—ফুটিয়া, রক্তে ফাটিয়া পাড়িতেছে! তামারার দিকে সে চাহিয়া রহিল। চোখে আর পলক পড়ে না.....নিঃশ্বাস যেন থামিয়া গিয়াছে!.....এই শুভ মুহূর্ত্তেই তাহার চোখের সম্মুখে পৃথিবীর রূপ যেন বদলাইয়া গেল।—

".....and at once
The silent desert of his spirit
Rang suddenly with joyful tones ;
And once again the sacred grandeur
Of Love and Good and Beauty shone
Within his soul. All gloom was gone."

দিনের কমলটি ধীরে ধীরে মুদিয়া আসিল—
".....The scarlet glow
Has left the sunmits' ice and snow ;
A fog has risen round the place."

তামারার প্রিয়তম আসিয়াছে। ঐ বরযাত্রীদের আগমন-ধ্বনি পর্বত-কন্দরে বাজিয়া উঠিল।—

"The impatient bridegroom, in great haste,
Has tired his steed : he cannot waste
A moment of his marriage feasting."

সহসা দূরে অসহায় কাতর-ধ্বনি উঠিল। কে যেন বিপন্ন হইয়া সাহায্যের জন্ত চীৎকার করিতেছে। বর সেই মুহূর্ত্তে কাহারো নিষেধ-বাক্য না শুনিয়া ঘোড়ায় চড়িয়া পাহাড়ের উপর ছুটিয়া গেল।

আর সে ফিরিয়া আসিল না।

ককেসসের আকাশচুম্বী চূড়ার পশ্চাতে সূর্য্য নামিয়া গেল। অন্ধকার তার কালো ডানা মেলিয়া সমস্ত উপত্যকা ঢাকিয়া ফেলিল।.....

বিবাহের উৎসব-মেলা ভাঙিয়া গেল।

"The festival is all confusion ;
The maidens weep. The castle yard
Is crowded full....."

তামারা তাহার শূত্র বাসর-শয্যায় এলাইয়া পড়িল। দুটি কাজল চোখে অশ্রুর শ্রাবণ নামিয়া আসিল।..... ওগো, তাহার প্রিয়তম তো প্রতিশ্রুতি পালন করিয়াছিল। মৃত্যুর দূত আসিয়া এমন অসময়ে তাহাকে ছিনাইয়া লইয়া গেল—সে কি করিবে? বিবাহের উৎসব-ক্ষেত্রের হুয়ারে তো সে আসিয়াছিল!.....আহা, চিরদিনের মতোই সে চলিয়া গেল বুঝি! আর সে ঘোড়ায় চড়িয়া শোভাযাত্রা করিয়া তামারাকে লইতে আসিবে না!—

"Her prince had kept his word, though slain,
And to his bridal feast had come.
Alas ! his life is gone for ever,
He mounts his steed never again !..."

বেদনার আঘাতে তামারার তরুণ হৃদয় ভাঙিয়া আসিল। জীবনের বেঁচে-থাকার সমস্ত সাধ-আকাঙ্ক্ষা যেন তাহার ফুরাইয়া গেছে।—

"Tamara, fallen on her bed,
Sobs with a lorn and piteous feeling.
Tear follows tear in painful fleetness,
Of grief she cannot have her fill..."

এমন সময় সে এক অপূর্ব কণ্ঠস্বর শুনিত পাইল, কে যেন স্বপ্নে তাহাকে স্বর্গের প্রলোভন দেখাইয়া বলিতেছে,—

"Withhold thy tears : they burn the colour
Of virgin cheeks, and dull thy view ;
They cannot bring to life the dead—
They are not drops of magic dew."

.....

"In the boundless azure ocean,
Without rudder, without sails,
Gently float in stately motion
Choirs of stars through misty ways,

শ্রীসত্যেন্দ্র দাস

“Cross the boundless fields of Heaven,
Moving leisurely through space,
Flocks of fleecy clouds evasive
Idly pass, and leave no trace.
Hour of meeting, hour of parting,
Are no joy or grief to them ;
Time to come begets no wishes,
Past finds no regret, with them...”

আমার সমস্ত শরীর হিম হইয়া আসিতেছে ! কোন্
মায়াবী এমন করিয়া স্বপ্ন-পথে আসিয়া তাহাকে
প্রলোভন দেখায় !—

একটু পরে আবার সে শুনিতে পাইল,—
As soon as night throws silky veiling
O'er Caucasus, and all the world
Grows still and fairy-like, bewitched
By Nature's magic wand and word ;
As soon as Zephyrs flutter shyly
Across the faded grass, and gaily
Flies out of it the lurking bird ;
As soon as under vine and maize
The flowers of night find dew, and raise
Unfolding petals with relief ;
As soon as from behind the mountains
The golden crescent glides, and steals
A glance upon thee furtively—
I shall fly down each night to thee,
Shall guard till dawn thy virgin slumber,
And on thy lashes dreams of amber
I'll waft, to woo them prettily.....”

তার কণ্ঠস্বর যেন নিশীথ-রাত্রির অন্ধকারে গলিয়া
গলিয়া পড়িতেছে । সে-স্বর আমার মনে এক সুরের
মায়াজাল বিস্তার করিল, তাহার অন্তরকে স্পর্শ করিল ।
সে চমকিয়া চাতিয়া দেখিল, এক বিষম ছায়ামূর্তি—স্বর্গবাসী
দেবতা সে নয়, এই মাটির পৃথিবীতে এক নির্বাসিত

ভিখারী, কী বেদনা-ভরা দৃষ্টি তাহার !...“সে যেন গ্রীষ্ম-
শেষের রক্ত-গোধূলি । দিনও নয়, রাতও নয়...আলোও
নয়, অন্ধকারও নয় !”

“He was like lucid summer twilight :

Not day, nor night ; not sun, nor gloom !”

প্রতি রাত্ৰিতে স্বপ্নের পথে সেই ছায়ামূর্তি আসিয়া
তামারাকে প্রেমের বাণী শুনায়—“তাহার কুমারী-সুপ্তির
দ্বারে প্রহরী হইয়া জাগিয়া থাকে,”—মুক্তি ভিক্ষা করে ।

তামারা এক দিন ব্যাকুল হইয়া পিতাকে বলিল,—

“I'm haunted with the dire poisonous dreams :

A hellish spirit has the power

Of torturing me with them, it seems.....

I'm perishing ! Have pity ! Send me

To humble nunnery's holy sway :

There I shall be in Saviour's keeping,

He will behold my grief and weeping ;

To Him I'll come in my dismay.

Life's joyance all is doomed so quelling.....

Beneath the holy church-towers boom

Let dusky cell become my dwelling,

My early grave and life-long tomb.”

তামারা ‘যৌবনে যোগিনী’ সাজিল—তামারা সন্ন্যাসিনী
হইল ।

কিন্তু সেই ভীষণ স্বপ্ন-দৃশ্যের হাত হইতে সে মুক্তি পাইল
না । সেখানেও সেই বিষাদ-মূর্তি, বেদনা-কাতর ছুটি চোখের
নীরব আকৃতি, সেই আর্ত কণ্ঠস্বর, সেই মুক্তি-ভিক্ষা !...
তামারা উপাসনায় বসিয়া সেই মুখ দেখিয়া চমকিয়া উঠে,
তাহার উপাসনা ভাঙিয়া যায়—ভগবানের কাছে তাহার
বাঞ্ছিত অন্তরাঙ্গার নিবেদন পাঠানো হয় না ! রাত্ৰিতে
নিদ্রায় যখন তামারার ছুটি চোখের পাতা ভারি হইয়া
আসে, সেই মিনতি-কাতর কণ্ঠস্বরে তাহার তন্দ্রা ছুটিয়া
যায় । ধূপ ধূনার স্নান-অন্ধকারে সহসা সন্ধ্যার তারার
মতো সে-মুখ ভাসিয়া উঠে—



“.....in the bluish haze of incense
He gently glimmered like a star.”

প্রকৃতির অপরূপ দৃশ্যসকল তাহার চোখের উপর দিয়া
ছায়ার মতো ভাসিয়া যায়,—

“Both near the nunnery and far
The glens and mountains spread in silence.
Pale purple-hued the snowy range,
Clear-cut against the sky ; and strange
And beautiful its evening change
Into a veil of gold and scarlet.”...

কিন্তু তামারার চোখে এসব সৌন্দর্যের মায়াজন বুলায়
না।

“In joys supreme no more takes part,
The world she sees by shadows marred;
In Nature all is cause for torment.
First rays of dawn, or midnight moment,
Both see her prostrate on the floor,
And sobing 'fore the holy ikon.”

তামারার প্রার্থনার সেই আর্জস্বর শুনিয়া রাত্রির পথিক
পথ চলিতে চলিতে চমকিয়া উঠে। মনে ভাবে—

“Is it a mountain spirit, chained
Within a cave, who thus is wailing ?”

পথিক ভগবানের নাম উচ্চারণ করিতে করিতে তাড়া-
তাড়ি সঙ্কুচিত্তে সে পথ পার হইয়া যায়।

নিশীথ রাত্রে সঙ্গীতের স্বর ডিমনের (Demon) কানে
আসিয়া বাজিল। সে চমকিয়া উঠিল। সে তো সঙ্গীত
নয়—যেন সুপ্তির অতল সাগর হইতে ভাসিয়া আসিল একটি
স্বরের শতদল!—

“...gently sounds, which flowed
In even streams, like tears of rare
Angelic tenderness a song
For earth in Heaven born and nourished...”
ডিমনের মনের ভিতরের একটা পর্দা যেন এই স্বরের

আঘাতে ছিঁড়িয়া গেল। ডিমন এই প্রথম বুঝিল, সে
ভালবাসিয়াছে.....

“Then first the Demon knew he loved ;
Knew how he yearned, and longed for love,
In sudden fear, he thought to fly...
But in that first, heart-rending anguish
His wing was stayed—he had no power !
And, marvel ! from his veiled eye
There dropped a tear... ..”

ডিমন ধীরে ধীরে তামারার কক্ষে প্রবেশ করে।

তামারা বলে, তুমি কে ? তোমার কথায় যে ভয় হয় !

“Oh, who art thou ? Thy words bring terror.

Who sent thee—Hell or Paradise ?

What wilt thou ? Tell me !”

ডিমন শুধু বলে, তুমি সুন্দর !

তামারা ব্যাকুল হইয়া আবার বলে, কিন্তু তুমি কে ?

বল—উত্তর দাও ?

ডিমন বলে,—

“I am he whose voice has made thee listen
Throughout the midnight's calm and rest ;
Whose thoughts have reached thee like a

whisper,

Whose vision through thy dreams would

glisten,

Whose sadness thou hast dimly guessed.”

‘সুন্দরের স্বর্গ হইতে নির্বাসিত আমি—আমি অভিশপ্ত,
আমি এই পৃথিবীর পরবাসী।’

“I am he whose glance all hope doth wither
As soon as hope begins to bloom...”

স্বর্গে-মর্ত্যে এমন কেউ নাই যে আমাকে ভালোবাসে।

“.....I am Nature's foe,

The world's despair, and Heaven's woe.”

তবুও আমি তোমাব পায়ে তলায় পূজার নৈবেদ্য
লইয়া আসিয়াছি—

শ্রীসত্যেন্দ্র দাস

“Yet at thy feet I worship thee !
I bring to thee my gentle prayer
Of love, my awe and sacred fears ;
I come to thee in earthly torture—
My first humility of tears.”

ওগো আমার ‘অন্ধকারের অন্তরের ধন,’ আমার সমস্ত
প্রাণ-মন তুমিই লইয়াছ। আজ আর ‘অনন্ত’ লইয়া আমি
কাল কাটাইতে পারি না,—মাটির পৃথিবীর একটি ক্ষুদ্র
প্রাণের মধ্যে আমার অন্তর বাসা বাঁধিয়াছে, নীড়ের বাথায়
আমার বুক ভরিয়া উঠিয়াছে! তোমাকে ছাড়া আমার
‘অনন্তে’ কি লাভ? “What is eternity without
thee?” তোমার এককণা দৃষ্টির প্রসাদ আজ আমাকে দাও—
এক টুকরা ভালোবাসা আমার মুক্তির জন্ত বায় কর।—

“Thou couldst restore me to the good
By a single word ! I gladly would,
Clad in thy holy love, appear
An angel new in radiance clear.”

আজ আমি তোমার দাক্ষিণ্যের দুয়ারে মুমূর্ষু ভিখারী।
আমি যে তোমায় ভালোবাসি !.....

তামার সমস্ত অন্তর কাঁপিয়া ওঠে! চীৎকার করিয়া
বলে, ওগো আমাকে তুমি ছাড়িয়া দাও—

“Oh, leave me, Spirit of Temptation !
Be silent, I’ll not believe !
Thou art my foe.....Alas ! I cannot
Pray any more. A fatal poison
Has pierced my weak and doubting mind...
Thou art my peril. Sounding kind,
Thy words are fire and destruction.....
Oh, tell me—why thou lovest me ?”

বলো—কেন তুমি আমাকে ভালোবাসো ?

ডিমন বলে, কেন ? কেন তোমাকে ভালোবাসি—
তাহা জানি না। কিন্তু ভালোবাসি—

“Inflamed with spirit new, I proudly
Down from my guilty head now throw

The wreath of thorns. I fling my woe,
My past—to dust. My paradise,
My hell, henceforth are in thine eyes !”

তুমি বুঝবে না মানবী, আমার বেদনা—আমার কুখা!
পৃথিবী-সৃষ্টির প্রথম দিন হইতে আমি তোমাকে চাহিয়াছি—

“Since first the earthly world began,
In my mind’s eye imprinted ever
Thine image seemed to fill the ether,
And through eternity it ran.
Thy name was sounding in my ears,
Confusing peace and contemplation.....”

তামারা বলে, তুমি স্বর্গের অভিশপ্ত, তোমার বেদনা-
বোধে আমার অন্তর সাদা দেয় না। তুমি ঈশ্বরের বিরুদ্ধে
পাপ.....

ডিমন বাধা দিয়া বলে, কিন্তু তোমার বিরুদ্ধে কোনো
পাপ করিয়াছি কি ?

আঃ, থামো। ওরা শুনতে পাবে—

না। আমরা এখানে একলা।

ভগবানও কি নেই ?

তিনি আমাদের দিকে চাহিবেন না। তিনি তাঁহার
স্বর্গ লইয়াই বাস্তব আছেন, কারণ, স্বর্গ আরো সুন্দর !

তামারা চীৎকার করিয়া বলে, কিন্তু নরক ?—

“But Hell ? But punishment and

tortures ?”...

ডিমন বলে, আমি তাহা গ্রাহ্য করি না। তুমি তো
আমার হইবে ! ..আমি চাই মুক্তি...এই অনন্ত বেদনা থেকে
মুক্তি, সে-মুক্তি আছে তোমার অতল কাজল-চোখে।
একলা আমি ভগবানের ক্রমা পাইব না, তুমি আসিলে
আমার স্বর্গের দুয়ার আবার মুক্ত হইবে।

তামারা কিছুকণ ভাবে। তারপর মোহাবিষ্টার মতো
বলে, আমার চিন্তা সব মোহাচ্ছন্ন হইয়া গেছে। আমি
কিছু বুঝি না. এতো প্রতারণা নয় ?

ডিমন বলে, সৃষ্টির প্রথম উবার নামে শপথ
করিতেছি—



“I swear by dawn of the Creation,
By the decay of earthly sooth,
By the disgrace of Crime and evil,
And by the triumph of the Truth.

.....
I swear by Hell, I swear by Heaven,
I swear by sacredness, by thee,
Thy latest look my soul enslaving,
Thy first and guileless tear for me ;
By breath from lips so pure and ireless,
‘Thy silky tresses’ wave and shine,
I swear by suffering, elation,
And by my love for thee, divine.”

আমি আমার বেদনা দিয়া শপথ করিতেছি...হে আমার
অন্তরলোকচারিণী, তোমাকে আমার সর্বস্ব সমর্পণ করিলাম,
আমি চাই তোমার প্রেম ।...তুমি দাও একটি মুহূর্ত—আমি
দিব অনন্তকে তোমার কণ্ঠহার করিয়া ।

“A host of spirits in my service
I’ll bring, obedient, to thy feet ;
Crowds of ethereal fairy-maidens
Will wait, thy every wish to meet.
The Crown which Evening Star is wearing
I’ll tear from her, and crown thy head ;
I’ll take the dew from evening flowers
To shine on it in diamonds’ stead ;
I’ll take a sunset ray of scarlet,
And gird thee with its ribbon light ;
I’ll saturate the air around thee
With purest fragrance of the night...”

‘সন্ধ্যা-তারার মায়া-মুকুট ছিনাইয়া আনিয়া তোমার
মাথায় পরাইয়া দিব, আকাশ হইতে যে-শিশির পৃথিবীর
ফুলে বরিয়া পড়ে—তাহা কুড়াইয়া তোমার মুকুটের হীরার
পাশে বসাইয়া দিব, সূর্যাস্তের শেষ রক্ত-রেখাটুকু লইয়া
তোমার কটিদেশ বেড়িয়া পরাইব—রাত্রির সুবাসে তোমার

কেশকে সুবাসিত করিব...তুমি দাও শুধু একটি মুহূর্ত একটি
স্বপন চুষনের পাত্রে...’

‘তোমার ওষ্ঠ নড়িয়া উঠিল। ছায়া-মুক্তির অধর তোমার
অধর স্পর্শ করিল। একটি মুহূর্ত! জীবন ও মৃত্যুর সংঘর্ষের
মতো রহস্যময় শব্দ জাগিয়া উঠিল!’

তোমার পৃথিবীর জীবন সেই একটি মুহূর্তেই নিঃশেষে
ফুরাইয়া গেল ।...

“But all was peace again, quiescence
Betraying only rustling leaves
And whisper of the brook that weaves
Itself into the mountain cleft...”

৯

১৮৩৮ খৃষ্টাব্দে কবির *Duma* (A thought) কাব্য
প্রকাশিত হয়। এই কবিতায় কবির সমসাময়িকদের প্রতি
তাঁহার মনোভাব অনেক জায়গায় ব্যক্ত হইয়াছে। তা’ছাড়া
—“as a piece of art it occupies a high place in
Russian literature and it is the severest verdicts
on one’s own generation one could possibly
imagine.” (Wilfrid Blair)। তাঁহার রোমাটিক
কাব্য *The Demon*-এর সঙ্গে এই pessimistic কাব্য
Duma-র একটা চমৎকার মিল আছে। এই দুই কাব্যেই
মানবের দুঃখ-বোধের গভীরতার ভিতর দিয়া জীবনের
রহস্যকে খুঁজিয়া বাহির করিবার প্রয়াস আছে।—আর
আছে, জীবনের অদম্য পিপাসা—জীবনকে শত আঘাত
বেদনা-নৈরাশ্রের ভিতর দিয়াও একটি অনাবিল মাধুর্য্য ও
অক্ষত মহিমায় সফল করিয়া তোলা—...*Duma*-র শেষের
দিকে আমরা পাই,—

“There’s no one with whom to shake
hands at the hour of heart’s pain ;
All’s solitude, dulness, and sadness.
Desires ? What’s the use of e’er wishing
and longing in vain ?
While years fly, the last years of youth
with its gladness.



পাহাড়ী ছাগল

শিল্পী—শ্রীমণিপ্রধান
(নেপালী চিত্রকর)



বৈশাখ, ১৩৩৬

শ্রীমতোক্স দাস

To love ? But love whom ? To love just
for a time is worth naught ;
Eternity love cannot follow.

Look inward : all trace of the past with
oblivion is fraught—

Both torments and joys, all is worthless
and hollow.

What's passion ? 'tis sure, soon or late
its sweet ailment will fly,

When reason's assertion is heareth...

And as one looks round with attentive and
passionless eye,

A silly and meaningless joke life appeareth."

ইহার পরে ১৮৪১ খৃষ্টাব্দে কবির গল্প উপন্যাস *The Hero of our Own Times* প্রকাশিত হয়। ইহাই "the first psychological novel that appeared in Russia." এই উপন্যাসের নায়ক Pechorin-এর চরিত্র কবির নিজের জীবনের সঙ্গে একবারে খাপ খাইয়া যায়। নিজের মনের বেদনাকে রূপ দিতে গিয়া তাঁহার সৃষ্টির মধ্যে তিনি নিজেকেই দাঁড় করাইয়া দিয়াছেন।...জীবনের নিষ্ফল ও সংকুল প্রেমের গভীর দুঃখের কথা কবি কত না বিচিত্র ভাবে ও ভাষায় পাঠকের চোখের সমুখে মেলিয়া ধরিয়াছেন। তিনি যেন গৃহ, সমাজ ও জগৎকে এক অদ্ভুত দৃষ্টিতে দেখিয়া, নিজের ও আমাদের অন্তঃসীড়ার নিগূঢ় তত্ত্বটি বাহির করিয়া দিয়াছেন! অবিচলিত সদাজাগ্রত আবেগ ও চেতনার জ্ঞান তিনি ঐকাল রুশ-মনের মহলে অমর হইয়া থাকিবেন।

১০

এই সময় কবি অসুস্থতানিবন্ধন, চিকিৎসকের পরামর্শে ছুটি লইয়া প্যাতিগরস্কের সৈনিক-আশ্রমে অবস্থান করিতে ছিলেন। বাইওভেজ্ নায়ী এক মহিলার প্রণয় লইয়া তাঁহার

সহিত মেজর মাটিনফ্ নামক আর এক সৈনিকের কতকটা ঈর্ষার ভাব চলিতেছিল। কবি মাটিনফ্কে দেখিতে পারিতেন না। তাহার সম্বন্ধে নানাপ্রকার ব্যক্তিগত কুৎসারটাইয়া তাহাকে বাইওভেজের নিকট হীন ও অপদস্থ করিতে চেষ্টা করিতেন। কলহটা ক্রমশ বিলক্ষণ পাকিয়া উঠিল, এবং শেষ পর্য্যন্ত একটা 'ডুয়েল' অপরিহার্য হইয়া পড়িল। বন্ধুগণের সহস্র আয়াস ও সাবধানতা সত্ত্বেও উভয়ে একদিন মিলিত হইলেন।...এই 'ডুয়েলে' কবি মাত্র সাতাশ বৎসর বয়সে মৃত্যুমুখে পতিত হন।...মৃত্যুর পর তাঁহার পকেটে একটা সুবর্ণহার দৃষ্ট হয়। গুলির আঘাতে হারটি ছিন্ন ও রক্তাক্ত হইয়া গেছে।...কবি তাঁহার প্রণয়িনীর নিকট হইতে পূর্কদিন উহা চাহিয়া লইয়াছিলেন।

লার্মন্টফের জীবনে দুঃখ-বেদনার আবির্ভাবের মধ্যে সৌন্দর্য্যই সত্য—এই তত্ত্বটি সোনার পদ্যের মতো ফুটিয়াছিল। তাঁহার কাছে বহিঃসৌন্দর্য্য বা অন্তঃসৌন্দর্য্যের কোথাও একটুকু ফাঁক পড়িবার জো নাই।...বাস্তবের পৃথিবীতে সৌন্দর্য্যের স্বর্গ সৃষ্টি করাই আর্টিষ্টের কাজ—তাই তিনি তাঁহার প্রত্যেকটি লাইন পদলালিত্যে, উপমামাধুর্য্যে ও ভঙ্গীর সরসতায় অপূর্ণ করিয়া তুলিয়াছেন।

সাহিত্যিকের মনের উপর যুগের বা দেশের প্রভাব থাকে না—এমন নয়। লার্মন্টফের মনের উপরেও সে প্রভাব ছিল। কারণ, আমরা সাধারণত দেখিতে পাই—কোনো দেশের কবির 'কল্পনার ফানুস', সেই যুগের এবং সেই দেশের নরনারীর জীবনের সমস্তার ধোঁয়াতেই পূর্ণ,—তাঁহার রস-সৃষ্টির মাল-মশলা সেই যুগেরই কথা।

কিন্তু কোনো বিশেষ যুগের, বিশেষ দেশের কথা রসবস্ত হইয়া ওঠে তখন, যখন তাহার সহিত অনন্ত যুগের, অনন্ত দেশের—অনন্ত মানব-মনের যোগ থাকে।

লার্মন্টফের কাব্যে এই যোগ সূত্রটুকু আছে বলিয়াই বিশ্বের সঙ্গে তরুণ-বাঙালীর মনও আজ তাঁহার কাব্যে সাড়া দিয়া উঠিয়াছে।

প্রতীক্ষা

-গল্প-

—শ্রীসমীরেন্দ্র মুখোপাধ্যায়

সলিলের প্রভূত অর্থ ছিল না বটে, কিন্তু তাহার সংসারে কোন দুঃখ ছিল না। সংসারে সে আর তাহার অতি আদরের ভাৰ্গ্যা মণিকা। তাহাদের সম্বানাদি নাই। সলিল যা মাহিনা পাইত স্নেহে স্বচ্ছন্দ চলিয়া যাইত। দুইটি তরুণ তরুণী দিবানিশি পরস্পরের প্রেমে ভরপুর হইয়া থাকিত। এবার পূজার সময় কোথায় বেড়াইতে যাওয়া হইবে ইহা লইয়াই সেদিন সকালে স্বামী স্ত্রীর ভিতর তর্ক চলিতেছিল।

মণিকা অভিমানিনী। সে যে জায়গার নাম বলিতেছে তাহাই সলিল 'না' বলিতেছে বলিয়া সেও সলিল যে জায়গা বলিতেছে তাহা মনঃপূত করিতেছে না। মণিকার পিতা পশ্চিম চাকুরী করিতেন বলিয়া মণিকা অনেক দেশ দেখিয়াছিল; সে জন্ত একটা সম্পূর্ণ নূতন জায়গা বাহির করিতে সলিলকে বেশ বেগ পাইতে হইতেছিল। শেষে বিরক্ত হইয়া সলিল বলিল, “দূর হোক গে, তা হ'লে তো দেখছি বিলেতে নিয়ে যেতে হয় বেড়াতে।”

মণিকা থিল্ থিল্ করিয়া হাসিয়া বলিল—“ওগো মশাই, আমি কি সে বরাত করেছি।”

সলিল বলিল, “উঃ, বরাত করলে তবে। বিলেতটা যে দেখছি তোমার কাছে মহাতীর্থ হ'য়ে দাঁড়াল।”

মণিকা জবাব দিল—“হবে না? তোমার মনিবের দেশ—তমসার তীরে নন্দন-নগরী। যাক্ ওসব কথা, এখন কোথায় যাবে ঠিক কর।”

আবার আরম্ভ হইল—“কাশী?”—“না।” “গয়া?” “পিণ্ডি দেবার দরকার নেই।”

“এলাহাবাদ?” “দেখে চোখ প'চে গেছে।”

সলিল এবার নিরুপায়ের মত বলিল, “আমি ত আর বাপু পারি না। যা হক্, এবার লটারী কর। চোখ বুজে

এই জায়গার লিষ্টে যে জায়গার নামের উপর আঙুল দেবে সেই জায়গায় যাব।”

স্থান-নির্বাচনের নূতন রকম ব্যবস্থা দেখিয়া মণিকা খুসী হইয়া চোখ বন্ধ করিয়া আঙুল রাখিল। স্থান নির্বাচিত হইল গোরক্ষপুর। উভয়েই মহাখুসী; নূতন জায়গা কেহ দেখে নাই; তাহার উপর বেশ দূর।

তাহার পর জিনিষপত্র গুছাইবার পালা। মণিকা নিপুণা গৃহিণী, সে সারাদিন ধরিয়া সংসারের যাবতীয় প্রয়োজনীয় জিনিষ গুছাইয়া লইতেছিল। নূতন জায়গা, একমাস থাকিতে হইবে। সলিল মুগ্ধ হইয়া এই কস্মপটু গৃহিণীর দিকে চাহিয়া থাকে। তাহার সংসারের মূর্তিমতী শাস্তি। যাহা পাইয়াছে তাহা লইয়াই ভরপুর খুসী। যাহা পায় নাই তাহা পাইবার আগ্রহও নাই। তাহার সুন্দর মুখ সারাদিনের পরিশ্রমে রান্ধা হইয়া উঠিয়াছে, তাহার এলায়িত কেশরাশি পিঠ ছাপাইয়া পড়িয়াছে, তবু তার আয়ত নেত্র দুটি খুসীতে উজ্জ্বল, শাস্তিতে ভরপুর। সংসার-স্বথের পরিপূর্ণ আনন্দে এই তরুণীটি যেন নিজেকে আত্মহারা করিয়া ফেলিয়াছিল।

সপ্তমীর দিন তাহারা রওয়ানা হইল।

রাত্রি দশটার সময় বারাণসীতে গাড়ী বদল করিবার সময় সলিল দেখিল পুরুষের গাড়ীতে অত্যন্ত ভিড়,—বিশেষ অশিক্ষিত হিন্দুস্থানী লোকের। তাই মণিকাকে সে মেয়েদের গাড়ীতে দিল। গাড়ীতে অল্প স্ত্রীলোক ছিল না, শুধু একটি নেপালী স্ত্রীলোক চুপ করিয়া শুইয়াছিল। সে নাকি নারকাটিয়াগঞ্জে যাইবে।

গাড়ী চলিল, রাত্রির জমাট অন্ধকার ভেদ করিয়া নিস্তর প্রকৃতির নৈশ নীরবতা আলোড়িত করিয়া চলিল, দূরে

ত্রীসমীরেস্ত্র মুখোপাধ্যায়

দূরান্তরে,—কুক দৈত্যের মত, বাধিত অজগরের মত গর্জন করিতে করিতে, বহু ছড়াইতে ছড়াইতে। রাজি গভীর, স্থান নির্জন, এক একটি বৃহৎ ষ্টেশন শ্মশানের মত শূন্য, জনহীন। গাড়ী মাঝে মাঝে থামে আবার চলে, যাত্রীরা নিদ্রায় আচ্ছন্ন। গোরক্ষপুর পৌঁছবার কিছু আগে কুম্মীর জঙ্গল। গাড়ী অবিশ্রাম ছুটিয়াছে, তাহার উদ্দাম কলরোল ভেদ করিয়া সলিলের ঘূমের মধ্যে কোন দূর হইতে যেন একটা চাপা কান্নার আওয়াজ হঠাৎ আসিয়াই তখনি মিলাইয়া গেল। চারিদিক ঘোর অন্ধকার; দীর্ঘ শালগাছ গুলি দৈত্যসেনার মত সারি বাঁধিয়া দাঁড়াইয়া আছে,—দীর্ঘ বিশাল। কুম্মীর জঙ্গলে প্রবেশ করিবার মুখে গাড়ী একটুখানি থামিয়া আবার চলিল।

কুম্মী একটি ছোট ষ্টেশন। সেখানে মিনিট দুই গাড়ী থামে। গাড়ী থামিলেই সলিল ছুটিল মণিকার গাড়ীর দিকে। গাড়ীতে মণিকা নাই, সেই নেপালী স্ত্রীলোকটিও অন্তর্দান। জিনিষপত্র চতুর্দিকে ছড়ানো বিপর্যাস্ত; দেখিলেই মনে হয় এখানে একটি মল্লযুদ্ধ হইয়া গিয়াছে।

সলিল চীৎকার করিয়া উঠিল। বিপদ হইয়াছে মনে করিয়া গাড়ী হইতে কয়েকটি লোক নামিয়া পড়িল। ষ্টেশন-মাষ্টার একটি ধূমায়িত লণ্ঠন হাতে করিয়া ছুটিয়া আসিল। বাপার কি? সলিল উত্তেজিত হইয়া সমস্ত বলিল। কেহ কেহ মণিকাকে একা রাখার জন্ত সলিলকে ধিক্কার দিল। কহিল—এ অঞ্চলের গাড়ীতে একরূপ বিপদ লাগিয়াই আছে। বিশেষ পাহাড়ী স্ত্রীলোকরা নানারূপ কৌশল করিয়া সুন্দরী মেয়েদের ধরিয়া বিক্রয় করিয়া জীবিকা নির্বাহ করে। নিশ্চয় কুম্মীর জঙ্গলে লুকাইয়া আছে, সকাল হইলেই ধরা পড়িবে। কিন্তু সলিল প্রভাতের অপেক্ষা করিতে পারিল না। পাগলের মত জঙ্গলের দিকে ছুটিল। হু'একজন বাধা দিয়া বলিল—“করেন কি, এই রাত্রে, অত জঙ্গলে!” কিন্তু সলিল তাহাদের ঠেলিয়া দিয়া ছুটিয়া চলিল। ষ্টেশন-মাষ্টারটি বৃদ্ধ, সলিলের অবস্থা দেখিয়া তাহার দয়া হইয়াছিল; সে পিছনে পিছনে গিয়া লণ্ঠনটি সলিলের হাতে দিয়া বলিল, “বাবুজী, এই বাতিটা নিয়ে যাও।”

সলিল আবার ছুটিল। ষ্টেশন ছাড়াইয়া জঙ্গলে প্রবেশ করিলে চীৎকার করিয়া ডাকিল, “মণিকা!” কেহ উত্তর দিল না। শুধু নিস্তব্ধ বনানী চকিত করিয়া আর্ন্ত প্রতিধ্বনি ছুটিয়া চলিল বন হইতে বনান্তরে। আবার ডাকিল “মণিকা”, উত্তর নাই। শুধু সেই নিষ্ঠুর তাঁঙ্গ প্রতিধ্বনি তাহার বাধিত হৃদয়ে আসিয়া আঘাত দেয়, সমস্ত বনভূমিকে একটা অসীম ক্রন্দনসুরে দ্রবীভূত করিয়া ফেলে। মেঘলোক পর্যাস্ত বৃষ্টি সে আর্ন্তস্বর পৌঁছায়, বার্থ হইয়া ফিরিয়া আসে। কেহ তাহার উত্তর সাদরে ফিরাইয়া দিয়া বলে না, “ওগো এই যে আমি।” কুম্মীর সুবৃহৎ জঙ্গল তেমনি নিষ্ঠুর নীরবতায়, নৈশ-তিমিরে কলেবর আবৃত করিয়া দাঁড়াইয়া রহিল, শুধু সলিল প্রিয়াহারা সীতাপতির মত বার্থ অন্বেষণে রজনী কাটাইয়া দিল।

৩

তাহার পর অনেক দিন কাটিয়া গিয়াছে। সলিল মণিকার অনেক ভ্রমণ করিল। পুলিশে খবর দিল, কাগজে বিজ্ঞাপন দিল, কিন্তু কিছুই হইল না। মণিকার বা সেই নেপালী স্ত্রীলোকটার কোন সন্ধান পাওয়া গেল না। তাহার পর আরও অনেক দিন কাটিল। সে পুরাতন ক্ষত সময়ের নিপুণ প্রলেপে ধীরে ধীরে পূর্ণ হইয়া সারিয়া গেল। ভাঙা সংসার আবার নূতন করিয়া গড়িয়া তোলা হইল। সাধারণ মানুষের জীবন-স্রোত যেমন একটানা হয় এও তেমনি হইল। কোথাও বাতিক্রম নাই, কোথাও বৈচিত্র্য নাই। নিবিড় হৃৎকের তারে মানবের জীবন-বীণা বাঁধা, হৃৎকের রাগিণী তাহাতে সহজে বাজে না, কিন্তু যখন বাজে তখন ক'জন মানুষ তাহাকে ছাড়িয়া, হৃৎকের পূজারী হইয়া থাকিতে চায়? সলিলও চাহে নাই। তাই তাহার নূতন সংসার, নূতন সঙ্গিনী, নূতন সুখ। আজ সলিলকে দেখিলে মনে হয় না যে, এরই জীবনের উপর দিয়া এক অশুভ মুহূর্ত্তে বিষাদের একটা প্রলয়-প্রাবন বহিয়া গিয়াছে। আজ তাহার তরুণী স্ত্রী শৈল, তাহার আদরের তনয়া মঞ্জু। তাহার কোন ক্লোভ নাই। কোন ক্লোভ যেন তাহার কোনদিন ছিল না।



মঞ্জু চার বৎসরের বালিকা। বড় সুন্দরী। সারাদিন তাহার কলকণ্ঠে বাড়ীটি মুখরিত হইয়া থাকে। স্বামী স্ত্রী তাহাকে কেন্দ্র করিয়া জীবনের মধুচক্র রচনা করিয়াছিল।

সেদিন বৈকাল বেলায় সলিল বেড়াইতে বাহির হইয়াছিল। শৈল রান্নাঘরে বসিয়া লুচি বেলিতেছে, এমন সময় মঞ্জু হাঁপাইতে হাঁপাইতে ছুটিয়া আসিয়া বলিল, “মা তুমি মা, কি ছুটু।” মঞ্জু বিলক্ষণ ভয় পাইয়াছিল। শৈল তাড়াতাড়ি তাহাকে বুকের কাছে টানিয়া লইয়া কহিল, “কি হয়েছে মঞ্জু, ভয় পেয়েছিস কেন রে? কে ছুটু?” মঞ্জু চোখছুটি বড় বড় করিয়া বলিল, “ঔ ভিক্ষেউলিটা মা। আমায় ধ’রে চুমু খেলে, যদি ঝালির ভেতর পুরে নিত তখন!”

শৈল বাস্তব হইয়া কহিল, “কে ভিখারী মেয়ে চল ত দেখি। ও বামুন-দি, মঞ্জুর মুখটা ধুয়ে দে না ভাই। কি জানি কে চুমু খেলে? তুই বা দস্তি মেয়ে কি করছিলি বাইরে?”

শৈল বাহিরে আসিয়া দেখিল সত্যি একজন ভিখারিণী। পরশে গেরুয়া কাপড়। মাথায় কাল চুলগুলি জটা পাকাইয়া পিঠের উপর পড়িয়াছে। সমস্ত মুখে পোড়া দাগ। দেখিলে মনে হয় যেন মুখের সমস্ত সৌন্দর্যকে তিলে তিলে দগ্ধ করিয়া ফেলা হইয়াছে,—হয়ত বা রূপলোলুপ হিংস্র নরপিশাচদের হাত হইতে আত্মরক্ষার জন্ত। হঠাৎ সে মুখ দেখিলে ভয় হয়, আতঙ্ক হয়, কিন্তু রূপ-রসিকের কাছে তাহার অনুপম নয়ন দুটির মধুরিমা যেন আজও ধরা পড়িয়া যায়। তাহাদের রূপ সে লুকাইতে পারে নাই।

একে বৈকালে গৃহস্থ বাড়ীতে ভিক্ষা দিতে নাই, তাহার উপর কণ্ঠকে চুষন করার জন্ত শৈল বিরক্ত হইয়াছিল, কিন্তু কিছু বলিতে পারিল না। ভিখারিণীকে দেখিয়া যেন তাহার মনটা কেমন করিয়া উঠিল। মনে হইল ওর যেন কেহ নাই, ও যেন বড় দুঃখিনী। কিন্তু হয়ত চিরদিন অমন দুঃখিনী ছিল না। সে ভিক্ষা দিল। ভিখারিণী একবার করুণ নেত্রে তাহার দিকে চাহিয়া দ্রুত প্রস্থান করিল।

শৈলর মনে হইল মেয়েটা বোধ হয় পাগল, হয়ত সস্তানের শোকে অম্মনি করিয়া ঘুরিয়া বেড়ায়, পরের মেয়ে দেখিলে উহার স্নেহের উৎস বাধা মানে না, উথলাইয়া উঠে।

সন্ধ্যার পর যখন সলিল খাইতে বসিল তখন একথা সে কথার পর শৈল বলিল, “দেখো আজ একটা বড় মজার পাগলী এসেছিল।”

সলিল বলিল, “মজার পাগলী কি রকম?”

শৈল কহিল, “কি জানি, কি রকম ভাসা ভাসা চাহনি, কোন কথা বলে না,—আর দেখ মঞ্জুটাকে জড়িয়ে ধ’রে চুমু খেয়ে গেছে।”

সলিল আশ্চর্য হইয়া বলিল, “মঞ্জুকে কেন ভিখারীতে চুমু খেলে?” কিন্তু কথাটা বলিয়াই তাহার স্মৃতির অর্গলটা যেন হঠাৎ টুটিয়া গেল। এ কোন ভিখারিণী যে তাহার কণ্ঠকে চুষন করার স্পর্শ রাখে! তাই আগ্রহে জিজ্ঞাসা করিল, “আচ্ছা শৈল, তার চোখ ছটো কি খুব টানা টানা?”

শৈল বলিল, “হ্যাঁ, হ্যাঁ। বড় সুন্দর, ভাসা ভাসা। তুমি দেখেছ বুঝি?”

কৌণস্বরে সলিল বলিল, “দেখিনি, তবে যদি দেখতে পেতুম শৈল।” তাহার চীৎকার করিয়া কাঁদিতে ইচ্ছা করিতেছিল। তাহার আর খাওয়া হইল না, রাত্রে ঘুম হইল না। তাহার সমস্ত মন সেই অপরাহ্ন বেলার আগমনের জন্ত প্রতীক্ষা করিয়া রহিল।

ভিখারিণী আর আসিল না। কিন্তু সলিল আশা ছাড়িল না। প্রতিদিন অপরাহ্নে সে চূপ করিয়া পথের দিকে চাহিয়া বসিয়া থাকে। তাহার বৈড়ান বন্ধ, তাহার বন্ধু-বান্ধবদের সহিত দেখাশুনা সব ত্যাগ করিল। শৈল কত বুঝাইল, কাঁদিল, কিন্তু যতই দিন যাইতে লাগিল, ততই যেন সলিল বেশী করিয়া তাহার প্রতীক্ষায় রহিল। তাহার অপেক্ষায় এতদিনে সে থাকে নাই, কিন্তু এবার থাকিতেই হইবে। কেন না হয়ত মণিকা আবার আসিবে।

সঙ্গীতে হারমোনীয়মের স্থান

শ্রীমণিলাল সেন

গান শিখিবার জন্ম আজকাল সকলেই প্রথমে একটি হারমোনীয়ম কিনিয়া থাকেন। কিন্তু এই যন্ত্রটি কিরূপ, এবং ইহা সঙ্গীতের পক্ষে কতদূর উপযোগী তাহা অনেকেই জানেন না। বস্তুত হারমোনীয়ম সঙ্গীতের পক্ষে উপকারী নহে, বরং সম্পূর্ণ অপকারী। এই প্রবন্ধে প্রাচ্য ও পাশ্চাত্য সঙ্গীতজ্ঞদিগের অনেকগুলি মত উদ্ধৃত করিয়া তাহা বুঝাইবার চেষ্টা করিব।

প্রত্যেক সঙ্গীতজ্ঞ মাত্রেই জানেন যে, “স” হইতে “র” চড়া, “র” হইতে “গ” চড়া; এইরূপ প্রত্যেকটি সুরই (note) ঈষৎ চড়া হইয়া গিয়াছে। পাশ্চাত্য মনীষাগণ আবিষ্কার করিয়াছেন যে, যদি স্বাভাবিক স্বরগ্রামে (natural scale) “স” হইতে “র” সুরের অন্তরকে (interval-কে) ৯ ধরা হয় তবে “র” হইতে “গ” ৮ হইবে। আবার “গ” হইতে “ম”-এর অন্তর ৫ হইবে। এইরূপ “ম” হইতে “প” ৯, “প” হইতে “ধ” ৮, “ধ” হইতে “ন” ৯, ও “ন” হইতে চড়া “স” ৫ হইবে। অর্থাৎ যদি এক অষ্টককে (octave) ৫৩ সূক্ষ্ম অংশে ভাগ করা যায় তবে সুরগুলির অন্তর নিম্নলিখিত মত হইবে—

। ৯ । ৮ । ৫ । ৯ । ৮ । ৯ । ৫ ।
স র গ ম প ধ ন স

কিন্তু হারমোনীয়ম, অর্গেন ও পিয়ানো প্রভৃতি চাবিযুক্ত যন্ত্রের (keyed instruments-এর) সুরগুলি এইরূপ নহে। কোন কোন কারণে ইহাদের সুরগুলি কৃত্রিম (tempered scale) করিতে হইয়াছে। স্বাভাবিক স্বর-অন্তর তিন শ্রেণীভুক্ত; ৯ অন্তর, ৮ অন্তর ও ৫ অন্তর। কিন্তু চাবি-ওয়াল যন্ত্রগুলির অন্তর দুই-ভাগে বিভক্ত। যথা:—

। ৮^১ । ৮^১ । ৪^১ । ৮^১ । ৮^১ । ৮^১ । ৪^১ । ৪^১ ।

স র গ ম প ধ ন স

যদি ৮^১কে ১ ধরা হয় তবে

। ১ । ১ । ২ । ১ । ১ । ১ । ২ ।

আবার উপরিলিখিত যন্ত্রগুলিকে ৮^১ অন্তরকে সমান সমান দুইভাগে বিভক্ত করিয়া কড়ি কোমলের সুর (semi-tones) করা হইয়াছে। কাজেই যে কোন একটি চাবি হইতে চড়ায় বা খাদে ৪^১ অন্তর পরে পরে এক একটি সুর পাওয়া যায়। কিন্তু ইহা সঙ্গীতের দিক দিয়া দেখিতে গেলে একেবারেই বিজ্ঞানসম্মত নয়।

তারযন্ত্রের (stringed instrument) খরজ পরিবর্তন (scale change) করিতে প্রথমে প্রধান (main) তারটির সুর খাদ বা চড়ায় বাধিয়া লওয়া হয়, এবং সঙ্গে সঙ্গে আর কয়েকটি তার সেই সুরের অনুপাতে খাদ বা চড়ায় বাধিতে হয়। মনে করুন একটি গানের বৈঠকে সেতার, এস্রাজ, সারেন্জী ইত্যাদি তারযন্ত্র দিয়া যদি গায়কের সঙ্গে সঙ্গত করা হয়, তবে, যত জন গায়ক হইবে প্রায় প্রত্যেক গায়কের জন্মই খরজ পরিবর্তন করিতে হইবে। কারণ সকলের গলার উচ্চতা (pitch) একরূপ নয়, কাহারো বা খাদে কাহারো বা চড়ায় থাকে। আবার যন্ত্রটিতে যে সুর বাধা থাকিবে সেই সুরেই বাধিয়া যদি “র” বা “গ”কে “স”-বৎ ধরিয়া গাওয়া হয় তবে প্রতি পর্দা অল্প-বিস্তর নাড়িতে হয়। “র” সুরকে “স” ধরিলে সূক্ষ্ম স্বর অন্তর ভেদে “গ” সুর তাহার “র” হয় না। কারণ “র” হইতে “গ”এর অন্তর সংখ্যা ৮, কিন্তু “স” হইতে “র”এর অন্তর সংখ্যা ৯ হওয়াতে “গ”কে আরো এক অন্তর (degree) চড়া করিয়া লইলে তবে ঠিক সুর পাওয়া যায়। এইরূপ উপরোক্ত কারণে প্রতি পর্দা নাড়িবার প্রয়োজন হইয়া উঠে। এই জন্মই তারযন্ত্রের তারগুলিকে খাদে বা চড়ায় বাধিয়া খরজ পরিবর্তন করা হয়।

হারমোনীয়মে যদি স্বাভাবিক স্বরগ্রাম (natural scale) অনুযায়ী সুর করা হইত, তাহা হইলেও উপরোক্ত বিভ্রাট ঘটিত। অর্থাৎ “র” (note ‘1’) সুরকে “ন” ধরা হইলে



“গ” ইহার স্বাভাবিক “র” হইত না। তারযন্ত্রে পর্দাগুলি টলা ভাবে বাধা থাকে বলিয়া ইহাতে যদি “র”কেই “স” ধরিতে হয় তবে ইহার পর্দাগুলিকে এদিক ওদিক নাড়িয়া স্বাভাবিক সুর পাওয়া যায়, অবশ্য একটু সময়ের দরকার হয়। কিন্তু হারমোনিয়মের চাবিগুলি fixed হওয়াতে সেগুলিকে নাড়িবার উপায়ই নাই। অবশ্য এই খরজ পরিবর্তনের সুবিধার জন্ত, অর্থাৎ প্রত্যেকেই যেন গলার সঙ্গে কতক মিলাইয়া লইতে পারে এই জন্ত হারমোনিয়মের সুরগুলি tempered gamut করা হইয়াছে। ইহাতে যদিও ইহার সাদা বা কাল চাবীর যে কোন একটিকে “স”-বৎ ধরিয়া অনায়াসে বাজাইতে পারা যায়, কিন্তু এক অষ্টকের (octave এর) দুইটি “স” সুর ছাড়া অল্প সব কয়টি সুরই অল্পবিস্তর ভুল থাকে। শ্রদ্ধেয় সঙ্গীতাচার্য্য শ্রীযুক্ত উপেন্দ্রনাথ সিংহ মহাশয়ের Amrita Bazar Patrikaতে প্রকাশিত “Can Music Help Education”-প্রবন্ধে লেখা আছে—“The musical notes of the instrument (keyed) is tuned according to the tempered scale, and not according to the harmonies of the note ‘C’ (Sa) which are the natural notes. This caused the fundamental difference between the two scales, for example if the vibration of ‘C’ be taken as 240 then the successive notes of diatonic or natural scale and that of tempered scale will be found as shown below.

Diatonic Scale VIBRATION:—

Sa²⁴⁰ Re^{272.16} Ga^{299.5} Ma^{318.72} Pa^{326.96}
Dha^{410.4} Ni^{450.96} Sa⁴⁸⁰

Tempered Scale VIBRATION:—

C²⁴⁰ D^{269.4} E^{302.4} F^{320.3} G^{359.6} A^{403.6}
B^{453.1} C⁴⁸⁰

It will thus be seen that the above two scales are quite different.”

হারমোনিয়মের আওয়াজ জোর করিবার জন্ত দুই সেট রীড্ (double reed) সংযুক্ত করা হয়; অর্থাৎ এক একটা চাবিতে

দুইটি করিয়া রীড্ সংলগ্ন করিয়া দেওয়া হয়। কিন্তু এক চাবিতে ঠিক এক সুরের দুইটি রীড্ সাধারণত থাকে না। দুই সেট রীড্দের মধ্যে এক সেট রীড্এর সুরগুলি আর এক সেট রীড্দের সুর হইতে খাদে বা চড়ায় থাকে। একই সুর টিপিয়া রাখিয়া দুই part রীড্ পৃথক পৃথক stop খুলিয়া বাজাইয়া দেখিলেই বুঝা যায় যে, একই চাবি হইতে দুই প্রকার সুর বাহির হয়। যন্ত্রের দোষ ঢাকিবার জন্ত হারমোনিয়ম নির্মাতাগণ এইরূপ করিয়া থাকেন। কেবল রীড্গুলি keyতে বসাইয়া লইলেই হয় না, রীড্গুলির জিহ্বাগুলি (tongue) ঈষৎ ঘষিয়া মাজিয়া সুর ঠিক করিবারও দরকার হয়। কিন্তু আমাদের হারমোনিয়ম-নির্মাতাগণ এই ঘষা মাজার ব্যাপারে বিশেষ দক্ষ নন। তাহাতে এই দাঁড়াইয়াছে যে, আজকাল বাজারের হারমোনিয়ম-গুলির খাঁটি tempered gamutও হয় না। Tempered gamut হইলেও বিলাতী হারমোনিয়মে কতক মিষ্টত্ব পাওয়া যায়; কারণ সেখানকার হারমোনিয়ম-নির্মাতাগণ এই বিষয়ে যথেষ্ট চেষ্টা করিয়া থাকেন। একে ত keyed instrument গুলির tempered scale থাকাতে ইহাদের সুর প্রকৃত নয়, তার উপর খাঁটি tempered gamutএর সুরযুক্ত না হওয়াতে আমাদের দেশীয় হারমোনিয়মের সুরগুলি বিকৃত।

পিয়ানোতে tempered scale থাকা সত্ত্বেও আওয়াজ মিষ্ট হয়, কারণ ইহাতে পিতলের রীড্ নাই। ইহার চাবি টিপিলেই একটা হাতুড়ী-বাধা তারের উপর আঘাত করে এবং তার কাঁপিয়া ধ্বনি হয়। ইহাতেও দুই বা ততোধিক সেট তার থাকে। এই সব তারের screw ঘুরাইয়া বাদক দুইটি তারের সুর এক করিয়া লইতে পারেন, কিন্তু হারমোনিয়মে ঐরূপ করা যায় না। কিছুদিন পরেই পিতলের রীড্গুলিতে ঠাণ্ডা লাগিয়া ইহার সুর ফর্কশ ও ঝাঁঝাল হইয়া যায়, এবং tempered scaleএর সুরও থাকে না। “...the Brass Vibrators used in the harmonium are easily affected by climatic changes; the instrument, to be kept in the same tuning, would require adjustment at least once

শ্রীমণিলাল সেন

a fortnight.” (Six lectures on Indian music., delivered in the Bombay University by Mr. E. Clements, I. C. S.)

হারমোনিয়ম ফ্রান্স দেশে আবিষ্কৃত হইলেও পাশ্চাত্য দেশে ইহার প্রচলন বড় নাই, পিয়ানোর প্রচলন আছে। পিয়ানো হারমোনিয়ম হইতে উন্নত, কিন্তু ইহাতেও tempered scale থাকে। পিয়ানো সম্বন্ধে The New Popular Encyclopedia, Vol IX, Music প্রবন্ধের এক স্থানে লেখা আছে :—“The disadvantage of equalising the tones and semitones is that the music obtained from these instruments is never agreeably in tune ; its melodies and harmonies are different in richness of effect, and the piece performed, whatever it may be, possesses much insipidity. This ought never to occur in music formed on free-toned instruments.”

যদি বলেন, হারমোনিয়মের সুরের যে মাঝে মাঝে ভুল আছে তাহা ঠিক উপলক্ষি হয় না, সামান্য ভুল থাকিলেই বা কি আসে যায়,—ইহাতে প্রথমেই এই বলিতে হয় যে, ভুল সব সময়েই ভুল। দ্বিতীয়তঃ, প্রকৃত স্বরগ্রাম (natural scale) আমাদের যত আনন্দ দেয় tempered scale ততটুকু আনন্দ দিতে পারে না। তারপর স্বল্প স্বর-অন্তর কানে উপলক্ষি হয় না একথাও বলিতে পারি না। আমাদের দেশে এখনও বীণাতে যে “অচল ঠাট” বাধা হয় তাহা প্রকৃত স্বরগ্রাম। আমরা হারমোনিয়ামের tempered gamut শুনিতে শুনিতে কান (musical ear) ধারাপ করিয়া ফেলিয়াছি। কোন্টা প্রকৃত বা কোন্টা কৃত্রিম তাহা বুঝিতে পারি না। General Thompson বলিয়াছেন, “It may be hoped the time is approaching when neither singer nor violinist will be tolerant of a tempered instrument. Singers sing to a pianoforte because they have bad ears ; and they have bad ears because they sing to the pianoforte”

আমরা জানি যে কানে যাহা শুনিতে পাওয়া যায় কণ্ঠ তাহাই অজ্ঞাতে অনুকরণ করে। কাজেই একটা কৃত্রিম সুর কানের নিকট বাজিতে থাকিলে কণ্ঠেও কৃত্রিম সুর বসিয়া যায়, natural scale এর সুর গলায় থাকে না এবং তাহাতে গান শ্রুতিমধুর হয় না। শ্রীযুক্ত হিমাংশুশেখর বন্দ্যোপাধ্যায় মহাশয় তাঁহার “সঙ্গীতে বাঙ্গালীর কণ্ঠ” * নামক প্রবন্ধের এক স্থলে ঠিকই লিখিয়াছেন, “এদেশে এই হারমোনিয়মের কৃত্রিম সুরের ও বাজারের হারমোনিয়মের বিকৃত সুরের সঙ্গতে ভেজাল জিনিষ খাইয়া যেমন খাঁটি জিনিষের স্বাদ গ্রহণের ক্ষমতা কমিয়া যায়, তদ্রূপ সুরের কান ও তৎসহ গলার সুর নষ্ট হইতেছে। বাংলায় এ দোষ যতটা হইয়াছে পশ্চিম অঞ্চলে এখনও ততটা হয় নাই। পশ্চিমা বাইজীরা এখনও সারেঞ্জীর সঙ্গতেই গান করে। এমন কি পশ্চিম অঞ্চলে গান করিয়া ভিক্ষা করিতেছে এমন গায়ক গায়িকাও তারযন্ত্রের সঙ্গতেই এখনও গাতিয়া থাকে। তাহাদের মধ্যে একারণে সুমিষ্ট গলা ও শ্রুতি-সুখকর গানের বাগরাগিনীর রূপ-প্রকাশকারী সুর এখনও পাওয়া যায়।”

আমাদের সঙ্গীতের সুরে অনেকগুলি অলঙ্কার আছে। এইগুলি ছাড়া গীত করাই যায় না। ইহাদের নাম—মোড়, গমক, মুচ্ছনা, আশ ইত্যাদি। মোড়ের সাহায্য ছাড়া বাগরাগিনীর রূপ প্রকাশ করা প্রায় অসম্ভব ব্যাপার। কিন্তু হারমোনিয়ম প্রভৃতি keyed instrument এ মোড়, গমক ইত্যাদি বাজাইতে পারা যায় না। ইহাতে কাটা কাটা সুর বাহির হয় এবং সঙ্গীতের মাধুর্য্য নষ্ট করে। শ্রদ্ধেয় শ্রীযুক্ত উপেন্দ্রচন্দ্র সিংহ মহাশয় লিখিয়াছেন, “We know that now-a-days harmonium is used, with our music, higher or lower, throughout India, though the essential parts

* প্রতি বাঙ্গালীরই এই সর্কার্জমন্ডর প্রবন্ধটি পাঠ করা উচিত। “সঙ্গীত বিজ্ঞান প্রবেশিকা” নামক মাসিক পত্রিকায় এই প্রবন্ধটি কিছুদিন পূর্বে ধারাবাহিক ভাবে প্রকাশিত হইয়াছে। আমি বর্তমান প্রবন্ধ লিখিতে উক্ত প্রবন্ধটি হইতে যথেষ্ট সাহায্য পাইয়াছি।—লেখক



of our music, such as murchháná, mirh, gamak etc, are impossible to produce in it." Rev. Popley ভারতীয় সঙ্গীত সম্বন্ধে একজন অভিজ্ঞ ব্যক্তি। তিনি বহুদিন যাবৎ ইহার চর্চা করিতেছেন। তিনি বলিয়াছেন, "The custom has come in recently to use the harmonium for drone. This is undoubtedly convenient, but the noise is not by any means attractive, nor likely to add to the appreciation of Indian music by ears trained to quality as well as to pitch." Mr. A. H. Fox Strangways ভারতীয় সঙ্গীত সম্বন্ধে নানাবিধ তথ্য সংগ্রহ করিবার জন্ত ভারতের নানা প্রদেশে ভ্রমণ করিয়াছিলেন। ইহার পর তিনি The Music of Hindustan নামে এক বই লিখেন। তাহাতে আক্ষেপ করিয়া বলিয়াছেন—

"If the rulers of native States realised what a deathblow they were dealing at their own art by supporting or even allowing a brass band, if the clerk in a government office understood the indignity he was putting on a song by buying the gramophone which grinds it after his days of labour, if the Mohammedan "Star" singer knew that the harmonium with which he accompanies himself was ruining his chief asset, his musical ear, and if the girl who learns the pianoforte could see that all the progress she made was as sure a step towards her own denationalization as if she crossed the black waters and never returned—they would pause before they laid such sacrilegious hands on Saraswati. Excuses may be made for such practices, but there is one objection fatal to them all; the instruments are borrowed..... to dismiss from India these foreign instruments

would not be to check the natural but to prune away an unnatural growth." তিনি ঐ পুস্তকের আর এক স্থানে লিখিয়াছেন—“.....It (harmonium) dominates the theatre, and desolates the hearth; and before long it will, if it has not already, desecrate the temple. Besides its deadening effect on a living art, it falsifies it by being out of tune with itself. This is a grave defect, though its gravity can be exaggerated. A worse fault is that it is a borrowed instrument constructed originally to minister to the less noble kind of music of other land.”

সাধারণত দেখা যায় যে, যিনি হারমোনিয়মের সঙ্গে সঙ্গত করিয়া গান শিক্ষা করিয়া থাকেন তিনি কখনও হারমোনিয়ম ছাড়া গান করিতে পারেন না। কেবল তাহাই নহে, যিনি যে জাতীয় হারমোনিয়মের সঙ্গে সঙ্গত করেন ঠিক ঐ জাতীয় যন্ত্রটি না হইলে গান গাহিতেই পারেন না। আবার, যঁহাদের গলা সর্বদা স্বরযুক্ত হারমোনিয়মের সঙ্গে গান করিয়া কর্কশ হইয়া গিয়াছে তাঁহারা হারমোনিয়ম এত জোরে বাতাস করিয়া বাজাইয়া গান করেন যে, তাঁহাদের গলার আওয়াজ মোটেই শুনিতে পাওয়া যায় না। হারমোনিয়ম দিয়া গান করিতে হইলে হারমোনিয়ম খুব আস্তে বাজাইয়া এবং হারমোনিয়মের দিকে দৃষ্টি না রাখিয়া সুরের ও কণ্ঠের আওয়াজের দিকে সম্পূর্ণ মনোযোগ দিয়া গান করিতে হয়। প্রসিদ্ধ সঙ্গীতজ্ঞ রায় সুরেন্দ্রনাথ মজুমদার বাহাদুর মহাশয় লিখিয়াছেন—

“প্রায় চল্লিশ বৎসর ধরিয়া গলা সাধিয়াছি, কিন্তু শেষের বিশবৎসর হারমোনিয়ম স্বরূপ যষ্টি অবলম্বন করিয়া কণ্ঠ-স্বর অচেতন, অকর্মণ্য ও অন্ধ হইয়া গিয়াছে। এক একটা গমকের মধ্যে পূর্বে যে তাব আসিত তাহা আর নাই। তানের সৃষ্টিও শক্তি কমিয়া গিয়াছে।

এখন ভাবিয়া দেখুন হারমোনিয়ম আমাদের সঙ্গীতের পক্ষে কতদূর উপকারী।



প্রথম প্রথম যখন হরিহর কাশী হইতে আসিল তখন সকলে বলিত তাহার ভবিষ্যৎ বড় উজ্জ্বল, এ অঞ্চলে ওরকম বিদ্যা শিখিয়া কেহ আসে নাই। তাহার বিদ্যার সুখ্যাতি সকলের মুখে ছিল, সকলে বলিত সে এইবার একটা কিছু করিবে। সর্বজয়া অনভিক্ত পল্লীবধূর সরল, মুগ্ধ কল্পনা লইয়া ভাবিত, শীঘ্রই উহারা তাহার স্বামীকে ডাকাইয়া একটা ভাল চাকুরী দিবে (কাহারো চাকুরী দেয় সে সম্বন্ধে তাহার ধারণা ছিল কুয়ামাচ্ছন্ন সমুদ্র বক্ষের মত অস্পষ্ট)। কিন্তু মাসের পর মাস, বৎসরের পর বৎসর করিয়া বহুকাল চলিয়া গেল, অন্ধারাত্রির মাথায় কোনো জরির পোষাক পরা ঘোড়-সওয়ার রাজ-সভার সভাপণ্ডিত পদের নিয়োগ পত্র লইয়া ছুটিয়া আসিল না, বা আরব্য উপন্যাসের দৈত্য কোনো মণি-খচিত মায়া প্রাসাদ আকাশ বহিয়া উড়াইয়া আনিয়া তাহাদের ভাঙা ঘরে বসাইয়া দিয়া গেল না, বরং সে ঘরের পোকা-কাটা কবাট দিন দিন আরও জীর্ণ হইতে চলিল, কড়িকাঠ আরও ঝুলিয়া পড়িতে চাহিল ; আগে যাও বা ছিল তাও আর সব থাকিতেছে না, তবুও সে একেবারে আশা ছাড়ে নাই। হরিহরও বিদেশ হইতে আসিয়া প্রতি বারই একটা একটা আশার কথা এমন ভাবে বলে যেন সব ঠিক, অল্পমাত্র বিলম্ব আছে, অবস্থা ফিরিল বলিয়া।

হয় কৈ ?...

জীবন বড় মধুময়, কিন্তু এই মাধুর্যের অনেকটাই স্বপ্ন ও কল্পনা দিয়া গড়া। হোক না স্বপ্ন মিথ্যা, কল্পনা বাস্তবতার লেশ শূন্য ; নাই বা থাকিল সব সময় তাহাদের পিছনে সার্থকতা ; তাহারাই যে জীবনের শ্রেষ্ঠ সম্পদ, তাহারা আশুক, জীবনে অক্ষয় হোক তাহাদের আসন ; তুচ্ছ সার্থকতা, তুচ্ছ লাভ।

হরিহর বাড়ী হইতে গিয়াছে প্রায় দুই তিন মাস। টাকাকড়ি খরচপত্রও অনেকদিন পাঠায় নাই। দুর্গা অসুখে ভুগিতেছে একটু বেশী, খায় দায় অসুখ হয় দুদিন একটু ভাল থাকে, হঠাৎ একদিন আবার হয়।

সর্বজয়া মেয়ের বিবাহের জন্ত স্বামীকে প্রায়ই তাগাদা দেয়। স্বামীকে দিয়া দুই তিন খানা পত্র নীরেন্দ্রের পিতা রাজেশ্বর বাবুর নিকট লিখাইয়াছে। সেদিকের আশাও সে এখনও ছাড়ে নাই। হরিহর বলে,—তুমিও যেমন, ওসকল বড় লোকের কাণ্ড, রাজেশ্বর কাকা কি আর এখন আমাদের পুঁছবেন ? তবুও সর্বজয়া ছাড়ে না ; বলে, লেখো না, আর এক-খানা লিখেই দাখো না—নীরেন ত পছন্দই ক'রে গিয়েছেন। দুই এক মাস চলিয়া যায়, বিশেষ কোন উত্তর আসে না, আবার সে স্বামীকে পত্র লিখিবার তাগাদা দিতে শুরু করে।

এবার হরিহর যখন বিদেশে যায়, তখন বলিয়া গিয়াছে এইবার সে এখান হইতে উঠিয়া অন্তত বাম করিবার একটা কিছু ঠিক করিয়া আসিবেই।



পাড়ায় একপাশে নিকানো পুছানো ছোট খড়ের ঘর দু'তিন খানা। গোহালে হুপ্পুট হুপ্পবতী গাভী বাঁধা, মাচা ভরা বিচালী, গোলা ভরা ধান। দূরে চারিধারে ধানের ক্ষেত নীল আকাশের তলায় সবুজ আলোর বাঁধ বাঁধিয়া রাখিয়াছে, মাঠের ধারের মটর ক্ষেতের তাজা, সবুজ গন্ধ খোলা হাওয়ায় উঠান দিয়া বহিয়া যায়। পাখী ডাকে—নীলকণ্ঠ, বাবুই, গ্রামা। অপু সকালে উঠিয়া বড় মাটির ভাঁড়ে দোয়া এক পাত্র তাজা সফেন কাল গাইএর ছুধের সঙ্গে গরম মুড়ির ফলার পাইয়া পড়িতে বসে। দুর্গা ম্যালেরিয়ায় ভোগে না। সকলেই জানে, সকলেই খাতির করে, আসিয়া পায়ের ধুলা লয়। গরীব বলিয়া কেহ তুচ্ছ তাচ্ছল্য করে না।

...শুধুই স্বপ্ন দেখে, দিন নাই, রাত নাই, সর্বজয়া শুধুই স্বপ্ন দেখে। তাহার মনে হয় এতকাল পরে সত্য সত্যই একটা কিছু লাগিয়া যাইবে। মনের মধ্যে কে যেন বলে।

কেন এতদিন হয় নাই? কেন এতকাল পরে? সেই ছেলে বেলাকার দিনে জামতলায় সজিনাতলায় ঘুরিবার সময় হইতে সে জুতির আলিপনা আঁকার মন্ত্রের সঙ্গে এ সাধ যে তাহার মনে জড়াইয়া আছে, লক্ষ্মীর আলতা পরা পায়ের দাগ আঁকা আঙ্গিনায় শঙ্কর বাড়ার ঘর সংসার পাতাইবে। এরকম ভাঙা পুরানো কোঠা, বাঁশবন কে চাহিয়াছিল?

দুর্গা একটা ছোট্ট মানকচু কোথা হইতে যোগাড় করিয়া আনিয়া রান্নাঘরে ধনী দিয়া বসিয়া থাকে। তাহার মা বলে, তোর হোল কি দুগ্গা? ..আজ কি বলে ভাত খাবি? কাল সন্ধ্যা বেলাও তো জ্বর এসেছে? দুর্গা বলে, তা হোক মা, সে জ্বর বুঝি—একটু তো মোটে শীত করলো?...তুমি এই মানকচুটা ভাতে দিয়ে ছোট্ট ভাত—। তাহার মা বলে—যাঃ, অসুখ হোয়ে তোর খাই খাই বড্ড বেড়েছে। আজকাল ভাল যদি থাকিস্ তো কাল বরং দেবো—

অনেক কাকুতি মিনতির পর না পারিয়া শেষে দুর্গা মানকচু তুলিয়া রাখিয়া দেয়। খানিকটা চুপ করিয়া বসিয়া থাকে, আপন মনে বলে, আজ খুব ভাল আছি, আজ আর জ্বর আসবে না আমার—ওবেলা দুখানা রুটি আর আলুভাজা খাবো। একটু পরে হাই ওঠে, সে জানে ইহা জ্বর আসার পূর্ব লক্ষণ। তবুও সে মনকে বোঝায়, হাই উঠুক, এমুনি তো

কত হাই ওঠে, জ্বর আর হবে না। ক্রমে শীত করে, রোদে গিয়া বসিতে ইচ্ছা হয়। সে রোদে না গিয়া মনকে প্রবোধ দেয় যে, শীত বোধ হওয়া একটা স্বাভাবিক শারীরিক ব্যাপার, জ্বর আসার সহিত ইহার সম্পর্ক কি?

কিন্তু কোনো প্রবোধ খাটে না। রোদ না পড়িতে পড়িতে জ্বর আসে, সে লুকাইয়া গিয়া রোদে বসে, পাছে মা টের পায়। তাহার মন ছুঁ করে; ভাবে—জ্বর জ্বর ভেবে এরকম হচ্ছে, সত্যি সত্যি জ্বর হয় নি—

রাঙা রোদ শেওলা ধরা ভাঙা পাঁচিলের গায়ে গিয়া পড়ে। বৈকালের ছায়া ঘন হয়। দুর্গার মনে হয় অশ্রমনস্ক হইয়া থাকিলে জ্বর চলিয়া যাইবে। অপুকে বলে, বোস্ দিকি একটু আমার কাছে, আয় গল্প করি।

একদিন আর বছর ঘন বর্ষার রাতে সে ও অপু মতলব আঁটিয়া শেষরাত্রে পিছনে স্বেচ্ছাক্রমের বাগানে তাল কুড়াইতে গিয়াছিল, হঠাৎ দুর্গার পায়ে পট্ করিয়া এক কাঁটা ফুটিয়া গেল। যন্ত্রণায় পিছু হঠিয়া বাঁ পা খানা যেখানে রাখিল, সেখানে বাঁ পায়েও পট্ করিয়া আর একটা!... সকাল বেলা দেখা গেল, পাছে রাত্রে উহারা কেহ তাল কুড়াইয়া লয়, এজন্ত সতু তালতলার পথে সোজা করিয়া সারি সারি বেল-কাঁটা পুঁতিয়া রাখিয়াছে। আর একদিন যা আশ্চর্য্য ব্যাপার!...ওরকম কোন দিন হয় নাই।

কোথা হইতে সেদিন এক বুড়া বাঙ্গাল মুসলমান একটা বড় রং চং করা কাচ-বগানো টিনের বাস লইয়া খেলা দেখাইতে আসে। ওপাড়ায় জীবন চৌধুরীর উঠানে সে খেলা দেখাইতেছিল। দুর্গা পাশেই দাঁড়াইয়াছিল। তাহার পয়সা ছিল না। আর সকলে এক এক পয়সা দিয়া বাসের গায়ে একটা চোঙের মধ্যে চোখ দিয়া কি সব দেখিতেছিল।

বুড়া মুসলমানটি বাস বাজাইয়া সুর করিয়া বলিতেছিল, তাজ বিবিকা রোজা দেখো, হাতী বাঘকা লড়াই দেখো! এক একজনের দেখা শেষ হইলে যেমন সে চোঙ হইতে চোখ সরাইয়া লইতেছিল, অমনি দুর্গা তাহাকে মহা আগ্রহের সহিত জিজ্ঞাসা করিতেছিল, কি দেখলি রে ওর মধ্যে? সব সত্যিকারের?

শ্রীবিভূতিভূষণ বন্দ্যোপাধ্যায়

উঃ! সে কি অপূর্ব বাপার দেখিয়াছে তাহা তাহারো বলিতে পারে না!...কি সে সব!

সকলের দেখা একে একে হইয়া গেল। দুর্গা চলিয়া যাইতেছিল বুড়া মুসলমানটি বলিল, দেখবে না খুকী?... দুর্গা ঘাড় নাড়িয়া বলিল, নাঃ—আমার কাছে পয়সা নেই।

লোকটি বলিল—এসো এসো খুকী, দেখে যাও—পয়সা লাগবে না—

দুর্গার একটু লজ্জা হইয়াছিল; মুখে বলিল, নাঃ—কিন্তু আগ্রহে কৌতুহলে তাহার বকের মধ্যে টিপ্ টিপ্ করিয়া উঠিল।

লোকটি বলিল—এসো এসো, দোষ কি?...এস, ছাখো—

দুর্গা উজ্জলমুখে পায়ে পায়ে বাক্সের কাছে আসিয়া দাঁড়াইল বটে, তবুও সাহস করিয়া মুখটা চোঙের মধ্যে দিতে পারে নাই। লোকটি বলিল, এই নলটার মধ্য দিয়ে তাকাও দিকি খুকী?...

দুর্গা মাথার উড়ন্ত চুলের গোছা কানের পাশে সরাইয়া দিয়া চাহিয়া দেখিল। পরের দশ মিনিটের কথার সে কোনো বর্ণনা করিতে পারে না। সত্যিকারের মানুষ ছবিতে কি করিয়া দেখা যায়? কত সাহেব, মেম, ঘর বাড়ী, বুদ্ধ, সে সব কথা সে বলিতে পারে না। কি জিনিষই সে দেখিয়াছিল!

অপুকে দেখাইতে বড় ইচ্ছা করে, দুর্গা কতবার খুঁজিয়াছে, ও খেলা আর কোনও দিন আসে নাই।

গল্প ভাল করিয়া শেষ হইতে না হইতে দুর্গা জরের ধমকে আর বসিতে পারে না, উঠিয়া ঘরের মধ্যে কাঁথা মুড়ি দিয়া শোয়।

আজকাল বাবা বাড়ী নাই, অপুকে আর খুঁজিয়া মেলা দায়। ধই দপ্তরে ঘুণ ধরিবার যোগাড় হইয়াছে। সকাল বেলা সেই সে এক পুঁটুলি কড়ি লইয়া বাহির হয়, আর ফেরে একেবারে ছপুর ঘুরিয়া গেলে খাইবার সময়। তাহার মা বকে—ছেলের না নিকুচি করেছে—তোমার লেখাপড়া একেবারে ছিকের উঠলো?...এবার বাড়ী এলে সব কথা বলে দেবো, দেখো এখন তুমি—

অপু ভয়ে ভয়ে দপ্তর লইয়া বসে। বইগুলো খুব চারিদিকে ছড়ায়। মাকে বলে, একটু খয়ের দাও মা, আমি দোয়াতের কালিতে দেবো—

পরে সে বসিয়া বসিয়া হাতের লেখা লিখিয়া রোদে দেয়। শুকাইয়া গেলে খয়ের-ভিজানো কালি, চক্ চক্ করে—অপু মহাখুসির সহিত সেদিকে চাহিয়া থাকে—ভাবে—আর একটু খয়ের দেবো কাল থেকে—ওঃ কী চক্চক্ করছে দেখো একবার!...বাটা হইতে মাকে লুকাইয়া বড় একখণ্ড খয়ের লইয়া কালির দোয়াতে দেয়। পরে লেখা লিখিয়া শুখাইতে দিয়া কতটা আজ জলজল করে দোখবার জন্ত কৌতুহলের সহিত সেদিকে চাহিয়া থাকে। মনে হয়—আচ্ছা যদি আর একটু দি ?

একদিন মার কাছে ধরা পড়িয়া যায়। মা বলে, ছেলের লেখার সঙ্গে খোঁজ নেই, কেবল ডালা ডালা খয়ের রোজ দরকার—রেখে দে খয়ের—

ধরা পড়িয়া একটু অপ্ৰতিভ হইয়া বলে, খয়ের নৈলে কালি হয় বুঝি?...আমি বুঝি এম্নি এম্নি—

—না খয়ের নৈলে কালি হবে কেন? এই সব রাজার ছেলে আর লেখাপড়া কচ্ছে না—তাদের সের সের খয়ের রোজ যোগান রয়েছে যে দোকানে। যাঃ—

অপু বসিয়া বসিয়া একখানা খাতায় নাটক লেখে। বহু লিখিয়া খাতাখানা সে প্রায় ভরাইয়া ফেলিয়াছে,—মন্ত্রীর বিশ্বাসঘাতকায় রাজা রাজ্য ছাড়িয়া বনে যান, রাজপুত্র নীলাধর ও রাজকুমারী অম্বা বনের মধ্যে দস্যুর হাতে পড়েন, ঘোর যুদ্ধ হয়, পরে রাজকুমারীর মৃতদেহ নদীতীরে দেখা যায়। নাটকে সতু বলিয়া একটি জটিল চরিত্র দৃষ্ট হইবার অল্প পরেই বিশেষ কোনো মারাত্মক দোষের বর্ণনা না থাকা সত্ত্বেও প্রাণদণ্ডে দণ্ডিত হয়—নাটকের শেষদিকে রাজপুত্রী অম্বার নারদের বরে পুনর্জীবন প্রাপ্তি বা বিশ্বস্ত সেনাপতি জীবনকেতুর সহিত তাঁহার বিবাহ প্রভৃতি ঘটনায় বাঁহারা বলেন যে, গত বৈশাখ মাসে দেখা যাত্রার পালা হইতে এক নামগুলি ছাড়া ইহা মূলতঃ কোনো অংশই পৃথক্ নহে, বা সেই হইতেই ইহা ছবছ লওয়া, তাঁহারা ভুলিয়া যান যে, প্রতিভাশালী ব্যক্তিদের



কল্পনার ও চিন্তার ধারা সাধারণ জীবের বুদ্ধির পক্ষে
ছুরধিগমা—সে সম্বন্ধে কোনো মত না দেওয়াই যুক্তি।

অতীতের কোনো এক নীরব জ্যোত্সাময়ী রাত্রিতে
নির্জন বাসকন্ডের স্তিমিতদীপ শযায় এক প্রাচীন কবির
নীলমেঘের মত দৃশ্যমান ময়ূর-নির্নাদিত দূর বনভূমির স্বপ্ন
যদি কালিদাসকে মুক্ত মেঘের ভ্রমণ বর্ণনে অনুপ্রাণিত
করিয়া থাকে, তাহা হইলেই বা কি?.. সে বিস্মৃত শুভ
যামিনীর বন্দনা মাহুঘে নিজের অজ্ঞাতসারে হাজার বৎসর
ধরিয়া করিয়া আসিতেছে। আগুন দিয়াই আগুন জ্বালানো
যায়, ছাইএর চিপিতে মশাল জ্বলিয়া কে কোথায় মশাল
জ্বলে?...

অপুর দপ্তরে একখানা বই আছে,—বইখানার নাম
চরিতমালা, লেখা আছে ঈশ্বরচন্দ্র বিদ্যাসাগর প্রণীত।
পুরানো বই, তাহার বাবার নানা জায়গা হইতে ছেলের জন্ত
বই সংগ্রহ করিবার বাতিক আছে, কোথা হইতে এখানা
আনিয়াছিল, অপু মাঝে মাঝে মাঝে খানিকটা খুলিয়া
পড়িয়া থাকে। বইখানাতে বাহাদুরের গল্প আছে সে ঐ
রকম হইতে চায়। হাতে আলু বেচিতে পাঠাইলে কৃষকপুত্র
রন্ধে! বেড়ার ধারে বসিয়া বসিয়া বীজগণিতের চর্চা করিত,
কাগজের অভাবে চামড়ার পাত্রে ভেঁতা আল দিয়া অঙ্ক
কসিত, মেঘপালক ডুবালা ইত্যন্ততঃ সঞ্চরণশীল মেঘদলকে
যদৃচ্ছাবিচরণের সুযোগ দিয়া এক মনে গাছতলায় বসিয়া
ভূচিত্র পাঠে মগ্ন থাকিত—সে ঐ রকম হইতে চায়।...
'বীজগণিত' কি জিনিস? সে বীজগণিত পড়িতে চায়
ডুবালের মত। সে এই হাতের লেখা লিখিতে চায় না,
ধরাপাত কি শুভঙ্করী এসব তাহার ভাল লাগে না। ঐ
রকম নির্জন গাছতলায়, বনের ছায়ায়, কি বেড়ার ধারে
বসিয়া বসিয়া সে "ভূচিত্র" (জিনিসটা কি?) পাতিয়া পড়িবে,
বড় বড় বই পড়িবে, পণ্ডিত হইবে ঐ রকম। কিন্তু
কোথায় পাইবে সে সব জিনিস? কোথায় বা 'ভূচিত্র',
কোথায় বা 'বীজগণিত' কোথায়ই বা 'লাটিন ব্যাকরণ?—'
এখানে শুধুই কড়ি কসার আর্ঘ্যা, আর তৃতীয় নাম্তা।

মা বকিলে কি হইবে, যাহা সে পড়িতে চায়, তাহা
এখানে কই?

কয়দিন খুব বর্ষা চলিতেছে। অল্পদা রায়ের চণ্ডীমণ্ডপে
সন্ধ্যাবেলায় মজলিস বসে। সেদিন সেখানে নীলকুঠীর
ভূতের গল্প হইতে শুরু হইয়া পুরীর কোন্ মন্দিরের মাথায়
পাঁচ মন ভারী চুম্বক পাথর বসানো আছে, যাহার আকর্ষণের
বলে নিকটবর্তী সমুদ্রগামী জাহাজ প্রায়ই পথ ভ্রষ্ট হইয়া
আসিয়া তীরবর্তী মগ্ন শৈলে লাগিয়া ভাঙিয়া যায় প্রভৃতি
আরব্য উপন্যাসের গল্পের মত নানা আজগুবি কাহিনীর
বর্ণনা চলিতেছিল। শ্রোতাদের কাহারও উঠিবার ইচ্ছা
ছিল না, এ রকম আজগুবি গল্প ছাড়িয়া কাহারও বাড়ী
যাইতে মন সরিতেছিল না। ভূগোল হইতে শীঘ্রই গল্পের
ধারা আসিয়া জ্যোতিষে পৌছিল। দীর্ঘ চৌধুরী বলিতে
ছিলেন—ভৃগু সংহিতার মত অমন বই তো আর নেই?
তুমি যাও, শুধু জন্ম রাশিটা গিয়ে দিয়ে দাও, তোমার বাবার
নাম, কোন্ কুলে জন্ম, ভূত ভবিষ্যৎ সব বলে দেবে—তুমি
মিলিয়ে নাও—গ্রহ ও রাশি চক্রের যত রকম ইয়ে হয়—
তা সব দেওয়া আছে কি না? মায় তোমার পূর্ব জন্ম
পর্য্যন্ত—

সকলে সাগ্রহে শুনিতোছিলেন, কিন্তু রামময় হঠাৎ
বাহিরের দিকে চাহিয়া বলিলেন—না ওঠা থাক, এর পর
আর যাওয়া যাবে না—দেখচো না কাণ্ডখান? একটা বড়
ঝটকা টটকা না হোলে বাঁচি, গতক বড় খরাপ, চলো সব—

বৃষ্টির বিরাম নাই। একটু থামে, আবার এমনি জোরে
আসে, বৃষ্টির ছাটে চারিধার ধোঁয়া ধোঁয়া।

হরিহর মোটে পাঁচটা টাকা পাঠাইয়াছিল, তাহার পর আর
পত্রও নাই টাকাও নাই। সেও অনেক দিন হইয়া গেল—
রোজ সকালে উঠিয়া সর্ব্বজয়া ভাবে আজ ঠিক খরচ আসিবে।
ছেলেকে বলে, তুই খেলে খেলে বেড়াস বলে দেখতে পাসনে,
ডাক বাস্কাটার কাছে বসে থাকবি—পিওন যেমন আসবে
আর অমনি জিগোস্ করবি—

অপু বলে—বা আমি বুঝি বসে থাকি নে? কালও তো
এলো, পুঁটুদের চিঠি আমাদের খবরের কাগজ দিয়ে গেল—
জিগোস্ ক'রে এস দিকি পুঁটুকে? কাল তবে আমাদের
খবরের কাগজ কি ক'রে এল? আমি থাকিনে বৈকি?

শ্রীবিভূতিভূষণ বন্দ্যোপাধ্যায়

বর্ষা রীতিমত নামিয়াছে, অপু মায়ের কথায় ঠায় রায়েদের চণ্ডীমণ্ডপে পিওনের প্রত্যাশায় বসিয়া থাকে। সাধু কৰ্ম্মকারের ঘরের চালা হইতে গোলা পায়রার দল ভিজিতে ভিজিতে ঝটাপটু করিয়া উড়িতে উড়িতে রায়েদের পশ্চিমের ঘরের কার্ণিসে আসিয়া বসিতেছে, চাহিয়া চাহিয়া

। আকাশের ডাককে সে বড় ভয় করে। বিছাৎ চম্কাইলে মনে মনে ভাবে—দেবতা কি রকম নল পাচে দেখেচো, এইবার ঠিক ডাকবে—পরে সে চোখ কানে আঙ্গুল দিয়া থাকে।

বাড়ী ফিরিয়া গাখে মা ও দিদি সারা বিকাল ভিজিতে ভিজিতে রাশীকৃত কচুর শাক তুলিয়া রান্না ঘরের দাওয়ায় জড় করিয়াছে।

অপু বলে—কোথেকে আনলে মা ?—উঃ কত !

দুর্গা হাসিয়া বলে—কত ! উঃ-উঃ ! তোমার তো ব'সে ব'সে বড় সুবিধে !...ওই ওদের ডোবার জাম তলা থেকে—এই এতটা এক হাঁটু জল ! যাও দিকি ?...

সকালে ঘাটে গিয়া নাপিত বোয়ের সঙ্গে দেখা হয়। সর্বজয়া কাপড়ের ভিতর হইতে কাঁসার একখানা রেকাবী বাহির করিয়া বলে, এই গাখে জিনিস খানা খুব ভালো—ভরণ না, কিছু না, ফুল কাঁসা। তুমি বলেছিলে, তাই বলি, যাই নিয়ে—

অনেক দর দস্তুরের পর নাপিত বৌ নগদ একটি আধুলি আঁচল থেকে খুলিয়া দিয়া রেকাবীখানা কাপড়ের মধ্যে লুকাইয়া লয়। কাউকে যেন না প্রকাশ করে সর্বজয়া এ অনুরোধ বার বার করে।

ছই একদিনে ঘনীভূত বর্ষা নামিল। ছ ছ পূবে হাওয়া-খানাডোবা সব থৈ থৈ করিতেছে—পথে ঘাটে একহাঁটু জল—দিন রাত সোঁ সোঁ বাঁশবনে ঝড় বাধে—বাঁশের মাথা মাটিতে লুটাইয়া লুটাইয়া পড়ে—আকাশের কোথাও ফাঁক নাই—মাঝে মাঝে একটু যেন ফরসা ফরসা দেখায়—আবার এখনি আগেকার চেয়েও অন্ধকার করিয়া আসে—কালো কালো মেঘের রাশ ছ ছ উঠিয়া পূব হইতে পশ্চিমে চলিয়াছে—দূর আকাশের কোথায় যেন দেবাসুরের মহা-সংগ্রাম বাধিয়াছে, কোন্ কোশলী সেনানায়কের চালনায়

জলস্থল আকাশ একাকারে ছাইয়া ফেলিয়া বিরাট দৈত্য-সৈন্য বাহিনীর পর বাহিনী অক্ষৌহিনীর পর অক্ষৌহিনী অদৃশ্য রথী মহারথীদের নায়কত্বে ঝড়ের বেগে অগ্রসর হইতেছে—ক্ষিপ্রগতিতে ঠেলাঠেলি করিয়া আকাশে বাতাসে মহাভীড় পাকাইয়া তুলিয়া, অধীর উৎসাহে, আগ্রহে !—এখনি গিয়া পৌছোনো চাই—শত্রুকে চাপিয়া মারিতে হইবে !—হস্তীদলের সদর্প বৃহতীতে কানে তাল ধরিয়া যায়, প্রজলন্ত অত্যাগ্র দেববজ্র আগুন উড়াইয়া চক্ষের নিমিষে বিশাল কৃষ্ণচমুর এদিক্ ওদিক্ পর্য্যন্ত ছিঁড়িয়া ফাঁড়িয়া এই ছিন্ন ভিন্ন করিয়া দিতেছে—এই আবার কোথা হইতে রক্তবীজের বংশ করাল কৃষ্ণ ছায়ায় পৃথিবী অন্তরীক্ষ অন্ধকার করিয়া ঘিরিয়া আসিতেছে !

মহাঝড় !

দিন রাত সোঁ সোঁ শব্দ—নদীর জল বাড়ে—কত ঘরদোর কত জায়গায় যে পড়িয়া গেল !...নদী নালা জলে ভাসিয়া গিয়াছে—গরু বাছুর গাছের তলে, বাঁশবনে, বাড়ীর ছাঁচতলায় অঝোরে দাঁড়াইয়া ভিজিতেছে, পাখী-পাখালির শব্দ নাই কোনোদিকে। চার পাঁচ দিন সমানভাবে কাটিল—কেবল ঝড়ের শব্দ আর অবিশ্রান্ত ধারা বর্ষা !—অপু দাওয়ায় উঠিয়া তাড়াতাড়ি ভিজামাথা মুছিতে মুছিতে বলিল—আমাদের বাঁশতলায় জল এসেচে দিদি, দেখ্‌বি ? দুর্গা কাঁপা মুড়ি দিয়া শুইয়া ছিল—না উঠিয়াই বলিল—কতখানি জল এসেচে রে ?... অপু বলে, তোর জর সারলে কাল দেখে আসিস্ ?...তেঁতুল তলার পথে হাঁটু জল !...পরে জিজ্ঞাসা করে—মা কোথায় রে ?...

ঘরে একটা দানা নেই—ছোটোখানি বাসি চালভাজা মাত্র আছে। অপু কান্নাকাটি করে,—তা হবে না মা, আমার খিদেপায় না বুঝি—আমি ছোটো ভাত খাবো—

তার মা বলিল, লক্ষ্মী মাণিক আমার—ওরকম কি করে !...অনেক ক'রে চালভাজা মেখে দেবো এখন—রাঁধবো কেমন ক'রে, দেখ্‌চিস্ নে কি রকম মেঘটা করেছে ?—উত্তরের মধ্যে এক উত্তন জল। পরে সে কাপড়ের ভিতর হইতে একটা কি বাহির করিয়া হাসিমুখে দেখাইয়া বলে—এই গাখ্ একটা কই মাছ বাঁশতলায় কানে হেঁটে



দেখি বেড়াচ্ছে—বন্তের জল পেয়ে সব উঠে আস্চে গাঙ থেকে—বরোজ পোতার ডোবা ভেসে নদীর সঙ্গে এক হ'য়ে গিয়েচে কিনা ?...

দুর্গা কাঁথা ফেলিয়া ওঠে—অবাক হইয়া যায়। বলে—
দেখি মা মাছটা ?...হ্যাঁ মা, কই মাছ বুঝি কানে হেঁটে
বেড়ায় ? আর আছে ?...অপু এখনি বৃষ্টিমাথায় ছুটিয়া যায়
আর কি—অনেক কষ্টে তাহার মা তাহাকে থামায়।

দুর্গা বলে—একটু জর সারলে কাল সকালে চল্ অপু,
তুই আর আমি বাঁশবাগান থেকে মাছ নিয়ে আস্বো
এখন। পরে সে অবাক হইয়া ভাবে—বাঁশবাগানে মাছ !
কি ক'রে এল ? বাঃ তো ?—মা কি আর ভাল ক'রে
খুঁজেচে—খুঁজলে আরও সেখানে আছে—দেখতে পেলাম
না কি রকম কই মাছ কানে হাঁটে—কাল সকালে
দেখ্বো—সকালে জর সেরে যাবে—

চারিদিকের বন বাগান ফিরিয়া সন্ধ্যা নামে। সন্ধ্যার
মেঘে ও ত্রয়োদশীর অন্ধকারে চারিধার একাকার ! দুর্গা যে
বিছানা পাতিয়া শুইয়া আছে, তাহারই এক পাশে তাহার
মা ও অপু বসে। সর্বজয়া ভাবে—আজ যদি এখুনি
একখানা পতুর আসে নীরেন বাবাজির ?...কি জানি, তা
হ'তে কি আর পারে না ?—নীরেন তো পছন্দই ক'রে
গিয়েচেন—কি জানি কি হোল অদেটে ! নাঃ, সে সব কি
আর আমার অদেটে হবে ? তুমিও যেমন ! তা হোলে
আর ভাবনা ছিল কি ?

ওদিকে ভাইবোনে তুমুল তর্ক বাধিয়া যায়। অপু সরিয়া
মায়ের কাছে ঘেসিয়া বসে—ঠাণ্ডা হাওয়ায় বেজায় শীত
করে। হাসিয়া বলে—মা—কি ? সেই—শামলকা বাটনা
বাটে মাটিতে লুটায় কেশ ?...

দুর্গা বলে—ততক্ষণে মা আমার ছেড়ে গিয়েচেন দেশ—

অপু বলে—দূর—হ্যাঁ মা তাই ? ততক্ষণে মা আমার
ছেড়ে গিয়েচেন দেশ ?—কথা বলিয়াই সে দিদির অজ্ঞতায়
হাসে।

সর্বজয়ার বুকে ছেলের অবোধ উল্লাসের হাসি শেলের
মত বেঁধে। মনে মনে ভাবে—সাতটা নয়, পাঁচটা নয়—এই
তো একটা ছেলে—কি অদেটে যে ক'রে এসেছিলাম—

তার মুখের আবদার রাখতে পারিনে—ষি না, লুচি না,
সন্দেশ না—কি না শুধু দুটো ভাত—নির্নিকা !...আবার
ভাবে—এই ভাঙা ঘর, টানাটানির সংসার—অপু মাহুঘ
হোলে আর এ দুঃখ থাকিবে না—ভগবান তাকে মাহুঘ
কোরে তোলেন যেন।...

তাহার পর সে বসিয়া বসিয়া গল্প করে, এখন প্রথম সু
নিশ্চিন্দ্রপুরে ঘর করিতে আসিয়াছিল তখন এক বৎসর এই
রকম অবিশ্রান্ত বর্ষায় নদীর জল এত বাড়িয়াছিল যে, ঘাটের
পথের মুখ্যে বাগানের কাছে বড় বোঝাই নৌকা পর্যন্ত
আসিয়াছিল।

অপু বলে—কত বড় নৌকা মা ?

—মস্ত—ওই যে খোঁটারদের চূনের নৌকা, সাজি-
মাটির নৌকা মাঝে মাঝে আসে দেখিচিস্ তো—অত
বড়—

দুর্গা হঠাৎ জিজ্ঞাসা করে—মা তুমি চারগুছির বিহুনি
কর্ত্তে জানো ?

অনেক রাত্রে সর্বজয়ার ঘুম ভাঙ্গিয়া যায়—অপু ডাকি-
তেছে—মা, ওমা ওঠো—আমার গায়ে জল পড়্চে—

সর্বজয়া উঠিয়া আলো জ্বালে—বাহিরে ভয়ানক বৃষ্টির শব্দ
হইতেছে—ফুটা ছাদ দিয়া ষরের সর্বত্র জল পড়িতেছে।
সে বিছানা সরাইয়া পাতিয়া দেয়। দুর্গা অঘোর জরে শুইয়া
আছে—তাহার মা গায়ে হাত দিয়া ঝাখে তাহার গায়ের
কাঁথা ভিজিয়া সপ্ সপ্ করিতেছে। ডাকিয়া বলে—
দুর্গা—ও দুর্গা শুন্ছিস্ ?...একটু ওঠ্ দিকি ? বিছানাটা
সরিয়ে নি—ও দুর্গা—শীগগির ওঠ্ একেবারে ভিজি গেল
যে সব ?...

ছেলে মেয়ে ঘুমাইয়া পড়িলেও সর্বজয়ার ঘুম আসে না।
অন্ধকার রাত—এই ঘন বর্ষা...তাহার মন ছম্ ছম্ করে—
ভয় হয় একটা যেন কিছু ঘটবে...কিছু ঘটবে। বুকের মধ্যে
কেমন যেন করে। ভাবে—সে মাহুঘেরই বা কি হোল ?...
কেন পতুরও আসে না—টাকা মরুক্ গে যাক্। এরকম তো
কোনোবার হয় না ?...তার শরীরটা ভাল আছে তো ?...
মা সিদ্ধেশ্বরী, স পাঁচ আনার ভোগ দেবো, ভাল খবর এনে
দাও মা—

তত্ত্ববর্ণ বন্দোপাখ্যায়

তারপরদিন সকালের দিকে সামান্য একটু বৃষ্টি নামিল। সর্বজয়া বাটার বাহির হইয়া দেখিল বাশবনের মধোর ছোট ডোবাটা জলে ভর্তি হইয়া গিয়াছে। ঘাটের পথে নিবারণের মা ভিজিতে ভিজিতে কোথায় যাইতেছিল, সর্বজয়া ডাকিয়া বলিল—ও নিবারণের মা শোন—পরে সলজ্জভাবে বলিল—দুই তুই একবার বলিছিলি না, বিন্দাবুনি চাদরের কথা তোর ছেলের জন্তে—তা নিবি?...

নিবারণের মা বলিল—আছে?—দেখা একটু ধরুক, মোর 'ছেলেরে সঙ্গে ক'রে এখন আস্বো এখন—নতুন আছে মা-ঠাকুরগ, না পুরোনো?...

সর্বজয়া বলিল, তুই আয় না—এখনি দেখবি?... একটু পুরোনো, কিন্তু সে কেউ গায়ে দেয় নি—ধোয়া তোলা আছে—পরে একটু খামিয়া বলিল—তোরা আজকাল চাল ভান্চিস্ নে?...

নিবারণের মা বলিল—এই বাদ্লাম কি ধান শুকোয় মা-ঠাকুরগ... খাবার ব'লে দুটোখানি রেখে দিইচি অম্নি—

সর্বজয়া বলিল—এক কাজ কর না—তাই গিয়ে আমায় আধকাঠা খানেক আজ দিয়ে যাবি?... একটু সরিয়া আসিয়া মিনতির সুরে বলিল—বিষ্টির জন্তে বাজার থেকে চাল আনবার লোক পাচ্ছিনে—টাকা নিয়ে নিয়ে বেড়াচ্ছি তা কেউ যদি রাজি হয়—বড় মুস্থিলে পাড়িচি মা—

নিবারণের মা স্বীকার হইয়া গেল, বলিল—আস্বো এখন নিয়ে, কিন্তু সে ভেটেল ধানের চালির ভাত কি আপনারা খেতে পারবেন মা ঠাকুরগ?... বড় মোটা—

বৈকালবেলা হইতে আবার ভয়ানক বৃষ্টি নামিল। বৃষ্টির সঙ্গে ঝড়ও যেন বেশী করিয়া আসে—ঘোর বর্ষণমুখর নির্জন, জলে থৈ থৈ, হু হু পূবে হাওয়া বওয়া, মেঘে অন্ধকারে একাকার-ভাদ্রসন্ধ্যা! আবার সেই রকম কালো কালো পের্জা তুলোর মত মেঘ উড়িয়া চলিয়াছে... বৃষ্টির শব্দ কান পাতা যায় না—দরজা জানালা দিয়া ঠাণ্ডা হাওয়ার কাপটার সঙ্গে বৃষ্টির ছাট্ হু হু করিয়া ঢোক—ছেঁড়া থলে, ছেঁড়া কাপড়-গোঁজা ভাঙ্গা কব্বাটের আড়ালের সাধ্য কি যে ঝড়ের ভীম আক্রমণের মুখে দাঁড়ায়!

বেশী রাত্রে সকলে ঘুমাইলে বেশী বৃষ্টি নামিল। সর্বজয়ার ঘুম আসেনা—সে বিছানার উঠিয়া বসে। বাইরে শুধু একটানা হু হু জলের শব্দ; ক্রুদ্ধ দৈত্যের মত গজ্জমান একটানা গৌ গৌ রবে ঝড়ের দম্কা বাড়ীতে বাধিতেছে!... জীর্ণ কোটাখানা এক একবারের দম্কা যেন থর থর করিয়া কাঁপে... ভয়ে তাহার প্রাণ উড়িয়া যায়... গ্রামের একধারে বাশবনের মধো ছোট ছোট ছেলেমেয়ে লইয়া নিঃসহায়!... মনে মনে বলে—ঠাকুর, আমি মরি তাতে খেতি নেই—এদের কি করি? এই রাত্তিরে যাই বা কোথায়?... মনে মনে বসিয়া বসিয়া ভাবে—আচ্ছা যদি কোটা পড়ে, তবে দালানের দেয়ালটা বোধ হয় আগে পড়বে—যেমন শব্দ হবে অম্নি পান্চালার দোর দিয়ে এদের টেনে বার ক'রে নেবো—

সে যেন আর বসিয়া থাকিতে পারে না—কয়দিন সে ওলশাক কচুশাক সিদ্ধ করিয়া খাইয়া দিন কাটাইতেছে—নিজে উপবাসের পর উপবাস দিয়া ছেলেমেয়েকে যাহা কিছু সামান্য খাদ্য ছিল খাওয়াইতেছে—শরীর ভাবনায় অনাহারে দুর্বল, মাথার মধ্যে কেমন করে।

ঝড়ের গৌ গৌ শব্দ অনেক রাত্রে বড় বাড়িল। বাহিরে কি ঝট্কা আসিল! উপায়! একবার বড় একটা দম্কায় ভয় পাইয়া সে ঝড়ের গতিক বুঝিবার জন্ত সস্তর্পণে দালানের দোয়ার খুলিয়া বাহিরের রোয়াকে মুখ বাড়াইল... বৃষ্টির ছাটে তাহার কাপড় চুল সব ভিজিয়া গেল—হু হু একটানা হাওয়ার শব্দে বৃষ্টিপতনের শব্দে ঝড়ের শব্দে ঢাকিয়া গিয়াছে—বাহিরে কিছু দেখা যায় না—অন্ধকারে মেঘে আকাশে বাতাসে গাছপালায় সব একাকার!... ঝড়বৃষ্টির শব্দে আর কিছু শোনা যায় না। এই হিংস্র অন্ধকার ও ক্রুর ঝটিকাময়ী রজনীর আত্মা যেন প্রলয়দেবের দূতরূপে ভীম ভৈরব বেগে বৃষ্টি গ্রাস করিতে ছুটিয়া আসিতেছে—অন্ধকারে, রাত্রে, গাছপালায়, আকাশে, মাটিতে তাহার গতিবেগ বাধিয়া শব্দ হইতেছে—সু-ইশ্... সু-উ-উ ইশ্... সু-উ-উ-উ ইশ্... এই শব্দের প্রথম প্রথমংশের দিকে বিশ্বগ্রাসী দূতটা যেন পিছু হটিয়া বলসঞ্চয় করিতেছে—সু-উ-উ—এবং শেষের অংশটায় পৃথিবীর উচ্চ নীচ তাবৎ



বায়ুস্তর আলোড়ন, মন্থন করিয়া বায়ুসমুদ্রে বিশাল তুফান তুলিয়া তাহার সমস্ত আত্মরিকতার বলে সর্বজগতের জীর্ণ কোটাটার পিছনে ধাক্কা দিতেছে—ই-ই-শ...! কোটা তুলিয়া তুলিয়া উঠিতেছে...আর থাকে না! ইহার মধ্যে যেন কোনো অধীরতা, বিশৃঙ্খলতা, ভ্রমভ্রান্তি নাই—যেন দৃঢ়, অভ্যস্ত, প্রণালীবদ্ধ ভাবের কর্তব্যকার্য!...বিশ্বটাকে নির্দিষ্ট সময়ের মধ্যে চূর্ণ করিয়া উড়াইয়া দেওয়ার ভার যে লইয়াছে...যুগে যুগে এরকম কত হাশুমুখী সৃষ্টিকে বিধ্বস্ত করিয়া অনন্ত আকাশের অন্ধকারে তারাবাজির মত ছড়াইয়া দিয়া আসিয়াছে যে মহাশক্তিমান ধ্বংসদূত—এ তার অভ্যস্ত কার্য...এতে তার অধীরতা উন্নততা সাজে না...

আতঙ্কে সর্বজগা দোর বন্ধ করিয়া দিল—আচ্ছা যদি এখন একটা কিছু ঘরে ঢোকে? মানুষ কি অণু কোনো জানোয়ার? চারিদিকে ঘন বাষ্প, জল, লোকজনের বসতি নাই—মাগো!...জলের ছাটে ঘর ভাসিয়া যাইতেছে... হাত দিয়া দেখিল ঘুমন্ত অপূর গা জলে ভিজিয়া শ্রাতা হইয়া যাইতেছে...সে কি করে? আর কতরাত আছে?... সে বিছানা হাতড়াইয়া দেশলাই খুঁজিয়া কেরোসিনের ডিবাটা জ্বালে। ডাকে—ও অপূ ওঠতো?...জল পড়্চে...অপূ ঘুমচোখে জড়িতগলায় কি বলে বোঝা যায় না। আবার ডাকে—অপূ? শুন্টিস্ ও অপূ?... ওঠ্ দিকি...হুর্গাকে বলে—পাশ ফিরে শো তো হুর্গা। বড় জল পড়্চে—একটু স'রে, পাশ ফের্ দিকি—

অপূ উঠিয়া বসিয়া ঘুমচোখে চারিদিকে চায়—পরে আবার শুইয়া পড়ে। ছড়ম করিয়া বিষম কি শব্দ হয়, সর্বজগা তাড়াতাড়ি আবার ছয়ার খুলিয়া বাহরের দিকে উঁকি মারিয়া দেখিল—বাঁশবাগানের দিকটা ফাঁকা ফাঁকা দেখাইতেছে—রান্নাঘরের দেওয়াল পড়িয়া গিয়াছে!... তাহার বুক কাঁপিয়া ওঠে—এইবার যদি পুরাণো কোটাটা—? কে আছে কাহাকে সে এখন ডাকে? মনে মনে বলে—হে ঠাকুর, আজকার রাতটা কোনো রকমে কাটিয়ে দাও, হে ঠাকুর, ওদের মুখের দিকে তাকাও—

তখনও ভাল করিয়া ভোর হয় নাই, বড় খামিয়া গিয়াছে কিন্তু বৃষ্টি তখনও অন্ন অন্ন পড়িতেছে। পাড়ার

নীলমণি মুখুয্যের স্ত্রী গোহালে গরুর অবস্থা দেখিতে আসিতেছেন, এমন সময় খিড়কীদোরে বার বার ধাক্কা শুনিয়া আসিয়া দোর খুলিয়া বিশ্বয়ের সুরে বলিলেন—নতুন বৌ!...সর্বজগা বাস্ত ভাবে বলিল—ন দি, একবার বটঠাকুরকে ডাকো দিকি?...একবার শীগ্গির আমাদের বাড়ীতে আস্তে বেলো—হুর্গা কেমন কর্ণে! নীলমণি মুখুয্যের স্ত্রী আশ্চর্য হইয়া বলিলেন—হুর্গা? কেন কি হয়েছে হুর্গার?...সর্বজগা বলিল—কদিন থেকে তো জর হচ্ছিল—হচ্ছে আবার যাচ্ছে—ম্যালেরিয়ার জর, কাল সন্দেহ থেকে জর বড় বেশী—তুমি—তার ওপর কাল রাত্রে কি রকম কাণ্ড তো জানই—একবার শীগ্গির বটঠাকুরকে— তাহার বিশ্বস্ত কেশ ও রাত-জাগা রাঙা রাঙা চোখের কেমন দিশাহারা চাহনি দেখিয়া নীলমণি মুখুয্যের স্ত্রী বলিলেন—ভয় কি বৌ—দাঁড়াও আমি এখুনি ডেকে দিচ্ছি—চল আমিও যাচ্ছি—কাল আবার রাত্তিরে গোয়ালের চালাখানা পড়ে গেল—বাবা কাল রাত্তিরের মত কাণ্ড আমি তো কখনো দেখিনি—শেষ রাত্রে সব উঠে গরুটুকু সরিয়ে রেখে আবার শুয়েচে কিনা?...দাঁড়াও আমি ডাকি—

একটু পরে নীলমণি মুখুয্যে, তাহার বড় ছেলে ফণি, স্ত্রী ও দুই মেয়ে সকলে অপূদের বাড়ী আসিলেন। রাত্রির সেই দৈত্যটা যেন সারা গ্রামখানা দলিত, পিষ্ট, মথিত করিয়া দিয়া আকাশ পথে অন্তর্হিত হইয়াছে—ভাঙা গাছের ডাল, পাতা, চালের খড়, কাঁচা বাঁশপাতা, বাঁসের কঞ্চিতে পথ ঢাকিয়া দিয়াছে—ঝাড়ের বাঁশ লুইয়া পথ আটকাইয়া রাখিয়াছে। ফণি বলিল—দেখেচেন বাবা কাণ্ডখানা?... সেই নবাবগঞ্জের পাকারাস্তা থেকে বিলিতি গাছটার পাতা উড়িয়ে এনেচে!...নীলমণি মুখুয্যের ছোট ছেলে একটা মরা চড়ুই পাখী বাঁশ পাতার ভিতর হইতে টানিয়া বাহির করিল।

হুর্গার বিছানার পাশে অপূ বসিয়া আছে—নীলমণি মুখুয্যে ঘরে ঢুকিয়া বলিলেন—কি হয়েছে বাবা অপূ?—অপূর মুখে উদ্বেগের চিহ্ন। বলিল—দিদি কি সব বক্ছিল জেঠা মশায়।

নীলমণি বিছানার পাশে বসিয়া বলিলেন—দেখি হাত-খানা?...জরটা একটু বেশী, আচ্ছা কোনো ভয় নেই—

শ্রীবিভূতিভূষণ বন্দ্যোপাধ্যায়

ফণী, তুমি একবার চট্ ক'রে নবাবগঞ্জে চ'লে যাও দিকি শরৎ ডাক্তারের কাছে—একেবারে ডেকে নিয়ে আসবে। পরে তিনি ডাকিলেন—হুর্গা, ও হুর্গা ?—হুর্গার অঘোর আচ্ছন্ন ভাব, সাড়া শব্দ নাই। নীলমণি বলিলেন—এঃ ঘরদোরের অবস্থা তো বড় খারাপ ? জল প'ড়ে কাল রাত্রে ভেসে গিয়েচে...তা বৌমার লজ্জার কারণই বা কি—আমাদের ওখানে না হয় উঠলেই হোত ? হরিটারও কাণ্ড-জ্ঞান আর হোল না এ জীবনে—এই অবস্থায় এই রকম ঘরদোর সারানোর একটা ব্যবস্থা না ক'রে কি যে করচে, তাও জানি নে—

তঁাহার স্ত্রী বলিলেন—ঘর সারাবে কি, খাবার নেই ঘরে, নৈলে কি এরকম আশান্তরে ফেলে কেউ বিদেশে যায় ? আহা রোগা মেয়েটা কাল সারারাত ভিজচে—একটু জল গরম করতে দাও—ওই জানালাটা খুলে দাও তো ফণী ?

একটু বেলায় নবাবগঞ্জ হইতে শরৎ ডাক্তার আসিলেন—দেখিয়া শুনিয়া ঔষধের ব্যবস্থা করিলেন। বলিয়া গেলেন যে বিশেষ ভয়ের কোনো কারণ নাই, জ্বর বেশী হইয়াছে, মাথায় জলপটি নিয়মিত ভাবে দেওয়ার বন্দোবস্ত করিলেন। হরিহর কোথায় আছে জানা নাই—তবুও তাহার পূর্ব ঠিকানায় তাহাকে একখানি পত্র দেওয়া হইল।

সেদিন এই ভাবেই কাটিল। পরদিন বড় বৃষ্টি থামিয়া গেল—আকাশের মেঘ কাটিতে শুরু করিল। নীলমণি মুখুষো ভবেলা নিয়মিত দেখাশোনা করিতে লাগিলেন। অপূদের খাওয়া দাওয়ার বন্দোবস্ত নীলমণি মুখুষোদের বাড়ীতেই হইল—এ সম্বন্ধে তঁাহার স্ত্রী সর্বজয়ার কোনো আপত্তি শুনিলেন না। বড় বৃষ্টি থামিবার পরদিন হইতেই হুর্গার অবস্থা খারাপ হইতে লাগিল। শরৎ ডাক্তার সুবিধা বুঝিলেন না। হরিহরকে আর একখানা পত্র দেওয়া হইল।

অপূ তাহার দিদির মাথার কাছে বসিয়া জলপটি দিতে-ছিল। জ্বর আবার বড় বাড়িয়াছে। জলপটি দিতে দিতে দিদিকে সে ছ একবার ডাকিল—ও দিদি শুনছিস্, কেমন আছিস্, ও দিদি ? হুর্গার কেমন আচ্ছন্ন ভাব। ঠোট্ নড়িতেছে—কি যেন আপন মনে বলিতেছে, ঘোর ঘোর। অপূ কানের কাছে মুখ লইয়া গিয়া ছ একবার চেষ্টা করিয়াও কিছু বুঝিতে

পারিল না। বৈকালের দিকে জ্বর ছাড়িয়া গেল। হুর্গা আবার চোখ মেলিয়া চাহিতে পারিল এতক্ষণ পরে। সে ভারী দুর্বল হইয়া পড়িয়াছে, কথা এত ক্ষীণস্বরে বলিতেছে যে, ভাল করিয়া না শুনিলে বোঝা যায় না কি বলিতেছে।

মা গৃহকার্যো উঠিয়া গেলে অপূ দিদির কাছে বসিয়া রহিল। হুর্গা চোখ তুলিয়া তাহার দিকে চাহিয়া বলিল—বেলা কত রে ?

অপূ বলিল—বেলা এখনও অনেক আছে—রক্ষুর উঠেচে আজ দেখিচিস্ দিদি ? এখনও আমাদের নারকোল গাছের মাথায় রক্ষুর রয়েছে—

খানিকক্ষণ হুর্জনেই কোনো কথা বলিল না। অনেক দিন পরে রৌদ্র ওঠাতে অপূর ভারি আফ্লাদ হইয়াছে। সে জানালার বাহিরে রৌদ্রালোকিত গাছটার মাথায় চাহিয়া রহিল।

খানিকটা পরে হুর্গা বলিল—শোন্ অপূ—একটা কথা শোন্—

কি রে দিদি ? পরে সে দিদির মুখের আরও কাছে মুখ লইয়া গেল।

—আমায় একদিন তুই রেলগাড়ী দেখাবি ?

—দেখাবো এখন—তুই সেরে উঠলে বাবাকে ন'লে আমরা সব একদিন গঙ্গা নাইতে যাবো রেলগাড়ী ক'রে—

পরদিন সকাল দশটার সময় নীলমণি মুখুষো অনেকদিন পরে নদীতে স্নান করিতে যাইবেন বলিয়া তেল মাখিতে বসিয়াছেন, তঁাহার স্ত্রীর উত্তেজিত স্বর তাঁর কানে গেল—ওগো,এসো তো একবার এদিকে শীগ্গীর—অপূদের বাড়ীর দিক্ থেকে যেন একটা কান্নার গলা পাওয়া যাচে--

ব্যাপার কি দেখিতে সকলে ছুটিয়া গেলেন।

সর্বজয়া মেয়ের মুখের উপর ঝুঁকিয়া পড়িয়া বলিতেছে—ও হুর্গা চা দিকি--ওমা ভাল ক'রে চা দিকি—ও হুর্গা—

নীলমণি মুখুষো ঘরে ঢুকিয়া বলিলেন—কি হয়েছে—সরো সরো সব দিকি—আহা কি সব বাতাসটা বন্ধ ক'রে দাঁড়াও ?

সর্বজয়া ভাস্কর সম্পর্কের প্রবীণ প্রতিবেশীর ঘরের মধ্যে উপস্থিতি তুলিয়া গিয়া চীৎকার করিয়া উঠিল—ওগো, কি হোল মেয়ে অমন করচে কেন ?



তুর্গা আর চাহিল না।

আকাশের নীল আস্তরণ ভেদ করিয়া মাঝে মাঝে অনন্তের যে হাতছানি আসে—পৃথিবীর বুক থেকে ছেলেমেয়েরা চঞ্চল হইয়া ছুটিয়া গিয়া অনন্তনীলিমার মধ্যে ডুবিয়া নিজেদের হারাইয়া ফেলে—অনন্তকোটি নতুন জগতের মধ্যে কোন পথহীন পথে—তুর্গার অশাস্ত, চঞ্চল প্রাণের বেলায় জীবনের সেই সন্মাপেক্ষা বড় অজানার ডাক আসিয়া পৌঁছিয়াছে। তখন আবার রামকৃষ্ণ ডাক্তারকে ডাকা হইল—বলিলেন—ম্যালেরিয়ার শেষ ষ্টেজ্টি আর কি—থুব জ্বরের পর যেমন বিরাম হয়েছে আর অমনি হাটফেল ক'রে—ঠিক এ রকম একটা case হ'য়ে গেল সেদিন দলঘরায়—

আধঘণ্টার মধ্যে পাড়ার লোকে উঠান ভাঙ্গিয়া পড়িল।

১০

হরিহর বাড়ীর চিঠি পায় নাই।

এবার বাড়ী হইতে বাহির হইয়া হরিহর রায় প্রথমে গোয়াড়ী কৃষ্ণনগর যায়। কাহারও সঙ্গে তথায় তাহার পরিচয় ছিল না। সহর বাজার জায়গা, একটা না একটা কিছু উপায় হইবে এই অজানার কুহকে পড়িয়াই সে সেখানে গিয়াছিল। গোয়াড়ীতে কিছুদিন থাকিবার পর সে সন্ধান পাইল যে, সহরের উকিল কি জমিদার বাড়ীতে দৈনিক বা মাসিক চুক্তি হিগাবে চণ্ডীপাঠ করার কার্য প্রায়ই জুটিয়া যায়। আশায় আশায় দিন পনেরো কাটাইয়া বাড়ী হইতে পথথরচ বলিয়া যৎসামান্য যাহা কিছু আনিয়াছিল ফুরাইয়া ফেলিল, অথচ কোথাও কিছু সুবিধা হইল না। সে পড়িল মহাবিপদে—অপরিচিত স্থান, কেহ একটি পয়সা দিয়া সাহায্য করে এমন নাই—মোড়ে বাজারের যে হোটেলটিতে ছিল, পয়সা ফুরাইয়া গেলে সেখান হইতে বাহির হইতে হইল। একজনের নিকট গুলিল স্থানীয় হরিসভায় নবাগত অভাবগ্রস্ত ব্রাহ্মণ পথিককে বিনামূল্যে থাকিতে ও খাইতে দেওয়া হয়। অভাব জানাইয়া হরিসভার একটা কুঠুরির এক পাশে সে থাকিবার স্থান পাইল বটে, কিন্তু সেখানে বড় অসুবিধা, কারণ অনেক গুলি নিষ্কর্মা গাঁজাখোর লোক রাত্রিতে সেখানে আড্ডা করে, প্রায় সমস্ত রাত্রি হৈ হৈ

করিয়া কাটায়, এমনকি গভীর রাত্রিতে এক-একদিন এমন ধরণের স্ত্রীলোকের বাতায়ত দেখা যাইতে লাগিল যাহাদের ঠিক হরিসভারদর্শনপ্রার্থিনী ভদ্রমহিলা বলিয়া মনে হয় না। অতিকষ্টে দিন কাটাইয়া সে সহরের বড় বড় উকিল ও ধনী গৃহস্থের বাড়ীতে ঘুরিতে লাগিল। সারাদিন ঘুরিয়া অনেক রাত্রিতে ফিরিয়া এক-একদিন দেখিত তাহার স্থানটিতে তাহারই বিছানাটি টানিয়া লইয়া কে একজন অজ্ঞাতকুলশীল ব্যক্তি নাক ডাকাইয়া যুমাঠিতেছে। হরিহর কয়েকদিন বাহিরের বারান্দায় শুইয়া কাটাইল। প্রায়ই একরূপ হওয়াতে ইহা লইয়া গাঁজাখোর সম্প্রদায়ের সহিত তাহার একটু বচসা হইল। পরদিন প্রাতে তাহার হরিসভার সেক্রেটারীর কাছে গিয়া কি লাগাইল তাহারাই জানে—সেক্রেটারী বাবু নিজ বাড়ীতে হরিহরকে ডাকাইয়া পাঠাইলেন ও বলিলেন, তাঁহাদের হরিসভার তিনদিনের বেশী থাকিবার নিয়ম নাই, সে যেন অত্র বাসস্থান দেখিয়া লয়।

সন্ধ্যার পরে জিনিষপত্র লইয়া হরিহরকে হরিসভার বাড়ী হইতে বাহির হইতে হইল। মোড়ে নদীর ধারে অল্প একটু নির্জন স্থানে পুঁটুলিটা নামাইয়া রাখিয়া নদীর জলে হাতমুখ ধুইল। সারাদিন কিছু খাওয়া হয় নাই—সেদিন একটি কাঠের গোলাতে বসিয়া শ্রামাবিষয় গান করিয়াছিল—গোলার অধিকারী একটি টাকা প্রণামী দেয়—সেই টাকাটি হইতে কিছু পয়সা ভাঙ্গাইয়া বাজার হইতে মুড়ি ও দই কিনিয়া আনিল। খাবার গলা দিয়া যেন নামে না—মাত্র দিন দশেকের সম্বল রাখিয়া সে বাড়ী হইতে বাহির হইয়াছে। অল্প প্রায় একমাসের উপর হইয়া গেল—এপর্যন্ত একটি পয়সা পাঠাইতে পারে নাই—এতদিন কি করিয়া তাহাদের চলিতেছে! অপূ বাড়ী হইতে আসিবার সময় বার বার বলিয়া দিয়াছে— তাহার জন্ম একখানা পদ্মপুরাণ কিনিয়া লইয়া যাইবার জন্ম। সে বই পড়িতে বড় ভাল বাসে—বাড়ীর রামায়ণ মহাভারত সব পড়িয়া শেষ করিয়া ফেলিয়াছে। মাঝে মাঝে ছেলে যে তাহার বাক্স দপ্তর খুলিয়া লুকাইয়া বই

শ্রীবিভূতিভূষণ বন্দ্যোপাধ্যায়

বাহির করিয়া লইয়া পড়ে, তাহা হরিহর বুঝিতে পারে—
বাক্সের ভিতর আনাড়ি হাতের হেলাগোছা করা থাকে
—কোন বই বাপ বাক্সের কোথায় রাখে, ছেলে
তাহা জানে না—উল্টাপাল্টা করিয়া মাজাইয়া চুরি
ঢাকিবার অক্ষম চেষ্টা করে—হরিহর বাড়ী ফিরিয়া
বাক্স খুলিলেই বুঝিতে পারে ছেলের কীত্তি। তাহার বাড়ী
হইতে আসিবার পূর্বে হরিহর যুগীপাড়া হইতে একখানা
বটতলার পত্র পদ্মপুরাণ পড়িবার জন্ত লইয়া আসে—সে একটা
পালা লিখিতেছিল, তাহাতে বইখানি একবার দেখিবার
প্রয়োজন ছিল। অপূ বইখানা দখল করিয়া বসিল—রোজ
রোজ পড়ে—কচুনী পাড়ায় শিবঠাকুরের মাছ ধরিতে যাওয়ার
কথাটা পড়িয়া তাহার ভারী আমোদ—বইখানা সে ছাড়িতে
চায় না। হরিহর বলে—বইখানা ছাও বাবা, যাদের
বই তারা চাচ্ছে যে? অবশেষে একখানা পদ্মপুরাণ তাহাকে
কিনিয়া দিতে হইবে—এই সর্ত্তে বাবাকে রাজী করাইয়া
তবে সে বই ফেরৎ দেয়। আসিবার সময় বার বার
বলিয়াছে—সেই বই একখানা এনো কিন্তু বাবা, এবার
অবিশি অবিশি? দুর্গার উঁচু নজর নাই, সে বলিয়া দিয়াছে,
একখানা সবুজ হাওয়ায় কাপড় ও একপাতা ভাল দেখিয়া
আলতা লইয়া যাইবার জন্ত। কিন্তু সে সব তো দূরের কথা,
কি করিয়া বাড়ীতে সংসার চলিতেছে সেই না এখন সমস্যা?

সন্ধ্যার পর পুস্তকপরিচিত কাঠের গোলটায় গিয়া সে
রাত্রের মত আশ্রয় লইল। ভাল ঘুম হইল না—বিছানায়
শুইয়া বাড়ীতে কি করিয়া কিছু পাঠায় এই ভাবনায় এপাশ
ওপাশ করিতে লাগিল। সকালে উঠিয়া ঘুরিতে ঘুরিতে
সে লক্ষ্যহীন ভাবে পথের একস্থানে দাঁড়াইল। রাস্তার
ওপারে একটা লাল ইটের লোহার ফটক-ওয়াল বাড়ী।
অনেকক্ষণ চাহিয়া তাহার কেমন মনে হইল এই বাড়ীতে
গিয়া ছুখ জানাইলে তাহার একটা উপায় হইবে। কলের
পুতুলের মত সে ফটকের মধ্যে ঢুকিয়া পড়িল। মাজানো
বৈঠকখানা, মার্বেল পাথরের ধাপের স্তরে স্তরে বসানো
ফুলের টব, পাথরের পুতুল, পাম্, দরজায় ঢুকিবার স্থানে
পা-পোষ পাতা। একজন প্রৌঢ় ভদ্রলোক বৈঠকখানায়
খবরের কাগজ পড়িতেছিলেন—অপরিচিত লোক দেখিয়া

কাগজ পাশে রাখিয়া সোজা হইয়া বসিয়া জিজ্ঞাসা করিলেন,
কে তুমি? কি দরকার? হরিহর বিনীতভাবে বলিল—
আজ্ঞে আমি ব্রাহ্মণ—সংস্কৃত পড়া আছে, চণ্ডী পাঠ-টাট্
করি—তা ছাড়া ভাগবত কি গীতা পাঠও—

প্রৌঢ় ভদ্রলোকটি ভাল করিয়া কথা না শুনিয়াই তাঁহার
সময় অত্যন্ত মূল্যবান, বাজে কথা শুনিবার সময় নিতান্ত
সংক্ষেপ জানাইয়া দিবার ভাবে বলিলেন—না, এখানে ওসব
কিছু এখন সুবিধে হবে না, অত্র জায়গায় দেখুন। হরিহর
মরিয়া ভাবে বলিল—আজ্ঞে নতুন সহরে এসেছি, একেবারে
হাতে নেই—বড় বিপদে পড়িছি, কদিন ধরে
কেবলই—

প্রৌঢ় লোকটি তাড়াতাড়ি আপদ বিদায় করিবার
ভঙ্গীতে ঠেস দেওয়ার তাকিয়াটা উঠাইয়া একটা কি তুলিয়া
লইয়া হরিহরের দিকে হাত বাড়াইয়া বলিলেন—এই নিন্,
যান্, অত্র কিছু হবে টবে না, নিন্। সেটা যে শ্রেণীর মুদ্রাই
হউক সেইটাই অত্র সুরে দিতে আসিলে হরিহর লইতে
কিছুমাত্র আপত্তি করিত না—এরূপ সে বহুস্থানে লইয়াছেও;
কিন্তু হঠাৎ যেন ষড়টার বড় দোলক-ঝুলানো ঘড়িটার সুস্পষ্ট
গম্ভীর টক্ টক্ শব্দ, ফরাসের বিছানার চাদর মুড়িবার বিশেষ
ভঙ্গিটি, ঘরের অনিদ্দিষ্ট অপরিচিত ধরণের গন্ধ সবশুদ্ধ
মিথিয়া তাহার কাছে অত্যন্ত অস্বাস্তকর, অপ্রীতিকর
ঠেকিল। সে বিনীতভাবেই বলিল—আজ্ঞে ও আপনি
রাখুন, আমি এমনি কারুর কাছে নিইনে—আমি শাস্ত্র
পাঠ টাট্ করি—তা ছাড়া কারুর কাছে—আচ্ছা থাক্—

একটু শুভযোগ বোধ হয় ঘটয়াছিল। রক্ষিত মশায়ের
কাঠের গোলাতেই একদিন একটা সন্ধান জুটিল। কৃষ্ণ-
নগরের কাছে একটা গ্রামে একজন বন্ধিষ্ণু মহাজন গৃহ-
দেবতার পূজা পাঠ করিবার জন্ত একজন ব্রাহ্মণ খুঁজিতেছে,
যে বরাবর টিকিয়া থাকিবে। রক্ষিত মশায়ের যোগাযোগে
অবিলম্বে হরিহর সেখানে গেল—বাড়ীর কর্তাও তাহাকে
পছন্দ করিলেন। থাকিবার ঘর দিলেন, আদর আপ্যায়নের
কোন ক্রটি হইল না।

কয়েকদিন কার্যা করিবার পরেই পূজা আসিয়া পড়িল।
বাড়ী যাইবার সময় বাড়ীর কর্তা দশটাকা প্রণামী ও

যাতায়াতের গাড়ীভাড়া দিলেন, গোয়াড়ীতে রক্ষিত মশায়ের নিকট বিদায় লইতে আসিলে সেখান হইতেও পাঁচটি টাকা প্রণামী পাওয়া গেল।

আকাশে বাতাসে গরম রৌদ্রের গন্ধ, নীল নির্মেষ আকাশের দিকে চাহিলে মনে হঠাৎ উল্লাস আসে, বর্ষা-শেষের সরস সবুজ লতা পাতায়, পথিকের চরণ-ভঙ্গিতে কেমন একটা আনন্দ মাথানো। রেল পথের দুপাশে কাশ ফুলের ঝাড় গাড়ীর বেগে লুটাইয়া লুটাইয়া পড়িতেছে, চলিতে চলিতে কেবলই সে বাড়ীর কথা ভাবিতে লাগিল।

একদল শান্তিপুত্রের ব্যবসায়ী লোক পূজার পূর্বে কাপড়ের গাঁট ক্রয় করিতে কলিকাতায় গিয়াছিল, পারগামী খেয়ার নোকায় উঠিয়া কলরব করিতেছে—সর্বত্র একটা উৎসবের উল্লাস। রাণাঘাটের বাজারে সে স্ত্রী ও পুত্র-কন্য়ার জন্ত কাপড় কিনিল। দুর্গা লালপাড় কাপড় পরিতে ভালবাসে, তাহার জন্ত বাছিয়া একখানা ভাল কাপড়, ভাল দেখিয়া আলতা কয়েক পাত। অপূর ‘পদ্মপুরাণ’ অনেক সন্ধান করিয়াও মিলিল না, অবশেষে একখানা ‘সচিত্র চণ্ডী-মাহাত্ম্য বা কালকেতুর উপাখ্যান’ ছয় আনা মূল্যে কিনিয়া লইল। গৃহস্থালীর টুকটাক্‌ ত একটা জিনিস, সর্বজয়া বলিয়া দিয়াছিল একটা কাঠের চাকী বেলুনের কথা, তাহাও কিনিল।

দেশের ষ্টেশনে নামিয়া হাঁটিতে হাঁটিতে বৈকালের দিকে সে গ্রামে আসিয়া পৌঁছিল। পথে বড় একটা কাহারও সহিত দেখা হইল না, দেখা হইলেও সে হন্ হন্ করিয়া উদ্ভিগ্ন-চিত্তে কাহারও দিকে বিশেষ লক্ষ্য না করিয়া বাড়ীর দিকে চলিল। দরজায় ঢুকিতে ঢুকিতে আপন মনে বলিল—উঃ, ঝাখো কাণ্ডখানা! বাঁশ ঝাড়টা ঝুঁকে পড়েছে একেবারে পাঁচীলের ওপর, ভূবন কাকা কাটাবেনও না—মুস্কল হয়েছে আচ্ছা—পরে সে বাড়ীর উঠানে ঢুকিয়া অভ্যাসমত আগ্রহের সুরে ডাকিল—ওমা দুর্গা—ও অপূ—

তাহার গলার স্বর শুনিয়া সর্বজয়া ঘর হইতে বাহির হইয়া আসিল।

হরিহর হাসিয়া বলিল,—বাড়ীর সব ভালো? এরা সব কোথায় গেল? বাড়ী নেই বুঝি? সর্বজয়া শাস্তভাবে

আসিয়া স্বামীর হাত হইতে ভারী পুঁটুলিটা নামাইয়া লইয়া বলিল, এসো—ঘরে এসো— স্ত্রীর অদৃষ্টপূর্ব শাস্ত্যভাব হরিহর লক্ষ্য করিলেও তাহার মনে কোনো খটকা হইল না— তাহার কল্পনার স্রোত তখন উদ্দাম বেগে অগ্নিদিকে ছুটিয়াছে—এখনই ছেলে মেয়ে ছুটিয়া আসিবে—

দুর্গা আসিয়া হাসিমুখে বলিবে—কি বাবা এর মধ্যে? অমনি তাড়াতাড়ি হরিহর পুঁটুলি খুলিয়া মেয়ের কাপড় ও আলতার পাতা এবং ছেলের ‘সচিত্র চণ্ডী-মাহাত্ম্য বা কালকেতুর উপাখ্যান’ ও টিনের রেলগাড়ীটা দেখাইয়া তাহাদের তাক লাগাইয়া দিবে! সে ঘরে ঢুকিতে ঢুকিতে বলিল, বেশ কাঁঠাল কাঠের চাকী বেলুন এনিচি এবার— পরে কিছু নিরাশামিশ্রিত সতৃষ্ণ নয়নে চারিদিকে চাহিয়া বলিল, কৈ—অপূ দুর্গা এরা বুঝি সব বেরিয়েচে—

সর্বজয়া আর কোনো মতেই চাপিতে পারিল না। উচ্ছ্বসিত কণ্ঠে ফুকারিয়া কাঁদিয়া উঠিল—ওগো দুর্গা কি আর আছে গো—মা যে আমাদের ফাঁকি দিয়ে চলে গিয়েছে গো—এতদিন কোথায় ছিলে!—

গান্ধুলী বাড়ীর পূজা অনেক কালের। এ কয়দিন গ্রামের অতি দরিদ্রও অভুক্ত থাকে না। সব বনেদি বন্দোবস্ত, নির্দিষ্ট সময়ে কুমার আসিয়া প্রতিমা গড়ায়, পোটো চালচিত্র করে, মালাকর সাজ যোগায়, বারাসে-মধুখালির দ’ হইতে বাউরিরা রাশি রাশি পদ্মফুল তুলিয়া আনে।

আঁসমালির দীর্ঘ সানাইদার অগ্ন অগ্ন বৎসরের মত রসুন চৌকী বাজাইতে আসিল। প্রভাতের আকাশে আগমনীর আনন্দ সুর বাজিয়া ওঠে,—আসন্ন হেমন্ত ঋতুর স্নেহ অভ্যর্থনা,—নব ধাতুগুচ্ছের, নব আগন্তুক শেকালি দলের, হিমালয়ের পার হইতে উড়িয়া-আসা পথিক-পাখী শ্রামার, শিশির-স্নিগ্ধ মৃগাল-ফোটা হেমন্তসন্ধ্যার।

নতুন কাপড় পরাইয়া ছেলেকে সঙ্গে লইয়া হরিহর নিমন্ত্রণ খাইতে যায়। একখানি অগোছালো চুলে-ধেরা ছোট মুখের সনির্বন্ধ গোপন অমুরোধ দুয়ারের পাশের

শ্রীনীলিমা রায়

বাতাসে মিশাইয়া থাকে—হরিহর পথে পা দিয়া কেমন
অশ্রমনস্ক হইয়া পড়ে—ছেলেকে বলে এগিয়ে চল, এগিয়ে
চল, অনেক বেলা হ'য়ে গিয়েচে বাবা—

গাঙ্গুলী বাড়ীর প্রাঙ্গণ উৎসববেশে সজ্জিত হাসিমুখ
ছেলে মেয়েতে ভরিয়া গিয়াছে। অপু চাহিয়া চাহিয়া দেখিল
শু ও তাহার ভাই কেমন কমলানেবু রং এর জামা গায়ে
দিয়াছে—সবুজ সাড়ী পরিয়া ও দিব্য চুল বাধিয়া রানু-
দিদিকে যা মানাইয়াছে! গাঙ্গুলী বাড়ীর মেয়ে সুনয়নী
খোঁপায় রজনীগন্ধা ফুল গুঁজিয়া আর পাঁচ ছয়টি মেয়ের

সঙ্গে পূজার দালানে দাঁড়াইয়া খুব গল্প করিতেছে ও
হাসিতেছে। সুনয়নী বাদে বাকী মেয়েদের সে চেনে না,
বোধ হয় অশ্র জায়গা হইতে উহাদের বাড়ী পূজার সময়
আসিয়া থাকিবে—সহরের মেয়ে বোধ হয়, যেমন সাজ গোজ,
তেমনি দেখিতে! অপু একদৃষ্ট তাহাদের দিকে চাহিয়া
রহিল। ওদিকে কে চৈচাইয়া বলিতেছে—বড় সামিয়ানাটা
আনবার ব্যবস্থা এখনও হোল না? বাঃ—তোমাদের যা
কাজকর্ম, দেখো এখন এর পর মজাটা!

(ক্রমশঃ)

গরবিণী গৈয়ো-বালা

শ্রীনীলিমা রায়

কে চলে পুকুর-ঘাটে কাঁখে কলমী,
জল নিতে যায় বুঝি গৈয়ো রূপসী!
বাজিছে কাঁকন করে, পায়ে বাজে মল,
উড়িছে উদাস বায়ে শিথিল আঁচল!
উরসে ছলিছে হার, কানে দোলে ছল,
স্বপন-আবেশ-মাখা আঁখি ঢলুঢলু!
গ্রামল-নীরদ-নীল বসন মেলে—
গৈয়ো-বালা! কোথা হতে নামিয়া এলে!
এলে কি সঘন বন-পথ চলিয়া,
শিরীষ-শেফালি-দল পায়ে দলিয়া!
হুটি ভীকু আঁখি তুলি কী ভাষা কহ!
নিখিলের সুধা-খনি হৃদয়ে বহ!
লাগিল পায়ে কি বাথা পথ চলিতে?
চপল নয়নে চাহ কারে চলিতে?

ছায়া-কালো বন-পথ আলো করিয়া,
গরবিণী গৈয়ো-বালা যায় চলিয়া!
দাড়িমের কুঁড়ি বারে মুক্ত-কেশে—
হাতে তুলি' ফেলে দেয় মধুর হেসে!
শ্রোণী-ভারে গতি তার শিথিল ভারী,
জল চল্কিয়া ভিজে সুনীল শাড়ী!
বন-পথ বাহি' চলে বনের রাণী!
বেতস-আঁকড় ধরে আঁচল টানি'!
সেথা কোঁপে খোঁজে 'ওরা' বেতসের ফল,
সরমে লাজুক মেয়ে আঁখি ছলছল!
কাছে এসে 'একজন' চাহি' মুখ 'পর,
নীরবে ছাড়িয়ে দেয় বেতস-আঁকড়!
মুখখানি রাঙা করি' চলে সে ধীরে,—
অভিমানী গৈয়ো-বালা চাহে না ফিরে!

জলধর সেন

শ্রীঅবনীনাথ রায়

স্বলেখক জলধর বাবুর বয়স সত্তর পার হ'ল। শিশু-মড়কের প্রাবল্যে যে জাতি ধ্বংসের পথে এগিয়ে চলেচে, আর যাদের গড়পরতা আয়ুর পরিমাণ আটাশ বছরে দাঁড়িয়েচে, তাদের পক্ষে কেবলমাত্র দীর্ঘকাল বেঁচে থাকাটাই একটা আনন্দের কারণ। আবার জলধর বাবু যে শুধু বেঁচেই আছেন তাই নয়, জাতির সাহিত্য-ভাণ্ডারে তিনি কিছু সম্পদও দিয়েছেন। সুতরাং তাঁর সম্প্রতিতম জন্মোৎসব উপলক্ষে আমরা তাঁকে স্মরণ করি এবং ভগবানের নিকট তাঁর দীর্ঘজীবন প্রার্থনা করি।

আমাদের সাহিত্যকে তিনি যেটুকু সমৃদ্ধ করেছেন তার জন্তেই কৃতজ্ঞ হওয়ার প্রয়োজন আছে। প্রায় অর্ধশতাব্দী ধরে তিনি সাহিত্যের সেবা করেছেন, এ কথা বললে বোধ হয় অতুক্তি হবে না। এর থেকে এই প্রমাণ হয় যে, সাহিত্যের প্রতি তাঁর দরদ আন্তরিক এবং আতান্তিক। এই অভাব অভিযোগের দিনে পোষ্য প্রতিপালনের গুরুভার নিয়ে তিনি সাহিত্যের দ্বারস্থ না হ'য়ে যদি কোন সওদাগরী আপিসের দ্বারস্থ হতেন তবে তাঁর অর্থনৈতিক অবস্থাটা সুচারু হ'তে পারত—উপরন্তু বৃদ্ধ বয়সে কিছু প্রভিডেন্ট ফণ্ড আর gratuity নিয়ে কালীবাস করতেও পারতেন। তা' না ক'রে তিনি যে-দেবীর শরণ নিয়েছেন লক্ষ্মীর সঙ্গে তাঁর চিরবিবাদ। দেবী বাণীর দীন সেবকের নিরলোভিতার গাথা মূল্যটুকু দিতে আমরা যেন অপারক না হই।

জলধর বাবুর বইএর সমগ্র তালিকা আমি সংগ্রহ করতে পারি নি—আমাদের মীরাটের এই বীণা লাইব্রেরীতে তাঁর ৩৩ খানি বই আছে। আমার বিশ্বাস তাঁর বইএর সংখ্যা আরো বেশী। আমি যতদূর দেখেছি তাতে জলধর বাবুর বই গুলিকে তিন শ্রেণীতে ভাগ করা যেতে পারে—ভ্রমণকাহিনী, উপন্যাস ও চরিতকথা।

জলধর বাবুর ভিতর একজন সুপ্ত ভবঘুরে বাস করে। সে মাথা নাড়া দিয়ে জেগে উঠলেই জলধর বাবুকে বিছানাপত্র বেঁধে বেরুতে হয়। ১৮৯০ সালে অর্থাৎ আজকের থেকে ৩৯ বছর আগে তিনি একবার খুব লম্বা পাড়ি দিয়েছিলেন। হিসাব মত তখন তাঁর বয়স ত্রিশ পেরিয়েছে। সংসারের একটা প্রচণ্ড ধাক্কা খেয়ে তিনি হিমালয়ের বৃকের মধ্যে জুড়তে এসেছিলেন। সেই হিমালয় ভ্রমণের রোজনাম্চা সংগ্রহ ক'রে সুসাহিত্যিক দীনেন্দ্র কুমার রায় “ভারতী” পত্রিকায় ছাপিয়ে দেন। পরে এর থেকে “হিমালয়” নাম দিয়ে জলধর বাবুর প্রসিদ্ধ বই ১৯০১ সালে ছাপা হয়। স্কুলের বালকবালিকাদের উপযোগী ক'রে ‘হিমাদ্রি’ নাম দিয়ে ‘হিমালয়ে’র একটি শিশু-সংস্করণও ছাপা হয়েছে।

‘হিমালয়’ বেরুনের পর জলধর বাবুর খুব সুখাতি হয়। এতদিনকার অনুভূত একটা অভাব দূর হওয়াই তার প্রথম এবং প্রধান কারণ ব'লে আমার ধারণা। ভ্রমণ-কাহিনী আমাদের সাহিত্যে বেশী নেই—অভাব এবং স্বভাবের দোষে আমরা কতকটা কুণো প্রকৃতির। সুতরাং যারা কোনদিন বদরিকাশ্রমে শরীরে উপস্থিত হ'তে পারবেন না জলধর বাবুর ভ্রমণবৃত্তান্ত প'ড়ে তাঁদের ভ্রমণেচ্ছা আত্মা তৃপ্ত হয়। বিশেষতঃ হিন্দুর তীর্থস্থানের বিবরণ কোন দিনই এ জাতির নিকট অনাদরণীয় নয়। জলধরবাবু আবার সশ্রদ্ধভাবে এই তীর্থদর্শন করতে বেরিয়েছিলেন এবং স্থানগুলির সশ্রদ্ধ বর্ণনাই দিয়েছেন। ঝরঝরে ভাষায় ভ্রমণকাহিনী লিখতে পারার দক্ষতা তাঁর আছে এ কথাও স্বীকার্য। আর আজকের থেকে চল্লিশ বৎসর আগে তিনি যখন তীর্থযাত্রা করেছিলেন তখন পথঘাট এতটা সুগম এবং নিরাপদ ছিল না।

জলধর বাবুর ভিতরকার ভবঘুরে যে এখনো একেবারে মরে নি তার প্রমাণ তিনি এই বৃদ্ধ বয়সে এবং অপটু শরীর

নিয়মে অত্যন্ত শীতের সময় সাহিত্য-সম্মিলনে যোগ দিতে পথভ্রান্তা সেই মেয়েটিকে শেষে তিনি আদর্শ মহিলা-জীবনে মীরাট এসেছিলেন এবং সভাপতিত্ব করতে ইন্দোর গিয়েছিলেন। কলকাতা থেকে ছ জায়গারই দূরত্ব তাড়ার মাইলের কাছাকাছি।

উপন্যাস, ছোট গল্প এবং বড় গল্প জলধরবাবু অনেক লিখেছেন। এখন পর্যন্ত তাঁর কলম থামে নি। ছোট বড় সব মাসিকের পৃষ্ঠাতেই তাঁর গল্প বা প্রবন্ধের সাক্ষাৎ পাওয়া যায়। কথাসাহিত্যের ক্ষেত্রে জলধর বাবুর সম্বন্ধে এইটুকু বলা যায় যে, তাঁর লেখায় gigantic intellectএর পরিচয় নাই থাকুক, gigantic heartএর পরিচয় আছে। বাংলা দেশের দুঃখ দারিদ্র্য, রোগ শোক, সমাজের পীড়ন তাঁর বুকের মধ্যে গিয়ে তীরের মত বেঁধে। তাতে কাতর হ'য়ে তিনি কাঁদতে জানেন, সুতরাং তাঁর পাঠকবর্গকেও কাঁদাতে পারেন। সমাজের একটা ব্যবস্থার প্রতি তিনি বিশেষ ক'রে আমাদের দৃষ্টি আকর্ষণ করেছেন, সেটি এই যে, যদি কোন অল্পবয়স্ক বিধবা কোন অসতর্ক মুহূর্তে হঠাৎ ঘর ছেড়ে বেরিয়ে আসে, অথচ প্রকৃত পাপ না করে, তবু সমাজ তাকে ত্যাগ করবে কেন? 'বিগুদাদা' উপন্যাসের ভিতর দিয়ে তিনি এইটি প্রমাণ

মানপত্র

রায় জলধর সেন বাহাদুর মহোদয়ের সপ্ততিতম জন্মোৎসব উপলক্ষে মীরাটস্থ প্রবাসী বাঙ্গালীগণের শ্রদ্ধাঞ্জলি।

“হে বঙ্গভাষাজননী একনিষ্ঠসাধক! সাহিত্যসত্রাট বঙ্কিমচন্দ্রের যুগে যাঁহারা দেবী বাণীর শ্রীচরণে পুষ্পাঞ্জলি দিতে- ছিলেন তাহাদের অধিকাংশ সাধকগণই ইহজগত হইতে চিরবিদায় গ্রহণ করিয়া- ছেন। যাঁহারা অবশিষ্ট আছেন তুমি তাহাদিগের অগ্ৰতম। যিনি তোমাকে এই সুদীর্ঘ কাল বীণাপাণির সেবায় নিরত রাখিয়াছেন সেই বিশ্বনিয়ন্তার নিকট ভক্তিপ্রণত হৃদয়ে আমরা তোমার সুদীর্ঘ জীবন কামনা করি।

“হে মাতৃভাষার সেবক! প্রকৃত সাধক যমন নিজে সিদ্ধিলাভ করিয়া অপরকে তাঁহার সাধনপথের পথিক করিয়া লয়েন এবং দেরে ও দশের কল্যাণ সাধন করেন, তুমিও তেমনি নিজে সিদ্ধিলাভ করিয়া অপরকে সেই পথের পথিক করিয়া লইয়াছ এবং লইতেছ। তোমার জন্ম-বাসরের এই বাসন্তী সঙ্কায় আমরা আজ এই কথাই বলি,

‘তোমাতে যে ভালবাসি সে তোমারি গুণে’

মীরাট দুর্গাবাড়ী } শ্রীললিতমোহন রায় বিদ্যা-
৩১/৩/২১ } বিনোদ কর্তৃক পঠিত।

করেছেন—এমন কি একেবারে নিরর্থক হবে না

রূপান্তরিত করেছেন। তাঁর বলবার কথাটা বোধ হয় এই যে, সমাজ যদি সমস্ত খুঁটি নাট জেনে শুনে সহৃদয়ভাবে এই সমস্ত ব্যাপারের বিচার করেন, এবং কারুর পা বাধা-পথ থেকে আঁপিত হয়েছে কেবলমাত্র এইটুকু শুনেই যদি নাক না সেটুকান তা হ'লে অনেক কিশোর-জীবন শুধু যে অকালেই ঝ'রে পড়া থেকে রক্ষা পায় তাই নয়, একটা ধাক্কা খাওয়ার ফলে তাদের পরবর্তী জীবন মহীয়ান হ'য়ে উঠতে পারে। 'বিগুদাদা'র ভিতর দিয়ে কথাটা ব'লে তিনি তৃপ্ত হতে পারেন নি—আবার 'অভাগী'র ভূমিকায় বলছেন, “ইতঃপূর্বে বিগুদাদা পুস্তকে একটি কথা বলিতে চাহিয়াছিলাম; আমার অক্ষমতাবশতঃ কথাটা যেমন করিয়া বলিলে হইত, তাহা বলা হয় নাই, তাই পুনরায় চেষ্টা করিলাম; কিন্তু এবারেও কথাটা ঠিকমত বলা হইল কিনা, বুঝিতে পারিতেছি না।” কথাটা ঐ এবং হ'খানি পুস্তকেই সেটা ভাল ভাবে দেখান হয়েছে। আমাদের সমাজ এখনো এই বিষয়ে উদারতার পরিচয় দেন নি—যদি কোন দিন দেন তা' হলে জলধর বাবুর অশ্রুপাত



জলধর বাবুর গল্প বা উপন্যাসের মধ্যে আর একটি বস্তু চোখে পড়ে—সমাজের পুরাণো রীতি নীতির প্রতি তাঁর শ্রদ্ধা। জাতিতে গোয়াল, বাগ্দি ইত্যাদি হ'লেও বাড়ীর পুরাণো চাকর ছেলেদের “দাদা”—তাদের উপর সে-দাদার অবাধ আধিপত্য। মনিব বাড়ীর ছেলে মেয়েই সে-দাদার ছেলে মেয়ে—তার আর পৃথক সংসার নেই বুলেই হয়। এই বস্তুটি বাংলাদেশের সমাজ-জীবনের একটি উল্লেখযোগ্য বিশেষত্ব, অধুনা বিংশ শতাব্দীর সভ্যতার চাপে লোপ পেতে বসেচে। সুতরাং কথা-সাহিত্যের ভিতরে এর দর্শন পাওয়াটাকে অনেকে হয়ত residue of a barbaric trait ব'লে মনে করবেন, কিন্তু আমার কাছে বড় refreshing ব'লে মনে হয়।

তারপর চরিতকার জলধর বাবুর কথা। তিনি “কাজাল হরিনাথের”র জীবনবৃত্তান্ত সাধারণে প্রকাশ ক'রে একটি মস্ত কাজ করেচেন। তিনি এই সাধুপুরুষের ছাত্র, শিষ্য এবং দাস ব'লে নিজেকে অভিহিত করেন। জলধর বাবু না জানালে আমরা এঁর কথা কিছুই জানতে পেতুম না। কাজাল মানে হচ্ছে যঁার বেদাদি ধর্মশাস্ত্রে অধিকার নেই। কাজাল হরিনাথ সম্বন্ধে জলধর বাবুর নিজের কথা এখানে উদ্ধৃত ক'রে দিচ্ছি :—“উনবিংশ শতাব্দীর শেষার্ধ্বে যখন সকল কৃতী সুলেখকের চেষ্টা, যত্ন ও অধ্যবসায়ের ফলে বাঙ্গলা সাহিত্যের উন্নতি হইয়াছিল কাজাল হরিনাথ তাঁহা-দিগের অগ্রতম, একথা অস্বীকার করিবার উপায় নাই। যখন সাহিত্য-সম্রাট বঙ্কিমচন্দ্রের প্রথম পুস্তক দুর্গেশনন্দিনী প্রকাশিত হয় নাই, তখন কাজাল হরিনাথের ‘বিজয়-বসন্ত’ প্রকাশিত হইয়াছিল এবং সে সময় শত শত নরনারী সেই ‘বিজয়-বসন্ত’ পাঠ করিয়া অশ্রুপাত করিয়াছিল। কাজাল হরিনাথের ‘বিজয়-বসন্ত’ পুস্তকে যে ভাষার সৌন্দর্য্য, ভাবের মাধুর্য্য ছিল, তাহা এখনও অনেক সাহিত্যরথীর অনুকরণীয়। কিন্তু বড়ই দুঃখের বিষয়, সেই বাঙ্গলা সাহিত্যের উন্নতি-কল্পে উৎসর্গীকৃত জীবন কাজাল হরিনাথের কথা,—তাঁহার

সাহিত্য-সাধনার কথা—তাঁহার একনিষ্ঠ সাহিত্য-সেবার কথা—তাঁহার পবিত্র ঋষিকল্প জীবনের কথা—তাঁহার আধ্যাত্মিকতার কথা—তাঁহার অতুলনীয় বাউল গানের কথা—তাঁহার অপরিমেয় জ্ঞানভাণ্ডার ‘ব্রহ্মাণ্ডবেদের’ কথা—তাঁহার সংবাদপত্র সম্পাদনের কথা ;—সকল কথাই বাঙ্গালী ভুলিয়া গিয়াছিল—বাঙ্গালী সাহিত্য-সেবকগণ ভুলিয়া গিয়াছিলেন। বাঙ্গালী সাহিত্যের ইতিহাসে, বাঙ্গালী সংবাদপত্রের ইতিহাস আলোচনায় কখন কোনদিন কাজাল হরিনাথের নাম তেমন করিয়া উল্লিখিত হয় নাই। পল্লী-বাসী, জীর্ণ কুটীরবাসী, শতগ্রন্থিযুক্ত মলিনবেশধারী কাজাল হরিনাথের জীবনব্যাপী সাধনার সংবাদ কেহই গ্রহণ করেন নাই। কাজাল হরিনাথ কাজালের গৃহে জন্মগ্রহণ করিয়া-ছিলেন, কাজালভাবেই জীবনযাপন করিয়াছিলেন। কোনদিন তিনি ধন মান যশের পশ্চাতে ধাবিত হন নাই; তাই এই অর্থসর্বস্ব ধনগর্ভিত যুগে কেহ কাজালের খোঁজ লইলেন না।” কাজাল হরিনাথের গানের একটি লাইন জলধর বাবু জীবনে গ্রহণ করেচেন ব'লে মনে হয়। সে লাইনটি হচ্ছে এই, “বোঝ সোজা, চল সোজা”। কাজালের এই রকম অজস্র বাউল গান আছে তার মধ্যে একটি আমি অনেককে গাইতে শুনেছি, কিন্তু তাঁরা হয়ত জানেন না যে ঐ গানটির রচয়িতা কে। গানটি হচ্ছে এই,

“যদি ডাকার মত পারিতাম ডাকতে।

তবে কি মা! এমন ক'রে তুমি
লুকিয়ে থাকতে পারতে।” ইত্যাদি

জলধর বাবু একদিন এই কাজালের যে শিষ্যত্ব গ্রহণ করেছিলেন তা একেবারে বৃথা হয়নি ব'লেই আমার বিশ্বাস। আজ তিনি প্রৌঢ়ত্বের প্রান্তিসীমায় উত্তীর্ণ, তাঁর সঙ্গী এবং সহচরদের আর বড় বেশী কেউ বেঁচে নেই—এক তিনি আছেন, আর সন্মুখে আছেন কাজাল হরিনাথ। এই কাজালই তাঁকে পথ দেখিয়ে নিয়ে যাবেন।
ওঁ শান্তি:

সপ্ততিতম জন্মোৎসব উপলক্ষে মীরটি

বঙ্গীয় সাহিত্য পরিষৎ সভায় পঠিত।

প্রথম পর্ব

—নক্সা—

—শ্রীজ্ঞানেন্দ্রনাথ রায়

ক

“দা’ঠাউর যে! কি মনে ক’রে? আস্তে আজ্ঞা হোন, আস্তে আজ্ঞা হোন, পাতোপ্পেন্নাম। দেখি একটু পায়ের ধুলো দিন দেবতা।” বলিয়াই সাধুচরণ উবু হইয়া রমাই ঠাকুরের চরণধূলি লইয়া জিহ্বায় লেহন করিয়া হাতখানা যথাক্রমে বক্ষ, কণ্ঠ ও মস্তকের উপর দিয়া ঘুরাইয়া লইল।

দেবতা উত্তর করিলেন, “থাক্, থাক্, হয়েছে হয়েছে— জয়োস্তু, শুভমস্তু।”

সাধুচরণ সমুখস্থ ক্ষুদ্র টুলখানি স্কন্ধস্থিত গামছার দ্বারা ঝাড়িয়া পুঁছিয়া একটুখানি আগাইয়া দিয়া বলিল,—“বসুন দেবতা, বসুন।”

দেবতা বসিলে সাধুচরণ প্রশ্নসূচক দৃষ্টিতে তাহার দিকে চাহিল। দেবতা বৃষি বা বিমুখ হইল; কিঞ্চিৎ তিস্ত কণ্ঠেই বলিয়া উঠিল,—“আরে বলছি, বলছি, অত ব্যস্ত করিস কেন? বামুন তোর দোকানে পায়ের ধুলো দিলে—একটু ধোঁয়া মুখ করা, তবে না অশ্রু কথা। কাজ তো একটা আছেই রে, নইলে রমাই ঠাকুর কি তেমনি শম্মা যে শুধু শুধু পায়ের ধুলো দিতে এসেছে।”

সাধুচরণ ব্যস্ত হইয়া অতি তৎপরতার সহিত তামাক সাজিয়া দিল। রমাই ঠাকুর তখন নিবিষ্ট মনে চক্ষু মুদিয়া ধূমপান করিতে লাগিল; সাধুও প্রসাদের নিমিত্ত ঠাকুরের মুখের দিকে উৎসুক নেত্রে চাহিয়া রহিল। কিন্তু বহুকণ উদ্গীব হইয়া থাকিয়া যখন বুঝিল যে, কণিকামাত্র প্রসাদের আশাও নির্তাঁস্ত হুরাশা, তখন ক্ষুব্ধ হইয়া একটা দীর্ঘ নিশ্বাস চাপিয়া লইল। সাধুচরণের দেব দ্বিজে ভক্তি অত্যন্ত নিবিড় ও গভীর হইলেও পূর্বোক্ত প্রসাদের প্রতি তাহার আসক্তি কিছুমাত্র কম ছিল না।

রমাই ঠাকুর নীরবে বহুকণ ধূমপান করিবার পর কড়ি-বাধা ছঁকাটির মস্তকোপরি হইতে কলিকাটি নামাইয়া বলিল,—“আর কি দেব-দ্বিজে তোদের ভক্তি টক্তি আছে রে সেধো! বলি বামুনের ছঁকো সিক করা কি জল বদলানো,—এটা বুঝি আর আবিগ্ৰক মনে করিস্ নি, না? ছঁকো কোথায় ‘খুড়ো খুড়ো’ ডাক্ ডাক্বে, তা নয়কো ‘পিসে’ ডাক্তেই দম বন্ধ!”

সময়মত প্রসাদের অভাবে সাধুর মনে ক্রোধের সঞ্চার হইলেও সে আপনাকে সামলাইয়া লইয়া কহিল,—“নিতাই তো ওনাকে জল সেবা, সিক্খড়কে করাই!”

“আচ্ছা, আচ্ছা, বেশ করিস, এখন নে, নে, একটু ‘পেসাদ’ পা।” বলিয়া রমাই ঠাকুর কলিকাটা আগাইয়া দিল।

সাধু কিন্তু চটিয়া উঠিল,—“রাখ ঠাকুর, তোমার ‘পেসাদ!’ এতই যদি সঁধুলেন তবে আরও যদি ওতে কিছু থাকেন তবে তাও সঁধোন। ওতে কি আর কিছু আছেন ঠাকুর?”

ঠাকুর কিন্তু এ তিরস্কারে রাগিল না। এতক্ষণ ধরিয়া তাত্রকুট সেবন করিয়া মেজাজটা তাহার প্রশম হইয়াছে। সে হাসিয়াই বলিল,—“না হয় আর এক ‘ছিলুম’ ঢেলেই সাজ না সেধো! অত গরম হোস্ কেন বাপু? আমি বামুন মাহুষ, সারা সকাল নানা কাজে ঘুরে ঘুরে আক্লাস্ত হ’য়ে তোর দোকানে এসে ব’সে না হয় এক ‘ছিলুম’ একাই খেলুম! তা’তে আর এমন কি হয়েছে বাপু!”

সাধু আপনাকে একটু সংযত করিয়া লইয়া বলিল,—“না, তা’ আর কি হয়েছে দেবতা! তা’ কিসির তরে ‘ভোর বিহান’তক এত ঘুরলে, তা’ তো কই প্রকাশ করলে নি।”



“আরে কাজ কি আর একটা রে সেধো? মনে করছি কি জানিস্—একটা যাত্রার দল খুলি। ছোকরারা ছুটিতে গাঁয়ে এসে, সেদিন কি এক জটের থিয়েটার না ফিয়েটার করেছে, দ্যামাক্ দেখ্ না! গল্পের আর সীমে সংখ্যে নেই। গ্রামটাকে যেন চ’ষে ফেল্ছে আর কি! যেন কি না কি-ই একটা করেছেন! আরে, খেংতোরি তোর থিয়েটার! ওতো যে-সেই করতে পারে রে। যাদের ‘গান-শক্তি’ নেই বুঝি কিনা সেধো, তারাই করে থিয়েটার; গান তো আর গাইতে হয় না, কেবল বক্তিমের ক’রেই বাস্।”

সাধু কহিল,—“না, ওরাও তো ‘গায়ান’ করেন দেবতা!”

রমাই ঠাকুর, হোঃ হোঃ করিয়া উচ্চ হাস্য করিয়া উঠিল, “ফুঃ! কি যে বলিস্ সেধো! অবেলায় আর হাসাস্ নি বাপু! ওকি আবার একটা গান? ওতো মেয়ে মানুষের নাকি কারা। গান বলি যাত্রার গানকে।”

সাধু শুনিয়া উৎফুল্ল হইয়া উঠিল,—“তা ঠিক ‘নিযাস’ কথা কইছেন দেবতা! ‘জয়ত্রা’ গানির তুলিয়া কি আর ‘গায়ান’ আছে? তা’ আপনি যদি একটা দল বাধ্তি পার ‘তয়’ তো ভালই হয়।”

“তাই তো এত ‘মেহনৎ’ ক’রে তোর কাছে আসা রে। নইলে ‘শম্মারাম’ বিনা কাজে ‘পাদমেকং ন গচ্ছামি’—তা তো জানিস।”

“তা’ আমার কাছে ক্যানে দেবতা! আমি আর কি করতি পারি?”

“পারিস্ রে, বাপু পারিস্। নইলে কি আর রমাই ঠাকুর তোর কাছে এসেছেন। তোর ‘ব্যায়লা’ থানা আছে তো, আর আমার ডুগি-তবলা! তা’ তো জানিস্-ই। ও ওতেই চলে যা’বে একরকম! আর তোর দোকানে রঞ্জা আর ষষ্টে ব’লে যে ছেলে দুটো কাজ করে না? মনে কচ্ছি ওদিকে কোরবো রাম, লক্ষণ! মন্দ হ’বে কি?”

“আম, নক্ষণ মন্দ হবেন ক্যানে দেবতা, একিবারে দিবিয়া খাসা হবেন।”

দেবতা কিন্তু চটিয়া উঠিল,—“হঁ, খাসা হবেন, না ছাই হবেন। কেন মেলা ফ্যাচ ফ্যাচ করিস্ বলতো?”

আর তা’ না হয় হ’লই, কিন্তু ‘সীতে’ হবে কে তাই শুনি? না ভেবে চিন্তেই অমনি অমনি যা’ তা’ বলিস্ ওই তোর এক দোষ! এ আমি চিরকালই দেখে আসছি।”

সাধু হাত জোড় করিয়া কহিল,—“গৌসা করেন ক্যানে কর্তা, সে তখন একটা দেখে শুনে নিলেই হবি।” তারপর একটু ভাবিয়া সাধু পুনরায় বলিল,—“ক্যানে ওই মালুকর-দের ভক্তকে নিলিই হয়। দেখেছেন তো ‘চায়রা’ থানা! আর কিবে গলা! শোনেন নি বুঝি তা’র ‘গায়ান’?”

রমাই এইবার অতিশয় খুসী হইয়া উঠিল। বলিল, “এতক্ষণ পরে একটা কথার মত কথা বলেছিস্ সেধো, মাঝে মাঝে তোর মগজটা বেশ একটু খেলে!—এ আমি চিরকালই দেখে আসছি কি না, তাই না তোকে অত ভালবাসি, নইলে রমাই ঠাকুর সে চিজ্ই নয় যে অমনি অমনি—তা’ বেশ বলেছিস্ সেধো, ও ভক্তাই ঠিক হ’বে।”

সাধু আত্ম-প্রশংসা শুনিয়া একেবারে গলিয়া জল হইয়া গিয়া হাসিতে হাসিতে কহিল,—“আবণ আজা সাজ্বেন কে দা’ঠাউর।”

“আরে রাবণ রাজা তোদের দা’ ঠাকুরই সাজবেন, সেজন্তে ভাবিস্ নি সেধো! আর যা’-কিছু সে সব ‘শম্মা’ তিন তুড়িতে ঠিক ক’রে নেবে। তোর সে ছোকরা দুটো গেল কোথায়? রঞ্জা আর ষষ্টে?”

“তারা গেছেন কর্তা, ওপাড়ায় একটু ‘আমোদ’ কর্তি। রঞ্জা বললে,—‘আজ কাজ করতি আর ভাল লাগছে নি ওস্তদামশাই, আজ একটু আমোদ ক’রে আসি, একটু রেহাই দিতি হ’বি।’ ভাবহু ছেলে-মানুষ, রাতদিন লোহা পিটুনি! যাক্ একটু—”

“তা’ বেশ করেছিস্, মাঝে মাঝে একটু আধটু ছুটি ছাটা দিতে হবে বৈ কি! তা’ কাল সকালে এলে সব কথা ব’লে ঠিক রাখবি, বঝি?”

“ও ঠিক হ’য়ে যাবি, সে বিষয়ে কি গাফিলি করি?”

“বেশ! বেশ! সব তো এখন ঠিক হ’য়ে গেল। আর ভাবনা কি বল? এখন নিশ্চন্দ হ’য়ে একটু ধোঁয়া মুখ করা তো সেধো।”

সাধু তাম্রকূট রক্ষা করিবার পাত্রটির দিকে হস্ত প্রসারণ করিল।

রমাই ঠাকুর মুখ বিকৃত করিয়া বলিল,—“আরে ও তামাক রাখ রে সেধো। বড় তামাকই না হয় একটু সাজলি এতক্ষণ চাঁচামিটির পর কি আর ওই ‘ফুস্-মস্তুর’ ভাল লাগে? তোর বাপু, ওই এক কেমন দোষ! বুদ্ধি বলতে তোর একটুও নেই, এ আমি চিরকালই দেখে আসছি কি না! নতুবা মানুষ তো আর তুই মন্দ নোস।”

সাধু অপ্রসন্ন মুখে উঠিয়া গঞ্জিকা প্রস্তুত করিতে প্রবৃত্ত হইল। অপক্লপ পদার্থটি ঠিকমত প্রস্তুত হইলে সাধু, ঠাকুরকে নিবেদন না করিয়া, নিজেই ‘সেবা’ করিতে আরম্ভ করিল দেখিয়া রমাই অগ্নিমূর্তি হইয়া উঠিল, “এ তোর কি রকম আকোল রে হতভাগা? ব্রাহ্মণ—নারায়ণ স্মুখে থাকতে তাঁকে নিবেদন না ক’রে তুই যে বড় নিজেই—”

আর বলিতে পারিলেন না, রাগে তাঁহার কণ্ঠস্বর বন্ধ হইয়া গেল।

সাধু অপ্রতিভ না হইয়া বলিল,—“চটো ক্যানে দেবতা, আশুনাটা একটু জম্কে দিচ্ছি ভাল ক’রে; সেবা করি আরাম পাবা—তাই না।”

“আরাম পাবে না তোর মাথা পাবে! এ ছোট তামাক কিনা যে জম্কে দিবি! ঠাকামির আর জায়গা পেলি না, তাই মায়ের কাছে মাসির গল্প কস্তে এসেছিস! বলে—পুরুতের কাছে ভুরুত গিরি! ব্রাহ্মণের ‘আগবোল’ উচ্ছিন্ন করলি রে বনগর! এখন দে দেখি কলকেটা একটু এগিয়ে।” বলিয়াই রমাই ঠাকুর সাধুর হস্ত হইতে কলিকাটি একরকম টান মারিয়াই কাড়িয়া লইল।

সাধু অত্যন্ত বেজার হইলেও ক্রোধ সামলাইয়া লইল। এমন তাহাদিগকে তো কতই করিতে হয়, এবারেও করিল; কিন্তু ছোট কলিকায় সাজিয়া যে বস্তুর নেশা সমাধা করিতে হয়, তাহা সাধুর অত্যন্ত ‘আদরের’ জিনিষ, তাই ওদিকে রমাই ঠাকুরের বদনাকর্ষণে উহাও যেমন জ্বলিতে লাগিল, এদিকে সাধুর বুকের ভিতরও তেমনি পুড়িতে লাগিল।

হঠাৎ সাধু তাহার সমস্ত সততা ভুলিয়া গিয়া চাঁচাইয়া উঠিল,—“রাখ দেবতা, আর টান্টি হবি নি! ছাও, চোর হইছে।” সাধু ঠাকুরের অভিমুখে হস্ত প্রসারিত করিল।

রমাই নাক মুখ দিয়া একরাশ ধূম ত্যাগ করিয়া থক্ থক্ করিয়া কাশিয়া হাঁচিয়া যাহা বলিল, তাহার ভাবার্থ হইতেছে—এখনও তাহার একটা টান ‘পাওনা’ আছে।

“পাওনা আছেন না আর কিছু! বাউন, তুমি ‘শ্রাধন’ হতি ‘টান চুরি’ কর্তিছ! আবার বলে ‘টান’ পাওনা আছেন।”

ব্যাপারটা হইতেছে এই যে, সাধুর দোকানের গঞ্জিকা-সেবিদিগের মধ্যে একটা নিয়ম ছিল যে, কেহ কলিকা প্রাপ্ত হইলে কয়েকটি নির্দিষ্ট ‘টান’ টানিয়া অস্ত্রের হস্তে কলিকাটি ফিরাইয়া দিবে। ‘মৌখিক আকর্ষণ’ একটিও কেহ অধিক গ্রহণ করিতে পারিবে না। কিন্তু সাধু বলিতে চায় যে, রমাই ঠাকুর তাহার ব্যতিক্রম করিয়া একটা টানের ভাণ করিয়া তাহার মধ্যেই কয়েকটি অধিক ‘টান’ টানিয়া লইয়াছে। এ অপরাধ অমার্জনীয়!

সাধু বলিল,—“দেবতা আছ, পায়ের কাদা দেও তেলক সেবা করি, তাই ব’লে টান চুরি!”

তুবড়িতে অগ্নি সংযোগ হইল। রমাই ঠাকুর গুণ-ছেঁড়া ধনুকের মত লাফাইয়া উঠিয়া বলিল,—“বেটা ছোটলোক, যা’ মুখে আসে তাই বলবি? আমি নাকি টান-চোর? ওরে হতভাগা, তোর যখন জন্মোই হয় নি, তখন থেকে ‘ওনার’ আমি সেবা করাছি! এই তোর মত, কম ক’রেও, দশটা লোকের মাথায় যত কেশ আছে তত ভরি এ পর্য্যন্ত সেবা করেছি, তা’ জানিস? কেউ কোনদিন বললে না যে, রমাই ঠাকুর ‘টান-চোর’! আর তুই হারামজাদা তাই বলবি? ভারি তো গাঁজা তোর! ব’লে আধ পয়সার নেশা! আফিংয়ের পিছনে আমার কত টাকা খরচ হয় তা’ জানিস রে ছুঁচো!” বলিয়াই কলিকাটি সজোরে ছুঁড়িয়া ফেলিয়া দিল।

“বেশ তো ঠাউর! গালাগালি দিচ্ছ—দাও, কিন্তু ‘কোলকিটা’ ফেলি কোন আকোলে?”



রমাই ঠাকুর ধাঁ করিয়া সাধুর গণ্ডদেশে এক ভীষণ চপেটাঘাত করিয়া বলিল,—“বেটা, তুই বামনকে আসিস্ আক্কেল শেখাতে! এত বড় ওর নাম কি তোর আস্পর্ক! বেটা পাজি, নচ্ছার, ছুঁচো! তোর বড় তামাকে, তোর দোকানে, তোর ‘বায়্লাতে,’ আমি লাখি মারি! তুই বেটা যে ওর নাম কি অতি ‘ইয়ে’ তা’ আমি চিরকালই জানি!” বলিয়াই রমাই ঠাকুর ক্রোধে গর্ গর্ করিতে করিতে তথা হইতে নিজস্ব হইল।

খ

শ্রামাঠাকুরাণী স্নানান্তে পুকুর ঘাটের সভা ভঙ্গ করিয়া বাড়ী আসিয়া কক্ষস্থিত কলসীটি দাওয়ার উপর স্থাপন করিয়া গাত্র মার্জনী হইতে জল নিষ্কাশন করিতে করিতে ঝঙ্কার তুলিলেন,—“বলি ও সৈরতি, উলুনে এখনও যে বড় আগুন দিস্ নি, তারপর আমার সাত পুরুষের পিণ্ডি তোয়ের হ’বে কোন বেলায় তা’ শুনি? বেলা এখনও ব’সে আছে, নয়?”

সৌরভী বারন্দায় গালে হাত দিয়া পূর্বেও যেমন বসিয়াছিল এখনও তেমনই রহিল, কোনরূপ চাঞ্চলা প্রকাশ করিল না।

ঝঙ্কার আর এক পর্দা চড়িয়া উঠিল,—“তবু এখনও চুপ ক’রে ব’সে থাকলি? কানের মাথা কি একেবারেই খেয়েছিস্? না ‘গেরাজ্জি’ হচ্ছে না।”

তথাপি সৌরভীর কোনরূপ ভাবান্তর উপস্থিত হইল না। এইবার কণ্ঠস্বর ‘মুদারা’ ছাড়িয়া একেবারে ‘তারার’ ঠেকিল,—“‘উপোসের কেউ নয় পারণার গোসাই!’ বলি ও নবাবের পরিবার! তোমরা না হয় স্বর্গের বিছাধর বিছাধরী! তোমাদের পেটে কিছু না দিলেও যেন চলে, তা’ ব’লে আমি তো আর তা’ নই। আমি যে এই নরলোকেই জীব, তাই ক্ষিধে তেষ্ঠাও আছে।”

সৌরভী অসুটকণ্ঠে বলিল,—“কে বলছে নেই।”

শ্রামা ঠাকুরাণী যেন একেবারে ফাটিয়া পড়িলেন,—“বটে! আবার চোপা হচ্ছে! সাত চড়ে ‘রা’ ছিল না এখন আবার সে গুণও দেখা দিয়েছে। বলে—‘অদন্তের দাঁত হ’ল, কামড় খেয়ে খেয়ে প্রাণ গেল।’ তবুও যদি সোয়ামীর ভাত থাকতো তো আরও কত দেখতুম। তা’ আর হ’বে না!

বলে—‘যেমন কণ্ঠা রেবতী, তেমন পাত্র জোলা তাঁতি।’ তা’ না হ’লে মানাবে কেন? দিন রাত্তির গাঁজা, আপিং আর শাণ্ডীর অন্ন-ধ্বংস। এই তো মুরোদ! তেনার পরিবারের আবার ‘চোপা’ দেখ না। মুখে আগুন!”

সৌরভী উত্তর করিল,—“সে আগুনের কত দেবি তাই ভাবতে গিয়েই তো উলুনে আগুন পড়ে নি!”

শ্রামাঠাকুরাণী কণ্ঠ হইতে এক প্রকার বিচিত্র ধ্বনি নির্গত করিয়া বলিলেন,—“মরি মরি! শুনেও প্রাণটা শেতল হ’ল! অমনি ‘রাজ-বনিতে’র গোসা হ’সে গেল। ব’সে ব’সে কর্তা গিল্লি তিন বেলা গিলবেন আর তুই বাঁদী মুখ বুঁজে দিবে রাত্তির খেটে মর! একটা যদি কথা কয়ে-ছিস্—অমনি কুলোপানা চক্কোর। তোদের এত চোখ-রাঙানির কি ধার ধারি বলতো? ফের যদি অমন মেজাজ দেখাবি তো খেংরে বিষ ঝেড়ে দেব।”

ক্ষীণ কণ্ঠে ছোট্ট একটুখানি উত্তর শোনা গেল,—“তা দিলেই তো পার। সেটাই বা বাকী থাকে কেন?”

সৌরভীর চক্ষু ইতঃপূর্বেই সিক্ত হইয়া উঠিয়াছিল, এই-বারে অশ্রু টপ্ টপ্ করিয়া ঝরিয়া পড়িল। শ্রামাঠাকুরাণী এক পর্দা নামিয়া আসিলেন,—“বলে—‘যার জন্তে বুক ফাটে, সে আমারে এঁকে কাটে।’—আমারও হয়েছে তাই, আমি দিবে রাত্তির ওর ভাল চাই কিনা, তাই আমার ওপরই ওর যত আক্রোশ!”

কণ্ঠার কল্পিত অকৃতজ্ঞতার কথা মনে উদয় হওয়ার শ্রামাঠাকুরাণী পুনরায় একটু চটিয়া উঠিলেন। আরও একটু চড়া স্বরে পর্দা বাধিলেন,—“দিবে রাত্তির গিলবেন! আর ‘উনি’ এখানে ব’সে টিপে স্বেজ-কাটবেন আর ‘তিনি’ সেখানে গাঁজা আপিংয়ের ‘ছেরাদ্দ’ করবেন। বলে—‘ঘর জামায়ের পোড়ার মুখ, মরা বাঁচা সমান সুখ।’—তারপর গাঁজাখোরটা এসে যখন বলবে,—‘বাঁড়ী খাই কি ছয়োর খাই।’—তখন কি ছাই খেতে দেওয়া হবে, তাই শুনি?”

একটু অভিমান-স্কন্ধ তিত্ত স্বরেই উত্তর আসিল,—“কেন যে ছাই উলুনে থাকে তাই। তারও কি আকাল পড়েছে না কি?”

এমন সময় ধূমকেতুর মতই অকস্মাৎ গাঁজাখোর রমাই ঠাকুর চাঁৎকার করিতে করিতে অল্পরে ঢুকিল,—“কিসের

এত চেষ্টামিচি রাতদিন লেগেই আছে শুন্তে পাই ? এতে কি আর গেরগুর লক্ষ্মী থাকে ?—তা থাকে না। এত গুণগোল আমার বাড়ীতে পোষাবে না, তা' কিন্তু আগেই ব'লে রাখছি। এ সেধোর দোকান পাও নি কেউ, এ ভদ্রলোকের বাড়ী।”

সাপের মুখে ঈষদ মূল পড়িলে যেমন হয়, রমাই ঠাকুরের আগমনে শ্রামাঠাকুরাণীরও তথৈব হইল। তাঁহার সমস্ত তর্জন গর্জন এক নিমিষে অন্তহিত হইল। রমাই ঠাকুর এ বাড়ীর ঘর-জামাই। রমাই ঠাকুরের সাতকুলে কেউ নাই, শ্রামাঠাকুরাণীরও ওই সবে ধনে নীলমণি এক সৌরভী। কয়েক বিধা জমিজমা যা' আছে তাহাতেই দুঃখে কষ্টে কোনরকমে চলিতেছে। সে যাহা হউক, এ বাড়ীতে এরূপ চেষ্টামিচি নূতন নহে, প্রায়ই হয় এবং রমাই ঠাকুরের এক ছন্দারেই সব মিটিয়া যায়। ঠাকুর হয়ত বা কখন শুনিয়াও শোনে ন। আজ কিন্তু আর তাহা হইল না। এদিকে পূর্ব হইতেই কোন কারণে ঠাকুরের প্রতি সৌরভীর দুর্জয় অভিমান ক্রোধের আকার ধারণ করিয়া ভিতরে ভিতরে গজ্জাইতেছিল, তাহার উপর শ্রামাঠাকুরাণীর শ্লেষের হাওয়া পাইয়া বাহিরে দাউ দাউ করিয়া প্রকাশ পাইবার জন্ত সামান্য একটু ছুতোর অবকাশ খুঁজিতেছিল; আর ওদিকে সাধুর সহিত টান-চুরি লইয়া কলহের ফলে রমাই ঠাকুরের মেজাজ বিগড়াইয়াই ছিল, তাহার পর বাড়ীতে আসিয়াই এই কোলাহল।

রমাই ঠাকুর মুখ বিকৃত করিয়া বলিল, “ভিজ্জে বেয়ালের মত এখন যে দেখি সব চুপ্ চাপ্! বলি বাপারখানা কি!”

শ্রামাঠাকুরাণী বলিলেন,—“বাপার আর কি বাবা, এখন পর্যন্ত উমুনে আঁচ পড়লো নি, তাই সৌরভিকে বল্ছিলুম,—‘এতখানি বেলা হ'ল, তারপর ভালমাসুঘের ছেলে তেতে পুড়ে আস্লে, সমরমত একমুঠো দিবি কি ক'রে বলতো?’”

রমাই ঠাকুর ঝাঁঝিয়া উঠিল,—“ওঃ সেজ্ঞে তো রাজ-নন্দিনীর ভাবনা-চিন্তেয় ঘুম হচ্ছে না! নিন্দেদের পিণ্ডিটা সাত সন্ধ্যা পরিপাটিক্রমে হলেই হ'ল। সকাল থেকে সন্ধ্যা পর্যন্ত মাথার ঘাম পায়ে ফেলে ঘুরে মরছি, আর নবাবপুত্রী ঘরে ব'সে নবাবীচাল চালছেন! এর ওষুধ পিঠের ওপর সাত খাংরা ভাঙা।”

সৌরভীর ধুমায়িত ক্রোধ এতক্ষণে সম্পূর্ণরূপে দাউ দাউ করিয়া জলিয়া উঠিল, “হাভাতের পিঠে সাতশো খাংরা না ভেঙে তাকে এনে যখন রাজতক্তে বসানো হয়েছে তখন এ ‘ইনাম’ তো পাওনাই আছে—বেশ তো শোধ ক'রে দাও।”

সৌরভীর কথা রমাই ঠাকুর সমাক উপলব্ধি করিতে না পারিলেও এটুকু বেশ বুঝিল যে, সাত অপেক্ষা সাতশোর গুরুত্ব অনেক অধিক, অতএব ক্রোধের মাত্রা ততোধিক না চড়াইলে পরাভব হয় ভাবিয়া একটা ছন্দার ছাড়িয়া পদস্থিত কাষ্ঠ পাতুকা হস্তে লইয়া সৌরভীর অভিমুখে অগ্রেসর হইল। সৌরভীও ফিরিয়া দাঁড়াইল। দাওয়ার এক পার্শ্বে মার্জিত বাসন-কোসনগুলি উপড় করিয়া রাখা হইয়াছিল, তথা হইতে একখানি লোহার হাতা উঠাইয়া লইয়া বলিল,—“এস না একবার, এগিয়ে এস, ওঃ! বলে ভাত কাপড়ের কেউ নয়, কিল মারবার গোসাই!”

শ্রামাঠাকুরাণী এক মুহূর্তে বাপারটির গুরুত্ব বুঝিয়া লইলেন। এখনই যে একটা লঙ্কাকাণ্ড ঘটবার কিছুমাত্র বিলম্ব হইবে না, তাহা তাঁহার বুঝিতে বিশেষ বেগ পাইতে হইল না, কারণ পূর্বে সেরূপ বহুবার হইয়া গিয়াছে। সাধারণত সৌরভী রমাইয়ের সমস্ত অত্যাচার নীরবে সহ করে। কিন্তু আজ সে করিতেছে কি! শ্রামাঠাকুরাণীর মনে আতঙ্কের সীমা ছিল না; সৌরভীর রণরঙ্গিনী মূর্তি দেখিয়া রমাইয়ের মনেও ভীতির সঞ্চার হইয়াছিল, কিন্তু পতিদেবতা হইয়া তো আর খাটো হইতে পারা যায় না। তাই সৌরভীর ঘৃণের আস্থানে সে আর একটি বিরাট ছন্দার ছাড়িল। শ্রামাঠাকুরাণী ছুটিয়া যাইয়া উভয়ের মাঝখানে দাঁড়াইয়া চীৎকার করিতে লাগিলেন,—“ও সৌরভি, পোড়ারমুখী, করিস কি? আমার মাথা খাস্, স'রে যা, স'রে যা!”

সৌরভী চোখ মুখ রাঙা করিয়া ঝাঁকিয়া উত্তর দিল, “কেন গা, কিসের ভয়? আমি কি ওর খাই, না পরি, যে দিন নেই রাত্তির নেই কথায় কথায় চোখ রাঙাবে আর খড়ম পেটা করবে!”

রমাই ঠাকুর আর সহ করিতে পারিল না। “আমার খুসী করব! শুধু কি খড়ম পেটা? মুখ তোর ঝামা



য'সে ছিঁড়ে ফেলব।" বলিতে বলিতে অগ্রসর হইয়া হস্তস্থিত খড়মটা খটাখট সৌরভীর মাথায় ঠুকিতে লাগিল। সৌরভীর মাথা ফাটিয়া ঝর ঝর করিয়া রক্ত ঝরিতে লাগিল।

শ্রামাঠাকুরাণী কাঁদিয়া উঠিলেন,—“মেয়েটাকে একেবারে খুন ক'রে ফেল নি বাবা।”

একটু সরিরা দাঁড়াইয়া সৌরভী বলিল,—“দাঁড়াও, আজ তোমারই একদিন, কি আমারই একদিন—দেখাচ্ছি। আমি এই রক্ত শুদ্ধ যাচ্ছি থানায়, দেখি এর কোন প্রতিকার আছে, কি নেই।” বলিয়া সত্য সত্যই যাইবার নিমিত্ত ক্রথিয়া ফিরিয়া দাঁড়াইল।

মুহূর্ত্ত মাত্র সময়। রমাই ঠাকুর দৌড়াইয়া গিয়া প্রান্তণের প্রান্তস্থিত একটা পেয়ারাগাছের কাণ্ডে ক্রমাগত মাথা ঠুকিতে লাগিল। আঘাতে আঘাতে রক্তে সমস্ত মুখখানা বীভৎস করিয়া চীৎকার করিতে লাগিল,—“আমিও যাচ্ছি। দেখি মা আর তার মেয়েকে যদি আজ না বাঁধাতে পারি তবে আমার এই কান দুটো কেটে কুকুরের পায়ে দেব। বলে 'যুগু দেখেছে ফাঁদ দেখে নি।' যাচ্ছি দশজন ভদ্রলোকের কাছে! গিয়ে বলছি—‘আপন পরিবারকে দেশে নিয়ে যেতে চেয়েছিলুম, তাই মা মেয়ে দু'জনে এই শাস্ত করেছে।’ দেখি, দেশে ভদ্রলোক আছে কি নেই।”

শ্রামাঠাকুরাণীর উচ্চ চীৎকারের মাত্র—“ও বাবা, তোমার পায়ে পড়ি।” ছাড়া আর কিছুই বোঝা গেল না।

গ

বেলা অনেক হইয়াছে। এক-টা অনেকক্ষণ বাজিয়া গিয়াছে। গ্রামের জমিদারবাবু তখন কেবল মাত্র দরবার ভঙ্গ করিয়া অন্তঃপুরে যাইবার নিমিত্ত উঠিয়া দাঁড়াইয়াছেন, এমন সময় গ্রামের বহুলোক পরিবেষ্টিত রমাই ঠাকুর 'হাঁউ মাউ' করিয়া বাবুর কাছারিতে আসিয়া কাঁদিয়া পড়িল—“আপনি দেশে থাকতে আমার এই হৃদশা কর্তা!”

জমিদার বাবুর আর অন্তঃপুরে যাওয়া হইয়া উঠিল না। তিনি করাসে বসিয়া পুনরায় তাকিয়া গ্রহণ করিয়া

বলিলেন,—“অত চেষ্টামিচি না ক'রে, ব্যাপারখানা কি তাই ধুলে বলুন না।”

রমাই ঠাকুরের উচ্চ চীৎকার হাস হওয়া দূরে থাকুক আরও চতুর্গুণ বর্দ্ধিতই হইয়া উঠিল। রমাই উচ্চকণ্ঠে এই কথাটাই বার বার জাহির করিতে লাগিল, দেশে আর ভদ্র নাই, শান্ত্রী ও তাহার কন্যা, খণ্ডর-জামাতার এ হেনু হৃদশা করিতে যে দেশে সমর্থ সে দেশে কখন মানুষ বাস করে? দেব দ্বিজে নাম মাত্র ভক্তিও আর লোকের নাই, নতুবা সাধু কামার এই রমাই ঠাকুরকে টান-চোর বলিয়া পার পাইয়া যায়! ঘোর কলি আর কাহাকে বলে!

যে সব জনমণ্ডলী মজা দেখিতে সমবেত হইয়াছিল কর্তাবাবু তাহাদিগকে গৃহে ফিরিয়া যাইতে আদেশ করিলেন। তখন বাধা হইয়াই তাহারা এই চক্ষু-কর্ণ-পরিভূষিত দায়ক স্থানটি পরিত্যাগ করিল।

বাবু বলিলেন,—“দেখুন ঠাকুর মশাই, ও সব বাজে কথা রাখিয়া দিন। আপনাকেও আমি চিনি, সৌরভী পিসি গাঁয়ের মেয়ে তাঁকেও আমি জানি। আপনার প্রহার তো তাঁর দিবারাত্রির অঙ্গের ভূষণ। আপনার খণ্ডর বাড়ীতে স্ত্রীলোক দু'টি জো সর্বদা আপনার ভয়ে কাঠ হ'য়েই বাস করেন। তবু আপনি যখন-তখনই কারণে অকারণে আপনার পুরুষত্ব ফলাতে বাস্ত থাকেন, এর মানেকি মশাই!”

এইরূপ উল্টা অনুযোগ শুনিতে হইবে রমাই তাহা ভাবিতে পারে নাই, তাই অতিশয় বিস্মিত হইয়া সে বলিল, “এ আপনি কি বলছেন কর্তা বাবু! পুরুষ মানুষ পুরুষত্ব ফলাবে না তো কি ফলাবে মেয়েমানুষে? মেয়েমানুষ যত ভালই হোক তা'কে কি আর আঁসারা দিতে আছে কর্তা! মেয়েমানুষ আর ময়লা কাপড়, ও যত আছড়াবেন ততই পরিষ্কার হ'বে। তাই মাঝে মাঝে বেশ একটু 'কড়কে' দিতে হয়, তবে তো ঘর সংসার করা চলে।”

জমিদার বাবু হো হো করিয়া হাসিয়া উঠিলেন,—“না, তা কি আর চলে—তার ফল তো আপনার মুখের ওপরেই দেখতে পাচ্ছি।”

রমাই ঠাকুরের পুরুষত্বে আঘাত লাগিল। সর্গর্বে মন্তক উন্নত করিয়া সে বলিল,—“হুঁ: ! আপনি কি ভেবেছেন,

এ কাণ্ড সৈরভি করেছে? তা'র মাথার উপর মাথা আছে যে, রমাই ঠাকুরের গায়ে হাত দেয়। তেমন পরিবার নিয়ে 'শম্মারাম' ঘর করে না এ নিশ্চয়! তবে ঘর করতে গেলে—ছ'চারখানা বাসন-কোসনও যদি এক জায়গায় থাকে তবে টুংটাং ক'রে কি বাজে না? বাজে। এও তাই। নিজের পরিবার, তাই অমন পরিবার! সাত চড়ে রা কাড়ে না, সেই কিনা হঠাৎ আজ একটুকুতেই খাপ্পা হ'য়ে উঠলো—বলি বাপার খানাই কিরে! আচ্ছা দিইনা একটু শিক্ষা দিয়ে, তাই পেয়ারা গাছে মাথা ঠুকে,—বুললেন কিনা—”

বাবু হাস্য সংবরণ করিয়া বলিলেন,—“সে আমি অনেক-ক্ষণ পূর্বেই বিশেষ ক'রে বুঝি ঠাকুর! তা বেশ করেছেন! কিন্তু এখন তা হ'লে আমার কাছে আমার কারণটা কি তা' শুন্তে পাই?”

রমাই ঠাকুর গম্ভীর হইয়া বলিল, “আপনি দেশের মা-বাপ! মনের আক্ষেপে যদি আপনার কাছে বামুন মানুষ এসেই থাকি, তা'তে আর এমনই কি দোষ হয়েছে বাবু?”

“না না, দোষ আর কি, পাঁচশো বার আসবেন; তবে বেলাটা কত হয়েছে, সেটা কি কিছু ঠিক রেখেছেন? দেশের মা-বাপেরও তো ক্ষুধা তৃষ্ণা নামক বালাইগুলি আছে—না নেই?”

রমাই ঠাকুর চটিয়া উঠিল,—“ক্ষুধা তৃষ্ণা বড় লোক ব'লে কি শুধু আপনাদেরই একচেটে? আপনি কি মনে করেছেন যে, আমি কালিয়া পোলাও খেয়ে উদগার তুলছি।”

“সেখোর দোকানে যে মহাপ্রসাদ সেবা করেছেন তাতে ক'রে উদরে কালিয়া পোলাওয়ের জন্ত তিলমাত্র স্থান অবশিষ্ট থাকলে তো তা' গ্রহণ করবেন।”

রমাই বুঝিল যে, বাবুর কানে টান-চুরির কথা ইতিমধ্যেই আসিয়া পৌঁছিয়াছে। কোণায় ব্রাহ্মণকে অপমান করিবার জন্ত সাধুকে ডাকাইয়া আনিয়া তাহার জন্ত বিশেষ করিয়া শাস্তির ব্যবস্থা করিবে, তাহা নহে, আবার ব্রাহ্মণকে পরোক্ষে অপমান! রমাই ঠাকুর তেলে-বেগুনে জলিয়া উঠিয়া বলিল,—“দেশে আপনাদের মত মা-বাপ থাকলে, এ ছাড়া আর কি হ'বে?”

বাবু রাগিলেন না, উষৎ হাসিলেন মাত্র, বলিলেন,— “সাধুর ব্যাপার আমি সবই শুনেছি। আপনি কি করতে বলেন?—সাধুকে শাস্তি দিতে তো? আপনি ইচ্ছে করলে নিজেই তো তাকে বেশ ক'রে সাজা দেওয়াতে পারেন। যান্ না খানায়, মাথা দেখিয়ে বলবেন যে, টান-চুরির মিথ্যা ওজুহাতে সে আপনার এই দশা করেছে।”

রমাই ঠাকুর তাড়াতাড়ি ছই কানে অঞ্জলি প্রদান করিয়া বলিল, “সে কি কথা বাবুমশাই, আপনি দেশের মা-বাপ, এত বড় মিথ্যা কথাটা হজুরে গিয়ে 'হলফ' করতে শেষে কিনা আপনি বললেন—এতবড় দেশজানিত সাধু ব্যক্তি হ'য়ে। রমাই শম্মার বাবাও তা' পারবে নি। একটু আধটু গাঁজা আফিংই না হয় খেয়ে থাকি, তাই ব'লে কি মিথ্যে সাক্ষ্য! ওরে বাবা রে! এখনও চন্দ্র সূর্য্য উঠছে, রাতদিন হচ্ছে!”

বাবু হাসিয়া বলিলেন,—“তা' হ'লে খানায় না গিয়ে এখন বাড়ীই ফিরে যান, বেলাও তো এদিকে যায় যায়। সৈরভি পিসি একে তো মারধোর খেয়ে আছেন, তারপর এতখানি বেলা আপনি কোথায় কি কচ্ছেন তার ঠিকানা নেই—তাঁদের মনের অবস্থা যে কেমন হ'তে পারে সেটা একটু বুঝতে চেষ্টা করবেন, তা' হ'লে মারধোর না করলেও ঘর সংসার ভাল ভাবেই চ'লে যাবে।”

এতক্ষণ পরে রমাই লজ্জিত হইল, মনে মনে ভাবিল,—“সৈরভির অবস্থাটা বাবু জানলেন কি ক'রে? এ'র কাছে দেখছি কিছুই চাপা থাকে না।”

রমাই ধীরে ধীরে উঠিয়া গৃহাভিমুখে অগ্রসর হইল। গৃহে আসিয়া দেখিল,—জমিদার পূর্বেই তাঁহাদের গৃহ-দেবতার প্রসাদ ব্রাহ্মণ দিয়া পাঠাইয়া দিয়াছেন। এ প্রসাদ কণিকামাত্র নহে, রমাই ঠাকুরদের পক্ষে অপরিখাপ্ত।

রমাই ঠাকুর মনে মনে বলিল,—“জমিদার, জমিদার, একেই তো বলি জমিদার! একেই তো বলি দেশের মা-বাপ!”

দেশের ভদ্রলোকেরা কিন্তু রমাই ঠাকুরের সমস্ত ব্যাপার শুনিয়া একবাক্যে 'রায়' দিল,—“রমাই ঠাকুরের রামায়ণের লঙ্কাকাণ্ডের প্রথম মহলা ভালই হইয়াছে।”

আলোচনা

বিবাহ-বিচ্ছেদ

বৈশাখের বিচিত্রায় শ্রদ্ধেয়া শ্রীযুক্তা অনুরূপা দেবীর “বিবাহ বিচ্ছেদ” প্রবন্ধ পাড়িয়া আমার মনে যে সব প্রশ্ন জাগিতেছে এবং বহুদিন যাবৎ এই বিষয়ে ভাবিয়া যাহা বুঝিয়াছি ‘বিচিত্রা’র মারফতেই তাঁহাকে জানাইয়া বিনীতা শিষ্যার জায় উত্তর প্রার্থনা করিতেছি। আমার বিত্তা অতি সামান্ত, কাজেই শাস্ত্রাদি পাঠ করিয়া নিজের জ্ঞানে সবগুলি সমস্যার সমাধান করিতে পারি না, অথচ সমাজের নানা স্তরের স্ত্রীলোকের মনোভাব ও সাংসারিক অবস্থা দেখিবার সুযোগ পাইয়া মনে যে-সমস্ত আলোচনার উদয় হয় তাহা বলিয়া বুঝাইবার মত ভাষাজ্ঞানের অভাব হইলেও বলিতে ইচ্ছা করে।

তাঁহার প্রবন্ধের উদ্ধৃত লর্ড রোণাল্ডশের মন্তব্যের মধ্যে আছে—“সামাজিক ব্যবস্থা এ যাবৎ ভারতবাসীর কল্যাণ সাধন করিয়া আসিতেছে—”। এখনও যদি সত্যিই সামাজিক সমস্ত ব্যবস্থাই সমাজের কল্যাণ সাধন করিত তবে জীবনের প্রত্যেক আদর্শ এত গলদপূর্ণ হইয়া উঠিত না। তিনি লিখিয়াছেন সংস্কারের জোর হাওয়া লাগা অস্বাভাবিক নয় এবং চিরদিনই ইহা চলিয়া না আসিলে বর্তমান অবস্থায় সমাজকে আমরা দেখিতে পাইতাম না। তাই যদি হয় তবে সমাজের যেখানেই দূষিত ক্ষত দেখা দিবে সেখানেই সংস্কারের অস্ত্র প্রয়োগ করিতে হইবে। ক্ষত যত দূষিত হয় ঔষধ তত বিষাক্ত হয়, এই রূপই দেখা যায়। এখন পুরাণ কালের পক্ষে কল্যাণকর ব্যবস্থা এবং হিন্দু নারীর অতি উচ্চ বিশিষ্টতা এই দুইটির প্রতি অত্যন্ত শ্রদ্ধাবশত আমরা যদি হিন্দু সমাজের সকল শ্রেণীর নরনারীর দাম্পত্য-জীবন বিশ্লেষণ করিয়া যাহা দেখিতে পাই তাহা স্বীকার করিতে এবং চরম প্রতীকারের ব্যবস্থা করিতে ভয় পাই— তবে নর্দামার মুখ বন্ধ হইয়া গেলে জমা আবর্জনা পচিয়া

বাড়ীর যে অবস্থা হয় সমাজেরও ক্রমশঃ সেই অবস্থা হইবে। হিন্দুনারীর শিক্ষা দীক্ষা ও জীবনের আদর্শ এককালে যেরূপ নিয়ন্ত্রিত ছিল এখনও সেই রূপই আছে একথা স্বীকার করিতে পারিলে গৌরব বোধ করিতাম, আর কেন যে সেরূপ নাই তাহা এখানে না বলিলেও চলে, তবে চেষ্টা করিলেও যে, দেশের এরূপ পরিবর্তিত অবস্থায় সমাজের সেরূপ অপরিবর্তিত অবস্থা বজায় রাখা যাইবে না, তাহা বলিতেই হইবে। সমাজের অবস্থা এখন এরূপ ব্যাথাদায়ক যে আগুনে পোড়াইয়া খাঁটি করিয়া লওয়ার জন্তই অগ্নি-সংস্কারের প্রয়োজন। কালশ্রোত ও যুগধর্মকে অস্বীকার করিয়া কেহ জয়ী হইয়াছে কি? যুগধর্মের সহিত সামঞ্জস্য রাখিবার জন্ত পুরাতনকে ভাঙিয়া গড়িতে হয়। বড় জিনিষ মাত্রেরই অবিদ্যমান হইতে পারে না, আর যাহা বাস্তবিক অবিদ্যমান সংস্কার তাহাকে কি করিতে পারে?

কোন দেশের সতী সাধ্বী কোন নারীই নিজের অবস্থাটাই কেবল চিন্তা করিয়া ডিভোর্স বিলের পক্ষপাতী হইবে না, কিন্তু প্রত্যেক দাম্পত্য জীবন পবিত্রতার আধার এবং প্রত্যেক স্ত্রী সতী সাধ্বী একথাও তাঁহারা বলেন না। লোক সংখ্যার অনুপাতে হিন্দু-সমাজ যদি সুনীতিতে অগ্রাগ্র অনেক সমাজের উপর হইয়াও থাকে, তবু তার যেটুকু দুর্বলতা প্রচ্ছন্ন গতিতে চলিয়াছে তাতে বাধা দিতে হইলে যে শিক্ষার প্রয়োজন সেই শিক্ষা দিতে যে সময় লাগিবে ততদিনে দুর্নীতি কতখানি বাড়িয়া যাইবে, তাহাও ভাবিবার বিষয়। পঙ্কল শ্রোত আছেই বলিয়া যদি বিশ্বাস করি তবে তাহা বহিয়া চলিয়া যাইবার জন্ত পাকা নর্দমা-করিতে বাধা দিই কেন? এককালে অগ্নিপরীক্ষায় উত্তীর্ণ হইয়া হিন্দুনারী তার বৈশিষ্ট্যের প্রমাণ দিত, যত স্বামীর চিতায় পাড়িয়া সতীত্বের দৃষ্টান্ত রাখিয়া যাইত, এখন সে সব প্রমাণ

শ্রীসরস্বতী ঘোষ

ও দৃষ্টান্ত সতী সাধবীরা কয়জন দেখাইতে পারিবেন ? তা বলিয়া সতীর একান্ত অভাব হইয়াছে বলিয়া ত মনে করি না, আর সেই জন্তই তো ডিভোর্স বিলের পক্ষে ভোট দিতে দ্বিধা করি না। আজকের দিনে এই ডিভোর্স বিলই সতীদের অগ্নি-পরীক্ষা। যে দেশে এখনও পতির অবর্তমানে প্রাপ্তবয়স্ক নারীর পত্যস্তর গ্রহণকে লোকে শ্রদ্ধার চোখে দেখে না, সে দেশে পতি বর্তমানে পত্যস্তর গ্রহণকারিণীকে কি চোখে দেখিবে তাহা সহজেই অনুমেয়। এ দেশে ইহা কিরূপে ব্যবহৃত হয় তাহাও দেখিবার বিষয়।

প্রাতঃস্মরণীয় বিত্তাসাগর মহাশয় ও তাঁহার জননী আৰ্য্য-সন্তান ও হিন্দুনারী হইয়াও বিধবাবিবাহের পক্ষপাতী হইয়াছিলেন। আর এতদিন যাবৎ এই আইন ত বিধিবদ্ধ হইয়াছে, তবু দেশে এত অধিক বালবিধবা থাকা সত্ত্বেও, এবং অনেকেই অভিভাবক দ্বারা প্ররোচিত হইয়াও, কেন সকলে বিবাহ করিতেছে না ? এই আইনের দ্বারা বিধবাদের প্রত্যেকের যদি ক্ষতি না হইয়া থাকে তবে বিবাহবিচ্ছেদ ও পত্যস্তরগ্রহণ আইনের দ্বারা সতীদের কেন ক্ষতি হইবে ? যাহারা ভিন্ন প্রকৃতির তাহাদের পক্ষে আইনসম্মত ভাবে বাঞ্ছিত মিলনে কতকটা উপকারও হইতে পারে। যাহারা অযোগ্যপাত্রে পড়িয়া জীবনে ব্যর্থ ও অসুখী তাহাদের পক্ষে যোগ্যতর পতিলাভে মার্থকতা আসিতে পারে। দ্বিতীয়বার বিবাহকারী পুরুষের একরূপ সুখী হওয়ার দৃষ্টান্ত বিরল নয়। ইহকালটাকে একেবারে বাদ দিয়া কেবল পরকালের আশায় সকলপ্রকার গাঞ্জন সহিয়া এবং সকলপ্রকার অন্তায়কে প্রশ্রয় দিয়া যাদের জীবন কাটে তাদের পক্ষেও এই আইন একটু হয়ত কষ্টলাঘবকর হইতে পারে। কারণ এই শ্রেণীর স্বামীরা আর কিছুতেই সঙ্কুচিত না হইলেও পারিবারিক সম্মানহানির একটু ভয় করে। ইহারা যখন জানিবে যে, তাহাদের নির্ধ্যাতিতা নিরুপায় স্ত্রীদের মুক্তির জন্ত একটা পথ হইয়াছে এবং সেই পথ অবলম্বন করিলে তাহার পৌরুষে আঘাত পড়িবে, তখন হয়ত একটুখানি নিজেকে সামলাইয়া চলিবে।

সমাজের এবং শাস্ত্রের যত কিছু বিধান, সে সমস্ত কতক কেবল পুরুষের জন্ত, কতক কেবল স্ত্রীজাতির জন্ত নির্দিষ্ট, আর কতক সমগ্র মনুষ্যজগতের পক্ষে সমান ভাবে খাটে ;

তেমনি প্রাকৃতিক বিধানও পুরুষনারী ভেদে নির্দিষ্ট আছে, আবার মানবজাতির পক্ষে সমান ভাবে প্রযোজ্য কতকগুলি প্রাকৃতিক বিধানও আছে। হিন্দুজাতির জন্ম হইতে মৃত্যু পর্য্যন্ত যে সব সংস্কার হয় পুরুষ নারীভেদে তাহার কোন পার্থক্য নাই, এবং সর্বশ্রেষ্ঠ যে সংস্কার বিবাহ তাহাতে স্ত্রীপুরুষ উভয় জাতির সমান অংশ, এবং উভয়ের মিলিত ভাবে নহিলে ইহা সম্পন্ন হয় না ; অথচ আজকালকার হিন্দু-বিবাহে স্ত্রী একটি নিষ্ক্রিয় নির্বাক জড়পদার্থবৎ অবস্থান করে, তাহাকে কোন মন্ত্র বলিতে হয় না,—আর কতাদাতা বর ও গুরুপুরোহিতেরা যে মন্ত্র দ্বারা এই বিবাহ কার্য্য সমাধা করেন তাহার অর্থ একবর্ণও হাজারে একটি নারী বুঝিতে পারে কিনা সন্দেহ। তবুও মানিয়া লইলাম যে, একরূপ বিবাহ দ্বারাও ইহকাল পরকাল জীবন মরণ এক হইয়া যায় ; কিন্তু যে ক্ষেত্রে পুরুষ দ্বিতীয় তৃতীয় ইত্যাদি যত ইচ্ছা ততবার বিবাহ করিতেছে সে ক্ষেত্রে, তাহা যখন সংস্কারই নয়, তখন সেই সব স্ত্রীরা কোন্ গতি লাভ করিবে ? আর সেই সব স্বামীদেরও কি “জীবনে মরণে জনমে জনমে” ততগুলি স্ত্রীর ভর্তা হইয়াই চলিতে হইবে ? প্রথমবার ভিন্ন অন্তবাদের বিবাহ সংস্কার না হইলেও অমুষ্ঠান ত একপ্রকারেরই হয়, আর সেই স্ত্রীরাও কিছু আগে বিবাহ করিয়া আসে না। পুরুষের বহুবিবাহ বন্ধ হইলে পূর্বজন্মের কোন্ স্ত্রীটি স্বামীকে পুনরায় পাইবে ? মহাত্মা ভূদেব মুখোপাধ্যায় মহাশয় এ বিষয়ে যাহা লিখিয়াছেন তাহা নিছক প্রেমের কথা, সেই প্রেম যাহার হৃদয়ে জন্মায় তার ধ্যানের ব্যাঘাত ও পবিত্রতা নষ্ট হইতে সে দিবে না ; কিন্তু অপর লক্ষ লক্ষ নর নারী যাহারা আদর্শ সম্বন্ধেও সচেতন নয় সেরূপ প্রেমের সন্ধানও পায় নাই, তাদের জন্ত একটা সাধারণ ব্যবহার দরকার মনে করিয়াছিলেন বলিয়াই শাস্ত্রকারগণ দ্বিতীয়বার বিবাহ সংস্কার নয় বলিয়াও অসিদ্ধ বোধ হয় বলেন নাই, অথবা মধু অভাবে গুড়ের মত ব্যবস্থা দিয়াছিলেন। এই যে ব্যবস্থা ইহা যদি পুরুষপ্রকৃতির জন্ত এতই আবশ্যিক হইয়াছিল তবে স্ত্রী-প্রকৃতি সংঘর্ষে ত্যাগে পুরুষপ্রকৃতি হইতে এতই কি উচ্চতর যে, তার জন্ত ঠিক উল্টা ব্যবস্থাটি হইল ? বাস্তবিকই স্ত্রী-প্রকৃতি উচ্চতর কিনা, তাহার পরীক্ষাই বা কি দিয়া



হইল? আর উচ্চতরই যদি হইবে তবে অত কড়াকড়ি কেন?

পুরুষ অন্তায় করিতেছে বলিয়া স্ত্রীরাও অন্তায় করুক, একরূপ ভাব হইতে কেহ ডিভোর্স বিল সমর্থন করে বলিয়া মনে করি না; তবে সতীত্বের সংস্কার যতই মজ্জাগত হউক না কেন তথাপি যখন সমাজে মেয়েদেরও পদস্থলন হইতেছে, অতি বড় সুশিক্ষিতা ও অতি বড় অশিক্ষিতা এই দুই শ্রেণীতে ঐ বিষয়ে বেশ সাদৃশ্যও দেখা যাইতেছে, তখন সমাজে এমন সব পথ খুলিয়া রাখা বোধ হয় দরকার যাহাতে রুচি অনুসারে চলিয়া মানুষ সমাজেরই আশ্রয়ে স্থান অধিকার করিয়া বাঁচিয়া থাকিতে পারে। যে বিষয়ে পুরুষ ও নারীকে সমান অঙ্গ বলিয়া মনে করি সে বিষয়ে উভয় জাতির জন্ম সমান ব্যবস্থা থাকাও দরকার মনে হয় নাকি? পুরুষরা যাহা পারে স্ত্রীরাও তাহা পারিবে, আবার স্ত্রীরা যাহা পারে না পুরুষরাও তাহা পারিবে না, এই দুই রকমের দাবী মোটের উপর একই; কাজেই পুরুষের বহু বিবাহ বন্ধ করিতে গেলে অদূর ভবিষ্যতে প্রস্তাব উঠিতে পারে যে, পতিতা নারীদের মত পতিত পুরুষদিগকেও সমাজের বাহিরে থাকিয়া দেহ বিক্রয় দ্বারা জীবিকা নির্বাহ করিতে হইবে। তাহা হইলে সমাজে থাকিবেন কতিপয় সন্ন্যাসীকল্প মহাপুরুষ আর মুষ্টিমেয় আদর্শ স্বামী। বিধবা মাত্রেয়ই নির্বিচারে ব্রহ্মচর্যা ও অত্যাচারিতা স্ত্রীর একান্ত উপায়হীনতা এবং বিপত্নীকের, পত্নী কর্তৃক পরিত্যক্ত পুরুষের ও পত্নীত্যাগীর পুনরায় দারপরিগ্রহণের অধিকার যদি বিধিবদ্ধ হইয়া সমাজে চলে তবে এই হিন্দুজাতি বা সমাজের বিশিষ্টতা জগতকে দেখাইবার জন্ম আর বেশী দিন ভাবিতে হইবে না,—রূপকথার গল্পের মত এই বিলুপ্ত জাতির ইতিহাস জগৎবাসী পুঁথি পত্রে পাঠ করিবে।

“ভারত মহিলার, হিন্দু সতীর, আৰ্য্য নারীর নিজস্ব পূর্ণ স্বতন্ত্রতা তাঁর সমস্ত মহিমা গরিমা” তবে কি এতই ঠুনুকা জিনিস যে, নিম্ন অধিকারীর জন্ম যাহা প্রয়োজন তাহা হাতের কাছে পাইলে নিজেকে আঘাত করিবেই এবং ভাঙ্গিয়া চুরমার হইবে? এই যে হিন্দু শাস্ত্র এবং সমাজ এর বৈশিষ্ট্য কোনখানে? যেখানে দেখি “যত মত তত

পথ,” যে যেমন অধিকারী তার জন্মে সেই রকম ব্যবস্থা, প্রত্যেকের রুচি অনুসারে একটা নির্দিষ্ট স্থানে আশ্রয় লইবার পন্থা আছে, সেইখানে নয় কি? সীতা সাবিত্রী চিন্তা সুভদ্রার সতীত্ব-গাথা যে যুগের কাহিনী, দময়ন্তীর পুনঃ স্বয়ম্বরের উদ্যোগ, দ্রৌপদীর পঞ্চ স্বামী, অম্বা অম্বালিকার বৈধবা অবস্থায় পুত্রোৎপাদন, কুন্তী সত্যবতীর কুমারী অবস্থায় মা হওয়া—এ সবও সেই যুগের কথা, এবং এই শেবোক্ত নারীগণ সমাজে ঘণিতা ছিলেন না। পঞ্চপাণ্ডবের জন্মকথাও আমাদের কাছে স্মরুচিসম্মত নয়; সেই পাণ্ডবদের, বিশেষত শ্রীকৃষ্ণের যুগকে বক্রর যুগ বা তাঁহাদিগকে অনার্য্য কেহ বলে কি? হিন্দুর মতে সেই চিরস্মরণীয় আদর্শ মহাপুরুষ বা সর্বশ্রেষ্ঠ অবতারের সময়ে যাহা হইত তাহারও সংস্কার পরবর্তী সংস্কারকরণ আবশ্যিক বোধে করিয়া গিয়াছেন, নহিলে আজও আৰ্য্যসমাজে সেই সব প্রথা প্রচলিত থাকিত। দেবতার ঋণ পূজাপ্রাপ্ত রামায়ণ মহাভারতের সকল আদর্শ নির্বিচারে অনুসরণ করিতে হিন্দু দ্বিধামিত হইত না। অতীত কালে যাহা ছিল তাহা যদি বর্তমানে অনাবশ্যক বোধে পরিত্যাগ করিয়া থাকিত পারি, তবে বর্তমানে যাহার প্রয়োজন বোধ করিতেছি তাহা ভবিষ্যতেও হয়ত পরিত্যক্ত হইতে পারে। প্রথা এবং আইন অস্থায়ী জিনিস, পক্ষান্তরে নরনারীর প্রেম শাস্ত, চিরকালের জিনিস; প্রথার পীড়নে প্রেম বিলুপ্ত হইবে বলিয়া বিশ্বাস করি না।

যতদিন পর্য্যন্ত না দেশ অতটা উচ্চ শিক্ষা পাইবে যাহাতে সমস্ত পুরুষ নারী একাদিক বার বিবাহে স্বেচ্ছায় বিরত হইবে, সমাজ হইতে জ্ঞানত বাভিচার ও অজ্ঞানত পদস্থলন একেবারে লোপ পাইবে, অস্তিত ততদিনের জন্ম যাহাতে অবস্থা ভেদে একেবারে নিরুপায় হইতে না হয় সেজন্ম আইনত সকল রকম পথই খুলিয়া রাখা উচিত। সমাজে বাভিচারী নরনারীকে যদি সহিতে পারি তবে পত্যস্তর গ্রহণকারিণীকে সহিতে না পারিবার হেতু কি? যখন পথের আবশ্যক হয় অথচ পথ পাওয়া যায়না তখনই নরনারী বেপরোয়া হইয়া উঠে, এর পরিচয় কি আমরা এখনই পাইতেছি না? ইউরোপের ফলাফলের সহিত

শ্রীমুরেশচন্দ্র বন্দ্যোপাধ্যায়

আমাদের দেশের ফলাফল তুলনা করা চলবে না, কারণ এদেশের সতীত্ব অঙ্গদেশের সতীত্বের চেয়ে উচ্চ আদর্শের, ইহা সকলেই বলেন। দেশভেদে ও জলবায়ু ভেদে একই জিনিষের চাষ ভিন্ন ভিন্ন ফল প্রসব করে। আজ যাহারা বলেন যে, শত প্রহরার আবেষ্টনে আবদ্ধ রাখিয়া এই যে সতীত্ব ইহার কিছু মূল্য আছে, তাঁহারা দেখিয়া মুগ্ধ হইবেন যে, ভারতমহিলার এমন কিছু আছে যাহাতে প্রহরার বেষ্টন না দিলেও সে নিজেকে নিজে রক্ষা করিতে পারে। আর যাহারা হিন্দুনারীর পুরাতন আদর্শের প্রতি শ্রদ্ধাবান বলিয়া তাহাদের এই সমস্ত দাবী দাওয়ায় ক্ষুব্ধ হন এবং নিম্ন-গামী হইবে বলিয়া আশঙ্কা করেন, তাঁহারা দেখিয়া সুখী হইবেন যে অধিকার হাতে পাইয়া তাহার যথেষ্ট ব্যবহার যাহাতে না হয় সেজ্ঞ হিন্দুনারী ভাবিতে শিখিয়াছে; যে বিষয়ে এতদিন সে মোহাবিষ্ট ছিল সে বিষয়ে যথেষ্ট সচেতন হইয়া কিরূপ ছিল কিরূপ হইয়াছে এবং কিরূপ হইতে হইবে একথা ভাবিতেছে। যেদিন বুঝিবে যে, তাহার বৈশিষ্ট্য বজায় রাখিয়া চলিতে পারিলে ডিভোর্স বিলের কোন আবশ্যকতা নাই তখন ডিভোর্স বিল আপনা হইতে অকর্মণ্য হইয়া যাইবে। আর যদি সে এর দ্বারা উপকার পায় তবে ত এর প্রয়োজনই আছে। বিপত্নীকের দারপরিগ্রহে বাধা না থাকিলেও এমন বহু বিপত্নীক আছেন যাহারা প্রেমে শ্রদ্ধায় নিষ্ঠায় আচারে বিধবাকে হার মানাইতে পারেন।

তাজমহলের উপরে প্রত্যেক টালির সংযোগ স্থলে অসংখ্য ঘাসের চারা গজাইয়াছে, এগুলিকে বাঁচিয়া নিম্নূল করিতে পারে মানুষের সাধ্য নয়। কালক্রমে এই ঘাসেরই শিকড়ের অত্যাচারে তাহাতে ফাটল ধরিবে, তখন জীর্ণ সংস্কার সম্ভব হইলেও ধ্বংসের পথে উহার ধীরগতি কেহ ধরিয়া রক্ষিতে পারিবে না। ধ্বংস যাহার অনিবার্য নূতন কোন শিল্পী নূতন পরিকল্পনায় তাহাকে ভাঙ্গিয়া গড়িলে মন্দ হইবে কেন? সুতরাং গড়িবার পূর্বে উহাকে ভাঙ্গিবারই আবশ্যক হইবে। ক্রমোন্নতিবাদের সিদ্ধান্ত মানিয়া লইলে প্রত্যেক সংস্কার দ্বারা লাভবান হইব বলিয়া মানিতে হয়। রাণী সৌরিয়া ও আমীর

আমামুল্লা এত বড় আঘাতে ও এত দ্রুত হস্তে সংস্কার করিতেছিলেন বলিয়াই আজ আফগানিস্থান একরূপ বিধ্বস্ত সত্য, কিন্তু এই বিপ্লবের পরে যখন শান্তি আসিবে তখনকার আফগানিস্থান যে ভারতের দৃষ্টান্তস্থল না হইবে তাহা কে বলিতে পারে? ধীরে ধীরে কাজ করিলে যে পরিবর্তনে যুগ যুগান্তর বহিয়া যাইত, সেই আকাঙ্ক্ষিত পরিবর্তন রাণী সৌরিয়া জীবনেই হয়ত দেখিয়া যাইবেন।

যাহারা সর্বপ্রকার কামাবস্ত লাভে সার্থকজীবন তাঁহারা প্রবৃত্তিমার্গের দোষ কীর্তন করিতে পারেন, এবং বাধা হইয়া ঐসব হইতে বঞ্চিতজীবন নিবৃত্তিমার্গ মানিয়া ও লইতে পারে; কিন্তু প্রবৃত্তি ও নিবৃত্তির প্রভেদ সম্যক-রূপে বুঝিতে পারিয়া আবশ্যক হইলে স্বেচ্ছায় নিবৃত্তিমার্গ গ্রহণ করিতে পারে একরূপ জ্ঞান ও শিক্ষা যাহাদের নাই তাহাদিগকে শিখাইবার জন্ত শিক্ষক বা শিক্ষয়িত্রী কোথায়? সেরূপ শিক্ষালয়ই বা কয়টা আছে? যাহারা মনে প্রাণে এসব অনুভব করেন তাঁহারা নিবৃত্তির আদর্শ ছড়াইয়া দিবার জন্ত সর্বস্ব ত্যাগ করিয়া সকলের মাঝখানে আসিয়া দাঁড়ান না কেন? নিজে সমস্ত আরাম ও সম্ভোগের মধ্যে মগ্ন থাকিয়া নিবৃত্তিতত্ত্ব প্রচার করিলে সাধারণে কতটুকু শিক্ষা পাইবে? আমি কোন ব্যক্তিবিশেষকে একথা বলিতেছি না, সকল সমাজেই উপদেশদাতার চেয়ে আদর্শ-দর্শনিতার সংখ্যা অত্যন্ত কম তাই বলিতেছি।

শ্রীসরযুবালা ঘোষ

২

বিবাহ-বিচ্ছেদ

বৈশাখের 'বিচিত্রা'র শ্রীমতী অম্বরুপা দেবী লিখিত 'বিবাহ-বিচ্ছেদ' প্রবন্ধ পড়িলাম। প্রবন্ধ শুরু হইয়াছে বাংলার ভূতপূর্ব শাসক লর্ড রোনাল্ডশের উক্তি দিয়া। "যে সামাজিক ব্যবস্থা ভারতবাসীর কল্যাণসাধন করিয়া আসিতেছে,...লঘুচিত্তে...তাহার পরিবর্তন" উচিত নয়, লাট-সাহেব তার বিরোধী। ভালো কথা।

তারপর লেখিকার নিজের কথা—“আমাদের দেশেও পৃথিবীর বহুতর দেশের মতই সংস্কারের একটা জোর



হাওয়া লাগিয়াছে, এটা অবশ্য অস্বাভাবিক নয়। যুগে যুগেই চিরদিন এমন হইয়াছে ও হইতেছে এবং পরেও আবার হইবে তাহাতে সন্দেহ নাই। পৃথিবীতে মানুষ সৃষ্টির পর হইতেই মানবসমাজের গঠন ও সংস্কার চিরদিন ধরিয়াই চলিয়া না আসিলে আমরা বর্তমানকালে যে-সমাজকে দেখিতে পাইতেছি, তাহা নিশ্চয়ই দেখিতে পাইতাম না। যেমন মানুষের জীবদেহ থাকিলে তাহাতে রোগ শোক ভোগ এবং উহা হইতে আত্মরক্ষার চেষ্টা অনিবার্য, তেমনি সমাজ থাকিলেই তাহাতে দোষ ক্রটি থাকা এবং তাহার প্রতিকার চেষ্টাও অনিবার্য। তা' সে সমাজ যতই কেন না বিচক্ষণতার সহিত গঠিত হউক, কালক্রমে সকল জিনিষই কিছু না কিছু ক্ষয়প্রাপ্ত হয় এবং ক্ষয়িত স্থলে ছিদ্র হইতেও বাকি থাকে না; সেই মত মনীষীমনগণ দ্বারা গঠিত সমাজেরও ক্ষয়িত জীর্ণ অংশে ছিদ্র প্রবেশ কারয়া থাকে।”

লেখিকা সংস্কারের প্রয়োজনীয়তা অনুভব করেন বুঝা গেল। কিন্তু “সেই সংস্কারটা সম্পূর্ণরূপে পুরাতনকে চূর্ণ করিয়া ফেলিয়া দিয়া করা আবশ্যিক” মনে করেন না। “সমাজ ভাঙ্গার” আগ্রহের আভিযা লেখিকা পছন্দ করেন না, কারণ, তা “খুব সুফলপ্রসূ নাও হইতে পারে। যেমন কাবুলের রাজমহিষী রাণী সোরিয়ার অত্যন্ত ক্রতহস্তের সমাজ সংস্কার তাঁর স্বামীর পুত্রের দেশের এবং সমাজের পক্ষে শুভকারী হয় নাই।”

সংস্কারটা ক্রত হওয়াই বাঞ্ছনীয়—মানবদেহের মত সমাজ-দেহের ক্ষত আবিষ্কৃত হওয়ামাত্র অস্ত্রোপচার আবশ্যিক, নতুবা অচিরে ঐ বিষ সমস্ত দেহে ব্যাপ্ত হইয়া অনর্থ ঘটাইতে পারে। কোনো সংস্কারই আপাতদৃষ্টিতে ক্ষীণপ্রাণ চিন্তা-লেশহীন মানুষের চোখে শুভকর মনে হয় না—ইতিহাসে তার ভূরি ভূরি দৃষ্টান্ত আছে—খৃষ্ট হইতে রামমোহন বিদ্যা-সাগর পর্যন্ত। কালক্রমে মানুষ সংস্কারের উপকারিতা বুঝিতে পারে, এবং যে-সংস্কারক একদা দেশ বা সমাজের শত্রু বলিয়া আখ্যাত হন, তিনিই আবার দেশভক্তরূপে জন-সাধারণের পূজা পাইয়া থাকেন। ...এরূপ ঘটনা মানব-সমাজে বারবার ঘটিয়াছে, আজও তার বিরাম নাই।

‘হিন্দুবিবাহ-বিচ্ছেদ-বিল’ সম্বন্ধে আলোচনা করিতে গিয়া বিচলিত হইয়া লেখিকার বিরুদ্ধপক্ষের প্রতি নিম্ন-লিখিত কটুকথা প্রয়োগ করা উচিত হয় নাই।

১। “এই সব অপরিণতবয়স্কা নবশিক্ষিতা অবিবাহিতা বা সত্ত্ববিবাহিতা মেয়েদেরই বা সমস্ত হিন্দুসমাজের মেয়েদের ভালমন্দ চিন্তার কিসের অধিকার আছে ?”

২। “বিলাতি বাহাদুরী লওয়ার আগ্রহে তাঁদের যোগ্যতার বহির্ভূত... গুরুতর বিষয়ে হস্তক্ষেপ করিয়া বসিয়াছেন এবং ... কতকগুলি সম্পূর্ণ বিলাতি আদর্শে গঠিত, পালিত নরনারী তাঁদের এই খেয়াল (whim)-কে উৎসাহ দান করিয়া প্রবর্তিত করিতেছেন।”

৩। “হিন্দু মেয়েদের মঙ্গল চিন্তার অধিকার ও চেষ্টার দাবী হিন্দু সমাজের হিতাকাজিনী বা হিতাকাজ্ঞী মাত্রেই আছে, তিনি যে সাম্প্রদায়িক হিন্দুই হোন অথবা হিন্দু নাই হোন।”

যাই হোক লেখিকা স্বীকার করেন, “কোন সমাজেরই সকল নর বা নারী সূচরিত্র বা সাধবী অথবা উন্নতচরিত্র হইতে পারে না। যে সমাজের লোকসংখ্যা যত বেশি হয় তাহাতে গলদ থাকা তত বেশি অন্ততঃ সম্ভব... হিন্দু স্বামীর হস্তে পত্নী-নির্ঘাতনের নিশ্চয়ই অভাব নাই...”

তত্রাচ সতীনারীর কর্তব্য লেখিকা নির্দ্ধারিত করিয়াছেন এইরূপ—“এ সব ক্ষেত্রে সতীনারী পতিবিযুক্তা থাকিয়া জীবনযাপনে হয়ত বাধা হইতে পারেন, এর জন্ত ‘মেন্টেগ্যান্স’ বা জুডিসিয়াল সেপারেশন যাহাতে আইনের হাতে সহজে পান এবং ঐ অত্যাচারী পতি যাহাতে পুনঃ বিবাহ করিতে না পারেন, সে চেষ্টা হওয়া অসঙ্গত নয়।”

কিন্তু “বিবাহ-বিচ্ছেদ পূর্বক হিন্দুনারী পতাস্তর গ্রহণের অধিকারিণী হইবেন” হিন্দু সমাজের এর চেয়ে বড়ো অধঃপতন লেখিকা কল্পনা করিতে পারেন না! ধরং “পুরুষ যাহাতে কথায় কথায় স্ত্রী ত্যাগ করিতে না পারে, এবং স্ত্রী বর্তমানে দ্বিতীয় বিবাহ করিতে না পারে, সে চেষ্টা করাই সঙ্গত।”

সেই চেষ্টাই ত হইতেছে। হিন্দু বিবাহ-বিচ্ছেদ-বিলের উদ্ভব তবে কি জন্ত? বিহবী লেখিকা কি তাহা বুঝিতে

শ্রীম্মনীতি বন্ধু চৌধুরাণী

পারেন নাই ? যে সকল হিন্দু স্বামী তুচ্ছ অজুহাতে স্ত্রীকে ত্যাগ করে, এক স্ত্রী বর্তমানে দ্বিতীয় স্ত্রী গ্রহণ করে, তাহা-দিগকে সারেস্বতা করিতে হইলে হিন্দু স্ত্রীরও এক পতি ত্যাগ করিয়া অন্য পতি-গ্রহণের অধিকার পাওয়া উচিত। কুকুরের উপযুক্ত মুণ্ডরও যে চাই !

এমন একটি আইন পাশ হইলেও পতিব্রতা সতী নারী-দের আশঙ্কার কি হেতু আছে বুঝিতে পারি না। আইন নিশ্চয়ই কাহাকেও পত্যস্তর গ্রহণে বাধা করিবে না। মহাবীর কর্ণ ও পঞ্চপাণ্ডব কুন্তীর বিবাহিত পতি পাণ্ডুর ঔরসজাত ছিলেন না, দ্রৌপদী একই কালে পঞ্চপাণ্ডবের অঙ্কশায়িনী হইয়াছিলেন, অহল্যার কথাও শুনিয়াছি। সেই সব “হিন্দু সতীর সতীত্বগোরব” ত ক্ষুণ্ণ হয় নাই, সেই সব “ভারতমহিলা আর্ধ্যনারীর মহিমা গরিমা” ত লুপ্ত হয় নাই, তবে আজ এতকাল পরে কলিযুগে অবস্থা বিশেষে হিন্দুনারীকে পত্যস্তর গ্রহণের অধিকার দেওয়ার প্রস্তাবে লেখিকার এই হাহাকার কি শোভন না সঙ্গত ?

শ্রীম্মরেশচন্দ্র বন্দ্যোপাধ্যায়

৩

নারী-জাগরণ

আজকাল ভারতে বহুবিধ আন্দোলন চলিতেছে ; নারীকে জাগরিত করা, স্বাধীনতা দেওয়াও তাহার ভিতরে একটি।

কেহ কেহ বলেন, নারীকে পাশ্চাত্য শিক্ষায় শিক্ষিতা কর, বিলাতের গ্রাম নারীকেও ভোটের অধিকার দাও, রাষ্ট্রীয় ব্যাপারে তাহাদের সমান অধিকার হ'ক্, সর্ব বিষয়ে নারী পুরুষের সমকক্ষতা লাভ করুক, তাহা হইলেই স্ত্রী-স্বাধীনতা হইল, এবং স্ত্রী-স্বাধীনতা হইলেই দেশ স্বাধীন হইবে।

আর একদলের মত, নারীকে আমাদের প্রাচ্য আদর্শে শিক্ষিতা কর, সীতা দময়ন্তীর আদর্শ গ্রহণ করুক, রামায়ণ মহাভারত গীতা অধ্যয়ন করুক, তাহা হইলেই ভারতের নারী জাগরিত হইবে।

কিন্তু ব্যাপারটা হইতেছে—এই আন্দোলনের যুগে কতক পুরুষ চাহেন যে, নারীদের জন্ম কিছু একটা করা নিতান্ত দরকার ; আর নারীরাও তাহাদের নিজেদের দাবী পাইবার জন্ম অত্যন্ত ব্যগ হইয়া উঠিয়াছে। কিছু করা দরকার, একটা কিছু হওয়া দরকার ইহা আমরা সকলেই বুঝিতেছি—অথচ কি-যে হওয়া দরকার, কি-যে তাহার স্বরূপ, কোথায় তাহার সমাপ্তি, তাহা কেহই ঠাহর করিয়া উঠিতে পারিতেছি না, আর পারিতেছি না বলিয়াই নানারকম গোল-যোগের সৃষ্টি হইতেছে।

এই সমস্তার মীমাংসা কোথায় ? তবে একটা কথায় বোধহয় আর কোনদলের মতবৈধ নাই যে, নারীকে শিক্ষিতা করা উচিত ; কিন্তু তাহার পরেই গণ্ডগোল, প্রথম উঠিল কিরূপ ভাবে শিক্ষিতা করা উচিত। এই “রূপ” ও “ভাব” লইয়াই মারামারি।

আমি নিজে নারী, তেমন শিক্ষাও কিছু আমার নাই, সুতরাং আমার মত যে অকাট্য অত্রাস্ত হইবে তাহাও বিশ্বাস করি না ; কিন্তু প্রত্যেকেরই যেমন নিজের কথা বলিবার ব্যক্তিগত অধিকার আছে আমি শুধু সেই অধিকারটুকু দাবী করিয়া আজ আমার মনের কথা আপনাদের কাছে সরল-ভাবে বলিতেছি, বিচার করার ভার আপনাদের। যদি কিছু অপ্রাসঙ্গিক বলি বা কোনরকম ভুল চুক হয়, অনুগ্রহ করিয়া মার্জ্জনা করিয়া লইবেন।

কথাটা বলিতেছিলাম স্ত্রী শিক্ষার “রূপ” ও “ভাব” লইয়াই যত গণ্ডগোল। অনেকে মনে করেন যে, আমাদের দেশের লোকের হাতেই যদি শাসন থাকিত তাহা হইলে এত কথা ভাবিবার দরকার ছিল না ; আইন করিয়া পর্দাপ্রথা উঠাইয়া দেওয়া হইত, বিধবাবিবাহ প্রচলিত হইত, বিবাহের বয়স নির্দ্ধারিত হইত,—তাহা হইলে দশ বৎসরের কম সময়ের মধ্যেই সম্পূর্ণ নারী-জাগরণের পালা শেষ হইয়া যাইত, এবং সেই স্বাধীনতা-প্রাপ্ত নারীদের বিজয়-তুন্দুভিতে সমস্ত পাশ্চাত্য জগৎ চমকিত হইত।

কিন্তু বাস্তবিক তাহা হইত কি না-হইত তাহার জলন্ত দৃষ্টান্ত আমাদের সম্মুখে, ভাবিয়া চিন্তিয়া বাহির করিতে হইবে না। এই তো সেদিন আফগানরাজ আমানুল্লা সজীক



পাশ্চাত্যদেশ ঘুরিয়া আসিলেন এবং নিজের দেশে আসিয়াই আইনের জোরে একেবারে পর্দাপ্রথা উঠাইয়া দিলেন, স্ত্রী-শিক্ষা বাধাতামূলক করিলেন, নারীদের পোষাক পরিচ্ছদ সম্পূর্ণরূপে বদলাইয়া গেল, সহস্র সহস্র বৎসরের অন্ধকার আবর্জনাপূর্ণ ঘর সহসা যেন সূর্যের আলোকে উদ্ভাসিত হইয়া উঠিল।

ফল তাহার কি হইল? দোর্দণ্ডপ্রতাপ আফগানরাজের শক্তি ও আইনের সমস্ত ক্ষমতা ব্যর্থ করিয়া উঠিল এক ভীষণ মতবাদ তাহার ফলে আফগানরাজ সিংহাসনচ্যুত এবং বিপদগ্রস্ত হইলেন।

তাহা হইলেই দেখা যাইতেছে যে, শাসনদণ্ড আমাদের হাতে থাকিলেও “নারীজাগরণ” সমস্তার মীমাংসা করা সহজসাধ্য নহে। এখানে বলিতে পারেন যে, আফগানে হয়তো নারীদের যথেষ্ট সহানুভূতি ছিল। কিন্তু এক ধর্ম্মান্ধ মোল্লার দল অন্ধ বিশ্বাস ও কুসংস্কারের বশবর্তী হইয়াই এই বিপ্লব বাধাইয়া তুলিয়াছে।

কিন্তু আমি জিজ্ঞাসা করি এই কথা, যদি সমস্ত নারীর অন্তরের সমস্ত সহানুভূতি আফগানরাজ আমানুল্লাহর প্রতি ও তাঁহার সংস্কারের প্রতি থাকিত তাহা হইলে আশুন কি এইরূপভাবে জলিয়া উঠিত? আমার মনে হয় আফগানে সমস্ত নারীর অন্তরের সহানুভূতি আফগানরাজ পান নাই, মোল্লাদের কতক দোষ থাকিতে পারে বটে, কিন্তু নারীরাও কতকাংশে তাহার জন্ত দায়ী, কাজেই আমূল সংস্কার আফগানে সম্ভবপর হইল না।

কথাটা আরও একটু পরিষ্কার করিয়া বলি। এই নারী-সংস্কার সম্ভবপর হইয়াছে তুরস্কে, কামাল পাশার বাণীতে, কামাল পাশার পতাকাতে সমস্ত তুরস্ক জাতি সম্মুখে মাথা নত করিয়াছে; এবং তাহার ফলে গড়িয়া উঠিয়াছে সেখানে এক অদ্ভুত সভ্যতা। কথাটা একটু বিবেচনা করিয়া দেখিলে প্রশ্ন উঠে, যে সংস্কার আফগানের সম্ভ হইল না তাহা তুরস্কে সম্ভ হইল কেমন করিয়া?

আফগান দেশ এখনও বহু পশ্চাতে, সেখানে লোকের ভাবের ধারা একটুও বদলায় নাই, কাজে কাজেই আফগান-রাজের রাজশক্তিতে কোন কার্য হইল না; অন্তরিক

কামালপাশা প্রমুখ যে আন্দোলন গড়িয়া তুলিল তাহার ফলে তুরস্কের রাজশক্তির নিকাসন ও গণতন্ত্রের শাসন-প্রতিষ্ঠা হইয়া গেল। ইহাতেই স্পষ্ট বোঝা যায় যে, কামালপাশার বাণীই তাঁহার দেশের বাণী, আর আফগান রাজের বাণী শুধু তাঁহারই বাণী, তাঁহার দেশের নহে।

এই দুইরাজ্যের বর্তমান ইতিহাস আমাদের শুধু এই শিক্ষাই দেয় যে, কোন জাতিকে জাগরিত করিতে হইলে, নারীই হোক বা পুরুষই হোক, দেশে প্রথমত শিক্ষার প্রয়োজন। ইতিপূর্বে বলিতেছিলাম যে, নারীর শিক্ষার ‘ভাব’ ও ‘রূপ’ কিরূপ হইবে? আমি কোন রকম শিক্ষার নিন্দা করি না, কারণ শিক্ষার ভিতরে জাতীয় বিজাতীয় নাই, তবে শিক্ষার প্রথম লক্ষ্য হওয়া চাই মনুষ্যত্ব কি নারীত্ব লাভ করা।

প্রকৃতি পুরুষ ও নারীর ভিতরে যথেষ্ট পার্থক্য দিয়াছে, প্রকৃতির নিয়মে পুরুষ ও নারীর কাজ মীমাবদ্ধ আছে, তাহা কেহ লঙ্ঘন করিতে পারে না, ইহাই যদি সত্য হয় তাহা হইলে প্রকৃতিকে বড় করিয়া শিক্ষাকে তাহার অনুকূল করিলে—আমার মনে হয় সেই শিক্ষাই প্রকৃতশিক্ষা হইবে। নারীকে শিক্ষা দেওয়া দরকার, কিন্তু একথাও সঙ্গে সঙ্গে মনে রাখা দরকার যে দেশ কাল ও পূর্বের সভ্যতার ভাবধারা একেবারে বাদ দিলে চলে না।

দেশের বীজ দেশের আবহাওয়ায় উপযুক্ত মাটি ও আলো বাতাস পাইলে গাছ যেমন সতেজে বর্দ্ধিত হয়, যেমন তাহার স্বাভাবিক স্নিগ্ধশ্যামল শোভা খোলে,—বিদেশের আওতার মধ্যে পড়িয়া বিদেশের আলো ও বাতাসে বর্দ্ধিত হইয়া সেই শোভা, সেই রূপ, সেই গন্ধ, সেই রস, কিছুই সেই রকমটি হয় না। ইহা প্রকৃতির পক্ষে যেমন সত্য, মানবজাতির পক্ষেও ইহা তেমনি স্বাভাবিক নিয়ম। এই নিয়মকে লঙ্ঘন করা হইলেই প্রকৃতিকে লঙ্ঘন করা হয়।

প্রত্যেক দেশেরই এক একটি বৈশিষ্ট্য আছে, প্রত্যেক দেশেরই ভাবধারা জীবনযাপন প্রণালী স্বতন্ত্র; সুতরাং সেই স্বাভাবিক ও বৈশিষ্ট্যকে একেবারে বাদ দিয়া যে শিক্ষা লইতে চাই, সে শিক্ষা কোনকালে

শ্রীমৈত্রেয়ী দেবী

সর্বাক্রমে সুন্দর হয় না, তাহাতে একটু খুঁত থাকিয়াই যায়।

এই ভারতে বহুপূর্বে ঋষিগণ যে সভ্যতা ও ভাবধারা দিয়া গিয়াছিলেন এবং জীবনযাপন-প্রণালী ও যে-সকল সামাজিক নিয়ম বিধিবদ্ধ করিয়াছিলেন, তাহা এই দেশের নরনারীর হৃদয়ে প্রত্যক্ষ ও পরোক্ষ ভাবে নিহিত আছে। যে শিক্ষা এই ভাবধারা ও পূর্বোক্ত নিয়ম-গুলির আমূল পরিবর্তন করিয়া সংস্কারের নামে জাগরণের বিষণ্ণ স্বাক্ষর, সেই শিক্ষা কখনই দেশের হিতকর হইতে পারে না। একথা নিশ্চয়,—তবে একথাও ঠিক, যে নিয়ম ও বিধিবান্ধা বহুসহস্র বৎসর পূর্বে এই দেশের উপযোগী ছিল, তাহা এতকাল পরেও যে সবটাই সেইরূপ ভাবে উপযোগী হইবে ইহা কখনই সম্ভবপর নহে; কালের প্রয়োজনীয়তা অনুসারে তাহার সংস্কার ও পরিবর্তন আবশ্যিক। এবং সেই পরিবর্তন ও সংস্কারের ফলে প্রত্যেক দেশের নিজস্ব ভাবধারা অধিকতর পরিষ্কৃত হইয়া উঠে, উজ্জ্বলতর

ভাবে জগতের সমক্ষে প্রতীয়মান হয়,—ইহারই শিক্ষা আবশ্যিক।

কারণ, শিক্ষাই মনকে প্রশস্ত করিয়া দেয়, ও কালের উপযোগী পরিবর্তন ও সংস্কারকে গ্রহণ করিবার শক্তি বাড়াইয়া তোলে।

এখন কথা হইতেছে, ভারতের নারীর শিক্ষা কিরূপ হইবে? আমি বলি, সব শিক্ষাই আমরা গ্রহণ করিতে প্রস্তুত আছি, যাহা দেশের ভাবধারার সহিত সামঞ্জস্য রাখিয়া চলিবে; এবং সেইরূপ শিক্ষায় শিক্ষিতা হইয়া ভবিষ্যতে যে “নারী-সম্মত” গড়িয়া উঠিবে সেই “নারী-সম্মত”ই ভারতের সকল নারীর শিক্ষা ও কর্তব্যের পথ নির্দেশ করিয়া দিবে।

পুরুষেরা এই অধিকারে হস্তক্ষেপ করিতে গেলে ভীষণ গোলযোগেরই সৃষ্টি হইবে, কার্যাত কিছুই হইবে না, এবং ভারতের নারী আজ যে তিমিরে সেই তিমিরেই থাকিয়া যাইবে, ইহা সুনিশ্চিত কথা।

শ্রীমতী বসু চৌধুরাণী

বয়স

শ্রীমৈত্রেয়ী দেবী

তখন সন্ধ্যাকালে

অস্ত রবি দূরের থেকে রঙ্গিন আলো ঢালে,
ফুলের যত পাপড়ি গুলি বিদায় বাথায় ভ'রে—

পড়তেছিল ঝ'রে !

বইল বাতাস ধীরে,

দিনের আলো আসল তখন সন্ধ্যাসাগর তীরে,

রবি তখন চলতেছিল সুদূর গগন বেয়ে।

দূরের মাঠে খেলতেছিল একটি ছোট মেয়ে,

মধুর তার হাসি,

নবীন কচি পাতায় পাতায় বাজাচ্ছিল বাঁশি।

তখন ওই সে বুড়ো, সব কাজে যার হেলা,

ব'সে ব'সে দেখতেছিল ছোট্ট মেয়ের খেলা।

ষাট পেরিয়ে এল বোধ হয় তার,

ভালয় মন্দ, সকল হৃদয়, ধূলোয় একাকার।



হঠাৎ ব'সে আপন মনে দেখছিল ওর খেলা,
অক্ষকারে ধীরে ধীরে নামতেছিল বেলা ।

ছোট্ট মেয়ে তার

রূপের আলোয় ডুবিয়ে দিলো সকল অক্ষকার ।
বাতাস কাঁপন লাগিয়ে গেল কৌকড়া তাহার চুণে
বুড়োর মনের গোপন পুরের সকল দিয়ে খুলে ।

বুড়ো তখন ভাবতেছিল আপন মনে যেন,

এমন হল কেন—

এমন কেন হয়,

উহার বয়স আট যদি বা হবে, আমারে বা ষাট কেন গো কর ?
আমারও ত এমনি ছিল দিন, এমনি ছিল খেলা,
আমারও ত বুকের উপর দিয়ে গেছে এমন মধুর সন্ধ্যা বেলা,
আমারও ত এমনি ছিল হাসি, রঞ্জিন মায়ার জাল,
লোকে বলে অনেক দিনের কথা, সে যে অনেক কাল ।

কে জানেরে কাল কাহারে বলে, কে জানেরে হয় !

কে জানেরে এমন ক'রে কেন বয়স শুধুই বেড়ে চ'লে যায় ;

এ যে শুধু ভোলায় কথার ছলে,

কে জানেরে বয়স করে বলে !

কে জানেরে কোথায় ধুলোয় ধূসর হ'য়ে হ'য়ে

কোন এক স্রোতে সূদূর পথে কাল চলেছে ব'য়ে !

তার মাতাল প্রাণের সাথে জড়িয়ে মোদের প্রাণ,

সে কেন রে, যাবার বেলায় দেয়রে আবার টান !

জীর্ণ করে দীর্ণ করে পরাণ ছল ছল,

সে কেন রে মোদের, বলবে চল্ চল্ ?

সকল তব্ব সকল সত্য মিথ্যা হ'রে যায়,—

তারেই কিরে বয়স বলে হয় !

চাইনা আমি শুন্তে কোন কথা,

চাইনা আমি ভুলতে কথার ছলে ।

আমার শুধু সত্যি ক'রে বল, বয়স করে বলে ।





অন্ধ বালিকা

পরিচয়

—গল্প—

—শ্রীশুবোধ বসু

মেয়েটির নাম নীলা । সে কোন মেয়ে কলেজে পড়ে, ছেলেটির নাম অরুণ, সে বিশ্ববিদ্যালয়ের ছাত্র । তারা প্রতিবেশী, কিন্তু তাদের আলাপ নাই, মুখ চেনা মাত্র । অরুণ জানালা দিয়া নীচে চাহিয়া হয় তো দেখিত মেয়েটি বাসে গিয়া উঠিতেছে, না হয় বাড়ির গাড়িতে হাওয়া খাইতে চলিয়াছে । তাদের বাড়ির সমস্ত দেখা যাইত না, শুধু ছোট বারান্দাটা কুঞ্চুড়া গাছের ফাঁক দিয়া খানিকটা দেখা যাইত, আর কোণার ঘরটা পর্দা দিয়া বন্ধ দেখাইত । দক্ষিণদিকের জানালাটার ধারে গিয়া দাঁড়াইলে দেখা যাইত মেয়েটি একটি দোলন চেয়ারে বসিয়া ছলিতে-ছলিতে পড়া তৈরী করিতেছে । সে না থাকিলে সেটা খালি পড়িয়া থাকিত । সন্ধ্যাবেলা বাড়ি ফিরিলে অরুণ শুনিত মেয়েটি মিষ্টিগলায় গান গাহিতেছে, তার ছোট ভাইটি কচি গলা দিদির গলার সাথে মিলাইয়াছে । কোণের ঘর হইতে পর্দা, ঢাকা জানালা গলাইয়া ঘরের অধিবাসিনীর কথাবার্তাও কিছু কাণে আসিত । ওমা, কলেজের বেলা হ'য়ে গেল যে ; খোকার দৌরাতি দেখেচ মা, খাতার উপর কালি ঢেলে দিলে, আর পারিনে বাপু ; দাদা সত্যি আজ সিনেমাতে নিয়ে যাবে,—গাড়ি পাঠিয়ে দিও, কলেজের বাসে আসতে হ'লে সন্ধ্যা, না হয় ট্রামেই আস্ব ।

অরুণ পড়িতে পড়িতে হঠাৎ চাহিয়া দেখিত হয়তো দোলন চেয়ারে বসিয়া পড়িতে পড়িতে বই রাখিয়া চোখ তুলিয়া মেয়েটি তাহার ঘরের দিকে তাকাইয়া আছে । চোখচোখি হইলে ছ'জনেই ঘাড় গুঁজিয়া আবার পড়া শুরু করিত । কলেজে যাবার সময় নীচে অরুণের সাথে মেয়েটির মাঝে মাঝে মুখোমুখিও হইয়া যাইত । ছ'জনেই একটু সন্তুষ্ট হইয়া উঠিত, তারপর অরুণ ট্রামে যাইয়া উঠিত, মেয়েটি যাইয়া বাসে বসিত ।

এমনি অনেকদিন হইয়াছে । ছ'জনের কলেজে যাইবার

সময়-জ্ঞান ছ'জনেরই হইয়া গেছে ; কে কেমন পোষাক সাধারণত পরে তাহাও তাদের অজানা নাই । নীলা দেখিত অরুণ পরে টিলাহাতা পাজ্রাবী, গায়ে তসরের কিম্বা গরদের চাদর, পায়ে দেয় মধুমলের শ্রাণ্ডাল । অরুণ দেখিত মেয়েটি প্রত্যেকদিনই শাড়ি বদলায়, তার পাঁচজোড়া জুতো কোনটা যে কোনদিন পায়ে দিবে ঠিক নাই, কলার-দেওয়া ব্লাউস, নীল রঙটা ভারী পছন্দ । তারই মত লাল রঙের পার্কীরের ফাউণ্টেন পেন্ । ছ'জনে ছ'জনের সোনার ঘড়ি চেনে, একজনেরটা ভায়োলেট রঙের মধুমলের ব্যাণ্ড দিয়া বাঁধা আরেকজনেরটা চুড়ির সঙ্গে অঁটা । কোনদিন হয়তো মেয়েটির বাসে যাওয়া হইত না, বাস আসিবার দেরী দেখিয়া ট্রামে চলিয়া যাইত । কখন বা বাড়ির গাড়িতে যাইত । অনেকদিন তারা একট্রামেই গিয়াছে ; এসপ্লানেডে ট্রাম বদল করিয়া আবার একট্রামেই গিয়া উঠিয়াছে ।

কিন্তু তাদের আলাপ নাই । পরস্পর পরস্পরকে চেনে । এ জানে, ও বার নব্বরের বাড়িটার দোতলার উত্তর ধারের সাজান ঘরটাতে বসিয়া টেবিলে ঝুঁকিয়া বড় বড় বিলাতী মলাটের বই পড়ে, আর আবলুসের টি-পয়টিতে রাখিয়া পেয়ালার পর পেয়লা চা নিঃশেষ করে,—ট্রামে একসঙ্গে চাপিলে আশুতোষ-বিষ্টিংসের কাছে নামিয়া যায়, আর বোধ করি প্রতিদিনই বা সিনেমা দেখিতে যায়, না হইলে সিনেমাতে গেলেই ওর সঙ্গে দেখা হয় কি করিয়া । ও জানে, মেয়েটি এগারো নম্বরে থাকে, ট্রামে চাপিলে বিশ্ববিদ্যালয়ের কাছে থামেনা, শেলীর “এডোনিস” হাতে লেডীস্ পরিয়া স্মার্ট হইয়া কলেজে যায়, নিজেদের মোটরে কমই কলেজে যায়, কিন্তু প্রতি-সন্ধ্যায় হাওয়া খাইতে বাহির হয় ।

অরুণ নীলার নাম জানে না । বাড়িতে কি জানি কি বলিয়া ডাকে—ঠিক বোঝা যায় না । বকুল না বেবী,



ঠিক করিতে না পারিয়া মনে-মনে নাম রাখিল বেলা। নীলা কিন্তু অরুণের নাম জানে। অরুণের বন্ধুরা আসিয়া যখন-তখন নীচ হইতে চীৎকার করিয়া তাকে ডাকে, তাহাতেই সে জানিয়াছে। রবিবার দিন নীলা দেখিত অরুণ দুইটা না বাজিতেই টেনিস্ র্যাকেট হাতে বাহির হইয়া পড়ে, কিম্বা কোন বন্ধু আসিয়া মোটর করিয়া তাহাকে বেড়াইতে লইয়া যায়, না হয় ঘরে বসিয়া সে লাল-রঙের বাধান খাতায় কি লেখে। অরুণ দেখে শনিবার এস্রাজ হাতে নীলা কোথায় যায়, গাড়িতে তাহার যে মেয়ে-বন্ধুরা তাদের হাতেও অমনি কিছু একটা-না-একটা যন্ত্র।

তারা দুজনেই দুজনকে দূর হইতে দেখে, পরস্পরের জীবনযাত্রা সম্বন্ধে অনেক কিছুই বলিতে পারে। অরুণ বলিতে পারে নীলা ভোরবেলা কখন উঠে, আর বারান্দায় পায়চারি করিতে করিতে গুণ গুণ করিয়া ফোন্ একটা প্রভাতী সুর গুঞ্জরণ করে। নীলা জানে কখন অরুণ শেষ রাতের আবছা অন্ধকারে ডেভেলাপার টানে, কখন বা মুখ ধুইয়া আসিয়া বড় আয়নার সম্মুখে দাঁড়াইয়া মাথা ক্রস্ করে।

অরুণ দেখিত নীলা কবিতা খুব করিয়া পড়ে; এটা তার অভ্যাস। অরুণ সেদিকে চাহিলেও সে মনে মনে পড়ে না। পড়িতে বসিলে তার ছুটু ভাইটা আসিয়া তাকে বার বার বাতিবাস্ত করিয়া তোলে। নীলা রাগ দেখাইয়া বলে, দেখ্ খোকন্, মার খেতে চাস্; আঃ তোরা জালায় আর বাঁচিনে; ছুটুমি করোনা লক্ষ্মীটি, আচ্ছা ছবি দেখাচ্চি, বলিয়া হয়তো সাদরে ভাইটিকে কোলের কাছে টানিয়া আনিয়া ছবি দেখায়।

এমনিভাবে পাখা মেলিয়া দিন চলিয়া যায়।

অরুণ তাহার লাল-খাতাটাতে বেলার কথা কল্পনার সাথে মিশাইয়া কবিতা লেখে। সে কবিতা কাহারও নামে নয়, কিন্তু নীলাই ভাব জুটাইয়া তার অধিষ্ঠাত্রী হইয়া উঠিয়াছিল। নীলা হয়তো কাজ না থাকিলে রঙ আর তুলি লইয়া বারান্দায় ছোট টেবিলে খাতা রাখিয়া ছবি আঁকিতে বসিয়া যাইত। কৃষ্ণচূড়ার প্রস্ফুট-শাখার পানে তাকাইয়া কোন চিত্রই তার

মনে ফুটিত না, এবং কোন অসতর্ক ক্ষণে পাশের বাড়ির পাঠ-রত ছেলেটিরই ছবির মত আঁকিয়া বসিত। তারপর লজ্জায় সে ছবি ছিঁড়িয়া ফেলিত।

অরুণ ভাবিত ঐ মেয়েটি যদি তাহার সাথে আলাপ করিত তবে সে সুখী হইত। নীলা ভাবিত অরুণ যদি আসিয়া তাহার সঙ্গে কথা বলে তবে সে খুসী হইয়াই আলাপ করিবে। কিন্তু অরুণ ভাবিল, সাধিয়া কথা কহিলে হয়তো অশোভন দেখাইবে—অতএব দরকার নাই। নীলা ভাবিল, সে কি করিয়া নিজেই আগাইয়া আলাপ করে। ইহাতে হয় তো তার চঞ্চলতা প্রকাশ পাইবে; অত গরজ সে দেখাইতে যায় কেন। অরুণের মামার সহিত নীলার বাবার আলাপ আছে, তবে যতটুকু না থাকিলে নয় মাত্র ততটুকু। কিন্তু পাশাপাশি এই দুটি বাড়ির মধ্যে অপরিচয়ই বেশি। কেবল এ বাড়ির ছেলেটির সহিত ও-বাড়ির মেয়েটির চেনা, কিন্তু সে চেনা এক অদ্ভুত রকমের। কারুর সাথে কারুর আলাপ নাই, কারুর সাথে কারুর সাম্না-সাম্নি জানা-শোনা নাই; কিন্তু তবু এক বিচিত্র ধরণের পরিচয়, যাকে একেবারে উপেক্ষা করাও চলে না।

একদিন মেয়েটির জন্ম-উৎসব আসিল। অনেক নিমন্ত্রিত অভ্যাগত আসিয়া মোটরে ফুটপাথের ধার ভরিয়া দিল। অরুণ দেখিতে পাইল নীলার দাদা মোটরে করিয়া একরাশ ফুলের তোড়া আর মালা কিনিয়া আনিলা; মেয়েটির অনেক বন্ধুবান্ধব আসিল। এক সময় জান্লা দিয়া চাহিয়া অরুণ দেখিল মেয়েটি গরদের শাড়ি পরিয়া, গলায় ফুলের মালা দিয়া চন্দন-চর্চিত মুখে বারান্দার রেলিঙ্গ্-ভর করিয়া তাহার ঘরের দিকে তাকাইয়া রাহিয়াছে। চোখো-চোখি হইতে নীলা সলজ্জ ভাবে তাড়াতাড়ি ঘরে চলিয়া গেল। অরুণ উৎসবের আর কিছুই দেখিতে পাইল না, শুধু দৃষ্টির বাহিরে হল-ঘরটার ভিতর হইতে গানের মৃদুশব্দ কানে আসিয়া পৌছিল। সে ভাবিল মেয়েটির সহিত আলাপ থাকিলে আজ সে তাকে বাদ দিতে পারিত না।

সে রাতে নিজের ঘরে শুইয়া-শুইয়া নীলা শুনিল অনেক রাত পর্যন্ত অরুণ বাঁশী বাজাইল। নীলা ভাবিল ছেলেটি বেশ বাঁশীও বাজায়।

মাঝে-মাঝে যখন বন্ধুরা আসিয়া অরুণের ঘরটা জাঁকাইয়া বসিত, নীলা তাদের উচ্চ হাসি আর কথা-বার্তা শুনিতে পাইত। অরুণের বন্ধুদের অনেককে সে মুখ চিনিয়া ফেলিয়াছে; কে কখন আসে, কতক্ষণ বা থাকিয়া চলিয়া যায়, দেখিতে-দেখিতে অনেকটাই নীলার অভ্যস্ত হইয়া গেল। অরুণ সময়ে-অসময়ে 'চয়নিকা' খুলিয়া পড়িতে থাকে, কিংবা রবীন্দ্রনাথের নতুন গানের একটা-দুইটা কলি গাহিয়া উঠিয়া ইঞ্জি-চেয়ারটাতে গিয়া বই লইয়া শুইয়া পড়ে। নীলা তার 'গীতাঞ্জলি'খানি টেবিলের উপর খুলিয়া বসে।

এমনি করিয়া দিন যায়। গ্রীষ্মের দিন নটরাজের নৃত্যের ছন্দে মাতিয়া শেষে শেষ-মল্লারে সুর ধরিল। একদিন ভোর হইতেই আকাশ মেঘে অন্ধকার, মাঝে-মাঝে ঝির-ঝির করিয়া হয়তো একটু বৃষ্টিও হইতেছে। গাছগুলি দমকা-হাওয়াতে ক্ষণে ক্ষণে ছলিয়া উঠিতেছে। দূরে গধুজ-ওয়ালী বাড়িটার উপর দিয়া একটা মেঘের ঐরাবত চলিয়া গেল। কোন্ অলকার কল্পপুরীতে কোন্ রাজ্যের উপর দিয়া, কোন্ নগরে জনপদে ছায়া সঞ্চারিত করিয়া কোন্ নদী-পর্কত ডিঙাইয়া সে যে যাইবে তাহা কে জানে। নীলা শুনিল ভোর হইতে অরুণ সুর করিয়া মেঘ-নৃত্যের পূর্ব-মেঘের শ্লোকগুলি পড়িয়া যাইতেছে। এই বর্ষার দিনে কল্পনা আর রূপ-সম্ভারে মগ্নিত এই শ্লোকগুলি তার ভারী চমৎকার লাগিল। তার মনে হইল এ যেন বর্ষারই সুর।

অরুণ দেখিল নীলাদের বারান্দাটা জলের বাপটার অনেকটা ভিজিয়া গেছে। মেয়েটি আসিয়া মসাঁ-কালো দিগন্তের পানে কণেক চাহিয়া ঘরে চলিয়া গেল, আবার আসিল, আবার ঘরে গিয়া চুকিল। অরুণ শুনিল অন্ধ অত্যন্ত অসময়ে পর্দা-আড়াল ঐ ঘরটা হইতে এস্রাজের টানা সুর আসিতেছে। গানের পদ ও মৃদঙ্গের হু-একটা কানে আসিল, কিন্তু অত্যন্ত বিরল। সেদিন অরুণ কলেজে

গেল না। নীলারও বাস আসিয়া ফিরিয়া গেল। দুপুর বেলায় অরুণ 'চয়নিকা' পড়িতে-পড়িতে পড়া ভুলিয়া জান্না দিয়া চাহিয়া হঠাৎ দেখিল নীলার ছোট ভাইটি একটা কদম ফুলের তোড়া লইয়া ছুটিয়া বারান্দায় চলিয়া আসিয়াছে, নীলা পিছনে-পিছনে আসিয়া সেটা কাড়িয়া লইল। ছেলেটি তাহাতে কাঁদিয়া উঠিল। নীলা তাহা হইতে একটা ফুল দিয়া আদর করিয়া ভাইটিকে ঘরে টানিয়া লইল। একটু পরে চাহিয়া দেখিল নীলা আবার বারান্দায় ফিরিয়া আসিয়া রেলিঙে ভর করিয়া উদাস-চোখে চাহিয়া আছে—তার খোঁপাতে গৌড়া একটা কদমফুল। এই নব মালবিকার অনিমেষ পথচাওয়ার মূর্তিটি সে মুগ্ধ-বিস্ময়ে দেখিয়া লইল।

তারপর অকস্মাৎ ঝরঝর করিয়া বৃষ্টি নামিল; কাছে দূরের সব-কিছু আবুছা হইয়া গেল। গান গাহিতে-গাহিতে নীলা শুনিল পাশের বাড়ীর ছেলেটির বাঁশী বৃষ্টির ঝরঝরানি ভেদ করিয়া যেন সুদূর পার হইয়া আসিয়া ক্ষীণ হইয়া বাজিতেছে। নীলা গান বন্ধ করিয়া তাহাই শুনিতে লাগিল।

সেই দিন নীলা ভাবিল সে নিজেই ঐ-ছেলেটির সহিত একদিন আলাপ করিয়া লইবে। পর্দা তো তাদের ছিল না, তার বাবা-মা মেয়েদের স্বাধীনতা পছন্দও করিতেন।

নতুন একটা বাঙলা মাসিক-পত্রিকার পাতা উন্টাইতে উন্টাইতে পুস্তক-সমালোচনার আয়গায় হঠাৎ অরুণের নামটা দেখিয়া নীলা আগ্রহে বুঁকিয়া পড়িল। অরুণের লেখা একটা কাব্য-গ্রন্থকে সমালোচনা করা হইয়াছে। বইখানার নাম 'বেলা'; সম্পাদক খুব প্রশংসা করিয়া লিখিয়াছে—এরই মধ্যে কবি বাঙলা-সাহিত্যে বেশ নাম করিয়াছেন, এ কাব্য-মঞ্জরীটি তাঁহার প্রতিভার পরিচয় দেয়। কয়েক টুকরা কবিতা সমালোচনার মধ্যে ছড়ান ছিল, নীলা পড়িয়া দেখিল ভারী মিষ্টি।

সেদিন বিকাল-বেলা হাওয়া খাইতে গিয়া নীলা দাদাকে লইয়া বড় একটা বইয়ের দোকানে গিয়া উপস্থিত হইল। গোটা দুই অস্ত্র বইয়ের সহিত অরুণের কাব্য-গ্রন্থটিও কিনিয়া আনিল। সে রাতে বইটি শেষ করিয়া মুগ্ধ হইয়া সে ভাবিল, কী চমৎকার!



পর দিন নীলার বন্ধু মাধবী আসিয়া বুক-কেসের বই নাড়া চাড়া করিয়া অরুণের বইটি টানিয়া বাহির করিল। নীলা অকারণ লজ্জায় লাল হইয়া উঠিল। বইটি একটু উল্টাইয়া পাল্টাইয়া মাধবী কহিল, “ভারী চমৎকার হয়েছে, না ?” নীলা কিছু বলিল না। মাধবী কহিল, “কি চমৎকার বাণী বাজায়।” নীলা কহিল, “হবে। তোর সঙ্গে চেনা আছে ?” মাধবী কহিল, “মুখ চেনা গোছের। বিমলদার বন্ধু কিনা।” ইহার পর অরুণের কাব্য-সম্বন্ধে আরো কথা হইল। মাধবী চলিয়া গেলে নীলা ভাবিল সে কালই অরুণের সহিত আলাপ করিবে।

পর দিন নীলার বাসু আসিয়া দেৱী আছে দেখিয়া চলিয়া গেল। মোটর গাড়ি নীলার বাবাকে লইয়া বাহির হইয়া গেছে। নীলা স্নানাহার বেশ ভূষা সারিয়া কোন্ ট্রামে যাইবে বারান্দায় দাঁড়াইয়া তাই হয়তো ভাবিতেছিল। বারোটায় ক্লাস, তাড়াতাড়ি যাইবার তেমন তাড়া ছিল না, গুণ গুণ করিয়া রেলিঙ ধরিয়া সে গান করিতেছিল। পায়ের শব্দে চাহিয়া দেখিল অরুণ কলেজে যাইবার জন্ত প্রস্তুত হইয়া নীচে নামিতেছে। নীলা মনে করিল তাহারো সময় হইয়ছে, সে তাড়াতাড়ি নীচে নামিয়া আসিল। লোক-ভর্তি ট্রামে নীলাকে একটু জায়গা দেওয়া হইল—অরুণ পিছনে গিয়া দাঁড়াইয়া রহিল। এস্প্রানেডে নামিয়া ট্রাম বদলাইয়া নীলা দেখিল অরুণ তাহার এক বন্ধুর সহিত একটা বাসে যাইয়া উঠিল।

কয়েকদিন এমনি করিয়া ট্রামে যাইবার পরে নীলা দেখিল সে যতই আগাইয়া যায়, অরুণ ততই দূরে সরিয়া চলে। একই সময়ে বাহিরে আসিয়া নীলা হয়তো ট্রামে উঠিল, অরুণ দাঁড়াইয়া পরের ট্রামের জন্ত অপেক্ষা করিয়া রহিল। ওয়াল-ফোর্ডের দোতলা বাসে নীলা চড়িল, অরুণ পরের একতলা বাসে উঠিয়া বসিল।

অরুণ অত্যন্ত সাবধান হইয়া গেল, যাহাতে একই সময়ে প্রতিদিন তাদের কলেজে যাইবার সময় না হয়। সে অত্যন্ত সতর্ক হইয়া যাহাতে এক ট্রামে না যাইতে হয় তাহাও দেখে। আগে যখন তাদের এমনি মৌন-পরিচয় নিবিড় হইয়া উঠে নাই, তখন তো অনেক দিনই এক ট্রামে চড়িয়া পাশাপাশি

বসিয়া গেছে, তাহাতে তার একটুকুও বাধে নাই ; কিন্তু আজ-কাল অরুণের কেমন সঙ্কোচ হয়। সে ভাবে এখন তাকে মাঝে-মাঝে এক ট্রামে চড়িতে দেখিলে মেয়েটি হয়তো কিছু ভাবিতে পারে। তাই অরুণ সাধামত তাকে এড়াইয়া চলে। নীলার দেৱী করার অভ্যাস শেষে শুধরাইল। সে এখন কলেজের বাসে চাপিয়াই কলেজে যায়। অরুণের ক্লাস দেৱীতে থাকিলে সে দেখে নীলা এক তাড়া বই লইয়া বাসে উঠিতেছে।

একদিন সন্ধ্যাবেলা অনেককাল পরে ইডেন-গার্ডেনে বেড়াইতে গিয়া অরুণ দেখিল নীলারা বেড়াইতেছে। প্রথমে সে কিছু দেখিতে পায় নাই। হঠাৎ একেবারে মুখোমুখি হওয়াতে একেবারে থমকিয়া গেল। তারপর মুখে এক বলক রক্ত লইয়া তাড়াতাড়ি হাঁটিয়া আসিয়া হাঁপ ছাড়িয়া বাঁচিল। পরের দিন গার্ডেনে ব্যাণ্ড ছিল, তাহাকে তার এক বন্ধুর সহিত অনেকটা বাধা হইয়া আসিতে হইল। বাণ্ড মন্দিরের চারপাশে ভীড় জমিয়া গেছে, তাহারা গিয়া একটা গ্যাস-পোষ্টের ধারে দাঁড়াইল। একটি পার্শী মেয়ে ক্রেপের শাড়ি পরিয়া তাদের সম্মুখে দাঁড়াইয়াছিল, মুখ দেখা যাইতেছিল না, শুধু বাতাসে চূর্ণ-অলক হুলিতেছে তাহাই দেখা যাইতেছিল। একটা টিউন শেষ হইলে মেয়েটি তাহাদের দিকে ফিরিয়া তাকাইতে সে মহা বিস্ময়ে দেখিল যে, সে তারই প্রতিবেশিনী। অরুণ তাহার বন্ধুকে কোন রকমে টানিয়া সেখান হইতে পালাইল। সে-সন্ধ্যায় বেড়াইতে-বেড়াইতে এই কথাটাই তার মনে হইতোছিল, ছিঃ নীলা কি ভাবিবে ! তার চোখে সে যদি ছোট হইয়া যায় তবে তার হৃৎকের পরিসীমা থাকিবে না।

ইহার পর অরুণ ভয়ে ইডেন-গার্ডেনে আর আসিত না। কিন্তু কান পাতিয়া নীলার সব গানই শুনিত। নীলার এশ্রাজের সুর কানে আসিলে বই রাখিয়া বসিয়া থাকিত, আর নীলার বাসে উঠার সময় না চাহিয়া থাকিতে পারিত না। ছোট ভাইয়ের দোরাআয়ার খবর নীলার কথাবার্তার মধ্য দিয়া সে জানিতে পারিত, বারান্দায় দোলনু চেয়ারে তাকে হুলিতে হুলিতে পড়িতেও দেখিত। কিন্তু মৌন-পরিচয়কে মনের গোপন কোঠা হইতে বাহির করিবার আর

শ্রীসুবোধ বসু

চেষ্টাই সে করিত না। এক জায়গায় যে না করিত তাহা নহে, সে তার কবিতায়, কিন্তু কেহ তাহা বুঝিত না।

সেদিন মেঘ ও বর্ষণের ভিতর কোন কঁাকে একটু জোৎস্না উঠিয়াছে, মৃদু অথচ মধুর। কৃষ্ণচূড়া গাছের পাতা হইতে তখনও ফোঁটা-ফোঁটা বৃষ্টির বিন্দু ঝরিয়া পড়িতেছে এবং কোথা, হইতে নাম-না-জানা একটা ফুলের গন্ধ ভাসিয়া আসিতেছে। বৃষ্টির সময় কাচের জানালাটা বন্ধ করা ছিল, অরুণ সেটা খুলিয়া সেখানে দাঁড়াইয়া বাহিরের দিকে তাকাইয়াছিল। জলে-ভিজা রাস্তার পিচ চকচক করিতেছে। একটু দূরে ট্রামের রাস্তায় মোটরগুলি ছ-ছ করিয়া ছুটিয়া চলে। মাঝে মাঝে দু'একটা রিক্সার টুংটাং শব্দ কানে আসে। একটু পরে অরুণ শুনিল নীলা এসাজ বাজাইতেছে। কি যে সুর সে নাম জানে না, কিন্তু এ সময়ের সহিত তার ভারী চমৎকার মিল ছিল। শুনিতে শুনিতে আনমনা হইয়া গিয়াছিল, হঠাৎ চমকিয়া চাহিয়া দেখিল মেয়েটি কখন এসাজ থামাইয়া ঘরের পর্দাটা সরাইয়া দিতেছে। অরুণ লজ্জায় একেবারে মরিয়া গেল। মেয়েটি তাকে অমনি ভাবে দাঁড়াইয়া থাকিতে দেখিলে কি ভাবিবে! সারা সন্ধ্যাবেলা সে ইহাই ভাবিয়া কাটাইল যে, তার কাজটা অত্যন্ত অভদ্রের মত হইয়াছে, ইহাতে নীলা সত্যি সত্যিই রাগিতে পারে।

ইহার পরদিন নীলা দেখিল অরুণের ঘরের তাদের দিকের জানালায় পর্দা পড়িয়াছে। নীলা ভাবিল হয়তো সে অমনি করিয়া তাকাইয়া থাকিত বলিয়া এ আক্রমণ আবির্ভাব। সে দুঃখিত হইল, একটু লজ্জাও পাইল। ইহার পর অরুণ আর নীলাকে দোলন্ চেয়ারে হুলিতে দেখে না। নীলার কাছেও অরুণের জীবনযাত্রা আর চোখে পড়ে না। পর্দার উপর দিয়া আয়নার যে-টুকু চোখে পড়ে তাহাতে কখন কখন অরুণের ছায়া দেখা যায়। হয়তো পড়িতেছে, নয়তো সেই লাল খাতাটাতে কি লিখিতেছে।

শব্দ তো আর পর্দাতে বন্ধ হয় না, তাই সেটা চলে। অরুণ শোনে, নীলা তেমনি আকারে ভাষায় মাকে ছোট ভাইয়ের দৌরাতিয়ার কথা জানাইতেছে, না হয় দাদার সহিত সিনেমা-থিয়েটারে যাবার চুক্তি করিতে কৃত্রিম ঝগড়া করিতেছে,

না হয় গান করিতেছে, কিম্বা এসাজে কি সব মিষ্টি সুর তুলিতেছে। নীলা শোনে অরুণ 'চয়নিকা' হইতে কবিতা আবৃত্তি করিতেছে, না হয় কাহারও সাথে কথা কহিতে কহিতে উচ্চস্বরে হাসিয়া উঠিতেছে, না হয় রাত গভীর হইলে বাঁশিতে বাগেশ্রী বাগিনীতে সুর ধরিয়াছে।

হঠাৎ কখনো বড় রাস্তার ট্রাম-ষ্টপের ধারে তাদের দেখা হইত। কিন্তু সে ক্ষণিকের জন্ত। তারপরেই অরুণ সামনের বাস্টাতে সমস্ত ভীড় অবজ্ঞা করিয়া উঠিয়া পড়িত। নীলা তখন অগ্রদিকে দৃষ্টিপাত করিয়া ট্রামের অপেক্ষায় চাহিয়া থাকিত। সিনেমাতে হয়তো কখনও দেখা হইত, কিন্তু অনেক দূরে দূরে। অরুণ নীলার দিকে তাকাইত, নীলাও অরুণের দিকে তাকাইত; তারপর চোখোচোখি হইলে আর চাহিত না।

একদিন গ্রামোফনের নতুন রেকর্ড কিনিতে গিয়া অরুণ ও তার এক বন্ধু বিমল কিনিবার মতো কিছুই খুঁজিয়া পাইল না। দোকানের লোকটি বলিল, "নীলা দেবীর একটি রেকর্ড বেরিয়েচে, মেয়ে-কলেজের ছাত্রী।" অরুণের বন্ধুটি সোৎসাহে চলিল, "বটে! কেমন হয়েছে, আমুন শিগুগির।" লোকটি রেকর্ডটি আনিতে গেল। অরুণ কহিল, "কেমন গায় মেয়েটি, ভাল?" বন্ধু তাহাকে নাড়া দিয়া কহিল, "চিনিস্নে গাধা, তোর পাশের বাড়ি যে থাকে। চমৎকার গায়। কেন গান কখনো শুনতে পাস্ না?"

অরুণ সে রেকর্ড কিনিয়া লইল। নীলা দেবীর আরো রেকর্ড থাকিলে আরো লইত। সে রাত্রে উত্তর-চরিতের শ্লোক পড়িতে পড়িতে নীলা হঠাৎ আশ্চর্য হইয়া কান পাতিয়া শুনিল অরুণের গ্রামোফনে তারই গানের রেকর্ড বাজিতেছে। নীলার ভারী আনন্দ হইল। সে আসিয়া পর্দাটা সরাইয়া নিজের গান শুনিয়া যাইতে লাগিল। তারপর রাত্রি যখন গভীর হইয়াছে বিনিদ্র শযায় শুইয়া নীলা শুনিল তাহার গানটি আবার বাজান হইতেছে; তারপর আবার, আবার, বারম্বার—সে গানের যেন শেষ হইবে না। নীলার চোখের জল আর বাধা মানিল না। অরুণের কাব্য-গ্রন্থ 'বেলা'র অনেক কবিতা যেন সহজ হইয়া যাইতে চাহিল।



তারপর প্রায় প্রতিদিনই রাত গভীর হইলে সে শুনিত অরুণের ঘরে তাহারই গানটি চলিয়াছে।

একদিন সিনেমা ভাঙিয়া যাইবার পরে অরুণ ভীড় ঠেলিয়া অগ্রসর হইয়া আসিতে সহসা একটি মেয়ের উপর আসিয়া পড়িল। মেয়েটি ফিরিয়া তাহার দিকে চাহিতেই অরুণ দেখিল মেয়েটি নীলা। অপ্রতিভ কণ্ঠে “মাপ করবেন” বলিয়া অরুণ কোন মতে ভীড়ের মধ্যে মিশাইয়া বাহিরে আসিয়া হাঁপ ছাড়িয়া বাঁচিল। মেয়েটি যে তাকে কত বড় অসভ্য ভাবিবে মনে করিয়া তাহার নিজের মাথা ঠুকিতে ইচ্ছা হইতেছিল। নীলা তাহার দিকে যে ভাগর দুটি চোখ উঠাইয়া তাকাইয়াছিল, সে ভাবিল এ তাহার নীরব ভৎসনা।

সে-রাত্রে নীলা দেখিল গ্রামোফনে তাহার রেকর্ড আর বাজিল না। অরুণের বাঁশীর সুরও আর শোনা গেল না। নীলা অনেকক্ষণ জাগিয়া প্রতীক্ষা করিল, তার পর রাত গভীর হইলে বিছানায় শুইয়া শুয়াইয়া পড়িল।

পরের রাতেও গ্রামোফন বাজিল না। বাঁশী অনেক রাতে বাজিল। নীলা শুনিল বাঁশীতে বাজিতেছে,—বেদনার আর্ত করুণ সুর। বালিসে মুখ গুঁজিয়া সে শুইয়া পড়িল।

কয়েকদিন পরে অরুণ দেখিল তাহার বন্ধু বিমল আসিয়া ও বাড়িতে ভাব জমাইয়া তুলিয়াছে। তাহার বোন মাধবীকে সে মাঝে মাঝে এ বাড়িতে আসিত দেখিত, বিমলকে সে আগে কোনো দিন দেখে নাই। বিমল এখন মাঝে মাঝে নীলাদের সহিত তাদের মোটরে হাওয়া খাইতে বাহির হয়, কখনও বা নিজের মোটরে ইহাদের বেড়াইয়া আনে। সিনেমাতে বিমলকে সে ইহাদের সহিত মাঝে-মাঝে দেখে। অরুণের মনে একটা বেদনা ঠেলিয়া উঠে।

একদিন অরুণ নিউ-মার্কেটে একটা ফুলের তোড়া কিনিয়া ঠেল হইতে একটু দূরে আসিতেই দেখিল নীলা, তার দাদা, ছোট ভাই আর বিমল একটা ফুলের ঠেলের ধারে গিয়া দাঁড়াইল। বিমল নীলার হাদাকে

একটা খেত-পত্রের তোড়া আর ছোট ভাইটিকে একটা লাল-পদ্ম কিনিয়া দিল। তারপর নীলার জন্ত মস্ত বড় একটা বসুর্নাই গোলাপের তোড়া আনিয়া বিলাতী কারদায় নত হইয়া একটু হাসিয়া তোড়াটি উপহার দিল। অরুণ লিঙসে ঝাঁট দিয়া তাড়াতাড়ি হাঁটিয়া বাসে উঠিয়া বসিল।

নীলা রাত্রে অরুণের বাঁশী শোনে। তাহার সুর যে করুণ হইতে করুণতর হইতেছে তাহা তাহার কাছে গেপিন থাকে না। তাহার কান্না পায়।

ইহার কিছুদিন পরে এক গুরুসন্ধ্যাবেলা অরুণ তাড়া-তাড়ি বাড়ি ফিরিল, কারণ পরের দিন তাকে এক মাসিক-পত্রের জন্ত একটি গল্প লিখিয়া দিবার কথা ছিল। ঘরে ঢুকিয়া দেখিল জোৎস্নায় ঘর ভরিয়া গেছে, পূর্বদিকের জান্না দিয়া রাস্তার পাশের গাছের ছায়া টেবিলের উপর নৃত্য করিতেছে। তাহার আলোটা জালিতে ইচ্ছা হইল না। দক্ষিণের বাতাস জানালার পর্দাটাকে চঞ্চল করিয়া তুলিয়াছিল। সে গিয়া অনেক দিন পরে পর্দাটা টানিয়া সরাইয়া দিল।

নীলাদের বারান্দায় চোখ পড়িতে সে হঠাৎ চমকাইয়া উঠিল। জোৎস্নায় বারান্দাটা ভরিয়া গেছে। তারই মধ্যে একটি মেয়ে ও একটি যুবক বসিয়া মৃদু-ভাবে কি কথা বলিতেছে। মেয়েটি তাহার দিকে পিছন ফিরিয়া বসিয়াছিল, তাহার পিঠ ও খোঁপা দেখা যাইতেছিল। কিন্তু অরুণ বুঝিল, সে নীলা। ছেলেটি অরুণের অপরিচিত নহে, তাহারই বন্ধু বিমল। অরুণ দেখিল বিমলের চোখ দুটি আনন্দে উজ্জ্বল। সে তাড়াতাড়ি পর্দাটা আবার টানিয়া দিয়া বালিসে মুখ গুঁজিয়া পড়িল। সমস্ত ভারনা-চিন্তা, কর্তব্য, আশা আকাঙ্ক্ষা আবুছা হইয়া গাছের ছায়ার মতোই চঞ্চল হইয়া তুলিতে লাগিল। কির্ষা? কিন্তু কেন? যে মেয়েটির সহিত তার আলাপ মাত্র নাই তার জন্ত কির্ষা! সে কথাটা উড়াইয়া দিতে চাহিল, কিন্তু একটা বেদনার অস্বভূতি তাহার সমস্ত চেতনার মধ্যে জাগিয়া রহিল।

একমাস পরে এক শুক্ল রজনীতে সন্ধ্যার তানে বিমলের সহিত নীলাকে বিবাহ হইয়া গেল। বিমল অরুণকে

দাস

নিমন্ত্রণ করিয়াছিল। কিন্তু সেদিন অরুণ নিতান্ত দরকার বলিয়া বিমলের একান্ত অনুরোধ অগ্রাহ্য করিয়া কলিকাতার বাহিরে কোথায় চলিয়া গিয়াছিল। ইহার পরের দিন কলেজে যাইতে অসুবিধা হয় বলিয়া অরুণ মামার কাছ ছাড়িয়া হোস্টেলে চলিয়া আসিল। তার বন্ধুবান্ধবেরা অধীক্ষ হইয়া দেখিল অরুণ অসম্ভব রকম বাচাল হইয়া উঠিয়াছে এবং কোন-না-কোন একটা হৈ-ঠৈ লইয়া মাতিয়া আছে। মামা শুনিয়া কহিলেন, অত হৈ-ঠৈ করো না। প'ড়ে-শুনে ফাষ্ট-ক্লাস পাওয়া চাই। অরুণ কিছু বলিল না।

নীলা বিবাহের পরে শ্বশুরবাড়ি হইতে প্রথম যেদিন সন্ধ্যাবেলা ফিরিয়া আসিল সেদিন নিজের ঘরের পর্দা সরাইয়া দেখিল অরুণের ঘরটা খালি পড়িয়া রহিয়াছে,

পর্দা চলিয়া গেছে, আলো নাই, যে একটা চঞ্চল জীবনের সাড়া সেখান হইতে পাওয়া যাইত তাহা সরিয়া গেছে। শুধু পরিত্যক্ত ঘরটার মধ্যে ঘন অন্ধকার ঘন নৈত্যের মত নীরবে বসিয়া রহিয়াছে। তার চোখ দুটি ছলছলিয়া উঠিল। রাত্রে অনেকক্ষণ পর্যন্ত সে জাগিয়া ছিল। যে বাঁশীটি প্রতি-রাতেই বাজিত তাহা আর বাজিল না, কি একটা নিশাচর পাখী কর্কশ-স্বরে ডাকিয়া গেল। একদিন রাত্রে তার গানের রেকর্ডটি ত্রিশ বার বাজিয়াছিল, সে রাত্রে কথটা মনে পড়িয়া তাহার মন ব্যথায় ভরিয়া উঠিল। সে উঠিয়া গিয়া পর্দা সরাইয়া অন্ধকার শূন্য ঘরটার পানে উদাস-চোখে চাহিয়া রহিল। ঘরের ভিতর আচম্কা বাতাস ঢুকিয়া দীর্ঘশ্বাস জাগাইতেছে। অশ্রু আসিয়া পড়িতেছিল। সে বাখা দিল না।

বিলাস-পরিচয়

ৱরমেশচন্দ্র দাস

তোমার সোনার অঙ্গে এত লজ্জা সরম ভয়,
সকল অঙ্গ দেয় যে তবু বিলাস-পরিচয় !
তোমার সিঁথির সিঁদুর রেখা
নিবিড় অনুরাগের লেখা,
তোমার শাড়ীর আঁচল-দোলার ফাণ্ডন কাওয়া বয়,
সকল অঙ্গ দেয় যে তোমার বিলাস-পরিচয় !

তোমার তরুণ তনু-লতার কতই বাণী জাগে,
তোমার রাঙা শাড়ীখানি লাল যে অনুরাগে ;
পান-খাওয়া-লাল পাতলা ঠোঁটে
বাসর রাতের ছন্দ ফোটে,
জোড়া ভুরুর মাঝখানে টিপ্ আঙুন জেলেই রয় ;
সকল অঙ্গ দেয় যে তোমার বিলাস-পরিচয় !

আলগা চুড়ির রিনিক্-ঝিনি দেয় কত সংবাদ,
গৃহকর্ণের ফাঁকে ফাঁকে ঘটার পরমাদ ।
তোমার সলাজ ডাগর আঁধি,
হাতছানি দেয় থাকি থাকি,
আমায় দেখে যায় যে বেধে তোমার চরণধর ;
সকল অঙ্গ দেয় যে তোমার বিলাস-পরিচয়

তোমার ঘাড়ের পিছন্দিকের ছ'চার উড়ো চুল,
নয়তো খোঁপা নয়তো বেণী, তবুও ঢুলঢুল ।
যতই টানো আঁচলখানি,
ততই যেন তোমার জানি,
ঢাকতে গিয়ে জানিয়ে দিলে এই লাগে বিশ্বয় ।
সকল কৰ্ম দেয় যে তোমার বিলাস-পরিচয় !



মাথার কাঁটা ফুল-চিরুণী ছোটায় অনলকণা,
তোমার গলার সাতনরী হার জোলসে যৌবনা ।
আঁচলে ঐ চাবির গোছায়,
চরণ তলে আলতা-মোছায়,
তোমার শাড়ীর ভাঁজে ভাঁজে আনন্দ-হুর্জয় !
সকল অঙ্গ দেয় যে তোমার বিলাস পরিচয় !

চুলটি বাঁধো বৈকালে সই, আরসি খানি পাতি,
তখন মনে জাগে নাকি মধুর কত রাত্তি ?
যখন তুমি সন্ধ্যাক্ষণে,
বিছনা পাতো আপন মনে.
তখন তোমার মনের কোণে কিসের অভিনয় ?
সকল কন্ঠ দেয় যে তোমার বিলাস-পরিচয় !

যতই তুমি সাবধানেতে চলাফেরা করো,
তোমার মনের অজানাতেই নিজেই ধরা পড়ো,
তোমার নীরব দেহলতা
জানায় তোমার মনের কথা,
চুপ ক'রে সই, ব'সে থাকো, চুপ করা সে নয়,
তোমার মনের সাত-মহলের দাও যে পরিচয় !

ঘর-শত্রু তোমার ঘরে রয় যে রূপোন্মাদ,
আয়না সমান কবির মনে পাতা তোমার কাঁদ ;
যতই তুমি এড়িয়ে চলো
তোমায় তুমি বাড়িয়ে তোলো,
আব্রু বেশী ঢাকতে গিয়ে আব্রু তোমার ক্ষয় ।
সকল কন্ঠ দেয় যে তোমার বিলাস-পরিচয় !

আলগা খোঁপা যখন তোমার হঠাৎ খুলে পড়ে,
ত'হাত দিয়ে জড়িয়ে তা নাও দাঁতে আঁচল ধ'রো,
সামান্য এই কাজটি নিয়ে,
মন যে আমার দাও রাঙিয়ে
এই টুকুতেই টলিয়ে দে' যাও, মন যে কেমন হয় !
সকল কন্ঠ দেয় যে তোমার বিলাস-পরিচয় !

জীবন তোমার স্নিগ্ধ-শুচি গজ্জাটুকু নিয়ে,
কি রহস্য জানাও তুমি তার-ই আড়াল দিয়ে ;
সন্ধ্যা দাও আঁচল টানি,
দেখতে যা পাই একটু খানি,
সেই টুকুতেই তোমার দেহের পাই যে পরিচয় ;
তোমার দেহের সকল খবর সেই টুকুতেই কয় !

ওগো রাণী, নিজেই তুমি জানো নাক হায়,
তোমার দেহের জালায় তুমি কতই অসহায় ।
তোমার চলন বসা দাঁড়া,
যৌবনের দেয় যে সাড়া,
ছলা কলার প্যাঁচ শেখনি, নিঃশব্দ নির্ভয় !
সকল অঙ্গ দেয় যে তোমার বিলাস-পরিচয় !



শান্তিনিকেতনে রবীন্দ্রজন্মোৎসব

॥সুধীরচন্দ্র কর

রবীন্দ্রনাথের ৬৮তম জন্মতিথি উপলক্ষে শান্তিনিকেতনে বিগত ২৫শে বৈশাখ একটি উৎসবের অনুষ্ঠান হইয়াছিল। বিদ্যালয়ের গ্রীষ্মাবকাশ অনেকদিন হইল আরম্ভ হইয়াছে। বৈশাখের শেষ—আকাশে এক ফোঁটা মেঘের সঞ্চারণ নাই, তাতে ভুবনডাঙার যোজনব্যাপী ভাঙা ধোয়াই; আঙুনে পোড়া লালটকটকে লোহার গুটির মত ছপুরবেলার রাঙা কাঁকরগুলি পথে ঘাটে চোখ পাকাইয়া পথিকের পদসঞ্চরণে ভীতি জন্মাইতেছে। শালবীথিকার শান্তিনিকেতন যেন এই মরুভূমিতে মরুস্থান বিশেষ। কিন্তু জলের অভাবে এখানকার অবস্থাও শোচনীয়, নিদাঘের নিদারুণ গুরুতা ইহার কোমলকম গ্রামল শ্রীকে ধূম্মলিন করিয়া তুলিয়াছে। বিদ্যালয়ের ছাত্র-ছাত্রী কর্মী-অধ্যাপক সকলেই বাহিরে ছুটি উপভোগে চলিয়া গিয়াছেন, আশ্রম একরূপ শূন্য বলিলেই হয়। এই নির্জজন নীরসতার মধ্যে তবু যে-কয়জন শূন্যতাকেই আশ্রয় করিয়া আছেন, তাঁহারা স্মরণের মিলনমাধুর্য্য দিয়া প্রাণকে পূর্ণ করিবার জন্ত উৎসাহ-সহকারে গুরুদেবের জন্মোৎসবের আয়োজন করিলেন।

২৫শে ভোরে উঠিয়া বাহিরে চোখ মেলিতেই আকাশের এক অভিনব রূপ হৃদয়কে আকর্ষণ করিল। মেঘে-মেঘে আকাশ ছাইয়া গিয়াছে, তাহার সূচিকণ গ্রামল ছায়া পড়িয়া ধরণীর দাহবিশীর্ণ মুখখানিতে এতদিন পরে একটু উল্লাসের স্নিগ্ধ আভা ফুটিয়া উঠিয়াছে। মনে হইল, দিগ্‌বধু যেন বৈতালিক গান ধরিয়াছে—“এস হে এস সজল ঘন, বাদল বরিষণে—”

বিকালের দিকে,—আমাদের মধ্যে তখন উৎসবের মাজের সাড়া জাগিয়াছে, হঠাৎ একি গুনি—“গুরু গুরু গগন মাঝে”—বাদল মেঘে যে মাদল বাজিতে শুরু হইয়াছে। ভাবিলাম তাইতো—প্রকৃতির প্রাণের মাধুর্য

রবীন্দ্রনাথ, রবীন্দ্রনাথের প্রাণের মানসী প্রকৃতি। আজ কবির শুভ জন্মতিথি।—মাস-ভর গ্রীষ্মদগ্ধ কঙ্কালসার দেহে মুমূর্ষু থাকিয়া, আজ কেন যে সে বাহিরে ভিতরে আকস্মিক এত রসের প্লাবন শুরু করিল, এ রহস্য বুঝিতে আর বাকী রহিল না। চাহিয়া দেখি—সুন্দরের অর্চনায় প্রকৃতি আমাদের হার মানাইয়া শুরু হইতেই তাহার অপরূপ রসসৌন্দর্য্যের অর্ঘ্য-নিবেদনে উন্মুখ হইয়া উৎসবকেস্ত্র জাঁকাইয়া বসিয়াছে।

তার উৎসবই আরম্ভ হইল আগে। সে কি মেঘ! সে কি তার জয়ধ্বনি, সে কি বায়ুবেগ আর বারিবর্ষণ। পথঘাট ভাসিয়া গেল। ছলছল কলকল রবে কুল ছাপাইয়া জলধারা ছুটিতে লাগিল। দাদুরীর কর্ণও নীরব রহিল না। দিন থাকিতেই সন্ধ্যা হইল। আঁধার গগনের কালো গায়ে নিকষে কনকরেখার মতো ক্ষণে ক্ষণে বাঁকাবিছাৎ চম্কাইতে লাগিল। ভিজ মাটির গন্ধ দমকা বাতাসে উড়িয়া আসিয়া মনকে ভিজাইয়া দিল। আমরা জনকয়েক যুবক ও বালক তখন উৎসবক্ষেত্রে ঘাইনার পথে বাহিরের প্রতিকূলতার একটা ঘরের বারান্দায় আটকা পড়িয়াছি। বাহিরের উন্মাদনার ভিতরেও একটা আলোড়ন উঠিয়াছে। সঙ্গে ছিল একখণ্ড পুরবী ও ‘বিচিত্রা’র নটরাজ-সংখ্যা। হলা করিয়া তারি পাতা হইতে বাছিয়া বাছিয়া বিচিত্র সুরতালে কবিতা-গানের ফোয়ারা ছুটাইতে লাগিলাম। ছেলেদের ধরিয়া রাখা কে। তাদের নাচ, তাদের ছুটাছুটি, সে কি স্মৃতি! যেন সে ঝড়োহাওয়ারই মত অবাধ। এইরূপে বাহিরকে সেদিন ঘরে ডাকিয়া আনিয়া উৎসবের অধিবাস পর্ব একযোগে সারা হইয়াছিল। কিছুক্ষণ পরে বাহিরের বর্ষণ ক্ষান্ত হইল,—অমনি ঘরের উৎসবের মধুর আহ্বান গুলিগাম ঘণ্টারবে। “ঢং ঢং



ঢং ঢং—” দল বাধিয়া সকলে ছুটিলাম। উত্তরায়ণে রথীবাবুর উদয়ন-গৃহে ছিল উৎসবের অধিবেশন। সেখানে সাজের উপকরণ বেশী কিছু নয়—পরিষ্কার পরিচ্ছন্ন একটি প্রশস্ত কক্ষে মেজের উপর ফরাস পাতা, তার এক ধারে একটি বেদী, বেদীর আশেপাশে গুটিকয়েক মৃগাল-শোভিত গুল্ম শতদল কুঞ্চিত অসহায় দেহলতা আনত করিয়া যেন প্রণতির ভঙ্গিতে হেলিয়া পড়িয়াছে। সেখানে উপস্থিত হইয়া দেখি এই ঘনঘটার মধ্যে জনসমাগম হইয়াছে মন্দ নয়। বীরভূমের প্রসিদ্ধ জমিদার ও সুসাহিত্যিক রায় বাহাদুর শ্রীযুক্ত নিরঞ্জনশিব বন্দ্যোপাধ্যায় ও রায় বাহাদুর শ্রীযুক্ত বিজয় বিহারী মুখোপাধ্যায় আসিয়া উপস্থিত হইয়াছেন, তা ছাড়া শ্রীনিকেতন ও শান্তিনিকেতনের ছাত্র-কর্মী ও মহিলাগণ, এবং অধ্যাপকদের মধ্যে শ্রীযুক্ত জগদানন্দ রায়, কালীমোহন ঘোষ, ও অনাথনাথ বসু, বৈদেশিকদের মধ্যে মিঃ বেনোয়া ও মিঃ স্ম্যাট এবং বীরভূমবাসী সম্পাদক সাহিত্যিক শ্রীযুক্ত সুধাকান্ত রায় চৌধুরী মহাশয়ও সেখানে মিলিত হইয়াছেন। ইহাদের সঙ্গলাভে বড় আনন্দ হইল। নিঃসঙ্গতার বৈচিত্র্যহীন শুষ্ক জীবনে অকস্মৎ এই রস-উৎসবের পরিমিত জনসমষ্টি যে কতখানি পূর্ণতা প্রদ তাহা মাত্র এতদবস্থাতেই উপলব্ধির বিষয়।

একটি গান দিয়া প্রথমে উপাসনা আরম্ভ হইল। শ্রীযুক্ত কালীমোহন বাবু আচা্যের আসন গ্রহণ করিলেন। প্রার্থনার সময় তিনি সংক্ষেপে বলিলেন—“যিনি আজ এ উৎসবের উপলক্ষ্য, তাঁর কবিতায়, তাঁর আদর্শে জগতের কত না লোক অমুপ্রাণিত! তারা তাঁকে নানাভাবেই সেজ্ঞ শ্রদ্ধা করে, কিন্তু আমাদের সঙ্গে তাঁর সঙ্ঘর্ষটি একটু বিচিত্র রকমের। এ আশ্রম তাঁরই হাতে গড়া। আমরা তাঁর কাছ থেকে উপদেশ ও আচরণ শিখে শুধু ভাবুকতার ক্ষেত্রে খণ্ডভাবে নয়, অথবা জীবনের পথে অগ্রসর হ’য়ে চলেছি। আমরা যদি অথবা জীবন দিয়েই তাঁর আদর্শকে সার্থক করবার কাজে লাগতে পারি তবে সে-ই হবে আমাদের ষথার্থ শ্রদ্ধা-প্রকাশ। তিনি এমনি আরো বহুদিন আমাদের মধ্যে থেকে আমাদের জীবন ও বিশ্বাসীর জীবনকে জীবন্ত আদর্শ ও কাব্যলোকে উদ্ভাসিত করে তুলুন, শুভ জন্মতিথি

উপলক্ষ্য করে, ভগবানের কাছে আমরা এই কামনাই নিবেদন করছি।”

উপাসনা শেষ হইলে রবীন্দ্রপ্রসঙ্গ বসে। সকলের আগ্রহে শ্রীযুক্ত নিরঞ্জনশিব বাবুর উপরই আলোচনার পরিচালনা ভার গৃহ্য হয়। শ্রীযুক্ত অনাথনাথ বসু “পুরবী” হইতে “২৫শে বৈশাখ” কবিতাটি পাঠ করেন, তারপর রবীন্দ্রনাথের নাটোর উপর একটি গবেষণামূলক লেখা পাঠ করেন শ্রীযুক্ত সুধাময়ী দেবী। একটু দীর্ঘ হইলেও তাঁর রচনার প্রতিপাত্ত রহস্যটি আমরা বিনয়ের সাববৃত্তাবিচারে এখানে সঙ্কলিত করিয়া দিতেছি :—

—“অচলায়তন, অরূপরতন ও ফাল্গুনী, এই তিনটি নাটকের কাব্যপরিষ্কলনা ও ঘটনাবলীর প্রভেদসঙ্কেত একটি নিগূঢ় ভাবের ত্রৈক্য আছে বলিয়া মনে হয়। এই ত্রৈক্য যেমন কাব্যের দিক্ দিয়া চরম পরিণতির সাহায্য দিতেছে, তেমনি জীবনেরও পরিণতির দিক্ নির্দেশ করিতেছে। কাব্যের বিচার ছাড়িয়া দিয়া জীবনের পরিণতির যে দিক্টি কবি ইহাদের মধ্যে নির্দেশ করিয়াছেন তাহাই এখানে আমাদের আলোচ্য।

তিনটি নাটকের মধ্যে একদল লোক দেখা যায়, যাদের নিকট চোখে চাওয়া, কানে শোনা, হাতে পাওয়া, পায়ে চলাই একমাত্র সত্য। ফাল্গুনীর নব যৌবনের দল, অরূপরতনের সুদর্শনকে বলা যায় এই দলের। আবার বিপরীত দিকে একদল লোকের নিকট কর্তব্য ও ত্যাগই একমাত্র লক্ষ্য। ফাল্গুনীর দাদা, অচলায়তনের অধিবাসীগণ এই দলে। ক্রমে দেখা যায় দুই দলের লোকেরই অবসাদ ঘনাইয়া আসে। আত্মপ্রতিষ্ঠার অভাব যেখানে, সেখানেই উত্তম ও নিষ্ঠা সহজে বিচলিত হয়। আত্মশক্তিতে সুপ্রতিষ্ঠিত যারা, তারা শেষ পর্যন্ত একাই লড়িতে সক্ষম। ফাল্গুনীর চন্দ্রহাস, অরূপরতনের বিক্রম, অচলায়তনের শোনপাংশুগণ এবং স্থিতিশীল দলে মহাপঞ্চক এই শ্রেণীর। পথ ঠিক জানা না থাকিলেও দ্বিধাবিচলিত দুর্বল চিত্তের অপেক্ষা এই দৃঢ়-চিত্ত নিষ্ঠাবানেরাই আগে পথের সন্ধান পায়। দ্বিধাকম্পিত চিত্তকে পথ দেখাইয়া লইয়া চলে সংস্কারমুক্ত স্বচ্ছপ্রাণ সাধক ;—যে সুরের পথের পথিক। ফাল্গুনীর অন্ধ বাউল,

কর

অরুণরতনের সুরঙ্গমা ও অচলায়তনের পঞ্চক—ইহারা বিশ্বের সুরের সহিত সুর মিলাইয়া সকল বিরোধের উর্দ্ধে উঠিয়াছে। ইহারা মুক্তির সুর গাহিয়া বিশ্বের অন্তর্নিহিত সেই 'বৃহৎ আমি'র সহিত ক্ষুদ্র আমার যোগসাধন করিয়া দেয়। এই মিলনক্ষেত্রে দুই বিপরীত দল আসিয়া দেখে তাদের দুই পক্ষেই আংশিক সত্য রহিয়াছে। মিথ্যা দম্ব পরিভাগ করিতে পারিলেই দেখা যায় যে পরিপূর্ণ একই সকল বস্তুকে নিয়ন্ত্রিত করিতেছে; ব্যক্তিগত শক্তি অথবা আত্মশক্তি সেই বৃহৎ একেরই শক্তির অংশ। সুতরাং আত্মশক্তির উপলক্ষের পথ দিয়া যাইতেই বিশ্বের অন্তর্নিহিত বৃহৎ আত্মাকে উপলক্ষি করা যায় এবং এই উপলক্ষিতেই অমরত্ব লাভ হয়।”—

ইহার পরে এখানকার কলাভবনের জনৈক ছাত্র কর্তৃক তাঁহার স্বরচিত একটি কবিতা পঠিত হইলে, একটি গান হয়; তখন মৌখিকভাবে আলোচনার সূত্রপাত করেন শ্রীযুক্ত বিজয়বিহারী মুখোপাধ্যায় মহাশয়। রবীন্দ্রনাথ কর্তৃক বাংলা সাহিত্যের শ্রীবৃদ্ধিসাধন, বিশ্বসমাজ স্বদেশের গৌরবপ্রতিষ্ঠা ও তাঁর কাবোর নিখুত ছন্দ, পদলালিতা এবং অপূর্ণ ভাবসম্পদ বিষয়ে শ্রেষ্ঠ নিদর্শন করিয়া তিনি কবির প্রতি আন্তরিক শ্রদ্ধা জ্ঞাপন করেন; পরে নির্মলবাবুর আহ্বানে সুধাকান্ত বাবু বলেন,—“আমার কাছে রবীন্দ্রকাব্যে একটা জিনিষ খুব প্রাধান্য পেয়েছে মনে হয়—সে হচ্ছে “প্রকৃতি প্রেম”। প্রকৃতির কতকগুলি গুণ আছে যেগুলি পশুর মধ্যেই মুখ্যভাবে প্রকাশ পায়, আর কতকগুলি আছে মানুষের মধ্যেই যার বিশেষ স্ফুর্তি। রবীন্দ্রনাথ প্রকৃতিকে দেখেছেন প্রাণহীন পাশবিক সৃষ্টিতে নয়—অনুভূতির রসদৃষ্টিতে দেখেছেন তিনি মানবীয় প্রেমময়ী জীবন্ত প্রতিমারূপে। তাই যখন তাঁর কাব্য পড়ি,—দেখি, সে তো শুধু জড়বস্তু মাত্র নয়, সে যেন আমারই সংসারে নিত্যকার পরমাঙ্গী। তার মধ্যেও মানবেরই আশা, মানবেরই ভাষা স্নেহ প্রেম, সুখ দুঃখ—সবই মানবের মত করে স্বতঃ-উৎসারিত হচ্ছে। “নির্ঝরের স্বপ্নভঙ্গ” কবিতাটিতে নির্ঝরের মুখে শুনে পাচ্ছি, আমাদেরই ব্যর্থতা হ’তে সফলতার নবালোকে নব আশা-প্রবুক প্রাণের

বিশ্ববিজয়ী অভিযানের তুর্থাধ্বনি; গীতালির সেই— “শরৎ তোমার অরুণ আলোর অঞ্জলি—” গানটিতে ছন্দে সুরে যে ছবিটি মানসপটে ভেসে উঠে, সে কি আমাদেরই গৃহবিরাজিত শুভ্র-শুচি তরী কুমারীর লাবণ্যময়ী লক্ষ্মী মূর্তিটি নয়? সব চেয়ে ভাল লাগে আমার—“সোনার বাংলা” গানটি। বস্তুতাত্ত্বিক কবিতার এটি একেবারে চরম আদর্শ। সাদা চোখে জল মাটি আলো বাতাস প্রভৃতি পঞ্চভূতের সংমিশ্রণে যে বস্তু-জগৎ, তাই তাঁর অনুভূতির পরশ-মণির ছোঁয়া লেগে একেবারে “সোনার বাংলার” রূপ ধরেছে। এর মধ্যে দেখি, পঞ্চেন্দ্রিয় দিয়ে সূক্ষ্ম হতে সূক্ষ্মতর ভাবে প্রকৃতির সৌন্দর্য্যমহিমা উপলক্ষিতে তার সাথে তাঁর আত্মযোগ ঘটেছে। প্রথমে আকাশ বাতাস বাণীর সুরে তাঁর মন হরণ করল, তারপর আমের বনের ভ্রাণ করল পাগল, শেষে অঘ্রাণের ভরা ক্ষেত মধুর হাসি দেখিয়ে তাঁকে রূপসৌন্দর্য্যের পূজায় আত্মবিহ্বল ক’রে ফেলল। যেখানে রূপ নাই সেখানে গন্ধ, যেখানে গন্ধ নাই সেখানে সুরের গোপন পথ ধ’রে কবি প্রকৃতির অন্তরগুহায় গিয়ে পৌঁছেছেন। বস্তু বাহ্যতঃ যতই নীরস হোক না কেন, তার হৃদয়গুহায়ে সহৃদয়তার আবেদনে ভিতরের অবরুদ্ধ রসনির্ঝরকে বাইরে না বইয়ে এনে তিনি ছাড়েন নি। প্রকৃতির সাথে এই প্রেমলীলাটি তাঁর যেমন মধুর, তেমনি পবিত্র, তেমনি সূক্ষ্ম ও সূন্দর।”

সুধাকান্ত বাবুর সূচিস্থিত আলোচনাটি তাঁহার সরস বাকপটুতার গুণে সকলেরই বড় হৃদয়গ্রাহী হইয়াছিল। অতঃপর শ্রীযুক্ত জগদানন্দ রায় মহাশয় শাস্তিনিকেতনে রবীন্দ্রসাহিত্যের গবেষণার প্রসার কামনায় এই জন্মতিথিকে স্মরণীয় করিয়া রাধিবীর জন্ত বিশ্বভারতীয় কলেজ বিভাগ ও বিদ্যালয়ের ছাত্র ছাত্রীদের মধ্যে রবীন্দ্রসাহিত্যের উপর সর্বশ্রেষ্ঠ প্রবন্ধ রচনাকারকে দুইটি পুরস্কার ও তাহার অর্থ সংগ্রহ এবং যাবতীয় ব্যবহার জন্ত অধ্যাপক শ্রীযুক্ত ক্রিতি-মোহন সেন শাস্ত্রী মহোদয়কে সভাপতি করিয়া একটি ধনভাণ্ডার স্থাপনের প্রস্তাব উত্থাপন করেন; সর্বসম্মতি ক্রমে তাহা গৃহীত হয়। এই প্রসঙ্গেই শ্রীযুক্ত রবীন্দ্রনাথ ঠাকুর বিশ্বভারতীতে রবীন্দ্রসাহিত্যের ধারাবাহিক উচ্চ



গবেষণার জন্য ১০০০ হাজার টাকার একটি বৃত্তিস্থাপনের
অভিলাষ প্রকাশ করেন।

নির্মলশিব বাবু উপসংহারে তাঁহার রসাল লেখনীর
স্বাভাবিকতা অক্ষুণ্ণ রাখিয়া নাতিবৃহৎ নিবন্ধে রবীন্দ্রসাহিত্যে
তাঁহার অকৃত্রিম অনুরাগ ও ব্যক্তিগতভাবে রবীন্দ্র-সঙ্গলাভের
কৌতুককর বর্ণনা প্রদান করেন। সবার শেষে রবীন্দ্র-

নাথেরই একটি কীর্তন গীত হইলে গৃহস্থামীর সুব্যবহার
জলযোগের অবসরে বিচিত্র রসবস্তুর বাস্তব রসাস্বাদনে
দেহ মনের সর্বাঙ্গীন পরিতৃপ্তি সাধন করিয়া সকলে আমরা
এবারের মত উৎসব সমাধা করিলাম। বলা বাহুল্য শ্রীযুক্ত
রবীন্দ্রনাথ ঠাকুর মহাশয়ই ছিলেন এ উৎসবের অন্ততম
উদ্বোধক।

পঁচিশে বৈশাখ

শ্রীনিশিকান্ত রায় চৌধুরী

মানবের কাছে কেন পূজা পাও পঁচিশে বৈশাখ,
তাকি জান ? আজ তব আগমনে দেশে দেশান্তরে
উৎসব-সভার শব্দ ক্রমে ক্রমে সুগভীর স্বরে
কি জানায় ?—নর নারী ছুটে আসে শুনি সেই ডাক।

সভাতলে ভীড় করে বৃদ্ধ, যুবা, বালিকা, বালক,
তোমারি চরণে সবে অর্ঘ্য দিল যাহা আছে যার ;
কবি সে গাহিল গান, বীণকার তুলিল বঙ্কার,
সভা মাঝে জ্বলি' উঠে কোন নব জন্মের আলোক।

সে আলোক জ্বলে ছিল কবে হ'তে—জান কি কোথায়,
—কোন প্রাণে, কোন ধানে সে আলোক বাঁধিয়াছে বাসা,
কবে হ'তে এই বিশ্বে সুরু হোল সে আলোর ভাষা,
সে আলোর ছবিখানি সূন্দরের উজ্জল প্রভায়

প্রভাত সঙ্গীত ধারে নিখরের মগ্ন ভঙ্গ মনে
ভাঙালে স্বপ্নের ঘোর কোন দেশে, কোথায়—কেমনে ?

তুমি আজি ভাবিও না, হে উজ্জল পঁচিশে বৈশাখ,
তোমার সম্মান-টাকা অঁকা হোল বৈশাখী-আকাশে
রবির কিরণ গানে, তাই এত আলোকে মাথা সে ;
প্রভাত-প্রাঙ্গণতলে তাই আজি উৎসবের ডাক

মঙ্গল শব্দের রবে ধরণীর দেশে দেশান্তরে
বরণীয় করিয়াছে তোমার গগন ; বুঝিও না ভুল,
রবি বটে, নহে তবু গগনের আলোর মুকুল ;
ভুবনের সূর্য্য সে যে দীপ্ত ছন্দে তূর্য্যধ্বনি করে ;

কবি বটে—তবু সে যে মানবের জীবনের কবি।
তোমার বন্ধের পরে জন্ম তার হয়েছিল বলে
নর-নারী সবে আজি সভাতলে আসে দলে দলে,
মনে করে, সেদিনের সেই কোন জন্মোজ্জল ছবি।

—সে কবির, সে রবির নাই সঙ্গী, নাই ক্ষয় ক্রতি,
কালের গগনে সে যে অনির্বাণ, বাণীময় জ্যোতি।

সমস্যাগী-সাহিত্য

আধুনিক ফরাসী সাহিত্যের ধারা

শ্রীসুশীলচন্দ্র মিত্র

৫

রূপক কাব্য ও অতীন্দ্রিয়তা

রোমান্টিক-বিরোধী সমালোচকদের রোমান্টিজ্‌মের বিরুদ্ধে সব চেয়ে বড় অভিযোগ বোধ হয় এই যে, রোমান্টিক সাহিত্য আমাদের এমন অনেক জিনিস দিয়াছে যাহা নিছক কল্পনা-প্রসূত,—একেবারেই অলৌকিক, মিথ্যা, মায়াময়। সত্যাকারের বহির্জগতে তাহাদের কোনো প্রতিষ্ঠা ত নাই-ই,—মনোজগতেও তাহাদের সত্যতা সম্বন্ধে বিশেষ কোনো সাক্ষ্য মেলে না। সাহিত্যের উচ্চ আদর্শ এমনি করিয়াই ধর্ম করা হইয়াছে; এমন দাবীও না-কি করা হইয়াছে যে, সত্যকে প্রকাশ করা ও রূপদান করাটাই সাহিত্যের একমাত্র ধর্ম বা উদ্দেশ্য নয়। ছেলে-খেলাও না-কি সাহিত্যের অন্ততম ধর্ম,—অন্ততঃ পক্ষে এমন অনেক ধরণের সাহিত্য থাকিতে পারে যাহার কাজ সত্যকে প্রকাশ করা নয়,—কেবলমাত্র রূপকথার সাহায্যে চিত্ত-বিনোদন করা। ছেলে-খেলা হইলেও এই সব সাহিত্য না-কি উচ্চ-অঙ্গের সাহিত্যের মধ্যেই স্থান পাইবার যোগা,— শুধুই যদি তাহার মধ্যে কিছু সুরুচির পরিচয় থাকে, কিছু সৌন্দর্যের বিকাশ থাকে,—কিছু সত্যের প্রকাশ থাকিলে ত আরোই ভাল।

সুরুচি ও সৌন্দর্য্য যেখানে আছে,—সেখানে সত্যের অভাব ঘটিতে পারে কি-না,—এ বিষয়ে তর্কে প্রবৃত্ত হওয়া এ প্রবন্ধের উদ্দেশ্য নয়। তবে এ কথা ঠিক যে,—রোমান্টিজ্‌মের এমন একটা রূপ অনেক সাহিত্যেই পাওয়া যায়,—এবং ফরাসী সাহিত্যেও পাওয়া গিয়াছে যাহার

প্রতি, জাগরণের মুহূর্ত্তে, বাস্তব অনুভূতিতে আমাদের গ্রাণ সাড়া দেয় না,—স্বপ্নের মধ্যে হয়-ত দিতে পারে। ফরাসী সমালোচনার তীক্ষ্ণ বাণ অকুরন্ত বর্ষণে নির্দয়ভাবে এই সব সাহিত্যের উপর বর্ষিত হইয়াছে, তথাপি বাস্তবতা ও বৈজ্ঞানিকতার বিপুল প্রাবনের মধ্যেও এই ধরণের সাহিত্য আজও ফরাসীদেশে টিকিয়া আছে। তাহার অনেক কারণ থাকিতে পারে,—একটি কারণ বোধ হয় এই যে,— যাহা কিছু জানা যায় না বা পাওয়া যায় না, তাহাই এমন একটা কুয়াসাচ্ছন্ন প্রহেলিকার মত মানুষের অস্পষ্ট চেতনার উপর প্রতিভাত হয় যে,—মানুষের মন একটা মুগ্ধ আকর্ষণী শক্তির তাড়নায় তাহার দিকে প্রধাবিত হয়। রোমান্টিজ্‌মের এই বিশিষ্ট রূপটি হয়-ত বা এই প্রচ্ছন্ন আকর্ষণী শক্তিরই একটা অস্পষ্ট প্রকাশ। ইহার মূল্য যাহাই হউক না কেন,—সুস্পষ্ট প্রত্যক্ষবোধের সহিত তুলনা করিলে, ব্যবহারিক বুদ্ধি-বৃত্তির নিকই ইহা যতই ছেলে-মানুষী বলিয়া মনে হউক না কেন,—একটা কথা অস্বীকার করা যায় না যে, এই সাহিত্য যাহার প্রাণকে নাড়া দিয়াছে, তাহাকে এমনই অকৃত্রিম আবেগের সহিত নাড়া দিয়াছে যে, প্রতিদিনকার প্রত্যক্ষ জগৎ সেখানে রূপান্তরিত হইয়া নবীন বর্ণে উজ্জলতর, আদর্শের মহিমায় মহত্তর, অনির্কচনীয় মাধুরীতে মধুরতর হইয়া উঠিয়াছে।

এই দিক দিয়া এই ধরণের রোমান্টিক সাহিত্যের যে মূল্যই দেওয়া যাউক না কেন,—সমগ্রভাবে রোমান্টিক আন্দোলনের বিচার করিতে হইলে আমাদের মনে রাখিতে হইবে যে, রোমান্টিজ্‌মের আদি অনুপ্রেরণা যে আদর্শে,



সে আদর্শ অনেক উচ্চতর,—সামান্য চিত্ত-বিনোদনের জগৎ একটা অলৌক মারারাজ্য সৃষ্টি করা নয়। বস্তুতঃ সে আদর্শ ক্লাসিক সাহিত্যের আদর্শ হইতে বিভিন্ন নয়,— একই ;—সত্যের অনুসন্ধান ও নির্ধারণ। রোমান্টিজ্‌মের নূতন অনুপ্রেরণা আমাদের কতদূর এই আদর্শের দিকে অগ্রসর করিয়া দিয়াছে,—সে বিষয়ে সঠিক বিচারের সময় এখনো আসে নাই ; তবে চারিদিকেই,—সাহিত্যের সকল ক্ষেত্রেই এখন দেখিতে পাওয়া যায়,—নূতন করিয়া একটা কিছু গড়িয়া তুলিবার বিরাট প্রয়াস।

ফরাসী গীতি-কবিতার জন্ম ত রোমান্টিক অনুপ্রেরণা হইতেই,—একথা বলিলে অতুক্তি হয় না। এমন-কি, উপন্যাসে ও নাটকে যখন রোমান্টিজ্‌মের বিজয়-দৃন্দুভি খামিয়া গিয়াছিল,—যখন বিজ্ঞানের নিকট নূতন উৎসাহ পাইয়া উপন্যাস-রচয়িতারা উপন্যাসের ভিতর দিয়া নানাবিধ বৈজ্ঞানিক তথ্যসমূহ প্রতিষ্ঠিত করিবার চেষ্টা করিতে-ছিলেন, তখন হইতেই ফরাসী-কাব্যে দেখা দিয়াছিল এক নূতন কবি-সম্প্রদায়,—যাহাদের মতামত ও মানব-জীবনের অনুধাবনা বিজ্ঞান-বাদীদের মতামতের ঠিক উল্টা। ইহাদের কাব্যের নাম রূপক-কবিতা symbolisme। ইহাদের যে কল্পনা,—তাহা একেবারে নিছক কল্পনা,—অর্থাৎ অল্প কোনো মনোরত্তির সহিত সংমিশ্রিত নহে,—বুদ্ধি-বৃত্তির দ্বারাও ইহা অকলুষিত। বুদ্ধি-বৃত্তির দ্বারা আমরা যাহা বুঝি বা বিশ্লেষণ করি বা ব্যাখ্যা করি,—সেই বোঝা বা বিশ্লেষণ বা ব্যাখ্যার মধ্যেই তাহার সার্থকতা ;—কিন্তু এই রূপক-কবিদের কল্পনায় যে রূপ বা ছবি ফুটিয়া উঠে,—তাহার সার্থকতা আপনার মধ্যেই,—তাহার কোনো অন্তর্নিহিত অর্থের মধ্যে নয়। অর্থ হয়-ত সে ছবির একটা কিছু থাকিতে পারে ;—হয়-ত বা সে ছবি আত্মারই কোনো অবস্থা-বিশেষের একটা মূর্তিমান প্রকাশ,—কিন্তু কবি সেটি অন্তরের মধ্যে উপলব্ধি করিতেই পারেন,—মনে প্রাণে অনুভব করিতে পারেন,—ভাষার ভিতর দিয়া বুদ্ধি-বৃত্তির নিকট আবেদন করিয়া তাহার একটা বুদ্ধিসঙ্গত ব্যাখ্যা করিতে পারেন না।

• এই রূপক-কবিদের অগ্রণী ছিলেন পল্ ভের্গেইন

(Paul Verlaine) ও আর্থার রঁবো (Arther Rimbaud)। রঁবোর নিকট আমাদের এই পরিদৃশ্যমান জগৎটা ছিল একটা প্রতীয়মানতা মাত্র, সত্য নয়। তিনি বলিতেন,— 'ভ্রান্তি যদি বল, ভ্রান্তিই ত আমি চাই। সে-ই ত সত্য। আমাদের যে ইন্দ্রিয়-বোধ,—তাহা ত একটি নিমিত্ত মাত্র, দৈবের যোগাযোগ। চরম সত্য ত আমাদের ইন্দ্রিয়-বোধ নয়, চরম সত্য আমাদের অন্তরের অনুভূতি ; ঠিক তরঙ্গের নিকিপ্ত প্রস্তুতরথের মত। আসল জিনিষ যেটুকু, ঐ তরঙ্গের কম্পন,—নিকিপ্ত প্রস্তুতরথ নয়। আমাদের এই প্রাচীন পৃথিবীটা কঠিন,—ইহার বাণী মিথ্যা। এই পৃথিবীর ব্যাখ্যা ও বিশ্লেষণের ভিতর দিয়া সত্যের মর্মগ্রহণ ও রসান্বাদন হুঃসাধ্য। কাব্যের ভিতর দিয়া সত্যের মর্মগ্রহণ করিতে হইলে, এই প্রতীয়মান জগৎ হইতে একেবারে নিজ্জান্স হইতে হইবে,—ঝাঁপ দিতে হইবে, আমাদের অন্তরের সেই নূতন জগতের মধ্যে, যেখানে আমাদের সমস্ত স্বপ্ন জীবন্ত হইয়া উঠে, যেখানে যাহা কিছু সত্য সকলই ফুলের মত বিকশিত হইয়া উঠে।

এই রূপক-কবিদের অনুভূতিই ছিল সর্বস্ব। ইহাদের মতে কাব্য কবির অনুভূতিরই একটি মূর্তিমান বিগ্রহ। ইহার আবেদন পাঠকেরও অনুভূতিরই নিকট। কাহারও বুদ্ধি-বৃত্তির সহিত ইহার কোন সংশ্রব নাই,—না কবির,—না পাঠকের। এতদিন ফরাসী সাহিত্যে যে কাব্যের প্রচলন ছিল, তাহা প্রকৃতপক্ষে কাব্য ছিল না,—কেন-না কবির প্রাণের আবেগটুকু বোধগম্য ভাষায় অনুদিত হইয়া পাঠকের বুদ্ধি-বৃত্তির সাহায্যে মর্ম-গ্রহণ-প্রক্রিয়ার ভিতর দিয়া আসিতে আসিতে পথেই বিনষ্ট হইয়া যাইত, পাঠকের প্রাণে আসিয়া আর পৌঁছিতে পারিত না। তাই সত্যিকারের কবিতা যাহা, তাহার সহিত বুদ্ধি-বৃত্তির কোনো সংশ্রব থাকিতে পারে না। সে কবিতা পাঠকের প্রাণের নিকট কবির প্রাণের,—পাঠকের অনুভূতির নিকট কবির অনুভূতির একটি সোজাসুজি নিবেদন ;—এ নিবেদনে আর কিছুই মধ্যস্থতা নাই ; কিছুই ব্যাখ্যা নাই, বিশ্লেষণ নাই ;—আছে শুধু একটি ইঙ্গিত। একটি অব্যক্তের আভাস কবির ও পাঠকের অন্তরে অন্তরে একটি সাক্ষাৎ পরিচয়।

শ্রীশুশীলচন্দ্র মিত্র

কেমন করিয়া প্রাণে প্রাণে এই জানাজানি, এই সাক্ষাৎ পরিচয় সম্ভব ? এই পরিচয়ের প্রধান বাধা হইতেছে, সুস্পষ্ট পরিষ্কার বোধের প্রতি আমাদের একটি মোহ। এই মোহ আমাদের পরিত্যাগ করিতে হইবে, কারণ কাব্যরসের উপযোগী যে প্রাণের আবেগ,—তাহা আর যাহাই হউক, সুস্পষ্ট ও পরিষ্কার নয়; শ্রায়-যুক্তির সাহায্যে তাহাকে পরিষ্কার করিয়া উপলব্ধি করিতে গেলে, আমরা আর যাহাই পাই না কেন, সেই আবেগটুকু পাইব না। কবি যতই এই আবেগ-বিজড়িত রহস্যের মধ্যে ডুবিয়া যাইবেন,—যতই তিনি সেই রহস্যের মধ্যে অনির্কচনীয়কে প্রকাশ করিবার চেষ্টা করিবেন, যতই তিনি তাঁহার প্রাণের গোপন স্পন্দনগুলি অনুভূতির মধ্যে ফুটাইয়া তুলিতে চাহিবেন, ততই তাঁহার কবিতার অর্থটুকু অস্পষ্ট হইতে অস্পষ্টতর হইয়া মিলিয়া যাইবে একটি ইঙ্গিতের মধ্যে, তাঁহার প্রাণের রহস্যটুকু রূপ ধরিয়া উঠিবে তাঁহার কাব্যের মধ্যে। কাব্যের এই যে মূর্তি,—ইহা বাক্য-অর্থের সাধারণ সম্বন্ধদ্বারা রচিত নহে;—এই মূর্তি-রচনার যে উপকরণ,—তাহা ভাষার অলঙ্কার নহে,—তাহা কবির প্রাণের মধ্যে ভেসে-উঠা কতকগুলি ছবি। সে ছবি কবির ভাবের বা আবেগের একটা ভাষার অনুবাদ মাত্র নয়, সে ছবি সেই ভাবাবেগেরই আধার; পাঠক যদি তাহার প্রতি আপনার অন্তরখানি মেলিয়া দেন, তবে তাহা পাঠকের অনুভূতিতে আঘাত করিয়া তাঁহার অন্তরে আপনা-আপনিই ভাসিয়া উঠে,—এমন কি পাঠক কবির ভাষার অর্থ না বুঝিলেও।

এলা বাহুল্য, এই ইঙ্গিত-প্রধান রহস্যময় কাব্য সঙ্গীতের মধ্যে আপনাকে হারাইয়া ফেলে। বস্তুতঃ ফরাসী কাব্যের উপর সঙ্গীতের প্রভাব অপরিমেয়। বিশেষতঃ এই সময়ে Wagner-এর গীতি সর্ব-সমক্ষে সপ্রমাণ করিয়া দিয়াছিল—সঙ্গীতের রহস্যময় আবেগ-প্রকাশের ক্ষমতা কতখানি গভীর, কেমন করিয়া একজনের প্রাণের অনির্কচনীয় দুর্ভেদ্য আবেগরাজি সুরের মধ্যে মূর্তিগ্রহণ করিয়া আর একজনের প্রাণে গুমরিয়া বাজিয়া উঠে। এমনি করিয়া কবিদের প্রাণেও আকাঙ্ক্ষা জাগিয়া উঠিল—তাঁহারাও ছন্দের বন্ধারের মধ্যে মানুষের গোপন প্রাণের সত্যটুকু ফুটাইয়া তুলিবেন।

সে কাব্যের ভাষার মর্মগ্রহণের কোন প্রয়োজন নাই, এমন কি, মর্ম গ্রহণের চেষ্টাটিও কতিজনক, কেন-না প্রাণের গোপন সত্যটুকু ফুটিয়া উঠে ছন্দের বন্ধারের মধ্যে, বাক্যের ধ্বনির মধ্যে, বাক্যের অর্থের মধ্যে নয়। এমন বাক্যের অর্থ অনুসন্ধান করিলে অর্থ হয়-ত মিলিবে, হয়-ত মিলিবে না, কিন্তু সত্যটুকু মিলিবে না ইহা নিশ্চয়। তার কারণ বাক্যের অর্থগ্রহণ করিতে হয় বুদ্ধি-বৃত্তির সাহায্যে, শুধু স্থির বুদ্ধির বিশ্লেষণ ও সংযোজন প্রক্রিয়ার ভিতর দিয়া;—কিন্তু আমাদের গোপন প্রাণের সত্যটুকুর ধর্মই হইতেছে এই যে, সে আত্মপ্রকাশ করে ঠিক সেইখানে, যেখানে আমাদের বুদ্ধির ধারা বিচ্ছিন্ন হইয়া যায়।

এমনি করিয়া এক নূতন ধরণের সাহিত্যের সৃষ্টি হইতে চলিল,—যাহা বুদ্ধি-বৃত্তির স্থির বুদ্ধির নিয়ম আন মানিতে চাহিল না। মানুষের অস্পষ্ট চেতনার উপর প্রতিভাত হইয়া উঠিল একটা নূতন জগৎ যাহা বুদ্ধি-বৃত্তির দ্বারা ধারণা করা যায় না, যাহা ধারণা করিবার জন্ম চাই অল্প অল্প, আমাদের মননশক্তি (intuition)। এই অতীন্দ্রিয় জগতের কবি ছিলেন স্তেফান্ মালার্মে (Stéphane Mallarmé)। আমরা সাধারণতঃ যে জগতে বাস করি, কলহ করি, যুক্তি করি, তর্ক করি,—এই অতীন্দ্রিয় জগৎ সে জগৎ হইতে অনেক দূরে,—একেবারেই পৃথক। কবি বাস করেন এই অতীন্দ্রিয় জগতে,—এই জগতই তাঁহার কাব্যের বিষয়। এখানে তিনি যাহা অনুভব করেন, সাধারণ ব্যবহারিক জগতের ভাষায় তাহাকে যদি বল ভ্রান্তি, তবে সেই ভ্রান্তিই হইতেছে প্রকৃত সত্য, আমাদের ব্যবহারিক জগতের সত্যের চেয়ে অনেক বেশী সত্য; শুধু তাই নয়, আমাদের ব্যবহারিক জগতের সত্যটা হইতেছে সেই সত্যেরই একটা ছায়া মাত্র, ঠিক বলিতে গেলে,—একটা অতি জঘন্য বিকার। কবি যখন ব্যবহারিক জগতের এই দীন তুচ্ছ প্রতীয়মানতা হইতে আপনাকে মুক্ত করিয়া লইয়া আপনার অন্তরের মধ্যে ধানে তন্ময় হইয়া থাকেন, তখনই এই অতীন্দ্রিয় উচ্চতর সত্য তাঁহার চেতনায় প্রতিভাসিত হইয়া তাঁহাকে টানিয়া লইয়া যায় অনেক উর্ধ্বে,—সেই অতীন্দ্রিয় জগতে। কবির কাব্যে এই জগতের



একটা পরিষ্কার ব্যাখ্যা বা বর্ণনা থাকিতে পারেনা,— থাকিবে শুধু ইহার প্রতি একটা ইঙ্গিত,—স্বরের ভিতর দিয়া, বাক্যের ধ্বনির ভিতর দিয়া, ছন্দের বন্ধারের ভিতর দিয়া ।

এইখানে মালামে'র সহিত রূপক কবিদের একটা মিল দেখা যায় । কিন্তু প্রকৃতপক্ষে মালামে'টিক রূপক কবিদের দলভুক্ত ছিলেন না । রূপক-কবিদের যে জগৎ, সেখানে অনুভূতিই ছিল সর্বস্ব,—প্রাণের আবেগই সেখানে অনুভূতির মধ্যে রূপ ধরিয়া ফুটিয়া উঠিত,—কিন্তু মালামে'র অন্তরে নয়, সেখানে আবেগের চঞ্চলতা সংহত হইয়াছিল গম্ভীর ধ্যানের মধ্যে, সে জগৎ ধরা দিয়াছিল মালামে'র মনন-শক্তির নিকট । তাই মালামে'র কাব্য ছিল অনেকটা দার্শনিকতা-মিশ্রিত—তাঁহাকে অতীন্দ্রিয়তার কবি বলিলে বোধ হয় ভুল হইবে না । কিন্তু এই অতীন্দ্রিয়তার কাব্যে মালামে'র চেয়েও অগ্রসর হইয়াছিলেন পল্ ভালেরি (Paul Valéry) । তাঁহার মতে কবিতার বিষয় মানুষের আবেগ নয়, মানুষের ভাবরাজি । কবির যে জগৎ, তাহা মানুষের ধী-শক্তির দ্বারাই পরিচালিত,—তবে এই ধী-শক্তি আমাদের সাধারণ বুদ্ধি-বৃত্তির সহিত ঠিক একজাতীয় জিনিষ নয় । সাধারণ বুদ্ধি-বৃত্তি বলিতে আমরা যাহা বুঝি,—তাহা আমাদের ইন্দ্রিয়-বোধের সহিত মিশ্রিত । ব্যবহারিক জীবনে এই বুদ্ধি-বৃত্তি যুক্তির পরিচ্ছন্নতা ও ভাষার পরিষ্কৃততা অনুসন্ধান করে;—কিন্তু আমাদের যে ধী-শক্তি কবির অতীন্দ্রিয় জগৎকে পরিচালনা করে তাহার সহিত এই ব্যবহারিক জীবনের কোনো সংস্বব নাই । ব্যবহারিক জগৎ হইতে আপনাকে বিচ্ছিন্ন করিয়া লইতে পারিলেই আমরা কবির এই অতীন্দ্রিয় জগতের মধ্যে প্রবেশ করিতে পারি । এই জগতে আমাদের মনন-শক্তির আলোকে প্রাণের গভীরতম উৎস হইতে অজস্রধারায় কাব্য-স্রোত বরিতে থাকে । এই কাব্য বাহির হইতে যুক্তিধারা ব্যাখ্যা করিবার নয়, ভিতর হইতে ধারণা করিয়া অন্তরের মধ্যে পুনঃসৃষ্টি করিয়া লইবার । তাই এই অতীন্দ্রিয় কবিদের মতে কাব্য বৃষ্টি হইলে পাঠকেরও কবি হওয়া প্রয়োজন, অন্ততঃ এক সূহৃৎের জন্ম ।

মানবতা

ব্যবহারিক বা প্রতীক্ষমান জগৎ ও অতীন্দ্রিয় জগতের মধ্যে এই যে একটা পার্থক্য, বার্গস'র কল্যাণে, শুধু কাব্যে নয়, সাহিত্যের অন্যান্য বিভাগেও ছড়াইয়া পড়িয়াছিল । ইহা মানবজীবনের ধারার অখণ্ডতার পক্ষে বিশেষ কল্যাণকর হইতে পারে না । বিজ্ঞানের একদিকে জর-গৌরব, অত্রদিকে বার্থতা বোধ হয় এমনি করিয়া মানুষের জীবনের অখণ্ড ধারাকে দ্বিধা বিধ্বস্ত করিয়া দিয়াছিল; রোমাণ্টিক আন্দোলন হয়ত বা এই বিচ্ছেদকে স্থানে স্থানে কোন কোন দিক দিয়া আরও তীব্রতর করিয়া তুলিয়াছে । কিন্তু আমাদের বিখ্যাস এই বিচ্ছেদের পুনঃসংযোগ সূত্রটিও পাওয়া যাইবে,—রোমাণ্টিজমেরই মধ্যে, রোমাণ্টিক আমিত্ব-বোধের ভিতর মানুষের সেই সচেতন আত্মপ্রতিষ্ঠায় । এই আত্ম-প্রতিষ্ঠার ফলে আমাদের অনুসন্ধানের কেন্দ্রটি সরিয়া গিয়াছে বাহির হইতে অন্তরে, জগৎ হইতে আত্মার মধ্যে । আমাদের বিখ্যাস এই আমিত্ব-বোধেরই মধ্যে প্রতীক্ষমান জগৎ ও অতীন্দ্রিয় জগতের মধ্যে ঐক্যসূত্রটির সন্ধান মিলিবে । কিন্তু সে ভবিষ্যতের কথা । এখনই সে সম্বন্ধে নিশ্চয় করিয়া কিছু বলা যায় না । তবে সে যাহাই হউক না কেন,—রোমাণ্টিক আন্দোলনের ফলে আধুনিক সাহিত্যে যতই জটিলতার সৃষ্টি হউক না কেন,—আজ মানুষের সমস্ত চিন্তারাজ্য জুড়িয়া উঠিয়াছে যে একটা মানবতার সুর, তাহাই রোমাণ্টিজমের সর্বশ্রেষ্ঠ দান ।

আধুনিক ফরাসী সাহিত্যের সর্বত্রই সকল সম্প্রদায়ের লেখকের মধ্যেই পাওয়া যায়,—এই মানবতার আভাস । বিভিন্ন সম্প্রদায়ের সমস্ত লেখকদের লেখার মধ্যেই অল্প বিস্তর এই মানবতার সুর আছে । এই প্রবন্ধে আমরা কেবলমাত্র রোমাণ্টিক আন্দোলনকে কেন্দ্র করিয়া ফরাসী সাহিত্যের কয়েকটি ধারা বর্ণনা করিলাম । কোনো লেখক বিশেষেরই রচনার কোনো আলোচনা করি নাই, এমন কি সকল বড় লেখকেরও নাম করি নাই । ভবিষ্যতে কোনো কোনো লেখকের রচনা লইয়া বিস্তৃততর আলোচনা করিবার ইচ্ছা রহিল ।

রূপক

শ্রীরাধাচরণ চক্রবর্তী

সুন্দর গোর, ছিপ্‌ছিপে শরীর, সে ছিল শাঁখারি ; শাঁখার ঝাঁপি নিয়ে ছয়রে ছয়রে ফিরি ক'রে বেড়াত—অন্দরে অন্দরে ফিরে ফিরে। সে ছিল তরুণ ; অসূর্য্যাম্পশু রূপার আধোশুভিত সম্ভবে স্বতই সে সলজ্জ হ'য়ে উঠ'ত, পুর সুন্দরীর কর-প্রকোষ্ঠে শাঁখা পরাতে তার হাত কাঁপ'ত !

প্রভাতে বেরিয়ে তরুণ শাঁখারি ছপুরের দিকে সে দিন ফিরছিল। তার হাতের ঝাঁপিতে ছিল অন্দর-তরুণীর কর-কম্পন-জড়া কয়েক জোড়া শাঁখার মোড়ক, আর তার বুকের ঝাঁপিতে ছিল কি একটা আশ্চর্য্য তরুণ অ-পূর্ব্ব অন্ততব।

বাড়ী গিয়ে সে তার বন্ধ-করা ঝাঁপির মধ্যকার মোড়কের থেকে বেছে এক জোড়া শুভ্র শাঁখা বের ক'রে নিয়ে মাথায় ঠেকাবার জন্তে তুলে নামিয়ে বুকে ঠেকালে ; অক্ষুটস্বরে বললে—ওগো শুভিতা, ওগো রহস্যময়ি, আমার হাতে তোমার প্রত্যাহের রস-স্পর্শ-ভরা এই কর-কঙ্কণ। আমি এর প্রত্যোক স্পর্শে তোমার সলাজ কোমল করকম্পন পাচ্ছি, এর দীপ্ত শুভ্রতায় তোমার শুভ্র হৃদয়ের আভাস আস'চে, এর আনন্দ আমি বুকে রাখ'লাম—তোমার হৃদয়ের ছোঁয়া আমার হৃদয়ে লাগ'ল ! কিন্তু, ওগো কোতুকময়ী, কোন্ রঙে আমি রঙিয়ে তুল'ব এই শাঁখা দুটির গায়ে তোমার সেই করমাইসি কারুজ—'ভোরের ফুল' ?

সারাদিন ধ'রে সে ভাব'লে। শাঁখা দুটি দিয়েছিল নগর-শ্রেষ্ঠীর কন্যা বিজুবা 'মদয়ন্তী'—শাঁখারিকে এর উপর তুলির রঙে ফুটিয়ে দিতে হবে 'প্রভাত কুমুম'-কারুজ। কোন্ ফুল কেমন ক'রে আঁকতে হবে, সে কিছু ব'লে দেয়নি ; শুধু বলেচে—'ভোরের ফুল'।

সারাদিন ধ'রে সে ভাব'লে ; সারারাত ধ'রে তুলির পর তুলি নিয়ে নাড়াচাড়া কর'লে ; তারপর প্রত্যুষে যখন পদ্মদীঘটার জলের উপর প্রথম অরুণ-আলোক এসে পড়'ল, তখন দীঘির দিকে চেয়ে চেয়ে শুভ্র শাঁখার গায়ে ধীরে ধীরে

সে ফুটিয়ে তুল'লে—কণ্টকিত মৃগাল-পুটে একটি তরুণ কমল, সুন্দরীর গুণ্ঠনাবকাশের কপোল-অরুণিমার মতই ফুটনোমুখ ! তারপর নীলের তুলির টান দিয়ে তার তলে ফুটালে দীঘির জলের নীল আকাশেরছায়া,—আর, সবুজ তুলির আঁচড়ে আঁকলে একটি সজল পদ্ম-পাতা।

চিত্রিত শাঁখাদুটি মোড়কে জড়িয়ে আবার মোড়ক খুলে শাঁখা দুটি হাতে ক'রে কিছুক্ষণ সে কি ভাব'লে ; একটা নয়া তুলি হাতে নিয়ে ফিরে সেটি তুলি-দানে রেখে দিলে ; শেষে সেটি আবার তুলে নিয়ে শাঁখার গায়ের কণ্টকিত মৃগাল-পুটে-ছোঁয়া পদ্মপাতার উপর তুলি বুলিয়ে আঁকলে একটি পাখা-ভাঙা ছোট ভ্রমর—মৃগালের কাঁটার সঙ্গে তার ভাঙা পাখার একটি টুকরা লেগে আছে।

শাঁখারির মুখে একটু করুণ হাসি ফুটে' উঠ'ল।

শাঁখার ঝাঁপি নিয়ে পরিচারিকার সঙ্গে শাঁখারি যখন শ্রেষ্ঠীর অন্তঃপুরে প্রবেশ কর'লে, তখন বেলা বেশী হয় নি ; স্নানান্তে প্রসাধন শেষ ক'রে শ্রেষ্ঠী-কন্যা সবে মাত্র তার বসবার ঘরে এসে বসেচে। একটা স্নিগ্ধ দোরভে ঘরের বাতাস ভর'পুর। তরুণকে দেখে তরুণী তার মাথার ওড়না আর একটু টেনে দিলে ; কিন্তু তার কোতুক-স্মিত অপাঙ্গের দৃষ্টি তরুণের চোখে এড়াল না।

শাঁখারি একবার পূর্ণদৃষ্টিতে মদয়ন্তীর দিকে তাকিয়ে মুখখানি নত ক'রে দাঁড়িয়ে হাতের মোড়ক খুলে' সেই রঙীন শাঁখা জোড়াটি বের করে সন্মুখের একটি হাতীর দাঁতের কাজ করা ত্রিপদীর উপর রেখে আর একবার চোখ তুলে শ্রেষ্ঠী-কন্যার দিকে চেয়ে চোখ নামিয়ে নিলে।

মদয়ন্তী ত্রিপদীর উপর থেকে শাঁখা জোড়া হাতে তুলে নিয়ে একবার ভাল ক'রে দেখলে ; তারপর তরুণের দিকে একবার চেয়ে, পরিচারিকাকে ইঙ্গিতে ডেকে কি বল'লে বুঝা



গেল না ; কিন্তু দেখা গেল—তর্জনীশীর্ষ দিয়ে শ্রেষ্ঠী-কুমারী চিত্রের 'ভ্রমর' নির্দেশ কর্চে ।

পরিচারিকা বল্লে—ওগো গুণী কারুক, তোমার চিত্র পেয়ে আমাদের দেবী পরম প্রীত হলেন ; তিনি বল্চেন, সুন্দর শতদল দীপ্ত প্রভাত-কুমুম ! কিন্তু পদ্মপাতায় পাখা-ভাঙা ভ্রমরের অর্থ কি ?

শাঁথারি এক মুহূর্ত্ত কি ভাব্লে। তারপর মুহূর্ত্তে বল্লে—চিত্র-লেখা দেবীর ভালো লেগেচে ব'লে দীন কঙ্কণ-কারুক দেবীকে অন্তরের শ্রদ্ধা নিবেদন কর্চে। কিন্তু দেবী যদি এর মধ্যে বিশেষ অর্থ খোঁজেন ত' নিরর্থক হবে। এ আমি অর্থ ভেবে আঁকি নি। পদ্মদীঘিরপদ্মপাতায় ভ্রমর দেখে ভ্রমর এঁকেচি। আর, ভ্রমরের ভাঙা পাখার টুকরা নয় ওটা, ও আমার এক মুহূর্ত্তের অশ্রুমনস্কতার তুলির ভুল—চিত্রের মৃগাল-কাঁটায় তুলি-চোয়ানো রঙ।

শাঁথারির মন একটু ক্লান্ত হ'ল। মদয়ন্তী কথাটা সত্য ব'লে বিশ্বাস কর্লে কি না, সে বুঝতে পার্লে না। কিন্তু মিথ্যা না ব'লে যে তার উপায় নেই ; সে গোপন কথা যে সে কইতে পারে না !

তার মনে পড়ল গতকলাকার কথা। কাল সকাল বেলা যখন সে তার ঝাঁপি খুলে বের করেছিল আর এক জোড়া ফুল-আঁকা শাঁখা মদয়ন্তীকে পরাবার জন্তে, তখন মদয়ন্তী সেই শাঁখায়-আঁকা ফুল 'সন্ধ্যামালতী'র দিকে অনেকক্ষণ চেয়ে থেকে কি ভেবেছিল ; তারপর তার নিজের হাতের সাদা শাঁখা খুলে দিয়েছিল—'ভোরের ফুল' আঁকবার জন্তে।

শাঁথারির শাঁখার ছবি সেই 'সন্ধ্যামালতী' ছিল—একটি চিত্র-কবিতা। তার অর্থ—“আমার দীনতার লজ্জায় দিনের বেলা আমি ফুটিনি ; এখন সাক্ষ্য অন্ধকারের তলে বিরল-পথিক পথের নিরালস্য আমার গোপন ব্যথিত হৃদয়ের দল কেটে যাচ্ছে। হায়, সাঁঝের পথিক কেউ যদিও এপথ দিয়ে যায়, আমার মুহূর্ত্তে হয়ত সে আমাকে চিন্তে পারবে না।”

তার সেই কবিতার 'সন্ধ্যামালতীর' গন্ধ মদয়ন্তী পেরেছিল কি না মদয়ন্তীই জানে। 'সন্ধ্যামালতী'—তারই দীন হৃদয়ের সন্ধ্যামালতী ; ক্ষুদ্র প্রাণ, ক্ষুদ্র গন্ধ !

তারপর আঁককার এই 'ভোরের ফুল'—এও আর একটি রূপক কারুক। তবে, এটি একটু অল্প রকমের। এর ভাব—“ওগো 'ভোরের ফুল', ওগো অর্ধশুষ্টিত রূপসী কিশোরি, তোমার সবখানি মুখছবি না দেখেই আমার চিত্র-ভ্রমর তোমার জন্তে মুগ্ধ হ'ল, ব্যাকুল হ'ল। জানি আমি, তুমি পূজার পদ্ম ; তোমাকে পাওয়া আমার দুঃখ ! তবু আমি তোমাকে পাবনা জেনেও ভালোবেসেচি। এ ভালবাসার বেদনায় হয় ত' আমার চিত্র ভেঙে যাবে—ঐ পাখা-ভাঙা ভ্রমরেরই মত, কিন্তু সে বেদনা আমি সহ্য করব।”

এই গোপন রূপক গোপনে রাখবার জন্তেই শাঁথারি অমন অন্তের আশ্রয় নিলে।

মদয়ন্তী অনেকক্ষণ চুপ ক'রে কি ভাব্লে। অনেকক্ষণ পরে একটা দীর্ঘনিশ্বাস ফেল্লে—বোধ হ'ল। তারপর পরিচারিকাকে ইসারায় কি ব'লে 'ভোরের ফুল' শাঁখা জোড়া তার হাতে দিয়ে শাঁথারির দিকে একটু স'রে বসল।

পরিচারিকা সেই শাঁখা শাঁথারিকে দিয়ে বল্লে—আমাদের ঠাকুরাণীকে শাঁখা পরিয়ে দাও, শাঁথারি !

মদয়ন্তী শাঁথারির দিকে তার শুভ্র প্রকোষ্ঠ বাড়িয়ে দিলে ; শাঁথারি সেই প্রকোষ্ঠে রাঙা শাঁখা পরাতে লাগল। শাঁথারির হাত কাঁপছিল, এবং তার বোধ হ'ল—মদয়ন্তীরও হাত কাঁপ্চে।

শাঁখা পরানো সারা ক'রে শাঁথারি উঠে দাঁড়িয়ে শ্রেষ্ঠী-কুমারীকে প্রথম বিদায় সন্তাষণ জানাতেই 'ভোরের ফুল' পূর্ণ প্রফুটিত হ'ল।...শ্রেষ্ঠী-কুমারী কুমারী-সুলভ লজ্জা পরিত্যাগ ক'রে তার মুখের ওড়না সবখানি সরিয়ে ফেলে শাঁথারির সম্মুখে দাঁড়াল।

শাঁথারি খতমত খেয়ে কুমারীর মুখে খানিক চেয়েই দুয়ারের দিকে পা বাড়ালে।

মদয়ন্তী শাঁথারির একখানি হাত হঠাৎ চেঁপে ধ'রে কক্ষস্থলে বল্লে—তরুণ, তোমার ব্যথায় আমি ব্যথিত !

তারপর শাঁথারি তার শাঁখা-চিত্রের মূল্য না নিয়েই চ'লে গেল।

মদয়ন্তী কি রূপকের অর্থ বুঝেছিল ?



স্মৃতিসভা

৬ঐজেন্দ্রনাথের শ্রাদ্ধবাসরে শ্রীযুক্ত রবীন্দ্রনাথ ঠাকুর মহাশয় কর্তৃক কথিত নিম্নলিখিত প্রবন্ধটি আমরা গত বৈশাখ মাসের প্রবাসী হইতে সঙ্কলিত করিলাম—প্রত্যেক দেশের দুটি দিক আছে, এক হচ্ছে তা'র জীবপ্রবাহ, জনতা, প্রতিদিনের কণ্ঠ-সংসারে যাদের নিয়ে আমাদের ব্যবহার। প্রত্যেক দেশেরই আবার একটি অমরাবর্তী আছে—যাঁরা অতীতে জন্মগ্রহণ ক'রে বর্তমানে রয়েছেন, দেহমুক্ত হ'য়েও সর্ব্ববাপী যাদের প্রভাব তাঁরাই সেই ঋণাত্মক মঙ্গললোকের স্রষ্টা। এই স্মরণীয়দের সংখ্যা যে-দেশে বহু সেই দেশই মহৎ—যে-দেশে এঁদের অভাব সে-দেশ আয়তনে এবং জনসংখ্যায় যতই বড় হোক না কেন তার অস্তিত্ব-গৌরব নেই বলেই চলে। বস্তুত প্রতি দেশ আপনার সত্যরূপকে উদ্ঘাটন ক'রে দেখায় তাঁদেরই মধো যাঁরা বর্তমান নেই—অশরীরী হ'য়েও তাঁরা সেই দেশের সত্যকে বহন করছেন। এই জগ্গেই ইতিহাসের মূলা। সব দেশের মানুষই তাঁদের সম্পদের ভাণ্ডার ক'রে রেখেছেন ইতিহাসকে—বহুমূলা প্রাণের পরিচয় সেই ভাণ্ডারে। প্রত্যেক দেশেরই তার প্রতি একটি নিষ্ঠা, একটি অনুরাগ আছে। ...

আমাদের আশ্রম সম্বন্ধেও এই কথা খাটে। যাঁরা ইহলোক থেকে অপস্থত হয়ে এর সত্যকে উজ্জ্বল রূপকে প্রকাশিত করছেন, তাঁদের সংখ্যা বেশি নয়। ... তাঁদেরকে আমাদের বড়ো প্রয়োজন,—যদি দীর্ঘকাল এ আশ্রম থাকে তবে তাঁদের সংখ্যা বহু হবে, এই আশা করি। যাঁরা এ আশ্রমে বাস করছেন তাঁরা সেই মহাত্মাদের উপর নির্ভর করেন। ...

যাঁরা বেঁচে আছেন তাঁদের সঙ্গে আমাদের সামাজিকতা রক্ষা করতে হয়, লৌকিকতা করতে হয়, নইলে তাঁদের মনে হ'তে পারে

যে বুঝি তাঁদের অধীকার করছি। এই যে তাঁদের অস্তিত্বকে স্বীকার করি এযারা তাঁরাও পুষ্টিলাভ করেন, লোকে তাঁদের সঙ্গসুখলাভ ক'রে আনন্দ অনুভব করছে এযারা তাঁদের যে সত্তার আনন্দ তা বৃদ্ধি পায়। কিন্তু যাঁরা চ'লে গিয়েছেন সে-রকম ব্যবহারের তাঁরা অতীত বরং তাঁরা যে আছেন সে প্রমাণ তাঁরাই দেন, আপনার গুণে অমর অক্ষয় হ'য়ে সমস্ত সংসারে নিজের প্রতিষ্ঠা রক্ষা করেন। আমাদের দেশে যাঁরা বিশ্বের সম্মুখে ভারতবর্ষের সত্য পরিচয় দিচ্ছেন, যেমন যাজ্ঞবল্ক্য, বা কবি বাস্মিকি বা কালিদাস, বা তত্ত্বজ্ঞানী শঙ্কর, এঁদের ত আমরা বাদ দিতে পারিনে। ভারতবর্ষের কতলোক প্রতিবৎসর মালেরিয়ায় মারা যাচ্ছে, তারা ত ছায়ার মতন, তাদের আমরা সহজেই ভুলে যাই। কিন্তু এঁদের তো আমরা ভুলে যেতে পারিনে—তাঁরা নিজের সত্তা প্রমাণ করতে আমাদের সাহায্য প্রত্যাশা করেন না। ...

যুরোপে মৃত ব্যক্তিকে বাইরে থেকে স্মরণ করবার উপায় করা হয়েছে। গোরস্থানে একখানা পাথর দিয়ে মৃত্যুকে কঁকি দেওয়া হল—যে স্মরণীয় নয় তাকেও স্মরণীয় ক'রে তোলা হ'ল। ফলে তাদের কথা পাথরে লেখা রইল, মনে লেখা রইল না। লোককে ছুলভাবে দেখবার রীতি রয়েছে পাশ্চাত্যদেশে—সে দেশের শাস্ত্রে আছে যে, কালের শৃঙ্খল যখন বাজে তখন মানুষ আবার মর্ত্য-দেহ ধারণ করে, তাই একে রক্ষা করবার প্রয়োজন আছে; এই যে আত্মার আচ্ছাদন একে জীর্ণ বস্ত্রের মতো পরিত্যাগ করতে গীতায় বলেছে, তাকেই কালের হাত থেকে, কীটের হাত থেকে রক্ষা করবার দুরাশা পাশ্চাত্য দেশে।

আমরা এই পাশ্চাত্য দেশের অনুষ্ঠানেরই নকল করেছি। বৎসরে বৎসরে আমরা বিদ্যাসাগরকে স্মরণ ক'রে থাকি—কিন্তু তা যে কত বার্থ হয় তা সে-সব সত্তার যাঁরা অনুষ্ঠাতা তাঁরাই জানেন। কিন্তু



বাংলা সাহিত্য থেকে কে তাঁকে সরাসরে পারে? কেউ তাঁর জীবনের অনুসরণ করে না, শুধু কথার ধ্বনি প্রতিধ্বনি করে চলে—যতটুকু নয় ততটুকু বলে, বিধবা-বিবাহের সময় ঘাড় বাঁকায়। এই যে বছরে বছরে জয়দেবের মেলা হয়, এর তো সভাপতি নেই, সভা নেই, বক্তৃতা নেই। জয়দেবের যে একটি বাস্তবিক রূপ ছিল, জীবনযাত্রায় যে নানা লোকের সঙ্গে তার নানা সংঘর্ষ ছিল, তা লোকে বিশ্বাস করে নেই। এখন তাঁর কাব্যরূপে তিনি সংস্কৃত সাহিত্যের বৃক্ক কোমল-মণি হয়ে রয়েছেন। আধুনিক যে-সব উৎপাত এর মধ্যে যেন বন্ধন আছে বা পরলোকগত মুক্ত বাস্তবিকও বেঁধে রাখতে চায়। আমাদের যে শ্রদ্ধার মন্ত্র আছে পৃথিবী মধু, আকাশ মধু, বাতাস মধু, দিন-রাত্রি মধু, বিশ্বের সেই অমৃতরূপের সঙ্গে মুক্তরূপে পরলোকগত বাস্তবিক আমরা মিলিয়ে দেখতে চেয়েছি। তাঁর যে বক্তৃতা বাস্তবিক স্বরূপ তাতে তিনি নানা ভাবে পীড়িত, সেখানে তিনি বড়ো নাও হাতে পারেন; কিন্তু যেখানে তিনি বড়ো সেখানে স্বতন্ত্র দ্বারা সমস্ত কিছু বড়োর সঙ্গে তাঁকে যুক্ত করে দেখি। এই পৃথিবীতে নানারূপ প্রয়োজনে তিনি বক্তৃতা ছিলেন, দেহমুক্ত হবামাত্র আপনার যা কিছু চিরন্তন তাতে বিরাজ করছেন। যা কিছু মধুমৎ পার্থিবং রজঃ তারই সঙ্গে আপনাকে মিশিয়েছেন—তাঁর তো স্বতন্ত্র বিশেষ কোন দিন নেই—সাধনা দ্বারা যেখানে তিনি অন্তহীনকে পেয়েছেন সেখানেই তো দেহমুক্তের পরিচয়। আমাদের দেশে আমরা এই কথা স্বীকার করি—সাম্প্রদায়িক শ্রদ্ধা যা আছে তা পরিবারের মধ্যেই বদ্ধ। সভা করাটা আমাদের দেশের নয়—আমরা কনগ্রেস স্থাপিত করেছিলুম পার্লামেন্টের নকল করে। বছর বছর বড়ো বড়ো প্রেসিডেন্টশাল এড্রেস ছাপা হ'ল, পড়া হ'ল, নানা বিষয় নিয়ে তর্কবিতর্ক চলল—তারপর সেখানেই রইল। আসল কাজ, ইংরেজিতে যাকে বলে কনস্ট্রাক্টিভ ওয়ার্ক তা সিকি পয়সার হ'ল না। আমাদের যে-স্বরে তার বাধা, তাতে হাত পড়ল না—কাজেই বাজলও না—জলাভাব রইল, অন্নকষ্ট রইল। এ-সব প্রচেষ্টা দেশকে স্পর্শই করেছে না। এ-সবই বৈলাতিক আনুষ্ঠানিকতা। প্রথমত আনুষ্ঠান মাত্রেরই একটা দৈমিত্য আছে। তবু সে আনুষ্ঠান যদি নিজস্ব হয় তবে একটা সার্থকতা পূর্বে পাওয়া যায়—যেমন শ্রদ্ধার মন্ত্র, এ আমরা যতটা হৃদয়ে গ্রহণ করতে পারি বা না পারি, এর মধ্যে একটা কৈফিয়ৎ আছে, এ মন্ত্র যে পিতৃপিতামহের সময় হতে আমাদের দেশে উচ্চারিত হয়ে আসছে। কিন্তু আনুষ্ঠান যেখানে ধার করা সেখানে তার কোনো কৈফিয়ৎ নেই। বৎসরে বৎসরে রামমোহনকে আমরা স্মরণ করি। এ যে একটা কৃত্রিম আনুষ্ঠানিকতা মাত্র, সে-কথা স্মরণ করলে আমার মন বিমূধ হ'য়ে ওঠে। শুধু শুধু বাক্য রচনা করব কেন? তার বই কেউ পড়বে না, তাঁর বই প্রকাশিত হচ্ছে না—আমাদের এ

ফাঁকিকে দিক। এ ফাঁকিটা যুরোপীয়, এ মিথ্যা। আমাদের অনেক ফুৎ, আশ্রমের ইতিহাসের সঙ্গে তাঁরা বিজড়িত হয়েছেন, তাঁদের কথা স্মরণ না করে আমাদের উপায় নেই। ক্ষণে ক্ষণে তাঁদের মনে পড়বে, নানারূপে তাঁদের ভাব ও অভাবের কথা প্রতি পদক্ষেপে আমাদের মনে পড়বে।

মোগল বাদশারা নিজের সমাধিমন্দির নিজেরাই তৈরি করিয়ে যেতেন—আশঙ্কা ছিল খরচের ভয়ে পুত্রেরা মন্দিরনির্মাণ নাও করতে পারে। স্বতন্ত্র পূর্বেই তাঁরা এসব বালাই চুকিয়ে যেতেন। আমিও তাই করতে চাই। আমার কথা যদি আপনাদের কখনো স্মরণ করতে হয় তবে এভাবে বিশেষ দিনে সভা ডেকে কখনো আমাকে স্মরণ করবেন না। আমার জন্মদিন স্বতন্ত্র দিন দুটোই আমি সঙ্গে নিয়ে যাব—এ আপনারা পাবেন না। তাই বলে কি বৎসরে বাকি ৩৬৩ দিনই আমি জুড়ে থাকব? তা নয়—আমার গানে, আমার কবিতায় আমাকে ক্ষণে ক্ষণে আপনাদের মনে পড়বে, সেই আমার ভালো। আমাকে অনেকে বিদেশীভাবাপন্ন মনে করেন, কিন্তু এই আনুষ্ঠানিকতায় আমার মনে সতাই বাধে, এগুলো যে ঘোর বিদেশী, মজাগতভাবে বিদেশী। এর মধ্যে একটু কষ্ট আছে, কৃত্রিমতা আছে তা ফেলে দিন। স্বতন্ত্র পরে দিনক্ষণ নেই—স্বতন্ত্র দিনক্ষণ যাদের আছে তাদের কেউ স্মরণ করে না—সে দিনক্ষণ যাদের নেই, তাঁরাই স্মরণীয় হয়ে থাকেন।

সৌন্দর্য্যতত্ত্বে নন্দলাল বসু

গত বৈশাখের 'প্রবাসীতে' প্রকাশিত শ্রীযুক্ত সুধীরচন্দ্র কর লিখিত প্রবন্ধ হইতে আমরা নিম্নোক্ত অংশগুলি সংকলিত করিলাম।

সৌন্দর্য্য কি, প্রথমে এই কথাটির বাখান দিতে গিয়া তিনি (নন্দলাল বাবু) বলিতে আরম্ভ করিলেন,—এ তত্ত্ব নিয়ে মনীষী-মণ্ডলে বহু আলোচনা চলেছে, তা থেকে মতবৈষম্যের সৃষ্টি হয়েছে কম নয়।

* * *

মহামতি টলষ্টয় তাঁর *What is Art* নামক বিখ্যাত গ্রন্থে একরূপ বহু সমালোচকের আদর্শ সংগ্রহ করে, তার উপরে তাঁর নিজেরও একটি বিশেষ মত স্থাপন করেছেন। এ পর্য্যন্ত আমি যতদূর এ সম্বন্ধে অনুধাবনা করবার সুযোগ পেয়েছি, তার অভিজ্ঞতা থেকেই আজকের আলোচ্য বিষয়ের সমাধানে সচেষ্ট হব।

এক কথায় সৌন্দর্য্য কি তা বলা বড় শক্ত, তবে মোটামুটি এই পর্য্যন্ত বলা যেতে পারে যে, সৌন্দর্য্য হচ্ছে পূর্ণতারই প্রকাশ। বস্তু, মন ও অভিব্যক্তি (expression) এই তিনটি জিনিস নিয়ে তবে পূর্ণতার উদ্ভব হয়। কবি তাঁর কাব্যে যে সৌন্দর্য্যের সমাবেশ করেন,

বিশ্লেষণ ক'রে দেখলে আমরা গোড়ায় গিয়ে দেখতে পাব, সেখানে রয়েছে ছোট ছোট জিনিষ—একটি বস্তু, আর একটি তার মন; তা ছাড়া 'মনের মাধুরী' বলে আরও একটি জিনিষ আছে সেখানে—দৃষ্টির অগোচরে। এই মনের মাধুরীই হচ্ছে—ইংরাজিতে যাকে বলা হয় mode of expression।

* * *

মূনের এই মাধুরী-লাভ সাধনাসাপেক্ষ। মানবমাত্রেরই সৃষ্টির প্রথম থেকে জন্মবীণাটি নয় রকম অনুভূতির নয়টি তারে সমান ক'রে বাঁধা থাকে; এবং এ কথাও সত্যি যে, প্রতি বস্তুরই অন্তরে এক একটি বিশিষ্ট সত্তা বা ধর্ম আছে—জগতে যা নিয়ে তার অস্তিত্ব। মানুষের সেই প্রাণের তারে বস্তুর যে গুণ (বা ধর্মটি) যখন যতখানি জোরে আঘাত করে, তখনই তার চেতনা তত বেশী জাগ্রত ও আবিষ্কৃত হয়ে পড়ে। এই আবেশের অবস্থায় দুটি ভাবের উদ্ভব হয়—একটি রস আর একটি ভাবাবেগ বা emotion।

* * *

রস ও ভাবাবেগ দুইটি একেবারে পাতঙ্গ বস্তু। একটা উদাহরণ দিলে আশা করি, সে স্নাতন্ত্রটা বেশ স্পষ্ট হয়ে উঠবে একটা অসামান্য স্মন্দরী বোড়শীকে সাধারণভাবে দেখলে সাধারণ মানুষ মনে একটা নিবিড় আকর্ষণ অনুভব করে। সেটা নিছক ভাবাবেগ বা মোহ—কামজ ভোগেই তার পরিণতি। কিন্তু শিল্পীর চোখে যদি দেখতে যায়, তরুণীর যৌবন-বিকশিত তনুর তনিমা, রূপ-সায়রে সে যেন একটি সজ্জাশ্রুতি পূর্ণ শতদলের মতই আমার মানসপটে প্রতিভাত হবে এবং তখন তার রূপের সর্গমায়াটি আমার চিত্তে নিরাবল আনন্দ-রসের উজ্জেক ক'রে আমাকে স্মন্দরের মহিমার ধানে গভীর ভাবে সমাহিত ক'রে দেবে। শিল্পীও ভোগ করে, কিন্তু ধারাটি আলাদা।

* * *

সংযত ঘন ভাবাবেগই রসের স্রষ্টা, সুতরাং রস ও ভাবাবেগকে আমরা ঠিক একই পরিমাপে ফেলতে পারিনে। রস চিরন্তন—সে কিছু সৃজন করে, ভাবাবেগ বিহ্বলতায় স্রষ্টার অবসরে বিলীন হয়ে

যায়। রস বস্তুর প্রাণ, রূপ তার দেহ; যে পটের মধ্যে প্রাণ এবং দেহের পূর্ণযোগ ঘটে, সেইখানেই সৌন্দর্য্য আপনার রহস্য-অবগুঠন অনাবৃত ক'রে প্রকাশ পায়।

তবেই দেখতে পাচ্ছি,—সৌন্দর্য্য নিছক রসও নয় আবার রূপও নয়—অথচ এ দুয়েরই যৌগিক পরিণতিতেই তার পত্তন। আপনি যাকে ব্যক্তিগত অনুভূতি বলেছেন—আমি আগেই বলে এসেছি, তা হচ্ছে রসেরই নামান্তর।

* * *

এখনও সার্বজনীনতার অভাবে সৌন্দর্য্যের পূর্ণ বিকাশ হ'তে একটু বাকি রয়েছে। স্মন্দর যা তা শাশ্বত, আর একটা তার বিশেষ লক্ষণ এই যে, সহজ স্নাতবিকতার গুণে সে সকলের চিত্তেই কোনো-না-কোনভাবে কিছু-না-কিছু আনন্দের স্পর্শ দিয়ে যাবেই,—কাবোর সেই চিত্তবীণাটির তারগুলি যদি একেবারেই বিফল হ'য়ে না গিয়ে থাকে তবেই অবশ্য সেক্ষেত্রে এ কথা প্রযুক্ত হ'বে। নয়তো অনুশীলনের অভাবে অনুভূতি যার সম্মূলে বিলয়প্রাপ্ত হয়েছে, তার কাছে কোনো-দিনই স্মন্দরের আবির্ভাব যে ঘটবে না বলাই বাহুল্য।

* * *

সৌন্দর্য্য তার পূর্ণতায় উপনীত হবার পথে প্রকাশ-পদ্ধতিরও কিছু অপেক্ষা রাখে।

* * *

এই modeটিই হচ্ছে শিল্পীর শিল্পপ্রতিভা। এই জিনিষটিই সৌন্দর্য্যকে সার্বজনীন ক'রে তুলবার পরম সহায়ক। বস্তুর মধ্যে কেমন ক'রে কোথায় আমি সৌন্দর্য্যের সন্ধান পেলাম, তার পরিচয়টি ফুটে উঠবে আমার শিল্পকলায়। সময়ে রূপ যেমন অনুভূতিকে আলোড়িত করে, দু'য়ে মিলে একটা সৌন্দর্য্য গড়ে তুলে, তেমনি অনুভূতিও রূপের উপর রং ফলিয়ে সময়ে স্মন্দরের আবির্ভাব ঘটায়। কিন্তু আবির্ভাবকে আমরা পূর্ণ বলতে পারিনে—কারণ, তখনো তা বিশিষ্টজনে নিভৃত মনের উপভোগ্য হ'য়ে থাকে বলে। কিন্তু একবার যদি সে উপলক্ষ সৌন্দর্য্যকে 'মনের মাধুরী' দিয়ে বাইরে দশের দর্শন-স্পর্শন ও আশ্বাদনের উপযোগ্য ক'রে তুলতে পারি, তখনই বলব—'এবার যথার্থই সৌন্দর্য্য সৃজিত হয়েছে।'

বিবধ সংগ্রহ


প্রশান্ত সাগরের কয়েকটি মরুদ্বীপ

জীবনশক্তির কার্য আলোচনা করিতে গিয়া জীবতত্ত্ববিদ পণ্ডিতগণ এই শক্তির নানা অদ্ভুত ক্রিয়া কলাপ অবলোকন করিয়াছেন, ও তাঁহাদের অনুশ্রদ্ধান প্রতিদিন তাঁহাদিগকে নব নব রহস্যের সম্মুখীন করিতেছে। ডারউইনের প্রসিদ্ধ নৌ-যাত্রার সময় হইতেই মহাসমুদ্রের মধ্যস্থ দ্বীপ সকল এই দৈবশক্তির প্রকৃতি পরীক্ষা করিবার ক্ষেত্র হইয়া উঠিয়াছে, ইহার বিশেষ কারণ এই যে, একই শ্রেণীর প্রাণী ও উদ্ভিদ বিভিন্ন আবহাওয়া ও প্রাকৃতিক কারণের মধ্যে পড়িয়া স্ব স্ব আকৃতি ও অভ্যাস কিরূপ বদলাইয়া ফেলিয়াছে—তাহা বুঝিতে হইলে মহাদেশের উপকূল হইতে দূরবর্তী সমুদ্রগর্ভস্থ দ্বীপপুঞ্জের প্রাণী ও উদ্ভিদের পর্যবেক্ষণ ও আলোচনা করা অত্যন্ত প্রয়োজনীয়।

ক্যালিফোর্নিয়া ও দক্ষিণ আমেরিকার উপকূলবর্তী বহু দ্বীপ একরূপ প্রাণীতে পরিপূর্ণ, যাহাদের পূর্বপুরুষগণ বহুকাল পূর্বে ভাসমান কাঠ, সামুদ্রিক শৈবাল, ভগ্ন কাহাজের টুকরা, প্রভৃতি অবলম্বনে ঐ সকল জনশূন্য দ্বীপে গিয়া আশ্রয় লইয়াছিল। ঐ সকল দ্বীপগুলির প্রায় সমুদ্রই মনুষ্য বসতিশূন্য অসুর্কর ও রুক্ষ। অনেক দিন হইতে জীব-তত্ত্ববিদ পণ্ডিতগণের দৃষ্টি এই সকল দ্বীপে পড়িয়াছে, এবং

নানাদিক হইতে দ্বীপস্থ উদ্ভিদ ও প্রাণীকূলের উৎপত্তি, বিচার ও তাহার কারণনির্ণয়ের চেষ্টার ফলে দৈবশক্তির নূতন নূতন ক্রিয়া গোচরীভূত হইতেছে।

ক্যালিফোর্নিয়ার পশ্চিমোপকূলের অদূরে একরূপ বহু দ্বীপ আছে। এই সকল স্থানে প্রায়ই বৃষ্টি হয় না, হইলেও এত




লোমশ শিল—অলস এবং নির্বোধ

কম হয় যে জমির অসুর্করতা ঘোচে না। গুয়াডেলুপ্ দ্বীপ এই দ্বীপগুলির অন্ততম এবং কোনো দিক হইতেই ক্যালিফোর্নিয়ার উপকূলবর্তী ভূভাগের সহিত কোনো সংযোগ না থাকাতে ইহা প্রকৃতপক্ষে সামুদ্রিক দ্বীপ। অথচ এই দ্বীপের তাবৎ প্রাণী ও উদ্ভিদ ক্যালিফোর্নিয়া হইতেই

ঐতিহাসিক বন্দোপাধায়

আসিয়াছে। সারা দ্বীপটি কোনো সুদূর অতীতে আগ্নেয় শক্তির তাড়নে নীল মহাসমুদ্রগর্ভ হইতে সহসা জন্মলাভ করিয়াছিল তাহার বহু প্রমাণ পাওয়া যায়—প্রকৃতপক্ষে দ্বীপের উত্তর ভাগ একটি অধুনা-নির্কাপিত আগ্নেয়গিরির অংশ মাত্র, সমুদ্র জল হইতে প্রায় ৪৫০০ ফুট খাড়া, গলিতধাতু প্রস্তরের দেওয়াল একরূপভাবে দণ্ডায়মান যে সেদিক হইতে দ্বীপে উঠিবার কোনো উপায় নাই। যে সব প্রাণী একবার

জাতীয় শিল দেখিতে পাওয়া যাইত না। ইহার লোমশ চর্ম অত্যন্ত মূল্যবান, সেজন্য উনবিংশ শতাব্দীর প্রথম হইতেই তিমি-শিকারী দলের জাহাজ এ অঞ্চলে যাতায়াত শুরু করে এবং ১৮১০ খৃষ্টাব্দ হইতে আরম্ভ করিয়া ১৮৯২ খৃষ্টাব্দ পর্যন্ত অর্পালোলুপ তিমি-শিকারীর দল জাহাজের পর জাহাজ পাঠাইয়া এই নিরীহ প্রাণীদিগকে লোমের জন্য অবাধ হত্যা করিয়া প্রায় দুই কোটি টাকা মূল্যের চর্ম এখান হইতে



শিকারীর দল দেখিয়াও শিলগুলি পলাইতেছে না।

এখানে আসিয়া পড়িয়াছিল, কালিকোণিয়ার উপকূলে ফিরিবার তাহাদের আর সুযোগ ঘটে নাই, বহুকাল ধরিয়া নূতন স্থানের নূতন অবস্থার মধ্যে পড়িয়া থাকিয়া তাহাদের বহু পরিবর্তন সংসাধিত হইয়াছে—বেশলি জীবতন্ত্রের দিক হইতে বিশেষ অনুসন্ধান ও আলোচনার বিষয়।

পূর্বে গুয়াডেলুপের সমুদ্রকূলে একজাতীয় লোমশ শিল বাস করিত; প্রশান্ত মহাসাগরের অন্ত কোন স্থানে সে

সংগ্রহ করে। ফলে ১৮৯২ খৃষ্টাব্দের পর উক্ত জাতীয় শিলের বংশে বাতি দিতে কেহ অবশিষ্ট ছিল না। বর্তমানে গুয়াডেলুপ ও নিকটস্থ কয়েকটি দ্বীপে অল্প এক জাতীয় অতিকায় শিল বাস করে, হয় তো সেগুলিকেও ইউনাইটেড স্টেটস গবর্নমেন্ট আইন করিয়া উহাদের হত্যা নিষিদ্ধ বলিয়া ঘোষণা না করিলে এতদিন সে জাতীয় শিলও টিকিত কি না যেনেহ।



কয়েক বৎসর পূর্বে উপকূলবর্তী দ্বীপসমূহের প্রাণী ও উদ্ভিদের প্রকৃতি পর্যবেক্ষণ করিবার জন্য আমেরিকার কয়েকটি বিভিন্ন সমিতি একদল বৈজ্ঞানিককে গুয়াডেলুপ দ্বীপে প্রেরণ করেন। তাঁহারা গিয়াই প্রথমে অসুস্থকান করিতে আরম্ভ করেন যে লোমশ শিলের বংশে বর্তমানে কেহ কোথাও অবশিষ্ট আছে কি না। কিন্তু কয়েক দিন ধরিয়া নানা সম্ভব অসম্ভব স্থান খোঁজাখুঁজি করিবার পর তাঁহারা বুঝিলেন লোমশ শিলের শেষ বংশধরকে কসাইদিগের ছুরি হইতে উদ্ধার করিতে তাঁহাদের যে সময়ে আসা উচিত ছিল তদপেক্ষা চল্লিশ বৎসর পরে তাঁহারা আসিয়াছেন। দ্বীপের কয়েকটি স্থানের বিশেষ চিহ্ন পর্যবেক্ষণ করিয়া তাঁহারা বুঝিতে পারেন সেই সেই স্থানে লোমশ শিলের স্মৃষ্টি দল সমুদ্রতীরে শয়ন করিয়া থাকিত; স্থানগুলি পরিমাপ করিয়া তাঁহারা অনুমান করেন যে, সমগ্র দ্বীপটীতে প্রথম অবস্থায় প্রায় দশলক্ষ লোমশ শিলের আবাসভূমি ছিল। দ্বীপের যে দিকটা পর্বতময়, ইহাদের দল সেই দিকেই বাস করিত, বহুকাল ধরিয়া সংঘর্ষের ফলে সেদিকের লাভা প্রস্তরের বড় বড় খণ্ড মার্বেল পাথর মসৃণ ও চক্চকে হইয়া পড়িয়াছে—জলের ধারের, গুহামুখের এই সব মসৃণ প্রস্তরখণ্ড লুপ্তবংশ হতভাগা লোমশ শিল জাতির মুক্ স্মৃতিচিহ্ন-স্বরূপ বর্তমান থাকিয়া মানুষের হৃদয়হীনতা ও অর্ধ লোলুপতার লজ্জাজনক কাহিনী নীরবে প্রচার করিতেছে।

বর্তমানে গুয়াডেলুপ দ্বীপে এক জাতীয় অতিকায় শিল বাস করে। তাহাদিগকে দেখিতে অতি অদ্ভুত। খুব বড় বড়, গায়ের ত্বক্ খসখসে ও পুরু, একটা করিয়া বড় গুঁড়-ওয়াল, অতি কদাকার জীব। এক সময়ে এই জাতীয় শিল দক্ষিণ মহাসাগরের দক্ষিণ জর্জিয়া প্রভৃতি দ্বীপে বাস করিত, কিন্তু যেদিন হইতে তিনি শিকারীর দল জানিতে পারিল যে

ইহাদের চর্কি হইতে প্রচুর পরিমাণে মূল্যবান তৈল পাওয়া যায়, সেই দিন হইতেই মেরুসাগরীয় দ্বীপসমূহে ইহাদের হত্যা কাণ্ড আরম্ভ হইল এবং যখন দেখা গেল যে ইহাদের সংখ্যা এত কম হইয়া গিয়াছে যে শিকারের খরচা পোষায় না, তখনই মাত্র ছাড়িয়া দেওয়া হয়। গুয়াডেলুপ দ্বীপের



অতিকায় কনিমনসাজাতীয় গাছে পাখীর বাসা

নিকটস্থ সান্ বেনিটো, সেড্রোস প্রভৃতি দ্বীপেও পূর্বে শিল ছিল কিন্তু মানুষের অত্যাচারে তাহাদের বংশ লুপ্ত হইয়াছে। গুয়াডেলুপ দ্বীপের শিলের দল যে রক্ষা পাইয়াছে তাহা একটি দৈবঘটনা মাত্র।


উপরোক্ত বৈজ্ঞানিকদল দ্বীপের উত্তর ভাগের উপকূলে একদল অতিকায় শিলকে বালুসৈকতে শায়িতাবস্থায় দেখিতে

শ্রীবিভূতিভূষণ বন্দ্যোপাধ্যায়

পান, ইহারা এত অলস এবং নির্কোষ যে মানুষ দেখিলেও নড়ে না, পিটপিট করিয়া কোতুহলের দৃষ্টিতে চাহিয়া চাহিয়া দেখে। বোধ হয় লোমশ শিলগুলিও এইরূপই ছিল এবং বিশেষ করিয়া সেইজন্যই এত শত্রু তাহাদিগকে ধরাধাম হইতে বিদায় লইতে হইয়াছে—হিংস্র মানব এই নির্কোষ, অসহায় প্রাণীদের উপর এতটুকু কৃপাপ্রকাশ করে নাই। তাহাদের নিরীহ রক্তে শুভ্র সৈকতভূমি রঞ্জিত করিয়াছে, শুধু ধন-লালসায় ও আত্মোদর পূর্তির জন্ত। ডাঃ এভার-

সে যাহা হউক, ডাঃ এভারম্যান ও তাঁহার দল ফিরিয়া গিয়াই ঘাহাতে অতিকায় শিলগুলির অবাধ হত্যা বন্ধ হয় সেদিকে মেক্সিকো গবর্নমেন্টের দৃষ্টি আকৃষ্ট করেন, এবং সম্প্রতি মেক্সিকো গবর্নমেন্ট আইন জারি করিয়াছেন যে, তাহাদের বিনামুমতিতে এই সকল দ্বীপে অতিকায় শিল কেহ শিকার করিতে পারিবে না।

অতিকায় শিল বাতীত আরও নানাপ্রকার প্রাণী ইহারা গুয়াডেলুপ ও নিকটবর্তী সেড্রোস দ্বীপে দেখিতে



পাহাড়ের গায়ে পাখীর বাসা

মান উপরোক্ত দলের অধিনায়ক ছিলেন, তাহারা একটি বড় শিলের দলের অত্যন্ত নিকটে গিয়া দলটির ফটোগ্রাফ গ্রহণ করেন, বর্তমান প্রবন্ধের সেই ছবিটি দেখিলেই বোঝা যাইবে যে এই জীবগুলি এতই নির্কোষ যে এত অত্যাচার সত্ত্বেও মানুষ দেখিলে পলায়নের চিন্তা তাহাদের মোটা বুদ্ধিতে আদৌ আসে না। এমন কি তাহাদের দলের কেহ কেহ পায়ে পায়ে ইহাদের অত্যন্ত নিকটে গিয়া ইহাদের পিঠ চাপড়াইতে থাকেন, কেহ কেহ বা ঘোড়ার ঞ্চার ইহাদের পিঠে চড়িয়া বসেন, ইহারা শুধু পিটপিট করিয়া চাহিয়া থাকে মাত্র, নড়েও না চড়েও না। একরূপ নিরীহ প্রাণীকে ও হত্যা করিতে হাত উঠে!...

পান। সেড্রোস দ্বীপ একেবারে মরুময়, ইহার অধিকাংশই কঠিন লাভা প্রস্তরের উচ্চাচ ভূমি ও বৃক্ষলতাশূন্য কটারংএর বালুস্তূপ। এই দ্বীপের পশ্চিমাংশে লাভা-ক্ষেত্র যেখানে ঢালু হইয়া সমুদ্রে নামিয়া আসিয়াছে, সেই সমতল নিম্নভূমিতে এক সময় উদ্ভিড়াল জাতীয় এক প্রকার সামুদ্রিক প্রাণী (Sea Otter) বাস করিত। ইহারা পাথরের ফাঁকে ফাঁকে সামুদ্রিক কাঁকড়া খুঁজিয়া খাইয়া বেড়াইত ও সৈকতভূমিতে দলে দলে রোজ পোহাইত। কিন্তু ইহাদের চর্শ্ব ও বাজারে উচ্চমূল্যে

বিক্রয় হয়—ফলে ইহারাও প্রায় লোমশ শিলের পদাঙ্ক অনুসরণ করিয়াছে; বর্তমানে যাহা অবশিষ্ট আছে, তাহা অতি সামান্য। সান ডিয়েগো প্রভৃতি দ্বীপ হইতে বিভিন্ন সময়ে প্রায় তিন কোটি টাকা মূল্যের উদ্ভিড়ালের চর্শ্ব ইউরোপ ও আমেরিকার বাজারে প্রেরিত হইয়াছে।

সেড্রোস দ্বীপের লাভাময় ভূমিতে এক জাতীয় ফণিমনসা গাছ ছাড়া অন্য গাছ বড় একটা জন্মে না, তবে এক প্রকারের অদ্ভুত বৃক্ষ স্থানে স্থানে দেখিতে পাওয়া যায় ইহাকে ডাঃ এভারম্যান নাম দিয়াছেন Elephant tree। এই বৃক্ষ দেখিতে অতি কদাকার, গুঁড়িটা খর্ব্বকায়, অত্যন্ত স্থূল এবং



দূর হইতে দেখিলে মনে হয় যেন
গাছটার সর্ব্বাঙ্গে ফোড়া হইয়াছে।
ইহার গুঁড়ির বেড় তিন হইতে
পাঁচ ফুট, উচ্চতা প্রায়ই আট
ফুটের বেশী হয় না, ছালের রং
পীতাম্ব সাদা। অঙ্গ দ্বারা ছিদ্র
করিলে গাছের গা হইতে ঘন
দ্রবের মত এক প্রকার সাদা রস
ঝরিতে থাকে। সেড্রোস দ্বীপে
কুলবর্তী অগভীর জলে নানা
প্রকারের মৎস্য, চিংড়ি ও
কাঁকড়া দেখিতে পাওয়া যায়—
তন্মধ্যে কয়েকটির রং অতি
সুন্দর, বিশেষ করিয়া ইন্দ্রধনু
রংএর এক জাতীয় মাছ এত
যে, ইউরোপ ও আমেরিকার
মিউজিয়ামের জন্ত নমুনা সংগ্রহ
করিতে এখানে মাঝে মাঝে
শিকারীর দল আসে। শীতকালে



সেড্রোস দ্বীপে Elephant tree



এখান হইতে এক প্রকার
বৃহৎকার চিংড়ি মাছ রাশি
রাশি ধৃত হইয়া সান্
ফ্রান্সিস্কো রপ্তানী হইয়া
থাকে। -


সে ড্রোস দ্বীপে র
পনেরো মাইল পশ্চিমে
বেনিটো দ্বীপপুঞ্জে ষথেষ্ট
Sea-lion দেখিতে পাওয়া
যায়। ইহারাও শিলজাতীয়
জন্ত, তবে ইহাদের চর্কি
বা চর্ম এখনও পণ্যদ্রব্য
মধ্যে স্থান না পাওয়াতে

বেনিটো দ্বীপপুঞ্জে ভীকৃষভাব Sea-lion এর দল

শ্রীবিভূতিভূষণ বন্দ্যোপাধ্যায়

তিমি-শিকারীদের অত্যাচার এখনও ইহাদের উপর সুরু হয় নাই। তাহা ছাড়া ইহারা এত ছ'দিয়ার ও ভীকৃষভাবের জন্ত যে, কোনোরূপ সন্দেহজনক শব্দ কানে যাইবামাত্র ছড়মুড়ু করিয়া দলশুক গিয়া সমুদ্রের জলে পড়ে ও তৎক্ষণাৎ ডুব দিয়া অদৃশ্য হইয়া যায়।

আছে বলিলেও বেশী বলা হয় না। ডাঃ এভারম্যান লিখিয়াছেন, “জুলাই মাসের শেষ ভাগে যখন আমরা এই দ্বীপে যাই, তখন এই অতিকায় ফণিমনসা গাছের কণ্টকময় শীর্ষগুলি সুপক্ব ফলে ভরিয়া গিয়াছে এবং কাট্ঠোকরা ও নানা বন্যপক্ষীদের দল মহাকলরবে ফলভোজনে মত্ত। আমরাও



সেড্রোস দ্বীপে সূর্যোদয়

এই সমুদয় দ্বীপের কঙ্কর বালুকা ও লাভাপ্রস্তুরময় ভূমিতে এক প্রকার অতিকায় ফণিমনসা জাতীয় (cactus) উদ্ভিদ জন্মে। সাণ্টা মার্গারিটা, নেটিভিডাডু প্রভৃতি দ্বীপের অনেক স্থানে এই গাছের উচ্চতা ৬০ ফুটেরও বেশী। (অন্যত্র ছবি দ্রষ্টব্য)। শেষোক্ত দ্বীপে উত্তরাংশে এই বৃক্ষের অরণ্য

ত্ব একটি ফল মুখে দিয়া দেখিলাম সুপক্ব ফলগুলির আশ্বাদ অতি সুমিষ্ট, স্বাণ ও ভিতরের শাঁস অনেকটা র্যাস্পবেরি ফলের তায়। খাইলে তৃষ্ণা নিবারিত হয়—ফলগুলি বড় গাবের মত দেখিতে এবং অত বড়।”

শ্রীবিভূতিভূষণ বন্দ্যোপাধ্যায়



ব্রহ্মদেশে প্রাকৃতিক সৌন্দর্য

যদিও ভারতবর্ষের মধ্যে কাশ্মীর প্রভৃতি এমন অনেক স্থান আছে যাহার প্রাকৃতিক সৌন্দর্যের তুলনা পৃথিবীতে আর কোথাও খুঁজিয়া পাওয়া যায় না, তথাপি ব্রহ্মদেশের সৌন্দর্যের এমন একটা বিশেষত্ব আছে যাহা অন্তত বিরল, উহা বর্ষারই নিত্য নিত্য সম্পত্তি। যখন উত্তর ভারতের ঐতিহাসিক স্থানসমূহের অথবা নৈনিতাল, মণ্ডরি, সিমলার দৃশ্য একঘেয়ে হইয়া যায়, হিন্দি কথা বলিতে বলিতে এবং হিন্দুস্থানীদের এক রকমের

চেহারা দেখিতে দেখিতে আমাদের বিরক্তি বাড়িয়া উঠে, তখন বর্ষার প্রাকৃতিক সৌন্দর্য, সম্পূর্ণ ভিন্ন ভাষা ও সর্বোপরি তন্দ্রণীয় নরনারীর কমনীয় চেহারা মধুর ব্যবহার ও বিচিত্র বেশভূষা আমাদের মধ্যে নূতনত্বের আনন্দ আনিয়া দেয়। দুর্ভাগ্যবশতঃ আমাদের দেশের খুব কম লোকই কেবলমাত্র ভ্রমণের উদ্দেশ্যে

বর্ষায় গিয়া থাকেন। কোন কাজকর্মের উপলক্ষ্য ভিন্ন কেবলমাত্র প্রাকৃতিক সৌন্দর্য উপভোগ করিবার জন্ত সে দেশে যাওয়া ঘটয়া উঠে না। সমাজতন্ত্র ও মানববিজ্ঞানের দিক্ দিয়াও তথায় শিথিলতার অনেক জিনিষ আছে। ভারতবর্ষের একটি অংশ হইয়াও এই দেশের অধিবাসীরা চেহারায় আচারে ব্যবহারে যে কত পৃথক তাহা লক্ষ্য করিবার বিষয়।

বর্ষায় গেলে প্রথমেই এই দেশের সহরগুলির নাম আমাদের নিকট নূতন ও রহস্যময় বলিয়া মনে হয়, তাহার পরই এই দেশের নরনারী। আমাদের চিরপরিচিত কানপুর, মির্জাপুর, বিলাসপুর, নাগপুর ইত্যাদির পরই পেণ্ডু, মির্জামো, ভামো, মোলমিন, মোবিন ইত্যাদি নাম শুনিতে

যেন কেমন একটু বেখাপ্পা ঠেকে এবং স্বভাবতঃই মনে করাইয়া দেয় যে ইহারা আমাদের নিকট আত্মীয় নহে।

নিম্ন-বর্ষার প্রধান সহর রেঙ্গুন ও মোলমিন অনেকেরই নিকট সুপরিচিত, আধুনিক যুগের আদর্শানুযায়ী নির্মিত। রেঙ্গুনের শিউ ডাগোন প্যাগোডা বিখ্যাত বৌদ্ধ-মন্দির। প্যাগোডার নিকটবর্তী হ্রদটির দৃশ্য অতি মনোরম।

ম্যাণ্ডালে হইতেই প্রকৃতপক্ষে উত্তর বর্ষার সীমা আরম্ভ হইয়াছে। রেঙ্গুন হইতে ম্যাণ্ডালে ট্রেনে যাওয়া যায়, কিন্তু



মোটর যাইবার প্রশস্ত পথ

ইরাবতী নদীর দুই পার্শ্বের দৃশ্য দেখিতে হইলে প্রোম অবধি ট্রেনে গিয়া তাহার পর সীমারে ম্যাণ্ডালে যাইতে হয়। ম্যাণ্ডালে বর্ষার পুরাতন রাজধানী। রাজা থিবোর নিকট হইতে এই নগর ইংরাজরা ১৮৮৫ সালে অধিকার করেন। রাজপ্রাসাদ ও কেলা ১৮৫৭ সালে বর্ষার সর্বপ্রধান নরপতি মুন্-ডুন্-মিন্ তৈয়ার করাইয়াছিলেন। রাজপ্রাসাদের মধ্যস্থিত সিংহাসন-গৃহ ও সেগুন কাঠের নির্মিত কারুকার্যখচিত স্তম্ভগুলি দেখিতে অতি সুন্দর ও চমকপ্রদ। ম্যাণ্ডালে পর্বতের উপর হইতে চতুর্দিকের দৃশ্য দেখিতে পাওয়া যায়। আরাকান প্যাগোডা এই স্থানের প্রসিদ্ধ বৌদ্ধ-মন্দির।

ম্যাণ্ডালেকে কেন্দ্র করিয়া বিভিন্ন রুটির লোক বিভিন্ন দিকে বাহির হইয়া পড়েন। যাহারা আমোদ প্রমোদ


শ্রীহিমাংকুমার বসু

নাচ গান ভাল বাসেন তাঁহাদের পক্ষে মিয়ামোই উপযুক্ত স্থান। ষাঁহার ইতিহাস চর্চা করিতে বা প্রকৃত্বের খোঁজ লইতে চান অথবা ছবি আঁকার মাল মশলা সংগ্রহ করিতে চান তাঁহারা একাদশ শতাব্দীর পুরাতন রাজধানী পেগানে যান। তথায় ঐতিহাসিক যুগের বহু পুরাতন জিনিষ দেখিতে পাওয়া যায়। সহরটিকে প্যাগোডার সহর বলিয়াও অভিহিত করা যাইতে পারে। এতগুলি ছোট, বড় ও মাঝারি প্যাগোডার সমাবেশ আর কোথাও দেখা যায় না। ম্যাণ্ডালের নিকটবর্তী আভা নগরীও এককালে সমৃদ্ধিশালী ছিল। জনবিরল স্তর প্রকৃতির সৌম্য সৌন্দর্যের ভিতর

সব কাঠ কাটিরী নদীতে ভাসাইয়া দেওয়া হয়; ভাসিতে ভাসিতে কাঠগুলি নিম্নপ্রদেশে আসিয়া পৌঁছিলে মালিকেরা ঐগুলিকে ডাকায় টানিয়া তুলে। অনেক কাঠ একত্র ভেলার মত করিয়া বাধিয়াও ছাড়িয়া দেয়। নদীগুলি না থাকিয়া স্থানে স্থানে এমন সরলগতিতে বহিয়া গিয়াছে যে জ্যেৎস্না রাত্রিতে মনে হয় যেন কেহ নদীপার্শ্বস্থিত পাহাড়ের গা ঘেঁসিয়া সাদা রেখা আগাগোড়া টানিয়া দিয়াছে।

ইরাবতী নদী দিয়া উত্তর-পূর্ব সীমান্তে ভামো সহরে পৌঁছান যায়। এই সহরটি চীন সীমান্তের নিকট অবস্থিত থাকায়, চীনের সহিত বাণিজ্যের প্রধান কেন্দ্রে পরিণত

হইয়াছে। সহরের অধিবাসীদের মধ্যে অধিকাংশই কাচীন, শান্ বা চীনা। ম্যাণ্ডালের নিকটবর্তী গক্টেকের সেতুও একটি দেখিবার জিনিষ। এই খিলানাবিশিষ্ট সুদীর্ঘ সেতুটি পৃথিবীর মধ্যে দ্বিতীয় স্থান অধিকার করিয়াছে। সেতুটি পর্বতগহ্বরের উপর নির্মিত; ইহার উপর দিয়া রেল লাইন বর্মার পূর্ব সীমান্তের নিকটবর্তী লাশিও নগর পর্য্যন্ত গিয়াছে।



মোলক খনিতে যাইবার পথ

দিয়া মুগ্ধনেত্রে ষাঁহার ভ্রমণ করিতে ভালবাসেন, তাঁহাদের পক্ষে স্ত্রীমার ভ্রমণের স্থায় আরামদায়ক আর কিছুই নাই। ইরাবতীর শাখা চান্দউইন নদীতে উত্তর পশ্চিম দিকে হোমালিন্ পর্য্যন্ত যাওয়া যায়। উত্তর পূর্ব দিকে ইরাবতী দিয়া ভামো পর্য্যন্ত যাওয়া যায়।

নদীর দুই পার্শ্বের দৃশ্য অতি মনোহর। ছোট ছোট পাহাড় নদীর মধ্য হইতে ৬০০ ফিট ও তদূর্ধ্ব পর্য্যন্ত খাড়া উঠিয়া গিয়াছে, স্থানে স্থানে জলপ্রপাত ও ঘূর্ণীর আধিক্য দেখিয়া মনে যুগপৎ ভীতি ও বিস্ময়ের সঞ্চার হয়। বর্মার জঙ্গলে নানা প্রকার মূল্যবান কাঠ প্রচুর পরিমাণে জন্মে। এই


ব্রহ্মদেশের উপরিভাগ আগা গোড়াই পর্বত, জঙ্গল ও ক্ষুদ্র ক্ষুদ্র নদীতে সমাচ্ছন্ন। ষাঁহার সাহসী ও কষ্টসহিষ্ণু তাঁহারা পূর্ব সীমান্তে শান্ ও কাচীন্দে দেশে, উত্তর-পূর্ব সীমান্তে পার্কত্য অধিবাসীদের দেশে ও পশ্চিম সীমান্তে ওয়া, চিন্, নাগা প্রভৃতি আদিম অধিবাসীদের দেশে ভ্রমণ করিয়া অনেক বিষয় দেখিয়া শুনিয়া অভিজ্ঞতা সঞ্চয় করিতে পারেন। এই সব সীমান্ত প্রদেশের দৃশ্যও অতি মনোরম। নাম-না-জানা নানা প্রকারের পার্কত্যফুল ও ফল এই সকল স্থানে প্রচুর দেখিতে পাওয়া যায়। দূরে তুষারাবৃত গিরিশৃঙ্গ



দেখিতে অতি চিত্তাকর্ষক। বর্ম্মার পূর্বদিকে শান রাজ্যের অনেক স্থান মোটরে ভ্রমণ করা যায়, রাস্তাগুলিও ভাল। যেদিকে দৃষ্টি যায়, সেই দিকেই ঘাসের সবুজ আবরণ বহুদূর পর্য্যন্ত পর্ব্বতরাজির কোল ঘেঁসিয়া বিস্তৃত রহিয়াছে। কখনও বা উপরে উঠিয়া এবং তৎপরেই নীচে নামিয়া এধিত্যকা ও উপত্যকার উপর দিয়া আঁকিয়া বাকিয়া রাস্তা দূরে সীমান্তে মিশিয়া গিয়াছে। ১৫২০ মাইল পরে কদাচিৎ কোথাও চীনা, শালা মৈনুগথা প্রভৃতি

প্রাকৃতিক শোভা দেখিতে দেখিতে আপনাকে ভুলিয়া যাইবার এমন সুযোগ খুব অল্পই ঘটিয়া থাকে।

দক্ষিণ শান রাজ্যের মধ্যে কলউ (Kalaw) অতি মনোরম পার্কৃত্য স্থান-নিবাস। স্থানটি সমুদ্র হইতে ৪৩০০ ফুট উচ্চে অবস্থিত, আবহাওয়া বৎসরের সকল সময়েই ঠাণ্ডা ও স্বাস্থ্যপ্রদ। বহু স্বাস্থ্যনিবাস ও হোটেল থাকায় অনেক লোক এখানে আসিয়া থাকে। এই সহর হইতে ৮০ মাইল



নামবুমের বান্দার

জাতীয় আদিম অধিবাসীদের গ্রাম দৃষ্টিগোচর হয়। জনবহুল সহরে অনেকদিন বাস করিবার পর এই সব প্রদেশে ভ্রমণে বাহির হইলে মুক্তির নিখাস ফেলিয়া বাঁচা যায়। অবসাদ-ক্লান্তদেহ স্বাস্থ্যসম্পদের সম্ভান পায়, চিন্তা-জর্জরিত মন উৎফুল্ল হইয়া উঠে। পথচলার মানুষের সহিত মানুষের ঠোকাঠুকির ভয় নাই, কাজকর্ম্মের তাড়াহুড়া নাই, উদ্বেগের কোন কারণ নাই, একাকী আপনায় মনে পাহাড় পর্ব্বতের উপর ঘুরিয়া, শ্রামল তৃণরাজির উপর শয়ন করিয়া চতুর্দিকের

দূরে ইন্লে হ্রদ, তথাকার ভাসমান দ্বীপগুলি দেখিবার মত জিনিষ।

ম্যাণ্ডালের উত্তরে ইরাবতী নদীর ধারে: থাবিটুকিন নামক স্থান হইতে ৬০ মাইল মোটরে করিয়া পূর্ব দিকে গেলে বর্ম্মার প্রসিদ্ধ হীরকখনি মোগোকে পৌঁছান যায়। এই হীরক-খনির মালিক হওয়াই এ পর্য্যন্ত বর্ম্মার রাজাদের সর্ব্বাপেক্ষা গর্ব্বের কথা ছিল। এই স্থানে বিভিন্ন জাতীয় লোকের বিচিত্র সমাবেশ দেখিতে পাওয়া যায়।

শ্রীহিমাংশুকুমার বসু

ব্রহ্মদেশ ভ্রমণের পক্ষে শীতকালই সর্বাপেক্ষা অনুকূল, বর্ষাকালের সতেজ উদ্ভিদরাজি ও সম্ভ্রান্ত পর্বতমালায় যদিও বর্ষাকালের প্রাকৃতিক সৌন্দর্য্যও উপেক্ষণীয় নহে। সৌন্দর্য্য বিশেষ করিয়া মনোহরণ করে।



নটার দল

শ্রীহিমাংশুকুমার বসু

তিব্বতীয় লামাদের আনুষ্ঠানিক নাচ

কাশ্মীরের উত্তর-পূর্ব দিকে তিব্বতের মধ্যে 'লাঠাক' নামক একটি ক্ষুদ্র প্রদেশ আছে। লাঠাকে চারিটি পুরাতন বৌদ্ধ-মঠ আছে ও তন্মধ্যে সর্বপ্রধানটির নাম 'হিমিস্ গোল্প'। এই মঠে প্রায় আটশত ভিক্ষু ও ভিক্ষুণী বসবাস করে। এই স্থানে প্রত্যেক বৎসর জুন মাসে এক প্রকারের নিদর্শনাত্মক নাচ হইয়া থাকে। তিব্বতের অন্যান্য বৌদ্ধ মঠেও ইহারই অনুরূপ নাচ বৎসরে একবার হয়। বহুদূর হইতে বহুকষ্ট স্বীকার করিয়া অসংখ্য নরনারী নাচের সময় মঠে আসিয়া উপস্থিত হয়। নাচটি তিন দিন ধরিয়৷ চলে—ইহার বিশেষত্ব এই যে প্রধান

ধর্ম্মবাজক হইতে মঠের ভিক্ষুরা পর্য্যন্ত ইহাতে যোগদান করেন। যদিও এতাবৎকাল সাধারণ লোকে ইহাকে প্রধানতঃ ভূত প্রেত তাড়াইবার নাচ বলিয়াই মনে করিয়া আসিতেছে, কিন্তু প্রকৃতপক্ষে এই নাচের যে একটা বিশেষ অর্থ আছে তাহার ধারণা অনেকেরই নাই। বিভিন্ন প্রকারের ভয়াবহ ও বিকটাকার মুখোদ পরিয়া এই নাচে লামারা যোগদান করিয়া থাকেন।

বৌদ্ধ-ধর্ম্মবাজকেরা পুনর্জন্মে বিশ্বাস করেন এবং মৃত্যুর পর পরলোকে যাইবার পথে যমরাজের সাক্ষোপাঙ্গেরা আত্মাকে তাহার পথ হইতে বিচ্যুত করিবার জন্য নানা-প্রকার বীভৎস মূর্ত্তি ধরিয়৷ ভয় দেখায়, এই ধারণা তাঁহাদের



মধ্যে বন্ধমূল। যদি ভয় পাইয়া একবার কেহ শয়তানের কবলে পড়ে তাহা হইলে তাহাকে অনির্দিষ্ট কালের জন্ত পথ খুঁজিয়া যথাতথা ঘুরিয়া মরিতে হইবে। সাধারণ লোকে যাহাতে এই সব বিকটাকার ভূত প্রেত দেখিয়া মৃত্যুর পর ভয় না পায় এবং নিজের গন্তব্যস্থলে অবিচলিত চিত্তে চলিয়া যাইতে পারে, তাহারই জন্ত এই নাচের অনুষ্ঠান ও এই সব কিস্তুত-কিমাকার মূর্তির আমদানি। সকলেই যদি এই প্রকারের ভূত প্রেতের বিষয় অবগত থাকে ও

অলৌকিক শক্তির ক্ষমতা-প্রদর্শন এই অনুষ্ঠানের প্রধান অঙ্গ। জল, স্থল, আকাশ, বাতাস কোন স্থানই পিশাচশূন্য নয় এবং তাহারই সকলেই যেন বিকট চেহারা লইয়া দর্শকদের অভিমুখে ছুটিয়া যাইতেছে এইরূপ অভিনয় করা হয়। একমাত্র ধর্মনিষ্ঠ পুরোহিতেরাই যে এই পিশাচাদির দৃষ্ট প্রভাব হইতে সকলকে মুক্ত করিতে পারেন, তাহা তাঁহাদের আগমনে এই সব ভূত প্রেতের পলায়ন হইতেই বুঝা যায়।



কাগজ-নির্মিত ড্রাগন সহ মুখোসপরিহিত নর্তকদল

সাবধান হয় তাহা হইলে মৃত্যুর পর সহসা ইহাদিগকে পথে দেখিতে পাইয়া কেহ আর বিচলিত হইবে না।

মন্দির প্রাঙ্গণে বিকটাকার মুখোস ও নানা প্রকারের অদ্ভুত পোষাক পরিহিত লোকেরা নাচ, গান, ঠাট্টা, মস্তুরা ইত্যাদি সমস্ত দিন ধরিয়াই করিয়া থাকে। কখনও ভয়াবহ দৃশ্যের আবতারণা, কখনও উচ্চৈঃস্বরে চীৎকার, কখনও নানা প্রকারের অদ্ভুত বাদ্যযন্ত্রের ত্র্যকাতান একত্র মিশিয়া এক বীভৎস ব্যাপারের সৃষ্টি ও দর্শকদের মনে ভীতির সঞ্চার করে। চতুর্দিকে হেঁ হেঁ রৈ রৈ, মারধর এবং দলের পর দলের আগমন, ভৌতিক ও মাহুবিদ্যার

সর্বপ্রথমে একদল লোক অদ্ভুত অদ্ভুত ও ভয়ঙ্কর জীব জন্তুর আকৃতির মুখোস পরিয়া ষণ্টাধ্বনি, কাঁঠির দ্বারা ঠক্ ঠক্ শব্দ ও চীৎকার করিতে করিতে প্রাঙ্গণে আসিয়া অবতীর্ণ হয়। বাজনদারেরাও ত্রৈ সঙ্গে খুব জোরে বাজনা বাজাইতে থাকে। কিয়ৎক্ষণ এইরূপ উদ্দাম ও উচ্ছৃঙ্খল নাচ চলিবার পর সহসা সকলে একেবারে থামিয়া যায় এবং চীৎকার করিতে করিতে ইতস্ততঃ পলায়ন করে, কারণ এইবার পুরোহিতের দল জাঁকজমক পোষাক পরিয়া ও পবিত্র মন্ত্র উচ্চারণ করিতে করিতে মন্দিরের মধ্য হইতে ধীরে ধীরে প্রাঙ্গণে নামিয়া আসেন। সাত জন লামা বুদ্ধদেবের সাতটি

পূর্বজন্মের মুক্তির অঙ্কুর মুখোস পরিয়া গম্ভীর ও ধীর শ্রুতিমধুর সঙ্গীত বাদ্যযন্ত্র সহকারে গীত হয়।
পদক্ষেপে আসিয়া শ্রেণীবদ্ধভাবে দণ্ডায়মান হইলে পর এইরূপে প্রথম অঙ্ক অভিনীত হইবার পর সহসা বাস্তব উপস্থিত দর্শকগণ, অভিনেতার ও দলের পর দল ও সঙ্গীত খামিয়া যায় এবং একদল লোক ছিন্নবস্ত্র পরিয়া



বিকটাকার
মুখোসের নমুনা



মুখোস পরিহিত
লামাদের নৃত্য

ভিক্ষুরা একে একে আসিয়া তাঁহাদের পারে সসম্মানে শ্রদ্ধাঞ্জলি প্রদান করিতে থাকে। এই সময় সর্বত্রই মধুর ও গম্ভীর মন্ত্রধ্বনি উচ্চারিত হইতে থাকে ও ধীরে ধীরে স্বন্দর আসরে উপস্থিত হয়। সকলেরই মুখে উদ্বেগ ও ভয়ের চিহ্ন পরিষ্কৃত; কেহ বা শীতে কাঁপে, কেহ বা অন্ধের মত ঘুরিতে ঘুরিতে এদিকে ওদিকে সন্মুখে বাহা পার তাহাই



আঁকড়াইয়া ধরে ও মুখে ঝড়ের স্তায় শাই শাই শব্দ করিতে থাকে। এই দৃশ্য ও শব্দের সমাবেশ দর্শকের মনে নিরানন্দ আনিয়া দেয়। ইহাই পথশ্রান্ত আত্মার চূর্ণতির দৃশ্য। ইহার মধোই আবার ভীষণ ভীষণ জীব জন্তুর মুখোস পরিহিত ভূত প্রেতেরা আবির্ভূত হয় ও ভয় দেখাইয়া ও পিছনে পিছনে তাড়া দিয়া তাহাদের উদ্বাস্ত করিয়া মারে। এক এক সময় মনে হয় যেন আত্মাগুলির পরিভ্রাণের আর কোনই উপায় নাই, সকলেই করুণস্বরে চীৎকার করিতে

এই অভিনয় ও নৃত্য হইতে সকলকে ইহাই বুঝাইয়া দেওয়া হয় যে, যাঁহারা ধার্মিক ধর্মযাজকেরা তাহাদের সাহায্য মৃত্যুর পরও করিয়া থাকেন ও প্রকৃত পথ দেখাইয়া দেন। সকলেই যে এই ব্যাখ্যা সম্যক হৃদয়ঙ্গম করিতে পারে তাহা মনে হয় না, কারণ দর্শকমণ্ডলী হইতে আরম্ভ করিয়া অনেক লামারা পর্যাস্ত সমরোচিত গাঙ্গীর্ষা বজায় রাখেন না, অথবা হাসি, ঠাট্টা, মস্করা, তামাসায় যোগদান করেন ও শেষবেলা এই অনুষ্ঠানটিকে প্রায় বাৎসরিক আনন্দোৎসবেই



চারণবেশী লামা

করিতে এ উহাকে ধরিয়া কোনও মতে এদিকে ওদিকে পলাইয়া বাঁচিতে চেষ্টা করে। এমন সময় পুনরায় পুরোহিতের দল আসিয়া উপস্থিত হন ও কমণ্ডলুর জল মন্ত্রপূত করিয়া সকলের দিকে ছিটাইয়া দিলে পর আবার কিছুক্ষণের জন্ত উঠারা শাস্ত হয়। এই অভিনয় বছবার অনুষ্ঠিত হয় এবং পরিশেষে অস্থরদের সহিত পুরোহিত দলের বৃদ্ধের পর অভিনয় শেষ হয়। বলা বাহুল্য সর্বশক্তিমান ধর্মযাজকেরাই শেষ পর্যাস্ত জরী হন।

পরিণত করিয়াছেন। নানা ধর্মের স্মৃতি এই স্থানেও বৌদ্ধ ধর্ম-নিহিত প্রকৃত ব্যাখ্যার অর্থ না বুঝিয়া তাহার খোলসের উপরই সকলে বেশী দৃষ্টি দিয়াছেন। এখন কেবলমাত্র এই বাৎসরিক অনুষ্ঠানটিকেই সফল করিবার দিকে সকলের মন ও এত উদ্ভোগ আয়োজন। *

* ইণ্ডিয়ান স্টেট রেলওয়ে মাগাজিনের সৌজন্যে

শ্রীহিমাংকুমাৰ বসু

বাউল গান

মৌলভী মুহম্মদ মনসুর উদ্দীন

বাউল শব্দটা বাউর হইতে উৎপত্তি লাভ করিয়াছে বলিয়া কেহ কেহ বলেন। উক্তর ভারতের বাউরের শব্দে আমাদের দেশের বাউলের যথেষ্ট সৌসাদৃশ্য দৃষ্ট হয়। ডক্টর ব্রহ্মেন্দ্রনাথ শীল মহোদয় বলেন, বাউল শব্দটি আউল শব্দজ, কেন না আমরা সাধারণতঃ আউল বাউল বলি। আউল শব্দটি আরবী আউলিয়া সম্ভূত, আউলিয়া ঋষি।

বাউলের জন্ম ১৪শ শতাব্দীর শেষভাগে কি পঞ্চদশ শতাব্দীর প্রথম ভাগে। বাউল জন্ম গ্রহণ করিয়াছে সিদ্ধ ও মুসলমান ফকির হইতে। ১৬শ, ১৭শ ও ১৮শ শতাব্দীতে বাউল যথেষ্ট প্রবল ছিল। বাউল দলের সঙ্গে বৈরাগীদের কোন সম্পর্ক নাই। বাউল দল তাহাদের নিজেদের গান বাতীত অল্প কোন গান গাহিত না; কিন্তু অল্প লোকেরা বাউল গান গাহিত।

বাউলের লক্ষণ হইতেছে, সে মনের মানুষ খুঁজিতেছে, তাহার ধর্ম হইতেছে সহজ ভাব, দেহকে বিশ্বের ক্ষুদ্র সংস্করণ মনে করে, এই দেহের মধ্যে চক্রে সূর্য্য আছে, জোয়ার ভাটা চলিতেছে। তাহার ভাব চর্যা ভাব; জীবনের ব্যবসায় হইতে উপদেশ গ্রহণ করিতেছে। বাউলের মধ্যে মোটেই বৈবাগীর ভাব নাই। যদিও বা থাকে তাহা আছে শুধু মজা গ্রহণ করিবার জন্ত মাত্র।

বাউল সম্বন্ধে বেশী কথা আমার জানিবার সৌভাগ্য হয় নাই। বিভিন্ন ধরনের বাউল গানের উদাহরণ প্রদান করিয়া বিদায় লইতেছি।

(১) (ক) মনের মানুষ—

* * * * *
আমার মনের মানুষ যে রে
আমি কোথায় পাব তারে,
হারিয়ে সেই মানুষে দেশ বিদেশে
ষেড়াই যুরে।

আমি মন পাইলাম মনের মানুষ পাইলাম না।
আমি তার মধ্যে আছি মানুষ তাহা চিনল না।

* * * * *
মানুষ হাওয়ার চলে হাওয়ার কিরে, মানুষ হাওয়ার সনে রয়,
দেহের মাঝে আছেরে সোনার মানুষ, মানুষ ডাকলে কথা কর।
তোমার মনের মধ্যে আর এক মন আছে গো—
তুমি মন মিশাও সেই মনের সাথে।
দেহের মাঝে আছেরে মানুষ ডাকলে কথা কর।

* * * * *
মনের মানুষ যেখানে
আমি কোন সন্ধানে বাই সেখানে।

* * * * *
মনের মানুষ না হ'লে গুরুর ভাব জানা যায় কিসেরে

* * * * *
আমি দেখে এলেম ভবের মানুষ তোর
কোপনি এক নেংটি পরা—

সে মানুষ কণে হাসে কণে কাঁদে কোন যে
মণির মনোচোরা।

যে মানুষ ধরি ধরি
আশায় করি
সে মানুষ ধরতে গেলে না দেয় ধরা।

* * * * *
ভরিতে আছে আটা-মণি কোটা জলুছে
বাতি রং মহলে

সেখানে মনের মানুষ বিরাজ করে
মন পরাণ তরী চলে।

* * * * *
এই মানুষে আছেরে মন
যারে বলে মানুষ রতন

লালন বলে পেয়ে সে ধন, পারলাম না চিন্তে।

* * * * *
কে কথা করয়ে দেখা দেয় না,
নড়ে চড়ে হাতের কাছে
পুঁজলে জনম ভর সিলে না।



আছে যার মনের মানুষ মনে সে কি অপে মালা
অতি নির্জনে ব'সে ব'সে দেখছে খেলা ।
কাছে র'য়ে ডাকে তারে, উচ্চস্বরে কোন পাগলা ।
ওরে যে যা বোঝে তাই সে বুঝে থাকরে ভোলা,
যথা যার বাধা নেহাৎ, সেইখানেতে হাত ডল মল
ওরে তেমনি জেনে মনের মানুষ মনে তোলা— ।
যে জন দেখে সেরূপ করিয়ে চূপ রয় নিরালা
ও সে লালন ভেঁড়োর লোক জানানো

হরি বোলা—

মুখে হরি, হরি বোলা ।

* * *
অটল মানুষ বইসা আছে, ভাব নাইরে তার চূপরে চূপ ।
* * *

(খ) মনের মানুষের পর আমরা অচিন পাখীর খবর
পাই । ইহাও বাউলের একটি বিশিষ্ট লক্ষণ ।

খাচার ভিতর অচিন পাখী

কেমনে আসে যায় ।

* * *
মনের মনুরায় পাখী গহীনেতে চড়ে
নদীর জল শুধায় গেলেরে
পাখী শূন্যে উড়ান ছাড়েরে
মাটির দেহ ল'য়ে ।

* * *
আমার মন পাখী বিরাগী হ'য়ে
ঘুরে মরো না ।

* * *

(২) সহজ ভাবে সকল জিনিষ করিবার আকাঙ্ক্ষা
বাউলের একান্ত আপনার জিনিষ । অন্তের সঙ্গে তাহার
স্থানে বিশেষ পার্থক্য ।

সুখ পালে হও সুখ ভোলা,
দুখ পালে হও দুখ উতলা,
লালন কর সাধনের খেলা

মন তোর কিসে জুং ধরে ।

(৩) বৌদ্ধ সিদ্ধগণের চর্যা যে ধরণের রচনা, বাউল
গানেও তদ্রূপ রচনা । জীবনের নানা ব্যবসায় (Occupa-
tion) অবলম্বন করিয়া গান রচনা করা । এক্ষেপে এই
রীতির কয়েকটি গান তুলিয়া বিদায় লইতেছি ।

গড়েছে কোন হৃতারে এমন তরী জল ছেড়ে ডাঙ্গাতে চলে
ধস্ত তার কারীগরী বুঝতে নারি এ কোশল সে কোথায় পুলে ।
দেখি না কেবা মান্নি কোথায় বসে, হাওয়ার আসে হাওয়ার চলে ।
তরিটি পরিপাটী মান্নলটি মাঝখানে তার বাদাম ঝোলে,
লাগেনা হাওয়ার বল ওমনি সে কল সলিল দিকে সমানু চলে ।
তরীতে আছে আটা-মণি কোঁটা জলছে বাতি রং মহলে
যেখানে মনের মানুষ বিরাজ করে মন-পবনে তরী চলে ।
সখিন কর চলে ঝড়ি তুফান ভারী উঠ'বেরে চেউ মন-সলিলে,
যে দিন ভাঙ্গবে কল হবে অচল
চলবে না আর জলে হলে ।

পদ্মা নদীর পুল বেঁধেছে ভালী—

কত ইট পাটকেল খাপ্ড়া কুচী পদ্মার কূলে দিল,
কত জায়গার মানুষ ঐ ডাঙ্গাতে ম'ল ।
পুলের খাশা বোল জোড়া,
উপরে তার গিলটি করা,
কাকড়া কলে মাটি তুলে খাশা বসাইল
মেম সাহেবের বুদ্ধি খাসা,
পুল বেঁধেছে বড় খাসা ।

বোল জোড়া খাম বসাতে তিনজন সাহেব ম'ল ।
চৌদ্দশ কুলীর মধো নয়শ কুলী ম'ল ।

পুলের খরচ মোটামুটি

টাকার খরচ সাত কোটা —

আমার ক্যাপা চাঁদের কি কারখানা বুঝতে জনম গেল ।

এই প্রবন্ধ লিখিতে আচার্য্য ডক্টর শ্রীযুক্ত ব্রজেননাথ
শীল মহোদয়ের নিকট অনেক উপদেশ ও সাহায্য পাইয়াছি ।
দূর হইতে তাঁহাকে শ্রদ্ধা জানাইতেছি ।

* মাজুতে বঙ্গীয় অষ্টাদশ সাহিত্য-সম্মিলনীতে পঠিত ।



গাড়ি ক'রে যেতে যেতে দ্বিজনাথ বিনয়ের বন্ধুর বিষয়ে অনুসন্ধান করলেন। বন্ধু মধুপুরে তখন পর্য্যন্ত পৌঁছায় নি শুনে বললেন, “তুমি তা হ'লে এতক্ষণ সময় কাটালে কোথায়?”

বিনয় বললে, “ষ্টেশনে; ওরা আসে নি দেখে বাড়িওয়ালার কাছে কোনো চিঠিপত্র এসেছে কি না খবর নিয়ে ষ্টেশনে ফিরে এসে অপেক্ষা ক'রে ছিলাম।” অতঃপর স্বাভাবিক অনুক্রমে দ্বিজনাথের যে প্রশ্ন করবার সম্ভাবনা তা থেকে পরিত্রাণ পাবার আশ্রয়ে বিনয় কথাটাকে ভিন্ন ধারায় চালিত করবার চেষ্টা করলে; বললে, “বাড়িওয়ালার কাছে চিঠিপত্রও কিছু আসে নি; কি যে হ'ল, কিছু বুঝতে পারছি নে—মনে বড় ভাবনা হচ্ছে।”

দ্বিজনাথ কিন্তু বিনয়ের এ উৎকণ্ঠায় কিছুমাত্র উদ্বিগ্ন না হ'য়ে বললেন, “তা হ'লে খেলে কোথায় বিনয়? ষ্টেশনের রিস্রেশমেন্ট রুমে?”

ঠিক এই কথাটাই বিনয় মনে মনে ভয় করছিল; এক পক্ষে কমলা অনাহারে রয়েছে সে সংবাদ বহন ক'রে এনে অপর পক্ষের সংবাদও যদি ঠিক একই রকম পাওয়া যায়, তা হ'লে উভয় পক্ষেরই আচরণের গুরুত্ব পৃথক ভাবে বৃদ্ধি পায়। কি বলবে সহসা স্থির করতে না পেরে একটু ইতস্তত ক'রে বিনয় বললে, “খাওয়ার বিশেষ দরকার ছিল না—সকালে ভাল ক'রে জল খেয়ে বেরিয়েছিলাম।”

দ্বিজনাথ বললেন, “অর্থাৎ, সমস্ত দিন উপোস ক'রে রয়েছ সে কথা স্বীকার করতে কুণ্ঠিত হচ্চ। কি যে তোমাদের কাণ্ড কিছুই বুঝি নে!”

এ ‘কিছুই বুঝিনে’র অর্থ যে কতক বুঝি, এবং ‘কাণ্ড’র অর্থ কেবল মাত্র অনাহারই নয়,—তা বুঝতে বিনয়ের ভুল হ'ল না। সে অপ্রতিবাদের দ্বারা দ্বিজনাথের সমস্ত অভিযোগ স্বীকার ক'রে নিয়ে নীরবে ব'সে রইল। দেওঘর যাবার পাকা রাস্তা ছেড়ে দ্বিজনাথের বাড়ি যাবার কাঁচা রাস্তায় পড়বার আগে বিনয়ের একবার মনে হ'ল দ্বিজনাথের বাড়ি না গিয়ে একেবারে সোজাসুজি তাকে সুকুমারদের বাড়ি পৌঁছে দেবার জন্ত দ্বিজনাথকে অনুরোধ করলে হয়, কিন্তু অপ্রত্যাশিত ঘটনার প্রবল উত্তেজনা তার মনের মধ্যে প্রতিক্রিয়ার এমন একটা অঙ্গসতা বিস্তার করেছিল যে, তার মুখ দিয়ে একটি বাক্য নির্গত হ'ল না; শুধু চোখের সামনে ফুটে উঠল একটি অনাহার-খিন্ন তরুণীর বিষণ্ণ-মেতুর মাধুরী, এবং প্রাণের তারে ধ্বনিত হ'তে লাগল একটি শ্রীত-সুমধুর নাম—কমলা, কমলা, কমলা! বিনয়কে আহার করাতে পারে নি ব'লে কমলা স্বয়ং সমস্ত দিন উপবাসিনী রয়েছে!—যে আহাৰ্য্য সে বিনয়ের মুখে দিতে পারে নি সে আহাৰ্য্য সে নিজের গ্রহণ করতে পারে নি! বিবাদ বিতর্ক কলহ বৈরুপোর মধ্যে কোথায় লুকিয়ে ছিল এই অন্তরের ঐকান্তিক সহযোগিতা,



যা প্রস্তুত শতদলেরই মত চিত্তের যথার্থ স্বরূপটি বিকসিত ক'রে দিয়েছে! অভুক্ত লঘু দেহের মধ্যে বিনয়ের মনখানি অচিন্তিত সৌভাগ্যের উজ্জ্বল আনন্দে কাঁপতে লাগল।

পথের চূধারে ইউক্যালিপটস গাছ থেকে একটা মিষ্ট গন্ধ ভেদে আসছিল। ডান দিকে একটা সাদা চুণকাম করা বাড়ির গেটে বিলিতি লতার দেহ অসংখ্য কমলালেবু রংএর ফুলে ভ'রে গিয়েছে। বিনয়ের মনে হ'ল আজ যেন আকাশে নূতন আলো, বাতাসে নূতন স্পর্শ, তরুণ্যে নূতন সজীবতা; আজ যেন শরৎ অপরাহ্ন তার সমস্ত কমনীয়তা এবং রমণীয়তায় সজ্জিত হ'য়ে তার বহুদুঃখলক দয়িতার গৃহ-পথটি বন্ধে ধারণ ক'রে রয়েছে। কমলা এবং সে উভয়েই অভুক্ত; --মনে হ'ল এ যেন মিলনের পূর্বে সংঘের বিধি-পালন।

গেট অতিক্রম ক'রে গাড়ি গৃহ-প্রাঙ্গণে প্রবেশ করতেই বিনয়ের উৎসুক দৃষ্টি চতুর্দিকে যে বস্তুর অন্বেষণ ক'রে এল কোথাও তার সন্ধান পাওয়া গেল না। গাড়ির শব্দ পেয়ে একজন ভৃত্য ছুট এল; তাকে দ্বিজনাথ জিজ্ঞাসা করলেন, "সন্ধ্যা বাবু এসেছেন?"

"আজ্ঞে না ছজুর।"

"আচ্ছা, দিদিমণিকে শিগ্গির বৈঠকখানা ঘরে ডেকে দে।" ব'লে দ্বিজনাথ বিনয়কে নিয়ে বৈঠকখানা ঘরে প্রবেশ করলেন।

কমলা তখন নিজের ঘরে ব'সে একটা বই নিয়ে পাতা ওলটাইছিল। ভৃত্য ঘরের কাছে এসে ডাকলে, "দিদিমণি!"

কমলা এসে পর্দা সরিয়ে জিজ্ঞাসা করলে, "কি?"

"বৈঠকখানার সাহেব আপনাকে শিগ্গির ডাক চেন।"

হর্ণের শব্দ কমলার কানে গিয়েছিল; জিজ্ঞাসা করলে, "সন্ধে আর কেউ আছেন?"

"সেই ছবি-ওয়াল বাবু।"

কমলার মুখ ঈষৎ আরক্ত হ'য়ে উঠল।

"আর কেউ?"

"আর ত' কেউ না।"

"আচ্ছা, বল গে যাচ্ছি।"

মিনিট দুই পরে বৈঠকখানার ঘরের পাশে হাজির হ'য়ে মৃদুস্বরে কমলা বললে, "বাবা, আমাকে ডাকছে?"

দ্বিজনাথ ঘরের ভিতর থেকে বললেন, "হ্যাঁ, ডাকছি বই কি। ভিতরে এস।"

দ্বিধালস পদে ভিতরে প্রবেশ ক'রে কমলা দেখলে একটা বড় সোফায় দ্বিজনাথ এবং বিনয় ব'সে। দ্বিজনাথ ইঙ্গিতে কমলাকে নিকটে ডেকে নিজের পাশে বসিয়ে বললেন, "তুমি মনে কোরো না কমলা, একা তুমিই উপবাস ক'রে রয়েছে; আমার ডানদিকে যে ব্যক্তি ব'সে আছেন তোমার আচরণের সঙ্গে তাঁর আচরণের যে কোনো প্রভেদ নেই তা তাঁর মুখের দিকে একবার তাকিয়ে দেখলেই বুঝতে পারবে। আজ সকালে বাড়ি থেকে সামান্য যেটুকু খাবার খেয়ে বেরিয়েছিলেন তারপর সমস্ত দিনে মুখে অন্নজল পড়েনি।"

শুনে কমলার বিস্ময় মুখ আরক্ত হ'য়ে উঠল; একবার অচেত আশ্রয়ে বিনয়ের প্রতি দৃষ্টিপাত করতে গিয়ে দৃষ্টি নত ক'রে সে নীরবে ব'সে রইল। পাছে আহার করতে বিলম্ব হ'য়ে গিয়ে কষ্ট হয়, এই আশঙ্কায় সে সকালে বিনয়কে আহার ক'রে যাবার জন্তু কত পীড়াপীড়ি করেছিল, কিন্তু এখন বিনয় সমস্ত দিন অভুক্ত রয়েছে শুনেও তার মুখ দিয়ে একটা বাক্য নির্গত হ'ল না। মনের মধ্যে একটা দুঃখ অনুভব করলে বটে, কিন্তু সে দুঃখের মধ্যেও একটা সুমিষ্ট তরল আনন্দ ঠিক তেমনি ভাবে পরিব্যাপ্ত হ'য়ে রইল—রাত্রির অন্ধকারের মধ্যে জ্যোৎস্না যেমন ভাবে থাকে।

আহার না ক'রে কমলাকে না জানিয়ে চ'লে যাওয়ার জন্তুই কমলা অভুক্ত রয়েছে, অতএব সে অপরাধের জন্তু ক্ষমা প্রার্থনা করা উচিত মনে হ'লেও, পরিবর্তিত অবস্থায় সে কথাটা এখন নিতান্ত গৌণ হ'য়ে পড়েছে ব'লে বিনয়ের মনে হচ্ছিল। বস্তার প্রাবনের সময়ে বৃষ্টির কথা ছোট হ'য়ে গেছে। তবুও যথাসম্ভব সঙ্কোচ কাটিয়ে কমলার দিকে দৃষ্টিপাত ক'রে সে বসলে, "আমার অন্তর আচরণের জন্তু আপনি সমস্ত দিন না খেয়ে রয়েছেন মিস মিত্র, সে জন্তু আমি—"

বিনয়কে কথা শেষ করার অবকাশ না দিয়ে দ্বিজনাথ বললেন, "সে জন্তু তুমি যা, তা বলবার পরে বখেই সময়

শ্রীউপেন্দ্রনাথ গঙ্গোপাধ্যায়

পাবে—তার আগে আমার কাজটি আমি সারি বিনয়।”
বলে অকস্মাৎ একটি কাণ্ড করলেন। এক হস্তে কমলার
হাত এবং অপর হস্তে বিনয়ের হাত ধরে কমলার হাত বিন-
য়ের হস্তে স্থাপিত করে বললেন, “কমলের চেয়ে আদরের
জিনিষ আমার আর কিছু নেই বিনয়, কমলাকে আমি
তোমাকে দিলাম। তুমি কমলাকে গ্রহণ কর।”

তড়িৎ-স্পৃষ্টের মত সহসা দাঁড়িয়ে উঠে বিনয় বললে,
“এ আপনি কি করলেন?—আমাকে না জেনে না বুঝে,
আমি যোগ্য কি অযোগ্য বিচার না করে, এ আপনি কেন
করলেন?”

দ্বিজনাথের মুখ উদ্বেগে পাংশুবর্ণ ধারণ করল; স্থলিত
কণ্ঠে তিনি বললেন, “সে কি বিনয়। তবে কি আমি ভুল
করলাম? তবে কি তুমি কমলার—” দ্বিজনাথের কণ্ঠ রুদ্ধ
হয়ে গেল।

বিনয় বললে, “আজ্ঞে হ্যাঁ, আমি কমলার অযোগ্য।
আমি গৃহ-হীন, দরিদ্র,—আপনি আমার ইতিহাস জানেন
না। কমলা আমার কামনার বস্তু হলেও আমি কমলাকে
পাবার অধিকারী নই।”

দ্বিজনাথের মুখ থেকে হৃশ্চিস্তার ঘন মেঘ অপসৃত হ’ল।
বিনয়কে হাত ধরে নিজের পাশে বসিয়ে বললেন, “যে বস্তু
তুমি জয় করেছ সে বস্তুর তুমি অধিকারী;—অধিকারী
বলে তোমার প্রতি আমার বিশ্বাস না হলে আমি
তোমার হাতে কমলাকে দান করতাম না। তুমি
গৃহ-হীন তা আমি জানি—তুমি ধনবান নও তাও
আমি জানি—কিন্তু তোমাকে আমি উইলু করে অথবা
দান-পত্র করে আমার সম্পত্তি দিচ্ছি বিনয়! যে
জিনিস তুমি নিজে জয় করে অধিকার করেছ তাই আমি
তোমাকে দিচ্ছি,—এ অনুগ্রহের দান নয়। আমার কথা
বিশ্বাস না হয়, আমি বাইরে যাচ্ছি, তুমি কমলাকে জিজ্ঞাসা
করে দেখ।”

সমস্ত ঘরখানা একটা অপরিমিত বিস্ময়ের উৎকর্ষায়
তম্ভম্ করতে লাগল। এক মুহূর্ত্ত নীরবে অবস্থান করে বিনয়
পুনরায় উঠে দাঁড়িয়ে বললে, তবে “আমাকে এই আশীর্বাদ
করুন, আমি যেন কমলার যোগ্য হ’তে পারি।”

দ্বিজনাথ সহাস্তমুখে বললেন, “পড়েছ ত’ বিনয়, None
but the brave deserves the fair।”

আরক্তমুখে কমলার দিকে দৃষ্টিপাত করে বিনয় বললে,
“তাহলে এস কমলা, আমরা দুজনে বাবাকে এক সঙ্গে
প্রণাম করে তাঁর আলীর্বাদ ভিক্ষা করি।”

প্রণাম করবার সময় কমলা দুই বাহু দিয়ে দ্বিজনাথের
পদদ্বয় বেষ্টিত করে ধরে উচ্ছ্বসিত হয়ে কাঁদতে লাগল।
দ্বিজনাথ তাকে তুলে ধরে শান্ত করে বললেন, “আমি
তোমাদের দুজনকে আজ এই আশীর্বাদ করি যে, জীবনে
নিয়ত তোমরা একমাত্র সত্যকে অবলম্বন করে থেকে।
কোনো বিরুদ্ধ শক্তি কখনো যেন তোমাদের সত্য থেকে
বিচ্যুত করতে না পারে। যথার্থ মিলন তোমাদের আজ
হয়ে গেল, সামাজিক অনুষ্ঠান তোমাদের মা সীলোন
থেকে ফিরে এলে হবে। এখন আমি নিশ্চিত;—এখন
আমি পরিতৃপ্ত।”

পশ্চিম গগন অন্তগামী সূর্য্যাকিরণে আরক্ত হয়ে
উঠেছিল—তার কিরণে উদ্ভাসিত গেটের পাশে একটা লাল
স্থলপদ্মের গাছ তার অসংখ্য রক্তপুষ্প নিয়ে এই সহসা-সংঘটিত
মিলন-অভিনয়ের সাক্ষা হয়ে রইল।

বিনয়কে স্নানাহার করে রাতে খাবার জন্তে দ্বিজনাথ
অনুরোধ করলেন—কিন্তু বিনয় স্বীকৃত হ’ল না। একটা
তীব্র উল্লাসের উত্তেজনায় সে এমন একটা অবসন্নতা বোধ
করছিল যে, একটু বিশ্রামের এবং নির্জীনতার জন্তে তার
চিত্ত অধীর হয়ে উঠেছিল। এক পেয়াল চা এবং সামান্য
কিছু খাবার খেয়ে সে ঘাবার জন্তে প্রস্তুত হ’ল।

মনের অপরিমিত আনন্দে দ্বিজনাথ অতিশয় উৎসাহ
বোধ করছিলেন; বললেন, “চল বিনয়, তোমাকে আমি
পৌছে দিয়ে আসি।”

বিনয় এবং দ্বিজনাথ প্রস্থান করবার ঘণ্টাখানেক পরে
রিকিষা থেকে সস্তোষ ফিরে এল। সংবাদ পেয়ে পদ্মসুখী
তাকে ভিতরে ডাকিয়ে পাঠালেন।

অন্দরে উপস্থিত হয়ে সস্তোষ পদ্মসুখীর ঘরে আসন
গ্রহণ করলে তার সামনে একজন ভূতা চা এবং খাবার
রেখে গেল।



সন্তোষ বললে, “আসবার আগেই অনেক খাবার টাবার খেয়ে এসেছি ঠাকুমা,—আর কিছু খাব না।”

পদ্মমুখী সহাস্ত প্রসন্নমুখে বললেন, “তা না খাও না খাবে, কিন্তু আমাকে কি খাওয়াবে বল ?—খোস-খবর আছে।”

সন্তোষ স্মিতমুখে বললে, “আপাতত বদিনাথের পেঁড়া। তারপর ক্রমশ কালীর চম্চম থেকে আরম্ভ করে কৃষ্ণ-নগরের সরপরিয়া পর্যন্ত সমস্ত। কিন্তু কি খোস-খবর তা বলুন। কমলার বিষে বিনয়ের সঙ্গে ?”

সন্তোষ জান্ত এ কথাটা উপস্থিত অবস্থায় একেবারেই পরিহাস, এবং এ পরিহাসে পদ্মমুখী উত্তেজিত হবেন।

পদ্মমুখী ক্রকুঞ্চিত করে বললেন, “বোলো না অমন অলক্ষণে কথা! তা হলে কি কি-খাওয়াবে জিজ্ঞাসা করতাম ?—একেবারে হুভরি আফিমের ফরমান দিতাম।” তারপর প্রসন্নমুখে বললেন, “কমলার বিষে বটে, কিন্তু সে তোমার সঙ্গে।”

এ বিষয়ে অনেকখানি আশা থাকলেও সম্প্রতি সন্তোষের মনে অনেকখানি আশঙ্কাও স্থানাধিকার করেছিল। উৎফুল্ল মুখে সে বললে, “আরো খুলে বলুন ঠাকুমা।”

তখন খানিকটা রং আর খানিকটা পালিশ দিয়ে পদ্মমুখী দ্বিপ্রহরে দ্বিজনাথের সঙ্গে তাঁর যে কথোপকথন হয়েছিল বিবৃত করলেন; বললেন, “শুভকর্মে বিলম্ব করো না—সেই পটোটাকে নিয়ে দ্বিজ বদিনাথ পৌঁছে দিতে গেছে—ফিরে এসেই তোমাকে সব কথা বলবে। কালই যাতে তোমাকে দ্বিজ আশীর্বাদ করে তার ব্যবস্থা আমি করব। তারপর তুমি যদি আমাকে ভার দাও ত’ তোমার পক্ষ হয়ে আমি কমলাকে আশীর্বাদ করে রাখব। কি বল ?”

সন্তোষ হাসিমুখে বললে, “আপনার আশীর্বাদেই যখন কমলাকে পাওয়া সম্ভব হয়েছে, তখন কমলাকে আপনি আশীর্বাদ করবেন, সে ভার কি আমাকে দিতে হবে ঠাকুমা? আপনি কমলাকে আশীর্বাদ করবেন আপনার নিজের মর্যাদায়।”

সন্তুষ্ট হয়ে পদ্মমুখী বললেন, “আচ্ছা, তাহলে তাই ঠিক রইল।”

আরো কিছুক্ষণ কথোপকথন এবং পরামর্শের পর

সন্তোষ বাইরে এসে বারান্দায় বসল;—মনে হ’ল বাগানের একপ্রান্তে একটা শিলাখণ্ডের উপর কমলা বসে রয়েছে;—গাছপালার অবকাশ দিয়ে তার লালপাড় শাড়ীর অংশ দেখা যাচ্ছে। প্রথমে মনে হ’ল আজ যখন সন্ধ্যার পর সমস্ত কথা পাকা হবার কথা রয়েছে তখন তার পূর্বে কমলার সহিত কোনো কথা না হওয়াই ভাল; কিন্তু সন্তোষ তার উত্তত হৃদয়ের আবেগকে রোধ করতে পারলে না। ধীরে ধীরে কমলার সমীপে উপস্থিত হ’য়ে মৃদুস্বরে ডাকলে, “কমলা!”

কমলা সন্তোষের আগমন জানতে পেরেছিল; বললে, “আজ্ঞে ?”

“তোমাকে একটা প্রশ্ন জিজ্ঞাসা করতে এলাম কমলা!” চকিত হ’য়ে কমলা বললে, “কি প্রশ্ন ?”

সহাস্তমুখে প্রসন্নস্বরে সন্তোষ বললে, “আজ আমাদের হৃদয়ের মধ্যে কে বেশি সুখী—তুমি, না আমি,—তাই জিজ্ঞাসা করতে এসেছি।”

সন্তোষের কথা শুনে দুঃখে, ভয়ে, লজ্জায় কমলার হৃদয় মথিত হ’য়ে উঠল। এই নিরতিশয় সঙ্কটের অবস্থায় সে কি বলবে, কি করবে কিছুই বুঝতে না পেরে অবসন্ন হ’য়ে পড়ল।

ক্ষণকাল অপেক্ষা করে সন্তোষ বললে, “আমিই বেশি সুখী, কারণ আজ আমি তোমাকে পাব। আজ রাত্রে তোমার বাবা আমাকে আমার সর্বশ্রেষ্ঠ সৌভাগ্যের কথা জানাবেন। তুমি আমার জীবনের আলো কমলা, আজ আমার জীবন আলোকিত হবে, ঠিক যেমন এই ফুলের বাগান আলোকিত হ’য়ে উঠল মোটারের আলোয়।”

দ্বিজনাথের মোটর কম্পাউণ্ডে প্রবেশ করেছিল। সঙ্কট হ’তে অপ্রত্যাশিত ভাবে উদ্ধার লাভ করে কমলা তাড়াতাড়ি উঠে দাঁড়িয়ে বললে, “বাবা এসেছেন, চলুন।” ব’লে আর উত্তরের জন্ত অপেক্ষা না করে দ্রুতপদে অগসর হ’ল।

কমলা যেখানে বসেছিল সেখানে বসে প’ড়ে সন্তোষ মনে মনে বললে, “হে শিলাময়ী ধরিত্রী, তুমি আমাদের উভয়ের অটল মিলন-কেন্দ্র হও।”

(ক্রমশঃ)

পুস্তক সমালোচনা

সতী—ডাঃ নরেশচন্দ্র সেন গুপ্ত প্রণীত। ২৮৩ পৃষ্ঠা,—মূল্য আড়াই টাকা। প্রকাশক—শ্রীঅভয়হারি শ্রীমানি ২০৪, কর্ণওয়ালিস্ ট্রীট, কলিকাতা।

বিচিত্রতার প্রথম বর্ষে এই উপন্যাসখানি ধারাবাহিক ভাবে মাসে মাসে বিচিত্রায় প্রকাশিত হইয়াছিল। সুতরাং বিচিত্রার অনেক পাঠক-পাঠিকা এই উপন্যাসখানির সহিত পরিচিত।

নরেশ বাবু বাঙলা সাহিত্যে খ্যাতিমান ঔপন্যাসিক; তাঁহার লেখার সহিত পরিচিত নন বাঙলা সাহিত্যে এমন পাঠক-পাঠিকা অল্প। শক্তিমান লেখকের এ উপন্যাসখানি পাঠ করিয়া পাঠক তৃপ্তিলাভ করিবেন, তাহাতে সন্দেহ নাই।

ভূমিকায় গ্রন্থকার বলিয়াছেন, “‘সতী’ একটি সাধ্বী চরিত্রবতী নারীর জীবন-কাহিনী। বাঙ্গলার নারী সমাজে এ চরিত্রের যদি সমাদর না হইয়া থাকে তবে সেটা বাঙ্গালী নারীর এত বড় কলঙ্কের কথা যে আমি তাহা কোনও মতেই মানিয়া লইতে পারি না। অথচ কোনও সাময়িক পত্রে কোনও নারীর স্বাক্ষর দিয়া এই কথাই বলা হইয়াছে!’

প্রবীণ উপন্যাস-লেখক হইয়া নরেশ বাবুর এরূপ আক্ষেপ করা উচিত হয় নাই। প্রচলিত সংস্কার এবং মত-বাদের দ্বারা নিয়ন্ত্রিত বর্তমান সমাজের মুখাপেক্ষী হইয়া কোন বিশিষ্ট ঔপন্যাসিক অথবা দার্শনিক নূতন সত্য প্রচার করেন? সে সত্যের প্রভা বর্তমান সমাজের তমসাচ্ছন্ন চক্ষু যদি সহ্য না করিতে পারে ত সে দোষ ঔপন্যাসিক অথবা দার্শনিকের নয়। তবে সত্য যেন সত্যই সত্য হয়;—মিথ্যার উপর কপট যুক্তির গির্জা না হয়। কিন্তু, সত্য-মিথ্যা বিনির্গয়ের একটা অচল পরীক্ষাই বা কোথায় আছে? সত্য-মিথ্যা নিরূপিত হয় জন-সাধারণের অধিকাংশের উপলক্ষের দ্বারা, বিচারের দ্বারা সব সময়ে নয়। সুতরাং যিনি সত্যের নূতন মূর্তি প্রকাশ করেন তাঁহাকে অনেক সময়ে জনসাধারণের অধিকাংশের কাছেই লাঞ্ছনা ভোগ করিতে হয়। অতএব কোনও সাময়িক পত্রে কোনও

একটি নারী কি বলিয়াছেন তদ্বারা বিচলিত হইবার কিছু নাই।

চুষক—রায় সাহেব জগদানন্দ রায় প্রণীত। ৮৬ পৃষ্ঠা, মূল্য বারো আনা। প্রকাশক—শ্রীকালী-কিন্দর মিত্র, ইণ্ডিয়ান প্রেস লিমিটেড, এলাহাবাদ।

চুষক সম্বন্ধে বৈজ্ঞানিক তথ্যপূর্ণ ছেলেদের জন্য একটি চমৎকার পুস্তক। বৈজ্ঞানিক সন্দর্ভ রচনার জগদানন্দ বাবু সিদ্ধহস্ত। সহজ সরল প্রণালীতে বিজ্ঞানের কঠিন সমস্যাগুলিকে সাধারণের বোধগম্য করিতে তাঁহার মত ক্ষমতালালী লেখক বাংলাদেশে অতি অল্পই আছেন। পুস্তক খানি আন্তোপান্ত পড়িয়া আমরা দেখিয়াছি চুষক সম্বন্ধে সমস্ত কথাই ইহাতে চিত্তাকর্ষক ভাবে বলা হইয়াছে।

পুস্তকখানিতে দুইটি ক্রটি আমরা লক্ষ্য করিলাম। প্রথমত—পুস্তকে ব্যবহৃত চিত্রগুলির বিভিন্ন অংশ নির্দেশ করিবার জন্য ইংরাজী বর্ণমালার অক্ষর ব্যবহৃত করা হইয়াছে, ইহার কারণ মনে হয় চিত্রগুলি ইংরাজী পুস্তক হইতে অপরিবর্তিত ভাবে গ্রহণ করা হইয়াছে। বাঙলা অক্ষর ব্যবহার করিলে, যাহারা ইংরাজী বর্ণমালার সহিত পরিচিত নন তাঁহাদের এই পুস্তক পাঠ করিতে অসুবিধা হইত না। দ্বিতীয়ত, পুস্তকে সাধুভাষা ব্যবহার না করিয়া চলিত ভাষা ব্যবহার করিলে বালক-বালিকাদের পক্ষে আরও প্রাঞ্জল হইত।

বই খানির ছাপা, কাগজ, বাঁধাই এবং প্রচ্ছদপট দেখিলে মনে হয় না যে ভারতবর্ষে বইখানি প্রস্তুত হইয়াছে। ইণ্ডিয়ান প্রেস লিমিটেড কোম্পানীর অপ্রতিপক্ষ গোরব এ পুস্তকে অক্ষুণ্ণ রহিয়াছে।

তাপ—রায় সাহেব জগদানন্দ রায় প্রণীত। ১৫১ পৃষ্ঠা, মূল্য ১।০ টাকা। প্রকাশক—শ্রীআণ্ডতোষ ধর, আণ্ডতোষ লাইব্রেরী, ৫ নং কলেজ স্কোয়ার, কলিকাতা।

জগদানন্দ বাবুর চুষক বইখানির রচনা বিষয়ে উপরে আমরা যে অভিমত প্রকাশ করিয়াছি এ পুস্তকটি সম্বন্ধেও



সেই অভিমত প্রযোজ্য। এরূপ পুস্তক বাঙালী ভাষায় যত প্রকাশিত হয় দেশের ততই মঙ্গল। এই অবসরে প্রকাশকগণকেও আমরা আমাদের ধন্যবাদ জ্ঞাপন করিতেছি। আশা করি তাঁহারা ক্রমশ এই শ্রেণীর আরও পুস্তকাবলী প্রকাশিত করিবেন।

দীপান্বিতা—শ্রীহেমচন্দ্র বাগচী প্রণীত। মূল্য দেড় টাকা। প্রকাশক—শ্রীদিলীপকুমার বাগচী। ৪৮ই, রামধন মিত্র লেন, কলিকাতা। প্রাপ্তিস্থান—বরদা এজেন্সী, কলেজ ষ্ট্রীট মার্কেট, কলিকাতা।

বর্তমান কালে ক্ষমতাশালী যে তরুণ কবিগণের সহিত আমরা পরিচিত তাঁহাদের মধ্যে হেমবাবুর স্থান অনেক উচ্চ। কোনো মাসিকের পৃষ্ঠায় ইঁহার কবিতা চোখে পড়িলে তাহা উপেক্ষা করিয়া পাতা ওঁটানো যায় না, ইহা কবিতা-প্লাবিত মাসিকের যুগে কম প্রশংসার কথা নহে।

দীপান্বিতার কবিতাগুলি সুমার্জিত, সুকল্পিত। ছন্দ ও মিলের প্রতি একান্ত নিষ্ঠা, কবিতাগুলি রচিত করিবার বিষয়ে কবির যত্ন-সহিষ্ণুতাও পরিচয় দেয়,—কিন্তু তজ্জগৎ কবিতার সাবলীল গতি কোথাও বাধা পায় নাই।

হেমচন্দ্র অলঙ্কারের পক্ষপাতী ;—অধুনা-নির্দিত অমুপ্রাসের প্রতিও ইঁহার লোভ কম নয়,—যথা ‘ভঙ্গে ভঙ্গে মহারাজে জটিল আবর্তে তাই নবোন্মেষ-উদ্বেল উদ্ভাস।’ কিন্তু অলঙ্কার ব্যবহার করিবার সুকৃতির গুণে ইনি অলঙ্কার ব্যবহার করিবার বিপদ হইতে পরিত্রাণ পাইয়াছেন।

দীপান্বিতার কাগজ, ছাপা, বাধাই এবং মুদ্রণ-রীতি প্রশংসার্হ।

কল্যাণ-প্রদীপ—শ্রীমতী মোক্ষদা দেবী প্রণীত। ১৬ পে: ড: ক্রা:—৪২৯ পৃষ্ঠা; মূল্য তিন টাকা। প্রকাশক—শ্রীমতীশ চন্দ্র মুখোপাধ্যায়, ব্যারিষ্টার, ৭ নং ওল্ড পোষ্ট অফিস ষ্ট্রীট, কলিকাতা।

পুস্তকখানি মাতামহী কর্তৃক লিখিত ৮ ক্যাপ্টেন্ কল্যাণ কুমার মুখোপাধ্যায় আই. এম, এস-এর জীবন-কাহিনী। গত তুর্ক-ব্রিটিশ যুদ্ধে কল্যাণকুমার জেনারেল টাউশেণ্ডের

সহিত উত্তর ইরাকে তুরস্ক সেনা কর্তৃক অবরুদ্ধ হন এবং অবরোধকালে মাত্র চৌত্রিশ বৎসর বয়সে টাইফস রোগে তথায় মারা যান। যুদ্ধক্ষেত্রে কল্যাণকুমার সাহসিকতা এবং কর্তব্যপরায়ণতা দেখাইয়া যে খ্যাতি ও সম্মান লাভ করিয়াছিলেন তাহা, এবং কল্যাণকুমারের আশৈশব জীবন-কাহিনী এই পুস্তকে স্থান পাইয়াছে।

বাঙালীর সাধারণ বৈচিত্রাহীন জীবন যাপনের মধ্যে বাঙালী সাহিত্যে এ শ্রেণীর পুস্তক প্রকাশিত হইবার সুযোগ অল্প; সে হিসাবে এ পুস্তকখানি আদরনীয়। তাহা ছাড়া, ভারত প্রাঞ্জলতায় এবং বিবর্তির সহজ ভঙ্গিতে পুস্তকটি সুখ-পাঠ্য হইয়াছে। পুস্তকের শেষাংশ যুদ্ধক্ষেত্রের কথায় কৌতুহলোদ্দীপক।

পুস্তকটিতে পনেরোখানি চিত্র ও দুইখানি মানচিত্র সন্নিবেশিত হইয়াছে।

জমা-খরচ—শ্রীঅসমঞ্জ মুখোপাধ্যায় প্রণীত। ১৫০ পৃষ্ঠা—মূল্য দেড় টাকা। প্রকাশক—শ্রীরাধেশ রায়, পি ১৫৯ রসারোড, কালীঘাট, কলিকাতা।

পাঁচখানি গল্প লইয়া এখানি একটি গল্পের বই। অসমঞ্জ বাবুর গল্পের পরিচয় বিচিত্রার নিয়মিত পাঠকবর্গকে দিতে হইবে না, তাহা এই পুস্তকের প্রকাশকের নিবেদন পাঠ করিলেই বুঝা যাইবে। এই গ্রন্থের পাঁচটি গল্পের মধ্যে চারটি গল্প বিচিত্রায় প্রকাশিত হইয়াছিল। এই লেখকের লেখা পাইয়াই আমরা তাঁহার শক্তি উপলব্ধি করি, এবং বিচিত্রায় উপর্যুপরি তাঁহার গল্প প্রকাশিত হওয়ায় বাঙালী পাঠক শ্রেণীর সহিত তাঁহার যথার্থ-পরিচয় স্থাপিত হয়, তাহা প্রমাণিত হইবে প্রকাশকের নিবেদনের নিম্নোক্ত অংশ হইতে :—“* * * লেখকের ‘ঘাড়করী’ নামক গল্পটি ‘বিচিত্রায়’ প্রকাশিত হইয়া সাহিত্যসমাজে যথেষ্ট সমাদৃত হয়। ‘ঘাড়করী’ হইতেই লেখকের ‘রজদ-মর্যাদা’ নিরূপিত হইয়া যায়। তারপর ‘জমা-খরচ’ প্রকাশিত হয় ‘বিচিত্রা’তে। ‘জমা-খরচ’ প্রকাশিত হইলে লেখকের যশ চতুর্দিকে ব্যাপ্ত হইয়া পড়ে।”

এ পুস্তকখানি বাঙালী কথা-সাহিত্য-ভাণ্ডারে সাদরে স্থানলাভ করিবে।

পৌরোহীত—শ্রীশচীন্দ্রলাল রায় এম, এ, প্রণীত। ৮৭ পৃষ্ঠা—মূল্য আট আনা। প্রকাশক—শ্রীগোপাল দাস মজুমদার, ডি, এম, লাইব্রেরী, ৬১ নং কর্ণওয়ালিস্ স্ট্রীট, কলিকাতা।

গল্প পুস্তক। দুইটি বড় গল্পে এ বইখানি সমাপ্ত;—
দুইটি গল্পই আমাদের ভাল লাগিয়াছে। ভাবা সুন্দরিত, ভঙ্গী সুসজ্জিত, মনস্তত্ত্ব পরিমিত,—সাহিত্য-রস-পিপাসু এ বইখানি পাঠ করিয়া সুখী হইবেন।

বইখানির ছাপা বাধাই এবং কাগজের পক্ষে মূল্য স্থলভ।

মেয়েদের কথা—শ্রীহেমলতা দেবী প্রণীত। ৭৪ পৃষ্ঠা, মূল্য আট আনা। প্রকাশক—শ্রীধীরেন্দ্রপ্রসাদ সিংহ; সরোজনলিনী দত্ত নারী-মঙ্গল-সমিতি, ৪৬ নং বেনিয়াটোলা লেন, কলিকাতা।

‘বঙ্গলক্ষ্মী’ সম্পাদিকা সুলেখিকা শ্রীমতী হেমলতা দেবী প্রণীত এই সারগর্ভ পুস্তকখানি পাঠ করিয়া আমরা অতিশয় সুখী হইয়াছি। সমস্ত পৃথিবী ব্যাপিয়া এখন নারী-জাগরণের বিপ্লব আরম্ভ হইয়াছে। একদল নারী স্ত্রীপুরুষের মধ্যে সর্ববিধ অসাম্য মোচন করিয়া প্রগতির পথে যাহা কিছু বাধা বিঘ্নের রূপে উপস্থিত হইবে তাহাকে দলিত এবং লজ্জিত করিয়া স্বাধীনতার অভিন্ন ক্ষেত্রে প্রবেশ করিবার জন্ত দৃঢ়সঙ্কল্প হইয়াছেন। আমাদের দেশের নারীদের মধ্যেও এ চাঞ্চল্যের লক্ষণ প্রকাশ পাইয়াছে। বর্তমান সময়ে কেবল নারীগণের পক্ষেই নহে, পুরুষদের পক্ষেও এ বইখানি পড়িয়া দেখা একান্ত আবশ্যিক বলিয়া আমরা মনে করি। এই পুস্তকগুলির অতি প্রয়োজনীয় নিবন্ধগুলির মধ্যে যুক্তির এবং ত্রায়ের এমন একটি অমুক্ত প্রভাব বর্তমান যে, যাহারা অপরিমিত নারী-প্রগতির সমর্থক এবং যাহারা নন, উভয় শ্রেণীই এই পুস্তকে ভাবিয়া দেখিবার মত অনেক জিনিস পাইবেন।

স্ত্রীপুরুষ নির্বিশেষে আমরা সকলকে এই পুস্তকখানি পাঠ করিতে অনুরোধ করি।

দীপ-শিখা—শ্রীমতিলাল দাশ প্রণীত। ৮০ পৃষ্ঠা মূল্য আট আনা। প্রকাশক—শ্রীতারাপদ দাশগুপ্ত এম, এ, বেঙ্গল পাবলিশিং কোং, ২ নং কলেজ স্কোয়ার, কলিকাতা।

এখানি একটি কবিতা পুস্তক। কবিতাগুলি পড়িলে মনে হয় গ্রন্থকার এ পুস্তকে তাঁহার প্রথম উন্মেষের সৃষ্টি হইতে পরিণত কালের লেখা পর্যাস্ত সমস্ত লেখাই অন্তর্ভুক্ত করিয়াছেন। বিভিন্ন কবিতার মধ্যে রচনা-কৌশলের অসমতা লক্ষিত হয়। যাহা হউক, কয়েকটি কবিতা পাঠ করিয়া লেখকের কবিত্বশক্তির পরিচয় পাইয়া আমরা সুখী হইয়াছি। নিজের স্বকীয়তার পথে অকুণীলন করিলে লেখক সফলতা লাভ করিবেন বলিয়া আমাদের বিশ্বাস।

ভারতের শিক্ষা—শ্রীবিষ্ণুপদ চক্রবর্তী সঙ্কলিত। মূল্য চার আনা। প্রকাশক—শ্রীবিষ্ণুপদ চক্রবর্তী, চক্রবর্তী সাহিত্য ভবন, বজ্-বজ্, পোঃ বজ্-বজ্, ২৪ পরগণা।

উপনিষদ্ এবং স্মৃতি-গ্রন্থসমূহ হইতে নিৰ্বাচিত উপদেশাবলী এবং তাহার সরল বঙ্গানুবাদ।

চার আনা ব্যয়ে এ পুস্তিকার ক্রেতা বহুমূল্য জ্ঞান-রত্ন লাভ করিবেন।

বিবাহ-কল্যাণ—শ্রীবিষ্ণুপদ চক্রবর্তী প্রণীত। মূল্য ছয় আনা। প্রকাশক—শ্রীবিষ্ণুপদ চক্রবর্তী, চক্রবর্তী সাহিত্য-ভবন, বজ্-বজ্, পোঃ বজ্-বজ্ ২৪ পরগণা।

বিবাহের মন্বাদি হইতে সংগৃহীত অংশ এবং তাহার সরল বঙ্গানুবাদ। রঙিন কালীতে মুদ্রিত এবং সুদৃশ্য কভার সংযুক্ত। এ বইখানি বিবাহকালে বর-বধুকে উপহার দিবার উপযুক্ত।

স্যানাটোজেন পণ্ডিতিকা—সন ১৩৩৬ প্রকাশক—দি ক্যালক্যাটা ট্রেডিং কোম্পানী, ৭২-২, লোয়ার সার্কুলার রোড, কলিকাতা।

পরিচ্ছন্ন ভাবে মুদ্রিত এই দিন-পঞ্জিকাটির মধ্যে নূতনত্বের স্পর্শ আছে।

নানাকথা

রবীন্দ্রনাথ

আগামী ১লা জুন, শনিবার শ্রীযুক্ত রবীন্দ্রনাথ ঠাকুর মহাশয় জাপান হইতে কলম্বো পৌঁছিবেন এইরূপ কথা আছে। কলিকাতায় কবে পৌঁছিবেন তাহার এখনও স্থিরতা নাই।

ক্যানাডায় অবস্থান কালে রবীন্দ্রনাথ তদেশবাসীগণের নিকট প্রভূত সম্মাননা এবং অভ্যর্থনা পাইয়াছিলেন। ভ্যানকুভারের জাতীয় শিক্ষা-পরিষদের সম্মেলনে গ্রেট-ব্রিটেন, ক্যানাডা, অষ্ট্রেলিয়া, ভারতবর্ষ, দক্ষিণ-আফ্রিকা, নিউজিল্যান্ড, জাপান, ফ্রান্স, জার্মানী, ইটালী এবং জেকো-শ্লোভাকিয়া হইতে সদস্যগণ উপস্থিত হইয়াছিলেন। ইহাদের মধ্যে রবীন্দ্রনাথই সর্বোচ্চ স্থান গ্রহণ করিয়াছিলেন। অধিবেশনের প্রথম কয়েক দিবসে তিনিই প্রধান বক্তা ছিলেন—এবং স্থানীয় সংবাদপত্রসমূহে তাঁহার বিস্তারিত বিবরণ প্রকাশিত হইত।

যে সম্মাননা রবীন্দ্রনাথকে প্রদর্শিত হইত, তাহা যে শুধু ব্যক্তিগতভাবে তাঁহার মহত্বের মর্যাদাই নহে, পরন্তু ভারতবর্ষের প্রতি ক্যানাডার সৌহার্দ্যেরও নিদর্শন, তাহা ক্রমশই সুস্পষ্ট হইয়া উঠিয়াছিল। ক্যানাডাবাসীগণের মুখে রবীন্দ্রনাথের কথা ক্রমশঃ ভারতবর্ষের কথা হইয়া দাঁড়াইয়াছিল; তাঁহারা ভারতবর্ষকে ক্যানাডার জাতি-ভ্রাতা জ্ঞানে ভারতবর্ষের সহিত ক্যানাডার ঘনিষ্ঠতর পরিচয় বাঞ্ছনীয় বলিয়া মনে করিয়াছেন।

পূর্বে ক্যানাডার এবং প্রধানতঃ ভ্যানকুভার ও ভিক্টোরিয়ার জন-সাধারণ মনে করেন যে, রবীন্দ্রনাথের আগমন হেতু ভারতবর্ষের প্রতি এবং ক্যানাডার ভারতবর্ষীয় বাসিন্দাদিগের প্রতি তাঁহাদের মনোভাব বিশেষভাবে পরিবর্তিত হইয়াছে; ইহার দ্বারা বিশিষ্ট সামাজিক এবং রাজনৈতিক লাভ অর্জিত হইবে বলিয়া তাঁহারা মনে করেন।

শিক্ষা পরিষদের সম্মেলনে রবীন্দ্রনাথ মনীষিতায় সকলকেই অতিক্রম করিয়াছিলেন। তাঁহার বক্তৃতা এবং বাণী, চিন্তার প্রগাঢ়তা এবং অভিব্যক্তির বৈচিত্র্য হেতু সাধারণের পক্ষে জীবৎ কঠিন হইলেও, উপমা এবং উদাহরণের দ্বারা সহজ-বোধ্য হইয়া সকলের নিকট বিশেষভাবে উপভোগ্য হইয়াছিল। কবির সুদর্শন মূর্তি এবং সুমধুর বাণী জন-সাধারণকে যে অপরিমিত আনন্দ দিয়াছিল, তেমন আনন্দ পশ্চিম ক্যানাডার অধিবাসীগণের অদৃষ্টে কদাচিৎ ঘটয়াছে।

সম্মেলনের শেষভাগে একদিনের একটি ঘটনা হইতে কবির প্রতি ভ্যানকুভারবাসীগণের অমুরাগ প্রতীয়মান হইবে। একটি সিনেমা-রঙ্গালয়ে জার্মান যুব-সঙ্ঘের ভারত পরিভ্রমণের চিত্র দেখান হইতেছিল। শাস্ত্র-নিকেতনের চিত্রাভিনয়কালে হঠাৎ এক সময়ে দেখা গেল রবীন্দ্রনাথ আবির্ভূত হইয়া প্রসন্ন হাস্যে জার্মান অতিথি-দিগকে অভিযুক্ত করিতেছেন। রবীন্দ্রনাথের সুপরিচিত মূর্তি দৃষ্টি-গোচর হইবামাত্র দর্শকমণ্ডলী বিপুল উচ্ছ্বাসে হর্ষধ্বনি করিয়া উঠেন। প্রায় তিন মিনিট কাল রবীন্দ্রনাথকে দেখা গিয়াছিল,—এই সময়ে দর্শকগণ বারম্বার হর্ষধ্বনির দ্বারা রবীন্দ্রনাথের প্রতি তাঁহাদের অমুরাগ ব্যক্ত করিয়াছিলেন।

ক্যানাডা হইতে বিদায়কালে ভ্যানকুভার থিয়েটারে বিপুল শ্রোতৃ-মণ্ডলীর সম্মুখে দাঁড়াইয়া রবীন্দ্রনাথ ক্যানাডার প্রতি তাঁহার বাণী প্রচার করেন। তিনি বলেন, “প্রাচীন সভ্যজাতির অননুরূপ—যে প্রাচীন সভ্যজাতিসমূহ পরিপ্রান্তির মোহবশতঃ নিদেহ-পীড়িত এবং অধ্যাত্মবোধ-বর্জিত হইয়া পড়িয়াছে—ক্যানাডা এখন তরুণতায় অবস্থান করিতেছে;—তাঁহার ধর্মের নবীনতা নূতনভাবে জগৎকে নির্মাণ করিবার উপযোগী।”

রবীন্দ্রনাথের বিদায়-বাণী সমাপ্ত হইলে বিপুল উল্লাস-

ধ্বনির দ্বারা দর্শক-মণ্ডলী তাঁহাদের আনন্দ জ্ঞাপন করেন।

রবীন্দ্রনাথের ক্যানাডা দর্শন ক্যানাডা ও ভারতবর্ষকে ব্রিটিশ-জাতীয়-সাম্রাজ্যের অন্তর্ভুক্ত হইতে মৈত্র রাজ্য করিবার কারণ হইবে বলিয়া ক্যানাডাবাসীগণের বিশ্বাস।

আমরা লানন্দে এবং সশ্রদ্ধায় রবীন্দ্রনাথকে অভিনন্দিত করিতেছি।

ঊনবিংশ বঙ্গীয় সাহিত্য সম্মেলন

গত ১৭ই বৈশাখ আশুতোষ কলেজ গৃহে দক্ষিণ কলিকাতা বাসিন্দার একটি সাধারণ সভার অধিবেশন হইয়াছিল। শ্রীযুক্ত বিপিনচন্দ্র পাল মহাশয় সভাপতির আসন গ্রহণ করেন। মহামহোপাধ্যায় দুর্গাচরণ সাংখ্যাতীর্থ মহাশয়ের প্রস্তাবে, এবং মিঃ পি' চৌধুরী, শ্রীযুক্ত হরিদাস হালদার, ডাঃ নরেশচন্দ্র সেনগুপ্তর সমর্থনে দক্ষিণ কলিকাতার সাহিত্যা-মুরাগীগণ বঙ্গীয় সাহিত্য সম্মেলনের আগামী অধিবেশন সাদরে ও সম্মানে আহ্বান করিতেছেন,—শ্রীযুক্ত যতীন্দ্রনাথ বসু, পরিচালন সমিতির সম্পাদক এই নিমন্ত্রণ সাদরে গ্রহণ করিয়াছেন। উক্ত সভায় একটি অভ্যর্থনা সমিতি গঠিত হইয়াছে, তাহাতে শ্রীযুক্ত রমাপ্রসাদ মুখার্জী কোষাধ্যক্ষ ও শ্রীযুক্ত জ্যোতিন্দ্র ঘোষ আহ্বানকারী মনোনীত হইয়াছেন। অভ্যর্থনা সমিতির চাঁদা অনুন ৩ টাকা ধার্য হইয়াছে। আবশ্যিক সংবাদ ৩৫।১০ পদ্মপুকুর রোড ঠিকানায় আহ্বানকারীর নিকট পাওয়া যাইবে।

ইণ্ডিয়া হাউস অলঙ্করণ

বিলাতে ইণ্ডিয়া হাউস অলঙ্করণের জন্ত চার জন সুদক্ষ চিত্রকর বিলাতে যাইবেন স্থির হইয়াছে। এজন্ত নিম্ন-লিখিত ছয় জন শিল্পীর নাম নির্বাচিত হইয়া ভারত গভর্নমেন্ট কর্তৃক বিলাতে পাঠানো হইয়াছে :—শ্রীযুক্ত ললিতমোহন সেন, শ্রীযুক্ত ধীরেন্দ্রকৃষ্ণ দেববর্ষণ, শ্রীযুক্ত সুধাংশু চৌধুরী, শ্রীযুক্ত রণদা উকীল, মিঃ কৈজী রহমান এবং মিঃ আর, ডি, সি, সিন্দদীয়া। এই ছয় জন শিল্পীর মধ্য হইতে চার জন নির্বাচিত হইবেন। বিলাতের রয়াল

কলেজ অফ আর্টএর প্রিন্সিপ্যাল অধ্যাপক রথেনষ্টাইনের (Prof. W. Rothenstein) হস্তে চারজনকে শেষ নির্বাচিত করিবার ভার পড়িয়াছে।

নির্বাচিত শিল্পীদিগকে বিলাতে রয়েল কলেজে অধ্যাপক রথেনষ্টাইনের নিকট এক বৎসর শিক্ষানবিশী করিতে হইবে, এবং তৎপরে ছয়মাস ইতালীতে পুরাতন চিত্র দেখিয়া বেড়াইতে হইবে। পরে উপযুক্ত বিবেচিত হইলে তাঁহাদের উপর ইণ্ডিয়া হাউস অলঙ্করণের ভার পড়িবে।

৮রামপ্রসন্ন বন্দ্যোপাধ্যায়

বিগত ১৬ই বৈশাখ সঙ্গীতাচার্য্য রামপ্রসন্ন বন্দ্যোপাধ্যায় মহাশয়ের মৃত্যু হইয়াছে। ইনি সঙ্গীত-বিশারদ ৮অনন্তনাথ বন্দ্যোপাধ্যায়ের জ্যেষ্ঠ পুত্র এবং সঙ্গীতাচার্য্য গোপবন্দ্যোপাধ্যায় মহাশয়ের অগ্রজ। সমগ্র ভারতবর্ষের মধ্যে ইনি একজন খ্যাতনামা সঙ্গীতজ্ঞ ছিলেন। বিষ্ণুপুর এবং বাকুড়ার অধিবাসীগণ ইঁহার বিয়োগে ম্রিয়মাণ হইয়াছেন।

ইঁহার মৃত্যুতে বাংলা দেশের সঙ্গীতসমাজ ক্ষতিগ্রস্ত হইয়াছে সন্দেহ নাই।

নিখিল-ভারত চারুশিল্প প্রদর্শনী

আগামী জুলাই মাসে বাঙ্গালোরে মহানুরের মহারাজা বাহাদুরের আনুকূল্যে নিখিল-ভারত চারুশিল্প প্রদর্শনীর সম্মেলন হইবে। কলিকাতার ইণ্ডিয়ান সোসাইটি অফ ওরিয়েণ্টাল আর্টস এই প্রদর্শনাতে চিত্রাদি প্রেরণ করিবেন।

রাষ্ট্র ভাষা সম্মেলন

রাষ্ট্র ভাষা সম্মেলনের সাধারণ কার্য্যাদ্যক্ষ শ্রীযুক্ত বিষ্ণু দত্ত সুকলাল আশা করেন, অনতিবিলম্বে সমগ্র বঙ্গদেশ হিন্দিভাষা শিক্ষার বিদ্যালয়ে পরিণত হইবে। এ বিষয়ে উদ্যোগের চার মাসের মধ্যে কলিকাতায় চারটি (আশীজন ছাত্র) এবং দিনাজপুরে ও কুমিল্লায় একটি করিয়া হিন্দি বিদ্যালয় স্থাপিত হইয়াছে। এতদ্ব্যতীত রংপুর, মুর্শিদাবাদ বরিশাল, চাঁদপুর, বর্ধমান প্রভৃতি স্থানেও সর্ব্বিধে চেষ্টা



চলিতেছে। আসামের ভূম্যাধিকারীগণের মধ্যে কেহ কেহ হিন্দীভাষাকে তাঁহাদের সেরেস্তার ভাষা করিবেন বলিয়া ইচ্ছা প্রকাশ করিয়াছেন। আগামী ১লা এবং ২রা জুন আসামে শিবসাগরে রাষ্ট্র ভাষা সম্মেলনের অধিবেশন বসিবে।

বঙ্গদেশে এই হিন্দীভাষা প্রচার কতদূর প্রসারিত করা হইবে, এবং পরিশেষে ইহা বাংলা ভাষার বৈরী হইয়া উঠিবে কি না, তাহা প্রগাঢ় অধিনিবেশের সহিত ভাবিয়া দেখা উচিত। আমরা এ বিষয়ে স্বধীবর্গের মতামত আমন্ত্রণ করিতেছি।

শিল্পে নগ্নতা

শিল্পে নগ্নতা নিন্দনীয় নীতি বলিয়া সর্বদেশের শিল্পীগণ বহুদিন হইতে একটা অধিকার ভোগ করিয়া আসিতেছেন। সম্প্রতি পাশ্চাত্য দেশেও ইহার বিরুদ্ধে অভিমান দেখা দিয়াছে। স্কটল্যান্ডের ডনফর্মলিন্ সহরে আন্তর্জাতিক ছায়াচিত্র প্রদর্শনী হইতে একটি ফটোগ্রাফ এবং মন্ট্রোজের চারু শিল্প প্রদর্শনী হইতে দুইটি উৎকর্ষমুষ্টি অশ্লীলতা হেতু অপসৃত করার ত্তদেশীয় শিল্পীগণের মধ্যে একটা গভীর অসন্তোষ দেখা দিয়াছে। ফটোগ্রাফটি জেকো শ্লেভাকিয়ার সুবিধাত ফটোগ্রাফার ফ্রেড্রিক ড্রিটিকোব মুদ্রিত একটি নগ্ন নারীমূষ্টি, এবং মূষ্টি দুইটি স্কটল্যান্ডের খাতনামা ভাস্কর উইলিয়াম্ ল্যান্স কৃত একটি নগ্ন বালকের পরিচয়। শিল্প-প্রদর্শনী-সমিতির একজন সদস্য বলিয়াছিলেন, মূষ্টি দুইটিকে জাগিয়া না পরাইয়া কিছতেই প্রদর্শনীতে রাখা যাইতে পারে না।

মিঃ ল্যান্সের শিল্প-সৃষ্টি সমূহ রয়াল স্কটিশ্ একাডেমী এবং লণ্ডনের রয়াল একাডেমীতে প্রদর্শিত হইয়াছে, সুতরাং তিনি একজন উচ্চস্তরের শিল্পী; তথাপি তাহার শিল্প-

ধারার মধ্যে বালকের নগ্নতাও জন-সাধারণ সহ্য করিতে পারিল না।

শিক্ষকতায় নারীর অধিকার

ইংলণ্ডে লিষ্টর্ সহরে গ্রাসনাল্ অ্যাসোসিয়েশন্ অফ্ স্কুলমাষ্টার্সের অধিবেশনে স্ত্রী-শিক্ষয়িত্রী কর্তৃক বালকদিগকে মল্ল-ক্রীড়ায় শিক্ষাদানের সমীচীনতা বিষয়ে কথা উঠিয়াছিল। লীড্‌সের মিঃ এ. টি. এন. স্মিথ্ প্রস্তাব করেন যে, বালকদের হিত-কল্লে শিক্ষাপরিষদের নিয়ম করা উচিত যে বালকদের মল্ল-ক্রীড়া-শিক্ষা একমাত্র পুরুষ শিক্ষক কর্তৃক প্রদত্ত এবং পরিচালিত হইবে। ক্রীড়া-শিক্ষকগণের ক্ষিপ্র-কারী, সুকৌশলী এবং শক্তিমান হওয়া আবশ্যিক; পুরুষদের মধ্যে স্বভাবত এই গুণগুলি নারীগণের অপেক্ষা বেশি পরিমাণে আছে।

শুধু ক্রীড়াশিক্ষাই নহে, সাধারণ শিক্ষা সম্বন্ধেও বিনা বিসংবাদে কয়েকটি প্রস্তাব গৃহীত হয়, তন্মধ্যে একটির মর্ম্ম,—সমস্ত বয়স্ক বালকদের পুরুষ প্রধান-শিক্ষক এবং অগ্রাণু পুরুষ শিক্ষকদের অধীনে পুরুষ-প্রভাবের মধ্যে থাকা আবশ্যিক। অত্র একটি প্রস্তাবের মতে, যে শিক্ষানুষ্ঠানের মধ্যে বালক ও বালিকাগণের শিক্ষার জন্য বিভিন্ন বিভাগ-লয়ের ব্যবস্থা নাই সে শিক্ষানুষ্ঠান সন্তোষদায়ক হইতে পারে না।

ভ্রম-সংশোধন

এই সংখ্যার ৯৪১ পৃষ্ঠার প্রথম কলামে ২৮ লাইনে “গীতি” স্থলে “গীতি নাট্য” হইবে।

৯৪২ পৃষ্ঠায় প্রথম কলামের ৯ম লাইনে ‘অন্তরে’ এবং ‘নয়’ কথার মধ্যে এই কথাগুলি বসিবে :—

“প্রতিভাসিত হইয়া উঠিয়াছিল যে জগৎ,—সেখানে অমুভূতি সর্বস্ব”

